


**REGULA MORUM
SIVE TRACTATUS
BIPARTITUS DE
SUFFICIENTI AD
CONSCIENTIAM...**

Anthony Bonville





Ex Bibliotheca
majori Coll. Rom.
Societ. Jesu

71
10.
G
8/8

~~36-7-12~~ 36
G 36-A-13
N

R. P.
ANTONII TERILLI
ANGLI
E SOCIETATE JESU
TRACTATUS
BIPARTITVS
DE
REGVLA MORVM.

THE GREAT HALL

OF THE

UNIVERSITY

OF CAMBRIDGE

REGVLA MORVVM
SIVE
TRACTATVS BIPARTITVS
DE SUFFICIENTI
AD
CONSCIENTIAM
RITE FORMANDAM
REGVLA

IN QVO VSUS CQVSVIS OPINIONIS PRACTICE
PROBABILIS CONVINCITVR ESSE LICITVS.

AUCTORE

R. P. ANTONIO TERILLO ANGLO
SOCIETATIS JESU SACERDOTE

S. Theologiæ in Collegio Anglicano ejusdem Societatis Leodii Professore.

OPUS POSTHUMUM,

Omnibus, qui curam animarum gerunt, apprime utile, & pro propriæ Conscientiæ
securitate singulis propemodum necessarium.

*IN HOC OPERE, POST REGULAM MORVM SOLIDE STABILITAM, ARGUMENTA
contra licitum opinionis probabilis usum diligenter excutiantur, plurimæ, Quæstiones, ad Conscientiam
spectantes, resolvuntur. Nominatim autem ex professo omnia CELLADEI molimina, quæ in suis
de RECTA DOCTRINA MORVM tractatu concessit, atque contra communem Theologorum
sententiam objicit, ab ipsis fundamentis diruuntur, & nulla esse demonstrantur.*



LEODII,
EX OFFICINA TYPOGRAPHICA IOANNIS MATHIÆ HOVII,
Ad insigne Paradisi Terrestris. M. DC. LXXVII.

SVPERIORVM PERMISSV.

AVIATION/NAVY/COAST

13



REVERENDISSIMO PRÆSULI

AC DOMINO.

D. MICHAELI
VANDERSMISSEN,

DEI ET APOSTOLICÆ SEDIS GRATIA

EXEMPTI MONASTERII

SANCTI TRUDONIS

ABBATI DIGNISSIMO,

EIVSDEMQUE OPPIDI DOMINO,

TOPARCHÆ

IN WEBBECUM, HELIKTEREN, SENY, ALEM, HALMAEL,
BORLOZ, BURINGEN, MAYSSEN, DONCK, &c.



OLENNI quodam Librorum æquè ac Liberorum fato jam dudum comparatum est, REVERENDISSIME DOMINE, ut utrorumque Parentes, novos Proli mox nascituræ, hi Patri- nos illi Patronos inquirant, qui in suscepta commissorum sibi Pignorum tutela, communes omnium æqualiter parentum defectus, vel curæ additamento suppleant, vel patrocinii munimento compensent. Cæterùm nascentem hunc Ingenii Fœtum alia, proh dolor! haud paulò gravior fati necessitas, Libris etiam Liberisque non rarò communis, constringit; ut non priùs ipse lucem videat, quàm lucis suæ

E P I S T O L A

Auctorem luce spoliatum defleat. Posthumo siquidem partu editus, Parentem in medio obstetricantis praeli officio extinctum perdidit. Unde factum est, ut velut Pupillus, tacito per orbem ambitu, cogatur quærere, non tantum vicarium Patroni Favorem, verum etiam superstitem Parentis Amorem, in uno eodemque præstantis alicujus Mecænatis pectore, ab ipsa quasi Natura insculptum, & penè ingenitum. Duplici enimverò huic muneri parem, neminem planè unum inventurum se existimaverat. Cum ecce præter spem, in ipso statim primæ inquisitionis limine, occurrit Nobilissimum juxtà ac Antiquissimum *Sancti Trudonis* Monasterium; in quo Mecænatem speciali geminæ hujus Tutelæ privilegio insignem, divinâ sibi virgulâ commonstrari, cum ingente exultantis animæ lætitia, arbitratur. In Te enim, REVERENDISSIME PRÆSUL, quàm primum oculos, non sine veneratione, conjicit; & Patronum se potentissimum; & Patrem simul amantissimum invenisse certò confidit. Quem namque Patronum speret potentiorum eo, qui & lemniscatis plurimarum in stadio Theologico victoriarum palmis nobilitatus, & eminente quadam Sacræ Prælaturæ dignitate exornatus, tam sciat fallaces Sophistarum, furtivam quasi ruinam struentium, insidias erudita ingeniosæ mentis acie detegere; quàm valeat importunas antagonistarum, vim magis apertam

DEDICATORIA.

apertam inferentium, machinas invicto tantæ Auctoritatis præsidio disturbare? Quem etiam Patrem optet amantiorum eo, apud quem in jucundissimo illo *Trudonopoli* novorum quasi Fratrum convictu, propè singulos contubernii sui Collegas, quæ huc primò adventantes, quæ hinc deinde recedentes, benignissima Charitatis penè dixeram plusquam Paternæ viscera expertos non semel esse manifestâ quotannis experientiâ cognoscit? O foelicem Clientis sic deserti fortunam! O exoptabilem Pupilli sic orbati sortem! Qui idcirco in luctuosum tam inopinæ orbitatis naufragium incidit, ut prælucente sibi foelicissimâ *Sancti Trudonis* Pharo, ad inexpectatum duplicis Clientelæ portum porrectâ velut divinitus tabulâ enataret. Nam si custodem, si defensorem, si Patronum nuditatis suæ quærat; ubi certiorum, quàm in notissimo calamitatis perfugio inveniat? Si fautorem, si nutricium, si Patrem orbitatis suæ ambiat; ubi fideliorum, quàm in publico Charitatis Asylo obtineat? Sub fortunatissimis scilicet Nominis Tui auspiciis, tantum completæ cujusdam foelicitatis cumulum, non vano sibi augurio, ominatur; quantum, si reliquum terrarum Orbem investigando peragrâisset, ne sperare quidem potuisset. Hinc ævi sempiterni perpetuitatem, hinc famæ gloriosæ celebritatem, hinc livoris maligni immunitatem, hinc defensionis justæ Patrocinium, hinc di-

* 4

lectionis

E P I S T O L A

lectionis Paternæ charitatem sibi *Nec temerè, Nec timide* præfagit. Spem perpetuitatis excitat longæva celeberrimi Monasterii antiquitas, continuo decem sæculorum curriculo confirmata. Cælebritatem conferet eximia specialis cujusdam ac Toparchicæ prærogativa Prælaturæ. Immunitatem omnium injuriarum spondet singulare Exemptionis privilegium. Patrocinium firmissimum præstabit publicis jam dudum monumentis consignata, quin imò ipsis Magisterii Laureis sublimior, eruditissimi juxtà ac ingeniosissimi Patroni doctrina. Amorem denique verè genuinum & cognatum exhibebit, non solum egregia tam benigni Parentis charitas, verum etiam conjuncta tot Charissimorum simul Filiorum dilectio; dum Pupillum hunc, simili Religiosæ Fraternitatis spiritu animatum, in idem secum communis Parentelæ consortium privilegio favoris planè singularis admittent. Eia ergò, REVERENDISSIME DOMINE, posthumi tutelam Pupilli, velut adoptatus omnium hujus Collegii Sociorum Parens, dignanter assume. Orbati Patrocinium Clientis velut Patronus, omnibus cum Doctrinæ tum Auctoritatis ornamentis insignis, benignè suscipe. Suscipe inquam, Dignissime regularis disciplinæ Antistes, hanc *Morum Regulam*; quam Auctor suus, ab omni semper opinionum novitate abhorrens, ab omni salutaris rigoris laxitate

tate

DEDICATORIA.

tate quàm remotissimus, velut antiquis Ecclesiæ moribus conformem, & communi Conscientiæ etiam religiosissimæ securitati mirum quantum consulentem, ultimo vitæ spiritu hisce curis impenso consignavit. Suscipe Posthumum hoc defuncti Pignus, vivis universi Collegii nostri votis ac desideriis Tibi consecratum. Et sic benignus annue, ut literatum hoc mortui monumentum, inscriptione Nominis Tui animatum, toti mundo eloquatur, non tantùm Patronum Te ac Parentem sibi superstitem extitisse, sed etiam universos hujus Collegii Alumnos, Clientes ac Filios Tibi & Monasterio Tuo amantissimo semper fore devotissimos. Hoc quàm humillimè vovet, hoc optat, ipso die octavo Maii, honori S. Michaëlis Archangeli Tutelaræ Vestri sacro, Anno Domini 1677.

REVERENDISSIMÆ DOMINATIONIS TVÆ,

Obsequiis semper addictissimum

COLLEGIUM ANGLICANUM
Societatis JESU Leodii.

APPRO.

APPROBATIO ORDINARII.

Placet ut imprimatur. Leodii hac 16. Junii 1676.

IOAN. ERNEST. BARO DE SVRLET
Vicarius generalis Leodiensis.

FACULTAS R. P. PROVINCIALIS.

E Go Richardus Strangius Provincialis Societatis JESU in Provincia Anglicana, potestate ad hoc mihi factâ ab Admodum R. P. Joanne Paulo Oliva Præposito nostro Generali, facultatem concedo, ut Liber, cui Titulus est REGULA MORUM, à R. P. ANTONIO TERILLO Societatis nostræ S. Theologiæ Professore compositus, quatuorque ejusdem Societatis Theologorum judicio approbatus, typis mandetur. In quorum fidem has litteras manu nostra subscriptas, & Officii nostri Sigillo munitas dedimus. Leodii 15. Junii 1676.

RICHARDUS STRANGIUS.

Locus (✠) sigilli.

INDEX

INDEX QUÆSTIONUM TOTIVS OPERIS

DE REGVLA MORVM.

PARS PRIMA.

QUÆST. I.	<i>Quis status , quod momentum & quæ sit causa præsentis contro- versæ ?</i>	Pag. 1
QUÆST. II.	<i>Vtrum opinio practicè probabilis sit recta , seu sufficiens morum Re- gula ?</i>	9
QUÆST. III.	<i>Vtrum voluntas , concordans rationi , seu conscientie invincibiliter er- ranti , sit bona ?</i>	55
QUÆST. IV.	<i>Vtrum Opus ab Errore invincibili directum sit tam bonum , quàm opus directum à cognitione verâ ?</i>	77
QUÆST. V.	<i>Vtrum Celladeus in referendâ sententiâ , quam impugnât , fideliter se gesserit ?</i>	79
QUÆST. VI.	<i>Vtrum Celladeus meritò deseruerit benignam sententiam ob auctorita- tem Sacre Scripturæ , & Sancti Augustini.</i>	82
QUÆST. VII.	<i>Vtrum congrua sint , quæ in primâ quæstione præmiali pro se & contra nos congesit Celladeus ?</i>	86
QUÆST. VIII.	<i>Vtrum praxis & decreta Romanorum Pontificum faveant benignæ sententiæ ?</i>	92
QUÆST. IX.	<i>Vtrum rigida sententia repugnet illi textui Sacre Scripturæ , Iugum meum suave est ?</i>	101
QUÆST. X.	<i>Vtrum sententia rigida saluti animarum sit noxia ?</i>	122
QUÆST. XI.	<i>Vtrum eadem sit ratio sectandi probabilia in materiâ morum , ac in materiâ fidei ?</i>	124
QUÆST. XII.	<i>Vtrum ex eo , quòd benignæ sententiæ usus semper vigerit in Ecclesiâ , rectè colligatur , illam esse veram ?</i>	128
QUÆST. XIII.	<i>Vtrum ex opinione benigna sequatur , suam cuique existimationem esse sufficientem conscientie regulam ?</i>	131
QUÆST. XIV.	<i>Vtrum benigna sententia cuilibet auctori gravi auctoritatem tribuat , Romani Pontificis aut Concilii Generalis auctoritati æqualem ?</i>	134
QUÆST. XV.	<i>Vtrum benigna sententia verè sit & meritò dicatur inimpugnabilis ?</i>	Pag. 148.
QUÆST. XVI.	<i>Vtrum benigna sententia , si concedatur esse vera , sit utilis ad consci- entiam in particulari licitè formandam ?</i>	154
QUÆST. XVII.	<i>Vtrum necesse sit homines rectè judicare posse de probabilitate , ut se- ctando probabilia non peccent ? Quique de probabilitate rectè judi- care possint ?</i>	162

QUÆST

Index Quæstionum.

QUÆST. XVIII.	<i>Verum Theologus inutiliter laboret, qui Doctrinam suæ contradic- tionem tutam putat?</i>	171
QUÆST. XIX.	<i>Verum licitum sit impugnare opinionem, quam quis tutam esse existi- mat?</i>	178
QUÆST. XX.	<i>Verum benigna sententia, tradens usum opinionum probabilium esse li- citum, ullam patiatur limitationem?</i>	183
QUÆST. XXI.	<i>Verum usus probabilium contradictoriorum æquivalet sententiæ He- racliti, qui dixit utramque simul partem contradictionis esse veram. Pag. 196.</i>	
QUÆST. XXII.	<i>Verum asserere, licitum esse in probabilibus agere & consulere contra propriam opinionem, contradictoria verificet, vel sensum non ha- beat?</i>	205
QUÆST. XXIII.	<i>Verum Probabilitas rectè definiatur per fundamentum grave?</i>	211
QUÆST. XXIV.	<i>Verum Probabilitas rectè explicetur per motum ac iudicium prudens, & per Auctores prudentes?</i>	219
QUÆST. XXV.	<i>Verum, & in quo probabile benigne sententiæ ab Academicorum pro- babili discrepet?</i>	223
QUÆST. XXVI.	<i>Verum vera probabilitas dari possit contra certum & evidens?</i>	234
QUÆST. XXVII.	<i>An & quomodo opinio, quæ erat probabilis, evadat improbabilis?</i>	242
QUÆST. XXVIII.	<i>Verum detur probabilitas pure negativa? & alia ejusmodi?</i>	246
QUÆST. XXIX.	<i>Verum utraque contradictionis pars esse possit simul probabilis?</i>	252
QUÆST. XXX.	<i>Verum intellectus opinari possit æquè & minus probabilia?</i>	274
QUÆST. XXXI.	<i>Verum subjectio intellectus ad voluntatem, probet assensum æquè aut minus probabilium esse probabilem?</i>	283
QUÆST. XXXII.	<i>Verum possimus solum probabiliter opinari probabilia?</i>	287
QUÆST. XXXIII.	<i>Verum & qualiter opinari sit nobis liberum?</i>	291
QUÆST. XXXIV.	<i>Quid sit opinari? & quæ natura opinionis?</i>	297
QUÆST. XXXV.	<i>Verum ex natura & essentia opinionis sequatur usum æquè aut minus probabilium esse licitum.</i>	305
QUÆST. XXXVI.	<i>Verum probabilitas Conscientiæ, à nobis asserta, æqualiter se habeat ad verum & ad falsum.</i>	311
QUÆST. XXXVII.	<i>Quenam sit exacta definitio probabilitatis?</i>	318
QUÆST. XXXVIII.	<i>In quo consistat essentia probabilitatis extrinsecæ?</i>	332



INDI-

I N D I C I S Q V Æ S T I O N V M. P A R S S E C U N D A.

QUÆST. XXXIX.	<i>Utrum probabile explicatum, seu opinio probabilis sufficiat pro regulanda conscientia?</i>	Pag. 1
QUÆST. XL.	<i>Vtrum qui sequitur opinionem certò probabilem formare possit conscientiam certam & evidentem, quod in tali opere non peccet?</i>	10
QUÆST. XLI.	<i>An prudentia reperiatur in probabilibus?</i>	24
QUÆST. XLII.	<i>Vtrum possimus esse certiores quòd non peccemus, quàm quòd non ponamus opus reipsà veritum per legem?</i>	38
QUÆST. XLIII.	<i>Vtrum rationabiliter & cum veritate dicantur leges non esse sufficienter promulgatae, quando probabile est, rem controversam non esse prohibitam?</i>	43
QUÆST. XLIV.	<i>Vtrum reflexè verum sit, quòd omne probabile sit licitum?</i>	57
QUÆST. XLV.	<i>Vtrum transgressio legis imputetur illis qui casus in Summam colligunt, & eos pro conscientia formanda proponunt?</i>	63
QUÆST. XLVI.	<i>Vtrum obedire liceat contra propriam opinionem?</i>	68
QUÆST. XLVII.	<i>Vtrum liceat Confessario pœnitentem absolvere contra propriam opinionem?</i>	89
QUÆST. XLVIII.	<i>Vtrum veritas sit omnibus commoda? & an ejusdem certitudo optanda sit præ illius Probabilitate.</i>	105
QUÆST. XLIX.	<i>Vtrum Ratio probabilis sit Regula humanorum actuum.</i>	107
QUÆST. L.	<i>Quæ sit Essentia Dubitationis, ac Dubii?</i>	112
QUÆST. LI.	<i>Vtrum dubitare sit nobis liberum, & an sola ratio dubitandi ad solvendam dubitationem sufficiat?</i>	119
QUÆST. LII.	<i>An, & in quo sensu æqualitas rationum & autoritatum dubitationem causet?</i>	125
QUÆST. LIII.	<i>Vtrum per ipsum non invenire veritatem satis solvantur dubia conscientia?</i>	135
QUÆST. LIV.	<i>Vtrum, & qua ratione pars tutior in dubiis sit eligenda?</i>	138
QUÆST. LV.	<i>Quomodo regula de tutiori, de reo, & de interpretandis dubiis in meliorem partem, inter se concordent?</i>	160
QUÆST. LVI.	<i>Vtrum, & cur in dubio melior sit conditio possidentis, saltem in materia Iustitiæ?</i>	169
QUÆST. LVII.	<i>Vtrum in pari causa conditio possidentis melior sit in aliis materiis præter justitiæ?</i>	176
QUÆST. LVIII.	<i>Vtrum, & quando difficultas servandi legem reddat partem minus tutam nobis licitam in dubio?</i>	183
QUÆST. LIX.	<i>Vtrum Epikeia locum habeat in dubiis?</i>	190

* *

QUÆST.

Index Quæstionum.


<u>QUÆST. LX.</u>	<i>Vtrum, & quantum malum sit ignorantia, & error?</i>	198
<u>QUÆST. LXI.</u>	<i>Vtrum necesse fuerit, ignorantias & errores à Deo prohiberi.</i>	205
<u>QUÆST. LXII.</u>	<i>Vtrum ignorantia & error aliquando sint peccatum? aliquando causa peccati?</i>	210
<u>QUÆST. LXIII.</u>	<i>Vtrum peccare possit homo, quin se peccare advertat?</i>	219
<u>QUÆST. LXIV.</u>	<i>Vtrum ille aliquando peccet, qui putat se obsequium præstare Deo?</i>	232.
<u>QUÆST. LXV.</u>	<i>Quid requiratur & sufficiat, ut ignorantia, & opus ab ignorantia causatum, sit & dicatur voluntarium, ac liberum?</i>	247
<u>QUÆST. LXVI.</u>	<i>Vtrum ignorans sit necessitatus ad peccandum? aut an habeat instantaneam libertatem non peccandi?</i>	260
<u>QUÆST. LXVII.</u>	<i>An taxari possit quantitas diligentie necessariae ut ignorantia sit invincibilis?</i>	264
<u>QUÆST. LXVIII.</u>	<i>Vtrum ex ipsa Celladei doctrina veritas benignæ sententiæ efficaciter stabilietur?</i>	276



PRÆ

P R Æ F A T I O

AD LECTOREM.



DOCTRINA de Morum regulâ, si quæ alia, & in se nobilissima est; & nobis maximè necessaria. Nobilissima quidem ob materiæ subtilitatem & excellentiam; nobis verò utilissima, ob conscientiæ quietem & securitatem, quam regula rectè & rationabiliter constituta parit; maximè quando communis, imò & unanimis omnium peritorum consensus eandem approbat. Optimè proinde hac ex parte, à paucis annis, agebatur cum Republicâ Christianâ, quando Doctores omnes cum summâ conscientiarum quiete in unam eandemque de sufficienti conscientiæ regulâ sententiam conveniebant. Sed, proh dolor! in re tanti momenti, in quam omnes omnino, futuris etiam temporibus, ut par erat, consentire debebant, gravissimæ opinantium dissensiones, non ita pridem exortæ, conscientiarum pacem turbaverunt. Nec turbarunt tantum, sed eadem aliqui scriptis suis etiamnum turbare pergunt. Quod cum ita sit, è re omnium judicavi fore, si ante disputationem inchoatam, brevem de celeberrimæ, jamque ore omnium agitatæ, circa licitum probabilium usum, controversiæ ortu & progressu historiam attexam. Res ergò ita se habuit.

Ante annum hujus sæculi 1638. omnes Authores, omnesque Ecclesiæ Doctores unanimiter asseriebant, cuique licitum esse in praxi sequi opinionem probabilem, quamvis illa esset minùs tuta quàm opposita, maximè si operans opinionem illam absoluto judicio veram esse existimaret. Hoc evidenter constat ex innumerabilium Autorum scriptis, ante annum illum editis, qui omnes in hoc puncto unanimiter conveniunt; neque enim vel unum à centum & ampliùs annis invenire erat, qui post quæstionem examinatam id in expressis terminis non tradiderat. Sed & Antiquiores Theologi faciem prætulerant; illi enim in eandem doctrinam antea conspiraverant, ut palam evinco *quest. 22. de Conscientia probabili*, ubi propria singulorum verba, quibus ipsi mentem suam satis apertè exprimunt, attuli ac ponderavi. Hoc adeo certum est, ut nec ipsa invidia ullum Auctorem ante dictum annum hætenus citare potuerit, qui veritatem hæc in dubium revocârit.

Porro veritas hæc, & unanimis Authorum conspiratio eòusque progressa est, ut omnes uno etiam ore docerent, licitum hominibus esse in praxi sequi opinionem quamcumque etiam minùs tutam, modò illa motivo probabili confirmaretur, etsi opinio contraria & tutior esset & probabilior. In hoc etiam Authores omnes conveniebant, unum si dempseris Paulum Comitolum, virum ex Societate nostrâ, sed ob doctrinæ præstantis famam in mundo literario parum celebrem, qui anno 1609. edidit *responsa moralia lib. 7.* comprehensa, qui liber in 4. prodiit Lugduni apud Cardon. In hoc libro docuit, licitum non esse sequi opinionem minùs tutam, quando opposita tutior creditur esse probabilior. Quo tamen non obstante, idem Comitulus expressè tenet, licitum esse sequi opinionem minùs tutam, modò illa sit probabilior, aut certè non minùs probabilis, quàm opposita tutior. Hic erat status Controversiæ præsentis usque ad annum Domini 1638. in quo mortuus est Cornelius Iansenius, Episcopus Iprensis. Nam post ejus obitum liber ipsius, dictus *Augustinus*, editus est. Interea autem dum ederetur, Libertus Fromundus incepit usum probabilitatum condemnare. Audiatur Caramuël in Apologemate, qui eò tempore præsens Lovanii erat, & narrat quæ ibidem tunc gesta sunt: audiatur inquam nu. 116. ubi hæc habet.

Eram Lovanii cum jam mortuo Iansenio, Exsequutores Testamenti de clandestinâ ejus Augustini editione secretissimè deliberabant. Et D. Libertus Fromundus, inter hujus novæ doctrinæ affectus Coriphæus, ut viam superventuro aperiret errori, aut verius, ut illum,

P R Æ F A T I O

nihil simile Academia Doctores prævidentibus, disseminaret, has propositiones: Probabilitatum usus, est res nova. Non potest non condemnari apud Deum, qui relinquens viam tutam insistit opinioni probabili. Opiniones quæ dicuntur aut sunt probabiles apud nos, non erunt probabiles apud Deum. Quæ, considerata Authoris intentione, æquivalent huic: Ad securitatem Conscientiæ non sufficit opinio probabilis, conatus est in Scholam protrudere. Se opposuerunt viri Probi & docti; illumq; ego impugnavi in Theologia Regulari, quam anno 1639. Brugii edidi. At postea, quando detecta larvâ, quod illa doctrina tenderet, rimari licuit, uberius, fortiusque in secunda & tertia ejusdem Operis editione. Vide Diss. 6. art. 3. num. 60. 61. & 62. ubi probabilitatum usum esse antiquissimum, securissimum, & summè utilem conscientiarum puritati & solamini ostendo. Hactenus Caramuël.

Hic habes originem doctrinæ & opinionis novæ, quæ asserit, nemini licitum esse sequi partem minus tutam, quamvis probabile sit illam non esse prohibitam; certum enim est, talem doctrinam antea à Scholis, ut falsam, exulasse. Itaque hæc Adversariorum sententia, unâ cum Iansenismo nata est, imò aliam matrem non agnoscit, quàm hæresim Iansenianam; quia primi Affectæ & Evulgatores Iansenismi, ideo cuderunt hanc opinionem, ut sic suos errores sub prætextu veritatis specie, ignorantibus faciliùs obtulerent. Nec mirum: cùm enim hæresis Ianseniana doceat, aliqua Dei præcepta esse hominibus justis impossibilia, idque ex eo potissimum probare contendat Iansenistæ, quod Deus strictè exigat, ut homines omnia naturalia præcepta sub poenâ damnationis æternæ re ipsâ impleant. Inde statim inferunt, ignorantiam, etsi invincibilem, neminem excusare à peccato, si quidquam re ipsâ fiat contra legem naturæ; adeoque neque ullam probabilitatem posse sufficientem excusationem asserre, modò quis reipsâ erret, & ponat illud, quod Deus lege naturæ vetuit. Ecce Iansenismus necessariò infert, probabilitatem non excusare à peccato, saltem circa objecta, quæ jure naturæ sunt prohibita. Proinde rectè dictum est, hanc sententiam aliam matrem non habere, quàm hæresim Iansenianam: Iansenismi enim Evulgatores, cùm viderent sua dogmata admitti non posse, nisi simul concedatur, quod opinio probabilis non excuset à peccato, simulque scirent, contrariam sententiam ut certam ab omnibus Scholis esse receptam, incæperunt usum probabilitatum duplici nomine criminari. Primò, quod qui probabilitatem sectatur, si erret in suo judicio, necessariò peccat. Secundò, quod nemo per opinionem possit esse tutus, quia formidat ne Deum offendant. Hæc porro cùm apud ignorantes, & inscios modi, quo conscientia ultimò formatur, plausibilia viderentur, ideo præ aliis evulgata fuere, ut homines jam alienati à priore persuasione, faciliùs admitterent doctrinam, quæ aliter admitti non poterat, quam priori persuasione damnatâ. Atque ita Iansenistæ fuco ornarunt turpem filiam, ut ita homines minùs averfarentur turpissimam matrem.

Non multò post evulgatum Iansenii Augustinum, liber ille sub Urbano VIII. condemnatus est, tanquam continens doctrinas olim à Pio V. & Gregorio XIII. in Michaële Baïo condemnatas. Verùm non acquieverunt Iansenistæ, sed Bullam calumniati sunt, & eòusque progressi, ut illam suppositiciam fuisse clamarent. Interim dum lis etiam ista mirè fervebat, contra Caramuëlem, aliosque piæ mentis Doctores, qui se contra nascentem hæresim murum pro domo Dei opposuerant, insurrexerunt Iansenistæ; atque eorum, aliorumque omnium communissimam doctrinam, de usu probabilitatum calumniati sunt, Romamque scripserunt, ut Pontifex eorum audaciam retunderet. Horum primarius fuit D. Jacobus Boonem Mechliniensis Archiepiscopus, Iansenistarum Coriphaeus (inquit Caramuël in suo Apologemate nu. 30.) qui Sedi Apostolica inobediens, & ab illâ punitus, totum turbavit Belgium.

Sed & Doctores Lovanienfes anno 1655. censuras quasdam ediderunt contra usum opinionum probabilium; quas Fagnanus in cap. ne imitaris, de Constit. à paginâ 101. per sex columnas recitat. Verùm, tunc Iansenistæ dominabantur Lovanii, inquit Caramuël

in

AD LECTOREM.

in Apologemate *num.* 36. Et hætenus quidem opinionem rigidam, nemini per Belgium, nisi Iansenistis, aut Iansenismo addictis, acceptam fuisse constat.

Hætenus vidimus quid per Belgium gestum sit. Quomodo rigida opinio ortum ac progressum habuerit, ac à quibus, quo animo inventa ac promota sit. Superest ut de ejusdem in Gallia ortu & progressu historiam texamus. Post divulgatum Iansenii *Augustinum*, liber ille in Gallias illatus, unà secum lamentabile Schisma in florentissimam Ecclesiam Gallicanam invexit. Plurimi enim, novitate Doctrinæ capti, in hæresim Iansenianam lapsi sunt, à quâ plures eorum, ne quidem post absolutam condemnationem Iansenismi, ab Innocentio X. latam & promulgatam, voluerunt recedere. Hinc post Iansenium ab Innocentio X. condemnatum, Iansenistæ in Gallia summo nisu insurrexere contra usum doctrinæ probabilis, unàque contra Societatem plurimas calumnias sparsere, illamque infamare satagerunt; eo nomine, quòd doctrinas morales laxas, & animarum salutis periculosas traderet. Ecce Iansenistæ ubique sibi similes fuerunt. Quod enim ab initio per Belgium egerunt, hoc ipsum postmodum per Gallias factitarunt, ubique eodem spiritu ducti.

Quidam anno 1656. sub nomine Ludovici Montaltii in Societatem animosior, arrepto calamo totum ordinem diffamare aggressus est, libro edito, quem hoc titulo, *Epistole Provinciales* inscripsit. Liber hic, seu potius Libellus famosus, Iansenismo gravidus, (nam pro tali, & Romæ inter libros prohibitos affixus est, & Aquis-Sextiis auctoritate Parlamenti, Carnificis manu flammis datus, quâ dignus erat luce, omnibus palam legendus, unà & condemnandus apparuit) collectis, seu potius corrolis opinionibus laxioribus (quas sparsim apud aliquos reperire est) sed sæpè mutatâ etiam sententiâ, & corruptâ doctrinâ, in illas censuram tulit, simulque totam moralem doctrinam Societatis damnavit, quasi illa non aliud esset, quàm opinionum noxiarum, scandalosarum, & tranquillum reipublicæ statum perturbantium congeries.

Porro Liber hic continet Epistolas 18. ad quem numerum paulatim excrevit, nam non omnes simul prodire; verùm omnes octodecim ab Alexandro VII. damnatæ sunt anno 1657. 6. Septembris; & septemdecim primæ (nam decima-octava nondum erat edita) eodem anno 9. Februarii publicâ auctoritate Aquis-Sextiis flammis condemnatæ, manu Carnificis in ignem conjectæ, publicè, uti præfatum est, arserunt.

Iam libri hujus authorem Iansenismo addictum fuisse nemo negare poterit, qui sciat quid sit Iansenismus, & librum legerit. Eò enim totus ejus labor collimat, ut ostendar, Deum ipsis Iustis impossibilia præcipere, illisque vires denegare, quibus possint, etsi velint, perseverare. Quæ blasphemiam vere horrenda in Deum conjecta, omnes Probos & Doctos adeo perculit, ut nemo non judicaret, librum tam perniciosum omnium oculis interdicendum esse. Hinc ultra fulmina superius recensita, statutum est, ne Parisiis imprimerentur hæ litteræ. Interim Montaltii liber à Iansenistis, & Iansenismo addictis, miris laudibus efferebatur, & in varias linguas traductus, ubique distractus, & ultrò donatus ac obtrusus fuit, ingemiscente meliore, & optimâ Christianitatis parte. Et quis non gemisceret, videndo hæreses, fucato prætextu veritatis, & simulatæ fidei zelo, mulierculis & rudibus obtrudi, qui, ut moris est, avidè abrepti cupiditate noscendi infames calumnias, quas Author, Sorbonæ, Dominicanis, & maxime Iesuitis, (in quos acerbissimè invehitur) imponit, dum sales, & lepida dicta incautè lambunt, hærescos venenum & scandali toxicum hauriunt.

Quod si quærās, quis tandem fuerit iste Montaltius? ipse de se ipso fatetur *Epistola* 8. se nec Ecclesiasticum esse, nec Doctorem, aut Theologum; ex quo certè apparet, quàm parvam suis dictis in materia Theologicâ auctoritatem conciliare potuerit. Sed & ipse tandem, Deo favente, suos errores agnovit, eosque integro ante mortem biennio ex animo condemnavit, eò quòd videret, opiniones illas ex nimia passione & arreptas & defensas fuisse. Testatur hoc Pater Franciscus Annatus in *Notis ad epistolam dedicatariam Iansenii*,

P R Æ F A T I O

in libri ipsius editione suppressam, quas Gallico idiomate an. 1666. edidit, assertitque se hoc scivisse ex authentico testimonio illius, qui Montaltio (quicumque tandem is fuerit) morituro astitit, illumque ad supremam vitæ periodum feliciter terminandam juit. Gratulor proinde Ludovico Montaltio, illique ex animo requiem æternam exopto.

Litteræ ergo istæ, non alio jam quam authentico publicæ infamiæ figillo notatæ, ab omnibus bonis Catholicis solâ flammæ luce dignæ habentur; quod verum est, sive illas secundum se nudas consideres, sive illas spectes notis illustratas: nam quicumque illustrare & ornare studet libros, publicâ authoritate propter errores, quibus scatent, prohibitos, haud dubiè culpandus est. Ad hanc classem reducendus est Guilhelmus Wendrockius, quicumque tandem ille sit, qui latinas reddidit Epistolas, easque notis illustratas jam tertio edidit. Ille enim Montaltium defendit, & longè majorem animositatem in Jesuitas, quam ipse Montaltius ostendit. Vix enim duas aut tres lineas evolves, in quibus plura scommata contra Societatem non invenies. Porro Wendrockius iste, mirè etiam in usum opinionis probabilis insurgit, in hoc Montaltium imitatus. Hæc ideo à me dicta sunt, ut Lector sciat, quales fuerint Authores, à quibus novum dogma, quod à Scholis omnibus exulaverat, invecum est.

Post Epistolas Provinciales evulgatas, plures Parochi Rothomagenses, & inde Parisienses etiam complures, aliique nonnulli, in doctrinam moralem Societatis insurrexerunt, & nominatim contra usum Probabilitatum vehementius exclamârunt. Horum clamores videre licet apud Fagnanum *in cap. innitatis* num. 336. Præterea Parochi isti etiam contra Caramuëlem & Malscarenham invecuti sunt, qui palam contra Iansenium docebant, ignorantiam invincibilem juris naturalis à toto excusare, ut refert Caramuël *num. 2.* cum ipsi contrariam sententiam tenerent, quæ illorum opinio efficaciter infertur ex hæresi Iansenianâ, uti supra ostensum est.

Hactenus breviter narravi ortum & progressum sententiæ, quam *in tractatu de Conscientiâ probabili* fusè refutavi, atque hic etiam ulterius confutandam suscepi. Æquitas autem, aut potius necessitas ad hanc historiam operi huic præfigendam induxit. Cum enim sermo sit de probabilitate opinionum, earumque delectu; quæ autem, quanta, & qualis probabilitas cuicumque opinioni ab omnibus propter authoritatem Scriptorum tribuenda sit, aliundè determinari non possit, quam à doctrina & probitate Authorum; necesse omnino est ipsam radicem & originem pullulantis opinionis contrariæ eruere. Si enim constiterit, eam animo alieniore, aut passione aliquâ mentem turbante, scripto traditam, typisque mandatam fuisse; si certum sit, eandem non dissimili impetu, hodièque in animis quorundam conservari, eisdemque studiis, & quasi factiosis progressibus Discipulorum mentibus imprimi; si contraria & communis omnium Scriptorum sententia, quasi Societati propria, in ludibrium Ordinis & contemptum doctrinæ, buccis crepantibus, ab Adversariis animosè deprædicari notum fiat; eo ipso Authorum illorum auctoritatem languere, & ad probabilitatem suis assertis conciliandam parum aut nil momenti habere, certum erit; quia evidens præsumptio est, eos ex passione, & impetu mentem turbante, non ex sincero veritatis studio, ac ut viros peritos & probos decet, sententiam suam protulisse. At hic est casus noster: nam veritatem hac in re testatam, res non clanculum gestas, sed historiam ante Mundi fermè totius oculos exhibitam refero; evidens enim est, & fens dico, primos authores, acriores Fautores & seduliores Promulgatores oppositæ doctrinæ (Pauculos excipio, quos infra honoris causâ nominabo) homines esse ac fuisse, aut novitatibus addictos, aut hæresis Iansenianæ certissimos Fautores, eademque fortè infectos; sed potissimè constat, plures eorum, ne dicam fermè omnes, malevolentissimo ac amaro nimis animo in Societatem Ies u, ejusque Authores affectos fuisse, & hanc de sequendâ opinione probabili, tutiore relictâ, sententiam, tanquam crimen intolerabile, & doctrinam animis Christianorum perniciosam, in opprobrium Ordinis, in ejus authoribus ubique obviam, & quasi propriam, ut caput accusationis non infi-

mum

AD LECTOREM.

num protulisse. Atque utinam aut eâdem, aut non multum inferiore animositate & malevolentia, quæstionis causa hodie apud multos non conservaretur, & propagaretur in audientium animis! Verum oppositum ejus, quod cupio, nimis apertum est in oculis eorum, qui sincero animo quæ per mundum in hac materia geruntur, circumspiciunt.

Cæterum omnes hæcenus enumerati, aut Iansenistæ, aut Iansenismo, aut novitatibus adducti fuerunt, aut certè tumultuariè ex passione vehementi sententiam suam dixerunt: Verum præter eos fuere nonnulli ex nuperis authoribus, ab omni istiusmodi nota alieni, viri undequaque Catholici, bonæque intentionis, qui contra communem sententiam opinati sunt. Inprimis præter Paulum Comitolum, ex Societate Iesu, Candidus Philalethus docuit, nemini licitum esse sequi opinionem minus probabilem contra tutiorem simulque probabiliorem. Verum neuter illorum arbitratus est, certitudinem semper requiri ad fundandam honestatem electionis, cum uterque ex professio doceat, majorem probabilitatem ad conscientiam ritè formandam sufficere. Ex ordine S. Dominici Iulius Mercorus, Inquisitor Mantuanus, opusculum edidit, in quo communem aliorum sententiam impugnat. Hic vir, utpote Theologus & Canonum non imperitus, præ aliis omnibus, quos viderim, nervosè promovet suum intentum: Collegit enim in unum, quicquid alii contra securitatem sectandi sententiam probabilem, sparsim dixerant, multumque ex proprio ingenio magnâ cum modestiâ adjecit: virum hunc tum propter modestiam, tum propter doctrinam veneror, illumque honoris causâ, sicut & sequentes nominatos volo.

Præter Iulium Mercorum, duo alii ex ordine S. Dominici prodire, nemp: Gonet & Baronus, qui minus probabilium usum impugnarunt. His adjungi possunt Thomas de Afflicto, & Philippus Faber, quos Caramuël in Apologemate contra communem sententiam citat. Duo etiam Iurisperiti, Antonius Merenda & Prosper Fagnanus in usu minus probabilium impugnando multi sunt. Verum horum autoritas, cum non admodum verari sint in Theologicis (& Fagnanus quidem de se ipso hoc expresse testatur) in præsentī quæstione minoris faciendâ est, quia quæstio ista ad jus naturæ pertinet, quæ proinde ex Theologia magis, quàm ex Canonum peritiâ determinari debet. Sinichius etiam Doctor Lovaniensis ardenti nimis Calamo, licitum probabilium in suo Saule Ex-Rege insectatus est. Horum argumenta latè examinavi, ac apertè confutavi in *tractatu*, quem anno 1669. (ut fert titulus impressionis, quamvis liber verè prodierit sub finem Augusti anno 1668.) *de Conscientia probabili* Leodii imprimendum curavi, in quo pluribus in locis, potissimè verò *quæstione 22.* ostendo, paucos istos plurimum inter se discrepare in ipsa substantia quæstionis, neminemque illorum impugnasse communem sententiam in sensu proprio, ab illius Autoribus intento. Præterea ibidem demonstravi, neminem ex illis (præter Sinichium hac in quæstione apertè sibi contradicentem) re ipsa à communi sententiâ discrepare, sed ab illo in modo tantum loquendi recedere. Demum in toto illo tractatu ostendi, Adversariorum argumenta non infirmare, sed communem opinionem efficaciter confirmare.

Sub idem tempus, eodem scilicet anno 1669. Martinus de Esparza Appendicem ad quæstionem de licito Probabilium usu Romæ edidit, in quo ex professo omnia Adversariorum argumenta examinat, eorumque nullitatem plenissimè demonstrat. Nec alii ubique Gentium defuere, qui in aciem descenderunt, antiquamque, atque aliorum omnium unanimem sententiam, peculiaribus tractatibus, contra novos istos homines summâ laude, manuque prævalidâ tutati sunt. His demum factum est, ut veritas etiam Adversariis ipsis denuo paulatim illuxerit. Nam post annum 1669. quo Appendix Esparzæ, Tractatusque meus per Orbem Christianum divulgati fuerunt, clamores pristini per Belgium, Galliamque maxima ex parte cessaverunt; vix enim ex Doctoribus Catholici Nominis quisquam inventus est, (præter unum Vincentium Baronum, qui non ita pridem utrumque nostrum satis fusè, sed irritò prorsus conatu, ut suo tempore ac loco Deo dante ostendam, impugnavit) qui aut scriptis, aut Thesibus editis antiquam communemque

PRÆFATIO AD LECTOREM.

que doctrinam in dubium revocârit ; cùm antea quotidie fermè Theses, aut censuræ, vel etiam opuscula contra communem sententiam prodirent, quibus illa non solum apud studiosos Adolescentes, sed etiam apud imperitum vulgus, ipsasque etiam sæminas, tanquam animabus perniciofa, & præ nimia laxitate haud ferenda audiebat.

Verùm, post veritatem clarè expositam, post æquivocationes Adversariorum detectas, post omnia eorum argumenta non tantum soluta, sed etiam falsitatis ac nullitatis convicta, immo & in illos ipsos efficaciter retorta, pax antiqua redire cœpit, & fortassis jam planè rediisset, nisi ex eâ mundi parte, ex quâ nil ejusmodi timebatur, antiquum bellum recruidisset. Quidam enim, natione Hispanus, omnium nationis suæ præstantissimorum Theologorum vestigia deferens, sub nomine Antonii Celladei, anno 1670. librum edidit Lugduni, in quo majori, quàm alii omnes, vehementiâ in communem sententiam consurgit ; sed re verâ nil momenti contra eam objicit, nisi quod alii diu ante objecerant, quodque fusè ab Esparza in *Appendice*, & à me in *Tractatu de Conscientia probabili* solutum confutatumque erat ; unde si Auctor iste Appendicem Esparzæ, meumque Tractatum legisset, aut editionem operis sui prorsus omisisset, aut illud ex toto variare debuisset, cùm ea, in quibus potissimè fundatur, ab utroque nostrum directè explicata, efficaciter soluta, falsitatisque convicta sint.

Cæterum, cùm opus Celladei prodierit, manibusque legentium teratur, necessarium duxi, singula, quæ habet, hoc Tractatu examinare, eorumque insufficienciam ostendere, æquivocationes Autoris hujus aperire, ejusque inconsequentias, atque contradicciones notare, ut sic, omnibus ritè perpensis, Lectori veritas victrix tandem appareat, & communis verissimaque opinio, ut olim, sic etiam jam iterum & in posterum cum conscientiarum pace postliminiò restituta vigeat. Hic est præsentis laboris mei scopus, quem Lectori indicandum censui. Cæterum, plura de Celladeo hîc non præfabor, sed quæ ad consilium ejus refutationem in me suscipiendi, atque ad alia hisce similia pertinent, in quæstionem primam, tanquam in locum oportuniorem rejiciam. Interim, Lector benevole, fructe labore meo ; & si quid in eo approbatione dignum reperiis, id omnium bonorum Lagitori Deo, à quo solo est, tribue ; si verò quid mancum & defectuosum (& multa invenies ejusmodi) se prodiderit, id meum agnosco, illudque emendare, retractare, corrigere, imo & condemnare paratus sum, si à Te, vel alio quovis meus mihi error indicatus fuerit : maximè verò si quidquam à summo Ecclesiæ Pastore, vel ab iis, quos ipse pro privatorum hominum doctrinis dijudicandis sibi substituit, improbatum ullo unquam tempore fuerit, id ego ex nunc improbo, eademque notâ rejicio, condemnoque, quâ illud ab illis unquam rejici, ac condemnari contigerit. Me enim, omniaque mea Ecclesiæ Catholicæ Apostolicæ Romanæ correctioni, ac censuræ ex animo sincerè submitto.

R. P. AN.

R. P.

ANTONII TERILLI

SOCIETATIS JESU

REGVLA MORVM

SIVE

TRACTATVS

De sufficienti ad conscientiam ritè for-
mandam regula.

P A R S P R I M A.



IUSTIS de causis, nominatim autem ad celerio-rem Operis impres-
sionem, Tractatum hunc in duas partes dividere constitui. Pars
prima, prater ea quæ ad præsentis controversiæ statum, atque ad
solidam ejusdem resolutionem pertinent, complectetur omnia quæ
Celladeus in duos priores libros primæ suæ Partis concessit, atque de
illis ordine mox indicando disputationem instituet. In Parte secun-
da de iis agam, quæ Celladeus tam duobus posterioribus Partibus primæ
libris, quàm primo libro Partis secundæ complexus est. Nec dubito,
quin disputatio hæc plurimum utilitatis, nec minùs voluptatis candido Lectori allatura sit.
Gaudebit enim, ubi veritatem summi momenti solidè stabilitam, falsitatesq; Adversariorum
perspicuè detectas esse perspexerit; atque inde haud dubiè utilitatis plurimum acquires. Sed
rem ipsam aggrediamur.

QUÆSTIO PRIMA.

*Quis status, quod momentum, & quæ sit causa præsentis
controversiæ?*

1.



HA est hominum non tam con-
suetudo, quam conditio, ut,
quoties tractatum aliquem le-
gendum accipiunt, in ipso ve-
stibulo compendiarium contro-
versæ totius narrationem, & legitimum quæstio-
nis statum sibi proponi expectent. Et meriti quid-
em; fieri enim vix potest, ut seridè, alacriter,
& cum spe fructus in studium incumbant, nisi
status, dignitas, ac momentum rei quæ sit ante
oculos statuatur, quibus allekti ad indefessam rei
tantæ investigationem incitentur.

Quocirca ut huic tam justæ Lectoris expecta-
tioni satisfaciam, in ipso operis hujus limine sta-
tui tria breviter præstare: primum est, statum
quæstionis exactissimè proponere. Secundum,
emolumentum ac necessitatem controversiæ exor-
tiz declarare. Tertium demum, causam indicare,
ob quam hunc in me laborem susceperim, quem
Lectori & cupio, & utilem fore spero. Hoc ut
eveniat, Deum per Christi merita enixè rogo,
ut de sede magnitudinis suæ emittat spiritum sa-

R. P. A. Terilli Regula morum, Pars I.

pietiz & scientiz, qui mecum sit, & mecum
laboret, nec me à veritate aberrare permittat;
atque ita scribenti calamum dirigat, ut ex eo nil
elabatur, quo quisquam meriti offendi possit.
Hæc, ut decet, humili cordatissimaque precatio-
ne præmissa, rem ipsam sine ambagibus aggre-
dior. Sit ergo,

ASSERTIO PRIMA.

*Propositum sit verum ac legitimum contro-
versia præsentis statum proponere.*

2. **T**OTA de licito probabilium usu contro-
versia in hanc tandem quæstionem de-
volvitur, utrum opinio probabilis sit sufficiens
licitæ operationis regula? Si sit, habetur inten-
tum; si non sit, erramus, & adversarii verum
dicunt. Hæc de causâ tractatum hunc de regula
morum inscripsi, quia aliud in illo non quæro,
quàm rectam & sufficientem moralitatis, atque
conscientiæ formandæ regulam stabilire. Et qui-
dem

Quæstio
præsentis
co veritatis
utrum opi-
nio proba-
bilis sit suf-
ficiens mo-
rum regulæ

Lector libri
quid expe-
ctare solet?

Actus certi
sunt recta
morum re-
gula.

dem sermo est de formali, non de objectiva morum regula; regula enim objectiva est lex æterna, seu voluntas Dei, cui creaturæ rationalis operationes, ut sint honestæ, conformari debent, ut nunc suppono, & omnes fatentur. Formalis autem regula est iudicium intellectus, quo lex æterna, seu prima morum regula objectiva voluntati proponitur. Quæritur autem, quæ & qualis debeat esse actus iste intellectus, per quem lex æterna proponitur, ut ille merito dicatur, & vere sit recta, aut sufficiens regula moralitatis? Hinc quæstionem in hoc opere determinandam assumo, in quo, Deo dante, ostendam opinionem probabilem esse rectam morum, & sufficientem conscientiæ formandæ regulam. Hoc ut paulatim efficaciter ostendam, ante omnia exactum controversiæ statum proponere oportet. Hunc ut legitime proponam, sic discuro. Præsens controversia est reflexa quædam consideratio ac disputatio de regula formali operationis bonæ, seu de actibus mentis nostræ, quibus divina voluntas, seu prima regula objectiva omnis moralitatis, voluntati sufficienter proponitur. Porro ex actibus istis, aliqui certò, alii evidenter enunciant voluntatem Dei hæc permittere, illa præcipere, alia prohibere.

De istis actibus nulla est controversia, quia sicut illi absque ullo deceptionis periculo directe enunciant, ac manifestant legem æternam, seu voluntatem divinam; sic nos illorum qualitatem reflexè considerantes, certò & evidenter asserimus, quod sint recta morum regula: quin nomine rectæ morum regulæ aliud non intelligimus, quàm iudicium, quo intellectus legem æternam ita proponit, ut voluntas ductum illius sequens, nullius peccati sit rea, sed Deo placeat, & bene ac laudabiliter, seu honestè operetur. At loquendo de talibus actibus directis, certò & evidenter scimus, illos & peccatum arcere, & honestatem in opus refundere, unde certò & evidenter concludimus, actus ejusmodi esse sufficientem, seu rectam regulam formalem moralitatis. Ideo autem vocatur regula formalis, quia illis mediantibus lex æterna, seu divina voluntas, quæ est prima regula objectiva morum, formaliter, vitaliter, atque intellectualiter per absolutum iudicium voluntati applicatur, atque in liberas ejus operationes honestatem refundit. De his ergo actibus veritas constat, & omnis controversia cessat.

Judicia temere
concepta non
sunt recta
morum re-
gula.

3. Alia judicia habemus, quibus voluntas Dei, seu lex æterna absque evidentia & certitudine nobis proponitur. Hæc judicia in duas classes dividuntur, alia temerè, alia absque temeritate eliciuntur. In primis omnia illa judicia temerè eliciuntur, quæ carent motivo sufficienti ad ferendam sententiam, sicut decet virum peritum & probum illam proferre; atque ideo non nisi ex passione animum excæcante, ac indebitè ad assensum propellente eliciuntur. Similiter ea omnia judicia temeraria vocamus, quæ absque debita veritatis indagatione formantur, quando ad illam tali vel tali diligentis mensura investigandam obligamur. Jam si hos actus eorumque qualitatem reflexè consideremus, incunctanter, & sine omni formidine dicimus, illos non esse sufficientem regulam formalem moralitatis; quia tamen aliquo modo voluntatem regulent, applicando illi legem æternam, quatenus non solum operationem esse honestam, Deoque placere asserunt, sed etiam prout voluntatem ad opus ex hac persuasionem ponendum alliciunt, nihilominus sci-
mus, talia judicia non esse sufficientem conscien-

tiz regulam, quia nec honestam operationem fundunt, nec peccatum arcunt. Ratio est, quia taliter operans peccandi periculo temerè se exponit, ideoque nunquam excusatur, ne quidem quando in illo suo iudicio non errat. Non excusatur si erret, quia vincibiliter errat, adeoque error illi imputatur. Non excusatur, si verum dicat, quia adhuc periculo violandi Dei legem temerè se exposuit, adeoque turpiter egisse convincitur. In hoc etiam omnes omnino consentiunt; quamvis enim ejusmodi judicia, plerumque saltem, rationem malitiz, atque peccati minuant, ideoque à Theologis dicantur excusare à tanto, non tamen sunt sufficientes regula, quia non excusant à toto, nec impediunt quominus operatio Deo displiceat, & vere sit mala & peccaminosa.

4. Itaque præsens controversia ad ea solum judicia incerta devolvitur, quæ absque ulla temeritate ab homine eliciuntur. Talia autem sunt ea omnia & sola, quæ ex una parte nituntur fundamento, quod assensum meretur, id est tali fundamento, quid aptum est ad assensum à viro perito & probò impetrandum, quando ille, ut talem virum decet, assensum præbet; & ex altera parte non eliciuntur absque debita veritatis investigatione, quando illa præmittenda est, hæc & non alia judicia incerta ad hanc tertiam classem reducuntur. Jam si hujusmodi iudicium, sic elicitum, enunciet rem esse licitam, seu à Deo permissam, utique voluntatem divinam, seu legem æternam menti nostræ applicat, nosque per ejus applicationem ad operandum movet. Quæritur ergo, utrum iudicium istiusmodi sit sufficiens regula formalis moralitatis? Et in hoc tota præsens controversia consistit. Si enim actus ejusmodi, tam verus quàm falsus (nam aliquando tales actus falsos esse contingit) & à peccato excuset, & operationem honestam Deoque placentem fundet, haud dubiè erit sufficiens, ac recta operationis humanæ regula. Si neutrum horum præstet, non erit sufficiens morum regula. Si vero peccatum arceat, sed honestatem in operationem non inducat, erit quidem regula sufficiens ad omne malum arcendum, sed non erit undique & complete sufficiens, quia honestatem in actum non refundet, sed in hoc à perfectione regulæ deficiet.

5. Jam si reflexè respiciamus istiusmodi judicia, statim per se apparet, quod malum arcendi vim habeant, quodque peccatum & peccati periculum excludant. Ratio est manifesta, quia omnis ita judicans, temeritate caret. Unde sic arguo: talis homo vel errat, vel non errat in suo iudicio. Si non errat, haud dubiè bene operabitur, quia lex æterna ipsi, bona fide procedenti, veraciter applicatur. Si erret, errat invincibiliter, quia fecit quod potuit ac debuit: ergo non peccat, cum error illi imputari non possit. Et sanè quoad exclusionem peccati res est tam certa, ut in dubium vocari non possit, neque quemquam ex scriptoribus catholicè sentientibus reperies, qui de hoc dubitaverit; omnes enim uno ore fatentur, errorem & ignorantiam invincibilem à toto excusare. Præterea omnes, quod sciam, præter unum Celladeum, docent, bonitatem moralem ab actu humano inculpabili esse prorsus inseparabilem, si actus ille in honestum motum tendat. Unde communis opinio, quæ tenet, usum eorum, quæ per ejusmodi judicia proponuntur, esse licitum, duo statuit: primum & præcipuum est, quod qui bona fide sectatur præscri-

Judicia, si non
temeritate
elicitur, sunt
recta morum
regula.

Recta morum
regula debite
proposita patet
ex terminis.

praescriptum talis iudicii, nec peccet, nec peccati periculo se exponat, hoc enim dato, habent praecipuum quod intendunt. Secundum, & minus praecipuum in ordine ad intentum controversae praesentis est, quod dicto modo sectans ejusmodi iudicium, bene & honeste operetur, quamvis fortassis erret, sic judicando. Et haec duo sunt praecipua puncta, quae toto hoc opere stabilienda assumo.

Quis sit sensus bene-
gnae senten-
tiae?

6. Et sane veritas hujus assertionis reflexa est adeo manifesta, ut nemo eam in dubium revocare posse videatur. Adeo enim patens est veritas haec, ut mera ejus propositio intellectum rapiat ad assensum. Unde mirabitur fortassis Lector fieri unquam potuisse, ut quisquam hoc in dubium vocaret; vel certe suspicabitur, non hunc, sed alium esse sensum quaestionis reflexae, seu controversae praesentis de licito probabilium usu. Sed quisquis ille est, cum securum esse jubeo, quod hic & non alius sit sensus ac status praesentis controversae, hoc enim mox evidenter ostendam. Itaque merito miratur, communem & ab omnibus in expressis terminis per integrum saeculum unanimiter traditam, tamque perspicuam veritatem à quoquam in dubium fuisse vocatam: sed cessabit admiratio, si legat quae 22. & 23. De conscientia probabilis, & ad sequentia hujus tractatus attenderit. Videbit enim controversiam hanc à mera terminorum equivocatione, & mala quaestionis intelligentia originem traxisse, atque etiam ab ejusdem equivocationis propagatione incrementum accepisse.

Quid ad probabile practicum requiritur?

7. Sed ut clare constet, sensum praesentis controversae de licito probabilium usu, alium non esse, quam quem num. 4. proposui, diserte declarandum est, quid dicamus, & quid probare intendamus. Inprimis dicimus, licitum cuique esse sequi opinionem quam umque practice probabilem, si certe sit talis. Verum multa requiramus, ut opinio sit vere probabilis, quae diligenter sunt advertenda. Primum omnium est, ut nitatur fundamento fide digno, id est tali, quod aptum est ad assensum ab homine perito & probato irreprehensibiliter judicante impetrandum. Jam ut motivum aliquod sit tale, ante omnia, maxime essentialiter requiritur, ne quidquam certi in contrarium afferatur, quia nemo irreprehensibiliter judicat contra id, quod est certum. Unde nil contrarium fidei, aut decretis summorum Pontificum, vel Conciliorum approbatorum, aut expresso sacrae Scripturae textui, vel unanimes SS. PP. consensui, aut ulli argumento plenam fidem facienti, atque moralem certitudinem inducenti, est probabile. Secundò sententia aliqua ut sit probabilis, confirmari debet motivo gravi ac magno, scilicet valide attrahente ad assensum, & quidem magnitudo hujus motivi summi debet non solum absolute, quatenus vehementer in peliit secundum se, sed etiam relative ad omnia in contrarium allata, adeo ut etiam in contradictione illorum vehementer alliciat ad assensum, idque praecise vi suae magnitudinis tam absolute quam comparative, & non ex effectu ac propensione indebita ejus, cui proponitur; si enim tanta sit illius vis, ut à perito & probato irreprehensibiliter judicante assensum impetrare valeat, tale & non aliud motivum appellamus magnum, grave, seu probabile, sistendo semper in rebus obscuris & non certo cognoscibilibus.

Diligentia ad probabile practicum requiritur.

8. Dixi non certo cognoscibilibus, quia si veritas per humanam diligentiam certo sciri posset, omnes tenerentur ad veritatem ipsam inveniendam, A. P. A. Terribi Regula morum, PARS I.

& juxta eam operandum. Unde ad probabile practicum, seu probabile pro conscientia dirigenda, tertio & valde notanter requirimus, ut diligentia debita pro veritate reperienda juxta qualitatem rei, & humanam conditionem praestitatur; nisi enim diligentia debita adhibeatur, nemo pro conscientia formanda ullam opinionem prudenter adhibet; & si adhibeat, temere adhibet, nec habet opinionem practice probabilem, de qua solè loquimur in praesenti.

Practice probabilis quid sit?

9. Sed quia multi non intelligunt, quid nomine opinionis practice probabilis proprie significetur, illud etiam diserte declarandum est. Inprimis ergo nulla opinio, tribus allatis requisitis carens, est practice probabilis. Rursus omnis opinio, cui tria illa conveniunt, est practice probabilis, si tamen enunciet rem propositam esse licitam, seu conformem legi aeternae, aliter non est practice probabilis, quia non applicat legem aeternam, cujus propositio seu applicatio est propria differentia opinionis practice probabilis ab omni alia opinione.

Sensus praesentis controversae.

10. Hoc posito, dicimus, omnem opinionem juxta istam explicationem practice probabilem esse sufficientem conscientiae, seu bonae operationis regulam. In quo evidens est, nos aliud non dicere, quam quod tertio loco proposuimus, adeo ut praesens controversia, quoad rem ipsam in eo solo puncto vertatur, quamvis in illius expositione aliis terminis utamur, & semper probabilis, & practice probabilis in sermone habeamus. Sed voces istae idem prorsus significant, quod illae. Jam quod hic sit legitimus sensus praesentis quaestionis ex eo patet, quod omnes contenti erimus, sed adversarii opinionem, juxta hanc explicationem, practice probabilem admittant esse sufficientem conscientiae & bonae operationis regulam. Diserte enim dicimus, eam debere esse talem, ut peccatum arceat, & bonam operationem inducat, & nisi talis sit, non est illa, quam nomine opinionis practice probabilis intelligimus.

Probabile diversimodè de sumitur.

11. His adhuc nonnihil addendum est, ut opinio tradens probabilium usum esse licitum, clarius & absque ulla equivocationis umbra, quantum fieri potest, intelligatur. Opinio practice probabilis considerari potest in duplici statu: primus status est, quando actu elicitor iudicium dictans opus esse licitum; hoc enim iudicium, si dicta requisita habeat, est opinio probabilis actu existens, quae vitaliter informat intellectum, illique legem aeternam immediate applicat. Opinio hoc modo sumpta est regula formalis conscientiae, de qua reflexe differentes dicimus, quod sit sufficiens regula honestae operationis. Secundus status est, quando opinio probabilis non actu informat animam, sed consideratur tanquam objectum, quod cognoscimus, & de quo cum veritate dicimus, quod sit opinio practice probabilis. Porro opinio probabilis hoc modo sumpta multipliciter comparari potest cum opinione contradictorie opposita. Primò, ut opinio, dicens rem esse licitam, sit, & opposita, id negans, non sit probabilis. Secundò, ut utraque pars suam probabilitatem habeat: in quo casu tres inveniuntur differentiae. Prima, quando opinio dicens rem esse licitam, est, & habetur probabilior opinione, dicente illam esse prohibitam. Secunda, quando utraque opinio est, & habetur aequae probabilis. Tertia, quando opinio, proponens rem esse praecipiam, probabilior est opinione, dicente illam esse licitam. Nos agimus de opinio-

opinioe probabili in quadruplici hoc statu considerata, & dicimus, illam, quomodocunque accipitur, esse sufficientem bonæ operationis regulam, non formalem proximam: sed objectivam remotam. *Non formalem*, quia opinio illa non existit in mente, ut actus, sed *objectivam remotam*, quia reflexè considerata in ordine ad omnes circumstantias & respectus, quibus afficitur, fundat iudicium, vel certum, vel certè practice probabile, quo intellectus post maturam totius questionis considerationem absolute enunciat, objectum à quavis opinioe practice probabili, etiam ab æque & minus probabili propositum, omnibus consideratis, esse licitum. Hac ratione omnis opinio practice probabilis, in ratione objecti reflexè considerati, manifestat legem æternam, quæ est regula objectiva proxima; ac proinde omnis opinio practice probabilis, hac ratione considerata, est quidem regula conscientie objectiva, sed solum remota. Itaque in hoc casu solus actus iste reflexus, dicens usum omnium practice probabilem esse licitum, est, & à nobis dicitur sufficiens regula honestæ operationis, quia ille solus est opinio practice probabilis (si tamen non sit iudicium certum) quæ hic & nunc actu informat animam, illique Dei voluntatem vitaliter applicat. Adeo ut in hoc casu regula formalis conscientie, quam sufficere dicimus, non sit nisi opinio reflexa, quam modo explicavimus.

Adversario-
rum æqui-
vocatio de-
tegitur.

12. Ex defectu huius distinctionis factum est, ut pauci moderni ab antiqua & communi opinioe apparenter recesserint. Illi enim videntes intellectum non posse absolute iudicio credere aliquid esse verum, & simul existimare oppositum esse æque aut magis probabile, statim intulerunt, opinionem æque aut minus probabilem non esse sufficientem bene operandi regulam, quia impossibile est divinam legem formaliter ac vitaliter applicari voluntati per opinionem, quam iudicamus minus probabilem. Verum manifesta æquivocatione decepti fuerunt, quia regulam remotam cum proxima formali confuderunt. Nemo enim somniavit opinionem, quæ absolute & finali iudicio habetur æque aut minus probabilis, esse formalem & proximam rectè operandi regulam, sed solum docuerunt, illam esse regulam objectivam remotam, ex cuius nimirum consideratione formatur iudicium reflexum, aut certum aut probabile, quo dicimus, objectum à tali opinioe propositum, omnibus inspectis, esse licitum. Jam de hac sola opinioe reflexa dicimus, quod sit sufficiens regula formalis bonæ operationis. Et sanè si opinio probabilis directæ sit regula sufficiens, ut omnes docent, etiam hæc opinio probabilis reflexa est regula sufficiens, cum eadem de utraque sit ratio, ut patet. Porro ex hac distinctione, atque ex huius æquivocationis detectione perspicuum est, neminem, præter Celladeum (si tamen Celladeus ipse dissentiat) reperiri, qui neget universalem usum opinionis practice probabilis esse licitum. Omnes enim fatentur, opinionem probabiliorem, seu opinionem probabilem, actu informantem intellectum (utpote quæ semper tendit in suum objectum tanquam in partem probabiliorem & unice veram, quæque haud dubie probabilior est oppositæ in mente iudicantis) esse sufficientem conscientie regulam.

Ergo nemo negat regulam, quam communis opinio statuit, quia illa ita docet usum minus probabilem esse licitum, ut id non alia ratione licere dicat, quam si intellectus, stante probabilitate

directa, eaque agnita ut minore, per iudicium saltem probabile reflexum indicet, opus ab opinioe directæ minus probabili propositum, omnibus inspectis, esse licitum. Atque ideo revera non docemus ullam dari regulam formalem in incertis, præter opinionem probabiliorem, quæque ab operante habetur non solum probabilior, sed unice vera. Unde qui non subscribunt benignæ sententiæ, non minus arcentur à licito probabilem usu, quam illi, qui in directæ consideratione nulli prorsus opinioni, etsi probabiliori, subscribunt.

13. Itaque sensus nostræ opinionis reflexæ est, quod quicumque bona fide operatur ex præscripto opinionis practice probabilis hætenus declaratæ, habeat sufficientem regulam tum ad excusandum à peccato, tum ad bene operandum, idque verum esse asserimus, tam de opinioe probabili directæ, quæ quis directè credit opus esse licitum, quàm de reflexa, quæ, post debitam questionis de licito probabilem usu considerationem, enunciat, omne opus directè probabiliter licitum esse verè tale, si omnia considerentur & sane, si hanc animi dispositionem reflexè intueamur, tam patenter verum est, quod homo taliter operans non peccet, ut id in dubium revocari non possit. Unde habemus, veritatem principalem, ac primario intentam huius controversiæ esse tam apertam, ut legitima illius propositio, & status controversiæ ritè explicatus ad plenam rei probationem, & validam ejusdem demonstrationem sufficiat.

14. Hinc ulterius pergo, & declarandum suscipio, ad quæ adversarii tenentur, si nostram communemque sententiam ritè impugnare velint. Nos duo dicimus: primum ac maxime principale est, hominem bona fide opinioe practice probabili, actu illius animam informanti, æternamque Dei legem applicanti se accommodantem non peccare peccato formali, seu verè imputabili, sed ab omni culpa coram Deo excusari; idque verum esse affirmamus, sive opinio illa practice probabilis sit directæ, sive reflexæ, ut explicatum est. Secundum & minus principale (quia de illo hætenus sub expressis terminis ex professo, atque ab imis fundamentis non est disputatum) est, quod talis operatio sit bona. Itaque qui debet, & sicut serium Theologum decet, vult impugnare communem sententiam, debet primo loco probare & evincere, quod homo taliter constitutus & operans peccet non materialiter tantum, si forte erret in suo iudicio, sed formaliter peccato vere imputabili. Sed hoc est negotium prorsus desperatum, & ex terminis cognoscitur esse factum impossibile. Neque quisquam est, quod sciam, ne quidem Celladeus ipse, qui hoc probare aggressus est: adeo verum est, præteritas omnes impugnationes communis opinionis non solum illam non evertisse, sed ne tetigisse quidem, ut fuisse demonstravi in *tract. de conscientia probabili quest. 22. & alibi sæpe*. Hoc autem etiam locum habere in posterioribus ejusdem opinionis impugnatoribus ex dicendis in toto hoc opere luculentissime constabit. Secundò debet probare, talem operationem, etsi minimè peccaminosam, nullam tamen bonitatem moralem participare, sed & hoc etiam est argumentum desperationi obnoxium, cum oppositum non solum sit probabilissimum, sed etiam moraliter certum, ut in hoc tractatu, Deo dante, perspicuum fiet.

15. Demum sicut dicimus, hominem, bona fide

Opinio nostra clare exponitur.

Adversarii ad quid tenentur.

fide sequentem ejusmodi opinionem practice probabilem non peccare, sed bene agere; ita pariter dicimus, quod, quando agitur de opinionum delectu ad operandum, homo eligere debeat opinionem certo probabilem, ut certus sit, se regulam debitam adhibere, illique se conformare. Sed de hoc saepe dictum est in *quaest. de conscientia probab.* & de eodem argumento non semel dicendum erit in sequentibus.

16. His pro statu controversiae explicando dictis, unum addo circa modum loquendi in sequentibus saepe occursum, scilicet, me brevitate causa hinc duobus terminis, *sententia benigna, sententia rigida*, saepe usurum. Sententiam communem, quae omnium practice probabilem usum docet esse licitum, voco *benignam*, quia verè est benigna, & rationabiliter libertati favet. E contra sententiam, negantem usum probabilem esse licitum, appello *rigidam*, quia verè est rigidissima, eo quod absque sufficienti fundamento hominum conscientias nimium arctet.

ASSERTIO II.

Præsens controversia est quaestio summi momenti, & scitu prorsus necessaria.

Regula
morum est
res summi
momenti &
scitu dignis-
sima.

17. **D**ECLARATUR assertio. In primis agimus de regula morum, seu de regula debite formandi conscientiam in rebus incertis. Porro in rebus humanis incerta in casibus innumeris ubique sunt obvia. Durissimum autem est in omnibus ad tutiora obligari, ad quæ tamen obligatur, qui sufficienti regula ad conscientiam pro electione partis minus tutè debite formandam caret. Itaque determinatio hujus controversiae citra omne dubium est res summi momenti, quæ proinde sicut Theologos ad maximos labores pro veritatis tam necessariz inventionem subeundos coegit, ita pariter legentium animos, ad veritatem, quæ omnes summopere indigent, omni studio ac diligentia inveniendam, excitabit. Ille solus hac doctrina non eget, qui extra rerum humanarum vicissitudinem positus, omnia per certam scientiam intuetur. At nemo mortali carne indutus, nemo ignorantiz nostræ tenebris involutus, errandique periculo expositus invenitur, cui ulla quaestio, aut utilior, aut magis necessaria inveniatur, quàm ista. Si utile sit noscè, quid liceat; si necessarium sit in obscuris ac tenebrosis itineribus facem præferri, nil utilius, vel hac quaestione necessarium magis, per quam & licitum ab illicito dignoscitur, & fax ad iter hujus peregrinationis per obscuros incertitudinis calles absque præcipitandi aut cadendi periculo decurrendum præfertur. Hæc quidem in genere dicta vera sunt, sed qui quaestionem delibaverit, illamque exhauserit, longè plura majorisque momenti, quàm quæ paucis verbis explicari possunt, inveniet.

Præsens
quaestio est
Theologo
necessaria.

18. Præterea controversia ista, si quæ alia, inter Theologos à trigiuta ferme annis acerrimè disputata est, ad quam debite intelligendam ingens principiorum ac doctrinarum pulcherrimarum multitudo est prorsus necessaria. Si autem summi momenti sit Theologo ea perspecta habere, quæ sua ætate maximè agitantur, & ea præfertim, quæ sine eximiâ ac abundanti pulcherrimarum rerum scientiâ determinari non possunt, profectò præsens controversia (ad cujus notitiam hæc omnia sunt prorsus necessaria, quæque aliis omnibus in acri disertatione jam à longo

R. P. A. Terulli Regula morum, PARS I.

tempore antecellit) censenda est quaestio summi momenti: quod cum per se pateat, nec ulteriori explicatione indigeat, ad causam controversiæ hujus à me susceptæ aperiendam accedo.

ASSERTIO III.

Propositum sit explicare causam, ob quam ego controversiam hanc iterum ad examen revocaui.

19. **A**NNO Domini 1663. justum volumen Leodii edidi, quod inscripsi, *de conscientia probabili*, in quo totam materiam de licito probabilem usu à fundamentis examinavi, atque ex rationibus, autoritatibusque validissimis, nî fallor, apertè demonstravi, ulum cujusvis opinionis certo practice probabilis esse licitum. In illo opere, quidquid hac de re ad id tempus agitatum fuerat, & ad manus meas pervenerat, discussi. Adversarios, æquivocatione deceptos, non impugnasse benignam sententiam in sensu à suis Autoribus intento latè ostendi. Eorum argumenta examinavi & solvi, eaque fermè omnia non infirmare, sed validè confirmare benignam sententiam evici. Et sane liber per Belgium, & Galliam (in quibus Provinciis controversia hæc maximè agitabatur) ita acceptus est, ut finem quaestioni quodammodo attulisse videretur. Nam Lovanii per longum tempus nullæ amplius de materia illa theses proponebantur, cum antea nullæ tam frequentes haberentur, quàm quæ licitum probabilem usum ut periculosum ac peccaminosum exploderent: per Galliam quoque major animorum quies invecita videbatur, quia prius usum illum convellendi studium deferbuit.

Causa operis
susceptæ
exponitur.

20. Verùm circa illud idem tempus, quo ipse Leodii librum meum typis imprimendum curabam, aliud opus de eadem materia sub prælo subabat Lugduni, ubi anno 1670. justum volumen in quarto, *De recta doctrina morum* prodit, cujus auctor Antonius Celladeus inscribitur. Hic vic omnia prorsus contraria assertis meis proposuit. Ego usum probabilem licitum ac rationalem, nulliusque periculi reum esse tradidi. Ille omnem ejusmodi usum periculosum, imo & peccaminosum esse summo conatu asseruit. Si ille librum meum ante libri sui editionem vidisset, aut impressionem omisisset, aut alia longè ratione librum composuisset, quia liber meus plurimas æquivocationes, quibus ille deceptus est, apertè detegit, atque fundamenta habet, ex quibus potissima ipsius argumenta nullo negotio solvuntur. E contrario si liber Celladei ante operis mei editionem ad manus meas pervenisset, facili negotio argumenta ipsius, locis propriis digesta, cum aliorum argumentis solvissem, ejusdemque æquivocationes, sicut & aliorum (in plurimis enim similes sunt & prorsus eadem) unâ eademque operâ detexissem. Verùm cum aliter res contigerit, jamque liber illius, meo paulum posterior, in vulgus prodierit, non potui non censere, magnum causæ ac opinioni communi detrimentum imminere, nisi falsitates contra illam à Celladeo allatz publicè detegerentur. Nec dubium quin lectio libri ipsius magnam incautis lectoribus impressionem, magnumque contra communem sententiam præjudicium sit allatura, nisi remedium tempestivè adhibeatur; quia ille mirum in modum periculum peccandi, immo & apertum peccatum in probabilem usu latere declamitat. Neque seguis rem inchoatam urges, sed magna ingeni

Celladeus
quando li-
brum suum
edidit.

Necessitas
impugnandi
Celladeum.

ingenii vi, apparentibusque argumentis undique congestis contra nos insurgit, veritatemque à suis partibus stare multipliciter se demonstrasse contendit. Itaque tam valido contra veritatem satis contestatam conatui resistendum censui, neque alteri cuiquam iustius, quam mihi provinciam hanc deberi existimavi. Cum enim ego omnium aliorum conatus in hac ipsa materia paulò ante repulsem, non nemo existimare potuisset, me Celladei argumentis celsisse, atque causa quodammodo cecidisse, nisi cum illo etiam congredere, illiusque argumenta prorsus nulla esse demonstrarem. Sed absit ut quisquam hoc arbitretur: non ita est; in omnibus errat Celladeus, & si res presè examinetur, vix quidquam habet, quod communem sententiam, in proprio sensu à nobis intento acceptam, tangat: sed melius est congressum ipsum inchoare, atque strictè argumentis cominus certare, quam verbis gloriosis mira eminens jactare. Virum ergo aggrediar, pedemque cum illo conferam, si tamen de ipso, deque libri ipsius doctrina, ac de presenti ipsius, atque futura mea methodo nonnulla præmiserò.

ASSERTIO IV.

Propositum sit breviter explicare, quid liber Antonii Celladei contineat, & meum de libro ipsius iudicium proferre.

21. **A**NTONIUS Celladeus, natione, ut ex ipsius libro apparet, Hispanus, se virum Theologiæ valde peritum prodit. cum ejus liber varia doctrina, multiplici eruditione, plurimæque secundi ingenii sobole abundet. Hoc in eo singulariter placet, quod non affectatâ, sed limpida ac gravi eloquentiâ mentem suam exprimat: sed pluris facio, quod moderatè de Auctoribus in particulari loquatur. Nil enim Theologo Christiano turpius est, quam scommata in Auctores Catholicos, de republica literaria bene meritos, loco argumentorum conjicere. Sed hæc ejus laus non parum ex eo minuitur, quod in communi acerbo stylo Casuistæ in genere exagitet, illosque titulis indecoris dehonestet. Hoc enim meo iudicio magis offensivum est, quam si unius vel alterius errores debitâ moderatione in particulari notasset. Particularem Auctorem impugnare nemini injuriosum, sed omnibus proficuum est: at generalis censura innocuos etiam involvit, ideoque meritò omnes offendit. Præterea gravissimas accusationes contra omnes benignè sententiæ Auctores sub generali notione acceptos, id est contra omnes omnino præter seipsum (nam in re nemo præter illum à nobis dissentit) hujus & alterius sæculi scriptores accumulât, communemque omnium Catholicorum opinionem indignis comparationibus dehonestat, quæ omnia in progressu cunctorum oculis patent.

22. Inter reliqua autem, ut lectorem sibi suæque causæ, siquidque ut invidiam communi sententiæ conciliet, apertè fatetur, se multis annis sententiæ benignè tam firmiter adhæsisse, ut ægrè ferre potuisset quemquam, qui veritatem illius in dubium vocasset. Sed postea, veritate elucescente, asserit se sententiam mutasse, atque exinde in opus hoc suum *de recta doctrina morum* plus minus per novennium inter alias occupationes insudasse. Primò ergo, rejectis æquè & minus probabilibus, quæstionem totam per probabiliora

explicare aggressus est: sed cum opus ad finem pene perduxisset, novo lumine illustratus, probabiliora non minus quam æquè vel minus probabiliora, rejicienda perspexit. Unde iterum opus aggressus, omnia tandem per veritatem ipsam in hoc opere se explicasse gloriatur. Et hæc sunt quæ Celladeus de seipso expressè faretur.

23. Porro quod ad propriam Celladei sententiam attinet, illa ipsi soli peculiaris est, quia non solum æquè & minus probabile à conscientia regulandâ rejicit, sed eodem prorsus modo probabiliora, immò & certa existimata tanquam insufficientia repellit, ut ipsemet multis libri sui locis expressè tradit. At neminem inter Auctores Catholicos reperire est, qui in hoc illi consentiat. Singularis ergo, & prorsus singularissima est Celladei opinio, qui proinde in decursu sui libri frustra declamat contra usum æquè & minus probabilem, ut sic benignæ sententiæ causam reddat suspectam, suæque fidem conciliet. Frustra, inquam, tum quia argumenta ipsius, æquivocatione detecta, nullam vim habent, ut videbimus, tum præcipue quia totum illud adinissum nil suffragatur ipsius sententiæ, nisi usum probabiliorem pariter rejiciat. Stante enim licito horum usu, totus illius conatus evanescit. In illud ergo aut unice, aut potissime incumbere debuisset, ut ostenderet usum probabiliorum esse illicitum. Sed de hoc pauca, quia difficillimum et fuisse illud multis argumentis impetere: de altero verò, circa quod, ob æquivocationem magis latentem, spatiosus excurrendi campus se prodit, agit fusissimè, & nullibi non argumenta contra illud coacervat. Hunc differendi modum haud probo, quia multum laboris continet, & ad finem intentum parum, aut nihil conducit: illo enim, de quo maxime agit, habito, adhuc alia difficultas de integro superanda est, quâ solâ superatâ, nulla priorum mediorum, laborisque prius suscepti necessitas fuisset. Hæc cum Lector adverterit, haud dubiè concludere poterit, Celladeum in necessariis probandis valde parum, in superfluis, aut parum ad finem conducentibus, agitandis diffusissimum fuisse.

24. Hactenus vidimus, quid explodat Celladeus, difficilius autem est exactè dicere quid teneat. Existimo enim paucos ex iis, qui librum ipsius legerunt, exactè nosse, quid tandem pro regula conscientie statuat. Ego dicam quid ex scriâ libri inspectione & confutatione colligere possim. Inprimis ergo summo, ut dictum est, nisu omnium, maxime verò æquè & minus probabilem usum ut illicitum rejicit, in quo si consequenter loqui, & benignam sententiam ut oportet impugnare velit, duo debet expressè docere. Primum, quod qui operatur juxta præscriptum benignæ sententiæ peccet, quique juxta illam hactenus bonâ fide operati sunt, peccarint peccato verè imputabili, alioquin in substantia rei nobis non adversabitur. Potissimum enim quod docemus est, hominem, taliter, ut nostra sententia præscribit, operantem imputabiliter non peccare. Secundum, quod taliter operantes nil boni faciant, quando errant, quamvis invincibiliter errent, & à peccato excusentur. Ex his duobus, secundum expressè tradit, ut videbimus, sed illud minus principale est in ordine ad præsentem quæstionem. De primo non ita clarè se exprimit. Multis tamen in locis apertè indicat se ita sentire, & non solum omnes ita operantes, sed etiam omnes talia docentes peccati verè imputabilis condemnare: quàm autem horrenda hæc sit censura,

Opinio Celladei singularis.

Opinio Celladei explicatur.

Quis sit Antonius Celladeus.

Scriptio ejus offensiva est.

Celladeus sapientius mutavit sententiam.

fura, & quàm malè fundata suis locis infra patebit.

Celladeus regulam incongruam proponit.

25. Ne tamen nimis rigidus videatur, expressè negat se tenere, quod tutiora in omnibus sint tenenda. Itaque post definitionem cujusdam probabilis, quod reale & positivum appellat, explanatam, totus in eo est, ut probet illud probabile esse rectam conscientiarum regulam. Hoc tamen ita intelligit, ut ejusmodi opinio solum sit recta morum regula, quando est vera, si autem vera sit, est recta morum regula, quamvis proponat partem minus tutam. Cæterum ita loquitur de probabilitate, ut tandem eam cum veritate confundat, quia ex professo docet, nil falsum esse probabile nisi apparenter. Itaque reipsa aliud non docet, quàm propositionem veram esse sufficientem conscientiarum regulam, quando versamur in incertis. Sed quàm misera sit hæc regula, quamque ad finem hujus disputationis Theologicæ inutilis, infra suis locis patebit.

26. Quod si contingat operantem falso judicio dirigi, duo respondet. Primum: qui tale judicium sequitur, peccat si vincibiliter erret. Secundum: si invincibiliter erret, excusatur quidem à peccato, sed operationem moraliter bonam non ponit, quia non adhuc rectam morum regulam, quæ in incertis solum est judicium probabile verum. Hæc ille.

27. Sed quia hinc tota disputatio de probabilitate videri potest superflua, eo quod, si sola cognitio vera sit recta morum regula, sufficeret hoc ipsum clarè dicere, totamque de probabilibus disputationem omittere præstasset, quia probabilis, nisi sint vera, non sunt recta conscientiarum regula; idèò fortasse ne frustra de probabilibus egisse videatur, dicit probabile esse quidem conscientiarum regulam non simpliciter, sed si sumatur cum onere. Hoc autem ita intelligere videtur, ut homo, qui ex opinione quoad ipsum probabili sequitur partem minus tutam, circumspicere debeat, & attentè videre, an hic & nunc sit exceptio contra opinionem illam. Si sit exceptio, tenetur ad partem tutiorem. Si non sit, non peccat, si operetur; quia si erret, invincibiliter errat, si verò non erret, bonum opus facit.

Regula Celladei ad regulandam intentionem.

28. Hæc est substantia doctrinæ, quam pro regula conscientiarum proponit, quamque *rectam morum doctrinam* appellat. Verùm omnia hæc adeo confusa & parum digesta sunt, ut post omnia ab ipso dicta nemo ex doctrinâ ipsius scire potest, an in incertis unquam sequatur rectam conscientiarum regulam. Ergo per illius doctrinam nemo regulari potest. Ergo frustra laboravit in tradenda regula. Præterea nullibi explicat, quale sit onus, de quo loquitur, nec ulla ratione indicat, per quid scire possimus, an, qualiter, & quando illud onus urget, & an diligentiam sufficientem adhibuerimus, ut absque peccandi periculo viam minus tutam ineamus. Uno verbo, meo judicio, ita totam quæstionem indecisam relinquit, ut nemo ex vi doctrinæ, ab illo traditæ, ullam unquam securam directionem habere possit, sed omnibus tandem suo judicio standum erit. Porro hoc etiam ita tractat, ut timoratis ingentem metum incutiat, nec illis lucem, per quam quietè ac tutò incedant, præbet. E contra discipulis, & passionibus agitatis, quidlibet ferme in incertis audendi, ac faciendi viam aperit. Quæ omnia in operis hujus decursu aperitè constabunt.

Censura de libro Celladei.

29. His positis, justum videtur, ut sub initium impugnationis, brevi inchoandæ, meum de libro hoc judicium proferam. Existimo ergo librum

hunc duabus de causis Auctoris intentò non satisfacere. Prima est, quia ille conscientiam debite formandi regulam tradere prætendit, sed nil minus præstitit; nil enim simile regulæ proposuit. Secunda in eo fundatur, quod Auctor ille multus sit in exaggerando, quanti momenti sit in rebus ad mores & conscientiam spectantibus, Sanctorum Patrum sententiis inhaerere, polliceturque, se ex illis veritatem hausurum, idque potissimè in secunda parte. Quid in secunda parte egerit haud scio, sed præter meam expectationem in prima hac parte eum in doctrinâ PP. valde jejunum inveni. In potissimis rebus, nempe an opus ab errore invincibili directum sit bonum, ne unum quidem ex SS. PP. immo nec ullum ex omnibus Theologis pro se adduxit, aut adducere potest. Deinde neminem ex SS. PP. afferre potest, qui doceat, opinionem probabilem, in sensu benignæ sententiæ acceptam, non excusare operantem à peccato. Et tamen hæc sunt totius hujus controversiæ quæstiones primariæ. Itaque liber ex hoc etiam capite Auctoris intentò, & lectoris expectationi non satisfacit.

30. Cæterum de particularibus rebus, & assertionibus in libro contentis, audacter assero, eas, aut omnes, aut plerasque, magnis apertisque æquivocationibus scatere, quibus detectis, nil roboris in argumentis reperitur. Deinde reperi Auctorem plurimis in locis sibi contradixisse. Tertiò, nullum unquam Catholici scriptoris librum tantæ molis legi, in quo minus veritatis reperi. Ego certè ex tot propositionibus, quot liber continet, paucas inveni, quas veras judicare potui, innumeras autem falsas, quas Auctor verissimas, clarissimasque existimat. Sic ego librum censo, sed an meritò, eorum, qui & hunc meum & illius librum legerint, comparaverintque, censuræ relinquo.

Liber Celladei æquivocationibus & contradictionibus abundat.

ASSERTIO V.

Propositum sit, methodum tam à Celladeo institutam, quàm à me suscipiendam breviter exponere.

31. **SUPEREST**, ut tam de Celladei in scribendo, quàm de meâ in respondendo methodo aliquid addam. Methodus ipsius talis est. Opus in quatuor libros dividit. In primo, ut ipso apertè fatetur, magis destruit, quàm ædificat, & in eo totus laborat, ut mira prorsus tela in benignam sententiam torqueat, quibus eam solo se æquasse autumat. In secundo fundamentum novæ fabricæ jacit, fusissimeque de probabilitate disputat, statuitque quid nomine veræ probabilitatis veniat. In tertio libro per hoc fabricæ culmen imponere conatur, quod probabile à se assignatum esse rectam morum regulam probet. In quarto tandem de dubiis disputationem instituit. Demum hisce quatuor libris appendicem adjungit, in qua de natura, ac proprietatibus opinionis, deque intellectu ad voluntatem subjectione agit. Methodum hanc, etsi illa mihi non arrideat, non improbo, quia periti juxta proprias idæas ad finem à se intentum res suas mira varietate ordinare solent. Ego certè si argumentum hoc tractassem, longè aliter & ad intentum meum, ut mihi videtur, conducibilis quæstiones istas ordinassem, sed hoc parum interest lectoris, qui fortasse scire cupit, quàm ego in respondendo methodum mihi præscribam.

Methodus Celladei.

Huic Lectoris desiderio breviter satisfaciam.

Methodus
in progres-
su tenenda.

Inprimis opus meum in libros partiri nolo, quia materiz tractandæ sunt adeo inter se connexæ, ut talem divisionem meo iudicio nec mereantur, nec exigant. Itaque interruptâ quæstionum serie ab initio ad finem progrediar, ideoque quæstiones, quas ille in appendicem coniecit, ego suis locis, quàm potero maximè proportionatis, quæstionibus reliquis hinc inde interferam. Nihilominus opus hoc in duas Partes, ob rationem initio insinuatam, dividere cõstitui.

Ordo in
quæstioni-
bus servan-
dus quæritur.

32. Secundò non ut ille destruam aliena, prius quàm propria ædificem; sed propriis primò stabilitis, ea deinde, quæ alii adversus erecta moluntur, Deo dante, dissolvam. Sic enim Lector veritatem fixam in animo; & stabilitam geret, nec diu quodammodo in aëre absque pede in ulla veritate fixo hinc inde vacillabit. Quamvis enim, qui assertionem stabilit, utilissimè rationes dubitandi, & argumenta contraria præmittat; tamen qui alios docent, meo iudicio rectius faciunt, si prius veritatem statuunt, & deinde rationes oppositas solvant. Inprimis ergo statuam opinionem probabilem esse sufficientem conscientiz regulam, simulque breviter argumenta afferam, quibus hoc in tract. de consc. prob. stabiliti, ut Lector in ipso disputationis ingressu veritatem efficaciter convictam videat, & ego arripiam aniam respondendi aliquibus, quæ contra argumenta illa non à Celladeo, sed ab aliis fuere proposita. Deinde in sequentibus contra Celladeum agam, ejusque argumenta & assertiones continuato tractatu discutiam.


Quot sint
potissima
hujuscon-
troversiæ
capita.

33. Postquàm autem in sequenti quæstione ostendero, usum probabilium esse licitum, seu nil mali involvere, quod est potissimum hujus controversiæ punctum, statim quæstione tertia secundum punctum principale aggrediar, & ex professo ostendam, operationem ab errore invincibili directam, non solum non esse malam, sed insuper bonitatem moralem continere: quod ut præstem, quæstionem à Celladeo tertio libro ea de re institutam, à sede sua avulsam ad mei Tractatus initium transferam, ut duobus istis veritaubus stabilitis, solidè sciamus, quod opinio probabilis sit sufficientis conscientiz regula, quodque usus omnium practicè probabilium licitus sit, & honestus, ut sic demùm ad omnia in oppositum diluenda, resque particulares exactius discutiendas animemur. His actis, ante omnia ostendam, Celladeum non rectè statum quæstionis proposuisse, ideoque examinabo quæst. 4. lib. 1. ubi statum quæstionis proponit. Deinde ex professo ordinatè ipsum aggrediar. Incipiam autem ab eis, quæ Celladeus in prima

quæstione primi libri incidenter proponit, ut suum ab antiqua sua opinione recessum cohonestet, utque animos legentium à benignæ sententiæ amore & æstimatione avocet. Uno verbo nil ab ipso propositum, quod ad præsentem controversiam pertinet, omittam, sed singula excutiam, singulisque suum pondus integrum dabo, ut sic veritas nostræ sententiæ certius & clarius omnibus pateat. Porro quia dicta Celladei singulariter excutienda suscepi, ideo in ordine quæstionum proponendarum, non alia ratione ab ordine, quem ille servat, deflectam, quàm jam insinuavi, scilicet ut controversiam principalem prius rectè stabiliam, ut statum quæstionis ab ipso malè propositum in initio ostendam, & quæstiones in ejus appendice contentas locis aptioribus inferam. Ni fallor enim, jucundius, atque utilis Lectori accidet, si res suo ut jacent ordine confutentur, quàm si per saltum nunc hanc nunc illam alterius libri quæstionem impugnem.

34. Unum tamen est, de quo Lectorem monitum volò, scilicet mirandum non esse, si quæ alicubi prius dicta sunt, subinde iterum inculcentur, atque sæpius breviter repetantur; hoc enim duabus de causis necessarium mihi erit; primo ne Celladeo deesse videar, qui eadem nimis frequenter repetit. Neque enim possum integrè respondere alicui quæstioni, quin ea aliquantulum tangam, quæ ipse in illa vehementius inculcat. Cavebo tamen, quantum commode poterò, à non necessaria earundem rerum repetitione; nec fieri poterit, quin Lector hoc ipsum sit percepturus. Secundò nonnulla aliquando ex congruentia magna, vel etiam ex necessitate repetenda erunt, ut quæstionem pro dignitate tractem. Ea enim est aliquarum veritatum præstantia ac necessitas, ut vix nimis sæpè inculcari possint, quando justa opportunitas postulat, ut de illis mentio fiat: justissima autem opportunitas hoc exigit, quando adversarius contra veritates illas argumenta priora ita de novo inculcat, ut Lector faciliè existimare possit, aliqua non solvi, nisi de re illa iterata mentio fieret. Hujus congruentiæ limites spero me non egressurum, sed sæpè citra illos me restricturum, ubi sola insinuatio solutionis prioris Lectori satisfactura videbitur. Atque hæc de statu, momento, & causa præsentis controversiæ, deque notione Auctoris, cujus argumenta in me solvenda suscepi, ac demum de methodo, quam ipse tenuit, quamque ego in sequentibus sequuturus sum, dicta sufficiant. Rem ipsam aggrediamur.

An & cur
eadem sub-
inde repe-
tenda sint.



QUÆ.

QUÆSTIO SECUNDA.

*Virum opinio practicè probabilis sit recta, seu sufficiens
morum Regula.*

2. **H**æc est primaria hujus contro-
versæ quæstio, & omnino coin-
cidit cum illa, utrum usus opi-
nionis practicè probabilis sit li-
citus. Si est licitus, opinio pro-
babilis est sufficiens morum regula: si
usus ille non est licitus, procul dubio
opinio probabilis non est sufficiens
conscientiæ formandæ regula. Propono
autem hanc quæstionem in ipso disputa-
tionis exordio, ut rationes breviter in-
sinuem, quibus veritatem illius fusi
probavi in tractatu de conscientia
probabili, & ut occasionem habeam
solvendi ea, quæ contra licitum minus
probabilem usum, & nominatim contra
rationes à me allatas, à Theologo
quodam ingenioso objecta fuisse
intellexi. Rationibus enim istis, unâ
cum solutione harum objectionum, ante
oculos legentium positis, existimo
veritatem adeo luculenter apparituram,
ut Lector in ea non minus quietè,
quàm solidè mentem fixurus sit, & ex-
inde ad sequentia percurrenda pariter
sit incitandus, in quibus, quæ hic
breviter declarantur, majori ex parte
fusi quidem, sed amenè disputanda
erunt. Hic autem nomine opinionis
practicè probabilis, intelligo opinionem,
quæ enunciat rem esse licitam, quæque
habet conditiones, quas ad illam
requiri dictum est. *quæst. 1. num. 7.
& sequent.* Ex dicendis enim sæpius
constabit, omnia illa ad minimum
requiri. Porro quæstio hæc instituenda
est primò de opinione probabili,
prout est objectum considerationis
reflexæ juxta ea, quæ *quæst. 1. num. 11.*
proposita fuerunt, & promissa. Sit
ergo.

ASSERTIO PRIMA.

Opinio probabilis est regula morum.
*Omnis opinio practicè probabilis, actu animi
informans, illiq; applicans divinam legem, ut
verè existentem, est regula formalis suf-
ficiens ad licitè operandum.*

Seu quod in idem recidit.

Licitum est sequi ductum opinionis probabilis.
*Qui bona fide sequitur ductum opinionis pra-
cticè probabilis actu animi informantis,
non peccat, sed benè operatur.*

Ratio 1.

2. **P**ROBATUR primò. Homo taliter
positus, vel errat, vel non errat in
suo judicio: si non errat, procul dubio
bene operatur, quia post debitam
diligentiam, ipsam veritatem affec-
tus est, suamque operationem legi
eternæ veraciter conformat. Si
erraret, manifestum est, quod
invincibiliter erraret, quia quod
ex tali motivo post debitam
diligentiam creditur esse licitum,
absque omni temeritate, turpitu-
dine aut imputabilitate creditur
esse tale. Ergo non peccat, sed
licitè operatur, quia absque dubio
error invincibilis excusat à toto,
& quod consequens est, fundat
operationem honestam, ut se-
quenti quæstione ex professo probabitur.

3. Probatur secundò. De homine sic
disposito non solum nos, sed &
ipsemet reflexè formare potest
hunc Syllogismum. *Qui rationabiliter,
probabiliter, atque prudenter credit
aliquid esse licitum, licitè ponit illud: sed
Petrus rationabiliter, probabiliter,
atque prudenter credit hoc ob-
jectum esse licitum. Ergo licitè
ponit illud.* Hæc ratio planè
evincit intentum, major enim est
principium synderesis reflexum per
se certum & evidens, cujus
evidentiam etiam probatam habes
*quæst. 13. num. 26. & sequent. & quæst. 19. nu. 6. & sequent.
de conscientia probabili.* Minor
supponitur esse vera, conclusio
legitimè deducitur. Et sane
Syllogismus iste si formetur ab
operante (respectu cujus minor
ita est cognitio evidens reflexa de
qualitate judicii eliciti, ut simul
sit essentialiter applicativa
principii synderesis in majore
contenti) legitimè insert conclusionem,
quæ est ultimum conscientiæ
dictamen certum & evidens, per
quod operans certificatur, se hic
& nunc non pescare, sed laudabiliter
agere.

Ratio 2.

4. Probatur tertio. Tale
judicium est prudens, & reflexè
cognitum scitur esse prudens.
Ergo qui operatur juxta illud
prudenter agit, & reflexè scitur
prudenter agere. Ergo non peccat,
nam omnis peccans imprudenter
operatur.

Ratio 3.

5. Probatur quarto ex naturali
hominis conditione. Homo de
paucis evidentiam habet, idque
verissimum est in moralibus,
in quibus raro pertingere potest
ad notitiam directam, plus quam
probabilem. Ergo ubi certitudo
haberi non potest (loquimur autem
tantum pro tali casu) optimum
quod haberi potest, est cognitio
probabilis. Ergo cognitio proba-
bilis est regula, quam Deus
instituit pro tali casu, qui certè
non potest exigere ab homine nisi
optimum, ad quod homo potest
pertingere. Ergo homo sic
operans sequitur regulam à Deo
institutam, ergo non peccat, sed
benè, ac laudabiliter operatur.
Et sanè ut quis humano modo
prudenter operetur, aperte sufficit,
si sequatur dictamen optimum
ac prudentissimum, quod habere
potest.

Ratio 4.

Opinio probabilis est optimum quod haberi potest in incertis.

6. Probatur quinto ab absurdis.
Si judicium probabile ad
conscientiam regulandam & peccatum
amoliendum non sufficeret, tota
respublica turbaretur, & omnes
contractus languerent, neque
quisquam in rebus incertis (paucæ
autem sunt certæ) quidquam
serme absque peccato facere
posset. Hoc autem repugnat
ordinationi à Deo ad suavem,
rectam, & statui hominis
congruam gubernationem
statutæ. Ergo judicium probabile
ad conscientiam rectè gubernandam
sufficit. Præterea mundus
innumeris scrupulis inevitabiliter
impleretur, nec ullus modus
tali miseriæ subveniendi
suppeteret, nisi judicium
probabile ad conscientiam
deponendam, & licitè
operandum sufficeret, quia
scrupulosus ad cognitionem
certam, qua scrupulum deponat,
& conscientiam formet, pervenire
nequit, ergo licitè sequitur
judicium probabile.

Ratio 5.

7. Probatur sexto. Dispositio
hominum, ex cognitione probabili
operantium, aut semper eadem

Ratio 6.

eadem est, aut certè inter dispositiones hominum, ex tali cognitione operantium, nulla est notabilis ac specifica diversitas. Ergo impossibile est, unum excusari, & alterum non excusari, quia dispositio inducens peccatum notabiliter diversa est à dispositione sufficiente ad excludendum peccatum, & ad rectè operandum. At certum est, quod aliquod iudicium probabile sufficiat ad licitè operandum, quia id expressè definitum est ab Ecclesia in *Cap. inquisitioni 44. de sentent. ex com.* ubi dicitur, quod conjux ad consilium Pastoris, explosa levi credulitate de nullitate matrimonii, licitè exigere possit debitum conjugale. At in hoc casu ex consilio Pastoris non habet nisi probabilem assensum de valore matrimonii, ut patet. Ergo omne iudicium probabile sufficit ad conscientiam debitè formandam, non enim est ratio cur in hac materia, quæ gravissima est, quæque malum jure naturæ prohibitum respicit, sufficiat, & in aliis, quæ majoris momenti non sunt, non sufficiat. Ergo ubique sufficit.

Ratio 7.

8. Probatur septimò. Prudens dispositio animi, excludens conscientiam peccati, excludit peccatum. Sed iudicium probabile de honestate operationis est prudens dispositio animi, excludens conscientiam peccati. Ergo excludit peccatum. Major videtur per se nota, minor est evidens, quia qui prudenter judicat aliquid esse honestum, non potest in eo instanti habere conscientiam peccati, seu actum distantem illud esse peccatum. Sed nec postea potest judicare se peccasse, si recorderetur se ex prudenti iudicio excludente conscientiam peccati operatum esse. Ergo talis dispositio prorsus excludit conscientiam peccati; Ergo & peccatum.

Ratio 8.

9. Probatur octavò. Iudicium probabile, de quo loquimur, abique ullo peccato imperatur à voluntate, ut patet. Hoc posito sic. Qui facit quod putat licitum, non peccat per hoc, nisi peccet imperando tale iudicium. Ratio est, quia non est unde turpitudine, aut peccatum in tale opus derivetur, non enim malum, sed bonum proponitur. Ergo si non sit culpa in propositione boni, non est unde malum derivetur in actum. Præterea S. Thomas idipsum expressè docet. *quæst. 17. de veritate art. 3. ad 4.* ubi hæc habet. *Tunc conscientia erronea non sufficit ad absolvendum, quando in ipso errore peccat, ut quando errat circa ea, quæ sunt tenetur. Si autem esset error circa ea, quæ quis non tenetur scire, ex sua conscientia absolvitur.* Similia habet S. Doctor, *ibidem tam in corpore, art. 3. jam citati, quam etiam art. 4. ad 2.* Ecce propositio ista est S. Thomæ. Præterea eadem propositio videtur indubitata, quia operatio, de qua loquimur, est conformis suæ regulæ proximæ, nempe honestati propositæ, & absque omni temeritate ex rationabili fundamento creditæ. Ergo est honesta. Hinc subsumo. Sed qui sequitur iudicium probabile facit quod putat licitum, & eliciendo tale iudicium non peccat. Hæc minor supponitur esse vera, quia alioquin non sumus in casu. Ex his autem rectè deducitur conclusio, ergo qui sequitur iudicium probabile, non peccat.

Ratio 9.

10. Probatur nonò. Quod prudenter, & sine temeritate creditur licitum, licite poni potest: sed hoc objectum in casu nostro prudenter & sine temeritate creditur licitum. Ergo licitè poni potest. Minor & est in se evidens, & supponitur esse vera. Major probatur. Repugnat hominem peccare in opere, cujus directio nullam temeritatem admittit, sed à ratione humana prudenti,

& optimâ, quam habere potest, regulatur. Præterea ille solum peccat, qui à prudentia per temeritatem recedit: hoc non facit, qui sequitur opinionem probabilem. Ergo sic operans non peccat.

11. Probatur decimò. In rebus incertis licet Theologo ad praxim resolvere casum propositum. At Theologus ille aliam quàm probabilem resolutionem asserere non potest. Ergo licitè asserit probabilem, nec peccat, si fortè erret, dummodo debitam diligentiam adhibeat. Alioquin omnis Theologus errans in sua resolutione peccaret, ideoque Sanctissimi viri, puta S. Thomas, S. Bonaventura, S. Antoninus, S. Bernardinus Senensis, & alii graviter peccassent in suis resolutionibus, quia certum est, aliquos illorum errasse, cum contradictoria doceant. At absurdum & falsum est dicere, quod peccarint casum resolvendo: ergo qui probabiliter resolvit casum, non peccat, etsi fortassis erret. Ergo qui bona fide sequitur talem resolutionem non peccat, quia resolutio frustra esset, nisi ad praxim serviret, cum fiat pro praxi & ad praxim dirigatur. Præterea si peccaret, qui talem opinionem sequeretur, peccaret etiam Theologus illam proponens, quia sua resolutione homines ad peccatum dirigeret, peccandi quæ ac damnationis periculo exponeret. At sequens talem resolutionem non habet nisi opinionem probabilem de honestate operis, in solventis autoritate fundatam: ergo sine dubio licitum est sequi opinionem probabilem propriam, ideoque opinio probabilis efficaciter concluditur esse recta morum, & sufficiens conscientiæ formandæ regula.

Ratio 10.
A probabili casu resolutione sumitur.

12. Probatur undecimò demum autoritate irrefragabili. Illud ex autoritate irrefragabili stabilitur, quod ab omnibus sapientibus unanimiter traditur esse verum. Unanimis enim omnium sapientium autoritas, quoad homines merito habetur, & verè est irrefragabilis. Sed quod liceat sequi opinionem probabilem, qualem descripsimus, ab omnibus sapientibus, & ab omnibus omnino Auctoribus Catholicè sentientibus traditur esse verum; nemo enim est ex omnibus, quod sciam, qui expressè id non doceat, si de tali materia agat. Sed & Celladeus ipse haud dubiè concedit talem dispositionem ad peccatum arcendum sufficere, quamvis neget illam, si error interveniat, bonitatem moralem inducere, sed in hoc singularis est, & sequenti quæstione contra illum expressè agendum erit. Ergo præsens assertio ex veritate irrefragabili stabilitur. Et sanè qui legerit *quæst. 22. de conscientia probabili*, evidenter perspiciet, neminem sive ex antiquioribus, sive ex recentioribus usque ad illud tempus de hac re dubitasse. Sed omnes, aut expressè tradidisse, aut evidenter supposuisse, id ipsum esse verissimum.

Ratio 11.
Ab autoritate irrefragabili.

13. Et sanè assertio præsens prorsus coïncidit cum illa, quæ dicit, licitum esse sequi opinionem probabiliorē, quia sua cuique opinio probabilior est. Unusquisque enim fertur in suum opinatum, tanquam in probabilius opposito. Immo suum respicit, ut absolutè verum, oppositum verò ut absolutè falsum intellectualiter respuit, & contemnit. Itaque omnes, qui docent usum probabiliorum esse licitum, huic assertioni subscribunt. At omnes omnino, præter Celladeum, partis probabilioris usum docuerunt esse licitum, ergo omnes omnino, præter Celladeum, huic assertioni subscribunt, quæ propterea argumentis tam validis, atque auctoritate tanti

Si probabilis si efficiat, opinio probabilis sufficit.

S. Thomas nobiscum sentit.

tanti ponderis roboratur, ut infra temeritatem in dubium revocari nequeat. Haud dubiè enim veritas hæc ad moralem, ut minimum certitudinem & evidentiam pertingit. Qui plura hac de re desiderat, adest *quaest. 19. & 20. de conscientia probabili*, ubi hæc fufius tractata, & quæ obijci poterant, soluta inveniet.

Celladeus
quoad hanc
assertionem
non videtur
dissentire.

14. Sed quæret aliquis, dissentitne Celladeus huic assertioni, quoad principalem ejus partem, non dissentire. Ex toto enim ejus discursu apparet eum supponere, quod operans ex opinione probabili, in sensu à nobis declarato, benè operetur, si in suo judicio non erret, excusetur verò, si erret. Dicam ergo in quo differt à benigna sententia. Primò expresse illi contrariatur in secundo puncto minus principali, quia expresse asserit, nullam operationem ex errore, etiam invincibili, regulatam esse honestam, in quo haud dubie quoad hoc punctum nobis ac communi sententiae contradicit. Secundò quoad punctum principale materialiter differt à nobis, sed in sensu formali quaestionis à nobis non differt. Differret in sensu formali, si, supposito quod quis post debitam diligentiam adhibitam probabiliter concluderet aliquid esse licitum, & bona fide talis judicii ductum sequeretur, adhuc diceret, eum imputabiliter peccare in tali actu, casu quo erraret. Nisi enim hoc dicat, benignæ sententiae non contradicit, illa enim est quaestio merè reflexa, quæ omnia dicta præcessisse supponit, & illis præsuppositis solum affirmat, taliter operantem non peccare peccato imputabili. Si hoc admittatur, sententia benigna quoad substantiam adæquatè admittitur. Jam nec Celladeus, nec quisquam, quod sciam, huic contrariatur, & si quis contrarium probare conaretur, negotium desperatum aggrediretur, & post omnem laborem ad rationem probabilem pro suo conatu stabiliendo non pertingeret. Itaque nemo ex omnibus est, qui benignam sententiam in proprio ejus sensu impugnet.

Celladeus
in quo
nobis
dissentit.

15. Nihilominus Celladeus, aliique materialiter à nobis dissentiant, scilicet circa materiam & veritatem judicii, quodam illi, quam nos ad peccatum arcendum sufficere dicimus. Illi enim dicunt, judicium reflexum dictans, usum omnium practice probabiliū esse licitum, esse falsum, & objectum illius judicii aliter se habere, quam actus ille dicit. Nos contrarium totis viribus contendimus. Vel illi, vel nos erramus. Neutri in hac opinionum varietate peccamus, si singuli debitam diligentiam adhibeant, & absque passione excecante, sūt indebitè propellente sententiam ferant. Interim incertum est, quis verum dicat. Nos bona fide, ex conscientia diligentie debite præmissæ, & ex gravissimis, ut nobis apparet, & apud nos prævalentissimis rationibus absque dubio probabiliter credimus, objectum esse, ut dicimus. Adversarii etiam supponuntur eodem modo procedere. In hoc ergo discursu ac disputatione huc usque nobis adversamur, se hactenus nemo benignæ sententiae contradicit, illa enim præsupponit talem opinionum diversitatem, & ea stante, nova consideratione reflexa quaerit, an qui juxta dicta tenet aliquid esse licitum, & ex ea persuasionem, bona fide illud in opus deducit, peccet nec ne? Qui non dicit, tam docentem, quam operantem talia peccare, in nullo contradicit benignæ sententiae, ut patet. At quis est, qui docet homines ita docentes ac operantes imputabiliter peccare? nemo,

Nemo in
proprio ac
pessio sensu
impugnare
benignam
sententiam.

quod sciam. Si quis est, prodeat; clarè loquatur, & assertionem in hoc sensu declaratam impugnet, & fatebor illum benignæ sententiae contradicere. Sed si nemo hoc dicat, & nemo, quod sciam, hoc dicit, verissimum est, benignam sententiam in proprio ejus sensu non solum nondum eversam, sed à præteritis ejus adversariis ne quidem hactenus impugnatam fuisse. Scio hoc primo aspectu multis mirabile visum, & vix fide dignum. Quomodo enim fieri potuit, ut tot disputationes institutæ, tot libri à gravibus Theologis scripti fuerint, & tamen omnes in statu quaestionis intelligendo, & in omnibus suis conatibus ab ipso scopo non solum aberraverint, sed ne quidem ad illum aliquando collimarint. Et tamen loquendo de adversariis nostris, audacter dico, neminem illorum hactenus ad scopum ipsum, in quo solo controversia vertitur, collimasse; sed solum de materia remota, ejusque veritate disputationem instituisse, ac confudisse opinionem reflexam remotam, ejusque veritatem, cum opinione ultimæ reflexæ ejusque sufficienti ad peccatum à voluntate excludendam. Certe si nobis concedant, quod Auctores benignæ sententiae suam resolutionem tradendo, quodque illorum affectu, qui bona fide illorum opinioni se accommodarunt, non peccarint, habemus intentum, in quantum spectat ad præsentem controversiam, quæ ultimæ reflexæ est, ut patet. Adeo verum est, summos ipsos, & maxime fervidos benignæ sententiae oppugnatores, æquivocatione deceptos, nullum hactenus adversus benignam sententiam, in proprio sensu intellectam, argumentum attulisse.

16. Sed ut hoc ipsum clarius perspicias, consideremus Sanctos Thomam & Bonaventuram, in quaestione aliqua directa sibi contradicentes. Uterque alterum falsitatis arguit, suoque judicio alterum errasse dicit. Hæc his de directa veritate illarum opinionum nil dicit de eo, an alter illorum tradendo suam sententiam imputabiliter peccarit, nec ne? aut de eo, an qui bona fide credit alterutri, & illius opinionem in praxim deducit, verè Deum offendat? Neque S. Bonaventura ita sensit de resolutione S. Thomæ; neque S. Thomas ita de resolutione S. Bonaventuræ opinatus est. Sed uterque licitè suam opinionem post magnam diligentiam statuit: & uterque socium à peccato imputabili in opinando securum, & eos, qui bona fide illi crediderunt, & in opere illius sententiae se accommodarunt, à scelere ac offensa Dei immunes fuisse censuerunt. Jam benigna sententia reflexa solum quaerit, an taliter resolvens casum, & an homo tali resolutioni bona fide, & probabili judicio post debitam diligentiam se conformans, formaliter peccet, nec ne? Si peccet, falsa est benigna sententia; si non peccet, benigna sententia est vera. Porro sicut ille, qui totis viribus contenderet, opinionem S. Thomæ, v.g. non esse veram, diceretque illud esse malum & peccatum, quod S. Thomas licitum esse & honestum tradit, per hoc non tangeret controversiam præsentem de licito probabiliū usu, quia illa supponit hanc dissensionem de veritate objectorum præcessisse, & ea non obstant, bonam fidem, & judicium probabile de veritate partis minus turpe formari; & postea quaerit, an taliter operans, imputabiliter peccet, nec ne? de quo in priori quaestione nullam fecerat mentionem: ita pariter de facto se res habet in consideratione reflexa de licito probabiliū usu. Nonnulli, sed pauci, omni nisu contendunt, usum æquè

Exemplo
claro idip-
sum confir-
matur.

æquæ & minus probabilium non licere. Alii ferme omnes. usum illum esse licitum unanimiter tradunt. In hoc contrariantur, sibi quæ contradicunt; & quia adversarii se verum dicere existimant; putant concludendum esse contra benignam sententiam, cum tamen eam nequidem attigerint. Benigna sententia, tam est reflexa super hanc; quam super ullam aliam directam disputationem de honestate rei propositæ; & ex æquo in utroque casu disputationem ac opinionum varietatem præcessisse supponit, eaque præsupposita, in hoc solo vertitur, utrum ille; qui post debitam diligentiam, motivo verè magno ac probabili inductus, resolvit quæstionem in favorem libertatis, peccet nec ne? & utrum ille suum; vel alii, iudicio absoluto ac probabili ipsi credentes, suum iudicium probabile, hoc modo bona fide formatum, in praxi sequentes; peccent nec ne? hic ingreditur benigna sententia; & dicit, tales homines bona fide operantes non peccare. Huic autem nemo, ut dixi, contradicit. Ergo nemo contradicit benignæ sententiæ, si illa in proprio, ac uni- cè à nobis intento sensu accipiat, sed tota diversitas opinionum hæcenus sibi contradicentium materialiter se habet in ordine ad præsentem controversiam, quæ de regula formali morum, solum procedit. Hæc doctrina ex sequentibus magis roborabitur.

ASSERTIO II.

Opinio minus proba- bilis est re- gula morū. *Omnis opinio practicè probabilis, etiam æquæ & minus probabilis, est regula objectiva remota ad conscientiam debitè for- mandam sufficiens.*

Seu quod in Idem recidit.

Universaliter licitum est sequi quæcumque opinionem directè minus probabilem, minusq; tutam, etiam in sensu composito, quod opposita sit & credatur probabilior actuus, modo opinio illa directè sit practicè proba- bilis, & operans certò sciat, illam esse probabilem.

EXPLICATIO ASSERTIONIS.

17. *H*ic agimus de opinione probabili, non existente in ratione actus animam informantis, sed in ratione objecti reflexè cogniti. Ante omnia autem supponitur, quod certò constet, illam niri motivo directè probabili, quod est, & creditur minus potens, quam motivum probabile pro parte opposita: hoc supposito, objectum illud, directè minus probabile; iterum comparatur cum omnibus circumstantiis, quæ cum minore illa probabilitate connexionem habent, puta cum possessione libertatis, cum ignorantia, & non promulgatione legis, & aliis itiusmodi; & queritur, utrum ex illorum consideratione, post diligentiam debitam, rationabiliter ac prudenter inferri possit, objectum, quod opinio directè minus probabilis proponebat ut licitum, verè esse licitum, si omnia considerentur. Seu quod idem est, queritur, utrum objectum, directè minus probabiliter licitum, prout novis istis ac reflexis circumstantiis subest, evadat licitum, ac præbeat sufficiens fundamentum, rationabiliter, prudenter, & sine temeritate existimandi, quod objectum illud in hisce circumstan-

tiis, seu omnibus consideratis sit licitum; si præbeat tale fundamentum, & intellectus ex illo motivo confurgat ad formandum iudicium probabile, rationabile ac prudens de honestate talis operis; ac proinde respiciat illius honestatem; non solum ut probabiliorem ejusdem inhonestate, sed etiam feratur in eandem ut absolutè veram, ejusdemque inhonestatem respiciat ut absolutè falsam: tunc omnis opinio practicè probabilis, etsi sit & cognoscatur esse minus probabilis directè, erit regula objectiva remota sufficiens ad conscientiam debitè formandam, quia actus ille, quo intellectus ex consideratione huius objecti probabiliter, prudenter, & sine temeritate, affirmat objectum illud esse licitum, est dictamen conscientiæ, seu opinio practicè probabilis (nisi fortè sit iudicium plusquam probabile, & moraliter saltem certum & evidens) actus animam informans, ac proinde ex assertione prima est regula formalis sufficienter applicativa legis æternæ ad licitè operandum. Ergo stante tali iudicio, licitum erit ponere objectum, quod ab opinione minus probabili proponitur esse licitum: si autem non dederit tale fundamentum, tunc non erit regula objectiva remota sufficiens ad manifestandam legem divinam per actum, qui sit sufficiens regula formalis ad licitè operandum.

18. Itaque tota difficultas præsentis assertio- nis in eo vertitur, utrum opinio, directè mi- nus probabilis, reflexè considerata in ordine ad dictas circumstantias, præbeat, vel non præbeat sufficiens fundamentum in ordine ad quæstionem dicto modo resolvendam. Si præbeat, usus talis opinionis erit licitus; si non præbeat, usus talis opinionis non erit licitus. Si præbeat uni, ita ut ille absque temeritate, probabiliter atque prudenter credat illud esse verum, tunc illi licebit ta- lem doctrinam docere, & juxta illam operari; idemque omnibus licebit. qui eodem modo abs- que temeritate, probabiliter, atque prudenter illi credunt, quidquid sit an alii rem excutiant, vel non excutiant; an cum illo consentiant, vel ab illo dissentiant; quia illorum negligentia, vel dissensus non tollit à iudicio alterius rationem re- gulæ formalis sufficientis, seu rationem iudicii pra- ticè probabilis, actu informantis animam, illique sufficienter applicantis legem æternam. Porro si opinio directè minus probabilis præbeat funda- mentum talis resolutionis, tunc locum habebit be- nigna sententia, quæ de formali conscientiæ re- gula procedit. Antequam enim locum habere possit, supponit iudicium probabile practicum actu animum informans, quo lex æterna illi ap- plicatur. Si non præbeat tale fundamentum, nul- lus in huiusmodi casu benignæ sententiæ locus dabitur, ex defectu materiæ seu objecti, circa quod versatur, ut patet.

Demum quamvis contingeret hominem hoc modo discurrentem errare (quod tamen non evenit, ut videbimus) adhuc assertio sub utra- que expressione subsisteret, quia quævis opinio practicè probabilis, actu existens, & animum informans, est sufficiens morum & conscientiæ formandæ regula, etsi per accidens sit falsa, ut ex prima assertione constat.

19. Jam quamvis opinio probabilis, hoc mo- do sumpta in ratione objecti, quadrupliciter con- siderari possit, ut supra dictum est; ego tamen hoc loco non proponam nisi rationes, quas quæstione 23. de consc. prob. relatè ad opinionem minus probabilem minusque tutam ponderavi, ut

*Brevior
controversi-
æ exposi-
tio.*

*Cur non
omnes ra-
tiones affe-
rantur.*

ut habeam occasionem solvendi ea, quæ vir quidam ingeniosus contra illas opposuit. Ratio est, quia quæ convincunt usum talis opinionis esse licitum, à fortiori idem inferunt de æquè probabili, de probabiliori, ac de unicè probabili, ut pater. Cum ergo istæ rationes subsistant, opus non est alias afferre pro aliis comparationibus. Si autem quis illas videre desideret, legat *quæst. 20. & 21. de cons. prob.* ubi illas inveniet. His ergo circa legitimum quæstionis sensum declaratis, ad argumenta pro ejus veritate stabilienda veniendum est.

RATIO PRIMA.

Tradentes
benignam
sententiam
non peccat.

10. **P** RIMUM argumentum à patenti absurdo hoc modo deducitur: Si non excusarentur à peccato mortali, ratione sui imputabili, qui bonâ fide sequuntur opinionem directè minus probabilem, omnes Doctores totius Ecclesiæ (certum enim est, omnes omnino, præter unum Comitolum, qui in re ab aliis non discrepant, per centum & amplius annos benignam tradidisse sententiam) gravissimè peccassent, quia doctrinâ suâ falsâ, & ad formandam conscientiam insufficienti, proximos suos, qui eorum auctoritate directi sunt, in peccatum & damnationem duxissent. At moraliter certum est, non omnes in eâ sententiâ tradendâ graviter peccasse, aut intolerabiliter errasse. Ergo moraliter certum est, opinionem dicentem usum opinionis directè minus probabilis esse licitum, non esse errorem intolerabilem. Imo è contra clarissimè infertur, honestatem talis praxis esse valde fundatam, magnisque rationibus reputari licitam, quia impossibile est omnes omnino Auctores, eoque numero plurimos doctrina ac pietate præstantissimos, quique quæstionem in terminis & à fundamento tractant, per integrum sæculum in unam eandemque sententiam conspirare, quin illa sit verè probabilis, & digna fide, adeoque quin unusquisque, qui post maturam rei considerationem, rationibus apud ipsum prævalentibus motus, illam veram reputat, à peccato excusetur, & rationabiliter, atque invincibiliter sententiam suam proferat. Idem valet de iis, qui sententiæ à tot ac talibus Auctoribus traditæ fidem adhibent. Hoc autem est opinionem directè minus probabilem esse regulam objectivam remotam, sufficienter manifestivam legis æternæ, & illativam judicii rationabilis, & probabilis ac invincibilis, quo lex æternâ sufficienter applicatur, ut ex primâ assertionem constat.

Si non esset
regula,
Deus Eccle-
siam deservisset.

21. Præterea si sententia, docens usum minus probabilium esse licitum, esset falsa, suosque Auctores, eorumque bona fide sequaces, à peccato non excusaret, Deus per integrum sæculum suam Ecclesiam deservisset, illamque in periculosissimo, ac damnabilissimo errore excutire permisisset. At hoc est incredibile: Deus enim non minus etiamnum diligit Ecclesiam, quàm olim. At semper Ecclesiæ suæ providit de viris probis & doctis, qui erroribus nascentibus se opposuerunt. Quis ergo credat, Deum per integrum sæculum ita deservisse Ecclesiam in errore perniciosissimo, ut nullius summi Pontificis, nullius Episcopi, immo nullius Doctoris spiritum excitaret, qui errorem dederet, murumque se pro domo Dei opponeret. Nemo certè cordatus & probus Catholicus ita de Ecclesia, Dei in ea gubernanda providentia existimabit. Consequens proinde est, benignam sententiam esse sufficientem

R. P. A. Terribi Regula morum. PARS I.

conscientiæ regulam, eamque suos sequaces à peccato & peccandi periculo immunes reddere.

22. Rursus sic arguo. Omnis opinio, ad praxim ordinata, quæ licitè docetur, & quidem publicè in omnibus universitatibus ac scholis per totam Ecclesiam traditur, est sufficiens regula conscientiæ ad eam sectantes à peccato excusandos, alioquin, qui illam pro praxi traderet manifestè peccaret. Sed opinio, docens usum partis minus tutæ & directè minus probabilis esse licitum, & ordinatur ad praxim, & licitè docetur, & publicè in omnibus mundi universitatibus traditur, & per integrum sæculum, nemine reclamante, tradita fuit. Ergo dicta opinio est sufficiens conscientiæ regula.

Licitè docetur, ergo est regula.

Hæc est summa primæ rationis, cui addidit hanc Medinæ & aliorum. Sententia directè minus probabilis licitè docetur in scholis, quia in concursu oppositæ probabilioris censurari non potest ut temeraria, imprudens, præcipitata, &c. quia certum est, quod in contradictione oppositi nitatur motivo prudenti. Ergo talis opinio sufficit ad regulandam praxim. Tenet consequentia, quia proponitur ut regula. Ergo si non sufficeret, peccarent qui eam proponerent. At non peccant. Ergo est sufficiens regula.

SOLVUNTUR REPLICÆ Theologi recentioris.

23. **O** BIECT primò. Argumentum retorquetur, quia omnes antiqui Theologi, ultimo sæculo anteriores, oppositam doctrinam tradiderunt. Ergo si illa est falsa, graviter peccaverunt, imponentes hominibus gravè onus, quod Deus illis non imposuit. Sic enim plurimis peccatis occasionem præbuerunt. Nam propter eorum falsam doctrinam, plurimi malam fidem habuerunt, qui sententias minus probabiles & minus tutas elegerunt, quam non habuissent, si doctrina opposita eis tradita fuisset.

Replicæ à
retorsione.

Respondetur retorsionem nec subsistere, nec argumentum solvere. Non subsistit, quia antiqui Theologi nunquam tractarunt in terminis hanc quæstionem reflexam, utrum opinio, directè minus probabilis, omnibus consideratis, sit licita in praxi. Itaque solum docuerunt, nemini licitum esse sequi nisi opinionem probabiliorem, id est, nisi opinionem, quam ipsi probabiliter saltem veram reputarent, ac proinde in eam, ut in probabiliorem ac absolute veram tenderent. Hoc verum est: sed non contrariatur sequentibus Theologis, qui idem prorsus requirunt in usu opinionis directè minus probabilis: nisi enim honestas talis praxis per rationes reflexas evadat probabilior, nemo licitè illam sequitur. Itaque quoad præsentem materiam, alia diversitas inter antiquos & recentiores Theologos non fuit, quàm quod recentiores in terminis expressis sub unâ eademque notione universali quæstionem instituerunt, de qua antiqui nullam in universali sub illis terminis explicitam mentionem fecerunt. Nec tamen dubium mihi ullum est, quin antiqui Theologi in casibus particularibus, post omnia considerata docuerint illud hîc & nunc esse licitum, quod secundum se præcisè consideratum erat apud illos minus probabile. Sic docuerunt, possessorem bonæ fidei in causa pacis aut minoris probabilitatis non teneri ad se privandum re possessa. Idem in aliis casibus docuerunt, quia illud omnibus consideratis erat probabilius: ergo illi non minus, quàm nos, eandem opinionem sectati sunt.

Retorsio
non subsistit.

B

finis

sunt, & tota diversitas in eo est, quod posteriores universalem abstractionem ab omnibus casibus particularibus fecerunt, & sub notione illa universali quaesierunt, an usus cujuscunque opinionis probabilis, etiam minus probabilis, minusque tutus, sit licitus? hoc autem priores Theologi non fecerunt. Quod hæc ita se habent ut dixi, satis apertè constat ex *quaest. 22. de cons. prob.* & efficaciter probatur exemplis, quæ proximè ponderata sunt.

Retorsio
non solvit
argumen-
tum.

24. Sed retorsio non solvit argumentum, quamvis admittamus Theologos antiquos, & recentiores quoad præsentem quaestionem contradictoria tradidisse. Ego enim, data hypothesi, audacter respondeo, nec illos, nec hos peccasse suam doctrinam tradendo; sed omnes rationabiliter, ac probabiliter suam opinionem tradidisse. Neque in hoc major est difficultas, data hypothesi, quam quod S. Thomas & S. Bonaventura in quaestione particulari absque peccato contraria doceant. Neque enim Deus permittendo primam opinionem, etsi erroneam, Ecclesiam in errore intolerabili ac noxio deseruisset; quia nulli, qui talem doctrinam, etsi erroneam, ut regulam secuti fuissent, peccassent; & illi soli in hac materia peccatum commississent, qui contra illam regulam, & contra conscientiam egissent. Et scitè non est contra providentiam Dei erga Ecclesiam, permittere in rebus incertis errorem doceri à suis ministris, illumque à subditis pro regula assumi, modò subditi, eam regulam sequentes, non peccent. Si enim contra illam agant, sibi tribuant, non Deo, quia malitiosè contra propriam conscientiam operantur. At Ecclesia desereretur, si communis error permitteretur, & error esset talis, ut eum bona fide sequentes à peccato non excusarentur. Jam vis mei argumenti in eo præcisè consistit, quod docentes talem doctrinam, eamque bona fide sectantes non peccent. Hoc enim concessio habemus intentum. At nemo citra temeritatem eos omnes peccati damnare potest, ut patet: Ergo nemo rationabiliter dicere potest, opinionem, docentem minus probabilia esse licita; non excusare à peccato, seu non habere motiva sufficientia, ut absque temeritate admittatur & credatur esse vera. At nos hoc solum in præsentis argumento contendimus, & ex hoc inferimus, eam esse sufficientem conscientiarum regulam.

An multi à
nobis dis-
sentiant?

25. Obijcit secundò. Plerique eorum, qui dicunt usum opinionis minus probabilis esse licitum, solum docent licitum esse sequi opinionem reipsa minus probabilem, seu quæ communiter habetur talis, sed non docent licitum esse operanti eligere sententiam minus tutam, quam ipse operans cognoscit esse minus probabilem. Solum enim asserunt, opinantem aliquam operationem esse licitam, securè posse illam in praxim deducere, hoc ipso quod sciat illam esse probabilem, id est veram reputari à sapientibus, quod nos quoque fatemur. Quia hoc ipso quod quis sciat opinionem, cui adheret, defendi à prudentibus, scit niti fundamento prudenti, ac proinde non esse temerariam & improbabilem: unde optimè deducit, posse à se in praxim deduci, quia unusquisque licitè id exequitur, quod prudenter judicat esse licitum; non est autem illorum mens, hominem, in cujus intellectu fundamenta utriusque sententiarum objectivè concurrunt, posse eligere minus tutam, si ejus fundamenta minoris ponderis sint apud ipsum, quam fundamenta parvis futiora.

26. Respondeo Theologum hunc mihi videri reipsa à nobis non dissidere, etsi prætendat, se oppositum prorsus tradere. Inprimis vult, unumquemque licitè sequi propriam opinionem, si illam sciat à peritis & prudentibus veram reputari: ergo qui putat usum opinionis, cujus motiva directè reputat esse minoris momenti quam opposita, esse licitum, per illum tutus est, modò sciat illam à peritis veram reputari. At hoc scire potest, quia non pauci, ipso fatente, docent hoc licitum esse: ergo per ipsum securus est. Ergo nos, & omnes, qui nobis bona fide credunt, tuti sumus, quia opinionem nostram fundamento prudenti niti scimus. At reipsa aliud non docemus: nisi enim quis absolute credat opus esse licitum, non excusatur, si illud ponat. Verum hoc diversitatis intervenit, quod aliquando directis, aliquando solum reflexis rationibus moti credamus rem esse licitam: in casu autem præsentis, ita huic Auctori consentio, ut admittam, neminem licitè sequi opinionem, cujus omnia fundamenta reputat minora oppositis, quia stante tali persuasione judicare nequit tale opus esse licitum. At ab illo prorsus dissentio, si dicat, non esse licitum sequi partem illam, cujus fundamenta directè existimo esse minora oppositis; quia, hoc non obstante, per rationes reflexas prævalentes existimare possum, objectum illud absolute esse licitum: nisi enim homo, hoc modo per discursum reflexum, rationibus ac motivis rationi contrariis prævalentibus, judicaret objectum esse licitum, usus opinionis directè minus probabilis illi non liceret, quia illam omni modo reputaret esse minus probabilem, & consequenter bonam fidem non formaret.

27. Jam hic est sensus omnium, qui usum minus probabilium licitum esse tradiderunt: illi enim opinionem, pro directè minus probabili agnitam, reflexè considerantes, novis argumentis roborati (ut ex eorum libris constat, nam argumentis reflexis utuntur) illam absolute licitam esse concluderunt. Præterea gravissimi quique, & omnes, qui multa in re morali scripserunt, sæpius apertè testantur, opinionem contrariam illi, quam ipsi tenent, in praxi tutam esse. Quo loquendi modo apertè indicant, sentire se, si omnia etiam indirectè probantia considerentur, opinionem illam esse licitam, & tam à seipsis, quam ab aliis omnibus, etiam illis, qui secum sentiunt, licitè in praxim reduci posse, & universaliter ab omnibus pro operandi regula accipi. Nec dubium, quin expressè doceant, liberum cuique esse electionem inter opiniones certò probabiles facere, & quamcumque illarum in praxim deducere, modò constet, quod illa sit certò probabilis, quamvis opinio illa in directè consideratione & sit, & habeatur minus probabilis opposita. Ratio est, quia plurimi eorum expressè hoc docent, ubi de opinionum delecta agunt; alii docent licitum esse etiam contra propriam opinionem operari: ergo censuerunt, electionem opinionis directè minus probabilis apud operantem locum habere, & quamlibet opinionem directè minus probabilem licitè in praxim reduci posse. Præterea peto ab hoc Theologo, quæ fundamento dicat, plerosque benignæ sententiæ Auctores aliud non voluisse, quam cuique licitum esse sequi suam opinionem directam, si sciverit illam à prudentibus doceri? Certè hoc ex dictis illorum non inferitur, sed solum ab ipso ita esse putatur. Sed vellem scire quo fundamento? Nemo hæcenus, quod sciam, eos ita intel-

Adversa-
rius docet,
quod intem-
ditum.

Omnès qui
docent usum
minus pro-
babilium
esse licitum
nobiscum
sentiant.

intellexit, sed omnes, tam fautores, quam adversarii ipsorum, alium longè sensum in eorum sententia agnovere. Præterea si hic eorum fuisset sensus, procul dubio eum explicassent, cum facillimè explicari potuisset, sed & debuisset sic explicari, ne ansam largioris & falsæ interpretationis lectoribus præberent. Stat ergo, sensum horum Auctorum esse talem, qualem verba eorum præ se ferunt, & qualis hætenus ab omnibus intellecta fuit. Hoc ipsum ex admisis ab hoc Theologo infra comprobabitur.

Theologus iste æquivocationem patitur.

28. Potissimum, in quo Theologus iste æquivocationem patitur, est, quod objectum opinionis directæ minus probabilis semper consideret in ordine ad easdem circumstantias. Si autem sic consideretur, ultro fateor, nemini licitum esse illam sequi, qui eam minus probabilem reputat. At nos objectum illius in ordine ad alias circumstantias consideramus, & tunc simpliciter loquendo dicimus, illud licere, cujus honestatem, directè tantum consideratam, putamus esse minus probabilem. Nec hæc duo judicia sibi contrariantur, quia quod non est licitum in his, in aliis circumstantiis est licitum; & illud in istis circumstantiis ex motivis prævalentibus cognoscitur esse licitum, pro cujus honestate in aliis circumstantiis minora dantur argumenta, quàm pro opposito. Si hæc distinguantur, nulla difficultas est aut in sensu Authorum intelligendo, aut in veritate sententiæ benignè percipienda.

Obiectio inanis.

29. Obicit tertio. Multi quidem docuerunt, usum opinionis minus probabilis esse licitum in sensu, quem ipse falsum putat, non tamen peccaverunt, quia in ea tradenda non ex veritate, sed ob ignorantiam & bonam fidem excusati fuerunt, quia post diligentem discussionem existimaverunt veram & utilem sententiam, quæ est falsa & nociva. Unde sicut non per se, sed solum per accidens, scilicet ex ignorantia, talis opinio licitè docetur in scholis, ita pariter non per se, sed solum per accidens ex ignorantia invincibili licet illam in praxim deducere.

Inanis obiectio non auditur.

Respondeo, hæc sub eisdem prorsus terminis dici posse ac debere contra opinionem huius Theologi: nos enim dicimus eum errare, & solum ex ignorantia excusari. Quid ergo juvat talia afferre, quæ ex æquo utrique parti, aut profunt, aut obfunt, nec obijci possunt, nisi supponatur id quod est in questione, nempe quod obijciens veram, & respondens falsam opinionem secrete?

Argumentum retorquetur.

30. Respondeo secundò, idem planè obijci posse contra usum opinionis probabilioris, quia quoties illa est falsa, qui eam tenet & sequitur, non excusatur nisi per accidens, & ex ignorantia veritatis. Peto jam à Theologo isto, an ista replica quidquam valeat ad improbandam honestatem talis usus in opinione probabiliori, cujus usum ipse admittit esse licitum? Si vim habet, ipsemet debet eam solvere. Si non habeat vim contra usum opinionis probabilioris, nec etià habebit contra usum opinionis directæ minus probabilis.

Argumentum solvitur.

31. Respondeo tertio. Undecumque tandem id eveniat, fixum manet, opinionem benignam licitè doceri in scholis ab iis, à quibus illa probabilior habetur & vera. Similiter fixum pariter est, eos excusari à peccato, qui bona fide illi adhærent, illamque veram reputant, quia omnes isti juxta rei veritatem, ut ipsi, absolute, probabiliter, & rationabiliter procedunt. Non est ergo unde peccati accusari possint. At hoc stante habemus intentum.

R. P. A. Terribi Regula morum. PARS I.

32. Obicit quartò. Nemo licitè sequitur opinionem minus tutam, quam minus probabilem reputat, quamvis sciat mille Doctores docere usum illius esse licitum, quia conscientia illius semper reclamationem, illumque pungit. Si enim interrogetur, an contractus, v. g. de quo agitur, sit licitus nec ne, respondere debet, se nescire; immo habere majus fundamentum existimandi esse prohibitum. Jam cum hoc statu componi nequit dictamen reflexum verum, quod hic & nunc ille contractus sit sibi licitus. Ergo quamvis tot Doctorum auctoritate motus celebret istum contractum, peccat; quia si opinio illa sit falsa, non solum materialiter, sed etiam formaliter transgreditur legem. Si verò opinio sit vera, adhuc peccat, quia voluntariè se exponit periculo legem violandi, quando potest prudenter judicare contractum esse prohibitum, & non potest prudenter judicare non esse prohibitum. Sic quamvis multi doceant licitum esse operari contra propriam opinionem, illud tamen licitum non est, nec fieri potest, ut non peccet is, qui contra illam operatur, quia non potest elicere dictamen reflexum verum, quo excusetur à culpa in sensu composito judicii directi, quo credit contractum illum esse universaliter prohibitum.

Obiectio 4.

Sequitur opinio minus probabilem ad necessarium igitur conscientiam.

Respondeo: argumentum valeret, si objectum opinionis directæ semper consideraretur in ordine ad circumstantias easdem. At si consideretur in ordine ad diversas circumstantias, ut fit in casu nostro, non video in quo argumentum urgeat; non enim est, cur conscientia illius magis illum pungat, quàm quando sequitur opinionem ipsi directè probabiliorem. Ratio est, quia objectum illud in ordine ad novas istas circumstantias est, & ad minimum tam probabiliter creditur honestum, quàm quævis opinio directè probabilior, quia rationes benignæ sententiæ non sunt minus efficaces, quàm motiva opinionum directè probabilius, sed longè potentiores. Itaque talis homo interrogatus de contractu an liceat, respondebit illum esse licitum, quia verè ita credit, & in sua opinione non fallitur, quia id verum est. Itaque haud dubiè judicium reflexum formari potest, non obstante agnitione minoris probabilitatis directæ, quia res illa in ordine ad novas circumstantias consideratur. Jam quod peccet nec ne, non dependet à veritate aut falsitate opinionis directæ, quæ judicat ut minus probabilis, sed à veritate judicii reflexi, quo omnibus inspectis judicat contractum illum esse licitum. Ratio est, quia operans non versatur in circumstantiis, quas directæ opinio præcisè considerat, sed in iis quas opinio reflexa repræsentat. Ergo veritas & falsitas opinionis directæ impertinenter se habet ad peccatum vel non peccatum in hoc opere. Ergo questio hæc solum dependet à veritate opinionis reflexæ. At illa vera est, & indubiè absque temeritate creditur vera. Ergo indubitanter excusat.

Quod attinet ad exemplum operantis contra propriam sententiam, ostendi quid sentiendum sit quest. 30. de consc. prob. ubi exposui, quando licet & quando non licet operari contra propriam sententiam. Ad præsens argumentum quod attinet, dico neminem licitè operari contra propriam opinionem ultimam & finalem, ac absolute dictamen tale opus esse universaliter illicitum, quia tale judicium repugnat cum bona fide, & cum opinione ac conscientia dicente, hunc contractum, sub illa opinione universali contentum, non esse prohibitum. Caterùm si circumstan-

cumstantiæ mutarentur, aut si iudicium proprium non esset finale & absolutum, ut in casu præsentis objectonis, vel si formari posset iudicium prudens reflexum de absoluta honestate operandi contra propriam opinionem directam, utique liceret contra propriam opinionem actualem operari, ut ibidem latè ostendi.

33. Obijcit quintò. Non sequitur, Auctores peccare, qui dicunt licitum esse operari contra propriam opinionem, quamvis omnes peccent qui contra illam operantur. Ergo similiter, quamvis opinio benigna absque peccato doceatur, non sequitur eos non peccare qui illam sequuntur.

Sic autem non sit licitum peccat docens eum esse licitum.

Respondeo disparitatem latam intervenire. Doctores in primo casu non peccant, quia putant homines posse formare bonam fidem, etiam contra propriam opinionem actualem, ideoque non docent simpliciter illos non peccare qui contra propriam opinionem operantur, sed solum non peccare, si bonam fidem forment. Itaque qui bonam fidem non format, non sequitur eorum opinionem, ideoque peccatum illorum non ipsis imputatur, cum operans non habeat dispositionem quam requirunt. At si operans posset habere illam dispositionem, & ea non obstante peccaret, tunc utique qui talem doctrinam doceret, à peccato excusari non posset, quia scandalum proximi causaret. Nec bona fides Doctorem excusaret, sicut bona fides non excusat operantem. At in casu nostro, totum, quod benigna sententia docet & requirit, poni potest & debet, ut quis eam sectetur in praxi. Ergo si sectantes eorum opinionem non excusarentur, nec ipsi Doctores excusari possent.

Obijctio alia.

Obijcit sextò. Ultimum, quod ex Medina traditur, est falsum; nemo enim licitè docet in scholis id quod ipsi verisimilius apparet esse falsum. Ergo similiter nemini licet illud operari, cuius inhonestas est illi probabilior.

Minus probabilis licitè docetur.

34. Respondeo, Theologum hunc supponere quidem, quod antecedens sit verum, sed nil prorsus assert ad illud probandum. Ego ergo sic probò oppositum. Finis magistri est, ut discipulos bene instruat. Hoc posito sic: Ponamus magistrum habere plures doctrinas proprias, quas alii communiter, ut male fundatas, periculosas, ac singulares rejiciunt. In hoc casu magister ille rectius faciet ad profectum discipulorum, atque ad finem superiorum, ipsum aliis docendis exponendum, conducibilis operabitur, si communes, & minimè periculosas sententias doceat. Ergo non solum licitè, sed longè sanctissimè hoc faciet. Quid quod ad hoc ipsum obligari potest. Nonne plures tenentur ad sententiam S. Thomæ, aut ad Aristotelis opiniones tradendas? At hoc esset illicitum, si quis teneretur propriam sententiam tradere, quando ille contrariam opinionem existimaret esse minus probabilem; fieri enim nequit, quia sæpè propria cujusque opinio à mente aliorum discrepet. Jam verò, quod liceat cuique quamcumque opinionem certò probabilem docere alios, etsi ipse eam reputet minus probabilem, ex eo etiam patet, quod judicare possit expedire discipulis, ut opinionem suæ opsitam discant, ac in illa radicentur, cum illa sit certò probabilis, & à gravissimis viris tradatur. Sic enim dilcurrere potest. Mea opinio non est certa: fortasse falsa est. Interim opinio contraria est certò probabilis, eademque valdè utilis ad salutem animarum, si vera reputetur; ergo operam dabo, ut discipuli in ea figantur, quia hoc illis

ac reipublicæ utilius est, quàm si meam proprietatē de his rebus opinionem proponam. Nec obstat, quod ille falsam putet illam doctrinam, quia non scit, sed solum putat hoc ita esse, idque cum magna formidine oppositi, quod novit fundamento prudenti non destitui. Itaque quamvis hoc modo formidolosè falsam putet, procurare tamen potest ut alii in illa ipsa sententia radicentur, & talem Doctorem sequantur, etsi ille in multis ab illo dissentiat. Neque per hoc peccat, quia non interponit suam auctoritatem, nec asserit, se veram reputare illam opinionem, sed solum se reputare eam esse valde rationabilem, simulque exponit motiva ipsam confirmantia, & argumenta opposita dissolvit: sic Doctores aliorum Theles frequenter defendunt, quamvis ipsi in plurimis ab illis dissentiant: nec per hoc vel minimè peccant, quamvis durante disputatione, omni conatu opinionem suæ contrariam defendant, illamque auditoribus ut prævalentem proponant. Itaque quævis opinio certò probabilis licitè docetur in scholis. Ergo argumentum Medinæ subsistit, nec à Theologo illo solvitur.

SECUNDA RATIO.

35. **I**N materia fidei, quando utraque pars est certò probabilis, unicuique licet quamcumque voluerit tenere, modò illam absolute veram reputet. Sic in materia de Immaculata Virginis Conceptione certum est, tenentes piam sententiam non peccare, sed neque qui tenent oppositam condemnandi sunt, ut ex Alexandri VII. constitutione notum est. Hinc sic arguor: Certum est, quod in materia fidei liceat amplecti partem minus tutam, tutiore relicta, quia absque dubio licet alicui ex partibus assensum præbere; cum tamen pars unicè tuta sit omnem assensum suspendere, ac de sola probabilitate iudicium ferre. Ergo idem licebit in materia morum. Probatur antecedens. In primis apud omnes indubitatum est, quod liceat eam partem sectari, quæ omnibus inspectis probabilior apparet, sed id ipsum etiam certum est, quando certò constat utramque esse probabilem, & nescitur quænam sit probabilior, tunc enim unusquisque eligere potest quamcumque voluerit ut eam teneat, atque etiam in scholis tradat, nisi peculiaris lex id ipsum prohibeat. Neque enim ideo quis reprehendi potest, quod talem opinionem doceat, aliisque ut eam teneant persuadeat, quia certum est eos probabiliter eam tenendo non peccaturos, ideoque pariter certum est persuadentem eos ad taliter opinandum in hoc non peccare. Idem valet de parte minus probabili. Ponamus aliquem Doctorem, cui probabilior apparet, quod diva Virgo sit maculatè concepta, eligi in publicum universitatis Magistrum, qui ex officio debeat quæstionem illam tractare. Hic licitè potest docere communem piamque sententiam, suosque auditores ad eam amplectendam incitare. Propter hoc enim reprehendi non potest, dummodo argumenta illi faventia sincerè proponat, illisque vim suam, quantum veraciter potest, tribuat. Ratio est, quia ille persuadet rem honestam, nempe assensum prudentem motivo evidenter probabili innixum. Ergo sic faciendo non peccat. Ergo idem licet in materia morum juxta progressum jam explicatum, quia opinio in materia fidei non minus spectat ad conscientiam & mores, quàm opinio in materia morali. Ergo certum est, quod unicuique liceat

Quævis opinio probabilis in materia fidei licitè colligitur.

ceat sequi opinionem directè minus probabilem, modo ex argumentis reflexis; aut ex autoritate probabiliter credat id sibi licere. Ceterum argumentum à materia fidei ad mores deductum solidissimum est, & in sæculis retroactis ab omnibus universaliter ut efficax est agnitum, ut fufius ostendo *quaest. 22. de consc. prob.* de hoc argumento plura ex professo dicentur *quaest. 11.*

SOLVUNTUR OBJECTIONES.

Theologus
errat in in-
telligentia
rei. quam
objicit.

36. **O** BICIT primò recentior ille Theologus. Assumo quod Terillus rectè supponit tanquam necessarium ad sectandam aliquam opinionem, videlicet illam absolutè veram putari. Hinc autem inferitur, nemini licitum esse in materia morum sequi opinionem minus tutam, si illa appareat minus probabilis opposita tutiore, quia in tali casu impossibile est ut existimetur absolutè vera. Et quamvis physice posset, prudenter non posset, quia nequit esse vera prudentia seipsum adigere ad aliquid judicandum licitum, ut pateat aditus ad executionem, quando datur fundamentum majus ad judicandum non esse licitum. Hoc enim esset voluntariè seipsum obsecare ad non videndam malitiam, quam homo praevidere debet. Hinc autem ulterius sic arguit. Nemo in materia fidei reputare potest eam opinionem esse veram, quæ ipsi apparet minus probabilis opposita, ergo si in materia fidei non liceat tenere nisi eam opinionem, quam quis veram reputat, utique non licet eam tenere, quam minus probabilem reputat. Ergo à pari idem dicendum in materia morum.

Respondeo Theologum istum non rectè intellexisse argumentum: non enim universaliter dixi, ad sectandam opinionem in materiâ fidei necessarium esse, ut illam veram esse judicemus, cum oppositum prorsus asseram in argumento, quod ut à certioribus inchoaretur, dixi haud dubiè licitum esse in materia fidei sequi quaecumque ex partibus certò probabilibus, saltem quando quis illam existimat esse absolutè veram. Quod statim probavi exemplo eorum, qui in materia de Immaculata Deiparæ conceptione contraria sentiunt. Hoc autem toto cælo differt ab universali propositione, quam Theologus iste mihi tribuit: Itaque si intendat ad hominem arguere, aut ex universali principio à me cōcesso argumentum formare, haud dubiè argumentum procedet de subiecto non supponente, & nil concludit. Errat ergo in intelligenda prima parte objectionis; ad secundam autem, ubi probo licitum esse docere partem nobis minus probabilem, non respondet.

Reipsa so-
lum sectan-
tur proba-
biliora.

37. Respondeo secundo, me quoque admittente, nemini in materia morum licere sequi partem minus tutam, nisi ex argumentis, vel directis, vel reflexis, absolutè credat illam esse licitam. Ceterum licet non possim judicare opinionem directam esse veram, quamdiu existimo oppositam esse verisimiliorem, tamen hoc non obstante ex argumentis indirectis & reflexis, & in ordine ad alias circumstantias possum existimare opus illud esse absolute licitum, & sic bona fide licitè operari. Itaque si loquamur de reflexa consideratione, argumentum nil prorsus urget.

An & quo-
modo assen-
tiri possi-
mus minus
probabili-
bus?

38. Quod si loquamur de argumentis tantum directis, fateor & ego neminem judicare posse aliquid esse verum, quamdiu absolutè & finaliter existimat oppositum esse verisimilius aut probabilius: verum si præscindamus ab hoc judicio comparativo, & consideremus apparentiam

antecedentem omnem affectum ulli parti affixum, dico intellectum non solum physice, sed etiam prudenter flecti posse in assensum partis verè minus probabilis, ita tamen ut jam per hoc ipsum judicium, imò etiam aliquo modo pro priori ad illud, absolutè respiciamus partem hanc ut verisimiliorem & probabiliorem parte opposita. Hoc latè probatum est *quaest. 10. de consc. prob.* ubi de hoc ipso ex professo quaestionem instituimus. Videantur ibi dicta. Sed & plura de hoc argumento dicenda sunt in sequentibus. Quantum autem ad præsens Theologi argumentum attinet, respondeo illud utcumque locum habiturum, si intellectus in sensu composito judicii de majore probabilitate partis tutioris, violenter adigeretur ad absolutè judicandum partem minus tutam esse licitam; tunc enim homo videretur se sponte excæcare. At quoddam judicium hoc eliciatur in sensu diviso talis comparationis, & intellectus ex innocuo affectu & imperio voluntatis determinetur ad assensum præstandum rationi in actu primo remoto minus allicienti, sed in actu primo proximo, tam concomitanter quàm consequenter ad innocuum voluntatis affectum, magis allicienti, non est imprudens sed prudens, quia homo sic agit, sicut homines prudentes ex potentiarum suarum natura & subordinatione operantur. Et sane cum antecedenter ad omnem affectum constet, motivum hoc, quod postea approbatur, esse prudens, & cum magnâ veritatis inveniendæ spe conjungi, illudque, accedente innocuo voluntatis affectu ad illam partem, jam fortius & suavius alliciat, quàm oppositum; idque clarè percipiat, voluntas prudenter imperat assensum, quo pars illa absolutè creditur vera, & probabilior opposita. In quo imperio eliciendo voluntas prudenter operatur, sive bonum intellectus præsens spectetur, sive etiam finis voluntatis præ oculis habeatur. ut dicta *quaest. 10.* ostensum est.

39. Ceterum aliqua fortassis species turpitudinis primo aspectu appareret in voluntate, si illa eo tantum fine tale judicium imperaret, ne videret malitiam, quam praevidere debuisset, si illud judicium non eliciuisset. Sed si voluntas alia de causa, absque ullo respectu ad istum finem judicium illud imperet, non est unde reprehendi possit. Tunc autem licet sequi tale judicium. Ceterum nulla neque in illo casu vera turpitudine inveniretur, quia haud dubiè sæpè voluntati licet assensum imperare, idque eo fine ut malum non appareat, quod alioquin vitandum fuisset. Si enim intellectus dubitet, peccat voluntas amplectendo partem minus tutam. Jam voluntas, si motivum prudens adsit, prudenter imperat assensum, quo dubium tollitur, ut sic licitè ponat illud, quod alioquin absque peccato ponere non potuisset; neque hoc est sponte se excæcare, sed sponte veritatem videre, & excitationem dubitationis avertere. Idem locum habet in casu præsentis, quia homo ad aliud non obligatur, quàm ad non sectandam partem minus tutam, nisi absoluto judicio prudenti illam credat esse licitam, omnis enim alia obligatio absque ratione asseritur. Ergo voluntas ad aliud non tenetur, quàm abstinere, donec flectat intellectum ad tale judicium. Si autem physice possit illum ad tale judicium flectere, non imprudentiæ arguenda est, sed laudanda tanquam prudens, quia medium adhibet, quo à peccati periculo liberatur. Ceterum quia judicium, minori probabilitati affixum, est infimus gradus prudentis assensus, ideo aliqua species imprudentiæ simul apparet, quia infimum

Judicium
de bon. & au-
te rei licite
elicitur ne
cogamur ad
tutiora.

in unoquoque genere, si comparetur cum supremo in eodem genere, spectare videtur ad genus oppositum, sic qui in infimo gradu liberalitatis se continet, videtur avarus, si cum summo liberali comparetur, quo tamen non obstante, uterque verè liberalis est. Idem valet in casu nostro de iudicio parti minus probabilis alligato. Immo verò à potiori valet in casu nostro, in quo species illa mali longissimè abest, quia sive intellectus eliciat, sive non eliciat illud iudicium directum, multis aliis de causis liberamur ab obligatione sectandi partem tutiorem, ut partim constat ex dictis, partim ex dicendis abundè constabit: itaque nulla species turpitudinis præter se locum habet in casu objectionis.

40. Obiecit secundò: non solum non est certum, sed ne quidem verum est, quod in materia fidei licitum sit amplecti quamcumque volueris ex sententiis oppositis, quando utraque est certo probabilis, & nescitur quanam sit probabilior, quia in eo casu dubium resultat, & intellectus nequit ullam ex illis partibus veram credere. Unde infert contra me, quod, cum etiam in materia fidei requiram absolutum iudicium de veritate opinionis, ut quis eam teneat, defendat, aut doceat, nemo in materia fidei licitè tenere ac docere possit opinionem, quam putat æquè aut minus probabilem.

Theologus
male intel-
ligit sen-
sum ejus,
quem im-
pugnat.

Respondeo, objectionem etiam hanc in mala rationis meæ intellectione fundari, quæ proinde nec me urget, nec argumento à me allato satisfacit. Iterum ergo dico, certum videri, quod in materia fidei liberum cuique sit ex duabus opinionibus contradictoriis æquè probabilibus, quamlibet eligere ut eam doceat in scholis, tueatur, ac defendat, etsi neutri illarum assensum præbeat. Ratio est, quia per hoc non minus munus boni magistri implet, nec minus utilitatis discipulis offert, quàm si ipse in animo suo eandem opinionem teneret. Nec obstat quod ipse dubius de veritate maneat, nequeatque, in sensu composito dubiis aut iudicii de æqualitate rationum utrique parti faventium, judicare opinionem, quam docet, esse veram; quia ad licitè docendam opinionem sufficit, si habeat fundamentum existimandi quod illa licitè doceatur, quod certè non deest in casu nostro, etsi ipse de illius veritate suspensus maneat. Et hæc est disparitas inter materiam fidei ac morum, quod in moribus opinio, quam ultimè sequimur, absolute credi debeat vera, alioquin non dirigeret nos ad illud faciendum, quod tradit esse licitum. At ad docendum opinionem hoc non requiritur, quia opus, quod facio, est opinionem illam tradere, eamque defendere, ad quod faciendum aliunde sufficienter dirigor, quàm à iudicio, quo credo opinionem illam esse veram, ut patet. Cæterum quando dico liberum nobis esse in casu proposito quamlibet, ex æquè probabilibus, opinionem eligere, ut eam teneamus, id ita etiam intelligo, quod ex imperio voluntatis flecti possit intellectus ad alterutram partem credendam, illamque alteri actuali iudicio præferendam, quamvis antea utraque habebatur æquè probabilis. Quod autem hoc fieri possit, & quidem prudenter, in materia fidei, à potiori constat ex his, quæ proximè dicta sunt in responsione ad primam replicam, & multo uberior ex dictis in quest. 8. 9. & 10. de conscientia probabilis.

Theologus
iste dispari-
tatem assi-
gnat.

41. Obiecit terriò. Ideo Doctor aliquis, existimans probabilis esse quod in Deipara maculatè concepta fuerit, potest oppositam opinionem lau-

dabiliter docere, quia Doctor ille præsumere debet, sententiam minus piam ex passione vel ignorantia sibi proponi ut verisimiliorem sententiæ piæ, quam Ecclesia magis probat, & universi Doctores extra Dominicanam familiam certissimam putant. Præterea in sectanda pia opinione nullum est periculum, quia illa est conformior sensui Ecclesiæ; est autem periculum in sectanda opposita, quæ illi repræsentatur ut probabilior. At omnia aliter se habent in materia morum, quia quando pars tutior proponitur ut probabilior, nullum adest fundamentum credendi, id ex passione vel ignorantia provenire. Deinde nullum est periculum in sectanda parte tutiore ac verisimiliore. Est autem periculum peccati in sectanda parte minus tuta, quæ simul apparet minus verisimilis. Ergo argumentum hoc nullam habet verisimilitudinem. Mirandum proinde est, virum doctum hoc paritate usum fuisse contra sententiam rigidam.

42. Respondeo paritatem subsistere, & efficacissimè urgere omnes nobis adversantes. In primis etsi Doctor ille non præsumat, se ex passione aut ignorantia deceptum, adhuc laudabiliter docet oppositam opinionem, ut constat ex dictis. Nec hoc improbat iste Theologus. At in hoc solo tota argumenti vis consistebat. Secundò falsum est, quod Doctor ille debeat præsumere, se aut ex passione, aut ex ignorantia deceptum. Et quidem quod ad passionem attinet, potest certò scire oppositum. De ignorantia autem & erroris metu non est quod habeat timorem si questionem à fundamento examinavit, & quidem metu erroris liber erit, si suam sententiam suspendat. Nec obstat Ecclesiam magis favere benignæ sententiæ, quam plerique tenent, quia sicut hoc non obligat quemquam ad sectandam piam opinionem, aut ad præsumendum se passione aut ignorantia decipi, quando alios non docet, sed sibi soli & veritati studet, ita similiter id ipsam nullam habet influentiam ad talem præsumptionem necessariò adhibendam, quando piam opinionem docet in scholis.

Disparitas
allata est
nulla.

Docens piā
sententiam
contra pro-
piam non
tenetur præ-
sumere se
falsi in sua
opinionem.

43. Cæterum in hoc dicto hujus Theologi duos errores invenio: primus est, quod dicat omnes tenentes piam sententiam existimare eam esse certissimam. Hoc falsum est, quia si eam certissimam haberent, non possent non oppositam, ut maximè temerariam, & certissimè falsam, & consequenter ut peccaminosam reputare. At illicitum est talem contrariæ sententiæ censuram inurere, ergo non omnes, qui illam tenent, eam certissimam reputant. Secundus error est, quod asserat omnes extra Dominicanam familiam tenere piam sententiam. Utinam hoc verum esset, sed falsum est, quia aliqui, quamvis pauci, cum Dominicanis sentiunt. Cæterum non obstat favore, quem Ecclesia hæcenus ostendit benignæ sententiæ, adhuc supremus Pastor hæcenus ab illius definitione, atque à censura contrariæ opinionis abstinere voluit, ideoque favor ille ne quidem definivit, piam opinionem esse probabiliorē opposita. Itaque favor iste Ecclesiæ neminem urget ad præsumendum, se ex passione vel ignorantia deceptum existimare, piam opinionem esse minus probabilem opposita.

duo erro-
res hujus
Theologi

Sed ne quis circa meam de hoc mysterio opinionem decipiatur, eam paulo clariùs explicandam censui. Ego enim in eam opinionem propendo, quæ huic mysterio proximam definibilitatem, atque formalem quandam certitudinem, sed infra immediatam infallibilitatem ac certitudinem

nem fidei divinæ, attribuit. Proinde, speculativè loquendo, opiniones de hoc mysterio sibi contradicentes extra numerum opinionum verè & purè probabiliam jam constitutas existimo. Itaque quicquid aut in tractatu de Conscientia probabili de hoc mysterio dictum fuit, aut in hoc opere dicendum erit, cum hac limitatione accipi volo, quantum ad meam de eare sententiam pertinet. Hinc autem ultro fateor argumentum in hac paritate fundatum juxta meam propriam sententiam verè procedere de subiecto non supponente, cum sit extra materiam, de qua præsens controversia instituitur. Nihilominus paritatem hanc urgendam censui, quia eam validam puro ad hominem contra eos, qui minus piam sententiam sectantur, atque ita opinionem suam probabilem reputant, ut pia sententiæ veram probabilitatem haud denegent. Sine dubio enim argumentum hoc eos validissimè urget, sicut urget etiam omnes, si respiciamus tempus, in quo pia sententiæ nondum adeo communis erat, nec tantam ab Ecclesia approbationem habebat, quantâ eam modò gaudere cernimus. Itaque in hoc solum sensu argumentum à paritate ista peculiari desumptum, & à me fusè ponderatum accipi volo. Hoc prænotato ad adversarium redeo, quem sicut in doctrina antecedentis errasse ostendi, ita cum in ejusdem doctrinæ applicatione à vero deviasse mox convincam.

Urgetur
Theologus
& proprio
argumento
confutatur

44. In primis si sermo sit de licito directè minus probabiliam usu, de quo solo puncto reflexè considerato, nunc agimus, audacter dico, aut tantum, aut ferè tantum adest fundamentum existimandi, quod tenens rigidam sententiam ex passione, vel ignorantia decipiatur, quum in materia de immaculata Deiparæ conceptione. Ratio est, quia ex Ecclesiæ Doctoribus plures opinantur contra immaulatam conceptionem, quàm contra licitum usum minus probabiliam, illi enim olim fuerunt plurimi, & modò sunt, multi, inque viri Sanctissimi doctissimiq. At pauculi valdè benignam sententiam impugnaverunt. Præterea per sæculum integrum omnes omnino benignæ sententiæ subscripserunt, nil autem simile afferri potest pro sententia pia. Ergo ex hoc capite præsumptio erroris magis urget rigidam, quàm minus piam sententiam, sed & Ecclesia, summique ipsius Pastores suis decretis ac responsis plurimum favent benignæ sententiæ, ut infra constabit *quest. 8.* Deinde etsi nullum sit periculum errandi in sectanda parte tutiore in praxi, est tamen ingens errandi periculum in illâ doctrinaliter sectanda, id est in existimando ac docendo, quod usus minus probabiliam non sit licitus, & quidem hoc periculum in opinione omnium ferme Ecclesiæ Doctorum, est longe majus, quàm periculum in tradenda benigna sententia. Hæc legat Theologus ille, & fortasse suæ replicæ applicabit quod meo argumento objecit, scilicet quod nullam in ulla sui parte verisimilitudinem habeat. Nec amplius mirabitur, si paritatem istam urgeam. Urgeo enim illam ut efficacissimam, quippe quæ tam apud antiquos quàm recentioribus ita prævaluit, ut omnes existimarint benignam sententiam ex illa efficaciter stabiliri, ut ostendi *quest. 22. & 23. de conscientia prob.* Sed de hoc plura dicenda erunt *quest. 11.*

TERTIA RATIO.

45. **N**ULLA lex obligat, nisi sufficienter promulgetur. At quoties adsunt rationes, probabiliter suadentes partem minus tutam esse licitam, lex præcipiens partem tutiorem, non est sufficienter promulgata. Ergo illa lex neminem obligat, quamdiu certò probabile est, partem minus tutam non esse prohibitam. Rationem hanc fusè deduxi *quest. 23. de conscientia probabili. num. 14. & seq.* neque illa hic transcribenda duxi, tum quia infra de hac re agendum erit contra Celladeum, tum quia Theologus iste rationem illam non aliter proposuit, quàm sub terminis à me jam citatis. Ceterum omittere nolo exemplum, quod *quest. illa. 23. num. 21.* ponderavi, quia valdè efficax est: sic ergo arguebam. Quis non videt me, cui directè loquendo probabilius est, quod circumstantiæ aggravantes in eadem specie sint necessariè constitutæ, hac mea opinione non obstante, posse sic formare conscientiam? Si lex constituenda hæc circumstantiæ fuisset sufficienter promulgata, & applicata tam Ecclesiæ quam membrum Ecclesiæ, fieri non potuisset, ut S. Thomas, majorq. Theologorum pars negaret talem legem existere. At illi negant eam dari. Immo Concilium Tridentinum omnem hujusmodi obligationem tacuit, cum ex professo ageret de illis quæ necessario constituendæ erant. Ergo vel nulla ejusmodi lex existit, vel certè illa non est sufficienter promulgata. Maxime cum leges ejusmodi sint universales, debeantq. ex se omnes aequaliter efficere. Ergo si omnia inspiciantur, non teneor exprimere tales circumstantiæ. Nil profecto clarius, aut rationabilius tali discursu. At simile dædamen non solum eodem modo, sed longè à fortiori fieri potest, quoties pars minus tuta est æquè aut minus probabilis, quia si quaeramus, an detur lex præcipiens in tali casu partem tutiorem, respondeo tal. m. legem aut non dari, aut non esse sufficienter promulgatam, quia unanimi omnium Ecclesiæ Doctorum per integrum sæculum consensus fuit, quod nulla detur lex ejusmodi, sed quod liceat sectari partem minus probabilem, minusque tutam, contra probabiliorem ac tutiorem. Quod si à triginta annis pauci aliqui oppositum docuerint, id nil facit ad sufficientem legis promulgationem, quia adhuc longè major pars Doctorum expresse tenet, nullam ejusmodi legem existere, in qua doctrina tot Doctores nunquam convenire potuissent, si illa lex non solum existeret, sed etiam sufficienter promulgata & applicata fuisset.

Lex probabili
biter non
existens non
est sufficiē
ter promul
gata.

SOLVUNTUR OBJECTIONES dicti Theologi.

46. **O**BICIT primò. Argumentum hoc solum procedit de lege humana, quæ non obligat, nisi manifestè & evidenter promulgetur coram multitudine. Sit ergo casus: Petrus dubitet an lex aliqua promulgata sit, sed occurrant ei rationes validiores ad credendum, quod lex fuerit, quàm quod non fuerit promulgata. In hoc casu Petrus non potest probabiliter inferre, legem illam non fuisse absolutè & simpliciter promulgatam, ed quòd ipse de hoc dubitet. Inferretur quidem rite legem illam non fuisse sufficienter promulgatam, si apud omnes homines, & omni tempore, quo lex incepisse dicitur, ejus promulgatio dubia fuisset. At non inferretur tale dubium existere, aut extitisse, ed quòd Petrus

Unus dus
bitat: non
arguit legē
nō esse p-
omulgatam.

de ea re dubitet. Ergo dubium Petri non probat legem illam non esse simpliciter promulgatam, seu non habere vim obligandi in actu primo. Jam verò ut lex promulgata, & vim habens in actu primo, applicetur singulis, & postea habeat vim obligandi in actu secundo, non requiritur ut certò & evidenter constet de ejus existentia, & promulgatione, sed satis est, quod constet probabiliter. Constat autem probabiliter, quoniam quis prudenter judicare potest, legem illam fuisse promulgatam, & non fuisse abrogatam, & non potest prudenter judicare oppositum. Hoc autem contingit in casu nostro, nam dum adsunt urgentiora fundamenta pro existentia, ac promulgatione legis, quàm pro ejus non existentia apud Petrum. Petrus prudenter judicare potest legem existere, nequit autem prudenter judicare oppositum. Ergo obligatur ad legem. Itaque concessa majore, negatur minor ex consequentia argumenti. Ita ille.

Sola communis dubitatio probat legem esse sufficienter promulgatam.

47. Respondeo argumentum ex æquo procedere de omni lege, proportionem servata, ut ostendi dicta *quæst.* 13. Ratio est evidens, quia essentia legis consistit in voluntate ac imperio superioris, quibus subditi diriguntur. At impossibile est ut dirigantur voluntate & imperio superioris, nisi illa sufficienter manifestentur, & applicentur subditis. Promulgatio autem in hac manifestatione consistit, ut patet. Ergo illa æquè necessaria est in omni lege, quamvis eadem ceremonia non requiratur ad promulgationem omnis legis. Hoc supposito, ut pressius veniam ad argumentum, restringo me cum arguente ad legem humanam, & fateor solum dubium Petri non probare, quod lex illa non existat, aut non sit promulgata. Sed si Petrus dubitans petat ab aliis, & illi ab aliis, & nemo tandem sit qui certò dicere possit legem illam fuisse promulgatam, & plerumque absolute negant eam unquam fuisse latam, ex hoc satis manifestè constat, talem promulgationem non fuisse, quia si fuisset, ejus certa notitia ad aliquos, immo ad magnam aut majorem partem posterorum pervenisset. At certa illius notitia apud neminem inveniri potest. Ergo nunquam extitit talis promulgatio. At hic est casus noster, quia loquimur pro casu, in quo nemo certò scit, talem legem aut promulgationem existere, vel extitisse.

Eadem dubitatio infert legem non esse sufficienter applicatam.

48. Quod si concedamus fieri posse, ut promulgatio, olim evidens, magnæque parti reipublicæ notoria, ex certa omnium memoria dilabatur, adhuc eadem difficultas procederet de necessaria legis applicatione; lex enim illa non esset sufficiens ad dirigendos subditos, eosque obligandos. Quomodo enim voluntas superioris potest dirigere subditos, qui nesciunt, an superior talem voluntatem habeat? Et de qua maxima subditorum pars post omnem diligentiam credit oppositum? Itaque si dicta incertitudo apud omnes aut plerumque subditos existat, manifestum est, talem legem non esse sufficienter applicatam, ut universaliter obliget omnes, & vim legis exerat. Itaque exemplum illud Petri dubitantis, & ratio ab ejus dubitatione ducta non solvit argumentum, proinde malè negavit minorem, quam non probavi ex dubio unius particularis hominis, sed ex dubitatione & incertitudine omnium subditorum, quæ dubitatio efficaciter arguit, legem ejusmodi non esse sufficienter promulgatam & applicatam, ut obliget, & vim legis exerat.

49. Quod addit de applicatione singulis fa-

cienda, ut lex eos obliget; multis de causis deficit. In primis supponit, legem verè fuisse promulgatam, & hoc certò constare magnæ parti communis, & exinde progreditur ad qualitatem applicationis singulis necessariam. At quæstio nostra procedit ex opposito, quando legis existentia & promulgatio nulli prorsus certò constat. Itaque in ipsa suppositione deficit; sed data suppositione, adhuc reliqua deficient: quamvis enim admittam probabilitatem sufficere ad inducendam obligationem in particulari homine, quando oppositum non est probabile; tamen si oppositum non solum huic homini, sed aliis omnibus sit probabile, & multis longè probabilius; verum non est quod lex ejusmodi sit satis applicata, ut quemquam liget. Hic autem est casus noster, ut videre est in exemplis, quæ ponderata sunt in argumento. Deinde in ordine ad applicationem legis humanæ non attendendum est, quid huic homini, sed quid videatur communitati, ad quam dirigendam, & pro cujus comodo lex lata est. Quamvis enim particularis homo absolute crederet legem dari, & sufficienter applicari, non tamen ideo lex illa esset sufficienter applicata ut obligaret, si apud communitatem res esset dubia, quia nisi obliget communitatem, neminem obligat. Unde ille particularis homo, stante illa dispositione, peccaret quidem contra conscientiam, si oppositum faceret, non tamen peccaret contra legem, utpote quæ neminem obligat. Cæterum talis homo non peccaret, ne quidem contra conscientiam, si reflectens ad debitam legis applicationem, agnosceret illam deesse, & sic inferret, nullam ex privata persuasione de existentia legis applicationem sibi inferri, cum illa non probet legem sufficienter promulgatam, & applicatam fuisse communitati, ut quemquam obliget.

50. In eo etiam deficit, quod dicat tunc legem particulari homini sufficienter applicari, quando lex & legis promulgatio illi probabiliter constat. Tunc autem utraque constat probabiliter, quando prudenter potest judicare legem promulgatam fuisse, & non fuisse abrogatam, & non potest prudenter judicare oppositum. Hoc autem asserit tunc evenire, quando apparentia pro lege est probabilior apparentia pro non lege. Discursus iste præter jam dicta in duobus deficit: primum est, quia nemo obligaretur illa lege, quando apparentia illa esset æquè probabilis utrumque, tunc enim per illam homo non posset judicare legem dari. Hoc autem expressè contrariatur ipsius doctrinæ, & si concedatur, maxima ex parte nobis sufficit, & per legitimum discursum infert totum, quod intendimus. Secundus error est in supposito, quia supponit in tali casu non adesse sufficiens fundamentum ad prudenter judicandum quod lex non existat, &c. hoc autem repugnat casui, de quo loquimur, quia supponimus, utramque partem esse certò probabilem, & consequenter supponimus, utramque habere motivum sufficiens ad prudenter judicandum. Ergo non deest motivum sufficiens ad prudenter judicandum de veritate partis minus probabilis. Præterea *quæst.* 9. & 10. de *conseq. prob.* latè probavi, motivum minus probabile ad prudenter judicandum sufficere.

51. Demum Theologus iste, doctrinam hujus objectionis incongruè proposuit, quia supponit, eandem in casu argumenti nostri dari probabilitatem de promulgatione & applicatione legis, quæ datur de existentia legis, seu voluntatis obligandi

Opinio privata de lege non est sufficienter applicata, ut liget, nec arguit talem applicationem.

Alii defectus argumenti notantur.

Objectione Theologi facta suppositione notatur.

obligandi in superiore. At hæc duo diversa sunt, eorumque probabilitates & scientiæ separari possunt. Fieri enim potest; ut superior, seu legislator condat legem, sed eam deinde, aut nullo modo, aut insufficienter promulget. Idem dico de applicatione requisita ad obligandum in actu secundo. Nostrium ergo argumentum in eo fundatur, quod universalis probabilitas de non existentia legis seu voluntatis in legislatore, longè efficacius inferat non existentiam promulgationis & applicationis, quàm ipsius legis; quia promulgatio & applicatio sufficiens consistunt in rebus, quæ facilius & efficacius manifestant seipsas, & sui mediatione legem, quàm lex ipsa possit seipsam manifestare. Unde probabilitas, quæ est de non lege, tota sua vi arguit non promulgationem, quæ essentialiter supponit legem. At argumenta, quæ suadent non promulgationem, non æqualiter probant non legem. Ergo perperam & contra veritatem supponit, argumentum nostrum procedere ex suppositione majoris probabilitatis de legis non promulgatione, cum dicamus, universalem non probabilitatem legis ita inferre non promulgationem, aut non applicationem sufficientem, ut non sit probabile, sufficientem promulgationem & applicationem legis existere, quamvis dictæ probabilitas non legis, non auferat probabilitatem de lege. Et sane ipsamet in suis principiis idem dicere tenetur, quia universalis major probabilitas de non lege, certò inferret non promulgationem, aut non applicationem sufficientem, cum tamen probabilem de lege conjecturam non impediret.

Alia ob-
jectio.

52. Obicit secundò. Argumentum non procedit de omni casu dubio in observatione legis humanæ. Petrus enim certificari potest de existentia legis prohibentis opera servilia in die festo, & tamen dubitare, an pingere sit opus servile, & prohibeatur illa lege. At ubi constat de lege, & adest prudens fundamentum ad credendum opus aliquod contineri sub verbis legis, jam tale opus censetur absolute prohibitum.

Contradicit
sior Theo-
logus.

53. Respondeo primò, doctrinam hujus objectionis, ut jacet, primario hujus Theologi intentò contradicere. Nam ille fatetur, licitum esse sequi apparentiam probabilioris, etiam in casu legis certæ, quamvis detur motivum certò probabile & prudens, quod opus contineatur sub lege. Ergo falsum est, quod tale opus censetur absolute prohibitum per hoc, quod detur fundamentum prudens existimandi quod contineatur sub verbis legis. Tunc ergo solum habetur opus ejusmodi esse absolute prohibitum, quando ita est probabile voluntatem legislatoris ad illud extendi, ut oppositum non sit probabile. Quare.

Casus quæ
ponit non
solvit argu-
mentum.

54. Respondeo secundò, argumentum nostrum procedere de omni dubio legis terminatæ ad opus, de quo quæritur, an prohibeatur. Lex enim, & anima legis consistit in voluntate legislatoris. Ergo si dubium sit an voluntas legislatoris extendatur ad hoc objectum, verè dubium est, an existat lex verans hoc objectum, ad quod vetandum nullam influentiam habet voluntas ejusdem prohibens alia, nisi etiam ad hoc vetandum extendatur. Itaque dubium hoc est verissimum dubium legis, & consequenter argumentum nostrum æquè procedit de hoc casu, ac de quovis alio, cum in nullo sit diversitas. Imò si sermo sit de lege humana, omnino præsumendum est, eam ad alia non extendi, quàm quæ communiter ab omnibus existimantur contineri sub verbis. Quod si

omnes omnino dubitent, aut probabile existiment, quod aliquid non contineatur sub verbis; aut quod legislator noluerit illud comprehendere, datur præsumptio, quod superior humanus obligare nolit suos subditos ad illud ex præcepto faciendum, ut ostensum est *dicta quest. 23. num. 14. & sequentibus*. Ceterum, stante tali casu, voluntas illius non est sufficienter intimata & applicata, ut obliget.

55. Obicit tertio. Quamvis in occurso opinionum lex directè vetans opera servilia in die festo non esset sufficienter promulgata ad obligandos subditos; ne pingant in diebus festis; esset tamen certò proposita l. x. rest. x. de evitandò periculo violandi legem directam, de cujus existentia dubitatur, juxta illud: *Qui amat periculum, peribit in illo*. Et juxta regulam Juris: *In dubio tutior pars est eligenda*.

Respondeo primò, objectionem contradicentia continere. Ex una parte supponit legem non esse sufficienter promulgatam, & ex altera parte dari periculum violandi talem legem. Hæc sibi contradicunt, quia nullum potest esse periculum violandi legem, si lex certò non obliget. At lex sufficienter non promulgata certò non obligat. Ergo nullum est periculum violandi talem legem.

56. Respondeo secundò objectionem duobus modis intelligi posse. Primò, ut sensus sit, dari certam legem reflexam prohibentem homines, ne operentur in dubio legis directæ, quamdiu prædictè dubitant; id est, quamdiu dubitant, an lex illi obliget, & nullo modo formant conscientiam de honestate suæ operationis; textus enim illi de hoc solum casu universaliter procedunt. Secundò, dari certam legem reflexam verantem nos sequi partem minus tutam minusque probabilem, de qua sola lege nunc agimus. Primam legem ultro admittimus, sed secundam respui-
mus, immò nemo sine ingenti temeritate, & evidenti falsitate dicere potest, illam legem esse certam, cum omnes fere Theologi negent talem legem existere. Unde longè majus dubium est de hac lege reflexa, quàm de ulla particulari lege directæ, de qua opiniones contrariæ reperiuntur. Talem autem legem non dari, ex defectu sufficientis promulgationis & applicationis, efficaciter colligimus. Quæ cum ita sint, existimo Theologum hunc non allusisse ad hanc secundam, sed ad primam legem reflexam; sapientior enim est vir doctus, quàm ut supponat, controversiam præsentem esse certam, cum multum illi sudandum erit, ut evincat suam sententiam esse probabilem. At prima lex nil obstat, quia sicut illa per hunc Doctorem non obstat in lege directæ, quando quis prudenter existimat talem legem non dari, ita pariter non obstat nobis, quia ut quis licitè sequatur partem minus probabilem minusque tutam, necesse est ut ex rationibus reflexis prudenter judicet nullam legem prohibere hoc opus in istis circumstantiis, in quibus ponitur. Ergo non magis exponimur violationi hujus legis reflexæ in nostra opinione, quàm ille in sua, id est vere neutri tali periculo exponimur.

57. Obicit quartò. Argumentum non procedit de lege divina; lex enim naturalis, & lex æterna non indigent promulgatione exteriori, ut habeant vim legis, sed satis est quod internè proponantur per fundamenta rationis. Non est autem necesse, ut ratio proponens legem æternam sit manifesta, evidens, & convincens intellectum hominis, qui ea lege obligandus est; sed
satis

Obiectio 3.

Obiectio hæc contra-
dicit sibi.

Non datur
certa lex re-
flexa verans
usam mi-
nus proba-
bilem.

Obiectio 4.

fatis est quod ille habeat prudens & rationale fundamentum iudicandi legem existere, ad hoc ut violatio talis legis ei imputetur ad culpam.

Argumentum à fortiori locum habet in lege divina positiva.

58. Respondēo iam ostensum esse, quod argumentum, proportionē servata, æque procedat de omni lege; nec de hoc ullum potest esse dubium. Cæterum obiectio in eo aperte errat, quod universaliter dicat, legem æternam promulgatione externa non indigere, oppositum enim evidens est in omni lege divina positiva, quæ certè non minus indiget externa promulgatione, quàm lex humana, quamvis Deus pro suis legibus promulgandis non eas ceremonias requirat, quas legislatores humani sapienter præscribunt pro suis. Itaque loquendo de lege divina positiva, idem prorsus dicendum in casu argumenti nostri, ac de lege humana, ut per se patet, & constat exemplo legis obligantis ad confessionem peccatorum. Immo argumentum nostrum fortius urget in lege divina, quia major est præsumptio, quod si talis lex verè extitisset & sufficienter propoſita fuisset Ecclesiæ, nunquam fieri potuisset, ut omnes omnino de ejus existentia dubitarent, aut censerent probabile, quod nunquam extiterit.

Maximè vero urget in lege naturali.

59. Quod ad legem naturalem attinet, argumentum magis urget in illa, quàm in aliis, ut mox constabit. In primis existimo, nullam legem naturalem proximè obligare, nisi certò & evidenter obliget, quia omnis obligatio naturalis apertè reducitur ad aliquam legem, directam aut reflexam, illi certò notam, qui tali lege proximè obligatur. Sed de hoc nolo jam contendere, esto, ratio probabilis sufficiat, quando oppositum non est probabile. At si honestas operis alicujus sit certò probabilis apud omnes (de quo solum casu loquimur) datur manifesta præsumptio, quod illud non sit prohibitum lege naturali, quamvis aliqui probabilius existiment, opus illud esse prohibitum. Ratio est, quia lex naturalis facili innotescit: unde si post omnem considerationem adhibitam, nemo potuit certò scire, rem illam esse malam, præsumendum est, quod non sit intrinsecè mala, & lege naturæ prohibita. Constat ergo, peculiarem hominis opinionem, de majore probabilitate inhonestatis talis rei, non obſtare, quo minus ex universalis probabilitate contrarii rectè inferat, ac probabilissimè saltem judicet, hoc opus verè non esse malum, nec ulla lege naturali, aut existente, aut sufficienter hominibus applicata esse prohibitum. Itaque argumentum à me allatum in omni prorsus lege est efficax.

QUARTA RATIO.

Obligatio dubia prudenter rejicitur.

60. **C**ELBRE est illud dictum Lactantii Firmiani lib. 3. institut. cap. 27. ubi hæc habet. *Stultissimi est hominis præceptum eorum velle parere, quæ utrum vera sint, an falsa, dubitatur, & ideo nemo parat, quia nemo vult ad incertum laborare.* Hoc Lactantii dictum rectissimè applicatur ad omnem legem dubiam, quia si post omnem conatum maneat incertum, an lata fuerit, neminem obligare potest; Nam stultissimum est talis præcepto, ut præcepto velle parere, cum an sit verum, an fictum præceptum dubitatur, & ideo nemo parat, quia nemo vult ad incertum, quasi ad certum, obligatum se puerare. Hic est casus noster: nam post omnem conatum adhibutum, adhuc incertum est, an aliquid sit vetitum, nec ne. Immo supponitur manere

probabile, quod liceat. Ergo in ipso legitime inferitur, quod nulla ejusmodi obligatio urgeat. Formatur autem hic discursus. *Obligatio non supponitur, sed probatur: sed hæc obligatio post omnem industriam probari non potuit. Ergo non debet præsumi, sed præsumendum est quod nulla deest.* Similiter ille alius Syllogismus hoc modo deducitur. *Si lex aliqua hæc actionem prohiberet, illa post debitam diligentiam patuisset. At post omnem industriam non patet, quia res semper manet incerta. Ergo nulla lex prohibet hæc actionem.* Et hoc est in quo Auctores innumerabiles fundantur, qui tenent jus dubium non obligare, quia, dubio post debitam diligentiam remanente, prudenter præsumimus, legem non dari.

Lex dubia non obligat.

61. Præterea multis de causis, scimus legem dubiam omni obligandi vi carere. Inprimis ex vi sufficientis promulgationis obligare nequit. Sed de hoc in tertia ratione egimus, nunc aliis insistimus. Secundò lex ex sua essentia est regula & mensura operationum subditi, à superiore imposita. Atqui voluntas dubia superioris, quæ fortè existit, fortè non existit, non potest præcedere, dirigere, ac regulare operationes subditorum, quia dubitatur an actio sit, nec ne, conformis voluntati ac imperio superioris. Ergo lex dubia non potest obligare & regulare instar legis & regulæ arctantis & exercentis vim regulæ. Tertiò, si lex dubia obligaret, perinde deberemus nos gerere in dubio post legem investigatam, ac in certa cognitione legis. At hoc est falsum, quia post legem non inventam, prudenter præsumimus illam non dari. Talis autem præsumptio, sicut contraria est certæ notitiæ legis, ita fundat contrarios effectus; certitudo enim legis obligat, at prudens præsumptio non legis deobligat. Quartò, adversariis fatentibus, in dubio de sensu legis, si omnes communiter de illo dubitent, lex ad illum sensum non obligat. Ergo à fortiori dubium de ipsa lege ejus vim enervat, quia plus est dubitare de substantia legis, quàm, suppositâ ejus existentia, solum dubitare de ejusdem sensu. Quintò, lex dubia non aliter arctat, si existat, quàm si non existat; nam utcumque se habeat, stante dubio, iidem omnino sunt actus intellectus & voluntatis in operante. Ergo eodem modo peccat vel non peccat, si existat lex illa, si non existat. Sed lex dubia non existens non habet vim arctandi & obligandi, ut patet, quia voluntas superioris non existens non potest quemquam obligare, vel dirigere. Ergo neque si existat, potest arctare, aut, stante dubio, ullam malitiam in actum refundere, alioquin gravius peccaret, qui legem dubiam existentem, quàm qui non existentem violaret, quod est absurdum: ergo lex, post omnem diligentiam manens dubia, non obligat. At quoties, omnibus consideratis, probabile est, nullam legem existere, existentia legis post omnem diligentiam est dubia. Ergo neminem ligat. Undè intellectus ex dubio legis dubium de sua obligatione deponit, & rationabilissimè concludit, neminem ex vi talis legis obligari ad tutiora sectanda, sed licitum cuique esse in tali casu sectari minus tuta, cum dirigatur per prudentem præsumptionem, quod opus sit licitum. Hæc & hisce similia profecutus sum dicta quæst. 23. à num. 27. quæ utiliter videri possunt, quia efficacissimè probant intentum.

SOL:

SOLVUNTUR OBJECTIONES
dicti Theologi.

Replica 1. 62. **O**BJICIT primò. Argumentum hoc nimis probat, ergo nil probat. Probatur antecedens. Inprimis dictum Lactantii probat, occurrentibus rationibus potioribus pro existentia, quam pro non existentia præcepti; stultum esse abstinere à re, de qua dubitatur an sit præcepta, ne transgrediamur præceptum. Hoc autem est manifestè absurdum, quia quamvis non esset obligatio sectandi partem tutiorem & probabiliorem, in occurſu opinionis minus probabilis minusque tutæ, id tamen esset melius & perfectius.

Secundò: Dictum hoc Lactantii non est ad rem: loquitur enim de præceptionibus Philosophorum, non de præceptis Dei, vel humani legislatoris legitimam potestatem habentis. Præterea loquitur de præceptionibus, de quibus quis dubitat non an existant, sed an sint veræ vel falsæ. In hoc autem dubio stultum esset amplecti ut verum, id de quo dubitas an sit verum an falsum. At in nostro casu si constaret legem dari, nemo ambigeret de obligatione. Ergo abs re est exemplum, in quo de præceptionibus Philosophorum constat quod sint, & dubitatur an sint veræ; abs re, inquam, ad casum nostrum, in quo si constaret de existentia præcepti, nemo ambigeret de obligatione inde resultante.

Theologus
iste non rectè
intelligit
Lactantium.

63. Respondeo Theologum hunc non rectè intellexisse Lactantium, qui universaliter non dicit, stultum esse facere, quæ philosophi docebant, quia multa dicebant esse honesta, quæ verè talia erant, ut ipse in eodem capite 8. agnoscit; sed solum dixit, stultum esse illis parere, quando dubitabatur an verum, vel falsum dicerent; id est stultum est illa facere, tamquam ex obligatione virtutis debita, & agnoscere obligationem ob eorum sententias & opiniones, de quibus dubium erat, an essent veræ, vel falsæ. At hoc nimis non probat, sed ostendit, quod iustissimum est. Itaque similiter dico, laudabile esse abstinere à parte minus tuta, non solum quando probabilius est quod sit mala, sed etiam quando ejus inhonestas est probabilis, sed minus probabilis ejusdem honestate. Verum sicut hoc non obſtante, stultum esset, per hunc Theologum, agnoscere se obligatum, quando honestas illius partis est probabilior, ita pariter ex ratione ac mente Lactantii idem dicendum est, quando utraque pars est æquè probabilis, aut pars tutior aliquanto probabilior; quia hoc est absque necessitate, & contra rationem agnoscere se obligatum, ubi nulla est ratio sufficiens ad obligationem aſtruendam, & convincendam.

Non solvit
argumentū.

64. Et sanè casus noster est planè similis casui Lactantii, nam utrobique sermo est de opinionibus Doctorum circa præcepta: Philosophi enim docebant talia esse mala, talia bona, & consequenter illa jure naturæ vitanda, hæc amplectenda, &c. Similia tradunt jam Doctores circa præcepta tam humana, quam divina. Sed utris potius credendum est? Respondeo neutris, quamdiu incerta afferunt, & rem dubiam relinquunt, quod ratio Lactantii efficaciter probat. In utroque ergo casu par ratio dubitandi de lege, seu de honesto & inhonesto. Ergo par ratio in utroque casu ad respuendum omnem obligationem. Et sanè sicut illi non dubitabant de existentia præceptionum à Philosophis dataram, ita nos

non dubitamus an diversæ opiniones Doctorum existant, sed tam dubitamus an istæ sint veræ, quàm illi dubitabant an opiniones Philosophorum veræ essent. Ergo exemplum maximè facit ad rem, in ordine ad quam verè abs re est dictum illud Theologi, quod nemo ambigeret de obligatione, si constaret de præcepto legitimi legislatoris. Quid hoc ad rem? Nonne idem dixisset Lactantius, si constitisset Philosophos verum dixisse, & non nisi declarasse existentiam legis certæ? Præterea quis, quæſo, potest magis dicere, Doctores in casu nostro verum præceptum Dei proponere, quàm Philosophos illos proposuisse legem naturæ? nemo certè. Ergo nulla est disparitas.

64. Demum in eo errat Theologus, quod dicit, Lactantium in eo stultitiam potuisse, quod dubius de veritate talis præcepti crederet illud esse verum. Verum Lactantius hoc non somniavit. Hoc enim non modo stultum est, sed prorsus impossibile: stultum enim est illud solum, quod per imprudentiam fieri potest: non ergo loquitur de credendo illis in casu dubii, sed de parendo dictis illorum, ita se gerendo, ac si verè obligarentur ad illa, quæ Philosophi proponebant; quasi verò lex dubiè proposita obligaret. At hoc ipsum est, quod nos dicimus, ut patet.

65. Objicit secundò. Si probabilitas de non præcepto evacuet vim legis dubiæ, quando existentia legis probabilior apparet, sequeretur, quod nulla obligatio resulteret, quamvis homo motivis illis probabilioribus præstaret assensum, & actu crederet legem existere, quia adhuc non est certum, quod tale præceptum existat. Ergo adhuc liceret opus ponere, quia lex incerta non obligat. At hoc est absurdum, & contra illud, inquit, quod Tertulius tradidit *quaest. 30. de cons. prob.* ubi dixit, nemini licere agere contra propriam opinionem. In eo autem argumentum maximè peccat, quod requirat existentiam legis esse certam, ut resultet obligatio, quod tamen est falsum; alioquin in rebus controversis Doctores malè docerent talem vel talem contractum esse licitum.

66. Respondeo, & peto ab isto Theologo, Lex incerta
nunquam
obligat
an, & undè obligatio resultet, quando quis, errore deceptus, judicat legem dari? quod obligatio resultet, uterque concedimus; sed undè veniat, ut apparet, dissentimus. Ego dico, & audeo dico, obligationem non refundi à lege falsò credita, quia lex non existens non potest veram directionem & obligationem causare. Datur tamen obligatio, sed illa fundatur in lege reflexâ certâ non operandi contra conscientiam, aut non operandi contra legem, quam credo existere, sive illa existat, sive non existat. Audirem libenter ab hoc Theologo aliam radicem hujus obligationis. Hoc autem admissio, nil absurdi diceret, qui contenderet nullam legem obligare, nisi & verè existat, & certò innotescat; quia congruentius est omnem obligationem refundere in legem certam, si possit in illam refundi. At omnis obligatio refundi potest in legem certam, vel directam, vel reflexam; in directam quando certò datur; in reflexam, quando lex directâ certò non innotescit. Et sanè lex reflexa æquè obligat pro omni casu judicii distantis legem directam existere. Ergo tam peccat contra illum, qui facit contra propriam opinionem probabilem veram, quàm falsam: ergo tota materia facientis contra dictamen verum refunditur in hanc legem reflexam, quia non turpius peccat operans contra propriam

Interim
malè
intelligit
Lactantium.

Replica 2.

propriam opinionem veram, quam falsam, si cetera sint paria, ut patet. Ergo frustra recurrimus ad legem incertam pro malitia refundenda, cum tota quanta refundatur à lege certa. Et sane cum sit proprium legis regulare, dirigere ac obligare, optime apparet quomodo per se ista præster, si certò innotescat: at difficilius intelligitur, quomodo lex non certò proposita possit hæc præstare. Non ergo est tam absurda sequela, quam Theologus iste supponit. Cæterum ex illa admisa non sequitur, Doctores frustra docere talem rem esse illicitam, quia hoc docendum est, & iudicium probabile de existentia talis legis efficiendum, ut detur locus legi reflexæ, & obligationi ab illa certa lege provenienti.

Error repli-
ce

67. Porro errat Theologus, dum asserit, argumentum supponere, quod nulla resultet obligatio, nisi lex proposita sit omnino certa: hoc ego non dixi, sed oppositum expressè tradidi in *disq. quest. 22.* ubi argumentum hoc latius proposui, quia si lex, sufficienter promulgata, & communitati applicata, vere existat, & illa applicetur per absolutum iudicium, per hoc sufficienter applicatur mihi, ut aliquem effectum & obligationem directè inducat, maxime si oppositum non sit probabile. Miror proinde, unde hic Theologus dicere potuerit, hoc argumentum supponere, nullam obligationem provenire à lege non certò proposita. Sed fortasse deceptus fuit voce illa *incerta*, quæ applicari potest rebus non solum dubiis, sed etiam opinatis. Verum ex contextu argumenti patet, quod nomine *incerti* hoc loco aliud non intelligamus, quam dubium consistens in suspensione iudicii probabilis de utraque parte contradictionis. Rursus, quamvis lex incerta non obligaret, non ideo ulla esset umbra contradictionis in eo quod docui, scilicet nemini licere agere contra propriam opinionem, quia tota illa obligatio refundi posset in legem certam, non in incertam, ut dictum est. Cæterum non tam crudè dixi, nemini licere contra propriam opinionem agere, ut hic Theologus proponit, sed multis cum limitationibus thesım illam exposui.

68. Obijcit tertio. Minor primi syllogismi in argumento allati est falsa, quia obligatio sufficienter probatur hoc ipso, quod post sufficientem diligentiam existentia legis appareat operanti verisimilior ejusdem non existentia; eo ipso enim quod hoc judicare possit, tenetur lege illa. Nec dicas: teneri quidem si formet iudicium illud, sed potest iudicium omittere, & tunc nulla obligatio resultabit. Nam contra, quia in potestate creature non est facere, ut præceptum non obliget, jugumve excutere voluntariè omittendo actum sibi liberum; sed hæc obligatio ei est necessaria. Ergo si præceptum intimetur sufficienter, ut de illius existentia homo iudicium ferre possit, manet obligatus. Vel enim elicit iudicium de inhonestate objecti, & obligatur ad tutius; vel suspendit iudicium, & manet dubius, in dubiis autem tutior pars est eligenda. Similiter ne dicas, talem hominem posse formare iudicium de honestate objecti ex vi motivi probabilis sibi propositi, & sic liberari ab obligatione: nam contra, quia non est in potestate hominis impetare assensum partis minus probabilis, & quamvis physicè posset, non posset prudenter facere. Præterea absurdum est subicere obligationem præcepti divini arbitrio hominis, ita scilicet, ut per suum iudicium opinativum amoliri possit obligationem præcepti. Quare quamvis homo, stante

repræsentatione verisimiliore de inhonestate rei, absoluto iudicio crederet rem illam esse honestam, non excusaretur coram Deo, quia diceretur illi, quid refert, quod judicaveris rem esse licitam, cum habueris majus fundamentum ad judicandum oppositum.

69. Respondeo minorem allati Syllogismi esse verissimam: quæ enim probatio legis est illa, quæ post omnia considerata relinquit rem dubiam? an ne illa sufficiens probatio legis dicenda est, quod cum utraque pars sit certò probabilis, pars legi favens, mihi apparet probabilior? Potestne mea major apparentia potius probare legem, quam major apparentia oppositi in alio probare non legem? sed quid si aut omnes, aut plerique alii contrarium sentirent? anne adhuc mea major apparentia sufficienter probaret legem? aut fieri potest, ut eadem lex simul sufficienter probetur, & non probetur in republica? nullo modo: lex est regula universalis pro tota republica, quæ nisi probetur sufficienter pro tota multitudine, pro nemine probatur. Itaque nulla probatio sufficienter convincit legem, nisi universalis apparentia, qua lex aut certò innotescat, aut certè qua constet, existentiam legis esse probabilem, & oppositum non esse probabile. Nil infra hoc sufficienter probat legem pro communitate. Jam ad hoc probandum majoritas apparentiæ meæ nil facit in casu præsentis, ut patet: Itaque mihi videtur Theologus iste hoc loco confudisse applicationem legis jam probatæ, cum legitima legis probatione. Si lex semel sufficienter probata sit, tunc fortasse major apparentia mea de re contenta sub lege me obligabit, quia legem mihi applicabit, & major apparentia oppositi in alio illum deobligabit, quia lex illi non sufficienter applicatur. At jam non agimus de applicatione legis sufficienter probatæ, sed de ipsa probatione, quæ requiritur ut lex ipsa sufficientem vim habeat ad obligandum, & ut vim suam in communitatem extendere possit. Ergo non obstante mea apparentia majore pro lege, rectè concludo, legem non esse sufficienter probatam, & consequenter me non obligari hac lege, quamvis habeam fundamentum ad prudenter judicandum quod existat.

70. Jam quamvis per hanc distinctionem replica ista penitus corruat, juvat tamen singula in ea contenta examinare, quia omnia à veritate deficere videntur. Sed ante omnia peto à Theologo isto, an lex sufficienter probaretur, si apparentia probabilis par esset pro utraque parte. Mirum, si concedat, quia evidens est, quod in casu paritatis argumentorum lex non magis probetur, quam non lex. Ergo negabit legem tunc probari. Ergo pro eo casu paris probabilitatis Syllogismus concludit: ergo in æquè probabilibus pars tutior non cadit sub præceptum. Hoc autem admissio, pro praxi parvi momenti est, utrum pars minus probabilis, agnita ut talis, liceat nec ne; quia si non liceret, homines rarò affirmarent partem minus tutam esse minus probabilem, rarò enim certò constat, quæ pars sit probabilior, & maxima hominum pars judicare nequit de probabilitatis excessu. Ergo rarò aut nunquam veniremus ad hunc casum, ideoque quæstio sub istis terminis exigui momenti foret, ut latè declaratum est in proœmio tam *quest. 21. quam 23. de conscientia probabilis.* Cæterum ut veritas certius pateret, nos quæstionem sub difficillima hac expressione proposuimus, illamque in hoc etiam sensu veram esse probavimus, & probamus.

71. Præterea evidenter falsum est, quod supponit

Apparentia dubia aut probabilis contra probabilem, nō probat legem.

Par apparentia pro utraque parte non facit probat legem.

Sæpe est in potestate nostra im-
pedire quominus lex nos obliget.

Contradictio
sibi Theologus.

Alium Theologi error
detegitur.

ponit ut notoriè verum, nempe non esse in potestate arbitrii obligationem imminuentem amoliti. Inprimis certum est, quod operans in dubio peccet. At sæpe evidens est, quod homo poterat omittere bonam fidem, & dubitare quando illam format, & per eam certò excusatur à peccato, si secedatur partem minus tutam. Calum habes expressum in cap. inquisitioni de sent. excom. de eo, qui levi credulitate de impedimento matrimonii ad Pastoris consilium explosa, licitè petit debitum conjugale. Deinde miror, Theologum hunc talem propositionem protulisse, & ut verissimam habuisse, quam ipse expressè falsam reputat. Tenet enim cuique licitum esse sequi suam opinionem probabilem de honestate partis minus tutæ. At in potestate illius erat illud iudicium non elicere, quia omnis assensus opinativus est liber, saltem libertate contradictionis, & quoad exercitium, ut omnes fatentur. Ergo in potestate illius est facere hic & nunc ut obligetur, vel non obligetur ad partem tutiorem. Ecce Theologus iste in hoc argumento sibi contradicit. Quare dico, hominem illum obligatum iri ad partem tutiorem, si eliciat iudicium, quo absolute credat illam esse præceptam; sed hæc est obligatio legis reflexæ non contraveniendi suæ conscientiæ, non autem præcepti directi, quod fortè non existit, & si existat non sufficienter probatur existere ut vim exerat, & communitatem obliget. At si abstineat ab illo iudicio, liber erit, quia ex una parte non ponet materiam, circa quam versatur lex reflexa; ex altera verò parte lege directæ non sufficienter probata non obligabitur. Nec obstat, quod maneat dubius, an lex directæ existat, quia hoc est dubium remotum & speculativum, non proximum & practicum, in quo solo locum habet regula illa. In dubio tutior pars est eligenda. Nam non obstante dubio illo remoto rationabilissimè formatur conscientia dictans, legem dubiam non obligare, quia simpliciter dubia est, & non sufficienter probatur. Ergo aliquando est in potestate nostra obligari, & non obligari legibus divinis. Sed qui universalius diceret positum esse in potestate nostra obligari, aut non obligari ejusmodi legibus, stultissimè erraret, quia sæpe evidens est tam legem ipsam, quam ejus notitiam, & applicationem, atque materiam præviā extra nostram potestatem esse positam. Ergo tunc obligatio inevitabiliter irrumpit in nos, ut per se patet.

72. Rursus constat ex dictis contra hunc Theologum, quod, in casu objectionis, simpliciter positum sit in potestate operantis, non solum physicè, sed etiam prudenter, elicere assensum, quo absolute iudicet legem non existere; quod ex professo probatum invenies in quæst. 10. de cons. probabili. Cæterum in eo casu, homo operans non existimaret existentiam legis esse probabiliorē, sed divideret se ab illa existimatione, & ex motivo prudenti ac prævalenti crederet non legem non solum esse probabiliorē, sed etiam absolute veram. Neque apparet undè accusari possit imprudentiæ, nam quod antea habuerit majus fundamentum nil facit, si majoritas fundamenti, prius agnita, non amplius existat, sed loco ejus succedat major apparentia oppositi; major, inquam, saltem in actu secundo per ipsum iudicium prudenter elicatum, immo & major etiam in actu primo consequenter ad affectum innocuum uni parti additum. At totum hoc haberi potest in eo casu. Ergo qui sic judicaret, & se ab obligatione legis reflexæ eximeret, & in

R. P. A. Terilli Regula morum, Pars I.

nullo turpiter ageret, sed ex duplici causa sciret se liberatum à lege directæ. Primò, quia illa est dubia, & non sufficienter probata. Secundò, quia jam per illud iudicium prudenti motivo nixum sine temeritate directè credit, rem esse à Deo permissam.

73. Objicit quartò. Major secundi Syllogismi in argumento allati est falsa: fieri enim potest, ut lex existat, quamvis post debitam diligentiam ejus existentia tibi certò non constet; non enim est de conceptu legis, ut certò constet omnibus subditis post adhibitam diligentiam. Deinde minor est incerta, nempe legem non patere post omnem diligentiam. Quis enim certus esse potest, se omnem diligentiam adhibuisse ad legem inventiendam? Certè ut ex non inventione quis certò inferat non legem, debet evidenter scire, se omnem diligentiam adhibuisse. Sed nemo hoc evidenter novit. Ergo Syllogismus in utraque præmissa claudicat.

Respondeo Syllogismum illum non fuisse positum tamquam demonstrationem ex præmissis evidentibus, sed tamquam Syllogismum probabilem ex complexo præmissarum tantum probabili constatum. Ad intentum enim nostrum sufficit, si probabiliter concludamus, usum partis minus probabilis esse licitum. At replica nil probat contra hoc, quia quamvis non sit prorsus necessarium legem non existere, si post debitam diligentiam non sufficienter mihi pateat, id tamen est valdè probabile, quia procul dubio propositio procedit de iis, quæ plerumque contingunt, etiam si sermo restringatur ad quemvis hominem particularem, qui debitam diligentiam adhibet. At si loquamur non de particulari homine, ut iste Theologus, sed de universali subditorum multitudine, quorum plurimi rem diligentissimè investigarunt (qui propriè est casus noster) profectò non inventio certitudinis de veritate rei quæsitæ est longè probabilissimum argumentum, quòd lex non existat. Immo si restringamus nos, & dicamus sic, si post omnem diligentiam, ab omnibus adhibitam, non solum non est certum legem illam existere, sed non est ita probabile illam existere, ut oppositum non sit probabile, major propositio videtur saltem moraliter certa & evidens. At nōs loquimur in hoc sensu, quia loquimur de opinionibus, quas certò & universali fama constat esse probabiles. Ergo major est verissima, saltem in sensu à nobis intento, & sufficiente ad id probandum, pro quo confirmando assumitur. Jam minor est probabiliter vera respectu singulorum, qui humanam & à probis ac peritis præscriptam diligentiam præmiserunt. Præterea minor est evidens, quia sæpe evidens est, talem hominem omnem diligentiam debitam adhibuisse. Verum ista minor in casu præsentis sumitur respectu universitatis Doctorum, qui rem diligentissimè examinarunt, & post omnem conatum non solum veritatem ipsam certò scire non potuerunt, sed ne quidem invenire exclusionem magnæ probabilitatis pro non lege. Ergo minor est probabilissima & moraliter certa, quia moraliter certum est, debitam diligentiam à communitate fidelium & Doctorum fuisse adhibitam; & de hac diligentia loquitur minor, quando dicit, Legem post omnem industriam non patuisse. Ergo negari non potest quin conclusio sit probabilissima, immo prorsus concedendum est, quod Syllogismus in hoc strictiori sensu acceptus sit moralis quædam demonstratio.

Æquivocatio hujus Theologi in eo consistit, quòd

Replica 4.

Replica nō
infirmat argumentū.

Delegitur
equivoca-
tio Theolo-
gi.

quoddam tam in hoc quam in præcedenti argumento confundat apparentiam hominis privati de existentia legis, cum apparentia publica, quæ requiritur ad hoc ut lex respectu communitatis & sit & censeatur promulgata. Idem dico de ratione publica dubitandi de lege. Jam communitas non respicit ad id quod mihi apparet, sed ad apparentiam quæ à toto corpore habetur, & post diligentiam omnem adhibitam haberi potuit: si hæc sit anceps & dubia, procul dubio lex non est scita communitati, sed dubia. Quod si plus, aut tantum, aut fere tantum feratur pro non lege, quantum pro lege, lex nec est sufficienter promulgata, nec applicata sufficienter, ut communitatem liget. Quod si communitatem non liget, neminem ligat, quia omnis lex primario respicit communitatem, nec quemquam afficit, quando scitur non habere ea quæ requiruntur ut rempublicam obliget. Quod si apparentia pro lege afficiens rempublicam esset evidens aut certa, tunc procul dubio lex illa haberet in actu primo vim proximè expeditam ad obligandum omnes. Idem dico, si apparentia pro lege esset probabilis, & apparentia opposita probabilis non esset; quia in rebus humanis talis probabilitas æquiparatur certitudini, & in rebus istiusmodi, aut nunquam, aut rarissime repræsentat falsum. In his ergo casibus admittimus legem, sive certò sive non omnino certò existentem, particularibus sufficienter applicari per apparentiam probabilem, quando oppositum illis non est probabile. Sic enim & non aliter plurimæ leges communes ac certò notæ applicantur rudibus, qui de illis à peritioribus, & à suis Pastoribus informantur. Ita enim per aliorum informationem leges illis innotescunt, ut non sit probabile illas non existere, probabilissimum autem quod existant. Itaque talis applicatio sufficiens est respectu particularium, quando leges verè existunt, & sufficienter promulgatæ atque applicatæ sunt communitati, ut illam obligent, atque per illam, aut per præcipua ejus membra ad alios applicari possint ac debeant. Jam argumenta nostra de publica hac legum noticia ac ignorantia procedunt. Objectiones autem Theologi istius hæc non tangunt, quæ tamen unicè consideranda erant. Eadem equivocatione laborant, quæ affert contra rationem decimam quartam, ut infra patebit, cum ad examen venerint. Itaque rationes illius non solum non infirmant, sed ne tangunt quidem fundamenta hæc, quibus benigna sententia nititur.

RATIO QUINTA.

Intellectus
prudenter
flecti potest
ad assenti-
endum parti
minus pro-
babili.

75. **I**NTELLECTUS ex imperio voluntatis absoluto judicio, ac prudenter assentiri potest objecto, quod in actu primo remoto erat minus probabile quam oppositum, ut efficaciter ostensum est *quæst. 9. & 10. de conse. prob.* hoc judicium si eliciatur, fundat hunc Syllogismum: *Licetum est unicuique facere, quod omnibus pensatis prudenter judicat esse universaliter licitum. Sed ego hic & nunc, omnibus pensatis, prudenter judico hoc objectum esse universaliter licitum. Ergo hic & nunc licet mihi hoc facere.* Major est principium Synderesis reflexum certum & evidens, ut per se patet, & sufficienter constat ex dictis *quæst. 13. num. 26. quæst. 19. num. 6. & quæst. 20. num. 3. de conscientia probabili.* Id ipsum hic etiam ostensum est in probationibus *affert. 1.* Minor est actus experimentalis evidens. Consequentia est dictamen

conscientiæ certificans operantem de honestate suæ operationis, quidquid sit de honestate objecti, in quod fertur, si secundum se consideretur independenter à præsentibus circumstantiis. Hæc ratio evidenter convincit, licitum esse sequi partem minus tutam, quoties ex vi motivi certò probabilis flectimus intellectum ad absolute credendum illam esse omnibus universaliter licitam, ut proximè dictum est. At quotiescumque pars minus tuta est certò probabilis, ejusmodi judicium verè elici potest, non solum ex vi auctoritatum & rationum reflexarum hæcenus expensatum & expendendarum, de quo nullum est dubium, sed etiam ex vi rationum solum directè minus probabilium, ut constat ex *quæst. 9. & 10. de conse. prob.* Ergo tam probabile est, quod liceat sequi partem minus probabilem, quam est probabile, quod intellectus assentiri possit motivo minus probabili, si sumatur prout se habet in actu primo remoto. At hoc est probabilissimum. Ergo & illud. Et quidem hoc verum est, quamvis motiva solum directè probantia considerentur, de quibus solis nunc agimus, comparando illa cum intellectu, prout ille subditur imperio voluntatis. Ergo major probabilitas benignæ sententiæ reflexè stabilietur ex consideratione imperii voluntatis supra intellectum ad assentiendum motivo minus probabili.

SOLVUNTUR THEOLOGI Responsiones.

76. **O**BIIICIT sic. Miror quod evidens videri poterit ista conclusio, seu dicta. Replica
Theologi; men viro docto. Nam efficaciter probavi, esse metaphysicè impossibile, ut intellectus ex imperio voluntatis assentiat objecto, quod proponitur ipsi ut minus verisimile, quam ejus contradictorium. Præterea, etsi assensus ille eliceretur, probavi illum non fore prudentem. Et quamvis Terillus in omne latus se verat, nunquam ostendere poterit, certum & evidens esse, quod intellectus assentiri, & prudenter assentiri possit sententiæ minus tutæ, minusque probabili, in occurso probabilioris, & tutioris; ad summum enim id probabiliter suadebit. Negarique non potest, esse evidenter probabilem sententiam oppositam, quod intellectus nequeat prudenter assentiri parti minus tutæ minusque probabili, quam pars contradictoriè opposita. Et tamen ut Syllogismus ille esset evidens, deberet sententia, negans intellectum posse in tali casu assensum prudentem elicere, non esse certò probabilis. Nec hoc sufficeret, sed insuper evidenter ostendi deberet, intellectum flecti posse in assensum objecti minus probabilis in concursu contradictorii verisimilioris. Undè etsi major illius Syllogismi sit vera, & admittatur esse evidens, minor tamen est falsa, neque quisquam expertus est, se præstuisse talem assensum, quia eo ipso quo quis aliquam conclusionem amplectitur ut veram, paratus est illam defendere contra omnes ex vi rationum, quæ illum impulerunt ad assensum, speratque se prævaliturum adversus impugnatores. Non speraret autem, si sciret rationes, quibus adductus est ad assensum, esse minus verisimiles rationibus contrariis. Rursus quamvis quis esset certus, se talem assensum eliciuisse, non posset certificari, quod illum prudenter eliciisset, tum quia difficile est, quod sit certus de sufficienti diligentia ad veritatem inveniendam adhibita, tum quia non est certus, quod ex passione

aut amore inordinato non sit impulsus ad ita judicandum. Denique quia certus esse non potest, quod prudenter se gerat, cum habeat motivum majus ad judicandum oppositum, & voluntariè se necessitet ad judicandum, quod pars minus tuta sit licita: ergo minor non est evidens. Immo satis efficaciter ostenditur esse falsa: ergo conclusio non est certa & evidens.

Theologus iste erravit in intellectu, quando arguendo arguendo, nec illud solvit.

77. Respondeo, mirari me, & miraturum, ni fallor, Lectorem, quomodo ita decipi poterit iste Theologus, ut existimaret, me proposuisse hunc Syllogismum tanquam absolutam demonstrationem, cum disertè dicam, consequens solum probabiliter inferri ex Syllogismo isto; prout hic proponitur præcisè ex vi subjectionis intellectus imperio voluntatis. Si hoc concedat Theologus, concedit quod cupio. Si neget, nil moror, quia in omnem partem se versabit, antequam probet non esse probabile, immo non esse probabilius, quod talis assensus & elici, & prudenter elici possit ex imperio voluntatis. Sed ne tunc quidem post omnem conatum id præstabit, sed ad summum ostendet suam sententiam esse probabilem, & à se reputari probabiliorè opposita. Quod nec nego, nec umquam negavi. Sed hoc non obstat, quo minus opinio mea contraria & vera sit, & re ipsa probabilior opposita. Saltem non sequitur, illam apud nos non esse probabiliorè. Hoc autem sufficit, quia cum major admittatur esse vera & evidens, & minor sit probabilis, & quoad nos probabilior opposita, utique & consequentia, utpotè legitime deducta, est probabilis, & quoad nos saltem probabilior opposita; & hoc est totum, quod intendi probare per hanc rationem, quatenus est peculiaris ratio reflexa ad probandum usum directè minus probabilium esse licitum. Itaque Theologus iste in nullo ostendit argumentum totam suam vim non habere.

78. Hæc abundè sufficiunt ad objectionem hanc amoliendam, juvat tamen singula exactius tractare, nec id spero Lectori displicebit. Inprimis dixi, Syllogismum esse evidentem ex suppositione minoris, quæ locum non habet, nisi intellectus flectatur in assensum illius partis ex motivo certò probabili. Porro quia evidens est, quod intellectus hoc modo flecti possit in assensum talem ex vi rationum reflexarum, partim allatarum, partim afferendarum, ideo simpliciter assero moraliter certum esse, quod usus partis minus tutæ, & directè minus probabilis, sit licitus, atque id per allatum Syllogismum demonstrari. Quod totum procul dubio consonum est hujus Theologi principiis, modò intellectus talem assensum eliciat. Sed quia non certum est, sed solum probabile, quod intellectus vi rationum directè probantium possit tale judicium formare, ideo solum probabile est, quod præcisè ex vi rationum directè probantium inferatur per hoc argumentum, quod usus minus probabilium sit licitus.

Modus exponitur quo intellectus assentiri potest parti minus probabili.

79. Cæterum si Theologus iste bene intellexerit quid doceam, quando dico intellectum flecti posse in assensum partis minus probabilis, clarè vidisset, me aliud non docere, quàm quod ipse docet. Inprimis admitto, intellectum non posse flecti in judicium partis minus probabilis, stante judicio finali comparativo dicente, partem oppositam esse probabiliorè, idque latè probavi quæst. 8. de conse. prob. num. 25. Nec tamen tam confidenter dico, illud esse metaphysicè impossibile. Viderit ipse, an hoc probaverit, quia metaphysicè impossibilitas conjunctionis formarum

R. P. A. Terilli Regula morum. PARS I.

rard evincitur. Itaque non aliud dico quàm hoc, scilicet fieri posse, ut, omisso illo judicio comparativo (quod sæpè, si non semper omitti potest, quia inter certò probabilia utrimque, rard aut nunquam constat, quæ pars tam extrinsecè, quàm intrinsecè sit probabilior) intellectus, ex imperio voluntatis, flecti possit in assensum partis verè minus probabilis, minusque allicientis, quàm pars opposita, si attendamus ad vim allicienti, quàm motiva habent in actu primo remoto, antecederet ad omnem affectum uni parti singulariter impensum. Sed in hoc casu, quamvis intellectus feratur in partem verè minus probabilem, pars tamen illa ipsi videtur probabilior, & habetur simpliciter vera. Hoc autem totum possibile est juxta hunc Theologum, qui id non solum possibile, sed sæpius sufficiens reputat ad conscientiam ritè formandam. Porro in hoc casu, pars verè minus probabilis in actu primo remoto, dupliciter apparet probabilior opposita: Primò, in actu secundo per ipsum judicium, affirmans veritatem hujus, & respuens alterum ut falsum. Secundò, in actu primo proximo, prout remota veritatis propositio conjungitur affectui voluntatis erga illam partem, sine quo affectu prævio nullus assensus obscurus imperatur. Jam prior illa apparentia, huic affectui copulata, multum augetur (undecumque illud augmentum proveniat, sive per novum actum in intellectu elicitum, sive per potentiarum sympathiam, &c. quæ ad præsentem quæstionem supponi debent) ideoque jam intellectus fertur in illam partem, ut in probabiliorè, etiam in actu primo antecederet ad judicium, & hac ratione pars verè minus probabilis probabilior apparet, quàm pars opposita. Et sanè Theologus iste nunquam explicabit, quomodo pars verè probabilior mihi videatur minus probabilis, nisi recurrat ad hanc potentiarum connexionem. Si enim pars illa verè sit probabilior, undè fieri potest, ut appareat minus probabilis? Non ex merito ipsius objecti, quod proponitur, quia supponitur majus; non ex propositione intellectuali rerum, quia illa ex se præcisè necessariò imitatur naturam motivorum, quæ proponuntur, & debitè ac seriò apprehenduntur, sicut in casu nostro supponuntur apprehendi. Ergo in omnem partem se verset iste Theologus, & tandem aliam rationem fundatam non inveniet, unde motivum, verè minus probabile, appareat probabilius contrario, quàm ex adjunctione minoris motivi intellectualis cum affectu voluntatis, inclinante ad illam partem, quæ jam post istam conjunctionem major apparet. Ergo hoc modo illa diversitas evenit, tam in casu admissio ab isto Theologo, quàm in casu nostro. Et sic non solum verum est, quod intellectus assentiri possit motivo minus probabili in sensu à me intento, sed hoc ipsum planè coincidit cum eo, quod Theologus iste tenet, & ad conscientiam ritè formandam sufficere docet. Quid ergo reprehensione dignum invenit in argumento? nil prorsus præter malam suam intelligentiam quæstionis, quasi illa acciperetur in sensu composito cum judicio illo comparativo, cum non accipiatur, nec intelligatur nisi in sensu diviso, ut à me fusè offensum est loco proximè citato.

80. Jam quæstione in hoc sensu intellecta, in quo intelligi debet, ut objectio contra argumentum à me allatum formetur, Theologus iste nunquam probabit, esse metaphysicè impossibile, ut intellectus, per imperium voluntatis, flectatur

C 2

in

in assensum partis in actu primo remoto minus probabilis: nec mihi sudandum erit ad hoc probandum, quia id ipsum jam factum reperies *quest. 8. & 9. de consc. prob.* & quod plus est *ibidem quest. 10.* invenies probatum, quod tale iudicium prudenter elici possit. Nec tamen dico, id absolute demonstratum esse, sed solum longè probabilissimè probatum, quod procul dubio verum est. Imo iste Theologus ni ad principia, à me tradita, confugiat, sudabit & algebit etiam, ut ostendat, hominem posse irreprehensibiliter existimare, quod motivum verè probabilius, diligenter consideratum & inspectum, sit minus probabile motivo contrario, quod reipsa est minus probabile, & consequenter ex se minus aptum intellectum movere; hoc enim alia ratione fieri nequit, quàm quia affectio quædam innocua, ad unius augendam, & alterius apparentiam minuendam concurrat. Dixi, innocua, quia sine aliqua affectione ad rem, vel motivum, nemo potest quidquam judicare in obscuris. Sed hoc interest, quod aliquæ affectiones sint irreprehensibiles, eò quòd absque vitio contrahantur, quibus aut nemo, aut vix ullus inter homines caret. Jam si talis affectio accedat motivo certò probabili, etsi minori, illud ex hac conjunctione augebitur, & multo fortius movebit, quàm si aut solitarie acciperetur, aut cum affectione contraria conjungeretur, ideoque sufficiet ad assensum prudentem & irreprehensibilem, cum nil, ex quo talis majoritas provenit, reprehendi possit. Immo aliquando motivum, quod in actu primo videtur probabilius, magnitudinem suam habet ab aliquo ejusmodi affectu. At ille effectus laudabilissimè suspendi potest, in quo casu pars altera & erit, & apparebit probabilior; donec tunc etiam vituperandus erit, qui hac ratione parti prius minus probabili assensum præbet? nullo modo. Quæ cum ita sint, haud dubiè probabilissimum est, quod assensus prudens irreprehensibiliter, & sine ulla temeritate præstari possit parti, in actu primo remoto minus probabili. An autem oppositum, in hoc sensu intellectum, sit probabile, non laboro, quamvis de evidenti illius probabilitate intrinsecà valde dubitem; quia video Auctores, de ea re loquentes, afferre rationes in vobis æquivocatione, & mala quæstionis intelligentia fundatas, tales autem rationes ad certam probabilitatem intrinsecam non pertinent.

Et hic & omnes nobiscum sentiunt.

Qui parti minus probabilis assensum præbet, paratus est eam defendere.

81. At quis unquam expertus est se præstitisse talem assensum? Respondeo innumeros quotidie id experiri, quoties affectio ad aliquam contradictionis partem variatur. Si affectio sit turpis & culpabilis, iudicium plerumque est temerarium: si sit innocua, quales sunt plures affectiones, quibus homines sanctissimi non carent, nulla temeritas erit in iudicio, quamvis nitatur fundamento minus probabili, quia sit dependenter à progressu, quem prudentes & probi in suorum iudiciorum causalitate adhibere solent. Nec obsunt, quæ à Theologo obijciuntur; qui enim hac ratione iudicium format, utique paratissimus est ad eam defendendam ex vi motivi, quo impulsus est ad ipsum eliciendum, speratque se prævaliturum adversus impugnatores, quia veritas illius ipsi apparet verisimilior, ac dignior assensu, quàm pars contradictoriè opposita. Quidquid autem dicitur in contrarium, procedit de subiecto non supponente, quia supponit hominem in sensu composito talis iudicii credere, motiva contraria esse valentiora, quod est falsissi-

mum, & contra legitimum sensum quæstionis.

82. Difficilius paulò est explicare, unde homo sit certus, se in tali casu prudenter judicare. Respondeo tamen, id non esse difficilius in hoc casu, quàm in ullo alio, nisi quando diversitas probabilitatis est nimis magna & evidens. Nominatim non est difficilius, quàm quando homo sequitur partem verè minus probabilem, quam falso iudicat probabiliorē esse. Ostendat iste Theologus, quomodo talis homo possit esse certus, se prudenter judicare (& ad hoc ostendendum, omniaque, quæ contra nos obijcit, solvenda tenetur) & eodem operâ videbit, quod homo in casu nostro, qui idem prorsus est cum casu isto, certus esse possit de prudentia sui iudicii. Sed Lector non libenter expectabit illius responsum. Ego ergo & pro me & pro illo (si tamen illi placuerit) respondebo. Inprimis ergo dico, plura requiri, ut homo certificetur, se prudenter judicare. Primum & præcipuum est, quod habeat motivum grave prudens & rationale, ac dignum assensu, etiam in contradictione partiæ oppositæ. Secundum est, quod sciat se sufficientem diligentiam juxta qualitatem rei ad veritatem invenientiam adhibuisse. Tertiū, quod extra violentam passionem constitutus, seriò circumspicendo, non sit conscius se ex ullo turpi ac culpabili affectu vel passione impelli ad iudicandum. Si hæc tria adsint, & ille ob tale motivum iudicium eliciat, moraliter certificatur se prudenter ac irreprehensibiliter iudicium eliciisse. At hæc certò haberi possunt. Primum supponitur adesse, ac certò innotescere. Secundum frequentissimè habetur, & nisi habeatur, non sumus in casu, pro quo procedit syllogismus allatus. Tertiū etiam non est difficile, & sæpius certò habetur. Hac ratione tam ille, qui in istius Theologi opinione sequitur partem verè minus probabilem, quam reputat probabiliorē, quàm ille, qui, juxta intentum meæ assertionis, sequitur partem in actu primo remoto minus probabilem, quæ, affectu innocuo accedente, apparet ipsi probabilior, moraliter certificatur, se prudenter iudicium eliciisse.

Homo scire potest se prudenter judicare in incertis.

83. Dices, habet motivum majus ad iudicandum oppositum, & voluntariè se necessitat ad iudicandum, quod pars minus tuta sit licita. Ergo non potest esse certus quod prudenter iudicium eliciat. Respondeo, habet motivum in actu primo remoto revera majus pro opposito, concedo: habet motivum in actu primo proximo majus opposito, nego antecedens. Rursus distinguo, antecedens, habet motivum verè majus pro opposito, sed innocuè creditum minus, concedo: majus & creditum majus, aut dubitatum quod sit majus, nego antecedens & consequentiam. Præterea falsum est, quod talis homo voluntariè & violenter adigat intellectum ad credendum id esse verum, quod reputat esse minus probabile; hoc enim naturaliter repugnat, & ab isto Theologo falso supponitur. Omnia ergo ista non fiunt nisi plana, consuetæ, ac naturali vi, & ita à nobis fieri supponuntur; nisi enim ita fiant, non sumus in casu de quo loquimur. Ex his habemus, minorem syllogismi allati esse veram, quia constat intellectum posse talem actum elicere, de cujus prudentia, si eliciatur, homo certificari potest. Et quamvis non omnimodè de hoc certificaretur, tamen prudentia talis iudicii esset probabilissima, & quodammodo certa, quod sufficit ad intentum syllogismi, qui proinde stat inconcussus in sensu, quo à me propositus est, nec

Solvitur quædam replica.

Theolo-

Theologus iste vim ejus imminuit, sed occasionem ejusdem efficaciam ostendendi dedit.

SEXTA RATIO.

Opus conforme opinionis probabilis est licitum.

84. **O**MNE opus, conforme recte rationi, est licitum. Sed omne iudicium certo probabile de universali honestate alicujus objecti, si post debitam diligentiam eliciatur, est ratio recta. Ergo opus conforme ejusmodi iudicio certo probabili est licitum. Major certa est, & ab omnibus admittitur. Eam ex professo tradit S. Thomas 1. 2. *quaest.* 19. *art.* 3. & cum eo ibidem interpretes conveniunt. Minor efficaciter probata est; de *confi. prob. quaest.* 12. *ad nu.* 14. *ad finem* (& infra pluribus contra Celladeum efficacius stabilietur) consequentia legitime deducitur, ex qua habemus, unumquemque licite sequi partem minus tutam; quotiescumque omnibus inspectis, certo probabiliter iudicat illam esse universaliter licitam. At aliud non requirimus.

OBJECTIO THEOLOGICI solvitur.

Replicat Theologi.

85. **T**OTUS discursus admittitur ut legitimus: sed illud subjunctum, *et aliud non requirimus*, admitti nequit. Constant enim negamus, posse hominem formare ejusmodi iudicium, quando inhonestas rei in actu primo representatur ut verisimilior ejusdem honestate; praesertim quando excessus ille est evidens, & manifestus. Quamvis enim sententia, affirmans illud esse licitum, sit certo probabilis comparative ad suos Auctores, quibus representatur ut verisimilior sua contradictoria, non tamen est certo probabilis comparative ad illum hominem, cui opposita sententia proponitur ut multo verisimilior; quia implicat ut intellectus, etiam ex imperio voluntatis trahatur ad assentiendum objecto, in quo magis apparet falsitas quam veritas.

Rursus, fundamentum illius sententiae, faventis libertati, etiam si sit magnum secundum se, & sufficiens ad assensum prudentem, si seorsim accipiat, non est tamen magnum comparative ad fundamentum oppositum manifeste majus, & verisimilior, sed est parvum, ut notavimus ex P. Esparza. Unde si intellectus in concursu motivi evidenter majoris assentiretur ex vi motivi evidenter minoris, eliceret assensum temerarium & imprudentem, utpote ex levi fundamento conceptum. Falso ergo dicitur in fine argumenti, aliud ab Auctoribus benignae sententiae non doceri, quam quod cuique licitum sit operari secundum iudicium certo probabile, quo credimus aliquid universaliter esse licitum; nam quaestio praecipua est, an possimus hoc iudicium prudens formare, quando contradictorium in actu primo representatur nobis ut verisimilior.

Solvitur replicat.

86. Respondeo, nos verissime aliud non docere, quam quod discursus in argumento ponderatus continet. Asserimus enim, neminem licite sectari partem minus tutam, nisi ex motivis probabilibus ac praevalebentibus, directis aut reflexis, absolute iudicet illam esse licitam. Verum quaestio principalis ex parte materiae intervenit, utrum quis possit tale iudicium formare de parte minus probabili: huic quaestioni respondemus primo, operantem, si tale iudicium formare non possit, non excusari, excusari si possit; & hoc habito contenti sumus, quia totum sententiae benignae intentum principale in hoc solo consistit. Respon-

R. P. A. Terribi Regula morum, Pars I.

demus secundo, certissimum esse, tale iudicium ex rationibus reflexis formari posse, etiam in sensu composito iudicii distantis partem minus tutam, directe tantum consideratam, esse minus probabilem parte tutiore, quia hoc non tollit, quo minus illud idem in ordine ad alias circumstantias per considerationem reflexam cognoscatur, & absolute credatur licitum. Hoc autem iudicium reflexum formari potest ex rationibus alatis, atque etiam ex asserendis, ut patebit. Respondemus tertio, iudicium hoc formari posse ex motivis directis certo probabilibus, etiam si antecedenter & in actu primo remoto motivum sit, & credatur minus probabile, sed hoc intelligitur non in sensu composito, sed in sensu diviso talis iudicii, ut in ponderatione proximi argumenti explicatum est. Porro hoc argumentum sextum eodem prorsus modo procedit, sicut quintum procedebat, & solum reflectit supra notionem rationis rectae, illamque applicat omni iudicio probabili, etiam illi, quod ex motivo apparenter minus probabili elicitur. Tale autem iudicium non elicitur, nisi homo mutet affectionem & propensionem, tunc autem facillime elicitur, ut constat ex dictis.

87. Hinc respondetur ad contenta in objectione. Inprimis illi constanter negant, quod nos non asserimus: negant enim ejusmodi iudicium formari posse in sensu composito iudicii de majori verisimilitudine partis oppositae. Nos autem solum asserimus illud elici posse in sensu diviso talis iudicii; quod si illi negent etiam hoc, nil moramur, quia in illa sua opinione errant, & hunc errorem ex probabilissimis & praevalebentibus argumentis cognoscimus. Unde sequitur, & ultro fateamur, tale iudicium non posse formari, quando majoritas probabilitatis pure rationalis adaequate sumptae est evidenter nota; tunc enim sensus divinus talis iudicii non est in potestate nostra. Ceterum tunc solum datur haec evidentia, quando evidens est, apparentiam adaequatam, qua antecedeat ad omnem affectum & inclinationem impellimur, esse ex se maiorem & valentioram. Hanc enim solam apparentiam voco rationalem, quia omnis alia non a solo merito objecti, sed aliquo modo a dispositione iudicantis oritur. Itaque si sermo sit de majoritate, quae per affectum aut iudicium uni parti affixum habetur, quaeque in illis consistit, aut ad illa consequitur, nullus excessus probabilitatis huiusmodi, etsi evidentissimus, tollit rationem verae probabilitatis a motivo contrario. Et sane homines quando loquuntur de excessu probabilitatis, raro de alia probabilitate loquuntur, quam quae comitatur, aut consequitur affectum, & iudicium uni parti affixum. Jam vero Auctores sagaces & prudentes concedunt, partem oppositam esse etiam apud ipsos certo probabilem, quamvis probabilitas opinionis, cui adherent, concomitans aut consequens assensum praestitum, sit evidentissime major, illosque incomparabiliter magis trahat, quam apparentia opposita. Itaque, hac apparentia non obstante, opinio contraria etiam quoad illos est & habetur certo probabilis. Theologus autem iste ex huius distinctionis defectu erravit dicens, opinionem illam non esse probabilem illis, quibus apparentia partis contrariae apparet multo verisimilior, maxime quando excessus ille est evidens, quod dictum illius indistincte prolatus, & universaliter acceptum est falsissimum. Ratio autem, qua id probat, est prorsus inefficax: quamvis enim voluntas

Equivocatio adversa riorum.

Apparentia major consequens iudicium non tollit probabilitatem iudicii.

nequeat intellectum flectere ad assentiendum ob-
jecto, in quo falsitas magis apparet quam veri-
tas, in sensu composito talis majoritatis apparen-
tis, potest tamen in sensu diviso illius talem as-
sensum imperare. Ceterum etsi in actu primo
remoto detur excessus inter utrumque motivum,
hoc non impedit, quod minus intellectus deter-
minetur ad assensum motivo verè minori præstan-
dum, per actum absolutè prælativum illius, ma-
ximè quando excessus ille certò non innotescit,
& intellectus expressam comparisonem de mo-
tivorum magnitudine, & excessu non instituit;
tunc enim falli potest intellectus existimando
motivum verè minus efficax esse potentius op-
posito. Et hoc modo intellectus semper fertur
in objectum illud, quod verum reputat, quia
judicium prælativum unius necessariò repræsentat
illud ut verisimilius opposito.

Evidens ex-
cessus appa-
rentie tollit
probabilita-
tē oppositi.

88. Quod si loquamur de excessu unius mo-
tivi evidenter se prodente supra aliud, prout
motiva illa se habent antecedenter ad omnem
affectum, uni parti peculiariter affixum, utique
concedo, motivum minus in illo casu non esse
certò probabile illi, cui dictus excessus est evi-
dens, ille enim necessariò videt motivum minus
non esse dignum assensu in contradictione alte-
rius, sequè ex mera vi motivi præcellentis,
inevitabiliter ac necessariò ita affici erga illud, ut
nequeat absoluto judicio illud repellere ut minus
motivo opposito. Porro Esparza de hac sola
comparatione intelligendus est; est enim Auctor,
qui de rebus enunciare non solet, prius quàm
omnia ad quæstionem spectantia debitè conside-
rarit, & singula juxta rerum exigentiam distin-
xerit, quem si alii imitati fuissent, non tot lites
de quæstione præsentis movissent. Ceterum casus
iste rarissimè intervenit, quando sermo est de
opinionibus, quæ à seriis & doctis viris repu-
tantur certò probabiles: motiva enim illarum
cum sint dissimilia, necessariò se mutuo excedunt
secundum quid, & ita quidem, ut absolutus ex-
cessus unius ab alio certò discerni non possit; si
enim certò & evidenter se proderet excessus,
omnes in eodem sensu convenirent, quod fieri
non videmus. Ergo excessus ille non est evidens.
Porro excessus apparentie concomitans, aut con-
sequens judicium, uni parti affixum, nil facit ad
præsentem quæstionem, ut dictum est.

SEPTIMA RATIO.

Confessa-
rius licet
absolvit co-
tra propriam
opinionem.

89. IN foro pœnitentia licet Confessario con-
formare se cuicumque opinioni certò pro-
babili, quam pœnitens sequitur, etsi Confessarius
ipse teneat, oppositam tutiorem esse veram, &
probabiliorem. In hoc omnes tam antiqui, quàm
recentiores (si pauculos modernos excipias)
conveniunt. Ratio est clara. Persuasio Confes-
sarii non dirigit pœnitentem, quia unusquisque à
propria tantum conscientia proximè dirigitur.
Ergo si pœnitens formet conscientiam certò pro-
babilem ac prudentem de honestate objecti
quod ponit, eo ipso licet operatur, nec Confes-
sarius merito potest aliter judicare, aut obligare
pœnitentem ad sectandam partem tutiorem. Po-
namus jam pœnitentem, autoritate ac ratione be-
nignæ sententiæ motum, & credere sibi licitum
esse sequi, & actu in praxi sequi opinionem di-
rectè minus probabilem: Confessarius licet eum
absolvit, tum quia pœnitens habet jus sectandi
quamcunque opinionem certò probabilem,
quam absolutè, omnibus inspectis, veram re-

putat, nec à Confessario eo jure privari potest i-
tum quia Confessarius præsumere debet, homi-
nem sic operantem non peccare, sed rectè ope-
rari. Ergo benigna sententia est tuta regula o-
mnibus, qui eam certò probabiliter veram repu-
tant. At aliud nec docemus, nec suadere inten-
dimus. Si quis enim ex rationibus ac auctoritati-
bus, quibus probatur, non possit certò proba-
biliter credere illam esse veram, illi ex ejus præ-
scripto vitam suam regulare non licebit.

SOLVITUR REPLICA.

90. OBICIT Theologus, se peculiari quæ-
stione ostensurum, doctrinam illam de Replica
Theologi.
Confessario esse falsam. Sed quamvis esset vera,
inde non sequeretur, cuiquam in operando lici-
tum esse sequi sententiam, quæ repræsentatur
minus verisimilis, quàm opposita. Sic si pœni-
tenti occurreret opinio rigida illum obligans ad
restituendum, & opinio benigna illum liberans
ab hoc onere, Confessarius eum absolovere non
posset, si ille sequi vellet benignam opinionem
sibi minus probabilem, relicta rigida tutiore sibi
verisimiliore.

91. Respondeo, me quoque infra *quæst.* 47. Solvitur tē
plica, & æ-
quivocatio
Theologi
detrigitur.
expressè acturum de obligatione Confessarii con-
tra Celladeum, ubi convincam, doctrinam
hujus argumenti esse verissimam. In illum ergo
locum rejicio, quæ Theologus iste contra do-
ctrinam propositam peculiari illa quæstione ha-
bet, quæ certè Deo favente, non dissimulabun-
tur. Quod addit hoc loco Theologus, scilicet
pœnitentem non debere absolvi, si sectetur opi-
nionem minus tutam, quæ ipsi minus verisimilis
apparet, quia non licet homini sic disposito sen-
tentiam illam sequi, æquivocatione sæpius in il-
lius dictis detecta laborat; non enim esset absol-
vendus, si solis rationibus directis moveretur,
& in sensu composito talis opinionis operaretur,
quia bonam fidem non formaret. At si, non ob-
stante judicio de minore probabilitate directâ,
ex rationibus reflexis formet conscientiam de
honestate operis, aut ex rationibus directis, in
sensu diviso dicti judicii comparativi, formet ab-
solutum judicium probabile ac prudens de operis
honestate, absolvendus est, quia est benè dispo-
situs, ut constat ex ratione in argumento per-
pensa, cui proinde Theologus sufficienter non
respondet.

RATIO OCTAVA.

92. QUÆSTIO hæc spectat ad jus naturæ, Universali
ad jus natu-
ræ specian-
tia à dilige-
ntiam adhi-
bentibus nõ
ignorantur.
cùm locum habeat independentè ab
omni lege positiva. Ergo nulla datur obligatio
sectandi partem aut tutiorem aut probabiliorem,
si pars minus tuta sit certò probabilis, quamvis
sit solum æquæ, aut minus probabilis parte con-
traria. Tenet consequentia, quia quæ spectant
ad jus naturæ, maximè si generalia sint, & tre-
quentissimè in usum veniunt, vix quemquam la-
tent. At obligatio sectandi tutiora latet omnes.
Similiter omnes ferè Auctores, illique probi
pariter ac periti, unanimiter tenent, quod cui-
que liceat sectari partem minus tutam, etiam di-
rectè minus probabilem, si tamen sit certò pra-
cticè probabilis. Ergo obligatio sectandi, aut
tutiora aut probabiliora, aut etiam æquæ proba-
bilia latet omnes, cùm ab omnibus ferè nege-
tur, & à nemine probari possit. Et tamen hæc
obligatio, si quæ esset, ad jus naturæ spectaret.
& ver-

& versaretur in re maximè universali, quæ frequentissimè & ferè semper in usum venit, cum sit de electione opinionis ad licitè operandum sufficientis. Ergò locus est prudentissimæ præsumptioni, quod ad hoc non obligemur jure naturæ. At certum est, quod lege positivâ ad id non obligemur. Ergò datur evidens ac prudens præsumptio, quod nemo obligetur ad sectandam partem aut tutiorem, aut probabiliorē, aut æquè probabilem, sed cuique licitum sit, sectari partem minus probabilem.

Ex præsumptione fundata in ista ratione conscientia certa confurgit hoc modo. *Quod sit ex præsumptione certò prudenti, quod illud omnibus liceat, nullâq; lege prohibeatur, honestè sit. Sed habeo præsumptionem certò prudentem, & evidenter rationabilissimam, quod electio partium minus tuta, directèq; minus probabilis, sit omnibus licita, nullâq; lege prohibeatur. Ergo si pars illa ex hac præsumptione eligatur, honestè eligitur.* Præmissæ sunt evidentes, consequentia est in forma. Ergò est evidens, est autem ipsa conscientia: ergo quævis certa probabilitas practica & directâ, etli minor, parti quæ minus tutæ favens, fundat reflexam certitudinem conscientiæ, quod unice probare intendimus.

REPLICA THEOLOGI. solvitur.

93. **O**BIT CIT. Esto prima principia in moralibus ac practicis sint omnibus nota, quale est illud, *quod tibi non vis fieri, alteri ne feceris.* Similiter esto, conclusiones universales, faciliè & quodammodo immediatè deductæ ex primis principiis, qualia sunt decem præcepta decalogi, neminem lateant; contrarium tamen dicendum est de conclusionibus valdè mediatis, quæ non nisi maximè sapientibus patent, illisque non certò, sed solum probabiliter innotescunt. De hoc tertio genere præceptorum moralium S. Thomas 1. 2. *quæst.* 100. *art.* 11. hæc habet. *Quædam sunt, quorum ratio non est adeo cuilibet manifesta, sed sapientibus, & ista sunt præcepta moralia superaddita Decalogo, tradita à Deo populo per Moysen & Aaron.* Atque hinc Theologi communiter docent, dari ignorantiam invincibilem juris naturalis, quoad conclusiones istiusmodi, quamvis non detur quoad prima principia & conclusiones ferè immediatas, & faciliè deducibiles. His positis,

94. Respondet, quod sequi partem minus probabilem contra tutiorem, quæ etiam probabilior apparet, sit malum jure naturæ prohibitum; quia quando opinio est clarè & manifestè verisimilior, operans prudenter judicare potest rem esse malam. Qui autem potest hoc judicare, peccat si rem exequatur, perindè ac si contra expressum judicium de illius malitia operaretur; si autem utraq; opinio repræsentetur ut æquè verisimilis, necessitatio manet dubius: operari autem in dubio est manifestum peccatum. Jam ex eò quod hoc sit jure naturæ prohibitum, non sequitur quod illud omnibus patere debeat. Sic plures contractus sunt prohibiti jure naturæ, quorum prohibitio omnibus non patet, alioquin nulla de illis inter Doctores controversia daretur; sed ex opposito, quoties Doctores controversant, an aliquid sit intrinsecè malum, sententia affirmans esset certò falsa, quia affirmat aliquid esse prohibitum jure naturæ, cujus prohibitio non est nota omnibus. At sequela est absurda,

95. Præterea falsum est, hanc obligationem latere omnes, quia omnes antiqui Theologi, qui scripserunt ante annum 1577. unanimi consensu illam agnoscebant. Primus enim, qui invenit opinionem docentem, usum minus probabilem contra probabiliora esse licitum, fuit Bartholomæus Medina. Falsum etiam est, quod omnes ferè Doctores unanimiter teneant, usum minus probabilem esse licitum in occurſu tutiorum ac probabiliorum. Nec obstat Terillunt *quæst.* 22. multas coacervasse autoritates antiquorum Theologorum, nullum enim adducit Medina antiquiorem, qui expressè dicat, licitum esse sequi partem minus tutam, quando tutior operanti apparet probabilior, sed affert multos, qui expressè requirunt, ut in occurſu tutioris operans feratur in minus tutam ut in probabiliorē. Itaque testimonia illa falsitatis convincunt Janse-nistas & alios, qui usum probabiliorum negant esse licitum. At contra sententiam meam nil probant, sed eam confirmant.

96. Respondeo, hic multa ex antedictis repeti; ea verò, quæ ad argumenti solutionem videntur facere, nimis leviter examinari. Inprimis admitto triplicem illam distinctionem conclusionum moralium, unaque assero dari posse, & aliquando etiam dari ignorantiam invincibilem conclusionum magis remotarum, quia non est omnium posse tales conclusiones elicere. Cæterum omnes fatentur, invincibilem ignorantiam longè rarius intervenire in tali materia, quàm in materia juris positivi. Rursus Auctores dicunt, ignorantiam talium conclusionum apud idiotas quidè esse non infrequenter invincibilem, sed raro apud peritos, qui veritatem diligenter inquirunt, quique principia bene nota combinandi & applicandi capacitatem habent. Hinc ego quoque gradum facio, & opiniones probabiles de rebus jure naturæ prohibitis in tres classes divido. Prima classis continet opiniones negantes aliquid esse prohibitum, quibus aut omnes, aut longè major pars Auctorum subscribunt. Secunda continet opiniones classicas, quæ ex quo ferè tenentur, & repudiantur à Doctorebus. Tertia classis complectitur opiniones, dicentes aliquid esse prohibitum, contra quos pauci, sed valdè graves viri opinantur, ita tamen ut omnes fateantur, paucorum illorum doctrinam esse certò probabilem; nam si illorum opinio non reputaretur certò probabilis, illius consideratio ad præsentem controversiam non pertineret. His positis.

97. Dico primò, si sumatur collectio opinionum in tertia classe contentarum, & illa reflexè consideretur, prout continet opiniones ad jus naturæ spectantes, de quibus Auctores modo dicto discrepant, potius præsumendum est plures quàm pauciores ex illis esse falsas, ex hoc capite, quod in materia juris naturalis post omnem conatum veritas non sat certò innotescat.

Ratio est, quia nulla materia moralis tam facile patet diligenter inquirentibus, quàm quæ verè præcepta est jure naturæ. Hoc adeo verum est, ut plures doceant ignorantiam invincibilem juris naturalis non dari, saltem in mediocriter instructis. At quod detur in prudentissimis vix potest contingere. Et sanè cum principia ista sint omnibus notissima, periti quæ omnes considerent connexionem quæstionis propositæ cum illis principiis, & aliis ab illis certò deductis, difficile videtur fieri posse, ut veritas in tali materia à nemine certò percipiatur, aut saltem quin tanta vi innotescat, ut oppositum non reputetur probabile.

An Medina primus docuerit benignam sententiam?

Conclusiones probabiles, ad jus naturæ spectantes, sunt in triplici differentia.

Opiniones communes de non lege frequentius veræ sunt, quàm falsæ in jure naturali.

bile. Absurdum enim est existimare naturam ita sua praecepta instituisse, ut ea nemini non solum certò innotescere possint, sed ne quidem ita cognosci, ut oppositum non sit certò probabile. Nihilominus non omnino nego, quin veritas aliquando ita lateat in istis, ut non possit aut certò probari, aut ita convinci, ut oppositum non sit probabile, sed hoc valde rarò evenit, & mihi potius videtur nunquam evenire. Ergò si tota collectio talium opinionum accipiat, potius praeferendum est, plures quàm pauciores ex illis non veram sed apparentem tantum obligationem asserere.

Etiā in
materia ju-
ris positivi.

98. Et ut meam de hac re in materia juris positivi, tam divini quàm humani, mentem aperiā, quāvis de rebus ejusmodi faciliorem & frequentiore, quàm in rebus juris naturalis ignorantiam invincibilem admittam, existimo tamen ad minimum tot ex conclusionibus ad talem materiam, & ad tertiam hanc classem spectantibus esse falsas, quot sunt veras. Ratio est, quia non est credibile, Deum aut prudentes legislatores humanos ea voluisse praecepere, & subditos ad ea obligare, quae post legum illarum ponderationem non solum nemini ut certò praecepta apparent, sed ne quidem tanta verisimilitudine probantur, quin oppositum ab omnibus agnoscat certò probabile, & à nonnullis sapientissimis post omnia, ab omnibus allata, seriò inspecta, existimetur non esse prohibitum. Frustra enim talia praecepere viderentur. Ceterum eam scio hominum imbecillitatem, ut non negem eos aliquando ita in hoc errare, ut omnes judicent aliquid probabiliter licitum, quod verè prohibitum est. Hoc autem tunc maximè locum habet, quando longè plurimi absolute tenent illud esse licitum, & pauci ex gravissimis ac sapientissimis tenent oppositum, nam de aliis contra torrentem sapientissimorum opinantibus, exigua aut nulla ratio habenda est.

Maximè
quando nò
pauciores
tenent le-
gem non
dari, quàm
qui tenent
illam dari.

99. Dico secundo, ex opinionibus in secunda classe contentis, quae legem asserunt, plures sunt falsae quàm verae. Ratio à fortiori hoc convincit, quam in priori casu. Ergo si in illo opinionones legem astruentes potius magis quam minus frequenter à vero aberrabant, haud dubiè frequentius errant in casu isto. Ratio desumitur à naturā & fine rerum praeceptorum; illae enim ideo institutae sunt, ut omnibus, maximè diligenter quærentibus, innotescerent, ut sic in notitia legum verè latarum daretur uniformitas in republica, & omnes eadem regula uterentur. Procul dubio enim Deus, naturae Auctor, ac primus legislator, singulariter providit de mediis, quibus mens illius in istis facilius & certius innotesceret, quam in aliis. At si loqueremur de aliis rebus, pro quarum notitia Deus & natura tantam curam non gerunt, opiniones ad istam classem spectantes ex æquo censendae essent verae & falsae, quia nulla esset ratio nec ex parte materiae aut intenti Dei ad illam manifestandam, nec ex parte hominis diligentiam adhibentis, ob quam plures praefererentur verae quàm falsae, aut è contrario. At in praesenti casu longè aliter se res habet, maximè in rebus ad jus naturae spectantibus. Ergo praeferendum est, quod major pars talium opinionum sit falsa.

Communi
omniū aut
ferè omniū
consensus
numquam
aut rarissi-

100. Dico tertio. Ex propositionibus in prima classe contentis paucissimae sunt falsae, nec ulla videtur dari praesumptio sufficiens, quod quævis illarum sit falsa.

Ratio est, quia repugnat fini naturae, quod

omnes probi & docti post omnem diligentiam errant in iis, quae verè sunt intrinsecè mala, & ea vocent bona, quae sunt essentialiter mala. Nonne natura frustra talia praecepta instituit? Immo quomodo potest talia praecepta instituire? Stultum est praeceptum invenibile dari. Eadem ratio locum habet, quando omnes ferme, pauculis demptis, tenent aliquid esse licitum jure naturae, maximè quando pauci illi non sunt in classe eorum, quos mundus sapientissimos appellat. Quid enim? dicendumne est, longè maximam Doctorum ac sapientissimorum partem adeo excutire, ut intrinsecè mala à bonis non discernant, sed ea bona reputent, quae sunt essentialiter mala? Hoc lumini naturae, & fini ac suavi dispositioni naturae adeo repugnat, ut in mentem hominis labi non posse videatur. Idem proportionaliter dicendum de vetitis lege positivae. Sed cum hoc discrimine, quod in istis error frequentius obrepit, quàm in rebus juris naturalis.

mè errat in
materia ju-
ris natura-
li.

101. Ratio à priori istorum omnium ex ipso vulnere naturae lapsae desumitur: vulnus illud in duobus consistit, scilicet in ignorantia & difficultate: utraque autem maximè in iis locum habet, quae ad finem pertinent; difficultas nempe ea faciendi, quibus finis acquiritur; ignorantia eorum, quae ad finem iuvant; & error in iis, quae finem aut impediunt, aut difficultant. Hinc ita constituti sumus, ut tota massa naturae corruptae rarò invincibiliter neget praeceptum verum, quia talis error parum noceret, parum enim conduceret ad finem impediendum. E contra verò saepissime, etiam invincibiliter, fingimus obligationes, ubi nullae sunt, utrumque enim istorum ex æquo connecti videtur cum miserrimo naturae lapsae statu; nam sicut primus error non excusat errantes, ita secundus eosdem aggravat, & ad ruinam disponit. Et sanè qui dicta Patrum de statu naturae lapsae, de errore & ignorantia illius in ordine ad finem acquirendum, atque justam Dei in homine per ea in quibus peccavit puniendo vindictam attentius consideraverit, videbit utrumque hunc defectum justissimè inflatum fuisse; ut scilicet ille, qui in clara luce violavit praeceptum, quo obligabatur, & finxit sibi beatitudinem in malo, idem in posterum non facile invincibiliter ignoraret praecepta sibi imposita, ne sic ex suo malo emolumentum quodammodo reportaret non peccando, dum praecepta transgreditur, idemque invincibiliter sibi fingeret malum, & praeceptum, ubi nil mali latet, & sic ex lapsu suo incurreret necessitatem pluribus praeceptis obtemperandi, suamque ex hoc capite salutem difficiliorem redderet. Hinc est quod longè saepius erremus in praeceptis imponendis, quàm excusandis, quando sermo est de errore invincibili, atque inde oritur praesumptio, quod in directa legum assertionem frequentissimè erremus, non item in invincibili earum negatione. Huic malo maximo Deus in eo aliquantulum remedium opposuit, quod hac notitia muniti per reflexas praesumptiones fundatas minueremus praecepta, quae alioquin ultra debitum in immensum excrescerent.

Homo sa-
piens facilius
invincibili-
ter fingit le-
gem, quàm
verā legem
naturae in-
vincibilitè
ignoret.

102. Dico ergo Theologum istum vim argumenti non benè percepisse: loquimur enim de re ad jus naturae spectante, quae in prima classe continetur. Certissimum enim est, omnes Theologos, qui ex professo de hac re tractarunt (& omnes ferme de illa ex professo egerunt) per centum ferme annos unanimiter docuisse usum opinio-

Theolog-
non rectè
intellexi-
vim argu-
menti.

opinionis minus probabilis in occurſu tutioris ac probabilioris eſſe licitum, ut evidens eſt ex eorum libris. Jam verò quamvis pauci aliqui ab ortu Janſeniſmi contrarium docuerunt, illi tamen & numero pauci ſunt, & ni fallor, ſapientia non æquiparandi cum illis, qui unanimiter oppoſitum tradidere. Ideoque illi non obſtant præſumptioni præſenti, quæ tanta eſt, ut ex reflexione ad illam unusquiſque illorum longè rationabiliùs ſuam ſententiam deponeret, quàm ob motiva, quibus adhæret, illam tenet. Præterea ex illis paucis adverſariis, nemo eandem cum aliis viam ſequitur, ſed ſinguli abeunt in ſingulas, & complures eorum ex mera æquivocatione à benigna ſententia reſceſſerunt, ut evinco *quaest. 22. de conſcientia prob.* Jam argumenta Theologi iſtius nil evincunt, immò non tangunt punctum difficultatis, ſi doctrina allata præ oculis habeatur, quia ſi reflectamus ad materiam, de qua agitur, ad modum quo traditur, & ad multitudinem ac præſtantiam eorum, qui illam tamdiu, abſque ullo contradicente, unanimiter tradiderunt, ac ad pronitatem efrandi in obligationibus imponendis, datur validiſſima præſumptio reflexa, quod opinio docens talem uſum eſſe licitum ſit vera, quia non eſt credibile, omnes Eccleſiæ auctores per integrum ſæculum in re tali, tam univerſali, tamque omnibus ad uſum frequentiſſimum neceſſaria erraſſe, quam omnes veram putabant, & ſerme omnes, tamquam certiſſimam tradiderunt. Sed ſingula, quæ opponit, inſpicimus.

Solvitur illius replica per partes.

103. Inprimis, quamvis pars tutior appareat probabilior directè, tamen indirectè ex motivis validiſſimis, omnibus inſpectis, apparet minus veriſimilis, quàm pars minus tuta, quæ abſolutè creditur eſſe vera. Præterea ex vi rationum directarum fieri poteſt, ut intellectus comparationem illam omittat, & ſic per imperium voluntatis ſelectatur in aſſenſum partis minus tutæ, illamque ut probabilioſiorem, & unicè veram reſpiciat, ut ſæpius dictum eſt.

Deſtruit quaſtionem.

104. Secundò, oblitus eorum, quæ paulo ante dixerat, deſtruit quaſtionem in ipſa ejus propoſitione, loquitur enim de exceſſu evidenti & maniſeſto in motivo partis tutioris; antea autem dixerat, partem tanta apparentia veri ſuperatam non eſſe probabilem in contradictione motivi ita prævalentis pro parte contraria. At nos loquimur tantum de certò probabilibus, in contradictione partis contrariæ probabilioris.

Illatio illius non ſubſiſtit.

105. Tertiò. Argumentatio, quam inſtituit, nil concludit; ex eo enim quod quis prudenter judicare poſſit, aliquid eſſe prohibitum, & non judicet, non magis ſequitur, quod peccet, ſi illud ponat, quàm ſequitur, quod peccet, qui dubio depoſito operatur, cum dubitare potuiſſet, & prudenter omnem judicium ſuſpendere. At hic non peccat, ergo nec ille, modo ex rationibus directis, vel reflexis formet judicium de honeſtate operis. Maximè autem in caſu noſtro non peccat, quia homo ille ita diſpoſitus eſt, ut alterutrum ex contradicitoriis pro imperio voluntatis prudenter judicare poſſit, ſi à comparatione illa abſtineat, ut poteſt, ſi velit. Similiter ad illud quod habet de dubio in caſu paris probabilitatis directæ, antea reſponſum eſt.

Alia argumenta invalida.

106. Quartò. Argumentum illud: *Quod hoc ſit jure natura vetitum, non probat illud omnibus parere:* nec facit ad rem, nec locum habet in præſenti caſu. Non facit ad rem, quia nec dictis in argumento, nec illatis ex illo opponitur: non

enim dixi in argumento, quod omne jure naturæ prohibitum neceſſariò omnibus pateret; ſed ſolum quod non lateret omnes, cui certè dictum hujus Theologi non opponitur. Ergo nil facit ad ſolutionem argumenti. Sed neque locum habet in caſu præſenti, quia loquimur non de quovis objecto jure naturæ prohibito, ſed de peculiari objecto, quod, ſi exiſteret, ob peculiare rationes, magis ſe prodere deberet, quàm multa alia. Similiter loquimur de objecto ab omnibus conſiderato, in quo tamen nemo ſerme rationem rei præceptæ agnovit, ſed omnes ſerme illud ut certiſſimè honeſtum propoſuerunt. At de tali objecto rectè inferitur, quod ſi fuiſſet prohibitum, non omnes latuiſſet, immò maniſeſta præſumptio eſt, quod veritas præcepti non potuiſſet non certò innotescere aliquibus, aut tam efficaciſſe probari, ut oppoſitum non maniſeſſet probabile. Jam ſi verum ſit, quod Theologus in initio replicæ dixit, nempe conſeſſiones remotas, etiam in materia juris naturalis, non niſi maximè ſapientibus innotescere, tamen non eſt verum, quod illis ſolum probabiliter innotescant; nam vel certò ſciuntur ab illis, vel tanta apparentia innotescunt, ut oppoſitum non ſit probabile: & hoc indicat S. Thomas loco citato; dicit enim tales conſeſſiones non cuilibet, ſed ſolis ſapientibus eſſe *maniſeſtas*: quæ loquutio evidentiā indicat, aut certè ſummam probabilitatem, ita ut oppoſitum non ſit probabile. Undè ſi rei inhoneſtas hoc modo nemini innotescat, ſed oppoſitum omnibus, aut certè longè plurimis videatur; præſumendum eſt, rem illam eſſe jure naturæ non prohibitam.

107. Quintò demum falſum eſt, quod dicit, antiquos Theologos agnoviſſe obligationem ſelectandi tutiora, quando pars minus tuta illis apparebat minus probabilis; nemo enim hoc dixit niſi in eodem ſenſu, in quo nos idipſum docemus: non enim licet quidquam agere, de cujus honeſtate bona fides, & abſolutum judicium non formatur. Ergo qui omnibus inſpectis tendit in partem minus tutam, ut in minus probabilem parte tutiore, illicitè ponit illam, quia operatio illa non eſt ex fide. Ergò peccatum eſt. Cæterum antiqui omnes in eo unanimiter conveniunt, quod qui bona fide ſequitur judicium certò probabile de honeſtate ſui operis, excuſetur, & bene agat; ac proinde ex eorum principiis evidenter ſequitur, omnes, qui bona fide amplectuntur benignam ſententiam, & ita eam ſequuntur ſicut illa præſcribit, excuſari à peccato, & bene operari. Et ad hoc tantum demonſtrandum eo citavi. Cæterum veriſſimum eſt, neminem illorum docuiſſe opinionem hujus Theologi, quia nemo mentionem fecit de quaſtione præſenti in propriis terminis, ſub quibus univerſaliter proponitur. Quando enim opinio minus tuta, directè conſiderata, eſt, & apparet minus probabilis parte tutiore, quaeritur utrum deatur motiva reflexa, ob quæ intellectus merito ac prudenter concludere poſſit, rem illam, omnibus inſpectis, eſſe licitam. De hoc nemo illorum in genere quaſtionem movit. Ergò nemo illorum potuit oppoſitum docere. Præterea certum eſt, eos in multis caſibus particularibus, ob motiva reflexa, docuiſſe ea eſſe licita, quæ directè loquendo non erant probabiliora. Sic dixerunt, poſſeſſorem bonæ fidei in pari caſu poſſe rem poſſeſſam ſibi retinere, ſubditum in dubio debere obedire, nec dubium quin in aliis etiam caſibus ex argumentis reflexis ſæpè quaſtionem ſolverint.

Antiqui Theologi reipſa nobiſcum ſenſerunt.

108. Ita,

Medina non
fuit primus
auctor be-
nigne sen-
tentiae.

Qui citan-
tur pro no-
stra senten-
tia, verè e-
tradiderunt.

108. Itaque Medina sub una abstractione consideravit omnia directè minus probabilia practicè, quæ antiqui sparsim tantum & divisim sub diversis capitibus proposuerant, & quaestionem instituit, an omnia illa ex vi argumentorum reflexorum sufficienter probentur esse licita. Respondit affirmativè, eumque omnes omnino Auctores per integrum ferme sæculum absque ulla dissensione sequuti sunt, si loquamur de practicè probabilibus. Ex quo duo inferuntur. Primum, Medinam non invenisse novam doctrinam, unanimi antiquorum opinioni contrariam, alioquin à cœtaneis & sequentibus hoc nomine impugnatus fuisset. Itaque omnes ejus cœtanei, & ipse quoque optimè sciebant, illum nil novi docere, sed ea solum sub una generali abstractione proponere & probare, quæ antiqui diversis in locis sub diversis titulis proposuerant, & docuerant. Alterum est, Theologum istum apertè in eo errare, quod contendat, non omnes Auctores, qui pro benigna sententia citantur docuisse nostram sententiam, sed complures eorum solum tenere quod ipse docet, nempe licitum esse sequi minus probabilia, & quæ talia reputantur, modò ea ipsi operanti videantur probabiliora. Inprimis ex hoc ipso, quod hoc loco dicit, erroris convincitur, quia fatetur Medinam nobiscum sentire, idque notorium esse. At certum est, posteriores omnes citasse Medinam tamquam illum, cujus sententiæ accedebant. Ergò idem cum illo tenuerunt, alioquin stultè illum citassent pro sua sententia, seque cum illo sentire falsi fuissent. Præterea certum est, plurimos ex auctoribus nostræ sententiæ docuisse, licitum esse agere contra propriam opinionem, quæ utique apud illos probabilior est oppositâ. Ergò tenuerunt benignam sententiam in sensu à nobis asserto, non in sensu istius Theologi, qui aliud non docet, quàm cuicumque licitum esse sequi suam opinionem directam, si sit certò probabilis. Hoc autem idem est ac dicere, solum licitum esse sequi opinionem probabiliorē, & qui probabiliorum tantum usum admittunt, hoc modo loquuntur. Ergò qui dicunt usum minus probabilium esse licitum aliud dicunt, nempe licitum esse sequi usum opinionis, quæ directè minus probabilis habetur. Et sanè ex Auctorum lectione manifestum est, hunc esse sensum illorum, nec quisquam præter hunc Theologum de hoc dubitavit. Præterea id ipsum ex hoc convincitur, quod ad thesim probandam utantur argumentis reflexis, quæ supponunt opinionem directam reputari minus probabilem. Ergò loquuntur de opinione, quæ directè apparet & supponitur apparere minus probabilis operanti. Sed quid? vellet Theologus iste non habere tot adversarios, quot inevitabiliter habere debet quicumque benignam sententiam impugnat; sed, velit, nolit, hos omnes, id est, omnes ferme totius mundi Doctores, sibi contrarios habet. Stat ergo, & Auctores hujus sæculi expressè tenere benignam sententiam, & antiquos à me citatos illi evidentissimè favere; nequos huic Theologo consentire, quatenus negat opinionem directè minus probabilem esse regulam objectivam, seu fundare discursum reflexum, per quem intellectus, omnibus pensatis, concludit, usum illius esse absolute licitum.

RATIO NONA.

109. **C**ELEBRE est illud effatum apud Jurisperitos: *in dubio melior est conditio possidentis*: ex quo, apud omnes ferme quasi certum est, quod saltem in materia justitiæ liceat possessori sequi opinionem minus tutam, remque possessam absque peccandi periculo sibi retinere, quamvis dubius sit an illa ad alium pertineat; quod verum est, sive dubium sit porè negativum, seu positivum, ob rationes utrimque ex æquo faventes. Hinc sic universaliter arguo: Nil invenitur, quod excuset possessorem in casu paris probabilitatis, præter titulum possessionis junctum probabilitati sibi faventi. At hæc omnia æqualiter inveniuntur in omni alia materia, ad quam titulus possessionis extenditur, aut quæ possessionis titulum non destruit. Certum autem est, quod titulus possessionis ad alia extendatur, quàm quæ præcisè spectant ad justitiam. Ergò hæc regula æquè valet in aliis materiis, ac in materia justitiæ, in quibus scilicet titulus possessionis æquè invenitur ac in materia justitiæ.

110. Hinc cum Esparza *de aët. human. quest. 23. art. 3.* sic discuro. Evidens est, voluntatem esse sui juris, cæterasque potentias ipsi naturaliter ita subjectas esse, ut omnia tam intra, quàm extra hominem naturali hominis dominio subiecta sint. Ratione hujus Domini voluntas ex naturali suæ conditionis excellentia est in plenissima possessione libertatis circa ista omnia, nec ab ea deturbari debet, nisi pari evidentia constet, usum hujus domini aliqua lege esse restrictum, quatenus aliquis actus, aut ipsius voluntatis, aut subiectarum potentiarum legitime prohibetur; neque enim quisquam incertis juris certi exceptiones tenetur admittere. Porro omnes leges, tam naturales, quam positivæ, sunt limitationes quædam & exceptiones domini ac juris, quod naturaliter competit homini circa omnia inferiora, tam intra, quàm extra hominem. Ergò donec pari certitudine constet, legem aliquam, restringentem dominium naturale ejusque usum, existere, non tenetur homo talem legem admittere, quia in dubio, seu in pari causa, melior est conditio hominis suam libertatem ac dominium possidentis. Ecce regula illa juris: *In dubio melior est conditio possidentis*: non solum ex æquo, sed cum manifesto excessu potiorē locum tenet in libertate relatè ad omnem omnino materiam, quam habet in materia justitiæ, quando nullum certum jus ad illam rem præcessit.

111. Ex hoc ratio quarta efficacissimè confirmatur: ibi enim ostendimus, legem dubiam non obligare. Hoc autem multo magis valet, quando dubitans est in possessione suæ libertatis, quia *in dubio melior est conditio possidentis*. Hæc duæ rationes sigillatim sumptæ evincunt intentum, sed si manum jungant, & simul copulentur validissimè probant intentum. Hæc delibavi ex nona probatione, quam fusius prosecutus sum *quæst. 23. de conscientia prob. à num. 42.* ubi multa huc spectantia addita invenies. Ego Lectorem ad illa remitto, quia hætenus dicta ad præsens intentum hoc loco abundè sufficiunt, maximè cum Theologus ille hoc solum contra rationem istam proponat, se alibi latè ostensurum, istam juris regulam non habere locum nisi in materia justitiæ. Cæterum nos quoque ex professo de hac materia latè acturi sumus contra Celladeum *quæst. 57.* in qua

Titulus possessionis convincit minus probabilem esse licitum.

Titulus hic ad omnem materiam extenditur.

Titulus possessionis, junctus legi in dubio, convincit intentum.

qua veritas hæc contra adversarios validissime confirmabitur.

Theologus iste tenetur sua argumenta nullius dam-
nare.

112. Interim dissimulandum non est, Theologum istum propriam sententiam evertere, per hoc quod admittat, licitum esse sequi partem æquæ aut minus probabilem, minusque tutam in materia iustitiæ. Ratio est perspicua, quia omnia ipsius argumenta æquæ urgent illum in hoc casu, ac nos in ullo alio. Inprimis quando jus alterius apparet possessori æquæ aut magis probabile quam jus proprium; possessor in primo casu necessariò dubitat an retineat alienum. At in dubio tutior pars est tenenda. In secundo casu potest prudenter judicare rem esse alterius, eamque debere restitui, & non potest prudenter judicare oppositum. Ergo æquæ tenetur illam reddere, aut ex parte dividere, ac si absolute crederet rem ad alium spectare, & se ad illam reddendam obligari. Quid hac in re determinatè responsurus sit Theologus iste ad sua argumenta, ut illa amoliantur, nescio. Sed scio, illum nil posse respondere, nisi quod eorum vim prorsus enervat. Dicere enim debet, quamvis illa vera sint, si res ex rationibus tantum directis consideretur, nihilominus, non obstante pari aut majori illa probabilitate directâ, intellectus per principia indirecta, & rei, de qua litigatur, extrinsecâ, confurgere potest ad formandum judicium probabile & prudens, quo absolute credat, retentionem rei posse esse licitam. Stante autem hoc judicio, excusatur possessor, si rem illam sibi retineat. Hoc responsum, quod sanè verissimum est, totum Theologi hujus conatum evertit. Jam enim habemus, dispositionem & apparentiam illam directam, atque potentiam directè prudenterque judicandi in favorem partis tutioris, & impotentiam directè prudenterque judicandi oppositum, non facere ad rem, nisi probetur quod nulla detur ratio indirecta aut reflexa, vi cuius conscientia prudenter, totâ illâ apparentiâ ac impotentia non obstante, formari possit. At hoc nec probavit, nec unquam probabiliter ostendet. Ergo frustra ubique obtrudit illa argumenta, quibus ipsemet per principia indirecta respondere tenetur, & quæ nullam vim habent, nisi in defectu talium principiorum, quæ nunquam defunt. Totus ergo labor ipsius in eo poni debebat, ad ostendendum nullum dari principium indirectum, cui homines prudenter assentientes concludere possint, rem aliquam verè esse licitam, etsi directè sit solum æquæ aut minus probabilis, quam pars tutior opposita. At hoc non urgetur, ut par erat, nec sufficienter probatur. Ergo rationes illæ frustra toties obstruxerunt, sicut eandem in posterum sæpius, sed frustra obtrudi conspiciemus.

RATIO DECIMA.

Operari secundum magis & minus probabile non differit specie.

113. CERTUM est, non omne periculum peccati materialis, etiam certò probabiliter apparentis, fundare obligationem abstinendi ab opere, in quo dictum periculum apparet, alioquin major probabilitas non excusaret, quam tamen certò novimus excusare, ut ex prima assertionem constat. Hoc posito, sic arguo. Quæ solum differunt secundum magis & minus, non differunt specie. At operari secundum opinionem probabilem in contradictione opinionis minus aut æquæ probabilis magisque tutæ, & operari secundum opinionem minus probabilem minusque tutam in contradictione probabilius

ac tutioris, solum differunt secundum magis & minus, quacumque tandem ratione considerentur. Ergo illi duo modi operandi non differunt specie. Sed certum est, quod sequi opinionem probabiliorem, etsi minus tutam, sit licitum. Ergo licitum quoque est sequi partem minus tutam, quando illa est æquæ tantum aut minus probabilis parte tutiore. Tota ergo diversitas est, quod in uno casu periculum peccati materialis sit paulo majus, quam in alio, cum in neutro sit periculum peccati formalis, quod certè ex æquo imminet, aut non imminet in utroque casu. Adde rarè constare, an opinio quæ probabilior apparet, sit reipsa probabilior; excessus autem apparentiæ, de quo non constat, nullius momenti est ad regulandam conscientiam. Ergo si probabilior apparentia veritatis excuset, utique omnis opinio certè probabilis excusabit, quia ratio excusationis non est incertus gradus probabilitatis, sed gradus certæ probabilitatis, qui æquæ reperitur in opinione minus probabili, ac in probabiliore. Ergo omnis opinio certò probabilis æquæ excusat.

THEOLOGI REPLICA solvitur.

114. OBICIT sic. Duo illi modi operandi differunt moraliter specie, præsertim quando opinio tutior est evidenter probabilior minus tutâ; tunc enim minus tuta non manet absolute probabilis, respectu operantis in illis circumstantiis, quia jam fundamentum illius comparatum cum motivo alterius partis, hic & nunc est parvum in exultimatione operantis: est autem evidens differentia ab uno casu ad alium. Nam quando pars minus tuta apparet operanti clarè ut probabilior, tunc ipsi prudenter assentiri potest intellectus, absoluteque judicare rem illam esse universaliter licitam, quod sufficit, ut homo possit honestè secundum illam operari. At quando apparet minus, vel ad summum æquæ probabilis, nequit illi assentiri, nec judicare rem esse licitam; qui autem exequitur rem cum dubio an sit licita, absque dubio peccat.

Obiectio
Theologi.

Respondeo, eadem hic obtrudi quæ antea soluta sunt. Inprimis si excessus probabilitatis sit tantus & tam evidens, ut oppositum non maneat certò probabile, non sumus in casu. Ergo sermo restringendus est ad excessum inevidenter apparentem. In eo autem casu argumentum procedit, sive loquamur de operante ex vi rationum directæ, sive reflexæ probantium. Si rationes directè probantes solum considerentur, intellectus potest omittere comparisonem illam, & considerare motiva utriusque partis, ut mutuo se excedentia secundum quid, de quibus hoc solum statuit, quod utrumque sit certò probabile; ac dignum assensu in contradictione alterius, nescire autem se quodnam sit majus. Hoc stante, ex affectu ac imperio voluntatis flecti potest in assensum partis cuiusvis, etiam illius, quæ hic & nunc apparet minus probabilis, si illa comparatio, ut potuit, ommissa fuisset; in hoc enim casu intellectus flecti potest ad prudenter assentiendum cuilibet parti, ut sæpè dictum est, & ex professo probatum quæst. 9. & 10. de consc. probat. nec audiendus est hic Theologus, qui oppositum dicit, sed non probat. Itaque qui hac ratione operantur modò secundo probabilius, modò æquæ aut minus probabile, in omni consideratione ad summum differunt secundum ma-

Solvitur
obiectio.

gis & minus, nec umbra est diversitatis specificæ, ne quidem in consideratione morali.

Vis argu-
menti no-
stri clariùs
exponitur.

115. Vtrum quia hic modus operandi est controversus; & ab adversariis negatur, & quia loquimur in sensu diviso illius actus comparativi, cum tamen præcipua quæstio videatur institui in sensu composito ipsius; ideo argumentum hoc non tam proponitur de iis, qui ex principiis directis, quàm qui ex principiis solum reflexis conscientiam formant, sive scilicet opinio- nem directè probabiliorem, sive æquè aut minus probabilem. Jam in hoc casu perspicuum est, duos illos modos operandi solum differre secundum magis & minus, quia supponimus, hominem utrobique ex motivis tantum indirectis formare absolutum iudicium de honestate sui operis, idque ex motivis apud ipsum semper prævalentibus, quæ tamen paulò efficacius ostendunt usum probabiliorum, quàm æquè aut minus probabilium esse licitum: & sanè nullum argumentum reflexum probat, usum probabiliorum, quibus directè non assentimur, esse licitum, quod non sufficienter probet, usum æquè aut minus probabilium esse licitum, ut videre est ex argumentis reflexis, quæ attulimus, & ex afferendis etiam patebit. Ergò modi illi operandi non differunt specie. Ergò uterque est licitus. Et sanè ut argumentum hoc vim suam habeat, oportet considerare duos, quorum unus ex motivis reflexis format conscientiam, quod liceat sequi partem directè probabiliorem, non obstante certa probabilitate partis tutioris; alter verò ex principiis pariter reflexis formet conscientiam, qua dicat, licitam sibi esse partem minus tutam, directè minus probabilem, non obstante maiore probabilitate directæ apparente pro parte tutiore. Hi duo bona fide operantes contemplandi sunt: objectum, in quod unus fertur, comparandum est cum objecto, in quod alius fertur: bona fides utriusque consideranda, & motiva apud illos prævalentia, quibus moventur, comparanda. His autem inter se collatis, nulla apparere poterit diversitas specifica, sive physica, sive moralis, sed tota diversitas erit secundum magis & minus. Ergò uterque benè operatur, si alter eorum sciatur benè operari. At alter scitur benè operari. Ergò uterque benè operatur. Hoc est argumentum, cui Theologus responsum non dedit. Nec respondere potest, si ipse casum applicet ad duos possessores, bona fide retinentes res possessas, quorum alteri æquè probabile videtur, rem possessam ad alium pertinere, ac ad se; alteri verò rationes juris alieni videntur paulò fundatiora. Respondeat ipse argumento simili in hoc casu, si possit; si non possit, sciat se argumento à me proposito non respondisse, nec posse respondere, quia argumentum meum idem est, nec in alio differt, quàm quod in universali proponatur, cum eadem prorsus sit ratio in universali illa consideratione, ac in hac particulari.

RATIO UNDECIMA.

116. **N**emo tenetur ad honestius & perfectius amplectendum, sed sufficit si sequatur honestum & perfectum. Ergò nemo tenetur sequi opinionem probabiliorem, sed sufficit sequi æquè aut minus probabilem; quia sequi opinionem probabiliorem, & sequi opinionem æquè aut minus probabilem in contradictione opinionis tutioris certò probabilis, se ha-

Magis & minus probabile, se habent ut magis & minus bonum.

bent ut excedens & excessum, ut magis & minus bonum in eodem genere. At certum est, quod liceat sequi probabiliorem contra tutiorem minus probabilem. Ergò licet etiam sequi minus tutam certò probabilem, contra tutiorem æquè aut magis probabilem, cum uterque modus procedendi sit in eodem ordine, qui aliam comparationem non admittit, quàm minus honesti ad magis honestum.

Confirmatur: si daretur obligatio sectandi probabiliora, id esset, vel quia essent tutiora, vel rationabiliora; neque enim alia ratio excogitari potest. Non quia tutiora, quia nemo tenetur ad tutiora, ut ex S. Antonino, Majore, Landulpho, aliisque omnibus tam antiquis quàm modernis ostendi *quæst. 22. de conscientia probabilis*. Præterea si teneremur ad tutiora, non liceret sequi probabiliora, quando sunt minus tuta. At hoc est falsum, ergò, &c. Non quia rationabiliora, quia ad vitandum peccatum, sufficit sequi quod rationabiliter & prudenter creditur bonum. Ergò ad non peccandum sufficit, si bona fide sequamur certò probabilia, quod verum est, quamvis sint minus probabilia, quia illa adhuc sub tali consideratione sunt verè rationabilia, ac certò prudentia, sicut sunt certò probabilia.

117. Hæc ratio, sicut & superior, intelligi debet de actibus intellectus & voluntatis, quos habent duo homines, quorum alter bona fide sequitur minus probabile contra tutius ac probabilius, alter verò bona fide sequitur partem probabiliorem, contra rationem certò probabilem. Dicimus enim dispositionem illorum hominum, atque objecta illis proposita, non differre nisi secundum magis & minus, & secundum honestius, & minus honestum. Et sanè licet hæc duo argumenta non clarè evincant intentum, si ad sola argumenta directè probantia respiciamus, quia in hac hypothesi non est certum, quod intellectus flecti possit in assensum partis minus probabilis; nihilominus etiam in hoc sensu probabilissimè concludunt, quia probabilissimum est, quod intellectus in talem assensum prudenter flecti possit: hoc autem habito, consequentia eadem probabilitate inferitur, quàm minor asseritur. Verum si dispositiones considerentur, per quas sectans partem probabiliorem excusatur ex vi rationum reflexè probantium, illæ rem convincunt, quia æquè conveniunt omni opinioni certò probabili, quales sunt: *Quod licet doceatur in scholis, quod sit quæstio spectans ad jus naturæ, quod lex non sufficienter promulgata fuerit, quod lex dubia non obliget, quod in dubio melior sit conditio possidentis, &c.* Ex his enim intellectus confurgit ad formandum dictamen, quod æquè liceat sequi minus ac magis probabilia. Itaque in omnibus istiusmodi casibus, eadem specie est dispositio intellectus ac voluntatis in sectante probabiliora, & minus probabilia. Ergò tam certum est unum non peccare quàm alterum, quia quando actus intellectus & voluntatis duorum sunt similes, & in eadem specie, repugnat unum eorum laudabiliter agere, & alterum peccare; effectus enim formales tam diversi nequeunt provenire à causis formalibus adeo similibus.

118. Ratio à priori horum omnium est, quia quocumque modo tutiora in præsentī comparatione sumantur, semper contrariatur illis argumentum certò probabile, quod committatur peccatum materiale. Similiter quomodocumque minus tuta sumuntur, ex opposito datur motivum certò prudens existimandi, quod nulla in illis lateat

Ratio hæc in directæ consideratione valida est, sed in reflexa prorsus efficitur.

Ratio magis declaratur.

lateat vel materialis transgressio. Jam quidquid diversitatis reperitur inter istos terminos solum variatur secundum magis & minus. Sic si spes non errandi sit paulò major in uno quàm in alio casu, ita hoc verum est, ut semper sit prudens fundamentum existimandi errorem in opere latere. Similiter si timor errandi sit paulò major, adhuc datur spes certò prudens, quod nullus futurus sit error. Quis non videt has dispositiones esse similes, & differre solum secundum magis & minus in eodem ordine? Et hoc quidem locum habet, si objecta illa merè considerentur ut substantia motivis directis. At si sumantur prout substantia motivis indirectis ac reflexis, major probabilitas semper faveat honestati partis minus tutæ, & sic diversitas inter illa objecta, atque inter actus intellectus & voluntatis, quibus operantes feruntur in illa, est minor, quàm in casu solius directæ considerationis. Immo in casu reflexæ considerationis actus talium operantium sunt prorsus similes. Ergò cum constet unam ex istis dispositionibus fundare honestatem, ritè inferitur eandem vim alteri quoque convenire.

REPLICA THEOLOGI solvitur.

Obiectio
Theologi.

119. **O**BIICIT sic, Dispositiones taliter operantium, non se habent solum ut excedens & excessum, seu ut magis & minus bonum in eodem genere, sed comparantur ut honestum & peccatum; quia quando opinio, favens libertati, est operanti probabilior, & clarè verisimilior opinione tutiore contraria, tunc intellectus unice potest judicare rem esse licitam; & hoc judicium est prudens. Non potest autem peccare contra legem is, qui operatur ex vi iudicii prudentis dictantis legem non existere, & in iis circumstantiis, in quibus non potuit judicare legem illam existere. At quando opinio, favens libertati, est clarè minus verisimilis, quàm sententia tutior opposita; è contrario se res habet, quia intellectus unice judicare potest rem illam esse licitam, idque iudicio prudenti; & in casu paræ probabilitatis, neutrum judicare potest, sed necessariò manet dubius. In utroque autem isto casu peccat, qui sequitur partem minus tutam. Ergò magna & notabilis valdè est dissimilitudo inter dispositiones horum operantium. Quod si omnia essent paria vel similia, & operans in utroque casu supponeretur præstitisse assensum prudentem opinioni minus tutæ, tunc utrobique operaretur rectè, sive opinio illa reipsa esset magis vel minus probabilis, quia operanti repræsentaretur ut probabilior, quod ad licitè operandum sufficit.

Solvitur
Obiectio.

120. Respondeo, ultimam partem responsionis admittere totum, quod in præcedenti & in hoc argumento continetur. Loquimur enim ex suppositione, quòd uterque bona fide, & ex probabili iudicio de honestate rei operetur; & tunc reflexè consideramus objecta proposita, & dispositiones operantium, quæ quia videmus esse prorsus similia, & differre ad summum secundum magis & minus, ideo dicimus, utrumque, vel neutrum excusari. Porro quia scimus unum non peccare, sed rectè facere, idem de altero legitime inferimus.

Cæterum ad contenta in obiectiōe jam sæpè responsum est. Inprimis Theologus loquitur de dispositione tantum directâ utriusque, cum argumentum potissimè procedat de dispositione

R. P. A. Terribi Regula morum. PARS I.

reflexâ. Secundò, quod dicit de dispositione directâ non est verum in casu quaestionis, quia loquitur de evidenti excessu verisimilitudinis in una parte, quæ tollit certam probabilitatem à parte opposita. Ergo sumus extra statum quaestionis. Quod si loquamur de apparenti, sed inevidenti excessu probabilitatis, illa apparentia deponi potest, & intellectus prudenter flecti in assensum partis antea minus probabilis, in quo casu absurda quæ obijcit, locum non habent, sed è contrario dispositio utriusque operantis est similis, & una differt ab alia secundum magis & minus in eodem ordine, & consequenter uterque ex æquo benè agit. Itaque responsio ex præcipua parte non tangit, & ex nulla solvit argumentum.

RATIO DUODECIMA.

121. **O**MNIS subditus, maximè Religiosus, licitè obedit Prælato in omnibus, quæ sunt certò probabiliter honesta, quod verum est, etsi probabilius subdito appareat, quod res præcepta sit materialiter illicita. Hæc est Theologorum omnium, tam recentiorum, quàm antiquorum opinio, quæ etiam à SS. PP. à Mysticæ Theologiæ magistris, vitæque spiritualis duobus unanimiter traditur. Vide quaest. 23. de cons. prob. à num. 79. ubi plures istorum citatos habes, totumque argumentum latè deductum, ex quo hic pauca tantum afferam, quia infra quaest. 46. ex professo de hac materiâ agendum erit. Interim tam Theologi, quàm vitæ spiritualis magistri hanc doctrinam extendunt ad casum meræ ordinationis, absque præcepto obligante in conscientia. Undè sic arguo. Jubeat, vel ordinet id superior, quod subdito religioso, utpote viro docto, probabilius appareat esse illicitum quàm permissum. Peto an subditus ille superiori, talia præcipienti, licitè obedire possit? si neges, omnes uno ore te condemnant. Si concedas, habeo intentum; quia licet subdito sequi partem minus tutam, etsi illa ipsi appareat directè minus probabilis. Ergò benigna sententia locum habet in materia obedientiæ, quia subditus juxta eam licitè obedit. Nec solum licitè obedit per conformationem voluntatis, sed prudenter flectit intellectum ad idem cum suo superiore sentiendum, propriumque judicium laudabiliter abnegat. Hic est hic fuit sensus, atque consensus totius Ecclesiæ; hæc omnium sæculorum praxis à viris sanctissimis usitata, omnibusque commendata, tamquam ad perfectionem obedientiæ acquirendam utilis & necessaria.

122. Hæc doctrina ad omnes pias animas extenditur, quæ suo iudicio diffixæ, perito & probò Confessario se gubernandas tradunt, sine dubio enim illi obedire possunt, quoties injungit certò probabiliter licita. At omnes omnino homines hoc modo respiciunt aliquem ut superiorem. Ergò omnes homines licitè sequuntur opinionem ipsis directè minus probabilem, quoties consilium aut ordinatio pii ac periti Confessarii illi adjungitur. Ergò usus benignæ sententiæ est licitus omnibus, qui sibi diffixi alienæ prudentiæ se gubernandos tradunt. Et sanè nisi liceret obedire in eo, quod subdito minus probabilem apparet, obedientiæ ordo everteretur, totaque respublica turbaretur. Si enim subditus dicat, rem præceptam, sibi videri probabilius inhonestam, quid faciet superior? Certè munus superioris esset prorsus intolerandum, nec ho-

Subditus licet obedit superiori præcipienti minus probabilia.

Confessori docti probabilia esse honesta licet obeditur.

D

mines

mines humano modo gubernari possent. Vide plura de hac re locis citatis.

THEOLOGI REPLICA.

Replica
Theologi.

123. **R**ESPONDET Theologus iste, honestatem rei, accedente Prælati præcepto, repræsentari subdito, ut verisimiliorem. Immo quamvis subditus judicaret peccatum esse v. g. laborare in die festo, deberet iudicium suspendere, & sequi iudicium sui superioris, juxta regulam certissimam, quod subditus superiori obedire teneatur in omnibus, in quibus peccatum non cernitur manifestè. Tales autem sunt res omnes, de quibus est controversia inter Doctores, an sint licitæ, vel illicitæ.

Præceptum
superioris
non reddit
rem solum
indirectè
probabili-
tem.

124. Hæc responsio maxima ex parte est vera, ideoque valde laudo Theologum hunc, quod rectissime de obedientiâ superioribus debitâ sentiat. Verum hæc ejus doctrina totum negotium conficit. Inprimis ex illa habemus, accessionem præcepti reddere rem præceptam verisimiliorem; hoc tamen non est verum de directâ rei consideratione; non enim præceptum superioris minus docti efficere potest, ut subdito probabilius appareat, exercitium pingendi non esse opus servile, cui antecederet ad præceptum probabilius apparebat esse opus servile. Sicut enim contraria superioris opinio & auctoritas illum non movebat ante præceptum ipsi impositum, sic nec potest eum movere, accedente præcepto, quia præceptum nec naturam rei immutat, nec auget auctoritatem superioris, aut ullum argumentum infert ad præsumendum, quod ideo rectius sentiat, quia juxta suam opinionem præcipit. Itaque si Theologus iste intendat, præceptum superioris universaliter reddere directam rei veritatem verisimiliorem subdito, procul dubio errat, quia manifestum est præceptum nullam ad hanc apparentiam mutandam vim habere. Itaque accessio præcepti in tantum reddit honestatem rei subdito verisimiliorem, in quantum est nova circumstantia extrinseca & indirecta, cui res illa jam substat. Honestas autem rei illius, ut tali circumstantiæ substantis, non solum repræsentatur ut verisimilior, sed absolute certò cognoscitur esse vera. Itaque jam admittit modum formandi conscientiam, quem nos exponimus, scilicet per principia reflexa, indirecta, & rei extrinseca, quorum efficacitæ major verisimilitudo directæ de inhonestate rei non obstat. At talia principia adsunt in omni casu opinionis certò probabilis, quamvis sit, & habeatur directè minus probabilis, ut ostensum est.

Obediendū
est et si rei
præceptum
inhonestas
appareat
probabilior.

125. Et sanè peto ab hoc Theologo, an subditus teneatur obedire, etsi opus præceptum in die festo verisimilior illi appareat esse servile? Si concedat, ergò jam, illo iudicio, omnibusque, quæ putat cum illo connecti, non obstantibus, intellectus per principia indirecta & reflexa formare potest prudens iudicium, quod positio talis objecti hic & nunc sit licita. Si neget, non solum omnes sibi contrarios sentiet, sed ipsemet sibi contradicet, quia per illum subditus tenetur obedire in omnibus, in quibus manifestè non cernitur peccatum. Hanc enim dicit esse regulam certissimam. Sed per majorem verisimilitudinem directam inhonestatis, contra certò probabilem apparentiam directam honestatis in aliquo opere, peccatum in illo non cernitur manifestè. Ergò subditus, majori illa verisimilitudine directâ non obstante, & potest & debet obedire,

& credere potest obedientiam esse licitam ac necessariam.

126. Habemus secundò, subdito, nullo novo argumento ullius momenti instructum, sæpè posse ac debere proprium iudicium deponere & obedire. Ergò similiter deponere possumus iudicium comparativum de excessu probabilitatis pro parte tutiore, quia utrumque supponitur esse obscurum. Illo autem suspenso intellectus non solum ex vi argumentorum reflexorum, sed etiam ex vi rationum directè probantium flexi potest ad credendum & præsumendum, opus illud esse licitum, ut supra sæpè notatum est contra hunc Theologum, qui confundit sensum compositum talis iudicii comparativi cum sensu diviso ejusdem.

127. Ex his sequitur, omne certò probabiliter honestum, etiam si appareat subdito minus probabile, esse objectum, quod non solum per præceptum expressum, sed etiam per ordinationem superioris, atque per consilium & ordinationem prudentis confessorii, evadit certò honestum, quod solum intendimus probare per hoc argumentum. Verum ex hoc ulterius sequitur, quod tale objectum secundum se sub ea notione acceptum, & reflexè consideratum, sit saltem probabiliter licitum, alioquin non esset materia præcepti, ordinationis, aut consilii. Neque enim obedire debeo præcipienti, aut consulenti rem, quæ rectè intellecta & benè penetrata, ita est probabiliter illicita, ut ejus honestas non sit probabilis. Talia enim sicut temerè ordinantur, ita temerè implentur. At usus minus probabilium, & consilii & præcepti, atque etiam impleri possunt absque temeritate. Ergò quicumque ex hoc ipso motivo probabiliter reflexo absolute credit, usum talium esse licitum, licetè reducit talem usum ad praxim, quod probare intendimus. Ergò habemus intentum, quia neminem excusamus per benignam sententiam, nisi qui ex motivo probabili, saltem indirecto, absolute credit illam esse veram. Ecce objectum directè minus probabile non solum ut subsistens præcepto evadit licitum, verum etiam cognoscitur esse licitum secundum se, quia nisi esset probabiliter saltem honestum, non esset materia obedientiæ, ut dictum, &c. At hæc probabilitas, etiam in principiis hujus Theologi, iis omnibus sufficit, qui illâ moti prudenti iudicio existimant, usum talem esse licitum. Vide plura huc spectantia *quæst. illa 23. loc. citato.*

Theologus
impugna-
tur ad ho-
minem.

Omne pro-
babiliter
honestum,
certò hone-
statur per
præceptum
vel ordina-
tionem su-
perioris.

RATIO DECIMA-TERTIA.

128. **S**I certa probabilitas practica non esset tuta conscientiæ regula, sed Deus præciperet hominibus, ne alias quam certas sententias pro suæ conscientiæ directione admitterent, per hoc ipsum onus legis servandæ gravissimum evaderet, quia in rebus moralibus, quarum usus semper obvius est & necessarius, paucæ sunt sententiæ certæ, in reliquis utraque pars contradictionis plerumque est probabilis. Ergo homo in omnibus ferme peccandi periculo exponeretur, nisi semper scitaretur partem tutiorem. At semper obligari ad partem tutiorem est onus intolérable, & ultra vires fragilitatis humanæ, uti pluribus ostensum est *quæst. 19. 20. & 21. de conse. prob.* & hic probabitur *quæst. 9.* Ergo nulla datur ejusmodi obligatio, alioquin lex Dei non esset *onus leve & jugum suave.* Ergo licitum est scitari minus tuta, si sint certò probabilia.

Onus legi
esset intol-
rabile. Si
usus proba-
bilium non
esset licitus.

129. Idem

Idem dicendum si minus probabilia non licerent.

129. Idem inconveniens sequeretur, si minor probabilitas directa ad conscientiam regulandam non sufficeret, sed in omnibus teneretur vel partem tutiorem, vel directè probabiliorē amplecti. Hoc enim esset onus intolerabile; tum quia difficillimum est discernere, quānam opinio sit probabilior; tum quia id ipsum indagare plurimis est impossibile, & ipsis Doctoribus adeo difficile, ut sæpè, nisi post longam considerationem, de hoc iudicium ferre non possint. Quocirca ipsi Doctores, donec omnes opiniones examinaſſent, in omnibus tenerentur sequi partem tutiorem. Alii autem omnes, qui de majori & minori probabilitate iudicium ferre non possent, in omnibus tutiora sectari tenerentur. At hoc est onus intolerabile.

Intolerabilitatem huius oneris, exemplis adductis, optimè urget Esparza *quæst. 23. de alt. huius. art. 9* Inprimis in adversariorū sententia, unusquisque statim post peccatum commissum teneretur sub mortali vel ad contritionem perfectam eliciendam, vel ad Sacramentalem Confessionem; singulisque vicibus, quibus peccati remedium differet, de novo peccaret. Rursus singulis diebus festis teneretur dolorem de peccatis excitare. Circumstantia peccati die festo commissi explicanda esset in Confessione, quibus alia innumera in quavis Summa inveniri possunt, quia in omni ejusmodi opinione, pars altera tutior est. Uno verbo quicumque legeret Summam aliquam, teneretur ad omnes opiniones strictiores, nisi posset discernere probabiliora à minus probabilibus. At plerique inepti sunt ad hoc discernendum. Præterea cū difficile sit majorem probabilitatem discernere, aditus scrupulis in ea discernenda pateret, adeoque aut omnes aut plerique tenerentur ad partem tutiorem in omnibus sectandam; quod est onus intolerabile, maxime pro communitate.

Lex vetans usum minus probabilium esset nociva.

130. Hinc sic arguō. Lex obligans ad tutiora; aut certè ad probabiliora, ob nimiam difficultatem eam observandi, morali quadam necessitate incredibilem peccatorum copiam secum adduceret, quæ tamen faciliè vitaretur, si quævis probabilitas ad conscientiam formandam sufficeret. Vitaretur, inquam, idque absque alio inconvenienti, quā quod aliquando poneretur opus, quod fortè esset transgressio materialis, si sumeretur prout substat circumstantiis per se connexis cum tali objecto; certissimum enim est quod sæpè nulla esset, ne quidem materialis transgressio. At talis lex esset nociva, quia plus incommodi secum ferret, quā commodi; nam si lata non esset, parum inde mali sequeretur in republica, in qua innumera peccata ex morali necessitate provenirent, si talis lex verè daretur. Præterea sic inſto. Finis omnis legis est vitare mala, alioquin oritura, per quæ ordo naturæ rationalis turbaretur. At lex istiusmodi non conduceret ad hunc finem, sed mala multiplicaret; ergo sibi ipsi repugnaret. Ergo Deus talem legem non tulit. Ergo quævis probabilitas ad conscientiz securitatem sufficit.

REPLICA THEOLOGI solvitur.

Replica Theologi.

131. **O**BIECT, seu potius reponit, primam partem objectionis non premere ipsum, sed eos solos qui ad licitè operandum requirunt certitudinem de honestate operis. Ad secundam objectionis partem negat, se obligare

R. P. A. Terrilli *Regula morum*, PARS I.

homines ad inquirendum, quæ pars sit probabilior, sed dumtaxat imponere obligationem, quā omnes admittunt, nempe debitam diligentiam adhibendi, ut sciatur an res sit prohibita. Jam si, facta hac diligentia, appareat ipsi verisimilius, quod res sit prohibita, non potest eam licitè ponere. Hoc autem non est onus intolerabile. Jam verò unusquisque faciliè experitur, quānam ex sententiis oppositis magis illum pertrahit ad assensum. Illa autem est probabilior, quæ fortius movet ad assensum.

132. Respondeo, objectionem per ista non solvi. Inprimis si vera sit ejus opinio, omnes, qui ad suam, & aliorum directionem antea contenti erant opinione certò probabili, absque eò quod curarent an esset probabilior nec ne, tenerentur cursum mutare, & nullam opinionem pro regula assumere, nisi, re iterum examinata, illa ipsis probabilior appareret. At innumeri animarum Pastores, & alii, qui Summas casuum legunt, non sunt idonei ad hoc discernendum. Ergo Theologus iste, una hac sua assertionem, majori mundi parti imponit necessitatem in omnibus tutiora sectandi, quod est, ipso etiam faciente, onus intolerabile.

133. Deinde si aliqui peritiores, assueti ad usum benignæ sententiæ, huius Theologi opinioni subscriberent, eo ipso ad omnes strictiores sententias tenerentur; donec post diligens examen invenirent eas esse probabiliores oppositis. At hoc, si, ut oportet, seridè fiat (voluntaria enim & sine diligenti discussione opinionis etiam certò probabilis electio per istum Theologum non sufficit, alioquin in nostram sententiam incideret) est ipsis peritis difficile, & materia innumeris scrupulis exposita, quia cū rationes sint dissimiles, & consequenter sese mutuo excedant secundum quid, nec eorum excessus sit evidens, non potest non esse arduum scire, quānam meritò censeri possit probabilior. Præterea determinatio diligentiz sufficientis esset ardua, & timoratis etiam peritioribus ingens anxietatis materia. Ergo hæc opinio non solum in imperitos, sed etiam in peritos onus intolerabile imponit; imperitis quidem necessitatem sectandi omnia tutiora; peritis verò, & iis, qui illorum autoritate gubernantur, necessitatem sectandi omnia tutiora, donec ipsi per diligens studium determinaverint; quæ opinio meritò censetur probabilior, & simpliciter vera.

134. Tertiò ex eadem opinione sequitur, neminem posse seridè Ethicæ studere, quin per hoc ipsum deterioris conditionis evadat, quia ad omnia tutiora graviter obligabitur, modò illi appareant verisimiliora; necesse autem est ut plurima ita illi appareant. Ergo onus gravissimum sibi imponeret, qui Ethicæ studeret, quo liber fuisset, si aliorum mitius opinantium directioni se commisisset. At hoc est absurdum, finis enim Ethicæ est, ut homo facilius onus habeat, quia ignorantia multa secum onera fert, quæ per Ethicæ disciplinam evacuantur.

135. Quartò, omnis conatus diligentissimorum Summarum evaderet inutilis & noxius pro fine, ad quem ordinatur. Eò enim collimat, ut Pastores, aliique minus periti, qui de rebus & argumentis rectè judicare non possunt, habeant ad manum regulam, quā sequantur, & per quam alios dirigant. At ad hunc finem non serviret, quia minus periti non possunt judicare, quānam opinio sit aut meritò habeatur probabilior. Ergo tales libri nil utilitatis ad Pastorum

Replicæ nō solvit argumentum.

Opinio huius Theologi onus im-portabile omnibus imponit.

Studium Ethicæ nocet, si veram dicere.

Labor Summarum esset inutilis & noxius in ejus opinione.

D 2 instra-

instructionem, & regimen animarum præberent, quia in omnibus tutiora tenenda essent, nec solum utilitate carerent, sed etiam nocumento essent, tum quia facerent huiusmodi homines dubitare de multis, de quorum honestate antea ex aliorum auctoritate prudentem credulitatem formaverant; eo ipso enim quod legerent aliquid, quod licitum putabatur, esse illicitum, aut non esse probabilius opposito, in dubium & perplexitatem inducerentur. Ergo tales libri onus gravarent, & multum nocerent.

Animarum regimen administrari non possit.

136. Quinid, hinc etiam sequeretur, quod animarum regimen & officium Pastorum congruè administrari non posset: evidens enim est, omnes Paræcias non posse administrari per peritos Theologos, sed partem longè maiorem iis committi debere, qui de rebus ipsis, atque opinionum fundamentis rectè judicare non possunt. Ergo illis non liceret ullam casuum summam adhibere, sed in omnibus & ipsi ad tutiora tenerentur, & subditi ad eadem adigerentur, quo nil perniciosius communitati accidere potest. Nam quamvis optimum esset omnes meliora ac tutiora sectari, tamen ad hoc omnes obligari esset pessimum, & innumerorum peccatorum causa existeret. Itaque tales homines omni medio ad officium suum etiam mediocriter præstandum carerent. Ergo munus illud à plurimis non posset rectè ministrari. Quod inconveniens tantum est, ut opinio huius Theologi, si aliud non afferret, hoc ipso nomine esset rejicienda, & falsissima reputanda.

Propria cuiusque existimatio esset regula conscientie.

137. Sextò demum, ex illa sequeretur, propriam tandem cuiusque persuasionem & apparentiam esse regulam objectivam, quam quisque sequi deberet. Nemo enim alieno iudicio fidere posset, nisi illud ipse per suum iudicium ut rationabilis, ac probabilis proponeret. Ergo tandem proprium cuiusque iudicium in se existens, & reflexè cognitum, esset regula objectiva, per quam conscientia formari deberet, cum sine illo licitè formari non posset. At sequela est absurdissima: nemo enim proprium cuiusque iudicium pro regula objectiva Dei legem si sufficienter indicante hætenus proposuit, sed omnes aliam regulam objectivam assignarunt. Nec mirum, quia nil tam fallax ac variabile quàm proprium cuiusque iudicium de rebus difficilibus ac incertis. Homines enim passionibus ac affectionibus sæpissimè incitantur ad assensum, quem rationalis apparentia veritatis sine indebita passione nunquam induxisset. Deinde ponitur regula prorsus inepta ad regulandum, quia homo vix unquam certò scire posset, se regulam debitam adhibere; non enim quodvis iudicium proprium, etiam temerè conceptum, sufficit, sed iudicium maturum post debitam diligentiam sine passione indebitè excœcante & propellente elicitum. At nemo, vel fere nemo scire potest suum iudicium has condiciones habere. Ergo regula inutilis proponitur. Præterea hæc regula admissa ingentem confusionem in rempublicam, immò in quodvis collegium ac domum induceret, quia tot essent regulæ diversæ, quot capita; unusquisque enim sequi deberet, quod ipsi verisimilius apparet. Et unus contenderet tale opus esse omnibus licitum, atque illud ut tale in praxim reduceret. Alter, cui oppositum verisimilius appareret, illud avversari deberet, nec alteri accommodare se posset. Unde ingens confusio, ac animorum dissensio in cœconomiam omnem necessariò induceretur, maxime cum multi præfidentes, sibi quæ pimum

Regula huius Theologi ingentem confusionem induceret.

adulantes, omnia ferme iustis prætensione mutarent, atque ita vel ab aliorum moribus turbulenter se subducerent, aut peccaminosè cum illis communicarent. Nec dicas, homines privatos, etiam doctos, posse ac debere in multis sibi non fidere, sed quando contra gravissimos auctores opinantur, posse suam opinionem suspendere, ac præsumere oppositam esse rationabiliorem, quia jam novam regulam non explicatam inducis, nec unquam explicari poterit, quando quis aut possit, aut debeat suam opinionem explodere, & alteri adhærere. Præterea si hoc in ullo casu sit licitum ac necessarium, illud utique locum habet in opinione peculiari istius Theologi, quia nemo habere potest maiorem rationem diffidendi sibi, & aliis credendi, quàm iste, qui contra innumeros sapientissimos, immò contra omnes ferme Ecclesiæ Doctores insurgit, novamque opinionem pro regulanda omnium conscientia proponit. Hæc aliæque ejusmodi incommoda, debilitati fundamentorum huius auctoris (qui etiam propria argumenta solvere debet) adjuncta, unà cum insufficienti prorsus solutione rationum benignæ sententiæ faventium, non solum suadent, regulam hanc esse prorsus insufficientem, sed eam sine fundamento congruo propositam, reipublicæ noxiam, &, quatenus benignæ sententiæ opponitur, falsam esse efficacissimè persuadent.

RATIO DECIMA-QUARTA.

138. **E**VIDENS est, invincibilem ignorantiam legis divinæ in omni materia à peccato excusare. At omnis certa probabilitas de non prohibitione objecti, etiam in contradictione probabilitatis directè majoris pro parte contraria, necessariò connectitur cum ignorantia invincibili legis divinæ prohibentis tale objectum. Ergo quævis certa probabilitas excusat à peccato, & ad securitatem conscientie sufficit. Major apud omnes rectè sentientes certissima est. Minor mihi certa videtur. Sumo enim ullam materiam moralem, de qua Theologi post longam disputationem, & studium diuturnum variant: his affirmantibus, illis negantibus, rem illam esse licitam, sed omnibus fatentibus certò probabile esse, quòd non sit prohibita. In hoc casu assero homines de tali lege ignorantiam invincibilem habere. Nonne illa ignorantia invincibilis est, quæ post dubium tot annorum, totque ingeniorum defudantium acutissimas investigationes vinci non potuit? Stultum enim est existimare, illam solam ignorantiam esse invincibilem, quæ à totali alicujus objecti incogitantia procedit; illa enim est materialis, & mortua, ut ita dicam, ignorantia, quæ merè per accidens est invincibilis. At illa, quæ, post propositionem objecti, per diligens studium, immò per totam naturæ humanæ industriam superari & vinci non potest, illa enim vero est ignorantia formaliter & per se invincibilis. Talis est ignorantia legis divinæ, contra cuius existentiam motiva certò probabilia militant. Ergo in omni materia apud Theologos discussa, & propter argumenta hinc inde probabilis adhuc dubia, datur formalissima ignorantia talis legis, illaque planè invincibilis.

Probabilitas non legis connectitur cum invincibili legis ignorantia.

139. Huc collimant Auctores, qui communiter docent, dubium legis, post debitam diligentiam perseverans, posse prudenter deponi, & hominem non teneri ad abstinendum ab opere prius dubio, quia in tali casu lex invincibiliter ignoratur,

Lex mandata dubia invincibiliter ignoratur.

tur. Hæc ratio multo magis valet, quando dantur præsumptiones probabiles, quod objectum liceat, & multo maximè, quando objectum absoluto iudicio probabiliter creditur esse licitum, tunc enim omnes ferme, tam antiqui quàm recentiores expressè agnoscunt ignorantiam invincibilem in tali iudicio contineri. Vide *quæst. 23. de conscientia prob. nu. 110.* in fine, ubi Auctores antiquos, ita sentientes citatos habes. Ecce principium, quo utimur, & lumine naturæ notum est, & ab omnibus communiter pro vero habitum; consequentia autem legitime deducitur.

Minor probabilitas ab legis infert hinc ignorantiam invincibilem.

140. Et lunedì nullum dubium est, quin argumentum efficacissimum sit, quando rationes pro non lege sunt probabiles, aut æquæ probabiles ac rationes pro lege. Valet etiam quando rationes pro lege videntur aliquibus esse probabiles, dummodo rationes certò probabiles pro non lege non desint.

Ratio est duplex. Prima est, quia cùm excessus probabilitatis sit incertus, suspendi potest omne iudicium de tali excessu, & tunc homo reducitur ad statum æqualis probabilitatis, aut ad probabilitatem pro utraque parte cum ignorantia, quæ pars prævaleat. Secunda ratio est, quia, stante apparentia de maiore probabilitate pro lege, adhuc omne iudicium de lege suspendi potest, in quo casu homo dubitat, & verè ignorat legis existentiam, idque invincibiliter, cùm illa ignorantia superari non possit. Non enim superatur ignorantia legis per apprehensiones, aut per motiva probabilia, aut etiam per iudicium incertum de illius existentia, sed solum per hoc, quod certò moraliter innotescat. Ergò quamdiu non ita innotescat, non tenetur homo ex vi illius ita se gerere, ac se gerere deberet, si sciret legem existere, sed hoc illius arbitrio relinquitur ut consilium, non imponitur ut præceptum, quia invincibilis ignorantia excusat, & certò reflexè cognita de excusatione nos certificat.

SOLVUNTUR OBJECTIONES.

Objectiones Theologi.

141. **O**BJICIT primò Theologus iste. Esto, habeat ille ignorantiam invincibilem legis, qui post diligens examen nec evidenti nec probabili cognitione eam vincere potuit. Similiter, disputandi gratia, admitto illum invincibiliter ignorare malitiam, qui post sufficientem diligentiam ad inquirendam veritatem, nec evidenti nec probabili iudicio dicere potest, rem esse illicitam. At asserere, quod ille habeat ignorantiam invincibilem, qui iudicio opinativo prudenti censet rem esse malam, mihi videtur absurdum, ne dicam ridiculum; alioquin non peccaret, qui immediatè post illud iudicium opinativum prudens poneret rem illam. At hoc est evidenter falsum, & contrariatur principiis Terilli. Probatur sequela. Non est peccatum operari cum invincibili ignorantia malitiæ. At qui operatur cum iudicio opinativo de malitia, habet ignorantiam invincibilem malitiæ, cùm tale iudicium ignorantiam illam non removeat. Ergò operari cum iudicio opinativo de malitia, non est peccatum. Tenet ergo sequela. Ergò falsissimum est dari ignorantiam invincibilem legis divinæ, contra cuius existentiam motiva probabilia militant. Stat enim motiva talia contra eam militare, & simul existentiam illius iudicio opinativo prudenter credi, in quo casu lex invincibiliter non ignoratur.

142. Respondeo primò Theologum hunc re-
R. P. A. Terilli *Regula morum.* PARS I.

vera admittere quantum cupimus, quia admittit ignorantiam legis esse invincibilem, quando probabilitas pro non lege, est par probabilitati pro lege, in eo enim casu homo per illum non potest prudenter judicare legem existere. Ergò tunc invincibiliter ignorat legem. Jam à fortiori idem concedit, tam quando probabilitas pro non lege est major, quàm quando res absoluto iudicio prudenter creditur esse licita. Itaque tota quæstio vertitur ad casum majoris probabilitatis apparentis pro lege; sed hæc etiam controversia cessat, si intellectus absteineat à tali comparatione, ut potest, quia excessus ille est incertus quando oppositum est certò probabile, tunc enim intellectus reducitur ad quandam æqualitatem apparentiæ pro utraque parte, & ignorat quænam præferri mereatur. Ergò si homines à tali comparatione absteineant, versantur in invincibili legis ignorantia, quoties motiva pro non lege sunt certò probabilia. Itaque duo remanent investiganda. Primum, an iudicium opinativum de maiore probabilitate legis; secundum, an iudicium probabile de absoluta existentia legis invincibilem ejus ignorantiam impediatur. Hoc loco agendum est de secundo casu, qui omnium difficilissimus est contra nos. Itaque contendit Theologus, propositionem illam, quæ dixi, *ignorantiam legis non superari per iudicium incertum de illius existentia, sed solum per hoc quod moraliter certò innotescat*, esse absurdam viderique ridiculam, & expressè contrariari opinioni meæ, quæ dicit, iudicium opinativum directum de malitia objecti fundare dictamen reflexum evidens de malitia operationis. Sed quàm immeritò, quàmque debili & falsa argumentatione hæc obijciat, mox apparebit.

Theologus iste admittit quædam cupimus.

143. Itaque ut res tota omnibus appareat, sciendum est, nos expressè loqui in argumento tam de notitia, quàm de ignorantia publica legis. Tunc lex publicam notitiam habet, quando post diligens omnium aut sapientissimorum studium, talia extant indicia, quæ ita legem manifestant, ut subditi, seu respublica dici nequeat legem ignorare, sed illam meritis scire dicatur. At respublica seu subditi non possunt dici scire legem, quamdiu argumenta pro lege evidenter non excedunt argumenta pro non lege. Sed omnes subditi fatentur rem esse incertam, nec posse aut evidenter, aut certò moraliter cognosci. Quod si aliqui præferant motiva pro lege ut excedentia, alii non minus periti & sapientes existimant opposita prævalere: Quærimus jam an ista apparentia sit sufficiens pro publica legis notitia apud subditos, hæc omnia impartialiter & reflexè considerantes. Respondeo audacter non sufficere, quia quoad communitatem, nil est quod præponderet pro ulla parte, sed quædam æqualitas pro utraque se prodit. At hæc non sufficit, ut lex dicatur publicè scita & cognita, alioquin sufficeret etiam ut non lex esset publicè scita & cognita, cùm par pro utraque parte sit ratio. At evidens est, utramque contradictionis partem non posse simul sciri & non sciri ab eadem communitate. Ergò evidens pariter est, talem apparentiam non esse sufficientem, ut lex dicatur simpliciter & publicè scita à communitate, omnia hinc inde considerante. Ergò cohæret cum ignorantia legis, quæ quia per omnem subditorum conatum vinci ac superari non potest, rectè dicitur, & verè est ignorantia invincibilis. Ergò in tali casu communitas invincibiliter ignorat legem, & quod plus est, scit se illam

Æquivocatio Theologi detecta.

Probabilitas non legis infert publicè legis ignorantiam invincibilem.

illam invincibiliter ignorare; ideoque scit se lege illa non obligari, quia scit illam aut non existere, aut invincibiliter publica invincibilitate ignorari. Porro quia leges statuuntur pro communitate, illæ neminem ligant, nec sufficienter applicatæ sunt ut quemquam afficiant, quamdiu post omnia, quæ utrique parti conveniunt, considerata modo dicto latent communitatem; nam lex neminem ligat, cujus adæquata notitia, quæ undecumque habita est, & haberi potuit, non magis reddit legem scitam quàm ignoratam à communitate. Immo talis lex verè ignoratur à communitate, & quidem invincibiliter. Ergò non ligat communitatem. Ergò neminem ligat. Porro particulare iudicium incertum alicujus de existentia legis nil facit in ordine ad augendam vel minuendam publicam illam apparentiam toti reipublicæ deservientem; ideo dixi, & verè dixi, ignorantiam legis, scilicet publicam & universalem ejus ignorantiam, per tale iudicium non superari. Et quia dum quærimus, an lex ignoretur, vel unicè vel primariò quærimus de publicâ ignorantia, ex qua sola determinandum est an lex obliget nec ne; ideo dixi, non attendendum esse ad incertum privati hominis iudicium, cum illud publicam hanc notitiam, aut carentiam notitiæ publicæ non immutet.

Sed ut hoc rectius intelligatur, peto, an temerarium & imprudens iudicium de lege, invincibilem ejusdem ignorantiam publicam evacuet? Nemo, ni fallor, hoc dixerit. Transeamus ergo ad assensum probabilem de lege in hoc homine, & illum conferamus cum assensu probabili de non lege in alio, & cum tota apparentia de lege & non lege, & clarè perspicimus, eandem in utroque casu rationem militare, & neutrum ex illis iudiciis publicam legis ignorantiam evacuare. Ergò neutrum tollit fundamentum debitè formandi conscientiam, & licitè operandi.

Qui operatur contra conscientiam sæpe non violat legem affirmatam.

144. Sed quid? nonne peccat ille contra legem, qui contra probabile ac prudens suum iudicium de lege operatur? Respondeo, & peto, an ille peccet contra legem publicè invincibiliter ignoratam, qui contra iudicium suum de legis existentia temere conceptum operatur? Secundò idem peto de eo, qui contra iudicium erroneum de lege operatur: & quæstio hæc secunda tam de probabili, quàm de temerario iudicio procedit. Nescio quid Theologus responsurus sit: sed quidquid dixerit, ego respondeo primò, utrumque peccare contra conscientiam, violando legem reflexam certam, & certò applicatam, sive violent, sive non violent legem publicè ignoratam, de qua est sermo. Et hoc dico, modò iudicium illud de existentia legis sit prorsus absolutum, & non quodammodo conditionatum, alioquin tale iudicium non impediret bonam fidem de honestate operationis, sed homo licitè posset contra illud operari, ut latè probavi quæst. 30. de consc. prob. Et sanè quando iudicium operantis esset erroneum, non daretur alia lex, quæ posset violari, quia lex affirmata non existeret. Ergò lex tantum reflexa, certò existens & applicata, violaretur. Idem dico de eo, qui ageret contra suum iudicium temerè aut probabiliter conceptum in casu præsentis quæstionis; ille enim peccat contra legem conscientiz, sed verè non violat legem affirmatam, quia illa neminem obligat, cum à communitate publicè ignoretur, idque invincibiliter. Talis enim lex neminem afficit, cum verè non habeat quæ ad legem obligantem requiruntur.

145. Magna porro latet æquivocatio in argumento, quo Theologus probat, talem hominem non peccaturum: non enim universaliter verum est, cum non peccare, qui operatur cum invincibili ignorantia malitiæ, sed ad hoc requiritur, ut ignorantia illa antecedit & causet opus, ut omnes tradunt ad primam secundæ, ubi agitur de voluntario, & involuntario. Atqui ignorantia invincibilis in tali homine, nec antecedit, nec influit in opus, quia vult illud facere, quamvis existimet illud esse malum, & lege prohibitum. Ergò non excusatur titulo ignorantiz etiam invincibilis, cum ignorantia illa non causet opus; nulla enim ignorantia aliter antecedit & causat, quàm per hoc, quod si abfuisset, opus factum non fuisset. At hic homo non abstinuisset ab opere, quamvis ignorantia illa non fuisset, quia putans illam abesse, adhuc operatur. Rursus propositio illa: *Non est peccatum operari cum ignorantia invincibili legu*: distinguenda est. Operari cum invincibili ignorantia legis non est peccatum contra illam legem, concedo. Non est peccatum contra aliam legem non ignoratam, nego. Sic, qui stante publica ac universali ignorantia, immo & scientia non legis, temerè & falso crederet legem existere, peccaret quidem contra legem conscientiz certò existentem & applicatam, sed verè non peccaret contra legem falsò creditam, nec illam verè violaret; idque ex eo titulo, quia lex illa publicè invincibiliter ignoratur, & ideo neminem obligat, quo tamen non obstante, homo ille peccat eadem specie malitiæ, quatenus in sua opinione illam transgreditur, & per hoc violat legem conscientiz, verantem ne tali modo operetur. Stat ergò verissimum esse, illam legem invincibiliter ignorari, contra cujus existentiam motiva certò probabilia militant, publicæque huic, ac universali ignorantiz iudicium probabile incertum non obitare. Cogitet hæc Theologus, & videbit non solum non esse ridiculum, aut absurdum, sed verissimum, quod iudicium ejusmodi obscurum rectè cohzreat cum ignorantia verè invincibili, ex cujus consideratione legitime inferitur, legem talem non obligare: sed ille confundit veram ignorantiam cum ignorantia apparente. Illi quidem homini verè inest ignorantia insuperabilis, sed illi falsò videtur non inesse; nos autem reflexè scimus, illum invincibiliter legem ignorare, id est scimus illum non habere motiva sufficientia ad hoc, ut per illa debitè considerata, atque cum aliis omnibus comparata, dici possit: *Hæc lex, ea veritatis apparentia proponitur communitati, ut merito dici possit sciri*. Ad hoc enim ad minimum requiritur, ut stante probabilitate pro lege, non sit probabile legem non dari; nulla enim apparentia ista minor sufficit ut lex dicatur non ignorari, sed sciri à communitate, ut patet. Ex his habemus, objectionem hanc ex terminorum confusione ortam fuisse: si enim Theologus advertisset ad ignorantiam & scientiam publicam communitatis, in ordine ad quam solam simpliciter statui potest, an lex sciatur, vel invincibiliter ignoretur, & consequenter an obliget, vel non obliget universaliter, & illam distinxisset à privata determinati hominis apparentia, vidisset nullam in ea re difficultatem latere, sed antecedens argumenti non connecti cum consequente. Similiter nunquam dixisset, doctrinam hanc meam aliis à me assertis repugnare, cum omnia apertè cohzreant, ut vidimus.

Peccare potest qui operatur cū invincibili ignorantia legu.

Excusatur operans id ignorantia legis invincibili.

146. Ex hac doctrina habemus, quod si quis non

Corollarium
notandum.

non eliciat iudicium absolutum de lege, sed maneat suspensus de veritate rei, ut prudenter potest, iste per discursum reflexum circa universalem invincibilem ignorantiam talis legis, rectè potest formare conscientiam, & absoluto iudicio prudenti dicere, nullam dari obligationem faciendi rem illam, quia lex illam præcipiens, non est scita à communitate, sed ab ea invincibiliter ignorata, ideoque neminem obligat, cum communitatem non afficiat.

147. Obicit secundò. Quamvis in casu argumenti homo non eliceret iudicium absolutum de existentia legis, posset tamen illud prudenter elicere, quia lex supponitur apparere probabilior quam non lex. At hoc sufficit, ut non dicatur invincibiliter ignorare legem. Ergò non datur invincibilis ignorantia legis in eo, cui post diligens examen, sententia affirmans rem esse illicitam apparet manifestè probabilior, quam sententia opposita.

Solvitur
objectio.

148. Respondeo objectionem hanc ex dictis ad primam à fortiori esse solutam, quia major illa probabilitas privata nil facit ad affirmandam vel negandam ignorantiam, de qua est sermo. Sic præceptum obligans ad constituendas circumstantias solum notabiliter aggravantes in eadem specie invincibiliter ignoratur ab Ecclesia, cui non obstat, quòd existentia talis legis mihi appareat probabilior, quam ejusdem non existentia, aut etiam quòd ego iudicem legem illam verè existere, quia hoc nil facit in ordine ad legitimam legis notitiam, per quam solum sufficienter applicatur ut obliget, juxta dicta supra num. 45. & seq. Et sanè Theologus iste in tota hac re eandem ubique æquivocationem passus est, confundit enim peculiarem privati hominis dispositionem, per quam ille aliqua lege arctatur, cum dispositione universali & publica, ad quam solum respiciendum est, quando agitur de legibus pro tota communitate latis, quæque non aliter afficiunt singulos, quam si communitatem afficiant, & in eam vim suam exerant. Caterùm hic quoque ut vim argumento adderet, illud destruxit; quia loquitur pro casu evidenter excessus in probabilitate pro lege, in quo casu argumentum procedit de subiecto non supponente, quia quaestio nostra restringitur ad casum, in quo certa probabilitas pro utraque parte subsistit. At illa non subsistit, etiam per ipsum, quando excessus unius partis supra aliam, antecedenter ad omnem affectum, & assensum uni parti peculiariter impensum, est manifestus & evidens.

Theologus
suum argu-
mentum de-
struit.

149. Nec tamen multum miror, quod ad casum evidenter excessus se restrinxerit, quia si excessus sit inevidens, iudicium illud comparativum prudenter suspendi potest, in quo casu absolute tenemus intellectum ab imperio voluntatis flecti posse, idque prudenter, tam in assensum de legis existentia, quam de illius non existentia. Hoc cum sciret, simulque adverteret, oppositum non debere supponi, maluit ad casum evidenter excessus argumentum restringere, in quo videtur impossibile, ut intellectus flectatur in assensum partis minus verisimilis. Verùm perinde est, quocumque tandem modo procedat: si enim ad evidentem excessum se restringat, sumus extra casum præsentis controversiæ; si non restringat, tanta est apparentia pro utraque parte, ut intellectus flecti possit ad alterutrum pro libitu iudicandum, ut fusè probatum est, *quest. 8. 9. & 10. de conscientia probabilis*. At hoc admissio ignorantia legis est invincibilis, cum nil feratur pro una

parte, quin tantumdem quoad nos, aut ferè tantumdem, quantum discernere possumus, feratur etiam pro opposita parte. Hoc autem non facit, ut lex meritò dicatur sciri. Ergò non tollit ignorantiam invincibilem legis.

150. Obicit tertio. In sententia Terilli lex non ignoratur invincibiliter; ne quidem quando apparentia pro lege est par, aut etiam minor quam apparentia pro non lege, quia adhuc per illum intellectus prudenter flecti potest ad existimandum legem dari. At homo non ignorat invincibiliter illud, quod prudenter affirmare potest.

151. Respondeo inprimis eandem, quæ in *Solutio 1.* aliis objectionibus, æquivocationem meum loquitur de publica ignorantia legis relatæ ad communitatem, obiectio autem loquitur de alia prorsus re, quæ nullam cum illa connexionem habet.

152. Deinde Respondeo, fieri quidem posse, *Solutio 2.* ut in illo casu intellectus flectatur in assensum alterutrius partis, sed longè facilius suspendere potest omne iudicium, in quo casu manifestum est, quod ignoraret legem. Nec obstat, quod habeat apparentiam pro lege sufficientem ad assentiendum, quia simul habet parem aut maiorem ad dissentiendum. Absurdum est autem dicere, quod talis apparentia sufficiat, ut lex dicatur sciri & non ignorari; alioquin etiam non lex, eadem aut potiori de causa, esset scita; ergo utraque pars contradictionis simul sciretur esse, quod est absurdum. Itaque dico, enim absolute ignorare legem, & quidem invincibiliter; qui non habet maiorem apparentiam pro lege, quam pro non lege, quamvis intellectus per imperium voluntatis flecti possit ad assentiendum utrilibet, modò neutri assensus præbeatur, & homo per diligentiam debitam ad meliorem legis notitiam pervenire non possit. Quod si actu credat legem dari, tunc quidem lex quoad illum non est omnimodè ignorata, quia existimat illam dari, ideoque ex lege conscientia tenetur se illi accommodare, nihilominus lex illa, tunc etiam ab illo homine invincibiliter ignoratur, quia ita ignoratur ut nullam ab illa lege obligationem habeat, eo quod lex non sit scita, nec sciri possit ab illo ea scientia, quæ requiritur ut lex sufficienter applicetur ad obligationem inducendam in communitatem; hoc autem est legem invincibiliter ignorari, si loquamur propriè de ignorantia invincibili, per quam sit ut lex simpliciter non obliget, quatenus non obligat communitatem, qua non obligata, nemo obligatur.

153. Obicit quartò. Quando loquimur de ignorantia invincibili excusante, sermo est de invincibilitate, quæ non solum reddat innocentem ipsam ignorantiam, sed etiam opus subsequutum ad talem ignorantiam. Evidens autem est, quod quamvis error inexistens iudicio probabiliter falso de existentia legis (si contingat iudicium illud esse erroneum) sit innocens, operatio tamen consequens ad iudicium non est innocens; quamvis enim non peccet, affirmando rem esse prohibitam, peccaret tamen ponendo rem illam, quamvis error ipse, & ignorantia legis in illo contenta, sit invincibilis; quia culpæ illi verti nequit, quod legem ignoret, sed credat illam existere, quando non existit. Hæc est insignis æquivocatio Terilli; ex dictis enim constat, probabilitatem de non lege non connecti cum invincibili legis ignorantia, quæ sufficit ad opus excusandum, etiam connectatur cum ignorantia,

quæ inculpabile reddit iudicium de lege, si contingat illud esse erroneum. Ceterum tale iudicium connecti potest cum toto eo, in quo per illum invincibilis legis ignorantia consistit. At evidens est, non operari cum ignorantia invincibili legis prohibentis illum, qui operatur cum iudicio determinato, quod objectum sit prohibitum.

154. Respondeo, me nondum videre, in quo aut æquivocationem passus sim, aut errarim, sed nec Theologus iste hanc æquivocationem vidit, quia in argumento meo expressè dixi, invincibilem legis ignorantiam non superari per iudicium incertum hominis privati. Ergo non æquivocatione deceptus fui, sed sciens & videns omnia admisi, ex quibus ille suas objectiones format, & quod plus est, probavi illa omnia rectè coherere cum ignorantia legis invincibili sufficiente ad eum à peccato excusandum, qui ex tali ignorantia operatur. E contrariò veritas est, Theologum istum in pluribus æquivocationem passum, nec vim argumenti rectè intellexisse. In primis argumentum procedit de ignorantia, seu de carentiâ scientiæ publicæ, relatè ad communitatem, quia illa sola inspicenda est, ut sciamus, an lex in incertis sufficienter sit scita, vel invincibiliter ignorata. Ille autem loquitur de peculiari iudicio incerto unius hominis, quod nec probat, nec improbat ignorantiam, de qua argumentum procedit. Deinde incongruè confundit operationem factam cum ignorantia invincibili, & operationem factam ex ignorantia legis invincibili. Et quia evidens est, non omnem operationem factam cum ignorantia insuperabili esse honestam, miserrimè deceptus intulit, ignorantiam illam non esse invincibilem, cui peccatum in operatione annectitur.

Duplex
Theologi
æquivoca-
tio.

Aliud ope-
rari cum,
aliud ex ig-
norantia in-
vincibili.

155. Porro ut ille, & omnes confusam hanc rerum diversissimarum æquivocationem videant, ponamus aliquem invincibiliter ignorare legem aliquam, & insuper prudenter existimare, legem illam non dari. Hic homo dupliciter operari potest cum hac ignorantia. Primò ita ut ignorantia antecedit operationem, & in illam influat, eo quod homo ille, si legem scivisset, aut illam dari credidisset, non eliciisset talem operationem. Hic homo non peccat, quia ignorantia invincibilis influens in opus, cum qua & ex qua homo operatur, eum excusat. Secundò operari potest eum hac ignorantia, ita ut illa nec causet operationem, nec in illam influat, in quo casu non excusat operationem. Sic si homo taliter ignorans & iudicans legem non dari, expressè diceret, ego verè ignoro legem hanc, & puto illam non dari, tamen quamvis daretur, aut putarem illam dari, adhuc idem opus facerem. Hic, inquam, non excusatur, quamvis operetur cum ignorantia invincibili legis, quia ex illa non operatur, seu quia ignorantia non est causa illius operis. Jam Theologus iste hæc tam distantia ac diversa in omnibus suis objectionibus apertè confudit, quibus distinctis, universa, in quibus vim maximam ponit, sponte corrumpunt; quamvis enim evidens sit, eum non operari ex ignorantia legis, qui iudicat illam dari, & nihilominus contra illam operatur, evidens tamen non est, illum non operari cum invincibili ejusdem ignorantia: Immo sæpè oppositum est evidens, scilicet quando iudicium est falsum, & contra publicam scientiam non legis temerè conceptum. In illo enim casu & ille & omnes invincibiliter ignorant legem, quia nec ille nec quisquam habet scientiam legis, aut

talem illius notitiam, ut illa vi talis notitiæ communitatem, aut etiam privatum quemquam obliget.

156. Tertia ejus æquivocatio in eo consistit, quod confuderit peccatum contra legem certam, cum peccato contra legem aut non existentem, aut non obligantem. Manifestum quidem est, hominem, facientem quod iudicat esse prohibitum, verè peccare. Hinc quia ille putat legem prohibere opus, quod facit, hic Theologus ut certum intulit opus illud contrariari illi legi, & idèd esse peccatum. Sed hæc est insignis æquivocatio, nam opus illud verè non est contra legem illam, si lex non detur, nec idèd est peccatum, quia legem illam violat, sed idèd quia contrariatur certissimæ legi reflexæ, quæ tales operationes vetat, sive existat, sive non existat lex existimata. Perperam proinde intulit, hominem iudicantem legem dari, non habere invincibilem ejusdem ignorantiam, nec excusari à violatione talis legis ob dictam ignorantiam, si contra iudicium illud operetur, eò quod tale opus sit peccatum. Perperam, inquam, quia hoc solum probat, opus illud esse violationem alterius legis certæ, ab oppositione cum qua totam suam malitiam desumit, nullatenus autem probat, quod malitiam desumat à contrarietate cum lege affirmata, si illa non existat, aut invincibiliter non affirmetur ea scientia, quæ requiritur ut lex publice dicatur scita, & vim obligandi exerat.

Æquivoca-
tio 3. Theo-
logi.

157. Quarta demum, & maximè consideranda, quamvis Theologo huic non adeo imputanda, æquivocatio est, quod argumentum à me allatum solum intelligatur juxta directam rerum considerationem, cum illud idem longè validius probet intentum, si sumatur in sensu reflexo. Rem explicò: queritur, an circumstantiæ solum notabiliter aggravantes in eadem specie sint necessarii constitutivæ?

Æquivoca-
tio 4.

Argumen-
tum duos
sensus ha-
bet.

Quæstio hæc, directè discussa, est utrimque probabilis, sed pars affirmativa mihi videtur probabilior. Queritur, an, si reflectamus præcisè super hanc directam rerum apparentiam, merito dicere possimus, legem præcipientem Confessionem talium circumstantiarum invincibiliter ignorari. Respondeo, illam invincibiliter ignorari non solum ab Ecclesia, sed etiam à me, qui non obstante majore illa probabilitate mea, rectè concludo, illam ab Ecclesia ignorari, apparentiamque meam publicæ huic ignorantie non obstare, neque efficere ut lex illa dici possit à me scita, scientiâ illâ, quæ opponitur ignorantie invincibili legis, seu scientiâ sufficiente, ut illa communitatem obliget, aut obligationem in me deriveret. Et hæctenus quidem in hoc tantum sensu argui contra hunc Theologum, qui alium sensum in argumento meo non latere existimavit.

Primus sen-
sus.

158. Verùm aliter se res habet: nam præter considerationem legis hoc modo propositæ, illius sensus queri potest; an confessio talium circumstantiarum, stante hac directâ incertitudine de existentia legis illam præferentis, præcepta sit, non obstantibus rationibus reflexis moventibus ad existimandum, quod à tali onere liberemur; talia sunt motiva desumpta à paritate in materia fidei, à non sufficienti legis promulgatione, à titulo possessionis libertati faventis, &c. adeo ut jam queramus, an lex præcipiens Confessionem talium circumstantiarum etiam in istis circumstantiis reflexis invincibiliter ignoretur. Respondeo, talem legem ignorari prorsus invincibiliter,

Secundus
sensus.

biliter, quia quidquid sit, an probabilitas directa de lege mihi videatur major, quam probabilitas opposita, nihilominus loquendo de lege precipiente Confessionem circumstantiarum merè aggravantium etiam in istis circumstantiis reflexis, probabilius nobis apparet illam non dari, immò absolute putamus quod non existat. Ergò illa lex invincibiliter ignoratur. Jam argumenta hujus Theologi ne quidem tangunt argumentum, si in hoc sensu intelligatur, in quo certè æquè intelligendum erat ac in sensu directo, quia plura argumenta indirecta jam fuerant proposita, in quæ argumentum hoc æquè reflectit, ac in argumenta directa.

Argumentum hoc est particularis ratio, & in quo sensu.

159. Cæterum argumentum hoc, ut probationem reflexam peculiarem constituat, alligari debet soli considerationi directæ, quia quaeritur an lex illa, ex iis præcisè, quæ in directâ consideratione occurrunt, verè ignoretur invincibiliter. Respondetur affirmativè, & ex dictis sufficienter probatur. Indè autem sumitur argumentum reflexum, quo intellectus format conscientiam hoc modo. Lex à communitate invincibiliter ignorata non obligat. Hæc lex invincibiliter ignoratur à communitate. Ergò non obligat, ergo non teneor tales circumstantias confiteri. Ergo licet eas in Confessione omitto.

RATIO DECIMA-QUINTA.

Multa pericula probabilia peccandi formaliter non sunt prohibita.

160. CERTUM est, plura non esse præcepta, sed solum sub consilio proposita, quibus omissis, homines peccandi periculo subjacent. Talia sunt religionem ingredi, continuis orationibus & jejuniis vacare, quæ si fiant, innumera peccandi pericula præciuntur, quibus mundani subjacent. Nemo tamen tenetur religionem ingredi, ut ista vitet. Undè sequitur, omne periculum, non dico materialiter, sed formaliter peccandi non esse prohibitum; nam qui vocatus à Deo ad religionem, statum sæcularem innumeris negotiis implexum prælegit, eo ipso evidenter conjicit se in probabile periculum sæpius graviter peccandi. Hoc tamen periculum per seriam statum religiosi, ad quem à Deo vocatur, exercitationem tolleretur; nemo tamen, ut vitet hoc periculum, religiosum statum arripere tenetur. Hoc posito sic arguo.

161. Si ulla esset ratio, cur Deus præciperet usum opinionis tutioris, aut saltem probabilioris, esset, quia in usu opinionis minus tutæ, & multò magis in usu opinionis minus tutæ minusque probabilis inveniretur periculum, seu dubium peccandi. At in dubiis tutior pars est eligenda, nam qui amat periculum, peribit in illo. Hoc est potissimum adversariorum fundamentum. Iuvat autem considerare, quale sit hoc periculum. Inprimis est periculum junctum cum probabilitate, quod actio illa non sit ne quidem materialiter mala. Ergo totum periculum est de peccato materiali. Nam directè nullum est periculum peccati formalis, quod utique nunquam separari potest à transgressionem præcepti certi. Nam qui operatur in dubio, non ideo peccat, quia violat legem dubiam, sed quia violat legem certam, quæ reflexè prohibet, ne quis in dubio operetur, nisi sectetur partem tutiorem, vel aliquo modo dubium deponat. Ergò totum periculum est, ne sic operans materialiter peccet.

Omne peccatum formale est transgressio legis certæ.

162. Hinc sic arguo. Periculum materialiter violandi legem, quæ per indicia certè probabilia

apparet non dari, non est malum, quod mereatur prohiberi. Ergò non prohibetur, maxime in casu nostro, quia versamur in materia juris naturalis, in qua nil prohibetur, nisi quod natura sua malum est, & meretur prohiberi. Consequentia tenet. Antecedens probatur sic. Majora mala imminet ex eo, quòd quis, ad religionem vocatus, Deum vocantem non sequatur, sed sæcularem statum prælegat, &c. quàm ex usu opinionis minus probabilis minusque tutæ, nam ille amplectitur statum manifestè expositum probabili periculo plurium peccatorum formalium. At hoc est majus malum, & periculum mali majoris, quàm quod ex usu dictæ opinionis imminet; ex hoc enim solum imminet periculum transgressionis materialis, cum tamen adsint motiva certè probabilia suadentia, operationem illam non esse ne quidem peccatum materiale. Malum autem hoc est incomparabiliter minus illo. Ergò si malum illud, etsi majus, non mereatur prohiberi, à fortiori hoc minus id non meretur.

Malum est: tentum in benigna sententia non meretur prohiberi.

163. Confirmatur. Usus opinionis probabilioris contra probabilem tutiorem continet periculum peccati materialis. Hoc tamen periculum non meretur prohiberi lege naturali, quia usus talis opinionis est licitus. Hinc sic arguo: Inconveniens, quod ex usu opinionis minus probabilis minusque tutæ superadditur malo imminenti ex usu probabilioris, parvum est, & insensibile. Parvum quidem, quia utrumque est in eodem genere, & sæpè unum parum distat ab altero. Insensibile verò, quia vix unquam, aut potius verè nunquam certè discerni potest, quæ sit opinio probabilior. Hoc autem malum junctum inconveniensi priori nullam sensibilem varietatem inducit. Ergò si prior usus sit licitus, iste secundus, ex adjunctione tam parvi incommodi in eodem genere, nequit evadere illicitus. Præterea sive totum inconveniens, sive pars illa, quæ ex usu opinionis minus probabilis superadditur inconvenienci ex usu opinionis probabilioris, comparetur cum periculo imminente ex dicta statû electione, manifestè apparebit, hoc periculum esse malum incomparabiliter majus illo inconvenienci. Ergò illud inconveniens multo minus meretur talem prohibitionem. Ergò usus opinionis magis tutæ, aut certè magis probabilis, si sit minus tuta, non cadit sub præceptum, sed ad summum est materia consilii, sicut status religiosus præ statu vitæ sæcularis non est materia præcepti, sed consilii.

Id ipsum probatur exemplo majoris probabilitatis.

164. Confirmatur secundò. Ideo non datur præceptum aut sequendi consilia, etsi illa sint tutior via ad salutem, aut vitandi periculum peccati connexum cum vita sæculari, quia omnibus consiliis conformari est opus adeo arduum, ut homini fragili difficillimum sit illis se conformare. Ergò si illorum usus esset præceptus, major peccatorum formalium copia jure timeri posset, quàm si non esset præceptus; plurimi enim formaliter peccarent non subdondo se illi statui; plurimi deinde post statum admissum peccatore contra consilia, quæ non tam sponte quàm quondammodo coactè elegissent; atque ita in totâ multitudine hominum tale præceptum, stante humana fragilitate, innumerabilium peccatorum seminarium evaderet. At eadem ratio æquè valet in casu nostro, in quo non est minus difficile in omnibus sequi tutiora aut probabiliora, quàm sequi dicta consilia. Rursus præcindendo à lege reflexa (de qua quaerimus an detur) nullum est pericu-

Id ipsum confirmatur ratione.

periculum nisi peccati materialis ut ostensum est. Ergo hoc periculum non solum non debuit prohiberi, sed debuit non prohiberi, ne ad vitanda aliqua peccata materialia, fragilitas humana in evidens periculum innumera peccata formalia committendi conjiceretur.

OBJECTIONES THEOLOGI solvuntur.

Obiectio i. 165. **O**B I C I T primò: Regula illa, *In dubio tutior est pars eligenda*: non est consilium, sed præceptum, quando dubium est, an actio sit prohibita. Datur enim lex certa reflexè prohibens, ne quis se exponat periculo operandi contra legem Dei.

Solvitur
obiectio.

Respondeo regulam illam, generaliter sumptam, haud dubiè non continere præceptum. Quod si dubium sit, an actio sit prohibita, continet quidem præceptum, si dubium sit proximum & practicum, si verò sit remotum & speculativum, nullum continet præceptum, quia tunc datur fundamentum aliquod reflexum sufficiens ad dubium deponendum. Multa talia fundamenta dantur in casu præsentis, quorum unum in præsentis argumento continetur. Sed de hac regula infra ex professo agendum erit *quest. 54. & 55.*

Obiectio 2. 166. Obijcit secundò. Falsum est, quod hic solum agatur de periculo peccati materialis; qui enim elicit actionem reipsa prohibitam in iis circumstantiis, in quibus habet majus fundamentum ad judicandum esse, quàm non esse prohibitam, non solum materialiter transgreditur illam legem, sed etiam formaliter, quia talis transgressio est imputabilis, cum homo possit prudenter judicare rem esse præceptam, & non possit prudenter judicare oppositum; est autem perinde operari cum potentia proximè expedita ad judicandum aliquid esse prohibitum, ac operari cum actuali judicio de malitia talis actionis.

Ufus probabilium solum affert periculum peccati materialis.

Respondeo, præscindendo à lege reflexa, (de qua quaeritur hoc loco an detur, & quam non dari probamus) nullum esse periculum nisi peccati materialis. Ratio est clara, quia homo non aliter peccat in hoc casu, si lex existat, quàm si non existat, ut patet. At si non existat actio illa, non potest esse peccatum formale per oppositionem cum illa lege directà, quæ non datur. Ergo neque potest esse peccatum formale respectu legis verè existentis: quia lex illa non aliter applicatur quàm lex non existens, ideoque non potest majorem malitiam formalem refundere in actum, quàm lex non existens. Et sanè absque dubio ex æquo homo peccat vel non peccat formaliter, sive lex existat, sive non existat. At non peccat formaliter, quando lex directà non existit, si præscindamus à lege reflexa. Ergo si ab eadem præscindamus, non peccat formaliter, quamvis lex directà verè existat, & ratio est, quia non applicatur sufficienter, ut vim suam exerat. Ergo præscindendo à lege reflexa, nullum datur periculum, in casu nostro, nisi peccati tantum materialis. At hoc stabilito, argumentum nostrum est urgentissimum, ut patet. Porro rationes in objectionem contentæ æquè applicantur operanti contra legem merè apparentem, ac contra veram. Ergo non probant ullam transgressionem formalem aut imputabilem intervenire, si præscindamus à lege reflexa. Ergo ad præsens intentum nil faciunt.

167. Præterea non semper est idem operari

cum potentia proximè expedita ad judicandum, quod opus sit prohibitum, ac cum actuali judicio de illius prohibitionem, quia sæpè adest potentia proxima ad temerè judicandum aliquid esse illicitum. v. g. Eucharistiam non esse adorandam, ut hæretici nonnulli autumant. Et tamen non est peccatum adorare Eucharistiam, si apparentia illa antecedens contemnatur, ut contemni potest. At est peccatum Eucharistiam adorare, stante illo judicio. Ergo non ita se habet ad peccandum, qui operatur contra actuale judicium de præcepto, & qui solum operatur stante potentia proxima ad ita judicandum. Itaque dictum hoc tunc solum verum est, quando apparentia, constituens potentiam proximam prudenter opinandi legem existere, non potest prudenter contemni, nec judicium ipsum prudenter suspendi; si enim ex motivo prudenti suspendi potest, & ob rationes æquales, aut ferè æquales contemni ut in casu nostro, nulla est paritas inter potentiam judicandi & judicium actuale in ordine ad malitiam refundendam in actum, quia unum prudenter contemni ac repelli potest, non autem alterum; & sic conscientia & bona fides formari potest in uno casu, & non in altero. Dixi, *ut in casu nostro*, quia falsum est, quod Theologus iste ubique supponit, intellectum non posse prudenter flecti in assensum motivi minus probabilis, quia in sensu diviso judicii illius comparativi prudenter flecti potest in assensum illius, sed ita ut tunc quod prius apparebat minus probabile, per hoc ipsum judicium & ultimam ad illud dispositionem probabilius appareat.

168. Porro sive eliciatur judicium illud incertum, sive non, operatio non evadit imputabilis præscindendo à lege reflexa; sic adoratio Eucharistiae, stante illo judicio erroneo temerè concepto, non esset imputabilis ratione legis falsò existimata, quia nulla datur lex ejusmodi, cujus contraventio merè ratione illius evadat imputabilis. Ergo tota imputabilitas provenit à lege reflexa. Ergo præscindendo ab illà nullum est periculum, nisi materialis peccati, quando homo eligit partem minus tutam minusque probabilem. His tamen non obstantibus, sectans partem minus tutam peccat, si pars tutior illi appareat probabilior, nisi per principia directà vel reflexa contemnat illam apparentiam, formetque conscientiam, quod opus liceat. Sed peccatum illud non esset imputabile, quia legi illi dubiæ, sed quia legi certæ reflexæ non operanti in dubio opponeretur, ut sæpè dictum est. Itaque in casu nostro, si præscindamus à lege reflexa, nullum est periculum nisi peccati materialis.

169. Obijcit tertio, nulla est paritas inter electionem status sæcularis, relicto statu religionis ad quem homo vocatur, & electionem partis minus tutæ minusque probabilis, probabilioris ac tutiore relicta. In primo enim casu utraque pars supponitur esse certò honesta. At in secundo adest fundamentum majus ad dicendum, quod obiectum sit malum, quàm quod non sit malum. Ergo ex eo quod vita sæcularis honestè ac prudenter præferatur religiosæ, non sequitur, quod pars minus probabilis minusque tuta prudenter præferri possit parti probabiliori ac tutiori.

Respondeo hæc non tangere argumentum, supponitur quidem electio vitæ sæcularis esse certò licita, sed simul supponitur periculum peccandi, per se cum illo statu annexum, non impedire hanc

Operari cum potentia judicandæ esse malam non semper est peccatum.

Totum periculum provenit à lege certa.

Obiectio 3:

Solvitur
obiectio.

hanc certitudinem. Inde autem à potiori probo, periculum contentum in usu opinionis minus probabilis minusque tutæ non reddere illum usum illicitum, quia usus ille involvit periculum minoris mali, quam electio status sæcularis. Et sanè si quis controverteret, an vocatus ad religionem peccet prædeligendo statum sæcularem, non minori fundamento concluderet illud esse malum, quam usus minus probabilium probetur illicitus. Undè è converso inferimus, quod sicut rationes illæ sunt invalidæ, ita sint & istæ. Itaque argumentum per hanc replicam non solvitur. Immo miror, Theologum hæc objecisse, cum eadem longè efficacius objecta, atque etiam soluta videre potuisset, si non solum ad argumentum meum attendisset, sed solutionem objectionum percurrisset.

Obiectio 4. 170. Obiecit quartò, vel periculum peccandi in electione vitæ sæcularis est proximum, vel remotum; si proximum, sumus extra casum, tunc enim taliter vocatus, ad vitam religiosam capescendam obligaretur: Si remotum, paritas est nulla, quia periculum peccati in usu opinionis minus probabilis minusque tutæ est proximum, quia periculum elucet in actione hîc & nunc exercenda.

Solvitur obiectio. Respondeo hæc omnia fusè explicata & soluta esse *quæst. illa 23. num. 128. & seq.* Jam breviter dico, periculum peccandi in electione statûs supponi remotum, sed tamen est periculum peccandi formaliter & imputativè. In altero autem casu periculum est solum peccati materialis, quod etiam probabiliter non imminet. At illud periculum est minus isto. Ergò si illud non reddat electionem statûs malam, nec hoc usum opinionis minus probabilis inficiet. Præterea certum est, periculum proximum peccati materialis separari non posse ab usu opinionis probabilioris, & tamen certum etiam est, tale periculum non inferre obligationem abstinendi à tali opere. Ergò periculum illud proximum in casu præsentis frustra obijcitur, cum sit longè minus malum, quam periculum remotum cum sæculari vita conjunctum. Vide *quæst. 23. loco citato.* ubi hæc omnia latè explicantur, & unà ostenditur, periculum peccati materialis, quod connectitur cum benigna sententia, non esse minus remotum, quam peccandi periculum cum statu sæculari connexum.

RATIO DECIMA-SEXTA:

Qui sequitur minus probabilis, prudenter operatur.

171. **O**MNIS doctrina certò probabilis, etiam in contradictione partis oppositæ probabilioris, est doctrina certò prudens. Ergò qui illi doctrinæ certò probabilis se accommodat, prudenter agit. Ergò certò non peccat; qui enim prudenter operatur, & ideo sic operatur, quia reflexè cognoscit se prudenter agere, procul dubio non peccat. Honoratus Fabri, dialogo de opinione probabili, argumentum hoc modo proponit. Certò scio, opinionem hanc esse probabilem. Ergò certò scio, assensum prudenter illi præstari posse; seu quod in idem recidit, certus sum præsumptionem de absoluta rei veritate esse prudentem. Ergò certus sum, hujus opinionis electionem esse prudentem, & usum licitum, quia certum est electionem & usum cuiusvis opinionis esse licitum, quæ prudenter judicatur aut præsumitur esse vera. Ergò certò judico, me prudenter agere, operando juxta illam opinionem, quia certum est, operationem ter-

minatam ad objectum, fundans prudentem præsumptionem de sui honestate, esse licitam, modò ideo ad illud terminetur, quia objectum illud fundat dictam præsumptionem, aut assensum prudentem, ut sit in casu nostro. Sed illud licitè sit, quod certò judico prudenter & licitè fieri. Ergò certò licitè sequor opinionem minus probabilem minusque tutam.

172. Idipsum honoratus Fabri deducendo ad impossibile confirmat hoc modo. Si fieri possit, vera sit sententia opposita. Ergò non est certum me prudenter agere dum illam sequor. Ergò non est certum me illam prudenter eligere. Ergò non est certum, quod prudens illi assensus præbeatur. Ergò non est certum, opinionem illam esse probabilem. Ergò certum est, & non est certum, eandem opinionem esse probabilem, quod est impossibile.

173. Hæc ratio efficax est, eoque Auctores benignæ sententiæ utuntur tanquam valido & irrefragabili argumento, quia fundatur in verâ notione opinionis certò practicè probabilis. Et sanè cum certum sit, talem opinionem esse probabilem, certum est, intellectum ex imperio voluntatis posse prudenter præsumere illam esse veram. Dico præsumere, quia de absoluto judicio circa rei veritatem, omnes non conveniunt, nam aliqui tenent, quod non possit absoluto assensu illi adhærere, quod verum est in sensu tantum composito judicii comparativi, dicentis illam esse absolute minus probabilem, ut sæpè dictum est. Sed hoc non obstat, quo minus homo per modum præsumptionis & suppositionis ita se gerat, ac si assensum præbuisset; quia certò scit, assensum fore prudentem, si motivo illi præberetur. Hoc autem est præsumptionem, & suppositionem veritatis pro parte minus tuta esse certò prudentem, & rationabilem. Voluntas enim eam imperando non peccat, sed laudabiliter operatur: stante autem hac præsumptione, aut absoluto judicio de honestate operis, manifestum est, operationem illi conformem esse honestè eligibilem. Hoc autem & non aliud intendimus.

SOLVUNTUR OBJECTIONES.

174. **O**BIECIT primò Theologus iste. Antecedens procedit de subiecto non supponente, si loquamur de probabilitate extrinsecâ, per denominationem ab intellectu potente probare opinionem aliquam per assensum. Nam opinio, favens libertati in contradictione opinionis oppositæ probabilioris, nequit approbari per assensum, & consequenter non manet probabilis in illo occurso. Ruit ergo argumentum, cum fundetur in eo, quod opinio minus probabilis in occurso contrariæ opinionis, quæ apparet probabilior, sit hoc modo extrinsecè probabilis, ut per assensum approbari possit.

Respondeo inprimis, argumentum nostrum æquè procedere de præsumptione, ac de judicio veritatis contentæ in opinione minus probabilis. Sed apparentia majoris verisimilitudinis pro una parte non impedit hanc præsumptionem pro parte altera, sive præsumptio ista se teneat solum ex parte intellectûs, sive ex parte voluntatis, aut ex parte utriusque. Ergò apparentia illa non solvit argumentum, nec probat, illud procedere de subiecto non supponente.

175. Respondeo secundò, antecedens esse verissimum, quia loquimur de opinione probabili, in occurso contradictoriæ, quæ probabilior apparet.

Impedimentum
judicii
directi con-
jungi potest
cum judicio
indirecto de
honestate
operis.

apparet. Ergo opinio illa & est & supponitur esse certò probabilis, etiam in occurſu opinionis contrariæ. Ergo supponitur esse, & est doctrina certò prudens, etiam in contradictione opinionis contradictoriæ apparenter probabilioris. Nec obſtat, ſi concedamus, intellectum non poſſe hic & nunc aſſenſum præbere illi motivo, quia hæc impotentia non oritur à defectu ſufficientiæ in motivo, ſed ſolùm à judicio comparativo invidenti, & forſan falſo, quod pro omni inſtanti ſuſpenderetur poſſe. At tale impedimentum conſcientiæ formandæ non obſtat, ſicut aliud impedimentum ſimile non obſtat conſcientiæ formandæ de licito uſu partis probabilioris, quamvis judicium directum de illius veritate, ſtante eo impedimento, formari non poſſit. Tale impedimentum eſſet, ſi quis abſolutè noller aſſentiri parti, quæ ipſi videtur probabilior. Hæc volitio impediret quidem aſſenſum directum de abſoluta veritate partis directè probabilioris, non tamen impediret reflexum judicium, quo homo prudenter diceret, hoc non obſtante tale obſectum licitè poni. Talis enim volitio nil de merito ac prudentia motivi directi detraheret, & conſequenter non impediret, quo minus conſcientia reflexa prudens formaretur. At hic eſt caſus etiam noſter. Quia judicium illud, comparativum & incertum, nil detrahit de merito motivi, quod judicat eſſe minus. Ergo cum illud ſit prudens in ſe, etiam in contradictione oppoſiti, nullatenus impedimur per judicium illud comparativum, quo minus reflexè prudenter eligamus opinionem minus probabilem, & credamus uſum illius eſſe licitum, quamvis hic & nunc per acci- dens non poſſimus formare judicium directum de illius honeſtate. Ratio eſt eadem in utroque caſu, quia ſcilicet hujusmodi impedimenta aſſenſus directi nullo modo variant diſcuſus reflexos & indirectos, quamdiu non imminuunt dignitatem ac meritum motivorum, quibus accedunt. Hinc enim ſit, ut per diſcuſum reflexum eodem modo conſcientiam formare poſſimus, ſicut potuiſſemus ſi illa impedimenta abſuiſſent. At ſi obſuiſſent, potuiſſemus ex reſta conſideratione formare conſcientiam, circa licitam electionem, & uſum certò prudentem partis minus tutæ, præſcindendo ab eo, quod ſit vel non ſit probabilior. Ergo idem pariter poſſumus, non obſtante dicta comparatione.

Argumen-
tum noſtrum
clarius ex-
plicatur.

176. Et tanè, cum hoc loco inſtituamus argumentum reflexum, in ſola noſtione certæ probabilis fundatum, idque independentè ab aſſenſu directo ulli parti dato, miror Theologum iſtum id non vidiffe, ſed confuſiſſe impedimentum aſſenſus directi, cum impedimento aſſenſus reflexi, cum tamen impedimentum primi non ſit impedimentum ſecundi, ut evidens eſt in praxi eorum, qui benignæ ſententiæ ſubſcribunt, & ex vi illius bonæ fide ad operandum procedunt: & tanè ſi vis & progreſſus argumenti inſpiciatur, clarè apparebit, in eo ſolùm nos inſiſtere, quod quævis pars certò probabilis, reflexè cognita ut talis, eligi poſſit, & credi licita, quia nititur motivo certò prudenti, & quia conformatur doctrinæ certò prudenti, ſive illa vi conſiderationis directæ actu credatur licita, ſive non. Sicut enim cognoscere poſſum aliquam doctrinam eſſe certò prudentem, quamvis actu non credam illam eſſe veram, ſic reflexè ſcire poſſum, ejus uſum eſſe licitum, quia eſt conformis doctrinæ prudenti, quamvis nullum eliciatur judicium directum de illius veritate. Hic eſt ca-

ſus noſter. In hoc ergo æquivocavit Theologus iſte, quod confuſerit judicium reflexum cum directo; & quia videbat comparationem illam eſſe impedimentum judicii directi de abſoluta honeſtate rei, putavit nullum judicium, ne quidem reflexum, de licito illius uſu formari poſſe, ſed in hoc erravit. Hæc qui perſpexerit, videbit argumentum validiſſimum eſſe, & ab hoc Theologo, non ſolùm non expugnari, ſed vix aut ne vix quidem impugnari.

177. Reſpondeo tertio, loquendo etiam in ſenſu directo, judicium illud comparativum ſimpliciter loquendo non obſtare, quo minus intellectus in eodem inſtanti ſelecti poſſit in aſſenſum prudentem de honeſtate partis minus probabilis; quamvis enim tale judicium elici non poſſit in ſenſu compoſito talis comparationis, ſi illa ſit abſoluta totius apparentiæ directæ comparatio, in ſenſu tamen diviſo talis comparationis, qui ſenſus diviſus eſt in noſtra potestate, dictum judicium elici poſſe, ut fuſè obſenſum eſt *quaſt. 9. & 10. de conſcientia probabilis*. Itaque antecedens argumenti, ne quidem in ſenſu hujus Theologi, eſt de ſubjecto non ſupponente, ſed rectè ſubſiſtit, omnesque conſequentiæ, ex illo deductæ, veritatem à nobis intentam manifeſtant.

178. Objeit ſecundò, ſi probabilitas ſumatur pro verſimilitudine opinionis ex vi motivi, cui nititur, antecedens argumenti abſolutè negatur. Nam ex eò quod opinio ſit certò probabilis, ſolùm ſequitur, quod poſſit aliquando approbari per prudentem aſſenſum, & in praxim deduci, nempe quando operanti apparet verſimilior oppoſitâ; ac proinde ſolùm ſequitur, quod ſit prudens reſpectu intellectus, cui proponitur, ut verſimilior oppoſitâ. Non autem ſequitur, quod ſit certò prudens in omni rerum occurſu, etiam quando oppoſita apparet verſimilior; tunc enim non eſſet prudentia, ſed ingens temeritas ſecundum eam opinionem minus tutam minusque probabilem operari. Ut latè obſenſum eſt, multis in locis.

Objeit. 2.

Reſpondeo, multa hic dici, ſed nil eorum probari. Dico ergo, antecedens eſſe verum, etiam in ſenſu hic expreſſo. Nam opinio, de qua loquimur, ſupponitur apparere certò probabilis etiam illi, qui judicat illam eſſe directè minus probabilem, qui proinde poſſe non ſolùm indirectè ex vi argumenti allati illam per prudentem aſſenſum approbare, ſed etiam per aſſenſum directum, in ſenſu diviſo judicii comparativi, ut dictum eſt. Jam verò uſus talis opinionis ex reflexâ conſideratione prudentiſſimè judicatur licitus, quia hoc non ſolùm apparet probabilis oppoſito, ſed abſoluto judicio verum creditur. Quod ſi ſiſtamus in ſola probabilitate directæ, judicium elicitum ob motivum creditum minus, in ſenſu diviſo talis comparationis, nullam temeritatem includeret, ſed eſſet judicium ſimpliciter prudens, quamvis in inſimo prudentis judicii gradu conſiſteret, ut ſæpius inſinuatum eſt, & videri poſſe *quaſt. 10. de conſcientia probabilis*. ubi hoc ipſum ex profeſſo probatum invenies.

179. Ex dictis Lector facile advertet, argumentum, hoc loco à nobis allatum, fundari in mera reflexione ſuper probabilitatem directam utriusque partis, hac enim duntaxat ratione eſt peculiare argumentum, ab aliis omnibus diſtinctum; nam ſi, præter probabilitatem directam, reſpecteremus ſuper alios titulos reflexos, v. g. titulum poſſeſſionis, legis non ſufficienter promulgatæ, &c. inveniremus majorem probabilitatem

Solvitur ob-
jeitio

Senſus no-
ſtri argu-
menti reflexi
ulteriori ex-
plicatur.

tatem reflexam non præcisè ex notione probabilitatis, sed ex aliis capitibus, ut patet. At hoc loco ex mera contemplatione probabilitatis directæ argumentum formamus, per quod reflexè probamus, & ut probabilius, ac ut absolutè verum inferimus, quod usus opinionis directè minus probabilis minusque tutæ sit licitus. Sed in hoc argumento omnino præscindimus ab eo, quod intellectus ex vi rationum directè probantium formet assensum de veritate rei secundum se, quia ex hac consideratione aliud peculiare argumentum supra deductum est. Jam ergo considerantes ipsam naturam opinionis probabilis, conferimus inter se motiva utrique parti faventia, & inspicimus quomodo se habeant ad invicem, & quanta sit vis & meritum unius in alterius contradictione; & quia scimus etiam illud, quod directè repræsentatur ut minus, esse verè magnum & prudens, ac ex se dignum assensu, etiam in contradictione oppositi, quod majus creditur, ideo scimus doctrinam illam esse simpliciter prudentem, & dignam assensu nostro directo, quamvis assensus ille directus hic & nunc per accidens non eliciatur, aut etiam propter iudicium illud comparativum elici non possit, nisi in sensu diviso illius. Quare præscindendo ab omni iudicio directo, & ab omni ejus impedimento, consideramus quid prudenter eligi, ac cui doctrinæ possimus nos in praxi prudenter accommodare. In hoc sensu argumentum procedit, & validè probat intentum. Argumento autem in hoc sensu sumpto objectiones hujus Theologi non contradicunt, nam ille totam vim in eo ponit, quod assensus directus de veritate partis minus probabilis, qui per accidens tantum impeditur, elici non possit. Verum hoc hic non quæritur, sed solum an illo iudicio non elicto, adhuc possimus reflexè concludere, usum partis minus probabilis esse licitum. Hæc paulò subtiliora sunt, & ideo explicari debuerunt, ut soliditas argumenti nostri, & insufficientia objectionum in contrarium omnibus clariùs pateret.

Idem argumentum exemplo exponitur.

180. Sed ut hæc omnia clariùs adhuc, etiam minus subtilibus, innotescant, rem totam in exemplo repræsentare volo. Quæstio sit, an reipsè, & in praxi absolutè teneat confiteri circumstantias purè aggravantes in eadem specie? Suppono, opinionem affirmantem hanc obligationem mihi videri probabiliorē; quæritur utrū, hac apparentia non obstante, prudenter affirmare possim, me absolutè non teneri ad illas confitendas. Respondeo me posse id prudenter affirmare, idque præcisè ex probabilitate opinionis contrariæ mihi perspectâ. Ratio est, quia scio opinionem illam esse certò prudentem, etiam mihi, non obstante comparatione illa, qua mihi videtur minus prudens; quia quamvis non possim illi hic & nunc assentiri, id non oritur ex defectu meriti in motivo, sed ob comparationem incertam, quam sine necessitate interpono. Undè infero, me, non obstante tali comparatione, posse doctrinæ huic certò prudenti, à S. Thoma aliisque innumeris traditæ, practicè me accommodare, illamque prudenter eligere pro praxi, quia doctrina illa secundum se sana est & prudens, quamvis, ut dixi, ob peculiare impedimentum accidentale hic & nunc nequeam directè affirmare, quod usus ille non sit prohibitus. Quare omisso iudicio directo, reflexâ viâ incedo, & ex ipsâ naturâ probabilitatis illi faventis reflexè infero, usum illius esse licitum, doctrinamque illam prudenter eligi etiam à me, ut illam in praxi sequar.

R. P. A. Terribi Regula morum. PARS I.

RATIO DECIMA-SEPTIMA.

181. **A**UCTORITAS favens benignæ sententiæ est incomparabiliter major, quàm quæ favet sententiæ rigidæ. Auctoritas hæc ad duo capita reducitur. Primum sumitur ab exemplis, & doctrina summorum Pontificum, qui utraque via veritatem illius satis apertè declararunt. Plura illorum exempla habes expressa in *quæst. 22. de conscientia prob. à num. 185.* ubi praxim illorum circa probabilitum usum fusè declaratam invenies. De doctrina verò illorum infra *quæst. 8.* ex protèsto agitur, ubi ostendam, sententiam benignam ab eis pro regula conscientiz satis expressè fuisse traditam. Alterum à multitudine ac qualitate Doctorum illam tradentium desumitur. Certissimè enim constat, omnes Ecclesiæ Doctores, numero plurimos, doctrinā præstantissimos, per integrum sæculum illam in expressis terminis tenuisse, atque, post rem à fundamento examinatam, in eandem sententiam unanimi concordia ivisse. Verum ab ortu Janseïni res hæc, ob illorum clamores, novæ discussioni subjæta fuit, factumque est, ut pauci aliqui Theologi Catholici negaverint, usum opinionis minus probabilis esse licitum, verum hi pauci sunt numero, & inter se plurimum divisi, nemo enim cum alio in re ipsa consentit, & vix quisquam illorum est, qui benignam sententiam in sensu legitimo, & ab ejus Auctoribus intento impugnavit. Hæc omnia fusè demonstrata sunt *quæst. 22. de conscientia prob. per totam, ubi num. 210.* Hoc argumentum formo. In omni tribuni quodammodo pro una parte sunt decem aut plures testes omni exceptione majores, contra unum pro parte opposita, eumque non majoris, sed potius minoris existimationis, quàm quivis priorum, toties quod à decem illis affirmatur, habet plenam probationem, & est humano modo moraliter certum, & evidentissimè confirmatur motivo, quod non solum plerumque verum dicit, sed rarissimè fallit, ideoque præbet regulam judicandi moraliter certam. At hic est casus noster. Evidens enim est ex dictis *tota illa quæst. 22.* quod ad minimum decem stent pro benigna sententia, contra unum pro opposita, illique non minoris, sed potius majoris doctrinæ ac probitatis laude conspicui. Undè evidenter sequitur, benignam sententiam, auctoritate inspecta, non solum esse multo probabiliorē opposita, sed humano modo moraliter certam. Ratio est, quia si auctoritas tantum spectetur, præsumendum est, plures hosce, omni exceptione majores, verum dicere præ illis pauculis. Ad quod confirmandum multum facit quod traditur in *Codice Theodosiano titulo de responsis.* Ubi hæc habentur. *Vbi diverse sententia proferuntur, potius vincit numerus Doctorum; vel si numerus aequalis sit, ejus partis præcedat auctoritas, in qua excellentis ingenii vir Papinianus eminet, qui ut singulos vicit, ita cedit duobus.* Hoc ipsum traditur *distinct. 19. cap. in canonicis.* Quod desumptum est ex August. *lib. 2. de doctrina Christiana cap. 8.* Hic excessus probabilitatis fundat quandam moralem certitudinem, quia fundat tam firmam persuasionem de veritate rei, ut in rebus humanis absque ulteriori investigatione contenti esse soleamus, uti fit, quando auctoritas testium pro una parte longè excedit auctoritatem testium pro parte opposita. Atque hinc est, quod omnes, qui rationes discutere nequeunt, sed sola auctoritate gubernetur, respicere debeant benignam sententiam,

Bonignâ sententiâ auctoritate inspecta, est moraliter certa.

Probatur paritate iudicii in foro externo.

tentiam, non solum ut longè probabiliorem, sed etiam ut humano modo moraliter certam, ex quo reflexè certificatur, se prudenter sequi illam in praxi; evidens enim est, quod qui advertenter conformatur se auctoritati gravissimæ, quæ omnem auctoritatem in contrarium superat, prudenter operetur. Ergo omnes tales, qui sequuntur benignam sententiam, reflexè certificatur, se eam sectando licitè operari. Qui vim huius argumenti laudis deductam videre cupit, legat *quæst. 22. de conscientia prob.* quæ tota in eo versatur, ut extrinsecam benignæ sententiæ probabilitatem exponat, eamque cum auctoritate sententiæ rigide componat. Ibi enim omnia hæc dicta fuse deducta, & clarè demonstrata inveniet.

182. Rationem hanc Theologus iste non tetigit, nisi indirectè tantum in quadam objectione superius posita. Verum quicquid in contrarium dici potest, nullus est ponderis, cum res hæc ex facto omnibus evidenti, nempe ex numero & qualitate Auctorum utrique sententiæ patrocinantium, dependeat. Hoc autem citra ambages evidenter noscitur, ideoque nulla esse potest difficultas circa quæstionem præsentem, cum evidens sit incomparabiliter plures, eosque etiam majoris doctrinæ famæ celebres, pro benigna sententia stare quàm pro rigida, pro qua verè admodum pauci reperiuntur. Et sanè excessus huius Auctoritatis tantus est, ut nemo adversariorum propter illius resistantiam non possit non merito formidare de veritate suæ opinionis, illamque prudenter in praxi relinquere, atque alienæ auctoritati tantopere prævalenti se accommodare. Sic enim rectius facerent, & ad consilium illud, *Ne innotaris prudentiæ tuæ*, opere implendum, prudentius sese accommodarent, quàm propriæ opinioni nimis inhaerendo, suamque sententiam ac auctoritatem omnibus præferendo, nunc faciant.

RATIO DECIMA-OCTAVA.

Omne directè probabile practice est absolute probabile oppositum.

183. **L**ICITUM est sequi opinionem probabiliorem, minus probabili minusque tutam relictam. Ergo licitum est sequi opinionem directè minus probabilem, tutiore ac directè probabiliore relictam. Antecedens *quæst. 19. & 20. de conscientia prob.* atque hic *assert. 1.* latè demonstratum est. Consequentia sic demonstratur. Reflexè probabilius est, quod liceat sequi opinionem directè minus probabilem minusque tutam, tutiore ac directè probabiliore relictam. Hoc perspicuum est, tum ex auctoritate, tum ex rationibus utrique parti faventibus, si invicem comparantur. Ex auctoritate quidem, ut constat ex ratione proximè allata, & iis, quæ in illa citantur. Ex rationibus verò, ut patet ex argumentis hic allatis. Quorum nonnulla tam clarè evincunt intentum, ut non sit opus quidquam in contrarium examinare. Reliqua verò multum prævalent fundamentis adversariorum, ut patet, tum ex dictis contra hunc Theologum, tum ex tractatu de *conscientia probabili*, ubi argumenta eorum non solum exactissimè examinata & soluta invenies, sed eadem nobis favere, nostramque sententiam maxima ex parte stabilire miraberis. Sed in hoc opere idipsum contra Celladeum ejusque argumenta efficacissimè stabilietur. Undè sic arguo.

Qui rationibus & auctoritate benignæ sententiæ convictus, illi subscribit, formet hoc iudicium. *Probabilius est, usum opinionis directè minus*

probabilis minusque tutæ, omnibus pensatis, esse licitum, quamvis opposita sit tutior, ac directè probabilior. Sed hæc opinio directè discurrendo est practice probabilis, quamvis opposita tutior directè videatur probabilior. Ergo, omnibus pensatis, probabilius est ejus usum esse licitum. Ergo ejus usus licitus est, quia certum est, usum opinionis absolute probabiliore esse licitum. Major nobis est perspicua, cum illi, post omnem industriam, rationibus & auctoritatibus longè prævalentibus convicti, assensum præbeamus. Et sanè talis est major, ut nemo meo iudicio possit eam non approbare, qui rationes & auctoritates utrique parti faventes absque animi passione considerat. Minor supponitur certa & evidens. Consequentia omnes legitime deducuntur. Et sanè per hoc argumentum reflexum veritas assertionis positæ non solum probatur utcumque, sed certò demonstratur, quicquid aliqui in contrarium contendunt, qui immeritò capiunt Caramuelem, quod in Apologemate utatur hoc argumento tanquam demonstratione. Caramuel enim in hoc verum dixit, ut mox clarius patebit.

184. Hoc argumentum ego iterum sic propono. Intellectus absolute assentiri potest omni motivo prævalenti & probabiliore. Ergo cum probabilius sit, usum opinionis directè minus probabilis minusque tutæ esse licitum, Intellectus potest absolute assensu, eoque evidenter probabili ac prudenti, affirmare hanc veritatem: *Licitum est, sequi quamvis opinionem certò probabilem practice, quamvis sit minus tutæ & videatur directè minus probabile.* Stante hoc iudicio, subsumitur hæc minor. *Sed hæc opinio est certò probabilem practice.* Undè inferitur. *Ergo licitum est hanc sequi, quamvis sit minus tutæ, & videatur esse directè minus probabile.* Stante hac conclusione particulari, immo stante sola illa majori universali, omnis conscientia de turpitudine huius electionis excluditur; nam iudicium dictans rem hanc omnibus consideratis esse illicitam, non potest conjungi cum dictis propositionibus, quia sunt enunciationes sibi contradicentes. Ergo tale iudicium certò honestat electionem huius opinionis directè minus probabilis, quia certò prudenter excludit conscientiam peccati, adeoque reddit peccatum impossibile in sensu composito talis iudicii.

Rursus ex illa conclusione particulari per primum principium synderesis formatur hic Syllogismus reflexus. *Licet facere quicquid, omnibus pensatis, prudenter iudico esse licitum. Sed ego omnibus pensatis certò prudenter iudico licitum esse sequi hanc opinionem, etsi directè minus probabilem, minusque tutam.* Ergo licet eam sequi. Hæc conclusio evidens est, quia legitime deducitur à præmissis evidentibus. Itaque in ordine ad intentum præsens perinde est, si intellectus absolute iudicet opinionem minus probabilem esse veram, si certò iudicet eam esse probabilem, nam eadem paulatim inferuntur per istas præmissas reflexas, quæ inferri potuissent per iudicium absolutum directum, si illud elicitum fuisset. Stat ergo assertionem esse veram, quia ejus veritas per hos discursus reflexos absolute demonstratur.

185. Præterea sic pergo. Omnis regula practica pro dirigenda conscientia prudenter eligitur, quando est evidens, immò quando probabilius est, rationes & auctoritates, suadentes ejus veritatem, esse potiores illis, quæ afferuntur in oppositum. Ratio est, quia tunc possum certò prudenter iudicare illam regulam esse absolute veram.

Universaliter licet sequi omnem opinionem practice probabilem.

Regula practica eligitur quando absolute creditur vera.

veram. Hujusmodi enim regulæ non aliter eliguntur & admittuntur, quàm per judicium, quo absolute existimantur veræ; eo ipso enim, quod certò prudenter affirmantur esse veræ, ita uniuntur animo, ut voluntas, amplectendo objectum ab ipsis propositum, laudabiliter operetur, quia conformatur opus regulæ practicæ certò prudenti. Jam quaeritur an hæc regula, *usus omnis opinionis certò practicè probabilis est licitus*, prudenter eligi possit? Affero posse, quia illa propositio ad minimum est evidenter probabilis, & quoad nos post omnem industriam manifestè probabilior opposita. Ergò prudenter illi assentimur. At per hoc, quod illa propositio objectiva affirmetur, evadit regula practicè directiva voluntatis, quia repræsentat objectum ut licitum, prudentique assensu unit honestatem objecti cum mente, quod est regulare voluntatem in actu primo, ut patet. Ergò ea ratione admittitur ut regula, qua judicatur vera. Sed certò prudenter judicatur vera. Ergò certò prudenter eligitur in regulam. At posito quod hoc modo eligatur in regulam, absque dubio ad conscientiæ securitatem sufficit. Ergò certum est, quod liceat sequi quaecumque opinionem certò probabilem practicè, quod in idem recidit, quod quævis opinio certò probabilis practicè, sit regula objectiva sufficiens ad conscientiam debite formandam, quia omnis ejusmodi opinio, etiam quæ apparet minus probabilis opposita, tot & tam validis argumentis reflexis, tantaque auctoritate roboratur, ut honestas rei, de qua loquitur, omnibus inspectis, sit longè probabilior, quàm ejusdem inhonestas, & quod plus est absolute prudentique judicio credatur vera. Hinc enim habemus, quod tam certum sit, posse nos, omnibus inspectis, licitè sectari partem etiam directè minus probabilem, quàm certum est, usum opinionis directè probabilioris esse licitum. At hoc certum est ex dictis, ergo & illud.

SOLVITUR REPLICA Theologi.

Obiectio
Theologi.

186. **R**ESPONDET hoc modo. Hoc fundamentum, cui Caramuel maxime fidei, suprà latè discussum & enervatum est. Porro ex dictis in probatione nostræ sententiæ, & ex solida perspicuitate, qua omnia adversariorum fundamenta diluimus, luce meridiana clariùs constat, omnino gratis dictum esse, opinionem de usu licito opinionis minus tutæ in occurso probabilioris ac tutioris esse evidenter probabilioris opposita, quam lucusque propugnari, cum potius clarissimè constet, nostram sententiam eis fundamentis niti, quæ rem videantur convincere, & quæ difficillimam solutionem habent. Et sanè vix ullam in controversiis Theologicis sententiam solidiùs ac nervosiùs comprobata video, quàm præsentem hanc, quod scilicet usus opinionis minus tutæ in occurso sententiæ tutioris ac probabilioris non sit licitus. Hæc & non alia sunt, quæ Theologus iste contra hanc ultimam rationem objecit, sicut quæ antea proposui, contra alia argumenta objecerat; nil enim omisi, sed omnia fermè ad verbum ex illo proposui, ne quid omitteretur in re tanti momenti, sed omnia plenè discuterentur.

Responsio
ad obiectio-
nem.

187. Respondeo. Argumentum, à nobis allatum, planè rem convincere, eandemque in principiis istius Theologi prorsus demonstrare. In hoc enim ipsius doctrina consistit, quod uni-
R. P. A. Terilli Regula morum. PARS I.

cuique liceat sequi opinionem verè minus probabilem, si ipsi appareat probabilior. At sententia benigna post omnem industriam, omniumque hinc inde considerationem nobis probabilior videtur, & quod plus est absolute creditur esse vera. Ergò ex doctrina istius Theologi prudenter illi assentimur, eamque in praxi licitè sequimur. Idem dicendum de iis, qui nobiscum sentiunt, sequè per illam opinionem regulant, si, nobis credentes, eandem probabilis judicio veram reputant. At hoc est totum, quod intendimus; aliud enim non docemus, quàm talem usum esse licitum, eo quod sciamus hoc esse certò probabile, atque id ipsum longè probabilius appareat, quàm oppositum; undè inferimus, judicium de licito talium usu esse certò prædens & probabile iis omnibus, qui rationibus & auctoritatibus nobis faventibus convicti, benignæ sententiæ subscribunt. Inde autem progredimur ulterius, & dicimus, opus tali judicio regulatum esse licitum, quia est conforme judicio certò prudenti. Hæc omnia evidenter vera sunt ex principiis hujus Theologi, qui proinde non potest non ista admittere. Ergò admittit totum quod cupimus atque docemus. Si enim tam nobis, quàm iis, qui nobis fidunt, licitum sit sequi quaecumque opinionem practicè probabilem, contenti sumus & habemus intentum. Verùm hoc nullibi impugnavit, nec impugnare potest. Ergò non impugnavit benignam sententiam in sensu præcipuo ac finali à nobis intento. Solùm autem circa materiale à nobis dissentit, quatenus prætendit objectum illud, reflexè consideratum, non esse dignum assensu. At nos illud invenimus assensu dignissimum, illudque absolute approbamus, quod ipse rejicit. Hæc autem illius consideratio contra intentum nostrum nil facit, ut patet; quia sicut in aliis questionibus controversis unusquisque per ipsum licitè sequitur opinionem, quæ ipsi probabilior apparet, quamvis alii eam improbent, & ut minus probabilem rejiciant; ita pariter in casu nostro evenit, nos enim, non obstante illius impugnatione, non minus tuti sumus, quàm si eam non impugnasset. Immo, ut dixi, directè nostram sententiam non impugnat, sed solùm indirectè; nec aliud suo conatu efficere potest, quam aliquos fortassis ad suam sententiam allicere, eosque ab assensu benignæ sententiæ præstando retrahere, atque ita efficere, ut ipsis tamdiu non liceat uti benignâ sententiâ, quamdiu falsam reputant. Verùm hoc non probat non esse licitum sequi illam sententiam, sed solùm quod illis eam sequi non liceat, qui illam falsam reputant. At nos hoc non negamus, sed solum dicimus, licitum esse sequi illam, si illa ex probabili ac prævalenti motivo credatur vera. Hoc ille non expugnavit, sed ne impugnavit quidem. Ergò non impugnavit benignam sententiam in verò ac legitimo sensu, in quo asseritur esse regula. Idem dico de aliis, & de ipso etiam Celladeo, qui in hoc sensu benignam sententiam non impugnat, cum hoc unice faciendum fuisset, si rem à se intentam conficere voluisset.

188. Hinc necesse est, omnia, quæ Theologus iste contra Caramuelem, in hoc argumento reflexo fundatum, objecit, nullius esse roboris, ad probandum usum benignæ sententiæ non esse licitum illis, qui eam non solum ut probabilioris, sed etiam ut absolute veram habent. At Caramuel aliud non intendit; neque enim vult omnes per eam tutos esse, etiam eos, qui eam
E 2 falsam

Qui sequi-
tur benignâ
sententiam
tuti sunt ex
sententiâ hu-
jus Theologi
gl.

Obiectio
contra Cam-
muelem
nullius sunt
momenti,

fallam credunt. Ergo Theologus iste nil momenti in ordine ad finem præsentis controversiæ objecit, nec solvit argumentum, quod est insolubile, nisi neget usum opinionis probabilis propriæ esse licitum, quem tamen expressè asserit omnibus esse permissum.

Theologus iste nec clarè, nec solidè respondet argumentis.

Argumenta ipsius sunt debilia.

189. Sed quid dicemus de solutione, quam argumentis hic allatis reposuit? Ille quidem dicit, se solidè & perspicuè ea solvisse, sed ego è contrario invenio, illum nec solidum nec clarum responsum adhibuisse; nam ubique ferè æquivocatione deceptus fuit, nec vim argumenti percepit. In aliis à veritate aberravit. Argumenta autem, quibus niti videtur, alia non sunt, quàm quod in dubiis tutior pars sit tenenda, quodque nemo, ne quidem physicè, & multò minus prudenter assentiri possit opinioni minus probabilis in occurso contradictoriæ, quæ verisimilior apparet. At hæc fundamenta vix tangunt præsentem quæstionem, nam regula illa intelligitur de dubio practico, quod in casu nostro non invenitur, quia absolutè credimus usum minus probabilium esse licitum. Deinde impossibilitas illa assentiendi parti minus probabilis non habet locum in consideratione reflexa, ut patet. At nos hoc loco solum loquimur juxta considerationem reflexam. Rursus in consideratione directâ, talis impossibilitas simpliciter non datur, quia in sensu diviso iudicii comparativi, qui sensus divisus possibilis est, assensus prudens dari potest parti minus probabilis, ut diximus. Ergo illius fundamenta sunt verè debilia, & vix tangunt præsentem quæstionem.

Benigna sententia est certò probabilior opinione rigida.

190. Unde infero, nos non gratis, sed ex manifestâ rationum prævalentiâ dicere, benignam sententiam esse evidenter probabiliorē oppositâ. Certè rationes & auctoritates pro nostrâ sententiâ ita prævalent, ut oppositæ vix habeant quod ad probabilitatem requiritur; nec dubium, quin nobis major illa probabilitas sit manifesta. Verùm quia hæc apparentia fortassè consequitur ad assensum opinioni benignæ præstitum, & non omnino antecedit omnem affectum & assensum uni parti impensum, ideo non dico, oppositam opinionem in omni casu esse improbabilem, sed dico eam in minimo probabilitatis gradu consistere, si comparatur cum sententiâ benignâ, quæ haud dubiè est longè probabilissima. Quod si rigida sententia sumatur universaliter, non possum admittere illam ad probabilitatem pervenire, quia subditus in materiâ obedientiæ, atque etiam possessor bonæ fidei in materiâ iustitiæ, haud dubiè licitè sequuntur opinionem æquè aut minus probabilem, contra oppositam probabiliorē ac tutiorem, quod tantâ vi probatur, ut ad moralem certitudinem pertingat, ideoque oppositum non est probabile. In aliis verò materiis, ut dixi, probabilitatem aliquam contrariæ sententiæ non nego; sed dico eam esse prorsus exiguam, si cum benignâ sententiâ comparatur. Nec obstat, quod Theologus iste exceptionem luce meridianâ, ut ait, clariorem ponat contra excessum probabilitatis pro benignâ sententiâ, simulque dicat, clarissimam esse prævalentiam argumentorum suorum: non obstat, inquam, quia ex illorum fundamentorum debilitate, faciliq; solutione, atque ex infirmitate responsonum ad argumenta nostra, satis constat, totam illam præsentem apparentiæ claritatem non in rebus ipsis fundamentum habere, sed solum consequi ad opinionem jam stabilitam, & vehementem affectum erga opinionem conceptam. At talis apparentia nul-

lius momenti facienda est, quia reperitur vel maximè in iis, qui ex vehementi passione temerè judicant. Quare è contrâ concludo, benignam sententiam tantâ veritatis apparentiâ probari, ut in rebus controversis nulla sit in universâ Theologâ, quæ validioribus argumentis stabilietur. His contra Theologum istum, ejusque objectionem dictis, nonnulla corollaria ponam, quibus totam doctrinam nostram, jam probatam, in paucas lineas colligam, & uno quasi obtutu conspiciendam proponam.

COROLLARIUM PRIMUM.

NOS, qui docemus, licitum esse sequi opinionem directè minùs probabilem, reipsâ docemus, nulli licitum esse sequi, nisi quod & nos judicamus, & scimus esse probabilius, & quod ipsi operanti probabilius est, & apparet.

Qui dicunt licita esse minus probabilia, re ipsa docent non licere nisi probabiliora.

191. Ratio est, quia objectum, directè minùs probabile, reflexè consideramus, atque novis argumentis convicti, asserimus, illud objectum, si consideretur in ordine ad circumstantias indirectè & reflexè cognitâs, esse absolutè licitum, ejusque honestatem esse longè probabiliorē ejusdem inhonestate. Idem dicimus de omnibus, qui illam sequuntur; nisi enim benignæ sententiæ subscribant, illamque veram habeant, atque ita demum bonâ fide existiment objectum, in quod feruntur, esse absolutè licitum, peccant si partem minùs turam sectentur. Immo quod plus est, nemo ex animi sententiâ unquam docuit, aut potest veraciter docere, quidquam licitum esse, cujus honestatem absolutè putat esse minùs probabilem ejusdem inhonestate. Patet hoc, quia suum cuique opinatum probabilius est, quàm oppositum. Ergo si credat aliquid esse licitum, utique existimat illud esse probabilius quàm oppositum. Unde deregitur æquivocatio eorum; qui putant nos docere licitum esse sequi absolutè minùs probabilia, quod tamen lumini naturæ repugnare videtur, quia repugnat conscientiam & bonam fidem formari de re, quam absolutè putamus minùs probabilem. Verùm hullucinantur, quia non distinguunt probabilitatem directam à reflexâ, & confundunt motiva directâ cum reflexis. Quod si hæc distinguerent, clarè viderent, illa esse absolutè probabiliora, quæ directè considerata sunt, & habentur minùs probabilia.

COROLLARIUM II.

OMNIS opinio practicè probabilis, etiam æquè aut minùs probabilis directè quàm opposita, reflexè considerata, est regula objectiva remota sufficiens ad conscientiam debitè formandam.

Omnis opinio certò probabilis practicè est sufficiens regula objectiva remota conscientiæ.

192. Hæc propositio est ipsa assertio secunda, quam hæcenus probavimus, sed eam inter corollaria pono, ut omnia, ad substantiam nostræ sententiæ spectantia, sub uno quasi obtutu præ oculis habeantur. Probatur. Omne objectum, quod seriò & diligenter consideratum ducit nos in assensum probabilem & prudentem de honestate illius rei, est regula objectiva remota sufficiens ad conscientiam debitè formandam, quippe quæ per talem assensum debitè formatur, ut patet. At omnis opinio certò practicè probabilis, etiam quæ directè minùs probabilis est, est objectum, quod seriò & diligenter consideratum ducit nos in assensum prudentem & probabilem

babilem de honestate illius rei, ut manifestum est ex dictis. Ergo omnis ejusmodi opinio est regula objectiva remota sufficiens ad conscientiam debitè formandam. Dicitur autem regula objectiva remota, quia est objectum sufficienter manifestativum regulæ objectivæ præcipuæ, quæ est voluntas Dei permittentis usum talis rei.

COROLLARIUM III.

Licet sequi quamcumque opinionem practicè, etsi sit minus tuta, & habeatur directè minus probabilis opinione contrariâ. Hæc etiam propositio coincidit cum corollario superiore; & est ipsa assertio secunda, quam hætenus probavimus. Ex rationibus autem & auctoritatibus prævalentibus ostendimus, illam esse verissimam. Cæterum hanc etiam propositionem ideo inter corollaria posui, ut Lector simul habeat omnia ante oculos, quæ ad præsentem controversiam pertinent.

VNIVERSALITER licitum est sequi quamcumque opinionem certò probabilem practicè, etsi sit minus tuta, & habeatur directè minus probabilis opinione contrariâ. Hæc etiam propositio coincidit cum corollario superiore; & est ipsa assertio secunda, quam hætenus probavimus. Ex rationibus autem & auctoritatibus prævalentibus ostendimus, illam esse verissimam. Cæterum hanc etiam propositionem ideo inter corollaria posui, ut Lector simul habeat omnia ante oculos, quæ ad præsentem controversiam pertinent.

COROLLARIUM IV.

Argumenta allata, etsi solum probabilia sufficiunt ad demonstrandum usum minus probabilium esse licitum.

ET sunt argumenta, ad licitum minus probabilium usum comprobandum hætenus allata, concedantur non esse ne quidem moraliter demonstrativa, adhuc probabilitas, quam habent, ad plenam conscientie securitatem sufficit, imò sufficit ad demonstrandum, quod bonâ fide sequens opinionem directè minus probabilem minusque tutam non peccet.

193. Demonstratur. Probabilitas horum motivorum sufficit, ut absque temeritate, post diligens examen, certò prudenter & probabiliter illis assensum præbeamus, ut constat ex dictis. Hic assensus est regula conscientie, quia est judicium dictans quid sit licitum. Est autem assensus evidenter rationalis ac prudens, qui proinde prudenter, & absque temeritate admittitur. Est ergo regula conscientie evidenter rationalis ac prudens. Ergo certum est ex primâ assertionem, quod sit sufficiens regula conscientie ad licitè operandum. Certum, inquam, quia prima assertio non utcumque probata, sed ad minimum moraliter demonstrata est. Ergo demonstratum est, quod qui bonâ fide sequitur sententiam benignam, non peccet. Ecce ex eo quod argumenta allata probabiliter convincant, usum probabilium esse licitum, quodque quis benignæ sententie ex vi motivorum allatorum assensum præbeat, seu, quod idem est, illam in regulam suæ conscientie admittat, certum est, quod eam sectando non peccet. Quod si aliquis illa motiva improbet, & oppositam opinionem rigidam veram habeat, ille non poterit uti benignâ sententiâ, ne contra conscientiam agat. Itaque quod nos asserimus, solum extenditur ad eos, qui benignæ sententie rationaliter & sine temeritate subscribunt.

Idem probatur ex doctrina S. Thomæ quaest. 17. de veritate, art. 3. ad 4. ubi hæc habet. Tunc conscientia erronea non sufficit ad absolvendum, quando in ipso errore peccat, ut quando errat circa ea, quæ scire tenetur; si autem esset error circa ea, quæ quis non tenetur scire, ex conscientia sua absolvitur. Hinc sic arguo. Qui bonâ fide modo dicto assentitur benignæ sententie, eamque in praxim deducit, non peccat contra conscientiam, quia sequitur dictamen conscientie suæ. Rursus non peccat

194. Rursus corollarium hoc iterum demonstratur ex doctrinâ S. Thomæ quaest. 17. de veritate, art. 3. ad 4. ubi hæc habet. Tunc conscientia erronea non sufficit ad absolvendum, quando in ipso errore peccat, ut quando errat circa ea, quæ scire tenetur; si autem esset error circa ea, quæ quis non tenetur scire, ex conscientia sua absolvitur. Hinc sic arguo. Qui bonâ fide modo dicto assentitur benignæ sententie, eamque in praxim deducit, non peccat contra conscientiam, quia sequitur dictamen conscientie suæ. Rursus non peccat

R. P. A. Tertia Regula morum. PARS I.

contra legem, quia non peccat in assensu, quo benignam sententiam amplectitur, tum quia in eo assensu non errat, tum quia, si erraret, ex conscientia sua absolvitur. Ergo nullo modo peccat.

COROLLARIUM V.

INFERATUR ex his, quis sit sensus & progressus benignæ sententie in hac controversiâ.

195. Inprimis reflexè consideramus objectum directè minus probabile, illudque consideramus in ordine ad circumstantias, quæ in argumentis nostris exprimuntur, &c. Post diligentissimum autem studium, tandem rationibus & auctoritatibus prævalentibus convicti concludimus, illud objectum licitè poni posse. Hoc est primum judicium, quod propriè ad præsentem controversiam pertinet, & est materia benignæ sententie, ut mox dicam.

196. Secundò, iterum reflexè consideramus qualitatem hujus judicii, & novo judicio dicimus, illud esse ad minimum certò probabile, & nobis quidem longè probabilius oppositò. Hoc secundum judicium est evidens. Unde certò inferimus, homines, post diligentiam debitam, prudenter & absque temeritate primum illum assensum eliciisse. Quo nil certius, aut evidentius dici potest, si ex rationum & auctoritatum prævalentiâ illi assensum præbeant.

197. Tertiò, aliud judicium elicimus, quo asserimus, judicium, cujus qualitatem jam expressimus, esse sufficientem conscientie regulam formalem, etsi proponat objectum minus tutum, & directè minus probabiliter honestum. Hoc ultimum judicium est demonstrativè verum, quia veritas, quam affirmat, evidenter demonstrata est in primâ assertionem. Hisce tribus judiciis tota præsens controversia, & adæquatus sensus benignæ sententie exprimitur. Primum judicium præsupponitur tanquam materiæ proxima, circa quam benigna sententia versatur. Nam nisi tale judicium præcesserit, nullus est locus præsentem controversiæ; agimus enim de formali conscientie regulâ, quæ consistit in judicio dictante rem aliquam esse licitam. Ergo proprium objectum, seu propria materia hujus controversiæ reflexæ, de sufficiente conscientie regulâ, est judicium quodvis dictans rem esse licitam. Tale proinde est judicium dictans, usum opinionis directè minus probabilis esse licitum. Ergo hoc judicium elicium ab intellectu, & vitaliter mentem informans, est objectum proprium benignæ sententie reflexæ, quæ docet illam esse sufficientem conscientie regulam. Itaque benigna sententia, quæ agit de regulâ formali, tanquam de suo objecto, præcipuè consistit in duobus sequentibus judiciis: quorum primum exprimit qualitatem judicii dicentis, usum partis minus probabilis minusque tutæ esse licitum; secundum verò dicit, illud sufficere ad conscientiam debitè regulandam. Ergo si hæc duo judicia sint vera, tota benigna sententia, quæ agit de formali conscientie regulâ, est verissima. Atqui ista duo judicia sunt certa & evidentiâ. Ergo benigna sententia reflexa, etiam quando agit de objecto directè minus probabilis, est certa & evidens, quamvis objectum proximum, seu materia immediata ipsius sit judicium solum probabiliter verum. Ecce proprium sensum, & progressum benignæ sententie perspicuè declaratum habes.

Sensus & progressus benignæ sententie consistit in tribus judiciis quales

Secundum quale?

Tertium quale?

E 3 COROL

COROLLARIUM VI.

Benigna
sententia à
nemine ha-
ctenus im-
pugnata fuit
in proprio
eius sensu.

HINC sequitur, nec benignam sententiam formalem, de quâ præcipue agitur, nec proprium ejus objectum, ab ullo hæctenus impugnatum fuisse, nisi ab iis, qui nullum actum nisi certum pro formali conscientie regulâ admittunt. At illi non sunt Catholici recte sentientes, si sermo sit de remoto conscientie dictamine, de quo solo nunc agimus, quia proximum, seu ultimum conscientie dictamen, ex opinionum electione & usu formatum, & est, & ex proximè dictis demonstratur esse evidens.

198. Ratio est, quia nemo hæctenus impugnavit veritatem duorum illorum judiciorum, in quibus doctrina benignæ sententiæ consistit, neque quisquam directè conatus est probare, objectum à duobus illis judiciis assertum esse falsum. Nec mirum, quia qui illud aggrediretur, progredi non posset, sed statim in negotio prorsus desperato deficeret.

199. Jam si veritas illorum duorum judiciorum admittatur, nos totum intentum habemus, quidquid sit circa alia annexa, an illa ab adversariis concedantur esse vera, nec ne? Mirabitur fortassis Lector hæc audiens, & dicet, quid ergo fecerunt illi, qui tot clamores contra benignam sententiam excitarunt? Fieri potuit, ut ærem verberaverint, sententiamque, quam expugnare contendebant, ne quidem impugnaverint? Respondeo, ita re verâ accidisse. Impugnaverunt quidem illi veritatem primi judicii, de quo loquimur, & dixerunt illud esse falsum; nos verò è contrario sustinemus, illud esse verissimum. Et in hoc tota lis hæctenus stetit. Verum hæc controversia non magis impugnat benignam sententiam, quàm alia similis Auctorum discrepantia de directâ veritate. Quidam asserunt tale quid esse verum & probabilius, alii reclamant, & dicunt esse falsum, & minùs probabile. Hi tamen secundi non impugnant benignam sententiam, quæ dicit, licitum cuique esse sequi opinionem certò probabilem, quam ipse reputat veram, & respicit ut absolute probabiliorem. Idem pariter evenit in casu nostro, quia in utroque casu benignæ sententiæ veritas non pendet à reali veritate judicii, supra quod reflectit, sed solùm à veritate probabiliter & sine temeritate per illud præsumptâ & affirmatâ. Quamdiu enim tale judicium sine temeritate ob motivum certò probabile elicitur, tamdiu est, & scitur esse sufficiens conscientie regula,


quamvis per accidens sit erroneum. Itaque totus adversariorum labor irritus est in ordine ad finem præsentis controversiæ; non enim sufficit probabiliter concludere, judicium illud esse falsum, nisi falsitas ejus tantâ claritate ostendatur, ut ejusdem veritas non sit ampliùs probabilis. Si hoc probaretur, tunc quidem locum non haberet benigna sententia supra tale judicium reflectens, quia materia seu objectum ejus proprium tolleretur, cum supponat, judicium debere esse probabiliter verum, ut de illo assermet quòd sit sufficiens conscientie regula. Quòd si judicium illud non esset probabile, è converso intellectus statim quæstionem resolveret, diceretque tale judicium, utpotè non prudens, non probabile, sed temerarium, non esse sufficientem conscientie regulam.

200. Itaque qui solùm impugnant veritatem talis opinionis, remotè tantùm, & quasi per accidens impugnant benignam sententiam; quatenus conantur veritatem lux sententiæ demonstrare; quod si perficerent, proximam hujus controversiæ materiam destruerent, & sic tandem rectè ostenderent, benignam sententiam in talibus locum non habere. Verum si probabilitas opinionis seu judicii illius subsistat, & homines absque temeritate & peccato, ob motiva certò probabilia & ipsis probabiliora, illi prudenter assensum præbeant, benigna sententia quoad illos locum habet; quæ proinde directè non impugnatur, nec impugari potest, nisi quis probet, judicium ex motivis propriis nostræ sententiæ conceptum non esse probabile & prudens, sed temerarium & imprudens; & consequenter non esse sufficientem morum regulam, nec excusare eos, qui illam sequuntur. Hoc deberent probare; qui nobis adversantur; sed vix est, qui audeat talia dicere, aut imaginari. Solus Celladeus in hoc semel atque iterum collimat, sed non satis exprimit mentem suam, unde non possum dicere, quod absolute teneat, docentes & utentes benignâ sententiâ absolute peccare peccato imputabili, quamvis ad hoc opinandum multum inclinare videatur. Cæterum, quæ Celladeus tradit, singillatim suis locis examinanda erunt. Nunc ad præsentem quæstionem hæc dicta sufficiant. Allata enim argumenta ita animum alliciunt, ut quis meritisimè in illis mentem figat, simulque stimulant, ut ad omnia dicenda ritè penetranda animum seriò adjiciat; nullus enim labor nimius videri potest, quo res tanti momenti debjre examinatur, & solidè stabilitur.

Benigna
sententia
hæctenus
oblique
tantum &
indirectè
impugnata
fuit.

Clarissimo
exemplo o-
stenditur o-
minem ha-
ctenus im-
pugnasse
benignam
sententiam.

Ostenditur
quid agere
debant qui
illam ritè
impugnare
volunt.



QUÆ.

QUAESTIO TERTIA.

Utrum voluntas, concordans rationi seu conscientia invincibiliter erranti, sit bona?

ITEM A C, ut *quæst.* 1. præfatum est, est secunda quaestio principalis hujus controversiæ, quæ idcirco diligenter tractanda est, ne de veritate illius ullum superfit dubium. Inprimis ergo certum est, voluntatem concordantem rationi seu conscientia vincibiliter erranti non esse bonam, sed malam, ut Theologi unanimiter docent cum S. Thomâ 1. 2. *quæst.* 19. *art.* 6. Similiter communis omnium persuasio est, & fuit, voluntatem concordantem rationi seu conscientia invincibiliter erranti esse bonam, in quo haud dubiè sequuntur opinionem S. Thomæ in eodem articulo, qui de hoc mentem suam ibi tam clarè explicat, ut mirum sit, oppositum ulli in mentem venire potuisse. Celladeo tamen aliter visum est, qui in hoc sicut in multis aliis singularem opinionem sectari voluit; cum enim videret ex sua sententiâ necessariò sequi, quòd volitio errori invincibili conformis non sit bona & honesta, haud territus est, ut oportebat, absurditate sequelæ, sed è contrario fixus in priori persuasione tanquam verâ, audacter se extendit ad veritatem consequentiis admittendam; nec solum fassus est, sequelam esse veram, sed omni nisu conatur probare, quòd ipse solus in hac parte reliquis omnibus oculatior fuerit, tam in intelligendâ S. Thomæ mente, quàm in veritate ipsâ percipiendâ. Itaque *lib.* 3. *quæst.* 4. duo prosequitur; primum est, S. Thomam docere, voluntatem concordantem rationi invincibiliter erranti non esse bonam. Secundum, id ipsum rationibus efficacissimis convinci esse verissimum. Ego è contrario, communem omnium Theologorum sententiam secutus, duo statuam prorsus contraria, scilicet & S. Thomam oppositum tenere, & rationes ac auctoritates irrefragabiles communem Theologorum opinionem confirmare. Sit ergo.

ASSERTIO PRIMA.

S. Thomas tenet, voluntatem rationi seu conscientia invincibiliter erranti concordantem esse bonam.

Opus conforme errori invincibili est bonum ex mente S. Thomæ.

DEMONSTRATUR primò ex 1. 2. *quæst.* 19. *art.* 5. & 6. In *art.* 5. S. Thomas quaerit, utrum conscientia discordans à ratione errante sit mala? Huic quaesito sic respondet. Idem est quaerere, utrum voluntas discordans à ratione seu conscientia errante sit mala, quàm quaerere, utrum conscientia errans obliget. Hoc supposito, ostendit, conscientiam errantem semper ligare, asserens eos, qui contrarium arbitrati sunt, irrationabiliter locutos fuisse. Unde concludit, quòd simpliciter omnis voluntas discordans à ratione, sive recta sive erronea, semper sit mala. Deinde in *art.* 6. quaerit, utrum voluntas, concordans rationi erranti, sit bona? Mox in corpore respondet hoc modo. Dicendum, quòd sicut præmissa quaestio eadem est

cum quaestione, quâ quaeritur, utrum conscientia erronea liget; ita illa quaestio eadem est cum illâ, quâ quaeritur, utrum conscientia erronea excuset. Ecce ex mente S. Thomæ idem est quaerere, utrum voluntas concordans conscientia erranti sit bona, ac quaerere, utrum conscientia erronea excuset. Ergo si ex mente S. Thomæ conscientia erronea excuset, voluntas illi conformis erit bona, quia ex mente ipsius hæc duo sunt unum & idem. At S. Thomas immediatè post verba proximè citata subjungit, conscientiam dupliciter errare posse, primò involuntariè ac invincibiliter, secundò vincibiliter, ac voluntariè. Atque demum expressis verbis concludit, conscientiam vincibiliter errantem non excusare; sed excusare, si invincibiliter erret. Atque hætenus quidem expressis S. Thomæ terminis usus sum, qui in formam syllogisticam complicati, dant istas præmissas. Idem est, voluntatem conscientia erranti concordantem esse bonam, ac errorem, cui concordat, excusare, sicut idem est, voluntatem conscientia erranti discordantem, esse malam, ac errorem, à quo discordat, ligare. Sed voluntas concordans conscientia invincibiliter erranti est conformis conscientia excusanti, sicut voluntas discordans à conscientia errante est discordans à conscientia ligante. Ex quibus præmissis inevitabiliter ac legitime deducitur hæc consequentia. Ergo voluntas concordans conscientia invincibiliter erranti est bona, sicut voluntas discordans à conscientia errante est mala. Ex hæc absque dubio est expressa sententia S. Thomæ, de quâ nemo ambigere potest, qui dictos articulos absque indebitâ animi propensione legit & considerat.

3. Demonstratur secundò. S. Thomas 1. 2. *quæst.* 18. *art.* 8. probat, actus aliquos esse indifferentes secundum speciem; sed, hoc non obstante, *art.* 9. expressè tradit, nullum dari posse actum humanum, à ratione deliberativâ procedentem, qui in individuo, seu individualiter sumptus, sit indifferens. Sic autem discursit. Actus à ratione deliberativâ procedens, si non sit ad debitum finem ordinatus, ex hoc ipso repugnat rationi, & habet rationem mali. Si verò ordinetur ad debitum finem, convenit cum ordine rationis, unde habet rationem boni. Necessè est autem, quòd vel ordinetur, vel non ordinetur ad debitum finem. Unde necesse est, omnem actum hominis, à deliberativâ ratione procedentem, in individuo consideratum, bonum esse, vel malum. Ita S. Thomas. Ex hac autem doctrinâ sic arguo: Actus ab errore invincibili procedens est actus humanus, qui procedit à ratione deliberativâ. Ergo talis actus, sumptus in individuo, vel malus est, vel bonus. Atqui talis actus non est malus, ut omnes rectè tenentes fatentur, & S. Thomas expressè tradit 1. 2. *quæst.* 6. *art.* 8. quia invincibilis ignorantia à toto excusat. Ergo talis actus, in individuo sumptus, est bonus. Hæc ergo est certissima sententia S. Thomæ, cum evidentissimè & immediatè ex ejus doctrinâ sequatur. Cæterum certum est, S. Thomam hic agere de bonitate & malitiâ formali, & expressè negare, ullum

Non datur actus indifferens in individuo.

ullum actum deliberatum dari posse, qui, in individuo sumptus, careat bonitate, vel malitiâ formali; quia & ratio S. Thomæ id ipsum probat, & totum intentum articuli, ac quæstionis proponitur ad aliud non collimat, ut vtrum sit, Celladeum §. 5. autum fuisse hoc argumentum cludere, dicendo, S. Thomam loqui de bono & malo materialiter sumpto. Sed quid volumus? Ita dicere debuit ad tuendum positum, & ideo ita dixit, etsi sine ullo fundamento contra veritatem & communem omnium sensum id ipsum dixerit.

Opus errori
invincibili
ediforme est
moraliter
bonum.

4. Et sanè, cum in prioribus locis S. Doctor expressè & ex æquo comparationem instituat, inter bonum operis concordantis cum ratione invincibiliter errante, & malum operis discordantis à ratione errante, perspicuum est, quod proportionalitè tradat de bono primi, & de malo secundi. At certum est, quod sentiat malum actûs secundi esse formale; quia opus ipsum, seu objectum actûs, est materialiter bonum; actûs verò est formaliter ac moraliter malus. Ergo certum pariter est, quod sentiat, bonum actûs primi esse formaliter & moraliter tale, quia objectum talis actûs secundum se, seu materialiter sumptum, est malum. Similiter, cum in secundo loco loquatur universaliter de omni opere individuali, utique assertio ipsius complectitur etiam operationem concordantem cum ratione invincibiliter erroneâ, quæ dicit malum esse bonum. Ergo sentit, actum ejusmodi non esse malum, sed bonum in individuo. Atqui certum est, quod non sit materialiter bonus, cum objectum, quod ponit, supponatur esse malum. Ergo aliam bonitatem non habet quàm moralem. Ergo tantum abest, ut replica Celladei enervet argumentum, ut è contrario apertè convincat, S. Thomam loqui de bonitate formali ac morali, quia bonitas objectiva non datur, & omnis alia bonitas est impertinens ad quæstionem à S. Doctore eo loco institutam; quia illa quæstio expressè instituitur de bonitate morali, ut patet. Præterea bonitas transcendentalis non est ad rem, quia ex æquo invenitur in actu discordante, ac in concordante cum ratione erroneâ. Ergo non est illa bonitas, de quâ S. Thomas loquitur, quia illa bonitas non est communis utrique actûi, sed tribuitur uni, & negatur alteri. Patet ergo, quod loquatur de bonitate morali. Ergo voluntas, conformis rationi invincibiliter erranti, est moraliter bona juxta mentem S. Thomæ.

SOLVUNTUR OBJECTIONES.

5. **O**BJICIT primò. S. Thomas 1. 2. quæst. 19. art. 5. quærit, an voluntas discordans à ratione errante sit mala, & affirmat. Mox. art. 6. quærit, an voluntas concordans rationi erranti sit bona, & negat. Ita Celladeus lib. 3. quæst. 4. in initio.

Celladei error in intel-
ligendo S.
Thomam.

6. Respondeo, Celladeum hæc in re certissimè falli, palpabilemque errorem Lectori imponere. Nullibi enim S. Thomas aut dicit aut insinuat, nullam voluntatem rationi erranti conformem esse bonam, sed in toto articulo eò collimat, ut ostendat, aliquas ejusmodi voluntates esse malas, alias bonas. In argumento, *sed contra*, affert exemplum voluntatis conformis rationi vincibiliter erroneæ in iis, qui Apostolos occiderunt, arbitantes se obsequium Deo præstare, eamque voluntatem asserit fuisse malam. Ex quo infert, *Ergo voluntas concordans rationi erranti po-*

test esse mala, quod ab omnibus admittitur. Verum ubi infert S. Thomas, quod omnis voluntas conformis rationi erranti sit mala? aut quod nulla talis voluntas sit bona? Hoc ostendere debuisset Celladeus, ne Lectori imponeret. At S. Doctor non hoc, sed oppositum tradit; nam in corpore articuli distinguit rationem errantem, in vincibiliter, & in invincibiliter erroneam: tum probat, priorem non excusare, quin voluntas illi conformis sit mala; secundam verò excusare, & consequenter efficere, ut voluntas illi conformis sit bona; quia idem est, voluntatem esse bonam, & eam esse ab omni malo excusabilem. Hinc evidens est disparitas inter modum arguendi in 5. & modum arguendi in 6. art. In 5. resolutio quæstionis est universalis, scilicet, *quod omnis voluntas, discordans à ratione sive rectâ sive errante, semper sit mala*. At in 6. art. non infertur universaliter, quod nulla voluntas rationi erranti conformis sit bona, aut quod omnis ejusmodi voluntas sit mala; sed S. Doctor totam rem universaliter propositam distinguit, & juxta distinctionem resolvit quæstionem, dicendo, voluntatem conformem rationi erranti non semper, sed aliquando esse bonam. Errat ergo Celladeus, parificando doctrinam utriusque articuli, & contendendo S. Thomam universaliter negare, voluntatem rationi erranti conformem esse bonam, sicut universaliter asserit, omnem voluntatem à ratione discordantem esse malam.

7. Objicit secundò, Potissima, & fermè unica ratio dicentium, voluntatem rationi erranti concordantem esse bonam, est, *quod sicut voluntas discordans à ratione tendit in id, quod ratio judicat malum; ita voluntas concordans rationi tendit in id, quod ratio judicat bonum. Sed voluntas discordans à ratione, etiam errante, est mala. Ergo voluntas concordans rationi, etiam erranti, est bona*. At hæc ratio est argumentum de verbo ad verbum, quod S. Thomas primo loco sibi objecit ad probandum, quod voluntas conformis rationi erranti sit bona. Verum in responsione illam rejicit ut futilem, eamque solvit. Ergo S. Thomas censet, voluntatem rationi erranti conformem non esse bonam, dum potissimum illorum argumentum repellit ut inane. Ita Celladeus hic §. 1.

8. Respondeo, mirandum esse, res tam evidenter falsas è calamo Theologi elabi potuisse. Cedo, Celladeo, quis Theologorum unquam usus est hoc argumento, ut jaceret, ad probandum quod voluntas rationi invincibiliter erranti conformis sit bona? Unum ullius notæ affer, & ultrò fatebor, me tibi calumniam inferre. Si neminem ita differentem inveneris (neminem autem invenies) fatère te inaccuratè loqui, atque hoc loco contra compertam veritatem ignorantem Lectori falsa pro veris obtrudere. Ego enim & assero, & scio, Auctores ad hoc probandum non uti hoc argumento, cum omnes illud solvant, ut ostendant, quod omnes unanimiter tenent, voluntatem, rationi vincibiliter erranti conformem, non esse bonam; sed malam. Nemo ergo utitur hoc argumento sub illis terminis universalibus, sed ulterius requirunt, ut error sit invincibilis, & tunc cum S. Thomâ asserunt, voluntatem illi conformem esse bonam, quia sicut invincibilitas excusat à malo, ita infert bonum.

9. Cæterum, ideo S. Thomas hoc argumentum sibi objecit, quia necessariò solvendum erat, ut veritatem suæ sententiæ stabiliret; argumentum enim probat, omnem voluntatem rationi erranti

Celladeus
affigit S.
Thomæ
oppositum
ejus, quod
tenet.

erranti conformem esse bonam, cum ipse teneat, non omnem sed aliquam tantum ejusmodi voluntatem esse honestam. Itaque respondet, argumentum non concludere, quia bonum, ut dicit S. Dionysius. lib. 4. de divin. Nom. causatur ex integrâ causâ, malum autem ex singularibus defectibus. Ideo ut obiectum voluntatis dicatur malum, sufficit si verè sit, aut si apprehendatur tale. At ut sit bonum, non sufficit ut sit, aut ut credatur bonum, sed debet esse bonum utroque modo.

Ratio, cur voluntas errori conformis sit bona, vel mala?

Huic solutioni insistendo, dico, voluntatem conformem rationi vincibiliter erranti non esse bonam, sed malam; quia oritur ab errore vincibili, & consequenter à peccato, per quod ille error inductus est. Quidquid enim à quolibet voluntatis defectu, seu à quovis peccato ortum sumit, & ab eo quodammodo informatur, haud dubiè malum est; quia malum ex quolibet defectu. Econtrâ, voluntas rationi invincibiliter erranti conformis bona est, quia non procedit ab ullo peccato, aut malitiâ hominis, qui errat; sed ex opposito derivatur à voluntate bonâ, seu à recto appetitu finis, ut ostendi quaest. 12. de cons. prob. 2. num. 14. Unde sequitur, nullum in tali homine dari defectum, à quo voluntas tali rationi conformis aut privetur bono, aut malum contrahat.

10. Dices primò. Talis voluntas dirigitur ab errore intellectûs. At omnis error est defectus, & malum. Ergo voluntas illa dirigitur à defectu, & à malo. Ergo non est bona, sed mala, quia bonum ex integrâ causâ, malum ex quolibet defectu.

Solus defectus voluntatis refundit malum morale in actum.

Respondet, axioma illud S. Dionysii, si ad bonum & malum morale restringatur, ut sit in presenti, non posse intelligi, nisi de defectu ipsius voluntatis, quia certum est, voluntatem conformem rationi invincibiliter erranti non esse malam. Ratio ergo est, quia operatio non procedit ab ullo defectu voluntatis, licet error intellectûs illam dirigat. Itaque sicut error ille intellectûs non refundit malum in volitionem, quam dirigit, cum non sit defectus ex quo malum ejusmodi refundi possit; ita non est defectus tollens bonum ab illâ volitione, quam dirigit, cum nullum defectum præsupponat in voluntate, nec ullam connexionem habeat cum malo morali, cui soli bonum morale privativè opponitur. Et quidem hoc modo respondeo, loquendo solum de actibus directis intellectûs, quia illi soli sunt erronei; nam iudicium ultimum, quo voluntas dirigitur in hoc casu, non est erroneum, ut saepe dicendum erit, & mox ostendetur uberius. Ceterum loquimur jam, ac si volitio illa non nisi ab errore dirigeretur, alioquin quaestio procederet de subiecto non supponente. Præterea hic investigamus mentem S. Thomæ, qui non agit nisi de actibus directis, & supponit iudicium, à quo voluntas dirigitur, esse erroneum. Ergo juxta hanc suppositionem respondendum erat.

11. Dices secundò. S. Thomas in responsione ad 1. argumentum supra à nobis ex ipso propositum, hæc habet. *Ut dicatur malum id, in quod fertur voluntas, sufficit, si verè sit secundum suam naturam sit malum, si verè sit apprehendatur ut malum. Sed ad hoc quod sit bonum, requiritur quod utroque modo sit bonum.* Ergo hæc est mens S. Thomæ. At voluntas concordans rationi, etiam invincibiliter erranti, fertur in illud, quod naturâ suâ est malum. Ergo talis voluntas ex mente S. Thomæ non est bona.

Respondet, S. Thomam aliam doctrinam

non asserere in responsione, quam quæ sufficit ad elidendum argumentum. Ad hoc autem sufficit, si voluntas concordans rationi vincibiliter erranti sit mala; eò quod vincibiliter fertur in rem naturâ suâ malam, & sic excusari non possit. Et sanè S. Thomas aliter intelligi non potest, nisi dicatur in responsione ad 1. contradicere dictis in corpore articuli, ubi ex professo probat, voluntatem rationi invincibiliter erranti conformem non esse malam. Illa tamen fertur in rem naturâ suâ malam. Ergo dum in Responsione dicit, sufficere ad malum, si res sit naturâ suâ mala, etsi credatur bona, loquitur de malo vincibiliter credito bono, nec aliter intelligi potest. Ergo similiter, quando in eodem contextu dicit, *ut aliquid sit bonum, requiritur quod utroque modo sit bonum*, intelligendus est loqui cum eadem exceptione, ut scilicet utrumque requiratur, nisi contingat malum invincibiliter reputari bonum. Ratio est, quia loquens in uno eodemque contextu non censetur alterare sensum terminorum, nisi id expressè significet. At nil tale hoc loco significatur. Præterea ex corpore articuli constat, talem voluntatem esse bonam. Ergo nisi doctrina responsionis dictâ ratione limitetur, contradicit doctrinæ articuli. At quando doctrina articuli videtur repugnare cum doctrinâ responsionis, hæc per illam, non illa per hanc limitari ac explicari debet, quia doctrina articuli semper est, & debet esse exacta, cui omnia in responsione ad argumenta subserviunt. Econtrâ in responsionibus sufficit, si doctrinæ illarum eam veritatem habeant, quæ ad solutionem argumenti requiritur, nec opus est, ut omnia in illis contenta ita ad litteram in omni universalitate vocum sint vera, ut nullam exceptionem aut limitationem patiantur, ut per se patet, & in Aucto.ibus etiam primariis videre est.

12. Est & alia limitatio huic S. Thomæ dicto necessario adhibenda; illud enim, ut jacet, dicit, nil esse bonum, nisi quod ex naturâ suâ est tale, & insuper existimatur tale. At hoc falsum est, ut jacet, certissimæque S. Thomæ, aliorumque omnium doctrinæ contrariatur; constat enim opera, quoad speciem indifferentia, evadere bona, si ad bonum finem debitè ordinentur. Ergo ad bonum non requiritur, quod sit tale utroque modo. Ergo hoc dictum S. Thomæ non unâ limitatione indiget. Porro secunda limitatio confirmat primam; sicut enim quod non est bonum naturâ suâ, evadit bonum, si ad debitum finem ordinetur, ita quod ex naturâ suâ malum est, evadit bonum, si ex unâ parte invincibiliter credatur bonum, & ex altera ad debitum finem ordinetur. Stantibus enim his duobus, bonitas talis volitionis est inimpedibilis. Quidquid enim reddere potest bonum, quod ex se est indifferens, & tollere malum ab eo, quod naturâ suâ malum est, illud idem efficere potest, ut quod naturâ suâ malum est, hic & nunc per accidens terminet voluntatem bonam. Sed de hoc fusiùs in assertionem sequenti.

13. Objicit tertio. Non intelligit sensum quaestionis à S. Thomâ propositæ, qui aliud ex illo colligit, quam excusationem à peccato. Ergo non intelligit quaestionem illam, qui ex illâ infert, operationem conscientie erranti conformem esse bonam. Probatur antecedens. S. Thomas in toto corpore articuli, aliud non agit, quam ostendere, voluntatem rationi invincibiliter erranti conformem non esse malam. Ergo, qui putat aliud ibi tradi, non intelligit quaestionem illam.

Præ-

Mens S. Thomæ de bonitate morali auctoris explicatur.

Alia limitatio dicti S. Thomæ.

Præterea S. Thomas *quæst. 17. de verit. art. 4. in corpore*, impugnat dicentes, conscientiam errantem in rebus per se malis non ligare, & hæc habet. *Qui hoc dicunt, non videntur intelligere, quid sit conscientiam ligare. Secundum hoc enim conscientia ligare dicitur, quod aliquis, nisi conscientiam impleat, peccatum incurret, non autem hoc modo, quod aliquis implens recte faciat.* Ergo ex veritate rei, & ex mente S. Thomæ non intelligit quæstionem hanc; qui putat voluntatem implentem dictamen conscientie errantis esse bonam. Ita Celladeus §. 1.

Alius Celladei error in intelligendo S. Thom.

Respondeo, & audacter dico, eum non intelligere sensum quæstionis hujus, qui dicit, nil in eâ tradi de bonitate actûs rationi invincibiliter erranti conformis. Ratio est, quia S. Thomas in titulo articuli expressè quærit, an talis actus sit bonus. Deinde in corpore articuli respondet, hoc idem esse, ac quærere, an talis error excuset. Demum hac protestatione præmissâ, ostendit, talem errorem excusare. Nec aliud expressè dicit, quia alio opus non erat, cum antea dixisset, idem esse, voluntatem rationi erranti conformem esse bonam, ac errorem, à quo dirigitur, esse invincibilem, & excusare. Estne hoc nil tradi in isto articulo de bonitate actûs ab errore invincibili regulati? Sanè qui hoc dicit, quæstionem non intelligit. Itaque quamvis S. Doctor, post protestationem illam, totus sit in probando, quod error ille excuset, uno tamen eodemque opere probat utrumque, quia ex duobus indistinctis unum probari nequit, quin alterum simul realiter inferatur.

Nullitas argumenti à Celladeo alati.

14. Quod assertur ex *quæst. 17. de verit.* non est ad rem, quia illi, quos S. Thomas ibi redarguit, non explicabant, ut debebant, conscientie ligamen per hoc, quod peccatum incurrat, si opus ponatur contra conscientiam; sed per hoc quod opus esset bonum, si fieret juxta conscientiam. At primum sufficit, ut conscientia liget, quæ proinde sæpe ligat, quando opus illi conforme non est bonum, scilicet quoties ratio vincibiliter errat. Hinc autem non sequitur, illum non intelligere mentem S. Thomæ, qui dicit voluntatem rationi invincibiliter erranti conformem esse bonam, quia nulla est connexio inter antecedens & consequens. Absurdum quidem esset universaliter dicere, omnem operantem juxta conscientiam bene agere, quia oppositum est certum, quando conscientia vincibiliter errat. At distinguere cum S. Thomâ rationem errantem in invincibilem, & vincibilem, & dicere, opus conforme errori vincibili esse malum, & opus conforme errori invincibili esse bonum, est loqui cum S. Thomâ, & intelligere quæstionem sicut ille intellexit. Certè si S. Doctor absolutè intendisset probare, nullam volitionem rationi erranti conformem esse bonam, ut fingit Celladeus, frustra adhibuisset distinctionem rationis vincibiliter & invincibiliter errantis; talis enim distinctio impertinenter se habuisset ad intentum, quia quocumque modo se haberet ratio errans, voluntas illi conformis nunquam esset bona. At longè aliter discurret S. Thomas, qui propriam quæstionem rectè intellexit, ideoque non otiosam, sed prorsus necessariam quæstioni dirimendæ distinctionem adhibuit; ac proinde haud dubiè censet, omnem voluntatem, rationi invincibiliter erranti conformem, esse bonam.

ASSERTIO II.

Voluntas conformis conscientia invincibiliter erronea est bona.

PRIMA PROBATIO EX Sacra Scripturâ.

Volitio concordans rationi invincibiliter erranti est bona.

Libere non peccare, est positivè bonum & laudabile.

15. **I**N PRIMIS pondero illud *Psalmi 118. Beati immaculati in viâ*, & sic arguo. Qui vitam hanc humanam absque peccato transigunt, vocantur beati. At qui sequuntur dictamen conscientie invincibiliter errantis, per hoc ipsum, si in aliis non peccent, constituuntur immaculati in viâ hujus vitæ. Immo quando conscientia invincibiliter dictat, malum esse bonum præceptum, aut bonum esse malum vetitum, non aliter potest homo esse immaculatus in viâ, quam sectando conscientiam erroneam, cum errorem deponere non possit. Ergo per hoc ipsum, quod homo in viâ, id est in hac vitâ, modo humano operans, sequatur dictamen conscientie invincibiliter errantis, si in aliis non peccet, est & meritò dicitur beatus, quia *immaculatus est in viâ*. At nemo meritò prædicatur beatus propter operationem humanam, nisi illa sit bona. Ergo operatio, seu volitio, conformis conscientie invincibiliter erronee est bona, cum propter illam, & per illam, sicut homo est immaculatus, ita pariter est, & dicitur beatus.

Rursus Ecclesiastici 31. *vers. 8. & seq.* hæc habentur. *Beatus dives, qui inventus est sine macula, & qui post aurum non abiit, nec speravit in pecuniâ & thesauris. Quis est hic, & laudabimus eum? Fecit enim mirabilia in viâ suâ. Qui probatus est in illo, & perfectus est, erit illi gloria æterna: qui potuit transgredi, & non est transgressus; facere mala, & non fecit; ideo stabilita sunt bona illius in Domino.* Ecce Ecclesiasticus non solum attribuit beatitudinem diviti, qui vitam sine peccato traducit, ut Psalmista proximè citatus fecit, sed insuper expressè addit, eum hoc nomine laudandum. At laus est proprius effectus solius virtutis; actioni enim non bonæ laus tribuenda non est. Ergo actiones humanæ, quibus homo ex electione liberâ peccatum vitat, non sunt indifferentes, quia merentur laudem. At tales sæpe sunt actiones ab errore invincibili regulatæ, quia sæpe peccatum, sine talibus actionibus vitari non potest. Ergo illæ actiones sunt bonæ.

16. Deinde sic arguo. Omnis actus, cui debetur præmium, est bonus. Sed actibus humanis, quibus peccata vitantur, præmium tribuitur, quia stabiliti in Deo magnum bonum est, quod liberæ peccati vitæ adscribitur, tanquam effectus illi debitus, & proportionatus. Ergo tales actus sunt boni. Major per se patet. Ad probationem minoris, considera illud: *Qui potuit transgredi, & non est transgressus, facere mala, & non fecit, ideo stabilita sunt bona illius in Domino.* Et videbis dictum stabilimentum liberæ peccatorum vitæ adscribi tamquam præmium, illi saltem de congruo conveniens. Hoc enim indicat causalis *ideo*, quæ reflectit supra liberam peccatorum vitæ tamquam causam, cui stabilimentum in Domino tanquam effectus correspondet. At opus, cui tale præmium correspondet, est bonum. Ergo libera peccati vitatio est opus bonum: sed voluntas conformis conscientie invincibiliter erranti est libera peccati vitatio,

Libere vitæ rationi peccati præmiū debetur.

ut

ut per se patet, & Celladeus aperte fatetur. Ergo talis voluntas est bona.

Præterea sic arguo. Quicumque tribui potest, quod allatus textus ponit pro antecedente, illi tribui potest consequens, quod idem textus ex illo antecedente deducit. Sed sectanti conscientiam invincibiliter errantem tribui potest antecedens hujus textus, de illo enim verissime dicitur, *qui potuit transgredi, & non est transgressus, facere mala & non fecit*. Immo hoc antecedens tribui illi posset, quamvis supponeretur in omnibus omnino invincibiliter errare (quam suppositionem Celladeus facit lib. 3. quest. 3. ut ex illâ probet opus ex errore regulatum non esse bonum) quia talis homo faceret, quod posset ad vitandum peccatum, & sic faciendo illud vitaret. Ergo tali homini tribui debet illud consequens: *ideo stabilita sunt bona illius in Domino*. Ergo talis homo hoc ipso bene & laudabiliter operatur, alioquin talis merces illi reddenda non esset.

Item ex S. Paulo colligitur,

17. Tertio S. Paulus 1. ad Corinth. 7. agens de virginibus & nuptiis ita tradit. Primum versu. 28. ubi dicit, *nubentes non peccare*. Secundum versu. 38. ubi hæc habet, *Qui matrimonio jungit virginem suam bene facit, & qui non jungit melius facit*. Unde sic arguo. *Qui matrimonio jungit virginem suam, eo quod sit superadulta, & satis videat, illam ad nuptias anhelare, facit omnia, quæ Apostolus requirit, modò omnem diligentiam adhibeat, ut viro digno, nulloque impedimento gravato eam locet*. Ergo talis homo, ex mente Apostoli, non solum non peccat, sed bene facit. Homo tamen sic operans aliquando ex errore invincibili concurrens ad conjunctionem, aut materialiter fornicariam, aut certè illicitam, eo quod addit impedimentum, vel prohibens, vel etiam, dirimens talem contractum. Ergo aliquando contingit operationem esse bonam, quæ versatur circa malum, quod invincibiliter creditur bonum.

Homini honesto licenti non est fortuitum bene vel male operari.

18. Et sanè, quis non videt; talem Patrem ab omnibus laudem mereri, quod dicta ratione filiam nuptui tradat. Porro dicere, quod bene operetur, si non erret, sed quod bene non operetur, quomodo cumque erraverit, perinde est, ac si quis diceret, fortuitum esse, quod homo bene operetur, etsi omnem ad bene operandum conatum adhibeat, similesque prorsus eliciat actus intellectus ac voluntatis, sicut alius, qui bene operatur, quia fortuitum est, quod non erret, tamen omni diligentiam adhibeat. Immo aliquando contingit illum errare, quamvis similes prorsus actus habeat in intellectu ac in voluntate, sicut ille, qui non errat, & bene operatur. Ergo bona operatio esset fortuita conanti, & similia prorsus facienti, ac ille, qui bene operatur, quo nil à ratione magis alienum dici potest.

Bonitas moralis operationis liberæ non pendet ab aliena malitia.

19. Præterea non solum fortuitum esset, hominem, taliter conantem & operantem, bene operari, sed ab aliena malitia dependeret, quod bene, vel non bene operaretur. Si enim aliquis sua malitia apponat impedimentum dirimens, vel impediens illud matrimonium, tunc Pater ille non bene operaretur; bene autem operatus fuisset, si aliena malitia ejusmodi impedimentum non apposuisset. At absurdum est dicere, quod ab aliena malitia dependeat, hominem, hoc numero actus intellectus & voluntatis efficientem, bene vel non bene operari, quia bonitas moralis actuum constitueretur per merè extrinsecum, & non ex propria operatione, libertate, ac modo

operandi, sed ab aliena libertate & malitia dependeret; adeo ut si ille non peccasset, aut ita operatus sit, tunc ego bene operor; sed si ille, me inficio, aliter operetur; tunc ego eodem prorsus modo agens, eisdemque actus eliciens, non bene operor. Quis tales illationes non exhorreat? Certum tamen est, illas ex singulari Celladei opinionatione legitime deduci. Rejicienda ergo est illius sententia, ex qua absurda tam parentia, naturali rationis lumini, communique omnium doctrinæ repugnantia, inevitabiliter deducuntur.

SECUNDA PROBATIO EX SS. Patribus.

20. AUGUSTINUS serm. 19. de verbis Apostoli. citatum Ecclesiastici locum explanat, sicut ego illum exposui. Sic loquitur initio cap. 6. *Beatum scriptura dicit, qui post aurum non abiit, qui potuit transgredi, & non est transgressus, qui facere mala potuit, & non fecit*. Hæc tunc August. Ergo beatum dicit Scriptura inter alios, qui sectatur conscientiam invincibiliter errantem; ille enim potuit transgredi, & non est transgressus. Pergit August. & loquens de eo, qui reddit accommodatum, quando ipse solus conscius est, rem sibi accommodatam fuisse, hæc habet. *Si tunc reddidisti, si mortuus, qui commodavit, nescienti filio reddidisti: tunc te laudabo; quia, post aurum non isti; quia potuisti transgredi, & non es transgressus; quia potuisti mala facere, & non fecisti*. Hæc etiam laus debetur illi, qui conscientiam invincibiliter errantem sectatur, quia casus indifferens est, ut statuatur per conscientiam veram; vel per conscientiam invincibiliter erroneam. Si enim commodatum non erat illius, qui commodavit, sed alterius, quem ille injustè res sua privavit, tunc restituens commodatum, habet conscientiam erroneam, quia putat rem illam ad jura commodantis pertinere. At hoc judicium erroneum est, & voluntas illi conformis materialiter peccat, quia disponit de rebus alienis invito domino; tamen talis homo meretur laudem ex mente Augustini. Ergo bene operatur.

Liberè non peccare est laudabile.

Casus iste à fortiori eminet in restituyente sacculum pecunie à se inventum, de quo agit Augustinus ibidem cap. 7. Supponit inventorem publice pitacium proposuisse, quo declaravit, se sacculum pecunie invenisse, paratumque esse cum domino restituere. Accedit deinde homo, qui sacculum ad se pertinere ait, nec dicit tantum, sed tempus & locum perditionis memorat, materiam & magnitudinem sacculi, numerum numerum & qualitatem aperit, ita ut nemo prudens suspicari possit, quin ille sit, qui sacculum perdidit. Fieri tamen potest, ut alius sacculum perdidit, hic autem omnium circumstantiarum conscius se præsentet, cum sciat verum Dominum peregrè profectum, & in itinere mortuum, vel quia implemet sacculum furatus erat, &c. Jam quæro ab omnibus; qui sermonem illum legerunt, an talis inventor, & reipsa, & ex mente Augustini non sit laude dignus, si post omnem diligentiam adhibitam, & sufficientem temporis expectationem viro illi inventum restituat? Si neges, & ipsum lumen rationis, & totum Augustini discursum tibi contrarium senties; si concedas, habemus intentum, quia voluntas conscientie invincibiliter erranti conformis bona est, & laudabilis. Et sane nemo non videt talem resti-

S. Augustinus contra-rius Celladeo.

restitutionem esse bonam, cum perspicuum sit, inventorem parem laudem mereri, si vero domino, si vero falso domino, sed invincibiliter credito vero, inventum restituat.

Error directus sepe fundat conscientiam reflexam veram & rectam.
 21. Dices. Voluntas restituentis inventum aut accommodatum in hoc casu non regulatur à cognitione erronea, sed à cognitione reflexâ verissimâ, & evidentissimâ, qua omnibus notum est, laudabile esse, talia in talibus circumstantiis restituere. At hoc admissio, numquam verificatur, voluntatem rationi erranti conformem esse bonam.

Respondeo replicam esse verissimam, & in omnibus ejusmodi casibus locum habere, utpote in quibus ultimum conscientiae dictamen est certum & evidens. Sed hoc nec suffragatur Celladeo, nec solvit argumentum. Non suffragatur Celladeo, quia ille nullas ejusmodi cognitiones reflexas, quibus conscientia certò regulatur, admittit. Non solvit argumentum, quia hic non loquimur de ultimo conscientiae dictamine reflexo, sed solum de directo, quod erroneum est, & cui voluntas est etiam conformis, quamvis aliae accedant cognitiones reflexae, à quibus potissimè regulatur. Ceterum quamvis tales cognitiones reflexae non darentur, adhuc doctrina allata esset vera, quia perspicuum est, talem voluntatem esse bonam ac laudabilem, quando reflexe consideratur. Unde reflexe scimus, errorem, si sit invincibilis, non tollere bonitatem ab actu regulato.

Præterea Augustinus in eodem sermone cap. 8. hæc habet. *Quid est magnum timere malum? magnum est non facere malum, magnum est amare bonum.* Unde subsumo. Sed sequens conscientiam invincibiliter errantem, liberè & ex electione sua non facit malum. Ergo magnum quid facit. Ergo bonam volitionem elicit; in rebus enim magnis, quæ mole carent, idem est esse majus & melius, ut alibi elegantissimè observat idem Augustinus, ideoque idem est magnum & bonum.

S. Augustinus tenet nullum actum esse indifferenter in individuo.

22. Legatur etiam Augustinus lib. de utilit. credendi, in quo multa ad fidem invincibiliter erroneam, & ad effectus ab illâ regulatos spectantia tradit, quos ut bonos, ac reipublicæ, naturæque humanæ proficuos approbat. Exemplum sumo ex cap. 12. ubi hæc habet. *Omne factum, si rectè factum non est, peccatum est. Nec rectè factum esse ullo modo potest, quod non à recta ratione proficiscitur.* Porro recta ratio est ipsa virtus: cui autem hominum virtus, nisi sapientis animo præsto est? solus igitur sapiens non peccat: stultus ergo omnis peccat nisi in iis factis, in quibus sapienti obtemperaverit, &c. Ex prima parte hujus textus perspicuum est, nullum opus, ex mente Augustini, esse indifferens in individuo, quia omne illud est peccatum, quod non est rectè factum. Nec quidquam rectè fit, quod non à rectâ ratione, ac à virtute & prudentia proficiscitur. At opus à tali ratione regulatum, non est indifferens, sed bonum. Et quidquid à tali ratione non regulatur, est peccatum. Ergo omne opus humanum vel est bonum, vel peccatum ex mente Augustini. At certum est, voluntatem, ab errore invincibili regulatam, non esse malam. Idque ex mente Augustini, & omnium est indubitatum. Ergo mens Augustini est, quod talis voluntas sit bona. Ecce quoad hoc punctum S. Augustinus S. Thomæ præluxit, nec dubium, quin uterque idem teneat, nempe idem prorsus esse opus humanum ac liberum excusari à peccato, & esse bonum.

23. In secunda parte hujus textus Augustinus

docet, utilius ac rationabilius esse rudibus, aliisque (quos ibi stultos nominat) si sapientibus per fidem obtemperant, quam si per rationem propriam seipsum gubernare satagant, eò quod omne illud sit peccatum, quod à sapientia ac recta ratione ortum non habet. Hinc subsumo, sed certum est, ex mente Augustini in eodem capite, quod liberi, parentibus non veris, sed invincibiliter existimatis obtemperantes, non peccent. Quis enim, ait, non videt pietatem, nisi ita sit (scilicet, nisi liberi credant hos esse suos parentes) sanctissimum generis humani vinculum, superbi summo scelere violari? Nam quis vel insanus eum culpandum putet, qui eis officia debita impenderit, quos parentes esse crediderit, etiam si non essent? Ergo liberi, errore invincibili decepti, non peccant colendo parentes putatos, & veros parentes non colendo. Ergo rectè faciunt ex mente Augustini, alioquin eo ipso peccarent.

Utilis est rudibus prudentibus credere quod proprio iudicio se gubernare.

24. Hinc sequitur ulterius, eos recta ratione directos operari, quia opus rectum non nisi ex præscripto rectæ rationis proficiscitur. Ergo opus ex errore invincibili ortum, ex mente Augustini, est opus virtutis. Unde sequitur Augustinum reipsa agnoscere, liberos sic errantes regulari in operando à ratione recta & sapienti. At illa ratio non est iudicium directè enuncians de honestate, & obligatione colendi hos & non alios, ut veros parentes, quia tale iudicium est erroneum; quod proinde nec verum est, nec sapiens juxta phrasim Augustini hoc loco, qui accipere videtur rationem rectam & sapientem non solum pro ratione vera, sed etiam pro ratione certa & manifesta. Ergo supponit dari aliam rationem reflexam, certam, sapientem, & propriè prudentem, à qua diriguntur, quæque dictum errorem, si forte intervenerit, respiciat tamquam circumstantiam objectivam, prout Auctores benignæ sententiæ fusè declarant, & ego hoc in opere non semel dixi, & dicturus sum, sed potissimè quæst. 41. ubi fusè de hac re tractandum erit. Quod si hoc non admittas, necessariò dicendum erit, ipsum errorem invincibilem esse ex mente Augustini rationem rectam; aliqua enim ratio recta est necessaria ad opus bonum, seu non malum. Ergo illa est vel cognitio directa invincibiliter erronea, vel cognitio reflexa vera, certa, & evidens. Quodcumque dicatur, doctrina Celladei everritur, & quæ à nobis tradita sunt, stabiliuntur. Ceterum utraque cognitio ad opus concurrir, sed diversimodè. Cognitio reflexa est certa & evidens, atque ad sapientiam seu prudentiam strictè acceptam pertinet. Ab hac cognitione voluntas immediatè dirigitur. Iudicium verò invincibiliter erroneum solum remorè concurrir ad opus à perfectâ & rigorosâ prudentiâ regulatum, quatenus est objectum novæ consultationis, ut dictum est, & loco citato explicabitur. Ceterum ipsa etiam ratio invincibiliter erronea oritur à prudentiâ strictè dictâ, nempe à cognitione certâ & evidenti, ut ostendi, quæst. 12. de cons. prob. à nu. 14. atque ab illâ merito vocatur ratio recta, seu rectè & prudenter elicit. Rursus eadem ratio est conformis appetitui recto, & ex hoc etiam capite non impropiè est, & vocatur ratio recta & prudens. Sed de his fusius quæst. 41. Interim præsens Augustini doctrina quomodocumque sumatur per omnia contrariatur Celladeo, nobisque per omnia consentit.

Liberi hâc nectè obtemperant parentibus etiam cum existimatis.

25. Rursus Augustinus lib. 22. contra Faustum, cap. 75. & refertur cap. quid culpatur. 23. quæst. 1. hæc

Subditus licet bellat si non conflet bellum esse iniustum.

hæc habet. Ergo vir iustus si forte sub rege, homine etiam sacrilego militet, rectè potest illo iubente bellare, si vice pacis ordinem servans, quod sibi iubetur, vel non esse contra Dei præceptum certum est, vel utrum sit, certum non est, ita ut fortasse reum faciat regem iniquitatis imperandi, innocentem autem militem ostendat ordo servandi. Hic duo dicuntur. Primum est, subditum militantem sub rege iniusta iubente, esse innocentem, modò non sit certum, regem iniusta præcipere. Secundum est, quod subditus ille rectè bellet. Unde subsumo: sed recta operatio apud omnes significat actum bonum & honestum. Ergo ex mente, immo ex expressis Augustini verbis habemus, voluntatem, tendentem in opera materialiter mala, aliquando esse rectam & bonam. Jam si unquam talis sit, utique talis est, quando error & ignorantia sunt prorsus invincibiles, ut in casu, quo subditus ille bellans, absque omni suspitione contrarii, crederet bellum esse iustum. Ergo Augustinus interminis expressis Celladeo contradicit.

Demum August. *epist. 126.* respondens cuidam, à quo propter virtutem, quam in se non agnoscebat, laudatus fuerat, expressè dicit, hunc laudem, seu dilectionem ipsi prodesse, etiam quoad meritum æternæ vitæ. Tibi, inquit, prodest ipsam diligere bonitatem: quam profectò diligit, qui eum diligit, quem credi bonum; sive ille se ita, sive aliter quam creditur, habeat. Deinde subdit hæc alia. *Vnus tantum in hac re conveniunt error: ne quisquam, non de homine, sed de ipso hominis bono, aliter sentiat, quam ipsa veritas postulat.* Ecce ex mente August. non officit bonitati, & merito actus, si quis inculpatè errer, applicando bonitatem, quam diligit, subjecto vel personæ, quam ob illam bonitatem falsò illi attributam diligit, modò bonitas, quam diligit, sit bonitas vera & non ficta; quod totum S. Doctor verbis sequentibus clariùs expressit dicens: Tibi ad mercedem beatitudinis (æternæ) quod ad hanc rem attinet; satis est, quod nos tales credens, quales oportet esse servos Dei, toto cordis affectu amplecteris.

Porro, ut etiam ad hunc locum August. rectè observat Esparza in *Appendice art. 201.* eadem quoad hoc est ratio de decepti. ne circa bonitatem personarum, & circa rerum bonitatem; quod & in se verum est, & conforme menti Augustini, qui idem prorsus tradit de errore circa res, ut constat ex *cap. quid culpatur*, jam proximè expenso, ubi expressè asserit, subditum rectè bellare, quando à Rege suo vocatur ad bellum revera iniustum, modò invincibiliter ignoret iniustitiam belli. Hoc autem est ipsum, quod hic contendimus.

26. S. Bernardus de *præcepto & dispensat. cap. 12.* tradit subditum in rebus incertis obedire debere suo superiori non aliter, quam si Deus id ipsum præciperet. Tum ostendit nil interesse subditi, sive superior impercipienda Dei voluntate fallatur, sive fallat in præcipienda. *Quidquid vice Dei præcipit homo, quod non sit tamen certum displicere Deo, haud secus omnino accipiendum est, quam si præcipiat Deus.* Et paulò post eum sibi objecisset: *Sed homines, inquit, facile falli in Dei voluntate de rebus dubiis percipiendis, & in præcipienda fallere possunt.* Statim respondet. *Sed enim quid hoc refert tua, qui confensus non es, præsertim cum teneas de scripturis, quia labia Sacerdotis custodiunt scientiam, & legem ex ore ejus requirunt, quia angelus Domini exercituum est? requirunt, dixerim, legem, non quam vel authentica ulla scriptura tradiderit, vel ratio manifesta probaverit; de hujusmodi quippe, nec præceptor expe-*

R. P. A. Terillo Regula morum. PARS I.

ciandus, nec prohibitor auscultandus est; sed quod ita latere, aut obscurum esse cognoscitur, ut in dubium venire possit, utrum Deus sic vel aliter forte velit, si non de labiis custodiens scientiam & ex ore Angelus Domini exercituum certum reddatur, &c. Ipsum proinde, quem pro Deo habemus, tamquam Deum in his, quæ non sunt aperte contra Deum, audire debemus.

Ecce Bernardus sentit, obedientem in rebus incertis laudabiliter ac meritoriè operari, etsi contingat opus materiale vere esse contra legem Dei, alioquin plurimum subditorum interesset, quod superior nec falleretur in cognoscenda; nec falleret in præcipienda Dei voluntate; plurimum enim nostrâ interest, quod opera nostra plena sint non vacua. At vacua forent, quoties superior erraret, si Celladeus verum diceret. Ergo plurimum nostrâ interesset, quod superior non erraret. nec ulla dari posset pax in obediendo. At Bernardus vult plenam in obediendo pacem, asseritque nostrâ non interesse, quamvis superior in incertis aut fallatur, aut fallat. Ergo talia opera obedientiæ per Bernardum sunt plena, bona, & proficua. Ergo Bernardus Celladeo repugnat.

27. Hinc alius Celladei error ex hac Bernardi doctrinâ refutatur. Celladeus contendit, nos nunquam posse per rationes reflexas magis certificari de honestate operationis, quam per cognitiones directas certificemur de honestate operis. Et sane, nisi hoc sustineat, tota ejus machina funditus ruit; quia si hæc certitudo reflexa semel admittatur, illa in omnibus aliis casibus controversis reperiri poterit, quod cum Celladeus perspicere haberet, omnem, ut consequenter proderet, certitudinem reflexam negavit. At Bernardus asserit, subditos in rebus directè incertis debere obedire, eosque securos reddidit de honestate obedientiæ, eò quod in talibus Deus non ab ipsis, sed à superiore requisiturus sit, an materialiter peccarint, nec ne. Præterea probat ex sacra Scriptura, & ex ratione, quod Deus velit subditos in casu tali obedire. Ergo talis obedientia est honesta. Nec mirum, quia providentia Dei fuisset manca, nisi subditis providisset de regula conscientiam formandi pro tali casu. At providentia Dei non est manca. Ergo providit de tali regula, illamque nobis manifestavit. Hæc regula, est ipsa Dei voluntas reflexa, quæ sibi complacet in obedientia subditi, implentis jussionem superioris materialiter malam, quando non constat illam esse prohibitam. Ergo dantur regulæ reflexæ, per quas certificamur de honestate operationis, quando desunt regulæ directæ; quibus de honestate operis certificemur. Errat ergo Celladeus docens oppositum, nec errat utcumque, sed in hoc ipso SS. PP. sacram Scripturam interpretantibus contradicit.

28. Idem Bernardus *cap. 17. de præcepto & dispensat.* expressis verbis docet, bonam intentionem, etsi in errore fundatam (intellige de errore invincibili) esse laudabilem, nec condigna retributione fraudandam, licet opus ipsum sit materialiter malum, & à Deo prohibitum; hæc enim habet. *Et quidem laude dignam dixerim, vel solum intentionem piam, nec planè condigna remuneratione fraudabitur in opere quoque non bono ipsa bona voluntas: attamen sine malo quocumque non erit decepta simplicitas.* Quod ultimum ideo dicit, quia opus illud est materialiter malum, quod est ali-quale malum, tam intellectus, quam voluntatis; intellectus quidem, quia deceptus est, quod

F

utique

Error in præcepto non nocet obedienti.

Subditus certior est de honestate operationis, quam operis.

Voluntas mali crediti boni est meritoria.

Amor personæ falsò creditur bonæ sapè est honestus, & meritorius.

Item & amor rei maior, si invincibiliter credatur bonæ.

S. Bernardus Celladeo contradicit.

utique illi malum est; voluntatis verò, quia volitio illa non est tam meritoria, quàm si non ex errore, sed ex cognitione certâ regulata fuisset, ut ex professo ostendat *quest. sequenti. Vide quest. 27. de consc. prob. à num. 30.* ubi hunc Bernardi textum expendens, ostendi illum à nobis contra adversarios stare, & quidquid in contrarium obiectum fuerat, dilui.

Bonaventura obedientiam in malo credita bono laudabilem esse asserit.

S. Bonaventura tract. de gradibus virtutum cap. 2. docet altissimum perfectissimumque obedientie gradum esse, cum obedimus homini indiscreto & discolori, & despecto, in persona Dei, qui multa imperat cum impetu, & sine discretionem & deliberationem, & quod utique inde consequens est, non pauca (tamen non manifestè) contraria rationi & legi Dei. Totum hoc confirmat S. Doctor ex verbis S. Petri epist. 1. cap. 2. & ad illa alludens hæc subiungit. *Quasi dicat, non est meritum magnum bonis & modestis obedire, sed malis & discoloris.* Tandem mentem suam aperte prodit, eam cautionem ad extremum adjiciens: Tamen caute videatur, ne obediat contra salutem: quod ex mente SS. PP. tunc solum evenit, quando quidpiam præcipitur, quod manifestè peccatum est. Hoc ergo excepto, dicendum juxta Bonaventuram, quaecumque obedientiam inculpatam esse bonam, & continere veram virtutem, etiam illam, in qua superior discolor aut indiscretus malum, quod tamen manifestè malum non est, præcipit.

Idem tradit S. Gregorius.

S. Gregorius Papa in 1. Reg. cap. 3. hæc habet. *Ad promerenda æterna vitæ gaudia non exquiratur qualitas operis, sed mortificatio propria, & exercitio alienæ voluntatis.* At in sententiâ adversariorum, nisi qualitas operis inspicitur, illudque bonum esse reperitur, obedientia nil juvat ad vitam æternam promerendam. Ergo contradicunt S. Gregorio, cujus verba ad omnem casum, in quo malitia operis non est manifesta, ex eo extendi convincuntur, quod sæpius inculcet ac iteret particulam exclusivam, ut cum in antecedentibus, de obediente loquens, dicit: *Nescit enim judicare, quisquis perfecte didicerit obedire, quia hoc tantum bonum putat si præceptis obediat.* Item, *obedientis animus in eo, quod agit, non nisi obedientie bonum pensat. Præceptum namque, in hoc solo pensari debet, quod majoris præceptum, &c.*

S. Ignatius Celladeo repugnat.

29. S. Patrem nostrum Ignatium allatis Sanctis adjungo, quia similia prorsus de obedientia tradit, idque non solum in Constitutionibus, sed etiam ex professo in Epistola de obedientia. Textus infra *quest. 46.* afferentur, & ponderabuntur, ex qua *quest.* multa huc transferri possent, sed ego malo eò Lectorem remittere, quàm nimis multa absque urgenti necessitate duobus locis repetere. Itaque his hoc loco omissis, aliquid ex libro exercitiorum spiritualium excerpiam, quia Paulus III. librum illum post rigidum ac diligentissimum examen approbans, discretissimè dicit, *se omnia & singula in exercitiis illis consenta Auctoritate Apostolica, ex certâ scientiâ approbare, collaudare, ac præsentis scripti patrocinio communit.* Itaque Ignatius propè initium in annotatione 15. vetat, tradentem exercitia impellere exercitum potius ad unum, quàm ad aliud vitæ institutum, & dat hanc rationem. *Licet extra exercitia licitum sit, & pro merito ducendum, si quis celibatum, religionem, & aliam quamcumque Evangelicam perfectionem amplecti suadeat in omnibus, quos ex personarum & conditionum ratione probabile sit fore idoneos; longè tamen convenientius meliusque est, inter exercitia ipsa id non attentare, sed Dei potius*

voluntatem querere & præstolari, &c. Ecce S. Pater non solum dicit eum non peccare, sed etiam meritorie agere, qui extra exercitia suadet religionem illi, quem probabiliter judicat ejusmodi statui esse idoneum. Et tamen optimè norat, homines, talia judicantes, in probabili illo judicio nonnunquam errare. Eos tamen & à peccato excusat, eorumque indulgentiam merito tribuit, quos imprudentie arguisset, si viros, tali statui non probabiliter creditos idoneos, ad id genus vitæ induxissent. At si indoneum inducant, benè faciunt, modò probabiliter judicent eum esse idoneum; maxime verò, si summè probabile sit, tales viros esse valde idoneos, nec ulla ratio in contrarium appareat. Et sanè exemplum hoc S. Patris est adeo manifestum, ut nemo videatur id posse negare. Sed saltem post Pontificis approbationem, adeo solemnem, nemo in posterum ejus rei veritatem negare audebit.

Agnoscit et putat errorem regulatū esse bonum.

30. Idem S. Pater in eodem libro, in generali conscientie examine sub finem tituli de loquela, explicat quandam liceat de alterius peccatis loqui, & dicit, non solum licitum esse loqui de publicis criminibus, sed aliquando etiam de occultis, quoties, scilicet, *occultum alterius crimen indicatur alteri, per cujus subventionem, ille relevatur à peccato possit: dummodo rei hujus probabilis aliqua ratio vel conjectura offeratur.* Ecce S. Pater in eadem doctrinâ pertransiit, eamque aliis etiam materiis applicat. Et quamvis hic solum dicat, licitum esse in eo casu delictum manifestare, non autem expressè addat, id esse meritorium, tamen absque dubio idem de hoc ac de priori actu sentit, quia eadem est ratio, ut patet. Et tamen qui sic manifestat delictum alterius decipi potest, illud ei revelando, qui non solum non est relevaturus peccatum, sed novum scandalum positurus. Itaque S. Ignatius, ejusque doctrina à sede Apostolica, etiam quoad hoc ipsum, approbata, nostram communemque sententiam confirmant.

Error probabilis fundat actum bonum.

Itaque hæc Celladei sententia aperte contrariatur communi Sanctorum Patrum sensui de merito ac studio obedientie cæcæ. Præter jam citatos, longum PP. Catalogum habes *quest. 46.* in qua ex professo tractatur de merito obedientie cæcæ, etiam in casu erroris. Omnes enim in eo conveniunt, quod nil referat, sitne superior bonus an malus, discretus an indiscretus. At multum profectò, immo plurimum subditorum interesset, superiorem bonum esse & discretum, si merito obedientie carerent, quoties superior malus aut indiscretus ex pravitate vel ignorantia malum præciperet, quando malitia rei præceptæ subditos lateret. Itaque sententia ista communi SS. PP. opinioni ac consensui repugnat. Eademque plurimum de merito studio obedientie cæcæ, à SS. PP. summopere laudatæ diminuit, cum sollicitos reddat omnes, ne superior sit malus vel indiscretus, ut patet; quia si ille mala præcipiat, quod à malo vel indiscreto superiori fieri primum est, subditus omni obedientie merito privatur, quamvis absque dubio existimet se bonum operari. Nemo ergo nisi imprudenter studio obedientie cæcæ se exerceret, cum per hoc ipsum periculo frustra in multis obediendi se committeret. Itaque sententia hæc, ex hoc etiam capite & falsitatis convincitur, & prorsus rejicienda est.

Opinio Celladei contrariatur SS. PP. & merito obedientie perfectæ immineat.

PRO-

PROBATIO TERTIA
Ex jure Canonico & communi Auctorum
consensu.

Pontifices
declarent
opus ex er-
rore invin-
cibiliorum
esse licitum
& bonum.

31. **E**ADEM assertio, meo judicio, satis aper-
tè definita est, in *cap. inquisitioni. 44. de*
sint. excom. ubi Innocentius III, declarat, quod
conjug, qui ex levibus tantum indicis, putat
suum matrimonium esse nullum, licet possit exi-
gere debitum conjugale, si ad consilium Pastoris
levem illam credulitatem explodat. Et quidem,
inquit, *ad sui Pastoris consilium (conscientiâ levis*
& temeraria credulitatis exp'osa) licet potest (con-
jux) non solum reddere, sed exigere debitum conjuga-
le. unde sic arguo. Quidquid Deus per Ecclesiam
declarat esse licitum, id certò licitum est, & à
Deo permissum. At Deus per Ecclesiam declarat,
petitionem debiti conjugalis esse licitam in cir-
cumstantiis dictis. Ergo illa certò est licita in illis
circumstantiis, & à fortiori, quando nulla pror-
sus adest suspicio de impedimento matrimonii.
Ergo Deus per Ecclesiam declarat, petitionem
debiti esse licitam in dictis circumstantiis, quam-
vis præter intentionem contingat, matrimonium
esse nullum, modò aut nulla omnino sit suspicio
de impedimento, aut certè si quæ fuerit levis tan-
tum & temeraria suspicio, conjug, debitum peti-
turus, illam ex Pastoris sui consilio explodat.
Ergo Deus per Ecclesiam declarat, petitionem
debiti conjugalis in dictis circumstantiis esse lici-
tam, quamvis illud postulans reguletur à con-
scientia erronea, quâ invincibiliter putat se à
propria uxore debitum petere. Hinc autem sequi-
tur, talem petitionem esse actum bonum & hone-
stum, quia certum est, quod conformetur vo-
luntati Dei permissivæ, aut etiam præceptivæ,
si loquamur de redditione debiti. At quidquid
tali voluntati conformatur, est bonum & hone-
stum, maxime si ideo ponatur, quia cognoscitur
esse conforme dictæ voluntati, cum per hoc pri-
mæ & infallibili omnis honestatis ac moralitatis
Theologicæ regulæ conformetur. Ergo voluntas,
rationi etiam circa prohibita jure naturæ invinci-
biliter erranti conformis, est bona.

Omnes
Theologi
Celladeo
contraria-
tur.

32. Demum constans & unanimis omnium
Theologorum sensus est, actus conformes judi-
cio invincibiliter erroneo esse moraliter bonos.
Neque ex Auctoribus, qui à centum annis scrip-
serunt, quemquam aliter sentientem reperio.
Sed apud Sanchez *lib. 1. in Decalogum cap. 11. pro-*
positus in fine, lego, Martinum de magistris, & An-
gestum docuisse oppositum, quorum opinionem
Almainus, & posteriores Theologi unanimiter
exploserunt. Porro omnes communiter, & effi-
caciter quidem, inde probant, tales actus esse
bonos, quod actus indubie specificentur à suis
objectis, non præcisè ut sunt in se, sed ut repræ-
sentantur per intellectum. Ergo si objectum in
se malum invincibiliter repræsentetur ut bonum,
malitia illius est prorsus involuntaria, nec influere
potest ad actum specificandum. Ergo actus
ille specificabitur à bono, quod invincibiliter
proponitur. Et sanè repugnat, actum non acci-
pere speciem à motivo, in quod tendit, juxta
rationem, sub qua tendit. At tendit in illud sub
ratione boni: Ergo actus accipit speciem bonita-
tis illius. Ergo est bonus, & quidem illa specie
bonitatis, quæ absque vitio intellectus aut volun-
tatis repræsentatur. Præterea verissimum moti-
vum virtutis repræsentatur, quamvis falso appli-
cetur huic objecto materiali. Ergo nil impedit,

R. P. A. Terribi Regula morum. PARS I.

quo minus verum motivum virtutis specificet
actum, ad quem movet, illique speciem ejusdem
virtutis tribuat.

33. Hæc ratio, etsi sola afferretur, efficaciter
concluderet intentum, verum mox plures affe-
ram. Sed & autoritas huic assertioni favens tan-
ta est, ut, infra infallibilem, vix aut ne vix qui-
dem major reperiat. Periculosum autem est à
ratione tam efficaci, & multo magis à tanta au-
toritate recedere, saltem sine gravissimis funda-
mentis, quibus certè Celladeum in hac re carere
paulò post in solutione objectionum convincam.
Nunc eo capite redarguendus est, quod cum in
operis sui initio jactet se ex sacra scriptura, & ex
SS. PP. doctrinam suam habere, in re tamen
tanti momenti, nec locum ullum ex sacra scrip-
tura, nec textum unum ex S. Patre, nullam Can-
onem, sed ne vel unum quidem Theologum
pro se citarit, aut ex famosis, qui à centum annis
scripserunt, ni fallar, citare possit. Quis ergo au-
debit illi soli contra talem testium nubem, &
contra auctoritatem tantam, rationemque tam va-
lidam assensum præbere?

Autoritas;
intra infala-
bilem, ma-
xima, tenet
opus ex er-
rore esse a-
liquando
bonum.

PROBATIO QUARTA
Ex multiplici ratione desumpta.

34. **P**ROBATUR primò. Quamvis intelle-
ctus in directa consideratione erret, ta-
men, si error sit invincibilis, per consideratio-
nes reflexas verissimas confligere potest ad for-
mandam conscientiam veram & certam de hone-
state operationis, ut constat ex allatis exemplis,
& fusè ostensum est in quaestionibus *de conscientia*
prob. & infra, multis in locis, pluribus convin-
cetur. Ergo licet error invincibilis per se non suf-
ficeret ad honestatem refundendam in actum,
honestas tamen, occasione illius erroris, sæpè
refunderetur in actum per principia reflexa certa
& evidentia, quæ dictant, opus illud hic & nunc
esse licitum, & à Deo permissum, ac proinde
illud conformari divinæ voluntati, quæ est prima
regula omnis honestatis. Ergo talis actus verè
est honestus. Sed de his exemplis plura inferius
dicenda erunt.

Ratio 1.

Præterea hinc sic arguo. Omne licitum ho-
nestè eligitur, si ad finem debitum ordinetur.
Ergo quod ex errore est licitum, honestè eligi-
tur, quando ad finem debitum ordinatur. Ante-
cedens est certum, quia omnia quoad speciem
indifferentia evadunt honesta, si ad finem bonum
ordinentur. Certè S. Paulus expressè consulit,
ut quæcumque facimus, ad Dei honorem facia-
mus. Nominat autem complures res quoad spe-
ciem indifferentes. Tenet consequentia, quia
quod ex errore licet, continetur sub universali ex-
pressionem antecedentis, nec est, cur unum ex
contentis per additionem boni finis potius evadat
bonum, quàm aliud. Præterea cum certò scia-
mus, opus ex errore invincibili factum non esse
malum, etsi ad nullum bonum finem ordinetur,
utique scimus illud ita acceptum esse indifferens,
id est nec bonum, nec malum; est ergo indifferens
quoad speciem. Ergo si addatur finis bonus, opus
illud æquo jure evadet bonum, ac quodvis aliud
opus indifferens.

Ordinatio
ad finem
bonum in-
ducit boni-
tatem in o-
pus.

35. Probatur secundò. Error invincibilis, quo
malum creditur bonum, vel bonum putatur
malum, duplex est; alius solum dictat illud esse
permissum, alius enunciat illud esse præce-
tum, vel vetitum. Prima ratio procedit in casu primi
erroris; hæc secunda arguit ex suppositione se-
cundi

cundi

F 2

Error in-
vincibilis ob-
ligans fun-
dat actum
bonum.

cundi erroris. Existimet iudex invincibiliter, se debere condemnare innocentem, legitime probatum reum (suppono jam sententiam illam esse falsam, quod si illa supponatur esse vera, exemplum ponatur in iudice invincibiliter credente se obligari ad innocentem, legitime probatum reum, non condemnandum, quia perinde est, in quo casu argumentum exemplificetur) dico voluntatem, tali iudicio conformem, esse bonam. Probatur sic, qui implet obligationem, qua inevitabiliter premitur, bene facit, quia voluntati Dei hic & nunc præcipientis obedit, illique se submittit; quod bonum est, & patenter honestum. At iste condemnando innocentem, implet obligationem, qua inevitabiliter premitur, quia invincibiliter credit se ad hoc obligari, quo errore stante sequitur certa persuasio, quod Deus in istis circumstantiis illum obliget ad innocentem condemnandum, quia verè tenetur ad illud faciendum, & ipse cerò scit se ad illud teneri, nec aliter posse obligationem implere, quam innocentem condemnando. Ergo bene facit hic & nunc innocentem condemnando. Idem argumentum à fortiori valet in casu reddentis debitum conjugale, quia Ecclesia expresse declaravit id reddi debere, quando non constat matrimonium esse nullum, &c.

Confirmatur: qui facit quantum scit & potest, ut peccatum vitet, & sic faciendo illud vitat, laudabiliter operatur, quia implet omnem obligationem, nec in ullo deest suo officio & obligationi. At iudex condemnans innocentem in casu allato, facit quantum potest ad vitandum peccatum, illudque sua libera electione vitat, ergo honestè & laudabiliter operatur.

Confirmatur secundò. Iudex ille format hunc discursum: Deus hic & nunc, omnibus inspectis, obligat me ad condemnandum innocentem; scio enim me inevitabiliter ad hoc ipsum obligari. Ergo bene facio illi obediendo. At non aliter illi obedire possum, quam condemnando innocentem, quia nisi illum condemno, inevitabiliter pecco. Ergo bene facio innocentem condemnando, quia stante hac persuasione, quam nec deo nec possum amoliri, verè obligor ad hoc faciendum.

Ratio 3.

36. Probatur tertio. Malitia moralis non est essentialiter connexa cum ullo objecto, cujus malitia invincibiliter ignorari potest, quia omne objectum ejusmodi poni potest ex tali ignorantia, & consequenter absque peccato. Ergo omne ejusmodi objectum est indifferens, ut refundat, vel non refundat malitiam moralem in sui prosecutionem, quia, prout substat hisce circumstantiis, inducit malitiam, sed prout substat aliis, illam non inducit. Unde sic arguo: objectum, quod prout substat variis circumstantiis, modò est, modò non est moraliter malum, est etiam indifferens, ut, prout substat aliis circumstantiis, evadat moraliter bonum. Ratio est, quia denominatio mali vel non mali moraliter in tali objecto completur per additionem harum, vel illarum circumstantiarum. Ergo ratio mali moralis separatur à tali objecto, quando circumstantiæ, quibus subest, nil mali includunt, ratione cujus prosecutio objecti in illis possit esse peccaminosa. Talis circumstantia est omnimoda incogitantia vel ignorantia invincibilis mali latentis, aut error invincibilis dictans objectum esse bonum. Ergo si objectum illud substat circumstantiis non solum non malis seu excusantibus, sed etiam bonis & ad bonum finem ordina-

Voluntate-
riori invin-
cibili con-
formis est
bona.

tis, evadet honestè eligibile; sicut enim istæ circumstantiæ efficiunt opus bonum, quod ex sua specie est indifferens, & auferunt malitiam ab eo, quod verè est malum, quia communicant suam qualitatem objectis, quibus applicantur; ita pariter eandem qualitatem bonitatis tribuunt malo, quod invincibiliter creditur bonum. Neque enim est causa aut possibilitas, ob quam reddant bonum, quod ex se bonum non est, aut efficiant non malum, quod naturâ suâ est malum, quæ æquè non probet, quòd non possint omne illud bonum reddere, à quo aliæ circumstantiæ omnem malitiam prius abscindunt. Stat ergo voluntatem errori invincibili conformem esse bonam.

37. Probatur quarto. Omne malum est involuntarium, quoties illius malitia invincibiliter ignoratur, aut reipsa invincibiliter creditur bona. Ergo malitia objecti in talibus circumstantiis nullo modo applicatur voluntati, sed in ordine ad actus humanos eodem modo se habet, ac si realiter non esset in ipso objecto; nil enim pertinentius se habet ad actus humanos, nisi quod est, & quatenus est voluntarium. Ergo quod non est voluntarium, ad illos perinde se habet, ac si non existeret. Sed si tale objectum reipsa non esset malum, hæc ipsa ejus electio in istis circumstantiis esset honesta. Ergo eadem hic & nunc est honesta, quamvis objectum ipsius sit reipsa prohibitum; tum quia hæc numero volitio, aut certè alia ejusdem penitus speciei, elicit fuisset in illo casu; tum quia malitia objecti nullo modo applicatur voluntati. Ergo sicut ob defectum hujus applicationis nequit malitiam refundere in volitionem, per quam ponitur, ita nequit impedire bonitatem & honestatem, quæ resultaret in prosecutionem ipsius, si abesset. Ergo voluntas conformis rationi invincibiliter erranti est bona.

Ratio 4.

38. Probatur quinto. Impossibile est, ut ex duobus hominibus unus bene, alter non bene operetur, quando uterque habet similes prorsus actus tam in intellectu, quam in voluntate. Ratio est, quia omnis perfectio nostra est nobis intrinseca, nemo enim per extrinsecum perficitur formaliter; si omnia intrinseca maneant prorsus invariata. Præterea Deus, utpote acquissimus Iudex, unumquemque amat aut odit juxta qualitatem actuum, quos elicit. Ergo non potest unum amare, & alterum non amare, si uterque similes prorsus actus eliciat. At amaret unum & non alterum ob actus prorsus similes, si unus illorum bene, & alter non bene ageret. Ergo fieri nequit, ut unus illorum bene agat, quin alter etiam honestè operetur. Tertio demum, similis causa formalis in eodem subjecto semper dat similem effectum formalem. Ergo si hi actus reddant hunc hominem bene operantem, alii actus prorsus similes cum etiam bene operantem constituent; alioquin formæ prorsus similes eodem subjecto inexistentes constituerent composita dissimilia, ac specie diversa, quod repugnat. Hinc sic arguo. Si voluntas rationi invincibiliter erranti conformis non esset bona, ex duobus habentibus actus prorsus similes in intellectu & voluntate unus bene, alter non bene operaretur. At consequens est falsum. Ergo & antecedens. Sequela majoris est evidens in casibus innumeris. Sufficiat unum expendere. Contingit sæpè duo matrimonia celebrari in circumstantiis apparentibus omnino similibus, quamvis ex una parte & non ex alterâ detur impedimentum matrimo-

Ratio 5.

Duo, simi-
les actus ha-
bentes, co-
dem modo
operantur.

nii.

nii. In hoc casu conjuges isti bonâ fide petentes & reddentes debitum habent actus prorsus similes, tam in intellectu quàm in voluntate, cum omnia specificativa talium actuum sint prorsus similia, actusque illi eodem modo repræsentent sua objecta, atque eodem modo erga illa afficiantur. Nihilominus unus eorum invincibiliter errat. Ergo si voluntas illius non sit bona, ille petendo & reddendo debitum non bene faciet. Alter tamen bene facit. Ergo sequela majoris est manifesta. Idem argumentum locum habet in omni casu erroris invincibilis, ut patet.

Ratio 6.

39. Probatur sextò. Omnis actus prudens est honestus. Sed voluntas conformis rationi invincibiliter erranti est prudens, & regulatur à judicio prudenti, quia tam actus voluntatis regulatus, quàm actus ille erroneus regulans est conformis appetitui recto, ideoque est propriè prudens, ut ostensum est *quaest. 12. de conscientia probabili à num. 14.* & fusius declarabitur inferius *quaest. 41.*

Ratio 7.

40. Probatur septimò. Omne iudicium invincibiliter erroneum, & omnis volitio à tali iudicio regulata originem ducunt à iudicio prudente, certo & evidente, & à voluntate certo honestâ, à quibus derivantur tamquam effectus à propria causa, & sunt fructus proprii talis arboris. Ergo sunt actus boni & honesti, quia *omnis arbor bona bonos fructus facit*, testante Christo *Matth. 7. vers. 17.* Et sane impossibile est, ut quod per propriam causalitatem à bono descendit non sit bonum. Tenet ergo consequentia. Antecedens latè probatum est *quaest. 12. de conscientia prob.* ex qua argumentum, quo usus sum, breviter sic expono. Omne iudicium obscurum dependet ab imperio voluntatis, & quia non datur processus in infinitum, necesse est, ut iudicium, à quo voluntas imperans dirigitur, sit evidenter verum, alioquin opus esset alio imperio, & consequenter alio iudicio, & sic in infinitum. Ergo imperium imperans assensum invincibiliter erroneum est bonum & honestum, quia dirigitur à cognitione vera & evidente. Rursus cognitio evidens, à qua voluntas imperans assensum obscurum dirigitur, non impertinenter se habet ad iudicium imperatum, sed dicat, iudicium illud rectè ac laudabiliter imperari. Ergo iudicium invincibile subsequens ortum sumit à cognitione vera, & à volitione honestâ. Ergo non potest non esse iudicium prudens, & ratio recta, cum sit conforme appetitui recto antecedenti, à quo regulatur, & imperatur. Jam si hoc iudicium erroneum dicat, aliquid esse bonum, quod est malum, & multo magis si dicat aliquid esse præceptum, quod verè est prohibitum, perspicuum est, volitionem objecti sic propositi esse connaturalem ac immediatum effectum iudicii erronei, à quo dirigitur, quia homo non nisi turpiter & peccaminosè sistere potest in illo iudicio, omitendo ulteriorem illius causalitatem, ut patet. Ergo à primo ad ultimum tam iudicium invincibiliter erroneum, quàm volitio ab illo regulata ortum sumunt à cognitione certâ & evidenti, ac à volitione certò honesta per conformitatem cum suo objecto. Ergo sunt actus prudentes, boni, & honesti; quia quod per directam causalitatem sequitur à prudentia & honestate, non potest non esse prudens, bonum, & honestum. Si plura de hoc argumento cupias, lege *quaest. 12. proximè citatam à num. 14. usque ad finem*, maxime verò *num. 21. & 22.* ubi plura huc spectantia, & qui-

R. P. A. Trilli Regula morum. PARS I.

dem perspicue veritatis efficaciter stabilit, invenies.

41. Probatur octavò. Actus, conformis regulæ suæ proximæ à Deo institutæ, & cui ille vult actionem conformari, est bonus, rectus, & honestus. At voluntas, conformis rationi invincibiliter erranti, est conformis regulæ suæ proximæ, nempe conscientie optimo modo nobis possibili constitutæ, cui Deus vult & jubet nos actiones nostras conformare, quoties illa proponit rem ut præceptam, & semper permittit actionem poni juxta illam. Nec dubium, quin Deus ipse homini lapsò regulam hanc stabiliverit pro ejus directione, cum aliter aut melius dirigi non possit. Ergo voluntas conformis rationi erranti est bona.

42. Probatur nonò. Omnis actus liber, qui procedit à voluntate in omnibus rectè dispositâ est bonus. Sed omnis actus conformis rationi invincibiliter erranti est actus liber, qui procedit à voluntate rectè disposita. Ergo omnis actus conformis rationi invincibiliter erranti est bonus. Consequentia haud dubiè legitima est. Major patet, quia actus liber est actus potentie volitive, ideoque non potest non imitari dispositionem potentie, à quâ procedit. Ergo si dispositio potentie illius sit bona, actus, qui prodit à potentia sic dispositâ, erit bonus, sicut erit malus, si prodeat à potentia malè dispositâ; quia arbor bona bonos fructus facit, & arbor mala malos, nec aliter potest evenire. Minor ex eo constat, quod homo, bona fide sequens dictamen conscientie invincibiliter errantis, amet motivum virtutis, ideoque ut optimè constitutatur alio non indiget, quàm rectificatione intellectus, quod pluribus probabitur *questione 41.* Ergo talis homo nullum habet defectum ex parte voluntatis.

43. Atque hinc iterum sic arguo. Quod procedit à corde rectè disposito bonum est, & placitum coram Deo & hominibus; coram Deo quidem, quia ipse intuetur cor, & non secundum faciem, sed juxta cordis dispositionem judicat. Præterea ipse Deus in sacris literis frequenter laudat eos, quorum cor erat rectum coram ipso, eosque reprehendit, quorum cor rectum non erat. Ratio est, quia omnis actus meritorius & demeritorius est proprium opus cordis; omnis enim virtus, & omne peccatum è solo corde procedit. Unde si cor sit rectum, omnia bene procedunt coram Deo, qui scrutatur corda & renes, & intuetur cor, & judicat non secundum faciem, sed secundum cor. Ratio autem id ipsum evincens est perspicua, quia Deus nil emolumenti aut detrimenti accipit ex operibus nostris, sed hoc unum à nobis exigit, ut ipsum honoremus, & quantum possumus voluntatem ipsius impleamus, atque ut illum sincero corde diligamus. Hoc qui præstat, Deo placet, & Deo Deique voluntati jungitur. Ergo bene operatur. Atqui perspicuum est, hæc omnia ab illo impleri ac perfici, qui sequitur conscientiam invincibiliter errantem, quia Deum honorat, & ad Dei placitum divinique præcepti impletionem, quantum scit & potest, anhelat. Ergo bene facit.

Idem locum habet in humanis; nemo enim non amaret hominem, qui omnia faceret, quæ, post omnem diligentiam in veritate indagandâ adhibitam, invincibiliter putaret ipsi placere, quamvis per accidens contingeret illum errare. Ratio est, quia opus ex bono & amabili affectu

F 3

proce-

Judicium
invincibiliter erroneum
est ratio recta.

Ratio 8.

Ratio 9.

Opus bonum
est in
vincibiliter
regulatum
procedit à
corde bono &
recto.

procederet, ideoque voluntas executiva operis esset amicabile, & consequenter homini grata, quidquid sit de opere secundum se considerato. Jam si hoc locum habeat in homine, cui opus ex errore patratum potest esse nocivum, etsi credatur proficuum, multò magis locum habet in Deo, cui nil damni potest inferri.

Natio 10.

44. Probatur decimò, exemplis manifestis. Primum sumitur ab uxore reddente debitum viro non suo, sed qui absque ullâ ratione dubitandi invincibiliter creditur esse suus. Talis redditio debiti est non solum licita, sed præcepta, ut constat tum lumine naturæ, tum ex perspicuâ Ecclesiæ declaratione, in cap. inquisitioni, de sententiâ excom, & cap. Dominus, de secundis nuptiis, ergo est honesta. Et sanè, quis non videt talem feminam eo titulo laudabilem esse, quòd viro suo debitum reddat, sicut esset vituperabilis, si illud denegaret. At nemo laudabilis est, nisi propter actum virtutis, ut patet. Ergo talis redditio debiti est honesta.

Secundum exemplum est Judicis ex errore invincibili condemnantis reum, legitimè convictum criminis. Judex enim per hoc quòd hic & nunc talem hominem damnet, munus suum implet, à quo turpiter desisteret, nisi illum mortis reum pronunciaret, mortique traderet. Ergo Judex aliquando honestè dignat innocentem, quia propter talem damnationem omnes illum laudant; nec solum illum laudant, quamdiu præsumptio manet, quòd à testibus deceptus non fuerit, sed etiam postea, quando aliunde constat, testes falsa deposuisse, dummodo simul constet, Judicem partes suas implevisse, & invincibiliter ac inculpabiliter deceptum fuisse. Hæc laus, judici taliter judicanti ab omnibus attributa, est evidens indicium, quod bene fecerit taliter judicando.

Liberi obtemperantes parentibus putativis implent legem naturæ.

45. Tertium exemplum sumitur à filio familias negante obedientiam filialem, & alia obsequia vero patri, eaque tribuente patri invincibiliter existimato; filius enim iste licet ac laudabiliter negat obedientiam patri vero, modò nullam habeat, aut habere possit notitiam, quòd sit ipsius pater. Similiter honestè tribuit obsequia filialia illi, qui non est nisi putativus ipsius pater. Nec mirum, quia sicut meretur vituperium, qui patri taliter putato non obtemperat, ita laude dignus est, qui cæteris paribus ejus voluntatem alienæ suasioni ac voluntati præfert, cum per hoc ita impleat præceptum naturale, quo unusquisque ad obedientiam parentibus exhibendam obligatur, ut aliter illud implere non possit. Et sanè negare, liberos sic operantes rectè & bene facere, est negare, homines implentes legem naturæ bene facere. Certè liberi isti non aliter implere possunt legem obediendi parentibus, quam operando ut operantur; quia aliter operando illam violarent, ut patet.

46. Quartum exemplum sumitur à fidelibus Eucharistiam cultu latræ adorantibus. Haud dubiè enim talis adoratio licita est & honesta, etsi adorantes eam, certi non sint Christum verè latere in Hostia, quam adorant. Hoc posito sic, contingit aliquando hostiam cultui expositam non esse verè consecratam, ita tamen ut defectus consecrationis ab astantibus nullatenus discerni possit. In hoc casu adorantes Eucharistiam eisdem prorsus actus eliciunt tam in intellectu, quam in voluntate, quos eliciissent, si hostia verè consecrata fuisset, ideoque non minus honestè operantur, quam quando hostiam verè

consecratam adorant. Ergo æquè sanctè operantur in uno ac in alio casu. Sed & ipsi rustici talem adorationem exhibentes certò sibi persuadent, & clarè vident, se in hoc honestè operari. Plurima alia ejusmodi exempla sunt obvia. Puta possessoris retinentis rem verè alienam, atque de illa eleemosynam largientis, quando ne per umbram quidem suspicari potest, rem illam ad se non pertinere. Adde tam religiosum obedientem Prælato, quàm subditum sub rege bellantem, quando invincibiliter credunt, omnia iusta juberi. Idem valet de medico, qui juxta artis præscriptum invincibiliter errat ob latentia morbi signa, & medicinam noxiam præscribit. Hi omnes bene agunt, & norunt se bene agere, etsi error in judicium fortè irrepit.

47. Jam nos in hisce omnibus certam & indubitam honestatem agnoscimus, non quia opus ipsum secundum se sit honestum, sed quia quamdiu ita se res habent, ut, factè omni diligentia, nemo nisi imprudenter & temerè dubitare possit, quin res illa sit materialiter honesta, statim per principia reflexa conscientia certa & evidens formatur de honestate operationis, quidquid sit, an opus ipsum secundum se verè sit tale, an solum putativè tale habeatur. Scio, Celladeum non libenter audire quidquam de istis discursibus reflexis, sed, velit nolit, veritas stabit, & unicuique oculos non claudenti patefiet. Quis enim non videt, homines in talibus casibus operantes longè certius agnoscere, se non peccare, sed bene & laudabiliter operari, quàm quòd in discursu suo directo non errent? At hæc major certitudo, aliunde provenire nequit, quàm à principiis reflexis, ut patet. Ergo illa locum habent, ubi principia directa desunt, majoremque certitudinem afferunt, quàm quæ à principiis directis haberi potest.

48. Præterea si Celladeus, aut alius quisvis neget hujusmodi exempla vim habere, asseratque nullas hujusmodi actiones bonas esse, aut ullam moralitatem habere, profectò is plurimas, nobilissimas, atque etiam difficillimas vitæ humanæ actiones, pro quibus homines ab omnibus naturæ instinctu laudantur, omni honestate privabit, quod quàm à ratione alienum sit, nemo non videt. Quod si dicat, actiones istas esse bonas, ut omnis cordatus dicere debet, tota ipsius machina funditus evertitur, & quidquid contra benignam sententiam congescit, atque supra debile hoc fundamentum extruxit, sponte labitur; neque enim ulla ratio afferri poterit, ob quam actiones istæ, etsi materialiter malæ, evadant bonæ, quæ universaliter non probet, omnes omnino actiones, à judicio practicè probabili regulatas, non solum ab omni turpitudine esse immunes, sed etiam, quod consequens est, easdem laudabiles esse & honestas, quod unice *hic in quæst.* probandum suscepimus.

SOLVUNTUR OBJECTIONES.

49. **O**BJICIT primò. Qui dicit, conscientiam erroneam facere operationem bonam, dicit, conscientiam erroneam facere voluntatem rectam; nam omne bonum est rectum. At hoc est dicere, conscientiam erroneam esse rectam, quia nil potest esse rectum per hoc, quod conformetur non recto. Ergo qui dicit voluntatem conformem conscientiæ erroneæ, per conformitatem ad illam, esse rectam, dicit conscientiam erroneam esse rectam, quæ est aperta contra-

Objeçio 3

contradictio; quia est dicere, conscientiam non rectam esse rectam, cum conscientia recta distinguatur ab erroneâ. At idem valet de ratione errante, quia ex ratione errante sæpe resultat conscientia erronea. Et sanè, dicere operationem esse rectam per conformitatem cum regulâ errante, seu non rectâ, perinde est ac dicere, lineam esse rectam, quæ ducitur juxta processum lineæ curvæ. Ita Celladeus §. 2.

Celladeus non imitatur S. Thomam, quem sequi præterit.

50. Respondeo mirum mihi videri, quòd Celladeus, ex occasione doctrinæ S. Thomæ hæc tractans & obijciens, nullibi mentionem fecerit distinctionis conscientiæ vincibiliter & invincibiliter erroneæ, cum tamen S. Thomas totus sit in eâ distinctione explicandâ, & juxta illam totam suam doctrinam tradat. Nonne mirum est, virum doctum præterire se sequi alium, illiusque vestigiis inhzere, atque in ipsius ratiocinatione se fundare, & tamen in toto suo discursu non uti nisi terminis generalibus absque ulla distinctione, cum tamen ille alius totus in eo sit, ut terminos generales distinguat in membra opposita, atque juxta terminos sic distinctos quæstionem resolvat? Hoc præstat Celladeus, quia præterit sequi S. Thomam, aliis tamen quàm generalibus terminis conscientiæ erroneæ non utitur, cum S. Thomas totus in eo sit, ut erroneam conscientiam in vincibiliter & in invincibiliter erroneam distinguat, & juxta distinctionem illam quæstionem resolvat. Hoc præmissum.

In primis respondeo, argumentum procedere de subiecto non supponente, quia in præsentia casu erroris & ignorantie invincibilis, intellectus per principia synderesis reflexa confurgit ad formandum ultimum conscientiæ dictamen certum & evidens, & hæc est regula, cui operatio honesta conformis est, & à quâ rectitudinem accipit. Itaque nos nunquam dicimus, conscientiam erroneam, sed solum conscientiam rectam ac veram reddere operationem rectam & bonam, ut patet. Equivocatio Celladei in eo est sita, quòd confuderit dictamen directum & non ultimum cum ultimo dictamine conscientiæ, & quia sæpe contingit primum falsum esse, quando secundum est verum, arguit, ac si nullum esset aliud dictamen, quàm illud erroneum, quod est ex subiecto non supponente procedere.

Conscientia invincibiliter erronea est recta.

51. Verùm demus Celladeo, nullum in ejusmodi casibus exfurgere conscientiæ dictamen certum & evidens, sed solum incertum & probabile. Hoc posito sic. Judicium istud, saltem quando verum est, sufficit ad refundendam honestatem in actum. Ergo simile dictamen, etsi sit falsum, honestatem etiam refundet in operationem, quia similes causæ haud dubiè similes effectus produciunt. Dixi, simile dictamen, id est, dictamen invincibiliter erroneum, quia hoc solum, ut pote simili motivo nixum, & à simili volitione imperatum, est simile judicio probabili vero, ut patet. Itaque, stante hypothesi, dico conscientiam invincibiliter erroneam esse conscientiam rectam, non per conformitatem cum suo objecto, sed per conformitatem cum appetitu recto, ut ostensum est *quæst. 12. de cons. prob. 2. num. 14.* & infra fusè deducetur *quæst. 41.* Præterea talis voluntas est recta, quia conformis est omnibus legibus, quibus homo illam eliciens verè ligatur. At quod illis conforme est, & ab illis regulatur, est rectum, ut patet. Est etiam recta, quia originem ducit à primo dictamine vero, quod enunciat, illam honestè, laudabiliter, ac rectè elici. Rursus est regula, quam

Deus lapsis hominibus dedit, ut illi suam operationem conformarent, quia Deus aliam illis regulam proximam non dedit, quàm quæ ab illis haberi potest, id est optimum dictamen, quod per debitam diligentiam haberi potuit. Neque enim aliud à nobis exigit Deus in conscientia formandâ, quàm ut illam formemus optimo modo, quo possumus. Ergo qui conscientiam sic format, adhibet regulam, quam Deus vult illum adhibere, & cui vult operationem ipsius conformari. Talis autem operatio bona est, quia conformis est regulæ à Deo institutæ.

52. Nec dicas, nullam rationem erroneam esse rectam; conscientiam autem illam supponi erroneam, ac proinde non esse rectam. Nam contra est, quia tamen ratio illa non sit logicè recta, sed erronea, tamen, ethicè loquendo, recta est, cum in ordine ad operationes humanas dirigendas æquivalet veræ, & juxta considerationem moralem habeatur instar cognitionis veræ, quamvis ipsa logicè loquendo à veritate aberrat. Hoc autem est rationem esse ethicè rectam. Stat ergo, conscientiam invincibiliter erroneam, esse solum logicè falsam, sed ethicè rectam. Et sanè in hoc omnes ethicam tractantes naturæ ductu cum Aristotele consensisse videntur, quia omnes conscientiam ac rationem dividunt, non in veram & falsam, sed in rectam ac erroneam; qua certè locutione aliud significare intendebant, quàm conscientiam logicè loquendo esse veram aut falsam. Itaque, nomine conscientiæ erroneæ simpliciter dictæ solum intelligebant conscientiam vincibiliter errantem, & illam opposuerunt conscientiæ in latiori significatione rectæ, tanquam membrum prorsus oppositum, sicut reuera oppositum est. At, nomine conscientiæ in latiori significatione rectæ, intellexerunt conscientiam invincibiliter formatam, illa enim est regula hominibus data, & consequenter est apta regulare operationem rectam, ac proinde ipsa ethicè recta est. Rursus illa eadem est conformis appetitui recto, & à judicio vero, rectæque voluntate suam originem ducit, ideoque recta est in sensu ethico, in quo solum nunc loquimur, etsi logicè loquendo recta non sit, cum logici ad solam veritatem seu conformitatem cum objecto, ethici verò potissimè ad leges divinas, & regulas à Deo statutas, ac ad operationes intellectus & voluntatis à quibus actiones nostræ derivantur, respiciant, ut illas rectas nominent. Dicimus ergo, retentâ hypothesi, conscientiam invincibiliter erroneam esse ethicè rectam, in quo nulla est contradictio, nisi quam Celladeus falsò imaginatus est; neque enim sunt membra opposita, conscientia logicè erronea, & conscientia ethicè recta, sed solum conscientia ethicè seu vincibiliter erronea, & conscientia recta, ut constat ex dictis, & stante hypothesi, ex unanimi omnium consensu (si Celladeum excipias) convincitur.

Ratio erronea logicè, sæpe est ethicè recta.

53. Respondeo tertio, rationem seu conscientiam invincibiliter erroneam non errare in representando vero motivo virtutis, sed solum in illo indebitè applicando materiali objecto. Hoc perspicuum est, totamque objectionem evertit. Conscientia siquidem logicè erronea, non aliter reddit volitionem bonam & rectam, quàm quia repræsentat verum motivum virtutis, à quo actus voluntatis specificatur. Fateor ergo, nil esse posse rectum per hoc, quod conformetur non recto, si illud non sit rectum in eo, à quo alterum debet rectificari. Sed si conformetur non recto

Error invincibilis non errat in eo, quod regulat honestatem.

In eo, à quo non debet rectificari, hoc non impedit illius rectitudinem, modò conformetur illi in eo, à quo solo rectificari debet. Doctrinam hanc, paulò subtiliorem sed verissimam, exemplo declaro: existimet quis, se mortaliter peccasse, quando nullo modo peccavit. Excitet se homo ad actum contritionis de peccato suo existimato, non vero, atque per contritionem detestetur opus illud tamquam crimen verè à se commissum. Hic actus voluntatis regulatur à iudicio falso, quo homo ille iudicat se indigere contritione ad destruendum peccatum, & gratiam re.uperandam, quod iudicium falsum est, sicut illud, quo credit se mortaliter peccasse. Jam contritio elicitur imitatur ista iudicia, quia detestatur illud tamquam peccatum actuale à se commissum, quod peccatum non est, sed actus bonus, ut contingere potest in multis casibus. Ergo contritio illa procedit de subiecto non supponente ex parte objecti materialis, immo aliquando detestatur bonum, quod certè honestè detestari non potest, nisi ex errore credatur malum. Nihilominus actus ille contritionis bonus est & rectus, quia conformatur iudicio proponenti verum motivum contritionis, cui motivo actus voluntatis conformari debet, ut ab illo speciem seu perfectionem contritionis accipiat. At iudicium non errat in hoc motivo debite representando, quamvis erret indebitè applicando illud objecto materiali. Hæc rectitudo representandi verum motivum virtutis sufficit, ut actus amans illud motivum accipiat speciem talis virtutis, & evadat honestus, quia per hoc fundatur in vero motivo virtutis, & ab illo suam speciem & perfectionem accipit. Porro omnis alius error in iudicio, quo voluntas dirigitur, materialiter se habet, quia actus regulatus ab illis prædicatis speciem & perfectionem suam non sumit.

Quod si actus intellectus non proponeret verum motivum virtutis, actus regulatus ad eam virtutem non spectaret; sicut enim erraretur in motivo proponendo, ita erraretur in specificativo actus, qui propterea non esset actus talis virtutis, quamvis invincibiliter crederetur esse talis. Sed si verum motivum virtutis representetur ac ametur, actus erit honestus in illa specie virtutis. Nec obstat, quòd idem actus non conformetur objecto materiali, cui illud motivum indebitè applicatur; hoc enim impertinens est ad moralitatem actus, ut videre est in contritione detestante peccatum ut existens, quod verè non existit: nec alia desunt exempla; sed illud aliis prætulimus, quia neminem credo dubitaturum, an talis actus sit bonus, eo quòd tendat in objectum materiale non verum, sed solum representatum.

Aequivocatio Celladei, & nullitas argumenti potissimi.

54. Itaque redeo ad argumentum, & dico, actum voluntatis esse posse rectum per hoc, quod conformetur iudicio non recto in compositione vel divisione terminorum, si sit rectum in eorum propositione, seu representatione; quia iudicium illud est rectum in eo proponendo, à quo actus voluntatis specificari debet; hoc autem sufficit, ut actus regulatus suam speciem accipiat. Jam ratio seu conscientia invincibiliter erronea in tantum dicitur recta, seu in tantum est regula, in quantum post debitam diligentiam representat verum motivum virtutis, quia per hoc solum concurret ad specificandum actum regulatum, qui ab altero prædicato, in quo error residet, non specificatur. Nullam ergo contradictionem incurrimus; non enim dicimus, con-

scientiam simpliciter erroneam esse simpliciter rectam, sed solum dicimus, eandem rationem esse logicè erroneam & ethicè rectam, seu, quod idem est, solum dicimus, eandem rationem esse erroneam secundum quid, & rectam secundum quid, quia est erronea in uno prædicato, sed non in alio; non enim errat in representando vero motivo virtutis, quamvis illud indebitè uniat objecto materiali. Itaque paritas lineæ curvæ non urget, quia lineæ curvæ nil habet, per cuius conformationem alia lineæ reddi possit recta. At iudicium, solum erroneum in compositione terminorum, habet representationem veri motivi virtutis, per cuius applicationem fit, ut actus illi comensuratus, & ab illo regulatus sit actus veræ virtutis. Ergo paritas illa nulla est.

Hinc habetur ratio à priori distinctionis allatæ de rectitudine ethicè ac logicè respectu unius ejusdemque actus intellectus; nomine enim rectitudinis ethicæ aliud non intelligimus, quam conformitatem iudicii cum appetitu recto antecedenti, unà cum representatione veri motivi virtutis, cumque similibus in responsione ponderatis; quia hæc sunt, quæ requiruntur & sufficiunt, ut actus à tali iudicio regulatus constituatur in specie virtutis, & sit honestus. Rectitudo autem logica est conformitas iudicii, quatenus componit vel dividit terminos, cum objecto quod representat. Error ergo logicus est dissonantia in uniendis vel dividendis terminis propositionis. Jam ille error optime coheret cum rectitudine priori. Nulla ergo umbra contradictionis invenitur in eo, quòd voluntas rationi invincibiliter erranti conformis sit bona.

55. Obijcit secundò. Nulla operatio, quæ non elicitur ab aliquâ virtute morali est honesta. Sed nulla operatio conformis rationi erranti elicitur ab ullâ virtute morali. Ergo nulla operatio conformis rationi erranti est honesta. Probat minor: virtus moralis definitur, quæ facit ut homo operetur conformiter ad rationem rectam. Sed ratio errans non est ratio recta. Ergo nullus actus conformis rationi erranti elicitur ab ullâ virtute morali. Ergo nullus talis actus est bonus. Ita Celladeus §. 3.

Respondeo, argumentum hoc eadem, quæ præcedens, æquivocatione laborare, eandemque prorsus solutionem admittere, in quâ adhibendâ cum nulla sit difficultas, opus non est illi solvendo inhzrere.

56. Obijcit tertio. Nulla datur accusatio, ac proinde nulla defensio per se loquendo est necessaria pro operatione bonâ. Sed quoties voluntas concordat rationi erranti, per se loquendo datur locus accusationi, ac proinde necessaria est defensio; quia omnis operans contra legem legitime accusatur, & opus habet defensione; quæ si sit legitima, absolvitur; si illegitima, vituperatur, ut videre est tam in foro, quam in familiâ. Ergo nulla voluntas concordans rationi erranti est bona. Ita Celladeus §. 3.

Respondeo majorem veram esse de quâvis operatione, modò constiterit eam esse bonam. Cæterum si bonitas ac malitia actionis revocetur in dubium, utique, stante tali ignorantia, locus datur accusationi, ac proinde, stante tali hypothesi, per se loquendo necessaria est defensio, per quam ostendatur, quòd actio illa non sit mala sed bona, quamvis ejusmodi defensio non sit simpliciter necessaria per se, quasi verò necessitas illius in ipsâ operatione bonâ fundetur. Quod

Rectitudo ethica ob-
scientiæ, in
quo differat
à rectitudi-
ne logicæ e-
jusdem?

Obijctio 2.

3

Obijctio 3.

Operans est
errore in-
vincibili,
per se nulla
indiget de-
fensione,
sed solum
per accidens.

ad

Bene operans, per accidens, ali- quando de- fensione in- diget.

ad minorem attinet, illa in sua universitate falsa est, quia includit operationes tam vincibili quam invincibili errori conformes; nam etsi operationes à vincibili errore regulatae sint per se accusabiles, & damnabiles per titulum in ipsa operatione ejusque causis fundatum, tamen operationes ab errore invincibili profectae non per se sed solum per accidens accusari possunt. Non per se, quia titulus accusandi fundari nequit neque in ipsa operatione secundum se, neque in causis ipsius operationis, cum omnia ista ab omni malitia sint prorsus immunita. Unde nemo ob talia opera in iusto Dei iudicio accusabitur. Nec mirum, quia illa sola sunt per se accusabilia, quae, cum veritas confiteretur, sunt condemnabilia; illa enim sola habent in se meritum & titulum accusationis ac damnationis iustae, ut patet. At, quoad nos & per accidens, talia opera subjacent accusationi, & consequenter defensione indigent, quia cum ignorantia ipsa, & multò magis invincibilis ignorantia non praesumatur, tam in foro quam in familia legitime accusantur, qui contra legem operati sunt. Verum illa accusatio merè accidentaliter se habet ad operationem ipsam, ejusque causas, quia fundatur in ignorantia rei gestae, si enim omnia debite constarent, nec accusationi nec oburgationi locus daretur, ut patet. Certum ergo est illationem non subsistere, cum minor sit evidenter falsa, clarè que constet, Celladeum in ea efferenda confudisse titulum accusandi per accidens, & quoad nos ex suppositione ignorantiae nostrae, cum titulo accusandi per se, casu quo veritas totius modi operandi certò constaret.

Dices. Ratio errans non potest esse primaria, nec secundaria regula rectae operationis. Non primaria, quia hoc proprium est legis aeternae, quae errare non potest. Non secundaria, quia haec non potest esse recta, nisi conformetur regulae primariae, seu legi aeternae, cui certè conscientia errans non conformatur. Ergo opus à ratione errante regulatum non est bonum, cum repugnet opus esse bonum, quod nec primariae nec secundariae rectae operationis regulae conformatur.

Respondeo primò, retorquendo argumentum in casu obedientiae caecae, quando subditus obedit superiori malum praecipienti, quod tamen non manifestè malum apparet, sed ab utroque invincibiliter creditur bonum; eodem enim modo probatur, quòd voluntas superioris non sit regula nec primaria nec secundaria rectae operationis, cum nec sit lex aeterna, nec illi conformetur. Et tamen, hoc non obstante, obedientia illa est actus verae virtutis, ut ex unanimi Patrum doctrinà constat. Ergo similiter argumentum non obstat, quòd minus in aliis etiam casibus opus, quod conscientiae invincibiliter erroris conformatur, sit bonum.

Respondeo secundò directè. & dico, rationem invincibiliter errantem esse circumstantiam objectivam, ex qua recta ratio reflexa, quae legi aeternae pariter reflexae conformis est, formatur. Hoc ex dictis efficaciter probatum est. Unde semper habemus regulam tam primariam quam secundariam, cui opus à ratione taliter errante regulatum conformatur, & propter eam conformitatem evadit bonum. Et sanè Deus numquam prohibet quidquam, quin reflexè praecipiat illud fieri pro omni casu, quo invincibiliter creditur esse praecipitum, & quin illud reflexè permittat, quando invincibiliter creditur bonum, aut à su-

periore religioso praecipitur, quando malitia rei praecipit non est manifesta illi, cui praecipitum imponitur. Hanc doctrinam expressè tradit Gabriel in 2. dist. 39. in fine his verbis. *Vult Deus, quòd voluntas se conformet conscientiae (erroris) non culpabili.* Et sanè verba Salvatoris, *qui vos audit me audit*, locum habent etiam quando superior errat, quia etiam tunc, quamdiu error subditum lateret, spectandus est tamquam Dei vicarius, & quod ad nos attinet, ut regula secundaria, seu ut regula inferior divinae regulae subordinata; quod tamen esse nequit nisi ratione voluntatis reflexae, quae Deus vult se agnoscere in superiore, etiam quando praecipit malum, modò malitia rei praecipit non sit manifesta.

Respondeo tertio, rationem non errantem circa objectum formale, sed solum circa applicationem ejusdem ad objectum materiale, esse regulam secundariam conformem legi aeternae, quae Deus vult nos amare tale motivum, & ex vi illius extendere potentiam volitivam ad omne opus, quod invincibiliter creditur contineri sub illo motivo; nisi enim lex aeterna pro hoc etiam casu providisset, manca & insufficiens fuisset Dei providentia pro gubernandis hominibus, qui in rebus ejusmodi cognoscendis saepe non possunt non errare.

§ 8. Objicit quartò. Aliud est esse excusabile, seu non dignum poenà, aliud esse laudabile, seu praemio dignum; saepe homines excusant alios mentientes, aut alia mala contra legem patran- tes, quia judicant illos nullà poenà dignos, idque vel ob impotentiam, vel ob ignorantiam invincibilem. At nemini videtur venisse in mentem, talia opera esse praemianda. Certè mendacia, adulteria, & alia ejusmodi non possunt esse bona, nec propterea caelo donari possumus, ut urget Guilielmus Parisiensis. Ergo neque voluntas, quae in illa ferimur, potest esse bona; alioquin ipsa opera redderentur bona, quia haberent eandem causam honestantem, nempe rationem invincibiliter errantem.

Praeterea repugnat, voluntatem faciendi quod bonum & laudabile non est esse laudabilem. Quin ideo voluntas laudabilis est, quia quod per illam facere volumus est laudabile. Et sanè, mendacia, furta, adulteria, & alia ejusmodi nunquam esse Deo grata, sed ad summum excusari posse, adeo rationi consonum videtur, ut oppositum violentissimè & maximè probatione indigeat. Ita Celladeus § 3.

Respondeo in primis, Celladeum hanc in objectione & sibi & apertè veritati contradicere. Veritas aperta est, communem Theologorum sententiam ac suppositionem esse, quòd voluntas terminata ad hujusmodi objecta, invincibiliter credita bona, sit bona & honesta. Huic veritati in ingressu hujus quaest. 4. Celladeus ipse apertè subscribit, ait enim, *multi sunt, qui supponendo magis quam disputando, alii brevi disceptatione rem expediendo, & ut putant, S. Thomam sequendo, tenent, voluntatem concordantem rationi invincibiliter erranti esse bonam, & honestam.* Ergo & apertè veritati & sibi ipsi mox contradicit § 3. ubi expressè haec habet. *Nemini videtur venisse in mentem, talia esse etiam praemianda.* Quid dicis Celladee? Nonne plurimis, te fatente, in mentem venit, tales operationes esse bonas & honestas. At idem apud omnes est operationem bonam esse, & esse mercedem, seu meriti capacem, nec tu ipse, nisi infictas ibis. Ergo plurimis in mentem venit (& ipse tu id fateris) quod

Celladeus 4. contradic- tio.

quod tales operationes meritoriae sint, & premiandae.

Non communis, sed singularis opinio indiget vehementi probatione.

58. Deinde respondeo, aliud esse ex suo conceptu, hominem esse excusabilem seu non dignum poenâ; aliud, illum esse laudabilem, seu premio dignum, quia hæc duo separari possunt; homo enim absque libertate operans, aut nullo etiam modo operans, sed dormiens, sæpe est excusabilis, nullâque poenâ dignus, quia male non operatur; nec tamen laudabilis est, aut premio dignus, quia ad hoc liberè & honestè operari debet. Verùm ista duo non sunt separabilia in operatione liberâ, quæ deliberatè & invincibiliter fertur in aliquid ut bonum, quia in tali operatione illud ipsum, quod excusat operationem à malo, reddit illam bonam; nec ad hoc credendum, sed ad oppositum affirmandum opus est violentissimâ probatione; quæ enim conformia sunt communi Doctorum persuasioni, facilitat probationis sunt, quia communis Doctorum consensus sufficientem fidem conciliat. Contra verò, quod communi Doctorum persuasioni opponitur, difficillimæ probationis est, quia nemo absque violentissimâ probatione meritò recedit à communi opinione. At certum est, opinionem, asserentem huiusmodi operationes esse bonas, fundari in communi Doctorum persuasionem, cui singularis Celladei opinio repugnat. Ergo ipsius opinio, non nostra, indiget probatione vehementissimâ; nec indiget tantum, sed eâ caret, cum nostra validissimis rationibus confirmetur, ut patet.

Homicidiū invincibiliter creditū medela est opus meritorium.

59. Ad id, quod ex Gulielmo Parisiensi sed absque loci citatione affert, fateor, mendacia, furti, & cætera ejusmodi non esse bona, & vitæ æternæ meritoria, quando proponuntur sub notionibus, quas verba exprimunt. In hoc enim sensu objecta illa sunt tam apertè mala, ut eorum malitia aut nullo modo aut non nisi vincibiliter latere possit; ideoque non modò non sunt bona, sed semper sunt mala; quæ proinde excusari non possunt. In hoc verum dicit Gulielmus Parisiensis, nec nos ab eo dissentimus. At quæstio præsens est longè alia; loquimur enim ex suppositione, quòd objecta materialiter mala invincibiliter proponantur ut bona. Puta quando medicus invincibiliter existimat, se non mortiferam sed salutiferam medicinam præscribere. Ubi autem dicit Parisiensis, aut quivis alius, dempto Celladeo, huiusmodi objecta, in talibus circumstantiis sumpta, non esse bona, aut vitæ æternæ meritoria? Hoc ostendat Celladeus, & aliquam auctoritatem pro se habebit. Præterea Parisiensis loquitur de eo, quod per se & plerumque evenit, non de eo quod merè se habet per accidens. Loquendo autem per se, verum est, quòd objecta sub dictis expressionibus proposita semper proponantur ut mala, aut non nisi vincibiliter existimentur bona. At si in casu aliquo raro per accidens contingeret hominem invincibiliter decipi, & existimare talia esse bona, aut permissa, aut etiam præcepta, ille per accidens bene operaretur ea volendo.

Objecta intrinsecè mala aliquando evadunt bona.

60. In hoc porro casu admitto, non solum voluntatem ad istiusmodi objecta terminatam, sed etiam ipsa objecta esse bona; quia etsi illa secundum se sint physice mala, tamen non sunt adeo mala, quin omnis malitia moralis ab illis separari possit, ut in datâ hypothefi omnes fatentur. Itaque sicut quædam circumstantiæ reddunt talia objecta à malo immunia, ita etiam aliæ sunt, quæ reddunt illa bona & honesta; non

quòd objectum tale per se præcisè sit bonum; sed quòd bonum sit & meritò eligibile prout talibus substat circumstantiis. Nec mirum, quia, prout illis substat, non solum à Deo permittitur, sed sæpè etiam præcipitur. Ergo haud dubiè honestum est. Alia ratio id ipsum convincens est ista. Objectum illud, prout dictis circumstantiis substat, non est malum. Ergo est bonum, vel indifferens. Si bonum, habeo intentum. Si indifferens, ergo in illis circumstantiis ita se habet sicut alia objecta, quæ secundum speciem sunt indifferentia. At illa in individuo evadunt bona, quando referuntur ad bonum finem, ut omnes fatentur, & ipse Celladeus §. 5. & alibi apertè concedit. Ratio est, quia ad bonitatem electionis sufficit, objectum materiale non esse malum, si motivum formale sit bonum, ut patet, inquit Celladeus, quando versamur circa indifferentia ex bono fine. Nec dubium quin sancti homines quotidie se exercent circa indifferentia voluntate bonâ, dum sectantes doctrinam Apostoli, sive manducant, sive bibant, sive aliud quid faciant, omnia in honorem Dei agunt. At eadem ratio valet de malo materiali, quando propter circumstantias peculiares evadit formaliter indifferens; in tali enim casu, si ordinetur ad bonum finem, evadet bonum, sicut alia, quæ secundum se sunt indifferentia. Et sanè mirum est, Celladeum argumenti huius vim non vidisse, cum ex propriis ipsius principis ac dictis stabiliatur. Ille enim ut ostendat, electionem indifferentium esse bonam, quando nittur motivo non isto, sic arguit. In tali casu locus est prudentiæ ac veritati, eò quòd verum sit, objecta non esse mala, ideoque esse ordinabilia ad bonum finem, & ut sic ordinata esse bona; unde conscientia prudens & vera formatur, quæ concluditur, quòd talia hinc & nunc sint bona. At eadem ratio eodem prorsus modo concludit, objecta ex se mala esse hinc & nunc bona, quia, prout substant hisce circumstantiis, constat ea esse saltem indifferentia, & consequenter honestè ordinari posse ad bonum finem, & ut sic ordinata esse bona. Adeo sibi in omnibus contrariatur Celladeus, ut cum maximè se putat triumphare, ibi potissimè propriis telis vulneretur, & vincatur.

In consensu Celladei, qui propriis principis confutatur.

Dices. Quamvis probabile sit speculative, triplicem contractum v. g. carere maculâ usura, nullus tamen unquam ante Terillum his opinionibus aut actionibus asseruit positivam honestatem virtutis, sed ut summum à quibusdam eximuntur à culpâ beneficio ignorantia invincibilis. Ita objicit Theologus quidam, qui hanc objectionem ex proximè allatâ doctrinâ Celladei sumplisse videtur.

Replicâ

Respondeo mirum videri, talis à Theologis Solutio. objici potuisse, cum omnibus peritis notum sit, ea palmarem falsitatem continere. Inprimis notorium est, opinionem, quæ operi à ratione errante regulatæ honestatem tribuit, esse communissimam inter Theologos, & vix, aut ne vix quidem ullum inter orthodoxos reperiri, præter Celladeum, & hunc Theologum, qui à centum & amplius annis id in dubium revocaverit.

Deinde certò constat (liceat mihi hoc iterum dicere) hanc esse expressam S. Thomæ opinionem, qui 1. 2. quæst. 19. art. 6. cum proposuisset: Vtrum voluntas concordans rationi erranti sit bona? præmittit initio corporis, hanc quæstionem eandem esse cum illâ, quæ queritur, utrum conscientia erronea excuset? Unde manifestum est, S. Thomam censere, voluntatem rationi erranti concordantem esse bonam, quando conscientia erronea

Mens 8. Thomæ ex ejus interpretibus declaratur.

errones à peccato excusat. Alioquin absurdè diceret, eas duas quæstiones coincidere, si ex unâ parte conscientia errans aliquando excusaret, & ex alterâ voluntas ei concordans numquam esset bona. Hoc adeo clarum est, ut Valentia, Silvius, Malderus, aliique interpretes statum præsentis quæstionis eo articulo ita exponant, ut idem sit quærere, utrùm conscientia errans excuset à peccato; & utrùm voluntas concordans cum ratione errante sit bona.

Nec obstat, quod dicit S. Thomas *ad 1.* Nempe ad hoc ut opus sit bonum, requiri ut neque ex naturâ suâ, neque in apprehensione operantis sit malum, quia hoc, ut dicti Auctores ibidem explicant, intelligendum est de eo, quod est per se, & extra casum, quo ignorantia à peccato excusat. Cum enim argumentum videretur intendere, (quod argumentum secundum expressiùs intendit) quòd sicut voluntas discordans à ratione errante semper est mala, ita voluntas concordans rationi, quæ falsò judicat aliquid esse bonum, semper sit bona: S. Doctor in suâ responsione negat inter hæc paritatem reperiri, quia ut quid dicatur malum, sufficit quòd secundum naturam suam sit malum, nisi (inquiunt) per accidens ignorantia excuset à peccato.

Eidem doctrinæ magno consensu, idque non obiter, sed eam ex professo discutientes Theologi Societatis subscribunt. Suarez *de actibus hum. disp. 12. sect. 4. num. 8.* Sanchez *lib. 1. summa cap. 11. num. 17.* Valentia, Vasquez, Azor, Salas, Becanus, Esparza, Amicus, & passim alii. In eodem alii etiam Theologi consentiunt. Almainus, Lorca, Corduba, Duvallius, Sylvius, Malderus, Pezantius, Wiggers, & fortassis alii omnes præter Celladeum, & Theologum istum. Qui enim ex antiquis in contrarium citantur, Martinus de Magistris & Angelus, ita ab Azorio explicantur, ut fortè solâ voce dissentiant.

Opinio nostra contra-
ria est singularis.

Contra apertam ergo veritatem objecit iste Theologus, nullum ante Tertium huius actionibus assertivisse positivam honestatem virtutis, cum certissimum sit, Auctores ferme omnes in hoc mecum convenire. Ego autem verissimè contra hunc Theologum objicio, aut nullum, aut vix ullum ex Auctoribus, qui à centum annis scripserunt, præter unum Celladeum, talibus actionibus positivam virtutis honestatem negasse. Audiatur Petrus Lorca ad dictum S. Thomæ articulum, *disp. 37. membro 1. In hoc puncto*, inquit, *consentiunt Auctores in his propositionibus. Prima: si conscientia certa errans proponit aliquid ut bonum, quod in se aut malum aut indifferens sit, ignorantia invincibili, voluntas qua illi commensuratur est bona.* Nec hic solum est communis Doctorum, sed etiam fidelium sensus, ut exempla *num. 44. & seq.* allata convincunt; siquidem omnes planè exstiment errores ejusmodi, utpote invincibiles, actuum ab illis directorum bonitatem non impedire. Ratio autem à priori hujus doctrinæ ab Augustino supra indicata fuit, eamque Lorca evidentem appellat. *Ratio*, inquit, *est evidens, quoniam qui sequitur hujusmodi conscientiam, excusatur ignorantia invincibili ab omni malitia actus, & ex aliâ parte habet objectum bonum, quantum est ex parte regulæ & proponentis immediate.* Nil ergo deest ad rectitudinem voluntatis. Hæc ratio Lorca coincidit cum ratione Augustini, quæ si ad terminos à Theologis usitatos reducat, in eo fundatur, quòd actus specificentur ab objecto formali, in quod tendunt. Cum ergo actus ejusmodi ex unâ parte ob ignorantiam invincibilem indubiè sint

innocentes, & ex alterâ habeant motivum formale honestum, actus voluntatis, qui prodit à tali ignorantia taliq; motivo, non potest non esse honestus, speciemque ab honestate motivi, in quod fertur, accipere. Id autem ex eo maxime verum esse apparet, quòd intellectus verissimam bonitatem apprehendat, eamque voluntati proponat, quamvis eam objecto materiali falsò & indebitè applicet.

61. Objicit quintò. Bonitas Dei moralis est Objectio y. mensura, & prima regula omnis bonitatis moralis creatæ. Ergo voluntas repugnans divinæ bonitati morali nequit esse voluntas bona, quia disrepat à suâ propriâ regulâ. Sed omnis voluntas, quâ volumus mala, ut furta, mendacia, &c. repugnat divinæ honestati ac bonitati morali. Ergo nulla ejusmodi voluntas est bona. Confirmatur id ipsum exemplo intellectus, cujus perfectio nequit esse assensus objecto, quod contrariatur divinæ veritati. Neque enim potest esse perfectio intellectus creati dicere ea, quæ intellectus divinus dicere nequit. Sic autem se habet honestas ad voluntatem, sicut veritas ad intellectum. Ita Celladeus §. 4.

Respondeo argumentum hoc Celladeum preme-
mere, quia probat omnem voluntatem, quâ volumus mala, ut furta, &c. esse malam; haud dubiè enim voluntas, quæ divinæ bonitati morali repugnat, non solum non est bona, sed est absolute mala, cum omnis malitia moralis actuum nostrorum à repugnantia cum morali Dei bonitate derivetur. Ergò si hujusmodi voluntates repugnent divinæ bonitati morali, ut contendit Celladeus, haud dubiè sunt malæ. Celladeus tamen expressè tenet, voluntates illas non esse malas. Ergo sibi contradicit, & ex propriis argumentis falsitatis convincitur.

Celladei contradictio.

61. Respondeo secundò, voluntates malorum, quæ invincibiliter creduntur bona, morali Dei bonitati non repugnare, quia certum est, quòd non sunt malæ moraliter. Itaque minor à Celladeo subsumpta est certò falsa, & consequenter conclusio ex illâ deducta est patenter nulla. Neque solum voluntates illæ non repugnant bonitati Dei morali, sed ei conformantur, quia Deus habet voluntatem, quâ nobis ejusmodi objecta permittit, & sæpe præcipit, cum sæpe citra peccatum omitti non possint. Ergo tales voluntates non solum non sunt malæ, sed etiam sunt bonæ & honestæ.

Opus ex errore invincibili factum non repugnat morali Dei bonitati.

62. Porro confirmatio, à paritate intellectus desumpta, manifestâ disparitate solvitur. Esto enim, perfectio intellectus creati nequeat consistere in assensu falso, eò quòd talis assensus contrarietur judicio Dei, cum id affirmet, quod Deus negat, & ideo esto, talis assensus non solum non sit bonum, sed absolute malum intellectus nostri, cum in nullo casu conformari possit judicio Dei essentialiter vero. At omnia contrariâ ratione se habent in voluntate nostrâ, quia Deus, stante errore invincibili, semper permittit, & sæpe præcipit opus, quod creditur bonum, quamvis secundum se sit malum. Unde tale opus in hisce circumstantiis, & voluntas illud amplectens conformatur divinæ voluntati, & ideo opus illud in talibus circumstantiis non solum non est malum, sed etiam est bonum voluntatis. Ecce disparitas manifesta; sed & Celladeus ipse disparitatem asserre debet, quia error semper est malum intellectus, cum tamen voluntas mali, invincibiliter bonum crediti, non sit malum voluntatis. Itaque etiam hic, ut in cæ-
teris,

Error semper est malum intellectus, sed non semper infert malum voluntatis.

Celladeus tenetur solvere proprium argumentum.

teris, propriis argumentis implicatur, quæ solve-
re nequit, nisi propria principia deferat.

63. Objicit sextò. Omnis bona voluntas est
à Deo auctore. Nulla malorum voluntas est à
Deo auctore, quia absurdum est dicere, menda-
cia, furta, & alia ejusmodi esse à Deo auctore,
& consequenter absurdum est dicere, volunta-
tem illorum à Deo auctore prodire. Ergo nul-
la malorum voluntas est bona. Ita Celladeus
§. 4.

Respondeo, hoc etiam argumentum ab ipso
Celladeo esse solvendum, quia omne positivum,
quod non est malum, existit Deo auctore. At
voluntas malorum, quæ invincibiliter creduntur
bona, & positiva est, & non est mala. Ergo
existit Deo auctore. Major videtur certa, & haud
dubiè comprehendit etiam actus indifferentes in
individuo, si qui tales existant, nil enim in illis
reperitur, quod Deo repugnet, aut impediat,
quo minùs antecedenter velit illa, voluntate sal-
tem permissivâ, eademque ad finem à se inten-
tum ordinet. At omnium talium Deus est Au-
ctor. Jam certum est, plures malorum volunta-
tes esse ejusmodi. Ergo sunt à Deo Auctore.

Deus est au-
ctor aliquo-
rum per se,
aliorum per
accidens.

64. Respondeo secundò, Deum dupliciter dici
rerum auctorem, primò absolute & per se, se-
cundò ex suppositione & per accidens. Deus ab-
solutè & per se est auctor omnium, quæ imme-
diatè per seipsum fecit, item omnium, quæ ne-
cessariò ex illis consequuntur, sed & omnium
eorum, quæ per bonum usum libertatis creatæ
producta sunt. Ratio est, quia Deus per seip-
sum hæc omnia directè intendit, & vult. Ta-
lium autem Deus est Auctor, & quidem directè
& per se. Jam alia sunt, quæ nunc quidem exi-
stunt, sed nunquam extitissent, nisi creatura
libera malè usa fuisset suâ libertate. Talia sunt
mors, morbi, & alia corporis mala. Item igno-
rantia veri in intellectu, & difficultas, quam in
prosequendo bono experimur in voluntate. Ta-
lia etiam sunt pænæ inferni, &c. Jam Deus non
est auctor illorum absolute & per se, quia *Deum*
mortem non fecit. Sapient. 1. 13. sed homo suo pec-
cato, contra intentionem Dei, illam sibi accer-
sivit. Nihilominus, posito semel peccato, Deus
consequenter ad illius suppositionem dici potest
& est auctor mortis & damnationis, illasque in
pœnam peccati infligit, juxta illud Amos 3. 6. *Si*
erit malum in civitate, quod non fecerit Dominus. Et
illud Ecclesiastici 11. 14. Bona & mala, vita & mors,
paupertas & honestas à Deo sunt. Nec quisquam
hoc negare potest, quin simul neget, opera
justitiæ vindicativæ à Deo auctore procedere,
quo nil falsius dici potest. Talium ergo rerum
Deus est auctor, non absolute, per se, & ex
primariâ intentione, sed solum per accidens, ex
suppositione, & ex intentione secundariâ.

Malæ, invin-
cibiliter
credita bo-
na, sunt à
Deo aucto-
re.

65. Hac distinctione positâ, argumentum
spontè labitur, major enim universaliter admitti
potest, modò terminus ille, *Deo auctore*, com-
plectatur tam auctorem per se, quàm auctorem
per accidens, & ex suppositione. Sed neganda
est, si ad alteram tantum acceptionem restringa-
tur, quia omnis voluntas est bona, quæ quo-
cumque tandem modo procedit à Deo auctore.
Minor simpliciter negari potest, sed melius
distinguitur hoc modo: nulla voluntas malorum
est à Deo, ut ab auctore per se & ex primariâ
intentione, conceditur minor. Nulla est à Deo
auctore per accidens, ex suppositione, & ex
intentione secundariâ, negatur minor, & conse-
quentia. Absurdum quidem esset dicere, mala,

cognita ut mala, aut mala, vincibiliter credita
bona, esse à Deo auctore. At dicere, mala, in-
vincibiliter credita bona, & multò magis credita
præcepta, esse à Deo auctore, stante supposi-
tione erroris invincibilis, non est absurdum, sed
sive intolerandâ absurditate negari t. testis.
Sanè judex, Deo auctore, condemnari en-
tem legitime convictum, quando nullum adest
indicium innocentie. Quomodò enim Deo au-
ctore non fit, quod Deus fieri jubet, quoddam
nisi fiat, mortem animæ, suæque amicitie jactu-
ram minatur? At certum est, Deum, stante
ejusmodi errore invincibili, præcipere condem-
nationem innocentis, & ni condemnatur,
mortem animæ, suæque amicitie jacturam minari.
Ergo talia objecta eorumque voluntas respiciunt
Deum ut auctorem. Idem valet de omni volun-
tate, quæ rationi invincibiliter erranti confor-
matur.

Hinc sequitur, Celladeum frustra objecisse
longum malorum catalogum, ut probaret, ab-
surdissimum esse concedere, ea omnia Deo au-
ctore existere; nemo enim concedit ea omnia ab
ullo homine patrari posse absque peccato; eò
quod naturaliter nemo de omnibus invincibilem
ignorantiam habere possit. Cæterum si supposi-
tio de invincibili omnium ignorantia admittatur,
sicut absurdum non est, quod mala illa materialia
non sint formaliter mala, ita absurdum non est,
sed congruum, quod eadem, ut talibus circum-
stantiis substantia, sint formaliter bona, & con-
sequenter à Deo auctore.

66. Objicit septimò. Operatio conformis
rationi invincibiliter erranti non aliâ ratione est
honestæ, quàm quia operans sequitur dictamen
sue conscientie, & facit quod invincibiliter ju-
dicat esse bonum. At hæc ratio non probat in-
tentum, quia falsæ nostræ existimationes non
tribuunt operationibus nostris bonitates & mali-
tias falsò existimatas; qui enim falsò invincibili-
ter putaret se esse in gratiâ, atque inde conclu-
deret, se meritoriè de condigno operari, non
ideo poneret actum meritorium de condigno.
Similiter, qui invincibiliter putat malitiam pec-
cati esse infinitam, non ideo contrahit malitiam
infinitam, si opinio dicens malitiam peccati esse
infinitam sit falsa. Similiter credens se ponere
malitiam finitam non ideo non poneret malitiam
infinitam, si opinio ipsius esset falsa. Idem dicen-
dum de eo, qui falsò putaret actum unius virtu-
tis esse magis meritorium actu alterius virtutis,
aut mensuram meriti correspondentis tali actui
esse tantæ magnitudinis, cum non sit tantæ; non
enim ideo actus virtutis, falsò creditæ melioris,
esset melior, nec actus meritorius unius gradûs
ideo mereretur mille, quia operans putaret illius
meritum ad tot gradus extendi. Ex his inferitur,
voluntatem malorum non esse bonam, quamvis
illa invincibiliter credatur esse bona. Ita Cella-
deus §. 5.

Falsæ existi-
mationes
non semper
tribuunt
actibus bo-
nitatem &
malitiam
existima-
tam.

67. Respondeo, paritates istas non urgere, Ratio, ob
quia operationes, de quibus talia judicia enun-
tiant, eodem modo se habent, sive præcesserint
sive non præcesserint, sive vera sive falsa fuerint
ejusmodi judicia. Sint duo, quorum alter verè,
alter falsò judicet se esse in gratiâ, & ideo mereri
de condigno suis actibus honestis; dico utrum-
que illud judicium impertinenter se habere, ut
operatio evadat, vel non evadat meritoria de
condigno, quia neutrum ponit, vel aufert ea, per
quæ meritum constituitur tale; sicut enim homo
non meretur, quia falsò putat se mereri, sic non
meretur,

Ratio, ob
quam eandem
tribuunt,
exponitur.

meretur, quia verè putat se mereri; eodem enim modo meritus fuisset, si illud iudicium abfuisset. Idem valet in aliis casibus allatis, quia æquè in omnibus iudicia illa impertinenter se habent ad inferendum vel impediendum objectum, quod enunciant. Ratio à priori est, quia iudicia illa, quæ talia, non sunt regula seu mensura proxima operationum, de quibus enunciant, ideoque operationes illæ nec speciem nec augmentum bonitatis vel malitiæ à talibus cognitionibus recipiunt. At omnia contrario modo se habent in casu nostro; loquimur enim de cognitione immediate practica, seu de dictamine conscientiæ, quæ est regula proxima, & mensura bonitatis & malitiæ moralis, quæ in actus à tali dictamine regulatur refunditur. Et sanè hoc adeo verum est, ut Celladeus ipse teneatur ita respondere ad paritates, quas attulit; nam sic arguo. Dictamen conscientiæ vetans rem aliquam, necessariò refundit malitiam in electionem objecti, quod prohibet, quamvis illud ex se sit bonum. Peto unde hoc eveniat, cum in casibus allatis error intellectus nec bonitatem, nec malitiam existimatum in operationes refundat? Aliam rationem non reddet Celladeus, quam jam dictam, nempe quia practicum conscientiæ dictamen est proxima regula moralitatis contentæ in operatione. Alia autem iudicia non sunt regula operationum, de quibus enunciant. At dictamen invincibiliter erroneum est regula proxima operationis illi conformis. Ergò necessariò refundit honestatem in operationem, quam dirigit. Est enim regula à Deo statuta, ut juxta eam operemur. Ergo est mensura moralitatis, illamque communicat volitioni, quam regulat.

Celladeus tenetur respondere, & nostram solutionem adhibere.

Aliquando cognitiones falsæ refundunt malitiam & bonitatem in electionem firmatam in actus.

68. Cæterum in eo erravit Celladeus, quod universaliter dixerit, bonitatem & malitiam falsò existimatam non refundi in operationes à talibus iudiciis regulatas; certum enim est, quod sæpe omnem bonitatem & malitiam falsò existimatam in ipsius objecti electionem refundant. E. g. Petrus occidit feram, putans se hominem occidere. Dico, Petrum non minùs peccare, quam si hominem interfecisset. Ratio est, quia occisio conjunctur in vitalis volitionis, quæ eam de facto induxisset, si homo loco feræ constitisset. Cum ergo Petrus posuerit causam sufficienter illativam mortis, hæc per ipsum steterit, quod minùs homicidium patrarètur, perspicuum est, totam malitiam homicidii in talem volitionem refundi, quamvis homicidium non committatur, nisi in mente talis hominis. Idem locum habet in errore circa bonitatem materialem actus exerciti. Qui enim invincibiliter putat se dare alicui in eleemosynam, non minùs placet Deo, nec quoad nos minore laude dignus est, eò quod minus, quem largitus est, inveniatur fuisse aurum adulteratum. Ratio est, quia Deus intuetur cor. Cor autem illius abs. lute & efficaciter dispositum erat ad aureum largiendum. Per ipsum ergo non stetit, eleemosynam non fuisse qualem putabat. Cum ergò elicuerit actum liberalitatis sufficientem ad tantum tribuendum, nec præmio ullo apud Deum, nec laude apud homines privabitur, eò quod invincibiliter deceptus minus dederit quam putabat. Itaque certum videtur, actus rationi invincibiliter erranti conformes esse moraliter bonos, quia cum motivum virtutis, in quod voluntas fertur, sit positum in nostra potestate, atque actu in illud feramur, unque honestè operamur, quia voluntas quoad illius prosecutionem est tam efficax, quam fuisset si in-

tellektus non errasset applicando illud objecto materiali indebito. Quæ cum sint tam perspicua, miror Celladeum ea non considerasse, sed existimasse exempla à se allata tam pertinentier se habere ad bonitatem & malitiam in actus nostros refundendam, quam practicam conscientiæ cognitionem, seu iudicium, quo immediate dirigimur ad operandum.

69. Hæc omnia legitime procedunt, quamvis demus Celladeo, quod in istiusmodi casibus ultimum conscientiæ dictamen sit falsum. Verum è contrario se res habet, quia ultimum conscientiæ dictamen, à principiis reflexis deductum, est evidens, ideoque omnia illius argumenta procedunt de subiecto non supponente. Exemplo sit iudex, qui credit reum legitime convictum verè esse reum, & ideo illum condemnat. In hoc casu ultimum dictamen, quo Iudex regulatur, non est directum iudicium, quod accusatus sit reus, quippe quod incertum est, & aliquando est falsum; sed est consequentia huius syllogismi reflexi. *Deus & respublica precipiunt, ut eum damnem tamquam reum, qui legitime convictus est reus, quem ego reum iudico, maxime quando nulla adest ratio pro illius innocentia. Sed hic adest reus legitime convictus, quem ego reum iudico, nec ulla adest ratio pro illius innocentia. Ergo Deus & respublica precipiunt, ut hunc condemnem tamquam reum. Ergo licitè & laudabiliter eum condemo, quia licitè & laudabiliter obedio legi Dei & respublicæ. Similis aut proportionatus syllogismus reflexus elici potest pro omni casu, quando invincibiliter erramus in iudicio directo.*

Ex conscientia à invincibiliter erronea surgit conscientia recta & vera.

70. Dices, argumentum in hoc principio reflexo fundatum apparet quidem validum, sed scitur non concludere, quia nimis probat. Tollit enim conscientiam erroneam, eamque in veram resolvit. At nos loquimur pro casu conscientiæ erroneæ verè existentis. Ergo argumentum destruit suppositum, & nil probat. Ita Celladeus §. 6.

Conscientia erronea non resolvitur in veram.

Respondeo, conscientiam reflexam veram non tollere directam falsam, sed in eà fundari, cum ipsam præsupponat, & super illam, ut existentem, illiusque qualitates reflectat, ut perspicuum est ex minore syllogismi allati. Ergo quando ex conscientiâ directâ erroneâ confurgimus ad formandum dictamen reflexum verum, conscientia erronea non resolvitur in veram, sed semper manet falsa. Itaque solum præbet occasionem novæ consultationis, per quam intellectus, comparando idem objectum ad novas circumstantias, aliter de illo enunciat, quam antè enunciarat, & verissime concludit, illud hîc & nunc esse licitum.

ASSERTIO III.

Propositum sit ulterius explicare, in quo ethica conscientia rectitudo consistat, simulq. communem conscientiæ divisionem in rectam & erroneam exactè proponere.

71. **I**N PRIMIS ex dictis constat, rationem seu conscientiam invincibiliter erroneam esse quidem erroneam logicè, sed ethicè rectam, quod hoc argumento confirmatur. Optima ratio, quam possumus & debemus habere, quæque citra temeritatem carere non possumus, est moraliter seu ethicè recta. Ethica enim mores rationismodò considerat, Ergo ratio in considera-

Conscientia invincibiliter erronea est ethicè recta.

tionem ethicā non potest non esse recta, si sit optima, quam possumus habere, seu si sit qualis habere debemus quāque citra temeritatem & turpitudinem carere non possumus. Ille enim ethicē loquendo rectē se habet, qui se habet ut potest & debet, quique post debitam diligentiam ad optimum, cujus capax est, ita pervenit, ut citra temeritatem aliter se habere sive in intellectu sive in voluntate non possit. At ratio invincibiliter erronea est optima, quam habere possumus. Sæpius etiam citra temeritatem & turpitudinem illā carere non possumus, ut patet ex allatis exemplis. Ergo talis ratio est ethicē recta, & solum logicē erronea.

Divisio conscientie.

72. Quoad secundum, quamvis conscientia directē constituta dividi possit in rectam & erroneam, tam juxta considerationem logicam quā ethicam, simpliciter tamen loquendo divisio illa à Theologis communiter accipitur in sensu ethico, quia hoc solum modo refertur ad mores. Jam, in tali consideratione conscientia invincibiliter erronea æquivaleret rationi logicē rectæ, quia regulat operationem honestam, ut dictum est. Itaque talis ratio seu conscientia non improprie est, & vocatur recta, quamvis logicē loquendo sit erronea, seu falsa.

Ratio recta non definitur per veritatem.

73. Præterea Theologi definiunt rationem rectam per respectum, non ad veritatem logicam, sed ad appetitum rectum, omnemque rationem, tali appetitui conformem, rectam appellant; quia juxta considerationem ethicam recta est, eo quod per rectam causalitatem ab appetitu recto descendat, eidemque appetitui recto conformis sit. At certum est apud Theologos, quod ratio invincibiliter erronea sit conformis appetitui recto, quodque proinde ethicē loquendo sit ratio recta. Veritatem hanc fuse declaratam habes *quæst. 12. de conscientia probabilis à num. 14.*

Sæpe conscientia vera non est recta.

74. Et sanè certum est, Theologos hæc in re non respicere præcisè ad veritatem, seu rectitudinem logicam; quia sæpe contingit homines æque peccare sectando conscientiam veram, ac falsam. Non enim minus peccat uxor negando debitum viro verè non suo, quando illa contra persuasiones efficacissimas temerè putat illum non esse suum, & ideo illi debitum negat, quā quando reddit debitum viro non suo, quem falsò credit esse suum. Immo in primo casu nunquam deest peccatum, quia temeritas nunquam deest; in secundo verò plerumque peccatum non incurritur, quia error ille plerumque est invincibilis, & absque temeritate incurritur. Itaque quod ratio seu conscientia sit vera vel falsa, nil præcisè facit, ut actio, quam regulat, sit honesta, vel peccaminosa, ut patet. Itaque in obscuris opus est aliā regulā, nempe conformitate cum appetitu recto, quæ nunquam deest, quin actus illā carens sit malus, nec unquam habetur, quin honestatem tribuat in actum, quia arbor bona bonos fructus facit, ut dictum est.

Notabilis Celladei error.

75. Hinc sequitur, Celladeum errasse *lib. 3. quæst. 5.* ubi, absque debitā rerum distinctione, bonitatem ac malitiam humanorum actuum universaliter resolvit in veritatem ac falsitatem logicam actuum intellectus, à quibus diriguntur. Censet proinde omnem rationem logicē veram esse ethicē rectam, quo nil absurdius dici potest; certò enim constat ex dictis, multa judicia vera non esse ethicē recta, cum operationem, quam regulant, à peccato non excusent.

76. Ex dictis inferitur primò, nullam esse ra-

tionem ethicē erroneam præter illam, quæ est vincibiliter erronea, quia ex omnibus erroribus solus error vincibilis non est conformis appetitui recto; constat enim ex dictis, rationem invincibiliter erroneam appetitui recto esse conformem. Scio rationem logicē veram, sed temerè conceptam, nec esse, nec inferre conscientiam rectam; ratio tamen illa in rigore dici nequit erronea, quia hæc appellatio supponit errorem præcessisse in intellectu, illique superaddit diffinitatem cum appetitu recto. Itaque ratio vera temerè concepta opponitur conscientiæ rectæ, quia diffinitas est appetitui recto, ideoque meritiò appellatur ratio non recta, seu non rectè sed temerè formata; & quia in hoc æquiparatur rationi vincibiliter erroneæ, dici potest ratio æquivalenter erronea, quamvis reipsa sit ratio logicē vera, & absolutè non erronea.

Sola ratio vincibilis est ethicē erronea.

77. Inferitur secundò, rationem practicam, seu conscientiam directē constitutam, non dividi adæquatè in rectam & erroneam. Ratio est, quia ratio vera temerè concepta nec recta est, nec erronea. Sæpe tamen est ratio practica, & conscientiam constituit. Itaque ut adæquatam ac immediatam conscientiæ divisionem habeamus, illa dividi debet in rectam, & non rectam. Recta complectitur non solum cognitiones certas ac evidentes, sed etiam probabiles absque temeritate elicitas, quia omnes ejusmodi cognitiones practicæ sunt conformes appetitui recto. Quod si contingat, aliquam ex illis esse falsam, illa est quidem logicē erronea, sed ethicē recta, & fundat actum honestum. Itaque conscientia recta subdividitur in certam ac probabilem. Certa, alia est evidens, alia certa sed obscura. Probabilis subdividitur in eam, quæ est conformis tam objecto, quā appetitui recto; & in eam, quæ est diffinitas objecto, sed conformis appetitui recto. Demum conscientia non recta dividitur in erroneam vincibiliter, id est, in falsam temerè conceptam, quæ tam veritati quā appetitui recto contrariatur; & in veram, sed temerè conceptam, quæ solum appetitui recto repugnat. Quæ omnia cum ex dictis aperte consent, aliud illis non est addendum.

Divisio conscientie in rectam & erroneam non est adæquatæ.

Conscientia exactè dividitur.

78. Inferitur tertio, Celladeum plures incurrisse errores in *quæst. 5. lib. 3.* Primus est, quod dicat, nullam esse conscientiam rectam, quæ non sit vera; nec ullam veram, quæ non sit recta. Constat enim ex dictis, utramque hujus asserti partem esse falsam. Secundus est quod § 3. dicat, homines nunquam teneri ad deponendam conscientiam rectam, intelligendo veram nomine rectæ. Hoc aperte falsitatis convincitur ex dictis, quia sæpe conscientia seu ratio vera est adeo temeraria, ut citra ingentem temeritatem retineri non possit. Talis ergo conscientia, etsi logicē vera, haud dubiè deponenda est, cum sine vituperio retineri nequeat. Exemplum sume à filio negante obedientiam patri, quem obstinatā temeritate, cum logicā tamen veritate, credit non esse suum, quamvis rationes efficacissimæ persuadeant, illum esse verum patrem, nec quidquam præter frivolum apparentiam fertur in contrarium. Hic filius haud dubiè tenetur judicium illud deponere, & contra illud operari, obedientiamque patri tantum existimato exhibere. Tertius error est majoris momenti, quoad præsentem controversiam, contra quem pono sequentem assertionem, ut occasionem habeam solvendi ea, quæ ad illum probandum Celladeus assertit dicta *quæst. 5. lib. 3.* illa enim cum consuetudina sint ad ea,

Duo Celladei errores.

Sæpe temeretur deponere conscientiam veram.

ad ea, quae in quaest. 4. tradiderat, hoc non alio loco examinari debuerunt.

ASSERTIO IV.

Alius Celladei error.

Hac Celladei propositio: Nulla ratio falsa non solum constituit, sed ne quidem infert conscientiam rectam, aut ad eam pertinentem se habet: est manifeste falsa.

Ratio falsa saepe infert conscientiam rectam.

79. **P**ROBATUR, & quidem imprimis ratio invincibiliter erronea secundum se est ethicè recta, ut ostensum est. Deinde quamvis hoc non admittatur, certum est, iudicia taliter erronea conformari appetitui recto, ac fundare novam consultationem, quâ intellectus per principia synderesis recta format conscientiam certam & evidentem, ac proinde rectam, ut aperte constat ex rationibus & exemplis in hac ipsa quaestione allatis. Quae cum manifesta sint, perspicuum quoque est, aliquam rationem falsam fundare conscientiam rectam, & ad illam pertinentem se habere.

SOLVUNTUR OBJECTIONES.

Obiectio.

80. **O**BIECIIT primò. Si conscientia probabilis falsa esset conscientia recta, nulla esset conscientia erronea, quia conscientia erronea nec consisteret in falsa, nec ab illâ inferretur. At sequela est absurda; certum enim est dari conscientiam erroneam, tam vincibilem quam invincibilem. Ita Celladeus §. 3.

Nollitas objectionis.

Respondetur, consequentiam non sequi ex antecedente, quia, antecedente admissio, adhuc daretur conscientia invincibiliter erronea, quae nec esset recta, (utpote nec obiecto, nec appetitui recto conformis) nec conscientiam rectam inferret. Dividitur quidem conscientia erronea in invincibilem & vincibilem, sed non inde sequitur, nullam dari conscientiam simpliciter erroneam, eò quod conscientia invincibiliter erronea aut sit recta, aut inferat rectam. Ratio est, quia proprietates uni membro divisionis debita non impediunt proprietates alterius membri. Ergo quamvis ratio invincibiliter erronea aut sit recta, aut inferat rectam, eò quod proprietates illius hoc probent, adhuc stat, rationem vincibiliter erroneam esse simpliciter talem, quia proprietates illius necessariò impediunt, quò minus illa sit recta, aut rectam inferat.

81. Dices Conscientia dividitur in rectam & erroneam, tamquam in membra opposita. Ergo nulla conscientia erronea est recta. Sed omnis conscientia invincibiliter errans est erronea, cum omnes dividant conscientiam erroneam in vincibilem, & in invincibilem. Ergo nulla conscientia invincibiliter erronea est recta.

Nulla conscientia erronea est recta in sensu riguroso.

Respondetur ex doctrinâ jam allatâ, quod consueta illa divisio conscientiae in rectam & erroneam intelligatur de conscientia omni modo & rigorosissimè recta, quae conformatur tam obiecto quam appetitui recto. Jam conscientia invincibiliter erronea opponitur conscientiae rectae hoc modo sumptae, quia non est conformis obiecto. Sed hoc non impedit, quò minus conscientia invincibiliter erronea sit conscientia recta in sensu minus riguroso, quatenus est conformis appetitui recto, & consequenter ethicè recta, & sufficiens in suo genere ad fundandam operationem honestam, quamvis non sit rectissima, quia est logicè difformis obiecto. Rursus, etiam

R. P. A. *Regula morum. PARS I.*

conscientia invincibiliter erronea non sit perfectè recta, fundat tamen aliam reflexam, quae rectissima est, ut ostendimus. Ceterum cum constet, non omnem rationem logicè veram esse ethicè rectam, Theologi dividentes conscientiam, illam partiti non sunt in veram & erroneam, sed in erroneam & rectam; subtiliter enim viderunt, plus requiri, ut conscientia sit recta, quam ut sit vera. Itaque pro conscientia absolute recta seu undique perfectâ duo requirunt, nempe veritatem in actu intellectu, & conformitatem ejusdem cum appetitu recto; adeo ut, alterutrâ deficiente, conscientia non sit absolute & simpliciter recta in sensu riguroso.

82. Porro ex duobus istis praeclatis, quibus conscientia simpliciter recta constituitur, potissimum in ratione ethicâ est conformitas cum appetitu recto; illud enim est principalis praeclatum ex duobus, quo solo habito, ratio plus participat de conscientia rigorosè rectâ ejusque effectibus, quam participet per alia praeclata, hoc remoto. At ratio conformis appetitui recto plus participat de naturâ & effectibus conscientiae rigorosè rectae, quam ratio vera appetitui recto non conformis; in primo enim casu peccatum arceatur, quod in secundo ob temeritatem incurritur; in primo casu honestas inducitur in operationem, non in secundo; jam certum est, nil praeclatius inveniri in conscientia undique rectâ, quam quòd peccatum arceat, & honestam operationem inducat. Ergo conformitas cum appetitu recto est praeclatum praeclatum in conscientia absolute & simpliciter rectâ.

Conformitas cum appetitu recto est potissimum praeclatum conscientiae rectae.

Praeterea tam Aristoteles in Ethicis, quam Theologi & Philosophi illum sequuti, definiunt rationem rectam per hoc, quòd sit conformis appetitui recto. Ergo haud dubiè censent talem conformitatem in consideratione morali, de qua agunt, esse potissimum praeclatum in conscientia rectâ, alias perperam illam definirent per ejusmodi praeclatum.

Id ipsum probatur ex eo, quod S. Thomas praeclare observat 1. 2. quaest. 90. art. 2. ad 3. nempe quòd sicut nil firmiter constat per rationem speculativam, nisi per resolutionem ad prima principia indemonstrabilia, ita nil firmiter constat per rationem practicam, nisi per ordinationem ad finem ultimum. At hae ordinationes ad finem ultimum consistit in recto appetitu finis, & in iis, quae à tali appetitu originem ducant. Ergo potissimum, maximè firmum ac radicale, quod elucet & ad quod attenditur in conscientia, est conformitas cum appetitu recto, per quem ratio illa ad ultimum finem ordinatur.

83. Atque hinc est, quòd conscientia invincibiliter erronea, praeclatè sumpta secundum se & sua principia, sit & dicatur ethicè recta, licet non sit recta logicè, nec in sensu maximè riguroso, qui exprimitur, quando conscientia à S. Thomâ aliisque dividitur in rectam & erroneam. Ratio est, quia conscientia invincibiliter erronea est conformis appetitui recto, ideoque participat potissimum ac maximè essentiale praeclatum conscientiae tam logicè quam ethicè rectae. Ergo meritò & propriè vocatur recta, quamvis non in sensu rigorosissimo, sed solum in sensu ethico, quia revera ethicè recta est; habet enim praeclatum, in quo talis rectitudo consistit, quamvis non sit rectissima, eò quod logica conformitas cum obiecto illi desit.

Unde conscientia invincibiliter errans dicitur recta.

84. Obieciit secundò. Si conscientia invincibiliter erronea fundaret conscientiam rectam,

Obiectio 2. et esset

G 2

esset propter Syllogismum reflexum, quo quis sic discerneret. *Qui sequitur suum iudicium probabile, non peccat. Sed ego sequor meum iudicium probabile. Ergo non pecco.* At hoc dici nequit; sic enim conscientia erronea tolleretur, quia hac ratione resolvitur in veram, non enim amplius falsum est, quod non peccet, supponebamus autem iudicium dicens, *non pecco*, esse falsum & erroneum.

Præterea hic discursus reflexus nil enunciat de ipso opere, sed solum dicit, me non peccare. At conscientia, dirigens nos circa opus, iudicare debet de ipso opere, & dictare, an sit bonum vel malum, quia velle formare conscientiam de non peccato in operando, & nolle de ipso opere enunciare, an sit malum vel bonum, est velle peccare non peccando.

Demum, velle operari, non formatâ conscientiam an opus sit vel non sit contra legem Dei, est velle peccare. At si conscientia formetur de ipso opere, erit erronea, si opus sit prohibitum, nec alia quam erronea conscientia resultare poterit. Ita Celladeus §. 4.

Conscientia erronea & vera differunt ex parte objecti.

Respondet, conscientiam invincibiliter erroneam fundare conscientiam reflexam in omni rigore rectam, quæ est conclusio dicti Syllogismi, aut alterius non multum dissimilis. Ceterum in eo æquivocat Celladeus, quod cum subinde utamur eisdem verbis ad exprimendam conscientiam reflexam, quam veram & rectam dicimus, quibus utimur ad exprimendam conscientiam, quam supponimus esse erroneam, intulerit aut conscientiam erroneam tolli, aut nos contradictioni docere. Verum non advertit, objecta diversa sæpe significati per eadem verba, prout illa in diversis circumstantiis accipiuntur. Hoc ut omnes intelligant, sciendum est, Auctores benignæ sententiæ docere, quod conscientia, in casu erroris invincibilis ex principiis reflexis formata, solum dicitur, opus in illis circumstantiis non esse malum malitiæ formali & imputabili. Non autem dicit illud non esse malum malitiæ materiali & non imputabili. At hoc secundum affirmatur à conscientia directâ, quæ propterea sæpe erronea est. At primum affirmatur à conscientia reflexâ, quæ propterea vera est, & absolutissimè recta. Porro Celladeus ipse admittit verum esse, quod malitia formalis ablit, quoties error est invincibilis. Ergo hoc ipsum cum veritate ac rectitudine affirmari potest reflexæ. Ergo in ipsius sententiâ stare potest falsitas directâ de non peccato materiali, cum veritate reflexâ de non peccato formali. Et quidem si termini *materialis* & *formalis* non exprimentur, veritas reflexa de non peccato coheret cum falsitate directâ de non peccato in eodem opere. Ergo ipse tenetur proprium argumentum solvere, & ostendere, quomodo conscientia reflexa vera & recta non tollat conscientiam directam falsam & erroneam; & quomodo rectè cohereant ista duo, quod una propositio cum veritate affirmet malitiam formalem abesse, & altera erret negando malitiam etiam materiale adesse. Tamen hæc duo mirum in modum insectatur §. 4. Adeo sibi contrarius est, ut, in omnibus ferme, propriis argumentis implicetur, nec ea solvere possit, nisi recurrat ad sententiam, quam impugnat.

Celladeus debet respondere proprio argumento.

Sed quid? est ne verum, conscientiam rectam nil enunciare de ipso opere, sed solum de non peccato? Ita autumat Celladeus, sed haud dubiè fallitur; quia hæc duæ expressiones, non pecco

hic & nunc in hoc opere, & hoc opus hic & nunc est licitum, unum idemque significant, & qui unum dicit, æquivalenter saltem dicit & alterum.

At, inquit, si conscientia reflexa enunciat de ipso opere, non minus errat, quam directâ. Ergo conscientia erronea ita manet erronea, ut rectam fundare, aut in rectam resolveri nequeat.

85. Respondet, me jam ostendisse quomodo utraque ratio enunciet de ipso opere, una tamen sit vera, altera falsa. Immo ostendi Celladeum ipsum ita sentire, suoque argumento debere respondere. Deinde dico, conscientiam reflexam æquè falsam fore ac directam, si utraque enunciaret de eodem objecto relatè ad easdem circumstantias. At si reflexa consideret idem objectum in ordine ad alias circumstantias, quàm directâ, illa poterit esse vera, ista falsa. Hic est casus noster, nam conscientia reflexa enunciat de objecto materiali considerationis directæ in ordine ad istas circumstantias, quod adhibita fuerit diligentia ad veritatem indagandam, quodque post debitam diligentiam objectum illud ex probabili fundamento credatur esse simpliciter omnibus licitum. Unde per principia reflexa legitime inferitur, quod hic & nunc sit mihi licitum, quodque ad peccatum imputari non possit; quæ vera sunt, quamvis iudicium directum, quod considerat objectum illud secundum se & circumstantias illi ex naturâ rei connexas, sit falsum. Exemplum habes in iudice damnante reum legitime convictum. Iudex enim certus est, se hunc condemnare reum illum, quia certus est, eum legitime convictum esse, seque suum in processu faciendo, &c. officium implevisse. Certus etiam est, se hic & nunc juxta legum præscripta iudicare. Unde certò interit, se licitè posse, ac etiam debere hominem illum condemnare. Immo certò novit hoc verum esse, etsi contingat, ut aliquando evenit, testes falsa deposuisse. Ecce Iudex non est certus, hominem illum esse reum; certus tamen est, se illum licitè condemnare. Hæc certitudo oritur à principiis reflexis, quæ supponunt debitam diligentiam fuisse præmissam, reumque legitime convictum juxta legum præscripta condemnari debere. Verum hæc principia nullatenus variant directum iudicium de reatu capitis ob delictum, sed illud in suâ incertitudine relinquunt. Stat ergo, rationem invincibiliter erroneam fundare conscientiam reflexam absolute rectam, tam objecto quàm appetitui recto conformem.

86. Objicit tertio. Si vera essent, quæ diximus, omitti posset iudicium directum de carentiâ malitiæ materialis, & solum elici iudicium de carentiâ malitiæ formalis. Ergo tolleretur conscientia erronea excusans, quod est contra omnes. Ita velle videtur Celladeus §. 4. in fine.

Respondet, multa principia syndereflexis reflexa præsupponere iudicium directum præcessisse, quæ directè se proinde applicari non possunt ad conscientiam certam ac rectam inferendam, nisi iudicium directum actu animam informet. In istis autem casibus toties datur conscientia erronea excusans, quoties iudicium directum invincibiliter errat. Excusat enim primò vi suâ, quia propter invincibilitatem error imputari non potest; excusat secundò, quia fundat iudicium reflexum verum, per quod conscientia absolute recta constituitur. Non ergo tollimus conscientiam erroneam

Conscientia reflexa considerat alias circumstantias quàm directâ.

Obiectio 3.

Judicium præsupponere iudicium directum præcessisse, quæ directè se proinde applicari non possunt ad conscientiam certam ac rectam inferendam, nisi iudicium directum actu animam informet. In istis autem casibus toties datur conscientia erronea excusans, quoties iudicium directum invincibiliter errat. Excusat enim primò vi suâ, quia propter invincibilitatem error imputari non potest; excusat secundò, quia fundat iudicium reflexum verum, per quod conscientia absolute recta constituitur. Non ergo tollimus conscientiam erroneam

neam excusantem, sed eam stabilimus, & simul ostendimus, quā ratione excuset à malo, & inducat bonum.

Ceterum, quando principia reflexa non reflectunt supra iudicium directum, non est opus, ut illud eliciatur; immò aliquando elici non potest, ut patet in conjugio dubio de validitate matrimonii, & in possessore dubio, an res ad aliam

pertineat. Isti enim saepe non habent unde dubium deponant; certificantur tamen, se licitè reddere debitum, & rem possessam licitè retinere. Pontifices enim declaraverunt, debitum in dubio reddi debere; & omnes ferme in eo conveniunt, quòd res illa titulo possessionis licitè retineri possit, non obstante dubio, ad quem de jure pertineat.

QUAESTIO QUARTA.

Utrum Opus ab Errore invincibili directum sit tam bonum, quam opus directum à cognitione verâ?



QUAESTIO hæc affinis est precedenti, multumque conducit ad decisionem controversæ contra Celladeum initæ. Ille enim frequenter jactat, veritatem ipsam inutilem fore, si error non solum excusaret, sed etiam honestatem in operationem refunderet. Accusatio ista efficaciter rejecta est *quaestione precedente*; eadem autem ulterius in istâ rejicietur. Verum quia quaestionem hanc à nemine in terminis propositam aut decisam reperi, ideo cautiùs atque ordinatiùs in eâ determinandâ procedendum erit, ne dum sine duce viam aliis apertis, ipse à veritate aberrem. Sit ergo.

ASSERTIO PRIMÂ.

Ceteris paribus; opus à cognitione certâ & evidenti regulatum melius est; quam opus à cognitione verâ, sed incertâ directum.

Unde sequitur, aliquid honestatis deesse actui à cognitione incertâ regulato, tam quoad affectum erga medium, quam erga finem; quia voluntas minùs afficitur erga medium, de quo formidat, an connectatur cum fine, quam erga medium evidenter connexum cum fine.

Præterea minùs firmiter applicat medium fini, quod videt non necessariò connexum cum fine, quam si sciret illud esse necessariò connexum. Similiter loquendo de ipso fine, haud dubiè voluntas fortius adheret illi, quando certò videt illum adesse, quam quando formidat & vacillat, an adsit necne. Ergo in hoc casu operatio Petri est perfectior operatione Pauli; quia illa regulatur à cognitione certâ ac evidenti tam de præsentis finis, quam de conducibilitate medii; ista verò dirigitur solum à probabili conjecturâ utriusque.

3. Confirmatur multipliciter. Inprimis, non aliâ de causâ amor beatificus in patriâ est melior, quam amor charitatis in viâ, quam quia intellectus lumine gloriæ instructus clariùs Deum cognoscit; ex parte enim voluntatis principia radicalia amandi Deum non variantur. Secundò, qui clarè videt iter esse planum, omnique offenculo carere, alacriùs pergit, quam qui ob defectum luminis non clarè discernit, sed formidat, an in offenculo sit incursum. Tertiò, ipsa ratio voluntarii à prævia cognitione dependet & regulatur, nam si cognitio prævia de bono sit clara & evidens, voluntarium absque involuntarii admixtione prodit; aliter accidit, si intellectus de mali admixtione formidet. Similiter si cognitio prævia sit supernaturalis ex parte objecti (ut ego cum multis existimo fidem esse) etiam effectus voluntatis sequens erit pariter supernaturalis ex parte objecti, quia actus voluntatis, seu voluntarium amulatur ac imitatur naturam cognitionis, à quâ dirigitur. Hæc omnia, præsentis assertioni applicata, eam validissimè confirmant.

Alie rationes ad idem confirmandum.

Opus à cognitione certâ regulatum præstat operi à cognitione incertâ regulato.

PROBATUR. Sint duo, quorum alter, nempe Petrus, certò ac evidenter sciat, eleemosynam hîc & nunc rectè dari huic homini, quia verè egenus est, & quia ipsi suppetit, unde eleemosynam licitè largiatur. Alter verò, scilicet Paulus, quoad alia omnia ita se habeat, sicut prior; sed in eo discrepet, quod neutrum illorum certò sciat, sed solum probabiliter, quamvis veraciter credat utrumque. Porro utique pari voluntatis conatu juxta præviam intellectus dispositionem, eleemosynam tribuat. Dico, Petrum elicitorum actum meliorem, ac honestiorem. Ratio à priori est, quia dispositio, seu totus actus primus, à quo operatio Petri procedit, perfectior est quam dispositio, seu actus primus, à quo operatio Pauli ortum sumit; quia ille certam ac claram, iste obscuram & incertam boni faciendi cognitionem habet. Ergo plus boni refunditur in operationem Petri, quam in operationem Pauli, quia actus primus perfectior ampliore perfectionem refundit in actum secundum, quam actus primus imperfectior. Hoc verum est, si dispositio illa intellectus dicatur effectivè, si effectivè, ut ego quidem existimo, res est clara, quia nobilior causa meliorem gignit effectum: si solum dispositivè, idem sequitur; quia eadem causa, idemque motivum eò nobiliorem effectum producant, quò melius disponuntur, & clariùs aut propinquiùs applicantur.

R. P. A. Terribi Regula morum, Pars I.

SOLVUNTUR OBJECTIONES.

4. OBJECT. Quando cognitio directa est incerta, prius quam voluntas operetur, intellectus recurrit ad principia reflexa, per quæ certò & infallibiliter cognoscit, operationem hanc hîc & nunc esse honestam. Ergo etiam tunc voluntas regulatur à cognitione certâ & evidenti. Ergo non est cur non æquè benè operetur, sicut quando dirigitur à cognitione directâ certâ & evidenti.

Respondeo inprimis, rationes à nobis allatas Solvitur. concludere adversus eos, qui solum considerant

operationem voluntatis à cognitionibus directis regulatam. Ergo concludit adversus Celladeum, qui non admittit regulationem istam per principia reflexa.

Intenta per se à naturâ præstantius, quæ intenduntur per accidentia.

5. Deinde respondeo, operationem Petri adhuc meliorem esse operatione Pauli, quia certitudo & evidentia directâ de honestate operis secundum se melior est, quàm certitudo & evidentia de honestate operationis, cum incertitudine ac formidine de honestate operis. Ratio est, quia quæ per se intenduntur à naturâ, meliora sunt, quàm quæ intenduntur solum per accidentia; hæc enim non aliâ de causâ instituuntur, quàm ut meliorum locum aliquantulum suppleant, quando ex imperfectione nostrâ ad perfectiora pervenire non possumus. At certitudo & veritas directâ de rerum honestate per se intenditur, veritas autem & certitudo reflexa solum per accidentia, & in defectum certitudinis directæ. Ergo certitudo & veritas directâ melior est, magisque divinæ voluntati conformis, quàm reflexa. Ergo & operatio, à certâ cognitione directâ regulata, melior est, quàm quæ à reflexâ solum regulatur.

Plura concurrent ad bonitatem, quando ad est certitudo, quàm quando sola probabilitas habetur.

6. Ratio ulterior, & fundamentalis hujus rei est, quia principia reflexa à fortiori locum habent, quando cognitio directâ est certa. Si enim evidens sit, sequentem opinionem probabilem non peccare, à fortiori evidens est, cum non peccare, qui sequitur cognitionem certam. Ergo omnia principia refundentia honestatem in operationem Pauli adsunt, & honestatem refundunt in operationem Petri.

Præterea operatio Petri ex aliâ etiam parte oritur ex principiis directis refundentibus honestatem, ex quibus operatio Pauli nullam honestatem haurit. Ergo operatio Petri melior est operatione Pauli.

Demum evidentia reflexa considerat opus in ordine ad peculiare circumstantias, à cognitione directâ non expressas. At opus, reflexis illis circumstantiis tantummodo subsistens, non est tam bonum, quàm opus subsistens illis ipsis, atque etiam aliis directis, à quibus certò honestatur; quia certitudo honestatis in secundo casu duplex est, nempe certitudo honestatis de operatione hic & nunc, atque etiam certitudo de honestate operis secundum se, in quod proinde majori alacritate ac vi animus se effundit, quàm quando sola reflexâ certitudine utitur.

Demum voluntas Dei, quæ est prima regula honestatis in operationes nostras refundendæ, non una eademque obversatur utrique operanti. Nam Paulo obversatur voluntas merè permissiva in istis circumstantiis ob nostram ignorantiam, &c. At Petro objicitur voluntas directè intentiva ac volens. Jam voluntas Dei intentiva, cognita & applicata, majorem honestatem refundit in opus, quàm voluntas solum permissiva; nec de hoc dubium esse potest. Ergo operatio Petri est melior operatione Pauli. Stat ergo, operationem à cognitione directâ certâ regulatam, cæteris paribus, meliorem esse operatione, quæ à cognitione directâ tantum probabiliter dirigitur.

ASSERTIO II.

Cæteris paribus, melior est operatio à cognitione directâ certâ & evidenti regulata, quàm quæ ab errore invincibili dirigitur.

Opus ab errore regulatum est minus bonum, quàm opus regulatum à cognitione certâ.

7. **P**ROBATUR. Operatio ab errore invincibili directâ non potest esse melior operatione regulatâ à cognitione verâ & æquè probabili, ac est ipse error. At operatio, à cognitione directâ certâ & evidenti regulata, melior est, quàm operatio à cognitione verâ sed solum probabiliter regulata. Ergo melior est, cæteris paribus, quàm operatio, quæ ab errore invincibili dirigitur. Major est indubitata, minor constat ex assert. 1. consequentiâ legitime deducitur.

ASSERTIO III.

Operatio ab errore invincibili regulata, cæteris paribus, tam bona est, quàm operatio à cognitione verâ sed solum probabiliter regulata.

Opus ab errore invincibili ortum est tam bonum, quàm opus à cognitione probabiliter verâ regulatum.

8. **P**ROBATUR. Si cætera sint paria, actus probabilis erroneus est intrinsecè tam perfectus, quàm actus probabilis verus, quia in istiusmodi actibus veritas formalis est denominatio partim extrinseca, & consequenter accidentalis actui vero. Ergo fieri poterit, ut actus erroneus sit tam perfectus, quàm actus verus. Rursus actus ille erroneus tam prudenter à voluntate imperari potest & solet, quàm actus probabilis verus. Ergo est etiam extrinsecè à prudentiâ tam perfectus, & aliquando perfectior, quàm actus verus. Ergo actus voluntatis ab istis cognitionibus directis, si cætera sint paria, æquè boni sunt. Neque enim est, unde sumatur diversitas, cum similis prorsus sit dispositio in intellectu & voluntate utriusque, quâvis unus erret, alter non erret in suo iudicio. Sic duo, eodem prorsus fundamento putati & habiti fratres, si cætera sint paria, æquè honestè operantur obediendo patri putato, & negando obedientiam filialem aliis; quâvis unus illorum erret, existimando illum esse suum patrem, qui pater illius non est, alter verò non erret. Ratio autem est, quia in isto casu nulla est diversitas neque in directis neque in reflexis actibus, quibus isti conscientiam suam formant. Similiter nulla est diversitas in actibus præviis, vi quorum prudentialiter imperant assensus, quibus credunt illum non alium esse suum patrem. Demum ex parte voluntatis & inclinationis ad finem nulla est diversitas. Ergo actus voluntatis, qui à talibus cognitionibus regulantur, sunt prorsus similes, & æquales, nec unus eorum magis placere Deo potest quàm alter; quod adeo clarum videtur, ut mirum sit, illud à Celladeo in dubium revocari potuisse. Monstro enim simile est, quod unus duorum bene, alter non bene agat, quod unus Deo placeat, alter non placeat, aut quod unus bene, alter melius operetur, quando uterque eodem modo conatur rectè operari, atque eisdem omnino, aut prorsus similes actus intellectus & voluntatis elicit. Et tamen monstrum hoc ex doctrinâ Celladei, si ea vera esset, nasceretur, quia ille docet, nullam operationem ab errore directam esse bonam, cum tamen certum sit, operationem prorsus

prorsù similem, à cognitione & affectu pariter similibus ortam, esse bonam, quando cognitio est vera.

Dices. Ergo nil refert, utrùm erremus, an verum dicamus. At hoc absurdum videtur. Ita Celladeus.

An. & cur referat non errare?

9. Respondeo, errorem in hujusmodi casibus, si sit invincibilis, nil prorsù obesse in ordine ad finem voluntatis, & ad placendum Deo, modò error ille in eadem prorsù aut pari præsumptione fundetur, atque pari prudentià à voluntate imperetur, ac judicium verum. At in aliis casibus error, etiam invincibilis, obest, quia impedit majorem honestatem; quæ à cognitione directâ certâ, si ea adesset, in actum refunderetur. Præterea in omni casu error semper contrariatur fini intellectus, quia privat veritate, ad quam intellectus essentialiter ordinatur; ideoque in omni casu simpliciter loquendo plurimum refert non errare.

10. Ex duabus istis quaestionibus tota Cella-

dei doctrina funditus evertitur, quia totâ in eo fundatur, quòd nulla operatio, ab errore regulata, esse possit bona, quamvis aliqua sit non mala; illa scilicet, quæ suum ab errore invincibili ortum sumit. Et hoc quidem ejus assertum in quaestione præcedenti convellitur; in hac verò aliud, & quidem ferme continuus, ejusdem error detegitur. Ubique enim supponit, errorem in sententiâ probabili aliquando latentem esse nobis tam utilem, quàm sit certissima veritas directâ. Unde infert, miseram prorsù fore scientiam moralem, si nost a sententiâ admittetur, quia tanti esset in illâ errare, quanti scire. Verùm sicut ex dictis constat, falsum esse antecedens, ita pariter ex eisdem constat, consequens esse falsum, & consequentiam nullam. Sed de his singillatim agendum erit uberius, ubi Celladeus, aut datâ aut etiam quaesitâ opportunitate, eadem tamquam absurda ex nostrâ sententiâ provenientia obtrudet.

Ex quo dicitur de doctrina Celladei eventatur?

QUÆSTIO QUINTA.

Virum Celladeus in referendâ sententiâ, quam impugnât, fideliter se gesserit?

1. **I**n tract. de conscientia prob multis locis, atque hâc etiam quaest. 2. num. 198. & sequentib. ostendi, adversarios benignæ sententiæ non impugnare illam in sensu ab ejus assertoribus intento, sed solum à se confecto; similiter ostendi, quosdam novam excogitasse opinionis probabilis notionem ab aliis non admissam, atque ita densum improbasse usum opinionis probabilis ut illicitum, atque verbis tantum contra alios multum declamasse, cum neminem adversarium haberent, sed propria tantum phantasmata, & miras ex illis deductiones tanquam absurdas impugnarent. Videndum ergo est, utrùm Celladeus hâc in parte æquid se gesserit, quia lib. 1. quaest. 4. & 5. proponit, quid Auctores benignæ sententiæ nomine opinionis probabilis intelligant, & quomodo eam dividant.

ASSERTIO PRIMA.

Celladeus minus fideliter se gessit in referendâ legitimâ notionem opinionis probabilis.

Celladeus minus fideliter se gessit in referendâ notionem opinionis probabilis.

2. **P**ROBATUR. Potissimi Theologi, qui de notionem & naturâ opinionis probabilis exactius egerunt, discretissimis verbis duo ad eam requirunt: primum, ut gravi fundamento nitatur, secundò, ut nil certi in contrarium afferatur. Ego fusè de hâc re egi quaest. 2. de consc. prob. ubi num. 41. definiivi opinionem probabilem esse judicium absolutum sed incertum de aliquo obiecto, mixtum motivo prudenti, cui proinde homo, omnibus inspectis, irreprehensibiliter assensum præbet. Porro ante hanc definitionem explicui, quid sit motivum prudens, unâ cum reliquis terminis, qui difficultatem ullam continent: Nullum autem motivum est prudens, quod & absolute in se, quatenus directè impellit ad assensum, & comparativè ad omnia, quæ afferuntur in oppositum, tantæ magnitudinis non sit, ut inducere possit

hominem peritum & probum ad assensum, quando in ferendo judicio non ex indebita passione movetur, sed, sicut decet virum doctum & pium, judicium format. Porro, ex definitione illâ reliquisque antea dictis, ibidem intuli, nil esse posse probabile, quod aut sólido fundamento caret, aut rationi manifestè repugnat. Rursus intuli, omnia illa esse indubitanter improbabilia, quæ sacre Scripturæ, Patrum traditioni, Ecclesiæ definitioni, Conciliorum, ac Summorum Pontificum decretis repugnant. Idem expressè tradunt complures Theologi gravissimi, ac potissimi sententiæ benignæ Auctores, qui certè non frustra horum omnium tam disertè meminerunt; non enim tam operosè, tam notanter de illis egissent, nisi singularem eorum omnium considerationem habendam judicarent, quoties determinandum est, an aliquid in materiâ morum & fidei sit probabile, nec ne. Ergo quicumque ex instituto intendit eorum sententiam rescindere, & ideo ex professo in limine disputationis suæ eorum sententiam sedulo exponere præterdit, & actu exponit; quicumque, inquam, hoc præstat, minus fideliter se gerit, si, nonnullis expressis, taceat alia, de quibus Auctores, quos impugnat, maxime solliciti sunt, ut eorum peculiaris ac expressa notio habeatur. Atqui hoc modo se gessit Celladeus in referendâ sententiâ Auctorum de notionem & essentiâ opinionis probabilis; nullum enim verbum habet, quòd exigant, ne quid certum in contrarium afferatur. Ergo minus fideliter se gessit in referendâ legitimâ notionem opinionis probabilis; reticuit enim quod minimè reticendum erat, sed eadem fidelitate ac significatione exprimendum, quâ Auctores id signanter exponunt, & ad essentiâ opinionis probabilis requirunt.

3. Dices: non est necesse, ut in explicatione opinionis probabilis explicitè apponatur, quid in contrarium nil certi obest, quia hoc sufficienter includitur in aliis particulis, quas Celladeus attulit;

attulit; nempe in eo, quod opinio probabilis niti debeat digno ac sufficienti fundamento, hoc enim involvit illud.

Solvitur.

Respondet, Celladeum non futurum fuisse solummodò minus fidem, sed falsarium, si utrumque omisisset; sed absit hoc vel cogitare de tali viro. Ceterum, sicut ipsi Auctores non fuere contenti hanc implicitam inclusionem unius in alio, sed iustis de causis utrumque exprimere lategerunt, ne in re tanti momenti deceptio irrueret; ita pariter Celladeus eadem exprimere debebat; quæ cum omiserit, quamvis illa ab Auctoribus benignæ sententiæ habeantur magni momenti, effugere non potest, quin minus fidelis & exactus merito habeatur. Verum tolerabile esset, si hoc tantum in loco id omisisset; sed cum sæpe in decursu operis in idem recidat, ut suis locis observabitur, id minus ferendum est.

ASSERTIO II.

Celladeus minus fideliter se gessit in referendis Auctorum sententiis, de divisione opinionis probabilis.

Celladeus minus fideliter retet aliorum opinionem de divisione opinionis probabilis.

4. **P**ROBATUR. In primis §. 2. ita refert sententiam docentium, unum Auctorem ad opinionem probabilem reddendam sufficere, ut id crudè & absque ullis limitationibus proferat, tamquam absolute ab illis assertum; cum tamen certum sit, Auctores illos plurimas limitationes apponere ad hoc, ut unus Doctor sententiam suam reddat probabilem. Ergo hanc in parte minus fideliter se gessit. Et sanè huiusmodi modus proponendi hanc sententiam ex se aptus est efficere, ut Lector statim de eâ sinistram opinionem concipiat, quia durum videtur, quod unus Doctoris assertum simpliciter & universaliter habeatur probabile, maxime contra unanimem aliorum omnium opinionem. Jam certum est, Auctores hoc in tali universalitate non docere; & tamen sententia illorum ita proponitur, ac si diserte, & tam crudè illud tenerent, sicut ille proponit.

5. Secundò, §. 4. ita refert opinionem quorundam dicentium, omnes opiniones reputari debere tutas in praxi, quæ in ullo Auctore gravi reperiuntur, modò nec à superioribus, nec ab aliis Doctoribus ullâ censurâ notentur, ita, inquam, hæc refert, ac si Auctores benignæ sententiæ communiter ita sentirent, cum tamen vix sit unus aut alter, nec magni nominis viri, qui ista tradiderint; nam alii omnes propositionem illam, illâ generalitate acceptam, ut falsam & intolerabilem damnant. At hoc est minus exactè ac fideliter opiniones referre, ut patet.

Alii similes defectus Celladei.

6. Tertiò, totâ quæst. 4. ita proponit opiniones Auctorum benignæ sententiæ circa definitionem ac divisionem opinionis probabilis, ac si magnæ inter eos essent lites & dissensiones de rebus summi momenti, omnesque loquerentur terminis, quibus mentem suam insufficienter explicarent, atque tota doctrina illorum ad laxitatem tenderet; qui enim totam questionem illam quartam perlegerit, alium ex vi illius conceptum non formabit, quàm quem jam exposui. At hoc est minus fideliter se gerere in explicandis Auctorum sententiis, quas eo loco diligenter explicandas, & nullo modo impugnandas suscepit. Et sanè in rebus momenti magna inter Auctores illos est concordia, omnesque clarè ac diserte

mentem suam explicant. Præterea omnes ferme valdè cautè se gerunt, ne ad laxitates deflectant. Hoc inde factum videtur, quod cum hæc scriberet Celladeus, non aspexerit, quæ Doctores de hac re tradiderant, sed ea solum protulerit, quæ memoria dimidiatè tunc suggerbat. Quod si legisset sex priores questiones ex tract. de conscientia probabilis, aliter, ni fallor, hæc omnia proposuisset; in illis enim clarè proposui omnia, quæ ad essentiam, proprietates, ac divisionem opinionis probabilis pertinent, ad quæ Lectorem remitto, quia ibi inveniet distinctè proposita, quæ Celladeus minus adæquatè, minusque fideliter expressit.

ASSERTIO III.

Celladeus alicubi palpabili falsitate, materialique calumniâ gravissimâ proponit sententiam eorum, quos impugnatur.

7. **P**ROBATUR. Celladeus lib. 1. quæst. §. 2. ubi prosequitur declarationem sententiæ benignæ, quam impugnandam suscipit, hæc habet. Si verò queratur, an opinio (quam dicunt esse sufficientem conscientie regulam) debet respectu esse probabilis; an sufficiat eam videri, existimariq; probabilem? In primis ipsi nihil hanc distinctionem de esse & de videri aut curant, aut explicarunt, nec explicare, credo, possunt in viâ suâ, ut lib. sequent. constabit. Hæc Celladeus non solum minus fideliter, sed patenter falsò nobis imponit. Provoco eum, ut verum esse ostendat, quod dicit; hoc ni fecerit, patienter feret, si dicamus, eum; juxta præsentem propriæ imaginationis representationem, non juxta veritatem olim ex sedulâ lectione haustam, aliorum sententiis proponere. Immo quocumque se verterit, haud fugere poterit hanc notam, quia certum est, plures Auctores de hac re diligenter egisse, eosque omnes (uno aut altero dempto) expressè requirere, opinionem esse debere certò probabilem, ut pro regulandâ conscientia sufficiat. Ego in tract. de consc. prob. multis in locis, præsertim quæst. 5. & 6. in alio sollicitior non fui, quàm ut ostenderem signa infallibilia, per quæ certò scire possimus, quænam opiniones sint certò, quænam verò solum probabiliter probabiles, ut sic certi esse possimus, nos in operando legitimam regulam adhibere. Nec dicat, me solum hoc præstuisse, meumque librum ad manus ipsius non pervenisse; ego enim in hoc ipso alios imitatus sum. In initio quæst. 2. citavi Lugo, Bresserum, Honoratum Fabri, Bardum, aliosque plures, qui expressè asserunt, opinionem, ut eam tuto sequi possimus, esse debere certò probabilem. Magnam ergo & palpabilem falsitatem nobis imponit, dum dicit nos distinctionem hanc, de esse & de videri opinionem esse probabilem, nec curasse, nec explicasse, cum omni diligentia utrumque præstiterimus.

8. Scio, antiquiores expressè non distinxisse inter opinionem certò & probabiliter probabilem, recentiores autem apertè distinxerunt. Unus quidem aut alter expressè tenent, probabilitatem solum probabilem pro regulandâ conscientia sufficere. Reliqui omnes, qui absolute tenent probabilitatem sufficere ad excusandos sectantes minus tuta, aut supponunt, aut expressè tradunt, probabilitatem de honestate operis esse debere certam, ut operantem certò excuset. Ceterum

Auctores expressè requirunt probabilitatem certam pro regulâ conscientie.

terum illi etiam; qui tenent probabilitatem probabilem sufficere, non dicunt illam sufficere, si quomodocumque videatur aut existimetur adesse, quia opinio aliqua potest imprudenter reputari probabilis; in quo casu probabilitas sic apparens neminem excusaret. Ut ergo excuset, requiritur, ut iudicium affirmans illius existentiam sit saltem probabile. Nemo ergo prorsus est, qui probabilitatem utcumque existimatam sufficere arbitretur. Ergo toto cælo errat Celladeus, dum confidenter oppositum asserit, nec solum errat simpliciter, sed magnam suis adversariis calumniam materiam imponit.

Aliam falsitatem nobis imponit Celladeus.

9. Probatur secundò. Non minus turpiter erravit, nec minorem calumniam nobis imposuit Celladeus eadem *quest* 5 §. 1. in explicatione sententiae benignae, ubi dicit, multos benignae sententiae Auctores docere, posse quemlibet tutò operari, atque eo quòd de rebus ipsis opinetur ac iudicet; sed abundè sufficere, si, ipsis nil op nanibus, inveniant dari opinionem probabilem libertati faventem. Et quidem ut ex hoc abominationem excitet contra illam sententiam, expressè asserit, hunc procedendi modum in Academicum declinare. Hæc ille. Sed in omni apice apertè errat, quia ne unus quidem ex omnibus Auctoribus nostræ sententiae assignari potest, qui expressè non requirat iudicium saltem reflexum, quo iudicet omne illud esse licitum quod est probabile, ac proinde hoc esse licitum, quia hoc est probabile. Et ne videar nimis jactanter & universaliter hoc asserere, provocho illum, ut vel unum ostendat aliter loquentem, aut fatentem sufficere, quòd quis credat aliquod esse probabile, quamvis non existimet omnè probabile esse licitum, aut ex aliquo alio ejusmodi principio formet absolutum iudicium, aut directum; aut reflexum, de honestate operis, quod facit. Sanè, ut vitet notam Auctoris aliis imponentis quæ non asserunt, teneatur aliquem assignare, qui ita loquatur. Verum nunquam id præstabit, cum oppositum sit certissimum omnibus, qui Auctores legerunt & ex illorum lectione certò discunt, quid ipsi senserint.


Academici toto cælo à nobis discrepant.

10. Hinc autem invidia Academicismi, in quem Celladeus impingere nos arbitratur, longissimè arceatur. Academici enim aiebant, prudentem ita gerere se debere, ut nil iudicando eagar, quæ ipsi agenda videntur. Unde omnes excusabant, qui in dubio operabantur; eos autem condemnabant, qui ex iudicio prius formato

ad opus se extendebant; quia omne ejusmodi iudicium aut pro falso habebant, aut certè summo errandi periculo carere non posse asseriebant; omnemque proinde, qui ex præconcepto iudicio operabatur, imprudentem appellabant, quia prudentem nunquam errare, aut erroris periculo se exponere debere asseriebant. At nos è contrario dicimus, neminem à peccato excusari posse, si in dubio operetur. Deinde asserimus, quòd pro honestà operatione necessarium sit, operantem formare iudicium, quo antoluted credat se honestè operari. Præterea de conceptu probabilis apud nos est; ut nil adsit certum in contrarium; hoc autem est de subiecto, ut aiunt, non supponente apud Academicos, quorum præcipuum dogma erat, nil certum nobis esse posse. Itaque tam natura probabilis, de quo nos agimus, quàm noster procedendi & opinandi modus, Academicis in omnibus contrarius, evidenter ostendunt, neminem magis quàm nos, ab Academicorum opinione recedere quamvis Celladeus, falsà & à se confictà nostræ opinionis expositione deceptus, magnam Academicismi periculum in benignâ sententiâ latere existimaverit. Sed de hoc argumento fusius infra *quest* 25. tractandum erit.

11. Probatur tertio. Eadem *questione* 5 §. 2. Celladeus expressè dicit Auctores benignæ sententiae docere, actum quemvis, etiam illum, quo Paganus idola colit, & Christianos talis cultus impugnatores diris tormentis cruciat, esse honestum, in dō Paganus ille, aut quisvis alius absolute existimet, se benè operari in eo, quod facit. At hæc est calumnia gravissima; quia etsi nonnulli aliqua similia nonnunquam excusent à peccato, quia putant tales homines invincibiliter posse in his errare, omnes tamen apertò ore dicunt, eos non excusari, si in his vincibiliter errent, in quibus plerumque contingit, errorem esse vincibilem. Et tamen tunc operatio conformis est existimationi absolute de honestate ipsius. Ergo omnes dicunt, operationem, existimationi seu conscientiae conformem, sæpe esse peccatum, & non actum honestum. Ergo Celladeus non in unâ re, sed in multis referendis minus fideliter se gessit, & in nonnullis gravem calumniam materiam intulit. Sed de hoc argumento plura dicuntur *quest* 13. ubi hanc à nostrâ sententiâ calumniam ex professo propulsa-

Alia Celladei calumnia materialis.



QUÆ.

QUÆSTIO SEXTA.

Virum Celladeus meritò deferuerit benignam sententiam ob auctoritatem Sacra Scriptura, & Sancti Augustini.

Celladeus 1.
deferuit be-
nignā sen-
tentiam.



UI diu alicui sectæ aut opinioni adhererent, non leuem illi notam incurrunt, quando, post longam illius considerationem, tandem eam deferunt, & oppositæ assensum præbent: quod maximè verum est, quando meritò sententiam mutauerunt. Celladeus ergo; ut etiam ex hac præsumptione benignæ sententiæ detrahat, apertè fatetur, se multis annis adeo fixum in illâ fuisse, ut vix patienter audire potuisset quemquam, qui illam in dubium vocare ausus fuisset. Hoc tamen non obstante, asserit, se tandem, veritate victum, mutasse sententiam; & ne immeritò eam deferuisse videatur, statim ab initio sui operis plura allegat, quæ illum non solum terruerunt, sed etiam aliam inire viam coegerunt. Quocirca operæ pretium erit præterita hæc motiva examinare, earumque insufficientiam ostendere. Incipio à locis ex Sacra Scripturâ & S. August. desumptis, quia illa summi sunt momenti, & si ipsi faverent, & me, & omnes cordatos ad idem cum ipso sentiendum pellicerent. Reliqua in aliis quæstionibus examinanda erunt. Sic ergo.

ASSERTIO UNICA.

Auctoritates Sacra Scripturae atque S. Augustini, à Celladeo initio sui libri allatae, non continent motivum sufficiens ad recedendum à communi sententiâ, sed potius suadent in eâ manendum.

Sed sine
fundamen-
to eam de-
feruit.

2. PROBATUR assertio examine textuum, quos citat; ex illorum enim ponderatione, verum invenietur quod dico. Cæterum aptiorem viam eos examinandi non invenio, quàm si per modum objectionum proponantur; sic enim brevius & expeditius ad intentum perveniam.

SACRA SCRIPTURA

Celladeo non favet.

OBJICIES primò. Qui tradunt probabilitatem sufficere ad regulandam conscientiam, redarguuntur à Prophetâ Isaiâ cap. 5. vv. 20. dicente. *Va qui dicitis malum bonum, & bonum malum.* Certum enim est, eos, qui Theologiam ac Summas casuum scripserunt, plurima solum probabiliter resolvisse, & in aliquibus deceptos fuisse. Eo ipso autem quòd errant, dicunt bonum malum, aut malum bonum; alioqui non errarent. Ergo subjiciuntur vix à Prophetâ intentato. Quis ergo talem doctrinam tradere audebit?

Rursus, Marci 7. vers. 7. Christus hanc sententiam protulit: *In vanum autem me colunt, docentes doctrinas & præcepta hominum.* Unde sic argui potest. Qui docet opinionem, etiam proba-

biliorem; si erret, non Dei sed hominum doctrinam docet. Ita fermè Celladeus lib. 1. quæst. 1. §. 4. qui hisce S. Scripturæ locis territum, & à communi sententiâ meritò revocatum se fuisse declarat.

3. Respondeo inprimis, Celladeum, hæc quasi periculosa contra alios objicientem, propriâ sententiâ seipsum illaqueare, atque ore proprio quodammodo condemnare. Qui enim sic objicit, fatetur, vix illud Propheticum omnes in materiâ morum errantes impetere. Ergo si Celladeus erret, vix illud illum impetit; quia unusquisque secundum propriam conscientiam iudicatur. Hinc contra te, Celladee, sic arguo: Tu dicis, licitum non esse sequi probabilia, immò nec probabiliora. Tu asseris, solam veritatem esse sufficientem conscientiæ regulam. Tu dicis, opus ex ignorantia invincibili peractum bonum non esse, licet non sit malum. Tu plurima istiusmodi in progressu doces. Ergo periculo summo te committis; si enim erres, vix Propheticum capiti tuo imminet; quia aut malum bonum, aut bonum dicis esse malum. Si erres, salvatoris sententiâ te premit, quia non Dei, sed hominum doctrinam tradis. Sed quòd non erres, certum non est; quòd erres, probabilissimum; quia in omnibus à communi Doctorum tramite declinas, & in multis propriam contra unanimem aliorum omnium sententiam tenes. In talibus autem probabilissimum est errorem non vitari, quod loquendo de collectione opinionum moraliter certum est. Sed & suis locis te in omnibus errasse demonstrabo. Cur ergo contra propriam sententiam tanto periculo te committis?

Sacra Scriptura non favet Celladeo, sed eū arguit.

4. Respondeo secundò, cum Sancto Thomâ, quodl. 9. art. 15. quæstionem dubiam de moribus periculose determinari, in quamcumque partem resolvatur, quia non minus periculolum est conscientias nimis actare, quàm eas minimùm laxare. Munus ergo Theologi est, ut maturè rem consideret, & quod rationi magis consentaneum repererit, id demum enunciet. Auctores benignæ sententiæ ita fecerunt. Ergo nullum illis vix imminet, si errent, quia munus suum impleverunt. Sancti ipsi, Bonaventura, Thomas, Antoninus, aliique contraria de moribus tradiderunt, ac proinde aliqui illorum malum bonum, aut bonum malum vocaverunt, & doctrinam hominum, non Dei tradiderunt. Annè ideo quisquam illorum terribili illi Prophetæ vix obnoxius fuit? minimè. Itaque certum est, sæpe malum bonum, aut bonum dici malum, doctrinasque non Dei, sed hominum doceri, absque incurfu, immò absque magno periculo incurrendi vix Prophetici, quia illud non tangit eos, qui in rebus verè incertis post diligentem veritatis investigationem rationabiliter & probabiliter quæstionem resolvunt; hi enim certò sibi persuadent, se, de hoc labore suo, quamvis ex humanâ infirmitate erraverint, non vituperationem & poenam sed laudem & præmium reportaturos. At Celladeus, qui sibi ipsi periculum statuit, erroremque etiam

Theologi munus periculolum est, & cur?

etiam materiale vitio vertit, habet unde timeat; debuisseque à salum scripturae abstinere; sic enim rursus fuisset. Quomodo autem aliter tutus fuerit, haud apparet, nisi in praxi à suâ sententiâ recesserit.

In incertis opinio probabilis sine periculo tenetur.

5. Præterea peto à Celladeo, quosnam asserere possit sacrae Scripturae Interpretes, qui loca ista in sensu ab illo intento intelligant? Si nullos (nullos autem asserere potest) quomodo audet sacras literas ad alienos sensus detorquere? Itaque Interpretes ita loca ista exponunt, ut ii tantum reprehendantur, qui vitia pro virtutibus prædicant, ut moderni hæretici, qui votum castitatis repudiant ut malum, quique matrimonium post votum etiam solennæ castitatis honestum prædicant, &c. Reprehendendi ergo sunt illi soli, qui in rebus certis veritatem deserunt, aut in incertis absque sufficienti indagatione effutiunt quod sibi commodum, aut honorificum putant. At qui in rebus verè incertis, atque hinc inde probabilibus (qui est casus noster) post diligens examen, rationabili fundamento moti, alterutram partem amplectuntur, nulli periculo obnoxii sunt, alioquin nemo sacrae Scripturae, Jurisprudentiæ, aut Theologiæ absque evidenti animæ periculo operam navare, aut ullam in fidei & morum materiâ sententiam incertam tenere posset; quo nil absurdius dici potest.

SANCTUS AUGUSTINUS

Celladeo non favet.

An illa ignorantia fuerit insuperabilis Augustinus?

6. **O**BJICIT secundò. August. lib. de utilitate credendi cap. 8. hæc habet. *Ut enim trans mare abfissi, cunctabundum atque hæsitans, quid mihi tenendum, quidve dimittendum esset, &c. Sape mihi videbatur non posse inveniri, magniq; fluctus cogitationum meorum in Academicorum suffragia ferebantur. Sape rursus intuens, quantum poteram, mentem humanam tam vivacem, tam sagacem, tam perspicacem, non putabam latere veritatem, nisi quid in eâ modum querendi latere, eundemq; ipsum modum ab aliqua divinâ auctoritate esse sumendum. Ecco Augustinus, infractus veritatis indagator, fateatur veritatem ipsam erui posse, si debite queratur, eamq; ipse tam in materiâ morum quàm fidei tam certò assecutus est, ut nemo negare possit citra errorem; cum Cælo potius esse. Fieri enim non potest (inquit idem Aug. de quant. animæ cap. 13) quâdam providentiâ divinâ, ut religiosi animis scriptus & Deus suum. id est. veritatem per, casû, & diligenter querentibus inveniendi facultas desit. Unde sic arguere licet. Veritas debite quæsitâ inveniri potest, Augustino non solum teste luculento, sed manifesto exemplo. Ergo qui errant, culpabiliter errant. Ergo sola veritas, non opinio, est regula morum. Ita Celladeus lib. 1. quæst. 1. §. 4. Ubi omnino alludere videtur ad illationem à me factam, quamvis eam non expressè intulerit. Nec mirum, quia ille, aut nullum, aut vix ullum errorem invincibilem in materiâ fidei & morum, præsertim circa jus divinum, admittit. Ex sanè nisi ita inferat, frustra præmissas illas posuit.*

Error Celladei detegitur.

7. Respondeo, Celladeum certò errare, sive velit nullam prorsus veritatem latere quemquam debite querentem, sive se ad fidei morumque materiâ restringat; quia innumeræ veritates ad fidem moresque spectantes ita latent, ut à nemine certò dignosci possint. Argumento sit, Sanctissimos doctissimosque viros, Thomam, Bo-

naventuram, aliosque, de iisdem rebus tractantes, in oppositas abiisse sententias, aliosque ita post se traxisse, ut adhuc post omnem conatum certò scire nequeamus, ex quâ parte veritas lateat. Quod si Celladeus adhuc dubitet, & contrarium sentiat, aperte fallitur. Unde nil refert, si in re tam apertâ adhuc reclamare pergat.

8. Sed quid ad Augustinum, quem citavit? Respondeo, Aug. certissimè nobiscum sentire, quia multis in locis ignorantiam in agendis ac docendis sibi insuperabilem agnoscit. Audiat in tract. ad Orosium contra Priscillianistas & Origenistas, cap. 11. *Esse Sedes, Dominationes, Principatus, Potestates in celestibus apparatibus, firmissimè credo, & differre inter se aliquid indubitatâ fide teneo. Sed (nota vici humilitatem) quo me contemnas, quid inter se differant nescio. Mox modestè de hujus ignorantie imputabilitate sic subiungit. Nec eâ sunt ignorantia periclitari me puto, sicuti in obedientiâ, si Domini præcepta neglexero. Hactenus de speculativis quaestionibus aliquo modo ad fidem spectantibus loquitur Aug. sed paulò post cap. 12, de rebus nobis propinquioribus, earumque ignorantia plura subiungit, & quidem in rebus summi momenti, qualis est illa, an omnes animæ ab unâ procedant, dicitque se vehementer optare & expetere, ut per Orosii preces Deus hanc à se ignorantiam auferat, & sic concludit. Tamen si, quod absit, minimè mervero, patientiam mihi peto à Domino Deo nostro. In quem sic credimus, ut aliqua nobis non aperiri etiam pulsantibus, nullo modo adversus eum murmurare debeat. Et paulò post. Multa alia similiter nescio, quæ commemorare, vel enumerare non possum, & hoc tolerabiliter ignorarem, nisi (nota bene) metuerem, ne aliqua istarum opinionum contra illud, quod firmissimâ retinemus fide, incautus obtreperet mentibus. Rursus lib. 1. de serm. Dom. in monte cap. 16. post medium, dubitat, an uxor à marito dimissa committat Mœchiam, si, priore marito superstiti, alteri viro copuletur: Si autem, inquit, dimittatur à viro, cum quo esse cupiebat, mœchatur quidem, qui eam duxerit secundum Domini sententiam, sed utrum & ipsa tali crimine teneatur, incertum est. Ibidem paulò infra dubitat, an aliquando liceat uxori, consentiente marito, alteri commisceri, & hæc subdit. Quamquam nonnulla causa possint existere, ubi & uxor, mariti consensu, pro ipso marito hoc facere debere videatur, sicut Antiochia factum esse perhibetur. Mox, relato casu illo Antiocheno, sic concludit: Nil hic in alteram partem discepto, liceat cuique estimare quod velit. Sed & epistola 65. ad Paulinum, legenda est, in qua frequentes suis circa Dei legem hæitationes & ignorantiam Paulino exponit. Certum ergo est, multas veritates & speculativas & practicas, ad fidem & mores spectantes, Augustinum latuisse, nec alium testem cupio, quàm Augustinum ipsum, qui talia de se profertur, qualia proferre debuisse, si totum Celladei intentum, ex professo evertere satagisset.*

Augustinus fatetur in multis ignorantiam sibi fuisse insuperabilem.

9. Itaque dico, Augustinum, locis à Celladeo citatis, de illis solum agere, quæ sunt simpliciter necessaria, seu necessaria necessitate mediæ ad salutem. Probatur hoc, quia in lib. de utilitate credendi expressè agit de inveniendâ verâ Fide Catholicâ, ut patet ex contextu; illa autem est absolute necessaria ad salutem. Ceterum in eodem libro plurima tradit de ignorantia & errore prorsus invincibili, quibus homines decepti agunt, quæ ex veritate agere non debebant; talia sunt negare obedientiam veris parentibus, & illam

Necessaria ad salutem a-minem debite querentem latent.

illam reputatis tantum parentibus tribuere, & alia ejusmodi. Homines tamen sic decepti, & talia agentes, non peccant; sed laudabiliter operantur. Hæc Augustini Doctrina totum Celladei intentum, atque operis ipsius scopum, prorsus evertit. In altero autem libro agit de inveniendi Deo, & de animæ immortalitate; quorum utrumque est necessarium credendum ad salutem. At de necessariis necessitate medii omnes Catholici uno ore fatentur; ea ab omnibus, divina providentia opulante, inveniri posse, ac tandem inveniri, si debite querantur; quia facienti quod in se est, Deus non denegat gratiam, nec ea cuiquam abscondit, sine quibus sibi vitam æternam parare non potest. Itaque Celladeus, qui ex istis locis contendit, Augustinum ea tamquam universalia tradere, quæ in illis expressit, verè abutitur auctoritate Augustini, cumque sibi contradicere cogit; cum si communis Scholarum distinctio adhibeatur, omnia facillimè conciliantur. Cæterum verba, quæ Celladeus citat ex libro de quantitate animæ, non sunt in loco, nec propè locum, quem Celladeus indicat. Nec tamen audeo dicere, quod in toto libro non repertantur.

Quæ Celladeus citat ex Aug. nil faciunt ad rem.

10. Præterea hæc dicta Augustini, in sensu universalissimo accepta, Celladeo non favent. Queritur enim, an sententia benigna docens probabilium usum esse licitum, an sententia rigida opposita sit vera? Communis opinio Celladeum, ille communem opinionem erroris arguit. Ille citat Augustinum in genere dicentem, veritatem tanti momenti neminem debite illam querentem laedere. Quid hoc ad rem? an ne ideo nostra sententia falsa, & illa Celladei vera esse probatur? ubi hoc dicit Augustinus? Afferatur locus, qui apparenter saltem hoc dicat. Non fiat fucus per auctoritates non magis uni quàm alteri parti faventes, quia hoc est ludere magis, quàm serio agere.

Sed illam redarguat.

11. Sed quid dico ego has auctoritates non uni potius, quàm alteri parti favere? illæ certè, si in sensu à Celladeo intento sumantur, nobis favent. Certum enim est, plures ex Auctoribus & sequacibus benignæ sententiæ fuisse viros omni doctrinæ ac sanctitatis genere conspicuos; quos citatos habes *quæst. 22 de conscientia probabili*, & inter eos, SS. Thomam, Bonaventuram, Antoninum, Bernardinum, Franciscum Salesium numeratos invenies. Incredibile autem est, neminem ex omnibus veritatem hanc debite quæsisse, aut illuminationem à Deo humiliter constanterque petisse, atque etiam impetrasse, cum res sit summi momenti, & ad conscientiarum directionem maximè serviat. Atqui omnes isti veram habuerunt benignam sententiam. Ergo illa est, & præsumi debet vera: cò quod Deus præsumatur viris tam sanctis singulari providentiâ assistisse, eosque in unanimitatem hanc sententiam induxisse. E contra, nemo pari confidentiâ præsumere potest, Celladeum aut tantâ instantiâ petisse, aut tantâ humilitate ac probitate peculiaris illuminationem meruisse. Neque enim ægè feret vir doctus juxta ac pius, si eum universitati omnium Auctorum nobis faventium in his non nihil cedere præsumamus. Audiat Aug. *lib. de quantitate animæ cap. 7. Aliud est cum auctoritati credimus, aliud cum rationi. Auctoritati credere magnum compendium est, & nullus labor.* Et paulò post. *Tales enim homines* (id est imperitiores, quorum animos tardiores implicationesque esse proximè dixerat) *quorum profectò maxima multisudo*

Utile est imperitiis sequi benignam sententiam ex mente Augustini.

est, si ratione velint verum comprehendere, finitum dinibus rationum facile decipiuntur, & in varias noxiarum opiniones ita labuntur, ut emergere inde ac liberari aut nunquam aut egerimè queant. Huic ergo utilissimum est excellentissima auctoritati credere, & secundum hoc agere vitam: quod si tutum putas, non solum nihil resisto, sed etiam multum approbo. Ecco Augustinus maximè hominum parti suadet, atque tamquam tutius proponit, ut excellentissimæ auctoritati credat. At certum est, auctoritatem benignæ sententiæ faventem, quantum in rebus humanis haberi potest, esse excellentissimam; eam autem, quæ contrariatur, & esse & præsumi debere longè inferiorem. Hoc maximè locum habet adversus singularem Celladei sententiam; cujus rationes longè etiam inferiores nostris inveniet, qui præsentem tractatum perlegerit. Ergo ex mente Augustini utilissimum, imò & tutius est benignæ sententiæ, quàm singulari Celladei opinionioni adhærere.

12. Sed & alibi plura in eundem scopum, ob-servatu dignissima, tradit Augustinus. *Lib. de utilitate credendi cap. 7.* hæc habet. *Querendi sunt hujus rei (religionis) professores. Fac nos repetisse, alios aliud opinantes, & diversitate opinionum ad se quemq; trahere cupientes, sed inter hos excellere fama interim celebrata quosdam, atque omnium pene occupatione populorum. Vtrum isti verum teneant magnam quæstio est. Sed nonne prius sunt explorandi, ut quamdiu erramus; siquidem homines sumus, cum ipso genere humano errasse videamur. Ecce, cum præsens quæstio maximi momenti sit, atque in eâ alios aliud opinantes inveniamus, ex mente Augustini ita nos gerere debemus, ut dum veritas inquisitur, eos sectemur, qui famæ celebritate, omniumque consensu populorum alios præcellunt. Certum autem est, tales esse nostræ sententiæ patronos, quibus proinde in hærendum est, ut quamdiu erramus, cum humano genere potius, quàm cum paucis non tantæ famæ hominibus erramus.*

Idem ex Aug. loco probatur.

13. Rursus in eodem lib. cap. 12. hæc habet August. *Nemini dubium est, omnes homines, aut stultos, aut sapientes esse. Nunc autem sapientes voco, non cordatos & ingeniosos homines, sed eos, quibus inest, quanta inesse homini potest, ipsius hominis Deiq; firmissimè percepta cognitio, atque huc cognitioni vita motusque congruentes. Cæteros autem, & c. stultorum in numero deputaverim. Quæcum ita sint, quæ mediocriter intelligens non planè viderit, stultum utrum atque salubrum esse præceptis obtemperare sapientium, quàm suo judicio vitam agere? Unde sic discunt: si hoc in omni viri genere expediat, idem à fortiori locum habet in religione. Et sane haud dubiè idem ex mente August. locum habet in moralibus, quæ ad religionem pertinent, cum eadem de omnibus ratio ex æquo procedat. Unde sic arguo. Certum est, plures ex Auctoribus benignæ sententiæ fuisse, quales Augustinus hoc loco vocat sapientes. Ergo ex mente ipsius, & ex ipsâ veritate, utilius ac salubrius sibi consulunt, non solum ignorantes, sed cordati etiam & ingeniosi homines, si ex illorum præceptis atque sententiis, quàm ex proprio judicio vitam instituant. Ergo ex mente Augustini tuti sunt, qui sequuntur benignam sententiam, non ab uno tantum sapiente, sed ab omnibus unanimiter traditam, donec à paucis annis pauci quidam homines eam in controversiam revocarunt.*

Alius textus Aug. id ipsum probat.

14. Dices. Idem argumentum favet adversariis, cum aliqui etiam illorum sint & reputari debeant sapientes. Ergo aliorum erit illorum mens Aug.

Non omnes ingeniosi & cordati sunt sapientes ex mente Aug.

rum præceptis non proprio iudicio vitam dēgere.

Respondeo, Augustinum satis explicasse, quos sapientes appellavit. Ego, si juxta strictam illius hoc loco explicationem loquamur, ultra fateor me inter stultos ab illo esse comprehensum. De adversariis autem loquutus, quia res invidiosa est, admitto illos & cordatos esse & ingeniosos, doctosque ac probos, neque tamen quemquam illorum puto ea sibi tribuere, aut ab aliis tribuenda existinare, quæ Augustinus ad sapientem constituendum hoc loco requirit. Inprimis neminem illorum præstanti famâ sanctitatis excellere hæcenus audiivi. Hoc tamen juxta Augustinum ad sapientiam requiritur. Rursus opera illorum hæcenus edita non ostendunt, illos habuisse tantam sui Dei que cognitionem firmissimè perceptam, quanta homini inesse potest. Et tamen hoc etiam Augustinus ad sapientem constituendum requirit. Ego certè opera ferè omnium evolvi, in quibus, ut ostendo in *tract. de cons. prob.* plura dissona, sibi que contradicentia reperi, non paucas hallucinationes, rerum que confusiones detexi, & quod plus est, inveni eos impugnare sententiam benignam non in sensu, quo à nobis defenditur, sed in sensu ab ipsis tantum imaginato. Similia etiam in libro Celladei, & quidem numero plurima, contineri, omnibus in progressu ostendam; adeo ut elogium doctrinæ, juxta mentem Augustini, sapienti tribuendæ nulli illorum audeam ascribere, quamvis omnes & singulos magno honore prosequar, illos que doctrinæ ac probitatis non vulgaris viros esse palam profitear. Ergo juxta mentem Augustini tam ego, quam alii omnes, infra gradum sapientiæ ab illo positum constituti, utilius ac salubrius vitam instituimus juxta præscriptum benignæ sententiæ, quam si aut proprio iudicio, aut aliorum cordatorum & ingeniosorum sententiâ nos gubernemus.

15. Ex his apertè sequitur, Auctoritates à Celladeo hoc loco allatas non continere sufficiens motivum ad recedendum à communi sententiâ, sed è contrario suadent in eâ manendum. Et sanè Augustinus in libris à Celladeo contra nos citatis tam apertè loquitur in favorem benignæ sententiæ, ut nemo non videat, utilius tutius que esse, illi quam contrariæ fidem dare, si quis juxta

præscripta Augustini regulam vivendi sibi assumat.


16. Unum hic adverto, & finio, scilicet la-
cram scripturam & SS. PP. ex æquo damniare eos, qui nimis stringunt, ac qui nimis laxant, nec plures vel significantiores textus proferri contra laxantes, quam contra stringentes. Unde certum est, omnia ejusmodi frustra & abs re afferri, nisi probetur minor; scilicet aut quod benigna sententia nimis laxet, aut quod rigida nimis arctet. At adversarii toti sunt in cumulandis textibus, qui nimis laxantes culpant, parum autem aut nil dicunt de minori, scilicet, quod benigna sententia nimis laxet, cum tamen de hoc solum sit difficultas. E contra nos raro urgemus textus reprehendentes nimium stringentes, quia scimus, tam illos quam textus contra nos allatos potissimè intelligi de dogmatibus certis; adeo ut solum illos reprehendant, qui terò honesta persuadent esse inhonestæ, aut qui certò mala proponunt ut licita. Ceterum aliquando urgemus textus illos, sed tunc toti sumus in probandâ minori, scilicet, quod doctrina adversariorum nimium stringat, ut apparet ex *tract. de conscientia prob.* & ex præsentis tractatu certius apparebit. Inde autem legitime inferimus, rigidam sententiam esse falsam.

Ceterum non opus est textus illos, aut à nobis contra adversarios allegabiles, aut ab ipsis contra nos citati solitos afferri, id enim effectum agere. Qui eos præclare examinatos videre cupit, legat *appendicem Esparza, qui ab art. 14. ad. 62.* omnia huc spectantia, contra Sinnichium luculentissimè tractat, clarissime que demonstrat, ea omnia abs te contra nos afferri, cum nullo modo juvent ad probandum, quod benigna sententia nimis laxet, in quo tamen solo tota difficultas vertitur. Certè tam plenè rem hanc tractat, ut nil ad plenissimam Lectoris satisfactionem deesse videatur. Proinde librum illum censeo esse dignissimum, qui ab omnibus veritatis amatoribus diligenter perlegatur, quia demonstrat, quam frivola & nulla sint argumenta ab adversariis benignæ sententiæ contra nos congesta. Ad illum ergo subinde Lectorem remittam pro pleniori rei declaratione, postquam ipse argumentis ad meum institutum spectantibus est utulero, quæ Lectori satisfacere possunt.

Scriptura & PP. æquè reprehendunt laxantes ac stringentes.

Esparza & omnes hujusmodi textus egregie tractat.

Celladeus immeritò recessit à benignâ sententiâ.



H

QUÆ

QUÆSTIO SEPTIMA.

Virum congrua sint, quæ in primâ quaestione proœmiali pro se & contra nos congesit Celladeus?

PRIMA tangit Celladeus in primâ quaestione libri primi, quæ omnia eò tendunt, ut quædam in nostram sententiam præjudicia in ipso operis exordio conjiciat, & præsumptiones vehementes contra singularem suam opinionem amoliat. Nonnulla eorum, quæ primâ hâc quaestione protulit, peculiaribus quaestionibus examinavi ac improbavi; reliqua autem in præsentem quaestionem rejeci, ne quidquam omisisse videar, & ut in omnibus falsitatem opinionis, atque argumentorum ejus nullitatem patefaciam. Sic ergo.

ASSERTIO PRIMA.

Incongrua sunt & falsa, quæ Celladeus quaestione primâ tamquam præjudicia contra benignam sententiam proponit.

Falsa & incongrua ob-
jecta Celladeus.

PROBATUR ASSERTIO,

Proponendo & examinando ea, quæ dictâ quaestione congesit; neque enim aliter probari potest hujusmodi assertio.

OBJECTIO 1. 2. **O**BJICIT ergò primò. *Plurimorum opinio est, doctrinas opinionesque morum, non quæ veras aut falsas, sed quæ probabiles aut non probabiles censendas esse. Ita Celladeus hac quaest. 1 §. 5. At hoc absurdum est, cum sola veritas omnis inquisitionis finis esse debeat. Unde videtur inferri, quod illis benignæ sententiæ Auctoribus in rebus conscientię credendum non sit, qui tam præposterè de rebus ejusmodi agunt. Tandem, paulò post, ibidem tamquam proprium & singularem suum sensum profert, pluribus sibi esse conclusionem probabilem veram, quam probabilior, aut etiam apparenter certam, sed falsam.*

Respondet Celladeum non posse ullum bonæ notæ Auctorem citare, qui tam imperitè loquatur. Provoco enim illum, ut loca afferat, ex quibus constet, plurimos nostræ sententiæ Auctores ita loqui, aut hoc docere. Verum hoc nunquam præstabit, quia certum est, Auctores omnes non aliter solere opiniones censere, quam quæ veras. In eo æquivocat Celladeus, quod aliquando disputemus directè de rebus ut sunt in se, aliquando verò reflexè tantum de illis agamus, prout substant alicui peculiari circumstantiæ. In primò casu omnes enunciant, propositiones esse veras aut falsas, nisi fortè non veritatem rei, sed solum rei apparentiam considerent; tunc enim dicunt, talem rem esse vel non esse *evidentem, probabilem, temerariam, &c.* Verum in hoc etiam casu propositio, de quâ agitur, semper censetur ut vera aut falsa, non enim agitur de ipsâ re, sed solum de illius evidentiâ, probabilitate, &c. quæ pronuntiatur esse vera aut falsa, ut patet. Quod si reflexè agant de rebus ut probabilibus, tam-

quam de regulâ operationis, tunc quidem Auctores benignæ sententiæ censent, omnem opinionem certò practice probabilem sufficere ad conscientiam debite formandam, id est, censent propositionem hanc esse veram, quam Celladeus ut falsam rejicit. Ergo in omnibus semper censent conclusiones, de quibus agunt, ut veras aut falsas, non ut probabiles aut non probabiles; neque aliter fieri potest à quoquam, qui de ullâ re controversâ suam sententiam promittit.

3. Hinc sequitur, Celladeum immeritò, ut proprium sensum, sibi applicasse, quodd pluris faciat conclusionem veram, quam probabilior, aut apparenter certam, sed falsam; hoc enim, si rectè intelligatur, omnibus veritatem querentibus commune est, quia omnes veritatem ceteris omnibus anteferimus. Sed quia veritas sæpe certò reperiri non potest, reflexè querimus, an certa probabilitas practica conscientię ritæ formandæ sufficiat, in quâ etiam quaestione non probabilitatem, sed veritatem ipsam querimus, eamque aliis omnibus anteponimus.

4. Cæterum in hoc ipso Celladei dicto, nisi rectè intelligatur, aperta conspicitur terminorum contradictio; impossibile enim est, quod quis actu existimet propositionem aliquam esse veram, simulque reputet oppositam esse probabilior, aut certam. Unde ergo potest quis pluris facere veram, quam probabilior, aut certam? Perfectò probabilioritas, & multò magis certitudo aliquid addit veritati apparenti. Si ergò veram multi facit, quomodò verior, imò apparentem certò veram pluris non faciet? Quicumque aliquid aut certum esse putat, aut probabilius opposito, eo ipso, Celladeo id non solum faciente, sed plurimis in locis hujus tractatus operose probante, intellectualiter præfert illud opposito; quia reputat hoc ipsum esse aut certum, aut verisimilius opposito. Ergo licet in hoc judicio erret, non tamen potest simul intellectualiter pluris facere oppositum, tametsi unice verum. Et sanè si de prælatione intellectuali loquatur, (de quâ loqui videtur) non potest nisi incongruè, & cum contradictione dictos terminos usurpare, cum unusquisque eadem mensurâ alienam opinionem damnet, quâ suam illi contrariam approbat.

5. Sed juvat dictum istud exponere, quod Celladeus non explicuit. Quando dicimus, nos pluris facere veritatem, quam probabilioritatem, aut certitudinem merè existimatam, sermo non est de prælatione intellectuali exercitè sumptâ, sed solum de prælatione aliquâ affectivâ, aut intellectuali reflexâ; nam sensus est, nos unice querere veritatem, atque ita in illam ferri, ut si optio daretur, præoptaremus per probabilem rationem incidere in veritatem, quam per rationes probabiliores, aut etiam per existimatas certas decipi & errare. Porro quia reflexè judicamus hoc esse melius, ideo hoc modo reflexè præferimus veritatem probabiliter obtentam falsitati etiam certò existimatæ.

6. Obji-

Omnes veritatem querunt in suis resolutionibus.

Incongrua est Celladei locutio, nisi debite explicetur.

Exponitur sensus dicti prioris.

6. Obijcit secundò, Plerique probabilium assertores ita poscunt iudicium evidens & infallibile pro regulâ morum, ut iudicium probabile pro conscientia formandâ tamquam insufficiens rejiciant. Hæc autem opinio nimis stricta videtur. Ita Celladeus hic §. 5.

Equivoca-
tio Celladei
dilegitur.

Respondeo, Celladeum hic æquivocare, ac confundere dictamen directum & remotum cum reflexo & proximo. Plerique nostræ sententiæ patroi, immo, si præse loquamur, omnes tenent, ultimum conscientia rectè operantis dictamen esse debere certum & evidens, quod verissimum esse latè probavi *quæst. 13. de conscientia probabili*. Et sanè Sanchez, & præterea unus vel alter, qui alicubi simpliciter dicunt, dictamen probabile sufficere, convincuntur loqui de dictamine directo, quia lidem dicunt, certissimum esse, quod uni. uique liceat sequi opinionem probabilem, non certam. Ergo censent opinionem benignam, & dictamen conscientia ultimò per illam formatæ esse certa, & plusquam probabilia. Quod si sermo sit de dictamine directo ac remoto, nemo prorsus invenitur ex patronis nostræ sententiæ, qui dicat illud debere esse certum, cum omnes expresse supponant, illud sæpius esse solum probabile & incertum. Jam benigna sententia, juxta hanc distinctionem accepta, nec nimis laxa est, nec nimis rigida, sed auream mediocritatem servat.

Obijctio
Celladei.

7. Obijcit terciò, una veritatis inventio est dubii solutio. Ergo Probabilistæ errant, qui dubia per probabilitatem solvunt, non per veritatem. Immo sic faciendo nullo modo dubium solvunt. Antecedens expresse traditur à Celladeo hic §. 5. Consequens est unum ex præcipuis, quæ probanda assumpsit in plurimis libri sui locis.

Antecedens
falsum, &
consequen-
tia nulla.

Respondeo, antecedens esse patenter falsum, & dubium enim solvitur tam per falsam, quam per veram enunciationem. Certè quando duo de eodem dubio interrogati contraria respondent, uterque dubium resolvit, cum tamèn unus eorum necessariò fallatur. Consequens etiam non sequitur, quia probabilium assertores per enunciationem absolutam omnia dubia resolvunt. Sed hoc interest in eorum resolutionibus, quod aliquando per principia directa, aliquando per reflexa quæstionem resolvant. Quando directè resolvunt, non per probabilitatem, sed per veritatem existimatam terminant quæstionem, & tunc aliquando errant. Sed quando quæstionem solvunt indirectè, dicentes licitum esse sequi quamcumque opinionem certò præctice probabilem, etiam per veritatem solvunt quæstionem, & nunquam errant, ut evici *in tract. de conscientia probabili*, & in hoc opere multis argumentis monstratum est, & ulterius comprobabitur in sequentibus.

ASSERTIO II.

Alia incon-
grua & falsa
Celladei di-
cta notatur.

Incongrua sunt & falsa, quæ Celladeus ad invidiam à singulari sua opinione avertendam ibidem accumulat.

8. **P**ROBATUR, sicut prior assertio, consuetudine eorum, quæ assert. Inprimis sic discurret. Potissimum, quod in rigida sua sententiâ potest offendere, est, quod sit contra consuetum. Consuetudo enim habitum inducit, qui per modum naturæ inclinât. Unde quod est con-

R. P. A. Terribi Regula morum. Pars I.

tra consuetum, videtur esse contra naturam. Cum ergo homines jam à multo tempore sententiæ benignæ assueverint, si quid in contrarium dicatur, ferunt ægerimè. Thomistis scientia media non probatur, nec Auctoribus Societatis prædeterminatio physica, idque non aliâ de causâ, quam quia ab initio juventutis ad contrarias opiniones assueverunt; si enim eadem ingenia ab initio contrariæ sententiæ assuevissent, utique æquali nisu in contrarias opiniones abjissent. Itaque quod benigna sententiâ tam altas radices egerit, consuetudini tribuendum est. At consuetudo non probat rem consuetudine firmatam esse veram. Ergo cum versemur in re magni momenti, quæ ad animarum salutem pertinet, veritas severioris sententiæ proponenda est, quamvis malè auditura sit apud complures, eò quod sit contra consuetum. Ita Celladeus hic §. 6.

Respondeo, Celladeum loco citato benè quidem depingere vim consuetudinis, sed incongruè illam applicare ad præsentem controversiam. Consuetum enim moribus tribuitur, non doctrinis; cum nemo, propriè loquens, doctrinas appelleret consuetas, sed unanimes, vel communes. Deinde doctrinâ illâ de vi consuetudinis abutitur adversus unanimitatem omnium Ecclesiæ Doctorum opinionem, per sæculum integrum continuatam. Et hoc quidem verum esset, si ille, majore probabilitate contentus, minorem vel æqualem tantummodò rejiceret. Verum quod hoc modo loquendi utatur ad introducendam suam singularem sententiam, quod ne quidem major probabilitas ad conscientiam rectè formandam sufficiat, est prorsus intolerandum, non præcisè quia novum est, seu ut ipse vult, contra consuetum, sed quia novum est in materiâ morum, in quâ periculosissimum est communem Ecclesiæ præxim, unanimitatemque Auctorum omnium sententiam falsitatis arguere, & longè absurdissimum, illam nominè consueti (quod nomen vulgaris doctrinæ, atque etiam vitæ flagitiosissimæ hominibus commune est; aut etiam quodammodò proprium) traducere. Quid enim hoc aliud est, quam prætere, Deum per plura sæcula Ecclesiæ suam deservisse, permisisseque omnes ejus Doctores in te tam universali ac necessariâ, quam est doctrinâ de regulâ formandi conscientiam in rebus incertis, in talem errorem labi, ut homines eorum doctrinam sequentes non excusarentur, sed innumeris peccatis per se imputabilibus illaquearentur? Nōne hoc est, quod persuadere prætendis, Celladee? At quomodò animus tuus ad talia non horrescit? Quomodò audes novissimam ac singularissimam tuam sententiam quasi unicam pro salute animarum venditare? Ergone Deus plus tibi, quam omnibus doctissimis juxta ac Sanctissimis Ecclesiæ Doctoribus revelavit? Nec plura tantum revelavit, sed alios omnes turpiter damnosèque errare passus est, ut te demum instar novi Legislatoris ad errores omnium Ecclesiæ Doctorum corrigendos eveheret? Hæc atque hisce similia sunt, Celladee, quæ opus tuum legentibus vehementer displicent, quæque illis absurdistima videntur, quamvis tibi visa fuerint publicè luce dignissima.

Consuetud
non Doctri-
nis, sed mo-
ribus con-
venit.

Quid in
Celladeo
displacet?

9. Præterea, argumentatio, ex hoc capite delumpta, est prorsus nulla. Inprimis nemo Novatorum, contra communem Ecclesiæ sententiam temerè opinantium, inveniri potest, qui simili prologo, eisdemque verbis suam novitatem, ac temeritatem tegere, ac apud vulgus cohonestare nequeat; aliud enim non legitur, quam univer-

Argumen-
tum Celladei
indiffe-
rens est ad
verum &
falsum.

Hæc

salis

falis quædam declamatio, à vi consuetudinis desumpta, contra opinionem communem, sub nomine *consueti* graphicè depictam. At hæc contra omnem opinionem, veram juxta ac falsam, certam & incertam, ex æquo applicari possunt, ac proinde ad intentum persuadendum nil prorsus ponderis habent. Ergo indigna sunt, quæ à serio Theologo afferantur.

Paritas à doctrinis propriis Scholarum Celladeo suffragatur.

10. Deinde paritas de propriis diversarum Scholarum doctrinis ad intentum nil facit. Ratio est, quia ex hac Auctorum divisione apertè constat, utramque sententiam esse probabilem; ac proinde ineptum foret ex hoc capite prætere, ullam ex illis determinatè sumptam esse falsam; quia in tali casu communitas doctrinæ in unâ familiâ non magis fundat præsumptionem, quod illa opinio sit vera, quam universalitas doctrinæ contrariæ ab aliâ Scholâ traditæ fundet præsumptionem, quod sit falsa. Verùm casus noster non est huic similis, quia in casu isto homines aut privatis legibus, aut affectu peculiari ad suas sententias defendendas incitantur. At nos loquimur non de unâ aliquâ Scholâ aut familiâ, sed de unanimi omnium Scholarum ac familiarum, atque etiam singulorum omnium Doctorum sententiâ, quam nec affectus privatus promovere, nec leges domesticæ inducere, nec consuetudo stabilire potuit. Quæro enim, cur omnes omnino in benignam sententiam consenserint, cum circa alia ferè omnia mirè discrepent? Non affectus privatæ familiæ, quia locum non habet. Non leges domesticæ, quia nullæ talem sententiam præscribunt. Non consuetudo, à Celladeo prætexta, (causa enim hujus consuetudinis queritur) efficere potuerunt, ut tot homines nullis opinandi legibus coerciti, tam diversa ingenia, indoles tam contrariæ, Auctores denique Scholasticis alioquin factionibus divisi, in hanc sententiam conspirarent. Non ergo aliâ de causâ consenserunt, nisi quia aut patens veritas eos impulit, aut suavis Dei providentia, quæ in universali morum regulâ discernendâ Ecclesiam suam errare non permittit, tantam in Ecclesiæ Doctoribus concordiam inspiravit; perspicuum enim est, unanimem omnium consensum in alias causas refundi non posse. In hoc ergo casu unanimis omnium consensus, seu, si improprie loqui velis cum Celladeo, consuetudo universalis veritatem tam potenter arguit, ut præsumptio ex hoc solo capite desumpta longè præponderet omnibus, quæ in contrarium aut hæcenus allata sunt, aut merito putantur afferenda.

Celladeo in consuetudine arguitur.

11. Demùm in hoc ipso inconsequenter locutus est Celladeus, qui tum hic §. 4. tum alibi admittit, unanimem consensum Doctorum esse motivum sufficiens ad indubiè afferendum, quod ignorantia invincibilis excuset à toto. Cur ergo par omnium consensus non meretur fidem, quod liceat sequi opinionem saltem probabiliorē? Sed libuit illi in eodem contextu inconsequenter loqui, & modò idem motivum omnibus præferre, modò idem suæ opinionationi postponere; cum tamen in merito utriusque causæ, atque in motivo utriusque conclusionis nulla sit diversitas; tanta enim est Auctorum concordia in uno, quanta in altero illorum asserendo; & si sit ullus excessus, ille favet benignæ sententiæ, cum ex Recentioribus, post Janenium, plures doceant, ignorantiam invincibilem juris naturalis in infidelibus ac peccato addictis à toto non excusare. Quare sic in isto. Si quis exurgeret, ac doceret, ignorantiam invincibilem non excusare à toto.

simulque contrariam communemque omnium sententiam nomine consueti traduceret. Celladeus eum haud ferendum, & merito quidem, clamaret. Non ergo miretur, si nova ac singularrissima ejus opinio eadem de causâ à nobis tamquam absurda & haud toleranda rejiciatur; quis eodem prorsus fundamento illam repellimus, quo ille aliam omni nisu rejiciendam putat.

12. Obijcit secundò. Atterum, quod in rigida sententiâ displicere potest, est, quod sit contra consuetum largius, conscientias arctet, Confessariisque manus liget, &c. At hoc ob stare non debet, quia in totâ morum doctrinâ nil videtur tam largum, atque Confessariis tam commodum, quam quod juxta omnes opiniones probabiles, etiam contradictorias, etiam nihil opinando, etiam opinando contrarium, responsa dare, & Sacramenta administrare possint. Certè Confessarii & consultores, ex tot contrariis opinionibus directionem capientes, omnibus placere poterunt in restitutionibus, solutionibus, & contrariis, &c. Item in eleemosynis, jejuniis, in parvitatibus, in bello & pace; quia ætas hæc Collectorum moralium libris abundat, apud quos in omni materiâ facile est contrarias Auctorum gravium opiniones reperire, quibus disjunctim utentes omnibus ad gustum respondere poterunt. At hoc nimis laxum est, ideoque merito restringi debet. Interim restrictio displicet, quia est contra laxius. Adeo autem difficile est, novam doctrinam contra antiquam laxiorem inducere, ut Patres & Theologi inde probent, doctri nam Christianam non nisi divinâ virtute inductam fuisse, quia consuetum laxius damnat, ita Celladeus §. 7. Tum fatetur, desperandum esse, ut ipsius sententia unquam recipiatur & prævaleat nisi Dei unius gratiâ ac virtute, sine quâ impossibile videtur contra consuetum laxius unquam proficere.

Malta præ sua sententiâ honestâ offert Celladeo.

13. Hæc de causâ §. 8 quodammodo desperandum judicat, ut aliquis ex libro suo fructus existat in seniorum Theologorum animis; quare spem omnem in juvenibus ponit, speratque fore, ut invicta veritas primùm in aliquorum juvenum animos illabatur, atque illis eam alios docentibus tandem prævaleat. Potro, ad hanc suam quâ spem quâ desperationem confirmandam, primò citat Aristotelem *Ethic. cap. ult.* ubi Philosophus observat, præcepta & verba ad reddendos probos homines (in malo inveteratos) non sufficere, &c. quæ tamen videntur posse liberales adolescentes hortari, atque incitare, moresq; eorum ex virtute sibi obnoxios, generosos, ac verè honestatim studiosos reddere: ad plerisque, ad probitatem provocare non posse: non enim pudori, sed timori obedire, neque abstinere à malis ob dedecus, sed ob penam consueverunt. Nam cum ex affectu vivunt, proprias voluptates, atque ea, ex quibus existunt, persequuntur, doloresq; oppositos fugiunt. Ejus autem quod honestum est, & verè jucundum, cum id prius non degustarint, ne notionem quidem ullam habent. Eos igitur, qui tales sunt, ad moderationem traducere quæ oratio possit? Ita Aristoteles, quæ omnia ad suam causam aptissime transferri potat Celladeus; in quem etiam finem citat Nazianzenum (sed locum non apponit) sic discurrentem. Minoru est negotii rudi adhuc animæ veritatem primùm instillare, non dum signata imprimere, quam super litteras, hoc est præcis doctrinæ & dogmata, pium sermonem scribere ita, ut posteriora cum prioribus confundantur, & pereurbentur. Neque enim ut planam & eritam viam præstat incedere, quam asseram, nullisq; pedum vestigiis impressam, &c.

Potat illam non nisi magnâ gratiâ induci posse in mentes hominum.

ita

ita commodius quoque fuerit animum depingere, cui vitiosa aliqua doctrina impressa sit, improbè, littera ultissimè consignata. Alioquin pio scriptori duplex hic labor suscipiendus erit, ut & priores formas deleat, & probabiliores dignioresq., quæ maneant, substituat.

Celladeus scopum subdeserit.

14. Respondeo Celladeum hîc deferere scopum suum, transit enim à consideratione doctrinæ reflexæ, de quâ præcisè quæstionem instituerat, ad accusationem doctrinæ directæ, in quam nos etiam plura nimis laxa irrepsisse fatemur, & dolemus; quæ omni nisu evelli ac destrui cupimus. Sed ad doctrinam reflexam redeamus. Fateor benignam sententiam Confessariis esse valde eòmodam, & quodammodò necessariam; ac dicere, nil in totâ morum doctrinâ esse tam largum ac laxum, calumnia est non ferenda. Quid ais, Cellade? ergo communis gravissimorum; immo omnium integri sæculi Auctorum opinio tam larga est, ut nil in totâ morum doctrinâ sit tam laxum? unde ergo factum putas, ut aliis quàm plurimis laxitatibus nuper ab Ecclesiâ damnatis, contra sententiam hanc, contra quam etiam vehementer clamarum est, nil omnino statutum sit? Dicam. Norunt Pontifices, norunt Cardinales, norunt omnes æqui rerum iudices, nil esse posse rationabilius, quàm id, in quod omnes omnino Auctores consentiunt. Consenserunt autem omnes, & etiam consentiunt in benignam sententiam, si pauculos, nec tanti nominis, scriptores excipias, qui & ipsi ferè omnes non nisi in modo loquendi, idque ex terminorum æquivocatione decepti, ab aliis discrepant, ut à me demonstratum est *quæst. 22. de conscientia probabili*. Quomodo ergo opinionem adeo rationabilem pro laxâ rejicerent? sed quid? estne benigna sententia (ab omnibus, ut dictum est, tradita) laxior doctrinis illis, quas Ecclesiâ tamquam laxas, omnique probabilitate carentes damnavit? cave ne talem censuram unanimi omnium opinioni inuras.

Aliacuius calumnia gravissima.

15. Cæterum, ingentem calumniam benignæ sententiæ inferre, Cellade, dum dicis, Confessarios, Summis casuum probabiles tantum opiniones continentibus utentes, posse omnibus placere, illisque ad gustum respondere in restitutionibus, solutionibus, excisionibus, eleemosynis, jejuniis, parvitatibus, &c. Putasne ergo, neminem ex pœnitentibus in officio contineri à Confessariis, qui benignam sententiam sequuntur? Accedant huc, qui sua furtiva, homicidia, aliaque peccata apud tales deposuerunt; omnesque uno ore dicent, se licentiam quidvis agendi à suis Confessariis non accepisse, se severè objuratos, atque ad restitutionem obligatos fuisse, nec aliter absolutionem impetrasse, quàm proximâ peccandi occasione relicta, aliisque quæ exhibitis, quâ promissis juxta qualitatem eorum, quæ clavibus subjecerunt. Porro evidens est, neminem ex præscripto benignæ sententiæ satisfacere muneris Confessarii qui hæc aliaque plura rigidiora non præstet. Mirum proinde est, talia à calamo Theologi elabi potuisse.

Atque hîc totum mundum judicem appello, an non optimè cum mundo Catholico ageretur, si nemo aliud ageret, quàm quod benigna sententia docet esse licitum? quàm præclara rerum facies foret, si omnia ita se haberent? frustra ergo, & non nisi falsa fingendo queritur Celladeus, per benignam sententiam nil non reddi licitum. Confessarioque pro arbitratu suo omnia juxta pœnitentium placita permittere posse, atque

R. P. A. Terribi Regula morum. PARS I.

juxta illorum desiderium respondere. Cæterum quando pœnitens petit à Confessario quid sibi liceat, & quousque strictâ obligatione urgeatur, tenetur Confessarius veritatem aperire, quamvis frequenter illa desiderio pœnitentis sit conformis, alioquin suo officio non fungetur.

16. Cæterum obiectio invidiosè & infideliter proponit benignam sententiam; non enim tam crudè dicimus, Confessarium sequi posse quamcumque opinionem certò probabilem; etiâ nil opinando, etiam opinando contrarium; sed ejus officium & obligationem multis limitationibus arctamus. Dicimus enim illum, si nil propriè sùs judicet, non posse fungi officio suo, cum strictè obligetur ad ea sola peragenda, & pœnitentibus permittenda, quæ judicat esse licita; alioquin aut in dubio operaretur, aut contra conscientiam ageret. Quod si distinguamus inter directum ac reflexum conscientiæ dictamen (quæ Celladeus ubique sermè confundit) potest Confessarius pœnitentem dirigere juxta sententiam directam, quamvis ipsemet eam falsam repuret; dummodò sciat eam esse certò prædictè probabilem, & formet conscientiam juxta benignam sententiam. Hæc omnia, sicut etiam, an & quomodo liceat agere aut consilium dare contra propriam sententiam, fusè declaravi *quæst. 30. de conscientia probabili*, in quâ adversariorum æquivocationes detexi, ostendique quomodo sententiæ apparenter diversæ conciliantur. Sed de illis iterum ex professio agendum erit *quæstione 47.*

Benigna sententia moderatè loquitur de Cōf. fariis, Celladeus immoderatè.

17. Et hætenus quidem à Celladeo dicta non placent, sed præ omnibus displicet comparatio, quam instituit inter singularem suam sententiam relatè ad opinionem communem, & fidem Christianam relatè ad Ethnicorum mōres & dogmata. Si enim ulla sit paritas ad rem faciendam, vel erit in merito credulitatis, vel in praxi doctrinæ. Non in merito credulitatis, quia motiva fidei Christianæ adeo excellent, ut omnia in contrarium prorsus evanescant, & nullam probabilitatem habeant. At motiva sententiæ rigidæ non ita excedunt rationes benignæ sententiæ, sed è contrario ita exceduntur ab illis, ut quodammodò evanescant, ut fusè demonstratum est *tum in hoc, tum in toto tractatû de conscientia probabili*. Non in praxi doctrinæ, quia fides Christiana ita damnat certissima Ethnicorum scelera, ut simul omnis virtutis exercitium præscribat. Idem præstat benigna sententia; supponit enim omnia fidei dogmata, & omnia indubitata morum præcepta debere integerrimè servari. De incertis ita hominem instruit, ut suadeat perfectiora, simulque doceat quæ minus perfecta citra peccatum fieri possint; neminemque in operando tutum esse permittit, qui absque rationabili judicio de honestate suæ operationis ad opus se extendit. Quid ergo est in benignâ sententiâ, quod cum turpissimis Ethnicorum sectis comparari potest? Nil planè; ut indignum sit, unanimem Catholicorum opinionem tam absurdè comparationibus contra tas omne dehonestari.

Comparatio doctrinæ suæ à Celladeo instituta est perabsurdè.

18. At, inquires, in eo est paritas, quod benigna sententia, sicut & sectæ, permittat quæ placent. Rigida verò, sicut lex Christiana, eadem contemnet. Rursus in eo est paritas, quod sicut doctrina Christiana abique singulari Dei gratiâ induci non potuit, eò quod duriora præcepta contra laxissimas praxes & opiniones tradiderit, ita absque Dei gratiâ nunquam induci poterit

Pariter Celladei ad intentû nil conducunt.

terit sententia rigida, quia viam largiorem coarctat.

Prima paritas est propositus indignus.

Respondeo, comparisonem illam, verè intolerandam, adhuc malè urgeri, quasi verò benigna sententia aut eadem, aut similia sensui placencia rationique contraria permitteret, qualia Ethnicorum scēte permittebant, cū certissimè contrarium constet. Sed hoc omisso (pudet enim illud ulteriùs prosequi) respondeo, scētas non ideo abominabiles esse, quia utcumque permittunt quæ placent. Profectò lex Christiana adeo evacuavit legis antiquæ onera, ut meritò dicatur status libertatis, respectu cuius lex antiqua erat durissima servitus. Rursus permittit nuptias, etiam iteratò fieri, quas nonnulli hæretici ut illicitas rejiciebant. Similiter multa alia placencia lex Christiana permittit. An ideo abominabilis est & falsa? Ideo ergò scēta Ethnicorum sunt abominabiles, quia permittunt, aut parvipendunt usum rerum sensui placentiū, quamvis ratio certa dicat, eas malas esse, & detestandas. Quid ergo absurdius, quàm communem omnium Doctōrum pietate præstantium opinionem, quæ omnia prorsus Christianæ fidei dogmata morumque præcepta amplectitur, nilque rationi certè contrarium permittit, cum ejusmodi scētis comparare?

Secunda paritas est frivola.

19. Secunda paritas est magis frivola. Duplex gratia est necessaria ad inducendam Doctrinam Christianam: altera ad credendum, seu firmiter assentiendum mysteriis, sicut oportet: altera ad operandum, seu ad implenda talis doctrinæ præcepta. Peto jam à Celladeo, ad quid putet gratiam pro suæ sententiæ profectū esse necessariam? an ut habeatur vera? an ut integrè fervetur? si primum, errat; quia assertio illa non est articulus fidei super omnia firmissimè credendus, sed naturalis opinio, quæ proinde absque auxilio gratiæ proponi, capi, & credi potest. Rursus æquo jure prætereundum possumus, gratiam ad fidem nostræ sententiæ dandam esse necessariam. Nec obstat, benignam sententiam esse rigidā mitiorem; nonnullæ enim hæreticorum scēte severiora præcepta tradunt, quàm fides Catholica. An ideo gratia necessaria est ad fidem erroribus illis præbendam? aut ideo gratia ad mysteria fidei Catholicæ debitè credenda non est necessaria? Nugæ. Demum præposterè procedit Celladeus, nam ut gratia sit necessaria pro fide dandā alicui sententiæ, illa debet esse vera. Severitas autem veritatem non probat. Ergo ut gratia pro illā admittendā debitè asseratur necessaria, multa præter severitatem consideranda, & legitimè probanda sunt, ex quibus veritas illius constare possit, ut inde fortassis gratiæ necessitas inferatur. At Celladeus contrariò modo procedit, nil enim horum probat, sed ad summum absque probatione supponit, & ex solo titulo severitatis sententiam suam veram esse, & gratiam ad illam requiri asserit. At utraque illatio est nulla, & præposteræ.

Necessitas gratiæ ad implendam opinionem rigidam, non probat eam esse veram.

20. Quod si dicat, gratiam non ad credendum, sed ad opere implendam suam sententiam esse necessariam, nil dicit; gratia enim, & quidem magna gratia necessaria est, ut homo intra terminos benignæ sententiæ se contineat. Quod autem amplior gratia requiratur ad vitam severiorem peragendam, & consequenter ad peccatum vitandum, ex suppositione conscientiæ juxta rigidæ alicujus sententiæ præscriptum constitutæ, non probat opinionem illam esse potius veram quàm falsam. Sic si quis falsò putaret, se

ad omnia meliora semper peragenda esse obligatum, magna utique gratia necessaria esset ad vivendum juxta talem persuasionem; inde tamen nullatenus sequitur, persuasionem illam esse veram. Hic est ipsissimus Celladei casus. Unde miror, hominem doctissimum talia accumulasse.

21. Præterea inconsequenter discurret, dum spem omnem in juvenibus ponit, cū tamen asserat, propagationem suæ sententiæ per solam Dei gratiam haberi posse. Gratia enim Dei nulli ætati alligata est, ac proinde non minorem vim in animos virorum maturæ ac devere ætatis, maxime si pietate ac doctrinā præstent, quàm juvenum exerere solet. Hoc in Infidelium conversione ad fidem cernitur, quia gratia Dei æquè in senem ac in juvenum animis convertendis elucet, & imprudenter ageret Præco Evangelicus, qui spem in solis juvenibus convertendis reponeret, modò soli gratiæ fideret. Scio seniores sæpe esse vitiosiores junioribus; eoquē difficilius errores moresque corrigere; hoc tamen non obstante, gratia Dei non minùs hos, quàm alios lucratur, quando novis peccatis voluntarium obstaculum non opponunt. Ergo cū scētatores benignæ sententiæ sint viri probi, qui in suā opinionem tenendā non peccant, nec ullum obstaculum peccatis suis Dei gratiæ opponunt, inconsequenter procedit Celladeus, dum spem omnem in juvenibus ponit, cū spem illam ex solā Dei gratiā complendam esse existimet. Nōne gratia illa prætensa tibi, in contrariā opinione enutrito, ita illuxit, Celladee, ut te in oppositum traxerit? Cur ergo eandem similes effectus in aliis non dissimili modò dispositis operaturam despectas?

Celladeus inconsequenter discurret.

22. Sed independentèr ab hac inconsequentiā, & præscindendo à gratiæ necessitate, incongruè discurret, dum spem omnem in juvenibus reponit. Juvenes enim non minùs apti, immò aptiores sunt ad novitates falsas admittendas, quàm viri graves. Non minùs quidem apti, quia intellectus eorum est instar tabulæ rasæ, cui falsum tam facillè inscribitur, quàm verum: aut instar ceræ, quæ æquè capax est figuræ pravæ ac rectæ. Aptiores verò, tum quia, ob inexperientiam & indolem magis flexibilem, novitatibus ipsis absque debitā rerum ponderatione facilius abripiuntur, quàm viri graves, qui longā rerum experientiā edocti, non nisi post maturam rerum considerationem assensum præbere consueverunt; tum quia juvenes profundā scientiā, principiisque ad veritatem difficultum ac latentium perceptionem necessariis carent. Ergo juvenes ac indocti faciliùs labuntur in errorem, quàm periti; quia veritas una est, & difficultè reperitur; errores autem, & errandi viæ sunt plurimæ, in quas juvenes & imperiti Sophismatibus & apparente tantum veritate abducti facillè labuntur; tum demum quia seniores benignæ sententiæ affectu, (absit verbo invidia) haud paulò probiores, Deoque conjunctiores sunt, quàm juvenes; ideoque nemo non existimabit, veritatem practicam summi momenti, & ad vitam rectè instituendam prorsus necessariam, citius, facilius, ac suavius ab ejusmodi senioribus, quàm à junioribus admittendam esse; omnia enim ad hoc facientia, etiam uberiora Dei auxilia, in maturiores magis quàm in juniores conspirant. Et sanè tam in novis hæresibus, quàm etiam in novitatibus philosophicis, videmus juvenes atque minus peritos falsitatibus illis longè faciliùs abripi, quàm seniores multā doctrinā instructos. Quot ex junio-

Alia in ejus discursu incongruè.

Juvenes minus apti sunt ad veritates difficiles rectè addiscendas quàm maturi ac docti.

junioribus eò adducti sunt, ut formas omnes præter animam rationalem rejiciant? Qui tamen, si maturioris judicii, profundioris doctrinæ, ac pietatis solidioris fuissent, in tales ineptias non incidissent. Frustra ergo spes in juvenibus præ aliis collocatur, quando non sequacium numerus, sed veritatem sectantium multitudo requiritur.

Aristoteles
Celladeo
non faveat.

23. Demum auctoritates, quas Celladeus pro hac sua spe firmandâ adducit, non sunt ad rem, cum loquantur de solis evidenter veris aut certis, non de iis, quæ sub opinionem utrimque cerè probabilem cadunt. Inprimis Aristoteles apertè dicit, plerisque ex affectu proprias voluptates prosequi consuevisse, eosque à malis non ob dedecus & inhonestatem, sed solùm ob pœnam abstinere consuevisse. Tales autem ad virtutem & honestatem; quam nunquam degustarunt, reducere difficillimum esse pronunciat, non quòd illi non videant se malè facere, sed quia ex habitu incitati voluptates illicitas prosequuntur. E contrariò longè facilius est, generosos adolescentium animos, nondùm malis habitibus vitiatos; & veritate imbueri, & ad praxim honestatis, ac demum ad ipsam virtutem obunendam inducere. Hæc vera sunt, sed quomodo Celladeo, qui de doctrinâ incertâ, eaque ut putat à probis omnibus admittendâ, tantùm agit, faveant, non appareat.

Nazianzenus æquè
contra Celladeum ac
pro illo facit.

24. Nazianzenus similiter agit de doctrinâ vitiis litteris improbis atque mendacibus impressa, de quarum evulsione sollicitus erat. Afferit autem; veritatem contrariam (utpote certam, cum de incertis, maximè si sint probabiles, neutra pars dici possit doctrina vitiosa, aut litteræ improbæ) non nisi duplici labore in animos talium induci posse, cum & prior error eradicandus sit, & nova veritas in mente plantanda. At quid hoc ad præsentem quæstionem pertineat, aut cur id potius Celladeo quàm nobis faveat, Oedipus est, qui dixerit. Generales istæ loquutiones non magis uni quàm alteri parti applicari possunt; nisi prius independentè ab illis altera pars probetur falsa, vitiosa, improba. Cur ergo tales auctoritates ad suam opinionem confirmandam adhibuit Celladeus? Dicam: voluit aliquas afferre, ne auctoritate carere videretur; meliores non habuit, & ideo hæc adduxit, quæ ignorantibus fucum facere possunt; sed intelligentibus nullam probationis speciem exhibent. Aptæ proinde sunt ad juvenes, in quibus spem ponit, decipiendos; sed ad viros doctos movendos, de quibus ad se convertendis desperat, prorsus ineptæ.

An opinio
Celladei sit
communis,
vel singularis?

25. Obijcit tertio. Esto, rigida sententia non ita pridem ab omnibus rejiceretur, modò tamen ejus affectus, negantes usum æquè ac minùs probabilem esse licitum, adeo creverunt, ut eorum opinio merito censeatur communis. Ita Celladeus quæst. 1. §. 3. sub finem, ubi Auctores illos extollit tamquam nervosè differentes, fortissimasque rationes pro se afferentes. Mox §. 4. seriò affirmat, Auctores illos secum convenire, & sic concludit, si me illis, inquit, adversari arbitreris, hoc gratia peto, ut non te, qui utrisque contrarius es, sed ipsos illos, doctrina sua satis intelligentes, iudices habeam. Experiri enim loquer, & me & illos improbari magis à quibusdam quàm considerari. Unde sequitur, Celladeum non singularem sed communem sententiam sequi. Nimis ergo invidiosè, immò falsò singularitas opinandi ipsi obijci videtur.

Respondeo, Celladeum debuisse nominare

complures illos eximiosque Auctores, qui negant licitum esse sequi æquè ac minùs probabile. Ego quæst. 22. de conscientia probabili demonstavi non plures quàm quinque aut sex pro illâ opinione citari posse. Cæterum ibidem ostendi, paucos illos ingenti æquivocatione deceptos fuisse, nullumque illorum sententiam benignam in sensu à nobis asserto impugnasse. Præterea probavi, plures eorum sibi contradixisse, & neminem inter illos reperiri (si fortè Sinnichium; hæc in parte expressè sibi contradicentem, multisque in locis manifestis æquivocationibus deceptum, exceperis) qui in ullo apertè à benignâ sententiâ in sensu legitimo intellectu recedat. Itaque sententia rigida, sive numerum, sive consensum Auctorum illam tradentium spectemus, nec est, nec merito dici potest communis. Non si numerum, quia pauculi, illique non maximè dominis Theologi contra innumeros, imò contra alios omnes affruntur. Non si consensum, quia in substantiâ rei, ac in ipsâ terminorum intelligentiâ ab invicem dissentiant, atque ita divisi sunt, ut sibi ipsis mutuo non placeant. Nec mirum, pronum enim est homines, regiam ac tritam viam deserentes, diversos calles terere, propriumque dictamen sectando absque ullâ concordie spe in diversas opiniones ire. Itaque opinio rigida, docens usum æquè ac minùs probabilem non licere; non est communis, sed & est, & merito reputatur singularis.

Opinio rigida non est communis.

26. Cæterum certissimè constat, omnes Auctores illos à Celladeo toto cælo discrepare; illi enim majorem probabilitatem pro conscientia debite regulandâ sufficere expressè contendunt, cum Celladeus tradat, nec majorem probabilitatem, nec certitudinem exultimam ad hoc esse sufficientem. Atque hinc est, quòd illi Auctores reipsâ à nobis non discrepent, cum nos majorem etiam probabilitatem, sâlem reflexam, exiguam. Celladeus verò solus contra omnes est, illisque juxta ac nobis adversatur.

Opinio Celladei si singularissima.

27. Sed quid ad petitionem ipsius dicam? Illa justa esset, si Auctores illos præsentis habemus, tunc enim ex proprio ore cujusvis sensum explorare possemus. Quòd si postulet, ut à viris illis longo intervallo distans per litteras exploremus, quid senserint, petitio hæc abest ab eo, quod decet, quàm longissimè. Sed non est, cur se aut nos in hac parte fatiget Celladeus. Auctores illos eorumque opera coram oculis habemus, illos propriis verbis loquentes audimus, illis ipsis suam opinionem post longum studium exactè ac maturè declarantibus fidem damus; nec quisquam melius eorum mentem exprimit, quàm ipsi. At illi ore pleno & ex professo docent, majorem probabilitatem regulandæ conscientie sufficere. Quo uno doctrinam Celladei, ut saltam, duram, ac intolerabilem, pleno & constanti sermone rejiciunt.

Petitio Celladei non est justa.

28. Demùm difficile est assequi, quòd querela illa, de se aliisque improbatis magis quàm consideratis, tendat; nisi indicare velit, quòd alibi etiam longè apertius significat, doctrinam hanc suam ab aliquibus rejectam fuisse. Hoc quidem experiri potuit, si id contigerit; & mirandum foret, nisi contigisset; fieri enim nequit; quin opinio singularissima, omnibus omnino in tanti momenti contraria, sinceris veritatis amatoribus vehementer displiceat. Sed quomodò tam se quàm alios magis improbari quàm considerari expertus fuerit, non affluor; hoc enim non ad ipsius sed aliorum legentium ac rejicientium

Immerito queritur, si aliosque fuisse rejectos.

tium experientiam pertinet. Præterea certum est Auctorum illorum libros sedulo lectos, nec ante à sapientibus rejectos fuisse, quam serio consideratos. Idem præsumendum est de iis, si qui sint,

qui doctrinam ipsius rejecerint. Immerito ergo & incongruè queritur, expertum se, quod tam ipse quam alii magis rejecti fuerint quam considerati.

QUÆSTIO OCTAVA.

Utrum praxis & decreta Romanorum Pontificum faveant benigna sententia?

Stat. quæ-
stionis.



MANUM Pontificem, utpotè universalem Christi Vicarium, in fidei morumque doctrinâ, quam fidelibus proponit, errare non posse, certum mihi est, illudque pro certâ ac pernecessariâ Theologiâ optimè admittit Celladeus lib. 1. quæst. 1. §. 7. ubi super hoc ipsum, tanquam super fundamentum firmissimum, suam sententiam stabiliri existimat; contendit enim, decretum quoddam Alexandri VII. sibi favere, communique aliorum omnium sententiæ refragari. Verùm in hoc manifestè fallitur, ut in hac ipsâ quæstione evincam.

Cæterum, ut amplior disputationi scopus detur, ego praxim Pontificum eorundem decretis adiungendam duxi; non quod praxis illorum tantæ auctoritatis sit ad assertionem aliquam comprobendam, quantæ sunt eorum decreta, cum in operando peccare possint, quamvis ex peculiari Dei assistentiâ in docendo errori non sint obnoxii; sed quia communis Pontificum pietate præstantium praxis, ingens honestatis argumentum est. Itaque si constiterit, Summos Pontifices, probitate, ac sapientiâ præcipuos, opinione benignâ usos fuisse, atque suas ex eâ operationes regulasse, nemo, ni fallor, eam amplius falsitatis aut periculi audebit condemnare, & in tantos animarum suarum Pastores insurgere. Sed quia de hac Pontificum praxi sat fusè egi quæst. 22. de conscientia probabili, num. 185. & seq. ideo ea hoc loco solum indicabo, quæ ibi tradidi; mox alia complura afferam illis potentiora, per quæ constabit, licitum opinionis benignæ usum, etiam quoad minus probabilitæ, tantum non à Summis Pontificibus declaratum ac definitum fuisse. Sed ad rem ipsam. Sit ergo:

ASSERTIO PRIMA.

Praxis Summorum Pontificum, pietate ac prudentia conspicuorum; apertissime faveat benigna sententiæ, rigidaq; ac singulari Celladei opinioni penitus refragatur.

Pontifices
in rebus
maximè
sepe sequi-
tur partem
minus tutâ,
contra re-
tiorero pro-
babili m.

2. **P**ROBATUR. S. Thomas 2. 2. quæst. 88. art. 11. (quem Thomistæ unanimiter sequuntur) expressè docet, Summum Pontificem in voto solenni dispensare non posse. Alii contrariam sententiam tenent, quam etiam S. Thomas in commentariis in lib. sentent. tenuerat. Similiter S. Bonaventura, Scotus, Scotistæ omnes, aliiq; quàm plurimi docent, Papam in matrimonio rato dispensare non posse. Alii è contrario docent oppositum. Certum tamen est, complures Summos Pontifices, prudentiæ ac probitatis laude conspicuos, in utroque casu sapius dispensasse, non obstante, quod valde probabi-

lis Theologorum opinio doceret, tales dispensationes esse invalidas. Ergo Summi Pontifices, non solum ut privatæ personæ, sed ut supremi Pastores, in rebus summi momenti frequenter sequuti sunt opinionem probabilem minus tutam, quamvis opposita esset probabilis, aut etiam probabilior illâ quam sequebantur. Argumentum hoc fusè explicatum habes quæst. 22. de conscientia probabili à num. 185. usque ad 200. Quæ autem contra objiciuntur, soluta habes in eadem quæst. num. 227. & seqq. usque ad finem. Ibidem habes plura circa alias materias dispensationum exempla, quæ validissimè confirmant benignam sententiam, oppositamque Celladei opinionem prorsus evertunt.

ASSERTIO II.

Decreta Summorum Pontificum, & nominatim tam decreta quàm indubitata sententiæ Alexandri VII. nobis favent, Celladeo autem adversantur.

3. **P**ROBATUR primò. Innocentius III in cap. Inquisitioni tua, de sent. excom. expressè definit, partem minus tutam sæpe esse licitam, etiam quando adfunt rationes dubitandi, quibus gaur. Innocentius III Celladeo refragatur. homo, jam operaturus, antea credulitatem & assensum præstiterat. Expressè enim docet, conjugem, qui dubitat, imò qui credit matrimonium suum esse invalidum, posse non solum reddere, sed etiam exigere debitum conjugale, si illa credulitas sit levis seu temerè concepta, modò prudenti ratione vel consilio tamquam talis explodatur ac contemnatur. Audi verba formalia. In secundo distinguimus, utrum habeat (conjugem) conscientiam hujusmodi ex credulitate levi & temerariâ, an verò ex probabili & discretâ: Et quidem ad sui Pastoris consilium (conscientiâ levi & temerariâ credulitatis explorâ) licitè potest non solum reddere, sed exigere debitum conjugale, &c. Et quidem hoc traditur in materiâ juris naturalis, & in rebus, quæ sunt essentialiter, & intrinsecè malæ. Ergo illud ipsum à fortiori locum habet in materiis juris positivi; difficilius quippe est honestare quæ ad jus naturæ, quàm quæ ad jus positivum pertinent. Vide quæst. 19 de consc. prob. à num. 15. ubi argumentum in hoc canone fundatum ponderavimus. Vide etiam quæst. 23. in eodem tractatu à num. 65. atque etiam quæst. 26. à num. 37. quia ibi etiam plura ad hunc textum spectantia sunt dicta. At hæc omnia expressè repugnant Celladeo, qui nec majorem probabilitatem, imò nec ipsam certitudinem existimatam pro regulandâ conscientia asserit sufficere.

Rursum tota quæstio 26. de conscientia probabili consulenda est; ubi ex professo ostendi, sacros Canones

Canones à præcipuis Summis Pontificibus dictatos nobis favere, & tantum non benignam sententiam expressè tradere; simulque solvi quidquid in contrarium allatum est.

Leo X. approbavit benignam sententiam.

Probatur secundò. Leo X. ut refert Casarubius verbo *declarare*, concessit Fratribus Minoribus, qui scrupulis vexantur, ut possint in omnibus dubiis, securâ conscientia, stare determinationi suorum Superiorum. Hoc privilegium non aliâ ratione potuit concedi, approbari, ac declarari pro sufficienti conscientie regulâ, quàm quia assertio viri probi & periti in omni materiâ reddit sententiam suam probabilem, & consequenter fundat sufficientem regulam pro conscientia ritè formandâ, modò se gerat ut decet virum peritum & probum; quales esse, & qualiter se gerere meritò supponendi sunt, qui in sanctissimo illo sapientissimoque Ordine in Superiores eliguntur. At hoc est totum, quod asserimus. Ergo hæc Leonis X. declaratio ex unâ parte supponit veritatem benignæ sententiæ, & ex alterâ eam approbat, & quodammodò exercitè definit illam esse veram.

Urbanus VIII approbavit benignam sententiam in latissima ejus acceptatione.

3. Probatur tertio. Ex decretis Pontificum recentiorum. Inprimis Urbanus VIII. videtur absolūtè declarasse, usum opinionis benignæ, etiam quoad partem minùs probabilem, esse licitum. Hoc ut probem, exscribendum mihi est integrum caput 15. libri *historia Paraquaria Provincia, Patri Nicolai del Techo Soc. Jesu*, in eadem Provinciâ Missionarii, ex cujus lectione id ipsum clarè constabit. Sic ergo scribit.

Guarani gentis primores solabant tot pellices alere, quos eorum libido & auctoritas à popularibus suis impetrabat, nec aliud erat majus capeßenda religionis nostræ impedimentum, quàm cum monerentur, unicâ uxore Christianos ex lege divinâ contentos esse debere. Accessit huic obstaculo nimia quorundam sociorum religiositas, ejusmodi hominès ad primam uxorem adigere volentium. Alii, demptò scrupulo, religionem Christianam inuentibus, quancumque vellent ex pellicibus pro uxore permittebant. Ob earum opinionum diversitatem inde natam, quòd Doctores Scholastici de eâ re inter se dissentiant, ad Summum Legum interpretem recursus est, & Ioannes Lugo, postmodum Cardinalis, rem totam his verbis Urbano VIII. Pont. Max. exposuit. „ Sanctissime Pater, in Provincia & regno Paraquariæ, in Indiâ Occidentali, maxima difficultas suboritur in conversione, ne infidelium ad fidem nostram, quando aliqui ex ministris volunt illos cogere ad recipiendum, & retinendum primum conjugem, quem in infidelitate habuerunt: Gens quippè, ex innatâ barbarie passim conjuges (si verè conjuges dicendi sunt) dimittunt, non aliter, quam nostræ famulas & famulos. Et hoc solùm, quia conjux infirmatur, nec coquere cibos potest, aut vestes confuere, vel domus curam habere, vel quia jam senescit; imò frequenter non unam solùm uxorem accipiunt, sed simul cum eâ omnes ejus filias, vel sorores, si quas habet: ex quibus postea donat amicis aliquam, vel famulo in gratiam obsequii, quam postea repetit, si famulus discedat; aliis sola loci mutatio causa est deserendi conjugem, ne eam secum ferat. Itaque plerique putant, non esse, saltè communitè, apud illos verum matrimonium, sed concubinatum: atque ideo permittunt, quòd conjugem baptizatum accipiant, quando ad fidem convertuntur. Alii tamen scrupulum habent, & cogunt eos ad recipiendam primam conjugem, ex quo magna

incommoda sequuntur. Primò, quòd multi hoc terrore baptismum averfantur. Secundò, quòd mentiuntur dicentes, se nullum alium conjugem habuisse, & malâ fide cum alio contrahunt. Tertio, quòd fingunt se repetere primam uxorem, sed reverâ aliam habent, nec de primâ curant. Quarto, quòd frequenter cillimum est primam agnoscere, quia vix recordantur in tantâ multitudine, quæ fuerit prima; & illâ inventâ oportet rursus inquirere, an illa prius habuisset viros, & rursus de iis viris, an prius alias habuissent uxores. His accedit, quòd frequenter in iis conjugis non utantur signo aliquo externo speciali diverso ab eo, quo concubinam ad hebdomadam vel mensem accipiunt. Quare sæpe non invenitur signum externum expressivum consensûs ad matrimonium requisiti. Unde attentâ eorum praxi, & consuetudine, multi pii & docti viri putant communitè, non fieri apud ipsos verum contractum matrimonii. Cæterum ad tollendos scrupulos & dubia, & ad hoc gravissimum impedimentum auferendum illius gentis, conversionis ad fidem, à Sanctitate vestra humiliter petitur, ut quandoquidem juxta virorum doctorum doctrinam, Sedes Apostolica ex gravi causâ potest aliquando matrimonium infidelium dissolvere, prout sanctitas vestra declaravit in Brevi suo expedito die vigesima Octobris, anno 1626. & rursus in alio simili die 17. Septembris, anno 1627. his verbis. Nos attendentes hujusmodi infidelium matrimonia non ita censerî, quin necessitate suadente dissolvi possint, &c. „ Et quidem in hoc gravissimæ causæ sunt, imò necessitas ad conversionem illorum infidelium: dignetur Sanctitas vestra ex benignitate Apostolicâ concedere Provinciali Societatis Jesu facultatem, ut ipse, & ii ex Societate, quibus ipse conversionem gentis demandaverit, & communicandum censuerit, possit occurrente casu, & facto examine, & manente dubio de valore prioris matrimonii in infidelitate facti, vel magnâ difficultate inveniendi veritatem, vel magnâ difficultate repetendi primum conjugem jam dimissum, possint, inquam, ad conversionem faciliorem reddendam, vel ad converforum manutentionem in fide & obedientiâ legum Ecclesiasticarum, dispensare cum ejusmodi conversis, ut possint post baptismum contrahere verum matrimonium in facie Ecclesiæ. Hoc enim modo Sanctitas vestra Infidelibus illis aditum ad Ecclesiam patefaciet, quem Dæmon occludere conatur, prout de vestræ Sanctitatis benignitate sperare jubet, quam Deus, &c.

Urbanus Octavus indulto sapientum virorum super eâ re consulto, pronuntiavit, non videri sibi speciali suâ dispensatione opus esse, ubi Doctorum sententia utrimque probabiles intercederent: sequerentur opiniones pro conditione locorum, ac hominum, barbaris favorabiles, salvâ interim utriusque partis auctoritate, funderent doctis hominibus sentiendi libertatem. Constans igitur sociorum, plerorumque in his terris degentium, opinio praxi confirmata fuit, horum barbarorum matrimonia, ob rationes supra relatas, nullâ esse, & posse barbaros ad fidem conversos, quancumque baptizatos, rejectis aliis, in conjugem sumere. Quamquam eam semper adhibuere cautelam, quam rei gravitas postulabat. Hactenus P. Nicolaus del Techo.

Ex hac narratione multa sciuntur. Primum est, Urbanum VIII. à Missionariis Evangelicis in-

terrogatum fuisse, quomodo in re difficili, ad ius naturæ atque matrimonii validitatem spectante, se gerere deberent. Hi enim, ut absque scrupulis, ac tutius procederent, suppliciter rogantur, ut facultatem cum infidelibus illis ad fidem conversis dispensandi tribuere dignaretur, quando post factum examen dubium adhuc esset, an matrimonium in infidelitate contractum esset validum, &c. Pontifex, quod sui muneris erat, eos directurus, ac saluti & conscientiis tam Missionariorum, quam infidelium converforum consulturus, examen peritorum adhibuit, illoque præmissa, respondit sibi videri, opus non esse speciali dispensatione, quando probabiles hinc inde Doctorum sententiæ existerent; sequerentur proinde opiniones barbaris favorabiles, sic enim tutos fore, nec alio opus esse ad dubia scrupulosque tollendos. Hoc respondit Pontifex, & nisi hoc respondisset, quæstioni petiti non satisfacisset, nec oves anxias, quod humillimè petebant, direxisset. Hæc autem responsio prorsus docet, licitum illis esse sectari quamcumque opinionem certò probabilem barbaris favorabiliorem, quamvis illa minùs probabilis fuerit. Ergo Urbanus VIII. quoad omnia benignam sententiam esse veram non tam censuit, quam curam ovium exercens, fidelesque requisiti post maturam consultationem palcens, declaravit.

Adversarii mentis vici-
tioria clama-
rent, si
talem profe-
decisionem
haberent.

6. Quid diceret Celladeus, quid alii adversarii dicerent, si Summus Pastor, à suis ovibus interrogatus, quomodo in tali casu tuti esse possint? respondisset, eo ipso quòd probabiles sententiæ hinc inde existerent, sibi videri nullum licitum esse sequi partem minùs tutam; sequerentur proinde in tali casu partem tutiorem, nec ab eà absque expressa dispensatione recederent. Haud dubiè longè lateque victoriam clamarent, dicerentque, Pontificem in suum favorem quæstionem solvisse, ac proinde infallibili morum regulæ absque ulla amplius hæsitacione credendum esse. Cur ergo ipsi non dant manus, cum Pontifex quæstionem in favorem benignæ sententiæ resolverit, & quodammodò definiverit? existimo quidem homines, contrariæ sententiæ non admodum ardentè addictos, his lectis, veritatem visuros, illique subscripturos; sed vereor, ut proprii Auctores rigidæ sententiæ in illà permaneant, & variis interpretationibus ac limitationibus clarissimam hanc prudentissimi ac vigilantissimi Viri, Summi que Pastoris decisionem obfuscare conentur; sed frustra erunt omnia, cum factum pateat, & claritas decisionis nullis tenebris involui possit.

R. P. Mutius Vitellius
chius iussit
suis, ut pro-
babili resolu-
tioni uni-
formiter se
accommoda-
rent.

Porrò ut nostri Missionarii juxta hanc Urbani declarationem uniformiter procederent, R. P. Generalis, Mutius Vitellichius in hæc verba ad Provinciam scripsit. *Circa matrimonia infidelium, quando ad Evangelium redeunt, utrum solvenda sint nec ne, &c. Respondet per P. Procuratorem, qui referet responsum sua Sanctitatis, & sensum etiam aliorum Doctorum. Totum in hoc resolvitur. Videndum an Punctum, quod controversatur, sit probabile, nec ne. Rogo reverentiam vestram, injungat Magistris doctis, ut quæstionem examinent, informationemque faciant, & statuatur quod probabile fuerit, & hoc uniformiter in Provincia reducatur in praxim. Hæc hispanicè scripta habentur in Registro Epistolarum R. P. Muti Generalis ad diem 31. Iulii anni 1639. Ea ego in latinum transuli.*

Urbanus
VIII. ex-
pressè sup-
ponit, utri-

7. Secundum est, quòd Pontifex apertè supponat, utramque opinionem contradictoriam esse posse simul probabilem, nec supponit tan-

tum, sed expressè vult, ut, non obstante declaratione, quòd Missionarii tutò sequantur opinionem minùs tutam, alteri opinioni nil suæ probabilitatis & Auctoritatis decedat, sed unicuique sua opinandi libertas relinquatur. Hæc omnia Celladeo expressè repugnant, cum in omnibus istis contraria sentiat.

que perrem-
est proba-
bilem.

8. Tertium est, quòd sagacissimus & prudentissimus Pastor per hoc expressè declaraverit, verum esse, quod *quæst. 22. de conscientia probabili sum. 187.* tradidi; nempe Pontifices, quando in dispensando uni sententiæ se accommodant, non ideo declarare alteram esse falsam, aut ullam ei notam inurere, sed illam in suâ probabilitate, atque etiam homines in opinandi libertate relinquere.

Pontifices
sententiæ u-
nâ opinio-
nem, oppo-
sitam in suâ
probabilita-
te relin-
quant.

9. Quartum est, quòd Missionarii illi Evangelici, qui, hæc Urbani responsione instructi, sciebant sibi licitum esse sequi opinionem probabilem minùs tutam, cautelam semper adhibuerint, quam rei gravitas postulabat. Adeo verum est, Auctores & sequaces benignæ sententiæ, quamvis à nonnullis adversariorum palpones, laxones, aliisque id genus nominibus appellentur, verè laxos non esse, sed prudentes & cautos, cum non nisi cautè adhibeant remedium, quod tamen licitè applicari posse sciunt. Verùm omnia tentant, ut quantum fieri potest negotia optimo modo administrantur. Atque utinam omnes, qui in benignæ sententiæ professores insurgunt, parem in praxi cautelam ac moderationem sectentur, nec laxius casus resolvant, quàm illi, quos laxones appellant.

Sequaces
benignæ
sententiæ
non minùs
cauti sunt,
quàm illi à
quibus la-
xones ap-
pellantur.

10. Porro quòd ad Alexandrum VII. in quo Celladeus se solidissimum fundamentum habere jactat, attinet; ille, ut refert Caramuel in Apologemate, non solum dispensavit, ut Illustrissimus D. Iosephus de Conti ab uno Episcopo, & duobus Abbatibus consecraretur, sed etiam indulgit, ut electus Episcopus de Assumptâ, ad Provinciam Paraquariæ pertinens, ab uno Episcopo posset consecrari. Verùm ille, antequam facultas obrenta ad suam pervenisset notitiam, ab uno Episcopo cum duobus Canonicis ordinatus est. Porro cum hæc ordinatio in dubium vocata esset, sacra Cardinalium Congregatio die 15. decembris anno 1637. declaravit, *supradictam consecrationem Episcopi Paraquariensis, quantum spectat ad Sacramentum & impressionem characteris, fuisse validam, &c.* & Alexander VII. declarationem hanc per litteras Apostolicas in formâ Brevis confirmavit. Hæc ex Caramuele olim notata iterum cito, quia decreta ipsa nondum videre licuit.

Alexander
VII. Celladeo contra-
riatur in
praxi.

Hinc sic arguo. Plurimi, gravissimi que Auctores censent, Pontificem in hæc re dispensare non posse. Diana *parte 10. resol. 19.* fatetur hanc sententiam esse oppositâ communiorem. Castro. *Palas rom. 4. tract. 27. puncto 14.* opinionem hanc validissimis rationibus & Auctoritatibus roborat, eamque tamquam contrariâ longè veriore supponit. Unde cum Caramuele sic subsumi potest contra Celladeum. Alexander VII. in re summi momenti, quæ non solum ad privatam ejus personam, sed etiam ad publicum ipsius officium pertinebat, sequutus est opinionem minùs tutam, etsi solum æquè, aut etiam fortassis minùs probabilem oppositâ; minùs, inquam, tutam, quia agitur de necessitate mediæ. In quo si erraretur, bona fides non sufficit. Illi enim non essent veri Episcopi, nec ab eis ordinati forent veri Sacerdotes; sine veris autem Sa-

In re sum-
mi moment
si quutus est
opinionem
minùs tutâ,
contra pro-
babilem tu-
torem.

cerdotibus Sacramenta Eucharistiæ, Pœnitentiæ, & Extremitatis Unctionis nulla sunt. Ideoque populi, quibus illi præficiuntur, mediis ad salutem valde necessariis privarentur. Ergo Alexander VII. existimavit licitum sibi esse sequi opinionem probabilem contra tutiorem etiam probabilem, aliquam contra conscientiam egisset; quod certè de Viro summi ingenii, experientiæ multiformis, atque probitatis eximie, nemo nisi impudentissimè dixerit, aut judicaverit, maxime in rebus istiusmodi, in quibus libertimum ei fuit, tales dispensationes concedere aut negare. Ita cum Caramuele aliisque urgeri potest hoc argumentum, de quo tamen ego *quæst. 22. de conscientia* probabilis à num. 191. paulò aliter, ac Sedi Apostolicæ multò favorabilius censui. Locus consulatur, ubi multa de hac materiâ lectu digna exponuntur. Ceterùm haud dubiè argumentum convincit, Alexandrum VII. in rebus summi momenti hinc inde probabilibus sequutum esse partem minus tutam, contra oppositam partem tutiorem; ac proinde existimasse, benignam sententiam esse sufficientem conscientiæ regulam.

Decreta A- 11. Et hæc quidem de praxi Alexandri VII. **lexandri VII.** dicta sunt; de quo etiam aliundè constat, quòd **probant be-** privata ipsius sententia fuerit, licitum esse usum **nignâ sen-** probabilium contra tutiora pariter probabilia, **tentiam esse** ac etiam probabiliora, ut ex dicendis in solutione Objectionum constabit. Quocirca superest, ut de ejusdem Decretis, ac de doctrinâ, quam Ecclesiæ tenendum proposuit, aliquid dicamus. Inprimis anno 1661. celeberrimam edidit Bullam in favorem Immaculatae Conceptionis, in quâ tamen ita se gessit, ut ex contrariis sententiis neutram censurâ ullâ notaverit; quin è contrario satis aperte ostendit, se credere, neminem ex eo peccare, quòd ullam ex illis opinionibus sectetur. *Vetamus, inquit, quod propter hoc contrariam opinionem tenentes, videlicet, gloriosam Virginem Mariam cum originali peccato fuisse conceptam, hæresis crimen, aut mortale peccatum incurrant; cum à Romanâ Ecclesiâ, & ab Apostolicâ Sede nondum fuerit hoc decisum, prout nos nunc minime decidere volumus, aut intendimus: quin potius contrariam illam opinionem hæresis, aut peccati mortalis, aut impietatis damnare audentes, præter pœnas, quibus eos subicit Sixtus IV. &c. gravioribus aliis pœnis subijcimus, quas in contra facientes huic nostræ constitutioni superius infliximus.* Certè si existimasset; eos peccare, qui asserunt Beatissimam Virginem fuisse in peccato conceptam, minus rectè fecisset; dando illis occasionem continuandi in suâ opinionem, dum pœnas exaggerat contra eos, qui illam peccati condemnare audent.

Quod Ale- 12. Rursus anno 1667. quinto Maii, non diù **xandri VII.** ante mortem in generali Sanctæ Inquisitionis **decretis no-** Congregatione decretum edidit circa dissensionem Auctorum de materiâ Attritionis, in quo hæc habentur. *Sanctissimus D. N. Alexander Papa VII. cum acceperis non sine gravi animi dolore Scholasticos quosdam acriter, nec absque fidelium scampo inter se contendere, an illa Attritio, quæ concipitur ex metu gehennæ, excludens voluntatem peccandi cum spe veniæ ad impetrandam gratiam in Sacramento Pœnitentiæ, requirat insuper aliquem actum dilectionis Dei, asserentibus quibusdam, negantibus aliis, & invicem adversam sententiam censurantibus; Sanctitas sua enixè cupiens pacis vinculum inter fideles servari, &c. Hoc præsentis Decreti in virtute Sanctæ obedientiæ, & sub pœnâ excommunicationis lata sententiâ huic sanctæ Sedi reservata, &c. præcipit cunctis & singulis, &c. ut si desuper de materiâ*

attritionis præfata scribunt, aut libros aut scripturas edent, vel docebunt, vel prædicabunt, vel alio quovis modo penitentes, aut scholares, caterosve erudientes, non audeant alicujus Theologica censura, alteriusve injuria, aut contumelia notâ taxare alterutram sententiam, sive negantem, necessitatem aliqualem dilectionis Dei in præfata attritione ex metu gehennæ conceptâ, quæ hodie inter Scholasticos communior videtur, sive asserentem dictâ dilectionis necessitatem, donec ab hac Sanctâ Sede fuerit aliquid in hac re definitum, &c. Ecce Pontifex, tam in materiâ fidei quàm morum, ita versatur inter opiniones contrarias, quæ aut continentur aut certè ab aliquibus probabiles reputantur; ut utramque toleret; & ab aliis omnibus toleratam velit, cum severissimè prohibeat, ne quisquam censurâ ullâ, aut contumeliâ notâ quamvis illarum taxare audeat. Porro in materiâ Immaculatae Conceptionis, saltem juxta eorum opinionem, qui minus piam sententiam tenent, magis tutum est ab omni opinionem assensum cohibere; sic enim certissimè non erratur, cum errandi periculo se exponat, quicumque illi sententiæ assensum præbet. In materiâ verò contritionis, pars negans necessitatem dilectionis est minus tuta, quæ tamen à suis assertoribus proponitur tanquam pro praxi sufficiens. Constat itaque Alexandrum VII. non solum ut privatum Doctorem, sed ut publicum Ecclesiæ Pastorem censuisse, licitum cuique esse in materiâ fidei ac morum ex contrariis opinionibus certò probabilibus sequi quancumque pro libito, modò illi tanquam veræ adhærere. Si enim contrarium censuisset, debuisset subditos à sequendis ejusmodi opinionibus aut terrore, aut saltem dissuadere, & non præbere eis occasionem sectandi illas opiniones, quarum usum noxium & peccaminosum reputabat. His addendum est Decretum, quod Alexander VII. septimo Calendæ Julii an. 1665. edidit contra duas censuras Sorbonicas; ex illo enim adhuc clariùs apparet Summum istum Pastorem nobiscum sentisse. Sed Decretum mox opportunius afferetur in solutione objectionum.

13. Quis jam non videt, quantum & privata Alexander opinio, & publica Alexandri VII. documenta VII. Celladei opinionem recedant? Celladeus omni nisu contendit, tutiorem partem inter probabilia esse tenendam, nec speculative tantum loquendo hoc contendit, sed præctice asserit, contrariam sententiam esse periculosa, & rarò aut nunquam à peccato excusare, si sit falsa, quamvis bonâ fide credatur vera, & reputetur esse certissima. Et quidem loquitur de peccato non materiali sed formali, quod scilicet malitiam peculiarem per se imputabilem continet. Alexander VII. si hoc verum reputasset, nunquam tolerasset sententiam minus tutam, sed ad minimum illam ut periculosa proposuisset; hortatusque fuisset fideles, ut ab illâ in praxi abstinerent. At hoc non præstitit, sed è contrario illam tanquam communiorè, nullaque censurâ dignam proponit, imò sub gravissimis pœnis vetat, ne quisquam ullâ censurâ talem opinionem taxet. Ergo decreta Alexandri VII. Celladei opinioni omnino contrariantur.

14. Ceterùm, haud facilè se extricabit Celladeus à periculo incurrendi censuram ab Alexandro VII. hoc in decreto adversus eos, qui ullam ex contrariis opinionibus censurâ Theologicâ taxant, interminatam. Dicere, opinionem aliquam esse adeo periculosa, ut quomodocumque operans libi conscientiam formet eam sectando, adhuc tam,

Doctrina
Celladei: ad
ceteri pericu-
lo incur-
rendi cen-
surâ ab Ale-
xandro VII.
interminatam.

adhuc periculo peccati formalis se exponat, atque peccet, si contingat eam esse fallam, quamvis non solum probabilis, sed certò credat eam veram ac licitam, est censuram Theologicam gravem illi inurere. Dicere docentes talem opinionem esse licitam graviter peccare, non solum materialiter, sed peccato per se imputabili, casu quo errent, modò probabile sit quod errent, est magnam injuriam ac infamiam notam tali opinionem inurere. Celladeus utrumque universaliter tradit de omni opinione minùs turā, de cujus veritate Auctores dissentiunt. Ideoque si generalem suam doctrinam ad hanc peculiarem materiam de attritione applicet, aut concedere debet, opinionem, negantem aliqualem dilectionis Dei necessitatem, esse gravi censurā dignam, aut totum suum opus retractare. Cesset ergo jactare; Alexandrum VII. à suis partibus stare.

SOLVUNTUR OBJECTIONES.

Alexander VII. meritò queritur, doctrinam moralem fuisse laxam.

15. **O**BJECIT primò. Alexander VII. anno 1665. Decretum edidit, in quo plures propositiones in re morali nimis laxas damnavit. Verba Decreti sic se habent. *Sanctissimus D. N. auditur non sine magno animi sui dolore, complures opiniones Christiana disciplina relaxativas, & animarum perniciem inferentes, partim antiquas iterum suscitari, partim noviter prodire, & summam illam luxuriantium ingeniorum licentiam in dies magis excrecere, per quam in rebus ad conscientiam pertinentibus modis opinandi irrepsit, alienum omnino ab Evangelicā simplicitate, Sanctorumque Patrum doctrinā, & quem si pro regulā fideles in praxi sequerentur, ingens erupturna esset Christiana vita corruptela. Quare ne ullo unquam tempore viam salutis, quam suprema veritas Deus, ejus verba in aeternum permanent, arctam esse definivit, in animarum perniciem dilatarī, seu verius perverti contingeret, idem S. D. N. ut oves sibi creditas ab istiusmodi spatio, lataque, per quam itur ad perditionem, via Pastoralis sollicitudine in rectam semitam revocaret, &c.* Hinc sic arguit Celladeus. Hæc est mens Romani Pontificis, qui in tradendā fidei ac morum doctrinā errare non potest. Ergo non mecum, inquit, sed cum Romano Pontifice contendant, & obtendant laxandum esse, sin minus, offendicula apponi, perplexitates induci, &c. Ita Celladeus lib. 1. quest. 1. §. 7. qui proinde hoc scuto se tutum arbitratur, sibi que laudi duct, quod summa luxuriantium ingeniorum licentia, ut Decretum loquitur, in dies magis excrecenti, viribus omnibus obfistat.

Respondeo, multa absque dubio irrepsisse in doctrinam, moralem, quæ meritò rejecta, & damnata fuerunt, eò quòd laxitatem saperent non ferendam; laudandus proinde foret Celladeus, si aut solum in genere, aut etiam in specie, tales doctrinas impugnasset, neque nullatenus sibi contradicentem, sed ubique applaudentem audiret; ægerimè enim fero, semperque tuli ejusmodi laxitates, & valde gaudeo plures ejusmodi propositiones ab Alexandro VII. fuisse proscriptas. Verùm cum Celladeus communem omnium Auctorum, omniumque ætatum opinionem convellere studeat, singularemque & prius inauditam morum regulam inducere studeat, non plausum meretur, sed impugnationem. Negat ille ullam opinionem controversam, etsi probabiliorē, etsi unice probabilem, etsi certam existimatam, à peccato per se imputabili excusare, quo uno omnibus prorsus Catholicis scrip-

toribus contrariatur, & apertè errat, ut fuscè evici in tractatu de conscientia probabili, & in hoc opere fusiùs evinco. Rursus asserit, solas opiniones veras esse sufficientem regulam operationis honestæ, cum tamen neminem, pro se citare possit, aut rationem asserre, quæ speciem probabilitatis (etiam illius, quam consuetam appellat, & sub nomine consueti traducere conatur) habet, ut quest. 3. ostensum est. Hæc, aliæque ejusmodi sunt doctrinæ tuæ, Celladee, quibus obfistimus. Tibi in his, non Romano Pontifici nil talia docenti, contradicimus. Illius definitioni tanquam certæ regulæ morum in omnibus obtemperamus, & acquiescimus. Cum illo dicimus, non esse laxandum, sed stringendum, quia quæ nimis laxa sunt, stringi debent; sed contra has tuas assertiones laxandum dico, quia sunt contra omnes, quia nimis strictæ sunt, quia falsæ, quia cælum hominibus claudunt. Tibi ergo obfistimus, non Rom. Pontifici, in cujus Decreto nil habes, quo peculiare has tuas doctrinas vel apparenter cohænestes.

Nos Celladeo non Rom. Pontifici resistimus.

16. Respondeo secundò, Celladeum hoc in loco & scopum suum deseruisse, & Decreto Pontificis abutulum esse. Scopum sibi præfixerat, ut doctrinam reflexam, quæ asserit, licitum cuique esse sequi opinionem certò prædictè probabilem, impugnet; hoc autem omisso, ad doctrinas directas à Pontifice pro laxis damnatas divertit, illasque accusat, atque per hoc se causam suam præclare egisse existimat. Sed imprimis ærem verberat, cum neminem sibi contradicentem habeat; deinde in vanum laborat, cum ex hoc nullum pro suâ doctrinā confirmandā subsidium reperiat. Neque tantum scopum deseruit, sed hoc Alexandri VII. decreto abusus est. Decretum enim illud nullam ferit opinionem, quam Pontifex, aut ejus Consilarii probabilem judicabant. Constat siquidem ex Decreti tenore, examen damnatarum opinionum pluribus Theologis commissum fuisse, atque etiam Cardinalibus, qui Generalium Inquisitorum munera funguntur, eorumque singulos suam sententiam Summo Pontifici sigillatim exposuisse. Itaque absque dubio Decretum hoc in Qualificatorum censurā fundatum est. Notorium autem est, omnes & singulos illorum Qualificatorum tenuisse doctrinam reflexam, quam Celladeus impugnat. Rursus Qualificatores nullam opinionem censuerunt, quam credebant esse probabilem, quin & ipse Pontifex, ut reprobarer duas ex propositionibus damnatis, nempe 27 & 40. damnavit dicentes illas esse probabiles. Itaque certum videtur, Alexandrum VII. nullam propositionem damnasse, quam ipse & Qualificatores non reputarent esse improbabilem. Celladeus ergo abutitur hoc Decreto, dum ex illo stabilire conatur suam sententiam, quā omnem opinionem probabilem minùs tutam tanquam in praxi periculosam, eoque nomine omni explosione dignam rejicit.

Celladeus scopum desertit, & Decreto Pontificis abutitur.

Pontifex solus opinionem improbabilem damnavit.

17. Quòd si occasionem ac finem Decreti præ oculis habeamus, ex illis efficacissimum contra Celladeum argumentum deducitur. Occasio hujus decreti, ut in ipso ejus exordio narratur, fuit rumor sparsus de multitudine opinionum laxarum quotidie invalescentium, contra quas non pauci vehementius insurrexerant. Jansenistæ hæc in parte aliis præluxerunt, nemo enim ab initio præter illos universalem doctrinam reflexam condemnavit. Post hos nonnulli Catholici scriptis suis nimias laxitates reprehendere ceperunt.

Occasio & finis hujus decreti convertunt doctrinā Celladei.

runt, plerique ad opiniones particulares, de rebus directe concludentes, sese proclenter restinguabant. Pauci animo impetuosiore, ac minus considerate in universali doctrinam reflexam condemnabant, in quo imitabantur Jansenistas, qui ideo potissimum contra opinionem benignam insurgabant, quod arbitrantur; nil se efficere posse, quamdiu illa staret, cum illa omnem opinionem practice probabilem pro sufficienti conscientie regulâ sufficere traderet. Clamores isti aures, atque etiam animum Alexandri VII. perculerunt. Dum hæc ita se haberent, Amadæus Guimenius librum edidit, in quo plures opiniones collegit, quas multi diu ante tamquam laxas condemnauerant. Liber iste Guimenii plurimum animos pupugit. Itaque undique per Galliam ac Belgium contra eum clamatum est. Facultas Parisiensis censurâ gravissimâ Guimenii librum notavit. Pontifex clamoribus istis atque dissentionibus gliscentibus, atque in dies crescentibus, hanc summi momenti causam coram se examinari voluit, atque quantum fieri potuit terminari. Inprimis ergo septimo calendæ Julii anno 1665. per Breve speciale Facultatis Parisiensis censuram tanquam præsumptuosam, temerariam, ac scandalosam damnavit, illamque cassam, & irritam esse voluit. Et hæcenus quidem explicui occasionem, atque originem, ex quâ Decretum à Celladeo citatum emanavit. Finis autem ejusdem edendi duplex erat, primarius quidem, ut ex textu Decreti patet, fuit ovium Summo Pontifici crediturum solus, quæ hic & nunc exigebat, ut scirent quid in tantâ opinionum varietate habendum, quid non habendum esset pro laxo. Et consequenter quid esset, quid non esset vitandum? Secundarius autem finis fuit, ut Sancta Sedes vigilantiam suam testatam redderet, simulque reipsâ probaret, se non parvi facere excellentissimam Facultatem Parisiensem, quod nuperam ejus censuram damnavit. Itaque post tres menses à dictæ censuræ condemnatione, nempe 24. Septembris ejusdem anni 1665. Decretum edidit, in quo damnavit 28. propositiones laxas in materiâ morali. Deinde 10. Aprilis anni insequentis 1666. Guimenii librum prohibuit, qui plures opiniones laxas in unum collegerat. Nec hic stetit zelus & prudentia Alexandri, siquidem 18. Maii ejusdem anni 1666. alias 27. propositiones laxas damnavit, ita ut universum 45. propositiones laxæ à vigilantissimo Pastore damnatæ sint.

Guimenii
liber à Fa-
cultate Pa-
risiensi cen-
suratur.

Alexander
censurâ Fa-
cultatis Pa-
risiensis dâ-
navit atque
cassavit.

Celladei
opinio ex
fine & oc-
casione hu-
jus Decreti
vertitur.

18. His de occasione atque fine hujus Decreti habitis, perspicuum est, Alexandrum toto celo à singulari opinione Celladei dissentire. Nam doctrina reflexa de licito usu opinionis probabilis erat potissima, contra quam, ut laxitatum omnium radicem clamabant adversarii, & consequenter absque dubio in rigidum examen deducta est; illa nihilominus nullâ censurâ notata est, nec digna inventa, quæ damnetur. At nulla ex damnatis tam necessariò prohibenda fuisset quàm ista, si illa ad conscientiam ritè formandam, & malitiam peccati, ratione sui imputabilis, excludendam non sufficeret. Itaque Pontifex non solum insufficienter functus fuisset officio suo, opinionem illam non taxando, si illa periculum à Celladeo somnium involveret, sed, quod plus est, contra conscientiam suam peccasset, scque ipsum, ovesque sibi creditas in apertam damnationem præcipitasset, si opinionem jam in examen adductam non condemnasset, quam existimabat esse omnium periculosissimam,

R. P. A. Terribi Regula morum. PARS I.

sciebatque ab omnibus passim in præxiâ deducti. Quis autem talia de tanto Pontifice vel suspicari audeat? Constat ergo Alexandrum, non solum ut privatum Doctorem, sed etiam ut publicum Ecclesiæ Pastorem ab opinione Celladei, ac rigida sententiâ fuisse prorsus alienum.

19. Hoc, etsi ex hæcenus dictis sit perspicuum, adhuc clariùs patebit, si perpendantur verba singularis illius Brevis, quo Alexander VII. duplicem censuram Facultatis Parisiensis damnavit, atque cassavit. Facultas duos libros censuraverat, unum gallicè scriptum à Jacobo de Vernant, cui titulus: *La défense de M. S. P. le Pape contre les erreurs de ce temps*; alterum ab Amadæo Guimenio latinè èctatum, in quo Auctor plures, ut præfertur, opiniones morales laxiores collegerat. Verba Brevis ita se habent, cum ad aures nostras pervenerit, duos prodisse libros, &c. (in quibus scilicet censuræ dictæ continebantur) in quibus libris præsumptuosâ censurâ notantur aliqua propositiones, earum, præsertim, quæ ad Romani Pontificis, & sanctæ Sedis Apostolica auctoritatem, Episcoporum jurisdictionem, Parochorum munus, Privilegia à S. Sede concessa, dispensationes Apostolicas, aliorumque moralium regulam pertinent, & alia, quæ & gravissimorum auctoritate scriptorum; & perpetuò Catholicorum usu nituntur, & cum fieri non possit sine publico Catholica religionis detrimento, ut prædicta censura in commemoratis libris sine debitâ Ecclesiæ animadversione, & damnatione remaneant. Nos, &c. ut gravissimo scandalo, quod inde Catholicis accidere possit, occurramus, habitis prius doctissimorum ac insignium in sacra Theologia Magistrorum ac Professorum, &c. quos ad hac specialiter deputavimus, consultationibus, ut rei gravitas videbatur postulare, nec non auditis suffragiis venerabilium Fratrum nostrorum S. R. E. Cardinalium in totâ republicâ Christianâ Generalium Inquisitorum, motu proprio, & ex certa scientiâ nostrâ, deq. Apostolica potestatis plenitudine, præfatas censuras, uti præsumptuosas, temerarias, atque scandalosas haberi volumus, easque nullum valoris, & roboris fuisse, sed cassas & irritas esse declaramus. His dictis, sub gravissimis pœnis dictas censuras prohibet, sicut & libros, scripturas, & alia opera, in quibus præfata censura quomodolibet continentur, laudantur, & defenduntur. Demum post pœnas injunctas hæc subduntur. Ceterum ulterius de præfatis censuris judicium, deq. opinionibus in prædictis libris Jacobi Vernant, & Amadæi Guimenii contentis, &c. nobis ac S. Sedi Apostolica reservamus.

Causa, ob
qua. Ponti-
fex cens. ad
Parisien-
si damnavit,
explicatur.

20. Ex tenore hujus Brevis perspicuum est; Alexandrum VII. existimasse, ac publicè omnes docuisse, opiniones ad actionum moralium regulam pertinentes, maxime si illæ gravissimorum scriptorum auctoritate & perpetuò Catholicorum usu nitantur, non esse censurâ dignas, & multò minus præsumptuosè censurandas. Constat secundo, talium opinionum censuras in publicam religionis Catholicæ detrimentum cedere, easque proinde esse prorsus intolerabiles, quia hoc expresse asseritur in decreto, & asseritur tanquam motivum, quod condemnationem dictarum censurarum non tam persuasit, quàm extorsit. His positis, sic arguo. Certum est, doctrinam reflexam de licito cujusvis opinionis probabilis, maxime probabilioris usu, non solum gravissimorum, sed omnium omnino, ante Celladeum, Catholicorum scriptorum auctoritate, perpetuòque Catholicorum usu ac praxi esse confirmatam. Præterea sententia illa proponitur ut regula actionum moralium. Ergo non est cen-

Opinio ri-
gida Cella-
dei ex men-
te Alexandri
VII. est in-
tolerabilis.

I surd

surâ digna, & multò minùs præsumptuosè censuranda; imò omnis acrior ejus censura in publicum religionis detrimentum cedit, nec absque malo tam gravi tolerari potest. Hæc non ego, sed Alexander VII. post Theologorum consultationem & Cardinalium Inquisitorum Generalium suffragia expressè tradit. Hoc ergo posito, peto, an singularis Auctor absque præsumptuosâ censurâ insurgere possit contra unanimem omnium Doctorum sententiam, in re spectante ad conscientiæ ritè formandæ regulam, quam omnes omnium sæculorum Catholici ut legitimam & sufficientem in praxi secuti sunt, & non solùm speculativè loquendo contra illam differere, sed practicè eam ut periculosissimam arguere, prorsusque contendere, neminem à peccato per se imputabili excusari posse, qui bonâ fide, imò qui certissimâ conscientiâ amplectitur opinionem ullam, si fortè eam falsam esse contingat? nōne hoc est conscientias priùs rationabiliter quietas turbare? gravissimamque omnibus prorsus scriptoribus Catholicis, universique eorum dicto se gubernantibus, id est totius Ecclesiæ praxi censuram inurere? Celladeus ipse, ni fallor, ægrè ferret, si quisquam de aliquâ ipsius opinione tam rigidè sentiret, illamque per hoc ipsum gravi censurâ notatam esse conquereretur. Agnoscat ergo idem à fortiori locum habere in communi aliarum omnium sententiâ, quod in privatâ suâ opinione locum haberet. Peto etiam, an sententia ulla, quoad substantiam rei, præsumptuosior esse possit, quàm si unus singularis Auctor, aliorum omnium auctoritate & praxi postpositâ, in re tanti momenti novam sententiam priori contrariam non solùm invehat, sed per eam omnes alios gravissimi sceleris reos arguat. Si hoc non sit præsumptuosè opinari, nemo dixerit quid sit opinio præsumptuosa. At qui asserit, neminem à peccato excusari per se imputabili, qui bonâ fide & certâ conscientiâ sequitur opinionem probabilem, etiam probabiliorē, condemnat omnes alios gravissimi sceleris. In primis sceleris condemnat omnes Auctores, qui talia proposuerunt, quique aliorum conscientias juxta illorum opiniones dirigunt; quia omnes isti proximos in peccandi periculum conjiciunt. Rursus omnes condemnat, qui suam conscientiam juxta probabilia aliorum dicta conformant. Ergo omnes omnino gravissimorum ac frequentium peccatorum condemnat.

Alexander VII. omnes animat ad Celladei conatibus resistendum.

21. Cogitet hæc seriò Celladeus, & inveniet singularem suam opinionem, non juxta meam, sed juxta expressam Alexandri VII. sententiam, Ecclesiæ universæ explicatam, separari non posse à non tolerandâ censurâ contra doctrinam reflexam, id est contra benignam opinionem, quæ ad actionum moralium regulam pertinet, quæq; gravissimorum auctoritate scriptorum & perpetuo Catholicorum usu nititur. Solus enim communem omnium aliorum doctrinam ac praxim ita impugnat, ut omnibus gravissimorum peccatorum incursum imponat. Nullatenus enim stare potest veritas sententiæ, quam tenet, nisi omnes ferè Catholici in rebus, quas ex communi omnium Doctorum consensu licitas credebant, damnabiliter operati sunt. Hæc cum detexerit, respiscat aliquando, & fateatur opinionem suam singularem, & re ipsa, & juxta Alexandri VII. mentem atque doctrinam omnibus publicè traditam, in publicum Ecclesiæ detrimentum cedere, nec sine debitâ animadversione tolerari debere. Ignoscat ergo mihi, si, tam necessario tanti Pontificis

documento nixus, ipsius conatibus obviam eam. Quod me ad hoc impellit, non est contradicendi, non contendendi ardor, sed publici detrimenti metus, sed omnium Ecclesiæ Doctorum fama, quorum alterum amoliri, alteram omni nisu in suo splendore conservare molior. Hæc sunt, Celladee, ut verbis tuis utar, *offendicula, quæ apponis, hæc perplexitates, quæ induceret tua sententia, quæ timorem nimium incuteret, & peccata multiplicaret, & quod summum est, pauciores salvari, quàm aliquin salvarentur, permetteret, si semel admitteretur ut vera, aut efficeret, ut contraria opinio in dubium vocaretur.*

22. Objicit secundò, Alexander VII. teste Julio Mercoro, Magistro Generali Ordinis Prædicatorum injunxit, ut probabilibus restringendis curam omnem adhiberet. Hinc factum est, ut, ipso Magistro Generali adhortante, Mercorus ipse, Baronius, & Conet adversus illa scripserint. Ergo Alexander VII. censuit, illicitum esse sequi probabilia, alioquin probabilium exterminationem Prædicatorum Generali nunquam injunxisset. Ita Celladeus lib. 1. quæst. 1. §. 7.

Alexander VII. injunxit Generali Prædicatorum, ut laxitatem in materiâ morum exterminaret.

Respondeo, Celladeum hîc ita loqui, ut haud facile appareat, quid sibi velit. Si solùm contendat, Alexandrum Generali Prædicatorum generaliter injunxisse, ut invigilaret, ne Magistri sui Ordinis opiniones nimis laxas sub nomine probabilium latentes docerent, imò ut tales opiniones omni conatu extirpare satagerent, libenter admitto, quod dicit; talis enim exhortatio & vigilantissimo Pastore digna, & menti ac zelo Alexandri, qui postea 45. propositiones damnavit, est prorsus consentanea. Verùm hoc ad Celladei intentum non conducit, quia hîc solùm quaeritur, quid de doctrinâ reflexâ Alexander senserit, & an illius extirpationi studuerit, de quâ quaestione ex generali illâ exhortatione nil inferri potest, nisi aliundè probetur, Alexandrum existimasse doctrinam reflexam de licito probabilium usu esse nimis laxam. Verùm hoc nec ex dictâ illâ adhortatione, nec aliunde probari potest, cum ex dictis constet, oppositum esse verissimum, & id ipsum ex dicendis ulterius confirmabitur.

Hoc Celladeo non fatetur.

23. Quod si Celladeus ex obscurâ illâ locutione indicet, atque supponat, Alexandrum VII. imposuisse Generali Prædicatorum curam exterminandi doctrinam reflexam, ut indicare atque supponere debet, si ad finem & scopum intentum collimet; in primis supponit, quod erat probandum, & procedit de subjecto, ut aiunt, non supponente. Deinde haud dubiè fallitur, cum omnibus, qui probè Alexandrum norunt, notorium sit, zelantissimum Pontificem tenuisse communem opinionem reflexam, atque in moralibus eximium Suariorum doctrinæ sectatorem fuisse. Alexander ergo non injunxit Generali Prædicatorum curam exterminandi doctrinam communem reflexam, sed solùm sollicitus fuit de doctrinis directis nimis laxis, quas exterminari voluit, easque ipsemet magnâ ex parte efficaciter exterminavit, damnando 45. ejusmodi opiniones. Quod si Alexander doctrinam reflexam nimis laxam credidisset, cur illam cum reliquis directis non damnavit? illa certè, non minùs quàm reliquæ, coram illius tribunali in examen venit, mansit tamen intacta, quia nemo ex Qualificatoribus, nec Alexander ipse existimavit doctrinam reflexam esse nimis laxam; imò certum est, omnes unanimiter existimasse eam esse

Pontifex non voluit doctrinam reflexâ impugnavit.

esse sufficientem conscientiae regulam. Præterea ex dictis constat, quis fuerit Alexandri sensus de opinionibus, communi doctissimi norum consensu & perpetuâ Catholicorum praxi confirmatis. Noluit ille tales doctrinas damnari, sed omnem earum censuram ut malam, & intolerandam rejecit.

Mercurius,
Baronus &
Gonet Cel-
ladeo ad-
versantur.

24. Rursus quidquid illud sit, quod Pontifex Generali Prædicatorum injunxit, certum est, Mercurium, Baronum, Gonetum toto Cælo à sententiâ Celladei discrepare. Mercurius enim plurimas opiniones probabiles recenset in tertiâ parte, quas ut tutas proponit. Deinde concedit, unumquemque, qui bonâ fide ex motivo rationabili conscientiam format, esse tutum, etsi sectetur partem minùs tutam, & erret. Baronus in tantum videtur à communi sententiâ discrepare, in quantam novam affert probabilitatis definitionem; expressè enim fatetur, usum opinionis probabilis esse licitum, si illa tantum sint probabilia, quæ prudentem assensum fundant: ita habet *disp. 1. sec. 2. art. 2. §. 2.* Verùm evidens est, omnem assensum probabilem esse prudentem, ut fusè ostendo *totâ quæst. 2. in tractatu de conscientia probabili*, in quâ circa finem *num. 10.* ostendo, definitionem Baroni esso prorsus falsam & insufficientem. Præterea idem Baronus *disp. 2. sec. 1. ar. 3.* fatetur, licitum cuique esse sectari opinionem quamcumque verè probabilem, si nulla in contrarium probabilitas urgeat, talem enim opinionem, etsi erroneam, tutam reputat. Imò fatetur, licitum esse sequi opinionem longè probabiliorem, etsi aliqua probabilitas exigua in contrarium afferatur. Gonet docet, majorem probabilitatem ad conscientiae securitatem sufficere. Ecce tres illi Dominicani adversantur Celladeo, qui omnem probabilitatem, imò & certitudinem existimatam pro regulandâ conscientia contendit esse insufficientem. Quorsum ergo istos Auctores, aut Alexandri VII. exhortationem Generali Dominicanorum factam pro se adduxerit, non apparet, cum illi omnes ipsi contrariantur ex professo.

Obiectio 3

25. Obiecte tertiò. Certum est, Alexandrum VII. sensisse doctrinam moralem esse nimis laxatam, quia de hoc expressè conqueritur in Decreto supra citato. Rursus nemo saltem hæc ætate de rigore doctrinæ conquestus est, laxiorem dolent universi. Hoc 45. propositiones laxæ proscriptæ, hoc ipsorum Sacrorum Ordinum justæ sanctiones testantur. Mutius Vitelleschius Soc. Jesu Generalis ad Superiores pridem scripsit, ut caverent diligenter, ne sui in delectu opinionum eâ normâ uterentur, *Tueri qui potest, probabili est, Auctore non caret.* Ita Celladeus *lib. 1. quæst. 1. §. 7.* ubi Mutio Vitelleschio prænominatum Prædicatorum Generalem cum tribus proximè citatis adjungit, & sic concludit. Hinc præter tbe Auctores præclaros, sensum etiam habes circa ista probabilia & Romani Pontificis, & Generalium harum sapientissimarum Religionum.

Quis sit
sensus Ordini
Prædicatorum
circa
probabiliu
suum.

Respondeo inprimis, nil horum ad intentum facere, quia querelæ istæ solum impetunt doctrinas directas nimis laxas, de reflexâ mentionem non faciunt, ut constat ex dictis. Quod si de sensu sapientissimæ atque doctissimæ Prædicatorum Familiz sermo sit, illa non ex generali Alexandri VII. ordinatione, obscurè satis à Mercurio propositâ, sed ex antiquis illius Constitutionibus, & communissimâ Auctorum suorum sententiâ eruendus est. Constitutiones autem S.

R. P. A. Terilli Regula morum. Pars I.

Dominici in glossâ Prologi ad litteram I. hæc habent. *Declaramus quod tria sint præcipuè, quæ salutem animarum impediunt. Omitto duo priora. Tertium est, austeritas in consilio & opinionibus, terrentur enim homines in tantum, ut salutem propriam negligant, quapropter relaxanda est, quantum fieri potest, rigiditas & austeritas in consilio, ac homines benigne tractandi sunt.* Auctores verò ejusdem Ordinis omnes uno ore subscribunt benignæ sententiæ, si tres istos à Celladeo proximè citatos excipias; & quidem major longè pars in terminis expressis docet, usum opinionis minùs probabilis minùsque tutæ esse licitum; reliqui verò omnes id ipsum de majori saltem probabilitate apertè agnoscunt, à quibus illi tres, qui cæteris strictiores videntur, reipsâ parum aut nihil discrepant. Hic est sensus sapientissimi sanctissimique Ordinis, à quo Celladeus toto cælo discrepat, cum solus rigidissimam, atque austerissimam sententiam, id quâ unâ omnis rigidissimarum opinionum rigor comprehenditur, sectetur, neque ullum dicti Ordinis Auctorem ostendere possit, qui ipsi in præsentî quæstione principalique intento non contradicat. Libitum tamen fuit Celladeo lectori fucum facere, atque sensum tantæ familiz ut sibi faventem vendicare.

26. Neque felicior est Celladeus in mente R. Patris Mutii Vitelleschii intelligendâ; ille enim solum agebat de delectu opinionum, quas à suis subditis eligi optabat. In hoc autem aliud non contendeat, quàm quoddâ Magistri Societatis novitates fugerent, & solidas; antiquas, communes, & benè fundatas doctrinas sectarentur, ad quod ipsæ eorum Constitutiones eos adstringunt. Siquidem *parte 3. Constitutionum cap. 1. ad litteram O.* Declarationes ita se habent. *Nova opiniones admittenda non sunt, & si quis aliquid sentiret, quod discreparet ab eo, quod Ecclesia & ejus Doctores communiter sentiunt, suum sensum definitioni ipsius Societatis debet subicere, ut in examine declaratum est, in examine autem cap. 3. num. 11.* qui admitti petit in Societatem interrogatur, *an habuerit, vel habeat opiniones ab iis differentes, quæ communis ab Ecclesia, ejusq. Doctores ab eadem approbati tenentur. Et si quando hujusmodi opiniones animum subierint, num paratus sit ad judicium suum submitendum, sentiendumque, ut fuerit constitutum in Societate de hujusmodi rebus sentire oportere.* Hic sensus Sancti Patris Ignatii in suis Constitutionibus, qui nullum suæ familiz idoneum reputat, qui singularibus opinionibus contra communem Doctorem Catholicorum sensum ita addictus est, ut non sit paratus ad sentiendum, sicut à Societate constitutum fuerit. Rorsus Quinta Congregatio Generalis Decreto 41. in regulis pro delectu opinionum Theologicarum *nam. 3.* hæc habet. *In iis etiam, in quibus nullum fidei, pietatisve periculum subest, nemo in rebus alicujus momenti novas introducat quæstiones, nec opinionem ullam, quæ idonei nullius Auctoris sit, in qui præsent inconsultis, nec aliquid contra Theologorum axiomata, communemve scholarum sensum doceat.* Hic est sensus tum Societatis, tum sacratissimi sapientissimique Ordinis Prædicatorum, quorum dictamina si Celladeus secutus fuisset, nunquam in re tanti momenti communem scholarum omnium sententiam deficiisset, novamque sibi contra omnes confinxisset, sed illi libuit Ordinè illos laudare, atque eorum dictamina tanquam sibi faventia vendicare, cum tamen ab eorum præceptis in hæc singulari suâ opinione expressè recedat, atque è diametro illis contrarietur. Præterea minimè omnium citare

Sensus Societatis & R. P. Mutii Vitelleschii Celladeo contrariatur.

debuisset R. P. Mutium Vitelleschium, de quo ex dictis num. 6. constat, quod iusserit, resolutionem probabilem semel factam à totâ Provinciâ Paraquariensi assumi pro uniformi regulâ operandi in re summi momenti, qualis illa erat, de quâ agebatur. Ergo R. P. Mutius non solum in iudicio suo, sed etiam in Ordinationibus suis prorsus contrariatur Celladeo.

Rerum sui
temporis no-
titia de fide-
saturio Cel-
ladeo.

Celladei con-
tradictio.

27. Respondeo secundò, non exiguam in hac Cellades objectione eruditionem, ac rerum gestarum notitiam desiderari. Aut enim, *neminem hac saltem ætate de rigore doctrinæ conquestum esse*. Verum hoc evidenter falsum est, sive de directâ, sive de reflexâ doctrinâ sit sermo. De reflexâ dubium nullum est, omnes enim, qui in defensionem doctrinæ reflexæ scripserunt, sunt autem plurimi, expressè queruntur, doctrinam moralem nimis restringi ab iis, qui negant licitum esse sequi opinionem practicè probabilem, quod adeo notorium est, ut Celladeus ipse in eadem paginâ, in quâ dicit, *neminem hac ætate de rigore doctrinæ conquestum esse*, fateatur plurimos contendere ac obtendere per rigidam sententiam viam salutis reddi difficiliorem, peccata multiplicari, pauciores salvari, &c. adeo parum sibi constare, sibi quæ apertè contradicit in iis, quæ immediatè inter se copulat, & nobis sub uno oculi obtutu legenda exhibet. De doctrinis etiam directis id ipsum nimis notorium est. Alexander enim VII. plures integros libros Abbatis Sanciani, Episcopi Alcenensis, & aliorum in Galliâ, qui renovare volebant antiquam, ut aiebant, severitatem pœnitentiæ aliosque rigores, condemnavit. Similiter plures assertiones rigide contra Regularium privilegia non ita pridem prodierunt, quarum duæ, cum aliis quatuor ad favorem Regularium pertinentibus, Alexandro VII. oblatae fuerunt, ut suum de illis iudicium, tanquam indubitatum rectè sentiendi regulam interponeret. Pontifex post diligentem rei inquisitionem declaravit duas illas propositiones, suppositis Privilegiis Apostolicis, nullam mereri censuram, quamvis alias quatuor gravi censurâ notari. Prodiit Decretum 30. Jan. an. 1659. ut refert Fagnanus in cap. *ne innitatis*, de constit. num. 339. *propè finem*, eo quæ Decreto mandavit Pontifex, qualificationem & declarationem hanc suam à cunctis tenendam, & in praxi observandam esse. Ecce hac nostrâ ætate opiniones non paucæ nimis rigide aut noviter prodierunt, aut è cineribus suscitatae sunt, quas supremum Ecclesiæ Caput, auctoritate suâ interpositâ, explosione atque condemnatione dignas censuit. Porro mirum est, hæc tam notoria, tam recenter in omnium oculis gesta, & à scriptoribus recentissimis recensita, Celladeum latuisse. Latuerunt tamen, ut apparet, cum oppositum pro explorato habeat.

Hæc ætate
plures ni-
mis strinxe-
runt con-
scientias,

Incongrua
exaggeratio
Celladei,
quæ illum
premit no-
bis favet.

28. Demum adverto, mirum videri, quomodo vir Theologus, qui tres tantum Auctores citaverat, concludere ausus sit his verbis magnificis, *hinc, præter tot Auctores præclaros, habes sensum Romani Pontificis & Generalium harum sapientissimarum Religionum*. Quis hæc legens non crederet, illum ingentem Auctorum numerum pro se citasse. Certum tamen est, quod trium tantum mentionem fecerit. Præterea ex illis tribus nemo est, qui in principali quaestione ipsi apertè non contradicat; sicut etiam sensus Romani Pontificis, ac duarum illarum Religionum è diametro ipsi adversatur. Cæterum miserrimum est illud arguendi genus, quod cum veritate ap-

plicari potest sententiæ, contra quam assertur cum opinioni, cui confirmandæ adhibetur, non nisi apparenter, improprie, & cum intolerabili hyperbole applicari possit. Hoc tamen arguendi genere usus est Celladeus. Si enim ille pro sua sententiâ confirmandâ pondus in eo posuerit, quod tot præclaros Auctores pro se habeat, cum tres tantum protulerit, quomodo non adderet majus pondus sententiæ, quam impugnatur, quæ non solum tres, sed absque exaggeratione trecentos Auctores præclaros, imò, demptis pauculis, omnes omnino pro se citare possit? Præterea pauci illi reipsâ parum aut nihil à communis sententiâ discrepant, & nullus illorum est, qui Celladei opinionem non explodat. Cæterum hæc Celladei exaggeratio facilius tolerari potuisset, si Auctoribus illis, sapientissimisque Religionibus singularissimam suam sententiam falsò non affinxisset. Verum cum in hoc aliis præjudicant, ut sibi suæque opinioni auctoritatem conciliaret, id abique debita animadversione omitti non debuit.

29. Obijcit quartò. Romani Pontifices nunquam usi sunt opinione practicè minus probabili, esto secuti sint opinionem speculative minus probabilem. Dato enim, quod in universali sit minus probabile, Papam posse dispensare in matrimonio rato, tamen in raris illis casibus, in quibus dispensatum est, Pontifices habuerunt circumstantias, & causas particulares discordandi ab opinione universali, ob quas practicè probabilius erat dispensationes illas valde & potuisse, & fortè etiam aliquo modo debuisse concedi. Hac responsione dissolvuntur, quin & retorquentur quæcunque ex factis Romanorum Pontificum satis odiosè producant aliqui Recentiores. Ita Celladeus lib. 1. *quest. 17. §. 4. in fine*, qui similia repetit lib. 3. *quest. 1. §. 2. in fine*. Ubi dicit, Romanos Pontifices, dispensantes in voto solemnium aut in matrimonio rato, habuisse circumstantias aliquas, per quas universalis opinio, negans tales dispensationes esse validas, corrigitur, sicut lex universalis corrigitur per Episkiam; sed quia dispensatio non fit per Episkiam, quæ locum non habet in dubiis, ideo tunc necessaria erat dispensatio. Ita ille.

Respondeo, opinionem docentem, Matrimonium ratum à Papâ dissolvi non posse, ad omnes prorsus circumstantias extendi, ita ut sensus illius sit, facultatem illud irritandi, seu in eo dispensandi in Papâ non residere, eò quod in nullis prorsus circumstantiis valde dispensare possit. Quod hic sit sensus illius sententiæ est indubitatum. Hoc autem stante, repugnat ullas afferri circumstantias, quibus validitas dispensationis reddi possit probabilior ejusdem invaliditate; quia nil assertur in particulari, quod antea in generali non rejiciebatur. Et sanè, si ullæ tales circumstantiæ afferri possent, eo ipso opinio universaliter affirmans dispensationem talem esse invalidam esset falsa, majoremque suam probabilitatem perderet. Verum nullæ ejusmodi circumstantiæ hæcenus aut in particulari, aut in generali assignari potuerunt, quia, omnibus illis non obstantibus, opinio negans validitatem subsistit, nihilque de sua probabilitate amittit, quamvis neget etiam in illis talem potestatem subsistere. Ergo nil in particulari assertur ad formandam conscientiam, quod antea non erat consideratum & rejectum ab opinione universaliter negante, potestatem Papæ ad tales circumstantias extendi. Ergo nil est per quod talis dispensatio

Pontificem
non habue-
runt pecu-
liares circū-
stantias, ra-
tione quarū
certificaretur
de validitate
dispensationis.

fatio in particulari reddi possit practicè probabili-
 or, si in universali, speculativè loquendo, sit
 probabilius Papam absolutè carere tali potestate
 pro omnibus circumstantiis. Itaque haud dubiè
 nulla est hæc Celladei responsio; idque non solum
 juxta rei veritatem, sed etiam consequenter
 ad illius doctrinam, quia ille tam in hac quæst. tam
 alibi expressè docet, quod judicium practicum
 particulare discrepare nequeat à speculativo seu
 universali. (hoc enim se intelligere nomine judi-
 cii practici & speculativi expressè declarat) nisi
 adsint rationes & circumstantiæ novæ, quæ in ju-
 dicio universali formando non erant consideratæ
 & rejectæ. At omnia è contrario se habent in ca-
 su præsentis. Ergo, juxta Celladei doctrinam,
 Pontifices in datâ suppositione sequuti sunt opi-
 nionem practicè minus probabilem, minusque
 tutam. Quod si res hæc non directè sed reflexè
 consideretur, & quæzatur, non quid validè fiat,
 sed quid, stante opinionum directè enuncian-
 tium diversitate, Pontificibus liceat, utique as-
 sero, probabilius illis fuisse, se licitè dispensasse;
 verùm eadem rationes reflexæ æquè procedunt
 de omni opinione probabili directâ minùs tutâ,
 nec Celladeus contrarium persuadere poterit;


donec aliquid in particulari attulerit; vi cujus
 ostendat, Pontifices habuisse aliquid peculiare
 talibus materiis appropriatum, quod aliis appli-
 cari nequit. Præterea ex historicâ narratione ha-
 rum dispensationum, quam quæst. 22. de conscientia
 probabili, num. 83 & seq. relatum habes, constat
 nullas ejusmodi circumstantias peculiâres inter-
 venisse. Fucum ergo facit Celladeus, dum nullâ
 probatione allatâ sub terminis generalibus dicit
 oppositum contigisse.

30. Et sanè hoc argumentum, à praxi ac Do-
 ctrinâ Romanorum Pontificum desumptum,
 tam efficax est, ut illud solum benignæ sententiæ
 veritatem prorsus evineat. Certè si talia pro sen-
 tentiâ rigidâ afferrentur, ergo statim manus da-
 rem, atque illi, veritate cogente, subscriberem.
 Sed hoc indicasse sufficiat, quia æquus Lector ex
 ipsâ quæstionis hujus ponderatione id ipsi suffi-
 cienter intelliget. Quod si quis desideret videre
 solutionem eorum, quæ alii ad eludendam Pon-
 tificum praxim, nobis nimis apertè faventem,
 attulerunt, adeat quæst. 22. de conscientia probabili,
 ubi à num. 227. omnia ejusmodi collecta & solu-
 ta inveniet.

Pontifices
 habuerunt
 majorè pro-
 bilitatem
 reflexam,
 quod dispē-
 satio esset
 licita.

QUÆSTIO NONA.

*Vtrum rigida sententia repugnet illi textui Sacra Scriptura,
 Iugum meum suave est?*

1.  UOD benigna sententia con-
 formis sit Sacra Scripturæ, &
 fundamentum in illâ habeat, la-
 tèt ostendi quæst. 25. de conscientia
 probabili, ubi plures textus at-
 tuli, & quæ in contrarium allata
 fuerant dissolvi. Inter reliquos autem textus,
 illum Matt. 23. versu 30. Iugum meum suave est, &
 onus meum leve: ponderavi, & ex illo aliisque
 idem exprimentibus communem sententiam sta-
 bilivi. At Celladeus lib. 1. quæst. 2. vehementer
 insurgit in eos, qui nituntur hoc textu, quod
 ideo se facere testatur, ut in exordio suæ dispu-
 tationis removeat argumentum, quod in omnium
 ore versatur, & ubique obtruditur. Itaque ut
 hoc argumentum convellat, duo conatur osten-
 dere. Alterum est, legem Christianam, ejusque
 facilitatem non à rebus præceptis, sed aliunde
 esse sumendam. Alterum est, paradoxum pro-
 prius incredibile, & communi omnium experientie
 contrarium, nempe benignam sententiam non
 reddere Christi legem leviorē, sed eam efficere
 longè graviorē, quàm eam reddat sententia
 rigida. Quocirca ut paradoxum hoc falsitatis
 convincatur, examinandum est, quæ & quanta
 sit difficultas legis Christianæ, ex cujus quæstio-
 nis determinatione apertè constabit, benignam
 sententiam ex citato Sacra Scripturæ textu validè
 comprobari. Sit ergo.

ASSERTIO PRIMA.

*Nil aptè dici potest onus grave vel leve,
 nisi prius determinetur status aliquis
 virium, cum quibus onus compa-
 retur.*

Nl est gra-
 ve aut leve
 nisi respectu
 virium de-
 terminatè
 sumptum.

2. **P**ROBATUR. Onus grave & leve sunt de-
 nominationes relativæ, non absolutæ;
 nam pondus, quod puerum opprimit, viro ro-
 busto est levissima sarcina. At denominationes
 relativæ intelligi nequeunt, nisi fundamentum
 quod refertur, & terminus ad quem refertur,
 proponantur. Ergo nil aptè dici potest onus gra-
 ve vel leve, nisi vires determinentur, cum quibus
 onus comparetur. Itaque impossibile est ritè in-
 telligere ac determinare, utrùm lex Christi sit
 onus leve vel grave, nisi consideremus naturam
 humanam in aliquo statu determinato, & conve-
 niamus quænam sint vires naturæ in illo statu
 consideratæ.

ASSERTIO II.

*Stabilito statu natura, viribusq; illi status
 convenientibus determinatis, gravitas le-
 gis aliundè desumi non potest, quàm à re-
 bus ipsis, quas lex præscribit.*

Stabilitas vi-
 ribus natu-
 ræ conveni-
 entibus,
 gravitas le-
 gis à folis
 rebus præ-
 ceptis desu-
 mitur.

3. **P**ROBATUR. Quamdiu vires sumuntur in
 mensurâ determinatâ, repugnat quidquam
 esse grave aut leve respectu illarum, nisi denomi-
 natio illa compleatur per res ipsas; quia solæ res
 I 3 sunt

sunt correlativæ ad vires in ordine ad hoc, ut respectu potentiz, cum quâ comparantur, dicantur graves, vel leves. Sic onus leve respectu viri, potest esse grave respectu pueri. Idem valet in moralibus, ut patet. Quod enim ita comparatum est ad vires, ut absque magnâ difficultate feratur, dicitur onus leve; quidquid autem à viribus illis absque notabili conatu & labore ferri non potest, est & dicitur grave. Errat proinde Celladeus, dum ait, gravitatem ac levitatem legis Christianæ non à rebus ipsis, sed aliunde desumi. Errat, inquam; quia ut intelligibiliter uti possimus terminis istis, *grave & leve*, vires statui alicui convenientes determinandæ sunt. At, iis semel taxatis, gravitas & levitas non aliunde quàm à rebus desumi potest.

ASSERTIO III.

Proposuitum sit explicare, quibus lex Christiana sit dura & gravis, ac quibus prorsus importabilis.

**Lex Christi-
ana su-
perat vires
naturæ lap-
sæ.** 4. **I**N PRIMIS natura lapsa, sumpta secundum vires tali statui proprias, adeo debilis est, ut sit moraliter impotens ad totam legem naturalem diu servandam. Immo præ suâ debilitate nulli tentationi violentæ absque divinæ gratiæ auxilio resistere potest. Ergo à fortiori natura lapsa impotens est ad legem Christi servandum, utpote quæ, præter totam legem naturalem, involvit præcepta circa actus supernaturales, ad quos natura lapsa ex se est physicè impotens. Hæc certa sunt ex tractatu de necessitate gratiæ contra Pelagianos.

**Lex Christi-
gravis est
omnibus qui
vitiis se de-
dunt.** 5. Secundò lex Christiana gravis est illis omnibus, etiam fidelibus, qui peccata peccatis admodum, absque Dei timore illicitis naturæ corruptæ desideriis se tradunt. His enim, tum ob pravam habitum contractum, tum ob carentiam uberis auxilii in penam peccatorum communiter infligunt, admodum difficile est, non dico legem servare, sed vel seriò proponere se amplius non peccaturos. His adjungi debent omnes in proximâ peccandi occasione constituti, illis enim difficillimum est, & moraliter impossibile non labi, nisi extraordinariis gratiæ auxiliis roborentur.

**Item iis, qui
voluptati-
bus licitis
valde addi-
cti sunt.** 6. Tertiò. Lex Christiana, prout non solum præcepta sed etiam consilia complectitur, valde difficilis est illis, qui multum voluptatibus etiam licitis addicti sunt. Hisce voluptatibus magnâ ex parte privari debent, qui consilia sectantur. At sine dolore & magnâ difficultate non amittitur, quod cum amore possidetur. Unde homines ejusmodi prorsus inepti sunt ad consilia sectanda, nisi prius affectiones suas mutant, & animum à rebus caducis avocent. Porro quò magis aut minus fideles istiusmodi affectionibus gravati fuerint, eò tum præcepta tum consilia illis faciliora vel difficiliora evadunt.

**Lex Christi-
gravis est
homini in-
feriori, id
est, carni &
sanguini.** 7. Demum lex Christiana, maximè prout etiam consilia complectitur, est onus grave carni & sanguini, seu homini inferiori, quia ejus propensionibus in omnibus fermè contrariatur. An non durum est carni & sanguini voluptates omnes abjicere? Christum nudum sequi? Vitam omnem sub continuo mortificationis jugo transigere? Qui Christi sunt, carnem suam crucifixerunt cum vitiis & concupiscentiis, teste Apostolo, ad Gal. 5. 24. At carnem voluptatibus, ad

quas propendet, violenter privari, ab illis quasi camo & freno retrahi, & in contrarium adactis, ut ita dicam, calcariibus propelli, imò & cum concupiscentiis ipsis crucifigi, durum est carni & sanguini, ut patet. Quod certè verissimum est etiam in iis, qui fervore spiritus, ac superioris hominis robore hæc omnia parvi pendunt, & quodammodò pro nihilo reputant. Sed quia in talibus pars superior longè prævalet, ideo onus legis simpliciter evadit illis leve, quia cum difficiliter quâdam spiritali impletur, quamvis impletio illius carni ac sanguini hominique inferiori sit valde dura ac molesta.

8. Porro, ut tam ista, quàm sequens assertio melius percipiatur, notandum est, præcepta legis Evangelicæ dupliciter sumi posse ac debere. Primò relatè ad difficultates, quæ per se juxta consuetum humanæ vitæ cursum interveniunt, omnesque etiam probos frequenter molestant. Secundò relatè ad difficultates extraordinarias, quæ solum per accidens eveniunt. Tales sunt difficultates à propriâ vel alienâ voluntate aut malitiâ provenientes. A propriâ malitiâ provenit, homines pravis habitibus debilitari, terrenarum voluptatum amore absorberi, atque sæpe etiam peccandi occasione illaqueari. Ab alienâ malitiâ homines sæpe gravissimis tentationibus urgentur. Quot omni virtutum laude conspicui, aut gravibus tormentis fracti, aut blando voluptatum lenocinio victi, primò pietatem, mox etiam fidem abjecerunt? Cæterum difficultates istæ per accidens se habent ad legem Christianam, quia plurimi totam absque illis vitam transigunt, cum tamen nemo consuetas difficultates ac tentationes absque extraordinariâ Dei protectione evadere possit. Hæc ergo distinctione posita. Sit.

ASSERTIO IV.

Lex Christiana, præcisè secundum se sumpta, est onus leve respectu fidelium, qui omnium virtutum, & potissimè perfectæ charitatis exercitio incumbunt. At, sumpta cum difficultatibus per accidens connexis, est onus valde grave, quod nullâ præviâ virtutum exercitatione reddi potest leve.

9. PROBATUR. Prima pars est expressa mens Augustini multis in locis, quorum plures Celladeus benè expressit: non est opus loca afferre, tum quia de rei veritate constat, tum vel maximè quia omnes omnino SS. PP. & Theologi myltici ita sentiunt. Præterea ratio id ipsum evincit, quia proprium est virtutis promptè & delectabiliter operari in rebus, ad quas virtutis motivum extenditur. Consonat etiam experientia, quia ferventes Christiani longè facilius ferunt jugum Christi, quàm qui eò solum collimant, ut mortalia peccata vitent. Ratio est, quia priores ob exercitium fidei peculiari claritate percipiunt, nil caducum esse amore dignum. Unde dum spe ad bona æterna anhelant, Deumque ferventer diligunt, omnia illis facilia videntur præ magnitudine tum amoris erga Deum, quem diligunt, tum præmii promissi, quod firmiter sperant. Si enim Jacob ob Rachelis amorem tam libenti animo septem annis duram servitutem servierit, ut viderentur illi pauci dies præ amoris magnitudine, Gen. 22. 20. Quid mirum, si servens æternorum,

Difficultas
legis servā-
dæ, alia per
se, alia per
accidens.

Lex Christi
per se lo-
quendo, est
onus leve fi-
delibus piè
viventibus,

horum, maximè verò Dei ipsius super omnia amor, spesque firmissima æternæ beatitudinis omnes consuetas hujus vitæ difficultates pro nihilo reputet?

Lex eadem per acci-
dens
gravis est
etiam fer-
ventissimè.

10. Probatur secunda pars. Experienciâ nimis dolendâ constat, homines omni virtutum exercitio insignes, tot ab alienâ malitiâ difficultates passos fuisse, ut illis, præ difficultate eas superandi, cesserint. Talia sunt bonis omnibus propter fidem aut alias virtutes spoliari, tormenta acerbissima, ac martyria diuturna potiùs pati, quàm peccare, aut fidem vel apparenter negare. Quot ferventissimi Christiani, longâ malorum perpeffione fracti, hoc sæculo in Japoniâ ceciderunt? Christianitatem illam tanto fidei zelo, tantoque charitatis ardore toti mundo conspiciam, quam prorsus insuperabilem sperabamus, gravissimâ diuturnæ persecutionis mole obrutam fuisse, & jam quodammodò extinctam jacere ingemiscimus. Quod si aliqui steterint usque ad lentam pœnositissimamque mortem tolerandam, id singularissimo, longeque extraordinario gratiæ auxilio de novo concesso, non facilitati ex fervore pristino acquisitæ tribuendum est. Et sanè Christus ipse, de diuturnâ sævæ persecutionis molestia loquens, aperitè fatetur, eam esse moraliter insupportabilem, nisi singularissimis præfidiis homo fulciatur. Quid enim aliud expressit, cum dixit *Matth. 24. 22. Nisi brevius fuissent dies illi, non fieret salva omnis caro: sed propter electos breviantur dies illi.* Verùm difficultates istæ per accidens se habent ad legem ut patet. De illis ergò amplius agendum non est, quia per accidens se habent, & parum aut nil conducunt ad præsentem quæstionem, quæ procedit de difficultate legis Christianæ per se acceptæ, seu de difficultate, quam ex se communiter affert fidelibus, communibus gratiæ auxiliis roboratis. Interim hoc semper fixum in mente manere debet, quòd levitas oneris nostri, nullatenus haberi aut intelligi possit, nisi per res præceptas cum viribus, quibus instruiamur, comparatas.

ASSERTIO V.

Lex Christiana per se sumpta, si comparetur cum viribus justificatorum, est onus moraliter portabile, & simpliciter loquendo leve.

Lex Christi est onus portabile & simpliciter leve, respectu iusti fidei.

11. **P**ROBATUR ex Concilio Tridentino sess. 6. cap. 11. ubi hæc habentur. *Nemo temerariâ illâ & à patribus sub anathemate prohibita voce uti audeat. Dei præcepta homini justificato ad observandum esse impossibilia, nam Deus impossibilia non jubet, sed jubendo monet, & facere quod possit, & petere quod non possit, & adjuvat ut possit. Cujus mandata gravia non sunt, cujus jugum suave est, & onus leve. Qui enim sunt Filii Dei Christum diligunt: qui autem diligunt eum, ut ipsemet testatur, servant sermones ejus, quod utique cum divino auxilio præstare possunt. Et infra, Deus namq; suâ gratiâ semel justificatos non deserit, nisi ab eis prius deseratur. Hinc sic arguo. Hæc doctrina Concilii omnibus & singulis iustis convenit. Ergo singulis dantur vires; quibus præcepta Dei sunt moraliter portabilia, & onus simpliciter loquendo leve. Immo auxilia seu vires istiusmodi debentur illi statui, ideoque juxta legem ordinariam negari non possunt. Alioquin Deus quodammodò dici posset deserere iustum, antequam ab eo deseretur.*

Quomodò enim non aliquo modo desereret iustum & amicum suum, si ipse per se onus illi imponeret, aut moraliter importabile, aut certè quòd absque valdè magnâ difficultate portari non posset?

12. Præterea: Concilium dant rationem, cur iusti servare possint legem, non solum dicit mandata Dei non esse impossibilia, sed expressè asserit, *illa non esse gravia. Sed onus leve.* Quia scilicet diligentibus Deum datur auxilium, quod onus illud ferre possunt, & quidem absque magnâ difficultate, alioquin onus esset grave. Hoc applicatur omnibus iustis. Ergo ubi dicitur, iusti Christum diligere, aut solum, aut principaliter sermo est de dilectione habituali, quia plures justificantur per Sacramenta, absque eò quòd Deum perfectâ charitate actuali diligant. Certè locus non potest intelligi de frequenti ac ferventi charitatis exercitio, quia nemo justificatorum statim ab initio suæ justificationis diu ac ferventer se in talibus actibus exercuit, multique longo tempore vivunt iusti, qui rarè talibus actibus se exercent. His tamen omnibus lex Christiana non est gravis, sed onus leve. Ergo Tridentinum sentit, levitatem oneris, quod iusti portant, non à solo frequenti charitatis ac virtutum exercitio, sed aliunde haberi, quia mandata ab ipso justificationis initio non sunt gravia, sed onus leve, alioquin Deus dilectis suis amicis ac filiis legem dedisset, cujus observatio esset onus grave. Ergo mandata Dei essent ipsis iustis simpliciter gravia, nec fierent levia, nisi postquam diu cum gemitu ac labore valdè arduo servarentur. At hoc repugnat infinitæ bonitati Dei, qui est amantissimus Pater. Repugnat dicto illi Spiritûs sancti, *1 Ioan. 5. mandata ejus gravia non sunt*, quod videtur simpliciter intelligendum. Repugnat verbis Salvatoris dicentis, *onus meum leve.* Demum repugnat Tridentino, quod universaliter loquitur de omnibus iustis, cujus proinde doctrina ac definitio multis convenit, qui diu multumque in charitatis perfectæ exercitio nondum se exercent. Errat ergo Celladeus, & his omnibus contrariatur, dum ita asserit, levitatem legis Christianæ à frequenti charitatis exercitio dependere, ut eam à charitate habituali rarè operante, aliisque virtutibus non diu multumque exercitatis haberi neget.

13. Demum illa Dei increpatio; *quid est, quod debui ultra facere vinea mea, & non feci?* *Isaï 5. 4.* ladei de levitate legis repugnat S. Scripturæ & Con Tridentino. Opinio Celladei ultra facere vinea mea, & non feci? Isai 5. 4. ladei de levitate legis repugnat S. Scripturæ & Con Tridentino.

necessaria. At nec Christus talem legem vocasset onus leve, nec Apostolus unquam dixisset, legem ejusmodi non esse gravem, lex enim respectu Communitatis sumitur, quia ad illam refertur, cum eam obliget. Ergo lex falsò diceretur levis, si respectu communitatis esset gravis, imò gravissima, ut vult Celladeus, quamvis respectu paucorum, qui multo nisu gravitatem superassent, facta esset levis.

ASSERTIO VI.

Lex Christiana, omnibus fidelibus eam acceptantibus, simpliciter & per se loquendo levis est, sive justi sint, sive nondum justificati. Propositum autem sit explicare, in quo levitas legis Christianæ consistit, & à quo habeatur.

Lex Christi simpliciter loquendo levis est omnibus fidelibus eam acceptantibus.

14. **P**ROBATUR primò ex dictis. Christus vocavit omnes ad legem, cujus onus leve est, & cujus præcepta simpliciter non sunt gravia. Ergo lex illa per se loquendo simpliciter talis est omnibus, qui eam per fidem acceptant, alioquin ipsi collum subdidissent legi simpliciter gravi, ac respectu virium illis datarum portatu difficili, quod auctoritatibus allatis repugnare videtur.

15. Probatur secundò. Illa lex est facilis, quæ præbet media facilia, quibus omnes difficultates communiter occurrentes faciliè superari possunt. Talis est lex Christiana omnibus fidelibus eam acceptantibus, quia exercitium fidei & spei non est difficile. Non fidei, quia teste Davide *1. sal. 92. 5. Testimonia Dei credibilia facta sunt nimis*. Non spei, quia arduum non est concupiscere beatitudinem, & abhorreere ab æternâ miseriâ, quando fides certò proponit utramque per talia determinata media citra ingens incommodum obtineri posse, & sine illis non posse obtineri. Exercitium autem fidei & spei, omnia planè faciliat, quamvis non exercentibus se in illis ea appareant, & sint difficillima, aut etiam impossibilia. Patet hoc. Per fidem proponitur nobis, quod absque fugâ peccati, & virtutum exercitio non possimus æternam ac insupportabilem miseriâ vitare, quòdque sine virtutum exercitio æternam beatitudinem consequi nemo possit, quam tamen infallibiliter consequetur, qui legem servat, vitando malum, & bonum prosequendo. Hoc modo certificati per fidem de magnitudine pænæ ac præmii æterni, quorum alterum ex necessitate inevitabili subeundum est, faciliè est per spem ferri in bonum æternum, illudque nobis amare; in quo si hæreat quis, difficultatemque sentiat, est quia nondum se exercuit in fide, nec per fidem apprehendit ista ut inevitabilia. At, posito semel amore æternorum bonorum, & odio malorum similiter perennium, alia omnia facilia evadunt. Quid difficilius in lege Christianâ, quàm peccata homini confiteri? quàm inimicos diligere? Ista tamen facilia sunt homini exercenti se in fide ac spe. Per fidem scimus, aliud peccatorum remedium non esse præter integram eorum Confessionem. Per fidem necessitas absoluta hujus remedii proponitur, nam damnandus est ad æterna supplicia, æternâque beatitudine privandus, quicumque hoc remedio uti noluerit. Similiter per fidem certò credimus, Deum nobis peccata nostra minimè condonaturum, nisi nos inimicis nostris offensas dimittamus, *Matth. 6. 15. Si non*

Exercitium fidei & spei omnia faciliat, etiam ea quæ censentur gravissima.

dimiseritis hominibus: nec Pater vester dimittet vobis peccata vestra. Mercatori pecuniis inhianti difficillimum est merces gratis donare: fac tamen eum tempestate jactatum de vitâ certò periclitari, nisi navis onere mercium sublevetur; non ampliùs durum illi est merces in profundum ejicere, ipse primus est, qui manum admovet, quique alios ad ipsum animat. Quod eò libentius facit, quòd certius apprehendit, se hâc ratione evasurum, cum sciat aliam viam se salvandi non superesse. Qui scit se inevitabiliter collocatum inter duo mala collectivè inevitabilia, faciliè amplectitur minus, si per hoc spes elucescat, & multò magis si certò sciat, hâc ratione majus malum esse evitandum. Evasio majoris mali dulcescere facit perpeffionem mali minoris. At fides certò proponit, nos in his ipsis circumstantiis versari, nam si peccata debite confessi fuerimus, remittet illa Deus, qui etiam promisit se peccata remissurum iis, qui hominibus condonant. *Dimittite, & dimittentur vobis.* *Luce 6. 37.* clariùs & expressiùs idem traditur *Matth. 6. 14. Si dimiseritis hominibus peccata eorum, dimittet & vobis Pater vester celestis delicta vestra.* Itaque nec peccatorum Confessio, nec inimicorum dilectio difficilis esse potest illi, qui se in fide exercet; nil enim ex communiter occurrentibus ulli difficile est, sine quo scit æternam miseriâ vitari non posse, & per quod firmiter tenet, se bonum incomparabiliter majus obtenturum. Augetur autem facilitas, si per spem talia bona frequenter amemus, & in eorum desiderio ac expectatione nos exerceamus. Ergo lex Christiana levis est, cum facilia media præbeat, per quæ difficillima quæque facilitantur.

16. Probatur tertio. Ex sacra Scripturâ, quæ justorum vitam & victoriam fidei ac spei attribuit, *Iustus ex fide vivit Rom. 1. 17.* Universalis autem difficultatum victoria fidei tribuitur à S. Paulo *ad Hebr. 11.* incipiendo enim à fidei definitione, dicit illam esse *operandarum substantiarum argumentum non apparentium*. Et mox inductione factâ ab origine mundi expressè docet, Justos, in sacra Scripturâ memoratos, per fidem mirabilia & ardua virtutum opera perfecisse: & tandem *à versu 33.* post recapitulationem omnium Sanctorum antiquorum & Prophetarum, qui plurima passi sunt, sic concludit: *Per fidem vicerunt regna, adepti sunt repromissiones, obscuraverunt oculos gladii, convalescerunt de infirmitate, fortes facti sunt in bello, &c.* tum enarrat tormenta, quæ passi sunt, atque tandem concludit, *eos omnes testimonio fidei probatos fuisse.* Et sanè haud dubiè per claritatem ac firmitatem fidei bona majora proponentis fortitudinem ac robur acceperunt, atque etiam adepti sunt in plurimis magnam facilitatem & alacritatem.

Sacra Scriptura difficultatū victoriæ fidei attribuit.

17. Quòd si fidei certæ spes & amor æternorum accedat, mirum quàm facilia evadant objecta carni ac sanguini durissima. Christus ipse, teste Paulo *ad Heb. 12. 2. proposito sibi gaudio sustinuit crucem.* Et sanè tantus est excessus bonorum æternorum, ut quidquid in hâc vitâ durum occurrit, momentaneum ac leve reputetur respectu futurorum bonorum, quæ parata sunt iis, quæ hujus vitæ miseras patienter tolerant. Audi Apostolum *2. Corinth. 4. 17. momentaneum & leve tribulationis nostræ, supra modum in sublimitate æternæ gloriæ pondus operatur in nobis.* Ecce omnia hujus vitæ incommoda, omnesque difficultates pro nihilo habentur ab eo, qui æternis inhiat, quibus acquirendis temporalium perpeffio viam parat.

Spes facilitatem hanc plurimum auget.

parat. David etiam apertè declarat, quàm facili & hilari animo inclinaret cor suum ad obedientiam mandatorum Dei, propter spem retributionis à Deo faciendæ: *Psal. 118. 112. Inclinaui cor meum ad faciendas iustificationes tuas in æternum, propter retributionem.*

Aug. levitatem legis fidei & spei attribuit.

18. Idem expressissimè ac fusè tradit Augustinus *sermone 9. de verbis Domini*, in quo explicat ex professo illud Christi, *jugum meum leve est, & sarcina mea levis* (sic enim ille legit.) Dicit ergo quosdam mirari hoc dictum, cum Christus videatur homines non à labore ad quietem, sed à quiete ad laborem vocasse. Quia omnes, qui volunt in Christo piè vivere persecutionem patientur. Vocavit etiam otiosos in foro ad laborandum in vineâ, ut ferrent æstum diei. Tum enumerat patientiam, tribulationem, necessitates, angustias, & plagas Pauli Apostoli, quæ tamen asserit fuisse sarcinam levem ob fidem, & spem bonorum æternorum. *Aderat*, inquit Augustinus, *illi Spiritus sanctus, qui in exterioris hominis corruptione interiorem renovaret de die in diem, & gustatâ requie spirituali in affluentia deliciarum Dei, in spe beatitudinis futura omnia præsentia deliniret aspera, & omnia gravia relevaret.* Ecce quàm suave jugum Christi portabat, & quàm levem sarcinam: ut omnia illa, quæ superius enumerata dura, & immania omni auditor inhorrescit, levem tribulationem diceret: intuens interioribus, & fidelibus oculis, quanto pretio temporalium emenda sit futura vita, non pati æternos labores impiorum, sed sine ulla sollicitudine perfrui æternâ felicitate justorum. Tum ponit exempla agrorum, militum, nautarum, aliorumque, qui propter spem & amorem bonorum temporalium, magna quæque & asperissima cum gaudio tamquam levissima patiuntur, & sic concludit; sed in his omnibus, qui hæc non amant, eadem gravia patiuntur. Qui verdè amant, eadem quidem, sed non gravia pati videntur. Omnia enim sæva, & immania prorsus facilia, & ferè nulla facit amor. Quantò ergo certius ac facilius ad veram beatitudinem charitas facit, quod ad miseriam, quantum potuit, cupiditas fecit? Quàm facile toleratur qualibet adversitas temporalis, ut æterna pœna vitetur, æterna requies comparetur? Non immerito ille vas electionis cum ingenti letitia dixit, non sunt condigne passionis hujus temporis, ad superventuram gloriam, quæ revelabitur in nobis. Ecce unde illud jugum suave est, & sarcina levis. Alia in eundem sensum subjungit, ex quibus perspicuum est, levitatem oneris legis Christianæ ab Augustino referri in fidem ac spem, per quas certò cognoscimus, certoque expectamus, ac amamus æterna bona, quæ quia sine temporalium malorum perpessione haberi non possunt, ideo præ amore æternorum temporalia quæque contemnuntur ut exigua, & pro nullis reputantur. Unde patet quàm longè diffideat Augustinus à Celladeo, qui facilitatem jugi nobis impositi non in aliud, quàm in exercitium frequens perfectæ charitatis referri contendit, & quod plus est pro se Augustinum allegat. Sed Augustinus longè aliter sentit. Facilitas enim & levitas ista ab Augustino in fidem & spem rejicitur, quibus si accedat perfectæ charitas, sarcina legis Christianæ non solum levis evadit, sed fit suavis prorsus ac delectabilis. Hoc secundum ita perfectæ charitatis exercitio convenit, ut primum antecedenter ad illud per fidem, & spem habeatur, imò & secundum per spem præstetur, licet in gradu inferiore, quàm per charitatem.

Augustinus Celladeo contrariatur.

19. Ex his patet, levitatem legis Christianæ

consistere in auxiliis gratiæ divinæ, quæ Deus omnibus ejus doctrinam acceptantibus, & eam ferè conantibus concedit. Gratiæ possibile reddit, quod naturæ corruptæ, quod carni & sanguini durum est & impossibile: idem autem oculis fidei leve videtur & nullum, atque ideo per fidem redditur facile. Quod si idem per spem desideretur, ametur, & ferventer expectetur, per hoc ipsum res illa non solum evadit facilis, sed etiam aliquo modo delectabilis. Et quidem hæc ratione per exercitia facilia, dura omnia redduntur mollia, atque homo disponitur ad Deum ipsum perfectâ charitate amandum, quod ex se omnium præceptorum maxime arduum est & difficile, ut fiat; & tamen per fidem & spem facile redditur. Charitate autem semel elicitâ, per illam homo fortificatur, & omnia legis onera facilia & suavia fiunt. Cæterum ad ista omnia facilitanda, fidei ac spei oratio adjungenda est, quâ Dei opem humiliter postulemus, quod est etiam exercitium facile, per quod vires impetrantur, quibus durissima quæque absque magno labore tolerari queunt. Nam Deus impossibilia non jubet, sed jubendo monet, & facere quod possis, & petere quod non possis; & adjuvat ut possis. Ut supra dictum est ex Tridentino.

20. Neque tamen hæc ita accipienda sunt, quasi omnem difficultatem tollant à lege; non ita est, illa semper est difficilis, semper carni ac sanguini, totique homini interiori dura. Sed ita accipienda sunt, ut quamvis caro semper maneat infirma, atque in multis non parùm reluctetur, spiritus tamen per gratiam, mediantibus dictis exercitiis, promptus evadat, fiatque superior illis difficultatibus, atque eas comparatione æternorum parvi pendat, quamdiu ab æternorum amore ac desiderio non desistit. Cæterum in illo ipso fidei ac spei exercitio aliqua difficultas sentitur, quia corpus, quod corrumpitur, aggravat animam, & terrena inhabitatio deprimis sensum multa cogitantem. Sap. 9. 15. & terrena, oculis semper subiecta, avocant mentem à celestibus & futuris, quæ non videntur. Rursus post mentem in fide ac spe exercitam adhuc difficultas manet in operis boni executione; unde simpliciter loquendo via virtutis difficilis est, & ita quidem ut Paulus de ipsis Apostolis ad Rom. 8. 23. dixerit, nos ipsi primicias spiritus habentes; & ipsi inter nos gemimus adoptionem filiorum Dei expectantes redemptionem corporis nostri. Nihilominus lex Christi simpliciter dicitur onus leve, non quòd onus non sentiat, sentitur enim, alioquin onus non esset, sed quia vires spiritui collatæ superant onus, adeo ut cum superioritate animi, & quâdam spiritus quiete ac voluptate ferri possit, etiam carne reluctante.

Entranter eam qui: es legis facilitas constituit.

21. Difficultas itaque legis non opponitur levitati oneris, sed præsupponitur, quia in illâ ratio oneris consistit, ut patet. Cæterum hæc difficultas eò minor evadit, seu eò facilius superatur, quòd quis in fide & spe, ac humili oratione magis se exercet. Sed quia lex ad communitem refertur, & pauci sunt, qui valde sedulo se in istis exercent, idè pauci sunt, à quibus difficultas legis servandæ notabiliter non sentiat, & consequenter onus legis gravior est majori parti, quàm illis, qui ad virtutum exercitium diligenter incumbunt. Nihilominus omnibus non planè pigris & negligentibus, sed mediocri saltem diligentia conantibus, & se aliquando in fide ac spe atque in oratione humili exercentibus, lex Christiana simpliciter est onus leve per se loquendo, quia

Difficultas legis non opponitur levitati oneris.

quia vires talium superant onus, ut dictum est. Quod si quis concupiscentiis carnis, quæ militant adversus animam, indulgeat, aut in peccato sordescat, nec curet se in gratiam restituere, sed voluntariè remaneat in statu peccati, aut omne ferme exercitium fidei, spei, ac orationis negligat, tribuat sibi, si gravetur hoc onere, & succumbat, quia absque magnâ difficultate poterat vim oneris superare, sed noluit. Itaque lex Christiana omnibus simpliciter eam acceptantibus est onus leve, per se loquendo, quia vires superiores onere omnibus dantur, omnesque absque magnâ difficultate adhibere possunt media, quibus oneri ferendo evadant superiores, idque jam multò magis, quàm ante Christum, quia nunc fides est clarior, & bona æterna promissa majora sunt, & clariùs proposita. His positis, superest videndum, an & quomodo benigna sententia ex citatis sacræ Scripturæ locis stabiliri possit. Quod ut fiat. Sit.

ASSERTIO VII.

Doctores
suis inter-
pretationi-
bus reddere
possunt le-
gem gravè
& importabi-
lem.

Nulla est lex à Deo hominibus data, quam Doctores ipsius, opinionibus, præceptis, ac interpretationibus suis, non possint reddere graviolem, ac humano modo importabilem.

22. **P**ROBATUR ex Matth. 23. 4. ubi Christus reprehendit Scribas & Phariseos dicens: *Alligant onera gravia & importabilia, & imponunt in humeros hominum.* Hoc est (inquit Cornelius à Lapide in interpretatione hujus loci) *multitudine, magnitudine, & gravitate præceptorum, ac tributorum populum onerant, deprimunt, & penè opprimunt.* Porro quod onera illa dicantur *importabilia*, solum significat ea fuisse valde difficilia ad portandum, si enim prorsus impossibilia fuissent, subditos non obligassent, quia nemo obligatur ad impossibile. Quod si quæras, quænam fuerint hæc onera. Audi Cornelium citatum. *Talia erant, rigida legis interpretationes, ac insuper plurima alia, quæ præter legem ipsi præcipientes populo, circa oblationes, decimas, primitias, &c. quæ ipsi rigidissimè à populo exegebant. Tam rigidè sabbati observationem præstare debebant, ut nec Christum agros curare, nec famelicos ejus discipulos specus vellere, & comedere permittiebant.* Hinc sic arguo: Scribæ & Pharisei interpretationibus, præceptis, ac traditionibus suis legem Dei, à Moysè traditam, longè graviolem, ac humano modo importabilem reddiderunt. Idem evenire potest in omni lege, si Doctores illius eam in populo exponant, sicut Scribæ & Pharisei legem Moysis interpretabantur. At certum est, Doctores cuiusvis legis posse à munere suo deficere, Scribarumque rigorem imitari. Ergo nulla est lex à Deo tradita, quam Doctores illius non possint suis doctrinis reddere difficillimam, & moraliter humano modo importabilem.

Idipsum in-
ductione
probat.

23. Probatur secundò experientiâ, per omnes ætates continuatâ. Numquam defuerunt in Ecclesiâ, qui aut nimio zelo decepti, aut lucri spe, vel certè existimationis atque æmulationis æstro perciti, tales interpretationes, atque præcepta legi, ut aiebant, consona, & ex eadem confectaria, statuerunt, ut illam gravissimam ac intolerabilem redderent. Quidam ab Ecclesiæ exordio contendebant, circumcisionem Evangelio jungendam. Hoc S. Petrus Act. 15. vocat jugum,

quod nec ipsi, nec ipsorum Patres portare poterant. Alii nuptias illicitas esse prædicabant, alii penitentiam lapsis negabant. Quid plura? nuperissime vidimus plures in Galliâ, zelo nescio quo, libros scripsisse, quibus antiquam, ut aiebant, severitatem restituere, moresque reformare intendebant. Verùm onera imponebant durissima, quæ ne tandem importabilia evaderent, Alexander VII. prudenter cavet, dum librorum illorum lectionem, ac retentionem severissimè interdixit.

ASSERTIO VIII.

Lex Christiana, præceptorum ac legum Ecclesiasticarum adjectione, facta est difficilior, quàm esset tempore Apostolorum, aut cum primum promulgata est.

24. **P**ATET assertio. Ab initio, præter fidem explicitam Christianæ legis, & necessarium Sacramentorum ulum, nil obligabat sequaces Christi, exceptis iis, quæ lege naturæ omnibus erant communia, si dilectionem inimicorum, & alia fortè paucula (si tamen illa etiam ad legem naturæ quoad strictam obligationem non pertinerent) exceperis. Hæc erat libertas Evangelica omnibus proposita, quæ quidem pro onere levi meritò proposita est iis, qui à lege veteri ad Christianam accedebant; à servitute enim ad libertatem transire videbantur, si res in utraque lege præceptæ compararentur; idque multò magis verum erat, si vires utriusque statui ac legi determinatæ in comparisonem venirent. At nunc tot abstinentiæ ac jejunia, tot onera ac præcepta, tot censuræ & inhabilitates, tot leges & canones, tot restrictiones & exceptiones paulatim adjectæ sunt, ut difficillimum sit, viros doctos, etiam post diuturnum studium, ea omnia mente complecti, nedum opere comple- re. Quot dubia & perplexitates in animis tam Confessoriorum quàm penitentium quotidie experimur circa onera juris humani, de quibus ab Ecclesiæ exordio nulla erat mentio. An hæc & hisce similia nullam observandi difficultatem secum ferunt? Nugæ. Quis non videt, levius esse onus illorum, qui, cæteris paribus, paucioribus præceptis obligantur? Quis secum severius agi, quàm cum reliquis non putaret, qui præter communia omnibus onera, ad quotidianum jejunium, aut verberationem ex præcepto singulariter & solus obligaretur?

25. Probatur secundò. Lex à Christo tradita, ex novorum præceptorum additione, evadere potest difficillima, & moraliter importabilis, ut constat ex assert. 7. At hoc fieri nequiret, nisi additio præceptorum eam difficiliorē redderet; non enim aliunde provenit importabilitas ex præceptorum additione, quàm ex difficultatis argumento, absque eo quod vires oneri ferendo proportionaliter augeantur. Ergo cum innumera nova præcepta legi à Christo latæ addita sint, haud dubiè legem Christianam difficiliorē reddiderunt, quàm esset ab initio, quia præceptorum novorum additio novas vires oneri proportionatas non addit.

26. Atque hic ponderatio Caietani in illa verba. *Alligant onera gravia, &c.* locum habet. Sic autem ait. *Primam hæc verba Domini Iesu in sedentibus super Cathedram Moysi finem habuissent. Vtinam hodie non verificarentur. Tot jam onera sunt super attritus.*

Lex Christi
gravior est
nunc, quàm
esset ab initio
Ecclesiæ.

Confirmatur
ratione.

Confirmatur
auctoritate.

utriusque testamenti honestissima precepta imposita super humeros hominum, ut Christiani facile se servire Christo credant, si eos laqueis non subicerentur: & Confessores felices se arbitrentur, si de solis divinis preceptis solliciti esse deberent. Cum his tamen omnibus parandum est Iesu dicenti, omnia quaecumque dixerint servate, & facite. Ecce quantâ animi significatione grave onus hominum humeris à superioribus Ecclesie impositum doctissimus, zelantissimusque Cardinalis deplorat. Interim stat verissimum esse, legem Christianam hac ætate esse servatu difficiliorem, quàm erat tempore Apostolorum, aut cum primum promulgata fuit.

ASSERTIO IX.

Opinio docens, homines in omnibus obligatos esse ad partem tutiorem, etiam quando est probabile, immò probabilius, aut unice probabile, quod oppositum sit licitum, est onus gravissimum, ac moraliter loquendo importabile, maxime pro totâ communitate.

Obligari ad partem tutiorem in omnibus est onus importabile.

PRIMA RATIO.

27. **P**ROBATUR. Rigida legum interpretationes onus legis aggravant, ut constat ex assert. 7. & 8. Rursus quò rigidior est interpretatio, eò lex evadit gravior, quia causâ crescente, pariter & effectus crescit. Ergo si leges in mitissimâ interpretatione suam difficultatem, & quidem notabilem habeant, ut sine dubio habent, difficillimum erit, eas juxta rigidissimam interpretationem observare, eò autem magis crescit hæc difficultas, quò leges per se difficiles numero plures sunt, & actus, quibus servari debent, frequentius occurrunt. Porro difficultas ex istis capitibus orta eòusque crescere potest, ut non labi evadat difficillimum, ac moraliter impossibile. Hoc posito sic. Lex Evangelica, etiam prout à Christo promulgata est, est servatu difficilis, quia abundat præceptis carni & sanguini, totiusque hominis inferioris propensionibus prorsus contrariis, ut certum est. In solâ castitate servandâ, quotidiana est pugna, inquit Augustinus, & rara victoria. Rara autem victoria in luctâ non potest non esse difficilis, quia in rebus ejusmodi raritas difficultatem arguit. Ergo à fortiori tota lex est servatu difficilis etiam juxta mitissimam illius accèptionem, cum pauci eam servant illibatam, & nemo non aliquando gemit sub onere. Quid jam dicemus de istâ lege, si innumera alia præcepta, etiam servatu difficilia, quorum observatio frequenter urget, adjiciantur. Sanè onus evadet gravissimum. Talis est præsens status, quem Caietanus deplorat, & quodammodo importabilem reputat. Quòd si omnium istorum præceptorum non rigida, sed rigidissima interpretatio accedat, quæ omnes obliget ad eam exactissimè servandam, onus eòusque excrecet, ut fiat gravissimum, & moraliter loquendo evadat importabile, maxime respectu communitatis, cujus major pars est debilis, & oneris tam gravis haud patiens. At hic est casus præsens, quia opinio universaliter docens, partem tutiorem in omnibus ex præcepto tenendam esse, æquivaleret rigidissimæ omnium legum interpretationi, cum nulla esse possit interpretatio rigidior, quàm quòd tutiora in omnibus sint tenenda, & nulla

probabilitas à tutiore parte sectandâ liberet. Ergo talis sententia reddit Legem Christi respectu omnium difficillimam, & vel maxime respectu communitatis importabilem.

SECUNDA RATIO.

28. **P**ROBATUR secundò. *Experientiâ constat, cuique difficilior esse restituere possetta, quæ certò novit probabiliter ad se spectare, quàm quando constat illa esse aliena. Omnes enim probi in secundo casu haud ægrè se privant bonis alienis, qui tamen ægerrimè adduci possunt ad restituendum ea, quæ ipsi probabilius judicant ad se pertinere. Idem dico de recitatione divini officii, quando probabile est illud jam esse dictum, nullamque obligationem illud repetendi urgere; longè enim difficilior homini est illud in eâ circumstantiâ recitare, quàm si certò sciret, se illud non recitasse. Nec mirum. Dura siquidem est ex propriâ quodammodo electione tantum onus subire, quando non constat illud à Deo exigi, & multò magis, quando probabilissimè constat, nullam dari ejusmodi obligationem; unusquisque enim naturaliter amat libertatem suam, & impetu naturæ abhorret ab onere, quo sub æternæ damnationis reatu obligatur ad id, quod sine difficultate servari non potest. Obligari enim tali onere periculosissimum est; nemo autem nisi illibenter, & quodammodo coactè tali periculo se committit. Hoc onus eò gravius esset, quò frequentius ferendum occurreret, quòque probabilius esset, nullam ejusmodi obligationem dari. At sententia rigida imponit hoc onus respectu omnium præceptorum, etiam apparentium; quia in omnibus ponit obligationem sectandi tutiora, etsi probabilius sit, nullam ejusmodi obligationem extare. Nec semel aut iterum hoc onus imponit, sed pro omni casu apparentis obligationis, etiam contrarias probabilissimas, quod certè frequentissimè accidit. Ergo sententia rigida est onus grave, & moraliter importabile, maxime respectu communitatis.*

Experientiâ idipsum confirmat.

Confirmatur sic. Omnes experimur singularem cordis mæstitiam, quando versamur in dubio, utrum aliquid ex se molestum ac difficile sit præceptum nec ne. Quòd si periti, quos consulimus, casum in favorem libertatis determinent, mirâ afficimur voluptate, quia gravi onere nos liberari sentimus. Ergo qui asserit homines in omnibus omnino obligari ad tutiora, etiam quando probabilissimum est, eos ad illa non teneri, gravissimum onus, immo innumera gravissima onera illis imponit, legemque reddit moraliter importabilem, quia talia onera difficillimè tolerantur, cum naturali libertatis appetitui maxime repugnent; & consequenter tale onus moraliter loquendo à communi hominum fragilitate tolerari non potest.

TERTIA RATIO.

29. **P**ROBATUR tertio. Deus supremus Dominus, sapientissimus legislator, atque justissimus meritum ac demeritorum iudex, ita misericordiam justitiâ, atque rigorem clementiâ temperavit, ut onus ferendum subditorum viribus proportionaretur, ne desperarent de victoriâ, si præcepta vires quodammodo superarent, aut meritum evaderet exiguum, si onus vires quodammodo non æquaret. Ergo onus à Deo

Onus legis proportionatur viribus subditorum.

Sententia rigida plurimum auget onus à Deo impositum.

Deo impositum, juxta moralem rerum æstimationem, quodammodò æquat vires hominibus datas. Ergo qui onus hoc à Deo, qui omnia in pondere & mensurâ operatur, viribus nostris commensuratum magnoperè aggravat, reddit illud moraliter importabile, maximè à communitate. At sententia rigida dupliciter aggravat hoc onus. Primò ponendo præcepta, quæ Deus nunquam injunxit. Secundò tam hæc à se invecsta, quam alia à Deo tradita durissimè interpretando; in utroque autem sæpe à veritate aberrat. Inprimis sententia illa multiplicat præcepta, quia in multitudine opinionum probabilium plura ut illicita damnantium, necesse est plures earum esse falsas. Ergo rigida sententia tot præcepta multiplicat, quot sunt opiniones falsæ docentes præceptum existere, quando non existit. Illæ autem sunt plurimæ. Ecce sententia rigida plurima invehit præcepta, quæ nec Deus, nec Respublica Dei vicaria, unquam constituit. Similiter tot nova onera injungit, quot sunt falsæ opiniones circa interpretationem omnium legum, sive verè, sive solum apparenter existentium. At plurimæ opiniones circa talium legum interpretationem sunt falsæ. Ergo rigida sententia ita aggravat legem Dei, ut illam reddat onus gravissimum.

SOLVUNTUR OBJECTIONES.

Objeçtio 1. 30. **O**BJIC. primò. Hoc argumentum æquè probat, benignam sententiam tollere plura præcepta à Deo statuta, atque in reliquis eorundem rigorem à Deo etiam intentum minuere. Tot enim præcepta tolluntur, quot sunt opiniones probabiles falsæ, dicentes legem non dari. Tot etiam sunt restrictiones rigoris intenti, quot sunt falsæ opiniones rigorem illum negantes. At, juxta benignam sententiam, istæ opiniones probabiles, etsi falsæ, (in multitudine autem omnium plurimæ sunt falsæ) evacuunt legem, rigoremque à Deo intentum tollunt. Ergo datur compensatio, quia quantum oneris additur per rigidas opiniones falsas, tantundem aufertur per opiniones benignas pariter falsas.

Rigida sententia undique aggravat.

Respondeo hoc argumentum illis favere, qui volunt, quòd unicuique licitum sit sequi suam opinionem probabilem directam excusantem, ita tamen ut obligetur etiam ad conformandum se suæ opinioni directæ obliganti, quia hinc sequitur, onera quodammodò ex æquo minui ac gravari, ut constat ex argumento. Verùm si loquamur de sententiâ rigidâ universali reflexâ, omnia è contrario se habent, quia favorabilis ac probabilis interpretatio nil minuit de rigore legis, sicut opinio probabilis de legis non existentia nullo modo legis obligationem evacuat, ut ipsi expressè docent. Ergo sententia rigida undique arctat legem per se difficilem, & consequenter reddit illam onus gravissimum, ac moraliter importabile.

Objeçtio 2. 31. Ob. secundò. Benigna sententia universalis reflexa approbat ut licitum, quidquid ulla opinio probabilis directâ asserit esse permixtum. Ergo in multis tollit leges à Deo latis, & in aliis evacuat rigorem à Deo intentum, quia honestat non solum veras sed etiam falsas opiniones probabiles, libertati faventes, tam circa leges, quam circa earum interpretationem. At hoc est inconveniens, maximè cum fiat sine compensativo, quod daretur, si solum liceret sectari opiniones probabiles de honestate rerû directè enunciantes.

Respondeo inprimis, homines ob istas opiniones reflexas ita constitutos esse, ut vel aliquid de rigore apparentium legum remittendum sit, vel onus legis ultra debitum plurimum excreseat. Etto ergo, utrumque sit inconveniens. Ergo inevitabiliter versamur inter duo mala disjunctivè necessaria. Ergo minimum illorum est eligendum, maximè si illud meritò præsumatur esse magis consentaneum voluntati supremi legislatoris. At malum, ex benignâ sententiâ imminens, est incomparabiliter minus malo, quod sententia rigida invehit. Inde enim materialis tantum, hinc formalis transgressio legum timetur. Rursus hoc minus malum est magis consentaneum voluntati, ac propensione Dei, qui magis propendet ad favorem, quam ad rigorem. Proprium enim legislatorum est, ut præsumi velint faciliores ad mitem legum interpretationem, quam existimari rigidi ad omnia juxta severissimum earum sensum exigenda, quia prior præsumptio amorem, secunda timorem & aversionem quandam excitat; Legislatores autem præsumuntur velle potius ut subditi amorem, quam timorem regantur. Quòd si hoc verum sit in humanis, multò magis locum habet in Deo, cujus miserationes eminent super omnia opera ejus, Itaque benigna sententia haud dubiè præferenda est.

Respondeo secundò, nullum ex benignâ sententiâ sequi inconveniens, illa enim nullam legem evacuat, sed solum enunciat, eas leges apparentes non habere vim legum, quæ verè illam non habent, nulla enim lex apparens vim obligandi exercet, nisi sufficienter applicetur & promulgetur, ut patet. At quoties post diligens examen manet probabile, legem non existere, talis lex non est sufficienter applicata & promulgata, ut constat ex *quest. 23. num. 14. de conscientia probabili*, & *susè declarabitur quest. 43.* Ergo non obligat. Præterea, stante conditione & ignorantia naturæ humanæ, non est inconveniens, quòd leges aliquæ non sufficienter applicentur ac promulgentur, quamvis per se loquendo legislator intendebat nos per illas obligare. Non, inquam, est inconveniens, quia quòd necessariò sequitur ad aliquid, illo posito, non est inconveniens, sed illi consentaneum. At stante conditione humanæ naturæ necesse est, aliquas leges non esse sufficienter applicatas. Ergo hoc non est inconveniens respectu naturæ humanæ. Ergo neque inconveniens est, sed valde conveniens hoc sciri. Scitur autem & traditur per benignam sententiam, quæ proinde nullum secum inconveniens trahit. Quod ex eo etiam clariùs patet, quòd quando benigna sententia enunciat opus tale esse licitum, consideret illud prout substat aliquibus circumstantiis illud honestantibus, sub quibus à nulla lege prohibetur. Ergo benigna sententia nullam legem evacuat, sed ad summum leges aliunde non sufficienter promulgatas & applicatas considerat, atque de illis juxta meritum illarum enunciat, quòd convenientissimum est. E contrâ verò magnum in sententiâ rigidâ invenitur inconveniens, quia præter leges certas à Deo stabilitas, plures novas graviter obligantes inducit, atque idè onus legis summo opere adauget, plurimisque peccatis committendis moralem necessitatem inducit. At benigna sententia nullam legem certam evacuat, nec quidquam docet esse honestum, quòd verè honestum non est, prout sumitur in circumstantiis, quas illa considerat.

32. Ob.

Objectio 3. 32. *Obicit terrið. Curanda non sunt ista onera, quia Deus semper dat vires proportionatas oneri ferendo, quod imponit. Ergo nil refert, quòd onera augeantur, quia simul augentur & vires. Ergo sententia rigida non reddit legem Dei onus importabile.*

Deus lege ordinaria non auget vires quòd onera indebitè augentur à superioribus vel Doctoribus. Respondeo, Deum ita se gerere cum hominibus, maximè cum fidelibus legem servare conantibus, ut semper det vires proportionatas oneri ferendo, quod ipse imponit. Similiter non parum adjuvat extraordinariè, quando consueta onera à Ministris Republicæ iustis de causis augentur. Tunc enim illi agunt, quod Deus vult per illos fieri, ut patet. At quòd Deus lege ordinarià omnibus taliter assistat, ut contendit objectio, etiam quando Publici Magistratus, ac superiores abutuntur potestate sibi concessà, & quod plus est, quando privati homines ex suis capitibus per doctrinas rigidas contra communem omnium Auctorum reclamantium consensum hæc onera multiplicant, solum esse convincitur, non solum ex verbis Christi dicentis, *scribas alligasse onera gravia & importabilia super humeros hominum*, sed etiam ex communi omnium persuasione, quòd superiores indiscreti, Doctoresque nimis rigidi sæpe edusque onera augeant, ut illa à subditis moraliter loquendo ferri non possint. Hæc autem vera non essent, si Deus semper novas vires adderet, quando illi nova onera imponunt, quia tunc eadem semper maneret proportio inter vires & onera, ergo onus nunquam evaderet importabile. Applica hæc contra Celladeum, qui contra omnes alios singularem invenit sententiam, eamque rigidissimam, & videbis illum singulari suà doctrinà legem Christianam aggravare, atque importabilem reddere, maximè à communitate.

QUARTA RATIO.

Nonnulla 33. **P**ROBATUR quartò, enumerando aliqua capita, ex quibus legis difficultas summopere cresceret, si rigida sententia admitteretur esse vera. Inprimis omnis peccans statim post peccatum teneretur ad actum perfectæ contritionis, aut ad Sacramentalem Confessionem. Hoc parum est, unusquisque pro singulis instantibus denuò peccaret, qui tam de peccato præterito, quàm de morà, quâ peccatum habituale retinuit, non ita poeniteret, ut peccati remissionem obtineret, quia sunt opiniones docentes, peccatores ad ista obligari. Ergo si tutiora sectanda sint, hæc utique præstanda erunt. Sunt autem onus durissimum, cum homo tunc temporis minimè idoneus sit ad resipiscendum, & gratiam recuperandam, ut experientià constat, & ex ipsis rerum naturis aperte colligitur.

Secundum onus litigantibus imminuet. 34. Secundò. Vix ullus ex litigantibus licitè posset aut bona possessa retinere, aut quæ probabilissimè sua sunt à possessore exigere; quia uterque teneretur ad partem sibi tutiorem, quæ alia non est, quàm quod possessor bona ad alium probabiliter pertinentia abjiciat, ne alienum invito Domino retineat, quodque actor litem non intentet, ne verum Dominum molestat, suæque re privet. Jam quoties litigatur, plerumque res ita constitutæ sunt, ut probabilitas utrique parti faveat. Ergo vix ullus ex litigantibus unquam esset tutus in conscientia. Quid autem reipublicæ accidere potest magis importabile, quàm istiusmodi consequentias admittere?

35. Tertiò, omnes ferè tenerentur Confessione. **R. P. A. Terilli Regula morum, PAR. I.**

tionem generalem totius vitæ instituere, quia vix ullus invenitur, qui vel ex proprià electione, vel certè ex Confessarii tolerantia in multis rebus ad speciem, numerum, ac gravitatem peccatorum spectantibus, &c. non sit sequutus opinionem probabilem, contra aliam tutiorem etiam probabilem. Ergo vix quisque integrè Confessus est. At omnes ad integram peccatorum Confessionem tenentur, quam vix ullus iuxta præscriptum rigidæ sententiæ fecit. Ergo omnes ferè iterum tenerentur generalem Confessionem instituere; idque non solum, quia non essent confessi omnia, quæ tenebantur confiteri, sed etiam quia actu peccassent sectando opinionem probabilem contra oppositam probabilem tutiorem, dum se gratiam adipisci sperabant. At hoc est onus intolerabile, cum sine gravissimâ conscientiarum anxietate, & labore ferè insupportabili subiri non possit, maximè si omnia observanda sint, quæ rigida sententia præscribit.

36. Quartò. Scrupulosi nullam quietem, aut perplexitatis suæ levamen invenire possent. Vexatio enim illorum in eo versatur quòd in omnibus teneantur sequi tutiora. Ergo cum ipsi ad dubia occurrentia solvenda non sint idonei, si pace frui velint, aliòrum directioni ac sententiæ stare debent. At hoc eis non liceret, quia adhuc periculo se committerent, siquidem nuda directoris assertio solum probabile reddit quod dicit, nec aufert probabilitatem oppositi. Ergo si contingat illum errare, scrupulosus ejus directionem sequens peccat contra legem. Porro quia in rebus dubiis & utrimque probabilibus, probabile est directorem errare, utique qui sequitur ejus directionem, exponit se probabili periculo errandi: ergo peccat ob temeritatem, cum sectando partem tutiorem omni possit periculo liberari. Ergo si rigida sententia esset vera, scrupulosus omni remedio humano careret, & per consequens in manifestum peccati ac damnationis periculum incideret; difficillimum enim illis est semper sectari tutiora, cum vix unquam se tutos aurent. Ergo rigida sententia scrupulosis omnibus, id est, magnæ timoratz conscientiz parti imponit onus gravissimum. Ergo sententia illa contrariatur divinæ providentiæ, quæ suaviter omnibus providet.

37. Quid quod eadem sententia, si admitteretur, omnes in innumerabiles scrupulos conjiceret, à quibus liberari non possent. Conjiceret in scrupulos, quia unusquisque in rebus incertis meritò formidaret, an pars tutior esset ex necessitate tenenda. Ergo semper teneretur eam amplecti, & sic innumeri scrupuli, & perplexitates orirentur in mentibus omnium, qui conscientiz curam gererent. Immo si homines per nullam, ut vult Celladeus, probabilitatem, immò nec per certitudinem existimatam partis minùs tuz excusarentur, omnes formidare deberent peccatum, quoties vel levissimam haberent mali latentis suspicionem, etiam contra rationem probabilem pro honestate operationis. Ergo omnes conjicerentur in scrupulos, quia essentia scrupuli consistit in affingendâ ac timendâ obligatione propter motivum improbabile. Tunc autem scrupulus evadit summus, quando obligatio non solum fingitur ob motivum improbabile, sed ruminatur adhuc, & timetur in sensu composito motivi probabilis suadentis oppositum. Ergo sententia rigida, ejusque praxis, est praxis scrupulorum, & obligatio practica sectandi in omnibus stimulum conscientiz scrupulosa, quo nil

Tertium vix quisquæ quiescere posse de valore suorum Confessionum.

Quartum scrupulosi nullum daretur remedium.

Immo omnes in innumerabiles scrupulos conjiceret.

absurdus, aut importabilis dici potest. Rursus nullum esset remedium liberandi homines à talibus scrupulis. Cum enim directa evidentia de rerum veritate non habeatur, ad summum habere possumus probabilitatem contra motiva levia & improbabilia. At hoc non sufficeret ad scrupulum deponendum, quia unusquisque in eo etiam casu ad partem tutiorem teneretur. Ergo omnes conjicerentur in scrupulos irremediabiles, quod esset onus gravissimum & importabile.

Quintum, est si reipublici & necessaria administratio possint.

38. Quia tunc. Si tutiora in omnibus tenenda essent, officia Confessarii, Theologi, Judicis, & alia ejusmodi essent onera importabilia, cum nemo nisi imprudentissimus posset se illis submittere. Quas quæso difficultates, quæ penitentium odia incurreret Confessarius, qui in omnibus tutiora juberet, quamvis penitentes pro se rationes probabilissimas, communemque omnium auctoritatem haberent? Nonne tale onus esset insupportabile? quis prudens vellet illud subire? Idem de Theologo casum resolvende dicendum est, is enim graviter peccaret, si in sua resolutione erraret, quia proximo resolutionem sectanti scandalum præberet, peccaret enim illam sectando, quia faceret contra legem, ut vult sententia rigida, quam modo impugnamus. Ergo munus Theologi, qui debet casum resolvere secundum id quod sentit, esset periculosissimum, & à nomine prudenter subiri posset. Immo peccaret talis Theologus quomodocumque se gereret, si casum pro parte minus tutam resolveret. Inprimis peccaret, si erraret, ut dictum est. Deinde etsi verum diceret, peccaret, quia exponeret proximum periculo agendi contra legem, atque seipsum inevitabiliter exponeret periculo errandi in re gravissimâ, cum in opinando sectaretur partem minus tutam; nam tutior pars est à tali officio abstinere, nec similibus immisceri. Ergo Theologus semper peccaret, si resolveret casum in favorem partis minus tutæ. Immo periculo peccati subiaceret resolvendo casum in partem tutiorem, quia si erraret, legem ipse contra Dei intentum induceret, & fratrum conscientiam indebitè oneraret. Semper autem periculo hoc præstandi se exponeret. Unde munus illius absque peccato administrari non posset.

Theologus non tenetur resolvere quæstionem in favorem partis tutioris.

39. Dicere autem, Theologum semper teneri in incertis ad resolvendam quæstionem in favorem partis tutioris, est evidenter falsum; tunc enim frustra eos consuleremus, & illi frustra laborarent, quia jam tum constaret, partem tutiorem esse tenendam, & illos ita respondere debere. Præterea Theologi est, dicere quod sentit. Ergo si sentiat legem non esse, tenetur ita respondere, alioquin mentiretur, & in re gravi proximum oneraret ad id, ad quod ipse putat eum non obligari. Demum si Theologi tenerentur casum resolvere in partem tutiorem, omnes peccassent, qui quæstionem solvissent pro parte minus tuta. Peccassent ergo S. Thomas, Bonaventura, S. Antoninus, alique innumeri sanctitate conspicui, cum omnes plurimos casus in favorem partis minus tutæ resolverint. At sequela absurda est & blasphema. Ergo Theologus non tenetur resolvere quæstionem in favorem partis tutioris, sed illius, quam veram reputat. Sed hoc faciendo per adversarios semper peccat, si errat, quia semper fuit contra aliquam legem; errando enim vel minuit, vel auget legem Dei. Utrumque autem est malum. Et si non erraret, peccat tamen exponendo se & alios periculo pec-

candi. Ergo officium Theologi esset prorsus tremendum & importabile.

Eadem est ratio de Judice, qui semper versatur in ancipiti, ne erret, & litigantes suo jure defraudet. At si erret, peccat, etsi sequatur partem, quam probabiliorem & veriore reputat. Rursus tutius illi esset à tali officio abstinere. Ergo non posset illud licitè suscipere. Ergo sententia rigida omnis generis officia reddit importabilia, quorum tamen administratio est reipublicæ prorsus necessaria.

40. Sexto. Superiores non possent sequi opinionem probabilem in præcipiendo, nec subditi in obediendo. Ergo tota respublica turbaretur. Certum enim est, plurima Magistratuum ac Regum præcepta in vestigalibus imponendis, obsequiisque postulandis tundari in solâ probabilitate directâ de honestate operis præcepti. Ergo non possent licitè præcipere ejusmodi. Similiter subditi non possent obedire, quando non esset certum superiores præcipere obsequia honesta. Hinc autem quanta turbatio oriretur in republica? Superiores jurisdictione privantur, subditi in superiores armantur. Absurda ergo & non toleranda est sententia, ex quâ talia consequuntur.

Sextum, obedientia & imperium impediuntur.

41. Collige hæc omnia in unum, & specimen habebis maximæ difficultatis, ac moralis importabilitatis, in quam sententia rigida homines conjicit. Specimen, inquam, quia quæ sex istis capitibus continentur, sunt pars exigua difficultatum, quas secum fert illa sententia, utpote, quæ omnes obligat ad partem tutiorem in omnibus prorsus materiis ac opinionibus, quæ sunt innumeræ. Ergo sententia illa innumera onera, & quidem gravia, magnæque ex parte gravissima, injicit in humeros hominum. Unde sic arguo. Hoc onus, si extaret, superaret vires fragilitatis humanæ, hominesque conjiceret in moralem necessitatem committendi plurima peccata; necessitas enim hæc est inseparabilis ab onere gravissimo, quando occasio ac necessitas illud ferendi semper est obvia, & frequentissimè occurrit, ut in casu nostro.

Onus sententia rigida est prorsus intolerabile.

42. Porro ex gravissimo onere hujus sententia sequitur, nullam dari legem, quæ usum illius præcipiat, quia lex talis esset nociva, pluraque longè incommoda secum ferret, quam commoda. Si enim nunquam lata fuisset, aliud incommodum non sequeretur, quam materialis violatio legis, quando homo rationabiliter judicaret, se nullam ne quidem materiale violationem incurrere. At hoc exiguum est inconveniens, maxime cum in tali casu, lex quæ violari videtur, non sit sufficienter promulgata & applicata ut obliget. Si verò lex ejusmodi lata esset, eo ipso innumera peccata ex morali necessitate sequerentur, totaque respublica turbaretur, omnibusque onus intolerandum injiceretur. Ergo lex, per quam Deus malorum diminutionem intendet (finis enim legis est vitare mala alioquin oritura, per quæ ordo naturæ rationalis turbaretur) eorum multiplicationem non solum foveret, sed morali necessitate induceret. Ergo esset lex noxia, proprioque legum fini repugnaret. At Deus nec est, nec esse potest Auctor talium legum. Ergo nulla datur lex ejusmodi.

Lex præcipiens praxim sententia rigida est nociva & fini legis repugnaret.

ASSERTIO X.

Non existentia legis, obligantis homines ad meliora in omnibus sectanda, optime probatur ex illo loco Matt. 11. Jugum meum suave est, & onus meum leve: atque etiam ex illo. 1. Joan. 5. Mandata ejus gravia non sunt.

Falsitas rigide sententiae rite probatur ex levitate legis Christianae.

43. **P**ROBATUR. Lex illa, quae, si existeret, totam rempublicam turbaret, mala non minueret, sed multiplicaret, homines scrupulis innumeris inquietaret, illosque onere gravissimo, & moraliter importabili gravaret, lex, inquam, illa non est jugum suave & onus leve, sed è contrario est mandatum gravissimum. At lex Christi est *jugum suave & onus leve*, & *mandata Christi gravia non sunt*. Ergo lex illa non est lex Christi, nec à Deo lata est. Major patet. Minor perspicua est ex dictis. Consequentia legitime deducitur.

Gravissimi interpretes hos textus in favorem benignae sententiae exponunt.

44. Rursus, gravissimi Patres, & Auctores hos textus in hunc sensum explicant. S. Antoninus *parte. 1. tit. 3. cap. 10. §. 10.* & Sylvester *verbo scrupulus num. 3.* locum illum Matthaei adducunt, ad probandum quòd liceat nobis sequi probabilem interpretationem legis, quia alioquin non esset verum, *jugum Christi esse suave, & onus ejus leve*. Similiter Conradus *quæst. 100. de Contractibus*, ex professo probat, quòd opiniones falsæ circa præcepta & obligationes aggravent onus legis Christianæ, illudque grave reddant cum sit leve; ibidem autem contendit, licitum esse sequi opinionem minus tutam, quam quis probabiliorum reputat. Verba horum Auctorum dedi *quæst. 22. de conscientia prob.* ubi videri possunt, nec desunt alii, qui loca ista in eodem sensu intelligunt, ut ibidem videre est.

Didymus & Oecumenius nobiscum sentiunt.

45. Oecumenius, Didymum sequutus, apud Justinianum in commentario illorum verborum: *mandata ejus gravia non sunt*: monet, Apostolum Joannem aliter locutum, quàm Christum. Christus dixit, *jugum meum suave est, & onus meum leve*. Joannes dicere maluit, *mandata ejus gravia non sunt*. Propterea, inquit, quod ei, qui in virtute jam provectus est, etiam ea, quæ valde gravia sunt, levia habentur, quibus verbis indicat, Christum locutum esse de provecto in virtute; Joannem non item, sed considerasse præcepta secundum se, relatè ad vires omnibus communiter collatas, qui fide & spe erecti cupiunt mandatis obtemperare, & de mandatis sic acceptis dicit, quod gravia non sint. Propterea, inquit, *mandata ejus gravia non sunt*. Quid enim gravitas, ac molestia in se habet fratrem amare? Quid visere eos, qui in carcere sunt, gravè est? Non enim è carcere educere, ac liberare, quod molestiam quandam præseferat, sed invisere tantummodo jubet. Neque agrosantem morbo liberare, sed visere, neque esurientem opiparâ mensâ excipere, aut nudum pallio ornato ac magnifico induere præcipit, sed ea tantum exhibere, quæ necessaria indigentia succurrant, quod & qui esurit, & qui nudus est, requirit.

Mandata Christi per se non sunt gravia.

Prima pars hujus expositionis supponit, mandata non esse gravia, ut servantur; adeoque carentiam gravitatis non in solum charitatis virtutumque fervens exercitium, sed in vires antecederet datas, ex quibus illud exercitium potest eonsurgere, rejicit. Secunda pars ostendit, res præceptas secundum se non esse graves relatè ad

R. P. A. Terilli Regula morum. PARS I.

multitudinem populi Christiani, & consequenter relatè ad ordinaria auxilia Christianis concessa. Quæ omnia contrariantur iis, quæ Celladeus probare contendit, sed de sensu horum textuum plura infra dicentur.

46. Porro experientia docet, mandata Christi per se loquendo non esse gravia fidelibus, qui fide & spe erecti vel mediocriter saluti suæ invigilant; plerique enim fidelium, qui pravis habitibus corrupti non sunt, & à proximâ peccandi occasione remoti vivunt, facile servant præcepta, modò mediocrem curam adhibeant, etsi ferventibus charitatis exercitiis non inflammentur. Hoc autem clarè probat, onus legis Christianæ, per se consideratum, non esse grave, sed leve, quia ordinaria auxilia gratiæ ad illud delectabiliter ferendum abundè sufficiunt. Neque enim quemquam illorum de onere isto, tamquam de pondere vires superante, querentem audies. Qui verò pravis habitibus impliciti sunt, magnum onus sentiunt, non quòd res ipsæ sint difficiles, sed quia jam illas facere non possunt, nisi vitiosas suas inclinationes frangant, quod absque luctu non fit. Verùm istiusmodi difficultates non à rebus præceptis sed à pravâ ac voluntariâ hominum dispositione proveniunt, quæ proinde in legem ipsam, ad quam per accidens se habent, transcribendæ non sunt, cum nulla lex tam suavis excogitari possit, quæ difficultatibus istiusmodi non sit obnoxia.

Hoc experientia fidelium legem servantium constat.

47. Celladeus ergo, Mercorus, aliique, qui hujusmodi exempla ad legis difficultatem arguendam aff. runt, indebitè arguunt, quia ponunt exempla, quæ sicut per accidens se habent ad legem Evangelicam, ita ad rem præsentem non faciunt. Certè de fide est, legem Christi esse onus leve, & mandata ejus non esse gravia, & tamen in illis circumstantiis, per accidens se habentibus, nil est per quod onus illud leve fiat, nisi recurramus ad gratiæ miracula, quibus omnis pænæ ac voluptatis sensus hebetetur. Difficillimum enim est in diuturnis tormentis fidem fateri, & pauci sunt, qui, dempsis extraordinariis illis auxiliis, non cedant, quod profectò arguit, onus illud esse gravissimum.

Exemplò à Mercoro & Celladeo allata sunt incongrua.

48. Dices: nōne est gravissimum onus peccata gravia, secreta, & pudenda alteri confiteri?

Respondeo primò, difficultatem hanc, quæcumque tandem sit, per accidens se habere ad legem Christi, omnes enim per baptismum integram peccatorum remissionem consequuntur, simulque gratiam recipiunt, quâ absque magnâ difficultate in futurum peccata vitare possunt. Quare si quis Deum deferat, atque per suam culpam difficultatem istam incurrat, non eam legi tribuat, sed sibi, qui eam propriis humeris imposuit.

Difficultas peccata confitendi per accidens se habet ad legem Christi.

Respondeo secundò, Confessionem peccatorum non esse onus grave homini per fidem apprehendenti, confusionem æternam inevitabiliter sibi imminere, nisi exiguam ac momentaneam confusionem subeat confitendo homini, Dei vicario, peccatum suum in hac vitâ. Alia etiam media suppeditat fides, quibus Confessio facilitatur, maxime si spes etiam accedat. Sed & Concilium Tridentinum *sess. 14. cap. 5.* de hac re loquens, hæc habet. *Ipsa verò hujusmodi Confessio non difficultas, ac peccata detegendi verecundia, gravi quidem videri posset, nisi tot tantumque commodis & consolationibus levaretur, quæ omnibus dignè ad hoc Sacramentum accedentibus, per absolutionem certissi-*

Onus Confessionis simpliciter non est grave.

Celladei o-
pino Tri-
dentino co-
trariatur.

næ conferuntur. Ecce Tridentinum facilitatem hujus præcepti, quod aut difficillimum, aut ex difficillimis est, in spem commodorum per absolutionem obtinendorum rejicit. Errat proinde Celladeus, ac Tridentino repugnat, dum contendit levitatem legis Christianæ non in aliud refundi, quàm in fervens ac frequens charitatis virtutumque exercitium. Certum enim est difficultatem hujus præcepti aliunde tolli, cum peccatores ante Confessionem ferventi frequentique charitatis virtutumque omnium exercitio raro aut nunquam se exerceant. Atque hinc confirmatur, quod dixi de experientiâ levitatis legis Christianæ. Certè onus Confessionis, etsi videatur & sit unum è maximis, leve est, quia ab omnibus ferme, fide mediocriter instructis, in praxim reducitur. Hoc autem levitatem oneris probat.

Lex Christi 49. Hæ interpretationes, adjunctâ etiam levitatis experientiâ, probant legem Christi esse simpliciter, & absolute onus leve; sed alii verba illa Christi non tam absolute, quàm comparative accipiunt, & exponunt. Inprimis Cornelius à Lapide, græcâ lectione adjutus, dicit Jugum Christi dici suave, quatenus est commodum, humanum, ac benignum præ lege veteri. Est ergo lex Christi Jugum suave ac onus leve comparatione legis Mosaicæ. Primum quia pauciora & faciliora habet præcepta. Secundò quia præbet auxilia majora, quæ onus mandati valde alleviant. Jam Christus protulit ea verba Judæis, quos ad se vocabat, & verissimè dixit, *jugum suum suave esse, ac onus leve*, quia respectu legis veteris erat prorsus tale. Hoc sensu Hieronymus *lib. 2. dial. adversus Pelagianos* exponit hunc locum, dicens: *levia certum est dixisse Evangelii mandata ad comparationem superstitionis Judaicæ, in quâ varia ceremoniarum genera querebantur, quæ juxta litteram, & Apostoli Petri sententiam nullus poterat explere.*

Alia, quæ 50. Deinde, alia legem Christi levem reddunt in comparatione legis Mosaicæ, quæ videri possunt apud Cornelium à Lapide, sed potissimum est, quòd lex Evangelica certissimâ & explicatâ incomparabilis felicitatis spe suorum sequacium animos attollat & recreet, cum lex vetus explicitè promitteret sola bona temporalia. Ad hanc causam Theophylactus respexisse videtur, dum tradit, præcepta esse levia propter superexcellentem retributionem, *etsi ad breve gravia esse videantur*, quod explicat illis locis Sacre Scripturæ, quæ supra attuli *ad assert. 6.* Verùm istæ rationes & comparationes probant legem Christi non solum relative, sed etiam absolute, & simpliciter esse onus leve. Itaque & Theophylactus hic, & Aug. supra citatus tam præsentem, quàm 6. *assertionem* suâ auctoritate corroborant. Jam Sacra Scriptura juxta P. P. ac Doctorum sensum accipienda & interpretanda est, qui quomodo contrarietur sententiæ rigidæ, mox dicetur uberiori.

ASSERTIO XI.

Rigida sententia absolute repugnat duobus istis textibus, ex Sacra Scripturâ allatis.

Sententia
rigida repu-
gnat S. Scri-
pturæ.

51. **A**SSERTIO hæc principaliter quidem intenta fuit in hac quæstione, sed per modum Corollarii ex dictis sic probatur. Sententia rigida reddit mandata Dei simpliciter gra-

via, facitque onus legis grave, ut multis ostensum est. Ergo repugnat dictis Sacre Scripturæ textibus, qui contrarium affirmant.

52. Ex sanè summa difficultas sententiæ rigidæ ex eo etiam patet, quòd intoleranda videatur viris etiam probis, qui in omni virtute sese quotidie exercent. Novi ego viros Ecclesiasticos, qui absolute dicerent, vix quemquam posse salvari, si sub præcepto teneremur eam sequi, seque tandem aut in dementia, aut in scrupulos intolerabiles necessariò lapsuros, si illam pro verâ haberent. Quid dicam de Confessariis? Complures audiivi profitentes, se nulla ratione velle tale munus subire, nisi & se & alios juxta benigne sententiæ præscriptum regulare possent. Idem ego de me ipso profiteor, nec dubito, quin Celladeus ipse, si Confessionibus excipiendis operam det, in praxi utatur benignâ sententiâ, quidquid in scriptis contra eam declamet. Ergo sententia rigida non solum communitati ac plebi, ut ita dicam, Ecclesiæ, sed præcipuis ac omni virtute conspicuis est onus intolerabile.

SOLVUNTUR OBJECTIONES.

53. **O**B. primò. Lex Christiana, si res præceptæ considerentur, est valde ardua ac difficilis. *Arcta est via, quæ ducit ad vitam.* Christo attestante. Sed & Psalmista ait, *propter verba labiorum tuorum ego custodivi vias tuas.* Ergo suavitas & levitas legis Evangelicæ desumi nequit à rebus ipsis, quæ præcipiuntur. Talis enim suavitas Mahumetanismo ac Lutheranismò convenit. Ex sanè difficultas legis Christianæ est principium per se notum, & ut tale assumitur ad probandam evidentem credibilitatem fidei nostræ, quippe quæ præscribit res ad credendum obscuras, ad sperandum arduas, ad operandum difficiles, carni quæ ac sanguini repugnantes. Immo illi ipsi, qui in materiâ de fide hæc tradunt de lege Christianâ, in præsentî quæstione, sui immemores, sibi contradicunt, dum ex levitate legis Evangelicæ satagunt probare, usum opinionum probabilium esse licitum. Quid plura? Quæstio hæc olim in terminis à S. Hieronymo discussa & terminata fuit, *lib. 2. dial. contra Pelagianos*, ubi probat legem Christianam esse adeo difficilem, ut absque gratiæ auxilio, onus minuentem & omnia dulcorantem, servari non possit. Ita Celladeus *lib. 1. quæst. 2.* ubi Hieronymum aliosque SS. Patres citat, & ex illis benè probat, (quod nemo Catholicorum negat) legem Christianam virtutum omnium, potissimè verò charitatis ferventis exercitio reddi levem & suavem.

54. Respondeo, hoc ultimum ex Divo Hieronymo contra Pelagianos abs re assertum esse argumento præsentî; illi enim impie asseriebant, naturam humanam primi parentis peccato in nullo læsam fuisse, sed ex se sufficere ad omnia præcepta implenda, & beatitudinem consequendum. At omnes Catholici agnoscunt, naturam humanam adeo læsam ac debilitatam fuisse ex lapsu Adami, ut absque adjutorio gratiæ nullo modo possit meritorie operari, aut legem diu servare, vel gravibus tentationibus resistere, &c. Hæc certa sunt, sed ad præsentem quæstionem nil conducunt, quia quando Christus dixit, *jugum meum suave est, & onus meum leve*, & quando S. Joannes pronunciavit: *mandata ejus gravia non sunt*; non in Pelagianorum, sed in Catholicorum sensu locuti sunt. Eodem cum illis sensu loquimur nos, qui status distinximus, quibus lex Evangelica

Lex Christi-
ana unde
& cuius dif-
ficultas.

Celladeus
abs re citat
Hieronymum.

lica levis est, & quibus difficilis ac importabilis. Hoc si Celladeus, ut oportebat, præstiuisset, nunquam talia objecisset.

Textus effe-
rentes & mi-
nuentes o-
nus legis si-
bi non con-
tradiciunt.

55. Responden secundò, cum Augustino *sermone 47. de diversis, cap. 1.* omnes illos textus, tam effequentes difficultatem, quàm extollentes facilitatem legis esse verissimos, sibi in nullo contradicere. *quidquid enim durum est in præceptis, ut sit lenis charitas facit*; sicut alia multa, nominatim fides & spes, ut ex eodem Augustino, Theophylacto, & aliis ostensum est. Itaque eadem lex, quæ carni & sanguini dura est, & à naturâ lapsâ importabilis, eadem gratiæ, fidei, ac spei, & potissimum perfectæ charitati levis est.

Celladeus
immeritò
sugillat
quosdam, &
contradictio-
nis infamula.

56. Cæterum Celladeus immeritò sugillat Auctores, quos tanquam sui immemores, sibi quæ contradicentes induci; perspicuum enim est, nullam nisi somniam & fictam contradictionem in illis assertis contineri. Solum enim asserunt, legem Christi carni ac sanguini, hominiquè inferiori esse difficilem, naturæ quæ corruptæ sibi reliquæ importabilem. Hoc tamen non obstante, omne genus hominum legem illam acceptavit, illiusque vigore mundana omnia contempsit, atque in praxim reduxit, quæ naturæ ipsi repugnant, viribusque naturæ sunt impossibilia. Hinc evidenter sequitur, credibile esse, quod Doctrina Christiana, Deo auctore, nobis tradita fuerit, cum sit incredibile tales effectus à naturâ contra ipsam naturam provenire potuisse. Quid hoc discursu efficacius dici potest ad evidentem fidei credibilitatem comprobandum? Hactenus Auctores illi comparant legem Christianam cum naturâ lapsâ secundum se; & si ita velis, summam legis difficultatem tanquam principium per se notum adhibent. At iidem Auctores, quando comparant onus legis Evangelicæ cum naturâ reparatâ, instructâ per fidem, roboratâ per spem, & ordinariis gratiæ auxiliis adjutâ, dicunt onus legis non esse grave, sed per se loquendo facile; in quo nec est, nec esse potest vel umbra contradictionis, cum affirmatio & negatio difficultatis in lege contentæ referantur ad diversa, ut patet.

Celladeus
in multis
reprehenden-
dus.

57. Reprehendendus ergo est Celladeus, quod contra asserta tam perspicue sibi coherencia insurrexerit, illaque sibi contradicere asseruerit. Reprehendendus etiam est, quod ob indistinctionem ac æquivocationem terminorum ista objecerit; usus enim est terminis relativis, *grave & leve*, absque determinatione statûs ac virium, in ordine ad quas tales denominationes conveniunt, & ab Auctoribus, quos immeritò reprehendit, referuntur. Reprehendendus est tertio, non solum quod dixerit, legem esse difficilem secundum se, cum nil sit aut esse possit difficile, nisi relatè ad aliud, ut constat; sed vel maxime quod dicat, præcepta levia Mahumetanismo, non Evangelio convenire. Non ita est. Celladeus, lex quidem carni ac sanguini consentanea à Mahumetanis traditur, qui propterea tanquam Epicurei à probis contemnuntur. At lex Christiana fidelibus simpliciter levis est, sed sanctissima, carni quæ ac sanguini contraria. Itaque similitudo illa abs re, & absurdè adjecta fuit argumento.

Obiectio 2.

58. Ob. secundò. Absurdum & peccaminosum est eo consilio de moralibus scribere, aut aliorum opiniones taxare, ut via salutis reddatur facilior aut durior. Absurditas ex eo patet, quod res hæc non magis sit in potestate nostrâ, quàm motus Cælorum. Peccatum ex deordinatione

A. P. A. Terribi Regula morum. Pars I.

consilii contra supremum Dei Dominium & proximi bonum ostenditur. Ita Celladeus *h. l. in fine.*

Respondeo, leges Dei per se obligantes, quoad realem earum existentiam, à nostra libertate non pendere, quæ proinde à nobis augeri, vel minui non possunt. At leges & obligationes, quæ se habent per accidens, augeri minuique possunt per homines. Nonne Christus ipse testatus est, Scribas & Phariseos onera gravia & importabilia hominum humeris imposuisse? Ecce motus cælorum non erat in potestate Scribarum, in eorum tamen potestate erat, obligationes augere, & viam salutis difficiliorem reddere, quia falsis & rigidis suis interpretationibus persuadebant populo, leges Dei ad ea obligare, quæ Deus non prohibuerat. Effecerunt ergo, ut populus formaret sibi conscientiam erroneam de obligatione, ubi nulla erat obligatio. At hoc est obligationes augere, quia omnes tenentur ad non contraveniendum conscientiæ, etiam erroneæ. Similiter obligationes à Deo intentæ, per accidens & quoad nos minui possunt; si nimirum Pastores animarum ex ignorantia, vel malitiâ destineant populum in ignorantia invincibili talium legum. Quæ cum sint tam clara, miror Celladeum dixisse, hæc non magis esse in potestate nostrâ, quàm motus cælorum.

An & quomodo sit in potestate nostra minuire obligationes.

59. Hoc posito. Esto, sit peccatum scribere eo consilio, ut obligationes certò existentes, & à Deo per se intentæ augeantur vel minuantur, etiam quoad nos & in opinione nostrâ, ut hæc ratione via salutis reddatur facilior aut difficilior: non tamen est peccatum scribere, aut aliorum opiniones taxare, ut augeantur vel minuantur obligationes, quæ per accidens se habent, & aut in errore fundantur, aut absque sufficienti fundamento in homines conjiciuntur. Christus ipse exemplum præbuit, omnesque Pastores, zelum animarum habentes, ipsum secuti clamant contra eos, qui populum in errore detinent, aut absque sufficienti fundamento gravant; sive error ille augeat, sive minuat obligationes, quia Deus eos ad veritatem ipsis aperiendam obligat, &c. Itaque in his casibus non est peccatum scribere, vel taxare aliorum opiniones, ut via salutis facilior aut difficilior reddatur, sed è contrario sæpe est peccatum hæc omittere. Adeo debilia & à veritate aliena sunt, quæ Celladeus, ut validissima & per se nota objicit.

Aliquando, licitum est scribere eo fine ut via salutis reddatur facilior aut difficilior.

60. Nos ergo non scribimus, ut obligationes per se existentes, & à Deo certò intentæ augeantur vel minuantur, hoc enim severissime prohibetur *Deuteronomii 4. Apocal. 22.* sed eo fine scribimus, ut sciamus quæ præceperit, quæ permissit Deus. Multa invenimus certò prohibita, multa certò permissa. Alia reperimus, de quibus probabile est, quod non sint prohibita. De his dicimus, talia non esse omnibus prohibita, sed illis solis, qui aut morantur in dubio, aut credunt illa esse vetita. Probamus enim cum non peccare, qui bonâ fide facit id, quod rationabili ac prudenti judicio credit omnibus esse permissum. In hoc docendo nullum est peccatum, aut peccati periculum magis quàm in opposito, utrumque enim in ancipiti versamur, ne conscientias nimis laxemus, aut easdem indebitè stringamus. Ergò neutra pars excusatur, nisi rationabiliter suam sententiam proferat. Nos, omnibus inspectis, invenimus nullam in hoc casu obligationem urgere; è contrario, videntes oppositam opinionem absque sufficienti fundamento con-

K 3

scientiam

scientias arctare, præcepta multiplicare, viamque salutis difficiliorem reddere quam par est, dicimus & probamus, sententiam illam pro conscientie regulâ admitti non debere.

Nillegi di-
vina adden-
dum aut
deprehendū
est.

61. Ob. tertio. Esto, sententia rigida reddat viam salutis difficiliorem, benigna verò faciliorem, adhuc periculosum est ex hoc titulo obligationes addere vel minuere, quia hoc ad nos non pertinet. Deinde si hoc argumentum valeat, plura præcepta difficilia tolli possent, quia sic lex facilius redderetur. Demum *Deuter. 2. 4.* expressè prohibetur, ne quid addatur, vel detrahatur præceptis Dei: *Non addetis ad verbum, quod vobis loquitur, nec auferetis ab eo.* Item *Apo-calip. 22. 18.* hæc habentur. *Si quis apposuerit ad verba hæc, apponet Deus super illum plagas scriptas in libro hæc. Et si quis diminuerit de verbis libri prophetæ huius, auferet Deus partem ejus de libro vite.* Idem valet de quibuscumque partibus Sacre Scripturæ, præceptisque divinis. Ita Celladeus §. 1.

Aliquando
pertinet ad
nos obliga-
tiones ho-
minibus
impositas
minuere.

Respondeo, omnia ista à fortiori objici posse contra Celladeum, qui singulari suâ opinione communem Doctorum Ecclesiæ opinionem, communemque fidelium praxim condemnat. Cæterum argumentum haud dubiè non valet, quia admissio antecedente, quod scilicet sententia rigida augeat præcepta ultra mensuram à Deo stabilitam, aut quod legem Christi ipsis fidelibus reddat valde gravem & importabilem, rectè concluditur, Deum usum talis opinionis non præcepisse, ac proinde opinionem illam esse falsam. Non tamen ideo manuducimur ad minuendas obligationes à Deo institutas, sed solum ad cognoscendum, quod Deus obligationem à tali sententiâ assertam non instituerit, quamvis per hoc ipsum tollamus obligationem gravissimam, quam rigida sententia, præter Dei intentum, imponit in humeros hominum. Jam ergo ad nos pertinet hujusmodi obligationes minuere, ut proximè dictum est ad 2. similiter in dubiis nostrum est veritatem investigare, & conscientiam juxta rationabilem ac prudentem quæstionis decisionem formare, quamvis per hoc ex accidente contingat, legem, quæ ex directo Dei intento debebat omnes arctare, ob defectum applicationis seu promulgationis, vel ob ignorantiam invincibilem ipsius, aut ob alias præsumptiones hæc & nunc non obligare.

Additio &
diminutio
legis probi-
bita non ex-
tenditur ad
casum du-
biti de lege.

62. Auctoritates, ex sacra Scripturâ allatæ, ad quæstionem præsentem non pertinent, quia solum intelligi possunt de rebus quodammodo certis & indubitatis, non autem de rationabilibus dubiis circa legem ipsam exortis; illa enim necessariò determinanda sunt, ut lex servetur incolumis, siquidem par periculum est addendi, si pars tutior admittatur ut præcepta, ac minuendi, si pars minus tuta habeatur pro non præceptâ. Ergo lex ista, ne sibi contrarietur, intelligi debet de certâ, aut certè de irrationabili ac temerariâ additione ac diminutione. Ergo necessariò admittit rationabilem dubiorum determinationem. At præsens quæstio versatur circa res incertas, & supponit utramque partem esse probabilem, veritatemque certò sciri non posse. Ergo in talibus necesse est locum dari interpretationi, illamque, si sit rationabilis, pro conscientia debitè formandâ sufficere. Textus ergo isti non improbant, sed comprobant benignam sententiam, ostenduntque illius usum esse licitum.

63. Sed quid? Sequiturne ex hoc arguendi modo, plura præcepta difficilia tolli posse, ut

lex Christi facilius evadat? Ita quidem dicit Celladeus, sed ne verbum ad id probandum affert. Nos dicimus, sententiam rigidam admitti non debere, quia onus legis ultra debitum auget, illudque reddit importabile; cum tamen constet illud esse leve. Rursum dicimus, in incertis leges obligare non posse, quæ omnia vera sunt. At hinc non sequitur, præcepta certa auferri posse, ut lex facilius evadat; cum enim certum sit, viam salutis juxta leges certò latas talem determinatam difficultatem habere, ex hoc nullum medium affertur potest ad probandum, talem determinatam legem non existere, eò quod, si non existeret, lex esset facilius quam est, quia non debet esse facilius; Deus enim hanc determinatam difficultatem instituit, quam proinde nulli licet imminuere. Pudet hæc prosequi, sed aliquid dicendum fuit, ne dictum illud Celladei incautos deciperet, magnique periculi speciem excitaret, ubi nullum est periculum.

Nulla lex
certa tolli
debet ad on-
us facilius
conducere.

64. Ob. quarto. Opinio benigna facit hominem litigare contra Deum, ac possessionem libertatis, aliæque contra legis obligationem allegare, sicut homo facit, quando contra hominem litigat. Ergo benigna sententia difficilia reddit Dei præcepta. Dura enim nobis sunt & gravia, quæcumque non nisi per vim manifestæ probationis coacti acceptamus. Rursum eadem sententia respicit præcepta Dei tamquam odiosa, ideoque restringenda. At hoc est irrationabile, quia mandata Dei sunt maxima beneficia, juxta illud *Psal. Non fecit taliter omni nationi, & judicia sua non manifestavit eis.* Ergo benigna sententia est irrationabilis. Ita Celladeus §. 4.

Objeccio 4.

Respondeo primò argumentum nimis probare; si enim mandata Dei nunquam respici possent ut odiosa, sed absque probatione cogente admitti deberent ut beneficia, non obstante possessione libertatis, &c. sequeretur, nullam dari posse doctrinam eo capite rejiciendam, quod præcepta multiplicet, & viam salutis difficiliorem reddat. Tali enim de causâ repelli nequit, nisi mandata illa respiciantur ut odiosa, & nimis gravantia. At certum est sequelam esse falsam. Ergo certum etiam est, Celladeum falsum esse in antecedente, ex quo consequens tam absurdum inferitur.

Aliqua Dei
& Ecclesiæ
præcepta
respici pos-
sunt ut onero-
sa.

Respondeo secundò, homines sæpe rationabiliter respicere in obligationes, etiam certas, tamquam in onera, quæ mitigari, aut etiam auferri cupiunt & procurant. Quot, quæso, reperiuntur, qui votorum, jejuniorum, aliarumque obligationum relaxationem enixè petunt? An omnes isti irrationabiliter agere dicendi sunt? Nil minus. Qui enim in earum observatione magnam experiuntur difficultatem, & vident se laxiori ac lætiori corde Deo servituros, si tali onere leventur, prudenter relaxationem petunt. Præterea & relaxatio semper irrationabiliter peteretur, ea nunquam concedenda esset, ut patet. Conceditur autem aliquando & quidem rationabiliter. Ergo homines non imprudenter respiciunt tales leges ut onera.

65. Quid quod superiores ipsi, qui dispensant, magnum beneficium se præstare autumant. Nonne Pontifex beneficium se fidelibus conferre arbitratur, quando Jubilæum, aut alia indulta, & dispensationes concedit? Non sum, qui putem, Hispanos, viros doctissimos juxta ac maxime probos, Celladeique contribules, agrè ferre, quod communis rigor abstinenti à carnibus die Sabbathi ipsis relaxatus sit. Certè & qui concessit,

Qui dispen-
sant benefi-
cium præ-
stare, &
qui dispen-
sant benefi-
cium recipiunt.

cessit, & qui receperunt illam relaxationem, legem communem ut onerosam respiciebant. Fortasse plurimi eorum, debitâ ad Deum reverentiâ, illud sibi applicant. *Non fecit taliter omni nationi.* Nonne Naaman Syro, qui infidelitatem jam exploserat, durum est visum, si sibi non liceret regem suum comitari, ejusque brachium fulcire, & eo flexente flexere, etiam quando falsos Deos adorabat? Nonne dispensationem super hoc, mediante Eliseo, à Deo petit, & obtinuit? non sic egisset Celladeus, sed si propria principia secutus fuisset, onus oneri imposuisset, Naamanque persuasisset, hoc reliquis præceptis additum esse facilius, nec ulla Dei mandata respici debere tamquam onerosa. At sapiens Propheta aliter se gessit. Sed & Christus ipse *Matth. 19.* supponit, facultatem dimittendi uxores, dando illis libellum repudiî, à Moysæ concessam fuisse favorabilem, & legem contrariam duris Judæorum cordibus futuram fuisse oneri. Non ergo absurdum est, hominem fragilem, paucisque difficultatibus facile territum, aliqua Dei & Ecclesiæ præcepta respicere ut ipsi aliquo modo onerosi, & periculosa, quia in illis servandis difficultatem sentit.

Naaman Syrus respexit Deum legem ut onus, & dispensatione obtinuit.

Christus dispensatione favorabilem fuisse judicavit.

Præcepta incerta merito respiciuntur ut odiosa & sine conditione non admittuntur.

66. Respondeo tertio, quidquid sit, an præcepta indubitata respicienda sint ut onerosa & quodammodo odiosa, certum est, præcepta incerta merito respici ut talia, maxime quando probabile est, illa non dari, aut certe non urgere; tale enim præceptum jure repellitur tamquam onus, cum, si admittatur, ita libertatem arctet, ut opus absque peccato poni non possit; sæpe autem multis de causis sollicitamur ad illud ipsum ponendum; & fieri vix potest, quin tale præceptum communitati hominum fragilem non sit offendiculo. Itaque talia præcepta nec debent, nec possunt merito respici ut beneficia, maxime respectu communitatis; nec ea admitti convenit ut omnes obligantia, donec sufficienter constiterit, Deum velle illa ab omnibus observari. Et hoc est, quod benigna sententia docet.

Lex esset favorabilior si aliqua præcepta fuissent solida & consilia.

67. Psalmi locus solum indicat, Deum singulariter favere illi nationi, cui legem dicitur, quod verum est, quamvis multa sint in lege, quæ relicta tamquam consilia, non proposita ut præcepta, onus legis sublevassent, ut constet ex lege Mosaiçâ, quam nemo negaverit fuisse observatu difficilem, idque ob multitudinem præceptorum, illorumque difficultatem. Fuisset ergo observatu facilior, & fortasse majus beneficium, si pauciora, & minus gravia præcepta habuisset. Nihilominus tota lex simul sumpta est maximum beneficium, quia per illam homo dirigitur ad vitam æternam. Alii autem, quibus Deus nullam legem præscribit, in deteriori conditione versantur, ut patet.

INCREDIBILE CELLA DEI

Paradoxum refutatur.

68. **O** B. quinto. Minuere obligationes non faciliat, sed difficiat onus legis Evangelicæ. Ergo ex eo, quod jugum Christi sit suave, non sequitur obligationes esse minuendas. Ex nullo enim antecedente vero inferri potest consequens antecedenti repugnans. At ablatio obligationum repugnat cum suavitate jugi Christiani, quia illud difficiat. Ergo ex illo antecedente non sequitur præsumptum consequens, nempe, usum cuiusvis opinionis certo probabilis esse licitum. Antecedens probatur exemplis,

experientiâ, & ratione. Incipio ab exemplis. Equus facile trahit vehiculum onustum, si rotæ adjuvantur, quod sine rotis movere non poterat, quamvis rotæ adjectæ pondus trahendum augeant. Similiter pennæ avium pondus augent, & tamen volatum facilitant. Idem valet de lege Christi. Audiatur Augustinus *serm. 22. de verbis apostoli.* *Hæc sarcina gravis est, fides, spes, charitas? Ista enim humilem, istæ mirem reddunt. Et vide, quia oneratus non eris, si ipsum audieris. Iugum enim meum lene est, sarcina mea levis. Quid est, levis est? Quid si habet pondus? sed minus. Plus habet avaritia, minus iustitia. Nolo sic intelligas. Hæc sarcina non est pondus onerati, sed ala volaturi. Habens enim & aves penarum suarum sarcinam. Et quid dicimus? portant illas in terris, portantur ab illis in celo. Si misericordiam velis præbere avi, præfertim astate, & dicas, miseram istam aviculam onerant pennæ, & detrahas onus hoc, in terrâ remanebit, cui subvenire voluisti: Porta ergo pennas pacis; alas accipe charitatis: hæc est sarcina, sic impletur lex Christi. Similiter S. Bernardus *Epistola 34.* *Nam ut omnino finis inexensabiles, in viâ vite, quod citius, eo facilius curramus, & leve salutaris onus quod crescit amplius, eo portabilius fit, &c. quia portat potius quam portatur. Exempli ista, & tantorum Patrum auctoritas evincunt, legem Christi obligationum diminutione fieri graviores, earumque adjectione evadere leviores.**

Adjectio majoris ponderis aliter quando dicitur onus levis.

69. Experientiâ id ipsum confirmat. Qui charitatis virtutumque omnium praxi diligenter se exercent, facilius servant legem, & rarius labuntur in peccata mortalia, quam qui non adeo multum virtutibus se exercent, sed eo tendunt, ut gravia peccata vitent. Hoc indicat, legem posterioribus esse graviores, leviores prioribus. Nonne Religiosi plura onera habent, quam seculares? quis tamen negaverit, Religiosos facilius ferre omnia sua onera, quam seculares? ecce experientiâ ipsa evincit, legem obligationum additione fieri leviores, earumque ablatione graviores evadere.

Virtute præditi facilius portant onus legis, quam alii.

70. Demum ratio evincit id ipsum. Lex Christi multa præcipit carni & sanguini valde repugnantiâ, & consequenter difficilia, quæ tamen virtutum, & potissime charitatis exercitio reduntur facilia, ut PP. asserunt, & experientiâ confirmat. Ergo qui aufert obligationem charitatis & virtutum, non minuit, sed auget difficultatem legis, quique dictam obligationem aufert, legem faciliat, quamvis numerum præceptorum augeat, quia ille aufert, hic ponit ipsam legis observandæ facilitatem, quæ in virtutum, ac potissimum in charitatis exercitio consistit.

Aliquando facilius est servare complexum totum, quam unam partem sine alia.

Rursus, *facilius est*, inquit Chrysostomus, *servare utrumque, scilicet neque videre neque adulterare, quam videndo non adulterare.* Hinc sic arguo. Vel tota lex obligans, sumpta sine considerabili dilectionis affectu (ad quem multi putant nos raro obligari) est servatu facilior, quam complexum ex totâ lege & affectu illo charitatis, vel non. Non primum, quia & experientiâ, & auctoritas SS. repugnat. Ergo secundum. Ergo lex additione obligationum evadit facilior.

71. Demum Tridentinum *sess. 6. cap. 11.* hæc habet. *Deum impossibilia non jubet, sed jubendo monet, & facere quod possit, & petere quod non possit, & adjuvat ut possit, cuius mandat a gravia non sunt, &c.* Ecce Tridentinum, ut ostendat unde præcepta Dei fiant facilia, supponit orationem aliquando necessariam esse ad Dei legem servandam, cum

Oratio necessaria est ad legem implendum.

sine illâ aliquid supponatur esse nobis impossibile. Et sanè hic ordo, ex Evangelio desumptus, per nostras opiniones immutari nequit. Ergo aliquando aliquid non possumus, nisi petamus, & petita obtineamus. At secuta & audienda petitio multa requirit difficilia, etiam assuetis orare; ac proinde inassuetis difficillima. Debitè autem, & quâ par est instantiâ ac fiduciâ petere difficillimum est ipso pugna tempore. Ergo deobligare à frequenti exercitiò orationis non est legem faciliorem, sed difficiliorem reddere. Ergo quando quaeritur, an quotidie orare teneamur, incongruè solvitur quaestio, dicendo, nos non tam frequenter ad id teneri, quia id esset nimis grave. Nam è contra durissimum esset hæc tempora præterire, & tunc solum tepidos ad orandum obligare, quando vehemens tentatio urgeret, quo tempore ferventes ipsi vix sibi constant. Nonne hoc esset homini misero, qui unâ gravi tentatione tantum non obruitur, aliam gravem obligationem debitè orandi tunc imponere? Certè hoc non est benignè sed rigidissimè sentire in ordine ad sublevandum onus talis hominis. Qui enim unam legem servare vix potest, quomodo duas implebit? Ita Celladeus *quæst. 2. à §. 3. usque ad finem*. Ubi diffusissimè tractat hoc argumentum, & in eo tamquam in re nimis patienti gloriatur. Unde infert, plures opiniones de occasione proximâ, quæ benignæ dicuntur, non esse benignas, sed rigidissimas, quod & experientia probat, quia difficile ac rarum est, hominem in eis non labi.

Paradoxum hoc ut jacet Christi verbi contrastratur.

72. Respondeo, paradoxum hoc, sicut primo aspectu apparet incredibile, ita examinatum ex omni parte reperitur indigestum, ac falsum. Inprimis peto à Celladeo, an existimet, hoc argumentum probare, nullam præceptorum additionem, nullamque opinionum rigorem reddere posse legem gravissimam & importabilem? Si affirmet, errat & adversatur Christo arguenti Phariseos, quod onera importabilia hominibus imponerent. Si neget, frustra vitur hoc argumentum ad probandum, quod benigna sententia legem Christi difficiliorem reddat; quia nil est in argumento isto sub generalibus terminis contento, ex quo, stante exceptione propositâ, potius inferri possit, opinionem benignam quàm rigidam contineri in numero earum, quæ legem reddunt graviolem. Immo si hæc duæ opiniones invicem comparentur, apertè sequitur, rigidam opinionem legem gravare, quia si ulla opinio directâ est nimis rigida, illa profectò, quæ omnium talium opinionum rigorem reflexè approbat atque in se continet, est rigidissima, legemque reddit graviolem. Talis est sententia Celladei, ut patet. Ergo illa est quæ aggravat. E contrario benigna sententia, huic contradicens, non potest non onus alleviare, quatenus corrigit opinionem nimis gravantem.

Argumentum in Celladei nimis probat.

73. Respondeo ergò secundò, argumentum nimis probare, quia, ut jacet, tendit ad probandum, legem per nullam præceptorum additionem fieri posse graviolem, quod certò falsum esse constat ex verbis Christi. Præterea, si Ecclesia, aut superior omnibus præciperet rigidissimum toto anno jejunium, sævam ac quotidianam verberationem, devotissimam plurium horarum flexis genibus, ac junctis manibus meditationem, aliæque plura istis simillima, legem conderet observatu difficillimam, paucique ex totâ hominum collectione eam servarent, aut etiam moraliter loquendo servare possent. Ecce aliqua præcepta,

aliis juncta, reddunt legem difficillimam. Ergo non omnis, sed ad summum aliqua tantum legum adjectio potest onus alleviare, Sed quænam illa? Dicit fortasse Celladeus, illam obligationem hoc præstare, quæ charitatis virtutumque omnium exercitium præcipit, quia charitas omnia dulcorat, & exercitium virtutum efficit, ut promptè & delectabiliter operemur. Sed contra primò, quia omne præceptum ad alicujus virtutis exercitium obligat. Ergo si obligari ad virtutis exercitium onus alleviat, nullum non præceptum onus alleviabit. At hoc est certò falsum. Ergo argumentum ne quidem hoc modo sumptum subsistit. Contra secundò, distinguendum enim est inter hæc duo. *Charitas, aliæque virtutes alleviant onus, si exerceantur. Obligari ad frequens & fervens charitatis & virtutum omnium exercitium, etiam pro priori antequam exerceantur, alleviat onus & obligationem.* Primum est verum, quia tales minus onus sentiunt, quàm alii, aut quàm ipsimet ab initio. Secundum falsum est, ut experientia demonstrat. Paucissimi enim sunt, qui hæc faciunt; quod si raritas difficultatem arguat, ut Celladeus ex Hieronymo contendit, manifestum est, valdè difficile esse ferventi perfectoque amore Deum diligere, sequi omni virtutum exercitio excolere, quia paucissimi hoc præstant. Præterea ratio id ipsum evincit, alioquin obligari ad Deum centies de die perfectè amandum super omnia, &c. non esset onus grave. At hoc est falsum. Ergo non solum universaliter, sed etiam in omni particulari materiâ falsissimum est, quod obligationum additio legem reddat leviolem.

Equivocatur Celladeus.

In omni materia ad duo obligationum generum.

74. Respondeo tertio. Si hæc doctrina esset vera sequeretur, leges innumeras de rebus perfectissimis prudentissimè addi posse ac debere, quia per hoc lex evaderet facilior, & gloriæ abundantioris consecutio certior. Profectò superiores, quorum curâ subditi ad æternam felicitatem dirigendi sunt, munere suo præclarè fungerentur, si leges ejusmodi quàm plurimas conderent, cum nil fini obtinendo conducibilius facere possent. Nec quisquam de tali superiore conqueri posset; nemo enim de eo queritur, quod onus ferendum alleviat.

Prudentia esset leges gravissimas multiplicare, si Celladei paradoxum subsisteret.

Præterea unusquisque privatâ lege per votum prudentissimè se obligaret ad innumera, eaque strictissima & perfectissima; quia hæc ratione legem redderet faciliorem, certiusque vitam æternam consequeretur. Cur ergo Celladeus voto se non obstringit ad mille actus contritionis quotidie eliciendos? cur quotidie non jejunat, omni quæ mortificationis genere ex voto se exercet? Si hæc durum legis onus levem sarcinam reddant, cur illa non præstat? Quid plura? omnes prudenter sectarentur S. Theresiam, votoque ad optima semper facienda se obstringerent, idemque aliis rationabiliter persuaderent, si Celladeo credimus. Hæc, aliæque ejusmodi absurda innumera ex hæc Celladei doctrinâ inevitabiliter sequuntur, si illa, prout jacet, & ab illo exposita est, accipiat. Sed ad singula, quæ profert, respondeamus.

75. Rotæ vehiculo, & pennæ alis avium debitè applicatæ motum quidem faciunt, sed longe aliter, quàm putat Celladeus, qui hæc rudè tantum & ad vulgi captum explicatione proponit. Duabus de causis rota tractionem faciliat; prima est, quia rota in exigua tantum parte tangit pavimentum, cum traha sine rotis magna sui parte terram premit, nec trahi possit onus, nisi omnes inæqualitatum occurrentium prominentiæ frangantur,

Rotæ & pennæ curvationem oneris faciunt.

gantur, quod sine magnâ vi fieri non potest. Minor ergo vis requiritur ad pondus trahendum, si vehiculum rotis imponatur, quia pauciores inæqualitates pavimenti sunt contereandæ. Secunda ratio, quia rota habet rationem vectis, ratione cuius non est necesse, ut scabrities & inæqualitas pavimenti frangatur, sed pondus unâ cum rotâ supra illud attollitur, sicut pondus per vectem movetur circa Hypomochlium. Atque hinc quò rotæ sunt majoris diametri, eò magis, cæteris paribus, motionem faciunt, quia proportionaliter ad suam altitudinem vectis rationem adaugent.

Rotæ ali-
quando dif-
ficultant la-
tionem o-
neris.

76. Ex hæc rotarum constitutione sequitur primò, illas plerumque plurimum juvare motum & lationem vehiculi onusti; juvant enim, quando pavementum durum est, pressionique rotarum parùm cedit. Sequitur secundò, rotas sæpe nocumento esse ad ferendum pondus; si enim latitudo rotæ sit exigua, & per loca paludosa, aut per lutum profundum & crassum incedendum sit, rotæ nimium immerguntur; unde cùm ratio vectis imminuatur, & innumeræ partes glutinosæ ex omni parte rotæ adhærescant, vehiculum rotis innixum difficilius trahitur, quàm si instar trahæ semipaludosis illis glebis incumberet. Sequitur tertio, rotas, si sint nimis crassæ ac ponderosæ, quales essent magnæ ac latæ rotæ plumbeæ, non facilitare sed impedire motum, maxime quando pondus ferendum est exiguum, quia ipsæ per se vix moveri possunt. Sequitur demum, pondus rotarum semper impedire; nunquam facilitare motum, quamvis rotæ aliquando motum adjuvent; si enim haberemus rotas levissimas, imò si fieri possent, omni pondere carentes, illæ cæteris paribus præferendæ forent; quia omni ex parte motum faciliterent, tumque suo pondere non impedirent. Verùm quia rota fortis & valida absque pondere haberi non potest, ideo necesse est pondus ponderi addere, ut totum facilius trahatur mediantibus rotis, quàm trahi potuisset illis non mediantibus; non quia pondus adjectum tractionem faciliat, ut Celladeus innuit, hoc enim semper est falsum, sed quia res, cui pondus aliquod hic & nunc inhæret, propter rationem vectis plus adjumenti tribuit ad movendum pondus, quàm impedimenti afferat per pondus innatum. Itaque in casu rotæ, propositio illa: *pondus ponderi adjectum reddit totum facilius trahibile, quàm esset pars sine comparte*: in rigore semper est falsa, quia ratio facilitatis non consistit in adjectione ponderis, ut patet. Solum ergo vera est illa propositio in sensu materiali, quando non loquimur de ipso pondere, sed de re, quæ ponderosa est, quæque per alia accidentia plus præbet adjumenti, quàm pondus impedimentum afferat.

Gravitas
pennarum
non juvat
volatum.

77. Idem proportionaliter dicendum de pondere pennarum, illæ enim non juvant motum, quia ponderosæ, sed quia cum exiguo pondere magnum vectem, avium viribus ac moli proportionalem, constituunt. Porro quia vis per vectem illum addita superat pondus pennarum, ideo pennæ volatum juvant. Cæterum si pennæ nullam aut minorem gravitatem haberent, eò meliores essent, modo nullam longitudinis, figuræ ac duritiei jacturam facerent. Præterea si pennæ alarum aquâ aut alio corpore adscititio graventur, plurimum inde impedimenti aves sentiunt.

78. His constitutis, non sequitur ex istis exemplis, quodcumque præceptum aliis additum minuere onus legis, sed oppositum evidenter

infertur, si in paritate sistamus. Omne enim gravitatis additamentum, in eodem genere factum, motum difficultat. Onus vehiculo aut corpori avis additum non juvat, sed impedit motum. Rursus si rotæ ipsæ, aut pennæ sint graviores, cæteris paribus, minùs juvant. Itaque ad summum sequitur ex hac paritate, jugum Christi illorum tantum præceptorum adjectione fieri leviolem, ex quorum existentia semel admittâ, vel plus difficultatis aufertur ab aliis præceptis, quàm novum mandatum continet, vel certè novæ vires in eâ copiâ adduntur, ut jam impletio omnium illorum præceptorum sit facilior & superabilior, quàm fuisset impletio partis, si aliud mandatum non accessisset. At nil horum evenit. Primò per illorum præceptorum additionem nullæ vires novæ adduntur, ut patet. Deinde aliorum difficultates nondum minuuntur, sed solum difficultates undique accumuluntur. Quamvis enim, si aliqua fiant, alia faciliorentur, illa tamen non ideo simpliciter evadunt faciliora, quia ipsa media adhibenda sunt difficilia, & nisi ponantur, homo peccat, & ob peccatum debilitatur, multisque auxiliis merito privatur, quas difficultates non incurrisset, si medium illud non ut præceptum, sed ut consilium propositum fuisset. Præterea hoc medium non faciliat, nisi diu serventerque exercitum fuit. At hoc ipsum valde difficile est, & illo habito, adhuc reliqua difficultatem continent. Ergo, omnibus inspectis, impletio legis facilior & superabilior est sine illo novo mandato per se difficili.

Paritates
istæ evincunt
non omne
additamen-
tum obliga-
tionis alleviare onus.

79. Rursus, quamvis additamenta onerum aliquando faciliant ponderis lationem, id tamen non efficiunt, si additio illa sit exorbitans, & improporcionata indoli ac viribus agentium, quibus sit additio, ut videre est in nimia rotarum gravitate, ac improporcionatâ pennarum longitudine, &c. Ergo nisi præcepta allevantia hanc proportionem servant, difficultabunt, non facilitabunt observationem legis.

Additio o-
neris nō fa-
ciliat, si sit
impropor-
tionata viri-
bus ferentis
onus.

80. Quæ cùm ita sint, ex omni parte non solum labitur argumentum Celladei, sed contra ipsum facit, quia illius sententia undique aggravat legem, cùm in omnibus tam facilitantibus quàm non facilitantibus stringat, & ad opiniones rigidas secandas cogat. Certum est autem, talem onerum additionem aggravare, non facilitare legem, quia gravamina cumulat, & vires ad ferendum non auget. Præterea ut paritas subsistat, præcisa præceptorum additio debet reddere onus ferendum levius, id enim in rotis evenit. At hoc non est verum ex mente Celladei, qui supponit facilitatem non nisi ex usu serventique legum observatione provenire. Ergo per meram legum adjectionem onus non evadit levius, quamvis fiat facilius, si præcepta illa aliquamdiu diligenter servantur. At hoc idem evenisset, si absque novo præcepto illa opera redacta fuissent in praxim. Ergo quòd præcipiantur, non facilitat, sed difficultat legem. Et sanè quòd maxime faciliat præcepta est praxis consiliorum, & non nuda præceptorum observatio, ut patet, quia neminem fortè invenies, qui præcepta custodiat, absque eò quòd aliqua supererogationis opera exerceat. E contra, qui consilia sectantur, longè facilius servant præcepta, quàm alii.

Paritates
istæ Cella-
deum erro-
ris convin-
cunt.

80. Demum præcepta facilitantia (si quæ sint) commensurari debent viribus communitatis. Hanc commensurationem solus Deus novit. Credibile autem est, Deum de facto omnia præcepta dedisse, in quibus hæc facilitas consistit,

Solus D^s as-
novit quæ
præcepta fa-
cilitant le-
gem.

quæ

quæ certè non in incertis, sed in legibus indubitatis fundari debuit; hoc enim ad Dei providentiam pertinere videtur, ne communitas notitiâ legum facilitantium careret. Jam qui taxam majorem statuit, onus & impedimentum adjicit, nam qui vehementer emungit, elicit sanguinem. *Proverb. 30. 33.* Peto jam à Celladeo, quâ probabilitate dicere potest, quòd si alia præcepta certis istis & indubitatis adjiciantur, per hoc totius legis observatio faciliior fiat? Unde probat, novam illam adjunctionem esse potiùs proportionatam, quàm improportionatam fidelium viribus? Quis illi dixit, sententiam rigidam, quam inducere conatur, esse præceptum illud viribus nostris adeo proportionatum, ut legis facilitas ab eo singulariter dependeat? Omnes alii dicunt contrarium, & probant quod dicunt; ille autem nil horum aut probat aut probare potest, cum tamen omnia & singula illorum probanda sint, tum ut argumentum, in ista paritate fundatum, ipsum juvet, tum ut quæstio undecumque tandem in favorem ipsius resolvatur.

Celladeus nullâ habet probabilitatem pro eo, quod docet.

Augustinus Celladeo non favet, sed nobiscum sentit.

82. Augustinus assertur quidem contra nos, sed nobiscum per omnia sentit, quia refert levitatem oneris Christiani in fidem, spem, & charitatem; quod ita verum est, ut tamen fides, & spes antecederent ad charitatem omnia faciliorent, ut expressè probat loco supra citato *num. 18.* & quidem ita de hoc loquitur, ut per ipsum exercitium harum virtutum, quæ exiguam difficultatem habent, alia reddantur facilia; non autem refundit hanc facilitatem in frequens ac fervens exercitium, ut sit facilitas quædam habitualis, sed in ipsum actum, quo intellectus illuminat voluntatem, & voluntas amat æterna præ temporalibus. Porro quod habet hoc loco, coincidit cum eo quod aliàs tradiderat; in hoc enim sermone aliud non contendit, quàm ostendere peccata & vitia esse sarcinas multò graviore onere legis Christianæ. Deinde probat, legem Christi, ejusque observationem esse sarcinam, sed levem; idque non esse impossibile ostendit exemplo penarum, quæ sarcina sunt, nec tamen impediunt volatam, sed juvant. Ita pariter fides, spes, charitas sarcina sunt, sed levis, quia gravissimo peccatorum pondere nos liberant, & ad finem ultimum elevant, & conducunt: sed esto, quod Augustinus dicit hoc loco, applicetur sarcinæ præceptorum certò obligantium, & sensus sit, quod tota lex sit sarcina levis eam amplectentibus, & in eâ se exercentibus, meritoque comparatur non ponderi onerati, sed alæ volaturi; hinc certè non sequitur, opinionem rigidam alis potiùs comparari debere, quàm ponderi. Quid ergo juvat Celladeum hic textus? Verùm aliter se res habet. Augustinus non solum loquitur de præceptis, sed etiam de consiliis, de quibus omnibus affirmat, quòd, si in praxim reducantur, sint instar alæ nos attollentis è terrenis ad cælestia, & consequenter reputari debeant sarcina levis. Præterea nos hic non agimus de facilitate legis, si servetur, sed ut servetur. Quamvis ergo hic locus probaret illam esse levem, si servetur, non tamen probat quòd sit levis, ut servetur. Verùm locus hic, sicut & alter à nobis allatus, probat utrumque, scilicet legem levem esse si servetur, & levem esse ut servetur; facile enim est credere & sperare; per fidem autem & spem omnia reliqua redduntur facilia, ut ex Augustino, & manifestâ ratione ostensum est.

83. Verba Bernardi, ut sonant, videntur favere Celladeo, sed revera nullam difficultatem

habent; scribit enim ad Monachos S. Bertini, quos de disciplinæ observatione laudat. & ad fervorem hortatur. Dicit ergo Religiosorum pigritiam esse inexcusabilem, eò quòd pigri plus difficultatis sentiant, & minus meritum acquirant. Ad quod declarandum attulit verba, à Celladeo citata, quibus similitudinem pennarum adjecit. His prænotatis. Inprimis certum videtur, Bernardum loqui non tam de rigorosis præceptis, quàm de consiliis, quia & personæ, quas alloquitur, & modus illas alloquendi, totusque contextus hoc evincunt. At loquendo de consiliis verum est, quod dicit, quia hoc onus eò portabilius evadit, quòd amplius crescit, modò incrementum intra mensuram discretionis continetur; indiscretam enim augmenti præscriptionem omnes ut noxiam & importabilem explodunt. At nos agimus de observatione præceptorum omnibus communium, de quâ dispar est ratio, ut ex dicendis constabit.

Bernardus loquitur nobis de præceptis, quàm de consiliis.

84. Deinde Bernardus loquitur de facilitate oneris totius ex suppositione quod feratur, non ut feratur. Sicut enim onus vitæ religiosæ perfectæ, si exerceatur, levius est onere imperfectorum, qui multa contra suas inclinationes agere coguntur; ita pariter idem onus difficilius est onere imperfectorum, ut feratur. Si enim onus vitæ perfectæ levius & suavius esset ad ferendum, quàm onus vitæ non adeo perfectæ, omnes aut plerique evaderent ferventissimi, nec à proposito perfectæ vitæ toties deficerent. At validè ferventes sunt pauci; plurimi verò à repetito proposito vitæ perfectæ resiliunt. Ergo vita perfectæ est onus grave, ut feratur, & exerceatur; paucitas enim sectantium vitam aliquam, & multitudo conantium sed in conatu deficientium à vitâ illâ clarè arguit, vitam illam difficilem esse, ut feratur. At nos loquimur de facilitate legis strictè obligantis, non si servetur, sed ut servetur. Ergo Bernardus nobis non adversatur, sed Celladeo repugnat; quia si loquamur de facilitate faciendi totum, opera consiliorum perfectæ servatorum (de quibus Bernardus agit) difficiliora sunt, ut servantur, quàm sit pars. Ergo idem de præceptis inferri potest, & debet: Celladeus autem utitur hoc loco, ad probandum oppositum, scilicet quod totum facilius servetur, si plura servanda adjiciantur, quod certè & Bernardo, Bernardique doctrinæ hic traditæ repugnat, & adversatur veritati, nisi cum multis limitationibus accipiatur, ut ostensum est.

Bernardus loquitur de facilitate oneris, si feratur, non ut feratur.

Quæstio præiens est de levitate oneris, ut feratur.

85. Experientia à Celladeo allata solum probat, observantiam legis reddi faciliorem per constantem & diuturnam illius custodiam, & multò magis per consiliorum exercitium, quàm sit antecederent ad ista; quod verum est, quia per exercitium facilitas aliqua acquiritur, & amplior gratia obtinetur. Verùm hoc nil facit ad præsentem quæstionem de facilitate legis, ut servetur. Jam quod Religiosi facilius ferant & nova & antiqua onera, quàm antea ferrent antiqua & pauciora, verum quidem est, sed hoc non oritur ab adjunctione novorum onerum, ut vult Celladeus, sed aliunde. Inprimis, status religiosus multa auxilia peculiariter annexa habet, quæ ad gratiam vocationis pertinent. Deinde, status ille removet occasiones peccandi, pluresque legem servandi difficultates arceat, quibus implicantur degentes in sæculo. Tertiò, Religiosi tot adjutores, ac correctores habent, quot eis superiores & Patres spirituales præficiuntur, à quibus quâ spe, quâ metu, quâ amore deterrentur à malo, & ad bonum

Experientia probat facilitatem legis, si servetur, non ut servetur.

Facilitas Religiosorum non à novo onere, sed aliud prævenit.

num stimulantur. His de causis facilius est Religiosis si nullo tam votorum quam totius legis onus ferre, quam secularibus sola mandata observare; sed hæc facilitas à novo votorum onere non procedit; qui enim in seculo victurus talia vota emitteret, non solum non faciliteret mandatorum observantiam, sed, omnibus inspectis, majori periculo subjaceret, quam seculares, quia in eisdem cum illis occasionibus versaretur, & tamen multa illi essent illicita, ad quæ natura sollicitaret, provocaret exemplum, & occasio alliceret, quæ tamen secularibus essent permixta. Hinc raro suadendum est hominibus in seculo viventibus, ut talia vota emittant, quia plerumque res ex consilio non succedit, sed illos facti poenitet; quod arguit, talia vota viam salutis illis non facilitare. Per omnia ergo errat Celladeus, qui facilitatem hanc incredibili paradoxo in solam obligationum adjunctionem refert.

Lex charitatis omnes obligat, sed non ut vult Celladeus.

86. Ad primam Celladei rationem respondeo, legem quidem charitatis eliciendæ ad omnes extendi, non tamen exigere tam fervens & frequens perfectæ dilectionis exercitium, quam Celladeus imaginatur. Peto enim ut determinet frequentiam, intensiorem, ac fervorem actuum dilectionis Dei, ad quos præceptum charitatis directæ & per se obligat. Si rationabiliter respondeat, intricatum proprio argumento se sentiet, si obligationem augeat, dicatque omnes ad perfectum amoris & contritionis actum sæpius quotidie eliciendum obligari; etiam si non occurrant illæ circumstantiæ, in quibus communis opinio illam obligationem ponit, gravissimum in homines onus absque sufficienti ratione conjiciet; quia majori hominum parti difficillimum est tam perfectos charitatis actus frequenter elicere. Quamvis enim tale exercitium suave sit, si fiat, non tamen facile est, aut suave ut fiat, quia præter fidem vivacem, magnamque divinæ bonitatis existimationem, multam animi recollectionem, difficultatem omnium contemptum, propriarumque cupiditatum summam aversionem postulat. At ista sunt difficilia, & à paucis in praxim reducuntur. Deinde longè maximam Christianorum partem frequentis peccati mortalis condemnat; constat enim, paucissimos tales actus elicere, cum tamen non pauci ab aliis peccatis mortalibus, Deo opitulante, ita se custodiant, ut in hoc onus valde grave non sentiant. Vel ergo peccant, vel non peccant, illos charitatis actus non eliciendo. Si non peccant, eò quod ignorantia eos excuset; ergo lex non est gravis & importabilis, quamvis homo non se exerceat in frequentibus ac ferventibus actibus charitatis. Ergo facilitas seu non gravitas legis non est charitas, sed aliunde desumitur. Si dicat eos peccare, fortius urgetur, quia si, non obstante hac peccato, residuum legis non difficulter servetur, profectò facilitas legem servandi à charitatis exercitio non necessario dependet, cum non solum absque illo, sed etiam cum peccaminosa charitatis transgressione perseveret. Ergo qui tale præceptum charitatis adjungit, non faciliat, sed difficultat observationem legis totius, cum major spes eluceat servandi residuum, si hoc præceptum non caderet, quam sit servandi difficile hoc præceptum cum reliquis. Idem argumentum valet de aliis præceptis positivis, quæ non obligant pro semper.

Qui negant si quod nemo obligationem charitatis non tollunt facilitatem legis.

87. Præterea, quamvis sola charitas esset facilitas legis, non inde sequeretur, facilitatem servandi legem tolli per eos, qui non tam strictam charitatis obligationem ponunt; talis enim

asseritio nec tollit, nec impedit fervens ac frequens charitatis exercitium; sed solum docet illud sub præcepto stricto non cadere. Cæterum asserunt illud esse materiam consilii, ad quod omnes hortantur. Certè eximius fervor in omni virtute legem faciliat; nemo tamen dixerit hanc facilitatem auferri, eò quod fervor ille eximius sub præceptum non calat. Adhuc enim est materia consilii, ad quod hortamur omnes, ut minorem in lege servandâ difficultatem sentiant. Idem valet in casu nostro. Itaque in hac etiam sequela erravit Celladeus.

88. Verba Chrysostomi, sed non locum citavit Celladeus, unde locum inspicere non licuit, ut genuinum verborum sensum exprimerem. Respondeo tamen, quod sæpe respectu peculiaris hominis si illis sit servare utrumque, scilicet & non videre & non concupiscere, quam videndo non adulterare in corde; quia sæpe parva est difficultas in non aspiciendâ alienâ, quâ tamen visâ oritur difficultas non concupiscendi. Cæterum universaliter loquendo aucter dico, longè difficilior esse ut fiat utrumque, scilicet ut homines nunquam oculos in alienam conjiciant, & illam non concupiscant, quam videndo non concupiscere. Ratio est, quia difficillimum, & respectu communitatis moraliter impossibile est, nunquam cum feminis alienis sermonem habere, aut in eas oculos conjicere, vel contractus ac negotiationes cum eis miscere. Ergo majus onus esset utrumque, quam alterum tantum prohiberi. Et sanè si utrumque esset prohibitum, innumera prorsus peccata ex morali necessitate sequerentur, quæ non sequuntur de facto, quia unum tantum illorum universaliter prohibetur. Quare in complexo legum non videndum est, quid esset facilius, si una pars servaretur, sed quid sit facilius, ut & illa pars, & reliquæ etiam ferventur. Sed Celladeus hæc non distinguit, & ideo in æquivalentes incidit.

89. Quare dico, totam legem unâ cum considerabili affectu charitatis, qualem Celladeus exprimit, indubitanter esse servatam difficiliorē, quam reliquam legem sine tali affectu, quamvis primum esset facilius, si charitas ita exerceretur. Et sanè praxis ipsa hoc esse verum evincit, cum paucissimi ex plebe sint, qui in talibus actibus perfectæ charitatis se exerceant; cum tamen pluri illorum à cæteris peccatis mortalibus non ægè se abstineant. Jam raritas in rebus istiusmodi difficultatem arguit, & Celladeus idipsum ex Hieronymo tamquam certum admittit. Itaque absque dubio peccata multiplicarentur in mundo, si talis esset obligatio charitatis, qualem Celladeus hic insinuat. Sed nonne Patres contrarium dicunt? minime. Illi enim eodem modo loquuntur de ferventi aliorum virtutum ac de charitatis exercitio, quod à Deo non est præscriptum sub præcepto, sed propositum sub consilio. Difficilior autem est, maxime toti communitati, sequi consilia perfectæ ex obligatione, quam legem strictè obligantem servare, & ea solum ex consiliis, quæ singulis magis accidunt, adhibere. Præterea PP. loquuntur de facilitate consequente, & ex suppositione, quod charitas tunc venter succederet, non autem de facilitate antecedente, ut totum fiat, de qua solum tamen præsens questio principaliter procedit.

90. Hoc tamen non obstante, admittò totum complexum legis, involvendo moderatam illam charitatis obligationem quam communis graviorum Theologorum sententia statuit, esse servatam horem.

Celladeus confundit facilitatem antecedentem cum consequente.

Obligatio charitatis, qualem Celladeus ponit legem redderet difficilem.

Moderata charitatis obligatio reddere potest totam legem talem servatam horem.

servatu facilius, etiam respectu communitaris, quam esset residuum legis, si obligatio charitatis prorsus cessaret. Ratio est, quia Deus, qui omnium vires & propensiones comprehendit, potuit legem condere, quæ tota simul sumpta esset servatu facilius, quam pars reliqua, si præceptum charitatis, utpote nobilissimum & ad Dei præstantissimum cultum immediatè spectans, tolleretur. Ergo credibile est, cum ita de facto sua præcepta in lege gratiæ constituisse; quia hoc ipsi gloriosius, & nobis utilius est, quam si aliter legem instituisset.

Ratio pro
bans idipsum.

91. Præterea ratio id ipsum confirmat, quia moderata illa charitatis obligatio non est adeo difficilis, ut servetur. Non enim difficile est Deum propter se diligere, quando ejus bonitas proponitur, & nulla gravis tentatio in contrarium urget. At omnes, qui mediocrem salutis curam gerunt, sæpe versantur in tali dispositione. Ergo non est illis valde difficile Deum aliquoties ex charitatis affectu diligere. Ergo lex ista non est difficilis ut servetur. Rursus, si servetur, multum faciliat ad alia, quia ex una parte animum in bono figit per fortissimum propositum in potentissimo ac suavissimo motivo fundatum: & ex alia parte uberiora gratiæ auxilia secum fert ad alia in posterum servanda, quam cumjulus alterius virtutis exercitium. Nec sufficeret, si hoc charitatis exercitium solum sub consilio proponeretur, quia homines tunc pigriores essent ad aliud frequentandum, quam stante præcepto, ut videre est in aliis materiis v. g. in auditione Missæ, &c. Ergo si charitatis exercitium nunquam esset præceptum, homines rarissime illud frequentarent, & consequenter illis privarentur auxiliis, quibus perfecti Dei amatores fortificantur, atque ita ad reliqua præcepta servanda debiliores efficerentur. Itaque omnibus inspectis, fateor, legem Christi ita institutam esse, ut illa per accidens evaderet aliquanto difficilior, si præceptum charitatis tolleretur. *Per accidens*, inquam, quia major illa difficultas hominum tepiditati, non rebus præceptis tribueretur; si enim homines in eo casu æquè ferventer ac frequenter diligerent Deum ex consilio, sicut nunc faciunt, stante præcepto, lex illis tam facilis esset, quam de facto est nobis. Fieri enim nequit, ut ex ipsa præcisè obligationum multiplicitate facilitas omnia servandi crescat per se, cum eadem præstari possent sine obligatione, per quæ facilitas servandi alia supponitur conferri. Proinde errat Celladeus, qui contendit, ipsam legum additionem esse propriam causam, ex quâ facilitas observandi totam legem per se dependet.

Ista facilitas
non per se,
sed per ac-
cidens ori-
tur ab obli-
gatione cha-
ritatis.

Moderata
obligatio o-
randi per ac-
cidens red-
dit totam
legem ob-
servatu fa-
ciliorem.

92. Ad illud ex Tridentino de necessitate orandi Deum pro auxiliis, quibus indigemus, fateor ordinem à Deo statutum per nostras opiniones alterari non posse; quare ultro concedo, homines, qui in occasionibus à Deo stabilitis ad Deum per orationem non recurrunt, sæpe egere auxiliis, sine quibus observatio legis admodum difficilis redditur. Nihilominus ex opinionibus fieri potest per accidens, ut homo non peccet novo peccato, quamvis hic & nunc non oret, quando per se loquendo tenebatur orare. His positis, quæres, an lex tota esset facilius observatu, ablato quam posito orationis præcepto? Respondeo eodem modo, sicut proximè respondi ad similem questionem de obligatione charitatis; nempe moderatam orandi obligationem (qualem communis graviorum Theologorum opinio statuit) efficere saltem per accidens, ut

tota lex facilius sit, quam si nulla foret ejusmodi obligatio. Ratio est eadem, quia tale præceptum facile servatur, servata autem, plurima ad alias leges servandas auxilia impetrat. Cæterum si orandi fervor, continuatio, & assiduitas (ad quas argumentum Celladei collimat) essent præceptæ, haud dubiè lex evaderet observatu difficilior, quam est; quia licet præceptum illud orandi, si impleteretur, reliquorum observationem faciliteret, tamen quia difficillimum esset illud ipsum orandi præceptum implere, pauci illud impleverunt. Rursus post illud impletum, adhuc reliqua essent difficilia, & multi in illis deficerent. Ergo tunc tota lex esset difficilior, quam nunc.

NONNULLA CELLADEI

dicta redarguuntur.

93. **S**OLUTIS argumentis, notanda & arguenda sunt nonnulla, quæ in discursu Celladei displicent. Primum est, quod falsò supponat, orationem, in gravi necessitate ac tentatione adhibendam, non inassuetis tantum, sed etiam sedulo orare assuetis esse valde difficilem. Certe per talem obligationem lex non facilitaretur, sed difficilior evaderet, ut ex proximè dictis constat. Nec obstat, orationem, quæ salus æterna & perseverantia finalis petitur, multa requirere, ut effectum infallibiliter obtineat; ideo enim difficile est talem orationem adhibere, & pauci sunt etiam ex diligentioribus, qui vi suæ orationis salutem infallibiliter consequantur. Unde sequitur, talem orationem sub præceptum non cadere; quod enim adeo difficile est, ut raro fiat etiam à diligentioribus, non est materia præcepti, sed consilii; si enim talis oratio esset præcepta, vix ullus salvaretur, cum vix ullus ita oret. Itaque tale præceptum, si daretur, non faciliteret observantiam legis, sed innumera peccata multiplicaret, redderetque salutem respectu multitudinis seu communitatis moraliter inaccessibilem.

Oratio, in
gravi neces-
sitate præ-
cepta, non
est valde
difficilis.

94. Idem dicendum de oratione necessariâ ac præceptâ ad impetranda auxilia, quando magna difficultas ingruit; si enim illa tot tamque difficiles condiciones requireret, ut in orandi studio diligentissimis, etiam extra vehementis tentationis impedimenta constitutis, esset difficilis, ex hoc ipso sequeretur, talem orationem non esse præceptam, quia esset onus, quod à communitate ferri non posset. Ex sanè tale præceptum vix ad aliud, quam ad peccata multiplicanda, & salutem impediendam deserviret. Ergo deobligare ab oratione ejusmodi, & multo magis à valde frequenti illius exercitio, est reddere legem observatu faciliorem; obligare autem ad illam, est legem facere à communitate moraliter importabilem.

Nec requi-
rit tot con-
ditiones
quot Celladeus indi-
cat.

95. Existimo ergo, omnem fidelem Christianum, maxime justificatum, in necessitate constitutum à Deo exaudiri, si juxta graviorum Theologorum præscriptum fideliter petat adjutorium, quo simpliciter indiget. Ratio est multiplex. In primis severior obligatio respectu communitatis videtur intolerabilis. Secundò, Tridentinum nullas condiciones apponit orationi, quæ innuit auxilia necessaria esse petenda & obtinenda. Quis ergo audebit plures ac difficillimas condiciones apponere, ac asserere orationem aliter factam non sufficere? Certe hoc alienum est

Fidelis gra-
tiam petito
in necessi-
tate sufficiens
auxilium
impetrat.

est à mente Concilii, quod media illa proponendo intendebat ostendere, mandata Dei non solum non esse impossibilia, sed etiam simpliciter levia. Tertiò, ea est Dei misericordia, ut saepe contentus sit actibus imperfectis ad impetrandum quod postulatur. Voces illæ Apostolorum *Matth. 2. 25. Domine, salva nos, perimus*: sicut & illæ Petri. *Matth. 14. 30. Domine saluum me fac*: effectum impetrarunt, etsi Christus eos ob modicam fidem reprehenderit. Sed & illa oratio patris offerentis filium Dæmoniacum *Marci 9. 23. Credo Domine, adiuva incredulitatem meam*, imitanda est à tentatis circa fidem; nec dubium videtur, quin tales orationes fideliter & fidenter probatæ adiutorium sufficiens sint impetraturæ. Deus enim cognovit figmentum nostrum, & fragilitati nostræ compatitur, nec facienti quod in se est, denegat gratiam. Homo verò fragilis, angustiis ac tentationibus implicitus, si modo dicto oret, censetur facere quod potest, ideoque Deus illum non deserit, sed auxilium sufficiens benignè largitur. Hoc enim suadet, & summa Dei benignitas, & copiosa Christi redemptio, atque humana imbecillitas id postulat. Hoc tamen non obstat, quò minus Deus plus exigit à perfectis, quàm ab imperfectis & orare non assuetis; quia plus merito exigitur ab eo, qui plus accepit.

96. Et sanè homini fideli, salutisquæ suæ cupido, atque in angustiis deprehenso, non adeo difficile est ad Deum recurrere, à quo solo credit remedium posse subministrari, quemque sibi haud defuturum sperat. Nec tamen existimes, homini sufficere si semel oraverit; invocatio enim Dei, & petitio huiusmodi iterandæ sunt, quando aut prior tentatio perseverat, aut nova ingruit. Determinare autem in particulari, quæ & quanta sit obligatio orandi, & quando ac quoties urgeat, difficillimum est, nec quæstio præsens postulat id hoc loco determinari. Hoc solum dicendum est, obligationem illam esse debere moderatam, juxta meliorum Theologorum præscriptum, non verò tot tamque difficilibus & frequenter repetitis circumstantiis difficultari, quot Celladeus exigit, quia hac ratione lex respectu communis evaderet importabilis, quæ tamen per alteram opinionem cernitur esse facilis.

97. Cæterùm obligatio orandi frequentius urget, quàm obligatio perfectæ charitatis, quia facile est frequenter orare, cum difficile sit Deum super omnia frequenter diligere. Rursus frequens oratio plura impetrat auxilia, quàm oratio minùs frequens. Nec tamen ideo frequenter orantes eximuntur à communi obligatione orandi, quando gravissima adest aut imminet tentatio. Quo posito, ruit quidquid Celladeus opponit. Non enim durissimum est, hominem, moderatè suis temporibus orantem, iterum obligari ad orandum, quando vehemens urget tentatio; hoc enim commune est etiam iis, qui multum se in oratione exercent, & absque magna difficultate perficitur ut oportet. Nos ergo non

statuimus duo onera gravissima ferenda, quando homo tantum non labitur sub uno; sed unum leve ponimus, quo alterum onus plurimum minuitur. Ille verò duo gravissima statuit, nempe non cedere tentationi, & orare cum circumstantiis à se requisitis; quod adeo difficile est, ut paucissimi unquam ita orent; quo uno omnes ferme homines continui peccati mortalis absque fundamento condemnat. Ergo sententia Celladei non benigna, sed rigidissima est; utpotè quæ vires communis superat, & cælum hominibus obstruit.

98. Idem de aliis opinionibus ad peccandi occasionem pertinentibus dicendum est; illæ enim, quæ juxta qualitatem rerum moderatam & rationabilem tantum obligationem ponunt, (qualem communis gravissimorum Doctorum sententia statuit) verè sunt benignæ, non durissimæ; quamvis, teste experientiâ, saepe contingat, homines illis utentes denuò labi. E contrario oppositæ sententiæ dicuntur & verè sunt rigide; quamvis enim faciliterent observationem alterius præcepti, si observarentur, sunt tamen observatu adeo difficiles, ut paucissimi illas observarent, quamvis essent præceptæ, sed in duplici peccato sordescerent; hominesque, omnibus inspectis, ex quadam necessitate plura peccata committerent, quàm committant de facto, stante moderato obligationum rigore.

99. Secundus Celladei error circa materiam præsentem in eo vertitur, quòd cum videret consiliorum observationem onus legis plurimum facilitare, intulerit, congruum fore, si illa etiam præciperentur. Verùm in hoc confudit id, quod est facile simpliciter, cum eo quod est facile ex suppositione, quæ duo toto cælo differunt; maxime in casu nostro, in quo difficillimum est, ut suppositio purificetur. Præterea, ea est consiliorum natura, ut toti communitati præcipi non possint, quia magnam perfectionem continent, cujus obtinendæ ob rei difficultatem tota communitas non est capax. Præclare in hanc rem dixit Cardinalis Pallavicinus 1. 2. disp. 9. quæst. 4. art. 2. num. 12. *In condenda lege querendum est optimum, sed optimum in jubendo, non optimum in faciendo; lex enim, per quam juberemur facere omnia optima, esset pessima, & inobservabilis, ac perpetua causa peccati & damnationis.* Hæc ille, quibus alludit ad communem doctrinam, quòd leges debeant esse utiles, & moraliter à communitate observabiles. Tales non essent leges præcipientes optima, quia plura secum ferrent mala quàm commoda, & ob summam difficultatem à communitate moraliter loquendo observari non possent. Hæc cogitet Celladeus, videbitque sententias, quas falsò rigidissimas appellat, benignas esse non rigidas; à contrario autem rigidas illas, quas pro benignis vendit, verè esse rigidissimas, & moraliter inobservabiles; inter omnes autem perspiciet, sententiam suam reflexam esse onus durissimum, legemque Dei difficillimam reddere, & moraliter à communitate inobservabilem.

Celladeus ponit duo onera gravissima, quando unum vix ferri potest.

Opiniones Celladei sunt rigidissimæ illæ, quas taxat, sunt benignæ.

Lex præcipiens consilia, per quæ legis observatio facilitatur, esset lex pessima.

Sæpe oratio iteranda est in eadem tentatione vel necessitate.

Obligatio orandi frequentius urget, quàm obligatio charitatis.

L

QUÆ.

QUÆSTIO DECIMA.

Virum sententia rigida salutis animarum sit noxia?

1. **D**E hac re fusè egi quæst. 31. seu ultimâ de conscientia probabili; quare breviter hic & per modum Corollarii de illa agam, ut cuidam objectioni Celladei respondeam; nam quod dictis in illa quæstione addatur, vix invenietur.

ASSERTIO UNICA.

Rigida Celladei opinio animarum salutis noxia est.

Rigida Celladei opinio, si admittatur pro conscientia regula, salutis animarum noxia est.

2. **P**ROBATUR. Illa sententia est noxia, & salutem animarum impedit, quæ gravat jugum Christi, innumeras perplexitates inducit, Sacramentorum administrationem difficillimam reddit, peccata multiplicat, cælum hominibus claudit, efficitque ut pauciores salventur. Talis est rigida Celladei sententia, ut constat ex quæstione superiori, quia si admitteretur pro regula conscientie, omnia ista inferret. Ergo rigida Celladei sententia noxia est, & salutis animarum impeditiva.

SOLVUNTUR OBJECTIONES.

Obiectio 1.

3. **O**BJIC. primò. Ratio ad stabiliendam assertionem allata nullius momenti est. Vix sanè nugæ non sunt (inquit Celladeus lib. 1. quæst. 1. §. 7.) nobis ita opinantibus plures vel pauciores salvari. Oportundum esset, ut omnes salvi fierent. At nemo, ait Augustinus, optando facit, ut verum sit quod verum non est. Similiter dicamus nos, nemo opinando facit, ut verum sit quod verum non est. Si probabilis recta salutis via non sunt, salutem haud afferunt, sed perniciem inferunt animabus. Similiter, si non sint recta regula administrandorum Sacramentorum, illa rectè per eam non administrantur. Porro fatium est ea Sacramenta rectè quàm sæpe administrari. Ergo satius est admittere sententiam rigidam quàm benignam. Ita Celladeus loco citato.

Opiniones efficere possunt ut pauciores salventur, quàm alioquin salvi fuissent.

Respondeo, neminem dicere, numerum prædestinatorum, qui de facto est, augeri aut minui; hoc enim non nugatorium, sed stultum esset; dicimus tamen, & indubitanter dicimus, opiniones, sectas, & peccata hominum efficere, ut pauciores salventur, quàm alioquin salvi fuissent. Quis non videt hæreticorum sectas, Mahumetismum, sceleratorum hominum peccata, horrendas persecutiones efficere, ut non solum innumeri parvuli, sed etiam adulti damnentur, qui alioquin æternam vitam consecuti fuissent. In eo ergo æquivocat Celladeus, quòd in Deo confundat voluntatem signi cum voluntate beneplaciti, seu voluntatem inefficacem cum efficaci. Hæc Dei voluntas nunquam frustratur, nec fru-

strari potest; illa verò impeditur, & sæpe per usum liberi arbitrii quodammodo frustratur. Hoc apertè constat ex eo, quòd innumerabiles homines damnentur, etsi Deus serè velit omnes homines salvos fieri, & ad agnitionem veritatis venire. Impeditur ergo Deus, ne salvet quos salvare intendebat. Similiter non solum dicimur consilium Dei impedire, sed etiam irritum facere, juxta illud Psalmistæ. *Consilium Altissimi irritaverunt.* His positis, dicimus, nimis strictas Theologorum sententias perplexitates inducere, peccata multiplicare, & quod plus est efficere, ut pauciores salventur, non quàm sint verè salvandi de facto, sed quàm salvandi fuissent, si tales opiniones nunquam traditæ fuissent, quo nil certius aut evidentius in Theologia dici potest. Porro hominum istorum perditio talium opinionum Auctoribus sæpe tribuitur. Videat proinde Celladeus, atque etiam videat, ne singulari sua rigidissimæque sententia laqueum animabus injiciat, pluresque in infernum detrudat, quæ, si ipse tam rigida non scripsisset, in æternum cum Deo regnassent.

Celladeus confundit voluntates quæ in Deo formaliter distinguuntur.

4. Eodem æquivoco laborat quod dicit, Homo opinando optando, aut opinando, (addo ego orando aut laborando) facere, ut verum sit quod verum non est, quia evidenter repugnat idem simul esse, & non esse verum. Nihilominus certissimum est, homines opinando, orando, laborando efficere, ut plura sint vera, quæ absque tali opinione & conatu nunquam vera fuissent. Si Stephanus non orasset, Ecclesia Paulum non habuisset, & si Christus non venisset, & locutus fuisset Judæis, peccatum non haberent. Itaque opinio & conatus non alterant ea, quæ independenter ab illis sunt vera aut falsa, sed plurima immutant ab ipsis dependentia, efficiuntque ut vera evadant, quæ alioquin fuissent falsa. Hac ratione viri Apostolici optando, orando, Evangelium prædicando efficiunt, ut multi salventur, qui sine tali ministerio damnati fuissent. Eadem porro est ratio de opinione, illa enim non facit esse verum quod actu verum non est, sed verum reddit quod alioquin fuisset falsum. Hoc tam patenter verum est, ut mirum sit, Theologum potuisse id in dubium revocare. Profectò omnis, qui operatur in dubio aut contra conscientiam, peccat; qui tamen nullo modo peccasset, si ante operationem invincibiliter judicasset operationem esse licitam. Ergo non solum opinio, sed error sæpe facit verum esse, quod ablato errore verum non fuisset.

Homo opinando orando, &c. facit plura esse vera, quæ alioquin vera non fuissent.

5. Atque hinc manifesta Celladei inconsequentia se prodit. Admittit ille ignorantiam & errorem invincibilem à peccato excusare, cum tamen certum sit, errorem & ignorantiam invincibilem non reddere vera quæ vera non sunt, nec efficere, ut aut non patrentur peccata, quæ sunt, aut ut ullus ex actu reprobis in numerum prædestinatorum transferatur. Hoc tamen non obstante

Celladei inconsequentia.

obstante asserit, vitiationem peccati, & praedestinationem plurium, talem cum hac ignorantia connexionem habere, ut illae dependenter ab hac suum effectum fortiantur. Ecce ipsemet urgetur iis, quae contra nos objicit, nec aliter ea solvere potest, quam si idem nobiscum respondeat.

Celladei
traditio.

6. Porro aequivocum etiam est, quod dicit, si probabilia recta salutis via non sunt, non salutem, sed perniciem animabus afferunt. Peto enim, quid per rectam salutis viam intelligat? si, ut ex totius libri contextu videtur, intelligat veritatem iudicii probabilis, quo dirigimur in operando, toto caelo aberrat, & sibi contradicit, quia in hoc sensu error invincibilis non est recta salutis vias error tamen ille non perniciem, sed salutem animabus creat, ut apud omnes, Celladeo fatente, certum est. Quod si per rectam salutis viam intelligat dictamen, aut dispositionem, quae peccatum formale excluditur, tunc verum est, probabilia perniciem non salutem afferre, si non sint recta salutis via. Verum in hoc sensu certum est, quod sint recta salutis via, quodque salutem afferant, cum absque dubio à peccato formaliter imputabili excusent. Eadem doctrina, eademque interrogatio, ac distinctio locum habet in administratione Sacramentorum, ut patet. Quod si Celladeus contendat, rectam salutis viam esse dispositionem, non quae peccatum praecise vitatur, sed quae opus bonum perficitur, ideoque velit probabilia falsa non esse rectam salutis viam, quia opus bonum non producant; imprimis in hac sua singularissima sibi soli propria opinione errat, ut ostensum est quaest. 3. Deinde hoc admissio, malam illationem colligit, quia admittit errorem invincibilem excusare à peccato, etsi opus bonum non fundet. Ergo sicut per ipsum error invincibilis perniciem animabus non infert, etsi salutem non afferat, ita pariter consequens non est, probabilia perniciem animabus inferre, si recta salutis via non sint, & salutem non afferant.

Obiectio 1.

7. Ob. secundò, si rigida sententia esset noxia, & benigna saluti animarum proficua, hoc inde sequeretur, quod, stante benigna sententia, facile esset conscientias dirigere, cum illae per praescripta in Summis casuum dirigi possent. E contra, conscientiarum directio difficillima esset & perplexa, si rigida sententia assumeretur pro regula, tunc enim non liceret uti Summis casuum pro directione conscientiae, sed opus esset magnam doctrinam ac sapientiam ad tale munus administrandum. At hoc non est inconveniens. Nam ex adverso sic arguo.

Si vera esset benigna sententia, omnes etiam juvenes, & Theologiae parum periti, statim evaderent absolutissimi Magistri conscientiae, & peritissimi animarum Rectores, quia quisque accipere posset Summam casuum conscientiae, & secundum illam & se & alios tuto dirigere. At haec ipsa rei tantae facilitas satis aperte arguit ejusdem sententiae falsitatem, quia ut Nazianzenus Orat. 1. apol. praclare argumentatur, si nulla disciplina, & ne quidem ars canendi tibi, aut saltandi absque diuturna exercitatione, plurimoque labore acquiri possit, Sapientiam (quae rerum divinarum humanarumque scientia est) quaeque omnibus praest, & bona omnia complexu suo tenet, rem usque adeo levem, & proteritam existimabimus, ut ad hoc, quod quisquam sapiens sit, voluntas sola requiratur? At benigna sententia est illa, quae sapientiam non solum disciplinis omnibus faciliorem, sed absolute adeo facilem reddit, ut sola

R. P. A. Terilli Regula morum. Pars I.

quodammodo voluntas Summam casuum legendi sapientissimum reddat. Ergo falsa & animarum saluti noxia est benigna sententia, ex qua tantum absurdum sequitur. Ita Celladeus lib. 1. quaest. 5. §. 1. Ergo sententia rigida animarum saluti non officit.

Respondeo, omnem disciplinam peritorum Magistrorum industriam reddi leviores. Fieri ergo poterit, ut quis longè citius plurima discat, si voce aut scripto Magistri dirigatur, quam si ipse per se eadem discere tentaret. Sic facile est aliquem jam discere historiam Romanorum v. g. si diligenter legat unum aut alterum librum, in quo tota rerum ab illis gestarum series continetur, qui tamen notitiam illam tota vita discere haud potuisset, si ipse collectiones ab aliis factas per seipsum in unum coacervare debuisset. Idem proportionaliter in aliis, & nominatim in casibus conscientiae quodammodo locum habet. Peritissimi enim Magistri ideo collegerunt casus in unam Summam, ut minùs periti labore levarentur, ac brevi tempore discere possent, quae absque talium Magistrorum subsidio vix tota vita scire potuissent. Itaque haud dubie, qui tales Summas, nullis opinionibus prohibitis aut practice improbabilibus sedatis, ad manus habent, brevi attingere possunt ad quandam pro idiotarum directione sufficientiam, si illas sedulò evolvant, modò hebetes non sint, sed ingenio polleant, & aliquam in doctrinis Theologicis institutionem habeant.

8. Et sanè peto à Celladeo, quid ipse ad idem argumentum dicat? nonne magna sapientia est in omnibus aut pluribus exactè scire positivum illud probabile, quod ipse pro conscientiae formandae regula proponit? nonne longum planè studium & ingens labor requiritur, ut quis omnia illa probabilia sciat, & in unum corpus colligat? Ponamus jam ipsum Celladeum unum cum aliis viris doctissimis omnia illa probabilia in unam Summam colligere, atque id ipsum talibus argumentis & testimoniis probare, ut dubium nullum super sit, quin omnia & singula in illa Summa contenta ad eum probabilitatis positivae gradum pertingant. Peto jam, an homo ingeniosus, de hac veritate planè convictus, diligenter perlegens talem librum, non possit brevi ad magnam sapientiam atque peritiam in casibus conscientiae solvendis, atque animabus regendis pervenire? Certè ille plus sciret ex mente Celladei, meliusque ad illud munus instructus esset, quam quivis Theologus peritissimus, quia nemo omnium est, qui omnia illa diserte novit, aut possit talia probabilia ab aliis absque novo atque ingenti labore discernere. Sed quid? illa facilitas essetne signum falsitatis, quia nemo evadit facile sapiens? Ecce argumentum ab ipso Celladeo solvendum est, eodemque quidem modo ab ipso solvi debet, quo à nobis solutum est.

9. Ceterum in his ipsis casibus, etsi homo hac ratione de rebus illis superficialiter instruitus, si interrogaretur, dicere posset, hoc licitum est, hoc illicitum; hoc est peccatum mortale, hoc solum veniale, &c. non tamen simpliciter loquendo sapiens esset, aut juxta mentem Nazianzeni sapiens dici posset. Non enim absolutus Theologus est, qui omnes Theologiae assertiones in libro aliquo conservatas habet, quamvis interrogatus de aliqua quaestione Theologica, si librum consulat, facile respondere, & assignare possit, quid illa de re sentiendum sit, aut à peritis sentiri soleat. Similiter, qui propo-

Industria
peritorum
facilem reddit
disciplinam
aequalem
tutionem.

Celladeus
proprio ar-
gumento re-
spondere
debet.

Utens Sum-
ma casuum,
debet alios
dirigere, non
ideo simplici-
ter dicitur
vir sapiens.

Nazianze-
nus.

L. 2

Conclusiones

sitiones Euclidis collectas tenet, earumque sensum callet, non ideo peritus geometra dici debet, quamvis per modum assertionum plurima dicere possit, atque instar veritatum certissimarum proponere. Idem proportionaliter locum habet in casu nostro de Confessario, qui Summâ casuum ad poenitentes dirigendos utitur. Ille enim non est sapiens Theologus, quamvis in multis ac plurimis tam alios quam seipsum etiam possit dirigere. Ratio est, quia ille solum sapiens Theologus dici potest, qui non solum quid tenendum, sed etiam quare ita sentiendum sit, novit; quique omnium assertionum ordinem atque connectionem bene callet, rationesque in contrarium afferri solitas solvere, suasque Theses validis rationibus munire potest. At hoc à nemine, etiam ingeniosissimo, utente Summâ casuum, statim acquiri potest; magno enim labore, diuturnoque tempore opus est, ut ad talem sapientiae gradum quis pertingat; & magna hominum pars prorsus inepta est, ut ad talem scientiae gradum ascendat.

Summa casuum utiles sunt, & necessariae ad Confessarios dirigendos.

10 Ceterum miror, cur hæc facilitas conscientiam per Summas casuum regendi Celladeo displiceat. Putarene fortasse consultum fore Ecclesiae, si nullæ ejusmodi Summae extarent? aut certe si à nemine nisi à consummato Theologo

legerentur? At quis tunc rusticorum in omnibus pagis degentium curam gereret? ubi inveniet ille tot consummatos Theologos, qui possint, aut velint omnibus omnino Ecclesiis Parochialibus inservire? Profecto longè melius est ut tales libri extant, ex quibus minùs periti juventur, quàm si aut non extarent, aut minùs periti iis non uterentur. Necessè enim est, maximam Parochorum partem non esse viros in Theologiz ac Canonum peritiâ contummatos, cum juxta conditionem humanam tot docti inveniri non possint, qui omnibus omnino locis præfici possint, aut velint. Ergo congruum prorsus est, ac quodammodò necessarium, ut officium animas regendi per hujusmodi libros facilitetur, quia longè plura incommoda provenirent, si Pastores animarum talibus præfidiis destituerentur, quàm ex eorum usu de facto veniunt. Quod cum ita sit, ex hac ipsâ talium librorum necessitate confirmatur benigna, & rigida Celladei sententia confutatur, quia illa ita constituit rempublicam, ut illi de idoneis ministris animarumque Pastoribus provideri non possit. Impossibile enim est invenire sufficientem numerum eorum, qui ex propriâ scientiâ conscientias dirigere valeant. Sed de hoc argumento iterum discutendum erit in sequentibus.

QUÆSTIO UNDECIMA.

Vtrum eadem sit ratio sectandi probabilia in materiâ morum, ac in materiâ fidei?

1. **N**ON solum recentiores, sed etiam antiqui Theologi sic argumentati sunt. In materiâ fidei licitum est sequi quamcumque opinionem probabilem. Ergo & in materiâ morum licet sequi quamcumque opinionem practicè probabilem. Antecedens sumitur ut principium notius, de quo nemo merito dubitet. Consequens ob paritatem, seu potius ob identitatem rationis rectè deducitur. De hoc argumento latè egi *quest. 21. de conscientia prob. à num. 16.* ex quâ nonnihil huc transcribendum judicavi, ut satisfaciam iis, quæ Celladeus circa hanc paritatem protulit *lib. 1. quest. 1.* Sit ergo.

ASSERTIO UNICA.

In materiâ fidei licet sequi quamcumque opinionem probabilem. In materiâ fidei licitum est sequi quamcumque ex contrariis opinionibus certò probabilibus. Ex hoc autem ritè inferitur, quòd idem liceat in materiâ morum.

2. **P**ROBATUR prima pars, quia alioquin in rebus ad fidem spectantibus nemo licetè posset ullam opinionem tenere, donec Ecclesia determinasset, eò quòd periculo erroris se exponeret; nec salvaretur per hoc, quòd post debitam diligentiam probabiliter judicaret. At sequela est apertè falsa; tum quia est contra unanimem consensum & praxim omnium sapientum, tum quia veritas talis sequelæ esset noxia, hominesque à studiis sacrarum literarum ac Theolo-

giz revocaret. Et sanè tum ex communi omnium consensu & praxi, tum ex ipsâ naturâ rei manifestum est, quòd in materiâ fidei liceat sequi quamcumque ex opinionibus contrariis certò probabilibus, quas Ecclesia tolerat, & in quibus graves Doctores inter se dissentiunt. Ratio est, quia cum ex neutrà parte certitudo reperitur, & certa probabilitas utrique parti faveat, sitque laudabile veritatem investigare, haud dubiè honestè facit, qui eam partem amplectitur, quam post diligens examen veram reputat. Idem fuit antiquorum Theologorum sensus. Unum cito S. Antoninum, qui *parte 1. tit. 3. cap. 10. §. 10.* suæ Summae hæc habet. *Probatur hoc idem taliratione secundum Cancellarium. Fides est tam necessaria, sicut virtutes morales, etsi non amplius; sed constat communiter apud Theologos, quòd in materiâ fidei, dum Doctores sentiunt contraria, licitum est ante determinationem Ecclesiae tenere unam partem vel alteram sine periculo peccati, vel fidei, ut patet in Abbate Ioachim, qui tenebat contrarium ad id quòd Magister sententiarum dixerat in 1. dist. 1. lib. pro quo Magistro sententiam Ecclesia postmodum determinavit. Extrav. de summa Trin. Damnamus. Nec tamen dictus Ioachim incidit in hæresim aut perfidiam propter hoc, quia dicta sua omnia subiecit correctioni Ecclesiae. Ergo à simili licet unam opinionem in moralibus tenere, juxta limitata superius, ubi saltem magis sapientes non sentiunt contrarium, & ubi paratius est obedire Ecclesiae & Scripturæ, si ei errorem explaverit. Constat ergo veritas primæ partis.*

3. Probatur secunda pars non solum à paritate, sed etiam ab identitate, seu potius à majoritate

Licet sequi fate rationis. Non est minus malum facere Deum quamcumque mendacem, & negare veritatem ab ipso revelatam, quam non implere ipsius voluntatem, negando obedientiam præceptis illius. At qui culpabiliter errat in materiâ fidei facit Deum mendacem, i. *1. 2. 3. 4. 5. 6. 7. 8. 9. 10.* negando veritatem ab ipso revelatam. Ergo non minus malè operatur, qui culpabiliter errat in materiâ fidei, quam qui culpabiliter in materiâ morum transgreditur præceptum Dei. Rursus cum non minus malum sit errare circa fidem quam circa mores, utique non minus malum est exponere se periculo erroris in materiâ fidei, quam in materiâ morum. Ergo quod tollit omne malum à periculo errandi, & ab errore in materiâ fidei, pariter tollit omne malum à periculo errandi, & ab errore in materiâ morum. Sed certa probabilitas de veritate, quam amplectimur, tollit omne malum à periculo errandi, & ab errore (si forte erremus) in materiâ fidei. Ergo certa probabilitas veritatis & honestatis tollit omne malum à periculo errandi, & ab errore (si forte erremus) in materiâ morum. Quod si non ex ratione tantum, sed ex auctoritate etiam discutamus, certum est, non solum recentiores, sed etiam omnes antiquos Theologos unanimiter judicasse, primam partem assertionis esse veram, & secundam ex primâ legitimè deduci. Ex antiquioribus porro Sylvester, Major, Angelus, S. Antoninus, Nider, & Gerson audacter utuntur hoc argumento, tamquam à fortiori, ad probandum quod in materiâ morum licitum sit sequi partem minùs tutam, quia in materiâ fidei hoc licet. utpote in quâ pars tutior est ab omni iudicio abstinere, donec Ecclesia rem determinet.

Quæstio de Immaculata Conceptione spectat ad fidem & mores.

4. Probatur secundò tota Conclusio simul. Quæstio de Immaculata Deiparæ Conceptione est quæstio spectans ad materiâ fidei & morum. Ad materiâ fidei, quia agitur de intelligentiâ Sacræ Scripturæ, & divinæ revelationis dicentis, *In Adam omnes moriuntur, in quo omnes peccaverunt.* Jam si Paulus absque ullâ exceptione universaliter locutus est, nos cum Scotistis illi contradicimus. Eidem contradicunt Thomistæ, si Apostolus, subintellectâ restrictione à nobis prætensâ, verba illa enuntiavit. Eadem quæstio spectat ad materiâ morum, nam in eâ fundatur peculiaris Dei cultus, nempe erectio altarium, Missæ celebratio, Indulgentiarum & Privilegiorum concessio, concionum exhortatio, &c. quæ eò tendunt, ut glorificetur Deus præservans, & Beatissima virgo à peccato præservata. Jam si illa præservata non fuisset, Deus laudaretur propter bonum, quod non præstitit. Mater Dei laudaretur ob excellentiam, quâ caruit. Uno verbo totus ille cultus in errore fundaretur, & Ecclesia concedens privilegia hanc Deiparæ immunitatem colentibus, stimulet fideles ad colendam Conceptionem verè abominabilem tamquam sanctissimam, &c. Hæc omnia ad mores pertinent, quia turpe est colere peccatorem ut sanctum, Deo tribuere quæ non fecit, Sanctosque ob inanes & falsos titulos, Dei quæ revelationi repugnant honorare. Hinc sic arguo.

5. In hac quæst. quæ spectat ad fidem & mores, sola probabilitas, saltem olim, quando veritas hujus mysterii gradum probabilitatis non excedebat, sufficiebat ad securitatem conscientie sectantis partem minùs tutam. Pars enim tutior in hac re tunc erat omne iudicium suspendere, donec aut Ecclesia veritatem definivisset, aut veritas mysterii aliunde certò innotuisset, ut patet.

- A. P. A. Terilli Regula morum. PARS I.

Certum tamen est, quod licitum fuerit credere, Deiparam sine peccato conceptam esse, illique sic præservatæ, Denique illam præservanti cultum exhibere, &c. Similiter licitum est Thomistis contrarium tenere, quia utrumque satis apertè traditur in Bullâ Alexandri VII. de Sanctissimâ Deiparæ Conceptione non ita pridem editâ. Idem argumentum de facto locum habet in sententiâ eorum, qui tenent sententiam minùs piam, modò veram probabilitatem piæ sententiæ concedant, quam certè nemo prudens illi negare potest. Jam quæro quid sit, quod certam reddat honestatem voluntatis fluctantis Intellectum in assensum rei, in materiâ fidei nondum certæ? non certitudo objecti, utpote quod supponitur non esse certum. Ergo sola probabilitas, quia illâ demptâ, nemo absquè peccato talem immunitatem asserere posset. E contra stante verâ ac certâ probabilitate pro utraque parte, certum est, quod cuique liceat in materiâ fidei quamvis sententiâ, quæ sibi magis arridet, licetè sectari, quia certa probabilitas directâ fundat certam honestatem in electione terminatâ ad objectum, cujus veritas & honestas est certò probabilis.

6. Similiter quæro, quid in opinione sectantium opinionem minùs piam certò honestet cultum Deo, & Deiparæ sub hoc titulo impensum? Quid ab initio, quando major pars Theologorum reclamabat, eum honestabat? Quid reddidit Summos Pontifices certos, se in hoc cultu fovendo laudabiliter fuisse operatos? Sola probabilitas exemptionis Deiparæ; hac enim demptâ, tam Pontifices cultum illum promovendo, quam fideles eum procurando peccassent, sicut peccarent, si absque ratione probabili talem cultum Deo exhiberent in honorem conceptionis Henochi, aut alterius, cujus exemptio probabili ratione non confirmaretur. E contrario, si probabile esset, Henoch tali privilegio fuisse præventum, illico hæc omnia licita evaderent. Ex hoc autem particulari indubitanter vero, idem inferitur de omnibus aliis. Nam ubicumque in materiâ fidei ac morum datur directâ probabilitas de honestate operis, illa non minùs fundat certitudinem reflexam de honestate electionis, non obstante periculo erroris in tali iudicio directo, quam probabilitas immunitatis Deiparæ, non obstante periculo erroris, fundet certitudinem reflexam de honestate iudicii uni parti alligati, & cultus sub hoc titulo Deo impensum. Ergo certa probabilitas partis minùs tutæ universaliter sufficit pro securitate conscientie in materiâ fidei & morum. Qui plura velit de hac materiâ, adeat quæst. 21. de Conscientiâ probabili, ubi aliâ huc spectantia cum plurium objectionum solutione inveniet.

Sola probabilitas sufficiebat ab initio, quando plurimi reclamabant.

SOLVUNTUR OBJECTIONES.

7. **O**BJECIT primò. Sicut extra Ecclesiam Objectioni Catholicam inter hæreticos diversæ vigent opiniones de ipsâ religione, his hanc veram esse affirmantibus, illis negantibus, ita pariter intra Ecclesiam variæ sunt, atque dissidentes de moribus sententiæ; hi namque bonum vocant, quod alii dicunt esse peccatum. Ita Celladeus lib. 1. quæst. 1. §. 2. ad quam paritatem in aliis locis ejusdem quæstionis alludere videtur. Hæc autem quòd tendant, non apparet, nisi hoc, aut alio simili modo applicentur. Atqui dissidentes illæ hæreticorum de fide opiniones non sal-

vant eos à peccato, nec à damnatione liberant, quia reipsâ amplectuntur falsum. Ergo opiniones Catholicorum de malo & bono neminem excusant si forte errent, quia prosecutio boni veri ac realis non est minùs necessaria ad rectam operationem, atque ad vitam æternam, quàm absoluta veritatis assertio ad veram fidem. Et sane, quamvis Celladeus hoc expressè ex hac paritate non inferat, modus tamen procedendi, & totus quæstionis, imo totus libri processus aperte indicat, eum ad hoc aut aliud simile collimare.

Comparatio, qua Celladeus utitur, est perabsurda.

Auctores Catholicos dissentientes invincibiliter errant.

Nemo citra temeritatē hoc negare potest.

Respondeo comparationem hanc parificantem dissensiones hæreticorum sibi contradicentium circa credenda, cum contrariis Catholicorum opinionibus de agendis, esse prorsus absurdam, quia omni proportionatæ paritatis merito caret. Hæretici enim ideo sunt culpabiles, quia contra certissimam fidei veritatem erroribus suis pertinaciter adherent; siquidem auctoritas Ecclesiæ, & fundamenta sufficientis credibilitatis tanto intervallo superant omnem apparentiam in contrarium, ut illa prorsus evanescat, omnique probabilitate careat. Quid ergo mirum, si peccent Hæretici, cum temerè & pertinaciter suis erroribus adherant, contra veritatem nomine Dei sufficienter propositam? E contra, Catholicorum dissensiones sunt inculpabiles, quia quævis pars, ita magnis, validis, probabilibusque rationibus nititur, ut nil certi obstat in contrarium. Hinc hæretici pertinaces vincibiliter errant, & peccant. Catholici verò, si errent, invincibiliter errant, & non peccant, quia haud temerè, sed rationaliter suam sententiam in rebus incertis proferant. Exemplum habes tam in speculativis, quàm in practicis. Thomistæ existimant Deiparam originali labe fuisse infectam: Scotistæ aliique communiter oppositum sentiunt & docent. Altera pars errat. Rursus S. Thomas cum aliis multis docet iudicem licitè condemnare posse innocentem, si juxta leges probetur esse reus. Alii Auctores gravissimi ac numero plurimi dicunt, illud esse illicitum. Peto jam, an Celladeus audeat condemnare S. Thomam, casu quo erraverit, aut illius dissensionem ab opinione verâ cum hæreticorum erroribus comparare? Si hoc non audeat respectu S. Thomæ, aut D. Bonaventuræ, si similiter id ipsum non audeat respectu partium de Immaculatâ Deiparæ Conceptione discrepantium; cur ergo talem comparationem instituit, quâ uti non potest in particularibus sub universali suâ comparatione constitutis? Certè si S. Thomas, si D. Bonaventura in moralibus, si Thomistæ & Scotistæ in speculativâ quæstione citatâ non peccârint, sicut peccant hæretici inter se dissentientes, utique nec alii Catholici contraria de rebus incertis probabiliter opinantes peccant, nec unquam efficiet Celladeus, ut oppositum ex hac Catholicorum cum hæreticis comparatione ullâ probabilitate evincatur. Sed quid? Nónne tu, Celladee, ab aliis Catholicis dissentis? Immo verò & singulares contra unanimem aliorum consensum opiniones inducis? Ergo si erras (erras autem in omni apice ut constabit) ex mente, ut apparet, tuâ, (nam ego mitius iudico) non magis excusaris, quàm excusentur hæretici inter se dissentientes. Vide sis, quomodo his te extrices, & in posterum à similibus comparationibus abstine.

8. Ob. secundò. Nemo excusatur, si erret, & falsa sectetur, nisi debitam diligentiam præmiserit. At qui talem diligentiam adhibet, invenit

veritatem; fieri enim non potest (inquit Aug. lib. de quantitate animæ cap. 13.) quâdam providentiâ divinâ, ut religiosi animi seipsos, & Deum suum, id est, veritatem piè, castè, & diligenter quærentibus inveniendi facultas defuit. Præterea Deus vult omnes homines salvos fieri, & ad agnitionem veritatis venire. Ergo omnes debitâ diligentia adhibita possunt veram religionem & Ecclesiam Catholicam, extra quam non est salus, invenire. Eadem porro est ratio de moribus ac de fide, quia Deus tam rectæ morum doctrinæ, quàm veræ fidei est auctor: ergo providentia illius non minùs extendi debuit ad possibilitatem inveniendâ unam, quàm alteram. Ergo utraque per debitam diligentiam est invincibilis.

Rursus, Deus nullâ falsâ religionem, quamvis existimetur certissima, rectè & dignè colitur. Ergo similiter nemo in moralibus illi placere potest, si malum faciat, quamvis errando certissimè credat illud esse bonum. Itaque sola veritas tam in mente quàm in opere Deo placet. Et sanè quid opus est opinionibus? Christi præceptis & exemplis, gestisque ac doctrinis Sanctorum tam copiosè instituiamur, ut vetulæ ipsæ ante oculos nostros cælum raptant, quin opinione vivant, sed veritate, quibus scilicet Deus coram dat præcepta, & legem vitæ & discipline. Ita Celladeus lib. 1. quæst. 1. præsertim §. 4. in fine.

Respondeo Celladeum hic aperte confundere ea, quæ sunt absolutè necessaria necessitate medii, cum eis, quæ solum necessaria sunt secundum quid, & vocantur necessaria necessitate præcepti. Qui errat in absolutè necessariis, quomodocumque erret, non potest finem ultimum adipisci. At qui invincibiliter errat in aliis, excusatur à peccato, & adipisci potest finem, cum per hoc mediis ad finem obtinendum necessariis non privetur. His positis, dico fidem Catholicam, & omnia necessaria necessitate medii ad salutem esse reperibilia per debitam diligentiam, alioquin Deus non seriò vellet omnes salvos fieri. Verùm hoc locum non habet in moralibus inter Doctores Catholicos controversis, quia nec certa, nec vera eorum resolutio est absolutè necessaria ad salutem. Ergo etsi homo post debitam diligentiam erret in his, non ideo aut in præsentem peccat, aut à beatitudine consequendâ impeditur in futuro. Porro tam ratio quàm auctoritas Augustini solum procedit de rebus necessariis necessitate medii, nam in aliis certum est, omnes aliquando laborare ignorantia invincibili.

9. Ad confirmationem, fateor Deum nullâ falsâ religionem rectè & dignè coli fide Theologica, seu fide ad justificationem necessariâ, quia repugnat talem fidem conjungi cum falso. Verùm si per rectum & dignum Dei cultum non intelligatur supernaturale intellectu obsequium, sed quodvis obsequium intellectuale Deo placens, dico Deum per accidens rectè ac dignè coli posse aliquâ religionem falsâ. Ratio est, quia falsa fides ita proponi potest rudibus, ut illa reddatur ipsis prudenter credibilis fide humanâ. Potest etiam ita proponi, ut audiens teneatur ejusmodi assensum præbere, eò quod vir proponens sit magnæ auctoritatis, multisque argumentis asserat, Deum sub pœnâ damnationis talem fidem exigere. In hoc casu Rusticus, talia audiens, illisque tamquam à Deo dictis fidem præbens, rectè digneque Deum colit. Rectè quidem, etsi erroneè, quis invincibiliter errat, ac proinde talis error est ratio recta, quamvis non vera, ut

Celladeus confundit necessario necessitate medii cum necessariis necessitate præcepti.

Deus per accidens laudabiliter coli potest aliqua religione falsa.

fusè ostendi hic *quaest. 3.* atque antea probaveram *quaest. 12. de conscientia prob. num. 14. & seq.* quia imperatur à volitione, quam ratio vera dirigit. Similiter actus ille dignè Deo offertur, quia hîc & nunc absque peccato omitti non potest. Præterea Deus complacet sibi in omni actu, quem præcipit. Sed Deus hic & nunc per accidens, & ex suppositione aliquâ, præcipit hunc actum. Ergo per accidens sibi complacet in illo. Ergo actus ille, etsi erroneus, rectus est, & Deus illo dignè colitur.

In mysteriis nondum sufficienter revelatis Deus dignè colitur aliquâ religione seu persuasione falsâ.

10. Quod si loquamur de mysteriis nondum sufficienter propositis, v. g. de immaculatâ Deiparæ Conceptione, tam actus, quo pia sententia creditur vera, quam etiam cultus, titulo talis præservationis exhibitus, Deo placent, Deusque illis dignè colitur; neque id absque temeritate negari potest. Universalis enim Ecclesia, Romanam omnium magistratam secuta, Deum hoc modo colit, neque in hoc quidquam nisi Deo dignum exhibet. Similiter, qui Deum ob citissimam Deiparæ emundationem colunt, reprehendi non possunt, nec quidquam Deo non dignum faciunt. Idem prorsus dicendum de aliis mysteriis nondum Ecclesiae sufficienter revelatis. Ergo Deus aliquando per accidens falsâ aliquâ religione rectè & dignè colitur. Non ergo sola veritas tam in mente quam in opere Deo placet, sed aliquando veritas existimata, & opus à tali persuasione directum per accidens Deo placent.

Fides Theologica non potest veri fieri circa falsum, sed virtus moralis potest.

11. Itaque ingens disparitas est inter veram fidem Theologicam, & operationem honestam. Vera fides nititur veracitate Dei actu revelantis tamquam objecto formali, ideoque tam impossibile est fidem esse falsam, quam Deum mentiri, quia objectum formale fidei Theologicae essentialiter connectitur cum objecto materiali per illud propositum. At aliter se res habet in moralibus, quia objectum formale virtutis moralis non connectitur necessariò cum objecto materiali ejusdem. Unde possumus amare verum motivum formale virtutis, & ex illo amore extendi ad amandum objectum materiale ejusdem non verum, sed existimatum. Sic qui in similibus prorsus circumstantiis dat parem eleemosynam duobus æquè existimatis pauperibus, æquè laudabiliter operatur, quamvis unus eorum sit fictus pauper, cujus proinde miseria nulla erat, quæ meritò sublevaretur. Ratio est, quia actus virtutis specificatur à motivo formali. Ergo cum motivum indifferens sit ut connectatur cum verâ, vel solum apparenti miserie sublevatione, mirum non est, quod actus virtutis misericordiae elici possit à voluntate, quamvis intellectus erret in proponendo objecto materiali. Ergo licet fides Theologica componi nequeat cum errore circa objectum materiale, tamen vera virtus moralis, Deo placens, cum hujusmodi errore componi potest.

Vetula & ignorantes magis quam alii opinione vivunt.

12. Ad illud de vetulis cælum rapientibus, dico, omnes fideles piè viventes in plurimis ita instructos esse, ut non opinione, sed veritate vivant; quia certissimis fidei regulis, & indubitatis morum præceptis imbuti sunt. Verùm regulæ & præcepta istiusmodi non adeo universalis sunt, quin in multis rebus particularibus ignorantia superfit omnibus insuperabilis; in aliis verò quam plurimis veritas aliter quam per opinionem haberi non possit. In talibus autem necesse est, homines non veritate, sed ignorantia, aut ad summum opinione vitam instituere. Quod cum in omnibus verum sit, in vetulis præcipuè locum

habet, utpote quæ majori ignorantia laborant, quam docti, ideoque plurimis dubilis scrupulisque angi solent, in quibus non veritate certant sed opinione, atque patris spiritualis directione vitam instituunt, ejusque auctoritate meritò se tutas putant. Certè si Celladeus vetularum conscientis dirigendis assuetus fuisset, eas in rebus innumeris vitam suam opinione instituere reperisset, & coactus observasset, eas, juxta naturam rerum in quibus versantur, præ aliis opinionum directione singulariter indigere. Incongruum proinde est, & à veritate alienum argumentum à vetularum exemplo deductum.

13. His contra Celladeum dictis, ad argumentum quaestionis hîc principaliter intentæ redeo, & dico, si omnia debite inspiciantur, eodem prorsus modo de materia fidei ac morum discurrendum esse. Inprimis in materia fidei aliqua sunt certissima, & à nemine, cui sufficienter proposita fuerint, absque hæresis crimine in dubium vocari possunt. Alia non ad supremum hunc, sed ad inferiorem tantum certitudinis gradum pertingunt, & sunt illa, quæ, agnito Ecclesiae de illis sensu, absque temeritate & hæreseos periculo nequeunt affirmari, quamvis ad fidem certissimam de illis habendam nondum sint sufficienter definita. Alia demum aut sunt planè dubia, aut non nisi probabili conjecturâ teneri possunt. Dogmata primæ & secundæ classis ab omnibus implicitè saltem tenenda sunt; & nil eorum est, quod per diligens examen à peritioribus certò cognosci non possit. Porro nonnulla ex primâ classe de necessitate medii explicitè credenda sunt, & ad eorum cognitionem omnes per debitam diligentiam pervenire possunt, quia Deus vult omnes salvos fieri. Alia solum necessariò credenda sunt necessitate præcepti, de quibus omnibus aliquando, & de eorum pluribus frequentet sufficit, si implicitè credantur. Neque enim ullum præceptum urget omnes, ut de singulis informationem explicitam capiant. Itaque plura horum à multis invincibiliter ignorantur, & nonnulli de illis invincibiliter errant, quod à fortiori locum habet in illis, quæ inferiorem tantum certitudinis gradum obtinent. De reliquis tertiâ classe comprehensis nulla habetur certitudo, quia sunt vel planè dubia, vel ad summum probabiliter tantum innotescunt, idque ita aliquando, ut utrique contradictionis parti certa probabilitas faveat. In his unicuique quaecumque partem, quæ ipsi verior apparet, amplecti licet, nec imputatur ei error, si erret, quia errat invincibiliter, & rationabiliter ac prudenter judicat.

Materia fidei est in triplici differentia.

14. Idem proportionaliter locum habet in doctrinâ morum; aliqua enim morum præcepta neminem rationis compotem latere possunt. Qualia sunt: *Quod tibi non vis fieri, alteri ne feceris. Parentes honorandi sunt, &c.* Præterea, non solum præcipua ista juris naturalis capita neminem latent, sed etiam conclusiones facili ac evidenter ex illis deducibiles vel omnibus innotescunt, vel certè à nemine nisi vincibiliter ignorantur. Ac si sermo sit de difficillimis remotisque conclusionibus, quibus jus naturale in aliquibus casibus innotescit, plurimi invincibilem eorum ignorantiam patiuntur, ut ostendi *quaest. 16. de Conscient. prob. num. 84. & seq.* Hæc omnia à fortiori locum habent in lege positivâ, maxime humanâ; plurimæ enim ejusmodi leges à plurimis invincibiliter ignorantur. Cum ergo in istis error & ignorantia invincibiles frequenter contingant, haud dubiè multa sunt contra istas leges, quæ ad

Materia morum est in multiplici differentia.

peccatum imputari nequeunt. Demum multa ad istas leges, maximè ad humanas, spectantia, adeo difficilia sunt imbecillitati humanae, ut nemo possit certò veritatem cognoscere, sed post omnem conatum utraque pars manet probabilis. In his error imputari non potest, si quis eam partem sectetur, quam post diligens studium veram reputat.

Paritas inter
materiam
fidei & mo-
rum decla-
tatur.

15. Hinc patet eandem prorsus esse rationem de materia fidei, ac de morum doctrinâ; sicut enim in moribus, ita & in fide aliqua sunt quasi prima principia, aut per se obvia, aut facilè reperiabilia; alia autem in utraque materia sunt difficiliora, quæ sæpe invincibiliter ignorantur; alia demum difficillima sunt, & per consuetas hominum vires certò innoscere non possunt, & in his omnes invincibili ignorantia laboramus, & qui post diligens examen errant, utique errant invincibiliter. Unde sic arguo. In materia fidei sæpe invincibiliter erratur: in quo casu error ille, & actus voluntatis ab errore illo directus nil mali continent, sed è contrario Deo placent, ut in materia de Immaculatâ Deiparæ Conceptione, aliisque plurimis satis patet. Rursus in iis, quæ ad fidem pertinent, & sunt utrimque probabilis, licitum est utramlibet partem amplecti, ut ostensum est. Ergo similiter à pari, vel etiam à potiori datur error invincibilis in doctrinâ morum, qui

cum actus voluntatis, quem regulat, nil mali continet, sed Deo placet. Immo in iis, quæ utrimque probabilis sunt, unusquisque tam in opiniando, quam etiam in operando sequi potest utramlibet partem, maximè si eam existimet esse absolute veram. Ratio est, quia error in materia fidei non minùs displicet Deo, quam error in materia morum. Ergo si, hoc non obstante, probabilitas & error invincibilis excusant in materia fidei, excusabunt etiam in materia ac doctrinâ morum.

16. Tantùm ergo abest, ut paritas, à materia fidei ad morum doctrinam à Celladeo translata, quidquam concludat, ut ex opposito totum ipsius intentum ex paritate hac, aut potius ex identitate, aut majoritate rationis penitus destruat. Et quod plus est, hic est communis non solum recentiorum, sed antiquorum Theologorum sensus & consensus, quorum verba citata invenies *quest. 23. de Conscientiâ probabilis*. Cæterum causa deceptionis Celladei in eo vertitur, quòd ille non distinxerit inter necessaria necessitate medii, & necessaria solum necessitate præcepti. Inde enim factum est, ut omnia ad fidem & mores spectantia ad unam eandemque classem reduceret, atque ea de omnibus enunciarerit, quæ solis necessariis necessitate medii conveniunt.

Æquivocatio
Celladei
detrigitur.

QUÆSTIO DUODECIMA.

Vtrum ex eo, quòd benigna sententia usus semper viguerit in Ecclesiâ, rectè colligatur, illam esse veram?

1. **S**EMPER mihi visum est optimum argumentum pro veritate doctrinæ ad mores spectantis, si constet, illam semper in Ecclesiâ viguisse, & à doctis ac probis absque ullâ censurâ & scriptis traditam, & in praxim reductam fuisse. Verùm Celladeus *lib. 1. quest. 3.* expressè asserit, ex hoc argumento nil in alterutram partem posse concludi. Videndum proinde est, an hac in re rectè senserit.

ASSERTIO PRIMA.

Singularitas
in rebus
moralibus
vehementè
falsitatis
præsumptionem
fundat.

Novitas in rebus moralibus, iis maximè, quæ ad principia generalissima debite formandi conscientiam pertinent, fundat vehementissimam præsumptionem falsitatis, quando opinio nova communem omnium antiquorum sensum condemnat.

2. **P**ROBATUR assertio, in quam Celladeus ipse consentit. Ratio est, quia quamvis falsitas opinionis ex ejusdem novitate, Antiquorum sensum impugnante, non rectè deducatur, si formam arguendi inspicimus (certum est enim, multas opiniones novas de Solis maculis, & Lunæ montibus esse veras, quamvis omnium Antiquorum persuasio esset contraria) nihilominus illatio sæpe valet ratione materiz; tunc scilicet, quando materia illa æquè cadit sub expe-

rientiam omnium, vel æquè ab omnium experientia removeretur; tunc enim non potest perfectius cognosci à posterioribus, quam à prioribus, si nullum principium ad talis rei intelligentiam conducens detur, aut naturaliter dari possit, quod omnibus ex æquo commune non fuerit. In hisce ergo casibus, communis omnium consensus non potest non esse validissima præsumptio de veritate contra singularem hominem, qui novam sententiam inveheret, quia singularis ille homo nullam experientiam novam, nullumque principium peculiare assignare potest, nisi quæ aliis omnibus sunt communia, & ab illis diu magnâ diligentia considerata fuere. Unde si omnes, post illa seriò considerata, in unam eandemque sententiam consentiant, ingens præsumptio est, singularem hominem, omnibus aliis contradicentem, errare ac decipi. Certè in paribus circumstantiis facilius est unum errare, quam alios omnes; & ut est in adagio, plus vident oculi, quam oculus. Similiter Jurisperiti optimè dicunt, *unus homo, nullus homo*. At quæ ad generalissima conscientiam debite formandi principia spectant, sub omnium experientiam æqualiter cadunt, neque ullum est principium, quo circa hæc uti possimus, quod omnibus ex æquo non sit commune. Ergo singularitas in istis, contra unanimem aliorum omnium consensum, fundat vehementissimam præsumptionem falsitatis.

3. At aliter se res habet in aliis; si enim quis novum aliquod experimentum afferat, aut novis instrumentis utatur, is procul dubio melius discurre-

rere poterit de tali re, quam omnes alii, qui talibus experimentis ac principiis, aut aliis æquivalentibus caruerunt. Unde in istiusmodi casibus singularis homo fundare poterit sententiam, quæ non solum unanimi priorum omnium opinioni præferenda sit, sed eam quod plus est, evidentis falsitatis redarguat. Talia multa de rebus celestibus contra antiquorum omnium persuasionem novimus, ex quo tubo optico usi sumus.

4. Rursus in particulari materiâ, cujus omnia fundamenta nunquam scribè examinata fuerunt, poterit quis novam inducere sententiam, unanimi aliorum opinioni prævalentem, modò ipse fundamenta inveniat ac aliis non ponderata. Hæc ratione pia sententia de Immaculatâ Deiparæ Conceptione contrariæ opinioni prævaluit. Qui enim eam primi docuerunt, attulerunt principia ac fundamenta ab aliis non perpenſa, quibus posteriores permoti maximâ ex parte in piam abièrè sententiam; cum priores, ob talium principiorum aut ignorantiam aut inconsiderationem, ex generalibus Sacræ Scripturæ sententiis contrariam opinionem unanimiter veram esse supposuerint potius, quàm in particulari de industriâ probaverint.

Extra hos casus novitas secum fert præiudicium.

5. Extra hos casus, singularis opinio contra unanimem aliorum omnium sententiam, in moralibus potissimum, admitti non debet. Sæpè enim veritas præsumitur esse ex parte omnium potius quàm unius, ut patet. Porro quia certum est, eos, qui singularem doctrinam de usu opinionum probabilium contra communem aliorum omnium sententiam invexerunt, nulla nova principia aut fundamenta attulisse, quæ ab aliis notanter excussa, & diligenter perpenſa non fuerint, ut in *tract. de Conf. prob.* per singulas fermè quæstiones evidenter ostendi, ideo evidens est, novitatem in tali materiâ (quæ etiam generalis est, maximique momenti, & sub omnium experientiam æqualiter cadit) fundare validissimam præsumptionem falsitatis.

ASSERTIO II.

Ufus opinandi, & ex opinione vivendi, semper viguit, & à peritis ac probis approbatus fuit.

Ufus opinandi, & ex opinione vivendi, semper viguit, & à peritis ac probis approbatus fuit.

6. DEMONSTRAVI assertionem hanc, *quæst. 22. de Conf. prob.* fusè per totam, allatis tum factis, tum Auctorum omnis ætatis testimoniis, quæ videri possunt: non enim opus est ea repetere, cum Celladeus ipse pro indubitato habeat, usum opinandi, ac ex opinione probabili vitam regulandi esse ipsi mundo cœvum. Rationes, quæ ipsum moverunt, plures & validæ fuerunt. Prima: vis opinandi, non minus quàm vis demonstrandi est homini innata. Rursus ab initio ex objectis alia erant scibilia, alia solum opinabilia. Ergo usus etiam istarum potentiarum non potuit non esse ab initio. Secunda: in omnibus omnis ætatis libris hætenus editis invenimus discursus solum probabiles, & incertos. Ergo ex quo Auctores libros scripserunt, usus opinandi viguit. Tertia: Aristoteles omnesque philosophi distinxerunt inter scientiam & opinionem, inter scibilia & opinabilia. Ergo omnes agnoverunt nos de multis non habere nisi opinionem. Huc accedit, Rhetoricam & Diale-

cticam ex probabilibus procedere. Ergo ex quo fuerunt in mundo Rhetores & Dialectici, viguit usus opinandi & ex probabilibus differendi, cum in scholis, tum in foro & causis, & per tales argumentationes Iudices movebantur ad ferendam sententiam. Quarta: fides humana æquè exposita est falsitati, sicut opinio. At sine fide humanâ respublica nec subsistere nec gubernari potest. Ergo ab initio fides viguit in mundo, & aliqui leviter, aliqui prudenter dictis credebant. Eadem autem est ratio de opinione, & eadem prorsus necessitas, quæ fidei. Ergo sicut homines ab initio ex fide se gubernabant, & moti sunt ad operandum, ita pariter & ex opinione homines semper se gubernarunt tam in causis privatis quàm publicis, tam domi quàm foris. Quinta: omni tempore Reges suos consiliarios habuerunt. Rursus: ignorantes ab aliis consilium petere, illi acquiescere, ac ex eo se gubernare semper consueverunt; quod verum est, sive sermo sit de politicis ac moralibus, quæ forum externum concernunt, sive de foro pœnitentiali in secreto Confessionis Sacramentalis; semper enim Confessarii pœnitentes direxerunt, & pœnitentes ex Confessariorum directione vitam suam composuerunt. Ergo usus opinandi, & ex opinione vitam gubernandi antiquissimus est, mundo ipsi cœvus, & in omni ætate viguit. Ita Celladeus, & hætenus quidem bene.

7. Verum in eo deficit, quòd ista dimidiatè proferat, eaque consideret præcisè ut facta quædam tam probis quàm improbis communia; adeo ut ex his nil inferri possit, an hoc bene an malè factum sit, sed id aliundè determinari debeat; sicut ex eò quòd homines semper liberè operati sint, inferri nequit, an bene vel malè egerint; quidam enim per omnes ætates fuèrè probi, & bene usi sunt libertate, quidam improbi & eadem malè sunt usi. Idem dicit de Causidicis, de Confessariis, & Consiliariis. Unde licet omni ætate homines usi sint opinione probabili, & ex eâ vitam regulaverint, non sequitur, usum illum esse licitum. Ita ille. Sed contra est, quia ille argumentum nostrum tantum inadæquatè proponit; nemo enim, ex eo præcisè, quòd homines semper usi sint opinione probabili, intulit talem usum esse licitum; nam semper usi etiam sunt opinionibus improbabilibus, nec tamen ideo licitè operati sunt. Solus ergo usus, utpote ex se tam communis bonis quàm malis operationibus, non infert rem factam esse licitam, vel illicitam. Itaque argumentum hoc modo proponi debet. Semper viguit usus operandi ex opinione probabili, & ille usus, prout certò distinguitur ab usu opinionis improbabilis, ab omnibus sapientibus & probis habitus est pro actione simpliciter prudenti ac laudabili; quia optimi quique ac integerrimi in rebus incertis aliam quàm certò probabilem decisionem dare non potuerunt, nec aliter quàm juxta probabilem rationem alios dirigere. Porro quod ab optimis quibusque atque sapientissimis semper usitatum est, illud pro honesto ac licito semper est habitum tam ab ipsis probis, qui ita operati sunt, quàm ab aliis, qui talem modum sincerè ac prudenter consilium dandi ut honestum, ac praxi licitè deservientem approbaverunt.

8. Et sanè evidens est, eos reprehendi non posse, qui siue humanâ non temerè sed prudenter dictis credunt, & ex talibus dictis vitam instituunt, si nunquam nisi prudenti iudicio se gubernent; tum quia alioquin tota reipublicæ administratione

Ingeniosa & valida Celladei argumenta.

Celladeus dimidiatè & fallaciter argumentum nostrum proponit.

Argumentum pro nostra sententia debite proponitur.

Operari ex fide humana prudenter, vel ex ratione probabilis semper habitum est, & ministratio

ministratio necessariò desineret; tum quia per hoc ipsum constituuntur in gradu superiori ad illos, qui aliorum dictis temerè credunt, illorumque auctoritate non absque nota temeritatis in gerendis rebus se gubernant. Hi enim propter hoc ipsum reprehenduntur ut temerarii, cum illi opposita de causa ab omnibus tanquam prudentes habeantur. At eadem prorsus est ratio de opinione, ut patet; illa enim, non aliter quam fides, dividitur in temerariam & probabilem. Qui ex prioris dictamine vitam instituunt, temerarii sunt, & semper existimati fuerunt; qui autem opinionem certò probabilem sequuntur, rationabiliter ac prudenter agunt, ac ab omnibus probis ac doctis agere crediti sunt. Hoc ipsum in omni genere officii, Judicis, Consiliarii, Causidici, &c. videre est, il enim omnes officium suum implent, qui ubi certitudo deest, probabiliora sectantur, atque omnes probi ac docti semper judicarunt, tales in hoc ipso laudabiliter se gerere; sicut è contrario à suo officio deflectunt, & semper ab omnibus probis habiti sunt ut vituperabiles, qui improabilia sectati sunt, & improbabilibus ac imprudentibus rationibus se suamque vivendi ac operandi rationem instituerunt.

ASSERTIO III.

Opinio Celladei eo nomine refellitur, quòd sit nova & contra omnes.

Rigida Celladei opinio eo nomine efficaciter convincitur esse falsa, quia nova est, & contra unanimitatem aliorum omnium sententiam invecsa.

9. **P**ROBATUR. Opinio Celladei asserit, neminem excusari à peccato, qui sequitur partem minùs tutam, etiam probabiliorē, si contingat iudicium illud esse falsum, quamvis absolutè iudicet id sibi licere, & ne quidem de opposito dubitet. At nemo Catholicorum ante illum hoc docuit, sed omnes oppositum unanimiter tradiderunt. Ergo sententia Celladei singularissima est, ac novissima. Ergo ex prima assertione fundat vehementissimam præsumptionem, quòd sit falsa; quia est novitas in re morali, quæ ad generalissima debetè formandi conscientiam principia pertinet, quæque communem aliorum omnium per omnes ætates sententiam condemnat. Itaque novitas in hac materia falsitatem legitimè arguit; quamvis enim illatio à novitate ad falsitatem ratione formæ non valeat, sæpe tamen, & nominatim in huiusmodi rebus, valet ratione materiæ, quod & Celladeus ipse in *initio quæst. 3.* expressè fatetur.

10. Probatur secundò, si singularis ac nova Celladei doctrina esset vera, omnes omnino Doctores Ecclesiæ damnabiliter errassent in re summi momenti, qualis est illa, quæ spectat ad modum debetè formandi conscientiam in rebus incertis. Damnabiliter, inquam, quia eos, quos dirigebant, in damnationem direxissent, & consequenter ipsi sibi etiam damnabiliter opinati fuissent. At non est credibile, Deum ita Ecclesiam deseruisse, ut omnes omnino, & maximè notos Ecclesiæ Doctores, tam periculose & peccaminose errare permiserit; sed est validissima præsumptio in contrarium. Ergo datur validissima præsumptio de falsitate sententiæ Celladei, idque sequitur ratione materiæ ex ejusdem opinionis novitate ac singularitate.

SOLVUNTUR OBJECTIONES.

11. **O**BJICIT primò, esto, antiqui Theologi optimæ notæ docuerint, usum opinionis minùs tutæ esse licitum; aliqui tamen tunc temporis docebant eundem esse illicitum. Ergo ex hoc capite non rectè infertur veritas benignæ sententiæ potius quàm rigidæ. Ita Celladeus *hic §. 2.*

Respondeo, Celladeum falsò supponere hanc opinandi diversitatem, non enim vel verbum hinc adducit ad hoc probandum. Respondeo secundò, certum esse quod per centum & amplius annos omnes tenuerint sententiam benignam, neque Celladeus id diffitetur, aut diffiteri potest; quia omnes in expressis terminis tradunt sententiam quam ipse impugnatur. Sed & antiquiores idem expressissimè tradunt de opinione probabiliori, cui ut veræ quis assensum præbet. At argumenta & præsumptiones allatæ æquè procedunt contra impugnantem tam unanimem consensum, ac si certò constaret omnes in eadem sententia diutius consensisse.

12. Respondeo tertio, ex antiquis paucos ex Celladeum professo & in propriis terminis tractasse. Frustra roriam hanc, de qua inter nos & Celladeum est præsens controversia; qui autem illam tractarunt, omnes ad unum nobis subscribunt, ut ostensum est *quæst. 22. de Consc. prob.* Itaque Celladeus non lucem sed tenebras querit, dum, rejectis sæculi ultimi Auctoribus luculentissimis, qui rem in terminis examinarunt, ad antiquos, qui hac de re aut nullo modo aut obicure tantum locuti sunt, regreditur. Verùm nec quemquam in illis reperire potest, nisi sibi contrarium, ut ex dicta *quæst. 22.* apertè constat. Porro dicere, ut dicit Celladeus, omnes omnino gravissimos doctissimosque Doctores Ecclesiæ, qui à centum & amplius annis scripserunt, turpissimè ac periculosissimè errasse in hac materia, hominesque, eorum doctrinam bona fide secutos, tutos non fuisse, sed in eo, quòd tanta auctoritate inducti fecerunt, graviter peccasse, est homines innoxios absque fundamento gravissimam censuram proscindere. Ex hoc autem, juxta præclaram Chrysostomi regulam (quam ipse Celladeus ad alium finem hac in quæstione adhibuit) inferre licet, quid Celladeus ipse de antiquis Auctoribus, quos nunc laudat, dicturus fuisset, si tempore eorum vixisset, & illi opinionem ipsi contrariam tenuissent. Verba Chrysostomi *ex hom. 45. in Matth.* desumpta ita se habent. Cum audieris aliquem beatificantem antiquos Doctores, proba illum, qualis est circa suos Doctores; si enim illos sustinet, & honorat, cum quibus vivit, sine dubio & illos honoraturus fuerat, si cum illis vixisset. Si autem suos contemnit, verè & illos contempnurus fuerat, si cum illis vixisset; nam omnis correctio similis est ceteris tentationibus, &c. Jam videat Celladeus, an honoret Doctores suos, à quibus doctus est, an verò & illos & omnes, qui per integrum sæculum scripserunt in Ecclesia, gravissimam censuram dehonorat, & videbit, se frustra priores & antiquiores laudare, & ad illos tanquam ad oracula sibi faventia appellare; ex regula enim Chrysostomi non ideo eos laudat, quòd eorum auctoritate nitatur, sed quia putat, eos idem secum sentire, ideo eos magni facere videtur, ut sic suæ causæ patrocinium apud alios, qui illos plurimi faciunt, obtineat. Præterea frustra ad illos confugit, quia neminem ex omnibus sibi faventem, sed

Antiqui opinantur hanc sententiam contra Celladeum.

frustra roriam hanc, de qua inter nos & Celladeum est præsens controversia; qui autem illam tractarunt, omnes ad unum nobis subscribunt, ut ostensum est *quæst. 22. de Consc. prob.*

Qui suos Doctores non honorat, nec antiquos quos honorasset, si cum illis vixisset.

sed omnes omnia adversantes habet, ut ostensum est *quæst. 22. de Consc. prob.*

13. Objicit secundò. Ut multi ex Christianis omni ætate secuti sunt opiniones & resolutiones probabiles, ita quoque multi omni ætate damnati sunt. Hoc constat; non autem constat, quòd salvati vel damnati fuerint, quia operati sunt ex opinione probabili hoc titulo, quòd usus sic operandi antiquissimus fuerit. Ergo nemo salutis suæ securitatem huic antiquitati prudenter alligare potest. Ergo aliunde, non ex antiquitate concludendum est, quòd usus opinionis probabilis sit licitus, vel illicitus. Ita Celladeus hic §. 2. *in fine.*

Nemo ideo damnatus est, quia bonâ fide secutus est opinionem certò practicè probabilem, &c.

Respondeo, multos Christianos omni ætate damnatos fuisse, etiam ex iis, qui secuti sunt opinionem certò probabilem, sed nego, quemquam eorum ideo damnatum fuisse, quia secutus est talem opinionem, si bonâ fide operatus est ex persuasionem, qua certò probabiliter credit id sibi esse licitum. Nec mirum, quia hoc ipsum probamus, idque verum esse ex antiquitate & universalitate talis doctrinæ sat certò novimus; in rebus enim ejusmodi moraliter certum est, omnes omnino Doctores, probitate & doctrinâ præstantissimos, periculosè errare non posse; tum quia est res scitu prorsus necessaria, tum quia ad universalia capita juris naturæ, & ad modum formandi conscientiam pertinet. In talibus autem manifesta præsumptio est,

omnes periculosè non errare. Præterea si in ea periculosè errassent, Deus Ecclesiam deservisset.

14. Tertiò. Idiotæ, qui tantam auctoritatem sequuntur, si errent, ex invincibili legis ignorantia errant, sicut & Doctores, qui ita senserunt. Ergo nec hi ita docendo, nec illi ita operando periculosè errant. Ergo, si sit error, ille solum materialis est, & ad peccatum nemini imputari potest. Sed quid loquor de errore materiali, seu non imputabili? Ipsa antiquitas, & constans Auctorum omnium per tot ætates consensus in tali materia fundat præsumptionem, ad minimum moraliter certam, nullum in tali re, sub propria ejus universalitate considerata, errorem latere potuisse, quia naturaliter repugnat, universales theses ad jus naturæ spectantes ita latere, ut omnes docti ac probi diligentissimè illas examinantes ita decipiantur, ut putent illud esse omnibus universaliter permissum jure naturæ, quod omnibus jure naturæ est vetitum. Talis est præsens materia. Ergo communis omnium consensus de veritate talis sententiæ, per plura sæcula continuatus, moraliter certificat nos, doctrinam illam nullatenus erroneam, sed verissimam esse. Itaque veritas hæc non ex præcisa antiquitate, sed ex illa circa talem peculiarem materiam, unâ cum communi omnium consensu validissima præsumptione stabilitur.

Qui sequitur unanimem Doctorem sententiâ periculosè errantem,quit.

QUÆSTIO DECIMATERTIA.

Vtrum ex opinione benigna sequatur, suam cuique existimationem esse sufficientem conscientia regulam?

Mira Cella. I. dei persuasio.



X aliis, quæ Celladeus contra benignam sententiam objicit, non infimum est, quod *lib. 1. quæst. 5. §. 2.* multis probare contendit; scilicet ex illa necessariò sequi, quemque esse

tutum in conscientia, nec peccare, qui putat se honestè operari in eo quod facit. Ex quo semel, admissio, illico sequitur, suam cuique existimationem esse sufficientem conscientia regulam; ideoque nos frustra suadere in assignanda probabilitatis natura ac definitione; nam fatendum erit vel omnem omnino existimationem esse probabilem, vel aliquam non probabilem esse sufficientem conscientia regulam. Quodcumque autem dicatur, tota disputatio de probabilitate frustratoria erit in ordine ad præsentis quæstionis determinationem.

ASSERTIO UNICA.

Ex benigna sententia apertè sequitur, non omnem cujusq; existimationem de honestate operis quod facit, esse sufficientem conscientia regulam.

2. DEMONSTRATUR. Benigna sententia pro sufficienti conscientia regula in rebus incertis præscribit, ut operatio reguletur per judicium certò probabile de honestate operis. Rursus eadem sententia expressè tradit, omne opus, quod ex tali ad minimum judicio non procedit, esse peccaminosum. Sed evidens est, non omnem existimationem de honestate operis esse judicium probabile, & multò minùs esse judicium certò probabile. Ergo ex benigna sententia evidenter sequitur, non omnem existimationem de honestate operis esse sufficientem regulam pro honestate operationis.

Ratio porro fundamentalis, cur judicium certò probabile sufficiat, & non sufficiat aliud quodvis pro conscientia ritè regulanda, ex eo desumitur, quòd prima principia synderesis reflexa, evidenter ostenduntia honestatem operationis, adjun-

Propria cujusque existimatio non est sufficientis conscientia regula.

adjungantur cognitioni reflexæ certificanti nos de probabilitate nostri iudicii directi, atque cum illa constituent præmissas in forma, ex quibus evidenter sequitur, operationem hanc hîc & nunc esse permissam ac licitam. E contra, nulla ejusmodi principia applicari possunt iudicio, de cuius probabilitate certi non sumus, ideoque nunquam in particulari certificamur de honestate operationis, quam ex iudicio non certò probabili ponimus. Unde operatio à iudicio probabilis directa licita est; illicita verò quæ à iudicio improbabili dirigitur. Quæ omnia fusè explicata sunt in *tract. de Conscientiæ prob. multis in locis*: quæ consuli possunt, & hîc frustra non sunt repetenda. Itaque aliud in re tam aperta non superest, quàm ut fundamenta Celladei diruantur, & quæ ad complementum assertionis necessaria visa fuerint, suis locis, data opportunitate, explicentur.

SOLVUNTUR OBJECTIONES

Celladei.

Obiectio 1. 3. **O**BJICIT primò. Homines variè dispositi variè judicant de rebus eodem nomine expressis. Audito nomine beatitudinis avaro divitiarum, famelico cibis, ambitioso honor in mentem venit. Ergo pariter homines, utpote variè dispositi, variè de probabilitate judicant, quodque unus vocat fundamentum magnum & probabile, illud alius parvum ac nullius momenti reputat. Ergo nulla certa regula statui potest de probabilitate. Sed illud demum dicendum erit probabile, quod quisque probabile reputat. Ergo eò demum venit, ut propria cuiusque existimatio sit regula ritè formandi conscientiam.

Homines,
et si variè
dispositi, ab
semper di-
versimodè
judicant de
rebus.

Respondeo, homines, etsi variè dispositos, non sentire diversimodè de omnibus rebus, sed de iis solùm, quæ inevidenter se produnt, quæque passionibus ac dispositionibus ipsorum diversimodè conveniunt. Jam omnes, declaratis terminis, idem intelligunt nomine opinionis probabilis, sicut omnes idem intelligunt nomine albedinis. Ergo sicut non discrepant, an albedo sit præsens, quando illa evidenter se prodit, ita neque discrepant de præsentia opinionis probabilis, quando illa evidenter se prodit. At illa tunc solùm est regula, quando evidenter se prodit. Nos autem *quæst. 5. & 6. de Consci. prob.* fusè ostendimus, quæ & qualia sint signa & iudicia, tam respectu Doctorum quàm Idiotarum, ex quibus probabilitas tam quoad se, quàm quoad nos evidenter innotescit. Itaque ex nostris principiis atque sententiis non quævis apprehensio, aut existimatio probabilitatis, sed sola certitudo ac evidentia de illius existentia est applicatio regulæ sufficientis ad ritè formandam conscientiam; in tali autem applicatione nulla potest esse diversitas. Quod si aliquis, vehementia passionis excæcatus, certum ac evidens iudicium de probabilitate partis minùs tutæ formare non possit, ille non excusatur si partem minùs tutam sectetur, quia non debetè conscientiam suam format. Cogitet hæc Celladeus, & videbit ex nostra sententia non sequi, quod sua cuiusque existimatio sit regula debetè formandi conscientiam, aut quod pro formanda conscientia sufficiat, si aliquid quomodocumque probabile reputetur, cum omnia contraria expressè sequantur ex nostra sententia, ut dictum est.

Adde idem argumentum sub iisdem terminis

proponi posse contra positivum probabile, quod ipse pro sufficienti conscientiæ regula statuit. Homines enim, variè dispositi, diversimodè de illo judicant. Ergo non est ipsum probabile positivum, sed propria cuiusque existimatio de tali probabili, ex qua cuiusque conscientia formatur. Quid ad hoc respondebis Celladee? fortasse responsione à me allata uteris. Hoc ausim dicere, nisi illà, aut alià, quæ prorsus cum illa coincidat, utaris, te debetè non responsurum. Interim unusquisque videt, quàm misera sint argumenta à quovis contra alios objecta, quæ ipsemet solvere tenetur. Verùm defectus iste in argumentis Celladei frequentissimè occurret in sequentibus.

5. Obijcit secundò. Si non propria cuiusque existimatio, sed sola vera & certa probabilitas sit regula conscientiæ, omnes recipientes consilium in magnam perplexitatem necessariò conjiciuntur. Scient illi quidem, suum Confessarium aut consultorem ita respondisse, sed absque revelatione scire non poterunt, an hæc illius responsio pertingat ad opinionem verè probabilem, aut quòd ille omnia præmiserit, quæ necessaria sunt ut resolutio ipsius verè sit probabilis. Confirmatur difficultas. Ponamus Confessarium aut Consultorem existimari quidem valde peritum, sed reipsà imperitum esse, ac frivolis tantùm motivis, quæ ipsi tamen maxima visa sunt, fuisse permotum. Excusabiturne petens consilium, si bona fide dictis Consultoris acquiescens sententiam ipsius sectetur? Si non excusetur, frustra laboramus in assignanda regula. Si excusetur, ideo hoc erit, quia operatur bonâ fide cum conscientia de honestate operis, excludente cognitionem & advertentiam actusalem de peccato, quod ex mente Auctorum benignæ sententiæ sufficit, ut operatio sit honesta. At hæc advertentia & cognitio actualis peccati æquè excluditur per omnem existimationem de honestate operis. Ergo tandem eò venit, ut propria cuiusque existimatio de honestate operis sit regula sufficiens ad ritè formandam conscientiam. Hinc autem alia adhuc longè absurdiora sequuntur. Quid enim fiet, si opinio illa, à Consultore proposita, sit erronea, aut etiam hæretica? Excusabunturne, qui eam bona fide sequuntur, eò quòd consilium petentes, maximam habeant opinionem de gravitate ex doctrina sui Consultoris? Hac ratione Genevenses Calvino & Bezz fidem dantes, sed & Nero & Diocletianus, qui falsa persuasionem decepti, putabant Deos esse colendos, ac proinde credebant, Christianos cultum talem prohibentes fuisse supplicio dignos, eosque tanquam homines dæmonis ad decipiendos populos mira patrantes meritò exterminandos, excusandi erunt. Remota quippe fuit à mente illorum omnis actualis cognitio & advertentia peccati. Nam malum bonum existimabant, & bonum malum. Quid ergo dicimus? Ita obijcit contra nos, atque ita nos interrogat Celladeus *lib. 1. quæst. 5. §. 2.* atque huic quæstioni ipse, exponens nostram sententiam, respondet his verbis. *Docent professores, ad id, ut his existimationibus conformem evasurum rectum, & honestum, quin de honestate operationis haberi infallibile prorsus, ac evidens distamen conscientia.* Unde statim inferit, frustra recurri ad opinionem probabilem, cum quævis existimatio ac persuasio, etiam improbabilis, etiam hæretica, etiam pagana, sit æquè unicuique regula, ac demonstrationis.

Respondeo inprimis, alterutrum ex duobus necessariò

Celladeus
vel gravissi-
mam bent-
gnæ senten-
tiæ calum-
niam im-
ponit, vel
maximè
inaccu-
rationis ac-
guandus
est.

necessariò admittere debere, scilicet Celladeum vel gravissimâ calumniâ ex industria omnes omnino integri sæculi Auctores onerare, vel certè turpissimè ac quodammodo intolerabiliter errare in exponendis aliorum sententiis, suâque phantasmata, pro sententia quam impugnât, imperitis venditare. Alterutrum, inquam inevitabiliter sequitur, quia certum ac indubitatum est, neminem ullius notæ ex Auctoribus nostræ sententiæ unquam docuisse, *omnem actum, illum existimationibus conformem, evasurum rectum & honestum*; sed omnes à contrariis tales actus plerumque rejicere ut peccaminosos. Porro ut inevitabilitas istius illusionis disjunctivæ omnibus pateat, sciendum est, omnes Auctores nostræ sententiæ, agentes de conscientia, expressè docere, conscientiam vincibiliter errantem à peccato non excusare, sed omnem sequentem conscientiam sic constitutam necessariò peccare, quidquid faciat. Si contra illam agat, peccat contra conscientiam, quia sciens & volens facit quod judicat esse malum; si verò sequatur ejus dictamen, peccat contra legem. Hæc omnium, nemine dempro, est una vox eademque sententia; & tamen qui sic operatur, facit quod bonum esse existimat. Ergo omnes docent, actum, existimationi de honestate operis conformem, non semper esse bonum, sed sæpe esse peccaminotum. Porro omnes similiter docent, pleraque hæreticorum ac paganorum opera, qualia Celladeus commemoravit, à conscientia vincibiliter erronea ortum sumere, etiam tunc, quando judicantur bona, aut etiam strictè debita & præcepta existimantur. Ergo Celladeus vel ex industria grayem calumniam nobis impigit, si hæc novit, & eorum meminerit; vel certè in exponenda nostra sententia turpissimè, & quodammodo intolerabiliter erravit. Quod cum ita sit, ego primum, utpote gravissimum crimen illi non imputo, quinimo eum talis sceleris purum existimo, sed eum à secundo, id est, à magna inaccuratione, turpique saltem rerum oblivione excusare non valeo.

Argumentum retorquetur.

6. Respondeo secundò, argumentum hoc ab ipso Celladeo esse solvendum; quia ille admittit, Idiotas in suis dubiis regulari posse ac debere à peritis per probabile, quod ipse positivum appellat. At hoc eidem inconvenienti subjacet, quia Idiotas sciet quidem, suum Consultorem ita dicere, ac affirmare rem illam absque peccato fieri, quia honestas illius est positivè probabilis; sed quomodo siue revelatione sciet, illum verum dicere, aut talem rei investigationem præmisisse, quæ necessaria est ad sciendum, an res illa ad talem probabilitatis statum perveniat? sed quid fiet, si Idiotas summam de sui Consultoris sufficientia & probitate opinionem habeat? quid, inquam, fiet, si ille ex ignorantia aut errore dirigat consulentem ad praxim opinionum improbabiliū, aut etiam hæreticarum? Ecce necessariò labimur in perplexitatem, quam vitare intendimus, si Celladei sententiam sequamur; & quod plus est, non ipsa probabilitas positiva, sed sua cujusque existimatio erit regula conscientiz.

Idiotæ bene norunt probabile ab extrinseco.

7. Respondeo tertio, directè, nullam prorsus perplexitatem sequi ex nostra sententia, quia plurima sunt signa infallibilia, per quæ idiotis ipsis extrinseca probabilitas de rerum honestate certissimè innotescit, de quibus fusè egi *quæst. 6. de Conscientiâ probabili*, quæ si Celladeus legisset, fortè nunquam ista, aut ulla hisce similia objecisset. Porro probabilitas, quâ Idiotæ dirigun-

tur, est extrinseca probabilitas, cujus solius sunt capaces, non intrinseca, cujus capaces non sunt. Itaque licet ignorent, an Consultor vel Confessarius verum dicat, aut diligentiam sufficientem pro resolutione verè probabili adhibuerit, certò tamen sciunt, se illius dictis prudenter fidem dare, & ad ulteriorem veritatis indagationem non obligari, eò quòd ille habeatur vir peritus ac probus, qui proinde præsumitur nolle ea docere, quæ non novit sufficere. Hæc ratione certa probabilitas extrinseca adest, per quam consulentes diriguntur ad agendum, & per quam excusantur, si errent in materia verè incerta, & utrimquè certò probabili.

8. Ad secundum casum de Directore imperito, levissimis rationibus moto, qui tamen vulgò peritissimus habetur, dico consulentes, ejus directionem sequentes, excusari à peccato, quamvis errent, dummodò ea omnia exteriora adint, quæ requiruntur ad hoc, ut dictis illius certò prudenter credant. Tunc enim adest certa probabilitas extrinseca de honestate operis. Nec obstat, quòd ille improbabilia, aut etiam erronea doceat, quia Idiotæ, quos dirigit, invincibiliter errant. Error autem invincibilis eos certissimè à peccato excusat, etiam ex mente Celladei. Non tamen excusantur præcisè ob rationem à Celladeo tactam, quia scilicet formati conscientiam de honestate operis, absque ulla cognitione aut advertentia actuali de illius malitia; sed quia per judicium certò probabile ac prudens talem advertentiam excludunt, nec ullatenus tenentur talem malitiam advertere, aut veritatem ulteriùs indagare; hisce enim ablatis vincibiliter errarent, & consequenter peccarent, quamvis nullatenus se peccare existimarent. Talia enim sunt peccata ignorantiz, quæ nullus Auctorem sententiæ benignè negat. Itaque non frustra sudamus in explicanda probabilitate, quia sine illa, regula ad conscientiam ritè formandam sufficiens non habetur. Neque tandem eò labimur, ut sua cujusque existimatio sit regula conscientiz ritè formandæ, ut patet.

Idiotæ sæpe excusantur, et si Director munere suo non fungatur.

9. Sed quid dicemus ad ultimos casus à Celladeo propositos? Dico, & auctèr dico, homines rarò admodum, aut nunquam in illis excusari. Ratio est perspicua, quia homines rarò, aut nunquam invincibiliter errant in illis. Præterea rarò aut nunquam est certò probabile ipsis, quod talia liceant. Nullum enim judicium, ex vincibili ignorantia aut negligentia culpabili ortum, est probabile, ut omnes communiter censent. Jam ergò quando Idiotæ aliquid audiunt à viro summæ existimationis, quod aut communi fidelium sensui, aut praxi Ecclesiæ, vel lumini rationis, aut fidei repugnat, vel certè cum illis non bene cohzret, tenentur non statim fidem dare, sed rem examinare, quia imprudenter crederent, & si errarent, vincibiliter erraret. Tales fuerunt omnes Gentilium errores de Deorum pluralitate, idolorumque cultu, si tamen unquam contigerit, ut hæc ita crederent esse bona, ut nullam actualem mali suspicionem haberent. Hæc enim & hisce similia adeo lumini rationis repugnant, ut vix aut ne vix quidem fieri possit, quin intellectus in illis aliquam mali latentis suspicionem admittat. Eadem est ratio de illis, qui ab initio Hæresiar- chis fidem dederunt; absque dubio enim in hoc peccarunt, quia privatorum hominum doctrinas communibus Ecclesiæ dogmatibus prætulerunt, cum tamen lumen ostendens id esse illicitum haud defuerit. Quòd si loquamur de iis, qui in hære-

Pagani in suis absurdis blasphemis nunquam excusantur, quando excusantur id fuit.

seducati fuerunt, error purè materialis ac prorsus invincibilis non rarò in illis, maximè in idiotis, reperitur. Hi ergo, & alii omnes, qui ex aliorum falsa directione errant, per accidens excusantur, si invincibiliter errent, seu quod idem est, si ex persuasione certò prudenti atque probabili absque obligatione ulterioris inquisitionis

conscientiam formant. Quæ omnia adeo clara, & rationi consentanea sunt, ut mirum sit, Celladeum res tam perspicuas tam indigesta oratione proponere potuisse, ac existimasse, tam apertam fallitatem ex rebus tam perspicuis deduci.

QUÆSTIO DECIMA- QUARTA.

Vtrum benigna sententia cuilibet auctori gravi auctoritatem tribuat, Romani Pontificis aut Concilii generalis auctoritati æqualem?

Celladeus declarat, se velle in arguendo nos imitari.

I. MIRABILIS, ni fallor, primo aspectu videbitur titulus iste, ab omni veritatis specie alienus. Verùm magis miranda apparebunt in decursu quæstionis, quam ideo instituo, quia Celladeus lib. 1. quæst. 7. fusè prosequitur hoc argumentum, atque nostra, ut ait, arte ad nos invadendum utitur. Nos, ad probandum usum opinionis minùs tutæ esse licitum, inter reliqua observamus, Pontifices Romanos, in rebus summi momenti ac in Ecclesiæ regimine, frequenter in praxi sequutos esse partem minùs tutam contra tutiorem probabilem, aut etiam probabiliorem. Quo argumento Celladeus nos magnum sententiæ rigidæ odium constasse fatetur. Quocirca eadem arte uti statuit, ideoque contendit probare, benignam sententiam eo titulo absurdam esse & falsam, quòd cuivis Auctori gravi tribuat auctoritatem, Summi Pontificis & Concilii generalis auctoritati æqualem, immo & majorem. Plurimum autem tribuit huic paradoxo, quod non ideo excutiendum censeo, quia ullam difficultatem habeat (ex hoc enim capite tota quæstio omitti potuisset) sed quia similia paradoxa imperitos non parùm movere solent, nisi excutiantur, & dissolvantur. Sit ergo,

ASSERTIO PRIMA.

Celladeus hand peritum artis nobis ab ipso tributa, seu argumenti à Romanorum Pontificum exemplis deducti imitatorum se ostendit.

Imperitos nos imitatur.

2. PROBATUR. Ars nostra, seu potius argumentum nostrum in eo consistit, quòd ex certis historiis, atque testimoniis indubitatis probemus, Summos Ecclesiæ Pastores, Sanctitatis ac prudentiæ laude conspicuos, non semel aut iterum, sed frequenter sequutos esse benignam sententiam, idque in rebus summi momenti, ad publicam Ecclesiæ administrationem spectantibus. Nec tamen quisquam audet os in cælum ponere, eosque peccati condemnare. Unde efficaciter inferimus, idem quoque nobis

ac omnibus in rebus minoris momenti licere. Argumentum hoc fusè à me tractatum est quæst. 22. de Conscientia prob. à num. 183. ad 200. & à num. 227. usque ad finem quæst. Ubi efficaciter rejeci quidquid ad talia exempla enervanda adversarii congegnerant. Præterea hîc etiam quæst. 8. idem argumentum prosecutus sum, praxique Romanorum Pontificum, eorundem doctrinam ac decreta addidi, ex quibus benigna sententia validissimè confirmatur. Jam ut Celladeus artem hanc, seu hunc arguendi modum congruè imitaretur, debuisset certissima Romanorum Pontificum exempla aut decreta asserere, ex quibus constaret, usum partis minùs tutæ, cûs probabiliter licitæ, esse peccaminosum, atque ab ipsis habitum pro peccaminoso. Secundò debuisset exempla à nobis allata, atque argumentum in illis fundatum distinctè examinare, atque illius nullitatem, si posset, ostendere. Verùm nil horum præstitit Celladeus, sed pro exemplis indubitatis attulit illationes, nescio quas, absque sufficienti motivo excogitatas; pro serio autem tantæ rei examine uno levi verbo, ut mox ostendam, argumentum eludere & exsufflare conatus est. Ergo incongruè artem nostram, seu nostrum ex hoc capite arguendi modum imitatus est, seu potius nullo modo est imitatus.

ASSERTIO II.

Responsio Celladei ad argumentum, à Summorum Pontificum exemplis desumptum, est prorsus insufficiens.

3. PROBATUR. Ad argumentum illud, prope initium quæst. 7. respondet hoc modo. Nos factum negabimus, & dabimus eos usos esse opinionibus speculative quidem minùs probabilibus, non autem practicè: practica autem probabilitas ex circumstantiis publicis & privatis constat, quas novimus atque Romani Pontifices dispensantes, & quæ nos Theologos sape latent: ideo absurdum potius est similia ad tribunal nostrum vocare, & sententiam pronunciare. Hæc ille, nec verbum amplius pro responsione attulit. Porro responsio ista ex omni parte deficit. Inprimis, negare factum est negare Pontifices

Pontifices ejusmodi dispensationes concessisse. At ex certis & indubitatis historiis & auctoritatibus moraliter certum est, ejusmodi dispensationes in causis incertis & utrimque probabilibus frequenter fuisse factas: Ergo factum absque ullo fundamento, immo contra moralem certitudinem perperam negatur. Nec dicat, se solum negare, eos sequutos esse opinionem minùs probabilem; quia hic & nunc parum nostrâ interest, an opinio, quam sequuti sunt, fuerit minùs vel æquè probabilis, aut probabilior opposita, quia quodvis istorum ex æquo contrariatur Celladeo, totamque illius fabricam evertit. Præterea, qui legerit quæ attuli *quæst. 22. de Consc. prob.* videbit, Pontifices sæpe sequutos esse opiniones, aut solum æquè, aut etiam minùs probabiles, adeo ut factum negari meritò non possit.

Dispensationes erant contra opinionem practicè probabilem.

4. Secundò. Maxima pars dispensationum, de quibus nunc agitur, facta est in rebus, de quibus controvertebatur, & etiamnum ab integris celeberrimisque scholis controvertitur, an Potestas Pontificia in ullo casu extendatur ad validè dispensandum in illis. Ergo nullæ aderunt circumstantiæ, siue privatæ siue publicæ, quæ potuerunt reddere Pontifices moraliter certos, se validè dispensasse, & subditos à periculo peccati materialis sua dispensatione exemptos. Ergo in talibus materiis frustra & abs re recurritur ad varietatem circumstantiarum, quæ in aliis materiis efficere potest, ut quod malum est in his, in illis circumstantiis non sit malum, sed bonum.

Erant in materia circa quæ probabilitas speculativa non differt à practica.

5. Tertiò. Dispensationes istæ factæ sunt circa materiam, in qua probabilitas speculativa à practica separari nequit. Probabilitas enim practica illa est, quæ probabiliter enunciat de honestate operis. At certum est, Pontifices dispensasse circa multa, de quibus, omnibus inspectis, probabile erat dispensationem ipsam fuisse nullam, atque etiam rem per dispensationem obtentam, non obstante dispensatione, fuisse peccatum, legi naturali aut divinæ positivæ contrarium. Ergo certum est, exempla à nobis allata versata esse circa res & opiniones practicè probabiles.

Pontifices non habuerunt circumstantias & rationes privatas aliis ignotas.

6. Quartò. Ex eisdem historiis indubitatis constat, Pontifices totam rem cum suis circumstantiis Theologis ac Consultoribus proposuisse, ac tandem dispensationem indulgisse, quamvis aliqui gravissimi reclamarent. Et sanè absurdum est existimare, Pontifices Consultoribus omnes circumstantias non proposuisse, sed aliquas sibi retinuisse, ex quibus ad operandum dirigerentur; tunc enim frustra alios consultuissent; non enim petissent consilium de iis, quæ facturi erant, quia facturi erant ea in aliis circumstantiis, per quas tota operis moralitas prorsus alteranda erat. Ergo certum est, omnes circumstantias ad rem pertinentes fuisse propositas, quamvis nos jam ignoremus, quænam illæ fuerint. Ergo certum est, Pontifices toties sequutos esse partem minùs tutam, contra tutiorem probabilem, quoties plures ex gravissimis Consultoribus reclamabant. At certum pariter est, plures ex Consultoribus sæpe reclamasse, immo notorium est aliquando non unum vel alterum ex Consultoribus, sed communem scholasticorum opinionem, integrasque scholas Sanctitatis ac doctrinæ laude maxime conspicuas damnare tales dispensationes ut invalidas, & à fortiori in directa consideratione ut illicitas. Ergo certum est, argumentum non solum

R. P. A. Terilli Regula morum. Pars I.

vi dicendo, circumstantias variatas fuisse, & opinionem, contra quam Pontifices dispensaverunt, fuisse solum speculativè probabilem, aut probabiliorem illa, quam sequuti sunt. Demum Adrianus VI. dispensavit contra propriam opinionem dictantem, opus illud nec posse nec debere fieri. Ergo sequutus est opinionem contra aliam practicè probabiliorem. Sed & declaratio Urbani VIII. expressè favet opinioni æquè ac minùs probabili, ut patet.

7. Quintò demum, nos non vocamus facta ista ad nostrum tribunal, ut de illis iudicium feramus; sed ex certis historiis, ex indubitatis Doctorum sententiis, atque ex prudenti usitatoque procedendi modo, primò observamus quænam à Summis Pontificibus gesta fuerint: deinde supponimus ea legitimè ac licitè facta fuisse, & honoris atque observantiæ in eos causâ, quatenus opus est, id ipsum probamus. Atque ita demum scimus, ulum opinionis probabilis, etsi minus tutæ, esse omnibus licitum, quia extra controversiam id licitum est Romanis Pontificibus in rebus summi momenti, in quibus par aut major difficultas reperitur, quàm in ulla causa ad privatos homines spectante. Ecce responsio Celladei ad nostrum argumentum ex omni parte deficit.

Nos non iudicamus eorum facta, sed supponimus ea esse licita.

ASSERTIO III.

Illatio illa Celladei, quòd scilicet benigna sententia cuiusvis gravi Doctori auctoritatem tribuat, Romani Pontificis & Concilii generalis auctoritati æqualem, est absurda, viris doctissimis injuriosa, & ex obviis principiis aperta falsitatis convincitur.

Assertio: seu illatio Celladei est absurda.

8. **P**ROBATUR. Inprimis, illatio illa est absurda, quæ asserit omnes omnino Ecclesiæ Doctores, in re morali summi momenti, & ad generalem debitè conscientiam formandi modum spectante, per integrum sæculum tam enormiter errasse, ut illorum opinio (verbis ac phrasi Celladei utor) *sequelam tantæ absurditatis continuerit, ut instar montis fauces superantis à nemine devorari possit.* Incredibile enim est, omnes omnino, post diligentissimam materiæ discussionem, quam certum est plurimos eorum adhibuisse, potuisse in opinionem tam absurdam conspirare, quia tanta absurditas non potuisset non se non prodere alicui. At certum est, neminem illorum deformationem illam, aut aliquid illi affine detexisse. Ergo incredibile est, quidquam ejusmodi ex illa sequi. Absurda ergo est præsens illatio, quæ in re tali tantam ignorantiam & oscitantiam universis Ecclesiæ Doctoribus per integrum sæculum attribuit.

9. Deinde, quid injuriosius dici potest contra unanimem omnium omninò per sæculum integrum Ecclesiæ Doctorum opinionem, quàm asserere, unanimem eorum in tali materia sententiam involvere absurda, quæ instar montis immani ab humanis faucibus devorari non possunt? Atqui hanc illis notam difertè inuris, & quod plus est expressè fatetur, se hanc suam illationem non probasse modò, sed etiam demonstrasse. Ergo hæc illius illatio non solum aliquibus viris gravissimis, sed omnibus integri sæculi Doctoribus est injuriosa.

Est viris doctissimis injuriosa.

10. Demum, quòd illatio illa ex obviis principiis apertæ falsitatis convincatur, ex eo patet, quòd

M 2

quoddam benigna sententia aliam viro gravissimo auctoritatem non tribuat, quam quoddam aliquando in rebus incertis, magnam suam industriam tot & tam efficacibus argumentis stabilire possit suam sententiam, ut, omnibus inspectis, illam reddat prudenter credibilem, seu certe probabilem, quamvis illam non demonstret, nec probabilitatem ab opposita auferat. In quo casu, si sententiam ferat de honestate partis minus tutae, dicimus intellectum, non ex illius auctoritate tamquam ex praemissa, sed solum ex principiis universalibus synderesis reflexis, & ex scientia certa reflexa de qualitate seu natura opinionis tali Auctori tribuitur, consurgere posse ad formandum iudicium certum de honestate operationis hic & nunc terminatae ad obiectum, quod Auctor ille tradidit esse licitum, licet honestas materialis operis maneat incerta relatae ad circumstantias directe consideratas, in ordine solum ad quas auctoritas illius Doctoris se extendit. Hoc summum est, quod tali Doctori benigna sententia tribuit. Nec tantum illi, nisi multis cum limitationibus concedit. Unde fieri potest, ut eadem assertio & ab ipso postea revocetur, & ab aliis improbabilitatis ac falsitatis condemnatur; in quo casu nulla amplius aderunt principia synderesis, ex quibus conscientia certificans nos de honestate operationis consurgat, sed e contrario aderunt principia conscientiam gravantia ad talem operationem omittendam. Una verbo omnis Doctor, quantumvis gravis, semper est fallibilis, nec unquam illi certam, sed solum formidolosam fidem praebemus circa ea, quae asserit, nec illi tenemur assensum praebere, quamvis eidem assentire possimus.

Auctoritas
gravi Au-
ctori à no-
bis tributa
quae sit, &
quanta?

Auctoritas
Summi Pon-
tificis & Con-
cilii genera-
lis est altio-
ris ordinis,
quam au-
toritas pri-
vati Docto-
ris.

II. E contrario, nos talem Summis Pontificibus, atque Conciliis generalibus auctoritatem tribuimus, ut illorum decisio non probabilem, sed certam & infallibilem reddat eorum sententiam, ex cuius vi praecise, non per ambages & principia reflexa, sed directe certificamur non solum de honestate formali operationis, sed etiam de honestate materiali operis secundum se. Quae omnia immediate proveniunt ab infallibili auctoritate, quam in illis agnoscimus, cui omnes assentire tenentur. Unde credimus, nec ipsos posse postea suam definitivam sententiam retractare, nec ulli mortalium licere talem definitionem in dubium vocare, aut illam falsitatis arguere. Haec sunt, quae de privati Doctoris, haec quae de Summi Pontificis, Conciliique generalis auctoritate sentimus; eadem autem ab omnibus tamquam principia fixa & indubitata admittuntur. Ex illis autem evidenter sequitur, nos non parem privato Doctori & Summo Pontifici, vel Concilio generali auctoritatem tribuere, sed illam Doctoris privati esse non solum incomparabiliter minorem, verum etiam inferioris ordinis, adeo ut nulla inter illas ratio seu proportio dari possit, plus quam inter lineam & superficiem, aut inter certum & probabile, fallibile ac infallibile. Eadem ratio palam ovincit, illationem Celladei, utpote (audacter dico) evidenter falsam, nulla ratione probabiliter confirmari posse, ideoque rationes, quas ad eam stabilendam Celladeus affert, quatenus illi confirmandae deserviunt, esse improbables. Hoc quomodo in particulari verum sit, ex illarum ponderatione mox apparebit.

SOLVUNTUR OBJECTIONES.

12. **O**BJICIT primo loco Celladeus, & Obiectio mirabilis. hisce verbis arguit. *Quaero an probabilis sit recta regula morum? & a.unt. Quaero rursus, an habita probabilitate formare possim infallibile ac evidens dictamen conscientiae de meo non peccato, & de honestate ac rectitudine mea operationum? & a.unt. Quaero mox: ubi & unde comparare valeam eam probabilitatem? & respondent in dicto, & opinione omnis & cujuslibet gravi Auctoris, vel Theologi gravis. Ex his infero: ergo tanta est auctoritas omnis & cujuslibet Auctoris gravis in doctrinam morum, ut eam sequendo sit prorsus impossibile me peccare, & honeste non agere; quin operer ex infallibili & evidenti dictamine non peccati & rectitudinis. Haec non aliud quam ipsam suam sententiam intulisse videmur. Inferamus modo. Ergo tanta est auctoritas omnis & cujuslibet Auctoris gravis in materiam morum, quanta Romani Pontificis & Concilii generalis. Probatur consequentia, quia ea est & neutriquam major Romani Pontificis & Concilii generalis auctoritas in doctrinam morum, ut sit regula infallibilis recte operandi, & sit impossibile eam sequendo fideles peccare, & non recte agere. Sed hac ipsa est auctoritas omnis & cujuslibet Auctoris gravis. Ergo tanta est huius quanta illorum Auctoritas in materia morum. Ita Celladeus lib. 1. quest. 7. §. 1.*

Respondeo in primis retorquendo argumentum contra Celladeum & omnes. Datur aliqua auctoritas fallibilis, certis circumstantiis septa, cui fidem dantes prudenter agunt, & si errant, invincibiliter errant. De hac auctoritate totum argumentum formari potest, quia taliter credentes habent rectam regulam morum, habent enim dispositionem infallibiliter excusantem à peccato. Porro hoc ipsum fundatur in auctoritate illa fallibili, dictis circumstantiis septa, cui fidem praebuerunt. Ergo illa auctoritas, etsi fallibilis, aequat auctoritatem Romani Pontificis & Concilii generalis in doctrinam morum, quia utraque ex aequo eandem prorsus infallibilem à peccato immunitatem tribuit. Ecce omnes hoc argumento (si tamen argumenti nomen mereatur) aequè urgentur. Ergo nimis probat. Ergo nihil probat.

Retorquetur
argumentum.

13. Deinde sub eisdem prorsus terminis singulariter retorquetur contra Celladeum, qui, quamvis rejiciat probabile, quod consuetum appellat, admittit tamen probabile quoddam, ut vocat, positivum, tamquam sufficientem recte operandi regulam. Porro hoc positivum probabile non est infallibiliter verum, quia est solum probabile. Jam peto, unde habeatur ista probabilitas positiva? quodcumque assignetur, contra illud argumentum, sub eisdem prorsus terminis procedit. Unde si argumentatio sit bona, legitime sequitur, tantam esse vim illius, etsi fallibilis, ad excusandum à peccato, & fundandam actionem bonam, quanta est auctoritas Romani Pontificis & Concilii generalis, quia utraque ex aequo arcet peccatum, & bonitatem ponit. Ecce Celladeus iterum propriis argumentis implicatur; nec illis extricare se poterit, quin eo ipso fateatur, ea nullius ad intentum probandum ponderis esse.

Retorquetur
ad hominem
contra
Celladeum.

14. Respondeo secundo, directe, & in primis dico, sequelam, etsi omnia antecedentia admittantur, non inferri, quia auctoritas infallibilis & certa majorem refundit honestatem in opus, quam incerta & infallibilis, ut expressè ostensum

Datis praemissis, illatio non sequitur.

Ad singula
respondetur.

sum est *quest. 4.* Deinde ad singula Respondeo singillatim. Ad primam interrogationem dico, certam probabilitatem practicam esse sufficientem regulam objectivam remotam ad fundandam conscientiae securitatem, modò intellectus eà utatur, non tamquam præmissâ, sed solùm ut objecto reflexè evidenter cognito, ad formandam propositionem, quæ sit essentialiter minor principii synderesis reflexi, atque ita consurgat ad formandum certum & evidens dictamen de honestate suæ operationis. Probabilitas enim hac solùm ratione est regula certò & evidenter licitè operandi, ut hîc sæpe dictum est, maxime *quest. 2. & suis ostendi quest. 12. 13. & 14. de Conscient. prob.* Quisque aliter de illa sentit, non loquitur juxta sensum tenentium; ultimum conscientiae dictamen debere esse certum & evidens, ut operatio sit honesta.

Ad secundam interrogationem dico, nos, habitâ opinione certò practicè probabili, consurgere quidem posse ad formandum infallibile dictamen de non peccato, immò, de honestate operationis hîc & nunc ponendæ, non autem de veritate objecti, quod sententia probabilis præcisè proponit; illud enim nobis non potest certò innoscere, nisi per auctoritatem vel rationem infallibilem. Cæterum in isto dictamine formando non utimur opinione probabili tamquam præmissâ formali, sed solùm ut objecto reflexè evidenter cognito, ut dictum est, adeo ut nec major nec minor talis syllogismi fundetur in auctoritate talis Auctoris.

Ad tertiam interrogationem fateor, probabilitatem reperiri in dicto ac opinione Auctoris gravis, modò hoc non tam crudè ac universaliter sumatur, ut Celladeus illud proponit, sed accipiat cum limitationibus, quas *quest. 5. & 6. de Conscient. prob.* proposuimus.

Syllogismus certificans nos de honestate operationis non fundatur in auctoritate fallibili, ut in præmissâ.

15. His præmissis, ad primam consequentiam dico, impossibile quidem esse hominem peccare, qui, debitâ diligentia præmissâ, bona fide conscientiam deponit in certò probabili resolutione Doctoris gravis. Ratio est, quia talis homo per novam consultationem consurgit ad formandum dictamen certum & evidens de honestate suæ operationis; ita tamen, ut incertus maneat de honestate materiali operis, quod ponit. Porro in hoc casu hæc certitudo indirectè tantùm, remotè, mereque occasionaliter provenit ab auctoritate talis Auctoris, quia tota certitudo refunditur in præmissas, quarum neutra fundatur in ipsius auctoritate.

Porro ut hæc omnia perspicuè pateant, pono exemplum à Celladeo admissum. Admittit ille auctoritatem S. Ambrosii suffecisse ad tranquilandam conscientiam S. Monicæ, & ad illam in suis dubiis securè dirigendam. Idem dicendum de Cardinali Bellarmino, v. g. qui dum viveret, doctrinæ ac Sanctitatis famâ celeberrimus erat. Ponamus jam (quod haud dubiè sæpius factum est) plures homines cordatos, sed rudes & ignotantes, ab illo jam Cardinali & Archiepiscopo suo petiisse, quid sibi in dubiis suis agendum esset? simulque supponamus, eum in rebus tantùm probabilibus respondisse, partem minùs tutam esse illis licitam. Dico rudem in tali casu posse licitè sequi talem directionem, atque consurgere ad formandum dictamen certum & evidens de non peccato, atque de honestate suæ operationis, non tamen directè propter auctoritatem Bellarmini, sed solum occasionaliter & indirectè, quatenus illius opinio & assertio præbet

R. P. A. Terribi Regula morum. PARS I.

occasionem novæ consultationis; per quam conscientia operantis certificatur, non de materiali honestate operis secundum se, sed solùm de formali honestate operationis hîc & nunc faciendæ. Rudis enim ille hujusmodi syllogismum format, *Deus contentus est ut reges in rebus dubiis sequantur id, quod Episcopi, ipsi dirigendo propositi, docent esse licitum, maxime quando Episcopi illi famâ doctrinæ ac Sanctitatis toto orbe celeberrimi sunt, &c.* Ego sum rudis, & Bellarminus est Episcopus mihi dirigendo propositus, etique vir toto orbe doctrinæ & Sanctitatis famâ celeberrimus. Ergo Deus contentus est, ut in rebus dubiis faciam quod ille à me consultus dicit esse licitum. Sed ille à me consultus in hoc dubio respondit hoc esse licitum. Ergo hîc & nunc licet mihi hoc facere. Hunc aut alium ejusmodi syllogismum format rudis, semper autem utitur præmissis evidentibus, ad quas auctoritas Bellarmini remotè tantùm & occasionaliter concurrat, ut patet; nunquam enim in toto hoc discursu utitur propositione vel opinione Bellarmini ut præmissâ, aut fundatur in ipsius auctoritate tamquam in medio aut ratione, propter quam evidenter assentitur ulli præmissarum, quia benè novit, tales homines fallere posse aut falli in suis judiciis, quamvis credibile prorsus sit, & certò prudenter præsumatur, eum hîc & nunc nec fallere, nec falli. Itaque rudis ille non habet certitudinem de eo quod Bellarminus respondit, seu de materiali honestate operis hîc & nunc à se ponendi.

16. Hinc autem apertè sequitur, secundam illationem seu applicationem argumenti esse nullam, & quod plus est, sequitur consequens esse evidenter falsum, quia Romani Pontificis & Concilii generalis auctoritas tanta est, ut directè & per se certificet nos de materiali honestate objecti secundum se, nosque obliget ad illud credendum, nec ulli licet rem illam ampliùs in dubium revocare. Unde, stante illorum definitione, non per ambages & indirectè consurgimus ad formandam conscientiam certam de honestate formali operationis, cum incertitudine de materiali honestate operis secundum se, sed immediate, directè, & præcisè ex vi auctoritatis illorum formamus certum & infallibile iudicium de absoluta & integra bonitate tam operationis quàm operis. Ergo nulla est proportio inter istas auctoritates, sed illa Romani Pontificis & Concilii generalis est superioris ordinis, & per se influit in dictamen conscientiae tamquam causâ adæquatè & immobiliter eam certificans, eum omnia contrario modo se habeant in auctoritate Auctoris privati.

17. Et sanè peto à Celladeo, utrùm rudis ejusmodi in rebus verè incertis Bellarmini sui Episcopi responsum sequutus, non fuerit securus à peccandi periculo? Si neget, totum mundum bene sentientem sibi contrarium inveniet. Sed & ipse sibi contrariabitur, tum quia concedit, auctoritatem Ambrosii olim ad hoc suffecisse, quo stante, non est cur suo tempore Bellarmini auctoritas ad id ipsum non satisfecerit; tum quia admittit, errorem invincibilem excusare à toto. At si unquam detur error invincibilis, ille datur in casu præsentis, si contingat rudem illum errare. Ergo ille securus est, si erret. Quod si concedat, rudem illum esse securum, peto an inde sequatur, auctoritatem Ambrosii vel Bellarmini æqualem esse auctoritati Romani Pontificis, vel Concilii generalis? Si concedat, ipse devorat montem, quem præ absurditate nimia à nullius faucibus devorari posse jactabat. Si neget, eò ipso argu-

Auctoritas infallibilis fundat præmissas nos certificantes de honestate operationis & operis.

Celladeus proprio argumeto arguetur.

M 3

ment

menti sui nullitatem agnoscit, illudque solvere tenetur.

Infal-
libili-
tas necesse-
ria est Sum-
mo Pontifi-
ci.

18. Obiecit secundò. Assistentia Spiritus sancti & infallibilitas non errandi necessaria est Romano Pontifici, quia sine illis gregi pascendo non sufficeret; si enim erraret, oves periclitarentur. At privatus Doctor, etiam quando errat, homines ejus dicto adherentes tam tuto dirigit ad salutem, quam Papa; quia ejus resolutio, æquæ ac Papæ definitio, sufficit ad fundandum judicium infallibile de honestate operationis. Ecce auctoritas privati Doctoris, si benigna sententia vera sit, non solum æquat, sed ex eo cognoscitur excedere auctoritatem Romani Pontificis, quod Papa, si per impossibile erraret, suam omitteret auctoritatem, cum privatus Auctor suam ex æquo conservet, etiam quando in probabilibus errat.

Respondeo, infallibilitatem necessariam esse Ecclesiæ, ejusque Summo Pastori ad gregem fide certa pascendum; fides enim Theologica certissima est & infallibilis. Si ergo Ecclesia & Pontifex errare possent, fideles periclitarentur, & ubique in fide hæsitarent; imò nil certa fide crederent, quia nullus est fidei articulus, circa quem plures errores exorti non sint. Jam si Ecclesia errores illos damnans errare posset, nullam haberemus regulam certam ad errores à veritate discernendos, & consequenter nil præter confusionem, ac opinionum dissensionem in Christianismo vigeret.

Infal-
libili-
tas absolute
non requi-
ritur ad o-
ves Christi
pascendas.

Quod si sermo sit de pascendo grege, non per fidem, infallibilitas ad pascendum non requiritur, quia haud dubiè Prælati ac Parochi greges suos pascunt, quamvis non sint infallibiles. Ad id quod additur de comparatione privati Doctoris & Papæ, jam abundè responsum est in dictis ad primum. Quod autem privatus Doctor auctoritatem non perdat, si erret, Summus autem Pontifex perderet suam, si erraret, non probat auctoritatem privati Doctoris esse majorem auctoritate Pontificis, ad quod tamen probandum assumitur, sed evidenter convincit oppositum. Ideo enim Pontifex suam perderet, si erraret, quia evaderet fallibilis, cum supponatur esse infallibilis; sicut etiam Deus in eadem hypothese suam auctoritatem amitteret, quia fallibilis evaderet, cum sit infinitè infallibilis, & consequenter infinitè excedat auctoritatem hominis privati, qui falli potest, quicquid ideo non perdit exiguam suam auctoritatem, quando fallitur, quia deceptio post diligens veritatis examen nec directè nec indirectè arguit diminutionem auctoritatis in eo, qui omni diligentia adhibitâ errare potest. In eo ergo erravit Celladeus, quod magnitudinem auctoritatis confuderit cum extensione ejusdem ad plures modos affirmandi hæc vel illa objecta, cum tamen toto cælo discrepent. Magnitudo auctoritatis ex eo solum metienda est, quod impediatur error in cognoscendo, & deceptio in loquendo. Ergo infallibilis auctoritas Dei & Ecclesiæ est incomparabiliter major auctoritate privati auctoris, cum Deus & Ecclesia nec falli possint in cognoscendo, nec fallere in dicendo; privatus autem Doctor & fallere potest, & falli. Ecce quàm incongrua & inconsequenter dicta sunt, quæ Celladeus arbitratur esse insolubilia, & maximè connexa.

Ratio Cel-
ladei incon-
grua.

Æquivoca-
tio Celladei.

Obiectio.

19. Obiecit tertio. Illa sunt æqualia ad aliquem effectum, quæ sunt æqualiter potentia ad illum. Sed auctoritas privati Doctoris, & auctoritas Romani Pontificis sunt æqualiter poten-

tes circa infallibilem conscientiarum directionem, quia utraque omnem peccati malitiam infallibiliter aufert, & fundat actionem honestam. Ergo auctoritates illæ sunt æquales in ordine ad conscientiarum directionem. Ita Celladeus §. 2.

Respondeo, minorem esse evidenter falsam, ut constat tam ex probationibus assertionum, quam ex dictis ad primum.

Solutio.

20. Obiecit quarto. Romani Pontificis indefectibilitas in doctrina morum probat, indefectibilitatem & infallibilitatem vitandi culpam & rectè operandi non posse subsistere sine ipsa Pontificis indefectibilitate. Si enim indefectibilitas vitandi peccati & honestè operandi subsistere posset cum defectibilitate doctrinæ, non esset cur indefectibilitas in doctrina morum Ecclesiæ tribueretur. Ergo nulla auctoritas fallibilis est infallibilis doctrina morum, immo undique chymericum est, indefectibilitatem rectitudinis morum haberi sine indefectibili veritate. Ita Celladeus §. 2.

Obiectio 4.

Respondeo primò, Celladeum hoc loco inconsequenter discurrere, sibi quæ contradicere. In primis fatetur, errorem invincibilem penitus excusare. Deinde contendit, probabile suum positivum sufficere ad mores rectè dirigendos. Jam qui ex errore invincibili, aut probabili positivo operantur, utique operantur ex dispositione, quæ infallibiliter excludit peccatum: nec tamen ex infallibili ac indefectibili veritate diriguntur. Ergo ex mente, & opinione Celladei, infallibilitas vitandi culpam & rectè agendi in aliquo opere haud dubiè subsistit sine infallibilitate ac indefectibilitate doctrinæ. Nec hoc chymericum est, sed necessarium. Ecce Celladeus sibi contradicit, & proprium argumentum solvere tenetur.

Celladei
contradictio.

21. Respondeo secundò, indefectibilitatem in doctrina morum sumi posse dupliciter; primò directè pro doctrina, quæ talis est, ut eâ semel positâ, hoc ipso certi simus, doctrinam illam deicere, alterari, aut ab alia doctrina superari non posse. Pro tali doctrina necesse est, illam esse vel evidenter veram, vel ab infallibili auctoritate traditam; his enim deficientibus, repugnat doctrinam illam esse indefectibilem, certam, & infallibilem. Secundò, indefectibilitas doctrinæ morum sumi potest reflexè, quatenus considerat integram aliquam dispositionem, in mente operantis per accidens conflatam, & enunciat actum à tali dispositione regulatum nullâ peccati malitiâ inquinari posse. Hæc propositio, si vera sit, est utique indefectibiliter vera, quia est propositio æternæ & indefectibilis veritatis. Pro prima indefectibilitate doctrinæ morum, ubi evidentia veritatis deest, necessaria est infallibilitas magistri docentis, quid inalterabiliter ac certò habendum sit pro vero & honesto. At pro secunda non item, quia postquam fallibilis auctoritas certò probabiliter enunciat aliquid esse honestum, consurgit conflatum dispositionum in mente, de quo ipsa ratio infallibiliter dicat, quod certò sufficiat ad excludendum peccatum. Itaque hæc infallibilitas non peccandi non habetur ex vi auctoritatis privatz & fallibilis, sed solum ex doctrina reflexa, quæ considerat fallibilem illam resolutionem, illiusque qualitatem in ratione objecti, illique addit principium generale synderesis, ex quibus infallibiliter deducit, quod opus in hisce circumstantiis sit licitum. Quæ omnia constant ex allato exemplo, & rationibus, quas attulimus. Porro quamvis

Indefecti-
bilis in
doctrina
morum est
duplex.

quantvis doctrina hæc reflexa sit indefectibiliter vera, quamdiu locum habet, seu quamdiu obiectum illius invariaturum existit, simpliciter tamen nec est, nec reputatur indefectibilis pro praxi, quia quoties fallibilis resolutio mutatur, & ex probabili fit improbabilis (quod fieri potest, & nonnunquam evenit) toties tollitur obiectum hujus doctrinæ reflexæ, & per consequens ipsa doctrina reflexa deficit, quia qualitas doctrinæ directæ, id est proprium ipsius obiectum, amplius non existit.

Causæ, ob quas supremus Pastor debuit esse infallibilis, recedunt.

22. Neque hinc sequitur, infallibilitatem Summi Pastoris non fuisse necessariam. Inprimis necessaria fuit, ne in rebus necessariis necessitate mediæ erraremus, quia in illis nullus error excusatur à damno, quod inevitabiliter sequitur ex mediæ omissione, quamvis error, si sit invincibilis, à novo peccato ob mediæ omissionem alioquin contrahendo excuset. Secundò necessaria fuit ad uniformitatem fidei in credentibus, quia; illà ablata, nulla esse posset concordia in doctrina, ut patet. Terriò necessaria fuit, ut lites in materia fidei & morum terminari possent. Quartò necessaria fuit, ut certi essemus, omnia ab Ecclesia præcepta esse directè honesta, & per se Deo placenta, de quo titulo mox plura dicenda erunt. Congruum enim erat fideles certificari per Ecclesiam, se non solum per accidens & indirectè, sed directè & per se, id est, & materialiter & formaliter Deo placere in iis, quæ Ecclesia ordinat aut præcipit. Quintò demum fuit necessaria ad præstantiam & dignitatem Ecclesiæ, utpote quæ in hoc aliis omnibus sectis præstare debuit, quod habeat infallibilem regulam dignoscendi, quid directè & per se faciendum sit, quidque credendum ad salutem obtinendam.

Bellarminus rectè probat Papæ esse infallibilem.

23. Verùm, contrà hoc modo instat Celladeus: Bellarminus lib. 4. de Rom. Pontifice cap. 3. ex eo probat, Summum Pontificem in decretis morum errare non posse, quia si erraret, tota Ecclesia graviter laderetur, & erraret in rebus necessariis, quod est contra promissionem Domini, Ioan. 16. cum venerit ille Spiritus veritatis, docebit vos omnem veritatem. Quod intelligitur ut minimum de veritate necessaria ad salutem. Secundò, quia tunc Deus deesset Ecclesiæ suæ in necessariis, quandoquidem præcepit illi, ut sequeretur Pontificem, & Pontificem permittit errare in necessariis. At certè si Deus nulli rei deesset in necessariis, quantò minus Ecclesiæ suæ? Quod autem non possit Pontifex errare in moribus per se bonis vel malis, probatur, nam tunc Ecclesiæ non posset verè dici sancta, ut in Symbolo Apostolorum vocatur. Nam sancta potissimum dicitur ob sanctam professionem, quia legem & professionem sanctam proficitur, quæ nihil docet falsum, nihil præcipit malum. Secundò, quia tunc necessariò erraret etiam circa fidem. Nam fides Catholica docet omnem virtutem esse bonam, & omne vitium esse malum. Rationes istæ, quibus Bellarminus aliique probant infallibilitatem Romani Pontificis, supponunt indefectibilem honestæ operationis doctrinam absque indefectibili veritate non posse subsistere. Et sanè rationes istæ nil probarent, si opinio probabilis, etiam falsa, & peccatum arceret, & actionem Deo gratam redderet; tunc enim sufficeret, si Pontifex instar privati Auctoris gravis per probabilia nos dirigeret, sic enim tam sanctè operaremur, ac si infallibili veritate nos dirigeret. Ergo quamvis non esset infallibilis, nil sanctitatis ab Ecclesia tolleretur, quia nec peccatum adderetur, nec meritum minueretur, sed oves rectissimâ viâ ac do-

ctrinâ tutâ ad Cælum ducerentur. Ergo rationes, quibus Pontificis infallibilitas stabilitur, nil valent. At illæ valent, & independenter ab ista controversia ab omnibus admittuntur ut legitime. Ergo falsa est benigna sententia.

Respondeo inprimis, argumentum nimis probare, quia probat, omnem actionem esse peccaminosam, quæ ab infallibili ac indefectibili veritate non regulatur. At hoc est falsum, quia omnes fatentur, errorem invincibilem infallibiliter à peccato excusare. Itaque Celladeus ipse tenetur argumentum solvere, quia admittit aliquod iudicium falsum infallibiliter malum arcere. Nec obstat, quod tenent talem actum non esse bonum, tum quia in hoc ipso errat, ut ostensum est *quæst. 3.* tum quia argumentum æquè procedit contra regulam certò liberantem à peccato, ac contra regulam certò inducentem laudabilitatem; nam non est ratio, cur indefectibilis ac infallibilis veritas potius requiratur ad unum, quàm ad alterum. Deinde respondeo, Sanctitatem ac honestatem majorem tribui à cognitione certæ ac infallibili, quàm à fallibili ac erronea, ut ostensum est *quæst. 4.* Quamvis Celladeus absque ulla probatione contrarium obtrudat, quasi à nobis indubitanter admissum.

Objectiones torquetur contra Celladeum.

Cæterùm admitto indefectibilem honestæ operationis doctrinam absque indefectibili veritate non posse subsistere; sed hoc ad præsentem quæstionem nil facit, ut constat ex dictis ad priorem partem objectionis.

24. Demum respondeo, Celladeum abuti Bellarmini auctoritate, quia Bellarminus hoc loco, antequam probationes illas afferret, aperte explicat suam mentem, & primò dicit, Pontificem errare non posse in decretis fidei, neque in præceptis morum, quæ toti Ecclesiæ præscribuntur. Sed mox subiungit, quia in præceptis & iudiciis particularibus non est absurdum Pontificem errare, & remittit se ad priora, in quibus dixerat, res particulares esse illas, quæ ad paucos pertinent, quales fere sunt omnes controversiæ facti, ut an talis sit promovendus ad Episcopatum, an jure fuerit promotus? an sit deponendus? Tum ait, Pontificem, etiam ut Pontificem, cum suo cetero Consiliatorio, vel cum generali Concilio, errare posse in controversiis facti particularibus, quæ ex informatione, testimoniisq; hominum præcipuè pendent. Demum addit, Catholicos omnes in eo convenire, Pontificem solum, vel cum suo particulari Concilio aliquid in re dubia statuentem, sive errare possit, sive non, esse ab omnibus fidelibus obedienter audiendum. Ecce omnes Catholici unâ cum Bellarmino aperte agnoscunt regulam benè & honestè operandi, interposita determinatione Pontificis, præcendendo ab ea quæstione, an possit, vel non possit errare. Et tamen Bellarminus à Celladeo citatur, ut ex illius communiqué Ecclesiæ doctrina inferamus, nullam esse posse regulam honestæ operationis, nisi habeatur infallibilis ac indefectibilis veritas. Si hoc non sit abuti Auctorum doctrinâ, nemo dixerit, quid sit illâ abuti. Quæ enim major abusio, quàm eò doctrinam detorquere, ut ex illa inferas contradictorium ejus, quod Auctor ipse expressè fatetur esse suum, omniumque Catholicorum sensum.

Celladei testimonio Bellarmini abutitur.

Omnis tenent infallibilitatem non esse necessariam ad benè operandum.

25. Cæterùm juvat hunc Bellarmini locum penitus introspicere. Bellarminus ergo postquam dixerat, Pontificem in decretis fidei morumque præceptis, toti Ecclesiæ præscriptis, errare non posse, hæc subiungit. *Ad idem secundò, non posse errare Pontificem in præceptis, quæ in rebus necessariis*

Pontifex in omnibus omnino non est infallibilis.

cessarii ad salutem, vel per se bonis vel malis versantur, quia non est erroneum dicere, Pontificem in aliis legibus posse errare, nimirum superfluum legem condendo, vel minus discretam. Etc. Ac ut rem totam exemplis declaremus, Pontifex errare non potest precipiendo aliquod vitium, ut usuram, vel prohibendo virtutem, ut restitutionem, quia hac sunt per se bona vel mala. Nec errare potest precipiendo aliquid contra salutem, ut circumcisionem, vel prohibendo aliquid necessarium ad salutem, ut baptismum. Tum ait, absurdum non esse, si dicamus fieri posse, ut erret precipiendo inutilia, vel sub pena nimis gravi. Detum hanc subiungit. *Quamquam non est subditorum de hac re dubitare, sed simpliciter obedire.* His præmissis pro explicatione suæ sententiæ, ejus probationem aggreditur verbis à Celladeo citatis, in quibus nulla est difficultas, si sermo sit de rebus ad salutem necessariis; quia apertè convincunt, infallibilitatem fuisse necessariam, ne Deus Ecclesiæ suæ deesset in necessariis. Neque probabilitas erroris quidquam juvaret ad finem obtinendum, quamvis à novo peccato excusaret.

Probabilitas doctrinæ non sufficit ut Ecclesia dicatur Sancta, ut vocatur in Symbolo.

26. Difficultas ergo, si quæ est, latet in altera parte, in qua Bellarminus probat, Pontificem errare non posse in rebus per se bonis, aut malis, quia tunc Ecclesia dici non posset Sancta, ut vocatur in Symbolo Apostolorum, eò quòd nil falsum doceat, nil malum præcipiat. Respondeo, hæc esse verissima, quia si Ecclesia in his erraret, verè non esset Sancta in sensu Symboli, à quo vocatur Sancta, quia proficitur legem Sanctam, quæ nil docet falsum, nil per se malum præcipit. Jam certum est, errorem probabilem non sufficere, ut Ecclesia dicatur Sancta in hoc sensu, quia error ejusmodi facillè detegeretur, cum malitia eorum, quæ sunt intrinsecè mala, vix quemquam lateat. Ergo Ecclesia eo ipso convinceretur non esse Ecclesia Dei, nec ab illo dirigi, utpote quæ in rebus ejusmodi erraret, præcipiendo ea, quæ lumen rationis naturalis rectè concludit esse intrinsecè mala, aut è contra verando, quæ ratio convincit esse optima. Profectò si Ecclesia talia præciperet, aut prohiberet talia, non mereretur vocari singulariter Sancta propter legem, quam proficitur, cum lex illa turpia præciperet, & prohiberet Sancta. Præterea post turpitudinem detectam Ecclesia teneretur priora præcepta ut erronea & turpia revocare, aut certè peccaminosè in turpi doctrina continuanda procederet. At utrumque repugnat cum Sanctitate, quam proficitur, quæque illi à Symbolo tribuitur. Itaque titulus ille efficaciter probat, Summum Pontificem in morum doctrina tradenda esse infallibilem, & non posse ne quidem materialiter in illa errare. Quod verum est, tametsi fidelium opera, ex errore invincibili orta, non solum sint mali morales expertia, sed etiam honestatem contineant. Undè perperam infertur, rationes Bellarmi nil valituras, si semel concedatur, opus ex errore invincibili, non solum non esse malum, sed etiam bonum.

Celladeus equivocat & confundit omnia Sancta sub una significatione.

27. Error Celladei in eo vertitur, quòd ex æquivocatione satis obvia confuderit nomen Sanctam, prout applicatur Ecclesiæ in Symbolo, cum eodem nomine, prout applicatur cuivis operi honesto, cum duæ illæ significationes plurimum inter se discrepent. Pontifex ergo, prout est Summus Pastor Ecclesiæ sanctæ, postulat infallibilitatem in doctrina morum, quamvis etsi non esset infallibilis, posset nos tutò dirigere per opinionem probabilem, sive veram, sive invincibiliter erroneam. Verùm tunc nos non dirigeret

prout Summus Pastor Ecclesiæ illius, quæ in sensu Symboli meritiò vocatur Sancta, sed alio modo inferiori, sicut Pastores inferiores greges suos pascunt, quamvis sint fallibiles.

SOLVITUR OBJECTIO V.

Ubi agitur de fine scientiæ moralis.

28. **O**BJECIT quindò, scientia moralis respicit actionem seu opus, quòd dirigit, ut finem. In hoc omnes cum Aristotele & Ethicis conveniunt. Ergo scientia moralis non est propter scire, sed propter agere, & totus illius finis est rectitudo morum. Nec mirum; oportuit enim dari scientias practicas, quæ ad voluntatem, quæ de se cæca est, perficiendam ordinarentur, sicut dantur scientiæ speculativæ, quæ intellectui perficiendo deserviunt. Jam finis est mensura mediorum, quæ sunt ad finem; quia tota mediorum perfectio ex conducibilitate ad finem desumitur. Itaque cum scientia moralis sit propter rectos mores, utique omnis propria perfectio talis scientiæ est propter bonos mores. Ergo infallibilitas doctrinæ morum, utpotè maxima talis doctrinæ perfectio, alium finem non habet, quàm ut infallibiliter dirigat ad bonos mores, & his mediantibus ad salutem æternam. Ergo ubi non est infallibilitas in doctrina, non potest haberi infallibilis morum directio; alioquin nec veritas falsitati, nec infallibilitas fallibilitati præstaret, quia fallibilis & falsa cognitio tam infallibiliter dirigeret ad bonos mores, quàm cognitio vera & infallibilis; tota enim perfectio mediorum taxatur per finem, ut dictum est. At certum est, cognitionem veram & infallibilem præstare falsæ ac fallibili. Ergo quando dirigimur per cognitionem fallibilem, impossibile est nos infallibiliter bene operari. Ruit ergo tota securitas & infallibilitas bonæ operationis, quam benigna sententia spondet. Ita Celladeus §. 3.

Respondeo primò argumentum eò tendere, ut probet nullam operationem bonam elici posse dependentem à directione falsa aut fallibili; nisi enim hoc probet, nil probat. At hoc est falsum in omnium sententia, quia error invincibilis excusat à toto, & fundat opus bonum. Præterea probabile positivum Celladei fundat operationem honestam, & quidem infallibiliter, saltem ex parte objecti, & quoad se. Ergo argumentum nimis probat, & præterea ab ipso Celladeo solvendum est.

29. Respondeo secundò, media esse in duplici differentia; alia sunt purè media, nec aliam appetibilitatem habent, quàm à conducibilitate ad finem. Sic secari pro calculo è vesica extrahendo est purum medium, quia nullam habet appetibilitatem nisi in ordine ad finem, cui subordinatur. Alia sunt quidem utilia ad finem aliquem, non tamen sunt purè media, quia habent appetibilitatem independentem à conducibilitate ad finem, cui obtinendo deserviunt. Sic de facto Mysterium Incarnationis fuit medium ad reparationem humani generis, sed non est purum medium respectu illius, quia habet amabilitatem independentem à tali ejus ordinatione. Jam Celladeus confundit hæc duo media, & omni medio tribuit id, quod soli puro medio convenit. Quamvis enim scientia moralis ordinetur ad opus bonum, non tamen est purum medium, sed habet appetibilitatem aliam, quatenus perficit intellectum. Itaque opus bonum est quidem finis scientiæ

Quis sit finis scientiæ moralis?

Argumentum retorquetur.

Medium est duplex, aliud purum medium, aliud per se appetibile.

Celladeus confundit medium purum & medium per se appetibile.

scientiæ moralis, sed certè non est unicus illius finis. Ratio est perspicua. Omnis scientia est proprius actus intellectûs: ergo non potest non eò tendere, ut propriam potentiam perficiat. Præterea, omne verum est finis & objectum intellectûs. Ergo & verum morale. Tertiò, cognitio moralis certa & evidens melior est intellectu, quàm falsa aut fallibilis. Ergo cognitio moralis promovet bonum intellectûs. Ergo finis talis cognitionis est etiam perficere intellectum. Et sanè multi appetunt hanc perfectionem, absque eo quodd scientias morales ad opus ordinent. Sic plures discunt præcepta œconomiz, aut etiam politicæ, qui tamen nec domesticis nec politicis rebus curandis animum adjiciunt, immò qui decreverunt omnibus ejusmodi rebus ac spebus se spoliare. Itaque ut pressius ac exactius loquamur, dicendum est, finem intrinsecum scientiæ practicæ esse perficere intellectum, opus autem esse finem extrinsecum ejusdem, ad quem tamen essentialiter ordinatur. Ex hac indubitata doctrina de fine scientiæ practicæ, discursus Celladei ruit, quia non sequitur, cognitionem infallibilem non præstare fallibili, quamvis utraque infallibiliter dirigat opus bonum, quia adhuc cognitio infallibilis prævalet, quia magis perficit intellectum, & ideo præzeligenda est. Ex alio etiam capite ruit illius discursus, quia respectu præcisè habito ad finem voluntatis, cognitio infallibilis prævalet, quia majorem honestatem fundat, quàm cognitio fallibilis, ut ostensum est *quest. 4.*

Finis intrinsecus scientiæ practicæ est perficere intellectum. Finis intrinsecus est opus.

Duo errores Celladei.

30. Ex his duo Celladei errores deteguntur. Primus est, quodd dicat finem scientiæ moralis non esse scire, sed solùm agere; quia utrumque est finis, sed in diverso genere, ut dictum est. Secundus, & minùs ferendus error est, quodd dicat, errorem in re morali non fore malum intellectûs, si regularet opus bonum; quia intellectûs, ut cognoscens res morales, non est propter se, sed propter mores. Ergo si mores sint recti, non obstante errore, error ille non erit malum intellectûs ut cognoscentis res morales. Ergo si intellectûs falsò cognoscens æquè confert ad rectos mores, æquè bonus existet, nec à fine suo deviat. Minùs, inquam, ferendus est hic error, quia ex falso principio per falsas ac malas deductiones magis à vero recedit. Fallitur in principio, ut dictum est, quia veritas est indispensable finis intellectûs, quippe qui non potest ferri nisi ad verum. Sed fallitur etiam in deductionibus, quia loquendo de errore, ille non æquè confert ad bonos mores, sicut cognitio certa & evidens, tum quia non directè & per se, sed solùm indirectè & per accidens ad illos confert: tum, quia non immobiliter ad eos dirigit; honestas enim talium operum eidem mutationi subest, cui subiacet cognitio, à qua diriguntur: tum quia errare, etiam contra intentionem, semper est nota aliqua; idque verum est tam respectu voluntatis quàm intellectûs, quia per errorem semper recedimus à fine, quem per se intendimus, ideoque in defectum intenti principalis utimur medio minùs bono, & solùm appetibili per accidens: tum demum quia cognitio certa majorem honestatem refundit in actum, quem regulat, quàm incerta, ut ex professo probatum est *quest. 4.*

Finis scientiæ moralis probat bonam sententiam.

31. Respondeo tertiò, sententiam benignam efficacissimè stabiliri ex hoc ipso principio, quo Celladeus illam everti arbitratur. Sic enim arguo. Scientia moralis est propter agere. Ergo utilis est ad opus, & ad mores dirigendos. At adeo

certum est, scientiam moralem in plurimis esse incertam, ut Aristoteles ipse, omnesque alii post ipsum expressè doceant, non minùs absurdum esse demonstrationes exigere in moralibus, quàm in mathematicis meris conjecturis acquiescere. Ergo in moralibus sæpe non possumus habere nisi cognitiones incertas. Ergo quando post diligens examen ventum est ad aliquam cognitionem incertam, sed prudentem & rationabilem, nec meliorem aut certiore habere possumus, illa utilis est ad suum finem. Ergo utilis est ad mores dirigendos. Ergo qui illam sequitur, non peccat, sed moraliter bene operatur, quia sequitur optimum quod habere potest. Et tamen cognitio illa fallibilis est, & aliquando falsa. Ergo certum est, opus, à cognitione fallibili, & aliquando à falsa directum, esse bonum. Ecce principium hoc efficacissimè favet benignæ sententiæ, nec in ullo apice urget nos, ut partim ex dictis, partim ex mox dicendis constabit; sed urget Celladeum, quia ex mente illius probat, nullum opus, à cognitione fallibili, etiam verà, directum esse honestum, alioquin infallibilitas fallibilitati non præstaret, cum idem finis æquè ab utraque procederet. At Celladeus ipse admittit, opus bonum satis gubernari à cognitione verè probabili, si sit vera, quamvis talis cognitio semper sit fallibilis. Videat ergo in quas inconsequentias, difficultates & contradictiones à propriis principiis inevitabiliter deducatur.

Celladeus proprio argumento refellitur, sibi que contradicit.

32. Respondeo quartò argumentum hoc, etiam admissis omnibus Celladei principiis, nos non impetere, quia fatemur, nullam dari operationem honestam, quæ ab infallibili cognitione morali non dirigatur, ultima enim consultatio, quâ conscientia formatur, semper est certa & infallibilis, ut patet ex allato exemplo, & fusè tradidi *quest. 13. & quest. 19 de Consc. prob.* verùm infallibilitas doctrinæ duplex est, altera directæ, indirectæ altera. Prima nunquam habetur per ullam rationem vel auctoritatem fallibilem; at secunda sæpe fundatur in cognitione directæ fallibili, ut patet ex dictis; & hæc est securitas, quam benigna sententia spondet, quæ certè non ruit, sed potius stabilitur argumentis, quibus Celladeus eam destrui arbitratur.

Omnis operatio honesta dirigatur à cognitione infallibili.

33. Demum eisdem principiis admissis, respondeo & admitto, totum finem extrinsecum scientiæ moralis esse morum rectitudinem, simulque fateor, hunc finem esse mensuram omnium cognitionum moralium, quatenus ordinantur ad opus. Cæterùm rectitudo morum, seu honestas operationis duplex est, alia adæquata, alia inadæquata. Illa constat ex rectitudine materiali & formali simul sumptis, hæc consistit in alterutra tantum istarum rectitudinum. Unde sequitur, finem mensurantem bonitatem cognitionum moralium sub eadem distinctione esse duplicem. Hoc posito, dico cognitiones inæquales ad eundem finem æqualiter non disponere, nam sola cognitio vera dirigit ad honestatem còpletam ex materiali ac formali conflata, sicut & sola cognitio infallibilis ad eam infallibiliter dirigit, infallibilitate scilicet rationali ac vitali, se tenente ex parte directionis ac modi, quo homo operatur; nam sola infallibilitas objectiva & materialis nil facit, cum sine cognitione hominem non afficiat, & stare possit cum malitia morali, casu quo homo putans bonum esse malum adhuc illud poneret. Jam completa hæc honestas ac rectitudo est finis qui, primarius & per se intentus à scientia morali. Huic fini qui addendus est finis etiam quo, ut habeatur adæqua-

Morum rectitudo alia adæquata, alia inadæquata.

Finis ad-
quatus sci-
entiae morali-
s non habe-
tur nisi per
cognitionem
infallibilem.

adæquatus finis scientiæ moralis. Finis autem ille undique completus consistit in honestate completa certò ac infallibiliter amata, seu possessa. Verùm iste finis ab incerta cognitione haberi nequit; cognitio enim fallibilis solum fallibiliter nos dirigit ad opus completè bonum, adeo ut semper formidemus de honestate materiali operis, quamvis falsitas non detegatur, sed opus credatur esse honestum. Hinc operans ex cognitione fallibili minùs perfectè quiescit in suo opere, minusque perfectè illo fruitur, quàm quando ex cognitione certa & infallibili dirigitur. Itaque sola cognitio certa & infallibilis pertingit ad obtinendum finem adæquatum & totalem scientiæ moralis, reliquæ solum afferunt secum finem inadæquatum ejusdem. Ergo cognitio infallibilis fallibili præstat, quamvis fallibilis sæpe fundet certitudinem reflexam de honestate formali operationis. Ratio est duplex: prima, quia infallibilis majorem honestatem inducit, quàm fallibilis. Secunda, quia cognitio infallibilis ducit ad meliorem, nobiliorem, magisque intentum finem, ac ad quietiorem stabilioremque ejusdem possessionem, quàm cognitio fallibilis.

Exempla
incongrua
à Celladeo
allata.

33. Nullæ proinde sunt paritates, quibus Celladeus ad prætenfa absurda exaggeranda utitur. Comparat primò duos statuarios inter se, & dicit eos fore æquè perfectos in sua arte, si æquè bonas statuas facerent, quamvis unus dirigeretur per cognitiones veras, alter per falsas. Tum applicat similitudinem ad duos moraliter operantes, & dicit, utrosque fore æquè bonos, quamvis unus infallibili, alter fallibili cognitione dirigatur, si uterque certò & infallibiliter benè operetur. Verùm applicatio procedit de subiecto non supponente, quia supponit opus directum à fallibili cognitione esse æquè bonum, ac opus à veritate infallibili regulatum, quod est falsum. Præterea, admittit incongruam illam ac impossibili comparationem duorum illorum statuariarum, dico illos non fore æquè perfectos in sua arte, quamvis per accidens facerent opera materialiter æquè perfectæ, quia qui haberet cognitiones certas ac infallibiles, certius, suaviusque procederet in operando, quàm qui incertis ac falsis cognitionibus dirigeretur, & alter faceret in opere, quàm cognitiones illæ falsæ præscriberent. Primus enim verè artificiosè & scientificè, alter cæco modo & præter præscriptum suæ rationis operaretur. At hæc diversitas operandi multum conducit ad perfectionem artis, ut patet. Uno verbo, unus haberet artem, alter non haberet artem, sed errorem. Ergo uterque non esset æquè præstans in arte. Addè, verum artificem longè meliori ac perfectiori modo fruiturum opere suo ex artis præscripto scienter facto, quàm falsum illum & errantem opificem, qui sicut careret principio artis, ita etiam ejusdem fine, seu possessione ac fruitione artefacti ex præscripto artis careret. Ergo è contrario ex hac paritate infertur, duos homines non esse æquè perfectos in scientia morali, nec æquè beatos, quamvis uterque faceret opus æquè bonum, & unus falsà, alter infallibili ac verà cognitione dirigeretur; quia ille solus ex perfectione artis operaretur, atque fine totali artis, optimaque finis illius possessione frueretur, qui ex certa & infallibili cognitione operaretur, ut patet.

Al' quando
opus ex er-
rore est æ-
què bonum
ac opus ex
cognitione
vera.

34. Dicam ego Celladeo, ubi duo futuri sunt æquè boni, & æquè instructi scientia morali, quamvis unus vera, alter falsa cognitione dirigatur. Calus est, quando cognitiones ac volitiones

utriusque quoad omnia sunt prorsus similes, quamvis unus erraret, alter non erraret. Sic duo fratres æquè boni sunt, & æquè instructi scientia morali, qui similem obedientiam præstant Patri, quamvis unus eorum erraret judicando illum esse suum patrem, modò eandem prorsus rationes habeat ad existimandum illum esse suum patrem, quas alter habet, qui non errat. Et peto à Celladeo, in quo diversitas consistat? Nunquam dixerit. Uterque enim & apud Deum & apud homines eadem prorsus laude dignus est, quia uterque in modo operandi, in operatione ipsa, atque in possessione operis patrati eodem prorsus modo procedit.

35. Secundo loco comparat privatum Auctorem cum Romano Pontifice, illiusque auctoritatem hujus auctoritati præfert, quia ille tantum potest per opinionem fallibilem, quantum Pontifex per decisionem infallibilem. Ergo ille præferendus est, sicut præferendus esset, qui gladio arundineo, seu instrumento imperfectiori tantum posset, quantum alius gladio ferro, seu instrumento perfectiori. Verùm omnia procedunt de subiecto non supponente, quia directio falsa & fallibilis nunquam tantum præstat, quantum cognitio certa & fallibilis, ut ostensum est.

Privatus
Auctor mi-
nus præstat
quam Papa.

SOLVUNTUR ALIÆ OBJECTIONES & paradoxa Celladei.

36. **O**BJECTIONES sextò. Benigna sententia ampliore facit auctoritatem gravis Auctoris, quàm Ecclesiæ, vel Rom. Pontificis, aut etiam Dei ipsius, quia Auctor gravis habet universaliorem materiam suæ infallibilitatis, quàm Ecclesia, vel Pontifex, aut Deus ipse. Ecclesia enim, Pontifex, & Deus, sua auctoritate interveniente, non possunt refundere honestatem indefectibilem nisi in unam partem contradictionis, nempe in eam, quæ vera est. At gravis Auctor in utramque partem, scilicet tam in falsam quàm in veram refundere potest honestatem indefectibilem. Suscitetur bellum ex altera solum parte justum, sed cum jure utrimque probabili: in hoc casu, nec Pontifex, nec Deus ipse si foret judex, utrique parti placere posset, sed uni tantum placeret, alteri displiceret, quia unus tantum bellum approbaret ut justum, alterum condemnaret ut injustum. At gravis Auctor utrique dicere posset, *non peccas, honestè agis*, suoque hoc responso utrumque infallibiliter à peccato liberat, & honestatem in utriusque bellum refundit. Ergo amplior & universalior est auctoritas gravis Auctoris, quàm Ecclesiæ, Pontificis, aut Dei ipsius, saltem quoad refundendam honestatem in rebus ad mores spectantibus. Ita Celladeus §. 4. ubi asserit, sequelam videri non probatam, sed demonstratam.

Paradoxum.

Mox §. 5. infert, auctoritatem indoctorum esse majorem, minorem doctiorum, & doctissimorum minimam. Ratio, inquit, est, quia quò quis est doctior, cò certius novit plures veritates, atque ita magis accedit ad Dei similitudinem. Unde in paucioribus respondere potest favorabiliter ad utramque partem, quia contra veritatem certò notam consilium dare non potest. E contra, indoctorum pauciores veritates certò novit, ideoque juxta casus in Summis collectos respondere potest in favorem utriusque partis, ac utrique, etsi contraria operanti, honestatem refundere. Ergo indoctorum maxima esset auctoritas, doctissimorum minima.

Paradoxum 2.

Necque

Paradoxus. Neque hic sinit Celladeus, sed S. N. contendit sequi ex benigna sententia, quod indoctiores forent expetibiliores; quodque doctiores evaderent fastidiosi, & pertinaces haberentur. Ratio est, quia amplior esset auctoritas indoctorum, quippe qui interrogati an aliquidliceret, respondere possent, *ita*; cum Docti, veritatem certò scientes, tenerentur dicere, *non*. Ergo expetibiliores essent Consultores minùs docti. Rursus Doctiores forent fastidiosi, quia in plurimis tenerentur respondere juxta veritatem, ac dicere *non*, non autem ad gustum, sicut imperiti responderent dicendo, *ita*. Præterea immobiliter suam tutarentur sententiam contra plurimos, neque enim à comperta veritate retrocedere licet, quamvis plurimi reclamant; ideoque haberentur pertinaces. Quod si S. Paulus ad nos descenderet, ille omnium fastidiosissimus ac pertinacissimus haberetur, quia ad omnes prorsùs opiniones probabiles falsas diceret, *non*. Atque inflexibiliter in illo responso maneret, quantacumque multitudine dicente contrarium.

Argumentum. Celladei procedit de subiecto non supponente. 37. Respondeo primò argumentum supponere, gravem Auctorem in incertis, atque etiam in falsis, infallibilitatem suis dictis conciliare, quod falsissimum est; dictum enim illius semper est incertum, & infallibilitas honestæ operationis nullatenus fundatur in illius auctoritate, tamquam in præmissa, ut sæpe dictum est. Rursus argumentum supponit, honestatem refusam in opus ex gravis Auctoris resolutione factum esse indefectibilem, quod etiam falsum est; ut constat ex dictis.

Auctoritas privati Doctoris est minor auctoritate Papæ in concursu. 38. Respondeo secundò, & peto à Celladeo, an contendat, auctoritatem privati Doctoris esse ampliorem & majorem auctoritate Ecclesiæ, Papæ, & Dei, quando simul concurrunt, & ille asserit esse licitum, quod isti tradunt esse illicitum? an verò solùm contendat, argumentum procedere extra concursum, ita scilicet, ut gravis Doctor, illis tacentibus, sua auctoritate reddere possit plura rationabiliter credibilia, & invincibiliter ab aliis credita, quàm illi possent, si de iisdem interrogati suam auctoritatem interponerent, & quæstionem resolverent? Si primum, in quo sensu loqui debet, ut argumentum ullam vim habeat, evidenter errat, & loquitur de subiecto non supponente; nulla enim probabilitas pro una parte consistere potest cum certitudine pro altera contradictionis parte, ut evidens est ex notione probabilitatis à nobis assertæ. Atqui iudicio Ecclesiæ, vel Papæ, & multò magis iudicio Dei interposito, datur certitudo pro parte, quam affirmant. Ergo pars opposita non manet probabilis, licet non unus, sed plurimi Auctores eam veram esse affirmant. Qua ergo specie veritatis dixit Celladeus, ex nostra sententia sequi, quod major & amplior sit auctoritas Doctoris privati, quàm Dei & Ecclesiæ? nõne, auctoritatibus istis concurrentibus & contraria dicentibus, auctoritas privati Doctoris penitus obruitur, dictumque illius omnem omnino probabilitatem, & sufficientem alios dirigendi vim perdit? At illa auctoritas est major, quæ aliam contradicentem adeo superat, ut non solùm prævaleat, sed illam prorsùs extinguat. Talis est Auctoritas Dei & Ecclesiæ respectu auctoritatis privati Auctoris. Ergo illa incomparabiliter superat istam; idque evidenter sequitur ex nostra sententia.

Etiam extra concursum est minor. 39. Quod si dicat secundum, scilicet auctoritatem privati Doctoris extra concursum extendi

posse ad plura in aliqua materia, quàm auctoritatem Dei, si Deus de eadem interrogatus loqueretur, iterum apertè errat, quia nullum est objectum, de quo gravis Auctor suam interponit sententiam, de quo Deus etiam respondere non possit. Ergo auctoritas Dei, ne quidem ex hoc capite, est magis limitata quàm auctoritas privati hominis, nec homo de pluribus, Deus de paucioribus sententiam dicere potest. Sed è contrario Deus de infinitis loqui potest, de quibus privatus ille nil prorsùs novit. Ergo evidenter falsum est, quod homo respondere possit de pluribus, aut ampliorem auctoritatem habeat quàm Deus. Equivocatio in eo vertitur, quod homo privatus aliter respondere possit de propositis, quàm Deus, sed non de pluribus. At quod quis aliter respondere possit quàm alius, nullum excessum auctoritatis arguit quoad extensionem, ut patet. Sed neque quoad intensionem, nisi fortè majorem fidem mereatur, quàm qui contrarium dicit. Porro in his omnibus Deus infinito intervallo superat omnem hominem, ut patet.

40. Itaque argumentum, ut ulla ratione utatur, sumi non debet, ut verba sonant, quasi sensus sit, quod gravis Auctor de pluribus respondere possit, quàm Deus, sed quod possit aliquid respondere, quod Deus non potest, aut quod alicui quæstioni aliter respondere possit, quàm Deus. Hoc verum est, & ab omnibus admittitur. Sed hoc non oritur ab amplitudine aut perfectione, sed ab imperfectione talis auctoritatis. Fundatur enim in eo, quod privatus homo post debitam diligentiam errare possit, & errando dicere utramque partem contradictionis esse licitam, quando altera pars verè est prohibita. Hinc autem fit, ut homines, ignorantie tenebris involuti invincibiliter errent, dum celebris Doctore resolutioni fidem præbent, ideoque in pluribus excusentur, quàm excusati fuissent, si Deus vel Ecclesia eos docuisset. Verùm hæc omnia per accidens se habent ob misetum ignorantie statum, cui immergimur, nec locum habere possunt nisi Deo & Ecclesiâ silente. Ideo enim gravi Auctori in incertis prudenter credimus, quia auctoritas prævalens non contradicit: nam omnis probabilitas fundatur in carentia certitudinis de contrario. Ergo auctoritas cujlibet Auctoris privati per hoc completur, quod infallibilis auctoritas Dei vel Ecclesiæ contrarium non doceat, quia hoc necessariò involvitur in eo, quod nil certi in contrarium afferatur. Hæc sunt, quæ imminuunt auctoritatem privati Doctore, de qua aliter loqui non possumus, si communibus benignæ sententiæ principiis in hæreamus. Erravit ergo Celladeus, qui ex nostra sententia oppositum inferri existimavit.

41. Porro exemplum à bello inter duos desumptum, non est ad rem, & quod plus est, Celladeum refellit. Non est ad rem, quia sicut auctoritas infallibilis non potest dicere veritatem materialiter sumptam utrique parti favere; ita neque privatus Doctor simul dicere potest, veritatem ipsam pro utroque stare, alioquin simul eliceret duos actus contradictorios, quod repugnat. Itaque nemo sive privatus sive publicus, sive fallibilis sive infallibilis, judicare potest utriusque bellum esse absolute materialiter justum. Ergo exemplum hoc non est ad rem, cum distribui ac applicari non possit ad intentum probandum.

42. Quod si privatus non ferat sententiam de absoluta ac materiali honestate belli utriusque,

Nullus homo aut extensivè, aut intensivè majorem auctoritatem habet quàm Deus.

Exemplum à bello duorum non est ad rem.

Idem exemplum venit opinionem Celladei.

sed ad principia reflexa, ac ad probabilitatem utrique parti faventem confugiat, eò quòd veritas post debitam diligentiam certò sciri non potuerit, in aliquo casu rardò dicere poterit, rationes tales utrique parti favere, ut uterque prudenter credere possit, bellum sibi licitum esse. Verùm hic sensus intentum Celladei evertit, nam si veritas materialis Pontificem lateat, poterit ille, non minùs quàm privatus Doctor, rationes considerare, & in aliquo casu rardò dicere, motiva utrique parti faventia esse sufficientia ad conscientiam de honestate belli licitè formandam. Ergo auctoritas Pontificis ex hoc capite non est minùs ampla, quàm auctoritas privati Doctoris, quia de omni eo ferre potest sententiam, de quo privatus Doctor potest opinari. Quod si cum Doctore concordet, tunc quod prius erat solùm probabile, evadit certum; si verò à Doctore dissentiat, eo ipso assertum Doctoris privati omnem probabilitatem amittit. Hæc ratio multò magis valet respectu Dei, modò ille iustis de causis veritatem ipsam certò manifestare nolit; eo ipso enim vult homines per motiva tantùm incerta gubernari, de quorum sufficientia ipse suam etiam sententiam ferre potest, & vel approbare, vel pœnitens infirmare responsum privati Doctoris, prout idem aut diversum responderit. Ecce auctoritas Dei & Ecclesiæ in omni sensu amplior est, & major auctoritate privati Doctoris. Nec dubium, quin Deus & Ecclesia indefectibilem honestatem in utramque partem contradictionis refunderent, casu quo, interpositâ suâ auctoritate, dicerent, motiva utriusque partis ad conscientiam ritè formandam sufficere.

Auctoritas Dei & Ecclesiæ non omni acceptione amplior est, & major auctoritate privati Doctoris.

Pontifex aliquando resolvit casum pro utraque parte.

Doctiorum auctoritas longe major quàm indoctorum.

43. Et sanè Pontifex nonnunquam, non solùm in rebus facti, sed etiam in rebus juris, hoc modo procedit. Sic in quæstione de Immaculata Deiparæ Conceptione (quæ ad fidem & mores pertinet, & non ex facto, sed ex jure decidi debet) inter diversa sentientes, seque mutuo peccati damnantes, ita se mediatorem ac judicem constituit, ut quæstione ipsâ non determinatâ, satis apertè declararet utramque partem sufficienti fundamento niti, ut si absque pravo animi affectu errant, invincibiliter errant, & excusentur. Vide Bullam Alexandri VII. an. 1661. editam. Ecce Ecclesia non solùm potest se gerere, sed de facto in hac causa ita se gessit, sicut privati Doctores in rebus dubiis se gerunt. Immo Ecclesia hoc suo facto efficax argumentum præbet ad existimandum, quòd quævis opinio certò practicè probabilis sufficiat ad assensum prudentem illi præbendum, & ad conscientiam per talem probabilitatem debitè formandam. Itaque ex hoc facto Ecclesiæ, Auctoritas Doctoris probabiliter solventis pro licito utriusque partis usu pondus sumit, quia exemplum Ecclesiæ certificans de uno casu, probat resolutionem privati Auctoris in casu simili sufficere. Tantùm ergo abest, ut privati Doctoris auctoritas Ecclesiæ auctoritatem superet, ut in omnibus ei subordinetur.

44. Ad illud, de majore indoctorum auctoritate, responsio patet ex dictis; non solùm quia doctior in iis, in quibus certò novit veritatem, totam minùs docti auctoritatem evertere potest, sed etiam quia si maneamus in incertis, quòd quis doctior est, eò plures & meliores rationes asserre potest pro utraque parte, quàm minùs doctus; & quod plus est, in multis, circa quæ indoctus nil respondere audeat, sententiam profert, & conscientias prius dubias erigit ac firmat. Præterea

doctissimi quique Theologi sũt e, quibus minùs docti fidunt, dum juxta resolutiones certò probabiles aliorum conscientias regunt. Ab illis enim didicerunt, licitum cuique esse sectari quæcumque opinionem certò probabilem practicè, nec nisi illorum auctoritate fulti hoc aliis ut licitum proponunt. Ergo tantùm abest, ut indoctorum auctoritas doctissimorum auctoritati pravealeat, ut quidquid auctoritatis minùs docti habent, id totum ab auctoritate doctissimorum derivetur, atque in illa ut in tuta morum regula fundetur.

45. Ad ultimum, de majore indoctorum expetibilitate, dico, totum Celladei discursum magna rerum confusione scaterere, quâ deceptus, apertam falsitatem pro legitima consequentia intulit. Inprimis, confundit valentes discernere Auctores & rationes graves & leves, cum non valentibus eos discernere. Secundò, confundit volentes errare cum errare nolentibus. Tertiò, confundit habentes infallibilitatem & indubitata ejus signa cum ea non habentibus, atque ex his deducit, illa omnibus indiscriminatim convenire, quæ solùm alteri eorum classi conveniunt. Hoc ut clariùs pateat, singula singulatim probanda sunt.

Triplex equivocatio Celladei.

46. Inprimis confundit doctos, seu valentes discernere inter rationes & Auctores, cum indoctis ista discernere non valentibus. Patet hoc: quia unusquisque ex benignæ sententiæ præscripto eriri debet, quantum ratio postulat, ut veritatem ipsam assequatur. Quod si post debitam diligentiam eam assequi nequeat, non peccat, si bona fide opinionem probabilem sectetur, quia vel non errat, vel errat invincibiliter, si erret. Hoc stante, evidens est, indoctos non esse universaliter præferendos consiliariis doctissimis; doctissimi enim ineptè peterent consilium ab indoctis, tamquam à judicibus, quia eorum resolutioni starent, quos scirent, de rebus ejusmodi rectè judicare non posse. Deinde, errorem affectare viderentur, quia eos adirent, quos in rebus difficilioribus proclives ad errandum nescirent. Tertiò demùm, per hoc debitam diligentiam non adhiberent, ideoque non excusarentur, si errarent, quia vincibiliter errarent. Ergo ex nostra sententia non sequitur, Consultores indoctiores universaliter esse præferendos, cum à multis non nisi turpiter in conscientiæ directores eligi possint. Sed neque sequitur indoctiores esse expetibiliores pro rudibus, quia si homini rudi constaret, quis esset doctior, cæteris paribus, teneretur eum consulere, maxime circa dubia, pro quibus solvendis suspicaretur alium non esse sufficientem; alioquin non faceret quod in se est ad veritatem sciendam. Demùm, doctiores omnibus sunt expetibiliores, quia vel certò sciunt veritatem, & tunc expedit illam scire, vel si res maneat incerta, meliores rationes suggerere possunt quàm minùs periti, atque per principia reflexa conscientias certius dirigere, quàm indoctiores, ut patet.

Primo confundit Doctos cum indoctis.

Doctissimi non rectè consulunt indoctos.

Doctiores omnibus præferendi.

47. Cæterùm rudibus, qui hæc discernere nequeunt, sufficit eos consulere, quos sibi præpositos habent, vel alios, de quibus meritò præsumunt, quod possint ac velint eos secundum veritatem dirigere, ubi illa sciri potest; aut, ubi sciri non potest, juxta principia reflexa, quæ ad conscientiam debitè formandam sufficiunt. Quando rudes hoc fecerunt, & juxta rei gravitatem debitam diligentiam adhibuerunt, directoris sui sententiam amplectendo non peccant, quia si errant,

Rudes prædeterant judicio suorum præpositorum.

invin-

Invincibiliter errant. Hoc verum est, quamvis ab eis consilium petant, quos peritissimus in suis dubiis consulere, & multò minùs eorum iudicio stare non expedit.

Secundò. 48. Secundò, confundit volentes errare, cum errare nolentibus, quia ponit exempla Principum ac Magistratum, qui quolibet etiam idiotà pro conscientiz regimine contenti sunt, cum tamen in aliis rebus consultores optimos adhibeant. Deinde eos etiam affert, qui sibi displicentia audire horrent, & ideo ad indoctos accedunt, ne, si doctiores consulant, audiant quæ nolunt. Verùm tales homines ignorantiam affectant, nec excusantur. Non enim querendus est consultor, qui placentia, sed qui veritatem dicat, ubi illa haberi potest; aut ubi latet, dicat, quid stante tali ignorantia fieri expediat. Hos tantùm tutos esse asserimus, illos minimè. Unde sequitur, sapientiores consiliarios, cæteris paribus, præferendos esse ab eis, qui debitam conscientiz curam gerunt, quia per illos obligationem certius implemus, & conscientiam rectius formamus, ut patet. Et quidem hæc omnia ex benignæ sententiz præscripto evidenter inferuntur. Itaque quamvis indocti & minùs probi consultores illis sint appetibiles, qui ignorantiam affectant, & solùm apparenter iusti videri cupiunt, inde non sequitur, eos esse simpliciter appetibiles, sed oppositum nimis clarum est ex præscripto benignæ sententiz, quæ primos damnat, excusat autem secundos, dummodò debitam diligentiam ad sciendam veritatem adhibeant.

Tertiò, confundit habentes infallibilitatem, & indubitata ejus signa, cum ea non habentibus. Dicit enim eos, qui veritatem evidenter scirent, immo ipsum Sanctum Paulum, pro morosis ac fastidiosis consultoribus habendos, quia impossibiliter dicerent ea non licere, quæ plurimi pro licitis proponerent. Unde tamquam pertinaces ac fastidiosi ab omnibus repellerentur. Sed peto, à quibus repellerentur? an ab iis, qui verè scirent, aut S. Paulum adesse & contrarium docere, aut doctum illum consultorem veritatem evincere? an solùm ab iis, qui hæc ignorarent, sed illos absque ullo suæ scientiz & infallibilitatis signo immobiliter ea negantes audirent, quæ plurimi notæ probitatis & doctrinæ constantè assererent esse licita? si à primis, ut indicare videtur Celladeus exemplo Prophetarum, quos pro nimis duris doctoribus à populo habitos fuisse dicit, quosque sufficientia suæ infallibilitatis signa dedisse novimus; illi eo ipso suam perveritatem proderent, nec ullam probabilitatem sibi faventem haberent; nil enim est probabile, pro cuius opposito datur certitudo. Et sanè nos unanimiter dicimus, tales à peccato non excusari, quando contra infallibilem auctoritatem rationibus apparentibus inhaerent. Si à secundis, nil mirum, si tales consultores ab eis haberentur pertinaces & fastidiosi; imprudenter enim illis fidem darent, quamdiu nullum signum sufficiens veritatis aut infallibilitatis præberent. Quid enim stultius, quàm tali homini dicenti & non probanti credere, aliorumque notæ probitatis ac doctrinæ rationes repellere? Certè Christus ipse de Judæis apertè testatur: *si opera non fecissem in eis, quæ nemo alius fecit, peccatum non haberent.* Unde sequitur, neminem ut infallibilem admitti debere, qui sufficientia suæ infallibilitatis signa non ostendit. Itaque in tali casu (sitamen contingere possit) ipse S. Paulus rationabiliter existimaretur esse aqumi pertinacioris, quia solus

R. P. A. Terilli Regula morum. Pars I.

contra omnes in sua sententia persisteret, licet nullas rationes sufficientes pro hoc afferret. Sicut ergo in primo casu absurdum esset dictis S. Pauli non credere, quia id esset contra auctoritatem infallibilem sufficienter probatam sentire; ita in secundo casu absurdum esset illius sententiz stare, cum nulla peculiaris veritatis, sed multa pertinaciz signa præ se ferret. Quod si Celladeus hæc, ut oportebat, distinxisset, nullam ex hoc capite difficultatem in benigna sententia reperisset.

SOLVITUR ULTIMA OBJECTIO.

Et agitur de obligatione Summi Pastoris circa censuram opinionum nascentium.

30. **O**BJECTUM septimò. Si liceret sequi quamcumque opinionem probabilem, auctoritas Rom. Pontificis eluderetur in concursu contra auctoritatem privati Auctoris. Immo talis concursus redderetur inutilis & noxius. Probatur prima pars sequelæ, quia interpretationes probabiles, ex ignorantia ortæ, vim Pontificiz declarationis enervant, illamque quodammodò inutilem reddunt. Præterea sunt qui docent, decreta doctrinalia Pontificis non obligare, nisi à regis senatibus approbentur. Alii docent, illa obligare solùm in foro exteriori. Plures tenent, declarationes Cardinalium sacrarum Congregationum esse solùm velut opiniones probabiles, vel probabiliore, quæ non adimunt probabilitatem à parte opposita. Ergo si Summus Pontifex non per se, sed per delegatos, etiam per Cardinalium Congregationes aliquid declararet, & Auctor gravis dicat oppositum, illius sententia erit probabilis, illamque sequens infallibiliter non peccabit. Ergo tota sollicitudo Pastoralis frustratur suo effectu, etiam in concursu, quando immediatè per se ipsam non agit.

31. Probatur secunda pars sequelæ: Si Doctoris gravis auctoritas ad conscientiz securitatem sufficeret, non esset cur supremus Pastor in inferiorum doctrinas inquireret, suamque contra eas auctoritatem interponeret. Si enim oves per quamlibet probabilitatem salubriter pascantur, & tutò salventur, quid ampliùs desiderare possunt Pastores? frustra ergo laborat pastoralis sollicitudo in talibus sententiis damnandis, quia per talem censuram statui animarum non meliùs consultum est, quàm esset antea. Eadem de causa frustra laborant Theologi, ut opiniones probabiles reddant improbables, quia per hoc non meliùs prospicitur saluti animarum, sed conscientiz fidelium frustra inquietatur. Ergo auctoritas Pontificis inutiliter concurreret contra Doctorem privatum, ejus doctrinam censurando. Immo talis concursus, sicut & Theologorum, tales opiniones refellentium, labor esset noxius. Inprimis hæc non deserviant, ut peccata vitentur, & operationes evadant honestæ, quia utrumque per probabilitatem antea habebatur. Deinde per illud ipsum peccata multiplicantur, quia, stante Pontificis censurâ, multi propter consuetudinem, vel rei difficultatem, &c. eadem patrabunt, & consequenter peccabunt in iis, in quibus honestè operati fuissent, si talis censura non emanasset. Ergo omnis ejusmodi damnatio esset noxia, ad aliud enim non serviret, quàm ad peccata multiplicanda, quæ, illâ non posita, commissa non fuissent. Ita Celladeus §. 7.

32. Respondeo, nullam legem evacuare per

An auctoritas Pontificis per privatos Doctores claudi solet?

Utrum Pontifex frustra censuræ opiniones Theologorum?

N

ratio

Rationabilis interpretatio legem non evacuat, sed est conformis intentioni legislatoris.

rationabilem ejus interpretationem, quia intentum legislatoris est, ut in certis ac claris integram obedientiam præstemus; in dubiis vero non temerè agamus, sed veritatem diligenter investigemus; quâ diligentia præmissâ, præsumitur consensus, ut legem illam non admittamus ut obligantem in iis, quæ probabile est ab ipso legislatore non fuisse intenta. Immo fieri nequit, ut lex in illis obliget, sicut certissimè obligat in aliis, ut ostensum est *quæst. 23. de Consc. prob. num. 14. & seq.* Sed id ipsum hic quoque *quæst. 2. à nu. 45. ad num. 75.* monstratum est, & iterum *quæst. 43.* ex professo stabilitur. Intentum enim legislatorum est, ut periti in dubiis consulantur, subditorumque conscientia juxta illorum resolutionem formentur. Idem absque dubio est intentum Summi Pastoris, quoties aliqua, præter clarè expressa, reperiuntur, de quibus rationabiliter dubitatur, an sint inclusa nec ne. Quomodo ergo eludatur, aut inutilis redditur constitutio Pontificis, si in dubiis mens ejus juxta rationabilem interpretationem exponatur? Præterea certum est, sensum legum ac constitutionum investigari debere ac intelligi, ut illis debitè obtemperemus. At hoc fieri nequit in dubiis, nisi rationabilis interpretatio adhibeatur. Ergo illa licitè adhibetur, & homines illam rationabiliter sequuntur, absque eo quòd legem eludant, aut inutilem reddant.

53. Quod additur de quibusdam opinionibus; per quas Bullæ Pontificis eluduntur, non est ad rem, quia tales opiniones communiter rejiciuntur ut improbables. Nos autem asserimus, solas opiniones certò probabiles pro regulanda conscientia esse adhibendas. Cæterum Celladeus ita citat hos Auctores, ac si universaliter talia traderent, quæ, ni fallor, non nisi multis cum limitationibus admittunt. Utinam Auctores particulariter nominasset! tunc enim sensus illorum, faciliè erui potuisset; sed cum hoc non fecerit, mihi quoque in generali respondendum erit. Sunt fortasse qui dicunt, Bullas Pontificias alicubi non obligare, nisi à Senatu Regio acceptentur. Verum de nemine me hæcenus legisse aut audivisse memini, qui id universaliter doceat. Qui autem de loco particulari id affirmant, prætendunt privilegium à S. Sede ipsis hac de re fuisse indultum. Quod si verum sit, haud dubiè privilegium manet, donec fuerit sufficienter revocatum. Sed & illi, qui tale privilegium prætendunt, non ita universaliter illo utuntur, ut Celladeus insinuat; non enim dicunt, opinionem, à Pontifice damnatam ut falsam vel hæreticam, &c. non esse habendam pro tali, sed oppositam manere probabilem, donec censura à senatu regio acceptetur. Norunt enim infallibilitatem Pontificis à Regibus aut reglis senatibus eorumque acceptance non dependere, sed ab ipso Christo immediatè conferri, ac proinde omnes omnino oves Summi Pastoris doctrinæ absque ulla exceptione stare debere. Itaque ex privilegio solum contendunt, pænas in Bullis contentas, aut alia, quæ exteriori tantum gubernationem concernunt, neminem officere, donec Bullæ à senatu regio acceptentur. Porro hujusmodi opiniones, ad peculiariora loca restrictæ (quas ego nec probò nec improbo, quia sufficientem de præsentis privilegiis notitiam non habeo) in nullo evacuant Bullas doctrinales, quia certum est, opiniones damnatas omnem probabilitatem perdere, sive Bullæ acceptentur, sive non acceptentur à senatu regio, quia independentè à tali acceptance adest certitudo in contrarium.

Bullæ Pontificiæ obligant, licet à senatu regio non acceptentur, nisi senatus ille privilegium habeat in contrarium.

Privilegia talia ad Bullas doctrinales quantum ad doctrinam ad extenduntur.

54. Dicit etiam Celladeus, alios docere, decreta Pontificum solum obligare in foro exteriori. Peto, quinam sint, qui tam improbabilia effutiant? Ego certè existimo, nullum Auctorem gravem hoc in ea universalitate, quam Celladeus exhibet, docuisse, sed multas limitationes, ac exceptiones apposuisse. Unde generali huic Auctorem citationi fidem non præbeo, nec alii, ni fallor, faciliè præbeunt.

Citatio Celladei incongrua.

55. De interpretationibus ac declarationibus Sacrarum Congregationum Cardinalium cum veneratione loquendum, & sentiendum est. Illæ tamen ad duas classes reduci possunt. Aliæ sunt, quas ex officio ipsis generaliter injuncto edunt, quibus ipse Pontifex non assistit, nec eas præsentialiter audit, & confirmat. Aliæ, quas ex speciali commissione faciunt, quasque Summo Pontifici exhibent, & ab eo auditas & approbatas evulgant. Hæ posteriores majoris auctoritatis sunt, quàm primæ, quis ab ipso Summo Pastore robur accipiunt. Et quidem nemo probabiliter opinatur contra, postremas hæc declarationes, sed eo ipso suam improbitatem, ac perviciam ostendit. Jam qui docent, Cardinalium declarationes esse solum velut opiniones probabiles, vel probabiliiores, ad summum intelligendi sunt, de declarationibus primæ Classis; neque de illis universaliter absque multis limitationibus intelligendi sunt. Ruit ergo argumentum Celladei, quia talis opinio auctoritati Pontificis nec obstat, nec eam imminuit; quippe quæ nunquam concurrat, nisi in declarationibus secundæ classis, in quibus ita prævalet, ut opposita auctoritas suam probabilitatem perdat. Jam quidquid sit de veritate opinionis aliquorum circa declarationes primæ Classis, illud ad præsens intentum non facit; quia Pontificis auctoritas in illis non intervenit, sed solum Auctoritas Officialium ipsius. Illi autem propter multitudinem, prudentiam, sagacitatem, ac capacitatem singularem, simulque propter magnam diligentiam, consultationesque prævias, quas adhibent, maximam auctoritatem suis Declarationibus conferunt, quibus omnes humiliter obtemperare potius quàm eas discutere, ac in quæstionem vocare æquissimum est. Hinc apertè sequitur, nullas opiniones verè probabiles afforiri posse, per quas aut Bullæ Pontificiæ, aut Pontificis auctoritas vel minimùm imminuatur, quidquid Celladeus frustra prætendat in contrarium.

56. Ad secundam partem sequelæ respondens, illam certissimè non inferri ex benigna sententia. Id Celladeus & omnes videbunt, si distinguant inter doctrinam per se expetibilem & absolute querendam, & doctrinam, quæ per accidens sufficit, & queritur ex suppositione. Doctrina per se querenda, est ipsa veritas directæ, ad quam diligenter investigandam omnes juxta propriam cujusque capacitatem, statum, & officium obligantur; Deus enim hoc ab omnibus certissimè exigit. Doctrina, quæ queritur ex suppositione quòd veritas per debitam diligentiam certò inveniri non possit, est rationabilis persuasio de veritatis inventionem, ultra quam in tali casu progredi non possumus. Et hæc, in dicto certæ veritatis defectu, ex ipso Dei ac rectæ rationis præscripto pro regulanda conscientia sufficit.

Doctrina, alia per se, alia per accidens expetibilis.

57. His positis, peto à Celladeo, an inutilis & noxia sit instructio, quam Parochi populum suum doceret, quem invincibili legis Dei vel Ecclesiæ ignorantia laborare videret? Si assumeret, quia nec inutile nec noxium est certissimè

Instructio Parochi circa legem Dei invincibiliter ignoratam non est noxia.

Dei voluntati obtemperare, & officium, ad quod deputatus est, implere. At Deus & officium ipsius hæc ab eo indubiè postulant; quia sicut tenetur pueros ea docere, quorum ignorantia invincibili laborant, ita pariter totum suum populum de eisdem instruere tenetur; quamvis enim illi ob ignorantiam invincibilem non peccarent, opera tamen illorum Pastori in peccatum imputarentur, nisi ille eam ignorantiam amoveret; quia Deus, qui determinata ratione coli vult, ad ea populum docenda Pastorem obligat, ut sic in tota Ecclesia uniformitas morum, quantum fieri potest, habeatur. Si autem dicat, instructionem illam haud noxiam esse, sed utilem esse concedat, ipse propriò argumento respondere tenetur, ut illud repetenti patebit. Sed quidquid ille responderit:

58. Ego respondeo, declarationem illam esse utilem ad finem à Deo intentum. Ille enim publicam omnium obedientiam in tali materia determinata exigit, ut sic omnes ob obedientiam remuneret. Quod si aliqui post legem intimatam obedire contempserint, in eos ultionem justitiæ ostendet, & sic tam ex bono quam ex malo creaturarum suarum opere gloriam suam universo mundo manifestabit. Ad hunc finem Parochi instructio utilis est & necessaria. Porro ex hac Parochi instructione speratur aliquorum obedientia, quam Deus in omnibus intendit. Quod si aliqui non obediverint, id erit quidem contra directam Dei intentionem, & ex illorum inobedientia secundarium Dei intentum complebitur, qui, supposita creaturæ malitiâ, efficaciter intendit, ut vincat cum judicatur, & gloriosus evadat quando contemnitur. Ad hunc finem procurandum notificatio legis est necessaria, ad quam proinde populo ingerendam Deus Pastores obligat. Quod si quis, veritate audita, non obediat, peccatum illius nec in Parochum officio suo fungentem, nec in Deum iusta postulantem refundi debet, sed in caput peccantis recidit.

59. Atque hinc disparitas inter Pastorem & Confessarium sumitur. Pastor respicit communitatem, quam Deus absolute vult instrui, & legem non ignorare, Præterea maxima communitatis pars speratur obtemperatura, & omnes ad obediendum obligabuntur; inobedientes autem exemplum ante oculos habebunt, quo confundantur & corrigantur. At Confessarius privatum hominem respicit, quem non semper tenetur instruere, quando videt eum invincibili legis ignorantia laborare; si enim nulla spes obedientiæ ex veritatis declaratione eluceat, sed peccatum undique timeatur, tunc aliquando satius est poenitentem in sua ignorantia relinquere, nisi poenitens ipse informationem peteret, aut alia iusta causa interveniret, ob quam Confessarius obligaretur veritatem docere. Extra hos casus, Auctores rationabiliter docent, veritatem aliquando prudenter celari respectu personæ privatæ licet illa ab Episcopis vel Parochis taceri non debeat, quando totus grex illius ignorantia laborat. Itaque instructio Parochi utilis est ac necessaria, etiam in casu assignato, quamvis aliquorum inobedientia per accidens sequatur.

60. Similiter Theologi, qui opiniones antea probabiles improbabilitatis arguunt, utiliter laborant. Ipsorum enim est veritatem diligenter investigare, eamque inventam proponere. Inde enim fiet, ut plurimi Deo juxta illius præscriptum ac directum intentum obtemperent, quia omnes ad veritatem ipsam eniti tenentur, quam

per dicti Theologi operam assequuntur. Quod si aliqui, veritatis conscii, contrarium sectentur, id sibi tribuant, non Theologo, qui munus suum implevit: nec Deo, qui tamquam supremus Dominus iusta exigit.

61. Eadem ratio multò magis locum habet in Romano Pontifice, ejus munus non impletur per hoc, quod subditi invincibiliter veritatem ignorantes Deum non offendant; tenetur enim curare, ut ea credant & faciant, quæ Deus declaravit se velle, mediante ipsius instructione, ab omnibus credi & observari. Itaque si Pontifex videret aliquas sententias falsas in Ecclesiam irreplisse, hominesque illis adherere, deberet illas damnare, quamvis sciret, subditos invincibili veritatis ignorantia laborare. Neque in hoc frustra desudat sollicitudo pastoralis, quia per talem declarationem & propriæ saluti prospicit ac alienæ. Propriæ quidem, quia munus suum implet; alienæ verò, quia homines salvari debent per obsequia, quæ Deus statuit, non quæ ipsi sibi præfigunt. Præterea, obedientia circa partem tutiorem, nupte plerumque meliorem & honestiorem, solet esse magis meritoria, quam circa partem minus tutam, quæ invincibiliter creditur licita. Similiter opus, ex certitudine directæ factum, honestius est eo, quod elicitur solum ex judicio probabili. Ergo Pontifex per tales censuras melius consulit salutem animarum, quam si taceret. Hoc autem maximè locum habet in rebus certis, in quibus rarò contingit, errorem esse universaliter invincibilem, qui proinde titulo etiam vincibilitatis è mentibus fidelium excludendus est.

62. Quod si veritas non constet, sed opinionones periculose exoriantur, maximè si fideles in illis non conveniant, sed aliqui contra alios tamquam animarum deceptores insurgant, tunc Summi Pastoris est, veritatem investigare, eamque, si inventa fuerit, omnibus declarare, ut sic pax conservetur, & omnes absque opinionum dissidiis idipsum sapiant & dicant. Quod si veritas ipsa certò inveniri non possit, videndum est, an opinionones illæ rationabili fundamento nitantur, nec ne? Si tali fundamento careant, officium ejus postulat, tales opinionones proscribi, earumque usum prohiberi, ut schismata vitentur, & in moribus ac doctrina fidelium uniformitas eluceat. Quod si opinio gravi fundamento nitatur, non est cur eam condemnet, sed aliâ viâ pax conservanda est, prohibendo scilicet, ne una pars aliam censuret, &c. ut sæpe fieri videmus. Ceterum nec moris est, nec expedit opinionibus communibus certoque probabilibus ullam censuram inurere; tum quia veritas insuperabiliter latet, tum quia nil mali ex illarum toleratione sequitur, & è contra, neutra pars absque aliqua offensione & scandalo condemnari potest. Quod si contingat, opinionem paucorum rudibus scandalum & offensionem parere, illa restringi potest, & quoad varia prohiberi. Sic cuique liberum est sentire quid ipsi verius videtur de Immaculata Deiparæ Conceptione, ac iustis de causis pars affirmans doceri, ac propalari etiam per privata colloquia prohibetur.

63. Ceterum ex propositis. 45. ab Alexandro VII. non ita pridem damnatis, nulla damnata est, quæ ab ipso & Qualificatoribus habita est intrinsecè probabilis. Itaque ille optimo jure eas prohibuit, nec in hoc ullo modo obfuit benignæ sententiæ, quam certum est, tam ipsum quam omnes Qualificatores verissimam habuisse. Solam.

Pontifici munus non impletur per hoc quod subditi non peccant.

Tenetur etiam invincibiliter errantes veritatem docere.

Opinionones certò probabiles restringere solet, sed non absolute condemnare.

Alexander VII. nullam propositionem damnavit, nisi quæ putabat esse improbabilem.

Talis instructio Parochi utilis est, & necessaria ad finem à Deo intentum.

Pastor tenetur communitatem ignorantem instruere, sed Confessarius aliquando non tenetur instruere privatum.

Theologi utiliter laborant quando opinionones prius probabiles refutant.

lūm enim dicimus, licitum cuique esse sectari quamcumque opinionem certò practicè probabilem. Ergo nullam opinionem damnavit, quam ex benignæ sententiæ præscripto sequi poteramus; nullam enim prohibuit, quæ ad certam probabilitatem pertinebat. Quòd si usum aliqujus opinionis certò probabilis prohiberet, eo ipso certò constaret, usum opinionis, prius licitum, nunc fieri illicitum, nec hoc quidquam obstarèt veritati benignæ sententiæ. Itaque certum est, decretum illud Alexandri VII. in nullo nostræ sententiæ officere; quidquid Celladeus in contrarium insinuet, ut supra *quæst. 8.* fusiùs explicatum est.

Epiphonema gloriosum & præterita Celladei demonstratio falsitatis arguitur.

64. Ex his falsitatis arguitur illud Celladei Epiphonema, quo quæstionem hanc sic concludit. Ergo cura Pastoralis in doctrina morum, & omnes ac singula propositionum condemnationes demonstrant, probabilitatem & Auctorem gravibus id privilegii non competere, quòd ex illorum assertionibus elici mox possit dictamen infallibile non peccati. Arguitur, inquam, falsitatis, quia certum est, curam Pastoralem, utpote non contentam si subditi non peccent, nil ejusmodi inferre, cum sæ-

pe ad alia teneatur, ut ostensum est; Ita pariter certum est, damnationes opinionum illud non inferre; illæ enim aut supponunt opiniones illas non fuisse certò probabiles, ac propterea fideles in illis debitā morum regulā caruisse, aut certè reddunt eorundem usum certò illicitum, quamvis antea esset certò probabilis, ac invincibiliter haberetur licitus, & consequenter sine peccato poni potuisset. Itaque istiusmodi damnationes vel supponunt benignam sententiam non habuisse locum, vel auferunt ejus materiam, & sic indirectè tantum efficiunt, ne locum habeat. At neutrum repugnat nostræ sententiæ, nec ex ullo illorum sequitur, infallibile dictamen non peccati non posse formari ex assertionibus Auctoris gravis, aut ex opinione probabili, modò constet; opinionem illam esse certò probabilem, & gravem illum Auctorem suam sententiam certò probabilem reddidisse. Immo oppositum efficaciter probatum est tum in hac quæstione, tum *quæst. 2.* ac ex toto tract. de *Consc. prob.* sed ex dicendis id ipsum ulterius constabit. Inanis ergo est præterita Celladei demonstratio.

QUÆSTIO DECIMA- QUINTA.

*Utrum benigna sententia verè sit & meritò dicatur
inimpugnabilis.*

Quæstio
hæc cur in-
stituta sit?

1.



ARAMUEL in suo Apologemate hanc protulit propositionem. Ignoras dialecticam, qui medio probabili putat probabilitatem impugnari (melius dixisset expugnari seu everti) posse. Wendrockius in appendice ad librum Fagnani art. 11. hoc Caramuëlis dictum vehementius carpit, sed immeritò, ut ostendi *quæst. 28. de Consc. prob. num. 155.* Wendrockium imitatus est Celladeus *lib. 1. quæst. 8.* ubi assertam hanc inimpugnabilitatem opinionis probabilis se non impugnasse solū, sed duplici demonstratione logica expugnasse gloriatur. Quæstio hæc parum refert ad intentum principale, ideoque omitti potuit. Sed quia non expedit intactum relinqui, quod Celladeus sibi multum favere, nobis autem plurimum obesse putat; ideo breviter quid in hac re dicendum sit exponam. Nec tamen tangam, quæ ad Caramuëlem spectant; ille enim mea defensione non indiget, sed, ni fallor, suo tempore ostendet, Celladeam, aut mentem ipsius non esse rive assecutum, aut invalidam expugnationem attulisse. Ego ergo ea solū tangam, quæ ad quæstionem principalem pertinent. Sit ergo.

ASSERTIO PRIMA.

*Opiniones probabiles non solum impugnari,
sed etiam expugnari possunt.*

2. **A**SERTIO est certissima; multæ enim Opiniones, tam in Physicis quàm in Ethicis, olim probabiles, & communiter pro veris admittæ, jam evaserunt improbabiles. Hoc adeo certum est, ut Celladeus de hoc non dubitet: & Caramuël in Apologemate à *num. 265. usque ad 272.* totus est in acervandis laxis antiquorum opinionibus, quæ olim communes erant, nunc autem, aut universim, aut certè maxima ex parte sunt certò improbabiles, & ut tales ab omnibus rejiciuntur. Plures hujusmodi opiniones attuli *quæst. 22. de Consc. prob.* antiquorum verbis citatis, aliasque plures in unum coacervavi *quæst. 28. num. 42.* ubi videri poterunt, quia in re compertæ veritatis non est frustra laborandum. Itaque certum est, opiniones probabiles & impugnari & expugnari posse. Hæc expugnatio dupliciter fieri potest, primò, per demonstrationem evidentem convincentem contrarium, ut sæpe factum est in rebus physicis, eò quòd novis instrumentis & experimentis detexerimus principia certissima, quæ antiquos omnes latuerunt. Secundò, sine demonstratione rigorosa: idque dupliciter, primò accumulando nova argumenta à prioribus non perpenda, quæ adeo superant motiva alterius partis, ut hæc in comparatione illorum robur suum perdant,

perdant, nec amplius impetrare valeant assensum ab homine perito & probò, qui non ex passione, sed ut decet hominem peritum, suam fert sententiam. Secundò evidentè solvendo argumenta, quibus prior probabilitas nitebatur; per talem enim solutionem apertè constat, argumenta illa nullius esse roboris. Cessat ergo probabilitas, quæ solis argumentis illis nitebatur.

ASSERTIO II.

Opinio probabilis, manens probabilis, meritò impugnatur mediis probabilibus, quamvis illis non expugnetur.

Opinio probabilis rectè impugnatur quævis non expugnetur.

3. **PROBATUR** assertio. Theologorum munus postulat, ut veritatem ipsam, quantum eis datum est, diligenter quærant. Unde unusquisque meritò ea profert, quæ post debitam diligentiam vera existimat. At hoc facere non potest nisi contrariam sententiam impugnet, ejusque fundamenta excutiat, ac rationes illi faventes saltem probabiliter solvat. Porro certum est, hujusmodi impugnationes rarè tollere probabilitatem partis adversæ, ut videre est in opinionibus communibus; quantum utraque pars est & manet probabilis, non obstantibus mutuis earum oppugnationibus. Ecce Theologorum munus expressè postulat, ut opinio probabilis jure meritò impugnetur, licet non semper expugnetur; in quo casu certum est, quòd solum mediis probabilibus impugnari possit.

Munus Theologi postulat ut veritas diligenter excutatur.

4. Dices: Ad quid juvat illa impugratio, si contrariam opinionem non expugnet, sed probabilem relinquat? Respondeo, servire ad hoc, ut nostram obligationem impleamus, & veritatem juxta Dei placitum strenuè quæramus; quòd si illam evincere non possumus, haud dubiè excusabiles erimus, quia invincibili veritatis ignorantia laborabimus. Præterea hæc constans industria sæpe veritatem detegit sufficienter, ut *ex assert. 1.* constat; quia quæ olim fuerunt probabilia, posterorum sedulitate fieri possunt improbabilia; ad hoc autem enitendum est, quantum possumus, ut veritas aut certò innotescat, aut certè ut quod veritati opponitur improbabile evadat.

Praxis Theologorum hoc ipsum confirmat.

5. Probatur secundò ex communi omnium Theologorum praxi, qui tam in speculativis; quam in moralibus sedulo se impugnant, quamvis post omnem diligentiam adhibitam fateantur oppositam opinionem manere probabilem; hoc autem non facerent, si laborem suum inutilem existimarent. Ergo mens & facta omnium sapientum apertè ostendunt, opinionem probabilem, suâ probabilitate non amisâ, mediis probabilibus meritò impugnari, quamvis non expugnetur. Et sanè credere non possum, Carum meum unquam existimasse hæc duas assertiones non esse veras, seu quod idem est, assertuisse inimpugnabilitatem, istis assertionibus evidentè rejectam, universaliter cuivis opinioni probabilis convenire; vir enim sagacissimus & ingeniosissimus non adeo cæcutit in luce meridiana. Celladeus tamen ita hæc contra illum exaggerat, ac si docuisset, dictam inimpugnabilitatem esse proprietatem ab omni opinione probabilis essentialiter inseparabilem. Sed ipsi, quid quis hac in re dixerit aut tenuerit, licet instituant, meâ enim hoc non interest.

ASSERTIO III.

Dantur aliquæ opiniones, quas nemo nisi imprudenter sperare potest se everfurum, quantumcunque laboraverit. Talis est sententia benigna reflexa, qua docet, usum cujusvis opinionis directæ, certò practicè probabilis, esse licitum.

6. **PROBATUR.** Quæ spectant ad universale jus naturæ, talia sunt, ut vix quemque peritum ac probum latere possint. Certè talia sunt, ut omnes omnino peritos & probos veritatem diligentissimè investigantes latere non possint. At benigna sententia, de qua loquitur assertio, est objectum spectans ad universale jus naturæ, quia tractat de modo debite formandi conscientiam in rebus incertis, quando veritas post debitam diligentiam inveniri non potest, quod haud dubiè ad jus naturæ pertinet. Ergo veritas hujus objecti non potest latere omnes, qui diu multumque illam investigarunt. Sed latuisset omnes illa veritas, nisi benigna sententia esset vera: est ergo verissima. Probatur minor, quia omnes omnino Catholici Doctores, qui hac de re in expressis terminis egerunt, per plus quàm centum annos unanimiter docuerunt, talem opinionem esse veram, & cuique licitum esse sequi quamvis opinionem certò practicè probabilem, etiam minùs tutam, minùsque probabilem. Nec de hac re quisquam, præter unum Comitolum dubitavit. Quod autem ad majorem probabilitatem directam pertinet, nemo Catholicorum, præter unum Celladeum, universaliter negavit usum illius esse licitum. Qui autem non ita pridem negarunt, licitum esse sequi opinionem directam minùs tutam æquè aut minùs probabilem, manifestam passi sunt æquivocationem, cum nec ego, nec multi alii mecum, id doceamus in sensu, in quo illi id negant, nec ipsi id negent in sensu, in quo id à nobis asseritur. Affirmamus enim solam majorem probabilitatem, si omnia inspiciantur, esse regulam formalem conscientiæ, ut tunc in hoc tractatu, tum *quæst. 23. de Consc. prob.* fusè demonstravi. Itaque sententia benigna, in sensu legitimo sumpta, semper ab omnibus pro vera agnita est. Ergo si esset falsa, veritas illius omnes latuisset. At hoc est moraliter impossibile. Ergo est verissima. Porro ex eodem capite sequitur, neminem posse prudenter sperare, se illam falsitatis apertè posse convincere, quia alioquin deberet credere, universalis principia juris naturalis ita latere posse, ut aut nemo, aut vix quispiam post omnem diligentiam adhibitam illa videat. At absurdum est hoc cogitare, & consequenter imprudens est ad illud ipsum probandum, seriò eniti.

7. Probatur secundò. Quoties aliquis particularis homo non habet, nec habere potest ulla experimenta, instrumenta, aut principia, quæ omnibus communia non sunt, quæque ab omnibus summa industriâ ac multorum sæculorum decursu adhibita non fuerunt ad veritatem indagandam, toties ille imprudenter faceret, si eadem tantum adhibendo conaretur apertè falsitatis arguere omnes priores, qui per plura sæcula diligentissimè versarunt illa principia, atque in illis suis de quæ versatis unanimi consensu eandem veritatem detexerunt, eamque pro indubitata habuerunt, & amplexi sunt. In quo enim, quæso, fundari

Dantur aliquæ opiniones, quas optines impugna-biles.

Opinio benigna est inimpugnabilis.

fundari potest audacissima illa spes, omnes omnino in tali materia talique casu confundendi? nōne qui sic prætenderet, ab omnibus ut præsumptuosus contemneretur? at hic est casus noster, quia versamur in materia, in qua nulla experimenta excogitari possunt, quæ omnibus non fuere communia; omnes autem unanimiter per plura sæcula quæstionem hanc sedulò considerarunt, atque unanimi consensu docuerunt, benignam sententiam esse veram, nec de ea prudenter dubitari posse. Ergo nemo absque nota temerariæ præsumptionis prætendere potest, eam ita falsitatis arguere, ut illa amplius rationalis ac probabilis haberi nequeat. Hanc inimpugnabilitatem sententiæ benignæ audacter tribuo, & hanc, aut aliam huic non dissimilem, illi tribuisse Carumelum existimo. At in aliis rebus peculiaribus, in quibus Auctores dissentiunt, vel nova experimenta & principia adhiberi possunt, non adeo desperandum est negotium, si quis in aliquibus aspires, ut quæ nunc sunt probabilia, eadem per suam industriam improbabilia evadant.

Quæ aliz
opinionēs
sint inexplu-
gabiles.

8. Neque hanc inimpugnabilitatem soli benignæ sententiæ tribuo, sed aliis multis; maximè illis, quæ ad jus naturæ pertinent, & unanimiter ab omnibus admittuntur ut vera: Quale est, ignorantiam invincibilem excusare ab omni prorsus malitia per se imputabili. Cujus veritas, licet probabilissima sit, non tamen est adeo evidens, quin nuperrimè experta sit strenuos impugnatores, qui eam apertè falsitatis arguere non sunt veriti. Horum antesignanus fuit Janfenius Iprensis, quem hac in re fusè impugnavi in tract. de Consc. prob. quæst. 16.

Celladeus
immeritò
concedit al-
teri opinio-
ni, quod ne-
gat beni-
gonæ.

9. Atque hic peto à Celladeo, utrū propositio dicens, *errorem & ignorantiam invincibilem à toto excusare*, nunc saltem non habeat inimpugnabilitatem hinc assertam? si neget, omnes Catholicos ritè sentientes sibi contrarios habebit, & ipse sibi non constabit; ita nempe de hac re loquitur, ac si res esset indubitata, nec rationabiliter in dubium revocari posset. Si concedat, peto unde id probabit? non aliundè quàm argumentis hic allatis, vel aliis prorsus similibus, quæ haud dubiè sufficienter, & morali ut minimū certitudine evincunt intentum. Atqui omnia ista argumenta æquè valent pro confirmatione benignæ sententiæ. Ergo æquè convincunt, illam habere prætenfam inimpugnabilitatem.

Quod pro-
bat ignora-
tiam invin-
cibilem ex-
cusare pro-
bat benignā
sententiam.

10. Quod si dicat, rationes directè probantes, *ignorantiam invincibilem à toto excusare*, esse evidentes, aut adeo moraliter certas, ut evidenter ostendant, nullam esse posse spem prudentem convincendi oppositum; verum quidem dicet, quia intellectus bene dispositi hoc vident; sed adversarios id ore aperto negantes audiet, unde aliis viis reflexis, quantum fieri poterit, eos redarguere oportebit, sumendo principia ab illis concessa, quale est illud à me usurpatum, & à Janfenio ultro concessum, scilicet *nullam dari ignorantiam invincibilem juri naturæ*; quod quamvis nec certum sit, nec verum, si sermo sit de peculiaribus quibusdam conclusionibus, quæ non nisi magno labore ex primis principiis deducuntur: illud tamen de universalibus juris naturæ principiis & conclusionibus certum est, saltem in sensu, in quo ego illud proposui, & in quo haud dubiè ab ipso Janfenio pro vero admittebatur. Præterea id ipsum potiori jure dici potest & debet de rationibus benignæ sententiæ, quæ certè tales sunt, ut veritatem illius morali qua-

dam certitudine demonstrent, & apertè concludant, rem aliter se habere non posse. Præterea quidquid asserri potest ad probandum, *invincibilem ignorantiam à toto excusare*, id ipsum probat veritatem benignæ sententiæ, quæ ex vi suæ expressionis apertè supponit, ignorantiam invincibilem veritatis latere in opinione, cujus usum affirmat esse licitum, casu quo contingat illam esse falsam, ut fusè ostendi tum hic quæst. 1. & 2. tum quæst. 23. de Conscientia prob. num. 109. & seq. Ergo quidquid probat ignorantiam invincibilem excusare, id ipsum eodem modo probat veritatem nostræ benignæ sententiæ, quæ aliis etiam validissimis argumentis stabilitur, ut constat ex dictis quæst. 19 & quatuor sequentibus de Consc. prob. atque ex toto hoc opere magis magisque constabit.

ASSERTIO IV.

Nulla opinio directæ, certò practicè probabilis, absolute confutari potest tanquam illicita ut in praxim reducatur, modo certam suam probabilitatem non amittat.

11. **P**ROBATUR, & quidem inprimis nulla opinio probabilis, manens probabilis, medio evidenti refelli potest, quia eo ipso perderet suam probabilitatem, & sic suppositio, in qua loquimur, destrueretur. Idem valet de argumentis quibuscumque, quæ probabilitatem ejus destruerent. Rursus, non potest sufficienter refelli ullo medio probabili, non destruyente illius intrinsecam probabilitatem; quia tali impugnatione non obstante manebit probabilis, ideoque directè & per se, ex vi proprii motivi sufficet, ut intellectus illi assensum prudenter præbeat; eo ipso autem quod assensus ei præbeatur ex motivo certò probabili ac prudenti, intellectus statim ex evidenti principio synderesis reflexo surgit ad formandum judicium certum de honestate talis actionis, ut fusè ostensum est multis in locis utriusque Tractatus. Ergo impossibile est, ut stante certà cujusvis sententiæ probabilitate, illa absolute convincatur non posse sufficienter praxim dirigere. Hæc ratio evidenter evincit intentum respectu illius, cui illa probabilitas est major probabilitate sententiæ contrariæ, quia evidens est, quod prudenter assentiri possit tali opinioni, atque ita progredi ad formandum certum & infallibile conscientie dictamen. Quod si opinio illa directæ supponatur apparere alicui tanquam æquè aut minus probabilis, quàm alia, fateor non esse certum, quod intellectus in sensu composito talis comparisonis admittæ ac approbatur illi assensum præbere possit, ideoque in illo casu rationes directæ non sufficient ad præsens intentum eo modo convincendum, quo illud ex vi majoris probabilitatis demonstratum est. Nihilominus probabilitas illa minor, in ratione objecti considerata, fundat tot argumenta reflexa, tam validè prævalentia omnibus, quæ in contrarium asserri possunt, ut perspicuum sit, illius honestatem, si argumenta omnia etiam reflexa inspiciantur, esse probabiliorē ejusdem inhonestate. Semper enim erit verum, legem vetantem non esse sufficienter promulgatam; semper verum erit, in dubio meliorem esse conditionem possidentis; aliæque hujusmodi argumenta necessariò locum habebunt, ex quibus honestas talis actionis tanta veritatis similitudine probatur,

Ufus opi-
nionis certò
practicè
probabilis
non potest
convinci esse
illicitum.

ut

ut certum sit, nil adhuc simile allatum fuisse, & moraliter certum est: limitatam hominis industriam in hac materia (quæ est quæstio spectans ad jus naturæ circa modum debite formandi conscientiam in incertis) nil simile asserere posse in contrarium, quia si aliquid potuisset, illud utique post tot sæcula tantumque tot ingeniorum laborem fuisset inventum. At stante hac reflexâ prævalentiâ probabilitatis, evidens est, honestatem ipsam prudentissimè affirmari posse, atque ita conscientiam per infallibile dictamen certificari de honestate suæ operationis. Ergo impossibile est humano intellectui absolute convincere, usum talis opinionis esse illicitum.

Probat ex
priori asser-
tione.

12. Probat secundò. Hæc assertio est ita connexa cum priorē, ut, stante illius veritate, hæc falsificari non possit; illa autem asserit, benignam sententiam, quæ docet licitum esse sequi quamcumque opinionem certò practice probabilem, non esse expugnabilem. At si convincere possemus, aliquam opinionem certò probabilem non posse licitè in praxim reduci, eo ipso benigna sententia falsitatis convinceretur & expugnaretur. Verùm illa expugnari non potest, nec falsitatis convinci, ut ostensum est. Ergo nulla opinio certò practice probabilis confutari potest tanquam illicita pro praxi, modò certam suam probabilitatem non amittat. Ceterùm hæc inimpugnabilitas non fundatur in solo titulo probabilitatis, ut patet, quia multa probabilia revinci possunt; sed vel in probabilitate in tali materia, cujus veritas tamdiu à tot investigata fuit, & unanimi consensu inventa & agnita, vel certè in probabilitate quamdiu illa manet, eò quòd existentia certæ probabilitatis sufficiat ad inducendum judicium prudens de honestate rei, quo judicio intellectus manuducitur ad formandum judicium certum & infallibile de honestate suæ operationis.

SOLVUNTUR OBJECTIONES.

Disputatio
& defensio,
quæ proce-
dit in infi-
nitum, est
vana.

13. **O**BJECIT primò. Omnis disputatio & defensio, quæ in infinitum procedit, est vana & fatua, quia non resolvitur in principium ullum immediatum, in quo sistatur. Sed probatio & defensio duarum ultimarum assertionum est talis. Ergo est vana & fatua. Probat minor. Benigna sententia est assertio reflexa, quæ dicit, *licitum esse sequi quamlibet opinionem certò practice probabilem*. Hæc autem propositio non affirmat opiniones illas esse veras aut probabiles, sed solum dicit, eas esse tutas, si sint probabiles. Similiter eadem propositio de se ipsa non enunciat, se esse probabilem, sed solum in universali se fore tutam, si sit probabilis. Ergo ad licitum ejus usum, opus est alia cognitione reflexa, quæ enunciet illam esse probabilem ac tutam. At difficultas redit de hac secunda cognitione reflexa, quam adversarii negant, nec nos debemus contendere eam esse veram, quia tunc directè respondendum est ad argumenta, & reflexa inimpugnabilitas, quam nunc prætendimus, deseritur. Ergo debemus contendere, secundam illam propositionem manere probabilem, quicquid in contrarium assertur. At illa non affirmat se esse probabilem, ut antea dictum est de prima. Ergo opus erit tertia cognitione reflexa, & sic in infinitum. Ergo hæc inimpugnabilitas prætensa nullo nititur principio immediato, sed in infinitum procedit. Ergo est stulta & fatua. Ita Celladeus, lib. 1. quæst. 2. §. 3. Ubi dicit, argumentum hoc

esse demonstrationem Logicam, licet eam omnes non capiant.

Respondeo primò, argumentum solvendum esse ab omnibus in propositione reflexa, quæ asserit, *errorem invincibilem excusare à toto*, & multò clariùs in propositione reflexa, quæ asserit veritatem dictæ propositionis esse inexpugnabilem, seu neminem posse prudenter coherere ad eam expugnandam; siquidem argumentum æquè procedit contra utramque hæc propositionem reflexam, ac contra benignam sententiam, ut patet. Et tamen omnes, etiam adversarii, admittunt, similes propositiones reflexe loquentes de ignorantia invincibili, esse veras. Quidni ergo similes propositiones de licito probabilium usu possint esse veræ, non obstante hoc argumento?

14. Respondeo secundò directè, & dico, nos loqui tam de veritate, quam inexpugnabilitate benignæ sententiæ; & quamvis principale intentum respiciat veritatem ipsius, in præsentem tamen quæstione potissimè respicimus ad ejus inexpugnabilitatem. Hoc posito, dico, propositionem illam reflexe dicentem, *usum opinionum certò practice probabilium esse licitum*, affirmare se esse veram signatè vel exercitè, formaliter vel virtualiter, & essentialiter excludere omne dubium de sui improbabilitate. Nec mirum, quia plus est esse verum, quàm esse verisimile aut probabile. Ergo cum omnis propositio dicto modo affirmet se esse veram, utique à fortiori exercitè affirmat se esse probabilem. Ratio autem à priori est, quia quod creditur absolute commensurari vero, quod est credi verum, non potest non credi ad verum accedere, quod est credi probabile. At omnis propositio, virtualiter saltem & exercitè, affirmat se commensurari vero, seu se esse veram. Ergo virtualiter saltem & exercitè, affirmat se ad verum accedere, seu esse probabilem. Verùm parùm sollicitus sum, quid de se ipsa hoc modo affirmet, vel non affirmet illa propositio; quia nulla est propositio exercitè sumpta, in qua aliud respicimus quàm veritatem, cum sola veritas sit motivum omnis propositionis. Jam assertio reflexa de usu licito probabilium non est evidenter, & fortasse neque probabiliter vera ex terminis; itaque veritas hujus propositionis querenda est. Ea autem queritur & investigatur per argumenta, quibus ad eam astruendam inducimur. Illa autem fundantur in principiis immediatis, & talia sunt ut non solum probent veritatem ipsam, sed si jungantur probationibus assertionis 3. (quæ etiam sunt argumenta probantia veritatem ipsius) id est, si omnia simul considerentur, tanta claritate evincunt veritatem assertam, ut simul & semel ostendant, eam esse ita probatam, ut nulla humana industria everti possit, aut rationabiliter existimari improbabilis. Nec mirum, quia argumenta, quæ necessariam & indefectibilem hujus propositionis veritatem evincunt, eadem, spectatâ qualitate materiæ & conatûs ab omnibus adhibiti, pari efficacia evincunt, talem doctrinam esse prorsus inexpugnabilem: Certè argumenta, quæ evidenter probant aliquid esse verum, semper simul probant oppositum demonstrari non posse. Similiter argumenta, solum obscure probantia veritatem aliquam, simul probare possunt, nil ab hominibus asserri posse in contrarium, quo falsitatis convincatur. Hoc videre est in mysteriis fidei, quæ, etsi obscura, adeo credibilia sunt, ut certum sit, nil asserri posse, quòd ea improbabilitatis convincat. Idem valet in aliquibus rebus probabilibus, illis saltem quæ ratione

Retorquẽ-
tur argu-
mentum.

Omnis pro-
positio,
exercitè sal-
tem, dicit
se esse veram
& probabi-
lem.

Sola argu-
menta pro-
bant verita-
tem & pro-
babilitatem
alicujus
propositio-
nis.

materiæ faciliè patent, & diu ac diligenter quæsitæ fuerunt ab omnibus, atque semper ab omnibus eadem invariabiliter inventa sunt. Jam representatio, de hisce mentem certificans, non distinguitur ab actu, quo affirmantur, licet opus sit conjicere oculos in argumenta seu præmissas, ex quibus actus ille deducitur, ut sciamus, unde claritas illa deducatur, & ut de claritatis illius magnitudine reflexè certificemur.

In proba-
tione nostra
sistimus in
veritate
primæ pro-
positionis
reflexæ.

15. Itaque non est opus recurrere ad secundam cognitionem reflexam, quia veritas primæ cognitionis reflexæ sufficienter evincitur absque tali recurso, & ex ejus veritate, etsi solum probabiliter & obscurè inventâ, unâ cum argumentis à qualitate materiæ, diuturna inquisitione, & unanimi omnium consensu desumptis, veritas inimpugnabilitatis prætensæ stabilitur. Errat porro Celladeus, dum dicit, nos non debere recurrere ad veritatem primæ aut secundæ propositionis reflexæ, nam nos non progredimur, ut ille arbitrat, ad secundam propositionem reflexam, sed in veritate primæ sistimus, & si ad secundam progredieremur, in ejus veritate quærenda sistendum esset. Hoc autem non est deserere, sed stabilire inimpugnabilitatem prætensam, quia illa fundatur in veritate hujus propositionis, prout est propositio in peculiari materia omnibus obvia, cujus veritas ab omnibus per plura sæcula investigata fuit, & ab omnibus rationabiliter sententibus agnita, absque eò quòd unquam inventi potuerit argumentum, quo vel unus allectus fuerit, ad subscribendum contrariæ sententiæ, &c.

Quamvis
queremus so-
lum de pro-
babilitate
propositio-
nis reflexæ,
non daretur
processus in
infinitum.

16. Hoc responsum valeret, quamvis admitteremus, veritatem benignæ sententiæ, ejusque inimpugnabilitatem assertam esse solum probabilem. Verum aliter de utraque sentiendum est; veritas enim benignæ sententiæ est moraliter certa, nec erraret, qui diceret eam esse absolute demonstratam, sicut in moralibus res demonstrari solent. Non libenter magnifico res ultra earum meritum, sed argumenta, tum in tract. de Consc. prob. tum in hoc opere allata, veritatem ipsam adeo evincunt, ut de ea aliter loquendum non sit. Quòd verò spectat ad prætensam inimpugnabilitatem, illa adhuc clarior est, quia fundatur in peculiaribus præsumptionibus, contra quas constat nullam esse, aut esse posse rationabilem exceptionem. Corruit ergo prætensa Celladei demonstratio Logica, in qua certè nil energicè reperitur, quia procedit de subiecto non supponente, quasi verò non esset agendum de veritate propositionis reflexæ, cum de illa potissimè agendum sit, ut sic ex argumentis veritatem illius probantibus, unâ cum qualitate materiæ, communique omnium conatu & consensu, ejusdem inimpugnabilitas statuatur. Præterea, etsi non ageremus de ejus veritate, sed probabilitate, non sequeretur processus in infinitum, quia ipsa exercitè & æquivalenter affirmat se esse probabilem. Et quidem id affirmat, non dubiè, sed certò & evidenter, quia probabilitas consistit in motu quodam seu impetu, quo intellectus impellitur ad assensum, aut in peculiari gradu claritatis, quàm impetus præcedens refundit in assensum, ut fusiè ostensum est *quest. 3. de Consc. prob.* ille autem gradus claritatis non distinguitur ab ipso judicio probabili. Claritas ergo illa est actui essentialis, adeoque non potest non esse exercitè nota & affirmata ab ipso actu: est enim actus non quomodocumque probabilis, sed signatè cognoscitur esse evidenter talis; ergo est exercitè evidenter talis. Ergo evidenter exercitè cognoscit

& affirmat suam probabilitatem. Ergo non est opus ulterius progredi ad aliam cognitionem reflexam, à qua illa probabilitas affirmetur. Eodem modo discurro de inimpugnabilitate ipsius; actus enim ipse dependet ab omnibus suis motivis, inter quæ aliqua apertè ostendunt, oppositum non posse ab homine probari esse verum. Ergo ipsemet actus exercitè cognoscit & astruit suam inimpugnabilitatem, & intellectus in eo sufficienter quiescit, nec ad hoc opus est ad alias cognitiones reflexas recurrere. Ergo prætensa Celladei demonstratio undique ruit.

17. Video Celladeum ad hæc fortè risurum, eò quòd ipse neget tam veritatem, quàm prætensam sententiæ benignæ inimpugnabilitatem. Verum quòd ille hoc neget, non probat utramque non esse veram, & legitimè probatam, nos cum Celladeo similia affirmamus de ignorantia invincibili. Miratur Jansenius, & unâ cum suis affectis ridet nos, ac protestatur, se utrumque negare, imo contrarium ferme instar dogmatis fidei credere. Rursus omnes similia dicimus de credibilitate & inimpugnabilitate mysteriorum fidei, interim heterodoxi ridet, & clamant se utrumque negare. Annè ideo nos falsum dicimus, aut assertum nostrum sufficienter non probamus? absit. Idem prorsus valet in casu nostro; nam sicut illi ideo hæc non vident, quia vel argumenta nostra non ponderant, vel ex passione mentem excecant, & affectu in unam partem indebitè inclinato, discutunt; ita pariter Celladeus non videbit veritatem hanc, si argumenta nostra debite non consideret, aut si ex passione aliqua vel affectu ad partem contrariam indebitè propenso discurrat. Consideret argumenta nostra acuratè, & si affectum aut passionem indebitè alligatam habeat ad partem contrariam, illam deponat; & illico veritatem videbit, sicut ex dictis nullitatem suæ demonstrationis prætensæ colligere poterit.

18. Objicit secundò. Benigna sententia, saltem virtualiter & exercitè dicit, se esse veram, hoc enim commune est omnibus enunciationibus; rideretur enim tam in scholis quàm in foro, qui aliquid enuntians, nollet dictum suum tanquam verum defendere, sed appellaret ad probabile, dicendo dictum suum esse probabile; omnis enim aliquid enuntians, tenetur de vero, nec satisfacit per probabile. Ergò qui profert benignam sententiam, ejusque objectum affirmat, tenetur ad eam tanquam veram defendendam. Quod si nolit, & ad ejus solam probabilitatem appellet, saltem tenetur hoc suum secundum dictum tueri tanquam verum, nec se satis defendit per aliud probabile, sed absurde procedit in infinitum à probabili ad probabile, nec in illo unquam immediato principio sistit. Ergo ineptè asseritur aliqua propositio esse inimpugnabilis, quando assertio illa defenditur, prætermittà disputatione de illius veritate, confugiendo ad probabile aliud reflexum, quod à vero & falso præscindit, quia talis assertio ad sui defensionem & constantiam indiget processu in infinitum. Atqui talis processus in motivis est impossibilis. Ergo ad sui defensionem indiget aliquo impossibili. Ergo per hoc quòd se statuatur hoc modo inimpugnabilem, erit impugnata & interempta, cum ad suam salutem & vitam opus habeat remedio impossibili ac interminabili. Ita Celladeus §. 4. ubi dicit hanc secundam argumentationem esse legitimam demonstrationem.

19. Respondeo Celladeum in antecedente nobiscum

Omnia dicta ex-
emplo comprobantur.

Objection 2.

Nalitas
præsentis
demonstra-
tionis mul-
tis modis o-
stenditur.

biscum convenire; hoc autem admissio, perspicuum est, nos non recurrere ad probabilitatem prout præcendit à vero & falso, ut sententiam benignam defendamus, sed eam veram defendimus, & ex argumentis veritatem illius probantibus, unâ cum allatis præsumptionibus, directè st. bilimus illius inexpugnabilitatem, quam dicimus & defendimus esse veram & realem, non autem solum probabilem & apparentem. Ergo nulla est apparentia processus in infinitum. Itaque Celladeus videtur formasse sibi inexpugnabilitatem quandam à nemine assertam (Caramuel enim, quem Celladeus citat, non mihi videtur talem inexpugnabilitatem tribuere sententiæ probabilis, sed solum eam, aut similem ei, quam ego proposui ac probavi) atque illam rejicere arguendis, quæ pñ demonstrationibus venditæ. Verum illa, etiam in sensu ipsius Celladei accepta, rem non evincunt, quia qui pro defensione benignæ sententiæ non ad ejus veritatem, sed solum ad ejus probabilitatem recurreret, dicendo illam esse certè probabilem ac rationabilem, & consequenter sufficientem regulam conscientiæ, non necessariò fugit ad aliud probabile, quo se defendat, quia defendere se potest per hoc ipsum probabile jam assertum, eò quòd probabilitas illa sit evidens, sicut est evidentissima: unde probabilitas benignæ sententiæ non indiget novo probabili, aut novo argumento, ut se defendat, sed seipsa tuta est contra omnes impugnationes, simulque certissimè tutatur suam probabilitatem. Nec solum tutatur eam, sed simul ob qualitatem materiæ, de qua disputamus, ob diuturnum omnium studium ac unanimem consensum, ita illam defendit de præsentis, ut illam ostendat esse in posterum inexpugnabilem. Quod si contendas, probabilitatem benignæ sententiæ non esse evidentem, ideoque recurrendum esse ad aliud probabile, & sic in infinitum; in primis evidenter erras, quia benigna sententia est evidenter probabilissima, & quod plus est, moraliter certa, ut proximè dictum est.

Ruit argu-
mentu etia
in sensu,
quo. Cella-
deus illud
potat esse
demonstra-
tivum.

20. Secundò, argumentum non valet, quamvis admittamus probabilitatem benignæ sententiæ non esse evidentem, sed solum probabilem, quia sicut in evidentibus non datur processus in infinitum, ita nec in probabilibus; sistendum enim tandem est in aliquo probabili immediato, tanquam in principio, immediatè quidem credibili, quamvis obscuro. Quod autem dentur ejusmodi prima-principia immediatè probabilia, probatum est in *tract. de Consc. prob. quest. 4. num. 2. & seq.* itaque motiva prima & immediata, quæ suadent opinionem benignam esse probabilem, vel sunt evidentiæ, vel sunt immediatè probabilia. Pono nunc non esse evidentiæ; sunt ergo, vel certè, hoc argumento non obstante, esse possunt immediatè probabilia. Quæ autem talia sunt, egent alio probabili ad suam probabilitatem nobis ostendendam aut defendendam, ut patet. Jam principia nobis immediatè probabilia, hic & nunc à nobis

fallitatis convinci non possunt, alioquin non essent amplius immediatè probabilia, ut patet. Quidni ergo talia sint, aut certè, hoc argumento non obstante, esse possint argumenta probantia probabilitatem benignæ sententiæ? Ego dico, ac scio illa esse ad minimam talia: non quia puto omne primum principium probabile esse absolutè indefectibile respectu nostri; novi enim contrarium, licet tale, quia apparentia etiam immediatè probabilis sæpe fundatur in eo, quòd nil certi, aut momenti incomparabiliter majoris asseratur in contrarium: ut ostendi in *tract. de Consc. prob. quest. 3.* Jam licet impossibile sit talem propositionem non esse immediatè probabilem ac credibilem, quamdiu totum objectum cum omnibus hisce determinatis circumstantiis repræsentatur intellectui, nihilominus hoc objectum aliquando variatur; quia postea aliquid certum asseritur in contrarium, & tunc illud quod fuerat immediatè probabile non manet amplius tale, eò quòd pars aliqua, ex qua probabilitas essentialiter componebatur, auferatur. Cæterum licet in aliquibus certi aliquid à nobis asserri possit contra aliqua immediatè probabilia, id tamen non est verum in omnibus, nominatim autem hoc non est verum in casu præsentis, quia immediata probabilitas argumentorum, probantium probabilitatem benignæ sententiæ, habet peculiarem relationem ad hanc materiam, quæ spectat ad universale jus naturæ, & conjungitur constanti ac unanimi omnium consensui de veritate propositionis assertæ, etiam postquam per plura sæcula veritatem illius diligentissimè investigarunt. At immediata illa probabilitas, junctâ illis considerationibus, fundat hanc veritatem; quoad nos inalterabilem, nempe, quòd contrarium ejus, quod ipsa repræsentat, ab humano ingenio evinci non possit: quod nemo prudenter valeat eniti ad illud ferio probandum. Hæc autem persuasio, seu apparentia, est primum illud, in quo intellectus fundatur, quando enuntiat, sententiam benignam esse inexpugnabilem. Ego existimo talem apparentiam, esse saltem moraliter evidentem; quod si hoc negetur, est tamen summè probabile, & quidem probabilitate nobis inaufertibili. Unde probabilitas benignæ sententiæ per hanc probabilitatem inalterabiliter subsistit, & inexpugnabiliter triumphat, quamvis illa apparentia concedatur non esse evidens, quod tamen falsum est. Porro nulla in hoc invenitur umbra processus in infinitum. Ecce, demonstrationes Celladei non modò reipso non subsistunt, sed dato, quod quæstionis explicatio ac sensus sit, qualem ipse posuit (quod tamen falsum est) adhuc in hoc ipso sensu rationes illæ corruunt, & fallitatis convincuntur. Cæterum mirum etiam videtur, quòd primam præsentem demonstrationem vocarit logicam, cum nil logicum in illa appareat; maxime cum ipse fateatur se in ea proponenda omittere formam syllogisticam, quam certè omisit. Quid ergo logicum in illa reperitur, unde demonstratio logica vocari debuerit?

Non omne
primo probabile est
indefectibile.

QUÆ.

QUÆSTIO DECIMA- SEXTA.

Verum benigna sententia, si concedatur esse vera, sit utilis ad conscientiam in particulari licite formandam?

Celladeus
minùs clare
quæstionē
proponit.



CELLADEUS, qui omnia versat, ut benignam sententiam evertat lib. 1. quæst. 9. contendit probare, praxim probabilium non posse defendi ut licitam, quamvis supponamus, licitum cuique esse sequi quamvis opinionem certò practicè probabilem, in sensu quo communis gravissimorum Auctorum consensus tradit id esse licitum. Ille quidem proponit quæstionem in terminis, sub quibus nos illam non defendimus; ait enim, praxim aliquorum, quaslibet librorum opiniones sectantium, non posse convinci licitam, quamvis concedamus, usum cuiusvis opinionis probabilis licitum esse; & totus videtur in hoc tantum impugnando, in quo nullum famosum Auctorem habet sibi contrarium. Verum quia ita discurret, ac si aliud non prætenderet, quàm persuadere effectum illud, *usus cuiusvis opinionis probabilis est licitus*, etsi admittatur ut verum, sicut est verissimum, parvam aut nullam utilitatem asferre ad debitè formandam conscientiam: ideo ne quis ex modo, quo quæstionem proponit ac confirmat, arbitretur benignam sententiam esse inutilem, quamvis concedatur esse vera, operæ pretium erit diserte in hac quæstione ostendere effectum illud: *usus cuiusvis opinionis certò practicè probabilis est licitus*: si admittatur esse verum, esse utilissimum ad formandam conscientiam, eademque occasione evincere, benignam sententiam, quoad totam suam universalitatem & praxim, esse evidenter veram, si veritas illius propositionis admittatur. Sit ergo.

ASSERTIO PRIMA.

Hæc propositio, usus cuiusvis opinionis certò practicè probabilis est licitus, si sit & admittatur esse vera, est utilis, ex mente Auctorum illam tradentium, ad conscientiam debitè dirigendam.

Opinio benigna, si sit vera, utilis est ad formandam conscientiam ex mente Auctorum.

2. PROBATUR. Qui docent illam propositionem, eam tradunt pro regula generali, per quam omnes facile dirigi possint ad formandam conscientiam in rebus, circa quas diversæ sunt Auctorum sententiæ. Hoc enim ipsi expressè prætendunt, & ad hunc finem assertionem illam tam diligenter stabiliunt. Ergo omnes credunt, illam ad finem intentum esse utilem, alioquin omnes frustra & stultè laborassent, proponendo media ut utilia, quæ credidissent esse inepta ad finem obtinendum. Ergo opinio benigna ex mente Auctorum illam tradentium est utilis & commoda ad conscientiam ritè formandam.

ASSERTIO II.

Eadem propositio, si sit vera, est utilissima ad conscientiam debitè formandam.

3. PROBATUR. Admissâ illâ propositione, facile formari possunt innumeri syllogismi legitimi, quorum conclusiones evidenter ostendunt, quænam particulares opiniones sint licitæ. Ergo illa propositio est utilissima ad debitè formandam conscientiam. Tenet consequentia, quia nil utilius est ad debitè formandam conscientiam, quàm regula, quâ in casibus innumeris illa facile dirigatur ad formandum iudicium practicum verum de honestate operationis. Probatur antecedent. De omnibus & singulis opinionibus, quæ sunt certò probabiles juxta mentem docentium, usum quarumvis opinionum practicè probabilium esse licitum, facile formari potest hic syllogismus: *Usus cuiusvis opinionis certò probabilis est licitus: sed hæc opinio est certò probabilis: ergo hujus opinionis usus est licitus*. At obvix sunt innumerae opinioniones certò probabiles, juxta mentem illorum Auctorum, ut mox probabo. Ergo innumeri hujusmodi syllogismi facile formari possunt, stante veritate illius propositionis. In toto discursu nulla est difficultas nisi in minore, quæ dicit, innumeras dari opiniones certò probabiles juxta mentem illorum Auctorum, illasque esse obvix: quare minor illa demonstratur. Inprimis, omnes asserunt opinionem, in qua omnes consentiunt, esse probabilem in sensu quem intendunt. At multæ sunt opiniones, in quibus omnes conveniunt. Talis est opinio dicens, possidere bonæ fidei licite retinere rem, de qua dubitat, an ad alium spectet, donec veritas investigetur; quodque si, post debitam diligentiam, veritas inveniri non possit, sed rationes, aut æquales aut majores faveant possessori, possessor liberè uti possit re illa, &c. hic casus est valde practicus, & frequentissimè obviæ. Rursus talis est opinio dicens, hominem scrupulosum, si Deum timeat, ac à peccatis manifestis maximè abhorreat, licite sequi posse consilium sui Confessarii, qui habetur peritus & probus, quodque melius faciat obedientiâ cæcâ illi obediendo, quàm rem ulterius investigando, &c. Et ne supersit difficultas scrupuloso an sit scrupulosus, & consequenter an possit uti privilegio hujus sententiæ, dant signa evidentia, ex quibus cognosci possit an sit scrupulosus, & ulterius pergunt, ac dicunt, eum debere se reputare scrupulosum, si peritus & probus Confessarius, cui conscientia ejus aperta est, judicet illum esse scrupulosum, & scrupulorum regulis dirigendum.

Eadem opinio, si sit vera, est absolutè utilissima ad conscientiam ritè formandam.

Plurimæ sunt opinioniones ex mente Auctorum certò probabiles.

Prima probabilium classis.

Simili-

Similiter omnes consentiunt, quod rudes in rebus dubiis tutò stare possint directioni probi ac periti Confessarii. Ecce maxima pars hominum certò scire potest, quenam sint opiniones probabiles juxta mentem illorum Auctorum, & consequenter in omnibus fermè suis dubiis certò scire, se juxta mentem illorum conscientiam formare. Nec defunt aliz plurimæ opiniones ejusmodi, quæ valdè universales sunt, & plurimis aut etiam omnibus deserviunt.

Secunda
classis pro-
babiliū.

4. Secundò, omnes docent, opiniones illas esse probabiles, quæ inter Theologos & juris peritos sunt communes, adeo ut plurimi gravissimæque pro illis stent, etiam postquam examinant rationes, in quibus adversa pars fundatur. Atqui innumeræ sunt ejusmodi sententiæ evidenter communes in scholis & foro. Ergo innumeræ sunt evidenter probabiles in sensu Auctorum illorum. Ergo sunt innumeræ, quæ ex propositione illa admissa concluduntur evidenter licitæ. Quod dictum est de opinione communi, à fortiori valet de opinione communiori, sunt autem plurimæ tales, & quidem nonnullæ sunt communissimæ, ita ut valdè pauci contrarium teneant, quos in numero opinionum certò probabiliū involvi certissimum est.

Tertia pro-
babiliū
classis.

5. Tertiò, quoties sermo est de opinione non adeo communi, ut de re particulari, quæ nondum in disputationem multorum venit, Auctores illi dant regulas, ex quibus scire possimus, quznam opinio juxta mentem ipsorum haberi debeat probabilis. Jam licet aliqua diversitas reperiatur quoad hoc inter aliquos, tamen pauci sunt qui ab aliis discrepant, & in hoc solùm discordant, quod doctrinam aliorum ad plura extendant quam ipsi. Si ergo doctrina in sensu strictiori sumatur, omnes omnino conveniunt, propositiones talibus circumstantiis affectas, esse probabiles. At innumeræ eæque obvix sunt propositiones, quibus dictæ illæ circumstantiæ evidenter conveniunt. Ergo illæ sunt certò probabiles in sensu Auctorum illorum. Ergo omnes illæ sunt certò licitæ in hypothesei assertionis.

Ultima pro-
babiliū dis-
cernendorū
regula.

6. Demum omnes fermè dant definitionem opinionis probabilis, aut si qui propriam non dant, eam juxta communem aliorum explicationem intelligunt. Sumptâ ergo rigorosissimâ opinionis probabilis explicatione, in qua omnes conveniunt, toties licebit ullam opinionem sequi, quoties evidens est, illam esse probabilem in sensu dicto, undecunque illa evidentia habeatur. Atqui sæpissimè talis evidentia habetur, & sæpè quidem valdè faciliter, ut evidens est percurrenti *quest. 2. §. 5. & 6. de Cens. prob.* ubi fusè de hac materia actum est. Et quidem ne dubium hac de re superesse possit, Auctores illi distinxerunt opinionem probabilem in intrinsicè & extrinsicè talem. Pro utraque discernenda regulas faciles & obvias præscripserunt, & quomodò ac quando pro conscientia debite formanda sufficiat, fusè explicarunt. Sed & peculiare pro doctis, peculiare etiam pro rudibus regulas præscripserunt, ut nil clarius esse possit, quam quomodò certi possimus esse, nos sequi opinionem probabilem in sensu ipsorum. Qui legerit citatas quaestiones in tractatu meo de Conscientia probabili, horum omnium veritatem perspiciet.

ASSERTIO III.

Si eadem propositio admittatur esse vera, certum est, praxim benignæ sententiæ, quoad omnem usum à nobis assertum, esse licitam.

7. **P**ROBATUR. Tunc universalis praxis sententiæ benignæ, à nobis asserta, est certò licita, quando omnis praxis ab illa asserta est conclusio legitime deducta à præmissis veris & certis. Sed omnis praxis benignæ sententiæ à nobis asserta est hujusmodi. Ergo est certò licita. Probatur minor: Nos solùm asserimus, praxim illius esse licitam, quando sequimur opinionem certò probabilem, sumendo opinionem probabilem juxta indubitatum sensum Auctorum illius sententiæ. At quoties certum est, opinionem peculiarem esse probabilem in eo sensu, toties syllogismus ille: *Vsus vniuersus opinionis certò probabilis est licitus: sed opinio hac est certò probabilis: ergo illius usus est licitus:* debite formatur. Conclusio autem hujus syllogismi deducitur ex maiore vera, & minore evidenti. Ergo conclusio illa, veritate majoris admissa, est certò vera. Ergo nos solùm asserimus, praxim benignæ sententiæ esse licitam, quando illa est conclusio legitime deducta à præmissis veris, quarum altera supponitur vera, altera certa est & evidens. Sanè si hoc nobis concedatur, habemus intentum, nec aliud in hac quaestione intendimus, aut querimus. Ergo si major illa concedatur esse vera, certum est, universalem benignæ sententiæ praxim, à nobis assertam, esse licitam.

licetem da-
tis, usus be-
nignæ sen-
tentiæ est
certò lic-
tus.

PRIMA CELLADEI OBJECTIO.

8. **O**BJECT primò. Plures absque delectu promiscuè accipiunt quoslibet libros morales, saltem non prohibitos, supponuntque omnes eorum opiniones, saltem non notatas, esse probabiles. Deinde subsumunt, ex mente gravissimorum Auctorum licere quodlibet probabile. Unde concludunt, licere omnia, quæ in libris inveniunt, saltem non notata. Verùm hæc assertio est prorsus absurda, & contra mentem Auctorum dicentium, quolibet probabilia esse licita. Omnes enim, qui expressè docuerunt, licitum esse sequi opiniones, etiam minùs tutas minùsque probabiles, disertè dixerunt, se per probabile intelligere opinionem fundamento gravi, seu rationi magni ponderis innixam. At illi nunquam dixerunt, libros omnes, & omnes Summas casuum non prohibitas esse graves, omnesque opiniones in eis coacervatas niti rationibus magni momenti. Imo nunquam dixerunt, omnes opiniones Doctoris gravissimi fundamento gravi corroborari, nihilque inconsideratus aut levius ex eorum calamis excidisse. Sed neque hoc dicere potuerunt, nisi singuli omnes ejusmodi libros exactissimè trutinassent. At nec ipsi dicunt, se hoc fecisse, nec credibile est id à singulis esse præstitum. Præterea quidquid diligentiz adhibuerint in evolvendis libris tunc editis, certè affirmare non poterant de libris edendis, nullum eorum fore quoad aliqua saltem levem, superficiale, indoctum, ac sophisticum, sed omnes quoad omnia omnino gravi fundamento corroborandos. Loquuntur tamen universaliter, ut patet. Ergo nullus illorum Auctorum dixit, omnes

Non omnes
opiniones
in libris esse
probabiles.

omnes librorum non prohibitorum opiniones non taxatas esse probabiles; & consequenter modus ille philosophandi, quo recentiores utuntur, dicentes: *Hac opinio in libro est, Auctores habet unum, duos, vel etiam plures. Ergo probabilis est probabilitate conscientie, ac tuta & sana*: ab illorum mentibus longissimè abfuit.

Doctores aliquando turmatim eunt in aliquā sententiam.

9. Quid plura? Vasquez 1. 2. diff. 62. cap. 4. nu. 13. negare videtur, turbam etiam Doctorum aliquando sufficere ad probabile. Joannes Sancius diff. 29. nu. 7. citat plures dicentes, aliquam turbam Doctorum sequi sententiam aliquam sine delectu rationum. Thomas Sanchez lib. 1. in Decal. cap. 9. & lib. 4. de matrim. diff. 44. Granadus 1. 2. cont. 2. tract. 12. diff. 12. aliique excludunt à probabilitate conscientie omnes (quos supponunt dari) qui instar ovium & avium sequuntur aliorum vestigia. Vasquez 1. 2. diff. 62. cap. 2. nu. 6. ait, opinionem non debere teneri magis communem, quando Doctores eam turmatim & sine delectu sequuntur. Supponit ergo dari homines, turmatim & sine delectu alios sequentes. Itaque praxis illa proponendi opinionem aliquam ut tutam, eò quòd in libro vel Auctore aliquo vel aliquibus reperiatur, nullius cordati hominis aut gravis Auctoris auctoritate fundatur.

Vasquez dicit multas opiniones carere gravi fundamento.

10. Præterea Vasquez 1. 2. diff. 2. cap. 5. nu. 22. duabus Caietani & Navarri sententiis probatis, sic ait. *Ego tam doctrinam Caietani, quam Navarri existimo esse sine fundamento. Rursus nu. 25. Quod verò dicebat Caietanum parum habet momenti. Deinde nu. 31. ad quandam rationem Cordubæ Auctoris Doctissimi, ait, plane ostenditur, quam parvi ea momenti sit.* Similia sæpe dicit de aliorum dictis & sententiis per omnia sua volumina. Nec dubium, quin alii similia sentiant, etsi in aliorum opinionibus notandis cautiore existerint. Sed & alii non dissimilia de aliquibus à Vasquez dictis enuntiant. Jam opiniones istæ, ex mente Vasquii, non nitentur fundamento gravi. Ergo ex mente illius non erant probabiles, saltem in eo sensu, in quo loquitur, dum dicit, nos tutò sequi posse probabilia.

Omnes in hoc Vasquius consentiunt.

11. Nec Vasquez tantum, sed omnes omnino idem sentiunt, quia omnes fatentur, opiniones olim probabiles, & à gravibus Auctoribus assertas, evasisse improbables. Hoc factum est ostendendo, Auctores illos graves vel non vidisse rationes, quibus posteri moti sunt, vel sine fundamento loquutos. Ergo sicut antiqui potuerunt, ita etiam recentiores hallucinationem pati possunt. At non licet sequi opinionem Auctorum, quando aut sine fundamento, aut non omnibus visis, aut manifestè falsò opinati sunt. Ergo illa assumptio. *Hac opinio in libro est, Auctorem, vel Auctores habet, etiam graves. Ergo ad conscientiam sufficit*, non est Vasquii, nec ullius gravis Auctoris, qui probabilitates pro conscientia approbant, sed prorsus contrariatur menti ac dictis ipsorum. Ergo tuti non sunt, qui hac praxi utuntur, quam in nullius gravis Auctoris auctoritatem possunt resolvere. Ita Celladeus tota §. 1. & 2. qui in fine conatur causam reddere, cur Theologi hac in re æquivocationem passi sint; dicit autem, causam esse, quòd probabile æquivocè dicatur, quòdque probabile opinionibus datum non sit probabile conscientie. Probabile conscientie requirit grave fundamentum; sed ad probabile opinionibus dari solitum sæpe plus juvat consuetum, quam fundamentum; & ad idem conducunt Auctoris honor, tolerantia superiorum, & alia similia. Certè Vasquez non dixit, prædictas Caietani,

Navarri, & Cordubæ opiniones esse improbabiles, nec hoc sæpe sine magna offensione dici potest; tamen dixit, eas carere fundamento gravi. Ergo Vasquez exercitè distinxit suum probabile conscientie ab eo probabilitatis genere, quo vitandæ offensionis causâ opiniones improbabiles dicere non solemus. Nec exercitè tantum, sed signatè satis expressit hanc probabilitum distinctionem num. 17. dicendo, *Non mihi videtur illa censenda probabilis ad hunc effectum, ut secundum illam possim prudenter operari contra propriam & communem omnium sententiam.* Ergo supponit, eam censeri probabilem ad alium effectum, puta ad non censurandum. Ita Celladeus, cujus sententiam propriis quantum potui verbis breviter expressi.

SOLVITUR OBJECTIO,

Et error Celladei circa mentem Vasquii refutatur.

12. **R**ESPONDEO, objectionem non tan- gere nostram communemque sententiam. Illa enim solum docet, licitum esse cuique sequi opinionem minus tutam, quando certò constat, illam esse probabilem, quod frequentissimè ac facillimè constat, uti demonstratum est. Certè Auctores benignæ sententie nunquam dixerunt vel somniarunt, omnes omnium Auctorum præsentium aut futurorum opiniones, à superioribus Ecclesiæ non taxatas, esse ac manere probabiles, donec taxentur; sed è contra omnes aut supponunt, aut expressè docent, multas antiquorum opiniones, olim probabiles, esse jam antiquatas, ac evasisse improbabiles, idemque de præsentibus ac futuris Auctorum sententiis evenire posse censent, cum eadem de omnibus sit ratio. Videantur, quæ hac de re dixi in tract. de Consc. prob. quest. 6. assert. 9. & 10. à num. 23. usque ad 26. Ubi etiam ad hoc elucidandum attuli atque ponderavi penultimam ex propositionibus, quas Alexander VII. damnavit, anno 1665. 24. Septembris, quæ sic se habet, *Si liber sit aliquis junioris & moderni, debet opinio censeri probabilis, dum non constat, eam rejectam esse à sede Apostolica tanquam improbabilem.* Itaque nos omnes summè improbamus praxim eorum, siqui tales sint, qui promiscuè proponunt omnes opiniones, quas in libris non notatis inveniunt, tanquam probabiles, atque ad conscientiam debitè formandam sufficientes, cum pro certò habeamus, id non solum absque fundamento fieri, sed expressè contrariari menti ac assertis Auctorum, qui benignam sententiam tradunt. Nec Celladeus hoc ipsum ignorat, cum expressè fateatur, id esse contra mentem talium Auctorum. Unde non erat, cur ista objiceret, nisi ut desereret suum intentum, cum ista benignam sententiam, ipso fatente, non tangant.

Ufus promiscuus opinionum in libris cæteorum non est licitus.

13. Itaque libenter admitto, quæ ex Vasquez aliisque profert; sed majoris claritatis causâ ipsa Auctorum verba juvat apponere. Sic ergo loquitur Vasquez. *Negare non possumus, turbam Doctorum aliquando amplecti unam opinionem absque delectu rationum, aut saltem non tam exactè rationibus ponderatis, contra quos deinde alius Doctor magnæ auctoritatis aliquam opinionem maturè excogitam in scholas introducere potest.* Hæc Vasquez, cui addo Thomam Sanchez, qui clariùs loquitur lib. 4. de matrimonio diff. 44. nu. 2. ubi hæc habet. *Mior propterea tot tam gravesq. Auctores levibus inni-*

Opinio non dicitur communis præcisè à multitudinem illam sectantium.

entes fundamentis hoc adstruere. Quare ab illis omnino recedendum est, nam ut dicitur leg. 1. §. sed neque, Cod. de veteri jure enucleando, non è multitudine Auditorum, quod melius & equius est judicari debet. Item quia ut ait Menoch. de praesumpt. lib. 2. praesumpt. 71. num. 391. non dicitur communis opinio, quia plures Doctores eam asserentes habet, nulla disputatione praemissa, sed perfunctorie, & ut aiunt, per transennam illam sequentes. Quod idem ait Alciat. de praes. reg. 1. praesumpt. 15. num. 15. & optimè Navarrus Sum. lat. cap. 27. num. 289. ait communioris existimari opinionem approbatam à sex Doctoribus ex professo rem tractantibus, quam à 50. solè fere priorum auctoritate ductis. Quibus adde Ioan. Lupum cap. per vestras, de donatione inter virum ex uxorem, notab. 3. §. 20. num. 12. dicentem, non esse credendum Doctoribus quantacunque doctrina polleant, dum careant fundamento. Hæc Sanchez. His nos etiam subscribimus, & ultrò fatemur, multitudinem Doctorum, qui perfunctorie, & per transennam, nulla disputatione praemissa, aliquid affirmant, non efficere opinionem communem, licet unanimiter in eam conspirent. Similiter solus illorum consensus non sufficit ad reddendam assertionem probabilem, ne quidem extrinsecè, quando, qui rem à fundamentis examinant, non solum asserunt contrarium esse verum, sed etiam dicunt Auctores illos omni gravi fundamento caruisse, vel quia rem non benè examinerunt, vel quia ex ignorantia aut inadvertentia alicujus principii illam tradiderunt; statim enim ac hujusmodi ignorantia detecta fuit, cessat probabilitas, quæ in illa fundamentum habebat. Cæterum nulla est opinio communis, quam Auctores hinc inde examinerunt, & visis rationibus, quæ utrimque se oppugnant, adhuc defendunt, quæ non sit ceritè probabilis, quamvis in hoc etiam casu aliquando contingat, plures absque delectu uni parti turmatim subscribere, vel quia peculiaribus institutis ad illud tenendum obligantur, vel quia in aliorum, qui sedulò rem examinerunt, dicto fundamentum suum constituunt, eò quòd certissimum illis sit, sententiam istam probabilem esse, atque tutò doceri posse. Verum accessus plurium sic opinantium parum vel nihil auget probabilitatem dictæ sententiæ, ut patet. Et quidem quoties viri graves, magna probitatis & peritiz fama celebres, novis magni momenti rationibus contra communem sententiam insurgunt, illamque improbabilitatis arguunt, illa per hoc ipsum quoad nos perdit probabilitatem suam, nec illam recuperare potest, donec novæ illæ rationes examinate fuerint, illisque non obstantibus, Auctores adhuc in priori communique sententia persistunt, tunc enim sententia communis suam probabilitatem quoad nos recuperat. Hæc omnia, & alia plurima ad hæc spectantia, fusè exposita fuerunt in primis sex questionibus de Conf. prob. quæ prorsus coincidunt cum eis, quæ Valquez Sanchez aliique tradunt.

14. Cæterum, quamvis doctrina in hac objectione contenta placeat, quia vera est, duo tamen in illa displicent. Inprimis Celladeus ita loquitur, ac si valde multi Summistæ absque ullo delectu coacervassent opiniones, easque tanquam sufficientes pro regulanda conscientia proposuissent, quamvis opiniones illæ non essent probabiles juxta sensum Auctorum docentium, usum probabilium esse licitum. Hoc tamen verum non est, nam ex celebrioribus Summistis neminem inveniet, qui opiniones absque delectu congesse- rit; nam paucæ omnino opiniones in ullo Summis-

ta reperientur, quæ in hoc sensu non essent probabiles, quando Author librum edidit. Quod hoc sit ita, nec mihi credendum est, quia hoc assero; nec Celladeo, quia id negat. Ego plura dixi quæst. 2. §. 6. de Conf. prob. ex quibus hoc clarissimè deducitur. Itaque generalis illa Celladei locutio est nimis invidiosa, cum plurimos innocios taxare, atque in eos temeritatem non ferendam conjicere videatur. Hos ut ego hæc nota liberem, peto, imò à Celladeo exigo, ut profiteatur, si possit, tres vel quatuor, etiam ex laxissimis ac minùs peritis Summistis, (supponit enim esse plures hujusmodi) qui pro securo opinionum delectu hanc regulam tradant. Hæc opinio in libro est, Auctorem habet unum vel duos. Ergo tutò eligitur, & ad conscientiam debetè formandam sufficit. Hos cum quæsierit & non invenerit, & ne quidem unum assignare potuerit, qui in illa generalitate absque multis limitationibus similia dicat, discat imaginationi suæ non fidere, illamque tanquam regulam à Summistis communiter in praxi servatam, imperito lectori venditare, ut sic gravium virorum, sub generali Summistarum nomine comprehensorum, auctoritatem elevet, suæque singulari sententiæ, nullam fidem merenti, fidem conciliet. Viri probi & docti non sunt communiter tam laxi, quam arbitraris, Celladee. Teneris in rem tam gravi dicta tua verificare; provoco ut facias, nec excusatum te puta, eò quòd, ut hic insinuas, id absque offensione facere nequeas. Nemo est, qui suam sententiam citè propositam negaturus sit; nemo illius impugnationem ægrè laturus. Si ergo propositionem illam apud ullos invenias, audacter profer illam, cita Auctorem locumque; & nec ille, nec quisquam id ægrè feret, sed omnes illum impugnari libenter patientur. At nunc omnibus notam inuris non ferendam. De multis loqueris; praxim, quæ communem sonat usum, nominas; neminem excipis; unde nemo est, qui aliquo modo à nota ista non taxetur. Hoc majoris offensionis est, quam cujusvis Auctoris sententiam sincerè proponere, & validis argumentis impugnare. Dicam ergò, quid sit. Visum est tibi, Auctores absque delectu opiniones colligere, atque ita se gerere, ac si propositionem citatam pro axioma haberent. Tu labori peperecisti, sine quo veritatem hanc investigare non poteras; unde ut indigentiam hanc tuam honestares, sub generalibus terminis defectum rursus imaginariū tanquam verum proposuisti, simulque purasti te tutum fore, si profitereris, te Auctores illos vitandæ offensionis gratiā non citare, cum illos citare non posses, & si potuisses, vitandæ offensionis gratiā debuisses; id enim justè offensionis non fuisset, hoc verò est, quia illam propositionem ac praxim sub generali loquutione multis attribuis, qui illam, non minùs quam tu, averfantur.

15. Alterum quod displicet est, Celladeum falsò supponere, quàmplurimos Theologos hac in re æquivocationem passos esse, eò quòd probabile in uno eodemque sensu acceperint, cum æquivocè dicatur. Ex hac enim falsa suppositione insinuare conatur, multò plus requiri ad probabile pro conscientia & pro praxi, quam pro probabili speculatione, & communiter dicto. Et quod plus est persuadere conatur hanc esse expressam Valqui mentem, cum tamen certum sit, Valquem hac ipsa disputatione 62. expressè docere, eandem probabilitatem sufficere pro praxi, quæ pro speculatione sufficit. Hoc ut intelligas, sciendum

Probate nōs quod, quod contra illud obijcit,

Omnis opinio communis post omnia utrimque inspecta est probabilis.

Celladeus generaliter condemnat Summistas non sine offensione loquitur.

Valquez expressè tenet eandem probabilitatem sufficere pro praxi quæ sufficit pro speculatione.

dam est, Vasquem *disputatione illa 62. cap. 4. ex* professo probare, Doctorem peritum licitè posse operari contra propriam sententiam, sectando minus tutam aliorum opinionem, quam suo iudicio minus probabilem reputat; idque verum esse asserit, etiam in sensu composito, seu, ut ait num. 15. in initio, *retenta propria opinione ut probabiliori, & assensu illius per intrinseca principia, modò per extrinseca principia existimet vir doctus, contrariam opinionem esse probabilem in universum consideratam, formetque sibi iudicium singulare, quo iudicet licitum esse sibi sic operari.* Hoc modo suam sententiam Vasquez proponit; eamque mox probat his verbis. *Hæc sententia sic intellecta probatur. 1. nam hoc ipso quod opinio aliqua probabilis est, sicut absque ulla nota possumus illam speculative amplecti & defendere, sic etiam sanctæ conscientiæ possumus secundum eam operari.* Ecce Vasquez expressè docet, eandem rationem sufficere pro praxi opinionis, quæ pro eadem absque nota temeritatis defendenda sufficit. Imo Vasquez vult hoc sufficere, etsi opinio illa per intrinseca principia non appareat probabilis, modò ob auctoritatem extrinsecam præsumere possim, opinionem illam merito censi probabilis; in quo largiùs loquitur quàm plures alii, qui supponunt, opinionem, suæ contrariam, debere esse & apparere intrinsecè probabilem, ut quis, contra propriam sententiam, illam sectetur.

Auctores
necesse non
equivocè
accipiunt
probabile.

16. Præterea aliunde etiam certum est, tam Vasquem, quàm alios omnes nullam diversitatem ponere inter probabilitatem, quæ ad speculativè, & quæ ad practicè opinandum requiritur. Vasquez quidem num. 14. per aliud non discernit & discriminat motivum grave à levi & temerario, quàm per prudentis arbitrium. Ecce Vasquez illud habet pro gravi fundamento (in quo probabilitatem pro praxi sufficientem expressè collocat) quod post maturam considerationem tale creditur. Unde vult hoc viro perito sufficere, ut contra propriam sententiam operetur, etiam quando per intrinseca principia reputare non potest, oppositam opinionem esse probabilem; modò ob aliorum auctoritatem præsumere possit, illos non sine maturo fundamento suam sententiam stabilivisse. Vasquius in hoc omnes consentiunt. Omnes enim definiunt probabile in communi, prout à speculativo & practico præscindit, dicuntque illud esse probabile, quod nititur fundamento obscuro quidem & fallibili, sed verè magno, seu tali, quod omnibus inspectis aptum est inducere hominem peritum debitè discutientem ad illi assentiendum. Qui ex motivo minori iudicium fert, temerè opinatur, live in speculativis, live in practicis versetur. Qui verò tanto fundamento utitur, non temerè, sed probabiliter & prudenter iudicat, in quacumque tandem materia versetur. Rursus Auctores benignæ sententiæ, quando de practicis & moralibus agunt, nullam novam probabilitatis definitionem afferunt. Ergo aliud pro iudicio probabili in moralibus non requirunt, quàm ut nitatur fundamento, cui non temerè, sed prudenter assensum præbeamus. Errat ergo Celladeus; & absque sufficienti fundamento loquitur, quicumque contrarium affirmat. Differunt quidem probabilis practica à speculativis, non tamen ratione probabilitatis & merito fundamenti, sed solùm ratione materiæ; nam ea solùm vocamus practicè probabilis, quæ de honesto vel inhonesto enuntiant. Reliqua omnia speculative probabilis nuncupamus. Quod si hæc & illa simili fundamento nitantur, im-

possibile est hæc esse, illa non esse probabilis, nam utraque pari maturitate aut temeritate pronuntiantur.

17. At, inquit, Vasquez dixit opinionem Caietani & Navarri carere fundamento, non tamen dixit, illam esse improbabilem, nec sine offensione dicere poterat. Ergo Vasquez exercitè distinxit inter probabile conscientiæ, & probabile opinionum. Respondeo Vasquem non magis distinxisse inter *carere fundamento gravi, & non esse probabile*, quàm Logicus distinguat inter definitionem & definitum. Itaque quando dixit, sententiam istorum sibi videri carere fundamento; idem prorsus, & quidem paulò clariùs dixit, ac si dixisset, illam sibi videri non probabilem, quia certum est, Vasquem paulò ante definivisse probabile per hoc, quod est habere grave fundamentum. Ergo qui negat definitionem, pari ratione negat definitum. Sed quid? fuissetne offensionis magis obnoxium, si dixisset, opinionem illorum videri non probabilem? nullo modo: nam quando dicimus aliquid videri nobis non probabile, solùm negamus fundamentum grave, non omne fundamentum excludimus. Ergo dicere opinionem omni fundamento carere, plus est & magis offensivum, quàm dicere non esse probabile. Et sanè peto à Celladeo, an dari possit opinio probabilis, quæ careat omni fundamento? nonne si constaret, opinionem carere omni fundamento, eo ipso constaret, illam quoque non esse probabilem. Ergo impossibile est, opinionem alicui illa ratione apparere sine fundamento, quin eodem modo tanquam non probabilis appareat; Ergo impossibile est opinionem dici carere omni fundamento, quin eodem modo dicatur esse non probabilis. Ego certè, quantum ad me attinet, non ægrè ferrem, si quis mihi diceret, *opinionem tuam non esse probabilem*, quàm si diceret, *opinionem tuam omni fundamento careant*. Imo potius hoc secundum ægrè ferrem, quia longè turpius est, hominem absque omni fundamento res effutire, quàm in fundamentorum qualitate decipi, atque leve fundamentum pro gravi proposuisse. Nec dubio, quin Celladeus ipse, maxime si præsentis asserti sui non recordaretur, tam ægrè aut ægrè laturus esset, si dicerem, illius assertiones omni prorsus fundamento carere, ac si dicerem, illas non esse probabiles.

18. Verùm instat Celladeus: Vasquez hanc probabilium distinctionem *dixit quasi. 62. num. 17. signatè expressit, dicens; non mihi videtur illa censenda probabilis ad hunc effectum, ut secundum illam possum prudenter operari contra propriam & communem omnium sententiam.* Ergo Vasquez supponit eam esse probabilem ad alium effectum, puta ad non censurandum. Respondeo, Vasquem eo loco instat profundissimi Theologi valde cautè loqui; dixerat, virum doctum licitè operari posse contra suam opinionem, & contrariam aliorum opinionem in praxi sectari, sed tunc solùm quando illa probabilis est. Dein ponit casum, quo propria docti viri opinio sit communis aliorum omnium sapientum sententia, & contraria unius tantùm Doctoris singularis auctoritate nitatur. Tum loquens de hoc casu, hæc habet: *si talis opinio unius Doctoris, ex proprio fundamentis considerata, mihi non probatur, sed opposita, &c. non mihi videtur censenda probabilis ad hunc effectum, ut secundum illam possum prudenter operari contra propriam & communem omnium sententiam.* Hæc est prudens resolutio doctissimi viri, qui in hoc per omnia benignæ sententiæ subscribit; ille enim videtur dicere,

Idem esse
carere fun-
damento ac
esse impro-
babile.

Vasquez
non alià ro-
quit proba-
bilitatem
pro praxi
quàm pro
speculatio-
ne.

dicere, nemini licere sequi opinionem, nisi illa sit ipsi certò probabilis. At opinio illa singularis non erat certò probabilis Vasqui in illo casu. Supponit enim ipse, se omnes illius Doctoris rationes examinasse, & non approbasse. Unde illæ non poterant haberi intrinsecè probabiles juxta propria Vasqui principia, quæ asserunt unam tantum contradictionis partem esse posse intellectui eodem tempore intrinsecè probabilem. Et sanè vix unquam evenire potest, ut rationes talis singularis Doctoris in tali casu ab eo habeantur certò probabiles intrinsecè, qui illis perfectis, ita movetur ad assensum alteri parti dandum, ut omnes omnino secum sentientes habeat. Ergo talis opinio non poterat haberi certò probabilis intrinsecè. Sed nec præsumi debebat tanquam certò probabilis extrinsecè, quia licet hoc præsumi possit, quando gravissimus & doctissimus vir asserit se novas ac peculiarias rationes habere, casu quo illæ rationes ad examen non veniant; si tamen, post debitum examen, ab omnibus, qui illas examinarint, rejiciantur ut falsæ, & multò magis si rejiciantur ut frivolæ, singularis illa auctoritas non reddit assertum suum certò extrinsecè probabile, ut fusè ostensum est in tract. de Consc. prob. quest. 6. per totam, maxime num. 57. & seq. Jam ergo Vasquez benè dixit, talem opinionem non sibi videri probabilem, ad effectum illam sequendi contra propriam & communem omnium Doctorum sententiam, quia talis opinio non est certò probabilis, ut patet. Quo non obstante, talis opinio manere potest probabiliter probabilis, quamdiu scilicet rationes singularis Doctoris non sunt rej. Et ut frivolæ. Itaque ita manet probabilis, ut facile censurari non debeat; hoc enim proprium est opinionis probabiliter probabilis, ut patet, quia solum certò improbabilia à moderatioribus hominibus censurantur.

Hoc loco solū distinguit inter probabilitatem certam & probabilem.

Vasquez convincitur Celladeo repugnare in hoc ipso loco, quem citat.

19 Itaque certum est, Vasquem non distinguere inter practicam conscientiam & speculativam scientiarum probabilitatem; distinguit verò inter certam & probabilem probabilitatem. Illam sufficere, hanc ad conscientiam securitatem non sufficere, saltem virtualiter tradit, in quo per omnia nobiscum sentit. Et sanè distinctio probabilitatis, qua Vasquez hic uti videtur, æquè procedit in speculativis ac in doctrinis practicis, siquidem nemo certò prudenter ac probabiliter docere potest ac tenere sententiam speculativam unius Doctoris, cujus rationes ipse non probat, quamquæ omnes omnino, & ipse etiam, in mente sua falsam reputant. Ecce Vasquez nil dicit de probabilitate practica, quod probabilitati speculativæ per omnia non congruat, ac proinde frustra conatus est Celladeus tenebras offundere, ac persuadere aliam longè ex mente Vasqui esse probabilitatem, quæ pro formanda conscientia requiritur, quam sit probabilitas speculativa, quæ ad docendum & opinandum, non ad operandum dirigitur; cum certum sit, Vasquem docere, eam probabilitatem pro dirigenda conscientia, & ad tutò operandum, etiam contra propriam opinionem, s. scire, quæ ad rem ullam absque nota docendam sufficit. Rursus locus, quem ex Vasquez Celladeus asserit, ipsius intento non favet, tum quia Vasquez, ut ex contextu patet, expressè supponit, unumquemque licet sectari posse opinionem trium vel quatuor virorum gravium, quamvis rationes illorum ipsi non placeant, & ipse cum aliis omnibus contrariam sententiam teneat. Hoc autem & asserit Celladei & toti ejus intento, quod ex Vasquez probandum assumpsit.

R. P. A. Terzili Regula morum. PARS I.

rat, repugnat; quia nil in hoc casu inveniet, quo practica probabilitas speculativam superet. Ergo frustra & contra apertam veritatem contendit, quòd Vasquez ingens illud discrimen, quod ipse imaginatur, agnoverit. Certum proinde est, Vasquem in nullo favere Celladeo, sed in omni apice benignæ sententiæ inhaerere, quam in propriis terminis tradit esse verissimam.

SOLVITUR OBJECTIO II.

Et modus certò sciendi probabilia fusius explicatur.

20. **O**BJECIT secundò. Communis praxis formandi conscientiam eorum, qui probabilia sectantur, resolvitur in hunc syllogismum, vel illi æquivalentem: *Licet usus ejuslibet opinionis probabilis: Sed omnes opiniones non notata librorum sunt probabiles: Ergo licet usus illarum omnium: sed hac opinio est in libro, vel Summa, & non est notata & censurata ab aliis; sed Auctorem, vel auctores habet. Ergo licet hic & nunc illum usum, & illa utenda non peccabo.* Ita syllogizant, qui probabilia sectantur, & sic discunt: Major est communis omnium sententia. Ergò prudentissimè admittitur ut vera: Minor videtur eorundem auctoritate niti. Consequentia legitimè deducitur, quæ proinde in omnium illorum auctoritate fundatur. Ergo prudenter admittitur ut vera. At conscientia per illam formatur. Ergo qui sequitur probabilia prudenter format conscientiam permittentem, & consequenter non peccat, si juxta illam operetur. Verùm qui sic discunt, manifestè errat, quia minor illa non est Auctorem, qui docent probabilia esse licita; illi enim non solum non docent illam propositionem esse veram, sed è contrario expressè contendunt, & apertè evincunt, illam esse falsam, si sermo sit de probabili conscientia, quamvis illa minor vera sit de alio genere probabilitatis. Ergo minor illa non nititur communi gravissimorum omnium auctoritate. Idem judicium est de consequentia, quæ semper sequitur debiliorem partem. Ergo conclusio ista caret omni ratione, & non fundatur in auctoritate tot & tam gravium Doctorum, ut sectantes probabilia turpissimè errando existimant. Ergo non prudenter, sed imprudentissimè formant conscientiam, ergo non excusantur. Idem argumentum valet, si pro minori prioris syllogismi ponas hanc propositionem, *sed hac opinio est probabilis*: nam peto unde scias hanc propositionem esse probabilem? si dicas, quia est in libro, vel Auctores habet, relaberis in priorem paralogismum. Si dicas, Auctores illos dixisse eam esse probabilem, hoc rarò vel nunquam verum invenies, si de illis omnibus aut plerisque loquaris. Ubi enim omnes in particulari propositione probanda consenserunt? Quòd si in aliqua ejusmodi omnes fortè consensuerunt, id rarissimum erit. Quid autem dices de reliquis, in quibus omnes non consenserunt? Quid de opinionibus innumeris post mortem illorum exortis? an ne illi omnium etiam futurorum opiniones approbaverunt?

Errat Celladeus in formando syllogismo, quo sectantes probabilia utuntur.

21. Nec dicas, te sequi opinionem, quam unus aliquis gravissimorum illorum Auctorem in eodem dicit esse probabilem & tutam; nam tunc tua minor & consequentia in sola illius, & non in communi omnium auctoritate stabit. Quia illi omnes apertè dixerunt, quemvis peculiarem Doctorem posse leviter & sine gravi fundamento opinari,

Alii refo. dem error in eodem argumento proponendo.

O 2

non

non viso aliquo, quod maximè videndum erat. Ergo habita unius illorum auctoritate, non solum non habes reliquorum auctoritatem, sed nec illius ipsius Doctoris reflexum & ultimum iudicium pro te habes. Præterea licet opinio, quam Auctor ille proponit ut tutam, probabilis esset, cum ille scriberet, quis dixit, illam etiamnum manere probabilem? nonne tam ille, quam alii omnes dixerunt, opiniones ex probabilibus sæpe fieri improbabilis? Unde ergo nosti, hanc peculiarem opinionem ex illarum numero non esse? Hoc certe nec ex illius, nec ex aliorum auctoritate habes, cum illi omnes oppositum contingere posse supponant. Ergo illorum auctoritas non firmat minorem tuam. Ergo nec minor illa tua, nec consequentia ex illa deducta fundatur in auctoritate Molinæ, vel Suarii, aut alterius, cujus opinionem te sequi iactas, & multo minus in auctoritate omnium, qui dixerunt usum probabilem esse licitum, ut arbitraberis. Itaque qui hanc regulam sequuntur, imprudenter & inconsideratè operantur, cum dictamen suæ conscientie in congruam Doctorum auctoritatem resolvere nequeant. Ita Celladeus.

Errores Celladei in hoc argumento contenti explicantur.

22. Respondeo, falsissimum esse, quod praxis formandi conscientiam eorum, qui probabilia iuxta benignæ sententiæ præscriptum sequuntur, resolvatur in syllogismum à Celladeo propositum, quia minor illa ut iacet, falsissima est, nec ab Auctoribus benignæ sententiæ asseritur, sed unanimiter ab omnibus rejicitur. Quod si hæc praxis tam communis sit, afferat Celladeus quatuor vel quinque Auctores, etiam minoris notæ, qui minorem illam absque limitationibus ullis, ut iacet, approbant, & ipsi credere incipimus. Verum ille non potest, & fortasse nec unum sic loquentem inveniet; ac propterea frustra laboravit in improbanda minori, quam nemo tenet. Præterea in prima illa objectionis parte duos errores incurrit. Primus est, quod in sensu aliquo proprio admittat minorem illam propositionem esse probabilem, quæ tamen nulla idonea auctoritate vel ratione confirmari potest, per quam evadat probabilis; omnes enim unanimiter eam rejiciunt ut falsam & intolerabilem, si in sua universalitate sumatur. Secundus error est, quod insinuet, Auctores benignæ sententiæ agnoscere illam propositionem in aliquo sensu esse probabilem, quamvis non sit probabilis probabilitate conscientie. Verum nullus eorum ullibi dixit, aut insinuavit, propositionem illam in sua universalitate ullo modo esse probabilem, & Celladei est, ut dicti sui fidem faciat, aliquem saltem imo plurimos afferendo, qui hoc dicant. Præterea nemo illorum unquam distinxit inter probabile & probabile ex parte probabilitatis, sed omnes unam, eandemque pro omnibus probabilibus definitionem tradidit, quod certe non fecissent, nec facere potuissent, si existimassent, probabile esse æquivocum. Dixerunt illi, probabile esse quod nititur motivo, obscuro quidem & fallibili, magno tamen & gravi, quod increatur assensum.

Auctores non judicant probabile esse terminum æquivocum. Hoc autem æquè locum habet in practicis ac in speculativis; unde quidquid tali motivo nititur, illud est probabile; quidquid nullo aut minore solum motivo firmatur, non est probabile. Itaque probabilia ex mente Auctorum, qui de probabilitate scripserunt, non differunt ex parte probabilitatis, sed solum ex parte materiæ; quæ enim enunciant de licito, & non licito, ea sunt practicè probabilia, & pro formanda conscientia deserviunt, quæ autem de aliis enuntiant, specu-

lativam probabilitatem habent. Hæc certa sunt, & repeti debuerunt, ut semina æquocationum, quæ Celladeus sub hac distinctione à se conthecta, & aliis absque fundamento attributa, jecit, eruantur, antequam radices in mente legentium agant.

23. Secunda pars objectionis non solum tangit aliquorum praxim, quam Celladeus, si quæ talis sit, merito & valde impugnat, sed etiam ipsam benignam sententiam ejusque pro praxi utilitatem impetit, quia nos in terminis utimur illa minori, sed hæc sententia probabilis est, & ex illa inferimus hanc pro formanda conscientia conclusionem, Ergo usus hujus sententiæ est licitus. Quocirca huic objectioni exactè respondendum esset, nisi responsio evidenter pateret ex dictis in assertionum probationibus; nos enim nunquam subsumimus minorem illam, nisi certum sit & evidens, illam esse veram. Probabilitas enim opinionis debet esse certa, ut eam tuto sequamur in praxi. Scimus autem opinionem illam esse probabilem ex mente Auctorum illorum, quia sciimus illam habere omnia, quæ Auctores illi ad probabilitatem requirunt, idque facillimè scitur in casibus innumeris, ut dictum est. Et quidem si sermo sit de auctoritate, quam Auctores illi docent esse sufficientem, ut opinio sit & habeatur extrinsecè probabilis, res est clarissima, ut ex dictis in probatione assertionum constat. Porro maxima hominum pars per illam solam dirigitur, quia nequit discernere vim & energiam rationum, in quibus probabilitas intrinsecè consistit. Ergo maxima hominum pars per illorum sententiam facillimè dirigitur? si autem loquamur de probabilitate intrinsecè, cujus discernenda soli Docti sunt capaces, illa etiam facillimè scitur, si aut rationes inspiciantur, aut consensus eorum, qui rem à fundamentis examinarunt, ante oculos habeatur. Si enim unanimiter agnoscant opinionem aliquam esse probabilem, quamvis multi illorum illam esse veram negent, illa, indubiè erit probabilis, & pro certo probabilis haberi debet, ut constat ex dictis in tract. de Consc. prob. quest. 5. num. 29. & seq. & quest. 6. per totam. Similiter eadem probabilitas facillimè & certo à doctis scitur, quoties vident omnia in definitione probabilitatis posita illi convenire, quod in casibus innumeris facillimè fieri potest, ut patet ex locis citatis, & quisque doctus, si habeat præ oculis illam definitionem, facillimè videt.

Facile scitur quæ opinio sit probabilis ex mente Auctorum.

24. Quod si sermo sit de peculiaribus opinionibus in aliqua materia determinata. v. g. Horarum Canonicarum, Beneficiorum Ecclesiasticorum, Contractuum, &c. plurimæ sunt opiniones, in quibus omnes, qui de illate tractarunt, inter se conveniunt; innumeræ, quas omnes expressè dicunt, aut evidenter supponunt esse probabiles; illæ autem expressè censentur probabiles ab iis, qui de probabilibus egerunt, etsi de materia illa peculiari non scripserint, quia evidens est, omnes ejusmodi opiniones in definitione, quam de probabilibus tradunt, comprehendi. Idem valet de aliis opinionibus non ita communibus; si enim illæ tradantur à quatuor vel quinque Auctoribus præstantibus, qui materiam illam diligenter examinarunt, & probabilitas assertionis illorum ab aliis non revocetur in dubium, haud dubiè opiniones illæ & sunt & habentur probabiles ab omnibus, qui de licito opinionum probabilitatem usu diligentem disputationem instituerunt. Errat ergo & evidenter errat Celladeus, dum

Opinio potest esse certo probabilis, ex mente Auctorum, quamvis illi de ea nunquā tractaverint.

dum putat particularem propositionem non posse esse certò probabilem ex mente omnium Auctorum benignæ sententiæ, nisi illi omnes in tali determinata propositione probanda signatè consenserint. Manifestè enim sufficit, si opinio illa habeat illa, quæ illi ad probabilitatem requirunt; quæ cerè reperiri possunt in opinione, quam non omnes, imò nemo illorum in propriis terminis examinavit. Præterea eadem æquè conveniunt futuris ac præsentibus opinionibus, ut patet, alioquin generales Theologorum regulæ de metu cadente in constantem virum, aliisque ejusmodi rebus dignoscendis, ad nihil deservirent, cum nihil ex illis scire possemus, si Celladei observatio locum haberet, quia rarò aut nunquam evenit, ut factum particulare, de quo hic & nunc quaeritur, ab ullo illorum, nedum ab omnibus examinatum fuerit. At, hoc non obstante, sæpè evidens est, casum præsentem sub dictis illorum comprehendendi, eò quòd quicquid illi ad metum talem requirunt, in tali casu reperiatur. Eadem autem ratio est de probabilitate, ut patet. Quæ cum adeo manifesta sint, mirum est, Celladeum ea non solum non vidisse, sed omnia contraria opinatum fuisse, atque, quod plus est, suam hanc imaginationem in *prologo questionis 10. libri 1.* manifestam veritatem appellasse, cum sit error manifestissimus, & falsitas illius palam demonstrata sit. Adeo in illum ipsum cadit, quod advertit aliquando in aliis contingere, ut ea non viderit, quæ maximè videnda erant, quæque ab omnibus mediocri doctrinâ instructis vix possunt non videri.


Min Celladei deceptio.

Ostenditur qua ratione certificari possimus de probabilitate opinionis.

25. Idem dico de eo, qui sequitur opinionem, quam in aliquo gravissimo Auctore invenit; minor enim, quam subsumimus, non in sola illius auctoritate fundatur (& licet directè loquendo in illa sola fundaretur, sæpissimè tamen illa sola juxta unanimem omnium sensum, qui reflexè rem considerant, ad certam & indubitam probabilitatem sufficeret) sed etiam in auctoritate aliorum, quos citat; qui si sint tres vel quatuor, & rem à fundamentis examinarunt, illorumque opinio ab aliis ut improbabilis non rejiciatur, eo ipso certi sumus, illam opinionem esse probabilem, non solum ob auctoritatem illorum paucorum, qui directè illam defendunt ut veram, sed reflexè ob auctoritatem omnium, qui

asserunt talem opinionem esse probabilem, & consequenter è numero earum, quarum usum docent esse licitum. Nec obstat, Doctores illos dixisse, non solum unum, sed sæpè plures Doctores turmatim & leviter subscribere alicui sententiæ, atque sententiam olim probabilem evadere posse improbabilem, nam simul docent quando primum præsumi, & quomodo secundum sciri possit. Primum nunquam evenit, quando graves Doctores rem seriò & ex professo examinant, illamque post debitam diligentiam veram habent; quando autem rem non ex professo, sed tantum leviter tractant, audiendi non sunt, si quando contra communem eorum, qui rem à fundamentis examinarunt, opinionem sentiant, nisi validissimas, & ab aliis non ponderatas rationes afferant; in rebus verò ab aliis non tractatis, eorum consensus semper præsumitur probabilis, & talis est, quamdiu nil affertur in contrarium. Quod si alii postea repugnent, & ostendant eorum rationes, novis solutionibus adhibitis, non concludere, aut eos ex ignorantia alicujus Decreti, vel alterius principii fuisse deceptos, tum statim prior probabilitas, ejusque præsumptio cessat, quia jam aliquid affertur in contrarium, quod antea post diligentiam debitam latebat. His aliisque similibus viis scire possumus, an & quando opinio suam probabilitatem perdat. Hoc stabilito, Celladei illatio est prorsus nulla, quia minor, quam subsumimus, semper est evidens, illiusque evidentia sæpè directè scitur ex eorundem auctoritate, qui docent usum probabilem esse licitum. Sed si directè ex illorum auctoritate; si indirectè, ex discursu comparante opinionem cum requisitis quæ illi ad essentiam probabilitatis postulant, veritas minoris certò innotescat, parùm refert, quia semper conclusio eadem quæ major probabilitate gaudet. Illa autem est probabilissima. Ergo qui hanc regulam sequuntur, consideratissimè ac prudentissimè operantur; quia conscientia suæ dictamen in communem omnium peritorum sententiam resolvunt. Quod si quis cupiat exactius & magis in particulari scire, quænam opiniones sint & sciri possint esse certò probabiles, legat *quæst. 5. & 6. de Conf. prob.* In illis enim exactam totius hujus rei declarationem inveniet.

Nullitas illationis Celladei.



O 3

QUÆ

QUÆSTIO DECIMA- SEPTIMA.

Virum necesse sit homines rectè judicare posse de probabilitate, ut sectando probabilia non peccent? Quiq; de probabilitate rectè judicare possint?

Intentum
Celladei in
hac quæ-
stione.



CELLADEUS postquam lib. 1. quæst. 9. ostendere conatus est, conscientiam sequentium opiniones probabiles non fundari in eorum auctoritate, qui docent probabilia esse licita, sed solum in propria sua, vel consultoris sui opinione, hoc non contentus eandem materiam totâ quæst. 10. mirabiliter versat, contenditque neminem, directæ moralis scientiæ ignarum, generali illâ doctrinâ de licito probabilium usu, ad praxim juvari posse, eò quod soli talis scientiæ periti de probabilitate rectè judicare possint, quod tamen ad licitum probabilium usum ex mente Auctorum, usum probabilium approbantium, prorsus requiri contendit. Porro in hac quæstione mirum est, quàm contemptim de Casuistis, ac Summarum compilatoribus loquatur. Vocat eos historicos, meliores reflexistas, omnisque scientiæ moralis prorsus ignaros. Verùm ut ingenuè fatear, Celladeus æquè infelicitè in hac, ac in superiori quæstione discurret; nam ex mira rerum confusione ac indistinctione plura apertissimè falsa depromit, & pro indubitatis apertissimisque veritatibus dividend; quæ tamen omnia, si debitâ ac familiari distinctione in suas classes distinguantur, sponte in autas avolant; uti, Deo favente, in hac ipsa quæstione constabit. Sit ergo.

ASSERTIO PRIMA.

Nemo excusatur ex vi benignæ sententiæ, qui de probabilitate rectè judicare nequit.

Nemo in probabilium usu excusatur ex vi benignæ sententiæ, qui signatè vel exercitè non possit rectè judicare, imo qui non rectè judicat de probabilitate opinionis, quam sequitur.

2. PROBATUR. Benigna sententia solum asserit, eos esse tutos in conscientia, qui sequuntur opinionem ipsi certò probabilem. Ergo nemo per benignam sententiam excusatur, nisi qui certò scit opinionem, quam sequitur, esse probabilem. At qui hoc certò scit, vel exercitè vel signatè rectè judicat de probabilitate, alioquin non posset certò scire illam adesse. Ergo ex præscripto & mente Auctorum benignæ sententiæ, usus probabilium illis solum licet, qui de probabilitate rectè judicant. Præterea Auctores illius sententiæ expressè dicunt, non omnem opinionem, sed solum opinionem probabilem, id est, opinionem non levi & superficiali, sed gravi & solido argumento nixam, ad conscientiam debitè formandam sufficere. Ergo ut quis

ex illius præscripto rectè operetur, necessariò debet tale fundamentum habere. At qui prorsus nescit rectè judicare de probabilitate, seu de talibus fundamentis, non potest scire, an tale fundamentum adsit, nec ne. Ergo qui prorsus nescit rectè judicare de probabilitate, non potest esse tutus ex vi benignæ sententiæ, & Auctorum, qui illam unanimi consensu tradunt. Hæc vera sunt, ut jacent; sed nisi debitè ac distinctè intelligantur, apta sunt ad confusiones & æquivocationes causandas, prout in Celladeo causerunt, uti mox apparebit. Sit ergo.

ASSERTIO II.

Nemo rationis compos est tam simplex, qui tam exercitè quàm signatè sape non possit de probabilitate extrinsecâ rectè judicare, atque probabilia ab improbabilibus discernere.

Omnes rectè judicare possunt de probabilitate extrinsecâ.

3. PROBATUR. Fœminæ ignbrantissimæ, sed & pueri, vix usum rationis adepti, evidentè sciunt, quæ sit, quæ non sit auctoritas sufficiens ad prudenter judicandum. Audiat fœmina vel puer aliquem, qui vulgò Idiotæ reputatur, dicentem aliquid licere, de quo ipsi dubitant an liceat nec ne. Uterque optimè videt, auctoritatem illius Idiotæ non sufficere, ut in verbo illius tutâ conscientia facere possint quod Idiotæ ille proponit ut licitum. At si fœminæ & pueri à Parocho, aut ab alio publico Confessario, qui vulgò probi & periti habentur, petant an ipsis tale quid liceat, si ille affirmet, ipsi statim quiescunt, & exercitè vident se prudenter illi fidem dare. Ergo exercitè discernunt motivum græ & probabile à levi & improbabili. Ergo nemo mentis compos tam rudis est, qui ista discernere, atque de illis rectè judicare non possit.

Nec exercitè solum dictis illius prudenter credunt, sed reflexè etiam clarè sciunt, se illis rationabiliter fidem dare, atque ideo reflexè sciunt, se tutos esse in conscientia, si ea in praxim reducant, quæ Pastor ejusmodi in rebus dubiis proponit ut licita.

4. Quod si fœmina, de sufficientia sui Pastoris dubia, non audeat dictis illius stare, petere potest à tribus aut quatuor Theologis peritissimis, quibus Pastoris sufficientia bene perspecta est, an sibi liceat in dubiis, sui Pastoris dictis stare; si illi respondeant affirmativè, illa absque dubio in posterum licitè dictis ejus inhzret, & optimè novit, se habere motivum sufficiens ad creden-

Quid agendum, quando rudis & sui Pastoris sufficientia dubitant?

credendum, id sibi licere, quod Pastor dicit. Verum in eo casu fundat dictamen suae conscientiae, non in Pastoris auctoritate, sed illorum Theologorum, quos hac de re consuluit. Sic enim dilucit: *Licetum mihi est facere quod Theologi illi dixerunt mihi esse permissum. Illi dixerunt, licetum mihi esse me conformare resolutioni Pastoris. Ergo hoc particulare mihi licetum est.* In hoc syllogismo auctoritas Pastoris non ingreditur motivum, ex quo consequentia elicitur. Nam minor subsumpta est experimentaliter evidens, cum solum affirmet Pastorem hoc dicere, quod per experientiam innotescit. Ergo conclusio in sola illorum Theologorum auctoritate fundatur. Hanc viam reflexam omnes norunt, & ex illa, quando adest, suam conscientiam facile formant. Ceterum fieri etiam poterit, ut ex Theologorum illorum consilio scemina credat, suum Pastorem verum dicere, eod quod ipsi dixerint, hoc illi presumendum esse. Verum in hoc etiam casu motivum credendi Pastori, non in istius, sed in auctoritate illorum Theologorum resolvitur, quia quamvis credat Pastorem habere sufficientem doctrinam, & ideo illi credat, nihilominus ideo credit, Pastorem talem sufficientiam habere, quia Theologi id affirmarunt. Ergo iudicium conscientiae, quod scemina tunc format, in Theologorum illorum auctoritatem resolvitur.

Rudes non semper stant iudicio illius, quem consulunt.

5. Porro, quod maior est auctoritas, quam hac ratione dirigimur, eod certius dictamen conscientiae formatur. Unde si Pontifex ipse, a scemina consultus, responderet, illam in dubiis stare posse determinationi Episcopi sui, vel Parochi, utique scemina rudis in eo casu absque ullo dubio staret dicto sui Parochi, idque non propter ipsius, sed propter Pontificis auctoritatem, in quam solum ipsius dictamen resolveretur, tamquam in principium fundamentale unicum, in quo fides illius sisteretur. Et sane nec impossibile est, nec mirum foret, si Pontifex talem declarationem ederet. Siquidem Leo X. ut refert Casarubius verbo *declarare*, concessit Fratribus Minoribus, qui scrupulis vexantur, ut possint in omnibus dubiis, *secura conscientia, stare determinationi suorum superiorum.* Unde certum est, hanc viam reflexam formandi conscientiam, atque discernendi motivum prudens grave ac probabile, non minus communem, quam utilem esse hominibus, maxime rudibus, utpote qui alia ratione gubernari non possunt, ut patet.

ASSERTIO III.

Mediocriter periti recte iudicare possunt de probabilitate extrinseca.

Ex mente Auctorum benignae sententiae, homines litteraturae competente instructi recte iudicare possunt de probabilitate extrinseca, etsi adeo profundae doctrinae non sint, ut de intrinseca probabilitate rectum iudicium formare queant.

Notae ad discernendum probabile ab extrinseco.

6. **P**ROBATUR. Auctores benignae sententiae in hoc conveniunt, quod sicut probabilitas intrinseca consistit in ratione gravi, ita probabilitas extrinseca in auctoritate gravi fundatur. Rursus illam rationem, illamque auctoritatem appellant gravem, quae ad assensum a prudente non leviter iudicante impetrandum sufficit, ut fuse ostensum est in *tract. de Consc. prob. quest. 2. §. 6.* Porro praeter haec generalia, peculiare notas tradiderunt, unde scire possimus, quae sit auctoritas talis. Imprimis dicunt, unanimem

omnium Auctorum consensum esse gravem, & sufficere ad iudicium probabile. Idem expressè dicunt de omni sententia communi, quam multi Auctores gravissimi, qui rem a fundamentis examinarunt, amplectuntur, licet alii oppositum tueantur. Tertiò, idem asserunt de auctoritate quatuor aut quinque gaavium Doctorum, qui contra communem sententiam opinantur, modò rem diligenter a fundamentis examinarint, eorumque sententia non rejiciatur ut improbabilis. Quartò, eod descendunt, ut doceant, an, quando & quamdiu unius singularis Doctoris sententia presumi debeat probabilis, & expressa signa, quibus id sciri possit, exponunt. Quintò, similia tradunt de opinione nova in materia antea non tractata. Sextò regulas tradunt, unde scire possimus, an opinio olim extrinsecè probabilis evaserit extrinsecè improbabilis, & è contra. Denum alia quamplurima exponunt, per quae scire possumus, an, & quamdiu opinio sit extrinsecè probabilis, non tam per regulas & indicia ad id dignoscendum a dictis Auctoribus proposita, quam per ipsam opinionis probabilis definitionem, quam tradunt; saepe enim evidens est, ipsam definitionem tali opinioni convenire, ut in innumeris casibus est obvium; scilicet quoties evidens est auctoritatem hanc hinc & nunc fundare iudicium prudens, hoc enim est illud esse extrinsecè probabile, ut patet. Qui de hac re plura videre cupit, & exactè scire quanam opinio sit intrinsecè quoad se, quanam extrinsecè & quoad nos probabilis, ea fuse declarata habet in *tribus qq. citatis ex tract. de Consc. prob.* ubi ea & alia complura ad haec spectantia reperiet. His positis.

7. Probatur assertio. Qui mediocriter Theologiae periti sunt, optimè capiunt, quid ad probabilitatem extrinsecam Auctores benignae sententiae exigant. Regulas & indicia, quibus illam declarant, clarissimè percipiunt. Unde studio atque lectione sine magna difficultate certò discere possunt, quanam opinio juxta mentem illorum fuerit, sit, atque erit probabilis. Qua in re, licet non adjuventur ab auctoritate illorum ad sciendum, quod haec opinio particularis habeat haec requisita (hoc enim ex propria industria evidenter sciunt) ab illorum tamen auctoritate inferunt, & sciunt, talem opinionem juxta ipsorum mentem esse probabilem, quia habet requisita, quae illi ad probabilitatem sufficere declararunt. Unde iterum ex eorundem auctoritate rectè inferunt, usum talium opinionum esse licitum, quia illi unanimiter tradiderunt, opiniones omnes, siue intrinsecè quoad se, siue extrinsecè quoad nos certò probabiles, licitè posse in praxim deduci. Nec mirum, quia probabilitas intrinseca & extrinseca sunt ita connexae, ut una arguas aliam. Sic quoties certò scimus, aliquam opinionem esse extrinsecè probabilem, eo ipso rationabiliter praesumimus illam esse intrinsecè probabilem, quia praesumimus Auctores illius, utpote probos & peritos, non absque gravi fundamento eam asseruisse. Similiter quoties videmus aliquem gravibus rationibus suam assertionem stabilivisse, statim formamus iudicium de sufficientia gravique auctoritate talis virtutis. Itaque una ex istis probabilitatibus inferri aliam. Qualis autem & quanta sit haec connexio, late expolui in *tract. de Consc. prob.* ubi ostendi probabilitatem intrinsecam solum probabiliter inferri a probabilitate extrinseca, quia fieri potest, ut Auctor dicat se rem a fundamento considerasse, gravissimasque rationes invenisse, licet nuncrum p-ae

Quomodo mediocriter periti sciunt quid ex mente auctorum sit probabile

stiterit. Nihilominus contrarium prudenter præsumitur. Porro in tali casu Auctores benignæ sententiæ expressè tradunt, omnibus licitum esse sequi opinionem extrinsecè certò probabilem. Atqui homines, competente doctrina instructi, ad indubitam hujus probabilitatis extrinsecæ existentiam, & dictam intrinsecæ probabilitatis præsumptionem absque magna difficultate pervenire, atque ita de probabilitate extrinsecæ intrinsecæque probabilitatis præsumptione rectè judicare possunt, etsi multi illorum de rationibus ac motivis singularum opinionum rectum judicium formare nequeant.

Celladeus
immeritò
cepit casu
collectores.

8. Quæ cum ita sint, Celladeus immeritò reprehendit eos, qui cum Theologiam profundè non norint, hanc viâ reflexâ ad se & alios dirigende utuntur. Immeritò, inquam, quia tales homines sufficienter instructi sunt, ut ea solum pro conscientiæ suæ ac aliæ directione adhibeant, quæ à communi omnium Theologorum consensu dicuntur esse licita, si fiant in iis circumstantiis, in quibus illi, & alii ab ipsis directi operantur. At nemo ita operans meritiò reprehendi potest. Hoc adeo verum est, ut Celladeus hoc loco id ipsum supponat, & in tantum illud rejiciat, in quantum putat tales homines de probabilitate rectè judicare non posse. Sed in hoc aperte deceptus est, quia inter probabilitatem extrinsecam & intrinsecam non distinxit. Unde, ex terminorum confusione & indistinctione deceptus, dixit tales homines de probabilitate rectè judicare non posse, quia rationum momenta perpendere, atque inter ea discernere nequeunt.

Celladei
consilium
mundo no-
xium esset,
si adhibere-
tur.

9. Cæterum, vix mundo, si ea in praxim reducerentur, quæ Celladeus, istiusmodi hominibus infusus, ut necessaria pro animarum salute proponit. Inprimis omnes tales à consultando, atque à conscientiis dirigendis omnino arcendos, solosque sapientes Theologos ad conscientiæ consultationem admittendos esse omnino contendit. Verum misera prorsus esset hominum conditio, si hoc admitteretur. Nemo est, qui pro conscientia sua dirigenda consultore non egeat. Rustici ipsi, ac quivis Idiotæ peccatorum Confessione, Sacramentorum administratione, atque dubiorum suorum solutione indigent. At illis prospici non posset, si Celladei documenta sequeremur. Ubi enim inveniri poterunt tot prudentes & absoluti Theologi, quot ad omnes homines totius Ecclesiæ instruendos, eorumque conscientias dirigendas sunt necessarii? Quis non videt tales Theologos ad decimam mundi partem dirigendam non sufficere? Quid ergo fiet de reliquis? Illi, si Celladei consilia sequi velimus, omni ope destituti sine Pastore ac Directore vagari debent, atque in continuo damnationis periculo vivere, atque ad tutiora in omnibus tendenda obligari.

Celladei
pinio & co-
siliū praxi
Ecclesiæ ob-
truncantur.

10. Sed quid? nonne praxis totius Ecclesiæ hanc animas gubernandi formam, ab unico Celladeo nuper excogitatam, condemnat? Certè tam Episcopi, dum Pastores creant & Confessarios approbant, quàm Religiosi, dum suos subditos Confessionibus audiendis exponunt, eos talibus muneribus aptos censent, qui tanta doctrinæ excellentia præditi non sunt, ut de rebus moralibus directè sumptis, atque de rationum moralium pondere rectum judicium formare possint. Hi tamen ex officio suo, ex mente Ecclesiæ, & ex omnium rectè judicantium consensu conscientias dirigere, atque occurrentia misero-

rum dubia solvere debent. Jam verò is ex omnium praxi atque consensu ad hoc idoneus judicatur, qui juxta dicta de extrinsecæ opinionum probabilitate rectum judicium formare novit. Nec mirum, quia ille idem prorsus respondebit, quod doctissimi quique, si consulerentur, responderent. Et sanè id ex praxi certissimè innotescit; prudentissimi enim Theologi nunquam aliquid corrigendum inveniunt in Confessione eorum, qui, à minùs peritis directi, eas tantum opiniones sequuti sunt, quas directores ipsorum, juxta Auctorum benignæ sententiæ mentem, repereunt esse certò probabiles extrinsecè; quia nil nisi rationabile in tali directione intervenit. Quòd si minùs periti casum ex opinionibus certò probabilibus resolvere non possint, tunc ipsorum est doctiores adire, & ab illis, quid factò opus sit, investigare, atque juxta doctiorum præscriptum se & alios gubernare. Hac ratione conscientiæ benè & rationabiliter regulantur, quæ certè ex Celladei præscripto absque remedio, sine consultore ac directore cum evidenti damnationis periculo vagari deberent.

11. Itaque universim suadendum est, ut minùs periti discant quid Caietanus, quid Suarez, aliique de rebus moralibus senserunt, illorumque atque aliorum in opinionibus consensum perspicuum habeant, atque per hanc diligentiam sese aptos conscientiarum magistros reddant. Celladeus hoc improbat, eosque historicos, meros reflexistas, omnis doctrinæ moralis imperitos vocat. Verum aliter sentit Ecclesia, quæ publicos morali Theologiæ magistros eo fine ubique proponit, ut illi discipulis suis casuum compendia, probabilesque Auctorum opiniones explicent, & ne memoriæ excidant, prout opportunum fuerit, dicent, ut illi postea juxta illas doctrinas & se & alios dirigant. Aliter sentit S. P. Ignatius Soc. Jesu Fundator, qui in 4. parte Constitut. cap. 8. litt. D. ubi agit de Scholasticis instruendis in iis, quæ ad proximos juvandos pertinent, omnibus præscribit tamquam conveniens, ut casuum conscientiæ, maximè rerum difficiliorum compendium aliquod sibi comparent, atque hoc utile existimat, ut, sine damno suo, & cum aliorum utilitate Confessariorum munus exerceant. Hoc ipsum Societas nostra instar regulæ omnibus suis Sacerdotibus proponit. Et tamen certum est, nec Ecclesiam, nec S. Ignatium, nec Societatem nostram existimare omnes, quos sic instrui, & ita instructos proximorum saluti cooperari volunt, eam doctrinæ præstantiam habere, quæ ad omnium questionum moralium fundamenta ritè dijudicanda requiruntur. Absurdum proinde est, publicoque Ecclesiæ bono maximè nocivum, quòd Celladeus pro opportuno & maximè necessario consilio proponit. Verum ille proprias opiniones non in solido fundamento, sed in terminorum confusione & equivocatione fundatas proponit. Has non sequimur, sed communi Ecclesiæ praxi, Sanctorum Doctrinis, atque Religionum Constitutionibus maturè discussis debiteque approbatis imbrempis.

Repugnat
item S. Fū-
datori no-
stro, ejusque
Cōstitutio-
nibus.

ASSER.

ASSERTIO IV.

Proposuit sic declarare, quinam fideles, & quodmodo per benigna sententia praescripta gubernentur?

Quinam & quodmodo de probabilitate iudicare possint?

DECLARATUR assertio. Tres sunt fidelium classes. Prima partem longè maximam complectitur, nempe eos omnes, qui discernere nequeunt rationes, aut Auctores graves à levibus, bonos à malis, eò quòd sufficienti ad hoc ingenio vel doctrinà non polleant. Nihilominus isti saepe norunt, quinam hìc & nunc communi probitatis ac doctrinae famà emineant, & consequenter optimè norunt eorum auctoritatem gravem esse, & prorsus dignam, cui assensum in dubiis praebent. Secunda classis est eorum, qui ingenio ac doctrina adeo eminent, ut non solum praestantiam unius Auctoris praeter alio, sed etiam singularem rationum momenta exactà iudicii trutinà librare possint. Tertia classis est eorum, qui inter priores duas mediant, quique tantum doctrinae affecuti sunt, ut propria industria ac labore scire possint, quis per transennam, quis ex professo materias morales examinavit? Quis cum his conveniat, quis ab illis discrepet? Idem etiam facillè scire possunt, quae sint propositiones ab Ecclesia censurae, quae permittit seu tolerat, &c. Similiter iidem apti sunt, ut ex communi doctissimorum, quibuscum saepe versantur, famà discant, quoniam ex scriptoribus pro gravissimis & securioribus, quinam pro audaculis & laxioribus habeantur? qui communiter probentur ut boni, qui rejiciantur ut cavendi? Jam plurimi ad haec & similia rite penetranda apti sunt, qui tamen rationes & fundamenta Auctorum inter se debitè comparare, atque singulorum vim & meritum discernere nequeunt.

His positis, dicendum est, omnes secundae & tertiae classis aptos esse, ut, se & alios juxta praescriptum benignae sententiae gubernent. Sed cum disparitate. Primi siquidem & intrinsecam & extrinsecam opinionum probabilitatem perfectè penetrare, atque adeo non solum reflexam, sed etiam directam sui consilii, suaeque directionis rationem dare possunt. Rursus iidem in peculiaribus casibus, quas Auctores non discussissent, suam operam interponere, iudiciumque formare, eoque tandem juxta benignae sententiae praescriptum se & alios gubernare possunt. Secundi vero solum extrinsecam opinionum probabilitatem discernunt, nec aliam quàm reflexam de rectitudine sui consilii rationem exponunt. In rebus vero ab Auctoribus non agitatissimè haerent, neque ex proprio discursu quidquam definire audent, sed ad alios recurrunt, ut ab illis quid facto sit opus, discant. Hi ergo omnes ad se ac alios ex praescripto benignae sententiae rite gubernandos apti sunt, quia omnes bene sciunt, se aliud non facere, aut ut licitum proponere, quàm quod communis, immò unanimis Doctorum consensus asserit esse honestum; atque ita non solum exercere, sed etiam signatè benignae sententiae clypeo se tutos esse norunt. At primae classis homines, ex praescripto benignae sententiae, de qua pauci quidquam audierunt, solum exercere tuti sunt, quia id faciunt quod illa veraciter asserit esse licitum. Caterum qui rudibus istis consilium praebent, in auctoritate omnium benignae

sententiae subscribentium se fundant. Sed rudes, qui illorum dictis fidem praebent, eorumque consilium sequuntur, immediatè nituntur illorum auctoritate, de cujus sufficientia evidentem praesumptionem habent; atque ita demum non nisi mediatè per sententiam benignam gubernantur. Haec perspicua quidem sunt, debuerunt tamen fusiùs explicari, ut, variis terminorum significationibus rite distinctis, equivocationes, in quas Celladeus incidit, vitaremus.

SOLVUNTUR OBJECTIONES

Et Casuistarum industria laudabilis ac utilis esse ostenditur.

OBJECT I. Nemo tamen potest se aut alios gubernare ex praescripto benignae sententiae, nisi qui rite discernit opinionem, quam sequendam proponit, esse probabilem. At nulla opinio est probabilis, quae gravi fundamento non innitatur. Ergo non licet proponere opinionem sequendam, quae tale fundamentum non habeat. Ergo qui nescit, an opinio aliqua habeat fundamentum ejusmodi, pariter nescit, an opinio habeat quod Auctores benignae sententiae ad conscientiae securitatem requirunt. Ergo qui talem opinionem proponit vel sequitur ut licitam, vel consulit, vel operatur nesciens an habeat quod ad conscientiae securitatem requiritur juxta eos, quorum auctoritatem sequitur. At hoc modo operari vel consulere temerarium est, & evidenter illicitum. Ergo temerè & illicitè operantur, vel consulunt, qui inter opiniones, & opiniones, inter Auctores & Auctores, inter fundamenta & fundamenta aut non discernunt, aut discernere nequeunt. Tales sunt omnes poro Reflexivae, qui se aptos conscientiarum magistros arbitrantur, si reflexam & historicam notitiam habeant, non quidem objecti disciplinae moralis, sed opinionum, quid in hac quaestione Caictanus, quid, Suarez, aliiq. senserint; quàm historiae memoriter habitâ, vel in quinternione scriptâ, putant se ad quodlibet resolvendum absolutissime paratos. Verùm toto caelo errant, quia per hoc nullam prorsus boni aut mali, virtutum aut vitiorum scientiam habent, quia nil prorsus de objecto scientiae moralis sciunt. Non enim aliter versantur circa objectum scientiae moralis, quàm quia est objectum sui objecti, seu opinionum, quas memorant, aut collectas habent. Atqui ipsa rei moralis natura indaganda & scienda est, ut de illa responderi possit, quia de illa quaeritur. Hanc S. Thomas, Scotus, Suarez, Caictanus, & alii graves Doctores indagant. E contra verò prodierunt libri, in quibus nil de natura rerum moralium dicitur, sed solum opinionum catena texitur. Hi sunt libri reflexi, historici, minime Theologici, quos qui solum aut principaliter sciret, esset ipsius moralis scientiae prorsus expertus. Ergo omnis ejusmodi ineptus est, qui de probabilitate rectè iudicat. Ergo nemo ejusmodi, nisi temerè, consulere aut agere potest juxta opinionem, quam sic collectam habet. Ita Celladeus *quaest. 10. §. 1. & 2.*

Respondeo, difficultatem hanc in probatione assertionum jam esse solutam, quia collectores ejusmodi opinionum optimè discernunt probabilitatem extrinsecam, per quam unque validam valdeque rationabilem praesumptionem habent de intrinseca earundem probabilitate. At hoc ex benignae sententiae praescripto ad licitè operandum

Summis an habeant notitiam de objecto morali.

Habent istam talē notitiam.

dum & consulendum sufficit. Itaque qui opinionem aliquam auctoritate gravi, & ad extrinsecam probabilitatem sufficientem niti novit, utique scit opinionem illam habere, quod Auctores benignæ sententiæ ad conscientiæ securitatem sufficienter docent, quamvis nesciat in particulari, quæ sint talis sententiæ fundamenta, nec sufficientem doctrinam habeat ad rectè de illis judicandum, si ipsi proponerentur. Hæc per se patent, si obvia probabilitatis intrinsecæ & extrinsecæ distinctio ante oculos habeatur. Itaque objectio ex perspicua æquivocatione procedit.

Æquivocationes Celladei deteguntur.

14. Eadem æquivocatione laborat quod dicit de Reflexistis, seu casuum collectoribus; nemo enim illorum est, qui de extrinseca probabilitate, & consequenter de intrinseca probabilitatis præsumptione rectè judicare non valeat. At hoc sufficit, ut per principia reflexa conscientia debite formetur. Itaque immeritò reprobat Summistas sub ea generalitate, qua loquitur, cum pro quâ plurimis sint utiles. Certè non omnes habent, aut habere possunt copiam optimorum Consiliatorum, ut supradictum est. Omnes autem consilio indigent. Ergo plures mediocribus contenti esse debent. Tales sunt prohi Summistæ, seu casuum collectores, qui facilius & certius intelliguntur à plerisque, quàm qui multas ac subtiles rationes afferunt. Distinguat ergo Celladeus habentes à non habentibus copiam & discretionem optimorum Consiliatorum, videbitque intentum suum, de Summistis à conscientiarum directione generaliter removendis, & absurdum esse & reipublicæ nocivum, ut supra quoque indicatum est, quia majorem hominum partem omni consilio destitutos relinquet, quos tamen mediocribus consiliariis adjuvari expedit, quia præstantes nec habent, nec eos si adessent, ab aliis discernere.

Summistæ fuerunt viri præstantis doctrinæ.

15. Præterea modus, quo de Summistis Celladeus loquitur, omnino displicet; si enim de solis quibuldam discipulis, ac rudioris literaturæ viris loqueretur, admitti posset, eos esse *meros reflexistas, opinionum moralium historicos, ac viros minimè Theologos*. At cum de Auctoribus, librisque Summistarum editis loquatur, absurdum planè est, & haud tolerandum, viros, reipublicæ Christianæ utiles, multaque litteraturâ insignes, adeo deprimi ac vilipendi, ut & illi & illorum libri pro puris historicis, solidâ ac verâ Theologiâ carentibus seriò proponantur. Plures ex Summistis, ut Angelus, Sylvester, Caietanus, Toletus, Navarrus, fuere viri litteraturâ insignes, magnique Theologi, quorum resolutioni, cæteris paribus, non minùs quàm summorum Theologorum resolutioni standum est, saltem ab iis omnibus, qui rationes, quibus docti moventur, intelligere non valent. Quod autem ad alios attinet, proferat vel unum Celladeus, si possit, qui Theologus insignis non fuerit. Nec dicat se offensionis vitandæ causâ neminem nominare velle, nam neminem nominare potest, qui tantâ doctrinâ non excelluerit, ut non solum Auctores ipsos, & probabilitatem extrinsecam, sed & fundamenta Doctorum ac probabilitatem intrinsecam rectè discernere potuerit. Nec solum potuerunt id Summistæ, sed & id ipsum plerique fecerunt; fuerunt enim homines non minùs probi quàm periti, qui aut nunquam, aut rarè valde in suas Summas congefferunt, quod non scirent esse intrinsecè certè probabile. Quod si aliquid minùs certum addiderint, statim adverte, eos minùs fidenter de eo, quàm de aliis esse loquu-

tos. Neque enim absque defectu opiniones congerunt (sciunt enim suam in hoc conscientiam gravari) sed summa cum diligentia, labore, ac studio eas opiniones colligunt, quas norunt esse certè probabiles, ideoque illas proponunt ut licitas, quia communis omnino Theologorum consensus earum usum licitum esse agnoscit.

16. Porro quod dicit, historicos istos nullam prorsus boni ac mali, virtutum ac vitiorum notitiam habere, & viris probis injuriosum, & à veritate est prorsus alienum. Quamvis enim nosse, quod Suarez & alii hanc teneant sententiam, non quirit. sit notitia objecti moralis, nihilominus hoc scire multum juvat ad formandum judicium boni & mali, virtutis ac vitii. Quando idiota petit consilium à perito, an aliquid liceat, novit illum affirmare quod liceat. Hæc notitia purè speculativa est, & si velis, quodammodo purè historica, nec habet pro objecto rem moralem, virtutem vel vitium; nihilominus est saltem circumstantia, quæ ad conscientiam debite formandam multum juvat, sic enim idiota discit, *Licet facere, quod Parochus à me consultus respondet licere. Sed Parochus à me consultus respondet hoc mihi licere. Ergo hoc mihi licet*. Consequentia hæc est notitia rei moralis, nempe actionis honestæ, quamvis minor propositio sit purè speculativa, & quædam rei gestæ historia. Ratio est, quia res illa est circumstantia, quæ aliquo modo respicit ipsum objectum, prout dat occasionem reflectendi supra honestatem illius, in quantum illa à gravi viro asseritur. Hinc est, quod objectum ipsum, prout ab hac circumstantia afficitur, evadat & reflexè cognoscatur esse honestum, quamvis ejus honestas directè considerata semper maneat incerta respectu idiotæ, eò quod ille non habeat principium, ex quo directè aut certè concludat, objectum illud esse honestum vel inhonestum. Nec mirum, quia ipsa cognitio experimentalis, quod honestas aliqujus objecti affirmetur à viro tantæ auctoritatis, cui meritò fidem damus, ex natura sua est minor principii synderesis reflexi, cum quo constituit syllogismum, cujus conclusio absolute enunciat, objectum illud esse honestum. Idem valet de casuum Collectoribus, qui debite colligendo quid Auctores gravissimi de rebus moralibus senserint, ex suo labore evidenter sciunt, opiniones tales esse probabiles. Non enim ideo præcisè Summas suas condunt, ut sciant, quid quisque senserit, sed ut sciant quid sit certè probabile. Nec in sola probabilitate sistunt, sed eâ utuntur tamquam circumstantiâ quadam efficiente rem, de cujus honestate questio procedit, atque de illa re talibus circumstantiis substante ex principiis synderesis reflexis pronunciant, illam esse licitam. Sciunt enim, quod communis ac unanimis Theologorum consensus statuatur, usum opinionis probabilis esse licitum. Unde cum ex illorum præscripto certè sciant, hanc opinionem esse probabilem, ex eorundem auctoritate inferunt ejus usum esse licitum. Itaque apertissime errat Celladeus, dum dicit, Collectores casuum per operam atque scientiam suam nullam rerum moralium notitiam habere, quia certum est, eam cognitionem plurimum deservire ad indirectè seu reflexè concludendum de honestate objecti ac operationis, uti ostensum est. Quamvis enim præcisè notitia, quid Auctores dicant, non sit notitia de ipsis objectis moralibus, sed solum reflexa cognitio de illorum scientia, nihilominus illa historica cognitio multum juvat ad moralitatem ac honestatem illorum objectorum reflexè indi-

Celladeus de multis viris valde dignis inhonestè loquitur.

Casuum collectores optime discernunt quid sit honestum & inhonestum.

indagandum. Porro Summistæ in hoc à S. Thoma, Suario, aliisque differunt, quòd illi per principia directæ, hi per principia reflexa rerum honestatem determinant.

Replica.

17. Dices. Tota scientia moralis, sive Philosophica sive Theologica, est directæ, utpote quæ de bono & malo, de actibus humanis, de virtutibus ac vitiis tractat, eorumque omnium essentias ac naturas ex objecto indagat. Itaque sicut nullus est homo, qui non sit rationalis, ita nulla est scientia moralis, quæ non sit directæ. Ergo frustra fugimus ad conclusiones & scientiam moralem reflexam, quæ non datur. Quæstio proponitur, an Chocolate frangat jejunium? Reflexista de hoc nil scit directè, nec curat nosse, an Chocolate sit cibus vel potus? & tamen ex hoc resolutio casus dependet. Quid ergo facit? Prætermisso hujus rei examine, quærit quid Auctores dicant, & si illi dicant chocolate esse potum, & non frangere jejunium, contentus est. At reflexista ille per hoc non habet scientiam moralem, an Chocolate frangat jejunium. Ergo de hoc respondere non potest. Ergo ruit tota responsio. Ità Celladeus §. 2.

Argumentum retorquetur.

Respondeo primò per instantiam. Idiotæ ignarus an Chocolate sit cibus vel potus, quærat à perito, an frangat jejunium, Peritus respondeat, quod non frangat jejunium. In hoc casu peto an Idiotæ, formans suam conscientiam de licito usu Chocolate, non eliciat conclusionem de objecto & materia morali. Unique dices, quia enuntiat de licito, & de actu virtutis. At quomodo hoc fieri potest, cùm non habeat scientiam an Chocolate sit potus vel cibus, sed solum credat perito dicenti, quod non frangat jejunium. Nõne quæstio illa determinanda est, quærendo an materia illa sit cibus vel potus? At Idiotæ hoc ignorat, hoc non determinat. Quomodo ergo scientiam seu conscientiam habet, quod usus Chocolate non frangat jejunium. Vides argumentum ab ipso Celladeo solvendum. Itaque dico, quæstionem hanc ab aliquibus directè resolvendam esse ex objecti illius inspectione. Verùm, illa resolutione posita, alii ex horum auctoritate quæstionem ex principiis reflexis iterum resolvunt. Nec mirum, quia principia illa reflexa directam casus resolutionem à prudentibus factam fuisse apertè supponunt. Quod autem valet in casu particulari Idiotæ, à fortiori valet de illis, qui non ex unius responso, sed ex communi plurium peritorum consensu dicunt talem usum esse licitum, quia per hoc prudenter præsumunt Chocolate esse potum, atque ita ex principiis reflexis quæstionem novâ viâ resolvunt.

Datur scientia moralis reflexa.

18. Cæterùm non satis capio, quid sibi velit Celladeus, dum dicit omnem scientiam moralem esse directam, nec magis possibilem esse scientiam moralem reflexam, quam hominem irrationalem: Ego certè haud existimo, eum asserere nullam resolutionem reflexam ad scientiam moralem pertinere, quia hoc est nimis evidenter falsum. Quærent omnes, an usus opinionis probabilis sit licitus? Quæstionem hanc omnes uno ore reflexam vocant, quia illa de honestate rerum, non ex directæ earum consideratione, sed solum indirectè & reflexè enunciat, ex suppositione, quod honestas illius sit certò probabilis. Jam omnes periti longas de hac quæstione disputationes instituunt, tamquam de re maxime morali, & regulâ generali ad conscientiam debere formandam utili ac necessariâ. Ergo vel omnes desipiunt, vel dantur quæstiones morales reflexæ,

& scientia moralis reflexa. At omnes morales scientiæ Doctores non adeo desipiunt, ut quæ sit propria suæ indaginis materia ignorent. Ergo datur scientia moralis reflexa. Præterea idem ostensivè sic probatur. Omnis quæstio de bono & malo morali, seu de honesto & inhonesto est quæstio moralis, ejusque resolutio est scientia moralis. Sed multæ quæstiones reflexæ, utpote quæ supponunt actus & cognitiones directas de rebus & rerum circumstantiis præcessisse, procedunt de honesto & inhonesto, quales sunt, an liceat Idiotæ sequi consilium prudentis directoris? an usus opinionum practicè probabilem sit licitus, &c. Ergo multæ sunt quæstiones morales reflexæ, quarum resolutiones sunt scientia moralis. Ulterior ratio à priori est, quia omnis circumstantia, quæ ita afficere potest objectum morale, ut illud in ordine ad honestum vel inhonestum immutet ac alteret, pertinet ad scientiam moralem. At multæ cognitiones directæ de rerum honestate sunt tales; nam aliter se habet homo ad operandum; quando dubitat aliquid esse honestum, aliter quando credit illud esse verum, aliter quando credit illud esse permissum. Ergo spectat ad scientiam moralem hæc omnia considerare, sicut de facto hæc omnia considerat. Atqui consideratio objectorum, prout substantiis istis cognitionibus directis est consideratio reflexa, ut patet; est etiam maxime moralis, quia concludit peccatum esse operari in dubio; etsi objectum ipsum non sit malum in se. Resolvit gravius esse id facere, quando creditur esse prohibitum. Determinat id malum non esse, quando invincibiliter & prudenter creditur esse permissum. Ergo evidentissimum est, dari scientiam moralem reflexam. Patenter ergo erravit Celladeus, quando pronunciavit oppositum.

Celladeus manifestè errat concluditur.

19. Objicit secundò. Qui non novit Patrem Petri, judicare nequit Petrum esse similem suo Patri, quia simile est relativum ad terminum. Ergo cui terminus ignotus est, ignotum pariter est & simile. Ergo pariter cui ignotum est verum, ignotum est verosimile, quia verosimile est relativum ad verum. At idem prorsus est probabile & verosimile. Ergo cui ignotum est verum, ignotum est probabile. Ergo cui ignotum est verum morale, ignotum est verosimile & probabile morale. At verum morale non innotescit, nisi per scientiam moralem. Ergo non habentibus scientiam moralem ignotum est verum morale, & per consequens etiam verosimile & probabile morale. Sed imperiti casuum Collectores non habent scientiam moralem: Ergo non habent notitiam probabilitatis morales, nec de eâ rectè judicare possunt. Rursus probabilitas consistit in gravitate fundamenti. Ergo qui nequit judicare de gravitate & levitate fundamentorum; judicare nequit de probabilitate. At scientiæ morales expertes, quales sunt imperiti casuum Collectores, nequeunt judicare de gravitate fundamentorum, quia illud solum ab Authoribus benignæ sententiæ vocatur fundamentum grave, quod magnam vim habet ad movendum hominem rerum illarum peritum, ut rei propositæ assensum præbeat. Jam impossibile est, ut rerum ipsarum imperiti sciant, an motivum propositum sit vel non sit grave respectu peritorum. Ergo homines tales non possunt rectè judicare de probabilitate. Ità Celladeus §. 3.

Objectione 1.

Respondeo hæc omnia admitti posse de notitia experimentalis probabilitatis intrinsecæ, cujus naturam & vim intrinsecam nemo novit, qui illam

Celladeus confundit cognitionem abstractam cum intuitiva.

Iam in se non experitur, & aptè dispositus est ad totam ejus vim experiendam. Hoc Celladeus bene probat; verùm argumenta ipsius non solum non evincunt, sed ne quidem verisimiliter probant, imperitos rerum moralium non posse abstractivè saltem optimè judicare de probabilitate extrinseca, atque ex illa etiam judicare de probabilitate intrinseca, quatenus indirectè, reflexè, & per species alienas rationabiliter præsumunt illam adesse, etsi qualis illa sit in seipsa per proprias ejus species prorsus ignorent. Et sanè hoc ipsum videtur in exemplo allato. Quamvis enim per proprias & intuitivas species scire non possum, Petrum esse similem Patri suo, nisi Patrem etiam videam, atque cum filio comparem; tamen per fidem humanam id prudenter credere possum, etsi solum Petrum, aut neutrum per proprias species norim. Sic credimus Filium Dei Patri suo esse per omnia similem, & nos ipsos Deo fore similes, quando *videbimus eum sicuti est*, quamvis de termino harum relationum proprias species non habeamus. Idem valet de vero & verosimili, ut patet.

Aug. etiam arguit contra Academicos.

20. Præterea argumentum non probat, eandem aut planè similem esse debere cognitionem termini & fundamenti, ut relatio cognoscatur, quia certum est cognitionem relationis esse posse intuitivam, quando cognitio termini est solum abstractiva. Sic intuitivè cognosco, me habere cognitionem Angeli, quem solum abstractivè cognosco, &c. Præterea etsi loquamur de intuitiva cognitione similis ac verisimilis, & concedamus utrumque intrinsecè constitui partialiter per ipsum terminum, argumentum non urget; fateor enim, verisimile non posse sciri nisi aliquod verum sciatur, cum quo comparetur. Hoc enim verum est, & à S. Augustino (quem Celladeus hic circa hoc ipsum citat) contra Academicos acutissimè illatum. Illi enim dicebant, nil approbandum esse ut verum, sed solum ut verisimile. Contra illos Augustinus bene arguit, nil approbati posse ut verisimile, nisi aliquid, cum quo comparatur, approbatur ut verum, quod certè verissimum est, quocumque modo verisimile accipitur; quia nemo potest approbare relationem ejusmodi existere, nisi etiam terminum ejus existere concedat. Cæterum hoc non tangit præsentem difficultatem, nam quando verisimile cognoscitur per similitudinem veri, hoc verum, cum quo fit comparatio, non est ipsum verum, quod cognitio, quæ verisimilis dicitur, repræsentat, sic enim idem sibi simile diceretur & esset. Præterea omnes debent hoc fateri, quia de probabilitate & verisimilitudine sæpe certam & intuitivam cognitionem habemus, cum tamen de objecto à cognitione probabili repræsentato nulla detur aut intuitio, aut certitudo; imo sæpe objectum illud non datur, quia illa cognitio probabilis est falsa. Ergo ex mente Augustini, & ex ipsa veritate, denominatio comparativa verisimilis non ab objecto per cognitionem verisimilem repræsentato, sed aliundè desumitur. Quod cum certissimè ita sit:

Verisimile ab refertur ad propriū objectum, & ad terminum suum relationis.

Quis sciet terminus huius relationis verisimilis?

21. Quæres fortasse, quis sit terminus comparisonis & relationis expressæ per vocem *verisimile*? Respondeo omnes homines habere multas cognitiones certas & evidentes de sua & aliorum existentia, item de multis rebus particulariis, sive immediatè notis, sive ex aliis evidenter illatis. In hisce omnibus experimur intellectum ab objecto proposito ita trahi ad assensum, ut in illum rapiatur. Harum cognitionum obje-

cta sunt primarius terminus hujus comparationis quibus illa dicimus similia, & consequenter verosimilia, quæ intellectum ad assensum sollicitant. Porro quia omne motivum intellectuale aliquo modo sollicitat intellectum ad assensum, ideo omne motivum ejusmodi aliquam verisimilitudinem habet. Eò autem major est verisimilitudo cujusvis objecti, quò intellectus per ejus propositionem magis stimuletur ad assensum. Quod si motivum non necessitet, sed tamen vehementer stimulet peritum, qui rem debitè consideravit, illud dicitur motivum probabile. Itaque duo hic observanda sunt. Alterum, Augustinum subtilissimè, & ad hominem confutasse Academicos, Alterum, hoc ejus argumentum Celladeo non favere. Nemo enim scientiæ moralis adeo rudis est, quin multa vera tam moralia quàm alia evidenter sciat. Unde nemo est, qui evidenter non cognoscat terminum, quem verisimilitudo respicit. Et quidem omnes hac ratione evidenter cognoscunt verisimilitudinem seu probabilitatem extrinsecam, & ex illa per species alienas prudenter præsumunt probabilitatem intrinsecam adesse, ut in hac sola quaestione fusè declaratum est.

22. Cæterum Celladeus in hoc argumento dupliciter erravit. Primò, quia supponit verosimile dici respectu ipsius veri, quod cognitio verisimilis repræsentat. Et sanè nemo est, qui legat ipsum, quin statim judicet id esse ipsius intentum. At hoc est evidenter falsum, ut ostensum est. Alterum est, quod hoc errore deceptus intulerit, carentem scientiæ veri moralis de verosimili morali judicare non posse. Sed hoc ex præmissis non sequitur, quia si motivum impellens ad affirmandum aliquid morale, instar motivi non moralis sollicitet intellectum ad assensum, eo ipso materia illa moralis erit verosimilis, quamvis non comparetur cum vero morali, ut patet; tota enim diversitas se tenet ex parte materiæ, quæ in hisce denominationibus non attenditur, quia objectum morale erit verosimile, si impellat intellectum, sicut verum non morale illum impellit.

Deo errat Celladeus.

23. Quod ad motivorum discretionem attinet, ea dupliciter discerni possunt, primò directè ex ipsa eorum inspectione, & hoc modo soli periti de illorum gravitate rectè judicare possunt. Secundò indirectè, à posteriori, & ab affectu, & hoc modo imperiti rectè discernunt quæ sint, quæ non sint gravia. Sic ex unanimi Doctorum consensu, aliisque notis supra expensis rectè colligimus, eos gravi fundamento usos fuisse; nam unanimis peritorum consensus apertè arguit, eos grave fundamentum habuisse, quia moraliter loquendo impossibile est, omnes peritos post diligentem rei discussionem in unam convenire sententiam, nisi gravi fundamento ducantur. Jam ad conscientiam dirigendam hæc reflexa probabilitatis intrinsecæ notitia, & aliz ejusdem validæ præsumptiones sufficiunt, ut ex dictis constet.

Motiva via dupliciter discerni possunt.

24. Objicit tertio. Sint tres conclusiones morales, quarum altera sit solum probabilis, altera moraliter certa, tertia demonstrativa. In hoc casu Collector casuum nesciet inter illas distinguere; obstupecet enim, si ab illo petatur, quænam illarum sit solum probabilis? quæ moraliter certa? quæ demonstrativa? solum enim poterit dicere, omnes tres esse insignium Doctorum opiniones, sed quænam alteri excellat dicere haud poterit, quia soli moralis scientiæ periti talia discernere valent.

Objeccio 3.

Respon-

Collectores
casuum re-
ctè discer-
nunt proba-
bile ab im-
probabili, &
incertum
à certò.

Respondeo inprimis nobis sufficere, si casuum Collectores discernere possint, quòd omnes illæ opiniones sint certò probabiles. Hoc enim in præsentia tantum queritur. At hoc benè discernere valent, ut constat ex dictis.

Respondeo secundò, morales istas demonstrationes raro occurrere; occurrunt tamen aliquando, & tunc omnes Auctores non solum in eadem assertionem conveniunt, sed etiam apertè asserunt, talem assertionem esse demonstratam. Ex hoc autem omnium peritorum consensu veritas talis demonstrationis evadit moraliter evidens, propter communem omnium peritorum consensum, sicut existentia Urbis Romanæ ob consentientia testimonia est moraliter certa & evidens. Hoc optimè norunt etiam minùs periti casuum Collectores, qui ideo non solum sciunt, tales opiniones esse probabiles; sed sicut ab extrinseca auctoritate norunt aliquas opiniones esse probabiles, sic à diversitate talis auctoritatis non solum gradus probabilitatis ipsius inter se, sed etiam incerta à certissimis ac demonstratis discernunt. Sic casuum Collectores ab extrinseco sciunt, ignorantiam invincibilem à toto excusare, nec probabiliter tantum, sed certò & evidenter id sciunt. Idem dico de licito probabilium usu, ille enim in tota sua universalitate est ad minimum moraliter certus, & quoad summam ejus probabilitatem evidenter demonstratur à multis, quibus ego etiam meam operam contuli, tum in hoc, tum in tractatu de *Consc. prob.* ubi multis viis veritatem hanc demonstratam invenies, quidquid Celladeus in contrarium dicit. Casuum autem Collectores hoc ipsum ex unanimi peritorum omnium consensu, atque ex modo, quo de istis tamquam de rebus certissimis & demonstratis loquuntur, tamquam ex medio moraliter evidenti certissimè inferunt.

io 4. 25. Objicit quartò. Collectores casuum non possunt rectè judicare, ne quidem de probabilitate extrinseca. Ergo ruit responsio, & eorum sufficientia ad ritè judicandum de probabilitate deijcitur. Probatur antecedens. De aliquibus Auctoribus ex fama publica constat, quòd sint graves, sed non constat, quòd omnia ex gravi fundamento constituent. Unde ergo poterit casuum Collector inter hæc discernere. At nisi discernat, casus suos rectè colligere non poterit. Rursus, aliquando Auctores isti graves sibi contradicunt, atque se invicem elidunt. Quid autem tunc faciet casuum Collector? Demum Collectores isti sæpe inveniunt Doctores citatos, quos nunquam viderunt; & quod plus est, ignorant, utrùm illi per transennam, an à fundamentis rem tractarint. Ergo in eo casu non habent probabile definitum & requisitum ab Auctoribus benignæ sententiæ. Ergo temerè agunt, si illorum sententias pro regula proponant. Ergo nesciunt an Auctorem gravem, an casuum Collectorem habeant? Ergo nesciunt an gravem auctoritatem sequantur. Hisce adde, sæpe in citationibus errari, opinionemque gravium Auctorum aliter, quàm ipsi sentiant, proponi. Ergo Collector casuum, qui de his nequit discernere, non nisi temerè casus colligit, eosque pro conscientie regula proponit. Ita Celladeus §. 3.

Causæ, ex quibus Summistæ de probabilitate rectè judicant.

Respondeo, sicut ex fama publica constat, quinam sint Auctores graves, ita ex eadem in plerisque constat, quænam gravi fundamento ducti tradiderunt. Vel si id immediatè ex ipsa fama publica non constet, id ipsum evidenter colligitur ex communi aliorum gravium Auctorum con-

R. P. A. Terilli Regula morum. PARS I.

sensu, aut ex adversariis ipsis, qui, non obstante contraria sua sententia, opinionem talis Auctoris probabilem esse fatentur, &c. Rursus, discrepantia Auctorum extrinsecam opinionum contrariarum probabilitatem non aufert ex mente omnium Auctorum benignæ sententiæ, nisi ipsa probabilitas æquè ac veritas in dubium revocetur. Ergo quando probabilitas conceditur, aut non controversatur, certum est, probabilitatem extrinsecam ad ritè operandum ex communi omnium assertionem requisitam non deesse. Hæc autem omnia innumeris casibus facilè sciuntur, ut patet. Ergo tunc Collectores casuum de probabilitate rectè judicare possunt.

26. Quod attinet ad alios titulos in objectione expensis, illi aliquem locum haberent, si Summistæ adeo ignari fuissent, sicut eos esse ac fuisse infimulat Celladeus. Verùm aliter se res habet, illi enim ingenio atque industria singulari præditi fuerunt, Auctoresque, quos citant, legisse ac diligenter examinasse præsumendi sunt, nisi ipsi met, ut aliquando solent, oppositum significant. Itaque falsum est, Summistas nescire an illi, quos citant, cursim an datà operâ rem examinarint. Similiter falsum est, eos sæpe nomina Auctorum legere, sed nescire an illi sint Auctores graves, vel meri Collectores. Crede mihi, Celladee, doctrina & industria non solum comitantur eos, qui Theologica fuso stylo tractant, sed eos etiam, qui compendiosiore via Summas casuum conscribunt. Norunt illi, quàm periculosam aleam tractant: sciunt rationem se Deo operis sui reddituros, ideoque, nisi eos scelerosos atque profluitos conscientie homines esse dicas, præsumere debes, eos muneri suo satisfecisse. Nemo enim præsumitur malus, nisi probeatur. At tu nec verbum eorum, quæ hîc objicis, probas aut probare potes. Utor argumento tuo. Tu nunquam nosti Collectores istos. Tu illis non cohabitasti. Tu illos differentes nunquam audisti. Tu sedulitatis ac lecturæ eorum testis non fuisti. Unde ergo nosti, eos ignorasse utrùm Auctores, quos citant, essent Collectores, vel Auctores graves? utrùm cursim an à fundamentis rem tractaverint? Quo ergo fundamento tam audacter contrarium affirmas? Fortasse ipse tu eorum Summas aut non vidisti, aut levi tantum oculo & cursim percurristi. Conscientiam tuam testem appello, nam ipse tu hoc nosti. Cur ergo, si ita se res habeat, non convictos, immo non examinatos damnas? sed demus, te Summas eorum diligenter evolvisse; adhuc in eis nec verbum invenies, unde eos negligentia, inerdictionis, ac inscitia à te objectæ reos esse cognoscas. Plores eorum summos fuisse Theologos notorium est. De sufficientia reliquorum nemo certè ambigit, qui rectum de rebus ac personis iudicium format, quia procul dubio fuerunt viri sufficienti literaturâ ad munus suum debirè implendum instructi, idque ipsum ex ipsis eorum operibus evidenter colligitur.

Summistæ non sunt, quales Celladeus eos depingit.

Collectores casuum defenduntur, & Celladeus arguitur.

27. Sed mittamus ista. Esto, non viderint Allarespon, aliquem Auctorem, quem citatum inveniunt, aut sic, etiam ipsi citant; esto, nesciant an cursim an data opera questionem tractaverint, adhuc habent ex aliis, quos legerunt, unde certum de probabilitate iudicium forment. Huic autem probabilitati sic stabilitæ Auctor ille, vel Auctores illi ignoti aliquod momentum addunt, ideoque non frustra citantur. Demum nil refert, quòd in istis citationibus aliquando erretur, quia error istiusmodi universim loquendo raro evenit, si sermo sit de errore

errore quoad substantiam. Quod si error istiusmodi aliquando occurrat, ille per alias citationes non vitiosas compensatur, cum illæ absque ista erronea ad intentum abundè sufficiant. Itaque hisce omnibus non obstantibus certum est, diligentem casuum Collectorem, adhibitâ inædiocri industriâ, certò scire posse, quæ sint opiniones certò probabiles.

Obiectio 5. 28. Obicit quintò. Notum est lumine naturæ, ignaros artis alicujus de illius operibus rectè judicare non posse. Unde axioma est in moralibus, peritos in arte esse consulendos. Sic ignarus artis Medicæ vel Nauticæ nō potest rectè judicare de aptitudine medicationis aut navigationis adhibitæ. Ergo historici casuum Collectores rectè judicare non possunt de probabilitate opinionum, quas citant; quia tam ipsa opinio, quàm fundamenta ipsius, & syllogismi, ex quibus conclusio inferitur, sunt propria opera scientiæ moralis, quam ejusmodi historici prorsus ignorant.

Collectores casuum non ruit scientiam moralem. Respondeo, casuum Collectores non esse prorsus ignaros scientiæ moralis, quia optimè norunt partem ejus reflexam, quæ generalis est, & tradit quomodò conscientia in usu opinionum certò practicè probabiliū ritè formari possit. Hanc partem omnes casuum Collectores probè norunt. Quod si sermo sit de iis, qui Summas scripserunt, illi non solum reflexam hanc, sed etiam directam scientiæ moralis notitiam habuerunt, quamvis in scriptis suis non hanc, sed priorem solum expresserint, eò quod minus periti, quorum intuitu scribebant, solus prioris benè intelligendæ capaces essent. Itaque paritates istæ non sunt ad rem, cum qui sedulum ac diligentem casuum Collectorem consulit, consulat hominem in arte sufficienter peritum, ut patet.

Exemplum Medicinæ ac Nauticæ contra Celladeum facit. Cæterum quod ad Medicinam, Nauticam, aliasque artes attinet, illæ etiam magna ex parte in traditione à peritis haulta consistunt. Qui primò medetur, aut navem gubernat, non à propria experientia, sed à præceptis ab alio traditis regitur. Novimus plures artis Medicæ (saltem in sensu, in quo Celladeum imitati nunc loquimur) prorsus ignaros qui certissima ac tuta pro pluribus morbis medicamenta à prædecessoribus per traditionem accepta habent, eisque adhibitis mira præstant, etiam in casibus, quos præstantissimi medici desperatos habuerunt. Plures ejusmodi per Angliam sunt sceminx nobiles, quæ mira medicinæ ac chirurgiæ secreta habent, eaque gratis cum magno miserorum emolumento exercent. Quidni ergo misericordiosissimus Deus pro animorum ac conscientiarum medicina simile quid instituerit? Putandūne ille majorem corporum quàm conscientiarum medendarum curam habuisse? Absit. Utrique ille, sed magis huic quàm illi consuloit. Cura hæc à Deo præscripta facilis & obvia est; scilicet ut in dubiis ac incertis à peritis consilium accipiamus, nilque agamus, nisi post diligentiam debitam illud certò probabiliter licitum esse invenerimus. Hæc medicina suavis est & facilis, si adsit; noluit autem Deus difficile esse ut adestet; alioquin nobis parum admodum profuisset. Voluit ergo ut ad eam callendam & benè perspectam habendam mediocris doctrinâ ac industria sufficeret. Hic est communis totius Ecclesiæ sensus, hæc

omnium Theologorum opinio. Sed unus contra omnes Celladeus insurgit; doctrinam hanc, hunc usum, medicinam hanc à Deo institutam rejicit, in quo non minùs conscientis nocet, quàm corporibus noceret, si omnium medicamentorum, quæ idiotæ per traditionem à suis majoribus acceperunt, usum è mundo extirparet, eò quod idiotæ illi artis medicæ sint prorsus ignari.

29. Sed quidquid sit de aliis artibus, lata est disparitas inter eas & scientiam moralem. Illæ plerumque tales sunt, ut proprium illorum opus non dependeat à varia persuasionem operantis. Sic non ideo navis securè dirigitur, quia nauta sequitur opinionem talis alterius famosi nautæ, qui asserit talem directionem esse securam. Similiter non ideo medicina non nocet, quia talis medicus affirmat illam non esse nocituram. At aliter se res habet in moralibus. Ipsæ enim circumstantiæ, quæ in varia intellectus persuasionem consistunt, pro sua diversitate totam rerum moralium naturam permutant. Eadem actio juxta considerationem moralem alia est, si fiat in dubio; alia, si non obstante cognitione ac persuasionem mali latentis patretur; alia si vincibiliter, alia si invincibiliter aut probabiliter credatur bona. Hoc enim proprium est operationum moralium, utpote quæ sunt voluntariæ & à natura rationali elicite, ut illæ à cognitione intellectus maximè dependant, unde necesse est, ut eadem actio externa diversam speciem moralem induat, prout à diversa cognitione dirigitur. Porro intellectus modò directè, modò reflexè, modò temerè, modò prudenter tendit in suum objectum. Ergo necesse est, actionem moralem ab omnibus istis dependere. Inter has condiciones potissima est persuasio certò prudens, ac error invincibilis. Itaque nemo perfectus est in scientia morali, qui solum contemplatur naturam objectorum, nisi illam reflexè etiam consideret in ordine ad omnes circumstantias intellectuales, à quibus actiones humanæ speciem moralem accipiunt. At tota hæc consideratio reflexa est. Ergo magna etiam moralis scientiæ pars est reflexa. Demum istæ circumstantiæ reflexæ non ita connexæ sunt cum directis, ut ab illis vel in esse vel in cognosci dependant, ut patet. Ergo reflexa rerum moralium consideratio à directa earundem consideratione separari potest, & una independentem ab altera addisci. Utraque autem, utpote scientia moralis, ad mores dirigendos utilis est. Ea autem quoad nos utilior, quæ rudibus faciliior. Faciliior autem rudibus est scientia reflexa circa licitum probabiliū usum, sub hac expressione generaliter sumptum, tum quia certioribus principiis innititur, tum quia Auctores in ea prorsus conveniunt. Hinc viri doctriæ valde mediocris facilè & utiliter reflexam hanc scientiam addiscunt, & per eam tam suam, quàm alienam conscientiam rectè dirigunt, si à communi Theologorum præscripto, quod ut ex dictis constat non est valde difficile, non recedant. Itaque paritas ab aliis artibus ad scientiam moralem nulla est, quia objectum aliarum artium speciem non desumit à cognitione reflexa, per quam scimus quid alii de illo senserint, &c. secus autem evenit in re morali. Quæ cum clara sint, nec Celladeus alia in hanc rem afferat, ad ulteriora progrediendum est.

Dispar est ratio inter artes & scientiam moralem.

Magna scientiæ moralis pars est reflexa & separabilis à directa.

Reflexa est faciliior promittis peritior.

QUÆ

QUÆSTIO DECIMA- OCTAVA.

*Vtrum Theologus inutiliter labore, qui Doctrinam sua contra-
dictoriam tutam putat?*

Celladeus
in aliquibus
quæst. sco-
pum suum
deserit.



QUÆSTIO ista ad præsentem tractatum pertinet, & à Celladeo lib. 1. quæst. 13. discutitur. Quocirca eam examinandam suscipio, ut veritas elucescat, & quod Celladeus contra veritatem objicit, diluatur. Interim omitto ea, quæ Celladeus quæst. 11. & 12. concessit, eò quòd in illis scopum deserat. Intentum ejus erat agere contra probabile, quod vocat consuetum, & ea afferre, quæ communem sententiam infirmare possunt. Verùm, hoc relicto, quæst. 11. quærit an ille redderet Theologiam moralem inutilem, qui diceret, omnes omnino Auctorum & librorum opiniones non notatas esse probabiles & tutas? Porro in declaratione hujus quæstionis, aperte fatetur, Auctores benignæ sententiæ longissimè abesse à tali assertione. Et quod pius est, in dubium revocat, an quisquam iubeat ea universalitate id ipsum dixerit. Nihilominus quæstionem ipsam vult tractare, ideoque non absolute, sed conditionatè procedit, & quærit quid sequeretur, si aliquis ita diceret. Hæc ad præsentem quæstionem non pertinent. Quare ego hominem, qui viam inchoatam deserit, non sequar; nec ejus exemplo meum intentum deseram. Similiter quæst. 12. quærit utrum aliquis mente credat, omnes Auctorum & librorum opiniones non notatas esse probabiles & tutas? Hoc etiam ad rem non facit, cum nec nos, nec Auctores nostræ sententiæ, nec quisquam alius, quod sciam aut audiverim, talem propositionem protulerit. Quod si quis sciolus, & Theologiæ ignarus, tali propositioni fidem dederit, Celladeus, per me licet, ipsi persuadeat, quod mente non credat, quæ ore profert. Hoc nostræ nil interest, cum ad præsentem tractatum non pertineat. His ergo omis, ad alia pergendum est. Sit ergo.

ASSERTIO PRIMA.

Omnes, antequam licitè sequi possint partem minus tutam, ad ipsam veritatem cognoscendam eniti tenentur, quantum quisque potest & debet pro rei cujusque qualitate.

Omnes in
rebus incertis
tenentur
eniti ad veritatem
ipsam cognoscendam.

HÆC assertio probatione non indiget, quia omnes ejus veritatem ultro agnoscunt. Nos quidem hanc obligationem imponimus, eam etiam imponunt adversarii, sed ea contenti non sunt; docent enim, nos etiam post debitam diligentiam adhibitam, & resolutionem probabilem in favorem libertatis adinventam, adhuc ad partem tutiorem teneri. Itaque nobiscum exigunt totum, quod ponit assertio, sed in R. P. A. Terilli Regula morum, Pars I.

hoc à nobis discrepant, quòd ea contenti non sint. Itaque præsens assertio sumi debet tamquam principium ab omnibus admissum, ut ex illo, quæ controversa sunt, faciliùs determinentur. Hoc ergo principio posito, sit

ASSERTIO II.

Theologus, in rebus nondum diligenter discussis, non frustra laborat, determinando partem tutiorem esse veram, quamvis post omnem industriam existimet, partem contradictoriè oppositam esse tutam.

3. PROBATUR assertio. Qui operando implet munus suum, suæque satisfacit obligationi, non frustra laborat. Sed Theologus, qui determinandis rebus nondum si efficienter discussis industriam suam diligenter impendit, implet munus suum, suæque obligationi satisfacit, determinando partem tutiorem esse veram, quamvis agnoscat partem contradictoriè oppositam esse tutam. Ergo non frustra laborat, quamvis post omnem industriam adhibitam reputet partem suæ sententiæ contrariam esse in praxi tutam. Major patet ex terminis. Minor certa est ex assertione 1. & ex officio, quod Theologus talem casum resoluturus assumit. Implet enim officium per diligentiam adhibitam, determinando partem, quæ omnibus pensatis ipsi vera videtur. Nec obstat hujus obligationis impletioni, quòd partem alteram tutam existimet; quia hæc existimatio ad ipsam muneris sui impletionem necessariò consequitur, eò quòd fundetur in magnitudine motivorum, quæ in casus resolutione se prodiderunt; sunt autem rationes illæ, & post omnem industriam reperiuntur esse tanti momenti, ut eas probabiles esse negare non possit. Unde cum aliunde firmissimè credat, omnem opinionem probabilem esse tutam, non potest non reputare partem, sententiæ suæ contradictoriam, esse tutam. Itaque præmissæ sunt veræ. Consequentia autem legitimè deducitur, ut patet. Et sanè neminem de hujus assertionis veritate dubitare posse existimo. Unde eam aliis argumentis non confirmabo. Solum noto, omnia, quæ in sequentium confirmationem afferentur, à potiori assertionis istius veritatem roborare.

In rebus
nondum exami-
natis,
pars contra-
ria propriis
opinionibus
rectè tradi-
tur esse tu-
ta.

ASSERTIO III.

Idem rectè
traditur in
rebus antea
exam. natia.

Non frustra laborat Theologus iterum examinando res utrimque jam certò probabiles, si spes veritatem certò detegendi, aut alteram partem probabilitate spoliandi affulgeat, quamvis post laborem hunc reputet partem, sua sententia, contradictoriam, esse tutam.

Finis pri-
mariæ crea-
turæ ratio-
nalis bene
operantis,
quid sit?

4. **P**ROBATUR assertio hæc eodem modo quo prior. Ubi talis spes affulget, munus Theologi laborem hunc, & hanc diligentiam postulat. Ergo non frustra laborat, licet non inveniat quod sperabat, sed post suam diligentiam reperiat, & credat, partem alteram tutam perseverare. Carentia enim effectus intenti non arguit operationem frustra fuisse factam, quando quis, spe prudente nixus, opus aggreditur; siquidem talis operans nec laude prudentis, nec merito diligentis operarii privandus est. Et sanè in ejusmodi operationibus, finis primarius semper obtinetur, licet finis secundarius sæpe desideretur. Finis primarius omnis creaturæ rationalis rationabiliter operantis est Deo placere, munus suum implendo, eumque conatum ad finem obtinendum adhibendo, quem Deus vult, & ratio postulat. Hic finis semper habetur, adeoque nil meriti deest sic operanti, quamvis finis ille alius, quem Secundarium appello, non obtineatur. Appello, inquam, *Secundarium*, quia licet operans in illum etiam tendat, & media ad ejus acquisitionem adhibeat, nihilominus ille finis, in casibus istiusmodi solum se tenet ex parte objecti materialis quod quaeritur, non autem ex parte motivi formalis quod de præsentia adest, & impellit operantem, nec ex parte objecti seu finis primarii & proximi, qui quaeritur. Certè motivum impellens, à quo laudabilitas & honestas actionis humanæ desumitur, semper est præsens. Est enim voluntas Dei jubentis aut consulentis talem industriam; vel, quod in idem recidit, est munus officii postulantis talem conatum; aut demum est honestas industriæ, quia ad talem finem tendimus. Hæc enim ad honestè operandum impellunt, honestatemque in operationes nostras refundunt. Porro rectè operans semper respicit in hæc, tamquam in motivum primarium, atque in finem præcipuum, qui nunquam non obtinetur, quamvis operans ad alterum finem Secundarium, quem secuturum sperabat non pertingat. Sic Apostoli, & Christus ipse concionabantur, ut populum converterent, cum tamen sæpe exigua spes conversionis eluceret, & aliquando nemo converteretur. Nec tamen ideo inutiliter laboraverunt, quia sine primario privati non sunt. Idem dicendum in casu nostro.

Celladeus
minùs con-
sideratè &
frustra alios
inutilis la-
boris con-
demnat.

5. Porro, quòd major veritatis certò invenienda spes affulget, eò certior apparet assertio; quia munus & obligatio Theologi eò manifestius illum ad talem industriam adhibendam astringunt. Atque hinc patet, Celladeum minùs consideratè, atque etiam frustra contra omnes benignæ sententiæ Auctores insurrexisse, eorumque operam eo titulo tamquam inutilem rejecisse, quòd illi in plurimis expressè dixerint, partem suæ sententiæ contradictoriè oppositam esse tutam. Minùs consideratè egit, quia unum hominem singularem omnibus omnino gravissimis prudentissimisque Auctoribus bellum indicere, illosque

inutilis laboris condemnare in eo, quòd & ipsi honestum ac utile profuerunt, & omnes alii credunt esse tale, non potest non esse minùs consideratè factum. Sed & frustra eosdem reprehendit, quia illi in omnibus aliquam, & in multis non exiguam habuerunt spem certò perveniendi ad veritatem, vel immediatè per se, vel mediatè per alios, quos suo exemplo animabant, suæque industriæ juvabant. Omnes enim norunt, multas opiniones olim probabiles posterorum industriæ improbabilis evasisse, atque aliquas falsitatis fuisse demonstrativè convictas. Idem in aliis quoque evenire posse sciunt, ideoque, ad hoc præstandum, conatum adhibent, prout munus illorum postulat. Verùm sæpe non certò assequuntur veritatem, sed post omnem conatum coguntur fateri partem contrariam esse probabilem; & consequenter apertè fatentur eam esse tutam. Porro hæc agnitio ac protestatio priorem laborem inutilem reddere nequit, quia sequitur prudentem muneris impletionem, ac in eo prudenter impleto fundatur.

6. Nec mirum videri debet, tot Auctores gravissimos affirmare & se & alios posse tutò facere, quod ipsi post diligens examen pronunciant esse peccatum; non enim repugnant sibi invicem istæ assertiones, sed optimè cohærent. Quando enim dicunt, rem illam esse prohibitam, solum directè illam considerant; & quia rationes legi faventes apud ipsos prævalent, directè concludendo dicunt, rem illam esse prohibitam. Sed quando dicunt oppositum esse tutum, contemplantur eandem rem in ordine ad alias circumstantias, rationibusque reflexis & ultimis, ad quas intellectus in rebus incertis recurrit, convicti, absolutè ac finaliter dicunt, rem illam esse permissam, quia rationes reflexæ id evincunt. Sic discurrunt Auctores nostræ sententiæ, qui omnibus viis veritatem indagant, eamque inventam aliis divulgant, ut omnes Deo rationabile obsequium præstent, & tandem salvi fiant.

Nulla in eò
contradictio,
quod utra-
que pars con-
tradictionis
sit tota.

ASSERTIO IV.

Theologus non frustra laborat, examinando opiniones de rebus utrimque probabilibus, quamvis exigua aut nulla spes eluceat aut veritatem certò invenienti, aut alteram partem probabilitate spoliandi; immo quamvis arbitretur, utramque partem, post suum laborem, mansuram, sicut nunc est, in praxi tutam.

7. **P**ROBATUR. Inprimis Theologus per talem conatum intellectum suum perficit, cum omnia utriusque partis fundamenta penetret, & tandem ad unam partem ut absolutè veram se determinet, illiusque veritate probabiliter inventa fruatur, & in ea, quantum conditio materiæ patitur, quiescat. Rursus per hoc intellectum acuit, seque aptum ad alias quaestiones non agitas per seipsum determinandas aptum reddit. Hi fines sunt honestè appetibiles, maxime cum certissima spes eos obtinendi affulgeat. Ergo labor quaestiones ejusmodi à fundamento examinandi non est inutilis, cum ad fines honestissimè appetibiles deserviat. Hæc ratio fundatur in fine intrinseco ac primario intellectu, ideoque haud dubiè evincit intentum. Sicut enim labor ejusmodi ob hunc præcisè finem ab omnibus censetur

In nullo ea-
su dictus
Theologus
labor
est inutilis.

tur utilis in speculativis, quamvis nulla sit spes ullam partem suā probabilitate spoliandi; ita similiter in moralibus idem labor ob eōdem fines utilis est, cū intellectus ex æquo in omni materia ad veritatem ordinetur, tamquam ad finem suum intrinsecum & primum.

Labor ille Theologorum utilis est ad operationem honestam dirigendam.

8. Probatur secundo, etiam respectu operationis honestæ, quæ est finis extrinsecus intellectus practicæ discurrentis de moralibus. In primis probabilitas benignæ sententiæ per hoc amplificatur. Hoc autem juvat ad conscientiam ritè formandam. Rursus resolutio talis Theologi ejusdem rationis est cum aliorum resolutionibus. Ergo tam utilis est, quàm illæ. At illæ utiles sunt. Ergo & ista. Tertio habet Theologus iste ex propria industria unde conscientiam formet; quia unicuique in rebus utrimque probabilitatis licet sequi propriam sententiā, quam post debitam diligentiam format. Quarto nonnumquam invenit argumenta, quibus directè concludit rem illam esse honestam; semper autem potest hoc sperare. At hujusmodi cognitio de directæ objectorum honestate est valde utilis tum ipsi Theologo, tum aliis. Ipsi quidem, tum quia fecit quod in se est ad inveniendam veritatem, illamque invenit, quod est homine probè dignissimum; tum quia voluntas fortius adhæret bono, quod clariùs & perfectiùs cognoscit. Per hanc autem industriam meliùs cognoscit honestatem rei, quàm antea; ex meliori autem cognitione major honestas in actionem refunditur, juxta dicta *quæst. 4.* Præterea operatio, à tali cognitione directæ, est magis voluntaria, quia procedit à pleniori cognitione singulorum, in quibus est actio. Eadem cognitio est etiam aliis utilis, cū per illam non minùs regulari possint, quàm per aliorum Theologorum resolutiones. Rursus si resolutio scripto vulgetur, illa ad distantium, immo & ad posterorum, aliis libris ac consiliariis destitutorum, notitiam pervenire potest. In quo casu talis resolutio non solum utilis, sed prorsus necessaria illis ad conscientiam ritè formandam evadit. Tertio demum Theologus in quamcumque partem quæstionem resolvat, per hanc suam industriam evadit aptus ad quævis ipsum consulentium dubia de tali materia solvenda, quæ certè solvere non potuisset, nisi quæstionem à fundamentis examinasset. Hæc & alia emolumenta hisce similia apertè probant, laborem Theologi, quamcumque quæstionem à fundamento examinantis, esse simpliciter utilem, quamvis ille antecederet ad suum studium existimet, utramque partem esse tutam, & utramque etiam post suum laborem, tutam remanuram. Porro hæc omnia ex objectionum solutione apertius declaranda erunt.

SOLVUNTUR OBJECTIONES.

Obiectio 1.

9. **O**BJECTUM primò. Finis scientiæ ac doctrinæ moralis, utpote practicæ, est rectitudo humanorum actuum; ideo enim talis doctrina discitur & traditur, ut per eam instructi secundum rectam rationem agant. Atqui disputatio seria, quæ Theologus determinat aliquid esse illicitum, est prorsus inutilis ad hunc finem, si Theologus ille doceat sententiā contrariam esse tutam; quia independentè ab illa disputatione operans tutus est in conscientia, & licet sequi potest partem contrariam. Similiter, illa resolutione non obstante, licet facere oppositum. Ergo resolutio ac disputatio Theologi, docentis partem contrariam esse tutam, est inutilis. Illud

Qui labor iuvandus sit inutilis?

R. P. A. Terilli *Regula morum*. PARS I.

enim est prorsus inutile, sine quo finis illius & simpliciter, & tam facile, ac faciliùs habetur, ac cum illo. Sed finis omnis quæstionis moralis est, ut actus nostri rectè fiant. Hoc autem æquè bene habetur sine illo labore, quia certè sumus nos bene operari sequendo partem oppositam tutam. Unde cū labor ille sit difficilis, & faciliùs omitti possit quàm assumi, sequitur finem talis laboris faciliùs haberi posse sine illo, quàm cum illo. Ergo ille labor est prorsus inutilis. Nil enim magis inutile inveniri potest, quàm quod nec ad esse, nec ad meliùs esse conducit.

Sit quæstio, verbi gratiā, an, qui in concursu non eligit digniorem, ad restitutionem teneatur? Accedat Theologus, qui rem discutiat, & dicat sententiā negantem traditam esse à pluribus gravibus Auctoribus, & esse valde probabilem ac tutam, mox tamen profiteatur se contrarium tenere, suamque sententiā multis argumentis, longæque disputatione confirmet. Dico laborem hujus Theologi esse prorsus inutilem, quia non conducit aut ad simpliciter, aut ad meliùs dirigendam conscientiam electoris. Ille quippe novit, se bene acturum, si damnum restituat; nec Theologi disputatio hoc illum docet, sed asserit eum teneri. Itaque disputatio illa inutilis est ad honestatem & rectitudinem restitutionis faciendæ. At inutilior est pro honestate non restitutionis regulanda, quia tota disputatio tendit ad ostendendam non restitutionem esse inhonestam. Nec dicas, disputationem esse utilem ad ostendendum non restitutionem esse inhonestam. Nam contra, quia Theologus ille expressè protestatus est, eam, non obstante suā opinione, esse honestam; quia affirmat, contrariam sententiā esse tutam. Ergo, non obstante illius disputatione, elector rectè omittit restitutionem. Ergo disputatio illa ex ipsa Auctoris sui confessione nil facit ad inhonestatem non restituendi. Ergo ex propria ipsius confessione talis disputatio inutilis est. At maxima Theologiæ pars constat hujusmodi disputationibus, quia qui unam partem tenent, apertè fatentur oppositam esse tutam. Ergo maxima moralis Theologiæ pars est prorsus inutilis, & libri de ea tractantes sunt inutiles. Ita Cellæus *lib. 1. quæst. 13. §. 1.*

Respondeo opus, operisque directionem esse solum finem extrinsecum tam intellectus, quàm scientiæ moralis, quamvis hæc communiter traditur & addiscatur eo fine, ut datā opportunitate operationem dirigat, eamque rectam reddat. Cæterum sola hæc directio non est finis adæquatus talis scientiæ, cū primarius omnis scientiæ finis sit veritas, quæ sola est bonum, & finis intellectus. Hoc videre est in Geometria, vel Astronomia practica, quæ à multis addiscitur, non ob opus, aut quia intendunt artem illam in praxim deducere, sed præcipuè ob præclaras veritates, quas scientiæ illæ demonstrant. Et tamen hæc dubiè illæ scientiæ sunt practicæ. Ergo idem similiter dicendum de scientia morali. Ergo quamvis in aliquo casu disputatio Theologica non deserviat ad dirigendam operationem honestam, non tamen ideo illa censenda est inutilis, quia adhuc habet alios fines præstantes & valde proficuos, ratione quorum prudenter intendi potest.

Finis primarius scientiæ practicæ non est opus.

10. Respondeo secundo, Theologos, resolventes partem suæ sententiæ contrariam esse tutam, non posse rationabiliter hanc resolutionem facere, nisi peracta inquisitione, quam spe veritatis tandem certò invenienda in se susceperant.

Conatus, qui per accidens frustratur sine, non est inutilis.

P 3

De la-

Declaratio autem ejusmodi, merè consequens talem laborem, non potest eam reddere inutilem, ut constat in probatione *assert. 3.* Præterea per accidens est, quòd Theologus ex vi rationum directè probantium resolverit partem minùs tutam esse peccaminosam, cum æquè potuisset conclusisse illam esse licitam; in quo casu labor ipsius pro licito illius usu non fuisset inutilis, cum ille solus in aliorum similium defectu ad conscientiam debitè ac totò formandam sufficisset. At conatus, qui per accidens frustratur sine intento non est inutilis & frustraneus, nec à quoquam prudente reputatur talis, sed solum ab iis, qui per imprudentiam non aliud iudicium de rebus tamquam bene vel male gestis formant, quàm quod in effectu industriam sequuto vel non sequuto fundatur.

Omnia illa sunt utilia ad finem, à quibus finis causari potest.

11. Respondeo tertio, juxta posita in *assert. 4.* & dico, laborem Theologi resolventis casum contra partem, quam tam ante quàm post suam resolutionem declarat fuisse, esse, & mansuram esse tutam, non esse inutilem, cum ad omnes fines ibi assignatos conducat. Nunc contra Celladei argumentum addo, talem resolutionem esse absolutè utilem ad conscientias rectè dirigendas, & vel ideo expetendam, licet nullus alius finis intendatur. Inprimis labor, conatus, ac resolutio conatum consequens non solum conducit ad debitè formandam conscientiam, sed etiam ad eam meliùs & laudabiliùs formandam conducit. Conducit ad illam formandam, quia postquam resolutio posita est, illa tam confert ad hunc effectum, quàm quævis alterius Theologi resolutio. At aliqua ejusmodi resolutio est necessaria ad hunc effectum, cum, sine illa prævia, conscientia debitè formari nequeat. At quoties plura adsunt individua ejusdem speciei, quorum aliquod ita indeterminatè necessarium est ad effectum aliquem, ut quòdvis illorum ad eum sufficiat, toties singula sunt utilia ad effectum illum, cum effectus æquè dependere possit ab uno, quàm ab alio. Sic qui centum cymbas possidet, habet centum media utilia ad navigandum, nec utilitas ac conducibilitas aliarum nonaginta novem tollit utilitatem centesimæ, cum, illis etiam habitis, centesima cymba tam utilis sit ad navigandum, quàm ulla ex reliquis præhabitis. Porro qui contenderet frustraneum esse, centesimam cymbam ædificare, quia labor ille esset inutilis ad navigandum, prorsus ineptiret; nullus enim labor potest esse inutilis ad finem illum, pro quo obtinendo conficit instrumentum essentialiter & intrinsecè idoneum. Itaque etsi argui posset tamquam imprudens, qui centesimam cymbam fabricaret, eò quòd faceret expensas non necessarias, non tamen argui posset ex eo capite, quòd laborem subiret ad navigandum prorsus inutilem. Hæc enim accusatio esset evidenter falsa. Idem penitus locum habet in casu nostro, cum centesima resolutio non sit minùs utilis ad conscientiam ritè formandam, quàm centesima cymba ad navigandum. Hinc detegitur hallucinatio Celladei hoc modo arguentis, *Illud est prorsus inutile, sine quo finis per illud intentus & simpliciter & æquè facile haberi potest, ac cum illo.* Hæc enim propositio non est vera, si procedat de iis, à quibus etiam effectus procedere potest, quamvis ab aliis æquè facile prodiret, si priora illa decissent. Præterea illa propositio solum evincit, rem ejusmodi non esse necessariam in individuo ad talem effectum, quamvis sit in specie necessaria, & utilis in individuo, ut videre est in exemplo cymbarum. Cen-

Insignis equivocatio Celladei.

tesima enim cymba tam utilis est ad navigandum, quàm ulla alia antea habita, quia illa sufficit ad navigandum, & tam benè illà uti possumus ad talem effectum, quàm ullà alià. Utitur ergo Celladeus principio ad probandam inutilitatem rei in individuo, quæ solum applicari potest ad arguendam illam non esse in individuo necessariam, quæ sine dubio est non parva hallucinatio.

12. Verum, argumentum ne quidem probat, rem ejusmodi non esse simpliciter necessariam etiam in individuo ad talem effectum. Certè sicut oculus est simpliciter necessarius ad videndum, & navis ad navigandum, ita diligens Theologi labor & seria castis resolutio est necessaria ad conscientiam in rebus incertis debitè ac rectè formandam. At omnis oculus aliquomodo, nempe vagè ac indeterminatè, est necessarius ad videndum, ut Logici agentes de suppositione vaga & indeterminata demonstrant. Ergo pariter omnia seria Theologi resolutio est vagè ac indeterminatè necessaria ad conscientiam in rebus incertis ritè formandam. Ubique enim eadem ratio apertè valet. Ergo sicut solum inferri potest, quod oculus A non sit determinatè necessarius ad videndum, nisi ex suppositione, quòd alius oculus non adsit, quamvis semper ad videndum sit utilis & indeterminatè necessarius; ita solum inferri potest, hanc seriam Theologi resolutionem non esse determinatè necessariam ad conscientiam rectè formandam, nisi aliæ resolutiones absint, quamvis ad hoc semper sit utilis, & ad illud indeterminatè necessarius, etiam in præsentia aliarum.

13. Quod si ad resolutionem ipsam, prout ad posteritatis emolumentum typis evulgatur, respiciamus, potentior & crassior longè est Celladei error, quàm in priori consideratione; statim enim apparet, talium librorum copiam non modò utilem, sed posteritati esse prorsus necessariam. Omnes enim aliquibus libris ad studium pro conscientia ritè formanda necessariò impendendum indigebunt. Multi libri atteruntur, multi comburuntur, non omnes ad omnium manus pervenire possunt. Ingens proinde eorum copia est prorsus necessaria. Unde libri, à modernis Theologis editi, utiles ac necessarii sunt pro posteritate, idque verum est, quamvis sæpe dicant, sententiam suæ opinioni contrariam esse tutam, quia hoc non modò dictam utilitatem non impedit, ut patet, sed etiam auget, ut mox videbis. Interim mirum est, Celladeum eò progressum esse, ut omnium ferme Auctorum libros tamquam superfluos & inutiles ex eo capite rejiceret, ex quo juxta omnium persuasionem & certissimam veritatem non solum sunt valde utiles, sed absolutè necessarii.

14. Rursus labor ille, ac illa Theologi resolutio ad conscientiam rectè formandam conducit, quia certam rei propositæ probabilitatem roborat ac confirmat. Hæc autem probabilitas est fundamentum unicum, ex quo in incertis tota ratio rectè formandi conscientiam dependet. Ergo quod ad hanc probabilitatem conservandam & augendam utile est, illud pariter ad conscientiam rectè formandam est utile. At labor ille Theologi ad probabilitatem quæstionis propositæ conservandam & augendam utilis est. Ergo utilis etiam est ad conscientiam debitè formandam. Minor constat, quia per hoc ipsum plures post debitum quæstionis examen approbant fundamenta directæ tamquam probabilia, eorumque vim ac probabilitatem & exercitè demonstrant & signatè asser-

Resolutio Theologi est simpliciter necessaria.

Resolutiones Theologi sunt necessariae pro posteritate.

Qui fatetur opinionem suæ contrariæ esse certā, auper probabilitatem opinionis quam rejicit.

affirmant. At per hoc ipsum talis probabilitas non solum conservatur, sed etiam amplificatur. Et quidem hoc verum est, in quamcumque partem ille quaestionem resolverit. Si dicat, partem minus tutam esse licitam, nullum est dubium, nec Celladeus ipse diffiteri poterit. Si verò ex vi rationum directarum dicat partem illam esse peccaminosam, & tamen, hoc non obstante, inveniatur rationes directe faventes honestati esse tanti ponderis, ut illas fateatur esse probabiles, non minus confert ad reddendam earum probabilitatem certam, quam si absolute existimasset partem illam esse etiam directe licitam. Ratio est, quia per hoc ipsum, quod intellectus uni parti adhaereat ut verè, necesse est, rationes contrarias minores apparere, minoremque vim exercere, quam si animus nulli parti assensum praeberet; ut fusè ostendi in *tractatu de Conscientia probabili quaest. 2. num. 3. & seqq. item quaest. 8. num. 27. & seqq.* Ergo si, hoc non obstante, argumenta illa homini sic affecto videantur graviora, illa certò sunt non solum magna, sed multò majora, quam ipsi appareant, ut locis citatis fusè declaravi. Ergo sunt certò probabilia. Itaque licet ipsa nuda assertio, dicens restitutionem in argumento propositam esse præceptam, ad probabilitatem partis oppositæ directe non juvet, juvat tamen indirectè, quatenus argumenta partis contrariæ comparari possunt non solum cum motivis oppositis, sed etiam cum iudicio motivis illis præfinito; hæc autem comparatio ultimum juvat ad dictam probabilitatem. Ergo tota indagatio atque diligens quaestionis resolutio, quæ ad dictam comparationem sunt prorsus necessariae, ad probabilitatem contrariæ partis conservandam & amplificandam conducunt. Ergo utiles etiam sunt ad conscientiam rectè formandam.

Alia utilitas
talis resolu-
tionis.

15. Rursus, dicta resolutio Theologi est utilis ad formandam conscientiam, non quidem de honestate restitutionis, sed de eius necessitate; quoniam prudenter crederet illam esse præceptam, nec ad alia attenderet, per quæ conscientia indirectè existimaret, restitutionem non esse necessariam, is sine dubio ad restituendum teneretur. Et restituendo non solum benè faceret, sed actum iustitiæ ac obedientiæ exerceret. At actus ejusmodi melior est ac magis meritorius, quam mera restitutio ex similibus motivis non regulata, sed ob levitatem aut scrupulum in actum secundum deducta. Ergo talis resolutio undique utilis est.

Alius Celladei
error
detegitur.

16. Præterea in eo etiam errat Celladeus, quod dicat Theologum, asserentem sententiam suæ opinioni contrariam esse tutam, ore proprio fateri, totam suam industriam esse inutilem. Certè innumerabiles gravissimique Auctores, Celladeo ipso teste, hoc expresse fatentur de suis sententiis, nec tamen quisquam eorum unquam dixit, aut fassus est, suum laborem fuisse inutilem. Quæ ergo veritatis specie dicitur eos proprio ore suæ industriæ inutilitatem professos esse? dixerunt ea, inquit, ex quibus inutilitas præterita legitime inferatur: ergo æquivalenter saltem, & remotè hoc de se fassi sunt. Sed contra est; quia hoc non est proprio ore talem inutilitatem agnoscere, sed solum præbere argumentum, ex quo inutilitas illa inferatur. Quæ duo maxime differunt. Verum, esto, confessio circumstantiæ aut argumenti, ex quo aliquid aliud statim evidenter inferatur, sit æquivalens rei illarum confessio; hoc tamen verum non est, quando illatio illa aut fallibilis est, aut valde remota. Tunc enim exhibitio talis argumenti nec est, nec censetur esse pro-

pria illorum confessio, sed aliena tantum accusatio. Quod si tota accusatio sit non solum fallibilis, sed falsa, & in patenti rerum ac vocum æquivocatione consistat, ut factum est in casu nostro, tunc enim verò inutilitas operis non ex propria operantis confessione stabilitur, sed tantum ex aliena malè compacta illatione apparenter & falsò deducitur, ab aliis autem ut nullius prorsus momenti exploditur.

17. Rursus illa Celladei illatio: *Electus ille independenter à Theologi resolutione, novit se bene acturum si damnum restituat. Nec Theologi assensu hoc illam docet, sed asserit, eum teneri.* Ergo assensu illa inutilis est ad rectitudinem restitutionis faciendam regulandam. Hæc, inquam, illatio nulla est, quia licet Theologus non doceat restitutionem damni esse honestam sub generica ratione honestatis, neque enim hoc quærebatur, docet tamen illam esse honestam tali specie honestatis, nempe iustitiæ, obedientiæ, &c. Jam consuleri potest Theologo fidem dare, atque ita ex vi resolutionis dare iustitiam & obedientiam exercere, cum sine illa, aut alia simili resolutione tales virtutes exercere non potuisset. Jam quod juvat ad honestatem in specie, haud dubiè est utile, immo minus ad finem scientiæ moralis, quam quod solum juvat ad rationem honestatis in genere, aut ad virtutem minoris dignitatis. Neque obstat, Theologum expresse dicere, non restitutionem esse licitam, nam hinc solum sequitur, consulentem posse pro libito sequi ipsius resolutionem, sive in ordine ad solvendum ex titulo iustitiæ, sive in ordine ad non solvendum omnino, modo directæ tantum illius opinioni subscribat, & ad reflexam non attendat eò quod in rebus iustitiæ sequi velit non solum certa & indubitata præcepta, sed etiam incerta, saltem quoniam obligatio prudenter creditur urgere. Porro ex eo quod ad directam resolutionem tantum attendat, illique fidem præbeat, eo ipso confurgit dictamen conscientie obligantis illum ad restitutionem. Quod si ad indirectam ejusdem resolutionem respiciat, & formet iudicium prudens, quod tutum sit non restituere, eo ipso confurget conscientia deobligans eum à restitutione. Itaque ita verum est, electorem posse se accommodare uni parti resolutionis à Theologo factæ, restitutionemque rectè omittere, ut tamen alteri parti resolutionis stare possit, illamque pro regula accipere, atque ita iustitiam & obedientiam exercere, reparando damnum illatum ex illarum virtutum stricta obligatione. Ecce quot modis habetur argumentum hoc, quod Celladeus tamquam longè efficacissimum extollit.

18. Obijcit secundò. Auctores, docentes partem propriæ suæ opinioni contrariam esse tutam, in eo fundantur, quod leges præcipientes partem, quam ipsi præceptam existimant, non sint sufficienter promulgatæ, ideoque non obligent. Ergo labor eorum est prorsus inutilis, quia in materia legum non sufficienter promulgatarum disputare, an hoc vel illud sit vel non sit malum, perinde est ac disputare, utrum hoc vel illud sit peccatum, ubi nullæ sunt, & ubi supponuntur nullæ esse leges; quia in moralibus, & in ordine ad faciendum bonum & malum, lex non promulgata, & non lex pro eodem reputantur. At prorsus inutile est, mundum replere libris disputantibus de peccato & non peccato in rebus, circa quas non modò nullæ sunt leges, sed libri ipsi contestantur nullas esse; scitur quippe, ubi non est lex, neque esse posse peccatum. Ergo inutile est libros componere de peccato & non peccato

in rebus, circa quas non modò non sunt ullæ leges sufficienter promulgatæ, sed libri ipsi palam contestantur, eas non esse sufficienter promulgatas. At hujusmodi sunt omnes materiæ, in quibus Auctores dicunt, doctrinas suis contrarias esse tutas. Exponant ergo cui fini inserviant libri sui. Ita Celladeus § 1.

Responsio. Respondeo, Auctores benignæ sententiæ fundari etiam in eo, quòd nulla lex sit sufficienter promulgata, quamdiu post omnem diligentiam adhibitam probabile est, legislatorem nunquam edidisse talem legem. Quod principium fusè explicabitur *quæst. 43.* de eo autem egi etiam hîc *quæst. 2.* atque in *tract. de Conf. prob. quæst. 23. num. 14. & seq.* Hoc autem posito, sciendum est varias esse leges indubitatas, quarum una, ab omnibus admittita, obligat ad non operandum in dubio, donec veritas diligenter inquisita fuerit, ita ut prudenter præsumamus, talem rem non esse vetitam, sed permissam. Hæc lex reflexa locum habet in omni dubio de honestate operationis. Itaque quotiescumque dubium aliquod apparet de honestate operis, omnes tenentur partem tutiorem amplecti, donec dubium prudenter deposuerint. Ad prudentem autem dubii depositionem necesse est, ut periti rerum ac legum rem examinent. Tales sunt Doctores Theologi, ac Jurisperiti. Horum ergo est examinare, an dentur leges istiusmodi. Si illi post diligens studium reperiant legem non existere, aut certè non esse sufficienter promulgatam, tunc optimè concludunt nullam de tali re faciendam obligationem existere, quia nulla lex illam præcipiens est sufficienter promulgata. Hoc posito, statim apparet, notitiam de lege non sufficienter promulgata non antecedere, sed subsequi examen peritorum, atque in eo unice fundari. Ergo examen illud non est inutile, sed utilissimum ad regulandam conscientiam, quia sine illo regulari non potest, nisi in omnibus se arctet, & partem tutiorem ex obligatione læctetur, ad quod tamen certum est, nos non teneri. Jam si ante examen Doctorum certò constaret, nullam esse legem præcipientem aliquid, utique frustra laboriosè quæreretur, an illud esset peccatum & prohibitum. Verùm Doctores benignæ sententiæ hoc modo non procedunt, ut patet. At si hoc non constet nisi per eorum examen & attestationem, ut in casibus controversis evenit, evidens est, illorum laborem conscientis rectè formandis esse prorsus utilem & necessariam. Jam argumentum Celladei in eo evidenter peccat, quod procedat ex suppositione antecedenti ad industriam Doctorum damnandam, eo quòd constet, nullam dari legem sufficienter promulgatam, cum quòd hoc constet nobis, nosque supponamus legem non esse sufficienter promulgatam, sit suppositio consequens peritorum industriam ac resolutionem. Quæ cum ita sint, aliud concludere non possum, quàm argumentum hoc omni fundamento carere, & esse meram ac palpabilem æquivocationem. Distinguat hæc Celladeus, & clarè videbit, libros morales Auctorum benignæ sententiæ non esse inutiles, sed utilissimos ac necessarios, nec opus erit, ut ipsi exponant cui fini libri ipsorum deserviant, cum ille neminem hæc intelligentem ac distinguentem latere possit.

19. Dices. Ergo novæ saltem de rebus ejusmodi disputationes erunt inutiles, cum jam constet, leges illas non esse sufficienter promulgatas.

Respondeo, illas non esse inutiles ad hoc, ut constet legem non esse sufficienter promulgatam, quia hoc æquè constat ex vi posteriorum ac priorum examinationum, imò id ipsum semper certius constat, quòd plures rem examinantes id ipsum confirmant. Aliquando enim contingit legem verè existere, etsi periti ab initio putarent nullam ejusmodi legem dari, & consequenter etsi illa tunc sufficienter promulgata non esset. Posteriorum autem industria detexit legem illam existere, eamque promulgavit. Idem de aliis contingere potest. Jam cum omnes ex officio teneantur in rebus incertis, quantum possunt & debent, veritatem diligenter investigare, utique non frustra laborant eadem iterum examinando, quia vel legem latentem erunt, vel certè nos magis in eo confirmant, quòd illa non solum antiquorum tempore, sed etiam nunc non sit sufficienter promulgata. Præterea etsi labor novæ resolutionis videri possit minùs utilis ipsi resolventi, cum jam sciat, leges tales non esse sufficienter promulgatas, seque ad veritatem ulterius investigandum non obligari, nihilominus illa resolutio, & libri illam continentes respectu posteriorum utiles sunt, & quodammodò necessarii, quia illi etiam non minùs quàm antiquiores dubitabant, an tales res sint præceptæ nec ne? Ergo indigebunt libris atque Doctoribus, ut eorum doctrinam mediante, conscientiam suam debitè forment. Atqui ad hoc hodiernæ resolutiones ac libri hodierni tam utiles, imò in multis, maxime quæ spectant ad jus humanum, utiliores sunt, ac magis necessarii, quàm Antiqui. Nil ergo certius talium librorum ac resolutionum utilitate.

20. Objicit tertio. Auctores, qui tradunt partem suæ sententiæ oppositam esse tutam, dicunt contradictoria; dicunt enim restitutionem, verbi gratiâ, esse necessariam, quia est præcepta; & mox subjungunt, tutum esse non restituere, quia restitutio non est præcepta. Hoc autem idem est ac dicere, restitutionem esse & non esse necessariam. At restitutionem esse necessariam, & restitutionem non esse necessariam, sunt contradictoria. Ergo dicunt contradictoria. Ergo nil dicunt, quia sicut qui jubet contradictoria, nil jubet; ita qui dicit contradictoria, nil dicit. Ergo inutiliter disputant & libros edunt, quia disputatio & liber tam est inutilis, ac si auctor nil prorsus locutus fuisset. Confirmatur exemplo libri, qui prodit, in quo quæstiones morales proponuntur, *an hoc, an illud liceat?* Mox ad singulas respondetur *licet: non licet.* Hic modus scribendi prodit à doctrinâ eorum, qui dixerunt, partem suæ opinioni contrariam esse tutam; imò est legitima proles doctrinæ de probabilibus. Ita Celladeus §. 3. ubi expressè fatetur, se nec proprio studio, nec alienâ ope, ad hoc singulariter quæsitâ, assequi potuisse, quomodò Auctores illi sibi non contradicant. Habet ergo argumentum hoc pro insolubili.

Respondeo argumentum nullam penitus vim habere; contradictio enim est affirmatio & negatio ejusdem de eodem secundum idem. Hoc non faciunt Auctores illi, nam quando dicunt, partem contrariam esse tutam, loquuntur de parte illa reflexè considerata prout substat certæ probabilitati de sui honestate, & prout vallatur omnibus rationibus reflexis ac ultimis, ad quas respicere possumus. Ideo pro finali conclusione dicunt, partem illam omnibus omnino consideratis, esse licitam. Rursus directè considerant eandem partem, rationesque solum directè probantes

Utilitas laborum ac resolutionis ejusmodi ulterius declaratur.

Celladeus confudit suppositionem consequentem cum antecedenti.

Objeccio 3.

Non sibi contradicit, qui dicit opinionem suam contrariam esse tutam.

bantes examinant, omnibusque illis diligenter inspectis, vident rationes faventes legi prevalere rationibus libertati faventibus, ideo pronunciant in favorem legis, suamque sententiam proferunt dicentes, restitutionem, v. g. esse necessariam. Hæc est sententia non ultima, quam ex mera rationum directè probantium inspectione proferunt. Deinde considerant rationes reflexas, iisque inspectis dicunt, nullam simpliciter dari obligationem, quia omnibus inspectis, rationes libertati faventes longè prevalent, multisque viis concludunt nullam dari obligationem restituendi. Prima resolutio casus non est omnino absoluta, sed implicite saltem, & ex mente Auctorum illam tradentium explicitè conditionata, quasi dicerent, *Tenendum esse, quod detur obligatio restituendi, si quaestio directè tantum examinetur, & ex rationibus tantum directè probantibus sententia proferatur.* Secunda verò sententia est absoluta, & non nisi post ultimam causæ revisionem, omnibus argumentis tam directis quam reflexis debite consideratis, fertur, eaque Auctor absolute pronunciat, *nullam dari obligationem restituendi.* Hic est apertus, hic genuinus Auctorum illorum sensus, quem cum Celladeus iterum consideraverit, atque in eo ne umbram quidem affirmationis & negationis ejusdem de eodem secundum idem invenerit, fatebitur fortasse, se, aliena ope adjutum, tandem clarè intellexisse, quod Auctores in præsentī quaestione sibi non contradixerunt.

Præsumptio valida contra Celladeum.

21. Consideret rursus, difficile prorsus esse ut viri oculatissimi, quales ex antiquioribus fuerunt Medina, Vasquez, Suarez, aliique ejusdem classis, quales ex recentioribus sunt Joannes à S. Thoma, Martinus Esparza, aliique Celladeo coetanei; consideret, inquam, difficile creditu esse, tam hos, quam omnes omnino Doctores, qui à centum annis scripserunt, & quaestionem hanc in terminis examinaverunt, in re tam aperta, non per ambages, sed immediate ac aperte sibi non semel, sed innumeris vicibus contradixisse. Credibilis est, Celladeo, te unum hac in re deceptum esse, quam omnes omnino alios in eadem prorsus materia toties tam turpiter hallucinatos esse. Itaque si responsio directa tibi non arrideat, ex prudentiali hac & reflexa præsumptione crede, illos, non sibi contradixisse, sed te, quod hominis est, hac in re aliquid humani passum esse.


Sic enim & tuæ, & illorum existimationi consules. Tuæ quidem, quia contra omnes indebitè te non eriges. Alienæ verò, quia communi omnium judicio de ipsorum summa ingenii ac prudentiæ laude tuum etiam calculum adjunges.

22. Quod attinet ad Auctorem illum, omnibus quidem notum, sed tacito nomine à Celladeo expressum, dico, me talem scribendi modum non probare, non quod similis scribendi modus noxius foret, si omnia debite juxta mentem cautè scribentium accipiantur; in eo enim casu modus ille scribendi aliud non exprimeret, quam si diceret, omnes opiniones in libro illo collectas, quæ libertati favent, esse tutas, quamvis contrariæ sint probabiles, & à multis ex vi solarum rationum directè probantium censcantur esse veræ. Displicet tamen ille scribendi modus, quia dat ansam malevolis carpendi omnia, & quia sciolis præbet occasionem existimandi, dissertationes morales esse frivolas, cum quaestiones eadem sub terminis apparenter contradictorias proponantur ut veræ. Itaque Auctor ille meo judicio longè melius fecisset, si novum illum & inusitatum, ac proinde cavillationibus subjectum, scribendi modum non adhibuisset; speroque fore, ut nemo in posterum ejus vestigia secuturus sit.

Modus scribendi cujusdam non placet.

23. Omitto, quæ Celladeus deinde in hac quaest. subjungit de bello, & casuum Collationibus, quia nil prorsus habent speciale, quod in reliquis non contineatur. Contendit enim ostendere, quod omnis disputatio pro parte tutiore esset inutilis in illis materiis, si disputans tandem resolveret, partem oppositam, non obstante sua assertione, esse absolute tutam. Primò proponit laborem ac modum disputationis, deinde asserit, illum esse prorsus inutilem. Sed ut id probet, se remittit ad argumenta prius à se allata, per quæ putat se talis operis inutilitatem palam ostendisse. Verum sicut constat argumenta illa in casibus antea propositis nullius fuisse momenti, ita pariter idem dicendum in casibus istis, modò omnia utrobique eodem modo se habeant, ut ipse supponit, & omnes, qui in casibus ejusmodi debite arguere volunt, debent supponere. Quocirca cum nulla sit peculiaris difficultas in ipsa re, sed solum novi casus prioribus quoad omnia prorsus similes proponantur, non opus est peculiari eorum discussione.

Omittitur ex parte aliorum, quia sunt prioribus similia.



QUÆ.

QUÆSTIO DECIMA- NONA.

Vtrum licitum sit impugnare opinionem, quam quis tutam esse existimat?

1. **C**ELLADEUS postquam tradidit, inutilem esse laborem Theologorum, qui partem suæ opinioni contrariam docent esse tutam, paradoxum paradoxo addens, *quæst. 14.* contendit, eundem laborem illicitum esse & peccaminosum. Hoc uno dicto omnes benignæ sententiæ Auctores, id est, omnes omnino Doctores, qui per sæculum integrum in Ecclesia floruerunt, sceleris condemnant, eosque non solum inutiliter, sed in maxima suarum resolutionum parte etiam turpiter laborasse contendit. Quem, quæso, tam audax accusatio ad communem tot innocentium, imò tot sanctissimorum sapientissimorumque virorum de Ecclesia optimè meritorum, causam defendendam non excitaret? Pudet me, fateor, quoties video hominem serium, tam audacter, nullo tot sapientum habito respectu, talia effutientem. Nec pudet tantum, sed etiam talis hominis me miseret, eò quòd illum propriis imaginationibus, iisque debilissimis, tamquam argumentis validissimis abreptum videam. Unde timeo, ut eum ab illis avellere possim. Quid ergo faciam? omittamne defensionem tam necessariam? Absit. Curandum saltem erit, ne tam perniciofa persuasio aliorum animos subeat, & ut ex aliquorum mentibus evellatur, si quas suspicio tam absurda invaserit. Hoc ut præstem, sit

ASSERTIO PRIMA.

Illicitum est cuivis impugnare quidquam tamquam peccaminosum, quod sufficienter ipsi constat esse licitum; aut quod ipse, omnibus pensatis, absolute credit esse honestum.

2. **P**ROBATUR. Qui talia impugnat, multiplicat præcepta certò non lata. Ergo claudit cælum proximo, quem instruit; cum viam salutis difficiliorem reddat, quàm Deus illam instituit. Et quidem hoc facit absque ulla necessitate, immo contra veritatem sufficienter notam. Ergo absque dubio peccat. Sic peccaret, qui doceret nuptias esse malas, aut homines sub peccato obligari ad communionem quotidianam, quia præcepta multiplicaret. Multò magis peccaret, qui doceret rem à Deo præceptam esse malam & prohibitam. Sic peccaret, qui doceret, homines post votum continentiae teneri ad nuptias, quia solveret mandatum reddendi vota. Audiat Christus *Matth. 5. 19.* *Qui solverit unum de mandatis istis minima, & docuerit sic homines, minimus vocabitur in regno Cælorum.* Et quidem inevitabiliter peccat talis homo, quando certò

constat, Deum aut non præcepisse rem talem, aut oppositum præcepisse.

Sed peccat etiam, quando absolute iudicat rem esse bonam, quam docet esse malam; tum quia reus est in conscientia sua eorundem malorum, quorum reus fuisset, si certò scivisset rem illam esse bonam; in utroque enim casu expressè operatur contra conscientiam. Præterea in utroque casu mentitur, & consequentia decipit proximum in re summi momenti contra jus indubitatum illius. Alia ad idem probandum afferri possunt, sed in re perspicua non opus est plura coacervare.

Hinc inferitur, neminem ex iis, qui benignam sententiam sequuntur, licite impugnare ullam sententiam ut absolute insufficientem pro regulandis conscientiis, quam certò scit esse probabilem. Ratio est, quia mentiretur, idque in re summi momenti, cum per ultimam suam sententiam absolute existimet, oppositum esse verum.

ASSERTIO II.

Sæpe licitum, immodò aliquando præceptum est, alios docere ea esse illicita, quæ scimus, aut merito præsumimus esse illis tuta.

3. **P**ROBATUR. Omnia tuta sunt invincibiliter ignorantibus illa esse prohibita. At sæpe contingit, aliquos invincibiliter ignorare legem, quam alii certissimè norunt. Ergo sæpe multa sunt aliquibus tuta, quæ aliis sunt certò inhonesta. In hoc casu, aut semper, aut fere semper licet ignorantem de veritate instruere, & sæpe ad hoc strictè obligamur, quando scilicet, officium Pastoris, Magistri, Superioris, Consilarii, aut Instructoris id postulat. Ecce, sæpe licitum, immodò sæpe necessarium est, docere ea esse illicita, quæ iis, quos instruimus, sunt tuta. Et sanè, cum hoc ex principiis Celladæ, admittentis ignorantiam invincibilem à toto excusare, demonstrativè sequatur, mirum est, cum hoc non vidisse, sed cum omnimoda universalitate tradidisse oppositum, suamque sententiam aliis argumentis non roborasse, quàm quæ ipsemet in his casibus solvere tenetur, ut clariùs constabit, quando objectiones ponderabimus. Interim laudanda est Dei providentia, quòd permiserit hominem in illis ipsis rebus, cæteroquin clarissimis, ob defectum obvios terminos debite distinguendi, patenter errasse, in quibus viros sanctitatis ac sapientiæ laude clarissimos, plurimosque Ecclesiæ Doctores non solum operis inutilis accusat, sed etiam sceleris ac peccati damnat.

Sæpe tenemur docere ea esse mala, quæ tuta sunt iis, quos instruimus.

ASSE-

ASSERTIO III.

In rebus incertis licet impugnare ut directè illicitum, quod absolute tutum putatur.

In rebus incertis, Theologi saepe tenentur, & semper possunt conari eam partem impugnare ut directè illicitam, quam omnibus inspectis tutam reputant.

4. **P**ROBATUR. Theologus, cui casus solvendus proponitur, tenetur suum munus implere. Munus autem ipsius postulat, ut veritatem diligenter inquirat, atque deinde proferat, quod sentit. Jam fieri poterit, ut Theologus, determinando casum, inveniat rationes rei propositae inhonestatem directè probantes rationibus ejusdem rei honestatem probantibus prevalere. Rursus, hoc non obstante, fieri etiam poterit, ut existimet, rationes rei honestatem confirmantes esse certò probabiles, & consequenter, ut reputet rem illam, omnibus omnino rationibus (etiam reflexis) debite examinatis, esse licitam. In hoc casu, qui certè frequens est, Theologus ita tenetur dicere rem illam esse absolute licitam, ut etiam teneatur rationes exponere, quibus motus est ad ejusdem inhonestatem ex vi rationum directè tantum probantium asserendam. Tenetur, inquam, ita dicere, quando totum hoc ab ipso exigitur, & ipse in se assumpsit munus utroque modo casum resolvendi, & sincere exprimendi quod sentit. Jam nulli dubium esse potest, quin hoc sit verum, quando casus est novus, & antea examinatus non fuit. Verùm eadem ratio valet de casibus antea examinatis, & utrimque certò probabilibus, quia probabilis prioris Theologi resolutio non tollit, quo minùs secundus & tertius Theologus similem laborem assumat, paremque ad casum illum resolvendum suumque munus implendum industriam adhibeat, quia omnium Theologorum munus postulat, ut in rebus incertis ad veritatem indagandam, si fortè inveniri possit, sedulo incumbant. Ergo in rebus incertis saepe tenemur, & semper licitè possumus conari eam partem impugnare ut directè illicitam, quam, omnibus inspectis, tutam reputamus.

Ratio à priori.

5. Probatur secundò à priori. Quando partem aliquam, omnibus inspectis, esse & judicari tutam dependet ab eo, quòd illa antea validissimè impugnaretur, tunc absque dubio licet partem illam impugnare, quia hoc planè necessarium est, ut sciamus, utrùm pars illa sit tuta & à Deo permessa: sed ultima resolutio Theologi, dicentis rem, omnibus inspectis, esse licitam, necessariò dependet à valida ejusdem impugnatione, seu à seria omnium, quæ in contrarium asserre potest, consideratione. Hac enim consideratione non præmissa, non implet munus suum, nec certò dicere potest, rem illam esse certò probabilem, ut patet. Ergo in rebus incertis licet Theologo impugnare quod tutum existimat. E contrario, si, disputatione præmissa, ex vi rationum directè probantium credat, rem illam esse illicitam, eoque non obstante, honestas rei illius ab ipso probabilis judicetur, ex hoc ipso certa ejusdem probabilitas legitimè inferitur, ut dictum est *quaest. 6. de Conse. prob.* Porro in hac certa probabilitate ultima resolutio per rationes indirectas & reflexas fundatur. Ergo non modò licitum, sed valde expediens est, aut etiam prorsus necessarium præmittere propriam sententiam de opposito, ad hoc ut veritas reflexa certius eliciatur, ac ultima tandem casus resolutio proferatur.

6. Probatur tertio, declarando diversitatem, quæ inter diversa tuta certissimè intercedit. Indistinctio enim, & confusio omnium tutorum est radix equivocationis, ex qua Celladeus decipitur est. Tribuit enim omni tuto, quod uni tantum convenit; cum tamen certum sit, aliud uni tutorum generi, aliud alteri tribui debere. Itaque alia sunt tuta per se, alia solum per accidens. Illa sunt tuta per se, quæ certò constat esse permessa. Sunt autem & dicuntur esse talia per se, quia supremus creaturæ rationali gubernator directè & per se voluit ea exerceri posse absque peccato, suamque hanc voluntatem hominibus expressè declaravit. Illa sunt tuta solum per accidens, quæ ob aliquam operantis dispositionem, per accidens & non ex directà Dei intentione illi existentem, ad peccatum imputari non possunt. Talia sunt, quæ ex errore invincibili creduntur esse licita, cum tamen verè sint illicita, & si veritas innotesceret, absque peccato patrari non possent. Ex hoc sequitur alia *tuti* divisio. Aliud enim omnibus, aliud uni solum, aut paucis tantummodò est tutum. Aliud est tutum huic & non illi. Aliud illi & non huic. Horum omnium ratio eadem est, quia scilicet omnes certò norunt aliqua non esse peccaminosa, & illa sunt tuta omnibus. Alia ab omnibus ferme sciuntur esse illicita, quæ tamen ab uno aliquo, vel paucis invincibiliter creduntur esse permessa. Alia ab hoc, non ab illo, alia ab illo non ab hoc invincibiliter reputantur licita, adeoque quod tutum est illi, huic tutum non est, & è contra. Hisce positis,

7. Probatur assertio hoc modo. Illicitum quidem est impugnare, atque pro peccaminosis proponere, quæ per se sunt tuta, juxta dicta in *prima assert.* Nihilominus certò licitum est impugnare atque evertere, quæ sunt solum tuta per accidens huic, & non illi, ut dictum est in *secunda assertione*. Et ratio est, quia ubi veritas ac Dei voluntas certò innotescit, justum est, & saepe necessarium errantes instruere, & efficere ut amplius absque peccato non agant, quæ antea tuta conscientia faciebant. Eadem porro est ratio de omnibus, quæ sub opinione hinc inde cadunt. Nam illa sunt solum tuta per accidens, scilicet propter ignorantiam, vel errorem invincibilem. Itaque cum non constet, an verè secundum se sint, vel non sint permessa à Deo, & unusquisque non solum licitè, sed valde honestè omni diligentia inquirere possit Dei voluntatem, donec eam invenerit; utique sequitur, cuique licitum esse impugnare opinionem, quam tutam ac veram reputat. Nec mirum, quia Deus hoc ipsum aut præcipit, aut consultit. Præcipit id, quoties veritas non est sufficienter inquisita, quia nisi sufficiens diligentia præcesserit, peccat qui facit id quod licitum putat, si habeat motiva suademina illud esse illicitum, ut patet. Consultit verò id ipsum, ut sic veritas à Deo directè intenta eliciatur. Rursus spes adest veritatem ipsam certò inveniendi, quia sicut in prioribus saepe factum videmus, sic in posterioribus futurum speramus, ut sedulo Theologorum diligentia, veritas innotescat, & ea certò sciantur esse inhonesta, quæ jam sunt certò probabiliter licita, & reflexè considerata communiter habentur tuta.

8. Probatur quartò. In rebus incertis, quæque quoad nos sunt solum tuta vel non tuta per accidens, licet rationes investigare ad probandum esse licitum, quod probabiliter tantum creditur

Multiplex tuti divisio.

Tuta per se non sunt impugnanda, sed tuta per accidens impugnari possunt.

Licet impugnare, quod creditur inhonestum.

ditur esse peccaminosum. Ergo ex opposito licet impugnare quod probabiliter creditur licitum, ac rationes investigare, quibus illud convinamus esse inhonestum. Tenet consequentia, non solum ex paritate rationis, sed etiam, quia quidquid asserri potest ad probandam aut improbandam honestatem unius, æque valet ad alterius honestatem vel inhonestatem comprobendam, ut patet, ubi rationes Celladei examinabimus. Probatur antecedens, quia hoc jus libertati competit, ut in rebus incertis rationes quærat, quibus veritatem, si possit, sibi faventem reperiat; nec in hoc ulli injuriam facit, aut ullam rectæ rationis regulam transgreditur. Sic quamvis sit probabile, rem à Titio possessam ad Caium pertinere, licet Titio rationes investigare, quibus rationes Caii elidat, opinionem priorem mutet, & rem ad se pertinere convincat: similis autem ratio valet pro conscientia; quia licet fortè non teneat veritatem præcepto faventem investigare, quando semel probabiliter inveni illam libertati favere; nihilominus ex affectu erga Deum, & ipsam veritatem, quam Deus directè intendit, prudenter possum rationes excogitare, quibus in favorem veritatis pro Dei lege contra meam libertatem, sententiam feram.

In speculativis licet impugnare sententiam stabilitam.

9. Demum apud omnes in speculativis æquissimum reputatur, assertionem, etiam jam stabilitam, argumentis quætere, ut veritas illius altiores radices agat, & fortius menti inhaereat. Nec quisquam dubitare potest, quin hoc sapienter & prudenter fiat. Ergo idem locum habet in moralibus, in quibus veritas per objectionum solutionem non minùs confirmatur, quàm in speculativis. Et sanè non solum objectiones, sed etiam ipsa opinio de directâ rei inhonestate est instar validi argumenti, quo absoluta rei honestas, omnibus inspectis, impugnatur. Ergo prolatio talis opinionis, ejusque confirmatio ex nullo capite potest esse magis illicita, quàm quævis obiectio contra assertionem de rerum honestate positam. Et sanè hæc omnia eò tendunt, & ad id singulariter deserviunt, ut veritas ipsa melius innotescat. Ergo non tarpiter & peccaminosè, sed honestè & laudabiliter fiunt. Itaque veritas assertionis est inconcussa.

SOLVUNTUR OBJECTIONES.

Obiectio 1. 10. **O**BJECTIT primò. Quod ex sua naturâ tendit in destructionem rei per se & intrinsecè bonæ est malum, & peccaminosum. Sed omnis oppugnatio doctrinæ tutæ naturâ suâ tendit in destructionem rei intrinsecè bonæ, quia omnis doctrina tuta in scientia morali est intrinsecè bona, cum ad virtutem conferat, moresque rectè dirigat. Ergo omnis oppugnatio doctrinæ tutæ est mala & peccaminosa. Sed talis est labor Theologi, qui oppugnat & quatit doctrinas, quas tutas reputat. Ergo talis labor malus est & peccaminosus. Ita Celladeus *lib. 1. quest. 14. §. unico.*

Argumentum procedit ex suppositione falsa.

Celladeus juxta propriam opinionem incurrit periculum, quod alia imponit.

Respondet in primis, argumentum hoc fundari in suppositione, quod duæ illæ assertiones Theologi sibi contradicant; si enim sibi non contradicant, una non oppugnat, nec destruit aliam. At certum est unam alteri non contradicere, ut questione superiore ostensum est. Ergo, &c.

11. Respondet secundò. Si hæc obiectio veram doctrinam contineret, malè sibi consulisset Celladeus hunc librum edendo; quia in primis totis viribus impugnât benignam sententiam, quæ si vera sit (est autem verissima) jam ille do-

ctrinam tutam & veram evertere satagit. Ergo ex propria sententia peccat, saltem si erret. Et autem, valdè periculosum ne erret, cum communem omnium sententiam impugnet. Ergo summo saltem peccandi periculo se commisit. Ergo in hoc ipso peccavit, quia absque ulla necessitate sponte in hoc peccandi periculo se contulit. Et hoc quidem dictum sit ad hominem ex ipsius principis.

12. Respondet tertio, argumentum hoc æquè procedere contra impugnantes ullam sententiam instantiâ veram, ac contra Theologos docentes, illud omnibus pensatis esse licitum, quod ex vi rationum directè probantium putant non licere. Quicumque enim impugnât sententiam veram, in qua homines bona fide procedunt, oppugnat & quatit doctrinam tutam & suam. Ergo omnes Theologi peccant, quicumque veram opinionem impugnant. Ergo vel S. Thomas, vel S. Bonaventura peccarunt moralia docendo, quia certum est, alterum alteri in multis contradixisse. Ergo alter eorum impugnât doctrinam tutam & sanam. Ergo alter eorû in hoc ipso peccavit. Nescio quid dicturus sit Celladeus ad consequentiam. Horret animus credere, quod eam admittat. Negare autem non poterit, nisi doctrinam suam in objectionem contentam solvat, ac refellat.

13. Respondet quarto. Celladeum teneri ad hanc suam doctrinam evertendam, ut se à contradictione salvet, si minùs animum ad eam repudiandam, ut sanctos ipsos à peccato excuset. In primis enim sic arguo. Judicium & conscientia, immò & doctrina, quam homines invincibiliter ignorantes aut errantes sequuntur, est doctrina tuta, quia, Celladeo fatente, eam sequentes à toto excusat. Ergo peccat, qui eam impugnat, si hæc obiectio veram doctrinam contineat; & tamen certum est, eum sæpe peccare, qui illam non impugnat. Ergo talis homo necessariò & inevitabiliter peccat. Et hæc quidem ad indirectam responsionem abundè sufficiunt.

14. Respondet ergo directè, & in primis nego majorem in sua universalitate, quia ex bonis contrariis, alia aliis æquivalent, alia aliis præcellunt; in quo casu quod destruit aliud non est malum, sed bonum æquale vel majus. Sic lumen gloriæ expellit fidem, & perfecta charitas foras mittit timorem. 1. Ioan. 4. 18. Nec tamen mala sunt, quamvis ex sua natura destruant fidem & timorem, quæ sunt intrinsecè bona. Jam in nostro casu doctrina expellens aliam tutam (si tamen eam expellat, nam sæpe non expellit, sed solum ad illius expulsionem tendit) est saltem æquivalens doctrinæ, quam expellit, & in opinione Auctorum illam approbantium est melior. Unde non sequitur, talem doctrinam esse malam.

15. Deinde distinguo majorem. Quod tendit in destructionem rei intrinsecè bonæ, si certò constet illam esse bonam, est peccaminosum, transeat major. Si Dubium sit, an sit intrinsecè bona, aut ejus bonitas sub opinione utrimque probabiliter contineatur, nego majorem. In hoc enim casu omnes ad certam veritatis cognitionem honestissimè enituntur. Jam Theologus, de quo loquitur Celladeus, versatur in re dubia, aut utrimque probabiliter. Ergo ideo non malè operatur, quia tendit ad destructionem rei, quæ fortè est bona. Similis distinctio boni per se, & boni per accidens, boni huic & non illi, &c. vim majoris elidit, ejusque veritatem evertit: per accidens enim est, quod cognitio probabilis, maxime si sit falsa, ad mores rectè dirigendos huic vel

Celladei instantiâ veram, illud refutatur.

Celladei contradictione.

Principium quo Celladeus utitur est falsum.

Major distinctio eliditur.

vel illi sufficiat; quia primi parentes ante lapsum talibus cognitionibus non dirigebantur; & alii etiam dissimilibus cognitionibus utuntur. Jam qui ex studio veritatis, quæ sola est bonum intellectus per se appetendum, rem solum per accidens bonam evertit, non peccat, sed ex genere suo bene agit.

Item & minor.

16. Similiter distinguo minorem. Oppugnatio doctrinæ, quæ per se & nullâ factâ suppositione est tuta, tendit in destructionem rei intrinsicè bonæ, transeat minor: oppugnatio doctrinæ tute solum per accidens & ex aliqua tantum suppositione contingenti, tute huic & non illi, &c. tendit in destructionem rei intrinsicè bonæ, subdistinguo; certò bonæ, nego minorem, nisi fortè loco illius substituatur aliud certò melius, aut æquivalens, ut in depulsione erroris invincibilis evenit. Probabiliter bonæ, & probabiliter malæ, transeat minor. Et nego consequentiam, quia non omnis doctrina tuta est tuta per se, sed aliqua solum per accidens, ut patet. Rursus ex his, quæ sunt tuta per accidens, aliqua habent doctrinam oppositam certò meliorem; talis est doctrina invincibiliter quidem, sed certò erronea, cui certa veritatis cognitio præcellit. Alia habent doctrinam oppositam probabiliter meliorem, ut evenit inter opiniones utrimque certò probabiles. In hisce casibus non est illicitum doctrinam per accidens tutam convellere, eamque veritatis indagandæ studio impugnare, imo sæpe id est absolute necessarium, & plerumque maxime expediens, ut veritas magis ac melius elucescat, atque negligentia tam directam Dei voluntatem, quam quæ per se sunt tuta indagandi evitetur.

Celladeus in proponendo arguetur: et inde debet procedi.

17. Cæterum in casu nostro hoc etiam advertendum est, Theologum non impugnare directè ullam doctrinam, quam tutam putat. Ille enim tutam putat doctrinam reflexam, quæ habet pro objecto opinionem directè probabilem, & essentialiter supponit opinionem, de qua reflexè agit, esse talem. Jam Theologus ille directè non impugnat hanc doctrinam, nec contendit probare, illam esse falsam, cum illam propugnet, habeatque pro tuta conscientiæ regula. Quid ergo facit? indirectè tantum illam impetit, quatenus nititur auferre ac destruere objectum, in quo fundatur; eò enim solum collimat, ut, si possit, directam de talis rei honestate probabilitatem tollat. At certissime licet hoc modo impugnare doctrinam tutam, ut videre est in errore invincibili. Qui enim errorem illum amovet, non eò collimat, ut destruat generalem illam doctrinam reflexam, quod ignorantia invincibilis à toto excuset, quia scit & supponit eam esse veram; sed eò solum, ut tollat objectum, circa quod talis doctrina hic & nunc versatur, idque facit substituendo aliquid melius illo errore. Ita pariter evenit in casu nostro, quia Theologus solum nititur ad tollendum objectum, circa quod benigna sententia reflexè versatur, idque facit ex animo substituendi aliquid melius illo objecto, quodque melius illo regulat actiones honestas. Ergo non peccat, sed laudabiliter operator. Quod si Theologus impugnet honestatem illius rei directè consideratam, non ideo impugnat rem, quam putat tutam, quia rem illam sic solum consideratam non existimat tutam, sed peccaminosam.

Obiectio 1. 18. Obiecit secundò. Idem est in doctrina morali, eam esse tutam, ac in moribus, eos esse honestos. Sed illicitum est oppugnare mores honestos. Ergo illicitum est oppugnare doctrinam.

R. P. A. Terilli Regula morum, PARS I.

nam tutam. Confirmatur; qui impugnant doctrinam sanam, eam non ferunt, nec sustinent. Hi autem reprobantur à S. Paulo, & tamquam male agentes censentur redarguendi. Ergo illicitum est oppugnare doctrinas tutas & sanas, atque illas docentibus contradicere. Ita Celladeus ibidem.

Respondeo mores honestos dupliciter impugnari posse: primò, contendendo eos, qui sunt verè honesti, honestos non esse. Secundò, concedendo eos esse honestos, & tamen eos tollendo; efficiendo scilicet suâ doctrinâ, ut ob defectum alicujus requisiti amplius poni non possint. Si in primo sensu loquamur, tunc solum illicitum est impugnare mores honestos, quando certò constat illos esse honestos; nam quamdiu res est dubia, aut utrimque probabilis, nemo peccat partem alteram impugnando, etsi verè contingat, eum præter suam spem & opinionem falli, & damnare ut malum, quod est honestum; modò non leviter, sed cum debita diligentia & maturitate procedat. Hic est casus noster, ut patet. Ergo non peccat, qui errore probabiliter deceptus impugnat mores honestos, tradendo ea esse mala, quæ verè sunt honesta. Si loquamur in sensu secundo, sæpe licet eò modo mores honestos impugnare; hoc enim modo ille eos impugnat, qui invincibiliter errantem instruit, suâ enim doctrinâ ponit instructionem, qua error ille tollitur, in quo honestas operationis fundabatur, atque ita efficit, ut similis actus à voluntate amplius elici non possit. Hoc modo Theologus impugnat sententiam tutam, quia conatur aliam persuasionem, & quidem, ut ipse putat, meliorem in mentes auditorum inducere, qua stante, tollitur prior persuasio, à qua actus honestus dependebat, atque ita indirectè actus ille inhonestus impeditur, cum ob defectum suæ causæ amplius elici non possit. Hæc via indirecta impugnandi, seu potius tollendi actus honestos licita est, quando aut certum est, aut certò probabile, quod persuasio, in qua illi fundantur, sit erronea. Tunc enim justo veritatis zelo, ac prudenti spe melioris & appetibilioris regulæ, incitatur ad priorem persuasionem eradicandam, atque ita ad indirectè impediendas illas operationes, quæ antea per accidens tute & honeste erant.

Mores boni circa obiecta per accidens constituti licet impugnari, quæ dupliciter.

19. Ad confirmationem, peto à Celladeo, ut vel unum Interpretem afferat, qui dicat aut sentiat, S. Paulum nomine doctrinæ sanæ intellexisse doctrinam veram quidem sed incertam, de qua nobis non constat quid sit vera, cum Doctores præcipui hinc inde probabiliter de illâ diversa sentiant. Si nullum afferre possit, (& haud dubiè nullum potest afferre, cum textus ipsi apertè loquantur de doctrinis certis, & Interpretes, quantum hæcenus observavi, de solis indubitatis doctrinis loca illa accipiant) cur quæso similia objicit, quæ in sensu obvio ac legitimo ad rem non faciunt? Immo cur Sacram Scripturam ad ea extendit, ad quæ juxta sensum, quem litera præ se fert, quemque Interpretes, absque ulla exceptione aut apparenti extensione ad doctrinas incertas, pro solis doctrinis certis amplectuntur, extendi non potest? Ecce Paulus reprehendit eos, qui doctrinam sanam, id est, certam & indubitam non sustinent, sed à veritate ad fabulas se convertunt, illosque redarguendos esse docet. At nec S. Paulus, nec ullus eos reprehendit, qui in rebus incertis & utrimque probabilibus sese mutuo impugnant. Ergo

Celladeus incongrue citat S. Scripturam.

Q

Theo.

Theologus, de quo est sermo, non reprehenditur à S. Paulo, ut Celladeus absque fundamento arbitrat.

20. Dices: illa doctrina est sana, quæ tam utilis est ad peccatum arcendum, & meritum acquirendum quàm alia doctrina. Atqui talis est per nos opinio probabilis etiam falsa, quia qui illam sequitur, & peccatum vitat, & meritum accumulât, immo nil minus accumulât, quàm si doctrinam veram ac certam secutus fuisset. Hic est sensus Auctorum benignæ sententiæ. Ergo qui illam doctrinam impugnât, sanam doctrinam non sustinet. Ergo & censuram S. Pauli incurrit, & malè facit, quia doctrinam sanam evertere satagit. Ita Celladeus partim innuit, partim dicit loco citato.

Doctrina
falsa non est
proprie lo-
quendo do-
ctrina sana.

Respondeo. Quamvis doctrina probabilis, etiam falsa, redderet operationem, quam dirigit, tam meritoriam, quàm doctrina vera & certa, & sic in aliquo sensu æquivoco dici possit sana; tamen non est doctrina sana, in sensu, quem S. Paulus doctrinam sanam intelligit. Ergo nemo ex illo textu contra Theologum impugnantem opinionem probabilem tutam rectè arguit. Deinde peto à Celladeo, ut proferat Auctores benignæ sententiæ, qui communiter dicant, opinionem probabilem falsam, aut errorem invincibilem esse doctrinam sanam in sensu Apostoli. Dicunt illi quidem, opinionem probabilem, & errorem invincibilem esse cognitiones tutas, & aliquo modo sanas, quia qui operatur juxta illorum præscriptum non peccat, sed omnibus pensatis laudabiliter operatur. Hæc illi, & benè. Sed ubi, quæso, invenies eos, qui tales doctrinas pleno ore, in sensu dogmatico S. Scripturæ & non cum restrictione aliqua sanas appellant? Error certè non est doctrina in tali sensu sana, quia sanitas non nisi in completa omnium humorum consonantia consistit. At falsitas & error continet dissonantiam inter actum & objectum. Ergo error non est doctrina sana in sensu dicto. Certè sanum plus dicit, quàm tutum, quia multæ medicinz tutæ sunt, quia non nocent, etsi non sint sanæ, eò quod sanitatem non inducant. Fateor ergo opinionem probabilem de rei honestate esse opinionem in praxi tutam; illam tamen, si vera sit, si vera falsa, non sine vocis restrictione doctrinam sanam appellare ausim. Si falsa est, non est in dicto rigore sana. Si vera est, non ideo est doctrina, quam simpliciter & rigorosè sanam appellamus in sensu Sacræ Scripturæ, quia an vera sit formidamus, cum non nisi probabiliter credamus illam esse veram.

21. Instabis. Cur non dicetur sana, si & peccatum, seu animi morbum & mortem arceat, & meritum, quæ est vitium animi augmentum, non minus, quàm si esset vera & certa, augeat?

Fidelitas in
Celladeo
desideratur.

Respondeo, me hic iterum in Celladeo desiderare fidelitatem. Proferat enim graves Auctores benignæ sententiæ, qui communiter dicant, operationem, ab errore invincibili aut ab opinione probabilis falsa regulatam, esse tam bonam ac meritoriam, quàm est operatio, quam cognitio vera & certa dirigit. Si eos proferre non possit, sicut non potest, desinat suam imaginationem pro eorum communi sententia venditare. Nec sufficiet, si unum aut alterum eo modo incidenter loquentem proferat; hoc enim non sufficit, ut hæc sit commu-

nis benignæ sententiæ Auctorum opinio, ut patet. Itaque dico opus à doctrina erronea regulatum non esse tam bonum, quàm opus à doctrina certa profectum, quod probatum est supra *quæst.* 4. Itaque doctrina erronea non est absolute sana, ne quidem in hoc sensu, cum in ordine ad sanitatem & vires animæ augendas defectum habeat. Est quidem tuta per accidens, & aliquo modo prodest, non tamen est tuta per se, & multò minus simpliciter sana in sensu Apostoli, tum quia defectum habet; tum quia operationes, quas dirigit, reddit minus bonas, quàm cognitio vera & certa; tum vel maxime quia est falsa, & discordat ab objecto, quod proponit. Jam Theologus impugnans huiusmodi doctrinam, eo sine laborat, ut aliam utiliore & saniore, imò simpliciter sanam ejus loco substituat, quæ regulet operationes humanas, easque meliores reddat, quàm quæ ab errore regulantur. Ergo non malè, sed benè & laudabiliter talem doctrinam impugnât.

22. Ceterum hic omittendum non est, tam Celladeum quàm alios nostros adversarios mirè æquivocare in exponenda benigna sententia. Nos expresse docemus, nullum actum bonum immediate regulari posse nisi à cognitione vera & certa. Itaque nullam doctrinam aut cognitionem sanam dicimus, nisi quæ vera est & certa, quamvis aliqua doctrina nec certa nec vera dicatur & sit tuta, quatenus fundat consultationem evidentem, qua de operationis honestate certificamur. In tantum enim dicimus, opinionem probabilem esse sufficientem regulam objectivam & remotam actionis honestæ, in quantum occasionem præbet, ut intellectus per principia synderesis reflexa novam consultationem instituat, atque ita consurgat ad formandum dictamen certum & infallibile de honestate operationis sequuturæ. Jam opinio probabilis, si vera si vera falsa, non ingreditur hanc consultationem tamquam præmissa, sed tamquam objectum, ut sæpe dictum est. Itaque nulla opinio probabilis, & nulla probabilitas aliter dici potest tuta morum regula, nisi remotè & occasionaliter. Jam Theologus, impugnans opinionem probabilem, hanc immediatam morum regulam indirectè tantum impetit, quatenus nititur ad probabilitatem, aut errorem evertendum, in quorum altero certum conscientie dictamen tamquam in objecto fundabatur. At hoc sæpe necessarium est, & semper aut fere semper licet, ut ex dictis aperte constet.

23. Hæc, nec aliz sunt rationes, quas Celladeus pro magna illa accusatione, qua omnes benignæ sententiæ Auctores peccati condemnat, confirmanda attulit. Verum illæ nullius roboris sunt, cum fundentur, in aperta rerum & vocum æquivocatione. Distinctiones, quas adhibui, omnibus obviz sunt; illæ autem tam clarè totam quæstionis hujus naturam exponunt, atque singula ita in suas classes distribuunt, ut nullum de rei veritate dubium superesse sinant. At Celladeus in re tam obvia nullius distinctionis meminit, sed diversissima, sibi in ordine ad considerationem moralem dissimilia, una voce comprehendit, unoque sensu accipit, & omnibus ea tribuit, quæ ob specialem rationem specificam uni tantum parti conveniunt.


Ingenia Col-
ladei accu-
satio est
nullius pon-
deris.

QUÆ.

QUÆSTIO VIGESIMA.

Vtrum benigna sententia, tradens usum opinionum probabilium esse licitum, ullam patiatur limitationem?

Celladeus
inconse-
quentiâ no-
bu immeri-
tò affigit.

I.  ELLADEUS, ut invidiam in opinionem benignam, & inconsequentiam in ejus Auctores conjiciat, totâ quæst. 15. lib. 1. multum laborat, ut ostendat

Auctores illius nil universaliter hac ex parte tenere, sed alios hæc, alios illas limitationes asserere. Inprimis asserit, Auctores quosque gravissimos assertum suum restrinxisse ad casus, in quibus quæstio solum procedit de licito & non licito, nec imminet præjudicium tertii. Unde inprimis quidam docent, Judicem obligari ad sequendam probabiliorum, &c. Alii eandem restrictionem ad Medicos, Chirurgos, & Sacramentorum Ministros extendunt. Unde infert, opinionem asserentem usum opinionum minus aut æquè probabilium esse licitum, non esse plurimorum gravissimorumque Auctorum, sed paucorum, eamque ad pauca extendi, quia maxima moralis Theologiæ pars pertinet ad justitiam commutativam, vel distributivam, aut certè agit de casibus tertiam personam concernentibus. In hisce autem materiis gravissimi quique Auctores obligant omnes aut ad tutiorem, aut certè ad partem probabiliorum. Hinc auctoritas opinionum minus aut æquè probabilium usui favens, plurimum imminui videtur. Sed & aliorum auctoritatem ex eo etiam imminutam vult Celladeus, quod inconsequenter in hac materia discurrant, cum aliqua, imò plurima excipiant, in quibus tamen eadem ratio militat. Putat ergo exceptiones plurimas esse prorsus necessarias, maxime illam de Judice. Imò §. 2. multa ingeniosa & solida adducit ad probandum, illicitum esse Judici sequi opinionem minus probabilem. Hoc peracto, contendit exceptionem Judicis esse inconsequenter factam, ideoque omnia prorsus esse excipienda, idque ex mente illorum Auctorum, quos tam firmiter adhæsisse dicit exceptioni illi (quæ prorsus necessaria est) ut si oacti fuissent vel ad usum probabilium universim negandum, vel ad eum universim in judiciis concedendum, maluissent eum prorsus negare, quam in judiciis concedere. E contrario approbat consequentiam eorum (quos maxima ex parte dicit esse recentiores) qui absque ulla exceptione universalissimè docent, probabile esse sufficientem rectè operandi regulam. Verum cum hi convinctantur falsitatis in Judice, & sic cogantur exceptionem facere, cum tamen nullum exceptioni locum esse fateantur; illi verò exceptionem faciant, & ideo inconsequentiz arguantur, quid aliud sequitur, quam doctrinam, ex qua talia inevitabiliter sequuntur, ex toto esse rejiciendam? Ego in tract. de Conse. prob. quæst. 24. fusè egi de obligatione Judicis, ibique ostendi, Judicem teneri ad partem probabiliorum, ostendique oppositum non esse probabile. Ibidem etiam æquivocationem adversariorum, qua Celladeus etiam

laborat, detexi, probaviq; nec casum Judicis, nec ullum alium universalissimo opinionum practicè probabilium usui refragari, aut exceptionem ponere. Legatur quæstio, & quidquid Celladeus hic objicit, & multa alia soluta, atque in adversarios retorta in illa inveniet. Quare ne dicta repetam, & facti faciam, aliud hic non præstabo, quam æquivocationes Celladei hac in re, atque inutilitatem hujus quæstionis ab ipso institutz detegere, aliaque ejusdem errata corrigere. Sit ergo

ASSERTIO PRIMA.

Sententia benigna de licito probabilium usu, in sensu legitimo quem Auctores illi tribuunt, nullam patitur exceptionem, sed in tota sua universalitate est vera. Propositum sit autem legitimum illius sensum explicare.

2. **D**ECLARATUR assertio. Inprimis benigna sententia, universaliter docens usum probabilium esse licitum, non loquitur de speculativè sed solum de practicè probabilibus. In eo autem differt probabilitas speculativa à practica, quod practica non de rebus & juribus, sed solum de licito & illicito tractet. E contra verò speculativa probabilitas de juribus & rebus, non de licito & illicito enunciat. Jam Auctores omnes, qui dicunt usum probabilium esse licitum, solum loquuntur de opinionibus practicè probabilibus. Plerique hoc expressè testantur; alii idipsum supponunt; nemo enim illorum invenietur, qui unquam dixerit, quidquam licitum ulli esse, quod non est saltem probabiliter licitum. Rursus, qui limitationes addunt, eas desumunt ab opinionibus, quæ non procedunt de licito, sed solum de rebus, earumque existentia, virtute causativâ, &c. Sic dicunt non licere medico sequi opinionem, quâ probabiliter enunciat hanc medicinam fore utilem, si sit probabiliter etiam periculosa; modò adsint alia medicamenta non noxia, probabiliter profutura. Similiter docent non licere Sacerdoti absque necessitate consecrare in secali, quamvis probabile sit, panem ex secali confectum esse materiam consecrationis; quia in hisce aliisque casibus ejusmodi non est p̄obabile, quod liceat medico talem medicinam præscribere, aut quod liceat Sacerdoti talem panem consecrare. Uno verbo, nunquam asserunt ullam exceptionem de opinione probabili, quæ directè docet aliquid esse honestum. Ergo signum certissimum est, quod solum loquantur de probabilitate practica, atque generalem suam assertionem de licito probabilium usu ad solam probabilitatem practicam restringant.

Benigna
sententia
nullam pa-
titur excep-
tionem, sed
in sua uni-
versalitate
est vera.

Proprius
sensus beni-
gnæ senten-
tiæ exponi-
tur, & ostenditur
omnes
sine ulla ex-
ceptione in
ea conveni-
re.

3. Altera benignæ sententiæ declaratio potius quam limitatio est, quod realis tantum certoque subsistens probabilitas, non imaginaria aut solum probabiliter apparens requiratur, ut usus talis opinionis sit licitus. In hoc etiam omnes ferme illius Auctores conveniunt. Pauculi aliqui, & quidem valde pauculi, nec tanti nominis Auctores expressè dixerunt, opinionem probabiliter tantum probabilem sufficere; sed hi ab aliis repudiantur, nec illorum Auctoritas tanti est, ut contra omnes priores & posteriores reclamantes assertum suum reddant certò probabile. Itaque benigna sententia universalis est, nec ullam patitur exceptionem. Afferit autem, *licitum cuique esse in materia morum sequi quamcumque opinionem certò practice probabilem, etiam illam, qua, directè considerata, est minus probabilis, minusque tuta.* In hac assertionem omnes conveniunt, qui docent usum opinionum probabilium esse licitum, neque ullus, præter unum Comitolum, assertum suum ad probabiliorum partem restrinxit, si sermo sit de Auctoribus, qui à centum annis, ante nuperam contentione de hac materia à Jansenistis excitatam, materiam hanc tractarunt. Ceterum pauci illi, qui, post ortam controversiam hanc, majorem pro regulanda conscientia probabilitatem requirunt, re ipsa à nobis non discrepant, cum nos etiam teneamus neminem excusari, nisi sectetur partem, cujus honestas, omnibus argumentis etiam reflexè probantibus inspectis, est ipsi probabilior, quam ejusdem inhonestas. Itaque illi non negant, eum tutum fore, qui sequitur opinionem directè minus probabilem, modò ex argumentis reflexis prævalentibus probabilitas ejusdem evadat major, & operans absolute atque probabilis existimet, rem illam esse absolute licitam. Ergo re ipsa nobiscum consentiunt, ut fusè ostendi *quæst. 22. de Consc. prob.* Stat ergo benignæ sententiæ Patronos nullam prorsus exceptionem ponere, aut de ulla particula in assertionem contenta dubitare, modò illa restringatur ad probabilitatem practicam & certam, de qua sola certum est, Auctores illos esse loquutos, quando pro moribus dirigendis illam proposuerunt, quia nulla nisi sola practica probabilitas ad mores dirigendos idonea est. Itaque assertio posita est indubitanter vera.

ASSERTIO II.

Exceptiones de Iudice, Medico, Ministro Sacramentorum, alijs; ejusmodi, quas Celladeus congerit, non sunt ad rem, nec tangunt difficultatem præsentem.

Exceptio-
nes de Judi-
ce, Mini-
stro, &c.
non sunt ad
rem.

4. **P**ROBATUR. Tota quæstio versatur in eo, an usus cujusvis opinionis certò practice probabilis sit licitus? E contra, exempla illa procedunt de opinionibus solum speculative probabilibus, utpote quæ non agunt de licito & illicito, sed solum de rebus & juribus, deque materiæ idoneitate ad aliquem effectum, &c. Ergo non sunt ad rem, neque tangunt præsentem difficultatem; ad hoc enim afferri deberent exempla opinionum practice probabilium, quas Auctores benignæ sententiæ exciperent. Itaque quæcumque Celladeus fundat in hac exceptione, quam necessariò faciendam esse ait, nullius sunt momenti; quia sunt illationes ex subjecto non supponente, eò quod ipse æquivocaverit, atque in unum confuderit omnem probabilitatem; ac

deinde de omni negaverit, quod de altera sola negandum est, intuleritque Auctores gravissimos inconsequenter locutos fuisse, eò quod aliter de una, aliter de altera probabilitate locuti sunt, & exceptionem suæ Thesi apposuerunt, cum nec unam limitationem addiderunt, quæ restringeret materiam, de qua disputabant; sed solum attulerint exempla diversi generis, ut ostenderent, se non de illo, sed de alio genere probabilium loqui; quod certè non est limitare, sed explicare assertionem, ne Lectores, ex unitate vocis *opinio probabilis* plura genera complectentis, existimarent illos agere de omni omnino opinione probabilis, cum solum agerent de illa, quæ probabiliter enunciat aliquid esse licitum. Eadem de causa nulla ex hoc capite potuit in eis esse inconsequentia, cum ab eo quod non liceat sequi unum probabilium genus, non sequitur alterum probabilium genus, non esse licitum; nam si non liceat sequi quod nequit prudenter credi licitum, non sequitur, licitum non esse sectari quod certò prudenter creditur esse honestum. Hæc enim genera probabilitatum sunt adeo diversa, & inter se ratione dispositionis ad licitè operandum adeo contraria, ut ex uno ad alterum nulla trahi possit consequentia, sed necesse sit, consequentias oppositas & prorsus contrarias ab illis deduci.

5. Dices. Nōne plures docent, Judici licitum esse sequi opinionem minus probabilem? hoc non obstante, plurimi id negant. Ergo exemplum Judicis procedit de probabilitate practica. Ergo Auctores limitant assertionem suam de usu opinionum practice probabilium.

Respondeo opinionem, afferentem licere Judici sententiam proferre juxta sententiam minus probabilem, fuisse olim saltem extrinsecè probabilem, ob multitudinem Auctorum gravium eam affirmantium. At nunc ob consensum posteritum diligentius rem investigantium, novasque rationes gravissimas, ab antiquis non ponderatas afferentium, veritas ipsa sufficienter comperta est, & illa sententia jam quodammodo antiquata amplius reputari non potest probabilis, donec rationes, quas in *quæst. 24. de Conscientiâ prob.* à me expressas habes, de novo examinentur & probabiliter saltem solvantur. Hisce addo rationes à Celladeo excogitatas, qui quando sequitur communes opiniones, non minus feliciter & verè, quam ingeniosè in iis comprobandis laborat. Rationes ejus sunt. Prima, si Judici liceret sententiam proferre juxta sententiam minus probabilem, eo ipso Judices in omnibus ferè litibus non ministri iustitiæ (quæ nihil pro arbitrio, nihil indifferenter, sed ad unum inflexibiliter alligatur) sed arbitri essent causarum litigiosarum, ut cui mallent causam judicare; cum rarò, aut nunquam eveniat, quin utraque pars habeat pro se opinionem saltem minus probabilem, quam Advocatus causæ allegat, dum Auctores & leges pro suo cliente citat. Consequens autem omnium sensu & consensu est malum.

6. Secunda ratio. Frustra esset viros doctissimos ac integerrimos pro Judicibus eligere, nec ad hoc Principum conscientiæ obligarentur; quia quilibet, mediocriter doctus, sufficeret ad minus illud debite implendum, modò distinguere posset inter probabile & improbabile. Hoc præterea ex eo confirmatur, quod in judiciis Advocati adfunt, qui causas examinant, rationum omnium momenta expendunt. Unde facillimum erit

Nella id
Auctoribus
benignæ
sententiæ
inconse-
quentia.

Non licet
Judici in ju-
dicando se-
qui partem
minus pro-
babilem.

Celladeus
felix & in-
geniosus est
in commu-
nibus asser-
tionibus co-
probandis.

erit Judici dignoscere, an & cui parti faveat opinio probabilis. Demum cum judicia sint publica, & sententia publicè feratur ac promulgetur, nemo potest esse tam perditæ famæ, qui pro parte nullam probabilitatem habente ferat sententiam contra partem oppositam probabilissimam. Advocati enim partis damnatæ, omnesque alii statim reclamarent, illumque ut injustissimum accusarent. At sequela est patenter absurda, & contra communem omnium sensum.

Ratio ab inconvenienti.

7. Tertia ratio. Hoc arbitrio iudicibus concessio, melius esset loco iudiciorum sortes instituere. Inprimis sic innumeræ expensæ vitarentur. Deinde sors æqualiter faveret omnibus, cum Judex, si pro arbitratu sequi possit quamlibet partem probabilem, semper magis inclinabit ad amicos & potentes, ut illis gratificetur, & horum gratiam obtineat. Unde si hoc Judici liceret, & simpliciter malè consultum esset miseris & pauperibus, & longè deterius, quàm si omnes lites per sortes terminarentur. Jam ratio, quæ ostendit absurdum esse uti sortibus pro litibus de jure determinandis, ea est, quia est medium merè casualiter connexum cum deputatione rei ad legitimum Dominum, & æquè favet non Domino ac Domino. At idem eveniret in casu Judicis, quando aut opiniones essent æquè probabiles, aut Judex magis propenderet contra Dominum, quando pars minùs probabilis, ut sæpe evenit, faveret non Domino. Ergo omne inconveniens in usu sortium pro litibus determinandis involvitur in eo, quod liceat Judici sequi quamcumque opinionem probabilem voluerit. Imo majora sunt inconvenientia in arbitrio Judicis, ut dictum est.

Ratio ab antiquitate.

8. Quarta ratio. Lumen naturæ dicat, officium iudicis postulare, ut dicat quod sibi videtur in causa proposita, atque eam partem præferat, quam melioribus rationibus stabilitam videt. Deinde per leges jubetur ita se gerere. Siquidem *1. qualem ss. de abit. & alibi statuitur, omnino dicat quod sibi videtur.* Hisce addo ego textum ex Sacra Scriptura longè efficaciorum, & sic arguo. Si liceret Judici sequi opinionem minùs aut æquè probabilem, licetè posset misereri pauperis in iudicio. Quia absque dubio ferre posset sententiam in favorem potentis, cui jus probabilius faveret. Ergo esset misericordia erga pauperem, si in ejus favorem sententiam proficeret, quando rationes illi faventes essent minùs probabiles. Et sanè si aliquid extrinsecum posset honestare talem sententiam Judicis, illud esset misericordia erga pauperem indigentem. At hoc est illicitum, quia *Exod. 23. vers. 3. expressè dicitur. Pauperis non misereberis in iudicio.* Ergo non licet iudici sequi sententiam minùs aut æquè probabilem.

9. Hæ rationes Celladei (nam alias omni ex parte non probo, sed secundum quid mox impugabo) sicut & textus à me allatus eò tendunt, ut ostendant, oppositum non esse probabile. Ego has ipsas rationes magna ex parte, aliasque plures in dicta quæst. 24. diligenter examinavi, quibus adeo convictus sum, ut judicare nequeam oppositum esse probabile. Neque unquam esse poterit probabile, donec rationes illæ, utpote ab Auctoribus contrariæ sententiæ non ponderatæ, solutæ fuerint, & veritas contraria rationabiliter stabilita. Itaque jam exemplum iudicis non est ad rem, quia non est de opinione, quæ jam sit practicè probabilis. Ergo est exemplum fundatum in solo probabili speculativo, quia scilicet supponitur certè probabile, quod jus utrique

R. P. A. Terilli Regula morum. Pars I.

parti faveat. Hoc autem probabile nil enunciat de honestate iudicii aut sententiæ à iudice ferendæ, ut patet.

10. Jam ergo, sicut olim probabile erat, iudicetp licetè judicare posse secundum sententiam minùs probabilem, ita olim id illis erat licitum; nunc autem hoc est illis illicitum, quia prior illa probabilitas cessavit. Quod si iudex adhuc bona fide sequeretur opinionem plurium ac gravium Doctorum asserentium, ipse si licitum esse talem sententiam proferre, atque post diligenter suæ obligationis inquisitionem, certè probabiliter crederet id sibi licere, eò quod invincibiliter ignoraret rationes, quibus sententia illa convincitur esse improbabilis, in hoc casu iudex sic judicando non peccaret, nisi fortè merè materialiter, quia ex prudenti ac certè practicè probabili iudicio conscientiam invincibiliter fort. atam haberet. Nec mirum, quia quamvis mihi, Celladeo, aliisque, qui rationes à nobis allatas debite ponderarunt, non sit probabile, quod liceat iudici sic judicare; hoc tamen non infert, id aliis, atque peculiari alicui iudici non posse esse probabile. Unde quamvis ego peccarem, si iudex effectus taliter judicarem, non ideo sequitur, illum peccaturum, quia ille aliter formare potest conscientiam, quam ego possem. Et hæc est alia terminorum confusio apud Celladeum, qui non distinguit de illicito simpliciter, & de illicito respectu hujus & illius, quæ tamen maxime distinguenda sunt. Quamvis enim simpliciter illicitum sit taliter judicare, tamen per accidens id licitum esse potest alicui.

Celladeus non distinguit interlicitum per se, & licitum per accidens.

ASSERTIO III.

Non est verum, plures recentiores & aliquos antiquos universalissimè docuisse, probabile ubiq; esse regulam morum.

Non est communis opinio quod quodvis probabile sit regula morum.

11. **P**ROBATUR. Non invenitur considerabilis multitudo Auctorum, sive antiquorum, sive recentiorum, qui aut expressè, aut æquivalenter dicant, licitum esse Parocho absque ulla necessitate panem siligineum consecrare, atque populo pro Eucharistia tradere. Et tamen probabile est, quod & validè consecraret, & verum Sacramentum populo ministraret. Idem dico de medico; non enim inveniuntur tot, qui dicant licitum esse medico, pharmacum probabilius periculosum, & solùm minus probabiliter proficuum præscribere, quando adest aliud pharmacum tutum & æquè probabiliter proficuum, ac illud periculosum. Hæc enim & alia hisce similia tam apertè repugnant lumini naturæ, ut incredibile prorsus sit, multitudinem gravium Doctorum unquam potuisse in tales assertiones conspirare. Itaque errare videtur Celladeus, & incredibilia dicere, dum affirmat *hic §. 1. Alios, maxime Recentiores, respuisse limitationes omnes, ac universalissimè docuisse, probabile ubiq; esse regulam morum.* Peto enim ut catalogum horum proferat, & loca citet, in quibus ita loquantur. Certè si unum vel alterum casuum Collectorem, talia loquentem ostenderit, (& vix credo ullum esse, qui aliquam restrictionem aut expressè non apponat, aut certè de quo ex contextu, materia, modo, ac fine disputationis non appareat, cum non de omnibus etiam speculativè tantum probabilibus promiscuè loqui, sed ad aliquod certum genus probabilium assertionem suam restringere)

Q3

ultra

ultra progredi non poterit. Hoc autem satis non est, ut peculiarem seu potius singularem illorum opinionem proponat, tamquam sententiam valde communem, ab antiquis, & potissimè à Recentioribus traditam. At hoc modo eam proponit Celladeus loco citato. Ergo in hoc erravit.

12. Adde. Recentiores potissimè exceptiones, si ita loqui velimus, apponere, atque universalitatem probabilium restringere, easque in suas classes distribuere, atque de his affirmare, de illis negare, usum eorum esse licitum. Quod si aliqui universaliter loquantur, intelligendi sunt juxta subjectam materiam de probabilitate practica, aut de speculativa, quæ cum practica probabilitate necessariò connectitur. Sic probabile est, artificiosam delineationem non esse opus servile, sed liberale. Hæc, ut jacet, est probabilitas speculativa, sed necessariò connectitur cum probabilitate practica, quia certum est, sola opera servilia esse prohibita in die Festo. Ergo tam certum est, talem delineationem non esse prohibitam, quam certum est, quod illa non sit opus servile. Sed est probabile quod non sit opus servile. Ergo est probabile quod non sit prohibita. Ecce probabilitas practica ex speculativa illa deducitur. Jam Auctores universaliter loquentes ex subjecta materia intelliguntur de hujusmodi tantum probabilibus agere; nec rationabiliter extendi possint, ut censeantur dicere, *Nullam prorsus limitationem admittendam esse, sed, universalissimè loquendo, probabile ubique esse regulam morum.*

ASSERTIO IV.

Exemplum judicis ad præcipuum Celladei intentum non conducit, sed efficaciter illud evertit.

Exemplum 13. **PROBATUR.** Principale Intentum Celladei est probare, quod usus opinionum omnium, quas, consuevimus appellare probabiles, sit illicitus. In quo ipse solus eò progressus est, ut usum etiam probabiliorum atque probabilissimarum rejiciat ut illicitum. At exemplum judicis ad hoc intentum comprobandum non conducit, sed efficaciter illud evertit. Non conducit ad id probandum, quia notorium est, quod judici liceat sequi opinionem longè probabiliorum. Rursus, id ipsum totum Celladei intentum evertit, quia si judici in foro externo liceat ferre sententiam in favorem sententiæ probabilioris, ac deinde secundum illam operari, atque jura transferre, &c. licet aliquando contingat eum decipi, & verum Dominum rebus suis spoliare; idem à fortiori nobis licebit, quoties de aliqua re oritur questio, an liceat? A fortiori, inquam, tum quia sumus in possessione libertatis, & in dubiis melior est conditio possidentis. Tum quia judicium conscientie non est institutum ad dirimendas & terminandas lites, sed potissimè ad prudenter & non temerè operandum, quod haud dubiè habetur, quoties in rebus incertis probabilior sententiam sequimur. Hinc fit, ut postquam ego probabilius judicaverim aliquid esse mihi permissum, non acquiritur mihi jus perpetuum ad licitè utendum tali re, sicut in foro externo per sententiam judicis; nam si postea major illa probabilitas desinat, casus mutatur, & ego non sum jam melioris conditionis, eò quod antea major probabilitas mihi favoreret. Omnia autem

contrario modo se habent in foro externo. Unde à fortiori licet sequi talem sententiam in foro conscientie, si liceat eam sequi in foro externo. Demum in foro externo agimus contra proximum, qui magnum incommodum patitur, si perpetuò privetur re suâ; ideoque ille non contentus est, si ego bonâ fide procedam, quia fines mea bona non impedit ipsius nocumentum, ut patet. Unde merito exigit, ut lis legitimè terminetur per judicem neutri parti partialem, &c. At in foro interno directè agimus cum Deo, qui cor intuetur, nec damnum ullum patitur, eò quod in sententia ferenda erremus. Immo, quod plus est, etiam tunc habet intentum suum, nempe ut ametur, colatur, & glorificetur. Hæc enim omnia habentur & Deo tribuuntur, quoties post diligentem veritatis indagationem formamus conscientiam juxta partem probabiliorum, & bona fide procedimus, nullatenus ita facturi, ne Deum offenderemus, nisi certò nobis constaret, nos ex prudenti judicio de honestate operis & beneplacito Dei ad opus progredi. Itaque haud dubiè à fortiori ea licent in interno conscientie judicio, quæ in externo judicio sunt certò permixta. Sed certò permissum est Judici secundum probabiliorum partem judicare. Ergo & hoc nobis certò permissum est in foro interno.

14. Hoc autem ad totum benignæ sententiæ intentum sufficit, quia quoties pars minùs tuta est directè certò probabilis, toties eadem indirectè ac reflexè, omnibus omnino in examen adductis, est & quoad se, & maxime quoad nos longè probabilior parte contraria, ut fusè demonstravi hic *quest. 2.* atque etiam *quest. 22. & 23. de Consc. prob.* Ergo tunc etiam licet sententiam in favorem libertatis proferre, atque secundum eam operari. Qui plura de hoc argumento cupit, legat *quest. 24. de Consc. prob.* ubi omnia ista, & alia quamplurima ad hanc materiam spectantia discussa, declarata ac firmiter probata inveniet.

SOLVUNTUR OBJECTIONES.

15. **OBJICI** T primò. Finis Judicis & judicii est, ut unusquisque reipsâ habeat, quod suum est, vel ad se pertinet. Judex ergo ligatus est uni parti, sicut jus ipsum. Atque hinc est primò, quod Judex licet non possit pro arbitratu sequi in judicio quamlibet ex partibus contrariis probabilibus; quia exercitium judicis nequit magis extendi, quam finis, cujus gratia judicium exercet; in quo enim suum finem egreditur, agit contra officium, & supra potestatem suam. Jam probabilitas magis extenditur quam jus ipsum, & finis judicii; quia probabilitas æquè complectitur utramque partem, jus autem uni soli competit. Ergo Judex judicans ex motivo æqualiter magisve favente parti, quam condemnat, agit contra officium & finem suum, suamque potestatem transgreditur, & peccat. Secundò ex eodem sequitur, quod Aristoteles 1. *Rhetoricor. 15.* tradit; scilicet, Judicem esse quasi auri argenti que cognitorem, ut verè justum ab adulterato distinguat. Est autem jus adulteratum, quodvis jus à qualibet opinione falsa, cisi apparetissima, representatum. Ergo judices tenentur verè justum dignoscere, & distinguere. Et sanè sicut pessimi forent monetarum cognitores, qui adulteratas pro veris monetis probarent: ita pessimi forent Judices, qui justum ipsum non distinguerent, sed in judicio falsis opinionibus, & juri adulterato contra verum jus adhererent. Atque

Quod licet
Judici in
foro exte-
no à fortio-
ri nobis li-
cet in foro
interno.

Exemplum
Judicis pro-
bat totum in-
tentum no-
strum.

Finis Judi-
cis postulat,
ut probabi-
litas seque-
tur.

Judex debet
imitari pe-
cuniarum co-
gnitorem.

Atque hinc est 3. quod nemo sit Judex idoneus, qui jurisprudentiæ non sit peritissimus, quia solus talis potest verum jus discernere. Unde Exodi 18. Jethro persuasit Moyfi dicens: *Provide de omni plebe viros potentes, & timentes Deum, in quibus sit veritas, & qui oderint avaritiam, &c. qui judicent populum omni tempore, &c. quibus auditis Moyses fecit omnia, quæ ille suggererat.* Et tales debent esse Judices, qui diligentissimè debent causam examinare, ut sic veritatem ipsam inveniant. Deuteronomio 19. 18. hæc de Judicibus traduntur. *Cumq; diligentissimè perscrutantes invenerint falsum testem, &c.* Similiter Job cap. 20. 16. de se dicit: *causam quam nesciebam, diligentissimè investigabam.* Unde Judex tenetur ad verè justum, ad jus re ipsâ, & ad veritatem. Quin & in communibus opinionibus alligatus est vero. Exodi 23. vers. 2. hæc habentor. *Nec in judicio plurimorum acquiesces sententia, ut à vero devias.* Judex ergo tenetur saltem plerumque nosse ipsum re ipsâ jus, & verè justum ab adulterato discernere. Ita Celladeus §. 2. ex quo videtur inferri posse in favorem Celladei, quod Judici non liceat sequi opinionem ne quidem probabiliorē, sed quod teneatur ipsum justum nosse. Hoc autem admisso, exemplum Judicis non videtur esse contra ipsum, quia dici potest, quod Judex teneatur ad ipsum verum: ac proinde quod debeat causam differre, donec ipsum verum invenerit. Hoc stante, idem videtur dicendum in foro conscientiæ, scilicet quod nemo impleat officium suum, nec rectè operetur, si opinionibus fusus, veritatem non assequatur. Hæc dici possunt in favorem Celladei. Et sanè hæc ipsa consentanea videntur intento & doctrinæ ipsius.

Respondeo primam partem objectionis satis benè probare, quod judici in judicando non liceat sequi nisi partem probabiliorē. Ego autem ideo omisi recensere hanc probationem inter reliqua Celladei argumenta, quia ille omnia allata simul adducit, tanquam quadam fini judicis annexa, quæ simul sumpta convincant talem libertatem in judice esse illicitam. Verum quia in collectione harum rerum multa sunt, quæ limitâ indigent, ideo ea non admitto tamquam argumentum idoneum ad veritatem illam comprobendam.

16. Inprimis, ante omnia maximè displicet, quod dicit, judicem teneri ad ipsum justum, & ad ipsam veritatem, ad quam nisi pertingat, à suo munere defleat, aberrat à fine, & malè facit. Quid enim hoc aliud est, quam reddere officium judicis hominibus importabile? Nōne in rebus incertis, quales sunt pleræque lites in judicium adductæ, impossibile nobis est ipsam veritatem à falsitate discernere? Quomodo ergo obligari possumus ad jus verum discernendum, illudque vero Dominotribuendum? Tenetur quidem judex eniti, quantum potest, ad ipsam veritatem, ideoque tenetur causam diligenter examinare, nihilque prætermittere, quod aut leges, aut recta ratio adhibendum suadent. His peractis, si veritatem ipsam ex allegatis certò sciat, aberrat à fine suo, & peccat, nisi litem terminet, & jus suum cuique tribuat. At quando post totam litem discussionem veritas certò non constat, stultum est existimare, ipsum verum delere, aut etiam posse esse regulam judicii ferendi. In hoc enim casu veritas per se non apparet, sed per extrinseca argumenta inquiritur. Ergo ipsi per se non potest movere intellectum, sed præmissæ tantum possunt illum movere ad probabiliter judicandum

de vero jure, quod per conjecturas quæritur. Et hoc est quod communiter & verissimè dicitur, judicem in rebus incertis judicare debere secundum allegata & probata. Si illa juxta mentem judicis appareant esse majora pro una parte quam pro alia, tenetur litem adjudicare parti, cui meliores rationes favent, sive illæ sint, sive non sint realiter veræ; quia rationabiliter præsumuntur veræ. Itaque non jus verum in se, sed solum jus ex motivorum prævalentium vi præsumptum, est finis judicii, à quo si judex defleat, non implet munus suum, sed peccat. Et sanè aded verum est, quod veritas ex allegatis & probatis præsumpta sit regula judicis ac judicii, ut p'ures S. Thomam sequuti doceant, judicem debere contra jus verum ac certum sententiam proferre, atque innocentem ad mortem ipsam condemnare, quando scelus illius sufficienter probatum est in foro externo. Huic ego sententiæ non subscribo, sed solum cum illis assero, judicem, qui aliam causæ notionem non habet, nisi quam ex allegatis haurit, debere absque dubio aut hæsitacione juxta allegata & probata prævalentia sententiam proferre, quamvis haud certò sciat, cui jus verum & directum comperat.

17. Nihilominus in hoc casu non deest jus certum certoque existens, à quo judex ad judicandum impellitur, & à quo, si recederet, à re-cta muneris sui administratione deficeret. Hoc est jus non acquisitum, quia de illo lis vertitur, sed naturale reflexum, quod singuli litigantes habent adversus judicem & se invicem; scilicet ut judex sententiam ferat in favorem ejus, cujus rationes prævalere judicat. Ideo enim litigant coram judice, ut per illius judicium lites terminentur, & ille præferatur, cui meliores rationes favent. Jam ab hoc jure indubitato tamquam à motivo formali justitia judicis dependet, quia in illud respiciens, juxta illud, ejusque exigentiam jus suum unicuique tribuit. Et quia jus acquisitum, de quo litigabatur, non est liquidum, per suam sententiam efficit, ut illud jam certò acquiratur, de quo antea certum non erat quod esset acquisitum. Qui plura velit de hoc argumento, quod est unicum ac genuinum principium, ex quo quæstio de obligatione judicis determinari debet, legat quæst. 24. de Consc. prob. num. 4. ubi illud exposui ac declaravi.

18. Rursus non placet quod Celladeus insinuat, judicem aut nunquam, aut rarissimè debere errare in jure dicendo, ut officium suum impleat; hoc enim absque dubio falsum est, quamvis enim nullæ fraudes unquam fierent, sed rationes utriusque partis sincerè proponerentur, adhuc Judex frequenter judicans non rarò erraret, non solum quia multa falsa sunt probabiliora veris, sed etiam quia quæ ipsi videntur, sæpe non sunt probabiliora, cum aliis æquè aut magis peritis videantur esse minùs probabilia. Ergo fieri nequit, quin frequenter erret, etsi nullæ fraudes intervenirent. Verum quoties interveniunt fraudes? Sæpe falsi testes subrogantur. Aliquando veri testes præ metu apparere non audent. Multi audent instrumenta legitima modò abscondere, modò adulterare, aut etiam comburere, & alia falsa eorum loco substituere. Demum optimi quique caudidici potentium causas defendunt; pauperes, quibus jus sæpe competit, non habent qui causas ipsorum sufficienter explicent ac tueantur. Interim Judex secundum allegata & probata sententiam profert. Quæ omnia planè convincunt, quod Judex frequenter à vero aberrat.

Regula ju-
dici est ve-
rè apparens
juxta alle-
gata & pro-
bata.

Prima re-
gula judicis
est jus certū
partibus com-
petens.

Judex rari-
ssimè offi-
cium suum
frequenter im-
plet.

Regula ju-
dici nō est
ipsum verū,
de quo litigatur.

Quod etiam ex eo patet, quod secundus iudex frequenter prioris sententiam rescindat.

In criminalibus iudiciis non raro errant.

19. Hæc ita se habent in civilibus, & quod est intolerabilis (sunt verba Augustini lib. 7. de Civit. Dei cap. 6. à Celladeo hic ad alium finem citata) magis, plangendum, rigandumque, si fieri posset, fontibus lacrymarum, ne occidas nesciens innocentem, si per ignorantia miseriam, ut & tortum innocentem occidas, quem, ne innocentem occideret, torserat. Ecce Iudex criminalis aliquando torquet accusatum, ut ipsemet crimen suum fateatur, ne forte si aliorum testimonio tantum staret, innocentem occidat. Interim innocens, torturæ impatiens, ut se tormento liberet, crimen fatetur, unde fit, ut Iudex, post torturam, innocentem condemnaret, quem ideo torserat, ne innocentem occideret. Ecce ubique, etiam in criminalibus, in quibus plena probatio requiritur, nimis frequenter erratur. Nec tamen ideo iudex peccat, sed debite fungitur officio suo, ut patet. Ex his constat, iudicem in sententia ferenda de acquisito partium jure frequenter errare, quo non obstante, certum etiam est, quod si debitam diligentiam adhibeat, non solum non peccet, sed laudabiliter & honeste operetur. Itaque exemplum iudicis totum Celladei intentum everit.

Non est idoneus monetarum cognitor, qui veram monetam ab adulterata certo non discernit.

20. Porro comparatio illa Aristotelis inter iudicem & monetarum cognitionem, ita admittenda est quoad aliqua, ut in præcipuo, quod Celladeus intendit, admitti nequeat. Non est bonus Monetarum discretor, qui nequit adulteratum à vero discernere, quia ille semper habet præ manibus & oculis ea omnia, per quæ verum à falso certo discerni potest. Accidentia enim, quibus veræ à falsis monetis discriminantur, semper adsunt, nec instrumenta ad omnia debite examinanda desunt. Ex his autem natura veræ, vel adulteratæ pecuniæ certo eruitur. Ergo qui in hoc errat, ad tale officium idoneus non est, quia nescit ea, ex quibus iudicium formari debet, quæque sciri possunt & debent ab eo, qui tale munus acceptat. Hæc & hisce similia in causarum iudice locum habere nequeunt, quia plerumque nulla sunt iudicia, ex quibus veritas causæ certo dignosci possit. Ergo quamvis sit malus monetæ cognitor, qui examine facto errat, non tamen est malus causarum cognitor aut iudex, qui in dicendo ac discernendo jure errat; quia nec habet, nec habere potest indicia certo connexa cum veritate rei. Ergo regulari debet conjecturis & rationibus fallibilibus. Ergo si faciat quod in se est, & rationes prævalentiores sequatur, non culpandus est, sed laudandus, quamvis præter spem in sententia dicenda à vero aberraret.

Judicia differri donec veritas certo innotescat, fini iudiciorum repugnat.

21. Demum iudicem obligari ad differendam sententiam, donec veritas certo innotescat, omnium iudiciorum fini clarissime repugnat. Hoc enim semel admissio, lites essent perpetuæ, veritas enim, aut nunquam, aut vix unquam certo sciri potest. Porro ex hac litis interminabilitate, sequeretur veros Dominos irremediabiliter carere suis juribus ac bonis, quia sicut nullum habent medium ad sua jura demonstranda, sic nullum haberent remedium, quo finita lite sua bona acquirerent. Hoc autem est prorsus absurdum, & contra finem iudiciorum ac litium, totiusque iustitiæ, ut patet. Et sanè licet iustum sit, causarum revisionibus nonnunquam locum dari, id tamen nec passim, nec frequenter permittitur, quia sic lites perpetuarentur. Unde satius esset, si in singulis Tribunalibus certum temporis spatium deputaretur, post quod iudices tenerentur juxta

allegata & probata sententiam proferre, ut sic lites cum minoribus expensis majorique reipublicæ tranquillitate cito terminarentur. Lugendum enim est, videre pauperes, partis adversæ subtilitatibus, novisque prætextibus allegationibus cogi ad prosequendam litem, quam certo vincerent, si ad sententiæ probationem cito veniretur. Hac ratione sæpe fit, ut integræ familiæ, ad miseriam redactæ, suis bonis ad integras generationes priventur. Quod certe incongruum est, & iudiciorum atque iustitiæ fini prorsus contrarium. Stat ergo iudicia terminanda esse per probabiliores conjecturas; nec frustra ac imprudenter expectandum, ut veritas certo innotescat, cum raro aut nunquam adsit, vel levis spes veritatem certo inveniendi. Itaque exemplum iudicis ad principale Celladei intentum nil conducit, sed contra illud efficaciter everit.

22. Obijcit secundò. Si iudex in iudicando frequenter errans, non obstante errore, munus suum recte impleat, melius esset, si litium decisiones sortibus tribuerentur. Sic enim minoribus expensis omnia transigerentur, & unusquisque æquæ suo jure frueretur.

Respondeo, Iudices, etsi frequenter errant, longe tamen sapius non errare, quando, causæ debite examinata, probabiliora sequuti, sincere sententiam proferunt. Unde longe major spes potiundi juris affliget, si lites iudiciis, quam si sortibus terminentur. Deinde etsi par aut fere par utrobique spes esset juris potiundi, siue lites per sortes, siue per iudicia terminarentur, non tamen expediret reipublicæ humanæ, ut, neglectis iudiciis, sortes adhiberentur. Ratio est, quia rationabilis non fortuita decisio hominem rationalem decet. Præterea unusquisque plerumque putat, se habere rationes longe prævalentes adversario, qui proinde suam causam sortibus libenter non committit. At eam in iudicio prohi iudicia libentissime deponit. Iustum autem est, ut in hac parte litigantium, voluntati satisfiat, quia tota causa ipsorum tantum interest, ut patet. Rursus neque conveniens est reipublicæ, ut similia per sortes terminentur, quia sic omnia cæco modo administrarentur, & sagaciores, atque astutiores minus sapientes bonis suis sub specioso juris titulo facillime privarent. Illi enim facillime invenirent rationes, quibus aliorum jura in dubium revocarent, unde statim contenderent, de bonis ac juribus illorum sortes mittendas, per quas sæpe aliorum bona fucato juris prætextu sibi vindicarent. Dedecet autem reipublicam tali periculo pauperes ac idiotas exponere, quo certe liberantur, si jura non nisi per iudicia diligenter peracta transferantur. Præterea, leges jubentes dubia de juribus exorta per sortes terminari, non solum essent noxiæ iis, qui legitimo jure sua possiderent, sed etiam præscriberent remedium, quod absque ipso malo, pro quo evitando instituerentur, administrari non posset; Iudices enim necessarij essent ad determinandum, an res per sortes terminari deberet; nam non omne dubium debet sufficere, ut possessor sua deferat, atque ea ad sortes mittat. Præterea, etsi dubium exurgat, sæpe tamen dubium ex una parte est maximum, ex altera prorsus exiguum. Anne tunc etiam ex æquo per sortes lis est terminanda? hoc stultissimum foret. Ergo qualitas dubii, & utriusque magnitudo sciri ac legitime iudicari debet. Ecce totum inconveniens, quod ex iudicio de juribus imminet, absque remedio iterum redit in iudicio de dubio ejusque magnitudine. Ergo melius

Obijcit 22.

Inconveniens esset, si lites sortibus terminarentur.

lius est ut iudicium feratur de ipsis iuribus. Imo hoc adeo necesse est, ut sine iudiciis illis falsacibus, quibus nos homines propter ignorantiam utimur, respublica debite administrari non possit.

SOLVUNTUR ALLE OBJECTIONES.

Obiectio 3. 23. **O**BJICIT tertio. Non est cur non liceat iudici aut medico sectari opinionem minus probabilem, si usus opinionis minus probabilis ulli sit licitus. Rationes communiter allatae sunt istiusmodi. Prudens assensus reperitur in omni iudicio probabili. Opinio probabilis impedit quò minus lex sufficienter promulgetur. In omni materia prudenter peritis creditur. Certitudinem, & plus quam probabile ac prudens iudicium requiri in moralibus est absurdum, & vires humanas excedit. Prudentis est sectari probabilia. Hæc & hisce similia æquè valent in omni prorsus materia, ac in opinione probabili. Ergo vel universalissimus, vel nullus probabilium usus est licitus. Ita Celladeus §. 3.

Probabilitas speculativa impertinens est ad conscientiam formandam. Respondeo, objectionem manifestè confundere probabilitatem practicam cum speculativa. Hæc nullo modo facit, ut lex sit vel non sit sufficienter promulgata: v. g. quaeritur an existat lex præcipiens, ne Eucharistia absque necessitate ex materia incerta conficiatur? sententia asserens filiginem esse validè consecrabilem est probabilis, & qui illi præbet assensum prudenter facit. Verùm hæc probabilitas nihil facit circa promulgationem legis quaeritæ, quia lex illa æquè promulgata est, live existat, live non existat dicta probabilitas, ut patet. At si esset probabile, quod consecratio talis materiae esset licita, illa probabilitas haud dubiè efficeret, ne lex illa esset sufficienter promulgata, cum post omnem diligentiam prudenter crederetur non existere. Uno verbo sola probabilitas de non lege efficit, ut lex sufficienter promulgata non sit; aliz enim probabilitates ad hoc impertinenter se habent, nisi sint tales, ut ex illis probabilitas de non lege legitime inferatur. Jam etsi omne illud, quod à quavis opinione probabili asseritur, prudenter credatur, non tamen omnis probabilitas aut omne prudens iudicium ad conscientiam debite formandam conducit, sed illud solum, quod asserit rem esse licitam. Itaque cum non sit probabile, quod liceat iudici iudicare secundum opinionem minus probabilem, aut medico præscribere medicinam probabilis nocituram, nec iudici licet ita iudicare, nec medico talem medicinam præscribere. Ecce nulla est illatio argumenti, quam tamen Celladeus inevitabilem esse putat.

Obiectio 4. 24. **O**BJICIT quarto. In foro exteriori solum tractatur de rebus parvi momenti, & leges humanæ præcipue explicantur. At in foro conscientiz de summa rerum agitur, & de anima nostra, ac leges potissimum divinæ tractantur. Ergo absurdum est, requirere certiore regulam pro rebus nostris & foro externo, quam pro anima nostra, & foro conscientiz. In rebus vilibus ponderandis non curamus libram esse exactissimam; at pro auro ponderando non nisi minutissima & exactissima trutina contenti sumus. Itaque absurdum est, plus certitudinis velle pro foro exteriori, quam pro foro conscientiz. Ita Celladeus §. 3.

Respondeo, nos non requirere certiore regulam pro foro exteriori, quam pro foro conscientiz. Pro foro externo dicimus, iudicem in

judicando debere sequi opinionem, quam omnibus inspectis credit esse veram, aut oppositâ probabiliorē, quia aded certum est, cum ad hoc obligari, ut oppositum non sit probabile. Similiter pro foro interno requirimus, ut operans nil faciat, nisi omnibus inspectis credat illud esse licitum, & opposito probabilius. Verùm Celladeus confundit probabilitatem directam, seu in uno genere sumptam, cum probabilitate indirecta & reflexa, seu cum probabilitate omnimoda, quam si distinxisset, clarè vidisset nos nil minus exigere in iudicio interno conscientiz, quam in iudicio fori exterioris. In hoc autem consistit disparitas, quod rationes reflexæ non augeant probabilitatem directam litigantibus faventem, juxta quam iudex tenetur ferre sententiam. At quando res est directè probabilis practicè, rationes indirectæ & reflexæ non solum augent ejus probabilitatem, sed omnibus inspectis, reddunt honestatem operis non solum probabilissimam, sed etiam quodammodo moraliter certam, ut fusè ostendi in *tract. de Consci. prob. quaest. 22. & 23.* & alibi sæpissimè, atque in hoc etiam opere ubique convinco. Itaque falsum est, quod plus exigamus pro iudicio exteriori, quam pro iudicio conscientiz; imo verò pro hac longè plus requirimus; non enim solum requirimus iudicium prudens de honestate rei, sicut in foro exteriori requirimus in iudice iudicium, quo prudenter credat rem ad illum, cui litem adjudicat, pertinere; sed post hoc iudicium prudens postulamus novam consultationem fieri, per quam intellectus confurgat ad formandum iudicium certum & evidens de honestate suæ operationis. Hoc autem non requiritur pro iudicio fori externi, cum nulla dentur principia, ex quibus iudex certò scire possit, rem ad ullum ex litigantibus pertinere. Itaque longè plus pro conscientia formanda, quam pro ullis aliis negotiis peragendis postulamus.

Obiectio 5. 25. **O**BJICIT quinto. Plures ponunt hoc tamquam discrimen notorium, quod quando agitur de licito & non licito, qui sequitur opinionem minus probabilem non peccat, si nullum aliud malum præter periculum materialis violationis legum immineat. At quando malum aliud imminet, tunc non licet sequi opinionem minus probabilem. Hinc autem non licet iudici ferre sententiam, nec medico præscribere medicinam secundum opinionem minus tutam, minusque probabilem. Unde inferunt discrimen inter iudices, medicos, aliosque; illosque cogunt ad probabiliora aut tutiora, hos autem liberos esse contendunt ad sectanda minus tuta, minusque probabilia. Verùm hæc disparitas non subsistit; quia si violatio materialis legis non imputatur illi, qui sequitur opinionem minus probabilem minusque tutam, non est cur iudici sequenti opinionem minus probabilem imputari debeat, quod pars condemnata damnum patiatur in bonis; quia iudex probabilia secutus, prudenter se gessit. Rursus maxima pars moralis Theologiz versatur in materia iustitiz commutativæ vel distributivæ. Ergo in tota illa materia non licebit sequi opinionem minus probabilem, vel id etiam iudici licebit. Ergo in illa tenentur ad ipsum iustum, sicut iudices. Ita Celladeus §. 3.

Respondeo, hanc objectionem ita proponi, Quasi respiciunt ad dānum tertiū, non limitat, sed explicat benignam sententiam.

inveniunt, non habent sufficientem conscientiz recte formandæ regulam. Hoc posito, dicunt, quando magnum damnum tertii ex una, & nulum ex alia contradictionis parte imminet, non habemus fundamentum dicendi partem periculosam esse licitam, seu practicè probabilem, quia lex charitatis, item illud axioma, *Quod tibi non vis fieri, alteri ne feceris*, & alia ejusmodi convincunt, partem illam periculosam non esse licitam. E contrà verò dicimus, quod quando probabile est aliquid esse licitum, eo ipso id licitum evadit illi, qui bona fide prudentique judicio format suam conscientiam, nec merum periculum violationis materialis posse ob stare; eò quòd violatio illa nec noceat Deo, nec Deum inhonoret, quia operans optumè erga Deum afficitur, & ex prudenti judicio de placito divino ad operandum illique complacendum movetur. Quid hic carpatur, quid hic inconsequentiz sit, lynceus erit Celladeus, si detexerit. Itaque quòd imminet periculum gravis mali, &c. non est exceptio doctrinæ, sed solum indicium seu argumentum, quod desit probabilitas practica, seu quod pars illa non sit probabiliter licita, quamvis probabilitate speculativa non careat. Ideo ergo medici, chirurgi, ac judices tenentur ad tutiora vel probabiliora, quia periculum imminens, sed facile evitabile efficit, ne altera pars sit practicè probabilis. Hinc autem sequitur, materialem legis violationem imputari non posse illi, qui bonâ ac prudenti fide credidit nullam talem violationem futuram, sed se Deo in suo opere placitum. At medico & judici damnum imputari posset, quia licet opinio minùs probabilis esset speculativè probabilis, non tamen erat illis practicè probabilis, nec poterant formare sibi prudens dictamen, quo crederent licitum sibi esse sic judicare, aut talem medicinam præscribere; quia si tale dictamen formarent, æquè excusarentur ac alii. Temerè ergo & imprudenter agunt, qui solam probabilitatem speculativam sine practica pro formanda conscientia adhibent.

In materia
justitiæ nõ
semper te-
nemur ad
probabili-
ta.

26. Cæterum patentior latet error in ultimo, quod Celladeus addit de materia justitiæ; quasi verò nemini in ea liceret sequi opinionem æquè aut minùs probabilem, eò quòd judici in judicando eam sequi non liceat. Quid, ais, Celladee? Teneturne Possessor bonæ fidei, orto dubio utrimque æquè probabili de jure rei possessor, teneaturne, inquam, se sponte privare re illâ, aut seipsum condemnare, eò quòd judex in judicando sequi non possit opinionem minùs vel æquè probabilem? Communis omnium sensus est in contrarium. Nec mirum: aliud est officium judicis constituti ad lites dirimendas & jus inter litigantes constituendum; aliud possessoris, aut cujusvis alterius se ac sua jura defendentis. Unde licet officium Judicis postulet, ut sequatur probabiliora, officium tamen possessoris aut alterius sua jura defendentis id non postulat, nec aliud postulare potest, quàm ut bonâ fide procedens nil agat, nisi quod prudenter credit esse honestum. Hoc si præstet, Deum non offendet; ut autem tale judicium eliciat, pauciora requiruntur, quàm ut judex simile judicium formet de obligatione quam habet ad ferendam sententiam, ut patet, & ut explicui *quest. 24. de Conf. prob.* Demum illud ultimum, scilicet, quòd in rebus justitiæ tam judex quàm alii teneantur ad ipsum justum, est prorsus impossibile in casu disputationis præsentis; loquimur enim, quando ipsum jus ita latet, ut certò sciri non possit, nec nisi

per conjecturas probabiles cognosci. Unde Judex satisfacit suo muneri, licet erret, modò sequutus fuerit, quæ ipsi probabiliora sunt visa; quia ad hoc solum ex officio obligatur. Alii verò ne quidem ad hoc tenentur, sed sufficit illis, si in rebus incertis nil temerè agant, sed prudenti aliquo judicio sua jura tueantur, sive judicium illud fundetur in ipso justo, sive in titulo possessionis, sive in aliis præsumptionibus, quæ indubitata probabilitatem practicam de honestate talis defensionis fundant.

27. Objicit sextò. Judex ex imperio voluntatis flectere potest suum intellectum ad assensum præstandum parti minùs probabili. In hoc casu prudenter credit jus illi favere, qui habet rationes minùs probabiles. Ergo licet potest sequi opinionem minùs probabilem, quia fungitur officio suo, si externam sententiam interno suo judicio conformet. Ita objici potest, ad ostendendum quod vel nullus, vel universalissimus probabilitum usus liceat. Et Celladeus §. 2. utitur hoc argumento ad hominem, ut probet Judices fore arbitros, si illis liceret sequi opinionem quamvis etiam minùs probabilem.

Respondeo, Judicem flectere posse intellectum ad tale judicium, quando motiva in actu primo ipsum impellentia non evidentè se invicem absolute excedunt; in tali enim casu errare potest Judex, ac per voluntatis imperium in actu secundo præferre motiva verè minora majoribus, ac credere illud esse verum, pro quo in actu primo minorem stimulum habebat. Verum in eo casu ipse in actu secundo putat partem, quam veram judicat, esse multò probabiliorè oppositâ, quia unicuique suum opinatum probabilius est, ut patet. Itaque in illo casu non solum licet potest, sed etiam tenetur sententiam proferre pro parte illa, quæ verè in actu primo erat minùs probabilis, sed tamen quæ ex errore invincibili ab illo in actu secundo reputatur vera & probabilior oppositâ. Neque absurdum est, sententiam hoc modo esse in arbitrio judicis, imò oppositum esset prorsus absurdissimum. Absurdum autem esset, si ille proferre posset sententiam pro quacunque opinione probabili, quam vellet, etsi ille eam aut minùs aut æquè probabilem reputaret, quia stante tali judicio, non potest credere partem illam esse absolute veram; quod enim creditur verum, eo ipso habetur tamquam probabilius opposito. Unde peccaret, si pro tali probabili sententiam ferret, quia ferret pro ea parte, quam nec absolute veram crederet, nec verosimiliorem parte, quam condemnat; quod est absurdum, officioque judicis repugnat.

28. Objicit septimò. Est indubitatum principium apud Theologos, judicium utriusque fori, externi scilicet seu contentiosi, & interni seu conscientiz, debere esse idem, si error vel ignorantia non interveniat; nec ulla est exceptio nisi in illis, quæ in jure civili tolerat solum, sed non probat Ecclesia. Si enim eadem planè in utroque foro consent, una debet esse utriusque fori sententia; aliter una erit justa, injusta altera; una erit vera, altera falsa; una-juxta, alia contra rectam rationem; quia idem (ut notatur *i. magnor. Moral. cap. 32.*) est ratio, & recta ratio; rectitudo enim rationis est veritas. Hoc autem posito, sic arguitur. Non licet judici in judicando sequi quacunque opinionem probabilem. Ergo neque confessario, neque consultori conscientiz, saltem in materia justitiæ. Præterea debitor in judicio convenitur, & per sententiam judicis solvere jubetur.

Objeçtio 6.

Judex ferre
debet sen-
tentiam pro
parte minùs
probabili,
si ille cre-
dat eam esse
veram.

Objeçtio 7.

Judicium
utriusque
fori semper
est idem, ubi
error nõ
intervenit.

jubetur. Ille, si restituat, magnam passurus est necessitatem. Forum externum hanc exceptionem non admittit. Tu admittis, & liberas, etsi forte (nam nescis) creditor satis multum patiat. Ergo discordas à sententia fori externi. Ergo vel tu, vel judex malè judicat. Judices secundum leges & jura judicare solent. Ergo praesumptio est contra te. Quòd si adhuc dicas, judices malè judicare, non debes illos absolvere. Ita Celladeus §. 3. quibus putat sufficienter probari, Auctores benignae sententiae inconsequenter discurre, dum negant iudicibus, quod confessarius consultoribusque conscientiae concedunt.

Consequen-
tia nostrae
doctrinae o-
stenditur.

Respondeo, auctores benignae sententiae non loqui inconsequenter, quia solum loquuntur de opinione certò practice probabili; de illa autem absque ulla exceptione enunciant, quod ejus usus tam iudici, quam aliis omnibus liceat. Quod ita verum est, ut tamen pro formanda conscientia semper requirant, ut sequamur partem, omnibus inspectis, probabiliorē. Unde non minùs, sed plus requirunt pro formanda conscientia, quam in Judice pro ferenda sententia, ut dictum est num. 24. Itaque sistendo intra terminos benignae sententiae, idem ex æquo omnibus licet. In hoc autem est æquivocatio, quod minor probabilitas speculativa de jure unius partis non sufficiat, ut probabile sit, iudici licitum esse secundum illam judicare. At talis probabilitas saepe reddit probabile quòd liceat Confessario, etiam in materia justitiae, permittere possessori retentionem suarum rerum, donec aliter statutum fuerit per sententiam iudicis. Et hoc est quod dicimus, minorem probabilitatem speculativam de jure non sufficere ad judicandum, cum tamen pro foro interno ad conscientiam regulandam saepe sufficiat.

An iudici-
um inter-
num
possit à ju-
dicio fori
externi?

29. Ceterum potissimus error Celladei in eo consistit, quòd supponat juxta nostram sententiam, saepe contingere, iudicium fori interni & externi discrepare, quando eadem utrobique circumstantiae se produnt, etiam tunc quando utrumque forum rectè, & ut oportet, judicat. Verum audaacter dico, hoc nunquam contingere in sensu, quem argumentum praefert. Forum externum praesumit, debitorem posse solvere, nec admittit illius attestationem, etiam juramento confirmatam, de praesenti sua impotentia absque suarum fortunarum ruina, &c. Talis enim attestatio fidem non facit in foro externo. At plenissimam facit in foro interno. Hinc est, quòd forum externum absolūtè declaret solvendum esse sine mora; At forum internum dilationem ad aliquod tempus admittit. Verum circumstantiae utriusque fori non sunt similes, sed ex altera parte error & ignorantia intervenit. Ergo sententia utriusque fori non potest esse una. Jam ut argumentum valeret, deberet ostendi, aut quòd forum externum hunc modum procedendi in foro interno reprobet ut illicitum, aut quòd forum externum, justè judicans jubeat restitutionem fieri ex tempore, etiam cum totali ruina debitoris, quamvis certò sciat, illum absque totali suarum facultatum ruina non posse solvere de praesenti, stante spe aut etiam certitudine, quòd paulò post extra tantum incommodum restituere poterit. Nisi enim hoc ostendatur, nunquam probabitur, forum internum in eisdem circumstantiis discrepare à foro externo, modò utrumque forum rectè procedat.

30. Verum quidem est, leges absolūtè praecipere restitutionem, & in ejus defectum aliquan-

do publicationem bonorum, aut debitoris incarcerationem praescribere; nisi enim leges hoc modo procederent, sed fides daretur debitori suam inopiam praetendenti, innumeræ fraudes committerentur, per quas Domini suis rebus privarentur; cui inconvenienti aliter obviari non potest, quam per legum severitatem absolūtè condemnationem ad solutionem. Certe, cum nullus prudens superior fecisset talem constitutionem pro peculiari persona in hac determinata circumstantia, in qua constaret, solutionem hic & nunc fieri non posse citra totalem debitoris ruinam, cum omnibus commodè satisfieri posset, si creditor parum expectaret. Certè talis constitutio impia esset & inhumana, & illi axiomati: *Quod tibi non tu fieri, alteri ne feceris*; repugnaret. Itaque leges illae universales, si in omni casu cum summo rigore sumantur, haud dubiè peccant, & ab æquitate naturali deflectunt; ac proinde per epikiam corrigi debent, spectat autem ad confessarium hanc epikiam in foro interno declarare, quia in re nec legislatorum, nec justæ iudicum intentioni contradicit.

Leges tamē
externae ab-
solūtè præ-
cipiunt re-
stitutionē,

Sed peccant
& per epi-
kiam corri-
gi debent.

31. Et hoc quidem verum est, quando peccatum legis est evidens; at quando legis exorbitantia in tali casu est, hinc inde probabilis, tunc fieri poterit, ut iudicium fori interni discrepet à iudicio fori externi, absque eo quòd alterum illorum iudiciorum sit injustum, & peccaminosum. Ratio est, quia sicut diversi iudices fori externi in talibus circumstantiis saepe ab invicem discrepant, absque eo quòd ullus illorum à munere suo turpiter deflectat; ita à potiori idem contingere poterit in diversis foris, quia scilicet ex una parte error aut ignorantia invincibilis circa qualitatem motivorum intervenit, ideoque fit, ut uterque rectè judicare possit. Nulla ergo est illatio Celladei oppositum inferentis quasi verò iudicia utriusque fori non possent differre, nisi iudex alterius turpiter erraret, & verè peccaret.

Judicia du-
plici fori a-
liquando li-
cèt discre-
pant in eis-
dem circū-
stantiis.

32. Hinc sequitur, aliam etiam Celladei illationem esse nullam; ait enim, confessarios non debere absolvere iudices, si eos in suo iudicio errare existiment, sed malè. Fieri enim potest, ut uterque rectè judicet; munusque suum impleat, quamvis alter illorum materialiter erret. Cur ergo Confessarius talem iudicem non absolvet? Certè tam iudex ipse, quam confessarius nosse possunt, nullum in tali iudiciorum diversitate peccatum aut turpitudinem intervenisse. Nulla ergo est etiam hæc Celladei illatio.

Alia Cell-
adei illatio,
nulla.

33. Demum locus ex 1. Magn. Moral. cap. 32. Ratio, logicè falsa, multipliciter potest esse recta ethicè. non est ad rem, quia Aristoteles ibi agit de veracitate, quæ inter dissimulationem & iactationem media versatur, & consistit in oratione externa, quæ interno iudicio conformatur. *Gloriosus*, inquit, *plura quam adfuit sibi arrogat; aut scire fingit, quæ non noverit. Huius contrarium dissimulatio pauciora & minora sua esse simulans, quæque novit diffinitur, occultatque quæ cognoscit. Neutrum horum facit verum: neque enim plura, neque pauciora, quam quæ sibi affuerint, confinget; sed ea demum & esse sibi, & scire dicet, quæ teneat.* Aliud loco citato de veritate non dicit Philosophus. Ex quibus habemus, tantum abesse, ut Aristoteles hoc loco dixerit, solam veritatem logicam (de hac enim sola Celladeus loquitur) esse rectitudinem rationis, ut apertè indicet rationem saepe esse rectam, immo & ethicè loquendo, absolūtè veram, quamvis sit logicè falsa. Sicut enim hoc loco aliud non reprehendit in glorioso & simulatore, quam mendacium voluntariè confictum, ita his opponit

Ratio, logi-
cè falsa,
multiplici-
ter potest
esse recta e-
thicè.

opponit verum, eumque ob veritatem laudat, eò quòd sermo ejus sit verus & rectus, veritate scilicet & rectitudine ethica, quæ consistit in conformitate sermonis cum judicio loquentis. Nec enim ignorare poterat, sermonem veracis sæpe esse falsum logicè. Certè homo sic errans reprehendi nequit tamquam gloriosus aut simulator, sed laudari debet ut verax. Nec mirum, quia aliud est hominem esse verum seu veracem in sensu morali, aliud cum esse verum seu veracem in sensu logico. Aristoteles agit hîc de veraci in sensu morali, in quo ratio & oratio, logicè falsa esse potest, & sæpe est ethicè recta & vera.

Philosophus nobiscum sentit. 34. Jam, sicut tam oratio quàm ratio logicè falsa potest esse recta & vera per solam conformitatem cum judicio interno, ut constat ex Philosopho hîc citato; ita ex eodem alibi constat, rationem logicè falsam posse esse ethicè rectam, prout conformis est appetitui recto, & prout refertur ad regulandam operationem humanam, ut ostensum est hîc *quæst.* 3. & plura ad idem spectantia *quæst.* 41. dicenda erunt. Ex his concludo, textum hunc non solum abs re fuisse objectum, sed etiam ex illo rectè inferri, totam Philosophi doctrinam, quam de ratione recta tradit in Ethicis, esse prorsus conformem nostræ sententiæ & explicationi, quæ distinguit rationem ethicè rectam à ratione logicè recta, & asserit primam sæpe inveniri sine secunda, illamque sine hac ad rectam operationem regulandam sufficere.

Objeccio 8. 35. Objicit octavò. Plures docent, judici in judicando licitum esse sequi opinionem minùs probabilem de jure litigantium. Ergo hoc ipsum est practicè probabile. Ergo hoc illi licet, vel nemini licebit sequi opinionem minùs probabilem. At hoc judici non licet. Ergo id nemini licet. Ita Cellædeus §. 3.

Solutio. Respondeo juxta dicta *supra* num. 10. opinionem illorum Auctorum olim fuisse probabilem, & tunc licitum erat judici sententiam proferre secundum talem opinionem; non enim peccat judex ferendo sententiam, quando bona fide ex opinione certò probabili de honestate suæ sententiæ prudenter concepta, ad eam proferendam procedit. At in eo casu prolatio sententiæ ab hujusmodi judicio regulabatur. Ergo erat licita. At nunc illa opinio non est probabilis, aut certè non est certò probabilis. Ergo jam non licet illam sequi. Cæterum si judex nostrarum rationum inscius, ob aliorum auctoritatem & argumenta, probabiliter, prudenter, ac invincibiliter putaret, sibi licitum esse secundum opinionem minùs probabilem proferre sententiam, in ea ferenda non peccaret, nisi materialiter. Nec, in hoc ulla est diversitas inter judices & alios.

SOLVITUR ULTIMA OBJECTIO.

Et multa de bello utrimque justo disputantur.

Objeccio 9. 35. **O**BJICIT nonò. Si usus opinionum etiam minùs probabilium esset universaliter licitus, liceret etiam in bello. At in illo non licet. Ergo universaliter non licet. Ergo nunquam licet. Probatur minor: si liceret sequi talem opinionem, bellum non necessitatis esset, sed voluntatis, quod & lumini rationis, & celeberrimo Augustini dicto, quod *bellum sit necessitatis, non voluntatis*, repugnat. Probatur sequela primò,

quia Princeps imperio voluntatis flectere potest intellectum in assensum partis minùs probabilis. Ergo liberum ei est opinari pro jure suo, & quidem prudenter, si motivo probabili innitatur. At cuiquam licet operari juxta suum judicium prudens. Ergo in omnibus probabilibus bellum movere erit principi voluntarium. Nec hic sistitur illatio, sed ulteriùs sequitur, quòd movere bellum aut semper, aut fere semper situm sit in Principum potestate. Ratio est, quia vix unquam defunt rationes, saltem minùs probabiles pro jure suo & jure belli quod inferre moluntur. In omnibus nostri temporis bellis, inter Christianos Principes exortis, nulli unquam defuerunt Juristæ & Theologi quamplures, qui bellum & jura bellantis dicto, & si opus sit, scripto defendunt. At tot peritorum sententiæ reddunt suum assertum probabile. Ergo nunquam defuit probabile. Sed nec unquam deerit imposterum, datâ occasione belli, quia eadem causæ permanent in futuro, ob quas Principes de præsentî habent tot peritos, bellum suscipiendum aut susceptum defendentes. Nec obstat, Theologos hujus Principis ridere rationes, pro alio Principe allatas, tamquam frivolas & improbables, nam rationes illæ ipsis graves visæ sunt, & probabiles, & ipsi non minùs aliorum censuram irridunt ut malè fundatam, quàm alii ipsorum rationes ut frivolas explodunt. Ergo nunquam deerit probabile. Tertio Principes, utpote Theologiæ & Jurisprudentiæ ignari, non tenentur fundamenta examinare. Ergo probabile ab extrinseco illis sufficit. Sufficit ergo si Senatores & Theologi ita dicant. At hi nunquam defunt. Denum per Auctores benignæ sententiæ non peccat, qui putat se non peccare. Ergo licet rationes Principis sint levissimæ, & Consiliiarii levissimi, si tamen illi aliter videatur, hoc ipsi sufficiet, ut honestè bellum inferat. At unicuique suæ rationes bonæ videntur, item & consiliiarii habentur boni, quia illos amat, nec alios expertus est. Ergo bellum quodlibet non necessitatis sed voluntatis erit. Et sanè non ita pridem, tempore Vasquis habebatur absurdum concedere bellum utrimque justum, quia ipse infert tamquam inconveniens, dandum alioquin bellum ex utraque parte justum, quæ illatio esset absurda nisi absurditas consequentis fuisset notoria. At jam, usu probabilium ad bella extenso, vix locus dubitandi relinquitur, quin bellum esse possit utrimque justum. Occurrente quippe jure utrimque æqualiter vel etiam inæqualiter probabili, bellum ex regula justitiæ utrimque movetur; nam tanti est justitiæ probabilis, quanti est ipsa justitia. Ecce quot bella & mala, quotque mutationes in statu regnorum secutæ sunt ex usu probabilium. Ita Cellædeus §. 4. & 5.

Respondeo inprimis indirectè, & peto à Cellædeo, an usus opinionis saltem probabilioris sufficiat, nec ne, ad bellum licitè gerendum? Si concedat, omnia, quæ objicit, ab illo solvenda sunt, vel habenda pro non absurdis; siquidem bellum erit voluntatis non necessitatis; nunquam enim defunt motiva & auctoritates, quæ Principibus eorumque consiliiariis videntur probabiliores. Si neget (negare autem debet si consequenter loquatur) ergo frustra, & solum ad invidiam, non autem ad veritatem aut majorem argumenti vim exemplificat in opinione directè minùs probabili, cum cujusvis opinionis usum debuisset rejicere ut illicitum.

36. Respondeo secundò, benignam sententiam

An benigna sententia justum reddat omne bellum?

Respondeo per instantiam.

Celladeus
confundere
videtur
probabilita-
tem specu-
lativam cu
practica.

tiam nullam pati exceptionem quia solum asserit usum opinionis certo practice probabilis esse licitum: hoc autem verum est in omni materia, etiam in bello, si aliquando contingat, bellum in incertis esse certo probabiliter licitum. Verum hoc discrimina est inter bellum & alia minoris momenti, quod longe plura requirantur, ut bellum, quam ut aliud minoris momenti evadat probabiliter licitum. Sic minores probationes sufficiunt, ut iudex licite condemnet aliquem in bonis, quam ut eum mortis reum pronunciet. Itaque Celladeus hic etiam equivocat, & confundit probabilitatem speculativam cum practica. Saep enim principibus adest probabilitas speculativa de subsistentia juris, & tamen ex communi consensu Doctorum non ideo est probabile, quod absque ulteriori sollicitudine liceat illis bellum gerere. Hae obvia sunt apud omnes nominatos Theologos, qui de materia belli disputant; neque hic sunt congerenda, quia nos de bello non agimus, sed supponimus esse aliquas opiniones, quas Theologi melioris notae, reliquique fatentur esse certo practice probabiles, & reflexe investigamus, an liceat illas sequi. Nos affirmamus, & efficaciter probamus, quia rationes nostrae sententiae aequae conveniunt omni materiae, ideoque pro omni omnino materia efficaciter concludunt. Celladeus autem ex inconvenientibus hic adductis, conatur contrarium probare, quare singula sunt examinanda.

Bellum de-
bet esse ne-
cessitatis, non
voluntatis.

37. In primis fateor cum Augustino, bellum esse debere necessitatis, non voluntatis; quod tamen non ita accipiendum est, ut nemo iuste moveat bellum, nisi qui iniuste faceret, si bellum omitteret. Neque enim ratio ulla, nec Augustini auctoritas suadet, ut belli necessitatem in hoc sensu intelligamus. Imo ratio, & proborum praxis suadet oppositum. Ratio quidem, quia raro aut nunquam evenit, ut princeps alium principem aggredi teneatur, & si aliud non obstaret, ipsa incertitudo eventus belli, & vires aequales aut majores adversae partis efficiunt, ne ad bellum gerendum teneatur, ne ad vitandum unum malum necessitetur se conicere in periculum perdendi totam rempublicam. Et sane haec ratio locum habet, quando jus evidenter favet principi bellum gesturo. Videmus enim principes non raro cogi ad pacem cum suis rebellibus, quos longo bello subjugare non potuerunt. Poterant autem bellum iuste protrahere, nec tamen illicitè sed rationabiliter bellum deferuere. Quod si necessitas belli non obliget ad bellum, quando iustitia belli est evidentissima, multò minus obligat, quando res est obscura, & longa deliberatione opus est ad sciendum an sufficiens ad bellum licite gerendum titulus subsistat. Rursus proborum praxis idiplum confirmat, quia viri Sanctissimi, maximeque probi, ut Pontifices maximi, aliique pii principes circumjacentes, utramque partem à bello dehortari solent, quod certe plerumque male fieret, si qui bellum licite gerere potest, non posset nisi illicitè illud omittere. Ergo necessitas ad belli iustitiam & honestatem requisita, non est necessitas moralis, seu stricta obligatio bellandi.

Explicatur
sensus illius
dicti de bel-
lo.

38. Itaque quando dicimus bellum, ut sit iustum, debere esse necessarium, sensus est, quod illud debeat esse unicum medium, quod principi superest, ad jus suum sibi conservandum aut acquirendum, &c. In primis enim, si commodè potest, debet fieri iusta transactio, eaque mediante pacifica concordia. Si haec non possit ob-

tineri, nec alia via suppetat, tunc bellum adhiberi potest, si omnia adiant, quae ad belli iustitiam & honestatem requiruntur, quia aliud remedium non superest. Haec de causa bellum est, & rectè dicitur necessitatis, non voluntatis. Necessitatis, quia aliud medium, principi decorum, non superest, quo finem iustè intentum sibi procuret. Non voluntatis, quia non eligit bellum, nisi coactus, cum alia media se frust a adhibu sse expertus sit. Itaque necessitate quoddam compulsus se convertit ad ultimum medium, nempe ad bellum, ut per vim sibi sua acquirat in bello-offensivo, vel se suaeque jura, pacemque publicam, aut alios innocentes tueatur in bello defensivo.

39. His, suppositis, si Celladeus sincerè professisset, debuisset numerare, quae & quot Theologi requirunt, ut bellum censetur esse iustum. Verum si illa proposuisset, quidquid objecit, sicut palea à vento valido dissipatum fuisset. Audi Celladeus. Ad bellum iustum omnes cum S. Thoma 2. 2. quaest. 40. art. 1. tria requirunt. Primum, ut solum geratur auctoritate supremi principis, qui nullum superiorem agnoscit. Secundò, ut causa sit iusta, & valde gravis, qualis est necessitas boni communis, & quietis conservandae; recuperatio iniuste ablatorum; coercitio rebellium; detentio innocentum, &c. Tertiò, ut fiat non ex odio, aut alia prava cupiditate, sed ex amore boni communis, cum recta intentione pacis obtinendae. Rursus tenetur princeps, antequam bellum incipiat, omni diligentia curare, ut certus sit de ejus iustitia, & causa sufficiente ad illud aggrediendum. Ad hoc habendum, curandum ei est, ut habeat non solum peritos, sed probos consiliarios, de quibus merito suspicari non possit, eos aut sui principis adulatione, aut alieni odio, aut proprii commodi intuitu quidquam dicere, sed omnia iustissima lance ponderare, & quae sentiunt libertimè proferre. Secundò invigilare debet, ne fraudes à suis committantur impediendo litteras & instructiones ad ipsum missas. Tertiò, res non solum à consiliariis, sed à peritis & probis etiam Theologis examinanda est, ut ipsi liberè dicant, quid secundum leges Evangelicas de iustitia belli sentiant. Imo planè expediret, ut Theologos sibi non subditos, sed prorsus indifferentes consulere, quia de illis minor est suspicio adulationis, aut affectus privati indebiti. Demum, his auditis, ipsemet rem coram Deo ponderet, an belli iustitia taliter probata sit, ut ipse, omnibus consideratis, clarè perspiciat, illam esse talem, ut merito pro illa obtinenda necesse sit bellum adhibere. Juvaret autem, si, his peractis, nil statueret, nisi quod in articulo mortis se fecisse vellet. Porro belli iustitia inspecta, ea proponenda est parti adversae, quae si offerat satisfactionem competentem, bellum non est inchoandum, sed pax firmanda. Ceterum quamvis ad belli iustitiam non semper requiratur evidentia, sed sufficiat indubitata ejus probabilitas, ea tamen esse debet tanta & tam certa, ut omnibus inspectis, Princeps certo prudenter concludat, bellum sibi licere. Nisi enim hoc post debitam diligentiam adsit, nunquam licite bellare potest. Demum alii alia etiam requirunt, & expressè dicunt, conditionem possidentium etiam in bello esse meliorem; ideoque principem non posse bellum movere contra possessorem, quando post omnem diligentiam adhibitam jus invenitur aequè aut magis favere possessori, quam aggressori. Hisce ergo aliisque ejusmodi sup-

Tria ad bellum iustum gerendum maximè necessaria.

R

positis,

positis, videamus, quid argumenta Celladei probent.

Nullitas il-
lationis Cel-
ladei.

40. Inprimis evidens est, bellum justum non esse voluntatis, sed necessitatis, sive dicatur esse vel non esse licitum sequi opinionem magis, æquè, aut minùs probabilem, vel etiam certam de jure; quia bellum juxta nullam harum sententiarum adhiberi potest, nisi in defectu aliorum mediorum. Ergo semper adhibetur ex necessitate, quia verè necessarium est ad finem, quem intendit, quemque Princeps prudenter existimat ad se pertinere, & licitè à se per hoc medium tandem acquiri posse, ed quòd alia media non suppetant. Dixisset saltem Celladeus, benignam sententiam sternere viam ad bella nimis faciliter admittenda, ideoque repudiandam esse, utrique aliquid ad rem dixisset. At contendere ex ea sequi, bellum esse voluntatis non necessitatis, tam abest à vero, ut nec umbram verisimilitudinis habeat.

41. Atqui Princeps, inquit, auditis Consiliariis, potest vel non potest flectere intellectum ad assensum opinionis minùs probabilis. Ergo in probabilibus licitum ei est probabiliter ac prudenter opinari pro jure suo. & consequenter etiam illud per bellum sibi vindicare. Ergo bellum jam voluntatis erit, non necessitatis.

Respondeo, argumentum æquè procedere non solum contra opinionem probabiliorē, sed etiam contra opinionem moraliter certam, quia in omnibus rebus obscurè propositis, imò & in ipsa fide Theologica certissima, assensus est liber, nec intellectus aliter assentiri potest rebus istiusmodi, quàm si voluntas illum flectat ad assensum. Itaque certum est, assensum, in quo voluntas justè bellandi aut semper aut sapissimè fundatur, esse liberum ac voluntarium, quia justè bellantes raro habent evidentiam de suo jure, ut patet. Hæc bellandi libertas non negatur, quando dicimus, illud non esse voluntatis, sed necessitatis. Benè enim scimus bellum esse liberum, non solum quatenus liberum est Principi, ut dubia ac rationes ipsi suggestæ examinentur, ac si rationabiles ac sufficientes inventæ fuerint, debitè executioni mandentur; sed etiam quatenus liberum ei est, ut rationibus longè prævalentibus assensum præbeat, prudenterque credat se jus habere, & sibi licitum esse bellum movere, quia in hisce omnibus non adest evidentia intellectum ad assensum inevitabiliter determinans, ut patet. Demum postquam de suo jure non solum probabiliter, sed etiam evidenter certificatus est, adhuc liberè movet bellum, quia physicè & moraliter absque peccato à bellando abstinere potest, si velit. Unde etiam scimus, omne bellum, non à necessitate physica aut morali, sed à plena libertate indifferentiæ oriri. Hæc nimis patentia sunt, & tamen hæc omnia æquivocat cum illo dicto Augustini: *Bellum necessitatis est, non voluntatis*. Cujus dicti alius sensus non est, quàm quod postquam Princeps habet motiva sufficientia ad existimandum tales res esse suas, nec desunt rationes ad illas sibi vendicandas sufficientes, adhuc non potest uti medio belli, nisi quodammodo coactus, ed quòd aut nulla alia media adsint, aut si adsint, non pòtuit per illa jus suum sibi acquirere. Jam hoc æquè locum habet, ex quocumque motivo formet judicium conscientiz, quo ad licitè bellandum regulatur. Ergo libertas flectendi intellectum ad assensum probabilem, impertinens est ad hoc, quod bellum sit vel non sit necessitatis potius quàm voluntatis, si loqua-

Æquivoca-
tionis & in-
consequen-
tiæ arguitur
Celladeus.

mur in sensu, secundum quem certum est, illa verba debere intelligi.

42. Cæterum, quando Princeps assensum præbet motivis in actu primo verè minùs probabilibus, semper in actu secundo fertur in jus suum tamquam probabilius, & absolutè existimat illud solum verè subsistere, & oppositum omnino deficere. Similiter exercitè saltem judicat, rationes sibi faventes omnibus contrariis prævalere, quia exercitè, vitaliter, & judicialiter ita præfert illas oppositis, ut repugnet illum simul judicare, rationes contrarias esse meliores aut verisimiliores. Hæc fusè declarata sunt *quest. 8. num. 25. & seqq. de Caus. prob.* Itaque hoc etiam inconsequenter ad intentum Celladei objicitur, quia jam sumus in casu majoris probabilitatis existimatz. Idem autem locum habet in omni casu, etiam reflexo, quando Princeps probabiliter format conscientiam de jure sibi debito, & honestate procurandi illud sibi; semper enim fertur in illud ex vi rationum saltem reflexarum tamquam in partem probabiliorē, & quod plus est, tamquam in partem unicè veram. Unde nil ex hoc titulo minoris probabilitatis objectari potest, nisi tandem ad casum majoris probabilitatis, si omnia inspiciantur, veniamus. Ergo hæc objectio, ut valeat, debet seipsum destruere.

43. Porro quæ Celladeus graphicè congerit, ad ostendendum omne bellum fore justum, si liceret sequi opinionem directè minùs probabilem, nullius momenti sunt; tum quia æquè impetunt usum opinionis probabilioris, sive princeps sit peritus, & ipse possit res examinare, sive imperitus, & alius credat; nunquam enim defuerunt nec deerunt, qui jura regi proponant ut vera & verisimiliora, &c. Cæterum qui attendit ad requisita pro justitia belli, facile perspiciet, non omnia bella fuisse aut certè aut probabiliter licita; tot enim & talia pro justitia belli requiruntur, ut impossibile sit, omnia ad illam requisita utrique parti semper fuisse. Quod si consilarii, aut principes ipsi ex inordinato affectu judicaverint bellum esse licitum, eo ipso habent judicium vincibiliter erroneum, & consequenter non excusantur ex vi illius, si bellum indicant, aut gerant. Hæc in universali dicta sunt; nec enim animus est ullum in particulari tangere, aut ad facta vel rationes cujusvis alludere; ineptissimus enim essem, si talibus me immiscerem, cum de illis debitam informationem nunquam habuerim.

44. Hoc tamen mihi etiam videtur in favorem piorum principum Christianorum dicendum, culpam belli injusti, si quando suscipiatur, in consiliarios assentatores potius quàm in principem refundi debere; ipsis enim causa discutienda committitur; illi autem passione, & assentandi cupiditate moti, aut debitè rem non examinant, aut quod sentiunt liberè non promunt; unde fit ut princeps non raro bona ac prudenti fide ipsis credat, atque ita bellum injustum, sed pro justo prudenter habitum, indicat. In quo casu princeps excusatur, consilarii autem graviter peccant. Nec hoc mirum est; sicut enim subditi licitè bellant in bello injusto, quando non constat illud esse injustum, & multò magis quando probabiliter supponunt illud esse justum, quamvis princeps bellum indicendo peccaverit; sic princeps excusari potest bellum indicendo, quando rationabiliter fidem dedit suis consiliariis, licet illi mentiendo, assentando, aut veritatem debitè non inquirendo peccaverint. Cæterum ad hoc principes, ut tuti sint, maximè attendere debent, ut consilia-

Objectio
Celladei se-
ipsum de-
struit.

Objectio
non tangit
sententiam
benignam.

Principes
pii sæpe ex-
cusantur in
bello mate-
rialiter in-
justo.

Quid præ-
standum ut
Princeps sit
tutus?

consilia-

consiliarios ac Theologos capacissimos atque integerrimos adhibeant, de quibus merito suspicari non possint, quod aut offensionis metu, aut complacendi studio ducantur; quia si tales non sint, in re tanti momenti vix potest illis fidere. Deinde efficere debet, ut singuli totum controversae statum, atque utriusque partis rationes debite examinent, & super omnia efficere, ut singuli persuasum sibi habeant, se nil principi gratius facturos, quam si liberrimè sua sententia promant. His enim aliisque ejusmodi praemissis, fieri poterit, ut princeps in bello materialiter injusto excusetur, quamvis aliqui ex consiliariis à suo officio praeter principis expectationem deflectant, & coram Deo peccent.

Evidens
Celladei
error & calu-
nia.

45. Demum falsissimum est & injuriosum, quod dicit Celladeus, Auctores benignae sententiae dicere, nullum hominem peccare, qui putat se non peccare. Hoc enim unanimi eorum consensui aperitissimè repugnat, cum omnes tradant, conscientiam vincibiliter erroneam à peccato non exculare; & tamen, qui formando conscientiam vincibiliter errat, putat se non peccare in eo, quod verè peccatum est, & ipsi ut peccatum imputatur. Dices: hoc utique est notoriè verum. Unde ergo factum est, ut Celladeus contrarium dixerit? Respondeo me nescire; nec suspicionibus uti velle. Viderit ipse. Hoc tamen assero, Epiphonema illud, quo post hæc omnia concludit. *Ergo bellum quodlibet non necessitatu est, sed voluntatu*, nullà ratione subsistere, cum in evidenti terminorum æquivocatione fundetur, ut ostensum est; & ad ejus veritatem impertinens sit, judicium de belli honestate in principis potestate esse positum.

Inconfe-
quentia ar-
gumèti no-
tatur.

46. Ultimum quod Celladeus ad invidiam benignae sententiae conciliandam addit, nempe quòd doctrina de probabilium usu bella quamplurima, atque regnorum everisiones, innumerasque reipublicae calamitates pepererit, quae mala, si talis doctrina ea non approbasset ut licita, nunquam in nostro horizonte comparuissent; hoc, inquam, dictum ejus omni fundamento caret, quia ipse putat, doctrinam istam ante centum circiter annos approbatam non fuisse. At certum est, non pauciora, sed plura bella superioribus saeculis quam hoc ultimo inter Christianos Catholicos Europaeos viguisse; cum maxima bellorum hujus saeculi pars inter Catholicos & hæreticos extiterit, quae quin ex parte Catholicorum plerumque iusta fuerint, nulla potest esse suspicio. Ergo si facta sequura tribuenda sint Theologorum doctrinae de probabilium usu, concludere debebat Celladeus, opinionem de licito probabilium usu multum profuisse, in nullo simpliciter nocuisse reipublicae, quod ego verissimum puto. Nec mirum: quia licet opinio illa videatur viam laxare, quia dicit omnem probabilitatem practicam, etiam minorem, ad conscientiam rectè formandam sufficere, nihilominus Auctores illius sententiae tam clarè loquuntur in singulis materiis, & tot requisita ad practicam certamque probabilitatem exigunt, ut si omnia considerentur, praesens doctrina magis deterreat principes à bello, quam priorum temporum opiniones.

Doctrina de
bello non
est laxata à
tempore
Vasquez.

47. Nec plus veritatis habet, aut plus ad rem facit querela Celladei, quod Theologia à tempore Vasquez mirè laxata sit circa materiam belli. Ego certò scio, Vasquez per omnia repugnare Celladeo, ac expressè docere, Doctorem licitum esse, sequi alienam opinionem contra propriam, omnibusque concessum esse, ut tunc sequi possint opinionem minus tutam, minusque

R. P. A. Terillo Regula morum. Pars I.

probabilem. Idem docet Suarez, aliique omnes ejusdem aetatis scriptores, & coetanei Vasquez, nec ullus illorum ullam exceptionem facit, si sententia illorum ritè exponatur de probabilitate practica, de qua sola illi loquebantur, & intelligi possunt. Unde non video, nec Celladeus videt, in quo Doctrina reflexa de materia belli laxata fuerit à tempore Vasquez. Quod tunc erat, & communiter admittebatur ut verum, id nunc quoque eodem modo se habet. Nunc enim, sicut tunc, bellum utrumque non est materialiter iustum; quia verum jus directum uni tantum parti convenit, ut patet. Ceterum etiam tunc admittebatur, Celladeo etiam idipsum fatente, principem bellantem absque vero jure laxè excusari ob invincibilem veritatis ignorantiam, & incolpabilem de suo jure existimationem. Hoc nec aliud Auctores benignae sententiae hodie docent. In quo ergo facta est mutatio? in quo laxatum est? Nec tamen tanti est iustitia probabilis, quanti ipsa iustitia, quia quamvis ubicumque datur iustitia certò probabilis, & practica probabilitas quod bellum liceat, detur etiam jus quoddam certum ac reflexum in principe, ratione cujus possit per media debita, ac tandem etiam ex necessitate per bellum sibi vindicare jus directum, quod ad se scit certò probabiliter pertinere; nihilominus semper praestat habere verum & indubitatum jus, quam solum probabile; quia indubitatum jus magis defendit possessorem, quam solum probabile. Et sanè error invincibilis in principe de suo jure, illum bellantem à peccato liberat, & bona bello acquisita in ejus potestatem redigit, non minus quam certum jus, & bellum certò materialiter iustum, ut non negat Celladeus. Peto ergo ab ipso, an tanti sit jus errore invincibili existimatum, quanti jus verum? Ecce ipse tenetur eandem instantiam solvere. Si affirmet, cur absurdum putat, quod nos idem de iustitia probabilis concedamus? si neget, ostendat disparitatem, & eandem in casu nostro inveniet; in quo haud dubiè semper intervenit error & ignorantia invincibilis de suo jure, quoties princeps juxta praescripta benignae sententiae bellum gerit, & verum dominum sua re per accidens privare contendit.

Argumentum
retor-
quetur.

48. Sed quid Celladeus responsurus sit, nescio; ego respondeo semper plurius esse veritatem scire, quia est id, ad quod toto nisu tendere obligamur, quodque per se expetitur, atque tale, ut quoties certò scitur adesse, longè plura commoda secum ferat, quam jus errore invincibili existimatum, quod solum in defectum juris certi ac certò cogniti, seu per accidens quaeritur, & ad quod per accidens solum, & in alterius defectum, si velimus illo uti, obligamur. Atqui melius & appetibilius est quod per se, quam quod solum per accidens expetitur; optabilius est illud cujus gratia cetera fiunt, & ad quod habendum tenemur diligentiam adhibere, quam illud imperfectius, quod loco rei intentae praeter expectationem succedit. Sic melior esse scientia quam error, melius jus verum, quam per errorem etiam invincibilem apparens; quia omnis error est quaedam macula ac nota in intellectu, causaturque involuntarium in voluntate praeter desiderium & intentum operantis. Nec alia plura desunt discrimina. Nec obstat, quòd utrumque in ordine ad aliquos fines aliquo modo ex æquo conducat; nimirum quod utrumque ex toto arceat peccatum, & provincias aliorum ex æquo expugnet, &c. nam hæc ita ex æquo fiunt, ac

Jus verum
prævalet ju-
ri existima-
to.

R. 2

tamen


tamen in modo faciendi sit diversitas; nam alterum factum est undecumque bonum, integrè voluntarium; alterum verò pœnitudini subiacet, & est involuntarium secundum quid, quia si veritas detegatur, victor tenebitur ad restitutionem, culpabitque priorem electionem ut invo-

luntariam, quia in errore fundatam. Atque hæc de bello dicta sufficiant, quia ostendunt, Celladeum in hac re triumphasse ante victoriam, & in omni apice, ad causam nostram spectante, causâ cecidisse.

QUÆSTIO VIGESIMA- PRIMA.

*Vtrum usus probabilium contradictoriorum aquivaleat sententiæ
Heracliti, qui dixit utramque simul partem contradictionis
esse veram.*

Quidam
docuerunt
contradictoria
esse simul
vera.

1.  ELLADEUS lib. 1. quæst. 16. primò ex Aristotele 4. Metaphysicorum proponit, Heraclitum olim dixisse, rem eandem simul esse & non esse, & consequenter, tam affirmantes, quàm negantes idem, verum dicere. Deinde offert sententiam Pythagoræ, seu potiùs cuiusdam Protagoræ, qui arbitratus est, ipsam veritatem nos prorsus latere, nec inveniri posse. Hinc definiunt illud omne esse verum, quod unicuique videtur esse. Unde quoties contradictoria nobis videntur, illa sunt vera. Itaque utraque hæc sententia in eo convenit, quòd contradictoria simul sint, aut esse possint vera. Tum citat Academicos, qui affirmabant, nil potiùs verum esse quàm falsum, sed omnia per probabile & verisimile determinabant.

His præjactis, Celladeus; omissis in præsentì Academicis, contendit, eadem inconvenientia provenire ex usu licito contradictoriorum probabilium, quæ ex Heracliti ac Protagoræ opinionibus sequuntur. Verùm adeò infelicitè atque præter omnem probabilitatem, ut quæstio mihi visa sit nulla confutatione indigere. Nihilominus, quia benignam sententiam sub mirabili prætextu impetit, atque Auctores, probabilium usum approbantes, indignissima comparatione traducit ac vilipendit, prætermittenda non est; tum ut Auctores dignissimos, nil tale merentes, ab injustissima comparatione & nota defendam, tum ut quod benignæ sententiæ adversari videtur dissolvam. Sit ergo.

ASSERTIO PRIMA.

Equiparatio inter Auctores benignæ sententiæ & Philosophos antiquos proximè nominatos, atque inter horum & illorum doctrinas citatas, est in se absurdissima, & Auctoribus Catholicis pietatis ac sapientiæ laude clarissimis maximè injuriosa.

2. **P**ROBATUR, ac declaratur assertio. Antiqui illi Philosophi inprimis negabant quidquam esse certum; ac proinde omnes absoluebant à conatu ac diligentia inquirendi ipsum verum ac certum, quia stultum esse dicebant la-

borare ac conari ad inveniendum, quod quis credit inveniri non posse. Deinde dicebant, hominem, ut benè operetur, non obligari ad determinandum intellectum ad unam partem contradictionis, sed sufficere, si citra assensum faciat, quod ipsi ita repræsentatur sub specie boni, ut allicere possit voluntatem. Ita expressè docebant Academici. Protagoras autem & Heraclitus; si consequenter ad sua principia loquantur, aliud ad rectè operandum non requirunt, nisi quòd res videatur & appareat bona, eo ipso enim habet, quòd ipsi ad veritatem requirunt. Et quidem Protagoras volebat nos judicare rem esse verè bonam (hoc enim erat judicare de subiecto secundum illum non supponente & ininvenibili) sed solum habere meram apparentiam, seu apprehensionem boni. Tertiò nullam sollicitudinem habebant, quæ & quanta esset ista apparentia, sed qualicumque contenti erant. Academici, modò voluntas moveri posset, intellectu nil affirmante; Heraclitus & Protagoras eo ipso veritatem admittebant, quòd res apprehensæ ullam veritatis speciem præ se ferrent; neque enim in suis principiis aliter discurrere poterant. Unde quartò demum, nemo istorum inter vincibilem & invincibilem veri apparentiam distinguebat, nec de ejusmodi diversitate sollicitus erat, ut patet.

3. E contra Doctores Catholici, benignæ sententiæ patroni, omnia istis contraria firmissimè tenent. Inprimis disertè asserunt, plurima esse certa, atque cum respectu ad solum certum omnia nostra studia & operationes instituendas esse tradunt. Omnium constans assertio est, quòd in rebus incertis nemo partem minùs tutam licitè sectari possit, nisi priùs veritatem diligenter investigaverit, feceritque quantum potuit & debuit, ut veritatem ipsam inveniret. Nec hanc diligentiam contenti sunt, sed insuper addunt, hominem sectantem minùs tuta non aliter à peccato liberari posse, quàm si dictâ diligentiam præmissâ per rationes directas vel reflexas determinaverit intellectum ad eam partem contradictionis credendam, quam in praxi sectatur, formetque conscientiam ac bonam fidem, quâ absolute credat, objectum illud esse licitum. Neque hinc sistunt hi Auctores, sed adhuc exigunt, ut fides illa bona, ac conscientia permittens non leviter, non ex

Errores idè
tolerandi
Antiquorù.

Opinio be-
nigna per
omnia He-
racliti opi-
nioni oppo-
nitur.

Celladeus
de honestat
Auctores
gravissimoz.

ex passione ac libidine, sed ex motivo certò gravi ac prudenti concipiatur, id est motivo certò probabili, seu absolute & comparative magno ac plerumque non fallenti. Adeo ut per omnia quàm maxime distent à sententia illorum philosophorum, illisque in omnibus aperte contradicant.

Opiniones istæ absurdissimè comparantur.

4. Jam quod ad doctrinam dictorum Philosophorum attinet, illa est evidenter falsa, atque ut talis non solum à Catholicis omnibus, sed etiam ab Aristotele, aliisque melioris notæ Philosophis rejecta & explosa fuit. Sententia autem benigna non clanculum, non ab uno vel altero, sed ubique, ab innumeris, imo ab omnibus omnino Ecclesiæ Doctoribus per integrum sæculum proposita & approbata fuit, tamquam regula sufficiens ad conscientiam rectè formandam. Nec hoc illi pertransennam dixerunt, aut rem levi manu percurrerunt, sed quætionem à fundamento exactissimè discusserunt, innumerisque ac fortissimis rationibus, quas nemo hactenus, nec Celladeus quidem toto suo conatu, elidere aut debilitare potuit, eam confirmarunt. Jam quæ comparatio absurdior esse potest, quàm impios atque absurdissimos Philosophos cum sanctissimis doctissimisque Doctoribus ob doctrinas tam dissimiles comparare, atque prætereundum non minora absurda ex benigna sententia sequi, si illa pro regula conscientie adhibeatur, quàm ex evidenter falsis Heracliti atque Protagoræ opinionibus sequantur, si homines illis pro vita & moribus regulandis utantur? Quò te vexit ardor disputandi Celladee, ut hoc videres? non magis distat nox à die, quàm tenebrosa & evidenter falsa horum Philosophorum opinio à rationabili & solidè probata Catholicorum doctrina. Illa viam libertati aperit, ut quæcumque enormia, non solum absque sceleris nota, sed etiam cum laude patrari possint. Hæc ita hominem ligat, ut nil absque scelere facere possit, de cujus honestate, post debitam diligentiam, judicium prudens non habeat. Nil ergo vidisti in sententia benigna, quod comparisonem istam mereatur, quæ proinde & absurda est, & Doctoribus præstantissimis injuriosa.

Qui graves Auctores vilipendit, terminos decori transgreditur.

5. Quid diceres, Celladee, si ego, quod à me longissime absit, dissertationes tuas stultissimæ Heracliti opinionationi compararem? Nonne viderer honesti terminos transgressus, si comparationem ingeniosa & docto, qualis es, Theologo tam indignam instituerem? Nisi fallor id ægrè boni consuleres. Sed quid si idem de S. Thomæ, vel Scoti, omniumque, qui illos sequuntur, sententiis dicerem? Nemo certè non intolerandæ temeritatis me argueret. Tu tamen non unius, aut alterius Auctoris, ejusque asseclarum opinionem, non tantum Thomistarum aut Scotistarum, sed omnium omnino Auctorum unanimem sententiam hac comparatione dehonestare, & quod plus est, parti inconvenientium sequela tamquam prorsus inevitabili explodere non es veritus. Certum tamen est, rationes tuas exigui ponderis ad tantam accusationem inchoandam, & nullius roboris esse ad eam evincendam, ut ex dicendis mox constabit.

ASSERTIO II.

Equiparatio dicta, inter benignam sententiam & dictorum Philosophorum opiniones, aperta veritati repugnat, & nullo prorsus fundamento innititur.

Equiparatio à Celladeo facta aperte veritati repugnat.

6. **P**ROBATUR. Opiniones, quæ quoad asserta & illationes ex illis facile ac legitime deductas prorsus opponuntur, non nisi contra apertam veritatem equiparari possunt, tamquam eorundem absurdorum origines. Atqui talis est benigna sententia & dictæ Philosophorum opiniones. Ergo non nisi contra apertam veritatem dicta ratione equiparantur. Major patet. Probatur minor. Et quidem quòd asserta utriusque opinionis prorsus opponantur, constat ex dictis in assertione prima. Quòd verò illationes ex illis facile ac legitime deductæ etiam contrariantur, non solum ex eo evincitur, quòd ex contrariis & repugnantibus assertis non nisi contraria & repugnantia legitime deduci soleant; sed ex ipsa præcipuarum illationum enumeratione. Ex Heracliti & Protagoræ opinionibus sequitur primò, nil esse magis honestum quàm turpe. Sequitur secundò, omnia esse bona & honesta, quæ vel videntur, vel creduntur esse talia. Sequitur tertio, hominem eo ipso rectè operari, si quod agit non magis reputet verum quàm falsum. Unde qui in dubio operatur, tutus est à malo, modo absolute non existimet, illud quod facit bonum esse vel malum. Hoc Academici expressè & per modum Thesis præcipuè tradebant. Sequitur quartò, operationes liberas ac maxime humanas, ex quibus beatitudo vel miseria post mortem dependet, non à judiciis, sed ab apprehensionibus atque dubiis regi debere, nullamque sollicitudinem adhibendam pro veritatis indagatione, sed quamvis apparentiam sufficere. Nec alia similia desunt, quæ ex fatuis & explosis illorum Philosophorum opinionibus facile ac legitime deducuntur. At omnia directè opposita inferuntur ex benigna sententia. Illa enim docet, neminem excusari, si sectetur pattem minùs tutam, nisi bonæ fide determinet intellectum per rationes certò prudentes & probabiles ad existimandum objectum illud esse licitum. Hinc autem evidenter sequitur, non omnia esse honesta, quæ talia videntur, aut etiam creduntur, quia nemo per errorem vincibilem excusatur. Deinde ex eadem sententia evidenter sequitur, aliqua esse mala, quæ nulla ratione honestari possunt. Talia sunt ea omnia, quorum turpitudine per se patet, aut honestas sufficienter probari non potest. Tertio aperte sequitur, omnem illum peccare, qui dubius de honestate sui operis aliquid agit. Demum secundum hanc sententiam, vita & actiones humanæ non apprehensionibus & dubiis, sed solis judiciis, atque discursibus, id est perfectissimis intellectus operationibus ita regulantur, ut tamen non qualecumque judicium aut discursus ad rectè operandum sufficiat, sed ille solum, qui post diligentem ac debitam veritatis indagationem motivo certò prudenti nititur, atque objecti honestatem bona ac prudenti fide voluntati repræsentat. Ergo tam asserta quàm illationes benignæ sententiæ Heracliti ac Protagoræ assertis & illationibus per omnia contrariantur. Ergo contra apertam veritatem Celladeus comparationem præstatam instituit. Porro quod

eadem comparatio omni fundamento careat, ex solutione objectionum seu rationum Celladei mox aperte constabit.

SOLVITUR PRIMA OBJECTIO,

Et agitur de iustitia belli rationis.

Bellum rationis an possit esse utrimque iustum?

7. **O**BJECTIT primò. Ex opinione Heracliti & Protagoræ sequeretur bellum rationis esse utrimque iustum, quia utraque pars contradictionis esset vera. Ergo contentio & contradictio rationis esset utrimque vera. Ergo iusta & laudanda; quia utraque pars pro veritate pugnaret, quo nil honestius. Hoc idem sequitur admissio probabilium contradictoriorum usu, quia ex probabilibus liberum est alterutrum prudenter opinari, & judicare. Ergo erit juxta rectam rationem alterutrum opinari. Ergo & tueri ac pro illo certamen inire. Et sicut in Philosophorum illorum opinione uterque contradicentium iuste contendit, quia verum dicitur in casu nostro uterque contradicentium iuste contendit, quia recte & juxta rationem opinatur. Ergo recte iustæque contendit.

Sed è contrario sequitur, idem bellum esse utrimque iniustum; quia recte iustæque dicenti non est resistendum, sed consentiendum, & dicendum, recte dicitur. Ergo per contradictorium iniuste impugnatur, quali non bene iustæque loqueretur. Ergo sicut in opinione Heracliti omnis contradictio est iniusta ac bellum iniustum, quia veritati non est contradicendum. Sic admissio usu probabilium, omnis contentio in probabilibus erit iniusta, & bellum rationis utrimque iniustum. Jam lumine naturæ constat, sequelas istas esse absurdas. Absurdum ergo est admittere usum probabilium esse licitum, ex quo istæ sequelæ inferuntur. Ita Celladeus lib. 1. quæst. 16. §. 1.

Celladeus arguit ex subiecto non supponente.

Respondeo, in sententia illorum Philosophorum, nullum prorsus bellum rationis esse posse. Ad bellum requiritur resistentia unius partis contra aliam; ubi enim nulla est resistentia, ibi nulla lis aut contentio, nulla rixa aut bellum, sed pax & concordia summa. At in illorum opinione veritas unius partis secum patitur veritatem contradictoriæ oppositæ, nec illam repellit, resellit, aut destruit. Nulla ergo species belli rationis in ea sententia inveniri potest. Itaque licet in hac hypothese utrumque ex judiciis contradictoriis tenderet in veritatem, ideoque intellectus sic tendendo verè ac rectè judicaret; non tamen bellaret contra veritatem alterius iudicii, nec illud excluderet, quia utrumque simul quietè consisteret. Itaque fundamentum huius paritatis atque comparationis, à bello rationis desumptæ, procedit de subiecto non supponente, & si præse loquamur, ac hypothese strictè retineamus, nullum in ea rationis bellum haberi potest, sed summa concordia conservatur.

8. Verùm quamvis opinio illa sit prorsus fatua, eò quod asserat, contradictoria esse simul vera, quod est evidenter impossibile, non tamen volo Celladeum, dictæ inconsequentiz jam convictum, animis cadere; ego illi concedo totum quod cupit, nempe bellum rationis in ea hypothese esse utrimque iustum, & utrimque iniustum, hæc enim contradictio æquo jure admitti potest, ac ulla alia. Imo quod plus est, illi do (quod tamen falsum est) sequelam hanc de bello rationis utrimque simul iusto & iniusto legitimè

inferri ex stultissima illorum opinione, quia dato uno impossibili, necesse est innumera alia ex illo deduci. Quid inde? putatne, illationem illam merito reprehendi posse, si antecedens concedatur esse verum? Nihil minus; nil enim absurdum in consequenti invenies, quod in antecedenti non eluceat. Sed esto, consequens sit absurdum, & antecedente absurdius, mucò sermo sit de bello rationis materialiter iusto & iniusto, nil inde contra doctrinam de licito probabilium usu deduci potest, quia illa non concedit duo contradictoria esse simul vera, cum tamen illationes istæ in alio non fundentur, nec ex alio inferri possint, quàm quòd duo contradictoria concedantur esse vera.

Dices, ex licito probabilium usu sequitur, bellum rationis utrimque fore iustum, simul & iniustum.

Respondeo inprimis, hoc non magis sequi ex eo, quòd usus probabilium dicatur licitus, quàm quòd dicatur illicitus. Ratio est evidens, quia bellum rationis æquè viget inter probabiliamerè speculative, quæ praxi non deserviunt, nec in praxim ullatenus reduci possunt, quàm inter probabiliamoralia & practica, quæ praxim dirigunt. Ergo sequela hæc incongruè obijcitur contra benignam sententiam, tamquam absurdum singulariter ab ea dependens, quod ipsam falsitatis singulariter evincat. Non ergo rationabiliter dixerit Celladeus, cur hæc singulariter contra benignam sententiam objecerit.

9. Atque hinc est, objectionem hanc ab ipso Celladeo in probabilibus saltem speculative esse solvendam. In illis enim utraque pars iuste sentatur suam sententiam, quia neutra ex cotitulo iuste reprehendi potest; quamdiu enim certitudo veritatis latet, qui probabili fundamento uni parti adhæret, licet ac prudenter opinatur, & quod plus est, iuste operatur. Alioquin Celladeus de se ipso aliisque omnibus sateri debet, quòd in omnibus suis assertionibus tam Philosophicis quàm Theologicis à veritate aberrantibus, quæ haud dubiè sunt quamplurimæ, illicitè ac imprudenter opinatus, & iniuste operatus sit; quod vix concedet, & si concesserit, sibi aliisque injurius erit, se enim aliosque in eo vituperabit, in quo magna laude dignifunt. Ecce quàm miserum argumentum, quod ipsum arguentem premit, & si consequenter ad propria principia in argumento expressa procedat, prorsus opprimit, cum nos, in quos torquetur, non tangat.

Retorquetur argumentum.

10. Respondeo secundò, bellum rationis dupliciter esse posse iustum; primò materialiter simul & formaliter, secundò solum formaliter. Bellum rationis dicitur materialiter simul & formaliter iustum, quando intellectus sine errore pro veritate dimicat. Porro hoc bellum rationis eò iustius est, quòd certius est, quòd veritatem propugnet. Sic iustius dimicamus contra hæreticos in punctis ab Ecclesia decis, quàm contra Catholicos in rebus incertis & utrimque probabilibus, quia certi sumus, veritatem à nobis stare contra hæreticos; formidamus autem, ne veritas in rebus incertis & utrimque probabilibus adversariis faveat. Rursus bellum rationis dicitur solum formaliter iustum, quando intellectus rationabiliter contra veritatem dimicat, putans se pro veritate dimicare; ideo autem bellum hoc rationis dicitur iustum, quia qui pro veritate tantum apparente contendit, jus habet ad talem licentiam & contentionem. Evidens enim est, unumquemque in rebus incertis, quamdiu veri-

Bellum rationis aliud materialiter, aliud formaliter iustum.

tas latet, habere jus eam investigandi, ac pro ea, probabiliter aut certe probabilius apparente, strenue dimicandi. Hoc jus, certum & liquidum, est unica causa formalis, quæ bellum rationis denominat formaliter justum. Hinc fit, ut bellum rationis materialiter injustum sæpe sit formaliter justius illo, quod materialiter simul & formaliter justum est. Hoc autem tunc contingit, quando falsa sunt probabiliora veris, quod certe sæpe numero evenit. His positis.

In probabili-
bus bellū
rationis sæ-
pe est for-
maliter ju-
stū utrim-
que.

11. Dico bellum rationis esse utrimque formaliter justum, quamdiu versamur in incertis, & utraque contradictionis pars est probabilis; idque locum habet tam in purè speculativis, quam in moralibus ac practicis. Ratio est, quia Auctores utriusque partis habent jus naturale ad veritatem omni conatu inquirendam, eamque, ubi certò inveniri non potest, probabiliter inventam serò defendendam. Quod adeo perspicuum est, ut mirer quomodo Celladeum latuerit. Jam in hoc casu bellum ex una solum parte est materialiter justum, & ex altera tantum est injustum materialiter, quia una ex contradictoriis verum dicit, & altera falsum. Porro absurda, quæ ex Heracliti ac Protagoræ opinione sequuntur, in alio non fundantur, quam quòd bellum utrimque sit simul materialiter justum & injustum; quia in hoc solo invenitur contradictio, & absurditas prætenfa. Itaque quoad formalem contrariam disputationum justitiam, admitto illam comitari licitum opinionum probabilium usum, sed nego eam in illo fundari; fundatur enim in natura intellectus, ac in innato sciendi desiderio. Hinc enim constat, unicuique jus esse, ad veritatem per media probabilia indagandam, suamque opinionem, semel stabilitam, defendendam, quamdiu veritas latet, & propria opinio, certò probabilis, ipsi videtur rationabilior quam opposita. Simile jus favet alteri, ratione cujus laudabiliter suas quoque partes defendit, atque omnes sibi adversantes impugnat, eosque ad suam sententiam trahere conatur. Nec puto quemquam inter mortales (nisi torè Celladeus, quod tamen vix credo, aliter opinetur) hoc negare, aut in dubium revocare. Itaque hæc illatio in natura intellectus & veritatis probabiliter tantum apparenti fundatur. Ergo per accidens est, quod in moralibus aut physicis, in practicis aut speculativis locum habeat. Ergo hæc illatio imperitè obijcitur contra licitum probabilium usum, tamquam propria illius soboles, cum in causa longè universaliiori fundamentum habeat.

Replica.

At, inquit, si bellum hoc sit utrimque justum formaliter, erit etiam utrimque formaliter injustum, quia non solum verè, sed etiam rectè justèque dicenti non est resistendum, sed consentiendum, & dicendum, rectè dicu. At qui unam contradictionis partem sequitur, justè facit, & rectè opinatur. Ergo injustè facit, qui contradictorium promovet, quia rectè & justè opinanti resistit.

Retorque-
tur.

Respondeo. Ergo Celladeus injustè fecit, quoties aliorum sententias in Philosophicis ac Theologicis impugnavit; certum enim est eos omnes, aut plerumque justè ac rationabiliter suas sententias tenuisse, ac proposuisse. Ergo impugnavit justè ac rectè dicentes. Ergo injustum bellum movit.

Aliquando
justè dicen-
ti justè resi-
stitur.
Et quando?

12. Respondeo secundo directè, licitum esse non solum rectè, sed etiam vera loquentes impugmare, quando veritas certò non constat, sed per probabiles tantum conjecturas cognosci po-

test. Verum hæc iterum æquivocavit Celladeus; dupliciter enim justè loquenti resistere possumus: primum ostendendo illum non dicere verum, sed errare; ideoque conando contrariam persuasivam in mentem ejus & aliorum inducere. Secundo impediendo, ne ille seipsum defendat, aut rationes pro sua sententia afferat. Qui in probabilibus hoc secundo modo taceret, injustè bellaret, quia alterum jure suo privaret. At si illum non impediat, sed solum coram rationis tribunali causam suam agat, ut victoriam reportet, non injustè agit, justè dicenti contradicendo; quia jus, quod facit alterum justè ac rectè dicere, solum postulat, ne impediatur rationes suas afferre, & ad judicium rationis provocare. Ergo dicta illius impugnare ut falsa nulli juri repugnat, quia per hoc non impugnantur tamquam non justè, sed injustè allata. Hæc omnia evidentissimè patent in exemplo litigantium coram judice de suis juribus. Uterque putat jus sibi tantum favere, ideoque uterque justè litigat coram judice. Nec quisquam dubitare potest, quin uterque justè agat; cum certum sit, utrumque habere jus afferendi suas rationes ut veras, & refellendi oppositas ut falsas. Itaque sicut neutra pars dicitur alteri justè facienti resistere, modò non impediat quò minus rationes suas liberè promat, quamvis eas ut insufficientes ac nullas refellere conetur, quia jura partium solum exigunt, ut liberum sit rationes judici proponere, non verò ut illæ omni conatu non refellantur. Ita pariter in casu nostro, utraque pars justè facit contendendo, suasque rationes proponendo, nec per hoc resistit justè facienti aut dicenti, quia non impedit rationes in contrarium afferri, ad quas afferendas utraque pars jus indubitatum habet, sed solum insurgit contra rationes jam allatas, ostendendo illas esse falsas, & insufficientes, ut sic intellectus tandem non illis, sed suis argumentis assensum præbeat.

SOLVITUR II. OBJECTIO,

Et agitur de litè intellectuali.

13. **O**BJECIT secundò. In sententia Heracliti omnes lites essent interminabiles, quia nulla lis aliter terminatur, quam ferendo sententiam pro una parte, alteram condemnando. At hoc licitè fieri nequit, si utraque contradictionis pars sit vera. Ergo in ea hypothese omnes lites essent interminabiles. At eadem controversiarum interminabilitas sequitur ex licito probabilium usu. Nam nulla lis aliter terminari potest, quam ostendendo alterutrum contendendum non rectè dicere, & contrarium dicere debuisse. At hoc nequit fieri in probabilibus, magis quam in sententia Heracliti; quia uterque contendendum rectè dicit, sicut in sententia Heracliti uterque dicit verum. Ergo idem absurdum ex utraque sententia inevitabiliter sequitur. Et sanè experientia ipsa hanc disputationum interminabilitatem nimis patenter evincit. Jam scholæ per integras ætates de eisdem controversiis disputant, nec ex sunt adhuc magis terminatæ, quam erant ab initio. Hoc fieri potuit ex vitio alterius partis, quæ sine fundamento sufficienti parti rationem habenti diu obliiit. At admisso probabilium usu, qualia sunt scholarum placita, omnis causa sit per se interminabilis & sempiterna. At sequela est contra lumen rationis, quia nemo moveatur ad quidquam, quod apparet impossi-

possibile. At omnes movemur ad disputandum. Ergo omnes lumine naturæ credimus victoriam esse possibilem, nosque posse adversarios malè dicti convincere. Ita Celladeus *lib. 1. quæst. 16. §. 1.*

Argumentum procedit de subiecto non supponente.

Respondeo, argumentum ex parte hypothesis de opinione Heracliti procedere de subiecto non supponente; in illa enim opinione omnis lis terminata est, immo, ut antea dixi, nulla lis est possibilis, quia utraque pars est vera, nec veritas unius alterius veritati repugnat. Itaque de essentia litis est, ut supponatur utraque pars contradictionis simul vera esse non posse. Hoc supposito, fateor, litem aliter terminari non posse, quam ferendo sententiam pro una parte, alteram condemnando. Hoc principio admissio, quamvis ex illo sequeretur, omnem litem in probabilibus esse interminabilem, nihilominus id licito probabilium usui perperam tribueretur, quia si ille licitus sit, sive illicitus, eadem interminabilitas in quæstionibus merè speculativis reperitur. Eravit ergo Celladeus, dum hoc licito probabilium usui adscripsit tamquam absurdum ab illo singulariter dependens. Præterea in rebus speculativis utrimque probabilibus ipse tenetur idem argumentum solvere, quia eadem ratio & experientia probat, illis esse non minùs interminabiles, quàm sint lites & disputat ones de rebus moralibus, & licito probabilium usu, ut patet.

Omnis lis intellectualis est terminabilis, maxime in moralibus.

14. Sed omisissis istis inconsequentis, respondeo, litem dupliciter terminari: primò apud judicem finalem, à cujus sententia non datur appellatio: secundò apud judicem non finalem, cujus sententiæ pars damnata non tenetur stare, sed ab ea appellare potest ad alium judicem. Jam loquendo de prima litis terminatione, dico nullas de rebus probabilibus lites esse per se loquendo interminabiles. Inprimis multæ opiniones olim probabiles, post longam veritatis indagationem, jam improbabiles evaserunt, ideoque lis in illis jam terminata est. Jam hoc frequentius accidit in moralibus, quàm in speculativis. Ergo tantum abest ut probabilitas in moralibus, aut licitus probabilium usus controversiarum terminabilitati repugnet, ut potiùs eam faciliat, quia singularem & longè majorem in rebus examinandis diligentiam requirit, quàm in rebus purè speculativis. Ex hac autem majore diligentia factum videtur, ut lites frequentius in rebus moralibus, quàm in speculativis terminentur. Porro, quod rarò eveniat lites istiusmodi finaliter terminari, non oritur ex ipsa notione probabilitatis, aut per se connectitur cum ratione litis, sed desumitur ab ignorantia humana & difficultate eam superandi, ideoque solum per accidens connectitur cum natura litis, ac controversiæ intellectualis, ut patet. Sic ex litibus in foro externo agitat, alias aliis diutius pendere cernimus, nec ideo censendæ sunt interminabiles, sed sperantur aliquando terminandæ. Nam si ob ignorantiam humanam, & rationes hinc inde æqualiter apparentes, contingat, litem aliquam esse per accidens interminabilem, id absurdum non est, quia non oritur per se ex rebus ipsis, sed per accidens ex humana ignorantia, ut patet. Et hætenus quidem locutus sum de ultima terminatione litis per solam conspirationem judicem inferiorum, absque sententia judicis finalis seu Ecclesiæ. Hoc enim proprium est in dubiis moralibus, ut illa habeant judicem finalem & inappellabilem, ut mox dicetur.

15. Cæterum loquendo de terminatione litium intellectualium per judicem non finalem, lites intellectuales faciliùs & frequentius terminantur, quàm lites in foro. Certe plerumque evenit in foro exteriori, ut lis ab uno judice terminata in favorem unius partis, ab alio judice in favorem partis adversæ dijudicetur. Unde lites rarò aut nunquam finaliter terminarentur in foro illo, si pars condemnata ad alium judicem provocare posset. Huic malo ut obviaretur, statutum est, ut aliquod iudicium sit ultimum, quo lis tandem dirimatur. Jam in rebus probabilibus ac controversiis scholasticis toties lis terminatur per judicem non finalem, quoties intellectus, re perpena, absolute adhæret uni parti ut veræ, & alteram ut absolute falsam repellit. Itaque dissolutiones scholarum per integra sæcula litigantium frustra allegantur, quia jam à tot sæculis causæ illæ determinatæ fuerunt apud suos sectatores, à quot controversiæ illæ fuerunt agitatæ. Nec obstat determinationem causæ non esse talem, ut ab aliis iudicibus admitatur, nam illi pro parte opposita iudicium ferunt. Ratio autem est, quia nemo ex iudicibus istis constitutus est pro iudice ferente sententiam ultimò decisivam, sed unaquæque pars est sibi iudex, nec alteri subesse cogitur. Itaque utraque pars pro se fert suam sententiam, & causam apud suum tribunal terminat, licet altera pars non acquiescat, sed causam ad suum tribunal revocet, & oppositum per suam sententiam probet. Similiter hoc modo lis terminatur, quoties aliquis post rem consideratam mutat sententiam, quod sæpe evenit. Porro quod rarò feratur sententia decisiva, quæ omnibus satisfaciat, oritur ex ignorantia nostra, quæ veritatem certò detegere non potest, sed solum per probabiles rationes conjectare. Porro rationes illæ non æquè placent omnibus, sed aliquæ ab his, oppositæ ab aliis præferuntur, atque ideo lis apud omnes pro eadem parte non terminatur, sed ab his uni, ab illis alteri adjudicatur. Idem porro in iudicio fori externi eveniret, nisi per leges cautum esset, ut iudicium ultimum & inappellabile constitueretur. Hoc tamen iudicium, non est ultimum ex sua natura, quia sæpe est erroneum, & aliis iudicibus æquè doctis displicet, & pro falso habetur. Constituitur ergo ultimum per leges, à quibus jus confertur parti, in cujus favorem sententia pronunciatur.

Lites intellectuales faciliùs terminantur per sententiam non finalem, quàm lites fori externi.

16. Jam Deus pro controversiis istis probabilibus ultimè componendis iudicem nullum constituit, cujus sit de omnibus & singulis istis sententiam ferre. Cæterum hac in parte moralia speculativa universaliter sumptis præstant, quia pro omnibus moralibus, Deus iudicem non solum inappellabilem, sed etiam infallibilem constituit; nempe Ecclesiam, cujus sententiæ omnes statim acquiescimus. Atque utinam Ecclesia de omnibus & singulis sub ejus tribunali contentis sententiam pronunciasset, ut sic in omnibus ipsam nudam veritatem sciremus. Verùm cum hoc factum non sit, nec possit commodè fieri, necesse est, plures esse iudices in istiusmodi causis, atque ideo rarò sit, ut omnes in eandem sententiam trahantur, licet id absque Ecclesiæ decisione in pluribus casibus eveniret. Hæc si Celladeus cogitasset, nunquam circa hanc scholasticarum controversiarum diuturnitatem ac interminabilitatem frustra in apertis æquivocationibus tempus trivisset.

Pro moralibus datur iudex inappellabilis, & infallibilis.

17. Ex his patet responsio ad singulas propositiones objectionis. Inprimis lis in probabilibus termi-

Judex litem terminans non declarat Auctores partis contrarie non rectè dixisse.

terminatur, quando quæstio per absolutum judicium de veritate unius partis solvitur. Jam quod Celladeus dicit, litem non terminari, nisi ostendendo partem alterutram non rectè dicere, sed debuisse dicere contrarium non est verum, nisi rectè idem significet ac verè. Si enim rectè dicere significet prudenter ac justè judicium elicuisse, falsum est litem non posse terminari à judice, nisi ille asserat, judicem contraria determinantem non rectè dicere. Certè in foro externo judex ultimus solum probabiliter declarat, priores judices non attigisse veritatem, sed non negat eos rectè suo munere functos, si rectè non idem significet, ac verè, quia scit judicem priorem non temerè, sed prudenter judicasse, & juxta obligationem sui officii sententiam tulisse, eundemque ac alios fortasse correcturos hanc ipsius sententiam, si illa ad eorum tribunal iterum revocetur. Ergo à fortiori lis Scholastica terminari potest, imo solet terminari per hoc, quod pars opposita declaretur falsa, quamvis ejus patroni nec imprudentiæ nec injustitiæ damnentur, imo quamvis declarentur probabiliter ac prudenter judicasse, suumque munus implevisse supponantur.

Idem ulterius declaratur.

18. Hoc posito, nil refert, quòd sicut Heraclitus dixit, judicium utriusque partis esse verum, sic nos dicamus, judicium utriusque partis esse rectum, modò judicia illa in diversis intellectibus ponantur; ille enim evidenter erravit, quia idem prorsus de eodem secundum idem affirmabat, & negabat. At nos in hoc saltem assero evidenter verum dici, nec idem de eodem affirmamus, & negamus, ut patet. Et sanè sicut sæpe in foro externo certum est, judices contraria judicantes rectè & laudabiliter judicasse, ita nemo idem negare potest in controversiis scholasticis, nisi Sanctos Thomam & Bonaventuram in multis sibi contradicentes criminis arguat.

19. Secundò in eo erravit Celladeus, quod supposuerit, lites circa probabilia esse interminabiles; ostensum enim est, quomodo terminentur, & finaliter terminari possint. Porro sola interminabilitas absoluta, utpote excludens omnem terminationem tam privatam quam publicam, tam finalem quam non finalem, est absurda; nam interminabilitas quædam per judicium infallibile, stante ignorantia humana, in multis est prorsus necessaria. Sic pauca lites terminari possent in foro externo, si illæ sine certitudine & infallibilitate terminari non possent. Cæterum ne homines irremediabiliter priventur bonis suis, respublica statuit aliquod judicium finale, per quod lites terminentur. Verùm terminatio ista non oritur ex vi judicii, ut patet, sed ex lege reipublicæ, quæ cum sit suprema Domina bonorum temporalium, supplet defectum judicii, & illo mediante, transfert dominium in partem, cui lis adjudicatur. Jam lites de moralibus certius determinari possunt per Ecclesiam, ut patet; imo sæpe terminantur etiam finaliter per novas rationes, & Doctorum consensum. Non ergo ferimus in impossibile, quando disputamus, quia ad aliquam ex terminationibus dictis tendimus. Plerumque tamen ad privatam respicimus, ita tamen ut remorè speremus, ultimam terminationem, partim nostrâ, partim alienâ industriâ perficiendam; nonnunquam etiam ad Ecclesiam recurrimus, & ab ea infallibile responsum, ac certissimam litis decisionem expectamus.

SOLVUNTUR ALIÆ OBJECTIONES.

20. **O**BJICIT tertio. Utraque pars contradictionis in plurimis est probabiliter vera. Porro verum probabile est sufficiens regula morum. Ergo in ordine ad mores regulandos in omnibus probabilibus perinde est, siue Heracliti sententia teneatur, & utraque pars contradictionis dicatur absolute vera, siue benigna sententia admittatur, & existimemus utramque partem contradictionis esse licitam, quia utraque est probabiliter vera. Sumatur materia cujuscunque virtutis in specie, jam in illa utraque pars erit probabiliter vera. Sic autem est virtus, sicut veritas ejus. Ergo unaquæque virtus est probabiliter in utraque parte simul, sicut veritas ejus. Deinde hoc probabiliter esse virtutis ita sufficit ad mores hominum, sicut ipsum verum esse virtutis. Ergo in omnibus probabilibus eadem absurda quoad mores dirigendos sequuntur ex benigna sententia, quæ ex opinione Heracliti circa eandem materiam sequerentur.

In materia justitiæ vana, immo nulla esset rerum divisio, si sententia Heracliti esset vera, quia unaquæque res esset & non esset mea, esset & non esset tua; esset tua & non mea, esset mea & non tua, &c. Ergo vana esset rerum divisio, quæ ideo facta est, ut hæc res esset mea, non tua; illa esset tua, & non mea, & sic pax & societas servarentur in republica, nec omnia fierent potentiorum. Idem inconveniens ex licito probabilium usu sequi videtur. Nam eadem res est probabiliter mea & tua, & sic probabiliter mea & non mea, tua & non tua; unde si tu es potentior in foro, eris tua, si probabilia etiam in foro valeant. Rursus si pecuniam Regis administres, quæ probabiliter sit tua & illius, erit de facto tua, quia quoad hoc es potentior. Omnis deinde possidens, cæteris paribus, est potentior. Frequenter autem accidit rem esse suam & non suam probabiliter. Jam re & de facto erit sua, & hæc quidem jure ac juxta rationem sequuntur, si usus probabilium sit licitus; quia utrobique est probabiliter justitia, quæ per te tacti est, ac ipsa vera justitia. Ita Celladeus lib. 1. quæst. 16. §. 2.

Respondeo primò. Argumentum à Celladeo solvendum esse in casu conscientie invincibiliter errantis, siue sic errans universaliter arbitretur, utramque partem contradictionis in probabilibus esse licitam, siue in casu particulari existimet, quòd tam liceat pingere, quàm non pingere in die festo, dato quod pingere verè sit opus servile. In casu enim isto homo non peccat, faciendo quod ipsi falsò proponitur ut licitum. Similiter non peccat illud omittendo, quia omissio illius verè est & apparet licita. Ergo si pro istis casibus, qui frequentes sunt, non sit absurdum, eadem quoad licitè operandum in tali materia sequi ex communi ac vera opinione, quæ quoad illud ipsum sequerentur ex opinione Heracliti, si illa esset vera, neque erit absurdum, eadem in universa practice probabilium materia sequi ex utraque sententia, quia in omni judicio falso practice probabili error invincibilis involvitur.

21. Respondeo secundò Argumentum hoc peccare & ratione formæ & ratione materiæ. Peccat ratione formæ, quia dato toto antecedenti, scilicet quòd tam ex benigna opinione, quàm ex sententia Heracliti admissa, æquè inferatur, utramque partem contradictionis in probabilibus esse licitam, non inde sequitur, benignam sen-

Objeccio, quam Celladeus valèdam putat.

Retorqueatur objeccio.

Multiplex nullitas argumenti.

tentiam

Prima peccat ratione formæ.

tentiam esse falsam. Ratio est, quia non sequitur consequens illud, prout ex opinione Heracliti inferitur, aut falsum esse aut absurdum. Non enim omne quod ex falso sequitur est falsum, ut non solum in Geometria ac Arithmetica, sed etiam ex primis Logicæ principiis notorium est; cum omnes norint, quod sæpe ex falso ac absurdo legitima veritas rectè inferatur. Ergo nisi illatum aliunde probetur esse absurdum, non sequitur quod sit tale, eò quòd legitimè deducatur ex falso. Atqui nondum probatum est, quod illatum illud sit absurdum. Ergo argumentum peccat ratione formæ, quia ponitur ut ex hoc præcisè probet, prætersum usum probabilium esse illicitum, quia si opinio Heracliti esset vera, sequeretur eorundem usum esse licitum.

Secunda, peccat ratione materiæ.

22. Peccat etiam ratione materiæ, quia antecedens argumenti est falsum; admissa enim opinione Heracliti, nil prorsus sequeretur, siquidem tam verum esset illud ipsum non sequi, quàm sequi. Universaliter enim quidquid poneretur per veritatem unius partis, illud idem tolleretur per veritatem alterius partis contradictionis. Ergo ita omnia sequerentur, ut nihil prorsus sequeretur. Sed pressius ad rem nostram: ex opinione Heracliti non magis sequeretur, utramque partem contradictionis esse licitam, quàm illicitam; quia si verum esset, utramque esse licitam, verum pariter esset contradictoriè oppositum, scilicet vel unam vel alteram non esse licitam, & quia non esset potior ratio de una quàm de altera, neutra esset licita. Præterea si aliquid simul esset & non esset licitum, utique qui illud poneret, simul peccaret & non peccaret, immo si consequenter loquamur, poneret illud, & illud non poneret, non est enim cur una potius quàm omnia contradictoria sint simul vera. Immo omnia contradictoria essent vera, & non vera, sed falsa. Peccat ergo argumentum etiam ratione materiæ, cum antecedens non sit magis verum quàm falsum, & quod plus est, sit prorsus incongruum ut quidquam ex illo deducatur magis quàm oppositum.

Demum illatio est falsa.

23. Demum falsa est illa illatio, quòd in ordine ad mores in probabilitibus regulandos, perinde sit dicere, quod utraque contradictionis pars sit vera, ac dicere quod utraque sit probabiliter licita; quodque proinde eadem prorsus absurda sequantur quoad mores ex benigna sententia, quæ sequerentur si opinio Heracliti esset vera. Falsa, inquam, est illa illatio, quia in sententia Heracliti sequitur, seu potius supponitur, actionem honestam non esse honestam, & peccatum non esse peccatum, sed idem & esse peccatum & actum bonum, omniaque esse & non esse peccata, esse & non esse virtutes, &c. quo nil absurdius pro regulandis moribus fingi potest. At ex benigna sententia solum sequitur, hominem licitè operari quamcumque partem contradictionis amplectatur in praxi, modò ex probabilitate de honestate operis consurgat ad conscientiam ita formandam, sicut præscribimus illam formari debere. At hoc verum est, nec Celladeus vel per umbram ostendere potest, quòd ex hoc altera contradictionis pars sequatur, nempe quòd homo in eo peccet peccato formali, seu imputabili ratione sui.

Aliquando utraq; pars eadem rationis est certò vera, ali- quando oppositum est certum.

24. Sed ut Celladeus clariùs videat nullitatem sui argumenti, respondeo tertio, utramque partem contradictionis quoad usum sæpe esse licitam, quoad tam, sæpe non esse licitam. Utraque pars est licita, quando propositio affirmans rei honestatem est certò vera, & propositio negans ejusdem honestatem est certò falsa.

Sic licet loqui & non loqui, nubere & non nubere, quia propositio affirmans eorum honestatem est certò vera, & propositio illam negans est certò falsa. Similiter utraque pars est etiam licita, quando propositio affirmans rei honestatem invincibiliter creditur vera, & opposita invincibiliter habetur falsa, nec de hoc est dubium. E contra verò, quoties propositio affirmans rei honestatem est certò falsa, aut per ultimum judicium absolutè reputatur falsa, aut homo de ejus falsitate dubitat, toties utraque pars contradictionis non est licita in praxi, sed peccat quicumque rem illam ponit. Jam autem quaeritur, an utraque pars contradictionis sit licita, quando utraque pars est directè probabilis. Nos affirmamus, & illud variis argumentis reflexis planè evincimus, sed ineptè prorsus argueremus, si ex eo id probaremus, quod utraque pars contradictionis liceat, cum certò constet, quod utraque pars aliquando liceat, aliquando non liceat. E contra, Celladeus negat utramque partem in illo casu esse licitam, sed alio medio non utitur, quàm quòd absurdum sit, utramque partem contradictionis esse licitam, cum tamen certum sit, quod sæpe utraque sit licita. Quid hoc aliud est, quàm utriusque medio evidenter indifferenti ad utramque partem contradictionis, ut ex illo determinatè probes, unam partem contradictionis repugnare cum tali medio? Cogitet hæc Celladeus, & videbit argumentum hoc suum non plus valere, quàm valeret, si contenderet, Titium esse Sanctum & in gratia Dei, quia est Christianus; aut esse ingeniosum & doctum, quia scholam frequentat.

25. Verum, quia Celladeus cupit doctrinam exemplificari in aliqua virtute speciali, juvat exemplum adducere, ut sic veritas benignæ sententiæ, irritusque Celladei conatus clariùs innotescat. Sumamus ergò materiam temperantiæ, in qua quaeritur quænam sit quantitas refectiunculæ vespertiæ, quam absque peccato & jejunii violatione sumere licet. Auctores variant. Multi quartam, multi quintam partem cœnæ ordinariæ assignant; & alii magis arctant; omnes probabiliter, si totum singulorum assertum inspicitur. Nam licet illi, qui minimam mensuram assignant, non probabiliter, sed certò affirmant talem quantitatem esse licitam; tamen non nisi probabiliter loquuntur, quando ex vi rationum directè probantium dicunt, majorem quantitatem esse illicitam. Jam asserta ab istis sunt materia, circa quam temperantia versatur. Asserta, inquam, non assertiones, quia temperantia moderatur cibum & potum, non dirigit opiniones de cibo & potu, eorumque quantitate ac qualitate, ut patet. Hoc posito; quamvis utraque opinio, adæquatè sumpta, sit solum probabilis, virtus tamen temperantiæ non probabiliter, sed certò exercetur in praxi opinionis strictioris ac tutioris, ut patet. Atque in hujusmodi casibus verum est, quod dicit Celladeus, virtutem esse probabiliter in utraque parte simul, quia cum certum sit, quod minima quantitas assignata liceat, & probabile sit, quod major etiam sit licita, utique probabile est, quod in tota collectione praxium contentarum in præscripto utriusque sententiæ veritas reperiatur, & temperantia verè exerceatur. Verum si universaliter loquamur, ut loqui videtur Celladeus, sæpe falsum est, quod virtus ipsa probabiliter sit in utraque parte simul; quia sæpe evidens est, veritatem ipsam virtutis non posse esse in utraque parte simul. Sic qui bona fide possidet rem alie-

Aliquando probabile est, veram virtutem reperiri in utraque ex sententiis contradictoriis.

Sed hoc semper non est verum.

DANA.

nam tenetur eam reddere Domino illam petenti, quando constat rem illam non esse suam. Jam si duo ita prætendant Dominiū, ut uterque probabiliter ostendat, rem ad se pertinere. Probabile erit possessorem elicere actum veræ justitiæ, si neget rem Paulo, quia probabile est, quod Paulus non sit Dominus illius. Idem valet de Petro, si illi res negetur. At si res illa simul negetur utrique illam petenti, eò quòd de illa semel restituta sortes mittere velint, non est probabile, quod justè possit illam utrique negare, seu quod justitia exerceatur in utraque parte simul, quamvis probabile sit, quod in singulis exerceatur; & ratio est, quia est evidens injustitiam committi, si res utrique denegetur, quia evidens est, verum Dominum per illud privandum re sua contra suam voluntatem. Itaque licet probabile sit virtutem exerceri in duabus materiis disiunctivè sumptis, non tamen ideo probabile est, quod exerceatur in utraque simul sumpta, quod certè notandum fuit, ne Lectores ex universali Celladei locutione deciperentur.

Assignatur
regula hoc
dignoscen-
di.

26. Cæterum ut clariùs constet, quando sit, & quando non sit probabile, virtutem ipsam, non solum formaliter sed etiam materialiter sumptam, verè reperiri in omnibus partibus materiæ suæ simul sumptis, hæc sit regula. Quoties duo contradictoria ita respiciunt virtutem, ut una pars determinata sit indubitata ejus materia, & altera probabiliter ad eam pertineat, toties probabile est, virtutem ipsam in utriusque exercitio reperiri. Sic probabile est pictorem debito cultu servare duo festa, licet in uno pingat, in alio non pingat; quia quod utraque pars per modum unius consideretur, non magis infert quod operans in alterutro erraverit, quàm si solam partem minùs tutam posuisset. At quando duæ res ita respiciunt virtutem, ut utraque, disiunctivè sumpta, probabiliter quidem, neutra verò certò ad eam pertineat, simulque certum est, quod altera pars ab ea materialiter deficiat, tunc probabile non est, quod virtus ipsa per se in utraque parte simul inveniat, quia evidens est, quod utraque pars non possit simul esse vera.

Exemplum
Celladei nō
est ad rem.

27. Et sanè, quod Celladeus ex materia justitiæ assert, non est ad rem; quia confundit probabilitatem speculativam de jure, cum probabilitate practica de licito; quamvis enim aliquis administret res ab alio possessas, quæ ad jus singulorum probabiliter pertinent, non tamen est probabile, quod administrator privata auctoritate licitè retinere possit res, quas bonæ fidei possessor illi administrandas dedit. Similiter ex benigna sententia non sequitur, in incertis ac probabilibus potentiōres in judicio externo prævalituros, quia illud æquè favet omnibus, Judicesque ad probabiliora præferenda obligat, ut dictum est. Verum quidem est, possessorem legitimum, cæteris paribus, in rerum possessorum usu omnibus aliis præferri, quia res bonæ fidei possessæ aliter spectant ad possessorem, quàm ad alios, qui æquè probabili jure rem illam sibi vendicant. Neque de his est ullum dubium. Miror proinde, Celladeum talia exempla ad rem non facientia attulisse.

Replica.

28. Dices, nōne absurdum est, utrumque contradictorium esse secundum ipsam virtutem? At hoc æquè sequitur ex licito probabilium usu, sicut ex opinione Heracliti. Quod si utraque pars contradictionis sit secundum virtutem, utraque erit juxta rationem. Ergo utraque habebit veritatem, quæ sola est rectitudo rationis, quia ratio falsa non rectè se habet. Et Philosophus 4. Metaph.

falsò opinantes ægrotantibus comparat. Ita Celladeus loco citato.

Respondeo, utramque partem contradictionis & materialiter & formaliter esse sæpe secundum virtutem, quod adeo evidens est in exemplis alatis, maxime quando pars minùs tuta est vera, ut mirum sit Theologum potuisse de hoc dubitare, aut ad Heraclitum confugere, ut sequelam hanc, tamquam absurdum immane, non nisi ex falsissima illius opinione, aut alia illi æquiparanda ortum, proponeret. Hæc tamen fecit Celladeus, & ita quidem, ut in hoc non aliter gloriatur, quàm si clarum triumphum reportasset. Jam verò, si in casibus ejusmodi opinio minùs tuta sit falsa, tunc utraque pars contradictionis erit secundum virtutem, sed pars tutior per se, pars minùs tuta per accidens.

Sæpe utraque pars contradictionis etiam materialiter est secundum virtutem.

29. Jam utraque pars Contradictionis obiectivæ eodem modo est juxta rectam rationem, quo est juxta virtutem, quia virtus in recta ratione fundatur. Immo quod plus est, utraque aliquando est juxta rationem veram; non quòd contradictoriæ propositiones de eodem obiecto sint veræ, sed quòd obiecta contradictoria, ut pingere & non pingere, sæpe proponantur tamquam materia ejusdem virtutis per cognitiones veras, quia utraque cognitio secundum veritatem affirmat suum obiectum esse licitum. Quod si judicium, probabiliter affirmans partem minùs tutam esse licitam, sit falsum, tunc utraque pars contradictionis ad eandem virtutem & ad rectam rationem pertinebit, sed una per se, altera solum per accidens.

Utraque pars contradictionis obiectivæ sæpe est secundum rectam rationem.

Porro Celladeus in paucis lineis suæ objectionis ab obiectis contradictoriis, seu à materia virtutis, de qua sola nunc agitur, saltat ad actus contradictoriè oppositos, & dicit utrumque non posse esse secundum rectam rationem, quia sic uterque esset verus, quia sola veritas est rectitudo rationis. Verum saltus ille præsentis disputationi incongruus est, ut patet; neque tamen in materia, ad quam saltat, rectè discurret; quia certum est, duos homines elicientes duo judicia contradictoria sæpe formare judicia juxta rectam rationem (sumendo rectam rationem non logicè sed ethicè prout ab Aristotele, & aliis omnibus sumitur in rebus moralibus) quia & qui verum dicit, rectum judicium format, & qui falsum dicit, rectam format rationem, si ex magno ac prudenti motivo invincibiliter erret; absque dubio enim ea ratio recta est, quæ licitam & honestam operationem regulat, tale est illud judicium falsum. Ergo illud est recta ratio, & secundum rectam rationem elicitur. Non ergo sola veritas est rectitudo rationis, si recta ratio sumatur ethicè pro ratione regulante actum honestum, quamvis sola veritas dici possit rectitudo rationis logicè sumptæ, quia in hac consideratione actus non aliunde denominatur rectus, quàm à conformitate cum suo obiecto; in illa verò denominatur rectus ob honestatem, seu rectitudinem volitionis, quam regulat, aut ab appetitu recto, à quo imperatur. Itaque sæpe ratio logicè falsa, ethicè loquendo, rectè se habet; non tamen rectissime; quia veritas, etiam ethicè loquendo, præstat errori. Demum Aristoteles in Metaphisicis logicam tantum judicii rectitudinem considerat, quia omnis alia consideratio ad finem Metaphysicæ est impertinens; atque ideo falsò opinantes ægrotantibus merito comparat; quia sicut ægrotantes à debita corporis temperie, sic illi à proprio fine intellectus declinant. At Philosophus in Ethicis rationem considerat in ordine ad finem

Celladeus saltat ab obiectis contradictoriis ad propositiones contradictorias.

Aristoteles incongruè obijciatur.

finem voluntatis; sic autem omnem rationem, bene regulantem voluntatem, vocat rationem rectam, non veram; rectam quidem, quia rectam operationem dirigit; non veram, quia aliqua ejusmodi ratio à logica rectitudine seu à veritate defleat.

Objectionultima.

30. Objicit demum, Heraclitus in sua opinione haberet, unde in humana consuetudine omnibus placere posset, & nulli. Omnibus quidem, quia utrique dissidentium satisfacere posset, dicendo, tu verum dicis; nulli verò placere posset, quia non minus condemnaret, quam approbaret rationes eorum, ideoque ingens confusio ex illius opinione sequeretur. Idem inconueniens sequeretur, si usus probabilium liceret; possemus enim omnibus partibus inter se contrariantibus favorabiliter respondere. Nam ex mea opinione tecum per omnia consentio, atque per omnia placeo; mox ex aliena opinione probabili, per omnia tuo adversario jus tribuo, & te condemo. Quod si hoc rescitur, haud dubie neutri parti placebimus. Ergo absurda opinionis Heracliti communia sunt benignæ sententiæ. Ita Celladeus §. 2.


Auctores benignæ sententiæ non possunt omnibus placere dicere.

Respondet, sententiam Heracliti nemini peculiariter favere aut nocere, quia, eâ admittâ, & omnia singulis forent prospera, & nihil prorsus illi faveret. Unde illa sententia pro consuetudine humana, & viæ socialis institutione est prorsus inepta, ut patet. Porro nil ejusmodi sequitur ex benigna sententia, nam qui illam sectantur, nec respondent, nec possunt licite respondere, sicut Celladeus jactat. Si enim possessor, cui probabilitas juris favet, petat, an liceat rem probabiliter suam, sed probabiliter etiam alienam, retinere? Auctor benignæ sententiæ respondebit, quod id ita ipsi liceat, ut interim diligentiam ad veritatem inveniendam adhibere teneatur; quod si post debitam diligentiam jus maneat utrimque probabile, poterit rem sibi tutâ conscientia retinere, &c. Et hoc quidem responsum huic parti favet; verum ille, si totam suam sententiam dicat, videbitur favorem minuire, dicet enim, adversarium ipsius licite posse illum in jus vocare, modò tale jus illi faveat, quale communiter censetur sufficiens, ut quis possessori bonæ fidei litem intenter. Ex hac autem lite fieri poterit, ut & rem & jus ad illam per sententiam judicis perdat. Hoc est, quod

huic parti respondere potest & debet, in quem nec totaliter illi favet, nec totaliter illi contradicit, sed quod justum & rationabile est, illi proponit. Jam vero si pars adversa accedat, dicet sibi quidem videri jus ad alterum pertinere (supponitur enim jam quod ita sentiat) nihilominus probabile esse, quod jus ad ipsum pertineat, & non ad alterum. Proinde alterum, privata auctoritate, rei possessione privari non posse, nec aliter licitum esse rem illam sibi acquirere, quam vel conventionem mutua cum possessore, vel certè lite intentata. Ecce Auctor benignæ sententiæ hoc responso secundum quid placet, & secundum quid displicet utrique parti; nil autem eorum, quæ uni dicit, destruit ea, quæ alteri dixerat, &c. sed nec restrictio, quam ponit, destruit partem, cui apponitur, sed solum eam limitat. At in his nil absurdi, nil non rationabile invenitur; & tamen nullus est casus, qui magis faveat argumento, quam quando respondens mediat inter duos litigantes, & respondet illis juxta utriusque jura prætensa.

31. Quod si ad alios casus respiciamus, nil ejusmodi invenietur, si enim quis interroget, an, omnibus inspectis, pro refectiuncula vespertina comedere possit quartam partem cænz ordinariæ, & ego existimem ex rationibus directis id non licere; non ideo simpliciter respondere possum, *non licet*; sed debeo dicere, *licet*; quia: cum illa sententia sit probabilis, ego, qui benignæ sententiæ subscribo, omnibus consideratis, ex vi rationum reflexarum existimo, talem quantitatem esse licitam, etsi ex rationibus directis contrarium sentiam. Unde si ille petat meam ultimam sententiam ac resolutionem, non possum nisi uno modo respondere, quia mea ultima sententia est una, & in omni quaestione uni tantum parti favet. Quod cum sit evidentissimum, evidens pariter est; nos non posse pro arbitratu respondere de quaestione proposita, sed unam tantum partem ultimè affirmare. Unde evidens pariter est, nil quoad hoc commune esse opinioni Heracliti, ac benignæ sententiæ, quia illa utrumque contrarium dicit, & quidquid uni parti concedit, id ipsum illi simul negat. Talia haud facimus nos; & qui ita faceret, illicitè & stultè, ac contra præceptum benignæ sententiæ faceret.

Immo ab-
solutè non
possunt nisi
unum idè-
que respon-
dere omni-
bus.



QUÆ.

QUÆSTIO VIGESIMA- SECUNDA.

*Virum asserere, licitum esse in probabilibus agere & consulere
contra propriam opinionem, contradictoria verificet, vel
sensum non habeat?*

Statu
quæst. à
Celladeo
propositæ.

1. **C**ELLADEUS 1. parte lib. 1. quæst. 17. contendit probare, quod asserentes, unicuique licitum esse contra propriam sententiam operari ac consulere, in Herackii opinionem inevitabiliter incidant, ac fateri teneantur, contradictoria simul esse vera. Hæc etiam ingens gravissimorum Auctorum-accusatio est, in qua probanda more suo Celladeus deficit, ut in progressu quæstionis palam fiet. Si Celladeus legisset, quæ de hac materia scripsi quæst. 30. de Consc. prob. aut hanc quæstionem non instituisset, aut certe longè aliter illam proposuisset. Ibi enim plura distincta, atque in suas classes relata invenisset, quæ ille sub eodem nomine confundit, & omnibus idem tribuit, cum tamen diversa planè ratio singulis conveniat.

2. Inprimis observavi, quod homo agere possit contra propriam opinionem habitualem, non tamen contra propriam actualem; quia cum in obscuris versetur, propriam opinionem actualem suspendere potest, illaque suspensâ, non aliter conscientiam formare, quàm si illa nunquam extitisset. Ex quo deduxi, quæstionem tractantem, an liceat operari, vel consulere contra propriam opinionem actualem, pro praxi parum referre; quia si hoc sit illicitum, homo in praxi ab illo peccato se liberat, si opinionem suam actualem suspendat, atque per principia reflexa juxta benignæ sententiæ præscriptum operetur, vel consulat.

3. Secundò, sæpe propria opinio non enunciat de absoluta rei inhonestate, sed solum asserit, ejusdem inhonestatem esse directè probabiliorem ipsius honestate. Et quidem in hoc sensu nulla est ratio, cur contra propriam opinionem operari, & consilium dare non liceat.

4. Tertiò, propria opinio actualis de rei inhonestate dupliciter se habere potest, primò, ut sit prorsus absoluta. Secundò, ut sit actualiter, aut certè virtualiter conditionata. Tunc est absoluta, quando cum solo respectu ad veritatem rei propositæ absolutissimè enunciat, illam esse illicitam. Tunc est virtualiter conditionata, quando ita utimur terminis absolutis, dum dicimus rem illam esse illicitam, ut illos non absolute, ut jacent, intelligamus, sed solum per illos ita speculative in objectum eorum tendimus, ut interius judicemus, inhonestatem rei fore certam, si veritas ipsa constaret. Hujusmodi judicia interna, dum speculative disputamus, per voces absolutas exprimere solemus, cum tamen judicium internum non sit prorsus absolutum, sed secundum

quid conditionatum; quod sufficienter etiam constat ex circumstantiis, quia periti, sicut benè norunt se similibus verbis similes actus exprimere, ita supponunt alios in ejusmodi circumstantiis talia verba pro talibus actibus internis substituere. Jam licet sententia prorsus absoluta de objecti inhonestate bonam fidem & absolutam existimationem de absoluta ejusdem honestate excludat, ideoque nemo contra talem opinionem propriam licitè agat, nihilominus propria opinio de rei inhonestate, ita verbis absolutis exterius expressa, ut tamen interius sit quodammodo conditionata, non excludit bonam fidem, & absolutam existimationem de talis rei honestate. Sic licet speculative existimem, circumstantias, in eadem specie malitiæ notabiliter aggravantes, esse necessariò confitendas, adhuc reflexè possum existimare, quod hic & nunc mihi liceat eas in confessione reticere, quia in hac rerum incertitudine satis constat, nullam legem esse sufficienter promulgatam, qua ad eas necessariò confitendas obliget. Quamvis enim hoc judicium, reflexis hujusmodi motivis nixum, excludat judicium prorsus absolutum de rei hujus inhonestate, non tamen excludit judicium illud conditionatum, quo existimo obligationem fore certam, si veritas ipsa constaret. Porro, quia propria opinio speculativa semper solet esse hæc aut alia simili ratione virtualiter conditionata, ideo plerumque licet operari contra propriam sententiam actualem, cum illa non excludat judicium conscientie, quo ad honestè operandum disponimur.

5. Quartò demum, propria opinio, in moralibus præcipuè, dupliciter sumitur: primò pro sententia ultima, qua omnibus omnino consideratis quis enunciat de absoluta honestate rei. Secundò pro sententia non ultima, qua scilicet, omissis argumentis reflexis, ex vi rationum directè tantum probantium concludimus aliquid esse inhonestum. Jam hujusmodi sententia de rebus moralibus, speculative prolata, non est omnino absoluta, sed vel explicitè, vel certè æquivalenter & implicitè conditionata, quatenus non prorsus absolute affirmat rem esse illicitam, sed solum asserit eam pro illicita reputandam, si sola argumenta directè considerentur. In hoc sensu propria sententia actualis non excludit judicium ultimum prorsus absolutum de absoluta rei honestate, ideoque in hoc sensu licet agere contra propriam sententiam actualem.

6. Hæc omnia fusè & efficaciter probavi dista quæst. 30. de Conscientia prob. ubi etiam ex diversis propriæ opinionis acceptionibus ostendi, Auctores, qui in hac quæstione discrepare videntur,

Alios mo-
dus licitè o-
perandi cõ-
tra propriam
opinionem.

Concilia-
tor Aucto-
res, qui de
hac re vi-
dentur cõ-
traria docu-
re.

Inter se optimè conciliari. Ratio autem est, quia omnes ad licitè operandum bonam fidem, & absolutum de honestate operationis iudicium, requirunt. Qui ergo dicunt, illicitum esse operari contra propriam sententiam, solum loquuntur de propria sententia actuali prorsus absoluta & ultima, quia illa sola bonam fidem, & absolutum conscientiae iudicium de honestate operationis ponendae excludit. E contrario, qui asserunt licitum esse operari & consulere contra propriam sententiam, aut loquuntur de propria opinione tantum habituali, non actuali; aut, si de actuali loquuntur nomine opinionis actualis, illam intelligunt, quae vel solum affirmat maiorem probabilitatem sui objecti, vel certè, quae non est sententia prorsus absoluta & ultima, sed aliquo modo explicitè vel implicitè conditionata, & alteri subordinata. Hisce positis, sit

ASSERTIO PRIMA.

Nulli licet operari, aut consilium dare contra propriam sententiam actualem, absolutam & ultimam de absoluta rei inhonestate. Licet tamen contra sententiam propriam habituales, aut etiam contra propriam opinionem actualem non absolutam & ultimam sed implicitè saltem conditionatam operari, & consilium dare.

Nulli licet agere contra propriam sententiam actualem absolutam & ultimam. 7. **P**ROBATUR prima pars. Opinio actualis absoluta & ultimata de rei inhonestate excludit bonam fidem, & absolutum de ejusdem rei honestate iudicium, quia talia iudicia sibi contradicunt. Ergo excludit dispositionem prorsus necessariam ad licitè operandum. Ergo peccat, qui contra propriam sententiam hoc modo sumptam agit.

Sed bene cetera actuali non ultimam. Probatur secunda pars. Propria opinio habitualis, aut etiam actualis non ultima, nec prorsus absoluta, sed vel conditionata, vel solum de probabilitate sententiam ferens, bonam fidem, ac prudens conscientiae iudicium de absoluta rei honestate non excludit. Ergo debitam ad licitè operandum dispositionem non impedit. Ergo licitum est in hoc sensu contra propriam sententiam operari & consilium dare. Antecedens patet ex dictis in sensu quaestionis declarando, & doctis per se patet, si ad distinctiones adhibitas reflectant. Cetera legitime inferuntur. Qui plura de hac materia cupit, legat *quaest. 30. de Consc. prob.* in qua haec omnia singillatim probata sunt, quae proinde non sunt repetenda, cum certum sit, argumenta Celladei ea non impetere.

Nil obstat, aliquos in hoc contra nos sentire. 8. Dices: Plures absolute docent, quod liceat contra propriam opinionem operari ac consilium dare. Ergo eorum sententiam deserimus, & aliam substituimus.

Respondeo, Auctores illos juxta dicta esse interpretandos; quod si aliqui aliter loquantur, ego cum illis non sentio. Nec illi me defensore indigent; defendant ergo seipsum, si possint. Nam ego benignam tantum opinionem, unanimi omnium consensu stabilitam, suscepi defendendam. Mihi autem & omnibus benignae sententiae Auctoribus abundè sufficit, si modo jam dicto contra propriam sententiam agere & consilium dare liceat. Nec Celladeus ipse diffitebitur; si enim hoc concesserit, aliud ab ipso non exigemus.

ASSERTIO II.

Opinio, qua docet peritos posse agere ac consilium dare juxta probabilem aliorum opinionem contra propriam sententiam, optimum sensum habet, & contradictoria non verificat.

9. **P**ROBATUR assertio, quae intento Celladei in hac *quaest. 17.* diametraliter opponitur. Inprimis ex prima assertione evidens est, opinionem, talia docentem, sensum habere multiplicem, cujus singulae expositiones tam clare proponuntur, ut à quovis mediocriter perito facillimè intelligantur. At hoc est opinionem esse intelligibilem, & optimum sensum habere. Ergo opinio asserens, licitum esse sectari alienam opinionem certò probabilem contra propriam, intelligibilis est, & sensum perspicuum habet.

Explicatur in quo sensu licet contra propriam sententiam agere aut consilium dare.

10. Deinde, eadem opinio verissima est, ut ex dictis constat. Ergo non verificat contradictoria. Sed quia Celladeus non admittit antecedens, sic directè probo secundam partem assertionis. Si talis opinio verificaret contradictoria; id esset, quia, illà admittà, intellectus hominis, licitè sectantis alienam opinionem contra propriam, judicaret contradictoria esse simul vera. Ex propria enim sententia existimaret circumstantias v. g. notabiliter aggravantes esse necessariò confitendas, simulque ob aliorum auctoritatem putaret, illas non esse necessariò confitendas; quia ut quis licitè omittat confessionem illerum, debet formare iudicium conscientiae, quo credat illas non esse necessariò confitendas, sed licitè omitti posse. At haec iudicia sunt contradictoria, & utrumque simul eliceretur, & reputaretur verum. Ergo talis opinio, si intelligibiliter loquatur, admittit contradictoria simul esse ac judicari vera. Verum haec ratio & sequela nulla est; quia, ut quis agat contra propriam sententiam, non est necesse ut prius illud iudicium actu existat, vel si actu existat, non est necesse ut sit tale quale supponitur in hac objectione; sed sufficit ut assermet, directam inhonestatis probabilitatem excedere directam probabilitatem de honestate operationis; vel certè non est assertio absoluta & ultima de rei inhonestate, sed solum conditionata & alteri subordinata. At quodcumque horum dicatur, sectans alienam opinionem contra propriam, non elicit duo iudicia contradictoria, ut patet. Ergo sententia docens id licere, intelligibilis est, & non verificat duo contradictoria. Major est expressa mens adversarii, quia in hoc ipso fundatur, ut ex ejus objectionibus mox constabit. Et sanè alia ratio fingi non potest, ex qua vel apparenter sequatur, quod dicta opinio reflexa verificet propositiones contradictorias. Minor constat ex prima assertione: consequentia legitime deducitur. Ergo patenter errat Celladeus, dum dicit, opinionem, dicentem nos agere & consulere posse contra propriam sententiam, vel contradictoria verificare, vel sensum non habere. Sed hoc clariùs patebit ex solutione rationum in contrarium.

Quod liceat agere contra propriam opinionem contradictoria non verificat.

SOLVUNTUR OBJECTIONES.

Obiectio 1. 11. **O**BJICIT primò. Sic Theologus, qui post quaestionem benè discussam, de-
mum opinetur, circumstantias in eadem specie
notabiliter aggravantes esse necessariò confiten-
das. Ergo propria illius opinio erit hæc enun-
ciatio. *Omnes circumstantiae, notabiliter aggravantes
malitiam peccati, sunt necessariò confitendae.* Jam
quod opinio cujusvis sit vera enunciatio, & non
mera apprehensio, omnes admittunt; & ex eo
evidenter colligitur, quod alioquin nulla inter
opinantes esset contradictio, quia nulla in eorum
opinionibus esset affirmatio vel negatio, seu nul-
la enunciatio. Ergo propria illius Theologi opi-
nio est enunciatio universalis affirmativa, quam
proposuimus. Jam Theologus iste, peccata sua
confessus, sequi vult opinionem suæ contra-
riam, quæ docet circumstantias, non transfe-
rentes ad aliam specie malitiam, sed solum intra
eandem speciem aggravantes, non esse necessariò
confitendas, & consequenter omittere vult con-
fessionem talium circumstantiarum. At ut sciens
& volens licitè omittat illas circumstantias in con-
fessione, debet formare conscientiam dictantem,
*circumstantias istas, utpote solum aggravantes in ea-
dem specie, non esse necessariò confitendas.* Nisi enim
conscientia eliciat iudicium, quo expressè vel
æquivalenter dicat, *licitum mihi est has circumstan-
tias omittere in confessione*, absque dubio peccat,
si eas in confessione reticeat. Ergo Theologus
ille simul habet dicta duo iudicia in sua mente, ac
proinde existimat illa esse vera; quia omnis judi-
cans habet proprium iudicium pro vero. At illa
iudicia sunt enunciationes contradictoriæ, quia
una est universalis affirmativa, altera verò est par-
ticularis negativa ejusdem de eodem. Ergo qui
licitè sequitur alienam opinionem contra pro-
priam, vera putat duo contradictoria. Ita Cella-
deus lib. 1. quaest. 17. qui ibidem apertè fatetur, se
nisi fuisse intelligere sensum opinionis reflexè
docentis, licitum esse agere & consilium dare
contra propriam sententiam, ac ut eum melius
intelligeret, finxisse se esse illius opinionis; neque
tamen unquam alium sensum intelligere potuisse,
quàm quod talis operans simul eliciat duo iudicia
contraria aut contradictoria, ac proinde quod si-
mul reputet utrumque esse verum, ac sic in opi-
nionem Heracliti incidat.

Qui in pra-
xi sequun-
tur alienam
opinionem,
eo instanti
non solent
elidere pro-
priam.

Respondeo in primis argumentum difficultatem
non continere, nisi operans in ipso instanti suæ
operationis supponatur actu elicere propriam
opinionem absolutam & ultimam; nullum enim
absurdum est in eo, quod quis diversis temporibus
ex diversis motivis propositiones contradicto-
rias eliciat. At homines in instanti operationis
non actu eliciunt, sed solum habitu retinent suam
opinionem. Quis enim ex aliena opinione omi-
tens confessionem circumstantiarum merè aggra-
vantium, eo tempore format actuale iudicium,
quod illæ etiam sint necessariò confitendæ? Ne-
mo absque dubio. Et sanè, si ista iudicia suppo-
nantur esse contradictoria, necesse est, ut taliter
operans eo tempore omittat actuale iudicium,
quo propriam sententiam exprimit, quia certum
est, quod qui circumstantiarum confessionem
bona fide omittit, formet iudicium, actuale suæ
sententiæ contrarium, quo absolutè credit, illas
licitè omitti posse, nec esse necessariò confiten-
das. Unde opinio docens, hominem licitè ope-
rari posse contra propriam sententiam prorsus

R. P. A. Tertio Regula morum. PARS I.

absolutam & ultimam, intelligenda est de pro-
pria sententia non actuali, sed habituali; quia
impossibile est, quod talia iudicia simul existant
in intellectu. Et sanè quoad praxim, hic est uni-
cus sensus talis opinionis, quia homines non actu
eliciunt propriam sententiam in eo instanti, in
quo contrariam in praxi sequuntur. Itaque si pro-
pria Theologi sententia sit absoluta & ultimata
de inhonestate operationis ponendæ, fateor ne-
mini licere contra illam actualiter existentem
operari, quia illa stante impossibile est, ut bona
fides de operationis honestate eliciatur, aut con-
scientia permittens formetur, ut patet. Itaque in
hoc sensu solum licet agere contra propriam opi-
nionem actualem in sensu diviso, non in sensu
composito; neque aliter loquuntur Auctores, si
propria opinio in hoc sensu sumatur. Jam argu-
mentum Celladei procedit in sensu composito, &
consequenter procedit de subiecto non suppo-
nente.

12. Respondeo secundò, argumentum non
tangere eos, qui suam sententiam non per enun-
ciationem de absoluta rei veritate, sed solum de
maiore ejusdem probabilitate directà proferunt.
Hi enim, quamvis ex rationibus directis existi-
ment, inhonestatem rei esse probabiliorem,
possunt simul absolutè existimare rem illam esse
simpliciter licitam, quia rationibus reflexis con-
victi subscribunt benignæ sententiæ, quæ abso-
lutissime ac ultimè affirmat, usum cujusvis opi-
nionis practicè probabilis, esse licitum. Unde
statim inferunt, usum hujus opinionis, utpote
practicè probabilis, esse licitum. Itaque propria
sententia actualis de inhonestate operis, hoc mo-
do sumpta, non excludit iudicium actuale de ab-
soluta ejusdem honestate. Ergo utrumque judi-
cium conjungi potest; nec mirum, quia neutrum
directè vel indirectè affirmat quod altera negat;
nam unum illorum nil de ipsa rei veritate, sed so-
lum de directà ejusdem probabilitate enunciat,
alterum nil signatè de directà probabilitate, sed
solum de absoluta rei veritate pronunciat. At hæc
duo reipsa, & quoad intelligentiam sunt separa-
bilia, quia considerant rem in ordine ad diversas
circumstantias.

Aliquandò
propria sen-
tentia actu-
lis non nec
pugnatio-
nem, quam
sequimur.

13. Respondeo tertio, quando Auctores be-
nignæ sententiæ, directè discurrendo de morali-
bus, probabiliter docent aliquid esse illicitum,
non proferunt enunciationem prorsus absolutam
& ultimam de talis rei inhonestate, sed eliciunt
actum virtualiter saltem conditionatum, qui
proinde alteri iudicio subordinari potest, ut di-
ctum est. Nec obstat, quod propositio vocalis
sit absoluta, nam propositiones vocales substi-
tuuntur mentalibus, & aliud non significant, quàm
quod à mentalibus, quibus substituuntur, repræ-
sentatur. Jam ex circumstantiis constat, inter-
nam ac directam illorum assertionem de rerum
inhonestate non esse omnino absolutam & ulti-
matam, tum quia benè sciunt, se non exami-
nasse omnia, à quibus honestas illius operationis
desumi potest, quando directè concludunt illam
esse inhonestam; tum quia ex rationibus reflexis
expressè docent, hominem licitè agere contra
propriam opinionem directam; ideoque locum
esse novæ consultationi reflexæ, non obstante
priori illa resolutione directà. Hæc satis apertè
evincunt, eos speculativo modo de rebus illis,
non prorsus absolutè ac definitivè, sed quodam-
modo conditionatè & subordinatè enunciare.
Hoc autem admissio, nulla est contrarietas, aut
contradictio inter iudicium conscientie de abso-
luta

Opinio di-
recta de in-
honestate
rei est ali-
quo modo
conditiona-
ta.

S 2

lata

*Æquivoca-
tio Celladei
detegitur.*

luta rei honestate, & consuetam assertionem de ejusdem inhonestate; quia assertio hæc est implicite conditionata; judicium autem illud est prorsus absolutum. At judicium conditionatum de inhonestate alicujus rei, nec contrariè, nec contradictoriè opponitur judicio absoluto & definitivo de ejusdem honestate; quia non sunt affirmatio & negatio ejusdem de eodem secundum idem, ut patet. In hoc ergo etiam erravit Celladeus, quod acceperit propositiones vocales grammaticaliter contrarias & contradictorias (quales sunt illæ, quibus efferimus propriam cujusque sententiam de rei inhonestate, & judicium ejusdem de absoluta illius honestate, quando alienam sequutus opinionem, bona fide credit rem esse licitam) & non rectè attenderit ad naturam actuum internorum, quibus illæ substituuntur. Hinc enim quia propositiones illæ vocales grammaticaliter sibi contradicunt, putavit actus quibus hinc & nunc substituuntur etiam sibi contradicere. Verùm ex varietate circumstantiarum sæpissimè evenit, ut eadem voces externæ diversis valdè actibus internis substituuntur. Ad hoc si Celladeus respexisset, & opinionem ab Auctoribus speculative probatam, juxta circumstantias mentem illorum aperte indicantes resolvisset, ac explicasset, vidisset utique, judicium conscientie de absoluta rei honestate nullam oppositionem habere cum opinione speculative probata de ejusdem inhonestate.

*Celladeus
ob termi-
norū æqui-
vocationē
non intelli-
xit sensum
opinionis
quam im-
pugnat.*

14. Quòd si Celladeus nullo nisu hæcenus intelligere potuerit, quomodo contradictoria, ex illa opinione non verificentur, illi comparior, & spero fore, ut cum hæc legerit, aperte visurus sit, nullam in tali sententia contradictionem, aut contradictionis umbram latere. Quod hæcenus hoc non intellexerit, ex eo oritur, quòd indebita de veritate propriæ suæ sententiæ persuasione abreptus, diversa sub eisdem vocibus comprehensa non distinxit, sed omnia instar unius, aut saltem instar rerum ejusdem penitus rationis consideraverit. Distinguat ista, & in posterum non habebit unde viris gravissimis fatuam Heracliti opinionem objiciat.

*Obiectio à
variis præ-
tensis ab-
surdis de-
sumpta.*

15. Objicit secundò. Si in agendo liceret sequi alienam opinionem contra propriam, id ipsum etiam liceret in loquendo, in factis ad humanum convictum spectantibus, & nominatim in fide humana, quæ aliud non est, quàm opinio probabilis in extrinseca auctoritate loquentis & nobiscum conviventis fundata. Ergo eadem est ratio de opinione probabilis, & de fide humana. Itaque sequela est legitima, cum nulla disparitas assignari possit. Est autem absurda, quia convictui ac societati humanæ præjudicat. Inprimis quoties de factis est fama utrimque fundata, & opiniones contrariæ virorum gravium, puta de scientia, vel ignorantia alicujus viri, de malo vel bono Prætoris regimine, toties vel nihil opinando, vel pro una parte opinando, poterò (sicut è re mea erit) unum hinc, alibi contrarium dicere. Sapientiam & bonum regimen Prætoris commendare apud ejus amicos, apud æmulos verò eundem ignorantie & mali regiminis condemnare.

Rursus, si superior legitimus quærat, an Petrus crimen aliquod commiserit? poterò non ex mea sed aliorum opinione respondere, eum non commisisse crimen illud, & alibi contrarium dicere, & Petrum criminis accusare.

Præterea, quando sequimur alienam sententiam, per reflexas rationes facimus ut illa sit sententia nostra. Ergo licetè secundum illam re-

spondemus. Sicut enim satisfacio legi divinæ, si operer secundum alienam opinionem, quam ex rationibus reflexis facio meam, ita pariter satisfacio convictui & societati humanæ, si ex alieno sensu probabili, & jam per rationes reflexas meo, respondeam. Ergo utrique satisfacio, sequendo sensum & opinionem alienam. Ergo licet habeam opinionem sinistram de aliquo, poterò non ex mea sententia, sed ex aliorum sensu & opinione favorem informationem dare. Ergo qui de dignis & dignioribus principem informant, loqui poterunt ex alieno probabili contra proprium sensum. Hinc autem princeps decipietur, putabit enim se plura suffragia habere pro electo, cum re ipsa non habeat nisi unum, cui cæteri subscribunt. Hac ratione indigni promovebuntur, quia non solum minus digni, sed etiam indigni solent habere patronos viros graves. Ecce tota respublica turbaretur, si in convictu humano liceret loqui & agere secundum alienam opinionem contra propriam. Ergo id non licet. Ergo neque in doctrinalibus sequi licet contrariam opinionem contra propriam. Ita Celladeus hic §. 5.

Respondeo inprimis, objectionem istam nil prorsus conducere ad intentum, quod Celladeus sibi in hac quæstione præfixit; nempe ad probandum, quòd opinio, docens nos licetè sequi posse alienam sententiam contra propriam, contradictoria verificet. Sanè hoc solum proponitur in titulo ac declaratione quæstionis; verùm ad hoc probandum obiectio ista non conducit ut patet. Ergo impertinenter inserta fuit quæstioni præfenti, & ideo omittere illam potuissem, ut huic quæstioni impertinentem. Cæterum quia rem ipsam tangit, & primæ assertioni, quam ut præambulam pro secundæ probatione breviter explicare debui, contrariatur, directè ex professo illam, Deo dante, dissolvam.

16. Respondeo ergo 2. nemini simpliciter loquendo licitum esse sequi aliam opinionem, quàm suam propriam; in tantum enim licetè sequimur alienam opinionem directam contra nostram directam, in quantum per rationes reflexas convincimur, quòd, omnibus inspectis, absoluta veritas de honestate hujus obiecti materialis residet in parte, quam aliena, non quam propria sententia directa affirmat esse licitam. Hoc autem non ideo fit, quia sententia directa contraria fiat mea (illi enim nunquam assentior) sed quia obiectum, ab illa assertum, per rationes reflexas ita comprobatur, ut omnibus inspectis per propriam sententiam à me habeatur absolute vera. Nisi enim quis hoc modo se gerat, nunquam licetè sequitur alienam opinionem contra propriam, ut patet. Itaque nunquam licet agere contra propriam opinionem reflexam & ultimam. At opinio reflexa & ultima, rigorose loquendo, est opinio maximè propria; tum quia ultima est, tum quia per illam ad agendum proximè dirigimur. Talis autem opinio in moralibus est præcipua, & maximè propria, ut per se patet. Ergo simpliciter loquendo nemini licet agere contra propriam sententiam, ut fusiùs ostendi *quæst. 30. num. 11. de Consc. prob. his politis.*

17. Concedo idem licetè fieri in convictu humano, quod licetè fit in agendo contra propriam opinionem, quando res utrobique eodem modo se habent; quia tunc eadem utrobique ratio valet. Sic si de peculiari facto dubitetur, an liceat: si videam plures peritos ac probos, auditis meis rationibus, probabiliter contra me sentire, ac licitum asserere quod ego illicitum existimo; utique

*Revera in
sensu stri-
cto nemini
unquam li-
cet agere
contra pro-
priam opi-
nionem.*

*Tam in fa-
cto. quàm
in iure licet
sequi opi-
nionem a-
lienam.*

que ex vi rationum reflexarum non minus licite me accommo corum sententiz, quam si quaestio non fuisset de facto aliquo particulari ad convictum humanum pertinente, sed de quaestione aliqua universali per opiniones contrarias agitata in scholis. Ratio est, quia in utroque casu ultima & reflexa mea opinio est, quod res illa liceat. Ergo si juxta illam persuasionem certo probabilem operer, non male sed bene & licite operor. Verum si utrobique res eodem modo se non habeant, nec habere possint, non sequitur, quod semper liceat juxta alienum probabile loqui, aut agere. Porro an in peculiaribus circumstantiis omnia eodem modo utrobique se habeant, ex peculiari singulorum inspectione investigandum est. Ceterum sequela in isto sensu admissa nil absurdi continet, licet sit absurdissima pro casibus, in quibus similis ratio non militat, nec adest opinio reflexa, quam sequuntur ut propriam, quaeque probat licitum esse procedere juxta dictum alterius. Porro quomodo haec vera sint, & locum habeant vel non habeant, melius patebit ex peculiari inspectione eorum, quae Celladeus hoc loco objicit.

Exemplum Celladei non est ad rem.

18. Inprimis, si loquamur de facto aliquo, v. g. de alicujus Praetoris regimine, raro evenit, ut de illo sint opiniones contrariae certo probabiles, quia cum rectitudo aut pravitas regiminis ex singularibus ac indubitatis factis unice probari possit, difficile est, ut prudentes & probi viri illa facta habeant pro prudenti ac bono regimine, quae alii prudentes ac probi ut omni recto regimini contraria prorsus rejiciunt. Idem dico de ignorantia ac doctrina ejusdem; difficile enim est, ut viri periti quemquam, post ejus doctrinam diligenter examinatam, ut ignorantem damnent, quem alii periti & probi pro docto ac perito plurimum extollunt. Et sane si ego ipse rem diligenter examinavi, si resolutiones illius bene perpensi, si facta contra illum objecta & probata serio ponderavi, atque in illis non nisi diligentiam, doctrinam, & prudentiam advertam, evidens mihi erit, illum inscitiae ac imprudentiae argui non posse, quamvis fortassis alii ipso doctiores inveniantur. Similiter eundem mali regiminis condemnare non potero, quia bonum regimen non a successu, sed a prudenti mediorum applicatione desumenda est. Itaque certum mihi erit, alios vel ex pravitate animi, vel ex passione aliqua deceptos, sine probabili fundamento eum condemnare, quamvis fortasse non fuerit prudentissimus, eo quod meliora & aptiora media non excogitaverit, quae alius rerum gerendarum peritior excogitare potuisset.

Utraque pars non potest esse certo probabilis in casu proposito.

19. Similiter, si audiam alios, a quibus eadem prorsus facta & dicta viri examinata fuerunt, ita inter se discrepare, ut hi illum pro docto & perito rerum administratore, illi vero eundem ut inscium nulliusque in rebus administrandis prudentiae condemnent, manifestum erit, utroque non loqui sine affectu indebito, neque sententiam proferre sicut decet viros probos & peritos, ideoque utraque illorum opinio non poterit esse quoad se probabilis, & neutra quoad nos certo probabilis erit, quia discernere nequimus, ex qua parte defectus lateat; cum sciamus illum ex altera saltem parte latere. Itaque istiusmodi casus non sunt ad rem, quia utraque pars non est certo probabilis quoad nos, sed solum vel altera, si rem ipsam examinaverimus, vel neutra si ex aliorum tantum attestatione res innotescat. At nisi certa probabilitas utrique parti

faveat, non sumus in materia, circa quam disputamus.

20. Verum, ut Celladeo morem geram, suppono opinionem tam de malo quam de bono regimine esse certo probabilem (quamvis, ut antea ostendi, non videam quomodo id possit contingere, nisi nomine malae administrationis minus bonam, minusque prudentem intelligamus) hoc tamen supposito, non ideo statim probabile erit, quod liceat illum infamare, quia certum est, quod hoc non liceat, etsi ego certo sciam illum esse gravissimorum criminum reum, nisi crimina sint publica. Ergo multo minus licebit alium infamare, quando ipsius crimen ita est probabile, ut innocentia sit etiam probabilis. Itaque Celladeus hic etiam more suo confundit probabilitatem speculativam cum practica. Ex eo enim quod non liceat in praxi sequi opinionem speculative probabilem, infert utrum opinionis practicae probabilis non esse licitum.

Celladeus confundit speculativam probabilitatem cum practica.

21. Ut ergo argumento Celladei locus detur, oportet supponere non solum publicam mali bonique regiminis famam esse certo probabilem, sed etiam talem esse ejus publicitatem, ut sit etiam certo probabile, quod liceat de alterutra seorsim loqui, malamque illius famam alius revelare. Hoc autem concessio, prorsus imperite concludit, quod pro arbitrato, vel nil opinando, vel pro una parte opinando possim hic unum, aliud ibi dicere. Imperite, inquam, quia qui nil opinatur, evidenter mentitur, si aliquid exterius asserat; mentiri autem est certo illicitum, nec ullus admittit talem modum procedendi esse aut absolute aut probabiliter licitum. Quod si quis interius opinetur, illum bene suo officio functum fuisse, adhuc patentioris ac turpioris mendacii reus erit, si illum reipublicae male administratae diffamaverit.

Illatio Celladei nulla est, etiam tum quod proponit concedatur.

22. Itaque haud dubie quicumque opinatur unam partem, illicite facit exterius proferendo aliam; quamvis enim in casu praesenti non peccet contra justiciam, cum Praetor quoad nos famae suae jus perdidit, certissime tamen peccat contra fidelitatem; unde non apparet, qua ratione argumentum Celladei apte, & ad rem proponi possit, nisi supponamus, loquentem nunc unum nunc aliud formare judicium, atque ita nunc Praetorem apud amicos laudare, nunc illum apud amulos vituperare. Retenta autem hac suppositione (quae raro admodum admitti potest, quia homines non sunt facile flexibiles in suis opinionibus, nec sine novis rationibus magni momenti ab illis recedere consueverunt) inprimis dico, talem hominem posse diversis temporibus diversis personis licite dicere contraria, nec ideo peccati ullius accusari posse; non falsitatis & mendacii, quia semper dicit, quod sentit; non injustitiae, quia non magis peccat in hoc, quam alii, qui nunquam habuerunt bonam opinionem de viro, quia jam illius infamia est publica, & quod plus est supponimus eam esse adeo notoriam, ut sit certo probabile, quod liceat eam aliis divulgare. Fieri quidem poterit, ut contra charitatem loquatur, si apud amulos & inimicos illius absque necessitate & sufficiente ratione talia divulget; sed hoc est per accidens ad casum nostrum, tum quia in eo casu non erit probabile, quod ipsi liceat illum apud eos diffamare, tum quia jam de hoc non quaerimus, sed solum quid mali ex eo praecise sequatur, quod diversis diversa de eodem dicat; unde quoad hoc perinde fuisset, si bona inimicis, & amicis mala de ipso dixisset.

Argumentum non urget, si fiat legitima hypothesis.

Aliud à Celladeo in-
consequenter
dictum.

23. Dices. Tales homines sunt duplicis cordis, duplicisque linguæ, ac proinde ab omnibus, & nominatim à Sacra Scriptura habentur dolosi, mendaces, ac mali. Ita Celladeus *ibidem*.

Respondeo, eos solū esse duplicis cordis, duplicisque linguæ, qui, nulla variatione facta in mente, alia credunt, alia dicunt; sic enim mentientes fingunt & asserunt se ea habere in corde, quæ non habent. At mutare sermonem, quando iudicium mutatur, non est habere cor duplex, nec duplicem linguam, sed simplicem, ut patet; quia si loquela, mutato mentis iudicio, non mutaretur, eo ipso homo esset duplex corde & linguâ, quod est abominabile, & homine ingenuo prorsus indignum. At hic est casus noster. Ergo juxta nostram doctrinam omnes tenentur non dupliciter se gerere, sed in omnibus verba menti consentientia proferre. Qui aliter faciunt dolosi sunt, mendaces, ac mali. Porro universaliter perspicuum est, neminem in loquendo licetē sequi posse alienam opinionem, nisi ea fiat propria; alioquin mentiretur, quia expressē contra mentem loqueretur. Rarō autem contingit, quōd homo mutet opinionem merē ob alienam auctoritatem, maximē quando uterque omnes rationes utrique parti faventes perpendit, & unus in unam, alius in aliam sententiam abivit; quia cūm constet, illum alias rationes non habuisse, quā quas ego rejeci ut falsas, rarō contingit, ut ex reflexa consideratione rei, ut substantis alterius iudicio, habeam motivum sufficiens ad meam sententiam retractandam, aut ad illius sententiam faciendam meam. Atque hinc apparet lata disparitas inter iudicium de honestate operationis, & de aliis objectis, v. g. de homicidio Petri; nam eo ipso quōd pars, quam ego directē sentio esse illicitam, non sit certa sed solū probabilis, & pars opposita probabilitate non careat, eo ipso suppeditantur mihi argumenta efficacissima, ad absolutē existimandum, quod res illa sit licita, nempe ea omnia, quibus benignam sententiam probamus, quibusque convicti, existimamus talem rem verē esse permissam; in quo propriē non facimus opinionem alienam esse nostram, sed nos ex argumentis reflexis probamus illud esse licitum, cujus honestas directis argumentis non ita probabatur, ut illi assensum præberemus. At si sermo sit de questione directā, v. g. an Petrus homicidium patravit, nil hujus rei veritatem probat præter motiva directā; nam licet credere possim viro gravi id asserenti, tamen suppono illum habere motiva directā, ex quibus illud norit; neque enim ulla dantur motiva reflexa, ex quibus id inferri possit. Unde lata disparitas est inter questionem de licito, & de quovis alio vero, nec ab hoc ad aliud, at ab illo ad hoc arguere valet. Cæterum si res esset utrimque probabilis, & ego nescirem motiva, ob quæ alii contrarium sentirent, tanta esse poterit illorum auctoritas, ut prudenter præsumam illos habere rationes mihi ignotas, aut certē meliūs intelligere rationes, quibus moveor, quā ego; in quo casu prudenter muto opinionem meam, atque illis subscribo. Tunc autem, stante hac mea opinione, peccarem si contra illam loquerer, quia apertē mentirer.

Non licet
quemquam
excusare ex
aliena opi-
nionē, quā-
do legitime
interroga-
mur in judi-
cio.

24. Hinc patet, non posse quemquam superiori legitime interroganti respondere de crimine Petri, illumque ex alieno iudicio excusare, si eum sciat, aut iudicet esse reum, quia mentiretur; quod semper est peccatum, & in legitimo iudicio crimen maximum. Quod si res esset anceps

& incerta, ac verē utrimque probabilis, tunc si tanta esset aliena auctoritas, ut omnibus tam rationibus quā auctoritatibus debere consideratis, per ultimam sententiam crederet illum innocentem, unque teneretur illum excusare, & peccaret, si illum accusaret, quia in re gravissima contra conscientiam loqueretur. Ratio autem est, quia unusquisque indispensabiliter tenetur loqui secundum ultimum iudicium, quod habet de negotio, circa quod ejus absoluta sententia exquiritur, quia tunc quæritur quid, omnibus inspectis, de tali negotio aut facto existimet. Quod si non interrogetur de hoc iudicio ultimo, sed solū de illo, quod ex rationibus directis independentē ab aliorum auctoritate format, tenetur juxta illud respondere, quia aliter non esset verax, sed mendax.

25. Demum miror similia à Celladeo objecta fuisse, quia exemplum proposuit, in quo non apparet quomodo argumentum formari possit, quod vel apparenter benignam sententiam impetat. Certum enim est, omnem à legitimo superiore legitime interrogatum debere respondere juxta notitiam quam habet de re, super quam interrogatur; alioquin mentiretur. Jam superior si aliquem interroget de crimine alieno, plerumque petit an habeam certam notitiam; si hanc non habeam, absque dubio teneor Petrum non condemnare; si hanc habeam, teneor illum accusare, nec ad hoc quidquam refert, quod sint diversæ aliorum opiniones etiam probabiles, quia hæc ad me non pertinent, neque de illis interrogor. Quod si superior petat, non quid sciam, sed quid audiverim, teneor tam bonam quā malam de illo famam propalare. Demum si interroget, quid sentiam, utique petit propriam meam opinionem, quæ omnibus consideratis est ultima mea sententia, & juxta illam respondere teneor. Quod si processu temporis mutem hanc sententiam, tunc si iterum interroget, teneor oppositum respondere. Quæ adeo certa sunt, ut nulla de opposito probabilitas sit, aut esse possit. Unde mirum est, res abs re adeo remotas objici potuisse.

Quomodo
responden-
dum sit ju-
dici legiti-
mè interro-
ganti.

26. Ad ultimum, quod dicit Celladeus, fateor nos posse ac debere respondere secundum opinionem alienam, si illa fiat nostra juxta dicta; verum in eo apertē errat, quōd tunc putet nos ex aliena & non ex propria, sed contra propriam opinionem ex aliena actiones nostras regulare. Apertē, inquam, errat, quia supponimus, nos tandem convictos propriam opinionem mutasse, ac alienæ subscripsisse; itaque illa non est amplius aliena exclusivē ut antea, sed solū est accumulativē aliena, quia jam est nobis communis, quæ antea alteri erat singularis. Ergo nunc sequimur propriam opinionem non alienam; quia quæ est communis non est amplius propriē aliena, licet antea esset. Et sanē hoc ipsum evidens est in usu opinionis minūs probabilis juxta præscriptum benignæ sententiæ; quia licet dicamur sequi opinionem alienam, id solū verum est de opinione directā, non ultima, sed alteri subordinata, quia verē sequimur opinionem benignam, quæ est propria & ultima opinio, qua in operando dirigimur. Idem prorsus valet in casu præsentis, si aliena opinio fiat propria, ut patet.

Sequitur
propriam
opinionem,
qui sequitur
alienam se-
cundam pro-
priam.

27. Porro quod ad informationem de dignioribus principi faciendam attinet, procul dubio non licet ex alieno probabili respondere, si ego aliter

Informato-
res de di-
gniori loqui
debent ex
propria o-
pinione, nō
ex aliena.

Qui infor-
maret ex
mente Cel-
ladei turba-
ret repu-
blicam.

Suffragium
in electione
dignioris
prudenter
fieri potest
ex alieno
iudicio.

aliter sentiam; quia princeps petit meum sensum. Quid si ego, auditis aliorum rationibus, eorumque auctoritate inspecta, mutem meam sententiam, respondere debeo non juxta pristinam, sed juxta præsentem opinionem, quia si aliter loquar, apertè mentior. E contrario, si non mutem opinionem, absque dubio non licet loqui ex aliena opinione, quia hoc pariter est apertum mendacium. Jam ex hoc modo agendi nulla turbatio reipublicæ, nulla principis deceptio sequitur, quia princeps verè habet tot suffragia diversa, quot sunt suffragantes. Quod si aliquando ex hoc suffragandi modo indigni promoveantur, id prorsus est per accidens, eò quòd indignus suam dignitatem adeo probabilem reddiderit, ut à peritis merito reputaretur dignissimus. Sanè, si ille suffragandi modus, quem Celladeus approbare videtur, locum haberet, turbaretur respublica, quia suffragium ferens deberet loqui juxta opinionem præconceptam, etsi aliorum suffragantium rationibus & auctoritatibus convictus mutaret sententiam, quo nil absurdius aut turpius dici potest. Si enim non deberet ita loqui, cur culpatur Celladeus eum, qui ex aliena opinione, jam suà suffragium fert? Hoc culpatur Celladeus, & ut crimen gravissimum objicit. Ergo vult ut juxta opinionem præconceptam sententiam ferat, etsi jam, ob rationes & auctoritates aliorum, sententiam mutaverit. At hoc est facinus enorme, quod turbaret rempublicam, & est contra rationem ac praxim omnium bonorum. Ideo enim inter se conferunt consiliarii, non ut singuli in opinione prius concepta, obstinata inflexibilitate remaneant, sed ut in eo tandem omnes conveniant, quod omnibus inspectis aut verum, aut verosimilius est.

28. Cæterum si loquamur de suffragiis, quibus electio dignioris perficitur, fieri poterit, ut quis ex alieno iudicio suffragium prudenter ferat;

si enim omnes sint digni, & rationes, singulis faventes excedant & excedantur, ita ut difficulter certò discerni possit quis sit dignior, sed singuli probabiliter sint dignissimi; in tali casu elector, ut certius suffragium dirigat, potest illum ex omnibus eligere, qui plura suffragia expressa habuerit. Prudenter enim præsumere potest, cum, ex omnibus ejusmodi passivam vocem habentibus, esse digniorem, in quem plura suffragia conspirarint; idque maximè verum est, quando merito præsumimus, omnes & singulos electores, utpote notæ prudentiæ ac probitatis viros, non teneat, sed ut oportet, sua suffragia ferre. Hujusmodi suffragium tulit S. Ignatius Soc. nostræ Fundator, unà cum sociis, quando primi Generalis electio instituta fuit. Forma suffragii, ut Daniel Bartolus in ejus vita refert, fuit ista. *Me excepto, illi in Domino vocem meam do, ut sit superior, qui plura ad illud officium subeundum suffragia habuerit.* Non existimo, Celladeum, aut quemquam alium, tantæ sanctitatis ac prudentiæ virum stultitiæ ac peccati accusare velle, eo quòd ex alieno probabili in illis circumstantiis suffragium tulerit. Si eum imprudentiæ aut peccati in hoc acculent, seipsum, non illum, aut benignam sententiam condemnant, quia evidens est, nil in tali suffragio merito carpi posse. Præterea omnes ex hoc ipso suffragandi modo miram Sancti prudentiam ac humilitatem commendant, ut bene observat Daniel Bartolus in ejus vita. Adeo à veritate remotum est, quidquid Celladeus contra benignam sententiam objicit, ut illa ipsa quæ absurda reputat, sæpè sint apertissimè honesta; alia autem si debirè distinguantur ac intelligantur, aut nullo modo tangunt benignam sententiam, aut illam confirmant, ut ex hac & aliis prioribus quæstionibus apertè constat, & uberius constabit ex sequentibus.

S. Pater Ig-
natus tale
suffragium
tulit.

QUÆSTIO VIGESIMA- TERTIA.

*Utrum Probabilitas rectè definiatur per fundamentum
grave?*

Intentum
Celladei,
meumque
exponitur.

I. **C**ELLADEUS lib. 2. præscribit sibi agendum de natura probabilitatis veræ, seu realis & positivæ. In prioribus autem quæstionibus rejicit communes aliorum definitiones, in posterrioribus suam ponit sententiam. Nos illum comitabimur, ut quid verum, quid falsum dicat, observemus, simulque ea omnia excutiamus, quæ contra benignam sententiam objicit. In prima ergo quæstione conatur eos refellere, qui probabilitatem in genere definiunt, describunt, seu explicant, dicendo illud esse probabile, quod nititur motivo gravi, non tamen omnino convincenti. Si enim morivum convinceret veritatem, redderet rem certam, non probabilem; si autem non esset grave, non redderet rem probabilem, sed leviter tantum &

temerè credibilem. Ego de tota probabilitatis materia fusè egi *primis sex quæst. de Consistent. prob.* quas si Celladeus legisset, vidisset me plures quàm ipse probabilitatis explicationes rejecisse ut insufficientes, atque ita totam veræ ac legitimæ probabilitatis naturam explicasse, ut nulla de ea scienda ac dignoscenda superesse possit difficultas. Proinde totus labor, quem in secundo suo libro componendo impendit, omitti potuisset, quia illius inutilitatem, ac in omnibus insufficientiam perspectam habuisset. Ego itaque acta ibi non reagam, sed datâ occasione breviter indicabo, quæ ibi fusiùs probata sunt, & explicata. Hoc solum universaliter hic noto, Celladeum frustra gloriari, quòd in probabilitatis expositione non novas, & à se excogitatas, sed antiquas & indubitatas illius definitiones asserat. Nam ego loco

citato omnes antiquas probabilitatis definitiones exposui, & juxta illas totam quæstionis principalis resolutionem contexui. Sed ut longior sum in præfando, quam par est, sit

ASSERTIO PRIMA.

Motivum probabile idem est, ac motivum grave, sed incertum.

Motivum probabile idem est ac motivum grave, sed incertum. Idem autem dicendum est de aliis expressionibus æquivalentibus, si motivum probabile dicatur motivum incertum, sed magni ponderis, magni momenti, aut solidum, &c.

2. **P**ROBATUR assertio, quam Celladeus ipse hac in quæst. apertè fatetur esse veram. Probatur, inquam, quia motivum probabile, & motivum grave sed incertum, dicuntur ad convertentiam. Quidquid enim est probabile, debet esse incertum, & grave, ac rationabile. Incertum quidem; quia quod ad certitudinem pertingit, probabilitatem evacuat, sicut lux tenebras expellit. Grave verò ac rationabile, quia quod levi tantum fundamento nititur, non est probabile ac rationabile, sed leve & temerarium, ut patet. Rursus omne motivum grave & incertum est probabile, quia omne tale motivum habet quidquid perfectionis & imperfectionis importatur à termino *probabile*. Tota enim imperfectio probabilitatis importatur à termino *incertum*, & tota ejusdem perfectio à termino *grave* comprehenditur. Itaque motivum grave sed incertum, & motivum probabile, haud dubiè dicuntur ad convertentiam. Ergo sunt idem, quod erat probandum. Idipsum valet de aliis terminis in assertione positis, quia eadem prorsus ratio de omnibus valet.

Probabile in specie eodè termino explicatur.

3. Jam ex hac notione universali, convertibili cum motivo probabili ut sic, facile est similes explicationes cuivis motivo probabili in specie applicare. Probabile enim ab intrinseco est, quod nititur ratione gravi, sed incerta. Probabile ab extrinseco, quod in auctoritate gravi & incerta fundatur. Hæc enim prædicata sunt apertè convertibilia. Ergo sunt propositiones veræ, quod solum hinc assertitur. Porro in re clara, quam adversarius ipse pro indubitata habet, comprobanda, ulterius immorandum non est.

ASSERTIO II.

Dictæ explicationes motivi probabilis tam in genere quam in specie, sunt quidem definitiones seu descriptiones sufficienter continentes & explicantes essentiam motivi probabilis; indigent tamen ulteriori explicatione, ut perfectè quiescent intellectum.

Motivum grave, sed incertum, est bona definitio motivi probabilis.

4. **P**ROBATUR assertio quoad primam partem, quæ sola contrariatur Celladeo, qui secundæ ejusdem parti subscribit, quamvis in eo à nobis dissentiat, quod putet expressionem hanc non posse ulterius absque vitio explicari. Probatur ergo prima pars. Illa est bona definitio seu descriptio, quæ ex una parte convertibilis est cum definito, & ex altera est clarior eodem. Talis est allata explicatio. Ergo est bona & legitima definitio, seu descriptio. Major est evidens. Minor probatur. In primis explicatio illa est convertibilis cum definito, ex assert. 1. Deinde est

clarior, quia rudes obscuriùs intelligunt naturam probabilitatis, cum audiunt vocem *probabile*, quam cum audiunt vocem *motivum grave sed incertum*, per hanc enim secundam locutionem exprimitur peculiaris vis movendi intellectum, proportionata illi, quam rudes in corporibus impellendis clarissimè experiuntur. Tota autem essentia motivi probabilis in hac vi movendi intellectum consistit. Hæc autem vis longè obscuriùs repræsentatur per vocem *probabile*, ut patet. Præterea expressio à nobis posita, non solum rudibus, sed etiam peritissimis clarè & distinctè exprimit peculiarem perfectionem & imperfectionem propriam motivi probabilis, in qua perfectione & imperfectione, simul unitis, tota probabilitatis essentia maximè radicalis consistit, cum ab illis prædicatis omnia alia legitime deducuntur. Ergo hæc explicatio est clarior definito. Errat ergo Celladeus, qui hoc disertissimè negat. Verum si iterum rem consideret, videbit æquo jure dici posse, expressionem *animal rationale* non esse definitionem clariorem *homine* definito. At absurdissimum esset ex eo contendere, *animal rationale* non esse bonam definitionem *hominis*, quod non sit clarior definito. Ergo & in casu nostro. Certè locutio complexa disertè explicans genus & differentiam, non potest non esse clarior termino incompleto, confusè tantum exprimente utrumque. At *motivum grave & incertum*, est oratio complexa disertè explicans genus & differentiam. *Probabile* verò est terminus incompletus, qui uno conceptu utrumque confusè tantum attingit. Ergo nostra explicatio est evidenter clarior definito.

Celladeus errat, dum hanc definitionem carpit.

5. Probatur secunda pars. Intellectus audiens, quod probabile sit motivum grave sed incertum, non quiescit, sed adhuc quærit, quid sit motivum grave, seu magni momenti, hoc enim ulterius definiendum est, ut intellectus quiescat; sicut intellectus non quiescit, quando audit hominem esse animal rationale, nisi uterque terminus, clariùs explicetur, & tandem dicatur, hominem esse principium sentiendi, & discurrendi, quod est esse animal rationale. Hic autem quiescit intellectus, quia jam tota hominis essentia exponitur per prædicata nobis notissima, in quibus sponte quiescimus, cum ulterius ad clariora progredi non possumus. Idem prorsus valet in casu nostro; quia intellectus cupit scire, quid sit motivum esse grave, & quod plus est, cupit habere indicium, per quod scire possit, motivum esse grave; nec quiescit, nisi hæc explicentur, quia quærimus definitionem per quam discernere possimus opinionem probabilem ab improbabili, & à judicio certo. Ergo nisi hæc explicentur, definitio probabilitatis non est exacta, nec sufficit aut ad quietandum intellectum, aut ad finem propter quem ista controversia instituitur.

Hæc definitio ulteriori explicatione indiget.

ASSERTIO III.

Motivum incertum sed grave seu magni momenti multipliciter ita definiri potest, ut, terminis auditis, intellectus planè quiescat. Propositum autem sit has definitiones asserre.

Motivum grave definitur.

6. **P**ROBATUR assertio contra Celladeum, qui expressè asserit, modum, ulterius explicandi talem descriptionem, esse vitiosum. Probatur, inquam, primò, quia absurdissimum est existi-

Celladeus contradicentia docet.

SOLVUNTUR OBJECTIONES.

existimare, orationem, quæ veritatem aliquam notoriam continet, non posse absque vitio ita clarè explicari, ut intellectus de proprio illius sensu sit securus, & in eo absolurè quiescat. Frustra enim ad ulteriorem explicationem tenderet, si ea absque vitio haberi non posset. At descriptio allata est oratio, quæ notoriam veritatem continet, ipso Celladeo fatente. Ergo absurdum est existimare, illam non posse absque vitio ita explicari, ut intellectus in ejus explicatione quiescat. Ergo potest clarè explicari. Immo repugnat veritatem notoriam non posse sufficienter explicari absque vitio. Celladeus ergo, qui fatetur primum, & negat secundum, revera docet contradictoria.

Motivum grave multipliciter explicatur.

7. Probatur secundò, afferendo varios modos, quibus gravitas motivi, respectu periti circa materiam propositam in rebus incertis, clarissimè explicatur. Inprimis motivum illud est grave, quod, post omnia pro utraque parte sincero animo diligenter perpenſa, tam validè illum impellit ad assensum, ut existimet, neminem reprehendi posse ut temerarium, qui illi assensum præbet. Rursus respectu imperitorum, gravitas fundamenti hac aut simili definitione & explicatur & cognoscitur. Illud est motivum grave, quod post diligentem rei investigationem aptum est movere, & de facto movet plures peritos & probos ad assensum illi præstandum. Nil enim clariùs explicat naturam motivi gravis, quàm assensus unanimis plurium peritorum, & proborum, qui rem diligenter investigarunt. Rursus illud est motivum grave & probabile, quod in rebus incertis sufficit ad defendendam theſim cum communi satisfactione, contra argumenta potissima, quæ à doctissimis Auctoribus, & rei maxime peritis afferri possunt & solent. Hoc autem est prædicatum, quod peritis clarè innoteſcere potest, ut patet. Hæc & alia similia fusè proposita sunt & explicata quæst. 2. de Conſe. prob. num. 5. & seq. ex quibus clarissimè patet, quid sit motivum grave & incertum, & quomodo intellectus ita in ejus notione quiescat, ut per illam certificari possit, quodnam sit, quodnam non sit motivum grave & probabile. Qui plura de hac materia desiderat, adeat locum citatum, ubi omnia ad hanc materiam spectantia ordinatim digesta, & clarè explicata inveniet. Cæterum præter has, plurimas alias notas in primis sex illis quæſtionibus propono, ex quibus facile & certò innoteſcat non solum peritis, sed etiam idiotis, quæ sint quoad se, quæ quoad nos, quæ extrinsecè, quæ intrinsecè probabilia, seu gravi sed incerto motivo nixa.

Gravitas motivi intellectualis rectè explicatur in ordine ad intellectum.

8. Demum sic ad hominem arguo contra Celladeum. Propositio posita est notoriè vera, & ipsemet fatetur. Ergo est clarè intelligibilis, ac explicabilis. Sed clarè explicari non potest, nisi aliquo ex modis allatis, aut alio illis æquivalente; quia explicari debet respectu intellectus, prout ille tali motivo ad assensum impellitur. Relativum enim non nisi per terminum relationis explicatur, ut certum est. Ergo Celladeus fateri debet, gravitatem motivi intellectualis posse ac debere explicari per ordinem ad intellectum, & assensum, ad quem stimulat; cum aliter explicari non possit, ut ipse etiam fatetur, uti mox apparebit, quia motivum intellectuale relativum est ad intellectum, quem movet, & ad assensum, quem causare potest, ut patet. Ergo nemo rectè negat motivum grave rectè explicari posse in ordine ad intellectum, & assensum.

9. **O**BJECIT primò. Magnitudo & gravitas motivi, per quam probabile definitur, dicit respectum ad intellectum, qui aliquo saltem modo per illud movetur ad assensum. Ergo illa magnitudo & gravitas intelligi nequit, nisi explicetur in ordine ad intellectum. Peto jam, an magnitudo illa & gravitas censenda sit relatè ad omnem omninò, an solum respectivè ad aliquem tantum intellectum. Neutrum dici potest sine aliquo absurdo. Ergo, &c. Probatur minor. Inprimis grave & leve motivum non magis dici potest respectu omnis intellectus, quàm onus dici possit grave & leve respectu omnium hominum; non enim major est diversitas inter vires, quàm inter intellectus hominum, ut patet. At onus, puero grave, est viro robusto leve. Ergo motivum quod grave est respectu ignorantis aut leviter credentis, illumque convincit, alteri intellectui perito est leve, & protius insufficiens ad assensum impetrandum. Ergo motivum dici nequit grave respectu omnis intellectus. Deinde dici nequit grave respectu virorum gravium & doctorum, quia hac ratione incidimus in vitium contra logicam, quia quaeritur definitio probabilis in genere, quod, semel explicatum, dividendum erat in probabile ab intrinsecò & in probabile ab extrinsecò. At jam, ut probabile in genere declaratur, ventum est ad probabile in specie, nempe ad probabile ab extrinsecò, scilicet ad homines graves, & ad auctoritatem gravem, in qua sola probabilitas extrinseca consistit. Ergo jam explicamus genus per speciem, quod est contra tria logicæ præcepta, & non minùs absurdum, quàm si animal per hominem explicaretur, cum è contrario homo per animal exponi debeat. Ita Celladeus hic §. 1.

Motivum non potest dici grave respectu omnis intellectus.

Respondeo, gravitatem & magnitudinem motivi, de quo loquimur, dicere respectum non ad quemcumque intellectum, sed solum ad intellectum peritorum in materia, de qua agitur, ut constat ex dictis in probatione Assertionis 3. hoc autem non est explicare genus per speciem, quia unusquisque optimè intelligit, quid sit hominem esse peritum in aliqua materia, licet nil sciat aut cogitet de probabilitate in genere, aut in specie. Et ratio est, quia peritia est dispositio, qua homo aptus est ad materiam aliquam penetrandam, juxta statum quæſtionis & ignorantie humanæ. Itaque conceptus peritiæ seu doctrinæ alium respectum non dicit, quàm dispositionis hominis ad objectum debitè penetrandum. At clarum est, hunc respectum diversum esse à respectu, per quem probabilitas extrinseca constituitur. Probabilitas enim extrinseca dicit respectum ad assensum, quem unus alteri præbet ob peritiam & probitatem ipsius. Conceptus ergo probabilitatis extrinsecæ in eo consistit, quod homo asserens aliquid, sit dignus, cui assensum præbeamus. Ideo autem dignus est tali assensu, quia peritus est & probus, atque per locutionem suam auctoritatem interponit, ut alius assensum eliciat. Quolibet enim horum deficiente tollitur conceptus probabilitatis extrinsecæ, ut patet. Præterea, qui definit probabilitatem extrinsecam, eam explicat per auctoritatem dignam assensu. Si hanc auctoritatem explicet, eam declarat per peritiam & probitatem, &c. Ergo conceptus peritiæ, ad quam nos solum respicimus, non est conceptus specificus probabilitatis extrinsecæ, sed præsupponitur ut notus,

Motivum grave dicit respectum ad intellectum peritorum.

Explicatio motivi gravis non explicat genus per speciem.

notus, antequam scire possimus, quid sit probabilitas extrinseca. Ergo conceptus peritiae diversus est à conceptu probabilitatis extrinsecæ. Demum probabilitas extrinseca supponit peritum considerasse rem, suamque sententiam protulisse; nisi enim peritus iudicium elicuerit, suamque sententiam tulerit ac explicaverit, nullus locus est probabilitati extrinsecæ, ut patet. Ergo connotatum, in ordine ad quod probabilitas extrinseca explicatur, non est iudicium à perito elicatum, sed iudicium aliud eliciendum dependenter à iudicio periti præexistente. At nos motivi gravitatem explicamus in ordine ad iudicium à perito elicatum. Ergo in hoc nos non explicamus genus per speciem.

Aliquando genus rectè explicatur per aliquod cōnotatum speciei.

Aliquando genus non innotescit nisi dependenter à cōnotatis speciei prius clarè cognitis.

Alio est ordo discendi, alius ordo docendi.

Obiectio 2.

10. Deinde respondeo, aliquando contingere, ut species sit notior, aut certè non minùs nota, quàm genus. In quo casu non est absurdum inchoare à consideratione speciei, & sic ad generis considerationem progredi. In hoc autem casu genus explicari potest per aliquod ex obliquis, per quod species ipsa explicatur. Verùm tunc non prius consideratur genus, quàm species, sed è contrario species consideratur ante genus, ideoque genus congruè explicatur in ordine ad aliquod prius observatum in specie. Ratio est, quia ordo cognitionis ita constitutus est, ut à facilioribus ad difficiliora progrediamur. Et sanè si rectè observemus nostrum modum discurrendi, inveniemus abstractiones genericas non esse prædicata primò nota, sed non nisi à multis aliis notioribus minus universalibus ac præviis dependere. Sic in nobis ipsis prius observamus, quid sit videre, audire, tangere, &c. quàm sciamus quid sit sentire in generali. Rursus prius scimus, quid sit sentire in genere, quàm quid sit animal ut sic; adeoque ad notionem genericam non venimus, nec illam explicamus, nisi in ordine ad noxiones antea in specie observatas. Neque tamen ideo explicamus genus per speciem adæquatè sumptam, sed solum per quasdam operationes, aut quasdam prædicata in specie ipsa prius observata. Itaque in huiusmodi rebus alius est ordo discendi, alius docendi. Optimus discendi modus est, ut à particularibus ad universalia progrediamur, imò sæpe aliter ex propria observatione ad universalium notitiam pervenire non possumus. At obtentâ semel scientiâ, non est incongruum, ut eam alios contraria methodo doceamus, & ab universalibus incipientes ad particularia descendamus. Et hæc est ordinaria methodus Magistrorum. Verùm qui methodo discendi in docendo uteretur, laudandus esset, non culpandus, quia certiori via, etsi longiori progredieretur. Et sanè hanc in docendo methodum sæpe congruam reperi, discipulisque utilissimam; & quod plus est in præsentia materia de natura probabilitatis, ejusque definitione, ut à clarioribus ad obscuriora progredieretur, resolutionem quæstionis à probabilitatis extrinsecæ notione incepti, atque à prædicatis & connotatis in illa observatis ad probabilitatis tam intrinsecæ, quàm probabilitatis in genere definitionem clariùs & certius tradendam gressum feci, ut videre est *quæst. 2. de Conf. prob. num. 20. & seqq.*

11. Obijcit secundò. Nobis ignotum est, qui sint viri verè graves & docti. Ergo quando probabile, seu motivum grave explicatur per ordinem ad viros doctos & graves, nil explicatur, quia ignotum per æquè ignotum exponitur. Ita Celladeus §. 1.

Respondeo, si antecedens verum esset, nemo

nisi stultè à Celladeo consilium peteret, nec illum ad ullam resolutionem faciendam adhiberet, quia nemo sciret, an à perito vel imperito consilium peteret. At hoc si non solum fieret, sed omnibus ut verum ac indubium proponeretur, id fortasse ipsi gratum non esset, sed horam culparet, in qua hoc scripsit. Similiter non deberet animum ad quidquam scribendum adjicere, nemo enim scire posset, an doctè & peritè scriberet, & consequenter nemo dictis ipsius fidem prudenter adhibere posset.

Respondeo secundò, parum mali universæ reipublicæ ex eo sequatur, quod nemo, stante veritate talis asserti, Celladeum, aut quemvis hominem particularem consularet, sed ingens malum foret, quod sanctissimum Tobie consilium, à Deo nobis in Sacra Scriptura propositum, irritum fieret. Sanctus senex *cap. 4. ver. 19.* hortatur filium dicens. *Consilium semper à sapiente perquire.* Et haud dubiè ideo hoc scriptum est, ut illud tamquam consilium nobis etiam à Deo datum accipiamus. Eadem est omnium sapientum concors sententia, idem consilium, ut omnes, maxime imperiti, in dubiis suis peritos ac sapientes consulant. Sed & hoc ipsum imperitis quibusque naturæ lumine notissimum est, ut in dubiis consulere debeant peritos, & juxta illorum resolutionem actiones suas gubernare. At hæc omnia frustranea, inepta, stulta, ac falsa forent, si sapientes & peritos discernere non possemus, imò magis ex parte frustratoria essent, si ipsimet rudes eos nequirent discernere. Ergo non modò non est impossibile sapientes & peritos nosse, sed idipsum & debuit esse omnibus obvium, & verè est notissimum.

12. Respondeo tertio, multos esse Auctores, qui omnium sententiâ reputantur valde periti. Tales sunt, S. Thomas, S. Bonaventura, Scotus, S. Antoninus, Caietanus, Sylvester, Suarez, Toletus, aliique innumeri. Ergo illorum resolutioni licetè stamus. Illi autem, aut omnes, aut plerique expressè docent, usum opinionis probabilis esse licitum, & regulas dant, quibus probabile dignosci possit. Rursus quidam periti sunt in facilioribus, qui in difficilioribus non sunt sufficienter periti. Unde qui satis peritus est pro rusticorum confessionibus excipiendis, sæpe caret peritiâ ad mercatorum, militum, aulicorum, & peritorum instructionem necessariâ. Interim ille ab imperitis habetur, & haberi debet pro perito, qui publicam sufficientiæ suæ famam habet, & à superioribus ad illos dirigendos constituitur. Nec obstat, quod aliquando talis homo verè sit insufficiens; quamvis enim ipsius peritiâ & probitas quoad se desit, non tamen deest quoad nos, quia prudenter præsumitur sufficientiam habere. Nos autem ex tali præsumptione ad operandum dirigimur, & eos pro extrinseca probabilitate quoad nos sufficientes dicimus, qui ex tali præsumptione habentur sufficientes; quod pluribus ostensum est *quæst. 6. de Conf. prob.* quia sufficientia prudenter præsumpta ad talem probabilitatem sufficit, etsi per accidens veram sufficientiam abesse contingat.

13. Quod si de doctis sit sermo, illi facile norunt, quinam sint, & quinam habeantur periti. Si verò aliquis eorum in aliquo à peritiâ deflexit, & minus peritè locutus est, id ab aliis non dissimulatur. Unde facile norunt, quinam, & in quo sint & communiter habeantur periti, quod tam perspicuum est, ut mirer quemquam de hoc dubitare potuisse. Jam verò ille generaliter loquendo

Celladeus scribere nō deberet, si verum diceret.

Periti & prudentes facile cognoscunt.

Aliqui Auctores notorie sunt periti.

Quidam periti sunt in facilioribus tantum.

Docti facile norunt, qui sint & habeantur periti.

quando peritus est in aliqua materia, qui & capacitate rem illam bene intelligendi pollet, & illam diligenter examinavit, talis enim non potest non esse peritus in tali materia. Si res ab aliis tractata fuit, videre debet quid alii in illa re potissimum observarint, & tunc tandem suam sententiam proferre; quod si res ab aliis discussa non fuerit, majori diligentia opus erit, ut solidè sententiam ferat. Jam facile est peritis scire, an hæc alicui convenient, nec ne. Uno verbo periti ac sufficientes ad debite judicandum de rebus controversis, non sunt tam pauci, quàm Celladeus imaginatur. Qui autem scire cupit quinam illi sint, & quomodo tam pro intrinseca, quàm extrinseca probabilitate dignosci possint, legat qq. 2. 5. & 6. de Consci. prob. ibi enim hæc omnia expedita inveniet.

Obiectio 3. 14. Obijcit tertio. Si probabile explicetur per motivum grave, probabilitas intrinseca per extrinsecam explicanda erit. Intrinseca siquidem probabilitas est, quæ nititur ratione gravi: At ratio gravis non est ratio, quæ movet quemlibet, sed quæ ad viros peritos movendos sufficit. Ecce intrinseca probabilitas per extrinsecam, id est, una species per aliam explicatur, quod est absurdum & vitiosum. Præterea intrinseca probabilitas est naturâ prior quàm extrinseca. Ergo prius exponenda est quàm extrinseca, & non nisi vitiosè per hanc explicatur. Demum probabilitas extrinseca etiam explicatur per intrinsecam; si enim petatur, quid sit virum esse gravem, & fide dignum, respondetur eum esse talem, qui non quibuscumque, sed gravibus rationibus assensum præbere solet. Ecce circulus vitiosus committitur, & species oppositæ mutuo per se ipsas explicantur. Ergo definitio hæc non est clarior definito, imo exponi non potest absque vitio. Ita Celladeus §. 1.

Una species aliquando recte explicatur per ordinem ad aliquid inclusum in alia specie.

Respondeo, hanc etiam objectionem in eodem falso supposito fundari, quod scilicet probabilitas ut sic, & probabilitas intrinseca explicatur per probabilitatem extrinsecam, quod tamen certò constat esse falsissimum, quia solum explicatur per ordinem ad iudicium, quod vir peritus post diligentem rei considerationem elicit. At nec hoc iudicium solum, nec sola peritia, nec utraque simul est probabilitas extrinseca, sed solum aliquid constitutivum ipsius, quia probabilitas extrinseca præter hæc dicit etiam probitatem, & externam locutionem, quæ talis homo suam auctoritatem interponit ad fidem obtinendam. Jam non est absurdum explicare unam speciem in ordine ad partem alterius speciei, ut in casu nostro. Præterea non est absurdum, ut una species explicetur in ordine ad aliam, quando illæ sunt correlativæ; sic materia explicatur in ordine ad formam, & forma in ordine ad materiam, pater in ordine ad filium, filius in ordine ad patrem, appetitus in ordine ad bonum, bonum in ordine ad appetitum, & universaliter actus in ordine ad objectum, & iterum objectum in ordine ad actum. Et sanè quamvis ista non semper rectè explicentur ad invicem prout sunt correlativa, quia sic fieret circulus vitiosus, nihilominus verè explicantur ad invicem materialiter sumpta, sub aliquo conceptu non correlativo: sic pater non rectè explicatur, qui gignit filium, nec filius, qui gignitur à patre, hæc enim ratione nil explicaretur; sed pater est homo, qui gignit hominem, & filius est homo genitus ab homine. Idem proportionaliter dicendum de aliis, quamvis in illis, quæ sunt mutuo intrinsecè & essentialiter correlativa

Sæpe una species non potest explicari nisi per aliam.

transcendentaliter, ut materia & forma, neutrum explicari possit, nisi in ordine ad aliud acceptum sub conceptu aliquo correlativo, quia propriæ ipsorum rationes essentielles sunt correlativæ. In his tamen talis explicatio non est vitiosa, quia quod ponitur ut constitutivum rei in una explicatione, illud in altera non ponitur ut constitutivum, sed solum ut terminus rei explicatæ, quod certè non est absurdum, sed prorsus necessarium in rebus ejusmodi, cum perspicuum sit illas aliter explicari nec posse, nec debere.

15. Applicentur hæc ad casum nostrum, & videbis nullum esse vitium in hac probabilitatis definitione, quia probabilitas intrinseca & extrinseca, ratio gravis & intellectus peritus sunt correlativa, unde unum bene explicatur in ordine ad aliud; maxime quando illud aliud non sumitur sub conceptu correlativo, ut fit in casu nostro; nam ratio gravis non dicitur, quæ movet virum gravem, sed quæ movet virum ingenio & capacitate præditum, qui rem diligenter examinavit, & absque passione animum cæcante judicat. At nil horum exprimit correlationem ad rationem gravem sub conceptu gravis, ut patet. Et sanè hæc omnia adeo clara sunt, ut mirum sit ea in dubium vocari potuisse; ex correlativis enim vix ullum invenietur, quod clariùs, & absque recursum ad terminos correlativos rectius explicetur, quàm motivum grave & vir peritus, aut probabilitas intrinseca & extrinseca.

16. Præterea dato, quod probabilitas intrinseca concedatur explicari in ordine ad extrinsecam, & ratio gravis dicatur esse, quæ apta est ad movendum hominem gravem & fide dignum, non ideo committitur circulus, quia homo-gravis ac fide dignus non explicatur per ordinem ad rationem prout illa est & dicitur gravis, sed simpliciter ad rationem, quam approbat; nam homo fide dignus est homo peritus & probus, qui rem diligenter examinavit, & absque passione animum cæcante sententiam tulit, eamque exterius significavit. Hic nil dicitur de ratione gravi, ut patet; sed illam rationem, qua talis homo motus est, appellamus gravem, quia approbata est à viro tali, taliter judicante. Itaque nullus circulus vitiosus, nullum prorsus vitium in explicatione probabilitatis in genere vel in specie committitur.

17. Demum etsi probabilitas intrinseca explicaretur in ordine ad extrinsecam, quam ordine naturæ præcedit, non tamen ideo talis explicatio esset vitiosa, nec prius explicanda foret probabilitas intrinseca, quàm extrinseca, quia nos ob imperfectionem intellectus nostri servare non possumus eum ordinem in cognoscendo, quem res obtinent in essendo; procedimus enim à notis ad ignota, ab effectibus ad causas, nec causam explicare possumus, nisi per ordinem ad effectum nobis notiozem. Sic hominem dicimus esse principium sentiendi & discurrendi, &c. Itaque cum probabilitas extrinseca sit notior intrinseca, & intrinseca probabilitas supponatur respectum dicere ad extrinsecam, utique sequitur, quod intrinseca probabilitas, quamvis naturâ prior, explicari non possit nisi in ordine ad extrinsecam, quam respicit, & sine cujus prænotione debite cognosci nequit, ut videre est in definitione hominis & similibus. Fallitur ergo Celladeus in omnibus & singulis, quæ hic objicit, etiam data hypothesi, in qua loquitur. Cæterum hypothesis vera non est, quia ex responsione ad primum constat, rationem gravem, & probabilitatem intrinsecam non

Correlativa non explicatur per mutuū respectū sub conceptu correlativo.

Ratio gravis explicatur per Auctorem gravem absque circulo vitioso.

Quæ sunt priora naturâ optimè explicantur in ordine ad posteriora magis nota.

non explicari in ordine ad probabilitatem extrinsecam adæquatè sumptam, aut ad ullum conceptum cum probabilitate extrinseca convertibilem.

Obiectio 4. 18. Obiecit quartò. Si dicamus (inquit Aristoteles 6. Ethic. c. 1.) *medium virtutis inter excessum & defectum consistentis esse quod recta ratio præscribit, verum quidem est, non tamen perspicuum, idcirco oportet etiam circa animi habitum non solum verè hoc dictum esse, sed etiam determinatum, quamnam sit recta ratio, quæq; ejus definitio.* Ecce Aristoteles expressè admittit explicationem veram, sed eam insufficientem agnoscit; sicut enim qui ait ea corpori curando adhibenda esse, quæ homo medicinâ instructus præscribit, verum quidem dicit, sed insufficienter se explicat, ut quemquam ad corpus curandum dirigat; ita pariter verum dicit, sed insufficienter se explicat, qui dicit, medium inter excessum & defectum esse quod recta ratio præscribit. At hic ipse est casus præsens, nam Auctores benignæ sententiæ eodem prorsus modo respondent, scilicet probabile esse, quod gravis, aut si mavis, quod recta ratio præscribit. Ergo hæc expositio ex mente Aristotelis non est sufficiens, quamvis sit vera, quia nihil dicit perspicuum, doctrinale, ac determinatum. Ita Celladeus ibidem.

Doctrina
Philosophi
Celladeo
non favet.

Respondeo, verissima hæc Aristotelis dicta nec Celladeo favere, nec nobis ullatenus adversari. Celladeo non favent, quia ipse intendit probare, definitionem non esse definito clariorem, sed idem explicari per idem, ac circulum vitiosum committi. At Aristoteles nil horum obiecit contra generalem illam explicationem, qua medium virtutis dicitur esse quod recta ratio præscribit. Evidens enim est, illud in genere verum esse, & medium illud clariùs explicari per ordinem ad rationem rectam, quàm antea conciperetur sub notione medii inter excessum & defectum. Id ipsum etiam clariùs patet in exemplo illo de medicina; quia per hanc enunciationem, *ea corpori curando adhiberi debent, quæ peritus medicus præscribit*, unusquisque magis dirigitur ad aptum remedium quærendum, quàm si solum generaliter dicatur illi, *remedium est adhibendum*. Itaque Aristoteles non rejicit hunc loquendi modum ut obscurum, aut ut vitiosum, eò quòd explicet idem per idem, sed solum ut insufficientem, eò quòd sit ratio quædam generica, quæ non est satis determinata & perspicua, ut quis per eam in particulari dirigatur, quod certè verum est de quavis definitione generica, quantumvis optima & exactissima. Itaque certum est, hanc Aristotelis doctrinam Celladei intento non favere.

Nec nobis
adversatur,
sed nobiscum
per omnia
consentit.

19. Rursus certum est, eandem nobis non adversari, nam ultrò fatemur, definitiones istas probabilitatis, sive in genere, sive in specie, non habere sufficientem determinationem, ut per illas solas dirigamur ad operandum; nam si aliud non sciamus, quàm istas definitiones in genere, non aliter hærebimus, quàm ægrotus, qui aliam notionem non habet, quàm genericam illam, quòd ea adhibenda sint, quæ medicinæ peritus præscripserit. Sicut enim ægrotus non potest sumere medicinam in communi, nec id quod in communi à medico præscribitur, sed aliquid particulare præscribi debet, ut illud sumi possit; ita pariter nos non possumus ponere actionem probabiliter licitam in communi, sed necesse est, ut probabilitas ad peculiare objectum terminetur, ut sic ultimam consultationem adhibeamus, & conscientiam debitè formemus. Itaque quoad hoc per omnia cum Philosopho concordamus.

Cæterum hinc non sequitur, definitiones istas generales non esse doctrinales, & utiles, quia definitiones istiusmodi generales in omni materia tam ab Aristotele quàm ab omnibus peritis adhibentur, quod certè non fieret, nisi doctrinales, & ad finem intentum utiles essent. Porro in casu nostro sunt utilissimæ, quia sine illis scire non possumus in particulari, quidnam sit probabile; per istas autem definitiones ad illud sciendum manuducimur, ut patet; sit enim syllogismus istiusmodi; *Quod plurimi periti post debitam rei investigationem verum reputant est probabile. Sed hoc objectum à plurimu peritu post diligentem rei investigationem verum reputatur. Ergo est probabile.* Nec obstat, quod definitiones istiusmodi per se solas non sint adeo determinatæ & perspicuæ, ut se solis sufficienter dirigant ad opus; quia nulla definitio generica, quamvis optima, habet talem claritatem, perspicuitatem, & determinationem; quia ad opus res in particulari exprimenda est. Nihilominus habent claritatem, perspicuitatem, & determinationem genericam, quæ sola in ipsis requiritur, quæque pro legitima rationis genericæ definitione abundè sufficit. Verùm claritas, & determinatio generica conjungitur cum obscuritate & indeterminatione respectu speciei ac individui, ac ultimæ doctrinæ nobis ad operandum necessariæ. Hoc est quod docet Aristoteles, & hoc est quod nos docemus & fatemur in nostra doctrina contineri, quia scimus illud in omni legitima doctrina debere involvi.

Obiectio 5. 20. Obiecit quintò. Dantur Auctores indubie graves & omni exceptione majores, ut Sanctus Thomas, Scotus, Suarez, & alii complures. Item dantur Auctores haud dubie superficiales, item & mediocres, qui omnes ita inter se ordinantur, ut superiores parum differant à sibi proximis, & sic per gradus usque ad Auctorem infimum, & maximè superficiale. Idem valet de rationibus gravibus seu probabilibus, & levibus seu improbabilibus: licet enim aliquæ sint certò graves, & aliz certò leves; tamen graves paulatim & insensibiliter desinunt in leves, & leves sensim augentur, donec evadant graves. Hoc posito, sequitur explicationem hanc esse prorsus inutilem, quia cum probabile intrinsecum per rationes graves, & extrinsecum per auctoritatem gravem explicetur, impossibile est, ut determinatè sciatur, quinam Auctores, & quæ rationes censeantur graves. Certè Auctores educati in una schola plurimè faciunt rationes & Auctores sibi faventes, quos tamen Auctores scholæ contrariæ mediocres aut etiam leves reputant. In hisce enim judiciis educatio, & scholarum divisio multum facit. Præterea non est ratio, cur unus Auctor aut ratio includatur, & alius Auctor aut ratio, à priori parum distans, excludatur. Ergo omnes Auctores habendi sunt graves, & omnes rationes dicendæ sint probabiles & ad conscientiam debitè formandam sufficientes. At sequela absurda est, inutilitatemque ac insufficientiam istarum definitionum ostendit. Sic si rex det facultatem omnibus & solis maximæ dignitatis viris, ut coram se caput cooperiant, & aliud non explicet, certum erit, aliquos ex nobilibus includi, & alios excludi; nihilominus ista lex tandem omnes includeret, quia in nullo sisti posset, cum non sit cur proximus & eo parum inferior in dignitate excludatur. Ergo omnes includerentur. Ergo lex illa esset planè inutilis. Idem valet in casu nostro. Ergo, &c. Ita Celladeus §. 3.

Respon-

Definitio
generica non
sufficit ad
operandum,
est tamen
utilis ad o-
perationem
dirigendam.

Quae parum
distant ab
invicem saepe
facile dis-
cerni pos-
sunt.

Respondeo inprimis, me fasè respondisse huic argumento *quæst. 5. de Consc. prob. nu. 43. & seqq.* qui locus non inutiliter inspicietur. Similiter ibidem *totâ quæst. 5. & 6.* fusè exposui, quomodo certò probabilia à non certò, probabilibus dignosci possint, etsi motiva ipsa parum, & ut ita dicam, quodammodò insensibiliter distent ab invicem. Interim ex ibi dictis constat, argumentum nil valere, quia supponit motiva parum ab invicem distantia certò discerni non posse, quod ibi ostendi esse falsissimum.

Celladei
contradi-
ctio.

21. Respondeo secundò, Celladeum in hoc ipso argumento sibi contradicere; fatetur enim aliquos esse Auctores certò graves, qui jam universali omnium famâ tales habentur. Rursus fatetur etiam aliquos esse Auctores certò leves ac superficiales; alios autem mediocres, quorum aliqui magis, aliqui minus ad extremos accedunt. Eodem modo in exemplo de facultate à rege concessa, fatetur aliquos certò comprehendere; alios certò non comprehendere sub terminis confessionis. Hæc ergo, quæ certa sunt & evidentiæ, non subjacent falsitati aut ulli exceptioni, quamvis de mediis non ita constet, ad quam extremorum classem reduci debeant. Ergo sibi contradicit & errat, dum contendit ex hoc sequi, quod omnes Auctores & rationes essent graves, quodque omnes omnino nobiles haberent facultatem cooperiendi caput coram rege, quia falsum ex vero deduci nequit. Ipse autem fatetur antecedens esse verum & certum, item agnoscit consequens esse certò falsum. Ergo evidenter errat, dum dicit consequens illud ex antecedente legitime deduci. Porro si aliqui sint viri certò graves & periti, illique ab aliis discerni possint, ut Celladeus fatetur, hoc nobis sufficit, quia motiva gravia & probabilia in ordine ad tales explicamus; dicimus enim sola certò probabilia esse sufficientem conscientiam ritè formandæ regulam. Certum autem est, hujusmodi probabilia optimè explicari posse in ordine ad viros graves, quales ille agnoscit posse à nobis certò dignosci.

Celladeus
omnes re-
solvitur ar-
gumentum
solvere.

22. Respondeo tertio, Celladeum, omnesque debere huic argumento respondere, si illud ad materiam furti, vel alterius peccati applicetur, in cujus materia datur parvitas & gravitas. Sic enim arguo. Certum est centum aureos esse materiam gravem, item certum est unum obolum esse materiam levem in furtis. Rursus certum est quantitates medias, descendendo à majori ad minus, & ascendendo à minori ad majus, per gradus insensibiles diminui & crescere. Et sanè incrementum & decrementum horum graduum est longè minus sensibile, quam sit decrementum in gradibus nobilitatis, aut in classibus Auctorum. Hoc ergo posito, pecto à Celladeo, an putet legitime deduci, nullam dari materiam parvam in furto, eò quòd descendendo à maxima ad minimam, descensus fiat per gradus insensibiles? quid dicis, Celladee? valeatne ista consequentia in materia furti, an non valet? Si dicas valere, patenter erras, quia contrarium & lumine naturæ notissimum est, & ab omnibus omnino Catholicis Doctoribus ut indubitatum habetur. Si dicas non valere, uti procul dubio scis & dicis, responde ergo argumento tuo ad hanc materiam applicato, & evidenter videbis, responsionem illam, si sit congrua, longè melius quadrare in materia & casum præsentem, quam in materia furti; quia gradus per quos incrementum fit in casu nostro,

R. F. A. Terribi Regula morum. PARS I.

sunt pauci, & facile numerari possunt, ac propinde satis notabiliter ab invicem discrepant; gradus autem in materia furti sunt plurimi, & unus insensibiliter differt ab altero, ut patet.

23. Respondeo quarto directè, & dico, auctoritates & rationes aliquas esse certò graves, alias autem esse certò leves. Accipio istas, & de mediis quæro, an ex illis certò discerni possit, quæ sint, quæ non sint graves? Si hoc possit discerni (ut optimè potest, sicut ostendi *quæst. 5. de Consc. prob. num. 43. & seqq.*) argumentum non valet, ut per se patet. Si hoc discerni non possit, nostrâ nil interest, quia rationes & auctoritates non certò graves aut probabiles, ex nostra communiquæ sententia ad conscientiam debitè formandam non sufficiunt. Itaque de illis solliciti non sumus; nec ullam de illis in ordine ad præsentem controversiam quæstionem facimus, nisi ut rejiciantur tanquam insufficientes; omnia enim solum in ordine ad rationes & auctoritates certò graves explicamus.

24. Respondeo quinto, & directè examino singula in objectionem posita. Inprimis fateor, plures esse Auctores gravissimos, quia plurimi sunt notoriè tales, & ab omnibus post eorum opera diligenter discussa habentur tales. Fateor alios respectu horum esse mediocres, alios etiam, si ita loqui velis, leves & superficiales. Nihilominus absit ut existimem, grandem Auctorum catalogum formari posse, ut Celladeus innuere videtur (quos tamen prudenter adverti à se nominati non debuisset) qui omnes & sint & dici debeant leves in sensu præsentis quæstionis, quasi illi, nec seorsim nec collectim sumpti, reddere possint assertum suum certò probabile, aut tantam peritiam non habeant, quanta sufficit, ut ratio dicatur & verè sit gravis, quæ post debitam diligentiam, in veritatis indagatione impensam, illos ad assensum movit. Non sum, qui de viris verè peritis ac probis, deque Ecclesia & republica litteraria optimè meritis tam severè judicem. Imò ut hæc de re sensum meum exponam, assero, nullum esse ex omnibus Auctoribus Catholicis, ne quidem ex Casuistis ullius famæ ac nominis, quos Ecclesia tolerat, qui non sit verè peritus & sufficiens ad certò discernendum rationem & Auctorem gravem à levi; quique suum assertum, si debitè rem examinet, & absque passione indebitè illum impellente sententiam ferat, certò probabile reddere non possit.

25. Mentem meam expono. Auctores aliquos non tam superficiales ac leves voco, quam Auctores, qui rem superficialiter seu ad litteram leviter tractant. Ad istam classem omnes reducuntur, qui aut solas assertiones compilarunt, ut multi Casuistæ fecerunt, aut breves aliquas rationes in confirmationem attulerunt. Talis enim liber superficialiter & leviter rem tractat, si litteralem rerum expressionem spectes. Auctores ergo, qui aliter non scripserunt, res superficialiter, ac ad litteram leviter tractasse dicuntur, quos tamen non ideo leviter aut superficialiter tantum doctrinâ imbutos fuisse puto, sed oppositum scio; tantam enim in multorum illorum dictis & scriptis sapientiam & accuratorem videre est, ut nectio ambigat, quin fuerint viri longè gravissimi; talis est Summa Cardinalis Toleti, qui si aliud nil scripisset, vel ex illo opere summis Theologis merito æquari potuisset. Jam talium virorum opiniones non minoris momenti sunt, quam eorum, qui diffusè res tractarunt. Cæterum de casuum collectoribus universè affirmo, eos non leviter

Dato, quod, sint aliquæ rationes & auctoritates certò graves, h. c. nobis sufficiat.

Auctores, quos Celladeus mediocres & leves vocat, non sunt leves in sensu præsentis quæstionis.

Molti gravissimi Auctores breviter tantum res tractant.

Casuum & pilatores sunt Auctores graves relate ad id, quod præstent.

leviter doctos, sed homines moralis materiz sufficienter peritos fuisse, qui Auctores graves à levibus & superficialibus discernere, atque iudicium sincerum & certum de extrinseca ac intrinseca opinionum probabilitate ferre potuerunt. Itaque isti Auctores in ordine ad hoc pro gravibus habendi sunt; raro enim de suo quidquam afferunt. Si ergo opiniones & sententias communes proponant, non dubium, quin illæ à viris gravibus assertæ fuerint. Si contra communem opinionem aliquid statuunt, nisi novas & gravissimas rationes afferant, & omnia communi sententiæ faventia solvant, audiendi non sunt; quia nisi ista præstentur, temerè à communi sententia receditur. Si verò hoc præstent, eo ipso in illa materia peritos & graves se ostendunt. Quod si aliquid ex proprio proponant, quod ab aliis tractatum non fuit, illudque nec communi sensui, nec Ecclesiæ decretis, nec Majorum traditionibus repugnet, non est cur non habeatur probabile, quia meritò præsumitur, eos non temerè ita iudicasse. Unde qui in hoc ipsi consentit, quamdiu nil in contrarium affertur, non temerè sed prudenter assensum præbet, quia viri periti sententiam, & optimum, quod hic & nunc in rebus obscuris haberi potest, dictamen sequitur. Quod si hoc postea ab aliis confirmetur, probabilitas augetur; si verò probabilitas ipsa in dubium revocetur, cessat quoad nos, juxta dicta in *quest. 6. de Conf. prob.* Demum si aliquis ex istis casuum collectoribus à munere suo deflectat, id statim à viris peritioribus notatur, qui ista non dissimulant, sed statim aperto ore & calamo reprehendunt. Unde perspicuum est, qui sint, qui non sint doctores & opiniones graves, in ordine ad præsens intentum, quidquid Celladeus in contrarium imaginatus est.

Qui res furè tractant, facile sciuntur esse Auctores periti ac graves.

26. Qui verò in quæstione tractanda rationes hinc inde perpendunt, atque ita demum de singulis sententiam ferunt, non superficialiter, sed fundamentaliter materias resolvunt. Jam nemo ex talibus invenitur, qui vir peritus non sit; & si quis esset, qui non probè caperet, quæ diceret, statim ab omnibus ludibrio haberetur, & exploderetur. Quod si non explodatur, sed laudetur, signum est eum esse virum doctum & gravem, nec de eo quisquam ambigit. Porro unusquisque Theologiæ & Canonum notitiâ mediocriter instructus, ex propria lectione statim discernere potest, an talis Auctor quæstiones solide & graviter resolvat. Cæterum hoc etiam in istis advertendum est, difficilius istis credendum esse, quando contra omnes alios novam sententiam invehunt; non enim sunt audiendi, nisi, ut ante notatum est, novas efficacissimasque rationes afferant, &c. Brevis autem ex communi Doctorum sensu scitur, an dicta talia pro gravibus haberi, an pro levibus explodi debeant.

Una schola admittit Auctores scholæ contrariæ esse graves.

27. Nec obstat, quod Celladeus benè advertit, Auctores, peculiaribus opinionibus ac scholis addictos, longè favorabilius censere de opinionibus, rationibus, & Auctoribus suis, quàm de iis, quæ ipsis contrariantur; hoc, inquam, eorum iudicium non obstat præsentis intento; certum enim est, communes integrorum scholarum opiniones, maximè de rebus moralibus, esse probabiles, & gravibus rationibus niti; neque hoc inficiantur

Auctores contrariæ sententiæ, quamvis rationes adversariorum minoris faciant, quàm suas; quia unusquisque secundum affectum facile iudicat. Itaque etsi Doctores unius scholæ pro mediocribus habeant Auctores scholæ contrariæ, quos schola illi adversa plurimi facit, non tamen eos in eo sensu mediocres, aut leves reputant, in quo Celladeus voces illas hic usurpat, quia non negant illos rationibus verè gravibus & probabilibus ducti, sed solum indicant, eorum rationes esse suis minùs probabiles. Quod si sermo sit de opinionibus, circa quas non est tam acris disputatio inter illos, de illis initiùs sentiunt, ut patet. Itaque hoc non obstat, quod minùs certò constet, quicquam sint, & in quibus graves, in sensu quæstionis præsentis, reputari debeant.

28. Quod si distinguamus probabilitatem intrinsecam ab extrinseca, nulla est difficultas determinandi quæ sint, quæ non sint probabilia. Omnes periti ex propria industria & sedula lectione facile vident, & discernunt quinam fundatè, quinam leviter rem discutiant. Similiter facile discernunt rationes graves à levibus. Quod si sermo sit de probabilitate extrinseca, omnes, etiam rudes, sufficientem de ea notitiam habent, alioquin malè illis prospectum esset. Nemo enim licitè ad confessionem accedere, vel medicum advocare posset, teneatur enim unusquisque non temerè quemque pro suæ conscientie directore, aut corporis medico eligere. Ergo peccat, qui sufficientem non eligit. Sufficientem, inquam, juxta præsumptionem, & famam communem; quicumque enim talem famam habet, meritò sufficiens præsumitur, ac proinde rudiores dictis illius meritò fidunt. Atqui certum est, rudes in advocando medico, & eligendo confessario non peccare. Ergo certum est, rudes benè discernere, quod quoad nos sint graves & sufficientes pro suo munere debitè implendo. Discernunt, inquam, non veram sed præsumptam eorum sufficientiam. Hæc autem præsumpta sufficientia reddit illos fide dignos, eorumque auctoritas in illa consistit. Porro hæc auctoritas est unica causa formalis constituens probabilitatem extrinsecam quoad nos. Tantum ergo abest, ut graves rationes, gravesque viri discerni non possint, ut nemo sit adeo rudis, qui eos facillimè non discernat.

Periti facile discernunt rationes graves.

Rudes facillimè discernunt auctoritatem gravem, & ad licitè operandum sufficientem.

29. Demum. Paritas illa de rege concedente, ut omnes & soli maximè dignitatis viri facultatem habeant cooperiendi caput coram ipso, nobis non obstat, quia stante tali regis declaratione certum erit, inferiores nobilitatis gradus à tali privilegio excludi debere; similiter certum erit, superiores ejusdem gradus tali privilegio gaudere. De quibusdam mediis gradibus res erit dubia, fierique poterit, ut sit probabile hos includi, illos non includi in privilegio. Cæterum haud dubiè facillimum est evidenter inclusos ab evidenter exclusis distinguere. Itaque paritas favet nobis, quia idem planè dicendum erit de rationibus & Auctoribus gravibus & levibus. Hoc autem nobis abundè sufficit, quia omnia explicamus per rationes & auctoritates certò graves; nam quæ non sunt certò tales, ad conscientiam debitè formandam non sufficiunt.

Exemplum Regis à Celladeo allatū nobis favet.

QUÆ.

QUÆSTIO VIGESIMA- QUARTA.

*Virum probabilitas rectè explicetur per motivum ac iudicium
prudens, & per Auctores prudentes?*

1. **P**LURES ex Auctoribus benignæ sententiæ ea motiva dicunt esse gravia ac probabilia, quibus quis prudenter movetur ad assensum, seu quæ fundant assensum prudentem. Ego *quæst. 2. de Conscientiâ probabili num. 9.* ostendi quid in hac explicatione desideretur. Celladeus *lib. 2. quæst. 2.* recursum hunc ad prudentes & ad iudicium prudens pro probabilitatis explicatione eo titulo improbat, quod appellatio fiat ad eos, qui determinari non possunt. Unde sicut in *quæst. superiori* ex hoc capite damnabat recursum ad rationes & Auctores graves, ita hîc ex eodem titulo rejicit recursum ad prudentes, & ad iudicium prudens. Ego, ut occasionem habeam respondendi ad ea, quæ ad intentum suum probandum allegat, pono assertionem sequentem.

ASSERTIO PRIMA.

Probabile rectè & intelligibiliter declaratur in ordine ad prudentes & prudentiam.

Qui explicant motivum probabile per hoc, quod fundet iudicium prudens, aut quod a prudentibus meritis probetur, & verum dicunt, & perspicuè ac determinatè loquuntur, nec per umbram in circulum vitiosum incurrunt.

2. **P**ROBATUR assertio, quæ totum Celladei intentum in hac 2. quæst. prorsus evertit. Inprimis omne motivum probabile meretur assensum, & consequenter fundat assensum prudentem, quia assensus præstitus motivo, quod tali assensu dignum est, non potest non esse rationabile ac prudens. Itaque certum est, taliter loquentes verum dicere. Nec de hoc ambigit Celladeus.

Prudentes coincidunt cum peritis.

3. Quod autem perspicuè ac determinatè loquantur, evidenter sequitur ex superiori quæstione. Quia aliud non intelligimus per sapientes aut prudentes, quam peritos materiæ, de qua tractant. Maximè autem prudentes dicuntur, si de moralibus agant, cùm res ad mores spectantes sint propria materia prudentiæ. Ergo non discernibilis est prudens, quam peritus rerum moralium. Sed periti rerum moralium faciliè & clarè discerni possunt, ut constat ex *quæst. superiori*. Ergo & prudentes sunt faciliè & certò discernibiles. Præterea quidquid auctoritatis ac rationis allatum est *quæst. superiori* ad ostendendum, peritos & faciliè & certò cognosci, id omne ex æquo probat, sapientes ac prudentes certò & faciliè nobis innotescere; idque absque umbra circuli vitiosi.

4. Nec minus clarè scitur, quodnam sit iudicium. *R. P. A. Tertiâ Regula morum. PARS I.*

Illud iudicium prudens vocamus, quod à perito post debitam diligentiam præmissam elicitur ex vi motivi, quod non ex passione indebitè propellente, sed ex sua magnitudine à perito & probo absolutum assensum impetrat, aut impetrare potest. Hæc autem omnia tam ab ipsis peritis per propriam experientiam, quam ab imperitis per effectus ipsos, atque publicam famam certò sciri ac præsumi possunt, ut patet. Ergo iudicium prudens clarè ac discernibiliter explicatur. Porro tale iudicium tunc maximè propriè dicitur prudens, quando versatur circa materiam moralem, ut antea dictum est.

Quodnam sit iudicium prudens?

5. Secundò, nomine iudicii prudentis intelligimus iudicium, seu rationem rectam, quam Aristoteles *6. Ethic. cap. 2.* eam esse definit, quæ appetitui recto consentanea est. Porro quæ sit ratio recta in hoc sensu (qui propriissimè explicat rationem prudentiæ) quomodo illa cognosci possit, & absque circulo vitioso explicari, fusiè tradidi *quæst. 12. de Consc. prob. à num. 14. ad finem*. Qua de re, & universim de materia prudentiæ in *fra quæst. 41.* ex professo agetur, ubi ostendam omne iudicium probabile esse prudens; adeoque prudentiam in rebus incertis non minùs quam probabilitatem determinari ac dignosci posse. Itaque ad loca citata Lectorem plura de hac re cupientem remitto, quia hîc aliud non prætendo, quam taliter qualiter rem declarare, ut objecta à Celladeo solvendi occasionem habeam.

Iudicium prudens est ratio recta.

6. Hinc sequitur, Celladeum immeritò con-
queri, Auctores benignæ sententiæ non sufficienter explicasse quid per prudentes & prudentiam intellexerint. Omnes enim eadem prorsus ad prudentem & prudentiam in subiecta materia requirunt, quæ ad peritiam & probabilitatem postulant; nec segniores in una quam in altera explicanda fuere. Hoc verissimum est, quamvis prudentia per alium conceptum explicetur, quam probabilitas. Prudentia enim complectitur non solum obscuras & incertas, sed etiam claras ac evidentes cognitiones. Ergo genericus conceptus prudentiæ diversus est ab universali notatione probabilitatis. Rursus prudentia, strictè loquendo, solum versatur circa moralia. Probabilitas ad omnia æqualiter extenditur. Demum prudentia peculiarem ad voluntatem operationesque honestas respectum dicit, à quo probabilitas ex sua ratione præscindit; diversi ergo sunt conceptus utriusque. Nihilominus si probabilitas ad materiam prudentiæ restringatur, & prudentia in particulari limitetur ad cognitiones incertas, talis prudentia à tali probabilitate non differt, sed utraque dicitur ad convertentiam. Unde quidquid Auctores circa unum dixerint, de altero dixisse æstimandi sunt, sicut reipsa dixerunt.

Auctores satis explicarunt, quid per prudentes intelligunt.

Conceptus prudentiæ diversus est a conceptu probabilitatis.

T 2 ASSE-

ASSERTIO II.

Propositum sit ostendere, Celladeum in proponenda Vasquii opinione manifestè errasse.

Celladeus
certò errat
in exponenda
sententia Vasquii.

7. **O**STENDITUR sic. Celladeus hic §. 2. ut viam sternat ad peculiarem suam, sed falsissimam opinionem, quòd prudentia & probabilitas explicari non possit nisi per ipsam veritatem, dicit Vasquium 1. 2. disp. 58. num. 10. tradere, quòd rectitudo appetitūs, & intentionis finis explicari non possit, nisi recurrendo ad veritatem simpliciter, quæ in conformitate ad naturam rationabilem, quæ rationabilis est, consistit. Verùm certissimè errat, quia Vasquez illo loco expressè tradit contrarium, his enim verbis dictum §. concludit. *Quocirca recta ratio practica (quæ haud dubiè coïncidit cum ratione prudenti) illa debet judicari, quæ diligenter proponit id, quod videtur conveniens naturæ rationali, ut rationalis est; non quòd (nota bene) conformis sit rei, quam enunciat, sed quia diligenter & prudenter proponit id, quod rectum & consentaneum naturæ rationali videtur.* Et paulò ante in eodem §. dixerat, rationem nostram esse regulam humanarum actionum, prout proponit objecta tamquam consentanea, vel dissentanea naturæ rationali: & mox hæc subiungit. *Sed quia humana diligentia non potest, omnia sine errore assequi, & absque ulla culpa aliquando apprehenditur ut bonum, quod malum reipsà est, ideo illud in re debet dici natura humana convenire, aut disconveniens esse, quod per rationem probabilem & diligentem proponitur, sive in re ita sit, sive non.*

Vasquez tenet rationem probabilem, etsi falsam, esse rationem rectam.

8. Ecce Vasquez expressè vult, appetitum regulatum esse rectum, quamvis ratio regulans sit falsa, quia falsitas rationis non impedit, quominus illa sit recta, modò sit probabilis & diligens. Quod in sequentibus explicat per hoc etiam, quòd illud iudicium rationis sit invincibile. Præterea tota illa disp. Vasquez nec verbum habet de necessitate, ut appetitus aut intentio finis reguletur à cognitione vera, ad hoc ut sit honestus; imo tradit oppositum, quia totus est in ostendendo, quomodo homo affectu maritali propter debitum finem accedens ad non suam, quam falsò suam existimat, honestè operetur, & non peccet. Certissimè ergo erravit Celladeus in exponenda sententia Vasquii, qui expressè asserit, illud convenire naturæ rationali, quod per iudicium probabile, quamvis erroneum, proponitur tamquam conveniens. Porro, per Vasquium, idem in præsentis est iudicium probabile ac iudicium prudens, seu recta ratio practica, cujus rectitudinem explicat per diligentiam & invincibilitatem iudicii eliciti, atque in hanc tandem refundit rectitudinem appetitūs regulati, utpote qui per illum ideo rectus est, & conformis naturæ rationali, quia regulatur à iudicio, per quod objectum diligenter & invincibiliter, seu prudenter & probabiliter repræsentatur ut conveniens naturæ rationali.

SOLVUNTUR OBJECTIONES.

Obiectio 1. 9. **O**BJECTIT primò. Appellare ad sapientes laudabile est, quando certò constat illos esse tales. At appellatio præsens non est ad tales, sed ad alios, qui magis determinari non possunt, quàm viri periti & graves, ad quos in

superiori quæst. appellatum est. Ergo explicatio motivi probabilis per iudicium prudens non determinat sufficienter, quid sit prudentia, aut qui sint prudentes, ad quos hæc explicatio appellat. Accedit, longè incertiores esse istam ad prudentes, quàm superiorem ad doctos appellationem, quia multi ultrò fatentur se in Theologia parum esse peritos, qui tamen in prudentia aliis haud sedere se debere existimant. Ergo multi valdè imperiti includuntur in hac prudentum appellatione, nisi res per clausulas talium exclusivas ulterius explicetur. Præterea, prudentia multipliciter dicitur. Ergo per recursum ad prudentes nil explicatur, nisi multiplex prudentiæ acceptio distinguatur, & singula membra exactè definiantur, ut sic in aliquo tandem objecto determinato intellectus perspicuè quiescat. Demum circulus vitiosus non vitatur, quia dicunt motiūm illud esse grave, magni momenti, seu probabile, quod prudentes approbant, aut cui assensus prudenter præbatur, &c. Quod si quæras, qui sint prudentes, responderetur eos esse prudentes, qui non leviter, sed magna cum consideratione, rebusque rectè libratis sententiam ferunt. Ita Celladeus hic §. 1. qui expressè proficitur, se quoque in fine sui tractatus appellaturum ad prudentes certò tales, in quibus meritò vult esse quiescendum.

Respondeo inprimis, Celladeum nullos assignare posse prudentes certò tales, ad quos appellet, ad quos, aut eorum æquales non appellamus in tota hac quæstione de licito probabiliū usu; quia notorium est, omnes omnino Auctores (quorum complures haud dubiè sunt prudentes) tradere illum esse licitum, atque adeò clarè mentem suam explicare, ut nemo eorum mentem non intelligat, qui oculos à veritatis intuitu sponte non occludit. Præterea mirum est, Celladeum in initio quæst. profiteri se appellaturum ad prudentes, cum tamen paulò post expressè insinuet, talem appellationem nec doctrinalem esse, nec à S. Thoma usitatam. Si ergo ex mente ipsius doctrinalis non est, cur eà se ulrum proficitur.

Respondeo secundò, nos hic sufficienter explicuisse, & infra quæst. 41. clarissimè explicaturos esse, quid sit prudentia, & quinam prudentes reputandi sint. Adeo ut nil maneat obscurum aut indeterminatum. Nominatim in rebus moralibus obscuris, quæ sub opinionem cadunt, nemo prudens est, qui etiam peritus non sit; quod adeo clarè ab omnibus benignæ sententiæ Auctoribus expressum est, ut miror Celladeum de hoc dubitare potuisse. Lamentabilis proinde est illa æquivocatio, quòd multi fateantur se imperitos, qui tamen ferre non possunt se imprudentes reputari. Quid hoc ad rem? nolunt reputari imprudentes in rebus obviis, quæ ad illorum statum pertinent, & de quibus peritiam sufficientem habent; sed quòd non reputentur prudentes in materiis, circa quas peritiam non habent, haud ægrè ferunt. Demum qui superiorem, & hanc quæstionem perlegerit, perspiciet, omnia ad motiva gravia & Auctores peritos, ad prudentiam & prudentes spectantia, tam clarè absque terminis correlativis esse exposita, ut nec umbra recursus ad idem, aut ulla circuli vitiosi suspicio esse possit.

10. Et hæc quidem vera sunt de iis, qui reipsà sunt, & certò sciuntur esse prudentes. At præter eos, aliqui præsumuntur esse tales, & illi sunt & dicuntur prudentes quoad nos. Jam eorum auctoritas

Rudes clarè sciunt, quoniam si sunt prudentes quoad nos.

toritas fidem illorum, qui ipsis credunt, reddit prudentem, rationabilem, atque probabilem; quia per extrinseca principia, & praesumptiones de aliorum sufficientia gubernantur. Verum in his omnibus evidens est, mentem sistere in personis determinatis, nec absque limite vagari, ut Celladeus falsò contendit.

Obiectio 2. 11. Obiecit secundò. Manifestum est, prudentiam multò magis se habere ad verum, quàm ad falsum. Rursus manifestum est, prudentem rectè ratiocinari, eumque magis verè quàm falsò ratiocinari. Alioquin nil interesset verum praefalsò inveniri; ideoque frustra adhiberentur consultationes, ac periti frustra consulerentur, non enim alio fine ista fiunt, quàm ut veritas ipsa inveniat. Ergo prudentia non est habitus non magis ad veram, quàm ad falsam rationem se habens, sed est habitus vera cum ratione activus, quatenus discernit media re ipsa conformia appetitui recto, nec assumit media indifferenter se habentia ad conformitatem vel diffinitatem cum tali appetitu. Ergo opiniones non magis veræ, quàm falsæ collocari non possunt sub prudentia. Tales autem sunt omnes opiniones æquæ aut minùs probabiles, quæ æqualiter aut magis se habent ad falsum, quàm ad verum. Ergo probabilitas falsò & imperitè explicatur per hoc, quòd fundet iudicium prudens. Ita Celladeus §. 2.

Resp. Celladeum rectè dixisse in prima objectione, quod multiplex sit prudentiæ acceptio. Verum dicti hujus quodammodò oblitus format hanc objectionem secundam, ac si una tantum, eaque strictissima prudentiæ acceptio locum haberet, fundat enim objectionem in definitione Philosophi 6. Ethic. cap. 5. dicentis, *Prudentiam esse habitum cum vera ratione activum*. At hæc est definitio prudentiæ strictissimè sumptæ pro habitu, qui semper verum dicit; à quo proinde Philosophus cap. 2. ejusdem libri expressè excludit omnem omnino opinionem; quia per opinionem contingit intellectum errare. Verum nos loquimur hic in minùs stricta significatione, ut patet ex dictis, & fusè declarabitur *quaest. 41.* ubi singulas prudentiæ acceptiones diserte explicabimus. Itaque argumentum sponte labitur, quia non impugnatur assertionem in sensu proprio illius, sed in sensu adversarii, à mente asserentium alieno.

Prudentia magis se habet ad verum quàm ad falsum.

12. Verum ut argumenti invaliditas, & æquivocationes, quas continet, clariùs appareant, singula ponderanda sunt. Inprimis ergo fateor, prudentiam magis se habere apparenter & in persuasionem prudentis ad verum quàm ad falsum, quia debet esse iudicium affirmans & enuncians obiectum, in quod tendit, esse verum, idque propter motivum vehementer alliciens, &c. ut explicatum est. Sed si sermo sit de habitudine & respectu ad verum reale, certò falsum est, omnem assensum prudentem magis se habere ad verum, quàm ad falsum; quia sæpe solum se habet ad falsum, nullo modo ad verum, ut patet in invincibili rudium errore. Sub eadem distinctione admittitur altera propositio, scilicet, quòd prudentem rectè ratiocinari, sit illum magis verè, quàm falsò ratiocinari, siquidem illa propositio non semper est vera, nisi sermo sit de verisimilitudine seu veritate apparente, quia certum est prudentem sæpe prudenter, cautè, ac rationabiliter ratiocinari, etsi re ipsa erret, & falsum pro vero habeat. Porro consultationes & peritorum consilia ideo adhibentur, ut ipsa veritas habeatur, ubi illa certò haberi possit. At

R. P. A. Terilli Regula morum. Pars I.

in incertis adhibentur, ut veritas rationabiliter praesumatur ac credatur, quia in rebus ejusmodi ulterior finis est stultus & impossibilis. Eodem prorsus modo distinguo ultimum consequens. Prudentia est habitus magis inclinans ad verum quàm ad falsum existimatum, concedo. Semper magis inclinans ad verum reale, quàm ad falsum, nego consequentiam, quippe quæ in sensu negato est aperte falsa, nisi sensus quaestionis mutetur, & prudentia sumatur strictissimè pro habitu, qui nunquam errat, quemque Aristoteles desinit esse *habitum cum vera ratione activum*. At si eam acceptionem sequamur, sensus quaestionis mutatur, ut patet. Porro quomodo prudens, prudenter judicans, semper aut non semper discernat & approbet media, quæ sunt conformia appetitui recto, fusè explicabitur *quaest. 41.*

*13. Hinc apparet, quid dicendum sit ad applicationem argumenti ad opiniones æquæ aut etiam minùs probabiles, quæ in re Celladeus notabilem passus est æquivocationem. Omnis opinio probabilis sumi potest vel directè & exercitè, prout est actus intellectum informans; vel signatè & reflexè, prout est obiectum, & circumstantia quædam obiectiva, per quam cognoscimus, obiectum probabili iudicio à nobis credi licitum; vel demum ipsa opinio non sumitur pro iudicio existente, sed solum pro motivis, quibus intellectus stimuletur ad assensum, sive eliciat, sive non eliciat ipsum. In primo sensu omnis opinio probabilis est magis vera quàm falsa, si sermo sit de veritate praesumpta & apparente, quamvis aliquando contingat talem propositionem esse re ipsa falsam. Verum hoc prudentiæ non opponitur, ut certum est ex dictis. In secundo sensu hæc eadem locum habent, & præterea reflexè cognoscuntur; ex illis autem reflexè cognitis nova oritur consultatio, qua intellectus respicit obiectum ut substantiam conscientiæ rationabiliter constitutæ, atque ex hoc ipso per principia synderesis reflexa certò infert, obiectum illud esse hic & nunc licitum in istis circumstantiis. Jam hæc reflexa consultatio est absolute vera, immo est certa & evidens, ideoque & prudens per conformitatem cum suo obiecto, quamvis prudentia iudicii directi aliundè sumi debeat juxta dicta.

Opinio probabilis recipit simpliciter sumitur.

14. Tertius sensus respicit opinionem probabilem, ut reflexè cognitam, quatenus illa exprimit obiectum prout substantiam motivis probabilibus, majoribus, æqualibus, vel minoribus. In hoc sensu opinio non sumitur exercitè pro iudicio intellectu, quia omne iudicium fertur in suum obiectum, tamquam in partem probabilioris & unicè veram, partemque contrariam absolute repellit ut falsam. Itaque in hoc sensu opinio minùs aut æquè probabilis non potest accipi pro actu iudicativo, & consequenter neque pro actu prudentiæ. Nihilominus sumi potest pro obiecto, de quo reflexè cognito prudentia plura enunciat, nempe quòd tale obiectum, prout substantiam motivis probabilibus æqualibus vel minoribus, sit licitum, quod est verissimum. Verum intellectus in hoc casu non movetur illis tantum motivis, quæ supponit & agnoscit esse aliis minora, quia eo ipso reputaret illa esse absolute majora, cum suum cuique opinatum sit probabilis. Movetur ergo novis motivis reflexis apud ipsum prævalentibus, adeoque fertur in suum obiectum tamquam verum, cum oppositum refellat ut falsum. Unde hoc iudicium

Omnis opinio probabilis in omni acceptione magis se habet ad verum quàm ad falsum.

dicium reflexum, de licito opinionis directè minus probabilis usu, est prudens, & à prudentia elicitur, & magis se habet ad verum, quàm ad falsum.

Æquivocatio Celladei

15. Idem prorsus dico de illo alio iudicio reflexo, quo dicimus, motivum æquè aut minus probabile fundare posse assensum prudentem, in qua propositione malè intellecta præsens Celladei æquivocatio fundatur. Sensus enim est, motivum hoc, quod ego hîc & nunc in actu secundo reflexè agnosco esse minus probabile, quàm motiva parti contradictoriæ faventia, tantas vires habere, ut mediante voluntatis imperio movere possit intellectum ad assensum, quo in actu secundo absolutum assensum præbeat propter illud, illudque in actu secundo tamquam probabilius præferat, quamquam in actu primo, ante omnem voluntatis affectum, quo intellectus ad unam partem per voluntatis imperium fluctatur, verè minus traheret ad assensum, quàm motivum oppositum, sed excessu aut indiscernibili, aut certè signatè non notato. Rursus dicimus, talem assensum esse prudentem, tum quia à prudenti & honesto voluntatis imperio procedit, tum quia nititur motivo adeo vehementer inclinante, ut illud aptum sit movere peritum ad assensum, adeo ut qui tali motivo post debitam rei investigationem fidem daret, meritò reprehendi non posset tamquam temerarius, aut incautus, sed laudari deberet tamquam rationabiliter & cautè iudicium proferens.

Opinio minus probabilis magis se habet ad verum, quàm ad falsum.

16. Verùm hîc aliud mysterium detegendum est, quod, ut apparet, Celladeum latet. Scilicet, quod opinio minus probabilis, etiam quæ talis, non magis se habet ad falsum, quàm ad verum, quamvis minus se habeat ad verum, quàm opinio contraria. Omnis enim opinio solum se habet ad verum, nullo autem modo propriè se habet ad falsum. Motiva enim suadentia veritatem alicujus opinionis, denominant objectum illius opinabile, illamque constituunt in ratione opinionis. Porro hæc motiva solum tendunt ad veritatem, licet non tanta vi tendant, ut excludant alia motiva, quibus oppositum repræsentari possit. Itaque omnis opinio directè tendit ad verum, non ita tamen, ut ex necessitate quadam semper excludat falsitatem, aut motiva oppositum suadentia. Hoc autem est opinionem, ut opinio est, solum respicere veritatem, eamque suadere, sed imperfectè, & quantum est ex se defectibiliter. Itaque utraque opinio magis est ad verum, quàm ad falsum, quamvis una majori vi tendat ad verum, quàm altera, aut, quod idem est, quamvis una

majori vi tendat ad falsitatem alterius, quàm ipsa ad suam veritatem. Quod dico est paulò subtilius, sed evidenter apparet inter duas opiniones contrarias actu existentes in diversis intellectibus, quarum altera est paulò probabilior altera. Utraque enim tendit ad verum, sed una fortius alia, & quidem una debilius tendit ad suam veritatem, quàm altera ad ipsius falsitatem, ut patet. Idem prorsus valèt de opinionibus, quæ consistunt non in actualibus iudiciis, sed solum in objectis, prout substant motibus ad assensum propellentibus, quia eadem prorsus quoad hoc est utrarumque conditio. Hæc si Celladeus cogitasset, nunquam dixisset, opinionem æquè aut minus probabilem, æquè aut minus se habere ad falsum, quàm ad verum. Ruit ergo conclusio, qua dicit, motivum æquè aut minus probabile non posse fundare iudicium prudens, eò quod non magis se habeat ad veritatem, quàm ad falsitatem, quia fundamentum labitur; siquidem quævis opinio magis se habet ad veritatem, quàm ad falsitatem, ideoque ex hoc capite non tollitur, quod minus quodvis motivum probabile fundare possit iudicium prudens.

17. Præterea omne motivum, sive magis sive æquè, aut minus probabile non solum apparenter, & repræsentativè, sed etiam realiter se habet magis ad verum quàm ad falsum, quia in hoc consistit propria & intrinseca magnitudo motivi probabilis, quod sit impetus quidam intellectualis ac rationalis tantæ magnitudinis & efficaciz, ut ex vi suæ magnitudinis sæpius connectatur cum vero quàm cum falso, eò quod ex omnibus objectis tanta veritatis apparentiæ repræsentatis, plura sint vera quàm falsa. Itaque lumen intellectuale, seu stimulus proprius motivi probabilis ex propria sua natura magis se habet ad verum quàm ad falsum, & plerumque connectitur cum vero, quamvis per accidens hîc & nunc in hac peculiari materia jungatur cum falso. Hoc quomodo verum sit, ac utriusque contradictionis parti conveniat, fusè & nî fallor dilucidè explicui in *quæst. 2. de Const. prob. num. 11.* & multis sequentibus, quem locum consulat, qui de his exactiorem notionem requirit. Interim ex hisce solvitur argumentum Celladei, simulque detegitur hallucinatio ipsius, qui opinioni unius partis ea tribuit, quæ opinioni alterius partis conveniunt, ac deinde ex hoc, absque ulla probatione admissio, infert singulas opiniones ita se habere, ac si singulis ea convenirent, quæ non illis, sed illarum contradictoriis conveniunt.

Omne motivum probabile magis se habet ad verum reale, quàm ad falsum.



QUÆ

QUÆSTIO VIGESIMA- QUINTA.

Utrum, & in quo probabile benigna sententia ab Academicorum probabili discrepet?

Celladeus
horrendam
contra om-
nes accusa-
tionem in-
stituit.

NUNQUAM credidissem, se-
rius Theologum adeo suis per-
suationibus abripi potuisse, ut
communem proborum ac peri-
torum omnium opinionem, tan-
quam dogma impium & stultum exploderet, nisi
vidissem Celladeum *lib. 2. quæst. 3. & 4.* unani-
mem omnium totius Ecclesiæ Doctorum senten-
tiam de licito probabilium usu cum stultissimo
Academicorum placito non solum ex professo
componere, sed etiam seriò contendere, atque
Augustinum contra Academicos imitando, *Per
omne divinum dejerare, nescire prorsus se, quomodo
quidquam sit illicitum, & peccatum, si probabile il-
lud, quod non magis cum vero quam cum falso con-
nectitur, & utrique contradictorio convenit, excu-
sat actus nostros à peccato.* Hæc sunt verba Celladei,
quibus quæstionem tertiam claudit, alluditque
ad communem sententiam, quæ docet, proba-
bile ad honestam operationem sufficere, etiam
quando propositio contradictoriè opposita est
probabilis. Porro Celladeus ea omnia in com-
munem hanc omnium Doctorum sententiam
conjicit, quæ Augustinus in libris adversus Aca-
demicos contra turpissima eorum dogmata pro-
tulit. Accusatio horrenda est, ut per se patet:
Sed hoc solatur nos, quod sicut hæc accusatio
maximè aliena est à consuetudine & mente Au-
gustini, quo nemo favorabilius sensit, aut de
communibus Catholicorum opinionibus mitius
locutus est, ita pariter ab omni veritatis specie est
remotissima, ut mox ostendam.

ASSERTIO PRIMA.

*Propositum sit explicare, quid Auctores be-
nigna sententia postulent, ut aliquid sit
probabile, & ut tutus sit in conscien-
tia qui illud sequitur.*

Quid re-
quiratur ut
aliquid sit
probabile?

1. INPRIMIS omnes expressè docent, nil
esse posse probabile, cujus oppositum sit
certum. Unde nil contra evidentiam, aut Eccle-
siæ traditionem, vel Sacram Scripturam, aut Ec-
clesiæ vel Pontificum decreta esse potest proba-
bile; alioquin daretur probabile contra opposi-
tum certum, quod est impossibile, quia nil me-
retur assensum, cujus contrarium est certum.
Probabilitas autem in eo consistit, quòd sit ap-
parentia veri digna assensu. Ergo ut pars aliqua
contradictiōis sit probabilis, pars altera non de-
bet esse certa. Ergo probabilitas locum non ha-
bet, nisi ubi certitudo de parte opposita non in-
venitur.

3. Rursus, in incertis ut aliquid sit probabile,

necesse est, ut prius veritas diligenter investiga-
tur, quia in rebus dubiis tenemur eniti ad ipsam
veritatem, quantum rei qualitas postulat, & cir-
cumstantiæ, in quibus versamur, exigunt. Quòd
si veritas post debitam diligentiam impensam cer-
tò reperiri non possit, tunc pars minus tuta po-
terit esse probabilis, si tot & tam vaudis argu-
mentis comprobetur, ut illa non solum absolute,
& secundum se, sed etiam comparative, & in
contradictione omnium, quæ in contrarium as-
ferri possunt, tam validè stimulent intellectum,
ut à viro materiæ perito, qui absque indebita ani-
mi propensione judicat, assensum impetrare va-
leant; seu, ut qui propter illa assentitur, à ne-
mine meritò reprehendi possit tamquam teme-
rarius, sed potius laudari debeat tamquam ho-
mo, qui cautè & rationabiliter in judicando pro-
cedit. Si aliquid horum desit, eo ipso probabi-
litas deest, quæ etiam, postquam semel habita
est, deficit, quoties aliquod ex istis aufertur.

4. Tertiò sola probabilitas, aut ejus appa-
rentia non sufficit, ut quis absque peccato possit
facere illud, quod est probabiliter licitum, quam-
vis illud quod facit verè sit honestum, ejusque
honestas adeo probabilis sit, ut contrarium omni
probabilitate careat. Nullum enim est dubium,
quin stante hujusmodi probabilitate, omne ju-
diciū suspendi possit, & intellectus manere du-
bious, nil determinatè judicando de absoluta rei
honestate. In quo casu peccaret homo, si rem
illam faceret, ut certum est apud omnes. Ergo
non est præcisa probabilitas, quæ excusat. Ut
ergo per probabilitatem tamquam per regulam
excusemur, primò requiritur, ut ipsa probabi-
litas certò, non imaginariè, aut solum probabi-
liter appareat: secundò, ut intellectus ob moti-
va directæ aut reflexæ, qualia modò descripsimus,
determinetur ad assensum, quo absolute credat
objectum illud esse licitum, atque ita formet bo-
nam fidem & conscientiam ex motivo certò pro-
babili. Hæc si concurrant, dicimus hominem
posse licitè ponere tale objectum, quodque si per
accidens contingat illum post talem diligentiam
adhibitam errare, eo ipso error invincibilis eva-
dat, & consequenter opus imputari non possit ad
peccatum, quia bona fides & conscientia invin-
cibiliter erronea ab omni peccato excusat. Præ-
terea addimus, intellectum, post conscientiam
hoc modo formatam, novam consultationem
adhibere, per quam consurgit ad formandum ju-
diciū certum & evidens de honestate suæ ope-
rationis. Quæ omnia fusè exposita, atque pro-
bata sunt tum in hoc, tum vel maxime in *tract.
de Consc. prob.* Hæc est summa benignæ sententiæ
in qua omnes omnino conveniunt, nisi quod
unus aut alter ultimam illam consultationem non
videatur

Probabili-
tas ad licitè
operandum
non sufficit,
nisi bona fi-
des ex mo-
tivo certò
probabili
formetur.

videatur requirere; illi tamen revera à communi sententia non discrepant, ut in eodem tractatu ostensum est.

ASSERTIO II.

Propositum sit explicare, quale sit Academicorum probabile, & quid illi requirebant, ut opus non esset vituperabile, & malum.

Academici quid teneant?

5. **I**N PRIMIS Academici tamquam primum dogma tradebant, veritatem esse à nobis prorsus invenibilem. Inde contendebant, prudentem debere animum ab omni assensu suspensum tenere, nihilque intellectualiter approbare vel reprobare, ne si in rebus incertis assensum ulli parti præberet, eo ipso in errorem se ultro præcipitaret. Porro maximè contendebant, neminem qui errat esse posse sapientem. Hæc nota sunt, & Celladeus ipse ea expressè agnoscit esse verissima. Itaque constat, Academicos nihil omnino certum agnovisse, sed omnia apud illos fuisse dubia. Rursus nullam admittabant obligationem inquirendi verum, quia secundum illos talis obligatio ad impossibile nos obligasset.

Probabile Academicorum designatur.

6. His non obstantibus, admittabant verisimile quoddam, quod probabile vocabant. Porro Augustinus lib. 2. contra Academicos cap. 11. his verbis declarat ac definit probabile Academicorum. *Id probabile vel verisimile Academici vocant, quod nos ad agendum sine assensione potest invitare, sine assensione autem dico, ut id quod agimus non opinemur verum esse, aut nos id scire arbitremur, agamus tamen.* Hæc erat Academicorum mens, in qua exponenda toto Cælo errat Celladeus, dum ait, eos majorem connexionem aut similitudinem veri quam falsi in suo probabili requisivisse, quia certum est, Augustinum hic hoc non dicere. Rursus certum est, definitionem ab illo allatam hoc non postulare. Ex definitione enim ea apparentia veri ad probabile Academicorum sufficit, quæ sufficit ad agendum: ad agendum autem quævis exigua veri apparentia sufficit; si enim operari possimus, stante dubio perfecto de honestate ac veritate rei, multo magis agere poterimus, si adint rationes aliquæ quamvis non desint rationes potentiores pro opposito, maximè si illas contemnamus, nec ad illas animum adiacere velimus. Atqui quævis exigua verisimilitudo, non obstante pari aut majore verisimilitudine oppositi, sufficit ut nos ad agendum sine assensione invitet, imo sæpe invitat ad agendum contra assensionem oppositi, juxta illud Poëtæ: *Video meliora proboque, deteriora sequor.* Ergo quævis exigua veri apparentia constituit probabile Academicum, etiam quando apparentia oppositi est multo major.

Academici novi nil omnino certum esse dicebant.

7. Ex his habemus, quod inter probabile Academicorum & nostrum ingens detur diversitas, nihilque verè reperiatur commune, præter vocem eandem æquivoce intellectam. Certè Academici novi, ut ex Varrone tradit August. lib. 19. de Civit. cap. 17. de omnibus dubitabant, quia nil certum agnoscebant, & in hoc sapientiæ culmen collocabant. Sed Civitas Dei, inquit Augustinus, *salem dubitationem tamquam dementiam desestatur, habens de rebus, quas mente atque ratione comprehendit, &c. certissimam scientiam, credens, sensibus, in rei cujusque evidentia, quibus per corpus animum utitur, quoniam miserabiliter fallitur, qui nunquam*

putat eum esse credendum. Credit etiam Scripturæ Sacre, quas Canonicas appellamus, unde fides ipsa concepta est, ex qua justus vivit, per quam sine dubitatione ambulamus. Quæ salva, atque certa, de quibusdam rebus, quas neque sensu neque ratione percipimus, neque nobis per Scripturam Canonicam clauerunt, nec per testes, quibus non credere absurdum est, in nostram notitiam pervenerunt, sine ulla reprehensione dubitamus. Itaque illi omnia, de quibus dubitant, id est, omnia omnino, de quibus ullam veritatis speciem habebant, probabilia nominabant. Ergo omnis Catholicus, qui plurima certa admittit, atque ea ultra omnem probabilitatem constituit, toto Cælo ab Academicismo, & Academicorum probabili discrepat.

8. Secundò, probabile Academicorum ex æquo involvit omne opinabile, ideoque comparatur ad probabile nostrum, sicut genus ad speciem, quia opinabile aliud est temerarium ac stultum, aliud rationale & prudens. At solum opinabile secundi generis apud nos dicitur & est probabile.

Probabile Academicorum involvit omnia temeraria.

9. Tertiò Academicorum probabile excludat assensum omnem, quippe quem stultum reputabant, & contenti erant ulla apprehensione, quæ poterat stimulare ad agendum, quamvis id, quod fieret, esset certò & manifestè malum. At nostrum probabile involvit assensum prudentem ex fundamento tam absolute quam comparative magno conceptum. Ergo nostrum probabile non potest invitare ad quidquam quod est certò inhonestum, sed solum invitat ad honestum prudenter creditum tale. E contra Academicorum probabile invitabat ad omnia facinora, illaque excusabat, ut Augustinus evidenter probat, & ideo illorum doctrinam tamquam evidenter absurdam & impiam rejectit.

Academici volebant quoniam quam ulli rei assensum præbere.

10. Demum Academici manifestè abutebantur terminis contra nativam eorum significationem; appellabant enim illud probabile & verisimile, quod tamen ipsi dicebant non posse nisi stultè approbari, aut verum reputari. Nil enim admittabant esse verum, ac proinde nil erat ex cuius comparatione quidquam meritò dici aut esse posset verisimile. Has improprias & sibi contradictorias eorum locutiones frequentissimè & meritisimè deridet Augustinus. At nostrum probabile illud solum significat, quod verè dignum est approbatione, quodque fundat iudicium prudens ac rationale de absoluta rei veritate. Itaque probabile Academicorum & nostrum non minùs opponuntur inter se, quam quævis contraria, aut contradictoria, ut mirum sit Catholicos ingeniosos & doctos talia objecisse, aut ullam in eis vim latere existimasse. Qui plura de hac materia videre cupit, legat Esparzam in *Appendice ab art. 68. ad art. 88.* ubi egregiè & plenè tractat hanc materiam contra Marinarium, qui adversus benignam sententiam Academicismum, & dictum Augustini locum objecerat.

Academici absurde terminorum significatione utebantur.

QUÆDAM CELLADEI OBJECTIO solvitur.

11. **O**BJECT. Nisi apparentia veri haberet majorem connexionem, & similitudinem cum vero, quam cum falso, dici non posset verisimilis, quia non esset magis similis vero, quam falso, nec magis proponeret rem prosequendam, quam fugiendam. Ergo Academici aliquem verisimilitudinis excessum in suo probabili

bili requirebant. Confirmatur primò, quia pura ac liquida non magis se habet ad diem serenum indicandum, quàm ad oppositum. At hoc est exemplum, quod Augustinus post allatam definitionem Probabilis Academicorum proposuit, ut sensum definitionis explicaret. Ergo major hæc verisimilitudo requiritur ad essentiam Probabilis Academicorum.

Confirmatur secundò. Cicero, celeberrimus Academicus, lib. 1. de nat. Deor. tradit probabile Academicorum non fuisse æreum & levissimum, sed validum, insigne, & illustre. Ait enim, multa esse probabilia, quæ quamquam non perciperentur, tamen quia visum haberent quemdam insignem & illustrem, hu sapienti vita regeatur. Hoc apertè indicat, majorem veri quàm falsi similitudinem Probabili Academicorum inesse. Ita Celladeus lib. 2. quæst. 3. §. 1.

Minor Celladei in re clarissima.

Respondet mirum esse, si Celladeus hæc ex animo objiciat; peto enim, an existimet, nullam ex opinionibus speculativis aut moralibus, quas ut falsas rejecit, ullam veri similitudinem habuisse. Non existimo illum hoc dicturum; absque dubio enim aliquas saltem illarum consuetam probabilitatem, & consequenter aliquam verisimilitudinem habuisse agnovit. Et tamen pars opposita illi verisimilior est visa. Ergo major verisimilitudo unius partis omnem verisimilitudinem ab altera contradictionis parte non excludit. Sed quidquid Celladeus quæstioni responderit, certum est, non solum opinionem nostræ contrariam, sed etiam errores hæreticorum contra certissima fidei nostræ dogmata aliquam verisimilitudinem præ se ferre, alioquin neminem ad infidelitatem incitare possent. Certissimè ergo errat Celladeus, dum dicit, nil mereri nomen verisimilis, nisi majorem veri quàm falsi apparentiam habeat.

Minor apparentia verisimilitudo.

Neque enim difficile est hoc intelligere, quia plura ita comparantur inter se, ut secundum quid sint similia, & secundum quid aliter dissimilia. Homo prout passionum motibus subest, sensumque officio fungitur, similis est bruto; eidem verò dissimilis prout ratione ac libertate utitur. Similiter eadem res similis est vero, prout substat motivis suadentibus illam esse veram. Est etiam similis falso, prout substat motivis ejusdem falsitatem præsentantibus. Nec mirum, quia idem à diversis formis diversas denominationes accipit. Jam prout motiva veritatem suadentia majora fuerint vel minora, ita pariter major vel minor erit verisimilitudo unius, quàm alterius partis contradictionis; imò major esse potest similitudo falsi quàm veri; neque enim una aliam excludit, nisi quando ipsa veritas aut falsitas evidenter appareat. Cæterum in hoc ipso casu advertendum est, verisimilitudinem semper distingui à similitudine falsi, illique opponi: quia in argumentis prorsus oppositis consistunt. Rursus ipsa veri similitudo semper habet majorem connexionem apparentem cum vero quàm cum falso, quia verisimilitudo, seu vis argumentorum veritatem suadentium solum sollicitant ad assensum, non ad dissensum; nec huic contrariatur, quòd argumenta opposita falsitatem suadentia sint potentiora, & magis alliciant ad dissensum, quàm ista ad assensum, quia argumenta falsitatem suadentia non constituunt verisimilitudinem, sed opposita prout conjuncta cum horum solutione. Similiter argumenta suadentia falsitatem cum solutione rationum veritati faventium constituunt similitudinem falsi. Itaque omnis apparentia veri, quantumvis

Verisimilitudo realiter distinguitur à similitudine falsi.

exigua, est verissima verisimilitudo, magisque connectitur cum vero quàm cum falso, quamvis tantam cum vero apparente connexionem non habeat, quantum rationes oppositæ cum ejus falsitate.

12. Ad primam confirmationem. Dico Augustinum attulisse exemplum obviu, quo mentem suam clariùs explicaret; inde autem non sequitur, omnia alia sub definitione comprehensa debere habere tantam verisimilitudinem, quantum habuit exemplum propositum. Certè ipsi Academici, saltem antiqui, ut ex citato Tullii loco apertè colligitur, fatebantur varias esse verisimilitudines, unamque aliam excedere. Nec mirum, quæ enim nobis certa sunt, illis tantum erant verisimilia, quæ tamen absque dubio majorem verisimilitudinem habebant, & habent, quàm quæ sunt solum probabilia. Itaque sicut si Augustinus proposuisset exemplum verisimilitudinis tantæ, quanta apud nos certitudinem inducit, perperam intulisset Celladeus, omnem veri apparentiam esse debere illi parem, ut sub definitione Probabilis Academici comprehendatur. Ita pariter erravit in casu præsentis, dum similem & non minus fallentem consequentiam intulit.

Illatio Celladei nulla esse ostenditur.

13. Secunda Confirmatio Celladeum redarguit. Cicero enim dicit, multa esse probabilia, quæ insignem & illustrem visum habent. At nec dicit, nec somniavit, omnia probabilia talem visum præ se ferre. Imò ipsa locutio juxta consuetam verborum illorum significationem præ se fert exceptionem, ut sensus sit, multa quidem habent, non tamen omnia probabilia habent illustrem illum visum, de quo loquitur, quoque sapientes tantum vitam dirigant, quia nimirum soli periti, quos hæc sapientes vocat, talium probabilium notitiam habent.

Textus Tullii nobis favet non Celladeo.

14. Stat ergo certum esse, quòd omnis apparentia veri ab Academicis, saltem novis (contra quos Augustinus expressè agit, & de quibus ex Varrone mentionem facit, ut vidimus) nomine probabilis inclusa fuerit. Duplex ratio id evincit; prima est, quia certum est, omnem omnino veri apparentiam comprehendi sub definitione ab Augustino allata. Secunda, nulla est ratio vel auctoritas, quæ oppositum suadeat, maxime si de novis Academicis loquamur, quos Augustinus potissimè insectatus est. Cæterum, etsi Celladeo concederem, solam majorem veri apparentiam ab illis nomine probabilis fuisse intellectam, adhuc ipsi in eo conveniebant, omnem ejusmodi apparentiam esse probabilem, undecumque tandem illa proveniebat, sive à merito objecti, sive à dispositione hominis, cui objectum placebat. Itaque non distinguebant inter vincibilem & invincibilem veri apparentiam, nec solliciti erant an illa à rebus ipsis & seria veritatis indagatione (eam enim stultè indagari asseriebant) an à violenta hominis passione ac indebita animi propensione proveniret. Itaque certum est, eorum probabile toto cælo à nostro discrepare, & solum in nomine æquivoce convenire.

Omnia veri apparentia censebatur probabilis ab Academicis.

15. Probabili hoc modo constituto, Academici teste Aug. lib. 3. contra Acad. cap. 16. per illud explicabant, quomodo homo errorem & peccatum vitaret. Celeberrimum illorum dogma erat, Turpe est errare, & ideo nulli rei consentire debemus; sed tamen cum agit quisque quod ei videtur probabile, nec peccat, nec errat. In hoc Academicorum asserto plura absurda involvuntur: primum

Quid Academici requirerent ad vitandum errorem & peccatum?

mun est, hominem, ut rectè operetur, non debere conscientiam formare, nec iudicio ac bona fide regulari, quod est contra Apostolum *ad Rom. 14. 23. Quod non est ex fide peccatum est.* Secundum, quod homo in dubio operans non peccet, quodcumque faciat, modò res illa quomodocumque illi appareat facienda. Tertium, ut homo prudenter & benè operaretur, requirebant, ne conscientiam ac iudicium formaret, sed in æquilibrio quodam ac in dubio de operis honestate ac veritate hæreret; quæ omnia sunt enormiter falsa, & contra certissima Ecclesiæ ac Theologorum omnium dogmata.

ASSERTIO III.

Hæc Academicorum Doctrinâ pro legitima rectè operandi regula admissa, omnia inhonestissima evaderent licita.

Academicorum Doctrina turpissima scelerata honestat.

16. **P**ROBATUR primò ex August. lib. 3. *contra Academ. cap. 16.* ubi postquam citatum illorum dogma proposuerat, hæc subdit. Idigitur audiens adolescens insidiabitur pudicitia uxoris alienæ. Te, te consulo Marce Tullii; de adolescentium moribus, vitâq; tractamus, cui educanda, atque instituenda omnes illæ literæ tuæ vigilaverunt. Tum inducit Tullium sic respondentem. Quid aliud dicturus es, quam non esse tibi probabile ut id faciat adolescens? Hanc autem responsionem sic refellit. *At illi probabile est.* Nam si ex alieno probabile vivimus, nec tu debuisses administrare rempublicam, quia Epicuro visum est non esse faciendum. Adulterabit ergo ille juvenis conjugem alienam, &c. Tum asserit, Ciceronem ex suis principiis posse ac debere defendere, illum nec errare nec peccasse; sic enim eum alloquitur. *Persuadebit nimirum nihil eum peccasse, nec errasse quidem, non enim faciendum esse adulterium pro vero sibi persuasit. Probabile sibi occurrit, secutus est, fecit.*

Ratio Aug. contra Academicos.

17. Mox hæc subdit August. *Sed vos me jocari arbitramini. Libet dejerare per omne divinum, nescire me prorsus quomodo ille peccaverit, si quisquis id egerit, quod probabile videtur, non peccat, &c.* Tacet de homicidio, parricidio, sacrilegio, omnibusq; omnino, quæ fieri aut cogitari possunt, flagitiis aut facinoribus, quæ paucis verbis, & quod est gravius, apud sapientissimos iudices defenduntur. Nihil consensu, & ideo non erravi. Quomodo autem non facerem quod probabile visum est. Qui autem putant ista non posse probabiliter persuaderi, legant orationem Catilinæ, quo Patria parricidium, quo uno continentur omnia scelera, persuasit. Paulò post sic concludit. *illud est capitale, illud formidolosum, illud optimo cuique timendum, quod nefas omne, si hæc ratio probabilis erit, cum probabile cuicumque visum fuerit esse faciendum, tantum nullis quasi vero assentiat, non solum sine sceleris, sed etiam sine erroris vituperatione committatur.*

Omnia licent, si dogmati Academicorum hæretur.

18. Probatum secundò. Inprimis nil adeo turpe est, quod aliquam speciem boni non habeat, quodque ex Ethnicorum, aut Hæreticorum, vel Sophistarum placitis ac rationibus tamquam honestum proponi non possit. At hoc sufficit, ut illud dicatur probabile juxta Academicos. Ergo sufficit, ut qui illud agit nec erret nec peccet, si illi ut vero assensum non præbeat. Rursus, certissima peccata temeritatis, quæ in dubio hærentes operamur, non solum nulla essent, sed virtutes potius quam peccata reputari deberent. Tertiò nulla apud illos opus erat sollicitudine aut di-

ligentia veritatis indagandæ; unde quomodocumque res ita appareret, ut ad operandum sine assensione invitaret, eo ipso probabile erat, quod absque errore & peccato fieri poterat, si citra assensionem fieret. At nil tam turpe est & malum, quod ex mala hominis propensione, & consequenter saltem ad ejus passiones, & affectus, talei veri apparentiam habere non possit. Ergo nullum est flagitium adeo turpe & horrendum, quod per Academicorum doctrinam honestari non possit. Demum si ad argumentum August. reflectamus, videbimus cum nullam honesti mentionem aut distinctionem fecisse; quod indicio est, Academicos ad honestè operandum aliud non postulasse, quam apparentiam boni sufficienter allicientis animum ad agendum: eo ipso enim quòd fieret absque assensione quod verum esset aut falsum, asserabant illud absque errore & peccato patrari. At nullum est nefas, quod careat hac apparentia boni. Ergo nullum est nefas, quod absque errore & peccato fieri non posset, si placitum Academicorum esset verum.

ASSERTIO IV.

Monstruosissimum ac absurdissimum est comparare benignam sententiam cum stultissimo Academicorum dogmate, ac pretendere eadem ex utraq; sententia absurda legitime deduci.

19. **P**ROBATUR primò. Monstruosum est æquiparare sententias tamquam perfectè congruentes, & earundem illationum radices, quæ tam in principiis, quam in assertis ac illationibus evidenter discrepant. At benigna sententia, & Academicorum placitum evidentissimè discrepant in principiis, in assertis, & illationibus, ut constat 1. & 2. assert. Benigna sententia admittit innumera esse certò inhonesta, cujus oppositum nec est, nec potest esse probabile, aut ulla verisimilitudine honestari. Hoc Academici negabant. Benigna sententia non omnem veri apparentiam admittit esse probabilem, sed eam solum, quæ in rebus verè incertis post diligentem veritatis indagacionem, ob suam magnitudinem meretur assensum, eumque à peritis, ut peritos decet judicantibus, impetrare potest. Rursus ad licitè operandum postulat, ut formetur dictamen conscientia, quo ex motivo saltem probabili absolute credamus opus, quod aggredimur, esse licitum, & sic bona fide ad operandum progrediamur. Tertiò requirit, ut probabilitas ista non sit apparens, sed vera & certa. Quæ omnia Academici aut rejiciebant ut superflua, aut damnabant ut absurda. Quartò, nos dicimus conscientiam vincibiliter errantem non excusare, quamvis opus & vehementer appareat, & firmiter credatur licitum. Academici omnem assensum improbabant ut imprudentem; sed opus ex tali apparentia profectum laudabant ut bonum, modò citra assensum fieret; cum tamen tunc homo minus excusationis, & plus malitiæ habeat, quia haud dubiè gravius peccat, qui aliquid in dubio facit, quam qui illud ipsum facit, eò quòd erroneè existimet illud esse bonum, non aliter illud facturum. Demum nos operationem in dubio factam indubitanter damnamus ut peccatum; Academici autem omne tale opus maxima laude dignum esse contendebant, immo nullum aliud amittebant esse laude dignum. Ecce nostra sententia

Comparatio benignæ sententiæ cum Academicis est absurdissima.

tentia evidentissimè discrepat ab Academicorum placito, & ab eo longissimè distat non solum in principiis, sed quod plus est in ipsis assertis ac deductionibus. Et quidem discrepantia hæc in iis omnibus evidentissimè eminet, ex quibus Academici ab Augustino aliisque omnibus falsitatis arguuntur. Ergo monstruosissimum ac absurdissimum est benignam sententiam Academicorum placito comparare, simulque prætere, eadem ex utraque absurda legitimè deduci.

Aburditas
dicitur com-
parationis
explicatur.

20. Probatur secundò. Opinio benigna est communis omnium Catholicorum sententia, & si sermo sit de opinione directè probabiliore est universalis omnium omnino, si unum Celladeum demas, & constans opinio. Præterea hæc sententia toleratur ab Ecclesia, quæ non ita pridem ob multorum clamores plures laxas opiniones (inter quas hæc, si Jansenistis aurem damus, habenda est pro omnium periculosissima) debitè examinatas condemnavit, nullà de hac mentione factà. Immo eadem ab Ecclesia satis apertè approbata est, ut *quæst. 8.* ex professo ostendi. Tertiò eadem opinio, siue auctoritatem, siue rationes spectes, est valdè probabilis, quique id negat, audacter dico, aut nescit quid dicit, aut passionis indebitè impetu adeo obcecatus est, ut oculis apertis lucem meridianam non videat. E contrario dogma Academicorum in propriis illius terminis est aperta hæresis. Deinde non solum non toleratur ab Ecclesia, sed ab omnibus tamquam absurdissimum rejicitur. Quartò dogma illorum non est probabile, cum doctrina contradictoriè illi opposita sit certa & evidens. Deinde dogma illud in se stultissimum est, at evidenter falsum. Demum relatè ad operationes, quas dirigit, est impium, cum omnia scelera evidentissimè cohonestet. At quid quæso monstruosius excogitari, quid absurdius dici, quid gravissimis ac de Ecclesia optimè meritis Auctoribus magis injuriosum obrudi potest, quam dicere opinionem, ab Ecclesia non solum toleratam, sed satis apertè approbatam, ab omnibus ejus Doctoribus traditam, maximaque infra summam & infallibilem auctoritate stabilitam, efficacissimisque rationibus confirmatam, reipsa non discrepare ab Academicorum dogmate, quod omnes Ecclesiæ Doctores anathematizant ut hæreticum, rejiciunt ut improbabile, damnant ut impium, & evidentissimè falsitatis redarguunt? hæc an fecerit Celladeus 3. & 4. *quæst. lib. 2.* judicent alii, nam ego tam tetram notam illi haud inuram. Hoc solum dico, in quocumque demum culpandus sit, in eo vel maximè culpandus est, quod hanc accusationem absque ullius momenti ratione instituerit, ut ex objectionum solutione apertè constabit.

21. Probatur tertiò. Certum est, Academicos ea omnia admittere esse probabilia, quæ nos asserimus probabilitatem habere. Rursus certum est, eorum probabile innumera involvere, quæ nostra sententia rejicit tanquam evidenter improbabilia. Hæc duo ex sincera utriusque dogmatis explicatione sunt adeo conspicua, ut nemo de illis dubitare possit; nec Celladeus, ni fallor, in posterum ullam habiturus sit occasionem innocuos accusandi, ac dicendi, nos non asserere reale ac verum discrimen inter nostrum probabile, & probabile Academicorum; talia enim ac tam palpabilia discrimina attulimus, ut imperiti ipsi statim ea discernere valeant. Tertiò certum est, absurda contra Academicos illata non fundari in iis probabilibus, quæ illi nobiscum eodem nomi-

ne probabilia appellant, sed in illis dumtaxat, quæ illi vocant probabilia, nos autem dicimus, & certò scimus esse improbabilia, & ut talia rejiciamus. Ergo qui has duas sententias æquat, aut comparat, non aliter facit, quam qui rationem genericam ita speciei attribuendam censeret, ut quidquid generi competit, id speciei quoque tribuendum diceret. Ratio est evidens. Academici definiunt genus quoddam probabilem, atque omnia sub genere contenta licita esse contendunt. Nos pauca quædam sub hoc genere contenta accipimus, atque illa vocamus probabilia, illaque cum multis restrictionibus accepta dicimus esse licita. Ergo qui eadem absurda utrique sententiæ attribuit, non aliter facit, quam qui speciem generi æquaret, omniaque peculiari speciei tribueret, quæ rationi genericæ ullo modo conveniunt.

Qui comparat
sententiam Aca-
demici
speciem ge-
neri æquat

22. Exemplo res fiet clarior. Pelagiani, saltem ab initio, non distinguebant ignorantiam vincibilem ab invincibili, ac proinde absque ulla distinctione dicebant, opera ex ignorantia facta esse bona, laude digna, ac meritoria. E contra Catholici reclamabant, dicentes non omnem ignorantiam, sed aliquam tantum à peccato excusare, & fundare opus laudabile. Distinguebant enim inter eam, quæ poterat, & eam, quæ vinci ac superari non poterat. Ignorantiam invincibilem à toto excusare siebant, non item vincibilem, quam unà cum suo effectu imputabilem ac vituperabilem esse asseriebant. Discrimen inter Pelagianos ac Catholicos aliud non fuit, quam quod Catholici unam ignorantie speciem, Pelagiani omnem omnino, seu totum ignorantie genus ab omni peccato excusare asseriebant. Jam qui diceret, sententiam Catholicorum & Pelagianorum non differre, quia tam hi quam illi dicebant, opera ex ignorantia facta non esse peccata, ideoque utramque quoad absurditates æquiparet, aliud non faceret quam genus speciei æquare, & omnia uni speciei attribuere, quæ ulli sub genere contento conveniunt. Hic est casus noster, quia Academici totum probabilem à se definitorum genus, nos unam tantum illorum speciem juxta contractiorem vocis significationem probamus. Et sanè evidens est, nostrum probabile à probabili Academicorum non minùs differre, quam ignorantia invincibilis ab ignorantia ut sic, aut homo ab animali genericè sumpto discrepare. Ergo sicut monstruosissimum esset ac absurdissimum hæresim Pelagianam comparare ac æquare cum doctrina Catholicorum, simulque contendere eadem ex utraque inconvenientia sequi, quia speciem generi æquaret, omniaque uni speciei determinatè attribueret, quæ sub toto genere continentur; ita pariter monstruosissimum est ac absurdissimum comparare, ac in absurditatibus æquiparare stultissimum, falsissimum, ac maximè impium Academicorum dogma cum sententia benigna, quia hoc idem est, ac speciem æquare cum genere, & dicere hominem legitimè probari esse irrationalem, quia est animal, & plura animalia sunt irrationalia. Talis certè, & non melior est totus discursus Celladei in hac quæstione.

Declaratur
hoc, & con-
firmatur
exemplo.

ASSER.

ASSERTIO V.

Celladeus reprehendendus est, quod per omne divinum dejeraverit, nescire se quomodo quidquam sit illicitum, si probabile, utrique parti contradictionis conveniens, actus nostros à peccato excuset.

Celladeus reprehendendus est, quod interposito iurejurando sententiam benignam rejecerit.

Error Celladei in facto Augustini intelligendo & applicando.

Augustinus magnam Celladeus nullam aut exiguam iurandi occasionem habuit.

23. **P**ROBATUR. Et quidem inprimis non est, quod factum Augustini, quem in hoc se gloriatur fuisse imitatum, alleget, tum quia Augustinus ipse factum hoc suum damnavit, tum quia longè dispar est utriusque conditio. Inprimis Augustinus *lib. primo Retractionum cap. primo* expressè fatetur se post conversionem quidem suam, sed ante Baptismum, libros contra Academicos scripsisse, atque ibidem plura in illis libris à se dicta retractat & rigidè censurat; inter reliqua autem de dejeratione, quàm supra ex illo citavimus hæc habet. *Nec mihi illud placet quod dixi; libet dejerare per omne divinum.* Noli tibi plaudere Celladee, quod in dejeratione ista sanctissimum, ut ais, Episcopum, ac sapientissimum Ecclesie Doctorem imitatus sis. Erras profectò. Augustinum Neophytum, nondum Baptizatum, nondum factum Ecclesie membrum imitatus es; sed sanctum Ecclesie Doctorem, sed Augustinum Christianum, Sacerdotem, Episcopum non es imitatus. Ille, jam Sanctus, jam Sacerdos, jam Episcopus, jam Summus Ecclesie Doctor, protektatur, hoc suum juvenile dictum sibi displicere, rectiusque se facturum fuisse, si illud non scripsisset; tu verò post illius retractionem, eadem dejerandi forma uteris, & quod plus est, te Augustinum, tantum Doctorem, imitari gloriaris. Crede mihi Celladee, huiusmodi loquendi formulæ multum tibi officiant, magnam enim præsumptionem fundant, te non eâ, quam præ te fers, diligentia Augustinum legisse; si enim eum diligenter legisses, scivisses unque eum hæc scripsisse, cum adhuc Cathecumenus esset; non ignorasset, eum hoc ipsum juramentum retractasse; ideoque haud dubiè sub prætextu illum imitandi nunquam, ut fecisti, dejerasses; puduisset enim te illum in eo, quod ipse in se condemnat, imitatum fuisse.

24. Verùm ne nimis severus censor existimer, hunc Celladei errorem incogitantie vel oblivioni potius quàm inercuditioni tribuendum censeo. Nihilominus si omnia inspiciantur, non apparet unde legitime se excusare possit, quia Augustinus magnam, ille nullam aut exiguam prorsus dejerandi occasionem habuit. Augustinus in dogma impium, in sententiam evidenter absurdam, ac infinitorum scelerum nutricem, quam ipsemet paulò ante approbaverat, vehementi calamo invecus est, ideoque ut toti mundo suum à tam palmarum errore recessum, ac ad oppositam Sanctæ Ecclesie Doctrinam accessum majori energia testaretur, sub dicta dejeratione sententiam suam toti mundo explicavit, quod haud dubiè in talibus circumstantiis ex objecto ut malum reprehendi non potest. Nihilominus vir sanctissimus & sapientissimus, jam senex maturæ prudentie, dictum illud, ut nimis juvenile & minus necessarium retractavit. At longè dispar est Celladei conditio; ille enim non impium Academicorum dogma, non opinionem Echnicorum certò falsam, sed unanimem Catholicorum sententiam ab Ecclesia toleratam, communi bonorum

praxi, atque efficacissimis rationibus stabilitam, paris impietatis ac stultissimum & impium Academicorum dogma absque ulla necessitate aut ratione sufficiente, solemniter dejeratione interposita, condemnavit. At longè dispar est ratio in isto casu ac in illo Augustini; unde non apparet necessitas, aut iusta ratio, ob quam Celladeus in tali causa dejerando per omne divinum gravissimam hanc suam censuram contra opinionem, quam falsitatis redarguere non potest, proponeret.

25. Quod si Celladeo placeat scire, quâ cautela, quo timore Aug. jam Sanctus Episcopus jurare solitus sit, legat sermonem 28. *de verbu Apostoli*, ubi Augult. declarat, se jurare quidem aliquando, sed non nisi magna necessitate compulsum, & cum timore magno. *Quantum ad me, inquit, pertinet, iuro: sed quantum mihi videtur, magna necessitate compulsum: cum videro, non mihi credas, nisi faciam, & ei, qui mihi non credit, hac perpensa ratione, & consideratione librata, cum magno timore dico: coram Deo, aut, testis est mihi Deus, &c.* Jam verò an Celladeus talem jurandi necessitatem habuerit coram toto mundo, an etiam cum dicto timore juramentum propofuerit, ipsius conscientie judicandum relinquo; si habuit utrumque, tum quidem Augustinum Sanctissimum Episcopum jurando imitatus est; sed si altero, & multò magis si utroque caruit, de illius imitatione frustra gloriatur.

26. Sed præter iustam causam & debitam reverentiam, veritas ante omnia necessaria est ad jurandum. Non dubito, quin Celladeus tunc verum putaverit, quod menti ipsius obversabatur, quando dejerando affirmavit, *se nescire, quomodo quidquam sit illicitum, si benigna sententia sit vera.* Dixit enim quod tunc verum judicavit; sed si verba sumantur, ut jacent, haud dubiè veritatem non continent. Non potuit Celladeus ignorare, non esse probabile juxta sensum nostræ sententie, quod blasphemia, quod furtum, quod adulterium, quod voluntarium homicidium, & alia innumera scelera sint licita. Quomodo ergo ignorat, quidquam esse posse illicitum, si nostra sententia sit vera? Nónne citra omnem dubitationem, hæc omnia, ut certissima scelera apertissimè condemnat? Nónne inter præcipua, ac maxime essentialia requisita ad probabilitatem exigat, ne quidquam certi in contrarium afferatur? At in istis omnibus & lumen rationis, & dogmata fidei talium objectorum inhonestatem reddunt certam. Ergo illorum honestas nec est, nec potest esse probabilis. Ergo illa ex benignæ sententie præscripto, nec sunt, nec esse possunt licita. Nec Celladeus hoc ignorat. Ergo reipla verum non est quod per omne divinum dejeravit. Certè Augustinus ideo usus est illa Emphasi, quia ex opinione, quam impugnabat, clare sequi videbat, crimen illud adolescentis adulteri fore ab omni culpa excusabile; ideoque nil nisi certò verum juramento confirmavit.

27. Quod si Celladeus dicat, se excludere omnia certò mala, & de illis solum loqui, quorum honestas & inhonestas est simul probabilis, cujusmodi est, v. g. pingere in die Festo, adhuc convincitur sufficientem taliter jurandi occasionem non habuisse; tum quia omnis jurandi necessitas aberat, tum quia adhuc verba ejus, ut jacent, veritatem non continent. Quamvis enim homo in tali casu juxta præscriptum nostræ sententie sine peccato pingere possit, non tamen sequitur, hominem illum pingendo peccare non posse,

Aug. in jurando cautela & timor.

Dictum juramentum Celladei, ut jacet, veritatem non continet.

Idem dictum est falsum, quamvis ad sola probabilia restringatur.

posse, quia si in dubio, conscientia non rite deposita ac formata, pingat, haud dubie etiam ex praescripto nostrae sententiae peccat. Ex hoc bene sciebat Celladeus: cur ergo, Interposito juramento, dixit, nescire se, quomodo quidquam sit peccatum, si utraque pars contradictionis concedatur esse probabilis, & probabilitas juxta praescriptum benignae sententiae actus nostros à peccato excuset? Hæc evincunt Celladeum reprehensione dignum, quod suam in nos censuram, & in se male fundatam, & viris gravissimis ac de Ecclesia optimè meritis injuriolam, tolemni jurejurando interposito expresserit, quem proinde in visceribus Charitatis moneo, ut à similibus in posterum caveat, si communem Theologorum sententiam impugnet, quia per illa plus sibi, quam causæ adversæ nocimenti affert.

SOLVUNTUR OBJECTIONES.

Obiectio 1.

28. **O**BJICIT primò. Augustinus in libro contra Academicos expressè dicit, se, ubi eorum sententiam ac probabile circumspexerat, visum sibi videri, quàm in securos error irrueret: Non enim, inquit, puto eum errare, qui falsam viam sequitur, sed etiam eum, qui veram non sequitur. Unde infert, probabile Academicorum non sufficere, quin error in securos irrepit. Idem valet de probabili consueto, quia in securos illius opinionis sequaces sæpe error irrepit, non solum quia verum non sequuntur, quod per Augustinum ad errandum sufficit, sed etiam quia sæpe directè errant, erroneumque judicium sequuntur. Ita Celladeus partim in 2. §. quæst. 3 partim in initio quæst. 4. argumentum enim hoc ex iis, quæ locis illis habet, formari potest. Unde infert, Augustinum totum esse in culpandis actionibus humanis, quæ sunt erroneæ, quia per hoc sunt vitiosæ.

Error materialis in securos furmaliter nõ peccandi irrepit.

Respondeo, Augustinum non minùs solidè, quàm ingeniosè uti hoc argumento ad hominem contra Academicos dicentes, neminem errare in opere, qui facit quod ipsi probabile apparet, modò nulli tamquam vero assensum præbeat, eò quòd talis homo in judicio suo non erret. Inducit enim Academicum quendam iter cum aliis facientem, per vias mentes probabiliter ductum, & eo nomine risu dignum, quòd se non errasse jactaret. Evidens enim est, illum non minùs errasse de via sequendo probabile, quàm si judicasset se viam rectam tenere, & sic in intellectu errasset. Hoc modo certum est, errorem in opere, seu materiale errorem irrepisse in Academicos, qui se ab omni errore securos putabant, si nulli tamquam vero assensum præberent, erroremque in intellectu vitarent. Jam nos ultro fatemur, sequaces opinionum probabilium aliquando materialiter errare in opere. Concedimus etiam talem errorem in bonæ operationis securos irrepere. Cæterum non existimo Celladeum putare, omnes ejusmodi errores vitio verti posse. Certè itinerans, viz nescius, securus sequitur viam, per quam Sacerdos gravis eum dirigit. Nihilominus sic securus errare potest. An ideo error ille vitio verti potest? Nil minus. Ergo etsi error in securum irrepit, non ideo error vitio vertitur. Ecce Augustinus ex hoc exemplo ad hominem meritissime irridet dogma Academicorum, nec tamen ex eo infert, aut quicquam inferre potest, omnem errorem esse culpabilem ac vituperabilem. Erravit ergo procul dubio Celladeus, qui Augustino talem illationem

Celladeus affingit Augustino doctrinam certissime illius sententiae contrariam.

ex hoc illius dicto affingit, quæ nil Sancti Doctoris doctrinæ repugnantius inferri potuit. Certissimum enim est, Augustinum tenere, errorem invincibilem à toto exculare, ut fusè ostendi quæst. 16. de Consc. prob. num. 45. & seqq. Præterea August. lib. de utilitate credendi, totus est in ostendenda fidei humanæ utilitate, licet dictis aliorum fidem dando sæpe erremus. Sentit proinde haud dubie talem errorem vitio verti non posse, & opera per errorem illum regulata non esse culpabilia. Itaque argumentum, in hoc exemplo & dicto Augustini fundatum, haud dubie ad nostram sententiam impugnandam nil conducit.

29. Obiecit secundò. Stupidus est, vel nimis impudens, qui prædictis Augustini verbis, seu potius fulminibus ad considerata mala, quæ ex permissio probabilium usu sequuntur, non incitatur. Certè non apparet unde Deo satisfaciatur, qui ista nec examinare, nec considerare voluit, quando super hoc ipso articulo causa ipsius in ultimo judicio movebitur. Cogitet quicumque is est, Augustinum esse, qui hæc pronunciavit, Augustinum ea de re diu meditatam, cui via illa ab initio bellè tecta & secunda videbatur, qui, cum vigilantior factus esset, cautius circumspexit, & quàm in securos error irrueret, detexit; nec hoc tantum detexit, sed vidit ulterius omnia fugitia ex tali doctrina cohonestanda. Qui hæc cogitat ad ista feridè ac debite examinanda se vehementer incitari reperiet. Ita Celladeus lib. 2. quæst. 3. §. 2.

Respondeo Celladeum hæc obijcere, quasi Auctores benignæ sententiae Auctores aut Augustinum non legissent, aut adeo stupidi ac surdi essent, ut horrenda hæc tonitrua ab Augustini ore emissa non audirent, nec animum ad ea perpendenda applicarent. Verum toto Cælo aberrat. Legit Augustinum Gratianus, ex quo innumera undique collecta diligentissime excerpfit, qui tamen nil ex hoc loco dignum invenit, quod pro Christianorum moribus dirigendis in suum Decretum reponeret. Magister sententiarum, S. Thomas, S. Bonaventura, Scotus, Joannes Gerson, Vasquez, Suarez, innumerique benignæ sententiae Auctores Augustinum diligentissime legunt; quorum tamen nemo ullum ex hoc loco argumentum, quo usus resolutionis verè probabilis peccati damnetur, viderunt. Nec mirum: quia evidens est, probabile Academicorum, totumque illorum dogma à benigna sententia, naturaque opinionis probabilis à Doctoribus Catholicis assertæ, tantum distare, ut essentialis nostræ sententiae ab Academicorum dogmate differentia aperte contrarietur iis, in quibus horrenda illa Augustini contra Academicos fulmina fundantur. Et sanè hoc adeo verum est, ut nullum ex hoc loco argumentum sumi possit, quod magis impetret benignam sententiam quàm similia ejusdem Augustini dicta communem & certam Catholicorum de erroris invincibilis excusabilitate opinionem impetant, quibus Pelagianorum de ignorantie excusabilitate dogma fulminavit. Primus, quod sciam, qui hunc locum objecit contra benignam sententiam, fuit Wendrockius, quem Celladeus in hoc imitatus est, quamvis eum inter Janseistas numeret. Ego quæst. 27. de Conscientiâ probabili num. 37. & seqq. hunc locum à Wendrockio obiectum ponderavi ac dilui, in quo ut verum fatear, nil reperio, quod rationabilis contra nos objectionis locum implere possit, cum necesse sit, mutari significationem terminorum

Auctores benignæ sententiae nullam difficultatem in hoc textu inveniunt.

Wendrockius hunc obiectum respondit.

Augustino adhibitorum, ut ex illis contra benignam sententiam argumentum formari possit. Audivimus ergo hæc Augustini tonitrua, & locum perpendimus, nec tamen quidquam in eis nostræ sententiæ contrarium reperimus, aut unquam reperiet Celladeus, cum benigna sententia ex propriis suis principiis eadem penitus fulmina una cum Augustino contra Academicos torqueat.

Omnibus
cautè agen-
dum, quia
unicuique
pro se re-
spondendū
erit.

30. Cæterum optima illa Celladel admonitio de necessitate respondendi in extremo iudicio ante oculos habenda est, sed illa æquè premit omnes; nam ille non minùs de horrenda hac sua communis doctrinæ accusatione, quàm ego pro ejusdem defensione, respondere debet. Ego Deum enixè rogo, Ne intret in iudicium cum servo suo, quia non justificabitur in conspectu ejus omnis vivens, nec poterit ei respondere unum pro mille. Miseretur ergo mei, ut spero, secundum multitudinem miserationum suarum, atque ita me in hac dissertatione, aliisque omnibus meis studiis diriget, ut ea tantum promam, quæ ipsi ad gloriam, proximis ad ædificationem, mihi ad salutem sint utilia. Hæc enim unicè cupio, ad hæc anhele, ut sic in extremo iudicio gratiam pro gratia, non iudicium pro peccato inveniam. Idem ex animo Celladeo exopto. Verum timeo illi, si unanimes Catholicorum omnium opiniones impugnare pergat, quia in rebus summi momenti magno errandi periculo se exponit, cum non sit credibile, Deum in doctrina morum ita Ecclesiam suam deseruisse, ut omnes illius Doctores in turpissimum ac periculosissimum errorem labi passus sit. Credibilis est, Deum permissurum, ut Celladeus hallucinetur & erret, quàm ut tota Ecclesia in similibus à veritate recedat. Hæc cogitet Celladeus, & habebit unde meritò formidet. Interim, dum quæstiones agitantur, nostrum est veritatem diligenter investigare, atque absque animi passione in rebus incertis ea promere, quæ rationi ac auctoritati consentanea esse deprehendimus. Hæc si bono zelo, ex sincero Dei honore, proximorum bono, & veritatis amore, Deo opitulante, præstiterimus, habebimus unde in extremo iudicio de talento non abscondito, sed negotiis exposito, præmium sperare potius quàm pœnam timere debeamus.

SOLVITUR ALIA OBJECTIO,

Ubi de natura sophismatum agitur.

In quo di-
scernat so-
phista à sa-
piente.

31. **O**BJICIT tertio. Ad minimum ex hoc loco Augustini sequitur, omnem probabilitatem, ac probabilioritatem, immò & omnem certitudinem, ac securitatem purè sophisticam esse rejiciendam, tamquam insufficientem ad conscientiam debitè formandam, quia talis probabilitas & certitudo ab Academicorum probabilitate & securitate non differre videtur. Præterea probabilitas & certitudo sophistica non sunt probabilitas & certitudo, sed quædam illarum apparentiæ. In hoc enim discrepat sophista à sapiente, juxta expressam Philosophi sententiam, quod sophista magis ambiat videri veritatem attingere, quàm reipsa illam attingere. Imò contra veritatem notam ambit alios decipere, & falsum sub veri specie proponere. E, contra sapiens magis quærit ipsam veritatem, quàm cupiat videri illam attingere. Itaque opus sapientis, ut Aristoteles ibidem subdit, est non mentiri de quibus navit, mentientem autem manifestare posse. Ergo sa-

pientis est in scibilibus demonstrare, in rebus moralibus, quæ cerè sciri non possunt, nosse verum juxta capacitatem materiæ, & contradicentium errorem posse manifestare. At opus sophistæ est hæc ipsa videri facere, quin faciat. Porro sophistis ingenio & multiplici ratione opus est, ut fallant, modò in materia, assumendo rationes, quæ videntur veræ ac probabiles & non sunt; modò in forma, faciendo ratiocinationes, quæ videntur syllogismi, & non sunt. His positis.

32. Quamvis Auctores benignæ sententiæ non sint sophistæ cum alios fallere non intendant, &c. tamen opus sophistarum faciunt, quia opus sophisticum in eo situm est, ut quod proponitur appareat verum, & non sit; appareat probabile, quin sit tale; appareat syllogismus, & sit paralogismus. At hoc faciunt, qui quævis probabilia pro sufficienti conscientiæ regula proponunt; quia falsa pro veris, non probabilia pro probabilibus, & paralogismos pro syllogismis sæpe proponunt. At probabilitas purè sophistica non est sufficiens conscientiæ ritè formandæ regula. Ergo, &c. Ita Celladeus lib. 2. quæst. 4. ubi fusè agit de sophismatibus, & opere sophistico, contenditque, sola verè probabilia spectare ad scientiam, & pro conscientia debitè formanda sufficere, cum apparens & sophistica probabilitas pseudoscientiam fundet. Rursus advertit, Judæos ac Hæreticos habere pro se probabilitatem apparentem, quæ tamen eos non excusat, quia dogmata eorum vera non sunt, quamvis ipsis videantur fide digna. Ratio autem est, quia opiniones nostræ non mutant sua objecta; unde si syllogismus peccet in forma, semper erit paralogismus, quantumvis videatur esse syllogismus. Idem dicendum de veris, idem de probabilibus, quæ nunquam erunt talia propter nostram apparentiam, nisi in seipsis verè sint talia.

33. Et sanè hæc ita apparentia, sed non verè talia, ab Aristotele vocantur sophistica, ab Augustino verò appellantur phantasmata, quia non habent esse nisi phantasticum, ideoque ex mente illius sunt prorsus contemnenda. Audi illum lib. de vera relig. cap. 35. Non fit nobis religio in phantasmatibus nostris: melius est enim qualecunque verum, quàm omne quidquid pro arbitrio fingi potest, &c. Melior est vera stipula, quàm lux inani cogitatione pro sufficienti voluntate formata. Ecce juxta Aug. melior est una vera propositio, quàm bibliotheca plena rationibus acutissimis, & fundamentis solidissimis, quæ delectant, & videntur talia, & non sunt, sed nos fallunt. Hinc sequitur, fundamenta & rationes, objectis non correspondentes, esse mora phantasmata, & ad sophisticam pertinere. Itaque ex dictis constat, probabilitatem aliam esse apparentem & fictam, aliam veram & realem. Illa ad sophisticam, seu pseudoscientiam, hæc ad veram scientiam moralem pertinet. Illa apparentem, hæc verum Theologum facit. Hæc hominem doctum, & scientiæ peritum reddit, illa imperitum & apparenter tantum peritum efficit. Cum ergo juxta omnes scientiæ & peritiæ requiratur, cum item nemo sufficere dicat homines pseudoscientiæ, apertè concluditur, solam probabilitatem apparentem, & talem quoad nos non sufficere pro regula conscientiæ, sed requiri probabilitatem realem. Ita Celladeus loco citato.

Respondeo hæc omnia abs re obijci contra benignam sententiam, quippe quæ pro regula conscientiæ in rebus incertis expressè postulat probabilitatem veram, & quidem cerè cognitam. Cæterum

Vtrum om-
nis error sit
opus sophi-
stæ.

Augustinus
prohibet
religionem
in phantaf-
matibus ha-
beri.

Hæc omnia
abs re obij-
ciuntur.

Error Celladei in intelligenda opinione, quam impugnat.

Porum sophisma non nisi in sophista.

Qui decipitur, non movetur ad assensum à solo sophismate, sed aliquando à in contrarium, quod suspensionem assensus meretur.

terum in eo errat Celladeus, quod putet probabilitatem, quam communis opinio pro regula conscientiae proponit, non esse veram, sed solum apparentem. Hoc illi unice probandum erat; sed de hoc haecenus siluit; videbimus quid in posterum facturus sit. Interim non negamus dari probabilitatem merè apparentem. Datur haud dubie, sed pro conscientia ritè formanda non sufficit. Ego in *tract. de Consci. prob.* ostendi probabilitatem aliam esse apparentem, aliam veram. Rursus veram distinximus in eam quae certò, & in eam quae solum probabiliter, aut etiam improbabili- ter nobis apparet, & ex istis omnibus solam probabilitatem veram, certò apparentem, pro sufficienti conscientiae regula cum communi omnium sententia proposui. Haec si Celladeus legisset, in doctrina sophismatum tam copiose exponenda non frustra sudasset; frustra, inquam, in ordine ad praesens intentum, quia quae dicit revera ad rem non faciunt, & ideo ulterior eorum ponderatio omitti poterat; nihilominus aliquid ad singula reponam, ut exinde benignae sententiae veritas magis stabiliatur, & obectorum nullitas apertius declaretur.

34. Inprimis ergo admitto, nullam probabilitatem purè sophisticam esse sufficientem conscientiae regulam. Verum æquivocatio latet in termino *purè sophistica*. Ego illam tantum apparentiam purè *sophisticam* appello, quae aliquam veri apparentiam cognoscitur habere ab eo, qui benè advertit fallaciam in illa apparentia latere, nam respectu ejus, qui hoc non novit, apparentia illa non est purè *sophistica*, cum magnum pondus ad assensum extorquendum habere possit; quod certè apparentiae *purè sophisticae* non convenit. Itaque *purum sophisma* non invenitur nisi in sophista, qui illo ad alios decipiendos utitur. Ratio est, quia sicut homo iniquus expresso mendacio ita alium decipere potest, ut ille non temerè, sed prudenter ipsi credat, ita pariter sophista difficilioribus sophismatibus rudem hominem ita circumvenire potest, ut ille etiam non temerè persuadeatur de veritate rei, quam sophista novit esse falsissimam.

35. Ceterum in casu, quo aliquis hac ratione mendacio vel argumento fallaci decipitur, ille non tantum movetur ad assensum ex vi verisimilitudinis latentis in sophismate, sed simul & semel ex eo incitatur ad assensum, quod nil videat in contrarium, quod suspensionem assensus meretur. Itaque apparentia illa ex duabus partibus componitur: altera est positiva verisimilitudo, quam *sophisma* male intellectum continet; altera est negatio argumenti contrarii. Porro intellectus ex utraque hac parte simul sumpta aliquando tanta vi hinc & nunc incitatur, ut absque ulla temeritatis nota, imo prudenter assensum præbeat. Tota enim illa apparentia assensum meretur, quia saepe est apparentia verè probabilis, ut fuse ostendi *quaest. 3. de Consci. prob. nam. praesertim 9. & 25.* Itaque nego *sophisma* respectu hominis taliter affecti esse rationem purè *sophisticam*, quia ut esset purè talis, deberet totam intellectum movendi vim à se ipsa inseparabiliter habere; per illud enim tantum, quod à se ipso habet inseparabiliter, est *purum sophisma*. Jam talis apparentia in mente *sophistae*, scientis illud esse *sophisma*, ad conscientiam ritè formandam non sufficit, cum non sit apparentia probabilis, sed *purum sophisma* & fallax apparentia, cognita ut talis; qualis est apparentia fractionis in baculo propter meram radiorum refractionem respectu

intellectus, qui novit radios, quibus baculus ille repræsentatur, esse refractos.

36. Jam ergo, si loquamur de apparentia fallaci, non cognita ut fallaci; sed apparente solum ut vera, atque illa post debitam diligentiam adeo vehementer stimulet ad assensum, ut homo absque temeritate per judicium invincibiliter erroneum illi assentiatur, dico talem apparentiam esse verè probabilem, & sufficientem conscientiae regulam. Certum autem est, hominem posse invincibiliter errare ex vi *sophismatis* non detecti si- ve ipse per se *sophisma* detegere non potuit, si- ve non debuit, eò quod à gravissimis viris audivit argumentationem esse bonam, & verè ac validè concludere. Verum talis argumentatio, prout sumitur in talibus circumstantiis, non est *purum sophisma*, ut ex dictis constat.

37. Quod si his non acquiescas, sed omnino velis, omne *sophisma* esse *purum sophisma*, terminosque *sophisma*, & *purum sophisma* in nullo discrepare, non sum qui de voce velim contendere; admitto ergo tuum loquendi modum, etsi minùs congruum, & re ipsa à veritate alienum; sed, eo admissio, audacter nego, omne *purum sophisma*, esse rejiciendum tamquam insufficientem conscientiae regulam, quia certum est, aliquod sufficere, ut dictum est. Talis autem apparentia, seu tale *sophisma* longè plus habet, quam probabilitas Academicorum; illa enim, non autem ista, est sufficiens motivum ad assensum absque ulla temeritatis nota, & prudenter præbendum. Unde pariter sequitur, totam illam apparentiam, ex positivo impulsu, negatione argumenti contrarii, ac invincibili ignorantia *sophismatis* constata, esse veram, non *sophisticam* probabilitatem, quamvis argumentatio ipsa secundum se, vel ex parte materiae, vel ex parte formae sit *sophistica*.

38. Quod ad reliqua in objectione contenta attinet, vera sunt quae Celladeus ex Aristotele promittit, sed quae ex suo adjungit non subsistunt. Inprimis falsum est, quod dicit, opus *sophisticum* in eo situm esse, ut quod proponitur, appareat verum, & non sit; appareat probabile, & non sit probabile; appareat syllogismus, & sit paralogismus. Hoc dictum, quoad priora duo membra, est evidenter falsum; saepe enim erramus circa res ipsas earumque probabilitatem, absque ullo *sophismate*. Quando per mendacium decipimur, erramus, & verum apparet quod non est; nec tamen per *sophisma* decepti sumus. Idem valet, ex probabilibus ritè dispositis inferimus consequens falsum; quamvis enim altera praemissa sit falsa, illa tamen non est propositio *sophistica*, quia nulla propositio simplex, qualis illa esse supponitur, potest *sophisma* continere, ut patet. Unde neque Conclusio illata est *sophisma* aut *sophistica*, quamvis consequens illatum sit falsum. Itaque illud Celladei dictum est erroneum. Nec Celladei in eo tantum errat, sed in illo ipso sibi contradicendo. Ille enim tenetur idem dicere de omni errore invincibili, quem in multis admittit. Peto enim, an talis error sit *sophisma*, nec ne? Si sit, ergo *sophisma*, seu cognitio *sophistica* à peccato excusat. Ergo errat, & sibi contradicit, dum affirmat omnem apparentiam *sophisticam* esse rejiciendam tamquam inutilem ad conscientiam ritè formandam. Si non sit, iterum sibi contradicit, quia jam non omnis cognitio, cujus obiectum verum apparet & non est, est *sophisma*, seu opus *sophisticum*.

39. Est & aliud, in quo re ipsa Celladeus sibi

Apparentis fallax. invincibiliter credita vera, est sufficiens regula conscientiae.

Non omne falsum est *sophisma*.

traditio.

contradicit in hac quæst. sic enim arguo. Contradictoria sunt, omnem veram probabilitatem sufficere ad conscientiam formandam, & nullum actum falsum (quem ille sophisma appellat) ad eam formandam sufficere, quia certum est, multos actus falsos esse verè probabiles. At Celladeus in hac quæst. expressè tradit utrumque. Ergo tradit contradictoria, & re ipsa sibi contradicit. Scio cum tenere (& postea de hoc agendum erit) quod omnis vera probabilitas identificetur cum veritate rei, quæ dicitur, & verè est probabilis. Verùm hoc solum probat, quod in hac quæst. non sibi contradicat in terminis expressis, non autem quod asserta ab ipso posita verè non se excludant, sicut contradictoria. At ego hic non intendo probare primum, sed solum ostendere secundum esse verum, prout est verissimum; quia ultra omne dubium est, verissimam probabilitatem sæpe conjungi cum falsitate, ut suo loco fusè demonstrabitur.

Sophisma
proprie lo-
quendo so-
lum consistit
in mala ar-
gumentatione.

40. Quod dixi de veritate rei, æquè valet de probabilitate, quia probabilitas falsò apparens, sed credita vera, non magis est sophisma obiectivum, quàm veritas ipsa falsò credita; eadem enim utriusque est ratio, cum utraque æquè cognosci possit actu vero, vel falso. Itaque si propriè loquamur, opus sophistæ in sola argumentatione malè constructa consistit, in qua ex indubita terminorum complicatione, aut confusione apparet veritas in consequente, quando illa ex præmissis legitime deduci non potest. Defectus autem iste aliquando ex materia, aliquando ex forma dependet, ut ex Elenchorum libris notum est. Erravit ergo Celladeus, dum sophisma, seu opus sophistæ sub conceptu rei apparentis ut veræ aut probabilis, quando non est vera vel probabilis, proposuit, cum solum consistat in eo, quod argumentatio appareat legitima, quando est illegitima.

Nunquam
proponimus
falsam
probabilitatem
pro
regula con-
scientiæ.

41. Porro cum Celladeus in ipsis, ut visum est, principiis hac in re erraverit, mirum non est, quod in applicatione ac deductione argumenti etiam deceptus fuerit. Deductio ejus est, quod Auctores benignæ sententiæ falsa pro veris, probabilis pro improbabilibus, paralogismos pro syllogismis ad conscientiam regulandam sæpe proponant. Fateor aliquas ex opinionibus directis, quas opinionibus inspectis, pro licitis proponimus, esse falsas, quia non est credibile, nullam ex opinionibus probabilibus minùs tutis esse falsam. Nihilominus de nulla in particulari scire possumus, quod sit falsa; cum etiam directè loquendo validas de veritate illius præsumptiones habeamus, & reflexè longè validissimas. At si sermo sit de probabilitate, nunquam nisi veram ac certam probabilitatem proponimus pro conscientia regulanda. Quod si aliquando inter ratiocinandum aliquis paralogizet, id est per accidens, nec probabilitas, qua nitimur, in solo paralogismo, sed etiam in ignorantia deceptionis, & carentia argumenti prævalentis in contrarium, fundatur, ut dictum est. Illa autem simul sumpta sæpe sunt verissima ac certissima probabilitas, quæ ad excusandum à peccato, teste ipso etiam Celladeo, sufficit, saltem tunc quando, ut sæpe facit, errorem invincibilem fundat.

Alia Celladei
contradictio.

42. Quod dicit de Judæis ac Hæreticis, non est ad rem; illi enim, qui invincibili veritatis ignorantia laborant, à peccato excusantur, quia per apparentiam verè probabilem diriguntur. Probabilitas autem illa partialiter fundatur in ignorantia invincibili veritatis oppositæ. Ecce

probabilitas, & multò magis certiando, quam iple apparentem vocat, nonnunquam excusat Judæos ac Hæreticos. Et tamen omnem probabilitatem & certitudinem apparentem, ut insufficientem repellit. In quo iterum sibi contradicit. Nec mirum; confundit enim veram probabilitatem cum probabilitate merè apparente. Apparentia, quam hæretici formales ac vincibiliter errantes habent de veritate suorum dogmatum, contra argumenta Fidei Catholicæ ipsis sufficienter proposita, non est verè, sed solum apparenter probabilis, nec ipsis, aut ulli videri potest digna fide, nisi consequenter ad affectum suis erroribus indebitè propensum. Talis autem apparentia consequens affectum uni parti indebitè alligatum, etsi maxima, non est apparentia rationalis ac probabilis (ut fusè ostendi qq. 2. & 3. de Consc. prob.) sed solum falsò apparet esse talis, quia habet motiva certissima in contrarium. Verùm Celladeus hoc semper omittit, quando de probabili agit; cum tamen hoc in nostra sententia sit omni veræ probabilitati maximè essenziale, ut sapiùs dictum est. At quando hæreticus invincibiliter ignorat & errat, tunc apparentia, qua stimulatur, non solum fundatur in positiva apparentia veri, quæ communis est hæretico formali, sed etiam in carentia rationis prævalentis in contrarium, atque in invincibili talium rationum ignorantia. Ex illis autem omnibus oritur vera, & non merè apparens probabilitas, qua heretici formales carent. Itaque illi ob veram, non ob apparentem probabilitatem excusantur: ad quod quia Celladeus non advertit, existimavit probabilitatem merè apparentem omnibus adesse, ideoque neminem per illam excusari, cum tamen negare non possit, plures ex illis excusationem habere; quæ asserta non cohererent, sed sibi mutuo contradicerent, si, ut rectè contendit, sola vera probabilitas excuset.

43. Quod assertur ex August. lib. de vera relig. Celladeus non est ad rem, quia S. Doctor aliud in illo libro citat Augustinus. non contendit, quàm solum Deum verum esse colendum, tanquam Deum, cui soli omnis vera religio nos religat, seu alligat, & ab hac religionem ad Deum nomen religionis dicit esse derivatum. Ex hoc autem rectè infert, quod religio non sit impendenda phantasmatis, quia, inquit, melius est quaecumque verum, quàm quidquid pro arbitrio fingi potest. Et tamen animam ipsam, quam tu anima vera sis, cum falsa imaginatur, colere non debemus. Hoc modo à potiori probat nil falsum aut fictum coli debere, quia omne verè existens plus habet, unde coli debeat (si coli licitè posset) quàm quidquid est purè imaginarium, & existentiæ caret. Id ipsum alio exemplo sic confirmat. Melior est vera stipula, quàm lux mani cogitatione pro suspicantem voluntate formata. Et tamen stipulam, quam sentimus & tangimus, dementis est credere colendam. Itaque toto illo capite aliud non docet August. quàm solum Deum esse colendum. Inter reliqua autem ex eo probat phantasmata & ficta non esse colenda, quia constat plura vera, omnibus phantasticis meliora, non esse colenda. Hoc autem argumentum ad præsens intentum nil facit, ut patet.

44. Præterea Aug. hoc loco solum loquitur de objectis, seu rebus à cognitione propositis, auctoritate de illis autem verum est, quod stipula vera minus imaginario prævaleat. Hinc autem perperam infert Celladeus, meliorem esse ullam propositionem veram, quàm innumeros discursus probabilissimos, si à veritate deflectant. Perperam, inquam,

Celladeus
auctoritate
Augustini
abutitur.

inquam, quia hoc ex dictis Augustini non sequitur, cum ille non agat de cognitionibus veris & falsis, quæ omnes sunt entia verè existentia, & propterea comparari possunt in bonitate reali, sed de rebus, quarum una existit, altera non existit, quæ proinde nullam habent comparationem, aut rationem ad invicem. Abutitur ergo Celladeus auctoritate Aug. quia quod hic rebus non existentibus tribuit, id ille ad res verè existentes applicat.

Aug. præfert aliquos actus falsos aliquibus veris.

45. Demum Aug. toto lib. de utilit. credendi ex professo contrarium tradit. Demonstrat enim, fidem humanam, etiam falsam, sæpe esse utilem ad vitam rectè & ut oportet gubernandam. Exemplum ponit in filio, qui invincibiliter errat credendo eum esse suum patrem, qui verè non est. Nec dubium, quin Aug. plura faciat talem fidem, etsi falsam, quàm similes actus veros temerè & vincibiliter elicitos, quibus filii non nisi turpiter colerent parentes veros, iis neglectis, quos nisi vincibiliter negare non possunt esse suos parentes veros. Ratio est, quia hi actus veri filios à peccato non excusant; illi autem actus falsi eos excusant, ut patet. Similiter plura facit illos actus falsos in ordine ad finem vitæ humanæ, quàm aliquos actus speculativos veros, qualis est hic: *Petrum digitum movet*, quia hic actus ad vitam ritè instituendam utilis non est, qui tamen hic & nunc sæpe institui non potest sine errore, ut in multis exemplis constat esse certissimum.

Aliquæ cognitiones falsæ sunt simpliciter meliores aliquibus veris.

46. Porro ratio à priori, cur aliquæ cognitiones falsæ prævaleant aliquibus veris, ex eo sumitur, quòd multæ falsæ sint intrinsecè & essentialiter tam perfectæ, imò sæpe perfectiores in eodem genere, & meliori ac rationabiliori fundamento innixæ, quàm aliquæ veræ. Ergo possunt tam prudenter & prudentius imperari, quàm aliquæ veræ. Rursus aliquæ ex istiusmodi cognitionibus falsis sunt valde utiles ad vitam humanam instituendam, ut omnibus est notum. E contrario aliquæ cognitiones veræ, maxime, quæ circa similia objecta versantur, sæpe ob suam temeritatem ad vitam irreprehensibiliter instituendam non sufficiunt. Ergo si spectetur totus finis tam intellectus quàm voluntatis (cui etiam intellectus deservit) aliquæ cognitiones falsæ præstant aliquibus veris. Imò si solus finis intellectus respiciatur, id ipsum est verum; quamvis enim primarius, & directè intentus finis intellectus sit veritas, seu conformitas realis actus cum objecto, tamen quando illa certò haberi non potest, intellectus secundariò eò tendit, ut habeat saltem conformitatem, quàm potest maxime rationabiliter apparentem; & tunc melius se habet, quando possidet maiorem, & magis rationabilem ejusdem apparentiam, quamvis per accidens valida illa apparentia revera sit difformis objecto. Itaque secundarius finis ad hunc possidendæ veritatis modum extenditur. Est & alia ratio id ipsum convincens. Intellectus in obscuris subditur imperio voluntatis. Ergo tunc melius se habet, quando voluntas rationabilius imperat assensum falsum, quàm verum. At hoc frequenter accidit. Ergo aliquæ cognitiones falsæ sunt tam bonæ, & meliores intellectui, quàm aliquæ veræ, temerè à voluntate imperantur.

Probabilitas tantum veram hominè peritum reddit.

47. Quod dicit ultimo loco verum est, scilicet probabilitatem veram ab apparenti distinguendam esse; illa enim Theologum verè, hæc tantum apparenter peritum reddit. Has nos distinguimus, & hanc peritiam requirimus, ut quis sufficiens sit ad conscientias ritè dirigendas. Ita-
R. P. A. Terilli Regula morum. Pars I.

que ultrò fatemur, quod probabilitas realis & quoad se requiratur, quodque probabilitas merè apparens & quoad nos ad conscientiam formandam non sufficiat. Cæterum cavenda est æquivocatio latens in voce illa *quoad nos*. Si enim idem significet, quod probabilitas merè apparens, veritati non obstat; si verò sumatur pro probabilitate præsumpta, (quam ego *quæst. 6. de Consc. prob.* fusè explicavi, ostendique, quomodo dicatur probabilitas *quoad nos*) falsum est, quòd probabilitas quoad nos non sufficiat, quia illa est vera probabilitas, ut loco illo fusè ostensum est.

48. Quæres, quid dicendum sit de reflexione illa, quam Celladeus hic fecit contra Auctores benignæ sententiæ? Quòd scilicet sint nimii rationum amatores, ideoque habent unde timeant, quia omnia speculationibus & ingenio, nullo aut exiguo respectu ad auctoritatem habito quæstiones resolvere solent. At hoc incongruum & periculosum est. Periculosum quidem, quia rationes nostræ sapissimæ sunt sophisticæ & falsæ. Incongruum verò, quia recta fidei ac morum doctrina de cælo venit, & non sine auctoritate rectè dicitur, & docetur.

Admonitio Celladici.

49. Respondeo admonitionem in se spectatam esse optimam; verum illa arctè perstringit Celladeum, nos autem, Deo laus, non stringit. Perstringit Celladeum, quia ille, contempta omnium totius Ecclesiæ Doctorem auctoritate, (certum enim est, omnes omnino in rebus verè incertis docuisse, usum opinionis saltem probabilioris esse licitum) novam & singularem, sibi que soli propriam opinionem invexit, qua omnem cujusvis opinionis probabilis, etiam probabilissimæ, usum ut illicitum damnat. Estne hoc, Celladec, auctoritatem magni facere? Auctoritas, quam tu rejicis, post infallibilem Ecclesiæ ac Pontificum decisionem, est maxima omnium, quæ in civili aut sacra republica reperiri potest. Hanc tu parvi pendis. Contra omnes solus insurgis, nec aliis argumentis, quàm miris quibusdam ac sophisticis speculationibus niteris, ut hæcenus visum est, & ex sequentibus etiam, Deo dante, patebit. Quod si aliquam auctoritatem ex Aristotele, Augustino, aliòve Sancto Patre afferas, illa vel ad rem non est, vel illa in sensu alieno abuteris, ut ex dictis constat. Præterea illa auctoritas, quantacumque sit, non est æquanda auctoritati, contra quam illam affers. Habes ergo unde timeas.

Non nos, sed ipsum percellit.

50. Cæterum, Deo laus, ista admonitio nos non stringit, quia plurimum rationi, sed plus auctoritati deferimus. Nos adeo nostris opinionibus non fidimus, quin contrariæ Doctorem ac piorum hominum auctoritati subscribamus, eorumque auctoritate fundati, nos tutos putamus, ut etiam contra propriam opinionem licitè operemur. Sed tu fortasse, *laudator temporis æstis*, præsentis sæculi Doctores exigui aut nullius auctoritatis esse arbitraris. Proinde ad Augustinum, & ad antiquos Patres provocas; illorum enim verò auctoritatem & meritò plurimi faciendam dictitas. Sic est; sed scias, Celladec, aliud est, Augustinum & Sanctos Patres ubique crepare, aliud verum eorum sensum assequi. Jansenistæ Augustinum, hæretici purum putumque Dei verbum ubique crepant; sed in mente Augustini, ac sensu Sacræ Scripturæ intelligendo toto cælo aberrant. Non tu solus Augustinum legisti, præstantissimi quique benignæ sententiæ Auctores cum diligentissimè examinarunt, atque

Nos multum rationi, sed plus auctoritati tribuimus.

ex ejus dictis suas sententias roborarunt; & quidem quod ad præsentem quæstionem attinet, ego nonnulla Augustini, aliorumque Patrum loca perpendi *quæst. 27. de Consc. prob.* ex quibus manifestum est, eos in particularibus casibus usum

benignæ sententiæ licitum habuisse. Plura in progressu afferam. Interim quæ hæcenus ex SS. PP. attulisti, tibi non favent, sed vel ad rem non faciunt, vel à te perperam intellecta fuisse ostendi, &, Deo favente, in sequentibus ostendam.

QUÆSTIO VIGESIMA- SEXTA.

*Vtrum vera probabilitas dari possit contra certum
& evidens?*

Singularis
Celladei o-
pinio.

IN Scholis Catholicorum hæcenus inauditum fuit, id alicui esse probabile, cujus oppositum est ipsi certum & evidens. Omnes enim ad probabilitatem, tamquam essentialissimum prædicatum requirunt, ne quidquam certum aut evidens in contrarium appareat. Celladeus tamen *lib. 2. quæst. 5* contra omnes insurgit, atque expressè contendit, probabilitatem, ab auctoribus benignæ sententiæ assertam, coherere cum certitudine oppositi. Unde infert, nullius opinionis, ne quidem probabilioris usum esse licitum. Falsitas hujus paradoxii hoc loco examinanda est, simulque Celladei inconsequentia de exclusionem opinionis probabilioris detegenda. Sit ergo

ASSERTIO PRIMA.

Probabilitas
Academi-
corum co-
poni potest
cum certi-
tudine op-
positi.

Probabilitas Academicorum de una parte componi potest in eodem intellectu cum certitudine, non tamen cum perfecta evidentia de altera contradictionis parte.

2. PROBATUR. Quævis apparentia veri sollicitans intellectum ad assensum aut voluntatem ad operationem, est probabilitas ab Academicis asserta. At hæc componi potest cum certitudine de opposito. Fides enim de mysteriis revelatis certissima est, & tamen sæpe adest apparentia veritatis, qua intellectus & voluntas stimulantur ad assensum illis negandum, ut patet ex tentationibus fidei, & argumentis hæreticorum, quibus fidelis homo tentatur, & aliquo modo ad hæresim stimulatur. Ergo probabilitas Academicorum datur contra certitudinem.

Sed non cū
evidentia
partis con-
trariæ.

3. PROBATUR secunda pars. Evidentia perfecta excludit omnem formidinem, tam actuale quam possibilem, oppositi. Nemo enim formidare potest, an totum sit majus sua parte, nec ullam oppositi apparentiam habere, qua ad dissensum stimuletur, ut experientia constat. Eadem autem ratio valet de omni alia perfecta & metaphysica evidentia. Ratio est, quia evidentia consistit in clara veritatis intuitionem; illa autem statim respicit intellectum, illumque necessitat ad assensum, suæque luce omnes tenebras aut apparentiam stimulantem ad contrarium abstergit. Non sic fides, quæ obscura est, quamvis sit certa. Obscuritas autem illa efficit, ne actus fidei absque voluntatis

imperio elici possit, quia intellectus à veritate obscure proposita non rapitur in assensum. Itaque obscuritas necessariò relinquit possibilitatem suspendendi assensum; nec hanc tantum sed etiam possibilitatem dissentendi admittit, quia obscuritas non removel omnem apparentiam contrarii, alioquin eo ipso non esset obscuritas, sed perfecta claritas & evidentia. Stat ergo veritas assertionis.

ASSERTIO II.

Probabilitas à benigna sententia asserta de una parte contradictionis nequit simul componi in eodem intellectu cum evidentia aut certitudine alterius partis; utraque tamen potest simul existere in diversis intellectibus, aut in eodem pro diversis temporibus.

Probabilit-
tas de una
& evidentia
de altera
parte contra-
dictionis si-
mul dantur
in diversis
intellecti-
bus.

4. PROBATUR assertio, quæ quoad secundam partem adeo clara est, ut sola illius propositio, potentiarumque ac temporum distinctio ad veritatem illius demonstrandam abundè sufficiat. Quis enim non videt fieri aliquando, ut Theologus aliquis non sophisticè, sed juxta possibilitatem humanæ fragilitatis & materiæ propositæ qualitatem, solidè ac rationabiliter procedens in sua resolutione, post omnem diligentiam adhibitam à vero aberret. In hoc casu Deus & Angelus certò & evidenter norunt veritatem, ac de illa evidentiam habent. Hoc autem non impedit, quò minus Theologus ille probabiliter casum resolverit; imo, si hypothesis, in qua locutus sumus teneatur, non poterat non probabiliter eam resolvere. Erravit tamen. Ergo probabilitas de una, & evidentia de altera contradictionis parte simul existere possunt in diversis intellectibus. Idem omnes clarè discernunt in probabilitate extrinseca. Multi pueri probabiliter judicant eos esse suos patres, qui revera non sunt Patres ipsorum. Jam Deus & Angeli, ac homines aliqui evidenter norunt, quòd pueri in hoc suo judicio errent. Sed & ipsi pueri in fine mundi idipsum evidenter scient. Præterea eadem est ratio de uno eodemque intellectu hominis respectu diversorum temporum, ac plurium intellectuum respectu ejusdem temporis. Ergo sicut respectu diversorum intellectuum in eodem instanti dari potest evidentia unius, & probabilitas alterius

contra.

contradictorii, ita pariter eadem successivè dari possunt in eodem intellectu, nec in hoc ulla difficultas superesse potest.

Sed non simul cohererent in eodem intellectu.

5. Probatur prima pars. Inprimis, stante evidentia unius partis, clarum est, alteram partem non posse esse probabilem probabilitate à benignæ sententiæ Auctoribus asserta, quia illa requirit stimulum ad assentiendum multò majorem, quàm probabilitas Academicorum, ut certò constat ex quæst. præcedente. Atque ex prima assert. evidens est, nec probabilitatem Academicorum, nec ullum stimulum assentiendi uni parti conjungi posse cum evidentia partis contradictoriè oppositæ. Ergo à fortiori omnis evidentia unius partis excludit probabilitatem, de qua nos loquimur, à parte contradictoriè opposita.

Requisita ad probabilitatem explicantur.

Idem probatur, quando altera contradictionis pars est certa, & non evidens. Vera certitudo fundatur in motivo falli nescio, quod ita proponitur intellectui ut mereatur assensum, quo omnis actualis formido excludatur. At tale motivum haberi non potest, nisi tanto intervallo superet omne motivum in contrarium, ut illud respectu hujus nullius sit momenti, nec ullam assensûs suspensionem aut retardationem mereatur, si omnia debite, & sine passione animum obæcante perpendantur. Nisi enim hæc adsint, iudicium meritò suspendi poterit, & motivum ad illud impellens non merebitur assensum absque formidine, ut patet. Ergo non erit certum & infallibile ex vi sui motivi, contra quod supponimus. E contra probabilitas à nobis definita, non est quævis, sed solum magna apparentia veri, immo tanta, ut mereatur assensum, etiam in contradictione motivi contrarii. Secundò tanta esse debet illa apparentia, ut nec physice, nec moraliter evanescat in comparatione motivi contrarii, sed cum illo comparari possit, illudque aut æquet vel superet, aut certè non multùm ab eo superetur. Tertiò, motivum, ut sit probabile, debet esse tantæ efficaciz, etiam in contradictione motivorum contrariorum, ut qui illi assensum præbet, temeritatis argui non possit. Quartò, quod in idem recidit, requiritur ad motivum probabile, ut aptum sit movere hominem peritum & probum ad assensum, quando iudicium format sicut decet hominem peritum & probum. Quintò, requiritur ad apparentiam probabilem, ut illa ex vi magnitudinis suæ intrinsecè frequentius connectatur cum vero, quàm cum falso; quæ omnia fusè monstrata sunt in primis sex quæst. de Consc. prob. Jam posita certitudine unius partis, impossibile est dari ullam apparentiam pro parte contraria, quæ ipsam certitudinem excludat, aut alias probabilitatis proprietates habeat. Inprimis motivum incertum & fallax non meretur assensum contra motivum certum & infallibile, cognitum ut tale. Secundò, omne motivum incertum evanescit in comparatione motivi certi in contrarium, quantum ad meritum impetrandi assensum, nec ullius ponderis reputari debet, cum non solum incomparabiliter excedatur à motivo certo, sed excessus ille sit in diverso ac superiori ordine. Tertiò, nemo magis temerè judicat, quàm qui, motivo certo rejecto, falso & incerto assensum præbet. At non temerè judicaret, si motivo probabili niteretur. Præterea nos loquimur in sensu composito cum certitudine, in quo sensu nemo reputare potest motivum oppositum dignum assensu rationabili, quia eo ipso putaret motivum certum esse fallibile & falsum. Quartò, repugnat hominem sequi motivum incertum

contra certum, si iudicet sicut decet hominem peritum & probum judicare. Quintò, omne motivum incertum ita debilitatur à motivo contrario certo, ut omnes apparentiæ illi æquales non possint frequentius connecti cum vero quàm cum falso. Ergo nullum motivum potest esse probabile, contra quod motivum certum militat. Saltem evidens est, nullum tale motivum esse posse probabile probabilitate à nobis asserta, quia evidens est, ea prædicata illi non convenire, quæ ad omnem veram probabilitatem requirimus ut essentialia.

6. Demum licet prædicata hæc, aliæque ejusmodi probabilitati assignata, evidenter inferant, partem oppositam non posse simul esse certam illi intellectui, cui altera pars tanta verisimilitudine repræsentatur, quanta ad probabilitatem requiritur; nihilominus, ut omnis dubitatio & possibilitas æquivocandi in re tanti momenti tolleretur, inter reliqua ad probabilitatem essentialiter requisita hoc tamquam potissimum requirimus, ut nil certum afferatur in contrarium. Cogitet hæc Celladeus, & videbit concipi non posse, quod probabilitas, quam requirimus in opinionibus quarum usum admittimus esse licitum, quæquæ sola est probabilitas à nobis asserta, cum evidentia partis contrariæ componi possit. Nihilominus Celladeus in hac luce meridiana non solum non videt veritatem tam perspicuam, sed imaginatur se clarè videre oppositum, jactatque se illud clarè probare ac evincere. Sed certissimè ac clarissimè fallitur, ut ex rationum, quas assert, examine mox patebit.

Difertè requirimus ut oppositum non sit certum.

SOLVUNTUR OBJECTIONES.

7. OBJICIT. Nil magis obvium in Auctoribus etiam gravissimis, quàm quoddampe suam sententiam tuerentur ut certissimam & evidentem; nec tamen oppositam damnant ut improbabilem. Ergo probabilitas, opinionibus dari solita, salvatur contra certum & evidens.

Auctores sæpe dicunt suas sententias esse evidentes.

Confirmatur ex phrasibus, quas Auctores frequenter adhibent dicentes: *Hoc est evidens. Hæc ratio est manifesta. Argumentum evidenter solvitur.* Phrases istæ indicant, Auctores illos habere sua asserta pro evidentibus, qui tamen non censurant oppositas sententias, utpote communes, ac communissimas in scholis, sed eas supponunt esse probabiles. Sed & S. Thomas frequenter utitur hac phrasi, *Ad cujus evidentiam sciendum est.* Ergo S. Thomas censuit suam sententiam evidentem, nec tamen oppositam ut improbabilem reputat, aut refellit.

8. Idipsum probatur secundò. In rebus ac opinionibus utrimque controversis aliquid aliquandò certò scitur ac demonstratur, alioquin Physica, Metaphysica, ac Theologia non essent scientiæ, & frustra traderetur Logica de modo sciendi, si nil scire contingeret. Quis dicet, Scholam Thomisticam, nil omnino demonstrasse contra Scotistarum ac Nominalium scholas, contra quas jam per tria sæcula dimicant? Idem dico de Scotistis contra Thomistas, &c. saltem non nemo Thomistarum arbitratur se demonstrasse aliquid contra Scotistas, v. g. non dari distinctionem formalem ex natura rei inter divinam essentiam & relationes. Similiter ex adverso aliqui Scotistæ putant se aliquid contra Thomistas demonstrasse. Nec tamen censurant sententiam oppositam, sed ultro færentur, illam esse probabilem. Demum nil evidentius demonstratur, quàm quod

Hoc in multis speciebus significatur.

Realistæ omnes contra Nominales dicimus, nempe dari aliqua entia modalia ab entibus absolutis distincta. Nec tamen possumus dicere, opinionem Nominalium non esse probabilem, cum quotidie in scholis defendatur, & in libris tam antiquis quam noviter editis toleretur absque nota vel censura.

Alia ad idē
confirman-
dum exem-
pla.

9. Demum ingens lis est inter PP. Dominicanos & Auctores Societatis, utrum gratia efficax sit prædeterminans, an indifferens? Iis hæc per decennium coram Summis Pontificibus discussa, nec tamen determinata fuit, quia Paulus V. decrevit, ut cuique parti suam tueri opinionem liceret, ita tamen, ut neutra adversam notaret vel censuraret. Decretum viget & servatur. Interim dubium nullum est, quin multis Dominicanis scientia media certò falsa & fictitia videatur; & vice versa tantundem aliquibus saltem ex adversariis videtur de physica prædeterminatione. Et tamen neutri oppositam sententiam ut improbabilem censurant. Quod dictum est de speculativis, æquè locum habet in moralibus, quia par de omnibus est ratio. At in eo casu non licet sequi opinionem probabilem contra propriam sententiam certam & evidentem. Ergo probabile opinionum coheret contra certum & evidens. Ita Celladeus lib. 2. quæst. 3. per totos tres primos paragraphos, in quarto autem contendit, probabilitatem opinionum in alio non consistere, quam in impunitate quadam, ratione cujus defendi aut edi potest absque ulla censura, vel impedimento. Hæc impunitas dupliciter tollitur, primò per superiorum, maximè per Romani Pontificis prohibitionem; secundò, per unanimum Theologorum consensum; si enim Summus Pontifex prohibeat aliquam opinionem, eo ipso impunitas dicta, & consequenter opinionis illius probabilitas tollitur. Secundò, hæc impunitas, tacentibus superioribus, ex concordæ iudicio omnium Theologorum tollitur, quando omnes aliquam sententiam tuentur. Eo ipso enim contraria opinio censetur improbabilis, si maximum aliquod fundamentum à reliquis prætermisum non afferat. Itaque opinionem aliquam esse probabilem probabilitate opinionibus dari solita significat hæc duo collectivè, eam scilicet nec esse contra uniformem doctrinam Theologorum, nec à superioribus doctrinarum iudiciis impeditam aut prohibitam.

Porro probabilitas ista aliquando purè negativè convenit opinionibus, quia superiores nihil omnino, nec pro, nec contra determinarunt, sed tacerunt. Aliquando convenit positivè, quando Summus Pontifex positivo decreto omnem censuram & notam utriusque opinionis inhibuit. Unde sequitur primò, probabilitatem opinionibus dari solitam præseindere à vero & falso, & ab approbato vel tolerato. Sequitur secundò, eandem principaliter esse fori exterioris, & non ineptè dici posse probabilitatem secundum dici, cum probabilitas conscientie dici debeat probabilitas secundum esse. Similiter probabilitas opinionum dici potest probabilitas transcendentalis, quia transcendit omnes libros non prohibitos, omnesque ac singulas opiniones non notatas. Probabilitas autem conscientie est particularis quædam probabilitas fundatior & solidior, ut ex omnium Auctorum gravium sensu ostendi lib. 1. (inquit Celladeus) & hic tamquam indubitatum suppono. Hæc Celladeus, quibus putat se clarè intentum suum probasse.

10. Respondeo, argumentum esse prorsus &

undique invalidum. Inprimis ergo fateor, Auctores complures tueri sententiam suam ut certam & evidentem, quod dupliciter fieri potest; primò directè, eò quod rationes, quibus moventur ad assensum, sint adeò certæ & evidentes, ut postea reflectentes in illas evidenter sciant rationes illas esse tales, ideoque absque omni formidine aut formidandi potentia non solum directè & exercitè assentiuntur objecto proposito, sed etiam eodem modo reflexè ac signatè evidenter sciunt & asserunt rationes, quibus moti fuerunt, esse infallibiles ac certissimas. Talis est opinio in Physicis, quod Sol terram, & terra Lunam in mole excedat; quod dentur Antipodes; quod terra sit rotunda, ac simpliciter loquendo rotundior pile lusoria, non obstante magna montium ac vallium anfractuositate. Talis in Theologia est opinio, quod perfecta beatitudo creaturæ rationalis consistat in perfecta possessione Summi Boni, quod ignorantia invincibilis à peccato excuset, &c. Jam in talibus nemo est, qui fateatur contrariam opinionem esse probabilem respectu intellectus, cui veritates istæ modo dicto sunt demonstratæ. Talis enim intellectus evidenter scit ac iudicat, partem contrariam esse manifestè falsam. Ergo impossibile est, quod relatè ad se reputet illam esse probabilem, cum nullum pro parte illa adesse possit argumentum, quo intellectus ad assensum stimuletur, ut dictum est. Nec quemquam inveniet Celladeus, qui de tali opinione sua loquens, unquam dixerit, oppositam esse sibi probabilem.

11. Nihilominus, stante hac certissima scientia de veritate unius & de falsitate alterius partis contradictoriè oppositæ, fieri poterit, ut credamus, partem oppositam, etsi nobis certissimè falsam, esse alius probabilem, quia quod uni certò falsum est, potest alteri esse probabile, ut ostensum est assert. 2.

12. Secundò, Auctores sæpe solum reflexè asserunt, suam sententiam sibi videri certam & evidentem, idque vel absolutè, vel solum quibusdam suppositis, quæ tamen certa non sunt, & ideo supponi debuerunt, ut ad certitudinem saltem ex suppositione pervenirent. In hoc casu, certitudo & evidentia, reflexè asserta, non certò & evidenter ut in primo casu, sed formidolosè & ad summum probabiliter affirmatur, quia nesciunt, an in suo discursu erraverint, aut aliquid ignoraverint, ex quo oppositum efficaciter probari possit. Hinc autem perspicuum est, iudicium hoc reflexum non excludere iudicium de probabilitate intrinseca partis contrariæ apud alios, neque etiam evidentiam probabilitatis extrinsecè ejusdem apud se. Hoc tunc vel maximè locum habet, quando quis hoc modo opinatur contra communem sententiam, videtque plurimos viros peritos & probos, post omnes suas rationes illis manifestatas, permanere in sua sententia, atque putare contrarias rationes illis prævalere, &c. Tunc certè homo illè habet motivum diffidendi de se ac suo discursu, ideoque evidenter scit, auctoritatem parti oppositæ faventem esse sufficientem, ut quis ex vi illius, non obstantibus rationibus, quas ipse certas esse arbitratur, rationabiliter assensum præbeat; imo ex eodem capite evidenter præsumere potest, quod pars illa non destituatur validis ac verè probabilibus argumentis, quamvis ipse illa non videat, nec eorum robur percipiat. Jam quando Auctores tuentur suas assertiones ut certas & evidentes, plerumque in hoc tantum sensu loquuntur, ideoque

Auctores
dupliciter
dicunt suam
opinionem
esse eviden-
tem.

Primus mo-
dus tollit
probabili-
tatem op-
positi in eo-
dem intel-
lectu.

Sed non in
diversis.

Secundus
modus asse-
rendi suam
sententiam
esse eviden-
tem nō im-
pediit proba-
bilitatem
oppositi.

Mirabilis &
inaudita
probabilita-
tis explica-
tio à Celladeo
constat.

que simul existimare possunt, contrariam opinionem esse intrinsecè probabilem apud alios, eamque probabilitatē ab illis optimè cognosci, quamvis ipse illam non videat. Cæterum si de gravibus Auctoribus sermo sit, Celladeus sæpius inveniet eos tunc solum loqui dicto modo, quando ex suppositione aliqua discursum instituunt. Talis autem locutio non est ad rem, quia iudicium de evidentia rei ex suppositione nullo modo contrariatur iudicio de absoluta probabilitate oppositi.

Equivocatio Celladei.

13. Hinc manifesta terminorum confusio apud Celladeum se prodit. Ille enim ita loquitur, ac si Auctores primo tantum modo essent intelligendi, cum rarissimum id sit. Tunc autem nemo omnium dicit, aut supponit, oppositum aut sibi, aut aliis rationes ipsius debite intelligentibus, esse posse probabile, & Celladeum provocho, ut vel unum citet. Cæterum Auctores frequenter secundo modo loquuntur, & tunc arbitrantur dari posse, ac de facto apud alios dari probabilitatem veram contra id, quod ipsis reflexè certum apparet & evidens. Imo existimant fieri posse, ut illa probabilitas ipsis aliquando appareat, etsi de præsentī illam non videant. Itaque certa probabilitas extrinseca, & intrinseca præsumpta rectè coheret cum existimata certitudine oppositi. Ex hoc autem nihil sequitur in favorem Celladei. Nam in primo casu nemini licet contra propriam sententiam agere; quia oppositum non potest illi ulla ratione apparere verum, aut probabile, quamvis aliis, talem scientiam non habentibus, liceat partem falsam amplecti, quando ipsius honestas est illis certò probabilis, & inhonestas invincibiliter ignoratur. At in secundo casu non est cur homo licet operari non possit contra suam sententiam directam, modò deponat illud iudicium reflexum, quia, eo deposito, ob extrinsecam auctoritatem certò magnam formare poterit iudicium practicum, quo prudenter credat, sibi licitum esse sequi opinionem tanta auctoritate suffultam, atque ita demum contra propriam sententiam operari, juxta dicta quæst. 22.

Idem phrasium allatum explicatur.

14. Ad confirmationem desumptam à phrasibus illis communiter usitatis, *Hoc est evidens. Argumentum evidenter solvitur, &c.* ex dictis patet responsio, scilicet probabilitatem opinionibus dari solitam nunquam coherere in eodem intellectu cum vera certitudine ac evidentia oppositi, quamvis probabilitas extrinseca, & quædam intrinseca præsumptio coherere possit cum evidentia reflexè & formidolosè affirmata. Neque phrasēs istæ, aut quidquid à Celladeo affertur, aliud probant, quamvis omnia admittantur esse vera in latissimo sensu, quem verba præferunt. Cæterum locutio illa, *hoc est manifestum*, juxta communem phrasim acceptionem non infert certitudinem aut evidentiam propositionis, sed solum ejusdem probabilitatem, quia in principiis immediatè probabilibus frequenter utimur tali locutione, quæ aliud non significat, quam rem dignam esse assensu, nec ulteriori investigatione indigere, ut illi fides adhibeatur. Phrasīs illa, *argumentum evidenter solvitur*, quando cum veritate profertur, solum aufert probabilitatem ab argumento; inde autem non aufertur probabilitas opinionis, quam illud argumentum confirmabat, cum illa ex aliis argumentis probabilitatem habere possit. Ergo quamvis aliquis evidenter solvat aliquod argumentum, simul potest agnoscere sententiam, cui argumentum illud favebat, esse probabilem, eò quod alia argumenta ad hanc denominationem illi tribuendam sufficiant.

15. Quod attinet ad Phrasim illam S. Thomæ, *ad cuius evidentiam sciendum est*, præter responsiones hæcenus datas, quæ illi applicari possunt, dico verba illa, *ad cuius evidentiam*, plerumque non sumi in stricta significatione, sed idem sonare, ac si diceret, *ad cuius clariorem intelligentiam, &c.* Quod si hoc durum ac falsum videatur, non sum qui hac de re litem instituam. Loquatur in summo rigore de evidentia non morali, quæ in majori probabilitate invenitur, sed de metaphysica evidentia, quæ ex suo genere est summa; adhuc non sequitur, illum admittere probabile contra evidens. Ratio est, quia duæ præmissæ necessariae sunt ad conclusionem inferendam. Jam si una tantum ex præmissis sit evidens, & altera solum probabilis, conclusio, quæ partem sequitur debiliorem, erit solum probabilis. Unde cum S. Thomas uti soleat illa phrasī, dum loquitur de præmissis, rationabiliter eam applicat uni præmissarum, non autem etiam alteri & conclusioni; quia utraque potest esse probabilis, cum nulla contra ullam illarum sit evidentia.

Phrasīs S. Thomæ explicatur.

16. Sed estò, loquatur S. Thomas de ipsa assertione, eamque absolutè evidentem enunciet, ostendat Celladeus, quod in tali casu opinionem contradictoriè oppositam ulli dixerit esse sibi probabilem, aut desinat dicere, S. Thomam putasse probabilitatem coherere cum evidentia oppositi. At inquires, S. Thomas non rejicit opinionem contrariam ut improbabilem. Ergo supponit eam esse probabilem. Respondeo, transeat quod non semper expresse rejiciat illam ut improbabilem absolutè apud omnes alios, qui vim suæ demonstrationis ignorant. At frivolum est existimare, quod non rejiciat illam ut sibi improbabilem. Profectò qui evidenter scit, & apertè pronunciat, opinionem aliquam esse evidenter falsam, ille non solum dicit illam esse sibi improbabilem, sed omni prorsus probabilitatis specie carere, quia longè plus est esse evidenter falsum, quam esse improbabile; multa enim improbabilia sunt vera, & aliquam verisimilitudinem præ se ferunt, nec carent vi stimulandi intellectum ad assensum, cum nil horum evidenter falsis conveniat. Itaque si S. Thomas certò & evidenter dicat, opinionem aliquam esse evidentem, eo ipso expresse sentit, opinionem contradictoriè oppositam esse sibi improbabilem, & plusquam improbabilem. Quomodo enim quidquam esse potest probabile illi intellectui, qui non solum illud non approbat, sed ex evidentia falsitatis necessitatur ad illud reprobandum & damnandum?

S. Thomas non tenet quidquam esse probabile, cujus contrarium est evidens.

17. Quod ad opiniones utrimque controversas attinet, rarissimè evenit, quidquam certò ac evidenter sciri, quamvis aliquando vera ac legitima demonstratio inveniatur. Cæterum quoties veritas verè demonstratur, impossibile est, quod oppositum eidem intellectui aut appareat, aut habeatur probabile. Multæ quidem sunt demonstrationes in Physica, Metaphysica, ac Theologia de assertis, in quibus omnes conveniunt, verum admodum paucæ, aut fortasse nullæ de opinionibus utrimque controversis. Nominatim Thomistæ non demonstrarunt contra Scotistas essentiam divinam non distingui actuali formali distinctione à relationibus. Si enim hoc demonstrassent, utique Scotistæ non amplius suam opinionem tenerent; puderet enim viros probos & doctos opinionem evidenter falsam tueri. Quid quod absque mendacio eam tueri non possent, ut veram; quia aliud verbis proferrent, aliud mente crederent. Quod si rationes Thomistarum post

In opinionibus utrimque controversis raro datur vera demonstratio.

post diligentem earum inspectionem non convin-
cant Scotistas, sed ab illis plausibiliter solvantur,
profectò signum est, rationes illas demonstrati-
vas non esse, sed solum probabiles; si enim essent
demonstrativæ, utique raperent intellectum ad
assensum, & statim Theologi in illis, sicut Geo-
metræ in rebus mathematicis, convenirent. Nul-
lum enim certius iudicium evidentie, quàm
omnium rationes examinantium concordia;
nullum apertius inevidentie signum, quàm Au-
ctorum eadem rationes ponderantium discor-
dia. Neque hæc discordia prævio partium affe-
ctui tribui potest, quia plures nulli partium alli-
gati, sed in sua educatione liberi, hac in re Scoti-
stis contra Thomistas subscribunt; quod certe
non facerent, si Thomistæ veritatem suæ senten-
tiæ demonstrassent. Cæterum Celladeus exem-
plum hoc ex omnibus proponere non debuisset,
cùm potissimum Scotistarum fundamentum in
ipso Sacrosanctæ Trinitatis Mysterio fundetur.
Unde fit, ut sicut mysterium illud est singulare,
& indemonstrabile, ita demonstratum hætenus
non est, & forè nunquam demonstrabitur, hoc
ipsum mysterium distinctionem illam Scotisticam
non includere. Quid enim mirum, si mysterium
ineffabile mirabilem secum distinctionem afferat?
Ego hæc in re cum Scotistis non sentio; sentio
tamen opinionem illorum hætenus evidenter
falsitatis non fuisse convictam, & quod plus est,
vix puto eam in hac vita evidenter convincen-
dam.

Scotistæ tamen
faciunt suas
opiniones
quæ Thomistæ
sunt.

18. Quod si Thomista aliquis putet se de-
monstrasse suam assertionem contra Scotistas,
non est, cur etiam Scotista non putet, se suam
opinionem contra Thomistas demonstrasse. An-
nè ideo uterque aut alteruter suam opinionem
demonstravit? Nil minus. Istæ sunt demonstra-
tiones tantum apparentes, quas illi reflexè con-
siderantes, formidolosè putant esse evidentes,
cùm revera non sint. Jam qui taliter afficiuntur,
non possunt absolutè affirmare opinionem con-
trariam non esse aliis probabilem, ut dictum est;
cùm & ipsi sibi sit extrinsecè probabilis, quam-
vis apud illos hic & nunc extrinsecam probabilita-
tem non habeat.

An detur
vera demon-
stratio quod
datur entia-
tes modales?

19. Idem dico de opinione, qua contra No-
minales affirmamus dari entitates modales ab
entibus absolutis distinctas. In hac re existimo,
nos nulla in re particulari demonstrare intentum,
v. g. quod detur unio aut ubicatio, quæ sit pec-
uliaris quædam entitas ab aliis omnibus distin-
cta, qualem nos illam esse putamus. Ratio est,
quia tota ratio nostra fundatur in eo, quod in-
differentia tolli debeat, ut habeatur denomina-
tio. Hæc propositio facilè admittitur pro evi-
denti, etiam ab adversariis. At minor, quæ sub-
sumitur, quod nil præter talem entitatem auferat
aut auferre possit talem indifferentiam, non est
evidens, & ab adversariis negatur, quorum ali-
qui unum, alii aliud pro sufficienti determinativo
assignant. Ego quidem rejicio omnes eorum re-
sponsiones ut insufficientes, haud tamen omnes
ut evidenter falsas audeo rejicere, cùm illas à do-
ctissimis ut sufficientes admitti videam. Sed licet
scirem omnes esse evidenter insufficientes, non-
dum demonstrarem intentum, quia non est evi-
dens, nullam aliam viam excogitari posse, per
quam independenter ab hac entitate peculiari in-
differentia illa tollatur. Ego plurimi facio inge-
nium Celladei, nec tamen puto illum absolutè
demonstrasse, dari ullum ex peculiaribus modis
communiter assertis, quia nisi evidenter demon-

straverit, nullam aliam viam excogitari posse, qua
indifferentia tollatur, non demonstravit intentum.
At hoc demonstratu difficillimum, ne dicam,
impossibile est, quia limitata mens nostra diffi-
culter demonstrare potest, nullum alium intelle-
ctum assignare posse ea, quæ nos latent, nisi ad-
sit argumentum positivum directè probans im-
possibilitatem rei. At tale argumentum deest in
casu nostro, utimur enim argumento negativo,
dum dicimus nihil assignari posse, quod indiffe-
rentiam tollat; si enim aliquid assignari possit,
assignetur, & quod assignatum fuerit, invenietur
insufficiens, sicut quæ hætenus assignata fuere,
sunt insufficientia. Verum hoc ultimum est mera
conjectura, non demonstratio. Unde non rejici-
mus contrariam opinionem ut improbabilem,
cùm illa nobis extrinsecè, & aliis intrinsecè sit
probabilis. Quod si nos evidentiam haberemus
illorum modorum, profectò Nominalium opi-
nio nobis probabilis esse non posset.

20. Eadem prorsus ratio est de PP. Domini-
canis & Auctoribus Societatis nostræ; myste-
rium enim efficaciarum gratiarum, & scientiarum divinarum
adeo reconditum est, ut etiam, positis principiis
fidei, difficillimum sit certam & evidentem ejus
notionem habere, ac positivè demonstrare, quod
hæc aut illa sententia, quæ à gravissimis Aucto-
ribus post omnia hinc inde allata ferè confide-
rata defenditur ut vera, sit evidenter falsa. Quod
si aliquis suam partem verè demonstret, oppo-
sita opinio illi probabilis esse non potest, cùm sit
ipsi evidenter falsa. Si verò aliquis solum reflexè
putet, rationem suam esse demonstrationem, tale
iudicium non est incòpossibile cum probabilitate
partis oppositæ, juxta dicta. Cæterum si aliquis
non solum diceret, se putare suam sententiam
esse veram ac demonstratam, sed absolutè con-
tenderet, se demonstrativè scire suam rationem
evidenter concludere partem suam esse veram,
ideoque jactaret oppositam opinionem esse evi-
denter falsam, & certissimum ac indubitatum er-
rorem continere; is certè gravissimam censuram
alteri parti inureret, & longè majorem, quàm si
diceret eam esse improbabilem. Nec dubito quin
Celladeus ipse gravius ferret, si dicerem ipsius
opinionem esse evidenter falsam, quàm si solum
dicerem eas esse improbabiles; quia prima locu-
tio significaret eum in meridiana luce non po-
tuisse veritatem videre, cùm secunda solum in-
dicaret, eum in rebus obscuris non advertisse ad
potissimas rationes contrarias, vel eas debite non
examinasse, aut certè nimis credulum fuisse, ac
pluris, quàm par erat, rationes sibi faventes fe-
cisse. Secundum indiligentiam, aut ad summum
oscitantiam aliquam arguit; primum autem im-
peritiam, ac incapacitatem quandam sonat, quæ
acerbius quàm indiligentia objicitur, ut patet.

ASSERTIO III.

*Gloriosa Celladei argumentatio, qua hoc loco
evincere contendit, usum opinionum pro-
babilium non esse licitum, est manifesta
equivocatio, nec umbram habet legitima
consequentia.*

21. **P**ROBATUR. Argumentum suum Achil-
leum Celladeus his verbis proponit. Pro-
babile opinionibus dari solum locum habet contra
certum & evidens: sed probabile pro conscientia po-
situm non habet locum contra certum & evidens.

Gloriosa
Celladei ar-
gumentatio
est mera e-
quivocatio.

Ergo

Ergo probabile opinionibus dari solitum non est probabile ab Auctoribus pro conscientia positum. Minorem asserit à nobis omnibus ultro admitti. Majorem gloriatur se clarè evicisse. Consequentia est legitima. Ruit ergo benigna sententia. Gloriosam enimverò argumentationem! sed manifestè invalidam. Major enim evidenter falsa est respectu ejusdem intellectus pro eodem instanti; sed aliquando locum habet respectu diversorum intellectuum, aut ejusdem pro diversis temporibus. Minorem admittimus respectu ejusdem intellectus, quia quando inhonestas rei est alicui certa, tunc verum probabile de ejusdem rei honestate locum non habet in eodem intellectu. At respectu diversorum operantium, minor saepe est falsa; quod enim uni est evidenter fallum, alteri esse potest probabile probabilitate conscientiae, ut ostensum est *Asser. 2.* Præmissis hoc modo juxta indubitatum benignæ sententiæ sensum distinctis, consequentia non inferitur, nec quidquam inferitur contra nos, qui aliud non docemus, quàm illud unicuique licitum esse, quod in rebus incertis ipsi certò probabiliter apparet honestum. Unde si inhonestas rei sit ipsi certa, doctrina nostra pro illo casu apud eum locum non habet.

In rebus facti sapius quàm in rebus juris licet operari contra id, quod aliis est certum.

22. Dices: ergo nobis licitum erit agere contra ea, quæ aliis certa sunt & evidentia. Ergo hæretici excusantur, quia non agunt contra id, quod illis certum est, sed solùm contra id, quod certum est nobis.

Respondeo consequentiam tunc solùm rectè deduci, ac à nobis admitti, quando certitudo, aliis manifesta, ita nos latet, ut tamen post diligentem ac debitam veritatis indagacionem habeamus tantam apparentiam de honestate partis contrariæ, quanta juxta dicta ad veram probabilitatem requiritur. Hoc porro saepe contingit in rebus facti, aliisque, quæ uni tantùm aut valdè paucis sunt certa & evidentia. At in rebus de jure, quæque notoriam ac publicam certitudinem habent (qualia sunt pleræque ad jus naturæ spectantia, quæque ab Ecclesia in materia fidei & morum sunt expressè definita) rarò evenit, ut liceat contra illa agere, quia rarò contingit ea invincibiliter ignorari. Qui enim circa hæc debitam diligentiam adhibet, ad illorum notitiam facilè pervenit. Ceterùm, si contingeret aliquem invincibiliter hæc ignorare, ac habere probabilitatem de veritate oppositi in tali ignorantia fundatam, ille haud dubiè excusaretur in opere, etsi contra veritatem aliis notoriè certam operaretur. Verùm hoc est per accidens, ut patet, & inter Catholicos non adeo frequenter contingit. Eadem ratione plures idiotæ apud hæreticos educati, à peccato infidelitatis excusantur.

ASSERTIO IV.

Probabilitas, opinionibus tribui solita, non est mera impunitas, ratione cujus propositiones edi possunt absque censura, vel impedimento. Rursus eadem probabilitas aliud significat, quàm hæc duo collectivè, nempe opinionem ab uniformi omnium peritorum doctrina non discrepare, & à legitimis doctrina indicibus non esse impeditam vel prohibitam. Denum Celladius, qui hæc definitiones pro legitimis attulit, palam erravit; & præterea in re summi momenti non, ut peccatum Theologum decet, se gessit.

23. **P**ROBATUR prima pars. Inprimis hæc impunitas convenit plurimis propositionibus temerè conceptis, ut patet; illæ enim saepe imprimuntur, & defenduntur absque eo, quod ullus legitimus doctrinarum judex eas censuret ac prohibeat. Saltem fieri potest, ut quis propositionem aliquam peculiarem in re ab omnibus non agitata temerè proferat, eamque absque diligenti veritatis examinatione publicè defendat, atque etiam impunè divulget. Certum autem est, tales opiniones esse temerarias, Doctorumque censuræ dignas. Similiter certum est, tales opiniones canon habere, quæ Auctores benignæ sententiæ, ad probabilitatem opinionum, de quibus loquuntur, expressè requirunt. Ergo impunitas dicta non est probabilitas opinionibus tribui solita.

24. Secundò, impunitas ista non requirit ullam certam magnitudinem in motivo, cui opinio nititur, nec quidquam exprimit circa qualitatem ac vehementiam apparentiæ, qua intellectus ad propositioni assentiendum impellitur. Ergo nullo modo exprimit naturam probabilitatis opinionibus dari solitæ, quia omnes omnino illam explicant per magnitudinem motivi, aut apparentiæ impellentis ad assensum. Certè hæc impunitas minùs congruè definit probabilitatem, quàm hæc oratio, *animal voluptatum capax*, definit hominem; quia illa impunitas nil plus de differentia probabilitatis, quàm dicta oratio de hominis differentia exponit, ut patet. Rursus illa nil de probabilitatis genere proximo, aut nobilissimo post differentiam ultimam prædicato explicat, sed per meram legum impunitatem, superiorumque conniventiam, imò & tolerationem etiam ex ignorantia profectam, genuinam probabilitatis naturam exponit, quo nil magis incongruum dici potest, cum probabilitas in ordine ad impellendum judicantis intellectum, non ad actualem potentis judicare tolerationem, relationem dicat. E contra, illa oratio proximum hominis genus, præcipuamque dicti generis prærogativam explicuè declarat. Ergo præsens expositio est deterior probabilitatis, quàm illa oratio sit hominis definitio.

25. Tertiò, hæc impunitas optimè coheret in mente alicujus cum certitudine & evidentia oppositi. Saepè, inquam, quia in materia facti frequentissimè, in materia autem juris non rarò alicui certò constat veritas, contra quam tamen datur præsens impunitas opinandi. Accertum est, & stabilita semel vocum significatione, evidens, nil esse probabile illi, qui evidenter novit contrarium.

Probabilitas non est impunitas, s. u actualis impunitas à censura.

Celladei definitio probabilitatis communiter dictæ est prorsus insufficienti, & mala.

rium. Ergo evidens etiam est, dictam impunitatem non esse prædicatum cum opinionum probabilitate ab Auctoribus benignæ sententiæ asserta convertibile. Ergo probabilitas opinionum per dictam impunitatem perperam definitur.

Ex hac doctrina sequitur, omnem opinionem non censuram esse probabilem.

26. Quartò, si quis, contra communem aliorum omnium sententiam, opinionem novam invehit, non ideo illa est improbabilis, ut Celladeus ipse apertè fatetur; quia si asserat maximum aliquod fundamentum, ab aliis prætermisum, eo ipso suam opinionem reddit probabilem. Ergo absurdè in definitione ponitur, quòd opinio, ut sit probabilis, non debeat unanimi aliorum sententiæ repugnare. Quòd si dictam exceptionem adjicias, definitio ad nil inserviet, quia communis consensus contrarius non reddit opinionem aliquam improbabilem; illa reddi non potest improbabilis per hoc, quod dicas illam non habere magnum fundamentum. Unde enim hoc mihi constare poterit? Opinionis inventor dicit, se habere rationem summi momenti & prorsus convincentem, quam alii aut prætermiserunt, aut non benè perceperunt. Itaque indivisim asserit, suam sententiam esse veram, & fundamenta, quibus nittitur, gravissima. Unde constare non poterit, quòd opinio ipsius sit improbabilis; imo necesse erit, quod maneat probabilis, etsi omnes alii reclamant, quamdiu legitimus doctrinarum iudex eam non damnet. Itaque cò tandem deveniendum est, ut ea solùm opinio dicatur probabilis, quæ à legitimo Doctrinarum iudice damnata non est. At hæc sequela est certò falsa, cum apertè repugnet cum Decreto Alexandri VII. qui hanc propositionem, *si liber sit alicujus junioris & Moderni, debet opinio censeri probabilis, dum non constet, rejectum esse à sede Apostolica tanquam improbabilem*, expressè damnavit.

27. Probatur secunda pars: Primò argumentis hæcenus allatis, quippe quæ æquè militent contra secundum dicendi modum, ac contra primum, ut patet. Præterea Celladeus ipse fatetur, utramque explicationem coincidere, & ad convertentiam dici. Ergo quæ unum illorum impugnant, impugnant & alterum.

Opinio esset improbabilis, etsi decisset potestas legitima censurandi illum.

28. Probatur secundò, & utraque explicatio rejicitur, quia si istæ definitiones essent veræ, extra Ecclesiam in republica Civili, in qua nulla datur aut exercetur potestas censurandi opiniones, omnes opiniones ab aliquibus traditæ essent probabiles, quia omnes haberent duo illa prædicata, in quibus essentia probabilitatis ponitur consistere. Nulla enim illarum aut censeretur à legitimo Censore, aut ab omnibus Auctoribus damnaretur, cum aliqui illam tenerent. Ergo nulla ejusmodi propositio esset improbabilis. At sequela est contra lumen rationis, quia multi passione aliqua cæcati absque sufficienti fundamento opiniones inducunt & tutantur. Arqui tales opiniones sunt temerariæ, non probabiles. Præterea independentes à tali potestate, aut certè independentes ab ejus usu, tam Aristoteles, quàm alii omnes melioris notæ Philosophi, plures opiniones tanquam improbabiles & non ferendas rejecerunt, quamvis scirent illas à multis fuisse traditas. Ergo illi non hanc, sed aliam probabilitatis notionem agnoverunt.

Nec dicas, Aristotelem, & alios antiquos non locutos esse de probabilitate, quæ nunc opinionibus tribuitur, sed de alia probabilitate veræ & reali. Nam contra est, quia hoc sine ullo fundamento dicitur. Præterea certum est, Auctores benignæ sententiæ eadem ad minimum, & for-

tasse plura requirere ad probabilitatem opinionum moralium, quàm Aristoteles & Antiqui postularunt, ut patet, tum ex dictis hoc loco, tum ex tract. de Consc. præb.

29. Probatur tertio. Si mathematica veritatis demonstratio invenitur contra aliquam opinionem, illicò cessat probabilitas talis opinionis, non tamen tollitur ulla ex duabus negationibus, in quibus collectim sumptis probabilitas dicitur consistere. Ergo per se adhuc manet probabilitas; quod tamen lumini rationis, & communium Antiquorum, tum Recentiorum sententiæ repugnat. Ergo probabilitas de veritate alicujus rei non consistit in duplici illa negatione, cum coherere non possit cum evidentia de falsitate ejusdem rei, quæ tamen evidentia cum duplici illa negatione coheret.

30. Probatur quartò. Tam Philosophi, quàm Theologi sæpe taxant opiniones ut improbabiles, etsi illæ nec sint à legitima potestate prohibitiæ, nec contra unanimem aliorum omnium consensum probatiæ. Ergo Auctores nomine probabilitatis, quam dant aut negant opinionibus, non intelligunt dictam impunitatem, aut complexum duorum illorum prædicatorum, quia vocant opiniones improbabiles, quibus certò sciunt, dictam impunitatem, dictaque prædicata, etiam collectivè sumpta, convenire. Antecedens notorium est omni, qui Auctores legit. Consequentia legitimè sequitur. Unde mirum est potuisse Theologum talem probabilitatis consuetæ explicationem contra veritatem adeo manifestam proponere.

31. Probatur tertia pars. Celladeus has definitiones proposuit ex proprio capite, nec vel unum ex Theologis benignæ sententiæ asserre potest, qui hanc, aut aliam cum illa convertibilem, probabilitatis opinionibus tribui solitiæ definitionem assignaverit; provoco enim, ut vel unum asserat. E contra, omnes qui probabilitatem opinionum disertè explicarunt, contraria prorsus dixerunt, & ea ad probabilitatis constitutionem proposuerunt, quæ nos illi essentialia esse docuimus. Ergo palàm contra manifestam veritatem erravit. Porro res hæc est summi momenti, cum & rectæ Auctorum intelligentiæ, & conscientiæ fidelium debite formandæ deserviat. In hac autem re Celladeus non se gessit, sicut decet sedulum & peritum Theologum. Seduli enim & periti Theologi est, sensum Auctorum ex illorum verbis, non ex propria imaginatione contra expressa illorum verba proponere. Deinde ipsius est in rebus multum agitati sensum vocum non immutare, sed eas in usitata significatione accipere, non novas & à communi sensu alienas earum explicationes ex proprio tantum capite asserre. Demum seduli & periti Theologi est, dum de rebus ad conscientiæ regimen pertinentibus agitur, cum omni sinceritate ac claritate procedere, ne anfra æquivocationibus detur, & ex nova ac inusitata vocum consuetarum acceptione minus periti in omnibus titubent, ac de sensu vocum, quas apud Auctores legunt, formident; atque ita demum nil certi habeant, cui inhæreant. At Celladeus omnia contraria hoc loco præstitit. Ergo à munere seduli & periti Theologi deflexit.

32. Hinc sequitur, omnes probabilitatis divisiones à Celladeo factas ruere, quia in falso fundamento, & suppositione falsissima fundatæ sunt. Nominatim falsum est, quod probabilitas opinionibus tribui solita sit fori exterioris, & secundum

Demonstratio mathematica tollit probabilitatem oppositi.

Auctores aliud intelligunt nomine probabilitatis, quàm Celladeus.

Celladeus in multis à munere Theologi deficit.

Divisiones probabilitatis à Celladeo factæ non substantiæ sunt.

dum dei, non fori conscientiae, & secundum esse. Certè probabilitas, opinionibus ab Auctoribus attributa, pro regula conscientiae ab ipsis proponitur. Qua ergo veritatis specie dici potest, quòd illa sit probabilitas fori exterioris, non fori interni & pro conscientia? Quid magis ad forum conscientiae pertinet, quàm quod ad conscientiam ritè formandam potissime deservit? Praeterea non minùs sed potius plus requiritur in foro externo, ut aliquid admittatur pro tali in foro conscientiae: quin forum externum non admittit multa eorum, quibus forum internum maxima ex parte gubernatur. Ergo si forum externum admittat aliquid esse probabile, haud dubiè presumendum est, quod habeat, quidquid ad veram probabilitatem requiritur. Demum forum externum & internum non differunt, nisi quando forum externum ob falsas praesumptiones ac testes fallaces à veritate aberrat. Hoc locum non habet in casu nostro. Ergo iudicium fori utriusque in hoc puncto idem est. Ergo Celladeus in praesenti materia incongruè distinxit inter hæc duo fora, quia utrumque prorsus coincidit.

Probabilitas non transcendit omnes opiniones non notatas.

33. Deinde falsum est, probabilitatem, opinionibus tribui solitam, transcendere omnes & singulas opiniones non notatas. Hoc ex eo probatur, quòd nullus benignæ sententiae Auctor id asserat, sed omnes ex opposito expressè profiteantur, multas esse opiniones non notatas, quæ probabiles non sunt, simulque ex requisitis ad veram probabilitatem discernendam regulas tradunt, quibus vera probabilitas à fucata, & opiniones probabiles ab improbabilibus discerni possint.

Probabilitas opinionibus tribui solita est solida, & bene fundata.

34. Verùm quidem est, quòd probabilitas conscientiae debeat esse probabilitas solida & bene fundata, aliter enim non esset vera sed ficta probabilitas. Verùm quòd probabilitas ista conscientiae diversa sit à probabilitate opinionibus tribui solita, falsissimum est, quamvis Celladeus dicat se lib. 1. ex omnium Auctorum gravium consensu id ipsum ostendisse, atque hic tamquam indubitatum supponere. Necesse enim est, Celladeum, aut oblitum esse eorum quæ dixit in primo libro, aut minùs sincerè hoc loco processisse. Hoc ut constet sciendum est, Celladeum lib. 1. quaest. 9. conatum esse ostendere, usum benignæ sententiae non niti auctoritate eorum, qui pro illa citantur, eaque occasione inducit Vasquium, qui plura aliorum dicta satis liberè censurat. Hinc arripuit ansam dicendi, probabile opinionibus concessum non esse probabile conscientiae, & conatus est persuadere, Vasquium inter hæc duo distinxisse. Sed prorsus infelicitè, quia constat, Vasquium longè aliter & sensisse, & dixisse, ut fusè probatum est hic quaest. 16. ubi omnia circa hoc allata clarè refutata sunt. Porro in illa ipsa quaest. 9. §. 2. ad clariorem rei probationem remittit se ad librum secundum, ubi pollicetur, se clarè ostensurum ex proprio Auctorum benignæ sententiae sensu, quòd probabile, opinionibus tribui solitum, non sit probabile conscientiae. At cum ventum est ad librum secundum, ibi nil tradit de proprio Auctorum sensu ex illorum verbis, sed ex imaginationibus hic allatis, & illationibus malè fundatis, miram, novam, ac apertè falsam probabilitatis definitionem proponit, quam ut ostendat esse legitimam, remittit se ad primum locum, ubi dicit: Se ex omnium Auctorum gravium sensu ostendisse, quòd probabilitas longè solidior, quàm quæ opinionibus tribui solet, ad conscientiam debitè formandam requiratur. Quid agis Celladee? ex primo libro

R. P. A. Terilli Regula morum. PARS I.

remittis nos ad secundum, in quo spondes, te ex proprio Auctorum sensu ostensurum, quòd probabilitas conscientiae non sit illa, quæ opinionibus tribuitur, quamque benigna sententia pro conscientiae regula admittit. Venimus ad secundum librum, & expectavimus, ut promissis stares. Sed frustra; quia nil prorsus hic ex proprio Auctorum sensu & verbis nobis exhibes, quòd tamen te facturum sponderas; sed iterum jubes nos iter remetiri, & ad primum librum regredi, in quo hic dicis, te ex omnium Auctorum gravium sensu illud ipsum ostendisse, atque hoc loco pro indubitato supponere. Itane verò Lectori fucum facis, & in circulum verè vitiosum circumducis? In primo lib. præter Vasquium neminem citasti. Certum autem est, Vasquium intendo tuo non favere, sed tibi contradicere, ut quaest. 16. demonstratum est. Cum primum librum scriberes, conscius eras, te non sufficienter intentum tuum ex Auctorum verbis ac sensu probasse, & ideo spondidisti, te in secundo libro ampliora allaturum. Sed jam ex libro secundo nos remittis ad primum, nec dubitas dicere, rem ibi planè confectam fuisse, cujus tamen confectioem ad hunc libri secundi locum expressè reservaveras. Suadeo tibi, in posterum sis cautior.

Celladeus ex oblivione facti sibi contradicit.

ASSERTIO V.

Celladeus inconsequenter egit, rejiciendo usum opinionis probabilioris, cò quòd probabile dari possit contra certum.

35. **PROBATUR.** Et quidem nullum dubium est, quin in hac quaest. omnem probabilitatem etiam majorem; ut insufficientem conscientiae regulam rejiciat, cum expressè dicat, eandem esse rationem de opinione probabilior ac de aliis, ideoque eos redarguit, qui per partem probabilior omnia salvare conantur. Itaque censet omnem probabilitatem, etiam majorem, ex vi discursus in hac quaest. propositi esse repellendam. At hoc inconsequenter dictum est; quia quamvis probabile dari posset contra oppositum certum & evidens, adhuc perspicuum est, probabilius non habere locum contra certum & evidens; quia unicuique sua opinio est probabilior oppositâ. Ergo si quis habeat unam partem pro certa & evidente, impossibile est, quòd pars opposita sit ipsi probabilior. Quòd adeo perspicuum est, & omnium sensu comprobatum, ut à nemine terminos penetrante negari possit. Ergo quamvis sequeretur, usum probabilitatis minoris non esse licitum, quia illa datur contra certum & evidens, contra quòd ex omnium sententia non licet operari, non tamen inde sequitur, usum majoris probabilitatis non esse licitum, quia ex tali usu licito non sequitur, quòd operari liceat contra certum & evidens. Ergo Celladeus inconsequenter d'scurrit, dum omnem probabilitatem & nominatim majorem ex argumento in hac quaest. proposito rejicit ut insufficientem.

Celladeus inconsequenter egit.

36. Dices. Opinio aliqua potest esse communissima ob turbam Doctorem, & tamen ratio oppositæ sententiae potest esse concludens. Rursus major potest esse impunitas opinionis falsæ, quàm contrariæ certæ & evidentiæ. In his casibus opinio falsa est probabilior, quàm opposita certa & evidens. Ita Celladeus in fine quaestionis, qui ea videtur adjecisse, quia implicite saltem advertebat,

X

tebat, inconsequentiam hinc explicatam illi objici potuisse.

Non omnis opinio communior est probabilior.

Respondeo non omnem opinionem communiorē esse probabiliorē, sed illud demum cuique probabilius est, quod ipsi magis probatur. Itaque ex hoc capite certum est, probabilius dari non posse contra oppositum evidens. Rursus quamvis Celladeanz probabilitatis definitioni insistamus, non apparet quomodo maior sit impunitas legalis pro parte falsa, quam pro parte contraria certa & evidenti. Quis enim legitimus iudex unquam censuravit aut prohibuit editionem ac defensionem sententiarum certarum & evi-

dentis, ut sic faveret opinioni certæ & evidenter falsæ, illique impunitatem tribueret, quam sententiarum evidenter verarum negavit? Nōne qui ita faceret, eo ipso nulliter faceret, quia limites sue facultatis excederet? Si nulliter ageret, talis impunitas, etsi concederetur (quæ tamen, nō fallor, nunquam concessa est, nec Celladeus ostendere potest casum, in quo concessa fuerit) eo ipso nulla esset, quia esset certò illegalis. Ergo probabilius repugnat cum contrario certo & evidenti, etiam juxta falsissimam probabilitatis definitionem, à Celladeo traditam. Ergo inconsequenter locutus est.

QUÆSTIO VIGESIMA- SEPTIMA.

An & quomodo opinio, quæ erat probabilis, evadat improbabilis?

1. **R**OPONO quæstionem hanc sub istis terminis, ut ea examinem, quæ Celladeus tradit lib. 2. quæst. 6. ea enim omnia majorem ad hunc quàm ad ullum alium titulum respectum habere videntur. Sit ergo.

ASSERTIO PRIMA.

Opinio ex probabilis evadere potest improbabilis. Propositum autem sit modum ostendere, quo probabilitas desinit.

Probabilitas definire potest, & modus, quo desinit, explicatur.

2. **A**SSERTIO est certissima, & in ea omnes conveniunt. Ratio est, quia probabilitas desinit, quoties ipsius constitutiva tolluntur. At illa tolli possunt, constitutiva enim probabilitatis multa sunt: primò requiritur ratio vehementer sollicitans intellectum ad assensum, quæ proinde sit magna non solum absolutè, sed etiam respectivè ad omnia, quæ post debitam diligentiam afferri possunt in contrarium. Secundò requiritur, ne quid certi in contrarium afferatur. De istis aliisque probabilitatis constitutivis fuscè egi qq. 2. 3. 5. & 6. de Conf. prob. ubi omnia ad hanc materiam spectantia declarata sunt. Jam hæc omnia auferri possunt. Inprimis ratio evidenter solvi potest. Deinde etsi evidenter non solvatur, possunt tot rationes in contrarium afferri, ut prior illa vigorem suum perdat. Tertiò, potest aliquid certum in contrarium afferri de novo, idque dupliciter, primò si demonstratio oppositi de novo reperitur. Secundò si Ecclesia declaret oppositum, aut expresse prohibeat rem, quæ antea censebatur probabilis. In his casibus constitutiva probabilitatis tolluntur. Ergo probabilitas cessare potest. Cessat autem, sive omnia, sive aliqua tantum illorum auferantur, quia omnia collectivè sumpta sunt ipsi essentialia, sicut anima corpus & unio sunt essentialia homini. Ergo opinio, quæ erat probabilis, evadere potest improbabilis, & modus, quo opinio suam probabilitatem perdit, ostensus est.

3. Hinc apparet, Celladeum frustra carpere Theologum quendam, ut vocat, primum, ed quòd ille diceret, se nescire quomodo Pontifex efficere posset, ut opinio hoc anno probabilis fieret improbabilis anno sequenti, quamvis carperet, quomodo idem Pontifex efficere possit, ut aliquid sit de fide, quòd antea non erat. Frustra, inquam, hunc hominem carpit, non enim adeo imperitus esse potuit primarius ille Theologus, ut diceret, oppositum dogmatis ab Ecclesia definiti manere probabile, quia per hoc ipsum apparet certitudo in contrarium, & consequenter probabilitas in omnium nostrum sententia desinit. Ergo ille Theologus benè intelligebat, quomodo Pontifex simpliciter tollere posset probabilitatem ab opinione. Aliud ergo, nō fallor, non dicebat, quàm quòd impossibile sit probabilitatem deperdi, quamdiu omnia ejus constitutiva manent immutata; quòd procul dubio verum est: nec Pontifex, illis immutatis, efficere poterit, ut probabilitas, utpote ab illis indistincta, non remaneat; quòd verum est. Quod si aliud dixerit, afferantur determinata ejus verba, & tunc illum rejiciam, si, quòd non credo, tam absurdè locutus sit, ut Celladeus insinuat.

4. Equivocat etiam Celladeus, dum sic arguit pro illo Theologo. Pontifex non potest facere ut hoc anno non sit recta morum regula, quæ anno præterito erat recta morum regula. At opinio probabilis hoc anno est recta morum regula. Ergo Pontifex non potest efficere, ut anno sequenti sit improbabilis. Probat majorem primò à simili, exemplo regularum extrinsecarum; efficere enim nequit Pontifex, ut horologium vel ulna, quæ hoc anno sunt rectæ mensuræ, non sint rectæ anno sequenti. Ergo idem in casu præsentis. Deinde probat eandem majorem à priori, quia probabilitas non est minus intrinseca opinioni probabilis, quàm veritas opinioni veræ. Ergo sicut nemo efficere potest, ut opinio vera hoc anno evadat falsa anno sequenti, nisi objectum varietur, ita nil variando de rationibus & fundamentis opinionis, nemo efficere potest, ut evadat

Celladeus frustra carpit Theologum quendam.

Celladeus equivocè arguit, ut facere videtur coidam Theologo.

dat improbabilis. At Pontifex, nisi legem aliquam constituat aut tollat, nil variat de fundamentis & rationibus opinionis probabilis hoc anno. Ergo nequit illam reddere improbabilem anno sequenti.

Æquivocat, inquam, Celladeus, quia multæ morum regulæ mutari, aboleri, ac condi possunt à supremo principe. Tales sunt leges ea præcipientes, quæ antea honestè omitti poterant, aut prohibentes, quæ antea licitè fiebant. Hæ leges sunt regulæ morum, quibus subditi diriguntur. Has alterare potest, & efficere, ut regula hujus anni definat anno sequenti. Itaque argumentatio tota falso fundamento nititur. Cur ergo eam adhibuit Celladeus, ut, primarii illius Theologi partes ageret? hoc est potiùs homini illudere, quàm partes illius plausibiliter tueri. Viri eximii tali patrocinio non indigent, imò defensiones ejusmodi ipsis gratæ non sunt, cum non nisi explosione dignæ censerì possint. Jam quod dictum est de regula morum ejusque defectibilitate, æquè quadrat in probabilitatem, ut patet, utpote quæ tolli potest, sicut aliz quædam indubitatz morum regulæ alterationi subjacent.

Alia Celladei æquivocatio.

5. Rursus in majoris confirmatione, iterum patenter æquivocat Celladeus. Inprimis materiales illæ mensuræ destrui aut variari possunt, nec ad hoc opus est ad supremum principem confugere, cum quivis eas vitare, aut corrumpere possit. Verùm quidem est, quòd horologium jam ritè dispositum non possit perdere rationem mensuræ, quam habet, si omnia immutata mancant; hoc autem æquè procedit de probabilitate aliisque omnibus, ac de horologio, ulna, &c. Et hoc est, quod eximius ille Theologus præsumitur docuisse.

Iterum errat in supposito.

6. Rursus in confirmatione à priori errat in supposito, quia veritas nulli propositioni incertæ est adæquatè intrinseca, ideoque eadem propositio vocalis materialiter sumpta apta est ut transeat de vera in falsam, quia eadem diversis temporibus loco diversorum ac dissimilium actuum intellectus substitui potest. Unde cum probabilitas non sit magis intrinseca propositioni vocali, quàm veritas, utraque eidem mutabilitati subjacet, ut patet. Porro si probabilitas sit intrinseca alicui actui intellectus, impossibile erit illam probabilitatem aliter ab actu auferre, quàm actum illum destruendo. Destruitur autem removendo objectum, in quo fundatur, aut producendo actum incompossibilem, &c.

Celladeus ipse sui argumenti vim destruit.

7. Demum Celladeus in fine argumenti destruit totum, quod antea proposuerat, quia fatetur, veritatem auferri posse, si objectum auferatur, eo autem manente, nullam in veritate alterationem fieri posse. At hoc ipsum est, quod Theologus ille, & nos omnes dicimus de probabilitate; illa enim inalterabilis est, quamdiu omnia ejus objecta & motiva tam positiva quàm negativa, quibus intellectus impellitur, manent immutata; neque Pontifex aut quisquam efficere potest, ut illis manentibus cesset probabilitas. At si illa mutantur, ut mutari possunt, absque dubio deficiet probabilitas. Cæterùm eo ipso quod Pontifex aliquid definat, potissimum, in quo probabilitas oppositi fundatur, tollitur, quia jam habetur certitudo, in cujus carentia probabilitas consistebat, ut dictum est.

ASSERTIO II.

Per hoc quòd probabilitas ab aliqua opinione per Pontificis definitionem tollatur, eo ipso efficitur, ut quæ erat, non sit amplius recta morum regula.

8. **P**ROBATUR contra Celladeum in §. 5. Mutatur regula, quamdo probabilitas tollitur. Et 6. hujus quæst. 6. Quamdiu opinio fundat judicium non temerarium, sed prudenter conceptum de honestate sui objecti, tamdiu est recta ac prudens morum regula. Sed omnis opinio fundat ejusmodi judicium, quamdiu manet probabilis, ut patet ex notione ac definitione terminorum. Ergo opinio tamdiu est recta morum regula, quamdiu manet probabilis. Totus hic discursus multimodè probatus est, tum in hoc, tum in tract. de Consc. prob. nec ulteriori probatione indiget. Rursus è contrario, opinio, quæ tale judicium non fundat, non est recta morum regula, ut patet. Atqui opinio probabilis perdere potest suam probabilitatem: eà autem ablata, simul tollitur fundamentum eliciendi prudens judicium de honestate talis objecti. Ergo eo ipso efficitur, ut illa opinio materialiter sumpta, quæ erat, non sit amplius recta morum regula.

SOLVUNTUR OBJECTIONES.

9. **N**ULLA unquam doctrina prohibita fuit à Romano Pontifice, quæ ullo unquam tempore fuit recta morum regula; ipsius enim est regulas distortas rectificare, seu potiùs declarare illas esse distortas, non autem rectas abolerè. Ergo Pontifex nunquam facit, ut recta morum regula fiat non recta, sed solum facit, ut doctrina priùs tolerata, non amplius toleretur. Per hoc autem facit, ne quis deinde ex ignorantia per illam doctrinam regulari velit. Ita Celladeus §. 5. Nec aliud pro hac sua doctrina assert.

Respondeo, sufficientem, seu rectam morum regulam esse in duplici differentia; alia est regula per se, alia per accidens, seu quod idem est, alia est materialiter & formaliter, alia solum formaliter recta. Illa doctrina est materialiter & formaliter, seu per se recta morum regula, quæ veritati rerum, & directæ Dei intentioni correspondet. Illa verò est recta per accidens, quæ, quando veritas sciri non potest, est rationabilis præsumptio de ipsa veritate. Certum autem est plures dari ejusmodi regulas. Inprimis omnis error invincibilis est ejusmodi regula; homo enim ex invincibili errore operans non sine regula operatur. At aliam non habet, quàm veritatem merè apparentem sub tali gradu in talibus circumstantiis. Ergo veritas sic apparens est regula, & quidem formaliter & per accidens recta, quia absque dubio operantem excusat, & operationem, quicquid Celladeus in contrarium dicat, honestam fundat. Datur ergo regula per accidens & solum formaliter recta, quæ materialiter distorta est. Eadem est ratio de omni opinione probabili, quamdiu manet probabilis; tamdiu enim lex non est sufficienter promulgata aut applicata; tamdiu melior est conditio libertatis possidentis; tamdiu, omnibus pensatis, si lis institueretur, pro libertate judicandum esset; demum tamdiu alia plura suppetunt, quorum singula hæc & nunc ad conscientiam debitè formandam sufficiunt,

ciunt, quia in hac rerum incertitudine hæ sunt regulæ maximè rationabiles, quibus vitam nostram instituere possumus.

Pontificis est regulas morum, solum per accidens rectas, abolere.

10. Ex his patet responsio ad objectionem; nulla enim doctrina unquam damnata fuit ab Ecclesia ut falsa, quæ ullo tempore fuit regula morum materialiter & per se recta; ipsius enim, utpote Judicis infallibilis, est regulas per se materialiter distortas rectificare, seu potius infallibili iudicio distortas declarare. Ex eodem capite certum est, eundem non posse regulas per se & materialiter rectas abolere, quamdiu doctrinæ illæ manent veræ, ac materialiter rectæ. Quod si, ex circumstantiarum varietate, aut materiæ subtractione, aliqua veritatem perdat, tunc hoc ipsum docere ad supremum Pastorem pertinet. At si sermo sit de regula morum formaliter tantum, seu per accidens recta, tam antecedens quam consequens argumenti est falsum. Pontificis enim est non solum vincibiliter, sed etiam invincibiliter errantes docere, atque regulas omnes non materialiter & per se rectas abolere. Quin & plures ejusmodi abolevit, declarando illas fuisse erroneas ac materialiter malas; neque tamen ideo vel leviter insinuat, eos peccasse, qui antea talem doctrinam sequuti sunt.

Celladeus nullam de obvis distinctionibus mentionem facit.

11. Quæ cum clara sint, mirum est Celladeum res tam disparatas & oppositas confundere potuisse, atque de omnibus eo modo in genere locutum fuisse, ac si de altera tantum parte, nempe de regula materialiter ac per se recta, loquendum fuisset. Certè distinctio hæc nec difficilis nec recondita est, sed ab Auctoribus benignæ sententiæ usurpata. Cur ergo Celladeus de tali distinctione nec verbum fecit? viderit ipse, & pro se respondeat, si possit.

ERRORES CELLADEI CIRCA

Revisorum obligationem.

QUÆRES, quid dicendum sit de iis, quæ Celladeus §. 3. & 4. tradit de Revisorum obligationibus & approbationibus?

Respondeo illa parùm facere ad intentum præsens, ideoque non expedire ut in illis multum immoremur. Nihilominus juvat, errores illius in hac re notare, quia inde non parvum commodum benignæ sententiæ provenire potest.

Ordinarie Revisorum approbationes multum conferunt ad probabilitatem opinionis, quæ in libro ostinetur.

12. Inprimis errat, dum dicit, ordinarias Revisorum approbationes nil conferre ad probabilitatem pro formanda conscientia requisitam. Hoc enim est contra omnium sensum; cur enim Ecclesia tam sedulò cavet, ne libri, præsertim de rebus fidei ac morum, absque diligenti Revisorum censura edantur? non nisi quia timet, ne quod est erroneum ac insufficiens proponatur ut verum & sufficiens pro fide ac conscientia regulanda. Censet ergo Ecclesia, fidem non immerito tribui illis libris, quos constat editos non fuisse, nisi prævia diligenti eorum revisione ac censura. Itaque quamdiu nil affertur in oppositum, evidens est, Revisorum approbationem plurimum conducere ad probabilitatem extrinsecam, per quam plurimi gubernantur, etsi non tantum conducant ad augmentum probabilitatis intrinsecæ apud virum peritissimum, qui totam libri doctrinam diligenter evolvit, quia illi aliud non faciunt, quam approbare doctrinam & rationes, quas in libro illo invenerunt, absque eò quòd veritatem illarum novis argumentis confirmant. Unde approbatio illorum non adeo

multum conducit ad hoc, ut peritissimus quisque præsumat doctrinas in libro contentas esse veras.

13. Errat secundò, dum dicit, Sanctum Thomam approbaturum fuisse librum, quem ex officio revidisset, etiam quoad ea, quæ evidentè sci-
Revisores non debent approbare evidenter falsa.
visset esse erronea, modò errores illi aliis essent incompti. Errat, inquam, tum quia absque fundamento hoc dicit, tum quia durum videtur id de tam Sancto doctoquo viro existimare. In his enim nemo positivè ac directè concurrere potest, ut falsa illa opinio in aliorum mentibus propagetur. At Revisor, approbans librum, positivè concurreret ad errorem sua auctoritate con-
honestandum, ideoque malè faceret; sed & contra munus suum peccaret; ideo enim instituuntur Revisores, ne errores certos, aut periculosa & minus probata edi permittant. Ergo talium editioni resistere debent, quantum est in ipsis. Hoc enim illorum officium postulat. Quod confirmatur. Quis enim credat, Pontificem, aut Episcopum quemvis contentum fore, si sciret, Censorem, quem instituit, libros approbare, in quibus evidentè sciebat, plures errores contra fidem ac legem Dei comprehendere? Hæc probant, officium Revisoris postulare magnam hac in parte sinceritatem, & animi libertatem. Et sanè ipsamet approbatio cuique præbet fundamentum credendi, Revisores non existimasse propositiones, à se approbatas, esse evidenter falsas. Quod iterum indicat, approbationem evidenter falsorum officio ipsorum repugnare, eosque mentiri, si talia approbent. Sed de hoc mendacio mox plura subjungam.

14. Hoc tamen non obstat, quo minus Revisores approbent sententias, quas falsas reputant, modò sciant eas esse probabiles. Maxime si videant Doctores peritos & probos post examen rationum, quibus ipsi nituntur, contrarium tenere; quia tunc veritas est incerta, & res utrimque probabilis, quæ proinde ob contrariam Revisoris opinionem rejici ac condemnari non debet.

Possunt approbare probabilia, ab ipsis probabilis habita.

15. Neque ex subscriptione contra propriam sententiam sequitur Revisorem mentiri, quia nemo ex tali subscriptione prudenter infert, quòd Revisor putet omnia in libro contenta esse vera; sed solum quòd putet ea temeritate carere, seu esse probabilia, aut ad minimum apertæ veritati non repugnare. At si contra evidentiam subscriberet, mentiretur; quia sua subscriptione protestaretur, se nil vidisse in libro, quod infallibili veritati contradiceret, cum tamen aliter in mente sua judicaret. Rursus ex alio titulo mentiretur, quia expressè diceret, nil reperiri in libro fidei ac bonis moribus contrarium, cum tamen certò & evidentè sciret, plura bonis moribus ac legi Dei contraria in illo contineri.

Mentitur Revisor, qui evidenter falsa approbat.

16. Neque satisfacit Celladeus dicendo, Revisores in illis casibus non mentiri, quia sensus subscriptionis est, librum, relatè ad communem hominum estimationem, nil falsum, aut bonis moribus repugnans continere, quod verum est, etsi ipsi ex privata sententia certò sciant librum errores continere. Præterea, non intendunt, inquit, approbatum librum fieri regulam morum, sed solum illud probabile conferre volunt, quod ceteris libris, qui edi solent, commune est: hoc autem non est probabile conscientia, ut toties ex communi Auctorum consensu ostensum fuit.

Non, inquam, satisfacit, quia approbatio libri, ex officio facta, non solum indicat, quid Revisor

Revisio Cel-
ladei eos à
mendacio
non excu-
sat.

Revisor judicet de doctrina relatè ad communem aliorum existimationem, sed quid ipse de ea, ejusque merito judicet. Unde ad minimum indicat, Revisorem putare, doctrinam illam non esse certò erroneam, sed omnibus inspectis meritò præsumi posse rationabilem. Deinde quod subjungit, Revisores non intendere librum, quem approbant, fieri regulam morum, est apertè falsum. Libri enim morales ideo eduntur, ut per illos aliorum conscientiz regulentur. Itaque qui librum approbant, apertè declarant, illum fini suo, seu conscientis dirigendis, esse idoneum. Ergo intendunt affirmare, doctrinas libri habere probabilitatem sufficientem ad conscientiam debite formandam, si liber ipse doctrinas proponat ut tales; nec hoc solum affirmant, sed etiam eandem probabilitatem conscientiz suo calculo aliquantulum augent, magisque præsumentem constituunt, ut patet. Demum quod ultimo loco dicit, probabile conscientiz non esse idem cum probabili, quod Auctores opinionibus tribuunt, idque se ex communi Auctorum consensu sæpius ostendisse, omni ex parte falsum est. Evidens enim est ex lectione libri, Celladeum nullibi communem Auctorum sensum pro hujus rei confirmatione attulisse, sed modò lectorem ad sequentia misisse, & cum ad sequentia ventum est, iterum ad antecedentia remisisse, ac si in illis res confecta fuisset, quod est lectori illudere: sed circa hoc pluribus opus non est, cum falsitas hujus asserti quæst. superiore explosa sit.

Revisor li-
bri non se
habet instar
Judicis ad
reum.

17. Errat tertid in eo, quod dicit, privatam Revisoris scientiam de errore doctrinæ in libro contentæ, non posse magis obesse libri editioni, quando doctrina illa communiter toleratur, quàm privatam judicis notitiam reo, quando ille juxta allegata & probata criminis non convincitur. Errat, inquam, quia Revisores non instituuntur tamquam judices, qui juxta aliorum informationem, sed potissimè juxta propriam ac privatam notitiam judicent, & censuram ferant. Itaque factor, judicem ex privata scientia non posse quemquam damnare reum homicidii, de quo accusatur, sed debere eum liberum dimittere, si ex actis non convincatur esse reus, quamvis ipse certò sciat, illum patrasse illud homicidium. Ratio est, quia ille non potest aliter judicare, quàm juxta facultatem ipsi à principe communicatam; illa autem facultas solum extenditur ad hoc, ut juxta allegata & probata procedat, ipsique inhibetur, ne simul sit judex & testis. At si sermo sit de supremo judice, qui facultatem habet nulli subordinatam, non est cur ille non possit juxta propriam scientiam procedere, & sic quodammodò fieri simul testis & judex, quamvis revera ipse tunc testem propriè non agat; nam reus, qui in oculis ipsius peccavit, seipsum accusavit ac convicit. Est ergo solum testis, quatenus authenticè testificat

subditis, se certò conscius esse criminis, ob quod reum absque ulteriori examine, utpote quod in tali casu necessarium non est, capitis damnat. Jam viri præstantis tantum doctrinæ eliguntur in Revisores ac Censores librorum, ut ipsi ex sua scientia censurare ac corrigere possint, quæ correctione ac censurâ digna noverint. Itaque haud dubiè instituuntur, ut ex privata etiam scientia judicium ferant.

18. Sed ut hoc clariùs pateat. Exemplo sit Revisor, Matheseos peritus, qui librum Geometricum censendum accipiat. Ponamus illum evidenter scire, quod liber plures errores pro demonstrationibus proponat. Sanè ille suo muneri haud satisfaciet, si errores non detegat, expressèque declaret, ubi errores latent; quod verum est, etsi plurimi, immò plerique reputent, errores illos esse veritates demonstratas. Quis ergo dixerit, cum suo officio fungi, qui absque censura & emendatione librum approbat, in quo evidenter scit, plures esse errores contra rectos mores, & legem Dei? Anne plurius est homines in Mathematicis quàm in moralibus decipi? Præterea Revisor non licitè approbat librum, in quo nova opinio cuditur, si evidenter sciat, illam esse falsam, quamvis videat rationes, quas Auctor assert, esse plausibiles, & plurimis placituras. Hoc adeo verum videtur, ut in dubium revocari non possit; quomodo enim non offenderet Deum, qui suo chyrographo approbaret, quod certò scit legi divinæ esse contrarium, quando Auctor libri, casum de novo inveniens, illum toti mundo proponit ut licitum. Ecce casum habemus, in quo Celladeus ipse, nî fallor, non diffitebitur, scientiam privatam Revisoris nocere posse librorum editioni, quia Revisor in illo casu simul est testis & judex, ideoque aliter se gerere debet, quàm judex criminalis in foro externo. Quod si hoc faciendum sit in casu opinionis novæ & peculiaris, quamvis plausibiliter probetur, idem pariter fieri debet in opinionibus communibus, quia utrobique idem est Revisoris officium, eadem obligatio.

Revisor Ma-
theseos pe-
ritus nò sa-
tisfacit mu-
neri, si evi-
denter erro-
res pro de-
monstratio-
nibus pro-
positos ap-
probat.

Revisor de-
bet impro-
bare opinio-
nem novam
evidenter
falsam.

19. Equivocatio in eo latet, quòd rarissimè contingat, Revisores habere talem evidentiam. Verùm quidem est, quòd aliquando reflexè putent, aliqua esse certa, sed opinativè tantum & formidolosè hoc asserunt. Unde non habent veram, sed solum existimatam scientiam. In tali autem casu non semper debent tantum suæ opinioni tribuere, ut illius incertitudo sufficere possit ad alienam sententiam condemnandam. Itaque in tali casu Revisor probare potest opinionem suæ contrariam, si illa ab aliis communiter habeatur vera, maxime si illi sint viri valde periti, simulque conscii sint rationum, quas assert, & existiment, ac profiteantur, se illas solvere, illisque non obstantibus, reputent oppositum esse verum.

QUÆSTIO VIGESIMA- OCTAVA.

*Virum detur probabilitas purè negativa? & alia
ejusmodi?*

Quæstio
hæc cur in-
cipiatur?

QUÆSTIO hæc verè procedis de subjecto non supponente, ideoque nullatenus tractanda fuisset, nisi Celladeus lib. 2. quæst. 7. fusè de ea disseruisset, atque circa illam plura protulisset, quæ Lectori ostendiculo esse possint, quæque proinde examinari debuerunt. Inprimis ergo supponit, non paucos benignæ sententiæ Auctores confundere probabilitatem purè negativam cum probabilitate conscientiæ, illamque pro sufficienti conscientiæ regula proponere. Sed more suo neminem citat, cum tamen, qui talia dicunt, maximè citandi essent, ut eorum doctrina vitaretur. Siquidem constat, talem assertionem esse culpandam. Citandi etiam erant, ne paucorum culpa ex Lectoris ignorantia pluribus innoxii tribueretur. Deinde, hoc supposito, conatur ostendere, plures esse probabilitates purè negativas, puta defensionis, puta impugnationis, &c. quas omnes ut insufficientes pro conscientia regulanda rejicit. Ex hoc autem magnam benignæ sententiæ cladem se intulisse existimat. Verùm in his omnibus irritò conatu laboravit, nam aut nil horum est verum, aut certè si quid verum sit, id nostræ sententiæ non obstat, ut ex sequentibus patebit. Sit ergo

ASSERTIO PRIMA.

*Dicere, dari probabilitatem purè negativam
in sensu Celladei, est ludere in terminis,
& nihil dicere.*

Nil dicit,
qui dicit da-
re probabi-
litatè purè
negativam.

PROBATUR. Opinionem esse purè negativè probabilem in eo consistit, quod adversus se non habeat ullum argumentum certum, aut concludens, nec pro se habeat ullum argumentum, saltem grave. Ita Celladeus §. 1. definit opinionem purè negativè probabilem. At dicere, talem probabilitatem dari, est ludere in terminis illisque abuti, quia inauditum est hæcenus, quod probabilitas in carentia omnis motivi, aut motivi gravis consistat, cum omnes benignæ sententiæ Auctores illam in ratione motivi allicientis ad assensum constituent. Nec quodvis motivum alliciens judicant esse probabile, sed illud solum, quod tanta vi allicit, ut, omnibus hinc inde inspectis, mereatur assensum, eò quod sit motivum verè magnum & dignum assensu, etiam in contradictione motivorum contrariorum. Ergo dicere, opinionem omni motivo gravi & magno, imò omni omnino motivo carentem esse probabilem, sed probabilitate purè negativa, est ludere in terminis, illisque abuti; quia perinde est ac dicere, non probabilitatem esse probabilitatem, & inter

probabilitatis species numerari, quod ludicrum est, & ab omni veritate alienum. Certè ea, quæ Celladeus ponit in hac definitione, opinioni cui-libet maximè temerariæ, summèque improbabili conveniunt. Ergo certissimum est, contenta sub hac definitione non esse probabilia. Itaque dum aliqua dicuntur purè negativè probabilia, si rectè loqui velimus, idem est ac si dicerentur non probabilia, qualia reipsa sunt. Ergo vocare illa probabilia est ludere in terminis, illisque ad sensum prorsus alienum abuti, cum omnes definiant probabile per fundamentum grave. Ergo qui sic loquitur, nil dicit.

ASSERTIO II.

*Celladeus inconsequenter loquitur, sibiq; con-
tradicit in definitione probabilitatis pu-
rè negativæ.*

PROBATUR. Probabilitas purè negativa est omnium probabilitatum infima, cum illa illi inferior excogitari non possit. Ergo illa non est nobilior probabilitate opinionibus dari solita. At probabilitas opinionibus dari solita, purè negativa datur contra certum ex mente Celladei, lib. 2. quæst. 5. ubi id ipsum demonstrare præten- dit. Ergo à fortiori probabilitas purè negativa dari potest contra certum. Neque Celladeus id negare poterit, si rationabiliter & consequenter loquatur; quia illa ipsa probabilitas, contra quam datur certitudo, ad summum est probabilitas negativa, cum ad aliquam probabilitatis speciem pertineat. Non est autem positivè probabile id, cuius oppositum est certum & evidens (ad hoc enim ut opinio per Celladeum sit positivè probabilis, debet habere fundamentum grave, & nil certi, immo nil grave contra illam asserri debet) ergo est solum negativè probabile. Ergo certitudo in sententia Celladei dari potest contra probabilitatem purè negativam. Præterea si certitudo dari possit contra ullam probabilitatem, maximè dari poterit contra purè negativam, quæ est omnium minima, & minus habet quàm probabilitas positiva, quæ absque dubio repugnat cum certitudine oppositi. Ergo Celladeus inconsequenter loquitur, sibiq; contradicit, dum definit opinionem purè negativè probabilem per hoc, quod nil certum in contrarium asseratur.

ASSER-

ASSERTIO III.

Propositum sit exponere causam, ob quam Celladeus monstruosam hanc, inauditam, atque in terminis implicantem probabilitatem purè negativam induxit.

4. **F**UNDAMENTUM proximum hujus inventi fundatur in inaudita, ac patenter falsa definitione opinionis probabilis à Celladeo proposita. Ille enim opinionem probabilem definit per impunitatem quandam eam docendi ac evulgandi. Hoc stante, ut consequenter loqueretur, debebat dicere omnem opinionem, cui talis impunitas convenit, esse probabilem. At illa impunitas tribuitur ab ipso multis opinionibus, quæ juxta ipsum omni fundamento, saltem gravi, carent. Ergo necesse erat, ut diceret, tales opiniones esse probabiles. At videbat illas non habere fundamentum, quod ad positivam ac veram probabilitatem sufficeret, ideoque coactus est eas novo & inaudito vocabulo vocare opiniones purè negativè probabiles. Hæc videtur proxima & immediata origo hujus incongruæ locutionis. Hinc apparet, quàm misere viri docti nonnunquam labantur, quando communem ac tritam Doctorum viam deserunt, & novas vocum significationes novasque terminorum definitiones contra communem omnium sensum, & notissimam terminorum acceptionem sibi præfigunt.

Quod si loquamur de remota falsæ hujus ac improprie locutionis causa, illa videtur fundari in mala intellectione aliquorum assertorum, quæ Auctores gravissimi tradunt esse verissima, & sunt verè probabilissima, quamvis illorum probatio aliquo modo in negatione motivorum pro una vel altera parte consistat. Hoc quomodo fieri possit, exponendum est per sequentem assertionem, ex qua unusquisque facillè perspiciet, quænam fuerit prima origo hujus erroris in Celladeo.

ASSERTIO IV.

Aliquando, stante dubio de utraque parte contradictionis, pars minus tuta est probabiliter licita; non tamen per negativam, sed per probabilitatem manifestè positivam.

5. **P**ROBATUR. Dubitet aliquis, an votum emiserit? Aut an res ab ipso possessa ad alium pertineat? In hoc casu si debitam diligentiam ad veritatem inveniendam adhibeat, illamque invenire non possit, sed post omnem conatum, tam votum quàm jus alienum maneat dubium, probabile est, quod non teneatur ad voti impletionem, aut rei possessæ alienationem. Hæc probabilitas fundatur in carentia rationum, vel certè in carentia rationum prævalentium pro una parte, id est, fundatur in dubio negativo vel positivo de voto emisso, vel de jure rei possessæ. Hoc dubium, reflexè cognitum, est motivum saltem parziale, ex quo homo legitime infert, quod non teneatur aut ad votum, aut ad restitutionem. Exemplum pono in casu possessoris dubii de jure alieno. Talis enim discursus formatur. In dubio melior est conditio possidentis, quia æquum non est, ut propter merum dubium sua se possessione spoliet. Hoc est principium lu-

mine naturæ notum, & ab omnibus admissum. At Titius, post debitam diligentiam adhibitam, manet dubius, an res à se possessa ad Caium pertineat. Ergo melior est conditio Titii, qui proinde licet retinet rem possessam, nec tenetur eam Calo dare, seu restituere. Hæc & aliz plures probabilitates fundantur in dubio tanquam in objecto, quod assumitur pro fundamento discursus. Verùm istæ probabilitates sunt probabilitates manifestè positivæ, quia consistunt in motivis, & quidem gravibus ac rationabilibus, quæ positivè & vehementer impellunt ad assensum. Ergo aliquando, stante dubio directo de utraque parte contradictionis, pars minus tuta reflexè considerata evadit probabiliter licita, non tamen per negativam, sed per probabilitatem manifestè positivam.

6. Probatur secundò. Omnis opinio est assensus. At repugnat assensus sine omni motivo. Ergo & opinio probabilis. Ergo repugnat opinio purè negativè probabilis, quæ omni omnino fundamento careat. Rursus opinio probabilis plus dicit, quàm opinio. Ergo plus dicit quàm habere motivum. Ergo superaddit magnitudinem aliquam atque præcellentiam in suo motivo. Ergo repugnat opinio probabilis, cui desit motivum, validum, præcellens, magnum, grave, ac prudens, quia hæc omnia identificantur cum propria differentia motivi probabilis. Consideret hæc Celladeus, & videbit inanem esse distinctionem probabilitatis in positivam ac purè negativam, nec ullum ex Auctoribus benignæ sententiæ ostendet, qui probabilitatem talem agnoscat, quamvis multos inveniet ita loquentes de dubio, sicut ego in assertionem locutus sum, in quo tamen casu probabilitatem positivam exigunt, ut quis aut sententiam suam debite proferat, aut conscientiam rectè formet. Interim remota ac radicalis origo deceptionis Celladei in hac aliquorum Auctorum locutione fundari videtur.

Nulla opinio caret motivo.

SOLVUNTUR OBJECTIONES.

7. **O**BJICIT primò. Omnibus notum est, dari argumenta negativa, & per illa plures conclusiones stabiliri. In physicis frequenter utimur hoc principio, non sunt multiplicanda entia sine necessitate. Jam hoc principium pro inferenda conclusione indiget minore dicente, nullam hic esse necessitatem, quod probari solet progressu negativo. Ergo dantur inscientis multæ probabilitates negativæ, quia conclusio fundatur non solum in majori, sed etiam in minori negativa, & sequitur debiliorem partem. Ergo non habet fundamentum grave positivum. Ergo est probabilis negativè, quia non aliter est probabilis, quàm sicut probatur. Ita Celladeus §. 2. in fine.

Respondeo in primis, Celladeum in hoc argumento inconsequenter discurrere, ac aperte deferere definitionem opinionis purè negativè probabilis, prius stabilitam; illam enim definierat esse, contra quam nil certum assertur, modò illa pro se nullum fundamentum, saltem grave, habeat. At jam in argumento vocat opinionem negativè probabilem, quæ non habet pro se fundamentum positivum grave, quamvis habeat validissimum fundamentum negativum, quod non minus sollicitat ad assensum, quàm valida fundamenta positiva. Quid dicis Celladee? Est ne hoc opinionem illam carere omni motivo? Saltem gravi?

Celladeus inconsequenter discurret, & sibi contradicit.

gravi? Nemo certe ita dixerit, cum nil evidentius, quam opiniones tales non solum non omni fundamento carere, sed gravissimo fundamento, valideque stimulante muniri. Ergo tales opiniones non sunt pure negativè probabiles juxta definitionem probabilitatis pure negativè à te antea stabilitam. Ergo inconsequenter, discurre, dum hoc argumento niteris probare, quod dentur opiniones pure negativè probabiles. Immo, quod plus est, ipse tuam definitionem subvertis, & contradictoria inter paucas lineas doces, cum probatio thesi probandæ aperte contradicat.

Argumenta negativa habent positivam vim movendi, non minorem, quam argumenta positiva.

8. Respondeo secundò. Dantur quidem argumenta, quæ vocantur negativa; quia in propositionibus negativis consistunt. Ceterum illæ propositiones negativæ, ut sint propositiones, debent habere fundamentum, alioquin propositiones ac judicia esse non possent, cum judicium sine motivo elici nequeat. Sanè multæ propositiones negativæ tam sunt evidentes quam positivæ, suntque plures demonstrationes, quarum conclusio est propositio negativa. Anne propositiones negativæ evidentes, & conclusio negativa demonstrata carent omni motivo gravi? Eadem est ratio de propositionibus negativis inevidentibus; illæ enim non minùs quam evidentes indigent motivo, & si sint magis rationabiles, ut sæpe sunt, quam aliquæ propositiones affirmativæ, meliori aut validiori fundamento nituntur. Ex his aperte sequitur conclusionem in scientiis, quam Celladeus pure negativè probabilem, ac proinde omni fundamento saltem gravi carentem appellat, non esse talem, cum valido fundamento muniatur.

Error Celladei notatur.

9. Rursus falsum est, quod minor illa negativa, sed hic nulla est necessitas, probari soleat in scientiis progressu negativo; quia contrarium prorsus evenire necesse est. Ut enim probemus nullam esse necessitatem actionis distinctæ, v. g. id positivè probamus, quia ostendimus quomodo sine actione distincta omnis indifferentia auferatur, & omnia alia habeantur, ad quæ præstanda actio media introducit. Neque enim aliter fieri potest, ut probemus nullam dari necessitatem tertii, nisi ostendamus munus illius suppleri posse sine illo tertio. At hoc non nisi argumentis positivis probari solet aut potest, ut patet. Ergo falsum est, quod illa minor in scientiis progressu negativo probari soleat.

Motivum propositionis negativæ sæpe est entitativè positivum, & semper positivè impellit.

10. Demum displicet, quod motivum propositionis negativæ dicatur negativum; haud dubie enim motivum, quo intellectus impellitur ad dissensum, est positivum. Credo Deo dicenti, *Verbum suum non esse factum: Spiritum S. non esse genitum*. An ideo motivum fidei meæ est negativum? Nil minus. Idem enim motivum habeo pro actu negativo, quod habeo pro actu affirmativo fidei, nempe auctoritatem Dei revelantis, absque dubio est motivum positivum. Idem valet non solum in fide humana, sed extra fidem in propositionibus negativis scientificis, siue illæ evidentes fuerint, siue probabiles; repugnantia enim terminorum, eorumque contrarietas est motivum dissensus. At illa contrarietas est quid positivum, ergo propositiones negativæ fundantur in motivo positivo. Ergo nulla est propositio probabilis negativa, quæ non sit positivè probabilis, seu probabilis ex vi motivi plerumque saltem positivi in se, & semper positivè impellentis ad assensum. Tantùm abest, ut negativus in probanda opinione progressus, si admittatur, arguat illam esse pure negativè probabilem, seu non niti

fundamento positivo, aut positivè impellente, ut certissime evincat oppositum.

11. Objicit secundò. *Vel argumenta, quæ ad- Obiectio 2.*
duco (inquit Celladeus §. 2.) ad probandam probabilitatem pure negativam, sunt fundamenta gravia, vel non sunt? Si concedas esse gravia, ergo assertio mea est positivè probabilis, ac prudenter posita. Ergo pars opposita erit solum negativè probabilis, ex quaest. seq. ergo habeo conclusionem. Si neges me fundamenta esse gravia. Ergo Conclusio mea erit solum negativè probabilis, pro qua scilicet nullum est positivum fundamentum grave. Ergo per hoc ipsum fundamenta mea sunt gravia, quia per hoc ipsum probant conclusionem, pro qua sunt. Ergo habemus grave ex non gravi, & probamus conclusionem per defectum probationum. Ita Celladeus loco citato, qui putat se hoc argumento inevitabiliter evincere, quod dentur propositiones pure negativè probabiles.

Respondeo, opus non esse argumentis ad probandum, quod multæ sint propositiones & opiniones non probabiles, sed improbabiles, cum omnes id admittamus. Itaque si Celladeus nomine opinionis pure negativè probabilis, intelligat opinionem non probabilem, utpote quæ sola in definitione ipsius comprehenditur, sine argumentis totum concedo. Verùm si contendat, quod dentur opiniones probabiles, ut hoc loco contendit, quæ tamen sint merè negativè probabiles juxta definitionem ab ipsomet stabilitam, non solum id nego, sed dico dilemma, quo putat se rem conficere, esse merum sophisma. Itaque in primis dato non concessio, quod argumenta ipsius sint gravia, do etiam non concedo, assertionem ipsius esse positivè probabilem, quia hoc est consequens ad prius datum. Verùm inde non sequitur, oppositum esse pure negativè probabile, quia cum hoc stare potest, quod sit prorsus improbabile, ut patet. Itaque prima pars dilemmatis est prorsus invalida, quamvis antecedens concedatur esse verum. Nec obstat, quod Celladeus pro consequentiæ probatione remittat se ad quaestionem sequentem, quia in illa solum contendit, utramque partem contradictionis non posse esse simul probabilem. Verùm in primis hoc est falsum, ut quaest. sequenti ostendetur. Deinde quamvis esset verum, ex eo solum sequeretur, partem alteram non esse positivè probabilem, non autem quod sit probabilis negativè, si voces istæ aliud significant, quam illam non esse probabilem. Itaque Celladeus ad probandam consequentiam, remittit se ad principium non solum falsum, sed etiam insufficiens ad probandum intentum, quamvis illud ipsum admittatur ut verum.

L. lemma Celladei est merus paradoxus.

12. Ad secundam partem dilemmatis, quæ Gloriosa argumentatio refellit.
magis rem concernit, nil admitto, sed juxta rerum veritatem aut falsitatem respondeo, & dico, fundamenta Celladei gravia non esse; potissimum enim omnium est illud, quod in prima objectionem proposui; illud autem non modò non est grave ad probandum intentum, sed efficacissimè convincit oppositum, ut ostensum est. Porro ex hoc antecedens sequitur, quod assertio ipsa non sit probabilis, quia & re ipsa, & etiam ex suppositione caret fundamento gravi; non autem sequitur, quod sit negativè probabilis, aut quod habeat fundamentum grave, quale habent opiniones, quas argumento negativo probamus. At hoc deberet sequi, ut hæc pars dilemmatis probaret intentum. Falsum ergo est, quod argumenta Celladei per hoc ipsum evadant gravia, & probent conclusionem intentam; quod non sint gravia,

ASSERTIO V.

Propositum sit ostendere, Celladeum ex equivocatione Lectori illudere, & absque fundamento contra apertam veritatem conari, ut sibi persuadeat, Auctores benigna sententia indubitanter tenere, quod non liceat sequi innumerabiles ex opinionibus, quas illimet dicunt esse probabiles.

14. PROPOSITUM ostenditur hoc modo.

Inprimis Celladeus §. 1. definit opinionem illam esse purè negativè probabilem, *quæ ita omni fundamento gravi caret, ut nil certum contra illam sit.* Deinde asserit, his probabilitates, si dentur, ex mente Auctorum benignæ sententiæ pro conscientia debitè formanda non sufficere, tum quia stulti & imprudentis est moveri ad operandum ex levi fundamento, vel nullo; tum quia Auctores benignæ sententiæ expressè requirunt fundamenta gravia ad probabilitatem pro conscientia regulanda. Tertio, per totum §. 2. conatur ostendere, dari plurimas probabilitates negativas, quales contendit esse omnes illas, quas in scientiis ex modo arguendi negativo probamus. Demum ex his omnibus colligit intentum, scilicet, nullam opinionem probabilem, tali modo probatam, esse sufficientem conscientiae regulam ex communi omnium Auctorum gravium consensu. Quoad hæc quatuor ejus asserta seorsim sumpta si discurre. Inprimis definitio, quam proponit, implicatoria involvit, si termini juxta communem usum & significationem accipiantur. Hoc supra probatum est num. 2. Quod secundo loco proponit est verissimum, si velit definitionem suam solùm complecti non probabilia (qualia certè sunt omnia à definitione contenta, utpote omni motivo gravi carentia) quia omnes uno ore dicunt, non licere sequi non probabilia, seu omni motivo gravi carentia. At si velit definitionem suam complecti opiniones, quas Auctores benignæ sententiæ, aut dicunt, aut supponunt esse probabiles, & deinde asserat illas ex mente Auctorum nostrorum non sufficere pro conscientia regulanda, & loquitur de subiecto non supponente, & contradictoria simul jungit. Loquitur quidem de subiecto non supponente, quia supponit, Auctores nostros ea vocare probabilia, quæ omni fundamento carent, quo nil falsius excogitari potest, nam omnes definiunt probabile in genere per hoc, quòd gravi fundamento nitatur. Jungit verò contradictoria, quia, facit illos affirmare, licitum esse sequi quancumque opinionem probabilem, etiam minus probabilem; & simul facit eosdem affirmare, quòd non liceat sequi plurimas opiniones, quas ipsi vocant probabiles. Rursus, facit eosdem fateri, probabilitatem connecti cum carentia fundamenti gravis, cum tamen expressè definiant opinionem probabilem in genere per hoc, quòd habeat fundamentum grave. At hæc sunt manifestè repugnantia. Demum quamvis Auctores nostri in speculativis admitterent tales probabilitates (quod tamen est apertè falsum) non tamen eas in moralibus admitterent, quia expressè asserunt, usum cuivis opinionis probabilis in moralibus esse licitum. Ergo nullam in moralibus opinionem reputant probabilem, quæ gravi fundamento caret, quia expressè requirunt tale fundamentum, ut usus opinionis sit licitus.

15. Quod

gravia, quia nec reipsa, nec ex hypothese vel apparenter hoc probant. Quævis enim conclusio ex æquo improbabilis est, sive probetur esse talis, sive non probetur esse probabilis. Neque enim ad improbabilitatem conclusionis requiritur, ut argumenta illam probent, sed sufficit, ut illam non probent, ut patet. Itaque in hac parte dilemmatis aliud non reperio quàm merum sophisma, quod à quoquam vel novitio Theologo facilè solvi potest, quia argumentatio eò tendit, ut persuadeat propositionem non probabilem esse probabilem, sed probabilem purè negativè, quod est ludere in terminis, & implicatoria dicere. Quæ cum ita sint, non amplius gloriabitur Celladeus, ni fallor, *se rite inferre grave ex non gravi, & sufficiens probare conclusionem suam per defectum probationum.*

Obiectio 3.

13. Obiecit tertio. Sicut absurdum est dicere, Theologos in omnibus leviter discurre, ita pariter absurdum est dicere, quod in omnibus gravia fundamenta offerant. Ergo aliquando habetur probabilitas negativa. Ita Celladeus §. 2.

Opiniones quæ nunc carent, olim non carebāt motivo gravi.

Respondeo, opiniones illas, quas Theologi levi manu pertractant, & sine gravi fundamento evulgant, non esse probabiles, sed improbabiles, & pro talibus habentur ab omnibus, qui agnoscunt illas gravi fundamento carere. Ergo ex hoc non sequitur probabilitas negativa, nisi per has voces solùm intelligatur non probabilitas. At Celladeus aliud intelligit, ut patet. Ideoque intentum suum non probat. Est & alia equivocatio, quæ latet in argumento scilicet, opinionem gravium Theologorum nunc carere fundamento gravi, quia jam aliqua apparent in contrarium, quæ ipsos latebant? Hoc autem probat Theologos illos caruisse fundamento gravi, quia cum invincibiliter ignorarent istas rationes contrarias, habuerunt stimulum vehementem, & motivum grave ad assensum. Motivum enim probabile plerumque constat ex ratione positiva, & negatione argumenti nimium prævalentis, ut sæpe dictum est. Itaque sicut nec Celladeus, nec quisquam alius prudenter dixerit, S. Thomam, aut Scotum ullam thesin leviter & sine gravi fundamento tradidisse, quamvis jam post varias rationes à posterioribus in contrariam allatas, aliquæ illorum opiniones videantur minus solidè fundatæ, quia detectio veritatis à sequentibus non impedit, quòd minus præcedentes gravissimo argumento moti fuerint, ut patet. Ita pariter nemo de gravissimis Theologis recentioribus aliter loqui debet, quamvis aliquæ eorum opiniones jam non censeantur, nec amplius sint probabiles. Incredibile enim est, quòd ipsi non fuerint verè probabiles, cum ipsi fundamentum validum ac grave videatur haud defuisse. Itaque tunc illorum sententia erat verè probabilis, & ad conscientiam ritè formandam sufficiebat; licet ad hoc modò non sufficiat, quia probabilitatem perdidit. Sic ego libentius loquor de Theologis, qui communiter graves reputantur, quàm cum Celladeo dicere, eos in multis leviter ac oscitanter suo functos officio & plura temerè & absque fundamento gravi enunciasse. Primum enim, & illis honorificum, & veritati consonum est; secundum autem & à veritate, & ab honore debito nimis deficit.

Celladeum equivocare, Lectori illudere ostenditur.

Celladei cō-
fradictio.

15 Quod tertio loco dicit, repugnat cum antecedentibus; quia dicit illas opiniones, quas modo negativo probamus, esse probabiles purè negativè, ad quod deberent carere omni fundamento gravi; cum tamen illæ habeant fundamentum gravissimum, & quidem positivum ac positivè influens in assensum. Certè, si illæ opiniones, non sint benè fundatæ, nullas alias inveniet Celladeus benè fundatas, cum nullæ sint istis magis rationabiles, ut patet.

Alia ex di-
ctis Cella-
dei absurda.

16. Demum, si tertium hoc dictum componatur cum illatione ultima, alia iterum absurda se produnt, quia asserit, tales opiniones ex mente Auctorum benignæ sententiæ non sufficere pro conscientia, quia non sunt nisi purè negativè probabiles, & omni prorsus fundamento carent. Hæc autem omnia sunt falsa. Quinam enim dixerunt, tales opiniones carere omni fundamento? Multi ex ipsis tales opiniones tenent. Anne ipsi censent proprias suas opiniones omni fundamento gravi carere? Rursus peto ut unus illorum afferatur, qui fateatur, opinionem moralem non esse sufficientem pro formanda conscientia, quam admittit esse tam probabilem, quam sunt illæ assertiones in Physicis, quas probabiles esse admittit, & ex fundamento ac progressu negativo probat. Hunc cum quæsierit, & non invenerit Celladeus, perspiciet, quàm inane & secum pugnans argumentum attulerit contra nos.

Æquivoca-
tiones Cel-
ladei, & falsi-
tatis illatio

17. Jam si omnia ista Celladei dicta inter se conferantur, veritas assertionis statim patebit. In primis æquivocatione duplici utitur: prima in ipsa definitione opinionis purè negativè probabilis continetur; altera elucet in eo, quod velit, opiniones, progressu negativo probatas, omni solido fundamento carere, quodque insinuare conetur, Auctores omnes ita sentire; quasi verò idem sit fundamento carere, ac progressu negativo probari; cum toto Cælo discrepent. Celladeus tamen hæc duo confundit, ideoque æquivocationibus Lectori illudit. Rursus ex illis conatur persuadere, quod Auctores benignæ sententiæ pleno ore dicant, nullas opiniones progressu negativo probatas habere probabilitatem sufficientem pro praxi, quamvis ipsimet dicant illas esse probabiles. Jam ad hoc suadendum nil habet præter æquivocationem duplicem jam detectam, ideoque sine fundamento conatum exhibet, nec solum sine fundamento, sed contra apertam veritatem, quia notorium est, Auctores benignæ sententiæ asserere, tales opiniones esse verè ac propriè probabiles, atque ad conscientiam licitè formandam sufficere.

ASSERTIO VI.

Propositum sit explicare, an & quomodo solutio argumentorum in contrarium, impugnatio ad hominem, & argumentum à pari fundens veram probabilitatem.

Sola argu-
mentorum
solutio non
reddit opi-
nionem, cui
favet proba-
bilem.

18 PROPOSUI hæc explicare, quia Celladeus tribus ultimis §. §. hujus quæst. 7. multa de illis disserit, quæ incautos decipere, non quæ peritos movere possint. In primis ergo dico, solam solutionem argumentorum non efficere, ut pars, cui favet, sit probabilis; quia solutio, etiam evidens, rationum contrariarum solum ostendit, partem adversam non esse benè fundatam; ex quo præcisè non sequitur, partem hanc sufficienti fundamento corroborari. Ergo

sola solutio argumentorum; uni parti faventium, non facit partem alteram esse probabilem; quia ad hoc gravi fundamento corroborari deberet.

19. Dico secundò, solutio argumentorum, Solutio ar-
gumentorū
maximè si sit evidens, plurimum conducit ad probabilitatem partis, contra quam argumenta militant. Ratio est, quia probabilis solutio tollit certitudinem & evidentiam à contrario. At hoc essentialiter requiritur ad probabilitatem. Ergo vel probabilis argumentorum solutio multum conducit ad probabilitatem, cum ponat partem probabilitati maximè essentialem. Quod si solutio sit evidens, reddit partem, cui argumenta favebant, prorsus dubiam. Hoc autem non solum certitudinem, sed etiam probabilitatem omnem tollit à parte illa, ut patet. Ergo pauciores rationes probabilem efficient partem alteram, utpote contra quam nulla datur ratio. Ergo hæc argumentorum solutio multum conducit ad probabilitatem partis oppositæ.

20. Dico tertio. Impugnatio ad hominem se solà non sufficit, juvare tamen potest ad probabilitatem oppositi. Se solà non sufficit, quia solum ostendit alterum inconsequenter loqui, aut etiam ineptire. Hoc autem non est sufficiens fundamentum dicendi, quod absolute erravit. Juvare tamen potest, quia aliquando illud ipsum, quod redarguit inconsequentiam alterius, directè probat, aut rem ipsam esse veram, aut rationes oppositas non valere. Utrumque autem ad probabilitatem partis, cui favet, juvare potest, ut patet.

21. Idem prorsus dicendum de pura paritate, illa enim nisi aliquid aliud adjungatur rarò sufficit ad probabilitatem, quia sæpe disparitas adest, licet non appareat. Deinde aliquando, etsi nulla sit disparitas, argumentatio à pari non valet, quia legislator præcipere voluit unum, non aliud, etsi eadem pro utroque præcipiendo ratio adestet. Itaque si aliud argumentum præter paritatem non adsit, illud rarò aut nunquam ad probabilitatem sufficit. Quod si in aliquo casu, non tam paritas quàm identitas rationis, materiæ similitudo, atque præsumpta similis intentio in legislatore tanta vi veritatem suadeat, ut prudentes merito illi assensum præbeant, tunc illa paritas simul cum adjunctis in illa peculiari materia ad probabilitatem sufficit, maximè si nil momenti afferatur in contrarium. Verum hoc non adeo frequenter contingit, quamvis non est cur aliquando evenire non possit.

22. Hinc sequitur, Celladeum frustra laborasse, dum argumenta ex hujusmodi titulis confecta non tam refert, quàm explodit, ut sic innumerat, ut patet, opiniones tanquam insufficientes pro formanda conscientia rejiciat. Putat enim se ostendisse, quod mirabilis sit probabilitatem ac opinionum probabilitum confusio, diserteque asserit §. 5. in initio, quod sensui sapientium omnium repugnet, dicere omnes prorsus opiniones probabiles pro regula conscientia usurpari posse. Verum toto cælo aberrat à fine, quem intendit; nam aliud est, quod innumera opiniones inveniuntur apud Auctores, quas illi argumentis proximè allatis confirmant, aliud quod illæ ideo censerent non possunt habere fundamentum grave, & esse positivè ac verè probabiles. Primum omnibus obvium est, & ultrò conceditur. Secundum probandum erat, quod certè nec Celladeus, nec quisquam probaverit, quia quamvis illa argumenta solitarie sumpta non reddant conclusionem probabilem, Constat
Celladei
frustrari
esse ostendi-
tur.

Auctores
graves rarè
utuntur sola
paginæ ra-
tionibus.

babilem, multum tamen ad probabilitatem conducunt, atque si aliis argumentis adjungantur, certissimam probabilitatem constant. Jam Celladeus ostendere debebat, Auctores graves frequentissime uti solis istis argumentis ad suas doctrinas stabilendas; hoc enim omisso, reliqua ad rem non faciunt; quia ipsemet fatetur, nec quisquam negat, ista aliis adjuncta probabilitatem constare posse. Ergo, ut concluderet, opiniones illas innumeras non sufficere pro regulanda conscientia, debuisset ostendere, Auctores graves aliis argumentis pro firmanda sua doctrina usos non fuisse. At hoc non ostendit, nec ostendere potest, quia oppositum est certissimum, & omnibus, qui graves Auctores legerunt, notorium. Quod si quis aliquando multum tribuat alicui ex istis argumentis, id est, quia hic & nunc ob materiam qualitatem, & alias circumstantias, illud habet vim adeo vehementer alliciendi intellectum, ut valeat à probo & perito, non temerè judicante, assensum impetrare; hoc autem ad probabilitatem sufficit.

Aliqui Theologi recentiores nimium tribuerunt argumento à pari.

23. Ceterum non nego, quin aliqui Theologi moderni nimis confisi sint hujusmodi argumentis, atque illis solis moti, novas opiniones contra communem scholæ sensum induxerint. Verum opiniones illæ nec sunt, nec censentur probabiles; quia ab omnibus, aut plerisque statim ut improbabiles rejectæ fuere; ex hac autem illarum rejectione à posteriori colligitur tam argumentorum illorum inefficacia, quam opinionum improbabilitas. De hac re questus sum in admonitione ad lectorem in tract. de Conf. prob. Et multis in locis dixi, quid adjungi debeat, ut argumenta istiusmodi ad probabilitatem pertingant, quæ hic repetenda non sunt; quia sufficienter hic expressum est in genere, quod ibi in specie fusiùs dictum reperies.

Omne fundamentum non sufficit ad probabilitatem.

24. Interim tres errores Celladei in hac re omittendi non sunt. Primus habetur in initio §. 4. ubi sic ait. *Quot sunt genera argumentorum infra certum, tot sunt genera, vel modi probabilitatum, nam probabilitas efficitur per fundamenta. Fundamenta autem alicujus conclusionis sunt argumenta, quæ pro illa afferuntur.* Hæc dicit, alludens ad modos arguendi antea à nobis & à se recensitos, apparentiamque in illis fundatam vocat probabilitatem negativam, quia omnes illi modi argumentandi carent positivo fundamento gravi. Jam error in hoc consistit, quod expresse supponat, omnia ista argumenta, etsi ad fundandum assensum rationabilem insufficientia, tribuere probabilitatem aliquam, quod aperte falsum est, & contra unanimem omnium consensum, quia nisi aliis concurrentibus adeo roborentur, ut assensum mereantur, ad probabilitatem non pertingunt. Celladeus tamen tot genera probabilitatum quot argumentorum concedit, vultque fundamenta levia, imo levissima aliquam probabilitatem fundare. Et ipse quidem contra omnes hoc concedit, eamque probabilitatem vocat negativam, quæ tamen est verissima non probabilitas, non autem species probabilitatis ab Auctoribus admissæ, quia ad illam omnes uno ore fundamentum grave requirunt.

25. Alter error est, quem habet in initio §. 5.

ubi dicit, quod omnium sapientium sensui repugnet dicere, usum omnium prorsus opinionum probabilium esse licitum. Inprimis videtur supponere, quod hoc à multis communiter doceatur: si hoc supponat, errat in supposito, ut alibi demonstravimus, quia nulli Doctores in ea latitudine locuti sunt, cum omnes aut explicitis terminis, aut certè implicitè per ipsam materiam & scopum disputationis suæ omnes opiniones tantum speculative probabiles à regulanda conscientia excluderint. Itaque ad solas opiniones practice probabiles assertionem suam restrinxerunt. Jam si in hoc sensu Celladeus contendat, hanc assertionem omnium sapientium sensui repugnare, patenter errat, cum omnes ferme uno ore dicant, quamvis opinionem practice probabilem, etsi sit minus probabilis opposita, ad conscientiam debite formandam sufficere. Itaque Celladeus in omnibus errat, nec aliud præstat quam fucum imperito lectori facere, ut in intelligenda benigna sententia decipiatur, & sic faciliùs eam suspectam habeat.

Nemo docet usum cujusvis opinionis probabilis esse licitum.

26. Tertius error est, quod dicat Auctores loqui de diversis probabilitatis generibus, quando tradunt, usum opinionis minus probabilis esse licitum. Rem sic declarat. Magnum & parvum non sunt denominationes absolutæ, sed relativæ. Nil enim, inquit Aristoteles in Prædicamento quantitatis, per se ipsum magnum vel parvum dicitur, sed id quod ad alterum refertur; ut mons quidem parvus dicitur, & milium magnum; quod hoc in, quæ sunt sui generis, majus sit; illud verò in, quæ sunt sui generis, minus. Ex hac doctrina Celladeus fatetur, sæpe licitum esse sequi opinionem minus probabilem contra magis probabilem, tunc scilicet quando minus probabile est in genere positive probabilium, & magis probabile est in genere negative probabilium; tunc enim quod est minus probabile in suo genere, habet fundamentum grave, quo caret illud, quod in alio genere est magis probabile. In hac autem re tam confidenter loquitur, ut insinuet, hanc esse mentem Auctorum docentium, usum opinionis minus probabilis esse licitum. At hoc est certè falsum, nam Auctores illi probabilitatem non distinxerunt, nisi in intrinsecam & extrinsecam; dixerunt autem licitum esse sequi minorem contra majorem in quovis ex istis generibus. Sic dixerunt licitum esse sequi opinionem contrariam minus communem contra propriam communiorum, quo in casu haud dubiè existimarunt, propriam opinionem esse utroque modo contrariâ probabiliorem. Ergo non sunt locuti de magis & minus probabili in diverso, sed in eodem prorsus genere. Nec de hoc dubium esse potest. Præterea nemo agnovit distinctionem illam Celladei in probabilitatem positivam & purè negativam; nam purè negativa, utpote quæ omni fundamento, saltem gravi, caret, non est probabilitas; quæcumque autem nititur fundamento gravi, sed incerto, est vera ac legitima probabilitas, sive fundamentum illud sit positivum, sive dicatur esse negativum; hoc enim impertinenter se habet ad probabilitatem, seu ad gravitatem stimuli intellectualis, ut patet.

Tertius error Celladei.

Celladeus confidenter loquitur contra apertam veritatem.

QUÆSTIO VIGESIMA- NONA.

Virum utraque contradictionis pars esse possit simul probabilis.

Modus tra-
ctandi que-
stionē pro-
ponitur.



DE hâc re fusè egi in *trakt. de Conf. prob. quæst. 2. num. 11. & seqq. item quæst. 5. nu. 16. & seqq. item quæst. 8. nu. 4. nu. 22. nu. 25. & seqq.* in quibus aliisque locis plura ad hanc materiam spectantia reperies. Ego ibi dicta non repetam, sed data occasione breviter insinuabo, quid sit, quid non sit tenendum. Porro assertiones nonnullas more consueti ponam, ut ea, quæ Celladeus *lib. 2. à quæst. 8. usque ad 13. inclusivè* circa hanc materiam coacervat, quæque contra veritatem, & assertiones locis citatis à me stabilitas objici possunt, dissolvam, iis omissis, vel breviter tantum indicatis, quæ ibidem à me proposita & soluta sunt. Cæterum ego hic ordinem Celladei nonnihil immutabo, præponamque quæ ille postposuit, quia id ad clariorem & faciliorem quæstionis resolutionem mihi conducibilius videtur. Itaque primo loco quæram, an utraque pars contradictionis possit simul esse probabilis diversis intellectibus, ad quod ea pertinent, de quibus Celladeus *quæst. 9.* egit. Quæram deinde, an & quomodo utraque pars contradictionis esse possit probabilis respectu ejusdem mentis, quod Celladeus *quæst. 2.* pertractat. Porro omnia in sex illis Celladei quæstionibus contenta sub uno eodemque præsentis quæstionis titulo propono, quia omnia ad illum facillimè reducuntur, ac sub genuina quæstionis propositæ significatione continentur.

ASSERTIO PRIMA.

Quod est falsum, potest esse, & sæpe est probabilis.

Falsa sæpe
sunt proba-
bilis.

2. PROBATUR assertio. Inprimis, omnes cum Aristotele pro communi ac indubitato axiomate habent, quod multa falsa sint probabiliora veris, quod ceriè verum non esset, nisi multa falsa esse possent verè probabilis. Sed & Celladeus hoc ipsum expressè videtur admittere, nam *lib. 1. quæst. 1. §. 4.* hæc habet: *Non opinio, sed proverbium est, aliquando falsa esse probabiliora.* Secundò, id ipsum innumeris exemplis patet. Sæpe judex habet plenam probationem contra innocentem, eumque condemnat. In hoc casu nemo negare potest, judicem probabiliter judicare innocentem esse reum. Impossibile enim est, tantam veri apparentiam, quanta ad plenam probationem & rei damnationem sufficit, non esse probabilem, & plerumque non connecti cum veritate, licet hic & nunc per accidens à vero aberret. Idem valet de multis, qui falsè putant eum esse suum patrem, qui verè non est. In istis

enim casibus falsitas est non solum evidenter credibilis, sed adeo credibilis, ut oppositum non sit ipsis credibile; quia validissima argumenta confirmant falsum, cum veritas omnibus argumentis destituatur. Ergo in istis datur apparentia digna assensu, & evidens credibilitas. Ergo sæpe datur probabilitas, & quidem evidens ac valdè perfecta probabilitas, qua falsum comprobatur. Tertio à priori. Probabilitas consistit in vi quadam impellendi intellectum; hæc si sit magna, & antecedenter ad omnem effectum uni parti indebitè affixum validè impellat intellectum ad assensum, est vera & propria probabilitas. At sæpe datur istiusmodi vis adeo validè impellens ad assensum falsum, ut non solum ille prudenter eliciatur, sed sine imprudentiæ nota omitti non possit, ut evidens est in exemplis allatis. Ergo quod est falsum, potest esse & sæpe est verè & propriè probabilis. Omitto in re clara plura coacervare; quia nec ista fuissent necessaria, nisi mirabilis opinio Celladei, quam in objectionibus mox proponam, veritati tam apertè opponeretur.

SOLVUNTUR OBJECTIONES.

3. OBJICIT primò, omne quod est tale ex ignorantia vel errore, non est tale simpliciter, sed solum secundum quid, & cum addito, quia simpliciter talia, sunt reipsa talia, ut homo simpliciter, est reipsa homo. Ergo non possunt esse talia ex errore & ignorantia, cum sint talia ex veritate. Ergo ex opposito, quod est tale ex errore vel ignorantia, non est simpliciter tale, sed secundum quid & cum addito; quale est, quod ex errore creditur aurum & non est; illud enim non est simpliciter aurum, sed solum cum addito *apparenter*. At fundamenta confirmantia falsum non sunt gravia, & consequenter neque probabilis nisi ex errore & ignorantia, quia scilicet ignorantur esse falsa; si enim hoc sciremus, diceremus fundamenta illa esse nulla, sicut dicimus aurichalcum non esse aurum. Ergo motiva probantia falsum solum ex errore possunt esse gravia, seu probabilis. Uno verbo, possunt videri, non autem esse gravia. At quod videtur esse & non est, non est tale simpliciter. Ita Celladeus hic *quæst. 9 §. 1.*

Respondeo inprimis tam hanc, quam sequentes Celladei objectiones apertè contradicere illi, quod jam ex ipso citavimus. Si enim falsa non opinativè, sed certò & proverbialiter aliquando sint probabiliora; utique certum est, falsa verè esse posse, & non tantum dici aut fingi probabilis.

4. Respondeo 2. aliquid dupliciter esse posse tale

Res dupli-
citer esse po-
tè talis ex
errore vel
ignorantia.

tale ex ignorantia vel errore, primò causaliter, ita scilicet ut ignorantia sit causa, cur illud existat, eò quòd ablata ignorantia existere non potuisset. Hoc modo omne iudicium falsum verè existit ex ignorantia, quia si veritas clarè innotuisset, tale iudicium elici non potuisset. Secundò aliquid est tale ex errore, quatenus est objectum erroris, per quem repræsentatur aliter ac est in se. Sic aurichalcum ex errore dicitur & creditur esse aurum, cum tamen non sit aurum, sed aurichalcum: hæc distinctio aperit æquivocationem, quæ Celladeum decepit, & evidenter solvit argumentum. Major enim, in qua tota vis argumenti consistit, vera est de iis, quæ sunt objectum ipsius erroris, sed est evidenter falsa de iis, quæ existunt dependenter ab ignorantia vel errore; ipsa enim, cum existant, necessariò sunt simpliciter, qualia ex sua entitate sunt. Sic iudicium falsum est simpliciter ac sine addito iudicium, quamvis non sit tale nisi ex ignorantia. Idem dico de conclusione falsa legitime deducta ex præmissis. Conclusio enim illa est verissima conclusio, licet non sit talis nisi dependenter ab errore, in altera saltem præmissarum contento. Similiter peccatum est propriè ac verè peccatum, licet sit tale ex ignorantia, quia omnis peccans est ignorans, qui si plenitudinem scientiæ haberet, non peccaret.

Hic est casus noster, quia probabilitas in casu præsentis est quidem talis ex ignorantia causativè, quatenus impetus ille intellectualis, quem existentem experimur, non extitisset, nisi veritas latuisset. Non autem est talis ex errore terminativè ac repræsentativè, quia existentia huius impetus, ejusque vis ac magnitudo, non erroneè, sed verè & perspicuè cognoscitur per actum, quo ejus naturam & vim investigamus. Itaque cum probabilitas consistat in hoc impetu intellectuali ejusque magnitudine, procul dubio apparentia illa est verè & propriè probabilis, suæque existentia denominat objectum simpliciter probabile, credibile, ac dignum fide. Ergò motiva probantia falsum non solum videri, sed esse possunt gravia, & probabilia.

Quod est
tale consti-
tutivè per
errorem est
simpliciter
falsum.

5. Rursus ad essentiam veræ probabilitatis essentialiter requiritur, ne certitudo aut evidentia contrarii appareat. Itaque carentia certitudinis de opposito est de essentia omnis probabilitatis, ut fuscè probavi *quæst. 3. de Consc. prob. numero præsertim 9. 25. & 26.* Hoc verum est, si vo argumenta probabilia verum, si vo falsum suadeant. Hoc posito, argumentum non valet, quia major non potest procedere de iis, quæ per ipsam ignorantiam constituuntur: illa enim ita sunt simpliciter talia per ignorantiam, ut sine ignorantia repugnet illa aut esse aut esse talia. Itaque quidquid sit de majori in alio sensu, in hoc certè est evidenter falsa, quia homo simpliciter est errans & ignorans per errorem & ignorantiam, quamvis non nisi per illa sit errans vel ignorans, ut patet. Eadem est ratio de ignorantia veritatis certæ in contrarium respectu probabilitatis, quia probabilitas non minùs constituitur per talem ignorantiam, quàm concretum ignorans.

Obiectio 2.

6. Obiecit secundò. Negari non potest, quin motiva suadentia falsum sæpè magnam vim habeant ad movendum intellectum, quia magnam & validam veritatis apparentiam excitant; nihilominus ista apparentia est magna ex errore vel ignorantia, & quò major est, eò etiam est fallacior, & veritati repugnantior, quia eò majorem decipiendi vim habet. Ita Celladeus *ibidem*.

Stimulus

Respondeo apparentiam illam, illumque sti-
mulum. R. P. A. Terilli *Regula morum. Pars I.*

mulum esse revera validum & simpliciter magnum ad assensum in seipso, non per fictionem, sed ex suis intrinsicis prædicatis; & quidem tantus est hic stimulus in ordine ad falsum, quantus est in ordine ad verum solum probabiliter cognitum. At quando refertur ad verum, vel te fatente, est simpliciter magnus intrinsecè & per se. Ergò etiam quando refertur ad falsum, quia per hoc nil de intrinseca illius magnitudine demitur, ut patet. Jam quòd apparentia ista sit magna ex ignorantia, nil facit ad rem, ut constat ex dictis ad primum, maxime cum intrinseca illius magnitudo aut causetur, aut certè per ipsam ignorantiam constituatur. Quòd autem apparentia illa per accidens sit magis fallax, probat intentum; quia probat, quod apparentia sit intrinsecè magna, & major aliis, quæ minùs impellunt.

7. Obiecit tertio. Apparentia ista, & stimulus iste intellectualis est quidem magnus quoad intellectum; non autem quoad objectum. Porro ista specificantur & præcipuè talia sunt & dicuntur relatè ad objectum, non ad intellectum, alioquin hæretici, quibus suæ sectæ videntur certæ, haberent probabilitatem de veritate suorum errorum, quia absque dubio validam & vehementem apparentiam habent de objectis, quæ credunt. At sequela est falsa, nec à nobis admittitur, quia dogmata hæreticorum non sunt probabilia. Itaque dicendum est, apparentiam falsam esse magnam solum relatè ad intellectum, non ad objectum, & consequenter non esse magnam simpliciter, sed secundum quid & cum addito, quia est ficta. Ita Celladeus *ibidem*.

Apparentia
veri dicitur
respectu ad
objectum &
intellectum.

8. Respondeo omnem apparentiam intellectualem dicere duplicem respectum, alium ad intellectum, alium ad objectum. Dicit respectum ad intellectum, tanquam ad subjectum, in quo recipitur, & ad potentiam vitalem, quam informat, atque in genere causæ formalis stimulat ad assensum. Dicit respectum ad objectum, tanquam ad terminum, quem repræsentat. Hic secundus respectus potior est, quàm primus, quia apparentia potissimum est ejus, quod apparet. At solum objectum apparet per illam, non intellectus. Ergò omnis apparentia veri potissimè refertur ad objectum, quòd repræsentat. Ergò quævis ejusmodi apparentia non solum est magna respectu intellectus, quem movet, sed etiam respectu objecti, quod repræsentat, quia clariùs & majori perspicuitate repræsentat objectum, quàm alia minùs valida. Hoc autem est apparentiam esse magnam respectu objecti. Certè per hoc evadit magna respectu objecti, quando objectum est verum. Ergò per idem evadit magna respectu objecti, quando objectum est falsum; quia quòd objectum sit vel non sit, ut repræsentatur, nullo modo variat apparentiam, aut quidquam de illius intrinseca magnitudine aut relatione immutat, ut patet. Demum repugnat apparentiam esse magnam respectu intellectus, quin sit magna respectu objecti; ideo enim intellectus movetur, quia objectum repræsentatur, quòque repræsentatio objecti est clarior & fortior, eò intellectus vehementiùs movetur. Itaque distinctio illa, de apparentia magna respectu intellectus seu subjecti, non autem respectu objecti, sine fundamento excogitata est, & perspicuè veritati repugnat; quin & terminos connexos, sequè mutuo inferentes, ponit pro terminis repugnantibus, sequè mutuo excludentibus, quo nil absurdius dici potest.

Apparentia
veri potior
est respectu
ad objectum
quàm ad in-
tellectum.

Idem est ap-
parentiam
esse magnā
respectu in-
tellectus &
respectu ob-
jecti.

9. Porro ob instantiam hæreticorum, suis erro-
ribus

Apparentia
falsum im-
pellens non
apparet
sed verè est
magnus.

duplex, alia
sumitur ab
objecto, alia
ab affectu
indebito.

ribus firmiter adhaerentium, non cogimur hanc distinctionem, aut aliam illi æquivalentem admittere. Certè si Celladeus legisset, quæ tradidi de apparentia probabili *quæst. 2. 3. & 8. de Consc. prob.* hæc nunquam objecisset. Dico ergò aliam esse apparentiam, quæ oritur à dispositione opinantis; aliam, quæ à mera objecti propositione confurgit. Apparentia veritatis, consequens iudicium aut affectum uni parti indebitè impensum, est longè major, & vehementius stimulat ad assensum, quàm quæ ex mera objecti propositione provenit, ut & per se patet, & fusè ostendi locis citatis. Jam ex apparentiis, illa sola est probabilis, quæ est rationalis, suamque magnitudinem sumit ab ipsa objecti propositione, & non ab indebita animi affectione ad unam partem; nam illa sola fundare potest iudicium rationale ac prudens; quia iudicium regulatum ab apparentia, quæ magnitudinem suam à passione mentem excæcantem trahit, non potest esse prudens. Jam probabilitas solùm dicitur in ordine ad iudicium rationabiliter ac prudenter elicitedum, ut patet. Unde non omnis apparentia magna est probabilitas, sed illa sola, quæ fundat iudicium rationale ac prudens; prout fusè explicatum est locis citatis. His positis.

Hæretici
culpabiles
nunquam,
sed merè
materiales
aliquando
probabiliter
credūt suos
errores.

10. Hæretici, alii invincibiliter, alii vincibiliter errant. Qui errant invincibiliter, eò quòd positâ debitâ diligentia suis instructoribus fidem præbeant, sæpè stimulantur tantâ apparentiâ veri, quanta sufficit ad prudentem assensum ab eo impetrandum, qui veritatem scire non potest, quicquid non ex passione animum cæcantem, & ad unam partem præcipitante, sed ex sincero veritatis amore iudicium elicit. Tales, inquam, hæretici merè materiales habent apparentiam ipsi hic & nunc per accidens peculiariter probabilem pro suis erroribus, qui aliquando tantâ verisimilitudine rudibus proponuntur, ut citra imprudentiam assensum suspendere nequeant. Ratio est, quia apparentia veri in istis non solùm est magna, sed etiam est rationalis, quia suam magnitudinem sumit ab objectis ipsis taliter propositis, non autem à prava opinantis dispositione. E contra hæretici vincibiliter errantes necessariò carent omni apparentiâ probabili, seu omni apparentiâ verè magnâ ac rationabili; quia apparentia, quàm habent, consequitur ad assensum & affectum uni parti indebitè alligatum; talis autem apparentia, etsi maxima, & ipsis certissima videatur, est extra totam seriem apparentiarum probabilium, & eò minùs de probabilitate participat, quòd major fuerit; quia ille excessus magnitudinis ab excessu affectûs indebiti provenit; quòd autem affectus indebitus fuerit vehementior & obstinatio, eò magis à ratione ac prudentia in ferendo iudicio recedit, ut patet. Stat ergò, apparentiam probabilem dicere tres respectus, seu rationes: Primus est ad intellectum, qui movetur: Secundus ad debitam dispositionem ejus, qui movetur: Tertius ad objectum, quòd proponitur, & hic est potissimus ac maximè essentialis illius respectus. Cæterum apparentia dicens respectum ad pravam dispositionem subjecti, sive illa fuerit in intellectu, sive in voluntate, rarè est probabilis, cum illa, quæ mensuram suam ab objecto desumit, non possit non esse probabilis, si verè sit magna.

Apparentia
veri dicit
tres respec-
tus.

Obiectio 4. fundamenta verè gravia; quia si faceret gravia, crescente gravitate, faceret tandem certa. At consequens est falsum. Ergò & antecedens. Itaque apparentia falsa est mera fictio, quia non habet

objectum sibi correspondens, ideoque non facit argumenta esse gravia simpliciter, sed solùm secundum quid, scilicet ex errore vel ignorantia eorum, qui ignorant, vel errant.

Respondeo, apparentiam falsam, sive sermo sit de apparentia formali, quæ consistit in actu intellectûs, sive de apparentia objectiva, quæ consistit in objecto adequato tantâ claritate representato, propriè non efficere fundamentum grave, sed intrinsecè illud constituere; nam sicut apparentia, ita & argumentum dividitur in objectivum & formale. Nec dubium, quin sicut apparentia objectiva identificatur cum argumento objectivo, ita apparentia formalis identificetur cum argumento formali. His positis, quamvis apparentia veri faciat, seu potius constituat fundamenta gravia, non ideo sequitur quòd crescente apparentia, argumenta tandem evasura sint certa, quia probabiliter & certitudo sunt diversi ordinis. At inferius ex duobus diversi ordinis per nullam additionem æquare potest superius, ut videre est in peccato veniali & mortali, in linea & superficie, in perfectione bruti & hominis; nulla enim additio unquam reddet inferius æquale superiori, ut patet. Idem prorsus locum habet inter argumentum probabile & certum, quia certum excludit omnem formidinem, quàm probabile non excludit. Rursus id ipsum experientiâ patet, quia quamvis plura & plura argumenta incerta & dissimilia afferantur pro aliqua thesi, illa tamen non evadit certa, nec omnem formidinem excludit, quamvis formido semper cum aliqua proportionem muniatur, prout argumenta rem confirmantia augmentum sumunt.

12. Quòd si aliquando argumentorum similitudinem, seu potius similitudinem testium multitudo rem testatam reddat certam, sicut certum est Cæsarem & Pompeium inter se bellasse, id non oritur ex eo, quòd quævis argumenta incerta per additionem tandem æquent certa (hoc enim falsum est) sed ex eo, quòd detur quædam magnitudo apparentiæ in tali ordine, quæ fallere, & falli nescit, cum tamen infra illam magnitudinem plura dentur homogenea toti, quæ aut fallere aut falli possunt. Talia proinde, si augeantur, tandem coincidunt cum ipso certo, & sic constant argumentum certum. Cæterum, hoc proprium est rerum, quæ tali testimonio probantur, ut nil falsum tantâ talium testium nube confirmari possit, quanta requiritur & sufficit ad certitudinem. Unde loquendo in casu ejusmodi, argumentum procedit de subjecto non supponente, quia motiva probantia non possunt semper crescere per partes æquales, modò supponamus objectum, quòd confirmant, esse falsum. Itaque argumentum vel est de subjecto non supponente, quia stante falsitate, motivum non potest crescere juxta intellectum argumenti; vel certè nil concludit, quia dato perpetuo incremento, non ideo ponitur certitudo aut evidentia.

13. Cæterum quòd apparentia falsa dicatur fictio, verum quidem est, relatè ad terminum representatum; falsum autem relatè ad propriam ipsius apparentiæ vim & magnitudinem. Jam quòd facit argumentum grave, non est fictio aut veritas, quia multa argumenta tam conformia quàm diffonia suis objectis sunt levissima; sed est intrinseca magnitudo ipsius apparentiæ rationabilis, ut patet; hæc enim est, quæ facit argumentum simpliciter leve vel grave. Nec obstat, quòd talis apparentia sit ex ignorantia, aut etiam ex ignorantia constetur, ut constat ex dictis.

Apparentia
potest sem-
per cresce-
re absq; eo
quòd res e-
vadat certa.

Repugnat
falsum in
aliqua ma-
teria novis
& novis tes-
tibus simili-
bus confir-
mari.

Apparentia
falsa est fi-
ctio respec-
tu objecti,
non autem
respectu suæ
magnitudi-
nis.

14. Obji-

Argumentum unde dicatur grave respectu hominis.

14. Obijciunt quintò. Onus, quod solum est grave alicui ob malam illius dispositionem, non est simpliciter grave, sed solum secundum quid, nempe quoad debiles & ægros, alioquin decem libræ essent onus grave. At error & ignorantia sunt ægrotudo intellectus. Ergò fundamentum solum grave ex errore vel ignorantia non est simpliciter grave, cum tale non sit benevalentibus in ea re. Ita Celladeus loco citato.

Respondeo grave & leve esse denominationes relativas ad vires, quæ debent ferre, aut fulcire onus. Jam nos comparavimus motiva cum perfectione limitata humani intellectus, & dicimus, illa esse gravia intellectui sic limitato, quæque vehementer illum impellunt ad assensum, maxime quando intellectus ob suam imbecillitatem, nec habet, nec habere potest quidquam simile pro opposito. Quid clarius? jam omnes homines in multis insuperabilis ignorantie ægitudine laborant. Ergò omnia argumenta sunt hominibus simpliciter gravia, quæ in rebus ejusmodi sunt gravia ignorantibus, quia omnes homines in rebus ejusmodi sunt naturaliter ignorantes. Certè si omnes homines essent naturaliter tam debiles sicut ægroti, decem libræ essent simpliciter onus grave, quia talis denominatio sumitur relatè ad vires humanas, quales illæ sunt communiter juxta leges naturæ. Itaque haud dubiè talia fundamenta sunt simpliciter gravia nobis, quamvis sint levissima ac prorsus nulla angelò, qui evidentem rerum scientiam habet.

Apparentia probabilis est essentialiter argumentum grave.

15. Est & aliud peculiare in hac re, ad quod Celladeus non advertit, scilicet, quòd motiva istiusmodi ex sua essentia postulent esse in intellectu & ignorante, quia constantur ex ipsa ignorantia, ut dictum est. Et sanè repugnat angelum contrarietatem evidenter visam stimulari tali stimulo, quali nos ad falsum stimulamur. Ergò motiva ista sunt essentialiter gravia, quia essentialiter repugnant esse in intellectu, qui illis graviter non urgeatur ad assensum, seu in intellectu, qui veritatem clarè videat. Ergò licèt gravitas oneris materialis sit relativa ad vires majores vel minores, ideoque dici possit parva vel magna, aliter tamen dicendum est de apparentia probabilis, & impetu intellectuali; ille enim non est indifferens ad intellectum scientem & ignorantem, sed essentialiter refertur ad solum intellectum ignorantia laborantem, ideoque simpliciter gravis est, sicut pondus quodvis esset simpliciter grave, si uni tantum potentie posset imponi, à qua tamen absque difficultate attolli non posset, quia tale pondus non haberet potentiam, respectu cujus dici posset leve.

ASSERTIO II.

Utraque pars contradictionis potest simul esse probabilis diversis intellectibus aut eidem intellectui successivè.

filius. Ergò utraque pars contradictionis simul esse potest probabilis diversis intellectibus. Idem valet respectu ejusdem intellectus respectu diversorum temporum, quia eadem rationes idipsum evincunt, ut patet.

17. Confirmatur expressè atque indubitatè Aristoteles auctoritate, qui in *libro Rhetor.* totus est in ostendendo, quomodo utraque pars contradictionis reddi possit probabilis, atque credibilis. Certè Philosophus *lib. 1. cap. 1.* exponit quid sibi in illo opere præstandum præfigat. *Pars vera, inquit, oportet ut sicut & in syllogismo persuadere contraria possimus.* Et mox hæc subiungit. *Aliarum igitur artium nulla de contrariis ratiocinatur, sed Dialectica & Rhetorica id sola faciunt. Nam utraque similiter de contrariis est.* Ecce sibi proponit pro scopo totius dissertationis, ut utramque partem probabilem ac credibilem efficiat. Proprium enim opus Dialecticorum & Rhetorum est, ut utraque pars per Oratores & Dialecticos sibi contradicentes reddatur probabilis, & hæc ipsum est quod quotidie fieri videmus. Hoc sibi Aristoteles in genere ostendendum proposuit, atque hoc ipsum in decursu libri ad particulares materias applicat, ostendendo in singulis principia & modum, quibus utraque pars reddi possit credibilis, ut bene observavit Elparza in *Appendice art. 94.* ubi pulchrè rem specificat ex *cap. 15. lib. 1. Rhetor.* Deinde id ipsum exemplo & ratione sic declarat. Utraque pars contradictionis subesse potest principio universali, quod primò & per se probabile est, & haud dubiè plerumque verificatur in particularibus. Ergò una pars credi potest propter unum motivum probabile, cui subest, & alterum propter aliud principium probabile, sub quo continetur. Hoc modo utraque pars esse potest probabilis, quia quod ex probabili inferitur est probabile per Aristotelem: sed & S. Thomas *opusc. 41. cap. 1.* idipsum aperè asserit his verbis. *In omni materia existentibus veris, vel probabilibus præmissis, semper sequitur conclusio vera, vel probabilis.* Doctrinam hanc sic exemplo confirmat Elparza. *Probabile est matrem diligere filium. Similiter credibile est lædentem non diligere à læso. Utrumque enim est principium primò & per se credibile, seu probabile. Contingat jam Bertam iniquè & graviter lædi à Titio, suo filio. Probabile ergò erit Bertam diligere Titium, utpote filium; & probabile erit, quòd cum non diligat, utpote à quo iniquè læditur. Et sanè nil evidentius, quàm exemplum hoc intentum evincere respectu duorum intellectuum, quorum alter solum sciat Bertam esse matrem Titii, alter solum novit, quod à Titio graviter læsa fuerit. Itaque haud dubiè Aristoteles nobiscum est, quem citavi in hac assertionem, quia evidentissimum est, quod in hoc saltem nobiscum sentiat. Verum haud dubiè consentit etiam in sequenti conclusione, quia totum opus ipsius in Rhetoricis ed tendit, ut utraque pars contradictionis apud eundem judicem reddatur probabilis. Ergò Aristoteles in omnibus nobiscum sentit.*

Utraque pars contradictionis potest esse simul probabilis duobus intellectibus.

16. **C**ONSEQUITUR ex dictis. Pars vera potest esse probabilis uni intellectui, utpote qui valida pro illa argumenta, & nulla pro opposito habeat, & de hoc non est dubium. Rursus hoc non obstante, pars falsa potest simul esse probabilis alteri intellectui, opposita de causa, ut certum est ex *asser. 1.* hæc ratione probabile est uni, quod Petrus non sit filius Pauli, cum tamen ipsi Petro sit probabilissimum, quod sit Pauli filius.

R. P. A. Terilli Regula morum. PARS I.

Y 1

ASSER.

ASSERTIO III.

Si fundamenta utriusque partis contradictionis simul accipiantur, & invicem comparentur, illa sæpè sunt simul probabilia respectu ejusdem intellectus illa invicem comparantis.

Utrique parti
sæpè est pro-
babilis res-
pectu ejus-
dem intel-
lectus.

18. **P**ROBATUR Assertio. Fieri potest, ut intellectus ita consideret fundamenta duarum opinionum sibi contradicentium, in quibus Auctores se fundant, ut neutri parti assensum præbeat, sed de utriusque veritate judicium suspendat. In hoc casu intellectus ille examinare potest gravitatem istorum fundamentorum, non tam ab impulsu, quem in se sentit, quam ab impulsu, quem videt illa in aliorum mentibus excitare. At videt fundamenta partis A in contradictione fundamenti contrarii tam validè impellere mentes plurimorum Auctorum probitate ac peritiâ præstantium, ut post diligentem quæstionis enodationem, & omnia hinc inde perpenſa, ab illis assensum impetrent; quod certè facere non possent, nisi essent valde gravia, quia viri periti & probi, qui omnia diligenter perpendunt, absque valido ac gravi motivo sententiam non ferunt. Rurſus idem videt locum habere in fundamento partis B. contra motiva partis A. Ergò videt, scit, & judicat motiva utriusque partis non solum solitariè sumpta, sed etiam prout comparantur cum fundamentis contrariis esse gravia. Illa enim motiva sunt gravia, quæ maximè peritos tam vehementer movent, ut ad assensum alliciant, sicut illa onera sunt simpliciter gravia, quæ validè premunt etiam robustiores. At fundamenta utriusque partis sæpè vehementer movent, & ad assensum alliciunt maximè peritos etiam in contradictione mutua. Ergò fundamenta utriusque partis sunt probabilia in contradictione mutua, etiam respectu intellectus illa invicem comparantis.

Prob. 1. Grave & leve, magnum & parvum dicuntur relativè, ut ex Aristotele proximè observatum est. Ergò apud nos homines illa motiva sunt, & dicenda sunt gravia, quæ doctissimis ac maximè probis & peritis non solum videntur gravia, sed etiam habentur vera, & ab illis assensum extorquent. Ratio est, quia isti sunt maximè robusti, & optima inter homines sanitate fruntur, reliqui autem respectu istorum quoad veritates difficiles intelligendas debiles sunt & infirmi. Ergò quod illos validè movet, simpliciter grave est, & consequenter etiam probabile. At motiva cujusvis partis contradictionis sunt & cognoscuntur esse talia etiam in contradictione contrariorum. Ergò sunt simul gravia & probabilia, etiam respectu ejusdem intellectus. Pluribus superſedeo, quia quæ pro ſequentibus assertionibus afferenda sunt, à fortiori illius veritatem ostendent.

Responsio
Celladei o-
stenditur in-
sufficiens.

19. Celladeus vidit secundum hoc argumentum, illudque contra se proposuit, ut probaret partem falsam esse posse probabilem, ac magno fundamento niti, saltem divisivè, si non comparatur cum fundamentis contrariis. Verum quod reponit, est penitus insufficiens, cum solum recurrat ad duo jam rejecta. Primò dicit, quod motivum non sit grave simpliciter, sed solum secundum quid, quia est ex ignorantia. Secundò vult, quod argumentum non dicatur grave, nisi ex respectu ad veritatem, alioquin motiva fidei Christianæ non essent gravia, quia comparatione factâ

ad omnes aliarum Religionum professores vim non habent, nec gravia sunt nisi respectu paucissimorum. Hæc responsio est planè insufficiens ut constat ex dictis. Verum præter hæcenus dicta in contrarium, falsum est quod hic dicit, gravitatem fundamentorum, seu probabilitatem involvere respectum ad ipsum verum, sine quo nulum argumentum est grave, quantumvis tale videatur. At hoc est apertè falsum ex mente omnium, quia omnes apertè asserunt, multa falsa esse probabiliora veris, ut in casu judicis ex plena probatione innocentem condemnantis, aliusque ejusmodi. Præterea omnes fatentur, probabilitatem esse certò discernibilem, etsi veritas ipsa certò discerni non possit. At hoc esset falsum, si vera probabilitas respectum diceret ad ipsum verum reale, tunc enim certificari non possemus de probabilitate aut fundamento gravi, nisi de ipsa veritate pariter certificaremur.

ASSERTIO IV.

Motiva, contrariantia opinioni certò probabili, sæpè notabiliter sollicitant intellectum ad assensum, licet intellectus ille absolute existimet opinionem illam esse & veram, & certò probabilem.

20. **P**ROBATUR. Experientia constat, fideles, firmissimè credentes fidei mysteria, sæpè sollicitari ad discredendum ob argumenta, quæ ipsis in contrarium obijciuntur. At mysteria sunt non solum probabilia, sed certa, etiam in contradictione omnium argumentorum, quæ inimici fidei, vel diaboli ipsi in contrarium obijcere possunt. Rurſus intellectus illa admittit ut vera & certa, & tamen aliquando in sensu composito notabiliter sollicitatur ad discredendum. Ergò à fortiori sollicitari potest ad discredendum illis, quæ solum sunt probabilia, & non certò sed formidolosè & probabiliter habentur vera. A fortiori, inquam, quia motiva incerta minorem habent vim contra motiva opposita certa, quam contra incerta; quivis enim excessus in motivis unius partis minuit vim motivorum alterius partis ut patet. Ergò si, non obstante certitudine fidei, cui intellectus actu adhæret, motiva, fidei contraria, vehementer sollicitent ad dissensum; eadem motiva fortius eundem impellerent, si pro fide sua non certa, sed solum probabilia & incerta motiva haberet.

21. Confirmatur. Omnes quotidie experimur formidinem deceptionis in assertionibus, quas solum credimus esse probabiliter veras. Eò autem major est ista formido, quò clariùs consideramus motiva in contrarium. Ergò motiva illa notabiliter sollicitant ac movent intellectum in sensu composito motivorum contrariorum, etiam quando prævalent, & ad verum & certam probabilitatem pertingunt. Necesse enim est, aliquas ex opinionibus, quas tanquam probabiles defendimus, esse verè & certò probabiles.

22. Confirmatur secundò. Sæpè levia judicia notabiliter sollicitant ad temerè judicandum contra proximum, etsi ex argumentis longè majoribus & prævalentibus absolute putemus illum esse innocentem. Ergò judicia multò majora longè validius intellectum stimulant, si argumenta pro innocentia simul non crescerent. Et quidem hæc pugna inter argumenta utriusque partis in uno

Motiva cõ-
traria opi-
nioni cre-
ditæ veræ,
notabiliter
sollicitant
ad assensum
contrarium.

Formido o-
pinionis id-
ipsum con-
firmat.

Item de illis
multitudine
merè judi-
candum.

uno eodemque Instanti sentitur, tum quia experientia id testatur, tum quia alioquin nulla esset pugna aut lucta, nam qui hoc anno stimularur ad credendum unum sine stimulo ad oppositum, & anno sequenti stimularur ad oppositum sine stimulo ad prius, nullam luctam sentit, quia in nullo Instanti resistantiam aut difficultatem experitur. Ergo ut sit lucta, ac resistantia, pugna unius motivi pugnae alterius coexistere debet. Demum hoc ipsum fusè probavi *quæst. 9. de Consc. prob. num. 9. & seqq.* ubi plura de hac re invenies.

ASSERTIO V.

Sæpe utraque pars contradictionis, tam quoad se, quam quoad nos, est simul verè probabilis eidem intellectui, quamvis intellectus absolutè existimet partem alteram esse veram, alteram falsam.

Utraque pars contradictio. nis potest simul esse probabilis eidem intellectui, tam quoad se, quam quoad nos.

23. PROBATUR Assertio contra Celladeum *lib. 2. quæst. 8.* Illa motiva dicuntur graviora & probabiliora quoad nos, quæ nobis apparent tanquam digna assensu. Illa verò sunt probabiliora quoad se, quæ verè sunt digna assensu, & sufficientia ad fundandum assensum rationabilem ac prudentem. His pro terminorum explicatione dictis, sic arguo. Inprimis, quod utraque pars sæpe sit probabilis quoad nos, & communis gravissimorum Auctorum confessione, & omnium peritorum experientiâ facis testatum est. Ex Auctorum quidem confessione, quia plurimi post omnia utriusque partis argumenta diligentissimè ponderata, ita uni parti subscribunt, ut tamen apertè fateantur opinionem contrariam esse valde probabilem. Ergo utraque pars illis videtur valde probabilis, etsi una alteri ab illis præferatur. At hi ipsi Auctores expressè declarant, se nomine opinionis valde probabilis intelligere opinionem magnis, gravibus ac rationabilibus fundamentis stabilitam. Ergo quoad illos utraque pars simul est probabilis, & habet fundamentum valde grave. Idem etiam ex peritorum experientia constat, quia ex assertione antecedenti certum est; fundamenta, propriæ sententiæ contradicentia, sæpe esse tantæ efficiæ, ut intellectum vehementer stimulent ad assensum oppositum. Hunc stimulum omnes experiuntur, dumque illum ejusque qualitatem considerant, agnoscunt & fatentur illum esse talem, etiam in contradictione motivorum, quibus ipsi assensum præbent, ut si aliquis ex imperio voluntatis illi, opposito rejecto, assensum præberet, non temerè, sed rationabiliter, ac prudenter opinaretur. Hoc enim apud illos est opinionem esse probabilem. Imò quod plus est, vident & existimant motiva illa esse tam graviora, ut ab aliis viris doctissimis non immeritò præferantur illis, quæ ipsis magis probantur. At hoc est, motiva utriusque partis esse probabiliora & graviora quoad nos, ut patet.

Quam etiam quoad se.

24. PROBATUR secunda pars de probabilitate quoad se. Probabilitas quoad se non est nisi apparentia digna assensu. At apparentia utriusque partis talis est etiam in contradictione motivorum contrariantium; quia videmus plures prudentes ab his contra illa allici ad assensum, & alios complures illis motivis contra hæc assensum præbere. At apparentia, quæ virum prudentem, non temerè, non ex passione, sed sicut virum probum & peritum oportet judicantem, inducit ad assensum, est digna assensu, verè magna, & proba-

R. P. A. Terilli Regula Morum. PARS I.

babilis. Ergo motiva utriusque partis verè & quoad se sunt simul probabiliora, idque respectu ejusdem intellectus, qui hæc omnia rectè percipit, quamvis unam partem alteri actu præferat.

25. PROBATUR secundò. Motiva contraria non ita se elidunt, quin utrumque alliciat intellectum contra alterum, ut constat ex assertione 3. Hoc posito sic. Illa apparentia est verè probabilis, quæ tanta est, ut ex omnibus illi æqualibus plures connectantur cum veritate quam cum falsitate. At apparentia veritatis pro utraque parte potest simul esse tanta, etiam respectu ejusdem intellectus, ut fusè ostendi *quæst. 2. num. 13. & seqq.* nem *quæst. 5. num. 16. & siqq. de Consc. prob.* ubi etiam argumenta in contrarium dissolvi. Ergo utraque potest esse simul verè probabiliora quoad se.

26. PROBATUR tertio. Probationes istæ maxime procedunt de motivis dissimilibus, quæ secundum quid mutuo excedunt se invicem; qualia sunt motiva opinionum contradictoriarum, quas scholæ & Auctores communiter amplectuntur, & apertè ore vocant valde probabiles. Jam si loquamur de istis motivis inter se colluctantibus, illa sumi possunt: primò, prout se habent in intellectu pro priori ad omnem assensum aut affectum uni parti impensum; secundò prout se habent pro posteriori ad affectum & assensum uni parti prælitum. Hoc posito, sic arguo. Apparentia veritatis consequens affectum & assensum absolutum de rei veritate longè major est, quam quæ præcessit affectum & assensum, quia per assensum pars credita judicatur esse absolutè vera, & pars opposita ut absolutè falsa contemnitur, ut fusè ostendi *quæst. 8. de Consc. prob. num. 25. & seqq.* de quo etiam nonnulla dixi *quæst. 3. num. 16. in eodem tract.* Rursus, quod una pars contradictionis verisimilior apparet, eò altera, si motiva illius non crescunt, apparet minùs verisimilis, ut per se patet. Ergo motiva reprobata minùs fortia apparent post assensum motivis oppositis prælitum, quam antea apparerent, quia illa non crescunt, opposita autem crescunt; quippe quæ absolutè præferuntur & judicantur vera, cum illa absolutè repudientur ut falsa. At apparentia veritatis pro parte repudiata est valde magna & notabiliter impellit intellectum ad dissensum, etiam consequenter ad judicium, quo absolutè contemuntur ut falsa. Et sanè hæc apparentia tanta est in contradictione totius apparentiæ contrariæ, ut sæpe ab ipsis, qui illam respuunt, vocetur probabilis, valida, & gravis. Ergo à fortiori apparentia illa pro priori ad talem affectum & assensum erat valida, cum esset multò major saltem comparative, quam jam sit, & intellectum multò vehementius stimuleret. Ergo pro illo priori erat simpliciter gravis, simpliciter valida ac probabilis, & apta sine dubio ad impetrandum assensum à probo & perito. Jam apparentia probabilis potissimè desumenda est à magnitudine stimuli intellectualis, qui omnem assensum & affectum uni parti impensum antecedit, ut patet, & ostendi *quæst. 2. de Consc. prob. num. 13.* Ergo utraque apparentia in eo statu sumpta (in quo præsertim sumi debet ut rationalis ac vera apparentiæ magnitudo cognosci, ac quasi mensurari possit) est verè magna, simpliciter valida, absolutè rationalis, non temeraria, sed assensu digna, & verè probabilis.

27. PROBATUR quartò. Illa sententia non potest non esse probabilis, cujus motiva, & in se, & relatè ad argumenta opposita sunt talia, ut post omnia considerata impetrare potuerint assensum à

Secundaria tio.

Motiva per. tis repudia. te maj. ra sunt in actu primo quâ post assensum alteri parti prælitum.

Numerus Auctorum utriusque r. ti faventium probat, &

eramq; esse
simul probabilem.

viginti viris maximè probis ac doctis. Manifestum enim videtur, quòd viginti viri graves & docti, post omnia utrique parti faventia diligenter considerata, non possint in unam convenire sententiam, nisi illa habeat fundamentum grave, verè magnum, & assensu dignum. Præterea, auctoritas tot Auctorum, post omnia in contrarium considerata, conspirantium in eandem sententiam est motivum extrinsecè probabile, quia per se patet, quod talis auctoritas plerumque nec fallatur nec fallat. Si enim de tali auctoritate dici non possit, quod plerumque non erret, frustra talem quæreremus, aut illi habitæ staremus. Atqui sæpè evidens est, viginti Auctores maximè peritos & probos, post omnia considerata, stare pro una, & totidem pro altera parte contradictionis. Ergò aliquando utraque pars contradictionis est simul & semel probabilis; idque tam extrinsecè, quàm intrinsecè; quia in hoc casu extrinseca probabilitas convincit probabilitatem intrinsecam non deesse. Et sanè cum totum hoc simul clarè innoscat eidem intellectui, tam illi, qui absque iudicio ulli partialigato utraque motiva considerat, quàm illi, qui actu unam partem ut absolute veram approbat, necesse est, ut utraque pars aliquando simul appareat, sit, & agnoscat esse probabilis, tam quoad se, quàm quoad nos; idque ab uno eodemque intellectu, etiam ab illo, qui unam partem iudicat esse veram, & alteram falsam. Et hoc est, quod Auctores gravissimi tradunt, quando affirmant, opinionem suæ sententiæ contradictoriam esse valde probabilem.

Aristoteles à nobis stat.

28. Demùm, dubium non est, quin hæc sit mens expressa Philosophi in libro *Rhetor.* quem supra num. 17. citavi. Porro quod utraque motiva valde grava sint eidem intellectui, tam clarum, experientiaque communi tam conforme videtur, ut nemo de rei veritate merito dubitet, si terminis utamur in legitimo eorum sensu ab Auctribus usitato, qui omnes communiter assentunt, pondus seu vim stimuli intellectus dici & esse magnam relatè ad intellectum humanum, & ad insuperabilem ejus ignorantiam, ac pronitatem ad assensum in rebus incertis. At motiva utriusque partis sunt tam efficacia, ut relatè ad ista non possint non dici verè magna, & simpliciter grava. Ergò utraque sunt verè simul probabilis. Qui plura cupit de hac re legat *quæst. 8. de Conf. prob. num. 16. & seqq.* & Martinum de Esparza in *Appendice art. 94. & seqq.* Ubi rem hanc tum ex mente Aristotelis, tum ex rationibus solidè declarat, & meo iudicio convincit. Plura etiam ad idem spectantia dicenda erunt in objectionum solutione, quam aggredior.

Motivum relatè ad quid dicatur magnum?

SOLVUNTUR OBJECTIONES.

Obiectio 1.

OBJECT primò. Duo contradictoria nunquam nobis proponi possunt ut simul opinabilia, seu digna assensu, quia motiva concurrentia vel sunt æqualia, vel inæqualia. Si æqualia, nulli parti assentiri possumus; si inæqualia, omnem assensum suspendere possumus, sed si dandus sit, necessariò dandus est parti melius fundatæ, & probabiliori. Ergò utraque pars non potest esse simul opinabilis. Ita Celladeus lib. 2. *quæst. 8. §. 2.* ubi plures pro hac doctrina citat. Unde ulterius sic arguit. Fundamenta utriusque partis non possunt esse grava quoad nos, & proponi tamquam digna assensu; quia si ut talia proponerentur, & essent talia quoad nos, utique cui-libet assentiri possemus. At secundùm Auctores

dictos non possumus cuivis parti assentiri, sed vel neutri, vel solum probabiliori. Ergò utraque pars non est digna assensu quoad nos. Ergò utriusque partis fundamenta non sunt simul grava quoad nos.

Respondeo, motiva concurrentia, sive æqualia sint, sive inæqualia, dupliciter considerari posse: primò, antecedenter, prout proponuntur intellectui in actu primo ante omne iudicium de alterius partis veritate, aut de comparatione motivorum inter se, eorumque excessu, vel defectu. Secundò, prout concomitanter aut consequenter se habent ad iudicium de alterius partis veritate, aut de mutuo illorum excessu vel defectu. Si sumantur in hoc secundo sensu, ego quidem fateor intellectum flecti non posse ad assensum ullius ex partibus, quas ipse actu reputat esse æquales, & multò minùs ad assensum partis, quam reputat minùs probabilem, quamvis multi contrarium sentiant. Ratio est, quia tale iudicium comparativum excludit assensum de absoluta veritate cuiusvis partis, nisi illius, quam probabiliorē reputat. Suum enim cuique opinatum probabilius est quàm oppositum. Ergò eo ipso quòd intellectus feratur in aliquod ut absolute verum, fertur in illud ut probabilius opposito. Ergò repugnat, ut simul iudicet oppositum esse æquè probabile, aut probabilius illo, quod absolute verum reputat. Jam hoc est, quod Auctores à Celladeo citati tenent, quibus subscribo, quia tam experientia, quàm ratio convincit, hanc eorum sententiam esse veram. At si loquamur de fundamentis primo modo consideratis, falsum est, quod voluntas flectere nequeat intellectum in assensum partis, quæ, antecedenter ad omnem affectum aut iudicium absolutum vel comparativum, æqualiter aut etiam minùs illum trahebat ad assensum. Similiter nego omnes aut potissimos ex Auctoribus à Celladeo citatis quidquam huic resolutioni contrarium tenere. Quòd si quis in terminis expressis (quod non credo, nam distinctionem hanc hac in re planè necessariam apud Auctores non invenio) contradicat, illi ego pariter contradico, quia errat, nec argumentum ullius momenti pro se afferre poterit. Porro *quæstione sequenti* ostendam, voluntatem flectere posse intellectum ad assensum partis æquè aut etiam minùs probabilis, modò intellectus de motivorum excessu comparationem non instituat, antequam iudicium de alterius veritate proferat.

30. Hinc habemus, duo contradictoria posse ita proponi intellectui, ut utrumque sit opinabile ac dignum assensu divisivè, quamvis juxta multorum opinionem, cui subscribo, neutrum sit opinabile, si iudicium feratur de utriusque motivi æqualitate: existimo enim neminem actu opinari posse partem, quam actu minùs probabilem reputat; stat ergò utramque contradictionis partem esse posse simul divisivè opinabilem ab uno eodemque intellectu, idque ob motiva, & quoad nos, & quoad se verè grava ac probabilis.

31. Deinde respondeo, utramque partem iudicari posse probabilem ac dignam assensu aliorum, etsi intellectus sic iudicans neutri parti assentiri possit, si pars utraque sit apud illum æquè probabilis. Ratio est, quia benè videt, hoc non obstante, singulas partes apud alios peritos quam plurimos parti oppositæ prævalere. Hoc autem sufficit, ut utraque pars & quoad nos, & verè quoad se sit & habeatur probabilis, ac gravi revera fundamento fulciatur.

32. Obiect secundò: Illud fundamentum non est

Nemo assensum potest ullam partem, quamdiu iudicat utramque esse æquè probabile.

Auctores à Celladeo citati non contrariantur nobis in sensu à nobis statuto, & expresso.

Contradictoria sæpè sunt simul opinabilia divisivè.

Utraque pars credita æquè probabilis iudicari potest digna assensu aliorum.

est grave, aut in se aut quoad nos in ordine ad aliquam conclusionem probandam, de quo evidenter scimus, quod aut sit falsum, aut certe quod conclusio ex illo non sequatur. Sed de fundamentis utriusque partis contradictionis evidenter scimus disjunctivè, quod alterutrum illorum vel sit falsum, vel certe quod conclusio ex illo non sequatur. Ergo alterutrum ex fundamentis contradictoriorum non est grave neque in se, neque quoad nos. Ergo utrumque non potest esse grave. Major patet. Probatur minor. Evidenter scimus alterutram ex opinionibus contradictoriè oppositis esse falsam, quamvis determinatè nesciamus quæ sit vera, quæ falsa. Eadem autem evidentiâ scimus alterutra ex illarum fundamentis, aut falsa esse, aut nulla in ordine ad conclusionem, quia si utraq; essent vera, & legitimè concluderent pariter utraque conclusio esset vera, quod est impossibile. Ergo evidens est, alterutra vel esse falsa, vel non inferre conclusionem. Ergo sicut non possumus judicare utramque simul conclusionem esse veram, ita neque possumus judicare utraque simul fundamenta esse gravia, cum sicut falsitas alterutrius conclusionis indeterminatè nobis evidenter constet, ita nobis evidenter constet falsitas vel nullitas alterutrius fundamenti indeterminatè. Ita Celladeus §. 3.

Ex motivis opinionum contradictoriarum alterutrum vel est falsum, vel non tunc inferre conclusionem.

Gravitas motivi non tollitur per hoc, quod sciatur vel illud vel oppositum esse falsum, vel non concludere.

33. Respondeo, minorem quidem esse veram, sed majorem esse certò falsam, nisi legitimè intelligatur. Quare distinguo majorem. Illud fundamentum non est grave vel in se vel quoad nos, quod determinatè scitur vel esse falsum, vel non probare conclusionem, concedo majorem; quod solum indeterminatè scitur vel esse falsum, vel non inferre conclusionem, nego majorem. Jam disparitas inter hæc duo est evidens, quia quod determinatè scitur esse falsum, nullam habet vim ad movendum, ideoque non habet notionem fundamenti aut rationis probantis, & consequenter est incapax ut denominetur fundamentum grave, aut ratio validè trahens. Idem dico de eo, quod est verum, sed evidenter scitur non probare conclusionem: illud enim non habet rationem argumenti, & consequenter nec argumenti gravis, quia nullatenus movet ad conclusionem inferendam, cum evidenter sciatur carere aut veritate, aut debiti ad ritè inferendum connexionem. At si loquamur de eo, quod solum indeterminatè scitur aut esse falsum, aut nil inferre, aliter se res habet; quia sicut hoc non aufert rationem motivi actu impellentis ad assentiendum conclusioni utriuslibet, ita neque tollit rationem motivi notabiliter ac validè impellentis, ut constat ex dictis. Jam sicut motivum seu fundamentum dicitur tale, quia impellit ad assensum, ita dicitur motivum seu fundamentum grave, si notabiliter aut vehementer alliciat. Ergo quod non tollit à fundamento actu movere & vehementer allicere, non tollit rationem fundamenti aut gravis motivi, ut patet. At scientia de dicto alterutrius fundamenti defectu neutrum ex illis tollit. Ergo non tollit rationem motivi gravis. Ergo fundamenta utriusque partis possunt simul esse magna & gravia.

Falsitas argumenti aliunde ostenditur.

34. Sed, ut clariùs videas falsitatem majoris in sensu negato, applica illam primò ad duos intellectus, & videbis quod non subsistat. Quamvis enim ego sciam fundamenta alterutrius vel esse falsa, vel nil concludere, ex hoc tamen non scio, quod alteruter careat gravi motivo, aut quoad se, aut saltem quoad nos; immò possum evidenter scire oppositum, ut constat ex 1. & 2. assertione. Ergo propositio illa est certò falsa in sensu negato,

si referatur ad duos intellectus. Eadem autem, aut similis ratio & exceptio locum habet respectu ejusdem intellectus, ut patet. Applicata secundò majorem ad fundamentum aliquod particulare, puta ad illud quod habet iudex, qui deceptus condemnat innocentem legitimè convictum reum. Tunc major illa debet hoc modo efferi. *Illud non est fundamentum grave in se, quod aut est falsum, aut non inferre conclusionem.* Et sanè Celladeus ipse eam ita proponit §. 5. ut probet alterutrum ex motivis non esse grave quoad se, unde inferre nullum fundamentum falsum aut fallens esse posse grave in se. Verum ex dictis in prima assertione certissimè constat, multa argumenta falsa & fallentia esse gravia, immò quoad se gravissima. Ergo major illa certò falsa est, quamvis Celladeus eam pro indubitata habeat.

35. Objicit tertio. Voluntas potest eligere alterutrum ex duobus bonis æqualibus vel inæqualibus, quia utrumque est verè bonum. Nam honestas unius partis contradictionis non excludit delectabilitatem ab altera, ut patet. Itaque non est mirum, quod voluntas in alterutrum ferri possit, cum in utroque suum objectum inveniat. At veritas unius partis contradictionis tollit veritatem alterius partis. Unde non possumus credere utramque partem esse veram, quia scimus alterutram esse falsam. Deest ergo veritas, quæ est objectum intellectus. Ergo intellectus non potest flecti ad assentiendum utrisvis parti. Præterea si duo cibi perfectè æquales proponerentur voluntati, & intellectus certò sciret alterum esse fictum, alterum verum, voluntas non posset ullum eligere. Ergo similiter intellectus non potest flecti in assensum alterutrius ex contradictoriis, quia scit alterum esse falsum. Ita Celladeus §. 5.

Respondeo, veritatem realem esse primum objectum intellectus, aliòquin nulli falso assentiri posset, quia in eo non inveniret suum objectum. At certum est, quod præbere possit assensum falso, dummodo appareat verum. Ergo verum apparens est objectum falsum secundarium intellectus. Idem valet de bono respectu voluntatis, siquidem constat, utramque potentiam moveri ab objecto tantum apparente. Jam voluntas non solum ferri potest in alterutrum ex duobus bonis realibus inæqualibus & dissimilibus, sed etiam in bonum fictum & imaginarium, modò ipsi repræsentetur ut verum. Unde nullatenus admittenda est opinio Celladei dictis, voluntatem eligere non posse inter duo bona, quorum alterum esset certò verum, alterum certò fictum. Contrarium enim constat ex dictis quæst. 8. & 9. de Consci. prob. Unde pariter è contrario sequitur, intellectum à voluntate flecti posse in assensum illius, quod determinatè apparet verum, quamvis certò sciat illud vel oppositum esse falsum, quia in quavis parte determinatè sumptâ invenit proprium suum objectum, nempe verum determinatè apparens.

Objectum intellectus est verum apparens, & non tantum verum reale.

36. Objicit quarto. Si vir gravis & fide dignus dicat tibi aliquid, prudenter ei credis. Mox occurrat alius æquè gravis ac fide dignus & dicat oppositum, jam neutri credis, quia alter est alterius impugnatio. Præterea, uterque non potest esse fide dignus quoad rem, in qua sibi contradicunt; esse enim fide dignum est nullum dari fundamentum existimandi, quod fallatur, aut fallat. At in casu posito certò scis, quod alteruter fallatur, aut fallat, Ergo nequis judicare: Neuter fallit nec fallitur. Ergo nequis dicere, Uterque est fide dignus. Ergo asserta contradictoria non possunt simul esse proba-

Objectio 4.

probabilia extrinsecè, & gravi auctoritate comprobari. Ita Celladeus §. 5.

Aliter tamen, aliter Auctores si dem meretur.

Respondeo, casum objectionis dupliciter contingere posse: primò, quando uterque præterdit certam scientiam rei, de qua loquimur, ideoque illam affirmat tamquam testis de visu: secundò, quando singuli opinionem suam solùm proferunt, dicuntque se ita existimare ob rationes valde graves, quibus moti sunt ad ita sentiendum. In primo casu fateor, neutram partem esse probabilem illi, qui hanc testium dissensionem perpendit. Ratio est, quia evidens est alterum mentiri, omni- que ratione destitui ad probandum quod dicit. Similiter evidens est, alterum judicare contrarium ejus quod proponit; & consequenter evidens est, illum suam auctoritatem non interponere, quia fingit se judicare quod non judicat. Jam in hoc casu constat quidem alteram partem omni ratione ac auctoritate destitui, sed non constat quænam sit illa pars, cum nulla sit præsumptio pro una parte, magis quam pro alia, ut supponitur. Itaque nulla est ratio gravis ac prudens, cur uni potius quam alteri fides adhibeatur. At in secundo casu aliter se res habet, quia est evidens præsumptio, quòd utraque pars, magnis rationibus mota, juxta mentem suam loquatur; ideoque non apparenter & fictè, sed verè suam auctoritatem interponat, ut fidem ab aliis obtineat. Unde neutra pars destituitur ratione & auctoritate. Porro quod dixi, tunc vel maximè locum habet, quando duo illi viri graves fatentur se omnia alterius fundamenta considerasse, eaque invenisse valde rationabilia, quamvis singuli in diversas sententias abiierint; in tali enim casu nec extrinseca, nec intrinseca probabilitas opinionibus illis sibi contradicentibus deest, sed utraque vera ac legitima probabilitate, seu gravi auctoritate, ac ratione fulcitur. Itaque in hoc casu intellectus omnia considerans, habet sufficiens fundamentum, ut per imperium voluntatis slecti possit in assensum alterutrius partis. Similiter uterque est fide dignus etiam in contradictione alterius, quia quamvis unus alium impugnet, neuter tamen expugnat alterum, sed relinquit magnam vim pertrahendi ac alliciendi animum etiam in parte contraria.

Quid requiratur, ut quis sit fide dignus?

37. Itaque uterque fide dignus est, ad quod certè non requiruntur quæ Celladeus exigit. Sic enim nullus, etsi probus & doctus, esset fide dignus, quia de unoquoque habemus fundamentum timendi quod fallatur. Quocirca ut quis sit fide dignus, duo requiruntur. Primum est, præsumptio valida, quòd non fallat, sed juxta mentem suam loquatur. Secundum est præsumptio, quod sufficienti doctrina instructus sit, ut juxta humanam capacitatem possit veritatem rimari, illamque per diligens studium invenire. Jam totum hoc convenit utrique. Quamvis enim repugnet utrumque in actu secundo veritatem attingere, quando sibi contradicunt, uterque tamen habet potentiam in actu primo sufficienter dispositam ad eam inveniendam, ideoque uterque est dignus fide.

Unde oritur ut contradicentes sibi aliquando sint digni fide?

38. Nec obstat, quod sciam alterum falli aut fallere; nam ut quis sciatur dignus fide, non opus est scire quod nec fallatur nec fallat, sed sufficit si sit ratio sufficiens ad rationabiliter existimandum quod nec fallatur nec fallat. Hæc ratio non deest in casu nostro. Ergò dicere possum utrumque esse fide dignum, quamvis sciam alterutrum falli in actu secundo; quia scio neutrum fallere, & utrumque habere dispositionem sufficientem ad

veritatem discernendam juxta capacitatem infirmitatis humanæ. Hoc autem est hominem esse fide dignum, quamvis per accidens erret in actu secundo, nec desint rationes existimandi quod erret, dummodo adsint rationes ad credendum quod non erret. At hæc omnia habentur in casu præsentis. Ergò uterque est fide dignus. Ergò contradictoria possunt esse simul probabilia & extrinsecè & intrinsecè.

ASSERTIO VI.

Utraque pars contradictionis potest esse & frequentissime est simul probabilis probabilitate reali & conscientia.

39. **H**ÆC Assertio est contra Celladeum *totam* *quæst. 10.* in qua, ut oppositum probet, Multæ Celladei æquivocationes, & falsas assertiones, per plures ex anterioribus quæstionibus sparsas, tam confertim recapitulat, ut tota quæstio mihi videatur æquivocationum ac falsitatum congeries. Porro juvat aliquid de singulis notare, quia id ipsum ad assertionem stabiliendam eo saltem nomine con- ducet, quod hæc ratione nullitas eorum, quæ Celladeus contra illam cōacervat, patet.

40. Contendit ergò inprimis, utramque partem contradictionis esse posse simul probabilem multipliciter. Primò probabilitate opinionibus dari solitâ & secundum dici, non reali & secundum esse. Sic quando una est communissima, quam turba Doctorum sequitur, sed solidâ ratione destituitur; altera paucorum, & gravi ratione comprobatur. Prima est probabilis & probabilior probabilitate opinionibus tribui solitâ, quia multitudo, quæ non rationes sed suffragia numerat, semper habebit opinionem communiorē pro probabiliori. Et tamen verè non est probabilis probabilitate reali & conscientiz. Hic paucis verbis Celladeus complectitur æquivocationes, atque falsitates in superioribus observatas & detectas. Insinuat inprimis, aliam esse probabilitatem opinionibus dari solitam, aliam verò probabilitatem realem, quæ conscientiz formandæ sufficit. Hoc autem *quæst. 16. & alibi* sæpè ostendimus esse apertè falsum. Secundò confundit non valentes discernere fundamenta & rationes cum valentibus illas discernere. Jam illis probabile est ab extrinseco, quod ab omnibus communiter docetur, & necessariò manebit probabile, quamdiu tenetur communiter, & non sufficienter illis constat, opinionem illam sufficienti ratione destitui. Itaque, ipso Celladeo fatente, imperiū excusantur; si sequatur talem opinionem, quia si diligentiam præmiserint, sequuntur id, quod gravi quoad eos auctoritate fulcitur. Unde sequitur, illos habere probabilitatem realem & conscientiz, quia per hoc non intelligimus aliud quàm probabilitatem per quam excusantur à peccato, qui eam sequuntur. Quod si loquamur de paucis, qui norunt nullitatem fundamenti communis sententiz, illa non erit probabilis apud ipsos, ut patet. Unde sequitur utramque contradictionis partem esse posse simul probabilem pluribus, etiam in hoc casu, non per imaginariam & à Celladeo confictam distinctionem diversarum specie probabilitatum, sed per veram ac realem probabilitatem extrinsecam, vel intrinsecam, quas solas scholæ Catholicorum hætenus norunt & adscribunt.

Primus ejus error.

Secundò non distinguit inter peritos & probos.

Iterum e-
fundis rudes
& petros.

41. Secundo, ponit casum, quod particularis opinio unius aut paucorum sit certa. In hoc casu, inquit, opinio communis opposita non erit probabilis probabilitate verâ ac reali, quamvis sit probabilior probabilitate existimatâ, & opinionibus tribui solitâ. Hic iterum redit confusio de scientibus & nescientibus rationes certas pro altera parte. Certè communis opinio non est probabilis iis, qui certò norunt illam esse falsam. E contra communis opinio est verè probabilis iis, qui post diligentem veritatis indagacionem nil certi contra illam invenerunt, sed valuis rationibus stimulari illi subscripserunt. Ecce neque hic locus est pro diversis, & confictis illis probabilitatum generibus.

Figit pro-
babilitates,
quæ non
dantur.

42. Tertiò, vult, utramque partem contradictionis esse posse probabilem probabilitate negativâ, non positivâ. Verùm jam supra *quæst. 28.* clarè patuit, distinctionem hanc esse nullam, sed à Celladeo contra omnem auctoritatem ac rationem purè confictam.

Aliæ distin-
ctiones jam
rejectæ.

43. Quarto contendit, utramque partem contradictionis non posse esse simul positivè, simpliciter, & verè probabilem, seu quod idem est, gravi fundamento confirmari, sed alteram semper esse solùm probabilem secundùm quid, quoad nos & cum addito. Unde infert, utramque non habere probabilitatem conscientiz, de quo fusè egit *quæst. 8. & 9.* Verùm hæc omnia in hac ipsa quæstione rejecta sunt, eorumque falsitas detecta.

Aliæ ejus
equivoca-
tiones.

44. Quintò, multa congerit de sophismatibus, multa de probabilitate comparativa & ad hominem, ut inter illam ac probabilitatem realem distinguat. Verùm frustra, quia illa aut ad rem non sunt, aut falsa sunt, ut ex dictis *quæst. 25. & quæst. 28.* constat.

Celladeus
torquet A-
ristotelem.

45. Sextò demùm Aristotelem torquet, ut eum in suam sententiam trahat. Fatetur Philosophum in Rhetoricis pleno ore admittere probabile contra probabile adeoque ultro fateri ac asserere, utramque contradictionis partem esse probabilem. Sed simul contendit, eam aliter loqui in Logica, & in libris Elenchorum docere, nil esse probabile, quod est purè sophisticum. Hoc est seipsum torquere, non Aristotelem interpretari. Aristoteles ubique eodem modo loquitur, neque in ipsis Elenchorum libris ullam probabilitatis distinctionem adducit, quod tamen maxime facere debuisset, si & in veritate ipsa, & in ipsius mente terminus ille tam varius, tam dissimiles, tam improporcionatas inter se significaciones haberet, ut Celladeus comminiscitur. At nil horum Aristoteles. Ergò evidens signum est, Aristotelem non distinxisse inter probabilia, sed omnia sub una eademque notione (ut alii omnes, dempto Celladeo, faciunt) accepisse & expressisse. Verùm quò tandem rapitur homo passione, aut etiam iudicio in unam partem violentè inclinato? Aristoteles in Rhetoricis lib. 2. & 1. Priorum cap. 27. rigorosissimam probabilitatis definitionem tradit, asseritque illud esse probabile quod plerumque contingit. Hanc definitionem Celladeus ipse duabus manibus amplectitur, illamque solam vult esse legitimam veræ probabilitatis definitionem. Ergò Aristoteles in Rhetoricis saltem & in Logica, dum loquitur de probabili, aliud nomine probabilis non intelligit, quàm quod expressè definierat per *plerumque contingere*. At hoc per Celladeum est verum probabile. Ergò Aristoteles ibi definit verum probabile. Et tamen, suante etiam Celladeo, agno-

vit utramque contradictionis partem esse posse probabilem. Ergò agnovit utramque esse posse verè & propriè probabilem. Quod si Celladeus non intelligat, quomodo utraque pars possit esse probabilis, si probabile definitur esse, quod plerumque contingit, legat *quæstionem 2. à num. 11. & quæstionem 15. à num. 16. de Consc. prob.* & ibi n. yllarium inveniet revelatum.

46. Rursus certum est, Aristotelem Topicorum libros libris Elenchorum opposuisse. In Topicis autem definivit probabile hoc modo. *Probabilia sunt, quæ videntur omnibus vel plerisque, vel sapientibus, atque hu vel omnibus, vel plerisque, vel maxime notis &c.* Ergò hoc est probabile, quod opposuit sophismatibus. Nec dubium, quin conclusionem ac syllogismum probabilem conclusioni ac syllogismo topistico contraposuit. Rursus certum est, Aristotelem expressè docuisse multa falsa esse probabiliora veris; ea autem absque dubio ab omni sophismate ex mente Aristotelis & omnium sensu diversa sunt; & tamen Celladeus contendit, omnem conclusionem falsam, in d. & omne principium falsum ex mente Aristotelis esse sophisticum quid, & non aliud, quàm merum sophisma. Hoc modo torquet Aristotelem, ut eum, evidenter reclamantem, ad suas partes trahat; sed verè infructuoso labore torquet seipsum, quia certum est, Aristotelem, omnesque Aristotelem sequutos per omnia contrarium sentire.

Aristoteles
contrarius
est Celladeo.

47. Itaque aliud in his omnibus Celladeus non agit, quàm ut fucum Lectori faciat, multiplicique probabilitatis à se excogitate distinctione ante ejus oculos posita, persuadent Aristotelem, gravissimosque Theologos easdem distinctiones admisisse, atque probabile conscientiz in peculiari classe collocasse. Verùm certum est, & Aristotelem, & Theologos nullam nisi veræ probabilitatis notionem admisisse, quam diversis posita materiis applicarunt. Similiter certum est, Theologos unanimiter expressè docuisse, eam probabilitatem sufficere pro conscientia regulanda, quæ opinionibus, quas vocant probabiles, tribuitur, ut ex dictis certò constat. Hæc sunt, quæ Celladeum frustra in his laborasse convincunt, quæque præmittenda fuerunt, ut fuci, quos facit, detegerentur. His autem detectis.

48. Probatur Assertio, quæ per modum Collarii sequitur ex dictis. Inprimis constat, utramque partem contradictionis saltem diversis intellectibus esse posse simul propriè ac strictè probabilem, probabilitate ad conscientiam ritè formandam requisita. Ratio est, quia utraque potest esse adeò probabilis, ut prudencissimè assensus illi tribuatur, ut oppositum omni careat probabilitate. At juxta omnium Auctorum consensum, talis est vera ac rigorosa probabilitas, & ad conscientiam ritè formandam sufficit. Ergò utraque pars diversis saltem hominibus esse potest probabilis probabilitate verâ, ac conscientiz. Hoc autem sufficit ad conclusionem probandam contra Celladeum, qui hoc ipsum hoc loco expressè negat.

Utraque pars
contradictionis
potest
esse simul
probabilis
probabilitate
ad conscientiam
ritè formandam
requisita.

49. Secundo, utraque contradictionis pars potest esse simul probabilis eidem intellectui probabilitate verâ, ut constat ex dictis; illa autem juxta communem Auctorum omnium consensum sufficit ad debitè formandam conscientiam, expressè enim dicunt, opinionem, quam ipsimet reputant esse minùs benè fundatam, minùsque communem, id est, opinionem tam intrinsecè quàm extrinsecè & in omni genere minùs probabilem,

Etiam re-
spectu ejus-
dem intel-
lectus.

babilem, tam quoad se quàm quoad nos, sufficere ad conscientiam ritè formandam, nec de hoc ullum illi dubium esse potest, qui Auctores legerit. Unde sic arguo. Evidens est, utramque contradictionis partem non posse habere probabilitatem conscientiz à Celladeo positam. At evidens est utramque sæpè habere probabilitatem, quam Auctores ad conscientiam debitè formandam requirunt, quia Auctores gravissimi id ipsum nominatim ac frequenter declarant. Ergò evidens est, Celladeum aliud intelligere nomine *Probabilis Conscientia*, quàm Auctores & communis sensus scholæ ac Ecclesiæ intelligant. Ergò quamvis utraque pars non habeat eam probabilitatem, quam Celladeus requirit, utraque tamen habet eam, quam Auctores exigunt, & nomine probabilitatis conscientiz intelligunt. At aliud hic non requiritur.

Tertia ratio.

50. Tertiò. Probabilitas vera & realis, ac ad conscientiam formandam sufficiens, ab Auctoribus definitur, *qua nititur fundamento gravi*. At utraque contradictionis pars sæpè nititur tali fundamento, non solum divisivè eidem seu pluribus intellectibus, sed copulativè simul eidem intellectui, ut constat ex dictis. Ergò utraque pars non solum divisivè, sed etiam copulativè habere potest probabilitatem realem & conscientiz. Hæc quamvis adeò clara sint, ut in illis pigeat diutius immorari, nihilominus antequam ulterius progrediar, juvat insignem Celladei æquivocationem, & hac in re contradictionem contemplari.

Objecta contradictoria sæpè sunt hæc.

51. Quando agimus de licito probabilium usu, disputatio cõfertur, ut quærat an ex objectis contradictoriè oppositis quodvis liceat pro arbitratu, quando pars minùs tuta est probabilis. v. g. quæritur an sicut in die Festo licet ambulare & non ambulare prohibitum, ita pro libitu liceat pingere & non pingere, modò probabile sit quod pingere non sit opus servile, sed permissum in die Festo, quamvis non desint rationes & auctoritates graves in oppositum. Respondemus affirmativè, quia altera pars est certò permixta, altera est certò probabilis, & certa probabilitas ad conscientiam ritè formandam sufficit. Jam pro utroque ex istis contradictoriis dari potest probabilitas conscientiz, etiam Celladeo non diffidente. Nam altera pars est certa, ejus autem certitudo non excludit probabilitatem de honestate alterius partis, ut patet. Ergò honestas pingendi (nam absque dubio licitè non pingitur), potest esse vera, & motivis magnis ac veris comprobari. Eo ipso autem habet probabilitatem conscientiz. Ergò utraque pars contradictionis potest esse probabilis probabilitate conscientiz. Nec argumenta Celladei contra hoc urgent, quia veritas unius non tollit veritatem alterius, ut patet.

Celladeus questionem ab objectis ad actus contradictorios transfert.

52. Verùm ipse quæstionem ab objectis contradictoriè oppositis transiit ad propositiones & opiniones formales sibi contradicentes, quarum altera est necessariò vera, altera falsa. Sed in hoc etiam sensu errat juxta propria principia, dum asserit utramque non posse habere probabilitatem veram & conscientiz. Accipio duas propositiones contradictorias. *Licet pingere in die Festo: non licet pingere in die Festo*. Hoc posito sic. Altera ex istis potest esse probabilis probabilitate conscientiz. Sit prima. Ergò ex vi illius licebit pingere in die Festo, quia qui se regulat per tale judicium non peccat, sed benè operatur. Rursus altera habet probabilitatem conscientiz, quia non peccat, sed benè operatur, qui ex illa persuasio-

ne à pingendo abstinere, cum certus sit se nullum præceptum violare, sed facere quod permissum est. Quid ergò deest, quod minùs utraque sit simul probabilis probabilitate conscientiz?

53. Dices. Deest sufficiens fundamentum: nam si pars minùs tuta melius fundamentum non haberet, non esset licita sed contra, quia si tale fundamentum excusaret sequentes partem minùs tutam, tunc illud sufficeret ad probabile conscientiz in illa materia. Ergò cum hoc fundamentum huic materiæ ac propositioni essentialiter alligetur, & sufficiat ad honestandam electionem, quam dirigit, non est cur non habeat in sua materia probabilitatem sufficienter pro regulanda conscientia.

Utraque propositio contradictoria habere potest probabilitatem conscientiz.

54. Est & alia contradictio, quam Celladeus §. 2. contra seipsum objicit, nec solvit. Contradictio in eo consistit, quod fateatur utramque partem contradictionis esse posse saltem divisivè probabilem quoad nos, quo in casu nemo peccat sequendo alterutrum, si debitam diligentiam præmisit. Rursus docet, utramque partem contradictionis non posse nec divisivè quidem habere fundamentum grave simpliciter, sed solum secundum quid. At hæc duo secum pugnant. Si enim fundamentum A est solum grave secundum quid, & non simpliciter, non faciet probabile ab Auctoribus requisitum pro conscientia. Illi enim uno ore requirunt fundamentum grave, ut quis à peccato exuletur, si selectetur partem minùs tutam. Ergò peccat, qui illo fundamento nixus operatur: vel si non peccat, habet probabile conscientiz, quia per probabile conscientiz intelligimus probabile, per quod à peccato excusamur. Ergò utraque pars erit probabilis probabilitate conscientiz. Ergò utrumque fundamentum erit grave, & Celladeus sibi contradicet, nisi faciat quæstionem de nomine, & communem terminorum significationem immutet. Hoc sibi ipsi objicit Celladeus, qui frustra conatus est contradictionem à se amoliri, ut ex solutione objectionis constabit; in illa enim proponam quomodo se defendere conetur: sed per modum objectionis doctrinam propono, quia eadem æquo jure contra assertionem positam objici potest.

Celladei contradictio, quam sibi objicit, & non solvit.

SOLVITUR OBJECTIO.

55. **O**BJICIT. Plus est habere probabile conscientiz, quàm habere dispositionem exclusivam peccati, quia ignorantia invincibilis operantem à peccato excusat. At ignorantia invincibilis reperitur extra omnem opinionem, ut quando adest ignorantia purè privationis, & homo nec cogitat, nec habet unde cogitare possit de re, quam ignorat. Et tamen hæc ignorantia excludit peccatum. Ergò juxta omnes plus est habere probabile conscientiz, quàm habere dispositionem exclusivam peccati. Jam quando utraque pars contradictionis est probabilis quoad nos, altera habet fundamentum grave tantum ex ignorantia vel errore. Itaque gravitas fundamenti desumitur ab ignorantia vel errore. Ergò operans solum excusatur à peccato ex ignorantia vel errore, si debitam diligentiam adhibuit, non autem excusatur per probabilitatem, quæ solum est talis secundum quid. Unde excusaretur similiter à peccato, si absque ullo fundamento per puram ignorantiam invincibilem ignoraret obligationem. Declaratur id ipsum exemplo certi. Credat quis firmissimè ex errore invincibili aliquam legem non dari, quæ tamen datur. In hoc casu

Probabile conscientiz plus habet quàm esse simpliciter exclusivum peccati.

casu talis non peccaret juxta omnes, & tamen non ideo vitaret peccatum, quia sequeretur certum, quia illud non est certum simpliciter, sed solum apparens & secundum quid. Ergo excusaretur praecise propter invincibilitatem erroris. Idem dicendum de probabili. Ita Celladeus §. 3. Qui putat se hac ratione ostendere, & quod sibi non contradixerit, quodque utraque pars contradictionis non possit esse simul probabilis probabilitate reali, & conscientiae.

56. Respondeo, peccatum multipliciter excludi; primo per hoc, quod libertatis exercitium impediatur, ut per somnum, amentiam &c. In hisce casibus non habetur probabile conscientiae, quod proinde distinguitur a formis, per quas peccatum impediendo libertatis exercitium excluditur. Secundo peccatum excluditur vitaliter per evidentiam ac certitudinem de honestate operationis, & haec dispositio plus habet quam probabile conscientiae, ut patet. Tercio peccatum excluditur ab homine libere operante per commodam & invincibilem ignorantiam ac incogitantiam mali, quia in eo casu non sumus proxime liberi ad malum, etsi libere ponamus actus, quos omittere poteramus. Haec dispositio minus habet, quam probabile conscientiae, & accedit ad primam classem, quatenus deest libertas proxime disposita ad peccandum. Quarto, peccatum excluditur ab opere quod fit, quando, non obstante aliqua apparentia mali, homo post debitam diligentiam adhibitam rationabiliter ac probabiliter format conscientiam de honestate operis, & ex illa sic formata progreditur ad opus, & hic est casus, de quo in praesenti agitur, & quaeritur quid sit, quod a peccato excusat? Celladeus contendit hoc soli ignorantiae invincibili tribuendum esse, non autem ipsi opinioni, seu judicio probabiliter judicanti opus esse honestum. At hoc & inconsequenter dictum est, & indubitae veritati, communique omnium consensui repugnat. Certum enim est, quod exequens aliquid cum conscientia dubia, seu de quo dubitat an sit malum necne, peccet, tamen post omnem diligentiam adhibitam habeat invincibilem ac prorsus insuperabilem ignorantiam ejus, de quo dubitat. Hoc Celladeus ipse & novit, & admittit pro indubitato. Hoc omnes unanimiter agnoscunt pro certo, quia ex Deo per S. Paulum testante norunt, verissimum esse effectum illud, quod non est ex fide peccatum est. Ergo Celladeus in hoc inconsequenter locutus est, & certae veritati communique omnium consensui contradixit. Itaque certum est ipsum judicium probabilem prudenter elicited esse dispositionem formaliter exclusivam peccati.

57. Quod si Celladeus contendat, excusationem a peccato non tribui soli judicio, sed etiam ignorantiae invincibili, quia utraque ex illis ablatam peccatum non excluderetur, hoc ipsi non suffragatur, quia totum includitur in opinione ac judicio probabili, prout est probabile, & ad excludendum peccatum concurrat. Ratio est, quia Celladeus ipse ad judicium excusans requirit fundamentum quoad nos grave, & diligentiam fuisse praemissam: hoc etiam omnes requirunt, ut quis licite sectari possit opinionem probabilem. Imo si rem recte consideremus, inveniemus judicium probabile practicum non posse formari, ut juxta illud operemur, nisi in casu dubii exorti diligentia debita praecesserit, quia illa non praemissa, haud dubie unusquisque temere, ideoque non probabiliter neque ex fundamento etiam quoad nos gravi judicat rem esse licitam. Quomodo

enim potest esse aut reputari fundamentum grave, prudens, aut probabile, quod sine debita diligentia arripitur, ut causa non discussa per illud sententia decisiva proferatur? Ecce necesse est diligentiam debitam praecessisse, ut quis formet judicium probabile, etiam quoad nos, juxta mentem Celladei. Ergo judicium illud probabile per suum solum positivum est causa sufficienter exclusiva peccati, vel certe non denominatur probabile per seipsum, sed solum per adjunctionem diligentiae praemissae, & ignorantiae, quam debita diligentia superare non potuit. Quodcumque dicatur, habetur intentum, quia semper erit verum, quod judicium conscientiae, prout est probabile quoad nos (etiam juxta mentem Celladei) sit dispositio peccati exclusiva quatenus aut per seipsum solum illud adequate excludit, aut certe quatenus praesupponit diligentiam praecessisse, & ignorantiam veri fuisse invincibilem, ideoque partim ex praesuppositis ad se, partim per se peccatum excludit. At hoc est probabile conscientiae, scilicet probabile quod a peccato excusat, quodque qui bona fide sequitur, in hoc peccare non potest. Hoc enim omnes intelligimus nomine probabilis conscientiae, quia per hoc ipsum unanimiter explicamus ejus vim, dum dicimus eos, qui tali judicio regulati operantur, excusari a peccato. Itaque Celladeus sibi contradixit, nec evitare potest hanc notam, nisi quaestionem de nomine inducat, dicatque probabile conscientiae esse aliud, quam omnes hactenus per illos terminos intellexerunt.

58. Porro quod dicit, gravitatem fundamenti quoad nos desumi ab errore vel ignorantia, verum est, si loquamur de ignorantia motivi contrarii, non autem de ignorantia motivi nos impellentis, ut dictum est in hac ipsa quaest. num. 4. Verum hoc probat contra Celladeum, quia jam motivum, quatenus grave est, constituitur tale per ignorantiam motivi contrarii. Itaque si in hoc casu praesenti excusamur ratione ignorantiae, excusamur per motivum, quatenus gravis est quoad nos, quod tamen ille falsum esse contendit. Praeterea licet plus sit habere probabile conscientiae, quam habere dispositionem exclusivam peccati pro aliquo casu, non tamen est plus in casu praesenti, quando dubium oritur de honestate operis; in tali enim casu nemo excusatur, nisi per judicium probabile reguletur: si autem per tale judicium reguletur, haud dubie excusatur, nec Celladeus id negat, si judicium illud sit probabile quoad nos, & diligentia praecesserit, quae praecedere debet, ut sit quoad nos probabile. Itaque haud dubie idem sunt probabile conscientiae, & dispositio exclusiva peccati in circumstantiis, in quibus quaestio procedit. Errat proinde Celladeus, qui hanc pro rebus distinctis proponit.

59. Nec quidquam facit exemplum de certo existimato; id enim, per quod homo excusatur a peccato non est certum ipsum, sed rationabilis existimatio de certo, sicut in casu probabilitatis quoad nos, quod excusat, non est ipsum verum, sed rationabilis opinio de ipso vero; nec tamen negamus, utrumque excusari ob invincibilitatem erroris vel ignorantiae, sed asserimus hanc invincibilitatem necessario praesupponi ad tale judicium, quia si non supponeretur, judicium illud non prudenter sed temere eliceretur, & sic non ex merito propositionis objecti, sed ex prava & culpabili dispositione operantis suam certitudinem desumeret. At quae sunt ejusmodi vitio vertuntur, excusationem non merentur.

60. Demum

Peccatum multipliciter excluditur ab homine.

Exclusio peccati judicio probabili tribuitur.

Ignorantia invincibilis aut constituit opinionem practice probabilem, aut ad illam praesupponitur.

Celladeus non vitat contradictionem.

Alia ejusmodi contradictio.

Gravitas fundamenti probabilis sumitur ab ignorantia motivi contrarii.

Exemplum de certo nil probat.

60. Demum quod spectat ad assertionem positam, hæc obiectio illam confirmat, quia ostendit, quomodo utraque pars contradictionis esse possit saltem divisivè probabilis probabilitate reali & conscientiz: ostendit enim quomodo utraque habere possit motiva gravia, invincibili veritatis ignorantiz conjuncta. At hoc sufficit ad probabile conscientiz, ut ostensum est: ergo &c. Quod si loquamur de utraque parte contradictionis respectu ejusdem intellectus pro eodem instanti, argumentum nil probat, quia quod fundamentum alterius partis non graviter allicit nisi ex ignorantia veritatis contrariæ, non facit quominus illud sit verè & propriè grave, ut ostensum est. Itaque cum ex dictis constet, fundamenta utriusque partis posse simul vehementer allicere eundem intellectum, constat utrumque etiam in contradictione alterius, esse posse fundamentum grave.

SOLVUNTUR OBJECTIONES,

quas Celladeus demonstrativas reputat.

Obiectio 1. 61. **O**BJECIT primò. Probabile ab extrinseco fundatur, aut consistit in peritia, in scientia, in doctrina unius aut plurium, qui affirmant illud ita se habere. Sed nullæ conclusiones contradictoriæ simul habent pro se peritiam, & doctrinam Auctorum illas docentium, quia alterutra falsa est; quæ proinde supponit imperitiam, ignorantiam & errorem in Auctoribus illam docentibus. Ergo nullæ conclusiones contradictoriæ simul esse possunt probabiles ab extrinseco. Ita Celladeus lib. 2. quæst. 11. §. 1.

Probabile ab extrinseco consistit in probitate & peritia loquentis.

Respondeo tantum abesse, ut hoc argumentum sit demonstrativum, ut ne quidem habeat ullam probabilitatem. In primis probabile ab extrinseco consistit in veritate docentis. Veritas autem duplicem loquentis dispositionem involvit: altera est probitas, ratione cuius non vult fallere: altera est peritia, ratione cuius rationabiliter præsumi potest, quod non fallatur; non enim requiritur peritia, quæ nunquam fallitur, ut omnes, etiam Celladeus, & supponunt, & fatentur: sicut enim verum ac legitimum probabile, tam per Aristotelem quam per ipsum, non est illud quod nunquam fallit, sed quod plerumque non fallit, etsi fallat aliquando; ita peritia, scientia, & doctrina requisita ad probabilitatem extrinsecam, non est peritia quæ nunquam fallitur, sed solum quæ hic & nunc prudenter præsumitur non falli. Hoc posito sic. Probabilitas extrinseca est duplex: alia quoad se, alia quoad nos. Illa est vera probabilitas extrinseca quoad se, quæ verè & realiter in duplici illa dispositione consistit. At vera probabilitas extrinseca quoad nos consistit in illis ipsis dispositionibus non ut realiter existentibus in seipsis, sed ut rationabiliter præsumptis. Sic plures sunt, qui apud vulgus magnam scientiæ & probitatis famam adepti sunt, & communiter tales audiunt, quamvis aliquando nec probi sint, nec periti, sed non raro & fallantur & fallant. Nihilominus evidens est, quod imperiti prudenter stent dictis ab illis; quod nec verum esset nec evidens, nisi illi sufficiens fundamentum haberent ad ita sentiendum. At hoc fundamentum non consistit immediate in ipsa veracitate loquentis, illa enim nec existit, nec per se innotescit. Ergo consistit in funda-

mento præsumptionis prudentis de veracitate loquentis. Hoc autem fundamentum est ultima forma denominans probabilia quoad nos, quæ alii nobis proponunt ut vera. His quæ certa sunt, præmissis.

62. Distinguo majorem. Probabilitas extrinseca quoad se consistit in ipsa reali veracitate docentis, concedo: probabilitas quoad nos consistit in illa, nego majorem: consistit enim in ea ut merito præsumpta, seu in motivis prudentis præsumptionis de illius præsentia. Atqui evidens est, utramque partem contradictionis simul esse posse extrinsecè probabilem hoc modo quoad nos, quia duo contrariæ docentes, singuli apud singulos auditores, habere possunt magnam & rationabiliter præjudicatam opinionem de sua veracitate. Ergo duo illi auditores possunt simul habere probabilitatem extrinsecam quoad nos de objectis, quibus assentiuntur. Assensus autem illorum sunt propositiones contradictoriæ. Ergo duæ propositiones contradictoriæ possunt simul esse probabiles extrinsecè quoad nos.

Quid est probabilitas extrinseca quoad se, quid quoad nos?

63. Rursus, si loquamur de probabilitate extrinseca quoad se, iterum distingo majorem. Probabilitas extrinseca consistit in peritia, scientiâ, ac doctrina loquentis, quæ in rebus incertis communiter appellatur peritia, scientia, & doctrina, & merito præsumi potest conformis objecto, concedo majorem; in illa tantum quæ est aut certa & evidens, aut reipsa objecto conformis, nego majorem. Nec ego tantum illam nego in hoc sensu, sed omnes mecum sentientes habeo; nec Celladeus vel unum Auctorem nominatum inveniet, qui aliud pro probabilitate extrinseca requirat. Itaque adeo certum est, distinctionem hanc veram ac legitimam doctrinam continere, ut oppositum non sit probabile, ne plus dicam de indubitata ejusdem veritate. Jam majori in hoc sensu acceptâ, minor sub eadem distinctione transmitti potest, aut simpliciter negari; quia utraque pars contradictionis habere potest peritiam & scientiam pro se. Nec obstat, alteram partem esse falsam, nam quod falsum est, iudicio tam benè fundato affirmari potest, ut illud iudicium reputetur & sit peritum, doctum, ac scientificum, eâ peritiâ, doctrinâ, ac scientiâ, quam in rebus incertis ac propriè inscibilibus ab humano intellectu sperare possumus, & cuitales denominationes communiter tribuuntur. Sic S. Thomas v. g. Scotus & alii viri primarii dicuntur & verè sunt periti Theologi, quia in omnibus valdè rationabiliter discunt, etsi in aliquibus errent & fallantur. Itaque tantum abest ut conclusio Celladei demonstretur, ut è contrario ex argumento illius ritè intellecto sequatur, utramque contradictionis partem esse posse simul probabilem probabilitate extrinseca, tam quoad se quam quoad nos.

64. Sed, inquit, pars falsa supponit imperitiam, ignorantiam, & errorem in mente errantis. Ergo non jungitur cum peritia, scientia, & doctrina.

Peritia & scientia dupliciter dicitur strictè & late,

Respondeo. Pars falsa jungitur quidem cum imperitia, ignorantia & errore, si isti termini accipiantur in strictissima significatione, quâ plerumque utimur in logica. At jungitur cum peritia, & doctrina, si termini illi sumantur in communi ac usitata significatione; quia haud dubiè eos judicamus, ac cum veritate vocamus peritos, qui in rebus incertis ac à nobis indemonstrabilibus ex tanta verisimilitudine discunt, ut merito præsumi possint non falli, tamen ex imbecillitate condi-

conditionis humanae forte fallantur. Alioquin neminem dicere possemus esse peritum in rebus ejusmodi, quia nescimus an verum dicat, an erret. Itaque in eo consistit æquivocatio Celladei, quod terminos, quos certum est diversas significationes habere, ita adhibeat, ac si unam tantum haberent; nam in majori latam & consuetam habent significationem, alioquin propositio non est vera. Rursus in minori strictam significationem subire debent, ut propositio mereatur admitti, unde certum est argumentum continere quatuor terminos, & esse paralogismum, non demonstrationem.

Obicit sibi
Celladeus.

65. Post hanc liquidam responsionem juvat duas responsiones inspicere, quas ipse sibi Celladeus proposuit, ac ut putat refellit. Prima est, quod illud est probabile ab extrinseco, quod asseritur ab exercitato in illa materia, sive erret, sive non erret, modo post diligens veritatis examen magno, valido, ac prudenti fundamento motus ita dicat. Jam certum est, quod utraque pars contradictionis ex tali fundamento simul affirmari possit à diversis saltem intellectibus, ut constat ex dictis num. 16. Ergo utraque pars contradictionis potest simul esse probabilis, & magno, valido, ac prudenti fundamento niti.

Nec ob-
jectionē sol-
vit.

Contra hanc responsionem verissimam Celladeus dupliciter insurgit: primò dicit, responsionem confundere probabilitatem extrinsecam cum intrinseca. Hoc verum non est, quia probabilitas extrinseca consistit in auctoritate ipsa, ac in fundamentis præsumptis. At intrinseca consistit in ipsis motivis, quibus apprehensis intellectus ad assensum impellitur. Itaque non confundimus has probabilitates, sed unam in ordine ad aliam explicamus, nec aliter fieri potest, cum una sit relativa ad alteram, ut patet. Dicit secundò, se antea ostendisse motiva utriusque partis non posse simul esse magna, valida, prudentia, sed altera esse necessariò captiosa, sophistica &c. Verum in his omnibus fallitur Celladeus; egit quidem de illis, sed nullum eorum demonstravit, aut validè probavit; sed è contrà in omnibus erravit, ut ostensum est suis locis. Deinde saltat extra chorum exemplificans in argumentis Zenonis contramotum, & hæreticorum contra fidem, dicens illa esse difficilia, non tamen magna & gravia, aut probabilia. Quid hoc ad rem? ut aliquid sit probabile, in primis & ante omnia nil certum in contrarium ob stare debet. In hisce autem casibus certitudo adest in contrarium. Ergo nulla adest probabilitas. Et tamen Celladeo lubet in istis ludere ac tempus terere; sed mihi in illis ulterius insistere non lubet.

Celladeus
non satisfac-
torius, quæ
cõtra se ob-
ijcit.

Secunda responsio, quam sibi objecit Celladeus, est, quod probabilitas extrinseca consistat in assertione Auctorum, qui plerumque non fallunt, etsi fortasse hic & nunc fallant in hac peculiari materia recondita, & incerta. Hoc verum est, quia peritia nullius in hac peculiari materia ex eo dignosci potest, quod non erret. Ergo aliunde sumitur. Itaque sumitur ex eo, quod in plerisque suis dictis non fallat. Jam certum est, quod utraque pars contradictionis à tali auctoritate affirmari possit. Ergo utraque pars potest simul esse probabilis extrinsecè.

Prima re-
plica insuf-
ficiens.

66. Contra hanc responsionem verissimam opponit primò Celladeus, quod juxta hanc doctrinam haberem probabile ab extrinseco, etsi per demonstrationem, aut Dei revelationem, scirem illum falli. Ecce iterum in eandem terminorum confusionem incidit. Si mihi aliquid sit certum

R. P. A. Terribi Regula Morum. PARS I.

& evidens, oppositum ejus nullo modo mihi esse potest probabile, sive extrinsecè, sive intrinsecè, quia motivum probabile essentialiter involvit carentiam certitudinis de opposito, ut in ejus constitutivis declaratur. Unde hoc semper supponitur in omni explicatione posteriori. Cur ergo adhuc frustra recurrit Celladeus? Præterea, etsi oppositum ejus, quod talis Auctor dicit, mihi certum sit, & consequenter ego ob meam certitudinem ad rationabilem assensum ob illius auctoritatem moveri non possim, benè tamen video, auctoritatem illius esse sufficientem ad aliam tali noticia carentem rationabiliter regulandum; quod sufficit, ut res credita sit illi probabilis extrinsecè.

67. Opponit secundò, responsionem non sufficere, quia Auctores non in una vel altera re, sed in plurimis dissident. Ergo non omnes plerumque veritatem dicunt. Sed contra est, quia licet Auctores in multis sibi contradicant, in plurimis tamen inter se conveniunt. Certè, si omnes omninò duorum exercitatorum resolutiones in omni materia accipiantur & invicem comparentur, inveniuntur in longè pluribus convenire quàm discrepare, modo cum sufficienti diligentia rem examinent. Hoc perspicuè verum est in moralibus. Accipiantur quævis duæ Summæ nominatæ, & verum inveniatur quod dico; in viginti enim convenient pro uno, in quo discrepant. Unde, semper stat, nullum esse Auctorem gravem, doctum ac diligentem, qui sæpiùs non dicat verum, quàm erret. Et sanè nisi ita esset, nemo alteri prudenter crederet in rebus ejusmodi, quia si non esset major spes credendi verum quàm errandi, stultè illi crederem. Jam spes ista fundari non potest in ista peculiari materia, quia nescio an in illa erret, nec ne. Ergo sumitur ex ipsa natura hominis, qui ita constitui debuit, & ita constitutus est, ut periti ac exercitati in discursibus, quos post materiam diligenter discussam eliciunt, frequentius verum dicant, quàm errent. Alioquin nemo post diligentiam adhibitam, rebus incertis prudenter assentiretur, aut ullus alteri rationabiliter fidem daret, quia per hoc ipsum æquali aut majori periculo errandi, quàm spei ad verum perveniendi se exponeret; quod absque dubio temerarium & imprudens est. Stet ergo, peritos, doctos, ac exercitados ita dispositos esse, ut in suis responsis ac sententiis diligenter examinatis multò sæpiùs verum dicant, quàm errent. Unde perspicuum est, quomodo utraque pars contradictionis simul esse possit probabilis extrinsecè.

Secunda re-
plica insuf-
ficiens.

Auctor pe-
ritus plerū-
que non er-
rat in suis
assertis.

68. Veritas hæc tam clara est, ut Celladeus eam ex parte non potuerit non videre. Faretur enim auctoritatem Medici vel Nautæ, cujus peritiam sæpè experti sumus, esse talem, ut meritò præsumamus illum etiam verum dicere in peculiari casu hic & nunc incerto. Sic est Celladeus, in hoc, communi omnium opinioni subscribens, verum dicis. Jam cogita duos esse medicos, quorum scientia non eidem, sed duobus modo dicto sit cognita. Ponamus jam unum illorum dicere Petro ægrotum moriturum, alterum verò Paulo affirmare eum non moriturum; in hoc casu utraque pars contradictionis erit probabilis extrinsecè, una Petro, altera Paulo. At hoc est quod nos asserimus, & tu negas. Ergo non nobis tantum, sed etiam veritatibus à te admittis contradicis.

Celladeus
veritatem
hanc igno-
scit, & sic
verè sibi con-
tradicit.

69. Obicit secundò. Ubi nulla præsumptio scientiæ & veritatis, nulla auctoritas: sed in Auctoribus sibi contradicentibus nulla præsumptio veritatis in utrimque simul.

Secunda C. L.
indici demõ-
stratio primæ
tenet.

simul. Ergo nulla auctoritas in utrisque simul. Ubi nulla auctoritas, nulla probabilitas conscientia ab extrinseco. Ergo in Auctoribus sibi contradicentibus nulla in utrisque simul probabilitas conscientia ab extrinseco. Iterum sic. Ubi totalis repugnantia ad veritatem & scientiam, nulla auctoritas. Sed in Auctoribus sibi contradicentibus totalis repugnantia ad veritatem & scientiam in utrisque simul. Nulla ergo auctoritas in utrisque simul. Nullum ergo probabile conscientia ab extrinseco in utrisque simul. Sunt verba Celladei §. 4. quæ ideo sic protuli, quia brevissimè auctoris intentum explicant. Hæc est secunda ex præsentibus ipsius demonstrationibus.

Celladeus
malè pro-
bat propo-
sitionē ap-
ertè veram.

Respondeo, majorem primi argumenti esse ex terminis verissimam, quam proinde Celladeus frustra corroborare conatus est, maxime verò ubi probat illam à priori, quia, inquit, *Omni doctrinæ auctoritas consistit in non fallere neque falli*. Frustra, inquam, quia hoc principium, ab ipso assumptum, est evidenter falsum; cum certum sit, pueros aliosque rudes sæpissimè errare in fide aliis præstita, quando credunt ob auctoritatem loquentium, qui aut fallunt aut falluntur. Ergo datur aliqua auctoritas incitans ad assensum, quæ non consistit in non fallere nec falli. Ecce Celladeus assumit propositionem apertè falsam, tamquam rationem à priori, ad demonstrandam propositionem per se notam, & à nemine negatam aut negandam. Interim omittit probationem minoris subsumptæ, dicens eam esse perspicuam, cum tamen illa palmari hallucinatione ac terminorum æquivocatione suam obscuritatem, ac etiam falsitatem prodat.

Simul dari
potest au-
toritas pro
utraq; par-
te contradi-
ctionis.

70. Hanc ut videas recordare utramque partem contradictionis affirmari posse simul à duobus ob auctoritates diversas. In hoc casu vox *simul* aliud non significat, quam judiciorum sibi contradicentium coexistentium in eodem instanti reali. Jam certum est, auctoritates illas simul existere in eodem instanti, ex quibus duo illi moventur ad judicia contradictoria, ad quæ certè non moverentur, si nullam veritatis præsumptionem haberent. Quod si dicas, utrumque veram auctoritatem non habere, quia alter errat, id demùm dicis, neminem errantem ullam auctoritatem habere, quod evidenter falsum est, cum peritus medicus auctoritatem habeat, illique ob auctoritatem ipsius prudenter credamus, tamen hic & nunc per accidens erret. Quomodo ergo caret omni auctoritate, si erret? sed esto (quod tamen apertè falsum est) omni reali auctoritate careat is, qui decipit aut decipitur, quid hoc ad rem? Minor expressè procedit de auctoritate præsumpta. At evidens est, quod in eodem instanti reali duo illi præsumere possint magnam auctoritatem de suis Auctoribus, singuli de suo, eò quòd multas & magnas ejus rationes perpendant, magnamque de eorum sufficientia opinionem ex publica fama habeant, maxime si nil in contrarium illis objiciatur. Ergo evidens est, quòd in isto casu validissima detur præsumptio veritatis: sicut & auctoritatis, in utroque Auctore simul, & pro utraque parte contradictionis simul, seu pro eodem instanti reali, maxime si nemo unus auctoritates, aut veritates illas præsumptas inter se compareret. Et tamen hic casus tam ad verificandam assertionem nostram, quam ad demonstrationem præsentem, & ipsam Celladei opinionem evertendam abundè sufficit.

Datur au-
toritas si-
mul pro u-
traque parte

71. Sed esto, loquamur de uno eodemque intellectu comparante auctoritates ac rationes sibi invicem contradicentes. In hoc sensu distinguo

minorem: nulla est præsumptio veritatis in utrisque Auctoribus simul, relatè ad collectim affirmandum quod uterque dicit, concedo minorem, quia ad hoc credendum nec ratio nec auctoritas datur, ut patet. Nulla datur præsumptio veritatis in utroque simul distributivè seu divisim affirmandum quod dicunt, nego minorem, oppositum enim constat clarissimè; simul enim coexistunt rationes & auctoritates ad assensum allicientes. At præsumptio veritatis pro utraque parte distributivè sumpta est prorsus inseparabilis ab istis rationibus & auctoritatibus simul coexistentibus in mente, à quibus ad assensum utrique parti distributivè sumptæ præbendum allicimur. Ergo datur manifesta præsumptio veritatis in utrisque simul, quamvis non pro veritate utriusque partis simul & collectivè sumptæ, sed solum pro veritate utriusque distributivè acceptæ. Labitur ergo præsentia demonstratio.

72. In secundo argumento major est falsa, quia docti post omnem diligentiam, & validas rationes excogitatas, aliquando errant in rebus veritatis necessariæ. In hoc casu Doctor, sic errans, aliquam habet auctoritatem apud imperitos. Et tamen à parte rei datur essentialis repugnantia ad veritatem in dictis ipsius habendam. Ergo falsum est, *quod nulla detur auctoritas, ubi adsit totalis repugnantia ad veritatem*. Rursus eadem major distinguitur hoc modo. Nulla datur auctoritas in aliquo, ubi repugnantia ad scientiam & veritatem in dictis ipsius reperiendam datur à parte rei, & clarè innotescit; conceditur major. Ubi datur repugnantia veritatis, sed illa non certè apparet, sed creditur abesse; negatur major. Eodem modo distinguo minorem. In Auctoribus sibi contradicentibus datur repugnantia ad veritatem & scientiam in utrisque, & semper scitur illos sibi contradicere, nego: & illud sæpè non innotescit, concedo minorem, quia quando loquimur de diversis hominibus, qui in eodem instanti affirmant contradictoria, singuli solum cogitant de suo objecto illiusque veritate, illudque credunt esse verum, & oppositum falsum, omnemque repugnantiam ad verum abesse credunt à dictis ejus, cui fidem adhibent. Unde in hoc sensu negatur consequentia. Iste autem sensus sufficit ad veritatem assertionis positæ, totumque Celladei intentum evertendum, quia probat, utrumque contradictorium posse esse simul probabile respectu diversorum intellectuum.

73. Rursus si loquamur de eodem intellectu, Alia ejusdem argumenti solutio. comparante utramque contradictionis partem, & advertente alteram esse necessariò falsam, iterum distinguo minorem. In Auctoribus contradicentibus datur totalis repugnantia ad veritatem utriusque partis collectivè sumptæ, concedo: utriusque partis distributivè sumptæ, nego minorem. Unde negatur consequentia: non enim datur auctoritas contra veritatem apertam ad affirmandum utrumque esse simul verum, quia neuter hoc cupit, nec ad hoc suam auctoritatem interponit. At datur auctoritas pro veritate singularem partium distributivè sumptarum, quia aut non datur, aut certè non apparet totalis repugnantia veritatis in hoc sensu. Nec mirum, sicut enim necesse est alterum esse falsum, sic etiam necesse est alterum esse verum. Dum ergo latet, cui parti veritas faveat, & simul dantur rationes & auctoritates tam faventes parti A contra partem B, quam parti B contra A; & illæ rationes ac auctoritates solum stimulant ad assensum partium distributivè sumptarum, manifestum est, quod in hoc sensu nulla

contradictio-
nis in eodem
intellectu.

Datur au-
toritas, ubi
in obiecto
datur repu-
gnantia ad
veritatem.

Alia ejusdem
argumenti
solutio.

nulla appareat repugnantia totalis ad veritatem in ulla ex partibus, si comparatur ad alteram, quam excludit; imò magna adest veritatis similitudo pro singulis partibus, seu pro utraque distributive sumpta, etiam quando considerantur ut simul propositae eidem intellectui in uno eodemque instanti. Ergò in hoc sensu simul datur auctoritas, ratio, probabilitas, immò & veritas appa-rens pro utraque parte. At aliud non contendimus.

Celladeus tractatur solvere argu-menta sua.

74. Atque hinc habemus, instantiam ab ipso Celladeo solvendam. Argumentum enim utrumque proponi potest contra ipsum opinari, sive opinatio sit probabilis, sive temeraria. Hoc enim parum refert ad intentum praesens. Quare sic arguo. *Ubi nulla praesumptio veritatis, ibi nulla est possibilis opinatio. At de utrisque simul contradictoriis nulla est praesumptio veritatis. Ergò nulla est possibilis opinatio de utrisque simul.* Rursum eodem modo proponitur secundum argumentum. *Ubi repugnantia veritati est perspicua, ibi repugnat opinio. Sed in Auctoribus sibi contradicentibus repugnantia veritatis in utrisque simul est perspicua. Ergò in Auctoribus sibi contradicentibus repugnat opinio de rebus contradicitoriis.* Quid diceret, Celladee, si aliquis hæc afferret, ut probaret non posse, ne quidem in diversis intellectibus, dari simul propositiones sibi contradicentes, maxime si uterque intellectus compararet motiva opposita, & adverteret utramque partem non posse simul esse veram? Rideres, arbitror, & diceret, illum terminos confundere, & inter sensum distributivum ac collectivum non discernere. Sic est. At cogita idem prorsus locum habere in tuo argumento, & fatere illud non solum non esse demonstrativum, sed aperte sophisticum & fallax, quod à te ipso & omnibus eo modo solvendum est, quo illud solvimus.

Potissima Celladei demonstratio praetensa.

75. Obiecit tertio. Contra veritatem certam & indubitam non datur probabile conscientiae, ut omnes fatentur. Hoc posito sic. Forma, quæ est impossibilis cum alia in aliquo subjecto determinatè sumpto, conjungi nequit cum illa alia forma in duobus subjectis, si exclusio formæ prioris indeterminatè necessariò conveniat alterutri illorum subjectorum. Sic scientia perfecta de aliquo objecto, quæ est impossibilis cum ignorantia circa idem in Petro, repugnat simul esse in Petro & Paulo, simulque reddere utrumque scientem, si supponamus alterutrum necessariò carere illâ scientiâ. Similiter, si necesse sit Petrum vel Paulum scire hoc objectum, impossibile est, utrumque simul illud ignorare. Sed certitudo falsitatis in una propositione, v. g. in A, est impossibilis cum probabilitate conscientiae de veritate ejusdem propositionis determinatè sumptæ. Ergò certitudo falsitatis est impossibilis cum probabilitate conscientiae simul in hac & in propositione contradictoriè opposita, etiam indeterminatè sumptis, seu cum similitate probabilitatis in utraque propositione. Sed in omni contradictione adest certitudo & evidentia falsitatis in una ex propositionibus indeterminatè sumptis. Ergò repugnat cum probabilitate utriusque conclusionis determinatè sumptæ, seu cum similitate probabilitatis in utraque. Ergò repugnat duas conclusiones contradictorias esse simul probabiles. Idem argumentum sic brevius proponitur. Repugnat ut illud idem sit tibi probabile, quod est certò ubi falsum. Est autem tibi certò & evidenter falsa alterutra duarum propositionum sibi contradicentium. Ergò utraque non potest esse tibi simul probabilis probabilitate conscientiae. Ita Celladeus.

R. P. A. Terillio Regula morum. PARS I.

deus §. 4. Et hæc est potissima ratio, cui tamquam prorsus demonstrativæ confidit.

76. Respondeo inprimis per instantiam à Celladeo aliisque omnibus solvendam. Repugnat intellectum allici, attrahi, aut impelli ad assensum objecti evidentissimè falsi. v. g. motiva & argumenta sæpè movent nos ad credendum aliquid, quamdiu veritas illius est incerta. At statim ac veritatem ipsam oculis videmus, non amplius impellimur ad oppositum propter dicta aut rationes alterius, quibus antea validè impellebamur. Hoc posito, argumentum æquè probat utramque partem contradictionis non posse simul allicere ac impellere intellectum ad assensum, ac utramque non posse simul esse probabilem. At evidens est argumentum non convincere primum, quia oppositum est certum & evidens, ut certissimè experientiâ constat. Ergò evidens etiam est, quod non convinceat secundum; non solum quia ex hac instantia evidens est argumentum esse sophisticum, etsi nesciremus ubi sophisma latet, sed etiam quia probabilitas ipsa formalis consistit in impetu illo intellectuali. Ergò si impetus ad utramque partem non excludantur, sed simul existere possint, utique & probabilitas utriusque partis simul datur.

77. Porro ut videas instantiam evidenter valere, facilitatis causâ incipio à secunda argumenti propositione, quippe quæ clarior est ac intelligibilior, quàm prima, quæ certè valde difficilis est & intricata, cum tamen Celladeus clarè loqui consueverit. Verum hoc ipsum datansam credendi, æquivocationem aliquam in argumento latere, alioquin Celladeus rem clariùs expressisset. Itaque sic formo syllogismum. Repugnat ut illud objectum te attrahat ad assensum quod evidenter tibi est falsum. Est autem evidenter tibi falsum alterutrum duorum objectorum contradictoriorum. Ergò utrumque non potest simul te attrahere ad assensum. Quid dicis Celladee? habes hic argumentum tuum sub eadem penitus forma alteri materię applicatum. Præmissæ evidentes sunt. Estne etiam conclusio demonstrativa? Nequaquam, est evidenter falsa, evidenter sophistica, evidenter nulla. Dic ergò, ubi latet sophisma? delege errorem, & ipse tu præsentam tuam demonstrationem invenies esse paralogismum. Sed ubi latet deceptio? Dicam, latet in diversa terminorum acceptione; idem enim terminus modò in determinata, modò in vaga & indeterminata suppositione sumitur. Major enim non est vera, nisi terminus evidenter sumatur in suppositione determinata. Sic si determinatè videam solem splendere, non moveor ad oppositum, eò quòd tu dicas solem non splendere: loquimur enim de splendore solis, qui determinatè sumptus est mihi evidens. Jam in minori terminus evidenter non applicatur ulli objecto determinatè sumpto, sed supponit vagè pro alterutra parte contradictionis, nec constat pro qua determinatè accipitur. Est enim mihi evidens, quod alterutrum sit falsum, sed nescio quodnam illud sit. Mutatur ergò terminorum suppositio, argumentumque ex quatuor terminis constituitur. Eadem porro responsio evidenter valet respectu argumenti contra probabilitatem utriusque partis propositi, ut patet. Itaque conclusio non subsistit. Ratio à priori est, quia sola evidentia de objecto determinatè sumpto excludit impetum intellectualem, seu representationem objectivam impellentem ad contrarium. Ergò cum evidentia veritatis de parte alterutra neutram partem deter-

Argumentum evidenter retorquetur.

Præmissa demonstratio ostenditur esse merum sophisma.

determinatè afficiat, non potest impedire, quin pars quavis determinatè sumpta actu alliciat. Et hinc est, quod utraque pars determinatè simul alliciat; & quia impetus ille tantus esse potest, quantus ad probabilitatem requiritur, idè evidentià de falsitate alterutrius partis indeterminatè sumptæ non excludit simultaneam probabilitatem utriusque partis determinatè sumptæ; non quod detur probabilitas de simultanea utriusque partis veritate, hoc enim repugnat; sed quod detur simultas duarum probabilitatum, quarum singulæ ad determinatum objectum referuntur.

Sophisma
primi syllo-
gismi dete-
gitur.

78. Eodem modo instantia, ab impetu intellectuali desumpta, fieri potest contra formam prioris argumenti, quia contra evidens non datur impetus intellectualis, sicut contra evidens non datur probabilitas conscientiz. Itaque, cum totum argumentum in hoc principio fundetur, manifestum est, formam argumenti æquè applicari ad impetum intellectualem, ac ad probabilitatem conscientiz; & facile erit unicuique argumenti formam applicare. Jam certum est argumentum non concludere contra simultatem duorum impetuum intellectualium. Ergò neque concludit contra simultatem probabilitatis utriusque partis. Ego prolixitatis vitandæ causâ applicationem omittere, & respondeo per doctrinam utriusque casui æquè applicabilem. In primis ergò distinguo principium assumptum. Contra objectum determinatè certum & evidens non datur probabilitas determinata circa contrarium, concedo: contra objectum indeterminatè tantum certum & evidens, non datur probabile certum ac determinatum, nego. Sic si videam solem splendere, non potest mihi esse probabile, quod non splendeat, quia splendor solis determinatè sumptus est mihi evidens in seipso, seu determinatè evidens, & hæc evidentià excludit probabilitatem determinatam de opposito. At quod splendor solis sit mihi evidens indeterminatè, id quod sciam solem splendere, vel non splendere, non tollit determinatam probabilitatem, quod non splendeat, quia hæc evidentià non opponitur motivo gravissimo suadenti illum non splendere, ut patet. Ergò evidentià de veritate objecti indeterminatè sumpti, non tollit probabilitatem determinatam de opposito. Jam totus discursus nritur in hoc principio, quod solum verum est in acceptione determinata terminorum; & tamen argumentum fundatur in indeterminata eorundem acceptione.

Argumen-
tum transit
ab una for-
ma ad aliã
longè diver-
sam, eodem
nomine si-
gnificatam.

79. Quod additur de formis impossibilitibus non est ad rem, quia nulla sit variatio in ipsis formis, sed illæ eadem sumuntur & comparantur cum eisdem objectis aut subiectis, ut patet. Sic si necesse sit Petrum vel Paulum scire hoc objectum, impossibile est utrumque illud ignorare, quia ignorantia est forma, quæ utrique applicata haud dubiè expellit scientiam ab utroque. At in casu nostro fit transitus ad formas diversissimas. Alia enim est evidentià quod sol splendeat, alia evidentià quod vel splendeat vel non splendeat. Imò si præse loquamur, aliud est objectum, non solum terminativum, sed vel maximè motivum utriusque. Ergò licet prima evidentià de splendore solis excludat probabilitatem de opposito, inde solum sequitur, quod eadem ipsa evidentià excludat probabilitatem ab utroque contradictorio simul sumpto, quod est evidens, quia, stante tali evidentià, impossibile est, ut utraque pars sit probabilis. At inde non sequitur, quod secunda evidentià, utpote forma diversissima, excludat

probabilitatem ab utroque opposito determinatè sumpto; quia sicut non excludit probabilitatem ab ullo determinatè sumpto, sic nec ab utroque: sicut enim nec admittit probabilitatem partis unius determinatè sumptæ, sic etiam alterius partis determinatè sumptæ probabilitatem admittit, quia eadem de utraque est ratio, sicut & de impetu intellectuali: nam sicut hæc secunda evidentià non impedit quod minùs utraque pars intellectum sollicitet, quamvis prima evidentià tollat omnem stimulum ad contrarium; ita pariter secunda hæc evidentià non tollit probabilitatem ab utraque contradictionis parte simul, quamvis prior evidentià illam tollat.

80. Hic habes fundamentum totius hallucinationis in argumento, quod in majori proponit formam aliquam peculiarem determinatam, contrariam tam probabilitati alterius partis determinatè sumptæ, quam utriusque simul, & de hac formâ vera est major. At in minori fit transitus ad aliam certitudinem & evidentiã; subsumitur enim: *At in omni contradictione adest certitudo & evidentiã falsitatis in una ex propositionibus*: Peto enim de qua certitudine & evidentiã loquaris? de illa eadem, de qua antea loquebaris in majori, an de alia aliqua? Si de eadem, minor non solum est de subiecto non supponente, sed etiam est aperte falsa, quia sæpè neutra pars, determinatè sumpta, est certò falsa. Si de alia (certum autem est quod de alia loquaris) eo ipso argumentum ruit, quia cogaris fateri, te terminos mutasse, ac sub eadem voce plura dissimilia complexum esse. Ergò cogaris fateri argumentum esse merum sophisma. Nos autem omnibus locum sophismatis ostendimus.

Locus so-
phismatis
præse ap-
paret.

81. Dices: si tibi constaret, alteram ex conclusionibus contradictoriis esse scitam ac demonstratam, etsi non constaret quænam illarum esset scita ac demonstrata, in tali casu utraque non esset tibi probabilis probabilitate conscientiz. Ergò neque de facto utraque potest simul esse probabilis, quia æquè certò scis, alterutram esse falsam, sive demonstretur, sive non demonstretur altera pars. Ita Cellædeus.

Respondeo negando antecedens, si sumatur universaliter, ut jacet, quia semper scimus alterutrum ex contradictoriis esse scitum à Deo, à Christo ut homine, ab Angelis &c. Unde minor, quod Cellædeus in hoc difficultatem fecerit, putaveritque illud à nobis esse concedendum, quod ignorare non poterat ab omnibus hac in re nobis consentientibus expressè negari. At si loquamur in aliquo peculiari casu, antecedens poterit esse verum, tunc scilicet, quando scirem alteram partem esse scitam à Petro, quem consulere possem; in tali enim casu teneor diligentiam adhibere, & facere quod in me est, ut veritatem sciam, alioquin imprudenter ac temerè sententiam feram, & opus incertum aggrediar. Quod si ille conveniri non possit, vel quia nescitur, vel quia est in Indiis v. g. & ego diligentiam adhibeam, inveniamque Auctores ac rationes valde stimulantès ad assensum utriusque partis distributivè sumptæ, utraque pars erit mihi probabilis probabilitate conscientiz, quamvis non sit talis ei, qui veritatem evidenter novit.

Cellædeus
assumit ut
per se notū
quod ab om-
nibus fer-
mè creditur
falsum.

82. Præter responsiones peculiaries huic argumento jam datas, dux aliz dari possunt; prima est, quam ultimo loco dedi objectioni secundæ, quæ huic ac illi argumento æquè applicari potest, sicut & responsiones ac instantiz, quibus huic argumento satisfacimus, magna ex parte secundæ ob-
obje-

Datur si-
multas, sed
non datur
probabili-
tas simulta-
tis.

objectioni applicari possunt. Secunda fundatur in certa ac indubitata distinctione simultatis potentiae, & potentiae simultatis, quae duz toto caelo differunt. Habemus enim simultatem potentiae ad amandum & non amandum, quia potentia amandi non excludit, sed secum admittit potentiam non amandi; non tamen habemus potentiam simultatis, seu potentiam simul conjungendi amare & non amare, seu ponendi utrumque copulativè, sed solum disjunctivè. Eodem pariter modo discurrendum est de probabilitate utriusque partis contradictionis: datur enim simultas probabilitatis utriusque partis, quia stimulus intellectualis, seu probabilitas alliciens ad assensum unius, non excludit stimulum intellectualem, seu probabilitatem, quia intellectus simul allicitur ad oppositum. At non datur, nec dari potest probabilitas simultatis, quia nullus est aut esse potest stimulus ad credendam utramque partem contradictionis esse simul veram. Jam argumenta Celladei solum probant, utramque partem contradictionis non habere probabilitatem simultatis, quod ultro concedimus; nullatenus autem ostendunt, utramque partem non habere simultatem probabilitatis, de qua sola praesens quaestio procedit.

Celladeus immerito fugillat quendam Theologum.

83. Contra hanc distinctionem insurgit Celladeus §. 6. Inprimis autem fugillat Theologum quendam, qui hanc distinctionem usus docuit, liberum nobis esse opinari inter propositiones probabiles contradictorias, quia alterutram pro libero voluntatis imperio elicere possumus, quamvis non possimus simul opinari per utramque. Ex hoc autem apparet, quod simultas probabilitatis, & probabilitas simultatis coincident quodammodo cum simultate potentiae, & potentia simultatis. Sed frustra fugillat illum, quia sententia illa vera est, ut fusè ostendi in tract. de Consc. prob. quest. 8. & 9. Sed & de hoc ipso expressè contra Celladeum agendum erit *quest. sequenti*.

Min Celladei equivoco, ac t. minorum confuso.

84. Secundò praetendit, distinctionem istam in casu praesenti esse merè verbaalem, & simultatem probabilitatis necessarò inferre probabilitatem simultatis. Inprimis dicit, judicia contradictoria rationabiliter concepta, & in diversis intellectibus simul existentia esse per nos simul probabilia probabilitate simultatis. Rursus dicit, quod per nos detur probabilitas simultatis utriusque conclusionis, quia non una vel altera, sed utraque simul & in sensu composito est probabilis. Verùm hoc est confundere simultatem probabilitatis cum probabilitate simultatis, ac loqui de nostra sententia, ac si illam non intelligeret. Simultas probabilitatis aliud non significat, quam coexistentiam duorum motivorum tantae magnitudinis, quorum singula alliciunt intellectum ad assensum unius determinatae partis cum rejectione alterius. At evidens est duo motiva contraria simul conjungi posse in intellectu. Similiter efficaciter probatum est, quod singula ex illis motivis eam magnitudinem habere possint, quae ad probabilitatem requiritur. Ergò dari potest simultas probabilitatis. At probabilitas simultatis in casu praesenti significat, simultaneam objectionum contradictoriorum conjunctionem esse probabilem, quod evidenter repugnat; adeo enim evidens est hoc repugnare, ut intellectus nullum stimulum habeat ad id affirmandum. At probabilitas in stimulo intellectuali consistit. Ergò evidens est probabilitatem simultatis non dari; ad hoc enim propositio, dicens utrumque contradictoriorum simul existere, deberet esse proba-

Simultas probabilitatis quid?

Probabilitas simultatis quid?

bilis. At propositio illa est evidenter falsa. Ergò & evidenter improbabilis.

85. Hic est genuinus sensus eorum, quos Celladeus hoc loco impugnat, sed illum non attingit, ut patet. Imò in illis, quae nobis attribuit, aperte confundit duos istos sensus, qui tamen non minùs opponuntur inter se, quàm simultas potentiae & potentia simultatis. Interim praeterea illius demonstrationes per hanc etiam clarissimam doctrinam, certissimamque distinctionem funditus corruunt, sicut per priores responsiones fuerunt everlae.

Celladeus illegitimè nos impugnat.

ALIA OBJECTIO,

Occasione cujus quaeritur, quid S. Thomas & Antiqui hac de re senserint.

86. **O**BJECIES. S. Thomas Opuscula 77. de usu, in proemio dicit, Auctores sui tem-
poris etiam in moralibus, in quibus periculum est, diversa sentire & opinari. Deumque paulò antè enixe precatur, ne ipsum in periculum animae suae, & in laqueum aliorum errare permittat. Hinc sequitur primò, periculum esse tam animae propriae, quàm laquei alieni in decidendis quaestionibus moralibus. Secundò sequitur, non satis esse ad periculum hoc & laqueum evitandum habere Doctores diversa sentientes & opinantes, quia notorium erat S. Thomae, quod Doctores tunc temporis inter se discreparent de rebus ad usum spectantibus. Et tamen periculum ac laqueum timebat. Non ergò sentiebat cum modernis Theologis, quod in rebus controversis liceret sequi quamcumque partem, pro qua Doctores reperiuntur. Si enim hoc verum reputasset, eo ipso periculum cessasset, & laqueus, quem timebat, contritus fuisset. Tertiò sequitur, S. Thomam non admisisse probabilitatem, in sola Doctorum opinione sitam, esse sufficientem conscientiae regulam. Itaque distinguit inter probabile conscientiae, & probabile opinionibus dari solitum.

S. Thomas periculum agnoscit in re, de qua Auctores contraria sentiunt.

87. Rursus S. Thomas quodlib. 9. quest. 7. art. 15. quaerit an liceat simul habere plures praebendas non curatas absque dispensatione, & post argumenta proposita huc habet. *Omnis questio, in qua de peccato mortali quaeritur, nisi expresse veritas habeatur, periculose determinatur.* Ecce iterum agnoscit periculum, & tamen expresse fatetur hac etiam in quaestione, Theologos Theologos, & Juristas Juristas contraria docere. Rursus S. Thomas, quodlib. etiam 8. art. 13. eandem quaestionem tractans observat, alterutram ex opinionibus contradictorijs esse falsam. Unde inferit, habentem plures praebendas non excusari à peccato, si faciat contra opinionem veram, quia facit contra legem, licet non peccet contra conscientiam. Ecce S. Thomas ubique sibi similis est, cum eadem reflexiones & illationes fieri possint ex istis locis, quas ex prima auctoritate deduximus. Ita Celladeus lib. 2. quest. 12. ex quibus contendit, Sanctum Thomam per omnia cum ipso sentire, ac etiam ex necessitate falsitatis in alterutra contradictoriarum suarum (ut ipse) sententiam stabilire. Nominatim autem videtur sequi, quod ad praesens attinet, utramque contradictionis partem ex mente S. Thomae non posse simul esse probabilem probabilitate conscientiae, cum non sufficiat, quod Doctores hinc inde teneant opposita.

Scetus idē
agnoscit pe-
riculum.

88. Sancto Thomæ Celladeus Scorum subne-
cit, qui in 3. dist. 25. quest. 1. ad 4. in determinan-
dis quæstionibus moralibus, idem periculum,
quod S. Thomas agnoscit; dicit enim, *Benè vi-
dendum est in moralibus, antequam aliquid afferatur*;
& expressè loquitur in casu altercationis Docto-
rum, an aliquid liceat, necne. Unde videtur
sequi, antiquos cum Celladeo contra nos tene-
re.

S. Thomas
& S. otus no-
bis favent.

Respondeo me fusè examinasse mentem San-
cti Thomæ quest. 29. de Conf. prob. ubi clarè
ostendi, S. Thomam in nullo à nobis discrepare,
sed per omnia communem doctrinam aut suppo-
nere, aut expressè tradere. Legatur quæstio,
quia in ea jam satisfactum invenies istis auctori-
tatis & ponderationibus, antequam à Celladeo
proponerentur. Similiter quod ad Scorum atti-
net, & hunc & alios ejus textus expendi quest. 22.
de Conf. prob. à num. 151. ad num. 160. cumque à
nostris partibus stare probavi: quocirca ne acta
agam, pro pleniori hujus rei decisione eò Lecto-
rem remitto; hic autem sufficere rem breviter de-
clarare, & æquivocationes Celladei aperire.

Itaque omnes fatemur moralium dubiorum de-
cisionem esse periculosa; quod verum est in
quacumque parte dubium resolvas, quia nec
Dei lex evacuanda, nec conscientia proximi in-
debitè oneranda est. Quocirca hoc tam premit
Celladeum & adversarios, quàm nos, quia nec
illi nec nos tuti sumus, nisi debitam diligentiam
impendamus, & ea, quæ rationi consona sunt,
proferamus.

Pro praxi
opinionis
non sufficit
quod illi ab
auctoribus
doceatur.

89. Similiter ultrò admittimus, non satis esse
pro licita opinionum praxi, quod constet, eam
à Doctoribus tradi: omnes enim requirimus plu-
ra, nempe ut nil certum in contrarium afferatur;
ut opinio, quam sequimur, non sit rejecta tam-
quam improbabilis; ut habeat pro se tantam ra-
tionem vel auctoritatem, quanta ad certam pro-
babilitatem à nobis præferbitur. Jam, stante
tali opinione, dicimus licitum cuique esse illam
sectari. Nec S. Thomas, aut hic, aut ullibi do-
cuit oppositum. Nec obstat S. Thomam agno-
visse periculum, non obstante, quod Auctores
contraria sentirent: nam in primis non constat,
an Auctores illi omnia requisita haberent, quæ
ad certam probabilitatem requiruntur. Sed licet
hoc S. Thomæ constitisset, idcirco ille omittere
potuisset illam suam disputationem; nihilominus
si in se suscipiebat onus rem examinandi, suam-
que auctoritatem pro regula operandi aliis pro-
ponendi, utique non fuisset tutus, si quidquid
pro arbitrato dixisset. Sic enim in primis pro-
ximos decepisset, quia illi ab eo propriam ipsius
sedulitatem in veritate investiganda, ut in ope-
rando conscientias suas tutius conformarent, ex-
pectabant; ipso autem tali expectationi non cor-
respondisset, sed eos per simulationem justissimè
spe fraudasset. Deinde proprio officio defuisset,
quia officium Theologi postulat, ut si quæstio-
nem directè solvendam arripiat, eam sedulo valdè
pertractet, rationibusque omnibus inspectis ac
diligenter examinatis, id demùm proferat, quod
veritati magis consonum repererit; quia omnes,
maximè Theologi, (quorum præcipuè id mu-
nus est) tenemur veritatem ipsam quantum possu-
mus investigare, ut sic non solum corde quæra-
mus, sed etiam ostendamus opere, nos allud quàm
veritatem ipsam, & sinceram ac genuinam Dei
voluntatem & gloriam non querere. Qui hisce
non correspondet, Theologi nomine indignus
est. Itaque ut S. Thomas suo muneri satisfac-

Periculum
Theologi
solventis
quæstionem
in quo con-
sistat?

ceret, necesse erat, ut quæstionem, quam exa-
minandam susceperat, diligentissimè discuteret,
ne & sibi periculum, & proximis laqueum crea-
ret.

90. Est & alia ratio id ipsum evincens. Qui
doctrinæ capaces sunt, non tam faciliè acquiescere
debent aliorum dictis, quàm qui eas examinare,
earumque vim & efficaciam investigare ac pene-
trare non nōrunt. Itaque si viro valdè docto so-
lùm repræsentetur, quod plures teneant utram-
que partem contradictionis, non illicò tutus erit,
si sectetur partem minùs tutam, sed vel seire de-
bet qualitatem Doctorum eam tenentium, ut sic
sine ulteriori investigatione, eorum sententiam
in conscientie regulam licitè accipiat, vel ipsemet
tenebitur rationes investigare, ut nil agat, nisi
illud rationi congruum esse noverit. Hoc maximè
verum est in Theologo, qui rem à fundamentis
examinandam ac determinandam suscipit. Itaque
S. Thomas, utpote summus Theologus, qui
quæstionem illam à se determinandam acceperat,
tutus non fuisset, nisi rem valdè diligenter exa-
minasset. Et ecce habes rationem, unde timeret,
etsi sciret, plures cuius contradictionis parti fa-
vere. At hoc nil facit ad præsentem quæstionem,
quæ solum procedit, quando constat hanc dili-
gentiam præmissam fuisse, & veritatem, hoc non
obstante, ita latere, ut probabilissimum sit, u-
trumque contradictorium objectivum, etiam mi-
nùs tutum, licere.

91. In hoc casu sententia benigna procedit: &
dico S. Thomam tenuisse, quod in ejusmodi casu
liceat sequi opinionem quamcumque, etiam mi-
nùs tutam, modò juxta illam omni dubitatione
postposita, conscientia bonæ fide formetur. Ratio
evincens intentum est, quia S. Thomas plurimas
resolutiones habet in favorem partis minùs tutæ,
ut quod lapsus in peccatum mortale non teneatur
statim confiteri, nisi in paucis casibus, quos ex-
primit. Quod circumstantiæ aggravantes in ead-
em specie non sint materia necessaria confessio-
nis. Quod judex licitè condemnare possit inno-
centem, qui per allegata & probata convictus est
reus, aliæque ejusmodi quàm plura. Hæc tenuit
S. Thomas partim contra S. Bonaventuram, par-
tim contra alios Auctores gravissimos. Peto jam
an S. Thomas existimaverit, licitum esse resolu-
tionibus ipsius stare, necne? si neges, nullus es;
quia certum est, quod ideo tales resolutiones po-
nantur, ut alii juxta illas conscientiam forment.
Unde videmus, quod fideles ad hunc usque diem
per illas conscientiam regulant. Si concedas, ha-
beo intentum, quia jam putavit opinionem mi-
nùs tutam, rationabili fundamento munitam, esse
posse sufficientem conscientie regulam, quamvis
S. Bonaventura, & alii præstantissimi doctissimi-
que Theologi, etiam post rationes S. Thomæ
sedulo expensas, contrarium tenerent, & partem
utriorem ut unicè veram amplecterentur. Ergò
S. Thomas existimavit, utramque partem contra-
dictionis esse probabilem probabilitate conscien-
tiæ. De opinione S. Bonaventuræ, contraria
opinionem ipsius, nulla esse potest difficultas, illa
enim cum sit tutissima, non potest nocere con-
scientiæ, si in regulam admittatur, nisi homo
spontaneè contra conscientiam agere velit. Ergò
illa & tunc erat, & nunc est probabilis probabi-
litate conscientie. Rursus S. Doctor censuit suam
quoque opinionem esse probabilem probabilitate
conscientie, & quidem illi, cui etiam opposita
sufficiens erat ad conscientiam ritè formandam,
casu quo illi assensum præbisset. Ergò existi-
mavit,

Ratio, ob
quam San-
ctus Tho-
mas timuit,
nil facit ad
præsentem
quæstionem.

S. Thomas
censuit ut-
ramque
opinionem
contradictio-
nem esse
probabilem
probabilita-
te conscien-
tiæ.

mavit, utramque partem contradictionis esse simul probabilem probabilitate conscientiz.

92. Dices. Aliud est Sanctum Thomam sentire partem suam oppositam esse tutam, seu sine peccato in praxim reduci posse; aliud illam esse probabilem probabilitate conscientiz: nam sæpè pars minus tuta non est simpliciter certa, sed tolum valdè probabiliter licita, cum tamen propositio, contradictoriè opposita, non sit probabilis, seu digna assensu, cò quòd nullis aut levissimis argumentis nitatur. Ergò non rectè intulimus, S. Thomam existimasse utrumque ex contradictoriis esse probabile.

Idem ex his ponderatione con-
tingitur.

Respondeo, id quidem non sequi, nisi omnia & singula in argumento expressa simul considerentur: nam certum videtur, S. Thomam non existimasse, rationes & auctoritatem S. Bonaventuræ, & aliorum ipsi contradicentium, etiam post rationes ejus diligenter consideratas, esse exigui valdè momenti, sed valdè rationabiles, & sufficientes ad prudentes & probos in assensum alliciendos. Hoc autem est esse verè probabile ex mente S. Thomæ & aliorum. Et quidem hoc ipsum est probabile conscientiz, cum aliam in ejusmodi suis dictis probabilitatem prætere non potuerit. At S. Thomas consideravit tutam eorum opinionem, suam oppositam, prout rationibus & auctoritatibus dictis suffultam. Ergò haud dubiè judicavit illam esse probabilem probabilitate conscientiz. Sed ut omne dubium tollatur sic arguo. S. Thomas non adeò altè de se, & submisè de aliis sentiebat, ut existimaret, suam quidem sententiam esse sufficientem conscientiz regulam pro parte minus tuta, etsi alii post rationes ejus auditas reclamarent; reputaret verò aliorum sententiam pro parte minus tuta non sufficere, si ipse non assentiret. Hoc enim propriè superborum est, non humilium & Sanctorum, ut patet. Ergò sicut S. Thomas existimavit suam sententiam pro parte minus tuta esse sufficientem conscientiz regulam, etsi S. Bonaventura & alii reclamarent, modò homines bonà fide juxta illam conscientias suas formarent; ita pariter existimabat, sententiam S. Bonaventuræ de parte minus tuta esse pariter sufficientem conscientiz regulam pro omnibus, qui juxta illam bonà fide conscientias formarent, etsi ipse S. Thomas contrariam opinionem existimaret esse probabilem. At suam opinionem existimavit probabilem probabilitate conscientiz. Ergò existimavit utramque ex propositionibus contradictoriis esse probabilem probabilitate conscientiz. Eadem prorsus fuit mens S. Bonaventuræ, ut probavi questione 22. de Conse. prob. num. 169. ubi ipsum citatum invenies; asserit enim, quod sequi tutiorem ad consilium spectet, quando graves Auctores tenent minus tutam esse licitam. Et quidem loquitur de casu, in quo ipse partem tutiorem tenebat.

S. Bonaventura nobis-
gam est.

Periculum
in morali-
bus quando
cessat

93. Dicimus itaque periculum cessare, & laqueum conteri, quando gravissimi Theologi rem examinârunt, & in rebus incertis in contrarias sententias abeunt: tunc enim ratio & auctoritas talis habetur, ut quicumque alteri parti adhæserit, & juxta illam bonà fide conscientiam formaverit, tutus sit in conscientia; & hoc S. Thomas, S. Bonaventura, aliiq; ejusdem ætatis Theologi pro indubitato habuerunt. At hic est casus noster. Non enim loquimur nisi in casibus ejusmodi, ut certum est.

S. Thomas
non distin-

94. Ex hisce perspicuum est, S. Thomam non distinguisse inter probabilitatem conscientiz,

& probabilitatem opinionibus dari solitam; non solum, quia nullibi quidquam de tali distinctione insinuat; sed quia ex dictis certum videtur, quod contrarium expressè tenuerit. Error Celladei in eo est, quod indefinitas quasdam S. Thomæ expressiones accipiat, quæ opinionibus probabilibus communes sunt, illasq; exaggerat ut periculosas, si pro conscientiz regula admittantur. At hoc nos etiam fatemur, imò expressè docemus, illas in sua universalitate sumptas non esse sufficientes conscientiz regulas; sed necesse esse, ut certò nobis constet, opinionem esse probabilem, ut sic eam licitè sequamur in praxi. At hoc est, quod S. Thomas huic in locis docuit; voluit enim diligentiam præmitti, per quam certò constaret, veritatem ipsam certò inveniri non posse, sed solum probabiliter conjectari; hæc præmissa nullum periculum agnovit, aut laqueum timuit, si quis bonà fide, atque probabili motivo munitus, partem minus tutam sectaretur. Alioquin post omnem suam resolutionem pro parte minus tuta subjungere debuisset, suam & aliorum opiniones merè speculationi deservire, cum pro praxi unica regula deserviret, nempe in rebus omnibus partem tutiorem esse tenendam. At nec ipse nec quisquam hoc docuit; sed omnes oppositum aut discretè tradiderunt, aut expressè supposuerunt. Itaque S. Thomas singularissimis Celladei opinionibus in nullo favet, sed in omnibus benignè sententiz subscribit.

xit inter
probabilita-
tem con-
scientiz &
probabilita-
tem opinio-
num.

S. Thomas
in omnibus
Celladeo
contrariatur,
sed nobis
favit in o-
mnibus.

96. Est & alia non levis Celladei æquivocatio in hac materia, quòd scilicet confundat valentes & non valentes discernere fundamenta conclusionis à non concludentibus, & manifestè prævalentia ac probabilia à debilibus & non probabilibus. S. Thomas & Scotus expressè loquuntur de obligatione priorum, per quorum resolutiones alii diriguntur. Jam cum omnes juxta suam capacitatem & officium teneantur veritatem ipsam, quantum humano modo possunt, investigare, manifestum est, multa esse periculosa & necessaria Theologo, ut casum resolvat, quæ post ejus resolutionem, debita cum diligentia peractam, non sunt amplius periculosa iis, qui eorum auctoritatem sequuntur. Jam benigna sententia illis potissimum deservit, qui aut non possunt, aut non debent hoc examinare. De illis autem dicimus, quod tutà conscientia sequi possint opinionem ullam certò practicè probabilem juxta præscriptum benignæ sententiz, modò rationibus & auctoritatibus nostræ sententiz moti conscientiam forment, bonaque fide procedant. Ratio est, quia jam post diligentiam, quam Sanctus Thomas exigit, præmissam, veritas latet. Ergò si contingat hominem errare, invincibiliter errat. Ergò cum ex motivo rationabili conscientiam formet, & bonà fide procedat, nullum periculum, nullusq; laqueus terendus est. Jam certum est, S. Thomam istis locis nil contra hoc docere, sed ipsum insinuare & supponere, quia post diligentiam præmissam & resolutionem rationabilem, reputat tutum esse tali opinioni inhzrere. Agnoscit tamen periculum in peritis ac Theologis, qui casum resolvunt, quod ad rem præsentem non attinet, cum ab omnibus talis eorum obligatio agnoscat, & non præsupponamus eam esse debitè impletam, prius quàm benigna sententia locum habeat, aut habere possit.

Celladeus
confundit
peritos &
rudes, & a
omnibus
applicat,
quæ San-
ctus Tho-
mas solis pe-
ritis accom-
modat.

ULTIMA OBIECTIO SOLVITUR,

Et agitur de doctrina sana.

Utrum ve-
ritas requi-
ratur ad do-
ctrinam sa-
nam?

95. **D**EMUM objicies. Utraque ex propositionibus contradictoriis non potest esse probabilis probabilitate conscientie, nisi utraque sit tuta. At utraque non potest esse tuta, nisi etiam utraque propositio contradictoria sit doctrina sana; omnis enim doctrina tuta est sana, & nulla non sana est tuta. Ergo utraque ex propositionibus contradictoriis non potest simul esse probabilis probabilitate conscientie, nisi utraque sit doctrina sana. At repugnat utramque esse doctrinam sanam. Ergo repugnat utramque esse probabilem probabilitate conscientie. Probatur minor subsumpta. Nulla doctrina falsa est bona. Sed alterutra ex doctrinis contradictoriis est falsa. Ergo alterutra non est sana. Ergo utraque non est sana. Ita Celladeus lib. 2. quest. 13. per totam, ubi multa congerit ad probandum, quod nulla doctrina falsa sit sana, primò quia alioquin Deus infundere posset errorem, cum haud dubiè omnis doctrina sana Deum Auctorem habere possit. Ipse autem putat se demonstrare, nullum errorem esse posse à Deo Auctore. Secundò, quia doctrinæ sanitas est veritas: *Sana doctrina est* (inquit S. Thomas in cap. 4. Epistolæ 2. ad Timotheum.) *quando non habet admixtam falsitatem.* Ergo nulla doctrina falsa est sana. Nec mirum, quia bonum intellectus est verum, ejusdemque malum est ignorantia & error. At malum potentie non potest esse sanitas ejusdem. Denum omnis error seducit credentem. Nulla doctrina sana seducit credentem. Ergo nulla doctrina sana est error. Hæc & similia plura congerit Celladeus loco citato.

Respondeo, me in hac Celladei questione nullam difficultatem, sed magnam rerum & terminorum confusionem invenire: meum proinde erit eam detegere, atque ita difficultatem istam non solvere tantum, sed prorsus evacuare.

Aliqua opi-
nio falsa est
aliquo mo-
do tuta.

96. Prima æquivocatio latet in termino illo, *opinio tuta*. Inprimis certum est, aliquam opinionem falsam esse aliquo modo tutam: illa enim opinio aliquo modo tuta est, per quam homo eam sequens à peccato defenditur. At omnis error invincibilis est ejusmodi, ut omnes pro certo habent, & Celladeus ipse fateatur. Ergo certum est aliquam opinionem falsam esse doctrinam aliquo modo tutam; nec de hoc dubitari potest. Hinc habemus fundamentum necessarium distinguendi opinionem tutam in tutam per se, & tutam per accidens. Doctrinæ evidentiter veræ, & rationaliter veræ sunt tute per se, quia sunt conformestam voluntati divinæ existenti per se, seu independentem ab ignorantia & errore intellectus humani, quam objectis, quæ Deus directè præcipit, permittit aut consulit. Doctrinæ illæ erroneæ sunt tute per accidens, quæ aut invincibiliter reputantur veræ & conformes dictæ divinæ voluntati, aut fundant novam consultationem, per quam confurgimus ad sciendum, electionem objecti in hisce circumstantiis esse conformem voluntati Dei existenti per accidens, seu ex suppositione ignorantie & erroris in intellectu humano. Hæc certa sunt. Jam posita hæc solâ distinctione, tota obiectio sine ullo urgente per se statim ruit, quia omnis doctrina tuta est sana, ipso Celladeo fatente. Ergo doctrina sana eandem distinctionem ac divisionem admittit. Alia

Doctrina
alia tuta per
se, alia per
accidens.

enim est sana per se, alia per accidens, quod negari non potest, si dictum illud Celladei admittatur esse verum, *Quod omnis doctrina tuta sit sana, & nulla non sana sit tuta.* Ex huius enim inevitabiliter sequitur, utramque ex propositionibus contradictoriis sæpè continere doctrinam tutam & sanam, saltem per accidens; quia sæpè propositio falsa invincibiliter creditur vera, atque prudenter elicitur ab intellectu, & irreprehensibiliter in praxim reducitur.

97. Atque hinc secundò alius Celladei error elucet, quia juxta illius principia certum est, utramque propositionem contradictoriam sæpè esse doctrinam tutam & sanam. Sic enim arguo. Illa doctrina est tuta, quam qui sequitur, in nullam legem ne materialiter quidem offendit. Hoc & per se notum est, & traditur ab omnibus, qui definiunt opinionem seu doctrinam tutam. At sæpè utraque ex propositionibus contradictoriis est ejusmodi, quia sæpè propositio, quæ continet doctrinam apparenter minùs tutam, & favet libertati, est vera, & quæ continet tutissimam, ac favet legi, est falsa. Accipiantur istæ propositiones contradictoriæ. *Licet scribere in die Festo lucranda causâ: non licet scribere in die Festo lucranda causâ.* Supponamus primam esse veram, secundam verò falsam, nam revera sunt tales. Dico, utramque esse doctrinam tutam. Ratio est perspicua: qui sequitur primam, inhæret doctrinæ veræ, nullamque transgreditur legem, ne quidem materialiter, ut patet. Ergo doctrina illa reipsâ tuta est, nec diffidetur Celladeus. Secunda propositio est falsa quidem, tamen tutissima; qui enim juxta illam operatur, non solum nullam legem reipsâ transgreditur, sed ne quidem observatur menti illius ulla species præcepti in contrarium, quod certè non habet locum in primo casu. Ergo utraque propositio est doctrina tuta, & sana. Ergo Celladeus errat, dum universaliter contendit utramque contradictoriam non posse esse doctrinam tutam eò quod utraque non possit esse vera. Immo sibi contradicit, quia admittit propositionem faventem libertati esse tutam. Si sit vera, quamvis aliquod legis violandæ periculum appareat; quod certè repugnat cum universali propositione negante utramque contradictoriam esse tutam, quia nullum est dubium, quin doctrina legi favens sit, & ab omnibus admittatur tuta. Sic in dubio tutior pars est eligenda, & doctrina exercitè dicens illam esse eligendam, est tutissima, tametsi sæpè sit falsa. Ergo non repugnat doctrinam falsam esse tutam, sed è contrariò asserta Celladei sibi contradicunt.

Sæpè utra-
que propo-
sitione contra-
dictoria est
doctrina sa-
na & tuta
ex mentis
Celladei.Celladei
contradictio.

98. Tertiò displicet, quod vim faciat in voce *doctrina sana*, alludatque ad terminum illum in sensu, quo S. Paulus illâ sæpius utitur in Epistolis ad Timotheum & Titum. Displicet, inquam, quia S. Paulus aliud per vocem illam non intelligit, quam certam & indubitam fidei mores regulantis doctrinam, seu doctrinam & materialiter & formaliter sanam, ut videre est apud Cornelium à Lapide, & alios Interpretes. Nec mirum, quia hortatur Timotheum & Titum, ut conservent, defendant, atque promoveant doctrinam sanam, quam ab ipso acceperant; quæ certè exhortatio abs re fuisset, si loquutus fuisset de doctrina incerta, de qua ipsimet nescirent, quæ esset, quæ non esset doctrina materialiter sana. Jam etsi omnis ejusmodi doctrina certa & indubitata & sit, & ab Apostolo vocetur sana, non inde sequitur, quod nulla alia doctrina in rebus incertis appellari possit formaliter sana, imò oppositum

Quæ sit do-
ctrina sana
in sensu A-
postoli?

in rebus incertis doctrina falsa potest esse sana. oppositum est certum; sic dicens summam Sancti Thomae continere doctrinam sanam, non quod existimemus nullam inveniri opinionem falsam in tota Summa: sed quia scimus, quod doctrina illius Summæ non adversetur fidei, aut contra se quidquam certi habeant. Rursus sci- mus S. Thomæ opiniones rationabili fundamen- to nixas esse. Hæc duæ in incertis faciunt do- ctrinam formaliter sanam, quia doctrina forma- liter sana in rebus incertis distingui non potest à non sana per veritatem ipsam, tum quia veritas certò non innotescit, tum quia utraque opinio pro veritate contendit. Ergò doctrina forma- liter sana distinguitur à non sana formaliter per duo illa prædicata; & consequenter per illa con- stituitur formaliter sana. Jam eadem est ratio de doctrina S. Bonaventuræ, Suarez, & aliorum Theologorum primæ classis, quorum doctrinæ ab omnibus sententur formaliter sanæ. Hinc certum est, utramque contradictoriam sæpè con- tinere doctrinam formaliter sanam, cum duo il- la prædicata utrique sæpè conveniant, ut sit, quando propositiones contradictoriæ docentur ab ejusmodi Theologis, quod non rarò acci- dit.

Non omnis opinio vera est sana. 99. Quartò displicet, quod dicat, omnem doctrinam veram esse sanam. Hoc falsum est, quia sæpè opiniones veræ à peccato non excu- sant. Ergò tales opiniones non sunt doctrinæ sanæ. Consequentia est legitima. Antecedens probatur. Sæpè homines temerè, & absque suf- ficienti diligentia, auctoritate & ratione credunt partem minus eutari esselicitam; ideoque eam in praxim reducunt. In hoc casu temeraria hæc eo- rum opinio est vera, & tamen haud dubiè à pec- cato non liberat; peccant enim ob temeritatem, ut patet. Itaque sola veritas non efficit doctri- nam sanam, sed præterea ad formalem sanitatem doctrinæ essentialissimè requiritur, ut sit ratio- nabilis, seu rationabili fundamento post debitam diligentiam stabilita. Ratio à priori, quia de- nominatio doctrinæ sanæ magis respicit volun- tatem, quàm intellectum; quia magis respicit directionem morum, quàm conformitatem cum suo objecto. At pro directione morum maximè requiritur, ut cognitio dirigens sit rationalis, seu recta. Ergò hæc rationalitas essentialissimè requiritur, ut doctrina sit sana.

Ratio, cur doctrina falsa possit esse sana. 100. Hinc autem sumitur ratio à priori, cur aliqua doctrina falsa esse possit sana. Ratio est, quia ista doctrina est sana, quæ ita mores dirigit, ut à peccato excuset. At doctrinæ falsæ, si sint rationabiles, ut sæpè sunt, ita dirigunt mores, ut à peccato excusent. Ergò sunt doctrinæ sanæ. Itaque sicut sola veritas, si adsit, non reddit do- ctrinam sanam, ita neque si absit, facit illam ab- solutè non sanam; sola enim rationalitas do- ctrinam reddit sanam. Cæterum veritas rationa- bilitati conjuncta, facit doctrinam sanam per se, seu materialiter & formaliter sanam; rationali- tas verò à veritate sejuncta doctrinam reddit sa- nam per accidens, seu formaliter sanam, et si ead- em materialiter non sit sana. Hæc sunt, quæ in hac Celladei quæstione meritò displicent; fallitur enim, dum putat, nullam doctrinam falsam esse posse ullâ ratione sanam. Nec argumenta ipsius contrarium probant, ut mox ostendat in sequen- tibus responsionibus.

Primum Celladei ar- gumentum insufficientis. 101. Ad primum. Parum refert ad quæstio- nem hanc, an Deus infundere possit errorem nec ne? Si possit, argumentatio procedit ex subiecto non supponente. Si non possit, nil concludit;

quia factâ tali hypothesi, dicendum est, Deum infundere posse omnem doctrinam per se & ma- terialiter sanam, non autem omnem sanam per accidens & solum formaliter, quia aliqua doctri- na formaliter & per accidens sana est erronea. Et tales sunt omnes errores prorsus invincibiles, ut patet. Cæterum ego existimo, Deum, factâ saltem suppositione aliqua de hominis consuetu ac libera electione, posse errorem infundere; quia sicut, factâ suppositione peccati, Deus potest pœnas æternas peccatori infligere, quamvis tali dolore innocentem torquere nequeat, ita pari- ter, factâ suppositione de prævio intellectu & voluntatis nostræ operatione, Deus infundere poterit errorem, saltem quando est invincibilis, quamvis concederetur (quod tamen non conce- ditur) quod merè pro arbitratu & nullâ factâ sup- positione non possit errorem infundere. Nec moveor præterea Celladei demonstratione, illam enim non meliorem existimo, quàm sint, quas hoc in opere jactat. Sed & ipse, si suam doctri- nam ad distinctionem hinc insinuatam iterum examinet, nî fallor, inveniet, Deum eò saltem modo, quem hinc insinuavi, infundere posse erro- rem, quia maximo ingenio pollet, nec indiget ut argumenta illi præbentur.

102. Ad secundum respondeo, S. Thomam exponere sensum S. Pauli, & de illis solum do- ctrinis loqui, quas Apostolus sanas vocat. Apo- stolus autem loquitur de dogmatibus certissimis, & doctrinis per se ac materialiter turis ac sanis, & consequenter S. Thomas hoc loco de aliis intel- ligendus non est. Quocirca ita fateor solum ve- rum esse optimum intellectus, ut simul asseram, probabilitatem in rebus incertis esse etiam bonum illius secundarium, & ab homine simpliciter quæ- rendum; quia ubi certitudo nequit haberi, pro- babilitas est optimum, ad quod pervenire potest, & præstat ad illam pertingere, quàm instar stipitis in omnibus suspensio judicio hære. Præclarum illud Augustini dictum lib. 19. de Civit. cap. 17. contra Academicos hoc ipsum confirmat: *Civitas Dei, id est turba fidelium, inquit, Cælis sensibus in rei cuiusque evidentia, quibus per corpus animus dicitur, quoniam miserabilis fallitur, qui nunquam p- rat in esse credendum.* Sicut enim hæc ponderatio probat fidem sensibus dandam esse, quamvis sen- sus non rarò nos fallant, ita eadem ponderatio probat, bonum esse probabilibus inhærere, quam- vis per probabilia nonnunquam decipiamur. Nec tamen nego ignorantiam & errorem esse malum intellectus; sunt enim mala, sed mala quæ omne bonum intellectus non semper excludunt. Ita- que quando junguntur cum judicio valdè proba- bili, efficiunt quidem illud esse minùs bonum, quàm fuisset, si error non afflisset; sed non tol- lunt quod sit simpliciter bonum, & secundum quid optimum, nempe hic & nunc, & in istis cir- cumstantiis. Sed si loquamur de errore temerè concepto, vincibili ac imprudente, ille est sim- pliciter malum intellectus, quia malum prævalet bono, quod includit.

103. Quod si aliquis contendat, nullam do- ctrinam dici posse sanam, nisi sit simul vera & ratio- nabilis, eò quod terminus *sana* significet per- fectionem statui congruentem sine defectu, si- mul asserat, nullam doctrinam etiam prudenter conceptam, & à peccato excusantem, dici debere sanam, si sit falsa; non sum, qui in quæstione de nomine multum repugnare velim. Verùm sta- bilito hoc principio, corrui argumentum Cella- dei; non enim sequitur, doctrinam non sanam astrui

Deus in al- liquo salte casu infun- dere potest errorem.

S. Thomas loquitur juxta sensum S. Pauli.

Dictum no- tandum S. Augustini.

Probabili- tas est bonu intellectus.

Quomodo- eumque do- ctrina sana accipitur, argumentu Celladei corrui.

astrui sanam, quia non omnis doctrina tuta, probabilis, & à peccato excusans est sana. Itaque quocumque modo termini accipiantur, argumentum est nullum. Ceterum in rebus incertis, ad fidem & mores pertinentibus, omnem doctrinam communiter vocamus sanam, quæ rationalis est; & nil certum in contrarium habet, ut videre est in doctrinis Theologicis contradictoriis, quas omnes communiter appellant sanas, quia formaliter sanæ sunt, quamvis sint materialiter falsæ.

104. Ad tertium de seductione, dico Celladeum terminis abusi, non enim quivis error est, aut dicitur seductio. Theologi, qui in rebus incertis probabilissimè aliquid asserunt, propriè non seducuntur, si errant. Nec S. Thomas, nec S. Bonaventura rectè dicuntur seducti, nisi certum sit, alterutrum illorum in aliquo errasse. Itaque non omnis deceptio propriè loquendo est seductio, sed multa ad talem denominationem requiruntur præter merum errorem. Negatur ergo major, & consequentia argumenti.

105. Quod si contendas, omnem errorem & deceptionem debere aliquo modo, etsi minus propriè, dici seductionem, ego potius admittam

locutionem tuam, quàm quæstionem de nomine instituam. Verum, hoc admissio, minor argumenti est falsa, quia jam aliqua doctrina materialiter & per accidens sana impropriè seducit. Itaque quocumque te verteris, argumentum ruit.

106. Ceterum potissima æquivocatio Celladei hac in parte fuit, quod inter culpabiliter & inculpabiliter deceptos & errantes non distinxerit. Si inter hos distinxisset, non ita lussisset in terminis deceptionis & seductionis comparatis cum doctrina sana; quia quoad accidentalem seu merè formalem doctrinæ sanitatem ingens inter illas reperitur diversitas. Error culpabilis est error nocivus, qui proinde ex una parte non incongruè dici potest seductio, quia ab imperio voluntatis peccaminoso, & consequenter aliquo modo seducto ortum trahit: ex altera verò parte nullo modo, ne quidem per accidens, dici potest doctrina sana, cum à peccato non excuset. At error inculpabilis à rationabili voluntatis imperio dependet, & operationem, quam dirigit, à peccato excusat, unde dici potest doctrina sana per accidens, & propriè dici non debet seductio, quæ in malam tantum partem accipi solet.

Celladeus non distinguit inter culpabiliter & inculpabiliter deceptos.

QUÆSTIO TRIGESIMA.

Utrum intellectus opinari possit aequè & minus probabilia?

Status quæstionis & opinio Celladei.

IN hoc conveniunt Auctores, quod intellectus in obscuris nunquam determinetur ad assensum ex sola propositione objecti; in quibus tamen per voluntatem flecti potest ad assensum, saltem quando potentiora dantur motiva pro parte, cui datur assensus, quàm pro parte opposita. Præsens quæstio est, utrum intellectus per voluntatem flecti possit ad præbendum assensum cuilibet contradictionis parti, quando utraque est probabilis, sive illa fuerit probabilior, sive æquè, sive minus probabilis. Hac de re Celladeus in Appendice fusè agit per tres primas quæstiones integras, in quibus contendit probare, quod æquè & minus probabilia non sint opinabilia. Verum in hoc, sicut in aliis multis, totus illius discursus ex confusione & æquivocatione terminorum procedit. Hoc ut evincam, non opus est, nisi breviter suggerere, quæ fusè exposui ac probavi in tractatu de Consuetudine probabilis, quæst. 7. 8. 9. ac 10. Quæ si Celladeus vidisset, aut planè omisisset, aut longè aliter quæstionem istam decidisset. Sed ut omnia ista ante oculos legentium clarè statuantur. Sic

ASSERTIO PRIMA.

In rebus incertis & probabilibus, apparentia veritatis, qua comitatur & sequitur affectum & assensum uni parti contradictionis alligatum, ceteris paribus, major est, quàm qua antecedit talem affectum & assensum, aut omnino ab illa separatur.

2. **V**ERITAS hujus propositionis fusè demonstrata est quæst. 8. num. 25. & sequent. de Consuetudine. prob. quæ videri possunt, neque enim opus est illa repetere.

Apparentia consequens assensum est major, quàm apparentia illum antecedens.

ASSERTIO II.

Qui, omnibus pro utraque contradictionis parte inspectis, absolute existimat ea esse equalia, stante tali judicio, neutri parti assensum præstare potest. Et multò minus assentire potest illi parti, quàm absolute & finaliter credit minus validis argumentis roborari.

3. **R**ATIO est, quia apparentia concomitans & sequens assensum uni parti alligatum, semper fertur in objectum suum tamquam in rem absolute veram, ideoque illud præfert contradictorio, quod reputat esse absolute falsum. Ergò non potest simul judicare, quod motiva pro utraque parte sint equalia, aut etiam potentiora pro parte, quàm falsam reputat. Et hæc est

Nemo assentire potest illi quod absolute credit, non esse probabilis oppositum.

est ratio, cur sua cuique opinio sit absolutè probabilius opposita. Hæc etiam omnia latè probata sunt *quæst. 8. num. 25. de Consc. prob.* Nec tamen delinunt, qui contrarium tenent. Sed ego hoc Celladeo libenter concedo, ut, eo admissio, nullitas eorum, quæ assert, patentior evadat.

ASSERTIO III.

Intellectus ex imperio voluntatis flecti potest in assensum partis æquæ aut minùs probabilis, si sermo sit de apparentia seu probabilitate antecedente affectum & assensum ulli contradictionis parti peculiariter alligatum.

PROBATUR primò ex iis, quæ fusè de hac re tradidi totà *quæst. 8. & totà quæst. 9. de Conscientia probabili*; quæ videantur.

4. Probatur secundò ex iis, quæ Celladeus *quæst. 1. & 2.* Appendicis assert contra se; eænim, posita distinctione apparentiæ antecedentis & consequentis affectum & assensum uni parti alligatum, efficaciter probant intentum, quamvis Celladeus ob confusionem utriusque sub uno eodemque termino ea rejiciat, ut minùs sufficientia.

5. Porro duabus de causis hæc argumenta proponere, atque nonnihil ultra dicta à Celladeo promovere statui. Primò, ut ostenderem, Celladeum ea suis responsis non solvisse. Secundò, ut haberem occasionem ea solvendi, quæ contra nostram sententiam objicit, quæque reputat & jactat esse planè demonstrativa.

6. Inprimis ergò sic arguit. Aliqui meliùs, alii non ita benè opinantur circa eandem rem, vel ab aliis propositam, vel ab ipsis examinatam. Neque enim omnes rectissimè opinantur. Ergò aliqui opinantur vel æquè vel minùs probabilia, nam qui probabiliora opinantur, rectissimè opinantur, cum meliùs opinari non possint.

7. Secundò, omnia probabilia sunt opinabilia, quia ea solùm vocantur & sunt probabilia, quæ sunt digna assensu. At æquè & minùs probabilia sunt verè probabilia. Ergò sunt opinabilia. Ergò opinari possumus minùs probabilia, quia possumus opinari quodvis opinabile, sicut credere quodvis credibile.

8. Tertiò, possibile est suspicari, imò & temerè judicare, cum suspicando ac temerè judicando sæpè peccemus. Ergò à fortiori opinari poterimus æquè & minùs probabilia; & solùm controverti poterit, an talis opinio sit prudens an temeraria? Probatur consequentià, quia opinio temeraria nititur levibus indiciis. Ergò à fortiori possibilis est assensus nixus gravi fundamento. At tale est omne motivum probabile, etiam æquè & minùs probabile. Ergò.

9. Quartò, id ipsum confirmatur auctoritate. Inprimis S. Thomas 22. *quæst. 1. art. 1.* hæc habet. *Alio modo intellectus assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis quam in aliam. Et siquidem hæc sit cum dubitatione & formidine alterius partu, erit opinio.* Hic S. Thomas satis expressè docet, intellectum non semper determinari sufficienter ab objecto proprio, seu ab apparentia veri, sed per electionem voluntatis declinari in unam partem. Hinc sequitur, apparentiam comitantem & sequentem imperium voluntatis & assensum intellectus circa veritatem rei esse majorem apparentiæ antecedente, quia appa-

rentia antecedens non determinat ad veritatem, ad quam apparentia concomitans & consequens determinatur. Hæc autem distinctione habitâ, statim apparet, quod voluntas flectere possit intellectum in assensum partis æquæ, imò & minùs probabilis, maxime si aut unam partem cum altera non comparat, aut prorsus ignoret, quæ illarum sit potentior aut probabilior, quamvis reverà detur aliqua diversitas. Tunc enim nil obstat quod minùs intellectus ex mente S. Thomæ flectatur in assensum pro arbitrio voluntatis.

10. Huic ponderationi in locum citatum Sancti Thomæ libet addere textum longè magis expressum, quem habet S. Doctor *lib. 3. Eth. lect. 17. ante medium*, ubi agens de opinionibus moralibus & practicis, hæc habet. *Sed quia operabilia sunt contingentia, non cogitur ratio ad assensum huc, vel illi, sicut accidit in demonstrativis; sed in potestate habet homo (nota benè) quod assentiat uni, vel alteri parti contradictionis, sicut accidit in omnibus opinabilibus. & maxime circa operabilia, in quibus plurima attenduntur, secundum quorum quodlibet aliquid potest judicari bonum.* Nec dubium, quin sermo sit de libertate immediata, quia etiam quoad demonstrata datur libertas mediata. Sic videmus homines per vitia & affectatam doctrinam declinare in errores, quorum falsitas antea ipsis erat evidentissima. Sed plura de mente Sancti Thomæ dicentur *quæst. 33.* ubi ex professo de libertate opinandi quæstio instituetur.

11. Huic doctrinæ S. Thomæ prorsus consonant, quæ S. Pater noster Ignacius tradit in epistola de obedientia. Sed & Suarez (quem Celladeus *quæst. 2. §. 2.* pro se immeritò citat) *tract. 2. in 1. 2. disput. 10. sect. 1.* idem æquivalenter expressit his verbis. *Dico voluntatem non posse movere intellectum nisi sub ratione veri &c. Quando autem est tale medium, quod non infert necessitatem simpliciter, tamen aliquo modo ostendit veritatem, tunc potest voluntas movere intellectum ad assensum, & mihi probabile est, non posse movere nisi in illud, quod verissimilius & probabilius apparet: quamvis ipsa affectio voluntatis plurimum conferre possit, ut ipsum objectum probabilius & verius appareat.* Hæc ille, ex quibus totum conficitur; quia si apparentiæ antecedentes sint æquales, aut una paulò minor aliâ, non solùm una ex æqualibus, sed etiam minor earum consequenter ad affectionem voluntatis, poterit fieri major alterâ, & consequenter intellectus ex mente Suarez, flecti poterit in illam per imperium voluntatis.

12. Cæterùm quàm immeritò Celladeus citaverit Suarium pro se, ex eo constat, quod Suarez in illa sectione ponat has duas assertiones. *Dico tertiò, quando iudicium intellectus est evidens, non pendet à voluntate in specie actus. Est etiam Divi Thomæ.* Et paulò post. *Dico quartò, quando intellectus non habet evidentiam de aliquo objecto potest moveri à voluntate ad speciem actus, id est, ad assensum vel dissentium.* Est etiam S. Thomas &c. Hæc Suarez, in quo haud dubiè per omnia nobiscum sentit: quod enim postea subjungit, videri sibi probabile, quod intellectus non moveatur, nisi in id quod sibi verissimilius apparer, solùm explicat id quod ego apertius doceo; nempe quod intellectus in actuali iudicio, & consequenter ad affectionem aut imperium unius partis feratur in illud objectum, ut verissimilius opposito, quod nullo modo tollit libertatem quoad speciem actus. Unde mirum est, Celladeum existimare potuisse, quod Suarez ipsi saveat, cum quoad præsentem quæstionem luculentissimè subscribat nostræ sententia;

S. Pater Ignacius & Suarez nobiscum sunt.

Celladeus immeritò citat Suarium pro se.

Suarez & Theologi communiter tenent actum opinativum esse liberum quoad speciem actus

Intellectus assentire potest parti, quæ antecedenter est æquè aut minùs probabilis.

Rationes à Celladeo sibi objectæ id probant.

Cur expendantur rationes Celladei?

Ratio prima Celladei.

Ratio 2. Celladei.

Ratio 3. Celladei.

Ratio 4. Celladei.

tentia, nec ipse tantùm nobiscum sentit, sed omnes communiter, qui nobiscum docent usum partis minùs probabilis esse licitum. Immo omnes etiam, qui dicunt fidem, & alios actus opinativos esse nobis liberos libertate contrarietatis, seu specificationis, vel ad speciem actus; quia illi omnes loquuntur de immediata potestate voluntatis quoad tales actus pro ipso instanti reali, pro quo intellectus aliquem ejusmodi actum elicit. Nam de libertate mediata nulla est difficultas, cum apud omnes certissimum sit, omnem actum opinativum, immò & fidem, esse mediare liberum quoad speciem, seu contrarietatem, quia possumus assensum suspendere, & mentem à rationibus præsentibus avertere, & alias rationes pro parte contraria excogitare, atque ita demùm flectere intellectum in assensum contrarium vel contradictorium, ut patet. At certum est plerosque Theologos docere actum fidei & multò magis actum opinativum, quando adest motivum probabile pro utraque parte, esse nobis liberum quoad speciem actus, seu quoad eliciendos actus & judicia contraria. Ergò major pars Theologorum nobiscum sentit. Nec quisquam meritò dubitabit, si distinctionem in assertionibus positam præ oculis habuerit.

SOLVUNTUR REPLICÆ

contra rationes allatas.

Replica
Celladei nò
impetie as-
sertionem,
sed eam co-
firmat.

13. **D**ICES primò cum Celladeo *quæst. 2. §. ult.* argumentum primum & tertium in idem fermè recidunt. Utrumque verò retorquetur contra nos, quia omnes opinantes, putant se optimè opinari; similiter & temerè judicantes sibi videntur non temerè, sed fundatè judicare. Itaque etsi omnes isti reipsà & quoad esse non optimè judicent, omnes tamen apparenter & quoad videri optimè judicant.

14. Respondeo, replicam hanc confirmare secundam, sed ne quidem impetere tertiam assertionem, quod per se patet. Verùm addo, quod responsio hæc etiam tertiam assertionem confirmet, quia admittit argumentum optimè procedere de esse, sed non de videri. Ergò teipsà non omnes optimè, sed alii benè, alii malè judicant. Ergò non omnes accommodant se apparentiæ antecedenti omnem affectum, nam alioquin omnes eodem modo & benè judicarent, quia si illa sit magna & probabilis, omnes illi meritò fidem darent, cum illa ponatur esse eadem in omnibus. Ergò aliqui, illà relictà, sequuntur apparentiam consequentem affectum indebitum, qui videntur major priore, & sic malè judicant. Rursus hinc habeo, apparentiam absolutam quoad videri non esse parem aut similem in omnibus. Ergò illa non mensuratur ab apparentia antecedente omnem assensum & affectum ulli parti alligatum; alioquin apparentia consequens semper proportionaretur antecedenti, & apparentia antecedens tam verè esset apparentia magna, quàm consequens apparet esse magna; quia non esset unde prioris apparentiæ magnitudo & vigor minueretur. Ergò iterum omnes tam quoad esse, quàm quoad videri rectè judicarent. Hæc quidem ex responsione Celladei sequuntur. Verùm posità nostrà distinctione, omnia conciliantur; quia omnes quidem concomitanter & consequenter ad suum judicium videntur sibi optimè judicare, quia sequuntur apparentiam majorem pro veritate; sed non omnes rectè judicant, quia temerè judicantes non se-

quuntur apparentiam majorem antecedentem; quæ digna est assensu, sed ex prava voluntate afficiuntur suis erroribus, de quibus consequenter ad suum affectum habent apparentiam majorem, quàm habeant de dogmatibus fidei, aut aliis rebus, pro quibus antecedenter habent validissima fundamenta, contra quæ ex pravo affectu voluntatis temerè judicant. Itaque hæc replica confirmat nostram sententiam.

15. Dices secundò, & cum Celladeo sic retorquebis secundum argumentum. In superioribus fusè probatum est æquè & minùs probabilia non esse opinabilia, nec digna assensu opinativo, ac proinde non esse verè probabilia. Ergò sicut tu inferis, quod æquè probabilia sint opinabilia & digna assensu, ita è contrario ex inopinabilitate talium objectorum ego infero, ea non esse probabilia, nec fide digna.

Hæc retorsio nulla est, quia nos quoque quæstione superiore, eadem cum illo tractantes, ostendimus ejus argumenta fuisse prorsus insufficientia. Cæterum ultro fateamur, æquè aut minùs probabile ultimè agnitus tale, non esse proximè opinabile; non quia non est dignum assensu, sæpè enim dignum est, sed quia datur in mente judicium exclusivum talis assensus.

16. Dices tertio. Ad auctoritates ultimo loco allatas benè respondet Celladeus, S. Thomam loqui de intellectu magis inclinato ad unam quàm ad alteram partem contradictionis ut ipsemet paulò ante contestatus est. Deinde dicit, ex alibi dictis satis apparere, mentem S. Thomæ Sanctique Ignatii omninò contrariari libertatè quilibet opinandi ex imperio voluntatis.

Respondeo. Quod ad alibi dicta à Celladeo attinet, ego ea suis locis examinabo, ibique ostendam S. Thomam, Sanctumque Ignatium ab opinione Celladei longissimè abesse. Quod autem S. Thomas loco citato exemplum ponat de intellectu magis inclinato in unam quàm in aliam partem, non obstat, quia ne leviter quidem insinuat, quod idè præcisè flecti possit ad assensum per imperium voluntatis, quia intellectus antecedenter magis inclinatur in unam quàm in aliam partem, cum totam rationem referat in hoc, quòd cum intellectus non determinetur per objectum, determinetur tandem per affectionem voluntatis, quod certè tam convenis intellectui æquè inclinato in utramque partem, ac magis inclinato in unam, quàm in aliam, dummodò in utramque validè propendat. Præterea cum constet, quod intellectus consequenter ad affectionem voluntatis vehementius propendat ad assensum, quàm propenderet ante illam, fieri poterit ex mente S. Thomæ, ut apparentia antecedens minor evadat major, & consequenter tunc intellectus ex imperio voluntatis flecti poterit ad assensum partis, quæ pro priori ad omnem affectionem erat æquè aut minùs probabilis.

17. Ex hisce facillè conciliantur Auctores. Qui enim asserunt æquè & minùs probabilia esse opinabilia, aut universaliter loquuntur, aut saltem intelligendi sunt juxta tertiam assertionem; qui autem illud negant, intelligendi sunt juxta secundam, quia revera rationes singulorum hoc solum probant.

18. Hæc dicta sunt ad ostendendum, Celladeum non satisfecisse argumentis contra se propositis. Superest ut solvamus argumenta, quæ ipse contra nos objicit, ex quibus Lector nostram sententiam non tam impugnari quàm corroborari & videbit, & mirabitur.

Replica
Celladei,

Replica
quæst. super-
iore rejecta
fuit.

Replica 3.

Replicæ
ut
insufficiant.

SOLVUNTUR.

SOLVUNTUR OBJECTIONES.

In quo sensu Aristoteles dicit opinari non esse in potestate nostra.

19. **O**BJICIT. primò. Aristoteles 2. de anima tex. 133. expressè tradit, quod imaginari sit in nostra potestate, & statim addit, quod opinari non sit in nobis; & rationem dat. Verum enim aut falsum dicere necesse. Hæc doctrina Philosophi in eo fundatur, quòd intellectus se habeat ad verum, sicut voluntas ad bonum, quodque proinde tam impossibile sit intellectum judicando non ferri sub ratione veri, quàm voluntatem amando non ferri sub ratione boni. Atque hinc est, quod imaginari sit quidem in potestate ac libertate nostra, quia per simplicem apprehensionem simul ferri possumus in contradictoria; opinari verò non sit in potestate nostra, quia opinando non possumus simul ferri in contraria, aut in merè dubia, aut in falsa, cognita ut falsa, quia intellectus necessariò fertur sub ratione veri, sive affirmet, sive neget, ideoque semper credit ac putat, se verum affirmare, & falsum negare. Ex his autem sic arguitur.

Vis argumenti proponitur.

20. Inprimis, si intellectus per voluntatem flecti posset ad opinandum æquè & minùs probabile, eo ipso opinari esset nobis liberum, quod est contra Philosophum. Deinde ex doctrina proximè posita directè sequitur, intellectum non posse flecti ad opinandum æquè vel minùs probabile, quia sic opinando non magis crederet se verum dicere quàm falsum, cum putaret oppositum esse tam aut magis fundatum, quàm illud quod affirmat. At hoc repugnat, quia omnis judicans magis credit se verum dicere, quàm eum, qui oppositum asserit. Ergò repugnat assensum dari propter motiva æqualia. Ita Celladeus §. 4.

Sensus Philosophi & nullus argumenti declaratur.

21. Respondeo, explicationem quidem doctrinæ Philosophi, utpote communiter ab omnibus admissam, esse bonam, sed illationem esse prorsus nullam. Inprimis non sequitur opinari esse liberum nobis in sensu, quo id à Philosopho negatur; ille enim non negat opinari esse nobis liberum, quasi verò omnis opinio existeret in mente sine imperio voluntatis: constat enim de opposito, cum nullus actus opinativus absque voluntatis imperio elici possit. Itaque solùm negat, nos posse semper pro arbitratu opinari, sicut possumus imaginari, quia possumus imaginari tam falsa quàm vera, idque absque ulla ratione. At non possumus opinari nisi quæ ante opinionem aliquo modo apparent vera. Hæc autem apparentia non semper est in potestate nostra. Similiter negat nos posse simul opinari contraria, cum possumus ea simul imaginari. At nullibi, ne quidem per umbram, negat, quod, quando veritas apparet in objecto, non sit nobis liberum flectere intellectum in assensum veri apparentis. Et hæc quidem ad auctoritatem hanc sufficient: qui plura vellet, legat Esparzam in Appendice ab art. 107. ubi prælasè, & manifestè hunc textum explicat.

Ratio hæc probat, non improbat nostram opinionem.

22. Ad rationem verò dico, illam probare secundam assertionem, sed non impetere tertiam, quia omnis opinans putat se verum opinari, & oppositum esse falsum, ideoque fertur in motivum suum, ut in prævalens opposito, tendentià identificatà cum suo judicio; imò fertur in illud ut in prævalens antecedenter, quia apparentia remota, quæ pro priori ad affectum non prævalebat, consequenter ad illum magis afficit mentem quàm antè, & fortius trahit, ac prævalet. Sed tota hæc prævalentia & majoritas libera est, & sita in potestate nostra. Hoc modo liberum nobis est opinari ea, quæ apparentià antecedenti sunt solùm æquè aut minùs probabilia, vel quia accedente affectione possumus ea reddere apparenter magis probabilia, etiam pro priori ad ipsum judicium, aut certè, quia per ipsum saltem judiciū, ea præferimus, & absolutè rejicimus opposita ut falsa, quàmvis pro priori nullam faceremus comparisonem de excessu apparentiarum, nec unam alteri intellectualiter præferremus. Itaque sic verum est, nos non posse dare assensum propter motivum æquale & æqualiter impellens in actu secundo, aut propter motivum, quod omnibus inspectis habetur æquale, ut tamen assentiri possimus propter motivum, quod remore & in actu primo est solùm æquale, vel quia illud accedente affectu crescit, & magis afficit ac movet quàm antè, idque antecedenter ad assensum; vel quia accedente imperio voluntatis illud jam actu influit in assensum prælativum ipsius, & sic magis movet in actu secundo, quàmvis ex se præcisè, & antecedenter ad dictum imperium non magis, sed aliquantò minùs movebat, quàm oppositum.

23. Objicit secundò. Nemo experitur in se hunc actum: Credo hoc esse verum, sed video oppositum esse probabilius, vel æquè probabile. Experiremur autem talem actum, si possemus opinari æquè aut minùs probabilia. Confirmatur: Ideo non possumus judicare sidera esse potiùs paria, quàm imparia, quia non habemus peculiarem rationem pro una parte potiùs quàm pro altera. At hoc locum habet in omni paritate motivorum. Ergò in nulla tali paritate quidquam judicare possumus. Ita ex Cardinali Pallavicino arguit Celladeus quest. 2. §. 3.

Modus, quo opinari possumus æquè probabilia explicatur.

Obiectio 1.

Respondeo hæc omnia probare secundam, sed non impetere tertiam assertionem. Itaque dico, homines in actu secundo, post affectum, & multò magis post, & per assensum uni parti impensum, ferri in objectum aliquod tamquam probabilius, & absolutè verum; in quod in actu primo ante omnem talem affectum non ferebantur, ne exercitè quidem tamquam in probabilibus. Jam actus in argumento propositus procedit de judicio consequente affectum; illud autem nec dicit, nec dicere potest oppositum sibi videri probabilius, aut æquè probabile, sed semper dicit, illud esse minùs probabile, quàmvis apparentia antecedens pro parte jam affirmata verè non esset major, quàm opposita. Non ergò sequitur, quod talem actum experiri debeamus, sed oppositum clarè elicitur.

Ratio ista potiùs confirmat quàm impugnat nostram opinionem.

24. Ad illud de paritate siderum, respondeo, nos non ideo non posse illam opinari, quia deest nobis peculiaris seu efficacior ratio, sed quia omnis omninò ratio abest. Quod si aliqua rationes, etiam levissimæ, in actu primo pro illa darentur, utique intellectus ex inordinato affectu voluntatis temerè præcipitari posset in assensum illius. Et quidem rationes illæ & per se solas aliquo modo, & conjunctæ cum affectu voluntatis multò apparentiùs quàm antea veritatem ostenderent, & quàm pars opposita appareret. Itaque intellectus simpliciter flecti posset ad talia opinanda. Ceterum illa propositio: Non possumus quidquam affirmare, pro quo non habemus potiorem & prævalentem rationem: falsa est, si sermo sit de apparentia præcisè antecedente; sed vera est, si loquamur de apparentia concomitante & consequente affectum; per accessum enim illius ratio prior

Ad opinandum non requiritur peculiaris aut prævalens ratio, sed sufficit ratio.

Æquivoca-
tio adversa-
riorum.

Obiectio 3.

jam prævalet. Id ipsum multò magis verum est de ratione & apparentia ipsius opinionis actu præferentis unam partem alteri, & de apparentia consequente tale iudicium. Ex horum autem æquivocatione factum est, ut adversarii de omni apparentia id enunciaverint, quod solum convenit apparentiæ, quæ affectum & iudicium uni parti obligatum consequitur.

Æqualestra-
tiones con-
trariæ non
sunt sicut
nullæ ratio-
nes.

25. Obiecit tertio. Æqualis ratio, quoad movendum assensum, est sicut nulla ratio, quia intellectus, stantibus motivis æqualibus, non magis inclinatur ad assensum, quàm ad dissensum, sed hæret sicut in casu nullius rationis: motiva enim illa vicissim se elidunt. Præterea quantum ponitur causæ ex una, tantum ponitur impedimenti ex altera parte. Ergò tanta vis requiritur ad movendum, quanta requireretur, si nulla omninò adesset causa, ut evidenter patet in bilanciis habentibus æqualia pondera; quia tanta vis requiritur ad lances movendas, quanta requireretur, si lances nil ponderis haberent. Ecce æquale pondus in balance est sicut nullum pondus in ordine ad lances movendas, quia quantum adjumenti ex una, tantum impedimenti ponitur ex altera parte. Ergò ob eandem causam æqualis ratio, quoad movendum ad assensum, est sicut nulla ratio. At nulla ratio non sufficit ad movendum assensum, etiam accedente imperio voluntatis. Ergò æqualis ratio, accedente eodem imperio, non sufficit. Ita Celladeus ibidem.

Respondeo negando maiorem, quia nulla ratio nullo modo allicit ad assensum. At certum est, quod non solum æqualis, sed etiam minor ratio allicit ad assensum, ut experiuntur, qui tentationibus circa fidem, aut iudiciis temerariis vexantur; illi enim alliciuntur ad errores, quamvis firmi sint in persuasionem circa objecta fidei &c. At allici & non allici ad assensum non se habent eodem modo ad movendum assensum. Ergò in ordine ad hoc æqualis ratio non est sicut nulla ratio. Idem apparet in voluntate, quæ ita movetur, & in diversa trahitur à motivis æqualibus, maxime si sint dissimilia, ut possit quodlibet præferre in actu secundo. At ubi nulla sunt motiva non potest se ad actum secundum extendere. Ergò in intentionalibus & liberis agentibus æqualis ratio non est sicut nulla ratio. Falsum proinde est, quod talia motiva sese penitus elidant, aut quod intellectus & voluntas necessariò hæreant inter motiva æqualia, sicut quando nulla habent. Similiter falsum est, quod tantum ponatur impedimenti, quantum ponitur adjumenti; sicut enim in voluntate adjectio motivorum possibilitat utrumque effectum, qui sine motivo non est possibilis; ita pariter evenit in intellectu, prout ille subditur imperio voluntatis. Cæterum in utraque potentia contrarietas motivorum est impedimentum difficultatis, reddiditque effectum difficiliorem, sed eum non impossibilitat. Paritas porro illa bilanciis solum probat intellectum, utpote potentiam necessariam, non posse seipsum determinare in illo casu, sed non probat, eum non posse determinari per voluntatem, cuius imperio subijcitur. Imperium enim voluntatis, de novo accedens, est sicut novum pondus uni lanci impositum, quo intellectus determinatur ad assensum, sicut lanx ad motum. Et quidem intellectus in hoc casu dupliciter determinatur ad assensum: Primum quia affectus ille plurimum auget priorem apparentiam. Secundò quia sine tali augmento vi meræ subordinationis suæ determinari potest à voluntate, ut in actu secundo præferat unum alteri, illudque

verum, hoc falsum reputer: intellectus enim si esset immediatè liber hoc modo determinare se posset. Ergò jam hoc modo determinari potest per voluntatem, cuius libertas æquè servit aliis potentiis sibi subiectis, sicut sibi ipsi, ut fuscè ostendi *quæst. 9. num. 22. de Consci. prob.* idque ex Sancto Thoma ibidem efficaciter confirmavi.

26. Obiecit quartò. Stantibus motivis æqualibus, non convenit intellectui potius huc quàm illuc moveri, quia utrimque refulget eadem spes veritatis, idemque periculum falsitatis. Ergò cum æqualiter trahatur, & frangi ac dividi nequeat, hærebit immobilis. Ita Celladeus §. 3.

Respondeo, expedire intellectui, ut possit à voluntate determinari, quando solum allicitur, sed non determinatur ab ipso objecto. Porro in actu primo non eadem, sed par est spes veritatis; non idem, sed par metus falsitatis: verum, stante determinatione voluntatis & assensu producto, una pars præfertur ut absolutè vera, & altera rejicitur ut absolutè falsa, aded ut intellectus nunquam feratur in objectum per assensum, quin illud habeat longè maiorem apparentiam veri quàm falsi, idque non solum per ipsum assensum, qui est formalis prælatio unius alteri; sed etiam pro priori ad ipsum assensum, quia eadem rationes accedente affectu & imperio voluntatis vehementius movent, quàm movissent, si nullus affectus voluntatis affuisset.

27. Dices. Intellectus naturaliter est ad verum. Ergò est illi disconveniens, ut moveatur ad minùs probabile, in quo scilicet ratio veri minùs apparet, quàm in opposito. Ergò magis contra ipsum est, quod sit mobilis ad minùs probabile, quàm ad omnium dubia; in quibus nulla apparet ratio veri aut falsi. At ad ista intellectus est immobilis. Ergò à fortiori immobilis est ad minùs probabilia. Ita Celladeus ibidem.

Respondeo esse quidem minùs conveniens intellectui ferri in minùs probabile, sed nego illud esse simpliciter disconveniens, si loquamur de apparentia antecedente; quia motivum minùs probabile sæpius connectitur cum veritate quàm cum falsitate. Conveniens autem est intellectui ferri in tale motivum, quando certitudo deest; quamvis magis conveniat ferri in motivum magis probabile, utpote quod frequentius connectitur cum vero quàm motivum minùs probabile. Rursus inconveniens quidem est intellectui ferri per assensum in illud ut verum, quod, omnibus consideratis, enunciat esse minùs probabile, quia talia iudicia sibi contrariantur. At non est inconveniens ferri in actu secundo in id, quod erat minùs probabile in actu primo, quando per illum actum secundum objectum apparet probabilius, & præfertur opposito, quamvis pro priori non erat magis probabile, nec magis afficiebat animum, quàm oppositum.

28. Præterea quamvis talis assensus esset disconveniens intellectui, non inde sequitur, intellectum non posse flecti ad illud per imperium voluntatis. Profectò omnes hæreses, omnia temeraria iudicia, omnesque errores multò magis disconveniunt intellectui, quàm iudicium nixum motivo antecederet minùs probabili; quia huiusmodi iudicium plerumque est verum. Et tamen intellectus ex imperio voluntatis flecti potest in omnes illos errores, etiam temerarios. Quidni ergò flecti etiam possit ad assentiendum motivo minùs probabili, quamvis illud esset ipsi positivè disconveniens.

29. Cæterum paritas & illatio Celladei de immobilitate

Obiectio 4.

Convenit intellectui in obscuro subdi imperio voluntatis.

Est minùs conveniens, sed non est disconveniens intellectui ferri in minùs probabile.

Intellectus flecti potest ad illud, quod est ipsi inconveniens.

Paritas & immobilitate

Illatio nulla mobilitate intellectus ad minus probabilia, eò quòd intellectus sit immobilis ad purè dubia, nil valet. Paritas quidem nulla est, quia in casu dubii veritas non apparet, sed veritate non apparente assensus est impossibilis, quia intellectus non potest ferri extra obiectum suum. Præterea experientia constat, intellectum in casu dubii non moveri in actu primo, cum ad nullam partem stimuletur. At in casu rationum utrique parti faventium, certum est, intellectum moveri ad utramque partem, & ad assentiendum inclinari, atque ideo in uno casu assensus est possibilis, in alio impossibilis. Illatio verò est prorsus nulla, cum ex antecedenti etiam admissio consequens non inferatur. Quamvis enim assensus motivo minus probabili esset disconveniens intellectui, non inde sequeretur assensum illum per imperium voluntatis non posse elici ab intellectu. Itaque paritas nulla est, & consequentia est penitus nulla.

Voluntas sit immobilis inter bona æqualia?

30. Objicit quintò. Ipsa voluntas est immobilis inter bona æqualia, & in nullo discrepantia, cum neutrum eligere possit. Voluntas enim semper habet *cur* obiectivum, non solum *cur* amet, sed *cur* hoc præ illo amet, nec sufficit *cur* quasi subjectivum, quia volo; alioquin beati possint desistere ab amando Deo; non enim indigebunt ratione ex parte obiecti, quæ nulla est, sed satis erit illud, quia volo. Itaque voluntas non potest ferri in bona æqualia, nisi sint dissimilia, adeoque singula excedant & excedantur secundum aliquam considerationem, ut tradit S. Thomas 1. 2. q. 48. art. 6. ad 3. Ergò voluntas flecti nequit in ullam partem nisi in partem præminentem. Ergò multò minus flectere potest intellectum, quia voluntas plus potest in seipsam, quàm in intellectum. Ergò intellectus est prorsus immobilis, quando motiva sunt æqualia. Ergò à fortiori est immobilis in partem minus probabilem. Ita Celladeus ibidem.

Voluntas est liberrima inter æqualia.

Respondeo, voluntatem tunc esse liberrimam, quando versatur inter bona prorsus æqualia & similia. Ratio est, quia tunc voluntas in actu primo est maximè indifferens, ideoque maximè libera. Sic Deus liberrimè elegit hunc solem præ alio prorsus simili & æquali. Eodem modo etiam creaturæ libere tunc agunt liberrimè, quando nil est ex parte obiecti, aut quod determinet, aut magis alliciat voluntatem ad unam, quàm ad aliam partem; tunc enim tota determinatur ad solam voluntatem pertinet, quæ ideo summâ libertate eligit quod vult. Neque in tali casu deest *cur* obiectivum: si enim famelicus statueretur inter duos panes in omni consideratione æquales, haberet motivum sufficiens ex parte obiecti, cur unum præ alio eligeret; sufficiens, inquam, quod omnino requiritur ad libertatem, non necessitans, quod eam destruit, non vehementius ad unam partem quàm ad aliam alliciens, quod libertatem minuit, cum omnem electionem difficilem reddat, eoque difficiliorem, quo quis scit se sua electione privandum bono, ad quod vehementer allicitur. Motivum autem ejus est hujusmodi. Volo hunc panem, quia iste mihi sufficit, sed illum respuo, quia illo non indigeo. Hoc motivum abundè sufficit, quamvis è contrario potuisset dicere, Volo alterum, quia ille sufficit, & hunc respuo, quia hoc non indigeo. Verùm hoc solum probat, quod ad sint duo motiva sufficientia, unum ad hoc eligendum præ illo, & aliud ad illud eligendum præ isto, quod est verissimum, ut apertissime constat in Deo, primo libero, omniumque liberè agentium liberrimo. Deus enim semper eligit inter duo penitus

Voluntas inter æqualia eligens habet cur obiectivum.

æqualia, quia loco ejus quod posuit, potuisset non hoc, sed aliud ponere huic penitus simile & æquale. In quo casu Deus habet, *cur* obiectivum sufficiens, seu sufficienter movens ad præferendum unum alteri, & non solum *cur* subjectivum, quia volo. Quamvis loquendo de ratione determinatè, non sit alia, quàm ipsum *cur* subjectivum, quia volo. Sed hoc est determinativum formale in actu secundo, non prædeterminativum in actu primo; hoc enim non solum non requiritur, sed requiritur ut non sit, quia tolleret libertatem & indifferentiam. Jam creaturæ in hoc imitari possunt libertatem divinam, quam participant: & quidem si eligere possint difficilius, & quod, omnibus inspectis, putant excludere bonum absolute majus, ut inouere videtur Celladeus, quid impedit, quò minus eligere possint illud, quod non excludit nisi bonum simile & æquale?

31. Quod ad S. Thomam attinet, ille in hac controversia parum debet Celladeo, qui, ut illum in suam sententiam trahat, persuadere conatur, quod S. Doctor hac in re priorem sententiam revocaverit. In primis fatetur Celladeus, S. Thomam lib. 2. de Cælo & mundo textu illi 94. reprobasse Platonem dicentem, famelicum, si videat cibum æqualiter hincinde distantem, ad neutram partem movendum, cum se ad neutram possit determinare. Ergò S. Thomas ibi saltem tenuit nostram sententiam, nec eam unquam retractavit. Quamvis enim Celladeus in objectione citet S. Thomam 1. 2. quasi S. Thomas ibi se declararet, aut contrarium diceret, tamen non est ita; nam quod lib. de Cælo tradidit, optimè coheret cum eo, quod dicto loco in 1. 2. tradit, quia in eo loco in corpore articuli ex eo probat, voluntatem non ex necessitate eligere; quia voluntas potest tendere in quodcumque obiectum, quod ratio proponit ut bonum. Ratio autem sæpe proponere potest utramque partem oppositam ut bonam, & in eo casu liberè eligit quod vult, nec unquam necessitatur nisi ad amandum purum bonum, nempe beatitudinem; quia nemo potest velle esse miser, sed omnis homo necessariò cupit esse beatus. Profectò hæc doctrina articuli æquè extenditur ad omnia bona opposita & æqualia, sive similia fuerint, sive dissimilia, ideoque S. Thomas censendus est nobiscum sentire. Nec obstat, quod respondens 3. arg. in quo dicebatur ex Platone famelicum inter cibos prorsus æquales non posse eligere, dicat, nil obstar, quò minus ea quæ proponuntur ut æqualia secundum unam rationem, proponantur ut inæqualia secundum alteram, ita ut unum emineat secundum aliquam conditionem, & sic magis moveat voluntatem quàm aliud. Non, inquam, obstat, quia in responsione ad argumentum ea solum ponuntur, quæ ad solvendum argumentum sunt insufficientia. Jam verò argumentum illud solum procedebat de bonis æqualibus & similibus, & ex ineligibilitate prætenso illorum simpliciter inferebat, nunquam eligi posse nisi quod prævalet. Hanc illationem, utpote doctrinæ articuli contrariam, negat S. Thomas, ostenditque illam ex assumpto antecedente non sequi, quia quæ sunt æqualia simpliciter, possunt esse dissimilia, & secundum quid excedere & excedi ab invicem, in quo casu voluntas secundum quid magis flectitur ad unam partem quàm aliam. Hoc sufficiebat ad solvendum argumentum, & hoc solum traditur ibi: neque enim S. Doctor approbat doctrinam illam Platonis, quam in lib. de Cælo rejecerat, sed solum ostendit, ex illa admissa nil sequi contra doctrinam in articulo stabilitam.

S. Thomas tenet voluntatem inter æqualia posse eligere.

S. Thomas non docet contrarium in hac re. Duo ejus textus conciliantur.

S. Thomas
haud dubiè
tenet volun-
tatem inter
æqualia dif-
similia pos-
se eligere.

32. Cæterùm haud dubiè S. Thomas tam in dicta responsione ad 3. quàm in toto articulo supponit, quod voluntas eligere possit quodlibet ex æqualibus, si sint dissimilia, alioquin nec respondisset argumento, nec suam sententiam stabilivisset, quia qui vult finem, necessariò debet eligere aliquod medium. Ergò si non posset ferri nisi in potentius, ex necessitate ferretur in illud. At si semel ferri possum in quodvis ex æqualibus dissimilibus, eadem prorsus ratio valet de similibus: quia si privari bono æquali, sed dissimili illi, quod eligo, non impedit electionem; nec est, quod privari bono æquali & simili electionem impediat.

Illatio Cel-
ladei nulla
est.

33. Præterea nulla prorsus est illa Celladei illatio: quòd si in eligibilibus æqualibus & similibus sufficeret illa ratio, *volo quia volo*, Beati possent desistere ab amando Deo. Probatur hoc. Ratio illa non est absurda in ordine ad præferendum unum alteri, quando omnia sunt æqualia; tunc enim nil est ex parte objecti necessitans, aut magis alliciens ad unam, quàm ad aliam partem. Ergò rectè vult, quia vult. At summum bonum clarè possessum non relinquit libertatem, sed rapit voluntatem ad amorem & fruitionem ipsius. Ergo ex eo quòd quia volumus, præferre possumus unum ex duobus impossibilibus & æqualibus, non sequitur, quod aut ex hoc, aut ex ullo capite Beatus deferere possit amorem Dei, in quem prorsus ita rapitur, ut nullus sit libertati locus ad Deum non amandum.

Quamvis
voluntas non
posset moveri inter æ-
qualia, pos-
set tamen
movere in-
tellectu ad
æquale.

34. Sed neque sequitur, quod voluntas flectere nequiret intellectum ad unum ex æqualibus, quamvis ipsa inter æqualia & similia non posset eligere: imò contrarium sequitur; quia fieri poterit, ut sit majus bonum voluntatis, si intellectus hanc partem amplectatur; tunc autem voluntas determinabit intellectum ad partem illam amplectendam, & alteram rejiciendam. Nec mirum, quia certum est, voluntatem flectere posse alias potentias ad minus bonum in eadem specie, si hoc sit ipsi voluntati melius. Sic dolorem majorem, vel minorem tactui incutere, oculosque dirigere potest ad hoc vel illud simile, & minus in eadem specie videndum præ alio. Ergò similiter & in intellectu: neque inde sequitur, quod simpliciter plus possit in intellectum quàm in seipsam, sed solum quod secundum quid plus possit: quod certè in tali hypothese est verissimum, quia sicut non obstat illa hypothese plus potest secundum quid circa alias potentias, sic etiam, eadem stante, plus poterit secundum quid circa intellectum, quàm circa seipsam; & consequenter non est cur non possit flectere intellectum in assensum partis æquè aut minùs probabilis.

35. Neque placet, quod dicit Celladeus in fine §. 3. scilicet quod in intellectu & in vero non habeatur illa distinctio bonorum æqualium & inæqualium, sed dissimilium, quam Auctores admittunt in voluntate; quia dissimilitudo bonum diversificat, & consequenter multum facit ad voluntatem. At dissimilitudo rationum & auctoritatum, non ponens inæqualitatem, ad intellectum nil facit, nec verum diversificat. Bona enim diversa, ratione suæ diversitatis, sibi contrariantur, & ideo voluntas moveri potest ad bona etiam minora, si sint dissimilia & diversæ rationis. At verum vero non contrariatur. Ideo in vero solum consideratur quantitas, non qualitas apparentiæ, nisi qualitas quantitatem variet; solum enim consideratur in rationibus, quantam connexionem habeant cum vero.

Non, inquam, placet, quia rationes sibi contradicentes non minùs differunt quàm bona inter se pugnantia. Sæpè enim rationes contrariæ sunt prorsus similes, sæpè sunt omninò dissimiles, sicut bona. Quare sicut bona dissimilia aliquando sunt æqualia, & ideo excedunt, & exceduntur; sic etiam aliquando rationes dissimiles sunt æquales, quæ tamen secundum quid se invicem mutuo excedunt. Sic experimur motiva ab inductione ordinis naturalis desumpta, sollicitare mentem contra fidem, quibus tamen motiva fidei, quæ sunt ordinis supernaturalis, contradicunt, & apud fideles prævalent, quamvis apud plurimos opposita argumenta prævaleant. Singula ex istis peculiari ratione verisimilitudinem præferunt, & comparantur ad invicem ut excedens & excessum: non quòd argumenta fidei, omnibus inspectis, non multum prævaleant, sed quòd non habeant eam peculiarem vim movendi ad assensum, quàm argumenta in ordine naturæ fundata habent ad suadendum dissensum. Itaque distinctio motivorum tam æqualium, quàm inæqualium & dissimilium, æquè locum habet in intellectu ac in voluntate, quia sicut dissimilitudo diversificat bonum apparens, sic etiam dissimilitudo rationum diversificat verum apparens, suæque diversitate peculiariter ac diversimodè allicit, atque ita non minùs facit ad intellectum, quàm diversitas boni apparentis ad voluntatem.

36. Cæterùm, licet nullum verum necessarium nulli vero necessario repugnet; similiter, licet nullum verum reale existens ullum verum coexistens destruat, multa tamen vera contingentia, alia vera contingentia excludunt & destruunt, idque non minùs quàm ens enti opponitur, cum verum & ens dicantur ad convertentiam. Sed quid sit de hoc, verum apparens non minùs contrariatur vero apparenti, quàm bonum apparens bono apparenti, ideoque in utroque non solum quantitas, sed etiam qualitas apparentiæ attendenda est, etsi qualitas illa simpliciter quantitatem non augeat, sed solum faciat, ut secundum quid excedat, licet ex opposito secundum aliud excedatur. Fateor nihilominus diversitatem inter bona esse majorem, quia specifica diversitas bonorum videtur esse frequentior & notabilior, quàm diversitas rationum moventium. Verùm hæc majoritas nil facit ad intentum præsens, quia libertas voluntatis non fundatur in multiplicitate varietatis, sed solum in varietate. Ergò cum detur varietas specifica rationum in contraria moventium, intellectus per imperium voluntatis flecti poterit in assensum cujuscunque partis, cum libertas voluntatis æquè deserviat aliis potentiis sibi subjectis, ac sibi.

37. Objicit sextò. Si intellectus ex imperio voluntatis flecti posset ad prudenter præstandum assensum motivo æquè aut minùs probabili, possemus singulis momentis mutare opiniones absque vitio, immò & cum laude. Absque vitio quidem, quia, stantibus motivis æqualibus, possum affirmare hanc partem propter motivum illius partis. Sed in sequenti instanti habeo idem fundamentum quod antea, nec libertas ablata est. Ergò etiam in sequenti instanti prudenter judicare poterò alteram contradictionis partem, sicut quando occurrentibus duobus æquè indigentibus nunc uni do eleemosinam, & paulò post eidem occurrentibus, vel eidem vel alteri largiri possum eleemosinam, ut libuerit. Cum laude verò, quia æqualibus æqualia tribuere laudabile est. Ergò si hodie assentior alicui propter auctoritatem Hieronymi,

Motiva in-
tellectus dissimilia non
minùs ex-
cedunt &
exceduntur
quàm mo-
tiva volun-
tatis.

Verum ap-
parens con-
trariatur ve-
ro apparen-
ti, sicut bo-
num bono;

An opinio
possit pro
arbitrio &
facile mu-
tari?

onymi, erat laudabiliter idem veritatem propter aequalem auctoritatem Augustini (casu quo sibi contradicerent) sic enim neutrum despicio, sed utrique aequalem honorem tamquam aequaliter dignis defero. Idem à fortiori valet respectu rationum aequalium, & multò magis respectu inaequalium, si ab initio motivo minùs probabili assensum præbui, quia omnis mutatio in melius in omni judicio laudatur. At sequele sunt absurde. Ergò non possumus opinari æquè aut minùs probabilia. Ita Cellædus *quæst. 1. Append. §. 1.*

Opinio dif-
finit & ra-
tione mutari
potest.

Respondet, argumenta ista validè confirmare secundam assertionem, sed tertiam non impugnare, quia concomitantè & consequenter ad assensum uni parti datum, pars illa semper evadit longè probabilior opinanti, quàm contraria; adeo ut, stante illo judicio, impossibile sit opinantem existimare oppositum esse æquè aut magis probabile. Ex hoc autem omnia prorsus contraria contenta in objectione sequuntur. Sequitur imprimis, homines non posse facile opinionem suam mutare, quia non possunt faciliè effugere, ut pro parte semel rejecta habeatur apparentia comparabilis cum apparentia consistente ad judicium uni parti alligatum. Præterea difficile est homini dicere, se deceptum fuisse, nisi nova aliqua ratio, & quidem valdè magna appareat. At qui mutat opinionem, dicat se antea fuisse deceptum. Non ergò hoc facile est, sed longè difficilissimum, & quodammodò impossibile, ac de rebus aut nunquam aut rarissime contingens. Cuius ratiò, si possemus hanc apparentiam consequentem exuere, & si libertatem intellectus falsò in objectione suppositam induere, concederem posse nos sine viro, imò & cum laude opiniones mutare pro arbitratu; verum cum consistit, suppositionem esse falsam, constat etiam consequentiam esse nullam, cum homines suis opinionibus, undecumque habitis, sint addictissimi. & nisi novæ ac validæ rationes afferantur quodammodò inflexibiles.

Voluntas
est libera,
non potest
singulis in-
stantibus
suis affec-
tibus mu-
tari.

38. Sed ut Cellædus nihilatè sui argumenti videat, peto ab illo, an voluntas hic & nunc libera & indifferens ad amandum & odio habendum aliquid, possit in hoc instanti illam amare, in sequenti odire, & sic totà die pro singulis instantibus delibe-are suum affectum erga illum mutare? si concedat, concedam & ego idem de intellectu, quod certè aliter de ipso concedi non potest, quod si idipsum voluntati concedatur, quia intellectus in obscuris nullum assensum elicere potest, nisi dependenter ab affectu & imperio voluntatis. Ergò non potest contradictoria judicare, nisi affectus & imperium voluntatis mutantur. At illa non possunt faciliè mutari. Ergò nec opinio semel concepta. Et sane præter hanc difficultatem mutandi opinionem ob voluntatis constantiam in eodem, datur alia ex parte ius intellectus, cui difficile est existimare se deceptum, nisi nova, vehementer, & clara ratio accedat. Ergò intellectus est inflexibilior quàm voluntas. Verùm, si affectus voluntatis erga aliquod objectum mutetur, tunc etiam prior apparentia mutatur, & sic homo faciliè mutat intellectum ac opinionem suam, ut constat experientia. Neque tamen ideo homo habet novas rationes, sed priores, quæ antea minùs alliciebant ob affectum ad illas.

Paritas in-
differentiæ
in dante ele-
mentis non
est, sed
Cellædus
urget.

39. Inæque consequentia argumenti nulla est, cum procedat ex falsa suppositione, scilicet quod post assensum uni parti datum maiore apparentia par aut major pro parte opposita, quod est aperte falsum. Similiter paritas illa dantis elementis cui libuerit ex duobus æquè indigentibus, nos

R. P. A. Tertiò, Regula Morum PARS I.

non urget, sed Cellædum. Non urget nos, quia datus elementis uni non facit ipsius indigentiam apparere maiorem, sed potius minorem, quippe quæ per ipsam elementis indigentiam minuitur. Ergò reus, qui dantem elementis æquè indifferenter, ut antea erat, ad dandum alteri. Ratio autem indifferentiæ in istiusmodi casu ex eo etiam sumitur, quod motivum misericordiae æquè extendatur ad omnes æquè indigentes pro quovis tempore. Atque ideo quod sit uni, non tollit omnimodam indifferentiæ ad operandum circa alios. At secus est quando motivum amoris uni tantum alligatur, ut in amore amicitiae &c. tunc enim non possumus faciliè mutare amicum, aut cum odisse quem dileximus, quia non possumus motivum ipsum continenter nunc amare, nunc averari pro arbitratu. At in intellectu rationes, quibus assentimur, uni tantum parti favent: ideoque libertas non extenditur ad tales assensus mutandos pro arbitratu. Ergò paritas illa non urget nos, sed urget Cellædum, tum quia est validissimum argumentum ad ostendendum, quod voluntas eligere possit inter objecta prorsus similia & æqualia, quod ipse negat; tum quia ipse hunc casum ita proponit, ac si voluntas inter æqualia possit eligere pro arbitratu, atque ita sibi videtur contradicere. Et sane nisi supponat voluntatem in eo casu fieri posse pro arbitratu ad æqualia & similia, argumentum contra ipsum facit; quia ut huic largiretur, deberem existimare, eum esse indigentem. Ergò non possum esse liber postea ad largiendum ipsi vel alteri, nisi habeam indifferentiæ ad iudicandum hunc illo esse indigentem. Ergò nisi sibi in hac ipsa questione contradicat, & admittat voluntatem posse eligere inter similia & æqualia, ex altera parte debet sibi contradicere, & supponere quod possit pro arbitratu meo facere apparentiam indigentis huius esse maiorem vel minorem, imò & jam judicare quod sit major, & hoc quidem eadem facilitate, quia possum huic vel alteri elementis dare.

Cellædus
proponit ar-
gumentum ad
ostendendum,
nec potest
illam in-
differentiæ
sibi contra-
dicere.

40. Obicit 1. primò. Ridiculus esset, qui inter disputandum, dum disputatio fieret, mutaret sententiam, & concederet quod ab initio negabat. At si possemus opinari æquè probabilia ex sola determinatione voluntatis, utique possemus in processu argumenti rectè negare, quod antea affirmaveramus, quia pro negando haberemus fundamentum æquale illi, quod habuimus ad affirmandum.

Primò in
ostendit
præstatum.

41. Secundò sequeretur, quod in hinc inde opinabilibus bellum rationis esset utrinque iustum, idque citra errorem, & ignorantiam omnem; occurrentibus enim rationibus æqualibus, alter rectè prudenterque affirmat, alter rectè prudenterque negat. At hoc est absurdum, quia rectè prudenterque dicenti non rectè prudenterque contradicatur. Ergò alter non rectè contradicit, Ergò alter non rectè dicit; nam qui rectè dicit, adversario rectè contradicit. Ergò unus solus rectè dicit. Et sanè quando incidimus in duos litigantes, supponimus unum solum & non utrumque rectè dicere; nam pro uno solo sententiam damus, & citiusque eum rectè dicere, & rationem habere.

Secundò in
ostendit
præstatum.

42. Tertiò, qui aliquid tenet, nunquam fatetur contraria motiva esse meliora, aut æquè bona; fatuus enim haberetur, qui ita loqueretur in publico. Ergò etiam fatuus est, qui ita sentit in corde, nam si illud prudenter diceretur in corde, utique enunciareretur in ore.

Tertiò in
ostendit
præstatum.

43. Quarta, nemo in probabilibus rectè dis-

Quarta in
ostendit
præstatum.

A 3

spuaret

spuaret contra adversarium, quia ille rectè iudicat, cum habeat motiva probabilia, vel majora, vel aequalia, vel saltem minora. At rectè dicit, qui nititur tali motivo. Ergò omnis disputatio deberet cessare. Quia si tu disputas contra illum, intendis probare illum malè dixisse. Ergò non putas eum rectè ac prudenter dixisse.

Quotid in-
conveniens.

44. Quintò demùm sic. Omnis arguens putat, se ostendere posse adversarium non rectè dicere, & melius esse si secum sentiat. Ergò putat, se habere fundamenta sufficientia ad id probandum. Ergò putat sua fundamenta esse meliora. Ergò non minora nec aequalia. Ergò nullus ritè impugnat alium, & consequenter nullus opinans putat se habere motiva minora aut aequalia, quia unusquisque putat se fundatius loqui, quàm adversarium, quem impugnat. Ita Celladeus *quest. 1. Append. §. 2.*

Argumen-
ta alibi ig-
dantur in-
equivocat o-
sc.

45. Respondeo, omnia ex istis, quæ faciunt ad rem, procedere ex confusione apparentiæ antecedentis, & apparentiæ consequentis affectum & assensum uni parti alligatum. Convincunt quidem apparentiam consequentem esse semper majorem, sed nullà ratione id probant de apparentia antecedente. Itaque reipsa non tangunt difficultatem præsentem. Hoc dictum in genere abundè sufficit ad solutionem objectionis. Ad majorem tamen claritatem aliquid ad singula reponam.

An ridicu-
lus sit, qui
inter dispu-
tandū mu-
tat senten-
tiam ?

46. Ad primum. Ridiculus esset, qui inter disputandum mutaret sententiam, nisi planè convinceretur argumentis contrariis; tunc enim laudabiliter mutaret sententiam, sequè illa in re victum fateretur. Talem enim irridere non rectè ordinati sed superbi animi esset. Cæterum, qui sine manifesta convictione inter disputandum mutaret sententiam, ridiculus esset, quamvis ob rationem, quæ ipsi jam validior apparet, eam mutaret. Non tamen rideretur præcisè, quia mutaret sententiam, sed quia sine necessitate declararet se eam mutare, & sic intento disputationis non satisfaceret, sed in re seria ludicrò ageret. Finis enim disputationis est, ut assertio defendatur, donec opposita veritas vincatur, & sic bonitas fundamentorum eluceat. At veritas opposita non vincitur, quamdiu probabiliter respondetur. Præterea, etsi defendens nunc turbetur, eò quòd argumentum urgere videatur, fortasse postea inveniet argumentum fuisse nullum; ideoque ridiculus esset, si statim manus daret, aut palam sententiam mutaret. Demùm applicatio hujus doctrinæ procedit de subiecto non supponente. Supponit enim posse quemvis sine nova ratione statim prohibitu sine ulla difficultate sententiam mutare, & reputare argumenta contraria esse aequalia illis, quæ habet pro sua sententia. At hæc omnia jam ostensa sunt falsa.

47. Ad secundum respondeo, in incertis ac utrimque opinabilibus bellum rationis esse posse utrimque justum formaliter, ut dictum est in superioribus, quia Auctores utriusque partis putant se habere rationes prævalentes, nec convincuntur ab adversariis, aut reprehendi possunt quasi irrationabiliter judicantes. Tales autem jus habent ad suam opinionem tutandam; ideoque vo-

luntas eam tutandi in utroque justa est, & hoc est bellum, seu voluntatem bellandi esse utrimque justam formaliter. Verùm loquendo de ipsa veritate, quæ quæritur, illa non stat nisi pro una parte, ac proinde illa sola pars est materialiter justa; ideoque bellum, quod titulo veritatis tali parti faventis inducitur, & formaliter & materialiter est justum. At bellum pro parte opposita non est materialiter, sed solum formaliter justum. Neque tamen justitia formalis belli utrimque illati habetur citra omnem errorem & ignorantiam, ut vult Celladeus, quia ex sola ignorantia veri oritur rationabilis titulus ad propugnandam partem, quæ est falsa. Si enim falsitas illius clarè apparet, nullum patronum habere posset.

48. In hoc ergò Celladeus satis apertè erravit, sicut satis clarè equivocat in sequentibus, ubi dicit, rectè prudenterque dicenti non posse rectè prudenterque contradici. Unde infert, alterum ex contradicentibus non rectè prudenterque dicere. Hæc enim vera sunt, si nomine recti ac prudentis intelligat verum reale, seu materiale, & rectitudinem logicam, quia utraque pars non potest esse vera, & logicè recta. Sed si intelligantur non de veritate materiali propositionis, nec de rectitudine logica, sed de rectitudine morali, seu de conformitate talis opinionis cum appetitu recto, in quo propria ratio prudentis judicii consistit, utraque pars potest esse recta & prudens, quia utriusque contradicentis opinio est conformis appetitui recto; uterque enim per appetitum rectum imperat assensum suæ opinionis, & ad eam tutandam bellum rationis indicit. Unde etiam sæpè concludimus, utrumque litigantem propriè loquendo prudenter judicare, quamvis si veritatem ipsam materialiter & logicè sumptam spectemus, non possimus nisi uni causam & victoriam judicare.

Equivoca-
tio Celladei
distinguitur.

49. Similis prorsus est responsio ad quartum argumentum, quod eadem æquivocatione laborat; quia confundit verum materialiter sumptum cum eo, quod creditur verum ex imperio seu appetitu recto; & quod priori tantum convenit, transfert ad secundum, cum illa toto cælo differant. Jam quando disputamus, conamur ostendere adversarium logicè errare, nosque logicè verum dicere. Neque tamen ideo putamus, illum antea non prudenter, aut non rectè judicasse secundum considerationem ethicam, sed conamur efficere, ut mutet sententiam, quia sæpè putamus, illum non commodè soluturum argumenta, quæ offerimus. Quod si prævideremus eum illa commodè soluturum, non disputaremus animo illum convincendi, sed solum vel exercitii causâ, vel ut melius partem nostram adversario explicaremus.

50. Ad tertium & quintum, quæ etiam cōincidunt, jam sæpius responsum est, scilicet illa fundari in suppositione, quod qui aliquid opinatur, simul judicet partem oppositam æqualibus aut potioribus rationibus stabiliri, quod est falsum. Uno verbo in istis argumentis apparentia antecedens confundiur cum consequente. Ac proinde illa confirmant secundam, non improbant tertiam assertionem.

QUÆ-

QUAESTIO TRIGESIMA. PRIMA.

*Utrum subjectio intellectus ad voluntatem, probet assensum
aqué aut minus probabilium esse
probabilem?*

1. **A**RGUMENTUM hoc à me tractatum est *quæst. 1. & 9. de Consc. prob.* in quibus efficaciam rationis ab ista subiectione desumptæ latè deduxi. Non est meæ intentionis ibi dicta hîc repetere, libuit tamen quæstionem sub istis terminis iterum proponere, ut argumentum, quod à subiectione intellectus ad voluntatem, & à paritate utriusque potentiae Celladeus *quæst. 3. Appendicis* sibi objecit, proponerem, ostenderemque responsiones, quas ad illud infirmandum affert, nullius roboris esse, sed ad argumentum validè corroborandum plurimum deservire.

ASSERTIO UNICA.

Celladeus non solvit argumentum, ab intellectu ad voluntatem subiectione desumptum, quod sibi objecit ad probandum, quod aquè & minus probabile sit opinabile.

2. **A**SSERTIO hæc non aliter probari potest, quàm argumentum proponendo, & solutiones illius examinando. Primò ergò proponam argumentum, sed cum aliqua diversitate, ut illud fortius urgeam. Itaque Celladeus *quæst. 3. Appendicis* sic contra se insurgit.

ARGUMENTUM PROPONITUR.

Argumentum proponitur.

3. **I**TA se habet intellectus ad verum apparens, sicut voluntas ad bonum sibi apparens. Sed voluntas ex duobus bonis impossibilibus propositis potest determinari ad æquale & minus. Ergò intellectus ex duobus veris apparentibus impossibilibus determinari potest ad æquale & minus. Sed in eo est diversitas, quòd voluntas, utpote unica potentia libera, determinetur à se ipsa, intellectus verò à voluntate, cujus libertas ad omnes potentias sibi subjectas determinandas deservit, ut ostensum est, *quæst. 9. de Consc. prob. sum. 22.* Hoc argumentum Celladeus gravissimo cuidam, sed innominato magistro attribuit, de quo queritur, quod illi nimis adhæserit, quòdque tum propter illud, tum propter maximam & gravissimam apparentiam veritatis utrique contradictionis parti faventis fixus in sua sententia permanferit. Hæc est Celladei querela, qui in hoc argumento de maximo illo Magistro & victoriam & triumphum tulisse sibi videtur. Sed quàm immeritò, Deo dante, clarè apparebit *quæst. 38.* ubi

de eodem illo Magistro, atque de hac Celladei querela opportuniore loco sermo redibit.

Argumentum hoc, ut à me propositum est, & *quæst. 1. & 9. de Consc. prob.* latè tractatum, existimo esse efficax & apud æquum judicem rem convincere, si apparentia tam antecedens, quàm consequens affectum & assensum uni parti impensum, ante oculos habeatur; simulque serid cogitetur, qualis & quanta sit potestas in voluntate ad indifferentiam potentiarum sibi subjectarum determinandam. Certum enim est argumenta Celladei ex istorum confusione procedere, omnemque vim amittere, si hæc debitè perpendantur, ut mox apparebit.

OBJECTIONES CELLADEI

solvuntur.

4. **O**BJECTUM primò. Pro voluntate sit comparatio inter bonum & bonum; quia utraque pars est bona. Ergò ut sit paritas, fieri debet comparatio inter verum & verum: sed in opinabilibus contradictoriis non datur verum & verum, sed verum & falsum. Ergò argumentatio est inepta.

Obiectio 1.

Respondeo, comparisonem sæpè fieri pro voluntate inter bona tantum apparentia, non vera; aut saltem inter bonum purè apparens ex una parte, & bonum reale ex altera. Ergò comparatio & paritas hæc aptissimè quadrat per omnia. Verum quamvis quoad hoc daretur aliqua disparitas, adhuc paritas quoad alia abundè sufficeret ad intentum argumenti, ut ex sequenti objectione constabit.

Solutio.

5. Obiectum secundò. Per bonum & bonum non egredimur extra sphaeram & objectum voluntatis. At per verum & falsum egredimur extra sphaeram intellectus. Ex contradictoriis autem unum est falsum, & hoc intellectus novit. Ergò licet voluntas eligere possit inter bonum & bonum, & amplecti quod est minus; non ideo poterit movere intellectum, ut eligat inter verum & falsum, & judicet quamlibet partem.

Obiectio 2.

Respondeo primò ut antè, sicut voluntas non egreditur extra suum objectum, quando eligit bonum purè apparens non verum: ita nec intellectus quando non determinatur ad falsum, quod apparet verum, ut omnes fatentur in quovis iudicio falso. Præterea voluntas eligere posset inter duo bona apparentia, quamvis intellectus sciret, alterutrum esse solum apparens, modò determinatè nesciret, quænam esset illa pars. Ergò utrobique datur omnimoda paritas.

Responsio.

Intellectus non egreditur extra suum obiectum, quod determinatur ad quamlibet ex partibus contradi-

6. Respondeo 2. intellectum non egressurum extra suam sphaeram, casu quo determinaretur à voluntate ad assensum, idque duabus de causis. Primum, quia antecedenter utraque pars disjunctivè est apparenter vera, quamvis altera illarum sit falsa. Ergo voluntas determinans intellectum, non moveret illum extra suam sphaeram, quia moveret ad verum apparens. Nec obstat, opposita argumenta falsi periculum proponere; quia etiam in voluntatis obiecto sæpè proponitur non periculum, sed certissima ratio mali connexi cum bono quod eligitur, quo non obstante, eligi potest hoc præ illo. Secunda ratio est, quia per ipsum affectum & imperium voluntatis, veritas magis apparet ex parte erga quam voluntas propendit. Idem autem multò magis habetur per ipsum assensum imperatum, utpote qui essentialiter est approbatio sui obiecti ut veri, & rejectio oppositi ut falsi. Ergo intellectus non egredere- tur extra suum obiectum, nec determinaretur ad agendum extra sphaeram, quamvis determinaretur ad assensum juxta doctrinam *questionis superiore* traditam. Et sanè quamdiu utraque pars contradictionis apparet probabiliter vera, perspicuum est, obiectum intellectus reperiri in utraque. Stante autem hoc, paritas argumenti subsistit, quamvis in aliis daretur disparitas, quæ tamen non datur.

Obiectio 3. 7. Obiecit tertio. Ex eo quod sit bonum jejunare in die præcepti, non sequitur quod solvere jejunium non sit bonum, aut non contentum sub obiecto voluntatis. At si unum ex contradi- cto- riis sit verum, evidenter sequitur alterum esse fal- sum, & extra sphaeram intellectus. Ergo paritas est inepta.

Responso per contradi- cti- onem. Respondeo, argumentum à Celladeo solven- dum esse in voluntate. Quando sciremus, unam partem propositam non esse bonam, tunc enim ex eo, quod una sit bona, evidenter sequitur, alteram non esse bonam, sed positam extra ob- jectum voluntatis. Voluntas tamen in eo casu eli- gere posset pro arbitratu.

Utraque para- doxi- a in pro- babilibus est obiectum intellectus, quævis scia- mus alteru- trum esse falsum. 8. Respondeo secundò, argumentum ad intel- lectum applicatum non aliter valere, quàm si una pars determinata sciatur esse vera, non enim aliter scimus, alteram partem esse falsam. In pro- babilibus enim, quamvis credamus unam partem esse veram, non tamen scimus alteram esse falsam, quia fortè decipimur. Itaque quamvis unum ex probabilibus sit verum, non sequitur alterum non apparere verum, aut esse extra sphaeram intel- lectus; quamvis si unum actu credatur verum, al- terum, stante illo judicio, verum reputari ne- queat. Ratio est, quia adhuc pars rejecta sollici- tat ad assensum, & accedente imperio voluntatis efficere potest, ut prius judicium deponatur, & aliud oppositum eliciatur. Verùm quoad hoc etiam viget paritas cum voluntate, quia voluntas non potest simul velle utrumque ex bonis appa- rentibus oppositis, nec stante electione unius eli- gere alterum. Illud tamen non ideo egreditur extra obiectum voluntatis, quia adhuc sollicitat voluntatem ad mutandam electionem, & ad se amplectendum, repudiato opposito ut minùs conveniente. At totum hoc locum habet in intel- lectu, etiam in sensu composito judicii, uni parti alligati. Et multò magis locum habet in sensu diviso talis judicii, quod nobis ad præsentem pa- ritatem firmandam abundè sufficit. Ergo iterum errat Celladeus, dum infert paritatem esse in- ceptam, sicut clariùs in argumento erraverat, di- cens: *Evidenter sequi unum ex contradi- cto- riis proba-*

bilibus esse extra obiectum intellectus, si alterum sit verum. Quia ex dictis perspicuum est, oppositum esse verissimum.

9. Obiecit quarto. Ex eo quod voluntas eli- gere possit bonum æquale vel minus, inferri de- beret, quod intellectus judicare possit verum æ- quale vel minus. At hoc est de subiecto non sup- ponente. Præterea contradictoria probabilia non solum non sunt æqualiter vera, sed nec vera, quia unum est necessariò falsum. Ergo ipsi termini argumenti argumentum dirimunt.

Responso. rectè inferri, quod intellectus determinari possit ad absolute judicandum, illud esse verum, quod, antecedenter ad omnem affe- ctum, solum æquè aut etiam minùs apparenter erat verum, quàm oppositum. Esset quidem de subiecto non supponente dicere, utramque con- tradictionis partem esse realiter æquè veram. At certum est, quod utraque sit simul apparenter ve- ra, quodque sæpè pars realiter falsa longè magis accedere videatur ad verum, quàm quæ re ipsa vera est. Similia per omnia reperiuntur etiam in voluntate, quando illa versatur inter duo bona merè apparentia, aut inter bonum reale, & appa- rens. Quod enim unum illorum non sit verum bonum, sed vel bonum inane, vel etiam malum, non tollit, quod minùs utraque pars sit apparenter bona. Nulla ergo contradictio in terminis argu- menti, sed solum in mente Celladei, qui con- fundit verum apparens cum vero reali: distinguat hæc, & argumentorum suorum nullitatem per- spiciet.

10. Obiecit quinto. Magis & minùs proba- bile in contradi- cto- riis non sunt species, seu diffe- rentiæ veri, quod est obiectum intellectus, quia una pars est falsa. Genus enim salvari debet in speciebus ac differentiis subiectis. At contrarium cernitur in bono, quia utrumque ex bonis contra- riis est bonum, ut videre est in honesto ac dele- tabili tibi contrariantibus. Ergo paritas nulla est.

Responso, tandem hic latere æquivocatio- nem, quam in superioribus deteximus, quia bo- num & verum reale confunditur cum bono & ve- ro apparente. Obiectum intellectus est verum apparens. At utrumque ex contradi- cto- riis est ve- rum apparens, quia hæc ratio non destruitur in una parte, eò quod veritas realis reperiatur in al- tera. Idem prorsus dicendum de bonitate, non enim semper bona opposita, voluntati proposita, sunt vera & realia bona, sed alterum saltem mem- brum aliquando est merè apparens. Nec inde se- quitur, quod pars illa non sit species boni, quod est obiectum voluntatis; quia non solum bonum reale, sed etiam bonum apparens est obiectum voluntatis. At hæc ratio bonis etiam fictis com- petit, quando proponuntur ut bona. Errat pro- inde Celladeus, dum supponit in argumento, quod solum bonum reale sit obiectum voluntatis, cum contrarium satis constet. Præterea, etsi oppositum concederetur, adhuc argumentum nil concluderet, quia certum est, verum apparens esse proprium obiectum intellectus, extra quod ferri nequit, & in quod semper fertur.

11. Obiecit sexto. Paritas ista non magis pro- bat de probabilibus in doctrina & in jure, quàm in facto. At in rebus de facto nemo non videt falsitatem consecutionis. Duobus enim æquè fi- de dignis contraria testantibus, neutri credo, & imprudens essem, si ulli, maximè si fide minùs digno, crederem. Hæc probant assensum, in casu æqualis aut minoris probabilitatis in rebus facti, esse vel impossibilem, vel imprudentem. Ergo

Obiectio 4.

Responso.

Obiectio 5.

Solutio.

Obiectum proprium vo- luntatis est bonum ap- parens; in- tellectus au- tem verum apparens.

Error Cel- ladei nota- tur.

Ergo & in iure, cum argumentum nostrum non magis valeat pro uno, quam pro alio casu.

Solutio.

Diversa est ratio in materia juris & facti.

Respondeo primò, magnam esse disparitatem inter factum & jus, quia in rebus facti, quando testes contraria deponunt, certum est nullam esse rationem pro una parte, nempe pro illa, quæ studiosè mendaciter asseritur. Unde certum pariter est, quod utraque pars non sit probabilis. At in rebus juris & doctrinæ certum est, rationes apparentes dari pro utraque parte, easque adeo validas esse, ut homines peritos in assensum alliciant, etiam postquam considerantur argumenta opposita. Itaque in casu doctrinæ & juris certum est, utramque partem esse probabilem. Hac de causa motiva illa similia testium, contraria deponentium, ita se elidunt, ut nemo prudenter ulli præstare possit assensum; sed in casu doctrinæ ac juris motiva dissimilia rationum non ita se elidunt, quin intellectus prudenter flexi possit in assensum cujuslibet partis. Quæ omnia ex professo ostendentur infra quaest. 38.

Tam in materia facti quam juris assensus utriusque partis est possibilis per imperium voluntatis.

12. Respondeo secundò. Si sermo sit non de prudentia, sed de possibilitate iudicii, paritas argumenti æquè extenditur ad res facti, ac ad res juris, quia iudicium in utraque materia est possibile, quamvis in neutra elici possit iudicium de veritate unius partis, in sensu composito cum iudicio finali, agnoscente motiva utriusque partis esse æqualia. Ratio est, quia quamvis antecederet ad omnem affectum, uni materię aut personę peculiariter addictum, dignitas utriusque testis sit æqualis, tamen consequenter ad affectum uni parti addictum, pars illa verior, & testis veracior apparet. Similiter si ante assensum nulla fiat comparatio, eo ipso quod animus magis afficiatur ad unam personam, quam ad aliam, intellectus determinari potest ad unius testimonium alteri præferendum, credendo hunc esse veracem, & illum mendacem; ita tamen, ut per hunc ipsum actum magnæ apparentiæ inæqualitas inducatur, ut scilicet nunc hoc ipsum longè probabilius appareat, quam oppositum, quamvis antecederet ad omnem affectum, nullus esset excessus inter apparentiam unius & alterius partis. Itaque intellectus in eo casu ita se haberet per imperium voluntatis, sicut se habet voluntas, dum eligit unum præ alio. Sicut enim voluntas in eo casu magis amat unum quam alterum, & affectivè præfert hoc ut sibi conveniens, alterumque ut inconvenientiens repellit, quamvis antecederet ad electionem voluntas æquè attraheretur ad utramque partem, aut etiam minùs ad partem, quam amplectitur, ut præfert in actu secundo, ita similiter se res haberet in intellectu, qui per actum imperatum ferretur in actu secundo in unam partem, ut in prævalentem ac veram; in alteram ut in superatam ac falsam, quamvis in actu primo non magis attractus fuit ad unam quam ad alteram.

Æquivocatio Celladei.

13. Porro in hoc continua æquivocatio decipit Celladeum; putat enim nos ita dicere, iudicium de absoluta veritate unius partis elici posse ex imperio voluntatis, ut simul habeamus aliud iudicium, quo dicamus partem oppositam æqualia aut potiora fundamenta habere. At omnes hoc nondicimus, sed ego cum multis dico oppositum. Frustra ergo expectat Celladeus, ut Magister ille, de quo antea locutus erat, in aliquo libro palam & disertè edat hanc propositionem: *Ego sic opinor, fateor samen argumenta contraria esse meliora.* Non dicet hoc Magister ille, Celladee, sed si fortè scribat contra te, dicet, nō fallor,

quod ego dixi & dico, falli te in intellectu opinionis, quam impugnandam suscepisti, atque ex mera terminorum æquivocatione apparentias quasdam, quibus incauti decipi possunt, attulisse; sed eas ne quidem impetere quæstionem ritè propositam, & in sensu à nobis intento intellectam.

Obiectio 7.

14. Obijcit septimò. Voluntas possim mutare potest suos amores, & si eligit minus bonum, manet indifferens ad amplectendum melius. Ergo si paritas subsistat, intellectus debet esse indifferens ad opinionem de una in aliam contradictionis partem mutandam. Hoc non conceditur. Cur ergo paritati voluntatis insistitur?

Respondeo in primis, disparitatem jam supra allatam esse, quia apparentia consequens iudicium est longè majus pro illa parte, quam pro opposita. Similiter ostensum est, difficultatem mutandi opiniones majorem esse ex hoc ipso capite, quam in mutanda libera electione voluntatis.

15. Respondeo secundò, voluntatem esse quidem liberam ad melius, postquam amavit minus bonum; ita tamen ut electio melioris hoc ipso evadat longè difficilior, quam esset ab initio. Quam rarum est, ut qui peccatis indulget ad meliora amanda revocetur, quamvis ipse ea fateatur esse meliora? quantà gratiā opus est, ut talis voluntas, etsi libera, ex fundo cordis verè mutetur? Quid mirum ergo, si intellectus opinionem conceptam difficulter mutet? Certè illa mutari non potest, nisi voluntatis imperantis affectus etiam mutetur. At talis voluntas difficilè mutatur, ut apparet in hæreticis, aliisque omnibus, qui suis opinionibus addicti sunt. Cæterum si affectus voluntatis mutetur, & iudicium comparativum de æqualitate aut minoritate motivorum impediatur, eadem mutatio conceditur in intellectu, quæ in voluntate conceditur, quia eadem mutatio per imperium voluntatis fieri potest in intellectu, quæ liberè exercetur in ipsa voluntate. Ergo rarissimè insistitur paritati.

Electio minus partis sæpè difficiliorē reddit electionem oppositā.

16. Obijcit octavò. Voluntas libera est, ut ex omnibus bonis visis amet & non amet quodcumque voluerit, excepto Deo viso. Ergo, si paritas voluntatis valeat, inferri debet, quod intellectus determinari possit à voluntate ad negandum assensum cuicumque veritati manifestatæ præter Deum clarè visum. At consequens est apertè falsum. Ergo voluntas est libertior, circa suos actus, quam circa actus intellectus. Ergo ineptè arguitur, unde plus potest, ad id in quo minùs potest; sicut si rex possit aliquid in suo regno, malè infertur, quod illud possit in regno non suo.

Obiectio 8.

Respondeo, argumentum hoc tot errores continere, quot propositiones. In primis voluntas non est libera ad volendam & non volendam beatitudinem sub nozione beatitudinis, ut S. Thomas expressè tradit in illo ipso articulo, quem Celladeus hic contra nos citavit. Id ipsum antea à Sancto Augustino traditum fuerat, & omnes in eo consentiunt. Ergo voluntas etiam extra casum Dei visi non semper est libera. Nec desunt alii casus innumeri, in quibus nulla est libertas. Quoties deest cognitio indifferens, quoties bonum aliquod repræsentatur ut purè bonum, nec ulla mali mixtio apparet, voluntas non est libera, sed rapitur ad consensum. Itaque voluntas est solùm libera in illis circumstantiis, in quibus non rapitur in consensum ab objecto proposito, aut ipsa non posuit affectum impossibilem cum alio affectu, qui cæteroquin liber fuisset.

Solutio.

Multa sunt, ad quæ voluntas non est libera.

fuiſſet. In iſtis enim caſibus voluntas non eſt libera. Non in primo, quia rapitur ab obiecto. Non in ſecundo, quia in ſenſu composito cum amore Petri, non poteſt Petrum odiſſe ob diſpoſitionem inconjungibilem cum odio Petri.

Intellectus determinari poteſt à voluntate, ſicut voluntas à ſemetipſa.

17. Hinc non inferitur, intellectum determinari poſſe ad non aſſentendum ulli veritati, præterquam exiſtentiae Dei intuitivè viſi. Immo quavis antecedens eſſet verum, conſequentia eſſet mala: quia ſicut voluntas non habet imperium in ſeipſam, quando bonitas obiecti illam rapit in amorem; ita non habet imperium in intellectum, quando veritas rapit illum in aſſenſum. Accidentale autem eſt, quod veritas in pluribus caſibus rapiat intellectum, quàm bonitas voluntatem. Itaque paritas in eo eſt, quod ſicut voluntas ſuâ libertate ſe determinare poteſt ad quavis partem quamdiu aut non rapitur à bonitate propoſita, aut non habet affectum incompoſſibilem cum affectu alterius partis; ita pariter determinare poteſt intellectum, & alias potentias ſibi ſubjectas, quamdiu non rapiuntur ab obiecto propoſito, aut non habent actum incompoſſibilem cum alio actu. Atque hinc eſt, quod voluntas determinare poſſit intellectum ad utramlibet partem contradictionis judicandam, quando utraque in actu primo eſt æquè probabilis, aut una probabilior aliâ, neque ponitur ullum iudicium comparativum ex parte intellectus incompoſſibile cum iudicio approbante unam, & rejiciente alteram partem. Ratio eſt, quia intellectus in hiſce ita ſubditur voluntati, ſicut reliquæ potentiae eidem ſubduntur. Præterea ſi intellectus & aliz potentiae eſſent liberae, ſicut voluntas, in iſtis caſibus poſſent ſe determinare, ſicut voluntas nunc ſeipſam determinat. Ergo nunc determinari poſſunt per voluntatem in iſtis caſibus, quia libertas voluntatis de facto ſervit

ad determinandas alias potentias pro iſis circumſtantis, pro quibus illæ ſeipſas determinare poſſent, ſi eſſent liberae ſicut voluntas. Porro ad hoc impertinens eſt, quod voluntas ſit, aut non ſit liberior circa ſuos actus, quàm circa actus aliarum potentiarum; quia tunc ſolùm determinatio habenda eſt per voluntatem, quando potentiae nec ex ſe, nec ex obiecto, nec aliunde terminantur ad unum. Aptiſſimè ergo arguitur à voluntate ad intellectum pro omni caſu, quo neutra potentia à ſuo obiecto determinatur, ſed ſolùm ab illo allicitur, quavis per accidens hoc ſæpiùs contingat in voluntate, quàm intellectu.

18. Cæterùm paritas illa regis imperantis in ſuo regno, ad eundem imperantem extra ſuum regnum, non eſt apta ad præſens intentum, quia ſupponit, voluntatem non magis habere dominium in alias potentias, quæ proinde ad illam pertinent, tamquam regno & imperio ejus ſubjectæ. Tota difficultas eſt, quæ & quanta ſit iſta ſubjectio? Nos reſpondemus, eam in omnibus eſſe ſimilem & eandem, ut nempe ſicut voluntas ſeipſam determinat, quando ab obiecto non rapitur, ſed cognoscit illud cognitione indifferenti &c. ita pariter determinare poteſt potentias ſubjectas, quando illæ ab obiectis ſuis non determinantur, maxime ſi ab illis, ut ſit in intellectu, notabiliter alliciantur. Ad hoc enim voluntati libertas collata eſt, ut in talibus ſuppleat vices obiecti determinantis, idque tam pro ſe quàm pro aliis potentiis ſibi ſubjectis. Nil contra hoc faciunt, quæ Cellæus contra argumentum à paritate hac deſumptum attulit, ſed omnia eandem paritatem confirmant. Unde Magiſter ille graviffimus gratias debet Cellæo, qui ſuis impugnationibus illuſtrem reddit paritatem ac veritatem ab illo propoſitam.

Voluntas habet imperium in intellectum.

Quantum fit hoc imperium?



QUAE

QUÆSTIO TRIGESIMA. SECUNDA.

*Utrum possumus solum probabiliter opinari
probabilia?*

Celladensis
hæc singu-
larem opi-
nionem te-
net.



ELECTARI videtur Cella-
deus, quando, datâ vel etiam
quæsitâ opportunitate, singu-
larem aliquam suam doctrinam,
communi omnium opinioni re-

pugnantem, exhibere potest. Sic præsentem quæ-
stionem arripuit, ut contra communem Aucto-
rum sensum probaret nullam de probabilibus pro-
babilitatem dari posse. Hac in re postquam fas-
sus est, Auctores quosdam certò probabilia à
probabiliter probabilibus distinguere, tandem
partem affirmantem, probabilia probabiliter co-
gnosci posse, tribuit cuidam Dialogistæ, quem
superficialem appellat, eò quòd multa statuat, sed
sine probatione asserat. Huic ut manum porri-
geret, expressè asserit, se aliquot argumenta pro
illa parte suppeditasse. Et quidem nonnulla at-
tulit in *Appendice quæst. 4. §. 1.* ubi quæstionem
istam pertractat. Verùm argumentis illis à se alla-
tis non satisfacit, ut in progressu apparebit. Quis
ille Dialogista sit, ignoro; sed cum eandem ego
opinionem in *tract. de Consc. prob.* tradiderim, il-
lamque existimem esse certissimam, justum putavi
rem hanc iterum hic, sed breviter & efficaciter
probare, ac deinde Celladæi argumenta ad examen
vocare, eorumque nullitatem ostendere. Sit ergò.

ASSERTIO PRIMA.

*Objectum scibile ab aliquibus cognosci potest
tantum opinativè.*

Scibile pro-
babiliter co-
gnosci po-
tuit.

2. PROBATUR. Omne objectum tot viis
potest cognosci, quot viis proponi potest.
At objectum idem, quod uni clarè & evidenter
proponitur, alteri proponi potest obscurè & in-
evidenter. Ergò objectum, quod clarè & evi-
denter scitur ab uno, ab altero cognosci potest
obscurè & solum probabiliter.

Idipsum exemplis evidentissimis comprobatur.
Astronomi certò & scientificè sciunt Ecclipsim
tali die ac horâ futuram. Eandem autem Eccli-
psim non certò & scientificè, sed solum probabi-
liter affirmat ille, qui solum Astronomi asserentis
auctoritati fides, credit illam tali die futuram.
Idem valet de aptitudine instrumentorum, qui-
bus Mathematici & camporum & temporum spa-
tia metiuntur. Hanc Mathematici certò & scien-
tificè nòrunt, alii verò solum probabiliter ex
auctoritate fallibili eandem affirmant. Demùm
nos aliqua solum probabiliter novimus. At Deus
& Angeli eadem certò & scientificè nòrunt. Ergò
quod Angelo est scitum, nobis est probabile,
Ergò fieri etiam potest, ut quod ab uno homine
scitum est, alteri non scientificè, sed solum pro-
babiliter innotescat.

ASSERTIO II.

*Idem objectum, quod ab uno evidenter co-
gnosci potest esse probabile, ab alio solum
probabiliter cognosci potest esse
probabile.*

3. PROBATUR eisdem argumentis, quibus
prior assertio. Inprimis probabilitas opi-
nionis est objectum indifferens, ut sciatur, vel
ignoretur, ut patet. Ergò hoc objectum pro-
poni potest per media diversa, nempe per aucto-
ritatem fallibilem. Si primo modo, probabiliter
& fallibiliter cognoscetur; certò & infallibiliter
si secundo. Similiter eadem proponi potest per
rationem evidentem; & illi, quibus sic proponi-
tur, eam certò sciunt. At aliis proponi potest
solum per conjecturas & rationes probabiles ac
fallibiles; qui proinde eam solum probabiliter
affirmant.

Probabili-
tas, quæ ab
uno scitur,
cognosci
potest ab al-
io solum
probabili-
ter.

4. Probatur secundo exemplis. Ponamus con-
stare nobis, quod omnes opiniones tali libro
contenæ sint probabiles, eò quòd Ecclesia illud
declaraverit, aut ex communi omnium sensu id
ipsum constet. In hoc casu, qui librum illum
legit, certò novit tales propositiones esse proba-
biles. At qui librum nunquam legit, nec novit
quænam propositiones contineantur in illo, hic si
à viro fide digno audiat, talem propositionem in il-
lo libro contineri, probabiliter illi tantum credit, &
consequenter solum probabiliter novit, illam pro-
positionem esse probabilem; quia probabilitas talis
propositionis per hoc solum illi innotescit, quòd
in illo libro contineatur; hoc autem illi certum
non est, sed solum probabile. Secundo, sæpè
homines errant affirmando ea esse probabilia,
quæ non sunt; & negando ea esse probabilia,
quæ sunt; ut patet in hæreticis dicentibus, sua
quidem esse, Catholica autem dogmata non esse
probabilia. Ergò probabilitas opinionis potest
erroneè & inevidenter cognosci. Ergò etiam in-
evidenter & verè; & consequenter probabiliter.
At alii, aut etiam idem homo diverso tempore,
eandem evidenter cognoscere possunt. De-
mùm paritas à scibili idipsum efficaciter confir-
mat.

Idem ex-
emplis proba-
tur.

5. His addi possunt alia non multum dissimilia,
ab ipso Celladæo contra se proposita. Inprimis
Auctores disputant, an unus Auctor pius & do-
ctus faciat opinionem probabilem. Quidam af-
firmant, alii negant. Neutri partis assertæ evi-
dentiæ habent. Ergò objectum illud proponi-
tur, solum ut probabiliter probabile. Et sanè
multæ

Alia argu-
menta Cel-
ladæi id ipso
probantur.

multarum huiusmodi quaestiones de ipsa probabilitate procedunt. Ergo probabilitas saepe non certo constat. Ergo ut summum probabiliter, aut probabilius. Secundò, saepe probabilitas latet sicut veritas, & ideo investigatur, sicut veritas. Ergo sicut assentimur vero, probabiliter & non evidenter invento, sic assentiri possumus probabilitati, probabiliter & nondum evidenter inventæ. Demùm in multis impossibile nobis est veritatem ipsam certò assequi, & cogimur in opinione sistere; sunt autem opiniones contrariæ, de quibus difficile dictu est, quanam sit probabilior, ac proinde de talibus utiliter opinari possumus, quænam ex opinionibus contrariis sit probabilis, aut probabilior oppositâ. Nec mirum, quia probabilitas aut probabilioritas saepe non est magis per se nota, aut magis demonstrabilis, quàm ipsa rei veritas. Ergo sicut veritas rei latere potest indemonstrata, sic & probabilitas aut probabilioritas. Ergo tunc ritè opinamur circa probabilis aut probabiliora. Hæc Celladeus, quibus non aliter respondet, quàm remittendo se ad rationes, quibus conatus est probare oppositum. Harum rationum nullitas ubi apparuerit, apparebit etiam eum argumentis allatis non satisfecisse.

SOLVUNTUR OBJECTIONES.

Obiectio I. 6. **O**BJICIT primò. Omnis propositio opinabilis vel est propositio immediata, seu per se nota; vel est mediata, & ex aliis deducenda. Si primum, est evidenter probabilis, quia est principium opinandi mediata. Ergo sicut principium demonstrandi est propositio seipsa immediatè evidens, ita propositio probabilis immediata est manifestè & evidenter opinabilis, ac probabilis. Si secundum, ritè deducitur ex opinabilibus immediatis. Ergo est evidenter probabilis & opinabilis. Ita Celladeus in *Appendice quaest. 4. §. 2.*

Solutio. Respondeo in primis, argumenta à nobis allata procedere de propositione probabilis mediata. Quare dato, non concessio, quod dicitur de propositione probabilis immediata, atque de legitima illatione probabilis mediata, dico, nostram assertionem ex hac argumentatione stabiliri non impugnari, quia ex illa solum sequitur, obiectum consequentis illati esse evidenter probabile. Verùm, obiectum illatum non est veritas propositionis propositæ, sed ejusdem probabilitas, quæ quærebatur, & de qua dubitabatur. Ergo solum inferitur, quod detur probabilitas propositionis propositæ. Verùm hoc non inferitur evidenter, sed solum probabiliter & formidolosè, quia præmissæ supponuntur esse probabiles, quæ proinde non magis certificant de consequente, quàm de seipsis. Ergo probabilitas, illata ex vi propositionis immediatæ & evidenter probabilis, non affirmatur certò & evidenter, sed solum formidolosè & probabiliter, ut apparet in casu propositionis contentæ in libro, de quo constat, omnes propositiones in eo contentas esse probabiles; nam si non aliter mihi innotescat talis propositionis probabilitas, quàm quia est in tali libro, & non aliter scio quod sit in illo libro, nisi quia vir fide dignus hoc dixit; tunc utique non firmius dico propositionem esse probabilem, quàm credo virum illum esse veracem. Hoc autem solum credo probabiliter. Ergo probabilitatem propositionis illius solum probabiliter credo, quamvis credam illam dependenter à propositione evidenter probabili. At postea certificari possum, quod propositio illa contineatur in illo libro, & consequenter cer-

tò scire, quod illa propositio sit probabilis.

7. **Æquivocatio Celladei** in eo vertitur, quòd evidentiæ probabilitatis præmissarum confundatur cum evidentiæ probabilitatis, non conclusionis formalis ritè deductæ (hæc enim solet esse evidens) sed objectivæ, quæ solum potest esse probabilis ex vi præmissarum probabilium, ut ex logica notum est. Distinguat hæc, & nullitatem argumenti videbit.

8. Deinde respondeo, omnem propositionem esse immediatam, cujus termini ex sola eorum penetratione inter se connexi videntur. Aliquando connexio est tam perspicua, ut intellectus rapiatur in assensum. Tales sunt omnes propositiones ex seipsis evidentes. At quando hæc evidentiæ deest, magna profusè est diversitas inter reliquas propositiones immediatas, nam aliquæ sunt fide dignissimæ, & omni prorsus exceptione majores; & tales, si reflexè inspiciantur, evidenter apparent esse probabiles, & non aliter sunt signatæ in mente, quàm sint in seipsis exercitæ. Aliæ sunt quidem dignæ fide, quia si proponantur homini nullum præjudicium habenti, nec indebitè propenso, aut inclinato ad illam partem, manifestè merentur fidem; at intellectus aliter disposito non ita apparent. Huiusmodi propositiones immediatæ, si reflexè considerentur, non statim producant evidentiæ suæ probabilitatis, sed uni videntur, alteri non videntur probabiles, huic magis, illi minùs probabiles apparent, juxta dispositionem uniuscujusque. Aliæ non sunt fide dignæ, illis tamen ob imprudentiam homines saepe assensum præbent, quia ob affectum indebitum apparentia veritatis augetur, & ex imperio voluntatis intellectus præcipitatur ad illis assentiendum. Ex his constat, non omnem propositionem obscuram immediatam esse probabilem. Similiter constat non omnem propositionem immediatam statim evidenter prodere suam probabilitatem; unde fieri potest, ut conclusio legitime inferatur ex propositione verè probabili, absque eo quòd nobis certò constet, conclusionem, aut etiam ipsam præmissam esse verè probabilem. Nec valet paritas à principio evidenti, quia omne principium evidens, tantæ claritatis est, ut seipsum suamque qualitatem vel primo aspectu evidenter ostendat rapiatque intellectum ad assensum. Quòd si aliquod principium evidens tale non esset, sed ob affectum indebitum posset non clarè manifestare seipsum, de illo idem dicendum esset, quod dicitur de propositione obscura immediata. At propositio immediata obscura plura complectitur menbra, quorum aliqua non ita manifestant suam qualitatem, quin ob diversam dispositionem eorum, quibus proponuntur, diversæ efficacitatis appareant. Itaque loquendo de ipsis principiis probabilibus, non omnia semper sunt evidenter probabilia quoad nos, quamvis quoad se verè sint probabilia.

9. Præterea dantur illationes quædam solum probabiles, quales sunt illæ, quæ fiunt à paritate rationis, aut ex inductione quadam imperfecta, non habente certam & infallibilem connexionem cum re illata: constat enim nos saepe ex ejusmodi causis consequens inferre, cum tamen ex tali modo arguendi nil certò & evidenter inferri possit. Itaque ex præmissis probabilibus, aut etiam evidenter probabilibus, sequi potest conclusio probabilis, ita ut ipsa illatio sit solum probabilis, & probabiliter connectatur cum consequente, cum stante veritate antecedentis possit esse falsa. Itaque in tali casu illatum esse poterit solum probabiliter probabile.

Si

Non omnis propositio obscura & immediata est evidenter probabilis.

Æquivocatio Celladei.

Dantur illationes solum probabiles.

Si enim ipsa probabilitas inferatur, unius erit solum probabiliter talis, cum tantum probabiliter inferatur.

Via formae
syllogisticae
imperfectae
cognosci
potest.

10. Neque obstat, formam syllogisticam in scibilibus & opinabilibus esse prorsus eandem, & eadem necessitate ac evidentiâ concludere. Hoc enim ita admittitur in modis & figuris perfectis syllogismorum, quae tam demonstrationibus, quam opinionibus formandis sunt communes, ut negetur in modis interendi imperfectis, qui demonstrationibus formandis nequeunt deservire. Porro, quamvis defectibiles isti, & imperfecti discurrendi modi examinari possint per bonos syllogismos, ex illis tamen nil amplius concludi potest, quam quod illatio per modos imperfectos facta sit probabilis & de plerumque, non necessaria & evidens, ac de semper.

Rursus rationi dissonum non est, quod optimae syllogismorum formae tam imperfectae ab aliquo hebetè percipiantur, ut illi non appareant habere necessariam & infallibilem, sed solum probabilem & formidolosè credibilem vim inferendi. Hoc colligitur ex imperfectione & diversitate ingeniorum, ratione cuius quod uni est clarum, alteri manet obscurum, & quod unus perfectè, alter minùs perfectè cognoscit. Ergo licet unus videat necessariam connexionem, alter minùs videre poterit, & solum discernere, quod contingenter & in plerisque inferat. Hoc si Celladeus considerasset, non tam fidenter dixisset, nullas esse syllogismorum formas in se certas ac infallibiles, quae ita imperfectè cognosci possint, ut sic intelligenti sint solum probabiles.

Obiectio 1.

11. Obiecit secundò. Probabilitas probabilitatis ita probari debet, ut tandem sistamus in aliquo principio primo, ultra quod non progredimur in nostro discursu. Hoc principium debet esse evidenter probabile. Ergo intellectus nunquam opinatur probabilia probabiliter, quia intellectus incipere debet à per se notis, & ab illis progredi ad per se non nota. At in probabiliter probabilibus non invenitur primus assensus, immediatè & evidenter probabilis, alioquin tota series conclusionum esset evidenter probabilis. Non ergo datur assensus opinativus probabiliter probabilem. Ita Celladeus §. 3.

Solutio.

Respondeo in primis, transeat antecedens, sed consequentia negatur, quia incipiendo à per se probabiliter notis, ex illis evidenter quidem inferimus consequens quoad vim illationis, sed illi non fortius assentimur, quam praemissis. At illis solum probabiliter assentimur. Ergo solum probabiliter assentimur consequenti. At consequens est probabilitas propositionis quæsitæ, ut videre est in exemplo allato. Ergo probabiliter opinari possumus probabilitatem alicujus propositionis, quando probabilitas illa latebat, & per media probabilia investigatur. Et quidem assignari potest primus, aut certè proximus assensus probabilis, in quo fundamur; nempe quod verum dicat, qui dicit talem propositionem contineri in illo libro. Hoc non est evidenter verum, sed ad summum evidenter probabile, ut patet. Ex hoc autem totum intentum directè inferitur, ut constat ex argumentis pro assertione allatis.

Alia responsio.

12. Deinde respondeo, principium, in quo fundamur, esse posse solum probabiliter probabile, eò quod reflectentes supra illud, nesciamus an certò pertingat ad gradum requisitum pro vera probabilitate. Rursus fieri poterit, ut ipsa illatio sit solum probabilis. Ergo consequens, id est probabilitas quæsitæ, solum probabiliter innotescit.

R. P. A. Terilli, Regula Morum PARS I.

13 Obiecit tertio Probabiliter scibilia non sunt scibilia; modus enim ille probabiliter adductus scibili, destruit scibile, quia non est simpliciter scibile, sed solum secundum quid, & simpliciter opinabile, quod per scientiam sciri non potest, sed ad summum opinativè credi. Ergo probabiliter probabilia non sunt probabilia, nec per opinionem haberi possunt, sed ad summum remanent dubia, quia modus ille, additus probabili, tollit simpliciter probabile, & facit illud probabile secundum quid, simpliciter autem dubitabile.

Respondeo, ex dictis constare, antecedens esse falsum; unde negator consequentia. Aequivocatio in hoc latet, quod probabiliter scibile demonstrari ac sciri nequeat per illud medium, per quod solum probabiliter innotescit. At non repugnat illud idem ab alio, aut postea ab eodem sciri per aliud medium, ut evidens est in exemplo ecclipsis futuræ superius allato. Jam quoad hoc, eodem modo se habet probabiliter probabile; illud enim non potest demonstrari probabile per illud medium, per quod solum probabiliter creditur esse probabile, sed per aliud potest. Nec tamen probabilitas illata manet dubia, sed est manifestè opinata, & illata ex motivo probabili legitimè, vel certè probabiliter illam interente.

14. Obiecit quarto. Qui probabiliter opinaretur probabilia, deberet sic explicare suam opinionem: *mibi videtur hoc mihi videri*. Immo deberet sine fine dicere, *mibi videtur mihi videri, mihi videri &c.* Ratio est, quia non potest simpliciter dicere, *hoc mihi videtur*, quia hoc dici nequit, nisi de probabili manifesto, cum sit propria enunciatio talium. Ergo debet restringere orationem, & dicere: *mibi videtur hoc mihi videri*. Sed ipsa probabilitas probabilitatis non proponitur ut certa, sed ut probabiliter probabilis. Ergo aliud videri addendum est, & sic in infinitum. Hæc autem absurda sunt & ridicula. Ergo non contingit talia opinari.

Respondeo, taliter opinantem sic proferre suam opinionem; *probabilitas hujus propositionis mihi videtur dari in rerum natura*: in qua locutione probabilitas, quæ affirmatur dari, est purum objectum intellectus, non actus existens in mente: è contra, illud *mibi videtur* significat actum probabilem in mente existentem, per quem probabilitas illa objectiva mihi innotescit. Ecce hic sistimus in terminis clavis, & sciunt quid singuli significant, absque ulla confusione aut repetitione ejusdem. Falsum proinde est, quod taliter opinans simpliciter dicere nequeat, *probabilitas objectiva hujus opinionis mihi videtur dari*, cum probabilitas illa objectiva sit propriè probabilis, & mihi probabiliter innotescat per actus, si velis, certò & evidenter probabiles. Itaque transeat, quod vox *videtur* significet probabile manifestum, quia significat praemissas & illationem formalem, per quas objectum innotescit. Has autem admitto saltem sæpè esse evidenter probabiles. At terminus *hoc*, seu objectum, quod videtur, non debet esse evidenter probabile, quia est res, quæ ex vi praemissarum probabilem inferitur, & non potest certius cognosci, quam veritas praemissarum innotescit.

15 Quod si dicas, phrasim hanc, *hoc mihi videtur*, esse propriam rerum probabilium: respondeo, esto, sit proprium objecti per motivum probabile cognitum. Hoc certè in casu nostro reperitur, quia probabilitas opinionis talis directè affirmatur dari ob motivum probabile. Hinc constat, probabilitatem activam, seu probantem

B b

existen-

Probabilitas
probabilita-
tis explica-
tur sine pro-
cessu in infi-
nitum, aut
circulo vi-
tioso.

Celladeus
res.

existentiam probabilitatis passivæ seu objecti propositi, esse posse evidentem. Unde sequitur, nullum dari processum vel umbram processûs infinitum. Cæterum evidenter falsum est illud, *hoc mihi videtur*, non posse dici nisi de probabili manifesto & certo, cum omnes hæretici, omnesque temerè judicantes dicant, *hoc mihi videtur*, neque tamen illud cadit supra probabile certum & evidens, cum illorum asserta sint prorsus improbabilia.

Obiectio 5. 16. Obijcit quintò. Qui dicit *probabiliter probabile*, vel negatur idem bis repetendo, vel certè nil omnino dicit, sicut qui diceret, *demonstrativè demonstratum*. Ratio est, quia si terminus *probabiliter*, qui à probabili dicitur, retineat suam significationem, nil significat, cum ab alio non derive- tur quàm à probabili. Ergò implicat probabiliter probabile. Ita Celladeus.

Qui dicit
probabiliter
probabile
non dicit
idem bis.

Respondeo, per tales locutiones idem bis non repeti: *Probabile* significat objectum cognitum, & *Probabiliter* significat modum, seu actum, quo cognoscitur. Porro quia hæc duo sunt evidenter diversa in probabilitate directâ propositionis, quando illa latet, & per alias cognitiones investigatur, ideo adverbium *Probabiliter* congruè adjicitur adjectivo *Probabili*: quia adjectivum significat rem cognitam; adverbium, verò indicat modum, quo cognoscitur, & à quo probabilitas, quæ est objectum quæstionis, denominatur probabilis. Quod si in aliis casibus adverbium non rectè adjiciatur nomini, à quo derivatur, id est, quia modus significatus per adverbium non differt à re per nomen significatâ. Sic juxta communem loquendi modum incongruè dicitur aliquid *demonstrativè demonstratum*, quia terminus *demonstratum* significat cognitum *demonstrativè*, seu per *demonstrationem*, ideoque per tales voces idem repetitur. Cæterum si quis non solùm directè demonstraret aliquid, sed postea ex regulis logicæ reflexè ostenderet, se veram ac legitimam demonstrationem attulisse, de tali homine dicere possemus, quod *demonstrativè demonstrasset* talem rem, seu quod idem est, talem rem fuisse *demonstrativè demonstratam*; quia in tali casu adverbium longè aliud


significaret, quàm nomen repræsentat; demonstratio enim directâ esset objectum discursus reflexi, ideoque intenderemus dicere, objectum illud, seu actus, ex quibus directâ demonstratio constabat, reflexè consideratos in ratione objecti, esse conformes regulis Logicæ, ac proinde constituitur veram ac legitimam demonstrationem. Ergò non implicat probabiliter probabile; sed ex adverso certum est, quod detur objectum solùm probabiliter probabile quoad nos.

ASSERTIO III

Celladeus in hac sua doctrina apertè contradicit iis, quæ maxime ex professò tradis de essentia vera probabilitatis, quæq; examinanda erunt infra quæst. 37.

17. **P**ROBATUR. Celladeus agens de probabilitate vera & secundùm esse, seu de probabili, quod vocat positivum, expressè tradit, nil falsum esse probabile, quia omnia falsa sunt mera sophismata. Secundò, consequenter ad hoc docet, veram probabilitatem non minùs latere, quàm ipsam veritatem. Ex his autem evidenter sequitur, veram probabilitatem in principiis ipsius non posse nobis aliter innotescere, quàm probabiliter, quia si evidenter innotesceret, etiam veritas rei esset evidens, & consequenter nullus probabilitati locus superesset. Ergò evidenter sibi contradicit, quia hîc ex professò contendit, nullam probabilitatem posse probabiliter cognosci; cum alibi doceat, etiam quàm maxime ex professò, nullam probabilitatem aliter innotescere posse, quàm ipsa veritas innotescat. At veritas in probabilibus non certò, sed solùm probabiliter innotescit. Ergò & probabilitas. Ergò Celladeus non incidenter, sed in materiis ex professò tractatis apertè sibi contradicit. Hæc sunt incommoda, quæ illi faciliè incurrunt, qui tritam viam deserentes, in pluribus per novas prorsus vias incedunt; priusquam enim periculum advertant, in plura præcipitia ruunt.

Celladeus.
107.



QUÆ

QUÆSTIO TRIGESIMA- TERTIA.

Virum & qualiter opinari sit nobis liberum?

I. **D**E hoc argumento latè egi in tract. de Consc. prob. à quaestione 7. usq; da undecimam. Nec opus esset quidquam ibi dictis superaddere, nisi comitandus esset Celladeus, qui quaest. 5. Appendicis rem istam tractans, non parum discrepat ab eis, quæ loco citato tradidi. Verùm cum plurimum à veritate aberret, quæ assert examinandæ sunt, ut veritas, quantum fieri potest, clarè determinetur. Hoc ut fiat præmitti debent ea, in quibus convenimus; sic enim de statu controversiæ & principiis necessariis melius instructi, ad res, de quibus dissentimus, examinandas ac determinandas accedemus.

ut magis declinet in unam partem, quàm in aliam, quia cum ipse non sit liber in se, non est unde determinetur, quàm per liberam electionem voluntatis. At quando assentimus dependentem à libertate voluntatis, voluntas illa suspendi poterat; quâ suspensâ, etiam assensus fuisset impeditus. Ergo in ipso instanti, in quo opinamur, sumus liberi ad non opinandum, quia poteramus assensum suspendere & non assentire. Hoc autem est ipsum assensum esse liberum libertate contradictionis & quoad exercitium; quia est illum posse poni & non poni in hoc instanti, in quo ponitur. Omitto alia argumenta, quia assertio ab omnibus habetur certa.

ASSERTIO PRIMA.

Quando opinamur, opinio est nobis libera quoad exercitium, seu libera libertate contradictionis.

ASSERTIO II.

Omnes assensus obscuri sunt nobis, mediata saltem, liberi libertate specificationis, & contrarietatis.

Omnis opinio est libera libertate contradictionis, seu quoad exercitium.

2. **I**N hoc omnes conveniunt. Sanctus Thomas 22. quaest. 1. art. 4. hæc habet. Intellectum assentit alicui dupliciter. Uno modo quia ad hoc moveatur ab objecto, quod vel est per se ipsum cognitum, sicut patet in primo principio, quorum est intellectus, vel est per aliud cognitum, sicut patet de conclusionibus, quarum est scientia. Alio modo intellectus assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis quàm in aliam. Et siquidem hæc sit cum dubitatione & formidine alterius partis, erit opinio. Si autem sit cum certitudine absque tali formidine, erit fides. Hic S. Thomæ discursus manifestam assertionis rationem continet, quæ in eo consistit, quod quando objectum ipsum non determinat ad assensum, intellectus aliter assentiri nequeat, quàm per liberam ac voluntariam inclinationem in unam partem magis, quàm in aliam. At in obscuris, & maxime in opinabilibus, intellectus non sufficienter determinatur ab objectis, cum ex se in illis non quiescat, sed semper ulterius tendat, ut ad evidentiam pertingat, in qua tandem clarè quiescat. Ergo in obscuris intellectus nequit assensum præbere, nisi per liberam voluntatis inclinationem determinetur. De incertis autem & opinabilibus datur peculiaris ratio. Intellectus enim ex se averfatur errorem, ut proprium malum, & consequenter averfatur periculum errandi, tamquam periculum proprii mali; atque hac de causa objectum obscurè & multò magis formidolosè propositum non sufficienter determinat intellectum. Ergo intellectus in omnibus obscuris, & multò magis in omnibus opinabilibus aliter determinari non potest, quàm per liberam electionem voluntatis, vi cuius sit, R. P. A. Terilli Regula Morum. PARS I.

3. **P**ROBATUR experientiâ manifestâ. Homines in rebus inevidentibus frequenter mutant sua judicia, immò & fidem ipsam. Hæc mutatio est libera, cum ab ipsorum voluntate adæquatè dependeat; tam enim primum, quàm secundum iudicium erat liberum, & poterat non poni. Ergo mediata saltem & pro diversis temporibus sumus liberi ad assentiendum & dissentendum rebus obscuris. Hoc autem est assensum, esse nobis mediata saltem liberum libertate contrarietatis & quoad speciem. Ratio à priori est, quia etsi nunc habeamus valida argumenta pro una parte, liberi tamen sumus mentem avertere ab illis, & ad oppositas rationes considerandas mentem applicare, atque illis etiam affici, abstracto affectu ad priores &c. Hæc ratio quæ prius videbatur verisimiliora, postea apparere possunt hîc & nunc minùs verisimilia, & minùs allicere ad assensum, quàm opposita. Ergo intellectus jam saltem flecti poterit in dissensum rei, quam antea assensu suo comprobaverat. Hæc tenus omnes consentiunt, illisque Celladeus subscribit.

In obscuris omnis assensus est mediata libertate specificationis, & contrarietatis.

ASSERTIO III.

*Opinari ac credere, saltem aliquando, est nobis
immediatè liberum libertate spect-
ficationis seu contra-
rietatis*

OPINIO & FIDES aliquando saltem, est immediatè libera libertate specificationis seu contrarietatis. **PROBATUR** Assertio contra Celladeum. Aliquando credimus, & opinamur, quando actu advertimus ad motiva utriusque partis; quo non obstante, unum alteri absoluto iudicio præferimus, etiam dum illud cum opposito ejusque motivis comparamus. Hoc non videtur posse negari, quia si oculos ad opposita clauderemus, temerè & imprudenter judicaremus, quia nesciremus an expediret sic vel aliter judicare. Præterea ipsa actualis formido opinionis manifestè arguit, intellectum ad opposita argumenta reflectere, & ab illis cogi ad formidandum de veritate assensûs præstiti. Hoc posito sic. In hoc casu, pro priori ad omnem affectum ulli parti singulariter impensum, intellectus sæpè vehementer trahitur in utramque partem ob motiva valida hinc inde apparentia. Tunc autem voluntas est libera ut huic & illi parti afficiatur. Ergò libera est ut apparentia hujus partis augeatur vel minuat, animumque magis vel minus afficiat & trahat. Stante autem hoc affectu ad unam partem, simulque stante apparentiâ per illum affectum auctâ, & apparente ut nobis commodâ & congeniâ, voluntas flectere potest intellectum in assensum illius partis. At in actu primo voluntas erit libera, ut dicta progressio & incrementum apparentiæ cresceret pro parte opposita. Ergò in tali casu opinio & fides est libera libertate contrarietatis.

RATIO 1. 5. Probatur secundò, ex iis omnibus quæ *quæstione 30.* attulimus ad probandum, quod liberum nobis sit opinari æquè & minùs probabilia. Quia esse liberum ad opinandum æquè & minùs probabilia, idem prorsus est ac opinionem esse liberam libertate contrarietatis. Videri etiam possunt, quæ de hoc ipso argumento latè prosecutus sum *quæst. 8. & 9. de Conse. prob.*

RATIO 2. ex S. Thomæ. 6. Probatur tertiò, auctoritate S. Thomæ *22. quæst. 1. art. 4.* ad primam assertionem ponderatâ. Ibi enim expressè tribuit imperio & electioni voluntatis, quod intellectus magis propendeat in unam, quàm in aliam partem. Ergò licet ante omnem affectum uni potiùs quàm alteri parti impensum detur perfecta æqualitas motivorum, voluntas est libera ad imperandum assensum, & flectendum intellectum in unam partem magis quàm in aliam. Hoc autem est opinionem esse liberam libertate contrarietatis. Ergò Sanctus Thomas nobiscum sentit.

S. Pater Ignatius eâdem opinandi libertatem tradit. 7. S. Thomæ addo S. Patrem Ignatium, qui in *epistola de obedientia* tradit id ipsum, dicens, perfectum obedientem debere immolare Deo non solum voluntatem ad faciendum, sed etiam intellectum ad credendum id, quod superior præcipit, esse bonum & conveniens. Hoc esse possibile ex eo probat, quod intellectus multo in rebus, in quibus videlicet cognita veritatis evidentia vim illi non infert, potest voluntati pondere in hanc potiùs, quàm in illam partem inclinari. Ecce S. Pater omnia tradit, quæ dicimus. Neque enim, ut vult Celladeus, solum contendit, id fieri posse vi rationum, quas assert; quia sic non rectè confugisset ad subjectionem intellectus respectu voluntatis, sed ad solam

vim rationum prævalentium, quod est contra totum S. Patris intentum, qui vult illud sacrificium fieri per imperium voluntatis, suo pondere magis in unam partem inclinantis. Assert quidem rationes, suadentes rationabile esse, ut nobis diffidamus, & superioribus credamus; sed illæ afferuntur, ut per rationem suaviùs afficiamur, & quasi ex præoccupato rationis iudicio inclinemur ad subjiendum intellectum, non autem ad probandum, quod sine talibus motivis prævalentibus, proprium voluntatis affectum non possimus magis inclinare intellectum in unam partem. Itaque violentè, & contra S. Patris mentem locum hunc interpretatur Celladeus §. 4. quasi S. Ignatius aliud significare non voluerit, quàm quod voluntas tunc solum possit flectere intellectum, quando ille antecedenter magis propendet in unam partem quàm in aliam.

8. Probatur quartò. Objectum æquè aut minùs probabile pro priori ad omnem affectum, plus meretur, quàm apparentia similiter antecedens in iudicio temerario. Hoc autem non obstante, accedente affectu & imperio voluntatis, possumus temerè judicare. Ergò multò magis opinari quodlibet ex oppositis probabilibus, cum probabilia pro illo priori gravi ac magno nitantur fundamento, temeraria verò levi & exiguo. Præterea, qui temerè judicant, sæpè ita fixi sunt in suis iudiciis, ut quamvis iudicii temeritas sufficienter ipsis explicetur, illi tamen huic apparentiæ oculos claudant, cum tamen haud dubiè apparentia temeritatem ostendens, longè major sit, quàm apparentia veri pro parte, quam tenet, si illa consideretur, prout antecedit pravum affectum. At pravus ille affectus suspendi ac mutari potest in hoc instanti, & consequenter fieri potuisset ex solo imperio voluntatis, ut, cæteris stantibus, quæ ab illo non dependent, major fuisset apparentia pro innocentia, quàm pro defectu proximi. Ergò in hoc instanti per affectum & liberum imperium voluntatis flecti potuisset intellectus in assensum contrarium illi, quem de facto elicit. Et sanè durissimum est existimare, neminem temerè judicantem, etiam quando arguitur, & rationes contrariæ illi proponuntur, esse ita dispositum in illo instanti, maxime si præscindamus ab omni præsentis exercitio libertatis, ut non possit pro illo eodem instanti præsumere proximum esse innocentem. Et tamen adversarii debent id asserere. At hoc est absurdum, & consequenter non admitendum. Ergò libertas contrarietatis locum habet in opinabilibus.

9. Probatur quintò. Hæc libertas satis clarè apparet in fide, quam nemo suscipit nisi volens. Hanc fidem plurimi tenent esse nobis immediatè liberam libertate contrarietatis, ut mox dicam uberius; & meritò quidem, quia multi obstinatè adhærent erroribus suis, etiam tunc quando argumenta fidei Catholicæ validè proponuntur. Incredibile autem videtur, quod nemo unquam in illo instanti potuerit mysterio fidem dare, etsi ob pravum voluntatis affectum actu præferat errorem. Poterat enim non solum suspendere iudicium erroneum, sed etiam affectum indebitum removere & oppositum induere. Quo facto, incredibile prorsus est, quod non potuisset veritatem credere, rejecto errore. Et sanè, ablato illo affectu, & apparentiâ illum comitante & consequente, argumenta pro errore levis prorsus fuissent respectu eorum, quæ nunc illi proponuntur, pro fide. Ergò fides, saltem aliquando, est immediatè libera libertate contrarietatis & specificationis

Judicium temerarium est liberum libertate contrarietatis seu specificationis.

Fides est libera libertate contrarietatis.

cationis. Idem autem valet de opinione. Ergo tam credere quam opinari, saltem aliquando, est nobis liberum libertate contrarietatis.

Omnes enim potentias tam alias potentias quam sibi ipsas deseruiunt.

10. Probatur sexto expressius ex doctrina Sancti Thomæ, quam in tract. de Consc. prob. fusiùs proposui. Sic ergo arguebam. Sicut intellectus non solum sibi, sed etiam voluntati intelligit, sic etiam voluntas non solum sibi, sed etiam intellectui vult. Universaliter enim ita constitutus est homo, ut quævis potentia æquè aliis ac sibi deseruiat. Unde cum sola voluntas sit libera, illius libertas non minùs deseruiat ad determinandas alias potentias, quando ab objectis non determinatur, quam ad seipsam determinandam, quando non determinatur à proprio objecto. Hinc sic arguebam. Voluntas est libera quoad speciem actûs, seu est libera libertate contrarietatis, saltem quando objecta contraria ita ipsi proponuntur, ut bonitas appareat utriusque secundum quid excedat bonitatè apparentem alterius. Quod verum est, siue bonitates illæ reipsâ sint æquales siue inæquales. Ergo quando duo objecta contradictoria simul proponuntur intellectui ut probabilia, poterit intellectus per imperium voluntatis flecti ad utrilibet pro arbitrato assentiendum, maxime si motiva illa sint dissimilia, & secundum quid se invicem excedant. Ratio est clara, quia si intellectus ipse gauderet simili libertate circa suum objectum, sicut voluntas circa suum, posset credere alterutrum pro libitu. Ergo nunc potest flecti in assensum utriuslibet per imperium voluntatis, quia ita prorsus de præsentis subditur voluntatis imperio, sicut in eo casu in proprii consilii manu constitueretur; tota enim libertas voluntatis ideo deseruiat aliis potentiis, ut ita illis provideri possit per voluntatem, sicut illæ sibi providerent, si essent immediatè liberæ, sicut est voluntas.

S. Thomas tenet actus intellectûs sæpè esse liberos quoad specificationem actûs.

11. Hoc argumentum in ipsis rerum naturis fundatum est efficacissimum. Nunc autem dico, totam hanc doctrinam à S. Thoma satis expressè tradi. Inprimis ergo quæst. 6. de malo art. 1. ad 10. hæc habet. De intellectu & voluntate quodammodo est simile, & quodammodo dissimile. Dissimile quidem quantum ad exercitium actûs, nam intellectus movetur à voluntate ad agendum. Voluntas autem non ab alia potentia, sed à seipsa. Sed ex parte objecti est utrobique similitudo: sicut enim voluntas movetur ex necessitate ab objecto, quod potest accipi secundum aliquam rationem ut malum, ita etiam intellectus ex necessitate movetur à vero necessario, quod non potest accipi ut falsum, non autem à vero contingenti, quod potest accipi ut falsum. Ecce objecta utriusque potentie, teste S. Thomâ, eodem prorsus modo se habent ad suas potentias. Quod verò intellectus eodem modo determinari possit ad suum objectum per imperium voluntatis, sicut ipsa seipsam determinat circa suum objectum, probat S. Thomas 1. 2. quæst. 17. art. 6. corp. ubi hæc habet. Si igitur fuerint talia apprehensa, quibus naturaliter intellectus assentiat, sicut prima principia, assensus talium, vel dissensus non est in potestate nostra, sed in ordine natura, & ideo propriè loquendo natura imperio subjacet. Sunt autem quedam apprehensa, quæ non adeo convincunt intellectum, quin possit assentire vel dissentire, vel saltem assensum, vel dissensum suspendere propter aliquam causam, & in talibus assensus ipse vel dissensus in potestate nostra est, & sub imperio cadit. Ecce S. Thomas expressè ponit libertatem ad utrumque ex contradictoriis, aut ad alterutrum, prout scilicet motiva fuerint pro utraque parte, vel pro alterutra. Si solum pro alterutra, actus erit liber quoad exercitium; si pro utraq; liber erit quoad specificationem.

R. P. A. Terilli Regula morum, Pars I.

12. Hæc his in locis in genere traduntur à S. Thoma, qui id ipsum satis expressè tradit in particulari de actu fidei, quem 2. 2. quæst. 1. art. 4. probat esse liberum, & quæst. 2. art. 9. probat esse meritorem. In priori loco expressè dicit, Intellectum aliquando assentiri alicui, non quia sufficienter movetur à proprio objecto, sed per quandam electionem voluntariè declinatur in unam partem magis quam in aliam. Ecce tribuitur electioni voluntatis, non tantum quod declinet vel non declinet intellectum ad assensum, sed etiam quod illum declinet ad hoc potius, quam ad oppositum. Rursus in secundo loco hæc habet in corp. artic. Credere est actus intellectûs assentiens veritati divina ex imperio voluntatis. Deinde in responsione ad 2. seipsum explicat his verbis. In scientia duo considerari possunt, scilicet ipse assensus scientis ad rem scitam, & consideratio rei scite. Assensus scientie non subjicitur libero arbitrio, quia sciens cogitur ad assentiendum per efficaciam demonstrationis, & ideo assensus scientie non est meritorius, sed actualis consideratio rei scite subjacet libero arbitrio. Est enim in potestate hominis considerare, vel non considerare, & ideo consideratio scientie potest esse meritoria, si referatur ad finem charitatis, id est ad honorem Dei, vel utilitatem proximi. Sed in fide utrumque subjacet libero arbitrio, & ideo quoad utrumque actus fidei potest esse meritorius. Ex his locutionibus, juncto communi S. Doctoris Interpretum consensu, qui fidelissimè hanc opinionem illi tribuunt, satis constat, S. Thomam tenere, fidem esse liberam quoad speciem, seu libertate contrarietatis. Idem communiter docetur à Theologis. Videatur Suarez de Fide tract. 1. disp. 6. art. 6. ubi expressè ponit nostram sententiam, eamque ex SS. Patribus, Conciliis, Sacrisque Litteris confirmat. Eadem est ratio de opinione, ut per se constat, & ex dictis S. Thomæ colligitur. Similia habes apud Valentium, Tannerum, & alios.

13. Nec dicas S. Thomam, aliosque intelligi debere de libertate tantum mediata: nam contra; quia nulli dubium est, quin detur ejusmodi libertas mediata, neque de hoc graves Theologi quæstionem instituunt. Ergo cum quæstionem hanc proponant tanquam valde gravem, asserantque dari talem libertatem, haud dubiè intelligendi sunt de libertate immediata, de qua sola potest esse difficultas. Rursus S. Thomas aliique majorem libertatem fidei & opinioni concedunt, quam scientie. Sed concedunt scientie libertatem mediatam, etiam quoad speciem & contrarietatem actûs, quia certum est, quod multa scita, præsertim in moralibus, ita mediatè ignorari possint, ut oppositus error credatur. Ergo libertas, quam fidei & opinioni concedunt, est immediata. Tertiò demùm, si Auctores locuti fuissent solum de libertate mediata, vel illud dixissent expressè, vel certè per argumenta suam mentem expressissent, ostendendo id fieri successivè ac mediatè, & non aliter. At nil ejusmodi aut ex verbis aut dictis apparet, sed ita arguunt, ac si de mediata hac libertate non cogitassent. Ergo certum videtur, quod de libertate immediata pro uno eodemque instanti intelligendi sint.

S. Thomas & Theologi intelligendi sunt de libertate immediata.

14. Legi etiam potest Esparza in Appendice ab art. 103. fermè usque ad finem secundæ partis, ubi fusiùs hoc argumentum cum omnibus ad id pertinentibus pertractat. Omnia placent, sed aliqua ex illo annexo, quæ mihi in mentem non venerunt, quando materiam hanc tractari quæstione 8. & 9. de consc. prob. Sic enim arguit art. 117. Quando adest motivum probabile pro utraque

Argumentum ingensum Esparza.

Bb 3

parte,

parte, assensus est tam liber quoad speciem, quam est quoad exercitium, quando adest motivum tantum probabile pro una parte; & nullum motivum pro parte opposita. Ideo enim in hoc secundo casu assensus est liber quoad exercitium, qui cum spes veritatis appareat juncta formidini erroris, intellectus non determinatur ab objecto ad assensum; & quia non est liber ex se, non potest determinari nisi per imperium voluntatis. Porro voluntas, utpote libera, potest illum determinare ad assensum, pro quo datur sufficiens motivum. Similiter potest illum non determinare ad assensum, suspendendo imperium; & hoc est assensum esse liberum quoad exercitium. Jam si accedat motivum positivè alliciens ad dissensum, eo ipso habetur eadem ratio libertatis ad assensum & dissensum & ad utriusque suspensionem, quæ antea erat ad assensum & non assensum, siquidem ex vi novi motivi tanta ad minimum apparet spes attingendi veritatem per dissensum, quantus antea apparebat timor falsitatis incurrendæ per assensum. Ergo si in priori casu suspensio assensus, non obstante prævalenti motivo ad assentiendum, ratione dicti periculi subsit imperio voluntatis, à potiori in secundo casu duorum motivorum probabilium dissensus eidem subjacet. Ergo eadem ratio, quæ in casu unius tantum motivi probabilis probat assensum esse liberum quoad exercitium, in concursu duorum motivorum dissimilium, quorum excessus non est certus & perspicuus, probat eundem esse liberum quoad speciem.

Libertas
specificat o-
nis non est
nisi duplex
libertas
exercitii.

15. Hinc ego sic arguo. Libertas quoad speciem, non est nisi duplex libertas quoad exercitium simul existens in eodem instanti. At quando adsunt duo motiva dissimilia; & in actu primo æqualia aut ferè æqualia, duplex libertas quoad exercitium coexistit. Accessus enim secundum motivi non tollit primam libertatem exercitii, quia non tollit spem attingendi veritatem, nec aufert metum incurrendi errorem per assensum. Hæ autem sunt causæ fundantes talem libertatem. Demùm nulla est ratio, ob quam accessus posterioris motivi incerti impediat priorem libertatem actus. Ergo illa manet. At sequens motivum æquo jure fundat libertatem dissensus quoad exercitium. Ergo simul datur in voluntate libertas assensus quoad exercitium, & libertas dissensus quoad exercitium. Sed hoc est assensum & dissensum esse liberum quoad speciem. Ergo in casu affectionis semper datur ejusmodi libertas.

S Augustinus favet libertati fidei quoad specificationem.

16. Et sanè restringendo quæstionem ad libertatem fidei, & erroris oppositi, libertas fidei quoad speciem optime colligitur ex Epist. 49. S. Aug. quæst. 2. quem Esparza citat art. 119. Sic enim loquitur S. Doctor. Multi in eum (Christi) corporali præsentia fuerunt, qui in eum, nec suscitati ab eo mortui, credere voluerunt; quales nunc etiam multos videmus, cum tanta manifestatione de illo compleantur præconia Prophetarum, nolle adhuc credere, & male humanam astutiâ resistere, quam tam clara atque perspicua, tamque sublimi & sublimiter diffamata divina credere auctoritati. Hic sermo est de iis, quibus fides sufficienter proposita fuit, ut crederent, si vellent. At loquitur de iis, qui erroribus suis insistendo fidei contradicunt. Hoc enim importat particula illa, humanam astutiâ resistere. Ergo fides, & error fidei sufficienter propositæ contrarius, sunt liberi quoad speciem actus.

Consoer-
do & praxi
hominum

17. Idem videre est in fide humana, ut bene observat Esparza: siquidem aliquando contingit, duos homines diversimodè affectos opposita pror-

sus judicare de eadem re, circa quam duos opposita referentes audiunt. Alter enim dicit, volo credere Petro, & puto id quod dicit esse verissimum; alter dicit, nolo credere Petro, sed Paulo, & puto dictum Petri esse falsissimum. Hoc tam frequens est in novorum narrationibus, quæ fiunt coram duobus, qui diversis partibus addicti sunt, ut vix quidquam frequentius observari possit. Jam quis non videt, totum hoc à varietate affectus provenire? At affectus illi suspendi possunt, & mutari pro arbitrio hominum; eo autem mutato, etiam judicia mutarentur, quia rerum apparentiæ per tales affectiones plurimum immutantur. Rursus sæpè contingit, duos homines eidem narrare opposita; audiens autem uni præstat fidem, alterius auctoritate rejectâ. Inde fit, ut homo repulsi de injuria conqueratur & dicat; iste homo noluit mihi credere, etsi provectior sim, majorisque auctoritatis, sed alteri minoris fidei, aut certè in nullo supra me meriti excellentioris. O quantum potest affectus in ordine ad fidem impetrandam! hæc omnia convincunt, omnibus naturæ lumine persuasum esse, quod in familiaribus istis casibus assensus sit liber quoad speciem. Unde, qui post tot & tam efficacia argumenta hoc in dubium vocat, eam opinandi libertatem exercere convincitur, quam negat.

18. Demùm sic arguit Esparza. Hæc libertas probatur à libertate bene & male judicandi de proximo. S. Aug. lib. 2. de sermone Domini in monte, ad illa verba. Nolite judicare &c. hæc habet. Hoc loco nil aliud nobis præcipi existimo, nisi ut ea facta, quæ dubium est, quo animo fiunt, in meliorem partem interpretemur. Ergo talis interpretatio est possibilis, quia quæ nobis præcipiuntur subsunt utique libertati nostræ. Ergo in tali casu liberum nobis est bene judicare de proximo. At in eodem casu liberum etiam est male de illo judicare, quia nil est ex parte objecti unde potius possimus bene, quam male de illo judicare, quia supponitur res incerta. Ergo tota proxima utriusque judicii possibilitas sumitur à libero voluntatis imperio, quæ pro arbitrato fluctare potest intellectum ad utrumlibet judicandum, quando adsunt rationes pro utraque parte.

19. Huic doctrinæ pulcherrimè consonat Sanctus Thomas 2. 2. quæst. 60. art. 3. Qui contemnit, inquit, vel odit aliquem, aut irascitur, vel invidet ei, ex levibus signis opinatur mala de ipso &c. Secundum gradus est: cum aliquis pro certè malitiam alterius affirmat ex levibus judiciis, & hoc, si fit de aliquo gravi, est peccatum mortale. Deinde ad 2. hæc habet. Ex hoc ipso, quod aliquis malam opinionem habet de alio sine causa sufficienti, indebitè contemnit ipsum, & ideo injuriatur ei. Similia habet ibidem art. 4. Vbi non apparent manifesta judicia de malitia alicujus, debemus eum ut bonum habere, in meliorem partem interpretando quod dubium est. Hujus asserti rationem dat in resp. ad 1. Melius est, quod aliquis frequenter fallatur habens bonam opinionem de aliquo malo homine, quam quod rariùs fallatur habens malam opinionem de aliquo bono homine, quia ex hoc fit injuria alicui, non autem ex primo. At certum est, quod possimus malè judicare de homine, quando desunt manifesta judicia de ejus malitia. Tunc autem ex mente S. Thomæ, & ipsa veritate possumus, & tenemur dubium in meliorem partem interpretari, & hominem illum habere ut bonum. Hoc autem est, utrumque assensum esse liberum non solum quoad exercitium, sed etiam quoad specificationem. Rursus ad 2. hæc habet. Ad hoc potius attendere debemus in tali judicio, quod hominem judice-

probat hæc
libertatem
in fide hu-
mana.

Aliud argu-
mentum ex
Aug.

Aliud argu-
mentum ex
S. Thomæ.

judicemus bonum, nisi manifesta ratio in contrarium appareat. Ergo possumus talem hominem judicare bonum, quando manifesta ratio non est pro malitia. Possumus autem absque dubio eum reputare malum, cum potiora sint saepe motiva pro malitia quam pro bonitate. Imò hinc habemus ex S. Thoma, quod sola manifesta ratio ita ligat intellectum, ut voluntas non possit, nec debeat nisi illud inflectere ad partem oppositam. Hinc, cum omne iudicium temerarium nitatur levibus iudiciis, sequitur quod aut semper, aut saepe formetur contra motivum, quod revera praevaleret ad intellectum. Ergo tota ratio flectendi intellectum ad assensum temerarium sumitur ab imperio & affectu voluntatis, qui si defuisset, & oppositus affectus, ac oppositum imperium affuisset, oppositum iudicium formari potuisset. Ergo talia iudicia temeraria sunt libera quoad specificationem. Ergo à fortiori tam fides quam opinio ab eadem libertate procedunt. Hæc & hisce similia complura habet apud Esparzam loco citato.

SOLVUNTUR OBJECTIONES.

Obiectio I. **O**BJICIT primò. Qui credit, non potest immediate dissentire rebus propositis, si velit, alioquin ego nunc immediate possem Calvinismo assentire, cum interea illa secta mihi proponatur ut evidenter incredibilis, & ex mea & aliorum opinione evidenter falsa. Sequela autem est absurda. Ergo fides non est immediate libera quoad speciem, seu contrarietatem actus. Ita Celladeus §. 2. Qui mox adjungit, idem constare de opinione; dicit enim se supra probasse, quod non sit nobis liberum opinari circa æqualiter probabile.

Respondeo. Fides non est libera quoad speciem in sensu composito cum actuali iudicio de evidentia incredibilitatis oppositi. Hoc multò magis valet, si adsit iudicium, quo quis putat oppositum esse evidenter falsum. Similiter non est libera quoad speciem in sensu composito cum absoluta voluntate non credendi oppositum. Verùm hoc non queritur, sed solum an in sensu divi-
fotalium dispositionum sit libera quoad speciem. Argumentum istud hoc non tangit. Nos autem probavimus, talem dispositionem aut abesse, aut posse abesse ab actu primo, vi cuius inducimur ad credendum & opinandum, nam ablato pio affectu voluntatis, à quo fides dependet, & inducto affectu pravo ad errores oppositos (quæ diversitas affectuum est immediate libera, saltem aliquando) non hæc, sed alia rerum apparentia fuisset, potuissetque voluntas imperare assensum errori. Ergo fides est immediate libera libertate contrarietatis, saltem aliquando.

11. Itaque Celladeus eandem hinc æquivocationem passus est circa libertatem fidei, quæ antea deceptus negavit libertatem opinandi circa æquè probabilia; ex eo scilicet, quod nec fides, nec opinio sit libera quoad speciem, stante iudicio, quo reputamus utramque partem, omnibus inspectis, esse æquè probabilem, aut unam partem esse minùs fundatam oppositâ. Hoc non aliud probant, quæ attulit *quæst. 1. 2. & 3. Appendix*, ut ostensum est. At hoc non obstat immediatæ libertati fidei & opinionis quoad speciem, ut patet.

12. Obijcit secundò. S. Thomas 1. 2. *quæst. 9. art. 1.* docet, intellectum & voluntatem mutuo comparari tamquam movens & mobile, sed quis

idem respectu ejusdem non potest esse movens & mobile, respondet S. Thomas, intellectum esse movens secundum unum, & non secundum aliud, similiter & voluntatem. Unde infert, quod sint mutuo movens & mobile secundum diversa, non secundum idem. Hinc in responsione *ad 3.* concludit, voluntatem movere intellectum quoad exercitium, quia intelligimus, cogitamus, studemus, quando volumus. Ideo autem voluntas potest hæc ratione movere intellectum, quia verum, quod est perfectio intellectus, continetur sub universali bono, ut quoddam bonum particulare, & sic voluntas movet intellectum ad querendum verum, aut ad cogitandum de vero &c. hoc est, movet intellectum quoad exercitium. Sed quantum, inquit, ad determinationem actus, quæ est ex parte objecti, intellectus movet voluntatem, quia ipsum bonum apprehenditur secundum quandam rationem comprehensam sub universali ratione veri. Et sic patet, quod non sit idem movens & motum secundum idem. Ergo juxta S. Thomam voluntas movet intellectum quoad exercitium actus, & intellectus movet voluntatem quantum ad determinationem, id est, quantum ad speciem actus. Ergo intellectus non est immediate mobilis, seu determinabilis à voluntate quoad speciem actus. Ita Celladeus ibidem.

Respondeo, S. Thomam hoc loco aliud non docere, quam intellectum aliquando movere, & non moveri à voluntate ad illud, per quod movebat voluntatem. Hoc autem S. Doctor per varias doctrinas egregiè deducit, quas omnes tandem in illud resolvit, quod intellectus moveat voluntatem, sicut præsentans ei objectum suum. Porro quia objectum debet præsentari voluntati, antequam voluntas ipsa moveatur, aut suâ motione moveat alias potentias; hinc est, quod intellectus necessariò præcedat, & habeat aliquem actum per determinationem habitam ab objecto, à quo talis actus specificatur, & idè intellectus quoad speciem talium actuum nullo modo dependet à voluntate, cum species talis habeatur independentè ab omni motione voluntatis; quamvis postea per imperium voluntatis intellectus iterum exerceri possit in similibus actibus eliciendis. Et hoc est intellectum posse adhuc moveri quoad exercitium talium actuum per imperium voluntatis. Itaque S. Thomas aliam hoc loco non agnoscit determinationem intellectus quoad speciem, quam quæ sit per determinationem objecti independentè ab imperio voluntatis. Porro cum certum sit, intellectum saepe sic determinari ab objecto, Sanctus Doctor ex eo clarè deducit, voluntatem & intellectum non esse mutuo moventes & motos secundum idem, sed secundum diversa. At certum est, intellectum nunquam determinari ab objecto obscure proposito ad ullum assensum, sed solum dependentè à voluntate. Ergo S. Thomas hoc loco non loquitur de ullo assensu obscuro, cum omnis talis assensus ita dependeat à motione voluntatis, ut ab illa separari non possit. Et sanè postquam intellectus, à voluntate non motus, movet intellectum, repræsentando illi obscure rationem veri apparentis pro utraque parte contradictionis, idque sub peculiari ratione boni, non est cur voluntas æquè non possit determinare intellectum tam ad speciem quam ad exercitium talium actuum. Certè ex eo quod voluntas sic determinaret intellectum, non sequeretur, quod voluntas & intellectus simul essent moventes & moti secundum idem; & tamen S. Thomas loco citato ad hoc absurdum vitandum induxit

Mens S. Thomæ declarata.

Æquivocatio Celladei.

distinctionem illam determinationis quoad speciem, & quoad exercitium. Certum itaque videtur, S. Thomam hoc loco solum sub universalissima notione quævisse, an fieri possit, ut intellectus & voluntas mutuò se moveant? Respondet, id absurdum non esse, quia necesse est intellectum, aliquando saltem, determinari ad speciem actus ab ipso objecto, independentem à motione voluntatis; & sic intellectum, non motum à voluntate, movere voluntatem, quamvis postea voluntas possit iterum movere intellectum, ut in similibus actibus se exercent, quod est intellectum moveri posse à voluntate ad exercitium actuum in eadem specie. At, quod S. Thomas hic aut docuerit, aut innuerit, intellectum in nullo casu posse determinari à voluntate ad speciem assensus, nec verum est, nec verisimile. Et sanè si hoc loco ita sensisset S. Thomas, cur postea in 2. 2. ubi expressè agit de determinatione intellectus ad assensum fidei, & de ejusdem fidei merito ac libertate, cur, inquam, non promittit doctrinam, quam Celladeus cogitat hic latere, cum nulla alia opportunior occasio esse potuisset ad rem illam declarandam? Scis cur? quia nullam talem doctrinam antea tradiderat. Et sanè mirandum est, quod relictis locis, in quibus S. Thomas expressè agit de dependentia opinionis & fidei à voluntatis imperio, Celladeus ad alium tractatum prorsus genericum confugiat, atque ex indefinita quadam locutione S. Doctoris, quæ manifestè verificatur independentem à quæstione præsentis, inferat doctrinam universalem, quam S. Doctor ne quidem insinuat. Et tamen aliud argumentum non affert Celladeus pro sua opinione, quàm quod continetur in prima objectione, quodque ex æquivocatione terminorum procedit, & hunc textum S. Thomæ, qui verè nil prorsus facit ad præsentem quæstionem: sed de mente S. Thomæ plus quàm satis constat ex dictis.

Celladeus incongruè procedit citando S. Thomam.

Causa temerè iudicandi triplex.

23. Obijcit tertio. Argumentum desumptum à iudiciis temerariis, quæ levi tantum fundamento nituntur, nil probat, quia nunquam movemur ad talia iudicia ob levia fundamenta, quorum levitas nobis sit nota, sed totum ad hoc reducitur, quod fundamenta, revera levia, nostro vitio nobis videantur gravia, & sic tandem præcipitemur ad assensum; generaliter enim verum est, intellectum nullis motivis plus tribuere, quàm æstimat ea mereri. Porro S. Thomas 2. 2. quæst. 60. affert triplicem causam, ob quam de aliis temerè iudicemus. Prima est propria malitia; nam qui malus est, facile arbitratur alios esse sibi similes, & eisdem affectibus indulgere. Secunda est, mala affectio erga alios, ob invidiam, iram, aut odium, quia unusquisque, inquit, facile credit, quod appetit. Tertia est longa experientia, ob quam senes solent esse suspiciosi, quia multos experti sunt aliorum defectus. Ob has causas motiva, in seipsis levia, videntur gravia; & sic voluntas movet intellectum ad assensum ejus, quod videtur probabilius. Peccat tamen, quia debebat rem ulteriùs examinare, antequam iudicaret, aut etiam suspendere iudicium post examen, donec magis de veritate ipsa constaret per apparentiam independentem à prava dispositione propria. Ita Celladeus §. 3.

24. Respondeo replicam hanc eadem æquivocatione laborare, quâ priora argumenta; supponit enim, quod dicamus, iudicantes temerè ob levia fundamenta, aut debere, aut posse simul existimare ea esse levia. Sed omnia alia dicimus, scilicet eos, quamvis in actu secundo exercitè saltem existiment argumenta pro parte affirmata esse longè potentiora, ita tamen esse dispositos in actu primo, ut possint habere validiorem apparentiam pro parte negata, & minùs validam pro parte jam affirmata. Hoc autem ex iis ipsis colligitur, quæ ex S. Thoma afferuntur ad suadendum contrarium; scilicet quòd vitio nostro fiat, ut malitia proximi verisimilior nobis appareat, si vitio illo careremus. At vitio illo carere possumus, quia possumus non invidere proximo, nec illam odisse. Certè ex tribus illis causis, prima ab initio vitæ in nemine locum habet, postea in multis deest; similiter & tertia sensibus tantummodo convenit, quæ ipsa, ut S. Thomas ibidem expressè ait, minuit rationem suspicionis, quia experientia proficit ad certitudinem, quæ est contra rationem suspicionis. Itaque sæpe sola secunda causa locum habet. At illa est nobis libera. Ergo potuit abfuisse in hoc instanti. At si illa, & omnia illam consequentia abfuisent, cæteris manentibus longè alia fuisset rerum apparentium facies; maxime si quis loco illius contrarium affectum voluntatis eliciuisset, tunc enim facillimè contrarium iudicasset, quia ex mente S. Thomæ affuisset causa oppositi iudicii, tum quia quisque facile credit, quod appetit, tum quia apparentia malitiæ fuisset valdè exigua, utpote quæ secundum se & ex parte actus primi remoti est levis; & è contra apparentia innocentie fuisset valdè magna, cum & in se sit gravis, & ob affectum contrarium plurimum aucta fuisset. Ergo replica hæc solum servit ut vis argumenti fortius elucescat.

Textus S. Thomæ probat contra Celladeum.

25. Dicitur porro illud Celladei, Intellectus nullis motivis plus tribuit quàm æstimat ea mereri, verum est, si sermo sit de ipso actu iudicii, quo in actu secundo illa approbat, quia actus secundus iudicii est illa ipsa eorum æstimatio, & prælatio, saltem exercitè. Sed hoc nec facit ad rem, nec solvit argumentum. Non facit ad rem, quia loquimur de dispositione antecedente, & querimus quid illi per liberum arbitrium superaddi possit. Non solvit argumentum, sed roborat, quia difficultas redit de ipsa æstimatione motivorum. Nam illa vel est, vel non est temeraria. Si non est, sumus extra quæstionem. Si est, ergo nititur levibus fundamentis. Nec iterum respondeas per aliam æstimationem, quia sic daretur processus in infinitum. Ergo sistendum est in ipso iudicio actuali, quod præfert illa ut veriora & vera. Sed hoc iudicium est liberum, & poterat abesse. Ergo in casu iudicii temerarii non est necesse, quod detur ullus excessus motivorum pro malitia proximi antecedenter ad exercitium libertatis; sed oppositum evenit. Ergo totus ille excessus apparentie est liber. Ex quo iterum sequitur, intellectum immediatè determinari posse à voluntate ad speciem actus, quod erat probandum.

Responsio Celladei nec est ad rem, nec solvit argumentum.

QUÆ

QUÆSTIO TRIGESIMA.

QUARTA.

Quid sit opinari? & qua natura opinionis?

1. **D**E natura atque essentia opinionis egi quæst. 2. de Consc. prob. nec opus fuisset quidquam addere, nisi Celladeus in Appendice quæstionibus 6. 7. & 8. fulissimè de hac retractasset, atque sic occasionem rem hanc breviter retractandi dedisset. Duo autem potissimum explicanda sunt. Primum, quid sit opinio: secundum, in quo consistat formido, quam omnes opinioni tribuunt. Multa quidem offert, & ingeniosè expendit Celladeus circa rem hanc, in qua tamen, utpote satis clara ac facili, tanto molimine opus non erat, maxime cum post omnia, quæ in tribus illis quæstionibus fuisse congerit, ritè intellecta, non appareat, in quo à comuni opinione dissentiat. Ego rem, quæ potero brevitate & claritate, expediam.

ASSERTIO PRIMA.

Opinio est judicium absolutum de re proposita, nixum motivo fallibili.

Opinio quid sit?

2. **P**ROBATUR, & declaratur. Omne judicium, absolutè enuncians de veritate rei propositæ, est vel scientia, vel fides divina infallibilis, vel opinio, comprehendendo fidem humanam & fallibilem sub notione opinionis, seu judicii opinativi. In hoc omnes conveniunt. Sed judicium absolutè enuncians de veritate rei propositæ, motivo fallibili nixum, non est scientia, nec fides divina; quia utraque nititur motivo infallibili; illa evidenti, hæc certo sed obscurè proposita. Ergò omne tale judicium est opinio: ex opposito, nullum judicium nixum motivo infallibili est opinio, sed reducitur vel ad scientiam vel ad fidem. Ergò omne & solum judicium nixum motivo fallibili est opinio. Itaque opinio est assensus debiliior, seu minùs fortis quàm scientia & fides, quia nititur motivo minùs valido, ut patet. Rursus ex omnibus judiciorum speciebus opinio est imperfectissima. Ratio est perspicua, quia omnia judicia possibilis reducuntur ad scientiam, fidem, vel opinionem. At judicia duabus prioribus classibus contenta sunt perfectiora opinionis. Ergò opinio ex genere suo est omnium judiciorum absolutè enunciantium imperfectissima, & in hac ejus imperfectio-
ne couultis formido saltem radicalis deceptionis, quæ omni opinioni essentialis est. Nihilominus opinio præminet dubitationi, & suspicioni; quia dubitatio nullam enunciationem continet, sed hæret inter utrumque; suspicio verò est imperfectus quidam modus tendendi in rem, de qua ta-

Opinio est omnium judiciorum imperfectissima.

met non pronunciat absolutè quid sit aut quid non sit.

3. Hæc explicatio, seu definitio opinionis est maxime propria, & omnium, quæ afferri possunt, optima; quia explicat differentiam essentialem illius per ipsam radicem, à qua speciem accipit, & à qua propria illius differentia derivatur. Idè enim talis est, & tam imperfecta, atque radicaliter saltem formidolosa, quia nititur motivo fallibili. Quæ cum adèd clara sint, atque perspicua, mirum est, Celladeum, istis omis-
sis, per longas ambages, & obscuras ac intricatas vias, naturam opinionis explicare voluisse.

Definitio laza est maxime essentialis opinionis.

SOLVUNTUR OBJECTIONES.

4. **O**BJICIT primò. Paralogizantes non sciunt, sed opinantur. Atqui paralogizantes feruntur in suam assertionem abque omni formidine, ac si esset demonstrata, eamque habent pro demonstrata. Ergò non nituntur motivo fallibili. Saltem motivum non illis apparet fallibile. Ergò non omnis opinio nititur motivo apparenter fallibili, cum aliqua nitatur motivo apparenter infallibili.

Objectio 2.

Respondeo inprimis, omnem opinionem niti motivo revera fallibili, quod absque dubio verum est in omni paralogismo; & hoc sufficit ad veritatem assertionis.

Paralogizantes nituntur motivo fallibili.

5. Respondeo secundò. Omnem opinionem ita niti motivo fallibili, ut ipsius fallibilitas aliquo modo, exercitè saltem, appareat & innotescat opinanti. Ratio est clara. Quia motivum in se obscurum & fallibile, non potest refundere claritatem & infallibilitatem in actum, quem fundat. Ergò actus ille intrinsecè & in sua essentia nec clarus est, nec modo infallibili tendit in suum objectum. Unde intellectus, illo actu informatus, non potest non exercitè percipere debilitatem & fallibilitatem apparentem, cui nititur. Hinc sequitur, hominem paralogizantem non esse directè certum de conclusione, quam demonstratam putat. Concedo tamen, quod reflexè feratur in illam tanquam in legitimam demonstrationem. Sed neque hæc cognitio reflexa est certa, cum nitatur motivo non solum fallibili, sed falso, quod obscurè, fallibiliter, & falsò proponit qualitatem motivi directi. Ergò non certificat, illud motivum esse infallibile, sed probabili ad summum enunciatione dicit, illud esse certum ac demonstrativum. Itaque quamvis homo errans reflexè asserat motivum directum esse infallibile, hoc tamen fallibiliter & obscurè enunciat. Ergò fieri nequit, quin motivum directum fallibile non solum exercitè, sed etiam signatè illi appareat aliquo modo fallibile, quia per cognitionem reflexam solum fallibiliter apparet infallibile.

Fallibilis motivi exercitè apparet omnino opinanti.

6. Fieri

Omnia opi-
nio caret
firmitate in-
tellectuali.

6. Fieri quidem potest, ut per imperium vo-
luntatis imperetur assensus valde firmus, firmitate
adhæzionis habitus à voluntate contemnente
quidquid est in oppositum; sed fieri nequit, ut
intellectus tali objecto firmiter & sine ulla formi-
dine adhæreat firmitate intellectuali. Neque enim
dispositio errantis aut paralogizantis æquare po-
test dispositionem intellectualem verè scientis, ut
patet.

Obiectio 2.

7. Obicit secundò. Motivum infallibile pro-
poni potest fallibiliter. In hoc casu, assensus
propter illud elicitus nec evidens est, nec certus,
sed opinativus, & formidolosus. Ergo nec est
scientia, nec fides divina. Ergo est opinio.
Ergo non omnis opinio nititur motivo fallibili.

Motivum
infallibile
poteest inno-
tescere falli-
biliter, quò-
do innotescit
mediatè.

Respondeo, antecedens verum esse, quando
motivum infallibile mediatè tantum proponitur,
& per aliud motivum innotescit. Verum tunc
assensus non respicit illud ut motivum propriè di-
ctum, seu ut motivum suum formale, sed solum
illud aliud motivum, propter quod fallibiliter
& formidolosè affirmamus dari motivum infalli-
bile. At hoc motivum est fallibile. Ergo pro-
prium motivum talis assensus est fallibile, & con-
sequenter ille assensus est opinativus. Sic si quis
habens revelationem privatam alicujus rei, mihi
diceret, talem rem esse à Deo revelatam, & ego
illi crederem, atque ex fide illi data, inferrem
rem illam esse veram, quia Deus illam revelavit;
in hoc casu Dei revelatio non esset motivum cre-
dendi, sed res aliunde credita. Quamvis enim
revelatio Dei respectu ultimæ illationis esset una
ex præmissis, illa tamen non esset præmissa imme-
diata, & habita per se, sed ex discursu cognita;
& consequenter niteretur motivo fallibili, in quo
solo proinde veritas ex illa illata fundaretur tam-
quam in motivo propriè dicto, de quo solo lo-
quitur assertio.

Responde-
tur argu-
mento ad-
missæ hypo-
thesi, quam
continet.

8. Quod si fieri possit, ut motivum, quod in-
tellectui benè disposito ratione sui est evidens aut
infallibile, alteri obtusiori intellectui immediatè
innotesceret apparentiâ minùs perfectâ, tunc illa
apparentia esset quidem infallibilis ex parte obje-
cti, & quoad se; sed ex parte subjecti, seu quoad
cognoscentem, vel quoad nos illa apparentia ob-
jectiva non esset infallibilis, quia proponeretur
per apparentiam formalem imperfectam & mo-
tivo suo improporcionalem. Ergo assensus tali
motivo præstitus esset opinativus, quia niteretur
motivo fallibili quoad nos, id est motivo non me-
lius proposito, seu fortius allicienti, quàm appa-
reat & alliciat motivum fallibile debitè proposi-
tum. Hoc autem sufficit ad intentum assertionis,
si casus iste admittatur. Cæterum vix videtur
fieri posse, ut motivum infallibile, immediatè
movens intellectum, possit inferre nisi actum cer-
tum, quia modus tendendi actus proportionatur
luminì, in quo immediatè fundatur. Ergo mo-
tivum infallibile immediatè movens intellectum
necessariò infert assensum sibi proportionatum,
nempe assensum ex modo tendendi certum & in-
fallibilem. Quod si motivum illud fallibiliter
appareat, id est, quia non immediatè ac ratione
sua, sed solum mediatè ac ratione alterius motivi
fallibilis, innotescit.

ASSERTIO II.

*Omnia opinio de una parte contradictionis
annexam habet formidinem, ne pars op-
posita sit vera. Propositum autem sit ex-
plicare, quid, & quomplex sit formido opi-
nionis.*

9. OMNIS in eo conveniunt, quod opinio
sit assensus formidolosus. Ratio est,
quia motivum fallibile tribuere nequit actui, ad
quem movet, evidentiam aut certitudinem intel-
lectualem. Ergo fundat judicium carens certi-
tudine intellectuali. Ergo intellectus vi talis ju-
dicii fertur quidem absolute in objectum, sed
absque certitudine, id est, absque firma adhæzione
intellectuali circa veritatem illius. Sed ferri in
objectum, & non ferri in illud per firmam ad-
hæzionem, seu per certitudinem intellectualem,
est ferri formidolosè in illud, seu cum aliqua, ut
ita dicam, diffidentia intellectuali de veritate rei
affirmatæ, ne fortè oppositum sit verum. Hæc
diffidentia intellectualis est propria formido opi-
nionis. Ergo omnia opinio est formidolosa.

Omnia opi-
nio est judi-
cium formi-
dosum.

10. Itaque propria & essentialis formido opi-
nionis aliud non est, quàm ipsa imbecillitas assen-
sus præstiti, derivata in actum ab imperfectio-
ne motivi, cui nititur. Sicut enim motivum
evidens, ob suam perfectionem & claritatem, tri-
buit actui claram, evidentem, ac fidentissimam
tendentiam in objectum, & sicut motivum cer-
tum & infallibile tribuit actui, quem fundat,
fidentem, certam, & infallibilem tendentiam in
suum objectum; sic motivum fallibile, cum in se
non habeat istas perfectiones, sed oppositas im-
perfectiones, necessariò easdem imperfectiones
tribuit actui, quem causat. Motivum enim est
potissimum, si non unicum, à quo actus tam in-
tellectus, quàm voluntatis speciem accipit. Actus
enim in representando æmulatur motivum suum.
Ergo si motivum sit fallibile, & defectibile à ve-
ro, actus ab illo causatus fallibiliter, defectibili-
ter, & ut ita dicam intellectuali quâdam diffiden-
tiâ tendit inverum, quod est actum esse formi-
dosum; sicut ex opposito, actum esse certum
ac evidentem, seu minimè formidolosum, sed in-
tellectualiter fidentem, est actum causari à moti-
vis habentibus evidentiam vel infallibilitatem se-
cum identificatam, ac ab illis proportionatam
evidentiam vel infallibilitatem participare.

Formido
opinionis est
actui essen-
tialis.

11. Porro formido opinionis est duplex. Alia
est essentialis, alia accidentalis actui opinativo.
Formido essentialis consistit in essentiali actus opi-
nativi limitatione, seu exclusionem perfectionis,
quæ inest actibus scientificis & certis. Perfectio
autem judicii evidens consistit in eo, quod sit
clara perfectio connexionis inter prædicatum &
subjectum, per quam intellectus rapitur in assen-
sum. Propria autem perfectio fidei consistit non
in clara perceptione connexionis terminorum in-
ter se, sed solum in adhæzione intellectus & vo-
luntatis, quatenus illa contemnit omnia, quæ af-
ferri possunt in contrarium, & quatenus dicit or-
dinem intrinsecum & essentialem ad evidentiam
prævia de summa mysterii credibilitate, atque
de obligatione firmissimè credendi propter testi-
monium Dei revelantis. Hæc adhæzio, dicens
intrinsecè hunc respectum, est propria certitudo
& firmitas fidei. Jam opinio nec oritur à clara
perceptione objecti, nec respectum alium, dicit quid!

Formido
opinionis
alia essen-
tialis alia ac-
cidentalis.

Essentialis
formido
secundum
rationem

ad præviam evidentiam de summa rei credibilitate, aut ad obligationem ipsi firmissimè adhærendi, sed oritur à motivo inferioris ordinis; atque ideo prodit actus limitatus, qui necessariò & intrinsecè caret perfectione scientiæ & fidei. Hæc carentia dictarum perfectionum est propria & essentialis opinionis imperfectio, estque ipsa opinionis incertitudo, & ad ejus differentiam essentialem pertinet. Eadem autem est & vocatur formido radicalis, quam aliqui formidinem negativam, seu exclusivam certitudinis appellant.

Accidental-
is seu for-
malis quæ?

12. Verùm, quia opinio non solum elici potest, quando objectum non ita repræsentatur, sicut quando scimus aut credimus, sed etiam quando intellectus actu advertit ea adesse vel ex parte objecti, vel certè ex parte repræsentationum ipsum impellentium, quæ habentur in scientia & fide, ideo duplex est formido, prima radicalis, quam jam explicavimus; secunda formalis, quæ in ista advertentia consistit. Quod verum est, si illa advertentia identificetur, si non identificetur cum ipso actu opinativo. Si non identificetur cum actu, talis formido erit actui accidentalis; si verò identificetur cum actu, erit quidem formido illa dicto actui essentialis, cum quo realiter identificatur, sed pariter erit logicè accidentaliter conceptui opinionis, quia talis differentia accidentaliter connectitur cum conceptu generico opinionis, sicut rationalitas accidentaliter logicè superadditur animalitati. Et hæc est propria natura formidinis radicalis ac formalis, quam distinctionem omnes habent in ore, quamvis pauci exactè explicent, in quo utraque consistat.

Natura moti-
vi fallibili-
s, ejusque
influus in
assensum
explicatur.

13. Confirmantur hæc, considerando naturam motivi fallibilis. Illud enim, cum sit fallibile, non potest se manifestare, quin suam fallibilitatem simul manifestet; unde fit, ut licet manifestet se esse, non tamen eadem ratione manifestet verum esse, quod repræsentat. Evidenter enim manifestat se posse, sed non evidenter manifestat objectum à se repræsentatum esse verum, quia fieri potest, ut ipsum existat, quin existat res repræsentata. Exemplum sume à fide humana fallibili. Testimonium duorum vel trium est fide dignum. Hoc testimonium, quia est fallibile, quamvis evidenter manifestet se esse, atque etiam esse fide dignum, non tamen evidenter aut infallibiliter manifestat, rem ab illis dictam esse veram; cum illa duo possint separari. Idem videre est extra calum auctoritatis. Credibile est matrem diligere filium suum. Jam id quod certò manifestat matrem, non infallibiliter manifestat amorem, quia mater & amor filii separari possunt, & hoc est motivum esse fallibile; quod quamvis & manifestet se esse, & aliud esse credibile, non tamen repræsentat manifestam connexionem necessariam inter rem immediatè notam, & aliam, quam proponit; quamvis enim homo certò cognoscat matrem, non inde certò colligit amorem; & ideo formidolosè affirmat, matres diligere filios. Unde omne motivum fallibile hoc habet, ut manifestet quidem aliquam terminorum connexionem, sed simul aut expressè & formaliter, aut exercitè & virtualiter dicat, rem ipsam, quantum est ex vi hujus motivi, non esse omninò certam, & ideo non mereri assensum firmissimum omnis formidinis exclusivum. Prima apparentia de terminorum connexionem reddit rem opinabilem. Secunda de fallibilitate fundat formidinem aliquam, de qua opinio separari nequit.

14. Porro formido omnis opinionis, tam

immediatæ, quam mediatæ, communiter ut dictum est, dividitur in radicalem; & formalem. Radicalis est, quæ cum actu identificatur, & consistit in propria ac essentiali illius imperfectione hætenus explicata. Formalis est actus, quo reflectentes supra qualitatem seu imperfectiorem motivi, cui opinio nititur, dicimus nos non certificari per hanc apparentiam, quòd objectum sit, sicut apparet, ideoque intellectionaliter vacillamus, & minus fidentes sumus de veritate assensûs elicti.

Formido a-
ctualis in
quo consi-
stat.

15. Quæ cum ita sint, in eo displicet Celladeus, quòd formalem opinionis formidinem explicet per actum reflexum, quo judicamus, fallum se habere posse opinionem, quam elicimus. Displicet, inquam, quia sæpè opinamur res necessarias, & elicimus opinionem, quæ expressè dicimus, eas non posse aliter se habere; hujusmodi autem opiniones non sunt minus formidolosæ, quam aliæ. Ergò sunt capaces formidinis actualis, seu formalis. At non possunt conjungi cum judicio dictante, objectum illud posse aliter se habere, quia hoc judicium prorsus contrariatur opinioni jam elictæ. Ergò formido actualis talis opinionis non consistit in hoc judicio. Melius diceretur formido talis opinionis consistere in judicio dicente, objectum posse aliter se habere, non simpliciter sed quantum est ex vi hujus motivi; quia quamvis per opinionem formidolosam dicamus objectum necessario ita se habere, id quo dicamus ex vi hujus motivi, nihilominus, cum motivum sit fallibile, agnoscimus illud ex vi sua esse fallibile, quamvis existimemus illud hic & nunc non fallere, & propter materiam, cui applicatur, fallere non posse. Sed hoc accidentale est lumini moventi, ut patet.

Formido a-
ctualis non
rectè expli-
catur per a-
ctum, sed
per ob-
jectum potest
aliter se ha-
bere.

16. Itaque formido formalis opinionis, universaliter loquendo, non consistit in judicio absolute dicente, rem posse aliter se habere, sed ad summum, quòd aliter se possit habere, ex vi hujus motivi. Cæterum optimè explicatur in ordine ad imperfectum meritum motivi, seu in ordine ad modum adhærendi objecto per opinionem ex tali motivo elictam. Sic enim nil nisi verum dicitur, & quòd sub experientiam semper cadit, quoties reflexè & formaliter formidamus. Præterea per hoc ipsum clarè patet, quid sit formido reflexa & formalis, aliud enim non est, quam reflexa cognitio de qualitate opinionis postpositæ, & explicata reflexio supra formidinem radicalem.

17. Cæterum Celladeus benè refellit eos, qui formalem seu actualem opinionis formidinem crudè explicant per particulam illam *forte ita est*; & sanè si loquamur de formidine radicali, illa incongruè explicatur per particulam *forte*, alioquin idem esset dicere *mater amat filium*, ac *mater forte amat filium*. At dicere, *mater forte amat filium*, est idem ac dicere, *forte amat, forte non amat*, quia terminus *forte* est comparativus ad oppositum ejus, cui applicatur. Ergò opinio æquè utrumque diceret, & consequenter neutrum diceret absolute, quòd est absurdum. Hæc vera videntur, si *forte* sumatur in pressa sua significatione, quæ communiter loquendo dubitantis potius, quam opinantis dispositionem exprimit. Idem dicendum de formidine actuali & reflexa, si terminus *forte* in propria significatione accipitur. Itaque hic terminus non est idoneus ad formidinem opinionis declarandam.

Actualis
formido et
rectè expli-
catur per a-
ctum dicen-
tem, forte
ita est.

ASSERTIO III.

*Propositum sit explicare, quid hæc de re
Celladeus dixeris, ejusque
defectus & errores
notare.*

Qui scit, di-
cit rem esse;
qui opina-
tur dicit, re
videri esse.

18. **P** R I M U M Celladei assertum habetur §. 4. & desumitur à S. Thoma ad textum 153. *secundi de anima*, ubi hæc habet. *Cūtu aliquid in-
telligimus, asserimus sic esse: cūtu autem opinamur,
dicimus sic videri, vel apparere nobis.* Ex hoc Cel-
ladeus infert, per hoc opinionem differre à scien-
tia & certa fide, quod per scientiam & fidem in-
dubitātē dicamus *res esse*, vel *talē esse*; per opinio-
nem verò non dicimus, quod sit, aut quod talis
sit, sed solum pronunciamus, quid de illa nobis
videatur. Ratio, inquit, est, quia cūtu opinamur
per media, quæ possunt aliter se habere, hoc videntes
non audemus absolutē dicere ita est, sed cūtu restrictione
& limitatione dicimus ita nobis videri. Idem pro-
inde est opinando dicere rem esse, ac dicere, videri nobis
rem esse.

Videri dici-
tur duplici-
ter, exercitè
& signatè.

19. Sed quia affirmatio illa, *hoc mihi videtur*,
directè non cadit in rem, de qua opinamur, sed
principaliter in nostram opinionem, seu visio-
nem, idè videtur, quod natura opinionis per
hoc explicari non possit, quia de vestra opinione
seu visione, non opinionem sed certissimam per-
ceptionem habemus. Huic difficultati respon-
det, tam opinionem, quàm videri, in mente ipsa
sumi dupliciter. Primò exercitè & in se, secundò
signatè & reflexè. Quando re ipsa opinamur,
opinari, ac videri se habet exercitè; sed cūtu re-
flectimus, utrumque se habet signatè, tamquam
aliquid expressè cognitum. At in ore opinio
solum hoc secundo modo se habet: nam de rebus,
de quibus opinamur, dicimus ita nobis videri. Si-
enim, quando dicimus, ego video, voces signatè
important ipsum videre, cūtu tamen ipse visus
non dicat se videre, sed videat, & è contrà lin-
gua non videat, sed solum dicat visionem, quæ
ab oculo exercetur: sic pariter quando opinamur,
non dicimus in mente nobis videtur, sed re ipsa
exercitè ita nobis videtur, sed lingua non opina-
tur, nec opinando dicit, sed solum enunciat nos
opinari, & nobis videri. Nec dubium, quin affir-
mationes circa res ipsas communiter explicentur
per hos terminos, *mihi videtur*. Sic dicimus:
mihi videtur, Petrum hoc morbo moriturum;
quo significamus affirmationem de ipsa morte,
non de perceptione talis affirmationis tanquam
rei reflexè cognitæ. Tales porro actus, qui ex-
plicantur per hos terminos, *mihi videtur*, sunt
opinatiui. Itaque cūtu plus sit scire & certò cre-
dere quàm opinari, priores illos assensus majores
& fortiores, utpote absolutam & indubitātē sen-
tentiam continentes, exprimimus per terminos
definitivos: ita est, vel non est. At quia magis li-
mitatè & restrictè affirmamus & negamus per opi-
nionem, quàm per scientiam & fidem, idè cūtu
opinamur, non absolutè dicimus ita est, sed re-
strictè loquimur, sicut restrictè intelligimus, &
dicimus, ita nobis videri, aut videri nobis rem esse.
Ita Celladeus, fermè de verbo ad verbum.

Celladeus
incongruè
explicat na-
turam opi-
nionis per
rem ita vi-
deri.

20. Hæc explicatio, etsi vera, est prorsus in-
idonea ad naturam & essentiam opinionis expli-
candam, tum quia declaratur per verba æquivoca,
tum vel maximè, quia nil de natura opinionis di-
cit, nisi quod sit imperfectior scientiâ; sed unde

derivetur hæc imperfectio, aut in quo illa consi-
stat, nil penitus dicitur, nec ex tota explicatione
aliud assertur quàm iudicium, quo ex verbis &
phrasi loquentis inferri possit, quod homo opi-
netur, non credat, aut sciat. At pro hoc sciendo
tanto molimine opus non erat. Cæterum hæ
reflexiones idè contra Celladeum faciunt, quia
præterdit essentiam ac naturam ipsam opinionis
explicare, ad quod præstandum ipsa proprietatum
omnium radix & origo exponi debuisset. Proinde
reflexiones illæ ex S. Thoma nil faciunt, cūtu
S. Thomas ibi opinionem non definierit, sed mo-
re suo ingeniosè observârît diversitatem verbo-
rum, quibus utimur ad significandam scientiam
& opinionem. Mirum autem est, quod ipsâ
rei essentia relictâ, ad hoc S. Thomæ dictum con-
fugerit Celladeus, quasi per illud potissima opi-
nionis prædicata explicarentur.

21. Secundum ejusdem assertum est circa for-
midinem opinionis, quam §. 6. sic explicat. In
hoc differunt scire & opinari juxta Aristotelem
1. poster. tex. 44. quod scire sit de iis, quæ nec ali-
ter se habere possunt in se, nec aliter se haberi posse
scienti videntur. Opinari verò est de iis, quæ aliter
se possunt habere in se, vel ita saltem opinanti vi-
detur. Itaque opinanti duo videntur, unum est
rem ita esse, alterum est, non repugnare contra-
rium. Porro sicut in rebus ipsis non repugnat
actus amandi, cum potentia non amandi; sic in
intellectu non repugnat assensus de actu, cum as-
sensu circa non repugnantiam ad oppositum in
sensu composito omnium, quæ hic & nunc re-
præsentantur, quia sunt assensus de diversis. Ita-
que opinio, in quantum opinio, & in quantum
differt à scientia, dicit istos duos assensus, ex qui-
bus cum S. Thoma, & aliis Commentatoribus
Aristotelis infert, eundem intellectum non posse
simul habere opinionem & scientiam de eodem;
quia repugnat eundem de eodem simul judicare,
quod possit aliter se habere, & quod non possit
aliter se habere. At hæc iudicia requiruntur, ut
scientia & opinio de eodem simul conjungantur.
Hactenus Celladeus.

Formido o-
pinionis
quod sit jux-
ta Celladeum!

22. Rectè fecisset Celladeus, si hanc Philoso-
phi doctrinam ad ipsam essentiam opinionis inve-
stigandam adhibuisset, sicut ad explicandam ejus-
dem formidinem illam adhibet; quia revera per
eam ipsa opinionis essentia rectè explicatur, ut
vidimus. Sed Celladeus in ea adhibenda & ex-
plicanda non semel erravit. Primò, falsum est,
quod omnis opinans existimet, rem, quæ ipsi ab-
solutè videtur vera, posse aliter se habere. Sapè
enim opinamur de rebus necessariis, quæ non pos-
sunt aliter se habere, ut evidens est in innumeris
opinionibus de Trinitate, de Deo, ejusque at-
tributis, atque universim patet ex tota Philoso-
phia ac Theologia. Et de his quidem sicut opi-
namur ea esse, ita opinamur ea aliter esse non
posse, quia idem est ea esse talia, ac necessariò &
essentialiter esse talia. Ergò non possumus simul
dicere, quod possint non esse talia. Ergò non
omnis opinio, etiam quæ opinio, dicit illa duo,
nempe rem ita se habere, sed tamen non repugna-
re quod aliter se habeat.

Celladeus
errat in ex-
plicando.
Grævis Phi-
losophi.

23. Error in eo est, quod illud transferatur
ad objectum materiale, quod soli formali conve-
nit. De formali objecto opinionis semper ve-
rum est, quod aliter se possit habere, cūtu sit mo-
tivum fallibile, ideoque de illo etiam verum est,
quod, etsi credatur verum, es apparentiâ non ob-
stante, appareat, aut apparere possit non repu-
gnantia aliter se habendi. Aliter ergò de imme-
diatè,

Primus Cel-
ladei error.

diatæ, aliter de mediata opinionis formidine dicendum est. Illa semper consistit in expressionibus dictis. Hæc verò, universaliter loquendo, non dicit rem affirmatam posse absolute se aliter habere in se, sed solum posse se aliter habere in mente opinantis, quantum est ex vi hujus motivi, quod cognoscitur esse fallibile.

Clarè repugnat scientiam conjugari cum opinione immediata, non tam clarè cum mediata.

24. Hinc sequitur primò, repugnantiam scientiæ & opinionis circa idem in eodem intellectu esse quidem perspicuam, si sermo sit de motivo fallibili, seu probabili, quod immediate innotescit; eam verò non esse ita perspicuam, si sermo sit de objecto mediatè tantum scito & opinabili; quia per opinionem solum dicimus, tale objectum ita quidem se habere, sed posse aliter se habere in mente opinantis, quantum est ex vi hujus motivi. Hoc autem judicium ex hoc capite non repugnat cum judicio, quo ex alio motivo simpliciter dico, rem istam ita esse, & non posse aliter se habere. Sed an ex aliis rationibus repugnet talis conjunctio, disputent alii in suis locis, quia hoc ad præsens institutum non attinet. Solum adverto, Celladeum non ita confidenter dicturum fuisse, scientiam & opinionem de eodem simul in eodem intellectu combinari non posse, si distinctionem formidinis opinionis mediatae & immediatae percepisset, quia ratio, quam affert, non semper habet locum in opinione mediata, sed solum quando opinamur de rebus contingentibus, quæ nobis videntur posse aliter se habere.

Secundus Celladei error & contradictio.

25. Secundus error est, quod dicat, duo *videri* opinanti; nempe rem ita esse, & rem posse aliter se habere. Primum verum quidem est de veritate ipsius rei, sed secundum de potentia aliter se habendi falsissimum. Illa enim non videtur, sed clarè scitur. Ergò per Celladeum non debet explicari per *videtur*. Ecce in propriis principiis incongrue loquitur & errat, & in hoc ipso errore iis, quæ paulò ante dixerat, contradicit.

Opinio, in quantum opinio, differt à scientia per suam simplicitatem.

26. Tertius error est, quod dicat, opinionem, in quantum est opinio & differt à scientia, includere duos illos actus, ex quo cum Sancto Thoma intulit ex Aristotele, scientiam & opinionem de eodem non posse simul conjugari in eodem intellectu; quod tamen, inquit, intelligendum est de opinione in esse opinionis, non autem in esse assensus, ut idem S. Thomas 3. parte quest. 9. art. 3. ad secundum perspicue tradit. Hæc doctrina, quod opinio non aliter differat à scientia quam per duos illos actus, est falsa, cum evidens sit, primum actum per se solum, utpote nixum motivo fallibili, differre à scientia. Itaque differentiam suam à scientia ab alio illo actu non accipit. Quid, quod impossibile est, duos actus inter se differre per tertium, cum uniuscujusque differentia tam specifica quam individualis cum propria ejus entitate identificetur? Præterea secundus actus ex mente Celladei separari potest à primo, in quo casu putat opinionem in ratione assensus de veritate rei posse componi cum scientia. Jam peto, quid in illo casu cum scientia componatur; scientia, an opinio? an verò actus in genere extra omnem speciem constitutus? Si primum: ergò ille actus non potest postea constitui opinio, quia non potest perdere suam essentiam. Si secundum: ergò actus ille per se solum est opinio, & differt à scientia. Ergò opinio vera in tota sua ratione ac essentia componitur cum scientia, quamvis actualis illius formido illi superaddita cum scientia non componatur. Præterea

Tertius Celladei error.

certum est, illum actum, si daretur, secundum se præcisè consideratum, esse opinionem, quia niteretur motivo fallibili. Et hæc est expressa mens Celladei. Ergò esset actus obscurus habens tendentiam fallibilem, & continens formidinem saltem radicalem opposui. Opinio autem in esse opinionis & in esse diversæ speciei à scientia & fide per hæc præcisè constituitur. Ergò ex mente Celladei est opinio. Ergò sibi contradicit Celladeus. Tertium est nimis absurdum, ut vel in mentem tanti viri cadere possit, ideoque explodendum est, & ejus impossibilitas logicis probanda relinquatur.

Celladei traditio.

27. Tertium Celladei assertum aliam opinionis atque formidinis opinativæ explicationem continet. Hanc tota quest. 7. *Appendix* idè exponit, tum quia prior, ut ait, videbatur nimis implexa, tum quia tradebat, particulam *est* solis certis convenire non probabilibus; particulam verò *videri* appropriari probabilibus non certis. Ob has aliasque rationes aliam explicationem orditur per particulam *est*, quæ opinantes frequentissime utuntur, ut suum judicium explicent tam in scholis, quam in civilibus & familiaribus negotiis. Sic qui ex inspectione horologii sive sciaerici sive rotalis horam didicit, absque ulla hesitatione aliis horam petentibus dicit, *est talis hora*. & nunquam utitur illa phrasi, *mibi videtur, talem esse horam*. Tamen judicium de hora ex inspectione horologii publici ortum, non est nisi opinativum, ut patet. Idem videre est in innumeris aliis negotiis. Unde absurdum videtur excludere vocem *est* tanquam incongruam ad explicandam opinionem, cum omnes ferme ad eam explicandam illo termino utantur. Sic ergò Celladeus rem aggreditur.

Alia Celladei explicatio de natura opinionis.

28. Inprimis objectum opinabile, vel conclusio opinanda, necessariò repræsentatur omni opinanti ut potens aliter se habere. Potest quidem conclusio esse in se scibilis, & repugnans aliter se habere. At opinanti non ita repræsentatur. Secundò omnis opinans absolute enunciat de objecto in quod fertur. Itaque omni opinanti hæc duo repræsentantur, scilicet conclusionem ita quidem se habere, posse tamen aliter se habere. Hinc opinans rectè attitur particula *est*, rectèque dicit, *hoc est ita*: illud tamen *est* modificatur, & ab aliis modis affirmandi certis ac firmioribus differt per adjunctum illud, quod ea conclusio possit aliter se habere. Porro quia notius est, conclusionem illam posse aliter se habere, quam esse veram, intellectus priusquam eliciat actum conclusionis hanc defectibilitatem percipit, postea verò elicit conclusionem, quæ à priori illo actu est & dicitur formidolosa.

Est attributum opinantis modificatur aliter, quam quando attribuitur scientiæ.

Formido opinionis quæ?

29. Cæterum aliam etiam agnoscit formidinem, actui rem affirmanti identificatam, quam sic exponit. Sicut voluntas magis amat Deum, quam amicum, quamvis verè amet utrumque; ita intellectus magis affirmat unum, quam alterum, quamvis utrumque affirmet. Ergò sicut eadem vox *amat*, diversis objectis applicata, significat amores specificè diversos; ita eadem vox *est*, diversis objectis applicata, significat adhesiones, seu affirmationes specie diversas. Dixi *amores specie diversos*, quia omnis rectè amans amat juxta mensuram bonitatis objecti, & consequenter ex bonitatis amatae diversitate oritur diversitas adhesionis seu amoris. Amor ergò Dei ex sua tendentia in Deum est alterius speciei adhesio, quam amor erga amicum. Ergò amor amici minor est amore Dei. Hoc tamen minus non

Alia opinio, nis formido.

Voluntas
magis amat
unū quā
aliud, & in-
tellectus
magis affir-
mat unum
quā aliud.

Est signifi-
cat adhae-
siones spe-
cie diver-
sas.

Quid pla-
ceat, quid
displiceat in
Celladeo ?

Duae Cella-
dei contra-
dictiones.

est fuga ab amico, aut aliquid admixti odii, sed est modus ipsius amoris, quod non sit adhesio tam firma. Quod amor sit & adhesio, quid positivum est, & oritur à bonitate Motivi; quod non sit major est defectus potius, quā motus aliquis affectus vel fuga. Itaque sicut amicum non esse Deum defectuosum est, & defectum bonitatis exprimit, ita pariter in amore; nam amorem amici non esse fortiozem est defectus in vi ac fortitudine amoris, correspondens defectui bonitatis ac meriti in objecto. Eodem prorsus modo particula enunciativa est significat enuntiationes specie diversas. Est scientiæ specificæ differt ab est opinionis, quia illud ex suo modo tendendi est fortius, hoc verò debilius, sicut motiva, quibus nituntur, postulant. Quod opinio sit assensus, positivum est, & provenit à perfectione motivi; quod autem sit debilius & infirmior, est defectus adhesionis, ad quam determinatur intellectus ab imperfectione motivi, & hic defectus est & vocari potest formido, & sic est opinativum ex suo genere est omnium est debilissimum, ac proinde formidolosum. Ex quo infert, nil repugnare, quo minù opinio hoc modo explicata cum sua formidine componi possit cum scientia vel fide.

30. In hac explicatione placent omnino, quæ de diversis specie adhesionibus, seu amoribus & affirmationibus dicuntur. Sed displicet, quod Celladeus dicat, id esse notius in voluntate quā in intellectu, cum vel in utraque potentia id constet ex æquo, vel certè id clariù appareat in intellectu, in quo assensus immediatus & medius, clarus & obscurus, scientificus & opinativus ex ipsa eorum inspectione statim apparent habere modos tendendi specie diversos, quorum aliqui minù intellectualiter adherent objecto. Deinde placet, quod agnoscat formidinem aliquam actui opinativo identificatam, cujus originem & causam, atque etiam propriam ejusdem constitutionem rectè exponit. Tertiò placet, quod duplicem in opinione formidinem agnoscat, aliam distinctam, quam Auctores actualem communiter appellant, aliam identificatam, quam ego cum communi radicalem appellavi. Hæc enim omnia vera sunt, & per ea, atque per connexa cum illis, tota opinionis essentia optime explicatur, ut constat ex dictis.

31. Cæterum totam hanc explicationem pendenti duo valde displicent. Primum est, quod dicat, conclusionem omni opinanti videri posse aliter se habere. Id enim jam vidimus esse falsum. Secundum est, quod dicat, conclusionem esse posse in se scibilem & repugnare aliter se habere, quamvis aliter appareat opinanti. Dictum hoc non displicet ut est in se, quia verum est; sed displicet in Celladeo, qui in hoc aperte contradicit illi, quod dixerat *quæstione 4. Appendicis 5. 3. circa medium*, ubi dixit, *probabiliter scibilia non esse scibilia, nec per scientiam haberi posse*, quod attulit ut probaret, probabiliter probabilia non posse esse probabilia, seu probabilitatem non posse probabiliter cognosci, de quo ex professo agebat in illa *quæst.* Huic autem priori asserto, hoc secundum aperte contradicit. Eidem contradicit adhuc apertius, quod addit in fine, nempe opinionem, etiam juxta suam explicationem formidolosam, coherere posse cum scientia. Ergo tenet idem simul esse posse scitum & opinatum ab eodem intellectu, quod ante *quæstione quartâ* expressè negaverat esse possibile.

32. Quare asserit omne opinabile ac probabile reduci ad necesse vel impossibile. Hoc *quæstione 8. Appendicis*, sic declarat. Logici omnium enunciabilium materiam ad quatuor capita seu modos essendi revocant; scilicet, necesse, impossibile, possibile contingens. Ex his duo posteriora revocantur ad necesse, quia quod est contingens necessariò est contingens, similiter & possibile necessariò est possibile. Demum contingens, ut Logici notant, evadere potest necessarium non simpliciter, sed ex suppositione. Sic contingit hominem sedere; ex suppositione tamen quod sedeat, necesse est eum sedere, juxta illud notum axioma, *omne quod est, quando est, necesse est esse*. Rursus Theologi, ubi disputant, an & quomodo futura libera tam absoluta, quā conditionata cognoscantur à Deo, in eo conveniunt, nil posse à Deo ipso cognosci, nisi detur necessitas aliqua vel absoluta vel conditionata, propter quam res cognoscatur & affirmetur. Qui docent ea cognosci in decretis Dei, ponunt necessitatem absolutam; qui verò tradunt ea in seipsis cognosci, admittunt necessitatem ex suppositione, quia ex suppositione quod sit vel esset futurum, necesse est quod sit, vel quod esset futurum. Porro sicut necessitas semper requiritur ad affirmationem, sic impossibilitas eisdem de causis requiritur ad negationem. Itaque Theologi supponunt, nil indifferens, ac proinde nil contingens aut possibile habere cognoscibilitatem affirmabilem aut negabilem. Atqui omne opinabile est cognoscibile per affirmationem vel negationem. Ergo nil indifferens, nil contingens aut possibile (in quantum possibile) est opinabile. Ergo æquè probabilia non sunt opinabilia, quia non sunt magis vera, quā falsa. Ergo à fortiori minù probabilia non sunt enunciabilia.

33. Porro ut explicet, quomodo omne opinabile reducatur ad necesse & impossibile, sic pergit. Necessitas, sicut & impossibilitas, inquit, communiter dividitur in Moralem, Physicam, & Metaphysicam. Illud dicitur moraliter necessarium, cujus oppositum sine miraculo quidem, rarissimè tamen aut difficillimè fieri potest. Physicè necessariū est, cujus contrariū fieri potest, sed non sine miraculo. Illud autem, cujus oppositum nullā potentiā fieri potest est Metaphysicè necessarium. Verum hæc explicatio est impropria & aliena, quia necessitas vel impossibilitas Moralis est, quæ materiam Moralem, Physicam quæ Physicam, Metaphysicam quæ Metaphysicam concernit. Sed unaquæque ex istis tam necessitatibus quā impossibilitatibus est duplex; alia simpliciter talis, alia talis secundum quid. Illud est simpliciter necessarium, cujus oppositum est chimericum, ut in physicis, corpus naturale seu mobile esse finitum, & in moralibus peccatorem esse Deo odibilem. Similiter tam in physicis quā in moralibus illud est necessarium secundum quid, ad quod datur magna inclinatio, sed absolutè impedibilis. Sic in physicis necesse est homines canescere, parturientes lac habere &c. In moralibus verò secundum quid necesse est, homines offensos irasci; & oppositum est possibile secundum quid. Quocirca, cum probabile affirmativum consistat in magna quadam inclinatione & connexione, sed absolutè impedibili, & probabile negativum in magna difficultate, manifestum est, omne probabile esse necessarium vel impossibile secundum quid, & propterea quicquid non est ita reducibile, non est probabile, seu opinabile & enunciabile. Porro quod in rebus est necesse vel impossibile, hoc in mente est certum, quia cer-

Opinabile
an reducatur
ad necesse vel im-
possibile?

Celladeus
commune
necessitatis
divisionem
rejecit.

Novam in-
vehit divi-
sionem ne-
cessitatis.

titudo intellectualis sequitur ad necessitatē vel impossibilitatē objecti, & ubi cessat necessitas & impossibilitas tam simpliciter quā secundū quid, cessat in intellectu certitudo tam simpliciter quā secundū quid. Ergo tunc res manet incerta & dubia, de quibus nil mentaliter enunciare possumus. Ita ille.

Celladens immeritò carpit communem necessitatis divisionem.

34. Poteram ego ista omisisse, quia vix spectant ad praesentem materiam. Volui tamen ad complementum doctrinae aliquam etiam circa ista reflexionem ponere. Inprimis immeritò carpit communem explicationem triplicis necessitatis, neque enim rationem sufficientem affert, cur ab unanimi omnium aliorum explicatione recedat. Deinde quamvis divisio illa, quam ex materiis trium scientiarum assumit, esset adaequata, adhuc non sufficeret, quia in materia cujuscunque ex tribus illis scientiis dantur illi tres gradus, quos communis opinio vocat necessitatem Moralem, Physicam, & Metaphysicam, quae expressiones non minùs rectè explicant illas differentias, quā termini illi, *absolutè*, & *secundū quid*. Immo melius illas explicant. Membrum enim illud *secundū quid* est nimis genericum, quia duo necessitatis genera inter se valdè diversa complectitur, quod est inconveniens. Verū divisio illa Celladei non est adaequata ex parte materiae, quia dantur plures necessitates extra Ethicam, Physicam, & Metaphysicam, scilicet in Mathesi, Logica, aliisque artibus, atque etiam in Theologia, ex purè revelatis discurrente. Ergo vel alia membra addenda sunt divisioni, nempe necessitas Logica, necessitas Mathematica &c. vel illa rejicienda est tanquam inadaequata & insufficiens, qualis revera est. Tertiò voces significant ad placitum. Cū ergo omnibus doctis divisio necessitatis in Moralem, Physicam & Metaphysicam placuerit, illamque ac illius membra per dictos terminos eorumque communem intelligentiam explicaverint, & quod plus est triplicem hanc necessitatis speciem cujuscunque scientiae artisque materiae applicaverint, factum est, ut voces illae jam propriissimè significent hanc diversitatem, quamvis illae originaliter significationem magis restrictam ad talium scientiarum materias habuerint. Itaque non est in potestate Celladei, aut cujuscunque particularis hominis vocum illarum significationem mutare. Quicumque enim dicit, illas non hoc sed aliud significare, certò errat. Ergo hæc Celladei explicatio, quatenus corrigit communem acceptionem dictae divisionis, rejicienda est, & esset, quamvis nova ejus explicatio ex parte objecti nil falsum diceret.

Celladens in hac re indebitè usurpat terminos.

35. Deinde, illud in modo loquendi adhuc absurdius est, quod doctrinam suam de necessitate objectorum transferat in actus intellectus, dicatque illos esse certos ea ratione, quā objectum est necessarium, nempe simpliciter vel secundū quid. Inprimis ergo omnis assensus per ipsum est certus secundū quid, & consequenter absolutè loquendo dici debet certus, quia objectum omnis iudicii per ipsum est certum, nempe necessarium, vel impossibile. At hoc repugnat non solum communi modo loquendi, sed etiam experientiae, & revera ipsi etiam Celladeo, qui admittit actus actu formidolosos, undecumque tandem illa formido proveniat. An illi etiam absolutè dicendi sunt certi? docetne sensus scholarum, omnes actus absolutè enunciantes esse absolutè certos? Quā hoc remotum à communi omnium sensu & locutione? & tamen hæc Celladeus affirmare debet, ut ad suam sententiam consequenter loquatur. Deinde in materia Me-

R. P. A. Terilli, Regula Morum Pars I.

taphysicae admittere debet certitudinem Metaphysicam secundū quid in actibus intellectus. Talis autem locutio non minùs absurda est in scholis juxta communem usurpationem terminorum, quā si diceret, certitudinem summam & absolutissimam esse exiguam, & solum talem secundū quid. Et hæc quidem quoad modum loquendi, & indebitum terminorum usum displicent.

36. At longè majoris momenti est, quod res ipsae, quas dicit, falsae sint. Inprimis unā manū edificat, & alterā destruit. Dicit enim Logicos materiam propositionum in quatuor classes seu membra dividere. Hoc habito pro fundamento, loco illud confirmandi, aut ex eo ut ex principio arguendi, id ipsum mox destruit dicens, duo posteriora membra reduci ad priora. Ergo prior divisio est inepta, cū non habeat membra contradistincta & opposita, quod tamen ad bonam divisionem requiritur. Præterea certum est, materiam necessariam & impossibilem sumi à Logicis pro simpliciter tali, & non complecti omnia evidenter vera, nedum incerta & probabilia: sic evidens est Petrum esse album, sed quia non est necessaria sed contingens connexio inter terminos, idè materia illius propositionis juxta Logicos contingens est, non necessaria. Rursus, affert vel unum Logicum, qui dixerit projectionem pūctorum parium in primo talorum jactu esse materiam impossibilem, aut ad materiam impossibilē revocari, & aliquid pro sua sententia effecerit, sed cū neminem invenerit, fateatur tandem, tales propositiones non posse revocari ad necesse aut impossibile juxta sensum Logicorum, ac proinde doctrinam illā Logicorum non solum non deservire ad intentum Celladei, sed illam manifestè evertere.

Celladens in eodem contextu idem reprobare quod approbat.

Non loquitur in sensu Logicorum, quos probè citat.

37. Præterea nil juvat Celladeum, quod Logici doceant, contingens esse necessariò contingens, aut Petrum necessariò non currere, ex suppositione quòd sedeat, quia istae propositiones sunt in materia prorsus necessaria, cū subjectum propositionis separari nequeat à prædicato, quod est materiam esse necessariam. At præter hoc, ipsa positio conditionis, quòd sedeat, est contingens, quia sessio contingenter additur Petro; nos autem non solum affirmamus, quod sedeat ex suppositione quòd sedeat, sed simpliciter affirmamus, quod sedeat. Primum est necessarium, secundum contingens. Itaque certum est, non omne affirmabile reduci à Logicis, aut reduci posse ad materiam necessariam, quia ipsa simplex essentia rei contingenter directè affirmari potest, sine præterita suppositione ex parte objecti. At talis materia est purè contingens, ut patet.

Materia contingens non reducitur ad necessariam, sed illi opponitur.

38. Nec felicior est in exemplo de Theologia desumpto de cognitione futurorum contingentium, quia quamvis per prius sint futura, quā cognoscantur esse futura, id est, quia in istiusmodi casibus valet dicere, idè cognoscuntur, quia sunt futura; non idè sunt futura, quia cognoscuntur esse futura, & hoc est objectum huiusmodi contingens præsupponi futurum, priusquam cognoscatur futurum. Nihilominus materia illius scientiae est purè contingens, quia Deus non videt illa esse futura, quasi verò dicat, ex suppositione quòd sint futura sunt futura, hæc enim est veritas necessaria, & spectat ad scientiam necessariorum, sed enunciat de ipsa conditione, & dicit ea esse futura, cujus cognitionis objectum non est necessarium, sed purè contingens, quia nil est, quod reddat veritatem illius necessariam præter ipsam entitatem rei, quae essentialiter est contingens, & ita est, ut omnibus consideratis

Objectum scientiae de futuris contingentibus est materia purè contingens.

C c 2

potuisset

potuisset non esse. Supponunt quidem Theologi, nil indifferens ad opposita posse esse objectum sufficienter determinans ac movens ad cognoscendum unum potius quam aliud; ac falsissimum est, quod supponant, hanc indifferentiam convenire rebus contingentibus, quia res contingens, etsi nullam in causis determinationem habeat, habet tamen determinationem in se, sed contingenter à causa. Hæc autem contingens determinatio est objectum, quod cognoscitur in se, per propositionem habentem materiam contingentem, scilicet talem, quæ poterat non affirmari ac cognosci à Deo, sicut nunc cognoscitur, quod non est verum de ulla veritate necessaria, ut patet. Itaque falsum est, quod nil contingens, quæ contingens, sit cognoscibile; sicut etiam falsum est, quod æquè & minùs probabilia non sint enunciable, quia intellectus scit potest per imperium voluntatis, ut ea enunciaret; sed ita ut simul per ipsum iudicium feratur in eam in probabiliora, sicut explicatum est.

Affirmabilitas & negabilitas in quofundetur.

39. Demùm falsum est, quod universaliter dicit, omne affirmabile consistere in magna quadam inclinatione, & omne negabile in magna quadam difficultate, quia multa sunt, quæ sine ulla difficultate aut propensione eveniunt. Talia sunt, quod Petrus huc & nunc impingat in lapidem, aut quod ego projiciens viginti talos hæc determinata puncta jaciám. Hæc & hæc similia proveniunt absque ulla propensione ad unum, aut difficultate ad oppositum, ut patet. Et tamen sunt affirmabilia, quando per experientiam innotescunt; sed tunc qui videt illa, habet quidem magnam propensionem ad illa affirmanda, sed illa propensio se tenet ex parte intellectus judicantis, non ex parte rei affirmatæ, quæ proinde nullo modo est necessaria, sed purè contingens, non solum in sensu Logicorum, sed, quod plus est, juxta acceptionem materiz necessariæ ab ipso Celladeo adhibitam. Certum ergò est, dari aliquid affirmabile & negabile, quod absque ulla magna propensione vel difficultate ponitur, & consequenter, quod nullo modo reducitur ad materiam necessariam vel impossibilem.

Absurda ex doctrina Celladei.

40. Porro, etsi in sensu Celladei, omnia illa dici possint secundum quid necessaria, quæ proveniunt ex magna propensione vel difficultate, non tamen è converso omnia ejusmodi necessaria vel impossibilia proveniunt ex difficultate vel propensione. Sic antequam jacerem talos, erat improbabile, omnes illos determinatos jactus eventuros, qui ex decem projectionibus de facto eve-

nerunt. Ergò secundum Celladeum illud erat impossibile. Ex opposito contrarium erat probabile. Ergò contrarium erat necessarium. Et tamen nec positio unius, nec alterius exclusio facta est ex ulla magna propensione vel difficultate. Ergò doctrina Celladei nec vera est in rebus in se existentibus, & per proprias species cognitæ, nec in rebus, quæ ex prævia causarum dispositione cognoscuntur. Immo ex suis principiis tenetur admittere in casu allato, impossibile fieri factum esse, & necesse non fieri esse factum, quæ certè & in se absurda sunt, & in præsentis materia absurdissima, utpote in qua nil dictis propositionibus magis absolum dici potest.

41. Cæterùm, quamvis in casu ingentis probabilitatis rarissimè fallentis dici possit, quod ejusmodi objectum sit quodammodò necessarium, maxime si probabilitas fundetur in propensione vel difficultate maxima (nam in jactu talorum, & in aliis, quæ absque propensione vel difficultate eveniunt, alter dicendum videtur) & multi dicant, cognitionem talium esse quodammodò moraliter certam; nihilominus loquendo de iis quæ sunt parùm probabilia, qualia sunt, quod puncta in primo talorum jactu non pertingant ad numerum octonarium, nemo communiter dixerit, hoc esse necessarium, aut oppositum impossibile, ne quidem secundum quid, nisi maxime improprie loquatur, sicut loqueretur, qui simpliciter diceret, aquam calentem esse frigidam.

42. Præterea quæ sunt necessaria aut impossibilia secundum quid, communiter vocantur talia. Sic dicimus impossibile esse hominem datà opportunitate, non operari ex habitu intenso, quia scilicet oppositum valde rarè, & non nisi difficulter fit. Nihilominus nemo vocat ea impossibilia, quæ valde frequenter eveniunt, quamvis opposita eveniant frequentius. Similiter nemo vocat ea necessaria, quæ frequentius eveniunt, si oppositum valde frequenter contingat, ut evidens est in dicto jactu talorum, aliisque innumeris. Certum tamen est, illa objecta esse probabilia, & affirmabilia, quia multò frequentius eveniunt quàm opposita. Ergò in omnium sententia dantur objecta opinabilia, de quibus nemo prudenter dicit, quod sint necessaria vel impossibilia, etiam juxta largissimam harum vocum significationem, ab imperitis juxta ac peritis usurpatam. Errat ergò Celladeus, & non solum contra certissimam Logicorum doctrinam, sed contra communem omnium sensum opinatur, dum asserit, omne opinabile reduci ad necessario vel impossibile.

Parùm probabilia non sunt necessaria, aut impossibilia.

Aliquod opinabile non reducitur ad impossibile.



QUÆ.

QUÆSTIO TRIGESIMA- QUINTA.

*Utrum ex natura & essentia opinionis sequatur usum
aqué aut minus probabilium esse
licitum.*

QUÆSTIONEM hanc Celladeus quæst. 9. ac ultima Appendicis proponit, conaturque ex dictis de natura opinionis ostendere, nequaquam licitum esse sequi opinionem æquè aut minus probabilem contra legem. Porro ex opinione, inquit, probabiliore, si sit falsa, resultat conscientia erronea, circa quam hoc solum queritur, non an sit regula (nemo enim hoc querit de conscientia erronea) sed an excuset vel non excuset? si sit invincibilis, excusabit; si vincibilis, non excusabit. Hæc ille. Ego autem, cum in antecedentibus illius errores detexerim circa naturam opinionis, iuste utor contrario argumento, ad ostendendum usum talium opinionum esse licitum. Quod breviter expediam, ut solvam argumenta, quæ affert, illorumque inanitatem aperiam. Sed ante omnia confutandum est, quod in ipsa introductione ad quæstionem pro vero supponit, nempe conscientiam invincibiliter erroneam, nec esse, nec dici posse regulam conscientiæ. Sit ergo

ASSERTIO PRIMA.

*Conscientia invincibiliter erronea est & dici
debet regula operationis
humanae.*

Conscientia
invincibili-
ter erronea
est regula o-
perationis
humanae.

PROBATUR. Quando queritur, an conscientia invincibiliter erronea sit regula, sermo est de regula formali applicante regulam objectivam, non autem de regula objectiva, quæ proponitur. Hoc posito sic. Illud iudicium est regula formalis, per quod regula objectiva proponitur. Sed omnis conscientia de honestate objecti, si vera, si erronea, proponit regulam objectivam, in quam voluntas fertur, & à qua movetur. Ergo omnis conscientia est regula formalis. Quod sanè adeò verum est, ut Theologi agentes de conscientia in genere universaliter dicant, eam esse regulam formalem, per quam regula objectiva proponitur. Et sanè impossibile est, quod aliquis feratur in quidvis tamquam honestum, quin regula aliqua objectiva illi proponatur. At nulla regula objectiva proponi potest sine regula formali, ut patet. Proponitur autem omnis regula objectiva per iudicium rationis, si verum si falsum. Ergo omne iudicium conscientiæ proponentis rem esse honestam est regula. Et sanè nil evidentius, quam dictamen conscientiæ dirigere ipsum opus; idem

autem est dirigere ac regulare. Ergo omne dictamen conscientiæ dictantis opus esse honestum est regula operationis humanæ. Præterea, ex æquo repugnat operationem humanam elici sine regula formali, ac sine objectiva. At repugnat eam elici sine regula objectiva, in quam operans respiciat. Ergo repugnat eam elici sine regula formali, per quam respiciat in objectivam. Hæc autem regula est ipsum dictamen conscientiæ proponentis honestatem rei; quæ quia æquè proponitur si verum si falsus, ideo omne ejusmodi iudicium conscientiæ est regula humanorum actuum.

3. Et hætenus quidem genericè loquendo nulla est difficultas, quæ tamen se prodat, quando loquimur de regula non in genere, sed de regula sufficiente ad honestatem humanorum actuum: nam in hoc sensu nemo querit in genere, utrum conscientia erronea sit huiusmodi regula; quia omnes expressè excludunt conscientiam vincibiliter erroneam à ratione talis regulæ. At si sermo restringatur ad conscientiam invincibiliter erroneam, omnes præter Celladeum, supponunt eam esse regulam sufficientem. Primò, quia excusat operationem ab omni malitia morali, in quo Celladeus etiam consentit. Secundò, quia honestatem refundit in actum illum, ut omnes etiam, præter Celladeum, fatentur. Ergo est regula servans à malo morali, & inducens bonitatem moralem. Et sanè primus titulus, seu vis removendi malum ab actione humana, quam dirigit, meretur nomen regulæ. Secundus verò titulus, seu vis inferendi bonitatem moralem, indubitanter sufficit ad rationem regulæ, nec hoc Celladeus negaret, si bonitatem moralem ab errore invincibili in actum refundi admitteret. Ergo omnes qui hoc admittunt (sunt autem omnes aut ferme omnes præter Celladeum) aut expressè tradunt, aut implicite fatentur & supponunt, errorem invincibilem esse regulam sufficientem actionis humanæ, quia per hoc ipsum, quod dicant errorem illum excusare, æquivalenter dicunt, eum esse regulam; quia idem est querere an excuset, & querere an sufficienter regulet.

Auctores
supponunt
errorem in-
vincibilem
esse suffici-
tem regula-
m.

4. Confirmatur. Ratio invincibiliter erronea non est minus regula, quam ratio probabilis vera. Nil enim invenitur in ejusmodi ratione vera, propter quod sit regula, quod æquè non reperitur in ratione invincibiliter erronea. Utraque enim proponit objectum sub ratione boni, utraque arcet malum, utraque inducit bonum. Ergo utraque exercitè sufficienter regulat opinionem. Quod si loquamur reflexè, & consideremus

Error invin-
cibilis est,
quoad non
patetior re-
gula, quam
iudicium
probabile
verum.

utramque in ordine ad munus regulandi, ratio invincibiliter erronea magis prodit se esse sufficientem regulam, quam ratio probabilis vera. Si enim supponamus duos simul operari, unum ex probabiliter vera, alterum ex conscientia invincibiliter erronea, statim dicimus neutrum peccasse, utrumque bene fecisse. Si verò quæramus in particulari, an hic habuerit conscientiam veram, ille erroneam? facilius scire possumus hunc vel non errasse, vel errasse invincibiliter, quam alterum verum dixisse. Hoc secundum certò sciri nequit, primum verò frequentissimè scitur. Ergò conscientia invincibiliter erronea & in se est regula, & reflexè quoad nos est certior ac patentior regula, quam ratio probabilis vera.

Celladeus
ponit non
regulā pro
regula.

5. Atque hinc ad hominem sic arguo contra Celladeum. Per te, ratio probabilis si sit vera, est regula, non aliter. Peto jam de aliqua peculiari ratione, an sit regula? respondere debes, fortasse est, fortasse non est regula, sicut fortassis est, fortassis non est vera. Ergò tu ponis regulam non regulam; ponis enim id pro regula, quod discernere non possumus à non regula. Ergò frustraneas rationem invincibiliter errantem esse regulam, cum & reipsa regulet, & aut semper aut certè frequenter discerni possit & certò cognosci, ita ut ex reflexa illius cognitione certificari possimus, quod opinatio non fuerit mala, sed bona; & consequenter quod fuerit conformis regulæ institutæ pro hominis directione; nam quæ regulæ institutæ non est conformis, non solum non est operatio bona, sed est defectuosa & mala, ut patet. Sed de hac improporcionata Celladei regula infra plura dicenda occurrent.

ASSERTIO II.

In quo sensu
usus opi-
nionis æ-
quæ proba-
bilis sit licit-
us?

Licet operari juxta opinionem, quæ in actu primo remoto est solum æquæ aut minus probabilis, modo intellectus ex imperio voluntatis flectatur in actu secundo ad absolutè existimandum illam esse veram.

6. **P**ROBATUR. Voluntas in casu Assertionis sequitur opinionem probabilem, quam intellectus credit esse veram, & in quam fertur tanquam in probabiliorē. At licitum est sequi talem opinionem, ut fusè probatum est, quia omne ejusmodi judicium est prudens, & vel est verum, vel invincibiliter erroneum &c. Ergò &c. Itaque cum ex doctrina de natura opinionis constet, intellectum posse hanc ratione assentire opinioni directè minus probabilis, ex eadem etiam constat, ulum ejusdem opinionis esse licitum.

ASSERTIO III.

Quomodo
licet sequi
opinionem,
quæ agnos-
citur esse
minus pro-
babilis?

Licet operari juxta opinionem directam, etiam minus probabilem, etsi intellectus agnoscat opinionem illam esse directè minus probabilem, modo per rationes reflexas probabiles & pravalentes absolutè credat, tale objectum, omnibus consideratis, esse licitum.

7. **P**ROBATUR, ex omnibus, quæ fusè allata sunt tum in presenti tractatu, tum in tract. de Conscientia probabili. Et ratio perspicua est, quia in hoc casu voluntas conformatur se opi-

nioni probabiliori ac prudenti; qui autem dicunt oppositum ex mera æquivocatione ac intelligentia terminorum decepti, illud docuerunt, ut ibidem latè probatum est. At ex communi omnium sententia licitum est sequi opinionem probabiliorē, quam intellectus amplectitur, & habet absolutè veram. Ergò licet sequi opinionem directam in sensu Assertionis, quamvis illa, directè sumpta, & in se sit, & in mente operantis habeatur minus probabilis, quam opposita. Hæc breviter dicta sunt, ut objectionibus Celladei proponendis congruus locus detur.

SOLVUNTUR OBJECTIONES.

8. **O**BJICIT primò. Motiva opinionis æquæ aut minus probabilis tam parvi sunt ab intellectu, ut ille ipsis stare non possit, nec moveri ad judicandum ullo genere assensūs. Ergò absurdè, & contra rationem pluris fient à voluntate, si eis ipsa stare velit, quibus intellectus stare nequit. Potest quidem fortasse voluntas propter suam libertatem solis apprehensibilibus moveri, & sequi appetibilia, quæ minimè judicantur prosequenda, sed tunc contra rationem agit, & peccat. Ergò si sequatur æquæ vel minus probabilis, contra rationem operabitur, & peccabit. Ita Celladeus §. 1.

Respondeo in primis negando antecedens, Solutio 1. etiam quoad judicium directum; quia ostensum est, intellectum in actu primo moveri ab æquæ & minus probabili, & posse in actu secundo illud tamquam verum & probabilius opposito præferre.

9. Respondeo secundo, intellectum posse aliquo genere assensūs moveri ab æquæ & minus probabilibus, etiam in sensu composito talis æqualitatis agnitæ & affirmatæ; quia moveri potest ad credendum, immò ad sciendum, quod sint verè probabilis; stante autem illa scientiâ, per rationes reflexas cognoscere potest objectum illud hic & nunc esse licitum in istis circumstantiis; in quo casu voluntas rationabiliter stat illis motivis reflexis, & sic liberatur ab obligatione sectandi partem tutiorem.

10. Dices cum eodem ibidem. Sæpè dictum est, cognitiones istas reflexas nil suffragari. Ratio est, quia reflexarum cognitionum valor fundatur in magnitudine motivorum directorum, dicendo quod sint magna & gravia, quia de motivis parvis mille reflexiones formantur. At motiva directæ, æquæ aut minus probabilis, ipsi intellectui magna non sunt, nec gravia, cum stare illis non possint aut per reflexas cognitiones persuaderi, quod sint vera. Ergò illa motiva non sufficiunt, ut voluntas rationabiliter per illa moveatur. Certè si intellectus per reflexas cognitiones proponeret illa motiva directæ voluntati, quæ ex se cæca est, tamquam magna & sufficientia, proponeret illa pluris pro voluntate, quam ipsemet illa faceret pro se. Ergò iniquè ageret, sicut ageret iniquè, qui ignoranti & cæco proponeret monetam pluris, quam ipsemet eam acciperet.

Respondeo, Celladeum multoties quidem contra reflexa principia exclamasse, sed nil solidè impugnationis attulisse, ut constet ex dictis. Errat potè dicens, cognitionum reflexarum valorem fundari in sola magnitudine motivorum directorum, dicendo ea esse gravia &c. quia fundantur in aliis, scilicet in eo, quod lex non sit sufficienter promulgata, aliisque similibus. Ergò ad plura reflectunt, quam ad præcisam magnitudinem motivorum.

Vis rationis
reflexarum
non solum
desumitur à
magnitudi-
ne motiva-
rum direc-
torum.

motivorum directorum. Et sanè saepe similes reflexiones fiunt etiam super motiva levia aut nulla, quia reflectunt super ipsum casum dubii, & dicunt legem dubiam non obligare. Præterea intellectus judicat, motiva æquè probabilia esse magna & gravia, non solum in ordine ad alios, sed etiam in ordine ad se; quia judicat ea esse talia, ut, si abstineret ab ultimata comparatione de æqualitate, voluntas vi singulorum posset prudenter imperare assensum, per quem unum alteri absolute præferretur tamquam absolute verum, & probabilius opposito. Quicumque enim judicat aliquid esse probabile, judicat illud esse dignum assensu, & æqualiter affirmat omnia, quæ jam dixi. Cæterum sicut intellectus non stat solis illis motivis, quando judicat, illa esse æqualia; sic nec ea proponit voluntati, ut per illa reguletur, sed proponit nova motiva novasque rationes reflexas fundatas in comparatione operationis faciendæ in ordine ad diversas circumstantias, atque ita non proponit pro regulanda voluntate, quod ipsemet non approbat, & æstimat honestum ac dignum electione & amore. Itaque paritas illa de persuadente valore monetæ esse majorem, quàm ipsemet judicat, non est ad rem.

11. Objicit secundò. Qui, omnibus inspectis, putat motiva contra legem esse æqualia aut minora, judicat ea non mereri assensum suum. Ergò voluntas licet non potest juxta illa operari quamvis intellectus proponat illa à multis magnisque viris majoris fieri, quàm motiva pro lege. Hæc enim apparentia aliorum mihi non suffragatur, quia quòd illa motiva ipsis magna visa fuerint, non facit quod mihi magna videantur, & judicentur digna assensu, cum per illa nec movear, nec moveri possim ad assensum. Ergò quòd alii ea magni fecerint, non suffragatur voluntati, nisi proprius intellectus eadem præferat. Ergò abs refaciunt, qui in hac causa ad aliorum intellectum appellant. Ita Cellædeus §. 2.

Responsio. Respondeo. omnem judicantem aliquid esse probabile, simul judicare quod mereatur assensum suum, quamvis ille assensus hic & nunc impediatur per actum, quo reflexè affirmamus motiva esse æqualia vel minora oppositis, ut ostensum est; per accidens autem est, quod talis comparatio instituitur. Hoc enim ex eo oritur, quòd voluntas non magis propendat in unam partem quàm in aliam, sed potius ad æqualitatem affirmandam inclinet. Quod si alium affectum habuisset, aut nullam aut oppositam comparationem fecisset, suoque imperio flectere potuisset intellectum ad assensum. Itaque cum antecedens sit falsum, negatur consequentia, etiam si non respiciamus ad ea, quæ alii sentiunt, sed solum ad apparentiam, quam ipsi habemus. Quod si ad alios peritos contradicentes respiciamus, profectò ex hoc ipso rectè infero, motiva illorum esse magna etiam quoad me, & mereri assensum, quamvis hic & nunc illis assentire non possim ob alios actus incompossibiles, qui tamen abesse poterant, & ipso casu assensus motivis illis præstari potuisset.

Motiva alie. 12. Hactenus responsio procedit de assensu directo; sed si loquamur de assensu reflexo nulla est difficultas, quia tam propriæ rationes, quàm auctoritates & motiva aliorum dant fundamentum novo discursui reflexo, qui considerat objectum in ordine ad alias circumstantias quàm opinio directa, ac proinde absolute enunciat objectum illud hic & nunc esse licitum: quidquid sit an motiva directa sint vera vel falsa. Non itaque abs

se faciunt, qui, ut ostendant opposita motiva esse probabilia, ad alienum judicium appellant; nil enim condicibilius ad hoc demonstrandum, quàm quòd multi viri periti ac probi illud verum habeant. Ex illo autem datur locus discursui reflexo, per quem honestas rei probatur, & conscientia debite formatur.

13. Objicit tertio. Suus cuique intellectus datus est, & sua non aliena ratio pro regula voluntatis & morum; ille scilicet intellectus & ratio, quam quisque apud se format, post perpenſa utique & satis examinata (non Dei & Ecclesiæ, quæ examinare non licet, sed obaudire & credere) motiva utrique parti faventia. Hoc facto, sita cuique ratio data est pro regula secundaria, scilicet, homogenea, subordinata, applicativaque primæ regulæ, quæ est lex æterna. Ecce hoc modo propria ratio data est pro regula, sicut etiam propria conscientia. Quemadmodum enim homo suâ non alienâ conscientia, ita suâ tandem ratione non alienâ uti debet. Certe ratio & conscientia solum differunt sicut universale & particulare; nam quod intellectus & ratio dicunt in universali, hoc conscientia dicit in particulari, cum conscientia aliud non sit, quàm applicatio scientiæ vel rationis universalis ad actum particularem. Itaque sicut tua tibi conscientia data est pro regula, contra quam vel præter quam si egeris, peccabis, quocumque tandem modo se habeant aliorum conscientia; ita tuus intellectus & tua ratio tibi data sunt, ut ex illis formes conscientiam, & deinde agas & velis. Et sanè nisi intellectus & ratio tua mutantur, non magis mutari poterit conscientia, quàm conclusio mutari non mutatis præmissis. Stat ergò suam cuique rationem datam esse pro regula. Hinc sic arguo. In casu opinionum æquè aut minùs probabilium, tuus intellectus, & tua ratio nil tibi dicere potest, cum æquè & minùs probabilia non sint enunciable. Ergò neque conscientia formari potest, cum illa ex ratione prævia formari debeat. Porro aliorum rationes & conscientia nil juvant, nisi tua ratio, & eâ mediante, tua conscientia mutetur. Ergò si in tali casu opereris, agis quod nescis an sit bonum vel malum, vel de quo dubitas, an sit bonum vel malum. Hoc autem est peccatum juxta omnes. Præterea in tali casu agis præter utramque tibi datam regulam proximam volendâ, scilicet universalem, quæ est ratio tua, & particularem quæ est conscientia tua, cum lumen naturæ dicat, non esse operandum præter istas regulas, aut ipsi hærentibus & dubitantibus.

14. Confirmatur. In tantum ratio propria est regula, in quantum applicat primam & supremam regulam, scilicet legem Dei. Hæc applicatio consistit in affirmatione vel negatione; ut patet. Sed in casu æqualis probabilitatis nulla est affirmatio aut negatio, ut ostensum est. Ergò nullus tunc est intellectus aut ratio, quæ sit regula, aut applicatio supremæ regulæ. Hoc multò magis locum habet in casu opinionis minùs probabilis, ut patet. Et sanè si liceret operari juxta opinionem minùs probabilem, à fortiori liceret in dubio, quia peior est status minùs probabilis, quàm conscientia dubia, quia hæc non magis est legis quàm non legis; at in altero casu magis est lex quàm non lex, ideoque & opinio datur de lege. Ergò sicut evidens est, opinari plus esse quàm dubitare; ita est evidens, minùs probabile esse minùs quàm dubium, & magis contra legem esse operari ex minùs probabili, quàm ex dubio. Ita Cellædeus §. 3.

Propria ratio est formalis regula morum.

Ratio & conscientia in quo differunt?

Status minùs probabilis, an sit detestor ad operandum quàm status dubii?

Celladeus
confundit
regulā for-
male cum
objectiva.

15. Respondeo, Celladeum, in antecedente seu in fundamento sui discursus & confundere regulam formalem cum objectiva, & sibi in hac ipsa quæstione contradicere. Confundit regulam formalem cum objectiva, quia omnes quidem fatentur non alienam, sed propriam rationem & conscientiam esse regulam formalem; cum quo stat, alienam rationem & conscientiam esse posse ac debere regulam objectivam, juxta illud *Tobia 4. 14. Consilium semper à sapiente perquire.* Et sanè illud est regula objectiva, ex quo cognito formatur ratio, per quam immediatè dirigimur. At ex opinione aliorum cognita, eorumque consilio cognito sæpissimè formatur ratio, per quam immediatè dirigimur. Ergo opinio & ratio aliena est regula objectiva, neque aliter nos illi utimur, aut uti possumus, ut patet. Ergo ex eo, quod propria ratio sit regula, non nisi ex terminorum confusione infertur, quod ratio aliena non sit regula; non enim infertur, quod non sit simpliciter regula, sed solum quod non sit regula formalis immediatè applicans regulam objectivam, non autem quod non sit regula objectiva mediata & subordinata legi æternæ. Nos prudentiam & rationem alienam solum ponimus pro regula objectiva, ut patet; talis autem est etiam in casu agnitæ paritatis rationum mihi apparentium, saltem in ordine ad discursum reflexum. Hoc autem ne apparenter quidem opponitur doctrinæ antecedentis, si terminorum æquivocatio absit. Et sanè si Celladeus duas illas diversas regulas sub uno termino non confudisset, tanto molimine opus non fuisset ad probandum, propriam non alienam rationem esse datam nobis pro regula, quia immediatè evidens est solam propriam esse posse regulam formalem, neque quæstio illa locum habere potest de ratione aliena. E contrario evidens etiam est, rationem alienam esse posse ac sæpè debere esse regulam objectivam, ex qua nota inferamus, quid Deus velit & exigar. Ergo doctrina antecedentis frustra tanto conatu tradita est, cum omnis ille labor ex sola terminorum confusione processerit.

Celladei con-
tradictio.

16. Præterea eadem operâ sibi apertè contradicit Celladeus; in introductione enim ad quæstionem palam dixerat, rationem erroneam non esse regulam, & ne quidem rationem invincibiliter errantem posse regulam computari. Sed quid? nonne ratio erronea est propria ratio? si ergo propria ratio, & conscientia propria (ut magnâ energiâ per totum §. contendit) data est pro regula, utique illa est regula, sive sit erronea sive sit vera; maxime autem si invincibiliter erret. Sed quid? ponamus nos eam diligentiam adhibuisse, quam Celladeus postulat, ut ratio propria sit regula. In hoc casu per illum erit regula. At ratio in hoc casu aliquando est invincibiliter erronea, ut Celladeus ipse nunc supponit, quia negat illam, etiam quando datur, esse regulam. Ergo ratio erronea aliquando est regula, præter quam, aut contra quam agere non debemus, idque ex ipsis Celladei assertis. Ergo idem asserit & negat, atque in eadem quæstione sibi contradicit.

Celladeus
falsè suppo-
nit, multa
fuisse istius
probata.

17. Quantum ad consequens argumenti, illud procedit ex falsa suppositione plurium, quæ Celladeus putat se probasse, sed minimè probavit. Nempe æquè & minùs probabilis non esse enunciabilia, quod falsum est, quamvis in sensu composito judicii finaliter judicantis illa esse æqualia, enunciari non possint. Sed in tali casu intellectus per novum discursum reflexum cognoscit, objectum illud directum in hisce circumstantiis esse

licitum, & sic voluntas vi hujus rationis reflexæ extenditur ad opus, in quo non agit contra aut præter sed juxta propriam rationem, seu regulam ipsi præscriptam, ut patet.

18. Eadem responsio solvit confirmationem, quia intellectus & directè, & multò magis reflexè opinari potest illud esse licitum, quod directè loquendo est æquè probabile; per tale autem judicium suprema regula seu lex Dei proponitur & affirmatur, ut patet. Porro in eo patenter errat Celladeus, quod dicat clarum esse, quod minùs liceat sequi opinionem minùs probabilem, quàm operari in dubio, cum minùs probabile sit minùs quàm dubium, & pejor sit status minùs probabilis, quàm conscientia dubia, quia ratio dubia non magis est legis, quàm non legis, at ratio minùs probabilis magis repræsentat legem quàm non legem. Patenter, inquam, errat, quia saltem per reflexas cognitiones inferre possumus, & multi intulerunt, & inferunt, quod, non obstante minore probabilitate directâ, hic & nunc liceat operari; quod certè in dubio practico, de quo nunc loquimur & in quo non licet operari, locum non habet, ut patet. Cæterum in multis casibus dubiis, maxime si de ipso jure dubitetur, per discursus reflexos conscientia ritè formatur, ut in superioribus probatum est. Et in talibus casibus idem dicimus de dubio speculativo, quod de minùs probabili, scilicet, quod simpliciter loquendo in utroque casu licitum sit operari. Cæterum falsissimum est, quod in ordine ad judicandum deterior sit status minoris probabilitatis, quàm status dubitationis, quia in casu dubitationis nullus est stimulus, nulla ratio ad assensum; at in casu minoris probabilitatis per evidentem experientiam constat, intellectum trahi & allici ad dissensum, etiam si actu credat oppositum, & præterea ostensum est, minorem probabilitatem accedente imperio voluntatis, sufficere ad assensum eliciendum, quod certè de dubio verum non est.

Notabilis
Celladei erro-
r.

Adjudican-
dum melior
est status rei
minùs pro-
babilis, quàm
status dubii.

Præterea quid dicit Celladeus, si omnibus inspectis, aliquis reflectens in aliorum opinionem & motiva mutet suam rationem, & per discursum reflexum inferat, licitum esse opus illud, quod directè loquendo ipsi videtur æquè aut minùs probabile? operabitur ne iste contra regulam à natura præscriptam? minimè. Ad quid ergo serviunt ista argumenta? viderit ipse: certè non tangunt quæstionem, quæ procedit de eo, qui saltem ex reflexis rationibus & auctoritatibus format conscientiam, quod opus directè minùs probabile sit licitum. Præterea non probant tale judicium non posse elici, cum evidens sit, quod ab innumeris eliciatur. Sed neque probant, quod stante illo judicio, homo operetur præter aut contra regulam à natura ipsi præscriptam. Ergo nil prorsus probant.

Argumentum non
tangit quæ-
stionem in
sensu, qui
unicè impu-
gmandum est.

19. Sed instat Celladeus, quod dicitur de istis reflexis, sæpè contritum est, & multis in locis validissimè impugnatum. Audio hæc, Celladee, verba me non terrent, argumentis omnibus à te allatis responsum est, eorumque nullitas declarata. Idem, Deo dante, de asserendis constabit ex sequentibus. Sed quidquid sit de meis responsionibus, certè in ordine ad præsentem quæstionem omnia hic à te dicta nil faciunt, quia non probant, sectantes opinionem directè minùs probabilem non formare conscientiam, aut agere præter & contra regulam à natura ipsis præscriptam, cum perspicuum sit, illos & conscientiam formare, magnisque rationibus & auctoritatibus ductos, existimare illud esse licitum. At nunc de hoc solum

Idem iterum
ostenditur.

solum agitur, an possint conscientiam tormare. Ergo argumenta illa frustra aliata fuerunt.

Obiectio 4. 20. Obicit quidam. Cum propria cujusque ratio sit regula, non magis licet operari illam omit- tendo, quam liceat operari omit- tendo primam regulam. At in statu par- is probabilitatis propria ratio non movetur, sed manet neutra. Ergo tunc non judicat rem esse licitam. Ergo peccat & ope- ratur omit- tendo regulam statutam, qui sectatur partem minus tutam. Et sane operans semper de- bet dicere suo intellectu, quod opus sit licitum, seu non contra legem, alioquin peccat. At hoc non potest dicere; nam sic insto contra illum. Quidquid est contra legem est prohibitum. Quod agis est contra legem. Ergo est prohibitum. Ma- jor est certa, consequentia est legitima: ad mino- rem quid dicit? certe in casu probabilitatis æqua- lis nequit dicere, *lex non est*. Ergo ad minorem dicit, *nescio*, vel *dubito*. Ergo idem respondet circa licitum. Ergo non habet regulam statutam. Ergo si operetur, operatur omit- tendo regulam, & pec- cat.

Licet op- erari form- atur judicium de Lege Dei. 21. Confirmatur: Ut quis licet op- eretur, in- tellectus debet judicium formare circa ipsam le- gem Dei, quæ est prima regula, & primum prin- cipium morum, ex quo cætera in moribus non minus pendent, quam in scientiis aliis conclusiones ex primis principiis. Ergo impossibile est, ut quis recte operetur, quin per judicium applicet sibi le- gem Dei. Atqui in æquæ probabilibus tale judi- cium formari non potest. Ergo non licet sequi æquæ probabile contra legem. Et sane non vide- tur aliter posse salvari, quod licet operari juxta æquæ & minus probabile contra legem, nisi simul defendatur, quod intellectus opinari possit æquæ aut minus probabile. At hoc est impossibile: quis enim fateretur se aliquid opinari, sed existima- re paria aut majora fundamenta stare pro oppo- sito? Ergo sectari partem minus tutam æquæ aut minus probabilem non potest non esse peccatum. Ita Celladeus §. 4.

Responsio. 22. Respondeo jam dictum esse, quæ ratione verum sit; quod intellectus inter æquæ probabilia hæreat, vel non hæreat: si non hæreat, ut evenire potest, argumentum procedit de subiecto non supponente. Demus ergo, quod circa directam quæstionis solutionem hæreat, judicetque utram- que partem esse æquæ probabilem, aut etiam par- tem faventem libertati esse minus probabilem, ut sic tota vis argumenti prædeat. In hoc quidem casu propria ratio directæ manet neutra, quia non determinat quæstionem, propria tamen ratio re- flexa eam determinat, & affirmat opus, omnibus inspectis, esse licitum in hisce circumstantiis, quidquid sit an sit licitum in circumstantiis per ra- tionem directam propositis. Nec huic judicio formando obstat Syllogismus à Celladeo allatus duabus de causis. Prima est, quia ut valeret, de- beret esse comparatio operis respectu earundem circumstantiarum, quod non evenit; nam discursus reflexus considerat opus in ordine ad alias cir- cumstantias, quàm discursus directus. Ergo licet major admitteretur, & minor cum consequentia negari non posset relatè ad solas circumstantias per directum discursum propositas, tamen minor & consequentia absolutissimè negantur respectu operis considerati in ordine ad circumstantias per rationem reflexam propositas. Nec mirum, quia aliter & aliter enunciamus de eadem re relatè ad diversas circumstantias, ut patet. Secundò, Syl- logismus ille non obstat, quia major est solum ve- ra, quando procedit de lege sufficienter promul-

gata & applicata, seu de lege habente & exercenti vim legis. Majore sic distinctâ, minor eodem modo distinguitur; nam in casu par- is probabili- tatis pro & contra legem, lex illa non est suffi- cienter applicata, nec potest vim legis exercere, ut ostensum est. Negatur ergo existentia talis legis, quamvis negari non possit lex directæ vocaliter sumpta, de qua tamen reflexè dicitur, quod non possit vim legis exercere. Unde in eodem sensu negatur consequentia, & nullitas argumenti ap- pareret, quia homo manifestè operatur juxta regu- lam rationis suæ.

23. Ad confirmationem responsio patet ex di- ctis. Quia in æquæ & minus probabilibus formari potest judicium præferens unam partem. Sed esto, in dicto casu agnitiæ paritatis vel minoritatis, non possit formari judicium directum de lege Dei per se existente, potest tamen per discursum re- flexum formari judicium de lege æterna existente per accidens, quia per talem discursum cognos- cimus, quid Deus exigit, quando veritas directæ post omne studium omnemque diligentiam adhi- bitam sciri ac inveniri non potest. Ergo in casu allato habemus primum principium morum, quod nobis per propriam rationem applicamus, ut pa- tet. Itaque ultro fatemur, in dicto casu licitum esse operari ex solis cognitionibus directis, quia per illas lex Dei sufficienter proponi non potest, sed hoc non obstat, quin illa proponatur per dis- cursum reflexum, vi cujus licet operamur.

24. Cæterum in eo fallitur Celladeus, quod Error Cel- ladei. dicat, non posse probari ac defendi licitum esse se- qui æquæ ac minus probabile, nisi simul probetur ac defendatur, quod intellectus opinari possit æ- quæ ac minus probabile. Errat, inquam, quia hæc duo non sunt connexa, cum per principia re- flexa formari possit conscientia, etsi per principia directæ non possit formari. At, conscientia per principia sive directæ, sive reflexa, ritè formatâ, voluntas licet se extendit ad opus. Reliqua adje- cta, de opinante aliquid simulque judicante moti- va opposita esse æquæ bona aut meliora, conti- net æquivocationem in prioribus sæpè detectam.

25. Sed instat Celladeus. Inepta est illa distin- ctio legis sufficienter promulgatæ & non pro- mulgatæ in casu argumenti, quia lib. 3. contrarium fuisse probavit. Porro duo videntur rem demon- strare. Primum est, quod hoc supposito, ipsi inepti essemus, dum in quæstionibus, ubi ad sunt probabilitates, diceremus aliquid esse peccatum, aut illicitum, cum notum sit contra leges non sa- tis promulgatas nullum dari peccatum. Alterum est, quod Theologiam moralem reddamus ridiculam, quia tota ferme versatur in materia, in qua sunt utrimque probabilitates. Ergo in qua leges non sunt sufficienter promulgatæ. Cum ergo scia- tur leges non satis promulgatas non habere vim obligandi, ad quid tempus teritur, quærendo, an hoc sit peccatum, an illud? omitantur hæc, & examinentur alia, in quibus non sunt probabi- lites. Quod si hæc etiam evadant probabilia, mox in his quoque pars minus tuta non erit suffi- cienter promulgata. Ergo hæc distinctio est val- dè extranea. Ita Celladeus ibidem.

26. Respondeo in primis, mirandum videri, Celladeus quod Celladeus præter morem suum (nam ubique in fine ope- ris consue- to scribit, & cur?) ferme de aliorum opinionibus modestè loquitur) distinctionem hanc, atque doctrinam in ea con- tentam, utpote apud Auctores communem, ineptam vocaverit, omnesque ineptos esse dixerit, qui eâ admittunt, adhuc quærent, cur aliquid sit peccatum? judicent alii quid sibi voluerit ego certe

Qui sequi- tur minus probabile, proponit sibi legem Dei libertati fa- ventem.

Replicæ pro- tendens di- plicem de- monstratio- nem.

Ratio illius, qui sequitur minus pro- babile, non movet neu- tra, sed re- flexè saltem quæstionem determinat.

Celladeus in fine ope- ris consue- to scribit, & cur?

Certè existimo, in ultima questione totius operis, idèd hoc intellectuall quodam impetu scripsisse, quòd clarè videret, stante eà doctrinà ac distinctione, totum opus à se post plurium annorum laborem, ut ibidem fateretur, exantlatum in nihilum prorsus recidere, ac nullius prorsus valoris esse; quod quia absque ægritudine animi nec apprehendere nec ferre poterat, idèd calamo paulum acerbiorè censuras illas præter morem apposuit, duasque, ut putat, demonstrationes, acriorè illo corrente atramento, contra nos exaravit. His circa modum exprimendi argumentum præmissis,

Præsentæ demonstrationes non tæguant questionem præsentem. 27. Respondeo secundò, multa quidem attulisse Celladeum in tertio libro circa questionem hanc, sed ea omnia seriò examinata reperies *quæst. 43.* ubi monstrabuntur inefficacia. Porro quæ hîc obijcit, ad præsens intentum nil faciunt; si enim inepti sint, siue non sint, qui admissâ benignâ sententiâ dicunt hoc & illud esse peccatum, inde non sequitur, eos non posse formare suam conscientiam, & mentaliter applicare sibi legem Dei, quod solum in hac *quæst. à Celladeo* controvertitur. Sed & eadem simpliciter nullius sunt roboris.


Ad primum: non ineptit, qui suam sententiam dicit. Jam nos qui tenemus benignam sententiam reflexam, eà non obstante, primò quærimus veritatem directam, ad hoc enim omnes eniti debemus, & probabiliter dicimus hoc vel illud esse peccatum, quia rationes ad hoc potiùs, quàm ad oppositum dicendum apud nos prævalent. Sed quia videmus rationes nostras non esse certas, sed oppositas esse probabiles, & ab aliis præferri rationibus nostris, remque ipsam non posse directè certò decidi, convertimur ad considerationem reflexam, ut quaquà tandem viâ veritatem inveniamus. Sic tandem statuimus opus illud in hisce circumstantiis esse licitum; & inter reliquas rationes hanc quoque asserimus, quòd leges, quæ directè loquendo probabiliter non existunt, non sint sufficienter promulgatæ & applicatæ, ut vim legis possint exercere, quod est verissimum, & satis per se patet, quidquid Celladeus conetur in contrarium. Porro quia hoc aliæque ejusmodi reperiuntur in omni casu probabilitatis practicæ faventis utrique parti, inferimus licitum esse sequi quancumque ex partibus certò practicè probabilibus. Quid hîc ineptum reperitur? an quòd considerationem directam ad veritatem invenientiam adhibeamus? hoc non dixerit, quia ad hoc obligantur ii, qui munus talia tradendi suscipiunt. An quòd veritatem certò non reperiamus? hoc

quidem arguit nos minùs aptos, & multum defectuosos: sed hæc est misera hominis conditio, cui necessariò & sine culpa aut vitio subiacet. An quia cum teneamus benignam sententiam, frustra insudamus, dicendo hoc aut illud esse peccatum, cum contra leges non satis promulgatas non sit peccatum? hoc quidem rectè reprehenderetur, si absque priori resolutione scire possemus, legem non esse sufficienter promulgatam, aut sine eadem locus esse posset pro stabilienda sententia benigna. Verum quia perspicuum est, nec primum sciri posse, nec pro secundo dari locum, nisi diligens examen directum præmittatur, idèd non sunt inepti, sed maxime laudandi, qui primum præmittunt, & postea ad secundum progrediuntur, quod sine illo priori benè stabilito nec sciri nec examinari poterat.

28. Ad secundum eadem responsio se extendit, quia si sint multæ probabilitates practicæ pro utraque parte contradictionis, multi etiam sunt casus, in quibus rectè inferimus, legem hoc vel illud vetantem aut nullam esse, aut certè non esse sufficienter promulgatam. Ubi hîc, aut unde, quæso, scientia moralis redditur ridicula? an quòd post rerum examen una pars uni, altera alteri probetur, & sic utraque inveniatur probabilis? hoc non est ridiculum, sed stante ingeniorum varietate prorsus necessarium. An quòd absurdum sit quærete obligationem, ubi leges non sunt sufficienter promulgatæ? hoc quidem ridiculum esset, si suppositâ negatione sufficientis promulgationis de lege, adhuc illius obligatio quæreretur. Sed hoc non fit, nam antequam per reflexam considerationem dicere possimus, *Lex hac non est sufficienter applicata*, necesse est, ut veritas directâ debitâ diligentia investigetur. Præcedit ergò directâ consideratio, an hoc sit peccatum, & post illam examinatam succedit quæstio reflexa, an licitum sit sequi opinionem directè æquè aut minùs probabilem. Patet ergò non ridiculè, sed necessariò requiri directam veritatis investigationem, quamvis admitamus legem non esse sufficienter applicatam, quando utraque pars hinc inde est certò practicè probabilis. Itaque ita possumus aliis speculationibus insistere, ut has & harum ordinationem omittere non possimus, nisi in morali scientia tractanda inordinati, præposter, ac absurdi esse velimus. Itaque demonstrationes istæ præsentæ sunt solum indigestæ cogitationes, ex quibus probabile argumentum formari non potest.


Nullas secundæ demonstrationis præsentæ.

Non ineptè sed laudabiliter quæritur veritas per argumenta tam reflexa quàm directâ.



QUÆSTIO TRIGESIMA- SEXTA.

*Utrum probabilitas Conscientiæ, à nobis asserta;
aqualiter se habeat ad verum & ad
falsum.*

1.  I genuinum benignæ sententiæ sensum Celladeus ante oculos tenuisset, omisisset, opinor, *quæstionem* 14. lib. 2. in qua contendit, probabilitatem, à nobis pro conscientiæ regula assignatam, æqualiter se habere ad verum ac falsum. Omisisset, inquam, quæstionem hanc, quia nil evidentius, quam nil ejusmodi, sed omnia prorsus contraria, à nobis doceri, nec ullam inter sententiam benignam & hujusmodi illationem inveniri connexionem. Nihilominus in hac rerum evidentia Celladeus videtur sibi omnia contraria videre. Unde quodammodo jactat, se necessitate compulsus fuisse ad aliam conscientiæ regulam inveniendam, quæ magis se habeat ad verum, quam ad falsum. Verum, eadem hujus, quæ plurimum aliarum Celladei deceptionum est origo, nempe indebita benignæ sententiæ acceptio, atque, quod consequens est, incongrua terminorum æquivocatio, ut mox palam fiet.

ASSERTIO PRIMA.

Ad essentiam veræ, positivæ, ac realis probabilitatis in particulari sumpta non requiritur, ut apparentia illa magis connectatur cum vero reali quoad se, quam cum falso. Requiritur tamen, ut magis connectatur cum vero quoad nos, seu cum vero apparente, quam cum falso.

Ad probabi. 2. **P**ROBATUR ex asser. 1. quæst. 29. Multa falsa sunt probabiliora veris, immò multa falsa sunt nobis unice probabilia, ut contingit in iudice, qui ex probationibus prorsus convincentibus dolosè allegatis damnat innocentem, & in puero credente aliquem esse suum patrem, qui non est. In hujusmodi casibus judicia ista sunt probabilissima, ac prudentissima, & tamen sunt erronea. Ergò ad essentiam veræ probabilitatis in particulari non requiritur, ut apparentia probabilis hîc & nunc magis connectatur cum vero reali quoad se, quam cum falso, quia apparentia illa hîc & nunc non conjungitur cum vero, sed solum cum falso. Hoc tamen non obstante, apparentia illa validè repræsentat objectum suum, ut verum; ideoque vehementer stimulat ad assensum, quod nî faceret, non esset probabilis apparentia veri, ut patet. At hoc est apparentiam illam hîc & nunc magis connecti cum vero quoad nos, seu magis connecti cum vero apparente,

quam cum falso. Hoc autem est essentiale omni apparentiæ probabilis; quia, hoc ablato, nulla apparentia remanere potest probabilis, ut patet.

ASSERTIO II.

Omnis apparentia probabilis magis se habet ad verum reale genericè sumptum, quam ad falsum, licet aliquando aliter eveniat in particulari.

3. **P**ROBATUR. Illa apparentia magis se habet ad verum reale in genere, quam ad falsum, quæ tantæ magnitudinis est, ut propter illam ipsam ejus magnitudinem necesse sit, ex omnibus illi æqualibus plures connecti cum vero, quam cum falso; quamvis hîc & nunc per accidens aliquando in particulari à vero aberraret. Hoc videre est in auctoritatibus, quibus iudex ille & puer moventur ad assensum; illæ enim sumptæ in genere, ex naturæ necessitate sæpius connectuntur cum vero, quam cum falso, quamvis hîc & nunc per accidens in individuo à vero aberrarent. Et sanè nisi illa apparentia ex ratione suæ magnitudinis sæpius connecteretur cum vero, saltem genericè sumpto, quam cum falso, non mereretur assensum, ut patet. At evidens est, quod mereatur assensum. Ergò ratione suæ magnitudinis magis connectitur cum vero genericè sumpto quam cum falso. Sed omnis apparentia probabilis, contenta in definitione probabilitatis à nobis posita, tantæ magnitudinis est, ut propter illam ipsam suam magnitudinem necesse sit, ex omnibus illi æqualibus plures connecti cum vero quam cum falso, ut fusè ostendi in *tract. de consc. prob. multis in locis, præsertim quæst. 2. à num. 11. ferè usque ad finem, & quæst. 4. à num. 16.* ratio est, quia motivum probabile juxta nos est motivum incertum, sed assensu dignum, seu aptum ad impetrandum assensum à viro probo & perito, non temerè, sed, sicut peritum & probum decet, judicante. At nullum motivum incertum, quod ex vi suæ magnitudinis non connectitur frequentius cum vero quam cum falso, est dignum assensu, ut patet, & fusius explicatum est in locis citatis. Ergò omnis apparentia probabilis magis se habet ad verum reale genericè sumptum quam ad falsum; licet aliquando aliter eveniat in particulari.

Apparentia probabilis magis se habet ad verum reale genericè sumptum, quam ad falsum.

ASSER.

ASSERTIO III.

In æquæ
probabili-
bus, utra-
que pars
magis se ha-
bet ad verū
genericè
sumptum
quàm ad
falsum.

Quando utraque pars contradictionis est æquæ probabilis, probabilitas utriusque partis magis se habet ad verum reale in genere, & ad verum apparens in individuo, quàm ad falsum.

4. **P**ROBATUR. Prima pars sequitur ex assertionis 2. quia talis connexio est de essentia omnis probabilitatis, ut dictum est. Nec obstat qualitas probabilitatis, quod minus utraque apparentia ad hanc magnitudinem pertingat, ut constat ex locum proximè citatū ex tract. de Conse. prob. & probatum est quest. 29. assert. 5. maximè num. 27. Probatur secunda pars. Complexio contradictoria non est probabilis, cum evidenter repugnet illam verificari. Itaque probabilitas, quæ habetur, solum suadet utramlibet contradictionis partem scorsim sumptam esse veram. Dantur ergo simul duæ probabilitates, quarum altera suadet unum, altera suadet oppositum. Hoc posito: dico, utramque ex istis probabilitatibus esse magis ad verum apparens & quoad nos, quàm ad falsum. Ratio est clara. Probabilitas partis A. fundatur in rationibus directè suadentibus veritatem ipsius A. & in solutione argumentorum, quæ afferuntur in contrarium. At hæc duo simul sumpta magis sunt ad verum quàm ad falsum, quia magis alliciunt ad assensum, quàm allicant ad dissensum. Imò si rectè loquamur, nullo modo alliciunt ad dissensum, sed solum ad assensum objecti, cui favent; quod certè non facerent, si non magis se haberent ad verum apparens quàm ad falsum. Ergo probabilitas partis A. magis est ad verum apparens & quoad nos, quàm ad falsum. Eadem ratio valet de probabilitate partis B. Ergo utraque probabilitas quoad nos magis se habet ad verum, quàm ad falsum.

ASSERTIO IV.

Probabilitas, quàm benigna sententia præscribit pro proxima conscientia regula, multò magis se habet ad verum quàm ad falsum.

Regula nobis assignata magis se habet ad verū quàm ad falsum.

5. **P**ROBATUR. Inprimis benigna sententia pro regula conscientie in obcuris, ad minimum postulat veram probabilitatem. At illa, quæcumque demum sit, magis se habet ad verum, quàm ad falsum ex assert. 3. Ergo &c.

Secundò, id ipsum clariùs probatur declarando sensum sententie nostræ. Nemo habet probabilitatem proximè sufficientem pro regulanda conscientia circa ullam partem contradictionis, nisi absoluto iudicio credat illam esse licitam. Nec hoc sufficit, nisi iudicium illud motivo valido ac certò rationabili nitatur, quando nil certi afferatur in contrarium. At evidens est, omne huiusmodi iudicium magis se habere quoad nos ad verum, quàm ad falsum; tum quia fertur in suum objectum tamquam in rem unicè & absolutè veram, & oppositum rejicit ut falsum; tum quia est propria sic iudicantis opinio, quæ non potest non esse ipsi probabilior quàm opposita. Ergo tale iudicium non solum magis se habet ad verum quàm ad falsum, sed solum verum rationabiliter apparens approbat, & oppositum ut absolutè fal-

sum repellit. Hinc constat, regulam à nobis propositam non solum magis se habere ad verum quàm ad falsum, sed unicè se habere ad verum quoad nos seu apparens, cum essentialiter sit representatio sui objecti ut veri & oppositum repellat ut falsum. Præterea eadem regula ex vi suæ magnitudinis magis connectitur cum vero reali genericè sumpto, quàm cum falso, ut constat ex assertionis secunda. Quæ cum adeo perspicua sint, miror Celladeum potuisse sibi persuadere, oppositum sequi ex sententia nostra; & ideo magis miror, quia quæ objicit, ut aptè falsa sunt, aut ingenti terminorum æquivocatione legentibus confusionem pariunt; ut ex ipsius doctrina, mox in objectionibus proferenda, constabit.

SOLVUNTUR OBJECTIONES.

6. **O**BJICIT primò. Quod est commune utrique parti contradictionis, æquè se habet ad verum & falsum. Sed probabilitas à nobis asserta est communis utrique parti contradictionis. Ergo probabilitas à nobis asserta æqualiter se habet ad verum & falsum. Ergo probabilitas non est apta conscientie regula; ineptum enim est existimare regulam illam esse idoneam ad aliquid regulandum, quæ æquè indifferenter se habet ad errandum, ac ad non errandum. Errant proinde omnes, qui ponunt probabilitatem conscientie in contradictione, aut in aliquo, quod utrique contradictionis parti æquè conveniat. At omnes, qui dicunt quamvis probabilitatem partis minùs tutæ sufficere pro regula conscientie, etsi pars tutior contradictoriè opposita sit æquè probabilis, ponunt probabilitatem conscientie in contradictione, aut certè in aliquo, quod utrique parti contradictionis æquè convenit. Ergo errant. Ita Celladeus lib. 2. quest. 14. §. 1. ubi gloriatur se, omni æquivocatione remotà, omnia explicare in ordine ad verum, qui terminus ab omnibus in uno eodemque sensu accipitur.

7. Respondeo inprimis, Celladeum in aliis quidem quæstionibus magnas, in ista verò, longè maximas æquivocationes passum esse. Et quamvis terminus verum, per quem conatur (sed irritò prorsus conatu) omnia explicare, non videatur æquivocus, verè tamen æquivocus est, maximè in casu præsentis, in quo non solum veritas realis & quoad se, sed etiam apparens & quoad nos locum habet. Jam certum est, probabilitatem non posse explicari per connexionem cum vero reali in individuo, quia tunc probabilitas non magis discerni posset, quàm veritas. At veritas ipsa realis certò sciri nequit. Ergo nec probabilitas: quod tamen omnes negant, cum per omnes læpè evidens sit propositionem esse verè probabilem, etsi incertum sit an sit vera. Ergo terminus, in ordine ad quem Celladeus omnem suam explicationem dirigit, æquivocus est, & nisi accipiat in sensu opposito ejus, quem ille considerat, est prorsus ineptus ad præsentem disputationem.

8. Respondeo secundò. Distinguo majorem. Quod est commune utrique contradictionis parti, æquè se habet ad verum & falsum, si sit una eademque indivisibilis forma, transeat major; si prædicatum convenientie sit ratio præcisa à diversis formis, quarum una uni altera alteri parti convenit, nego majorem. Exemplo sint duæ propositiones contradictoriæ, simul existentes in duabus mentibus, quarum quælibet sit probabilissima.

Celladeus immensò gloriatur.

Quod convenit utrique contradictionis parti, semper æquè se habet ad verum & falsum à parte rei.

bilissima judicanti, eò quòd sic judicans gravissima motiva habeat pro parte in quam fertur, & parùm aut nil in contrarium. In hoc casu evidens est, nullam dari formam aut probabilitatem realem, quæ æquè se habeat ad verum & ad falsum; nam si sermo sit de connexionem cum vero reali, & quoad se, una tantùm propositio ac probabilitas cum illo connectitur, & eadem repugnat falso; opposita repugnat vero, & connectitur cum falso, ut patet. Ergò utraque non æquè connectitur cum utroque contradictorio, seu cum vero & falso. Si autem loquamur (ut nunc loqui debemus, nisi abs re loquamur) de vero apparente & quoad nos, longè evidentius est, nullam dari formam à parte rei, quæ æquè se habeat ad utramque partem contradictionis; nam opinio affirmativa aliter se habet ad seipsam & ad suum objectum, quàm ad propositionem negativam ipsi contradictoriè oppositam, & objectum illius. Similiter propositio negativa aliter se habet ad seipsam & suum objectum, quàm ad affirmativam ipsi contradictoriè oppositam & objectum illius. Ergò neutra æquè se habet sive ad propositiones, sive ad objecta contradictoria. Rursus certum est, utramque esse præcisè & propriè ad verum tantum, quia utraque est rationalis tendentia in suum objectum ut verum. Nihilominus ab istis duabus propositionibus abstrahi potest ratio communis non solum iudicii, sed etiam iudicii probabilis, & aliarum complures, quæ rationes æquè se habent ad utramque partem contradictionis, tam formalis quàm objectivæ. Hoc tamen non obstante, certum est, quod nulla sit forma à parte rei, quæ æquè conveniat utrique contradictorio, aut sit æquè indifferens ad verum & falsum. Ergò evidens est, distinctionem datam esse legitimam ac veram; illà autem admittà, tota evertitur objectio.

Palpabilis
Celladei æ-
quivocatio.
9. Peto enim à Celladeo, utrùm benè argueret, qui contenderet, nil esse in duabus dictis propositionibus, quod ex æquo utrique contradictorio non conveniat, eò quòd ab illis abstrahi possint rationes quædam utrique contradictorio communes? Dicit haud dubiè, eum non solum non benè arguere, sed uti æquivocatione palpabili, eò quòd confundat rationem specificam cum generica, & aliud prædicato differentiali non tribuat, quàm quod generico præciso convenire constat. At hic est casus noster, utpote qui ad hoc ipsum exemplum extenditur, illudque non minùs complectitur, quàm quævis alia contradictoria. Ergò Celladeus malè arguit, & palpabili æquivocatione utitur.

Replica.
10. Dices, loquimur in præsentì de uno eodemque intellectu, qui utramque conclusionem tamquam æquè probabilem considerat. Ergò frustra objicitur exemplum illud de duobus intellectibus. Ita Celladeus §. 2.

Replica nò
est ad rem.
Respondeo, quæstionem procedere in genere de omni contradictione, ut patet; unde si argumentum vel in uno casu deficiat, nullum est. Deinde esto, restringatur quæstio ad eundem intellectum, considerantur utramque partem ut æquè probabilem. In primis casus iste non est ad rem, quia talis homo per hoc non habet dispositionem seu probabilitatem sufficientem ad proximè regulandam conscientiam, quia nisi directè vel rectè absolute iudicio feratur in partem, quam sequitur, tamquam in rem verè honestam, & oppositum ut falsum rejiciat, non habet probabilitatem, quam nos pro proxima conscientie regula postulamus. At in hoc sensu perspi-

cuum est argumentum nil valere. Deinde eadem prorsus æquivocatio reperitur in hoc ac in priori illo casu, quia æquè in utroque dantur duæ probabilitates realiter distinctæ, sibi quæque contradictoriæ, quarum quævis solum se habet ad verum; cum solum ad assensum non ad dissensum alliciat, ut patet ex *asser.* 3. Deinde in hoc casu nil datur à parte rei, quod sit commune utrique contradictorio, nec aliud utrique commune est, quàm prædicatum aliquod ab utroque præcisum. Ergò inevitabiliter incidit in dictam æquivocationem.

11. Majori hoc modo distinctà, eadem ratione minor etiam distinguitur; quia probabilitas, quæ sæpè est & creditur esse æqualis pro utraque parte contradictionis, non est unum quid, sed sunt plures formæ diversæ ac penitus contrariæ, à quibus tamen ratio probabilitatis, & alia prædicata utrique contradictorio communia præcise indici possunt. Unde nil invenitur à parte rei, quod æquè utrique conveniat. Secundò, prædicata ista, utrique contradictorio communia, non sunt probabilitas regulandæ conscientie sufficiens; ad conscientiam enim regulandam opus est peculiari aliquà specificà probabilitate, determinatè affixà parti, quam sequimur, quæ certè utrique contradictorio non convenit. Tertio, probabilitas, à nobis asserta pro proxima conscientie regula, est probabilitas per quam, & propter quam intellectus directè, vel indirectè movetur ad absolute iudicandum partem illam, quam sequitur, esse absolute veram, & oppositum falsum. At evidens est, talem probabilitatem, hic & nunc respectu hujus intellectus, non convenire utrique contradictorio, nec esse æquè indifferentem ad verum & falsum. Unde negatur consequentia, & totum argumentum ruit. Errat proinde Celladeus, dum putat nos ponere probabilitatem conscientie in contradictione, aut in aliquo, quod utrique contradictionis parti æquè conveniat; nemo enim ex Catholicis scriptoribus somniavit, contradictionem aut complexionem contradictoriam esse probabilem, aut ullam dari probabilitatem veram & realem, quæ ante opus mentis utrique contradictorio conveniat. Probabilitas, quam ponimus, est probabilitas partis minùs tutæ secundum se totam, prout illa determinatè suadet partem illam esse licitam. Hanc probabilitatem dicimus tunc solum sufficere, quando intellectus vi illius directè aut indirectè surgit ad formandum absolutum iudicium de honestate sui operis: si enim, stante notitià de probabilitate partis minùs tutæ, hoc modo conscientiam non formaret, sed in dubio maneret, peccaret indubiè, si opus illud exhiberet. At evidens est, talem probabilitatem utrique contradictorio non convenire. Itaque patenter errat, dum ait, eos, qui dicunt licitum cuique esse sequi quamlibet ex partibus æquè probabilibus, ponere probabilitatem in ipsa contradictione, aut in aliquo, quod utrique contradictorio commune est.

12. Demùm argumentum hoc ex duplici alio capite labitur. Primum est, quòd non deserviat Celladei, quia ipse æquè condemnat usum partis probabilioris, ac æquè aut minùs probabilis. At argumentum applicari non potest contra usum partis probabilioris, quia impossibile est, ut probabilioritas respectu ejusdem intellectus simul conveniat utrique contradictorio. Ergò argumentum ad primarium Celladei intentum non conducit. Secundum est, quòd reipsa benignam sententiam non impetat, quia benigna sententia reipsa solum ponit majorem probabilitatem pro

Probabilitas regulandæ conscientie necessaria, unitarium, non utrique contradictorio conveniens

Errores Celladei indicantur.

Duplex alius defectus argumenti.

sufficienti conscientie regula; nam nisi directe vel saltem reflexe honestas operis evadat probabilior operanti, quam ejus inhonestas, nemo excusatur, ut latè probavi in *tract. de Consc. prob. qq. 22. & 23.* Ergò argumentum hoc non tangit benignam sententiam in sensu proprio ipsius, & prout illa à suis auctoribus declaratur, & defenditur.

Objeccio 1. 13. Objeicit secundò Intellectus, qui motiva oppositis contradictionis partibus faventia considerat ut æqualia, tantum habet pro falsitate, quantum pro veritate cujusvis partis. Ergò æqualiter se habet ad verum & falsum. Ergò probabilitas à nobis asserta æquè se habet ad verum & falsum.

Responsio. Respondeo, intellectum sic dispositum, si aliud illi non addatur, æqualiter se habere ad verum & falsum, & propterea talis dispositio non est sufficiens regula ad licitè secundam partem minus tutam, cum ad hoc absolutum judicium de honestate operis formandum sit, ut sæpè dictum est. Itaque concedo antecedens & primam consequentiam, quia intellectus habet duas formas æquales, quarum una alteri contradicit, unde quantum habet pro veritate partis A, per unam formam, tantum habet pro falsitate ejusdem per alteram. Verum ultima consequentia non sequitur, quia probabilitas à nobis asserta non consistit in utraque illa forma sumpta per modum unius, sed solum in singulis. Singulæ autem magis se habent ad verum, quam ad falsum, ut constat *ex assert. 2. & 3.* Sunt ergò tunc duæ formæ æquales in intellectu, quarum singulæ feruntur præcisè in veritatem sui objecti & falsitatem oppositi; ac proinde probabilitas utriusque partis est par; sed nulla est probabilitas utrique parti communis, quæ æquè se habet ad verum & falsum. Verum quidem est, quod probabilitas A non magis suadeat veritatem objecti sui, quam probabilitas B illam dissuadeat. Similiter verum est, quod probabilitas A non magis se habeat ad veritatem sui objecti, quam probabilitas B se habet ad ejusdem objecti falsitatem. Sed hoc non est ad rem in præsentia, quia solum queritur, an probabilitas A æquè se habeat ad verum & falsum. Hoc autem est evidenter falsum, ac proinde contrarium absque fundamento à Celladeo assertitur.

Objeccio 3. 14. Objeicit tertio. Quando idem intellectus simul concipit conclusiones contradictorias, simulque perpendit motiva æqualia singulis faventia, non magis agnoscit dari, quam non dari conclusionem. Ergò, consideratis omnibus, totoque objecto tam in se quam etiam quoad nos simul sumpto, adest totalis indifferentia ad verum & falsum. Ergò ponere probabilitatem conscientie in hoc objecto, est eam ponere in objecto totaliter indifferenti ad verum & falsum. Ergò non ponitur in fundamento gravi, immò nec in levi, sed in nullo; quia fundamentum totaliter indifferens ad conclusionem & non conclusionem, seu ad verum & falsum, non est fundamentum grave aut leve, sed prorsus nullum. Ergò non est probabilitas conscientie.

Confirmatur; si totum hoc objectum non sumatur per modum unius, sed quasi per partes dividatur in duas conclusiones & duo fundamenta, dici posset, quod non incarnatio v. g. & quævis hæresis nitatur fundamento gravi ac probabili, quia si totum pro utraque parte contradictionis non sumatur simul per modum unius, sed pars contra incarnationem solitarie sumatur, ex illa magis sequitur non incarnatio. Ita Celladeus §. 2.

Celladeus Respondeo Celladeum duplici de causa frustra laborare in hoc argumento. Primò laborat, ut

concedatur consequentia, quam ultro concedimus; nempe dispositionem illam intellectus, de qua nunc loquimur, non esse proximam ac sufficientem regulam, seu propriam probabilitatem conscientie; illa enim consistit in judicio absoluto, quo pars aliqua probabiliter judicatur licita, & oppositum absolute rejicitur ut falsum, ut sæpè dictum est. Ergò frustra laborat ad hoc persuadendum. Secundò frustra laborat, quia totum argumentum evidenter procedit de subjecto non supponente, quia supponit tam utramque conclusionem contradictoriam, quam utrumque fundamentum contrarium sumi per modum unius. At hoc est impossibile, quia nec propositiones illæ in unam assertionem, nec fundamenta illa ob essentialem repugnantiam coalescere possunt in unum fundamentum. Rursus nemo dicit, aut dicere potest, ipsam complexionem contradictoriam esse probabilem, cum sit evidenter falsa & impossibilis. Similiter intellectus stimulari non potest ad illam affirmandam. Ergò nullum datur fundamentum pro tali complexione. Ergò argumentum procedit de subjecto non supponente.

15. Præterea Celladeus ipse fateri, totum illud motivum sumptum per modum unius, non esse motivum, cum nulla ratione stimulet ad assensum. Ergò evidens est illud non esse motivum, de quo loquimur; nam certum est, intellectum in casu posito habere duplicem stimulum tendentem ad opposita; ab una enim parte stimulatur ad assensum, & ab altera parte ab assensu retrahitur ad dissensum. Ergò ibi sunt actu duo motiva, quæ simul sumpta nil suadent, quia simul sumpta per modum unius fundamenti sunt chymæra, cum in unum coalescere non possint. At singillatim movent. Ergò distributivè sumpta sunt motiva & fundamenta. Errat ergò Celladeus, dum contendit, in hoc casu nullum prorsus esse fundamentum.

16. Quoad confirmationem attinet, sequela est prorsus nulla; quamvis enim omnis hæresis habeat aliquod fundamentum, non tamen habet fundamentum grave, sed leve & imprudens; quia omne fundamentum hæresis tantà vi superatur à fundamentis credibilitatis mysteriorum fidei, ut nemo citra immensam temeritatem & summam imprudentiam, possit illi assensum præbere, unaque fidem sufficienter propositam repudiare. Verum quidem est, quod non incarnatio magis sequatur ex fundamento illius hæresis, quam incarnatio; hoc enim proprium est omni motivo etiam temerario ac minimo. Verum hoc ad probabilitatem, seu ad fundamentum grave non sufficit: oportet enim omnia considerare, ac ponere ex una parte fundamenta positiva ac negativa unius, & ex altera parte fundamenta positiva ac negativa alterius propositionis, atque illa inter se comparare. Si fundamenta unius propositionis incomparabiliter prævaleant, fundamenta propositionis contradictoriæ non sunt gravia, prudentia, & probabilia, sed levia, imprudentia, & temeraria, ut patet. Jam fundamenta credibilitatis fidei hoc modo evidenter superant motiva hæresum. Ergò omnes hæreses sunt evidenter improbabiles, quamvis non careant motivis sollicitantibus ad assensum.

17. Objeicit quartò. Auctores benignæ sententie, in casu probabilitatis utrique contradictoriæ æqualiter faventis, dicunt nos excusari per hoc, quod etsi voluntas Dei detur, non tamen sit sufficenter promulgata. At hoc non satis est. Nam si utramque partem esse probabilem effet legem non esse sufficenter promulgatam, in talibus & de tali-

rat & argu-
menta ut
ex subjecto
non suppo-
nente.

Celladeus
contradictio-
nis in unum
colligit, &
inde nullum
arguit.

Sequela co-
firmationis
pariter nul-
la.

Objeccio 4

de talibus non esset disputandum, an sint peccata necne; quia certum est, leges non promulgatas non obligare; & qui supponit legem non esse promulgatam, non amplius disputat an hoc vel illud sit peccatum contra legem. At in contradictoriis utrimque probabilibus disputatur, an liceant necne, & libri de istis rebus implentur, quod frustra fieret, si ex hoc capite peccandi periculum cessaret. Ita Celladeus §. 3.

Responsio. Respondeo, nos ita quidem discurrere, sed in hoc ipso jam reflexè procedimus, & per fundamentum reflexum absolute credimus, utramque partem contradictionis objectivæ esse licitam. Habemus ergo regulam non æquè indifferentem ad verum & falsum, sed expressè determinatam ad solum verum, & nisi hanc haberemus, non excusaremur. Jam quod hic discursus noster sit benè fundatus, constat ex iis, quæ hac de re scripsi *quæst. 23. de Cons. prob. num. 14 & multis seqq.* Nec metuendum est ab eis, quæ Celladeus minatur, se libro 3. contra hoc allaturum, inveniemus enim ea in nullo melius fundata esse, quàm quæ hæcenus attulit, quæ certè aut æquivocationibus plenissima sunt, aut de subiecto non supponente procedunt, nec quidquam concludunt. Jam ergo ad argumentum, fateor non amplius disputandum esse an lex obliget, si post debitam diligentiam præmissam utraque pars inveniatur esse cerè probabilis; & in hoc omnes conveniunt, qui unanimiter asserunt, utramque partem in eo casu esse licitam; ac proinde disputatio ulterior cessat, nec quisquam de eo dubitasset, nisi pauculi aliqui (qui tamen non benè intellexerunt sensum nostræ sententiæ, ut sæpè ostendi) abique necessitate ac sufficienti fundamento jam stabilita in dubium revocassent. Hos imitatus est Celladeus, sed magis irritò conamine, quia solus contra omnes novam sententiam inexit, quæ omnem etiam majorem probabilitatem à conscientia regulanda removet. Itaque fateor, eum frustra hunc laborem assumpsisse, cùm nulla planè esset necessitas quæstionem hanc reflexam in dubium revocandi ac iterum determinandi. Unde nos, posita semel certâ probabilitate utrimque æquali, non amplius ambigimus, an pars minùs tota liceat, quia jam supponimus illam non esse quoad hoc sufficienter promulgatam. Nec tamen frustra disputatur de honestate talis operis, quia disputationes illæ procedunt in sensu directo, in quo sensu sunt valde utiles ac necessariæ, quia omnes tenentur conari ad veritatem ipsam directè sumptam inveniendam, ut sæpè dictum est. Quod si quis ambigat, an lex in eo casu sit sufficienter promulgata seu applicata, benè facit hoc ipsum investigando. Nos illud investigavimus, & illud verum esse invenimus; unde merito intulimus, utramque contradictionis partem in eo casu esse licitam, æque eâ illatione quæstionem determinavimus.

ALIÆ OBJECTIONES

solvuntur.

Obiectio 1. 18 **O**BJECIT primò. Velle usurpare pro regula aliquid æqualiter indifferens ad verum & falsum, quin hæc indifferentia tollatur, est tanti facere falsum quanti verum quoad regulandos mores. At tanti facere falsum quanti verum ad regulandos mores est illicitum, & contra Dei legem, quia est tanti facere non operari juxta voluntatem Dei, quanti operari juxta illam. Ergo illicitum est velle id usurpare pro regula quod

R. P. A. Terilli, Regula Morum PARS I.

æqualiter indifferens est ad falsum & verum, nisi indifferentia tollatur. Sed qui assumit pro regula quamlibet ex partibus æquè probabilibus, vult usurpare pro regula, quod æqualiter indifferens est ad falsum & verum, quin illa indifferentia tollatur. Ergo illicitum est velle usurpare talem regulam. Probatur major. Assumptio illius regulæ huic voluntati æquivaleret. Ego velle sumere pro regula mei actus hanc opinionem, quæ an sit vera vel falsa nescio, cùm tantum habeo pro ejus falsitate, quantum pro veritate. Hoc autem perinde est, ac velle quem se regulare per opinionem hanc sive sit vera sive sit falsa, & per illam sive veram sive falsam honestè operari, quia existimat mores suos fore honestos ex vi regulæ, sive illa regula fuerit vera sive falsa. Ergo tanti facit falsum quanti verum in ordine ad regulandos mores. Stat ergo major. Reliqua legitime deducuntur. Ita Celladeus *lib. 2. quæst. 15. §. 2.*

Responsio. Transeat totus primus syllogismus, si sumatur ut jacet. Sed nego minorem subsumptam; quia quando opiniones directæ sunt & habentur æquè probabiles, intellectus neutri parti assentitur, sed manet in quodam æquilibrio, ut patet. Jam Celladeus supponit, hanc dispositionem intellectus, seu hanc directam probabilitatem assignari à nobis pro regula conscientiz, antequam illius indifferentia tollatur. Hoc autem falsissimum est; expressè enim dicimus, eum peccare, qui non aliter dispositus, absque judicio de absoluta honestate operis, minùs tuta sectatur; non quia sequitur regulam æqualiter indifferentem ad verum & falsum (hoc enim verum non est, ut constat ex dictis) sed quia manet dubius, nec ex bona fide operatur. Itaque audacter dico, Celladeum non intelligere sensum opinionis, quam impugnatur, si ita eam intelligat, sicut verba ipsius hac in quæstione mentem ipsius exponunt. Sensus ergo nostræ sententiæ est iste. Quoties utraque pars contradictionis, directè considerata, est, & creditur esse æquè probabilis, toties licet sequi quamcumque partem voluerimus, quia objectum illud, quod directè consideratum non sufficienter movet intellectum ad assensum, nec magis apparet honestum per hæc motiva, quàm inhonestum per illa, quodque proinde quoad nos, omnibus pensatis, videtur indifferens ad verum & falsum, illud, inquam, objectum jam non amplius directè sed reflexè consideratum, prout substans huic probabilitati atque incertitudini insuperabili de directæ ipsius veritate &c. per motiva potentissima cognoscitur esse licitum, & absoluto judicio affirmatur esse tale, omni eo, quod afferretur in contrarium, rejecto ut falso.

19. Hoc supposito, regula, quam in casu parit probabilitatis directæ sequimur, alia est objectiva, alia formalis: formalis est ipsa benigna sententia, quæ reflexè considerat opiniones contradictorias ut directè æquè probabiles: objectiva est objectum opinionum directarum non nudè sumptum, sed ut vestitum novis circumstantiis, nempe ut substans probabilitati, possessioni libertatis, insuperabili veritatis ignorantiz &c. quod objectum diversum est ab objecto opinionum directarum, ut patet. Jam neutra ex istis regulis æqualiter se habet ad verum & falsum, sed utraque determinatè se habet ad verum tam quoad nos, quàm etiam quoad se, quia utraque & reputatur, & est reipsa vera; objectum quidem veritate transcendentali, actus verò judicativus veritate formali. Itaque regula objectiva in casu objectionis non est objectum à probabilitate directæ propositum, quod

Celladeus arguit ex subiecto non supponente

Regulam formalem quam objectiva cum sola veritate connectitur.

D d 2

hic

hic & nunc, omnibus inspectis, est quoad nos magis verum quam falsum, sed est illud idem obiectum novis circumstantiis vestitum, per quas indifferentia illius ad verum & falsum tollitur, & sic tandem evadit regula apta ad conscientiam dirigendam. Rursus regula formalis est absoluta unio hujus regulæ obiectivæ cum intellectu, quæ consistit in absoluto judicio, quo credimus obiectum illud, omnibus inspectis, esse licitum, & oppositum absolute rejicimus ut falsum.

Celladeus
mira contra
nos absque
fundamen-
to objicit.

20. Jam, si argumentari contra opinionem benignam eo modo, quo Celladeus argumentatus est, non sit argumentari ex subiecto non supponente, terminisque per equivocationem abuti, nemo dixerit, quæ sint ejusmodi vitia in arguendo. Te ipsum, Celladee, judicem appello, ut statuas, an ullâ verisimilitudinis specie dici possit, nos, reflexè eligentes hanc regulam, hujusmodi volitionem elicere, *Ego volo sumere hanc opinionem pro regula mei actus, quæ an sit vera, vel falsa nescio, cum tantum habeam pro ejus falsitate, quantum pro veritate?* Nónne expressè dicimus, opinionem directam secundum se acceptam, non esse regulam, sed obiectum illius novis circumstantiis affectum nos regulare? nónne apprehensiones, quibus utraque propositio obiectiva pari claritate directè repræsentatur, ut insufficientes pro conscientia debite formanda rejicimus? Doctri benè nórunt, quod hæc rejiciamus ut insufficientia. Nihilominus si obiecta illa reflexè considerentur ut substantia hisce apprehensionibus, & insuperabili veritatis ignorantiz &c. habemus novum obiectum, quod ponimus pro regula. Sed quid? Dicimusne de hoc obiecto, seu de hac opinione obiectiva, quod ignoremus, verane sit, an falsa? Quod tantum habeamus pro ejus falsitate, quantum pro veritate? Imò è contrario hæc est nostra sententia, hanc unicè veram esse dicimus & scimus; tantum habemus pro ejus veritate, ut nil simile pro opposito afferri possit. Cur ergò hæc & hisce similia absque fundamento objicis?

Celladeus
ut se totum
ad nostram
responsionem
confugere
debet.

21. Demum hoc addo, Celladeum ipsum, nî ad hanc ipsam doctrinam confugiat, seipsum tutari non posse: siquidem lib. 2. quest. 14. § 3. & alibi, fatetur cum Vasquio 1. 2. disp. 67. cap. 1. *Dubium negativum, utpote sine ulla ratione conceptum, promptè & sine ulla ratione deponi posse, quia ipsa nulla ratio, est ratio contra nullam rationem.* Hæc Celladeus. Sed quomodo ista subsistunt? Nónne hic dubium ipsum eligitur pro regula? At dubium indifferenter se habet ad verum & falsum. Ergò hic eligitur regula indifferens ad verum & falsum. Quid respondes, Celladee? Ureris, nî fallor, simili responsione, & dices, dubium directè & exercitè sumptum non esse regulam, quia est indifferens ad verum & falsum, sed dubium ipsum reflexè cognitum, prout substat carentiz fundamenti ad dubitandum, esse regulam debite formandi conscientiam, quia hæc ratione non est dubium, sed movet ad assensum, quo credimus rem illam hic & nunc, dubio illo directo non obstante, esse licitam.

Obiectio 1.

22. Objicit secundò. Eligat aliquis pro decem operandi opportunitatibus decem opiniones, habentes contra se contradictorias æquè probabiles. Hic nescit, an illæ futuræ sint veræ an falsæ, seu an juxta an contra legem Dei: fortassis enim omnes futuræ sunt falsæ, fortè omnes veræ, fortasse aliquæ falsæ, aliquæ veræ. Ergò assumit non regulam pro regula, quia omnia mero casui committit. Deinde electio illius regulæ huic volitioni æquivalet. *Ego volo dirigere hos decem actus meos per*

hanc regulam, quam nescio, an semper, an nunquam futura sit contra legem Dei, quamvis adsit validissima præsumptio, illam dimidia circiter ex parte fore juxta, & dimidia ferè ex parte contra legem. Hæc voluntas mala est & peccaminosa. Ergò peccatum est eligere opiniones minus tutas, si solum sint æquæ aut minus probabiles, pro regula conscientiz.

Respondeo, Celladeum hic iterum ex eodem subiecto non supponente, & mala opinionis nostræ intelligentia præcipitanter currere per devia, & ad miras sed malè fundatas consequentias deflectere. Quare ut omnes errorem ejus clarè perspiciant, respondeo primò indirectè per instantiam duplicem. Prima instantia sumitur à dubio negativo sine ratione conceptu, & sine ratione disposito. Quid fiet de homine eligente dubium sine ratione conceptum pro regula suæ conscientiz decem vicibus? nõne dubium sine ratione conceptum æquè indifferens est ad verum & falsum, sicut opinio utrimque est probabilis? Ergò qui hanc regulam eligit, casui se committit, & habet volitionem similem illi in objectione propositæ. Et tamen Celladeus fatetur, hanc regulam in dubio negativo sitam, esse sufficientem. Videat ergò quid ipse respondeat, & debitam solutionem inveniet.

23. Secunda instantia est, quod argumentum animis probet, quia non solum probat, necessariam esse regulam magis se habentem ad verum quam ad falsum, sed probat, necessariam esse regulam, quæ indefectibiliter se habet ad verum; si enim non fuerit indefectibiliter vera, qui illam usurpaverit, sciet se juxta illam operando aliquoties facturum contra legem Dei. At eligere talem regulam, & velle operari juxta illam, est contemnere legem Dei & peccare. Itaque argumentum urget Celladeum, qui hoc loco expressè fatetur, se ponere regulam non omnino indefectibilem.

24. Respondet Celladeus, argumentum sibi videri convincens, quod proinde non ideo infirmum esset, si contra ipsum probaret; sed evinceret, ipsum quoque in regula assignanda defecisse. Unde exceptio esset ad hominem, non autem in re. Deinde respondet, se infra ostensurum, quomodo homo uti possit regulâ defectibili, & tamen nolit, nec sæpius nec semel contra legem Dei agere. Secunda hæc responsio, si subsisteret æquè solvet argumentum contra nostram sententiam, ac contra opinionem Celladei. Prima responsio ostendit, Celladeum esse minus fixum in argumento levissimo, illudque habere pro demonstratione, quod nullius est prorsus ponderis.

25. Itaque, respondeo secundò directè. Eligens decem opiniones minus tutas, quæ directè sunt solum æquè probabiles ac tutiores oppositâ, verè nescit, an illæ sint omnes veræ, an omnes falsæ? an medio modo se habeant? habet tamen præsumptionem, quod totidem ferè sint veræ, quot falsæ. Nemo de hoc dubitat, quia ille non magis fertur in eas veras quam falsas, cum habeat paria motiva ad credendum, quod sint falsæ, ac veræ, & nulli parti assensum præbeat. Sed inde non sequitur, quod assumat non regulam pro regula, & casui se committat. Sequeretur hoc quidem, si aliam regulam non haberet, quam apprehensiones exercitè manifestantes obiecta illa ut non magis vera quam falsa. Verum nec illæ apprehensiones, nec obiecta per illas proposita sunt regula, quam usurpat; & quicumque arbitratur nos talem regulam ponere, crassissimè hallucinatur. Nos enim pro regula obiectiva ponimus obiecta

Solutio ab
ipso Celladeo
danda
est.

Prima argu-
menti retor-
sio.

Secunda ar-
gumentis re-
torisio.

Duplex Cel-
ladei repli-
ca, sed utraque in-
sufficiens.

Responsio
directa ad
argumentu.

Regula, quam benigna sententia ponit, est non solum quoad nos, sed etiam quoad futurum indefectibilis.

objecta illa aliter circumſtantiata, quàm ſint, prout directis apprehenſionibus repræſentantur; nunc enim conſiderantur reflexè, ut ſubſtant certæ probabilitati, ac inſuperabili veritatis ignorantiz &c. Et de illis hoc modo conſideratis, dicimus, quod ſint regula nunquam à vero deſectens, & quod plus eſt, dicimus regulam hanc eſſe indeſectibilem, quidquid ſit, an poſitio illorum objectorum futura eſſet juxta vel contra voluntatem Dei, ſi directis tantùm illis apprehenſionibus regulata fuiſſet, quia conſtat objectum illud iſtis circumſtantiis regulatum, non eſſe contra legem Dei.

Præſentia
Celladei de-
monſtratio
prorſus va-
na & irrita.

26. Quod ſi Celladeus dicat, regulam hanc non ſolùm non eſſe indeſectibilem, ſed ne quidem veram, reſpondeo illum in utroque decipi, ut conſtat ex toto hoc opere, & ex quaſt. 19. 20. 21. 22. & 23. de Conſe. prob. Cæterùm quod ad præſens attinet, negare non poteſt, regulam hanc à nobis electam, quoad nos ſaltem, eſſe & haberi indeſectibilem, omnique ſecundùm illam operanti perſuaſum eſſe, ſe in nullo ex omnibus decem ſuis actibus operaturum contra legem Dei. Itaque eligentalem regulam, non eligit regulam indifferentem ad verum & falſum, ſed ſoli vero ſemper alligatam; nec arbitrat ſe aliquoties of-
fenſurum contra Legem, ſed abſolutè dicit, ſe per hoc nunquam ulli legi Dei repugnaturum. Ergò voluntas uſurpans hanc regulam non eſt mala, ſed juſta ac prorſus rationalis.

Regula no-
ſtra debitum
Deo reſpec-
tum deſect.
Regula Cel-
ladei non
item.

27. Interim perſpicuum eſt, noſtram regulam eſſe longè rationabiliorem, & reſpectu Dei debito magis conformem regulâ Celladei. Ille enim ponit regulam, quam ipſemet agnoſcit eſſe deſectibilem. At nos ponimus regulam, quam aſſerimus eſſe indeſectibilem. Ergò nos in electione regulæ noſtræ debito reſpectu ſerimur in Deum, quia ita diſponimur, ut eam non eligeremus, niſi maximis fundamentis ducti crederemus, nos nil unquam facturos contra ipſius voluntatem & legem. At Celladeus eligens ſuam regulam, caret hoc reſpectu debito, quia illam arripit in regulam, dum conſcius eſt, ſe illam ſequendo nonnunquam ſaltem peccaturum in legem, & contraventurum voluntati Dei.

Regula,
quam aſſi-
gnavimus,
non ſubſeſt
periculo
violandi le-
gem ullam
verè obli-
gantem.

28. Eſt & alia æquivocatio in voce illa *contra legem, contra voluntatem Dei*: ſiquidem lex ſeu voluntas Dei obligans, dupliciter ſumitur: primò, pro lege grammaticaliter ſumpta, ſeu pro lege aliquo modo apprehenſa: ſecundò, pro lege verè obligante, & vim legis exerente. Quod hæc duo ſint ſeparabilia certum eſt, quia poſſidens rem, de qua dubitat an ad alium ſpectet, formidat ne fortè retineat alienum, & conſequenter ne fortè faciat contra voluntatem Dei univerſè jubentis, alienum invito Domino non eſſe retinendum. Jam certum eſt, poſſidentem rem in dubio non violare ullam legem Dei verè obligantem, & vim legis exerentem contra eum, quamvis fortè faciat contra legem ac voluntatem Dei aliquo modo ap-

parentem; quæ tamen non eſt lex hîc & nunc verè obligans, ſed ſolùm eſt lex quædam merè grammaticaliter dicta ſaltem relatè ad iſtas circumſtantias. Hoc poſito, æquivocatio Celladei detegitur: ille enim confundit voluntatem ac legem Dei grammaticaliter ſumptam cum lege Dei verè obligante, & hîc & nunc vim legis exerente. Ratio eſt, quia putat, voluntatem ac legem Dei, in caſu paris utrimque probabilis apparentem, eſſe legem verè obligantem, quæ vim legis exerat; cùm tamen hîc & nunc ſit lex merè grammaticaliter ſumpta, quæ nec obligat, nec obligare poteſt, aut vim legis exerere. Non enim magis obligat, ſi exiſtat, quàm ſi non exiſtat, quia non magis applicatur voluntati ſi exiſtat, quàm ſi non exiſtat. At ſi non exiſtat, nec obligat, nec vim legis exerit. Ergò neque obligat hîc & nunc, quamvis exiſtat. Quomodò enim obligare poteſt, cùm poſt omnem diligentiam adhibitam non magis appareat exiſtere, quàm non exiſtere? Certè non eſt cur magis obliget, quàm oppoſita voluntas permittens, æquè apparens, excuſet. Itaque veritas eſt, nullam ex iſtis voluntatibus eſſe verè hîc & nunc obligatoriam ſeu permiſſivam pro hiſce circumſtantiis. Similiter veritas eſt, hominem taliter diſpoſitum non ideo peccare, quia facit contra legem hanc incertam, ſed quia peccat contra legem certam certò verantem ne operetur in dubio. Itaque ſi in caſu ejusmodi dubium prudenter deponatur, homo non peccat, eſiſi fortè contrarietur voluntati ac legi dubiè apparenti, quia illa non eſt vera lex, nec voluntas hîc & nunc verè obligatoria. Præterea quæcumque tandem illa ſit, non ad has, ſed ad alias tantùm circumſtantias reſertur.

29. Hiſ poſitis, iterum reſpondeo argumentis iſtis, ex mente Celladei inſuperabilibus, & dico, eligentem ſententiam benignam pro regula, neſcire quidem, an operationes, quas eliciturus eſt in iſtis circumſtantiis, ſint materialiter juxta, an contra aliquam Dei voluntatem dubiam & incertam; quæ, ſi ſit, alias prorſus circumſtantias reſpicit, ideoque in hoc ſe caſui committere, quia impoſſibile eſt, ut extra casualitatem illam ſe ponat. Scit tamen, & abſolutè reputat, ſe in iſtis circumſtantiis operando non acturum contra ullam legem prohibentem opus hîc & nunc, ſed in omni opere ſuo ſecuturum legem verè permittentem opus in iſtis circumſtantiis. Non ergò peccat, qui talem regulam eligit, quia ipſe in omnibus vult obedire veris legibus vim legis habentibus, quamvis caſui ſe committat, ut materialiter agat juxta vel contra legem grammaticaliter ſumptam, quæ hîc & nunc vim legis non exerit, quæque ſi detur, reſpicit hoc objectum non in hiſ, ſed in aliis circumſtantiis, ut videre eſt in poſſeſſore bonæ fidei, qui in caſu paris probabilis ideo retinet rem, quam poſſidet, quia in pari cauſa melior eſt conditio poſſidentis.

Celladeus
confundit
legem gram-
maticaliter
ſumptam
cum lege
verè hîc
& nunc obli-
gantem.

Alia ſoliti-
& clara
ſolutio argu-
mentis, quod
Celladeus
judicat eſſe
inſolubile.

QUÆSTIO TRIGESIMA- SEPTIMA.

Quanam sit exacta definitio probabilitatis?

Cor. quæ-
stio hæc in-
stituatur?

EGO veram essentiam, propriam notionem, ac exactam veræ probabilitatis definitionem fusè exposui *quæst. 2. de Consc. prob.* atque per omnia secutus sum Philosophum, duplicemque illius definitionem, quarum altera intrinsecam, altera extrinsecam probabilitatem complectitur, explanavi, illisque inherens propriam ac essentialem probabilitatis notionem elicui. Si Celladeus quæstionem illam legisset, non conquestus fuisset *lib. 2. quæst. 16. §. 1.* neminem, præter unum Cardinalem Pallavicinum, hoc tempore, in quo tam acriter de probabilitibus disputatur, ex mente Philosophi, sæpius & exactè de probabilitibus agentis, naturam & essentiam probabilitatis explicare conatum esse. Non opus est, ut repetam quæ ibi fusè tradidi; nihilominus quæstionem istam eo fine iterum instituam, ut Celladeum comiter, dictaque ipsius, quæ legitima sunt ac vera, pro veris admittam; quæ autem à vero aberrant, erroris redarguam.

ASSERTIO PRIMA.

Propositum sit ex Celladeo ea in medium afferre, per quæ Aristoteles probabile explicavit.

Probabile 2.
declaratur
ex Aristote-
le in Logi-
cis.

ARISTOTELES, inquit Celladeus, *libro 2. Prior. cap. 27.* vel apud alios 28. hæc habet. *Sed etiam est propositio probabilis; quod enim ut in pluribus sciunt sic factum vel non factum, aut esse vel non esse, hoc est etiam: ut in odire invidentes, vel diligere amantes.* Sensus horum est, quod propositio probabilis sit, quæ enunciat illud, quod in pluribus evenire solet, ut amantes diligere, & invidios odire.

Item in
Ethicis.

3. Rursus *lib. 3. Ethicorum cap. 5.* hæc habet. *Consultatio autem de illis est, quæ ut plurimum quidem sunt, incertæ tamen sunt, quomodo evadant.* Hoc in loco Philosophus non nominat probabile; nihilominus alludit ad probabilia, ad quæ aut per consultationem, aut per conclusionem deductivam pervenimus.

Demum in
Rhetori-
cis.

4. Tercio, *1. Rhetor. cap. 2.* apertius ac magis signatè loquens de probabilitibus, eorumque naturam exponens, hæc habet. *Probabile namque est, quod ferè semper fieri solet, verum non simpliciter, ut quidam definiunt, sed quod in illis, quæ contingit aliter se habere, sic se habet ad illud quod est probabile, sicut universale ad particulare.* Ex his Aristotelis locis Philosophi communiter definiunt, *Probabile esse quod plerumque contingit.* Quæ est definitio probabilitatis intrinsecæ in ipsis objectis fundatæ: & ad hanc probabilitatem respicit regula illa 44. ju-

ri in 6. *Inspicimus in obscuris, quod est verissimum, vel quod plerumque fieri consuevit.* Hæc Celladeus.

5. Has Aristotelis propositiones, postremam præsertim, ita explicat Celladeus, ut nolit quidquam esse probabile, nisi in suo esse sit contingens; quia quæ necessariò sunt talia, vel sunt prima principia evidentia, vel sunt scibilia & demonstrabilia. De necessariis autem contendit, illa esse solùm probabilia quoad nos cum fundamento in re, quatenus probantur non per medium scientificum, sed per medium probabile, quod quidem aliter se potest habere, tamen ferè semper ita se habet.

Secundò, vult, ut ex contingentibus illud solùm sit probabile, quod ferè semper contingit; sic enim verbis Philosophi exactius insistit.

Tercio, contendit, hæc ad probabilitatem non sufficere, sed ulteriùs requiri, ut medium, assumptum ad probationem, sit universalis objecto, ad quod probandum assumitur. De singulis istis fusè tractat, per quæ putat, se ipsam probabilitatis intrinsecæ naturam, ex rei veritate, atque etiam ex mente Philosophi tradidisse. Ego verò omnia ista aut falsa, aut correctione digna invenio. Sit ergò

ASSERTIO II.

Nisi quæstio fiat de nomine, multa necessaria sunt tam propriè probabilia, quàm quævis contingentia; idque tam quoad se, quàm quoad nos.

6. **P**ROBATUR. Innumeræ quæstiones tam in Theologia quàm in Philosophia repertiuntur, de quibus absolutum iudicium formamus, non scientificum, sed solùm opinativum. At omnes, aut certè ferè omnes illarum materiarum sunt res, quæ non possunt aliter se habere. Ergò res necessariæ, quæque aliter se habere non possunt, tam sunt objecta opinabilia, quàm scibilia. Rursus plurima istorum motivis valdè rationabilibus, multum prævalentibus, ac veris comprobantur. Ergò sunt, non utcumque, non temerè, sed prudenter, & maturè opinabilia. Ergò sunt probabilia, quia omne incertum, prudenter ac maturè opinabile, est etiam probabile, ut omnes & fatentur, & supponunt. Ergò multa objecta necessaria, propriè loquendo, sunt probabilia, nec quisquam de hoc dubitabit, nisi Philosophorum ac Theologorum omnium unanimem sensum in usu termini *Probabile* in dubium revocaret, & condemnaret; ac deinde ineptam de nomine quæstionem instituerit; quia certum est, omnes unanimiter huiusmodi opiniones vocare probabiles, nec

Quomodo
Celladeus
ex his expli-
cet probabi-
le?

Necessaria
tam propriè
sunt proba-
bilis, quàm
contingen-
tia.

nec vel per umbram insinuant, se aut improprie loqui, aut supponere, terminos illos in strictiori significatione usurpari posse. Quin Celladeus ipse §. 2. expresse asserit, *omne probabile esse opinabile, & omne absolute & simpliciter opinabile esse probabile*. Quod assertum quoad primam partem verum est, quoad secundam verò est nimium; quia omnes haereses sunt opinabiles, cum innumeros sectatores habeant, quae tamen omnes sunt prorsus improbabiles. Idem dico de omni iudicio ac opinione temere concepta; objectum enim talium actuum est opinabile, alioquin opinio de illis elici nequaquam posset. At objectum illarum non est probabile. Demum opinio & opinabile sunt immediate correlativa. At opinio ex omnium sententia dividitur in temerariam, & bene fundatam, seu in improbabilem & probabilem. Ergo opinabile eandem subit divisionem, & aliud est probabile, aliud improbabile. Ergo non omne opinabile est probabile, sed illud solum, quod prudenti ac rationabili fundamento nititur.

Celladei error;

7. Scio, Celladeum torquere terminos, ut supposititiam suam de probabilitate opinionem, per solam veritatem realem omnia explicantem, fulciat. Dicit enim, huiusmodi objecta non esse opinabilia simpliciter, sed solum secundum quid; scilicet ex errore vel ignorantia; nam sicut haec consequentia in credibilibus non valet. *Hoc actu creditur. Ergo est credibile*, quia multi ex simplicitate, ignorantia, vel errore credunt incredibilia; ita pariter similis consequentia non valet in opinabili, quia multi eisdem de causis opinantur inopinabilia. Verum haec omnia contra apertam veritatem dicuntur; impossibile enim est, ut simpliciter incredibile credatur, aut inopinabile affirmetur, aut non cognoscibile cognoscatur; quia termini isti sunt prorsus oppositi & inconiungibiles. Itaque quando dicimus incredibilia credi, sensus est, ea credi ab aliquibus, quae aliis sunt incredibilia; aut ea ex passione ac temeritate credi, quae prudenter credi non possent, si omnia inspicerentur. Ceterum quicquid creditur aut affirmatur, haud dubie est simpliciter credibile & affirmabile. Nec obstat, illud credi ex errore aut simplicitate; nam undecumque tandem appareat motivum, propter quod aliquid creditur, motivum illud reddit objectum credibile, cum sine motivo nil credi possit, quod proinde per motivum illud redditur credibile.

Inopinabile potest credi opinabile.

8. Dices cum Celladeo. Multa videntur nobis certa & evidenter, quae tamen nec certa sunt, nec evidenter. Ergo pariter multa videntur probabilia ac opinabilia, quae verè talia non sunt, sed solum nobis apparent talia.

Respondeo, transeat totum, quia sicut reflexè errare possumus circa certitudinem & evidentiam, ita pariter & circa probabilitatem existimando motivum aliquod sufficere ad prudentem assensum, quod ad illud non sufficit. Et idem valet de opinabili. Sic si aliquis reflexè crederet, se posse opinari aliquid sine ullo motivo, deciperetur circa opinabile, quia objectum sine motivo videretur illi opinabile, cum tamen opinabile non sit absque motivo; nemo enim quidquam opinatur sine motivo. At si opinatur, aut actu credit, evidens tunc est, objectum illud non fictè & apparenter, sed verè & proprie fuisse credibile & opinabile. Itaque Celladeus haud dubie errat, dum asserit probabile converti cum opinabili; ratio est, quia longè plus requiritur ad probabiliter opinandum, quam ad opinandum simpli-

citer, ut omnes tradunt. Sed Celladeus contentus non est, nisi in omnibus ferme sit singularis, & ideo nil mirum si in omnibus ferme à veritate recedat.

9. Stet ergo certum esse, quod multa necessaria tam proprie sint probabilia, quam quævis contingentia. Nec hoc in dubium vocari potest, nisi quaestio fiat de nomine, & quis ex proprio cerebro contra omnes loqui velit. Jam autem quod ea sint non solum quoad nos, sed etiam quoad se probabilia, probatur, quia non est magis certum quoad se quod ecclipsis Lunae futura sit tali die, quam quod Petrus cras sit peccaturus, quia Deus immediate ac certissime videt omnia ejusmodi in seipsis. Itaque tota diversitas est quoad nos, qui non habemus fundamenta sciendi nisi alterum. Præterea denominatio certi & probabilis est relativa ad cognoscentem. Nam Deo, aut aliis omnia intuitivè videntibus, nil est probabile. Ergo quicquid ita excedit captum nostrum, ut à nobis certè sciri non possit; illud, si medio verè probabili comprobetur, tam quoad se quam quoad nos erit probabile. Quoad se quidem, quia non ficto, sed medio verè probabili innoscitur, nec melius nobis innoscere potest. Quoad nos verò quia ita illud nobis innoscitur per hoc medium, ut aliâ meliori ratione ad illius notitiam pervenire non possimus.

Necessaria sunt verè probabilia, tam quoad se, quam quoad nos;

ASSERTIO III.

Incongruum est definire, probabile esse illud quod ferè semper contingit, si voces strictè accipiantur.

Probabile non rectè definitur, quod ferè semper contingit.

10. **PROBATUR.** Illa est definitio incongrua, quae non satisfacit quaerenti, quid res sit, sed relinquit ultimam ejus differentiam dubiam, & adhuc investigandam. Talis esset definitio hominis, si diceret, homo est animal habens differentiam valde præclaram, quia differentia adhuc manet quaerenda, nec satisfacit intellectui, donec illa sine ambagibus expresse declaratur. At talis est definitio dicens, *probabile est quod ferè semper contingit*, si voces proprie sumantur; quia particula illa, *ferè semper contingit*, quae exprimit differentiam rei definitæ, non habet sensum determinatum, nec satisfacit intellectui, quia magna laetudo est in verborum illorum significatione; nam ferè semper evenit, homines hisce temporibus mori ante annum 150. suæ ætatis, & tamen oppositum aliquando contingit. Quæritur ergo, ut determinetur, quæ & qualis frequentia & infrequentia requiratur in proportionem contingentiae & non contingentiae? An talis, qualem habemus in exemplo proxime posito? an major, an minor infrequentia requiratur & sufficiat? Immo, nisi determinatè explicetur, quæ & quanta frequentia & infrequentia determinatè includatur & excludatur, definitio est vitiosa. Ergo incongruum est definire probabile hoc modo, si voces strictè accipiantur, ut Celladeus contendit illas accipi debere.

Ratio 1.

11. Probatur secundò. Quæritur definitio opinionis probabilis, per quam scire possimus, an aliqua opinio sit probabilis necne? omnis enim alia definitio est inutilis, & inepta ad finem præsentis Tractatus. Sed hæc explicatio non est ejusmodi, quia eâ instructi scire non possumus in particulari, an objectum huius opinionis ferè semper contingat, idque non solum propter

indeterminationem termini *ferè semper* jam explicatam, sed etiam propter ipsam naturam rei, de qua quaeritur; illa enim sæpè talis est, ut aut semper, aut nunquam contingat. Ergò non possum certò scire, quod aliquando contingat, nisi certò sciam, quod semper & necessariò contingat. At hoc secundùm certò scire non possum. Ergò nec primum. Ergo ex vi hujus definitionis non possum certò scire, an opinio sit probabilis. Ergò definitio est inutilis & inepta ad finem intentum, si verba accipiantur ut jacent.

Ratio 3.

12. Probatur tertio. Multa etiam inter contingentia sunt probabilia, quæ tamen semper contingunt, seu quæ nunquam non contingunt in sensu, quo proferuntur. Tales sunt istæ propositiones. *Nullus Pater hujus pagi hodie occidet suum infantem. Aliquis hujus pagi mentietur intra bi-*

Multa contingentia sunt probabilia, quæ semper contingunt.

Multa item sunt contingentia, quæ nunquam contingunt.

Item multa, quæ uno solum modo & semel contingunt.

duum &c. Dixi etiam inter contingentia, quia de necessariis res est prorsus indubitata ex secunda assertionem. Rursus multa tam contingentia quàm necessaria sunt probabilia, quæ nunquam contingunt. De necessariis constat ex eadem assert. 2. de contingentibus patet, quia probabile est Petrum hîc & nunc loquentem non me decipere; quod tamen est falsum, & nunquam contingit esse verum, quia objectum est particulare individuum, quod semel tantum & uno modo contingit. Ergò definitio non complectitur omnia probabilia. Et sanè cum non solum præmissæ, sed etiam conclusio sit probabilis; imò conclusio maxime propriè sit & dicatur probabilis, procul dubio definitio illa bona non est, quæ omnes conclusiones probabiles non comprehendit. Hæc autem evidentissimè non comprehendit omnes, quia innumera sunt de materia necessaria, quæ aut semper aut nunquam contingunt; aliæ versantur circa individua peculiaria, quæ semel tantum & uno modo contingunt; & talia sunt potissima, de quibus prudentia per consultationem discurret, ut in solvendis peculiaribus conscientiæ casibus v.g. an hîc & nunc vovens habuerit intentionem se obligandi, & alia innumera ejusmodi, quæ solum uno modo se habent, nec aliter & aliter contingunt. Idem dico de conclusionibus artis, ut quando medicus infert Calliam hîc & nunc tali morbo laborare &c. Hæc enim omnia uno tantum modo contingunt, ideoque dicere de illis quòd plerumque contingant, vel falsum est, si nunquam ita se habent, vel de subiecto non supponente, si ita se habeant.

Multa plerumque contingunt, quæ non ferè semper eveniunt.

13. Demùm certissimum est, multa plerumque contingere, & eo nomine esse probabilia, de quibus etiam certum est, quod non ferè semper contingant, sed satis frequenter non eveniant. Talia sunt, quod non decipiar ab hominibus ferò mecum tractantibus; non enim ferè semper non fallunt, sed satis frequenter mentiuntur; quia tamen plerumque non mentiuntur, ideo illis prudenter, seu probabiliter credo: quod enim plerumque ita se habet est probabile, etsi non ferè semper ita se habeat.

14. Dices. Nòne Aristoteles expressè definit probabile esse, quod ferè semper contingit? Quomodò ergò audemus Celladeum, Aristotelis auctoritate munitum, impugnare?

Celladeus non videtur rectè citare Philosophum.

Respondeo Celladeum minùs fideliter citasse Aristotelem, dum dicit, illum lib. 1. *Rhetor. cap. 2.* definitivè probabile esse, *quod ferè semper contingit*, cum ibi solum dixerit, *probabile est, quod plerumque sit*, ita enim habet versio latina, qua utor, Lutetiæ Parisiorum anno 1619. typis regis impressa, & græca vox *πιπτονολο*, quæ Philosophus

seipsum exprimit, strictè ac propriè non significat *ferè semper*, sed dumtaxat *plerumque*, seu ad litteram in multis, aut ad summum in pluribus, ut græcæ linguæ mediocriter peritis est notorium. Afferat ergò Celladeus Interpretem, apud quem lectionem hanc invenit, ne in re summi momenti sensum Philosophi alterasse videatur. Certè quoad præsentem quaestionem summi momenti est scire, Aristotelem & antiquos non requisivisse ad probabilitatem, ut ferè semper res ita se habeat, seu ut non nisi in casu rarissimo (est hæc alia Celladei expressio) contingat rem aliter se habere, sed judicasse ea esse probabilia, quæ plerumque eveniunt.

15. Itaque Aristoteles in omnibus istis locis reipia idem exprimit, illudque dicit esse probabile, quod plerumque contingit. Nec alia est diversitas, nisi quod in *Rhetoricis* & in lib. *priorum* utatur termino positivo *πιπτονολο*, cum in aliis locis suorum operum utatur termino comparativo *πι τὸ πλῶν*; certissimè autem constat, terni inum illum comparativum nec solere, nec posse, nec debere aliter verti, quàm *plerumque*, seu ut in pluribus. Ergò absurdissimum est, positivum ipsum *πιπτονολο* vertere *ferè semper*, quod vix convenit superlativo *πι τὸ πλεον*, quod aliud non significat, quàm ut *Plurimum*, seu in plurimum. Tantum ergò abest, ut locus ille ex *Rhetoricis* majorem frequentiam significet, quàm alii textus, qui de plerumque contingentibus loquuntur, ut certum sit, quod magis positivam significationem habeat & sensum magis restrictum, quàm phrasæ, quas in aliis locis Philosophus adhibet, ad significandum id, quod plerumque evenit. Nec dubium, quin hæc vera sint, si termini in propria ac pressa significatione accipiantur, in qua sola Philosophi, qui propriè ac presè loquuntur, eas accipiunt. Verùm hoc non obstat, quòd minùs Poëtæ & Rhetores eisdem terminis in sensu ampliori utantur, & positivum aut comparativum aliquando adhibeant pro superlativo, sicut frequenter utuntur superlativo, ut positivum cum majori energia significant. Et hoc modo dubitandum non est, quin terminus *πιπτονολο*, aliquando sumatur pro superlativo, & significet ut *plurimum*, seu in plurimum, vel etiam, si velis, *ferè semper*. Sed hoc nil facit ad præsens institutum, & ad propriam & strictam significationem vocum, quatenus à Philosophis, & maxime ab Aristotele, qui strictissimè loquuntur, adhiberi solent.

16. Neque tamen ita intelligendus est Philosophus, quasi dicat sola contingentia esse posse probabilia; & ex contingentibus ea dumtaxat, quæ cum aliquando eveniant aliquando non eveniant, plerumque contingunt, ut Celladeus arbitratur; hoc enim certò falsum est, nec quisquam melius novit sensum Aristotelis, quàm Aristoteles ipse. Ipse autem 1. *Post. cap. 24.* postquam docuerat, scientiam de necessariis, quibus repugnat aliter se habere, & opinionem de iis, quæ possunt aliter contingere, objicit sibi contra hanc doctrinam, unum habere opinionem de eadem re, de qua alius scientiam habet, quo stante, sequitur, vel scientiam esse de contingentibus, vel opinionem de necessariis. Huic argumento respondens Philosophus, admittit antecedens ut indubitatum, sed negat consequentiam, quia res necessaria aliter apparet scienti, aliter opinanti. Scienti ex vi medii scientifici repræsentatur tanquam non potens aliter se habere. Opinanti autem ex vi medii opinativi non apparet tanquam non potens aliter se habere, sed vel formaliter, vel

Aristoteles ubiq; idem dicit de probabilibus.

Aristoteles tenet necessariæ esse verè probabilis.

vel æquivalenter apparet intellectui ut contingens, seu ut, quantum scimus, potens aliter se habere. Ex quo solum sequitur, idem non posse simul esse scitum & opinativum respectu ejusdem intellectus; quod Aristoteles ex professo tradit esse verissimum.

Celladeus 17. Hinc habemus, realem contingentiam objecti non requiri ab Aristotele, ut opinionem terminet, sed apparentem ex vi motivi opinativi, & ex modo representandi sufficere. Certum enim est, eum admittere opinionem veram, ac bene fundatam de rebus, quæ in seipsis necessariæ sunt, modò quoad nos sint contingentes, & appareant lumine non certificante nos, quod ita se habeant. Ergò dicere, nullas res necessarias, sed solum res realiter contingentes esse probabiles, apertè repugnat Aristoteli. Cui proinde Celladeus contrariatur, dum veram probabilitatem rebus dumtaxat contingentibus tribuendam esse docet.

Definitio 18. Itaque si quis crudè insistat terminis, quibus Aristoteles locis citatis probabile exponit, illosque non aliter intelligi velit, quàm ut ex primo auditu sonant, vel dicendum erit, eum non intendisse definire omnia probabilia, sed solum ea, quæ sumuntur ut principia, ex quibus probabiliter discurremus, quæque proinde sunt magis notoria, & ab omnibus sciuntur, ideoque sunt primum analogatum, ad quod respicimus, quando declaramus aliquid esse probabile. Hæc autem interpretatio in eo fundari potest, quòd definierit probabile, quo Rhetores in suis argumentis utuntur. Rhetores autem circa facta peculiariora versari solent, quæ aptius probari non possunt, quàm ex eo, quod omnes norunt plerumque contingere: vel certè definitio ista aliter intelligenda est, quàm primo aspectu apparet, modò admittatur esse generalis definitio omnium probabilium. Ego illam, ut universalem, ac prorsus legitimam amplector, sed simul ex indubitata Philosophi mente dico, illam ita intelligendam esse, ut frequentior rei contingentia desumenda non sit ab objecto materiali, quod denominatur probabile; hoc enim sæpius est prorsus necessarium, & non potest aliter se habere: sæpè est singulare, & uno tantum modo contingit se habere, quod proinde non est capax denominationis in definitione positæ. Itaque definitio hæc præse solum convenit probabili formaliter sumpto, quatenus reduplicat apparentiam, per quam constituitur probabile, ut sensus sit, illud est probabile, quod tantà verisimilitudine representatur, ut plerumque eveniant, quæ sub æquali veritatis apparentia representantur, quamvis non sit necesse, omnia tali apparentiæ representata esse vera, sed aliquando contingat ea esse falsa. Itaque forma concreti *Probabile* potissimè explicatur in hac definitione, & explicatur quidem in ordine ad terminum, quem unaquæque probabilitas ex vi suæ magnitudinis vagè exigit poni in plorisque. Quamvis enim aliqua peculiaris probabilitas hic & nunc à veritate aberraret, illa tamen ex vi suæ magnitudinis est necessitas vaga, ut quæ pari verisimilitudine representantur, plerumque contingant. Nec dubium, quin Aristoteles ad vim & magnitudinem hujus representationis potissimè respexerit, tum quia verba ipsa id satis expressè insinuant, tum quia expressè admittit probabilitatem de necessariis, quæ etsi sint necessaria in se, non tamen apparent ut prorsus necessaria, sed potius exercitiè representantur, ut potentia aliter se habere, quantum est ex vi luminis quo representantur, quæ ideo sunt probabilia

19. Hinc apparet, cur Aristoteles dixerit, non sufficere ad probabile, quod simpliciter plerumque ita se habeat, ut aliqui dicebant. Ratio est, quia hæc expressio, ut jacet, convenit omnibus evidentibus, quæ non sunt probabilia. Itaque ad probabilitatem requiritur ulterius, ut sit de iis, quæ possunt aliter se habere, quantum est ex vi luminis, quo representantur. Atque hinc omne probabile determinatum comparatur ad terminum proprium apparentiæ probabilis, tanquam singulare ad universale. Terminus enim, in ordine ad quem apparentia probabilis explicatur, est tota collectio rerum sub æquali verisimilitudine apparentium, quæ collectio est universale respectu ullius objecti particularis, ut patet. Et hoc planè coincidit cum eo quod Aristoteles dicit 1. *Rhetor cap. 2.* jam citato. *Probabile est, quod plerumque fit, non tamen simpliciter, ut quidam definiunt, sed quod in iis, quæ contingit aliter se habere, sit se habet ad illud, ad quod est probabile, sicut universale ad particulare.* Hic textus, junctus doctrinæ ex 1. *Post. cap. 24.* allatæ, & reliquis ponderationibus, convincit, definitionem Aristotelis à nobis hæc rite explicatam esse; Philosophumque haud dubiè nobiscum sentire in assertionibus hæc quæstione hæcenus stabilitis. Præterea, si universaliter loquamur, ut nunc loquimur, res probabilis, seu id quod representatur lumine magno sed incerto, non potest comparari ad suum motivum, tanquam singulare ad universale, eâ ratione quàm Celladeus indicat, aut ullâ aliâ præter illam, quam jam insinuavi, ut ex assertionem sequenti constabit.

ASSERTIO IV.

Ad probabilitatem conclusionis non est necesse, ut motivum, quo probatur, sit universalius conclusione. Seu ut antecedens comparatur ad consequens quod probat, tanquam universale ad particulare, in sensu quem Celladeus proposuit.

20. **P**ROBATUR primò. Motivum, ex quo conclusio deducitur, non est sola major aut minor, sed utraque præmissa, per modum unius sumpta, est proprium motivum conclusionis, seu proprium antecedens, ex quo consequens deducitur, sed hoc complexum non magis latè patet, quàm ipsum consequens, nec comparatur ad illud tanquam universale ad particulare, quia termini consequentis positi in præmissis ita limitant sensum illarum propositionum, ut illæ simul sumptæ non possint applicari alteri, quàm consequenti, ut patet. Ergò, præse loquendo, motivum conclusionis probabilis non potest esse universalius ipsâ conclusione. Verum quidem est medium terminum, solitariè sumptum, solere habere sensum universaliorem, quàm aliquis ex terminis positus in conclusione: sed hoc non est ad rem: nam medius terminus solitariè sumptus, nec est motivum conclusionis, nec antecedens ex quo infertur consequens nec medium, quo intellectus propriè utitur ad faciendam illationem, sed hoc motivum, & hoc antecedens est medius terminus actu in præmissis distributus. At ut si: distributus non magis latè patet quàm consequens. Idem valet de principio universaliori, si aliquando adhibeatur in præmissis; illud enim secundum se est universalius conclusione; at secundum se non est motivum, aut medium sufficiens ad inferendam conclusionem, nec compa-

Plerumque contingere non sufficit ad probabile.

Motivum conclusionis probabilis non est necessarius universalis ipsâ conclusione.

comparatur cum consequente tanquam universale cum particulari, quia nisi minor accedat, non magis apparet connexum quam non connexum cum consequente. At accedente minore, jam prout refertur ad consequens, non est universalius consequente, quod erat probandum.

Idem probatur exemplo.

21. Probatur secundò. Consideretur iste syllogismus, *Omnes matres hujus pagi amant suos filios: sed omnes feminae, quas video praesentes in agro, sunt matres hujus pagi. Ergo omnes feminae, quas video praesentes in agro, amant suos filios.* Hæc conclusio est tam universalis quam major, aut minor, maxime si contingat omnes matres pagi esse praesentes, quod facile fieri potest, & à me certò dignosci. Hinc autem sic arguo. Hoc consequens est probabile, & legitime inferitur à præmissis. Atqui medium assumptum ad probandum hoc consequens non magis latè patet, quam ipsum consequens. Ergò falsum est, quòd medium, ex quo consequens probabile legitime inferitur, debeat esse universalius ipso consequente, & comparari ad illud tanquam universale ad particulare. Ratio à priori est ista. Nullum est principium universale probabile, quod non habeat aliquod aliud prædicatum contingens aut necessarium, æquè latè patens secum connexum. Sumatur hoc principium universalissimum. *Omnes parentes amant suos filios.* Jam plura inveniri possunt prædicata æquè latè patentia, ac terminus omnes parentes. Talis esset ista minor, *sed omnes, de quibus nunc cogitas, sunt parentes*, qui terminus potest omnes omninò parentes complecti & neminem alium. Unde legitime inferitur, *ergo omnes, de quibus cogitas, amant suos filios.* Consequentia hæc est æquè universalis ac major vel minor, ut patet. Jam major est solum probabilis, quia est principium probabile. Minor potest esse certa & evidens aliunde. Ergò conclusio, quæ sequitur debiliorem partem, est probabilis; & quidem eundem planè gradum probabilitatis obtinet cum majore; quia cum minor sit evidens, nulla est defectibilitas aut periculum erroris in illa. Ergò eadem prorsus est defectibilitas in majore & in consequenti. Ergò utrumque est prorsus æquè verisimile, ac probabile.

Triplex error Celladei.

22. Ex hætenus dictis constat, Celladeum errasse in tribus illis requisitis, quæ tanquam maxime necessaria & essentialia pro natura probabilitatis declaranda proposuit. Rejctis ergò præliminaribus ipsius, superest, ut novam & inauditam ipsius de natura probabilitatis opinionem falsitatis redarguam, quod sequenti assertione præstare conabor.

ASSERTIO V.

Ab absurdum est dicere cum Celladeo, ac definire, illud solum esse verè probabile, quod ita probatur argumento plerumque immò ferè semper non fallente, ut etiam hinc & nunc argumento non fallente probetur; atque ideo nil falsum esse probabile, nisi secundum dici & sophisticè.

Probabilitas d. finitio à Celladeo tradita.

SEU QUOD IN IDEM RECIDIT

Ab absurdum est dicere, illa sola fundamenta esse verè gravia, magna, fundata, rationabilia, prudentia, seu probabilia, quæ ita ferè nunquam fallunt, ut etiam hinc & nunc jungantur cum veritate rei in se. Reliqua esse solum talia apparenter, sophisticè, & quoad nos, & esse reipsa vana, sophistica, & improbabilia.

23. **P**ROBATUR Assertio, quæ diametraliter opponitur definitioni & explicationi veræ à Celladeo propositæ. Probatur autem sic. Inprimis omnes cum Aristotele uno ore fatentur, multa falsa esse probabilia, & probabiliora veris. Nec quisquam eorum per umbram significavit, ea verè non esse, sed solum existimari probabilia. Secundò ex dictis *quæst. 29. num. 2.* certò constat, multa falsa esse propriè probabilia. Tertiò, omnes uno ore fatentur, probabilitatem posse certò innotescere, etsi veritas lateat. At hoc verum non esset, si nulla daretur vera & realis probabilitas, nisi quando objectum ita se haberet, sicut repræsentatur à probabilitate; eo enim admissio, probabilitas certò sciri non posset, nisi veritas etiam certò innotesceret. Quarto, omnes, qui præsentem quæstionem instituunt, eò collimant, ut regulam proponant, quam homines tutà conscientia sequantur. Dicunt autem, hanc regulam esse opinionem certò practicè probabilem. Ergò omnes consent, probabilitatem posse certò innotescere, alioquin non regulam, seu regulam indiscernibilem, pro regula proponerent, quo nil absurdius dici potest. At absurdum est contra veritates adeo contestatas opinari, Ergò absurda prorsus est allata opinio ac definitio Celladei, qui veram probabilitatem per rei propositæ veritatem definit, juxta dicta in assertione. Ex eo etiam absurditatis & falsitatis convincitur, quòd non regulam proponat pro regula; asserit enim verum probabile ita regulandæ conscientia sufficere, ut probabile solum apparens, utpote vanum & merè sophisticum non sufficiat, nec sit regula. At verum probabile discerni nequit per ipsum, cum veritas nequeat discerni: ergò non regulam proponit pro regula, cum regula discerni debeat, ut per eam alia regulentur. Ergò Celladeus rem non solum reipsa, sed etiam ex propria mente & assertione indiscernibilem ponit pro regula. Quo nil absurdius dici potest.

Falsitatis & infirmitatis convincitur.

Celladeus proponit non regulam pro regula.

Quod dictum est de probabilitate, extendi debet ad motiva gravia, rationabilia, magna &c. quia omnia ista ex omnium consensu, Celladeo etiam consentiente, dicuntur ad convertentiam cum

eum motivo probabili. Ergo eadem de utriusque verificantur. At absurdum est, quod ea, quae Celladeus proponit, applicentur probabilibus. Ergo absurdum pariter est, si motivis gravibus, magnis &c. applicentur.

Celladeus
in vocis co-
munis in-
telligentia
ab omnibus
recedit.

24. His positis, Assertio indubitata redditur, & probatur secundò, quia in definitione vocum absurdum est à communi omnium sensu recedere, & sine ullo comite propriam imaginationem, aliis omnibus repugnantem, pro legitima vocis significatione proponere. At certum est, omnes in eo convenire, quod vera probabilitas aliquando cohaereat cum falso, quod vera probabilitas certò cognosci possit, veritate rei latente, quodque proinde vera probabilitas proponi possit ut regula certò discernibilis. Ergo absurdum est in intelligentia hujus vocis à communi omnium sensu recedere, & ex propria phantasia aliam prorsus contrariam proponere. Absurda proinde est explicatio & definitio probabilitatis veræ à Celladeo proposita, quae expressè asserit, nil nisi verum esse probabile, sed omnia falsa habere probabilitatem solum phantasticam, apparentem, vanam, sophisticam, nullam. Stat ergo hanc Celladei definitionem & falsam esse, & insufficientem. Falsa est, quia exponit sensum vocis communis contra usum, sensum, & consensum omnium. Ergo patenter aberrat. Est insufficientis, quia non regulam, seu regulam indiscernibilem proponit pro regula. Errat etiam ex alio capite, quia illud solum admittit pro motivo probabili, quod ferè semper connectitur cum vero, nec contentus est, quod plerumque non fallat. Hoc autem hic asser. 3. falsitatis convictum est. Quae cum ita sint, quis antiquae regulae, clarissimae, ac rationabilissimae renunciabit, ut novam regulam, non solum in omnibus particulis falsam, sed absolutè indiscernibilem amplectatur?

SOLVUNTUR OBJECTIONES.

Obiectio I. 25. **O**BJICIT primò. In syllogismo dialectico & topico nunquam assumitur medium indifferenter se habens ad verum & falsum, sed requiritur saltem, ut plerumque ita se habeat. Unde Aristoteles 2. Prior. cap. 27. (sed juxta alios 28) dicit *pallidum* non esse medium ad probandum mulierem peperisse, quia tametsi omnis, quae peperit sit pallida, non tamen omnis pallida peperit, quia satis frequens est, pallidas esse, quin pepererint. Hinc sequitur, utrumque contradictorium non posse esse simul probabile, quia pro contradictoriis nunquam est medium plerumque ita se habens. Similiter sequitur, nullum esse syllogismum illorum, qui probant chocolatem esse potum, assumendo liquidum aut calidum pro medio, quia haec media se habent ad potum & non potum, sicut pallidum ad peperisse & non peperisse. Ita Celladeus lib. 2. quaest. 16. § 1. unde videtur sequi, probabile non esse, nisi quod ferè semper fieri solet.

Responsio.

Respondeo, medium syllogismi probabilis debere quidem apparere frequentius connexum cum vero quàm cum falso, non autem requiritur, ut reipsa frequentius connectatur cum vero quàm cum falso, si sermo sit de ipso objecto, quod per illud hic & nunc est & apparet probabile, ut constat. Hinc autem è contrario clarè sequitur, utrumque contradictorium esse posse simul probabile diversis saltem intellectibus, cum duo objecta opposita inferri possint ex mediis, quorum alterum uni, alterum alteri apparet frequentius con-

nexum cum vero quàm cum falso, ut dictum est quaest. 29. Quòd si contradictoria eidem intellectui comparentur, illa etiam possunt esse simul probabilia ipsi. Hoc quomodo eveniat, fusè explicatum est quaest. 29. *jacentatà*, & idem faciliè colligitur ex expositione definitionis Aristotelicae supra num. 18. allata. Fieri enim potest, ut utraque pars contradictionis simul proponatur tantà verisimilitudine, ut unaquaeque illarum ex vi suae magnitudinis sit necessitas, ut intellectus plerumque non erret, si talem apparentiam sectetur. Quamvis ergo repugnet, intellectum simul existimare, hoc objectum peculiare ita se habere, ut utraque pars contradictionis plerumque contingat, non tamen repugnat, eundem intellectum simul judicare, apparentiam utriusque partis postulare veritatem frequentius connecti cum apparentia tantae magnitudinis. At per hoc utraque pars simul constituitur probabilis respectu ejusdem intellectus. Porro Celladeus & Cardinalis Pallavicinus, quem hic citat, in eo errasse videntur, quòd cum adverterent, utramque contradictionis partem, nec in re, nec in mente nostra posse simul plerumque contingere, intulerint, utramque non posse esse simul probabilem eidem intellectui, cum definitio probabilis utrique simul non conveniat. Verum decepti sunt tribuendo id objecto materiali, seu subjecto concreti *probabile*, quod soli formae convenit; quae si distinxissent, vidissent utique, quòd sicut probabilitas unius partis determinatè sumptae non sumitur à frequentiori contingencia illius partis, sed solum à frequentiore connexionione veritatis cum magnitudine apparentiae, sub qua repraesentatur; ita pariter utriusque partis probabilitas non à prima, quae dari nequit, sed à secunda, quae dari potest, & sapissimè datur, desumitur. Hæc cogitet Lector, & videbit, utramque partem contradictionis simul esse posse verè probabilem, & talem uni eidemque intellectui apparere.

Quomodo
utraq; pars
contradictio-
nis sit simul
probabilis
eidem intel-
lectui?

26. Interim Celladeus haud fideliter citat Aristotelem, quia Philosophus eundem loco illo non dicit, quàm quòd *pallidum* non sit medium aptum ad probandum in secunda figura, feminam uterum gestare. Nam quòd omnis uterum gestans sit pallida, & hæc sit pallida, non sequitur uterum gestare; quod verissimum est, quia nulla conclusio affirmativa legitime sequitur in secunda figura. Neque quidquam ibi dicitur de frequentia magna aut parva, quòd pallidæ uterum non gestent; quare illa omnia à Celladeo assuta sunt, quasi Aristoteles illo loco ea diceret, de quibus ne quidem somniavit. Cæterum si sapius contingeret, pallidas gestare quàm non gestare uterum, haud dubiè Aristoteles non negasset ex pallore probabiliter inferri gestationem uteri in prima figura, quamvis sæpè contingeret pallidas non gestare uterum; quia ubique in illis libris aliud non requirit ad medium probabile, quàm quòd plerumque contingat, nec ullibi insinuat, quòd quævis probabilia debeant rarissimè aliter se habere.

Celladeus
minus fide-
liter citat
Aristotelem.

27. Atque hinc etiam sequitur, Celladeum immeritò carpere Theologos, qui ex *liquido*, aut *calido* tanquam ex medio probant chocolatem esse potum, tum quia ex Aristotele solum sequitur, talia prædicata non esse media ad illam conclusionem affirmativam legitime probandam in secunda figura. At quid inde? an ideo non sunt media apta ad illam probandam in aliis figuris? Nugæ. Præterea, non satis est Celladeo, si dicat, liquidum ita prorsus se habere ad potum, sicut pallidum ad gestare uterum. Est, fateor, aliqua simili-

Celladeus
immeritò
carpit Theo-
logos quasi
malè argu-
ta.

Et ipse In-
consequen-
ter arguit.

similitudo; sed nisi probet, liquidum non magis connecti cum potu, quam pallidum cum gestatione uteri, illatio contra Theologos, quos ibi carpit, est prorsus nulla. At certum videtur, longè majorem connexionem esse inter liquidum, ab homine cibi aptum, & potum propriè dictum, quam inter pallidum & uterum gestare. Unde prima consequentia esse potest probabilis, quamvis secunda non sit. Præterea Theologi non ex uno solum prædicato, sed ex multis simul sumptis inferre possunt chocolatem esse potum, & conclusio erit probabilis, quamvis illa ex singulis seorsim probabiliter inferri nequeat, sicut ex pallidum cum alio signo probabiliter infertur gestatio uteri, quamvis illa ex neutro solo probabiliter inferri possit. Hæc dicta sunt ad inconsequentiam Celladei redarguendam, non ad affirmandum chocolatem esse potum, quia ego, qui tali potioni non assuevi, nec rem examinavi, de tali re iudicium non ferò. Cæterum hinc constat, ultimam illationem argumenti nullatenus sequi ex præmissis, quæ aut falsæ sunt, aut certè inconnexæ cum eo, quod nil sit probabile, nisi ferè semper contingat.

Obiectio 1. 28. Obiecit secundò. Probabile simpliciter dictum coincidit cum opinabili simpliciter dicto. At quæ æqualiter se habent ad verum & falsum non sunt opinabilia; qualia sunt omnia æquè probabilia. Ergò nil ejusmodi est probabile. Rursus si aliquid parum magis se habet ad verum quam ad falsum, erit suspicabile quidem, aut conjecturabile, non autem opinabile. Ergò omne opinabile ita se habet ad esse, ut plerumque & ferè semper contingat. Ita Celladeus §. 2.

Probabile non coincidit cum opinabili. Respondeo juxta dicta hic *num. 8.* omne probabile esse opinabile, sed non è converso, quia multa sunt propriè opinabilia, quæ probabilia non sunt, ut ostensum est loco citato. Quòd autem ait, ea non esse opinabilia, quæ æquè se habent ad verum & falsum in aliquo sensu verum est, in alio est falsum. Tunc verum est, quando hæc indifferentia consistit in negatione motivorum allicientium, tunc enim intellectus de neutra parte valet opinari; at si utraque pars per motiva æqualia representetur, intellectus ex imperio voluntatis fieri potest ad opinandum de quovis seorsim sumpto. Verùm in eo casu post affectum seu imperium voluntatis, & multò magis consequenter ad iudicium uni parti affixum, pars illa videtur verisimilior alterâ, etsi in actu primo ante dictum voluntatis affectum intellectus æqualiter prorsus traheretur ad utramque partem. Hæc omnia efficaciter probata habes in superioribus.

Omne quod magis apparet verum quam falsum est opinabile. 29. Quæ sequuntur jam soluta sunt. In primis in illis confunditur connexio realis cum connexionem solum apparente de plerumque. Hæc requiritur, illa ad probabilitatem non requiritur, ut dictum est. Celladeus autem probare debebat realem illam connexionem necessariò requiri ad probabilitatem, quod certè ex argumento non sequitur. Jam si aliquid appareat frequentius connecti cum vero, illud non solum est suspicabile, sed propriè opinabile, & multi de talibus opinantur. Quod si contendas, excessum valde exiguum, si de illo constet, non sufficere ad iudicium probabile, id non nego, quia probabilitas non desumitur ab objecto, quod proponitur, ut mox evincam, sed à modo, quo objectum proponitur. Itaque cum lumen, quo res proponitur, in hoc casu exiguum fundet spem determinati eventus, apparentia illa tanta non est, ut ex vi suæ magnitudinis plerumque conjungatur cum veritate,

ideoque non sufficienter sollicitat intellectum, ut mereatur assensum; quamvis intellectus ex imperio voluntatis temerè saltem præcipitari possit in assensum objecti sub minimo veritatis apparentis excessu. Cæterum ad assensum prudentem & probabilem sufficit; si aliquid certò appareat ut plerumque contingens ex vi illius luminis, quo representatur, quamvis objectum nec ita se habeat, nec ita videatur se habere ad verum, ut ferè nunquam à vero deficiat.

30. Est & alia æquivocatio frequens apud Celladeum, quia supponit fundamenta opinionum æquè probabilium non magis se habere ad verum, quam ad falsum, quod tamen est falsum, ut constet ex dictis *quæst. 29. & 30.* Nec opus est ibi dicta repetere.

Æquivocatio Celladei.

31. Obiecit tertio. Omnia objecta reducuntur ad tres classes. Prima classis est eorum, quæ semper ita se habent ex necessitate, qualia sunt prima principia Metaphysica ac Mathematica, & omnia ex illis demonstrata. Secunda classis est eorum, quæ semper ita se habent sine necessitate assignabili in ullo determinato individuo illius speciei, de qua propositio procedit. Ejusmodi est, omnes patres non occisuros esse suos filios &c. Tertia classis est eorum, quæ non semper ita se habent. Probabilia non continentur in duabus primis classibus, ut omnes concedunt, & supponunt. Ergò continentur solum in tertia classe. Verùm hæc tertia classis tria membra habet. Aliqua enim non magis se habent uno modo, quam alio, sed æquè frequenter contingunt non esse ita, ac esse ita. Sic in jactu aleæ se habet numerus par & impar; uterque enim æqualiter se habet, ut jaciatur, & non jaciatur, ut patet. Alia magis se habent ita quam non ita, non tamen adeo quin frequenter non ita se habeant. Alia demùm non semper, sed ferè semper ita se habent, ut senes canescere. Jam duo priora membra non continent probabilia: non primum, quia talia objecta sunt merè fortuita, casualia, ac contingentia. Non secundum, alioquin si ex centum militibus, quadraginta essent promiscuè eligendi, ut urbem aggredierentur, esset probabile Petrum non esse determinatè eligendum ad urbem aggrediendam, quod nemo prudens absolutè credet. Ergò probabile pertinet solum ad tertiam membrum, & consequenter probabilitas dumtaxat reperitur in eis, quæ ferè semper se habent uno modo. Itaque vera & realis probabilitas non aliter definiri potest, quam quòd objectum illud ferè semper ita se habeat.

Obiectio 3.

Obiectum intellectus reducitur ad tres classes.

32. Quod dictum est de hoc objecto, seu de vera probabilitate in se, æquè valet de probabilitate quoad nos: si enim objectum appareat ut semper ita se habens, existimatur certum; si ut prorsus indifferens, reputatur casuale; si parum magis inclinatum ad unum, habetur tanquam leviter suspicabile; si vero appareat ferè semper uno modo se habere, tunc est propriè opinabile ac probabile quoad nos. Ita Celladeus §. 3. qui toto §. 4. idipsum confirmat ex doctrina S. Thomæ *lib. 1. Periher. lect. 14.* ubi dicit, omnia, ex suppositione quòd ita se habeant, necessariò ita se habere. At si nulla fiat suppositio, esse rerum creaturarum est necessarium vel contingens, prout fuerit causa illius. Si enim in causa habeat totalem determinationem ad esse, dicitur necessarium; si habeat totalem determinationem ad non esse, dicitur impossibile; & hæc pertinent ad certa. Si non habeat determinationem nec adesse nec ad non esse, erit contingens, sive se habeat magis ad unum quam ad alterum, sive æqualiter ad utrumque.

Contingentia etiam ad tres classes reducuntur.

33. Idipsum

Futura tripliciter con-
noscitur in
sua causa.

33. Idipsum confirmat ex doctrina, quam Sanctus Thomas test. 12. in eundem librum tradit de futuris. Quod est in presenti habet esse in seipso, & ideo verè potest dici de eo, quod est. Sed quamdiu aliquid est futurum, nondum est in seipso, est tamen aliquantulum in sua causa. Si sic sit in sua causa, ut ex necessitate ex illa proveniat, tunc determinatè habet esse in sua causa; unde determinatè potest dici, quod erit. Si sit in causa habente inclinationem ad effectum, qua tamen impediri potest, jam determinatum est in sua causa, sed mutabiliter. Et de hoc verè dici potest, quod erit, sed non per omnimodam certitudinem. Denique aliquid est in sua causa purè impotens, qua non est magis determinata ad unum quam ad aliud: unde relinquitur quod de nullo talipotest dici, quod sit futurum, vel non sit futurum. Hanc S. Thomæ doctrinam applicat Celladeus ad suum intentum probandum hoc modo. Medium, quo probamus conclusiones, vel habet totalem determinationem ad conclusionem, & tunc generat assensum certum conclusionis. Vel medium habet inclinationem vel determinationem aliquam, non tamen totalem, sed impedibilem, & tunc verè dici potest de conclusione quod ita est, sed non per omnimodam certitudinem, & sic erit conclusio opinativa, seu dialectica. Vel medium non magis se habet ad conclusionem quam ad contrarium, & tunc de conclusione non habetur quod ita sit vel non sit, nihil enim determinatè habetur. Ergo nil est probabile, quod non subest modio plerumque ita se habenti, ut rarè & ferè nunquam deficiat.

Medium terminus tripliciter se habet ad consequens inferendum.

An sit perinde habere duo motiva æqualia, ac nullum motivum?

34. Ex eodem futurorum exemplo sequitur, perinde esse intellectui ad eliciendam conclusionem, sive habeat nullum motivum, sive habeat duo æqualia, sed sibi contradicentia. Sit homo æqualiter ambitiosus & avarus. Hic homo habet stimulos contrarios æquales, unum ad expendendum, alter ad retinendum. Profectò futura ejus donatio erit purè contingens & nobis ignota. Ergo similiter si intellectus habeat duo motiva æqualia & contraria, veritas rei propositæ erit æquè ignota, ac si nullum adesset motivum, quia non magis poterit existimare objectum illud esse verum potius quam falsum, quam possit credere hominem illum potius daturum, quam non daturum pecuniam. Ita Celladeus.

Primus Celladei error:

35. Respondeo, plurimos in dictis istis errores latere. In primis, falsum est, omnes agnoscere probabilia non contineri in primis duabus classibus; certum enim est contrarium ab omnibus & supponi & doceri; omnes enim Auctores fassentur, se probabiliter tantum judicare de multis, de quibus tamen nōrunt, quod habeant omnimodam determinationem aut ad esse, aut ad non esse ita. Ergo talia objecta & sunt, & habentur probabilia apud ipsos. Ratio à priori est, quia esse certum, esse probabile, esse dubium &c. sunt denominationes non rerum in seipsis (omnia enim in seipsis æquè certa sunt certitudine objectivâ, quia æquè terminare possunt cognitionem certam, si lumine congruo cognoscantur) sed rerum relatè ad intellectum, prout ipsi proponuntur. Si tali apprehensione proponantur, ut intellectus omnimoda necessitate rapiatur ad assensum, sunt & dicuntur evidentia. Si ita proponantur, ut summa eorum credibilitas super omnia negari non possit, quamvis assensus rebus ipsis dandus suspendi possit, ut contingit in rebus fidei, tunc sunt certa, & certissima fidei credi possunt, ac debent. Si verò proponantur lumine inferioris rationis, erunt incerta, idque magis vel minus, prout propositio illor.

Esse certum, esse probabile, esse dubium, sunt denominationes relativæ.

R. P. A. Terilli, Regula Morum PARS I.

rum fuerit magis vel minus clara, vel obscura. Hæc ratione aliquando sunt probabilia, aliquando suspicabilia, aliquando merè dubia. Jam cum certum sit, multa in se prorsus necessaria non posse à nobis ita cognosci, ut de eorum existentia aut natura certi esse possimus, clarum est ea nec esse, nec posse evadere certa. Eadem tamen proponi possunt (etiam sub hac ipsa expressione quod sunt, quodque necessariò & inevitabiliter ita se habeant) per lumen inferius, à quo varias denominationes sumere possunt, probabilis, suspicabilis, aut dubii, prout lumen, quo proponuntur, fuerit majus aut minus &c. Itaque haud dubiè probabile est denominatio, quæ tam propriè convenit necessariis, quam contingentibus. Sicut enim, si contingentia certò & evidentè cognoscantur in seipsis, non sunt amplius probabilia sed certa; ita si necessaria non certo sed incerto lumine represententur, non erunt certa, sed incerta, & sic esse possunt probabilia.

36. Quod ad tertiam classē attinet, in illa etiam Celladeus erravit. Nam sicut necessaria possunt esse probabilia, ita quæ non sunt necessaria, sed plerumque & ferè semper uno modo contingunt, & possunt esse, & toties verè sunt improbabilia, quoties ob rerum difficultatem, aut aliam causam, tantà verisimilitudine proponi non possunt, quanta ad probabilitatem requiritur. In tali enim casu, quæ plerumque & ferè semper contingunt, non sunt probabilia, sed aut incerta, aut solum suspicabilia, vel ad summum temerè opinabilia. Porro Celladeus in eo æquivocat, quod quando aliunde certò scimus aliquid plerumque aut ferè semper ita se habere, tunc de singularibus probabiliter enunciamus, quod ita se habeant, dummodo de illis aliam notitiam non habeamus, quam quæ fundatur in natura causarum, à quibus procedunt: nam si experimentalem notitiam haberemus de tali re, aut ex auctoritate sciremus illam non esse, eo ipso probabilitas cessaret. Itaque quod res sit in classe eorum, quæ non semper sed ferè semper contingunt, aut eorum, quæ æquè frequenter aut paulò frequentius contingunt quam non contingunt, impertinenter se habet, ut sit probabilis, certa, vel improbabilis; omnia enim ista denominationem suam habent à modo, quo res proponitur, non ab objecto quod proponitur, ut patet. Quod si aliunde constiterit, rem contineri in aliquo membro istius classis, & aliam de illa notionem non habeamus, eo ipso res illa substat determinatæ propositioni, & consequenter denominatur probabilis, vel suspicabilis, prout propositio pro sua varietate ac natura postulaverit.

Secundus error Celladei.

Æquivocatio Celladei detegitur.

37. Ex hisce omnibus inferitur, Celladeum falsò contendere, veram probabilitatem solum desumendam esse ab objecto, quod dicitur probabile; cum luce clarius sit, illam non ab objecto, sed à sola propositione objecti desumendam esse. Ratio est, quia objectum in se non est magis certum quam dubium, magis probabile, quam improbabile, sed ad omnia ista est prorsus indifferens. Ergo istæ denominationes non ab objecto ipso, sed ab illius propositione desumendæ sunt.

Eiusdem error.

38. Circa exemplum de Petro milite, Celladeo non consentio; peto enim in qua tandem rerum illarum proportionē sistendum est, ut probabile sit Petrum non eligendum ad aggressionem. Quid si solum decem, aut quinque eligendi essent? nonne tunc foret probabile, Petrum non eligendum? haud dubiè foret; & tamen electio Petri in tali casu non est res, quæ ferè nunquam contingit.

Exemplum Celladei facit contra ipsum.

Et

Certè

Certè de illo, quod ex centum vicibus decies aut vigies contingit, dici nequit quod vix umquam eveniat. (At de illo dici potest quod sit probabile, ut omnes fatentur, & infra ex ipsius Celladei argumentis evincam. Ergò ad probabilitatem non requiritur, ut res ferè semper contingat, seu quod ferè nunquam aliter se habeat. Itaque casus à Celladeo propositus, qui continet rationem trium ad duo; aut continet infimum quendam probabilitatis gradum, aut ad eum proximè accedit; certè nemo est, qui non libenter sponderet in ludo, si triplo plus spei eluceret pro lucro, quàm timor appareret de damno. Immo nemo non prudenter existimaret, se primà vice lucraturum. At non potest ita prudenter judicare; nisi victoria esset ipsi probabilis.

Non omne, quod apparet non posse aliter se habere apparet certum.

39. Vidimus Celladeum in multis errasse circa objectum, quod propriè est, & vocatur probabile; nunc addo, illum non minùs errasse circa objectum, quod nobis apparet probabile, & ab ipso vocatur probabile quoad nos. In primis dicit, objectum illud existimari certum, quod apparet tanquam semper ita se habens. Hoc certò falsum est, quia multa objecta solum probabiliter apparent ita se habere ex omnimoda necessitate, ut in innumeris quæstionibus Philosophis ac Theologicis videre est. In hoc casu objecta illa videntur vera, & quidem veritate inalterabili; sed nec sunt, nec videntur nobis esse certa, quia non proponuntur lumine certo, sed solum incerto. Itaque ad existimandum aliquid esse certum, plus requiritur quàm existimare illud ita esse, & non posse aliter se habere; nempe requiritur, ut ratio, seu lumen manifestans hanc veritatem sit certum, & omnem formidinem contrarii excludat.

Non omne, quod apparet plerumque ita se habere est probabile quoad nos.

40. Secundò dicit, illud esse probabile, seu opinabile quoad nos; quod apparet ferè semper uno modo se habere. Hoc dictum dupliciter intelligi potest: primò, ut sensus sit iste. Illud est probabile quoad nos, quod nobis videtur ferè semper ita se habere per apparentiam certificantem nos quod ferè semper ita se habeat. Et hoc est verum, quia apparentia illa simul repræsentat objectum capax talis denominationis, & formam, à qua talem denominationem accipit. Secundò, potest hunc sensum habere. Illud est probabile quoad nos, quod quomodoque apparet ferè semper ita se habere; & hoc falsum est, quia hoc ipsum ex levissima tantum conjectura apparere potest, in quo casu illud non est probabile quoad nos, quia non possumus prudenter præsumere quod ita se habeat sicut apparet. Apparet quidem prædicatum illud, quod quoties certò innotescit clarè monstrat principale analogatum inter probabilia, & ideo videtur apparere probabile, quia locutio procedit ac si debita rei innotescencia simul appareret & constaret. At hoc non est necessarium, imò oppositum contingere potest, ut constat. Unde habemus, nec veram, nec apparentem probabilitatem, aut certitudinem consistere in solo objecto; quia sive objectum ex necessitate ita se habet, sive ferè semper ita contingit, non ideo est certum aut probabile, nisi tali determinatà ratione proponatur. Similiter etsi appareat non posse aliter se habere, aut plerumque ita se habere, non ideo apparet certum aut probabile, nisi modus, quo taliter apparet, etiam repræsentetur. Itaque Celladeus in omnibus, quæ ad essentiam veræ probabilitatis pertinent, à veritate aberrat.

S. Thomas non favet Celladeo.

41. Quod ad S. Thomam attinet, ille verissimam doctrinam tradidit in utroque loco; sed do-

ctrinam Celladeo non favet. Prima auctoritas loquitur de necessariis, impossibilibus, & contingentibus, quæ sunt denominationes reales nullam dicentes relationem ad intellectum, aut ullam earum apparentiam ac representationem. At ex hoc non sequitur, has denominationes coincidere cum certo & probabili, quæ sunt denominationes relativæ ad intellectum, & objectis immutatis variari possunt.

42. Secunda auctoritas in nullo prodest, in multis obest Celladeo. Non prodest, quia Sanctus Thomas loquitur ex suppositione, quod res vel cognoscatur sufficienter in seipsa, vel certè quod modus, quo continetur in causa, sufficienter innotescat. Nam nisi ista cognitio præcesserit, quæ dicit affirmari non possunt. Itaque locus hic ex hoc capite obstat Celladeo, quia denominationes istæ non desumuntur ab objectis solis, vel earum causis, sed à modo, quo causæ in quibus continentur innotescunt, cum Celladeus velit denominationes certi ac probabilis ab ipsis præcisè objectis dependere. Certè parùm refert, effectum omnimodà determinatione contineri in causa, ut ego affirmare possim illum esse futurum, nisi cognoscam quod hoc modo in illa continueatur. Rursus nisi sufficienter hoc cognoscam, scilicet certò vel probabiliter, non possum prudenter dicere effectum illum esse futurum. Idem valet de effectu contento in causa, sed mutabiliter; nam nisi hoc ipsum aut certò aut probabiliter innotuerit, nemo nisi stultè ejus futuritionem prædicet. Demùm S. Thomas in secundo textu expressè dicit, quod opinari possumus de effectu in impedibili causæ inclinatione contento, nec per umbram ad hoc requirit, ut inclinatio illa ferè nunquam impediatur; imò ex toto contextu ac universali ejus locutione oppositum videtur certum. At Celladeus vult, nil esse opinabile, aut probabiliter prædici posse, quod non continueatur in causa, quæ ferè nunquam impeditur. Ergò repugnat S. Thomæ, quem citat.

43. Nec feliciter applicat hanc doctrinam Sancti Thomæ ad motiva, quibus incitamur ad res affirmandas; nam eadem prorsus est difficultas de motivis probabilibus, ac de rebus ipsis, quæ à motivis illis denominantur probabiles. Quid enim juvat, medium habere necessariam connexionem cum consequente, nisi ego certò cognoscam medium illud & exillere, & indefectibilem illam connexionem habere? Certè si alterutrum horum desit, non magis potero illud certò affirmare, quàm si medium non necessariò, sed solum plerumque ita se haberet. Itaque errat Celladeus, dum dicit totalem mediij determinationem generare assensum certum conclusionis; nam certitudo conclusionis non ab ipsa tantum reali determinatione mediij, sed à certa talis determinationis propositione dependet. Similiter errat, quando loquitur de medio non omnimodè sed plerumque connexo, quia loquitur tantum de reali connexionem, se tenente ex parte objecti, independentem à comparatione ad intellectum. At motivum illud non erit probabile, stante tali connexionem, nisi appareat in tali gradu esse plerumque connexum cum re, quam probabilem denominat. Præterea, quamvis appareat plerumque connexum cum re illa, non ideo motivum illud erit probabile; quia si frequens illa connexio non certò innotescat, sed exigua prorsus claritate appareat, laud dubiè non erit probabile, nec quisquam nisi temerè infert conclusionem ex tali medio. Itaque ut medium ejusmodi sit certò probabile, debet certò

S. Thomas loquitur de objecto, ut sufficienter repræsentato, & Celladeo contrariatur.

Denominatio certi & probabilis provenit à propositione objecti.

certò nobis innotescere, quod plerumque conne-
ctatur cum consequente; nam quamdiu formida-
mus de hac connexionem, certi non sumus, aut quod
detur, aut quodd illud motivum sit probabile. Ecce
nullū objectum, sive motivum sive illatum, est pro-
babile per se, nec aliter habere potest talem deno-
minationem, quā dependenter à qualitate pro-
positionis, quā representatur intellectui, ut mox
explicabitur. Interim falsissima est illa Celladei
illatio, quod nil sit probabile, quod non subest
medio ita plerumque se habenti, ut ferè nunquam
aliter se habeat; oppositum enim multipliciter,
& efficaciter probatum est, ut constat ex di-
ctis.

Intellectus
aliter se ha-
bet cum
motivis op-
positis æ-
qualibus,
quā cum
nullis.

44. Demum falsum est, quodd perinde sit in-
tellectui ad eliciendam conclusionem, sive nullum
habeat motivum, sive habeat duo æqualia sibi con-
tradictoria: nam sicut non est perinde voluntati
nullum habere motivum, ac inter duo detineri:
ita pariter dicendum est de intellectu, quippe qui
ita subditur imperio voluntatis, ut ubi sunt duo
motiva contraria, flecti possit ad assensum alterius,
quod repugnat, si omne motivum desit. Ad
exemplum hominis æquè ambiciosi ac avari, dico
intellectum non posse flecti ad existimandum,
quodd secuturus sit potius unam, quā alteram ex
illis propensionibus, nisi habeat aliquod motivum
ad hoc afferendum. Jam si dicas, quodd neutrum
possit affirmari, ed quodd voluntatem habere duo
motiva æquè allicientia, non sit motivum impel-
lens intellectum ad credendum unum potius quā
alterum futurum; nil mirum, si talis assensus elici
non possit, cum intellectus omni motivo carere
supponatur. Si verò intellectus duplici motivo
alliceretur ad affirmanda opposita, sicut voluntas
illius ad opposita amplectenda stimulat, utique
ex imperio voluntatis flecti posset ad alterutrum
existimandum, quamvis stimuli illi intellectuales
verè essent æquales, ut constat ex dictis *quæst. 29.*
& *30.* & *31.* ubi fusè de hoc argumento actum
est.

Multiplex
& mirabi-
lis doctrina
Celladei, in
omnibus
fermè à ve-
ritate alie-
na.

45. Obijcit quartò. Res probabilis debet esse
minus universalis, quā principium ex quo pro-
batur; alioquin principium illud ita se haberet
ad illam conclusionem, ut respectu illius semper
eodem modo contingeret. At ex definitione Ari-
stotelis requiritur ad probabilitatem, ut motivum
comparatur ad rem illatam tanquam ferè semper
ita se habens, ita tamen, ut aliquando deficiat.
Ergò ut motivum sit probabile, debet plura com-
plecti, quā inferuntur in conclusione. Hoc
autem est motivum illud ita se habere ad rem pro-
babilem, sicut universale ad particulare, seu sicut
magis latè patens ad id quodd minus latè pater. Ita
Celladeus §. 5. ex quibus comminiscitur, Aristotelem
ideo apposuisse suæ definitioni probabilem,
ut motivum se habeat ad probabile sicut universale
ad particulare, quia alioquin nulla elici posset
conclusio probabilis. Si enim principium & me-
dium conclusionis probabilis ferè semper ita se
habeat, jam aliquando vel in aliquo deficiat. Ergò
nulla determinata conclusio sequitur, quia conce-
di possent præmissæ & negari consequentia. Sic
in hoc syllogismo. *Omni mater diligit filium. Berta
est mater filii. Ergò Berta diligit filium.* Concessis
præmissis, negari posset consequentia, quia fortè
principium illud deficiat in Berta. Quod si dicas
conclusionem, stantibus præmissis, negari non
posse, sed majorem esse negandam, quia non est
principium, *omnes matres, sed solum omnes ferè
matres diligere filios*; tunc certò certius nil sequitur
in conclusione, quia syllogismus iste: *Omni ferè*

R. P. A. Terili Regula Morum. PARS I.

*mater diligit filium. Sed Berta est mater filii. Ergò
Berta diligit filium*: caret formæ legitimâ. Hæc ut
conciliet Celladeus, dicit limitationem illam Ari-
stotelis fuisse necessariam, quia principium aut
medium probabile non omnia prorsus particularia
reddit probabilia, sed solum pleraque & ferè
omnia. Quod ut probet, dicit medium probabile
in affirmativis ad magnam inclinationem, & in ne-
gativis ad magnam difficultatem, sed superabilem,
reduci. Difficilium natura est, ut ferè nunquam
eveniant, sicut habentium magnam inclinatio-
nem, ut ferè semper fiant, & ideo istæ propen-
siones ac difficultates fundant probabilitatem. Cæ-
terum S. Thomas ex Aristotele notat, & expe-
rientia comprobatur, quodd sicut difficultas in tali
gradu est necessitas, ut ferè nunquam res fiat, sic
est necessitas, ut aliquando fiat. Sic hominem se
suspendere difficillimum est; hoc ipsum tamen
aliquando deficit, & necesse est ut deficiat in ali-
quo. Ex hisce infert Celladeus, medium pro-
babile ita se habere ad ea, quæ reddit probabilia;
sicut universale ad particulare; quia non omnia;
sed solum pleraque sub se contenta reddit proba-
bilis: nam in aliquibus deficit. Unde vult syllo-
gismum illum, *Omni mater diligit filium &c.* &
omnes illi similes non solum non esse idoneos ad
materiam probabilem, sed directè illi contrarios,
si medium *Mater* ad omnem matrem applicetur in
majori; quia major illa non solum non est proba-
bilis, sed apertè falsa; siquidem probabile habet de
se, ut in aliquo deficiat.

46. Respondeo in primis, argumentum hoc
esse solum ex dictis in probatione Assertionis
quartæ, ubi ostendimus, conclusionem probabi-
lem sæpè esse æquè universalem ac medium ex
quo sequitur. Itaque nulla erat necessitas ponendi
hanc objectionem, nec eam posuissim, nisi ut
occasionem haberem detegendi plurima alia falsa,
quæ Celladeus adjungit, ut falsissimam suam asser-
tionem reddat verisimilem.

47. Primus error est, quodd tam necesse sit prin-
cipium probabile in aliquo deficere, quā in
quamplurimis ita se habere. In primis multæ sunt
res ex se necessariò connexæ, quæ etiam primo
aspectu connexæ apparent, non tamen lumine
evidenti aut certo. Hujusmodi objecta aut sunt,
aut esse possunt motiva probabilia, quia sub eo
præcisè lumine proponi possunt, quodd illa non
reddat certa, sed solum prudenter credibilia. Rur-
sus in rebus contingentibus sæpè principium pro-
babile hic & nunc adhibitum omnibus sub termino
universali comprehensis ita convenit, ut nullum
particulare excludatur. Tales sunt istæ proposi-
tiones universales. *Omni ætogenarium hujus civitatis
aliquam infirmitatem habuit. Nulla mater hujus pagi
occidit filium.* Certè istæ propositiones sunt hic
& nunc evidenter credibiles, & sæpè absque tem-
eritate negari non possunt, etsi certò non inno-
tescant. Et tamen propositiones istæ sæpè absque
ulla exceptione conveniunt omnibus individu-
is sub termino universali comprehensis. Adde pro-
positionem illam, *Nulla mater hactenus occidit filium
suum*, erat probabilis ab initio mundi, antequam
ulla mater proprium partum extrinxisset. Et ta-
men tunc omnibus sub se contentis æquè conve-
niebat. Ergò non est necesse ad principium pro-
babile, ut in aliquo deficiat. Quod si accipiamus
talem rerum collectionem, tot circumstantiis va-
riatam, ut jam necesse sit aliquam judicii varia-
tem inter contenta sub termino universali, pro-
positio universalis non erit probabilis, sed eviden-
ter falsa. Talis est hæc propositio, *nulla mater*

Præter
Celladei
erro-

Principium
probabile
non neces-
sariò defici-
t in ullo indi-
viduo.

E e 2

occidit

Principium
quod scitur
deficere in
ullo, non
est probabi-
le.

occidet filium, quæ ideo non est principium probabile; sed propositio certò falsa, quia tot sunt occasiones, quibus matres aliquando gravissimè urgentur ad suos filios interimendos, ut moraliter impossibile sit, plures ad proprios partus conficiendos non esse inducendas. Itaque omnia exempla huiusmodi sunt abs re. Peto enim à Celladeo, ut mihi proponat vel unum principium universale probabile. Deinde peto, an sit vel non sit necesse, illud ad omnia sub se contenta non extendi: si exceptio aliqua sit & sciatur esse necessaria, propositio illa universalis non erit principium probabile; sed propositio certò falsa, cui proinde nemo nisi imprudenter assensum præbere potest. Si non sit necesse exceptionem fieri, unde scit Celladeus, aliquam semper intervenire? Ecce qualia & quàm inconsistentia congerit hic Auctor, ut in causa malè incepta cum consequentia progrediatur. Si enim verum dicat, tollit omne principium probabile, quod tamen unicè stabilire contendit.

Omnes cū
Aristotele
sentiant con-
tra Celladeum.

48. Certè quod ille ad rationem motivi probabilis requirit, communi omnium sensui aptè repugnat. Omnes enim cum Aristotele admittunt, eandem prorsus esse formam syllogismorum probabilium & scientificorum. Ergo eo ipso omnes admittunt ac supponunt, plures dari propositiones universales, quæ sint probabiles, & per modum principii admittantur pro veris. At nemo assentitur ulli propositioni universali, nisi credat illam absque ulla exceptione esse veram; nemo enim, qui credit ullam latere exceptionem, formare potest propositionem universalem de contrario. Ergo omnium sensus est, principia probabilia non necessariò pati exceptionem; sed aliqua, imò omnia, quæ pro principiis admittuntur, reputari vera absque ulla exceptione actuali, quamvis certò non appareat necessitas aut ita se habendi simpliciter, aut ita se habendi sine exceptione.

Secundus
Celladei er-
ror.

49. Secundus error latet in miro illo commento, quo contendit, Aristotelem ideo dixisse medium probabile non sufficienter explicari *per plerumque contingens*, nisi comparatur ad conclusionem sicut universale ad particulare, quia alioquin nulla conclusio probabilis elici posset. Nam ratio quam affert, nec est vera, nec admissa probat intentum. Non est vera, quia supponit omne principium probabile universale necessariò deficere in aliquo, & non posse se ita habere in omnibus. At hoc est falsum, ut constat ex dictis. Deinde hoc admissio, consequentia non sequitur: nam in illo syllogismo, *Omnia mater diligit filium. Berta est mater. Ergo Berta diligit filium.* Conclusio necessariò sequitur, admissis præmissis; quamvis enim principium illud revera in aliquo deficiat, & sic fortasse locum non habeat in Berta; tamen si in mente nostra admittatur ut vera in omnibus, admittitur etiam ut vera in Berta. Unde conclusio legitimè deducitur, & intellectus necessitatur ad illi assentiendum, si semel præmissas concedat. Itaque in eo errat, quòd maiorem illam de matribus in omni universalitate sumptis intelligi velit. Nam major illa sic sumpta non est probabilis, sed & est, & scitur esse evidenter falsa. Ponat propositionem universalem, quam intellectus admittit ut veram, & haud dubiè conclusio legitimè sequitur, quamvis nec à parte rei, nec in mente discurrentis ulla detur exceptio. Quòd si signum universale omittatur, & dicatur, *omnia fere mater amat filium*, conclusio non legitimè sequitur; sequitur autem, si dicatur, *Omnia mater huius pagi diligit filium. Berta est mater huius pagi. Ergo diligit filium.*

Confundit
principium
evidenter
falsum cum
principio
probabili.

50. Tertius error est, quòd dicat, medium probabile omnia sub se contenta non reddere probabilia, sed solum pleraque; ea scilicet, quæ sub se verè complectitur, non ea in quibus deficit. Hic est error prorsus intolerabilis in præsentis tractatu, non solum quia procedit de subiecto non supponente, quatenus supponit nullum principium probabile assignari posse, quod in aliquo non deficiat; sed vel maximè, quia jam supponit probabile coincidere cum vero, quia juxta hunc dicendi modum nil falsum esse potest probabile. unde duo evidenter sequuntur. Alterum est, probabile definiri debere per veritatem, ut illud solum sit probabile quod est incertum & verum. Alterum quod probabilitas æquè lateat ac veritas. Unde sicut nunquam certi sumus an propositio probabilis de ullo determinato objecto incerto sit vera; ita nunquam certificari possumus, quòd ulla propositio sit probabilis. At utraque sequela est certò falsa, ut ostensum est.

51. Quartus error est, quòd dicat medium probabile solum reddere pleraque sub se contenta probabilia. Nam contra est, quia reddit pleraque evidentiis; evidens enim est, pleraque matres diligere filios. At Celladeus contra apertam veritatem vult, quod solum reddat illa probabilia. Unde mirum non est, quòd non intellexerit naturam motivi probabilis universalis, quia erravit in principio, ex quo illa declarari debet. Necessitas enim quòd pleraque matres diligant filios suos, reddit hanc propositionem universalem primò & per se probabilem, *de quavis matre particulari dicendum est, quod amet filium, nisi aliqua exceptio magni momenti obstat in contrarium.* Unde subsumitur: *Sed Berta est mater filii, & nulla exceptio momenti affertur contra ejus affectum erga filium.* Ergò dicendum est quod Berta diligit filium. Major est credibilis, quamvis aliquando deficiat à vero in aliquo particulari casu. Et sanè quando dicimus: *Omnia mater diligit filium*; & illud proponimus ut principium probabile, propositio illa non debet sumi cum universali distributione, quæ resolvatur per descensum copulativum, ut sensus sit, & hæc & illa & reliquæ amant filios, quia hoc est evidenter falsum; sed accipi debet cum distributione, quæ resolvitur non per descensum illum copulativum, sed solum per separatam & singularem descensum singulis seorsim applicabilem, juxta sensum propositionis à me allatæ. Et in hoc sensu propositio digna est assensu. Nec necesse est, ut habeat ullam exceptionem, quia procul dubio ab initio mundi diu vera erat absque ulla exceptione, multoque tempore mansit vera absque ulla necessitate exceptionis. Porro credibilitas, seu probabilitas hujus propositionis fundatur, non in probabilitate (ut falsò vult Celladeus) sed in evidentiis, quòd matres plerumque diligant filios; quia hæc evidentiis stante propositio à me allata non potest non esse credibilis, & illà ablata non est unde sine exceptione credibilis evadat. Ergò dantur motiva probabilia, quæ universaliter admitti debent ut vera, quamvis contingat aliquando ut exceptionem patiantur, & in particulari subjaceant falsitati.

Tertius er-
ror Celladei.

Quartus
error Celladei.

Motivum
probabile
reddit pleraque
evidentia.

Omnia mater
diligit filium, in quo
sensu sit
principium
probabile?

52. Quintus error est, quod radicem omnis probabilitatis reducat ad propensionem vel difficultatem, cum tamen certum sit, multa esse probabilia, quæ tamen nullam difficultatem habent, ut ponantur. Qui unâ vice jactat decem aleas, absque difficultate projicit numerum expunctis determinatis conflatum, cum tamen antequam aleas jaceret, probabilissimum esset, numerum

Quintus er-
ror Celladei.

merum expunctis illis determinatis conflatum non esse proventurum.

Sextus error Celladei. 53. Sextus error est, quod ex S. Thoma & Aristotele dicat, ipsam difficultatem in tali gradu constitutam, sicut est necessitas ut res ferè nunquam fiat, ita esse necessitatem, ut aliquando fiat.

Necessitas ad plerumque non inferendam sibi mortem, non est necessitas ad illam aliquando inferendam. Hoc assertum naturæ lumini apertè repugnat. Id enim, quod necem sui ipsius reddit homini difficilem, est dolor mortis subeundæ, privatio delectationis, quam haurit & sperat haurire ex vita &c. At ista non sunt, quæ necessitant aliquos ex tota collectione ad seipsos interficiendos, sed omnia istis contraria; nempe ereptio sui ex malis præsentibus & imminetibus, à quibus sperant se per mortem liberandos, & à quibus aliter se liberari non posse putant. Verum quidem est, necessitatem ad mortem frequentissimè omittendam non impedire necessitatem ad aliquam exceptionem, quia in rebus humanis datur rerum vicissitudo, & hæc dispositionibus rem difficultantibus succedunt aliz prorsus contrariæ, quæ rem faciunt. At dicere ipsam difficultatem, ratione cujus necesse est, ut res ferè nunquam eveniat, esse ipsam necessitatem ut res illa aliquando eveniat, est ab omni veritate prorsus alienum. Nec minùs absurdum est in tam palmaris falsitatis patrocinium S. Thomam, Aristotelem, & ipsam experientiam adducere. Certè si illæ circumstantiæ, quæ mortem propriam reddunt difficilem, semper manerent invariatae, nemo manus sibi inferret, sed omnes ex morali quadam necessitate oppositum eligerent, ut patet. Similiter si circumstantiæ illæ, quæ homines ad propriam mortem exstimulant, semper adessent, illæ non ad raram, sed frequentissimam mortem sibi inferendam homines stimularent.

Septimus error Celladei. 54. Septimus error est, quod dicat, syllogismus illum. *Omnis mater diligit filium &c.* omnesque similes non solum non esse idoneos ad materiam probabilem, sed illi directè contrarios, si medius terminus sumatur in sua universalitate. Contrarium enim ex dictis constat esse certissimum. Præterea, omnes, qui formant syllogismos probabiles, necessariò ponunt præmissas universales, quæ in sua universalitate sumptæ sunt probabiles, & creduntur nunquam aliter se habere, ut certum est ex dictis. Quod si peculiaris illa major sit evidenter falsa, id ad rem non est, quia tunc illa, ut jacet, non est probabilis, nec absque limitatione posita sumi potest pro principio probabili. At loquendo de aliis propositionibus universalibus, illæ probabiles sunt, nec certum est, ullam dari exceptionem, sed oppositum in casibus innumeris est credibile; & ideo assumi possunt tanquam præmissa, seu principium pro inferenda conclusione probabili. Imò perspicuum est quomodo syllogismus probabilis in omni modo & figura formari possit per illas, sicut syllogismi scientifici formantur; quod Celladeus nunquam ostendit, cum neget ulla propositiones universales esse posse medium syllogismi probabiles. Ille quidem hoc sibi quodammodo objicit, sed difficultatem rejicit ad Logicos, quos ait acumine indigere, ut in probabilibus rectum syllogismum forment. Sed si principiis illius inhaereant, nullum acumen ad rem prorsus impossibilem perficiendam sufficere poterit. At si sequantur doctrinam communem, quæ verissima est, admittantque propositiones universales esse posse probabiles, ac pro præmissis assumi, non majori acumine opus est pro forma syllogismi probabiles, quàm scientifici, ut omnibus est notissimum.

R. P. A. Terzi Regula morum. Pars I

55. Hi sunt errores, quos Celladeus multo §. quaest. 16. coacervavit, quibus non obstantibus, visus sibi est præclare rem suam confecisse; & fundamenta solida contra benignam sententiam jecisse; sed in omnibus fallitur: fundamenta enim mera eorum denudatione corruunt, ut visum est; & licet starent, benignam sententiam fulcirent, non everterent, ut infra patebit. Interim dejectis Celladei argumentis, ejusque doctrinam eversam, videndum est, in quo essentia probabilitatis consistat. Sit ergò

ASSERTIO VI.

Propria ratio motivi probabilis consistit in quadam vi stimulandi intellectum ad aliquid affirmandum, vel negandum.

Ratio motivi probabilis consistit in vi stimulandi intellectum.

56. **P**ROBATUR primò. Probabilitas non est denominatio absoluta, objectis adæquatè intrinseca, sed est denominatio relativa ad intellectum, ut ostensum est. Porro relatio hæc in eo peculiariter consistit, quod sollicitet & stimulet mentem ad judicium ferendum de re proposita; quia tam probabilitas quàm certitudo & evidentia eò tendunt, ut aliquid nobis persuadeant, & hoc omnes statim intelligunt, quando audiunt aliquid esse probabile, certum, vel evidens. Ergò tam probabilitas, quàm certitudo, & evidentia essentialiter consistunt in stimulo potente allicere intellectum ad aliquid affirmandum vel negandum.

57. Probatur secundò. Ipsa notio motivi directè exprimit vim stimulandi illam potentiam, cujus est motivum. At motivum probabile est motivum potentia intellectiva. Ergò propria illius essentia ac notio consistit in vi stimulandi intellectum ad aliquid affirmandum vel negandum. Hæc vis est prædicatum genericum, in quo omnia motiva tam certa quàm incerta conveniunt. Et hoc prædicatum in præsentī assertionē solum proponitur, & explicatur. Nam in sequentibus prædicatum differentiale motivi probabilis exponitur. Interim ut pergam in pleniori notitia hujus prædicati generici. Sit

Omne motivum stimulat potentiam, quam movet.

ASSERTIO VII.

Propositum sit explicare, in quo motivum intellectus consistit, & quod sit officium partium illud constituentium.

Quid sit motivum intellectus? & ex quibus partibus constat?

Syllogismus probabilis est impossibilis in principiis Celladei. 58. **O**MNE motivum intellectuale essentialiter dicitur duo; alterum est objectum, quod proponitur; alterum est apprehensio, quæ objectum proponitur. Repugnat siquidem intellectum moveri ab objecto, quod ipsi non proponitur. Rursus propositio est objecti alicujus representatio, ut patet. Quolibet autem ex istis ablato, cessat ratio proximè movens ad assensum. Ergò utrumque essentialiter requiritur ad rationem motivi completè sumpti. Nec de hoc ulla est, aut esse potest difficultas.

59. Jam ex istis duobus, id quod subit denominationem motivi, & verè movet, est objectum quod representatur, non representatio illius. E contra id, quo intellectus movetur, est representatio non objectum; sicut enim nil movet

Objectum movet ut quod, representatio movet ut quo.

E c 3

volun-

voluntatem ad amorem, nisi illi repræsentetur ut bonum, ita nil movet intellectum ad assensum, nisi illi proponatur ut verum. Porro sicut repræsentatio boni nec est id quod movet voluntatem, nec est bonum quod intenditur, & cuius gratia cætera fiunt, sed solum est id, quo repræsentatur & applicatur bonum quod movet; ita id quod movet intellectum, non est repræsentatio veri, sed ipsum verum quod ipsi repræsentatur, quia hoc solum apparet ut verum, cum ipsius propositio reflexe non cognoscatur, & licet cognoscatur, illius prædicata cognita non haberent vim movendi intellectum ad inferendam conclusionem. Itaque id quod verè movet intellectum, & subit denominationem motivi, est objectum quod repræsentatur, non autem illius repræsentatio. Hæc tamen complet denominationem, tum quia illa sola ablata denominatio cessat, tum quia per illam objectum movet intellectum, ut patet.

Objectum est indifferens ut sit certum vel dubium &c.

60. Probatur secundò. Objectum ipsum est indifferens, ut habeat denominationem motivi evidentis, vel inevidentis, certi vel incerti; objectum enim quod movet ad fidem, quia obscure proponitur, moveret ad scientiam si clarè & intuitivè repræsentaretur. Universaliter enim verum est, quòd omnia prorsus objecta sive mediata sive immediata innotescunt per cognitionem obscuram, quæ ideo dicuntur vel motiva vel illata obscura, evaderent motiva aut illata evidentia, si immediate vel mediata innotescerent per claram & evidentem repræsentationem. Itaque objectum quod movet & denominatur motivum, completur in hac denominatione per aliquid aliud, nempe per propositionem illius, à cuius specifica differentia tota motivorum diversitas dependet. Ergò motivum intellectus ita constat ex duabus partibus essentialibus, ut objectum sit id quod movet ut quod, repræsentatio verò illius movet ut quo.

Repræsentatio vitaliter unit objectum motivum intellectui.

61. Demum probatur, quia ut objectum moveat intellectum, debet illi vitaliter uniri; nisi enim ita uniatur, nequit illum movere, ut patet. Ergò id, per quod objectum vitaliter unitur intellectui, complet illud in ratione motivi. Et ratio est, quia motivum intellectus reducitur ad unam ex causis, à quibus assensus dependet. Motivum enim impellit ad assensum, & ad hoc solum deservit, ut ex vi illius assensus eliciatur. Ergò quidquid complet objectum in ratione causæ proximè allicientis ad assensum, & in assensum influentis, id ipsum complet illud in ratione motivi, seu causæ motivæ. At certum est, quod sola repræsentatio objecti proximè compleat illud in ratione allicientis & vitaliter impellentis ad assensum; immò objectum non aliter influit in assensum, quàm mediante hac sui repræsentatione. Ergò hæc sola est, quæ proximè & formaliter constituit illud in ratione motivi.

ASSERTIO VIII.

Probabilitas consistit in repræsentatione objecti, quod est probabilis.

Probabilitas, seu forma dans objecto apparenti denominationem motivi probabilis, est ipsa objecti repræsentatio, quâ intellectus stimuletur ad assensum illi præbendum.

62. **P**ROBATUR. In omni concreto ex duabus partibus confiato illud est subiectum denominationis, quod est indifferens ad hanc vel aliam denominationem; illa verò est forma denominans, quæ non est indifferens ad plures denominationes, sed necessario attribuit unam determinatam subiecto, cui applicatur. Sed omne

motivum probabile est concretum, ex objecto & objecti repræsentatione conflatum. Ergò illud est materiale seu subiectum huius concreti, quod est indifferens ad denominationem motivi probabilis; illud verò forma denominans, quod non est indifferens ad hanc denominationem, sed necessario tribuit illam subiecto, cui applicatur. At objectum repræsentatum est indifferens ad denominationem motivi probabilis, certi, aut evidentis; ipsa verò repræsentatio non est indifferens ad hanc aut illam denominationem, sed essentialiter alligatur suo objecto, illudque ad hanc denominationem determinat. Ergò probabilitas, seu forma denominans motivum probabile, est ipsa objecti repræsentatio, quâ intellectus stimuletur ad assensum illi præbendum.

Repræsentatio est forma huius concreti probabilis.

63. Argumentum allatum æquè procedit de denominationibus *evidentis* & *certi*; utraque enim dicit objectum pro subiecto, repræsentationem autem pro forma. Idem enim objectum pro diversitate suæ repræsentationis modò est probabile, modò certum, modò evidens; diversa autem repræsentatio diversas has denominationes tribuit. Itaque evidentia, certitudo, ac probabilitas non sunt formæ se tenentes ex parte objecti, quod subit illas denominationes, sed sunt solum repræsentationes diversæ, ac diversi stimuli, quibus intellectus diversimodè incitatur ad assensum tali objecto præbendum. Probabilitas ergò, certitudo, & evidentia adæquatè consistunt in actibus intellectus, & objecta ab illis denominantur probabilia, certa, vel evidentia. Itaque Cella-deus in eo erravit, quòd probabilitatem in ipsis objectis quæsierit, atque subiectum cum forma, & probabile cum probabilitate confuderit, in quo non minùs deceptus est, quàm si evidentiam cum re evidenti confudisset, quastamen certum est distinguere, cum vera, propria, seu formalis evidentia in ipsa clara repræsentatione consistat, & sine illa haberi non possit. Eadem autem ratio procedit de probabili, & probabilitate, ut patet.

Probabilitas, certitudo, & evidentia consistunt in actibus, non in objectis.

ASSERTIO IX.

Probabilitas rectè definitur, fallibilis apparentia veritatis, antecedens omnem indebitum animi affectum, omnemque assensum objecto repræsentato præstitum, tanta tamen magnitudinis, ut ex omnibus illi aequalibus in unum collectis pleræque conjungantur cum veritate.

Exacta probabilitatis definitio.

64. **D**EFINITIONEM hanc latè explicui ad probavi *quæst. 2. de Consc. prob. num. 11. & seqq.* ubi ostendi quomodò definitio illa Aristotelis, *Probabile est, quod plerumque contingit*, non possit universalem veritatem continere, nisi per hanc probabilitatis notionem explicetur. Interim, ut assertio melius intelligatur, lubet pauca exhibere breviter exponere. Sciendum ergò est, apparentiam veritatis, seu stimulum intellectuale, antecedentem omnem affectum omnemque assensum uni parti indebitè alligatum (non loquor hic de apparentia consequente dictum affectum & iudicium uni parti alligatum, quia illa sumit augmentum suum à voluntaria dispositione opinantis, non à solo merito causæ, ideoque nemo prudens ex tali apparentia regulat iudicium suum) quadrifariam dividi. Primus stimulus tantæ claritatis est, ut nullum stimulum ad oppositum secum patiat; ideoque rapit intellectum ad assensum objecti, quod tantæ claritate repræsentatur.

Stimulus intellectus in quadrifariam dividitur.

tatur. Hic stimulus, & hæc apparentia est & dicitur videns, quia prima ac formalis evidentia objecti in illa consistit. Secundus stimulus non excludit omnem impulsu ad contrarium, ideoque est obscura ac inevidens representatio objecti, & non necessitat ad assensum; est tamen tantæ magnitudinis, ut nec illa, nec ulla illi æqualis jungi possit cum falsitate. Talis est apparentia, quam fideles habent de veritate mysteriorum fidei, quæ apparentia, licet non fundetur in evidentia rei creditæ, postulat tamen evidentiam summæ credibilitatis de veritate ipsius. Hæc apparentia & hic stimulus est certus ac infallibilis, sed obscurus.

Apparentia alia infallibilis, alia fallibilis.

65. Hæc duæ classes complectuntur omnia certa & infallibilia, quorum aliqua sunt evidentia, alia obscura, sed evidenter credibilia super omnia. Unde apparentia certa & infallibilis dividitur in evidentem & obscuram. Post apparentiam autem certam & infallibilem, sequitur apparentia fallibilis & incerta, quæ in eo consistit, quod illa non sit tantæ magnitudinis, quin aut ipsa, aut alia illi æqualis, connecti possit cum falsitate. Hæc classis apparentiæ fallibilis bifariam dividitur, nam alia parum recedit ab apparentia certa, & obscura, quia tantæ magnitudinis est, ut ex omnibus illi æqualibus plerumque connectantur cum veritate. Porro ipsa intrinseca magnitudo talis apparentiæ essentialiter connectitur cum hac necessitate, alioquin non fundaret iudicium prudens, nec homo unquam prudenter assentiri posset propter motivum fallibile; stultum enim est in incertis assensum præstare propter motivum, cujus intrinseca magnitudo est adeo exigua, ut non frequentius connectatur cum vero, quam cum falso, aut, quod deterius est, frequentius connectitur cum falso; quia hæc ratione intellectus nimis evidenti errandi periculo exponeretur; id est, aut planè fortuito se haberet ad verum, aut certè magis exponeretur ad falsum, quam ad verum. Demum quarta classis multum recedit ab apparentia certa; & tam exiguam magnitudinem habet, ut ex omnibus illi æqualibus aut pauciores, aut certè non plures, connectantur cum vero quam cum falso.

Probabilitas est stimulus intellectualis fallibilis, sed assensu dignus.

66. Ex hisce apparentiis, & apparentiarum classibus, prima est evidentia; secunda est infallibilis certitudo obscuritati conjuncta; tertia est apparentia fallibilis, sed digna assensu, quia fundat assensum, de cujus veritate possumus prudenter confidere ob intrinsecam magnitudinem sui motivi. Et sanè quando certitudo haberi nequit, nemo argui potest ut imprudens, si sequatur stimulum intellectus, cui veritas plerumque subest; malum enim fuisset intellectui, si absque nota imprudentiæ & temeritatis tantæ apparentiæ fidem dare non potuisset, cum illa ob suam magnitudinem mereatur fidem, sed cum formidine oppositi. Quarta classis est infra probabilitatem, quia non est digna assensu. Ex his constat probabilitatem esse apparentiam assensu dignam, seu apparentiam in assertionem explicatam, quæ ex vi suæ magnitudinis necessarid postulat plerumque connecti cum vero.

ASSERTIO X.

Probabilitas unde intellegatur.

Propositum sit explicare, unde cognosci possit, quæ apparentia ex sua intrinsecamagnitudine postulet plerumque connecti cum vero.

67. **A**LIO ad completam probabilitatis, & ad motivi ac opinionis probabilis notitiam superesse non videtur, quam ut explicetur,

unde dignosci possit, quæ demum sit apparentia vi suæ magnitudinis plerumque connexa cum vero. Hoc ergò hic declarandum assumpsi. Itaque imprimis in multis casibus magnitudo hujus apparentiæ colligitur ab experientia earum rerum, quas sensibus ipsis experimur plerumque contingere. *Ut senes canescere, homines mori ante annum centesimum &c.* Unde statim habetur tanta apparentia veri circa quodvis istorum objectorum, ut certissimus, eos plerumque non falli, qui læpissimè de particularibus personis judicant, & dicunt, *Hic puer canescet si ad senectutem pervenerit: hic insanus non perstringet ad annum centesimum.* Et ideo omnia hæc particularia sunt probabilia, quia affirmantur ex vi luminis, quod ex intrinseca sua magnitudine, à rebus ipsis benè perceptis delumpia, postulat plerumque non fallere.

Aristoteles notandum est.

68. Hæc est prima ac magis obvia probabilitatis notitia, ad quam expressè respexit Aristoteles in locis initio quæstionis citatis, tanquam ad primum & præcipuum analogatum inter omnia probabilia. Recole locum illum ex 2. Prior. cap. 27. ubi hæc habet. *Quod enim ut in pluribus sciunt sic factum, vel non factum, aut esse vel non esse, hoc est cæcos, seu propositio probabilis, ut odire invidentes, vel diligere amantes.* Ecce Philosophus contrariatur Celladeo, quia non loquitur præcisè de objecto, quod plerumque contingit; sed potissimè agit de perfectà illius cognitione, ac de notitia modi, quo similia continentur in suis causis. Unde non vult probabilitatem in hoc ipso casu sumi ab objecto secundum se considerato, ut vult Celladeus; sed insuper expressè requirit, ut certà experientiâ constet, talia plerumque ita se habere, & tunc habetur cæcos seu *propositio probabilis*. Cæterum si illud objectum obscurè tantum, & sub exigua veri apparentia apprehenderetur tanquam plerumque contingens, non esset probabile ex mente Philosophi, sicut non esset ex rei veritate. Constat ergò Aristotelem ad probabilitatem requirere apparentiam illam, in qua nos probabilitatem sitam esse docuimus.

69. Secundum caput, ex quo cognosci potest, quæ apparentia ex vi suæ magnitudinis plerumque connectatur cum vero, delimitur ab effectu, quem ab illa ipsa apparentia provenire videmus, aut experimur posse provenire. Hic effectus, est assensus, quem probi & periti viri, non ex animi levitate, aut passione uni parti indebitè inclinatâ, sed post maturam rei discussionem præstant apparentiæ, dum sententiam ita proferunt, sicut decet peritos & probos. Hic effectus certò arguit apparentiam, seu stimulum intellectualem, cui intellectus ita judicans innititur, tantæ magnitudinis esse, ut ex omnibus æqualibus plures connectantur cum veritate quam cum falsitate. Ratio est, quia talis apparentia est digna assensu, fundat iudicium rationabile ac prudens, apta est ad impetrandum assensum à perito & probato, non leviter sed ut peritum & probum decet judicantem. At apparentia ex vi suæ magnitudinis non postulans plerumque connecti cum vero, non est digna assensu, neque fundat iudicium rationabile ac prudens; nemo enim nisi temerè sequitur apparentiam, quæ propter debilitatem suam plerumque fallit. Rursus natura malè instituisse hominem, si ille in obscuris, judicando sicut decet probum & peritum, plerumque erraret. Ergò impossibile est, quin tales apparentiæ plerumque non fallant. Itaque ex iudicio taliter elicito rectè infertur, apparentiam, cui innititur, ex vi suæ magnitudinis fundare necessitatem plerumque non errandi, si talia

Assensus peritum probat magnitudinem & probabilitatem motivi.

lumina sequamur. Ex proprio enim alicujus cause effectu legitime infertur existentia talis cause, cum omnibus prædicatis ad talem effectum necessario requisitis. Hic modus arguendi est à posteriori & ab effectu, alter autem erat à priori, per quem à naturis rerum magnitudo apparentiæ deducebatur, & ex illius magnitudine jam nota qualitas iudicii in ea fundati cognoscebatur. In præsentem autem à qualitate iudicii qualitas motivi declaratur.

Magnitudo stimuli, ex ipsius consideratione à peritis dignoscitur.

70. Cæterum magnitudo hujus apparentiæ non solum cognoscitur à iudicio taliter elicitò, sed etiam ex ipsa stimuli existentis magnitudine, quam periti & probi in seipsis experiuntur; illi enim sæpe evidenter vident, apparentiam, quam in se sentiunt, esse dignam assensu, quia ex una parte certò sciunt, se nullà passione animi excæcantes, aut ad unam partem indebitè pellente moveri; ex altera experiuntur, stimulum vehementem, clarèque perspiciunt, se non posse meritò reprehendi, si tali apparentiæ assensum præbeant. Hæc secunda via dignoscendi magnitudinem apparentiæ, seu determinandi apparentiam probabilem, maximè in rebus difficilibus, solis peritis conve-

nit; prima autem etiam imperitis communis est; omnes enim ex communi gravissimorum Auctorum consensu certificantur talem opinionem nisi motivo verè magno, verè probabili; quia certum est, aliquos eorum prout decet peritos & probos sententiam tulisse.

71. Ex his habemus, quid sit motivum esse magnum, grave, solidum, rationabile, prudens, seu probabile; omnia enim ista idem prorsus significant. Itaque illud est motivum verè magnum &c. quod vi suæ magnitudinis plerumque non fallit, etsi hic & nunc à vero aberrat; seu quod aptum est ad impetrandum assensum à viro perito & probò, juxta dicta tum hic, tum in tract. de Conse. prob. quest. 2. num. 13. & alibi sæpè. Unde iterum apparet, Celladeum frustra conqueri de nobis, quòd terminos obscuros non satis declaratos adhibeamus; nullum enim terminum inexplicatum relinquimus, sed determinatum ac distinctum sensum singulis tribuimus, ipsam rerum originem, naturam, proprietates, causas & modos res ipsas cognoscendi exponimus. Sed ad alia pergamus.

Motivum grave, magnum, prudens &c. quid?

QUÆSTIO TRIGESIMA-OCTAVA.

In quo consistat essentia probabilitatis extrinsecæ?

Auctoritas loquentis consistit in duplici veracitate.

PROBABILITAS extrinsecæ fundatur in auctoritate dicentis aliquid. Porro omnis auctoritas consistit in duplici loquentis veracitate, quarum altera est veracitas in cognoscendo, altera est & dicitur veracitas in dicendo. Prima consistit in capacitate debite cognoscendi res, per quam aliquis præsumitur non falli circa illas. Secunda consistit in dispositione, quâ persona loquens conformatur dicta conceptui, & mentiendi non fallit. Prima dispositio est perfectio intellectus. Secunda est perfectio voluntatis. Porro, quòd dispositiones istæ fuerint perfectiores, eò auctoritas est major. Ideo summa est Dei auctoritas, quia in cognoscendo nequit falli, nec fallere in loquendo. Creaturarum auctoritas eò major est, quòd magis ad divinam accesserit.

Cur fides negetur aliquando perissimis aliquando probabilissimis

2. Cæterum si alterutra ex istis dispositionibus desit, deest pariter auctoritas ad fidem rationabilem sufficiens. Sic nemo prudenter credit demoni, licet perspicacissimo, & valde veraci in cognoscendo; quia verax non est, sed mendax in loquendo. Similiter veracissimis in loquendo non credimus, si ignorantes sint aut imperiti; quia etsi non fallant, facillimè tamen falluntur. Itaque utraque veracitas ad completam auctoritatem requiritur, & ideo non nisi hominibus scientiæ & conscientiæ, seu viris peritis & probis, fidem prudenter damus. His positis, quæstio est, quæ & qualis auctoritas sufficiat ad reddendum aliquid extrinsecè probabile. De hac re agit Celladeus lib. 2. quest. 18. & 19. Nos veritate stabilita, erroribusque Celladei detectis, solvemus quod contra benignam sententiam objicit. Sit ergo

ASSERTIO PRIMA.

Probabilitas extrinsecæ non bene definitur per auctoritatem ferè nunquam aut saltem plerumque non errantem in iis, de quibus alios instruit.

Probabilitas extrinsecæ non est auctoritas, quæ ferè nunquam fallit, aut fallit.

3. **P**ROBATUR Assertio contra Celladeum, qui eadem prorsus ratione de finit probabilitatem extrinsecam, quâ intrinsecam definitur: nempe per hoc, quòd sicut illa sola ratio est gravis, fide digna, magna, seu probabilis, quæ ferè nunquam fallitur aut fallit; ita illa sola auctoritas est gravis, magna, probabilis, quæ ferè semper verum dicit. Probatur, inquam, eisdem fermè argumentis, quibus similem definitionem probabilitatis intrinsecæ rejicimus, quia eodem prorsus modo demonstrant insufficientiam, ac nullitatem definitionis præsentis. Nominatim autem definitionem hanc ex eodem capite rejicio, ex quo Aristoteles supra quest. superiore rejicit definitionem probabilium, quæ simpliciter dicebat illud esse probabile, quod plerumque contingit; quia hoc, ut jacet, evidentibus ac necessariis convenit; talia enim plerumque contingunt, cum semper eveniant. Ita pariter in casu nostro, auctoritas infallibilis, certò cognita ut talis, includeretur in hac definitione probabilitatis extrinsecæ, si termini accipiantur ut jacet, quia talis auctoritas non solum plerumque, sed semper non fallit eos, quos docet. Nec sufficit, quod Celladeus postea limitet verba definitionis, quia limitatio illa

illa exprimi debebat in ipsa definitione. Deinde definitio rejicitur ob particulam illam *ferè semper*, quæ certò certius omni probabilitati extrinsecæ non convenit sicut *quest. superiori* ostensum est, quod omni probabilitati intrinsecæ non conveniat.

Si explicatio Celladei corrigatur, est vera.

4. Quod si, omisâ particulâ, *ferè nunquam*, terminisq; ita declaratis, ut infallibilis auctoritas non includatur, solum insistas alteri particulæ *plerumque*, descriptio allata admittitur ut vera, non tamen est legitima definitio. Admittitur ut vera, quia convertitur cum definito; nulla enim auctoritas est digna fide, de qua constat quòd in difficilibus ac scientificis plerumque fallatur, aut quòd in obviis plerumque fallat. E contra in incertis omnis auctoritas est digna fide, de qua constat, quòd plerumque nec fallatur nec fallat. Ergò descriptio sic explicata convertitur cum definito. Quod si aliqua auctoritas, erroneè quidem, sed prudenter præsumatur plerumque nec falli nec fallere, illa auctoritas solum apparenter & quoad nos est probabilis, non autem quoad se; quia si cognosceretur qualis est in se, non esset fide digna. Ergò verè à parte rei non est fide digna, nec sufficit, ut constituat motivum extrinsecè probabile.

Unde innotescat, quod auctoritas plerumque nec fallatur, nec fallat?

5. Si verò quæras, unde innotescere debeat, quod auctoritas aliqua plerumque nec fallatur nec fallat; Respondeo hoc non posse nec debere sumi à certa experientia ac diuturna observatione de frequentissima veracitate loquentis. In hoc videor mihi contradicere Celladeo, quia exempla & auctoritates, quas affert ad suam sententiam probandam, ad hunc sensum unicè collimant. Ratio est, quia in incertis scientiarum assertis per nullam experientiam scire possum, utrùm loquens fallatur necne? Imò per experientiam non possum scire quod non fallat in illis, quamvis per experientiam, ex rebus obviis desumptam, scire possim illum in talibus esse veracem, atque inde inferre, quòd in rebus scientificis proponendis non mentitur.

Innotescit independenter ab experientia de veracitate loquentis.

6. Itaque quamvis per experientiam propriam scire possim, quod femina aliqua in rebus obviis sit valdè verax, cui proinde prudentius credam, quàm viro gravissimo, de quo talem experientiam non habeo, aut in quo falsitatem aliquando detexi; tamen universaliter loquendo, notio & præsumptio veracitatis, etiam circa res obvias ab omnibus evidenter discernibiles, nec potest nec debet ab istiusmodi experientia sumi. Ratio est, quia fides innixa auctoritati probabilis, præcedit experientiam, quæ advertimus aliquem plerumque verum dicere. Alioquin nemini prudentè credere possemus, nisi post diuturnam cohabitationem &c. quo nil absurdius dici potest. Ergò auctoritas probabilis explicari debet independentèr à tali experientia. Itaque vel recurrendum est ad experientiam de aliis hominibus, quos plerumque veraces reperimus, & sic per inductionem idem de quibusvis præsumimus, modò nil obstat in contrarium, vel potius ad experientiam propriæ inclinationis, quâ naturaliter stimulamur ad conformanda dicta menti, quæque tanta est, ut clarè percipiamus necessarium esse, ut & nos, & alii ejusdem naturæ, plerumque illam sequamur. Hæc ratione primitus sollicitari videmur ad existimandum, quod homines plerumque non mentiantur. Cæterum quia experimur nos ipsos, modò mali incurrendi metu, modò boni acquirendi desiderio stimulari ad mentiendum, idem quoque de aliis judicamus, ideoque illis minùs fidimus in rebus ad eorum interesse spectantibus. Quod si per experientiam diceremus, aliquem in rebus ejusmodi esse etiam veracem, id multum conducit,

ut illius auctoritas in nostra opinione augeatur.

7. Cæterum, quamvis hæc Celladei explicatio accipiat in sensu vero superius explicato, non est bona definitio, quia non explicat definitum in ordine ad terminum, ex cujus inspektione scire possumus, quòd adsit talis auctoritas, quam tamen certò scire, ac hîc & nunc discernere unicè avemus. Certè nunc potissimè agimus de auctoritate probabilis in rebus scientificis & incertis, & talem de illa definitionem quærimus, ut illâ mediante scire possimus, an hæc sit vel non sit talis auctoritas? at hoc est impossibile, si gravis auctoritas solum definitur esse illa, quæ plerumque non errat, quia in nullo casu particulari scire possum, an erret necne, eò quòd semper versemur in incertis. Itaque hæc explicatio, etsi vera, non tamen est bona definitio. Præterea, hoc quod est, hominem in rebus ejusmodi plerumque nec fallere nec falli, non est per se notum, aut experientiâ cognoscibile, sed est quid fundatum in prædicato anteriori ac notiori. Ergò gravis auctoritas definienda non est per consequens minùs notum, sed per primum ac radicale magisque notum prædicatum, quod quale sit, inferiùs explicabitur.

Explicitio Celladei, etsi vera, non est bona definitio.

8. Interim multa alia falsa adjungit Celladeus, dum assertionem suam probat, quæ corrigenda sunt, quia ad pleniorè præsentis materiæ notionem conducunt. Inprimis dicit, auctoritatem probabilem, seu fundantem assensum probabilem, debere esse fallibilem. Hoc falsum est, quia auctoritas infallibilis non fundat assensum certum, nisi infallibiliter applicetur intellectui. Certè, si Angelus de Cælo descendens mecum loqueretur, ille esset infallibilis, non tamen fundaret assensum nisi probabilem, si nil singulare præ se ferret, quo ab hominibus discerni posset. Ergò auctoritas infallibilis fundare potest judicium probabile, modò fallibiliter applicetur intellectui. Nec dicas, auctoritatem illam esse solum materialiter infallibilem quoad se, Celladeum autem loqui de auctoritate formaliter & quoad nos fallibili, qualis esset illa Angeli in casu proposito, quia solum proponeretur ut magna, non ut infallibilis; nam contra est, quia inprimis hoc explicari debebat, quod non est factum. Deinde, etsi sciam auctoritatem, cui credo, esse invincibilem, illa tamen non semper fundat assensum certum, nisi certum etiam sit quod loquatur.

Auctoritas infallibilis fundare potest assensum probabilem.

Primus error Celladei.

9. Secundò dicit, illud *plerumque non fallere* sumi debere negativè, ut auctoritas, cui credimus, aliquando fallatur, aut fallat in rebus, quas probabiles reddit, alioquin rem certam redderet. Sed contra primò, quia tametsi hoc verum esset, si certò constaret loquentem nec fallere nec falli, tunc enim certa esset veritas, quam proponit; si tamen hoc non certò innotescat, ut evenire potest, assensus tali auctoritati quantumvis infallibili datus, est solum probabilis. Contra secundò, aliquando agimus cum hominibus, qui nunquam mentiuntur. Nihilominus quia certum nobis est, quòd mentiri possint, aut non est certum, quòd non possint aut non velint mentiri, fidem solum probabilem illis damus, ut patet. Hæc duo efficacissimè rejiciunt definitionem probabilitatis extrinsecæ à Celladeo allatam, maxime si sumatur in sensu ab illo explicato, quia auctoritas extrinseca complectitur auctoritatem infallibilem, si infallibilitas non certò innotescat. Similiter complectitur auctoritatem fallibilem nunquam fallentem, modò fallibilitas appareat, & non fallentia certò non manifestetur. At definitio Celladei, si sumatur negativè, ut ipse vult eam accipi, naturam comple-

Secundus Celladei error.

Definitio Celladei non æquat definitum.

complectitur. Ergo non est bona; quia non ex qua definitum.

Celladeus multa dicit de subjecto non supponente.

10. Tertio, multa repetit, & congerit, quæ sunt de subjecto non supponente; qualia sunt, auctoritatem illam non esse magnam, gravem &c. non fundare assensum probabilem &c. quæ æquæ se habet ad verum & falsum. In hoc alludit ad eos, qui docent utramque contradictionis partem simul esse posse probabilem, quasi ipsi docerent, probabilitatem intrinsecam vel extrinsecam æqualiter se habere ad verum & falsum. Verum illi nil simile docent, nec quidquam ejusmodi sequitur ex eorum assertis, ut fusè ostensum est. *quæst. 29. & 30.*

ASSERTIO II.

Celladeus inconsequenter procedit, dum definit probabilitatem extrinsecam per auctoritatem ferè nunquam fallentem.

Celladeus inconsequenter procedit, dum definit probabilitatem extrinsecam per auctoritatem ferè nunquam fallentem.

II. **P**ROBATUR Assertio. Celladeus *lib. 2. quæst. 16.* jactat se, rejectis aliorum prætensis probabilibus, veram & realem probabilitatem sincerè definivisse, suamque doctrinam ab antiquis, & nominatim à Philosopho, mutuasse. Hoc si rectè ac verè fecisset, laude dignus fuisset. Et sanè non possum non probare conatum, cum rectam viam elegerit. In rebus enim tanti momenti diligenter insistendum est communi terminorum acceptioni, à qua non licet recedere. Cum ergo probabilia pro conscientie regula proponantur, prorsus cavendum est, ne in terminorum intelligentia à communi antiquorum & recentiorum acceptione deflectamus. Itaque conatus iste Celladei laudandus est; sed dolendum, quod post multum laborem per plures errores à vero Philosophi & antiquorum sensu deflexerit, ut vidimus quæstione præcedenti; hic autem eundem arguo, quod in definitione probabilitatis extrinsecæ inconsequenter processerit, quia reliquæ Aristotelis & aliorum omnium definitione, novam ac falsam ex proprio capite subrogavit. Aristoteles 1. *Topic. cap. 1.* exactissimè definit probabile ab extrinseco, dicens: *Probabilia sunt, quæ videntur omnibus, vel plerisque, vel sapientibus: atque his vel omnibus, vel plerisque, vel maxime notis.* Et omnes Philosophi ac Theologi hac in re Philosopho subscribunt. Hanc definitionem latè exposui *quæst. 2. de consens. prob. num. 21. & seqq.* sicut & illam probabilitatis intrinsecæ ibidem à *num. 11.* exposueram, quia sciebam his in rebus absurdum esse proprii capitis inventiones contra communem Recentiorum & Antiquorum sensum proponere. In rebus enim ejusmodi cum sinceritate potius, quam cum inani jactatione progrediendum esse omnes norunt. At Celladeus, post longam protestationem de necessitate inhærendi antiquis, post assumptum in se onus ita progrediendi, ac demùm post seriam protestationem, quod exactissima probabilitatis extrinsecæ notio sit maxime necessaria, quia maxima hominum pars solâ auctoritate regitur, contrario modo procedit, & nullâ factâ mentione definitionis Aristotelicæ, novam ex proprio capite profert. Quod est operari contra protestationem, & in re maximi momenti valde inconsequenter procedere.

Facit contra protestationem, quem præmiserat.

ASSERTIO III.

Motivum extrinsecè probabile rectè definitur, auctoritas seu veracitas personæ rationalis ita intellectui applicata, ut mereatur fidem, sed non certam.

Excella de finitio motivi extrinsecè probabili.

12. **H**ÆC explicatio manifestè convertitur cum definito, explicat etiam radicem ipsam, in qua motivum extrinsecè probabile consistit, & per quam facillè discerni potest, ut ex dicendis melius patebit. Si enim quæras quænam sit auctoritas digna ejusmodi fide? Respondeo, auctoritatem merentem talem fidem esse duplicem. Alia est infallibilis in se, quæ si fallibiliter quidem, sed rationabiliter applicetur, meretur fidem, sed incertam. Alia est fallibilis, quæ pariter meretur fidem incertam, modò non certò sciatur nec fallere nec falli, merito tamen ob peritiam præsumatur non falli, & ob probitatem non fallere. Hæc explicatio complectitur omnem formam, à qua objecta reddi possunt extrinsecè probabilia. Rursus nil complectitur præter formas, à quibus talis denominatio provenit. Ergo explicatio hæc manifestè convertitur cum definito. Secundò, reducit omnem probabilitatem extrinsecam ad peritiam & probitatem loquentis, ad quas omnis auctoritas tanquam ad propria & essentialia prædicata reducitur. Tertio, peritia & probitas loquentis sunt res, de quibus sufficientem notitiam satis facillè habere possumus *ut quæst. 16. & 17.* ostensum est. Quarto demùm manifestè coincidit cum mente Philosophi. Itaque dubitari non potest, quin allata explicatio motivi extrinsecè probabilis sit legitima definitio.

13. Cæterum, quia auctoritates istæ, seu objecta ista moventia ex se indifferentia sunt, ut hæc vel illâ ratione applicentur, & quia prout diversimodè applicantur, diversas sortiuntur appellationes certi, probabilis, temerarii &c. ideo ipsa probabilitas motivi extrinseci non consistit in auctoritate, quæ movet, sed in vitali illius applicatione, per quam stimulat ad assensum. Itaque probabilitas extrinseca, non minùs quàm intrinseca, consistit in impetu intellectuali, quo scilicet intellectus ad assensum impellitur. Porro hic impetus, seu hæc applicatio aliud non est, quàm perspicua quædam notitia de auctoritate loquentis, per quam intellectus videt aut præsumit, personam hic & nunc loquentem esse dignam fide, sed incerta. Porro hæc etiam applicatio in definitione nostra continetur, ut patet. Demùm eadem auctoritas applicata explicatur in ordine ad unicum & proprium effectum motivi probabilis extrinseci, nempe in ordine ad fidem incertam, quæ continet perfectionem & imperfectionem correspondentem perfectioni & imperfectioni contentis in motivo ut applicato. Ex his autem bonitas definitionis iterum stabilitur.

Probabilitas extrinseca consistit in propositione auctoritatis ideonæ, seu in impetu intellectu.

14. Quod si quæras, unde hæc notitia, seu applicatio auctoritatis hujusmodi habeatur & innotescat? Respondeo, illam simili prorsus ratione innotescere, seu elici, quâ in *superiori quæst.* stimulum intellectualem, in quo probabilitas intrinseca consistit, elici & innotescere diximus. Hinc habetur, tam probabilitatem ut sic, quàm utramvis illius speciem in impetu intellectuali consistere, differentiasque probabilitatis extrinsecæ & intrinsecæ solum materialiter se habere, cum neutra vim majorem contineat, quàm quæ in conceptu generico continetur. Per hoc ergò discriminatur, quod extrinseca moveat proponendo auctoritatem

Differentiam probabilitatis nil perfectionis addunt, quod non continetur in prædicato generico.

et oritatem loquentis; intrinseca verò, proponendo motivum ab auctoritate loquentis distinctum.

ASSERTIO IV.

Propositum sit declarare partes, ex quibus probabile ab extrinseco componitur, & proprium partium singularium munus explicare.

Partes, ex quibus probabile extrinsecè componitur, earumque munus. 15. **P**ROBABILE extrinsecè dicit rem ab aliqua auctoritate assertam pro materiali, & pro formali auctoritatem assertivè loquentem, qualem proximè exposui. Res, seu subiectum denominationis, propriissimè vocatur probabile, & est tale quodammodò passivè, quia ab alio denominationem recipit. Auctoritas verò applicata etiam ipsa est & dicitur probabilis, sed quodammodò activè potius quàm passivè; quia alteri dat denominationem probabilis, & eam ab alio non recipit, alioquin daretur processus in infinitum, ut benè observat Celladeus lib. 2. quest. 18. §. 1. Cæterùm auctoritas applicata, propriè loquendo non est probabilis activè, sed solùm constitutivè, quia non efficit formam, à qua res denominatur probabilis, sed per sui applicationem formaliter constituit illam in ratione probabilis. Nihilominus quia auctoritas ipsa concurret ad productionem locutionis, per quam aliquo modo applicatur rei assertæ tamquam subiecto, ideo auctoritas aliquo modo activè concurret ad totum concretum probabile, sicut effectivè concurret ad producendum hominem, qui solam unionem producit. Ergò auctoritas applicata est forma propriè constitutiva, & aliquo modo effectiva concreti *probabile*; & hoc est, quòd explicare intendimus, quando dicimus auctoritatem esse probabilem. Sed & auctoritas applicata duo dicit, nempe ipsam auctoritatem loquentem pro materiali, & ejus notitiam seu applicationem vitalem pro forma. Hæc vitalis applicatio est id, quod formalissimè se habet in hoc concreto *probabile ab extrinseco*. Illa enim est ipsa probabilitas, seu motio & impetus intellectualis, quæ ita denominat alia probabilia, ut ab alius tale denominationem non accipiat.

16. Hinc habetur, probabilitatem extrinsecam esse, saltem communiter, formam realiter distinctam ab objecto probabili, quia auctoritas loquens & applicata, plerumque realiter distinguitur à re, quam loquitur. Rursus res, quæ dicitur probabilis, non est talis ex sua natura, neque requiritur, ut sit res verè contingens, aut de plerumque contingentibus, cùm denominatio probabilis extrinsecè, ejusque definitio ab Aristotele tradita, applicari possit rebus necessariis juxta ac contingentibus. Unde confirmantur omnia, quæ supra tradidimus de probabilitate intrinseca, quia non est cur hæc uni potius, quàm alteri probabilitium generi conveniant. Præterea sequitur, eadem esse menti Aristotelis conformia, quia non est credibile, quod contraria de materia probabilitium tradiderit, aut ea involverit in definitione probabilitium ab extrinseco, quæ sub definitione probabilitatis intrinsecæ includi non possunt. Rursus, probabilitas extrinseca supponit & arguit intrinsecam: nemo enim peritus & probus, nisi à suo munere defleat, assensum præbet ulli rei sine motivo rationabili ac probabili. Ergò nil, potissimè in rebus obscuris & incertis, esse potest probabile ab extrinseco, quod non etiam sit probabile ab intrinseco. Ergò definitio probabilitatis intrin-

secæ extendi debet ad omnia, ad quæ probabilitas extrinseca extenditur. At probabilitas extrinseca extenditur ad omnem omnino materiam incertam, sive contingentem sive necessariam, ut patet; quia auctoritas loquentis ad hæc omnia extenditur.

Rursus, Aristoteles definit probabile ab extrinseco Topicorum, in quibus tradit regulas ad probabiliter discurrendum in omni materia. Ergò judicavit illud extendi ad omnem materiam, circa quam homines probabiliter discurrent. At illi probabiliter discurrent tam de necessariis quàm de contingentibus. Ergò Aristoteles omnia hæc ex æquo inclusit in sua definitione. Unde iterum apparet, Celladeum non solum errasse, dum supra quest. superiore dixit, nil esse propriè probabile, nisi quod est contingens, sed etiam in hoc errore suo & ab Aristotelis mente recessisse, & ad propriam doctrinam insequentem locutum esse. Contra Aristotelis quidem mentem locutus est, quia vult ea per Aristotelem non esse probabilia intrinsecè, quæ Aristoteles manifestè involvit in definitione probabilis extrinsecæ, quæque proinde, ipso Celladeo fatente, debent esse probabilia intrinsecè. Quod est contradictionem Aristoteli affingere. Insequentem verò ad suam doctrinam locutus est, quia definitio, quam ipse probabilitati extrinsecæ assignat, æquè convenit necessariis ac contingentibus. At quæ sunt extrinsecè probabilia, sunt tam propriè talia, quàm quæ sunt talia intrinsecè. Ergò necessaria sunt propriè probabilia. Præterea ipse fateatur extrinsecam probabilitatem essentialiter fundari in intrinseca. Ergò tam necessaria quàm contingentia esse possunt propriè probabilia intrinsecè, quia sæpè sunt propriè talia extrinsecè. Ergò in duabus istis definitionibus, & insequentem locutus est, & sibi contradixit.

ASSERTIO V.

Definitio probabilis extrinsecæ à Celladeo tradita evidenter ostendit, benignam sententiam esse tam extrinsecè quàm intrinsecè probabilem, probabilitate vera, reali, ac positiva, etiam juxta mentem Celladei; & per consequens manifestè ostendit, Celladeum in toto suo opere frustra laborasse.

17. **P**ROBATUR. Illa opinio est extrinsecè probabilis probabilitate vera, reali, ac positiva, juxta mentem Celladei, quæ nititur auctoritate plerumque & ferè semper non fallente: sed benigna sententia nititur hujusmodi auctoritate. Ergò benigna sententia est extrinsecè probabilis probabilitate vera, reali, ac positiva, sumendo terminos istos in strictissimo Celladei sensu. Consequentia legitime deducitur: major est certa, quia continet definitionem à Celladeo traditam, quæ quamvis nimis stricta sit, & propterea non sit bona, cùm omnem opinionem probabilem non complectatur, ut ostendimus; nihilominus evidentissimum est, omnem opinionem esse ad minimum probabilem, quæ in tanta auctoritate fundatur. Itaque sola difficultas est in minore, quæ tamen clarissima est; quia unanimis consensus omnium peritorum, qui post diuturnam ac seriam totius quæstionis per integrum sæculum discussionem, in unam eandemque sententiam conspirant, est auctoritas, quæ ferè nunquam fallit, aut fallitur. Certè nisi hæc auctoritas ad hoc pertingat, nulla ejusmodi datur auctoritas fallibilis, & consequenter quæstio erit de subiecto non supponente. Verùm

Probabilitas extrinseca æquè extenditur ad necessaria, ac ad contingentia.

Celladeum errat, & Aristoteli contrariatur.

Celladei contradictio.

Doctrina Celladei demonstrat veritatem sententiæ, quam impugnat.

qum

Benigna
sententia ni-
tatur aucto-
ritate ferè
nunquam,
imò nun-
quam fal-
lente.

nimis clarum est, talem auctoritatem aut nunquam aut rarissimè errare. Imò si loquamur de rebus moralibus, in ordine ad quas per fidem ac doctrinam revelatam, peculiaremque Dei gratiam, justi & Sancti juvantur, nec alia cuiquam suppetere possint principia, per quæ quæstio determinetur, quàm quæ omnibus sunt communia, haud dubiè dicta auctoritas est tanta, ut nunquam erret, cum moraliter saltem certum sit, omnes omninò peritissimos in tali quæstione errare non posse. Sed benigna sententia est opinio omnium omninò Doctorum Ecclesiæ per plusquam integrum sæculum, qui rem in propriis terminis examinârunt. Et quidem si sermo sit de majori probabilitate directâ, nemo unquam Theologorum Catholicorum negavit licitum esse illam sequi, si unum excipias Celladeum, qui solus hâc in parte contra omnes insurrexit, & sine sufficienti fundamento omnes damnavit. Quod si sermo sit de pari aut minori probabilitate directâ, omnes omninò, præter unum Comitolum non summi nominis virum, per integrum sæculum, post quæstionem rigidè ac diligentissimè examinatam, expressè docuerunt, usum illius esse licitum. Et quidem Comitulus, sicut & alii pauculi, qui posterioribus hisce annis eum sequuti sunt, manifestè æquivocârunt in sensu quæstionis, quia putaverunt nos docere aliud ad formandam conscientiam non requiri, quàm probabilitatem minorem, cum tamen expressè docemus minorem illam probabilitatem directam, agnitam ut talem, non sufficere, nisi ex vi novæ consultationis per rationes reflexas, honestas operationis evadat probabilior ejusdem inhonestate. Et sanè veritas eorum, quæ hîc dicta sunt de auctoritate nobis favente, adeo certa est, ut adversarii ipsi non audent id negare. Celladeus quidem in superioribus conatus est rem in dubium revocare, sed æverum fucum fecit, & in omnibus ad hoc spectantibus patenter erravit, ut ostensum est. Ergò auctoritas, cui benigna sententia nititur, tanta ad minimum est, ut ferè nunquam fallat, aut fallatur; imò si pressè loquamur, tanta est, quæ nunquam aut fallatur aut fallat; cum reddat veritatem, quam tradit, prorsus inexpugnabilem.

Qui benignam
sententiam im-
pugnârunt,
decepti fue-
runt in in-
telligendo
sensu quæ-
stionis.

18. Dices. Plures moderni impugnârunt antiquam opinionem, quæ proinde non est amplius communis omnium: ergò non amplius fulcitur auctoritate prætensâ.

Respondeo inprimis, nonnullos impugnâsse benignam sententiam quoad usum opinionum directæ non probabiliorum: verum omnes, quos vidi, hallucinati sunt in statu quæstionis intelligendo, & ex illa hallucinatione decepti attulerunt argumenta nullius roboris; quippe quæ benignam sententiam non premunt, cum omnes pro conscientie regula re ipsa requiramus majorem probabilitatem, si omnia inspiciantur. Itaque ex pauculorum istorum deceptione nil auctoritatis demptum est à benigna sententia. Quod autem ad majorem probabilitatem directam attinet, omnes, præter unum Celladeum, docent eam sufficere. Nec Celladeus argumenta ullius momenti, contra illam attulit, ut vidimus. Præterea periti, qui Celladum legunt, non ideo à pristina sententia recedunt, sed potius in ea confirmantur, quia miras in eo æquivocationes ac sophismata detegunt, nec quidquam solidi contra benignam sententiam inveniunt. Proinde compatiuntur viro, quod bonas horas in opere tam inutili collocavit, quas in opus longè præstantius impendere potuisset. Itaque nil detractum est à summa auctoritate benignæ sententie per hoc, quòd Celladeus ab illa desciverit.

19. Respondeo secundò. Auctoritatem, cui benigna sententia nititur, esse ex se ipsa intrinsecè & essentialiter, qualem proposuimus, quia omnes omninò, inter quos fuere innumeri sapientiæ ac probitate clarissimi, per integrum sæculum post diligentissimam quæstionis discussionem, illi in terminis subscripserunt. Fuit ergò toto illo tempore unanimis omnium Doctorum opinio. At auctoritas, cui talis opinio in re tali tamdiu nititur, talis est, qualem descripsimus, quia evidens est, quòd talis auctoritas aut nunquam aut rarissimè fallatur aut fallat. Imò fundamentum hujus concordie est evidens necessitas, ut talis opinio semper prævaleat, licet aliqui postea decipiantur, & ab ea desciscant; alioquin si post tantam auctoritatem semel habitam illa deficere posset, nil ex auctoritate firmum ac stabile esset. Omnes olim censuerunt motum dari; sed Zeno, cum aliis nonnullis, ob argumenta, quæ non poterant solvere, hoc negârunt. Omnes ante Janseum docuerunt ignorantiam invincibilem excusare à toto, sed Janseus aliique eum secuti contrarium tradiderunt. Nec tamen ideo unanimis priorum consensus quidquam detrimenti in magnitudine suæ auctoritatis passus est, quia ille ex sua intrinseca natura est invariabiliter talis, & idem est illam semel existere, ac invariabiliter talem esse. At hoc idem locum habet in præsentis quæstione, cum eadem de illa ac de aliis sit ratio. Ergò auctoritas benignæ sententie est immutabiliter tantæ magnitudinis, quantam proposuimus. Nec decem Celladei in contrarium de novo surgentes quidquam de illa possunt detrachere. Vide dicta quæst. 15. quia omnia mirificè confirmant, quæ hoc loco dicta sunt, & pariter à dictis hoc loco confirmantur.

20. Respondeo tertio. Pauculos quosdam nuper à communi sententia de licito opinionis directæ minus probabilis usu recessisse: sed ex quo hoc factum est, longè plures, doctrinâ ac probitate illis non inferiores, post eorum argumenta perpensa, antiquæ ac communissimæ sententie ut incomparabiliter prævalenti subscripserunt. Et quidem si de opinione probabiliori sit sermo, omnes præter Celladeum dicunt illam esse sufficientem conscientie regulam. Præterea argumenta Celladei, sedulo examinata, reperiuntur esse levia, & non nisi æquivocationibus graviora. Unde si tota auctoritas benignæ sententie, quoad usum opinionis directæ minus probabilis, & vel maxime quoad usum opinionis probabilioris, favens, debite inspicitur, & comparatur cum auctoritate contraria, evidens est illam tantam esse, ut plerumque immò ferè semper verum dicant; rarissimum enim est, quòd unus & alter verum dicant, quando omnes alii, probissimi juxta ac peritissimi, unanimi consensu illis contradicunt. Hic est casus noster. Ergò non obstante si lius Celladei auctoritate de illicito opinionis probabilioris usu, & paucorum ex æquivocatione deceptorum de insufficientia opinionis directæ minus probabilis, auctoritas benignæ sententie favens est tanta, ut plerumque ac ferè semper verum dicat, maxime in rebus moralibus, de quibus est sermo. Et hoc ad intentum præsens abundè sufficit.

21. Quod si non rigorosissimæ Celladei, sed moderatæ ac verissimæ Aristotelis definitioni stemus, evidens est benignam sententiam, in sensu strictissimo acceptam, esse verè probabilem extrinsecè, quia procedit de eo, quod plerisque, immò fermè omnibus sapientibus, illisque maxime notis ac famosissimis, verum apparet. E contra, sententia rigida, accipiendo terminos Philosophi ut jacent, non est extrinsecè probabilis, quia evidens est, quòd

Auctoritas
benignæ
sententie est
invariabiliter
& essentialiter
prævalens con-
trariæ.

Post contra-
versiam or-
tam plures
pro nobis,
quàm con-
tra nos scri-
pserunt.

Juxta Ari-
stotelem do-
ctrina senten-
tia est pro-
babilis ex-
trinsecè.

quod nec omnibus, aut plerisque hominibus, nec omnibus, aut plerisque, aut maximè notis sapientibus videatur vera.

Benigna sententia tam intrinsecè quam extrinsecè est probabilis probabilitate vera, positiva, ac reali.

22. Hæc evidenter evincunt, sententiam benignam habere omnia, quæ Celladeus ad veram, realem, ac positivam probabilitatem extrinsecam requirit; ex quo tam ex principiis ipsius, quam ex rei veritate sequitur, illam habere etiam quæ ad probabilitatem intrinsecam postulat. Inprimis hoc sequitur ex ipsius principiis; quia ille expressè fatetur probabilitatem extrinsecam semper fundari in intrinseca, & in illam resolvi. At benigna sententia ad evidentiam est probabilis extrinsecè juxta definitionem Celladei. Ergò est etiam probabilis intrinsecè juxta mentem ipsius. Deinde ex rei veritate id ipsum sequitur, quia impossibile est, quin ex tot tamque præclaris Auctoribus, qui quaestionem hanc sedulo & à fundamentis examinarent, plures eorum non aliter quam pios ac peritos decet sententiam protulerint. Sed hoc modo non protulissent suam sententiam, nisi ad eam moti fuissent ratione, quæ vi magnitudinis suæ plerumque connectitur cum veritate. Ergò habuerunt talem rationem. Ergò benigna sententia nititur ratione seu motivo probabili, seu plerumque non fallente. Ergò est intrinsecè probabilis. Rursus impossibile est omnes omnino Auctores, qui successivè per plura sæcula quaestionem diligentissimè examinaverunt, in unam convenire sententiam, quin moti fuerint ratione validissimâ ac probabilissimâ, atque ita prævalente, ut omnes convinceret, atque ad eadem veritati subscribendum quodammodo compulerit. Ratio autem, quæ usque adeo prævalet in intellectu generis humani, ad minimum vi suæ magnitudinis postulat, ut ferè semper verum dicat, nisi enim hujusmodi ratio id postulet, utique nulla erit, præter absolutè infallibilem, quæ hoc prædicato gaudeat. Ergò benigna sententia, utpote cui omnes omnis ætatis Doctores subscripserunt, fundatur in ratione aut semper aut ferè semper non fallente. Ergò est probabilis probabilitate intrinsecâ, verâ, reali, ac positivâ.

Argumentum concludit in favorem benignæ sententiæ quomodo docemur.

23. Argumentum certissimè concludit, si benigna sententia sumatur, prout asserit usum opinionis directè probabilioris esse licitum, quia nemo ex omnibus, præter unum Celladeum, refragatur. Ipse autem exigui momenti rationes pro suo recessu honestando attulit, ut patet ex dictis, & ex dicendis magis patebit. Itaque certum est, benignam sententiam sic acceptam, dictâ probabilitate stabiliri. Quod si restringatur ad usum opinionis directè minùs probabilis, argumentum pariter concludit intentum, quamvis pauculi aliqui nuper reclamârint, quia ipse excessus multitudinis ac gravitatis Auctorum nobis faventium evidenter arguit, illos habere rationes non solum plerumque prævalentes (quod ex mente Aristotelis & omnium, præter Celladeum, ad veram probabilitatem sufficit) sed etiam rarissimè fallentes. Cæterum hoc maximè verum apparet in casu præsentis, cum pauci illi in sensu quaestionis intelligendo æquivocârint, & in fictum tantum adversarium impugnârint; cum nos, si omnia inspiciantur, dicamus majorem probabilitatem ad conscientiam debitè formandam esse necessariam, in quo illis consentimus; & si illi rectè intellexissent, quomodo hoc eveniat, à nobis in nullo discrepassent.

Celladeus frustra laborasse probatur.

24. Ex dictis sequitur, Celladeum in toto suo opere frustra laborasse, quia totus in eo est ut probet benignam sententiam non esse probabilem probabilitate conscientiæ, seu probabilitate, quam appellat veram realem, ac positivam, quam definit esse rationem vel auctoritatem rarè errantem. At admissâ hac definitione (quæ procul dubio nil includit, quod non sit verè, realiter, & positivè probabile, quamvis non omnia verè & realiter probabilia involvat) evidenter sequitur, benignam sententiam habere probabilitatem ejus-

B. P. A. Tertiâ Regula Morum. Pars I.

modi. Ergò frustra laboravit, quia media adhibuit, ex quibus oppositum finis ab ipso intenti necessariò consequitur. At hoc est summum genus frustrationis in quovis opere, si ad finem ab operante sibi præfixum respiciamus. Quòd si finem adversæ partis intueamur, Celladeus non frustra, sed utiliter illis laboravit, quia effecit, ut veritas benignæ sententiæ clariùs innotesceret, non solum quia dedit ansam detegendi fallacias argumentorum contra ipsam allatorum, sed vel maximè, quia ex ipsis adversariorum illam impugnantium principiis ejusdem veritas efficacissimè comprobatur.

25. Dices. Celladeus hoc saltem evicit, scilicet R. plica. opiniones communiter habitas probabiles non esse verè tales, ideoque ad conscientiam regulandam non sufficere; quia impossibile est, ut utraque pars contradictionis nitatur ratione & auctoritate rarè aut nunquam fallente. Ergò non frustra laboravit, quia hoc ipsum est magnum operæ pretium.

Respondeo inprimis, consequentiam, admissâ antecendente, non sequi; quia solum inferitur, tales opiniones ex vi rationum directè probantium non sufficere pro regulanda conscientia, quod verum est, si sint verè, si solum apparenter probabiles, modò intellectus neutram partem præferat, sed finali judicio censeat, eas esse æquè probabiles. Tunc enim ad rationes reflexas recurrendum est, quibus adhibitis, utriusque partis honestas evadit probabilissima probabilitate verâ, reali, ac positivâ. Ergò jam ex vi istarum licitum cuique erit quam maluerat opinionem sequi. At aliud nec contendimus, nec intendimus. Hoc autem est, quod Celladeus conatur evertere. Ergò frustra laboravit, quia licet evicisset antecedens, illa victoria non esset operæ pretium, cum ad finem præfixum non conducatur, nec in ullo obstat fini ac intento benignæ sententiæ.

26. Deinde respondeo, duas opiniones contradic- Solutio 2. torias æquè probabiles niti posse ratione ac auctoritate plerumque non fallente, non quidem ex parte hujus determinati objecti materialis, quia hoc ad probabilitatem non requiritur, ut ostensum est; sed ex vi magnitudinis apparentiæ, quare talium sententiarum Auctores sequuntur. Ratio est clara, quia singulæ opiniones nituntur motivo apto ad impetrandum assensum à viro perito & probo, sicut talem virum decet judicante; cum constet, quod talem assensum de facto impetret. At tale motivum frequentius verum dicit, quam errat. Rursus plerumque verum est, quòd tres vel quatuor viri præstantes post omnia in utramque partem ritè perpensa absolutè judicant esse verum, dummodò non temerè, sed maturè, & ut decet viros prudentes sententiam dicant. Si enim omnia à talibus dicta ratione decisa in unum cumulentur, multò plura erunt vera quam falsa, nec quisquam de hoc rationaliter dubitare potest, quia alioquin natura malè instituisset intellectum humanum, ut patet, & supra sæpè dictum est. At utraque pars contradictionis sæpè nititur rationibus & auctoritatibus ejusmodi. Ergò utraque pars contradictionis sæpè est probabilis probabilitate verâ, reali, ac positivâ; idque verum est non solum juxta utramque definitionem probabilis à Philosopho allatam, sed etiam juxta definitionem Celladei.

SOLVITUR PRIMA OBJECTIO,

& benigna sententia stabilitur ex doctrina de testibus.

27. **O**BJICI T primò, ex data probabilitatis de- Objectio 1. finitione sequitur, nemini licitum esse sequi opinionem æquè aut minùs probabilem de honestate opera-

Ff

operationis, quia nemo in tali casu habet motivum sufficiens ad probabiliter seu prudenter judicandum, quod res sit licita; ad hoc enim motiva suadentia honestatem deberent prevalere motivis suadentibus inhonestatem talis rei, quia id solum est probabile, vel prudens, quod nititur ratione vel auctoritate plerumque non fallente. At hoc non intervenit, ubi pars minus tuta est solum æquæ aut minus probabilis parte tutiore. Ergo in tali casu nemo potest prudenter formare conscientiam de honestate partis minus tutæ. Ergo nec licitè eam sequi.

In casu testimonii æqualium neutra pars iudicari debet in foro exteriori.

28. Confirmatur hæc doctrina ex titulis de Testibus, de Præsumptionibus, & Exceptionibus, in quibus sacri Canonnes multipliciter declarant, iudicem pro neutra parte debere judicare, quando testes opposita deponentes sunt ejusdem honestatis & æstimationis, ac etiam numero pares; & multò minus judicare posse pro parte, cui, cæteris paribus, pauciores testes suffragantur. Ratio autem est, quia in tali casu non est præsumptio sufficiens ad prudenter seu probabiliter judicandum, quod veritas determinatè reperitur in tali parte. At eadem est ratio de Auctoribus sibi contradicentibus, ac de testibus contraria deponentibus, quia sicut testes deponunt de facto, ita Auctores decernunt de juro, seu de bono & malo. Ergo non magis credendum est Auctoribus, quàm testibus. At certum est ex juribus, & omnibus lumine naturæ notum, quod testes pares contra pares nil probent, quia tunc ex vi testimonii nulla habetur præsumptio de veritate. Similiter ex eisdem constat, quod pauci contra multos, cæteris paribus, multò minus valeant, quia jam est præsumptio de falso, eò quod dictum unius, nisi sit valdè prævalens, sit dictum nullius contra plures, quia non solum non facit rem prudenter credibilem, sed nequidem reddit illam dubiam. Ergo idem dicendum de Auctoribus. Ita Celladeus lib. 2. quæst. 19. per totam, ex quo infert primò, eos perperam & contra lumen rationis discurre, qui dicunt licitum esse sequi Doctores pares contra pares, aut pauciores contra plures, & quod plus est, unum contra multos, quia ratio dicat, nil plus posse hujusmodi Doctores in ordine ad iudicium fori interioris, quàm testes in ordine ad iudicium fori exterioris. Deinde infert secundo, nec testes, nec Doct. res quidquam probare, si de illis non constet, quod ferè semper vera dicant.

Solvitur argumentum. 29. Respondeo inprimis, nemini licere sequi partem minus tutam, quam finali iudicio reputat esse æquæ aut minus probabilem, si ad formandam conscientiam aliis argumentis non utatur quàm directè probantibus. Ratio autem istius rei non inde petitur, ut contendit objectio, quod desit motivum sufficiens ad prudenter judicandum, rem esse licitam; hoc enim falsum est; neque enim ad hoc requiritur, ut fundamentum unius partis absolutè prævaleat fundamento partis alterius, ut fusè probatum est in superioribus; quia etsi in actu primò neutrum prævaleat, fieri poterit ex imperio voluntatis, ut intellectus alteri assentiat tanquam vero, & tunc motivum illud in actu secundo prævalebit. Cæterum in hoc etiam casu, iudicium tale niteretur ratione vel auctoritate plerumque non fallente, quia utraque pars contradictionis simul niti potest tali ratione ac auctoritate, ut ostensum est. Ratio ergo est, quia in tali casu mens hæret dubia, & bona fides non formatur, ut sæpiùs explicatum est. Ergo tunc homo peccat, si partem minus tutam sectetur; quia quod non est ex fide, peccatum est. Quod si homo ex imperio voluntatis credat, partem minus tutam esse absolutè veram, & sic in actu secundo approbet motivum minus aut æquale, illudque exercitè præferat motivo verè majori; vel certè, stante finali iudicio de motivorum directè proban-

tium paritate, ex vi rationum reflexarum rationabiliter formet conscientiam de honestate operis in circumstantiis, ille non peccat sic opinando, quia sequitur rationale dictamen conscientie ut sæpe ostensum est in superioribus.

30. Ad confirmationem à paritate Testium ac Doctorum desumptam, duo repono. Primum est, paritatem in nullo obstare benignæ sententiæ, sed illam validissimè confirmare. Alterum est latam esse disparitatem inter Auctores & Testes, ideoque argumentum ab his ad alios non valere.

Inprimis à paritate Testium ad Doctores translata, ad summum sequitur, neminem licitè sequi sententiam Doctorum, quamdiu pars, quam sequitur, alteri parti apud ipsum non prævalet; quia in hoc casu non habetur determinata præsumptio veritatis pro parte, quam sequitur; sed necessariò operatur vel contra conscientiam, vel certè in dubio, quorum utrumque est illicitum. At hoc ipsum est, quod ego cum multis benignæ sententiæ Auctoribus expressè trado. Afferimus enim cum peccare, qui sequitur partem minus tutam, quam absolutè credit esse æquæ aut minus probabilem, si in aliud non respiciat, quàm in æqualitatem aut minoritatem motivorum aut auctoritatum directè probantium. Stante enim tali dispositione, operans juxta nostram opinionem, necessariò agit vel contra conscientiam, vel in dubio, ut multis in locis ostensum est, tum in hoc, tum in trakt. de Consc. prob. Et sanè, qui aliter hac in re discurreret, & diceret licere quidem sequi pares Doctores contra pares, aut pauciores contra plures, vel unum contra multos, etiam quando cætera sunt paria, & intellectus alià viâ, quàm per ista iudicia non procederet, id verò nequaquam licere in simili casu Testium, hic inconsequenter discurreret, quia clarum est, quod, stante tali dispositione, non plus possint Doctores in ordine ad forum interius, quàm Testes in ordine ad iudicium fori exterioris. Ergo ex hac paritate nil sequitur contra nostram sententiam, quia aliud non sequitur, quàm quod ipsi independenter ab hac paritate expressè tradimus esse verum.

31. Deinde dico, paritatem hanc validissimè probare veritatem benignæ sententiæ. Ratio est, quia 4. quæst. 2. cap. Si testes, item cap. in nostra de testibus & attestationibus, aliisque in locis expressè traditur, quod testes contraria deponentes, fidem sibi non derogent, sed prævaleant digniores, & verisimiliora deponentes; si in cæteris sit paritas, plures præferuntur paucioribus. Cæterum unius vel duorum dignissimorum ac omni prorsus exceptione majorum testimonium prævalet testimonio multorum ex plebe collectorum. Hæc & alia hæc similia traduntur de Testibus, & sufficiunt, ut veritas rei illorum testimonio confirmatè sufficienter probetur, atque ut iudex in rebus momenti juxta illorum testimonium sententiam ferat; quia in istiusmodi casibus veritas ex prævalentia testimonii prudenter præsumitur, eò quod testes prævalentes plerumque non fallant. Ergo idem dicendum est de Auctoribus, qui sunt testes juris, sicut alii sunt Testes facti. Ergo quoties numerus aut qualitas Auctorum libertati faventium excedit auctoritatem aliorum contradicentium, toties conscientia licitè deponitur in illorum attestatione; imò si sententia feratur, debet juxta illam pronunciari in favorem libertatis contra legem præsentam. Ergo etiam quoties, omnibus inspectis, ratio & auctoritas prævalet pro una parte, toties conscientia rectè formatur, & homo per principia synderesis reflexa tam certus est se non peccare faciendo talem rem, quamvis fortasse contra suam opinionem decipiatur, quàm iudex ferens sententiam juxta depositionem prævalentium testimonii. At iudex per principia reflexa est certissimus se non peccare ferendo

Paritas Testium & Auctorum non improbat benignam sententiam.

Sed eam validissimè confirmat.

Testes contraria deponentes, non semper sibi derogant.

ferendo sententiam juxta depositum Testium prævalentium, quamvis fortasse decipiatur per illos. Ergo par honestas, & par certitudo est in opinione, quæ auctoritatibus & rationibus inspectis invenitur prævalere. At hoc est totum quod nos aut intendimus, aut docemus. Ergo totum intentum benignæ sententiæ efficaciter probatur ex Doctrina de Testibus, de Præsumptionibus, de Exceptionibus, aliisque ejusmodi.

Ufus opinionis directè probabilioris probatur licitus ex doctrina de testibus.

32. Hinc enim inferitur, primò, usum opinionis directè probabilioris esse licitum, quia juxta illam conscientia rationabiliter formatur. Itaque quoties pro aliqua opinione plures ac præstantiores Auctores & rationes potiores inveniuntur, quàm pro contraria, licitum erit in illa acquiescere, atque juxta illam conscientiam formare, atque ita ad operandum progredi, idque præcisè propter auctoritates & rationes directè prævalentes; quia hæc omnia in materia facti evidenter licent in simili casu testium. Et sanè hoc verum est, etsi rationes validæ, & Auctores plurimi stent pro contraria sententia, quia id etiam valet in testibus. Quod si usus opinionis probabilioris sumatur prout substat rationibus & auctoritatibus reflexis, jam omnes omninò Auctores, præter unum Celladeum, conveniunt usum illius esse licitum. Ergo sicut in testibus, ita in Auctoribus dictum unius Celladei contra omnes est dictum nullius, maximè cum Celladeus non præmineat aliis omnibus, & cum multis particularibus æquari non possit; nec rationes afferat tam rationabiles quàm alii. Et hoc est illud ipsum in terminis, quod Celladeus fatetur esse verum in testibus; unde ex propriis principiis doctrina ipsius evertitur, cum juxta illam singularis illius auctoritas opinionem rigidam non reddat prudenter credibilem; nec sufficit ut opposita in minimum dubium revoce-

Exceptio Celladei contra nos ex propria ipsius doctrina ostenditur esse nulla.

tur. Inferitur secundò, idem prorsus dicendum esse de unius aut duorum valdè præstantium contra plures minùs præstantes; directè enim licebit sequi opinionem paucorum illorum contra sententiam plurium, quia Auctoritas illorum paucorum prævalet multitudini. Quod si reflexè progrediamur, nullum de licito talis opinionis usu esse potest dubium, cum in eo omnes convenient.

Doctrina de testibus convincit usum minùs probabilium esse licitum.

33. Demùm si loquamur de opinione directè minùs vel æquè probabili, atque quæramus, quid in istis novis circumstantiis liceat, habemus plus quàm quadraginta Auctores pro nobis contra unum pro parte contraria. Et quidem qualitas Auctorum nobis faventium, in nullo cedit, sed in omnibus longè præminet qualitati adversariorum. Nemo nobis adversantium hæcenus tam celebris doctrinæ famâ claret, sicut Suarez, Medina, Vasquez, Averfa, Joannes à S. Thoma, aliique complures, qui universam Theologiam, omniaque principia moralia egregiè calluerunt, atque rem à fundamentis examinârunt. Præterea ex adversariis omnes fermè decepti sunt in intelligendo sensu opinionis, quam impugnârunt, ideoque reipsâ nobis non contrariantur, quia nos uno ore docemus nemini licitum esse sequi ullam opinionem, nisi antea probabilius ipsi fuerit, quod usus illius sit licitus. Itaque auctoritas benignæ sententiæ favens, est tanta, ut juxta jura de testibus, de præsumptionibus &c. immò juxta evidens lumen rationis, auctoritas contraria sit prorsus exigua, & nullius fundamenti. Ergo licitum est acquiescere benignæ sententiæ, & juxta illam in tota sua latitudine acceptam operari, quique sic operatur, non minùs certus est se non peccare, quàm sit ille, qui in simili casu testium contraria deponentium sequitur depositum testium manifestè prævalentium, quia quoad hoc eadem de utrisque est ratio.

34. Jam quando benigna sententia docet, licitum

R. P. A. Terribi Regula Morum. PARS I.

esse sequi pares contra pares, aut pauciores contra plures Doctores æquales, hoc non docet propter paritatem illam aut minorem auctoritatem; quia si illa sola inspiciatur, & inveniatur omninò par, aut minor, tradit neminem licitè posse sequi talem auctoritatem. Itaque solùm hoc docet ob alias auctoritates reflexas multùm prævalentes. At hoc non est contra, sed juxta rationem, sicut apparet in simili casu de testibus. Ecce doctrina de testibus evidenter confirmat veritatem benignæ sententiæ, ac proinde Celladeus causam suam malè egit, dum ad doctrinam de testibus provocavit.

35. Rursus ex doctrina de testibus apertè sequitur, Celladeum in eo etiam errasse, quòd dixerit, nec testes, nec Auctores quidquam probare, nisi ferè semper vera dicant. Inprimis nimis certum est testes sæpè corrumpi, & falsa instrumenta non rarò supponi in judicio. Nec ad hoc opus est longâ probatione, quia quotidiana experientia id docet. Sed & Alexander III. cap. quia verisimile, de præsumptionibus, expressè tradit hoc ipsum: dicit enim, Sæpè contingit, quòd testes faciliè corrupti inducantur ad falsum testimonium proferendum. Et tamen testes corrupti, quando non constat de corruptione, probant in judicio. Ergo ut testes vel Auctores probent, non requiritur ut ferè semper verum dicant, sed sufficit, si plerumque non fallant. Et sanè cum minùs sit plerumque verum dicere, quàm ferè nunquam errare; utique aliquod genus probationis ab iis habetur, qui plerumque non fallunt, etsi de illis dici nequeat, quòd ferè nunquam errent. Verùm Celladeus hisce expressionibus insistere voluit, ut falsam, & Aristoteli falsò impositam definitionem probabilitatis, superiùs à nobis rejectam, redderet credibilem. Sed ipse sibi perniciem affert, quia eligit argumenta ut sibi faventia, ex quibus falsitatis redarguitur, ut patet in casu testium. Nullum enim testimonium sufficit, nisi reddat assertum probabile. At testimonium duorum vel trium testium, si nemo contradicat, aut sex contra quatuor æquales contradicentes, sufficit ad judicium ferendum. Ergo reddit assertum probabile, non tamen est tale ut ferè nunquam decipiat. Ergo ad motivum probabile non requiritur, ut ferè nunquam decipiat, sed sufficit, si plerumque verum dicat.

Argumenta Celladei ipsius erroris arguunt.

36. Hæcenus supposui, paritatem Doctorum ac testium esse prorsus similem, quia id sumebatur pro antecedenti; & ostendi, hoc admissio, nil inferri contra benignam sententiam, sed illam ex hoc ipso validissimè confirmari: nunc autem dico, latam esse disparitatem inter Doctores ac testes. Ratio est perspicua. Testes deponentes de facto, vel certi sunt se verum dicere, vel certi sunt se mentiiri, quia sunt testes de visu. Hinc evidenter sequitur, quòd quando duo testes contraria deponunt, alter sit nequam, & nullam habeat rationem dicendi illud quod deponit, cum habeat apertam scientiam de opposito. Hinc quamdiu nescitur, quæ pars sit verax, quæ fallax, nec præsumptio ulla uni potiùs quàm alteri parti faveat, nemo potest prudenter credere ulli parti determinatæ, quia versatur in æquali periculo judicandi, sine ratione, ac in spe judicandi cum ratione. Cum enim non nitatur nisi auctoritate & scientiâ testium, & certò constet alterum non habere indicium de eo quod dicit, utique sine omni ratione judicaret, si assentiretur parti mendaci. At diversa est ratio de Auctoribus diversa opinantibus. Illi enim versantur in rebus incertis, & singuli validas & valdè suasibiles rationes afferunt pro sua sententia. Unde semper datur evidens præsumptio, quòd utraque pars sincerè procedat, & non aliter loquatur, quàm sentiat. Atque hinc est, quòd utraque pars reddat suum dictum probabile, quia quòd ab uno assertur, non elidit motivum alterius, sed cogit utramque partem fateri, partem quoque

Disparitas inter Auctores & testes.

Ff 2

adver-

adversam rationabili fundamento esse subnixam. Ergo quisque potest prudenter eligere quaecumque partem voluerit, illique assensum præbere; nec ideo reprehendi potest ut temerarius, quia certus est, quod non sine rationabili fundamento assensum præbeat. At in casu testium, neutra pars est probabilis quoad nos; quia alterutra caret omni ratione, & consequenter utraque non potest esse probabilis. Ergo cum non constet pro qua ratio stet, neutra quoad nos evadere potest probabilis. Ergo dispar est ratio Auctorum & testium, cum major detur præsumptio veritatis pro quavis determinata parte à Doctoribus, quam à testibus asserta.

Celladeus immeritò carpit Theologum quendam.

37. Atque hinc sequitur, Celladeum immeritò carpere Theologum quendam, qui paritatem testium & Auctorum à Celladeo objectam ut malè fundatam ex eo rejecerat, quòd si S. Thomas & Scotus sibi contradicerent, & supponerentur æquales, tanta esset apparentia veritatis pro utraque parte, quanta haud dubiè & ad prudenter opinandum, & ad tutò operandum sufficeret. Nil autem proportionale invenitur, quando duo viles testes sibi contradicunt. In hoc dictum vehementer insurgit Celladeus, putatque se hoc uno verbo gloriosum ab illo Theologo triumphum reportasse. *Quid enim diceret, inquit, non si duo viles, sed si duo præclarissimi sanctæ Ecclesiæ Cardinales tanquam testes de visu contraria atque repugnantia deponerent?* Mox respondendo quæ ipsi, non quæ illi Theologo, nì fallor, occurrebant; lamentatur, se nil apud illum, utpote nolentem quidquam contra tot suas probabilitates audire, profecisse. Verùm, o quàm longè à victoria, quàm longè à valido ictu, immò quàm longè à verisimili argumento est hæc objectio! puduisset me, Celladee, de rebus adedò compertis quæstionem movere, nisi gloriosa hæc tua, & exprobranti similis oratio, ad innocentem ac justum defendendum excitasset. Si ad instantiam illam tuam responsum expectasset, non defuisset Theologo illi, quo te in ipso loco convicisset, nisi tu nimio impetu abreptus, veritatis percipiendæ minùs idoneus tunc fuisses. Dixisset enim, te in ipsa tua suppositione contraria involvere, tibi quæ ipsi, non illi licet movere. Supponis amplissimos, præclarissimosque, a omni prorsus exceptione majores S. R. Ecclesiæ Cardinales (debuisses autem vel honoris, vel reverentiæ, vel etiam debiti titulo à tali in tantis viris comparatione abstinere) tanquam juratos testes de visu contraria apud judicem deponere. Nónne vides hæc inter se non cohærere? Fieri ne potest ut tales viri contraria deponant? Ubi legisti tale quid aliquando contigisse? Profectò si viri tales possent tam faciliè, quàm homines vulgares, contraria deponere, major illorum, quàm horum in judicio ratio non haberetur. Habetur autem longè major illorum ratio, ut patet. Ergo longè difficilius est, illos quàm istos sibi in judicio contradicere.

Moraliter impossibile est, ut gravissimi Testes contraria deponant.

38. Quid dico difficilius? Est penitus impossibile, nisi suppositio destruat. Si duo tales jurati testes contraria deponerent, eo ipso præclarissimi esse cessarent. Alter enim solemniter nebulo evaderet. Ergo eo ipso non haberes præclarissimum par testium, sed testium par haberes, cujus alter esset sceleratus nebulo. Unde nullus illorum postea, nisi constaret ex qua parte veritas steteret, absque exceptione in judicio admitti posset. Semper enim esset timor rationalis, ne sicut fortè antea fecit, nunc etiam mentiretur. At auctores sibi contradicentes nil dignitatis amittunt, sed ambo possunt esse eximii, ac fide digni. Immo ab ipsis adversariis tanquam docti ac rationabiliter procedentes laudantur. Contraria omnia in testibus invenies. Ergo dispar est conditio Doctorum ac testium in ordine ad fidem promerendam. Præterea fundamenta Doctorum sibi contradicentium talia sunt, ut videamus pe-

ritos illa examinantes in opinando dividi, & hos unam illos aliam partem probare. At in casu testium æqualium & contradicentium hæcenus visum non est, prudentes judices contraria judicasse. Ergo dispar est ratio Auctorum & testium.

39. Et sanè à te peto, Celladee, an licitum cuique non sit sequi opinionem S. Thomæ, quando illius opinio ac ratio ipsi magis probatur, quàm opinio tutior S. Bonaventuræ, qui post visa fundamenta Sancti Thomæ in contrariam abiit sententiam? Si hoc neget, teneris dicere consultationes ac resolutiones Theologorum gravissimorum ad nil inservire, cum nemini liceat illis stare, tamen absolute judicet illas esse veras, ac aliis præferendas. Præterea S. Thomam ipsum, omnesque ejus asselas, qui præter Thomistas sunt innumeri, contrarios habebis. Si concedas, idem procul dubio in simili casu dicendum erit de S. Bonaventura contra S. Thomam. Ergo idem de quibusvis aliis gravissimis auctoribus sibi contradicentibus dicendum erit. Ergo cuique licebit sequi quaecumque opinionem certo probabilem, quam ipse veram reputat. Ergo qui veram reputat benignam sententiam, tutò illam sequitur. Sed quid dico? ponamus S. Thomam & S. Bonaventuram sibi directè contradicentes, in hoc tamen reflexè convenire, quod cuique integrum sit utriuslibet sententiam sequi prohibito. In hoc casu directæ unius opinio obstare non potest quòd minùs objectum contrariæ opinionis in praxi sit licitum. At hic est casus noster, quia non unus vel duo, sed innumeri viri gravissimi, qui in opinionibus directis sibi contradicunt, non solum fatentur, sed disertè probant, sicutum cuique esse quaecumque ex contrariis illis sententiis in praxim reducere. Hæc autem est benigna sententia, quæ proinde procul dubio gaudet verâ, reali, ac positivâ probabilitate, & est sufficiens regula ritè formandi conscientiam.

Veritas benignæ sententiæ incertum stabilis.

SOLVUNTUR ALIÆ OBJECTIONES.

40. **O**BJICIT secundò. Opiniones communissimæ omnium ætatum, omniumque scholarum, præferendæ sunt opinionibus unius vel paucorum, modò cætera sint paria, quia difficilius est plures falli quàm pauciores. At, si cætera non sint paria, fieri poterit, ut opinio unius vel paucorum sit præferenda. Ratio est, quia aliquando contingit, opiniones communes in probationibus deficere, & tunc opinio singularis melius fundata est eligenda. Cæterum ut opinio singularis communi præferatur, necesse est, ut singularis illa opinio positivè ostendat fallentiam opinionis communis, quod fiet clarè probando excessum in fundamentis & eorum qualitate; quia opponens contra ea, quæ plerumque contingunt, tenetur positivè probare, quòd exceptio locum habeat, alioquin contrarium præsumitur. Ita Celladeus lib. 2. quæst. 29. §. 2. Unde sic argui potest contra benignam sententiam. Esto, illa communissima fuerit; jam plures contra illam exceperunt, atque exceptionem suam probaverunt. Ergo non amplius standum est illi sententiæ, sed singularis Celladei & paucorum opinio præferenda est.

Quæ opinio sit eligenda?

41. Respondeo, doctrinam hanc de opinionum electione ultrò admitti, saltem tanquam consilium. Cæterum aliud est loqui de opinionum electione in ordine ad opinandum, aliud in ordine ad operandum. Si sermo sit de electione opinionis in ordine ad opinandum & conscientiam formandam, illa præferenda est, quæ post debitum examen invenitur esse rationabilior, aut probabilior. Ratio est, quia suum cuique opinatum probabilius est, ideoque docemus, neminem opinari aut conscientiam formare nisi de re, quæ ipsi finaliter probabilior apparet. Hoc ab Auctoribus

Alia opinio eligenda ad opinandum, alia ad operandum.

ribus benignae sententiae exactissime servatur; illi enim inter opiniones directas de rerum honestate non opinantur nisi de probabilioribus. Idem faciunt quando reflexe arguunt, semper enim probabiliori inhaerent. Id in quo multi æquivocant est, quod dicamus, opinionem directam æquè aut minùs probabilem eligi posse ad operandum juxta illam. Unde inferunt, nos non sequi regulam propositam de electione opinionum. Verùm errant certissime. Error autem in eo fundatur, quod non distinguant inter electionem opinionum ad operandum, & electionem opinionum ad opinandum. Tunc opinio eligitur ad opinandum, quando intellectus ex imperio voluntatis flectitur ad assentiendum illi opinioni, eamque suam facit. In hoc sensu semper eligimus probabiliorē. Tunc verò opinio præcisè eligitur ad operandum, quando intellectus non præbet illi assensum, sed considerat objectum ut substantia motivis talis qualitatis, & ex rationibus reflexis prævalentibus judicat, objectum illud in tali circumstantia esse licitum. Hoc modo fatemur opinionem directè æquè probabilem eligi posse in ordine ad operandum, si signatè consideretur ut objectum. Verùm in hoc ipso casu opinio reflexa versans circa hoc objectum, quæ sola propriè eligitur ut opinio seu ad opinandum, est melius fundata quàm opposita persuasio, & sic semper eligitur opinio probabilior, quia semper solum probabilius eligitur in ordine ad opinandum. Quod si quisquam miretur dum hæc legit, desinet mirari, si adverterit omnes omnino, & ipsum Celladeum, eodem modo loqui de dubio sine ratione concepto, quando sine ratione deponitur; tunc enim dubium in ratione objecti eligitur tanquam sufficiens ad fundandum actum reflexum, quo rationabiliter credimus, licitum esse operari contra tale dubium. Idem prorsus valet in casu nostro.

Quid sit opinionem eligi ad operandum? quid ad operandum?

Singularis opinio, an & quando præferenda sit communi?

42. Porro fateor, singularem sententiam aliquando prævalere contra communem, & tunc singularem meritò præferri in ordine ad opinandum. Verùm in aliquibus casibus impossibile est, ut singularis opinio unquam prævaleat, ut probatum est *quæst. 15.* & talis est præsens quaestio, ut ibidem ostensum est. Interim singularis sententia non est præferenda communi, nisi argumenta pro illa allata, omnibus inspectis, rationabiliter cognoscantur rationibus ac auctoritatibus contrariis prævalere. His positis, fateor, Celladeum contra unanimem omnium ætatum omniumque scholarum opinionem de licito opinionis probabilioris usu exceperisse. Exceperunt nonnulli pauci contra usum opinionis directè non probabilioris. Ergò ex mente ipsius Celladei, nec ipse, nec alii audiendi sunt, nisi clarè probent excessum in fundamentis, & eorum qualitate. At certè, nec ille nec ipsi hoc fecerunt. Non illi, tum quia hallucinati sunt in statu quaestionis, tum quia argumentis longè inferioribus & exigui prorsus valoris usi sunt, ut demonstravi in *in toto tract. de Consc. prob.* Non ipse, quia pro miris argumentis miras æquivocationes ac rerum confusiones attulit, ut vidimus, & videbimus. Non ergò clarè, immò nec probabiliter exceptionem suam probavit. Ergò ex propriis regulis audiendus non est. Immo nos, qui, post omnia considerata, claritatem aut prævalentiam hanc non reperimus, sed è contrario omnia benignæ sententiae favere conspiciamus, ex ipsa mente Celladei tuti sumus, quia sequimur auctoritatem ferè semper veracem, contra quam post diligens examen nullam congruam exceptionem reperire potuimus.

Celladeus ex propria doctrina audiendus non est.

Quis dicendus sit Auctor?

43. Objicit tertio. Nos aliud ubique non obtrudimus, quàm benignam sententiam esse omnium omnino præter paucos; & solum Celladeum tenere, quod non liceat sequi opinionem, ne quidem probabiliorē. At si omnia considerentur, pauci sunt Auctores benignæ sententiae subscribentes. Quamvis enim plu-

rimi libri circumferantur, in quibus illa extat; plurimi tamen ex iis, qui tales libros ediderunt, non sunt Auctores, sed citatores historici, aut puri collectores, seu compilatores, vel certè puri commentatores qui omnes non sunt Auctores, nec tales vocantur. Auctor enim, ex S. Bonaventura in *proleg. sent. quæst. 4.* est ille solus, qui aut sola sua, aut aliena & sua, sed sua tanquam principalia, aliena tanquam annexa scribit. Ergò alios illos inter Auctores nominare, ut sententiam communem esse judices, est ultrò velle errare; Itaque non tot Auctores, quot jactamus, stant pro benigna sententia. Ita Celladeus *lib. 2. quæst. 20. §. 2.* ubi dicit, se sæpè in superioribus ostendisse, opinionem, dicentem usum cujusque opinionis probabilis esse licitum, esse *sententiam repugnantem Auctoribus quibusque gravibus, singulis, & omnibus.*

Respondeo, hæc omnia ad aliud non servire, quàm ut virorum de republica litteraria benè meritorum auctoritatem elevent, & contra apertam veritatem imperito Lectori fucum faciant. Peto enim à Celladeo, an pauci admodum fuerint Auctores in Ecclesia, qui ab anno 1540. usque ad annum 1640. Theologica & moralia scripserint? Si dicat eos esse paucos, apertè fallitur. Fuerunt enim numero plurimi, ac doctrinâ præstantissimi. Omnes autem quotquot fuerunt, præter unum Comitolum, expressè ac in terminis docuerunt, usum opinionis etiam minùs probabilis esse licitum. Comitulus autem in sensu quaestionis intelligendo æquivocavit, quia ideo solum contendit usum opinionis tantum probabilioris esse licitum, quia non advertit quomodo objectum directè minùs probabile, reflexè evaderet probabilius. Rursus pauci alii Comitolum à 30. circiter annis imitati sunt; sed, eodem prorsus modo, ex mala quaestionis intelligentia æquivocationem passi sunt. Cæteri omnes in omnibus benignæ sententiae subscripserunt. Rursus antiqui omnes idem reipsâ censuerunt, & quoad opinionem probabiliorē id ipsum in terminis expressis aut æquivalentibus tradiderunt, ut fusè demonstravi *quæst. 22. de Consc. prob.* Itaque quod dicimus de maxima benignæ sententiae auctoritate, non obtruditur, sed verissime demonstratur. Quod autem ad Celladeum attinet, provoeco eum, ut vel unum Auctorem Catholicum afferat, qui in terminis doceat, quod sine exceptione non liceat sequi opinionem, ne quidem probabiliorē, in sensu quo ipse loquitur. Si talem ostenderit, fatebor me falsò illum singularitatis accusasse. Si nullum talem invenerit, sed omnes contrarium sentientes repererit, non gravare feret si singularis audiat.

Auctoritas benignæ sententiae certè est, qualem nos illam esse dicimus.

44. Cæterum mirandum sanè est, Celladeum adeo confidenter asserere, quod sæpius ostenderit, usum partis minùs aut æquè probabilis improbari ab omnibus ac singulis Auctoribus gravibus. Mirum, inquam, quia certum est, omnes ferè Auctores, quos citat, docere in terminis, quod liceat sequi opinionem minùs probabilem, & alienam contra propriam. Citat quidem verba Vasquez, sed evidenter ea detorquet à sensu Auctoris, ut ex professo ostensum est *quæst. 16.*

Celladeus confidenter jactat ut verum, quod est evidenter falsum.

45. Quod attinet ad definitionem Auctoris strictè sumpti, admitto illam à S. Bonaventura excerptam esse legitimam: nihilominus in sensu communiore, alii etiam dicuntur Auctores. *Commentator est*, inquit S. Bonaventura ibidem, *qui scribit aliena tanquam principalia, & propria ut annexa.* At quot præstantes viri sunt, qui commentarios in Aristotelem, Magistrum, Scotum, D. Thomam scripserunt. Certè in nullo inferiores fuerunt iis, qui propria principaliter scripserunt. Quod attinet ad compilatores, qui aliena in unum colligunt, pauci sunt, saltem in re morali, qui multa de suo non addiderunt. Cæterum si addiderint, si non addiderint de suo, omnes aut ferè omnes fuerunt viri magni ingenii, ac veritatum moralium capacil-

Auctor, alius talis strictè loquendo. alius communiter.

Commen-
tatores &
Collectores
non fuerunt
minùs docti
quàm Au-
ctores,

capacissimi, qui proinde multum ad veritatis confirmationem suo calculo addiderunt; nam illa ratio haud dubiè solida est, quæ à tot viris capacibus ita probata fuit, ut nemo illorum viderit, unde reprehendi possit. Multi etiam ex illis fuerunt summi Theologi, qui suæ quoque jure vulgare potuissent, ac qui habentur præstantissimi; nec alia compilârunt, quàm quæ ipsi suo studio ac industriâ noverant esse vera, vel saltem oppositis probabiliora; quamvis ea omnia apud alios priùs dicta invenerint. His autem par fides habenda est ac præstantissimis. Itaque licèt concedam, plures compilatores prioris Classis non tantæ auctoritatis esse, quantæ sunt Auctores primarii; nihilominus non fuerunt minùs docti multis, qui Auctores habentur, eò quòd sua principaliter vulgaverint. Ergò eorum Auctoritas non est minor quàm multorum Auctorum. Itaque qui tales pro Auctoribus numerant, non ultrò errant, ut prætendit Celladeus, sed auctoritatem magni faciendam offerunt, quam Celladeus absque sufficienti causa nimis elevat, ut sic ostendat, suam opinionem non repugnare tot Auctoribus, quot contra illam citamus. Verùm nos nomine Auctorum non utimur in stricta illa significatione, sed in communi ac latiori, omnesque illos vocamus Auctores, qui libros de re morali ediderunt, & sciuntur fuisse magno ingenio, ac pari sedulitate præditi, ac proinde non minùs fide digni, quàm si, ut potuissent, propria vulgassent. Itaque opinio à multis illorum tradita verè est communis, quamvis non negem pauciores ex præstantioribus Auctoribus requiri, ut suam sententiam reddant simpliciter communem. Interim quotquot scripserunt, si pauculos à paucis annis excipias, benignam sententiam tradiderunt.

Obiectio 4. 46. Obiecit quartò. In opinionibus, sicut & in omnibus æquè probabilibus, nullus invenitur gradus auctoritatis probantis, aut credibilitatis; quia quævis ex illis opinionibus tantum habet exceptionis quantum ponderis, & conclusio manet neutra & incerta, ut accidit in casu testium. Ergò illæ opiniones non sunt regula conscientie, quia non sunt probabiles probabilitate vera ac reali, sed solum probabilitate secundum quid, seu probabilitate secundum dicti, quatenus permittuntur, & absque censura defenduntur &c. Ita Celladeus loco citato. Unde videtur sequi, quòd probabilitas opinionibus tribui solita non sit vera probabilitas, sed solum probabilitas improprie dicta, & ex consuetudine ita vocari solita. Ergò Celladeus benè distinxit inter istas probabilitates.

Omnes opi-
niones cum
imunes sunt
certò pro-
babiles.

Respondeo, omnes opiniones communes esse certò probabiles probabilitate reali ac verâ, eâ scilicet, quam ex Aristotele aliisque omnibus duplici definitione explicavimus, neque enim aliam probabilitatem novimus. In primis definitio probabilitatis extrinsecè evidentè illis convenit; & ex illa legitime inferitur, quòd sint etiam probabiles intrinsecè. Rursus definitio etiam probabilitatis intrinsecè illas complectitur, quia singulæ tantâ veri apparentiâ probantur, ut illa vi suæ magnitudinis frequentius connectatur cum veritate quàm cum falsitate, ut hæc & superiori quæst. ostensum est. Deinde falsissimum est, quòd non sit major gradus probationis in illis, quàm in casu paritatis testium sibi contradicentium; quia in his est tantum pondus, ut intellectus ex imperio voluntatis rationabiliter flecti possit in assensum alterutrius, quod certè locum non habet in testibus. Quod si conclusio maneat neutra, id est per accidens; quia intellectus in nullius partis assensum flectitur, sed absolute judicat utramque partem esse æqualem. Nec obstat, quòd utraque pars tantum habeat exceptionis ab altera parte, quantum habet ponderis in se; hoc enim non obstante, una pars non elidit alteram, sed utraque vi suæ actû stimulat intellectum ad assensum;

probabilitas autem in tali tantum stimulo consistit, ut dictum est. Porro hinc solum sequitur, talem opinionem, quamdiu intellectus reputat utramque partem esse æquè probabilem, non esse regulam conscientie in ordine ad opinandum juxta illam: hoc ultrò fatemur; sed hoc non obstante, est sufficiens regula ad operandum, modò sumatur per modum objecti, atque intellectus vi rationum reflexarum judicet, objectum illud ut substantia talibus circumstantiis & tali apparentiæ esse licitum. Hoc est, quod à benigna sententia traditur. Ergò Celladeus non impugnat benignam sententiam in sensu proprio ab Auctoribus ejus intento, sed solum in sensu à se confecto. Interim certum est, probabilitatem opinionibus tribui solitam esse veram ac realem probabilitatem, qualem Aristoteles definivit, & omnes post eum habent pro vera probabilitate. Ac proinde certum etiam est, Celladeum sine fundamento & contra apertam veritatem induxisse inauditas quasdam probabilitatis distinctiones, quas in superioribus refutavimus, ac nullas esse ostendimus.

SOLVITUR ULTIMA OBJECTIO,

& agitur de probabilitatis variatione.

47. **O**BIECIT quintò. Probabilitas vera & realis est invariabilis, atque eadem respectu omnium Doctorum in omni loco & tempore; quia si sumatur aliquod objectum cum omnibus circumstantiis loci temporis &c. & illud ita acceptum sit verè probabile, impossibile est, ut evadat improbabile, nisi objectum mutetur. Ergo, manente objecto, probabilitas manet semper & ubique. At omnia contrario modo se habent respectu probabilitatis quoad nos, seu probabilitatis opinionibus tribui solitæ; illa enim variabilis est: quæ enim in una universitate ac familia est probabilior, in alia vix audita est; & si ibi inducatur, vix toleratur, aut videtur probabilis, quæ alibi probabilior habebatur. Quin eadem in diversis ejusdem urbis domibus contrarietas invenitur; immò quæ opinio probabilior est in uno, in alio ejusdem domus cubiculo minùs probabilis habetur. Ergò probabilitas opinionibus dari solita non est probabilitas conscientie regulandæ idonea, ut ex versatili ejus natura satis appareret. Ita Celladeus lib. 2. quæst. 20. §. 2. qui similia indicaverat antea lib. 1. quæst. 1. §. 4. ut ostenderet, ne majorem quidem probabilitatem, aut etiam certum existimatum, sufficere pro conscientie regula, quia omnia hæc mixtæ variabilitati subjacent, cui regulæ à Deo stabilitæ non subjacent. De ratione enim regulæ est, ut sit nota, stabilis, & constans.

Obiectio
ultima.

Probabili-
tas opinio-
num est va-
riabilis.

Respondeo primò. Doctrinam hujus objectionis, in sensu Celladei intellectam, evertere totum intentum, quod ipse in editione hujus sui libri habuit. Quid enim? nonne liber de Recta Doctrina morum inscriptus est? Quid aliud intendit Auctor, quàm detortam morum regulam ad rectitudinem reducere? Ergò intendit doctrinam tam objectivam quàm formalem tradere, quam homines pro regula accipere possint ac debeant. At hoc sine, ex ipsa tua doctrina, frustraris, Celladee. Doctrina hæc tua non est semper & ubique eadem, in omni tempore & loco non eandem approbationem aut probabilitatem obtinet. Quæ enim in tuo cubiculo probabilissima, immò certa & evidens tibi visa est, eadem ab aliis ejusdem domus ut falsa & merito rejicienda est habita. Doctrina tua hæc ad loca remota advecta, post seriam examinationem, non solum displicet, sed in omni apice ad intentum principale pressius pertinente invenitur falsa, distorta, mixta æquivocationibus & frequentibus contradictionibus.

Doctrina
Celladei
vincit illos
opinionem
non sufficere
ad conscientias re-
gulandas.

traditionibus referta. Ergo excidisti sine tuo, atque ipse tibi contrariaris, dum unâ manu destruis quod alterâ ædificas.

Replica solvitur. 48. Nec dicas, te veram, ac proinde invariabilem doctrinam tradidisse, ideoque regulam legitimam proposuisse. Nam contra est, quia omnes, qui in suis cubiculis sententias edunt, aut stabiliunt, idem dicunt de sua, quod tu de tua opinione dicis. Ergo non est cur potius tua quam illorum doctrina sit regula. Nec major est variatio inter opiniones illorum inter se & te, quam inter tuam & aliorum. Cur ergo rejicis illorum opiniones ut insufficientes, tuam autem ut sufficientem Conscientiæ regulam proponis, cum tua eisdem saltem, imò multo pluribus exceptionibus subjaceat?

Alia replica solvitur. 49. At, inquires. Si doctrina mea diligenter ponderetur, invenietur vera, ac proinde habebit probabilitatem invariabilem. Ergo tunc erit regula, & quidem invariabilis. Sed contra. Nōne omnes idem de suis opinionibus dicunt? cur igitur plus tibi quam illis credemus? sed experiendum est, inquis, quis verum, quis falsum dicat, & tunc, quod rationabilius invenietur, præferendum. Itane verò? Ergo jam iterum doctrinam tuam destruis, nam propria cujusque opinio erit Conscientiæ regula. At illa mirè varia est, & dissimilis in omni loco & tempore. Ergo ponis regulam maximè variabilem, quam propter variabilitatem rejicis. Ergo tibi non constas, sed in fundamentali doctrina de regula tibi contradicis. Demum quid fiet, si doctrina tua inveniat, sicut verè invenitur esse falsa? Eritne adhuc regula? Replicabis, nō fallor, non est falsa, sed vera. At nos illam legimus, & post diligens examen eam falsam esse comperimus. Ergo non est apta regula, utpote quæ, te etiam lib. 1. quest. 1. §. 4. expressè fatente, debet esse certa & omnibus nota, ac communis.

Celladei contradictio. 50. Respondeo secundò, Celladeum ex alio capite sibi contradicere: nam duas ponit probabilitates, aliam intrinsecam, aliam extrinsecam. Utraque est vera, realis, ac positiva, ideoque est regula. Præterea extrinseca infert ac supponit intrinsecam, ut ipsemet expressè fateatur. At extrinseca est variabilis, etsi objectum, & circumstantiæ loci & temporis &c. non variantur; nam communis opinio, quamdiu nemo contra illam excipit, est probabilis extrinsecè, quia tales opiniones nituntur auctoritate raro fallente. Idem valet de testibus; quatuor enim consentientes plerumque verum dicunt, & reddunt assertum suum probabile. Nihilominus si totidem contra illos excipiant, priorum auctoritas non est amplius fide digna, nec manet probabilis. Idem dicendum ex mente Celladei: si unus aut alter novis prævalentibusque rationibus excipiat contra communem sententiam, eo ipso enim communis sententia perdit suam probabilitatem realem extrinsecam, saltem perdit probabilitatem extrinsecam quoad nos, per quam antea regulabamur. Ecce probabilitas extrinseca tam vera ac realis, quam quoad nos, quæ est apta conscientiæ regula, subjacet alterationi. Ergo etiam intrinseca probabilitas vera ac realis alterationi subest, quia extrinseca fundatur in intrinseca, ac proinde alterari non potest, nisi etiam intrinseca varietur. Ergo Celladeus coherenter non discurrit, sed revera sibi contradicit. Præterea quidquid responderit, id ipsum applicari poterit in favorem probabilitatis, quam impugnât, ut ex dicendis mox constabit.

Probabilitas est magis variabilis, quam objectum probabile. 51. Respondeo tertio directè, & dico probabilitatem veram ac realem realiter distingui ab objecto probabili, quia probabilitas consistit in actibus intellectus, qui realiter distinguuntur ab objectis probabilibus, ut patet. Hinc sequitur, probabilitatem non esse tam invariabilem, quam est objectum, quia actus nostri multis de causis variari possunt, licet ob-

jecta mantant invariata. Caterum, ut times videant veritatem eorum, quæ dico, consideretur hoc objectum. *Omnes matres hujus pagi diligant suos filios.* Hoc objectum est probabile, ejus tamen probabilitas variabilis est, etsi nil in objectis ipsis varietur. Probatur hoc, quia probabilitas consistit in apprehensione vehementer stimulante ad assensum: at ista apprehensio non fundatur in sola frequentiore connexionione matrum cum amore filiorum; quia stante generali illâ necessitate connexionionis frequentioris, potest esse improbable, & evidenter falsum, quod *omnes matres istius pagi diligant suos filios.* Porro, quod matres frequentius ament, quam non ament suos filios, non est propositio probabilis, sed certa & evidens. Quid ergo est quod probabile reddit hoc objectum, *Omnes matres hujus pagi diligant suos filios*; aut hoc, *Hæc mater diligit suum filium*? Dicam. Ad probabilitatem duo requiruntur: Primum, est ratio positiva, & hæc in casu præsentis est evidens cognitio, quod matres plerumque ament suos filios. Alterum est negativum, scilicet quod nil certi, aut nulla prævalens exceptio feratur in contrarium. Stante hac negatione exceptionis in contrarium, ratio dictans matres plerumque diligere suos filios vehementius movet intellectum ad existimandum, quod hæc mater diligit filium suum, quam si detur exceptio, ut patet. Porro hæc duo necessariò ingrediuntur constitutionem apparentiæ probabilis, ut fusè ostendi *quest. 3. de Consc. prob. n. 7. & seqq.* ad quod si Celladeus advertisset, nunquam deflexisset ad paradoxa & falsa, quæ de probabilitate ejusque natura attulit. Porro quod utrumque hoc sit prorsus essenziale apparentiæ probabilis, ex eo evidens est, quod, quolibet illorum præcisè ablato, apparentia probabilis tollatur.

52. Hoc posito, peto, utrum Celladeus admittere velit, negationem exceptionis validæ in contrarium se tenere ex parte objecti moventis, vel solum ex parte actûs, quatenus actus repræsentans hanc matrem, præcisè ut substantem universali necessitati quod matres plerumque diligant filios, fortius stimulet ad assentiendum quod illa suos diligit, quando nil quam quando aliquid repræsentatur in contrarium? Ego juxta utramque suppositionem explicui essentiam apparentiæ probabilis loco citato. Si negatio illa se teneat ex parte objecti, ita ut apparentia probabilis objectiva partialiter in illa fundetur, tunc verum est, quod probabilitas vera & realis sit una eademque respectu omnium in omni loco & tempore, quia impossibile est, ut objectum probabile evadat improbable, nisi aliqua circumstantia objectiva varietur. Impossibile enim est, tale objectum unâ cum carentia exceptionis in contrarium tali claritate repræsentari intellectui, quin illa apparentia sit fide digna ac probabilis. Verum quia pars hujus objecti variari potest, & carentia exceptionis per exceptionem ipsam formaliter tolli, ideo probabilitas variabilis est, & quod uni est probabile, alteri est improbable. Quod si negatio exceptionis non se teneat ex parte objecti, sed potius quodammodo ex parte actûs, quatenus actus, illâ præsentis, fortius movet, falsum est quod vera ac realis probabilitas objecti ejusdem sit invariabilis respectu omnium, quodque nisi objectum ipsum mutetur, semper maneat probabile; quia nulla variatione facta in objecto, si negatio exceptionis in contrarium accedat, objectum erit probabile; si recedat, evadet improbable. Itaque haud dubiè probabile non eam invariabilitatem habet, quam ipsum verum, quia stante veritate objecti, illud modò repræsentari potest sine exceptione, & modò cum exceptione, & consequenter modò potest esse probabile, modò certum, modò uni erit probabile, alteri improbable, aut etiam evidenter falsum.

Negatio exceptionis in contrarium spectat ad essentiam probabilitatis.

Causa ob
quam pro-
babilitas
mutatur.

53. Totum hoc clarissimè cernitur in probabilitate extrinseca, ut in casu testium &c. Quoties enim vir gravis aliquid affirmat, id illico evadit probabile extrinsecè, modò nemo contra ejus auctoritatem excipiat. At si paulò post alius excipiat in contrarium, & tanquam testis de visu affirmet oppositum, prior probabilitas tollitur; quæ iterum redit, si plures viri graves deinde juramento confirmant dictum prioris, & secundum mendacii condemnent. Ecce probabilitas extrinseca consistit partim in auctoritate loquentis, partim in carentia exceptionis contra illa, quæ dicit; & consequenter probabilitas illa pro hujus exceptionis varietate mutatur. Idem prorsus valet de probabilitate intrinseca. Ratio enim eadem erit probabilis, quamdiu post diligens examen nil momenti apparet in contrarium. Constabit autem probabilitas illa, ubi valida exceptio apparuerit. Hæc omnia fusè explicata sunt *quæst. 2. & 3. de Consc. prob.* Sed Celladeus hæc omnia confudit, quia sicut ab initio non advertit, remotionem exceptionis in contrarium spectare ad essentiam probabilitatis, ita cum semper in eadem suppositione processerit, mirum non est, quod in probabilitate, ejusque natura intelligenda ac explicanda multa falsa, impossibilia, ac contradictoria miscuerit.

Probabilitas
in rebus fa-
ctis sæpè, in
rebus juris
raro muta-
tur.

54. Neque tamen in probabilitate opinionum de jure, ea invenitur variabilitas, quam Celladeus fingit. Rarò enim periti discrepant de opinionum probabilitate, licèt de veritate illarum mirum in modum discrepent. Rursus rarò fit, ut opinio communis aut certò probabilis evadat improbabilis, ut certissimà experientià constat; quod verum est de probabilitate opinionibus tribui solita, (sic enim loqui libet cum Celladeo) quæ tamen absque dubio est vera, realis, ac sincera probabilitas. Ratio est, quia opinioniones illæ sunt de rebus universalibus ac necessariis, sed obscuris; in talibus autem postquam periti ea diligenter examinârunt, difficilè ac rarum est invenire exceptionem tam validam, quæ probabilitatem partis contrariæ elidat. At in rebus facti probabilitas est valdè variabilis, quia in illis facilis exceptioni locus invenitur, vel ex propria inspectione, aut personæ prius asserentis retractatione, vel alterius assertione &c. Unde etiam in istis regula conscientie sæpè & facilè variatur, quia prior regula sufficiens tollitur, & loco illius alia contraria succedit. Nec hoc est contra

rationem regulæ variabili hominis conditioni deferentis, ut patet. Nam ratio regulæ formaliter sumptæ non alteratur; quoties enim tale quid existit, habetur regula; sed quia res, ex quibus regula constat, facile deficiunt, ideo regula illa, materialiter sumpta, facilè variatur.

55. Demùm quæ Celladeus dicit de probabilitate opinionum, ejusque variabilitate pro locorum ac educationum varietate, fundatur in æquivocatione, quia procedunt de probabilitate ac probabilioritate consequente judicium uni parti alligatum. Illa enim tam variabilis est, quàm hominum judicia, quia suum unicuique opinatum probabilius est. At si loquamur de apparentia probabiliori prorsus antecedente omnem assensum, & affectum uni parti indebitè affixum, illa non adeo discernibilis est, sicut ipsa probabilitas. Unde mirum non est, quod Auctores de illa rarò loquantur. Cæterùm quando facilè discernitur, non est adeo variabilis, sed omnibus fermè apparet eadem. Interim tamen quæcumque variabilitas invenitur, sive in apparentia antecedente, sive consequente judicium & affectum uni parti impensum, illa, quanta quanta est, ex eisdem capitibus procedit, nempe ex accessu & recessu exceptionis in contrarium. Unde cum non sit absurdum, sed prorsus necessarium, quod exceptiones istæ varientur; pariter non est absurdum, quod probabilitas in illis essentialiter consistens varietur. Jam haud dubiè talis probabilitas, quamdiu manet, tam apta est conscientie regulandæ, quàm alia quævis perpetua: nec talis variabilitas ex defectu materię repugnat rationi regulæ, sed prorsus necessaria est pro homine variabili, qui semper innumeris rerum & circumstantiarum diversarum affectionibus vivit obnoxius. Sufficit enim pro tali agente libero regulando, si ratio regulæ formaliter sumpta sit una eademque & prorsus invariabilis, licèt hæc numero regula sit variabilis, ut patet etiam in regulis materialibus. At hæc formalis invariabilitas reperitur in probabilitate, quæ proponitur ut regula; quia quoties adest probabilitas, habetur regula sufficiens ad conscientiam ritè formandam, quamvis probabilitas sæpè facillimè cesset, & consequenter regula illa materialiter sumpta definat ac corrumpatur, sicut ulna definit esse regula, quando minuitur, aut destruitur.

Probabilitas
consequens
aff. etiam de
judicium
est valòt
variabilis, an-
tecedens
non sum.

Variabilitas
hæc mate-
rialis, nec
absurda est,
nec natura
regulæ con-
tradicit.


FINIS PRIMÆ PARTIS.

R. P. AN.

R. P.
ANTONII TERILLI
SOCIETATIS JESU
REGVLA MORVM
SIVE
TRACTATVS

De sufficienti ad conscientiam ritè for-
mandam regula.

P A R S S E C U N D A.



HANC Partem incipio ab illis questionibus, quas Celladeus libro tertio primæ Partis complexus est. In eadem involvam non solum questiones, quas quartus ejusdem Partis liber continet; sed eas etiam, de quibus Adversarius mirum in modum gloriatur, nempe questiones de peccatis ignorantia, quas in primo libro secundæ Partis congescit. His autem confutatus, quidquid contra benignam sententiam opposuit, penitus deletum invenietur, & veritas sententiæ benignæ ab omnibus clarissimè conspicietur. Sit ergo.

QUÆSTIO TRIGESIMA-
NONA.

*Virum probabile explicatum, aut opinio probabilis sufficiat
pro regulanda conscientia?*

Regula morum à Celladeo tradita, quæ?

CELLADEUS tertium suum librum ab hac questione orditur. Cum enim antea definivisset probabilitatem realem ac positivam (in quatenus definienda in multis erravit ut visum est) mox quærit an illa sit apta conscientia dirigendæ regula? Respondet autem, quod sit regula cum onere: est regula, quia eligi potest pro conscientia dirigenda, eo quod in rebus humanis, quæ in pluribus sunt incertæ, non sit convenientior regula, cum plerumque non fallat. Cæterum cum aliquando fallat, hoc onus annexum habet, ut in peculiaribus casibus attentè consideret homo, an regula illa exceptionem habeat. Tanti enim est non operari contra legem Dei, ut qui hanc regulam sequitur, dictum onus subire debeat, ne periculo se exponat, & peccet. Demùm asserit, quod probabile hoc modo explicatum sit recta conscientia regula in omni & in qualibet materia.

1. Hæc est substantia doctrinæ à Celladeo traditæ, quam cum lego, miror quid sibi voluerit in impugnanda sententia benigna. Certum enim est, quod illa juxta hanc illius doctrinam sit regula sufficiens conscientia, ut mox videbimus. Rursus, revera parum aut nihil discrepat à communi omnium sensu, quamvis immensum ab illa recedere sibi videatur. Cæterum adjunxit novum terminum cum onere, ne nil singulare docere videretur, cum tamen omnes illam exceptionem reipsa ponant. Immo, quod plus est, omnes fermè expressè declarant, quando, quos, & cur urgeat? Item exponunt, quomodo non sit propriè annexum opinioni probabilis; nisi enim talia declarantur, doctrina de regula ad nil fermè deservit. Hæc tamen omnia, citi maxime præstanda sunt, ut regula proposita operi regulando deserviat, à Celladeo omissa sunt, ut mox perspicietur. Quare ut doctrinam illius examinem, simulque veritatem controversiæ principalis proponam, sit

Regula Celladei res ipsa nil aut parum differat à communi sententia.

ASSERTIO PRIMA.

Opinio certò practice probabilis, quam proximè defini vimus, est regula congrua actionum humanarum, & pro conscientia licitè formanda sufficit.

PROBATUR primò omnibus argumentis, quæ supra attulimus *quest. 2.* similiter omnibus illis, quæ in toto tract. de consc. prob. con. erravimus, quæ non sunt hic repetenda, videantur suis in locis.

Rationes Celladei.

Prima à paritate legis, quæ est regula, sed aliquando deficit.

3. Probatur secundò afferendo ea, quæ Celladeus ad hoc probandum allegat. In primis lex humana est regula, & tamen lex humana in multis exceptionem patitur, & per Epiikiam seu per æquitatem corrigenda est: sic lex præscribit deposita esse reddenda Domino illa reposita: nihilo minus gladius depositus non est reddendus Domino, si sit furiosus, quando eum reposit. Ratio est, quia lex humana fundatur in probabilitate, non enim habet materiam necessariam sed probabilem; solum enim jubet quæ plerumque fieri expedit, & solum prohibet, quæ plerumque sunt noxia; ideoque aliquando sed rarò deficit, hinc aliquando per æquitatem seu Epiikiam corrigenda est. Ecce lex humana non est minus defectibilis, quàm probabilitas; est tamen regula conscientia & humanorum actuum. Ergò probabilitas apta est, ut sit regula conscientia & actuum humanorum. Cæterum sicut defectibilitas legis secum trahit necessitatem emendationis seu correctionis per Epiikiam, quod est onus talium legum; ita defectibilitas opinionis probabilis infert necessitatem circumspiciendi, an in hoc vel illo casu peculiari fallat; & hoc est onus opinionis. Et sanè nemo prudenter plus concesserit opinioni probabili quoad securitatem conscientia, quàm dictis legibus. Ergò sicut iniquè & temerè ageret, qui semper vellet juxta verba legis procedere, ita pariter temerè ageret, qui sine ulla exceptione stare vellet opinionibus probabilibus.

2. Ratio.

Scientia moralis est regula morum, non est autem nisi probabilis.

4. Secundò sic arguit, scientia moralis est regula actuum humanorum: At scientia moralis non habetur totaliter per demonstrationes, quia maximà ex parte objectum illius non est demonstrabile, ut omnes cum Aristotele expressè faterentur. Ergò scientia moralis maxima ex parte solum consistit in opinione probabili, quæ illa probat ut bona, quæ plerumque sunt talia, & illa reprobat ut mala, quæ plerumque sunt inhonesta. Ergò opinio probabilis est regula conscientia & actuum humanorum. Unde sequitur etiam, quod constat ex multis opinionibus probabilibus sit regula apta ad regulandam conscientiam, quia qui illam sequitur in plerisque non errat, ideoque inspectà conditione humana & rerum incertitudine, prudenter operatur qui talem regulam sequitur. Citat etiam S. Thomam 2. 2. *quest. 70. art. 2.* ubi S. Doctor expresse dicit, certitudinem in omni materia querendam non esse, quia actus humani sunt circa contingentia & variabilia, de quibus haberi non potest certitudo demonstrativa, & ideo sufficit probabilis certitudo, quæ ut in pluribus veritatem attingat, & sic in paucioribus à veritate deficiat.

3. Ratio.

Probabilitas sufficit in rebus humanis magni momenti.

5. Tertiò sic procedit. Probabilitas sufficit in rebus humanis etiam magni momenti ad prudenter operandum: nam quilibet prudenter fidit se Medico & Chirurgo, qui plerumque & ut plu-

rimùm rectè curant, nisi aliqua adsit exceptio in contrarium. Idem evenit in venditionibus, emptionibus, aliisque negotiis humanis. Ergò idem etiam locum habet in negotio conscientia & materia morum, quia est supra humanam capacitatem, velle plus in doctrina morum.

6. Quartò urget hoc modo: unusquisque absque ullo vitio intellectus rectè opinatur circa probabile ab extrinseco; absque dubio enim omne probabile ab extrinseco est absque ullo defectu ac vitio credibile. Ergò nullus est defectus, nullum vitium in intellectu, eo quòd talia credat ac opinetur. Ergò nec erit defectus in voluntate, utpote quæ non regulatur immediatè per legem Dei in se, sed per illam applicatam per rationem humanam, quæ proinde habet rationem regulæ formalis applicantis primam regulam objectivam. At non solum ratio evidens aut certa, sed etiam ratio opinativa est ratio humana. Ergò ratio opinativa est regula formalis applicans primam regulam objectivam, seu legem & voluntatem Dei. Ergò voluntas rectè prudenterque se accommodat huic rationi, id est opinioni. Unde Vasquez 1. 2. *disp. 58. cap. 2.* sapienter dicit, sed quia humana diligentia non potest omnia sine errore assequi, & absque ulla culpa aliquando apprehenditur ut bonum, quod malum reipsa est, ut in exemplo superius posito de accedente ad non suam, & in aliis accidere potest: ideo illud in re debet dici natura humana convenire, aut disconvenire esse, quod per rationem probabilem & diligentem proponitur, sive in re ita sit, sive non sit. Rectè igitur S. Thomas in hoc articulo dixit, rationem esse regulam humanarum actionum. Hæc rectè Vasquez, si error sit inevitabilis. Hæc Celladeus 5. 3.

4. Ratio.

Opinio absque vitio elicitur ab intellectu, & ideo rectè applicat legem æternam.

7. Quintò, confirmat argumentum à probabili extrinseco desumptum hoc modo. Rectè creditur alicui, vel aliquibus Doctoribus, & eorum resolutioni statuitur in doctrina morum, alioquin frustra esset consilium ab illis petere. Ergò rectè statuitur ac creditur illis, quos difficile est falli, licet in aliquibus falli possint, & decepti sint. Itaque cum nemo sit, de quo præsumi aut sciri possit quòd nunquam fallatur, illa auctoritas sufficit ad conscientiam regulandam, quæ plerumque non fallitur, & non nisi rarò deficit; quia in rebus incertis regulam meliorem, conditionique humanæ magis idoneam habere non possumus.

5. Ratio.

Rectè creditur resolutioni Doctorum quamvis illa aliquando fallatur.

8. Ego quatuor ultimis rationibus libenter subscribo, quia rationabiles sunt & veræ, & ab omnibus quoad substantiam communiter afferuntur: sed prima, quæ Celladei propria speculatio est, ipsique efficacissima videtur, non aridet; longè enim dispar ratio est inter legem & opinionem probabilem, quia lex non præcipit nisi certò honesta. Probabile autem, de quo hic loquimur, semper versatur circa res, quarum honestas est incerta, ac proinde de quibus est suspicio, an sint inhonesta. Itaque ex eo quòd lex sit regula, quamvis non adeò universaliter dirigat, quin exceptioni subjaceat, non sequitur opinionem minùs tutam esse posse regulam; quia ideo lex est regula, quia dirigit ad certò honesta, & tunc solum habet exceptionem, quando legislator ex ignorantia erravit, ferendo legem sub terminis universalibus, non prævidens casum aliquem particularem, quem si prævidisset, cum excepisset, & non ita universaliter locutus fuisset. Audi Aristotelem 5. *Ethic. cap. 10.* Cum igitur lex universaliter quidam loquitur; in hisce autem præter universale quidpiam accidit, tunc rectè se habet, ut ea parte, qua Legislator emisit, atque peccavit absolute locutus

Argumentum Celladei ab exemplo legis non probat intentionem.

locutus, emendetur defectus. Quod si ipse Legislator adisset, hoc modo dixisset, & si scivisset, jubentem legem tulisset &c. S. Thomas 2. 2. quaest. 120. & cum eo Theologi Aristoteli subscribunt. Itaque lex exceptionem habet; quando certò constat, voluntatem Legislatoris ad omnia sub universalibus legis terminis comprehensa non extendi. At quid hoc conducit ad probandum, quòd umquam liceat sequi opinionem probabilem minus tutam, non apparet; quia in usu opinionis, semper imminet aliquod periculum contraveniendi voluntati Dei, cum in Epikia nullum sit ejusmodi periculum, sed contrarium certò constat. Similiter extra casum Epikiae certum est, sequentem verba legis non peccare, ergò paritas hæc non probat intentum.

Exempla Celladei incongrua sunt ad doctrinam ipsius confirmandam.

9. Rursus Celladeus loquitur de lege humanâ, contra quam datur exceptio, & profert exemplum de lege divina, ut de redditione depositi, de restitutione commodati, &c. At absurdum videtur ita comparare legem divinam cum opinione probabili, ut utraque ex æquo censi debeat regula humanorum actuum, quia lex divina est certa ac indubitata regula clarè manifestans, quæ voluntati Dei certò consonant. Opinio autem probabilis nunquam certificat de honestate operis propositi, ut patet. Porro unica exceptio contra opinionem est hæc ipsa incertitudo & fallibilitas, quæ nunquam deest. Ergò semper adest exceptio contra probabilem opinionem, & videtur quòd nunquam liceat illâ uti. Saltem licet ejus usus non probatur à paritate legis, contra quam tunc solum datur exceptio, quando lex non amplius proponit voluntatem Legislatoris, sed circumstantiæ indicant Legislatorem oppositum voluisse. Demùm eadem est ratio de lege humana, quæ in multis non magis obnoxia est exceptioni, quàm lex divina, ut patet. Ergò paritas hæc à defectibilitate legis translata ad defectibilitatem opinionis, non probat opinionem esse idoneam actionum humanarum regulam.

Argumentum Celladei incongruum.

10. Demùm peto à Celladeo utrum Epikia tunc solum habeat locum, quando certò constat voluntatem Legislatoris ad hunc casum non extendi? an etiam quando solum probabile est, quod ad hunc casum non extendatur? si solum admittat primum, evidens est argumentum à paritate nil valere, cum in omnibus sit evidens disparitas: si admittat secundum, eo ipso subscribit benignæ sententiæ, quam impugnat; quia admittit interpretationem probabilem de intentione Legislatoris contra expressa ejus verba sufficere ad conscientiam debite formandam, quod quidem à multis benignæ sententiæ Auctoribus traditur, sed à Celladeo toto opere negari videtur. Præterea affert exemplum dubium, quia adversarii æquè dubitant, an in hoc ac in ullo alio casu liceat sequi opinionem probabilem? Ergò hoc probandum erat, non supponendum tanquam principium, ad illud idem in aliis similibus casibus inferendum. Ita ut prima illa ratio nil probat.

Celladeus tunc turpiter prius argumentis respondere, & inconsequenter procedit.

11. Est & aliud, in quo Celladeus arguitur inconsequenter processisse, scilicet quòd ipsemet solvat objectiones præcipuas, quas contra benignam sententiam intulerat, & quidem ita illas solvit, ut eadem solutio nullo verbo dempto æquè quadraret benignæ sententiæ ac opinioni Celladei. Juvat unum vel alterum exemplum afferre. Inprimis objicit Augustinum contra Academicos, improbantem utrum probabilem, ac dejerantem, nescire prorsus se, quomodo omnia peccata non sint corrigenda, si quisquis id agit,

quod probabile videtur, non peccat. Respondet primò, probabile Academicorum fuisse laxius, quàm probabile ab ipso assertum. Deinde respondet Augustinum invehi contra probabile solum apparens, sed quid? nonne hoc æquè quadrat in nostram sententiam, quam Celladeus ex hac ipsa Augustini auctoritate, tanquam argumento penitus insolubili impugnat? evidens profectò est, nostrum probabile esse incomparabiliter strictius probabili Academicorum. Kurius nos dicimus; solum probabile verum ac certum esse regulam conscientiæ. Nec minus vera est probabilitas, quam nos ponimus, quam quæ à Celladeo proponitur, ut constat ex dictis, atque ex dicendis melius constabit.

Obiectio contra Celladeum.

12. Objicit secundò. De natura probabilium est ut in aliquibus deficient. Ergò regula probabilitatis in aliquibus deficit. Ergò qui juxta illam multoties, v. g. centies operatur, aliquoties deficit v. g. decies aut quinquies, & recipitoties operatur contra legem. Ergò qui illam eligit pro regula vitæ, & vult secundum eam vivere ac centies operari, eo ipso sponte vult decies aut quinquies deficere ab honesto, & operari contra legem Dei. At hoc velle est peccatum non materiale tantum, sed etiam formale. Ergò probabile non potest eligi pro regula conscientiæ. Ergò non est conscientiæ regula. hoc ipsum argumentum contra nos objicit in superioribus, jam autem ipsemet tenetur illud solvere.

Respondet argumentum non urgere ipsum, qui expressè docet, quod probabile non sit regula, nisi sumatur cum onere bene videndi in singularibus casibus, an aliquid reperiatur legi Dei contrarium. Ita ille: nec aliud respondet. Verum non satisfacit, nam argumentum æquè urget contra hominem operantem cum tota hac diligentia; nam posita diligentia adhuc objectum non est certum, sed solum probabile. Ergò adhuc subjacet inevitabilitati errandi aliquoties. Ergò non solvit argumentum. Et sanè quomodo solvitur argumentum per replicam, quæ & in terminis & ex ipsa suppositione eidem inconvenienti subjacet, ad quod arcendum assertur? Itaque concludendum est, Celladeum non solvisse argumentum, quod prius contra nos, nunc contra seipsum proposuit: Et sanè difficile, nî dicam impossibile est, ut in suis principiis argumentum solvat, nisi, illis relictis, ad benignam sententiam recurrat, & juxta illius doctrinam respondeat proportionaliter ad ea, quæ nos huic argumento supra respondimus.

Celladeus non satisfacit argumento.

13. Quòd si dicat, ut alibi insinuat, sed hic non proponit, solum probabilitatem veracem & sed insubstantialem esse regulam, fallacem verò & fallentem à cuncta ratione regulæ deficere, & se hoc intelligere per onus, quod opinioni adjungit, jam sibi apertius contradicit, quia ponit regulam indiscernibilem, cum nemo determinatè scire possit, quod probabile hic & nunc propositum sit verum. At regula debet esse discernibilis. Ergò ponit regulam non regulam. Præterea sic arguo. Vel onus adjunctum postulat, ut non operemur, donec certificemur, quòd opus non sit contra legem. Vel solum exigit, ut probabiliter hoc concludamus. si primum, Ergò probabile nunquam est regula, sed sola certitudo, & tunc Celladeus docet contradictoria: si secundum, probabile quidem erit regula, sed argumentum non solvitur, quia necesse est, ut in magna multitudine talium opinionum ac resolutionum aliquoties erretur. Nec oppositum prudenter sperari potest.

Alia replicæ sed insubstantialem.

Alia ob-
iectio, cui
non satisfac-
cit.

14. Obijcit tertio: Conspiciat venator animal à longè, quod existimet esse lupum. Adiunt cum eo viginti homines quoad perspicaciam visus ac veracitatem &c. prorsus æquales, quorum octodecim dicant, animal illud esse feram, duo verò dicant esse hominem. In hoc casu venator peccaret, si sagittam in animal illud emitteret. Et tamen probabile est illud animal non esse hominem, quia longè difficilius est octodecim falli quàm duos, cum plerumque contingat illos non falli. Ergo non licet sequi probabile. Ergo probabile non est regula.

An & quo-
modo vena-
tor emitte-
re possit sa-
gittam ad
interficien-
dam feram,
quando non
est certus,
quod ani-
mal illud
non sit ho-
mo?

Respondet primo, retorquendo argumentum, quia si venator unum tantum habeat socium, qui vel sit vicinior animali, vel perspicacioris visus, & testetur animal esse lupum, non peccat venator sagittam emittendo, tamen non habet certitudinem, sed solum probabilitatem. Ergo sufficit probabilitas. Huic responsioni tametsi proposita non est fidendum, quia non est sola probabilitas, quæ illum excusat, quia probabilitas rectè coheret cum aliqua exceptione in contrarium. sic quando litigatur de facto aliquo, illud probabile est, quod quatuor testes deponunt contra duos penitus æquales, & sufficit ut iudex iuxta illud sententiam ferat, ut constet ex doctrina lupi-prædicta de testibus, nec quisquam de eo dubitat. Idem valet quando testes sunt numero æquales, sed dignitate & qualitate inæquales, standum enim est iudicio illorum, qui magis qualificati sunt. Et tamen venator peccaret, si sagittam emitteret, casu quo quatuor tanquam testes de visu jurarent animal illud esse lupum, si duo ejusdem qualitatatis tanquam testes de visu deponerent, illud esse hominem. Ergo probabilitas non sufficit. Ergo replica Celladei non solvit argumentum, quia non est sola probabilitas in casu illo, quæ excusat, sed summus probabilitatis gradus, talis nempe contra quem nulla potest esse prudens suspicio aut timor deceptionis. Talis est casus ab illo propositus in replica. Ergo si illi stetur, nunquam licebit in rebus controversis sequi probabile, quando sunt argumenta in contrarium.

2. respon-
sio.

15. Respondet secundo, negando quod in casu illo ulla detur vera probabilitas, quia rarissimum est, quod homines æquali visus perspicacitate præditi, ex eadem distantia idem objectum contemplantes ita discrepent, ut duo negent, quod octodecim affirmant. Unde licet in genere octodecim faciant probabile contra duos, id tamen locum non habet nisi in illis circumstantiis, & circa tale objectum, de quo contradictiones contingere possunt, non verò in illis circumstantiis, & circa illud objectum, de quo rara & vix possibilis est contradictio. Itaque casus ille procedit de probabilitate tantum apparente. Ergo non contrariatur usus probabilium.

Illius insuf-
ficiencia.

Hæc responsio aliquid habet apparentiæ, non tamen plus soliditatis quàm prima. Inprimis falsum est, quod in istiusmodi rebus frequentes contradictiones non eveniant. Quid enim frequentius, quàm homines è longinquo videntes animal discrepare inter se de specie, etsi conveniant de genere? Nec dicas, eos tunc non esse partis perspicacitatis, nam unusquisque præterdit, se alteri in perspicacitate non cedere, ergo quoad nos sunt talis perspicacitæ. Quod si detur aliqua diversitas, credibile est maiorem perspicacitatem latere inter octodecim, quàm inter duos, & tamen non licet sequi iudicium octodecim contra

duos, quamvis certum sit, veritatem plerumque esse ex parte illius, quod in tali casu ab octodecim æqualis aut etiam majoris perspicacitæ quoad nos affirmatur contra duos. Ergo absque dubio vera probabilitas non deest in casu.

16. Rursus esto, in casu illo, in quo nemo perfectè rem discernit, assertio octodecim contra duos non fundet probabilitatem, evidenter tamen est, quod octodecim faciunt probabile contra duos, quando omnes deponunt tanquam testes de visu. Sit ergo casus, quod viginti illi sint testes de visu, qui adierunt locum, in quo animal illud latet inter vepres & postea ita deponant contraria, ut octodecim jurent quod sit lupus, duo jurent quod sit homo. In hoc casu non licebit sagittam emittere, & tamen illud probabilissimum est, quod octodecim affirmant, immò probabile esset, quamvis tantum quatuor contra duos illud affirmarent. Et quidem hoc est probabile nimis frequenter contingens, nimis enim frequens est, quod testes in iudicio contraria deponant. Ergo Celladeus non solvit argumentum.

Replica ex
alio capite
insufficiens.

17. Ego ergo aliter respondeo, & dico inprimis, objectionem incongruè propositam fuisse à Celladeo, quia parum refert, quod duo discrepent, vel omnes conveniant; si enim omnes ita dissent, ut nec sagittarius ipse, nec alii tam perfectè rem discernant, ut moraliter certi sint, animal illud non esse hominem, non licebit sagittam emittere. Ratio est, quia in tali casu solum dicunt se putare, quod animal illud non sit homo, cum nemo certus sit quod sit fera. Rursus fatentur assertionem suam non esse talem, quin adit rationabilis timor ne fortè errent. At propter tam debilem probabilitatem, contra quam viget dicta suspicio, non licet emittere sagittam cum tali periculo occidendi hominem. Et hoc verum est, si duo discrepent, si omnes conveniant in sua assertione, ac proinde reddant probabile quod dicunt.

Solvitur ar-
gumen-
tum.

E contra si omnes essent testes de visu, aut aliqui haberent tubum opticum, quo evidenter discernere animal illud esse lupum, & hoc unanimiter deponerent tanquam testes de visu, utique tunc liceret sagittam emittere; peccaret tamen illam emittendo, si duo tanquam testes de visu contradicerent, etsi eorum contradictio non tolleretur maximam probabilitatem ab assertione aliorum. Ergo falsum est, quod probabilitas sit recta conscientia regula in omni & in qualibet materia.

18. Itaque respondeo, argumentum non solum non impugnare benignam sententiam, sed quidem illam attingere. Ratio est, quia argumentum procedit de probabilitate speculativa; benigna autem sententia solum loquitur de probabilitate practica, id est, argumentum probat probabile esse, quod animal illud non sit homo, non autem probat, quod itante periculo illo, liceat sagittam emittere ad illud occidendum. At benigna sententia solum docet practicè probabilia, seu ea, quorum honestas est probabilis, esse licita. Nos itaque distinguimus inter probabilia, & dicimus sola practicè probabilia esse rectam conscientia regulam in omni materia. At Celladeus insurgit in nos tanquam in homines periculosissime laxitatis, cum loquamur cautissime; ipse verò in laxissimam, ac pro laxitate prorsus intolerandam sententiam prorumpit, dum absque ulla distinctione assertit probabile in omni & qualibet materia esse rectam conscientia regulam. Quid hoc assertio absurdius? Quid

Argumen-
tum non
tangit beni-
gnam sen-
tentiam.

reipublicæ

Celladei regula, ut jacet, & ut verba sonant, est evidenter falsa, & latitatis non ferenda.

reipublicæ noxium magis? Profecto hinc sequuntur absurda ab Augustino contra Academicos proposita. Probabile est ejaculationem sagittæ in casu à me proposito non inferre homicidium. Ergo licebit illud ejaculari; & sic aliquando licebit homicidium in tali casu. Rursus probabilè est, quod siligo sit materia validæ consecrationis. Quis idèd dixerit, licitum esse uti tali pane pro arbitrato ad consecrandum? Innumera talia sunt, Celladee, quæ probabilia sunt in multis materiis, neque tamen opiniones illæ sunt recta conscientiæ regula. Næ tu malus es doctrinæ morum censor & corrector, qui rejectâ rationabili regulâ, quam cum exacta ac præcisa exceptione proponimus, aliam sine ulla exceptione substituis, quæ ut jacet in terminis est evidenter falsa, arque adeò absurda ac rationi dissona, ut nemini placeat, cum omnes contra illam ut prorsus intolerabilem clament. Ex hisce autem absurdis nunquam te eripies, nisi ad distinctionem à nobis semper inculcatam recurras, & ad probabilitatem practicam sententiam tuam limitaveris.

Ratio cur venatori non liceat sagittam emittere in tali casu.

19. Quod si quæras, quare in casu allato non sit probabilè, quod liceat sagittam emittere, cum probabilè sit homicidium tunc non esse committendum? Respondeo in primis, id ad meum intentum non spectare, quia semper loquor ex suppositione, quod objectum sit certè probabiliter licitum, seu certè practico probabilè, undecumque demùm illa practica probabilitas derivetur; esset autem nimis longum & arduum quæstionem hanc in singulis materiis determinare. Non ergo teneor causam hujus rei assignare. Nihilominus respondeo secundò, causam hujus rei in casu præsentis esse facilem & obviam. In primis sunt duo objecta realiter distincta, animal illud non esse hominem; & ejaculationem sagittæ esse licitam, & quidem realiter separabilia; nam si judicem animal esse hominem, haud dubiè non licitè jaculum emitto, etsi errem in meo judicio. Itaque sicut à veritate primi non inferitur veritas secundi, ita nec à probabilitate primi inferitur probabilitas secundi. sed juvat rem strictius proponere. Hic & nunc ejaculari sagittam est inseparabile ab occisione illius animalis, ut suppono. Cur ergo si sit probabilè, quod ejaculari non sit hominem interficere, non est etiam probabilè, quod licitum sit ejaculari? Respondeo istas etiam denominationes esse separabiles, quia denominatio probabilitatis, quod actio illa non sit homicidium, sumitur à testimonio hominum fide dignorum: at quod sit licita, est denominatio, quæ sumitur à lege permittente, aut certè à negatione legis prohibentis actionem illam. At in casu nostro adest lex, in omnium cordibus scripta, expressè prohibens talem actionem in istis circumstantiis. Lex hæc illo axioma continetur, *Quod tibi non vis fieri, alteri ne feceris*. Quis autem in tali loco constitutus non esset rationabiliter invitatus, ne alius in talibus circumstantiis contra se sagittam emitteret? Nemo certè. Ergo cum tu rationabiliter exigeres ne id tibi fieret, lege naturæ notum est, quod & tu à tali actione adversus alterum tenearis abstinere.

Alia ejaculationis rei ratio.

20. Rursus certum est, quod Deus homicidium prohibuerit. Ergo ubi periculum est, ne homicidium fiat, & lex Dei violetur, vel omittenda est actio, vel certè ponenda non est, donec veritas rei tanta diligentia investigata fuerit, quantum & qualitas negotii, & humana conditio

R. P. A. Terilli, Regula Morum PARS II.

postulant, ut sic veritas ipsa, si fieri possit, certè innotescat. Certum enim est, quod detur obligatio aut tutiora sectandi, aut ad ipsam veritatem, quantum humano modo possumus, intendi. At in casu præsentis tanta diligentia præmissa non est, nec veritas quantum fieri potest quæsitæ est: facillimum enim est tam dubiis attestationibus non credere, sed locum adire, atque ipsam veritatem certè investigare, quia facile sciri potest. Atque hinc est, quod in tali casu nunquam liceat sagittam emittere. Certè si in omni re tam facile certè sciri posset voluntas Dei, sicut in isto casu, nunquam liceret minis tuta sectari, sed in omnibus ipsa veritas quærenda foret. Jam hoc est onus, ad quod tenemur in similibus, quo non impleto, nunquam est probabilè, quod objectum ejusmodi sit licitum. Quod cum adeo perspicuum sit; mirum est, quod Celladeus, ut responderet huic argumento, non reflexerit ad peculiarem propriæ suæ sententiæ notam, & dixerit ideo hoc non licere, quamvis sit probabilè, quia probabilè non sufficit, nisi onus impleatur, quod certè in casu impletum non fuit. sed Celladeus de hoc tacuit, ac si propriæ sententiæ oblitus fuisset, & ad nefcio quam speculationem malè fundatam se converterit, negando tale testimonium fundare probabilitatem, quod certè in hoc omnique alio casu prorsus simili est evidenter fallum.

Celladeus non respondet confessionem ad propria principia.

21. Cæterum ex eo evidenter inferitur hanc esse legitimam hujus rei rationem, quod iudex procedere possit contra reum, quem ex viginti testibus octodecim absolute condemnant, etli duo illum innocentem pronuntient; & tamen non licet venatori sagittam emittere, nisi major et certitudo assulgeat. Ratio est, quia iudex fecit, quod potuit, omnemque humanam diligentiam adhibuit, ut ad veritatem certè sciendam perveniret. Ideoque post illam præmissam potest & debet se regulare secundum allegata & probata. At venator facile potest majorem certitudinem adhibere; quam si omittat, non minùs peccat, quàm peccaret iudex hominem condemnando, si ipsius veritatis indagacionem omitteret, quando tanta facilitate posset veritatem ipsam certè invenire, sicut potest venator in casu præsentis.

Plus requiritur in venatore ad iudicandum, quàm in iudice ad condemnandum.

22. Quod si supponas venatorem esse cis fluvium profundum, mediisque illum transfretandi carere, ideoque omnem diligentiam humanam hic & nunc sibi possibilem adhibuisse ut veritatem sciret, atque ab octodecim testibus de visu audiret, animal illud esse lupum, contra duos testes de visu contententes quod sit homo, neque dum illi licebit sagittam emittere, quia magnitudo mali, quod timetur, adeò præponderat bono, quod ex illa actione speratur, ac malo, quod ex illius actionis omissione imminet, ut ratio statim dicet actionem illam esse omittendam, quia bonum speratum est valde exiguum, malum autem impinens est summum & aliterius prorsus rationis, consistens in jure personali, pro cuius violatione permittenda, nulla unquam dari potest præsumptio. Contra verò in casu iudicis eadem prorsus probabilitas sufficit, ut ipsi liceat reum punire, quia malum quod immineret, si juxta allegata & probata non liceret procedere, esset incomparabiliter majus, quàm malum quod timeri posset ex fortuita & rara innocentis occisione. Certè si tanta convictio non sufficeret, tota respublica nefariis hominibus abundaret, nec ullum superesset remedium ad innumera homicidia, furta, aliæque flagitia ex hoc ipso impendenda.

Malum imminens red-det emissionem sagittæ illicitam, & sententiam iudicis iuram.

A 3

pendentia

pendentia evitanda, quia impiis non adeo difficile foret, invenire duos vel tres complices, qui in favorem illorum falsum deponerent, & sic illos à poena liberarent, à qua liberati audaciores fierent, totamque rempublicam innumeris gravissimisque malis turbarent. E contra, si in tali casu liceat hominem punire, hæc mala maximè ex parte evitantur, & ex alia parte aliud malum non imminet, quàm quod in casu rarissimo innocens occidatur, quia rarissimum est quod octodecim contra duos mentiantur in iudicio. Præterea in hoc ipso casu raro omnis diligentia præmissa fuisset, & innocens tanta verisimilitudine probaretur malus, ut nemo prudens posset aliud præsumere, quàm quod verè esset reus.

Argumentum Celladei ex æquivocatione formatum.

23. Atque hinc alia Celladei æquivocatio detegitur. Insurgit ille in eos, qui ad probandum aliquid licere vel non licere in rebus incertis, aut in casu probabilitatis, recurrunt ad malum, quod imminet ex actione, vel ejus omissione: quasi verè, inquit, exactissime nosse oporteat cetera omnia bona & mala, legem Dei verè nosse, aut circa illam errare intersit vel parùm vel minùs. Præterea, ut alio loco dicit, materialis violatio legis divina satius magnum malum est tum per se, tum quia aliquid bonum per illam intendebatur, quod materiali illius violatione impeditur. Unde demùm sic concludit. Certè mihi indubitatum est, id, quod sufficit, ut occisio hominis sit tibi imputabilis & voluntaria, sufficere, quando nulla occisio, sed sola lex adest, ut hujus violatio tibi sit imputabilis & voluntaria. Ergo & formale peccatum. æquivocatio in eo est, quod loquatur de lege Dei, ac si certò constaret illam existere, cum tamen res supponatur esse prorsus dubia ac incerta. In his autem, ut videamus an aliqua actio sit prohibita, reflexè procedendum est, cum questio sæpè directè solvi non possit. Sicut ergo omnia lege naturæ vetita, ideo prohibentur quia sunt mala, non idèò sunt mala quia prohibentur: ita in tali casu incerto recurrendum est ad mala hinc imminencia, & bona sperata ex eo, quòd actio in talibus circumstantiis liceat nec ne, & ex illis apparebit an talis actio hinc & nunc sit licita vel illicita, quia alia via illud cognoscendi non suppetit. Certè quando agimus de his, quæ sunt jure naturæ prohibita, illa prohibitio aliundè non innotescit, quàm ex inspectione mali, quod per actionem aliquam inducitur; ex illo enim statim lumine naturæ inferimus, Deum actionem illam prohibuisse. Unde ergo sciemus an in casu dubii actio aliqua sit prohibita vel permissa, nisi consideremus incommoda & commoda, in quibus talis prohibitio vel permissio fundari debet? Certè gratum mihi faciet Celladeus, si independentè ab hac consideratione ostenderit, cur liceat judici scienti & volenti hominem morti addicere ob aliquorum testimonium, & ob eandem planè auctoritatem non liceat venatori, non dico hominem interficere, sed ne quidem remotissimo periculo illum interficiendi se exponere? hæc cum cogitaverit, & aliam ad difficultatem solvendam rationem non invenerit, quàm magnitudinem mali & boni, ex qua sola scire possumus, an pro istis circumstantiis res sit vetita vel permissa, desinet, credo, insurgere in Auctores, qui ad sciendum an actio aliqua probabiliter bona liceat nec ne, quando certitudo haberi non potest, recurrunt ad damnum tertii, & alia mala ex tali actione imminencia.

Iraque non dicimus tanti esse nosse mala & bona, quanti est scire legem Dei, aut illa tanti,

quanti istam, esse faciendā; omnia enim contraria docemus. Quod dicimus est, ista duo inter se esse connexa, voluntatem autem ac legem Dei, quæ incomparabiliter pluris est, non nisi per illa mala ac bona nobis innotescere. Hinc autem scimus illa prius consideranda esse, quàm quidquam de ista definiri possit. Quid autem in hoc mali est, quod quisquam merito reprehendat?

24. Rursus quod ad materiale violationem legis divinæ pertinet, fateor aliquod inconveniens semper cum illa connecti: cæterum dico, puram violationem materiale talis legis, utpote involuntariam ac inimputabilem, non tantum mali continere, ut propter aliqualem timorem illud incurrendi, homo teneatur magnis ac inevitabilibus incommodis se gravare; quia illa ipsa incommoda apertè arguunt, directam Dei legem, si quæ sit, hinc & nunc non obligare, sed adesse altam legem reflexam, qua Deus in talibus circumstantiis talem actionem permittit, ne absque ratione sufficienti homo se nimis gravatum agnoscat. Et sanè Celladeus ipse nunquam explicabit, quomodo liceat venatori sagittam emittere ob unius testimonium, qui testis de visu dicit animal illud non esse hominem sed lupum, nisi dicat periculum exiguum violationis purè materialis contra legem Dei, non tanti esse, quanti est hominem in omnibus astringi ad partem tutiorem. Si enim illud pluris est, & multò pluris. Ergo præferendum est. Ergo non est postponendum. Ergo quia tale periculum parvi pendit & minoris facit, quàm jacturam suæ libertatis, eo ipso peccat. Ergo nunquam licet sequi probabile. Ergo Celladeus falsum & periculo plenum docet, quando dicit, probabile esse regulam conscientiæ. Ecce homo iste in omnibus propriis argumentis implicatur, à quibus se extricare nullo modo poterit, nisi damnet ut falsa, quæ contra communem sententiam objicit tanquam argumenta prorsus convincentia.

Celladeus propriis argumentis implicatur.

25. Demùm quod per modum conclusionis inferit, tanquam rem sibi indubitam, quod scilicet quidquid facit homicidium imputabile, faciat violationem materiale cujusvis legis divinæ imputabilem, est apertè falsum, doctrinæque ipsius prorsus repugnat. Inprimis est apertè falsum, quia judex indubitanter peccaret, si hominem ut reum damnaret, cujus crimen non est prorsus convictum. Similiter venator peccaret, qui sequeretur sententiam octodecim contra duos reclamantes, si sagittam emitteret, & hominem casu, ac præter intentionem interficeret. At in aliis negotiis minoris momenti, judex non peccat si ex indiciis levioribus sententiam ferat, quamvis in utroque casu æquè erret, & legem Dei materialiter violet. Ergo indubitatum est, quòd quæ sufficiunt ut homicidium sit voluntarium & imputabile, eadem & minora sufficiunt, ut alia mala non sint voluntaria, nec imputabilia; quia scilicet pauciora in uno casu, plura in alio requiruntur, ut conscientia debite formetur. Deinde id ipsum sententiæ Celladei expressè repugnat, quia ille docet, quod probabile in omni materia sufficiat, fateatur autem alia esse aliis probabiliora. Rursus ut suam sententiam stabiliat, recurrit ad doctrinam de testibus, ex qua certum est, quod in multis minor probabilitas sufficiat judici, ut licitè sententiam ferat, & excusetur si erret, quàm ut hominem morti adjudicet, & immunis à culpa evadat, si erret. Ergo pro diversis rebus diversa probabilitas

Plura requiruntur ut periculum homicidii, quàm ut minoris mali periculum honestetur.

Celladei contradictio.

In incertis lex Dei rectè sæpè non innotescit nisi ex malis ac bonis ab actione & prohibitione provenientibus.

litas requiritur, etiam sistendo in probabilitate speculativa; & minor probabilitas speculativa sufficit in aliquibus quàm in aliis ad fundandam probabilitatem practicam. Itaque Celladeus in his etiam sibi contradicit.

Dictum Celladei in quo sensu sit verum?

26. Unus solus est sensus, in quo dicta Celladei illatio est vera, & est sensus merè formalis ac præcisivus, quo dicimus debitam diligentiam requiri in omnibus incertis, ut excusemur. Hoc verum est, sed ratio exprimens *debitam diligentiam*, est ratio quædam præciscens à multis inferioribus prorsus inæqualibus, quia major diligentia in aliquibus, minor in aliis requiritur, ut notum est: similiter verum est, quod certa probabilitas practica in omnibus sufficiat, sed longè plus ad probabilitatem practicam in uno, quàm in alio casu requiritur.

ASSERTIO SECUNDA.

Admissa hac Celladei doctrinâ, benigna sententia est recta conscientia regula.

Primo quod ad usum opinionis directè probabilioris.

27. **P**ROBATUR. Inprimis non solum quævis opinio directè probabilis contra improbabilem, sed etiam quævis directè probabilior contra minus probabilem habet omnia à Celladeo, & secundum veritatem ipsam requisita ad regulam conscientiæ: Ergo quævis ejusmodi opinio est recta conscientie regula. Probatur antecedens. Primo certum est, quod omnes ejusmodi opiniones nitantur motivo seu apparentia intellectuali plerumque non fallente, tum quia alioquin prudentes insipienter fecissent illi assentiendo, quod de viris summis ac diligentissimis, qui rem illam à fundamentis examinârunt, præsumi non potest; tum quia hoc necessariò requiritur ad essentiam opinionis saltem probabilioris, ut constet ex dictis. Deinde scientia moralis ex ejusmodi conclusionibus integratur, nec alia scientia moralis ab homine haberi potest. At scientia moralis est recta conscientie regula. Ergo & opinio saltem probabilior. Tertiò in majori hac probabilitate consistit *probabilis certitudo*, quæ in pluribus veritatem attingit, & idè sufficit, ut dicit S. Thomas 2. 2. *quæst. 70. art. 2.* Quariò unusquisque prudenter stat majori probabilitati extrinsecæ, seu majori Doctorum auctoritati. Quintò, conclusio probabilior est ratio humana, & optimum quod haberi potest in rebus difficilibus & incertis. Ergo est regula proximè applicans voluntatem Dei, seu primam regulam objectivam, & quidem optima, quam habere possumus. Sextò, *omne illud in re dici debet conveniens naturæ humanæ quod per rationem probabilem & diligentem proponitur, sive in re ita sit sive non*, ut ait Vasquez supra citatus. At hoc maximè convenit opinioni probabiliori; & sanè certum est, Vasquez in strictiori sensu non posse intelligi, cum in terminis admittat, usum opinionis minus probabilis esse licitum. Septimò, rectè creditur alicui vel aliquibus, alioquin instructio ac consilium frustra peteretur ab illis. Ergo rectè creditur illis, quos difficile est falli, quique plerumque non falluntur. Tales sunt opiniones & auctoritates probabiliores. Ergo rectè illis statur, nec in rebus incertis melior regula aut homini magis idonea haberi potest. Demùm quidquid Celladeus attulit ad probandum, suum probabile esse rectam conscientie regulam, id omne æquè probat, opinionem probabilioris in

sensu à nobis assignato acceptam esse rectam conscientie regulam.

28. Probatur secundò. Si vir peritus dubitet de aliquo, an liceat, tenetur utique tutiorem partem sectari, donec dubium rectè deponat. Ponamus talem hominem diligenter rem examinare, & omnibus inspectis, invenire rationes multò potiores pro libertate quàm pro lege. Hic homo prudenter concludit tale objectum esse licitum. Ergo licitè sequi potest hoc judicium, quia sine vitio opinatur. Ergo sine vitio operatur, quia lex Dei proponitur voluntati sine vitio, ideoque ita afficit illam, ut homo eam sequendo malè non operetur. Ergo omnibus peritis licet suam sententiam sequi. At sua cuique opinio probabilior est, & omnis opinio probabilior alicui est ipsa, quam tenet. Ergo cuique licet sequi opinionem, quæ post diligentem rei discussionem sibi probabilior apparet, & ab ipso habetur absolute vera. Rursus idem valet de iis, qui extrinsecè auctoritate regulantur, quia unusquisque in verbo majoris ac probabilioris auctoritatis prudenter deponit conscientiam. Demùm probatur id ipsum universaliter de omni opinione tam intrinsecè quàm extrinsecè probabiliori. sic enim arguo. Ex cap. in nostra de testibus attestat, alii quæ juribus supra quæst. 38. ponderari habetur, quod ex testibus contradicentibus illi præferendi sint, qui cæteris paribus sunt plures; aut etiam numero pares vel pauciores, si omnibus inspectis, qualitate veracitatis, ac meriti fidei prævaleant. Ergo idem planè dicendum est de Auctoribus ac rationibus: qui enim, omnibus inspectis, inveniuntur prævalere, præferendi sunt; quia rationes & Doctores tam sunt fide digni circa jus, quàm testes circa factum. Ergo si judex licitè & prudenter judicat & operatur juxta prævalentiam testium; utique & nos prudenter ac licitè judicamus & operamur juxta rationes ac auctoritates prævalentes, seu probabiliores; eadem enim de utroque est ratio.

29. Hæc argumenta & juxta veritatem rei, & potissimè juxta principia Celladei (quod solum nunc quarimus) aperte convincunt, majorem probabilitatem directam, directè sumptam, esse rectam conscientie regulam. Immo quod plus est, ex principiis Celladei sequitur, parem vel minorem probabilitatem esse rectam conscientie regulam, quia per ipsum in rebus incertis prudenter creditur auctoritati ac rationi plerumque non fallenti. At talis est auctoritas & ratio cujusvis periti & probi qui diligenter quæstionem examinat, & non obstante argumento ac auctoritate in contrarium, ea ratione absolute reputat aliquid esse verum, quæ adhiberi debet ad hoc ut juxta præscriptum benignæ sententiæ opinionem suam reddat probabilem. Ergo prudenter statur omni ejusmodi auctoritati ac rationi, id est omni opinioni certò probabilis. Minor probatur, quia omnis peritus post diligentem rei discussionem sententiam proferens, sæpius verum dicit, quàm errat; alioquin stultum esset laborare ac studere ad veritatem inveniendam. Quid enim stultius foret, quàm judicium ferre pro veritate inveniendâ, si debita diligentia præmissâ, tali quæ ratione inventa, quam peritus multum prævalere videt, adhuc pronius esset errare quàm verum dicere, aut non sæpius verum diceretur, quàm erraretur. Profectò natura malè constitueret homines, si periti, post diligentiam debitam, & rationes validas multum urgentes ac prævalentes reperias,

Alia argumenta id ipsum probant.

Idem probatur quod usum æquè & minus probabilium.

Periti plerumque non errant.

Ratio, quæ
periti se-
quantur,
plerumque
non fallit.

Opinio æ-
quæ ac mi-
nus proba-
bilis qua ta-
lis est regula
solum obje-
ctiva remo-
ta.

Benigna
sententia
recta est
recta conscien-
tiæ regula juxta
Doctrinam
Celladei.

non sæpius verum dicerent quàm errarent, nec quisquam posset illis prudenter credere. Idem argumentum æquè procedit de ratione, qua periti moventur ad assensum. Stultè enim illi assentirent, nisi illa frequentius verum diceret, quàm erraret. Itaque talis solutio argumentorum contrariantium, & talis ratio solutioni illi addita, quæ simul sumptæ aptæ sunt ad peritum & probum post debitam diligentiam alliciendum ad assensum, sunt motivum, quod plerumque non fallit. At omnis opinio certò probabilis nititur tali auctoritate, taliq; motivo, ut constet, quia periti & probi de facto illi subscribunt. Ergò omnis opinio probabilis ex vi sui motivi plerumque non fallit. Ergò omnis opinio certò practicè probabilis, etiam æquè ac minùs probabilis, est recta conscientia regula.

30. Porro quamvis hoc verum sit, si loquamur de regula remota & objectiva, ut fuscè ostendi in *tract. de consc. prob. quæst. 21. 22. 23.* atque etiam *hic quæst. 2.* Non tamen verum est de regula proxima & formali, quia nemo excusatur, qui sequitur partem, quam, omnibus inspectis, finaliter existimat esse æquè aut minùs probabilem parte contraria, nisi per principia reflexa judicet licitum esse sequi opinionem directè æquè aut minùs probabilem. Ratio est, non quòd careat motivo sufficienti ad conscientiam debitè formandam, sed quia habet formam impossibilem cum necessario conscientia examine. Ergò Celladei doctrina reipsa laxior videtur benigna sententiâ; quia ille aliud non requirit, quàm motivum frequentius connexum cum vero quàm cum falso. Hoc non sufficit, nisi insuper bona fides formetur, & omnibus inspectis objectum absolute habeatur verum, & probabilius opposito.

31. Quòd si loquamur de sententia benigna, prout illa reflexè procedit, & considerat res ut substantes incertitudini insuperabili, ac certè probabilitati de honestate operis &c. Illa juxta præsentem Celladei doctrinam est recta conscientia regula, quia nititur auctoritate, ac ratione ferè nunquam fallente. Nec obstat, quòd opinio probabilis secundum ipsum non sit regula, nisi cum onere, ut homo, quoties acerbè bellum contra communem sententiam suscitatur, diligentiam adhibeat, & bene videat, an res ita se habeat, sicut dicit communis sententia; nam etsi in communi omnium omnino per integrum sæculum opinio ne rarè aut nunquam detur onus seu obligatio, quia semper adest prudens præsumptio, quòd homines tam constantem ac unanimem omnium consensum impugnantes hallucinentur, tamen nos hoc onus ultro subivimus. Post clamores enim nuper exortos rem à fundamentis examinavi, omnia adversariorum fundamenta in *tract. de consc. prob.* examinavi, eaq; invalida, ac rationibus benignæ sententiæ longissimo intervallo inferiora reperi. Rursus Celladeus reclamavit. Hunc etiam, omniaq; ipsius dicta discussi, nilq; reperire potui præter æquivocationes, ac falsitates plurimas, quæ nullam contra benignam sententiam exceptionem rationabilem faciunt; sed è contra fundamenta illius benè discussa, ac ritè intellecta, sententiam benignam confirmant. Itaque opinio benigna, jam cessante hoc onere, est, sicut olim erat, recta conscientia regula, saltem quoad nos, quibus illa tum ratione, tum auctoritate incomparabiliter prævalet sententiæ rigidæ. Ergò ex admissa Celladei doctrina aperte sequitur, benignam sententiam

esse rectam conscientia regulam. Mirum proinde est, quid sibi voluerit, dum benignam sententiam impugnandam suscepit, quia cum ad propriam sententiam explicandam accedit, ea jacit fundamenta, easq; assertiones ponit, quibus non impugnatur, sed stabilitur benigna sententia.

32. Et sanè quoties in propriis illius dicta, in probationes ab eo allatas, ac in potiora, quibus utitur, principia oculos conjicio, non reperio in quo à benigna sententia, quam tantopere avversatur, recedat. Omnes enim veram non fictam probabilitatem pro regulanda conscientia requirimus. Omnes absolutum judicium de honestate operis, motivo certo probabili nixum, exigimus. Ille autem aliud non postulat. Putat ille quidem probabilitatem à nobis assertam non esse veram ac realem, sed apparentem, & sic ex mera consuetudine appellatam: sed in hoc aperte errat, & quando ad rigorosam probabilitatis definitionem ab ipso traditam ventum est, ex illa aperte sequitur, probabilitatem à nobis assertam esse veram ac realem probabilitatem. Rursus argumenta quibus suam sententiam corroborat, æquè nostram comprobant, & quod plus est, ipsæmet difficultates, quas contra nos tanquam insolubiles proposuerat, sibi objicit, nullamq; solutionem ponit quæ nobis ex æquo non faveat. Præterea non semel insufficiens respondet, & nisi responsionem à communi nostra opinione, responsisque nostris mutuet, difficultatibus illis nunquam satisfaciet. Itaque revera parùm aut nihil discrepat à communi sententia, quamvis toto cœlo se ab illa recedere imaginatur; veritas enim benignæ sententiæ tam perspicua est, ut non potuerit non illam videre, atque in illam incidere, quando, quid sibi sentiendum esset, aperuit.

33. Quòd ad onus in peculiaribus casibus diligentiam adhibendi, opinioni probabili annexum attinet, omnes illud agnoscimus, quoties aut peculiare circumstantia alterant casum, aut Auctores insurgunt in contrarium, acriterq; contendunt, opinionem illam non esse probabilem; aut tutum non esse illam sequi, quamvis sit probabilis. In hisce casibus homines tenentur rem examinare, si exceptio rationabilem metum secum afferat, alioquin contemni potest, ut si Theologaster aliquis, exigua prorsus doctrina, ac nullius notæ, in communem gravissimorum Auctorum sententiam insurgeret, illamq; falsam esse ac periculosam proclamaret. In tali enim casu exceptio talis viri meritò contemneretur, tum quia rationabiliter præsumitur esse nullius momenti, tum quia alioquin quivis sciolus suis clamoribus totam litteratorum rempublicam adeò turbare posset, ut nemo sine nova diligentia ac labore in communi sapientissimorum consensu figere se posset. Extra tales casus onus hoc urget omnes. Ratio autem est, quia in ejusmodi casibus opinio non manet practicè probabilis quoad nos, nisi res iterum examine- tur. Itaque in tali casu habetur quidem onus, non quia onus propriè annexatur opinioni probabili, sed quia ratio illa efficit, ne opinio possit amplius prudenter reputari vera, & esse certò probabilis, nisi res de novo diligenter examine- tur. Ceterùm quamdiu in rebus incertis opinio manet certò probabilis, nullum onus superest, sed quisque licitè sequitur illam in praxi, modò opinio illa talem praxim cum omnibus illis circumstantiis includat. Sic homo benè valens, &

Celladeus
reipsa non
discrepat à
benigna
sententia.

Onus opi-
nionis quo-
modo intel-
ligatur, &
quomodo
urget?

more

more consueto cibo indigens, pro refectione vespertina die jejunii sumere post quartam vel quintam partem coenae ordinariae, nec de hoc ulla datur exceptio. Eadem est ratio de omni alia opinione, quando est certò probabilis, & homo in operatione illius praescriptum non egreditur. Itaque Celladeus nova tantum phrasi usus est, nec quidquam dixit, quòd benignae sententiae Auctores aut patenter non supponunt, aut expresse non requirunt, quamvis in hoc ipso minus rectè locutus sit, quia onus illud non est onus opinioni certò practice probabili annexum, ut ille videtur insinuare, sed est onus sectanditiora, donec certò constiterit de opinionis probabilitate, quae ob difficultates de novo emergentes in dubium quandoque vocatur.

ASSERTIO TERTIA.

Doctrina Celladei de sufficienti conscientia regula insufficienter ab illo traditur, doctrinaeque ferme omnibus antea ab eo traditis, aperte contradicit.

Doctrina Celladei insufficienter tradita.

34. **P**ROBATUR prima pars. Illa doctrina non sufficienter traditur, quae non proponitur simpliciter, sed cum limitatione, nisi ipsa limitatio diserte & praecise explicetur cum omnibus ad eam pertinentibus. Alioquin nil determinatum dicitur, nec habet audiens, in quo pedem figat. Sed Doctrina Celladei de regula conscientiae non proponitur simpliciter, sed cum limitatione, dicit enim licitum esse sequi opinionem probabilem, non simpliciter, sed cum onere. Ergò limitationem ponit: sed hanc limitationem non explicat, nec dicit quale sit hoc onus, quando vigeat, vel non vigeat, quomodo impleri debeat, quid ad onus deponendum requiratur, ac sufficiat, unde scire possimus ac certificari nos onus illud implevisse, ut sic libero corde ad opus bona fide perficiendum nos extendamus? haec autem omnia maxime explicanda erant. At nil horum Celladeus. Ergo nil determinatum dicit, sed doctrinam suam insufficienter tradidit. Et sanè vir timoratus, qui doctrinam illius pro regula acciperet, per illam regulari non posset, quia scire non posset, an onus actu incumberet opinioni, quam sequendam eligit. Deinde si onus in se assumeret, non posset scire, an oneri satisfecisset, quia per Celladeum major probabilitas, & auctoritas duorum, aut plurium Doctorum non sufficit, ut quis, eam sequatur. Quid ergò faciet iste miser? dicam: cogetur in omnibus ad tutiora, quia adhibet regulam, per quam nunquam dirigi poterit, ut sit tutus, si minus tuta sectetur. At regula à Celladeo proponitur eo fine, ut ostendat, nos non semper obligari ad tutiora. Haec planè convincunt doctrinam hanc insufficienter traditam esse, eamque, ut tradita est, esse prorsus ineptam ad finem, cujus causa illam tradidit.

35. Probatur secunda pars. Quando dicitur,

quòd opinio verè probabilis sit regula conscientiae, peto, an sermo sit de probabilitate vera, ac reali & quoad se? an de probabilitate vera & reali quoad nos? si primum, Celladeus ponit non regulam pro regula, sibi que contradicit, quia probabilitas vera & realis quoad se certò sciri non potest, cum per ipsum probabilitas illa haberi nequeat sine veritate, & consequenter non minus lateat, quam ipsa veritas. At ipsa veritas lateat, ideoque stultum esset, ipsam veritatem in rebus incertis ponere pro regula. Ergò non minus absurdum est probabilitatem talem pro regula ponere, cum utraque ex æquo lateat, & discerni non possit. At de ratione regulæ est, ipso, ut vidimus, Celladeo farente, ut sit quid constans, stabile, ac notum. Ergò & veritati, & sibi contradicit, si talem probabilitatem proponat pro regula.

Celladei contra plurimas prioras doctrinas contradicit.

36. Si secundum sensum est iste: quando constat opinionem aliquam nisi auctoritate aut ratione plerumque non fallente, & vel nulla exceptio apparet in contrarium, vel si aliqua apparet, illa examinata & remota est, tunc illa opinio sumi potest pro regula. Et sanè existimo hanc esse veram mentem Celladei; si enim aliter loquatur, pro conscientia dirigenda inintelligibiliter loquitur. Sed si hoc dicat, omnibus ferme prius à se dictis contradicit. Jam enim opinio probabilis quoad nos, non quoad se, erit regula. At multæ ex ejusmodi opinionibus sunt falsæ, ut patet. Ergò jam opinio falsa sæpè est regula. At omnis opinio falsa per Celladeum continet probabilitatem & veritatem merè sophisticam, inanem & phantasticam. Nulla opinio falsa est peritia, sapientia, & prudentia; sed error, stultitia & imprudentia. Rursus nulla opinio falsa ninitur motivo gravi, sed solum aëreo, phantastico, & sophistico. Haec omnia fusè tradidit in superioribus, & ex his ipsis capitibus conatus est probare, benignam sententiam non proponere regulam sufficientem, quia probabilitas sophistica, inanis, & phantastica, apparentia imperita, insipiens ac imprudens, motivum leve & aëreum, non sunt regula sufficiens pro conscientia regenda, sed ad hoc requiritur motivum grave, judicium peritum, doctum, prudens, probabilitas vera, non ficta, inanis & sophistica. Ergò ex doctrinis Celladei certum est, nullum judicium falsum esse idoneam conscientiae regulam. Ergò hoc loco omnibus illis doctrinis, magnifice vehementerque à se propositis, aperte contradicit, quia proponit hic pro regula opinionem probabilem quoad nos, cui omnia ista per ipsum toties conveniunt, quoties contingit opinionem illam esse falsam, quod certè sat frequens est. Ergò talis opinio est, & non est regula. hisce aliisque ejusmodi nunquam se extricabit Celladeus, nisi omnes priores illas doctrinas, ut inanes, & sophisticas rejiciat, & nobiscum tandem manus jungat, atque iterum communi verissimæque sententiae subscribat, quam olim amplexus est; sed à quatuordecim circiter annis mirum in modum est averfatus.

Si loquatur de probabilitate quoad nos, multò magis tibi contradicit.

QUÆ.

QUÆSTIO QUADRAGESIMA.

Utrum qui sequitur opinionem certò probabilem, formare possit conscientiam certam & evidentem, quòd in tali opere non peccet?

Cur quæ-
stio hæc in-
stituta?



S ad vitandum peccatum, aut ad honestè operandum sufficeret dictamen probabilis de non peccato, seu de actionis honestate; id nullo modo officeret, sed potiùs prodesset benignæ sententiæ, ut per se patet. Itaque non esset opus examinare quæ Celladeus lib. 3. quæst. 2. proponit, ubi fusè conatur ostendere, nullam certitudinem aut evidentiam requiri ad vitandum peccatum aut honestè operandum; sed meram probabilitatem ad utrumque sufficere; non, inquam, opus esset hoc examinare, si finem præsentis tractatus solùm respiceremus; quia si verum diceret, per hoc ipsum faveret, non obstarèt benignæ sententiæ. Nihilominus quia in tract. de cons. prob. multis in locis, præsertim verò quæst. 13. docui ultimum dictamen conscientiæ regulans opus honestum, aut arcens peccatum, esse debere certum & evidens, nolui hanc Celladei quæstionem præterire, ne omitterem solvere illa quæ contra hanc communissimam ac verissimam sententiam singulariter objicit.

Celladei
opinio in
hac re est
prorsus sin-
gularis.

2. Quod spectat ad opinionem, quam hac in quæstione sequor, illa est omnium, quod sciam, præter Vasquium & Thomam Sanchez, qui tamen haud dubiè intelligendi sunt de dictamine simpliciter non ultimo, alioquin sibi contradicerent, ut constat ex dictis quæst. 13. de cons. prob. Porro Celladeus ipse apertè fateatur, nostram sententiam esse communissimam, eam tamen deserit, & singulari Valquii & Sanchii opinioni ita adhæret, ut nobis prorsus contraria dicat, cum quæ Sanchez & Vasquez afferunt cum opinione nostra rectè cohæreant. Negat enim certitudinem haberi posse etiam per principia Synderesis reflexa, cum tamen Vasquez expressè fateatur posse nos ad talem certitudinem pervenire, quamvis existimet necessarium non esse, ut illa semper habeatur. Cæterum, ut candidè fatear, Celladeus adeò confusè hanc quæstionem tractat, ut vix sciri possit, quid præcise intendat. Inprimis loquitur, ac si expressè teneret, neminem in rebus incertis ac probabilibus posse ulla ratione conscientiam certam formare, quamvis id hoc loco nullibi sub terminis expressis absolute tradat. Deinde inter arguendum non distinguit inter ultimum & non ultimum conscientiæ dictamen, qua distinctione habita totus illius discursus funditus ruit. Tertiò citat S. Thomam, & ex illo prætendit ostendere, quæstionem hanc procedere de subiecto non supponente, cum tamen S. Thomas expressè nobiscum sentiat, & locus, quem affert, nulla verisimilitudine intentum probet. Alia plura habet, partim falsa, partim confusa, quæ prout occasio tulerit, in progressu quæstionis exponam, & confutabo. Sit ergò.

ASSERTIO PRIMA.

Sæpè formamus dictamen certum & evidens, quòd non peccemus in operatione nostra. Immo sæpè hoc facimus, quando nec certum est, nec evidens, quòd objectum, in quod ferimur, sit moraliter honestum.

3. **P**ROBATUR prima pars. Quòd sæpè habeamus conscientiam certam & evidentem, non solùm de non peccato, sed etiam de honestate operationis, negari non potest, nisi pariter negetur, nil prorsus esse evidenter honestum. Certè evidens est Deum esse colendum. Parentes esse honorandos. Non furandum. Non occidendum &c. Ergò de istis formamus iudicium conscientiæ certum & evidens, quòd liceant.

Aliquando
sumus certi
nos non
peccare.

4. Probatur secunda pars, primò exemplis indubitatis. Fidelis Christum in Eucharistia adorantes; certò sciunt se per hoc non peccare, quamvis certò non sciant Christum in hostia, quam adorant, verè latere. Pueri certò & evidenter sciunt, se non peccare non obediendo viro, qui non est illorum pater existimatus, nec ullam superioritatem super illos habere existimatur, quamvis ille verè sit pater, cui puer ille determinatus obedire tenetur. Pueri tamen non habent certitudinem aut evidentiam, quòd talis homo non sit eorum pater, ut patet. Iudex juxta allegata & probata, ferens sententiam, certò scit, se hominem damnando ad mortem non peccare, nec tamen certus est, quòd homo, quem condemnat, sit nocens. Plura alia ejusmodi exempla sunt obvia, sed ista sufficiunt.

Etiam
do non
sumus certi
nos non
errare, cum
obj. dum,
in quod se-
timur.

5. Probatur secundò. Tales homines, etsi reflectant super possibilitatem erroris in suo iudicio directo, & sic aliquo modo de illius veritate formidant, nullatenus tamen solliciti sunt, an hæcenus peccaverint, aut in posterum similia præstando peccaturi sint. Ergò minùs formidinis & plus certitudinis habent de vitando peccato in voluntate, quàm de non errore in intellectu. Principium tribuens hanc majorem firmitatem dat omnimodam certitudinem. Talia sunt omnia principia illa, quibus reflexè probavimus usum opinionis certò probabilis esse licitum. Hic unum solum pono Exempli gratia. Tales homines sciunt se vel non errare, vel invincibiliter errare in talibus iudiciis. Ex hoc autem certò & evidenter inferunt, se in talibus non peccare.

Vitio pec-
cati forma-
lis certò
innoscit,
quàm vitio
peccati
materialis.

6. Probatur tertiò. S. Augustinus in lib. de utilitate credendi totus in eo est, ut ostendat fidem, etiam fallibilem, & aliquando fallam, esse utilissimam, & excusare homines à peccato, etsi aliquando errent. Nominatim autem disserit de pueris, qui patri putativo non vero obedientiam filialem exhibent. Ergò Augustinus reflexè di-

spuans

spatans de hac re, cognovit pueros illos non peccare, etiam quando errant. Ergo datur principium ex quo hoc cognosci possit. Similiter & nos ipsi hac de re loquentes certi sumus quod non peccent, nec de hoc dubitamus, etsi sciamus plures illorum in suis judiciis de rebus ipsis, earumque merito errare. Ergo sicut verum est, quod non peccent, etsi errent, ita hoc ipsum cognoscibile est. Jam hæc veritas cognoscitur ex lumine non fallaci, sed certo & evidenti, utpote quo omnes naturæ instinctu in unum iudicium conspirant, quod nunquam evenit in rebus ac principiis inevidentibus. Et sanè non credo, Celladeum negaturum, aut in dubium revocaturum hæc in particulari, quæ nunc proposui, etsi ita loquatur, ac si prætenderet, conscientiam nunquam esse evidentem. Quod si hæc & hæc similia negaverit, facile negabit omnia, & ab omni scientia morali evidentiam tollet; quia nil in tota scientia morali certius aut evidentius est, quàm istiusmodi homines taliter operando non peccare.

ASSERTIO SECUNDA.

- *Propositum sit explicare, ac indicare ex quibus principiis, & quomodo dictamen reflexum certum ac evidens formetur.*

Filius unde cerd scit, se non peccare obediendo patri putato & non alius.

7. **P**RINCIPIUM Synderesis reflexum, ex quo dictamen certum & evidens formatur, diversum est pro diversitate materiæ, circa quam versamur. Filius sic discurret. Nemo tenetur illi obedire ut patri, de quo nullam habet, aut habere potest rationabilem suspicionem, quod sit suus pater. seu de quo nulla unquam incidit mentio quod fuerit ipsius pater, sed per publicam famam ab ipsa infantia semper continuatam alius habitus est pater. Sed nullam habeo, nec habere potui suspicionem quod iste sit meus pater, immò nulla unquam incidit mentio, quod fuerit meus pater, sed semper ab infantia alius per famam publicam habitus est, & habetur pater meus. Nec ulla apparet, aut unquam apparuit ratio, cur hoc in dubium revocaretur. Ergo non teneor obedire huic homini ut patri. Ergo non pecco si illi non obedio ut patri. Hic est discursus, quem omnes etiam pueri exercere & virtualiter formant, quoties negant obedientiam illis, ut parribus, qui publica fama habentur, & semper habiti sunt non esse patres ipsorum. Similes discursus formari possunt in aliis materiis, in quibus nunquam desunt principia Synderesis reflexa omnibus obvia, quæ alteri minori particulari adjungi non possunt, quàm certæ & indubitæ experientie de qualitate informationis, quam habemus & habere possumus de tali objecto, ut probatum est *quest. 12. de cons. prob.* Atque hinc est, quod, quoties illa minor adest, intellectus, qui naturaliter consultat de eis, quæ ad honestatem & inhonestatem nostrarum operationum pertinent, non possit non respicere in ista principia Synderesis omnibus obvia, quia illa facillimè excitantur, quoties adest illa minor, quæ ipsis solis applicari potest ad formandam conscientiam.

ASSERTIO TERTIA.

Quoties aliquis habet opinionem certò probabilem de honestate operationis seu operis, intellectus ex vitalis opinionis formare potest iudicium certum & evidens, quod non peccet ponendo opus illud.

8. **P**ROBATUR. Quod usus cujusvis opinionis certò probabilis directè scilicet, est probabilissimum, quia si objectum directè propositum reflexè consideretur in ordine ad circumstantiam probabilitatis directæ, & moralem impossibilitatem veritatem certò inveniendi, aliasque ejusmodi circumstantias, probabilissimum est, quod objectum illud sit licitum; quia benigna sententia a hoc asserens nititur auctoritate rarò aut nunquam fallente, fundaturque rationibus, vi suæ magnitudinis non solum plerumque, sed rarò, aut nunquam fallentibus, ut evidens est non solum ex *quest. 2. 22. & 23. de cons. prob.* sed etiam ex toto hoc opere, maxime duabus questionibus superioribus, & antea ex *quest. 2.* Ergo benigna sententia, in hoc proprio ejus sensu accepta, est etiam juxta strictissimam Celladei definitionem probabilissima. Ergo unusquisque, cui auctoritas, & rationes quibus nititur, perspectæ sunt, prudenter, rationabiliter, ac sine ullo vitio intellectus illi assensum præbere potest. Ex ipso autem, quod illi assensum talem præbeat, sciatque qualitatem sui iudicii, intellectus utens principis Synderesis reflexis formare potest hunc syllogismum. *Qui post diligentiam adhibitam, omniaque considerata, prudenter, rationabiliter, atque certò probabilissimè judicat aliquid esse licitum, non peccat si illud ponat. Sed ego hic & nunc post diligentiam adhibitam, omniaque considerata, prudenter, rationabiliter, atque certò probabilissimè judico hoc objectum esse licitum. Ergo non pecco, si illud ponam.* In hoc discursu major est principium Synderesis reflexum, estque haud dubiè certum & evidens. Minor est etiam cognitio experimentalis reflexa de iudicio, ac ejus qualitate evidenter nota. Conclusio legitimè deducitur, est autem dictamen conscientie, quo ad operandum homo dirigitur. Jam certum est, quod quoties habemus opinionem certò probabilem practicè, toties hujusmodi syllogismus formari possit, & consequenter toties intellectus possit consurgere ad eliciendum dictamen certum & evidens, quod non peccet illud ponendo, quod erat probandum.

Sequens opinionem probabilem format conscientiam de non peccato.

Omitto alia plurima, quibus assertionem stabilire possem, quia illa sæpè ac fuscè tradita sunt, tum in *tract. de cons. prob. à quest. 19. usque ad 24.* tum etiam in toto hoc opere ubi videri possunt. Hic autem ideo hunc syllogismum attuli, quia fundatur in definitione opinionis probabilis à Celladeo traditæ, ut sic non solum simpliciter, sed etiam ad hominem demonstrarem intentum contra ipsum, atque ut ansam arriperem solvendi, quæ objicit in contrarium.

SOLVUNTUR OBJECTIONES.

9. **O**BIECTIO prima. Quaestio hæc est de Conscientia subiecto non supponente, quia S. Tho. aliquando *mas quest. 17. de veritate articulo 2 post octo argumenta proposita, ad probandum quod conscientia non possit errare, opponit illud Joan. 16.* *Veni.*

Venit hora, ut omni qui interficit vos, arbitretur obsequium se præstare Deo. Unde infert conscientiam errare, quia conscientia eorum, qui occidebant Apostolos, dictabat eos placere Deo. Deinde ostendit conscientiam dupliciter errare posse. Primum quia id, quod applicatur, & assumitur, est falsum. Secundò quia non benè applicatur, sed intellectus illo malè utitur non rectè syllogizando. Ergò dictamen conscientie potest esse falsum & errare, quia si dictamen conscientie non erraret, nec ipsa conscientia erraret, ut patet. Ergò conscientia potest esse erronea, quando dicit se non peccare, aut honestè agere. Ita Celladeus lib. 3. quest. 2. §. 1.

Respondeo. Concedo totum. Quid hoc ad rem? Omnes fatemur, conscientiam sæpè errare. Nec hoc in præsentem queritur, sed an conscientia certa & evidens elici possit, quando sequimur opinionem certò probabilem, aut etiam probabiliorē? hoc autem non improbat ex eo, quod conscientia aliquando erret, ut patet.

S. Thomas tenet conscientiam excusantem esse certam.

10. Cæterum quod attinet ad S. Thomam, ille quodlibet 8. art. 13. apertè indicat operantem debere esse certum, ad hoc ut à peccato excusetur. Unde factum est, ut omnes communiter citent S. Thomam pro opinione, quæ docet neminem à peccato excusari, qui moraliter taliter tertus non est, se non peccare in illa actione. Itaque dicere quòd oppositum juxta doctrinam S. Thomæ sit de subiecto non supponente, est assertio, quæ non solum omni fundamento destituta est, sed etiam, quæ apertè veritati repugnat. Contendere autem id legitime probari ex loco, quem Celladeus citat, est arguere abique ulla verisimilitudine, quia S. Thomas aliud eo loco nec intendit, nec probat, quàm quòd conscientia aliquando erret, quod est verissimum, & à nemine negatur. At hinc non magis sequitur, quòd nunquam habeat dictamen certum & evidens, aut quod non habeat illud quando non peccat, aut quando operatur juxta opinionem certò probabilem, quam sequatur, quòd intellectus nunquam habeat judicium certum & evidens, quia aliquando errat.

Celladeus incongruè applicat doctrinam S. Thomæ, & inconsequenter arguit.

Quod autem attinet ad ultimam illam consequentiam, quòd conscientia errare possit, quando dicit se non peccare, fateor id esse verum de conscientia vincibiliter erronea. At si loquamur de conscientia invincibiliter errante, agnosco idem esse verissimum de dictamine non ultimo. Sed inde non sequitur, quod non detur aliud judicium potterius, quod cum veritate proponat, opus illud fieri absque peccato. Idem valet à potiori, quando reflexè sequor opinionem probabilem, quia tunc sicut reflexè scio, me vel non errare, vel errare invincibiliter, ita reflexè scio, me non peccare peccato formali, seu impunitabili. Sed de hoc plurima alia dicta reperies tum in hoc, tum in tract. de consc. prob.

Objeccio principalis Celladei.

11. Objeccio secunda. Si certum conscientie dictamen elici posset ex opinione tantum probabilis, illud esset ex vi alicujus principii reflexi, per syllogismum reflexum. At hoc modo tale dictamen formari non potest, ut patebit ex impugnatione syllogismorum reflexorum, quæ afferri possunt. Ergò tale dictamen non potest ex probabilibus formari. Probat minor. In primis sumatur ille syllogismus reflexus. *Licet usus probabilium: sed datur probabilitas de non usura hujus contrarius. Ergò licet usus hujus probabilium. Ergò juxta eam contrahendo non pecco.* Hic syllogismus

non est demonstrativus, quia minor, quæ est particularis assumptio, non est evidens, nec demonstrari potest, sive sermo sit de probabilitate extrinseca, sive intrinseca. Extrinseca probabilitas hujus determinatæ opinionis demonstrari nequit, quia opiniones etiam communissimæ aliquando habent exceptionem, opiniones etiam summorum Doctorum exceptionem patiuntur, quia *quandoque bonus dormitat Homerus*. Quòd si loquamur de probabilitate intrinseca, longè absurdus est existimare nos posse illam certò discernere, quia semper versamur in materia probabilis, quæ certè per cognitionem certam ac evidentem probari nequit. Præterea probabilitas variè accipitur, ideoque si omnia inspiciantur, tam facillè erratur circa probabilitatem, quàm circa veritatem. Rursus etsi minor particularis esset vera & evidens, adhuc conclusio non posset certò & evidenter inferri, quia potest esse error in applicatione particularis doctrinæ ad meum casum. Ponamus certum esse, quòd labor gravissimus deobliget à jejunio, adhuc est dubium an labor meus sit talis, quia res istæ quoad cognitionem tantæ & quanti, sunt ex natura sua incertæ. Ergò in talibus est impossibile assequi certitudinem & evidentiam. Ita Celladeus §. 2. ubi admittit majorem hujus syllogismi esse certam & evidentem, si sermo sit de probabilitate, quam ille definit, atque illa sumatur cum *enere*, sicut explicavit lib. 3. quest. 1. §. 2. Itaque ille syllogismus reflexus non certificat conscientiam. Idem valet de aliis. Ratio universalis est, quia tota certitudo & infallibilitas nostrorum actuum sumitur primitus ab objectis. Ergò nunquam fieri poterit per ullam reflexionem, ut sit aliquid certitudinis in cognitionibus reflexis, quod non fuerit in directis. Ergò si cognitiones directæ claudicent, reflexæ etiam necessariò claudicabunt. Ita Celladeus.

12. Respondeo incipiendo ab ultima parte objectionis. & libens fateor, totam actuum certitudinem & evidentiam ab objectis, eorumque propositione primitus derivari; unde agnosco pariter, nullam in mente nostra evidentiam reflexam oriri posse, quamdiu nil aliud proponitur, quàm quod per actus directos propositum fuit. Verum hæc doctrina ad rem præsentem nil facit, quia principium synderesis reflexum considerat objectum cognitionis directæ in ordine ad novam aliquam circumstantiam, quam actus directus non repræsentabat; considerat enim illud prout, post diligentiam adhibitam, substat judicio probabilis ac prudenti de honestate operis. Itaque certitudo principii reflexi derivatur ab objecto actus directi, non præcisè secundum se, sed ut proponitur sub talibus circumstantiis. Jam hæc circumstantiarum mutatio est radicale fundamentum objectivum benignæ sententiæ, in quo cum Celladeus tam crassam æquivocationem patitur, ut dicat judicium reflexum non posse quidquam certitudinis habere, quod in cognitionibus directis non præcontinetur, quia objectis invariantis nullam actuum certitudine variatio potest contingere, mirum non est, quod in omnibus ad rem hanc spectantibus à veritate aberrer, ut mox ostendam, quia supponit nullam in objectis alterationem fieri, cum ingens alteratio in ordine ad formandum conscientie dictamen evidenter eluceat.

Responso & crassa Celladei æquivocatio.

13. Et sanè ipsemet in hoc ipso loco doctrinæ hic à me traditæ tanquam evidenti subscribit, & sic intra paucas lineas sibi apertè contradicit.

Evidenti Celladei contradictio.

Facetur.

Fatetur enim majorem dicti syllogismi esse evidenter veram, cum tamen illa non sit nisi cognitio reflexa, considerans objectum directum, ut substantiam judicio probabiliter. Hæc ergo cognitio reflexa certa est & evidens, ac evidenter enunciat objectum substantiam judicio probabiliter esse licitum; certum tamen est judicium probabiliter directum non enunciare hoc evidenter, sed solum probabiliter. Ergo evidens est ex mente Celladei, quod judicium reflexum aliquando evidenter enunciet honestatem objecti, ut substantiæ judicio directo, licet nulla ejusmodi evidentiā reperiatur, aut in judicio illo directo, aut in objecto illius. Ergo evidenter sibi contradicit.

Judex certior est se non peccare ferendo sententiam, quam se non errare in sententia ferenda.

14. Cæterum ut omnes videant, aliquid certitudinis reperiri in reflexis, quod in directis cognitionibus non continetur, consideranda sunt nonnulla exempla, ex quorum inspectione veritas hæc sponte patebit. Judex absque ulla formidine peccandi fert sententiam in favorem partis probabilioris, immo ob testimonium duorum vel trium testium de visu, contra quos nemo excipit, hominem capitis condemnat. Peto jam an Judex non sit securior & certior in sua conscientia de suo non peccato, quam sit de jure tertii, aut de crimine accusati? Peccatne Judex in ferenda sententia, si in judicio directo erret, eod quod testes falsi, & instrumenta vitiosa proferantur? Nihil minus, ipse non peccat, etsi decipiatur, & optime scit se non peccare, quamvis probè norit iudices in similibus casibus nimis frequenter decipi, ac in judiciis directis errare. Ergo plus certitudinis est in judiciis reflexis, quam in directis. Rursus possessor bonæ fidei, si, orto dubio an res possessa ad alium pertineat, post diligentiam ad veritatem indagandam adhibitam res maneat dubia; aut utrinque æquè probabilis, ille tutâ conscientia rem illam detinet, quia in dubio melior est conditio possidentis. Ergo cognitio reflexa de licita continuatione possidendi rem aliquam, prout substantia dubio insuperabili an ad alium pertineat, est certior, quam sint ullæ cognitiones directæ de licita ejusdem retentione. Quid plura? errans invincibiliter, non peccat. Et hoc objectum reflexè cognitum est certum & evidens. Error tamen directus nec certus est, nec evidens. Omitto exempla alia obedientis in dubio, & conjugis in dubio valoris matrimonii reddentis debitum, & alia ejusmodi, quia notoria sunt, & omnes sciunt illos esse reflexè securissimos, etsi ex vi cognitionum directarum nullam non peccandi certitudinem habeant. Ergo evidens est plus certitudinis reperiri in reflexis cognitionibus, quam in directis, quas reflexæ necessarîo præsupponunt. Ratio est, quia objectum verè alteratur, & per reflexas cognitiones consideratur in ordine ad novas circumstantias, quæ relatæ ad operantem & conscientiam ipsius alterant objectum, & consequenter diversum ac certius de illius honestate vel inhonestate judicium fundant, quam objecta ipsa directè considerata fundare possint.

Regula Celladei absurda, periculosa, improprio-nata.

15. Respondeo secundò. Quid ex his clare apparere incipiat, quam inanis sit totus hic Celladei tractatus de recta doctrina morum. Ille lib. 3. quæst. 1. totus est ut probet, probabilitatem esse rectam conscientiarum regulam. Mox in hac quæst. 2. omnia invertit: asserit enim, omni quæ conatu probare intendit, quod impossibile sit ut in particulari unquam certò sciamus hanc peculiarem

R. P. A. Terilli, Regula Morum PARS II.

opinionem, quando praxi deservit, esse probabilem. Cum primam quæstionem legerem, expectabam me doctrinam pro conscientia debite formanda utilem reperturum, scilicet regulam, cui fidere, ac per quam dirigi possem; sed non prius accessi ad quæstionem 2. quin me omnimodò fraudatum statim intellexerim; nam in hac quæstione contestatur, probabilitatem non minus latere, quam veritatem, fierique non posse, ut de probabilitate certi simus. Proh! qualem nobis regulam proponis, Celladee? Regulæ est, ut sit quid notum, ut certò discerni possit, ut ad illam, tanquam ad mensuram certam confugere debeamus, atque per illam, certò apprehensam; opera nostra certò dirigere possimus. Cur ergo proponis probabilitatem pro regula, si per te ita lateat, ut à nemine certò discerni possit? Nonne hoc est non regulam pro regula exhibere, atque incauto lectori, magna spondendo, nil præstando, illudere? Nec illudis tantum, sed plurimum nocet. Probabilitas, quam proponis, in regulam assumpta, te fatente, certò discerni non potest, sed in illa dignoscenda non minori periculo, quam in ipsa veritate cognoscenda subiacemus; quia non minus latet, quam veritas. Ponamus ergo, quod ex centum vicibus, in ea dignoscenda quinies erretur. Ergo jam ex centum vicibus circiter decies errabit, & contra legem Dei impinget, qui regulam à te proposuam sequitur. Neque hic sistit miseria. Novam adhuc defectibilitatem in applicatione regulæ ad nos ipsos agnoscis. Ergo jam ex centum vicibus, si duo hæc capita in unum coalescant, ad minimum decies errabitur, id quæ ex propria rei difficultate, quæ talis est, ut humana imbecillitas ad eam melius penetrandam, & certius cognoscendam extendi nequeat.

16. Hisce tribus, ipse tunc tertium errandi periculum superaddis, nempe amorem proprium, passionem excecantem, odium erga alios &c. quibus, ut ais, facile decipimur. Si facile decipimur, frequenter decipimur. Junge hæc omnia in unum, & invenies te regulam conscientiarum proponere, quæ qui centum vicibus utitur, ex ipsa tua doctrina facile trigies, vel ad minimum vigesies errat, & contra Dei legem agit. Et quidem hoc periculum adeò inevitabiliter ex tuis principiis imminet, ut homo hanc regulam eligens, ex una parte apertè videat hoc periculum, & ex altera parte nec habeat, nec ex tuis principiis habere possit dictamen, quo certificetur se in usu regulæ non graviter peccaturum, si contigerit illum ex ullo ex dictis capitibus in suo judicio errasse. Hæc est substantia, hæc medulla tuæ doctrinæ, Celladee, & hanc opinionem tuam, hanc regulam à te præscriptam audes specioso illo titulo rectam doctrinam morum appellare? si regula tam fallax, tam periculosa, tam rationi dissona, tam frequenter cum Dei offensa, quantum scimus, conjuncta, dici meretur recta doctrina morum, quæ demum regula, à Catholico scriptore proposita, dicenda erit curva, aut distorta? Tu unus contra omnes insurgis; omnes ut nimis laxos; eorum doctrinam ut periculosa, nimisque frequenter cum violatione legis conjunctam rejicis, quamvis illi unanimiter contendant; nullum formalis offensionis periculum, aut legis obligantis violationem timeri; immò si omnia spectentur, nullam ne quidem, propriè loquendo, violationem materialem intervenire, quia reflexè considerant objectum in ordine ad novas circumstantias, in quibus nunquam prohibetur;

Abfurditas ejusdem regulæ amplius declarator.

B

ideoque.

idèoque per novam consultationem homo formæ dictamen certum & evidens, quòd operando non peccet. Itaque illi regulam proponunt, quam omni peccandi periculo immunem prædicant, suisque sequacibus non peccandi securitatem spondent, hujusque sponsonis ac securitatis veritatem efficacissimis, ac, velis nolis, argumentis convincentibus probant. Tu verò unanimi hac Theologorum doctrina, eaque consolationis plena, penitus explosa, tanquam periculo plenissima, novam assignas regulam, cujus sequacibus nullam non peccandi securitatem, sed inevitabilem frequenter errandi, Deumque, quantum sciunt & scire possunt, offendendi necessitatem tribuis. Et adhuc per hoc ipsum audire vis egregius doctrinæ sanz zelator, corruptæque doctrinæ haberi zelantissimus Reformatore. Patere, Celladee, patere cum hoc dicere, quòd non suam solùm, sed omnium Ecclesiæ Doctorum contra te causam defendit. Reflecte paulisper ad hæc, eaque absque passionis impetu considera, & mox videbis, quàm periculosum sit, in rebus præsertim moralibus, tritam & communem omnium Auctorum opinionem deserere, novamque contra omnes doctrinam, ac morum regulam invehere.

Obiectio
Celladei
solvitur.

17. Respondeo tertio directè ad singula in argumento proposita: atque in primis major syllogismi propositi, etsi non sit nota ex terminis, est tamen non solùm moraliter, sed absolutè certa & evidens, ut fuscè ostensum est in tract. de cons. prob. multis in locis maxime *quest. 19. & quatuor sequentibus*. Minor frequentissimè est evidenter vera, ut supra *quest. 16. & 17.* ostensum est. Porro quando ob aliquam novam circumstantiam dubium oritur, an opinio aliqua sit probabilis, tunc non licet illam sequi, nisi prius per rationem vel auctoritatem probabilitas rei certò innotescat. Unde Celladeus, & omnes facillè vident, nos non esse laxos, ut quidam autumant, sed valde severos in exigenda regula certò prudente, seu certò probabili & rationabili. Porro quòd ad probabilitatem nostram, quam Celladeus, ut eleve, *consuetam* appellat, attinet, illa ex ipsa Celladei definitione est tam propriè probabilitas, quàm ulla ab ipso assignata, ut ostensum est in superioribus.

Judex certus est de probabilitate suæ sententiae, sed non de ejusdem veritate.

18. Cæterùm satis mirari non possum, quid Celladeo venerit in mentem, cum negaret ullam probabilitatem, sive extrinsecam, sive intrinsecam, certò posse innotescere. Quid? Nónne Judex certus est de probabilitate extrinseca juris alieni, aut criminis objecti, quando per instrumenta & testes idoneos jus aut crimen sufficienter probatur? Nónne homines communiter certi sunt de probabilitate, quòd tales sint, alii non sint ipsorum Patres? profectò nil certius. Unde illi omnes, per conclusionem in dicto syllogismo contentam, certissimam conscientiam formant, se non peccare taliter operando. Et sanè nemo, præter unum Celladeum, hæcenus dubitavit, quin probabilitas certò innotesceret, etsi certitudo de veritate objecti lateret; omnes enim contrarium aut expressè tradiderunt, aut apertè supposuerunt. Sed illi libet in hoc etiam singularem esse, & omnes contra apertam veritatem impugnare. Contra apertam veritatem, inquam, quia evidens est ex allatis exemplis, quòd homines certissimi sint de probabilitate, etsi non sint certi de objecti veritate. Evidenter ergò errat Celladeus, dum dicit, homines tam facillè errare circa probabilitatē, quàm circa veritatē.

19. At instat. Opiniones communissimæ nonnunquam patiuntur exceptionem. Quid inde? Certè aliquando exceptionem non habent. Ergò tunc saltem sunt certò probabiles; sicut testes dictum suum certò probabile reddunt, quamdiu nemo excipit contra illos. Ergò idem prorsus valet de testimonio Doctorum. Ergò sæpè evidens est, aliquam opinionem esse extrinsecè probabilem. Rursus non omnis exceptio impedit probabilitatem: si enim pauci & minoris notæ Auctores excipiant contra assertum plurium & si se dignorum, talis exceptio non impedit certam probabilitatem extrinsecam nec in testibus nec in Auctoribus, ut ostensum est *quest. 38.* Demùm Auctores sæpè excipiunt contra veritatem, non tamen excipiunt contra probabilitatem, sed fatentur opinionem, quam falsam reputant, esse probabilem. Tales ergò exceptiones non tollunt probabilitatem. Demùm rationes quas illi afferunt, qui excipiunt, sæpè inveniuntur prorsus invalidæ ac insufficientes, & talis est casus præsens de exceptionibus contra benignam sententiam. Ergo illa est evidentiissimè probabilis, tam extrinsecè quàm intrinsecè; quia evidenter nititur auctoritate rarè aut nunquam fallente. Unde si illa supponatur pro minori in dicto syllogismo, ut nos fecimus in probatione tertie assertionis, minor erit evidenter vera, & conclusio sequetur in forma. Ergò per discursum reflexum certificamur de non peccato, etsi per discursum directum de hoc non certificemur.

20. Idem responsum valet de opinione maximi cujusdam Doctoris, v. g. S. Thomæ, quia quamdiu non patitur exceptionem, est certò probabilis extrinsecè, cum nitatur auctoritate plurimæ, que non fallente. Quòd si exceptionem patiatur, qua non veritas, sed qua probabilitas illius impeditur, non erit amplius certò probabilis, donec exceptio examinetur & nulla inveniatur. Jam illam, quando duo Doctores summi, ut S. Thomas & S. Bonaventura docent contraria, & singuli post visa alterius fundamenta in sua sententia persistunt, nulla sit exceptio contra probabilitatem, sed utraque manet certò probabilis, ut ostendi dicta *quest. 38.* ubi attuli disparitatem inter Auctores & testes, & ostendi contrarias Auctorum opiniones esse simul probabiles, etsi asserta testium æqualium contradicentium probabilia non sint.

Maximi Doctoris opinio est probabilis; donec exceptio sufficienter examinetur contra.

21. Idem prorsus valet de probabilitate intrinseca, quia in casibus innumeris illam evidenter discernimus, ut mirum sit, Celladeum potuisse proferre contrariam propositionem. Nónne evidens est, quòd matres plerumque ament suos filios, & consequenter quòd hæc mater, contra quam nulla exceptio apparet, probabiliter suum filium diligit. Quis non videt, quòd sit evidenter probabile, eadem puncta ex fortuito alearum jactu decies consequenter non esse redditura? Ecce frequenter datur evidentiæ de probabilitate intrinseca, etsi de veritate rei nulla detur evidentiæ. Idem prorsus valet de rationibus, quibus auctores moventur, dum veritatem rimantur; illæ enim ex qualitate ac numero non minùs patefaciunt intrinsecam probabilitatem, quàm qualitas ac numerus testium probabilitatem extrinsecam manifestant, ut patet.

Probabilitas intrinseca sæpè certò discernitur.

22. Demùm sapissimè nullus est, aut esse potest error in applicatione doctrinæ particularis, ut exempla à Celladeo proposita evincunt: si enim labor gravissimus à lege jejuni deobligat, utique omnes pedibus iter conficientes, omnes in vinea fodientes, omnes in area tritu-

Sapientia nullus est error in applicatione opinionis probabilis.

tritantes, omnesque pari cum istis labore per totum diem fatigari certissime excusantur, quia evidens est, omnes istos gravissimo labore distineri. Idem dicas de quantitate vespertinae refectiunculae jejunantibus permittitur: si enim illa ullam determinatam quantitate, sive per uncias, sive per partem aliquotam cœnz ordinariæ, probabiliter statuatur, evidentissimum cuique esse potest, se quantitatē illam non excedere, & consequenter se in refectiuncula illa jejunium non violare, sed opinioni verè probabili se accommodare. Idem valet in omnibus ferè opinionibus probabilibus: sæpiissime enim evidens est, nullum esse defectum in applicatione doctrinæ ad casum personæ doctrinā illā utentis. Quæ cum aded evidētia sint, mirum est, tantam lucem à Celladeo pro tenebris fuisse habitam.

His tamen non obstantibus, omnes fatemur, difficultatem in opinionis probabilis applicatione sæpius intervenire. Verum simul docemus, neminem tunc ex vi illius opinionis tutò conscientiam formare, sed peculiarem diligentiam adhibendam esse, ut vel ex proprio studio, vel certè ex auctoritate aliena certi simus, nos pro rei qualitate debitam diligentiam adhibuisse, atque probabili saltem persuasione de honestate operis dirigi. Hoc est onus, quod omnibus, qui benignā sententiā utuntur, injungimus, qui in re Celladeo præluximus, qui phrasi illā suā, cum onere, nil novi docuit, ut jam proximè dictum est.

Obiectio 3: 23. Obiectio tertia. Aliqui fundant se in hoc syllogismo reflexo: *quidquid sit præmissa consultatione cum medico in rebus medicis, cum Theologo in Theologicis, uno verbo cum peritis in re, de qua consultatur, id sine peccato sit, sequendo eorum consilium. Sed ego eam consultationem præmisi, & habeo eorum responsum. Ergo sequendo eorum consilium non pecco.* Et sic discutunt. Major est certa. Minor intuitivè evidens. Conclusio evidenter sequitur in forma; est autem hæc conclusio dictamen conscientie, quo ad operandum dirigimur. Ergo ex probabilibus consurgimus ad formandum certum conscientie dictamen. Verum contra est, quia concedere istum syllogismum esse demonstrationem, plus est, quam omnes omnino librorum opiniones facere tutas; quia quæ libris eduntur, majori consideratione perpensa sunt, quam quæ ore respondentur. At nemo dixit, omnes omnium librorum opiniones esse tutas. Ergo multò magis repugnat, omnia peritorum responsa esse tuta. Itaque major propositio: *Quidquid prævia peritorum consultatione facimus, sine peccato facimus*: miseranda est potius quam admittenda; est enim propositio, ex qua infinita mala nascuntur, litium, bellorum &c. Si liceret exempla proferre, viderent homines, quantum illa major & suis & reipublicæ rebus præjudicet, & omnia ad potentiam resolvat. Potentia enim consilia, & Consilarii nunquam defunt. Ita Celladeus. loco citato § 2.

Responso. Respondeo Celladeum intra paucas lineas mirum in modum suam mutare sententiam. Prioris syllogismi majorem admisit ut evidenter veram; majorem verò hujus syllogismi, quæ in majore prioris syllogismi involvitur, vult esse evidenter falsam, ex qua nempe omnia ferè mundi mala ortum trahere existimat. Unde tanta diversitas? Dicam: nullum hic de minore aut ejus applicatione dubium, nulla tergiversatio esse potest, sicut poterat in priori syllogismo; quare contra majorem insurgit, cum illa moderatè ac debitè

intellecta semper fundetur in indubitata probabilitate extrinseca, & consequenter quoad omnimodè evidentissimè includatur in majori syllogismo prioris.

24. Itaque dico, majorem paulò aliter propositam esse lumine naturæ evidenter veram. Et sanè nil evidentius, quam quoddam universaliter rejici non possit tanquam inevidens. Cogitemus virum aliquem doctrinæ ac sanctitatis famā toto orbe celeberrimum (quales erant suo tempore Ambrosius, Augustinus, Thomas, & Bonaventura, nec similes omni ævo defuere. Tales fuere nostro hoc sæculo Bellarminus, Suarez, alique innumeri) quem idiota aliquis tanquam oraculum super ordinario aliquo suæ conscientie dubio consulat. Supponamus etiam, quod Doctissimus iste vir respondeat, illud de quo idiota dubitabat esse licitum. Dico certum esse & evidens, quoddam idiota illè non peccet, si in verbo tanti viri conscientiam deponat, & bona fide operetur. Quid enim evidentius, quam idiotam prudentissimè tali viro credere? Nōne etiam evidens est, illum omnia fecisse, ad quæ tenetur pro conscientia sua debitè formanda. At evidens est eum non peccare, qui postquam omnia fecit ad quæ tenetur, sequitur dictamen certò prudentis de honestate sui operis, qui quæ non nisi imprudenter de honestate illius dubitare potest. Ergo evidens est, talem idiotam non peccare. Præterea evidens est, quoddam si errat, invincibiliter errat. Ergo evidens est, quod non peccet.

25. Idem videre est in subditis, quicquid obediētia aliorum directioni subsumit. Illi enim, non solum idiotæ, sed etiam docti, licet obediunt in omnibus, ubi manifestè non apparet peccatum. Saltem juxta omnes evidens est, quoddam non peccent obediendo, quando res in questionem est probabiliter licita, & probabilior quam pars opposita. Ergo per reflexum syllogismum certificantur quoddam non peccent, licet ex vi directi syllogismi de rebus secundum se talem certitudinem non habeant. Itaque Celladeus evidenter falsus est, dum universaliter excepit contra majorem dicti syllogismi.

26. Porro quando dicimus, majorem illam esse universaliter veram, non illam accipimus in sensu Celladei, nec crudè dicimus: *quidquid prævia consultatione facimus, sine peccato facimus*, quia multi ex industria consulunt minus peritos, alii adhuc adhibent adulatores, aut de quibus meritò suspicari possumus, ne vitio adulandi, quæ placitura, non quæ vera sunt, dicant. Alii, maxime si sint periti, sæpè vident consilia & rationes, quibus consultores nituntur, non sufficienter probare intentum, sed esse falsas aut debiles &c. Alii nec tot nec tales consultores adhibent, quot magnitudo rei, & bonum publicum postulat, sed suos tantum in propria causa consulunt, cum impartialis & interesse non habentes consulere deberent &c. In hisce & similibus casibus tuti non sunt, qui tali solum consultatione præmissa, ad opus progrediuntur; sicut nec illi, qui sufficienti consultatione præmissa, adhuc utuntur, & bonam fidem non formant. Itaque ego non minus, quam Celladeus, excipio contra illam propositionem, *quidquid prævia consultatione fit, sine peccato sit*, & dico illam esse non solum miserandam potius quam admittendam, sed absolutè dico, eam esse prorsus intolerabilem & evidenter falsam; quia multi ob defectus notatos, aliosque ejusmodi, nec coram Deo nec coram hominibus tuti sunt, qui tamen præmissa consultatione

Qui sequitur confilium, cui prudenter assentiunt, non peccat.

Subditus certus est se non peccare obediendo in re probabiliter licita

Non omne licitè fit, quod ex prævia consultatione

Celladeus re ipsa negat quod antea concesserat.

sultatione faciunt, quod consiliiarii licitum esse dicunt.

Syllogi-
smus reflexus demon-
strativus de
non pecca-
to.

27. Itaque sensus majoris illius est iste. *Quid-
quid in rebus verè incertū sit præmissa consultatione,
juxta qualitatem rei, cum probu & peritu, de quib-
us nulla esse potest prudens suspicio, quin rectè munere
suo fungantur, id sine peccato sit, si bona fide ex eo-
rum consilio fiat.* Huic majori subsumitur ista
minor. *Sed ego præmissi consultationem juxta rei
qualitatem cum probu & peritu, de quibus nulla esse
potest prudens suspicio, quin rectè suo munere fungan-
tur; & illorum auctoritate consilium firmo bonam fi-
dem, & credo, quòd verum dicant.* Ergò sequendo
eorum consilium non pecco. Hic syllogismus reflexus
est demonstrativus, & frequentissimè locum
habet in minus peritis. In peritis autem frequen-
ter locum habet, toties scilicet, quoties illi non
habent causam suspicandi, consiliiarios non ritè
factos esse officio suo.

Majoris evi-
dencia de-
claratur.

28. Jam quòd major sit evidens, ex eo patet,
quòd omnia excludat, ob quæ præcipitatio &
temeritas in sequendo alieno consilio incurri pos-
sit. Præterea si ista propositio non esset certa &
evidens, consultationes frustra adhiberentur,
quia quibuscumque præmissis, adhuc periculo-
sum esset illis fidere. Unde enim potest esse quies
& certitudo animi, si illa ex consultatione, qua-
lem proposui, non procederet? Profectò sem-
per vacillandum esset, quia plus fieri non potest,
quàm quòd propositio illa præscribit. At nil
evidentius, quàm quòd consultationes sint utiles
ac necessariæ ad conscientiam ritè formandam,
quòdque illis debitè peractis juxta illas liberè
procedendum sit. Ergò major illa propositio est
evidens. Rursus evidens est, assensum illum de
honestate rei esse probabilem & prudentem, qui
tali consultatione & resolutione nititur. Ergò
evidens etiam est, opus à tali persuasione profe-
ctum non esse imputabile & peccaminosum.
Minor sæpissimè est evidens. Consequentia le-
gitimè deducitur.

Syllogi-
smus alla-
tus nullum
inconve-
nientiam invol-
vit.

29. Jam hunc syllogismum pro regula admit-
tere non est plus, quàm omnes omnium libro-
rum opiniones ut licitas proponere; quia hic &
nunc nulla est, aut esse potest prudens exceptio
contra consilium datum. At contra multas opi-
niones plures sunt validæ exceptiones; aliquæ
enim damnatæ sunt ab Ecclesia, aliæ à gravissimis
Auctoribus tanquam improbables rejectæ, ut
patet. Præterea etsi opiniones majore maturi-
tate scribi, quàm responsa ore dari videantur, id
tamen re ipsa non est verum, si de proborum ac
peritorum resolutionibus loquamur, quia illi de
consuetis & facilibus diligentiam scriptoribus
ipsis non imparè præmiserunt; de difficilibus
verò antequam respondeant, non minorem
quàm si scriberent, & sæpè majorem, quàm multi
scriptores, diligentiam adhibent. Demùm mala
quæ Celladeus enumerat, quæque proferendi
licentiam cupit, locum non habent ex usu hujus
syllogismi, ut patet.

Objeçtio 4.

30. Objeçtio quarta. Ponere in actibus no-
stris talem conscientiz securitatem, præmissa hu-
mana consultatione, qualem haberemus, si
Deum ipsum consultorem haberemus, nimis
præfidentiz est. At nos talem ponimus, quia
dicimus operantem habere certitudinem ac evi-
denciam quòd non peccet, si humanum consi-
lium sequatur. Ergò nimis præfidentor loqui-
mur. Ita Celladeus §. 3.

Responsio.

Respondeo inprimis, nos paritatem non ad-
mittere; nam certitudo quam habemus, dum

Deus ipse loquitur, est certitudo fidei, quæ ma-
jor est, nobiliorisque ac altioris ordinis, majus-
que & nobilius meritum fundat, quàm certitudo
naturalis, qualem ponimus in illis, qui sequun-
tur directionem consilii humani.

31. Respondeo secundò, certitudinem, de qua
loquimur, non fundari in auctoritate humana,
nisi occasionaliter ac remotè, quatenus illa con-
stituit novam circumstantiam, in ordine ad quam
objectum, quòd illa proponit ut licitum, conside-
ratur. Jam lumen, à quo tota certitudo nostra
dependet, provenit à principio synderesis re-
flexo, & ab evidentia actuum nostrorum, quòd
lumen à solo Deo est, non ab humana auctori-
tate, ut patet. Itaque certitudo non in huma-
nam auctoritatem, sed in lumen à Deo imme-
diate participatum resolvitur. In hoc autem non
nimis præfidenter de nostra certitudine, sed ma-
gnificè, ut oportet, de providentia Dei loqui-
mur; ipse enim reflexam hanc certitudinem no-
bis misericorditer providit, quando ad illam per
cognitiones directas pervenire non possumus.

32. Objeçtio quinta. Multa obstant contra
præfentam hanc conscientiz certitudinem. Ergò
non est admittenda. Inprimis sollicitudo aliqua,
& aliquod salutis æternæ studium omnibus ne-
cessarium est. At impossibile videtur, quòd pos-
simus taxare hanc sollicitudinem per mensuram
aliquam determinatam. Secundò etsi mensura
esset nota & certa, adhuc incertum esset, an
mensuram illam expleverimus, an remissiones
extiterimus. Tertiò omnes Auctores requirunt
diligentiam aliquam pro invenienda veritate mo-
rali. At impossibile nobis est ita determinare
mensuram hujus diligentiz, ut certò dicere pos-
simus, tantum requiritur, & non plus. Quarto
non sumus certi nos sepiores non extitisse.
Quintò multi asserunt orationem necessariò ad-
hibendam esse. Sextò alii exigunt emundationem
conscientiz, & vitiorum fugam, humilitatem
&c. quia anima non munda, facile fallitur,
& omnes quotidie experimur, eadem objecta
diversimodè affectis diversa apparere. Ex his se-
quitur impossibile esse, quòd semper & in singu-
lis actibus certo ac infallibili dictamine sciamus,
Ego hoc docendo, vel hoc operando non pecco. Ad hoc
enim requiritur, ut certò sciam, me in studio sa-
lutis atque in diligentia veritatem investigandi,
in corde mundando, in Deo orando, nil eorum
omisisse ad quæ tencor, Ita Celladeus §. 3.

33. Respondeo inprimis, transeat totum: Multæ do-
ctrinæ sunt
evidentes
independen-
ter à boni-
s mori-
bus uten-
tium illis,
non enim asserimus quòd in omnibus actionibus
nostris habeamus hanc evidentiam, sed solum
quòd sæpè eam habeamus: quòd certò negari
nequit in filiis respectu parentum exiliminatorum;
in rudibus, qui gravissimos & sanctissimos con-
sulunt; in Judicibus, qui testibus juratis contra
quos nulla est exceptio, credunt: ad certitudinem
enim istorum & similium, nil eorum, quæ Cella-
comminiscitur, necessarium est, sed omnia fer-
mè & quæ locum habent in infidelibus, qui nul-
lam salutis curam gerunt, ac in fidelibus, qui
Deo cum omni diligentia serviunt. Nec mirum,
quia etsi passiones ac vitia animi excrescant,
non tamen penitus extinguunt lumen rationis,
sed illa adhuc benè percipit quædam notissima,
qualia sunt ea, quæ proposuimus, quæque facile
deducuntur à primis principiis synderesis sive di-
rectis, sive reflexis. Jam ad hoc genus ea omnia
pertinent, quæ in tertia assertionem proponuntur,
quia doctrina illa non dependet à moribus illa
utentis, Itaque ille certus est se non peccare, dum
illam

Certitudo
peccandi
sequendo
consilium
humanum,
non funda-
tur in aucto-
ritate hu-
mana.

Multa im-
pediunt
certitudi-
nem non
peccandi in
actibus hu-
manis.

illam sequitur, modo non utatur ulla opinione, quam non evidenter novit esse probabilem. Præterea quando versamur in incertis, & sequimur opinionem communem, quæ Celladeus commemorat, non nisi in gradu valde mediocri sunt necessaria. Certum autem est, ea omnia in mediocri gradu ab omnibus ferè benignæ sententiæ Auctoribus fuisse præstita.

Auctores benignæ sententiæ omnem suam obligationem haud dubiè impleverunt.

34. Respondeo secundò, omnia hæc ad eos tantum aut præcipuè spectare, qui quæstiones morales solvunt, suisque doctrinis alios docent. Ac hoc nil facit ad casum nostrum, quia loquimur de sequenda opinione, quam omnes plurimum sæculorum Theologi doctissimi sanctissimi que tradiderunt esse verissimam, qua in re nulla superest difficultas, cum non sit prudens ratio dubitandi, quòd omnes isti Doctores erraverint, nec locus detur suspicioni prudenti, quòd tota Ecclesia in re tanti momenti, tamdiu & tam periculosè erraverit. Itaque haud dubiè cessat obligatio rem hanc ulterius ventilandi. Ego tamen aliique complures, post novos adversariorum clamores, de novo rem, quam maxima potuimus diligentia, examinavimus: certum autem est, quod major in rebus humanis sub præcepto non cadat. Neque ad hoc dignoscendum opus est nisi scripta eorum evolvere, qui à viginti aut triginta annis de hac re scripserunt; illicò enim apparebit, quòd tanta in hac re diligentia usi sint, quanta in rebus maximis postulari potest. Porro iidem Auctores fuerunt viri, qui non exiguum suæ salutis studium habuerunt, & quidem longè majus, quam sub præcepto cadat. Cæterum quamvis difficile ac fortasse nobis impossibile sit determinare, quænam sit præcisa mensura studii pro salute adipiscenda, ac diligentia pro investiganda veritate sub præcepto necessaria; nihilominus impossibile non est magnam aliquam taxam assignare, ac certò affirmare, quòd quidquid ad illam pertingit impleat mensuram nobis præceptam. Sic, licet in particulari scire non possimus, quot præcisè obolorum furtum requiratur, ac sufficiat ad peccatum mortale; nihilominus certò scimus, centum scuta esse materiam gravem, nec quisquam de eo dubitat. Jam ergò certum est plurimos ex benignæ sententiæ Auctoribus omnia ista abundantissimè explevisse; atque insuper ita in orando Deo, in conscientia mundanda, & in mortificandis passionibus eminus, ut toti mundo tanquam perfectæ sanctitatis exemplaria eluxerint. Hinc licet suspicari possimus, homines diversis affectibus & passionibus non benè regulatis esse obnoxios, quando videmus eadem objecta diversimode illis apparere; nihilominus quando eadem objecta per multa temporum spatia omnibus eodem modo apparent, signum evidens est objectum illud debite perceptum fuisse. Hic est casus præsentis controversiæ; quia per integrum sæculum omnes omnino tenuerunt benignam sententiam. Quòd si sermo sit de usu opinionis directè probabilioris, nemo præter Celladeum dubitavit an esset licitus. Jam ergò si unus contra omnes, aut pauci contra incomparabiliter plures, qui paucis illis non solum in nullo inferiores, sed in multis imò in omnibus superiores sunt, insurgant; & objectum idem aliter illis quam aliis omnibus appareat, suspicio est, illos paucos non esse debite dispositos, & defectum apparentiæ non objecto, sed malæ eorum dispositioni tribuendum esse. Hoc autem maximè locum habet in casu nostro, quia post diligentissimum examen

R. P. A. Terilli, Regula Morum PARS II.

omnium, quæ pro se contra communem opinionem afferunt, invenimus illa aut ex statu quæstionis malè intellecto, aut certè ex miris equivocationibus ortum habuisse, ac nil prorsus probare; unde dicimus ac scimus, benignam sententiam illorum oppositionibus nil probabilitatis perdidisse, sed magnum exinde certitudinis suæ incrementum acquisivisse.

35. Præterea moraliter certum est, nil eorum, quæ Celladeus requirit, omissum fuisse à plurimis benignæ sententiæ Auctoribus, quamvis id non ita constet de singulis: an autem certitudo hæc locum habeat in paucis illis, qui benignæ sententiæ adversantur, aliorum judicium esto, non enim quemque judicò; pro se unusquisque respondere debet. Consulamus ergò conscientias nostras, & si in aliquo defecerimus, emendemus quod minus rectè patratum novimus, vel timemus. Ego certè ex animo cum Jobo & dico: *Job 9. 15: & 16. si habuero quidquam justum, non respondebo, sed meum judicem deprecabor, & cum invocantem exaudieris me, non credo quod audieris vocem meam: stultum enim esset homini velle cum Deo contendere, etiam in iis, quæ certò novit se rectè fecisse, quia pro illis Deo grates refert, seque coram Creatore suo tanquam illis indignum humiliare debet, non autem de illis extolli ac gloriari sicut Phariseus, qui dicebat, jejuno bis in sabbato &c.* Cæterum in quæstione præsentis haud dubiè longè magis timendum est adversariis, quam nobis: illi enim contra unanimem Theologorum omnium sententiam inducunt opinionem novam: illi alios omnes, etiam doctissimos ac sanctissimos, doctrinæ periculosæ dant: illi omnibus, qui antea multa conscientia pace fruebantur, timores incutunt &c. Hæc autem omnia contra communem proborum doctorumque opinionem faciunt. Timendum ergò illis est, ne res tantas sine summa diligentia, sine magna conscientia puritate, atque sine ferventi divinæ opis imploratione contra communem fidelium sensum & consensum tradiderint. Si certi non sint, se hæc omnia præmississe, timere possunt ne muneri suo non satisfecerint.

36. Demum, ut argumeti hujus ponderationem retorqueam, peto à Celladeo, an existimet, se in nullo totius sui libri paragrapho scribendo certitudinem saltem moralem habuisse, quòd in contradicendo non peccaverit? si dicat, se in nullo prorsus talem certitudinem habuisse, ex animo viro compatiar, quòd sine ulla necessitate se in tantum periculum conjecerit, & hortor, ut in posterum à tali periculo se subtrahat; quia melius est oculum eruere, aut etiam pedem abscindere, & à fama per librorum editionem etiam licitè captanda se subducere, quam in omni assertione proponenda peccandi Deumque offendendi periculo se exponere. Si autem dicat, se ita de aliquibus formidare, ut de multis, imò de plurimis moralem certitudinem habeat, se illa proponendo non peccasse; eo ipso sibi contradicit; quia jam in plurimis admittit certitudinem relictam, etsi directè loquendo de illis evidentiam & certitudinem non habeat; quia nimis patens est, Celladeum ex iis, quæ contra benignam sententiam profert, nil prorsus demonstrasse, aut certis argumentis comprobasse.

37. Objeccio sexta. Hic syllogismus reflexus: *Qui facit, quod absolute putat esse licitum, non peccat, sed ego absolute puto hoc esse licitum. Ergò hoc faciendo non pecco: non probat intentum, qui major est certò falsa.* Itaque major debet hoc modo

B 3

formari,

formari. *Qui facit quod putat esse licitum non peccat, si nihil eorum pratermisit quæ debuit.* Jam huic majori subsumi debet minor. *Sed ego puto hoc esse licitum, & nihil pratermisit eorum quæ debui.* At hæc minor non est certa & evidens, sed solum probabilis illis, qui in salute animæ procuranda verè diligentes sunt. Ita Celladeus §. 3.

Qui bona
sue sequi-
tur dicta-
men con-
scientiæ,
non peccat
præcise ra-
tione illius
actûs.

Respondeo Celladeum ex proprio capite formasse hunc syllogismum; nemo enim affert illum pro sufficienti conscientiæ regula, & multò minus pro syllogismo evidenter concludente. Immo omnes expressè supponunt, majorem illius simpliciter sumptam esse falsam, quia omnes unanimiter docent, dari peccata ignorantiz, multisque de causis peccari posse in eo, quod homo putat non esse peccatum, sed bonum. Cæterum si sermo sit de peccato imputabili ratione sui, & non ratione alterius, prior ille syllogismus verus est, quando nulla prorsus adest suspicio mali, quia nullum peccatum ex pura ignorantia est imputabile ratione sui, sed solum ratione ignorantiz vel erroris, à quo provenit, si enim error non esset imputabilis, neque actus ab errore regulatus imputari posset. Ergò tota imputabilitas talis operationis ab erroris vel ignorantiz imputabilitate dependet & desumitur, quod latè probatum est in tract. de consc. prob. quest. 13. ferè per totum. Item quest. 17. à num. 31. usque ad finem & quest. 25. à num. 42. de qua re iterum plura dicentur inferius quest. 65.

Argumen-
tum Cella-
dei totum
ejus inten-
tum evertit
& probat
certitudi-
nem reflex-
am sine
directa.

38. Cæterum nos aliter proferimus majorem, & dicimus, illum non peccare, qui facit quod certò prudenter credit esse licitum, & alia ejusmodi addimus, quibus non solum omnis falsitas ab illa excluditur, sed ipsa ejus veritas certissimè habetur. Et quia Celladeus ipse non potest negare, quod major illa, *qui facit quod putat esse licitum, non peccat, si nihil eorum pratermisit, quæ facere debuit*, sit evidens, ex illa totum ipsius intentum evidenter evertitur, & assertio nostra certissimè stabilitur. Inprimis illius intentum in eo potissimum consistit, quod putet impossibile esse, ut per principia reflexa certificemur de non peccato, quando certitudo in actibus directis non habetur: at hoc evidenter evertitur ex hoc ipso syllogismo reflexo, quem proponit: quia evidens est rudes, qui in suis dubiis consulunt homines, magnæ peritiz ac probitatis fama celebres, nil eorum pratermittere ad quæ tenentur, ut informationem accipiant, quam in opere sequantur. Ergò quando rudes talium virorum dictis credunt utque majori illi addunt minorem evidentem, & consequenter eliciunt conclusionem evidentem, quæ est dictamen conscientiæ certum & evidens quod operatio sit licita. Ergò per reflexa principia certificamur de non peccato, etsi de illo per directa nullam certitudinem habere possimus, idque non rarò sed frequentissimè, quia casus directionis per homines peritos eorumque responsa est frequentissimus, non in pueris tantum & rudibus, sed etiam in magis instructis, immò etiam in peritis, illisque omnibus, qui magnam suæ salutis curam gerunt.

Idem argu-
mentum
efficaciter
probat be-
nignam sen-
tentiam.

39. Quòd autem ex eodem principio sententia nostra, & assertio posita certissimè stabilitur, ex eo constat, quod qui post diligentiam magnam adhibitam, & omnes adversariorum clamores auditos, eorumque argumenta seriò perpensa, invenit illa esse malè fundata; è contra verò percipit argumenta benignæ sententiæ esse potentissima, hic rationabiliter subscribit benignæ sententiæ, & putat universalem opinionum

certò practicè probabilium usum esse licitum; quia subscribit auctoritati ac rationibus non solum plerumque, sed ferè semper non fallentibus. Rursus ille idem nil eorum omisit ad quæ tenetur, quia qui sequitur communem aliorum omnium opinionem, & unà cum peritis & probis examinat ea, quæ in contrarium obijciuntur, illaque invenit esse invalida, absque dubio facit omnia ad quæ tenetur in ordine ad iudicium de illa opinione formandum, quia alia onera illi ex obligatione imponere apertè rationi repugnat. Quòd si Celladeus in eo se figat, quod homo mediocrem saltem salutis curam adhibere teneatur, parique sollicitudine conscientiam mundare, & lumen à Deo petere ne fallatur, aut fallat, ista haud dubiè reperiuntur in multis non solum ex antiquis, sed etiam ex recentioribus benignæ sententiæ patronis, & unusquisque de seipso hac ex parte facilè discernere potest, an talem diligentiam præmiserit. Ergò qui consensit, se talem diligentiam præmisisse, illi utique per certam conclusionem inferunt usum benignæ sententiæ esse sibi licitum. Atque ita ex hoc ipso syllogismo veritas benignæ sententiæ stabilitur, & certificatur quòd omnes tales hac in re licitè sequantur suam sententiam. Idem valet de iis omnibus, qui ab illis diriguntur, modò rationabiliter præsumant, unanimum tot auctorum consensum esse fide dignum, illique ut absolurè verè ob extrinsecam auctoritatem consentiant.

40. Ecce Argumenta Celladei probant, non improbant tertiam assertionem, & quidem hoc ultimum argumentum, juxta omnia ejus postulata acceptum, ita illius opinionem evertit, ut nostram stabilit. Cæterum post tantam diligentiam impensam, quantam Auctores benignæ sententiæ impenderunt, nulla superest obligatio ad ulteriorem inquisitionem de illius veritate; sed unusquisque prudenter illi assensum præbet, modò argumenta & auctoritates dictæ sententiæ apud ipsum prævalcant. Idem dico non solum de omnibus opinionibus communibus, sed etiam de quibusvis certò probabilibus practicè. Ratio est, quia cum in istis humana diligentia præmissa sit, nec ulla spes proxima affulgeat veritatem certius cognoscendi, haud dubiè nemo tenetur rem ulterius investigare, sed cuique licitum est, talem opinionem amplecti, modò illa sit certò probabilis juxta præscriptum benignæ sententiæ. Et sanè maxima mundi pars talia investigare nequit, pauci possunt, nemo per se loquendo tenetur, nisi fortè quis in se recipiat onus talem questionem suam etiam auctoritate confirmandi: hic enim ex suo officio teneretur eam diligenter examinare. Sed hoc est per accidens ad præsentem questionem, ut patet.

ASSERTIO QUARTA.

Doctrina Celladei, si vera esset, aut mundum scrupulis impleret, omnesque nimium timidos ac perplexos in Dei obsequio redderet, aut hominibus imponeret onus intolerabile, quod constat à Deo nobis impositum non fuisse.

41. **P**ROBATUR. Si Celladei sententia esset vera, tutiora vel essent, vel non essent in omnibus sectanda. Primum esset onus hominibus intolerabile, quod Deus certissimè non injunxit, ut constat ex quest. 9. Quin & Celladeus ipse

Sententia
Celladei aut
scrupulos
non fere-
dos, aug

onus intolerabile secum duceret, si assumeretur pro regula.

ipse ab absurdum putat, talem obligationem hominibus injungi. Secundum, omnes continuis scrupulis ac conscientiae remorsibus inquietaret, magnoque Deum offendendi timore atque perplexitate agigaret, quoties non haberent directam certitudinem de honestate operis, quod faciunt. Ratio est duplex: prima est, quia nescirent an sequerentur opinionem probabilem, cum per Celladeum probabilitas non minus lateat, quam veritas. Ergo merito formidarent ne forte sequerentur opinionem improbabilem. At qui sequitur opinionem improbabilem (etiam veram) peccat, quia non sine temeritate se exponit periculo sectandi dictamen imprudens & stultum, seu non regulam pro regula. Praeterea in eodem casu alia adesset formido peccandi, nempe contra legem; nam quamvis opinio appareret probabilis, adhuc timor esset, ne esset falsa, quia ex ipsa natura probabilitatis apparentis necesse est, ut aliquando à vero aberret. Hi duo timores inseparabiles essent ab omni operatione circa partem minus tutam. Ergo esset periculum non exiguum errandi in alterutro. At ex quocumque illorum capitum error contingeret, homo peccaret. Ergo non posset non angitur timore ac periculo non exiguo Deum offendendi, ne scilicet vel uteretur non regulam pro regula, vel certe ne regulam erroneam uteretur.

Eadem sententia nullum dictum malis remedium relinquit.

42. Secunda ratio est, quia ex sententia Celladei, negantis dari ullam certitudinem reflexam ubi deest certitudo directa, nunquam certi sumus nos non peccare. At nemo potest non quodam conscientiae remorsu angitur, qui facit, de quo metuit ne sit offensa Dei, quamvis absolute credat oppositum; quia iudicium probabile non excludit ejusmodi formidinem. Ergo homo toties aliquo modo contra conscientiam, ejusque remorsum ageret, quoties minus tuta sectaretur. Ergo semper in sua conscientia exponeret se periculo peccandi. Ergo semper perplexus esset an peccaret. Similiter post opus, semper perplexus esset, an peccasset nec ne? antequam confiteri nec ne? & sic totus mundus scrupulis necessario impleretur. Ergo alterum ex positum in assertione inevitabiliter sequitur ex doctrina Celladei.

Eadem scrupulorum remedium moraliter impossibilitatem.

43. Confirmatur, quia pro homine scrupuliosior conscientia, qui ob minimam apparentiam formidat Dei offensam, nullum superesset remedium ad eum timore suo liberandum; nil enim certi; cui niteretur, proponi posset; sed è contra omnia remedia eisdem timendi rationibus obnoxia essent, quibus malum, cui medendo adhiberentur, subjacet. Timerent enim primo, an probabilia sectarentur. Secundo timerent, ne probabilia sectantes à vero aberrarent, & sic Deum offenderent. Tertio reflexe crederent, quod in nullo casu possent habere certitudinem non peccandi. Ergo semper angerentur formidine peccandi, nec ab illa extricari possent. At timor ille est unicum malum, quo vexantur, & ratione cujus terrore ac quadam perplexitate concutiuntur. Ergo nullum esset pro illis remedium. Immo è contrario necesse foret, ut omnes, salutis suae studiosi, in huiusmodi scrupulos, timores & perplexitates inciderent, quia corda illorum semper arderentur timoribus praedictis, nec unquam illis liberari possent, cum ratio ipsa, & propria eorum conscientia ac opinio semper dictaret causas timendi adesse, ac ut praesentes proponeret.

In sententia Celladei,

44. Probatur secundò. Posita sententia Celladei, omnis operans formaret iudicium huius-

modi. Ego puto me non peccare hic & nunc, sed forte decipior & pecco; quia hæc formido naturaliter conjuncta est cum opinione probabili. Rursus per reflexum discursum nulla certitudo consurgeret. Ergo omnis operans signatè vel exercitè ex propriæ conscientia dictamine ita esset dispositus, ut existimaret se forte Deum offendere. At opus tale est peccatum, tum quia non sit ex bona fide, tum quia nequit fieri absque contemptu Dei: quomodo enim non contemnitur Deus ab eo, qui juxta ultimum conscientia suæ dictamen, ita dispositus est, ut dicat; *puto quidem me Deum non offendere, sed certus non sum, & fortasse eum graviter offendo*. Certè talis homolegem non offendendi Deum, eumque super omnia totisque viribus diligendi non videtur implere. Quomodo enim Deum totis viribus amat, quomodo ejus offensam toto corde detestatur, illumque rebus omnibus præfert, qui minus tuta sectando periculo illum offendendi sciens & volens se exponit? Nuncne præfert exiguum bonum temporale periculo Deum offendendi? Ergo talis operatio est impossibilis cum observatione præcepti Deum supra omnia diligendi. Ergo est peccatum. Rursus hoc ipsum reflexe cognoscitur. Ergo homo non solum semper perplexus esset an Deum offenderet, sed etiam haberet conscientiam reflexam de suo peccato. Hæc sunt absurda, quæ inevitabiliter sequuntur ex opinione Celladei, quæ proinde falsa esse convincitur. Et sanè Celladeus ipse fatetur ea esse absurda, sed negat ea sequi ex sua sententia: Restat ergo ut videamus an ille ab istis sequelis se defendat, quod fiet ex solutione rationum, quas affert.

qui sequitur minus tuta, Deum offendit.

SOLVUNTUR OBJECTIONES.

45. **O**BIECTIO prima. *Nemo certus est an odio vel amore dignus sit*. Ergo omnes sumus incerti, an simus in statu vel extra statum gratia. Hinc sic arguo. Si certi essemus nos in omnibus nostris actibus non peccare, possemus certi esse de statu gratia, quia secunda certitudo deducitur ex prima. At sequela est falsa, quia ex Tridentino sess. 6. cap. 9. certum est *neminem, absque peculiari Dei revelatione, scire posse certitudinem fidei, cui non potest subesse falsum, se gratiam Dei esse consecutum*. Ergo falsum est antecedens. Ita Celladeus §. 4.

Obiectio 2.

Respondeo in primis. Transeat totum, si sermo sit de actibus totius vite, aut valde longi temporis: quia si certi essemus, nos nunquam decem annorum spatio peccasse, magnum & fortasse infallibile haberemus argumentum dicendi nos esse in gratia Dei. Verum hoc non est ad rem: non enim querimus, an certi simus nos nunquam peccare in ullis actibus: certum enim est nos non habere certitudinem, quod in decursu tanti temporis nunquam peccemus, vel propria dictamina sectando, vel tentationibus non debite resistendo, vel etiam contra conscientiam, aut in dubio operando &c. Sed solum querimus an simus certi nos non peccare, quando expresse & ex plena electione ac deliberatione sequimur opinionem certò probabilem, & per illam directi bona fide progredimur. Hoc affirmamus, sed ex hoc non sequitur nos posse esse certos de statu gratia, & non peccati habitualis, licet in multis certi simus hic & nunc de non peccato actuali in hac operatione: sic certus est iudex, se nunquam peccasse damnando homines legitime

Non est certus de gratia Dei, qui certus est se non peccare in aliquo actu.

convictos, etsi certus non sit illos fuisse nocentes, cùm testes & argumenta, quibus motus est, sint solum probabilia, & nimis frequenter à veritate aberrant. Nec tamen iudex ideo certus est se esse dignum amore Dei. Idem prorsus valet de illis, qui bona fide sequuntur opinionem certò practicè probabilem.

Consequens non inferatur ex antecedente.

Respondeo secundò, deductionem argumenti non esse legitimam: quia etsi certi essemus nos toto anno non peccasse mortaliter, non inde sequeretur nos esse certos de statu gratiæ, quia status gratiæ non obtinetur nisi per sacramenta, vel per contritionem perfectam. Jam ad contritionem perfectam ac justificativam, multa certò, multa alia probabiliter requiruntur, de quibus certi non sumus quòd unquam præcesserint. Ergò nunquam possumus esse certi quòd per contritionem ac votum sacramenti justificemur. Sed neque certi esse possumus, quòd gratiam per sacramenta recipiamus, non solum quia operatio Sacramenti dependet à materia, forma, ac debita intentione ministri, de quibus omnibus certi esse non possumus, nam intentio ministri semper latet. Latet etiam nos sufficientia contritionis ac confessionis debite pro recipiendo sacramento pœnitentiæ. Jam omnes istæ incertitudines manent, etsi non peccemus de novo, dum ad sacramenta recipienda nos disponimus, eademque manerent, etsi certi essemus, nos in iis omnibus non peccasse de novo. Ergò nulla est consequentia argumenti allati, quamvis antecedens admittatur esse verum.

Obiectio 2.

46. Obiectio secunda. Parum refert certitudo hæc de non peccato in peculiaribus actibus, si omnibus inspectis non habeamus certitudinem de statu gratiæ, quia semper adest periculum damnationis, & status peccati habitualis. Ergò negatio certitudinis à Celladeo asserta nil specialis, aut indebiti, & nimii timoris affert, quia si detur siue non detur, semper sumus incerti an Deo placeamus.

Responsio.

Incertitudo status est utilis, sed incertitudo non peccandi nocet.

Respondeo, incertitudinem status esse nobis valde utilem, quia illa nos humiliores in oculis nostris, in virtutum exercitio Sacramentorum, quæ frequentia exactiores reddit, quàm essemus, si de statu nostro certitudinem haberemus. Itaque ista incertitudo non nocet, sed virtutem acuit. Præterea certi sumus, illam incertitudinem non esse nobis imputabilem ad peccatum novum, nosque per illam Deum non offendere. At incertitudo, de qua nunc loquimur, est longè alia, & novo ictu affligit animam, quia illam in omnibus anxiam reddit, an Deum de novo offendant, multiplicatisque peccatis ampliorem damnationem & horrendam Dei desertionem mereatur. Itaque non parum, sed longè plurimum refert certitudo non peccati actualis in hisce determinatis actibus, & negatio certitudinis à Celladeo asserta, specialissimum timorem, nimiamque & inevitabilem sollicitudinem ac perplexitatem in re summi momenti secum affert.

Obiectio 3.

Dantur peccata occulta.

47. Obiectio tertia. Plurima sacre Scripturæ, Conciliorum ac Patrum testimonia probant, esse posse in nobis peccata occulta & ignota. At hoc non esset verum, si omnis peccans actualem remorsum experiretur; quia diligentissimi recordari possent omnium remorsuum. Rursus si omnis non peccans haberet certum & evidens dictamen de non peccato, omni peccanti notitiam esset libi deesse hanc evidentiam, ac proinde nulla essent nobis peccata occulta. Ita Celladeus §. 4.

Responded: multa peccata esse nobis occulta, vel quia eorum obliti sumus, vel quia ex vincibili ignorantia processerunt. Certè ex hac ignorantia sæpè putamus ea esse bona & Deo placenta, quæ verè sunt mala, & nobis imputantur. Jam verò multa peccata ex hisce capitibus essent occulta, tametsi homines actualem cum remorsu negligentes fuissent in veritatis indagatione, quando illa poterat, & debebat inquiri. Neque inde sequitur, quòd diligentissimi possint omnium recordari, quia oblivio in multis est prorsus insuperabilis, ut patet. Est præterea aliud caput, ex quo peccata sunt occulta, etiam quando adest aliquis remorsus. Sæpè enim tentatione pressi, nescimus, an strenuè resistimus, an plenum, an semiplenum assensum præstiterimus &c. In tali ergò casu peccatum aliquando est occultum, etsi aliquem remorsum habeamus; quia multi remorsum habent, etsi diligenter resistierint, fecerintque omnia ad quæ tenebantur. Demùm, si universim loquamur, ad omne peccatum non requirimus remorsum, quia peccata ignorantie vincibilis esse possunt sine ullo remorsu, quamvis existimemus aliquem remorsum necessariò præcessisse, quando diligentia debita sponte negligebatur.

48. Quod ad secundum attinet; jam responsum est; quia ostendimus unde peccata sint occulta. Cæterum, etsi omnis non peccans in instanti sue operationis certò sciret se non peccare, & sic peccatum actuale, ratione sui imputabile, nunquam esset occultum in illo instanti, nihilominus multa peccata postmodum evaderent occulta, propter oblivionem, aliasque rationes allatas, tum hæc, tum in *quæst. 13. de conse. prob. num. 37*. Præterea quando dicimus, omnem non peccantem debere esse certum de suo non peccato, solum loquimur de eo, qui sciens & volens ex deliberatione ac determinatà electione post consultationem præmissam ex præconcepto & stabilito iudicio operatur, non autem de eo qui tentatione præventus, debere non resistit, sed aut hæret dubius, aut etiam consentit, siquidem in tali casu homo aliquando ita prævenitur, ut vix ipsemet sciat quomodo se gerat in ullo determinato instanti. Certè frequentissimum est, ut statim post nesciat, qualiter dispositus fuerit, quamque diligentiam ac resistentiam adhibuerit. At omnia contrario modo se habent in priori casu, ideoque licet in illo semper certificemur pro instanti operationis, an peccemus nec ne, non tamen ideo in aliis casibus tam clarè de hoc certificamur, quamvis in illo etiam casu talis species actuum elictorum relinquatur in anima, ut ex illis statim post mortem anima clarè discernere possit, an peccarit nec ne. Demùm si sermo sit de peccatis ignorantie; operans non semper habet certitudinem ac evidentiam de suo non peccato, ut dictum est. Ecce ex quot capitibus necesse est plura peccata esse hominibus occulta, etsi quoties ex electione sequuntur opinionem aliquam, certò cognoscant in instanti operationis, an Deum offendant nec ne.

49. Et hæc quidem vera sunt, juxta dicta in *quæstionibus hic num. 37. citatis ex tract. de conse. prob.* Sed quidquid sit de illa universali assertionem, quælibet præsens solum restringitur ad eos, qui ex præconstituto sequuntur opinionem certò probabilem, idque faciunt ex vi benignæ sententiæ quam sequuntur, cùm habeant certam ac evidentem notitiam de probabilitate, prudentia, ac rationabilitate benignæ sententiæ. Nos dicimus certum.

Responsio: Unde oriatur, ut peccatum esse possit occultum ?

Argumenta non tangunt quæstionem in sensu proprio intellectam.

certificari de non peccato, quia cum certi sint de qualitate ac prudentia iudicii directi, nunquam desunt principia Synderesis reflexa, per quæ facillimè ascendunt ad certitudinem de suo non peccato, ut tum in hoc tractatu, tum in quæst. de consc. prob. sæpissimè ostensum est. Porro quæstionem in hoc sensu acceptam, hæc Celladei argumenta, ne quidem tangunt, cum tamen hoc solum sit id, de quo hoc loco ex professo agitur.

Obiectio 4. 50. Obiectio quarta. Unusquisque formidare potest, an in susceptione Pœnitentiæ & Eucharistiæ sit satis dispositus, & se sufficienter probaverit. At qui certus non est de sufficienti dispositione, non est certus se non peccare in actuali Sacramentorum susceptione, quia tota ratio non peccati sumitur ex digna vel indigna susceptione; idè enim peccatur, vel non peccatur, quia non dignè, vel dignè suscipitur; nec est una lex de digna susceptione, & alia de non peccato. At de digna dispositione nulla datur certitudo. Ergò neque de non peccato.

Accedentes ad Sacramentum pœnitentiæ certi esse possunt se non peccare accedendo. Respondeo in primis, unumquemque meritò formidare, an dispositionem sufficientem habeat ad Sacramentum fructuosè suscipiendum, quia nemo scire potest, an ea omnia habuerit, quæ ad talem susceptionem sunt prorsus necessaria, ut dictum est. Cæterum plures, qui notabilem in conscientia examinanda, ac contritione elicienda diligentiam adhibent, non habent unde formident sese de novo peccare in sumenda pœnitentiâ, modò sincerè accusent se de omnibus, quorum reminisci potuerunt. Ratio est, quia talis pœnitens nil eorum omisit, quæ probabiliter ac prudenter judicari potuerunt necessaria ad confessionem instituendam. Ergò sine dubio non amplius urgetur vi præcepti ad ulteriorem conatum. Nec Celladeus ipse diffiteri potest, nisi & sibi contradiceret, & certe omnium doctrinæ repugnare velit. Ratio est, quia invincibilis ignorantia ulterioris obligationis à peccato excusat. At talis homo, vel benè dispositus est, vel certè invincibilem habet ignorantiam de sua non dispositione, ac de obligatione ulterioris conatus; nisi enim talis ignorantia esset invincibilis, nulla daretur ejusmodi ignorantia, cum in tali materia ad meliorem ac certiorum cognitionem pervenire non possimus. Itaque haud dubiè viri diligentes, qui Sacramenta ista frequentant, sæpè certi sunt se in illorum sumptione non peccare, alioquin haud consultum foret ea frequentare; nec tamen inde sequitur, quòd certi sint de sua justificatione, ut constat ex proximè dictis.

Infructuosa dispositio ad effectum Sacramenti non infert peccatum in suscipiente. 51. Hinc habetur responsio ad reliqua. In primis quamvis homo non sit certus de debita dispositione ad fructuosè sumendum Sacramentum, potest esse certus de non peccaminosa ejusdem susceptione; non enim tota ratio peccati à digna, vel non digna sumptione dependet, si per dignam & non dignam sumptionem intelligamus fructuosam & infructuosam, ut patet ex dictis, quia sacramentum per invincibilem ignorantiam sumi potest infructuosè sine peccato. Immodò pœnitentia per defectum baptismi ob malitiam baptizantis potest esse infructuosa, etsi certitudine fidei scirem, me habere perfectam contritionem, & integram confessionem facere. Itaque ratio peccati non sumitur præcisè ab infructuosa susceptione Sacramenti, sed multò maximè à negligentia in morali ac seriò conatu ad debitam dispositionem exhibendam. Quamvis ergò non

sint duæ leges per se, quarum altera vetet non peccatum, altera non dignam susceptionem, tamen unica lex de debita sumptione non ita homines urget, ut nulla de causa excusari possint à peccato, etsi debitam dispositionem non afferant. Itaque quamvis certi non simus de debita dispositione ad fructuosè suscipiendum Sacramentum, tamen & esse possumus, & sæpè sumus certi de non peccato, seu de sufficienti dispositione ad non peccandum in ejus susceptione.

52. Demùm fateor, nos sæpè in istis rebus non esse planè certos, quod absque culpa ad Sacramenta accedamus, quia non benè scimus qualitatem iudiciorum, quibus regulamur, & præparationis, quam præmittimus, ejusque mensuram hîc & nunc ex proprio iudicio, cujus qualitatem benè perspectam non habemus, determinamus, eo quòd non inveniamus, unde certius nos regulemus. At quando in istis rebus sequimur opinionem certò probabilem, certificamur; nos in eo non peccare; tunc enim certum est, nos in eo prudenter ac rationabiliter operari; quia ex perluatione certò probabili nostram operationem dirigimus, de quo sæpissimè in aliis casibus non ita certificamur. At hoc ad nostrum intentum sufficit. Celladeus autem nil contra hoc tulit.

53. Obiectio quinta. Hæc duo sibi repugnant; *Ego certus non sum, an hic actus meus sit reipsa à Deo prohibitus, & tamen certus sum, me in eo eliciendo non peccare*; quia idem est, obiectum esse prohibitum & esse peccatum. At hoc est, quod dicitur ab iis, qui tradunt certum & evidens dictamen conscientie consurgere per principia reflexa ex directa probabilitate de honestate operis. Ergò docent contradictoria. Ita Celladeus §. 5.

Respondeo, hæc duo sibi repugnant, si non haberemus, nisi unum iudicium, aut plura, quibus obiectum in ordine ad eandem penitus circumstantias consideraretur. At si hi duo actus comparentur ad idem obiectum in ordine ad diversas circumstantias; evidens est illos non esse contradictorios, quia contradictio est affirmatio & negatio ejusdem de eodem secundum idem. Sic Judex non est certus, se non damnare innocentem; & consequenter se non facere materialiter contra voluntatem Dei, qui prohibet ne innocens damnetur. Est tamen certus se non peccare, etsi per accidens contingat ipsum decipi & innocentem condemnare. Idem valet de obediendo, de possidente rem alienam in dubio, de puero honorante patrem putativum & non obediendo patri vero, aliisque innumeris ejusmodi casibus. Cæterum Celladeus ista explicare nequit, quia negat ullam esse certitudinem reflexam, ubi directa certitudo deest. At nos, qui distinguimus duo conscientie dictamina, aliud directum & non ultimum, aliud reflexum & ultimum, non solum salvamus hæc omnia, sed evidenter ostendimus, quomodo illa iudicia sibi contradictoria non sint, quia scilicet considerant idem obiectum in ordine ad diversas circumstantias, ut supra sæpè dictum est. Eadem distinctione ruit confirmatio argumenti à ratione petita, qua ipsum argumentum evertitur; quia non aliter idem est, obiectum esse prohibitum & esse peccatum, quam si obiectum semper sumatur respectu eorundem circumstantiarum, quæ certè in casu nostro evidentissimè alterantur.

54. Obiectio sexta. Non est cur simus magis solliciti de operationibus nostris, earumque laudabilitate ac vituperabilitate, quam de nobis ipsis, & de

Argumentum non tangit difficultatem præsentem.

Obiectio 5.

Præsentis contradictio contra nos clarissime amolvitur.

Obiectio 6.

& de sanctitate ac vituperabilitate nostrarum personarum. At defectus certitudinis de statu gratiæ non arguit me esse vituperabilem. Ergò neque defectus certitudinis de honestate operationis reddit illam vituperabilem. Ergò talis certitudo non requiritur ad honestè operandum. Ratio autem à priori est, quam attulit S. Thomas 1. 2. quæst. 96. art. 1. ad 3. dicens. *Non est eadem certitudo quærenda in omnibus ut in 1. Eth. dicitur. Unde in rebus contingentibus, sicut sunt naturalia & res humana, sufficit talis certitudo, ut aliquid sit verum ut in pluribus, licet interdum deficiat in paucioribus.* Et sanè modus operandi commensuratur modo essendi. Ergò sicut totalis certitudo excedit modum nostrum in essendo, ita pariter excedit modum nostrum in operando; ac proinde sicut non sumus vituperabiles in essendo & vivendo, eò quòd non habeamus certitudinem de justificatione nostræ personæ, ita pariter non sumus vituperabiles in operando, tametsi non habeamus certitudinem de honestate, & quasi justificatione nostræ operationis, sed in utrisque probabilitas sufficit. Ita Celladeus §. 5.

Tenemur
ad maiorem
certitudi-
nem de ho-
nestate ope-
rationis,
quàm de
sanctitate
personæ.

Respondeo, quod nemo obligaretur ad maiorem certitudinem circa honestatem suæ operationis, quàm circa sanctificationem suæ personæ, si in utraque habenda par esset difficultas. Verùm aliter se res habet, quia alterum est penitus impossibile, alterum multis in casibus non solum possibile, sed etiam obvium: si enim homo sequeretur partem tutiorem, certus esset se non peccare: Ergò nequaquam illi liceret sequi partem minus tutam, nisi surgere posset ad certitudinem non peccandi; quia qui relinquit certum, & peccandi periculo sponte se exponit, hoc ipso est vituperabilis. Et sanè ipsa paritas à statu personæ desumpta hoc ipsum confirmat: si enim haberemus præ manibus duo media, quorum alterum certò & infallibiliter, alterum verò non nisi probabiliter gratiam inferret, stultus esset, ac vituperio dignus, qui primo medio omisso, alterum arriperet; quod verum esset, quamvis primum sine majori incommodo temporali obtineri non posset quàm secundum. Ergò idem pariter dicendum est de justificatione actionis. Ergò tantum abest, ut hæc paritas faveat Celladeo, ut ipsum redarguat; quia probat nemini licitum esse sequi partem minus tutam, nisi mens consurgat ad certitudinem non peccandi. At ille negat talem certitudinem haberi posse, quando homo sequitur partem minus tutam. Ergo paritas hæc probat universaliter illicitum esse sequi partem minus tutam, saltem quando operamur ex electione medii per consultationem propositi, ut in casu præsentis. At argumentum non urget nos, quia dicimus intellectum consurgere ad formandum certum conscientie dictamen, etiam quando sequitur opinionem minus tutam,

Celladeus
proprio ar-
gumento
opprimitur.

55. Hinc sequitur, defectum certitudinis de justificatione personæ non reddere illam vituperabilem, quia nemo habet potestatem perveniendi ad talem certitudinem; è contra verò defectum certitudinis de justificatione operationis, quam quis, præmissa consultatione, sponte eligit ut medium ad finem, reddere illam vituperabilem, quia unusquisque potest illam habere. Unde iterum apparet argumentum hoc graviter premere Celladeum, cum nos ne quidem tangat; adeò verum est, cum propriis argumentis opprimi.

S. Thomas
expl. citur.

56. Quod attinet ad S. Thomam, dico cum loqui de cognitionibus directis, quia sæpe impos-

sibile est, ut per illas ultra probabilitatem ad certitudinem pertingamus. At si sermo sit de dictaminibus reflexis, certum est, quod illa sæpius sint certa, quando cognitiones directæ, aut dubiæ sunt, aut solum probabiles. Neque hoc ignotum fuit divo Thomæ, ut patet ex allatis exemplis. Præterea ex dictis constat S. Thomam favere illis, qui dicunt ultimum conscientie dictamen esse debere certum, ut operatio sit honesta.

57. Jam quod modus operandi commensuratur modo essendi, intento Celladei non faveo, sed nobis; quia sicut ipsum esse supernaturale latet, ita & operatio supernaturalis latet nos, neque enim unquam scimus, an actum supernaturalem eliciamus. Ergò si modus operandi commensuratur modo essendi, sicut esse nostrum naturale certò innotescit, ita & omnis modus operandi naturalis certò innotescere debet, ac proinde modus operandi per principia reflexa, in aliquibus saltem, debet esse nobis certus. Itaque principia reflexa non sunt, nec debuerunt esse minus evidentiæ, quàm directæ. At nos recurrimus ad principia reflexa lumine naturæ notæ. Itaque licet certitudo de operatione supernaturali excederet modum essendi supernaturalem, ac ideo talis certitudo non datur; non tamen certitudo de prædicatis naturalibus actuum nostrorum excedit modum essendi naturalem, sed illi per omnia commensuratur.

58. Domum fateor, quòd sicut non sumus vituperabiles, eò quòd non habeamus certitudinem de statu nostro; ita pariter non sumus vituperabiles, eò quòd careamus certitudine honestatis in iis operationibus, de quibus certitudinem talem habere non possumus, quia de illis tantum paritas procedit. Jam multæ sunt ejusmodi operationes, de quibus talem certitudinem habere non possumus, ut dictum est. At si sermo sit de iis, in quibus certi esse possumus, argumentum nobis faveo. Certè faveo quàm maximè in illis, quæ non nisi ex electione post praviam ac maturam consultationem eliguntur ut media ad finem. At talia sunt opinionum electiones. Ergò in illarum electione vituperabilis est, qui viam certam relinquit & incertæ se committit, nisi aliunde per principia reflexa certificetur se non peccare talem viam ineundo.

59. Demum ea est disparitas inter incertitudinem de justificatione personæ, ac incertitudinem de justificatione operationis, quòd prima multum nos stimulet ad sollicitudinem in via virtutis, ut sic maximam tandem probabilitatem de illius adeptione habeamus. Interim certi sumus, nos non ideo Deum de novo offendere, quòd in hac incertitudine remaneamus, quæ omnia, simul sumpta, materiam magnæ consolationis nobis præbent. At quando post consultationem praviam, opinionem aliquam eligeremus, animus semper torqueretur remorsu, ne fortè Deum offenderemus, nec ullum superesset remedium conscientiam quietandi, nisi per principia reflexa certificaremur de non peccato. At timor de novo peccato est malum ingens & maximè inquietativum, ut patet. Itaque ingens disparitas est inter incertitudinem de statu gratiæ, & incertitudinem de honestate operationis: illa non nocet, sed multa secum fert commoda; hæc nocet quàm maximè, quia aliquando saltem fert secuta novum peccatum, semper autem offert sollicitudinem, ne Deum toties quoties de novo graviter offendamus. Unde argumentum ab illa ad istam nullius

Modus ut-
guendi in
Celladeo
non nocet,
sed ipsum.

An & quan-
do carentia
certitudinis
reddat ope-
rationem
vituperabi-
lem.

Ingeni di-
sparitas in-
ter incerti-
tudinem
status, &
incertitudi-
nem opera-
tionis.

nullius est momenti, cum in ordine ad praesens intentum ingens inter utramque sit diversitas.

Objectio 7. 60. Objectio septima. Opinio probabilis raro fallit. Ergo periculum Deum offendendi, quod talis opinio secum fert, non est proximum, sed remotum. Porro non tenemur cavere pericula remota; nec sumus vituperabiles, quia non cavemus pericula remota malorum raro contingentium. Sic generale periculum, ne regula cadat, non obligat ad specialem curam. Et sane qui propter pericula ejusmodi abstinere ab operatione, indisciplinati esset ingenii, & stultissimis scrupulis se frustra vexaret. Ita Celladeus §. 5.

Argumen- tum Celladei probat nostram, im- probat illius opinionem. Respondeo, Celladeum hic optimè loqui, quia per omnia cum communi sententia loquitur; eodem enim argumento nos utimur ad probandum, imo ad demonstrandum, quod usus opinionis probabilis sit licitus. Verum jam Celladeus affert argumentum reflexum, quod est prorsus efficax pro stabilienda nostra assertione, & ex altera parte non est minus potens ad ipsius doctrinam evertendam. Siquidem vel non probat intentum, vel principali illius asserto expressè repugnat. Peto enim, an sit evidens, vel solùm probabile, quod non teneamur vitare pericula remota? si dicat principium illud esse evidens (sicut revera est) eo ipso admittit syllogismum reflexum, quo certificamur, quod non peccemus, dum sequimur probabilia. At hoc praecipuo ejus intento expressè repugnat, quia aliud in hac quaest. non contendit, quàm conscientiam non posse certificari per principia reflexa, quando per directa ad certitudinem non pertingit. Si verò dicat, principium illud esse incertum, & solùm probabile, non satisfacit argumento, nec ostendit, quod homo cum tali incertitudine operans non malè operetur, quia argumentum aequè urget responsionem reflexam, ac urgebat assertionem directam. Quamvis enim homo sciat hoc periculum esse remotum, adhuc merito timet, ne fortè hic & nunc peccet, quia non constat eos non peccare, qui periculo etiam remotissimo se exponunt. Ergo vi hujus responsionis reflexae non tollitur metus in directa rerum incertitudine fundatus, sed idem prorsus perseverat. Ergo vel non solvit argumentum; vel si solvat, apertè sibi contradicit.

Objectio 8. 61. Objectio octava. Operans ex opinione probabilis non dicit: volo hoc facere, licet fortè sit contra legem Dei, quia opinans aliquid ita esse, in sensu composito suae opinionis, non potest dicere fortè non est ita: Itaque solùm dicit: Credo hoc esse honestum, non tamen repugnat, possibile est me falli. At non est peccatum operari non obstante hac possibilitate. Certè qui nollet per urbem incedere, quia possibile est regulam cadere, non solùm non esset laudabilis, sed vituperabilis, & infociabilis. Idem dicendum est de usu opinionum. Ita Celladeus §. 5. qui putat se hac ratione satisfacere argumento illi, quod operans ex opinione habeat formidinem & remorsum ne fortè actus sit contra legem Dei, ideoque peccet, nisi surgat ad habendam certitudinem reflexam,

quia habet hunc affectum, Volo hoc facere, licet sit fortè contra legem Dei, qui malus est, & vituperabilis.

Respondeo, argumentum non solvi, quia quoad praesens intentum idem est dicere, hoc est ita, scio tamen possibile esse, ut aliter se res habeat, quam mihi videtur, quodque nonnunquam in eisdem circumstantiis aliter contingat, ac dicere, credo rem ita se habere, quamvis fortasse fallar, & res aliter se habeat, quam ego judicem: quia quamvis una ex locutionibus exprimat potentiam, & alia actum, tamen actus expressus nullam arguit potentiam praeter eam quae exprimitur, & expressio potentiae apertè infert necessitatem actus expressi, eodem modo, quo exprimitur. Certè non minus malè affectus esset, qui diceret. Volo hoc facere, quia credo illud placere Deo, quamvis sciam, quod, hoc meo judicio non obstante, contingere possit ut Deum offendam, quàm qui diceret. Volo hoc facere, quia credo illud placere Deo, quamvis fortasse praeter meam opinionem illi displiceat. Ratio est, quia una expressio necessariò infert aliam. Ergo expressiones illae quoad praesens intentum non discrepant. Itaque Celladeus & insufficienter probat sententiam suam, & contrariis argumentis non satisfacit.

62. Objectio nona. Saepè non sumus certi, utrum in resistendo gravibus tentationibus, debite ac sine peccato resistimus. Ergo non habetur conscientia certa, quoties homo non peccat. Eadem est ratio de aliis. Ita Celladeus §. 5.

Respondeo concedendo totum, quoad resistantiam tentationum. Inprimis enim probi saepè dubitant, an venialem, saltem negligentiam habuerint. Deinde nonnunquam ipsi probi, transacta tentatione, dubitant, an mortaliter peccaverint, nec ne; unde evidenter sequitur eos, post tentationem transactam certos non esse de suo non peccato, & in hoc sensu certum est, quod non permaneat certitudo conscientiae de non peccato, quoties homo non peccat. Hinc autem non infertur, quod in ipso instanti operationis homo non fuerit certus se tunc non peccare, si verè non peccavit, quia de re videri possunt dicta quaest. 13. de consc. prob. Caterùm admissio, quod in istiusmodi rebus nemo certitudinem habeat, ne quidem in ipso operationis instanti, id tamen non admittitur in casu operationis ex electione, quando post praevidiam consultationem conscientiam formamus; in talibus enim circumstantiis, sicut homo certus est de probabilitate & prudentia iudicii directi circa honestatem operationis, ita mox per principia reflexa cuique obvia necessariò consurgit ad formandum iudicium certum & evidens, quod taliter operando non peccet. Hoc autem pro praesenti intento, ac pro veritate assertionum positarum abundè sufficit, quidquid sit, an certi simus de non peccato, quando certò non scimus qualiter actus directi, quo objectum creditur esse honestum, aut quando animo turbato ex violentia tentationis seriam deliberationem & electionem doctrinae certò probabilis non praemittimus.

Solutio. Di ere fortissis est aliter, & dicere, potest esse aliter, sunt locutiones moraliter aequivalentes.

Objectio 9.

An & quomodo sit certus de non peccato, qui tentationem superat.

QUAE.

QUÆSTIO QUADRAGESIMA- PRIMA.

An prudentia reperitur in probabilibus?

Opinio Celladei declaratur.



1. CELLADEUS lib. 3. quest. 3. fusè agit de prudentia, ut ostendat illam in probabilibus reperiri. Porro ita rem definit, ut omnem assensum probabilem verum ad prudentiam pertinere contendat, sed omnem falsum à prudentia repellat. Hæc enim ratione magnum se vulnus benignæ sententiæ intulisse autumat, quia putat se sufficienter probare, quod nostræ sententiæ Auctores non possint amplius ad consuetum Asylum prudentiæ recurrere, & dicere, omnem opinionem probabilem esse iudicium prudens, & consequenter ad consentientiam regulandam sufficere. Præterea ex hoc ipso, quod nullus assensus falsus ad prudentiam pertineat, infert, nullum actum ab errore, et am invincibili, ortum esse bonum, quia repugnat actum esse bonum, qui à prudentia non regulatur. Verum hunc Celladei errorem quest. 3. fusè rejecimus. Quare in hac quæstione de illa materia amplius non agam, sed ad prudentiam, prudentiæque proprietates me restringam, ut sic errores Celladei hæc de re redarguam, atque ipsa fundamenta, quibus grande illud paradoxum fulcitur, convellam. Sit ergò.

ASSERTIO PRIMA.

Si pressè ac in stricta vocum significatione ab Aristotele usurpata loquamur, nullus assensus probabilis, etsi verus, est proprius actus prudentiæ, seu actus à prudentia strictè dicta elicitus.

Nullus assensus probabilis est actus à prudentia propriè dicta elicitus.

2. PROBATUR. Aristoteles & Erhic. ex professo agit de virtutibus intellectus, omnesque ad quinque classes reducit, nempe ad *artem, scientiam, prudentiam, sapientiam, & intellectum*. Virtutem porro intellectus tam speculativi quam practici definit esse habitum, quo intellectus verum enunciat. Quæ locutione absque dubio intelligit habitum, qui nunquam fallit, sed necessariò. & semper verum dicit, quia cap. 3. expressè excludit opinionem à ratione virtutis intellectualis; quia, inquit, *existimatione & opinione fieri potest, ut mentiamur*, id est, fallamur. Unde sic arguo. Omnis prudentia strictè dicta est virtus intellectus. Sed nulla opinio est virtus intellectus. Ergò nulla opinio est prudentia. Ergò nullus assensus probabilis, etsi verus, est actus prudentiæ, seu actus à prudentia strictè dicta elicitus, quia fieri potest, ut per quemvis actum opinativum decipiamur, quantum est ex vi illius, quod repugnat prudentiæ, prout illa sumitur ab Aristotele in propria ac stricta significatione.

Celladeus Aristoteli contradicit.

3. Fallitur ergò Celladeus, & Aristoteli, quem tamen sequi prætendit, apertè adversatur, dum §. 5. contendit, prudentiam propriè dictam re-

periri in propositionibus merè probabilibus; quando sunt veræ, non autem quando sunt falsæ. Quid enim? nonne idem dici potest eodem jure de opinione? At Aristoteles expressè asserit; opinionem non esse virtutem intellectus, & consequenter non esse prudentiam, quia per opinionem falli possumus, etsi hæc & nunc per illam dicamus verum. Ergò idem sentit de omni opinione probabilis, quia omnis opinio probabilis nititur motivo fallibili.

4. Præterea sermo potissimè procedit de prudentia habituali. Ergò ex mente Aristotelis, nullus habitus prudentiæ fallere nos potest. At omnis habitus ab actibus probabilibus, etiam veris, acquisitus fallere potest, quia sæpè reperit suum motivum in falsis, non minùs quam in veris. Sic iudex, qui sine deceptione viginti vicibus reos judicavit, acquirit habitum, quo juxta legum præscripta judicat. Hic habitus non minus concurret ad sequens iudicium, quando testes falsi deponunt, quam si vera deposuissent, quia æquè in utroque casu invenit totum suum objectum, seu motivum formale, ut patet. Ergò nullus habitus actibus probabilibus acquisitus est prudentia.

Omnis habitus opinativus fallere potest.

5. Rursus prudentia de rebus contingentibus, ex mente Celladei, non distinguitur à probabilitate circa easdem. Sed probabilitas deficere potest, & aliquando deficit, alioquin non esset probabilitas, sed infallibilis certitudo. Ergò in sententiis ipsis prudentia à veritate deficit, quia eadem prædicata rebus indistinctis necessariò conveniunt. At consequens est absurdum, & contra omnes, illudque Celladeus ipse absurdum esse agnoscit. Ergò nulla probabilitas est prudentia strictè dicta.

Inconsequentia Celladei.

6. Dices. Non repugnat quod probabilitas fallat aliquando, prudentiam nunquam, quia prudentia perficit partem defectibilem intellectus, ut minus deficiat. Ergò quando intellectus deficit, non deficit per virtutem, sed per seipsum deficit. Sic contingit, habentem habitum intantum temperantiæ aliquando graviter deficere contra temperantiam. Verum defectus ille non à temperantiæ, sed aliunde procedit. Idem valet de intellectu, qui quoties rectè & verè dicitur, per prudentiam dicitur, quoties falsum dicit, non per prudentiam, sed aliunde. Similiter fides divina est virtus intellectus, & infallibilis, quia nititur motivo infallibili. Nihilominus, quia revelatio Dei, & sensus ac declaratio Ecclesiæ potest indebitè applicari, contingere potest, ut rusticus credat personas divinas esse quatuor. In hoc casu non exercet actum fidei, nec credit per fidem, quæ est virtus intellectus, sed per errorem. Ille quidem putat, se elicere actum fidei, sed errat. Quod ergò contingit in fide propter applicationem, hoc contingit in prudentia propter objectum. Fallitur prudens, sed non per prudentiam. Putat se prudenter operari, sed fallitur,

Replicat.

fallitur, quia non habet veram, sed apparentem prudentiam. Ita Celladeus §. 5.

Celladei
contradi-
ctio.

Respondeo. Repugnat probabilitatem aliquando fallere, & prudentiam nunquam, si prudentia à probabilitate non distinguatur, ut ex mente Celladei in multis non distinguitur. Nec obstat, quòd prudentia perficiat intellectum, ut minùs deficiat; hoc enim etiam convenit probabilitati, quæ efficit, ut intellectus minùs erret, quàm si absque probabilitate temerè judicaret. Ergò si, hoc non obstante, probabilitas fallat aliquando, neque id obstat, quo minus prudentia aliquando fallat, si concedatur esse habitus, qualem Celladeus fingit. Jam quòd defectus non tribuatur virtuti, sed intellectui, simpliciter loquendo verum est; sed quòd defectus non tribuatur prudentiæ ac virtuti, si virtus prudentiæ non distinguatur à probabilitate ut vult Celladeus, est falsissimum, quia defectus tribuitur probabilitati, ejusque defectibilitati, ut patet. In his ergò Celladeus contradictoria docuit, sibi que contradixit.

Exempla
Celladei
non faciunt
ad rem.

7. Porro exempla non sunt ad rem. Quando habitualiter temperans excedit per actum intemperantiæ, excessus ille tribui non potest virtuti, quæ directè stimulat ad oppositum, sed alteri causæ non solum distinctæ, sed etiam quodammodo contrariæ. At omnia contrario modo se habent in casu nostro, quia intellectus ex propria inclinatione habitus fallitur. Ergò error tribuitur ipsi habitui, & consequenter prudentiæ Celladeanz, quæ à tali habitu non distinguitur. Falsum etiam est, quòd dicit, intellectum toties per prudentiam enunciare, quoties verum dicit, quia multa judicia temerè concepta, & prorsus improbabilia, sunt vera, quæ tamen ad prudentiam non pertinent; alioquin imprudentia ad prudentiam, ut proprius actus pertineret. Præterea hoc admissio, omnis opinio vera esset prudentia, quod apertè repugnat Aristoteli, qui omnem opinionem à virtute intellectuali removet, ut ostensum est.

Habitus o-
pinativus à
veris acti-
bus a-qui-
situs propriè
concurrere
potest ad
actus falsos.

8. Similiter exemplum fidei existimatæ non est ad rem, quia nec habitus fidei, nec lumen gratiæ ad actum falsum concurrunt. At aliter se res habet in casu nostro, ut patet. Præterea in casu nostro nullus est defectus ex parte applicationis, sed solum ex parte principii, in quo prudentia, à Celladeo conficta, residere dicitur. Exemplo sit Judex reum damnans, qui sic discurret. Quod à tribus testibus, contra quos nulla apparet exceptio hic & nunc juratur tanquam à se visum, est verum & pro vero admitti debet. Sed hic & nunc crimen Petri juratur visum à tribus testibus, contra quos nulla apparet exceptio. Ergò crimen Petri est verum, & pro vero haberi debet. Hic nullus est defectus ex parte minoris applicantis, utpote, quæ est evidenter vera, sed tota defectibilitas oritur à majori, quæ credibilis est, sed contingenter vera. Ponamus jam Judicem per viginti vices non fuisse deceptum, sed ex frequentatis actibus veris habitum acquisivisse. Hic habitus per Celladeum est prudentia. Atqui hic habitus directè faciliat, & concurrat ad assentiendum pro alia opportunitate, quando iidem testes in simili causa simile testimonium ferunt. In hoc enim casu major & conclusio deficiunt ob solum defectum majoris, quæ tamen hic & nunc directè procedit ab habitu acquisito, qui supponitur indentificari cum prudentia. Et sanè habitus ille eodem prorsus modo reperit suum motivum formale applicatum in hoc casu, sicut

R. P. A. Terilli, Regula Morum PARS II.

in prioribus; quando judex non errabit.

9. Atque hinc iterum sic arguo. Celladeus ex suis principiis & assertis tenetur admittere, habitum aliquem esse propriè & strictè prudentiam, quæ aliquando fallit, & directè ex vi sua disponit, & inclinatur ad actum falsum, illumque tanquam actum sub propria sua vi contentum n producit. Quod falsum est, & ab ipsomet habetur absurdissimum. Rursus tenetur dicere, duos actus intellectus prorsus similes, in simillimis circumstantiis ab eisdem principiis eodem modo elicitos, atque in eodem motivo formali fundatos, soloque numero distinctos, ita comparari ad invicem, ut unus ad prudentiam, alius ad imprudentiam spectet. At hoc & per se absolum est, & ex eo cognoscitur esse absurdum, quòd per hunc dicendi modum actus prudentiæ confunditur cum actu imprudentiæ, virtusque & vitium ejusdem potentie sub una eademque specie comprehendantur, nec magis differant inter se, quàm ovum ab ovo simillimo.

Celladeus
admitte-
re vir-
tutem & vi-
tium ejus-
dem poten-
tiæ non ma-
gis differre
quàm o-
vum ab ovo.

ASSERTIO SECUNDA.

Omne judicium verò probabile, quod enunciat de honesto & inhonesto, semper annexum habere potest judicium prudens, quod est tale, & à prudentia strictè dicta elicitur, juxta mentem Aristotelis in strictissimo verborum sensu.

10. **P**ROBATUR. In primis ex quest. 3. constat, operationem, ab errore invincibili directam, esse bonam. Hinc sequitur, in actionibus humanis honestatem formalem sæpè separari ab honestate materiali, quia actus, quo objectum eligitur, bonus est & honestus, licet objectum in quod actus ille fertur, secundum se sit materialiter malum, legique repugnet. Hinc sic arguo. Impossibile est quod detur ullus actus honestus in voluntate, qui non reguletur, aut saltem qui regulari non possit à prudentia strictè dicta, quippe quæ strictè sumpta est recta ratio agibilium, sicut ars est recta ratio fabricabilium. Idem expressè traditur à S. Augustino lib. de utilit. credendi cap. 12. ubi hæc habet. *Omne factum, si rectè factum non est, peccatum est. Nec rectè factum esse ullo modo potest, quòd non à recta ratione proficiscitur. Porro recta ratio est ipsa virtus. Cui autem hominum virtus, nisi sapientiæ animo præsto est? solus igitur sapiens non peccat, &c.* Hunc textum supra ponderavi quest. 3. num. 22. ex quo constat, nullum actum bonum elici, qui à recta ratione, à virtute intellectus, & à sapientia, vel prudentia strictè dicta juxta S. Augustinum non dirigatur, quod omnino coincidit cum eo, quod dixi quest. 13. de cons. prob. scilicet ultimum conscientie dictamen semper esse certum & evidens, quoties homo benè operatur. Ad præsentem autem assertionem sufficit, si tale judicium haberi possit. Atqui certo certius haberi potest, quia cum actus, qui elicitur in his circumstantiis, sit bonus, independenter ab eo, quod objectum materiale sit honestum; utique hoc certò & evidenter per prudentiam strictè dictam cognosci potest. Talis autem cognitio, utpote certa & evidens, atque operationis honestæ regulativa, ad prudentiam strictè dictam haud dubiè pertinet.

Omne judi-
cium pra-
cticè proba-
bile anne-
xum habere
potest ju-
dicium à
prudentia
strictè dicta
elicitum.

S. August.

11. Nec obstat, prudentiam strictè dictam infallibiliter ac necessario verum enunciare, quia hoc locum habet etiam quando intellectus invincibiliter

Prudentia
in quo di-
sternitur
ab arte,

C

vincibiliter

vincibiliter errat circa rerum honestatem. Nam prudentia in hoc ab arte differt, quod ars opus ipsum externum, ejusque rectitudinem principaliter ac directe respiciat, ideoque repugnet, artem locum habere, ubi intellectus proponendo opus externum à vero discedit. At prudentia directe & per se enunciat de honestate operationis internæ, quæ fertur in opus externum, ideoque verum dicit, etiam quando intellectus invincibiliter errat circa opus externum, quia error ille non impedit honestatem electionis, à falsa illa cognitione directe. Audiatur S. Thomas 1. 2. *quæst. 57. art. 3. ad 1. Bonum artem, inquit, consideratur non in ipso artifice, sed magis in ipso artificio: cum ars sit ratio recta factibilium: factio enim in exteriorem materiam transiens non est perfectio facientis, sed facti, sicut motus est actus mobilis. Ars autem circa factibilia est, sed prudentia bonum attendit in ipso agente, cujus perfectio est ipsum agere, est enim prudentia recta ratio agibilium.* Ecce bonum prudentiæ attenditur in ipso operante, cujus perfectio est ipsum agere, seu operari, ac velle hominis. Ergo prudentia est ratio enuncians de ipsa hominis operatione, seu electione ac volitione. Unde prudens est, qui enuntiando de illa non errat, sed certo verum dicit, quamvis contingat illum errare, prout enunciat de objecto materiali, ad quod actio terminatur. Similia prorsus tradit Aristoteles 6. *Ethic. cap. 3.* ubi sic definit prudentiam strictè dictam: *Est habitus cum ratione vera conjunctus ad agendum idoneus, & in eo occupatus, quæ homini bona sunt & mala, seu, ut ut alii legunt, est habitus vera cum ratione activus circa ea, quæ bona & mala homini sunt, intelligitur autem homini, in quantum est homo, adeo ut prudentia sit habitus cum vera ratione versans circa ea, quæ sunt bona aut mala relatè ad ultimum finem hominis, quia ea sola sunt bona & mala homini, prout est homo, quippe quæ sola reddunt hominem simpliciter bonum vel malum, bene vel malè operantem, ut patet.*

Prudentia principaliter enunciat de operatione hominis.

12. Hinc ergo habemus, quod prudentia principaliter ac directe enunciat de honestate & inhonestate nostrarum operationum, quia illæ solæ formaliter & directe constituunt nos bene vel malè operantes. Ergo quoties operatio est honesta, toties datur locus prudentiæ, quamvis intellectus erret circa objectum materiale, quia talis error impertinenter se habet ad hoc, ut operatio sit vel non sit honesta, ut patet. Ergo non impedit, quominus intellectus eliciat dictamen prudentiæ simpliciter dictæ, utpote quæ prorsus necessaria est homini ad bene vivendum & operandum, ut ex professo probat S. Thomas 1. 2. *quæst. 57. art. 3.*

In probabilibus certitudo prudentiæ sumitur à principia reflexia.

13. Quod si quæras, unde oriatur hæc infallibilis certitudo prudentiæ, quando intellectus solum probabiliter discurret de objectis, in quæ ferimur? Respondeo, certitudinem hanc & evidentiam derivari à principii synderesis reflexis certis ac evidentibus, ut constat ex dictis *quæst. superiore*, atque ex *quæst. 13. aliisque locis de cons. prob.* ubi explicavimus quæ & qualia sint. Quare sufficit, si hoc loco duobus exemplis, uno de mala, altero de bona operatione nos certificante, rem declaremus. Judicet aliquis peccatum esse levare festucam. Hoc judicium falsum est, ut patet; tamen stante hoc judicio, intellectus format judicium reflexum certum & evidens, quo dicit, *levare festucam stante hoc judicio est peccatum.* Unde evidenter infert. *Ergo non debes levare festucam stante hoc judicio, alioquin peccabis.* Ecce malum

falsò affirmatum per judicium directum, evidenter & verè affirmatur per judicium reflexum. Similiter Judex deceptus, & falsò credens Petrum esse reum, certus est se honestè facere eum condemnando, format enim hunc discursum. *Judex licetè condemnat eum, quem ex legali & plena probatione criminis absolusè existimas reum: sed ego sum judex, & ex legali & plena probatione credo Petrum esse reum. Ergo licetè eum condemno.* Hi discursus reflexi sunt certi & evidentes, sunt autem propriissimi actus prudentiæ; quæ, ut dictum est, est recta ac vera ratio agibilium. Similis discursus reflexus certus & evidens formari potest, quoties intellectus elicit judicium certò probabile de honestate vel inhonestate operis, ut constat ex *quæst. superiore*, & ex locis citatis ex *tract. de cons. prob.* Ergo omne judicium certò probabile de honesto & inhonesto semper habere potest annexum judicium certum & evidens, à prudentia strictè dicta elicitum, quod erat probandum.

14. Hinc sequitur, prudentiam strictè dictam, quando versatur circa res incertas, in eo potissimum sitam esse, quod enunciet de honestate & inhonestate formali operationis humanæ, circa quam ex certo ac evidenti lumine reflexo infallibiliter verum dicit. E contra non est prudentia strictè dictæ in rebus incertis judicare de materiali honestate & inhonestate operis secundum se spectati, quia circa hoc errare possumus, & aliquando erramus, etiam quando honestè operamur, & certi sumus de formali operationis honestate, ut constat ex dictis. Cæterum in hoc ipso casu, quando formalis honestas operationis separatur ab honestate objecti materialis secundum se accepti (idem valet de inhonestate formali ac materiali honestate operationis) non deest omnis honestas ex parte objecti, tunc enim objectum illud, quod secundum se materialiter sumptum est malum & contra legem, si consideretur in ordine ad peculiare circumstantias, quibus subest hic & nunc, verè est licitum, quia prout illis afficitur, verè permittitur, aut etiam à Deo præcipitur per accidens, suamque à dicta Dei voluntate atque à circumstantiis illis peculiaribus honestatem accipit. Vide *quæst. 28. de cons. prob. num. 38.*

In probabilibus prudentia non enunciat de objecto secundum se, sed de operatione tendente in objectum.

Prudentia tamen semper certo enunciat de aliquo objecto agnabili.

SOLVUNTUR OBJECTIONES.

15. OBJICIES. Nulla ex quinque virtutibus intellectualibus errare potest, ne quidem materialiter, aut invincibiliter; quia de ratione virtutis intellectualis est, ut non possit errare, ut vidimus ex Philosopho 6. *Ethic.* Ergo repugnat, prudentiam materialiter aut invincibiliter errare.

Prudentia propria nunquam errat materialiter, aut invincibiliter.

Confirmatur. Nullum opus est ex arte, in quo artifex materialiter & invincibiliter errat. Ergo nullum opus proceedit à prudentia, in quo proponendo intellectus errat. Ergo quæ materialiter mala sunt, nec prudenter, nec ex prudentia fiunt. Ita Celladeus §. 2.

Respondeo concedendo totum, si loquamur de prudentia strictè dicta; actus enim à tali prudentia elicitus nunquam errat in nostra Philosophi, ac S. Thomæ sententia, sed semper verum enunciat de objecto, in quod fertur. At in sententia Celladei oppositum sequitur, ut vidimus.

16. Ad confirmationem, concessio antecedente, negatur consequentia utraque. Disparitas ratio mater-

est,

ialis impedit bonum artis, cuius malum non minuitur vel augetur per errorem, aut per bonam fidem artificis.

Error operantis variat aut etiam impedit malum quod prudentia vitat.

Incongrua Celladei argumentatio.

est, quia bonum artis non consideratur in artifice, sed solum in artefacto. Hinc repugnat bonum artis haberi, si in ipso opere materiali erratur. Et sanè error in artefacto non variatur, nec augetur, nec minuitur, quomocumque artifex erret, sive vincibiliter, sive invincibiliter, sive ex industria à regulis artis declinet, ut patet. At bonum prudentiae attenditur in ipso operante, quia prudentia primario enunciat de ipsa operatione hominis, quae maximam varietatem subit, pro diversa dispositione intellectus rem proponentis. Si enim res proponatur ut mala, voluntas gravius peccat ponendo rem illam, quam si intellectus, errore deceptus, rem illam ut bonam proposuisset. Rursus voluntas peccat ponendo rem illam, si ex errore vincibili proponatur ut bona. At si invincibiliter credatur bona, voluntas à toto excusatur, & honestè operatur. Ratio est, quia objecta non immediatè afficiunt voluntatem, sed solum ut proponuntur voluntati. Ergò si invincibiliter proponantur ut bona, voluntas non fertur nisi in bonum, ideoque actus ille non solum non imputatur ad culpam, sed è contra laudem meretur, quia homo fecit quod potuit & scivit; quod laudabile est, quamvis propter insuperabilem difficultatem inveniendi veritatem à vero aberret. Itaque multa materialiter mala saepe per accidens prudenter & à prudentia fiunt, quia prudentia secum patitur errorem circa objectum materiale, quamvis ars cum tali errore conjungi non possit. Ceterum actus erroneus nunquam elicitur à prudentia, sed solum dat occasionem, ut prudentia, novis principiis reflexis adjuva, consideret objectum, circa quod intellectus errabat, in ordine ad novas circumstantias, atque ita tandem certò enunciet, objectum illud in talibus circumstantiis esse permissum, præceptum, aut vetitum.

17. Quae cum certa sint omnibusque notissima, mirum est, Celladeum à paritate erroris in materia artis argumentum fecisse ad errorem in materia prudentiae, cum certum sit errores istos diversissimè se habere in ordine ad finem artis ac prudentiae. Error enim in artifice nulla ratione tollit aut imminuit malum, quod ars intendit amoliri. At error invincibilis absolute tollit omne malum, quod prudentia cavere intendit. Eadem autem ratio probat, errorem invincibilem non impedire bonum à prudentia intentum, quia talis error fundat actum bonum, & patitur secum principia reflexa, per quae de honestate operationis certificamur.

ASSERTIO TERTIA.

Multa iudicia falsa, imò omnia iudicia certo practice probabilia de rebus ad mores spectantibus, sunt propria materia prudentiae, strictè accepta juxta mentem Philosophi & S. Thomae.

Judicia practice probabilia sunt propria materia prudentiae rectae.

18. **P**ROBATUR primò. Illa iudicia incerta sunt propria materia prudentiae strictè sumptæ, in quæ reflectens intellectus, si principia lynderetis reflexis adjuvetur, ex illorum qualitate certò cognita evidenter inferre potest, operationem talem esse licitam &c. Hujusmodi enim illatio certa & evidens est recta & vera ratio agibilium, ideoque propriissime ad prudentiam pertinet. Sed multa iudicia falsa, & omnia iudicia

R. P. A. Terilli, Regula Morum. PARS. II.

certò practice probabilia talia sunt; ut constet non solum ex assert. 2. & quaestione superiore, sed etiam ex toto tract. de consc. prob. Ergò omnia ejusmodi iudicia sunt propria materia prudentiae strictè sumptæ.

19. Probatur secundò. S. Thomas. 1. 2. quaest. 57. S. Thomas art. 5. ad 3. hæc habet. *Verum intellectus practicus aliter accipitur, quam verum intellectus speculativus, ut dicitur 6. Ethicorum; nam verum intellectus speculativus accipitur per conformitatem intellectus ad rem. Et quia intellectus non potest infallibiliter conformari in rebus contingentibus, sed solum in necessariis: ideo nullus habens speculativum contingentium est intellectualis virtus, sed solum est circa necessaria. Verum autem intellectus practicus accipitur per conformitatem ad appetitum rectum, quae quidem conformitas in necessariis locum non habet, quae voluntate humana non sunt, sed solum in contingentibus, quae possunt à nobis fieri, sive sint agibilia interiora, sive factibilia exteriora; & ideo circa sola contingentia ponitur virtus intellectus practicus, circa factibilia quidem ars, circa agibilia verò prudentia.* Hic S. Thomas primo aspectu sibi contradicentia tradere videtur, scilicet, nullam de rebus contingentibus dari virtutem intellectualem speculativam, eò quòd intellectus se illis certò & infallibiliter conformare nequeat. Et tamen expressè ait, prudentiam (quae est virtus intellectualis, & quidem, ut in eodem articulo latè probat, homini maximè necessaria) circa contingentia versari, & consequenter certò & infallibiliter in illa ferri. Verum ipsemet S. Doctor hæc facillè conciliat, quia verum prudentiae non sumitur à conformitate intellectus cum re contingenti, de qua enunciat; sed solum à conformitate rei & operationis cum appetitu recto. Unde quoties objectum aliquod, aut iudicium intellectus, vel operatio est conformis appetitui recto, toties locus datur prudentiae, quae verum suum habet, & de illo infallibiliter enunciare potest, quòd objectum sit licitum, quòd operatio sit honesta, quòdque iudicium illud sit prudens, quamvis sit fallibile, & à propria prudentiae virtute non eliciatur. Hæc S. Thomae Doctrina verissima est, sed in omnibus Celladeo contrariatur, ut patet.

20. Doctrinam hanc sumpsit S. Thomas ex Aristotele 6. Ethicorum cap. 2. ubi ratio prudentiae dicitur consentanea appetitui recto, seu ratio confessè se habens ad appetitum rectum, ut Celladeus ipse faretur hic §. 2. Ergò ex mente Aristotelis & S. Thomae prudentia non enunciat de rebus contingentibus, quod ita vel non ita se habeant secundum se, sed solum quòd sint vel non sint conformia appetitui recto. Ubi hæc rectitudo reperitur, ibi reperitur objectum prudentiae, sive res ipsa, de qua agitur, sit vel non sit secundum se, qualis ab intellectu proponitur. Hoc posito, sic arguo.

21. Multa iudicia logicè falsa sunt conformia appetitui recto. Ergò sunt materia prudentiae, seu continent veritatem, quam prudentia strictè dicta affirmat. Tenet consequentia. Probatur antecedens. Iudicium, quo quis putat, hunc hominem esse suum patrem, eoque titulo obedientiam animo filiali esse illi praestandam, est conforme appetitui parentibus obtemperandi, quippe qui inclinat nos ad honorem & obedientiam illis praestandum, qui communi fama ita creduntur parentes, ut nulla de opposito ratio probabilis appareat. De hoc nemo dubitaverit, nisi qui certissima in dubium revocet. Quid enim certius, quam nos ab appetitu obediendi parentibus simulari ad

Celladeo contrariatur.

Verum quod prudentia affirmat, est conformitas objecti cum appetitu recto.

Aristoteles prius id ipsum docuit.

Iudicium falsum, & operatio, quam proponit, sept sunt conformia appetitui recto.

obediendum parentibus sic existimatis? At appetitus obediendi parentibus rectus est, cum sit conformis legi naturali à Deo lata. Ergò iudicium, quo quis putat *hunc hominem esse suum patrem, eoque titulo obedientiam animo filiali esse illi præstandam*, est conforme appetitui recto. Ergò est materia, seu veritas objectiva, quam prudentia strictè sumpta respicit & affirmat. At hoc iudicium sæpè est falsum. Idem valet in plurimis aliis casibus, ut patet. Ergò multa iudicia falsa sunt propria materia prudentiæ strictè sumptæ. Idem valet de omni iudicio cordò practicè probabili, cum eadem de omnibus ejusmodi iudiciis sit ratio.

Judicium
probabile,
ejusq; obje-
ctum con-
forme est
recto appe-
titui finis.

22. Probatur tertio. Appetitus, quo finem intendimus, Deoque in omnibus, juxta ipsius voluntatem à nobis diligenter investigatam ac intellectam, obtemperare intendimus, est appetitus rectus antecedens, cum quo ex mente Aristotelis & S. Thomæ alia comparanda sunt, ut prudentia in illis suum objectum inveniat. Hoc posito sic. Appetitus iste postulat, hominem in rebus incertis facere, quod in se est, ut veritatem inveniat, & non operetur, nisi juxta eam rationabilitè ac diligenter inventam. Ergò omne iudicium cordò probabile, utpote optimum, ad quod in rebus incertis pertingere possumus, item omne iudicium invincibiliter erroneum, atque objecta per talia iudicia proposita verè sunt, & reflexè agnoscuntur esse conformia recto appetitui finis, quia non aliter satisfacere possumus isti appetitui, quam ponendo objecta per iudicia istiusmodi representata, cum ad meliora & certiora nequeamus pervenire. Et sanè omnia ista ex vi talis intentionis, seu appetitus imperari possunt, & frequenter debent, quamvis præter expectationem contingat iudicium imperatum esse falsum. Sic iudex, talis testibus deceptus, non potest huic appetitui satisfacere, nisi ferat sententiam materialiter & invincibiliter erroneam, ut patet. Ergò omnia ista non solum non discordant, sed expressè concordant cum appetitu recto finis, à quo tota series actionum moralium suam directam originem & causalitatem desumit.

Judicium
probabile
conforme
est appetitui
recto, à quo
imperatur.

23. Probatur quarto. Nullum iudicium obscurum elici potest, nisi dependenter ab imperio voluntatis, ut omnes fatentur. Jam ex iudiciis obscuris, alia sunt temeraria, & absque debita diligentia eliciuntur, alia sunt cordò probabilia, ac rationabilia, quæ non nisi post debitam diligentiam ex motivo absolute & comparative magno seu verè probabili imperantur. Hinc sic arguo. Imperium, à quo iudicium probabile dependet, rectum est & honestum, quia non temerè, sed rationabiliter imperat illud iudicium, utpote quod supponitur esse probabile ac rationabile, & non elici, nisi post diligentiam debitam. Econtra imperium, à quo iudicium temerarium dependet, non est rectum, sed pravum, ac reprehensione dignum, alioquin actus imperatus vitio verti non posset. Ecce omne iudicium cordò probabile conforme est appetitui recto antecedenti, nempe imperio voluntatis, à quo dependet. Ergò omne ejusmodi iudicium est prudens, non quia elicitur à prudentia, sed quatenus regulatur & imperatur ab appetitu recto. sub hac enim consideratione est propria materia prudentiæ strictè dictæ.

Omne iudicium cordò probabile est actus imperatus prudentiæ.

24. Probatur quinto. Omne iudicium cordò probabile, de quo proximè locutus sum, propriè regulatur & imperatur à prudentia strictè dicta. Ergo est propria materia prudentiæ, &

rectè vocatur iudicium prudens, non quia elicitur, sed quia à prudentia imperatur. Tenet consequentia. Probatur antecedens. Imperium, à quo ejusmodi iudicium probabile dependet, est rectum & honestum, ut vidimus. Ergò regulatur à iudicio recto & prudenti, quia repugnat volitio recta, quæ à iudicio recto non reguletur. Jam hoc iudicium non potest esse obscurum & incivens, alioquin opus esset alio imperio ad illud eliciendum. Ergò opus etiam esset alio iudicio prævio regulante, & sic in infinitum. Ergò sistendum est in imperio voluntatis, quod à iudicio evidenti regulatur. Hoc iudicium evidens est ratio recta per conformitatem cum objecto, & est actus à prudentia elicitus, quia proximè dirigit honestum voluntatis imperium. Porro evidens hoc iudicium, à quo dictum imperium regulatur, necessariò proponit honestatem, seu honestam eligibilitatem iudicii à voluntate imperandi, & dicat, quod illud iudicium rectè seu conformiter ad rectum appetitum finis præconcepti imperetur, alioquin impertinenter se haberet ad tribuendam certam & indubitam rectitudinem ac honestatem in imperium, quod regulat. Ecce omne iudicium cordò probabile est, & merito vocatur iudicium prudens, quia est proprium objectum, de quo prudentia certa & evidens enunciat, quod rationabiliter eliciatur, quodque ejus elicitio sit conformis recto appetitui finis. Hac ratione omne istiusmodi iudicium à prudentia strictè dicta imperatur, ac proinde verè & propriè est iudicium prudens, ortumque habet à prudentia strictè dicta, non ut actus elicitus, sed solum ut actus imperatus, qui per directam & ordinatam causalitatem ab actu prudentiæ certo & evidenti derivatur. De hoc argumento latè egi *quæst. 12. de consc. prob. num. 14.* ubi plura huc spectantia invenies.

ASSERTIO QUARTA.

Si loquamur in latiori, sed communi & usitata vocum significatione, omne iudicium cordò probabile, maxime si versetur circa materiam morum, verè est & merito vocatur iudicium prudens, & propriissime dicitur prudenter elici.

25. **P**ROBATUR primò. Omne iudicium, quod post diligentem veritatis indagacionem, & post omnia hinc inde allata ab homine materiæ illius capace & perito debite perpenia, citra omnem indebitam animi propensionem, ob motiva tam absolute quàm comparative magna elicitur, est & merito vocatur rationabile, & prudens, maxime si versetur circa mores, qui sunt propria materia prudentiæ strictè dictæ. Sed omne iudicium cordò probabile est ejusmodi, quia nititur motivo verè magno, quod meretur assensum, & non elicitur nisi à perito materiæ post debitam diligentiam adhibitam, ut ex definitione opinionis probabilis, & necessariò ad eam requisitis cordò constat. Ergò omne iudicium cordò probabile verè est, & merito vocatur prudens, maxime si circa mores versetur. Argumentum videtur constare ex per se notis, si loquamur in latiori, sed communi vocum significatione. Ceterum si quæ sit difficultas, ea est in majore, quæ ex eo probatur, quod omnes periti, qui materias, in quibus sunt versati, dicto modo examinant, ac determinant, verè sunt & habent

Omne iudicium probabile in latè & communi significatione terminorum est prudens, & strictè loquendo prudenter elicitur.

habentur sapientes ac prudentes in arte sua, quibus proinde omnes imperiti merito fidem praestant. Ergo iudicium, quod hoc modo eliciunt, verè est, & merito praesumitur rationabile, sapiens ac peritum. Ergo est & merito dicitur prudens, quia sapientia & peritia confunduntur cum prudentia latè dicta, prout nimirum prudentia stultitiae ac temeritati opponitur, in quo sensu communissimè accipitur, maxime si restringatur ad materiam morum, nec de hoc videtur esse posse dubium.

Nullum iudicium probabile est temerarium.

26. Probatur secundò. Nullum ejusmodi iudicium temerè elicitur, quia circumstantiae illi adjunctae manifestè excludunt omne id, à quo temeritas procedere potest. Ergo omne ejusmodi iudicium absque temeritate, & consequenter rationabiliter, sapienter ac prudenter elicitur. Rursus, peritus de aliqua re consultus manifestè implet munus suum, si modo in assertione expresso quaestionem resolvat. Nemo enim nisi stultè aliud ab eo exigere potest. Ergo manifestum est, tale iudicium esse rationabile, peritum, sapiens, ac prudens; nisi enim tale iudicium eliceret, non impleveret munus suum. Confirmatur. Omnes, qui veritatem & rectitudinem cupiunt, pro resolvendis suis dubiis tales quaerunt, quia praesumunt, ac sciunt, eos nil nisi rationabile, peritum, ac prudens dicturos, si dicto modo quaestionem resolvant. Ergo tale iudicium est rationabile ac prudens. Praeterea sic arguo. Si tale iudicium per accidens à vero aberret, perspicuum est, errorem illum esse inimitabilem, ac per debitam diligentiam prorsus insuperabilem ac inevitabilem. At omne iudicium ejusmodi, quod post dictam diligentiam evadit invincibiliter erroneum, moraliter loquendo habetur pro vero, censeturque prudens ac sapiens, respectu habito ad statum ignorantiae humanae, atque ad conatum, qui pro veritate inveniendi ab hominibus potest & debet adhiberi.

Aliae rationes pro assertione.

Expedi hominibus elicere iudicia probabilia, & secundum illa operari.

27. Probatur teritiò. Omne iudicium in assertionem expressum est tale, ut expediatur illud elici, eò quod nitatur motivo, quod assensum mereatur, qui enim talibus ob timorem erroris non assentiretur, vitae civili ac humanae societati ineptus esset, turpiusque erraret, quam si talibus fidem daret. Ergo omne ejusmodi iudicium est rationabile, peritum, ac sapiens, alioquin non expediret illud elici, ut patet. At omne iudicium rationabile, quod expedit elici, si de agibilibus & moribus enunciet, est & vocatur prudens in latiori significatione, quia rationi consonum est, hominique expediens, atque circa propriam prudentiae materiam versatur. Datis enim his, nil deest, quominus tale iudicium prudens dicatur, & ad prudentiam in latiori significatione reducatur. Et sanè ex nullo alio capite sapientes ac prudentes cognoscimus, aut homines esse prudentes ac sapientes reputamus, quam quia scimus aut praesumimus eos de rebus istiusmodi rationabiliter juxta dicta discurrere. Dicere enim cum Celladeo eos tantum esse sapientes, si non errent, absurdum est, & contra communem omnium existimationem, quia est ponere definitionem prudentium ac sapientium, ad quos consilii causa debemus accedere, per quam scire non possumus, quinam sint, qui non sint prudentes. Ex his concluditur, necessarium esse, ut illi sint & dicantur prudentes, saltem quoad nos, & in latiori sed usitata significatione, qui de rebus agibilibus rationabiliter ac probabiliter judicant, juxta dicta in assertionem.

R. P. A. Terilli, Regula Morum PARS II.

28. Probatur quarto exemplis manifestis. Iudex prudenter judicat & pronuntiat, illum esse reum, cuius crimen legitime convictum est. Et quidem absque dubio implet munus suum taliter judicando, etiam quando per falsos testes decipitur. Ergo iudex ita judicans prudenter judicat, etiam quando in suo iudicio errat. Idem valet de Iudice judicante juxta praescripta legum, in rebus minoris momenti, pro quibus tam effix probatio non requiritur, quam ubi agitur de vita hominis. Inde autem eadem de causa fit progressus ad omne iudicium in assertionem expressum, quia eadem de omnibus est ratio: iudex enim in civilibus non habet majus fundamentum, quam quod exprimitur in assertionem. Similiter qui ex errore, ob famam communissimam, credunt tales esse suos parentes, prudenter id credunt, quia non nisi stultè ac imprudenter circa hoc haesitent; sed & omnes communiter supponunt ac dicunt, tales homines prudenter judicare; idque verum habent, quamvis fortassis illi decipiantur, & errent. Demum S. Augustinus lib. de utilitate credendi, totus est in ostendendo, homines laudabiliter ac utiliter aliis credere, quamvis fidem illis dando non nunquam decipiantur. Ergo ex mente Augustini & communi omnium consensu multa iudicia falsa verè sunt & dicuntur prudentia, quamvis sint falsa. Idem autem valet de omni iudicio probabili, quod in assertionem expressum est, quia eadem ratio aequè procedit de omnibus.

29. Jam si talia iudicia juxta latiore, sed communem vocem acceptionem dicantur & sint prudentia, absque dubio propriissimè ac strictissimè dicuntur prudenter elici, ac imperari; quia per directam causalitatem descendunt à prudentia strictè dicta, ut ostensum est. Praeterea perspicuum est talia iudicia imperari ab appetitu honesto & laudabili, quod fertur id illa tanquam utilia, imò & necessaria pro vita humana debite instituenda. At omnia, quae à tali imperio ortum habent, in omni rigore, ac propriissimè loquendo prudenter eliciuntur, ut patet.

30. Probatur quinto. Ratio proponens illud, quod revera convenit naturae humanae, est ratio recta & prudens, tum quia proponit bonum, ad quod tendere congruum est, tum quia est recta ratio agibilium, ut patet. Sed omnis ratio probabilis de rebus moralibus, qualem exposuimus in assertionem, etsi falsa, proponit illud, quod reipsa naturae humanae conveniens est. Ergo omnis ejusmodi ratio, etsi falsa, est ratio recta ac prudens. Minor, in qua sola est difficultas, admittitur à Celladeo hic lib. 3. quaest. 1. 3. ubi haec habet. Sapienter quippe Vasquez, 1. 2. disp. 58. cap. 2. dicit: sed quia humana sapientia non potest omnia sine errore assequi, & absque ulla culpa aliquando est. apprehenditur ut bonum, quod malum reipsa est: ideo illud in re debet dici natura humana convenire, aut disconveniens esse, quod per rationem probabilem & diligentem proponitur, sive in re ita sit, sive non. Rectè igitur S. Thomas in hoc articulo dixit, rationem esse regulam humanorum actuum. Hac rectè Vasquez, si quando erratur, error est invincibilis. Haec tenet Celladeus, qui ex mente Vasquii admittit minorem esse verissimam, in quo tamen sibi contradicit, quia jam prudentia, & ratio recta, aliquando inveniuntur in iudicio falso, & honestas inveniuntur in opere, quod ratio falsa regulat, quia quod verè est naturae humanae consentaneum, haud dubiè est honestum, & operationem honestam fundat. At haec duo sunt potissima, in quibus Celladeus toto opere involvitur. Hoc argumen-

Iudicium probabile prudenter elicitur.

Ratio probabilis proponit id, quod revera convenit naturae rationabili.

Vasquez nobiscum.

Celladeus contradicitor.

tum ad hominem urget Celladeum, sed etiam absolute concludit intentum, quia ratio Vasquil, & fundamenta benignæ sententiæ evincunt veritatem minoris, quidquid sit de contradictione Celladei. Ergo minor est vera. Conclusio autem legitime deducitur.

Prudens est, qui probabiliter judicat. 31. Ex dictis duo inferuntur. Primum est, eos in sensu latiori ac communiter usitato esse prudentes, qui in rebus obscuris, maxime si ad mores pertineant, probabiliter judicant. Illi enim absque dubio sunt prudentes, qui judicia prudentia eliciunt, prudentemque de rebus propositis sententiam ferunt. At omnia judicia certo probabilia de rebus moralibus sunt prudentia, juxta dicta. Ergo qui talia judicia eliciunt, sunt prudentes.

Motivum probabile rectè dicitur id, quod fundat judicium prudentis. 32. Secundò infertur, eos, qui definiunt motivum probabile per hoc, quod fundat judicium prudens, aut quod à prudentibus merito probatur, aut quod illi assensus prudenter præbeatur, verum dicunt, & perspicue ac determinatè loquuntur, nec per umbram in circulum viciosum incidunt. Hoc expressè probatum est *quæst. 24.* sed id ipsum ex hîc dictis clariùs percipitur, quia omnia & singula ad prudentiam tam strictè quàm late sumptam spectantia explicata ac determinata sunt, absque eo quod idem per idem explicetur, ut patet. Ergo motivum probabile rectè ac perspicue per dictas expressiones exponitur.

**Signum datur effici-
men inter
actus, quos
prudentes
nominamus.** 33. Demùm quamvis hæc omnia vera sint, multùm tamen interest inter judicia elicta à prudentia, & hæc, quæ non à prudentia, sed ab opinione eliciuntur. Illa enim essentialiter sunt actus prudentes, quia sunt proprii effectus illius virtutis intellectualis, quam prudentiam nominamus, ac proinde certò & infallibiliter verum dicunt, quatenus enunciant opus aliquod, quod per opinionem proponitur, esse conforme appetitui recto, & à Deo permissum, &c. At judicia opinativa, de quibus hîc loquimur, non sunt actus elicti prudentiæ, quæ est virtus intellectualis, sed solum actus imperati ab illa. Sunt etiam proxima materia illius, quatenus fundant discursum reflexum certum & evidentem, quo de licita operatione certificamur &c. Atque hinc actus isti probabiles verè sunt prudentes, & ad prudentiam pertinere dicuntur, quia scilicet sunt actus à prudentia imperati, & postquam imperati sunt, sunt materia & objectum proprium alterius discursus à prudentia elicti, ac proinde meritiò vocantur prudentes, quia objectum frequenter eandem denominationem habet cum actu & habitu, à quibus consideratur, sunt enim correlativa, & ratione correlationis eandem denominationem subeunt. Sic non solum habitus & actus fidei, sed etiam objectum creditum vocatur fides, juxta illud ex symbolo S. Athanasii. *Hæc est fides Catholica* &c. Idem locum habet in scientiis, & nominatim in prudentia.

Replicæ in contrarium. 34. Dices. Omnes sapientes tam Philosophi quàm Theologi aliter loquuntur de prudentia, aliter de conscientia. Conscientiam dividunt in rectam & erroneam; nec tamen similem divisionem prudentiæ hactenus proposuerunt, ut alia dicatur prudentia recta, alia erronea; nam error non est membrum prudentiæ, sed est ipsa imprudentia. Ergo perperam dictum est, multa judicia falsa esse, & meritiò vocari prudentia. Ita Celladeus §. 2.

Actus prudens in latiori significatione di- Respondeo sapientes aliter loquendo prudentia strictè dicta actibusque ab illa elictis, aliter de conscientia aut opinione; quia illa semper est

certa & evidens, non autem istæ. At si loquamur *videtur in* de prudentia minùs strictè sumpta, aut de actibus à prudentia strictè sumpta imperatis, vel de *verum & falsum.* propria prudentiæ reflexæ materia, certum est, sapientes; tam Theologos quàm Philosophos, eodem modo loqui de judicio certo practicè probabili, quò loquuntur de dictamine conscientiæ incerto, sed vincibiliter non errante; quia omnes palam fatentur, multa judicia summè probabilia, quæ sunt dictamina conscientiæ, esse invincibiliter erronea. Omnes autem ejusmodi judicia prudentia & prudenter elicta vocare conlueverunt, ut videre est in exemplis allatis. Quem loquendi modum retinent de judiciis elictis, quamvis postea constiterit, errorem intervenisse. Præterea Auctores benignæ sententiæ (ipso Celladeo fatente, & de eo conquerente) in eo se fundant, quòd qui sequitur judicium probabile, sequatur dictamen prudens ac prudenter elictum, ideoque non peccet, quamvis illum errare contingat. Et sanè omnes Patroni benignæ sententiæ aut expressè per terminos explicatos, aut implicite per terminos æquivalentes ita loquuntur & sentiunt. Ergo omnes sentiunt ejusmodi judicia esse prudentia. Ergo tantùm absit ut distinctio judicii prudentis in verum & falsum sit nova & inaudita, ut certum sit, illam esse communem, & si sermo sit de opinione probabiliori, à nemine præter Celladeum in dubium vocatam. Itaque distinctio hæc, in sensu à nobis explicato intellecta, legitima est, communique Auctorum omnium consensui, ac veritati ipsi consentanea.

SOLVUNTUR OBJECTIONES.

35. **OBJECTIO prima.** Appetitus rectus *An sola* antecedens, cui opus, seu judicium con- *charitas sit* formari debet, ut sit prudens, est intentio finis *appetitus,* nostri, seu voluntas nos rectè ordinans ad finem *cui opus* nostrum verum. Ergo appetitus iste alius non *conformari* est, quàm charitas, seu dilectio Dei saltem in- *debet, ut sit* choata, quia sola charitas, perfecta aut inchoata, est virtus ordinans nos circa ultimum finem nostrum. At charitas est appetitus amplectendi bona, & vitandi mala, non quæ quomodocumque apparent, sed quæ reipsa sunt talia; quia eò collimat, ut exequatur quæ Deus verè jussit, & vitet quæ Deus reipsa prohibuit. Ratio est perspicua, quia si appetitus ille solum obligaret ad ea faciendâ & vitandâ, quæ apparent præcepta & vetita, non obligaret ad diligentiam pro veritate inveniendâ, quia sine ulla diligentia, alia ut præcepta, alia ut vetita sponte apparent. At haud dubiè obligat ad diligentiam, ut sciamus quæ sit voluntas Dei bona & bene-placens, & in hoc studet & vigilat omnis, qui tali appetitu urgetur. Ergo appetitus ille vult reipsa bona, & odit quæ reipsa sunt mala. Ergo dictamen proponens ut bonum, quod reipsa malum est, necessariò discordat materialiter ab appetitu recto. Ergo non est prudens, nec ad prudentiam spectat. Ita Celladeus hîc §. 2.

Respondeo quodvis opus esse rectum ac prudens, modò conforme sit ulli appetitui recto à ratione vera immediatè regulato, sive appetitus ille respiciat finem prorsus ultimum, aut finem non ultimum, vel etiam medium quodvis honestum, quia non est potior ratio de uno quàm de alio, ut per se patet. Præterea eo ipso, quòd opus sit conforme appetitui recto, per hoc præcisè est rectum ac prudens; unde Aristoteles & S. Tho-

*Non solum
Charitas sed
quicquid appe-
titus rectus
antecedens
sufficit ad
regulan-
dum hone-
stum.*

S. Thomas non fuit nisi generice expressio conformitatis cum appetitu recto. Ergo hæc generica expressio continet essentiam operis prudentis. At hæc generica expressio æquale convenit omni appetitui recto, ut patet. Ergo omnis appetitus rectus hoc habet, ut quicquid illi conformatur, sit prudens.

Charitas per accidens postulat opus malum invincibiliter creditum bonum, à nobis poni.

36. Sed ut insufficientia argumentorum à Celladeo allatorum magis pateat, do ipsi, quod petit; nempe appetitum rectum antecedentem; de quo loquimur, esse intentionem finis ultimi veri ac debiti, imò esse charitatem aut inchoatam, aut etiam, si velit, omnino perfectam, quia sola charitas, saltem inchoata, est virtus ordinans nos circa verum finem nostrum. Hoc posito, fateor, charitatem esse appetitum amplectendi bona omnia verè præcepta, & vitandi mala omnia verè prohibita, quæ aut certò sunt talia, aut per humanam diligentiam indagari possunt, & sufficienter cognosci; quia haud dubiè charitas obligat omnes ad diligentiam ejusmodi, & ad ea exequenda, quæ per talem diligentiam sufficienter deteguntur, ideoque per se loquendo disponit ad ea, quæ præcedit objectis. Sed difficultas est, an per accidens aliquando disponat, & dirigat ad alia? Ego haud dubiè affirmo; quia ob imbecillitatem & ignorantiam nostram sæpè contingit, ut post debitam diligentiam invincibiliter erremus circa ista, & aliqui proponantur ut præcepta, quæ revera sunt vetita. Jam in hoc casu evidens est, charitatem, utpote, sicut Celladeus ex S. Thoma rectè observat, virtutem architectonicam, postulare, ut talia fiant, quia juxta conditionem humanam, illa post diligentiam debitam invincibiliter proponuntur ut præcepta. Et sanè cum intentio finis & charitas debeat architectonicè disponere de omnibus actionibus nostris, atque imperare omnes actus, non solum quibus ad diligentiam adhibendam tenemur, sed etiam ad ea, quæ post diligentiam adhibitam invincibiliter proponuntur; evidens est talem appetitum, posita diligentia, stimulare homines probos, eosque dirigere ad faciendum opus, quod invincibiliter creditur præceptum & bonum, etsi reipsa sit malum & vetitum secundum se. Si talis esset humana conditio, ut per diligentiam certò scire possemus omnia, tam jussa quam à Deo prohibita, tunc quidem omnis error circa jussa & prohibita, & consequenter omne opus ab errore ejusmodi profectum repugnet appetitui recto, seu charitati; quia charitas impelleret nos ad veritatem ipsam indagandam, nec unquam quiesceret donec ipsa veritas inveniretur. At contrario modo jam res habet; ea enim est jam conditio nostra, ut nequaquam possimus omnia ista certò cognoscere, sed in multis necessariò erremus, ac proinde virtutis architectonicæ est, pro isto etiam casu deliberare, & ad deliberata perficienda stimulare. At clarum est, quod virtus illa aliud determinare ac ad aliud pro tali casu stimulare non possit, quam ut ea amplectamur & fugiamus, quæ post debitam deliberationem præcepta esse aut prohibita concluderimus; si enim ad aliud stimulare, utique aut ad impossibile, aut ad peccatum stimulare. Ad impossibile quidem, si ad veram aut certam talium cognitionem urgeret, aut obligaret; ad peccatum verò, si stante errore, quem vitare non possumus, ad opus errori contrarium obligaret, quia haud dubiè peccatum est contra conscientiam invincibiliter constitutam operari. Ergo certum est, opera à tali errore propofita, & executioni man-

data, esse conformia charitati, seu appetitui recto. Hæc etiam sequitur quod opus tale hæc & nunc, ne materialiter quidem repugnet appetitui recto, quia materia hujus operis non sumitur secundum se præcisè, sed prout substat errori invincibili, in quo sensu nullo modo contrariatur, sed absolute & simpliciter congruit appetitui recto. Cæterum etsi concederetur, quod opus illud secundum se acceptum, in aliquo sensu materialiter repugnet charitati, evidens tamen est, quod hæc & nunc formaliter ac directè illius inclinationi, exigentiæ, ac præscripto conveniat. Hoc autem & reipsa & ex intento Aristotelis ac S. Thomæ ad honestatem sufficit, & est ipsum verum, de quo prudentia rectè dicta enunciat.

Opus sic positum non solum formaliter, sed etiam materialiter conformatur charitati.

37. Ob. 2. Quando pater in venatione occidit filium, quem putat esse feram, voluntas occidendi filium, solum per accidens & ex ignorantia conjungi potest cum amore filii. Ergo voluntas occidendi filium simpliciter discordat ab amore filii; quia amor filii non est amor solum filii existimati, sed amor filii reipsa talis. At eadem est ratio de appetitu recto, qui non nisi per accidens, scilicet ex errore & ignorantia invincibili, conjungi potest cum opere materialiter pravo. Unde appetitus ille rectus est voluntas saltem virtualis, & si reflectatur, formalis & expressa exequendi omnia, quæ Deus reipsa jussit. Ita Celladeus loco citato.

Obje. 2.

Respondeo paritatem hanc & incongruam esse, & si quid valeas, nobis favere. Est incongrua, quia loquitur de filio existimato fera. At voluntas occidendi feram existimatam indifferenter se habet ad amorem & odium filii, quia æquè cum utroque coheret. Ergo illa voluntas impertinens est ad amorem filii, quia amor filii talem occasionem non dirigit. At nos loquimur de lege Dei invincibiliter, sed erroneè existimata; & queritur, an illam observare intuitu voluntatis divinæ sit conforme appetitui recto? Ad hoc autem determinandum paritas instituenda erat inter amorem paternum, & hominem erroneè sed invincibiliter creditum filium. At si hoc modo instituatur comparatio, argumentum benè procedit, sed evidenter favet nobis; quia evidens est, voluntatem benè faciendi homini, invincibiliter existimato filio, esse conformem amori paterno, cum amor paternus ad hoc obliget, & quicumque talem voluntatem omittit, dignus est vituperio, tanquam homo, qui à debito filiorum amore defleat. Unde idem à pari valet in casu nostro, quia qui invincibiliter existimat, Deum aliquid præcepisse, tenetur utique illud exequi, idque ex impulsu charitatis, cujus propensione se conformat, quando illud exequitur, sicut ejusdem propensione contrariaretur, si illud facere detrectaret.

Nititur paritate incongrua.

Amor filii stimulat ad benè faciendum filio tantum existimato.

38. Et sanè exemplum patris & filii ex omnibus maxime contrariatur Celladeo, quia vix est pater, qui certò novit filium, & pauciores filii certò norunt suos patres. Ergo lex pietatis non aliter potest dirigere patrem ad amandum verum filium, quam exigendo ut amet eum, quem tantà apparentiâ & verisimilitudine credit esse suum. Jam licet amor extranei cogniti pro extraneo non sit conformis amori parentis, tamen amor extranei sumpti non merè materialiter, sed prout subest tantæ probabilitati quod non sit extraneus, quantam parentes communiter habent; talis, inquam, amor est conformis appetitui amandi filios, aut nullus amor filiorum est talis, quia vix ullus de suo amore aliud scit, quam quod

Exemplum à Celladeo adductum, maxime contra illum facit.

sit de filio, quem cum tanto fundamento reputat esse suum. Porro quia talis amor essentialiter supponit talem persuasionem, ideo talis amor essentialiter conformis est appetitui amandi filios. At objectum ipsum, seu persona amata ex se indifferens est, ut appareat vel non appareat filius. Ergo ex se non est conforme aut dissonum amoris patris, cui tamen est prorsus conforme, si sumatur prout substat dicto errori invincibili.

Propositio- 39. Hinc habemus, quod propositiones Celladei nullam vim habeant, nisi æquivocè accipiantur. Sic illa propositio: *voluntas occidendi filium simpliciter dissonat ab amore filii*: vera est in sensu formali, si accipiat pro voluntate occidendi eum, de quo quis dubitat, aut novit, quod sit filius; quia talis voluntas essentialiter repugnat cum amore paterno erga filium. At falsa est, si accipiat pro voluntate occidendi eum; qui invincibiliter putatur fera, cum realiter sit filius, nam illa voluntas non contrariatur amoris paterno; certum enim est, amorem paternum conjugibilem esse cum tali volitione, quippe quæ essentialiter fundatur in iudicio dictante rem visam esse feram, cum exclusionem omnis dubii omnisque suspicionis de nocuitate filii; ideoque nil habet ratione cuius repugnet cum amore patris erga filium. Hinc sequitur, idem à priori dicendum esse de appetitu recto, qui repugnat quidem cum volitione, aut explicite eligente malum, aut illud volente errore vincibili; nullatenus tamen repugnat cum volitione faciendi id, quod invincibiliter creditur esse bonum aut præceptum, etsi revera sit malum & vitium.

40. Rursus hæc alia propositio: *Appetitus rectus est voluntas saltem virtualis, & si reflectatur, expressa & formalis exequendi omnia quæ Deus reipsa iussit*: non est absolute vera, ut jacet, quia sensus est, quod sit voluntas exequendi omnia, quæ Deus reipsa præcepit. At voluntas absolute & efficaciter hoc intendens est imprudens in statu presenti, qui fertur in impossibile; cum absolute necesse sit, nos in multis errare, modò accipiendo vitium pro præcepto, modò præceptum pro vitio, &c. Ergo stultus esset, qui absolute vellet illa omnia & sola exequi, quæ & qualiter Deus directe præcepit; quia vellet absolute quod absolute non potest exequi. Ergo appetitus rectus non est talis volitio. Itaque propositio illa non debet accipi absolute ut jacet, & ut à Celladeo accipitur, sed exponi debet tanquam conditionata, ut sensus sit, appetitus rectus est voluntas exequendi omnia, quæ Deus reipsa iussit, ubi certò constat quæ Deus requirit, in aliis autem, quantum fieri potest debitam diligentiam adhibendo. At volitioni sic conditionatæ non opponitur error invincibilis, aut opus à tali errore regulatum, ut patet; immò in multis illi conformis est. Ergo error invincibilis, & opus ex tali errore profectum non contrariantur appetitui recto, sed in multis illi conformantur. Exemplum sume à filio appetente patri obedire. Appetitus filii stultus esset, si absolute nollet obedire nisi patri vero, quia vellet quod non potest exequi. Faciat enim quod vult, necessario errabit in iudicio de patre, & consequenter tenebitur ad obediendum non patri. Ergo prudens filius non habet appetitum absolutum, qualem ponit Celladeus, sed solum conditionatum, qualem posuimus.

Adde, Deum, ex suppositione erroris invincibilis, per accidens velle hic & nunc oppositum ejus, quod per se intendisset, si talis error non

intervenisset. Ergo non potest non esse conforme charitati & appetitui recto velle illi conformari, & ponere opus illud, quamvis materialiter malum.

41. Ob. 3. Actus affirmantes & negantes idem sub diversis conceptibus, sunt solum compossibiles per accidens & ex ignorantia, quia, ablata ignorantia, intellectus necessario delitit ab alterutra enunciatione. Interim hæc ignorantia non tollit contradictionem & oppositionem istorum iudiciorum. Ergo similiter discurrendum erit de actibus voluntatis. Ponamus aliquem expresse velle exequi quæ Deus reipsa iussit, & in ejus auxilio fixum sperare, se agniturum semper quæ reipsa iusserit. Hoc posito, si invincibiliter erret in aliquo, electio rei, circa quam errat, erit quidem conjugibilis cum universali illa voluntate ipsius; at solum per accidens & ex ignorantia, ut dictum est de actibus intellectus. Ceterum iudicium, dictans rem reipsa contrariam legi Dei esse præceptam, aperte discordaret à voluntate illa. Ergo compossibilitas solum per accidens & ex ignorantia probat repugnantiam & disconformitatem per se, & secundum se. Ergo nullum dictamen erroneum est consentaneum appetitui recto; sed sicut errat materialiter circa res, ita errat materialiter circa appetitum rectum. Ergo dictamen erroneum nunquam dicit conformia appetitui recto. Ita Celladeus loco citato.

Respondeo in primis argumentum procedere de subjecto non supponente, quia Celladeus supponit, volitionem, quam exprimit, esse appetitum rectum, etsi tendat absolute ad ea omnia reipsa perficienda, quæ Deus reipsa iussit. At talis appetitus non est rectus, sed temerarius, presumptuosus, ac stultus, ut constat ex dictis. Ergo licet nullum dictamen erroneum esset conforme tali appetitui, (quod tamen verum non est, quia adhuc bene cohererent, cum formaliter non discreparent, licet ex parte objecti esset materialis repugnantia; in hac autem questione magis attendendum est ad formalem convenientiam, quam ad materialem discrepantiam, quia formalis concordia potissime locum habet in actibus humanis, qui ex sua natura sunt voluntarii. Ergo actus ille esset simpliciter conformis appetitui dicto, quia formaliter cum illo concordaret) non sequitur nullum errorem esse conformem appetitui recto, imò ex dictis sequitur oppositum, quia omnis appetitus rectus universalis est virtualiter, & si reflectatur, est formaliter conditionatus, ut ostensum est; & consequenter conformis est errori invincibili, ac operi à tali errore regulato. Præterea Deus de facto ex suppositione erroris invincibilis actu præcipit hoc, & vetat illud, quod præscindendo ab errore è contrario fuisset præceptum aut vitium. Ergo si actus ille, de quo Celladeus loquitur, vult omnia, quæ Deus de facto exigit à nobis, vult etiam opus ex errore invincibili profectum.

42. Respondeo secundò. Actus intellectus, affirmantes & negantes idem sub diversis conceptibus, esse per se & ex sua essentia conjugibiles. Ratio est, quia unus nullum prædicatum habet, ratione cuius possit alterum excludere ab intellectu, ut patet. Itaque falsum est, quod solum per accidens, & ex suppositione quodammodo casuali se patiantur. In eo est æquivocatio Celladei, quod non possint coherere nisi ex ignorantia, cum ignorantia ablata alter eorum actuum tollatur; hoc autem aliud non probat, quam igno-

Obiectio 3.

Procedit de subjecto non supponente.

Actus intellectus, affirmantes & negantes idem sub diversis conceptibus, non per accidens, sed per se sunt conjugibiles.

ignorantiam esse prædicatum inseparabile ab altero illorum actuum, quod est verissimum. Itaque sicut ignorantia non est accidentalis, sed essentialis actui falso, ita si ignorantia sit causa, quod actus falsus superaddi possit actui vero, illa conjungibilitas non accidentaliter, sed per se connectitur cum actu illo. Uno verbo, ignorantia essentialiter requiritur, ut talis actus existat, ideoque ablata ignorantia necessario tollitur illius existentia. At si semel existat, ex sua essentia conjungi potest cum altero. Ergo conjungibilitas istorum actuum est per se, non per accidens; ea enim per accidens se habent, quæ rebus ipsis positæ adhuc indifferenter se habent ad prædicatum, quod dicitur accidentale. At nil tale evenit in casu nostro, ut patet. Ergo conjungibilitas ista non est accidentalis, sed per se & essentialis istis actibus. Jam quod ignorantia non tollat contradictionem materiale & objectivam, non est ad rem, quia loquimur de contrarietate aut contradictione formali, ratione cujus unus actus excludit alium. At ignorantia ista impedit istam contrarietatem, & reddit actus illos simul producibiles, aut conjungibiles, quod solum intendimus.

43. Hinc sic argumentor contra Celladeum. Eadem ratione discurrendum est de actibus voluntatis, ac de actibus intellectus, cum ita se habeant actus voluntatis terminati ad objecta contraria sub diversa ratione, sicut actus intellectus. At actus intellectus ad talia terminati non solum sunt compossibiles, sed etiam ita sunt connexi, ut ex sua natura unus cum altero cohereat. Ergo idem valet de actibus voluntatis, aut de generali intentione voluntatis respectu errorum & operum per errores representatorum, de quibus nunc loquimur.

Actus spei à Celladeo propositus non est spes, sed præsumptio.

44. Hæc quidem ita se habent, & ad intentum sufficiunt; verum singula inspiciamus. In primis, qui absolute intenderet ea, quæ Celladeus exprimit, imprudenter faceret, ut dictum est; similiter & qui talem spem eliceret, qualem proponit in argumento. Unusquisque quidem prudenter sperare potest, se in rebus necessariis necessitate medii non erraturum; at si quis absolute speraret, atque expectaret à Deo, se nunquam nec in jure, nec in facto erraturum, vanissime speraret; quia expectaret, quæ Deus non promissit, ideoque speraret ea, pro quibus inducendis nulla esset bona dispositio in causis; quod est in vanum sperare. Ergo neuter ex istis appetitibus esset rectus. Pone collectionem omnium fidelium eo modo firmiter sperare, omnes ita agnituos suos veros parentes, veros fratres, & consanguineos, ut nemo circa hoc aut aliud ejusmodi, ut circa impedimenta matrimonii contrahendi sit erraturus. Nonne inanis foret spes ejusmodi, per quam moraliter impossibilia sperarentur? Quid stultius tali spe firmâ, cujus objectum à nemine nisi temerè expectari potest ut aliquando ponendum? Et tamen Celladeus aliud exemplum non habet, in quo specimen ponat appetitus, cum quo nec error nec opus ab errore directum conjungi possit.

Charitas nullam habet repugnantiam cum errore invincibili, aut cum opere à tali errore proposito.

45. Falsa est etiam illa propositio: *Compossibilitas solum per accidens & ex ignorantia probat repugnantiam & disconformitatem per se.* Falsa est, inquam, quia evidens est, compossibilitatem accidentalem duorum nullam ex suo conceptu repugnantiam aut contrarietatem inter illa involvere. Sic per accidens est, quod homo iter faciat sine fatigatione, quia id non contingit nisi ex

suppositione; quod utatur navi vel cursu &c. Nihilominus iter facere sine fatigatione per se non repugnat homini, nec naturali illius inclinationi contrariatur. Ratio est, quia quoties accidens ipsum, ex cujus præsentia aliud alicui adjungitur, non est violentum subjecto, aut contrarium illi, cui superadditur, toties quod tali accidenti naturale est, nullam subjecto violentiam aut cum priori forma, contrarietatem habere potest: hac de causa cum ipsa suppositio, scilicet vehi navicula, non sit contrarium aut violentum homini, neque iter agere sine fatigatione, est ipsi contrarium, aut violentum, quia hoc ipsum naturaliter consequitur ad ipsam suppositionem. Idem prorsus locum habet in casu nostro. Ignorantia invincibilis est suppositio, dependenter à qua error & opus ab errore profectum conjungi potest cum appetitu recto, seu cum charitate. At ignorantia ista nullam habet contrarietatem cum charitate, seu cum appetitu recto, alioquin iusti talem ignorantiam non paterentur, Deus enim non facit miracula ut affligat iustos; quod certè faceret, si gratia ex sua natura repugnaret cum tali ignorantia, quia contra exigentiam gratiæ & charitatis privaret eos scientiâ ipsis debitâ. Ergo neque error necessario sequens talem ignorantiam, neque opus ab errore directum ullam habet contrarietatem aut repugnantiam cum appetitu recto, seu cum charitate.

46. Neque falsa tantum est dicta propositio, sed etiam intento ac doctrinæ Celladei prorsus contraria; sic enim arguo. Quod per se & intrinsecè contrariatur appetitui recto, haud dubiè peccaminosum est; sed error invincibilis, & opus ab eo regulatum intrinsecè & per se contrariatur appetitui recto. Ergo per se & intrinsecè sunt peccaminosa. Major & ex se patet, & ex eo confirmatur, quia plus est repugnare & contrariari appetitui recto, quàm illi non conformari, sed quodammodo ad illum indifferenter se habere. At hoc secundum infert, actum indifferenter se habentem ad appetitum rectum non esse bonum: ergo primum, nempe intrinseca contrarietas & repugnantia cum appetitu recto, aperte arguit malitiam & peccatum. Præterea appetitus rectus, de quo loquimur, est intentio finis debiti. At quod contrariatur & repugnat intentioni efficaci finis debiti, & ab illo non avertit, est malum & peccaminosum. Ergo quod contrariatur appetitui recto malum est & peccaminosum. Itaque major est vera, minor est ipsa Celladei doctrina, quam omni conatu insinuare contendit. Consequentia autem & evidentè falsa est, & prorsus contraria toti intento Celladei, qui asserit voluntatem à conscientia invincibiliter erronea regulatam, non esse malam & peccaminosam, & in hoc tanquam in primario quodam fundamento totam discursus sui machinam erexit. Aded sibi in omnibus contrariatur hic Auctor, ut ubi maximè vult aliquid ad intentum pertinens probare, illud aliter haud faciat, quàm recurrendo ad principia non solum falsa, sed primario ipsius asserto ac intento prorsus repugnantia.

Fundamentum Celladei doctrinæ ipsius creditur.

Quod contrariatur appetitui recto est peccaminosum.

47. Præterea toto eo admissio, quod Celladeus dicit, adhuc contrarium ejus, quod probare intendit, legitime deducitur. Esto enim, tale opus per se loquendo contrarietur appetitui recto, attamen saltem hæc & nunc, per accidens, & ex suppositione ignorantie invincibilis illi conformatur. At hoc tam ad intentum nostrum, quàm

Conformitas cum appetitu recto, etsi per accidens existat, sufficit ad prædictam.

quàm ad Celladeum revincendum sufficit ; quia omne ; quod conforme est appetitui recto , prudens est & honestum , undecumque tandem proveniat illa conformitas , sive per se , sive per accidens , quia quoties adest constitutivum , toties adest constitutum , etsi forma constituens merè per accidens , immò & contra exigentiam adiungitur subiecto . Sic aqua est calida , quamvis per accidens , imò & violenter calorem recipiat . At error invincibilis , & actio ab eo regulata hic & nunc , saltem per accidens , & ex suppositione ignorantiae , est conformis appetitui recto . Ergò utrumque hic & nunc est prudens , & reflexè per prudentiam certò & infallibiliter affirmari potest .

Aquivocatio Celladei d. regitur.

48. Demùm fundamentalis æquivocatio Celladei in eo vertitur , quòd non distinxerit inter opus secundum se consideratum , & illud idem ut substantiæ errori invincibili & persuasioni probabilis , quòd sit licitum , aut etiam præceptum . In primo sensu opus malum nunquam est conforme appetitui recto , quia malum est , nec habet unde honestatem accipiat , aut fundet actum à prudentia elicitum , quo conscientia certò dirigatur ad licitè operandum . Immo , quod plus est , admitti potest , quòd tale opus materialiter contrarietur appetitui recto , quia in hoc sensu est materialiter malum . At in secundo sensu res aliter se habet , quia jam objectum illud non sumitur secundum se , sed prout apparet , & probabiliter ac invincibiliter creditur bonum . At in tali acceptione opus illud hic & nunc verè à Deo permissum est , aut etiam præceptum , ideoque dici potest & est simpliciter honestum , & fundat actum reflexum à prudentia elicitum , quo certificatur conscientia , quòd illud exequendo non peccet , sed benè operetur , quicquid sit an per accidens erret vel non erret in iudicio probabilis directo , quo invincibiliter existimat opus illud esse honestum , aut etiam præceptum .

Obiectio 4.

49. Ob. 4. Electio mali , quòd creditur bonum , est involuntaria secundum quid eligenti , quia ignorantia antecedens semper causat involuntarium . Præterea qui diligit Deum , tristatur quoties scit se materialiter fecisse contra legem , & nolle id fecisse . Ergò talis electio est contra aliquam voluntatem antecedentem , sicut projectio mercium in tempestate , quia inde nascitur tristitia . Hæc autem voluntas antecedens est ipse rectus appetitus finis . Ergò dictamen dicens malum bonum non est conforme appetitui recto , sicut non est conforme rebus , sed materialiter ab eo discordat . Ita Celladeus §. 2.

Non probat intentum.

Respondeo argumentum solum probare , omnem malitiam , omnemque peccati rationem esse involuntariam eligenti malum , invincibiliter existimatum bonum . In hoc autem sensu malitia illa est simpliciter & absolute involuntaria , nullo autem modo , ne quidem secundum quid , est voluntaria , quia ignorantia antecedens tollit omne voluntarium , ut notum est ex ipsa voluntarii definitione , & ab omnibus traditur 1. 2. ubi de voluntario tractatur . Cæterum in casu præsentis , factum ipsum & ratio boni , sub qua invincibiliter proponitur , sunt simpliciter voluntaria . Et quidem ratio boni , quæ proponitur , nullam admittit rationem involuntarii secundum quid , quia ipsa & sine errore cognoscitur , & propter se amatur , licet error in eo contingat , quòd bonitas amata tali objecto convenire credatur , atque ut illi iuncta ametur . Jam quòd ipsum factum , ob ignorantiam qualitatibus ipsius , sit aut non sit

involuntarium secundum quid , nil refert ad præsens institutum , quia etsi dicatur involuntarium secundum quid , haud dubiè tamen est simpliciter voluntarium . Ergò simpliciter est conforme appetitui recto , à quo nimirum non solum error ipse hic & nunc provenit , sed etiam , stante errore , opus ipsum imperatur . Ergò simpliciter est prudens , & propria prudentiæ materia , sicut dictum est . At illud in unoquoque , quòd simpliciter est tale , prævalet illi , quòd solum est tale secundum quid . Ergò licet tam error , quàm opus ipsum sit involuntarium secundum quid , & secundum quid materialiter repugnet recto appetitui finis , non inde sequitur , quòd non sit prudens , sed oppositum legitime deducitur , quia simpliciter conformatur tali appetitui . Hoc autem haud dubiè sufficit , ut quid sit & dicatur prudens , seu propria prudentiæ materia .

50. Id ipsum clarè conspicitur in exemplo prorsus opposito . Qui bonum , quòd invincibiliter creditur malum , eligit , turpiter operatur , quia malitia est illi simpliciter voluntaria , licet non operetur rem malam sed bonam , cuius bonitas materialiter & secundum quid est illi involuntaria , quamvis non formaliter & in ratione bonitatis . Ergò similiter qui facit malum , invincibiliter creditum bonum , benè ac laudabiliter operatur , quia hic æquè afficitur ad bonum ac ille ad malum , & bonum tam voluntarium est huic , quàm malum illi . Similiter voluntas boni crediti mali non magis contrariatur appetitui recto finis , quàm voluntas mali crediti boni eidem conformetur . Ergò ista voluntas bona est & prudens , sicut illa est mala & stulta .

Voluntas boni crediti mali est simpliciter mala.

51. Adde paritatem de projiciente merces nec esse ad rem , nec intentum probare . Non est ad rem , quia projiciens merces novit malum , quòd imminet ; sed quia videt illud esse impossibile cum bono majori , contemnit bonum illud minus , ne majus amittat , unde malum illud est voluntarium simpliciter , & solum involuntarium secundum quid ; idè se non ex ignorantia , sed ex amore majoris boni impossibilis , quia illa impossibilitas ipsi aliquo modo displicet ; nollet enim eam adesse , si posset . At casus noster procedit de involuntario ex perfecta mali ignorantia , quæ causat involuntarium simpliciter . Ergò paritas non est ad rem , quia arguit ab involuntario simpliciter ad involuntarium secundum quid , quòd à ratione prorsus alienum est . Præterea arguit ab involuntario cum scientia mali ad involuntarium fundatum in perfecta mali ignorantia ; quæ argumentatio haud dubiè nil valet , ob diversum motum animi , diversumque modum tendendi in uno ac in altero casu . Atque hinc etiam sequitur , paritatem illam non probare intentum ; assertur enim ad probandum quòd electio mali crediti boni tristitiam causet , & sic involuntaria secundum quid , quia projectio mercium , quæ secundum quid est involuntaria , non absque aliqua tristitia atque animi acerbitate exercetur . At hoc non sequitur ex paritate ; ideo enim projectio mercium tristitiam parit , quia cognoscitur ut malum præsens & inevitabile . At in casu nostro nulla est apprehensio mali ; sed firma persuasio boni , ideoque nil est quòd tristitiam pariat . Ergò paritas illa inepta est ad intentum probandum .

52. Præterea falsum est , quòd probare intendit . Nemo enim rationabiliter tristitur ob actionem suam , eò quòd fecerit malum , & constiterit , illud

Nemo tristatur de operatione ab errore la-

vincibili re- illud invincibiliter creditum fuisse bonum; nulla
gulara ob enim obtalem actionem dolendi, sed magna po-
contrarieta- tius datur causa gaudendi. Nulla dolendi, quia
tem cum re- nil culpae inest tali actioni, nec ulla ob eam poena
cto appeti- infligi potest. Ergo non est cur doleat de actio-
tu finis.

ne illa. Est autem cur gaudeat. Inprimis sic ope-
rando implevit obligationem, qua urgebatur,
quam certè violasset, nisi ita operatus fuisset;
quando error rem proponebat ut præceptam.
Secundò ostendit bonam suam voluntatem ergà
Deum, cui obedivit in iis, quæ ab ipso præcepta
esse scire potuit. Tertiò ex hoc affectu atque
operatione bonum habitum ad Deo obsequen-
dum aut induxit, aut auxit. Est ergò cur lætetur,
se ita operatum fuisse in illis circumstantiis, si so-
lùm ad affectum charitatis, & appetitum finis
respiciamus, nec umbra apparentiæ est, cur rela-
tè ad istos affectus ob operationem nostram tri-
stemur. At nos loquimur in præsentia de eo so-
lùm, quod ex comparatione ad habitum chari-
tatis & debitum finis appetitum provenit.

53. Quod facit æquivocationem est; quia;
detecta veritate, sæpè tristamur ob alias causas.
Frequenter timemus, ignorantiam non fuisse
prorsus invincibilem; inde autem ampla tristitiæ
causa provenit. Aliquando invenimus nos no-
bis, aut amicis, vel saltem proximis grave dam-
num temporale intulisse, unde tristamur de opere
relatè ad istos fines, quia opus positum contra-
riatur particularibus istis affectibus; sed affectui
charitatis, aut recto appetitui finis actio illa
nullatenus contrariatur, sed ab illis ortum habuit;
ut ostensum est. Præterea omnis error est malum
intellectus, ex illo autem errore contracto vi-
demus, spem nostram de non errando fuisse de-
lulam; similiter experimur, & quasi tangimus de-
bilitatem intellectus nostri, meritoque timemus;
ne iterum decipiamur. Hæc autem omnia, aut
præsentia aut imminetia, sunt materia tristitiæ.
De his ergò similibusque dolemus, sed in ordine
ad appetitum finis & finem charitatis de ipsa ope-
ratione nostra non dolemus. Quis non videt
absurdissimum esse, quod anima fili obedientis-
simi statim post mortem corporis sui tristanda sit
ob perfectam obedientiam patri invincibiliter
existimato præstitam? Nimis manifestum est,
malum materiale, ex parte operis præcisè con-
sideratum, nullam causam tristitiæ præbere relatè
ad finem ultimum, & rectum ejus appetitum,
quidquid sit de aliis considerationibus in ordine
ad particulares affectus, nobis inexistentes. De-
mùm postquam error detectus est, & homines
sciunt illud, quod antea fecerunt, esse malum,
& secundum se Deo displicere, semper in poste-
rum illud averfantur, quia circumstantiis mutatis
non amplius repræsentatur ut antea repræsentabatur.
Sunt enim ita affecti, ut rem illam amplius
facturi non sint, ideoque rem illam secundum
se consideratam averfantur, sed actionem suam
prius positam nec culpant, nec de ejus positione
ulla ratione tristantur relatè ad rectum finis ultimi
appetitum.

Obiectio 5. 54. Ob. 5. Proprium est prudentis, *posse re-
cte consultare de iis, quæ ipsi bona sunt atque utilia,
non ex parte, sed quæ ad bene vivendam in universum,
ut expressè tradidit Aristoteles 6. Ethic. cap. 5. Qui
ergò universaliter de his omnibus rectè consultat,
est homo simpliciter prudens; qui autem de iis
universim non rectè consultat, non est simpli-
citer prudens, sed ad summum secundum quid,
in quantum scilicet, de aliquibus saltem rectè
consultare potest. Hoc ipsum Aristoteles pro-*

Officium
prudentis
quoddam
sit?

bat exemplo prudentiarum particularium hoc
modo. Cui rei argumentum illud est, quod eos,
qui circa aliquid consultant, prudentes appellamus,
cùm ad finem aliquem bonum de iis, quorum non est
ars, rectè ratiocinantur. Quare in universum quoque
non erit prudens, qui est consultatorum. Hicce de
natura prudentiæ, tam generalis & simpliciter
dictæ, quàm particularis & secundum quid, stabi-
litis, sic arguitur.

55. Prudentia particularis non versatur circa
bona & mala existimata solùm talia, sed circa bo-
na & mala reipsa talia. Certè non esset prudens
dux, qui malè aciem ad pugnam instrueret, quam-
vis ob errorem inculpabilem, illa ipsi videretur
optimè instructa. Idem videre est in aliis omni-
bus prudentiis particularibus. Ergò idem valet
in prudentia simpliciter dicta, & in universum.
Ergò prudentia locum non habet quando intel-
lectus errat circa bonum & malum; ideoque pro-
prium illius obiectum non est bonum & malum
solùm existimatum, sed bonum & malum reipsa
tale.

Prudentia
particularis
non versa-
tur nisi circa
bonum &
malum rea-
le.

56. Confirmatur. Quæ sunt bona & mala in
ordine ad finem prudentiæ militaris, aut alterius
prudentiæ particularis, talia sunt per se, ne talia
sunt, aut ullatenus alterantur per nostram exi-
stimationem. Et hæc quidem præsupponuntur
ut bona & mala per se, ac invariabilia in ordine
ad fines illos particulares. Ergò similiter in or-
dine ad finem simpliciter, aliqua sunt obiecta per
se mala, alia bona per se. Primi generis sunt
mendacium, furtum, homicidium, usura &c.
Secundi generis sunt, charitas, pax, longanimitas,
justitia, misericordia &c. Hæc obiecta non
magis transmutari possunt ab existimatione no-
stra, quàm obiecta prudentiæ particularis. Nec
mirum, quia actus specificantur ab obiectis, non
è contra; ideo enim voluntas mentiendi est
mala, quia mendacium est malum, & non è con-
tra. Ergò prudentiæ est rectè dictare de bonis
& malis simpliciter, non de bonis & malis tan-
tùm existimatis. Et hoc ipsum Philosophus aper-
tè indicat, dum dicit, prudentem dici, qui rectè
consultat de iis, quæ sibi ipsi bona sunt, non de iis
quæ existimantur; de his enim quisvis potest re-
ctè consultare.

Bonum
prudentiæ
particularis
non fit tale
per nostram
existimatio-
nem.

57. Confirmatur secundò. Si quis enutritur
in lylvis, & universim ita erraret, ut omnia mala
diceret bona, & omnia bona crederet mala, hic
non esset prudens, licet omnia exequeretur prout
judicat, sed esset stolidus & pejor ferâ. Ergò
omnes errores, etiam invincibiles, non reddunt
omnia bona mala, & omnia mala bona. Ergò
nec unus error bonum unum reddit malum, aut
malum bonum, alioquin duo errores duo mala
redderent bona, & omnes omnia. Ergò pru-
dentia non est nisi de bono & malo revera tali.
Ita Celladeus 5. 3.

Qualis esset
homo, qui
in omnibus
erraret?

58. Respondeo, omnia ex Aristotele allata
esse verissima, sed ex iis ad intentum nil prorsus
inferri. Et sanè inprimis Celladeus ipse dispari-
tatem apertam admittere tenetur, & disertè ad-
mittit tam inter prudentiam particularem & pru-
dentiam strictè dictam, quàm inter utriusque
opus; quia adeptio finis, aut remotio impedi-
menti contrariantis fini prudentiæ particularis
totaliter dependet ab ipso opere materialiter sum-
pto, sicut supra dictum est de opere & fine artis.
Unde existimatio erronea, qua Dux putat se
aciem bene instruere, cùm eam malè instruit,
non magis conducit ad impediendam victoriam
inimici, quàm si Dux conscius erroris sciens &
volens

Prudentia
particularis
imitatur ar-
tem magis,
quàm pru-
dentiam
simpliciter.

Obiectio
Celladei
repugnat i-
pſius doctri-
næ.

volens militem malè ordinaret. Atque hinc est, quòd artes omnes, & prudentiæ particulares, quæ in hoc imitantur artes, non versentur nisi circa bona & mala realiter talia, quia nulla alia consideratio juvat ad finem artis obtinendum, aut ad malum fini artis oppositum impediendum. At omnia contrario modo se habent in materia prudentiæ simpliciter dictæ, quæ solum enunciat de honestate & inhonestate nostrorum actuum: certum enim est, quod ignorantia & error invincibilis excuset à peccato, & sic tollat omnem contrarietatem operis mali cum adeptione finis. Ergò certum est, errorem & ignorantiam aliter se habere in ordine ad finem prudentiæ simpliciter dictæ, quàm in ordine ad finem artis, aut prudentiæ particularis. Ergò licet artes & prudentiæ particulares non versentur nisi circa bona & mala reipsa talia, non sequitur prudentiam simpliciter dictam non versari circa bonum & malum non reipsa, sed solum in existimatione tale.

Prudentia
quando ver-
satur circa
bonum exi-
stimatum,
nunquam
errat.

59. Cæterum si præse loquamur, prudentia præse dicta locum non habet, quando intellectus errat circa bonum & malum, quia prudentia præse dicta est virtus intellectûs; impossibile autem est, ut intellectus per virtutem suam falsum dicat, ut ex dictis constat. Ergò prudentia strictè dicta nec aberrat, nec à vero aberrare potest. Itaque in hoc Celladeus æquivocare videtur, quòd confundat obiectum, in quod prudentia tendit, cum actu ab illa elicitio. Obiectum prudentiæ in casu erroris invincibilis non est res ipsa secundum se & circumstantias illi naturaliter connexas, sed est res illa ut subſtans judicio, quo post diligentiam debitam res illa creditur honesta, aut etiam præcepta. Jam quando res illa directè considerata per judicium erroneum creditur honesta, nemo dicit, judicium illud esse actum à prudentia strictè dicta elicitum, quia actus ille est falsus, & dicit illud bonum esse, quod ex natura sua est malum, & postulat prohiberi pro omni circumstantia, pro qua propria illius natura & essentia innotescit. Itaque actus prudentiæ in hoc casu subsequitur dictum judicium, atque iterum considerat illud idem obiectum secundum alias circumstantias, nempe prout post debitam diligentiam adhibitam subſtat judicio rationabili directè dictanti, illud esse permissum vel præceptum. Jam res illa, ut subſtans huic judicio, reflexè affirmatur à prudentia, quæ dicit illud malum non esse, nec ad culpam imputari posse. Imo quando res proponitur ut obligatoria, dicit illam absque peccato omitti non posse. Quæ omnia verissima sunt etiam ex mente Celladei. Præterea verum etiam est, quod res illa in illis circumstantiis sit bona, & Deo absolute placeat hinc & nunc, ut *quæst. 3.* probatum est. Itaque quando intellectus directè errat circa bonum & malum, datur locus prudentiæ reflexæ, quæ nunquam errat circa suum obiectum. Ergò proprium obiectum prudentiæ, ad quæquæ sumptum, semper est bonum & malum reipsa tale, & non merè existimatum, licet intellectus in prævio discursu, in quem prudentia tanquam in obiectum suum parziale reflectit, à vero aberrat.

Disparitas
inter pruden-
tiam
simpliciter
& pruden-
tiam parti-
cularem.

60. Ad primam confirmationem, esto: bona & mala in ordine ad finem prudentiæ particularis, omniumque artium sint talia per se materialiter sumpta, nec ulli variationi obnoxia ob nostram existimationem; sed evidens est rem aliter se habere in ordine ad finem prudentiæ propriè dictæ, quia certum est, bona evadere mala, si existi-

mentur mala; qui enim, siue vincibiliter, siue invincibiliter, crederet misericordiam esse peccatum, peccaret utique, si clēmosynam largiretur, illamque largiendo fini adipiscendo verum & reale impedimentum apponeret; at nil simile evenit in prudentiis particularibus & artibus, quia qui bonè aciem instrueret, utique poneret medium verè illativum victoriæ, etsi ipse putaret, atque etiam intenderet, illam aciei instructionem esse sui exercitûs destructivam. Stat ergò bona & mala esse variabilia in ordine ad finem prudentiæ strictè dictæ, illamque varietatem à diuersa illorum representatione desumi; etsi concedamus quod bona & mala relatè ad finem artis & prudentiæ particularis sint invariabilia, & nullam à nostra persuasionem mutationem accipiant. Cæterum universaliter loquendo falsum est, quod malum creditum bonum nullo modo conducatur ad finem prudentiæ particularis, oppositum enim est certissimum; si enim tam dux exercitûs, quàm milites omnia ad victoriam reportandam optimè instructi existiment, ex hac ipsa persuasionem plurimum animantur ad generosè pugnandum, & validè resistendum inimicis, à quibus facilè fugerent, si scirent se ad resistendum esse malè dispositos. Ex hac porro acri pugna & generosa militum resistentia non rarè reportatur victoria, licet acies ipsa inscitè ordinata fuerit. Tantum ergò abest ut bona & mala in materia prudentiæ propriè dictæ sint inalterabilia, ut etiam in materiis prudentiarum particularium magnam alterationem ex varietate persuasionis nostræ subeant.

61. Hactenus dicta intelligenda sunt de rebus bonis & malis materialiter sumptis, de illis enim hac solum ratione acceptis verum est, quòd in ordine ad finem prudentiæ variationem subeant, quando erroneè creduntur bona vel mala. Cæterum multa sunt bona & mala, quæ invariabiliter sunt talia in ordine ad ultimum finem hominis. Sic invariabiliter malum est operari contra conscientiam, Deo certò jubenti non obtemperare. Similiter invariabiliter bonum est, Dei offensam vitare, in dubiis Dei voluntatem investigare &c. Hæc enim, & alia ejusmodi clarè exprimunt rationem formalem objectivam, nempe voluntatem Dei vetantem aut præcipientem, à qua moralitas in actus humanos derivatur. Tam clarè enim proponuntur ut bona vel mala, ut nemo, cui proponuntur, de earum veritate, nisi per summam temeritatem & animi perversitatem dubitare possit, aut illa ignorare. Jam quod ad obiecta à Celladeo proposita attinet, illa etiam aut omnia, aut pleraque sunt ejusmodi, saltem respectu plerorumque, quia rarissimè proponi possunt, quin statim voluntas Dei vetans illa mala & præcipientes ac approbans illa bona, simul sufficienter proponatur. Et hæc est unica ratio, ob quam illa obiecta rarè transmutari possint per actus nostros. Cæterum mirum est, Celladeum dicere potuisse, hæc obiecta non magis transmutabilia esse à dispositione nostra, quàm obiecta artis & prudentiæ particularis, cum loquatur in sensu composito erroris & ignorantie invincibilis, qua stantè, certum est etiam apud ipsum, mala non esse moraliter mala, nec ullum operanti detrimentum afferre, quia ignorantia talis excusat à toto. Ergò dum hoc dicit, sibi suæque sententiæ, immò & apertæ veritati contradicit.

62. Nec felicior est Celladeus in probando, quòd talia obiecta sint invariabiliter talia, ex eo quòd voluntas mentiendi ideo sit mala, quia

Error in
materia pruden-
tiæ parti-
cularis ali-
quando ju-
vat ad finem
talium pruden-
tiæ.

Sunt aliqua
bona & ma-
la quæ sunt
invariabiliter
talium.

Celladei
contradi-
ctio.

Actus non
specifican-
tur ab ob-
iecto mate-
menda-

iali secundum se considerato.

mendacium est malum, & non è contra, & quia actus specificantur ab objectis & non è contra. Reflektat parum ad hominem ex errore invincibili credentem se ad salvandam vitam proximi mentiri debere, & argumenti nullitatem videbit. Certè volitio mentiendi in tali casu non est mala, & tamen mendacium ipsum non potest non secum ferre seipsum, totamque physicam malitiam, quam habet. Ergò si hic actus specificaretur à malitia intrinseca ac prorsus inseparabili huius objecti, utique necesse foret, actum illum esse malum, alioquin actus ille separaretur à suo specificativo ac differentia essentiali, quod est prorsus impossibile. Certum ergò est, quod voluntas mentiendi non ideo sit mala, quia mendacium est reipsa malum, & secundum se naturæ rationali dissonum.

Specificatur ab objecto ut repræsentato, maxime ab objecto formali.

63. Itaque actus intellectus & voluntatis specificantur quidem ab objectis, non secundum se acceptis, sed ut repræsentatis. Sic actus evadit affirmativus, si termini repræsententur ut connexi, quamvis reipsa sibi sint contrarii. Præterea unicum, vel certè potissimum specificativum desumitur ab objecto formali, in quod actus tendit ratione ipsius, & propter quod quodammodo extenditur ad aliud. Hæc certa sunt ex Philosophia ac Theologia omnium. Et tanè doctrina hæc potissimè locum habet in voluntate, quæ, utpote potentia cæca, non fertur in objectum nisi prout illi proponitur. Unde si mendacium illi proponatur ut bonum, non potest idem actus specie prodire, qui prodit quando repræsentatur ut malum. Quod maxime verum est, quando diversa illa repræsentatio est invincibilis. Ratio est, quia actus voluntatis specificantur ab objecto formali, prout proponitur voluntati. At quando mendacium invincibiliter proponitur ut bonum & præceptum, objectum formale voluntatis est aliud, & aliter proponitur, quàm quando repræsentatur ut malum. In priori enim casu objectum formale est voluntas Dei obligans ad mentiendum, cui voluntas adhæret, & vi illius ad mendacium amaridum extenditur. In secundo verò casu objectum formale est commodum aliquod, imperio Dei mendacium verantis oppositum, cui commodum voluntas, ut inhæreat, spontè à Dei imperio se averte. Ergò necesse est, ut in istis casibus prodeant actus voluntatis specie diversi. Hæc clara sunt, & tamen doctrinæ huius tam certæ, tam claræ, tam indubitantè ab omnibus admittæ, totus Celladei contextus, universumque ejus intentum penitus adversatur.

Equivocatio Celladei.

64. Laret etiam equivocatio in illa Celladei propositione. Prudentiæ est rectè judicare de bonis & malis simpliciter, & non solum de bonis & malis existimatis, atque idipsum Philosophus indicat, dum ait, prudentem dici, qui rectè consultat de iis, quæ ipsi bona sunt, non de iis quæ existimantur, quia de his quivis potest rectè consultare. Si enim sermo sit de actibus à prudentia elicitis, propositio est vera, quia illud objectum, adæquatè sumptum, de quo prudentia enunciat, non apparet tantum, sed verissimè bonum est aut malum; si autem loquàmur de actibus præviis, quos prudentia reflexa præsupponit, ut propriam suam materiam, falsum est, quod ad prudentiam pertineat efficere, ut intellectus in illis non erret; cum enim objectum sit incertum, prudentiæ est cautè procedere, sed errorem omnem impedire in hominis potestate non est, ut patet. Prudentia.

R. P. A. Terilli, Regula Morum. Pars. I I.

dentia ergò directæ dicat de bonis & malis simpliciter, ubi bonum & malum certè cognosci potest. At ubi veritas invincibiliter later, & certè cognosci nequit, non est prudentiæ de talibus objectis judicare ut sunt in se, sed opus est prudentiæ reflexæ, quæ novam consultationem instituit, atque de illis ut existimatis enunciat; de illis enim sic acceptis verissimè dicat, quod sint conformia appetitui recto, & consequenter honesta.

65. Falsum etiam est, quod dicit, quemvis possit rectè consultare de bonis & malis existimatis, cum oppositum sit manifestum. Plurimi enim discursus reflexi, in se valde difficiles, præmitti debent, ut sciamus quid in tali casu ob conscientiam formatam liceat. Nominatim qualitas iudicii directi, ejusque certa probabilitas sciri debet, ut postea per principia reflexa, tandem veniamus ad certum dictamen de honestate operationis. At quis non videt, hæc esse non minùs difficilia, quàm dictamina prudentiæ directæ, quando illa certè & evidenter enunciat de objectis secundum se. Ecce quoad hoc non est disparitas inter consultationem de rebus in se & de rebus existimatis, imò potior difficultas reperitur in consultatione de rebus existimatis, quia antequam veniamus ad consultationem reflexam, præmitti debet consultatio de rebus ipsis. Post eam autem consultationem conclusam, adhuc opus est nova consultatione de qualitate prioris discursus, & sic demùm, eà etiam peractâ, intellectus, recurrendo ad principia synderesis reflexa, per prudentiam reflexam format dictamen certum de honestate operationis.

66. Ad secundam confirmationem dico, suppositionem, ex qua procedit, esse naturaliter impossibile, quia multa sunt adeo patenter bona, alia tam evidenter mala, ut nemo sui compos possit de illis dubitare, & multò minùs eadem invincibiliter ignorare. Ergò argumentum procedit de subiecto non supponente: sed esto, admittatur suppositio, ex illa admissa, nil eorum, quæ Celladeus infert, sed opposita omnia deducuntur. Inprimis talis homo esset prudens, & prudentissimus, si in omnibus suæ conscientiæ se conformaret, quamvis enim in iudiciis directis erraret, & consequenter prudentia illos non eliceret, adhuc tamen prudens esset, quia in iudiciis reflexis verum certè diceret, quia per ea ferretur in suam operationem, atque in objecta existimata, tanquam in res appetitui recto conformes. In hoc autem certè proponendo ratio prudentiæ consistit.

67. Præterea homo in illa suppositione tam benè se gereret in omnibus, ut melius se gerere non posset. Idem in omnibus omne peccatum & peccati umbram vitaret. Ergò haud dubiè benè faceret, & laudem singularem mereretur, qualem certè meretur, qui cum possit peccare & ad peccatum stimuletur, à peccato tamen abstinet, ne Deum offendant, facitque quantum scit & potest, ut illi placeat. Nonne ratio dicat, Deum, qui cor intuetur, in tali homine multum sibi complaciturum? Ergò talis homo non esset stolidus & pejor ferâ, quia qui peccatum liberè vitat, facitque quantum potest, ut Deo fideliter serviat, non est stolidus & pejor ferâ, sed est simpliciter prudens & valde laudabilis. Talis esset iste. Unde è contrariò sic arguo. Error invincibilis de omnibus bonis & malis secundum se acceptis, si daretur, omnis mala

Rectè consultare de bonis existimatis est difficile.

Absurdè Celladei suppositio.

Qui in omnibus invincibiliter erraret, bonè faceret, si suam conscientiam sequeretur.

mala redderet bona, & omnia bona similiter mala. Ergo error invincibilis de uno vel pluribus, qui de facto datur, mutat illa, & bona reddit mala, & mala bona. Ergo prudentia, quæ ad omne bonum opus præsupponitur, sapè versatur circa bonum & malum merè existimatum, seu repræsentatum per cognitiones directas erroneas.

Idem probatur ex sacra scriptura.

68. Confirmatur ex verbis Christi *Matthæi 7. 19. Omnis arbor quæ non facit fructum bonum excidetur & in ignem mittitur*, id est, omnis homo, libero utens arbitrio, damnabitur, nisi bonum operatus fuerit. At certum est hominem, de quo objectio procedit, non esse damnandum, quia in nullo peccaret. Ergo homo ille bonum faceret. Ergo voluntas conformis rationi invincibiliter erranti est bona. Idem autem docetur ab August. *lib. de utilit. credendi cap. 12.* ut non semel vidimus in superioribus. Ergo Celladeus in omni apice suæ illationis fallitur, veritatisque ipsi, ac S. Augustino repugnat.

Voluntas conformis rationi non est erronea, si est recta, nec rectificatione indiget.

69. Ratio à priori est, quia tunc homo bonus est, quando habet intellectum & voluntatem benè dispositam in ordine ad finem ultimum. Hoc posito, quod negari nequit, sic arguo. Intellectus hominis in casu allato esset quidem malè dispositus in ordine ad verum ipsum directè repræsentatum, nec aliam rectitudinem logicam haberet circa objecta, quàm reflexam; per eam enim verissimè enunciaret de objectis existimatis. Sed voluntas illius optimè disposita esset in ordine ad omnem honestatem, cum omne bonum repræsentatum amaret, & omne malum repræsentatum odio haberet. Et sanè ita esset disposita voluntas, ut aliis habitibus ac dispositionibus non indigeret, quia si intellectus rectificaretur, nullà alià rectificatione opus esset pro voluntate; illa enim statim magnà facilitate amplecteretur ea, quæ antea repudiabat, quia jam propone-

rentur ut bona, quæ antea credebantur esse mala. E contrario expedivissimè responderet, quæ antea amabat, quia jam sciret illa esse mala, quæ prius bona esse credebatur. Ergo voluntas illa optimis habitibus esset instructa, nec ex parte sui rectificatione indigeret. Sic voluntas amante suam vitam ex parte sui est sufficienter benè disposita ad respondendum cibum verè venenatum, quem ex errore avidè cupiebat tanquam sanitati proficuum. Detecto enim errore, absque difficultate, immò magna cum libertate & facilitate cibus ille respuitur, quia motivum, quod per se diligitur, illi amplius non applicatur. Ergo nulla rectitudo deest in tali voluntate, ut sanitati congrua eligat, sed totus defectus se tenet ex parte intellectus, qui si rectificetur, omnia benè se habent.

70. Jam cum bonum & malum morale in solis actibus voluntatis consistat, eò quòd illi soli sint liberi & voluntarii, unque necesse est actum illum esse bonum qui à voluntate benè disposita procedit. At, in casu objectionis, omnes actus liberi talis hominis procederent à voluntate benè disposita, esset nique proprii effectus talis dispositionis habitualis. Ergo essent actus boni; quia effectus imitatur causam proximam, à qua procedit, & in qua directè ac proximè continetur. Præterea tales actus procederent à prudentia recta. Ergo non possent non esse recti ac laudabiles. Certè nos non possemus non amare hominem taliter affectum erga nos, quamvis invincibiliter erraret circa res nobis gratas, faceretque ea, quæ aliquid nocuementi afferrent, modò omnem industriam ad nobis placendum adhibuisset. Cor enim sincerè amicum semper placet. Hoc multò magis locum habet in Deo, qui nil commodi aut incommodi à nostris operibus recipit, quique proinde non opus ipsum sed affectum & cor, quo opus fit, respicit.

Opus procedens à voluntate rectè disposita est bonum.

QUÆSTIO QUADRAGESIMA- SECUNDA.

Virum possimus esse certiores quòd non peccemus, quàm quòd non ponamus opus reipsa vetitum per legem?

1. **N**UNQUAM credidissem, Theologum universaliter asserere potuisse, homines in nullo unquam casu esse posse certiores, quòd formaliter ac imputabiliter non peccent, quàm quòd non ponant opus materialiter malum, seu aliqua Dei lege prohibitum, nisi vidissem Celladeum *lib. 3. quæst. 6.* omnimodò conari ad hoc Lectori persuadendum. Non, inquam, id unquam credidissem, quia oppositum adeo perspicuum est, ut omnibus naturæ lumine videatur esse notorium, nec quemquam latere possit, qui vel mediocrem attentionem adhibuerit, ut mox ostendam, sit ergo.

ASSERTIO UNICA.

Sapè contingit, homines majori firmitate credere, quòd imputabiliter non peccent, quàm credant, quòd non peccent materialiter.

2. **P**ROBATUR manifestissimis exemplis. In primis conjux dubia de valore sui matrimonii, licet redere potest debitum conjugale, sed illud licet exigere non potest, quia hoc expressè traditur in sacris canonibus *cap. inquisitioni de sentent. excom. & cap. Dominus de secundis nuptiis*, in quibus Pontifices id apertè declarant. Rursus omnes etiam Theologi id ipsum expressè tradunt; nec sum, qui putem Celladeum negaturum veritatem tam certam & contestatam. Hoc posito sic.

Homines sapè certiores sunt, se non peccare formaliter, quàm se non peccare materialiter.

fic. Uxor dubia de valore matrimonii, instructa doctrinâ in citatis capitibus contentâ, atque communi Theologorum auctoritate confisa, certa est se non peccare reddendo debitum. At certa non est, quod copula in se non sit materialiter mala & fornicaria, ac aliqua saltem lege universali prohibita; imò de hoc est dubia, nec potest dubium deponere, ut suppono, quia post omnem diligentiam adhibitam, res manet dubia. Ergo talis uxor certior est, se non peccare formaliter ac imputabiliter, quàm sit se non peccare materialiter, aut non ponere opus ulla lege, saltem universali, prohibitum. Rursus argumentum valet, etsi dicas persuasionem in citatis capitibus Auctorumque consensu fundatam non esse certam, sed solum probabilem; quia saltem uxor probabilitatem habebit, quod non peccet formaliter, reddendo debitum. At probabilitatem non habet quod non peccet materialiter, imò ad talem probabilitatem nullo industriâ pervenire potest. Ergo magis scit se non peccare formaliter, quàm sciat se non peccare & errare materialiter.

Aliud exemplum probans id ipsum.

3. Rursus Judex, qui post omnem diligentiam præm istam invenit reum legitimè convictum, certus est se non peccare illum condemnando; maximè si nulla reperiri potuit ratio probabiliter reum excusans. Atqui non est certus; se tunc non condemnare innocentem, quia bene novit, testes aliquando esse corruptos & fallum dicere; etiam quando homo legitimè convincitur esse reus. Ergo certior est, se non peccare formaliter, quàm non condemnare innocentem, seu non peccare materialiter. Major est evidens lumine naturæ; nec evidens tantùm est iudici, sed etiam evidens illi est, quod hi & nunc non possit aliter vitare peccatum formale; quàm condemnando hominem taliter convictum, etsi sic operando exponat se alicui saltem periculo occidendi innocentem, & committendi peccatum materiale. Minor est evidens non solum ex natura rei, inspectâ fallibilitate ac malitiâ hominum, sed etiam per ipsam experientiam tam certò innotescit, ut impossibile sit hominem rerum peritum habere dubium de opposito. Consequentia legitimè deducitur, totamque Celladei machinam evertit.

Alia exempla pro confirmatione ejusdem rei.

4. Similia exempla quamplurima sunt obvia. Filii certiores sunt se non peccare formaliter exhibendo obedientiam parentibus existimatis, eamque aliis omnibus negando, quàm quod non errent in illo suo iudicio & materialiter peccent; quia bene sciunt se non peccare coram Deo, quamvis præter spem & opinionem decipiantur; evidens enim est illorum ignorantiam & errorem, si errent, esse invincibilem. Idem omnes tradunt de Religioso subdito, qui in incertis obedire debet: certius enim cognoscit se non peccare obediendo, quàm sciat superiorem suum materialiter iustum præcipere. Idem dico de possessore bonæ fidei, cujus conditio in dubio ac pari causâ est melior quàm conditio non possidentis. Hic enim in omnium ferè sententiâ licet retinet rem possessam, adeo ut sit quodammodo moraliter certus, se per hoc non peccare. At tantam probabilitatem non habet, quod alienum non possideat, cum de hoc dubitetur, & causa utriusque partis quoad jus præteritum ponatur esse par. Alia innumera exempla sunt obvia, de quibus in antecedentibus tacta est, & in sequentibus mentio fiet.

Ratio à priori idem.

5. Probatur secundò à priori ex principiis B. P. A. Terilli, Regula Morum PARS II.

certis ab ipso etiam Celladeo admittis. Quoties possumus præbani. certificamur ea omnia adesse, quæ, si sint, certò excusant à peccato, toties certificamur, æquidnem excusari, & ad peccatum imputari non posse. Ergo quoties certificamur, nos esse in ignorantia invincibili legis vetantis actionem, quam ponimus, quamque certò invincibiliter credimus esse honestam, toties certificamur, nos non peccare formaliter illam ponendo, quia certificamur, quod adsit causa certò excusans illam à peccato per se imputabili. Atqui sæpè certificamur, quod veritas invincibiliter lateat, quodque si erremus, invincibiliter erremus circa rem, quam post omnem diligentiam adhibitam non possumus absque temeritate non reputare veram & honestam, ut videre est in iudice condemnante innocentem legitimè convictum, & aliis ejusmodi casibus; certus enim est, veritatem, si erret, invincibiliter ipsum latere, seque citra temeritatem non posse reputare hominem illum non esse reum & honestè condemnabilem. Ergo in tali casu Judex certificatur quod non peccet formaliter; non tamen certificatur quod non peccet materialiter, cum de hoc haberi non possit certitudo, ut patet; imò quod dolendum est, nimis frequenter contingit homines innoxios hac ratione condemnari.

6. Argumentum hoc evidentissimum locum habet in eo, qui post diligentiam adhibitam restituit inventum illi; qui omnia signa requisita affert, ut res credatur esse ipsius; maximè si diu expectat vitæ, & publice multis in locis tam in concionibus quàm in foris declaraverit, se tale inventum habere, & cupere illud Domino reddere. Jam si nemo præter illum unum accedat, aut signa dare possit, certus est se non peccare dando illi rem; & tamen certus non est, quod rem verò Domino restituat, aut de illa juxta veritatem Domini voluntatem disponat. Ergo certior est se non peccare formaliter, quàm certus sit, se non peccare materialiter; quæ adeo manifesta sunt, ut mirum sit, quemquam de illis dubitare potuisse.

Aliud exemplum efficacissimum.

SOLVUNTUR OBJECTIONES.

7. **O**BJECTIONES primò. Conscientia est quidem proxima humanorum actuum regula, sed solum secundaria & subordinata, in quantum scilicet proponit legem seu voluntatem Dei, quæ est prima regula moralitatis. Itaque in tantum conscientia obligat vel deobligat, in quantum dicat, Deum jubere vel non jubere. Si dicat Deum jubere, erit regula obligans; si verò dicat Deum permittere, erit regula deobligans; nisi vincibiliter erret, & teneamur eam deponere. Ergo in tantum quis scire potest, se in aliquo suo actu non peccare, in quantum scit, & sicut scit actum illum non esse reipsâ contra legem Dei. Ergo in tantum scire potest, se non incurrere malitiam formalem, in quantum scit se non incurrere malitiam materiale, seu verè non operari contra legem Dei. Ita Celladeus quæst. 6. § 1.

Respondet in primis, contrarium aperte scilicet qui ex his, quæ Celladeus admittit in argumento; admittit enim, quod conscientia dictans contrarium non esse à Deo præceptum sit regula verè deobligans, nisi sit vincibiliter erronea, & eam deponere teneamur. At sæpè scimus nos invincibiliter errare, si erremus, simulque scimus nos non obligari ad iudicium illud deponendum.

Principia Celladei repugnant ejus doctrinæ.

D 2

Ergo

Ergo tunc reflexè certò scimus conscientiam verè deobligare. Ergò certò scimus, nos non peccare formaliter, quando non certificamur quòd non peccemus materialiter. Ergò principia à Celladeo admitta repugnant intento objectionis.

Major certitudo reflexa unius certior?

8. Porro ut vim responsionis meliùs intelligas, sic arguo. Possum reflexè esse certior, quòd non peccaverim formaliter in operatione præterita, quàm eram directè, quòd non peccarem materialiter, dum conscientia dictabat me non peccare. Ratio est evidens, quia postea certificari possum ex divina revelatione, aut etiam aliundè, quòd aut non erraverim in iudicio directò, aut certè quòd invincibiliter erraverim, & consequenter quòd non peccaverim formaliter, sed excusatus fuerim; tametsi conscientia directè formata non solùm non certificabat me, quòd non peccarem materialiter, sed etiam falsò dictabat, me non peccare. Ergò similiter possum reflexè certificari me non peccare, dum sequor conscientiam directam non certam, quia fieri potest, ut vel non errem, vel saltem invincibiliter errem. Deus autem revelare potest veritatem hanc, aut ego etiam eam aliunde scire possum, quia nil est, quòd magis excludit hanc reflexam certitudinem pro instanti operationis, quàm pro tempore præterito, ut patet. Ergò ex consideratione reflexa fieri potest, ut certior sim, me non peccare formaliter sequendo conscientiam directè constitutam, quàm quòd conscientia directà non erret, & quòd non peccem ne quidem materialiter.

Argumentum solvitur directè.

9. Respondeo secundò, legem Dei dupliciter considerari posse, primò prout est à parte rei independentem ab eo, quòd mihi applicetur vel non applicetur; secundò prout mihi applicatur & respectu mei vim obligandi exerit. De hac duplici consideratione legis nemo dubitare potest; certum enim est unam separari posse ab altera, cum lex existere possit, etsi mihi sufficienter non applicetur, eò quòd invincibiliter me lateat: hoc posito, distinguo primum consequens argumenti: In tantum quis scire potest se non peccare in aliquo suo actu, in quantum scit illam non esse reipsà contra legem Dei sufficienter applicatam & arctantem, concedo: in quantum scit, illam non esse contra ullam omnino legem Dei, saltem latentem & non applicatam, nego primam consequentiam & omnia inde deducta; quia si sciam legem non esse sufficienter applicatam, sed invincibiliter latere, etsi fortè præter meam opinionem existat, utique scio etiam me in illo actu non peccare; nec tamen ideo certificor, actum meum non esse contra legem Dei invincibiliter latentem. At totum hoc sapè scitur, ut dictum est. Ergò homo sapè certior est de non peccato formali, quàm de non peccato materiali.

Respondeo tertio, hætenus dicta locum habere respectu conscientie directè constitutæ; sed si loquamur de ultimo conscientie dictamine, quòd homo format, quando sequitur opinionem certò probabilem, illud semper verissimè dictat, legem Dei permittentem, obligantem, aut prohibentem adesse, ideoque est regula verissima, quæ nunquam fallit.

Celladei contradictio.

10. Demùm observo Celladeum hinc apertè contradicere iis, quæ tradit in prologo *quæst. 9. Appendicu.* Ibi enim expressè negat, conscientiam etiam invincibiliter errantem, esse regulam operandi; hic verò expressè fatetur, eam esse regulam

nos ad nihil obligantem, si inimet contractum neque præceptum esse neque prohibitum. Hac ita, nisi erret conscientia, & teneamur ad eam deponendam. At non tenemur deponere conscientiam invincibiliter erroneam. Ergò illa est regula verè deobligans. Ergò Celladeus apertè sibi contradicit.

11. Ob. 2. Nemo sanæ mentis formare potest huiusmodi iudicia in sua conscientia, siue hic contractus sit, siue non sit malus, & à Deo prohibitus, ego illum faciendo non pecco. Etsi hic contractus sit contra legem Dei, ego tamen eum celebrando non pecco. Licet nesciam an reipsà operer contra legem Dei, scio tamen me non peccare. At si possemus esse certi de non peccato, etsi nesciremus an ageremus contra legem Dei, conscientia formari posset modis dictis. Ergò talis certitudo haberi non potest.

Obiectio 1.

Confirmatur: Quis non videt, nos teneri ad inspiciendum, & ad formandum dictamen conscientie, quòd opus à nobis ponendum non sit contra legem Dei? sanè qui hoc negaret, reipsà diceret, *Regula mea non est lex Dei*; si enim est regula, teneris juxta illam operari, & inprimis de illa formare dictamen. Ergò non potes esse certior quòd non pecces, quàm quòd non agas contra legem. Ita Celladeus §. 1.

Respondeo inprimis, & peto à Celladeo, an ego in multis casibus non possim cum veritate de al quo contractu dicere, siue hic contractus reipsa sit, siue non sit contra legem Dei, Petrus illum celebrando non peccat. Si neget, nullus est; quia evidens est, illud toties cum veritate affirmari, quoties Petrus invincibiliter ignorat legem, quæ contractus ille veratur. Et Deus hoc dicit, quoties in ejusmodi casibus sequimur conscientiam invincibiliter ignorantem, aut errantem, ut patet. Si concedat, ut concedere debet, ipse teneatur suum argumentum solvere; quia non est cur illæ propositiones ab ipso operante cum veritate affirmari non possint, si easdem de tertio aliquo formare possimus; fieri enim poterit, ut operans ipse sit in eisdem circumstantiis, quando hoc de se affirmat, ac est ille tertius, quando talis propositio de illo affirmatur ab aliis.

Retorquetur obiectio.

12. Respondeo secundò directè, & dico, Respondeo: propositiones illas in sensu obvio, quem præ se ferunt, esse absurdas, nec ab ullo homine sanæ mentis formari posse; significant enim contemptum Dei, legisque divinæ, quia exprimunt, hominem in id solum ferri, quòd ipsi placet, nec curare, an illud sit vel non sit vetitum à Deo, sed se paratum esse suam voluntatem explere, etsi Deus actionem illam prohibeat. Hic autem est manifestus neglectus & contemptus Dei. Præterea sensus obvius istarum propositionum aut procedit de lege Dei patente seu applicatâ, aut certè æqualiter se habet ad legem patentem seu applicatam, & ad latentem seu non applicatam; in utroque autem sensu absurdæ sunt, quia manifestum Dei contemptum exprimunt, atque ideo ne quidem de tertia persona affirmari possunt cum veritate. At si sermo sit de lege Dei latente seu non applicatâ, propositiones illæ veræ sunt, ideoque cum veritate dicere possumus, *Non pecco celebrando hunc contractum, quia post omnem diligentiam adhibitam invenio illum esse licitum, quamvis fortasse in hoc errem, & detur lex me latens, mihi hæc non applicata, contra quam præter intentionem facio; sed quia certum est, quòd lex ista, si detur, invincibiliter lateat, certum quoque est, quòd ejus trans-*

In quo sensu suam veram sit, scio me non peccare, quamvis fortè materialiter peccem.

transgressio ad peccatum mihi imputari non possit. Hoc modo Iudex format conscientiam, quando condemnat innocentem, reum convictum, & possessor bonae fidei, quando retinet res possessas, maxime quando nullum habet fundamentum dubitandi, an illae ad alium pertineant, quamvis certus non sit se in hoc non decipi, cum saepe haeredes adeant bona, quae ad testatorem verè non pertinebant. Et tamen certus est, se non peccare formaliter. Idem valet in innumeris casibus ejusmodi, ut patet.

Solvitur
confirmatio.

13. Eadem responsio evidenter solvit confirmationem. Tenemur enim semper ad inspicendum, quantum humano modo possumus, an opus sit contra legem Dei, ideoque tenemur etiam formare dictamen, aut quod opus non sit contra ullam Dei legem, eò quod post debitam diligentiam credamus. Deum illud non vetuisse, aut certe quod opus illud in his saltem circumstantiis non sit vetitum, etsi fortassis in aliis prohibeatur. Priori modo formamus conscientiam, quando directè consideramus rem secundum se ipsam, quia tunc non est alia via debitè formandi conscientiam, ut patet. Secundo modo formamus conscientiam, quando adsunt circum-

Qui certus
est de non
peccato,
certus est se
non trans-
gredi legem
patentem,
sed nescit
an faciat
contra le-
gem laten-
tem.

stantiae multum alterantes directam rei considerationem; tunc enim per principia reflexa formamus conscientiam, & dicimus rem in illis circumstantiis non esse prohibitam, etsi in aliis etiam certò prohibeatur. Hoc modo uxor, dubia de valore matrimonii, licet reddat debitum conjugale, quod tamen ex vi dubii licet exigere non potest; quia perseverantia talis dubii, maxime post debitam diligentiam adhibitam, & petitio debiti à consorte, sunt circumstantiae honestantes redditionem debiti, ne fortè petens fraudetur jure suo; quamvis solum dubium non honestet spontaneam debiti petitionem. Ceterum in hoc & in omni alio casu, prima conscientiae formandae regula est voluntas Dei, sed patens & applicata, non latens & non applicata. Quod si loquamur de lege patente & applicata, ultro fatemur nos non esse certiores quod non peccemus, quam quod non operemur contra talem legem; quod tamen aperte falsum est, si sermo sit de lege latente & non urgente, quia non sufficienter applicatur.

Obiectio 3. 14. Ob. 3. Materialis malitia transit in formalem, quando est voluntaria. Atqui malitia materialis est voluntaria in casu allato secundae objectionis, quia praevideatur fortè secutura, & hoc non obstante amatur. Ergo in tali casu materialis malitia est inseparabilis à formali, & consequenter non possumus esse certiores de carentia malitiae formalis, quam de remotione malitiae materialis. Ita Celladeus ibidem.

Responsio. Respondeo majorem non habere locum, nisi sermo sit de materiali malitia, quae aut actu cognoscitur esse talis, aut potuit ac debuit cognosci; in tali enim casu malitia illa materialis est voluntaria, & consequenter transit in formalem. At quando malitia materialis adeo insuperabiliter latet, ut nec possit nec debeat à nobis cognosci, tunc malitia illa materialis, quae talis, non est voluntaria, quia nec scitur, nec sciri potuit aut debuit; & consequenter non amatur sub ullo conceptu mali, sed solum sub ratione boni. Itaque licet entitas illa secundum alia praedicata nota sit & amata, & consequenter voluntaria, non tamen est voluntaria in ratione mali, adeoque illius prosecutio ad peccatum imputari non potest. Majori sic declarata, dico minorem esse

R. P. A. Terilli, Regula Morum PARS II.

falsissimam, si propositiones illae explicentur secundum distinctionem allatam in responsione ad secundum; sicut enim lex saepe latet & non est applicata, etsi re ipsa aliquando existat, ita pariter malitia materialis, quae malitia est, latet & non est applicata, quia malitia materialis, quae talis, est correlativum proprium legis prohibentis, nec habet aut habere potest veram rationem malitiae, nisi prout refertur ad legem, quae aut scitur, aut sciri potuit & debuit; hoc enim dempto, nullus est locus pro vera malitia morali, ut patet. Ergo malitia sub conceptu malitiae, & lex pari passu latent & patent. Atqui nos loquimur pro casu, in quo tam lex quam malitia invincibiliter latent. Ergo tunc nec malitia nec legis violatio est voluntaria, quia neutra scitur. Itaque consequentia est patenter nulla.

15. At inquires, jam dictum est, quod saepe praevideamus malum, ac violationem alicujus legis fortè secuturam, quia vir sapiens non potest non illud praevidere. Et tamen illud volumus. Ergo malum & violatio sunt voluntaria; & consequenter malum formale non separatur à materiali.

Replend.

Respondeo, nos quidem saepe praevidere fieri posse, ut detur lex latens & non applicata, quando putamus rem, quam facimus, nulla lege esse prohibitam; verum in eo casu etsi lex aliquo modo apprehendatur sub nomine legis, non tamen sufficienter applicatur, sed ita latet, ut vim nullam obligandi exerere possit, ideoque non est lex quoad nos, sed perinde se habet, ac si non existeret, quidquid sit an respectu aliquorum patet, & vim suam exerat. Et quia hoc certò nobis innotescit, ideo certi sumus, nos non transgredi ullam legem nos obligantem, seu non peccare formaliter, etsi ignoremus, an subjectum illud aliqua lege latente & non applicata prohibeatur. Porro lex non obligans propriè loquendo non violatur, quia omnis propria violatio supponit legem obligantem, ut patet. Itaque in tali casu nulla datur vera transgressio aut violatio legis. Ceterum, malum non est ponere actionem, de qua non constat illam non esse prohibitam lege latente, modò operans invincibiliter existimet, nullam dari ejusmodi legem, quia in tali casu ne quidè materialis legis violatio aut mali materialis positio est imputabilis ac voluntaria; lex enim in tali casu per iudicium conscientiae nec proponitur, nec proponi debet voluntati tanquam res existens, sed tanquam non existens; ideoque voluntas non amat eam transgressionem, sed ex suppositione quod non sit, amat bonitatem, quam intellectus proponit, & fertur in obiectum quatenus proponitur non esse prohibitum, seu lege ullà interdictum.

Solutio.

Praevide-
re periculum
violationis
materialis;
an reddat
violationem
voluntariam?

16. Praeterea in his omnibus, lex, quae dicitur materialiter violari, relatè ad operantem est solum lex grammaticaliter sumpta, cum eum instar legis non arceat. Ideo nec malum, nec prohibitum est velle eligere obiectum, quod fortè repugnat tali legi, maxime quando post omnem diligentiam adhibitam, nulla prorsus invenitur ratio ad existimandum, quod ejusmodi lex existat; quia tunc notum est, quod nemo ob periculum faciendi contra legem taliter latentem obligetur ad abstinendum ab opere, quod ita invincibiliter credit esse bonum, ut non possit rationabiliter existimare illud esse malum. Quae omnia à fortiori vera sunt, quando error invincibilis proponit obiectum malum, non solum ut bonum, sed etiam ut praceptum, ut quando maritus

Lex mate-
rialiter ran-
tium viola-
ta, non est
lex nisi gram-
maticaliter
dicta.

D 3

postulat

postulat debitum à conjuge, quæ ob impedimentum prorsus latens verè non est sua conjux; tunc enim redditio debiti invincibiliter proponitur ut præcepta, etsi fortè sit materialiter mala, & in tali casu certum est, conjugem reddentem debitum non peccare, quia nullâ ratione potest se subtrahere ab onere reddendi debitum, nec tamen certa est, se materialem fornicationem non ponere. Neque illa reddendo debitum ullam legem violat aut contemnit, ut patet, sed solum obedit legi præcipienti ut debitum reddat.

Operans ex errore invincibili nullam omnino legem transgreditur.

17. Demùm in casibus ejusmodi certum est, nullam dari legem prohibentem opus in talibus circumstantiis, etsi judicium directum, quo res creditur esse simpliciter bona, per accidens & præter intentionem operantis sit falsum. Unde qui se accingit ad operandum in talibus circumstantiis, certus est se non peccare, quia certus est se nullam legem violare, etsi non sit certus objectum à se positum, in aliis circumstantiis non esse prohibitum. Non enim peccat violando illam legem, quia non versatur in illis circumstantiis, ad quas solas lex illa extenditur; ideoque illam non contemnit, quippe quæ non aliter contemnitur, quàm quia in circumstantiis, pro quibus obligat, despicitur & violatur. Hæc omnia fusè prosecutus sum in tract. de consc. prob. multis in locis, ideoque non est amplius illis inhærendum. Ex quibus iterum manifestè infertur, nos per principia reflexa sæpè certificari de non peccato in istis circumstantiis, tamen non certicemur, objectum materiale, in quod ferimur, non esse vetitum in aliis saltem circumstantiis, id est, sæpè certi sumus de absentia peccati formalis, etsi certi non simus, nos materialiter malum non facere; quod ideo signanter dico, ut habeam occasionem respondendi argumento, quod Celladeus in fine hujus quæst. proponit contra certitudinem reflexam hoc modo.

Objeção 4.

18. Ob. 4. Veritas cognitionum reflexarum pendet à veritate directarum; veritas autem directarum pendet ab objecto, quippe quod est mensura actuum. Ergò veritas reflexarum dependet ab objecto directarum; quia directæ non resolvuntur per reflexas, sed è contra reflexæ per directas. Ergò si directæ non sint veræ, neque reflexæ veræ erunt. Rem exemplo declaro. Si quis dicat, ego benè syllogizo, ut verum dicat, necesse est, syllogismum non per hanc reflexam cognitionem, sed aliunde ex suo objecto directo & regulis directis esse rectum; nisi enim directæ illæ regulæ essent rectæ, reflexæ illæ nil significarent. Idem valet in conscientia. Ergò nemo per reflexam considerationem potest esse certior quòd non peccet, quàm est per conscientiam directè constitutam. At per directam nemo est certior de remotione malitiæ formalis, quàm materialis. Ergò neque per reflexam. Ita Celladeus in fine §. 2.

Alique cognitiones reflexæ sunt veræ, quavis cognitiones directæ

Respondeo. Veritas cognitionum reflexarum dependet quidem à veritate directarum, quando vel formaliter vel æquivalenter affirmant directas esse veras; quia tunc veritas directarum, aut aliquid essentialiter connexum cum veritate illa-

rum, est objectum actuum reflexorum. At si cognitiones reflexæ non affirmant veritatem directarum, sed alia prædicata cum illarum veritate non necessariò connexa, possunt esse veræ, licet cognitiones directæ sint falsæ; quia objectum, quod enunciant, separari potest à veritate cognitionum directarum. Sic per actum reflexum verè affirmo, me habere judicium directum; quod post omnem diligentiam non nisi temerè suspendi potest; quodque proinde aut est absolute verum, aut si sit erroneum, est invincibiliter tale. Ratio est, quia ista prædicata separari possunt à veritate judicii directi, ut evidens est in exemplo judicis condemnantis innocentem legitime convictum, & aliis plurimis, quæ supra attulimus. At reflexæ cognitiones, quas nos adhibemus ad conscientiam ope principiorum synderesis reflexorum formandam, affirmant aut dicta prædicta, aut alia, quæ à veritate directarum non dependent, ut patet, tum ex allatis exemplis, tum ex iis, quæ sparsim hic, & fusius in tract. de consc. prob. prosecuti sumus. Ergò veritas illarum æquè subsistit, quando cognitiones directæ sunt falsæ, ac quando sunt veræ. Hoc posito, exempla Celladei sunt prorsus incongrua, quia procedunt de cognitionibus reflexis, quæ affirmant directas esse veras, cum nos citra controversiam loquamur de illis tantum, quæ affirmant prædicata separabilia à veritate cognitionum directarum.

19. Porro simile argumentum quæst. superiore Doctrina allatum & solutum fuit, ubi ostendimus diversitatem inter has reflexas in ordine ad formandam conscientiam, & alias quæ spectant ad artes & artium objecta. Si enim error sit in objecto materiali artis, illud semper eodem modo se habet, quomodocumque tandem ego judicem illud se aliter habere; quia nulla mea cognitio, sive vincibiliter sive invincibiliter erronea, impedire potest ullam partem defectus in objecto, ac proinde nulla mea cognitio est circumstantia, per cujus accessionem malum illud physicum aut auferatur, aut minuat. At aliter se res habent in conscientia; illa enim, quando est erronea, aut minuit, aut aufert malitiam ab objecto, circa quod versatur. Error enim, etiam vincibilis, nisi sit affectatus, minuit malitiam. Si autem error sit invincibilis, omnem prorsus malitiam moralem abstergit. Ergò errores conscientie sunt circumstantiæ adjacentes objecto, quæ modò minuunt, modò ab illis auferunt omnem malitiam moralem. Ergò si circumstantiæ istiusmodi reflexè cognoscantur, seu si objectum reflexè consideretur prout illis substat, cognitio reflexè dicens, objectum in talibus circumstantiis positum non esse malum, erit vera, quamvis cognitio directa sit falsa. Imò si circumstantiæ illæ certò & infallibiliter cognoscantur (ut cognoscuntur sæpissimè) poterimus certò & infallibiliter scire, nos in tali casu non peccare formaliter, etsi cognitio directa sit falsa, & reipsa contingat nos peccare materialiter. Ecce quàm invalidæ & nullæ sunt rationes, quibus Celladeus singularem hanc suam opinionem stabilire conatur.

QUÆ.

QUAESTIO QUADRAGESIMA- TERTIA.

*Virum rationabiliter & cum veritate dicantur leges non esse sufficien-
ter promulgatae, quando probabile est, rem controversam
non esse prohibitam?*

1. **D**E hac re fusè egitum hinc *quest. 2. à num. 45. tum in tract. de conse. prob. quest. 23. à num. 14. usque ad 27. ubi ostendi, nullam legem esse sufficienter promulgatam seu applicatam, ut obliget ad illud, quod probabiliter non comprehenditur sub lege. Porro quia lex non satis promulgata non obligat, abique dubio ex hac reflexa legum consideratione validissimum desumitur argumentum, quòd usus probabilium sit licitus, quòdque ex hoc ipso capite scire possimus, nos non peccare formaliter, quando haud scimus, an materialiter peccemus. Nec hoc Celladeum fugit, quia propterea lib. 3. quest. 8. conatur ostendere, nullum ex hoc titulo aut benignae sententiae comprobandae, aut suae opinioni de inseparabilitate certitudinis peccati materialis à formali impugnandae argumentum desumi posse. Hanc occasione argumentum quoddam Cardinalis Pallavicini examinat, & ut putat validè refellit; sed in omnibus à veritate aberrat, & alicubi edusque deflectit, ut mirum sanè videatur, Theologum doctum & acutum in cogitationes adeò à veritate remotas incidere potuisse. Hæc ut consent, sit.*

ASSERTIO UNICA.

Quoties post diligens veritatis examen gravissimè probique Auctores abeunt in contrarias sententias de existentia vel obligatione legis, toties lex illa non habet vim obligandi, nec obligat quemquam ex defectu sufficientis promulgationis.

Lex quavis ex defectu promulgationis non obligat, de qua probabile est, quod non existat.

2. **P**ROBATUR. Certum est legem non sufficienter promulgatam non obligare. At constat pariter, talem legem non esse sufficienter promulgatam, quia post omnem diligentiam adhibitam, existentia aut obligatio legis manet ita incerta, ut apud omnes subditos probabile sit, legem aut non dari, aut ad tale objectum non extendi. At promulgatio est ceremonia subditis tam manifesta, ut plures saltem illorum prorsus certificet, & legem latam fuisse, & tali ceremonia indubiè fuisse manifestatam. Imò promulgatio ex sua natura est ceremonia adeò solennis & manifesta, tamque liquidò divulgata & certa ejus notitia, ut magnam subditorum partem latere non possit, nisi ipsi culpabiliter ad ea, quæ fiunt, nolint attendere. At in casu nostro, nemo subditorum novit, quòd detur ejusmodi lex, aut quod unquam extiterit illa sollemnis ceremonia; quia doctissimi quique ac maximè probi sciunt probabile esse, quod legislator nunquam talem legem ediderit. Ergò talis lex non est

sufficienter promulgata & applicata. Ergò neminem obligat. Qui de hac re plura cupit, legat *quest. 23. de conse. prob. à num. 14. atque repetat dictà hinc quest. 2. à num. 45. usque ad num. 59. in illis enim locis argumentum hoc fusè tractatum inveniet.*

3. Probatur secundò ratione, qua Cardinalis Pallavicinus usus est, quamque Celladeus refert §. 1. Ratio sic se habet. Licetum cuique est non solum sequi partem, quam quis post diligentem veritatis indaginem absolute reputat veram, ut Cardinalis eo loco supponit, sed etiam licitum est mihi sequi partem minus tutam, quam minus probabilem ac speculativè falsam reputo; quia cum videam plures peritos ac probos, non obstantibus meis rationibus, existimare, nullam dari ejusmodi obligationem, adeoque licitè operari contra meam opinionem, dum sectantur suam, quæ ipsis probabilior est & habetur absolute vera, non est rationi consonum, nec expedit reipublicæ, ut ego ex mea peculiari opinione sim obligatus ad id, ad quod alii non tenentur. Lex enim debet esse communis, & ex æquo obligare omnes, quibus proponuntur eadem motiva obligationis, ut in republica sit uniformitas operandi. Ideo quando lex aliqua non est acceptata, quamvis culpabiliter, à majore parte reipublicæ, non obligat alios, quia ordinatur ad constituendam in moribus regulam communem.

4. Rationem hanc à Cardinali retractatam fuisse testatur Celladeus, à quo etiam dicit sibi præscriptum fuisse, ut id aliis ediceret. An Cardinalis rationem hanc retractaverit nec ne, sollicitus non sum; quamvis enim in hac re Celladeo plenam fidem tribuam, existimo tamen nil eorum, quæ ego in argumento ponderavi, ab illo fuisse retractatum. Multa enim alia continentur in ratione Cardinalis, quæ apud ipsum videri possunt, quæque ego omisi, quia ad questionem præsentem necessaria non sunt, fortassis ergò aliqua ex illis retractavit, sed non est cur rationem ipsam, ut à nobis ex ipso breviter proposita est, retractaret, nil enim continet, quod Celladeus, aut quisvis meritiò carpat, maximè si intelligatur de lege humana, de qua potissimè loquitur Cardinalis, ut patet.

5. Probatur tertio à priori. Quoties est certò probabile legem non dari, toties datur certa probabilitas, quod Deus habet voluntatem seu legem æternam, quæ permittit liberum usum talis rei. Ponamus exempli causâ utramque partem contradictionis esse æquè probabilem, & utramque ex æquo communiter defendi ac tradi à Theologis. In hoc casu, si loquamur respectu communis, certum videtur, legem prohibentem talem rem aut non existere, aut sufficienter promulgatam non esse: ratio est; quia tantum assertur

Propria opinio non inducitur tolli rationem, quando periti communiter tenent oppositam causam in praxi reducunt.

Ratio allam nil continet retractatione dignum.

Si probabilitas sufficeret ad promulgationem legis, contra ipsam non esset promulgata.

pro lege æterna permittente, quantum pro lege æterna obligante. Ergo vel neutra, vel utraque est sufficienter promulgata huic communitati. At utraque non potest esse sufficienter illi promulgata, quia tunc utraque apud illam vigeret, quod est impossibile, cum sibi contradicant, & effectus prorsus contradictorios inducant. Ergo neutra est sufficienter promulgata. Et sanè absurdum prorsus est existimare, quod ex duobus iudiciis æqualibus unum sufficiat ad promulgationem sui objecti contra aliud, & aliud non sufficiat ad promulgandum suum objectum contra prius. Cum enim inter illa iudicia detur perfecta æqualitas, impossibile est, quod unum sit potentius alio. Ergo neutrum prævalet. Ergo neutrum sufficienter promulget legem, quam indicat; quia promulgatio est iudicium legis longè prævalens omni, quod affertur contra legem, ut patet. Ergo talia argumenta non sunt sufficiens promulgatio talis legis. Ergo rectissime dicimus, legem in casu objectionis non esse sufficienter promulgatam.

Per probabilitatem non sufficit ad promulgationem.

Celladei contradictio.

In his casibus dirigimur per legem æternam reflexam.

In casu hoc lex verè existens non est sufficienter promulgata.

6. Argumentum hoc validius urget in sententia Celladei, quia per illum in casu motivorum æqualium pro lege & contra legem, motiva illa penitus se elidunt, & perinde se habent, ac si nullum esset motivum pro parte alterutra. At quando nullum est motivum indicans legem dari, nulla datur promulgatio talis legis. Ergo in casu parisi utrimque probabilitatis non datur sufficiens legis promulgatio. Atque hæc est alia contradictio Celladei, qui ex una parte vult legem prohibentem in casu probabilitatis parisi esse sufficienter promulgatam, & ex altera parte expressè asserit, motiva paria se penitus elidere, atque ita se habere, ac si nulla prorsus darentur pro ulla parte. Sed ubi nulla dantur motiva in communitate pro lege, certum est legem illam non esse sufficienter promulgatam communitati. Ergo tunc per Celladeum nulla datur promulgatio, quam tamen pro eodem casu omni nisi dari contendit. Ergo sibi contradicit.

Hinc inferitur, quod in istiusmodi casibus nulla detur lex æterna directè & per se à Deo intenta, per quam dirigi possimus, cum nulla ejusmodi lex sit sufficienter promulgata & intimata nobis. Itaque recurrendum est ad legem reflexam, & ad voluntatem Dei, quæ per accidens tantum & ex suppositione nostræ ignorantie nos dirigit juxta dicta *quest. 11 de conse. prob.* illa enim sola est lex æterna hic & nunc sufficienter nobis promulgata & intimata, ut patet.

Nec dicas pro Celladeo, alterutram ex legibus directis in Deo existere, illam autem, quæ verè existit, esse promulgatam, non alteram, quæ non existit. Nam contrà; quia promulgatio, ut benè advertit Celladeus, est denominatio quoad nos. At in casu parisi probabilitatis nihil est quoad nos pro una, quod non sit pro altera, quamvis plus sit pro una quoad se. Ergo in tali casu procul dubio omnis sufficiens legis promulgatio deest, saltem relatè ad exigendam obedientiam circa tale objectum, quicquid sit, an eadem Dei voluntas quoad obedientiam circa alia exigendam sit sufficienter promulgata, & intimata. Qui plura de hac re cupit, videat hic *quest. 2. à num. 45. & quest. 23. de conse. prob. à num. 14.* ibi enim valida pro rei istius confirmatione argumenta reperiet, quæ hic non repetenda sed solùm inculcanda sunt. Plura etiam huc spectantia in objectionibus ponderanda erunt.

Doctrina hæc prorsus conformis est S. Thomæ pluribus in locis. Inprimis *quest. 17. de Veritate art. 3. in corpore* expressè docet, præceptum superioris non obligare subditum, nisi sciatur. Ergo probabilitas non sufficit, saltem quando oppositum est probabile, quia in tali casu superioris præceptum non scitur. Sed juvat verba S. Doctoris proferre. *Ex imperio alicujus Regis vel Domini non ligatur aliquis, nisi imperium attingat ipsum, cui imperatur. Attingit autem ipsum per scientiam. Unde nullus ligatur per præceptum aliquod, nisi mediante scientia illius præcepti. Et ideo ille qui non est capax notitiæ, præcepto non ligatur. Nec aliquis ignorans præceptum Dei ligatur ad præceptum faciendum, nisi quatenus tenetur scire præceptum. Si autem non tenetur scire, nec scias, nullo modo præcepto ligatur.* Hinc sic arguo. In casu præsentis controversiæ nemo scire potest præceptum Dei, ergo nemo illud scire tenetur, cum ad impossibile nemo teneatur. Probat antecedens, quia post omnem diligentiam res ita manet incerta, ut probabile sit, Deum illam non præcepisse. Ergo nulla datur, nec ulla dari potest scientia præcepti. Ergo ex mente S. Thomæ nemo in tali casu ex præcepto ligatur, sed per hoc ipsum quod scientia præcepti cognoscatur impossibilis, unusquisque legitimè inferre potest, se illo præcepto non ligari.

Similia habet S. Doctor 2. 2. *quest. 1. art. 4. ad 2.* ubi disertè tradit, homines mysteriis fidei non assenturos, nisi viderent ea esse credenda, vel propter evidentiam signorum, vel propter aliquid hujusmodi. Nec dubium, quin per visionem & evidentiam intelligat claram & evidentem rei perceptionem, cum in corpore articuli visionem & scientiam opinioni ac fidei opponat. Hinc sic arguo. Ex mente S. Thomæ nemo tenetur credere ob probabilitatem, nisi habeat evidentiam credibilitatis de mysterio credendo. Ergo à fortiori excusandi sunt in re morali, qui solam probabilitatem inventunt in parte opposita, dummodo scientia desit; quia si in iis, quæ sunt de fide, & sunt necessaria necessitate medii, non teneamur ea admittere, nisi demonstrentur esse evidenter credibilia, multò minus tenemur admittere legem ut veram ac obligatoriam, & sufficienter promulgatam ac applicatam, quando est solùm probabile, quod existat, modò oppositum sit etiam probabile, quia talis lex verè non est sufficienter applicata ut vim legis exerat, sicut in simili constat de lege credendi revelata.

SOLVUNTUR OBJECTIONES.

7. **O**BJICIES PRIMÒ. Si ista reflexa vel de sensu vel excusatio, à non promulgatione vel acceptatione legis desumpta, sufficeret ad excusandum à peccato, tam infideles quàm hæretici possent æquo jure se excusare, appellando ab omni disputatione directà ad reflexas, quas ipsi probabiles esse tuebuntur; cum ipsi probabilitatem quoad nos habere possint de veritate suorum dogmatum. At sequela falsa est, ut patet. Ergo defensio per reflexam considerationem à non promulgatione legis desumpta nulla est. Probat sequelam sic. Si alicui Calvinistæ per argumenta credibilitatis fidei nostræ ostendas, solam Ecclesiam Catholicam esse veram, extra quam nulla salus, ille facillè se expedit, dicendo, veritatem ipsam non esse necessariam, sed probabilitatem sufficere etiam in materia religionis, sicut sufficit in materia morum. Dicet, nolle

Objectione 2.
Inconveniens
Celladei illatio.

nolle se de veritate ipsa disputare, sed indirectè ac reflexè rem determinare. Contender, Doctores suos addivisse fundamenta nostra, nihil tamen fuisse motos, ac proinde legem, si quæ est, acceptandæ religionis Catholicæ non fuisse satis promulgatam. Simili ratione Ethnici evadere possent obligationem credendi, quia cum Dionysius, Paulo in Areopago prædicante, credidit, potuisset non credere, prætendendo legem non esse sufficienter promulgatam, aut acceptatam; quia videbat, maiorem partem Areopagitarum, qui omnes erant viri doctrinâ præstantes, Pauli dictis fidem non dedisse. Jam lex, quæ plerisque non obligat, reliquos paucos residuos comprehendere nequit, quia lex est uniformis regula, ideo instituta, ut in republica operationes sint uniformes, maximè in materia religionis, cujus diversitas magnam turbationem caulare solet. Præterea dicere poterat, lex proposita novæ est ac diffilis, & quamvis quæ Paulus adducit fortia videantur, nihilominus possum prædictæ conscientiam meam deponere in opinione senatûs celeberrimi, qui majori ex parte dicta illius non approbat, sed rejicienda judicat. Si credidero, singularis habebor, judicijque paradoxum notam incurram.

Rursus conversio gentium hæc ratione redderetur impossibilis, quia omnis earum conversio ab uno aliquo vel à paucis plerumque incipit. At ille, vel illi pauci prætereundum poterunt, legem non esse sufficienter promulgatam, quia à minima mundi parte audita est, & à paucis, quibus declarata fuit, admissa. Porro lex à majori parte reipublicæ non acceptata, etiam culpabiliter, reliquos non obligat. Prætereundum ergo, se quoque ad credendum non obligari, maximè si damnum illis ex admissione ac professione talis fidei imminet, ut tempore persecutionum imminere solet, quia durum est bonis omnibus spoliari, mortisque etiam periculum incurere; expedire sibi, ut longè majori Patriæ parti se accommodent, ne proprio judicio ad tam dura se condemnent. Ita Celladeus §. 2.

8. Respondeo primò indirectè, & in conspectu omnium Ecclesiæ Doctorem à te peto, Celladeum, an existimes, non plus probabilis, & invincibilitatis tribuendum esse certò probabilibus Catholicorum opinionibus, si fortassis falsæ fuerint, quàm infidelitati ac hæresi tribuendum sit? si dicas plus probabilis ac invincibilitatis competere Catholicorum opinionibus, etiam quando præter opinionem errant, eo ipso concedis argumentum tuum procedere de subiecto non supponente, quia scis & fateris paritatem, quam urges, non subsistere. Si parem utrique probabilitatem & invincibilitatem aut vincibilitatem tribuas, uti debes, ut argumentum valeat, evidentem falsitatem enuncias, eamque viris doctissimis sanctissimisque maximè injuriosam. Profectò si verum dicis, negare haud poteris, quin S. Thomas, aut S. Bonaventura non magis probabiliter & invincibiliter locutus sit, sed tam vincibiliter errarit, quàm errent infideles & hæretici, qui post fidem Catholicam illis sufficienter propositam, in sua perfidia perseverant. Hoc, inquam, negare non potes, quia certum est, alterutrum eorum in pluribus errasse, cum in pluribus sibi apertè contradicant. Quis autem absque horrore potest hæc, non dico reipsa asserere, ut tu teneris nisi tibi apertè contradicas, sed vel imaginari, ea à Lectore accipi posse, tanquam à se dicta.

9. Sed age. Quid tibi venit in mentem, ut inter hos omnes ex æquo comparationem institueres? Nōne argumenta fidei Catholicæ, debite proposita ac perpensa, summam mysteriorum credibilitatem evidententer ostendunt? Nōne evidententer etiam evincunt, nil illis comparandum aut allatum fuisse, aut afferri posse in contrarium, omnemque assensum de contrario, aut etiam voluntariam dubitationem de illorum veritate esse temerariam. Absque dubio argumenta pro fidei Catholicæ sunt ejusmodi; alioquin nemo obligaretur ad eam amplectendam, illique tanquam à Deo revelatæ super omnia credendum. At è contrario, inter opiniones certò probabiles, de quibus Doctores Catholici communiter variant, nemo sanæ mentis dixerit, argumenta uni parti faventia ita excedere alia, ut si utraque debite proposita & considerata fuerint, hæc illis ita præponderent, ut illa in horum comparatione nullius momenti sint, sed prorsus evanescant, nec sufficiant ad avertendam temeritatis notam, si quis aut illis inhæreat, aut etiam propter illa oppositum in dubium revocet. Præterea certum est, veritatem in istis catibus ita latere, ut à conante & volente etiam per summam diligentiam cerni ac discerni non possit. Latet ergo invincibiliter, alioquin vel S. Thomas, vel S. Bonaventura in suis sententiis dicendis vincibiliter errasset, & consequenter graviter peccasset. Idem esset de omnibus gravissimis Doctoribus, qui in rebus ad fidem & mores spectantibus sibi contradicunt. Stat ergo, longè maiorem probabilitatem & invincibilitatem convenire falsis sed controversis Catholicorum opinionibus, quàm hæresi aut infidelitati conveniat. Erras ergo, & evidententer erras, Celladee, dum hæc omnia proponis ut æqualia quoad hoc, quæ in hoc ipso quàm longissimè distant. Illegitima ergo & evidententer falsa est comparatio, in qua te fundas, ut rationem hæc propositam falsitatis arguas. Præterea eadem est etiam viris sanctissimis pariterque doctissimis summè injuriosa; quæ enim atrocior injuria contra tales viros excogitari potest, quàm dicere illos, si fortè erraverint, aut errent, non minùs vincibiliter errasse, quàm errent hæretici, & infideles, qui mysteriis fidei sufficienter propositis assentire renuunt. At hoc evidententer sequitur ex comparatione ista, quia contendis omnimodam paritatem subsistere. Ergo por te errores Doctorem Catholicorum sunt æquè vincibiles ac errores hæreticorum & infidelium. Ergo tu illis injuriosus es, qui tam atrocem illis notam intus.

10. Resp. 2. directè, & in primis dico, Celladeum apertè errare in duobus suppositis; supponit enim primò, hæreses esse probabiles quoad nos, etiam quando omnia motiva credibilitatis fidei Catholicæ afferuntur in contrarium, quo nil falsius, aut absurdius dici potest; motiva enim fidei Catholicæ sunt certa, & certam fidem faciunt; nil autem potest esse vel quoad nos probabile, cujus contrarium certum est, aut pro cuius contrario argumenta ad certam fidem fundandam sufficiunt, ut fusè ostensum est in tract. de opib. prob. quest. 2. & quatuor sequentibus, & sæpius in istis etiam questionibus ex ipsa natura ac definitione probabilitatis probatum.

11. Rursus supponit nos docere, quod cuique pro arbitratu liceat appellare ab omni disputatione directâ ad reflexam, & sic de ipsa veritate rei nil curare; verum nos è contrario & dicimus, & apertè profiteamur, omnes teneri ad veritatem ipsam

Paritas inter falsas Catholicorum opiniones & hæreses est absurdissima.

Est etiam viris sanctissimis doctissimisque injuriosa.

Celladeus duo falsa proponit.

Catholici in utrumque probabilibus licet errant ad ipsam

Alia similis ejusdem illatio.

Tertia illatio prioribus simillima.

Abfurditas argumenti & paritas apparetur.

tienem re-
flexam.

ipsam diligenter investigandam, nec locum esse considerationi reflexæ ad licitè formandam conscientiam, nisi quando veritas directæ aut certè haberi non possit, aut certè non possit haberi cum tanto excessu verisimilitudinis, ut oppositum non sit probabile. Nec hoc tantum verbis profite-
mur, sed idipsum ex modo arguendi evidenter demonstramus; ipsa enim principia reflexa, quibus utimur, adeo indispensabiliter supponunt veritatem directam per diligentiam debitam haberi non posse, ut nisi hoc præsupponatur, illa ad conscientiam formandam nulli usui esse possint. Hæc omnia tam aperte constant ex exemplis hæcenus allatis, ut de illis nullum dubium esse possit.

Prima Cel-
ladei illatio
exploditur.

Quæ cum certissime ita sint, palmariter errat Celladeus, dum dicit, Calvinistam facile posse se expedire ab argumentis fidei Catholicæ veritatem directè comprobantibus, dicendo probabilitatem sufficere in materia religionis, sicut sufficit in materia morum; proinde nolle se de ipsa veritate differere, sed reflexè tantum rem determinare. Palmariter, inquam, errat, quia nemo hac ratione excusare se valet, cum apud omnes certum sit, nullam probabilitatem sufficere in materia morum ac religionis, quando veritas ipsa sciri potest, cum omnes ad eam diligenter investigandam teneantur, nec citra culpam ab illius indagacione eximere se possint, quando aut mysteria fidei & motiva credibilitatis, aut morum doctrinæ sufficienter proponuntur. Itaque Calvinista sic procedens culpabilis esset, quia sciens & volens oculos veritati clauderet, illam-
que contra suam obligationem audire ac considerare contemneret. Præterea appellaret ad probabilitatem, quæ haberi non posset; cum probabilitas, de qua differimus, fundetur in carentia certitudinis etiam moralis de opposito, & præsupponat veritatem ipsam per diligentiam debitam certè sciri non potuisse. Non ergo nisi merè prætereendere potest, legem acceptandæ fidei Catholicæ non esse sufficienter promulgatam, cum certum sit, eam etiam ipsi sufficienter promulgatam esse; nisi enim sponte oculos claudat, veritatem legis latæ sibi-que applicatæ non potest non cernere. Quod si æquo jure prætereendere posset, talem legem non esse magis promulgatam, quàm sit lex de confessione circumstantiarum solum notabiliter aggravantium malitiam in eadem specie, ut contendit Celladeus, tunc lex acceptandæ fidei ex defectu debite promulgationis non magis obligaret, quàm lex confitendi dictas circumstantias nunc nos obligat. At lex ista ex defectu promulgationis & sufficientis applicationis nos non obligat. Ergo si verum dicat Celladeus, neque lex acceptandæ fidei hæreticos obligat. Ecce iterum quàm misere in propria argumenta impingit; nam quæ ob subjectum non supponens frustra contra nos objectat, eadem in propriis ipsius principiis efficaciter convincunt, absurdam argumentis contenta ex ipsius sententia legitime deduci, quæ nullatenus sequuntur ex illa, quæ impugnatur, sed opposita omnia ex illa clarè deducuntur.

Effugium
Celladeo
occluditur.

12. Quod si Celladeus, veritate convictus dicat, directæ quidem Catholicorum dogmata incomparabiliter magis excedere directas hæreticorum doctrinas, quàm una opinio probabilis excedat aliam probabilem; parem tamen esse omnium conditionem quoad considerationem reflexam; si, inquam, ita dicat, contra est primò, quia jam fatetur, directos Catholicorum errores circa res ejusmodi esse invincibiles, quod

nobis satis est, & ipsum contradictionis arguit. Nobis quidem satis est, quia lex illa non est sufficienter promulgata, seu applicata, ejus existentia insuperabiliter ignoratur; ergo qui tali errore directo decepti operantur, non peccant, sed excusantur. Præterea ex hac ipsa insuperabili veritatis ignorantia, aperte sequitur, locum dari reflexis discursibus à nobis propositis, quia illi in hac ipsa ignorantia fundantur, sicut etiam non promulgatio legis, de qua nunc agimus, in eadem fundatur, ut patet. Ipsum verò contradictionis arguit, quia admittit diversitate inter principia directæ, necesse est, ut eadem admittatur inter reflexa, quia principia reflexa fundantur in directis, nec locus est illis, nisi ubi veritas per principia directæ nequit haberi. Præterea nonne aperta contradictio est, principia directæ inæqualiter uni ac alteri parti favere, & tamen principia reflexa, quæ in directis fundantur, & ab earum qualitate suam vim & efficaciam desumunt, utrique parti favere æqualiter? hoc in casu particulari perspicuum est, quia in materia confitendi circumstantias solum notabiliter aggravantes, lex obligans ad ullam determinatam partem tenendam non est sufficienter promulgata, & applicata, quia rei illius certitudo adhuc insuperabiliter latet. Unde hæc insuperabilis ignorantia veritatis dat locum discursui reflexo, quod non obligemur ad eas confitendas. At in casu hæretici negantis Christum in Eucharistia v. g. aliter se res habet, lex enim obligans ad credendum non latet, sed est sufficienter applicata ac promulgata. Ergo non datur locus argumento ac principio illi reflexo, quo Catholicus in materia confitendi tales circumstantias utitur. Ergo evidens est, principia reflexa non posse æqualiter se habere, quando directæ inæqualiter se habent. Ergo Celladeus nec per directas nec per reflexas considerationes suum argumentum defendere potest.

13. Eadem ratio ostendit, infideles non posse seipsum per principia reflexa defendere, quia cum lex Dei directè sufficienter illis intimetur, non est locus pro principiis reflexis, ut patet. Jam etsi hæc responsio abundè sufficiat, lubet tamen exactius discutere quæ Celladeus congerit, notabilesque ejus defectus notare.

14. In primis certum est, Dionysium rationaliter non potuisse prætereendere, legem à Paulo propositam non fuisse ipsi sufficienter promulgatam, quia auribus suis audivit præconem, qui eam nomine Dei intimabat: Deus autem, qui supremus creaturarum legislator est, omnes immediate obligat ad credendum dictis ipsius, quoties sufficienter constat præconem à Deo missum esse, atque ea, quæ ipsi commissa sunt, enarrare. Jam vel sufficienter innotuit, vel non sufficienter innotuit Dionysio, quod Paulus esset talis, & taliter se gereret. Si secundum, nondum tenebatur credere, quia *qui cito credit levius est corde*; si primum, indubiè tenebatur, nec ab hac obligatione eximi potest, eò quod alii assentire nolint, aut etiam contradicendo reclamant, quia Deo sufficienter ostendenti se velle aliquid, obtemperandum est, omni-que creature contrarium volenti aut jubenti resistendum. Jam haud dubiè dictæ qualitates Pauli sufficienter intimatæ erant Dionysio, vel quia jam tum ipsi notorium erat, Paulum Jesu Christi Apostolum ea prædicare, quæ Christus ipse docuerat, plurimisque ac patentibus miraculis confirmaverat, aut etiam Paulum ipsum suam legationem miraculis

Principia reflexa non possunt esse æqualia, ubi principia directæ sunt inæqualia.

Exploditur
secunda illatio.

Dionysius non poterat prætereendere legem obligantem ad fidem non fuisse illi sufficienter intimatam.

confir-

confirmasse: vel quia quamvis externa Pauli propositio nondum esset sufficiens ad fidem promerendam, Deus ipse externæ propositionis defectum internâ ac extraordinariâ illuminatione supplebat. Jam quodcumque horum dicatur, certum est, Dionysium obligatum fuisse ad credendum, legemque, quâ ad dandam fidem obligabatur, fuisse sufficienter ipsi intimatam seu promulgatam, cui proinde absque peccato obedientiam negare non poterat.

Aliorum non acceptatio fidei, Dionysium non excusabat.

15. Nec obstat, quod videret plurimos ex Arcopagitis Pauli dictis fidem non dare, non enim ideo prætereundum poterat, se illâ lege non obligari, eò quòd non esset acceptata à maiore parte, & lex, quæ plerisque non obligat, reliquos paucos non arctat, quia est uniformis regula æquè afficiens omnes: non, inquam, poterat hoc prætereundum, quia vel videbat omnes ad eam acceptandam fuisse obligatos, vel certè animadvertibat, Deum sibi singulariter suâ voluntatem manifestasse. At in neutro casu ipse liberabatur ab obligatione credendi. Non in primo, quia alii non credendo seu non acceptando legem peccabant, & ipse peccati etiam reus fuisset, si non credidisset, idque verum & indubitatum est, quando superior absolute iubet, suamque voluntatem intimat; tunc enim peccant subditi, qui legem non acceptant, quamvis postquam, ipso tacente, diu continuârunt in sua obstinatione, peculiaris homo, qui ab initio obtemperavit, & ex se paratus est obedire, non teneatur postea singularis esse, & solus legem humanam servare, reliquis eam non servantibus. Non in secundo casu, quia cum diversa esset ratio de ipso & aliis, satis sciebat, Deum à se fidem exigere, quidquid esset, an eam ab aliis adhuc immediatè exigeret.

Lex non acceptata plus valet ad obligandum, quàm lex non promulgata.

16. Atque hinc apparet, Celladeum in argumenti propositione dupliciter errare: errat primò, quia æquiparat legem non acceptatam cum lege non promulgata, quasi neutra ex æquo ullam obligationem induceret, quod tamen falsum est; quia lex promulgata ab initio saltem obligat, ut acceptetur; & qui illam non acceptat, sed facit contra eam, peccat. At lex non promulgata omninò non obligat, quia non est sufficienter applicata. Quod si dicat, se non tradere eam æquiparationem ex propria sententia, sed eam ex doctrina Cardinalis Pallavicini aliorumque referre, atque ex illa probare sententiam illorum esse rejiciendam, adhuc errat, quia aut mentem illorum non intelligit, aut certè eam ita exponit, ut illam communi doctrinæ, illorumque opinioni contrariam repræsentet; nemo enim absolute docet, non plus virium esse in lege non acceptata, quàm in lege non promulgata, sed multas limitationes adhibent, quando dicunt legem non acceptatam non obligare. In primis enim loquuntur de lege humana, non de divina; divina enim lex indispensabiliter obligat omnes, quibus est sufficienter promulgata; unde licet plerique, imò omnes nollent acceptare legem non furandi, adhuc furando peccarent, quia supremus legislator absolute vult obligare suos subditos, nec suam obligationem ab eorum acceptatione dependere. Prorsus enim absurdum esset, si supremus legislator à subditorum voluntate aut acceptatione dependeret. Itaque si subditi acceptent, si non acceptent legem divinam, peccant, si faciunt quod illa prohibet, quia transgrediuntur legem supremi legislatoris illis sufficienter promulgatam.

Lex divina obligat ut acceptetur, & obligat quamvis non acceptetur.

17. Quod si loquamur de lege humana; de qua sola loquuntur Auctores, qui dicunt, legem non acceptatam non obligare, adhuc multas limitationes apponunt, ut propositio illa sit vera. In primis dicunt, illos peccare, qui legem non acceptant, modò non adsit sufficiens causa illam non acceptandi, quæ si adsit, ex epikia excusantur. Ratio est, quia legislator humanus, non videt omnia, quæ intervenire possunt, ideoque sæpè ignorat circumstantias intercurrentes, quæ suadent legem non esse acceptandam, quas si scivisset, nolisset subditos ad legem acceptandam obligare. Rursus legislator humanus, saltem civilis, sæpè potestatem habet à republica; unde faciliè præsumitur quod non habeat potestatem obligandi subditos quando omnes reclamant, & dicunt se legem nolle acceptare, eò quòd illam existiment non esse opportunam. Ratio est, quia respublica non censetur talem potestatem Principibus temporalibus tribuisse. De legislatoribus autem Ecclesiasticis, saltem supremis, qui non ab hominibus, sed à Deo immediatè jurisdictionem recipiunt, alia est ratio; verum illi plerumque ex quadam æquitate censentur tam benigne uti sua potestate, ut nolint absolute obligare subditos in illis circumstantiis, in quibus deest potestas Principibus temporalibus. Itaque si ab initio omnes subditi reclamarent legi Ecclesiasticæ, eò quòd sincerè & sine passione existimarent, illam non expedire &c. in eo casu legislator Ecclesiasticus censetur nolle obligare subditos ita reluctantes. Cæterùm si supremus legislator Ecclesiasticus legem ferat, quæ habet conditiones veræ legis; & absolute velit suos subditos obligare, atque hanc suam mentem aperte declaret, haud dubiè lex tenet saltem ab initio, & qui illam non acceptant, sed transgrediuntur, peccant. Cæterùm in hoc etiam casu, etsi ab initio peccent, qui eam non acceptant, tamen si diu manserint in illa inobedientia, & Princeps dissimulet, eò quòd nec pœnas exequatur, nec legem reheret &c. censetur non amplius velle obligare subditos, atque ita lex illa desinit esse lex, quia tacitè revocatur à Principe. Similiter si lex ab initio promulgetur, & pauci aliqui illi obtemperant, eò quòd sincerè cupiant legibus obedire, reliqui tamen omnes legem illam contemnant, nec in usum deducant, in eo casu post tempus aliquod (quod quantum esse debet à Theologis & Jurisperitis assignari solet) pauci illi non amplius tenentur illis legibus, quia eo ipso legislator censetur vel legem abrogare, vel certè cum illis dispensare, ne duorum vel trium proborum hominum obedientia ludibrio vertatur ac vituperio; à quo omnes maxime abhorrent. Atque adeo legislator humanus cum tanto onere subditos obligare non intendit. Nihilominus si lex iusta esset, & legislator insisteret, legisque executionem exigeret, peccarent, qui sine causa illam non acceptarent, illique non obedirent, quia legitimo legislatori resisterent, & legibus ab eo latis non obtemperarent.

An & quòd modo lex humana obligatio nem inducat, ut acceptetur.

Potestas civilis minor est, quàm Ecclesiastica in ordine ad obligandum, ut lex acceptetur.

Quomodo lex ab initio obligans desinit per non acceptationem.

18. Et hæc quidem locum habent, non solum quando non acceptatio legis coïncidit cum non promulgatione illius per provincias, quod sæpè contingit; quoties scilicet illi in Provinciis, ad quos spectat leges promulgare, illas non promulgant; sed etiam quando post promulgationem & aliqualem observationem omnes ferme per desuetudinem ab illa observanda cessant; quia sicut leges humanæ hac ratione paulatim cessant, ita eadem ratione peculiaris homo, legum obser-

Doctrina allata locum habet in omni lege humana.

observandarum cupidus, ab illarum obligatione liberatur, quoties omnes longa consuetudine ita cessarunt ab illius observatione, ut eam non amplius ut legem obligantem respiciant.

19. Quod si sermo sit de materia ad legem divinam spectante, non acceptatio talis legis nullam habet vim, nisi quando illa non acceptatio fundatur præcisè in non promulgatione ejusdem, quod toties evenit, quoties probi doctique homines post diligentem veritatis indagationem inveniunt rationabile fundamentum ad existimandum, tale objectum à divina lege non esse præceptum; tunc enim rationabiliter renunt legi insufficienter apparenti tanquam legi verè obligatoriz se subdere. Hoc autem est legem talem non acceptari. Verum hæc non acceptatio præsupponit non promulgationem, ideoque in tali materia non acceptatio & non promulgatio non sunt duo tituli disparati, sed penitus subordinati. Errat proinde Celladeus, dum titulos istos proponit, ac si essent duo tituli prorsus diversi; cum in materia legis divinæ necessariò connectantur, & unus alteri subordinetur.

20. Qui doctrinam hucusque traditam, quæ apud Theologos est prorsus indubitata, benè intellexerit, & inter non acceptationem legis divinæ & humanæ ritè distinxerit, atque animadvertit, quando non acceptatio legis subordinatur, quando non subordinatur ejusdem promulgationi, atque tunc demùm Celladei objectionem relegerit, videbit, quòd nil difficultatis contineat, sed quod ex terminorum, qui in diversis circumstantiis diversa significant, æquivocatione procedat; confundit enim doctrinam de non acceptatione legis divinæ sufficienter declaratæ, cum non acceptatione legis humanæ, & ex sensu Auctorum ita loquitur, ac si illi de utraque lege idem prorsus docerent, cum Doctores omnes diversimodè de talium legum non acceptatione loquantur. Itaque tantum abest, ut sequatur ex doctrina nostra, aut illa Cardinalis Pallavicini, quòd infideles suam infidelitatem excusare possint, aut quòd conversio gentium reddatur impossibilis, ut oppositum manifestè sequatur, quia & absolute asserimus, & ex nostris principiis manifestè sequitur, nullam esse posse probabilitatem pro errore, qui repugnat veritati fidei sufficienter propositæ; quod verum est, etsi non solum omnes Arcopagitz, sed omnes totius Græciæ sapientes Paulo prædicanti, & suam doctrinam tanquam à Deo revelatam sufficienter probanti restitissent.

SOLVITUR II. OBJECTIO, & queritur, an proborum exemplum ad conscientiam formandam sufficiat?

Obiectio 1. 21. **O**BJECTIONES secundò. Recursus ad reflexam istam considerationem in non promulgatione legis fundatam committit circulum. Ergò est argumentum fallax, & illegitimum. Probatur antecedens. Nemo potest ab aliqua lege legitimè se excusare per alios aliorumque deobligationem, nisi supponendo eos legitimè se gerere, & esse legitimè excusatos in eadem causa. Turpissima siquidem esset excusatio hujusmodi: *longè major pars reipublicæ, sive benè sive malè, non operatur juxta hanc legem, nec juxta illam operari parat. Ergò ego juxta illam operari non exemplum: tenor: talis enim conclusio ex illo antecedente*

An & quomodo licet operari propter aliorum exemplum?

non sequitur, sed solum infertur, quod ego possim vel benè vel malè juxta illam operari, aut quod possim benè vel malè putare juxta illam non operandum. Ergò ut me defendam, debeo prius alios defendere, & ostendere, eos benè facere hanc legem non servando, & benè putare dicendo eam non obligare, ut sic interam, me benè facere taliter opinando ac operando. At non possum alios per alios reflexè defendere, ut eadem ratio ostendit. Ergò tandem veniendum est ad disputationem directam, ut per eam & me & alios justificem. Ergò non est nisi unica via nos justificandi, nempe deductio veritatis per principia directa. Inanis ergò est omnis justificatio per principia reflexa. Præterea multitudo, per cujus exemplum me justifico, vel audivit & intellexit, vel non audivit aut non intellexit motiva legis faventia. Si secundum, nemo potest se defendere per talium virorum ignorantiam, ut patet. Si primum, loquimur de intelligentibus. At illi supponuntur existimare se obligatos. Ergò vel debent operari juxta suam sententiam, vel ad alios provocare. Si primum, habetur intentum, quia homines tales per sola principia directa regulantur. Si secundum, datur circulus vitiosus; quia si omnes speculativè existimantes obligationem dari, sint quatuor, ego me justifico per tres alios, illi se justificant per me, & sic ego inadæquatè saltem me justifico per meipsum. Committitur ergò circulus in recursum ad istam considerationem reflexam. Hoc vitium in multis resolutionibus moralibus intervenit. Queritur an usus chocolatis sit contra paupertatem religiosam, quia non est res pauperum, sed divitum, cum sit valdè pretiosa. Respondent aliqui, usum illius non esse contra paupertatem religiosam, quia datur ejus usus in Religionibus valdè observantibus. Ecce singulæ se justificant per reliquas, & committitur circulus, quia nil est quod primò rem justificet; in quo sistere possimus. Idem videre est in nimio faminarum ornatu; singulæ se excusant per alias, & nil est, in quo tandem excusatio sistat. Et tamen lumine naturæ notum est, quod nemo se possit excusare per alium, nisi supponat eum non ex ignorantia rectè agere, & esse aliquem primum, in quo sistat appellatio. Ita Celladeus §. 3.

Respondeo in primis, objectionem, saltem quoad primam partem non esse ad rem; quia procedit de lege certa, certoque promulgata, cum tota præsens difficultas sit de lege, cujus existentia aut promulgatio est incerta. Illatio autem à lege certa ad incertam non valet.

22. Respondeo secundò Celladeum ita loqui in hac objectionem, ut quid sibi velit non appareat. Videtur enim velle, nunquam fieri posse per continuatam & universalem non observationem legis, ut illa aliquando desinat obligare, eò quòd non sit amplius in usu. Nisi enim velit hoc, argumentum procedit de subjecto non supponente, quia si per continuatam & universalem non observationem obligare desinat, tunc certè, qui talem non observationem allegat, seipsum justificat, & à legis obligatione eximitur. Itaque peto, an intelligat, an in hoc sensu non intelligat suam objectionem? si primum: singularis est in sua opinione, omnibusque prorsus Theologis ac Jurisperitis repugnat; illi enim omnes unanimiter fatentur, leges humanas per diuturnam ac universalem consuetudinem cessare. Itaque si dicat primum, indubiè fallitur. Si dicat secundum, non solum loquitur de subjecto in propriis principiis non

Difficulus hujus rei propositus.

Non apparet quid sibi velit Celladeus in hac objectionem.

non supponente, sed præterea, hoc omisso, ipsemet tenetur proprium argumentum solvere, quia debet ostendere, qua ratione homo se justificare & à legis obligatione seipsum eximere possit, allegando quòd nemo legem observet. At si hoc semel explicetur, argumentum ruit, quia fundatur in suppositione, quòd hoc fieri nequeat. Adeo infelix est in arguendo Celladeus, ut propriis ubique argumentis succumbat.

Causa, ob quam obligatio legis humane cessat.

23. Respondeo tertio directè, & dico, neminem ita argumentari, ut ille proponit; nemo enim contendit, quòd quisquam à lege obligante ideo eximatur, quia alii sive benè sive malè illam non observant; absque dubio enim peccat, quicumque legem vigentem & obligantem non observat; sed quod dicunt est, leges humanas per longam & universalem non observationem cessare, quamvis qui illas ab initio fregerunt, peccarent. Cessat autem vel quia legislator civilis non habet potestatem ferendi leges, quando tota respublica legum latarum oneri se submittere renuit; vel quia legislator censetur legem revocare, illamque tacite revocat, quoties videns universalem non obedientiam tacet, neminemque ob illius transgressionem punit, nec ipsius observationem urget; vel quia cum peculiari homine dispensat, ne digito notetur, & aliorum ludibrio exponatur, ut dictum est.

Aliquando excusamur, posito alio sum exemplo, sive illi benè, sive malè fecerint legem non servando.

24. Hæ & aliæ ejusmodi causæ (non enim omnes retinui) sæpè excusant singularem subditum, ne legibus obtemperet. Et sanè hoc verum est, sive multitudo non obediens benè vel malè fecerit non obediendo, saltem post longum tempus; modò Princeps videns transgressionem universalem, eam toleret, nec legem reiteret, nec ejus executionem urgeat. Neque tamen ideo eo modo argumentamur, quo Celladeus nos arguere contendit; non enim aliorum inobedientia, sed sed solum cessatio legis, aut prudens & rationalis epikia nos excusat. Verum quidem est, unanimem aliorum perversitatem præbere occasionem cessationi legis, aut benignæ illius interpretationi, quæ per epikiam & præsumptam dispensationem hic & nunc excusat. Atque hinc patet æquivocatio Celladei, ille enim loquitur de lege habente vim legis, id est, de lege existente & applicata; tum hoc supposito, pergit & urget, neminem per aliorum actiones excusari, nisi supponatur esse legitimæ & licitæ. Verùm hoc non queritur, sed solum utrum lex lata per diuturnam ac universalem non observationem, legislatore vidente & tacente, & legis executionem non urgente, cesset, aut saltem, utrum in eo casu legislator cum homine singulari obediendi cupido dispenset? De hoc nil habet Celladeus, qui proinde veram & legitimam excusationis causam cum falsa ac futili confundit.

Qui factum aliorum prætextit, non semper tenetur eos excusare, ut ipse excusatur.

25. Porro eadem æquivocatio cernitur in sequentibus; non enim semper teneor alios excusare, ut me à lege liberum esse concludam; sed solum tunc teneor eos excusare, quando nulla est diversitas inter illos & me. Inprimis etsi illi culpabiles sint, & cervicis flexi nesciunt, tamen per hanc inobedientiam diu toleratam &c. scire possum legem cessare, & sic nec me nec ullum illi ligari. Similiter ob rationes in hi peculiare, scire possum me hic & nunc non teneri lege, ed quòd sit præsumptio valida, quòd legislator mecum dispenset, aut quòd noluerit me in istis circumstantiis obligare. In hisce casibus non teneor alios excusare, à quorum praxi sumo argumentum partiale ad inferendum me non obligari, quia ego

R. P. A. Terilli, Regula Morum PARS II.

sum in aliis circumstantiis quàm illi, ut patet. At si ego essem in eisdem circumstantiis cum reliquis, tunc necesse foret, me eodem modo operari cum ipsis, ac proinde me non posse aliter excusari, quàm excusentur & ipsi. Verùm hic secundus casus locum non habet in presenti.

26. Rursus, modus arguendi in argumento positus, non est tam absonus, ut Celladeus putat; si enim parum alteretur, legitimè concludit. Sic autem formatur argumentum. *Nemo observat legem hanc à decennio latam, imò nemo illam hactenus observavit, etsi omnes ab initio benè sciant illam latam & promulgatam fuisse. Et hoc factum est legislatore vidente & non contradicente. Ergo ego nunc amplius non teneor illam observare, quidquid sit, an alii ab initio saltem peccarint; vel non peccarint eam non observando.* Ratio est perspicua, quia quidquid sit, an subditi ab initio peccarint necne legem transgrediendo, jam lex cessat, & neminem amplius obligat. Porro hic discursus excusans non est directus, quia non fundatur in defectu potestatis, aut in nullitate legis latæ, sed reflexus, quia ex diuturna non observatione, & Principis tolerantia infert legem amplius non obligare. Ergò in hoc etiam casu datur locus discursui in principiis reflexis fundato, qui à nemine negari potest. Idem argumentum à fortiori valet, quando lex non est sufficienter promulgata. De hoc autem agere debuisset Celladeus, si intra terminos materię propositæ manere voluisset, sed libuit illi excutere, & argumenta ad intentum non facientia proponere.

Argumentum positum paulò alteratum est validum.

27. Atque hinc patet responsio ad secundam partem objectionis, quia quamvis multitudo non observans legem audiverit & intellexerit motiva legi faventia, imò certò noverit legem & latam & promulgatam fuisse, adhuc tamen lex post diuturnam universalemque non observationem cessat, ut dictum est. Hoc multò magis locum habet, si multitudo legem ignoraverit, aut nullam ejusmodi legem extare existimaverit. Ruit ergò argumentum.

Secundæ pars objectionis solvitur.

28. Cæterùm, dissimulandum non est, quòd Celladeus in progressu argumenti (supponendo semper, etsi contra veritatem, quòd priores partes subsistant) ed venit, ut restringat quæstionem ad hominem operantem contra propriam opinionem, qui non aliter quàm per aliorum exemplum se excusat. Deinde supponit, omnes doctos unanimiter convenire in una eademque sententia, quos, hoc non obstante, vult contra illam operari, non alio argumento ductos, quàm quia alii ita faciunt. At neutrum horum facit ad rem præsentem, quia præsens quæstio non solum est longè diversa ab ea, an cuiquam liceat contra propriam sententiam operari; sed neque ab ea dependet, cum locum habeat, sive liceat sive non liceat contra propriam sententiam operari. Præterea utrumque hoc dictum Celladei falsum est, ut mox ostendam, nec omitti debet eorum examen, quia impetunt unum ex principiis, quod à S. Antonino aliisque omnibus pro conscientia ritè formanda tanquam certissimum proponitur, nempe exemplum proborum & doctorum hominum; si enim verum dicat Celladeus, nemo per aliorum exemplum licitè se regulat; si verò nobis liceat regulare nos per proborum & doctorum hominum exemplum, uti certissimè licet, haud dubiè Celladeus fallitur.

Plura falsæ & ad rem non facientia, à Celladeo allata.

29. Inprimis ergò sumamus hominem opinantem aliquid esse illicitum, ita tamen ut censcat oppositum esse etiam probabile (nisi enim hoc

An & quòd modo expositum pro-

E

supponit

borum sit
sufficiens
conscientie
regula?

supponatur versatur extra controversiam præsentem) tum ponamus hunc hominem, non obstante opinione sua, formare conscientiam, quod oppositum, omnibus inspectis, liceat, juxta tradita à nobis *quæst. 30. de consc. prob.* In hoc casu homo ille vel est doctus, vel indoctus. Neuter format conscientiam præcisè propter exemplum aliorum; non doctus, quia ille rationibus reflexis quæstionem determinavit, & ex vi illarum conscientiam format; non indoctus, quia ille nititur alienæ auctoritate, & quia à probo & perito audit in tali casu licitum esse sequi exemplum proborum, per auctoritatem extrinsecam format suam conscientiam, quoties videt probos & pios viros aliter operantes, quàm ipse putat operandum esse. Hæc quidem est ordinaria via, quæ indocti in tali casu conscientiam formant. Verum independentè ab hoc, adeo notum est lumine naturæ, quod liceat sequi exemplum proborum & doctorum hominum, ut licet nemo expressè dixerit illud esse licitum, unicuique id ipsum sit notissimum. Ratio est, quia exempla plus movent quàm verba, maxime quando non potest esse suspicio, quod qui dant exemplum contra conscientiam suam operentur. Imò exemplum plurimorum talium hominum æquivaleret expressæ unius vel alterius assertioni, quia quoties probi communiter taliter operantur, datur prudens præsumptio, quod sufficienter sciant tale objectum hic & nunc esse licitum. Unde qui regulatur bonorum exemplo, non format conscientiam præcisè per exemplum aliorum, etsi probi sint & docti; sed considerando exemplum unà cum doctrina & probitate operantium, infert objectum esse licitum; quia nisi esset licitum, periti & probi illud non eligerent. Itaque exemplum proborum est regula remota, ex qua honestas rei legitime deducitur, & conscientia ritè formatur. Neque in hoc ulla est umbra circuli vitiosi, quem Celladeus inevitabilem autumat.

Casus exempli
sufficiens
ad conscientiam
debet formari.

30. Exemplo in hisce regionibus satis frequentem demonstro. Moris in Belgio est, diebus sabbatinis inter Nativitatem Christi & Deiparæ Purificationem carnes edere. Nil ejusmodi fit in Anglia, ibi enim institutio Ecclesiæ de abstinentia à carne diebus sabbatinis à Catholicis integerrimè servatur. Jam sæpè contingit, Virgines teneras, religiosæ vitæ studiosas, currente hoc tempore in Belgium trajicere, quas Sacerdotes magnæ doctrinæ ac pietatis comitantur, ut eas in monasteria suæ nationis recludent. Mirantur Virgines illæ dum sabbatinis diebus carnes apponi vident in mensa, nec audent illas attingere, ne solvant abstinentiam ab Ecclesiâ præscriptam. Sæpè protestantur, nolle se carnes gustare, aliis interim simul ignorantiam illarum ridentibus, simul pietatem laudantibus; nec alia potentior via est ad tranquillandas illarum conscientias, quàm si Sacerdos dicat, comedéne, si me prius comedentem videris? cui respondere solent, si te comedentem videro, comedam & ego, quia novi te esse virum probum & peritum, qui proinde non comederes carnes, nisi sufficienter scires illarum esum hoc tempore & loco esse licitum.

31. Quæro hic à Celladeo, utrum allatum Sacerdotis exemplum, cujus sanctitas & doctrina ejusmodi faminz notoria est, eò quod diu experta sit, illum non solum præcepta Dei & Ecclesiæ omni diligentia custodire, sed insuper continuis jejuniis, orationibus, ac corporis castigationibus addictum esse, ac celeberrimum etiam pro do-

ctrina ab omnibus haberi; quæro, inquam, an ejusmodi exemplum ad conscientiam tenetæ Virginis ritè formandam sufficiat, nec ne? si dicat non sufficere, patenter errat, quia certum est, quod exemplum ejusmodi fundet præsumptionem adeo rationabilem, quod lex hic & nunc non obliget, ut id absque temeritate in dubium revocari nequeat.

Præterea sic arguo. Exemplum ejusmodi fundat veram ac evidentem probabilitatem, etiam juxta mentem Celladei, realem ac positivam de non obligatione legis hic & nunc, quia tale fundamentum plerumque non errat, immò ferè nunquam fallit. Ergò per Celladeum sufficit ad conscientiam ritè formandam.

32. Quod si concedat tale exemplum sufficere. Ergò jam exemplum proborum ac peritorum sufficit ad debitè formandam conscientiam; quod absque dubio verum est tam in hoc, quàm in omni alio casu, quando exemplum talium hominum præbet fundamentum rationabiliter existimandi, quod lex non obliget. Hoc autem semper locum habet, quando consuetudo proborum & peritorum est universalis in aliqua regione ac natione, quia evidens est, quod talis consuetudo aut semper, aut saltem plerumque connectatur cum non obligatione legis. Ergò qui ex tali exemplo arguit, legem hic & nunc non obligare, certò probabiliter ac rationabiliter arguit, & consequenter rationabiliter format conscientiam.

Conscientia
rationabili-
ter forma-
tur ab ex-
plo proborum.

33. Rursus certum est hominem hæc ratione conscientiam formantem non incurere circulum, quia non pergit ab exemplo ad exemplum, sed vel figitur in uno tantum exemplo, & ex illo infert legem non obligare, ut in casu à me allato; vel certè indivisibiliter respicit consuetudinem communem proborum, & tunc à fortiori idem infert, quia est de nunquam, aut certè de rarissimè contingentibus, quod talis consuetudo apud peritos & probos vigeat, quando lex viget & obligat. Præterea manifestè præsumitur, quod aliquis, imò quod plures illorum post rem sufficienter examinatam inveniant legem non obligare. Unde persuasio quod lex non obliget, est evidenter rationabilis, probabilis, ac prudens. At talis persuasio non resolvitur in circulum. Ergò ab exemplo proborum conscientia ritè formatur absque circulo vitioso.

Idque sine
recursu ad
circulum
vitiosum.

34. Jam non soli imperiti, sed etiam periti eodem discursu uti possunt, quia periti melius norunt connexionem inter consuetudinem proborum & carentiam legis obligantis, quàm imperiti. Nec obstat, quod alii aliorum exempla sequantur; non enim ideo reditur in idipsum, quia tandem pervenitur ad primos, qui absque aliorum exemplo idem fecerunt; illi autem quicumque fuerint, rationabiliter præsumuntur rem examinasse, atque invenisse legem non obligare. Hæc autem præsumptio eò validior est, quod plures periti ac pii absque scrupulo aliquid faciunt, quia præsumitur, quod aliquis saltem illorum rem examinaverit, & invenerit, nullam adesse legem, per quam tale opus prohibetur. Itaque qui ab exemplo proborum & peritorum arguunt sumptionem chocolatis esse licitum, non committunt circulum, sed semper resolvunt conscientiam in rationabilem persuasionem, quæ asserunt nullam esse legem, quæ hujusmodi objecta prohibeantur. Et quidem de sumentibus chocolatam res est perspicua, si illius usus (ut dicit Celladeus) vigeat apud omnes Regulares etiam maxime observantes; quia manifestè præsumendum est, talem consuetudinem introduci non

non

non potuisse, quin res sufficienter examinata & tandem inventa fuerit esse licita, ac nulla lege prohibita. De mulierum ornatu paulò diversa est ratio, quia cum illarum peritiam non habeant, nil ex illarum peritia inferri potest; verum cum plurimæ illarum timoratissimæ conscientiæ sunt, fieri nequit, quin quando res est dubia, plures illarum peritos consuluerint, & ab iis didicerint tale ornamentum esse licitum. Itaque tota tandem resolutio conscientiæ in eo terminatur, quòd sufficienter constet, nullam esse legem, quæ talem operationem prohibeat.

Falsa Celladei suppositio.

Celladei inconsequentia.

35. Præterea non minùs falsa, quàm stupenda est illa Celladei suppositio, scilicet quòd periti unanimiter judicent aliquid esse illicitum, & tamen omnes absque scrupulo illud faciant. Sed ubi, quæso, casum hunc inveniet Celladeus? Nullibi haud dubiè. Periti enim & probi non faciliè unanimiter conspirant in praxim, quam omnes & credunt & tradunt esse illicitam. Itaque discursus totus procedit de subiecto non supponente. Sed neque concludit, etsi tota suppositio admittatur. Inprimis non sequitur quòd periti, si sequantur suam sententiam, quæstionem resolvant per principia directà, quia sæpè principia directà non suppetunt, ut in dubio, & tunc resolvunt quæstionem per principia reflexa, & nominatim per hoc, quòd in dubio lex non obliget, quia non est sufficienter applicata seu promulgata. Errat ergò Celladeus, qui contrarium pro necessaria consequentia proponit. Præterea neque ex suppositione, quòd quatuor periti & probi per principia directà resolvant aliquid esse illicitum, & eà resolutione non obstante, adhuc faciant oppositum, eò quòd per principia indirecta conscientiam suam forment, & credant opus illud hîc & nunc esse licitum, neque, inquam, ex hac suppositione sequitur, eos circulum vitiosum committere, quamvis aliqui illorum per aliorum exemplum conscientiam forment. Ratio est, quia adhuc omnes & singuli existimare possunt, quòd honestas directà talis objecti sit probabilis, & consequenter omnes & singuli per principia indirecta inferre possunt, legem illam, si existat, non esse sufficienter promulgatam, ac proinde neminem obligare. Rursus cum illi sint solùm quatuor, impossibile est, quòd omnes per aliorum exemplum suam conscientiam dirigant, quia impossibile est, quòd omnes aliorum exemplum sequantur. Necessè enim est, unum aliquem incipere absque eo, quòd alium præeuntem videat. Ergò qui primus fundatur in illius exemplo, nullo modo fundatur in exemplo proprio. Ergò nullus committitur circulus. Similiter tertius, qui duos, & quartus qui tres præeuntes habet, illosque imitatur, non fundatur in proprio exemplo. Ergò ab initio nemo in proprio exemplo se fundat. Ergò Celladeus per omnia à veritate aberrat. Utitur enim suppositionibus falsis, & ex illis illationes facit patenter nullas.

Qui sequitur alienum exemplum, non fundatur in proprio, nec circulum committit.

Quamvis homo sequens exemplum, redeat ad factum proprium, non committit circulum vitiosum.

36. Quòd si primus ex illis quatuor, qui re discursu per rationes conscientiam suam formavit, videat alios peritos ipsum imitantes, atque ideo in posterum eorum etiam exemplo se dirigat, in tali casu fieri poterit, ut ex parte objecti ad proprium exemplum recurrat, quia si alii non alià viâ quàm per exemplum præcedens conscientiam formârint; & ille iterum per illorum exemplum se regat, certum est, quòd ex parte objecti ad proprium exemplum redeat, cum illud fuerit motum radicale, per quod alii directionem ha-

R. P. A. Terilli, Regula Morum PARS II.

buerunt; & consequenter cum ipse supponat alios rationem habuisse, & ex præsumptione talis rationis conscientiam formet, ex parte objecti ad proprium exemplum revertitur, ut patet. Verum hoc nunquam videtur contingere; & si contingeret, nullus daretur circulus vitiosus. Inprimis nunquam videtur contingere, quia nunquam sit, ut peritus & probus quidquam dubiæ honestatis aggrediatur, ideo præcisè quia videt unum probum & peritum illud facere (nisi in casu aliquo, in quo præsumimus illum certò scire veritatem, ut in casu superius allato de esu carniùm, in quò casu ille primus nunquam regulatur exemplo eorum, qui illum imitantur, sed certà scientiâ, quòd ob consuetudinem lex illa hîc & nunc non obliget) sed antequam operetur, affectus primum alieno exemplo rem examinat, donec rationem satisficientem inveniat. Itaque si de peritis & probis loquamur, nunquam contingit, ut aliquid ejusmodi in communem praxim reducatur, quin plures veritatem diligenter examinârint, & invenerint rem esse licitam, eò quòd nullâ lege sufficienter applicatâ prohibeatur. Unde qui primus alius in opere præluxit, non resolvitur in proprium exemplum, quando communem vivendi rationem imitatur, sed resolvitur in carentiam legis obligantis, quam meritò præsupponit non adesse, ob rationes à peritis & probis repertas, quæ in ipsius exemplum non resolvuntur.

37. Cæterum etsi omnes alii ipsius tantùm exemplum secuti fuissent, non tamen ideo ille praxim jam communem sequens, committit circulum vitiosum; tum quia lex humana amplius non obligat, quando est in desuetudine universali apud omnes, maxime apud peritos & probos, undecumque tandem illa desuetudo ortum traxerit; tum quia, etsi non consideret certam hanc cessationem legis ob desuetudinem illius, sed solùm dirigatur communi aliorum exemplo, atque ex illo inferat dari rationem sufficientem ad formandam conscientiam, quòd lex non obliget, & sic per circulum verè ex parte objecti ad proprium exemplum recurrat, tamen circulus ille vitiosus non est, quia non sistit in solo proprio exemplo; sed ex unanimi omnium consuetudine inferit rationem aliquam dari, ob quam satis constet legem non obligare. At hoc est verum, quia primum ipsius exemplum tali ratione nixum erat. Itaque in istiusmodi casibus nunquam datur circulus, aut certè vitiosus non est, sed fundatur in aliquo extra circulum, à quò totus motus ille circularis ortum sumit.

SOLVITUR TERTIA OBJECTIO; & simul agitur de peccato materiali.

38. **O**BJECTIONES tertio, si tales leges non essent sufficienter promulgatæ, inprimis nulla daretur contra illas violatio ne quidem materialis; nam lex sufficienter non promulgata non est simpliciter promulgata. Lex autem non promulgata non obligat, nec magis violatur, quàm si non esset. At nos ponimus violationes materiales.

Deinde Auctores benignæ sententiæ expressè dicunt, partem tutiorem sub consilio esse sequendam. At si leges non essent sufficienter promulgatæ, pars tutior non esset ne quidem sub consilio sequenda, ut patet in legibus humanis non promulgatis, quippe quæ petiundo sunt, ac non factæ. Ita Celladeus §. 4.

E a

Respons

Argumen-
tum Cella-
dei et si ad-
mittatur,
non probat
intentum.

Respondeo, si ex nostra doctrina sequatur, tam nullam dari violationem ne quidem materiale legis non sufficienter promulgatæ, quam non esse consilium sequi partem tutiorem, nil inde contra veritatem sententiæ nostræ deducitur; quia in tantum sequelas istas concessimus, in quantum adversarii contendunt, illas saltem negari non posse; quod si jam velint illas ex nostra sententia deduci non posse, contenti sumus, nec dignum ducimus peculiarem de hac re litem instituere.

Argumen-
tum retor-
quetur.

39. Respondeo secundò, Celladeum ipsum debere argumentum suum solvere in casu ignorantie invincibilis; quia lex invincibiliter ignorata non magis obligat, quam si non esset. At si non esset, nulla esset ne quidem materialis violatio, ut patet. Similiter non est magis de consilio ponere objectum legis invincibiliter ignoratæ, quam esset, si illa non existeret. Ergo si tunc pars tutior non esset ne quidem de consilio, neque nunc est. Peto jam, Celladee, utrum admittas vel non admittas istas tuas illationes locum habere in casu ignorantie invincibilis? si illas admittas, nec absurdas putas, cur objicis tanquam absurdum, quod nos illas admittamus? si non admittas; ergo ostendendum tibi est, quomodo materialis transgressio habeatur sine formali. Similiter ostendere debes, quâ ratione sit opus consilii sequi partem tutiorem in illo casu. Ergo jam proprium argumentum solvere debes, nobisque responsum offerre; quia idem prorsus dicemus quod tu, cum toties habeatur ignorantia invincibilis præcepti, & defectus promulgationis sufficientis, quoties, omnibus inspectis, probabile est, illud nunquam fuisse latum.

Datur mate-
rialis viola-
tio legis, ex
eo quod
non sit suf-
ficienter pro-
mulgata &
applicata.

40. Respondeo tertio. Hæc Celladei sequelas esse nullas, quia toties datur materialis transgressio, quoties ponitur objectum vetitum à Legislatore per legem determinatæ parti communitatis sufficienter promulgatam, quamvis illa lex nec mihi nec longe maximæ parti sit promulgata, seu legitime notificata. Itaque homines haud dubiè sæpè materialiter transgrediuntur leges, quamvis illæ ipsis sufficienter applicatæ ac promulgatæ non fuerint. Id clariùs apparet in jure naturæ, in quo nulla datur peculiaris promulgatio distincta à lumine naturæ, per quod sufficienter innotescit, aliquid esse malum. Jam lex naturalis uni innotescit, quæ tamen alium invincibiliter latet, & consequenter una eademque lex naturalis sufficienter promulgatur uni, quæ alteri non sufficienter promulgatur. Jam ergo evidens est, hominem, invincibiliter errantem circa legem naturæ, peccare materialiter, quia ponit rem, quæ verè prohibita est, etsi lex illa non sit sufficienter promulgata omnibus.

Hoc verum
est, tam in
lege mate-
riali, quàm
in positiva.

41. Idem prorsus locum habet in lege positiva, quæ pro parvis communitatibus fertur; tales enim leges non aliter promulgari solent, quam per hoc, quod superior, illos in unum cogat, suamque voluntatem intimet; jam si aliquis forte sit absens, nec alii postea rem gestam narrent, lex illa non est illi sufficienter promulgata, qui tamen materialiter peccabit contra legem verè latam, & aliis etiam sufficienter promulgatam.

42. Nec dissimilis est ratio de iis etiam legibus, quæ pro magnis communitatibus feruntur, etsi enim jam usu receptum, atque etiam lege cautum sit, ut leges non censcantur obligare donec tali peculiari ceremoniâ promulgentur in curia, tantumque temporis clabatur, quantum sufficit, ut

certa earum ac promulgationis factæ notitia ad subditos distantes perveniat; quamvis, inquam, hoc usu receptum sit, atque illa sola ceremonia facta in curia vocetur legis promulgatio, illa tamen ceremonia est solum promulgatio prima, seu potissimè dicta, quæ aliquibus paucis præsentibus fieri solet, ratione cujus jam dicti potest, quod lex illa communitati sit promulgata; nihilominus illa promulgatio non est completa respectu singulorum, sed adhuc extendi debet ad alios plures, ad quos si non extendatur, sed illius notitia illos invincibiliter lateat, utique talis lex respectu illorum non est sufficienter promulgata; vera enim legis promulgatio alia est activa, alia passiva; activa est signum externum, per quod voluntas superioris subditis innotescit, passiva verò est ipsa notitia, quam signum illud causat in subditis. Jam nisi signum positum sit adeo efficax, ut immediate vel mediate ingerat notitiam legis, vel certè obligationem investigandi, an superior talem legem tulerit, tale signum non est sufficiens promulgatio ne quidem activa, quia est inefficax, qualis esset illa superioris, qui voluntatem suam græcis tantum vocibus exprimeret, cum nulli subditorum linguam græcam intelligerent. Itaque haud dubiè lex lata toties non est sufficienter promulgata respectu alicujus, quoties ille invincibiliter ignorat legem, quia toties medium positum ad intimandam superioris voluntatem inefficax fuit respectu illius, quamvis efficax & sufficiens fuerit respectu aliorum. Ergo in tali casu homo contrarium faciens, materialiter peccat, quia materialiter violat legem latam; & aliis sufficienter promulgatam, non tamen peccat formaliter, quia nullam legem sibi sufficienter promulgatam violavit.

43. Doctrina hæc exemplo locutionis & auditionis clariùs evadet. Nemo sufficienter alloquitur alium, nisi ponat signum adeo efficax, ut auditionem excitare possit in eo, cui sermonem dirigit; & sanè si non adhibeat talia signa, perinde est in ordine ad personam, quam alloqui intendit, sive loquatur, sive non loquatur. Jam activa legis promulgatio, quæ sola strictè loquendo est promulgatio, aliud non est quàm signum, quo legislator subditos alloquitur, eisque intimat voluntatem suam, quâ illos ad aliquid obligat. Ergo si signum illud sit tam inefficax, ut ad alios pervenire non possit, legislator per illud haud sufficienter alloquitur subditos, sed perinde facit, ac si prorsus taceret; imò formaliter loquendo tacet, cum nemini mentem suam exprimat. Similiter si signum illud sit efficax ad excitandum auditum aliquorum non autem aliorum, tunc sufficienter aliquos, alios autem insufficienter alloquitur. Ergo similiter signum locutorium, ac manifestativum legis, in quo promulgatio consistit, erit aut non erit sufficiens, prout fuerit, aut non fuerit efficax ad excitandam in subditis legis notitiam, quam voco promulgationem passivam; quia nisi hæc ex vi signi excitetur, aut certè excitari possit & debeat, non est promulgatio sufficiens ne quidem activa, quia activum & passivum sunt correlativa ut patet; sicut enim locutio non est sufficienter locutio activa respectu audientis, nisi possit illius auditum movere, ita pariter nulla promulgatio est sufficienter activa, nisi & suæ & legis notitiam ingerere possit. Et quia signum positum pro promulgatione legis sæpè solum afficit aliquos, alios autem nullo modo afficit, ideo tale signum est sufficiens promulgatio legis respectu aliquorum, & respectu aliorum non est sufficiens.

Promulga-
tio legis,
alia activa
alia passiva;
alia prima
& incom-
pleta, alia
secunda &
completa.

Promulga-
tio inefficax
non est vera
promulga-
tio.

sufficiens. Jam Celladeus non distinguit inter promulgationem legis factam communitati & inter promulgationem factam singulis in communitate contentis, quæ tamen duo sunt valde diversa, atque ex eorum diversitate intellectû statim apparet, sectantes partem minus tutam aliquando peccare materialiter, quia ponunt opus prohibitum à lege, aliquibus quidem sed non omnibus sufficienter promulgatâ. Prima ergo illatio objectionis nulla est.

Pars tutior est materia consilii, siue pars minus tuta prohibetur, siue non.

44. Sed nec secunda illatio subsistit, quia perspicuum est, quod pars tutior plerumque sit materia consilii, etsi revera nulla sit lex, aut cûsa aut promulgata, quæ partem tutiorem præcipiat. Ratio est, quia pars tutior plerumque est indubitata materia virtutis, cûm pars minus tuta non sit ejusmodi. Sic est certa materia virtutis confiteri circumstantias notabiliter aggravantes in eadem specie, at non constat, quod illas omittere sit materia virtutis; quod verum est quoad nos; etsi revera nulla sit lex obligans ad illarum confessionem, quia adhuc oppositum est probabile. At est materia consilii eligere certam materiam virtutis præ materia incerta, quia plus boni solet esse in certa, quàm in incerta materia virtutis, & semper quoad nos datur ille excessus. Secundò etsi pars minus tuta quoad se sit etiam materia virtutis, semper tamen, aut certè plerumque est materia virtutis inferioris, quàm pars tutior. Sic etsi liceat non confiteri peccata venialia, aut circumstantias notabiliter aggravantes, tamen majoris virtutis & magis proficuum est illa confiteri. Idem valet in materia obedientiæ, abstinentiæ, & aliis omnibus; quia in omnibus similis ratio locum habet. Ideo enim pars aliqua dicitur tutior, quia magis accedit ad perfectionem virtutis. Ergo pars tutior est materia consilii; & sanè si aliud non intervenire, bonum obedientiæ perfectæ nunquam de-

Pars tutior est materia perfectæ obedientiæ.

est, ratione cujus pars tutior sit materia consilii. Omnes enim Theologiæ mysticæ Magistri assentunt, cum esse perfectè obedientem, qui præceptum præoccupat, & ea omnia facit, quæ novit esse juxta voluntatem sui superioris, etsi superior subditum non obligaverit. Itaque cûm perfectio obedientiæ sit materia consilii, & exercitium nobilissimæ virtutis, haud dubiè sæpè invenitur materia consilii, ubi deest præcepti promulgatio. In d ubi ipsum præceptum deest; quia melius est exequi quàm non exequi voluntatem Dei & superiorum, non solum quando constat nobis, quod habeant voluntatem obligandi nos, quamvis eam nondum promulgârint, sed etiam quando constat, quod voluntas illorum sit merè directiva, non autem præceptiva. Ergo pars, quam tutiorem vocamus, est materia consilii, quia est conformis voluntati Dei vel præcipienti, vel dirigenti, & consulenti; eò quod pars illa semper magis accedat ad perfectionem, idque vel ex natura sua, vel certè ex ordinatione Dei, de quo lumine naturæ constat, quod suadeat saltem tutiora, & quod solum permittat minus tuta. Itaque nulla ex illationibus istis locum habet.

queretur, quod liceret sequi partem minus tutam, etiam contra demonstrationem, aut divinam revelationem, quod tamen omnes negant. Etenim si Deus revelet, legem quidem factam esse, non tamen fuisse sufficienter promulgatam, eò ipso ego non essem obligatus, nisi speciali voluntate vellet me obligare. Sic secretarius Pontificis aut Regis scribens legem, non obligatur tali lege, donec illa sufficienter promulgata fuerit. Ergo privata demonstratio vel revelatio non reddit leges satis promulgatas, ut me obligent, nisi demonstratio & revelatio habeatur à plerisque; ita ut solenni promulgationi æquivalet.

Nec dicas, leges Dei esse promulgatas in se non autem mihi, quoties probabile mihi est, quod non dentur; nam hoc est ludere in terminis, quia promulgatio est quoad nos, ideoque repugnat promulgatio, quæ sit talis in se, quasi seorsim à nobis. Quod autem mihi non sine sufficienter promulgatæ est evasio sophistica; non enim de metraetamus, sed de omnibus. Ergo vel leges, de quibus sunt contrariæ probabilitates, sunt sufficienter promulgatæ & intimatæ, vel non: si primum, habetur intentum. Si secundum, contra est, quia mihi promulgari non est promulgari, cûm promulgari & mihi sit implicatio in terminis. Ita Celladeus §. 4.

Promulgatio essentia liter dicit ordinem ad eos.

Respondeo primò ad secundam partem objectionis, quia ordo doctrinæ hoc postulat, & dico, Celladeum bene & sagaciter notasse, quod luderet in terminis, qui diceret, leges esse sufficienter promulgatas quoad se, non autem quoad nos; quia essentia promulgationis consistit in notificatione legis factæ subditis, & consequenter promulgatio legis est terminus dicens expressam relationem quoad nos, ut proximè ostensum est. Verùm hæc doctrina totum illius discursum evertit; ex illa enim aperte sequitur, nullam legem esse sufficienter promulgatam illi, qui eam invincibiliter ignorat, quia non est sufficienter manifestata ipsi, ut patet; sicut enim legislator non manifestavit illi mentem suam, nec illum allocutus est, ita nec legem suam illi promulgavit. Itaque ex hoc ipso capite certum est, taliter operantem à peccato excusari, quia nullam legem sufficienter sibi applicatam seu promulgatam violat. Itaque in tali casu Celladeus ipse proprium argumentum scilicet tenetur; quia certum est hominem ex eo titulo excusari, quem ille putat nullam excusationem asserre. Non ergo est sophisma dicere, legem non esse mihi sufficienter promulgatam, quando ego illam invincibiliter ignoro, quidquid sit an aliis sufficienter promulgata sit nec ne, quia aliud est legem esse promulgatam communitati, aliud illam huic determinato subdito esse promulgatam; hæc enim sunt separabilia, ut patet. Præterea falsum est, quod non agatur de me, sed de omnibus, quia quaeritur an ego, qui sequor opinionem probabilem, & qui ex ignorantia invincibili legis operor, excuser nec ne? dicimus autem me excusari, quia lex mihi non est sufficienter promulgata; hoc enim est quod me excusat, ad quod impertinens est, quod aliis sit, vel non sit sufficienter promulgata, ut patet. Est quidem verum, carentiam promulgationis aliis omnibus factæ multis in casibus efficere, ut lex me non obliget, de quo paulò post ex professo tractandum erit, sed hoc non impedit, quod minus ego ex hoc capite excuser, quod lex mihi non innotuerit sed invincibiliter me lateat, etsi maxima reipublicæ pars illam sciat.

46. Itaque ad dilemma in fine objectionis Leges pro-

pro-

pro-

SOLVUNTUR ALIAE OBJECTIONES

45. **O**BJICIES QUANTO. Si in probabilibus liceret agere & consulere contra partem tutiorem, à quæ etiam contra propriam opinionem, eò quod, stante probabilitate utriusque partis, lex non esset sufficienter promulgata, scilicet R. P. A. Terilli, Regula Morum. Pars. II.

Obiectio 4.

habitu non
existentes
non sunt
sufficienter
promulga-
tae.

Adequata
promulga-
tio est quæ
fit non so-
lum pro o-
mnibus, sed
omnibus.

Argumen-
tum retor-
quetur.

Prima pars
objectionis
etiam retor-
quetur.

propositum respondeo, & dico, leges, de quibus probabile est quod non dentur, non esse sufficienter promulgatas illis, apud quos post omnem diligentiam adhibitam probabile est, quod non sint. Quod si hæc probabilitas sit universalis apud omnes, ut in plurimis questionibus controversis evenit, tunc leges, si quæ culæ fuerint circa talia objecta, nulli sunt sufficienter promulgatae. Ratio est perspicua, quia superior aut legislator non sufficienter exprimit mentem suam subditis, nec eos sufficienter alloquitur, quando aut nulla signa locutoria ponit, aut certe talia tantum exhibet, quæ post omnem industriam adhibitam plurimis peritissimis ac probris persuadent, cum nunquam voluisse suos subditos obligare, quæque apud omnes ita prævalent, ut uno ore fateantur rem esse valde incertam, & negari non posse, quin probabile sit, quod noluerit eos obligare, nisi apud aliquos sit æquè probabile, aut etiam paulò probabilius oppositum. Porro ratio quæ probat legem non esse sufficienter promulgatam respectu ullius, quando datur universalis probabilitas de illius non existentia, æquè probat eandem non esse sufficienter promulgatam respectu eorum, quibus, post omnem diligentiam in veritate investigandâ adhibitam, probabile est, quod non detur. Neque hinc sequitur, quod Celladeus infert; quamvis enim mihi promulgari non sit promulgari adæquatè, est tamen inadæquatè promulgari, quia adæquatissima promulgatio non est illa, quæ fit pro omnibus, sed quæ verè fit omnibus. Ceterum promulgatio simpliciter dicta est quæ fit pro omnibus, & ita actu fit aliquibus, ut per illos legis notitia ad alios omnes pervenire possit. Ergo tam necesse est, promulgationem mihi factam esse promulgationem inadæquatè sumptam, quàm est, me esse membrum totius reipublicæ pro qua lex fertur. Nulla ergo implicatio sed necessaria connexio reperitur inter illos terminos, *promulgarî & mihi*.

47. Interim Celladeus ipse suo dilemmate premitur, quia quæro, an leges sint vel non sint sufficienter promulgatae quoad nos, quando est positivè probabile quoad nos, quod non dentur, seu quando habemus motivum par aut majus eo motivo, quod ipse appellat probabile verum, reale, & quoad se, quando est verum. Si primum: ergo nemo excusatur sectando opinionem falsam, etsi probabilissimam quoad nos, quia qui violat legem sibi sufficienter promulgatam, haud dubiè peccat. At excusatur per Celladeum. Ergo lex non est illi sufficienter promulgata. Ergo si consequenter loqui velit, debet dicere secundum, ac fateri leges ejusmodi non esse sufficienter promulgatas quoad nos. At hoc concessio, habemus intentum, quia tales leges non sunt sufficienter promulgatae simpliciter, quia ipso etiam faciente, idem est promulgari & non promulgari simpliciter, ac promulgari ac non promulgari quoad nos, his positis.

48. Respondeo ad primam partem objectionis, & dico, eam ab ipso Celladeo solvendam esse in casu, quo unus aliquis solus haberet demonstrationem aut revelationem de lege, quando apud omnes alios probabilissimum esset quoad nos, quod talis lex non daretur. Peto enim, an in eo casu liceret vel non liceret operari & consulere contra propriam scientiam, & revelationem propriam, sicut licitum erat ante, quando ante demonstrationem inventam, errore communi quoad nos probabilissimo deceptus erat. Certè si lex non erat (sicut haud dubiè non erat)

sufficienter promulgata, quando omnes errore quoad nos probabilissimo decepti credebant illam non dari, fieri nequit, si Celladeo credimus, ut illa per meam privatam scientiam sufficienter promulgetur. Ergo adhuc non est promulgata sufficienter. Ergo adhuc licet contra eam agere, non obstante privatâ meâ certitudine, nisi legislator speciali voluntate velit me obligare. Argumentum exemplo secretarii scribentis legem nondum promulgatam corroboratur. Itaque Celladeus ipse æquè urgetur hoc argumento, ac nos.

49. Ceterum nulla est difficultas in argumento, si legem naturalem à positiva, & positivam divinam ab humana pariter positiva distinguamus; quia diversæ promulgationes in illis requiruntur & sufficienti, ut obligent. Inprimis quod ad legem naturæ attinet, illa per se loquendo non aliter promulgatur, quàm per lumen naturæ singulis inditum, ut per se constat, & jam dictum est. Talis autem promulgatio potissimè respicit personam, cui lex innotescit; sit enim illi directè, & non nisi indirectè ac mediâtè aliis per ipsum. Unde quotiescumque aliquis habet demonstrationem aut revelationem, quod aliquid sit malum, & jure naturæ prohibitum, lex naturalis sufficienter illi promulgatur, illique expressè applicatur, ac proinde expressam ab eo obedientiam postulat; quidquid sit de aliis, quia statim constat Dei voluntatem esse, ut ipse obediat. Itaque haud dubiè peccaret, qui contra talem demonstrationem aut certitudinem operaretur, quia violaret legem certò cognitam & pro se factam, sibi quæ sufficienter intimatam ac promulgatam. Et sanè quod hæc sola sit connaturalis promulgatio legis naturalis non solum constat ex naturali hominis constitutione, qui per vim intellectus sui assurgere debet ad sciendum, quid Deus ab ipso exigat, sed colligitur etiam ex modo, quo Deus ipse allocutus est populum Israëliticum, quando Decalogum, in quo lex naturalis continetur, illis observandum præscripsit; non enim dixit in communi omnibus. *Nemo vestrum occidat &c.* sed singulos singulariter allocutus est, dicens: *non occides &c.* in qua communi legis naturalis promulgatione eandem singulis de illa notitiam, eodemque proportionaliter modo indidit, quam omnes & singuli vi luminis naturalis acquirunt, in qua primum est, quod mihi hoc malum prohibeatur, ac deinde ex collectione talium notitiarum, completa & adæquata legis naturalis promulgatio componitur. Et sanè quando loquimur de primis principis juris naturalis, ipso naturæ ductu non aliter illa exprimimus, quàm per phrasim, quâ unicuique singulariter prohibetur, ne tale quid faciat. Sic dicimus hanc esse universalissimam naturæ legem, *quod tibi non vi fieri, alteri ne faceris*. Itaque si sermo sit de jure naturali, certum est, sequelam objectionis esse nullam.

50. Quod si sermo sit de lege divina positiva, Lex divina quam Deus per seipsum immediatè, aut certè per Angelos & Prophetas nomine Dei loquentes tulit, idem prorsus dicendum est, quod dictum est de lege naturali; quia etsi Deus per tales leges intendat obligare omnes, ita tamen fertur in omnes, ut æquè directè feratur in singulos, velit quæ non solum omnes in communi, sed singulos in particulari obligare, id quæ independenter ab eo, quod alii obligentur, aut per accidens non obligentur. Ratio est, quia quæ Deus per seipsum immediatè præscribit, ita proponit, ut nemo possit prudenter dubitare, quin velit ea à me, modò sciam eum talia præscripsisse, etsi mihi constet illum per accidens ea hæc & nunc

Quævis certitudo circa materiam legis naturalis est promulgatio illius.

Adequata legis naturalis promulgatio in quo constat.

Lex divina obligat omnes statim ac illis in particulari manifestatur.

& nunc ab aliis non exigere, eò quòd illi invincibiliter ignorent ipsius voluntatem. Ratio est quia Deus, utpote supremus ac undique infinitus legislator, non frustra manifestat suam voluntatem obligatoriam alicui particulari; sed ideo, ut ille peculiariter ac immediatè obedientiam præstet, atque alios pro sua facultate legem doceat, ut sic illi etiam divinis legibus obediant. Nec mirum id videri debet, quia Deus, utpote supremus ac sapientissimus legislator, nil præcipit nisi quod omnibus & singulis expediens est, quodque proinde à singulis non minùs exigit, quàm ab omnibus; quia sic colivult à singulis, ut obligationem hujus cultûs à nullius, etiam aliorum omnium, malitiâ impediri velit. Atque hinc est, quod Deus per leges à se latas strictè obliget omnes ad obtemperandum, quamprimùm illis voluntatem suam manifestavit.

Lex humana non obligat quemquam, nisi postquam solemniter promulgatur.

51. At de lege humana alia longè est ratio, quia cùm potestas legislativa humana sit limitata, & legistatores ipsi in rebus præscribendis errare possint, locus datur variis præsumptionibus, & exceptionibus, quæ respectu Dei locum non habent. Præterea leges humanæ formari ac ferri debent juxta præscripta & consuetudines illas ferendi. At & præscripta & consuetudines postulant, ut illæ solemniter promulgentur, antequam obligent. Unde aut certò constat, aut certè rationabiliter præsumi potest, legistatores humanos neminem obligare velle nisi consequenter ad solemnem promulgationem; & consequenter constat, neminem ex privata scientia de lege condita ad illam observandam obligari, si constiterit, eam solemniter promulgatam non fuisse.

Unusquisque ab initio post promulgationem legis tenetur sequi propriam demonstrationem de sensu illius.

52. At si semel constiterit, legem humanam promulgatam fuisse, & postea oriatur difficultas de sensu legis ac mente legislatoris, atque utraque contradictionis pars sit hinc inde probabilis, quæri potest, an in eo casu liceat operari contra propriam scientiam ac demonstrationem mente legislatoris? & sanè argumentum Celladei nullam habere videtur difficultatem extra hunc casum, ad quem dico, si ab initio legis promulgatz ego habeam demonstrationem aut certitudinem de mente legislatoris, aut de sensu legis, haud dubiè tenebor ad legem, etsi prævideam alios fortasse nullam talem certitudinem habituros, sed hinc inde contraria probabiliter judicatos. Ratio est, quia in eo casu præsumi non potest, quòd legislator nolit me obligare, cùm mens ipsius mihi certò innotescat, nec ulla apparet sufficiens ratio, ob quam meritò præsumere possim, quod hîc & nunc mecum dispensare velit; quin potiùs exigit, ut ego obediam, & aliis meam demonstrationem communicem, ut & ipsi debitam legi ac legislatori obedientiam præstent. Præterea cùm lex sit lata ac promulgata, dubium non est, quin mens legislatoris sit, ut in subditorum dubiis exortis veritas quantum potest investigetur, & si certò inveniat, ut juxta illam subditi operentur. Tenebuntur ergò in hoc casu ad propriam opinionem, nec contra illam agere licebit. At e contrario, si incertitudo hæc diu perseveraverit, & ex contraria illa probabilitate factum sit, ut cives putaverint se ad talem sensum non esse obligatos, atque ideo per consuetudinem diuturnam legem in eo sensu non observaverint, atque totum hoc factum sit, legistatorem vidente ac tacente, atque legis suæ executionem quoad hæc non urgente, tunc lex per consuetudinem toleratam cessat quoad talem sensum

illius, sicut cessat simpliciter, quando diu non observatur, etsi ab initio malâ fide & peccaminosè observata non fuit. Unde sicut per meam peculiarem demonstrationem lex non reviviscit, ita per eam non obligor, quia deest vis legis obligantis, quæ per talem scientiam applicetur; atque ideo tunc licebit contra privatam illam scientiam agere; sicut licebat antea, quia independentè ab ea, & antecedenter ad eam lex obligans ad talem sensum ex desuetudine abolita erat, quæ proinde non reviviscit per meam privatam scientiam; sed neque revivisceret per publicam declarationem, qua Princeps declararet, se antea talem voluntatem habuisse, nisi iterum legem suam reitèraret, atque executionem prioris legis in hoc etiam sensu urgeret.

53. Cæterùm licet res de facto hâc ratione se habeant, tamen fieri potest aliter etiam in legibus humanis, quia legislator humanus, condens legem pro tota communitate, potest ita exigere obedientiam singulorum, ut velit eam à singulis dari, statim ac ipsis ejus voluntas sufficienter intimata fuerit. Tunc enim ita se gereret, sicut diximus Deum in suis legibus se gerere. Et sanè in tali casu secretarius ipse statim obligaretur, sicut & Prætor, cui legem illam mitteret, ut illam publicè promulgaret; quia tunc privata notitia esset promulgatio, quam legislator vellet sufficere, ut lex privatum hominem afficeret. Itaque in tali casu promulgatio & privata notitia non essent termini sibi contradicentes, sed maximè pertinentes, ut patet. Ex his ergò patet, quâ ratione, & in quibus legibus liceat & non liceat agere & consulere contra propriam scientiam & certitudinem. Similiter ex dictis constat, quando, & in qua lege, privata scientia sit vel non sit promulgatio seu applicatio legis ipsi scienti ad hoc, ut illa mediantè teneatur, vel non teneatur ad obedientiam. Uno verbo constat, sequelam Celladei nullum locum habere in lege divina, in lege autem humana non semper locum habere, sed solum aliquando. Proinde falsum est, quod universaliter dicit, sequelam esse contra omnes; non enim est contra quemquam, quod sciam, nisi in casibus à me exceptis, in aliis verò admittitur, quia non habet majorem absurditatem, quàm in casu secretarii scribentis legem, quia eadem est ratio in utroque casu, cùm in utroque casu privata illa scientia non sit promulgatio legis, sicut est in aliis casibus.

54. Ob. 5. Si legem probabiliter non existere, & eam non esse sufficienter promulgatam, essent necessariò connexa, omnis tractatus de rebus ejusmodi esset vitiosus; quia nemo quærit, an leges non sufficienter promulgatz obligent? scitur enim illas non obligare. Secundò non liceret dicere quidquam ejusmodi esse peccatum, quia scitur nil esse peccatum, quod est contra leges non sufficienter promulgatas. At omnes contrarium dicunt, & faciunt. Non ergò credunt leges prædictas non esse sufficienter promulgatas. Tertiò ex hac doctrina omnis ferè speculatio moralis redditur inutilis, quia tota ferè est de similibus quæstionibus. Ergò essemus sicut in legibus non satis promulgatis, de quibus nemo curat. Quartò materia moralis plerumque non est certa, sed solum probabilis, ut omnes fatentur cum Aristotele in principio Ethic. & experientia testatur. Ergò si in talibus sumus in non promulgatione, possemus unâ vice hoc unum statuere, & omnem moralem scientiam tollere, quia nemo tenetur servare leges non satis promulgatas. Itaque

que dicendum quòd Deus satis superque promulgavit legem suam, *multifariam, multisque modis olim loquens patribus in Prophetis, novissime autem nobis etiam locutus in Filio*, quam legem per universum mundum primum Apostoli, mox alii prædicarunt, quamque Concilia, Romani Pontifices, SS. Patres, & Theologi declararunt. Porro hæc leges jam satis promulgata & consequenter obligatorie, singulorum cognitionibus applicantur singulis non promulgantur, quia suæ cuique ratio est regula subordinata & applicans. At hæc propria cuiusque ratio in plurimis est solum probabilis. Ergo ratio probabilis est regula applicans. Ergo ligat. Porro dicere, rationem probabilem, quæ aliquid videtur esse malum, non obligare, simulque asserere, certitudines rari esse, est totam Dei legem in rebus controversis, totamque moralem Theologiam interimere, maximè si non promulgationis & non acceptationis exempla teneant. Ita Celladeus §. 4.

Ductus

reflexa non reddit tractatum de moralibus inutilem. sed præsupponit eum præcessisse.

55. Respondeo argumentum hoc fundari in æquivocatione ac confusione considerationis directæ ac reflexæ, cum tamen nos in præfenti potissimè disputemus de consideratione reflexa. In primis ergo dico, sicut scimus, legem non promulgatam non obligare, ita etiam reflexè scimus, legem probabiliter non existentem non obligare, quia per hoc ipsum constat, quod non sit satis promulgata; neque de hoc secundo est major quæstio, quam an lex non sufficienter promulgata obliget; sicut enim hoc semel scitum de lege aufert omnem quæstionem in posterum: sic etiam cum semel post omnem diligentiam adhibitam constat probabile esse, quòd lex non existat, eo ipso scitur, quòd non obliget, quia reflexè scimus, talem legem non habere vim obligandi, idque ex variis titulis, nominatim autem quia non est sufficienter promulgata. Et sanè nemo ignorat, asseritionem hanc esse adeo contestatam & certam apud omnes, ut nemo Catholicorum, præter unum Celladeum, de illo dubitaverit, maximè si sermo sit de majori probabilitate directæ. Eadem porro est ratio de pari & minori probabilitate directæ, ut sæpè ostensum est. Nec inde sequitur, tractatus de rebus moralibus esse inutiles, immò contrarium sequitur, quia etsi quæstio reflexa jam sit finita ac determinata, tamen illa locum non habet, nisi directæ veritatis investigatio præcesserit, ut sæpè & fusè ostensum est in hoc tractatu.

Obiectio

confundit considerationem directam cum reflexâ.

56. Ad secundum, eadem responsio locum habet; quia si reflexè procedamus, nemo meritiò dicit illud esse peccatum, cuius honestas est certò probabilis, tantumque abest, ut omnes contrarium dicant, prout Celladeus asserit, ut notorium sit, nec Celladeum ipsum lateat, quòd omnes uno ore contrarium & supponant, & dicant, & probent. Certum enim est, quòd omnes Auctores benignæ sententiæ non solum negent, illud esse peccatum, si conscientia formetur juxta præscriptum illius, sed insuper unanimiter docent certum esse, quòd non sit peccatum, nisi fortè solum materiale, quòd nemini imputari potest. At Auctores benignæ sententiæ non sunt unus aut alter, sed omnes omnino, dempto Celladeo qui neminem ex Catholicis allegare potest, qui cum ipso & in sensu ipsius doceat, nullam probabilitatem, ne quidem majorem sufficere, ut sequens talem opinionem excusetur à peccato. Itaque Celladeus hic etiam confundit considerationem reflexam cum directâ; nam Auctores, qui in directâ consideratione dicunt aliquid esse

peccatum, iidem in consideratione reflexa absolutissimè per sententiam finalem enunciant oppositum, atque multi expressè id ipsum per hoc demonstrant, quòd ex consideratione supra probabilitatem directam de honestate operis sciant, legem aut non existere, aut certè sufficienter promulgatam non esse.

57. Ad tertium, eodem modo hic etiam æquivocat Celladeus, cum ea transferat ad considerationem reflexam, quæ solum directæ conveniunt. Præterea, etsi magna Moralis scientiæ pars sit solum de probabilibus, magna tamen pars istorum ita est probabilis, ut oppositum non sit probabile, & in tali casu scientia moralis necessaria est, atque etiam obligat, cum nil sit, quod excuset. At si sermo sit de utrimque probabilibus, quæ post omnem diligentiam (ad quam impendendam tenentur Auctores) manent probabilia, tunc recurrendum est ad principia reflexa, & per illa semel pro semper statuimus, talia objecta esse licita, quia in illis versamur sicut in materia legum non satis promulgatarum.

58. Deus ergo & olim & nunc etiam suas leges ita promulgavit, partim per se, partim per Prophetas, & demum partim per Filium, ut illæ sufficienter promulgata fuerint communitati pro omnibus, non tamen omnibus & singulis, quibus tamen promulgari debent, ut iis obligentur. Ratio hoc evincens est, quia alioquin nemo invincibiliter ignoraret legem, quia invincibilis ignorantia manifestè supponit carentiam debitæ promulgationis. Jam quod dicitur de Apostolis, Conciliis, Pontificibus, Patribus, & Theologis hæc leges declarantibus non satisfacit, quia id verum est, solum de pluribus, non de omnibus, quia post omnem prædicationem Apostolorum, & post omnem Ecclesiæ, Pontificum, Patrum, & Theologorum declarationem, innumera manent incerta, & aut utrimque probabilia, aut certè solum probabilia ex parte excusante à peccato, & in illis tantum dictum, leges ea vetantes aut non existere, aut sufficienter promulgatas non esse, quod est verissimum.

59. Nec magis urget quod dicitur, leges promulgatas singulorum cognitionibus applicari singulis, non autem promulgari; nemo enim id in dubium vocat, cognitio enim subditorum de lege obligante non est activa, sed passiva promulgatio legis, seu mera legis obligantis applicatio. Verum nil inde contra nos inferitur, quia cognitionem illam nec dicimus esse activam legis promulgationem, nec eo nomine eam appellamus, etsi vocemus illam promulgationem passivam, quia est proprius effectus promulgationis, sicut auditio est proprius effectus locutionis. Ceterum eadem prorsus est ratio de non-applicatione ac de non-promulgatione legis, quia lex non sufficienter applicata non magis obligat, quam lex non sufficienter promulgata. Imò hæc applicatio legis est proprium correlativum promulgationis; promulgatio enim, ut benè notat Celladeus, non est res absoluta, sed relativa & quoad nos, ideoque nil potest esse promulgatio, quod non sit signum efficaciter manifestativum voluntatis superioris. Itaque quoties invincibiliter deest cognitio applicans legem, toties deest promulgatio legis, quia deest signum efficaciter manifestativum ipsius, ut patet. Quod verissimum est tam respectu singulorum, quam communitatis, quia sicut communitas non obligatur nisi lex sit ipsi sufficienter promulgata, ita nec homo particularis obligatur per legem, quæ non est ipsi sufficienter promul-

Eadem in hoc argumento æquivocatio latet.

Deus sufficienter per se & suos ministros promulgat leges suas pro omnibus, sed non semper omnibus.

Non applicatio legis infert non-promulgationem ejusdem.

promulgata, seu applicata, quia applicatio illa est effectus necessarius legis sufficienter promulgatae.

Motivum
probabile de
lege non ob-
ligat, non
dicitur
Theologia
moralem.

6. Denique verum non est, quod totam Theologiam interimat, qui simul dicit, certitudines in rebus moralibus esse paucas, & motivum probabile, quo aliquid videtur malum, non obligare contra motivum probabile dictans oppositum; nec enim speculationem directam nec reflexam interimat. Non reflexam, quia super hunc ipsum casum reflexe disputat, & veritatem questionis propositae determinat in partem libertati faventem. Non directam, quia illa praesupponitur ad hanc reflexam, ut saepe dictum est. Porro quomodo

materiae morales secundum considerationem directam, sint plerumque incertae ac controversae; eadem tamen sumptim secundum considerationem reflexam, facile reducuntur ad certitudinem, quod idem dictum volo de lege tam divina quam humana; quamdiu enim directe loquendo; post omnem industriam probabile est legem non dari; toties reflexe certum est, quod non obliget. Neque hoc est interimere leges controversas, sed solum scire tales leges aut non existere, aut certe hic & nunc non obligare, quia non sunt sufficienter promulgatae. Irritus ergo est totus Celladei conatus in hac quaestione.

QUAESTIO QUADRAGESIMA- QUARTA.

*Utrum reflexe verum sit, quod omne probabile
sit licitum?*

SYLLOGISMUM hunc reflexum: *omne probabile est licitum. Hoc est probabile. Ergo hoc est licitum*: fuse examinat Celladeus lib. 3. *quaest. 9.* cumque dicit esse verissimum, ac legitimum, si intelligatur de probabilitate probante, positiva; ac reali; quam ipse antea definivit; sed si intelligatur de probabilitate merè apparente, & nominatim de probabilitate opinionibus contradictoriis tribui solita, aut de probabilitate, quam communis opinio dicit sufficere, contendit syllogismum hunc quam plurimis vitiis laborare. Itaque meum erit sensum syllogismi illius exponere, veritatem ac bonitatem ejusdem declarare, Celladei objecta diluere, atque ejusdem errores, quos in hac quaestione reperi, data opportunitate, detegere.

ASSERTIO PRIMA.

Propositum sit, legitimum sensum syllogismi allati exponere, ut sic omnis in disputando equivocatio tollatur.

Sensus syllogismi allati exprimitur.

AUCTORES benignae sententiae, qui unanimiter asserunt syllogismum istum esse bonum, expresse restringunt sensum illius ad probabilitatem practicam, eamque non apparentem aut dubiam, sed veram & certam, ut saepe dictum est. Hoc posito sensus syllogismi est iste. *Omne objectum, cujus honestas directe considerata est nobis certò probabile, illud, omnibus circumstantiis etiam reflexis considerata, est absolute nobis licitum. Hic contractum est objectum, cujus honestas directe considerata est certò nobis probabile. Ergo hic contractum, omnibus circumstantiis etiam reflexis considerata, est absolute nobis licitum.* Hic est genuinus sensus hujus syllogismi reflexi. Quod si Celladeus id neget, ex hoc falsitatis convincetur, quod nos contenti

erimus, si illum in hoc sensu concedat esse legitimum. Caterum Celladeus hoc loco non ea, qua par est, claritate loquitur, nec satis exprimit syllogismum hunc esse vel non esse reflexum, cum tamen manifestè procedat in sensu reflexo, in quo objectum, quod directe consideratum est probabiliter licitum, sumitur relatè ad novas circumstantias (ut tum in hoc opere, tum in tract. de *consci. prob.* saepe ostensum est) & enunciatur esse nobis licitum prout substat illis, de quo mox plura.

ASSERTIO SECUNDA.

Praemissa dicti syllogismi sunt probabilissima; imò moraliter certa. Illatio est legitima.

3. PROBATUR. Major syllogismi probatur ex iis omnibus, quae allata sunt tum in praesenti opere, tum in tract. de *consci. prob. à quaest. 190 usque ad 24.* Ratio à priori est, quia objectum, quod directe consideratum est probabiliter tantum honestum, sumitur jam in reflexa consideratione, prout substat novis circumstantiis, nempe prout post omnem diligentiam adhibitam, nulla lex prohibens reperiri potuit, objectum autem haud temerè sed rationabiliter creditur esse honestum. Hinc autem certò constat, talem legem aut non existere, aut certè non esse sufficienter nobis promulgatam & applicatam. Rursus sequitur legem illam, si forte existat, invincibiliter ignorari. Similiter constat eisdem penitus actum esse in voluntate & intellectu, sive erremus, sive non erremus, & alia multa constant, de quibus locis citatis fuse egimus, ex quibus morali saltem quâdam certitudine infertur, objectum illud in istis circumstantiis esse licitum, ac sine peccato formali poni posse. Haud dubiè enim non peccat, qui aut nullam legem violat, aut non transgreditur nisi legem non sufficienter promulgatam & appli-

& applicatam. Non peccat, qui facit opus prohibitum, quando invincibiliter credit illud esse licitum. Non peccat, qui quando errat, elicit eosdem planè actus in intellectu & voluntate, quos elicit, quando non errat sed honestè operatur; impossibile enim est ex duobus in intellectu ac voluntate eodem prorsus modo dispositis, unum peccare, alterum non peccare, sed bene operari. Hæc & alia hisce similia moraliter saltem certa sunt. Ergò major dicti syllogismi, quæ hæc affirmat, est saltem moraliter certa.

Summa
probabilitas
ejusdè ma-
joris alim-
de probatur,
illà autem
sufficit.

4. Cæterum quamvis major non esset moraliter certa & evidens, sufficeret, si esset adeo probabilis, ut post omnem diligentiam adhibitam moveret intellectum non temerè judicantem ad assensum sui, licet fortè contingeret objectum illud directè consideratum non esse verum. Ratio est, quia qui taliter judicaret, aut verum diceret, aut certè invincibiliter erraret. Ergò qui regularitur à tali judicio non peccaret, sed bene operaretur, etsi primum judicium esset erroneum. Atqui major illa reflexa talis est, ut post omnem diligentiam adhibitam, omniaque in utramque partem examinata, nobis videatur probabilissima & verissima, quamvis hæreamus circa honestatem ejusdem rei directè consideratæ, & dubitemus, an sit probabilior ejusdem inhonestate. Nec mirum hoc videri debet, quia rationes reflexæ efficaciores sunt ad probandam honestatem objecti in circumstantiis, circa quas reflexa consideratio refertur, quàm rationes directæ ad ejusdem honestatem comprobendam in illis circumstantiis, quæ directæ considerationi obversantur. Certè rationes reflexæ tanti ponderis fuerunt, ut attraxerint omnes ad asserendum illud omnibus consideratis esse licitum, quod juxta considerationem directam ab illis aut habebatur illicitum, aut certè non magis apparebat licitum, quàm illicitum; atque ideo unanimiter docuerunt, licitum esse sequi opinionem non solum probabiliorē, sed etiam æquè aut minùs probabilem. Hoc autem apertè demonstrat, honestatem ejusdem objecti esse probabiliorē in consideratione reflexa, quàm sit in directa. At major syllogismi supponit objectum directè consideratum esse probabile. Ergò idem objectum reflexè consideratum est longè probabilius honestum, quàm est in consideratione directa. Ergò major allati syllogismi, affirmans honestatem ejusdem in consideratione reflexa, est longè probabilissima, & multò probabilior, quàm propositio directa ejusdem honestatem affirmans, quod notandum est ad sequentia.

Minor syl-
logismi est
evidens.

5. Similiter minor dicti syllogismi est certa & evidens, quia supponimus certò constare, contractum illum habere omnia, quæ includuntur in definitione rei probabilis, alioquin minor illa de tali objecto non procederet; quia benigna sententia, quæ agit de regula prudenter eligibili, solum loquitur de certò probabilibus. Itaque præmissæ sunt, quales affirmantur in assertionē. Ergò sunt non solum probabilissimæ, sed etiam moraliter certò veræ. Conclusio autem ipsa ritè inferitur. Ergò totus syllogismus & bonus est, & certò verus.

ASSERTIO TERTIA.

Celladeus non rectè proponit questionem præsentem. Præterea in eadem impugnanda inconsequenter discursus.

6. **P**ROBATUR prima pars. Celladeus generalissimè proponit, *an omne probabiliter honestum sit licitum?* & querit, utrum hoc solum sufficiat, ut ejusmodi objectum citra peccatum ponatur, supponendo propositionem illam esse universalem, & ad omne genus probabilitatis extendi, scilicet tam certæ quàm probabilis, tam secundum esse, quàm secundum dici, tam realitè quàm apparentia. Certè argumenta ipsius expressè impugnant syllogismum in hoc sensu acceptum. Ergò illo syllogismo, quem impugnat, in dicto sensu accipit. Verum hoc est ærem verberare, apparenter pugnare, sed reipsa neminem impetere; quia nemo dictum syllogismum in tam amplo sensu approbat. Itaque sensus questionis est longè alius, nempe, *utrum omne probabile homini probabiliter & sine negligentia culpabili opinanti illud esse licitum, omnibus consideratis, sit ipsi licitum?* Hoc est, quod nos asserimus esse licitum, quodque in majori allati syllogismi affirmatur. Verum argumenta Celladei non impugnant syllogismum in hoc sensu, ut mox patebit. Ergò non rectè proponit questionem, quam impugnandam suscepit.

Celladeus non rectè proponit questionem.

7. Probatùr secunda pars, quæ sequitur ex prima. Celladeus in hac ipsa quæst. expressè admittit totum syllogismum esse verissimum; si sermo sit de probabilitate probante, reali, & positiva. At negat illum esse verum, si sermo sit de probabilitate, quam auctores benignæ sententiæ dicunt sufficere, ut quis per eam consurgat ad conscientiam excusantem debitè formandam. At hoc dicitur inconsequenter, quia omnis ejusmodi probabilitas est vera, realis, positiva, probans & urgens; immò nulla ejusmodi probabilitas distinguitur à probabilitate, quam ipsemet Celladeus definit, ac proponit tanquam regulam sufficientem ad excusandum operantem à peccato, uti non solum constat ex dictis quæst. 37. 38. 39. sed etiam ex eo convincitur, quòd omnes fermè Auctores benignæ sententiæ unanimiter dicant, solam probabilitatem veram & realem ac certò talem certò excusare. Ita autem definiunt hanc probabilitatem, totque exceptiones & condiciones ponunt, ut aliquid sit verè probabile, ut impossibile sit, talem apparentiam non esse positivè ac vehementer probativam, ac impulsivam ad assensum, ut evidenter constat ex iis, quæ latè tradidi in tract. de consc. prob. à quæst. 2. usque ad 6. inclusive. Itaque Celladeus reipsa inconsequenter loquitur, quide una eademque probabilitate idem negat, quod de eadem antea affirmaverat. Verum quidem est, ipsum prætere probabilitatem ab Auctoribus benignæ sententiæ propositam toto cælo discrepare à probabilitate, quam ille definit; sed toto cælo aberrat, cum nulla prorsus inter utramque sit differentia, ut constat ex dictis. Itaque illud ex suis principiis inferit, cujus oppositum inferri poterat ac debebat, quod reipsa est inconsequenter loqui, quamvis si termini accipiantur in sensu, quem ipse illis indebitè affingit, inconsequentia hoc loco argui non possit.

Discursus inconsequenter in eam impugnanda.

SOLVUNTUR OBJECTIONES.

Obiectio 1. 8. **O**BJICIES primò. Syllogismus iste formatur five ullâ distinctione probabilitatis, ita ut major propositio omnem prorsus probabilitatem includat. At major in tali universalitate non est vera. Certè S. Augustinus dicit, eam in tali universalitate sumptam esse optimo cuique metuendam; imò expressè jurat, se prorsus nescire, quomodò, eâ admisâ, adulterium sit peccatum. Secundò, esto, major sit vera de probabilitate vera ac reali, certè non est vera de probabilitate solum apparenti & sophistica; talem enim probabilitatem pro suis dogmatibus habent etiam hæretici. Tertiò, non est vera de probabilitate opinionibus dari solitâ, id est de propositionibus non notatis ac censuratis, quia omnes contrarium unanimiter tenent. Quartò, non est vera de probabilitate negativa, quæ consistit, aut in mera argumentorum solutione, aut in argumento ad hominem, quia Auctores classici negant hanc probabilitatem sufficere, cum afferant ad probabilitatem requiri fundamentum grave. At non est fundamentum grave pro una parte probare, quod non sit argumentum concludens aut sufficiens pro parte opposita. Quintò itaque major restringi debet ad probabile fundatum in auctoritate ac ratione gravi, in quo sensu est verissima. Ergò probabile fundatum in ratione ac auctoritate levi non sufficit. Ergò imperiti syllogismo istouti non poterunt, qui nequeunt discernere an ratio vel auctoritas sit gravis vel levis, & consequenter non possunt formare minorem, ut inferant consequentiam. Et hæc omnia sunt probata. Ita Celladeus §. 1.

Responsio ad primum. Respondeo inprimis, argumenta hæc ne quidem apparenter impetere majorem, si sumatur in sensu legitimo ab Auctoribus intento, quemque nos sum. 2. exposuimus. Itaque omitti possent ut ad rem non facientia, sed juvat ad singula respondere. Respondeo ergò secundò, Celladeum de his omnibus fusè egisse in superioribus, verum illa non probavit, sed in omnibus, quæ ad rem faciebant, erravit, ut ostensum est. Inprimis locus Augustini non est ad rem, ut ostendi quæst. 25. neque enim probabilitas, de qua ille loquitur, similis est probabilitati, de qua loquuntur Auctores benignæ sententiæ, ut ex dictis ibidem evidenter demonstratum est.

Responsio ad secundum & tertium. 9. Secundò, probabilitas, de qua nos loquimur, non est sophistica & ficta, sed vera & realis, nec hæretici talem habent, aut habere possunt pro suis falsis dogmatibus; quæ omnia probata sunt in superioribus, ubi etiam ostendimus errores & defectus, quos Celladeus commisit in æquanda probabilitate hæresum cum probabilitate opinionum, quas Catholici Auctores gravissimi unanimiter admittunt esse probabiles.

10. Tertiò, quod dicitur de probabilitate negativa, est de subiecto non supponente; nec enim Auctores communiter docent, talem probabilitatem (quæ non est probabilitas nec tali nomine meritò insignitur) universaliter sufficere ad licitè operandum, imò nunquam volunt, ut illa directè sufficiat, quia illa per se ad judicium rationabiliter formandum non sufficit. Quod si aliquando juret, est solum indirectè, quatenus sæpè reddit legem dubiam, & aliunde scitur, quòd in dubio insuperabili legis lex non obliget.

Responsio ad quartum. 11. Quartò, laudandus est Celladeus, quòd rationem vel auctoritatem gravem ad conscientiam

tiam debitè formandam sufficere dicat; sed illicò sequitur ex hoc ipso, totum illius conatum esse irritum, quia nos alterutrum semper exigimus; nec dubium, quin verè gravem requiramus, quia tot requirimus ad rationem & auctoritatem gravem, ut si quæ ratio vel auctoritas illa habeat, non possit non esse gravis. Sed de hoc plura in sequenti objectione. Interim falsum est, quod imperiti seu scientiæ moralis parum periti distinguere nequeant, quæ sit ratio & auctoritas gravis; contrarium enim ostensum est quæst. 17. & alibi sæpè, ubi fusè de hac re contra Celladeum egi, simulque ostendi, quomodò non solum mediocriter periti, sed etiam maximè idiotæ uti possint syllogismo allato, atque minorem certò subsumere, & conclusionem legitimè inferre. Videantur dicta locis citatis, si memoriz legentium non occurrant.

12. Ob. 2. Admisâ majori, si illa intelligatur de probabilitate fundata in ratione vel auctoritate gravi, quia in eo sensu negari non potest, difficultas adhuc superest in minori, quia illa juxta mentem adversariorum in quæstionibus hincinde probabilibus æquè formari potest pro utraque parte contradictionis. At impossibile est, ut minor illa subsumatur pro utraque parte contradictionis, quia impossibile est, ut utraque pars contradictionis sit probabilis probabilitate conscientiæ, aut habeat pro se rationes & auctoritates graves, sive in se, sive quoad nos, uti demonstratum est in superioribus. Præterea altera contradictionis pars est falsa. Ergò rationes illi parti faventes aut falsæ sunt, aut certò conclusio ex illis non deducitur. At rationes falsæ, quæ videntur & non sunt veræ, item rationes veræ, ex quibus conclusio videtur sequi, & non sequitur, sunt fundamenta purè sophistica & delusoria tam quoad se, quàm quoad nos. At sophistica non est regula morum. Ergò nec probabile in sensu tradentium benignam sententiam. Itaque difficultas est in minori, quæ si habuerit fundamentum non apparenter sed reverà grave, conceditur minor, secus negatur. Quòd si quis decipiatur in illa minori, resultabit conscientia erronea, quæ excusat, si error sit involuntarius, sed non excusat si error sit voluntarius, quæ omnia probata sunt in superioribus. Ergò nisi omnes istæ doctrinæ destruantur syllogismus iste valere nequit in sensu argumentum. Ita Celladeus §. 1.

Respondeo, Celladeum hic etiam recapitulationem facere plurium, quæ in superioribus proposuit; sed ea omnia in antecedentibus non solum soluta sunt, sed etiam falsitatis convicta. Nominatim autem quæst. 29. ostendi, utramque contradictionis partem esse posse simul probabilem probabilitate conscientiæ, si sermo sit de probabilitate remota, & ad conscientiam per principia reflexa debitè formandam sufficiente, quamvis utraque pars contradictionis formalis, id est, utraque propositio contradictoria non possit simul esse directè probabilis eidem intellectui, probabilitate se sola sufficiente ad operandum, & se tenente ex parte actûs affirmantis objectum suum esse verum; quia ad hoc utraque propositio contradictoria deberet simul existeri in intellectu, quod repugnat. Itaque datur quidem simultas probabilitatis respectu contradictoriorum tam objectivorum quàm formalium, non tamen datur probabilitas simultatis illorum, ut ostensum est loco citato.

13. Similiter ad omnia & singula ex reliquis, quæ opponit, jam responsum est in propriis locis, ad quas exceptiones.

Exceptiones Celladei contra minorem dicti syllogismi.

Responsio ad primam exceptionem.

Responsio ad alias exceptiones.

In quibus ostendi, illum in singulis errasse, nec quidquam tulisse, quo singulares suas sententias sufficienter probaret. Nominatim autem quod dicit de sophisticis rationibus rejectum est, erroresque ipsius & æquivocationes detectæ sunt. Porro dictum illud Celladei: *Nisi totum meum tractatum evertatur, dictum syllogismi valere nequit*: me non terret, sed animat, quia jam totum, quantus quantus est, excussi & everti, ideoque haud dubiè syllogismus allatus subsistit. Nominatim autem minor est indubitata, quia nulla opinio, de qua non certò constet, quòd habeat omnia ad probabilitatem requisita, ex præscripto benignæ sententiæ assumi potest tanquam sufficiens ad conscientiam debite formandam. Frustra ergo excipit Celladeus contra minorem, cum illa læpissime evidenter sit vera, & nos tum in hoc tum in tract. de cons. prob. læpius ostendimus, unde homo possit scire quæ opinio sit probabilis.

Obiectio 3.

Aliæ Celladei exceptiones contra dictum syllogismum.

14. Ob. 3. Dicere, majorem hujus syllogismi esse posse veram de utraque parte contradictionis, repugnat propriis Probabilistarum principiis. Ergò malè contendunt illam de utraque contradictionis parte posse esse veram. Probatur antecedens. Inprimis, proprium illorum axioma est. Peritorum, non imperitorum judicio standum esse. At certum est, utrumque ex contradicentibus non esse peritum in re, circa quam sibi contradicunt, quia alteruter errat. Qui autem errat non est peritus sed imperitus rei, circa quam errat. Ergò alteruter est imperitus. Ergò utrique stari posse, est perito & imperito stari posse.

Secundò dicunt, solam auctoritatem hominis scientiæ & conscientiæ, seu probi & docti esse gravem, & reddere probabile. At ex contradicentibus, uterque non est vir scientiæ & peritiæ de illare, quia alter errat, & ignorat. Error autem & ignorantia non est scientia & peritia. Ergò in utroque non est gravis auctoritas aut probabilitas.

Tertiò requirunt prudentes & prudentiam. At in omni contradictione alter fallitur. Ergò alteruter caret prudentia, quæ est virtus intellectualis, & nequit falsum dicere.

Quartò. Omnes dicunt, illis tantum auctoritatibus ac rationibus standum esse, quæ rem faciunt dignam assensu. Unde dicunt, licitum non esse fundare conscientias nostras in dictis mentientium, ignorantium, levium, sophistarum &c. At, ex communi sententia plurium ac præstantium Auctorum, utraque pars contradictionis nonquam proponitur intellectui, ne quidem in sensu diviso, ut digna assensu. Ergò utraque pars nonquam ita proponitur ut liceat utrumlibet facere. Ex his quatuor capitibus constat majorem illius syllogismi esse manifestè falsam, ad quam tamen tanquam ad primum principium Auctores resolvunt totam vitam Christianam. Ita Celladeus §. 1.

Duplex Celladei error.

15. Respondeo inprimis duplicem falsitatem in hac ultima Celladei dictione latere. Inprimis veritas harum præmissarum non proponitur à nobis ut primum principium, quia proponitur ut thesis, quæ argumentis hinc inde propositis laboriosè stabilitur. Proponitur ergò ut principium secundum per notoria probatum, atque ita assumitur in regulam tanquam thesis illata, non tanquam primum principium. Et hic est primus error. Secundus error est longè major & patentior. Quis quæso dixit, totam vitam Christianam ad majorem hujus syllogismi, tanquam ad

primum principium esse revocandam? unum nomina, Celladee, si potes, quia omnes Probabilistas, nemine excepto, accusas, unum nomina, qui ita loquatur, & fatebor me immeritò te accusare; sed si nullum nominare potes (certum autem est, quòd non possis) fatere te incautè scribere, nec ad sensum eorum, quæ profers, sufficienter attendere. Si enim ad verba tam palmarum falsitatem continentia attendisses, nunquam ea protulisses. Quid enim? nihilne certum in vita Christiana? nihilne nobis per scientiam, nihil per certissimam ac infallibilem fidem proponitur, quo actiones vitæ Christianæ instituas? Apage: maxima vitæ Christianæ pars certissimis principiis dirigitur, nec quisquam Catholicorum hoc negat. Nemo ergò asseruit, aut asserere potuit, doctrinam in majori illa contentam esse primum principium, ad quod tota vita Christiana resolvitur. Sed ista condono, & in lapsum calami, ac fortuitam amplificationem potius quàm in negligentiam transcribo: ad argumentum ipsum veniamus.

16. Respondeo secundò. Objectionem hanc Solvitur obiectio.

esse meram recapitulationem eorum, quæ Celladeus in variis locis stabilire conatus est, sed irritò conatu, ut apertè monstratum est in propriis locis, ubi has illius doctrinas expendimus, & confutavimus. Itaque frustra ad illas iterum recurrit. Nominatim autem ostendimus, quod peritia, scientia, & prudentia juxta sensum Auctorum benignæ sententiæ rectè conjugantur cum errore, quando error est longè probabilissimus, & veritas insuperabiliter latet. Similiter ostendimus, quòd utraque contradictionis pars sit verè probabilis ac digna assensu non solum respectu duorum intellectuum, sed etiam respectu unius ejusdemque hominis. Cæterum ultima Celladei illatio, quæ dicit, *constare, majorem illius syllogismi esse manifestè falsam in sensu Auctorum benignæ sententiæ*, evidenter à veritate aberrat, quia certum est, Auctores benignæ sententiæ, dum agunt de rebus obscuris, ad quarum cognitionem certam pervenire non possumus, nomine periti, scientis, docti, ac prudentis, cujus auctoritatem dicunt esse dignam assensu, non intelligere eum, qui non errat, sed eum, qui juxta humani intellectus capacitatem instructus est principiis ad materiam illam penetrandam sufficientibus, quique debitam in veritate investiganda diligentiam adhibuit. Talem hominem peritum, scientem, ac prudentem vocant, ejusque resolutionem respiciunt, tanquam peritam, scientem, & prudentem, juxta consuetum vocum illarum usum. Nec dubium quin hic sit sensus Auctorum benignæ sententiæ, cum omnes apertè dicant, omnem assensum ejusmodi esse probabilem & prudentem.

17. Peto jam à Lectore candido, an constet hoc, Obiectio quod dixi, manifestè falsum esse, in sensu auctorum non tangit rem in sensu legitimo intellectam.

benignæ sententiæ? Immodò verò certò constat id esse verissimum. Non fidimus nudæ assertioni tuæ, Celladee, proba illam, si possis. Non conjecturis hic agendum est, non alieno & æquivoco verborum sensu utendum, sed indubitata Auctorum verba, quibus mentem suam exprimunt, sunt asserenda. Sed ea asserri non possunt. Contraria enim omnia docent, quia, disertè tradunt, assensum probabilem, quamvis invincibiliter erroneum, esse peritum, prudentem, atque assensu dignum, seu talem cui homo laudabiliter absque temeritate, ac prudenter assensum præbere potest. Itaque major syllogismi dicti est indubitanter vera in sensu Auctorum benignæ sententiæ; sed sensus est

est reflexus, quem in initio quaestionis exposuimus. In hoc autem sensu acceptam argumenta Celladei ne quidem tangunt, ut patet.

Obiectio 4. 18. Ob. 4. Syllogismus iste debet hoc modo intelligi. *Omne probabiliter non malum est licitum: hic contractus est probabiliter non malus: ergo est licitus.* At syllogismus hoc modo sumptus, secum affert suam distinctionem sic: omne probabiliter non malum est licitum, distinguo majorem: est licitum sicut est non malum, scilicet probabiliter, concedo; est magis aut aliter licitum quam sit non malum, nego majorem. Deinde transmissa minori, eodem modo distinguo consequens: est licitus probabiliter, concedo: plus aut aliter, nego consequentiam. At stante hac distinctione, nemo melius se habet ad formandam conscientiam per reflexas, quam per directas. Ergo frustra itur ad reflexas, cum syllogismus reflexus nullo modo magis certificet de honestate operationis, quam syllogismus directus. Ita Celladeus §. 2.

Celladeus equivocè proponit argumentum.

Respondeo, Celladeum non satis expressisse vim hujus syllogismi reflexi, sed ita de eo locutum esse, ac si non esset reflexus, sed directus. Expressio enim ista æquè illi applicari potest, siue sumatur in sensu directo, siue in sensu reflexo. Præterea distinctio, ab ipso allata, locum non habet, nisi syllogismus intelligatur in sensu directo, & in ordine ad eandem circumstantias, in illis enim & in illis tantum verum est, unumquodque non aliter esse licitum, quam sit non malum, cum nil sit unde diversitas sumi possit. At si res eadem sumatur reflexè in ordine ad circumstantias diversas ab iis, in quas directa consideratio se extendebat, evidens est rem illam in hac consideratione magis actualiter esse posse licitam, quam erat & apparebat non mala in consideratione directa. Ratio est, quia hæc consideratio reflexa contemplatur rem non secundum se præcisè, sed ut certò substantem judicio aut vero, aut certè invincibiliter erroneo; considerat rem, prout certò constat, quòd nullà lege sufficienter promulgatà & applicatà prohibeatur &c. At probabilius est, quòd res hoc modo considerata sit licita, quam quòd sumpta secundum se sit non mala; cum primum sit certum ac indubitatum apud omnes; secundum verò sit incertum, ac ad summum probabile, & à pluribus negatum.

Distinctio illius non tangit punctum diffinitionis, si in sensu proprio intelligatur.

Probabilitas reflexa sæpè major est directâ.

19. Rursus sic arguo. Quod pollet majori vi allucendi intellectum est probabilius eo, quod non tantà vi pollet. At honestas rei reflexè consideratæ in circumstantiis allatis, aliisque ab Auditoribus benignæ sententiæ ponderatis, habet majorem vim allucendi intellectum, quam non malitia ejusdem directè considerata. Ergò honestas ejusdem rei reflexè consideratæ est major, quam non malitia ejusdem considerata directè. Major notà est exterminis, minor evidenter patet ex eo, quòd rationes reflexæ omnes omnino (præter unum Celladeum) moverint ad asserendum, quod quidquid est directè probabilius opposito est absolute loquendo licitum in sensu reflexo; immò traxit omnes ad asserendum, multa esse indirectè ac reflexè licita, quæ ipsi ex rationibus directis credunt esse mala, quia expressè asserunt, ea, omnibus etiam reflexè probantibus diligenter inspectis, esse licita. Ergò argumenta reflexa in casu præsentis majori vi pollent, quam directa. Ergò sunt probabiliora, quod erat probandum.

Idem verum est de probabilitate

20. Quod hætenus dixi, de probabilitate intrinseca intelligendum est, sed idem æquè clarè &

fortasse clariùs locum habet in probabilitate extrinseca: exemplo sit hæc propositio. Licet non confiteri circumstantias notabiliter aggravantes in eadem specie. Hoc si directè consideretur, ab aliquibus affirmatur, ab aliis plurimis negatur. At idem reflexè consideratum ab omnibus illis unanimiter conspirantibus docetur esse licitum; quia qui directè negant illud esse verum, simul asserunt oppositum esse probabile, & consequenter expressè dicunt; illud, omnibus inspectis, esse licitum. Ergò honestas ejusdem rei reflexè sumptæ potest esse, & est tam intrinsecè quam extrinsecè probabilior, quam sit in consideratione directa.

21. Hæc abundè sufficiunt ad nullitatem objectionis hujus elucidandam, non tamen acquiescam, nisi cogam adversarium ad idem concedendum: sic in ipsius principiis arguo. Fieri potest, ut iudex post omnem diligentiam adhibitam decipiat à falsis testibus, & innocentem condemnet. Rursus, ipse per propriam industriam reflexè scire potest, se aut non decipi, aut invincibiliter decipi, quia omnis veritas, & consequenter etiam ista, est cognoscibilis. Saltem Deus hoc ipsum illi revelare potest. Quid jam dicis, Celladee? Nónne iste tam certò novit se licitè operari, quam novit se aut non falli, aut invincibiliter decipi? Nónne hæc est non solum certa & communis omnium, sed etiam tuamet doctrina? Subsumo: atqui non est certus, se non falli materialiter, & non condemnare innocentem. Ergò est reflexè certior, se non peccare peccato formali ac imputabili, sed licitè operari, quam sit directè quòd non decipiat, & non vocet malum bonum. Ergò dispar ratio est de certitudine & probabilitate reflexa, ac de directa probabilitate quòd res sint honestæ. Ergò tu tibi in hoc aliisque tuis doctrinis contradicis.

Celladei contradictio.

22. Ob. 5. Syllogismus allatus non magis concludit, quam iste, *Homo est species. Petrus est homo. Ergò Petrus est species*, quia in utroque sit transitus à suppositione simplici ad personalem, seu, quod idem est, in utroque saltatur à secundis intentionibus ad primas. Certè quando dicitur, *homo est species*, terminus *homo* supponit pro natura humana prout substat cognitioni confusæ & abstrahenti naturam à singularibus; quia in hoc tantum sensu homo est species. At in minori idem terminus sumitur primò intentionaliter, prout res se habent à parte rei independenter ab intellectu & à denominationibus, quæ à cognitione dependent. At idem vitium est in præsentis syllogismo, quia præmissæ sunt reflexæ, & consequenter pertinent ad secundas intentiones; conclusio autem non est de secundis intentionibus, ut patet, quia & est & esse debet de operatione nostra singulari, & primò intentionaliter sumpta. Ergò suppositio non minùs variatur in hoc, quam in illo syllogismo. Ergò non magis valet iste, quam ille. Ita Celladeus §. 2.

Obiectio f.

Respondeo Celladeum hic etiam inconsequenter discurrere, sibi quæ contradicere; ab initio enim non semel admisit syllogismum hunc, et si reflexum, legitimum esse, & bene concludere, si sermo sit de probabilitate positiva ac reali. At hoc non coheret cum eo, quod hic obijcit; certum enim est syllogismum, cujus bonitas patenter agnoscitur, à nemine nisi valde inconsequenter & cum aperta contradictione, ut clarè vitiosum repelli. Imò si hæc duo asserta admittantur ut vera, eo ipso contradictoria de eodem prorsus admittuntur. Ergò Celladeus, qui utrumque assertum

Inconsequenter Celladei, ejusque contradictio.

F

admit-

admittit ut verum, inconsequenter discurret, & sibi contradicit.

Celladeus.
res in Logi-
ca.

23. Resp. 2. Celladeum ne quidem attigisse causam radicalem, ob quam syllogismus ille, quem pro exemplo attulit, sit vitiosus; refundit enim causam in transitum à secundis ad primas intentiones. At hoc incertum est; & quamvis illud verum non esset, adhuc syllogismus non valeret. Incertum est quod dicit, quia probabilis opinio docet, universale, nempe speciem, genus &c. dari à parte rei. Ergò refundit certissimum syllogismi errorem in causam incertam, quod non est Logici accurati, qui ex professo tradit causam, cur syllogismus aliquis sit malus. Præterea etsi homo, seu humana natura tota primò intentionaliter sumpta, esset species, non ideo syllogismus valeret, quia medius terminus non distribueretur in ulla ex præmissis. Non in minori, ut patet, quia ad hoc dici deberet, *Omnis homo est species*, & propositio resolveretur per hunc descensum, & hic, & ille, & quivis alius homo est species. Subiectum enim in termino communi expressum non aliter distribuitur in propositione affirmativa, quam si Syncategorema omne vel explicitè vel saltem implicitè & virtualiter in sensu dicto subiectum afficiat. At major in hoc sensu est falsa. Ergò major non potest esse vera, nisi subiectum absque distributione sumatur. Sed neque terminus ille distribuitur in minore, quia in minori transmutatur in prædicatum; terminus autem communis ex parte prædicati nunquam distribuitur in propositione affirmativa; Ergò medius terminus in illo syllogismo non distribuitur, ac proinde syllogismus non valet. Et hæc est radicalis, ac essentialis causa cur conclusio non subsistat, demptâ enim hâc causâ præcul dubio valeret, quia medius terminus distribueretur. Præterea Celladeus in principiis Logicæ errat, dum loquens de illo syllogismo dicit. *Totus defectus (illius) est, quia terminus homo variat suppositionem, & de secundis intentionibus saltatur ad primas.* Errat, inquam, quia plurimi syllogismi in eadem figura & modo sunt optimi, & evidentè concludunt, etsi medius terminus sumatur secundò intentionaliter in minori, ut videre est in hoc syllogismo. *Omnis homo est subiectum in aliqua propositione. Petrus est homo. Ergò Petrus est subiectum in aliqua propositione.* Certè in hoc syllogismo terminus homo non minùs saltat à denominatione, quæ à cognitione dependet, ad denominationem quam res habet à parte rei independenter à cognitione, quam in illo priori; & tamen hic valet, ille non valet. Præterea extra materiam secundarum intentionum syllogismus cæteroquin prorsus similis non valet. Exempli causâ iste. *Homo est albus. Petrus æthiops est homo, Ergò Petrus æthiops est albus.* Ergò tantum obest, ut totus defectus prioris syllogismi consistat in hoc saltu, sicut affirmat Celladeus, ut nullus ex

hoc præcisè capite defectus sit, aut esse possit, sed totus error aliunde, scilicet ex defectu debite distributionis terminorum proveniat.

24. Mirandum præterea est, Celladeum fecisse paritatem inter duos illos syllogismos, cum primum protulerit universaliter hoc modo: *Omne probabiliter non malum est licitum. Hic contractus est probabiliter non malus. Ergò hic contractus est licitus*: ubi vides medium terminum in maiori distribui; secundum verò protulerit indefinitè hoc modo: *homo est species. Petrus est homo. Ergò Petrus est species*: in quo syllogismo evidens est medium terminum non distribui. Quis, quæso, accuratus Logicus unquam istos syllogismos æquiparasset? nemo certè. Ergò Celladeus in accuratum Logicum egit in hac parte.

25. Immo hinc contra illum evincto, primum syllogismum esse legitimum. Inprimis sic arguo ad hominem. Syllogismus ille secundus esset legitimus, si major facta universalis esset vera. Si enim verum esset omnem omnino hominem esse speciem, sicut verum est omnem hominem esse actu cognitum &c. tunc utique verum esset, quod Petrus, utpote unus ex illis multis, esset species, sicut verum est, quod sit cognitus &c. quia est unus ex illis, qui taliter cognoscuntur. Nec Celladeus, nec quisquam mortalium in hoc syllogismo ullum unquam nævum offenderet. Ergò etiam syllogismus, de quo præcipuè agimus, est bonus, quia eandem prorsus formam habet, quam haberet ille secundus, si major in sensu distributivo sumeretur universaliter. Deinde consideretur syllogismus ille per partes. Major est huiusmodi. *Omne probabiliter non malum, omnibus etiam reflexis rationibus inspectu, est absolutè licitum.* Hæc major supponitur vera, est autem universalis, adeoque ejus subiectum sumitur distributive pro omnibus & singulis sub illa contentis. Ergò sumitur etiam pro hoc contractu, utpote qui est unum ex contentis sub illa, cum sit probabiliter non malus. Ergò necesse est, ut hic contractus sit absolutè licitus, quia revera nil illi tribuitur in conclusione, quod in maiori ipsi non attribuitur, sed solum sub nomine contractus tribuitur in conclusione, quod sub nomine probabiliter non mali ipsi tributum erat in maiori. Nec refert quod in maiori sermo sit de directè probabili reflexè considerato, quia etiam in conclusione sermo est de eadem re sub eadem penitus reflexione considerata, nam conclusio ita dicit. Ergò hic contractus (utpote, qui in Minori conceditur esse directè probabilis, omnibus, etiam rationibus reflexis inspectu, est absolutè licitus. Nulla est ergò alteratio aut diversa suppositio terminorum in præmissis & in conclusione. Et hoc est evidens. Ergò evidens est syllogismum allatum in sensu Auctorum illum proponentium, esse legitimum.

Alius ejusdem error in Logica.

Syllogismus allatus ostenditur esse bonus.

Bonitas illius deducitè ostenditur.

QUÆ.

QUÆSTIO QUADRAGESIMA- QUINTA.

Vtrum transgressio legis imputetur illis, qui casus in Summam colligunt, & eos pro conscientia formanda proponunt?

Celladeus in casuum collectores insurgit.

1. **Q**UÆSTIONE 10. lib. 3. mirum in modum insurgit Celladeus contra eos, qui per modum historicorum casus conscientie colligunt, illosque tanquam sufficientem conscientie regulam proponunt; nervis enim omnibus contendit probare eos hoc nomine in periculoso admodum statu versari, atque transgressionem materiales divinæ legis illis esse tribuendas. Hoc ut probet, supponit primò, eos nil de rebus ipsis scire, sed tantum nosse Auctorem aliquem ita dicere, sed ignorare penitus an benè dicat, vel malè. Rursus supponit, usurpantes historiam illam pro regula operandi vel consulendi nullum penitus formare iudicium de reali conformitate operationis cum lege, & voluntate Dei. Demùm, hisce suppositis, plurima cœcervat, ut probet eos reprehensione dignos esse, atque inexcusabiles, quoties materialiter errant. Præterea in præludio quæstionis dicit, se talium historicorum insufficienciam antea rejecisse, atque manifestè ostendisse, eos peccati reos esse, quoties operando aut consulendo talem regulam sequuntur; simulque asserit, se omnium responsum, atque ad prudentes & prudentiam, legesque non sufficienter promulgatas appellandi aditus præclusisse.

Si in omnes, immeritò.

2. Ego sanè non perspicio, in quos collimat, atque argumenta intorquet Celladeus, quia indistinctè loquitur. Si casuum summistas universaliter impetat, immeritò viros probos, ac doctos, deque republica Christiana optimè meritos redarguit, atque peccati insinuat; si verò non omnes, sed temerarios tantum, atque insipientes casuum collectores condemnet, non ego inficias eo, sed junctâ dextrâ eos periculose temeritatis pariter arguo & condemno; quia qui promiscuè opiniones ex Auctoribus quibusvis colligeret, neque curaret aut quis esset, qui aliquid assereret, aut quo fundamento illud astrueret, is procul dubio periculosè ageret, atque à temeritatis nota excusari non posset. Verùm si in tales tantum hoc loco insurgat, in nullo benignæ sententiæ adversatur, sed homines impugnât, quos, ni fallor, qui sint assignare non potest. Quocirca potius censendus est terrere homines, ne tali temeritate utantur, quàm ullos redarguere, qui temeritatis hujus sint rei.

Rectè, si in temerarios.

Consilium Auctoris in hæc q. est.

3. Itaque omittere poteram quæstionem hanc, utpote ad præsentem hunc tractatum minimè necessariam; verùm quia proum est, Lectorem imperitum existimare, quòd quæ hoc loco congesta sunt, quæque contra Collectores opinionum obijciuntur, Auctoribus benignæ sententiæ R. P. A. Terribi Regula Morum, PARS II.

attribuenda sint, eò quòd Celladeus sæpè generaliter & indiscriminatim loquatur, ideo opportunum duxi ea circa quæstionem hanc proferre ac stabilire, quæ & veritatem benignæ sententiæ stabiliant, & ejusdem Auctores ab omni temeritatis nota defendant.

ASSERTIO PRIMA.

Auctores benigna sententia, siue insignes Theologia Magistri, siue nominati casuum collectores fuerint, non proponunt suas opiniones pro regula conscientia absque cura & sollicitudine, quòd operatio, quam dirigunt, sit conformis legi ac voluntati divinæ.

4. **P**ROBATUR. Theologi insignes, qui, rationibus hinc inde debuit expensis, suam tandem proferunt sententiam, ea tantum proponunt ut licita, quæ magnis ducti fundamentis Dei voluntati conformia esse existimant. Hoc semper verum est, quando quæstionem directè dirimantes, propriam sententiam proferunt. Quod si reflexè disputantes dicant, sententiam suæ opinioni directæ oppositam esse licitam, eodem modo progrediuntur; quia rem, directè incertam atque hinc inde probabilem, jam in ordine ad novas circumstantias considerant, atque reflexis rationibus moti illam in talibus circumstantiis licitam, Dei que voluntati conformem esse definiunt, totaque illorum sollicitudo in hoc incumbit, ne quidquam pro ulla circumstantia ut licitum proponant, quod rationibus validis convicti divinæ voluntati conforme esse non dererminant.

5. Eadem prorsus ratio est de celebrioribus casuum collectoribus; illi enim, non meri casuum historici ac collectores, sed summi Theologi, magnæque doctrinæ, capacitatis ac sedulitatis viri fuere, qui ea tantum proposuerunt ut licita, quæ ipsimet, post longissimum studium atque Auctorum ferme omnium examen, vel directis vel saltem reflexis rationibus definierunt esse licita. Hi deinde collectiones suas evulgarunt, ut imperitiores iis uterentur, atque eorum auctoritate confisi conscientiam suam deponerent. Certum itaque est, Celladeum loqui de subiecto non supponente, quando insinuat collectores casuum, quos opinionum historicos appellat, ita proponere opiniones collectas pro regula conscientie, ut iudicium de conformitate operis cum lege Dei non forment, modò loquatur

Præcipue casuum Collectores idè præstant.

Celladeus tur.

de præcipuis casuum collectionibus; illis enim nil antiquius fuit, quam ut licita prolicitis, & illicita pro illicitis proponerent.

Omnes es-
sunt bonæ
notæ idem
præstant.

6. Idem prorsus dicendum est de omnibus bonæ notæ scriptoribus, qui casuum collectiones typis evulgârunt; illi enim viri fuerunt valde capaces, qui rationes & auctoritates graves à levibus discernere potuerunt, quique proinde eisdem aut etiam pluribus & val dioribus motivis incitati idem consueverunt cum Auctoribus, quos citant & sequuntur. Et hoc quidem verum est, si sermo sit de peculiaribus objectis directe consideratis, quæ proponunt ut licita, si de generalibus opinionibus, quas ex reflexa consideratione tractant, & asserunt esse veras, qualis est illa, quod liceat sequi quancumque opinionem directe probabilem; in omnibus enim istis verissimum est, quod aliud non proponant ut licitum, nisi quod, omnibus inspectis, non leviter sed magnis rationibus gravissimisque auctoritatibus moti voluntati divinæ conformari absolute existimant, quia sequuntur rationes & auctoritates benignæ sententiæ faventes, quæ haud dubiè gravissimæ sunt, & assensum merentur.

ASSERTIO SECUNDA.

Collectio casuum conscientie, quos Auctores, qui rationes & auctoritates leves à gravibus discernere possunt, pro formanda conscientia proponunt, non est opus periculosius, quam sit responsio Theologorum, qui quæstiones incertas sibi propositas propriâ auctoritate probabiliter resolvunt.

Periculum
Theologi
casum re-
solvendi de-
claratur.

7. **P**ROBATUR. Theologi, qui casus incertos sibi propositos propriâ auctoritate resolvunt, aliud non ascendunt, quam ad probabilem quæstionis resolutionem. Interim indoctorum conscientia in sola illorum auctoritate recumbit, ideoque ipsi pro aliorum opere Deo respondere tenentur; quod sanè est onus periculosum, ad quod citra conscientie læsionem subeundum magnâ doctrinâ ac diligentia opus est, ut patet. Præterea, qui sic casus resolvunt, ita mediare debent inter Deum & homines, ut ex æquo teneantur favere libertati ac legi; non enim minùs peccant, si conscientias hominum indebitè stringant, quam si legem Dei indebitè evacuent. Ergo confecti sunt in viam arctam, horrendis hinc inde præcipitiis conclusam, extra quam nullâ ex parte absque peccato deflectere licet. Difficile autem & periculosum est tali viâ incedere. At melior, & minùs periculosa est conditio collectoris casuum; illo enim alio onere non tenetur, quam ut sincere proponat sententias Auctorum, quos citat; quia non vult, ut homines in sua, sed in eorum, quos asserit, auctoritate conscientiam deponant. Itaque si in eorum sententiis proponendis non erret, munus suum implet, nec ipse ulterius respondere tenetur, an qui sectantur illorum opiniones errent, nec ne, sed hoc onus in ipsos Auctores rejicitur, quorum auctoritate freti homines conscientiam suam formant. At longè minus periculum errandi est in auctoritatibus sincere colligendis ac fideliter exponendis, quam in directa casuum difficultum resolutione, ut patet. Ergo explicata casuum collectio pro formanda conscientia non est opus periculosius, sed multò minùs periculosum, quam sit directa casuum re-

Periculum
collectoris
casuum mi-
nus est,
quàm peri-
culu Theo-
logi.

solutio, quam Theologus ex propria doctrina ac industria aliis sequendam proponit.

8. Præterea collector casuum facillimè ac certò pervenit ad probabilitatem parem, aut majorem illâ, ad quam Theologus in sua resolutione pervenire potest; quia casuum collector ante oculos habet omnes rationes atque auctoritates utrique parti faventes, illasque facillè comparare potest, ac videre, quæ superant alias. Rursus si vel minimùm hælitet, omittere potest dubias, atque certissimas tantùm gravissimasque auctoritates ac rationes proponere; neque enim tenetur omnes omnium opiniones cōacervare, sed quas non novit esse certò probabiles omittere potest, ac debet. Rursus nontenetur ita mediare inter Deum & hominem, ut ipse nec nimium laxet, nec nimium arctet conscientias, quia eas nec arctare nec laxare intendit, sed solum proponere doctrinam aliorum, quæ laxat, aut arctat. Si hoc agat, munus suum implet, nec aliud ab illo requiritur. Ergo illorum conditio non est periculosior, sed minùs periculosa, quam conditio Theologorum, qui casus incertos suâ auctoritate probabiliter resolvunt ad praxim. Immeritò ergò reprehenduntur à Celladeo (si tamen ab eo reprehendantur, quia non sufficienter explicat in quos invehitur) tanquam ingenti periculo obnoxii, cum ipsemet in longè majori periculo versetur, eò quod propria auctoritate contra unanimem Theologorum omnium sententiam solus insurgat, camque non solum ut falsam, sed etiam ut periculosam rejiciat, atque ita mirum in modum conscientias arctet.

Idem colle-
ctorum pe-
riculum o-
stenditur mi-
nus Theolo-
gorum peri-
culo.

Celladei pe-
riculu ma-
jus est peri-
culo Casu-
larum.

ASSERTIO TERTIA.

Qui meram opinionum historiam colligeret, etiamsi prorsus impotens esset ad discernendum rationes & auctoritates graves à levibus, faceret opus minime omnium periculosum.

9. **P**ROBATUR assertio, quæ sententiæ Celladei in hac quæst. diametraliter opponitur, si illa accipiat (prout termini, quibus eam non semel proponit, accipiuntur & sonant) de meris historicis. Probat, inquam, quia merus historicus nontenetur scire, an doctrina, quam refert, sit vera vel falsa, probabilis vel improbabilis, quia hoc ad ejus intentum non conducit. Puri enim historici opinionum nil interest qualitas doctrinæ, quam recenset; qui proinde ab omni culpa immunis est, suumque munus implet, si sinceram historiam taxat, nec ulli attribuat, nisi quod revera docet. At hoc facillè præstari potest ab eo, qui ipsissima Auctorum verba & assertiones colligit, etsi nesciat quo fundamento id dixerint, aut quantæ auctoritatis fuerint Auctores, quos citat. Ut veritas hæc clarior appareat, finge aliquem agere merum opinionum historicum, atque ita præfari, se colligere tantùm opiniones, nec sollicitum esse, an veræ sint, an falsæ, an probabiles, an temerariæ, immò nec scire quidem, utrùm Auctores, quos citat, fuerint hæretici, nec ne, an scientiæ, quas recenset, fuerint condemnatæ nec ne, sed so solum in illud collimare, ut quid quisque senserit proferat, caveant proinde omnes, quas ex opinionibus recensitis in conscientie regulam assumant, se nullas qualificare, sed illud singulis pondus relinquere, quod ex rationibus & auctoritate suorum Auctorum & suorum

Onus meri
historici o-
pinionum
est minime
periculosu.

ASSERTIO QUARTA.

Sæpe laudabile est & minimè periculosum ; quòd viri imperiti ; qui de rationibus Auctorum judicare nequeunt , diversos pro conscientia sua dirigenda à probatis Auctoribus casus colligant.

11. **P**ROBATUR assertio. Sit homo atheologus, sed probus ac timens Deum, sufficienti quidem doctrinâ instructus, ut intelligat, quid Auctores dicant, sed insufficienti, ut rationum ac motorum, quibus sententiam suam stabiliunt, vim discernat. Talis homo ex communi omnium prorsus consensu scire potest, auctoritatem S. Thomæ, Caietani, Suarezii, Toleti, & Sanchez in rebus moralibus esse gravissimam, adeoque concludere potest, sibi licitum esse sequi opinionem, in qua omnes isti conveniunt, quia absque temeritate præsumere potest, omnes illos non errasse, & consequenter absque temeritate, probabiliter, prudenter, & invincibiliter credere potest, objectum verè esse bonum, & licitum, quod illi licitum esse affirmant. Securus proinde erit se non peccare illorum opinioni se accommodando. Hæc securitas eò auctior evadet, quòd idem homo post probos ac peritos plurimos singulariter consultos, omnes uno ore indubitanter affirmantes audierit, quemcumque atheologum securâ conscientia & absque peccato facere posse, quod certò novit ab omnibus istis proponi ut licitum. Legat ergò hos Auctores, atque opiniones morales, in quibus omnes conveniunt, in historiam, seu in indicem colligat, dico talem historiam esse illi valdè proficuum atque utilem, tum ut consulat, tum ut etiam operetur juxta illius præscriptum. Ratio est, quia talis homo vi collectionis, seu, ut cum Celladeo loquar, vi historiarum suarum rectè & invincibiliter formare potest conscientiam suam; nam ob extrinsecam auctoritatem, prudenter, probabiliter, atque invincibiliter credere potest, objectum illud esse licitum, ac divinæ legi conforme. Tantùm ergò abest, ut hujusmodi vir, etsi purus historicus, non possit formare conscientiam, quod opus sit conforme legi divinæ, prout Celladeus supponere aut etiam implicite saltem affirmare videtur, ut oppositum sit certissimum; quamvis enim ob incapacitatem aut imperitiam nequeat talem conscientiam formare ex rationibus, quarum vim non discernit, eam tamen vi auctoritatis gravissimæ formare potest, atque ita tutò ad operandum, aut consulendum procedere.

12. Hinc autem pergo ad alia exempla hujusmodi, & sic discorro. Omnis idiota, qui certò scire potest, quæ auctoritas sufficiat ad conscientiam suam invincibiliter formandam, & ad credendum, quòd opus sit licitum, absque ullo periculo colligere potest casus, & quandam eorum historiam texere, quâ postea utatur ad conscientiam suam formandam, quia absque dubio invincibiliter credit tali auctoritati, atque ob eam absque temeritate reputat opus, quod aggreditur, esse licitum. Atqui plures etiam idiotæ possunt certò scire ac discernere talem auctoritatem. Puta si quis adiisset, S. Carolum Borromæum, S. Franciscum Salesium, aut Cardinalem Bellarminum, postquam evaserant viri notissimæ prudentiæ, scientiæ, ac probitatis, atque ab illis hoc responsum tulisset, *tale & tale opus est licitum &c.* Is

F 3

optimè

Imperiti sine periculo colligere possunt opinionem a moralis pro operando & consulendo.

Idem loci habet etiam in idiotis.

fautorum habent; sibi nil vitio verti posse prætet errorem in opinionibus recensendis, quem selet se vitasse, quia propriis singulorum verbis usus est. Hic homo esset merus opinionum historicus, qui nullum illis pondus adderet, ratione cujus lector illas veras potius habere posset, quam falsas. Atqui talis homo opus periculosum non aggrediretur. Ergò meri opinionum historici, si ulli tales invenirentur, non essent in statu periculoso, sed opus minimè periculosum tractarent. Mirandum proinde est, Celladeum adeo vehementer insurrexisse adversus meros opinionum historicos, atque ex hoc ipso, quod *meri historici sint*, eos culpasse, atque periculi gravissimi eöarguisse, cum ex hoc titulo sint prorsus inculpabiles, & immunes ab omni periculo, ne opera legentium libros illorum ipsis culpæ vertantur.

10. Verùm Celladeus hac vice non videtur satis advertisse ad sensum verborum suorum; si enim rectè perpenderit significationem horum terminorum: *Meri opinionum historici*: nunquam contendisset, eorum operam esse periculosam, atque, ob falsas ac improbabilis quas congerunt opiniones, sectantium illas peccata ipsis ad culpam imputari, quia oppositum est nimis perspicuum. Verùm, aliud dixit, aliud dicere voluit Celladeus. Voluit dicere, eos casuum collectores periculose agere, qui quasvis opiniones pro fundanda conscientia temerè congerunt, modò explicite vel implicite profiteantur, se eas tantùm opiniones collegisse, quas quivis tutò sequi potest. Hi enim, si aut ex impotentia nequeant, aut ex negligentia nolint discernere opiniones probabiles ab improbabilibus, haud dubiè temerè agunt, merenturque ut transgressionès sectantium opiniones ab illis collectas ipsis culpæ vertantur. Hoc, & hoc tantùm probant, quæ Celladeus *hac in quaest.* contra eos exaggerat. Verùm hi non sunt meri opinionum collectores, seu historici, quia non solum interponunt suam auctoritatem ad fideliter narrandum quid alii senserint, quod est proprium meri historici, sed etiam eam interponunt ad obtinendam fidem, quòd selectas tantùm, tutas, ac certò probabiles opiniones selegerunt, quod meri historici munus non est, sed gravis ac periti Theologi. Itaque quamvis Celladeus meritò tales reprehendat, immeritò tamen eos vocat meros historicos, atque idèd minùs accuratè locutus fuisse deprehenditur, cum res, quas in sermone comprehendit & supponit esse conjungibiles, sint prorsus contrariæ ac repugnantes; supponit enim eos esse meros historicos opinionum, qui præterquam quòd opiniones colligant, suam interponunt auctoritatem de qualitate opinionum, asseruntque se tutas tantùm ac probabiles opiniones diligenter selegisse, quod tamen est prorsus impossibile, ut patet. Rursus asserit opus meri historici esse periculosum, ac peccato obnoxium, quod certo certius verum non est, quando agit merum historicum, quia totum periculum versatur in eo solo, in quo deserit partes historici, atque illas Theologi assumit. Complexio ergo terminorum, qua Celladeus utitur, contradictoria atque inconsistentia continet, ac proinde necessariò procedit de subiecto non supponente. Hæc vera sunt, nec tamen adeò rigidus censor haberi volo, ut ea instar notabilis erroris proponenda putem, cum si de collectoribus non autem de meris collectoribus loquatur, verum dicat, si illi temerè opiniones colligant, easque nihilominùs tanquam tutas proponant.

R. P. A. Terilli, Regula Morum PARS II.

Celladeus etror.

Celladeus ex inadvertentia ad sensum suorum verborum deceptus est.

Excusatur Celladeus quamvis utatur terminis contradictoria cōplectentibus.

optimè sciret auctoritatem, cui credit, esse gravem, atque se illi credendo aut verum dicere, aut certè non nisi invincibiliter errare. Ergò talis homo ex ejusmodi responsis laudabiliter atque utiliter sententias colligeret, atque ad praxim suam regulandam retineret.

Casuum
collectores
descoduntur.

13. Atque hinc justificantur, & à Celladei aculatione defenduntur omnes casuum collectores, qui meritò judicant, sententias à se collectas legi divinæ conformes esse. At omnes, qui casus scribunt, non difficulter hoc præstare possunt. Immo omnes fermè in omnibus id de facto præstiterunt. Omnia enim, quæ proposuerunt ut licita, si pauca excipias, magno ducti fundamento judicaverunt esse legi divinæ conformia. Plurima quidem ex vi rationum directarum, reliqua verò ex vi discursus reflexi. Cum enim tam ex auctoritatibus quam ex rationibus reflexis meritò judicarent, usum omnis opinionis directè probabilis esse absolute licitum; cumque ex alia parte essent viri docti, & absque magna difficultate certò scirent quanam opiniones juxta mentem Auctorum benignæ sententiæ essent directè probabiles, absque magna difficultate implere poterant munus suum, quia facile illis erat ea solum proponere, quæ non temerè, sed meritò judicabant esse conformia voluntati divinæ. Ergò munus illorum non est adeo periculosum, ut Celladeus videtur insinuarè; imò, omnibus inspectis, est longè minus periculosum, quam officium Theologi, qui omnia ex propria ratione resolvit, ut antea ostensum est.

Munus Casuistarum minus periculosum est, quam munus Theologorum.

Scio aliquos Casuistas in proponendis ac colligendis casibus debitâ cautelâ alicubi utos non esse, sed hoc non muneri, sed negligentia illorum tribuendum est, sicut tribui debet negligentia non muneri Theologi, quando ille absque debita cautelâ casum resolvit. Et sanè error iste non infrequentius contingit in resolutione Theologi, quam in collectione Casuistæ, imò si omnia spectentur, haud dubium, quin errores & defectus istiusmodi in resolutionem Theologam frequentius irrepant, quam in collectionem casuisticam, idque cum majori periculo; quia resolutiones Theologicæ plerumque privatæ sunt, nec omnium sensuris exponuntur, sicut collectio casuum in lucem edita; illa enim innumeris censoribus exponitur, qui minùs rectè digesta carpunt, & malo, quod irrepsit, remedium apponunt. Itaque non est cur Theologus hujusmodi collectores carpat, aut eis periculum objiciat, cum ipsius officium istorum munere sit longè periculosius.

ASSERTIO QUINTA.

Qui casus colligeret, nec quidquam de eorum conformitate cum lege divina curaret, neque judicare posset, an essent divina legi conformes nec ne, malè ageret, si illas expresse vel tacite proponeret pro regula ritè formandi conscientiam.

Qui casum
Collectores
culpandi?

14. **P**ROBATUR. Talis homo ingentis temeritatis reus esset, quia doceret, quæ nesciret; atque ea ut licita proponeret, quæ ex nullo fundamento judicare posset esse talia. Ergò haud dubiè Dei legem plurimis transgressionibus temerè exponeret, eoque capite reus esset omnium transgressionum, quas alii ipsius auctoritate nixi patrarent. Ergò talis casuum collector periculosè, imò absolute malè ageret, si eos pro conscientia regulanda expresse vel tacite proponeret;

id est, si expresse declararet, se ad praxim casus collegisse, si vel nil prorsus præfaretur, quia eo ipso tacite declararet, se proponere casus illos tanquam sufficientes pro conscientia debite formanda, quia tales libri ad alium effectum edi non solent.

15. Probatur 2. rationibus à Celladeo allatis, quæ assertionem hanc validissimè confirmant. Primò, tales videntur esse illi, quos proponit & damnat Apostolus 1. ad Timoth. 1. *Volentes esse legi Doctores, non intelligentes, neque quæ loquuntur, neque de quibus affirmant.* Secundò S. Aug. *serm. 112. de tempore hæc habet, Sapius casum offendit, quam videns: sic ignorans legem Dei sapius ignoranter peccat, quam ille, qui scit. Sicut cæcus sine ductore, sic homo sine Doctore rectam viam vix graditur:* idcoque hortatur eos, qui sacras literas legere & intelligere possunt, ut frequenti earum meditatione utantur, impotentes autem hæc præstare hortatur, ut interpretantem diligentius audiant. Jam ista cadunt in eum, qui aut non curat, aut discernere nequit, quæ colligit, quia ipse legem ignorat, cum aut non curet, aut nequeat scire, an opinio, quam proponit, sit contra legem Dei. Ergò temerè eam proponit tanquam legi divinæ conformem, cum casualiter & fortuito procedat in eligendis opinionibus, quas proponit pro licitis. Tertiò, nemo nisi temerè sequi posset ductum talis viri, si sciret quâ ratione opiniones illas collegisset; quia si hoc sciret, & eo non obstante sequi vellet tales opiniones ut licitas, in illis sequendis ita se haberet, sicut cæcus, qui dirigi vellet ab eo, quem nosset aut non curare, aut non posse discernere viam à præcipitio. Itaque omnis error illi imputaretur sequendo ductum talis ducis, sicut præcipitium imputaretur cæco, qui ductorem eligeret, de quo existimare non posset, quòd viam à præcipitio discerneret. Quartò, qui citò & leviter credit, temerarius est & imprudens, & si malum operetur, id ipsi imputatur. Atqui collector casuum, de quo procedit conclusio, aut nullo modo, aut non nisi leviter credit illud bonum esse, quod proponit ut licitum. Ergò imprudens est, & si ex illa fide malum operetur ipse, aut alius, cui normam operandi præscribit, id ipsi imputabitur. Quintò, leges amicitia & servitutis postulant, ne amicus aut famulus in exequenda voluntate amici ac domini ita se gerat, sicut proponitur in assertionem; nam qui non curaret, aut non posset discernere, an res esset contra voluntatem Domini aut amici, excusari non posset, si contra voluntatem Domini aut amici ageret, nec quisquam vellet habere talem famulum, aut amicum. Eadem autem ratio multò magis urget obligationem nostram respectu Dei, qui supremus omnium Dominus est, summusque bonorum amicus. Sextò, non minùs tenemur ad faciendam voluntatem Dei præceptivam, seu ad non violandam Dei legem, quam teneamur ad non occidendum. Sed peccat & reus est homicidii, qui ponit actionem, de qua nequit formare judicium, quod illa potius non sit quam sit occisio. Ergò peccat, qui ponit actionem, de qua nequit judicare an sit vel non sit violatura legem Dei. Imò hinc sequitur, quòd nil in ullo casu legis violatæ excusare possit, nisi quod excusat in homicidio, scilicet unica & sola ignorantia invincibilis. Hanc autem ignorantiam non habet, qui operari vel consulere vult, quando non magis videt legem non violandam, quam violandam per talem actionem, ut videre est in homicidio. Septimò, *Deuteronomii 17. hæc habentur. Si difficile & ambi-*

Rationes
ad assertio-
nem proba-
dam valide.

& ambiguum apud te iudicium perspexeris inter sanguinem & sanguinem, causam & causam, lepram & lepram, & iudicium in portas tuas videri verba variari, surge & ascende ad locum, quem elegerit Dominus Deus tuus, veniesque ad Sacerdotes levitici generis, & ad Iudicem, qui fuerit illo tempore, queresque ab eis, qui iudicabunt tibi iudicii veritatem, & facies quodcumque dixerint, qui præsunt loco, quem elegerit Dominus, & docuerint te juxta legem ejus, sequerisque sententiam eorum, nec declinabis ad dextram, neque ad sinistram. Hic locus probat licitum non esse operari, quando res ob difficultatem est ambigua, sed veritatem iudicii esse investigandam. Jam Collectores casuum, de quibus loquimur; non possunt formare iudicium de veritate. Ergo peccant, dum talia proponunt ut licita. Sanè cum videant Auctorum verba variari, nec possint discernere quis eorum verum dicat, non habent sufficiens fundamentum formandi conscientiam; quia si sola Iudicum, seu Auctorum variantium sententia sufficeret, opus non esset ipsam iudicii veritatem ulterius investigare, quia sine ulteriori inquisitione opus omni formali malitiâ careret, & esset bonum.

Inutilis Celladei labor.

16. Hæ rationes, quas Celladeus in hac quæst. accumulavit, validæ quidem sunt ad præsentem assertionem comprobandam; quia in terminis illam evincunt, sed priores conclusiones ne quidem tangunt, ut patet. Unde mirum est, Celladeum in quæstione ista tam operosè laborasse; cum labor ille ad intentum operis nil penitus conducatur; quia nemo est, qui ultimam hanc assertionem defendat; certum enim est, quod Auctores benignæ sententiæ ad solas priores se restringant.

Argumenta Celladei non impetunt benignam sententiam.

17. Et sanè quicumque genuinum benignæ sententiæ sensum inspexerit, clarè perspiciet, argumenta ista nec illam impetere, nec serios casuum collectores ullatenus redarguere, quia sensus benignæ sententiæ est, quod ut licitè operemur, debeamus ex ratione vel auctoritate gravi; & ad minimum probabili formare conscientiam, quod opus liceat; nisi enim quis hoc modo bonæ fidei conscientiam formet, non excusatur. Præterea loquimur tantum pro casu, in quo veritas directæ ita lateat, ut per humanam ac debitam diligentiam certò sciri non possit; si enim veritas per diligentiam debitam certò sciri posset, nemo excusaretur; quia nemo nisi per negligentiam culpabilem veritatem ignoraret. Jam hisce ante mentis oculum habitis, rationes Celladei relegantur, & earum nullitas adversus benignam sententiam apertè constabit.

Solutio objectionis primæ.

18. In primis locus Apostoli tales non tangit, quia Apostolus loquitur de quibusdam Judeis ad fidem conversis, qui aliter docebant, quam ipse docuerat, quique fabulis, & genealogiis interminatis intendebant, & nominatim contendeabant, legem servandam esse cum Evangelio, de quibus verissimè dicit, quod vellent Magistri fieri, cum non intelligerent neque principia, quibus uterentur, nec conclusiones, quas deducebant. Præterea agebant de rebus, pro quibus intelligendis certa regula haberi poterat, & per oppositam Pauli doctrinam jam tum habebatur. At nil simile est in casu nostro. Rursus Auctores, de quibus nos loquimur, probè, & sicut fert humana conditio, intelligunt, quæ loquuntur, & de quibus affirmant, nec aliud in præceptore requiritur in rebus incertis, pro quarum veritate certò habendâ certa regula hominibus non suppetit. Itaque locus iste nec ad nostram sententiam, nec ad serios & industrios casuum collectores collimat.

19. Quod secundo loco assertur ex Aug. minus urget, quia manifestè loquitur de ignorantia vincibili, quam homo vel legendo vel audiendo superare potest. At nos loquimur in casu ignorantie insuperabilis, quando scilicet veritas certò sciri non potest, & tunc etiam exigimus, ut veritas ipsa & Dei voluntas juxta capacitatem humanam reperiatur, ac probabiliter credatur. Nil contra hoc ex illo Augustini loco inferri potest.

Obiectio 3. solvitur.

20. Exemplum legis divinæ ignorantæ, & cæci tertio loco adductum, demonstrat quidem ultimam assertionem, sed alias non impetit. Cæterum quod via saluta per quam ambulandum nobis est, sit Dei lex, quodque beati sint, qui ambulant in lege Domini, & contra, qui carnescerunt neque intellexerunt, in tenebris ambulant, quæ Celladeus hic ponderat, verissima sunt de lege, quam scire possumus & debemus; illa enim est via, per quam incedere, & regula, ad quam actiones nostras conformare debemus. At lex insuperabiliter latens non potest esse regula, cum vim legis ac regulæ dirigentis non habeat. Porro quando Lex aliqua insuperabiliter nos latet, ambulamus quidem aliquo modo in tenebris, quia veritatem ignoramus, ambulamus tamen per viam, in qua nec offendiculum, nec præcipitium ullum invenitur; ideoque tenebræ illæ à certa salutis via tenenda nos non impediunt. Imò in hoc ipso casu lex & voluntas Dei, quam sequi possumus, non penitus ignoratur, quia directè loquendo scitur probabiliter, ideoque non penitus ambulamus in tenebris, sed sequimur legem Dei meliorem modo, quo possumus; & reflexè quidem scimus, nos in iis circumstantiis versari, in quibus voluntas Dei est, ut talia facere possimus.

21. Ad quartum, certum est tam ex ipsa hypothesis omnium assertionum hujus quæst. demptâ ultimâ, quam ex indubitato sensu benignæ sententiæ, quod seduli & serii casuum collectores, & qui eos sequuntur, non temerè credant ea esse licita, quæ ab ipsis pro talibus proponuntur. Nulla ergo est hæc obiectio.

Obiectio 4. solvitur.

22. Leges amicitie & servitutis, quinto loco propositæ, postulant quidem, ne quis temerè faciat contra voluntatem Domini aut Amici, quodque, qui aliter faciant, digni sunt reprehensione, quando operantur contra voluntatem eorum, quam scire poterant & debebant. At si loquamur de actione contra voluntatem Domini vel amici, quæ invincibiliter ignoratur, non est contra, sed juxta leges amicitie & servitutis, ut ea fiant, quæ post diligentiam adhibitam ultimato iudicio ipsorum voluntati creduntur esse conformia, quamvis oppositum per accidens contingat. Hoc multò magis valet respectu Dei, qui nullius commodi aut incommodi capax est, quique proinde cor operantis intuetur; unde quoties videt illum ea tantum facientem, quæ invincibiliter credit Deo grata esse, non solum non averfatur opus illius, sed etiam in eo delectatur. Quod maximè verum est, quando res incertæ, certò tamen probabiles, directè consideratæ, creduntur licitæ; tunc enim præter considerationem reflexam & generalem persuasionem quod probabilia liceant, ipsamet directæ persuasio de honestate operis est invincibilis, & consequenter in genere suo sufficit ad fundandam actionem honestam, etsi solum respiciamus ad objectum secundum se, & non reflectamus ad principia reflexa, & circumstantias, in quas reflexa consideratio fertur, ad quas recurrendum est, quoties conscientia &

Obiectio 5. solvitur.

Deus non
est sicut cæ-
teri amici.

bona fides ex rationibus directis non formatur. 23. Cæterum Deus non est, sicut cæteri amici, qui ignorant circumstantias, in quibus amici sui versantur; nec spectat ad eos determinare, quomodo amici se gerere debeant. Sed Deus tanquam supremus legislator omnia intuetur, & pro omnibus casibus statuit quid sit agendum. Inter reliqua autem statuit, quod stante insuperabili ignorantia legis, bonæque fide rationabiliter formatâ, liceat secundum illam operari. Unde qui sequuntur benignam sententiam, non transgrediuntur leges amicitiae cum Deo, sed faciunt quod ei verè placet, & quod ipsi etiam illi placere existimant.

Obiatio 6.
solvitur.

24. Ad sextam. Admitto paritatem inter homicidium & alia prohibita, & fateor nullum illorum licite poni, nisi formetur conscientia quod sit licitum, & à Deo permissum. Rursus verum etiam est, quod nil excuset in aliis, nisi quod excuset in homicidio; sed falsum est, quod hoc sit

sola & unica ignorantia invincibilis; illa enim sola non excusat, cum præter illam bona conscientiae fides requiratur; & quidem utraque semper requiritur, ut actio quævis sit honesta, quia quavis illarum ablata, actio evadit turpis & imputabilis, ut constat ex 1. 2. ubi agitur de conscientia.

27. Ultimum argumentum, ut jacet, probat solvitur ultima obiectio. quidem ultimam assertionem, sed priores non impugnat. Itaque sicut ex una parte Celladeus ultra debitum casuum collectores in hac quæst. periculi accusavit, ita ex altera parte nil attulit, quod benignæ sententiæ repugnat, aut de illa difficultatem ingerat. Illa enim docet, nunquam in ambiguo operandum esse, sed peccatum inevitabiliter imminere, nisi conscientia & bona fides, quæ opus creditur esse conforme voluntati divinæ, ex rationabili motivo formetur. Quæ cum certa sint, ad alia progrediendum est.

QUÆSTIO QUADRAGESIMA- S E X T A.

Virum obedire liceat contra propriam opinionem?

Celladeus
quid in hac
quæst. ege-
rit?



MATERIAM hanc Celladeus tractat lib. 3. quæst. 14. illique tres alias quæstiones quasi præambulas præmittit, nempe 11. 12. & 13. in quibus & fuse & benè probat,

nemini licitum esse operari, aut consulere contra propriam opinionem, speculative & practice talem, eam retinendo, & in sensu composito. Huic ejus doctrinæ, quoad substantiam, & ego assentior, quia vera est, eamque ex professo tradidi ac probavi quæst. 30. de Consc. prob. Verum hoc in Celladeo displicet, quod in suo discursu absque debita rerum ac terminorum distinctione procedat. Quocirca, ne ipse ejusdem accusationis reus evadam, congruum, imò necessarium putavi terminos explicare; quod ita breviter præstabo, ut lector non solum habeat, unde absque æquivocatione præsentem quæstionem intelligat, sed abundè instructus sit, ut absque deceptionis periculo percurrere possit, quæ Celladeus tradit tribus illis quæstionibus præliminaribus, de quibus proximè mentionem feci.

TERMINORUM EXPLICATIO.

Homo mul-
tipliciter o-
perari & co-
sulere po-
test contra
proprium
opinionem.

2. MULTIPLICITER operari & consulere potest homo contra propriam opinionem. Primò, contra opinionem habitualement, quàm habitualiter tenet. Secundò, contra opinionem propriam actualem, seu actu existentem, dum operatur.

Rursus opinio actualis potest esse vel prorsus absoluta ac finalis sententia, vel solum absoluta & finalis secundum quid, nempe, quantum est ex vi rationum ac auctoritatum directè probantium.

Tertiò, operans contra propriam opinionem quando venit ad opus, potest eam deponere,

vel non deponere. Si eam deponat, videndum est, quomodo eam deponat, an per solam suspensionem omnis judicii, ut maneat actu dubitans? an per judicium contrarium, attendendum est, an hoc cum sufficienti, an sine sufficienti fundamento fiat?

3. Jam de his omnibus dispar est ratio, ut latè ostendi quæst. 30. de consc. prob. Porro argumenta Celladei solum probant, licitum non esse operari contra actualem opinionem ultimam non depositam, quod verissimum esse judico; reliqui autem sensus ac distinctiones, quibus meam hac de re sententiam loco citato proposui, non impugnant. Itaque cum allata terminorum distinctio omnem inter nos quoad ea, quæ tribus quæstionibus prioribus à Celladeo agitantur, controversiam dirimat, illis examinandis non immorabor: qui enim cum harum distinctionum præcautione eas legerit, facile veritatem detegit, idque absque periculo errandi circa quæstionem ipsam in sensu, quo illam admitto; imò multa & valida argumenta ad eam efficaciter confirmandam reperiet, pro quibus sua Celladeo laus debetur.

4. Unum tamen diligenter observandum est ex Quæst. 12. ubi ob indistinctionem terminorum periculum est, ne grandis error Lectori obrepit. Contendit Celladeus, & benè, neminem opinari posse aliquid contra alios contrarium tenentes, licet quin simul rejiciat oppositas rationes ut falsas, auctoritatemque tenentium contrarium ut fallacem, ac deceptam repellat. Unde infert, intellectum semper ita judicare de objecto, quod verum esse affirmat, ut rationes & auctoritates contrarias sibi repræsentatas repellat ut fallaces & insufficientes, nisi ponat enunciationem non absolutam, sed secundum quid & restrictam, qualem poneret, qui expressè diceret, se non agere de objecto aliquo, prout subsistat revelationi & auctoritati

Celladeus
non tantum
ex dictis
sensibus im-
pugnat.

Qui opinatur, omnia
contraria ut
falsa ac fal-
lacia repel-
lit.

Auctoritati divinæ V. G. sed solum prout ratione naturali confirmatur.

Celladeus 5. Hæc vera sunt, sed quod Celladeus ex illis inferre videtur est falsissimum; scilicet, quod qui directè considerat rem aliquam, illamque, aliorum auctoritate & rationibus non obstantibus, enunciat esse malam, non possit uti syllogismo illo reflexo. *Omne probabiliter bonum est licitum. Hic contractum est probabiliter bonum. Ergo est licitum.* Quia ut illo utatur, existimare debet, contractum illum esse licitum, quem tamen supponitur credere esse illicitum. At hoc fieri nequit, quia homo ea ratione simul rejiceret & approbaret eandem auctoritatem in ordine ad propositiones sibi contradicentes, quod est impossibile.

Qui directè tenet contra aliquem, potest in reflexa consideratione ex illius auctoritate credere illud esse licitum. 6. Et sane ita in hac re Celladeus loquitur, ut videatur velle inferre, quod qui contra rationes & auctoritatem Suarii & aliorum, tenet aliquid esse illicitum, nullatenus possit ex illorum auctoritate & ratione formare sibi conscientiam, quod res illa sit simpliciter licita. Si Celladeus hoc sibi velit, haud dubiè fallitur, quia non est, cur rationes & auctoritas Suarii & aliorum non possint eâ ratione me movere ad utrumque illud afferendum, sicut rationes similes moverunt ipsum Suarium & alios ad simul enunciandum utrumque de multis aliis objectis. Quis non novit, Suarium & alios sæpè tenere aliquid esse illicitum, de quo tamen statim enunciant, illud esse in praxi tutum? Cur ergo non poterunt rationes & auctoritates illæ eâdem ratione me movere ad idem dicendum, ad quod affirmandum illos moverunt? Nulla in his est oppositio aut contradictio; quia quando Auctores ita enunciant, non considerant rem illam in ordine ad eandem, sed in ordine ad diversas circumstantias. In prima propositione considerant objectum directè per rationes & titulos ex natura rei cum illo connexos, & dum aliud non considerant, absolute dicunt illud esse illicitum. At postea reflexcentes ad rei incertitudinem, & ad probabilitatem oppositi, iterum considerant objectum illud reflexè, & ex novis ac reflexis rationibus dicunt, illud omnibus inspectis esse licitum, tum quia lex illud prohibens non est sufficienter promulgata; tum quia in incertis melior est conditio libertatis possidentis; tum quia veritas ipsa insuperabiliter & invincibiliter ignoratur; tum demùm ob alias causas, quas ponderant, & ad reflexam suam de licito probabilium usu sententiam stabiliendam afferunt. Itaque judicia ista non sunt contradictoria, quia quod unum negat de hoc objecto, ut hisce præcisè circumstantiis substantive, alterum affirmat de eodem sub circumstantiis longè diversis considerato. Quod si primum judicium ex ultimato quodam modo enunciandi, aut aliunde conjungi nequeat cum secundo, in eo casu non licebit contra illam sententiam actualem agere, quia eâ stante bona fides formari non poterit, ut *quæst. 30. de Consc. prob.* dictum est.

Nec tamen approbat & reprobat idem in ordine ad iudicium. 7. Cæterum in istiusmodi casu intellectus non rejicit & approbat eandem auctoritatem in ordine ad idem objectum, quia in primo casu repellit quidem rationem & auctoritatem Suarii & aliorum, in quantum illorum auctoritas versatur circa rationes directè tantum probantes rem illam esse licitam, quia hoc tantum modo auctoritas & rationes illorum ipsi contradicunt: at non contemnit nec repellit eorum auctoritatem in ordine ad rationes reflexas, immò verò ipsis expressè subscribit. Itaque absurdum à Celladeo objectum non sequitur, sed è contrario legitime inferitur,

quod homo operari possit contra propriam opinionem actualem directam, modò illa non sit prorsus absolute ac ultimate definitiva, sed formaliter vel virtualiter solum feratur in rem illam prout consideratur ex vi rationum directè probantium, atque ita relinquit locum ulteriori deliberationi reflexæ ac ultimate.

8. Hæc observatione præmissâ, ne Lector ex minus distincta Celladei locutione per æquivocationem decipiatur, accedo ad discutiendam *quæst. 14* ubi quærit, an subditus teneatur obedire superiori contra propriam opinionem de peccato? hac de re fusè egi *quæst. 22. de Consc. prob. num. 79. & seq.* Non erit autem abs re, si Lector ibi dicta diligenter inspiciat. Cæterum si aut noluerit, aut non potuerit ea inspicere, spero hæc dicenda abundè suffectura ad ea evertenda, in quibus Celladeus discrepat à communi utrâque sententiâ, quam hic breviter declarandum assumo.

ASSERTIO PRIMA.

Subditus tenetur obedire contra propriam opinionem actualem, quando iudicium ipsius nil enunciat de peccato, sed solum de magis vel minus bono.

9. **P**ROBATUR assertio (cui Celladeus §. 1. consentit) quia opus præceptum in tali casu est licitum. Ergo subditus peccat, si nolit obedire; manifestè enim facit contra votum, quo voluntati suæ renunciavit, illamque in Superioris sui manum & dispositionem transtulit. Præterea, iudicium subditi, contrarium iudicio superioris, non est impedimento, quod minus conformitas voluntatum fervetur; neque ullum apparet malum, sed magnum bonum in eo, quod subditus obediat contra suum iudicium. Ergo haud dubiè tenetur obedire contra illud, etiamsi illud non deponat, cum nil sit, quod inobedientiam ejus honestare, aut obedientiam inhonestare possit. Et ita omnes tenent.

ASSERTIO SECUNDA.

In rebus incertis subditus obedire tenetur.

10. **H**ÆC assertionem sic probat Celladeus, qui dicit eam esse certam. Subditus, inquit, non tenetur scire, & examinare, an superior recta præcipiat, nec ne; sed ubi nescit, præsumere debet, quod recta præcipiat. Mox citat *caput, quid culpatur 23 quæst. 1.* ubi Aug. lib. 22. contra Faustum manichæum cap. 74. & ex eo Theologidocent, quod subditi, ut militent in exercitu sui Principis, non teneantur examinare, & nosse iustitiam belli. Ita ille. Verùm hæc ratio, sic proposita, non est universalis; quamvis enim locum habeat, quoties probitas & doctrina superioris talis est, ut respectu subditi fundet præsumptionem, quod superior recta præcipiat (quod plerumque locum habet respectu subditorum imperitorum, maxime Religiosorum, & eorum, qui à probis & peritis Ecclesiasticis gubernantur) tamen respectu peritorum & sagacium scientia & probitas superioris sæpè tanta non est, ut illa fundet dictam præsumptionem; maxime quando illimet casum examinârunt, & ab ipso superiore in consilium ac deliberationem adhibiti fuerunt. In tali

Intentum
hujus quæ-
stionis.

Aliquando
subditus te-
netur obe-
dire contra
proprium o-
pinionem,
etiam ulti-
mam &
actualem.

In rebus in-
certis subdi-
tus obedire
tenetur.

Ratio Cel-
lalet insuf-
ficiens.

T xib &
mens Aug.
expenditur.

Quid requi-
ratur & suf-
ficiat, ut
subditi lic-
tè beilent?

6. Bernar-
dus.

tali enim casu non apparet, unde subditus præsumere possit, superiorem recta præcipere, cum illo omnibus benè ponderatis, rem dubiam esse censuerit, aut absolutè malam judicaverit, nec habeat rationem novam nunc aliter sentiendi. Ergò non debet, & fortasse non potest ita præsumere. Teneatur tamen obedire. Præterea Aug. in cap. quid culpatur, non dicit, subditum militantem debere præsumere bellum esse justum, ut ex ipsis Canonis verbis mox constabit, sed solum requirit ne sciat bellum esse injustum. Ergò ratio Celladei non est sufficiens ad probandum intentum; & auctoritas, quam affert, nec dicit, nec infert illud, ad quod comprobandum ab illo allegari videtur, nempe, quòd subditus in dubio præsumere possit ac debeat recta præcipi, atque ideo teneatur obedire.

II. Probatur ergò primò auctoritate irrefragabili omnium Sanctorum ac Theologorum, omniumque Magistrorum vitæ spiritualis, qui de obedientia subditorum scripserunt. Inprimis in dicto cap. quid culpatur. Augustinus hæc habet. Ergò vir justus, si forte sub rege homine etiam sacrilego militet, recte potest illo jubente bellare, si vice pacis ordinem servans, quod sibi jubetur, vel non esse contra Dei præceptum certum est, velutrum sit, certum non est, ita ut fortasse reum faciat regem iniquum imperandi: innocentem autem militem ostendat ordo serviendi. Ecce, ex memento Augustini, subditi Regis etiam sa rilegi, qui fortè reus est imperando iniqua, illo jubente, licitè bellant, dummodò non sit certum, quòd contra Dei præceptum impe-

ret. At non est certum, quòd contra Dei præceptum imperet, etiam quando, omnibus inspectis, honestas belli est dubia, nec adest sufficiens præsumptio de honestate belli. Ergò tunc etiam obediendum est. Ratio Aug. ingeniosa est & benè perpendenda; honestatem enim bellandi refundit in ordinis observantiam, quia ordo reipublice confurgit ex mutuo respectu inter Principem & subditos. Princeps tenetur subditos tutari, subditi tenentur Principi obedire, non solum quando certum est quòd bona præcipiat, sed etiam quando non est certum quòd jubeat mala; si enim in casu hujus dubii subditus resilire posset, ordo reipublicæ & interna pax læderetur; quæ certa læsio plus mali in se continet, quàm periculum solum violandi legem Dei, quòd ex dubio ac incertitudine oritur. Et quidem Deus ipse hujus ordinis auctor est, illumque servari jubet. Unde quando certum est ordinem turbari, incertum autem, an malum etiam materialiter fiat, certè legi obtemperandum est potius quàm incertè. Itaque ratio hæc fundatur in ipso statu reipublicæ, seu in statu fundante superioritatem, & subjectionem, qui status plura secum fert commoda quàm incommoda, ideoque necessariò honestat aliqua, quæ honesta non essent, dempto statu illo, qui indivisibiliter respicit plura modo humano gerenda, quorum aliqua secundum se sunt inconvenientia, sed prout subsunt illi statui, id est, prout subsunt legi Dei instituenti ac approbanti illum statum, sunt inhonestæ. Itaque ratio Augustini eadem prorsus est cum illa, quæ fundatur in ipso statu constituente superiorem & subditi, quam prosecutus sum *quæst. 23. de Consc. prob. num. 23.*

12. S. Bernardus *tract. de præcepto & dispensatione cap. 12.* hæc habet. *Quidquid vice Dei præcipit homo, quòd non sit tamen certum displicere Deo, haud secus omnino accipiendum est, quàm si præcipiat Deus.* Mox objicit sibi. *Sed homines, inquit, sa-*

cilè falli in Dei voluntate de rebus dubiis percipiendâ, & in præcipiendâ fallere possunt. Sed statim respondet. *Sed enim quid hoc refert tuâ, qui conscius non es &c.* Et tandem sic concludit. *Ipsam proinde, quem pro Deo habemus, tanquam Deum in his, quæ non sunt apertè contra Deum, audire debemus.*

S. Bonaventura in *speculo disciplina cap. 4.* primam illam Bernardi sententiam de verbo ad verbum usurpavit, ideoque haud dubiè per omnia Bernardo consentit.

Humbertus, Ordinis Prædicatorum Generalis V, lib. 3. de *eruditione Religiosorum cap. 1.* hæc habet. *Obedientia hominem de Dei placito certificat: nisi enim apertè sit malum, quòd à superiore præcipitur, sic accipiendum est, ac si à Deo præciperetur.*

S. Bernardinus Senensis in *dialogo de obedientia.* S. Bernardus. *Ubi subditum rationabiliter dubitas, an quòd præcipitur sit peccatum an non, tunc profectò obedire debes.* Hoc est, ut ibi explicat, quando dubium est fundatum, & tale, ut inhonestas probari non possit, tunc obediendum est. *At si dubium sit voluntarium & affectatum, ac irrationabile, ut si dubitetur de eo, quòd apud omnes constat esse mortale, vel veniale peccatum, hujusmodi dubietas, cum ex ignorantia juris proveniat, non excusat ad minus à toto.* Ita Bernardinus.

S. Ignatius Loyola Societatis nostræ Fundator *S. Ignatius Loyola.* sæpissimè istam doctrinam tradit, 3. *Par. const. cap. 1. §. 23.* dicit obediendum esse in omnibus rebus, ubi peccatum non cerneretur, quòd explicans. *p. 8. cap. 1.* dicit, in omnibus rebus, ad quas potest obedientia cum charitate se extendere. Ubi in *Declarat. litt. B.* dicitur. *Hujusmodi sunt illæ omnes, in quibus nullum manifestum est peccatum.* Rursum in *Epist. de obedientia* hæc habet. *Est igitur hæc ratio subijciendi proprii iudicii, ac sine ulla questione sancienti, & collaudandi apud se, quodcumque superior jufferit, non solum sancti viri usitata, sed etiam perfecta obedientia studiosè imitanda omnibus in rebus, quæ cum peccato manifesto conjuncta non sunt.*

13. Eadem est doctrina antiquissimorum ac sapientissimorum Theologorum. Halensis *parte 2. quæst. 121. membro 3. art. 2.* docet, subditum in obscuris debere obedire Prælato, quòdque præceptum superioris plus obliget, quàm conscientia subditi præcipiens oppositum. Idem docet S. Bonaventura in *2. dist. 39. art. 1. quæst. 3.* Astesanus. *lib. 2. tit. 3. art. 2.* Gerson. *de potest. nocturna, considerat. 3.* Nider in *Consolatorio. part. 3. cap. 17.* ibique pro se citat Raymundum, & Henricum Gandensem. Dionysius Carthusianus in *2. dist. 39. & 44. quæst. ultimâ,* nec quemquam inveni, qui contrarium teneat.

14. Confirmatur. In *cap. Dominus, de secundis nuptiis.* Lucius III. declaratac definit, quòd qui absque certitudine de prioris conjugis morte ad secundas nuptias transferint, quamdiu existimant dubium esse, an prior conjux supersit, socio postulanti debitum negare non debeant, quamvis illi id exigere non possint. Rursum Innocentius III. in *cap. inquisitioni, de sent. excom.* expressè tradit, quòd conjux, quando conscientia pulsatur animus illius ex credulitate probabilis & discretæ, non tamen evidenti & manifesta, de impedimento matrimonii, licitè possit reddere debitum, sed postulare non debeat, & rationem dari, ne in alterutro, vel contra legem conjugii, vel contra iudicium conscientie committat offensam. Hinc sic arguo. Ita se habet subditus ad superiorem exigentem obedientiam, sicut conjux ad consortem exigentem debitum, quia sicut ordo & lex matrimonii postulat,

Theologi
sancti Pa-
tribus con-
sentiant.

Probatur
argumento
ducto ex sa-
ctis Cano-
nibus.

Subditus ita
se habet ad
superiorem
in dubio, si
eius conjux
ad consortē,
qui in da-
bio exigit
debitum,

statat, ut debitum reddatur petenti, ita ordo & lex obedientie postulat ut inferior superiori iubenti & ordinanti obediat. Præterea sicut matrimonium est sacramentum, & status, quo vir & mulier sibi mutuò legitimè sua corpora tradunt ad perpetuam vitæ societatem, ad finem proles suscipiendæ, & remedium concupiscentiæ, ita professio religiosa, aut etiam subiectio Principi, est status quidam, quo Religiosus quidem sua se libertate privat, atque illam in superioris sui arbitrium transfert, subditus verò Principi, cuius est bono publico invigilare, subditur, illique obedire tenetur. Itaque haud dubiè ita se habet subditus ad superiorem in ordine ad obediendum & debitum obedientiæ, sicut conjux ad consortem in ordine ad reddendum debitum. Atqui certum est ex definitione Pontificum, quod conjux, sive bona sive mala fide contraxit (nam Lucius loquitur de contrahente mala fide, Innocentius verò non supponit malam fidem præcessisse, sed aut loquitur de contrahente bona fide, aut ab utroque præcindit) licitè possit ac debeat reddere debitum conjugale, etsi dubitet, imò etsi probabiliter credat matrimonium non subsistere. Ergò eodem modo subditus & potest & debet obedire tametsi dubitet, imò & probabiliter credat rem præceptam esse illicitam; quia nil est, quod honestare possit redditionem debiti in illis circumstantiis, quod æquo jure in similibus circumstantiis obedientiam non honestet.

Obedientia
in dubio de
honestate
rei præceptæ
debetur, si
per statum
subjectionis.

15. Probatur 2. ratione. Quotiescumque homo constituitur inter duo mala collectivè inevitabilia, minùs est præeligendum. Atqui omnis subditus necessariò constituitur inter duo mala collectivè inevitabilia, quando superior præcipit rem non certò licitam; ex una enim parte, si obediatur, imminet periculum erroris & peccati saltem materialis; si verò non obediatur, ordo subjectionis turbatur, ac plurima alia mala inobedientiam naturaliter consequentia proveniunt, ut discordia inter superiorem & subditum, sociorum scandalum, & alia hujusmodi. Ergò in tali casu minus horum malorum est eligendum. Atqui minus malum est obedire, quàm non obedire; quia malum, quod imminet ex obedientia non est certum, sed dubium, ut supponitur; malum verò, quod imminet ex inobedientia, est certum, quia præter ipsam inobedientiam & violationem voti (de quibus imminentibus idem est dubium, quod de inhonestate rei præceptæ) ordo subjectionis certò turbatur, & superior à certa possessione suæ jurisdictionis ob incertam subditi exceptionem dejicitur; unde rixa ac dissensio, aliorumque scandalum necessariò consequuntur. Mala autem certa incertis postponenda sunt, & hæc præ illis eligenda, maximè quando cetera sunt paria, ut in casu nostro. Ergò in omni casu ejusmodi obedientia præeligenda est. Et sanè dubium non est, quin hæc sit ipsissima causa, quam Aug. in cap. quid culpatur. 23. quæst. 1. & Pontifices in citatis Decretalibus attulerunt ad probandum, quod miles subditus in dubio licitè bellet, quodque conjux in simili casu licitè debitum reddat. Ratio enim Augustini est, quod miles ordinem subjectionis servet, atque ideo licitè obediatur; per hoc enim præfert illud, quod certo titulo debetur, posthabito eo, quod non nisi dubio titulo exigitur. Similiter Pontifices in eo obligationem reddendi debitum fundant, quod lex conjugii violaretur, si debitum petenti negaretur, scilicet lex favens illi, qui ex animo verè contrahendi nuptias celebravit, quique est in possessione debiti petendi,

nollaque ratione dubitat de valore sui contractus. Tali enim consorti debitum negari non potest, quin certum jus violetur, quin ordo seu lex matrimonii turberetur, atque mutua conjugum charitas violetur &c. quod majus malum est, quàm in dubio, statè dubio, mali materialis periculo se exponere, quando utrumque simul vitari non potest.

Confirmatur. Tan lex matrimonii, quàm ordo subjectionis, est status à Deo institutus, & quidem eo fine, ut per homines more humano, & juxta possibilitatem directionis à limitatione humani intellectus obtinendæ administraretur. Omnis autem ejusmodi status inseparabilis est ab aliquo inconvenienti; quia quæ administrari non possunt nisi per homines plurima ignorantes, ab hoc saltem separari non possunt, quod homines statum illum ministrantes aliquando ea exigant, quæ, si veritas sciretur, nemo licitè velle posset. Hoc autem est magnum inconveniens, ut patet. Nihilominus omnis ejusmodi status simpliciter bonus est. Quamvis enim indivisibiliter extendatur ad plura, quorum nonnulla sunt aliquando materialiter mala, tamen bona à tali statu provenientia sunt incomparabiliter majora, quàm mala ab eodem imminencia. Ergò necesse fuit, ut mala, prout necessariò substantia tali statui, à Deo permittantur, eò quod extra statum illum non subsint circumstantiis inferentibus ea incommoda, quæ vitari non possunt, nisi talia objecta in statu illo essent permissa. Ratio hæc in illud resolvitur, quod status, indivisibiliter extensus ad plura, omnia honestat, modò pauca comprehendat, de quorum materiali honestate nil certi innotescit, & ex alia parte innumera secum commoda ferat, quorum honestas est indubia, maximè quando status ille per hominem administrari non potest absque dictis incommodis, quæ si non essent permissa, bona ipsa ex statu illo sperata haberi non possent, sed mala contraria eaque gravissima necessariò irruerent. Hoc videre est in officio Judicis, Chirurgi, Medici, aliisque ejusmodi, quæ humano modo administrari non possunt, quin per illos usum, modò innocens interficiatur, modò æger pro medicina proficua mortiferam potionem sumat &c. Nihilominus officia hujusmodi non solùm utilia, sed etiam necessaria sunt reipublicæ, quia, omnibus computatis, longè plura commoda secum ferunt, quàm incommoda; ideoque à Deo instituta sunt, & sunt absolute bona ac convenientia, naturæque rationalis præscriptionibus consentanea. Idem prorsus dicendum est de statu conjugii ac religiosæ obedientiæ, qui per homines administrari debent, quique indivisibiliter extenduntur ad plura, quorum nonnulla secundum se considerata sunt honestatis incertæ. Ideoque status ejusmodi humano modo administrari non possunt, quin homo administrans statum illum nonnunquam aliquid exigeret à subdito, de quo, secundum se spectato, subditus dubitat an sit honestum. Quocirca cum status ejusmodi necessariò extendatur ad aliqua, quæ extra statum illum sunt dubiæ honestatis, cumque citra ingentia inconvenientia humano modo administrari non possint, nisi subditus in dubiis illis obediat, necesse fuit ut objecta secundum se honestatis dubiæ, prout substantia tali statui atque à superiore exiguntur, permitterentur subdito, atque illi licita evaderent. Quamvis eadem extra statum illum, atque in illo etiam, quando à superiore non exiguntur, honestè eligi non possint, quia non est unde honestentur.

Deus tal. m
obedi nriā
exigit, quia
est Auctor
tal. stat. m.

ratio à prio-
ria affectionis
posuit.

16. Con-

Item con-
firmatur.

16. Confirmatur. Deus tales status instituere non posset, nisi honestaret ea, sine quibus status illi humano modo ministrari non possunt. Atqui certum est, Deum esse auctorem talium statuum, atque illos de facto instituisse. Ergo certum patet, quod honestet ea omnia, ad quae status illi indivisibiliter extenduntur, & sine quibus per hominem humano modo administrari non possunt. Hoc autem est totum, quod intendimus; quia status ejusmodi humano modo administrari non possunt, quin nunquam exigantur quae sunt honestatis dubiae. Atque hinc est, quod subditus in incertis teneatur obedire, & quod plus est, bene & laudabiliter obediat, quamvis res, quam ponit, secundum se sit materialiter mala.

SOLVUNTUR OBJECTIONES.

Objeçio.

17. **O**BJICES. Nullum datur praeceptum, obligans ad preferendam auctoritatem superioris omnibus rationibus & auctoritatibus, quae dubium movere possunt in contrarium. Ratio est, quia superior non divinam sed humanam dumtaxat auctoritatem habet. Ergo non solum falli potest in suo iudicio, sed etiam ejus auctoritas ita exceptioni subjacet, ut majori auctoritati Doctiorum & fortasse Sanctiorum, aut certe rationi efficaciori, aut legi superioris Praelati cedere debeat. Ergo irrationabile est dicere, quod universaliter in dubio obligemur ad obediendum superiori. Ergo regula allata non potest prudenter acceptari saltem in illa universalitate, quam assertio exprimit.

In dubio
negativo
semper &
sine excep-
tione obe-
diendū est.

Respondeo Suarezium tom. 4. de Relig. lib. 4. cap. 15. Hæc obijcere contra doctrinam in assertionem positam, & à Patribus traditam, atque ex illis inferre, doctrinam à Patribus expressam, non omnino universaliter sed cum aliqua limitatione esse accipiendam, ut vera censeatur. In primis ergo respondet, subditum sine ulla exceptione debere obedire, quoties versatur in dubio negativo de honestate rei præceptæ. Tunc autem versatur in dubio negativo, quando nulla illi superest ratio positiva ad existimandum, quod res præcepta sit mala, aut etiam quod sit bona secluso præcepto. In hoc ergo dubio, inquit, sine ulla exceptione verum est, præceptum superioris sufficere, ut subditus illi innixus certo iudicet, sibi licere quod præcipitur; quia in illo casu præceptum obligat, cum superior exigat jus suum, & in dubio melior sit conditio possidentis. Item quia aliàs esset moraliter impossibilis obedientia, si unicuique subdito in particulari prius persuadendum esset, justum esse quod præcipitur.

In dubio
positivo en-
& quando
obediendū
sit?

18. At quando dubium est positivum, id est, quando ratio positiva vel auctoritas arguit rem esse malam, paulò aliter dicendum est. Ratio enim, vel auctoritas, quæ ita suadet rem esse malam, ut ejus honestatem dubiam reddat, dupliciter considerari potest; primò, ita ut utraque pars contradictionis, secluso præcepto, sit probabilis; secundò, ut solum sit probabile, rem esse malam, & oppositum non sit probabile. In priori casu generaliter verum est, inquit Suarez loco citato, adjuncto præcepto obediendum esse, idque verum esse asserit, etsi honestas rei sit minus probabilis, quam ejusdem inhonestas. At in posteriori casu dicit obediendum non esse, contenditque id præsentis Patrum & nostræ assertioni non repugnare, quia in tali casu inhonestas rei non potest vocari dubia; est

Sententia
Suarii.

enim humano modo certa, etsi non sit omnino evidens; quia homines in rebus moralibus vix possunt certiore cognitionem consequi. Itaque Patres non includunt hunc casum, quando dicunt obediendum esse in omnibus, de quibus non constat, aut certum non est res præceptas displicere Deo, quia in casibus hujusmodi satis constat, satisque certum est, quod ejusmodi objecta Deo displiceant. Itaque licet in talicasu obediendum non sit, adhuc regula Patrum in assertionem posita, rectè intellecta, generaliter & sine exceptione vera est.

19. Ex his inferit Suarez ibidem, quod in casu dubii positivi necesse sit, subditum expedire rationes & auctoritates, quæ occurrunt & de honestate rei præceptæ dubitare cogunt, antequam liceat obedire; si enim inhonestas sit probabilis, videndum est, an oppositum sit etiam probabile. Si sit, obedire debet. Si non sit, non erit obediendum homini sed Deo, quem satis constat oppositum præcipere. Hanc doctrinam asserit locum habere in omnibus, potissimè verò in materia, quæ intrinsecè mala est, & non ex jure aliquo positivo. Sed cum hac differentia, quod in priori casu nunquam sit obediendum, quamvis in secundo aliquando licet obediat, tunc scilicet, quando superior dispensare potest in tali materia; tunc enim, si præceptum imponat cum scientia juris Ecclesiastici verantis talem materiam, præsumendus est dispensare. Neque facile judicandum est, quod invalidè dispense nisi id evidenter constet; quod moraliter loquendo vix potest accidere. Cæterum quando objectum aliquod antecedenter ad præceptum ita est inhonestum, ut absoluta inhonestas ipsius constituatur per negationem præcepti, tunc certum est, omnem illam inhonestatem tolli per præceptum, adeoque absque dubio obediendum esse. Sic si Religiosus voveat, se talem horam Lectioni spirituali daturum, obligabitur ex voto ad hoc, quamdiu superior non præcipit contrarium; at si superior contrarium præcipiat, talis obligatio cessat; quia votum illud non erat absolutum, nisi dependenter à negatione præcepti in contrarium. Ergo, accedente præcepto, materia voti tollitur, omnisque obligatio cessat, ideoque obediendum est.

20. Atque hæc locum habent, quando superior merè consideratur ut superior; quod si, præter superioritatem, sit vir pius ac prudens, fieri poterit, ut ejus auctoritas probabilem reddat honestatem rei quam præcipit; & in eo casu subditus attendendo ad ejus auctoritatem obedire poterit, non obstante priori iudicio. Verum in hoc casu auctoritas superioris tollit moralem certitudinem prioris iudicii, & consequenter locum habet obedientiæ efficacitas, quia in dubio obediendum est. Hæc Suarez loco citato more suo doctè dilucidèque proponit, quæ quoad amplificationem obedientiæ verissima reputo, quamvis quatenus obedientiam restringunt, non parvam habeant difficultatem. Ratio est, quia quoad hoc eadem videtur esse ratio obediendi regi vocanti ad bellum, ac reddendi debitum conjugii id postulanti, cum Augustinus eodem modo loquatur de obedientia regi præstanda, ac Pontifices & Canones de redditione debiti conjugalis. At Pontifices & Canones ita loquuntur de redditione debiti, ut æquè involvant casum dubii positivi ac negativi, ut clarè exprimitur in cap. inquisitioni, de sent. excom. ideoque debitum illud non minus reddendum est in dubio positivo, quam negativo. Ergo eodem prorsus modo dicendum de obedi-

Utrum sub-
ditus in du-
bio positivo
teneatur ra-
tiones expen-
dire, ut obe-
dire possit.Limitatio
quam Suar-
ez apponit
sententiæ
sue.

obedientia præstanda Regi ad bellum vocanti. Eadem autem ratio proportionaliter procedere videtur de aliorum superiorum præcepto.

Duplex auctoritas reputatur in superiore.

21. Quod ut melius intelligatur; paulò aliter respondendum est argumento allato. Itaque dico, auctoritatem superioris sumi dupliciter: primo, sumitur pro doctrina & probitate, ratione cujus dicta illius redduntur digna fide propter ipsius veracitatem in cognoscendo & loquendo. Hæc auctoritas seu veracitas non competit illi, prout est superior, sed solum ut est vir peritus & probus. Secundò, sumitur pro potestate seu superioritate, vel jurisdictione ipsi competente, ratione cujus superior est, & præcipere potest inferioribus, illorūque suo imperio ac voluntate dirigere ac obligare. De auctoritate superioris primo modo sumptâ vera sunt, quæ afferuntur in objectione; evidens enim est, nullam hujusmodi auctoritatem competere hominibus titulo superioritatis quæ exceptioni non subiaceat, quæque Doctorum ac Sanctorum opinioni merito cedere non debeat. Immo concedo irrationabiliter dici, quòd univ. aliter in dubio obediendum sit, si motivum obediendi præcipi fundatur in auctoritate superioris hoc modo sumptâ. Verum longè aliter se res habet in casu subditi obedientiam præstantis, quia titulus obediendi fundatur in auctoritate alia, nempe in ea, quæ non distinguitur ab ipsa potestate, seu superioritate ut imperante, cui prior auctoritas solum per accidens conjungitur. Jam hic titulus, utpote certus & constituens statum, præfertur omni incertæ exceptioni in contrarium, quia est status indivisibiliter extensus ad plura; ideoque honestat plurima, quæ extra illum statum non sunt honesta. Sicut ergò ob statum matrimonii & titulum in eo fundatum, conjux tenetur reddere debitum consorti petenti, quamvis habeat opinionem ac credulitatem discretam, quòd copula sit fornicaria, dummodò hoc illi evidens non sit; ita pariter dicendum est in casu obedientiæ, quando legitimus superior præcipit aliquid, quod subditus probabiliter ac discretè tamen evidenti credulitate putat esse malum. Itaque obiectio non videtur tangere proprium fundamentum nostræ sententiæ, quæ proinde in tota sua latitudine locum habet, etiam quando dubium est positivum. Et sanè totum reipublicæ regimen everteretur, si subditus licet non obediret, quando positivè dubitat de honestate rei præceptæ; facillimum enim esset subditi tale dubium prætere, ac asserere inhonestatem rei præceptæ esse illis probabilem, & oppositum illis probabile non esse. Ne ergò detur locus exceptioni tam noxiæ, necesse fuit, ut ipsum præceptum omni prorsus dubio prævaleret, sicut exigentia debiti prævalet omni dubio conjugis illud reddentis.

Una exceptionem patitur in omnibus aliis non item.

In omnibus dubio etiam positivum, legitimum superiorem obediendum est.

Eadem est ratio obediendi in dubio positivo, quæ est in dubio negativo.

22. Præterea, doctrina objectionis, si valeret, probaret licitum non esse obedire in dubio negativo. Si enim subditus sit longè peritior superiore, doctrina & probitas superioris non est motivum sufficiens tali subdito ad probabiliter credendum rem præceptam esse licitam. Ergò tunc conscientia subditi de honestate obedientiæ non potest formari dependenter ab auctoritate superioris, si illa auctoritas sumatur pro veracitate ipsius. At Suarez ipse, & cum eo omnes communiter agnoscunt, obedientiam præstandam esse in tali casu. Ergò tunc conscientia subditi ex alio capite formanda est, nempe ex ipsa superioritate & imperio Prælati, & statu per talem superioritatem constituto, qui titulus prævalet dubio & exceptioni omni, in dubio negativo fundatur. Atqui idem status, eademque superioritas, & jussio sunt titulus prævalens dubio positivo ac probabili. Ergò obediendum est etiam in dubio probabili, quia Patres expressè aiunt obediendum esse, quamdiu non est certum superiorem Deo contraria præcipere; quod sine dubio certum non est, non solum quando utraque pars contradictionis est probabilis sed etiam quando una tantum ratione probabili stabilitur. Falsum enim est, quod supra dixit Suarez, probabilitatem, quando uni tantum parti favet, esse humanam quandam certitudinem, eò quòd homines vix possint consequi certiores cognitionem in rebus præsertim practicis & moralibus. Falsum est, inquam, quia sapè probabilitas illa est valde exigua, ideoque non excludit notabilem formidinem, quæ indubiè humanæ certitudini opponitur. Præterea auctoritas unius testis non facit plenam probationem, ideoque non pertingit ad humanam certitudinem. At auctoritas unius testis ita reddit assertum suum probabile, ut oppositum sit improbabile, quamdiu nil assertur in contrarium. Ergò aliquod dubium positivum, consistens in probabilitate unius partis sine probabilitate oppositi, non est moralis certitudo humana. Eadem autem ratio est de omni probabilitate, nisi illa sit maxima, seu talis, cui rarissimè contingit falsum subesse, illa enim moralem quandam & humanam certitudinem habet. Ergò semper obediendum est etiam in dubio positivo, nec ulla est exceptio, nisi quando probabilitas inhor. estatis reipræceptæ est summa, quod in praxi rarè evenit; quia rarissimum est, quòd superiores præcipiant res ejusmodi, atque eas ut licitas à suis subditis exigant. Sed & tunc etiam obediendum esse, sequens ratio probat.

Probabilitas uni tantum parti favens, non semper est certitudo humana.

23. Præterea ratio Suarii videtur insufficiens; inde enim infert, quòd talis cognitio probabilis sit humano modo certa, quia homines vix possunt consequi certiores cognitionem in rebus practicis. Inprimis hoc falsum est, nam nonnumquam in rebus practicis habemus plenissimam probationem, quæ moralem quandam certitudinem habet. At longè frequentius talis probatio deest. Ergò tunc non adest moralis certitudo, cum homo, ut moraliter & humano modo certus sit, longè efficacior probacionem exigit. Præterea aliqua objecta adeo remota sunt à nostra cognitione, ut de illis non nisi tenuem suspicionem habere possimus. Et tamen suspicio ejusmodi non est humano modo materialiter certa. Ergò quod non possimus certiores cognitionem habere de aliquo objecto, non infert illam esse humano modo moraliter certam. Ergò illa certitudo aliunde mensuranda est, quàm ex impotentia nostra ad meliorem. Inprimis ergò requiritur summa quædam probabilitas, quæ tamen ad moralem & humanam certitudinem practicè non pertingit, nisi quando alia certior humano modo haberi non potest. Quòd si hæc duo concurrant, humana quædam & imperfecta moralis certitudo habetur, quæ tamen simpliciter lequendo certitudo non est. Ergò hæc ratio Suarii videtur insufficiens. Unde sic arguo. Quoties moralis & humana certitudo deest, ex mente Patrum obediendum est. At illa aut semper aut ferè semper adest, etiam quando dubium est positivum & probabile. Ergò ferè semper obediendum est, etiam in dubio positivo. Immo verò simpliciter obediendum est in tali dubio, quia genuinus & obviū sensus textuum allatorum procedit de certitudine simpliciter tali; neque

Ratio Suarii videtur insufficiens.

Certitudo humana quid importet?

neque quisquam illos legens aliter eos intelligere potest ex vi verborum. Itaque restrictio appositā, si sumatur universaliter, sine sufficiente necessitate adjungitur, quæ proinde admittenda non est; sed verba accipienda sunt in sensu genuino. Ergo in omni omnino dubio obediendum est, quamdiu scilicet non certò constat, rem præceptam esse malam.

Universalis obligatio obediendi in dubio positivo ostenditur.

24. Demum assertio universaliter intellecta sic probatur. Tres tituli assignati, aut certè tres alii prorsus similes, prævalent omni dubio positivo in materia justitiæ, quando conjux bonæ fidei postulat debitum à consorte; quia in omni tali dubio reddendum est, ut expressè traditur in *cap. inquisitioni sua, de sent. excommunicat.* ubi Pontifex declarat debitum reddi non posse ab eo, qui certò scit adesse impedimentum conjugii; posse autem, non obstante probabili & discretâ credulitate de tali impedimento, modò absit evidens & manifesta nptitia de matrimonii invaliditate. Ergo similiter tres illi tituli prævalent in omni dubio positivo etiam probabilissimo in materia obedientiæ, cum eadem prorsus ratio in utroque casu valeat, ut satis constat ex rationibus, quibus assertionem probavimus. Ergo in omni prorsus dubio, etiam probabilissimo obediendum est.

S. Thomas tenet debitum conjugale reddendum esse in omni dubio, etiâ positivo.

24. Et sanè doctrinam hanc, de obligatione reddendi debitum conjugale in omni dubio positivo, apertè traditam invenies à S. Thoma in *4. dist. 41. quest. unicâ art. 5. quasiunculâ. ad 3.* Hæc sunt ipsius verba. *aut habet certam scientiam de impedimento matrimonii, aut opinionem, aut neutram. Si primo modo, nec exigere nec reddere debitum debet. Si secundo, debet reddere, sed non exigere. Si tertio, potest reddere & exigere.* Idem tradit *dist. 38. in exposit. textus sub finem*, ubi agit quidem de dubitatione, sed ut expressè addit probabili, adeoque opinativâ, non suspensivâ. Eodem modo loquitur S. Bonaventura ibidem. Vide plura de hac re apud Bresserum *lib. 4. de Consc. cap. 14.*

Suarez ostenditur nobiscum sentire.

25. Et hæc quidem vera sunt, si universim sermo sit de obligatione obediendi, ut nunc loquimur; sed si loquamur de obedientia, quam Religiosi debent suis Prælati, inhæreo doctrinæ, quam ex S. Bernardino Senensi, & Cardinali de Lugo tradidi *quest. 23. de Consc. prob. num. 70. & seqq.* quæ videntur potius cõincidere cum sententia Suarii. Dixi enim, Religiosum non licitè obedire, quando inhonestas rei præceptæ ita est probabiliter inhonestas, ut oppositum non sit probabile; quod ita intelligendum est, ut obedientia sit illicita, quando tam superiori quàm subdito constat, inhonestatem rei esse probabilem, ejusdem autem honestatem non esse probabilem. Ratio est, quia tunc constat, superiorem abuti suâ auctoritate, ea præcipiendo, ad quæ mandanda facultatem non habet. Non ergo est illi obediendum. Et sanè eadem ratio locum habet in lege matrimonii; consors enim tamdiu solùm tenetur debitum reddere in dubio positivo, quamdiu qui petit, bonâ fide procedit. Si enim constaret, quoddam matrimonii invaliditas utrique conjugii esset probabilis, & oppositum non esset probabile; neuter in eo casu licitè posset petere, ideoque neuter licitè posset reddere debitum conjugale; quia petens petendo suam facultatem excederet. Quod si maritus bonâ fide petat, tunc illi debitum non est negandum ob alterius partis dubium, quantumvis valdè fundatum.

Subditus quomodo debeat se gerere in

26. Jam si Superior & subditus in suo judicio discrepent, æquum est, ut subditus superiori cedat, non superior subdito. Cæterum si subditus

sit vir peritus, superior autem in rerum moralium notitia parum versatus, adeo ut subditus ob auctoritatem superioris non possit existimare, rem præceptam esse probabiliter licitam, cum tamen certò constet, ejus inhonestatem esse probabilem; in eo casu subditus ille non debet statim exco modo obedire, sed debet humiliter repræsentare superiori, rem præceptam esse probabiliter malam, ejusque honestatem non esse probabilem, ac proinde eam non esse apertam, quæ imperetur. Dignetur proinde rem melius considerare, ac peritos, si opus sit, consulere; se paratum obedire in omni eo, quod post diligentiam debitam superior judicaverit bonum, illudque imperaverit. Nec dubium, quin Prælati Religiosi in tali casu teneantur subditum audire (maximè si subditus sit vir doctus) nisi ipse etiam peritus esset, remque ipsam & rationem dubitandi à subdito propositam examinasset. Jam si superior hæc audiens, dicat cum impetu, se hæc non curare, nolle se à subditis doceri, sed omnino velle obedientiam sibi præstari, dico subditum in eo casu non debere illi obedire, quia ex una parte non habet unde judicet honestatem rei esse probabilem, & ex altera satis apparet superiorem potestatem suam excedere, quippe quæ per omnia subordinari debet legi ac voluntati divinæ, quæque data est in ædificationem, non in destructionem. Cum ergo constet, Deum in tali casu præcipere superiori, ne talem rem exigat à subdito, utique subditus Deo obedire debet, non superiori apertè contra voluntatem Dei præcipienti. At si superior præsumi possit rem satis examinasse, aut si minùs peritus sit, dicat se cum peritis egisse, & ex eorum judicio invenisse rem licitam esse, ac proinde obedientiam exigere, utique subditus obedire tenetur, quia jam superior non ex impetu, sed maturè ac bonâ fide præsumitur procedere. Universaliter enim verum est, quoddam subditus in omnibus incertis obedire teneatur, quæ superior bonâ fide credit licita, & pro sua potestate absolutè imperat. Verum in hoc casu fieri nequit, quin pars præcepta evadat aliquo modo probabilis probabilitate extrinsecâ; ideoque non sumus ampliùs in casu de probabilitate se tenente tantum ex parte inhonestatis rei præceptæ, ut patet.

27. Cæterum quamvis improbitas superioris adeo notoria esset subdito, ut honestas rei præceptæ, ne quidem per dictam superioris attestationem evaderet ipsi extrinsecè probabilis, adhuc illi obediendum esset, quamdiu non constaret superiorem fictè agere. Si enim verè putet rem esse licitam, dicatque se rem sufficienter examinasse, ac propterea uti jure suo, & obedientiam exigere, non debet privari jure suo ob incertam exceptionem subditi; & hoc rationes assertionis evincunt, quia sicut in simili casu debitum reddendum est consorti illud petenti, & subditus ad bellum vocatus obedire debet, ita & subditus religiosus suo Prælato. Nec ullam hîc invenio exceptionem, nisi probabilitas esset summa, & respectaret ad jus, atque ab omnibus prorsus haberetur illicita; quia in illo casu, satis constaret, superiorem suos limites excedere, & malè etiam fide procedere. At secus dicendum est, quando probabilitas subditi de inhonestate rei præceptæ non est summa, nec ad moralem & humanam certitudinem pertingit, neque est de re, quam omnes illicitam dicunt, tunc enim subditus non habet sufficientem exceptionem contra suum superiorem, quia ex illa particulari probabilitate subditi non sequitur, superiorem bonâ fide non procedere,

dubio positivo, antequam obediatur.

In incertis semper obediendum est, si superior bonâ fide procedat.

cedere, aut debitam diligentiam non adhibuisse. Ergo tunc obediendum est, ut rationes convincunt. Nec existimo Suarium in hoc casu contrarium tenere, quia non videtur aliud intendere, quam quod à me hæcenus explicatum est.

Discrimen
inter obe-
dientiam reli-
giosam & sub-
diti à Rege
ad bellum
vocati.

28. Porro in hoc est diversitas inter subditum religiosum, & subditum regis, quod superioritas religiosa directe instituta sit ad gubernandum subditum in ordine ad finem vite æternæ; unde sicut subditi est in suis dubiis de conscientia ad superiorem recurrere, ita est superioris eum audire, ac sincere dirigere. Mirum proinde non est, quod religiosus in dicto dubio non possit obedire, donec suam difficultatem superiori exposuerit, & juxta dicta directus fuerit. At rex non est constitutus, ut singulorum subditorum dubia de honestate belli resolvat. Unde illi ad regem pro illorum solutione non recurrunt, nec tenentur recurrere. Quando ergo constat, regem eos ad bellum vocare, & non constat eum aliud exigere, quam quod justum judicat, neque moraliter certum est, illud esse à Deo prohibitum, obedientia illi præstanda est. Quod si alicui constaret, regem non curare rationem justitiae, sed solum querere amplificationem regni &c. eò quod consiliis adhibitis, clarè videret omnes in eo convenire, quod non sit si efficiens causa belli justè indicendi, aut rex ipse declararet, se nil de justitia belli curare, utique talis subditus, non posset illi licite obedientiam præstare, sed Deo contrarium exigenti obediendum esset.

Conciliantur dicta
hoc loco
cum tradi-
tis in tract.
de Consc.
prob.

29. Demum adverto, doctrinam, quam loco citato ex quaest. 23. de Consc. prob. ex Cardinale de Lugo attuli, in alio titulo non fundatam fuisse, nisi in potestate dominii, quam superior habet præcisè ex voluntaria libertatis abdicatione à subdito facta, quia Cardinalis de hac tantum, non de alia mentionem facit. At illa sola potestas non est tam efficax ad obligandum, ac integra potestas superioris; (de qua mox plura dicentur ex professo) quia illa potestas non est major, quam vovens ipse sibi imponere intendebat. At alia potestas est longè major, & non dependet à voluntate subditi. Unde quamvis Cardinalis apposerit limitationem, quam ibi perpendimus, illa tamen intelligenda est juxta proximè explicata; & quidem ita, ut sermo non sit nisi de illa præcisè potestate, quæ ex voto subditi transfertur in superiorem, quod notandum fuit, ne quis ex illo loco malè intellecto existimet, me hic multum recedere ab illis, quæ ibi tradidi, cum revera in nullo recedam, sed clariùs, atque disertius explicem ea, quæ ibi tradidi.

ASSERTIO TERTIA.

Quod universaliter dictum est de subditis respectu superiorum, æquè aut à priori locum habet in subditis religiosis.

Subjectio
religiosorum
non minus
obligationis
efficit, quam
subjectio a-
liorum.

Ratio 1:

Hæc Assertio ponitur contra quosdam Recentiores, apud Bresserum lib. 4. de Consc. cap. 15. qui docent ut probabile, quod religiosi in dubio non debeant obedire, quamvis de aliis subditis communi nostræque sententiæ subscribant.

30. Probatur primò, ex rationibus & auctoritatibus pro secunda assertione allatis, illæ enim æquè procedunt de religiosis, cum religiosi fuerint sancti Patres, ex quorum dictis conclusionem illam stabilivimus. Illi autem potissime loquuntur

R. P. A. Tertii Regula Morum. PARS II.

in ordine ad suos subditos religiosos, ut patet.

31. Probatur secundò Prælati regulares & Ratio 1:

exempti duplicem in suos subditos potestatem habent: aliam dominii, ut vocant, qualem habet Pater-familias erga liberos, & familiam suam. Hanc accipiunt à voto, quo subditus illorum directioni sponte se subdit. Aliam juris-dictionis, qualem habent Episcopi in suos subditos, ratione cujus possunt excommunicare, præcipere &c. Hanc habent sibi à summo Pontifice communicatam. Unde sic arguo. Religiosi obligantur eodem titulo, quo alii, ad obediendum suis superioribus. Immo illi duplici, hi simplici tantum titulo obstringuntur. Unde illi gravius peccant non obediendo, quam isti. Ergo subditi religiosi non solum ex æquo sed magis tenentur obedire suis superioribus, quam alii suis.

Prælati re-
gulares du-
plicem po-
testatem ha-
bent in suos
subditos

Confirmatur. Si Clericus obedientiam Episcopo voveret, non ideo minus obligaretur illi obedire, quam antea, sed magis; quia jurisdictio Episcopi per votum illud non debilitaretur, sed roboraretur relatè ad illum Clericum. At idem prorsus valet in subdito religioso, cujus superior habet jurisdictionem quasi Episcopalem.

32. Probatur tertio, ex communi fidelium ac Ratio 3:

religiosorum sensu; omnes enim putant, religiosos magis obligari ad obediendum suis superioribus, quam seculares suis; idque non solum intensivè, sed etiam extensivè, quia regulares ex sua parte se plenius gubernandos tradunt, quam seculares suis; præsertim in dubiis. Atque hinc orta est communis omnium opinio, quod subditi omnes, potissimum religiosi, suis superioribus obedire teneantur in dubio.

33. Probatur quartò. Communis omnium opinio est, quod in dubio obediendum sit superiori, solam dominii potestatem habenti, absque ulla jurisdictione. Solus Suarez Tom. 3. de Relig. lib. 10. cap. 3. videtur paulò strictius locutus reliquis; dicit enim non videri improbabile, Abbatissam non posse ex voto obedientiæ obligare monialem ad aliquid faciendum in dubio de honestate rei præceptæ, eò quod illa juxta communem Theologorum sententiam potestatem jurisdictionis non habeat. Nihilominus Suarez ipse docet oppositum esse probabilius, & verum. Unde sic arguo. Communis Theologorum opinio, & unanimis fidelium persuasio est, quod in dubio obediendum sit superiori non habenti jurisdictionem, sed solam dominii potestatem. Rursus certum est, quod in dubio obediendum sit superiori solam jurisdictionis potestatem habenti, nam in hoc omnes conveniunt. Ergo multò magis obediendum est superioribus religiosis, qui utramque potestatem certò habent.

Potestas do-
minii fun-
dat obliga-
tionem obe-
dendi in
dubio.

34. Et sanè Bresserus loco citato rem hanc adeo constantem ac probatam putat, ut dicat prorsus improbabile esse, quod hujusmodi superioribus non sit obediendum in dubio, si concedatur quod in dubio simili aliis sit obtemperandum. Ego non libenter censuro opiniones Catholicorum; quare juxta supra dicta, admitto regulares in aliquo sensu non debere obedire in dubio, scilicet quando auctoritas superioris & exhibitio præcepti non tollit dubium de honestate rei præceptæ; tunc enim religiosi rectius faciunt, & sæpè tenentur suam difficultatem superiori proponere, nec antea obedire convenit. Sed si superior bonâ fide procedat, & post rem examinatam existimet eam esse licitam, subditi illi obedire tenentur. Itaque existimo, Auctores illos recentiores, quos Bresserus tacito nomine citat,

An & in
quo sensu
verum sit,
religiosos
non debere
obedire in
dubio.

G 2

alud

aliud quàm hoc non intellexisset. In hoc autem sensu verum dicunt, nec ullam censuram merentur, ut patet.

Obedientia
maximum
religiosorum
solutum.

35. Nec solum licet obedire religiosi, sed hoc solaminis illis singulariter competit, quod firmam in integra obedientia conscientie securitatem habeant. Hoc, quia summi ad præsens ac principale institutum momenti argumentum est, paulò ulterius explicandum duxi, sit ergò.

ASSERTIO QUARTA.

Integra, prompta, & ceca Religiosorum obedientia in omnibus, qua mala non apparent, est securissima conscientie regula.

Plena obe-
dientia in o-
mnibus, que
mala non
apparent, est
tutissima
conscientie
regula.

36. **P**ROBATUR ex communi SS. PP. auctoritate, qui religioſe obedientie securitatem mirum in modum efferunt, asserentes nullam esse regulam tutiorem, quàm plenissimam obedientiam in omnibus, in quibus peccatum non apparet.

Inprimis recolenda sunt, quæ num. 12. attuli ex SS. Bernardo, Bonaventura, Bernardino Senensi, Ignatio de Loyola, & B. Humberto, quia illi dicunt in omnibus obediendum esse tanquam Deo, quamvis aliqua ratio mali appareat, modò non constet rem præceptam à Deo esse prohibitam. Ergò a fortiori favent præsentī assertioni. Videri etiam possunt, quos citavi hic quæst. 9. num. 38. prope finem. His addo sequentes.

S. Basilii.

S. Basilii in reg. susius disputatū, cap. 28. hæc habet. De judicii periculo prorsus illum esse sollicitum finito, qui imperat.

B. Columbanus.

B. Columbanus in reg. cap. 9. loquens de eo, qui alterius prudentis consilium sequitur, hæc habet. Si alterius erraveris responsum, fides credenti & labor obedienti non errabunt.

S. Joannes Climachus.

S. Joannes Climachus grad. 4. (editionis græco-latine pag. 68.) hæc habet de religioso obediente. Mortem intrepidum expectat, certus in excessu vita, non à se, sed à præfide sua rationem exactum iri.

Humbertus.

Humbertus V. Prædicatorum Generalis lib. de tribus votis substant. cap. 5. Nam etsi ille (id est superior) erraverit, nequaquam vos deviatum, sententiarum mandatum, (nisi contra Deum quid præceperit) exequentes.

Regula magistri.

Regula, quæ inscribitur, Magistri, apud Lucam Holstemium cap. 2. docet Abbatem, si quid malè præceperit, rationem Deo redditurum, & subditos excusandos. Quia, inquit, cum discussi fuerint de omnibus actibus suis, dicturi sunt in judicio Domino, omnia facta sua per obedientiam ex iussione impleta esse Magistri. Et cap. 7. illum tanget in discussionis judicio rationem reddere, qui imperat, non qui imperata perficit, sive bona, sive mala.

S. Vincentius.

S. Vincentius lib. de vita spirit. cap. 4. dicit. Obedientem inoffenso pede procedere. Et S. Catharina Senensis in dialogi tract. 4. cap. 155. sic exclamat. O obedientia, quæ navigas sine labore, & sine periculo ad portum salutis appellis!

Superiori obediendum est, ac si Deus ipse immediatè præciperet.

37. His addi possunt innumeri Patres & Magistri spirituales, qui expressè tradunt, superiorem non ut hominem, sed ut Dei vicarium à subditis considerandum, quos propterea hortantur ad promptè & sine discussione obediendum homini tanquam Deo, ubi peccatum non apparet. Præclara sunt & plurima, quæ hac de re scribit Suarez, tom. 4. de Relig. lib. 4. cap. 15. quæ videri possunt; non enim libet ea exscribere, quamvis opportu-

num sit nonnulla ex illo apponere. Inprimis ergò post plura loca ex constitutionibus Societatis alata, in quibus S. P. N. hortatur suos, ut ad omnem superiorem vocem, ac si à Christo Domino egredieretur, quàm promptissimi sint, quodque superiorem, quicumque ille sit, loco Christi agnoscant, ejusque vocem ac jussa non secus ac Christi vocem excipiant, post hæc, inquam, refert eadem expressè approbati in Bullis Pauli III. & Julii III. in quibus hæc habentur: Subditi tum propter ingentes Ordinis utilitates, tum propter nunquam satis laudatum humilitatis assiduū exercitium, Præposito in omnibus ad institutum pertinentibus parere semper teneantur, & in illo Christum veluti præsentem agnoscant, & quantum decet venerentur. Mox subjungit, S. Patriarcham nostrum Ignatium velle suos sequaces obedire, omnia jussa esse sibi persuadendo, omnem sententiam, ac judicium suum contrarium cecā quādam obedientiā abnegando: atque ad omnia illis adjuncta complenda, ceco quodam impetu voluntatu parendi cupida sine ulla prorsus disquisitione ferri.

38. His propositis, ostendit universam doctrinam hanc, omnemque illius expressionem in sacra Scriptura fundatam, atque à SS. PP. traditam fuisse. Inprimis Luca 10. Christus ipse dixit. Qui vos audit, me audit, & qui vos spernit, me spernit. Alloquebatur autem Apostolos, qui loco ipsius pastorem curam habituri erant, atque ita in illis omnes animarum Pastores alloquebatur. Hæc autem specialiter ad Superiores religiosorum applicant Patres, quos ibi citat Suarez. Unus Basilii sit loco omnium, qui Constitut. Monasticarum cap. 22. observat, Christum intelligendum per id, quod Apostolis dixit, in commune legem sanxisse in posteros, qui aliorum futuri erant moderatores. Quod æquè convenit religiosi Prælati, ac Episcopi & Parochi. Mox cap. 23. eadem religiosi Prælati expressè applicat. Sed & S. Paulus ad Ephesios 6. servos sic alloquitur, Servi obedite Domino carnalibus cum timore & tremore, in simplicitate cordis vestri sicut Christo: non ad oculum servientes, quasi hominibus placentes, sed ut servi Christi facientes voluntatem Dei ex animo, cum bona voluntate servientes sicut Domino & non hominibus. Similia etiam dicit ad servos ad Coloss. 3. Quodcumque facitis ex animo operamini, sicut Domino & non hominibus, scientes, quod à Domino accipitis retributionem hereditatim, Domino Christo servite. Unde Basilii loco citato cap. 23. Antistes, inquit, personam Christi sustinet, & sequester est inter Deum & hominem. Et in reg. brevioribus, reg. 38. Quidquid contumacia aut obedientia subditus adhibet, non adversus hominem, sed adversus Dominum adhibet, qui dixit, Qui vos audit me audit &c. Bernardus lib. de præcepto & dispensat. cap. 12. Ipsum quem pro Deo habemus, tanquam Deum in hi, quæ aperte non sunt contra Deum, audire debemus. & iterum: Sive Deo, sive bono vicario Dei, mandatum quodcumque tradiderit, pari profectò obsequendum est corā, pari reverentiā deferendum, ubi tamen contraria Deo non præcipit homo. Cassianus etiam de antiquis Monachis refert solitos fuisse, universa complere, quacumque fuerint à Præposito præcepta, tanquam à Deo sine calitis edita. Si plura cupias, lege Suarium, loco citato.

39. Rursus, quod prompto animo, atque sine discussione, ceco quodam voluntatis impetu obediendum sit, tradit Aug. apud S. Bonaventuram in opuscula octo collationum, Collat. 3. ubi ex Aug. hæc scribit Bonaventura. Ut obedientia Religiosi Deo acceptabilis, debet esse prompta sine dilatione, devota sine designatione, voluntaria sine contradictione, oymus.

Summi Pontifices hæc obediendi formam expressè approbaverunt.

Hæc obediendi forma à sacra Scriptura traditur.

Et à S. Patribus laudatur.

Sine discussione ceco modo obediendum est.

Aug. Bonaventura. Hieronymus.

simplex

simplex sine discussione, perseverans sine cessatione &c. & S. Hieronymus Epist. 4. ad Rusticum dicit, *Credas salutare quidquid ille (id est Praepositus) Praecepit; nec de majorum sententia iudices, ejus officium est obedire, & implere, quae jussa sunt, dicente Moysse: Audi Israel & tace.* Cassianus de antiquis Monachis cap. 10. Sine ulla, inquit, discussione festinant, ut nonnunquam etiam impossibilia, sibi imperata, ea fide ac devotione suscipiant, ut tota virtute ac sine ulla cordis habitatione ea perficere & consummare nitentur; & nec impossibilitatem quidem praecepti pro seniorum reverentia metantur. Et postea offert plura exempla taliter obedientium, quorum nonnulla etiam miraculo fuisse confirmata. S. Benedictus in reg. cap. 68. obedientiam exigit non solum in rebus gravibus, sed etiam impossibilibus, vultque praeceptum cum humilitate & mansuetudine suscipi: permittit autem causas aperire superiori, ob quas impossibile appareat, quibus tamen auditis, si superior in sua sententia perstiterit, Subditus, inquit, pro certo habeat, illud sibi conveniens, & cum charitate & spe divini auxilii obediat. Celsarius Arelatensis in hom. 8. ad Monachos: Quidquid tibi a superioribus fuerit imperatum, accipe tanquam de caelo, sicut de ore Dei prolatum, nihil reprehendas, nihil discutas, in nullo penitus murmurare praesumas, totum justum, totum sanctum & utile judica, quidquid tibi a Praelato videri imperari. Praeter hos Suarez adducit SS. Bernardum, Climacum, Nilum, Dorotheum, Laurentium Justinianum, Antoninum, & alios, quos videre est loco citato.

Cassianus

Obediendum etiam in impossibilibus.

S. Benedictus.

Celsarius Arelat.

Subditus promptè obediens certus est se non peccare.

Obediendum cum securitate conscientiae, ac si praeceptum esset praeceptum.

Sensus Ecclesiae est, quod obediendum sit cum securitate, etiam in dubio, quando non est certum rem malam praeceptum.

40. Ex hisce sic arguo. Ex communi SS. PP. atque DD. ipsiusque adeo Ecclesiae consensu, eoque in citatis sacrae Scripturae locis fundato, constat eam esse religiosae obedientiae securitatem, ut quamvis Praelatus temerè quidpiam, quod reipsa sit illicitum, praecipiat, sitamen in eo nullum appareat peccatum, subditus bonà fide obedire potest & debet, atque sic obediens potest & debet esse securus se non peccare taliter obediendo, quodque proinde securus esse possit, nullam a se in die judicii, sed solum a superiore, de talibus rebus rationem a Deo esse exigendam.

41. Rursus sensus Patrum, Doctorum, ac Ecclesiae est, subditos religiosos, quoties nullum apparet peccatum in praecepto, debere obedire superiori promptè, & sine ulla discussione, aut habitatione, tanquam Deo; id est, debere obedire non aliter, quam si praeceptum immediatè ab ipso Christo latum fuisset. Quodque securi esse possint ac debeant, se taliter obediendo nullam peccati aut reprehensionis suspensionem vel periculum incursum, quamvis contigerit Praelatum ex ignorantia, aut etiam ex malitia malum praecepisse.

42. Immo, quod plus est, sensus communis tam PP. quam DD. ac proinde communis etiam Ecclesiae sensus est, subditos obedire debere, non solum quando praeceptum superioris nullam peccati speciem praese fert, sed etiam quando dubium est, an sit malum, necne; idque verum est non solum de dubio negativo, sed etiam positivo; & quidem de dubio negativo, & utrimque positivo omnes conveniunt; quod si dubium positivum solum sit de inhonestate praecepti, & nulla ratio faveat honestati, adhuc ex mente expressa plurimum SS. PP. qui nominatissimi Religiosorum instructores, aut Patriarchae fuerunt, & omnium ferme vitae spiritualis magistrorum, obediendum est, quia expressè dicunt, obedientiam praestandam esse in omnibus, de quibus certum non est

quod sint mala. At nullum dubium positivum aufert certitudinem ejus de quo est dubium. Ergo in omni dubio obediendum est juxta dicta. Et sane Patres antiqui mirum in modum extulere obedientiam hanc bonà fide homini factam, etiam in iis, quae ex se mala videri poterant & erant. Cassianus lib. 4. cap. 27. & 28. refert, Abbatem Mutium ex mandato sui superioris proprium filium octennem in profluentem abjicere voluisse. Cujus fides & devotio, inquit ille, in tantum Deo accepta fuit, ut divino statim testimonio comprobata sit. Revelatum namque est continuo seniori, hanc eam obedientiam Abraha Patriarcha opus implisse. Sed & Tyro quidam apud Severum Sulpitium narratur ex obedientia ingressus fuisse in clibanum succensum, & illaesus exiisse, & ideo laudatur a Sulpitio. Sed & Maurus ad S. Benedicti praeceptum aquas ingressus est, merfus autem non est, ut refert S. Gregorius lib. 2. dial. cap. 7. Similiter legitur in vitis Patrum, quod quidam jussus leznam adducere, eam coepit, & ad superiorem adduxit. Nec alia complura desunt in vitis Sanctorum, & antiquorum Monachorum gestis, quae tamen omnia referuntur tanquam eximia laude digna, & plura eorum absque dubio fuisse talia, cum Deus ejusmodi obedientiam miraculo comprobaverit. Haec omnia secundum se & materialiter sumpta erant mala; & tamen per superioris praeceptum subito obedienti facta sunt honesta, & laudabilia; ideoque rectè inferitur, subditum laudabiliter obedire, etiam quando turpitudine rei ex se est certa, modò in hisce circumstantiis, & prout subsistat praecepto superioris, certum non sit quod res illa sit mala, sed spes effulgeat, quod sit bona, & Deo grata. Immo in omni ejusmodi casu expedit caeco quodam mentis impetu obedire, non examinando rem praeceptam, sed superiorum probitati fidèdo, qui aut semper aut saltem plerumque in similibus a Deo diriguntur; quia proprium est superiorum ac Praelatorum altioribus ac universalioribus, peculiarisque providentiae rationibus duci, quarum subditi capaces non sunt, vel certe quas eos scire non expedit.

Talis obedientia laudatur a Patribus.

Mala ex se per superioris praeceptum saepe sunt laudabilia.

43. Ratio à priori deducitur ex ipso fine ac statu religiosae obedientiae. Ideo enim Religiosi se subdunt homini vices Dei tenenti, ut ab illo plenè regantur, idque faciunt ex fiducia, quam habent de Dei misericordia, quod hac ratione longè certius ac securius dirigendi sint per ejus vicarium in via salutis, ac in omnibus dubiis, quam si proprio se judicio gubernarent. Atque hinc est, quod superiores religiosi censentur a Deo recipere peculiare lumen ad rectè gubernandum; quia regimen illud est magis divinum ac supernaturale, quam regimen politicum. Secundò status isti, de quibus loquuti sumus, sine hujusmodi obedientia cum pace & tranquillitate subsistere ac administrari non possunt; sive sermo sit de politica, oeconomica, vel militari, sive etiam de religiosa obedientia. Si enim tunc solum obediendum esset, quando imperium subito videretur honestum, aut postquam subito clarè constaret, honesta imperari non solum in sensu composito sed etiam in sensu diviso praecepti, eo ipso regimen evaderet moraliter impossibile; quia subditus facilè praeenderet, honestatem rei praecepti nondum sibi constare, adeoque se licitè obedire non posse; atque hinc concordia, atque subordinatio servari non posset, sed continuum schisma, ac bellum superiores inter & subditos induceretur; quod ut avertatur, dicendum est, subditum in omnibus obedire debere, quae certum non est esse

Ratio à priori, ex fine & statu religiosae obedientiae.

Præclarum
Ciceronis
dictum.

esse mala; quia ratio præcepti est circumstantia, per quam omnia ejusmodi ex vi status ipsi honestantur. Nam præclare in hanc rem scribit Ciceroni lib. 3. de leg. Nil tam aptum est ad suam conditionemque naturæ, quam imperium, sine quo nec domus ulla, nec civitas, nec gens, nec universum hominum genus stare, nec rerum natura omni, nec ipse mundus potest. Ita est, nil tam aptum est naturæ humanæ, quam imperium, quo solo inferiores ac subditi, utpote ob imbecillitatem ac ignorantiam infinitis erroribus obnoxii, tuto diriguntur, ac quodammodo defenduntur; adeo ut natura ipsa jure suo subordinationem hanc indispensabiliter flagitet, quâ semotâ, nil nisi contentiones & rixæ in familiis, seditiones & discordiæ in civitatibus, in gentibus bella, & in universo hominum genere ingentes ruine sperari possunt. Hisce malis averteendis necesse fuit, ut in omnibus obediendum sit, de quibus certò non constat ea esse mala & prohibita. Aliis talibus malis averteendis nullum remedium afferri posset; si enim in rebus incertis superior credat aliquid licitum esse, suoque jure id exigat, subditus ob suam ignorantiam & incertitudinem obedientiam negare non potest, quin maxima illa mala, ad quæ averteenda imperium & potestas constituta est, irremediabiliter consequantur.

Tres Celladei errores,
contra communem Ec-
clesiæ sensum.

44. Ex hac unanimi SS. PP. Magistrorum vitæ spiritualis, ac totius Ecclesiæ consensu, inferitur primò, subditos religiosos, sine ulla discussione obediunt, esse certiores de non peccato formali, quam sint de non peccato materiali; quia ex omnium doctrina securissimi sunt se non peccare, quamvis superior ex ignorantia decipiatur, aut etiam ex culpa malum præcipiat. Inferitur secundò ex eadem auctoritate prorsus irretrahibili, operationem esse posse bonam & honestam, quamvis opus ipsum materialiter sumptum sit malum. Nec enim dubium, quin Sancti Patres citati censeant, obedientiam, quam adeo extollunt, esse honestam ac laudabilem, quamvis Prælati erraret, ut dictum est. Inferitur tertio, certitudinem hanc Religiosorum in obediendo non esse directam, cum nec sint, nec esse possint certi, malum materiale non latere in opere, imò id sæpè dubium illis apparere supponitur. Ergò fundatur in certitudine reflexa, quæ in ipso statu obedientiæ fundamentum habet; quia illi licitè faciunt in eo statu, quæ licitè facere non possent extra statum illum, ut videre est in subdito bellante sub proprio rege, stante dubio de honestate belli. Non enim licet non subdito sic bellare, donec satis ipsi constiterit, bellum esse honestum. Ergò conscientia certa in hujusmodi casibus non per directa, sed per principia synderesis reflexa formatur. Erravit ergò Celladeus, & contra sensum totius Ecclesiæ in toto formæ opere ubique erravit, quia magna pars operis eò collimat, ut tria asserta, tribus illis corollariis opposita stabiliant. Sed quàm irritò conatu, suis in locis ostensum est.

SOLVUNTUR OBJECTIONES.

Obiectio.

45. **O**BJICIES. Obedires ne tu superiori præcipienti ingressum super aquas, aut alia ejusmodi, quæ commemorata sunt? Non existimo, quia cum ita appareant mala, ut vix ulla ratio honesti appareat, non est undè conscientia ritè reformetur. Cur ergò proponis aliis ut licita, quæ ipse practice pro licitis pro teipso habere aut non potes, aut non audes? Præterea nonne im-

prudenter argueretur, qui sic obediret? Ergò in similibus obediendum non est, sicut nec in impossibilibus, quia conitti ad rem impossibilem, vel temerarium est, vel certe vanum & inutile; ac proinde stultum, & illicitum.

Respondeo in primis, argumentum nimis probare, quia peccati condemnatio potissima obedientiæ exempla, quæ non solum à SS. PP. & spiritualibus Magistris, sed ab universo fidelium cœtu celebrantur tanquam Deo summè placentia, quæque Deus manifestis miraculis sibi gratissima fuisse comprobavit. Quod si illis licuit obedire in ejusmodi, quidni & nobis liceat? Cur nos ex obedientia cæca circa eandem rem exhibita peccatum incurremus, si ex eadem illi laudem meruerint, & præmium tulerint? Nil ergò probat.

Respondeo
tur induc-
tæ.

46. Respondeo secundò disparem prorsus esse rationem de iis quæ impossibilia, & de iis quæ mala apparent; nisc enim ad impossibilia, quamvis stultum sit & inanis, si proprius & directus finis talis actionis inspicitur (qualis erat diuturna illa ligni aridi irrigatio, & niscus ad ingens saxum loco movendum) & sub hac ratione honestari non possit; eadem tamen actio, idemque niscus, cum in se malus non sit, multis de causis honestari potest, si ad bonum finem ordinetur, ut ad exercitium obedientiæ, humilitatis, mortificationis &c. ideoque in ordine ad tales fines non solum sine culpa, sed cum magno merito obedire possumus in rebus naturaliter impossibilibus, quando superior conatum talem præcipit. Et hoc videtur esse, quod S. Benedictus à suis exigit, nempe ut in impossibilibus etiam obediamus, quod ita intelligendum videtur, ut studiosè & celeriter obediendum sit in arduis ac impossibilibus, quantum ad inchoandam actionem, quando est possibilis conanti, nec antea desistendum, donec reipsa constiterit, rem præceptam esse impossibilem; tunc enim admonendus est superior, qui tan en si jam impossibilitatis conscius adhuc in suo imperio persistat, ei obediendum est ponendo actionem, quæ ad ordinarium quidem ipsius finem inutilis est, sed valdè utilis ad alios altiores fines, quos superior intendit, & ad quos perfectus obediens respicit. At aliter dicendum est de rebus malis, quia illæ honestari non possunt, quamvis ad bonum finem ordinentur. Itaque dispar longè ratio est de obedientia in impossibilibus, ac in malis. Relicta ergò disputatione de obedientia in impossibilibus, quam certò constat esse sanctissimam, sermo restringendus est ad obedientiam in iis, quæ mala apparent. Itaque in hoc sensu.

Obedientia
in impossi-
bilibus est
certò licita.

47. Respondeo tertio cum Sancto Patre nostro Ignatio, in omnibus prorsus obediendum esse, de quibus mihi certò non constat, quod sint peccatum in sensu composito præcepti, quamvis sciam, quòd sint in sensu diviso, si absque præcepto substantiam, ex proprio arbitrio eligantur. Omnes enim vitæ ipsius scriptores narrant, cum, senem jam & multis infirmitatibus obnoxium, sæpè dicere solitum, se infirmum, ut erat, ad minimum summi Pontificis nutum iter pedibus suis Romæ usque in Hispaniam confecturum; & quod plus est, mox nuntium ad Ostia Tiberina, atque in eo portu absque ullo ad mare transeundum viatico navim remis velisque ac gubernaculo carentem statim conscensurum, idque se absque ulla difficultate, sed summa cum consolatione facturum. Hoc S. Viri dictum nonnemi displicuit, qui propterea quodammodo Sanctum argueret, Ecquæ, inquit, prudentia esset ista, Pater Ignati? cui mox ille: Prudentia rerum eligendarum virtus est superioris impe-

In omnibus
obediendi.
quando non
constat rem,
ut præcepto
substantiam,
esse malam.

Miranda S.
Ignatii obe-
dientia.

imperantis; non subditi obedientia. Itaque re-
spondeo, S. Ignatium in eo casu prudenter ob-
temperatum fuisse, quia prudentia rerum eligen-
dum & convenientium discretio non est virtus
obedientis, cui ea tantum prudentia ac discretio
convenit, quod nolit suae discretioni ac pruden-
tiae in rebus incertis inniti, maxime quando pro-
pria prudentia ac discretio obedientiam & obe-
dientiae meritum impediret. Jam urgeo argu-
mentum in contrarium, & peto, quidnam audeat
talem S. viri obedientiam improbare, quam omnes
ut exemplum perfectissimae subjectionis suspiciunt
& admirantur? Constat tamen talia ex proprio
capite citra peccatum fieri non posse, quia vita
per illa evidenti mortis periculo sine necessitate
exponitur; idque notorium erat non solum Igna-
tio, sed etiam censori illi, qui prudentiam jubentis
cum obedientis prudentia confundebar; &
tamen quia illa objecta, ut substantia summi Pon-
tificis praecepto, non erant certo mala. Ignatius
absque ulla difficultate, immo cum summa ala-
critate ea praestitisset, quia confidebat, se per
suum superiorem ad ea, quae Deo placerent, &
sibi congrua essent, dirigendum, ideoque paratus
erat ad omnia, in quibus nullum erat manifestum
peccatum; quia per hoc ipsum moraliter certus
erat, talia objecta, ut superioris praecepto sub-
stantia, subdito licita evadere. Sed ut ista doctri-
na, atque S. Patris Ignatii obedientia planè mira-
bilis melius intelligatur:

48. Respondeo quartò, me non omni supe-
riori, sed aliquibus tantum, si talia praeciperent,
obedendum. Ratio est, quia cum illa objecta
independenter à praecepto sint certo mala, utique
obediendum non est, posito praecepto, nisi ipsa
circumstantia praecepti aut ea reddat honesta, aut
certè quoad subditum ea reddat non certo inhon-
esta. At quodvis praeceptum, à quovis superiore
profectum, non est ejusmodi circumstantia; quia
fieri potest, ut quis habeat, & ex longa experien-
tia sciat se habere superiorem imprudentem, quia
taliam sine ratione aliis sapientius praeciperit, quique
sit vir imperiosus, & parum cupidus boni sub-
ditorum, suamque tantum dignitatem & imperium
curet &c. hujusmodi superiori obtemperandum non
esset; quia cum ex una parte res praecepta, sine
imperio accepta, sit certo mala, & ex alia parte
imprudencia & improbitas superioris obstat, quò
minus subditus rationabiliter praesumere possit
aliquid adesse, quod ipsum lateat, ratione cujus
res illa & actio immediate praecepta non sit mala,
ided in tali casu non magis licet illi talia facere ex
obedientia, quam ex proprio capite sine obedien-
tia. At si dignitas, probitas, & prudentia Prae-
lati talis sit, ut subditus merito praesumere possit,
eum talia non imperaturum, nisi ex providentia
quadam superiori, aut ex peculiari Dei instinctu
ductus sciret, actiones à subdito immediate exer-

illi obtem-
perandum
est, cuius
praeceptum
efficit, ut
res ex prae-
cepto posita
non sit
certo mala.

cendas hic & nunc malas non esse, sed Deo pla-
cere; absolute pronuncio quòd subditus in tali
casu absque scrupulo obedire possit, quòdque
rem Deo gratissimam facturum sit, si ex prompto
obediendi studio homini talia imperanti tanquam
Deo obediat; idque verum est, etsi superior ille
hic & nunc praeter rationabilem subditi expecta-
tionem à recta prudentiae regula deviare. Jam quia
S. Ignatius moraliter certus erat, summum Pon-
tificem, quem solum superiorem habebat, talia non
imperaturum, nisi altioribus rationibus atque sin-
gulari providentia duceretur, ideo accessio talis
praecepti fuisset circumstantia ipsum certificans,
quòd actiones ab ipso immediate ex obedientia

ponendae vel essent certo bonae, vel certè quòd
non essent certo malae, & consequenter quòd
hic & nunc licite ab ipso poni possent. Certè in
tali casu quisquam prudenter praesumeret, sum-
mum Pontificem vel ex peculiari Dei instinctu
taliam praecipere, vel si ex providentia ac prudentia
tantum humana ea praeciperet; alia media adhi-
biturum, quòrum accessione nil mali ex obedien-
tia esset secuturum. Si ex divino instinctu praeci-
peret, & hoc prudenter praesumi posset, nulla in
obediendo difficultas esset; si verò ex prudentia
tantum humana juberet, supponendum planè
esset, cum solum velle, ut subditus iter pedibus
ingrederetur, aut navem illam conscenderet, ut
sic obedientiam ac humilitatem subditi probaret
in actione, quae ex se praecise mala non est, sed
solum ut conjuncta cum evidenti vitae periculo;
quod periculum ipsemet superior aliis providentiis,
latente subditum, constituerat amoliri, mittendo
exempli gratia paulò post triremem debite instru-
ctam, quae navem illam comitaretur, aut rhedam,
quae subinde, ubi opus esset, infirmus iter pedibus
ingressus sublevaretur &c. Atque ideo in tali ca-
su haud dubiè licitum esset obedire; quia subditus
praesumere posset & deberet, superiorem alter-
utro ex istis providentiis gubernari; ideoque heu-
tum sibi esse ponere actiones, quae ex se indiffe-
rentes sunt, ut subsint vel non subsint extra-
ordinariae hujusmodi providentiae; quaeque pro-
inde non sunt essentialiter malae, sed posito tali
praecepto sine peccato poni possunt, quia per illud
aut per providentiam qua regulatur, evadunt
bonae.

49. Quòd si actiones, immediate exercendae
à subdito, essent intrinsecè malae, ut mentiri,
blasphemare, votum castitatis violare &c. utique
obediendum non esset, quia actiones illae non sunt
indifferentes, ut subsint extraordinariis circum-
stantiis, à quibus honestari possint. Jam qui ad
exempla allata animum adjecerit, videbit illa in iis
tantum actionibus posita esse, quae ex peculiari
providentia honestari poterant, & de facto ho-
nestae fuerunt. Noverat Maurus mirandam pro-
fus sanctitatem atque caelestem prudentiam S. Be-
nedicti, ideoque absque ulla haesitatione ad illius
vocem aquas ingressus est, quae obedienti solidum
iter praebuerunt. Idem credibile est, evenisse in
Tyronem illo, qui accensum cilibanum est ingressus.
Similia haud dubiè praesumi poterant, & virtua-
liter saltem praesumpta sunt ab eo, qui filium pro-
prium ad superioris jussum arripuit, ut eum in pro-
fluentem injiceret; & sane quòd praesupponi po-
terat ac debebat, reversum inventum fuit, quia ex
providentia superioris factum est, ut nullum filio
nocumentum ex Patris obedientia proveniret.
Jam ergò qui tales superiores haberet, haud du-
biè in omnibus ejusmodi, quae stante praecepto,
non sunt certo mala, laudabiliter obediret. In
eisdem ipse etiam paratus sum obedire, quantum
spectat ad superandam difficultatem obediendi ex
timore peccati, si obedirem; quamvis fortassis ex
vitae amore difficultatem à me non superandam
inventirem, aut ad gradiendum super aquas, aut
ad me cilibano ardenti immittendum &c. Sed haec
difficultas non est ad rem, quippe quae defectum
meum in obediendo, non defectum virtutis in
obedientia praestanda argueret.

Nonquam
obedire dū
est circa ac-
tiones in-
trinsecè ma-
las.

50. Dico ergò, quòd devota, caeca & fiducia-
lis obedientia ab omnibus praestanda sit in simili
casu, quando nimirum prudentia & probitas Prae-
lati fundant praesumptionem, qualem obedientia
in allatis exemplis contenta supponebat; quòd si

Silla desit, in rebus certò malis in sensu diviso præcepti, obediendum non est, quia omnibus resistendum est, qui certò mala præcipiunt, nisi ipsi sua auctoritate efficiant, ut subditus meritiò presumere possit ea hic & nunc non esse peccaminosa, aut certè non esse certò mala. Itaque quando hujusmodi exempla afferuntur, non proponuntur eo fine, ut per illa existimemus, quòd omnibus subditis liceat similia agere ad quemvis nutum cuiusvis superioris, sed ut sciamus, quantum Deo placeat simplex obedientia, & ut incitemur ad hujus virtutis perfectionem procurandam, obediendo simpliciter & sine discussione in rebus ordinariè præceptis, quando aut nullo modo apparet rem præceptam esse malam, aut certè quando non est certum quòd sit mala. Cæterùm hujusmodi exempla solum probant eodem modo obtemperandum esse in similibus casibus, quando scilicet circumstantiæ superioris præcipientis eodem etiam modo se habent. Et hoc probant quod nos concedimus.

Qui dubitat, an res sit substantia præcepto sit licita, peccat, si obediat.

51. Cæterùm, ut omnis æquivocatio tollatur, notandum est, duobus modis dubium esse posse de honestate rei præceptæ. Primò, prout consideratur secundum se, antecedenter & independentè à præcepto. Secundò, prout consideratur ut substantia præcepto, seu prout se habet consequenter ad præceptum, dubitando an liceat rem facere, etiam stante præcepto, quod idem est ac absolute dubitare, an liceat obedire in tali materia. Hoc posito, doctrina allata solum procedit in casu prioris dubii, quia dubitare secundo modo, est practicè dubitare de honestate operationis hic & nunc ponendæ: in tali autem dubio nunquam licet operari ob periculum, cui homo se exponit juxta dictamen suæ conscientiæ, ut omnes unanimiter fatentur, & ego fusè exposui *quæst. 18. de Consc. prob.* per totam. Itaque non licet obedire, nisi tale dubium deponatur per judicium, quo homo judicet licitum esse obedire, seu, rem præceptam ut substantiam præcepto hic & nunc esse licitam, non obstante priori dubio de honestate rei illius secundum se, & independentè à præcepto; per tale enim dictamen rationabiliter conceptum formatur conscientia, quæ immediatè regulat volitionem terminatam ad rem ut præceptam, seu ad rem in istis determinatis circumstantiis. Porro, stante isto dictamine, prius dubium evadit purè speculativum; quia non est amplius directivum operationis, utpote quæ amplius non versatur in illis circumstantiis, relatè ad quas dubitatur, sed in aliis in ordine ad quas non dubitatur; ac proinde prius dubium practicè deponitur per principia reflexa, per quæ conscientia formatur.

ASSERTIO QUINTA

Propositum sit explicare, an & quomodo liceat obedire contra propriam opinionem, dictantem rem præceptam esse peccatum.

Obediendū est contra propriam opinionem, si dictans rem præceptam esse malam, quia indubitatum est, quòd in rebus bonis aut indifferentibus liceat contra propriam opinionem obedire. Cum enim res præcepta nec sit nec appareat mala, haud dubiè subditus, saltem quoad executionem, regulandus est per judicium & voluntatem superioris, cui obedientiam debet, non per proprium

judicium & voluntatem, quibus renunciavit. Itaque in tali casu obediendum est, quamvis subditus non concordet in suo judicio cum superiore, eò quòd superior judicet rem esse fini proposito valde utilem, atque ideo illam præcipit; cum subditus è contrario existimet, rem ejusmodi nullatenus ad talem finem, sed ad oppositum prorsus conducere. Nec solum obediendum est in tali casu, sed sanctissimè fecerit subditus, si proprium judicium neget, atque illud deponat, seque per omnia superioris judicio conformet, quousque intellectus ex vi pie voluntatis flexi potest ad assentiendum superiori, ut solidè ac efficaciter probat S. P. N. Ignatius in *Epistola de obedientia*, allatis rationibus & auctoritatibus, quibus nemo meritiò refragari potest. Et sanè, quod in tali casu eodem modo obediendum sit, si bijiciendo se homini loco Dei, credendo omnia esse justa & recta, omnes consentiunt. Immo SS. PP. & Magistri viæ spiritualis perfectionem obedientiæ in hoc ipso magna ex parte constituunt, cum apertè dicant, neminem absque tali dispositione posse ad perfectionem obedientiæ pervenire. Videatur Suarez *tem. 4. de Relig. lib. 4. cap. 15.* ubi innumeros ferme in hujus rei confirmationem adducit. Mihi sufficiat hæc insinuas, quia in re indubitata non est opus diutius insistere.

Tota ergò difficultas est, an liceat obedire contra propriam sententiam, quando scilicet subditus existimat, rem esse illicitam, quam superior præcipit & arbitratur esse bonam. Porro, ut res clariùs examinetur, supponendum est, subditum sic opinantem opinari propriè, & non habere certitudinem de inhonestate rei præceptæ, quia tunc haud dubiè obediendum non esset. Similiter si habeat probabilitatem de inhonestate, & nullam de honestate rei, tenetur suas rationes proponere, atque superior juxta dicta eas audire tenetur; quod si, illis auditis & consideratis, superior (de cujus probitate & prudentia subditus meritiò confidit, eò quòd sciat illum non ex passione & præcipitanter solere præcipere) adhuc in sua sententia persistat, credatque rem esse licitam, illamque præcipiat, tunc quæstio locum habet, sicut habet à fortiori, quando de rebus utrimque probabilibus subditus & superior dissentiant in suis judiciis. Jam in ejusmodi casibus dico universaliter, subditum & posse & debere obedire, modò opinio illius solum dictet rem secundum se consideratam esse malam, & nil enunciet de ejusdem malitia etiam posito præcepto; quia si crederet rem illam, non solum secundum se, sed etiam ut præcepto substantiam, esse malam, utique peccaret obediendo, quia operaretur contra ultimum & practicum conscientiæ dictamen. Jam dubium nullum est quin subditus obedire possit, si propriam opinionem deponat; cum enim simpliciter teneatur obedire, tenetur etiam media ad obediendum necessaria adhibere. Ergò si conscientia dictans rem esse malam conjungi non possit cum bona fide de honestate obedientiæ, utique tenetur eam deponere, & sic conscientiam de suæ operationis honestate formare. Et sanè optimum consilium est, ut in rebus incertis omne ejusmodi judicium suspendat. Sed jam quærimus, an obedire possit, quamvis actualem suam opinionem retineat. His positus.

53. Probatur assertio. In primis ex cap. inquisitioni, de sent. excom. constat, debitum conjugale reddendum esse consorti illud exigenti, non solum quando quis dubitat, sed etiam quando probabiliter & discretè opinatur, matrimonium esse nullum, Conjuges tenentur debitum reddere, etsi probabiliter credas ma-

erimonium
esse malum.

nullum; exigit quidem Pontifex, ut levis credulitas nullitatis matrimonii explodatur, antequam liceat debitum petere; quia stante tali credulitate, nulla sunt principia, quae applicari possunt ad formandam conscientiam permittentem. At ubi loquitur de obligatione reddendi debitum, non postulat talem explosionem, quia rationem dat, vi cuius conscientia potest & debet formari per principia reflexa, quae aequalem vim habent practice formandi conscientiam, sive actu existimet, sive actu non existimet impedimentum adesse. Ratio, quam Pontifex affert, his verbis exprimitur. *Verum cum conscientia pulsas animum ex credulitate probabiliter & discretam, quamvis non evidenter & manifestas debitum quidem reddere potest, sed postulare non debet, ne in alterutro, vel contra legem conjugis, vel contra iudicium conscientiae committat offensam.* Ex qua ratione sic formatur conscientia. Reddendum est debitum quoties exigitur, quando non est evidens & manifestum, impedimentum intervenire, quamvis ille, à quo debitum petitur, probabiliter & discretè sed formidolosè existimet tale impedimentum adesse, ne lex matrimonii, quae petenti & possessori bonae fidei favet, violetur. Sed debitum hic & nunc exigitur à me, & non est evidens, impedimentum intervenire, quamvis probabiliter sed formidolosè existimem illud adesse. Ergo hic & nunc reddendum est debitum, ne lex matrimonii, quae petenti & possessori bonae fidei favet, violetur. E contrario, stante tali credulitate, petere non potest, quia nullum adest principium reflexum, ex quo aliter formare possit conscientiam, quam sicut ex directis eam formavit; ideoque illa ipsa credulitas in tali casu est practicum conscientiae dictamen, cui absque peccato nemo potest contravenire. At eadem prorsus ratio locum habet in obedientia, quando superior bonae fidei praecipit; quia subditus, non obstante suo probabiliter iudicio de inhonestate rei praecipit, potest & debet per principia reflexa formare practicum conscientiae dictamen de honestate obedientiae suae hic & nunc, etsi speculative loquendo & in ordine ad alias circumstantias probabiliter existimet actum illum esse malum.

Idem dicendum de obedientia.

Idipsum ex PP. consensu probatur.

54. Probatur secundò auctoritate unanimi PP. & Theologorum dicentium, obediendum esse, quamdiu non est certum, rem praecipitam esse malam. Sed non est certum quòd sit mala, etsi probabiliter credatur esse talis secundum se, & independentè à circumstantia praeccepti. Ergo obediendum est, non obstante tali iudicio in subdito.

Non minus licet obedire contra propriam opinionem, quam in dubio.

Et sanè quoad hoc eadem prorsus est ratio de dubio, ac de iudicio actuali. Nam aequè non licet facere, de quo dubitatur an sit honestum, ac de quo quis probabiliter existimat, quòd sit malum; in utroque enim casu haud dubiè peccatur. At, non obstante dubio de honestate rei praecipit secundum se & independentè à praeccepto, juxta omnes obediendum est, quia illo non obstante, dantur principia reflexa, ex quibus consequenter ad praecceptum conscientia debite formatur. Unde fit, ut dubium illud antecedens non sit practicum sed solum speculativum, contra quod agere licet. At eadem est ratio de iudicio incerto; illud enim non est proxima regula operationis, stante praeccepto, quia conscientia ex aliis principiis formatur, ex quo fit, ut prius illud iudicium in ordine ad istam operationem in istis circumstantiis, sit merè speculativum non practicum, contra quod proinde agere licet.

Lex certa

55. Probatur tertio, standum est legi certae

potius quam incertae, quia certum praevalet incerto, quando lex certa praecipit idem objectum, quòd lex incerta prohibet. At certum est, quòd existat lex seu mandatum superioris, qui loco Dei praecipit illud, quòd lex incerta & solum opinata vetat. Ergo standum est praeccepto certo superioris contra legem incertam & opinatam subditi.

Huc accedit illud aliud argumentum, quod superior, utpote certus ac indubitatus possessor bonae fidei, non sit privandus jure ac possessione sua certà, ob incertas subditi exceptiones. Sed opinio subditi in contrarium supponitur esse solum probabilis & incerta. Ergo propter illam superior suo jure ac possessione privandus non est. Ergo subditus, non obstante suo illo iudicio, obedire debet.

56. Probatur quarto à priori. In casu praesenti, conscientia dictans obediendum esse non fertur ad idem prorsus objectum, ad quod fertur opinio dicens illud esse malum; quia ratio dictans obediendum esse considerat objectum ut substantiam speciali circumstantiae, nempe prout bona fide imperatur à superiore, & prout subditus agnoscit, se multam habere certitudinem quòd objectum praecise secundum se sit vetitum. At opinio subditi non fertur ad hoc objectum; prout afficitur ab istis circumstantiis, sed praescindit ab illis. Ergo duo ista iudicia sibi non contrariantur, sed simul existere possunt in intellectu. Ergo obediendum est, etiam in sensu composito dictae opinionis in subdito; quia iudicium considerans objectum illud ut praecceptum est iudicium ultimum, seu practicum conscientiae dictamen, contra quod nunquam agere licet. At prius iudicium est merè speculativum in ordine ad operandum in istis circumstantiis, quia nullo modo illas respicit, ideoque nullo modo praxim dirigit. At juxta omnes (& Celladeus in hac quaest. facit id ipsum) licet operari & consulere contra propriam opinionem merè speculativam, quando iudicium practicum considerat rem in ordine ad circumstantias speciales, variantes rem in ordine ad moralem estimationem; quia illa iudicia non opponuntur, & unum solum ex illis hic & nunc dirigit opus. At hic est casus noster. Ergo subditus obedire debet contra propriam opinionem.

57. Probatur quinto. Nisi hoc liceret, tota vis obedientiae labefacteretur, neque subditi pacifice gubernari possent. Quia unusquisque facile praterderet, opus praecceptum sibi viderimalum. Et sic eluderet praecceptum superioris. Uno verbo omnia inconvenientia, quae sequerentur, si non liceret obedire in dubio, aequè sequerentur, si non liceret obedire contra propriam opinionem. Ergo aequè licet contra illam ac in dubio obedire.

preferenda est legi incertae, quando utraque versatur circa idem objectum.

Judicium de inhonestate rei secundum se non repugnat iudicio de eisdem honestate quando praecipitur.

Ultima ratio.

SOLVUNTUR OBJECTIONES.

OBJECTION 1. Ita discurrendum est de ratione & opinione subditi contra iussa superiorum, sicut discurrent Theologi de conscientia erronea vincibili; quia talis est omnis nostra conscientia, qualis est ratio. Atqui de conscientia vincibiliter erronea duo tradunt Theologi cum S. Thoma 1. 2. quaest. 19. art. 6. Alterum est, quòd homo simpliciter & absolute non teneatur implere conscientiam taliter erroneam, quia simpliciter & absolute potius tenetur ad eam deponendam. Alterum est, quòd in sensu composito ejusmodi erroris

erroris homo obligetur ad non contraveniendum conscientie suae erroneae. Unde consequens est, ut talis homo necessario peccaturus sit, faciat quodcumque voluerit, ut tradit S. Thomas *locus citatus ad 3. & de veris. quest. 17. art. 4. ad 8.* Ita pariter dicendum de subdito, scilicet quod per se loquendo & ut plurimum teneatur obedire, quia absolute & ut plurimum tenetur ad deponendam suam opinionem & conscientiam. Ratio est, quia opinio subditi contra iussa superiorum per se loquendo & plerumque est ratio errans, & consequenter per se loquendo & plerumque constituit conscientiam erroneam. Ergo per se loquendo & plerumque tenetur subditus eam deponere, & obedire; quod si eam non deposuerit, peccabit quodcumque fecerit; peccabit enim nisi obediat, cum conscientia erronea non excuset; peccabit autem si obediat, quia contra conscientiam operabitur. Ita Celladeus *lib. 3. quest. 14. § 2.*

Doctrina
Celladei
falsitatis arguitur

Respondeo totam hanc Celladei doctrinam & speculative falsam esse, & ad subditos circa obedientiam practice dirigendos prorsus inutilem. Est speculative falsa, quia supponit conscientiam subditi obedientiam praestituri constitui per opinionem, quam habet de malitia objecti precepti. Nisi enim hoc supponatur, totus discursus, prout doctrina de conscientia erronea applicatur ad opinionem illam, procedit de subiecto non supponente. At falsum est, quod talis opinio constituat conscientiam in subdito; constat enim, quod illa merè speculative se habeat, cum nil enunciet de objecto relate ad praesentes circumstantias, in quibus versatur operatio; nil enim dicit de objecto illo prout substat precepto, sed praescindit ab omni ejusmodi circumstantia; & tamen operatio subditi in casu praesenti versari debet circa objectum illud ut preceptum. At conscientia practice constituta est iudicium de objecto, prout subest omnibus circumstantiis, in quibus est operatio. Ergo talis opinio non est conscientia. Ergo doctrina de conscientia ad illam applicari non potest. Uno verbo, ut argumentum urgeat, debet procedere solum de opinione subditi, quando subditus opinatur, quod objectum illud sit ipsi illicitum, etiam stante precepto. At in hoc sensu omnes admittimus, quod necessario peccaturus sit, si stante tali iudicio obediat; quia operatio erit contra conscientiam. At si non obediat, non illic peccaturus erit, quia quamvis illud iudicium sit erroneum, ille tamen error potest esse invincibilis in aliquo; in quo casu non peccaret non obediendo, ut patet.

Doctrina
Celladei in-
utilis ad gu-
bernandos
subditos.

59. Eadem doctrina ad subditos circa obedientiam dirigendos est prorsus inutilis, quia cum non sit universalis resolutio, nil est in quo subditus figere pedem possit. Certè ex eo quod solum sciat, opinionem contra iussa superiorum esse plerumque deponendam, quia est plerumque erronea, non potest determinari ad existimandum, quod hic & nunc obligetur ad eam deponendam, quia propria cujusque opinio est ipsi probabilior, ut Celladeus in hac ipsa quest. fatetur; unde ipsi probabilius est, quod superior hic & nunc erret, quamvis sub aliis terminis per notionem generalem existimet, iudicia subditorum contra iussa superiorum esse plerumque falsa. Porro hac exceptio locum habet respectu subditi in omni casu, de quo procedit objectio; quia procedit in sensu composito iudicii distantis rem preceptam esse malam. Ergo nunquam scire poterit subditus, an obediendum sit hic & nunc, quia per adversarium aliquando non tenetur conscientiam depo-

nere, sed peccat eam deponendo & obediendo. Quod si verum sit, nulla erit possibilis via ad illum liberandum à timore peccati; quia nunquam scire poterit, an superior hic & nunc erret potius quam non erret; cum ipsi longè verisimilius sit, quod non erret. Ergo hæc doctrina praxi inutilis est, & ad aliud non deservit, quam ad dubia & perplexitates creandas.

60. Præterea peto à Celladeo, quodnam sit principium, ex quo subditus in sententia ipsius possit ac debeat conscientiam, seu potius opinionem suam deponere? an illud, quod subditus plerumque erret damnando iussa superiorum? si hoc: contra; quia jam non aliquando, non plerumque, sed semper tenebitur obedire; semper enim debeat conscientiam deponere, quia illud principium, non obstante apparenti maxime de errore superioris, urget conscientiam per se. Ergo semper urget. Ergo semper obediendum est. Quod si non huic sed alteri principio subditus nitatur, afferat illud, si possit. Interim nulum est, nisi quod probat, obedientiam esse universaliter praestandam, quod verum est, ut constat ex dictis. Nec inde sequitur, quod subditus obligetur ad deponendam suam opinionem, quia, illa non obstante, obedire potest, ut dictum est. Quod si non posset obedire, illa stante, quia non posset formare conscientiam de honestate suae obedientiae, tunc certè semper obligaretur ad eam deponendam, & eam depositam ad obediendum. Sed antecedens falsum est.

Non rectè
discurrit
Celladeus

61. Est & aliud notatu dignum, scilicet Celladeum in hac doctrina inconsequenter discurre ad ea, quae antea ut inconcussa novae suae opinionis fundamenta tradiderat; nempe unum Doctorem contra alium, & multo magis unum contra plures non facere opinionem probabilem, quae sumi possit pro formanda conscientia. Atqui doctrina praesens prorsus contrariatur doctrinae illi. Peto enim, quid sibi velit quando dicit, opinionem subditi contra iussa superiorum esse plerumque falsam? seu quod idem est, opinionem superioris contra opinionem subditi esse plerumque veram? Estne sermo de tota collectione opinionum superioris, involvendo tamen eas in quibus neminem contradicentem habet, quam eas in quibus habet contradicentes? An restringitur sermo solum ad opinionem Praelati, contra quam probi & periti contrarium sentiunt? si primum: iterum peto, an ideo subditus possit conscientiam suam deponere & subscribere superiori, quia superior plerumque non errat in sensu jam explicato, & consequenter quia subditus sic operando sequitur regulam plerumque non errantem? si hoc dicat, idem necesse est dicat de opinione cujusvis Auctoris probi & periti, quia ille plerumque verum dicit. Ergo qui sequitur illius auctoritatem, nititur regulæ verè probabili, seu plerumque non erranti; & consequenter tam liber erit à peccato, quam subditus obediens suo superiori, modò conscientia utriusque non ex principiis reflexis, sed solum ex directis, ut vult Celladeus, formetur. Ergo tota illius doctrina, de distinctione probabilis veri & usualis, seu probabilis secundum esse & dici corrumpitur, quia quod ille contendit esse probabile secundum dici, jam est verè probabile secundum esse, & consequenter probabilitas fundata in auctoritate unius doctoris est sufficiens regula conscientiae debite formandae etiam quando opinatur contra alios.

Inconsequenter
Celladeus,
cuius
doctrina
contradictoria.

62. Si dicat secundum, & sermo restringatur ad res incertas & utrimque opinabiles, peto à

Superior in
rebus utrim-
que proba-
Cella-

libus & que obno- xius est er- soniacalius.

Celladeo, ut non assumat, sed probet, quod opinio superioris plerumque verum dicat, & opinio subditi contra superiorem plerumque erret. Hoc nisi probaverit, nil concludet; incertum enim erit, an subditus sequatur regulam plerumque non errantem, quia incertum erit, an opinio superioris in rebus incertis, quae utrimque a peritis in dubium revocantur, sit plerumque vera. Et sane officium superioris in huiusmodi quaestionibus nil conducit ad hoc, ut ipsius resolutio in rebus ejusmodi sit potius vera, quam resolutio non superioris, quia superioritas nullum dat privilegium non errandi; quod & per se patet, & ex eo colligitur, quod superiores ipsi non minus differant in suis opinionibus circa res ejusmodi, quam non superiores. Ergo subditus titulo superioritatis praesumere non potest, suum Praelatum non errare, cum noverit alios tam superiores, quam subditos tenere oppositum. Unde ergo probabit, superiorem in tali casu plerumque non errare? videtur ipse, ego quidem existimo, id etiam verum esse, sed nulli rei us fundor in ratione Praelaturae. Ratio ergo est, quia omnes probi Auctores, omnesque etiam viri periti & pii plerumque verum dicunt, etiam in resolutionibus hinc inde controversis, si tota collectio talium resolutionum in unum colligatur. Moveor ad hoc dicendum, quia lumine naturae notum est, Auctorem gravem, materiaeque quam tractat peritum, dignum esse fide circa suam resolutionem, quam tenet contra alios oppositum sententes, modo eorum rationes discusserit, & praesumi non possit ex passione aut negligentia sententiam tulisse. Ergo lumine naturae notum est, quod plerumque non erret in huiusmodi resolutionibus; alioquin ejusmodi resolutio non esset digna fide.

Objectiones. 63. Ob. 2. Ponamus, superiorem praecipere subdito male valenti solutionem jejunii in quadragesima, manente subdito in actuali opinione, quod sit peccaturus, nisi per quadagesimam jejunet. Talis subditus inevitabiliter peccabit, si stante tali judicio obediat, & jejunium solvat. Ratio est multiplex. Inprimis subditus ille ageret contra propriam opinionem & conscientiam, quia actu existimaret omnem ejusmodi fractionem jejunii esse illicitam in universali; nec quidquam haberet speciale, cur non idem judicet de hac sua solutione jejunii. Secundò, sic judicans existimat Deum nolle ut solvat jejunium. Ergo non potest simul judicare Deum velle, ut illud solvat, seu ut obediat superiori, qui Deo contrarium jubet. Ergo non judicat praecipuum superioris esse obligatorium, cum judicet illud contrariari praecipuo ac voluntati divinae. Quomodo enim obligare potest, cum tota virtus obligandi in superiore in eo sit, quod voluntati superioris adsit voluntas divina, illamque roborat. Tertiò, hinc sequitur, eos nimis superficialiter sententiam suam tradidisse, qui dicunt obediendum esse praecipuo, quia praecipuum est certum, quod ideo praevalet exceptioni incertae. Praecipuum enim non verbale, sed verum, reale, ac certum est, quod habet vim obligandi ob suam rectitudinem & conformitatem cum voluntate divina. At hoc non est certum subdito in casu nostro, maxime cum subditus stante illa sua opinione, non possit mentaliter enunciare, quod voluntas superioris sit conformis voluntati divinae. Quartò demum, hic est casus Praetoris & Imperatoris, quem ex Aug. & S. Thoma Theologi usurpant. Ita Celladeus hic §. 3.

Celladeus Respondeo, casum indebitè propositum esse;

proponitur enim, ac si subditus vel formaliter incongruè vel æquivalenter existimaret, nullo modo sibi licitum esse frangere jejunium, etiam stante praecipuo, quo superior jejunii solutionem exigit. At in hoc sensu frustra praetendit Celladeus, se communem sententiam impugnare, quia hoc ipsum omnes communiter docent, & nos illis assentimur. Itaque ut casus sit ad rem, debet ita proponi, ut subditus solum judicet causam solvendi jejunium, quam superior si sufficientem existimat, non esse sufficientem, superioremque in hoc suo judicio directò errare, adeo ut hæc persuasio subditi prorsus praescindat ab eo, an liceat vel non liceat obedire hic & nunc, stante praecipuo. Jam quaestione sic legitime constituta, tota objectio procedit de subiecto non supponente. Inprimis falsum est, quod subditus obediendo faciat contra suam conscientiam; quia talis ejus opinio merè speculativè se habet in ordine ad praxim, quia per se scilicet praescindit ab eo, an solutio jejunii hic & nunc, stante praecipuo, sit vel non sit licita. Jam licitum est subdito agere contra suam opinionem speculativam, Celladeo ipso fidente, quando hic & nunc in ordine ad praxim datur peculiaris circumstantia mutans moralem considerationem objecti, quod ille per se loquendo reputat esse malum.

Et quidem falsum est, subditum in hoc casu non habere quidquam speciale ad existimandum, quod hic & nunc hæc solutio jejunii sit ipsi licita, quamvis in universali credat, causam hic & nunc directè praetensam non esse sufficientem; ipse enim status subjectionis & praecipuum superioris existimantis rem praecipuam esse directè licitam (contra quam opinionem superioris subditus non habet exceptionem nisi fallibilem, & purè opinativam) sunt circumstantiae adeo mutantes dispositionem subditi in ordine ad obediendum, stante praecipuo, ut ob illas, omnes ferè Auctores existimaverunt, subditum obedire debere hic & nunc stante praecipuo, non obstante peculiari ipsius opinione, quod superior erret in sua opinione de sufficientia motivi ad solvendum jejunium. Nullà ergò specie veritatis dixit Celladeus, nullum in hoc casu adesse peculiare motivum pro formanda conscientia, stante praecipuo, quod non habetur in universali illo judicio, quo subditus existimat, causam solvendi jejunium non esse sufficientem, quam superior sufficientem existimat. Dicine potest, eam causam esse nullam, quae omnes ferè Auctores traxit ad existimandum, quod liceat subdito obedire contra suam privatam ac universalem opinionem?

64. Eadem æquivocatione laborat illud, quod subditus existimet, Deum nolle ut solvat jejunium: Ergo non potest simul judicare Deum velle ut solvat jejunium; subditus enim solum judicat, Deum nolle ut solvat jejunium, si praescindatur à praecipuo superioris, & causa solvendi jejunium directè consideretur. Verum hoc judicio non obstante, existimare potest solvendum sibi esse jejunium stante praecipuo, quia existimare potest, Deum velle ut stante praecipuo solvat jejunium, quamvis existimet, Deum nolle jejunium solvi, si praescindatur à praecipuo. Dubium enim nullum est, quin in Deo sint duae voluntates, una quae improbat aliquod opus ut malum, si spectetur secundum se; alia quae eandem non improbat, stantibus quibusdam circumstantiis. Sic Deus improbat petitionem & redditionem debiti inter personas verè non conjugatas. Et tamen non improbat, sed probat utrumque, quando conjugata

incongruè proponitur ar- gumentum.

Patens Cel- ladei error.

Eadem æqui- vocatio in aliis argu- mentiis la- tet.

conjuges existimari nullam habent rationabilem suspitionem de nullitate contrahendi; inò Deus præcipit reddi debitum coniugi bonæ fidei illud exigenti, quamvis reddendū debitum dubitet, in ò existimet matrimonium esse nullum, dummodò non sit certus de nullitate. Idem penitus valet in casu nostro, aliisque similibus. Nec mirum, quia non solum homines, sed etiam Deus ipse, sæpius aliter & aliter volunt & enunciari de eadem re secundum diversas circumstantias, ut contingit in casu nostro.

Præceptum humanum quomodo sit titulus certus, dum versatur in incertis.

65. Neque superficialiter, sed solidissimè locuti sunt, qui dixerunt, obediendum esse præcepto, quia præceptum est certum, & ideo prævalet exceptioni incertæ. Quid enim clarius, quàm quòd homo, qui certò est superior, & in possessione æ sui superioris, atque æ subiectus illud, quod post debitam diligentiam credit & fortassis certò scit esse honestum, non sit privandus possessione ac iure suo ob incertam subditi exceptionem? quis non videt illud à sacris Canonibus expressè iradi ac juberi in ordine ad reddendum debitum? Eadem porro ratio est de casu nostro, aliisque similibus. Nec dicas, præceptum non verbale, sed solum verum & reale & certum habere vim obligandi ob rectitudinem & conformitatem cum voluntate divina. At hoc non est certum subditi in casu presenti, cum subditi, stante illo suo iudicio, non possit ne quidem mentaliter enunciare, quòd voluntas superioris sit conformis voluntati divinæ. Ergo præceptum non est illi certum. Nam contra est, quia certum est subdito, quòd existat præceptum humanum, non solum verbale, sed verum ac reale; quo scilicet superior non verbaliter tantum, sed etiam realiter & actualiter vult subditum obligare, saltem hoc consistere potest subdito, & quòd nos debet id ipsum constare, cò quòd præsumendum sit, superiorē habere voluntatem quam verbis exprimit. Jam hoc solum est, quòd nos pomine præcepti certi intelligimus, & dicimus, tale præceptum certò existens, junctum possessioni actuali indubitati superioris, esse titulum præferendum omni incertæ exceptioni subditi. Jam non est necesse, ut hoc præceptum sit reverà conforme voluntati divinæ directæ, quam superior existimari adeste, aut quòd ab illa robur accipiat, quia per omnes, etiam per ipsum Celladem, certò obediendum est, quando inferior absque ulla dubitatione credit superiorem verum dicere, maxime si nullam habeat rationem de eo dubitandi; & tamen neque in eo casu certum est, quòd præceptum superioris sit conforme tali voluntati divinæ, quia fieri potest ut & superior & subditi errent in suis iudiciis. Ergo certitudo obligationis hic & nunc non oritur à certitudine conformitatis inter præceptum superioris & directam Dei voluntatem, quæ antecedit præceptum superioris, sed aliunde; nempe à conformitate præcepti cum divina voluntate reflectente supra ipsum præceptum humanum, seu à voluntate divina, quæ non enunciatur de re secundum se, sed de re ut subditi opinioni & præcepto superioris. Atqui subditi enunciare potest, præceptum superioris esse conforme huic voluntati divinæ reflectæ, & ab illa robur accipere, quamvis illud enunciare nequeat de voluntate Dei directæ & antecedente. Hinc consequens est, quòd præceptum superioris non solum possit esse certum subdito quoad ejus existentiam, sed etiam quoad vim obligandi ortam à divina voluntate reflectæ, etsi nulla sit certitudo de

Præceptum humanum in incertis robur accipit à voluntate Dei reflectæ.

obligatione, quam trahit à voluntate Dei directæ.

66. Demum certum est, quòd ille non sit casus Prætoris & Imperatoris, quem ex Augustino & D. Thoma Theologi accipiunt; nam casus ille solum procedit, quando certum est, Imperatorem aliud velle, aliud Prætorē; tunc enim indubie obediendum est Imperatori. At longè aliud esset, si quis certò audiret iustitiam Prætoris, quam ille diceret esse conformem voluntati Imperatoris, dum miles aliquis fallibiliter opinaretur, sed non sciret, voluntatem Imperatoris esse aliam; in hoc casu malè faceret miles non obediendo Prætori, quia præsumendum est Imperatorem nolle militem ob tales suspiciones incertas exami ab obedientia Prætoris. Neque Augustinus, aut S. Thomas, aut Theologi docent aut insinuant contrarium. Ecce paritas ista non improbat, sed probat nostram sententiam.

Prætoris casus pro nobis.

67. Ob 3. Distinctio illa divinæ voluntatis directæ, antecedentis, ac primariæ à voluntate divina reflectæ, consequentis, secundariæ, & ex suppositione (de qua locuti sumus tam in præparatione conclusionis, quam in responsione ad præcedentem objectionem) nulla est. Ergo tota nostra doctrina ruit. Probatur antecedens. In primis distinctio illa locum non habet in rebus per se malis; in his enim Deus nullam voluntatem habet, nisi purè permissivam, non tollentem sed supponentem rationem peccati. Ergo Deus ne quidem voluntate consequente vult talia fieri à nobis, si præcipientur à superiore.

Obiectio 3.

Secundò, si Deus haberet tales voluntates, obediendum esset superioribus, etiam quando præcipiunt quæ manifestè repugnant voluntati divinæ; quia etsi illa contrariarentur voluntati Dei antecedenti, adhuc conformia essent voluntati consequenti, quia retractaret omnes voluntates antecedentes. At consequens & per se absurdum est, & repugnat communi doctrinæ Patrum, docentium non obediendum esse homini præcipienti contrarium Deo. Probatur antecedens, quia Deus in illis, de quibus ipse, nemine consulto, per se legem tulit, non potest aut legem aut voluntatem suam subordinare legi & voluntati superiorum, alioquin se spoliaret primatu suo, & superiores divinitate donaret. Itaque voluntas superiorum resolvi debet in voluntatem divinam tanquam in diæmet regulam, & non vice versà. Eadem ratio probat, sapientiam divinam spoliari non posse primatu in gubernando dirigendoque homines in finem suum. Unde omnis ratio humana dirigens & regulans resolvi debet in divinam sapientiam. At nulla falsa est res solubilis in divinam, nec participativè, nec conformativè. Nulla ergo falsa dirigit & regulat, id est rectè. Ita Celladeus §. 4. quid assertum hoc suum tam singulare ac novum comprobandum, rationes alias non affert; cum procul dubio in re tanti momenti unusquisque validissimas expectasset; sed condonandum ei est, quia meliores non habuit.

68. Unum tamen ibidem in confirmationem adducit, scilicet S. P. nostrum Ignatius in *Epistola de obedientia*, & notam habuisse, & supposuisse, hanc doctrinam. Hoc inde probat, quòd S. Pater, intendens suos formare ad ultimum ac perfectissimum obedientiæ gradum, qui in conformitate iudicii subditi cum iudicio superioris consistit, nullam talem voluntatem consequentem Deo assignat; quia, illà admittit, nulla erat ratio discordandi, nullà secus opinandi & iudicandi; per ipsum enim voluntatem superioris subditi nascetur illam voluntatem Dei consequentem

An S. Pater Ignatius agnosceret voluntatem Dei reflexam?

quentem, ideoque fatuum esset ulterius querere, an bonum esset, quod jubebatur, supponit ergo nil tale dari. Proinde totus in eo est, ut subditis persuadeat, iudicium superioris esse conforme sapientiae & voluntati divinae, ad quod probandum multa adducit, quae omnia vana essent, si dictae duae voluntates distinguerentur. Una ergo tantum est, quam ut subditus assequatur, conformare se debet iudicio superioris, quod plerumque non errat. Itaque praeclarus obedientiae Doctor omnia resolvit ad conformitatem cum voluntate Dei, & ideo nec dixit, nec innuit, quod salva sit obedientia, si superior erraverit siue non erraverit, sed totus in eo versatur, ut ostendat, iudicium superioris non errare, & conformitatem iudicii in subdito cum iudicio superioris esse medium ad habendam conformitatem cum sapientia & voluntate divina. Ita Celladeus.

Aliquando Deus habet voluntatem excusantem à peccato in rebus per se malis.

69. Respondeo, Celladeum malè supponere tanquam principium per se notum, quod Deus in rebus per se malis nullam habeat voluntatem nec antecedentem nec consequentem, nisi purè permissivam, non tollentem, sed supponentem rationem peccati; ideoque Deum non habere voluntatem, ut illa fiant, tametsi à superiore præcipiantur. Tantum enim abest, ut hoc sit principium per se notum, ut sit certò falsum, & Celladeus in hoc ipso sibi aperte contradicat. Est certò falsum, quia certum est, quod ex suppositione erroris invincibilis circa talia objecta, Deus sapè habet voluntatem non solum auferentem rationem peccati ab objecto per se malo, sed etiam exigentem positionem talis operis sub poena peccati. Exemplo sint conjuges bonae fidei invincibiliter existimantes matrimonium suum esse validum, nullamque suspicionem habentes se ullo impedimento teneri, quod minus ad prolem gignendam debitum licitè petere & reddere possint. In hoc casu qui certè aliquando datur, Deus obligat consortem ad reddendum debitum petenti, quia irremediabiliter peccat, si debitum neget. Ergo Deus habet voluntatem aliquam, non solum purè permissivam, non auferentem sed supponentem rationem peccati, verum, habet etiam voluntatem absolurè permittentem, & tollentem rationem peccati ab illo actu, imò habet voluntatem strictè obligantem ad ponendum illum actum. At ista voluntas non est voluntas primaria & directà, quae fertur in illam rem, illa enim avertitur rem illam ut malam, eamque prohibet, non jubet. Ergo diversitas hæc voluntatum negari non potest in Deo, etiam circa res per se malas. Præterea ponamus casum, quod tam superior quam subditus invincibiliter errent circa rem præceptam, nec ullam suspicionem habeant de illius malitia, cum tamen verè sit mala & prohibita; in hoc casu peto à Celladeo, an subditus peccet obediendo? imò an non sit peccaturus, si obedientiam neget? Respondebit utique eum non peccaturum obediendo, sed peccaturum si obedientiam neget, quia hæc est expressa ipsius sententia. Ergo jam in materia obedientiae admittit in Deo diversas istas voluntates, quas tamen in hac ipsa materia, & in omni alia, Deo denegat. Exsic in hac ipsa materia sibi & indubitatae veritati contradicit.

Celladei traditio.

Deus nulli habet voluntatem, ut faciamus ea, quæ certò novimus esse mala.

70. Ad 2. Resp. Mirum esse, hanc Celladeo apparere potuisse necessariam illationem, quod locus dandus sit istis voluntatibus in Deo circa evidentem mala, si detur circa mala invincibiliter credita bona, aut etiam præcepta; vel si detur circa

R. P. A. Terilli Regula Morum. PARS II.

mala, quæ non sciuntur, sed solum opinativè creduntur mala. Mirum, inquam, est, cum summi Pontifices contrarium viderint, ac declaraverint, omnesque Theologi claram inter illa duo repugnantiam agnoverint. Pontifex quidem in cap. inquisitioni, de sent. excom. declarat, conjugem certum de impedimento Matrimonii, non posse debitum reddere citra peccatum mortale, quamvis consors bonâ fide illud exigat, & Ecclesia, rationibus consorti illi faventibus mota, sub poena anathematis jubet illum reddere debitum. Ergo Pontifex vidit & declaravit, nullam esse in Deo voluntatem secundariam & reflexam, exigentem redditionem debiti à consorte, nè quidem consequenter ad conjugis petitionem & Ecclesiae præceptum, modò ille certò sciat Matrimonii impedimentum adesse. Declarat enim Pontifex, eum peccaturum, si merito exigenti, & Ecclesiae contra Deum certò præcipienti obediat. At idem Pontifex longè aliter sentit de illis, qui aut invincibiliter ignorant, impedimentum adesse, aut solum dubitant de validitate contractus, aut quod plus est, suspicantur, vel etiam probabiliter existimant impedimentum adesse; nam de primis supponit, quod licitè possint petere debitum, quodque consors teneatur illud reddere; idem docet de leviter dubitante & suspicante, si ad consilium sui Pastoris levem illam & temerariam credulitatem explodat; de ultimo autem decernit, quod non possit debitum petere, sed debeat illud redere, ne vel contra legem conjugii, vel contra conscientiam committat offensam. Ecce Pontifex hic agnoscit in Deo voluntatem quandam secundariam, & quodammodo reflexam ac consequentem ad petitionem debiti, per quam exigit debitum reddi; cum tamen directà ac primaria voluntas Dei circa tales actus sit prorsus contraria, quia avertatur ac prohibet conjunctionem eorum, qui validè non contraxerunt Matrimonium.

Secus quidam mala creduntur bona, aut non sciuntur esse mala.

71. Sed & Theologi viderunt repugnantiam inter illa duo; nam & in casu allato Matrimonii, & in materia obedientiae expressè docuerunt, & debitum reddendum, & obedientiam præstandam, non obstante probabili iudicio de materiali inhonestate rei, quæ exigitur; cum tamen uno ore dixerint, neutrum faciendum, quando certò constat Deum directè velle contrarium. Ergo omnes agnoverunt distinctionem illam voluntatum in ordine ad casum dubii & opinionis incertæ, quam tamen negaverunt in ordine ad certitudinem & evidentiam de contraria Dei voluntate directà. Ratio disparitatis est clara, quia quoties creatura certò novit Deum aliquid velle, statim infert, Deum ita illud exigere, ut nolit contra hanc tam claram suæ voluntatis manifestationem homines audiri. Deus enim clarè intimans suam voluntatem præferendus est iis, qui certò cognoscuntur falsò prætere, Deum velle oppositum. Præterea in eodem casu certò constat, homines non habere ullam vim obligandi ad oppositum; quia certum est, homines obligare non posse ad id, quod certum est Deum prohibuisse. Itaque certum est, quod errore decepti facultatem suam excedant, ideoque nullam obligationem inducant. At quando res est dubia & incerta, non constat, Deum nolle ut obtemperemus hominibus ejus gerenti, ac præcipienti rem nobis dubiam, aut de qua opinamur quod sit mala; imò oppositum constat, quia provida dispositio Dei debuit id determinare pro illo etiam casu, quia hoc necessarium est ad bonam & congruam institutionem illorum administrationem modo humano peragenda.

Theologi agnoscunt esse repugnantiam, quæ Celladeus non agnoscit.

H.

peragenda.

peragendam. Illa autem in casu presenti postulat & redditionem debui in conjugio, & obedientiam in subdito; alioquin pax servari non posset, sed homo certa sua possessione nolens privaretur, idque ob exceptionem fallibilem, & saepenumero erroneam, quod est inconveniens.

Deus non
cōpletè gu-
bernet, nisi volun-
tates aliquas
reflexas ha-
beret.

72. Sed & ratio Celladei nulla est, quia Deus per hoc, quod secundarias istas, indirectas, atque quodammodo reflexas, & consequentes voluntates habeat, non ideo donat homines divinitate, aut se primatu spoliatur, sed summum primatum atque supremam prudentiam exercet; per illas enim condit leges pro casibus indirectis, qui propter ignorantiam humanam necessario ac saepe interveniunt. Et sanè nisi leges pro illis etiam casibus statueret, à perfectione supremæ ac universalis providentiæ deficeret. At voluntates divinz pro istis casibus non possunt esse illæ eadem; quæ primariò & per se ac directè Deo insunt, quia illæ aliter enunciant de rebus, quàm istæ, ut patet. Illæ averfantur rem, quam illæ non averfantur, sed saepe imperant, positæ illis circumstantiis, quæ per accidens & præter directum Dei intentum interveniunt. Tantùm ergò abest, ut per istiusmodi voluntates Deus se primatu suæ providentiæ privet, ut si illas non haberet, supremo providentiæ munere non gauderet. Fateor itaque, voluntatem ac rationem humanam semper resolvi debere in divinam, tanquam in primam regulam, & non è contra; voluntas enim humana superioris, quæ regulat subditum, resolvitur in aliquam Dei voluntatem vel directam & primariam, vel indirectam & secundariam, & ab ea robur suum accipit. Idem valet de ratione humana regulante; illa enim si regulet, resolvitur in rationem divinam vel directam vel reflexam, etsi non semper resolvatur in directam, cum ab ea nonnunquam discordet. Participat ergò vim regulandi à ratione reflexa, quâ Deus judicat congruum esse, ut subditus sequatur rationem sui superioris etsi falsam, quando invincibiliter putat illam esse veram, aut quando illi non constat quòd sit falsa, sed probabiliter præsumere potest quòd sit vera.

S. P. Ignatius agnovit voluntatem reflexam, qua Deus vult subditum obedire, etsi iudicet superiorum errare.

73. Nec minùs perspicuè fallitur Celladeus in doctrina S. Patris Ignatii proponenda, quàm deceptus est in iis, quæ præcesserunt. Certum enim est, S. Patrem expressè agnovisse in Deo voluntatem illam secundariam, quam Celladeus consequentem appellat, quia in illa ipsa Epistola de virtute obedientia, ubi hortatur suos ad ultimum gradum perfectionis obedientiæ, quæ in conformitate iudicii subditi cum iudicio superioris consistit, atque ubi expressè probat, perfectionem obedientiæ haberi non posse, ubi deest iudiciorum conformitas, notanter supponit, & tradit, substantiam obedientiæ haberi posse, stante dicta iudiciorum difformitate. Hæc enim habet nu. 12. *Præterea nisi hac obedientia iudicii existat, fieri non potest, ut vel consensus voluntatis, vel executio talis sit, qualem esse oportet; naturâ enim ita comparatum est, ut animi nostri vires, quæ appetitiva dicuntur, sequantur apprehensivas; & nisi adhibita vi voluntatis, iudicio repugnante, diu obtemperare non poteris. Quod si forte quis aliquo temporis spatio obedias per communem illam apprehensionem, quâ censetur, perperam etiam præcipienti parendum esse, certè id stabile ne fixum esse non potest, atque ita perseverantia deficit, vel falsè obedientia perfectio, quæ in promptè & alacriter obediendo consistit &c.* Pergit enim declarando imperfectiones obedientiæ, nisi oriatur ex conformitate iudicii subditi cum iudicio super-

rioris. Ecce S. Ignatius apertè supponit subditum & posse, & debere obedire superiori, etsi existimet illum perperam ac mala imperare, quia communis omnium persuasio est, quod obediendum sit in rebus malè imperatis.

74. Præterea in Constitutionibus antea citatis, expressè tradit, obediendum esse in omnibus, in quibus manifestum peccatum non apparet. Itaque S. Pater supponit, hanc voluntatem secundariam ex hypotheli ignorantia nostræ dari in Deo, illamque sufficere ad hoc, ut subditus in casu dubii, modo & in casu dissensus à superioris iudicio obedire possit, modò non sit certus, superiorem mala præcipere. Neque hinc sequitur, nullam esse rationem discordanti in iudicio directo, aut fatuum esse concordiam in illo ulterius querere; quia quamvis hæc voluntas Dei innotescat subdito per imperium superioris, atque ideo de illa voluntate consequenti nulla sit opinio. Varietas, nisi tamen consentiant in iudicio directo, necesse est proprietates perfectæ obedientiæ deficere, uti S. Pater ibidem fusè demonstrat. Itaque hortatur omnes ad istam conformitatem; ut sic non solum obediant, sed sine murmuratione, atque aliis imperfectionibus obedientiam præstent. Caterùm inter reliquas rationes cam affert, quod sequi iudicium superioris sit medium opportunum, ut iudicium nostrum conformetur rationi ac iudicio divino; quia potius alienæ quàm propriæ prudentiæ standum est in causa propria; maximè autem illius, quem loco Dei præpositum habemus, consilii Deum per illum certius ac melius nos directurum, quàm si proprium iudicium sequamur. Itaque haud dubie S. Pater salvam putavit plenitudinem obedientiæ, quamvis per accidens superior erret; si ipse, & potissimum si subditus, invincibiliter existimet illum iusta ac Deo placentia juberet. Imò salvam existimavit substantiam obedientiæ, tamen si obediens dubitet, aut etiam existimet, superiorem in suo iudicio directo errare; modò ex universalis illa persuasionem formet sibi conscientiam, quod obediendum sit in rebus etiam perperam præceptis, quando manifestum non est, quod sint malæ. Arque ita demum constat, Celladeum in omnibus ac singulis istis probationibus & confirmationibus à vero deviasse.

Mens S. P. ulterius declaratur.

Expediit subdito cōsentire superiori, quamvis sine illo cōsensu certus sit, Deum velle ut obediat.

ASSERTIO SEXTA.

Propositum sit Celladei de obediendi obligatione doctrinam proponere, illiusque falsitatem, insufficientiam, & inconsequentiam aperire.

75. **I**N PRIMIS Celladeus asserit, subditum absolute & simpliciter teneri ad obediendum per se loquendo, & ut plurimum; quia quamvis peccet, si contra actualem opinionem suam, opinioni superioris contrariam, operetur, nihilominus tenetur ad suum iudicium deponendum; sicut quamvis omnis homo peccet, qui agit contra conscientiam vincibiliter erroneam, nihilominus simpliciter loquendo tenetur ad oppositum, quia tenetur conscientiam deponere, & sic legi obedire; ita pariter in casu nostro, subditus plerumque & per se tenetur superiori obedire, & suum iudicium illi submittere, quia iudicium subditi contra iudicium superioris plerumque est falsum, & erroneum. Ergo plerumque & per se tenetur deponere opinionem suam, utpote quæ plerumque erronea est.

Celladeus tenet subditum in incertis debere obedire ut plurimum, non semper.

76. Deinde

Hoc verum
putat, et si
subditus cer-
tò credat se
præceptum
esse malum.

76. Deinde asserit, subditum teneri ad obe-
diendum contra omne proprium iudicium omni-
bus in rebus quæ cum manifesto peccato conjunctæ non
sunt. Quales non solent esse res utrimque con-
troversæ. Et hoc verum reputat etiam pro casu,
quo certum subdito videretur peccatum esse, quod
jubetur; quia etiam respectu talium iudiciorum
verum est, quod subditus plerumque errat, quan-
do contra superioris iudicium iudicat. Et san-
tè, si quælibet existimata certitudo esset legi-
tima exceptio contra præceptum superioris, non
esset difficile talem certitudinem & prætere-
dere & comparare, & sic obedientia nimis facile evacua-
retur. Atque hinc non est difficile subdito iudi-
cium suum deponere, quia iudicia subditorum
contra mentem superiorum plerumque sunt falsa.
in iis autem, quæ plerumque falsa sunt, facile quis
credit se falli, nisi irregularem aliquam & specia-
lissimam rationem habeat. Atque hinc sequitur
quod per se loquendo, & plerumque subditus
teneatur suum iudicium, utpote erroneum, de-
ponere, & obedire. Dixi plerumque, quia omnes
superiores, præter Concilium generale & sum-
mum Pontificem sunt fallibiles, & consequenter
præcipere possunt contraria voluntati divinæ; &
tamen ex alia parte habemus legem Dei clarè præ-
cipientem, ut obediamus superioribus. *Luce 10.*
Matth. 23. ad Ephes. 6. Item 1. Petri 2. subiecti igitur
estote omni humane creaturæ propter Deum, sive regi
tanquam præcellenti, sive ducibus tanquam ab eo missis.
Jam concordiam querere non possumus distin-
guendo illas duas voluntates, alioquin faceremus
quemlibet superiorem infallibilem, utpote cuius
voluntas connexam haberet voluntatem conse-
quentem approbativam Dei. Sicut ergo superio-
res dicti errare possunt, ita dari potest exceptio
contra illorum imperium; sed ad hoc requiritur
magna & particularissima probatio. Nec mirum,
quia ejusmodi superiores non sunt minùs defecti-
biles, quàm leges purè humanæ. At illæ non-
nunquam deficiunt, ideoque ubi peccant emen-
datione indigent, & corriguntur per episcopiam.
Idem prorsus dicendum de superioribus fallibili-
bus; nonnunquam enim errant, ideoque præcep-
tum illorum correctione indiget; quæ correctio
per specialissimam & irregularem rationem habe-
tur. Ita Celladeus §. 5. & 6.

Ratio com-
munis per
Cellad. um
non excu-
sat ab obe-
diendo, sed
ratio specia-
lis excusat.

Duo falsa
principia
Celladei.

77. Hæc doctrina duobus falsis principiis ni-
titur: primum est, quod subditus simpliciter te-
neatur suam opinionem deponere, & sic obedire;
sicut habens conscientiam vincibiliter erroneam,
simpliciter teneretur eam deponere, & legi divinæ
obedire. Hoc falsum est, quia iudicium illud sub-
diti non est iudicium conscientie regulans opus,
sed merè speculativè se habet, ut ostensum est.
Nec argumenta Celladei valent ad suadendum
oppositum. Unde non est necesse subditum de-
ponere iudicium suum, sed, eo stante, potest &
debet obedire. Alterum est, quod non dentur
duæ illæ voluntates in Deo, quod etiam constat
esse falsissimum. Nullius autem momenti est,
quod dicit quemlibet superiorem eo ipso fore in-
fallibilem, si talis voluntas consequens daretur in
Deo. Id enim non sequitur: primò, quia supe-
riores, quos fallibiles novimus, ex malitia præ-
cipere possunt, quæ tam ipsi quàm subditi certò
norunt esse contra præceptum Dei. Secundò,
errare possunt ea præcipiendo, quæ ipsi falsò pu-
tant esse honesta, quæ tamen subditi certò no-
runt esse inhonesta, ut videre est in Episcopo
præcipiente conjugii redditionem debiti, quando
conjug certò novit impedimentum intervenisse,
R. P. A. Terris, *Regula Morum*, PARS. I I.

quamvis illud probare non possit. Tertiò, et si
nec ipse nec subditus dubitent de honestate rei
præceptæ, fieri potest ut alii errorem detegant
atque subdito manifestent, in quibus aliisque ejus-
modi casibus obediendum non est, quavis su-
perior humanus obediendum exigit, neque in iis
casibus adest voluntas Dei reflexa approbativa.
Itaque clarè falsum est, quod quivis superior in ea
hypotesi esset infallibilis, quia certum est, quod
Deus voluntate consequente non semper appro-
bet omnes ejus iussiones, sed solum aliquas. At
qui infallibilis est, eam prærogativam habet,
quod Deus infallibiliter omnes illius iussiones ap-
probet.

78. Nec falsis tantum fundamentis nititur hæc
doctrina, sed ipsa quoad se est etiam falsa. Vult
enim plerumque sed non semper obediendum
esse. Et sanè haud dubiè loquitur in casu incertitudinis
de inhonestate præcepti; nam si sermo
sit pro casu evidentis & certitudinis de malitia rei
præceptæ, res est extra controversiam. At lo-
quendo pro casu incertitudinis, qualem nos in
progressu disputationis proposuimus, Patres &
Theologi universaliter loquuntur, nec ullam ex-
ceptionem ponunt, ut ponit Celladeus; sed &
rationes allatæ æqualiter convincunt de omni casu
incerto. Itaque errat Celladeus, auctoritatique
irrefragabili rationibusque convincentibus se op-
ponit, dum, stante incertitudine de honestate
rei præceptæ, asserit aliquando esse, aliquando
non esse obediendum.

Opinio Cel-
ladei de o-
bedientia
Ss PP con-
taminata.

79. Falsitas hujus doctrinæ ex eo etiam pro-
batur, quod doctrina ista, etsi videatur practica,
& ad praxim dirigendam tradita, tamen si subsi-
stat, prorsus inutilis est ad praxim, atque in rebus
incertis totam obedientiam evacuat. Ratio est,
quia subditus nunquam in particulari scire potest,
an hic & nunc possit ac debeat propriam opinio-
nem deponere & obedire; aliquando enim non
debet obedire, quando scilicet habet rationes
particulares apud ipsum prævalentes. At semper
has habet, quando est contrariæ opinionis cum
suo superiore, quia suum cuique opinatum pro-
babilius est. Quamvis ergò habere possit hoc
iudicium universale, quod plerumque errat opi-
nando contra superiorem, tamen ex hoc princi-
pio nil inferri potest in particulari hic & nunc,
quia, illo non obstante, aliquando immò sæpe
datur exceptio, qua stante, nec potest nec de-
bet subditus opinionem deponere & obedire.
At si hoc dicatur, nunquam sciri potest in in-
dividuo, an hic & nunc deponenda sit propria
opinio, sed potius semper in individuo reti-
nenda est, quia illa apud subditum peritum, etiam
post diligentem rei discussionem, multum præ-
valet opinioni contrariæ, quam falsam repu-
tat, ac reputavit non solum consequenter, sed
etiam antecedenter ad præceptum superioris.
Unde enim, quæso, scire poterit, se hic &
nunc debere deponere hanc, non verò illam
opinionem, si non minùs una quàm alia ipsi vera
videatur, & superior in utraque apud ipsum æquè
deceptus habeatur? Ecce si doctrina ista admi-
tatur, subditus per eam dirigi non poterit, sed
semper perplexus manebit, an debeat opinionem
deponere & obedire, an verò eandem retinere
debeat, & obedientiam negare. Ergò Doctrina
hæc datur pro regula, quæ omni regulandi vi
caret; quales sunt aliz etiam Doctrinæ à Celladeo
in hoc opere proposuiz, ut suis locis ostensum
est.

Noti in
Celladei do-
ctrina ob. di-
st. vim e-
vacuat.

80. Præterea, ex hac ipsa possibilitate exce-
ptionis

Opinio Cel-
ladi

H 2

ladel discolo favet eosque fovet.

prionis tota vis obedientie facile evacuetur, quia in rebus huiusmodi incertis nulli unquam discolor defuerunt, aut deesse poterunt rationes irregulares, & apud ipsum specialissimæ in favorem partis, quam sequitur. Ergo licet non poterit opinionem deponere & obedire. Ergo ex hac doctrina tota obedientia in incertis evacuabitur. Ergo doctrina ista est falsa, utpote quæ & præstat salvere vim obedientie, quam destruit, & regulam pro debite obediendo proponit, quæ tamen neminem in ullo casu particulari regulare potest ad obediendum, sed potius deterret homines ab obedientia præstanda, omnesque in miram perplexitatem inducit, atque, quod caput est, discoloris, & iis, qui vehementi passione moventur, maximè favet, sternitque eis viam ad pertinaciter inhærendum suæ opinioni, obedientiamque negandam. Dicendum ergo est, nullam dari exceptionem, sed in omnibus dubiis obediendum esse, opinionemque subditi, si id esset necesse, semper in omnibus ejusmodi casibus esse deponendum, quod etiam ex ipsis Celladei principiis mox evincetur.

Celladei contradictio.

81. Neque falsa tantummodò est, falsisque principiis nititur hæc opinio Celladei, sed in ea tradenda ipse sibi rēvera contradicit. Inprimis asserit certitudinem existimatam de malitia rei præceptæ non eximere subditum ab obligatione obediendi, à qua tamen eximitur ob rationem irregularem & specialissimam. Hæc inter se pugnant, quia ratio illa specialis non ultra progredi potest pro conscientia formanda, quam ad certitudinem existimatam, & raro ad eam pertingit. Ergo non magis eximere potest ratio irregularis & specialis, quam rationes quæcumque, quæ vim habent inferendi, & actu inferunt certitudinem existimatam; quia quod eximit, non est ratio præcisè, sed ratio valida magnam faciens præsumptionem veritatis. Sed ista præsumptio non est major in ulla ratione speciali, quam ut inferat certitudinem existimatam. Ergo si certitudo existimata non tollit obligationem obediendi, neque ratio specialis eam auferre poterit. Præterea ratio irregularis ex suo conceptu non est melior & efficacior ratione regulari & ordinariâ, neque specialissima melior est aut validior communissimâ. Ergo tota diversitas aut excessus in eo est, quod una magis certificet, seu vehementius moveat, quam alia. At in casu nostro specialis ratio non magis certificet, nec vehementius movet quam communis, quæ supponitur ita subditum movere, ut certò existimet rem præceptam esse malam. Ergo vel utrumque vel neutrum eximit subditum ab obligatione obediendi.

Alia Celladei inconsequentia & contradictio.

82. Præterea sic arguo; si ratio irregularis & specialissima excusat, ideo est ex mente Celladei, quia plerumque contingit rationes ejusmodi esse veras, etiam quando superior judicat oppositum. At si hoc sit verum, verum etiam est, quod rationes certitudinem existimatam inferentes, plerumque veræ sint, etiam quando superior judicat oppositum; quia non est minor connexio cum veritate in istis, quam in illis, quando superior æquè in utroque casu à subdito dissentit. Imò si rem examinemus, existimo rationes, quæ apud subditum doctum & non improbum, nec vehementi passione ductum, ad certitudinem existimatam pertingunt, plerumque esse veras. Ratio est, quia sunt tales, si loquamur independentem ab imperio superioris; quod adeo clarum est, ut si de hoc dubitetur, nil sciri possit de connexione

Opiniones apud subditum peritæ, plerumque connexuntur cum veritate, et si superior contrarium judicat.

illius motivi verè incerti cum suo objecto. At adjectio imperii non mutat res, aut rationes independentem ab imperio stabilitas ac habitas. Ergo, etiam stante imperio, sunt plerumque connexæ cum veritate. Ergo Celladeus ad consequenter loquendum dicere debuisset, certitudinem existimatam eximere subditum ab obligatione obediendi, quia si contra talem certitudinem obediat, plerumque errabit, & Dei legem violabit. Et sanè ita est, haud dubiè enim peccaret, qui contra talem certitudinem obediret, quia faceret, quod certò credit esse malum. Unde quamvis concedam licitum esse obedire contra propriam opinionem actualem, illud tamen intelligendum est de opinione, quæ apud subditum est opinio, & habetur pro judicio incerto, non autem de opinione, quæ apud ipsum & quoad ipsum est certa, & pro certa habetur; hic enim, stante tali persuasione, non minùs urgetur ad non obediendum, quam si reverà haberet veram certitudinem & evidentiam de inhonestate rei præceptæ. Quod si loquamur non in sensu composito, sed in sensu diviso, non apparet quomodò subditus aut debeat, aut possit talem opinionem deponere; quia quando ad illam reflectit, rationes faciunt fidem certam, & illæ superioris, etiam adjuncto præcepto, hanc non impediunt. Quomodò ergo tenetur tunc opinionem deponere. Ratio ad hoc sufficiens non est, quod subditus plerumque erret, si contra superiorem judicet; quia quamvis hoc in universali admitti possit ut verum, tamen certò videtur verum non esse, quando rationes subditi periti & probi eòusque prævalent, ut rem ipsi certam faciant. Ergo in eo casu nullum habet principium, ex quo juxta sententiam Celladei mutare possit suam sententiam, aut eam deponere, quamdiu rationes, quibus motus est, vim suam retinent. Itaque Celladeus ex hac parte dicit quod probare nequit, nempe subditum debere opinionem deponere, & obedire, eò quod in tali casu plerumque erret. Tenetur quidem subditus rationes suas examinare, easque superiori proponere. Quod si superior illis non moveatur, sed in sua sententia permanserit, & subditus consequenter ad hoc & ad novum examen suarum rationum, eas invenerit certitudinem apud se amplius non facere, tenebitur obedire juxta dicta, sive deponat sive non deponat opinionem. Sed si rationes examinatz fidem plenam, ut antea, & certitudinem apud illum afferant, peccabit si obediat, quia faciet quod certò malum reputat; neque ullum est principium, ex quo, stante tali judicio, conscientiam debite formare possit, ut constat ex dictis.

83. E contrario, si sermo sit de rationibus irregularibus & specialissimis, quæ magnam vim intellectui subditi faciunt, vel superior eas ignorat, vel scit. Si ignoret, subditus regulariter loquendo debet eas superiori manifestare, fietque, plerumque ut superior opinionem mutaturus sit & subdito consensurus, si illæ sint tam validæ ut Celladeus videtur supponere. Quod si superior antea earum concilius sit, vel certò postea eas à subdito audierit, & tamen post maturam earum considerationem in sententia sua permanserit, tunc subditus tenetur obedire, idque ex regula ac mente Celladei, quia subditus ille in tali casu dissentiens à suo superiore plerumque errat, neque ulla est ratio excogitabilis cur plerumque erret, quando uterque rationibus communibus movetur, & non erret plerumque quando uterque easdem præfatas rationes

Eadem inconsequentia & contradictio locum habet in rationibus specialissimis & irregularibus.

tiones speciales & irregulares considerat. Ergo tunc subditus ex illo principio poterit suspendere sententiam, & tenebitur obedire, sive illam suspendat, sive non. Ergo tantum abest, ut statibus rationibus specialissimis, subditus eximatur ab obedientia, quia plerumque contingit eum verum dicere, etsi à superiore dissentiat, ut ex opposito plerumque erret juxta principia Celladei, si illis à superiore rejectis adhæreat. Itaque Celladeus non solum sibi contradicit, sed ex omni parte falsa tradit, atque rem adeo confusè proponit, ut nemo ex vi doctrinæ ab eo traditæ scire possit, quid in rebus incertis agere, aut quando obedire teneatur.

Insufficientia doctrinæ ipsius ulterius proponitur.

84. Confirmatur hoc ipsum. Aliquæ rationes speciales & irregulares sunt invalidæ, nec plerumque connectuntur cum vero. Aliæ, etsi videantur plerumque connecti, non tamen plerumque connectuntur cum vero, & hoc scitur,

quando, iis auditis, periti & probi & maxime superiores contrarium sentiunt. Nihilominus omnes istæ rationes sæpe approbantur à subdito ut veræ ac probabilissimæ. Jam ergo unde sciet subditus, quænam sint illæ rationes speciales, quæ illum eximant, quænam, quæ illum non eximant ab obedientia? Nulla certe ei suppetit via in sententia & doctrina Celladei, qui rem proponit, ut timoratis & obedire cupidus scrupulum injiciat, ne contra rationes sufficienter exiuentes obedientiam præstent, discolis autem & malè orientatis viam laxet ad frequentem inobedientiam & præstandam, & honestandam. Discolis enim, ut dictum est, & hominibus passione irretitis nunquam desunt rationes irregulares, & apud istos specialissimæ, pro rebus & opinionibus, ad quas afficiuntur. Absurda ergo & falsa est sententia Celladei, à qua talia necessarîo sequuntur.

QUÆSTIO QUADRAGESIMA-SEPTIMA.

Utrum liceat Confessario pœnitentem absolvere contra propriam opinionem?

Status questionis rectè proponitur.

I. **H**AC de re agit Celladeus lib. 3. quæst. 15. putatque à fortiori non licere Confessario absolvere pœnitentem contra propriam opinionem in sensu composito illius, cum subdito contra eandem obedire non liceat. Verum sicut in superiore quæst. erravit circa subditum, ita & in hac à vero aberrat circa Confessarium, uti mox ostendetur. Interim noto, eum in propositione quæstionis ita loqui, ac si sermo esset de sensu composito opinionis, quâ Confessarius crederet pœnitentem non esse absolvendum, sed esse indispositum ad absolutionem recipiendam. Verum hic non est status quæstionis: haud dubiè enim peccat, qui dat absolutionem illi, quem absolutè credit esse indispositum ad eam recipiendam. Sensus ergo quæstionis est, utrum Confessarius probabiliter actu existimans, v. g. quòd illicitum sit scribere lucri causâ in die festo, absolvere possit pœnitentem, qui bonâ fide sequitur opinionem contrariam, quam constat esse probabilem; adeo ut opinio Confessarii feratur ad rem illam secundum se, & præscindat à modo, quo illa apprehenditur, atque hic & nunc à pœnitente exercetur. Jam quod hic sit sensus quæstionis, certum est ex mente Theologorum, qui quæstionem tractant, & ex eo evincitur, quòd si concedatur licitum esse Confessario absolvere pœnitentem contra talem suam opinionem, contenti erimus, cum aliud cum communi sententia non intendamus. Communem ergo hanc sententiam quibusdam rationibus stabiliam, ut sic aperitur aditus tam ad refutanda ea, quæ Celladeus, quàm quæ Theologus ille (contra quem egi quæst. 2.) contra nostram communemque sententiam asserunt.

ASSERTIO UNICA.

Licitum est Confessario absolvere pœnitentem, qui bonâ fide sequitur opinionem certò probabilem de directâ honestate rei, opinioni Confessarii contrariam. Idq. licitum est Confessario, etiam in sensu composito suæ opinionis directæ de objecti illius inhonestate.

Confessarius licet absolvit pœnitentem contra propriam opinionem.

2. **P**ROBATUR primò. Illa Confessarii opinio est merè speculativa, & impertinenter se habet in ordine ad iudicium, quo Confessarius practicè dirigi debet ad dandam absolutionem, id est, in ordine ad iudicium determinans, an pœnitens peccaverit peccato formali ac imputabili, & an ipsi liceat eodem modo in posterum operari. Ratio est, quia omnes bene norunt, quòd pœnitens in operando non reguletur opinione Confessarii, sed propriâ. Rursus omnes sciunt, fieri posse, ut pœnitens veram sequatur opinionem, quamvis Confessarius putet eam esse falsam. Et quod plus est, omnes sciunt, pœnitentem taliter bonâ fide procedentem posse invincibiliter errare, si erret, & consequenter posse non peccare, etsi sequatur opinionem falsam. Imò sæpe scire possumus ac præsumere, quod vel non erret, vel erret invincibiliter, eò quòd diligentiam adhibuerit, & ab alio Confessario aliisque peritis didicerit rem esse licitam, illisque fidem dederit, nec ullam habeat rationem credendi potius Confessario, quem hic & nunc accedit, quàm priori, aliisque peritis, quos consuluit; cum vel ipsemet nôrit, vel fama communis ferat, eos esse

Opinio Confessarii impertinenter se habet ad iudicium, quo regulatur ad absolvendum pœnitentem.

sapientiores isto determinato, quem jam accedit. Ergo Confessarius scire potest, pœnitentē vel non errasse, vel certē invincibiliter errasse; atque etiam in posterum erraturum etiam invincibiliter, si tamen erret, quamvis Confessarius actu existimet, talem actionem secundum se consideratam esse prohibitam. Ergo, stante tali iudicio, scire potest, pœnitentem non peccasse sectando contrariam opinionem, nec peccaturum, si eam in posterum sequatur. Ergo prior illa opinio componi potest cum iudicio practico, quod pœnitens sit benē dispositus ad absolutionem. Et in tali casu Confessarius non solum potest, sed etiam debet pœnitentem absolvere contra propriam opinionem directam. Ergo opinio illa Confessarii est merē speculativa, & impertinenter se habet in ordine ad iudicium, quo Confessarius practice dirigatur ad absolvendum pœnitentem. Ergo Confessarius absolvere potest pœnitentem etiam contra propriam opinionem actu existentem & non depositam.

Æquē absolvendus est pœnitens, qui operatur contra ac juxta opinionem Confessarii.

3. Probatur secundō. Confessarius absolvere potest pœnitentem, quando sequitur opinionem probabilem, quam Confessarius etiam veram reputat. Ergo potest eundem absolvere, quando sequitur opinionem probabilem, quam idem Confessarius falsam existimat. Probatur consequentia. Eadem datur causa absolutionis in utroque casu; non enim ideo præcisē absolvendus est pœnitens, quia fecit & facere intendit, quod Confessarius licitum putat, sed quia fecit & facere vult, quod ipsemet licitum putat; idque in talibus circumstantiis, in quibus præsumi potest ac debet, quod aut non erraverit, aut certē erraverit invincibiliter. At utraque causa æquē locum habet in pœnitente, quando operatus est & operari intendit contra opinionem Confessarii, ac quando operatus est ac operari intendit juxta illam. Imprudens enim & superbus est, qui putat, ceteros debere potius sibi, quam aliis fidere, eosque, si errent sibi credendo, invincibiliter errare; errare verō vincibiliter, si in aliorum rationibus ac auctoritate conscientiam deponant. Ergo Confessarius in casu præsentis eandem prorsus habet rationem excusandi pœnitentem, cumque absolvendi, quando operatur contra, ac quando operatur juxta sententiam ipsius Confessarii. At absolvere potest & debet, quando bonā fide operatus est illud, quod Confessarius licitum putat, etsi non directus fuerit ab illo Confessario, sed ab aliis peritis & probis. Ergo eodem penitus modo absolvendus est, quando eandem auctoritatem ac rationem sequutus, operatus est contra opinionem Confessarii; quia ille in operando nullo modo directus fuit, aut dirigendus est à tali persuasione Confessarii. Ergo omnis pœnitens, qui bona fide conscientiam deponit in opinione certō probabili, æquē dignus est absolutione, & eodem modo absolvendus, si ve operetur juxta, si ve contra opinionem Confessarii. At absolvendus est si concordet, ipso Celladeo non dissidente. Ergo absolvendus est, etsi discordet, cum eadem penitus ratio manifestē valeat in utroque casu. Ergo Celladeus in hoc ipso inconsequenter locutus est.

Pœnitens, qui sequitur benignam sententiam absolvendus est contra opinionem Confessarii.

4. Probatur tertio. Si pœnitens non solum sequatur opinionem, cui ut probabiliori ac unice veræ ex vi rationum directē probantium assensum præbet, sed rationibus etiam atque auctoritatibus reflexē probantibus nitatur; adhuc clariū absolvi potest contra opinionem Confessarii, quam quando directis tantum rationibus utitur; quia pœni-

tens jam considerat opus ut substantie circumstantiis, auctoritatibus, atque rationibus diversis ab iis, sub quibus Confessarius, rem tantum directē considerans, enunciat illam esse illicitam. Ergo hæc Confessarii opinio merē speculativē se habet in ordine ad opus & conscientiam pœnitentis, ut in questione superiore ostensum est in simili de subdito obediente contra propriam opinionem. Eadem enim ratio, æquē valet in utroque casu. Perspicuum proinde est, Confessarium posse enunciare ac credere, pœnitentem, operantem ex vi illius opinionis reflexæ, nec peccasse, nec peccaturum esse peccato propriē dicto, & verē imputabili, quamvis ipse existimet actionem, quam pœnitens posuit, secundum se præcisē consideratam esse malam & peccaminosam; quia ista iudicia sibi non contradicunt, cum diversa enuncient de eodem objecto relatē ad circumstantias valde diversas.

5. Probatur quarto. Ponamus, Confessarium post multum studium & diligentiam adhibitam sequi opinionem benignam, quæ docet, licitum cuique esse sequi opinionem quaecumque directē probabilem; supponamus etiam quod idem Confessarius existimet, rem aliquam directē consideratam esse malam, quam tamen pœnitens & directē & indirectē acceptam, reputat esse veram: iste Confessarius absolute putat pœnitentem esse benē dispositum, etsi existimet, actionem ab illo positam, secundum se consideratam, esse malam; quia existimat eum nec peccasse operando, nec peccaturum pergendo in suo opere. Ergo potest, imò debet eum absolvere contra propriam opinionem de malitia rei secundum se consideratæ. At omnes ferē Confessarii, sicut omnes ferē Doctores, sequuntur benignam sententiam. Ergo omnes ferē absolvere possunt pœnitentes contra propriam opinionem actu existentem. Quod si sermo sit de Confessario, qui sequitur opinionem rigidam, & negat licitum esse sequi opinionem directē æquē aut minū probabilē, sed solum probabiliorē, quando actu creditur vera; adhuc ille contra suam opinionem directam formare potest iudicium de pœnitente, quod non peccaverit, quia scilicet pœnitens sequutus est opinionem sibi probabiliorē, quamque veram reputavit. Ergo judicare potest pœnitentem non peccasse formaliter & imputabiliter. Ergo judicare potest, quod sit rectē dispositus. Ergo potest & debet eum absolvere, quia tenetur omnem pœnitentem absolvere, quem putat esse benē dispositum.

6. Probatur quinto. Ex ipsis Celladei principiis si pœnitens sequatur auctoritatem certō plerumque non errantem, Confessarius potest & debet supponere, pœnitentem aut non errare, aut invincibiliter errare, si erret; & hoc maxime verum est, quando talis præsumptio rationabiliter haberi non potest de auctoritate Confessarii, maxime prout accipitur contradicere auctoritati, quam pœnitens sequitur. Nulla enim melior regula est in incertis, per quam dirigi possimus ex mente Celladei. Jam pœnitens qui sequitur opinionem, quam S. Thomas, Suarez, alique decem præstantissimi Theologi tenent esse veram, nititur hujusmodi auctoritate; talis enim auctoritas plerumque non fallit; & hoc quidem locum habet, si res tantum directē consideretur; quod si rationes etiam atque auctoritates reflexæ de usu licito talis opinionis certō probabilis, imò & probabilioris apud pœnitentem, quamque pœnitens veram reputat, considerentur, pœnitens habet

Confessarium tenens opinionem benignam licet absolvere pœnitentem contra propriam opinionem directam.

Ex principiis Celladei sequitur Confessarium posse absolvere contra propriam opinionem.

habet unanimem omnium consensum pro honestate suæ operationis, & longè plures quàm decem contra unum. Ergo sequitur auctoritatem plerumque non errantem, nam universa Doctorum multitudo, aut pars eorum longè maxima, plerumque non errat. Ponamus jam Confessarium esse contrariæ opinionis, tam in directa, quàm in reflexa consideratione. Certe auctoritas Confessarii ea non est, ut pœnitens, qui illum falli arbitrat, rationabiliter reputare possit illum in contradictione tantæ auctoritatis plerumque non errare. E contra auctoritas, quam sequitur, tanta est, ut meritò præsumi possit plerumque non errare, etiam quando Confessarius iste est in contrariâ opinione. Jam Confessarius, etiam stante sua opinione, nosse potest, imò ignorare non potest, pœnitentem sic procedentem sequi regulam plerumque non errantem. Ergo potest & debet supponere, eum vel non errare, vel invincibiliter errare, si erret. Ergo potest & debet eum reputare bonè dispositum, & consequenter potest & debet eum absolvere, non obstante sua opinione. Ergo Celladeus & fallitur in hac quæstione, & ex propriis principis falsitatis convincitur.

Idem ex aliis Celladei principis probatur.

7. Probat, sextò ad hominem contra Celladeum. Subditus simpliciter loquendo tenetur obedire superiori contra propriam opinionem, quamvis illa certa ipsi videatur, quia plerumque errat subditus, quando opinatur contra suam superiorem. Ergo plerumque, per se, & simpliciter loquendo tenetur conscientiam atque opinionem suam, utpote erroneam, deponere & obedire. Hæc est doctrina Celladei quæst. superiore fusè tradita. Atqui eadem ratio longè clariùs probat, Confessarium debere opinionem suam deponere & pœnitentem absolvere. Debet, inquam, suam opinionem deponere, modò illa vel explicitè & signatè, vel virtualiter & exercitè dicat pœnitentem peccasse, & esse indispositum; nam si hoc non dicat, talis opinio nullatenus obstat, quò minus pœnitens judicetur sufficienter dispositus. Ratio est, quia pœnitens sequendo opinionem probabilem, quam veram reputat, maxime si reflexis etiam argumentis & auctoritatibus innitatur, sequitur auctoritatem plerumque non errantem. Ergo auctoritas Confessarii, ac cujusvis privati Doctoris, quatenus tali auctoritati contradicit, per Celladeum plerumque fallitur. Ergo talis opinio privata plerumque est erronea. Ergo si constituat conscientiam, ut vult Celladeus, constituit conscientiam plerumque erroneam. Ergo de illa discurrendum est, sicut de conscientia erronea, ut Celladeus contendit. Ergo plerumque, per se & simpliciter loquendo, deponenda est, non solum quia erronea est, sed quia est etiam injuriola proximo quem injustè condemnat, & pœnitens absolvendus. Ecce Celladeus iterum inconsequenter loquitur, quia ponit assertionem, cujus falsitas ex propriis illius principis immediate ante stabilitis efficaciter evincitur.

Celladei inconsequentia.

Argumentum optimè à Celladeo sibi obiectum.

8. Demùm ex hisce principis sic formo argumentum. Confessarius tenetur absolvere pœnitentem ritè dispositum, quique præsumi potest & debet ritè dispositus: sed pœnitens in casu quæstionis & est & præsumi potest ritè dispositus. Ergo Confessarius tenetur eum absolvere. Major ex se patet, quia Confessarius sine injuria tali pœnitenti absolutionem negare non potest. Minor apertè constat ex dictis. Huic argumento à se proposito Celladeus minorem non negat, unde videtur supponere pœnitentem esse ritè dispo-

situm; nec contrariam Confessarii opinionem huic rectè dispositioni obstare, alioquin negasset minorem, aut eam distinxisset, cum nil magis ejus intento conducere potuisset, quàm ostendere minorem esse falsam. Itaque aliud non respondet, quàm hoc modo distinguendo majorem. Confessarius tenetur absolvere pœnitentem ritè dispositum, quem ipse Confessarius credit esse ritè dispositum; concedo majorem; quem non ipse, sed pœnitens credit esse ritè dispositum, nego majorem; quia Confessarius & quilibet suâ conscientia non alienâ regulari debet, sicut & per suam non per alienam judicandus est.

9. Hæc responsio est præter, immò contra statum quæstionis præsentis, quia non quæritur, an Confessarius absolvere possit pœnitentem in sensu composito opinionis, seu potius conscientia suæ dictantis id esse illicitum; seu, quod in idem recidit, in sensu composito conscientia dictantis, pœnitentem non esse dispositum; sed solum quæritur, an absolvere possit pœnitentem, quem novit bonâ fide sequi opinionem probabilem, quam ipse Confessarius falsam reputat, quando considerat objectum illud secundum se, nihil enunciando de ea quæstione, an pœnitens excusetur, illam sectando. Ergo Celladeus præter, immò contra statum quæstionis procedit, dum supponit, Confessarium existimare pœnitentem non esse ritè dispositum. Quòd si contendat, iudicium hoc de indispositione pœnitentis necessariò inferri ex iudicio directo de malitia illius objecti secundum se, fallitur, quia clarè constat ex dictis, illud non solum non inferri, sed oppositum & posse præsumi, ac legitimè inferri, non obstante tali iudicio.

Sed ab eo non solvitur.

SOLVUNTUR OBJECTIONES CELLADEI.

10. **O**BJECTIONES primò. Nemini licet agere contra propriam opinionem, nisi adfit peculiaris ratio variandi hic & nunc iudicium particulare. Ergo neque Confessario. Nec recurras ad rationes reflexas, quia illæ jam rejectæ sunt. Ita Celladeus § 2.

Respondet primò, me in tract. de Conf. prob. quæst. 30. atque etiam hic quæstione superiore ostendisse, quousque cuique liceat agere contra propriam opinionem; pluribus etiam locis ostendi, doctrinas reflexas esse verissimas, atque Celladeum in iis confutandis frustra laborasse. Itaque ex istis capitibus præsens assertio non refutatur, sed stabilitur. Præterea in præsentis casu evidentiùs adest peculiaris ratio variandi hic & nunc particulare iudicium Confessarii circa pœnitentem, atque enunciandi aliter de illo, quàm in universali enunciat de objecto secundum se considerato. Rationes istæ particulares sunt. Prima: pœnitens bonâ fide sequitur opinionem probabilem, quam veram reputat. Secunda: pœnitens tam bonè dispositus est ad absolutionem recipiendam, quàm esset, si Confessarius eandem cum pœnitente opinionem sectaretur. Tunc esset sufficienter dispositus. Ergo & nunc. Tertia: opinio Confessarii nullo modo dirigit pœnitentem, nullaque ratione influit in moralitatem operationum ipsius. Ergo pœnitens non debet judicari secundum apparentiam & assertionem talis opinionis, sed per alia principia. Quarta: pœnitens, ob diligentiam adhibitam, rationesque

Confessarius debet variare suum iudiciū, quando pœnitens sequitur opinionem contrariam.

atque auctoritates quibus nititur, præsumendus est, vel non errare, vel certe errare invincibiliter, si erret. Et hæc quidem sunt rationes peculiare, ob quas dictum Confessarii iudicium alterari debet, quamvis res ipsa, de qua Confessarius & pœnitens dissentiant, directe tantum consideretur. Quod si reflexè etiam consideretur, & pœnitens tam rationibus quam auctoritatibus benignæ sententiæ moveatur, evidentius adsunt peculiare circumstantiæ, in ordine ad quas pœnitens enunciat rem esse licitam, in ordine ad quas opinio Confessarii nullo modo se extendit, ut dictum est. Præterea in eodem casu evidens est, pœnitentem sequi regulam seu auctoritatem plerumque non errantem, illique aliam non opponi, quam auctoritatem plerumque errantem; si utraque sumatur pro casibus, in quibus una alteri contradicit; quæ circumstantiæ non solum fundant rationes peculiare aliter iudicandi de pœnitente, quam de objecto secundum se, sed etiam juxta propria Celladei principia, &, quod plus est, juxta veritatem ipsam obligant Confessarium ad suum de insufficienti dispositione pœnitentis iudicium, utpote per se loquendo erroneum pœnitentique injuriosum (si tale iudicium habeat) deponendum, illoque deposito, ad pœnitentem absolvendum.

Obiectio 1. 11. Ob. 2. Quando inter Confessarium & pœnitentem occurrit casus controversus, qui dicitur utrimque probabilis, non est sermo de vera & reali probabilitate, quæ est regula morum, sed de alia, quæ ad conscientiam dirigendam non sufficit. Ponamus eos dissentire in sua opinione de restitutione facienda. In hoc casu Confessarius putat pœnitentem falli, Deumque velle ut restituat. Ergo debet obligare pœnitentem ad restitutionem; quia Confessarius jubetur verum præhabere falso, sententiamque dicere, prout ipse iudicat legem Dei exigere, & non contra quod putat legem Dei postulare. Ita Celladeus §. 2.

Confessarius non debet iudicare, Deum obligare pœnitentem ad id, quod Confessarius verum putat. Respondeo, sermonem semper procedere de vera ac reali probabilitate utrique parti favente; supra enim *quæst. 29.* ostendi, utramque partem contradictionis simul esse posse probabilem, omniaque in contrarium à Celladeo allata perspicue dissolvi. Jam ergo nulla in argumento est difficultas, si Confessarius sectetur opinionem benignam, credatque usum cujusvis opinionis probabilis, saltem probabilioris, esse licitum; quia talis Confessarius existimat, pœnitentem absolute & omnibus inspectis non obligari ad restitutionem, quamvis considerando rem directe, existimet restitutionem esse faciendam. Uno verbo, etsi dissentiat à pœnitente in iudicio directo, quod merè remote & speculative se habet ad conscientiam formandam, tamen cum eo consentit in iudicio ultimo, quo post omnia considerata conscientia formatur. Sed ut detur locus argumento, ponamus Confessarium discrepare à pœnitente in iudicio directo, & nullo modo reflectere ad opinionem benignam, quæ docet usum, cujusque opinionis probabilis esse licitum, sed, solum considerare statum pœnitentis, modumque quo conscientiam formavit ac format; adhuc dico, Confessarium debere absolvere pœnitentem, quia rationes allatæ id evincunt. Nec obstat, quod Confessarius putet pœnitentem falli in suo iudicio, quia non ideo iudicat, Deum absolute velle restitutionem fieri à pœnitente, quia adhuc scit fieri posse, ut pœnitens non erret, & ut erret invincibiliter, si erret; immò videre potest cum

diligentiam adhibuisse, atque auctoritati majori; quam sit illa Confessarii inniti, ideoque non teneri ad se incertæ ipsius opinioni conformandum; unde & potest & debet præsumere pœnitentem non errare; vel certe errare invincibiliter, si erret. Jam autem Confessarius & præsumit & scit Deum non obligare hominem ita dispositum, quamvis fortasse legem tulerit, quæ ex directa ipsius intentione deberet afficere omnes, illosque obligare.

12. Atque hinc est, quod Confessarius nec debeat, nec possit obligare pœnitentem ad restitutionem; scilicet enim opinionem suam incertam esse, & fortasse etiam falsam; ideoque se non posse obligare pœnitentem ad eam pro vera habendam, quando ipse, post diligentiam factam, à peritis & probis æquè doctis aut etiam Confessario doctoribus audivit contrarium, ac eorum auctoritati fides, bona fide processit. Certum enim est, pœnitentem in tali casu non obligari ad Confessario credendum; ideoque certum etiam est, pœnitentem non ideo obligandum ad restitutionem, quia Confessarius sequens suam opinionem pronunciat illum obligari. Ergo Confessarius in tali casu non potest pœnitentem obligare; quia si posset, pœnitens teneretur illius sententiæ stare, obligatio enim activa & passiva sunt correlativæ. Atqui certum videtur, nullam dari talem obligationem passivam in pœnitente. Ergo in tali casu nulla datur potestas in Confessario ad obligandum Pœnitentem, ut restituat.

13. Porro æquivocat Celladeus, dum dicit Confessarium obligari ad præhabendum verum falso, & ad sententiam dicendam prout ipse iudicat, & non contra quod iudicat legem Dei postulare; confundit enim iudicium Confessarii de materiali operatione pœnitentis secundum se, cum iudicio de eadem operatione prout elicitur à pœnitente ex vi opinionis probabilis, distantis illam esse bonam, cui opinioni pœnitens inculpabiliter assensum præbuit. Similiter confundit legem & voluntatem Dei directam cum lege reflexa, quæ se habet per accidens & ex suppositione. Porro Confessarius non debet iudicare pœnitentem juxta opinionem suam incertam de bonitate vel malitia rerum secundum se consideratarum, tum quia pœnitens non tenetur illi fidem dare, tum quia ob ipsam incertitudinem propriæ opinionis, & notoriam probabilitatem oppositæ, talis opinio nec potest nec debet in casu Confessionis Sacramentalis sumi tanquam regula directiva pœnitentis, quia potest habere, & sapè habet longè potiorem rationem & auctoritatem pro formanda sua conscientia, quam sit illa Confessarii. Itaque debet ferre sententiam secundum illud, quod iudicat Deum & legem Dei hic & nunc exigere à pœnitente circa hanc actionem, stante dispositione mentis & cordis, quam pœnitens inculpabiliter habet. At si ferat sententiam secundum hoc iudicium; iudicabit pœnitentem non peccare, sed esse benè dispositum, quamvis existimet, directam pœnitentis opinionem esse falsam.

14. Et quidem hæc vera sunt, etsi tantum loquamur de probabili iudicio, quo pœnitens directe enunciat talem operationem esse honestam, & absolute contradicit opinioni Confessarii. Quod si pœnitens præter opinionem directam utatur etiam opinione reflexa, atque sectetur opinionem benignam, magis perspicuum est, quod Confessarius possit ac debeat aliter enunciare de operatione pœnitentis, quam de operatione illa secun-

Confessarius in casu pœnitentis non potest obligare pœnitentem ad sequendam suam opinionem;

Æquivocatio Celladei.

Alia solutio obiectiois.

secundum se. Ratio cur possit est, quia poenitens considerat actionem illam in ordine ad circumstantias, quae directae Confessarii opinioni non obijciuntur. Ergo aliter potest enunciare de illa operatione in istis circumstantiis, quam de illa secundum se. Jam autem ex eo quod possit hoc modo judicare tenetur id ipsum praestare, alioquin temere condemnaret poenitentem, illumque absque fundamento delusum & afflictum demitteret.

Obiectio 3. 15. Ob. 3. Si Confessarius posset ac deberet contra suam opinionem absolvere poenitentem, nil esset infirmius ad obligandum, & nil potentius ad deobligandum, quam opinio probabilis. Nil potentius ad deobligandum, quia actus ab opinione probabili regulatus juxta Auctores benignae sententiae est tam infallibiliter non peccaminosus sed bonus, quam si regularetur a revelatione divina. E contra nil per eos est tam infirmum ad obligandum, quia Confessarius & alii operari debent contra suas opiniones probabiles, nec eas pluris facere, quam si non haberentur. Profecto nulla in hoc dicendi modo reperitur aequitas. Nisi aequum dixeris, quod opinio probabilis Confessarii nullius momenti sit ad obligandum, quia est incerta & formidolosa; e contra vero probabilis opinio poenitentis, quamvis incerta & formidolosa, sit infallibilis morum regula, illumque infallibiliter deobliget. Ita Celladeus §. 2.

Omnia opinio probabilis directiva operis parum vim habet ad obligandum & deobligandum. Respondeo, omnem opinionem probabilem de honestate & inhonestate sui objecti vim habere non quidem eandem, sed aliquo modo parem vel similem. Non eandem, quia una obligat, alia deobligat, ut ipsemet Celladeus fateri debet. Nam juxta illum, si habeam opinionem probabilem quod hodie non sit jejunandum, liberor ab obligatione jejunandi; si autem cras habeam opinionem probabilem, quod sit jejunandum, teneor jejunare. Ecce non eadem est vis omnium opinionum probabilium, tamen omnium vis quodammodo par est & similis, sicut enim una obligat, sic alia vel obligat, vel deobligat. Nec hoc solum verum est de opinionibus probabilibus circa objecta diversa, sed etiam de opinionibus prorsus contradictoriis de eodem objecto, modo practice se habeant ad opus, & constituent conscientiam, tales enim opiniones parem omnino vim habent, quia sicut ille liberatur ab onere restituendi v. g. qui probabiliter putat se non teneri ad restituendum, sic ille obligatur ad restituendum; neque enim licitum est operari contra propriam opinionem, quando illa absolute enunciat de inhonestate rei, & est dictamen, quo conscientia dirigitur, ut late ostendi *quest. 30. de Consc. prob.* Itaque nulla est diversitas inter onus & levamen opinionum probabilium, quando illae practice dirigunt opus, & conscientiam constituent. Quae cum perspicua sint, mirandum prorsus est, Celladeum ad ea non advertisse, sed ex subjecto non supponente argumentum formasse.

In quo sensu opinio gravans nullam vim habet ad obligandum. Illud, in quo aequivocationem passus videtur, est, quod non distinxerit inter opinionem seu judicium precise practicum, quo conscientia proximè formatur, & opinionem quodammodo speculativam, qua scilicet nec conscientia constituitur, nec operatio hic & nunc dirigitur. Si loquamur de priori opinione, argumentum procedit de subjecto non supponente, ut ostensum est; si de posteriori sit sermo, verum est, sed non

mirandum, quod opinio probabilis docens aliquid esse illicitum nullam vim habeat contra aliam probabilem ad gravandum, quodque omnis opinio probabilis de honestate operis vim habeat ad excusandum. Inprimis nulla talis opinio habet vim gravandi conscientiam, quia nulla talis constituit conscientiam, sed vel solum existit objective in intellectu & consideratur reflexe; vel certe si existat exercite, solum enunciat de honestate operationis secundum se consideratae, non autem de honestate operationis prout hic & nunc est exercenda, ideoque nullam habet vim immediate & directe obligandi. E contrario omnis opinio probabilis de honestate operis habet vim deobligandi, non solum quando exercite existit in seipsa, & enunciat operationem hic & nunc ponendam esse bonam, atque conscientiam constituit; sed etiam quando reflexe consideratur, dum quaeritur ad quid teneamur in calu incertitudinis & probabilitatis faventis utrique parti contradictionis. Omnis enim opinio probabilis excusans praebet argumenta longe potiora ad dicendum, quod omnibus consideratis hic & nunc nulla detur obligatio onerans, quam ulla opinio probabilis gravans praebet ad inferendum, quod ulla obligatione hic & nunc absolute premamur ad abstinendum ab opere, ut fuse ostensum est, tum in hoc, tum in *tract. de Consc. prob. quest. 22. & 23.*

16. Ceterum Celladeus ipse hoc qualicumque argumento premitur, nam ille contendit nullam opinionem probabilem, juxta communem ejus acceptionem, excusare. Unde sic arguo: nil potentius est ad obligandum, quam opinio probabiliter dicens aliquid esse illicitum; nil infirmius ad deobligandum, quam opinio probabilis affirmans aliquid esse licitum. Illa enim inevitabiliter neminem liberat. Ecce Celladeus ipse tenetur argumentum suum solvere, & ostendere, cur opinio probabilis, dictans aliquid esse licitum, sit prorsus impotens ad deobligandum, quamvis opinio probabilis contradictorie opposita efficacissime & inevitabiliter obliget. Jam si citra aequitatis laesionem admitti potest, nullam opinionem probabilem excusare, eodem jure admitti potest nullam opinionem probabilem enunciantem, quod res secundum se considerata sit mala, habere vim obligandi, modo ex adverso detur opinio probabilis, quae alteri expresse contradicat.

17. Est & alia Celladei aequivocatio in hoc argumento; absurdum enim reputat, quod opinio Confessarii nil valeat ad obligandum, cum contraria poenitentis opinio illum infallibiliter deobliget. Sed esto; absurdum sit, opinionem Confessarii non aequè obligare Confessarium, ac opinionem poenitentis illum deobligare, quia uterque opinione illa in sua operatione dirigitur. Verum non quaeritur in praesenti, quid obligationis opinio Confessarii ipsi Confessario afferat, in ordine ad regulandam propriam ipsius conscientiam; sed quid obligationis afferat Confessario, in ordine ad judicandum de conscientia poenitentis, & ad necessariam illius directionem. Jam ad hunc finem nil conducit probabilis ac incerta Confessarii opinio, sed perinde se habet ac si non existeret. Nec mirum, quia poenitens nec directus fuit, nec dirigendus est in operando per opinionem aut conscientiam Confessarii, sed per suam. Ergo si ille probabiliter & invincibiliter judicet rem esse licitam, utique evadit illi licita, quidquid judicaverit Confessarius, qui proinde, ut judicet ac dirigat poenitentem, non debet respicere

Argumentum retorqueatur.

Alia Celladei aequivocatio.

Opinio Confessarii non obligat poenitentem, qui sequitur opinionem contrariam.

spicere ad suam opinionem fallibilem prorsus ac incertam, quando pœnitens fundatur in auctoritate ac ratione æquivalente, & apud illum potius pro opinione contraria; sed eodem modo debet judicare de pœnitente, eodemque modo potest illum absolvere, ac si ipse eandem cum pœnitente secutus esset opinionem: sed hinc.

Obiectio 4. 18. Ob. 4. Quando in casu quæstionis Confessarius & pœnitens discrepant circa restitutionem faciendam, pœnitens se habet instar subditi, rei, & peccatoris; Confessarius verò se habet instar superioris, & Judicis, qui Christi locum tenet. At æquum est, subditum, reum, & peccatorem veniam flagitantem consentire superiori, ac Judici, qui Christi locum tenet, non è contra. Ita Celladeus ibidem.

Processus fori interni ex sola pœnitentis informatione & dispositione facitur. Respondeo, Confessarium esse quidem judicem, vindicem, & medicum pœnitentis, atque ad illum etiam comparari instar superioris Christi locum tenentis; assero tamen, Confessarium in judicio fori interni faciendo ac terminando debere se accommodare opinioni pœnitentis. Ratio est, quia quamvis Confessarius in hoc judicio sit superior, Judex, Medicus, ac Minister Christi, na tamen hæc munera ipsi attributa sunt, ut processus & judicium totum alia informatione niti nec possit nec debeat, quàm solius pœnitentis conscientia ac testimonio. Similiter remedium, non nisi juxta indigentiam & ægritudinem à pœnitente judicatum, præscribi debet. Itaque Confessarius in judicando respicere debet ad conscientiam pœnitentis, & ad modum, quo illa formata est. Ergò si invenit pœnitentem bonæ fide procedere, atque conscientiam suam in opinione probabili, atque in ratione & auctoritate plerumque non errante deposuisse, non potest illum condemnare, nec illum obligare ad sequendam propriam opinionem Confessarii, quam pœnitens irreprehensibiliter & invincibiliter cum communi omnium ferme Doctorum sententia fallam reputat; sed pronunciare debet, illum hinc & nunc nec peccasse, nec peccaturum esse non restituendo, quidquid demum ipse privata sua opinione censet de operatione illa secundum se considerata. Et tanè eodem modo judicare debet de pœnitente, ac si eandem cum ipso opinionem sequeretur, ut ostensum est; quia pœnitens nec magis nec minus rectè operatur, cò quòd Confessarius privata sua opinione, putet illum exercuisse actionem secundum se bonam vel malam. Itaque in hoc judicio Confessarius non aliter absolvit ac judicat pœnitentem, quàm sicut coram Deo intelligit & putat pœnitentem debere absolvi; quia intelligit ac putat Deum velle ut pœnitentem judicet non ex sua peculiari opinione fallibili, sed ex conscientia ac testimonio pœnitentis. Quod si in hæc respiciat, non potest citra temeritatem & injustitiam judicare, pœnitentem esse in malo statu, & absolvi non posse. Præterea Confessarius debet aliter judicare de pœnitente, quàm opinio ipsius dicat, quia pœnitens, maxime si sequatur benignam sententiam, operatur in ordine ad circumstantias, quas propria ac directa Confessarii opinio non considerat, ut etiam supra ostensum est.

Obiectio 5. 19. Ob. 5. Mentiretur, qui diceret Petrum egressum foras, si crederet illum domi manere. Nec salvari posset à mendacio per reflexas illas. Ergò Confessarius mentitur, qui contra suam opinionem pronunciat pœnitentem non teneri restituere, sed esse bonè dispositum; illumque absolvit. Ita Celladeus ibidem.

Respondeo, neminem per ullam reflexam persuasionem salvari posse à mendacio materialiter sumpto, si enunciet oppositum ejus, quod absolute judicat esse verum, quia in ordine ad hoc impedimentum nullæ reflexæ juvant. At in ordine ad mendacium impediendum, prout est formaliter peccaminosum, reflexæ non solum juvant, sed illud prorsus amoliri possunt; quia ipso Celladeo faciente, si quis invincibiliter crederet mendacium non esse malum sed bonum, utique non peccaret mentiendo. Ergò reflexæ juvare possunt ad impediendum peccatum, quidquid sit, an tollant, vel non tollant rationem mendacii, aut alterius peccati materialiter sumpti. At aliud non contendimus præstari per considerationes reflexas, quàm ut, stante malo materialiter sumpto, nulla sit imputabilitas, aut ratio malitiæ moralis in actione. Cæterum admissio antecedente, quis formaliter mentitur, qui contra propriam opinionem loquitur, consequentia etiam concedi potest, si termini sumantur ut jacent, nam si Confessarius absolute crederet pœnitentem, non obstante bona fide & opinione contraria ipsius, hinc & nunc obligatum esse ad restituendum, ac proinde nolendo restituere esse malè dispositum, utique mentiretur dicendo oppositum, quia loqueretur contra id quod sentit, & peccaret illum absolvendo; verum quæstio non procedit in hoc sensu, sed solum an pœnitens absolvi possit, & verè dici hinc & nunc non obligatus ad restituendum, non obstante opinione Confessarii, quæ considerando rem secundum se, dicit illam esse illicitam. Probatum est autem efficaciter, quòd possit absolvi & credi non obligatus ad restituendum, directa illa ac universali Confessarii opinione non obstante, quia judicium de peccato vel non peccato pœnitentis respicit circumstantias longè diversas ab illis, quas opinio illa Confessarii respicit, ac proinde aliter enunciare debet de actione pœnitentis in illis circumstantiis, quàm enunciat de operatione illa secundum se. Ergò non mentitur, dum dicit pœnitentem non teneri ad restitutionem, sed esse rectè dispositum ac absolvi debere, quia hoc ipsum judicat. Uno verbo, Celladeus per totam quæstionem eadem æquivocatione decipitur, quia confundit judicium Confessarii de re secundum se considerata, cum judicio ejusdem de eadem re in sensu composito opinionis contrariæ, cui pœnitens inculpabiliter assensum præbet, quod in sequentibus argumentis etiam observandum erit.

20. Ob. 6. Judex fori externi, tam in criminalibus quàm in civilibus, non potest judicare secundum probabilem sententiam rei vel partis, contra propriam opinionem. Ergò neque Confessarius, utpote judex fori interni, absolvere potest pœnitentem contra propriam opinionem. Tenet consequentia, quia militat ratio utrobique eadem; Judicis est judicare, rei judicari, & non è contra. Ergò judicis est propriam sententiam sequi, & secundum eam judicare, non autem contra propriam opinionem opinioni personæ judicandæ se accommodare; alioquin debitus rerum & officiorum ordo inverteretur. Reus enim esset suimet judex, & judex evaderet rei minister. Ergò in quæstione de restitutione facienda pœnitens Confessarii judicio stare debet, non autem Confessarius se pœnitentis judicio conformare. Debet quidem Confessarius stare judicio pœnitentis circa factum & non factum, quia solus pœnitens est testis contra se, & ideo solus tam pro se quàm contra se auditur. At in quæstionibus aliis,

Cōf. Sarras non mentitur, quando citra suam opinionem, dicit pœnitentem aca obligari.

Obiectio 6.

Cōf. Sarras stare debet judicio pœnitentis circa factum, non circa jus.

aliis, quæ non sunt facti (quales sunt, an hoc sit mortale, vel veniale? an huius vel illius speciei? &c.) non est pœnitentis, sed Confessarii iudicare, alioquin nulla harum rerum scientia requireretur in Confessario, sicut nulla ei necessaria est scientia, quid quisque fecerit; sed sicut notitiam de facto accipit à pœnitente, sic etiam de aliis ab eodem notitiam accipere deberet, quia Confessarius juxta illius opinionem deberet iudicare, atque ita nil formæ judicariæ servaretur in administratione Sacramenti Pœnitentiæ; quia pœnitens non iudicio Confessarii, sed potius suo absolveretur. At de fide certum est ex Trid. sess. 14. cap. 6. quod *absolutio sacerdotum sit instar actus judicialis, quo ab ipso, velut à iudice, sententia pronuntiatur.*

Confirmatio prima ab absurdo in casibus ad tertiam personam spectantibus.

21. Confirmatur objectio in casibus ad tertiam personam spectantibus. Nonne absurdum esset, si iudex, in causa debiti vel furti vel illarum injuriarum, contra propriam opinionem debitorem vel furem vel offensorem absolveret? Immo absurdum augeretur, si iudicium fieret, audito solo debitore, & altera parte non audita. Ergo Confessarius in ejusmodi casibus debet esse medius inter utrumque prætendentem; quia in quo unum minus favet, alteri injuriam præjudicat. Ergo tenetur eos non absolvere contra propriam opinionem, sed debet partem absentem fulcire ac defendere, & sic tandem rectum iudicium facere, sequendo quod in Domino justum videtur, sicut faciunt iudices qui rectè judicant. Et sanè nil plus juris competit Confessario in ordine ad disponendum de bonis aliorum, quam iudici; quia nec Sacramentum Pœnitentiæ ad hoc erectum est, nec fusus Sanguis Christi. Ergo circa hæc nil plus potest Confessarius quam iudex fori externi.

Confirmatio 2. ab alio absurdo.

22. Confirmatur secundò. Si Confessarius deberet sequi opinionem probabilem pœnitentis contra propriam, poterit similiter & debet potestas Ecclesiastica, id est sancta & pia mater Ecclesia, contra suam opinionem stare opinioni probabili filiorum suorum, scilicet Principum secularium & Ministrorum, qui sine Doctorum ac peritorum consilio nec bella movent, nec delinquentes ex loco sacro extrahunt, nec ea agunt, quæ Ecclesia solè improbare. Ergo Ecclesia contra suam opinionem stare debet opinioni filiorum subditorum; eadem enim ratio eundem locum habet in hoc iudicio & in iudicio sacramentali. At si hoc semel dicatur, statim omnes controversiæ cessabunt, & vix ullus erit locus excommunicationi, aut pœnis Ecclesiasticis.

Confirmatio 3. ex periculo audiendi confessiones principum.

23. Confirmatur tertio. Si liceret Confessario contra propriam opinionem pœnitentem absolvere, munus Confessarii regum ac principum non esset adeo periculosum, quia regibus non desunt consilia Senatorum, ac placita Theologorum sive pro bello inferendo, sive pro gabellis imponendis &c. Ergo Confessarius tutus esset eos absolvendo, etiam contra propriam sententiam. At omnium sensus est, tale munus esse periculi plenissimum. Ergo illis non licet absolvere ne quidem reges contra propriam suam opinionem. Ita Celladeus §. 3.

Æquivocatio Celladi.

24. Respondeo, eandem hic etiam intervenire æquivocationem, quæ in superioribus observata fuit; nempe confusionem iudicii, quod Confessarius habet de re secundum se, cum iudicio ejusdem de eadem re in sensu composito opinionis contrariæ, cui pœnitens inculpabiliter assensum præbet. Hoc prænotato, ad singula respondeo.

In primis, omisso antecedente, (quod non est verum nisi de iudice in rebus civilibus, nam in criminalibus, si constiterit reum sequi opinionem probabilem, iudex non potest eum condemnare, quamvis ipse contrariam sententiam sectetur, quia in criminalibus requiritur probatio plena, aut certe semiplena, quæ in vehementi præsumptione consistit, quæ nemo habet, quamdiu videt oppositam præsumptionem esse probabilem, validisque rationibus munitam) negatur consequentia, si sermo sit de opinione circa malitiam rei secundum se, de qua tantum hic loquimur; sed conceditur consequentia, si sermo sit de opinione circa dispositionem pœnitentis, quam Confessarius habet de illa re in sensu composito opinionis contrariæ, cui pœnitens inculpabiliter assentitur; quia Confessarius indubiè peccaret, si contra talis opinionem vel iudicium pœnitentem absolveret, quia absolveret quem putaret non esse absolvendum. Disparitas est, quod iudex fori externi iudicare debeat de re secundum se; non enim quaerit utrum pars, quam condemnat, peccaverit nec ne retinendo rem verè alienam? hoc enim impertinens est ad ejus iudicium; sed solum quaerit, an res illa verè pertineat ad alium nec ne? officiumque illius ad hoc institutum est, ut illi rem adjudicet, ad quem, omnibus consideratis, illam spectare iudicaverit. Ad hoc autem non regulatur ab opinione aut bona fide partis, aut ab ulla cognitione reflexa, sed solum a iudicio de re secundum se spectata, ut patet. At Confessarii munus non est iudicare causam pœnitentis ex opinione quam habet de re secundum se considerata, maxime quando res est incerta, & probabiles atque oppositæ de illius qualitate hinc inde existunt opiniones; munus enim illius exigit, ut discernat, an & qualiter pœnitens peccaverit, an peccaturus sit si in sua fide permaneat, & in posterum eadem vel similia agere statuat. At ad hæc discernenda, respiciendum est ad dispositionem pœnitentis; si enim ille bonâ fide processit, atque secutus sit opinionem probabilem, cui inculpabiliter assensum præbuit & præbet, certum est, quod nec peccaverit, nec peccaturus sit retinendo rem, quam possidet. Ergo Confessarius, seu iudex fori interni debet eum absolvere.

Primus error iudicis fori externi & Confessarii.

Disparitas inter iudicem fori externi & Confessarium.

25. Nec dicas, Confessarium debere pœnitentem admonere erroris, (existimat enim illum errare) & pœnitentem obligari ad obediendum Confessario, quando ab illo erroris admonetur. Hoc enim verum non est, nisi quando res vel est certa, vel ita probabilis ex una parte, ut altera non sit probabilis; nam si utrimque detur probabilitas, & pœnitens sequatur opinionem probabilem, nullo jure tenetur stare opinioni Confessarii, qui plerumque est vir minoris doctrinæ ac auctoritatis, quam sint Doctores, quorum sententiam pœnitens sectatur. Præterea, sæpè contingit pœnitentem à pluribus gravissimis ac doctissimis Confessariis audisse, quod opinio, quam sequitur, sit non solum vera, sed iusta; absurdum autem est dicere, quod eorum auctoritatem deferere teneatur, quia Confessarius, quem nunc accedit, sequitur contrariam opinionem. Præterea, pœnitens sæpè habet rationes & auctoritates longè majores, quam Confessarius, facillimèque solvit omnia illius argumenta. Immo habere potest demonstrationem, cujus intelligendæ Confessarius sit incapax. Quid autem? anne in istis etiam casibus tenetur pœnitens Confessarii opinioni se accommodare? quid absurdius dici potest? stat ergo pœnitentem non obligari ad

Confessarius non potest pœnitentem erroris arguere, sed quod sectetur opinionem suam certam.

ad sectandam opinionem Confessarii. Ergo Confessarius nec potest nec debet exigere a pœnitente, ut eam sequatur. Hortari aliquando potest, cogere in casu nostro non potest, si pœnitens adhuc bonâ fide ita in priori sua opinione persistat, ut præsumi non possit culpabiliter illi inhærere. Ergo Confessarius debet eum absolvere, quia benè dispositus est ad absolutionem recipiendam.

Judex utriusque fori tenetur, qui propriam opinionem.

26. Cæterum in hoc casu judex fori interni, non minus quàm judex fori externi sequitur propriam opinionem; illam nempe, per quam regulari debet in suo judicio ferendo. Sed hoc interest inter illas opiniones, quod opinio, per quam judex fori externi dirigitur, colligi debeat ex consideratione rei secundum se spectatæ; opinio autem Confessarii pro foro interno colligi debeat ex consideratione rei, prout illa à pœnitente accipitur & intelligitur; ex hac enim sola consideratione sciri potest, an pœnitens peccaverit, vel peccaturus sit, aut modum operandi mutare teneatur. Quare si Confessarius ex hac consideratione perceperit, pœnitentem nec peccasse nec peccaturum esse, nec obligari ad suam sententiam mutandam, debet illum absolvere, quia benè dispositus est ad absolutionem. Cæterum falsum est; si præse loquamur, quod in hoc casu Confessarius se accomodet opinioni pœnitentis; ad hoc enim deberet priorem suam opinionem directam mutare, quod necessarium non est; nam sic discurret: quamvis ego probabiliter existimem rem hanc esse restituendam, tamen opinio mea incerta est, & pœnitens eam reputat falsam, atque bonâ fide, probabiliter ac inculpabiliter credit rem non esse restituendam, nec peccat huic sententiæ inhærendo, cum non teneatur meam opinionem sequi. Igitur nec peccavit, nec peccaturus est non restituendo. Ergo dispositus est ad absolutionem recipiendam. Ergo absolvendus est. Si Celladeus hæc judicia distinxisset, atque ad modum diversum, quo diversi isti judices procedunt, respexisset, à communi sententia, nil fallor, non recessisset. Sed pergamus.

Factum pœnitentis, ex quo Confessarius judicat, est multiplex.

27. Accipit quidem Confessarius notitiam facti à pœnitente, sed hæc notitia non solum extendit se ad notitiam rei gestæ, v. g. quod non restituit, sed etiam ad modum & causam non restituendi; factum enim est, quod pœnitens bonâ fide processerit; factum est, quod diligentiam adhibuerit; quod à probis & peritis consilium petiverit; quod rationibus efficacissimis convictus eam opinionem sequutus sit & sequatur; & per consequens factum etiam dici potest, quod vel non erret, vel erret invincibiliter, si erret. Jam ex hoc facto Confessarius totum suum judicium formare debet, quando res aded ambigua est, ut pœnitens non teneatur opinioni Confessarii se submittere, sed propriæ inculpabiliter adhæreat. His omnibus stare debet Confessarius tanquam factis, atque iis etiam quæ necessariò cum illis connexa sunt, qualia sunt, an pœnitens ullo modo, etiam mortaliter peccaverit, an peccaturus sit propriam opinionem sectando, etsi in reliquis, quæ ab his non dependent, & necessariam cum illis connexionem non habent, non debet stare opinioni pœnitentis, aut suum judicium dependenter ab illa formare. Sed & quando in prioribus conformatur se opinioni pœnitentis, solum conformatur se illi ut cuidam factotaliter se habenti, non autem opus est ut se conformet illi ut veræ, seu ut eam veram reputet; quia sive sit vera,

sive per accidens præter intentionem & culpam pœnitentis sit falsa, eodem prorsus modo debet suum judicium formare, ut patet.

28. Nequè hinc sequitur, quod pœnitens sit suimet judex, & Confessarius ejus minister, sed è contrario sequitur, quod pœnitens ministret Confessario tanquam testis tam pro se quàm contra se, cujus testimonio nixus Confessarius format judicium de dispositione ipsius pœnitentis, & juxta illud ad eum ligandum vel absolvendum procedit. Per accidens autem est, quod Confessarius eodem modo judicet de dispositione pœnitentis sicut ipse pœnitens judicat; per accidens, inquam, quia hoc solum evenit, quando pœnitens legaliter & inculpabiliter procedit; nam si pœnitens sequeretur opinionem improbabilem aut certò falsam, per se loquendo Confessarius deberet illum erroris admonere, & emendationem exigere, nec sine proposito emendationis illum absolvere.

Pœnitens non est judex sui, sed merus minister Confessarii.

29. Eodem modo non sequitur, scientiam non fore necessariam Confessario, si debeat sequi opinionem pœnitentis. In primis scientia illi necessaria est, ut se tali muneri exponat, atque ut dirigere possit pœnitentes rerum ac jurium ignaros. Cæterum scientia prævia de juribus non esset illi magis necessaria, quàm scientia facti, si sciret se à pœnitente tam certò habiturum scientiam juris quàm facti; sed quia hoc difficile est, & vix sperari potest, ideo scientia juris prærequiritur, cum scientia facti non prærequiratur ad exponendum se, quamvis utraque scientia absolute requiratur ad formandum judicium Sacramentale. Cæterum sæpè contingit, Confessarium stare judicio ac sententiæ pœnitentis, & ab illo illiusque auctoritate omnem suam opinionem formare. Hoc evenit quoties Confessarius fuit discipulus pœnitentis, & ab eo persuasus eandem cum ipso sententiam sequitur. Secundo id frequentius evenit, quando pœnitens est vir valde peritus & probus, qui Confessario dubitanti dicit, eum tutò posse tali modo procedere; idque maximè locum habet, quando agitur de re valde difficili, de qua Confessarius exiguam notitiam habet; tunc enim stare potest judicio pœnitentis, si ille sit peritus & probus; & Celladeus id ipsum fatetur. Peto ergo, an Confessarius in his casibus sit & dici debeat minister pœnitentis? an è contrario pœnitens dici debeat & sit minister Confessarii, illiq; serviat tanquàm inferior superiori, ut illum debite informet, & proximè capacem reddat, ut de rebus pœnitentis illiusque obligationibus judicet, & tandem judicium Sacramentale perficiat? si dicat primum, tenetur proprium argumentum solvere; si secundum, cogitur fateri argumentum nullius momenti, atque frustra allatò esse textum illum ex Tridentino, cum optimè salvetur ratio judicii, etiam quando Confessarius non minus accipit notitiam juris quàm facti à pœnitente. Et sanè haud dubiè ita est, quia sicut pœnitens minister est Confessarii narrando factum, neque comparatur ad Confessarium ut superior, sed solum ut inferior, licet Confessarius ab eo totam facti notitiam accipiat; ita pariter comparatur ut minister & inferior, etiam quando suggerit rationes vel auctoritates, quibus Confessarius movetur ad judicium formandum ac terminandum. Summum enim se haberet pœnitens ad Confessarium, sicut se habet causidicus ad judicem, à quo judex rationes & auctoritates priùs ignotas audit, quibus movetur ad judicandum in favorem illius causidici. At causidicus, in illo etiam casu, comparatur

Scientia necessaria Confessario.

Confessarius sæpè format suum judicium dependenter à judicio & auctoritate pœnitentis.

Celladeus vel sibi contradicit, vel proprium argumentum solvere tenetur.

ad

ad Judicem tanquam Minister & inferior. Ergo & poenitens eodem modo, etiam in casu expresso, comparatur Confessario tanquam minister & inferior. Ergo à fortiori eodem modo comparatur in casu nostro, quando Confessarius nullam doctrinam aut opinionem, sed merum factum accipit à poenitente, & eo habito, ex propria scientia ac noticia finali discurrit, & juxta eam poenitentem judicat.

Monetum Inversio sequeretur, si Confessario non liceret absolvere poenitentem contra propriam opinionem.

30. Nulla ergo officiorum ac munerum inversio sequitur ex eo, quod Confessarius probabiliter poenitentis opinioni contra propriam sententiam se accommodare teneatur; sed ex opposito talis confusio sequeretur, si poenitens deberet sequi opinionem Confessarii. Tunc enim judicium Confessarii terminaret lites ac praetensiones partium, & consequenter Confessarius judicis civilis munus & obiret & impleret; quo nil absurdius dici potest. Munus enim Confessarii non est lites terminare, atque jus uni parti tribuere, sed solum inspicere, an poenitens peccaverit, & peccaturus sit rem retinendo: si invenerit eum nec peccasse, nec peccaturum esse eam retinendo, debet illum in sua possessione relinquere & absolvere, quidquid sentiat de re secundum se, modò poenitens sequatur opinionem probabilem, nec teneatur eam deferere, ut opinioni Confessarii se accommodet. Ceterum in tali casu rem uni parti judicare, aliumque ad eam illi tradendam obligare, non est munus Confessarii, sed solum judicis civilis. Ecce absurda praetensa non ex nostra, ut contendit Celladeus, sed ex ipsius opinione sequuntur.

Confessarius quid agere debeat in favorem partis, quam poenitens gravat.

31. Ad primam confirmationem, dico illam à Celladeo omitti potuisse, quia per totam questionem antea expressè egerat de casu restitutionis, quae certè ad tertiam personam pertinet. Itaque jam responsum est ad casum tertiae personae; nec difficultas ulla superest, si discrimen inter munus judicii externi & interni, & inter modum procedendi utriusque ante oculos habeatur. Stultum quidem esset, judicem fori externi judicium ferre non audire, vel citatà parte adversà. At aequè absurdum esset, judicem fori interni non debere judicium suum terminare, parte adversà nec audire nec citatà. Debet quidem Confessarius nonnunquam poenitentes, maxime si sint rudes, examinare; tum quia illi saepe evidenter falluntur in suo computu ac judicio, prout ipse experimento didici, illisque ipsis evidenter monstravi; tum quia ob vim passionis excruciantis vix quisquam est competens judex in propria causa, ideoque Confessarius in tali casu fulcire debet jus partis adversae, donec poenitens ostenderit se inculpabiliter processisse &c. Verum hoc non est ad questionem praesentem; querimus enim, quid sit agendum, quando post omnem industriam ventum est ad opiniones probabiles, & poenitens inculpabiliter adhæret illi, quam Confessarius falsam reputat. Cum eò ventum est, Confessarius suadere potest, sed non potest cogere poenitentem ad restituendum, sed debet illum absolvere, nec tenetur ulterius causam partis adversae fulcire, quia hoc ad munus ipsius non pertinet. Nec ideo ullum Confessario competit jus disponendi de rebus alienis; non enim de illis disponit, nec ullum circa illa jus poenitenti tribuit; sed solum relinquit ea in statu, in quo eadem reperit; unde incongruè dictum est à Celladeo. Confessarium non habere plus potestatis circa hæc, quam judicem fori externi, quia Confessarius nullum planè circa illa jus habet, cum judex civilis plu-

rimùm habeat; quia ipsius est litem terminare, atque uni parti jus certum ad illam conferre, adeo ut alteri parti rescilire non liceat, nec partem adversam amplius turbare &c. At nil simile fit per judicium Confessarii, quia per illud pars adversa non impeditur causam suam agere, sed licet potest eam coram judice externo promovere, atque etiam victoriam obtinere. Itaque paritas hæc de judice externo, in qua Celladeus potissimum nititur, est prorsus infirma.

32. Ad secundam confirmationem. Judicium Ecclesiae contra suos filios ad forum externum pertinet, in quo judex sequi debet propriam opinionem, & non accommodare se alienae. Ideo longè dispar est ratio inter illud & judicium internum, ut ostensum est. Stat ergo sua potestas Ecclesiae, Censurarumque vigor nullatenus imminuitur ex eo, quod Confessarius absolvere possit ac debeat poenitentem contra propriam opinionem. Ceterum in hac ipsa objectione plura valde incongrua congeruntur. In primis argumentum supponere videtur, opinionem Principum, in Senatorum ac Theologorum auctoritate fundatam, esse probabilem contra sententiam Ecclesiae. Hoc autem in plerisque falsum est; nam judicium Ecclesiae in rebus ad fidem & mores spectantibus est infallibile, & consequenter nulla auctoritas aut ratio in contrarium esse potest probabilis. Deinde supponit, talem dissensionem frequenter intervenire inter Ecclesiam & Principes temporales ejus filios, ut quamvis probabile sit, jus penes filios esse, tamen pia mater Ecclesia filios suos excommunicatione & aliis poenis gravissimis cogat ad sententiam propriam deferendam, & ad subscribendum sententiae suae, quamvis illa sit solum probabilis. Nisi enim hæc duo supponantur, argumentum procedit de subiecto non supponente, ut patet. At utrumque est falsum; primum quidem in ea universalitate, quam obiectio exprimit, quia in rebus ad fidem & mores spectantibus universalis Ecclesia est infallibilis. Quod si restringatur sermo ad res facti, aut loquamur de Ecclesia particulari, quae non est infallibilis, raro prorsus evenit, ut Ecclesia quidquam à subditis exigat sub poena anathematis, quando constat probabile esse, quod subditi injuriam passuri sint per talem sententiam. Quod si Episcopus aliquis, aut Judex Ecclesiasticus aliter procedat, id in exemplum trahi non debet, quia talis procedendi modus matris Ecclesiae viscera non decet. Et sanè, si praxim observemus, videbimus Ecclesiam in probabilibus suam cuique opinionem relinquere, quamvis justis de causis nonnunquam disputationem de aliqua materia, aut thesium & librorum de ea impressionem prohibeat.

Solvitur à confirmatio.

Celladeus in objectione ne supponit falsa.

Ecclesia non procedit cum filiis suis ut Celladeus intimare videtur.

33. Ad tertium. Periculum in audiendis Principum confessionibus non dependet ab eo, an liceat vel non liceat Confessario eos absolvere contra propriam sententiam. Peto enim à Celladeo, an existimet, Confessarium Principum non exponi magno periculo, quamvis cum ipso opinetur, licitum sibi non esse quemquam contra propriam opinionem absolvere? si existimet eum carere periculo, manifestè errat; quia innumera sunt pericula, quae ab illa opinione non dependent. Et praeter hæc peculiari subiacet periculo operandi contra conscientiam suam, & alienae opinioni se accomodandi, ne Principis aversionem incurrat, qui absolutionem in tali casu sibi negari ægerimè ferret. Quod periculum haud dubiè maximum, & ferè continuum, longè superaret omne pericu-

Periculum audiendi confessiones Principum, unde dependet.

periculum absolvendi Principem contra propriam sententiam, quando ille bonâ fide sequitur opinionem probabilem, quia in hoc secundo casu verè nullum in ipsa re est periculum, cum Confessarius ita se gerere teneatur, ut ostensum est. Certè si aliud non esset onus Confessarii Principum, quàm periculum absolvendi eos contra propriam sententiam, quando illi bonâ fide post maturam deliberationem sequuti sunt & sequuntur opinionem verè probabilem, cui inculpabiliter fidem præbent, munus illud minùs periculi haberet quàm munus audiendi plebeios (quod certè periculis non caret) cum absolutio hominis bonâ fide & inculpabiliter sectantis opinionem probabilem, omni prorsus periculo careat. Si dicat munus illud adhuc fore valdè periculosum, argumentum procedit de subjecto non supponente. Quod si contendat, periculum illius muneris esse minùs in nostra quàm in ipsius sententia, id ego non nego, quia sequens opinionem nostræ contrariam, præter pericula utriusque opinanti communia peculiari, gravissimoque ac continuo periculo subjacet, ut ostensum est. Sed ipsemet tale periculum sibi creat eligendo talem opinionem reflexam in regulam, ut patet.

SOLVUNTUR OBJECTIONES

illius Theologi, quem in proœmio hujus quæstionis citavi.

Utrum Confessarius, ut iudex, suam opinionem sequi teneatur.

34. **O**BJECIT primò. Confessarius minùs doctus contra propriam sententiam licetè absolvere potest pœnitentem, se multò doctiorem, qui magnis rationibus ductus contrariam opinionem tenet. Similiter quando opinio pœnitentis est communis, & opinio Confessarii est singularis, Confessarius licetè potest pœnitentem absolvere, quia in istis casibus prudenter deponere potest propriam sententiam, & pœnitentis opinionem ut propriam sectari. Sic enim merito discurret. Credibilius est falli me, quàm istum virum me longè doctiorem, & multò magis quàm plurimos Doctores sapientissimos, qui oppositum tenent. Ergò propriæ cognitioni fidere non debeo, talium Doctorum auctoritatem contemnendo. At quando Confessarius non est indoctior pœnitente, & quando opinio Confessarii communiter habetur magis aut certè tam probabilis quàm opinio pœnitentis, Confessarius si suæ opinioni adhæreat, & nulla occurrat ratio prudens ad deponendum illud iudicium, non potest absolvere pœnitentem contra propriam opinionem; præsertim quando illa habet pro se plures & graviores Doctores, & communiter censetur probabilior, quàm opinio pœnitentis. Ratio est, quia absolutio, ex Tridentino sess. 14. cap. 6. est ad instar iudicii actualis, quo à Sacerdote velut à iudice sententia pronuntiatur. Et quamvis hoc iudicium non sit institutum ad condemnandum, sed ad absolvendum reum legitime se accusantem de suis peccatis, Sacerdos tamen se gerit ut iudex, & ut superior. Iudex autem non potest proferre sententiam juxta alienam opinionem, quam iudicat falsam, sed juxta suam, quam veram reputat, ut constat in foro liguoso. Ergò Sacerdos nequit proferre sententiam juxta opinionem pœnitentis contra propriam. Ratio est, quia quamvis Confessarius credere debeat pœnitenti in iis, quæ ad ipsum, ut pœnitens est, pertinent, nempe in

quæstione facti, an commiserit talia crimina in talibus circumstantiis, &c. non tamen debet illi credere in iis, quæ ad ipsum, ut pœnitens est, non pertinent, nempe in quæstione juris, scilicet an detur vel non detur obligatio restituendi? an talis actio sit peccatum mortale? sed pœnitens in iis credere debeat Confessario, ad quem harum rerum cognitio spectat. Alioquin harum rerum cognitio illi necessaria non esset, sed posset munus suum obire stando iudicio pœnitentis. Ita Theologus ille, cujus mentionem fecimus *quæst. 2.* ubi in nos recepimus ea hic examinare, quæ contra præsentem assertionem ponit.

Respondet, Theologum istum in hoc ipso limine hujus quæstionis inconsequenter discurre. Si enim Confessarius in duobus illis casibus suum iudicium prudenter deponat, poterit etiam pari prudentiâ in omni casu suum iudicium reflexum deponere, & absolutè credere, licitum sibi esse pœnitentem absolvere, etiam contra propriam opinionem directam; quia ut ipsemet fatetur, communissima opinio affirmat, Confessarium posse ac debere absolvere pœnitentem, qui sequitur opinionem probabilem contra directam opinionem Confessarii. Prudentissimè enim sic discurre potest. Probabilius est pauculos illos recentiores (quos fateatur se sectari) & me cum illis falli, quàm quod innumeri Doctores, tam antiqui quàm recentiores, in hac re falsi fuerint. Ergò propriæ opinioni fidere non debeo, contemnendo tot Doctorum auctoritatem. Ergò Confessarius semper potest prudenter absolvere pœnitentem contra propriam opinionem, etiam in illis casibus, contra quos Theologus excipit, quia communissima opinio docet, Confessarium in illis ipsis casibus posse ac debere pœnitentem absolvere.

35. Quod autem ad rationes attinet, tam istæ quàm sequentes, non solum quoad sensum, sed etiam quoad verba, ex Celladeo sumptæ videntur, quia & sensum & phrasim illius non tam sapienter quàm verbatim continent, nec quidquam novæ difficultatis afferunt. Itaque jam illis responsum est. Nihilominus in gratiam illius Theologi aliquid ad singulas illius objectiones reponam, ut plenius illi satisfiat.

In primis iudex nunquam licetè iudicat contra propriam sententiam, quam format ut iudex, quamque ut iudex sequi tenetur. At sæpè iudicare debet contra propriam sententiam, quam elicit ut peritus. Aliquando enim iudices fori externi jubentur iudicium ferre juxta sententiam Bartoli v. g. & hoc sæpè expedit. In hoc casu, iudex non debet sequi propriam opinionem de jure partium, quia illam non format ut iudex, sed ut peritus; neque tenetur juxta illam iudicare, ut iudex est, sed solum juxta sententiam Bartoli. Itaque opinio, quam iudex in hoc casu format ut iudex, est opinio, non quam format de jure partium, sed quam habet de sententia Bartoli. Similis prorsus est casus noster. Confessarius habet unam opinionem ut est Theologus peritus, eamque veram reputat. Sed illa non est opinio, quam formare, quamque sequi debet ut est iudex, sed hæc opinio est iudicium de dispositione pœnitentis, cujus qualitatem debet considerare, & de illa sententiam ferre, ac juxta hanc suam sententiam iudicium terminare. Itaque videre debet, an pœnitens peccaverit sequendo aliquam opinionem, & an peccaturus sit eam sequendo in posterum. Si non peccaverit nec peccaturus sit eam sequendo, neque convinci possit erroris, ita

Obiectus inconsequenter discurret.

In quo sensu iudex suam sententiam sequi tenetur?

ut teneatur eam deponere, Confessarius debet eum absolvere, quia ut iudex hujus fori ad alia respicere non debet. Porro quia ex principiis hujus Theologi certum est, poenitentem non peccare sequendo opinionem certò probabilem, quam probabiliorē reputat, ex illis sequitur, Confessarium debere judicare illum esse ritè dispositum, ac proinde debere eum absolvere; quia nemini nisi indisposito absolutio deneganda est. Itaque praesens hujus Theologi sententia inconsequens est ad priorem illam & primariam ejus opinionem de licito partis probabilioris usu.

His positis, omnia, quae dicit, sponte corrunt. Inprimis Confessarius non juxta alienam opinionem, quam falsam reputat, sed juxta propriam, quam verissimam habet, quamque format ut iudex, & quam ut iudex sequi debet, judicium terminat, quamvis non procedat juxta suam opinionem, quam ut peritus elicit de re secundum se considerata; quia juxta hanc non debet causam examinare, & judicium instituere. Jam quia hæc opinio Confessarii, ut est iudex, dependet à judicio poenitentis, de cujus qualitate enunciat, ideo dicitur sequi judicium poenitentis, non quasi teneatur idem judicare cum poenitente de rebus ipsis (hoc enim necessarium non est) sed quia reflexè scit, judicium illud poenitentis esse ipsi sufficientem regulam ad licitè operandum in posterum, ideoque non debet illum obligare ad desistendum à tali operatione.

In quo Confessarius credere debet poenitenti?

36. Rursus, quamvis Confessarius in rebus juris non teneatur stare judicio poenitentis, si loquamur de directa opinione juris secundum se, quam homines tamquam periti formare solent, tenetur tamen stare illius judicio tamquam unico objecto, ex quo ipse suam de jure sententiam format. Sic si noverit, judicium poenitentis non excusare illum à peccato, non debet stare judicio poenitentis erroneè opinantis contrarium. Verum si sciat judicium poenitentis poenitentem excusare, sequi debet hanc suam scientiam, per quam videt poenitentem non obligari ad illud suum judicium relinquendum. Hoc modo per accidens Confessarius tenetur se accommodare judicio poenitentis, quia contingit, judicium poenitentis de sua dispositione conformari cum judicio Confessarii de eadem. Itaque quamvis non teneatur credere poenitenti, quod hoc vel illud sit peccatum mortale secundum se, aut materialiter sumptum, debet tamen illi credere, quod bonà fide sequutus sit opinionem certò probabilem, & consequenter debet judicare, quod non peccaverit, quodque peccaturus non sit eam sequendo in posterum. Neque verum est, quod poenitens in rebus hinc inde probabilibus teneatur accommodare se judicio Confessarii, ut vir peritus est, cum id sine fundamento, & contra veritatem efficaciter probatam dicatur; liberum enim illi est sequi illam opinionem, quam absolute veram reputat, quamvis Confessarius, ut vir peritus, sectetur oppositam. Neque hinc sequitur, harum rerum notitiam non esse Confessario necessariam; sed oppositum planè inferitur, quia nisi hæc sciat, ignorat, utrum poenitens in electione ac praxi opinionis peccaverit, necne. Neque debet universaliter fidere poenitentibus, qui sæpè ob ignorantiam, sæpè ob passionem in causa propria non sunt apti iudices. Hoc tamen non obstat, quo minùs Confessarius in multis occasionibus sequi possit ac debeat opinionem poenitentis, quando poenitens longè magis versatus est in illis rebus quàm Confessarius, & meritò

presumitur sibi ultra justum non favere. Quod cum iste Theologus in multis casibus verum esse asserat, mirum est, eum hæc objecisse; quorum pleraque aut omnia ab ipso in talibus casibus solvenda sunt.

37. Ob. 2. Supponamus poenitentem judicare illud esse solùm veniale, quod Confessarius arbitratur esse mortale; ac propterea poenitentem nolle fugere occasionem proximam committendi talem actionem. Non poterit Confessarius illum absolvere, nisi eam occasionem dimittat. Quamvis enim poenitens arbitretur se esse ritè dispositum, non tamen est ritè dispositus in opinione Confessarii, qui proinde non potest eum absolvere; non enim debet absolvere eum, quem judicat non esse ritè dispositum. De dispositione autem poenitentis, solius est Confessarii judicium ferre.

Respondeo, Theologum istum hac in objectione & sibi, & apertè veritati contradicere. Supponimus enim poenitentem sequi opinionem certò probabilem practicè, quam & veram reputat, & oppositā probabiliorē. Jam constat hominem sequentem talem opinionem non peccare, quod Theologus iste ut indubitatum tradit, ut vidimus *quaest. 2.* Ergò scit poenitentem esse dispositum; quia scit illum non peccaturum mortaliter, quamvis talem actionem posuerit. Ergò in doctrina hujus objectionis & sibi contradicit, & apertè veritati repugnat.

38. Ob. 3. Quamvis opinio poenitentis sit probabilis, potest tamen esse falsa. Ponamus autem Confessarium certò scire poenitentem errare. In hoc casu poenitens absolvi non potest, quamvis non peccet sequendo suam opinionem; quia Confessarius debet illum obligare ad obediendum legi divinæ certò sibi cognitæ. Ergò non potest illum absolvere, quando absolute judicat dari legem tale quid præcipientem; quia licet motivum judicii sit fallibile, absolute scit poenitentem, sequendo suam opinionem, agere contra legem Dei.

Respondeo inprimis, Confessarium in casu antecedentis per se loquendo obligari ad instruendum poenitentem de veritate certò scita; & poenitentem obligari ad credendum & obediendum Confessario certa docenti & exigenti. Quod si nolit credere, sibi tribuat, si absolutio denegatur. Præterea Confessarius maxime seriò & asseveranter intimare illi debet, rem esse certam, & ultra omnem opinionem; ideoque se ab eo assensum exigere, ut ita poenitens lubterfugium non habeat. Verum in rebus utrimque opinabilibus casus isterariò contingit. Cæterum quando casus evenit, si Confessarius non interrogatur, & aliunde non obligetur veritatem aperire (quod aliquando contingit, ut Auctores observant) tunc sæpè expedit ut poenitens, si invincibiliter erret, relinquatur in sua ignorantia, & absolvatur. Ratio est, quia est sufficienter dispositus ad absolutionem, cum doleat de commissis, & propositum habeat non peccandi de cætero; nec peccet retinendo ac sequendo opinionem suam erroneam. Ergò absolvi potest, nisi, ut dixi, Confessarius teneatur illi veritatem aperire. Tunc enim, veritate propositā, non est ritè dispositus nisi eam amplectatur. Cæterum ad majora mala vitanda sæpè expedit veritatem reticere, ne, illà detectā, multa peccata formalia committantur, quæ certò non committerentur, si veritas taceatur. Sed de his in particulari videndi sunt Theologi.

Objectiones & contradictiones.

Objectiones 3.

Quid agendum Confessario scienti poenitentem errare?

Consequen-
tia objection-
is est illegi-
tima.

39. Resp. 2. Consequentiam ex antecedente non inferri; quia cùm Confessarius nesciat, an ipse vel pœnitens veram opinionem sequatur, non tenetur pœnitentem docere id, quod ipse non novit. Præterea etsi diceret pœnitenti sibi probabilius videri, opinionem ipsius esse falsam, non ideo pœnitens tenetur suam opinionem mutare, ut patet. Ergo cùm pœnitens sit dispositus, omnino absolvendus est. Nec obstat, Confessarium putare illum transgredi præceptum Dei, quia solum putat eum materialiter transgressurum illud; scit autem illum formaliter non peccaturum. De violatione autem illa materiali, utpote incerta, non debet esse sollicitus, cùm sciat pœnitentem oppositum existimare, & non obligari ad conformandum suum iudicium opinioni Confessarii, sed sine peccato propriæ opinionem inhærere.

Obiectio 4. 40. Ob. 4. Quando Confessarius & pœnitens dissident in suis opinionibus, vel pœnitens Confessario, vel Confessarius pœnitenti debet se accommodare. At ubi agitur de restitutione, aut occasione vitanda, &c. potius dicendum est, reum iudici, subditum superiori, & peccatorem Ministro Christi debere se conformare, quàm è contra.

An, & quan-
do Confes-
sarius si qui
debeat opi-
nionem pœ-
nitentis?

Respondeo, neutrum in casu objectionis debere se alteri accommodare, sed unumquemque posse & servare & sequi suam opinionem directam. Verùm sicut opinio pœnitentis non dirigit Confessarium, ita opinio Confessarii non dirigit pœnitentem in ordine ad praxim objecti, quod proponit. Jam quia Confessarius debet judicare pœnitentem juxta opinionem, quâ pœnitens licetè dirigitur, non juxta opinionem quâ ipsemet dirigitur, ideo Confessarius dicitur se accommodare opinioni pœnitentis, non quòd illam veram reputet, sed quòd ex illa, & per illam actu informantem judicare debeat, an peccaverit pœnitens, an sit benè dispositus, &c. in quo iudicio procedit ut superior & iudex; sed & pœnitens, per se loquendo, stare debet huiusmodi iudicio Confessarii; quod si nolit, Confessarius non debet eum absolvere, quia nunquam licet Confessario agere contra propriam conscientiam, uti ageret, si in eo casu pœnitentem absolveret. Nihilominus talis esse potest peritia & probitas pœnitentis, ut Confessarius prudenter deponat suum iudicium, & assensum præbeat opinioni pœnitentis; in quo etiam casu pœnitens finaliter stat opinioni Confessarii, quamvis Confessarius opinionem illam à pœnitente didicerit. Ecce in sententia nostra peccator, subditus, & reus in eo submitte se opinioni Ministri Christi, Superioris, & Iudicis, in quo Minister Christi, Superior, & Iudex suum officium exequitur; quamvis non submittat se illi in eo, quod hic & nunc non dirigit eum ad suum officium implendum.

Obiectio 5. 41. Ob. 5. Si Confessarius, qui personam Christi repræsentat, deberet se conformare opinioni pœnitentis, nec posset illum obligare ad id, quod ipse iudicat esse à Deo præceptum, sequeretur, quòd Ecclesia non posset per Censuras obligare suos filios ad abstinendum ab actionibus, quas ipsa iudicat esse injustas, si subditi haberent opinionem probabilem, quòd actiones illæ non essent injustæ. Hinc autem enervaretur potestas Ecclesiæ; quia in rebus incertis nunquam desunt opiniones pro utraque parte.

Ex superio-
ribus soli
Confessarii

Respondeo, mirari me, talia objici, quæ nullam prorsus habent connexionem cum questione præsentis: hoc tamen ut motivum præcipuum pro-

ponitur, propter quod tam Celladeus, quàm Theologus iste à communi sententia recedit. Dico ergo iterum Ecclesiam non solere per Censuras cogere subditos ad abstinendum ab actionibus, quas illa novit esse certò probabiliter licitas, subditosque suos illas sequendo non peccare; non, inquam, solet hoc modo eos cogere, si solum respiciamus ad obligationem, quam habent Deum non offendendi. Cæterum ob justas causas Ecclesia potest nova præcepta, aut leges novas statuere, quibus subditi obligentur ad abstinendum ab iis actionibus, quas antea licetè ponebant. Posito autem hoc præcepto, quod in similibus casibus semper involvitur, quando aliquid per Censuras exigitur, non amplius probabile est illud licere, quod antea probabiliter aut etiam certò erat licitum. Præterea in rebus ad fidem & mores spectantibus iudicium decisivum supremi Pastoris & Ecclesiæ Universalis est infallibile. Ergo si tale iudicium interponatur, nulla dari potest opinio probabilis de contrario, & sic semper sumus extra casum. Cæterum, est & alia disparitas evidentissima, quia Ecclesia non debet formare suum iudicium juxta iudicium subditorum, nisi quando examinat an peccaverint, an peccaturi sint ita vel ita operando &c. Sed potest sequi proprium iudicium, & omnes obligare ad secum sentiendum, & ad statuta suis obediendum. At munus Confessarii ad aliud non extenditur, quàm ad iudicandum, an pœnitens ita operando peccaverit & peccaturus sit, & ad illum docendum, ubi constat eum errare. At ut hoc perficiat, attendere debet ad iudicium pœnitentis, quando in rebus utrimque probabilibus & incertis ille sequitur opinionem, quam veram reputat.

Hæc & non alia argumenta asserit iste Theologus pro sua sententia, contra communem omnium tum Antiquorum tum Recentiorum opinionem. Verùm quàm debilia sint hæc argumenta, quàmque insufficientia ad hominem prudenter monendum, nemo non videt. Itaque ad illa aliud respondere non est opus. Addo tamen mirabilem prorsus, & nullatenus ferendam responsionem ipsius ad absurdum, quod merito obijcit contra se, quodque nostræ sententiæ Auctores objicere solent. Sic ergo discurrit.

42. Dices, nostra sententia est nimis dura, quia si pœnitens in extremo mortis articulo constitutus (quis sciret se sequi opinionem certò probabilem, quam veram reputat, ideoque conscius esset, se eam sequendo non peccare) confiteretur apud Confessarium tenentem opinionem contrariam, & Confessarius non posset se accommodare opinioni pœnitentis, per hoc salus æterna pœnitentis periculo exponeretur; quia Confessarius deberet eum obligare v. g. ad restitutionem, ad quam tamen faciendam illo induci non potest; ne filios in egestate relinquat &c. Itaque sententia illa noxia est animarum saluti, ac proinde non tenenda.

Respondet primò per instantiam, & petit, quid facere deberet Confessarius, si certò sciret, opinionem pœnitentis esse falsam? si non posset eum in illo casu absolvere, nec potest in isto. Si autem posset, non benè arguitur ab hoc casu extraordinario & particulari ad alios frequentes extra tales circumstantias.

43. Verùm jam dictum est, ad quid in illo casu teneatur Confessarius; cùm enim agatur de damno tertii, per se loquendo tenebitur veritatem aperire. Quâ manifestatâ pœnitens non erit benè

debent stare
opinionem
probabili
subditorum

Sententia
nobis adver-
sa est fide-
lis noxia.

In casu raro
pœnitens
absolvi po-
test contra
sententiam

certa Con-
fessarii.

benè dispositus, si restituere nolit. *Per se*, inquam, quia tales esse possunt circumstantiae; ut Confessarius presumere possit, creditorem in eo casu velle potius remittere debitum, quam salutem debitoris in evidens discrimen conicere. In quo casu Confessarius non videtur obligatus ad veritatem aperiendam, sed potest eum absolvere: Unde quamvis in tali casu raro hoc licitè fiat, non inde sequitur; quòd in aliis casibus dissimilibus id ipsum frequenter fieri possit, aut debeat. Ceterum argumentum ab hoc casu ad casum utrimque probabilem nullius prorsus roboris est, ut vidimus.

44. Respondet secundò. Si Confessarius prudenter judicaret, poenitentem illum ita filiorum commodis affixum ut admonitus de obligatione restituendi mallet damnari, quam bona temporalia dimittere, hoc ipso judicaret, illum non bonà fide amplexum esse opinionem deobligantem à restitutione, ac proinde absolutionis incapacem esse; quia qui sequitur opinionem favorabiliorem, debet ita paratus esse, ut oppositam amplecteretur, si illa proponeretur probabilior; qui enim adeò tenaciter adhæret opinioni sibi faventi, ut eodem modo eam sequutus esset, quamvis opposita ei proponeretur ut verisimilior, hoc ipso graviter delinquit, quia pluris facit suum commodum quam Dei amicitiam. Itaque si timet, eum bonà fide non adhæsisse illi sententiæ, debet eum admonere de obligatione restituendi, afferendo ei argumenta, quæ ipsi persuadeant falsitatem opinionis, cui adhæret; quia ut rectè ait Sanchez lib. 2. de Matrim. diff. 38. Conclus. 1. Quoties ignorantia est vincibilis & culpabilis lethali, cuiuscumque iuri & facti sit, non potest Confessarius dissimulare, quamvis admonitio non sit profutura, & quodcumque scandalum poenitentis sequatur. Hoc omnes fatentur, quia cum talis ignorantia non excuset, poenitens est in culpa lethali; ideoque si Confessarius dissimularet, absolutio daretur indigno. Hæc ille.

Verum, quorsum hæc dicta sint, non apparet. Nam in primis quaestio procedit de eo, qui bonà fide sequitur opinionem, quam absque temeritate veram reputat. Stultum autem esset Confessarium de hac re dubitare, eò quòd ipse contrariam opinionem sectetur. Sed si de eo prudenter dubitet, interroget poenitentem; nam quoad hoc ejus testimonio stare debet, cum ipse solus sit testis tam pro se, quam contra se in hoc Sacramento. Si advertat illum esse malè dispositum, inducat eum ad affectum illum indebitum deponendum, quo deposito, si adhuc maneat in sua opinione, nil habet Confessarius quod culpet in eo. Idque vel maximè verum est, si ille argumenta Confessarii solveret. Quod affertur ex Sanchez non est ad-

Poenitens
non est tur-
bandus quò-
do sequitur
opinionem
probabilem,

rem, quia loquitur de eo, qui culpabiliter & vincibiliter errat. At nil simile est in casu nostro, quia fortassis Confessarius errat, non poenitens qui sequitur opinionem certò probabilem; quòd si errat, non est cur ille potius censeatur vincibiliter errare, quam Confessarius. Unde ergò potest Confessarius credere, quòd vincibiliter erret, ut doctrina Sanchez locum habeat? Demùm cum utraque opinio sit certò probabilis, non est cur Confessarius sollicitus sit, quòd poenitens sequatur potius suam, quam oppositam opinionem, cum in hoc poenitens non teneatur opinionem suam deponere, ut Confessarii opinionem veram reputet. Dimittat ergò illum agere secundum opinionem, quam sequitur, bonamque ejus fidem non turbet, ne frustra & sine necessitate,

R. P. A. Terribi Regula Morum. PARS II.

immò contra charitatem & proprium officium operando, poenitentis salutem in discrimen adducat.

45. Respondet tertio. Ponamus Confessarium sibi persuadere, poenitentem bona fide, & ordinato affectu edulque tenuisse sententiam sibi favorabilem. In hoc casu, si Confessarius certus sit, se non ex passione, non ex perturbatione scrupulosa amplecti sententiam obligantem ad restitutionem, sed quia est manifestè probabilior, paternè admoneat moribundum, ut restituat, salutemque animæ suæ aliorum commodis anteponat. Tunc homo ille deserere debet priorem sententiam, cui adhærebat, ut probabilioris Confessarii sequatur. Si autem pertinaciter renuat sequi admonitionem Confessarii, peribit quidem, sed eodem modo periturus, quamvis absolveretur, quia absolutionem indignè reciperet; ignorantia enim illius non esset amplius invincibilis. Nam ut docet Adrianus in 4. quaest. 5. de Confessione, dub. 7. Ignorantia solùm est homini invincibilis, quando facit, quod in se est apud Deum & homines, ut mereatur veritatem edoceri; volens efficaciter amplecti in quancumque partem Dei præceptum declinaverit. At in casu nostro moribundus non haberet hæc dispositionem. Ergò ejus ignorantia non esset invincibilis. Ergò interius illius rigori Confessarii tribui non posset. Ut enim Toletus optimè observat ad illa verba Christi, Joan. 6. Numquid & vos vultis abire? Veritas illas ad salutem necessaria non est dissimulanda propter incredulorum scandalum, exemplo Domini, qui scilicet non temperavit aliquid de rigore doctrina, ut occurreret scandalo discipulorum, qui dixerunt: Duvum est hic sermo: Namque ut habetur in regulis juris, utilius scandalum nasci permittitur, quam veritas vitia relinquatur. Et sanè, ut habet Adrianus loco citato, ignorantia juris divini non manet invincibilis, quando adest à quo homo scire potest veritatem, si informationem peteret; immò tenetur eam exposcere, ne ignorans à Deo etiam ignoretur, 1. ad Corinth. 14. Quamquam ergo Confessarius poenitentem suis monitis minimè pariturum intelligat, tenetur illum de veritate instruere, quomodo Ambrosius serm. 84. Ego, inquit, interdum paucis vobis tacere vellem, sed malo vos contumacia causas reddere, quam me negligentia sustinere iudicium. Itaque juxta Adrianum ignorantia poenitentis non est invincibilis, quoties Confessarius doctus & prudens potest eum docere veritatem. Ergò qui ita adhæret opinioni sibi favorabili, ut quamvis Confessarius doctus rationibus urgentibus illi suadeat eum decipi, non tamen velit ejus ductum sequi, non habet ignorantiam invincibilem, sed affectatam, cui proinde tamquam indigno absolutio deneganda est.

Sed contra est, quia nil eorum, quæ hic tam resolutoriè & dogmaticè asseruntur, vel apparenter probatur. Unde satis mirari nequeo, tam magna, tam periculosa, tam poenitentibus perniciofa, tam exiguis fundamentis nixa, à Theologo isto tam audacter proponi potuisse ut absolutè necessaria. Sed singula diligenter inspiciamus.

46. In primis destruit quaestionem, quia supponit excessum probabilitatis esse manifestum & certum Confessario; qui etiam supponit certus, quòd non ex ulla passione, sed præcisè ex merito causæ suam sententiam teneat. Peto ergò, utrum sententia opposita, non obstantibus hisce rationibus, maneat certò probabilis, nec ne? si non maneat (ut verè non manet, si omnia illa admittantur, quæ in Confessario adesse supponuntur)

Veritas illas
quando non
est dissimu-
landa ob a-
liorum scan-
dalum.

Officiam
destruit
quaestionem.

Obijciens
frustra labo-
ravit in hac
quæstione.

sumus extra casum præsentis quæstionis. Si maneat certò probabilis, & à pœnitente bonâ fide credatur vera, ille molestandus non est, ut supra efficaciter probatum est; contra quod hic allata nullam vim habent, ut mox apparebit. Interim, moraliter loquendo, numquam aut vix umquam contingere potest, ut Confessarius sit certus, se nulla æquivocatione decipi, nullaque ignorantia laborare, cum videat oppositum à viris gravibus sibi non inferioribus doceri, ac non obstantibus rationibus, quibus ille movetur, verum reputari. Præterea, si Confessarius quando hanc de se certitudinem non habet, possit & debeat pœnitentem absolvere, Theologus iste frustra hanc quæstionem instituit, utpote quæ pro praxi nulli usui esse potest, cum numquam eveniat in rebus incertis, ut Confessarius talem dispositionem habeat. Et quidem si de communi & non supremo Confessariorum ordine sit sermo, perspicuum est, eos tantum doctrinæ non habere, ut merito possint hæc de se præsumere; si verò de peritissimo aliquo loquamur, ille etiam, nisi sciat oppositum non esse probabile, prudenter formidare potest ne decipiatur; ideoque non potest habere certitudinem quam Theologus iste requirit, nisi clarè videat oppositam sententiam esse improbabilem; in quo casu Confessarius & pœnitens ita se gerere debent, sicut communiter docetur eos in tali casu se gerere debere. Hoc autem non est meum nunc examinare, quia id ad præsentem quæstionem non pertinet. Itaque vel ex hac sola ponderatione constat, totum hujus Theologi laborem frustra impensum fuisse in ordine ad finem ab ipso intentum, scilicet ut doceret, quomodo in praxi Confessarii se gerere debeant.

Confessarius
debet docere,
quæ scit
esse vera, si
pœnitenti
favcant.

47. Quod si opinio pœnitentis sit certò probabilis, in quo solum casu præsens controversia vertitur, Confessarius nullam habet obligationem admonendi pœnitentem, quod ad restitutionem teneatur, sed potius tenetur docere veritatem oppositam; scilicet quod cum bona fide sequatur opinionem certò probabilem directè, & sibi quidem verisimiliorem, revera non sit peccaturus, si rem illam non restituat. Hoc dicere debet Confessarius, si de hoc interrogetur; quia scit hoc verum esse, quamvis foret alius, in aliquo casu prudenter dicere possit se esse in opinione contraria, quæ tamen non obstat, modò pœnitens bonâ fide oppositam opinionem veram esse existimet. Jam verò si hoc sit verum ex mera directâ rerum consideratione, multò magis id verum erit, si doctrina reflexa de licito probabilium usu adhibeatur.

Pœnitens
non tenetur
sequi opi-
nionem Con-
fessarii, sed
Confessarius
pœnitentis.

48. Præterea pœnitens in tali casu, etiam à Confessario admonitus, non tenetur illi credere, sed dicere posset, se ab æquè doctis oppositam doctrinam accepisse, illisque fidem habuisse, ac habere. Quod si sermo sit de absoluta obligatione, se omnino existimare, nulla se obligatione urgeri, cum unanimis ferè omnium Theologorum consensus sit, quod cuique liceat sequi quamvis opinionem certò probabilem, etiam quam putat esse minùs probabilem; & nemo omnium neget, quin sequi possit eam, quam directè probabilior ac veram reputat, se proinde omnibus his potius quam Confessario, qui illis æquiparari non potest, credere. Præterea scire se, quod omnes ferè tam antiqui quam recentiores dicant, Confessarium obligari ad se opinioni pœnitentis conformandum; pœnitentem verò non obligari ad incertam Confessarii opinionem sequendam. Se in illorum autoritate bona fide

fundari, & exigere, ut Confessarius hanc suam obligationem impleat. Justius esse, ut in hac re ipse sibi diffidet, & tot sapientissimorum opinionem sequatur, quàm ut exigat pœnitentem, hisce relictis, viro minoris sapientiæ fidem dare.

Neque Confessarius quidquam habere potest tanti ponderis ad urgendum pœnitentem, quantum habet pœnitens ad ipsum sui officii ac obligationis commonefaciendum. Rursus justè dicere potest, Tu ipse scis me, tantam auctoritatem contra tuam incomparabiliter minorem sequèdo, non temerè sed prudenter judicare. Quà ergò conscientia cogis me ad deferendam eam, ut tibi longè magis fallibili morem geram? Tu dicis me, non tibi credendo, sed majorem auctoritatem sequendo, esse pertinacem, ac debere meam opinionem deponere, ut tuam amplèter; sed vide, quæso, ne tu te pertinacem ostendas, qui minorem tuam auctoritatem manifestè majori nimis pertinaciter præponis, idque tribulando moribundum, quem solari debes, non vexare. Peto ego à te peccatorum absolutionem, hujus meæ dispositionis absolutionem non peto, quia de illâ mea me conscientia non remordet, cum tantæ auctoritati prudens fidem præbeam. Si nolis absolutionem impertiri, time, ne Deus animam meam à te requirat. Ego illam in ejus manus commendo, & donec halitus supererit veniam deprecabor; teque etiam rogatum volo, ut impotenti etiam loqui absolutionem impertias. Alius Confessarius deest; me ergò ad Deum contrito corde convertere conabor, & sic tandem, tuâ pertinaciâ non obstante, me misericorditer salvandum spero. Hisce quid merito reponat, nullus Confessarius habet. Quod si pœnitens idiota hæc explicite dicere non possit, à Confessario adjuvandus est, ut juxta sensus tam rationabiles conscientiam formet, & absolutionem recipiat.

49. Hæc convincunt, pœnitentem non obligari ad conformandum se opinioni Confessarii, ac proinde ostendunt, eum citra notam pertinaciz opinioni suæ adhærere. Imò verò fieri potest, ut teneatur Confessoris opinionem respuere; tenetur enim jure naturæ filiis suis, quantum licet potest, sufficienter prospicere. Ponamus ergò, quod si restitueret juxta opinionem Confessarii, suos filios rebus omnibus spoliatos relinqueret. Teneaturne ille, in hoc casu, peculiari Confessarii opinioni acquiescere? nullo modo; imò tenetur illi resistere. Cum enim evidenter habeat pro se majorem auctoritatem, quàm Confessarius, licitè ac prudenter potest illam sequi, & huic discredere; & consequenter tenetur hoc facere, ut sic jura sua quantum potest defendat, ne suâ incuriâ ac negligentia filios inevitabiliter in summam miseriâ conjiciat. Absurdissimum autem est dicere, talem hominem in isto casu plurius facere temporale bonum aliorum, quàm æternam salutem propriam; quia falsissimè supponitur, procuracionem unius cum alterius cura conjungi non posse. Sed ex quo potest hoc colligi? an quia facit quod tenetur facere, procurando sufficientia media pro filiis? an ex eo, quod ratione & auctoritate evidenter prævalente jus proprium tueatur? an quod potius mori velit absque absolutione quàm Confessario acquiescere? priora ipsi favent; sed & ultimum duabus de causis non est unicum salutis remedium, cum Sacerdote indebitè negante absolutionem, per contritionem & Sacramenti votum salvari possit. Secundò, obligatio ejus tanta esse potest ad providendum filiis, ut si Confessario acquiesceret, eo ipso pecca-

Pœnitens
aliquando
obligatur
non stare o-
pinioni Con-
fessarii.

peccaret, & beneficium absolutionis recipere non posset. Itaque absque omni probabilitate mihi dici videtur, quod homo, sic dispositus, periturus sit, sive absolvatur, sive non absolvatur; cum è contrario salvari possit, ac salvandum se sperare debeat, etsi Confessarius eum absolvere nolit. Quod si pereat, anima ejus à Confessario requireretur, qui debebat eum absolvere, cum ad absolutionem benè dispositus esset.

Adrianus
nobis favet.

50. Quod assertur ex Adriano facit pro nostra sententia, quia supponimus pœnitentem implese omnem suam obligationem circa veritatis indagacionem, quodque efficaciter voluerit amplecti, & amplexus sit eam partem, ad quam Dei voluntatem declinare reperit. Ergo juxta Adrianum illius ignorantia est invincibilis. Ergo si pereat, Confessario id tribuendum erit: sed absit, quod homo taliter dispositus necessariò pereat; omninò enim credendum est, Deum tali peccatori ita provisurum, ut non pereat; ad quod facit caput, qui vult, *distinc. 6. de Pœnitentia*, ubi dicitur, quod per misericordiam Dei speranda sit salus ejus qui facit quod potest, ut peccata confiteatur & absolutionem obtineat, quando per ipsum non stat, quò minus absolutionem recipiat: ceterum quamvis contingat talem hominem salvari, Confessarius peccatum non vitat, quia absque necessitate & contra suum officium periculo damnationis illum exponit.

Objectiones
istæ, ex auctoritate,
nihil probant.

51. Illud ex Toletò nil facit ad rem, quia sermo est de veritate comperta & ad salutem necessaria. At in casu nostro veritas comperta non est; probabile est enim, Confessarium errare, & pœnitentem sequi opinionem veram, etiam directè sumptam. Quod si loquamur de opinione reflexa, quam pœnitens sequitur, longè probabilissimum, & quodammodo moraliter certum est, quod in illa non erret, & consequenter quod in hisce circumstantiis nullo modo peccet. Præterea si contingat, Confessarium sequi veram opinionem directam, illa veritas, cum non sit sufficienter cognoscibilis, non est necessaria ad salutem. Ergo doctrina illa Tol. ti ex nullo capite præsentis casui applicari potest.

52. Idem valet de eo, quod ex Ambrosio & Adriano profertur. Ambrosius loquitur de veritate certa, cui auditores non acquiescentes verè sunt contumaces; quod certè de rebus utrimque probabilibus, & maxime de iis, quæ homini probabiliora videntur, dici non potest. Similiter Adrianus intelligendus est de jure certo, quia quod incertum est ex utraque parte, à neutra scitur, ideoque non est cur potius ille huic, quàm hic illi assensum præbeat, quando uterque sequitur opinionem certò probabilem, quam absolute veram reputat. Jam in isto casu nemo adest, qui legem Dei declarare possit; nam fortasse Confessarius errat, & docet contra legem Dei. Incertis autem opinionibus nemo stare tenetur, quando oppositæ sunt certò probabiles, & ipsi videntur probabiliores. Ergo cum nemo sit, qui pœnitentem de lege certò docere possit, non tenetur novam informationem petere; quod si illam à Confessario peteret, non teneretur illius resolutioni stare, nisi illa sufficienter probaretur, & ita ad minimum convinceretur, ut oppositum non maneret probabile, nec pœnitenti ut probabilius appareret. Itaque falsissimum est, quod pœnitens in tali casu vincibiliter erret, quia fortasse non ille sed Confessarius errat; nec ullum argumentum ipsi proponitur, quo sufficienter

moveri possit ad credendum, se potius falli, quàm Confessarium. Sed stupendum prorsus est dictum illud Theologi, quod Confessarius in tali casu reputare debeat pœnitentem vincibiliter errare, cum nesciat an erret, vel verum dicat; nec aliud motivum ad hoc affirmandum habeat, quàm fallibilem opinionem, contra quam datur opinio etiam certò probabilis, quâ pœnitens rationabiliter existimat non se, sed Confessarium errare. Quæ ergo fronte, aut qua veritatis specie dicere potest Confessarius, quod pœnitens vincibiliter erret? Quod si ad motiva reflexa respiciamus, certissimum videtur, pœnitentem aut non errare, aut invincibiliter errare.

Pœnitens
sequens o-
pinionem
Confessarii
non est in-
errore vin-
cibili.

53. Sed id ipsum adhuc magis stupendum videbitur, si rem ipsam paulò diligentius inspicimus. Si Confessarius, ejusdem cum pœnitente opinionis, ejus Confessionem excepisset, tunc pœnitens juxta istam Theologum rectè dispositus fuisset, & vel non errasset, vel certè invincibiliter errasset. Jam nonne stupendum prorsus est dicere, quod si accedat Confessarius alterius opinionis, qui nil certi hac in re novit, ex hoc præcisè judicandum sit, pœnitentem non esse rectè dispositum, sed decipi & vincibiliter errare? quid, quæso, hanc rerum & dispositionum auctoritatem in pœnitentem induxit? an fallibilis & probabiliter falsa opinio Confessarii? nil minus; illa enim nullam prorsus mutationem in pœnitentem induxit: an rationes, quas Confessarius pœnitenti proponit? non certè, quia illæ invalidæ sunt, & fortasse antea à pœnitente examinatz & rejectæ fuerunt, nec illis tenetur stare, cum oppositas absolute veras existimet; omneque prorsus Auctores dicant, eum sequendo opinionem suam sic constitutam non peccare. Quæ ergo species erroris vincibilis hic elucet? At Confessarius rem benè examinavit. Quid inde? eandem & alii non minùs docti, & fortè ipse pœnitens eandem seriò examinavit, & post diligentiam omnem, opinionem Confessarii falsam reperit. Ecce nil est, unde pœnitens rationabiliter præsumi possit vincibiliter errare. Absit ergo à nobiscum hoc Theologo, aut cum pauculis recentioribus benignam sententiam averfantibus sentire; qui enim illorum opinioni acquiescunt idonei prorsus mihi videntur ad Sacramentum Pœnitentiæ debitè administrandum. In talibus innumeris tortores & Conscientiarum carnifices potius agerent, quàm medicos & misericordes judices; vexarent enim homines, atque in gravissimos scrupulos absque ulla necessitate conjicerent; & quod plus est, animas periculo damnationis exponerent. Quæ omnia adeo in se mala sunt, ut Confessarii ab illis abstinere teneantur. Sententia enim dicens, eos debere se accommodare probabili pœnitentis opinioni, non est consiliativa, sed præceptiva; saltem respectu eorum, qui ex officio subditorum confessiones audire tenentur. Præterea arrogant sibi officium judicis externi, litesque de incerto & utrimque probabili partium jure privata sua auctoritate & sententiâ terminant, ad quod illorum munus non extenditur. Præterea Confessarii notitiâ legum ad tale judicium formandum prorsus necessariâ ratio sufficienter instructi sunt. Ergo absurdissimum est existimare, quod Confessarius in casu præsentis obligare possit pœnitentem ad restitutionem; immò non apparet, quomodo ita procedendo à peccato excusetur, cum ingerat se in munus sibi non commissum, idque cum ingenti gravamine pœnitentium. Unde Confessarii, qui taliter procedunt, teneri videntur ad omnia

Theologus
iste ethicè
rectè redar-
guitur.

Peccat Con-
fessarius qui
cogit pœni-
tentem ad
sequendam
suam opi-
nionem.

damna refarcienda quæ per ipsos illata sunt, si postea constiterit, pœnitentem jus ad illa habuisse, quibus Confessarius, muneris sui fines egressus, illum se abdicare cœgit.

Pœnitens moribundus absolvendus est, etiam quando dubitatur, an sic bene dispositus. 54. Sed esto, sit probabile, imò probabilius sit Confessario, pœnitentem vincibiliter errare, & non esse ritè dispositum; adhuc tamen id certum non est, cum pœnitens sequatur opinionem certò probabilem, & profiteatur se bonâ fide procedere, rationesque & auctoritates ad prudenter opinandum sufficientes habere. Ergò, quamvis in mortis articulo Confessarii opinioni acquiescere non vult, adhuc absolvendus est, si Theologos audire, si Sancto Augustino, relato in capite 2. & 4. distict. 7. de Pœnitentia, stare velimus:

Aug. quid sentiat de absolutione moribundis danda.

Si quis, inquit, positus in ultima necessitate agnitionis sue, voluerit accipere pœnitentiam & accipit &c. non illi negamus quod petit, sed non presumimus quod bene hinc exit. Rursus cap. 4. hæc habet. Agens pœnitentiam ad ultimum, & reconciliatum, si securus hinc exit, ego non sum securus, &c. Sed unde scis, inquit, ne forte Deus dimittat tibi? verum dicis. Unde? nescio. Illud scio: hoc nescio. Nam ideo do tibi pœnitentiam quia nescio: nam si scirem tibi nihil prodesse, non tibi darem. Item si scirem tibi prodesse, non te admonerem, non te tererem &c.

Ecce per Augustinum pœnitentia danda est, & ille eam dabat in mortis articulo, quando dubitabat & potius credebat, illam infructuosè dari; sed quia nesciebat pœnitentem esse indispositum, & spes aliqua, etsi exigua, remissionis apparebat, pœnitentiam non negabat. Eadem longè expressius tradit Augustinus lib. 1. de Adulterino conjugio cap. 28. Ubi expressè docet, Baptismum Catechumeno, qui in adulterio vixerat, licitè conferri, qui morti proximus pro se respondere nequit, idque ex ea solùm præsumptione, quod forte ipsum pœniteat, & nolit ulterius in adulterio vivere. Eandem doctrinam in fine capitis extendit ad pœnitentiam administrationem, & reconciliationem baptizati morituri, qui peccatis publicè inquinatus ad mortem usque vivit, quem locum latè explicatum invenies de conscient. probab. quest. 37. num. 8. & seq. Unde patet Adversarios, sicut communem Theologorum opinionem repellunt, ita pariter doctrinam Canonum & Sanctorum auctoritatem & praxim ut falsam & illicitam condemnant.

Theologus male citat Augustinū.

55. Sed dices cum Theologo, Celebre dictum illud Augustini, relato cap. si quis 2. ex distict. 7. de Pœnitent. *Si scirem tibi non prodesse, non te admonerem, non te tererem*, non habet locum nisi in correctione fraterna, quia non teneor cum admonere, quem scio ex correctione nihil profecturum. Hoc autem locum non habet in Confessario, neque in doctore interrogato de veritate, quia veritatem aperire tenentur, ne confessarius canibus Sanctum, seu indignis Sacramentum conferat, & ne veritatis doctor magister falsitatis evadat. Rectè etiam huic auctoritati respondet Adrianus, quod Sacerdos possit veritatem tacere, quando scit pœnitentem de veritate scandalum sumpturum; non tamen potest simul Sacramentalem absolutionem impendere; quia prohibemur Sacramenta dare canibus seu indispositis,

qualis est ille pœnitens, quia vincibiliter veritatem ignoraret. Ita Theologus iste.

Respondeo, Theologum hunc nec Augustinum, nec canonem illum contulisse; alioquin non adeo patenter à vera verborum citatione, & ab Augustini mente deviasset. Inprimis citat propositionem prorsus diversam ab illa, quam Augustinus posuit. Ille dixit. *Si scirem tibi nil prodesse, non tibi darem.* Mox subjungit. *Item, si scirem tibi prodesse, non te admonerem, non te tererem.* Errat ergò, dum aliam longè diversam propositionem Augustino affingit, quasi verò ille dixisset, *Si scirem tibi non prodesse non te admonerem &c.* cum S. Doctor è contrario dixerit, *Si scirem prodesse, non tererem &c.* In tantum enim terrebat in quantum dicebat, pœnitentiam in fine vitæ esse verisimiliter infructuosam. Unde si scivisset talem pœnitentiam esse proficuum, ex hoc capite neminem tenuisset.

56. Rursus per hoc & affingit falsum Augustino, & sibi contradicit. Falsum affingit Augustino, quia sæpè veritas non est tacenda, quamvis doctor veritatis videat scandalum oriturum in eo, cui manifestatur. Et hoc nimis notum erat, ut ab Augustino ignoraretur. Ergò falsum Augustino affingit. Præterea sibi contradicit, quia paulò ante ex Sanchez, Toletio, Adriano, & S. Ambrosio operosè contenderat, veritatem propter scandalum auditorum non esse tacendam. At jam citat Augustinum ad probandum contrarium, illiusque dicto, etsi citato, adhæret. Ergò sibi contradicit.

Theologus iste sibi contradicit.

Præterea evidenter errat in exponendo Augustino, qui illo loco non agit de correctione fraterna, sed de administratione Sacramenti Pœnitentiæ, ut evidens est ex contextu. Ergò responsio illius ad argumentum est prorsus insufficiens: neque, stante suâ sententiâ, potest illi respondere, nisi Augustino adversetur, illumque in hac sua doctrina ac praxi errasse dicat.

Item apertè errat in exponendo Augustino.

57. Quod ad Adrianum attinet, si ille Theologo huic præluxit, & ita citavit textum, ut ille, dico mendum in citationem irreplisisset, quia Adrianus in citandis Auctoribus est valde exactus. Cæterum doctrina Adriani non videtur tangere præsentem questionem, quia intelligi debet de casu, quando veritas certò constat, nam in aliis casibus, quando utraque pars est certò probabilis, non est vera. Tunc enim unusquisque licitè abundat in sensu suo, nec respici potest ut canis indispositus, qui opinionem certò probabilem reputat veram, illamque sequitur. Præterea Theologus iste in hac sua responsione apertè repugnat Augustino; quia in casu illo dubio non vult absolutionem conferri, ne Sanctum detur canibus. Augustinus verò è contrario, loco citato de adulterino conjugio, hoc ipsum attulit ut fundamentum sententiæ sibi contrariæ, eoque non obstante, expressè dicit, Sacramenta esse illis conferenda, quia non est certum quod sint indispositi, sed spes aliqua utilitatis per Sacramentum consequendæ affulget. Hæc contra hunc Theologum in omnibus istis Augustino repugnantem & à veritate aberrantem, dicta sufficiant.

Illicque contradicit.

QUÆSTIO QUADRAGESIMA-OCTAVA.

Virum veritas sit omnibus commoda? Et an ejusdem certitudo optanda sit præ illius Probabilitate.

Quæstio hæc cur instituta?

ULTA de veritate & veritatis commoda congerit Celladeus lib. 3. quæst. 16. & 17. quæ quia ad scopum nostrum de licito opinionis usu non deserviunt, absque examine missa facio; maxime cum aut omnia aut ferme omnia nobis & adversariis sint communia; eadem enim dicimus, nempe veritatem in omnibus querendam, veritatem absolute esse omnibus commodam, falsitatem incommo- dam; viam veritatis tenendam & desirandam &c. nec dicimus tantum, sed ubi opus est probamus. Verum quia ex communibus nil inferri potest circa quæstionem præsentem, ideo omnia ista à Celladeo omitti potuissent, & meo judicio debuissent. Cæterum ne Lector, specioso veritatis titulo deceptus, existimet magni aliquid latere in his quæstionibus Celladei, qui solam veritatem præterdit, ego breviter ponam assertiones aliquas, ex quibus constabit, Auctores benignæ sententiæ non minori studio veritatem querere, quam Adversarios, nec minus honorificè de veritatis commoda sentire quam ipsos. Cæterum ita me geram, ut assertiones ponendæ ad præsentis controversiæ elucidationem non parum conducant.

ASSERTIO PRIMA.

Lex Dei est facilior, si veritas in omnibus certò patet. *Si in omnibus certi essemus, quid esset quid non esset licitum, lex Dei esset facilior quam nunc est, quando de multis dubitamus, & hinc inde opinamur, an liceant necne?*

Certitudo honestatis & inhonestatis prosecutione boni & fugam mali facili- tat. **2. PROBATUR.** Certitudo honestatis vel inhonestatis in opere est magnus stimulus homini conscientie timoratae ad agendum quod honestum est, & ad omittendum quod est inhonestum, cum è contra incertitudo opposita & prosecutionem boni arduam, & vitationem mali difficilem reddat. Difficilius est Sacerdoti repetere horas suas, quando dubitat an eas dixerit & opinatur se eas recitasse, quam sit secundum officium recitare in commemoratione defunctorum, quando constat utrumque esse dicendum. Ratio est, quia durum est agnoscere se obligatum, quando quis existimat se non esse obligatum, sed obligationem implexisse: nemo enim legi incertæ tam facile se submittit, quam se submittat certæ, quia ætati legem minus placet quam esse liberum à lege; maxime autem hoc verum est, quando se submittit legi, quam putat aut non dari, aut implexisse, & non amplius obligare. Similiter difficile est prosequi bonum opus, quando adest ratio apparenter insinuans quod sit malum, quia

formido mali vexat & inquietat animum, qui majori longè suavitate bonum amplecteretur, si certus esset, nil mali in eo latere. Ergo prosecutio boni & fuga mali magis nobis placerent, & essent faciliores quam nunc sunt, si in omnibus certò constaret, quid esset, quid non esset honestum.

3. Hinc apertè sequitur veritatem & certitudinem veritatis esse longè optabiliorem longèque commodiorem humanæ reipublicæ, quam sit veritas dubiè aut solum probabiliter apparens; quia illud optabilius est & commodius quod reddit legem Dei servatu faciliorem, quam quod illam nobis reddit difficiliorem.

Certitudo est optabilior quam probabilitas.

SOLVUNTUR OBJECTIONES.

4. OBJECTIONES. Si veritas constaret, plura essent observanda sub præcepto, quam nunc sunt; quia probabilitas de honestate recollit præceptum obligans ad illam vitandam, quæ tamen vitanda esset, si veritas constaret, quoties opinio illa probabilis est falsa. At sæpè falsa est. Ergo si veritas undique certò innotesceret, præcepta proximè obligantia valde multiplicarentur ultra præsentem eorum numerum. Atqui difficilius est servare plura quam pauciora præcepta. Ergo lex Dei esset observatu difficilius, si honestas & inhonestas rerum singularum certò innotesceret, quam est nunc, dum inter probabilia versamur.

Objectiones.

Respondeo, multa quidem præcepta in eo casu nos obligarent, quæ nunc non obligant; sed ex alia parte non pauciora præcepta nos obligantia cessarent, & amplius non obligarent. Nunc enim non solum tenemur ad strictius, quando ita probabile est aliquid esse malum, ut oppositum non sit probabile, sed etiam quando actu credimus illud esse malum, sive temerè sive probabiliter ita credamus. Imò, quod plus est, in omni dubio tenemur ad strictius. At certum est plures ex ejusmodi opinionibus esse falsas; & si loquamur de dubiis, illa sunt frequentissima, maxime in feminis aliisque idiotis, & scrupulosioris conscientie hominibus, qui in plurimis dubitant, de quibus nulla esset ratio dubitandi, si veritas certò innotesceret; constaret enim innumera esse licita, à quibus major pars hominum hic & nunc tenetur abstinere, quia res illis anceps apparet & dubia. Ergo si omnia computentur præcepta nos obligantia de facto, non sunt pauciora, quam essent in casu assertionis, sed è contra, loquendo de toto humano genere, sunt longè plura quam essent in illo casu; quod non solum patet ex argumento jam facto, sed ex eo à priori convincitur, quod repugnet emolumentum majus hominibus provenire ab ignorantia, errore, & formidolosâ opi-

Plura præcepta definiret quam inciperent, si in omnibus veritas certò constaret.

nione, quàm proveniret à scientia & certitudine, per quam non solum ignorantia & error, sed etiam omnis formido excluderetur. Defectus enim, si comparatur cum suo proprio subiecto, plus detrimenti affert quàm perfectio illi opposita, maxime in ordine ad finem proprium illius subiecti, & in ordine ad media necessaria ad adeptionem finis. At hic est casus noster, quia medium unicum ac necessarium ad finem hominis est observatio legum ac præceptorum. Ergò repugnat, hanc observationem facilitari per ignorantiam, errorem, dubium, & formidolosum modum cognoscendi voluntatem Dei. Et è contra necesse est eandem facilitari à cognitione certa & infallibili eorum, quæ sunt, & quæ non sunt præcepta.

ASSERTIO SECUNDA.

Auctores benigna sententia in omnibus veritatem querunt, nec quiescunt donec eam inveniant.

Auctores
benignæ
sententiæ in
omnibus
veritatibus
querunt.

5. **P**ROBATUR. Omnis questio, de qua agunt, vel est directa vel reflexa. In directis veritatem querunt, nec quiescunt donec opinionem suam roboraverint rationibus, quæ illis ejusdem veritatem persuadent. Idem accuratissime præstant, quando reflexè rem inspicunt, non enim quiescunt, donec rationibus determinant ac statuunt, quid verè liceat aut non liceat stante dubio, aut probabilitate, sive homo assentiatur, sive non assentiatur rei ex vi illius probabilitatis. Omnia enim scrutantur, rimantur omnes circumstantias, nullam comparisonem omittunt, & post singula examinata de singulis eam sententiam proferunt quam veram esse & repugnant, & argumentis saltem apud ipsos prævalentibus confirmant. Hæc omnia evidenter constant ex inspectione Auctorum, qui de his materiis tractatum instituerunt. Et sanè, absit invidia, non minùs accuratè de istis tractarunt, & ubique veritatem stabilierunt, quàm Auctores contrariæ opinionis. Ergò Auctores benignæ sententiæ in omnibus veritatem querunt, nec quiescunt donec eam inveniant. Certè si Auctores benignæ sententiæ, quos Adversarii Probabilistas appellant, veritatem non curarent, nemo eorum contra Celladeum ejusque Doctrinam disputaret, nec ego opus hoc in me assumpsissem, in quo pro veritate sto, & cum in plurimis falsum ac deceptum fuisse ostendo. Quæ cum ita sint, nemo, spero, præjudicium ullum adversus benignam sententiam ejusque Auctores capiet, cum legerit Celladeum miris modis veritatem extolentem, & dicentem, se omnia ad veritatem ipsam resolvere, se probabilitate non esse contentum, nisi etiam veritatem attingat & assermet &c. Hæc enim omnia nobis & omnibus Auctoribus sunt communia, cum omnes colliment ad veritatem rei, quam tractandam suscipiunt. Proinde Celladeus immeritò ita loquitur de Auctoribus benignæ sententiæ ac si illi solam probabilitatem quererent, illaque contenti nil amplius de rei veritate curarent, cum nil longius ab eorum intento sit aut esse possit, quàm veritatem negligere; quia nisi eam efficaciter stabilirent, omnibus risu essent, se periculo exponerent, & munus suum non implerent. Sed ut hoc clariùs appareat, sit

ASSERTIO TERTIA.

Auctores benigna sententia contenti non sunt solà probabilitate opinionum, nisi quando probabilitas est veritas, qua queritur. Propositum autem sit explicare, quid dicant & sentiant circa hoc.

6. **P**ROBATUR. Aliquando reflexè disputamus de opinione aliqua an illa sit probabilis. In tali casu idem est querere probabilitatem & veritatem, eaque inventa contenti sumus. Sed etiam in hoc casu contenti non sumus probabilitate, præcisè quia probabilitas est, sed quia vera est, & de sola veritate, seu de probabilitate verè inventa gaudemus. Aliquando non querimus, an opinio sit probabilis, sed, probabilitate inventa, investigamus an objectum illud probabiliter honestum titulo probabilitatis sit licitum? Respondemus autem, objectum illud, si reflexè consideretur, prout certè illi probabilitati substat, verè esse licitum hic & nunc, quicquid sit, an opinio probabilis directa de tali objecto sit vera necne. Verùm hic etiam veritatem querimus & probamus; verum enim reputamus, & verum est, quòd in talibus circumstantiis objectum illud permissum sit, & licitum. Quòd si præscindamus à reflexa hac consideratione, dicimus solam probabilitatem, etiam scitam, non sufficere ut objectum illud evadat licitum; qui enim solum crederet illud esse probabile, & nec directè nec indirectè absoluto judicio crederet illud verè esse licitum, peccaret illud ponendo; quia quod non est ex fide peccatum est. Itaque ultra judicium de probabilitate, necesse est, ut intellectus vi probabilitatis illius vincatur, atque absoluto judicio credat rem illam esse bonam & honestam, alioquin non est sufficienter dispositus ad illam absque peccato amplectendam. Hæc est benignæ sententiæ Auctorum opinio; qui tam longè distant ab eo, quod solà probabilitate sint contenti, ut expressè doceant, eam non sufficere, nisi intellectus aut reflexè considerando rem ut substantem probabilitati, aut directè vi motivorum probabilium persuasus in ipsa veritate sistat, atque absoluto judicio existimet, rem illam esse licitam. Quæ cum ita sint (certissime autem ita se habent) evanescunt omnia quæ Celladeus tum in duobus istis quæst. tum alibi congerit, insinuans Probabilistas, ut vocat, nil curare de veritate, sed solum sollicitos esse de probabilitate, eà inventa contentos esse, cum illa indifferens sit ad veritatem & falsitatem. Verùm omnia & singula falsa sunt, cum Probabilistæ in omnibus veritatem querant, nec probabilitate rei contenti sunt, nisi veritas ipsa absoluto judicio, vel certo vel saltem probabili teneatur.

7. Præterea omnium Auctorum Catholicorum unanimis assertio est, omnes in incertis eniti debere ad veritatem pro viribus, nec licitum esse in his operari, nisi post debitam diligentiam veritas absoluto judicio & bonà fide teneatur. Dissentiant tamen nonnulli circa gradum certitudinis seu firmitatis de veritate absolute habita & credita, ad hoc ut operatio evadat licita & honesta. Verùm cum de hoc Celladeus in hisce questionibus nil dicat, non est quod ulterius in illis immoremur, cum nos de hoc fusè egerimus in tractatu de conscientia, ibique ostenderimus quid de hoc

Quòd probabilitas est veritas questita, contenti sumus probabilitate, & non aliter.

Veritas ab omnibus querenda est.

hoc sit sentiendum, atque Auctores, qui discrepare videbantur, conciliaverimus, quia revera quoad rem ipsam non discrepant, etsi nonnulli,

æquivocatione decepti, apparenter & verbaliter ab aliis dissentire videantur.

QUÆSTIO QUADRAGESIMA-NONA.

Virum Ratio probabilis sit Regula humanorum actuum.

Confilium
quæstionis
susceptæ
proponitur.

PROPONO hic Quæstionem istam, ut ansam habeam elucidandi æquivocationes, & refellendi falsas Celladei assumptiones, quas lego in 18. capite ultima Quæstione lib. 3. quæ est recapitulatio eorum, quæ præcesserant. Sed quia Celladeus hoc loco attulit nonnulla quæ antea omiserat, congruum est ea examinare, ne unquam dicere possit, quædam solum, sed non omnia ad quæstionem principalem facientia esse discussa. Interim suppono cum ipso & cum omnibus, voluntatem Dei, seu legem æternam, esse primam, supremam, ac universalem regulam humanorum actuum; rationem verò humanam esse regulam secundariam eorundem, quatenus est applicatio primæ regulæ, quam proponit, & per actum judicativum vitaliter nobis repræsentat. Itaque lex æterna est prima ac universalis regula objectiva; ratio verò humana est unica sed universalis regula formalis humanorum actuum. Porro præter primam ac universalem regulam objectivam, dantur aliz regulæ objectivæ secundariæ, quales sunt leges humanæ, præcepta ac ordinationes superiorum, & quodvis objectum, quod cognitum manifestat legem divinam. Sed hæ regulæ subordinantur primæ regulæ, illamque indicant, nec aliter vim regulandi habent, nisi prout illam objectivè applicant, illique subordinantur. Cæterum hæ regulæ objectivæ secundariæ applicari etiam debent per rationem quæ, quatenus illas applicat, dici potest regula formalis secundaria. Cæterum inter regulas objectivas involvitur aliquando ratio humana, quando illa reflexè consideratur, atque in ratione objecti cogniti se habet per modum circumstantiæ objectivæ, ex cujus consideratione voluntas Divina nobis innotescit. Hoc modo probabilitas & judicium probabile de honestate operis ad regulam secundariam objectivam pertinent, etiam in contradictione probabilitatis oppositæ objectivè pariter repræsentatæ, quia efficaciter præbet fundamentum existimandi, quòd objectum illud prout talibus circumstantiis substat, sit licitum, & à Deo permissum, vel etiam præceptum. Hæc omnia fuse explicata sunt, tum in hoc, tum in tract. de Conf. prob. multis in locis, & hic supponuntur ut vera, nec de ullo istorum dubitat Celladeus, nisi de ultimo, quod inter nos controversatur. Sed illud efficaciter probatum est locis citatis. Quare nunc id ago, ut si quid in oppositum à Celladeo allatum fuerit, id solvam & refellam. His positis, sit

ASSERTIO PRIMA.

Omne actuale judicium probabile de honestate operis hic & nunc ponendi, si inculpabiliter eliciatur, est sufficiens regula formalis humanorum actuum.

PROBATUR. Illa ratio est sufficiens regula formalis humanorum actuum, quæ & actum humanum dirigit, & ita applicat Divinam voluntatem, seu primam regulam objectivam, ut necesse sit, actum ex ejus directione positum omni malitia carere, atque etiam bonitatem acquirere. Sed omne actuale judicium probabile de honestate operis hic & nunc ponendi, si inculpabiliter eliciatur, est ejusmodi; inprimis enim dirigit actum humanum, quia actus ab eo directus est indubiè liber, & consequenter includitur in serie actuum humanorum. Secundò omne ejusmodi judicium ita applicat primam regulam objectivam, ut operatio, quam regulat, omni malitiâ careat, quia actus ille est dictamen conscientiz inculpabiliter constitutum, quod proinde sive sit verum, sive falsum ab omni prorsus malitia excusat. Tertiò refundit honestatem moralem in operationem, quam dirigit, ut probatum est *quæst. 3.* Ergò omne ejusmodi judicium est sufficiens regula humanorum actuum. Sufficiens, inquam, regula ex duplici capite; primò, quia arceat malum ab opinione, quam regulat; secundò, quia eidem moralem bonitatem confert. Alterum autem sufficit, ut ratio, cui competit, dicatur regula, quia non solum actus, cui bonitas confertur, sed etiam actus, à quo malum arceatur, verè regulatur, quando tam bonum, quod confertur, quàm malum, quod arceatur, ex vi ac directione rationis vel tribuitur, vel arceatur.

ASSERTIO SECUNDA.

Omne judicium probabile, de quo in prima assertione locuti sumus, si reflexè consideretur, est sufficiens regula objectiva secundaria humanorum actuum. Idem dicendum de illius probabilitate, quamvis nullo judicium probabile vi illius eliciatur.

PROBATUR. Omne ejusmodi judicium, reflexè cognitum, manifestat legem æternam, quæ Deus hic & nunc non solum permittit illam operationem ut non malam, sed etiam eandem

Actuale judicium probabile est sufficiens regula formalis humanorum actuum.

Judicium probabile est regula objectiva secundaria humanorum actuum.

manorum
actuum.

eandem approbat ut bonam; fundat enim hunc syllogismum reflexum. *Qui facit, quod bonâ fide credit esse honestum, & vel non errat in suo iudicio, vel errat invincibiliter; si errat, facit quod à Deo permittitur ut non malum, & approbatur ut bonum. Sed ego hic & nunc facio quod bonâ fide credo esse honestum, & vel non erro; vel si errem, invincibiliter erro in hoc iudicio. Ergo facio quod Deus hic & nunc non solum permittit ut non malum, sed etiam approbat ut bonum.* Major est vera, & quoad voluntatem permissivam admittitur etiam à Celladeo. Minor est etiam vera, immò ejus veritas in utraque assertionem expressè supponitur. Et sanè aut semper aut sæpissimè est evidens. Ergò conclusio est etiam vera; est autem ratio manifestans legem æternam, seu primam regulam objectivam humanorum actuum. Ergò omne iudicium probabile, de quo loquimur, reflexè cognitum, manifestat legem æternam. Ergò est sufficiens regula objectiva, sed secundaria humanorum actuum. Et quidem ex duplici capite sufficienter regular; primò quia manifestat legem æternam permittentem, quod sufficit ad rationem regulæ, secundò quia manifestat legem æternam approbantem electionem in circumstantiis istis ponendam. Porro quod idem dicendum sit de probabilitate, etsi iudicium probabiliter enunciatis non eliciatur, fusè probatum est. *quæst. 2. & in tract. de Conf. prob. efficaciter stabilitum.*

SOLVUNTUR OBJECTIONES.

Obiectio 1.

OBJECTIONES. Probabilitas utrique contradictorio convenit. Ergò non est regula humanorum actuum. Probatur consequentia. Talis ratio humana non subordinatur divinæ legi, nec est secundaria respectu illius, nec illam applicat; quæ omnia sic probantur. In primis, subordinatum subditur suo principali, sed talis ratio non subest legi divinæ, quia lex est una & pro una tantum parte contradictionis. Ratio illa est pro utroque, scilicet tam pro lege quàm contra legem. Deinde ratio hujusmodi egreditur sphaeram divinæ legis, quia lex divina solum veris, & uni tantum contradictionis parti convenit; at ratio illa etiam falsis, & utrique contradictorio convenit. At quod egreditur sphaeram alterius non est secundarium respectu illius. Ergò ratio hujusmodi non est secundaria respectu legis divinæ. Demùm hæc ratio humana non applicat divinam legem; quia indifferens est ad legem & non legem. Ergò non est magis applicativa quàm non applicativa legis divinæ. Ergò non regular, quia caret conditionibus regulæ secundariæ. Et sanè hoc videre est in ratione æquè probabili, & multò magis in minùs probabili, quippe quæ minus connectitur cum vero, quàm cum falso. Ergò nec æquè probabilis, nec minùs probabilis ratio potest esse regula sufficiens subordinata; sicut illud horologium non potest esse regula conveniens, quod non magis sed minùs habet concordare, quàm discordare cum motu solis. Et sanè qui tale horologium sciens & volens adhiberet, voluntariè & imputabiliter erraret. Ergò qui sciens & volens sequitur minùs aut æquè probabile pro regula, voluntariè & imputabiliter errat; & consequenter peccat, non solum merè materialiter, sed etiam formaliter. Ergò probabile non est regula humanorum actuum. Ita Celladeus *lib. 3. quæst. 12. §. 2.* ubi contendit per hanc illationem funditus everti, quidquid super probabilia fundatum est.

Judicium

Respondeo & peto à Celladeo, an loquatur de

ratione probabili, quàm Auctores benignè sententiæ statuunt pro regula formali, an de ea, quam statuunt pro regula objectiva humanorum actuum. Si de regula formali, antecedens est evidenter falsum, quia iudicium actuale probabile alligatur uni tantum contradictionis parti, illamque habet absolucè veram, & alteram ut absolucè falsam repellit. Ergò nec convenit, nec convenire potest utrique parti contradictionis. Ergò etiam consequentia est evidenter nulla; sicut etiam sunt, quæ in ejus confirmationem afferuntur. Quid enim evidentiùs, quàm tale iudicium nobis applicare ac intellectualiter unire divinam voluntatem? Quid ais Celladee? putasne, rationem hujusmodi non magis applicare quàm non applicare divinam legem? Cogita, rationem hanc esse actuale iudicium, quod intellectui essentialiter applicat legem Dei, illamque voluntati vitaliter proponit, & talia non dices. Deinde idem iudicium subditur divinæ legi, quia est unum & ad unum essentialiter alligatur, sicut lex divina. Quod si aliquando errat, id est per accidens. Non est autem contra rationem regulæ secundariæ & subordinatæ aliquando falli, & à vero aberrare, ut videre est in omnibus regulis secundariis, quas adhibere solemus ad cœli tempora mensuranda. Præterea, certum est, quod hujusmodi ratio subordinatur legi divinæ ut objecto, eamque essentialiter repræsentet, atque ideo instituta sit, ut eam manifestet, illamque potentiis humanorum actuum elicitivis uniat. Ergò obiectio nequit inter legi de regula formali.

5. Quod si loquatur de regula secundaria objectiva, illa vel est actuale iudicium probabile existens, vel est sola probabilitas cognita, etsi non eliciatur iudicium probabile illi probabilitati innixum. Si primùm eadem falsitas apparet in antecedente, quam jam observavimus, quia iudicium actuale existens uni parti alligatur, semperque reddit suum objectum probabilius opinanti, quàm sit contrarium; unde quidquid de hoc dictum est in argumento, vel evidenter falsum est, vel certè procedit de subiecto non supponente.

6. Itaque ut argumentum apparentiam habeat, restringendum est ad probabilitatem nudè consideratam, immò, si libet, ad probabilitatem etiam agnitam ut æqualem vel minorem, quam nos asserimus esse sufficientem regulam objectivam reflexam, sed secundariam, quatenus manifestat divinam voluntatem reflexam, quæ, stante tali legis incertitudine, aliquando hic & nunc permittit nobis id agere, quod Deus secundum se consideratum prohibendum duxerat. Cæterùm in hac etiam consideratione argumentum nil probat, quia duas probabilitates oppositas in unam eandemque confundit; loquitur enim ac si una eandemque ratio ac probabilitas utrique contradictorio ex æquo conveniret; quod tamen est evidenter falsum; nam probabilitas libertati favens, soli libertati favet, & arguit legem non esse; sicut opposita probabilitas favet soli legi, & libertatem gravat. His positis, distinguo antecedens. Probabilitas directæ genericè sumpta utrique contradictorio convenit, concedo antecedens. Una eademque probabilitas convenit utrique, nego antecedens. Similiter distinguo consequens. Ergò nulla probabilitas directæ, hoc modo considerata, est regula formalis, concedo: nulla est regula objectiva humanorum actuum, nego consequentiam. Immo verò quævis probabilitas practica directæ, etiam minor cognita ut minor, fundat discursum reflex-

probabile
habet pro-
prietates re-
gule secun-
dariæ.

Etiā ob-
iectivæ, quā-
do reflexè
cognoscitur.

Probabili-
tas, etiam
agnita ut
par vel mi-
nor est re-
gula ob-
jectiva suffi-
ciens.

Quæ sint
proprietates
regulæ se-
cundariæ.

reflexum, quo manifestatur lex aeterna permittens talem actionem in istis circumstantiis, quidquid sit an detur lex directa illam prohibens; quia lex illa, si detur, sufficienter applicata non est ad nos arctandum, &c. Et quidem haec ratio, manifestans legem aeternam reflexam, non solum est probabilissima; sed est aut simpliciter aut humano modo moraliter certa, ut fuscè probatum est tum in hoc, tractatu, tum in tractatu de Consc. Prob.

Paritas à Celladeo objecta est prorsus impropor-tionaliter, & à veritate evidenter aliena.

7. Eodem modo respondetur ad confirmationem argumenti. Inprimis si sermo sit de probabilitate inexistente iudicio probabili, illa est regula formalis, quae una est, uniusque tantum contradictionis parti convenit. Ergo illa imitatur legem aeternam, illique subordinatur tanquam proprio objecto, cum illam vitaliter potentiis nostris uniat, & applicet. Et quidem si sermo sit de ipsa benigna sententia, quae reflectendo supra paritatem probabilitatis utrique contradictionis parti convenientis, considerat opus in ordine ad alias circumstantias, & enuntiat talem rem in illis esse permissam; si, inquam, de illa loquamur, illa est ratio non solum quoad nos & in opinione nostra, sed etiam re ipsa verè manifestativa legis aeternae reflexae, & nunquam errat nequidem à parte rei, & multò minùs in aetimatione nostra. Frustra igitur, & contra apertissimam veritatem objicitur nobis exemplum horologii, non magis dispositi ad horam benè quàm malè ostendendam, quasi verò nos sponte eligeremus regulam formalem pro nostris actionibus, quam fateamur non magis manifestare quàm non manifestare legem aeternam.

Aequivoca-tio Celladei detegitur.

8. Aequivocatio in eo est, quòd fateamur, parem aut minorem probabilitatem libertati faventem esse regulam objectivam sufficientem, quamvis illa non magis ostendat legem permittentem, quàm opposita probabilitas ostendat legem prohibentem; unde cum talem probabilitatem eligimus in regulam, videmur eligere regulam non magis connexam cum lege permittente, quàm cum lege prohibente. Verùm manifestè decipiuntur adversarii: nam si loquamur de regula objectiva, verum quidem est, quòd illa probabilitas non magis manifestet legem directam permittentem, quàm opposita probabilitas repraesentet legem directam prohibentem, unde fit, ut, in casu hujus paritatis cognitæ, probabilitas illa non sit regula nec formalis nec objectiva sufficiens ad applicandam legem directam, quippe quæ in tali casu, aut non datur, aut cerè sufficienter non applicatur & promulgatur. Hoc tamen non obstantè, probabilitas illa directa, etsi solum par aut minor opposita probabilitate, efficaciter manifestat legem reflexam, quæ sola apta est ad nos hic & nunc in istis circumstantiis dirigendos, quia actio versatur in istis circumstantiis, non autem in illis tantum, quæ per probabilitatem directam repraesentantur. Porro quamvis probabilitas directa in hoc casu erret, errat tantum circa legem verbaliter dictam, non autem circa legem sufficienter promulgatam & applicatam, quæ legis vires exerit & obligat. In tali autem casu error ille non est tanti momenti, maxime quando actio versatur in circumstantiis alijs, in quibus nullus est error, & nullus esse rationabiliter creditur. At hic est casus noster.

Quàdopro-babilitas, agnita ut minor, sit & esse possit regulas actus humani?

Ceterum, si intellectus abstraxisset à comparatione probabilitatum directarum sibi contrarium, & ex irreprehensibili imperio voluntatis determinatus fuisset ad absolutè existimandum, rem esse licitam; in eo casu probabilitas, tali

R. F. A. Terribi Regula Morum. PARS II.

iudicio inexistens, fuisset regula formalis sufficiens, quia rationabiliter applicasset nobis legem divinam permittentem tanquam veram, & legem prohibentem absolutè repulisset ut falsam. Hoc autem sufficit ad rationem regulæ humanæ, quia est optimum in suo genere, ad quod attingere possumus. Et sanè in hac regula non tam respicitur veritas logica actus, quàm veritas ejusdem apparens, prout conjungitur cum modo, quo actus ille imperatur. Actus enim logicè verus, si temerè imperetur, non sufficienter regulat, nec à peccato excusat, ut patet. At si iudicium non temerè, sed rationabiliter imperetur, à peccato excusat, & sufficienter regulat, quia est optimum ex genere suo, ad quod pervenire possumus, quamvis per accidens & præter opinionem ac intentionem operantis contingat iudicium illud esse falsum. Nec mirum, quia omne ejusmodi iudicium fundatur in motivo, quod vi suæ magnitudinis plerumque non fallit; quodque à nobis absolutè creditur hic & nunc non fallere. In incertis autem optimum, ad quod pervenire possumus, est hujusmodi iudicium, ut patet. His positis, redeo ad argumentum, & dico, quòd probabilitas, agnita ut par aut minor, solum remotè sit regula formalis sufficiens, quatenus taliter repraesentat legem permittentem, ut intellectus, si nullam comparisonem instituisset, nullumque iudicium comparativum eliciuisset, ex imperio voluntatis stecti potuisset in actu secundo ad absolutè existimandum, quòd opus illud sit licitum. Hoc autem iudicium rationabiliter elicium est regula formalis. Et sanè si distinctio regulæ formalis & objectivæ ante oculos habeatur, (est autem in hac quaestione assidue consideranda) & objectio relegatur, nullam in illa difficultatem lector inveniet.

10. Advertet etiam totum argumentum multis de causis procedere de subiecto non supponente. Inprimis supponit, solam legem aeternam realiter existentem, esse regulam humanarum actionum. At hoc est in quaestione, & non supponendum erat. Nos enim è contrario, loquendo de lege directa, dicimus, non solum legem aeternam realiter existentem, sed etiam merè apparentem, dummodò per iudicium probabile invincibiliter elicium appareat, esse regulam sufficientem, idque probatum est quaest. 2. & 3. Secundò, supponit, legem in casu paræ probabilitatis de non lege esse sufficienter promulgatam & applicatam, ad nos arctandos; quòd pariter falsum esse ostendimus. Tertio, supponit, iudicium & probabilitatem fallacem errare circa ipsam regulam objectivam cum error non sit in repraesentando vero Dei placito & honestate vera, sed solum in indebita illius applicatione ad objectum materiale. At actus falsus sufficienter regulat, quando invincibiliter proponit verum Dei placitum, quamvis erret illud indebitè applicando objecto materiali, ut ostensum est quaest. 3. Quarto, supponit, dari horologium dispositum ad ostendendam horam, quòd tamen non magis habet concordare quàm disorderare à vero diei tempore. At tale horologium est chymera, eo ipso enim quòd moveatur, & non sit dispositum ad ostendendum verum tempus, est aptissimè seu inevitabiliter dispositum ad errandum. Similem chymeram affinxit probabilitati, quam dicimus esse regulam; quia vult unam eandemque rationem ostendere aliquid, quæ tamen non magis ostendit unum quàm alterum ex contradictoriis, quo nil magis chimericum dici potest. Sicut ergò sunt duæ probabilitates,

Objectio ex multis capitibus procedit de subiecto non supponente.

K

bilitates, quarum una ostendit non legem, & alia ostendit legem: ita debebat proponere exemplum duorum horologiorum; quorum alterum solum dispositum est ad ostendendam horam veram, alterum verò dumtaxat dispositum est ad ostendendam horam falsam; idque ita, ut utrumque sit æquè dispositum ad finem dictum, vel etiam ut horologium erroneum sit paulò melius dispositum ad horam falsam, quàm alterum ad horam veram indicandum. Sic enim & non aliter paritas illa est ad rem. At si paritas hoc modo procedat, illa nobis faveat, quamvis sola directa probabilitas inspicitur. Sicut enim sapientius facit homo, qui eligit horologium ostendens horam veram; sic sapientius eligitur probabilitas libertati favens in regulam, quia per talem electionem homoliberior est, & à peccandi periculo magis removeatur, ut patet. Ecce quot viis potissima hæc & primaria Celladei ratio, quam putat esse insolubilem, corrumpitur, & evertitur.

11. Omitto reliqua examinare quæ Celladeus hac in quest. congerit, quia solum eadem repetit, quæ antea dicta ab illo, & à nobis refutata sunt; sed dissimulare non possum, quod habet § 4. paulò ante medium, ubi dicit, se olim docuisse usum probabilium, immò æquè & minus probabilium esse licitum, & probabilitatem illam cum aliis pro regula conscientie habuisse; sed, post rem per multos deinde annos integros examinatam sententiam suam mutasse. Post quæ narrata subiungit hæc verba. *Non dico evidens esse, eam non esse regulam humanorum actuum, hoc solum dico & testor, & Deus scit, quod non mentior, nihil mihi unquam visum esse evidentiùs, quàm eam regulam non esse.* Credo tibi, Celladee, quamvis interpolatum sine necessitate iuramentum non approbem; & spero te aliosque hæc lectiones mihi etiam fidem præbituros. Legi orationes tuas, omnes discussi, nullam omisi, singulas ponderavi, quibus tamen perpensis, tantum abest ut illæ aut rem ipsam in se, aut certè quoad me evidentem redderint, ut me potius in pristina persuasionem confirmaverint; quia in illis præter prompti vivacitæ ingenii (quod ubique elucet) specimen, nil prorsus inveni. Nam singulæ quæstiones & argumenta serè singula, aut æquivocationibus plena, aut terminorum confusionibus referta, aut falsis suppositionibus malisque quæstionis intelligentiis cumulate reperi. Et fortasse tu ipse post secundas & sedatas cogitationes (videor enim mihi videre, te impetu quodam abreptum fuisse) ideam perspicies; nec dubito, quin alii id ipsum visuri sint. Quod si adhuc in evidentiâ tuâ persuasionis (quam evidentiâ nobis de nostra regula ægrè aut nullo modo concedis) permanseris; aliud mihi non superest, quàm miseram hominum conditionem defflere, qui ita studiis suis in diversa rapiuntur, ut quæ non uni, sed innumeris post omnia argumenta discussa videntur falsa & improbabilia, ea adhuc contraria sentientibus non solum vera sed evidentissima habeantur.

Celladeus
quâdo pro-
testatur: est,
non videtur
rectè intelli-
xiss., quid
termini si-
gnificent.

12. Cæterum ut te in hoc ipso, quod jam tractamus, argumento, quodque tibi adeo evidens est, conveniam & aggrediar, rogo ut ad toipsum reflectens seriò dicas, an probè prospexeris, quid intellexeris nomine regulæ, quando scribebas, evidentiissimum tibi esse, probabile, quod consuetum appellas, non esse conscientie regulam? loquerisne de regula formali, an de objectiva? si de objectiva, quæ in ratione objecti reflectè cogniti fundat quæstionem reflexam, utrùm, stante incertitudine directæ, quæ ex probabilitate utriusque

parti faventi oritur, liceat sequi partem minùs tutam; quæque præbet tot & talia argumenta pro parte affirmativa, ut omnes serè Theologos determinaverit ad asserendum, tanquam dogma moraliter certum, quod liceat; si, inquam, de objectiva hac regula loquaris, postulo, quoniam demùm sint argumenta, quæ certificant te, probabilitatem non esse ejusmodi regulam? nam ego certè illa desidero, & ex altera parte efficaciter ostendo, talem probabilitatem semper connecti cum reflexa Dei voluntate, quâ Deus permittit rem illam in istis circumstantiis, quicquid sit an illam permittat voluntate primariâ & directâ. Avenimus autem audire argumenta, quæ nervosè ostendant contrarium; nam ea certè hæcenus non protulisti. Si autem loquaris de regula formali, rectè dicis, meram probabilitatem reflexè cognitam, non esse regulam, id enim seipsa evidens est, quia solum judicium actuale, actualiter & realiter animum informans, est regula formalis. Sed si hoc dicas, nil dicis; quia neminem tibi contradicentem habes, adeoque frustra patheticam illam protestationem auxuisti, quæ de subiecto patenter non supponente procedit. Si verò contendas, judicium probabile actuale, quod cum una sola parte contradictionis essentialiter connectitur, quodque bona fide & inculpabiliter elicitur, suumque objectum non solum ut probabilius opposito, sed etiam ut unice verum representat; si, inquam, contendas, evidens tibi esse tale judicium non esse regulam, quo quæso argumento id probas? certè argumenta, quæ in hac quest. congeris & amplificas, quoad hæc procedunt de subiecto non supponente, quia procedunt de probabilitate reflexè cõsiderata, quæ juxta mentem operantis non magis faveat libertati, quàm probabilitas opposita faveat legi. Talia autem judicio actuali nullatenus applicari possunt. Dicam ergò quod est. Confudisti utramque hanc probabilitatem, atque quod uni videras non convenire, nulli sub eodem nomine generico comprehenso convenire falsò & perperam intulisti. Hæc, Celladee, & non alia est evidentiâ tua de conscientie regula; & si fallor, post hæc lecta ipsemet id ipsum perspicies.

13. Sed quicquid fuerit de hac re in mente tua, ex tuis principiis fateri teneberis, nos in posterum à peccato liberos futuros, si sequamur benignam sententiam. Fateris enim auctoritatem illi faventem, id est, auctoritatem omnium scem Auctorum unanimiter convenientium, esse auctoritatem plerumque non fallentem. Sequimur ergò probabile positivè, quod per te est regula sufficienter excusans; sed quia mones illud aliquando fallere, ac proinde hinc & nunc non sufficere sine onere examinandi, an quod opponitur veritati conjunctum sit necne; ideo asseris, integrum nobis ampliùs non esse tali auctoritati adhaerere, donec rationes tuas, quæ tibi tam efficaces videntur, & aliorum contra clamantium argumenta inspexerimus, & ea dictæ auctoritati & rationibus benignæ sententiæ non obflare invenimus. Utrumque fecimus, argumenta in tract. de Const. prob. examinaui & dispuli, tuas hoc libro rationes ad anatomen redegi, & omnes prorsus invalidas reperi; adeoque perspexi, auctoritatem ac rationes benignæ sententiæ nullâ validâ exceptione premi. Ecce onus, quod requiris, subivimus; oppositionem omnem reperimus esse invalidam contra argumenta validissima & auctoritatem validiorem. Ergò sequimur positivum tuum probabile, eoque modo id sequimur, quod

Ejus æquivocatio de-
regitur.

Doctrina
Celladei-
tor reddit
ipsum ad-
versarios.

quo ipse asseris, quoddam sit regula. Ergo tuo nos absolvit iudicio; ideoque ex tuis principiis tui sunt, quos ex eisdem putabas non solum haud tutos, sed ingenti ac inevitabili periculo expositos. Hæc ad hominem amicè dicta sunt.

ASSERTIO TERTIA.

Celladeus in regula Conscientiæ assignanda solus est contra omnes, ac proinde non est audiendus.

Celladeus solus est, & contra omnes in assignanda conscientiæ regula.

14. **P**ROBATUM. Celladeus toto nisu contendit, solum iudicium verum esse regulam operationis honestæ. At omnes alii præter iudicium verum assignant etiam iudicium probabilis pro regula sufficienti. Quamvis enim plures ex recentioribus æquè ac minùs probabile à regula rejecerint, nemo tamen eò devenit, ut negaret iudicium probabilis, etsi fortè falsum, esse sufficientem regulam operationis honestæ, ut ex illorum operibus constat. Ita enim loquuntur, ut aut expressè asserant, aut apertè supponant, probabilis sufficere ad ritè formandam conscientiam, & ad honestè operandum. Præterea Celladeus neminem ex omnibus assignare potest, qui cum ipso expressè sentiat, dicatque solam cognitionem veram esse sufficientem conscientiæ & humanorum actuum regulam, nullumque actum esse bonum; qui versatur circa rem verè prohibitam, quacunque tandem lege prohibeatur, sive divinâ sive humanâ. Ergo in assignanda morum regula solus est. Nec solus tantum, sed contra omnes, ut vidimus. Ergo non est audiendus; quia credibile non est, omnes prorsus Theologos Catholicos hæcenus cæcutisse in assignanda sufficienti morum regula, & Deum, aliis omnibus relictis in tenebris, hanc Celladeo prærogativam assignasse, ut ipse veritatem tanti momenti primus omnium Mundo revelaret. Quis enim credat, quoddam Deus totam Ecclesiam in re tanti momenti tamdiu errare permiserit? nemo certè. Ergo vel ex hac sola præsumptione Celladeus non est audiendus. Præterea rationes, quas affert pro singulari sua sententia, sunt prorsus invalidæ, & falsitatis convincuntur. Stat ergo probabile, falcem probabilis, etsi aliquando falsum, esse sufficientem morum & actionis bonæ regulam.

Accusationem hanc invalidè repellit Celladeus.

15. Narrat Celladeus §. ultimo hujus quæstionis, quomodo objectum sibi fuerit à quodam magistro, se contra omnes sentire, conaturque ictum depellere, dicendo se convenire cum iis, qui rejiciunt minùs & æquè probabile, quia & ipse illud idem rejicit. Verum hoc jam non queritur; nam etsi conveniat cum illis in non regula, tamen cum nullo illorum in assignanda regula convenit, & hoc est quod Magister ille objicit, quodque ego etiam objicio, & cui respondere non potest, nisi concedendo totum. Quod si concedatur, ex hoc solo sufficienter falsitatis arguitur.

Mirabile Celladei argumentum proponitur, & expeditur.

16. Sed mirabile est, qua ratione pergat, ut probet Auctores, minùs & æquè probabilia rejicientes, reversa ab ipso non discrepare, etsi disertè videantur docere contrarium; sic enim ait. *Ipsi quidem dicunt, magis probabile sufficere pro regula, in quo non tam hoc sufficere, quam requiri voluerunt; nec enim datâ operâ pro probabiliorum sufficientia collatâ in id argumentu laborârunt, ut in opusculu eorum cernitur.* Deinde dicit, neminem illorum quos vidit docuisse, hominem, qui sequitur

R. P. A. Terilli, Regula Morum, Pars. I

opinionem probabilioris falsam, non incurrere peccatum ignorantie, quod tamen docere debuissent, si docuissent probabilitatem esse sufficientem regulam. Unde concludit, *Paralogismus est ergo Magister ille.* Mirabile sanè argumentum! sic in contrarium arguo. Per te, *dicunt magis probabile sufficere pro regula.* Ergo ita sentiunt. Non enim sententia Auctorum cognoscitur nisi ex disertis verbis, quibus seipsum exprimunt. At tu asseris in omnibus veritatem esse necessariam, & probabilis, quâ tale, non magis sufficere quàm probabile, aut minùs probabile. Ergo expressè sentio contra omnes. At, inquit, non docuerunt, datâ operâ, probabilis sufficere, quia ad hoc probandum argumenta non congescerunt. Ergo non tam docuerunt probabilis sufficere, quàm requiri pro regula. Sed contra primò. Si collatis argumentis expressè non docuerunt probabilis sufficere, id erat, quia ex communi auctorum benignæ sententiæ consensu, & ob rationes ab illis assignatas supposuerunt ut indubitatum, quod probabilis sufficeret. Alioquin si illud solum requiri voluissent, nihil dixissent, nam etiam probabilitas requiritur non minùs quàm probabilitas; & tamen illam negârunt, hanc tradiderunt esse regulam. Ergo aliud voluerunt, quàm probabilitatem requiri, sed non sufficere.

17. Contrâ secundò, quia Auctores illi expressè intenderunt examinare ac determinare, quænam regula ad bonam operationem regulandam sufficeret. Inde progressi, primò conati sunt ostendere, nec minùs nec æquè probabile sufficere (in quo tamen ob meram æquivocationem regulæ formalis ac objectivæ, seu quod in idem recidit, ob æquivocationem probabilitatis directæ ac reflexæ à communi sententia recesserunt, ut latè ostendi in *tract. de Consc. prob. quæst. 22.* & alibi) deinde ad principale intentum progressi statuerunt ipsam regulam, quam sufficientem existimabant, & ut sufficientem proponebant; dixeruntque regulam illam complecti non solum certa, sed etiam probabiliora. Porro nisi hoc modo processissent, à scopo suo primarioque intento defecissent; nisi enim regulam statuissent, solum dixissent aliena, propria non stabilivissent. Præterea, cum bona Celladei venia, ex illis Auctoribus complures expressè & datâ operâ probant, opinionem probabilioris bonâ fide conceptam esse sufficientem regulam, & fundare operationem bonam, tametsi per accidens sit falsa; & si qui non ita expressè congerant hæc argumenta, illi tamen ex modo procedendi, apertè supponunt illud ut indubitatum; quod perinde est, ac illud ipsum expressè tradere.

18. Cæterum si nemo illorum expressè docuerit, hominem probabiliora secstantem non incurrere peccatum ignorantie, id mirandum non est, quia implicitè illud tradiderant, dum agerent de regula conscientie. Ergo cum agentes de peccatis ignorantie nil in contrarium afferant, supponendum est eos sensisse peccatum ignorantie non intervenire, quando quis bonâ fide sequitur opinionem probabilioris. Supponendum est, inquam, quia alioquin sibi contradicerent, cujus contrarium semper supponendum est, donec contradictio positivo aliquo argumento probetur, cujusmodi argumentum in casu nostro afferri nequit. Præterea falsum est, quoddam debebant id expressè tradere; non enim est cur hoc potius quàm oppositum expressè traderent. Cum autem neutrum in expressis terminis fecerint, censendi sunt consequenter loqui ad præcedentia, & expressam

Cur auctores non dixerint expressè secstantes probabiliora non peccare peccato ignorantie.

X 2

pressam


pressam eorum mentionem omisisse, quæ patenter connexa erant cum prioribus, cujusmodi est id, de quo nunc agitur. Ergo omitti potuit, nec necessariò dicendum fuit in expressis terminis.

19. Sed quid opus suppositionibus, ubi res est certissima? certè omnes scriptores probati in eo conveniunt, quòd nullum detur peccatum ignorantie, quando error & ignorantia est invincibilis. Porro plerique eorum, qui dicunt probabilius sufficere pro regula conscientie, explicitè dicunt rationem esse, quòd qui post diligentiam adhibitam, ubi adhibenda est, bonâ fide sequitur opinionem probabilem, aut non erret, aut erret

invincibiliter, si erret; atque inde inferunt, eum non peccare ne quidem peccato ignorantie. Reliqui omnes implicitè saltem id ipsum tradunt, quia quoad hoc aliorum argumentis subscribunt, cum ipsi aut nulla aut paucula examinent. Ergo omnes illi Auctores aut explicitè, aut implicitè sentiunt, hominem, bonâ fide sectantem probabiliora, peccatum ignorantie non incurrere. Non ergo magister paralogizatus est, sed paralogizatus est Celladeus, maximè cum ex antecedenti ab ipso admissio, non consequens ab illo illatum, sed oppositum talis consequentis inferatur, ut vidimus.

QUÆSTIO QUINQUAGESIMA.

Qua sit Essentia Dubitationis, ac Dubii?

1.  ELLADEUS, post multa de opinione ac probabilitate tribus prioribus libris tradita, in quarto accedit ad examinandum, quid sit, & quomodo solvendum sit dubium. His ergo in quæstionibus ita illum comitabor, ut in iis tantum examinandis moram facturum sum, in quibus invenero argumenta de morum regula præse examinari; reliquas aut omitam, aut leviter tantum perstringam.

ASSERTIO PRIMA.

*Propositum sit explicare quid sit Dubitatio?
& quid sit Dubium?*

Dubitatio
nis duplex
definitio.

2. **F**USÈ de his, nec minùs eruditè agit Celladeus lib. 4. quæst. 1. Ego juxta communem omnium sensum sic definio Dubitationem propriam & perfectam. Est vacillatio animi in utramque partem contradictionis circa quæstionem propositam, & non solutam. Seu, Est dispositio, quâ animus ita fertur in quæstionem propositam, ut in neutram partem assensum flectat, sed aut explicitè judicet, aut virtualiter & implicitè reputet, neutram partem esse sufficienter manifestam ad ferendum judicium. Secunda definitio declarat primam. Utraque autem paulatim clariùs explicabitur. In primis dubitatio dicitur vacillatio animi, quia sine vacillatione animi nulla est dubitatio. Dicitur inter utramque partem contradictionis circa quæstionem propositam & non decidam, quia nulla est dubitatio nisi circa quæstionem propositam; omnis autem quæstio, sive formalis & explicita, sive virtualis & implicita, quærit, an res potius sit, quàm non sit. Ergo omnis quæstio omnisque dubitatio necessariò versatur inter utramque partem contradictionis; sed hoc ad dubitationem non sufficit, nisi quæstio relinquatur indecisa; si enim decidatur, eo ipso dubitatio tollitur, quia quæstio terminatur, & animus non amplius vacillat de veritate rei propositæ, sed figitur in absoluto judicio de veritate unius, & de falsitate alterius partis contradictionis.

Secunda definitio penitiùs rem explicat, quia ostendit, in quo hæc vacillatio animi consistit; nimirum in eo, quòd, stante propositione quæ-

stionis, judicium illius decisivum suspendatur, & animus ita feratur in utramque partem, ut, vel judicativè per mentem, vel affectivè per voluntatem, reputet neutram esse sufficienter propositam ad ferendum judicium.

3. Hoc ut meliùs intelligatur, & tota essentia dubitationis clarè explicetur, sciendum est, animum dubitantem aliqua ratione ferri, seu moveri in utramque partem contradictionis; qui modus, si ritè explicetur, tota dubitationis essentia explicabitur. In primis, motus ille non est mera apprehensio utriusque partis contradictionis, cum negatione judicii determinantis ullam ex illis, alioquin dubitarem in materia fidei quoties utramque partem contradictionis apprehenderemus, & actum fidei non eliceremus, quod est absurdum, quia qui dubitat in fide, est infidelis, & peccat. At non peccat, qui habet apprehensiones contrarias de materia fidei, ut patet in tentatis de fide, etsi tunc actum fidei non eliciant. Ergo dubitare de aliqua re plus est, quàm apprehendere illam una cum parte opposita, & de neutra judicium formare. Itaque propriè loquendo dubitare dicit ordinem ad veritatem, ita ut animus tendat in utramque partem, inquirendo & quasi interrogando quæ sit vera, atque ex quodam veritatem sciendi desiderio, respiciendo, an, & quæ sint motiva pro quæstione determinanda; hæc si adint nondum est propriè dubitatio, quia omnia hæc in materia fidei adesse possunt absque peccato, & quod plus est conjungi possunt cum judicio terminante quæstionem, quo dubium tollitur. Itaque illis superaddi debet suspensio, seu carentia judicii terminantis quæstionem. Sed neque hoc sufficit, quia illud variis de causis suspenditur in materia fidei absque peccato, & consequenter absque dubitatione. Itaque ut propriè dubitemus, judicium illud suspendi debet ex quadam animi dispositione, qua ita ferimur in rem propositam, atque ita ad illam afficimur, ut vel diserte & explicitè, vel certè virtualiter & implicitè reputemus rem esse incertam, nec sufficienter propositam, ut fidem mereatur; quod quomodo fiat, mox uberiùs explicabitur.

4. Interim hinc patet, neminem dubitare in fide, qui tentationes patitur contra fidem, dummodò aut expresse contemnat argumenta, quæ
Quid requiratur ut quis dubitet in fide?
difficul.

difficultatem ingerunt, aut non ita ea respiciat, ac si res esset apud eum incerta, nec sufficienter proposita ad fidem; dummodo enim hac ratione non fertur in quaestionem, animus non vacillat, ne titubet, in qua tamen vacillatione, ac in utramque contradictionis partem titubatione consistit formalis ratio dubitationis. E contrario, qui taliter respiceret argumenta contra fidem ac cum hac animi dispositione ea ruminaret, quasi mysterium non esset sufficienter propositum, ad merendam fidem, propriè vacillaret, ac dubitaret, dubitandoque contra fidem peccaret, quia primam veritatem sufficienter loquentem & se exprimentem contemneret.

Definitio dubitationis quæ sit actus humanus.

5. Itaque omnia assignata necessaria sunt ad dubitationem propriè dictam. Propriam, inquam, & voluntariam dubitationem, quæ sit actus humanus & imputabilis; nam si quis contenderet, omnem propositionem quaestionis, unà cum negatione iudicii determinantis quaestionem, esse propriè dubium, & quandam animi vacillationem in utramque partem, quamvis homo aut explicite, aut virtualiter existimaret, veritatem per terminos quaestionis explicatam, esse sufficienter propositam ad fidem merendam, is faceret quaestionem de nomine, in qua, etsi illi subscriberem, adhuc dicerem, tale dubium esse dubium indeliberatum, & dubium quod ad actiones propriè humanas non pertinet. At ego definitio dubium propriè humanum, in sensu quo dubium rigorosè accipitur, dum ex cap. 1. de Hæreticis, dicimus, *dubium in fide esse infidelem*. Cæterum, facile erit dubium universaliter sumptum definire, modò dubium illud involuntarium supponatur esse propriè dubium; sic enim definiri potest, *Est motus mentis inter utramque partem contradictionis, seu quaestionis propositæ, & neutram absoluto iudicio terminans*.

Definitio dubitationis prout præfinitur à perfecta, & ab involuntaria dubitatione.

Hæc definitio complectitur omne dubium, tam voluntarium, quam involuntarium, quamvis dubium involuntarium, meo iudicio, sit solum dubium secundum quid, & quædam dubitationis introductio, seu dispositio quædam ad perfectè dubitandum. Sed in hoc, utpote in quaestione de nomine, non immoror.

Ad dubitationem non requiritur absolutum iudicium de insufficientia motivi ad terminandam quaestionem.

6. Scio Suarium, & alios ad essentiam dubii requirere iudicium absolutum de insufficientia mediæ ad iudicandum. Et sanè haud dubiè huiusmodi iudicium plerumque intervenit, quando propriè dubitamus. Jam si hanc sententiam sequamur, perspicuum est, omnem dubitantem in fide esse infidelem, quia facit Deum mendacem, cum culpabiliter eliciat iudicium erroneum, quo dicit mysterium fidei, quod sufficienter illi propositum est, non esse certum, nec sufficienter propositum. Cæterum, quia plures docent, tale iudicium non requiri ad dubium propriè dictum, ne quidem in materia fidei, quo peccatum infidelitatis committitur, ideo in definitione usus sum modo loquendi minùs stricto; dixi enim dispositionem dubitantis involvere tale iudicium, vel expresse, vel saltem virtualiter & implicite. Tunc autem iudicium illud involvitur implicite in materia fidei v. g. quando voluntas argumentis in contrarium propositis ita deterretur, ut quodammodo desperet se de veritate rei propositæ certificandum; unde formidans de veritate, ac vacillans de certitudine mysterii ita respicit argumenta contraria, atque ita ad illa afficitur ac si essent magni momenti, & non prorsus contemnenda ob argumenta Mysterii veritatem ac certitudinem proponentia. Hac ratione voluntas ita afficitur ad motiva fidei sufficienter propositæ,

ut illa affectivè minoris æstimet, quàm si magno animo in illa tanquam certa & summa fide dignissima ferretur, & ideo peccat, quia affectivè fertur in Deum loquentem, ac si non loqueretur & non esset summa fide dignus; quod non minùs est affectivè facere Deum mendacem, quàm intellectualiter sit mendax quando sufficientia motivi ad firmiter credendum absoluto iudicio negatur. Cæterum hæc voluntatis dispositio videtur posse reperiri absque eo, quod absolutum iudicium de materiæ propositæ incertitudine, aut de mediæ propositæ insufficientia ad habendam fidem certissimam eliciatur; quia iudicium illud, utpote inevidens & falsum, non potest elici, nisi dependenter ab imperio voluntatis, quod imperium deesse potest, quamvis voluntas modo dicto disposita fuerit; cum illa dispositio non videatur inferre imperium, dependenter à quo tale iudicium proximè elicitur. Porro hæc voluntatis dispositio peccaminosa est, siue eliciatur, siue non eliciatur dictum iudicium, quia Deum sufficienter loquentem contemnit, dum formidolosè ac vacillanter fertur in eum, ac si non loqueretur, & non esset hic & nunc dignus summa fide circa Mysterium propositum. Et sanè hac ratione voluntas eodem modo, æquivalenter saltem, peccat peccato infidelitatis, ac si imperaret assensum explicite dicentem, *res est incerta*. Hinc patet cur omnis dubius in fide sit infidelis.

7. Itaque utralibet harum dispositionum sufficit ad constituendum dubium propriè dictum; & quidem illa voluntatis affectio necessariò requiritur, cum sine illa iudicium illud absolutum elici nequeat, ut patet. Cæterum si neque intellectus iudicet rem esse dubiam & incertam, neque voluntas de certitudine rei propositæ dictâ ratione formidet, nullum erit dubium proprium ac deliberatum, quamvis quaestio proponatur & non solvatur, sed solum erit dubium imperfectum & indeliberatum.

Hæc nostra definitio complectitur omnem propriam dubitationem, tam negativam, quàm positivam. Dubitatio negativa est *Vacillatio ac hesitatio animi inter utramque partem contradictionis cum defectu omnis motivi impellentis ad assensum ullum ex partibus contrariis*. Dubitatio positiva est *Vacillatio ac hesitatio animi inter utramque partem contradictionis cum motivo impellente ad assensum, vel retrahente ab assensu alterutrum ex partibus contradictionis*. Itaque in dubitatione negativa intellectus necessariò hæret inter utramque partem, quia ad neutram impellitur. At in dubitatione positiva animus vacillat, & intellectus hæret, quamvis moveatur vel in unam vel in utramque partem contradictionis per aliquod motivum, quia voluntas modo dicto suspendit iudicium decisivum quaestionis. Quando motivum adest pro una tantum parte contradictionis, tunc dubitatio est positiva ex una tantum parte; est autem dubitatio undique seu ex omni parte positiva, quando datur motivum pro utraque parte contradictionis & mens inter utramque hæret, ita ut quaestio respiciatur ut anceps, & nec explicite nec implicite determinetur juxta dicta.

8. Duo circa hanc quaestionem displicent in Celladeo: primum est, quod asserat, dubitationem negativam non esse propriam dubitationem, eò quod de talibus non sit propriè dubitare sed nescire, quod toto cælo differt à dubitatione. Secundum est, quod dubium negativum (si sit propriè dubium) & dubium positivum una definitione definiri non possint, quia nulla est ratio

potest dubitare in fide, & peccare peccato infidelitatis.

Dubitatio alia positiva, alia negativa, utraque definitur.

Deo error Celladei.

Homo sine tali iudicio

Dubium negativum est propriè dubium.

una, quæ communis sit negativo & positivo, quod supponit tanquam manifestum ex Logica & Metaphysica. Utrumque hoc assertum falsum est. Inprimis dubium negativum ab omnibus fermè Auctoribus recentioribus pleno ore vocatur dubium; incredibile autem est, in notione vocis tam usitatæ omnes errare. Præterea Celladeus aperte fatetur, Auctores, quorum plures assert §. 7. ita definire dubitationem, ut æquè involvant dubium negativum, ac positivum. Ergo omnes censent dubium negativum esse propriè dubium, cum illud sub dubii definitione complectantur. Ergo Celladeus immeritò dicit, dubium negativum non esse propriè dubium. Præterea, præse loquendo, si aliquid dubium à ratione proprii dubii excludendum esset, illud potius esset dubium positivum, utpote quod ob rationes allicientes ad assensum, & sæpè vehementius allicientes ad unam partem quàm ad aliam, magis accedit ad suspicionem & ad opinionem, quæ uni parti magis alligatur quàm alteri, quàm ad dubium rigorosum, quod in quadam æqualitate ad utramque partem contradictionis consistere videtur, & in ordine ad quam ab Auctoribus communiter explicatur. Hujusmodi autem æqualitas pòssimè locum habet in dubio negativo.

Dubium positivum ac negativum una definitione comprehenduntur.

9. Fallitur etiam in secundo asserto; quia ex dictis constat, utrumque dubium sub una ratione ac definitione comprehendì. Nec obstat, quòd positivi & negativi ratio una non detur; quia ex ea doctrina non magis sequitur dubium positivum & negativum non posse unà definitione comprehendì, quàm sequatur, animal rationale & animal carens ratione non posse unà definitione definiri, eò quòd rationale & non rationale, seu positivum & privativum seu negativum non conveniant in una ratione. Fateor equidem tam hæc quàm illa non posse una ratione comprehendì, quæ explicet rationem differentialem utriusque; sed hoc non tollit, quo minùs utrumque comprehendatur unà ratione, quæ explicet rationem genericam, in qua conveniunt. Itaque in hoc etiam æquivocavit Celladeus, ob terminos illos: *Dubium negativum & positivum*. Termini enim isti non explicant rationem genericam, sed specificant differentias dubii; ergo ex illis solum sequitur differentias illas in propria significatione non posse comprehendì una definitione, quod verissimum est; sed nil facit ad rem.

Positivum & negativum alterius forme possunt una definitione comprehendì.

10. Præterea, etsi positivum, & negativum illi positivo oppositum non possint unà definitione comprehendì, quando sumuntur secundum se; possunt tamen, quando res definienda ex una parte constat positivo, & ex altera parte constat negativo, quod illi positivo non opponitur, sed alteri. Sic cæcum, sic tenebrosum, & quævis concreta ex positivo & privativo unà ratione definiuntur. Idem evenit in casu nostro; dubium enim duo dicit. Dicit primò propositionem quæstionis, cum dispositione animi explicite seu implicite & æquivalenter dicentis deesse argumenta sufficientia ad judicandum. Hæc omnia sunt positiva. Dicit secundò, negationem judicii terminantis quæstionem, quod negativum est, sed non opponitur priori positivo, ut patet. Jam hæc duo unà ratione explicari possunt, ut patet. Ea autem reperiuntur in omni dubio tam positivo quàm negativo; & hæc est propria ratio & essentia dubii ut sic. Jam dubium positivum huic conflato addit aliud positivum pro sua differentia, nempe rationes vel allicientes ad assensum, vel ab assensu retrahentes; dubium verò negativum

dicto conflato superaddit aliam negationem, nempe carentiam talium rationum. His positis, quæ perspicua sunt, quid quæso, ex eo inferitur, quòd nulla detur ratio communis huic secundo positivo & suo proprio negativo, seu rationibus allicientibus & negationi rationum allicientium? sequiturne ex hoc, quòd nulla detur ratio communis duobus conflatis, quorum utrumque involvit unum idemque specie positivum, & unum idemque specie negativum, sed negativum alterius formæ, quando in ordine ad hæc concreta inferenda vel impedienda prius illud positivum & negativum impertinenter se habet? At hic est casus noster. Dubium enim est conflatum, quod ex tota allata positiva propositione quæstionis, & ex negatione judicii solventis quæstionem componitur. Hoc conflatum indifferens est, ut jungatur rationibus, aut negationi rationum. Itaque si ex una parte sumatur conflatum constans ex positiva propositione quæstionis, ex negatione judicii terminantis quæstionem, & ex negatione rationum allicientium ad eam determinandum, verissimè de isto conflato dicitur quòd contineat positivam propositionem quæstionis, & negationem judicii solventis quæstionem; idem verissimè dicitur ex altera parte de conflato, quòd constat ex eadem positiva quæstionis propositione, ex negatione judicii quæstionem determinantis, & ex rationibus allicientibus ad assensum; de hoc enim conflato propriissimè dicitur, quòd contineat propositionem quæstionis, & negationem judicii solventis quæstionem. Ergo conveniunt in una eademque ratione communi utrique dubio, quæ totam dubii essentiam continet. Ergo utrumque dubium univocè convenit.

11. Præterea miror Celladeum pro certò habere, positivum & negativum in nullo convenire univocè. Sunt quidem hæc de re variz opiniones; at dicere, opinionem negantem illam univocationem esse certam, longissimè aberrat à veritate. Communis, & apud me verissima, opinio est, negativum objectivum non esse ens improprie & absolute dictum, sed ens verè positivum exclusivum alterius prout dat fundamentum negandi alterum. Quid ergo? dicemusne, nullam inter positiva dari rationem univocam? absit. Illa profectò non minùs conveniunt in una aliqua ratione, quàm actus nostri affirmativi & negativi conveniunt in ratione cognitionis, judicii &c. Sed esto, negativum sit ens improprie & abusive dictum, anne ideo certum est, nullam dari rationem communem positivo & negativo? nonne utrumque adhuc est cognoscibile? nonne utrumque est verificativum propositionis? quid plura? nonne in Physica ab omnibus traditur, privationem esse unum ex tribus principiis corporis in fieri? certumne est & evidens, definitionem principii non convenire univocè materiæ, formæ, & privationi? nullo modo; imò oppositum est probabilissimum, & meo judicio absolute verum. Ergo Celladeus immeritò supponit tanquam certum, quòd positivum & negativum univocè convenire non possint.

Partes dubii positivi & negativi excedit & applicatur.

Non est certum, quòd positivum & negativum non conveniant univocè, in aliquo predicato.

Incongrua Celladei suppositio redarguitur.

SOLVUNTUR OBJECTIONES.

12. **O**BJICES primò. Dubitare negativè est nescire, quòd toto cælo differt à propriè dubitare. Ita Celladeus §. 4.

Respondeo, nos in duplici statu nescire res. Nescire ali. Primus est, quando res nunquam fuit proposita, cū duplici. aut quando de illa non cogitamus. Secundus est, quando

quando quaestio proponitur, & non solvitur. Hinc statim apparet fallacia & æquivocatio argumenti: nescire rem ut sic, prout præscindit ab utroque statu nescientiae vel ignorantiae, differt à dubitatione sicut genus à specie; & nescire in primo statu differt à nescire in secundo statu sicut duæ species dividentes idem genus inter se discrepant. At nescire rem, quando quaestio proponitur an sit vel non sit, & quando animus post veritatem quaesitam hæret, & vacillat modo dicto, non magis differt à dubio propriissime dicto, quam homo ab animali rationali, aut definitio à definito.

13. Ob. 2. Nisi animus vacillet, nulla est propria dubitatio. At animus in dubitatione negativa non vacillat. Animum enim vacillare est illum in diversa trahi, seu ad unum trahi, & ab eodem retrahi; quod solum evenit in dubio positivo, non in negativo, in quo nulla prorsus sunt motiva impellentia aut retrahentia. Ergo dubitatio negativa non est propriè dubitatio.

Respondeo negando minorem; per hoc enim animus vacillat, quòd feratur in utramque partem contradictionis, & nulli illarum assensum præbeat, dummodò feratur in illas per modum quaerentis sed non invenientis veritatem, ac proinde suspendat assensum, eò quòd aut clarè videat, aut certè intellectualiter judicet, vel affectivè reputet deesse motivum sufficiens ad ferendum iudicium; per hoc enim animus formaliter hæsitat inter utrumque membrum quaestionis propositæ, atque, per hæsitationem illam, eam indecisam relinquit; & hoc est vacillare circa quaestionem ejusque decisionem, quia est positivè ferri in utramque partem per motum quendam, absolutè impeditivum & exclusivum iudicii terminantis quaestionem in partem alterutram. Et ut vitetur lis de nomine, declaro me hoc intelligere nomine vacillationis & hæsitationis animi. Quod si aliter terminos accipias, dicasque, animum debere in diversa trahi per motiva impellentia ad assensum & ab assensu retrahentia, ut propriè dubitet, major syllogismi propositio est falsa, atque ita obiectio nil concludit.

14. Et sanè in omnium sententiâ forma constituens vacillationem, de qua loquimur, non est mera tractio animi in diversa. Nam etiam dum actu credimus aut opinamur, sæpè trahimur in diversa, quia motiva retrahentia aliquid operantur, nec tamen ideo vacillamus in fide; imò, quod plus est, sæpè motiva contraria impellunt animum in diversa etiam in materia fidei, quando actu non credimus. Nec tamen ideo vacillamus in fide, modò intellectus nec expressè nec tacitè dicat, rem esse incertam; nec voluntas ita deterreatur motivis à fide repellentibus ut æstimet opposita minoris quam par est, aut ad ea aliter afficiatur, quam si firmissimè crederet ea esse verissima. Ergo omnes tandem debent dicere, formam propriam vacillationis animi non esse dispositionem in obiectione explicatam, sed dispositionem, quam ego disposui; quæ quia aliquando se tenet solum ex parte voluntatis, aliquando ex parte etiam intellectus, ideo dubitationem explicui potius per vacillationem & hæsitationem animi, quam per vacillationem mentis, vel intellectus, quia scilicet forma positiva ultimò complens vacillationem dubitationi essentiali non semper est in intellectu, sed aliquando in voluntate, nec proinde magis propriè animus, quam intellectus reddit vacillantem; animus enim significat subjectum utriusque potentiae, quod proinde ab

utriusque potentiae dispositione denominationem accipit. Neque ideo sequitur, intellectum ipsum non posse ultimò accipere denominationem vacillantem à tali dispositione voluntatis; sæpè enim denominationes alicui potentiae convenientes ultimò complentur per dispositionem alteri potentiae inhaerentem. Sic voluntas constituitur proximè libera per cognitionem indifferentem, & intellectus non aliter dicitur errare invincibiliter, quam si nulla negligentia ex parte voluntatis præcesserit. Ergo idem dici poterit in dubitatione & vacillatione mentis. Volui tamen potius uti termino *vacillatio animi*, quam termino, *vacillatio intellectus*, ob rationem jam dictam.

15. Demùm si adhuc contendas, vacillatio nem & hæsitationem animi, præter omnia à me dicta, includere etiam tractionem mentis in diversa per motiva allicientia & retrahentia; non sum qui velim obstinatè dissentire in acceptione vocis; sed tunc simul dico, definitionem allatam non esse definitionem dubitationis ut sic, sed solum dubitationis positivæ; pro definitione autem dubii ut sic, loco termini *vacillatio* ac *hæsitatio* ponendus erit *Motus animi*, qui præscindit ab eo, an motus ille consistat in motivis ad contraria allicientibus, vel in mera quaestionis propositione; nam illa etiam est motus mentis in utramque partem contradictionis, ut patet; huic motui scilicet particulæ definitionis applicentur, habebitur exacta definitio dubitationis ut sic.

16. Ob. 3. Iudicium illud, sive reflexum sive directum, quo dicimus, rem esse incertam, seu deesse motiva sufficientia ad iudicium ferendum, est finis dubitandi; quia quando eò ventum est, plerumque desistimus à dubitando. Ergo illud iudicium non spectat ad rationem dubitationis. Ita Celladeus §. 4.

Respondeo tale iudicium sæpè esse finem, seu terminum dubitationis, sed intrinsecum; quia est ultimum positivum per quod completur, & sine quo non habetur proprium & adequatum constitutivum dubitationis, ut constat ex dictis. Itaque argumentum non valet, quia ratio finis seu termini non opponitur constitutivo; sic ultimum in generatione hominis est unio, quæ tamen constituit hominem; & ultimus dies anni est finis ejusdem, quem tamen constituit.

17. Ceterùm, miror, tanto conatu Celladeum exclusisse hoc iudicium à constitutivo dubitationis; quia multum urget illud effatum, *dubium in fide est infidelis*, eoque tanquam principio utitur ad indagandam propriam dubitationis rationem, & tamen omnia, quæ ponit tanquam constitutiva dubii, scilicet motus intellectus in utramque partem contradictionis, investigatio rationum pro utraque parte, desiderium sciendi veritatem, & conatus ac studium ut inveniatur &c. Omnia, inquam ista, sæpè inveniuntur in homine fidei, quando actu non credit; quia omnia illa iustis de causis laudabiliter considerari possunt, etsi actus fidei non eliciatur. Ergo talis homo dubius est in fide juxta Celladeum, & consequenter peccat. At hoc falsum est, & ni fallor, Celladeus id habet pro falso; saltem ita loquitur, ac si illud ut falsum reprobaret. Ergo & insufficienter explicat rationem dubitationis, & in sua explicatione inconsequenter procedit. Quod si dicat, illa ad dubitationem propriam non sufficere, sed insuper requiri talem dispositionem animi ut feratur in motiva fidei, eaque respiciat aut æstimet ut incerta (& hoc dicere debet ut quis in materia fidei sit dubius) eo ipso incidit in sententiam, quam

Alia repli-
ca rejicitur.

Finis, seu
terminus
rei, sæpè
constituit
ipsam rem.

Celladeus
insufficienter
explicat
naturâ du-
bitationis.

Et inconse-
quenter di-
scutitur.

Vacillatio
animi in
vo confi-
dit

Obiectio
non expri-
mit essen-
tiam dif-
ferentiam
vacillatio-
nis.

impugnat, sibi que contradicit, quia ista dispositio vel formaliter, vel virtualiter includit dictum iudicium, & haud dubie raro aut nunquam ab illo separatur. Et sanè ille nec vacillat nec hæsitat, qui voluntate ita affectus est erga motiva fidei, ut respectu illorum omnia prorsus contemnat tanquam nullius ponderis, etsi interim nullum actum fidei eliciat, sed seridè contempletur tam rationes fidei faventes quàm argumenta contraria, ut suis tandem veritati locus detur per iudicium. Ratio est, quia talis homo ita affectivè summiter fixus est in fide, licet nullum illi assensum præbeat, ut naturaliter loquendo repugnet illum elicere actum intellectus, quo dicat mysterium fidei esse falsum, aut incertum. Talis ergo dispositio hæsitationem omnem, omnemque vacillationem animi excludit, & consequenter tollit omnem propriam dubitationem in materia fidei. Imò hæc voluntatis dispositio, in ordine ad firmandos nos circa veritatem Mysteriorum, æquivalere actui fidei, ideoque ex hoc etiam capite excludit vacillationem animi, & dubitationem; opposita autem dispositio manifestam vacillationem includit, & consequenter constituit dubitationem. Cæterum Celladeus de hac dispositione nullam mentionem saltem explicitam facit, ideoque insufficienter explicat naturam dubitationis, cum ea minimè declararet, in quibus potissima vis & energia dubitationis consistit.

Vacillatio ac dubitatio excluditur per dispositionem voluntatis abque iudicio intellectus.

Dubitans comparatur ligato.

Dubitatio positiva multum conducit ad rectè solvendum quæst.

Non dubitamus de his, quæ non curamus, aut quæ non videmus esse impossibilia.

Dubitatio coheret cum ratione acuta & acutissima.

18. Hinc patet omnem dubitantem, ab Aristotele 3. *Metaph. cap. 3* rectè comparatum fuisse ligato; quia intellectus ita dubio impeditur, ut non possit ad ulteriora procedere, sicut ligatus progredi nequit.

19. Rursus patet, dubitationem positivam plurimum conducere ad solidam quæstionis resolutionem, nemo enim rectius iudicat, quàm qui omnes rationes pro utraque parte expendit; ut Philosophus eodem etiam loco observat.

Tertio, patet, nos de his, quæ non curamus, aut quæ scitu impossibilia novimus, non solere dubitare. Ratio est, quia de illis plerumque nullam quæstionem instituimus, nulloque conatu aut desiderio illorum veritatem eruendi incitamus; & quod consequens est, nec explicitè nec implicitè de illis iudicamus, quod motiva sufficientia ad veritatem illorum asserendam desint; quia sicut negligimus res illas, sic de motivorum ad illas spectantium qualitate solliciti non sumus. At sine istis propriè non dubitamus; omnis enim dubitatio dicit ordinem ad veritatem, qui ordo in eo consistit, quod ex quodam sciendi desiderio proponamus rem, & interrogando inspiciamus an sit vera necne. Itaque quando hic ordo deficit, tollitur etiam dubitatio.

Horum trium corollariorum mentionem fecit Celladeus, atque acutè observavit, ea cum recta definitione dubitationis debere coherere. Congruum proinde fuit de illis etiam mentionem facere, & ostendere, quomodo cum nostra definitione cohereant, atque ad illam necessariò consequantur.

20. Ob. 4. Omnis qui dubitat, ratione motus dubitat, & qui benè dubitat, cum gravi ratione dubitat: certè in praxi videmus, S. Thomam, & alios quæstionem moventes, statim proponere rationes dubitandi, quod signum est, dubitationem esse cum ratione. Præterea Philosophus 2. *Elench. cap. 7*. dicit, quod oratio acuta maximè faciat dubitare, quia maximè mordet; quodque quod acutior est oratio, eo magis inquirentem exerceat. Pergit similia asserere de orationibus acutissimis, quas tunc ad-

esse ait, quando id, quod maximè probabile est, tollitur & confutatur maximè probabilibus. Acutissimæ ergo rationes tollunt maximè probabilis, & sic dubitationem inducunt. Est ergo dubitare, stantibus rationibus acutis immò acutissimis, ac difficillimis. Errant ergo, & Philosopho contradicunt Probabilistæ, qui sic discunt: habeo rationem quæ evidenter non solvitur, ergo habeo, non quidem dubitare, sed prudenter assentire & quiescere, tamen si Adversarius rationes oppositas similes habeat.

21. Præterea, æquè petere est ab omni dubitante *cur*, sicut est quærere *de quo*. Jam omnis dubitans interrogatus de quo dubitat, ineptit, si respondeat de nullo dubito, vel nescio de quo dubito. Ergo similiter ineptiret dubitans, si interrogatus, an dubitet, responderet, dubito nulla de causa, aut nescio cur dubitem.

Rursus, quod de agendis est deliberare, hoc est dubitare de inveniendis. Sed omnis deliberans habet *cur*, seu rationem & causam deliberandi. Ergo & omnis dubitans rationem dubitandi.

22. Demùm dubitatio est instar nodi, quo dubitans impeditur. At nodus ille non est pura privatio, seu negatio rationum, quia talis negatio est potius causa quiescendi, & negandi, aut dormiendi. Ergo omnis dubitatio est propter rationem. Ergo dubitatio negativa non est propriè dubitatio, quia proprietates altæ dubitationis illi non conveniunt. Ita Celladeus *lib. 4. quæst. 2. §. 2*. Quod confirmari potest ex eis, quæ habet §. 3. & §. 5. ex eo scilicet, quod finis ultimus dubitationis sit veritatis inventio; proximior autem ejusdem finis sit mordere, exercere, atque excitare dubitantem ad veritatis indagationem; quæ locum non habent in dubio negativo, in quo deest motivum ad motum, & actum dubitandi; unde de similibus nil interrogamus, nec consulimus, nec circa talia laboramus, vel exercemur, aut ullam passionem dubitantium habemus. Et sanè dubitare de rebus negativè dubiis est otiosum ac inutile, ac proinde vitiosum, imò & impossibile; quia nemo movetur ad id, quod novit esse impossibile.

23. Respondeo in primis: Esto omnia, aut pleraque ex illis locum non habeant nisi in dubio positivo, quid inde? ex eo profectò non magis sequitur, nullum dari proprium dubium negativum, quàm sequatur ostrea aut lumbricos non esse animalia, quia acutissimis videndi ac audiendi operationibus carent. Quoties Auctores de animalibus agentes extollunt perfectionem talium sensationum, atque eas animalibus convenire pleno ore tradunt, an ideo censendi sunt existimare, ea propriè animalia non esse, quibus illæ non competunt? minimè; quia non semper loquuntur in rigore generico & de omni, quoties utuntur, voce genericâ, sed sæpè indefinitè loquuntur ut notum est. Idem in casu nostro evenit, quia Doctores, dum de natura dubitationis pressè agunt, expressè dividunt illam in duas species, nempe in positivam & negativam, sicut Animal dividitur in id quod pollet omnibus quinque sensibus, & in illud quod aliquo eorum caret. At postea quando indefinitè agunt de dubio, solent exempla ponere de dubitatione positiva, utpote quæ est maximè notoria species dubitationis, atque illius tantum proprietates maximè obvias proponere, sicut etiam consueverunt facere, quando de Animalibus agunt. At in utroque casu eisdem prorsus argumentis convincuntur loqui indefinitè, non autem universaliter de omni.

Itaque

Dubitans habet cur dubitet.

Utrum dubitatio negativa habeat proprietates dubitationis?

Argumenta Celladei. Missa non probant intentum.

Itaque ex istiusmodi loquutionibus nullatenus sequitur, dubitationem negativam non esse propriam dubitationem, sed, si omnia perpendantur, oppositum elicitur, quod ex secunda responsione clarius patebit.

Passiones dubitantis, aut omnes aut pleraque inveniuntur in eo, qui negativè dubitat.

Respondeo ergo secundò pleraque ex allatis in objectione locum habere in dubitatione negativa, quando illa existit. Inprimis verum est, quod dubitans negativè aliqua ratione moveatur, scilicet eà, quòd fortasse inventurus sit veritatem, quam invenire desiderat, & ideo quaestionem sibi proponit, & circumspicit ut rationem pro ejusdem solutione inveniat. Jam non existit dubitatio negativa, nisi quando ista existunt, quæ profectò nec superflua sunt, nec inutilia, cum nos ad conatum maximum adhibendum excitent, quo conatu non tendimus in rem impossibilem, sed quaerimus rem, quam speramus inveniendam. Et sanè si petas à tali dubitante cur dubitet, respondebit, se dubitare, quia quaerit veritatem rei, pro qua determinanda nullam rationem adhuc invenit, sed invenire conatur & cupit. Quod cum ita sit, manifestum est omnem negativè dubitantem ita se habere circa rem inveniendam, sicut qui deliberat circa rem agendam, imò & nodò quodam impediri, quo minùs pergat ad perficiendum quod cupit perficere: quis autem non videt veritatis inventionem esse finem intentum à tali dubitante, qui certè excitatur ad eam quaerendam, etsi acutis aut mordacibus rationibus nec impellatur ad assensum, nec ab assensu retrahatur? Immeritò proinde & contra apertam veritatem Celladeus objecit, nullam dubitantis passionem inveniri in negativè dubitante, cum omnis fermè positivè dubitantis passio in eo reperiatur. Nil etiam probat exemplum S. Thomæ & aliorum, qui quaestione proposità rationes dubitandi ante solutionem præmittunt; illi enim non agunt de omnibus, de quibus quaestionem apud se moverunt, ac dubitarunt, sed solum de illis, quæ post dubitationem solverunt, quæque alios docere intendebant. At talia sunt dubia positiva, ut patet; sed nec omnia dubia sua positiva proposuerunt; sed ea solum, quæ potuerunt probabili ratione solvere. Anne ideo inferes, nullum fuisse dubium apud illos, quod non solverint? Apage; contrarium est nimis clarum. Unde ex horum praxi nullatenus sequitur, dubitationem negativam non esse propriè dubitationem.

Celladeus contundit dubium negativum sumptum pro objecto, cum dubio negativo sumpto pro actu.

24. Æquivocavit ergo Celladeus in hac re, ejusque æquivocatio in eo consistit, quòd non benè distinxerit inter dubium negativum, sumptum pro objecto, & sumptum pro actu. Dubium negativum, sumptum pro objecto, potissimè significat ea, de quibus jam constat, nullam nobis rationem suppetere ad alterutram partem determinandam. Jam postquam hoc nobis innotuit, omnis conatus circa veritatis indagationem cessat, sicut & desiderium sciendi rem illam, utpote quam scitu impossibilem novimus. Similiter de illis quaestionem amplius non movemus, nisi fortasse aliquando vocaliter per modum exempli, non autem interiùs in mente ad veritatem indagandam. Hinc ergo est, quod de istiusmodi objectis amplius non dubitemus, etsi illa sint, & immobiliter denominentur habitualiter dubia à dubitatione negativa, quæ circa illa primitùs versata est. Similiter verum est, quòd circa illa nullas proprias debitoris affectiones & passiones habeamus. Hac omnia Celladeus ipsi dubitationi negativæ actu existenti attribuit, & ideo deceptus est; nam si dispositionem hominis actu negativè

dubitantis excussisset, vidisset profectò illam omnem fermè positivè dubitantis passionem & motum habere.

25. Ad illud Aristotelis dico, Philosophum loqui potissimùm de illis, qui sententiam suam jam stabiliverant, de quibus verum est, quòd obiectio acuta, & multò magis acutissima eos vacillare ac dubitare faciat. Potest etiam referri ad audientes, & alios omnes, qui suam sententiam nondum stabiliverunt; illi enim maximè moventur ejusmodi rationibus acutis ac difficilibus, atque vi illarum titubant, vacillant, ac dubitant. Unde nemo negat vacillationem animi, ac dubitationem componi posse cum rationibus acutissimis ac validissimis; omnes enim fatentur, nos dubitare posse etiam in materia fidei, etsi motiva pro fide sint prævalentissima, non solum absolute sed etiam comparatè ad motiva opposita. Itaque Celladeus Auctoribus benignæ sententiæ oppositum falsò imponit. Dicunt illi quidem, se, cum ad probabilitatem pervenerint, non amplius dubitare, sed jam sufficienter paratos esse ad dubium deponendum, & conscientiam debitè formandam; nec tamen negant se posse absolute dubitare, quia hæc duo sibi non contradicunt, ut mox patebit quaestione sequenti.

Aristoteles citatus non probat intentum.

Non docemus, quæ Celladeus nobis attribuit.

ASSERTIO SECUNDA.

Propositum sit explicare quid sit dubium, si dubium sumatur pro objecto.

26. **H**ACTENUS explicuimus, quid sit dubium sumptum pro actuali dubitatione, seu pro affectione animi, per quam actu dubitavimus; superest, ut explicemus quid sit dubium sumptum pro objecto; nam res ipsas dubias dicimus, quando de illis dubitamus. Celladeus in titulo *quæst. 1.* de utroque quaestionem instituit, sed post suam sententiam de natura dubitationis expositam, videtur oblitus alterius partis quaestionis propositæ, non enim explicat quid sit, objectum esse dubium, sed illud omittit, ac si de illo quaestionem non instituisset. Itaque rem breviter expediam.

Quid sit, objectum esse dubiū.

27. Inprimis dico, *denominationem dubii esse rebus extrinsecam*: ratio est, quia omnis res in se ipsa est certa & determinata. Ergo in se ipsa & intrinsecè non est dubia. Præterea omnis res certò & evidentè à Deo cognoscitur. Ergo nulla res est intrinsecè & essentialiter dubia; alioquin non nisi dubiè cognosci posset à Deo, qui omnia novit sicut sunt. At omnia à Deo cognoscuntur ut certa, nihil ut dubium. Ergo omnia sunt in seipsis certissimè vera, & nil est intrinsecè dubium in seipso, ergo denominatio dubii est rebus extrinseca.

Denominatio dubii est rebus extrinseca.

28. Dico secundò. *Rem esse dubiam est denominatio relativa ad dubitantem*. Patet, quia nil dicitur dubium nisi in ordine ad aliquem, qui dubitat; posito enim hoc respectu, res dicitur dubia; eo ablato, non amplius dicitur dubia. Ergo denominatio dubii consistit in hoc respectu. Præterea; quod est uni dubium, sæpè certum est alteri. Ergo tota ratio dubii est denominatio relativa ad dubitantem.

Dubium est denominatio relativa.

29. Dico tertio. *Res propriè loquendo non denominatur actualiter dubia, nisi à dubitatione actuali, quæ versatur circa illam*. Ratio est, quia res non sunt actu dubia, nisi prout referuntur ad intellectum actu dubitantem de illarum veritate. Si enim

Res denominatur actualiter dubia à dubitatione actuali, ac actuali.

enim

enim nemo actualiter dubitaret de ulla re, nil esset actualiter dubium, quia nullus actu dubitaret. At non referuntur ad intellectum dubitantem nisi per dubitationem, quæ versatur circa illas, ergò, si propriè loquamur, res non denominantur actualiter dubiæ nisi à dubitatione actuali, quæ versatur circa illas. Præterea, posita dubitatione actuali in intellectu aliisque omnibus ablati, res, circa quam dubitatio versatur, est actualiter dubia illi intellectui. E contrà, ablata dubitatione actuali, aliisque omnibus positi, res non est actualiter dubia. Ergò unica forma denominans rem actualiter dubiam est actualis dubitatio circa illam.

Res omni
eo modo est
dubia, quo
subsistat du-
bitationi.

30. Dico quartò. *Res non denominatur possibiliter seu habitualiter dubia, nisi à possibili vel habituali dubitatione circa illam.* Uno verbo, omnia eà tantum ratione sunt & dicuntur dubia, qua subsistant & concipiuntur subsistere dubitationi. Hæc propositio & per se patet, & eodem modo probatur sicut præcedens.

Alia sunt
nobis necesse-
sario dubia,
alia solum
contingentia.

31. Hinc sequitur, aliqua esse, quæ quoad nos sunt necessariò habitualiter dubia; nempe ea omnia pro quibus nullum nobis ad quætionem determinandam motivum suppetit, qualia sunt numerus arenarum & similia. Hæc omnibus hominibus sunt necessariò habitualiter dubia, quia necessariò subsistant dubio, si in quætionem & examen accipiantur, cum nullum nobis suppetat argumentum ad res ejusmodi determinandas. Reliqua sunt accidentaliter dubia; unde quidam de illis dubitant, quidam non dubitant.

Valde sapi-
entes, &
valde insi-
pientes ræ-
rò dubitant.

32. Sequitur secundò tam valde sapientes quam valde insipientes rarò dubitare; eos verò, qui ingenio pollent & scire cupiunt, sed ob defectum disciplinæ & industriæ veritatem ignorant, dubitare frequentissimè. Ratio est, quia valde sapientes pleraque norunt, & de omnibus fermè sententiam stabilitam habent unde de illis non dubitant. E contrà, valde hebetes & insipientes rarò dubitant, quia rarò de rebus incertis cogitant,

& si aliquando cogitent, rarò veritatem sciendi desiderio alliciuntur, rarò quætionem sibi proponunt, rarissimè autem rationes excutunt & de earum qualitate enunciant. Ergò rarò dubitant.

33. Dico quintò. *Omnia nobis incerta sunt aliquo modo, & vocantur dubia, sed minus propriè.* Quod vocentur dubia, constat ex communi Auditorum locutione, qui sæpè omnia ejusmodi appellant dubia. Itaque apud illos dubium in hac acceptione opponitur certo, & proinde omnia opinabilia & omnia etiam opinata complectitur, saltem quando cum actuali formidine opinamur, quia omnia ejusmodi nobis certa non sunt, sed incerta. Verum hæc acceptio dubii impropria est, quia extenditur ad opinata, quæ propriè loquendo non sunt dubia, cum per judicium opinativum dubium solvatur, ut patet. Cæterum objecta hujusmodi non omnino immeritò appellantur dubia, quia in multis conveniunt cum rebus propriè dubiis; in utrisque enim formido falsitatis reperitur, & in utrisque locus datur non solum judicio de insufficientia motivorum ad quætionem certò determinandam, sed etiam possibilitati, desiderio, ac conatui veritatem melius sciendi, quæ omnia speciem quandam & similitudinem habent dubii propriè dicti, ac proinde omnia incerta non omnino immeritò vocantur dubia; quia etsi dubium rigorosum tollatur per judicium opinativum & formidolosum, nihilominus illa dubii decisio non perfectè quietat animum, sed relinquit locum ulteriori decisioni, in ordine ad quam habendam animus aspirat, & conatum exhibet, dispositionemque habet similem illi, in qua propriissima ratio dubii consistit. Itaque sicut quævis pars contradictionis, quæ propriè dubitationi subsistat, est rigorosè dubia, ita etiam unaquæque contradictionis pars, quæ incertitudini subsistat, aliquo modo est, & non omnino immeritò dicitur dubia.

Ombia in-
certa vocan-
tur dubia,
sed minus
propriè.



QUÆ

QUAESTIO QUINQUAGESIMA. PRIMA.

Virum dubitare sit nobis liberum? Et an sola ratio dubitandi ad solvendam dubitationem sufficiat?

Scire & sensus quaestio.

SENSUS Quaestio est, utrum, stantibus motivis, propter quae positivè dubitamus, positum sit in arbitrio voluntatis flectere intellectum in assensum rei dubiae, etsi nulla nova ratio suppetat, nec priores rationes melius percipiantur quàm antea: hoc cõincidit cum secunda parte tituli; si enim dubitare sit nobis eo modo liberum, verum etiam erit, solam rationem dubitandi sufficere ad solvendam dubitationem; si autem non sit eâ ratione liberum dubitare, sola ratio dubitandi non sufficet ad solvendam dubitationem, quae proinde solvi non poterit, nisi vel aliquod novum motivum accedat, vel prior ratio melius & efficacius proponatur. De hoc argumento Celladeus agit lib. 4. quaest. 3. ubi contendit, dubitare nobis liberum non esse, & consequenter asserit, solam rationem dubitandi non sufficere ad deponendum dubium: sed in utroque fallitur, ut ex dictis constabit. Sit ergo

ASSERTIO PRIMA.

In omnibus rebus obscuris, semper liberum est dubitare in eodem instanti, in quo non dubitamus, sed per positivum assensum unius partis quaestionem solvimus.

PROBATUR. In omnibus rebus obscuris assensus, qui uni parti praebetur, est liber. Sic fides est libera, ut non solum experientia constat, sed etiam ex unanimi omnium consensu certum redditur. Idem à fortiori valet de aliis judiciis obscuris, quippe quae minus validis motivis fulciuntur, quàm fides. Ergo intellectus minus trahitur ab illis ad assensum, quàm à motivis fidei. Ergo judicia illa non minus, sed potius magis subduntur imperio voluntatis quàm assensus fidei. Ergo omnia judicia inevidentia sunt libera. Ergo stante totâ objecti propositione praevid ad talia judicia, suspendi potest assensus. Ergo motivum, quod de facto approbatur à voluntate imperante assensum, ab eadem contemni potest tanquam insufficiens; quia sicut possumus non amplecti motivum, quod de facto amplectimur, ita propter varia commoda & incommoda possumus illud motivum affectivè minoris aestimare, quàm oporteret, si rationabiliter, & juxta merita rerum procederemus. At per hoc praeciè dubitamus, quod stante agitatione quaestionis judicium decisivum quaestionis suspendatur, & motiva à voluntate minoris fiant, quàm oportet; ergo in obscuris semper liberum est dubitare in eo instanti, in quo non dubitamus, quia omnia

libera sunt, per quae formalis deliberatio completur.

ASSERTIO SECUNDA.

Sapè liberum est non dubitare, quando positivè dubitamus.

PROBATUR. Possibile est dubitare in materia fidei, quando fides est sufficienter proposita: nam dubius in fide infidelis est, ut habetur in cap. 1. de haereticis; nec dubium, quin deatur saepius ejusmodi peccatum; canon enim ille non procedit de subiecto non supponente. Jam qui dubitat in materia fidei, neque peccat, neque est infidelis, nisi fides sufficienter proposita fuerit. Ergo possibile est dubitare in materia fidei sufficienter proposita. Hæc dubitatio, quando ponitur est libera, quia est peccaminosa. Ergo poterat non poni. Ergo dubius in fide saepè est liber ad non dubitandum, etiam quando dubitat; quia utraque pars contradictionis, nempe, dubitare & non dubitare, est in libera voluntatis dispositione, quatenus actus primus praevis est indifferens ad utramlibet, & sufficiens ad utramque.

4. Confirmatur: fides est possibilis, quando mysterium est sufficienter propositum. At quando mysterium est insufficienter propositum, dubitatio de tali mysterio est probabilis. Ergo fidesysterii & dubitatio de mysterio sunt simul possibiles. Ergo quævis pars est possibilis & libera in eo instanti, in quo altera pars ponitur. Ergo aliquando liberum est non dubitare quando dubitamus, & è contrà. Eadem ratio locum habet, quando dubitamus de rebus, quae in actu primo multò probabilius representantur pro una parte, quàm pro altera. Hoc autem saepè evenit. Ergo saepè liberum est non dubitare, quando actu dubitamus; non quidem in sensu composito sed in sensu diviso, sicut liberum est abstinere ab opere, quando illud liberè ponitur.

5. Probatur secundò. Dubitatio in materia fidei non solum tollitur per ipsum actum fidei, quo intellectus quaestionem directè solvit, sed etiam per quamvis aliam intellectus aut voluntatis dispositionem, quae actui fidei æquivaleret in ordine ad figendum animum in quadam mysterii certitudine: stante enim tali dispositione, homo non dubitat, cum vel expresse & formaliter, vel saltem æquivalenter seu virtualiter respiciat rem quasi certam. At hæc dispositio dupliciter haberi potest, quamvis actus fidei de Mysterii veritate non eliciatur; primò, si intellectus judicet motiva esse sufficientissima ad certissimè credendum, quamvis

Sapè liberum est non dubitare, quando dubitamus.

Tam liberum est dubitare & non dubitare, quàm assensu & non assensu.

Idipsum elatione declaratur in materia fidei.

quamvis intellectus actu non credat; secundò si voluntas affectivè respiciat illa motiva ut certa, & opposita ut nullius momenti contemnat. Jam quævis ex istis duabus dispositionibus expresso fidei actui æquivaler in ordine ad animum in quadam mysterii certitudine figendum, quia per quamvis illarum homo æquivalenter se habet, ac si crederet, ut patet. Ergò per quamvis illarum dubitatio tollitur. Atqui quando homo actu dubitat in materia fidei sufficienter propositæ, potest quamvis illarum dispositionum habere: potest enim non dubitare quia potest non peccare. Ergò multò magis potest has dispositiones habere: illæ enim communiter fidem præcedunt, & haud dubiè haberi possunt ante fidem. Similiter separari possunt ab actuali fide, cum sæpè illas aut illarum alteram habeamus, quando actum fidei non eliciamus. Ergò utraque hæc dispositio, aut certè illarum altera, haberi potest quando homo actu dubitat, etsi actus fidei tunc non eliciatur. At per quamvis illarum tollitur dubitatio, licet actus fidei non imperetur. Ergò homo potest non dubitare quando actu dubitat, etsi iudicium quæstionis propositæ expressè decisivum non eliciat.

6. Argumentum istud efficaciter probat intentum in materia fidei, idemque applicari potest circa materiam probabilem & incertam, quando quis aut peccaminosè, aut aliàs imprudenter dubitat de rebus probabilissimis, ob motiva contraria debilissima; in eo enim casu dubitatio tollitur non solum per iudicium quæstionis decisivum, sed etiam per iudicium affirmans motiva uni parti faventia, & esse sufficientissima in se ad quæstionem probabilissimè terminandam, & comparata cum oppositis ea longissimè superare. Immo dubitatio tollitur per affectum voluntatis, ita affectivè appetentem motiva illa superiora, sicut merentur ab intellectu mentaliter approbari. Per utramlibet harum dispositionum animus æquivalenter & virtualiter tam figitur in veritate rei, quam formaliter figitur in eadem per iudicium probabile decisivum quæstionis: stante enim tali dispositione non amplius vacillat animus circa veritatem illius rei, sed vel formaliter vel æquivalenter in ea quiescit, sicut in rebus incertis per iudicium probabile quiescere solemus. Et sanè eadem prorsus ratio proportionaliter locum habet in hoc casu, sicut in dubitatione circa materiam fidei. *Proportionaliter*, inquam, quia sicut respicere motiva fidei ut certa, est æquivalenter credere mysterium ipsum ut certum, etsi actus fidei non eliciatur; ita etiam respicere motiva uni parti faventia ut probabilissima, & respicere opposita ut nullius momenti, est æquivalenter dare assensum probabilem illi parti, quamvis expressum iudicium de illius veritate non eliciatur. Ergò utrobique dubitatio tollitur per illam dispositionem, etsi iudicium formaliter decidens quæstionem non eliciatur.

7. Hinc sequitur ulterius, homines in rebus moralibus propriè loquendo non amplius dubitare de honestate rei, quando post diligentiam debitam eò pervenerunt, ut sciant honestatem illius rei esse probabilem, quamvis ex una parte actu non iudicent rem illam esse veram, & ex altera videant partem oppositam esse probabilem. Ratio est, quia dubitatio in eo consistit, quòd homo formaliter vel æquivalenter iudicet, deesse motiva sufficientia ad quæstionem per iudicium rationale determinandam, quamvis quæstionem non decidat per iudicium expressum. At

hæc dispositio tollitur per hoc, quòd sciamus honestatem esse probabilem, licet neutri parti assensus præbeatur. Ergò tollitur etiam omnis propria dubitatio de talis rei honestate. Hoc autem dupliciter intelligunt Auctores, primò considerando rem directè, secundò reflexè, & quidem stando in directa rei consideratione, valde diversa est dispositio hominis circa eandem rem, quando dicit non adesse motivum sufficiens ad quæstionem rationabiliter terminandam, quamvis quæstionem expressè non decidat. At secunda dispositio peculiariter constituit dubitationem propriè dictam. Ergò prior dispositio, illi opposita, excludit propriam rationem & essentiam dubitationis. Et hoc est, quòd Auctores intendunt, quando probabilia à dubiis distinguunt, atque ea extra dubiorum classem constituunt. Qua in re consequenter ad naturam & essentiam dubii strictè sumpti loquuntur, & immeritò à Celladeo redarguuntur. Quod si contendat, animum taliter constitutum adhuc dubitare, maxime quamdiu utramque partem probabilem reputat, instituet quæstionem de nomine, atque in vocum usurpatione à communi (ut ipse fatetur) Auctorum acceptione recedet. Ergò audiendus non est, quia in vocum usurpatione standum est communi Auctorum acceptioni, maxime quando constat. Auctores communiter per illud nomen intelligere dispositionem longè diversam ab ea, quam peculiaris homo voci illi affingit, ut factum videmus in casu nostro.

8. In sensu autem reflexo res est longè clarior, quia per considerationem reflexam mens jam stabilita est in ea sententia, quòd omne directè probabiliter honestum, si omnia considerentur, sit absolute loquendo permissum & honestum. Unde eo ipso quòd post diligentiam debitam constat, honestatem rei esse probabilem, non amplius dubitamus de absoluta illius honestate hic & nunc, quia vel formaliter, vel æquivalenter solvimus quæstionem. Atque hoc est quòd Auctores intendunt, quando dicunt nos, cum ad probabilitatem certam pervenimus, non amplius dubitare, quia statim per hoc ipsum sumus sufficienter dispositi ad dubium deponendum & conscientiam debitè formandam. Quod verum est tam in sensu directo, quam in reflexo; quia in utroque adest sufficiens motivum ad quæstionem dirimendam, si voluntatis imperium accedat; & quia jam ob rationes prius notas ita habitualiter ac æquivalenter sumus dispositi circa rem illam, ac si actu diceremus illam esse licitam. Neque tamen ideo dicunt, hominem non posse de rebus illis dubitare, oppositum enim & tenent & probant, eò quòd, stante totà propositione objecti illius directè considerati, intellectus flecti possit ad absolute credendum illud esse inhonestum, quod plus est quam solum dubitare de honestate. Rursus voluntas potest ita averfari motiva faventia honestati, ut ea contemnat tanquam insufficientia ad iudicium rationabiliter eliciendum, & sic impedire etiam potest iudicium reflexum de sufficientia talium motivorum. Quod si quis sectetur opinionem rigidam, is etiam reflexè dubitare poterit, atque etiam iudicare, probabilitatem honestati faventem non sufficere ad conscientiam ritè formandam contra oppositam probabilitatem de ejusdem inhonestate. Hic est sensus Auctorum benignæ sententiæ, quem me explicaturum promisi in fine quæstionis superioris.

Cæterum iidem Auctores nonnunquam huiusmodi objecta appellant dubia, sed cum addito, scilicet

Et multò magis si consideretur reflexè.

Immo & in materia utrimque probabilis, etiam solum directè consideretur.

scilicet dubia probabilia, per quod solum significant, ea esse incerta; quo non obstante, dicunt eadem subistere rationibus sufficientibus ad conscientiam ritè formandam, quodd est ea non esse propriè dubia, ut constat. Sed ut hæc plenius intelligantur, sit

ASSERTIO III.

Sola rationes, quibus mens in utramque partem movetur quando actu dubitas, saepe sunt sufficientes ad dubium deponendum.

9. **PROBATUR.** Rationes fidei debentè propositæ sufficientes ad dubium deponendum, quia sufficientes ad fidem ipsam; neque enim aliæ rationes necessariò requiruntur ex parte intellectus ad assensum fidei, alioquin fides non esset sufficienter proposita. At rationes fidei sufficienter propositæ existunt in mento, quando homo peccaminosè dubitat in materia fidei. Ergo solæ rationes dubitandi sufficientes ad dubium deponendum, & ad quaestionem solvendam, saltem in materia fidei. Immo & saepe etiam in aliis materiis, ut constat ex dictis *Assertionem secundam*, ex qua ista sequitur tanquam corollarium. Similiter tam ista quam superiores assertiones validissimè probantur ex dictis *quest. 30.* in qua ostendimus, intellectum esse liberum libertate contrarietatis ad opinandum inter motiva æquè probabilia. Illa enim ex æquo probant veritatem omnium harum assertionum, ut patet.

ASSERTIO IV.

Quamvis sola rationes dubitandi sufficientes ad quaestionem solvendam, semper tamen rationes illa validiores apparent pro parte, que deciditur, quam pro eadem apparent, quando absolute non deciditur.

10. **PROBATUR.** Alia est apparentia veritatis antecedens omne iudicium & omnem affectum, uni potius quam alteri contradictionis parti alligatum; alia est apparentia concomitans aut etiam consequens ejusmodi iudicium & affectum, uti fuscè declaratum est *quest. 8. num. 25. de Consc. prob.* ubi ostendimus, apparentiam concomitantem & subsequentem affectum & iudicium uni parti alligatum, esse majorem & vehementiorem apparentia merè antecedente, & adversarios defectu hujus distinctionis in magnas æquivocationes incidisse. Hinc veritas conclusionis evincitur; quia quoties dubium solvitur, intellectus non solum habet apparentiam antecedentem de veritate rei, sed etiam habet apparentiam concomitantem & consequentem affectum & iudicium uni parti affixum; cum si dubitasset & quaestionem non solvisset, solum habuisset apparentiam antecedentem, quæ minor est & minor apparet, quam quæ comitatur & subsequitur iudicium, per quod quaestio solvitur.

11. Nihilominus eadem penitus ratio eodem modo intellecta, quo intelligitur dum dubitamus, saepe sufficit ad quaestionem solvendam; quia ratio seu apparentia favens mysteriis fidei, verbi gratia, quando quis dubitat de fide poterat separari à pravo animi affectu, & ejus loco conjungi cum pia affectione ad illa mysteria, & ad finem

R. P. A. Terilli, Regula Morum Pars II.

supernaturalem, qui non nisi mediante fide talia mysteria acquiri potest; quia, stante illa propositione, hoc ad solam libertatem voluntatis pertinet. At illa ipsa propositio mysterii, pia affectioni conjuncta, sufficeret ad assensum fidei, quia mediante pia affectione illam producere potuisset. Ergo eadem ratio, quæ est in dubitante de fide, sufficit ad fidem inducendam, per quam quaestio solvitur. Ratio à priori est, quia quando agimus de ratione sufficiente ad assensum obscurum, agendum est non de apparentia consequente aut concomitante affectum voluntatis & iudicium uni parti alligatum, sed solum de ratione tam ad affectum quam ad iudicium dictum prævia, quia illa sola est, à qua sola cautelitas derivatur; illa enim sufficit ad liberum voluntatis affectum, & illo mediante ad assensum quamvis apparentia illa, prout conjuncta affectui ad unam partem, vehementius allicit ad assensum, quam si cum illo non conjungeretur; totus enim ille processus à sola prima illa ac prævia rei propositione dependet; sicut etiam ab eadem dependet nova apparentia concomitans & consequens affectum & iudicium. Ex defectu hujus distinctionis nonnulli existimant, solam rationem dubitandi non sufficere ad dubium impediendum, aut deponendum, sed aut aliam rationem novam, aut certè novam ac meliorem primæ rationis propositionem ad dubii solutionem esse necessariam; atque inde intulerunt, liberum nobis non esse dubitare, quando dubitamus. Cum enim experirentur, se longè aliter & vehementius affici ad assertiones quas tenent, quam ad illas de quibus dubitant, putarunt intellectum ita constitutum esse, ut judicare nequeat, nisi habeat rationes potiores & vehementiores, quam quando dubitat. Totam autem hanc apparentiam putarunt esse præviam, ideoque intulerunt, eam ex parte actus primi necessariò requiri ad judicandum. Sed falsi sunt, quia sæpe major illa apparentia solum est concomitans aut consequens affectum & iudicium uni parti affixum, quæ proinde ab alia minore apparentia ortum suum trahit. Illa autem minor apparentia prævia erat ipsa ratio dubitandi, ut ostensum est.

Æquivocatio adversarii detegitur.

SOLVUNTUR OBJECTIONES.

12. **OBJICITUR** primò. Quando dubitatur ob rationes & auctoritates hinc inde allicientes, ratio aliqua vel auctoritas peculiaris assertur pro solutione; nec per rationes dubitandi censetur remota dubitatio, & pars altera decisa; quia solutio dubitationis est inventio veritatis, aut vera aut saltem existimata. Ergo sola ratio dubitandi non sufficit ad solvendam dubitationem.

Confirmatur primò. Regulæ juris in re dubia sunt solutiones dubiorum; semper autem fiunt cum ratione peculiari pro ea parte cui favent, & pro qua solvunt dubium, non autem ex libito; alioquin regulæ contradictoriæ essent æqualiter rationabiles; & sic sicut dicitur, *In dubio favendum est rei, Melior est conditio possidentis, &c.* æquè dici posset contrarium, *In dubio favendum est actori, Deterior est conditio possidentis*, quia ad paritè causæ determinationem nulla specialis ratio, sed solum arbitrium voluntatis requireretur. Hoc autem est evidenter falsum, & contra omnes.

Confirmatur 2. Objectioni æqualiter se habente apud aliquem ad verum & falsum, non datur enunciare de altera parte. At omnis dubitans propter

Confirmatio 2.

Eadem ratio eodem modo intellecta sicut intelligitur, dum dubitamus, sufficit ad dubium deponendum.

propter rationes hinc & hinc allicientes, habet objectum indifferens ad verum & falsum. Ergo nullus dubitans habet unde quæstionem determinet.

Confirma-
tio 3.

Confirmatur 3. Si quod sufficit ad dubitandum, sufficeret ad affirmandam unam partem, affirmans rem non obligaretur ad plus quam dubitans. At dubitans non obligatur rationes bonas facere, & contrarias solvere. Ergo nec affirmans ad illud teneretur. Consequens est falsum & contra praxim omnium. Ergo falsum etiam est antecedens. Ita Celladeus *lib. 4. quæst. 3. §. 2.*

Solvitur ob-
jectio.

Respondeo, omnia hæc obijci ex confusione apparentiæ antecedentis & consequentis affectum, & iudicium uni contradictionis parti alligatum. Sed ad singula respondeamus. Inprimis obiectio multis in locis videtur procedere in sensu composito dubitationis, à quo præsens quæstio prorsus præscindit; repugnat enim dubitationem & quæstionis decisionem in eodem intellectu componi. Cæterum concedo dubitationem non tolli formaliter per rationem dubitandi. Verum hoc non quæritur in præsentia, sed quæstio in eo vertitur, utrum ratio illa, cui de facto superadduntur reliqua per quæ dubitatio completur, sufficiat, ut accedente alio affectu & imperio voluntatis superaddi illi possint ea, per quæ dubitatio tollitur. Jam argumentum non tangit hoc, quod tamen unice urgendum erat. Itaque distinguo consequens. Sola ratio dubitandi non sufficit ad tollendam dubitationem, tanquam causa formalis adæquata dubitationis solutz, concedo consequentiam. Tanquam causa effectiva seu dispositiva remota & sufficiens, cui alia superaddi possint per quæ dubitatio tollitur, nego consequentiam.

Solvitur re-
plica ex
regulis juris
petita.

13. Ad primam confirmationem dico, regulas juris de dubio esse rationes reflexas, quibus dirigimur, quando quæstio directè non solvitur. Rationes autem istæ reflexæ magis favent uni parti quam alteri, non solum in actu secundo quando per absolutum iudicium præferunt unam partem, sed etiam antecederet pro priori ad omnem assensum & affectum uni parti indebitè propensum; alioquin tanta esset opinionum diversitas de istis regulis juris, quanta est de rebus ipsis. Itaque exemplum ab istis regulis petatum non urget, nisi ostendatur, quod in omni dubii resolutione tanta ratio tamque urgens & peculiaris reperiatur, quam habetur, dum quæstio per regulas juris tanquam per axiomata notissima solvitur. At hoc ostendi nequit, cum sit evidenter falsum in iis qui temerè dubitant, & multò magis in hæreticis qui errant in materia fidei sufficienter propositæ. Negamus ergò excessum rationum requiri ex parte actus primi, qui ad solvendum dubium requiritur. At si loquamur, ut nunc loquimur, de formali dubii resolutione, fateamur illam semper constitui per apparentiam majorem pro una parte quam pro alia. Sed illa majoritas, ut inducatur, non requirit prævalentiam in actu primo, sed haberi potest, quamvis ratio, parti illi singulariter favens, in actu primo non sit major, quam ratio quæ alteri parti favet. Itaque fateor, duo motiva sibi contraria & æqualia in actu primo, sufficere ad solvendum dubium in actu secundo per majoritatem rationis inducendæ pro una parte; sed inde non sequitur, duo contradictoria esse posse regulas *æquè rationabiles* ac sunt illæ regulæ juris, quia nihil meretur nomen regulæ in illo sensu, nisi quod est notius & certius quam ejus oppositum. Similiter ex hoc

non sequitur, æquè rationabiliter dici posse non esse favendum reo in dubio, ac eidem in dubio esse favendum; quia dictum illud est axioma reflexum certum, quod proinde habet objectum certum, non dubium & anceps. Itaque veritas hujus axiomatis inalterabilis est, & eadem manet, quidquid sit, an circa objecta dubia ipsa ratio dubitandi sufficiat vel non sufficiat ad dubium deponendum.

14. Secunda confirmatio eodem vitio laborat: verum enim est, nullam dari enunciationem de objecto, quod tam in actu primo quam in actu secundo quoad existimationem æqualiter se habet ad verum & falsum. Cæterum cisi in actu primo par sit apparentia pro utraque parte, in consequenti tamen dispar esse potest apparentia, ut sæpe dictum est. Præterea argumentum hoc alio etiam vitio laborat, quia minor procedit in sensu composito dubitationis; unde solum inferitur, quod qui actu dubitat, non possit simul enunciare de altera parte, quod nemo negat; sed hoc hic non quæritur. Quærimus enim solum, an prima illa & prævia apparentia, cui de facto dubitatio additur, sufficiens erit, ut loco dubitationis, si voluntas aliter affecta fuisset, elici potuisset iudicium decisivum dubii. Verum argumenta Celladei hoc non tangunt.

Duplex æ-
quivocatio
in argumē-
to Celladei

15. Ad tertiam confirmationem, negatur sequela majoris; quia nulla est connexio inter hypothesein & illatum; sive enim ratio sufficiens ad dubitandum sufficiat, sive non sufficiat ad deponendum dubium, semper verum est, affirmantem ad plus teneri quam dubitantem. Exemplum sume tam in voluntate quam in intellectu. Voluntas sæpe deliberat, & simul habet sufficiens motivum contrahendi & non contrahendi amicitiam cum aliquo; potest enim illam contrahere & non contrahere; nec tamen inde sequitur, quod contrahens amicitiam ad aliud non obligetur, quam si eam non contraheret. Rursus nemo negat, quin, dum opinamur, simus liberi ad non opinandum, quia opinio est libera saltem libertate contradictionis. Ergo omnis opinans simul habet motivum sufficiens ad opinandum & ad non opinandum pro imperio voluntatis; & tamen ad plus obligatur si opinetur, quam si non opinetur. Idem prorsus valet in casu nostro.

Illatum nō
sequitur ex
hypothesi
argumenti.

16. Obijciitur secundò. Nullus dubitans intelligit, scit, opinatur, aut credit hanc partem esse veram, illam falsam. At omnis solvens dubium intelligit, scit, opinatur, vel credit hanc partem esse veram, illam falsam. Ergo dubitans & solvens dubium non habent easdem rationes; & sanè implicat, ut iisdem omnino stantibus rationibus, & eodem modo se habentibus, eadem res modò videatur nec vera nec falsa, & dubitem, modò videatur vera, & desinam dubitare. Ita Celladeus §. 2.

Obiectio 2.

Respondeo easdem hic quoque æquivocationes intervenire. Inprimis præmissæ procedunt in sensu composito dubitationis, & solutionis dubii; ex quibus solum immediatè sequitur, nullum solventem dubium dubitare. At consequentia à Celladeo posita ne indirectè quidem ex illis præmissis elici potest, si sermo sit de apparentia veritatis seu de ratione antecedente; illa enim eadem esse potest in dubitante & in non dubitante, ut dictum est. At si sermo sit de omni ratione ac apparentia veritatis tam antecedente quam consequente & concomitante dubitationem atque solutionem dubii, consequentia rectè inferitur. Semper enim longè aliter res apparet sol-
venti

Solutio

venti dubium, quàm dubitanti apparuerat; sed illa diversitas non semper se tenet ex parte rationum seu motivorum, quæ sunt in mente prioriori ad affectum & iudicium uni parti alligatum, sed solùm ex parte apparentiæ concomitantis aut consequentis dictum affectum & iudicium. Jam si omnia, tam antecedentia quàm concomitantia & consequentia statum dubitationis, vel statum solutionis dubii, simul considerentur, implicat sanè, ut quis modò dubitet, modò dubitationem solvat; quia fieri nequit, ut stante solutione dubitetur, aut ut stante dubitatione dubium solvatur. At si loquamur de solis rationibus & apparentiis prævis, de quibus solis præsens quæstio procedit, illæ tales sunt, ut, iuxta varium affectum & imperium voluntatis, illis addi possit vel apparentia consequens maior, & solutio dubii, vel suspensio iudicii solventis dubium. Unde fiet, ut consequens illa apparentia maior suspendatur. Contra hoc agere debuit Celladeus, sed hoc non tangit.

Obiectio 3. 17. Obijcit tertio: Non minùs dubitans debet rationem asserre, cur dubitet, quàm solvens dubitationem, cur opinetur. At absurdum est reddere rationem pro solutione dubii, quæ redditur pro ipsa dubitatione; hoc enim perinde est ac dicere, nodum per idem expediri & implicari. Ergo sola ratio dubitandi non sufficit ad solutionem dubii.

Ratio dubitandi de aliqua parte, est motivum suadens illam esse falsam.

Respondeo absurdum quidem esse, quod ratio dubitandi propriè sumpta afferatur pro solutione dubii; propria enim ratio positivè dubitandi de aliqua parte contradictionis, est motivum suadens illam esse falsam, non autem ratio arguens illam esse veram. At ratio, ob quam dubium solvitur, est motivum suadens partem illam esse veram, & illa ratio tantùm & non opposita affertur pro solutione dubii. Itaque quando dicimus rationem dubitandi sufficere ad solutionem dubii, non ita accipiendum est, quasi diceremus, rationem dubitandi de veritate partis A, sufficere ad solvendum dubium per affirmationem, quod pars A. sit vera; hoc enim perinde esset ac dicere, nodum per idem solvi & implicari; sed sensus est, motivum, ob quod hîc & nunc retrahimur ab assensu præstando, sæpe sufficere ad dissanum eliciendum, quod certè non est nodum per idem solvi & implicari.

Nonquam redditur ratio pro solutione dubii, quæ pro dubitatione affertur.

18. Quod si per rationem dubitandi intelligas motiva utrique contradictionis parti faventia, quia dubitatio positiva de utraque parte per illam completur, neque sic verum est, eandem reddi rationem pro solutione dubii, quæ affertur pro dubitatione; nam unum solum motivum affertur pro solutione dubii, ac non illud solum, sed illud & simul oppositum redditur pro dubio: Et sanè si loquamur de ratione opinandi, quæ se tenet ex parte actûs primi, illa sufficiens est, ut ex vi illius dubium solvatur, non quidem tanquam per causam formalem solvendi dubium (illa enim consistit in ipsa quæstionis decisione) sed tanquam per causam motivam, quæ talis est, ut intellectus per imperium voluntatis determinari possit vi illius ad absolutum iudicium de parte illa, cui faver. Sed quia affectus ille imperium quæ illud poterat abesse, ideo rationi prædictæ adjungi poterat carentia iudicii solventis dubium, & sic compleri dubitatio, utpote quæ per suspensionem decisionis dubii completur. Ecce ratio formalis dubitationis, & ratio formalis solutionis dubii toto cælo differunt, quia sibi invicem opponuntur. At ratio partialiter in-pellens ad

Ratio formalis dubitandi, & ratio formalis solvendi dubium, toto cælo differunt.

dubitandum, quæ de facto ob defectum voluntatis flectentis intellectum ad assensum conjungitur cum actuali dubitatione, potuisset dubium decidere, si imperium voluntatis accessisset; quamvis in eo casu, ratio illa, concomitanter aut certè consequenter ad dictum imperium, vehementius movisset animum juxta dicta. Nec in hoc intelligendo ac probando major est difficultas, quàm quòd, dum veritati obscuræ assentimus, possimus iudicium illud suspendere. At hoc certum est. Ergo & illud; quia, posito iudicio, tollitur dubitatio, iudicioque ablato, ponitur dubitatio, ut patet. Ergo eadem est utriusque vicissitudo & dependentia ab imperio voluntatis, fieri quæ potest, ut ob eandem rationem decidatur dubium, ob quam partialiter dubitatur. Hoc à paritate voluntatis confirmatur, quia homo potest amari & eligi in amicum propter rationem, ob quam hîc & nunc voluntas vacillat, & eum nec amat, nec in amicum eligit; verùm quando illum amat, & in amicum eligit, afficitur uni tantum motivo, illudque præfert alteri, cum potuisset illud opposito non præferre, sed ob motiva contraria inter utrumque hære, & quodamodò affectivè fluctuare & dubitare. Porro sicut hinc non sequitur nodum per idem implicari & solvi, ita nec in casu nostro.

19. Præterea locutio illa, *absurdum est dicere, Nodum non quòd per idem implicetur & solvatur nodum*, ut vera sit, sumi debet in sensu formali, in quo solùm impossibile est, ligamen & solutionem per eandem formam constitui; nam si loquamur de causa efficiente, vel de dispositione talis causæ, oppositum est certissimum; siquidem eadem potentia eademque manus solvere possunt nodum, quem antea strinxerant. Quidni ergo possit potentia intellectiva solvere nodum dubitationis per illam rationem, per quam antea dubitationem ipsam partialiter ligaverat. Certè ex hoc capite nullum absurdum existit, quidquid Celladeus dixerit, qui sensum causæ formalis cum sensu causæ effectivæ hoc loco confundit, & ex illa confusione ea tribuit causæ effectivæ, quæ soli causæ formali conveniunt, & è contra.

Nodus non potest stringi & solvi per idem in genere causæ formalis, secus in genere causæ efficientis.

Æquivocatio Celladei.

20. Ob. 4. Omnes ferme Theologi tradunt nostris assertionibus repugnantia. Ergo illæ non sunt tenendæ. Probatur antecedent. Inprimis docent communiter, quòd peccet, qui in casu dubii temerè & sine ratione speciali dubium deponit. Ergo censent opus esse ratione speciali ad dubium deponendum. Secundò quærentes, an speculativè dubitans possit practicè non dubitare, respondent hominem in eo casu peccaturum, si practicè non dubitet, nisi habeat rationem specialem. Ergo requirunt rationem specialem & novam pro dubio solvendo. Et sanè omnes docent, diligentiam in casu dubii præmitti debere, ut veritas inveniatur, & per ejus inventionem dubium solvatur. Ergo non est propter rationes dubitare, & propter easdem eodem modo manentes dubium solvere. Aliter diligentia necessaria non esset, sed sufficeret velle non dubitare. Tertio communiter tradunt, dubium consistere in æqualitate rationum pro utraque parte. At ubi rationes sunt æquales, non potest solvi dubium per ullam illarum, quia objectum non apparet magis verum quàm falsum, sed æquè se habet ad utrumlibet. Hæc omnia repugnant rationibus positis. Ita Celladeus §. 1. ubi redarguit complures, quòd postquam cum omnibus ista stabilivissent de dubiis tanquam verissima, insequenter postea & minùs consideratè opposita de

Utrum communia Theologorum asserta nostræ opinioni repugnent?

probabilibus tradiderint, dicentes in æquè im-
mò in minùs probabilibus nobis liberum esse
opinari pro imperio voluntatis. Hoc autem
prioribus assertis contradicere autumat Cella-
deus.

Plerique
Theologi
nobiscum
sentiant.

Respondeo, plerosque, & fortè omnes om-
nino Theologos nobiscum sentire, si apparen-
tia, affectum & assensum uni parti alligatum an-
tecedens, accuratè distinguatur ab apparentia
concomitante & consequente eundem affectum
& assensum. Hoc dico, non quòd Theologi ex-
pressè inter ista distinxerint, sed quia per hanc
distinctionem, quam nemo negare potest, veritas
rei statim innotescit. Veritate autem istà semel
habita, statim apparet, quòd illi qui putantur
dissentire verè non dissentiant, quia intelligendi
sunt de apparentia consequente, in quo sensu
nemo illis meritiò contradicere potest. Sed præ-
ter hanc generalem responsionem libet ad singula
respondere. Inprimis Auctores, quos Celladeus
primo loco affert, apertè stant contra ipsum;
quia dicunt, hominem temerè deponentem du-
bium peccare. Ergo admittunt eum posse du-
bium deponere sine nova & speciali ratione; quia
haud dubiè qui temerè deponit dubium, poterat,
eisdem rationibus stantibus, non deponere du-
bium, sed dubitare. Nec obstat, quòd impru-
denter faceret, quia nunc non quærimus de pru-
denti vel imprudenti depositione dubii, sed de
absoluta dependentia intellectus à voluntate, in
ordine ad dubitandum & non dubitandum. Ita-
que Auctores isti non requirunt rationem spe-
cialem ad non dubitandum simpliciter, sed solum
ad prudenter non dubitandum. Sed neque in hoc
sensu requirunt rationem specialem in sensu Cel-
ladei, sed nomine rationis specialis (si hac voce
utantur) solum intelligunt rationem probabilem,
quando versamur in incertis, quidquid sit, an illa
sit vel non sit eadem cum ratione dubitandi, quia
hoc eo loci non controversant.

Auctores,
secundo
loco à Cel-
ladeo citati,
ipsi apertè
contradi-
cunt.

21. Similiter, qui secundò loco citantur, sup-
ponunt dubium imprudenter saltem deponi posse
absque ratione speciali. Ergo contradicunt Cel-
ladeo, cui in illis quæstionibus nemo prorsus,
quod sciam, favet; nec mirum, quia ibi non lo-
quuntur de depositione dubii in genere, seu de
ejus possibilitate ut sic, sed solum de ea dubii de-
positione per quam conscientia debite formatur,
& à peccato excusatur. At hæc quæstio longè
alia est à præsentì controversia, ut patet. Præ-
terea certò certius dubium sæpe deponitur, quando
nulla ejusmodi ratio adest. Ergo qui docent ho-
minem peccare, nisi per rationem probabilem,
prudentem, & si velis, etiam specialem, solvas
dubitationem, nullatenus favent Celladeo in præ-
sentì quæstione, cum ex ibi dictis ad decisionem
hujus quæstionis nulla sit illatio. Cæterum pro
dubio prudenter deponendo diligentia juxta om-

nes adhibenda est, ut veritas, & si fieri potest,
certitudo veritatis reperitur; peccat proinde qui
tali diligentia omisà dubium deponit, quia con-
scientiam temerè format. At si post diligentiam
adhibitam, res maneat incerta, & motiva dubi-
tandi, quæ honestati favent, sunt probabilia, eo
ipso præstari assensus, dubium deponi, & con-
scientiam tuto formari potest. Et hæc est opinio
omnium Auctorum benignæ sententiæ, qui ta-
men omnes aut expressè tradunt, aut apertè sup-
ponunt, hominem in eo instanti posse non iam
formare conscientiam, sed dubitare, eumque
asserunt peccaturum, si conscientia non formata,
dubioque non deposito operetur. Hi ergo om-
nes contradicunt Celladeo; quia aut tradunt,
aut supponunt, hominem, stantibus iisdem ra-
tionibus eodemque modo pro priori propositis,
posse dubitare quando non dubitat, & non dubi-
tare quando dubitat; nec inde sequitur, diligen-
tiam non esse adhibendam, sed sufficere velle
non dubitare; nisi enim homo diligentiam adhi-
beat, temerè operatur & peccat, quia Deus nos
ad diligentiam obligat. At si post diligentiam
res maneat incerta, tunc satis est, si ob rationem
probabilem velit non dubitare; quia bona fide, &
ex conscientia irreprehensibiliter formata ope-
ratur.

22. Qui tertio loco citantur, idem dicunt, Quia tertiò
quod omnes dicimus, scilicet intellectum tunc loco citan-
dubitare positivè, quando rationibus æqualiter tur, Cella-
trahentibus, ita incitatur, ut nec in actu primo, deo non fa-
nec in actu secundo magis in unam quàm in aliam vent.
partem trahatur. Quod verissimum est, maxime
quando intellectus non solum non præfert judi-
cium quæstionis decisivum, sed ne quidem fertur
in motiva tanquam sufficientia ad quæstionem
terminandam; tunc enim propriissime dubitat
dubio positivo, ut dictum est. Verum hinc non
sequitur, eum necessariò dubitare, qui habet ra-
tiones in actu primo pro utraque parte æquales; ea
enim æqualitate stante, mediante affectu & im-
perio voluntatis, flecti potest intellectus ad assen-
sum, per quem dubium solvatur; & hoc est
quod Auctores docent, dum tractant de dubio
& de conscientia; nec inter hæc asserta ulla est
umbra contradictionis. Immeritiò ergo Cella-
deus complures gravissimos Auctores inconfu-
tentis & contradictionis arguit, eò quòd ista
tradiderint. Cogitare debuerat, tot talesque vi-
ros non tam facile contradictoria tradere, adeo-
que diligenter videre, an via aliqua ad notam
contradictionis solvendam superesset. Hanc si
quæsisset, facile invenisset; sed quis non distin-
xit apparentiam finalem & consequentem ab
apparentia prævia & antecedente, ideo, qui
soli primæ conveniebant, tribuit secundæ, &
hoc errore deceptus, doctissimis viris contradi-
ctionem immeritiò affinxit.

Celladem
immeritiò
redarguit
Auctores
contradi-
ctionis.

QUÆ-

QUÆSTIO QUINQUAGESIMA- SECUNDA.

*An, & in quo sensu aequalitas rationum & autoritatum
dubitationem causet?*

1. **H**ÆC quæstio coïncidit cum illa, quam quæst. 30. tractavimus, ubi quæsitum est, utrum æquè probabilia sint opinabilia? quid enim facit pro una æquè facit pro altera quæstione. Quare

neceſſe non fuisset hanc quæstionem proponere, nisi Celladeus lib. 4. quæst. 4. & 5. plura huic spectantia quasi triumphabundus attulisset. Ibi enim multus contendit, omnem æqualitatem rationum rem dubiam facere, ac proinde tam tenendum esse, quoddam stante æquali opinionum sibi contradicentium probabilitate, non liceat sequi minùs tutam, quàm quoddam in dubio non liceat minus tuta sectari. Meum ergo erit, depulsis æquivocationum latentium tenebris, veritatem aperire, illisque respondere. quæ Celladeus in contrarium objecit. Spero autem Lectorem non ægrè laturum, si pauca in anterioribus probata, claritatis causâ, huc breviter transcribam. Sit ergo

ASSERTIO PRIMA.

Intellectus nulli contradictionis parti assensire potest, quamdiu signatè existimat rationes utrique parti faventes esse æquales.

Quæstio
cor infir-
mitur?

2. **P**ROBATUR. Intellectus assensum uni parti præbens, absolutè existimat illam esse veram, & oppositam falsam; & consequenter absolutè præfert rationes unius, illasque ut veras probat, cum oppositas reprobet ut falsas. Ergo non potest simul existimare, quoddam rationes illæ sint prorsus æquales, quoddam neutra alteri sit præferenda. Hæc ratio à fortiori convincit, quod nemo possit assensire objecto ac motivis, quæ absolutè credit esse minùs probabilia oppositis. Vid. quæst. 8. & 9. de Conscientia probabilis, ubi hæc fusè probantur. Videatur etiam quæst. 30. hujus tractatus.

ASSERTIO II.

Qui, omnibus consideratis, judicat rationes utrique parti faventes esse æquè probabiles, non potest ex illis solis conscientiam formare, aut licitè operari si selectetur partem minùs tutam.

Nemo for-
mare potest
conscientiâ
circa partē

5. **A**SSERTIO hæc sequitur ex priore, quia ut quis licitè operetur debet formare conscientiam, & existimare se bene operari. At, R. P. A. Terilli, Regula morum. PARS II.

stante dicta dispositione, impossibile est conscientiam & existimationem de honestate operationis formari, ut ostensum est in prima assertione. Ergo nemo, stante dicta dispositione mentis, potest conscientiam formare, aut licitè operari, si selectetur partem minùs tutam.

ASSERTIO III.

Nemo actu judicans, rationes directas utrique parti faventes esse omnibus consideratis æquè probabiles, licitè potest sequi partem minùs tutam, nisi ex rationibus reflexis judicet, partem minùs tutam esse honestam, & consequenter feratur in eam tamquam fide digniorem.

4. **P**ROBATUR assertio, quæ est Corollarium priorum. Nisi rationes parti minùs tutæ faventes rationibus oppositis actu præferantur, intellectus nequit actu existimare, quod opus sit honestum. At nisi intellectus actu judicet opus esse honestum, voluntas non operatur honestè. Ergo nemo operatur honestè, nisi rationes parti minùs tutæ faventes actu præferat rationibus contrariis. At in casu nostro non potest præferre rationes directas. Ergo in casu assertionis nemo potest credere opus esse licitum, nisi per rationes reflexas feratur in partem minùs tutam, tamquam in partem fide digniorem & probabiliorem.

In hisce omnibus Celladeo consentio, & in aliis nonnullis aut planè coïncidentibus aut necessariò connexis, quale est illud, quoddam quamvis auctoritates & rationes aggerentur pro una parte, intellectus tamen necessariò careat assensu approbante illam, & reprobante alteram partem contradictionis, si auctoritates & rationes numero & qualitate pares ita afferantur pro parte contraria, ut intellectus, omnibus inspectis, actu existimet, rationes & auctoritates utrique parti faventes esse penitus æquales. Hæc enim omnia verissima sunt, & à multis Auctoribus benignè sententiæ admittuntur, atque à me fusè explicata in tractatu de Conscientia probabilis multis in locis.

ASSERTIO IV.

Quamvis directa probabilitas utriusque partis sit, & omnibus inspectis absolute credatur aequalis, intellectus tamen non necessario dubitat de honestate operis; sed per hoc ipsum, quod scias partem minus tutam esse probabilem, deponere potest dubium & conscientiam formare, quod opus sit licitum.

Æqualitas probabilitatis directæ non impedit, quod minus conscientia formetur de honestate operis.

5. **P**ROBATUR assertio, quæ est directæ contra Celladeum, & nominatim contra totum illius intentum, non solum in hisce duabus quæstionibus, sed in toto opere contentum. Probatur, inquam, quia per hoc præcisè, quod constat de probabilitate directæ partis minus tutæ, non obstante pari imò & majore probabilitate partis tutioris, intellectus habere potest motiva reflexa potiora & validiora pro parte minus tuta, atque per illa quæstionem determinare per judicium, quo absolute dicat, rem illam, omnibus inspectis, esse licitam, atque ita formare conscientiam de honestate operis. Constat hoc ex quæstione 2. hujus tractatus, & multò magis ac fusiùs ex toto tractatu de Conscientia probabili; potissimè autem à quæst. 19. usque ad finem operis, ubi quidquid hic asseritur, efficacissimè, clarissimèque probatum est. Nec mirum: quia directæ probabilitas, etsi sit & credatur par, non tollit motiva alia reflexa, per quæ quæstio determinetur, & conscientia de honestate operis formetur. Ergo quamvis utraque pars sit & credatur directè æquè probabilis, tamen intellectus non necessario dubitat, sed per hoc ipsum, quod sciat partem minus tutam esse probabilem, statim format judicium, quòd absolute liceat, quia novit honestatem absolutam operis evinci ex rationibus reflexis, quas Auctores afferunt pro stabilienda sententia benigna; atque ita formando conscientiam, dubium deponit.

Cæterum, etsi utraque probabilitas directæ in actu primo ante omne judicium & affectum uni parti peculiariter impensum sit æqualis, nihilominus fieri potest, ut, post affectum & imperium voluntatis uni parti impensum, probabilitas unius partis alteri prævaleat & appareat major, quam antea apparebat; ac proinde fieri potest, ut dubitatio tollatur, & assensus illi parti præbeatur, ut dictum est quæst. superiori & latè ostendit quæst. 8. de Conscientia probabili num. 25. & sequentibus. His breviter indicatis, exequenda sunt quæ Celladeus in contrarium opponit.

SOLVITUR PRIMA OBJECTIO,

Et continua Celladei æquivocatio detegitur.

Obj. 1. 6. **O**BJICIT primò. Ex Auctoribus, plurimi dubia propriè talia ad rationum & auctoritatum æqualitatem revocant. Unde sequitur, omnia talia probabilitate carere, & ut non probabilia debere rejici ab iis omnibus, qui cum Aristotele & D. Thoma ea solum censent probabilia, quæ plerumque contingunt; quia quæ habent rationes & auctoritates utrimque æquales non habent plerumque ita esse, cum æqualiter se habeant ad esse & non esse.

Secundò, eadem omnia verè probabilitate ca-

tere censentur ab iis, qui docent non esse opinari circa æquè & minus probabilia; quia *Probabile* & *Opinabile* sunt termini manifestè convertibiles; neque quid absonum magis, magisque contradictorium, quam dicere aliquid esse probabile, & simul inopinabile. At multi Auctores benignæ sententiæ apertè asserunt, æquè & minus probabilia esse verè probabilia, & tamen simul volunt, eadem esse inopinabilia. Ergo in hoc sibi contradicunt. Porro qui docent non dari opinari circa minus & æquè probabilia, sunt Aristoteles, Divus Thomas, Suarez, Pallavicinus, Lessius, Layman, Bresserus, & alii multi.

7. Tertio S. Thomas quæst. 14. de veritate, *An 3. Thomæ docuerit æqualitatem rationum necessariò interire dubitationem?* hæc habet. *Intellectus quandoque non magis inclinatur in unam partem quam in aliam, vel propter defectum moventium, &c. vel propter apparentem æqualitatem rationum, quæ movent in utramque partem, & ista est dispositio dubitantis, quæ fluctuat inter duas partes contradictionis.* Ecce S. Thomas expressè docet, dubium objectivum consistere in æqualitate rationum moventium. At tali objecto non correspondet ex parte actus & mentis nisi formale dubium, seu ipsum dubitare. S. Thomam in hoc sequuntur quamplurimi tam Theologi quam Summi; imò plures gravissimi que Auctores docent, objectum non reddi opinabile, sed solum suspicabile, quando rationes pro illo parum & vix excedunt rationes pro opposito. Ergo à fortiori quando motiva sunt utrimque æqualia, objectum non est opinabile, sed dubium, & consequenter tunc non est probabile. Ita Celladeus lib. 4. quæst. 4. §. 1. qui idem argumentum prosequens §. 4. contendit, nullam multitudinem rationum aut auctoritatum facere posse rem verè probabilem vel opinabilem, modò totidem rationes & auctoritates, in omnibus æquales, afferantur pro parte contraria; quia in tali casu res semper manet dubia, eò quòd rationes post talem additionem semper maneant æquales, ut ante; quia si æqualibus æqualia addantur sunt conflata æqualia. Hinc autem sic insurgit contra benignam sententiam. Nullus numerus rationum & auctoritatum faciunt non-legem credibilem aut opinabilem, quando totidem & æquè validæ rationes ac auctoritates afferuntur pro lege, quia per hoc ipsum intellectus constituitur in dubio. At qui in dubio operatur contra legem, peccat. Ergo peccat qui contra legem sequitur æquè probabilia.

8. Hinc quæstione 5. coarguit omnes, qui dubia conscientie per æquè aut minus probabile resolvunt. Primò quia per æqualem utrimque probabilitatem veritas non invenitur, quippe quæ non invenitur quamdiu intellectus nil habeat, unde magis sibi constat rem ita esse, quam non esse ita. At veritas inveniri debet, ut dubium solvatur. Deinde ad idem confirmandum sic arguit. Par probabilitas adest in eo qui positivè dubitat; imò paritas illa rationum est formalis ratio dubitandi. Ergo impossibile est, ut per æqualem probabilitatem dubium solvatur, quia dubium solvi non potest per ea, per quæ constituitur, ut dicit se probasse, quæst. 3. ergo malè dicitur, æquè probabile sufficere ad dubium deponendum, conscientiamque formandam. Porro ita hæc doctrina, de solutione dubii formandæque conscientie per æquè aut minus probabile, orta videtur ex ignorance vel certè ex inconsideratione naturæ dubitationis. Aliud enim nomine probabilis non intelligunt, quam rationes & auctoritates non leves sed graves; sed per

per hoc non habetur aliud, quam propriè dubitare, quia viri doctissimi ut S. Augustinus, S. Thomas, aliique non dubitant nisi ob rationes graves, quia per dubitationem intellectus innodatur; tales autem viri levibus non innodantur. Et sanè levissimus est, qui dicit tales viros ob leves & contemnendas rationes dubitasse. Ergo dubitarunt propter rationes graves. Ergo stante probabili nostro dubitarunt. Ergo probabile nostrum non tollit dubitationem; & qui oppositum docuerunt illud ex inconsideratione naturæ dubitationis tradiderunt. Ita Celladeus *quæst. 4. loco citato, & quæst. 5. per totam.*

Obiectio ista non tangit præsentem contro- versiam re- sistam, de licito probabili- um usu.

9. Respondeo inprimis, nil horum opponi benignæ sententiæ; cum solum procedant de probabilitate directæ. Itaque valent quidem ad confirmandas tres priores, sed non tangunt impugnationem quartæ, de qua sola tota præsens litæ & quæstio controversatur. Itaque licet admit- tatur, quod intellectus propriè dubitet de utra- que parte contradictionis, quamdiu existimat utramque esse æquè probabilem, nil inde confi- citur, quia, non obstante hac dubitatione de ho- nestate rei directè consideratæ, intellectus per principia reflexa & motiva benignæ sententiæ sur- gere potest ad dubium practicè deponendum, & ad formandam conscientiam, quia habet ratio- nes & auctoritates longè magis prævalentes pro absoluta honestate operis, quam habeat pro ejusdem inhonestate. Itaque præsens obiectio in ordine ad unicum totius disputationis inten- tum nulla est; nec ad aliud inseruit, quàm ad im- peritum lectorem æquivocationibus & falsis sup- positionibus intricandum.

Æqualia motiva pro utraque parte con- tradictionis esse possunt probabilia.

10. Respondeo 2. multa in obiectio- ne contineri à veritate aliena, quæ proinde refutanda sunt. Inprimis, dato quod æqualitas rationum ac moventium reddat intellectum dubium ac perple- xum circa obiectum, quod simul æqualiter præsentatur, ut verum & ut falsum, non inde se- quitur, neutrum ex talibus motivis æqualibus esse verè probabile, ed quod probabile sit, quod plerumque contingit; hoc enim non obstante verum esse potest, quod utrumque motivum ple- rumque contingat, ut fuscè ostensum est in *tract. de Consc. prob. quæst. 8. & hic quæst. 29.* Ratio est, quia probabilitas rei probabilis non sumitur à contingentia vel non contingentia ipsius rei; illa enim plerumque ita se habet ut aut semper aut nunquam contingat, ut videre est in omnibus Auctoribus circa materiam necessariam ac im- possibilem; sed sumitur à vi ac magnitudine mo- tivi impellentis; quod si sit tale, ut plerumque connectatur cum veritate, est probabile, etsi prout applicatur huic determinato obiecto non plerumque verum dicat, sed fortasse semper erret. Itaque dicimus, illud motivum esse verè probabi- le, quod v. g. allicit viginti peritos ac probos viros, post omnia in contrarium allata & consi- derata absque indebita animi passione sententiam ferentes, ad judicandum aliquod obiectum ita se habere; quamvis opposita motiva, ab illis reje- cta, talia sint, ut illa etiam viginti similes viros moverint ad oppositum sentiendum; utrumque enim illud motivum est verè probabile, & ple- rumque non errat, quia plerumque contingit, ta- lia motiva, & tot viros peritos non falli; si enim omnes eorum resolutiones accipiantur, procul- dubio pleræque illarum non errant, quamvis si illa motiva restringantur solum ad obiecta, circa quæ ex æquo Auctores illi dissentiant, fieri ne- queat, ut utraque plerumque connectantur cum

veritate; sed hoc non requiritur, ut patet. Por- ro ex universalitate rerum, de quibus Auctores opinantur, paucæ admodum sunt circa quæ re- porire est tot peritos & probos auctores contra- dictoria docere; ac proinde fieri potest, ut utra- que ratio & auctoritas sit verè probabilis, & ple- rumque verum dicat. Videantur loca citata, in qui- bus hæc fusiùs explicata ac probata fuere. Inte- rim hinc iterum constat, Celladeum in eo dece- ptum esse, quod asserat, dictam *probabili* defini- tionem necessariò inferre, nec utramque nec ullam ex partibus æquali ratione ac auctoritate subnixis esse posse verè probabilem.

11. Ad secundam obiectio- nis partem fateor, Omne pro- babile est opi- nabile sed per ac- cidens eva- dere potest inopinabile. omne probabile esse opinabile, modò probabile accipiatur nudè & secundum se; nam si sumatur cum aliis adjectis, fieri poterit ut neque probabi- lius sit opinabile. Sic Hæretici obstinati non pos- sunt opinari, articulos fidei sufficienter propo- sitos esse veros, quamdiu voluntas eorum imperat, ne assensus illis præbeatur, imò non possunt illis assensum præbere, nisi accedat propria voluntatis affectio, & imperium. Ecce obiectum probabi- le, imò probabilius & certum, reddi potest inopi- nabile per aliqua illi adjecta, nec evadere potest proximè opinabile, nisi illa auferantur. Jam ve- rò sicut dictæ affectiones voluntatis hinc & nunc reddunt probabile inopinabile, sic aliæ dantur affectiones etiam ex parte intellectu, quarum adjectione probabile evadit hic & nunc inopi- nabile; talis affectio est iudicium, quo post omnia considerata intellectu s. iudicat motiva utriusque partis esse prorsus æqualia, quia stante tali iudicio impossibile est, quod unam partem alteri intel- lectualiter præferat, ut per se patet, & sæpius dictum est. Ex his constat, apertam æquivoca- tionem latere in hac secunda parte obiectio- nis; nam qui dicunt, neminem opinari circa æquè & minùs probabile, intelligendi sunt de *opinari con- sequente* ad iudicium dictans. probabilitatem talis partis esse parem aut minorè oppositæ, quod verissi- mum est, & sæpe inculcatum. At, hoc non obstante, per illam eandem apparentiam, quæ consequenter ad carentiam affectus & iudicii uni parti alligat hic & nunc partialiter constituit dubium, intelle- ctus moveri potuisset ad absolutum iudicium de veritate rei, si alius affectus & imperium volun- tatis accessisset; per illa enim inclinatus fuisset ad assensum præstandum, & intellectus secutus im- perium voluntatis assensum eliciuisset. Itaque ead- em apparentia ex se quidem sufficiens est ad as- sensum impetrandum, si imperium voluntatis ac- cedat, quam tamen inducere nequit, nisi depen- denter à dicto voluntatis imperio. Errat ergo Celladeus, dum Auctores benignæ sententiæ ex eo contradictionis insinuat, quod dicant æqua- liter probabilia verè esse probabilia, cum simul doceant neminem opinari posse circa ea quæ ipsi æquè probabilia videntur. Verùm nulla in his contradictio invenitur, quia omne probabile, etiam illud, quod ipsi putant æquale vel minùs oppositum, est opinabile, si sumatur secundum se, & prout se habet in actu primo ante omnem affe- ctum & iudicium uni parti affixum, & ante omne iudicium comparativum, quamvis consequenter ad aliquam istiusmodi suppositionem hic & nunc non sit amplius ipsis opinabile, ut sæpe dictum est. Cæterum in eo manifestè errat Celladeus, quod dicat *probabile & opinabile* esse terminos manifestè convertibiles, cum certò constet, non omnia opinabilia esse verè probabilia.

Celladeus auctores plures con- tradictionis immerito arguit.

12. Ad 3. Respondeo, S. Thomam, aliosque in eo

S. Thomas
nil tradit
contra no-
stram sen-
tentiam.

in eo ponere dubitationem positivam, quod intellectus non solum in actu primo, sed etiam in actu secundo trahatur hinc inde æqualiter, maxime si reflectens super motiva, illa comparet ad invicem, eaque pro æqualibus habeat. Certè expressio S. Thomæ hoc importat; nisi enim intellectus ita se habeat, æqualitas rationum ipsi non apparet; ut enim appareat, instar objecti cognosci ac considerari debet. Hæc nos etiam admittimus, sed ex illis non sequitur, tale objectum secundum se non esse opinabile, quamvis in sensu composito talis dispositionis animi opinio de illo haberi non possit; oppositum enim constat ex dictis: Similiter esto, Auctores gravissimi dixerint, objectum non reddi opinabile, sed solum suspicabile, quando rationes pro una parte parum excedunt rationes pro altera; illi enim eodem modo intelligendi sunt loqui in sensu composito iudicii reflexi, quo post comparisonem factam intellectus enunciat excessum rationum aut nullum esse, aut valde exiguum. Hoc iudicium reflexum excludere videtur iudicium opinativum de veritate rei, & solum suspicionem quandam admittere, quia omnis qui opinatur, ita in actu secundo fertur in partem, quam approbat, ut illam vehementer & multò præferat parti oppositæ. Itaque licet, stantibus talibus iudiciis comparativis, intellectus aut absolute aut quodammodo dubitet, non inde sequitur, motiva sic credita æqualia non sufficere in actu primo ad quæstionem determinandam, dubiumque solvendum.

Respondetur ad casum
rationum
æqualium,
quæ aliis
adduntur.

13. Jam quod ad æqualium rationum & auctoritatum adjectionem attinet, eodem modo respondetur, eam, reflexè cognitam & iudicatam ut æqualem, inferre quidem dubitationem aliquam, non tamen probare objectum secundum se non esse probabile, aut opinabile. Quare esto, peccet, qui stante tali iudicio reflexo comparativo, sequitur partem minus tutam, si ad conscientiam formandam aliis motivis non utatur quàm directis illis, quæ iudicat æqualia, quia operatur in dubio: tamen simpliciter loquendo non necessariò peccat sequendo talem partem, quia per aliam affectionem & imperium voluntatis pars minus tuta absoluto iudicio, eoque probabili, credi potuisset honesta; in quo casu sectando illam partem non peccasset. Cæterum si utamur discursu reflexo, paritas illa rationum directarum, etiam credita, non impedit conscientiam & opinionem de honestate rei, ut constat ex dictis.

14. Ad ultimum, quod ex quæst. 3. objicit, jam responsum est, ostendendo qua ratione, & quo sensu Doctores dicunt, dubia conscientie solvi posse per æquè aut minus probabile, & quomodo per illa veritas inveniri possit. Porro par probabilitas & par apparentia antecedens non necessariò constituit dubitationem, quamvis juvare possit ad eam constituendam, si voluntas non determinet intellectum ad assensum circa veritatem rei, aut eum determinet ad iudicium de rationum æqualitate. Cæterum quæst. 31. ostendi, quod, & quomodo eadem ratio antecedens, per quam dubitatio partialiter constituitur, sufficiat ad solvendam dubitationem.

Celladeus
incurrit
sensum, quam
nobis ob-
icit.

15. Neque verum est, nos nostram doctrinam ex ignorance naturæ dubitationis tradidisse: scimus quid sit dubium, quid dubitare; distinguimus etiam apparentiam antecedentem affectum & iudicium uni parti alligatum, ab apparentia dictum affectum dictumque iudicium con-

comitante & consequente; quæ quia Celladeus non distinguit, ideo hic multa concessit à veritate aliena, quæ si istarum apparentiarum naturam & diversitatem scivisset, nunquam objecisset. Ergo ille ex ignorantia rerum, aut certè ex confusione partium, ex quibus dubitatio constituitur, doctrinam hanc suam tradidit, & ipsemet censuram incurrit, quam nobis objecit.

16. Demum illud, quod addit de gravibus rationibus dubitandi, quibus S. Augustinus, S. Thomas, aliique gravissimi Auctores utuntur, nil probat; falcor enim, eos sæpe graves rationes dubitandi afferre (quamvis certum sit, gravissimos Auctores, inter alias, leviusculas etiam adducere) & quidem tales, propter quas multi graves viri tenebant & etiamnum tenent oppositum; atque ideo dicimus illas esse verè probabiles, ac proinde ita cum dubio conjungi in aliquibus, ut in aliis dubitationem expellant; potuissentque etiam in prioribus dubium expellere, si alia fuisset dispositio in eorum affectu ex voluntatis imperio.

Rationes
dubitandi
apud Aucto-
res, quales
sunt?

SOLVITUR II. OBJECTIO.

17. **O**BJECIT secundò. Paritas rationum in materia facti reddit rem dubiam: sic si tres deponant, dispensatum esse cum Titio ut matrimonium contrahat, non potest illud contrahere si tres alii æqualis auctoritatis deponant contrarium. Ratio est, quia testimonium prius prorsus eliditur per depositionem contradictoriam, quando testes sunt paris fidei. At eadem ratio sine umbra effugii valet circa jus, quando auctoritates & rationes sunt utrimque æquales. Ita Celladeus quæst. 4. §. 2. ubi ad dicta confirmanda primò allegat legem *Si ita fuerit legatum*, ff. de rebus dubiis; ubi traditur, legatum Sempronio amico relictum eo ipso vitari & esse nullum, quod sint duo Sempronii amici, qui pares amicitie rationes pro se habent. Idem porro videtur dicendum in omnibus casibus, ubi pares rationes & auctoritates stant pro utraque parte. Deinde §. 5. allegat August. lib. de Principiis Rhetorice (si tamen Augustinus illius libri auctor fuerit) ubi cap. 8. dicit, aliquas esse controversias, quæ græcè plegmata vocantur, quas ipse vocat irrationabiles, quia ita eadem utrimque afferuntur, ut in nulla re diversitas ulla appareat. Exemplo rem declarat: *Vicini adolescentuli, qui speciosas uxores habebant, noctu alter alterum obviam habuerunt; accusant invicem adulterii: nam quidquid altera pars dixerit, hoc altera dicat necesse est. Verisimile est, se adulterium voluisse committere quia adolescens es. Te quoque verisimile est voluisse quia adolescens es. Verisimile est, quia speciosam uxorem habes. Te quoque verisimile est, quia & ego speciosam uxorem habeo. Facultatem tibi vicinitas præbuit; & tibi eadem vicinitas præbuit facultatem. Cur nocte in me? Cur tu autem in me incidisti? Nihil est quod distinguatur; & idcirco uter eorum, sive accusat alterum, se criminatur; sive se purgat, defendit eum, quem criminari videtur.* Eadem porro ratio locum habet quando rationes & auctoritates æquales afferuntur pro utraque parte. Ergo tunc sumus in dubio, & quæstio decidi nequit, quia nil est quod uni parti faveat, quod æquè alteri non faveat.

Acutissima
S. Aug. ob-
servatio.

Respondeo in primis, ut ad primum respondi, hæc omnia nil facere ad resolutionem quæstionis præsentis, quæ est reflexa, & optimè determinari potest etiam pro casu, quando utraque pars ita habet

Respondeo

habet probationes a quales ut directe determinari non possit. Itaque licet omnia admittantur, ut jacent, nil inferri potest contra quaestionem praesentem, aut illius determinationem.

Lata est disparitas inter testes a quales deponentes contraria & rationes a quales quae probant opposita.

18. Respondeo secundò, magnam esse disparitatem inter factum, quod probatur per testes, & opinionem, quae per rationes & auctoritates probatur. Inprimis quando testes dissentiunt, evidens est alterutram partem esse mendacem, & loqui absque ulla ratione etiam apparenti, imò contra certitudinem; & quia nescitur quam sit haec pars, ideo neutra fidem meretur. At omnia opposito modo se habent in opinionibus, quae probantur non per testes, sed per rationes, vel per praesumptiones evidentes, quod adsint rationes pro utraque parte, ut supra fuisse probatum est. Deinde rationes pro opinionibus contrariis semper sunt aliquo modo dissimiles, & comparantur ad invicem ut excedens & excessum, ideoque una non prorsus elidit vim alterius, ut sit in testibus, & oppositis rationibus prorsus similibus. Hinc autem fit, ut intellectus propter dictum excessum flecti posset ex imperio voluntatis in assensum alterutrius partis, nisi nequiret ita flecti in casu testium aequalium, qui contraria testantur. Errat ergo Celladeus, dum dicit, nec umbram disparitatis afferri posse circa factum probatum per testes, & opinionem rationibus comprobaram, quia disparitas valde lata est & aperta. Praeterea etiam circa factum solvi potest dubium in casu paris auctoritatis ex parte actus primi, modò affectus voluntatis ad partem alteram accedat; sic videmus, homines saepe ea credere quae cupiunt, etiam alii numero pares dicant oppositum. Verùm etiam in casu testium parium dubitatio simpliciter loquendo directe determinari possit, non tamen potest determinari, si intellectus post comparationem factam judicet utramque rationem & auctoritatem esse prorsus aequalem. Ceterùm si judicium quaestionis decisivum in tali casu eliceretur, illud non esset probabile & prudens, nisi auctoritas, cui inniteretur intellectus, invincibiliter appareret major opposita & digna fide etiam in contradictione alterius.

Lex citata nil probat, sed potius nobis favet.

19. Confirmatio ex leg. Si ita fuerit legatum, non facit ad rem, quia quamvis de facto iustis de causis statutum sit, ut legatum ejusmodi censetur nullum; si tamen talis lex non extaret, legatum jure naturae valeret, & haeres illudolvere teneretur; quia si neutri solveret, rem alienam retineret, cum certum sit, testatorem voluisse legatum alteri illorum tribui, & ab haerede non possideri. Itaque si duo illi Sempronii inter se convenirent, ita ut uterque dimidio contentus esset, aut unus in favorem alterius jure suo cederet, haeres juxta illorum conventionem legatumolvere teneretur. Non ergo apparet, cur nullitas legati in tali casu sit obiecta. Valet quidem exemplum ad ostendendum, Judicem nulli parti licet favere posse, quamdiu potior ratio non apparet pro una quam pro altera parte. Id ipsum etiam probatur exemplo ab August. ponderato, quod manifestè procedit de judicio post accusationem & defensionem ejusdem plane rationis faciendo, quando judici constat, easdem prorsus ac simillimas accusationes & defensiones utrique parti favere, in quo casu nequit intellectus alterum liberare, alterum condemnare, quia per hoc ipsum putaret accusationem unius esse alterius accusatione meliorem, & sic simul haberet judicia contradictoria, quod repugnat. Ca-

tarum quamvis tertia persona prorsus indifferens, quaeque absque passione animi tales accusationes & excusationes audiret, neutram partem alteri praeferret, quia actuali judicio judicaret rationes utrique parti faventes esse prorsus aequales; tamen ipse posset suspicari neutrum esse innocentem, sed utrumque reum, quia, non obstante tota illa defensione & accusatione, uterque verè potuit esse reus, quamvis uterque bene ostendat, non esse cur ipse potius judicetur reus, quam adversarius; neuter tamen absolute ostendit se non esse reum. Similiter uterque ex acculatoribus suspicari & simpliciter judicare posset alterum esse reum, quia si ipse in sua conscientia sit reus, credere potest etiam alterum esse reum, utpote qui easdem prorsus commoditates habuit, quibus ipse usus est ad adulterandum. Si verò sit innocens, cum propria innocentia ipsi magis perspecta sit quam alterius, non est cur alterum adulterii reum judicare non possit. Itaque haec exempla non ita procedunt de re prorsus dubia, ut Celladeus contendit. Sed quidquid sit de illis, nil ex illis contra nos inferri potest. Versamur enim in casu quando neutra pars est probabilis; si enim altera pars contra alteram esset probabilis, quilibet alteri praeferri posset simpliciter, ut mox ostendam ex ipso S. Augustino, quamvis neutra praeferri posset, si utraque reflexè crederetur esse aequalis alteri.

20. Porro quia Celladeus hoc loco contra veritatem contendit, quod motiva aequalia, si sint contraria, sese omnino elidant, idque ex lege illa citata, atque ex allato Augustini loco confirmat, operæ pretium duxi, errorem illius detegere, atque praeter dicta in superioribus alia nonnulla ad rem hanc spectantia adducere; potissimè verò quae legi apud Esparzam in Appendice, qui rem hanc egregie tractat, neque aliud in eo displicet, nisi quod nimium adversariis concedat. Videtur enim admittere, quod opposita motiva aequalia & similia se prorsus elidant, adeo ut intellectus elicere non possit judicium pro ullâ parte, quando pro utraque testes numero & qualitate pares afferuntur. Ego quidem fateor, judicium elici non posse, si intellectus existimet auctoritatem eorum in ordine ad rem assertam esse prorsus aequalem; sed quod non possit ulli ex partibus in actu primo aequalibus assentire, atque ob affectum & imperium voluntatis uni parti addictum, illam alteri praeferre, adduci non possum, ut credam. Et sanè experientia quotidiana probat, homines etiam paucioribus & minus qualificatis contra plures & fide digniores saepe credere, merè propter affectum ad personas dicentes, aut res dictas; cum praescindendo ab illo, nulla sit ratio, unde veritas magis appareat ex parte illorum, quam aliorum adversantium. Quamvis ergo testes in actu primo sint aequales & similes, tamen in actu secundo hi illis veraciores aestimari possunt, ob affectum illis aut illorum dictis peculiariter alligatum. His praenotatis, ad rem ipsam accedo, & doctrinam de motivorum elisione propono, idque ed libentiùs, quia per illam, quidquid dictum est tam quaestione superiore de libertate dubitandi, quam quaest. 30. & 33. de libertate opinandi aequè & minus probabilla, validissimè confirmatur.

Cur bleasatur de motivorum elisione?

Esparza laudatur, sed nimis adversariis concedit.

Idem dicendum de textu S. Augustini.

ASSER.

ASSERTIO V.

*Propositum sit explicare quid & quod duplex sit
motivorum elisio? qua motiva elidunt?
qua elidantur? & qualiter hac
contingant?*

Perfecta eli-
sio quid sit?

Alia est mu-
tua, alia non
mutua.
Quid sit
utraque?

21. **D**UO motiva se elidere est ea mutuas vires enervare, & quodammodo annihilare, eò quòd in ordine ad movendum intellectum perinde se habeant, ac si non existerent. Et hæc quidem est perfecta & mutua elisio motivorum. Elisio autem non mutua tunc habetur, quando unum motivum prorsus ita enervat vim alterius, ut ipsius vis aut intacta maneat, aut certe aliquam movendi vim retineat. Exemplum hujus elisionis non mutuae habetur in motivis evidentibus & scientificis, quæ ita enervant priora motiva probabilia, ut ipsa nullam suæ vis diminutionem patiantur. Exemplum aliud habetur in motivis incertis prorsus homogeneis, quæ intellectus agnoscit esse similia & prorsus homogenea, quorum tamen unum majus est altero. Majus enim elidit minus, ita tamen ut ipsum multum de sua vi perdat, cum non plus moveat quam solus excessus movisset, si solus existeret; quia in casu præsentis quoad partem opposito motivo commensuratam penitus eliditur. His positis.

22. Dico primò. *Motiva incerta & dissimilia, siue sint aequalia siue inæqualia, non se perfecte elidunt, sed solum imperfectè.*

Motiva incerta & dissimilia non se elidunt perfecte, sed solum imperfectè.

Probatur. Motiva incerta & dissimilia non perdunt vim alliaciendi intellectum ad assensum propter præsentiam aliorum etiam potentiorum, nec ita se habent in ordine ad movendum intellectum, ac si non existerent. Ergo ejusmodi motiva non se elidunt perfecte. Tenet consequentia. Antecedens constat non solum in omnibus opinionibus hinc inde controversis, sed etiam in ipsa fide firmissima, contra quam intellectus sæpe allicitur ad dissensum, quamvis motiva pro fide sint longè potentiora. Ratio est, quia motiva dissimilia commensurari non possunt, sed necessario se mutuo excedunt secundum quid. Hinc fit, ut excessus ille penitus elidi non possit per aliud dissimile, utpote quod per aliam specie perfectionem sollicitat ad assensum. Hoc autem non tollit vim alliaciendi in vi motiva alterius speciei fundatam. Ergo motiva incerta & dissimilia nunquam perfecte se elidunt. Tunc autem perfecta elisio vel maximè excluditur, quando motiva sunt dissimilia, & nescitur quodnam sit absolute potentius, sed virtus utriusque videtur vim alterius excedere. Nihilominus in hoc etiam casu datur quædam elisio imperfecta, quia unumquodque diminuit vires alterius, cum singula minus moveant in contradictione oppositi, quam moverent si solitarie sumerentur. Talis autem virium diminutio est elisio quædam imperfecta & secundum quid, sicut perfecta virium extinctio est absoluta & simpliciter dicta elisio.

Libertas opinionis quoad speciem actus, fundatur in vi motivorum in actu primo non elisa.

23. Porro in hac motivorum dissimilium vi non elisa, quatenus illa se tenet ex parte actus primi, fundatur libertas opinionis quoad speciem; cum enim motiva singula impellant ad assensum, & non clarè constet, quodnam absolute prævaleat, necesse est, ut, accedente affectu & imperio voluntatis, intellectus absolute amplectatur unum ut verum, & alterum repellat ut

falsum. Verum cum oppositis affectus, & oppositum imperium elici potuerit à voluntate, perspicuum est, judicium quoque oppositum non minus subdi libero arbitrio, quam illud quod hic & nunc imperatur. Et hoc est opinionem esse liberam quoad speciem actus, seu, quod in idem recidit, æquè aut minus probabilia esse opinabilia; quando scilicet verè sunt solum æquè aut minus probabilia in actu primo, ita tamen ut nec æqualitas nec excessus clarè percipiatur, nec per judicium comparativum absolute affirmetur. Tunc enim necesse est, ut accedente affectu ad unam partem, pars illa fortius moveat, & probabilior appareat oppositæ. Atque ita demum intellectus ex imperio voluntatis huic præ altero motivo absolutum assensum præbet.

24. Hinc est, quòd unusquisque in similibus absolute judicare solet juxta prædominium affectus ad rem, quam amat, & affectivè pluris facit. Sic Pictor judicat plus artis latere in sua professione, quam in arte statuaria; statuarii autem suam artem picturæ præferunt, nec unquam fiet, ut alter alteri cedat, nisi affectum voluntatis mutet. Cum enim utraque ars sit præstantissima, nec appareat clarè quæ alteri præcellat, unaquæque autem secundum quid evidenter præmineat alteri, fit, ut unusquisque eam meliorem judicet, erga quam magis afficitur. Itaque in illis perspicuum est, totam judiciorum diversitatem ab affectuum varietate desumi. Ergo quoties motiva contraria dissimilia, quorum excessus non est manifestus, simul insunt intellectui, toties datur motio sufficiens ad alteri parti assentiendum pro arbitrio libertatis.

25. Dico secundò. *Motiva similia & aequalia si aut evidenter sciuntur esse aequalia, aut absolute reputantur aequalia, perfecte se elidunt in ordine ad movendum intellectum taliter affectum.*

Inter motiva dissimilia singuli illud præferunt, ad quod magis afficiuntur.

Motiva æqualia & similia, aut, & quando perfecte se elidunt?

Probatur. Intellectus consequenter ad talem comparisonem nullatenus movetur ad præferendam unam partem alteri; quia quidquid assertur pro una parte, cognoscitur habere aliud æquale & prorsus simile pro parte contraria. Unde nil est, quòd ullam vim exercere possit. Neque enim tale motivum potest plus movere intellectum, stante simili & æquali motivo in contrarium, quam pondus libræ potest caput meum premere, quando fulcitur ab alio pondere prorsus æquali. Totum autem hoc fundatur in perfecte simili, æquali, & commensurata vi illorum motivorum, si ad invicem comparentur.

26. Cæterum quamvis auctoritates aliquæ sint prorsus æquales ex parte actus primi, & habeantur tales ab omnibus qui nullo affectu magis propendent ad unam quam ad alteram partem contradictionis, nihilominus illæ non ita se elidunt, ut nullus alteri illorum assensus præbere possit. Eo ipso enim quòd quis magis afficiatur ad personam unam, quam ad aliam, aut desideret rem ita se habere sicut unus eorum dicit, & aversetur rem ab altero assertam, facillimè determinat intellectum ad illud affirmandum, & credendum quod cupit, ut manifestè experientia constat. In quo casu totus excessus apparentiæ majoris consequitur dictum affectum, ut patet.

Non semper se elidit pro judicio privato.

27. Sed in hoc casu judicium, quòd elicitur, non est prudens & rationabile, sed merè voluntarium, & ex passione indebita ortum, ut patet. Unde sequitur, omne tale judicium ineptum esse pro judicio fori externi, quod debet esse tale, ut hominibus nulla passione affectis, sed prorsus indiffe-

Sed se elidunt quoad judicium publicum.

Indifferentibus merito placere possit. Atque hinc fatgor, motiva ejusmodi, similia & aequalia, in ordine ad tale iudicium aut sententiam ferendam esse prorsus inepta, atque sese prorsus elidere, ita ut nulla illorum ratio magis habenda sit, quam si nil prorsus pro talis causae decisione allatum fuisset. Hoc autem & non aliud praebent tam leges citatae, quam auctoritas Augustini hac à Cel-ladeo perpenfa, ut mox constabit.

Leges. & Tribunalis praxis probant, motiva dissimilia non se elidere.

28. Et sanè praxis Tribunalium, & leges talem praxim praescribentes, totam hanc de motivorum similitudine & aequalium elisione, deque inaequalium & dissimilium vi, ac de oppositorum iudiciorum libertate doctrinam aperit tradunt. Et quidem qui perlegerit 4. quaest. 2. & 3. & percurrerit titulos de probationibus, & testibus, ubique inveniet excessum aliquem semper requiri, ad hoc ut sententia publica feratur. Adeo ut Glossa in cap. licet causam, de Probationibus, aliisque omnes pro regula indubitata habeant, quod ubi probationes sunt omnino aequales, res neutri parti judicari, sed his forte aut aliqua simili ratione terminari debeat. Hoc autem est probationes illas se elidere, & ita se habere ac si non fuissent prolatæ, saltem in ordine ad iudicium fori externi. At si probationes sint inaequales aut dissimiles, ex eisdem titulis aequè manifestum est, iudicem, inspecta probationum vi ac qualitate, debere sententiam proferre, ac proinde pariter ex eisdem certum est, tales probationes non se elidere; quia probationis elisæ nulla ratio haberi potest, cum illa nullatenus movere possit ad assensum. Probatur hoc ex 4. quaest. 2. & 3. cap. si testes. ubi ex legibus civilibus hæc transumpta habentur. Sape sine publico monumento, cujusque rei veritas deprehenditur, alias numerus testium, alias dignitas & auctoritas, alias veluti consentiens fama confirmat rei, de qua queritur, fidem. Non ergo ad unam probationum speciem cognitionem statim iudex alligare debet; sed ex sententia animi sui existimare, quid aut credat, aut parum sibi probatum opinetur. Similiter in eodem Canone sub initium, ex lege ob carmen hæc præmittuntur: Confirmabitq; iudex motum animi sui ex argumentis & testimoniis, quæ rei aptiora, & vero proximiora esse compererit. Ex his constat, utrumque jus supponere, motiva dissimilia non se elidere, nec unum per aliud non evidentem majus elidi; alioquin si una ratio prorsus elideretur per aliam, non esset in quo iudex deberet motum animi sui confirmare ex iis, quæ probabiliora aut verisimiliora viderentur, quia opposita per hoc ipsum essent prorsus elisa, nec magis moverent, quam si non essent, idque independentem ab omni dispositione ac motu animi in iudice. Non ergo monendus esset iudex, ut ex animi sui sententia judicet quid sit credendum? Quid ut minus probatum rejiciendum? Monendus tamen fuit officii sui; norunt enim Sapientes legis-latores, omnem sententiam in huiusmodi casibus ab affectu voluntatis pendere; ac proinde timentes, ne iudices nimis facile affectui indulgerent, eos monendos censuerunt, ut sincere rationes considerent, & quantum possunt soli præponderantiae rationum animum adjiciant. Demum ut nil judicent, nisi quod, omnibus inspectis, rationabilius ac verisimilius reputant. Ex his omnibus constat, motiva utrimque probabilia & dissimilia non se elidere, ideoque utrumque contra alterum vim movendi retinere; ex quo sequitur, liberum nobis esse utrilibet pro arbitratu assensum præbere, atque etiam ab omni iudicio abstinere, & dubitare. Tantum ergo abest

ut leges nostræ doctrinæ repugnent, ut illam validissime clarissimeque confirmant.

29. Quod autem ad allatum ex Augustino locum attinet, evidens est textum percurrenti, quod S. Doctor omnes illas propositiones alogas, seu irrationabiles, vel inopinabiles, in iis tantum casibus constituat, in quibus rationes pro utraque parte sunt & habentur prorsus similes & aequales, quæ proinde ita se elidunt, ut quaestio rationabiliter determinari non possit. Verum notandum omnino est, quod in hoc ipso loco subdit Augustinus; ait enim. *Nos si offeratur aliquid ad defensionem vel modocriter probabile, admittimus; sed si evidenter confessa causa est, explodendum.* Id est, omne probabile à genere Alistatorum repellimus, & in controversiarum opinabilium classem transcribimus. Ecce Augustinus in hoc ipso loco nobiscum sentit. Et sanè n. si dicas, Augustinum non omnia alistata numerasse, sed mancam divisionem fecisse, ubi ex professio de illis illorumque divisione agit, manifestum est, ipsum sensisse motiva incerta & dissimilia non se elidere, alioquin plures assignare debuisset species alistatorum, quia omnia illa sunt aloga & alistata quæ mutuo se perfecte elidunt, ut patet. At motiva etiam dissimilia & aequalia se eliderent. Ergo constituerent speciem alistati, ab Augustino non positam, utpote qui de illis solum agit, quæ adeo similia sunt, ut nemo discernere possit verum à falso, aut moveri ad unum potius credendum quam alterum, ideoque in tali casu nunquam videmus quemquam prudentem de talibus judicare. At ubi motiva sunt dissimilia, videmus doctissimos quosque in contrarias sententias abire. Ergo certum est tum ex praxi communi, tum ex mente Augustini, motiva dissimilia non se elidere, sed actu movere intellectum, ac proinde utramque partem contradictionis reddere opinabilem.

Augustinus admittit motiva dissimilia non se elidere.

30. Cæterum idem sensus Augustini colligitur ex cap. in Canonicis, distinct. 19. (quod caput latè expendi contra Mercorum quaest. 27. de Conscientia probabili, num. 18. & sequentibus) ubi in fine dicit; Si autem alias (Scripturas Canonicas) inveneris à pluribus (Ecclesiis) alias à gravioribus haberi, quamquam hoc inveniri vix possit, equali tamen auctoritatis eas habendas puro. Ecce hic sunt duo motiva dissimilia, nempe major multitudo ex una parte, & major dignitas Ecclesiarum ex alia, nec constat, quæ pars simpliciter alteram superet. In hoc casu Augustinus agnoscit talia motiva non se elidere, alioquin singula nullius essent auctoritatis in contradictione partis oppositæ, cum tamen utraque ejusdem auctoritatis sint ex mente Augustini: ergo Augustinus adversariis nostris certissime contrariatur, nobisque per omnia consentit. Vide locum proximè citatum, ibi enim ex hoc textu probo, licitum cuique esse usum cujusvis opinionis certè probabilis, quando non constat quænam sit probabilior. Imò ex Augustino ibidem probo, usum opinionis directè minus probabilis esse licitum, atque ex hoc Canone ostendo, Augustinum reipsa hoc sensisse.

Augustinus expressè agnoscit partem esse auctoritatem contradicentium, quando tituli fidei postulantes sunt dissimiles.

31. His adde Augustinum Epist. 117. cap. 3. Augustinus quem Esparza in Appendice art. 128. citat, & appositè ponderat. Querit ibi Augustinus, an quotidiana communio sit licita? Antequam quaestionem dirimat, utramque sententiam cum suis fundamentis his verbis proponit. *Dixeris aliquis non prout quisque quotidie accipiendam Eucharistiam. Quæstio quare? Quoniam, inquit, eligendi sunt dies, quibus purius homo*

homo continentiusq; rival⁹, quo ad tantum Sacramentum dignius accedat. Qui enim manducat & bibit indigne, iudicium sibi manducat & bibit. Alius contra: Imò, inquit, si tanta est plaga peccati, atque impetus morbi, ut medicamenta talia differenda sint, auctoritate Antistitis debet quis ab Altari removeri ad agendam poenitentiam, & eadem auctoritate reconciliari. Hoc est enim indigne accipere, si eo tempore accipias, quo debet agere poenitentiam, non ut arbitrio suo cum libet, vel auferat se communioni, vel reddat. Ceterum si peccata tanta non sunt, ut excommunicandum aliquibus homo iudicetur, non se debet à quotidiana medicina Domini Corporis separare. Hæ rationes sunt manifestè dissimiles. Sunt ergo vel æquales vel inæquales. Si æquales, per Celladeum perfectè se elidunt; si inæquales, major elidit minorem. In primo casu neutra pars esset opinabilis; in secundo, pars tantum prævalens absoluto iudicio affirmari posset. Jam Augustinus eadem de istis motivis sentire deberet, si Celladeo consentiret. At Augustinus longè aliter procedit; agnoscit enim simultaneum motivorum sufficientium vigorem & probabilitatem, & admittit utriusque electionem, & usum esse licitum juxta motum pie affectionis, per quam quisque determinatur ad credendum, hoc præ illo expedire. Sic enim resolvit casum. *Rebatur inter eos fortasse quissimam dirimit litem, qui monet, ut præcipue in Christi pace permaneant. Faciat autem unusquisque quod secundum fidem suam pie credit esse faciendum. Neuter enim eorum exhorat Corpus & Sanguinem Domini, si saluberrimum Sacramentum certatim honorare contendunt. Nec enim litigaverunt inter se, aut quisquam eorum se alteri proposuit, Zachæum & ille Centurio, cum alter eorum gaudens in domum suam suscepit Dominum, alter dixerit, Non sum dignus: Ambo Salvatorem honorificantes diverso, & quasi contrario modo. Ambo peccati miseri, ambo misericordiam consequuti, &c. Sic in ore cujusque Christiani Sacramentum illud quomodo sumatur assequendum. Nam & ille honorando non audet quotidie sumere, & ille honorando non audet ullo die pratermittere. Contemptum solum non vult cibum ille, sicut manna fastidium. Ecce Augustinus censet, utramque hanc opinionem, & præxim, quantumvis una alteri contradicat, esse practicè tutam & honestam, ideoque utramque simul habere probabilitatem practicam, ad conscientiam debitè formandam omnino sufficientem, & per consequens unam non elidere aliam, sed intellectum ex affectu & imperio voluntatis prudenter & laudabiliter flecti posse ad alterutri pro libito assentiendum; & sic hominem licitè ac meritorie ad præxim accedere juxta rationabile suæ conscientie dictamen. Hæc & non alia docet benigna sententia. His dictis circa elisionem motivorum, mirabilis & singularissima quædam Celladei opinio, quam in hac ipsa quæst. 4. lib. 4. incidenter tractas, superest examinanda. Sit ergo*

Opinio Augustini de quotidiana communione.

ASSERTIO VI.

Celladeus apertè fallitur in proponenda quæstione, de obligatione confitendi peccata dubia. Deinde ad rem tanti momenti determinandam, nullius roboris argumento nititur.

32. **P**ROBATUR. Celladeus lib. 4. quæst. 4. §. 7. incidenter loquens de peccatis dubiis, pro veritate comperta asserit, neminem in ullo dubio purè negativo, sive juris sive facti, habere obligationem confitendi peccata: omnes verò in dubio positivo ad ea confitenda obligari. Hæc est singularissima illius opinio de hac re, circa quam Auctores ita divisi sunt, ut pauculi aliqui dixerint, nullam esse obligationem confitendi peccata dubia, sive positivè sive negativè dubia fuerint; alii docuerint, omnia prorsus peccata dubia clavibus esse subijcienda; plurimè demum quæstionem distinxerint, atque dixerint, peccata negativè dubia ex necessitate confitenda esse, sed de positivè dubiis talem obligationem non dari. At neminem, ni fallor, invenies, qui dicat ita adesse obligationem confitendi peccata positivè dubia, ut nulla vigeat obligatio confitendi peccata dubia negativè. Singularis ergo est Celladeus in hac sua doctrina, quæ certè summi momenti est, cum ad conscientiarum præxim deserviat, & quod plus est, non ad humanam, sed Divinam legem pertineat.

Celladeus apertè errat in proponenda quæstione de obligatione confitendi peccata dubia.

Doctrinam hanc singularem sic proponit, & probat Celladeus. Nil occurrit, ut putes te concupisse uxorem alienam. Hic est casus dubii negativi. Iam occurrant magna fundamenta, ut dubites à te concupitam uxorem alienam: magna item, ut dubites, vel credas non fuisse concupitam. Hic est casus dubii positivi, &c. In primo casu nullum remorsum conscientia videtur esse locus, secus in secundo. Asserimus ergo in primo casu ad nil teneri, & tenet in secundo. Quid ais Antoni? Casus, quem proposuisti, estne casus dubii negativi, de quo agunt Auctores? Ostende vel unum, qui sub illis terminis dicat, quemquam obligari ad accusandum se sub dubio de aliena uxore concupita. Sed cum neminem inveneris, fatere te errasse, & hunc non esse casum dubii negativi. Quid enim? dubitasti tu, te me interfecisse, quia nulla tibi occurrit ratio, ob quam putes me à te fuisse interfecum? Nonne, absente omni tali ratione, adsunt alia motiva, quibus convictus conscius tibi es, me tibi ne quidem unquam fuisse præsentem? Non ergo dubitas de hoc, ne quidem negativè, ideoque conscientia tua hac de re nullis stimulis agitur. At qui negativè dubitat, conscientie stimulis vexatur, quia in statum animæ suæ reflectens, necessariò dicit *fortasse peccavi, fortasse non peccavi*. Ratio est, quia ille solum dubitat negativè, quia ita pro una parte nullas habet rationes, ut nullas etiam habeat pro altera; quique proinde non potest sibi persuadere, se esse à peccato immunem, eò quod nullum ad se peccato liberandum fundamentum habeat. Ergo necessariò conscientie stimulis agitur, & anxius hæret, utrum peccarit necne; atque ex quadam necessitate dicit, *fortasse peccavi, fortasse non peccavi*. Hic, Celladee, & non quem tu proposuisti, est casus dubii negativi. Imaginare te in tali casu constitutum, mortique proximum, & dicas, utrum, nulla te sollicitudo veniam à Dgo petendi, nulla remedium

Dubium negativum de peccato conscientie stimulis torquet.

remedium ab eo pro remissione peccatorum stabilitum apponendi urget? Profecto video & te, & quemvis cordatum, (ad cujus conscientiam ego contra te appello, sicut tu ad eandem in initio tuae probationis contra adversarios tuos appellabas) non parum anxium futurum, ne remedium negligendo, aeternam suam salutem discrimini committat. Ecce dubium negativum & sollicitudinem secum fert, & conscientiam cruciat. Errasti ergo, Celladee, in proponendo statu quaestionis; nec tantum in hoc errasti, sed quod plus est, in re tantum momenti, singularem, periculosa, ac minus tutam doctrinam ponis, eamque argumento evidenter fallaci confirmas, quia aliud non asfers, nisi quod ego ex te proposui. Illud autem aliud fundamentum non habet, quam falsam illam quaestionis propositionem, ut patet.

Quemvis peccatum sit negativum, tamen obligatio illud confitendi non est negativum dubium. 33. Est & alia aequivocatio in hac re: agitur enim de obligatione confitendi peccata negativè dubia; quae obligatio non est negativè, sed positivè dubia, cum plurimae rationes atque auctoritates suadeant talem obligationem dari, quamvis peccatum ipsum sit purè negativè dubium. Quod cum ita sit, fieri nequit, quin conscientia aequè stimuletur circa obligationem confitendi peccata negativè dubia, ac circa obligationem confitendi peccata dubia positivè. Neque enim ulla in hac re aut apparet, aut datur diversitas. Atque ex hoc iterum apparet nullitas argumenti, quo Celladeus suam sententiam confirmat; ex eo enim quod nulla detur ratio dicendi peccatum esse commissum vel non commissum, infert nullam esse rationem, quae probet obligationem confitendi illud ut dubium, ac proinde conscientiam non esse sollicitam de remedio apponendo, nec remorsu ac timore agitari. Verum illatio est nulla, & illatum apertè falsum. Lapsus autem iste ex dicta aequivocatione ortum habuit, quia confundit carentiam rationis ad affirmandum peccatum cum carentia rationis ad affirmandum obligationem confitendi talia peccata; quae duo sunt toto Caelo diversa: & tantum abest, ut carentia rationis pro una parte fundet carentiam rationis pro altera, ut è contrario tam efficacia fundamenta pro obligatione confitendi secum afferat, ut majorem Doctorum partem ad eam obligationem astringendam attraxerit.

Celladeus non satisfecit argumento, quod sibi objicit. 34. Neque hac in quaestione felicius est Celladeus in respondendo, quam fuerat in arguendo. Sic enim sibi objicit ex Tridentino; *Salutem tenemur confiteri peccata, quae in conscientia nostra sunt. Dubia autem non sunt; non enim magis sunt quam non sunt, & propriè loquendo nec sunt, nec non sunt, sed se habent ad utrumlibet, & ad esse, & ad non esse propter aequalitatem fundamentorum.* Huic objectioni, quae utique vulgaris est, & ab omnibus affertur, sic respondet. *Conscientia accepta est à Concilio juxta communem Scholarum & omnium acceptionem: ex hac autem conscientia alia est certa, alia dubia: quare quae dicto modo sunt in conscientia, sunt propriè in conscientia dubia pro modo ipsius conscientiae, cujus esse est ad utrumlibet esse.* Admitto nunc responsum, sed illud contradicit singulari ipsius doctrinae immediatè antea propositae; scilicet quod teneamur confiteri peccata positivè dubia, non autem dubia negativè: sic enim insto: Concilium loquitur de Conscientia juxta communem scholarum, & si vis etiam, juxta omnium acceptionem. At communis scholarum acceptio dividit conscientiam dubiam in positivè & in negativè dubiam, quae distinctio notoria erat Pa-

Duplex Celladei contradictio.

R. P. A. Terilli, *Regula Morum*. Pars. II.

tribus ac Theologis Tridenti congregatis: Et quod plus est nemo negare potest hanc acceptionem, cum nemo vertitur in dubio negativo, quin conscientia ejus torqueatur formidine ne fortè gravetur peccato, & ob illud Deo odibilis existat. Ergo Tridentinum aequè agit de conscientia negativè ac positivè dubia; ac proinde vel omnia vel nulla peccata dubia sunt de necessitate confitenda. Præterea hæc ejus doctrina contradicit alteri opinioni ipsius, quam summopere urget, scilicet tutiora in dubio sub præcepto esse sectanda. Hoc si verum, haud dubiè, peccata negativè dubia necessarè sunt confitenda. Ecce alia contradictio.

35. Sed quia Celladeus miratur, unde fieri poterit, ut Auctores plus obligationis agnoverint in dubio negativo, quam in positivo, juvat aliquid addere, ut talis admiratio ab illo, atque etiam ab imperito Lectore removeatur. Ratio hujus diversitatis ea est, quod nemo in dubio negativo possit formare conscientiam de sua innocentia, quia nullum prorsus habet fundamentum ad se in sua conscientia justificandum. Ergo tenetur medium adhibere quo justificetur & re ipsa, & in sua conscientia. At adultis baptizatis aliud remedium pro sua justificatione non datur, quam Sacramentum Pœnitentiæ. Neque enim ipsa contritio perfecta justificat nisi ex vi voti talis Sacramenti, ut definitum est in Tridentino. Ergo dubius negativè non habet aliud medium ad se in sua conscientia coram Deo justificandum, quam si aut contritionem perfectam eliciat, aut ad Confessionem accedat. Sed neque contritio eum justificat nisi vi voti de Sacramento. At votum illud aliud non est, quam obligatio utendi ipso Sacramento, & propositum efficax talem obligationem implendi. Ergo datur obligatio confitendi peccata negativè dubia. E contra non est tanta tamque inevitabilis necessitas confitendi peccata positivè dubia; eo ipso enim quod sint positivè dubia, potest homo conscientiam suam formare, atque se ipsum in conscientia sua coram Deo justificare, eliciendo actum, quo probabiliter credat, se non esse reum peccati, quo judicio stante non obligatur ea remedia opponere, quae alter tenetur adhibere. Alter enim ad hanc justificationem suae conscientiae venire non potest, nisi mediante Sacramento in re vel in voto. At qui positivè dubitat ad hunc finem pervenire potest, etsi Sacramento non utatur. Itaque ratio probans necessitatem confitendi peccata dubia longè fortius urget pro peccatis negativè, quam pro positivè dubiis. Dantur enim rationes & quidem valde probabiles excusantes pro dubio positivo, quae dubio negativo applicari non possunt. E contra verò nil affertur pro obligatione confitendi peccata positivè dubia, quod ex æquo aut à fortiori non urgeat pro obligatione confitendi peccata dubia negativè.

36. Ex sanè qui attentè legerit Auctores, afferentes unam, & negantes alteram ex istis obligationibus, inveniet eos communiter eò auctoribus recurrentes, quod in dubio positivo (si illud sit verè probabile, de quo solum loquuntur) homo rationabiliter possit præsumere, & existimare quod non peccaverit, & consequenter quod non teneatur, ne quidem sub dubio, se talis peccati reum agnoscere; cum verè ampliùs de malo suo statu non dubitet, sed judicio probabili, rationabili, ac invincibili se talis crimi-

Secunda ejus contradictio.

Unde oritur major obligatio confitendi peccata negativè dubia, quam dubia positivè?

Ratio allata est quæ ab auctoribus communiter affertur.

Celladeus
idem docet,
ob quod
alios redar-
guit.

nis purum coram Deo inveniat. Ceterum si homo in eo casu non uteretur huiusmodi presumptione, nec iudicium aut expresse aut virtualiter tale eliceret, paucos, ni fallor, invenies, qui talem hominem ab obligatione positivè dubia confitendi liberet, modò agnoscat peccata negativè dubia ex necessitate esse confitenda. Ratio est, quia in tali casu æqua est conditio conscientiarum utriusque, quia utraque manet dubia, neutra se justificat. Ergo utraque ex æquo obligatur ad remedium querendum, quod aliud non est, stante tali dubio, præter Sacramentum in re vel in voto. Ceterum non omnes videntur requirere, ut positivè dubius tali iudicio expresse dubium deponat, cum sufficere videatur, si æquivalenter illud eliciat, existimando se habere sufficientem rationem ad tale iudicium eliciendum, ac proinde presumere posse, se liberum esse obligatione, quæ urgeret, si talis ratio deesset, atque posse perinde se gerere, ac si tale iudicium eliceret; cum præsto sint media ad illud eliciendum, si voluntas suo imperio flectat intellectum ad assensum. Et hæc ipse Celladeus, ni fallor, eandem doctrinam tradit; indicat enim nos non obligari ad confitenda peccata positivè dubia, si dubium per discursum positivè, ut appellat, probabilem deponatur, quamvis adsint rationes in contrarium. At aliud non docent, quos hic impugnat tamquam inconsequenter loquutos, quia nolunt quemquam excusare ab obligatione confitendi peccata dubia, si illa semper dubia manserint; sed solum quòd liberentur à tali obligatione in dubio positivo, si, ex vi rationum probabiliter probantium suam innocentiam, dubium deponant, seque peccati innocentiam rationabili iudicio reputent; sed quia iudicium istud elici nequit in dubio negativo, ideo in illo obligatio confitendi premit sic dubitantes. Consideret hæc Celladeus, & fortassis admirationem ponet, & mirabitur, se, ex inconsideratione doctrinæ tam obvix tamque fundatæ, miratum fuisse, & homines doctissimos solidè discurrentes ex nimis levi fundamento inconsequentiarum arguisse.

ASSERTIO VII.

Celladeus in hac singulari sua opinione, sibi in hac ipsa questione peculiariter contradicit. Præterea eandem incurrit censuram, quam aliis inurit.

Celladei
contradictio.

37. **P**ROBATUR prima pars. Dubium positivum juxta principia Celladei in hac questione coïncidit cum dubio negativo; quoties


enim motiva contraria sunt æqualia, toties perfectè se elidunt; & consequenter intellectus vi illorum non aliter se habet, quàm si omni motivo ceteret. Hoc autem est dubium positivum coïncidere cum negativo in ordine ad movendum intellectum, & conscientiam stimulamdam. Ergo impossibile est, quòd major sit obligatio, aut titulus confitendi talia peccata, quàm peccata negativè dubia. Et tamen ex præterita diversitate contendit, illa esse, hæc non esse, confitenda. Rursus major est ratio confitendi peccata negativè quàm positivè dubia, saltem quando motiva pro peccato sunt minora, quàm pro non peccato; tunc enim motiva pro peccato perfectè eliduntur, sed opposita non eliduntur. Ergo tunc plus est pro innocentia, quàm in casu dubii negativi. Contradictio ergo est nos universaliter obligari in casu dubii positivi, & nunquam in casu dubii negativi.

38. In alio etiam apertius sibi contradicit. Ait enim æqualia motiva ab æqualibus, & minora à majoribus perfectè elidi. Rursus asserit, peccata in casu dubii positivi esse confitenda, quia motiva in tali casu pungunt & mordent conscientiam. Hoc secundum verum est, sed contradicit priori, quia motiva, quæ pungunt & urgent, non sunt motiva mortua & elisa. Ergo simul asserit eadem motiva esse & non esse elisa; in quo non minùs aperte contradicit sibi, quàm si dixisset, hoc ens esse animal rationale, sed non esse hominem; quia de eisdem motivis dicit ea habere definitionem & essentiam motivi non elisi, & tamen asserit ea simul esse perfectè elisa.

Alia Cella-
dei contra-
dictio.

39. Probatur secunda pars. Qui in re ad conscientiam spectante absque efficaci ratione invehit novam doctrinam, eamque minùs tutam, periculosè agit; maxime si per transennam tantùm rem illam tractet, eamque levi argumento confirmet. Hoc verum est, & est principium, quo ille utitur adversus Casuum Collectores, aliosque, quos contendit à peccato non excusari, si errant, &c. At hæc omnia in ipsum quadrant, quia in questione hac, quam merè per transennam tractat, ex levissimo ac nullo prorsus fundamento contra omnes opinatur, sectaturque partem minùs tutam in re summi momenti, ad jus Divinum & ad medium ad justificationem requisitum spectante. Ergo incidit in censuram, quàm aliis inussit, nec in propriis principiis excusari potest. Nec tam cum ego peccati arguo, existimo enim cum aliunde excusatum.

Incidit in
propria cen-
suram aliis
illatam.



QUÆ

QUÆSTIO QUINQUAGESIMA- TERTIA.

*Vtrum per ipsum non invenire veritatem satis solvantur
dubia conscientia?*

1. **H**UNC titulum quæst. 6. libri 4. præponit Celladeus, in quo ob-
biscum maxima ex parte consen-
tit, ponitque assertionem, per
quam destruit, quod antea ædi-
ficaverat, suæque priori doctrinæ reipsa contra-
dicit. Hoc ut clariùs probem, simulque quæstio-
ni propositæ respondeam, sit

ASSERTIO PRIMA.

*Quando non inventio veritatis fundat ejus-
dem inventionem, dubia conscientia
rectè solvantur per ipsam non
inventionem.*

Non inven-
tio aliquan-
do solvit
dubium.

2. **H**ANC assertionem Celladeus ponit, &
sic bene probat. Unica & recta dubii so-
lutio est inventio veritatis dubitatz. Ergo si quis
ex non inventione veritatis possit rectè existima-
re, si fuisset, invenirem, utique ex non inventio-
ne invenit veritatem, & dubium solvit. Sic enim
arguit. Si fuisset invenissem. Non inveni. Ergo non
est.

Non inven-
tio post de-
bitam dili-
gentiam,
solvit dubiũ
in materia
juria.

3. Hæc assertio, ut jacet in terminis, vera est.
Sed, nisi explicetur juxta communem doctrinam,
inutilis est ad praxim, quia nondum traditur re-
gula, aut indicatur modus cognoscendi, quæ de-
mum & qualis esse debeat non inventio, ut per
ipsum non invenire veritatem veritas inveniat.
Communis utique opinio est, quod in materia
juris & legum obligatio cesset, quando post suf-
ficientem diligentiam veritas non invenitur. Ra-
tio est, quia non inventio veritatis ejusmodi post
sufficientem diligentiam fundat sufficientem ejus-
dem inventionem. Rectè enim sic arguetur. Si
lex talis lata & sufficienter promulgata fuisset,
utique veritas talis legis inventa fuisset per suf-
ficientem diligentiam adhibitam. At lex per talem
diligentiam non invenitur fuisse lata, nedum pro-
mulgata. Ergo vel non est lata, vel non est suf-
ficienter promulgata & proposita. Ergo cessat
obligatio; quia lex non lata, aut, si lata, non
sufficienter promulgata, nullam obligationem in-
ducit.

Sed in ma-
teria facti
universaliter
non sol-
vit dubium.

4. E contra in materia facti, universaliter lo-
quendo, dubia conscientia non rectè solvantur
per non inventionem, etiam post exactam dili-
gentiam; quia sæpius ex non inventionem illa
formari nequit rationabile judicium, quod fa-
ctum illud non extet, quamvis veritas illius etiam
per summam diligentiam non inveniat. Hinc
est, quod Theologi, qui universaliter loqui, &
generales pro moribus formandis regulas ponere

R. P. A. Terilli, Regula morum. PARS II.

solent, aliter de dubiis circa jus, aliter de dubiis
circa factum loquantur. De illis universaliter
enunciant, quod dubium per non inventionem
post debitam diligentiam rectè solvatur. De istis
e contrario dicunt, talem non inventionem uni-
versaliter non sufficere, quia per illam, sive solam,
sive cum aliis principiis conjunctam, veritas non
invenitur.

5. Doctrinam hanc Celladeus hoc loco ap-
probat, quia expressè docet, omnem legem, si-
ve naturalem sive positivam divinam, esse reper-
ibilem ab eo, qui sufficientem diligentiam adhi-
buit; ideoque concludit, veritatem in eo casu
per non inventionem inveniri. At loquendo de
rebus facti aliter enunciat, & verum est quod di-
cit, nempe veritatem facti, universaliter loquendo,
erui non posse per hoc, quod per sufficientem
diligentiam non inveniat. Disparitas est, quia
leges sunt universales, perpetuæ vel diuturnæ, &
fixæ. Contra verò facta sunt particularia, con-
tingentia, varia. Unde in illis, non in istis, ve-
ritas ex ipsa non inventionem eruitur. Hæc pro-
sequitur Celladeus, & hanc diversitatem bene il-
lustrat, ostenditque legem ex sua natura scibili-
rem esse quàm factum. Tamen bene observat,
factum esse posse tale, ut aliquando ex illius post
debitam diligentiam non inventionem veritas ipsa
sufficienter inveniat. In tali autem casu, du-
bium conscientia etiam in rebus facti bene sol-
vitur per non inventionem. Sic dicimus, scrupu-
losos non obligari ad repetendum seu dicendum
Psalmum vel Horam, de quibus dubitant, an ea
recitaverint; quia in talibus non memoria de re-
citatione arguit recitationem extitisse. Scrupu-
losi enim in hac materia raro aut numquam ho-
ram omittunt, quin probè sciant, se illam non
recitasse. Itaque tales ex sola non inventionem
non recitationis rectè & probabiliter inferunt,
eam non contigisse, sed recitationem factam
fuisse. Aliter dicendum de non scrupulosis; illi
enim potius inferunt non recitationem, si non
meminerint recitationis, quia raro contingit eos
dubitare de recitatione, si verè recitaverint.

Disparitas
in juri & in
f. Quia, in or-
dine ad ar-
guendum
non in-
venit.

Non inven-
tio utilis est
scrupulis
ad confes-
sionem for-
mandam;
etiam in
materia fa-
cti.

6. Ex his concludit Celladeus, obligationem Error Cel-
in istis casibus non ex eo cessare, quod sumus in ladei.
dubio, & in dubio possessio stet pro libertate,
(alioquin conscientia dubia numquam obligaret,
quod est contra omnes) sed quia ex non inven-
tione, post sufficientem diligentiam, rectè con-
cludimus (sunt verba ipsius) vel legem non existe-
re, vel si humana est, non fuisse sufficienter promul-
gatam. Hæc doctrina vera est, quoad secundam
partem, sed quoad primam est falsa; obligatio
enim in hoc casu ex eo etiam cessat, quod in
materia juris possessio stet pro libertate, quæ
propter

M 2

Mala Celladei illatio.

propter hoc ipsum excusatur, quod, post sufficientem diligentiam, nullam obligationem restringentem invenerit, & ex hoc ipso argumentum recte concluditur negatio obligationis, etsi intellectus ad aliud non respiciat. Sed quid? Sequitur ne hinc, conscientiam dubiam numquam obligare? Ita quidem contendit Celladeus; sed fallitur, quia aliquando possessio non faveat libertati; sed legi, ut plerumque evenit in rebus factis. Ergo ex hoc quod in materia juris titulus possessionis libertati faveat in dubio, quando veritas per debitam diligentiam non invenitur, non sequitur, conscientiam in omni dubio ex titulo possessionis formari posse. Præterea conscientia dubia semper quidem obligat ad tutiora, sed tunc solum obligat, quando manet dubia. Quod si dubium tollatur, tunc sicut conscientia non amplius manet dubia, ita nec manet conscientie dubie obligatio.

ASSERTIO II.

Non inventio veritatis non sufficit ad solvendum dubium conscientia, nisi veritas de non obligatione legis per eam non inventionem aliquo modo inveniat.

Non inventio veritatis qualis esse debeat?

7. **PROBATUR.** Nisi homo in dubio constitutus, tandem inveniat se non obligari, judicetque opus esse licitum, proculdubio peccat. Ergo non inventio veritatis nunquam sufficit ad deponendum dubium, nisi homo per eam tandem inveniat veritatem de non obligatione. Porro dum agimus hic de veritatis inventionem, non loquimur de certa & evidenti ejusdem persuasionem (hæc enim in rebus moralibus non requiritur) sed sufficit judicium probabile, quo res absolute credatur esse licita; per ejusmodi enim judicium conscientia rationabiliter ac inculpabiliter formatur, dubiumque deponitur, ut patet.

Rigidissima Celladei opinio.

8. Cæterum in eo valde displicet Celladeus, quod doctrinam hæc assertionibus contentam, & a se etiam pro vera habitam; tali restrictione limitet, ut ea pro conscientiarum directione ac propriæ nil valeat. Afferit enim paucos esse, qui vel probabiliter dicere possint, se sufficientem diligentiam adhibuisse. Unde infert, non satis esse Confessorem aut Theologum adhibuisse, aut rusticos Parochum consuluisse, quia non quivis Theologus, aut Confessarius, vel Pastor facit assertum suum probabile; alioquin non esset, cur Episcopi sufficientes adhibere tenerentur, quia quivis sufficeret. Præterea quilibet Parochus esset regula indefectibilis morum, & non culpæ; quod aut absurdum esse ex iis, quæ lib. 1. quæst. 7. tradidi.

Impugnatur dicta opinio.

9. Displicent hæc inquam, quia quamvis non omnis Theologus, aut Parochus, vel Confessarius semper reddat suam opinionem probabilem, quando illi scitur esse nova, aut contra torrentem aliorum, vel videtur Scripturæ aut bonis moribus, vel fidei contraria, &c. tamen quando Theologi, Parochi, aut Confessarii communiter habentur sufficientes & apti suo muneri, indubitanter dico, assertum talis viri in dubiis communibus esse intrinsecè probabile, maxime respectu idiotarum; quia haud dubiè idiotarum talem regulam sequentes plerumque non errant; siquidem talium virorum responsa plerumque vera sunt. Ergo qui talem regulam sequitur, ubique sequitur regulam verè & positivè probabilem, etiam in sensu Celladei, qui proinde hac in re propriæ opinioni contradicit.

Et sanè quis non videt, rusticos ad Parochum sibi præpositum recurrentes (maximè quando publice habetur vir sufficientis doctrinæ) suæ obligationi satisfacere? Nōne ad eos accedunt, quos Deus pro conscientiarum directione ipsis præposuit? Quid ergo ultra requiritur ut agant? An ut ad civitates recurrant, Doctorumque collegia pro suorum dubiorum solutione congregent? Nil hoc absurdius cogitari potest. Ergo hoc sufficit, nisi fortè aliquando ob peculiare quasdam exceptiones Parochus vel Confessarius doctrina vel probitate sufficienti carere præsumeretur.

Argumentum contra ipsum facit.

10. Quod autem dicit de Episcopis, contra ipsum facit; nam illi hac ipsa de causa tenentur curam adhibere, ut viros ad populum erudiendum sufficientes in animarum Pastores promoveant. Ergo rudes, eo ipso quod Episcopos suo munere rectè functos rationabiliter præsumant, & possunt & debent suis pastoribus fidem dare, quando in dubiis suis eos consulunt; nisi adsit peculiaris aliqua exceptio, eò quod Pastor dicat aliquid contra receptos Ecclesiæ mores, vel aliquid prorsus inauditum, quod fidei, aut bonis moribus contrarium videatur. Hinc evidenter sequitur, Parochos vulgares non esse indefectibiles in moribus regulandis, cum ipsi non solum errare, sed tam exorbitanter errare possint, ut fideles, etiam idiotæ, illis fidem negare teneantur. Cæterum infallibile est, subditos sequentes doctrinam suorum Parochorum excusari, quando bona fide dictis illorum fidem habent, nec adsunt circumstantiæ, ob quas merito dubitent an suo officio ritè fungantur. Et sanè totum hoc sequitur ex ipsa Celladei doctrina, quia rudes, taliter bona fide ex Confessarii consilio operantes, sequuntur regulam plerumque non errantem. Cum ergo bona fide procedant, nec ullam dubitandi causam habeant, haud dubiè excusantur, quia vel non errant, vel, si errant, invincibiliter errant. Porro de nullitate prætensæ illius infallibilitatis in quocumque Doctore, suæ actum est supra quæst. 14.

ASSERTIO III.

Doctrina Celladei hic tradita contrariatur assertionibus & rationibus, quas antea tradidit tamquam potissima præcipua sua opinionis fundamenta.

11. **PROBATUR.** Auctores benignæ sententia in eo potissimum fundantur, quod quamvis intellectus, stante æquali probabilitate directæ de honestate & inhonestate rei, non assurgat, neque si illa æqualitas affirmetur assurgere possit ad formandam conscientiam ex vi talis probabilitatis; nihilominus idem intellectus ex vi principiorum reflexorum assurgere potest ad conscientiam formandam, & ad concludendum, nullam esse obligationem abstinendi ab opere, sed illud licitè poni posse. Assignamus autem varias vias, quibus quæstio hac ratione determinari, & conscientia rationabiliter formari potest. E contra Celladeus doctrinam hanc lib. 3. quæst. 9. & alibi sæpe rejicit, contrariamque ut valde fundamentalem exaggerat, eò quod nullus dari possit locus hujusmodi discursui reflexo, quando veritas directè determinari nequit. Hic autem veritate convictus, nullo cogente, fugit ad discursum reflexum, & ex eo expressè asserit conscientiam ritè formari, quamvis ex vi considerationis directæ res maneat dubia.

Celladei contradictio.

dubia, & veritas inveniri non possit. Sic enim arguit. *Si fuisset veritas, invenissem. Non inveni. Ergo non est.* Hic discursus planè reflexus est, nec alium ad suam assertionem firmandam adhibet. Ergo & in modo arguendi, & in absoluta contrariorum traditione sibi ipsi repugnat, & contradicit.

Alia Celladei contradictio.

12. Rursus sententia benigna in eo etiam principaliter fundatur, quòd, in casu parìs probabilitatis directæ pro utraque parte contradictionis, lex aut non existat, aut non sit sufficienter promulgata; quæ ratio est adeo patens & efficax, ut veritatem prorsus evincat. Hanc doctrinam Celladeus maximo conatu impugnât lib. 3. *quaest. 8.* & alibi; magnumque suæ doctrinæ prælium in hujus nostri fundamenti impugnatione collocat. Et, quod plus est, in hac ipsa *quaest. 5. 2.* vult talem non promulgationem non habere locum, etiam in casu, quando lex per sufficientem diligentiam non invenitur; nam tota quaestio procedit ex suppositione debitæ diligentiae adhibitæ. Expresè enim sic concludit. *Ergo non inventio fundat inventionem. Illud porro de lege non factæ promulgatae explosum est lib. 3. & de lege naturæ & divinæ exploditur latè parte 2.* Vult ergo promulgationem non habere locum in hac quaestione, idque vel universaliter, vel certè restrictè ad legem humanam; quia si sermo restringatur ad legem divinam aut naturalem, expresè dicit, se de illis nondum egisse, sed pollicetur, se latè acturum *parte 2.* Et tamen ac si nil horum aut dixisset, aut cogitasset, paulò post in eodem §. diserte concludit, obligationem in casu præsentis quaestionis cessare quidem, non quia sumus in dubio (sunt verba ipsius) & in dubio possidet libertas, ut quidam loquuntur; sed quia ex facta diligentia & non inventione rectè concludimus, vel legem non esse, vel si humana sit, non fuisse factæ promulgatam. Ecce tandem expresè fatetur, argumentum à non inventione veritatis post diligentem indagationem rectè probare, legem humanam aut non existere, aut sufficienter promulgatam non esse. At hoc est, quòd nos etiam dicimus, & in quo fundamur. Et tamen hoc ipsum est, quòd ipsemet in hac *quaest.* paulò ante rejecerat ut insufficientis, & explosione dignum; nam ex contextu apparet, quòd explosio doctrinæ de lege non promulgata, de qua loquutus est lib. 3. sumi debeat universaliter, aut certè restrictè ad legem humanam. At quocumque modo sumatur illa ejus doctrina, maxime illa, quam ultimo loco hic adducto proponit, nimis aperte prioribus contradicit; quia particulare affirmatum non solum contradicit eidem particulari negato, sed etiam contradicit propositioni uni-

versaliter neganti quòd illa particularis asserit.

13. Ceterum errat Celladeus, si putet, argumentum hoc valere quidem in lege humana, non autem in lege divina & naturali, nam potius è contrario vim habet in illis; maxime quando veritas à multis probisque viris diu quaerita fuit. Ratio est, quia jus naturæ ita nobis inditum est, ut faciliè innotescat, ideo enim dicitur jus naturæ, quia solo naturæ lumine innotescit. Ergo si viri docti & probi diu quaerant legem ejusmodi, & non inveniunt, manifestè præsumendum est, talem legem aut non existerè, aut nobis factæ promulgatam non esse. Ergo ex non inventione post factam diligentiam hæc veritas invenitur, *Quod lex ejusmodi aut nulla sit, aut non sit nobis sufficienter declarata & promulgata.*

Argumentum tamen à non inventione ad non promulgationem auctore non valet in omni lege.

14. Idem valet de lege divina positiva, quæ non est faciliùs reperibilis, quàm lex humana; quia nec in se, nec in modo suæ promulgationis est nobis notior, quàm lex humana. Non est notior in se, sed potius minùs nota, cum plerumque sit de objectis minùs notis, minùs que discernibilibus, quàm lex humana. Non in modo suæ promulgationis, quia illa utrobique perficitur per homines humanis vocibus utentes. Voces autem illæ in utraque lege eisdem æquivocationibus & exceptionibus subjacent, ut patet. Unde videmus Auctores pios & peritos non minùs dissentire de legibus positivis divinis, quàm de humanis. Præterea leges humanæ scripto traduntur, & in codicem rediguntur, ex quo faciliè est ipsam legem originalem, aut copiam authenticam habere. E contrario, divinæ leges, quando primùm declaratae fuerunt, ore tenus tantùm, & non ex scripto traditæ sunt; eademque eodem modo etiamnum tradi solent infidelibus, quando ad fidem convertuntur. At iste modus tradendi & cognoscendi leges ex se majori erroris & ignorantiae periculo subjacet, quàm quando leges omnes sunt scriptæ, & in codice continentur. Ergo lex divina positiva non est magis reperibilis quàm humana. Ergo malè asserit Celladeus hanc posse, illam post debitam diligentiam adhibitam ignorari non posse. Vel enim utraque, vel neutra, vel, si ulla diversitas sit, potius divina quàm humana ignorari potest post debitam diligentiam. Ergo ex non inventione post debitam diligentiam tam de lege divina positiva quàm de humana rectè concluditur, quòd, aut non existat, aut sufficienter promulgata & declarata non fuerit.

Lex positiva divina non est cognoscibilior lege humana.

15. Hæc dicta sint ad *quaest. 6.* Omittam autem examinationem *quaest. 7.* quia ad rem præsentem non videtur quidquam conducere. Quare ad alia progrediendum est.

QUÆSTIO QUINQUAGESIMA- QUARTA.

*Virum; Et qua ratione pars tutior in dubiis sit
eligenda?*

1. **C**ONTROVERSIAM hanc ex professo tractat Celladeus lib. 4. à quest. 3. inclusive ad 14. exclusi-
ve, ubi multa contra benignam sententiam, ac ipsam veritatem congerit. Meum erit eum comitari, atque ejus errores, more meo, positis assertionibus redarguere.

ASSERTIO PRIMA.

In omni dubio practico tutior pars ex præcepto tenenda est.

Dubium
practicum
quid?

! Partutior
quid?

Celladei er-
ror.

Tutior pars
semper te-
nenda est in
dubio pra-
ctico.

2. **D**ECLARATUR assertio, in qua omnes conveniunt. Dubium practicum tunc est, quando homo dubitat de aliqua actione; utrum sit vel non sit peccatum, seu contra legem, & non habet rationem, per quam, dubio deposito, credat rem esse licitam. In hoc casu dicimus, unumquemque obligari ad partem tutiorem amplectendam. Pars autem tutior est illa, in qua nullum esse potest peccatum. Hæc est pars tutior quoad se; illa autem est pars tutior quoad nos, in qua nullum peccati periculum apparet. Celladeus eam etiam partem tutiorem appellat, in qua est minus malum seu peccatum quam in parte opposita. Sic quando occurrit necessitas materialiter violandi duas leges, pars tutior est quæ minus malum continet. Verum hæc ejus acceptio non minus falsa est, quam singularis; quia in eo casu neutra pars est tuta quoad nos. Cum enim duæ leges exigentes contraria pro iisdem circumstantiis non existant, certum est, unam tantum legem urgere pro tali circumstantia. Non constat autem potius unam quam alteram ex illis vigere. Ergo de nulla dicere possumus, quod hæc sit tutior, quia fortasse non illa sed solum opposita lex existit, & verè violatur. Itaque in tali casu neutra pars est tuta, ut patet. Ergo neutra est tutior. Non tamen nego alteram esse præferendam quoad nos, sed illa non præfertur titulo sequendi partem tutiorem, sed ex alio principio nonissimo, scilicet, quod ex duobus malis collectivè inevitabilibus minus sit eligendum. His pro intelligentia questionis præmissis.

3. Probatur 1. ex Apostolo ad Rom. 14. *Omne quod non est ex fide peccatum est.* Sensus est, omne quod non fit ex persuasione conscientie dicantis rem esse licitam est peccatum, ut communiter exponitur. At nulla ejusmodi fides elicitur, stante dubio practico. Ergo, &c.

Probatur 2. ex 3. *Eccles. Qui amat periculum peribit in illo.* Atqui amat periculum, qui in dubio

mali operatur, quia temerè se exponit periculo offendendi Deum, & quidem ipsemet clarè advertit periculum, atque vel explicitè & formaliter, vel implicitè & virtualiter judicat illud adesse, cum nullum habeat judicium de honestate operis, sed actu de illa dubitet. Ergo voluntariè eligit periculum. Ergo perit in illo, & peccat.

Probatur 3. ex multis locis Juris Canonici, potissimè verò ex cap. ad audientiam, ex cap. significasti 2. & ex cap. Petitis sua; de homicidio, ubi aut expressè traditur, aut supponitur, quod in dubio pars tutior sit tenenda. At hoc si ullibi locum habet, habet illum maximè in casu præsentis, quando homo est practice dubius de honestate sui operis. Ergo, &c.

4. Probatur 4. ratione. Lumine naturæ notum est, quod nemo ponere possit operationem, de qua dubitat an sit offensæ Dei, quin Deum Deique legem parvi faciat, & quodammodo contemnat. At omnis Dei divinæque legis contemptus est peccaminosus. Deus enim summus sui honoris zelator est, & in nullo contemni se offendi vult, quamvis minima ejus offensæ maxima secum bona ferat. Ratio est. Quia Deus bonorum nostrorum non eget; ideoque ob nullum bonum suo honori cedit, sed semper vult summum sibi respectum deferri, utpote quo infinitè dignus est. Hanc Dei dignitatem qui considerat, simulque reflectit Deum bonis nostris non egere, sed omnia respectu illius momento stateræ comparari, ac verissimè nullius momenti esse, statim percipiet, jure naturæ illicitum esse, quod quis, stante dubio practico, partem minus tutam eligat, quia Deum Deique offensam parvi pendit. Datur ergo lex reflexa certa & indubitata, quod in dubio practico de offensæ Dei tutior pars semper sit tenenda. At in amicitia humana lex illa reflexa non videtur esse tam universalis, cum in aliquo casu talis actio non possit verti contemptui, sed potius æstimationi ac amoris amici, ut fusiùs ostendi in quaestione 18. de Conscientia probabili. Alia non assero in re tam certa.

Contemnit
Deum qui
in dubio
practico o-
peratur.

ASSER-

ASSERTIO II.

Ex hac doctrina de dubio practico non sequitur, illicitum cuique esse ex duabus opinionibus aequè probabilibus sequi minus tutam, quamdiu paritas illa ab operante admittitur.

Aequalitas probabilis agnita dubium inducit si non utamur discursu reflexo, aliter non.

ASSERTIO hæc est contra Celladeum hic *quaest. 8. §. 3. & 4.* ubi contendit, easdem prorsus rationes æqualiter urgere in casu duarum opinionum quæ habentur æquè probabiles, ac in casu dubii, illasque proinde vel nil concludere in casu dubii, quod omnes negant, vel etiam locum habere in omni casu æqualitatis. Hac declaratione præmissa, probatur assertio. Quando loquimur de opinionibus æquè probabilibus, quaestio dupliciter institui potest: primò ut sermo restringatur ad directam tantum considerationem rerum, omisso omni prorsus investigatione reflexa: secundò, ut posita æqualitate directa inter probabilitates opinionum sibi contrariantium, accedat quaestio reflexa, utrum, dicta æqualitate non obstante, liceat sequi partem minus tutam. In primò casu, doctrina dubiorum transferri debet ad casum opinionum æquè probabilium, quando illæ post comparisonem actu creduntur esse æquè probabiles, quia æquè in utroque casu bona fides formari non potest, & consequenter intellectus æquè in utroque practicè dubitat. At in secundo casu perspicuum est, nullum esse locum dubio in iis, qui benignam sententiam sequuntur, ut mox dicetur uberius. Doctrinam hanc sæpius ac fusè tradidi in *tractatu de Conscientia probabili*, ubi etiam ostendi, omnes Auctores tam antiquos quam recentiores hanc doctrinam aut expressè tradere, aut apertè supponere. Nominatim autem Auctores antiqui, Henricus, Adrianus, Conradus, aliique (quos §. 4. ex Tannero Celladeus citat, ac si absque ulla distinctione dicerent, homines in omni casu æqualitatis teneri ad tutiora) loquuntur solum de ultimo ac finali iudicio, dicente utramque partem esse æquè probabilem, præseindendo à quaestione reflexa, determinante quaestionem ad unam partem, cui ut probabiliori inhaerent. Eodem sensu loquuntur recentes illi, quos adiungit, nempe, Comitulus, Philalethus, Mercorus & Pagnanus, ut fusè ostendi locis citatis. Sed nescio qua ratione hanc opinionem Celladeus affingat Cardinali Pallavicino, quasi verò ipse doceret, quòd si omnes regulæ, etiam reflexæ, considerentur, non liceat sequi ex opinionibus æquè probabilibus minus tutam; dicit enim eum ab hac sententia parum abesse, cum certò constet, Auctorem illum disertè & in terminis expressè docere, quòd ex opinionibus æquè probabilibus liceat sequi minus tutam.

Aequalitas morivorum directè probanti non infert dubium practicum.

6. Cæterum quaestio præsens non procedit in hoc sensu, expressè enim loquimur de consideratione reflexa, juxta quam supponimus quaestionem ita determinari, ut intellectus absolute asserat, usum opinionis minus tutæ esse licitum, quamvis opposita opinio tutior, directè loquendo, sit æquè probabilis ac ista. Jam in hoc sensu evidens est, argumenta allata pro casu dubii locum non habere. Hic enim inprimis bona fides formatur. Secundò operans non committit se periculo, nec legem Dei parvi facit; quia per absolutum iudicium existimat se juxta legem opera-

ri, & periculum, quod alioquin ab operante timebatur, judicialiter ac bona fide à sua conscientia removet. Ergo ex doctrina allata de dubio non sequitur, usum opinionis æquè probabilis directè, sed minus tutæ, esse illicitum.

SOLVUNTUR OBJECTIONES.

7. **O**BJICIT primò, vel potius petes, an intersit in dubio legem reipsa ac materialiter violari, an non? Rursus petes, an aliquem se talis violationis periculo exponere sit amare periculum, an non? Si neges, contra est, quia inde sequeretur, operantem in dubio non peccare, quia nulli periculo, quod intersit, se committit; & si legem violet, violatio illa est solum materialis. Si affirmes, idem debes dicere de usu opinionum, quando illæ sunt æquè probabiles, nam per æqualitatem illam opinionum non magis habetur legem illam non adesse, quam per conscientiam practicè dubiam. Ergo eadem est ratio excusans vel aggravans in utroque casu.

Confirmatur. Regula operandi, fundata in æqualitate opinionum, est regula, quæ ex se non magis habet conformari cum lege quam ab illa discordare, & in opinione minus probabili, habetur magis discordare. Et tamen per se hæc regula sufficit ad honestatem. Ergo Conscientia practicè dubia erit regula sufficiens ad honestatem, quia illa est eodem prorsus modo indifferens, nec aliud malum habet, quam istam indifferentiam. Ergo utrobique par ratio, par temeritas, vel certè par non temeritas. Ita Celladeus §. 3.

Respondeo 1. Objectionem ad rem non facere, quia nos solum loquimur, pro casu, in quo vi considerationis reflexæ, deposito dubio concludimus opus esse licitum. Ergo obiectio non impedit opinionem benignam, sed imaginatur & fingit adversarium, ubi non est.

8. Respondeo 2. Objectionem istam fundari in equivocatione legis verè exerentis vim legis, & legis vocaliter dictæ, quæ vim suam non exerit, nec obligat. Ut hoc constet, peto à Celladeo de qua lege loquatur, quando interrogat, an, quando homo operatur in dubio, intersit legem materialiter violari an non? Loquitur de lege illa dubia, an de aliqua alia non dubia? Si de lege dubia, & veritati & sibi etiam ipsi contradicit. Veritati quidem, quia lex illa respectu operantis est solum lex vocaliter dicta, nec ullam habet vim arctandi aut obligandi, cum non magis obligemur in illo casu, si lex illa existat, quam si non existat. Aequè enim peccat homo operans in dubio practico, sive lex dubia existat, sive non existat. Atqui lex dubia non existens non potest exercere vim legis, & verè arctare conscientiam. Ergo neque lex dubia, quamvis existat; quia non magis applicatur potentiis animæ, quam lex non existens. Itaque qui operatur in dubio peccat, non quia violat legem dubiam, quæ absque dubio simpliciter non existit, & ideo violari non potest, cum nequeat obligare; sed quia violat legem reflexam certam & indubitatam, quæ actu existit, atque vires legis obligantis exerit. Hæc lex est voluntas, qua Deus prohibet, ne operemur partem minus tutam, scilicet dubio practico, & innotescit nobis per lumen naturæ, quo veritas hæc manifestatur; Turpe est operari, dum dubitamus an alio sit mala, seu materialiter contra legem apparentem, sive illa ten-

Obiectio 1.

Non tangit difficultatem.

Æquivocat legem gæmaticaliter sumptam cum lege obligante.

Operans in dubio non peccat ob violationem legis dubiæ, sed certæ.

verè existat, sive non existat. Idem valet de illo alio principio: *Omne quod non est ex fide peccatum est*, lex enim illa reflexa per huiusmodi principia innotescit. Itaque si Celladeus loquatur de lege illa dubia, velitque illam propriè nos obligare, & à nobis propriè violari, veritati repugnat, atque unà sibi contradicit, nam lex Dei in se existens, (ut ipsemet in initio *quæst. 9. huius libri* pleno ore fateatur,) est regula nostrorum actuum. Hoc verum est, sed inde subsumo. Ergo lex dubia non est regula nostrorum actuum, quia illa sæpe non est lex Dei in se existens. Et tamen tunc peccamus, & consequenter violamus legem verè existentem. At quænam est illa? Non directæ, quæ sub dubio proponitur & sæpe non est. Ergo reflexa, de qua loquutus sum. Cæterum eadem est ratio de lege existente, quia existentia illa non magis concurret ad culpam, quàm non existentia, quamdiu proponitur sub dubio. Ac proinde illa existentia non magis regulat actiones nostras, quàm non existentia illius eisdem regularet. Ergo lex illa dubia sive existat, sive non existat, non obligat nec arctat vim legis exercendo, cum ad hoc sufficienter non applicetur, sed tota obligatio desumitur ab alia lege de qua operans non dubitat, & ideo peccat quia legem illam certam violat.

Celladei
contradictio.

Non virat
contradi-
ctionem
quidquid
respondet.

Plurimum
interesse legē
non violari
materialiter
quando ho-
mo est in
dubio.

At dubio
invincibili-
ter deposito
in ordine ad
peccatum
parum aut
nihil refert.

9. Quod si Celladeus dicat, intelligi se debere de lege illa certa, sed reflexa; inprimis rem dicit, quam nemo in illa quæstione inveniet, quia ita loquitur, ac si de sola lege dubia sermonem haberet. Deinde, hoc admissio, valde incongruè procedit, quia in re tanti momenti nullam mentionem facit legis huius reflexæ, de qua tamen præcipuè vult intelligi. Demum si de hac lege loquatur, per hoc ipsum difficultatem, quam putat esse insuperabilem, ipsemet evertit, ut mox constabit, atque sic iterum sibi contradicit.

10. His positis, respondeo ad argumentum, & dico, plurimum interesse operanti in dubio, an legem apparentem materialiter violet, necne; quia, stante conscientia dubia, propter periculum huius violationis incurrit violationem alterius legis certæ, ac certò obligantis, ut ostensum est. Quod si nulla daretur ejusmodi lex reflexa, nil prorsus faceret in ordine ad peccatum, quòd homo se committeret periculo apprehenso materialiter violandi illam legem dubiam, cum illa quamdiu dubia est, vim obligandi exercere nequeat. Atqui lex ista reflexa non obligat, nè scemur opinionem minùs tutam, etsi minùs aut æquè probabilem directè, modò operans ex vi rationum reflexarum formet conscientiam; quia jam dubium deposuit, & ex rationabili fundamento conscientiam formavit. Unde dico, periculum materialiter violandi legem illam directam nil prorsus referre in ordine ad inferendum peccatum, quamdiu intellectus ex rationabili motivo format conscientiam quòd res sit licita. Nec mirum hoc videri debet, cum sit omnium sensus, & Celladeus ipse hoc ipsum tradat in casu erroris invincibilis, & sui probabilis positivi, quia stante tali iudicio actio nullo modo inficitur, quamvis non desint rationes aliquæ, ostendentes periculum peccati materialis quod aliquando intervenit. Itaque taliter operans excusatur, quia probabiliter & invincibiliter iudicat legem vetantem abesse, & per rationabile conscientie dictamen applicat sibi divinam legem permittentem, &c. At hic est casus noster, quia solùm loquimur de eo, qui post debitam diligentiam adhibitam, & ex rationabili fundamento per discursum reflexum

invenit, quòd talis actio sit licita. Ergo in ordine ad peccatum formale nil refert, si fortè contingat materialis violatio præcepti sub æquali probabilitate directæ propositi. Cæterum in ordine ad alia semper interest non dari violationem materiale, quia malum est nos ignorare veritates tales, & adhuc deterius circa illas errare.

11. Præterea certum est, aliqua esse mala & prohibita in his, quæ in aliis circumstantiis nec mala sunt, nec prohibita. Quod verum est in omni materia, tam juris naturalis, quàm positivi. Malum est interficere hominem; sed tamen malum non est præscribere medicinam, quæ juxta regulas artis probabiliter creditur sanitatem allatura, quamvis re ipsa medicina illa hinc & nunc non medelam sed mortem afferat. Similiter malum est præscribere medicinam, si medicus dubitet an sit nocitura; sed si post sufficientem morbi considerationem medicina illa invincibiliter credatur profutura, nec ullum periculum nocuementi probabiliter appareat, haud dubiè licitè præscribi potest. Innumera & quotidie obvia sunt huiusmodi exempla, præcipuè in lege humana, quæ variis de causis multiplici exceptioni subiacet. Ratio est, quia circumstantiæ multum conducunt ad moralitatem actuum. Ergo, circumstantiis notabiliter variatis, notabiliter variari potest moralitas actus; qui proinde in his bonus erit, sed malus in illis. Hæc doctrina locum habet in casu nostro, quia quod malum est, si ponatur, stante dubio, illud malum non erit, si dubio rationabiliter & invincibiliter deposito credatur bonum, & opere compleatur. Idem dico de operante, quando credis utramque partem contradictionis esse æquè probabilem. Hic enim necessario peccabit, si ponat partem minùs tutam, nisi per discursum reflexum consideret illud objectum in ordine ad novas circumstantias, atque concludat illud in ipsis esse licitum. Hæc positis.

12. Respondeo 3. Plurimum interesse, quòd lex sub dubio proposita materialiter violatur, atque illum amare periculum, qui in dubio pratico existens talis violationis periculo se exponit, quia per hoc peccat, cum dubium ipsius non sit circumstantia quæ minuat, sed potius quæ augeat periculum malè faciendi; quia fundat legem reflexam, per quam vetamur sequi partem minùs tutam, stante dubio. Cæterum si circumstantiæ ita alterentur, ut idem illud opus sub illis consideratum non prohibeatur, dico nil planè interesse in ordine ad peccandum, quòd lex, quæ vetat tale opus in dubio respiciente alias circumstantias, purè materialiter violetur. Exempla allata de medico præscribente medicinam rem evidenter convincunt; nil enim refert in ordine ad peccandum, quòd medicus præscribat illam medicinam, quando rationabiliter juxta leges artis iudicat illam fore proficuum; quamvis præscriptio illa (si contingat medicinam illam mortem afferre) sit materialis violatio tam præcepti vetantis homicidium, quàm legis reflexæ prohibentis talia præscribi in dubio. Ratio est, quia quando sumus in novis illis circumstantiis, nullam legem obligantem violamus; non illam vetantem opus in aliis circumstantiis, quia in illis non versamur; non illam vetantem opus in istis circumstantiis, quia talis lex non datur, sed opposita illud permittens aut præcipiens. Idem prorsus valet in casu nostro. Qui enim agnoscit utramque opinionem esse directè æquè probabilem,

Quod ma-
lum est in
his, potest
esse bonum
in aliis cir-
cumstantiis.

Periculum
quod immi-
net in du-
bio, non
imminet,
quòd quis
deposito
dubio se-
quitur sen-
tentiam be-
nignam.

lem, & nullo utitur discursu reflexo, eo ipso practice dubitat, & consequenter periculo se exponit, & peccat si seclietur partem minus tutam. At si per discursum reflexum consideret idem opus in ordine ad alias circumstantias, adeo notabiliter variantes moralem rei considerationem, ut rationabiliter & invincibiliter concludat illud in dictis circumstantiis esse licitum, non peccat, nec ulli periculo, quod merito aestimari debeat, se exponit, quia operatur in circumstantiis honestantibus operationem, atque fundantibus legem reflexam permittentem, aut etiam precipientem tale opus in illis.

Aquivocatio Confir-
mationis
detegitur.

Regula, qua
sequimur,
juxta prae-
scriptum
benignae
sententiae,
nonquam a
vero discor-
dat.

Celladeus
ipso suam
objectione
solvere te-
netur.

Objeccio 2.

13. Eodem modo respondetur ad confirmationem, nam par & minor probabilitas, cognita ut talis, non est regula formalis sufficiens ad honestatem. Regula enim formalis consistit in judicio, quod semper repraesentat objectum in quod fertur, tanquam probabilius & verisimilius opposito. At par & minor probabilitas directa, etiam agnita ut talis, in ordine ad novas circumstantias per considerationem reflexam propositas, est regula objectiva sufficiens ad conscientiam formandam, quia absolute connectitur cum veritate, dictante rem talem, omnibus inspectis, esse licitam. Falsum proinde est, regulam, quam nos pro sufficiente habemus, non magis conformari cum lege, quam ab illa discordare; omnia enim opposito modo se habent, atque etiam a nobis traduntur. Itaque, cum bona Celladei venia, nulla prorsus est paritas inter conscientiam practice dubiam, & opiniones directe aequè probabiles, cum practicum dubium sit circumstantia aggravans malitiam rei sub dubio repraesentatae, atque ideo fundet legem reflexam, qua res illa certo prohibetur. At directa probabilitas, etiam par aut minor, est circumstantia, quae reflexè considerata praebet fundamentum concludendi, rem illam omnibus consideratis esse licitam, atque ideo connectitur cum lege reflexa permittente liberum usum talis rei. Itaque haec omnia ex mera terminorum ac statûs quaestionis equivocatione objecta fuerunt.

14. Demum Celladeus ipse eodem modo respondere tenetur. Docuit enim lib. 4. quaest. 6. Conscientiam saepe rectè formari per non inventionem veritatis quaeritae; & tamen certum est, non inventionem veritatis, si directe & in se consideretur, non magis applicare nobis legem, quam non legem, nec magis connecti cum veritate quam cum non veritate, & tamen illa ipsa non inventio juxta Celladeum est regula sufficiens, quando praebet occasionem discursui reflexo, per quem ex ipsa non inventionem probabiliter inferimus legem aut non existere, aut sufficienter promulgatam non esse. Idem prorsus dicimus nos de pari, atque etiam de minore probabilitate directa pro tali habita; illa enim quamvis ex se non magis connectitur cum vero, quam opposita, nihilominus reflexè considerata praebet fundamentum concludendi, aut talem legem non esse, aut non esse sufficienter applicatam ad obligandum. Ecce iterum Celladeus suismet argumentis implicatur; nec illis respondere potest, nisi eadem operâ illa solvat etiam pro nobis.

15. Objeicit secundò. In aliquo casu non licet ex aequè probabilibus sequi opinionem minus tutam. Ergo in nullo. Probatur antecedens. Si Titius & Sempronius aequales rationes pro fundo habeant, & neuter possidet, uterque juxta omnes tenetur ad partem tutiorem. Tenet Consequen-

ta, quia eadem est ratio de omnibus, stante aequalitate. Ita Celladeus §. 4.

Respondeo, in primis eandem hic quoque intervenire equivocationem, quia obiectio supponit aequalitatem omnimodam dari pro utraque parte, cum solum supponatur aequalitas probabilitatis directae, quae cum reflexa veritatis inventionem connectitur; cum non doceamus, usum opinionis directe aequè probabilis pro tali habita esse licitum, nisi operans reflexè autmet opus esse licitum, atque ideo magis in illud feratur ut verum, quam in oppositum.

16. Respondeo 2. Transeat antecedens, cuius exemplum nunc non examino. Nego consequentiam. Disparitas est, quia non omnis par probabilitas speculativa, qualis est ista circa veritatem juris illis competentis, connectitur cum circumstantiis fundantibus discursum reflexum, quo dubium practice determinetur, atque intellectus rationabiliter inferat, rem illam omnibus consideratis esse licitam, sed è contrario aliquando connectitur cum circumstantiis probantibus contrarium, ut in casu praesenti, & in omni alio, in quo Auctores conveniunt, talem opinionem non esse practice probabilem, nec citra peccatum posse in praxim reduci. At omnia contrario modo se habent in casu opinionis practice probabilis, quae etsi, directe loquendo, non excedat, & admittatur non excedere probabilitatem partis contrariae, tamen fundat plura argumenta reflexa, ex quibus intellectus rationabiliter inferre potest, rem illam esse absolute licitam, prout substat illis circumstantiis reflexis.

17. Atque hinc facile respondetur ad ea, quae Celladeus in eodem §. subdit, scilicet taliter operantem, aut aequivalenter aut formaliter dicere, *Sive Deus prohibeat sive non prohibeat hanc rem, volo illam facere*; nam omnia manifestè se habent modo penitus contrario, quia intellectus operantis priusquam ad opus se accingat, efficaciter concludit, rem illam, prout substat hisce circumstantiis, non esse prohibitam. Ergo Celladeus petit principium, dum supponit operantem absolute habere aequalem causam dicendi & negandi quòd detur lex vetans istam operationem; contrarium enim prorsus & asseritur & supponitur ab auctoribus benignae sententiae.

18. Similiter in eadem equivocatione versatur, ubi dicit, taliter operantem nullam habere justam defensionem suae operationis. Hoc quidem verum esset, si operans non determinaret quaestionem, ut ipse falsò supponit cum non posse eam determinare, stante aequalitate inter directas opinionum probabilitates. Sed cum hoc sit aperte falsum, ruit fundamentum, & operans per hoc sufficienter se defendit, quòd post diligentiam adhibitam invenerit opus, quod fecit, fuisse licitum, atque ideo se illud poluisse, non positurum, si hoc non invenisset.

ASSERTIO III.

Dicere, quod in omni prorsus dubio teneamur ad partem tutiorem, est irrationabile.

19. **A**SSERTIO haec est contra Celladeum, qui lib. 4. quaest. 9. contra communem omnium opinionem ex professo tanquam principale suum dogma tradit, partem tutiorem in omni prorsus dubio sive juris sive facti esse tenendam. Sermo autem est de dubio in sensu composito.

1. **Respon-**

2. **Respon-**

Aquivoca-
tio Celladei

Alia ejusdè
equivoca-
tio.

posito dubii, nam si dubium deponatur, sumus extra casum questionis presentis, ut patet. Nec loquimur de dubio practico tantum, de illo enim omnes conveniunt, quod illicitum sit, stante illo, partem minus tutam sectari. Loquimur ergo de quovis dubio actualiter existente, & non deposito.

PRIORES ALIQUÆ PROBATIONES.

Probatur ex
Jure Cano-
nico.

Naturaliter
frigidi licitè
faciunt, de
quo est du-
bium an sit
peccatum
materiale.

Probatur 2.
Exemplis
certis.

Regula ju-
ris docent,
sepe licitū
esse operari
in dubio.

20. **P**ROBATUR primò ex cap. laudabilem, de frigido & maleficiatis, in quo Ecclesia declarat, quod naturaliter frigidi, quando de impotentia cœundi non constat, ad triennium habitare possint ad experientiam copulæ nuptialis. Sed postea, si cohabitare velint, vir mulierem ut sororem non ut uxorem habere debeat. Hinc sic arguo. Si constaret de impotentia, actus ejusmodi non essent liciti, quia matrimonium esset nullum. Ergo quamdiu dubium est, an detur hujusmodi impotentia, dubitatur an matrimonium sit validum; & tamen, stante hoc dubio, id est stante dubio materialis peccati, conjuges licitè cohabitant & amplexus exercent, idque non solum quando dubium est, an impedimentum sit perpetuum, sed quando illud ipsum est valdè probabile, eò quod post unum aut duos annos experimenti nuptialiter coire nequiverint. Jam in hoc casu non coire est tutius, utpote quod ab omni prorsus mali specie remotum est. Coire autem est pars minus tuta. In hoc tamen dubio cœtus experiri causâ est licitus. Ergo perspicuum est ex definitione Ecclesiæ, quod non semper teneamur ad tutius in omni dubio.

21. Probatur 2. exemplis certissimis. In primis possessor bonæ fidei licitè retinet rem possessam, exorto dubio, an res illa ad alium pertineat. Nec solum licitè retinet illam, donec veritatem querit; sed si post diligentiam debitam dubium perseveret, adhuc rem licitè retinet. Secundò, subditus in dubio belli injusti licitè militat, si à Rege suo ad bellum vocetur, ut ex August. traditur in cap. quid culpatur, sæpe citato. Tertiò, Religiosi licitè obediunt suis Prælati, quamvis dubium illis sit, an res præcepta sit licita; ut SS. PP. Magistri Theologiæ Mysticæ, ac Theologi unanimiter tradunt, & probatum est quest. 46. Similiter communis omnium fermè opinio est, quod dubitans, an votum emisit, non teneatur ad votum. Nec desunt alia exempla istiusmodi, in quibus omnes fermè consentiunt, partem tutiorem non esse ex necessitate tenendam in dubio. Irrationabile porro est tantæ auctoritati contrariari, & absolute dicere, oppositum esse illicitum; maxime quando desunt motiva urgentia, quæ profectò in casu nostro desunt, ut infra ex objectionum solutione constabit.

22. Probatur 3. ex regulis seu axiomatibus juris, quæ aperte tradunt, quod in dubiis favendum sit reo. Quod in pari causa, & consequenter in dubio, melior sit conditio possidentis. Hæ regulæ sunt axiomata quædam, aut lumine naturæ nota, aut ex juribus indubitatis excerpta, quæ supponunt, immò convincunt, quod sæpe in dubio nulla sit obligatio sectandi partem tutiorem. Ergo dicere oppositum est irrationabile, cum axiomatibus lumine naturæ notis, & indubitatis juris regulis repugnet.

SOLVUNTUR OBJECTIONES.

23. **O**BJICIT primò contra secundam rationem. In casu dubii de voto emisso, homo tenetur ad tutius, si verè maneat dubius de emissionem voti. Nam vel solet vel non solet oblivisci talium rerum. Si solet oblivisci, tenetur. Si non solet, non tenetur, quia tunc non memoria est ratio probabilis dubii solvendi. At in æqualitate semper tenetur. Idem valet in aliis. Ita Celladeus quest. 8. §. 5.

Respondeo Celladem hinc petere principium, idque contra communissimam sententiam. Audio quidem illum dicentem; homo tenetur ad votum si maneat dubius de voto. Sed nullam vel apparentem rationem adducit. Sed fortasse supponit id vel ex antecedentibus probatum, vel ex consequentibus probandum. Sed hæc non sufficiunt, nam antecedentia omnia sunt soluta, nec ullatenus probant intentum. Ad sequentia quod attinet, ille parum aut nihil de hac re habet, sed remittit lectorem ad Vasquium; sed rationes Vasquii infra ostendentur insufficientes. Cæterum in hoc bene dicit, quod qui talium raro obliviscuntur, ex ipsa non memoria probabilem conjecturam habeant, se votum non emisisse, & sic liberantur à voto ex hac ipsa probabilitate. Similiter admitto, illum teneri ad votum, qui adeo obliviosus est in rebus ejusmodi, ut ipsa non recordatio emissionem voti ita reddat probabilem, ut oppositum non sit probabile. Cæterum si, omnibus inspectis, votum verè maneat dubium, utique standum est pro possessione libertatis juxta regulam, in dubio melior est conditio possidentis. Ex hac autem regula inferitur dictamen conscientie enuncians, quod non teneamur lege voti, quamvis dubitemus an votum emisimus, nec rationem habeamus ad dubium deponendum. Hæc hinc breviter dicenda fuerunt, quia Celladeus hæc eadem hinc breviter proposuit. Infra verò plura ex professo de his dicenda occurrent.

24. Objicit 2. contra tertiam rationem. Dicta Objection 2. juris axiomata eliduntur per alia contraria, quale est illud, in dubio tutior pars est eligenda.

Respondeo axiomata ista sibi non contrariari, sed debita & facili distinctione esse concilianda. Si enim contradicerent, neutra quidquam valerent, nec assumi possent ut principia, aut certa jura, sed explodi deberent ut stulta. Distinctio autem in eo consistit, quod in dubio practico pars tutior semper sit tenenda ex præcepto. Universaliter autem quod tutiora sint sequenda in omni dubio, ad summum est consilium, non præceptum. Hac ratione principia ista, juxta communem opinionem intellecta, non sibi contradicunt, nec se invicem elidunt, ut patet.

25. Objicit 3. Regulæ allatæ procedunt de Objectione 3. dubio in sensu diviso, quando dubium deponitur, ut infra ostendetur. Regula verò de sequenda parte tutiore intelligitur de dubio non deposito, ac proinde semper est obligatio sequendi tutius in dubio non deposito. Ita Celladeus quest. 8. §. 5.

Respondeo, antecedens universaliter loquendo esse falsum, ut ostendam inferius, ubi de dictis regulis tractabitur ex professo. Interim mirandum est hoc Celladei assertum, quod scilicet regulæ, expressè loquentes de dubio, solum intelligi debeant de re proposita quando non est dubia, sed dubium est solutum. Quid enim ludicrum magis quam dicere regulam illam: Favendum.

Doctrina
Celladei de
obligatione
voti dubii,
refellitur.

Regulæ ju-
ris sibi non
contradi-
cunt.

Incongrua
Celladei in-
terpretatio
de regulis
juris circa
dubium.

dum est res ac possessori in dubio: alium sensum non habere quam hunc, favendum est illis, si omnibus inspectis nullum sit dubium, aut de crimine Rei, aut de jure possessoris? Itaque negatur consequentia, nisi sermo restringatur ad dubium practicum.

PROBATIONES ALIÆ.

Obligari ad 26. **P**ROBATUR tertio. Ea est hominum natura in omni dubio est certè ampliare legem, ultra intentum Dei. Ignorantia & imbecillitas, ut in casibus innumeris dubitant, nec possint aptè dubium ipsum resolvere. Certum autem est, tales dubitationes frequentissimas esse, tam quando non datur, quam quando datur lex prohibens res, de quarum honestate dubitatur. Ergo qui dicit homines in omni prorsus dubio teneri ad partem tutiorem, obligat ad multa, ad quæ certum est Deum nos non obligare, & in tales quadrat illud Salvatoris *Matth. 23. 4. Alligant enim onera gravia & importabilia, & imponunt in humeros hominum*, quæ Deus nunquam imposuit. At irrationabile est dicere, nos universaliter obligari ad multa, ad quæ certum est Deum nos non obligare. Ergo irrationabile est dicere, quod in omni dubio teneamur ad partem tutiorem.

27. Probat 4. Ex dubiis alia sunt remota & quodammodò speculativa, alia proxima & practica. Practicum est, quando dubitatur, an operatio hic & nunc ponenda sit illicita, nec adest ulla ratio, per quam formetur conscientia dictans illud, dubio non obstante, esse licitum. In hoc autem casu datur obligatio universalis sectandi partem tutiorem, non quia lex dubia obligat, sed quia istæ circumstantiæ fundant legem reflexam certam, quæ Deus in tali casu obligat ad tutiorem, ut ostensum est. At in aliis dubiis remotis & quodammodò speculativis (qualia sunt illa, an bellum sit justum? An res sit mea? An superior licita jubeat? An impedimentum impotentis sit perpetuum? &c.) intellectus non necessariò dubitat an licitè operetur, quia dubio illo non obstante, dantur rationes & circumstantiæ particulares, ob quas credat sibi licitum esse bellare, aut copulam experiri, &c. Ratio est, quia dubia ista remotè se habent in ordine ad operandum, ideoque operatio sequens ab illis dubiis immediatè non regulatur; sed ab aliis principiis & rationibus. Unde fit, ut, dubio illo non deposito, detur locus novæ consultationi circa positionem talis rei in sensu composito dicti dubii. Hæc autem consultatio respicit circumstantias, de quibus nulla sit mentio in priori dubio; respicit enim diligentiam positam in veritate indaganda, respicit titulum possessionis, naturam ac vim legis, jus imperantis, ac alia ejusmodi, ex quorum consideratione sape legitime inferitur, quod licitè operari possimus in istis circumstantiis, non obstante priori dubio. Dicere autem quod ex istorum consideratione Conscientia nunquam legitime formari possit, stante priori dubio, est contra omnes, ac prorsus irrationabile. At qui asserit partem tutiorem in omni prorsus dubio esse necessariò tenendam, hoc dicit. Ergo irrationabiliter loquitur.

28. Probat 5. In omnibus casualibus, quæ æqualiter se habent ad esse & non esse, necesse est, rem illam aliquoties evenire, aliquoties non evenire; saltem est summè improbabile & stultum existimare, quod in omni eventu una eademque pars sit uniformiter eventura. Hoc videre

est in jactu talorum & in omni eventu casuali, in quo res indifferenter se habet ad duo vel plura, summè enim improbabile est, quod una eademque res in omni casu sit eventura; constat enim oppositum esse moraliter saltem necessarium. At omnis casus dubitationis est ejusmodi, quia stante difficultate cognoscendi res, nostraque ignorantia ac fallibilitate ante oculos habita, evidens est, omnem dubitationem æqualiter se habere ad utramque partem, & ex se non magis connecti cum lege quam cum non lege, de qua dubitatur. Ergo moraliter necessarium est, in tota collectione dubiorum ejusmodi partem tutiorem esse aliquando juxta legem, aliquando citra legem, & etiam aliquando contra legem, de qua dubitatur; quia oppositum est prorsus improbabile. Ergo irrationabiliter & summè improbabiliter loquitur, quicumque universaliter asserit, partem tutiorem in omni dubio, aut esse contra aut juxta legem, de qua dubitatur, nec minùs temerè loquitur, quam si diceret, in jactu talorum, puncta paria aut semper aut nunquam esse jacienda. Utrobique enim sic loquens pari prorsus errandi necessitati se exponit, quia utraque propositio universalis, tam ponens, quam tollens obligationem seu legem, est necessariò falsa, quippe quæ in ejusmodi casibus nec semper datur, nec semper non datur.

29. Confirmatur. Hæc illatio est temeraria. *Ego nescio & dubito, an Deus velit me hoc facere. Ergo vult.* Idem dico, si inferatur. *Ergo non vult.* Et sanè tales consequentiæ omni probatione carent, ut patet, cum nulla sit connexio inter antecedens & consequens. Quod si loquamur de tota collectione talium conclusionum, & formentur duæ propositiones universales, quarum altera asseret, *lex in istis casibus semper existit*, altera dicat, *lex in istis casibus nunquam existit*, utraque propositio erit falsa; quia moraliter necessarium est, legem aliquando existere, aliquando non existere. Ergo irrationabile est dicere, quod tutior pars in omni prorsus dubio sit tenenda.

30. Difficultatem hujus argumenti Celladeus sibi met objicit §. 2. eamque agnoscit esse gravem, & §. 3. fatetur se non habere firmum principium, quo difficultatem evacuet, cui tamen plura reponit, quæ sapientum judicio exponit, quæque mox convincam esse insufficientissima. Interim ille argumentum hoc valde efficaciter proponit, atque præter periculum falsi contentum in quavis assertione, quæ universaliter affirmat vel negat legem existere in casu dubii, benè addit, utramque vel nimis laxare, vel nimis arctare legem Dei, contra illud *Deuteronomii. Non additis ad verbum hoc, quod vobis loquor, nec auferetis ab eo. Custodite mandata Domini Dei vestri, quæ ego præcipio vobis.* Christus etiam in Evangelio arguit Scribas & Phariseos, quod nonnulla addidissent præceptis Dei, atque aliqua ab eis detraxissent. Et sanè gravissimum crimen esset, si quis vel unam ex legibus Dei scienter tolleretur aut adderet; quia læsæ jurisdictionis crimen incurreret. At in casu præsentis benè scitur, quod additio vel diminutio fiat. Quomodo ergo non peccat, qui talia asserit? Ita Celladeus, qui ex hoc ipso benè confirmat dictum illud S. Thomæ, omnem de peccato mortali quæstionem periculose decidi, nisi expressè veritas habeatur. Nil enim dici potest in hoc casu sine periculo additionis vel diminutionis, & consequenter sine periculo peccandi. Quod periculum benè exaggerat ex præscripto S. Jacobi Apostoli dicentis. *Nolite plures fieri magistri, fratres*

Universalis propositio negans aut affirmans, est certè falsa in materia præsentis.

Qui unè universaliter liberat à lege aut universaliter onerat Conscientiam in casu dubii, certè addit legi divinæ, vel certè illam dimittit.

fratres mei, scientes quoniam majus judicium sumitur. His tamen non obstantibus §. 3. firmiter adhæret doctrinæ suæ de eligenda parte tutiori in omni dubio, ac proinde ingenti periculo se committit, maxime cum in re tanti momenti contra omnes singularem teneat sententiam, idque ob rationes valde debiles, sive quibus suam sententiam directè probat, sive quibus argumentis nostris, & potissimè huic ultimo, quod efficacissimum est & rem plane convincit, respondet, ut mox constabit.

SOLVUNTUR OBJECTIONES

Contra argumenta allata.

31. **O**BJICIT primò. Argumenta allata, potissimè hoc ultimum, æquè urgent in casu Conscientiæ practicæ dubiæ. Et tamen in eo casu omnes agnoscunt universalem obligationem sectandi partem tutiorem; ergo nil probant, quia nimis probant. Ita Celladeus §. 2. & 3.

Nostra sententia nec auget nec minuit præcepta Dei. Rigida sententia illa auget.

Respondeo, argumentum hoc locum habiturum etiam in casu conscientiæ practicæ dubiæ, si diceremus, illam obligationem oriri à lege de qua dubitatur, quia argumentum æquè urget contra hoc ac contra universalem obligationem in casu omnis dubii. Ergo Celladeus hoc etiam argumento urgetur pro casu dubii practici, quia non videtur agnoscere aliam legem obligantem, quàm eam de qua dubitatur. At nos è contrario dicimus, leges taliter propositas nullam habere vim obligandi, atque id ipsum ex ipso argumento efficaciter confirmari potest, alioquin leges non existentes æquè obligarent ac existentes, leges innumeræ tribuerentur Deo, quas tamen certum est Deum non tulisse. Hoc autem scienter Deo tribuere nefas est; quod quomodo vitent, qui talia asserta ponunt, seridè ab ipsis considerandum est, ne jurisdictionis usurpatæ crimen, ut cum Celladeo loquar, incurrant. Itaque totam obligationem in tali casu referimus in legem reflexam, certam & indubitatam, qua Deus prohibet, ne quis, stante conscientia practicæ dubia, sectetur partem minùs tutam, quia stante tali conscientia, repugnat operationem regulari à bona fide. Jam lex ista reflexa respicit aliquas circumstantias, quas lex, de qua dubitatur, non respicit. Ergo alia est ab illa. Itaque qui docent, neminem practicæ dubium excusari à peccato, si sectetur minùs tuta, nulli periculo augendi vel minuendi præcepta Dei se exponunt. Similiter quando negamus, ullam legem dubiam pro eo statu obligare, verum loquimur, idque efficacissimis argumentis probamus. Nec per hoc legem ullam aut auferimus aut addimus, sed solum exprimimus circumstantias, pro quibus obligant; in quo, etsi universaliter loquamur, verum loquimur, nec, ut Adversarii, ponimus legem, quam scimus non dari; imò nec negamus obligationem ullam, quam dari credimus, sed in omnibus universaliter ex motivo universali procedimus, contra quod nec ex parte rei, nec ex persuasionem nostra datur ulla exceptio.

Qui reflexè docent usum omnium practicæ probabilium esse licitum non minuant leges Dei.

32. Eadem responsio locum habet pro casu, quando dicimus licitum esse sequi quamecunque opinionem practicæ probabilem, etsi opposita & tutior sit, & æquè probabilis; per hanc enim universalem propositionem reflexam, non dicimus, omnes opiniones probabiles negantes legem esse falsas, scimus enim aliquas falsas esse,

aliquas veras, ut argumentum convincit; sed solum dicimus, dari legem reflexam, quæ universaliter permittit usum talium opinionum in istis circumstantiis, sive detur live non detur lex, quam illæ dari affirmant; & ratio est, quia leges illæ sic propositæ non sufficienter applicantur ut obligent, & hoc solum est, quod asserimus. Præterea in quæstione hac reflexa loquimur de opere in ordine ad circumstantias quasdam, in ordine ad quas leges repræsentantur per opiniones directas non se extendunt. Itaque dicere illas non obligare hic & nunc, tum quia sufficienter applicatæ non sunt, tum quia procedunt de opere ponendo in aliis circumstantiis, non est addere aut tollere quidquam de legibus divinis, vel earum obligationibus, sed in omnibus veritatem querere, & juxta veritatem reipsa, & multò magis in mente nostra inventionem enunciare. Nos ergo argumentum hoc non urget.

33. Objicit secundò. Argumentum hoc æquè Objectione 2. premit sententiam universaliter liberantem ab obligatione sectandi partem tutiorem, ac opinionem universaliter statuentem legem ac obligationem sectandi tutiora. Ita Celladeus insinuat *mitto* §. 2. Ergo nos æquè premimur hoc argumento, ac ipse.

Respondeo, illationem nullam esse, nos enim nullam ejusmodi universalem regulam ponimus, sed multa distinguimus, ac juxta varias rerum ac circumstantiarum acceptiones diversa statuimus. Inprimis quoties dubium est propriè practicum, ponimus universalem obligationem sectandi tutiora. Deinde in casu dubii remoti, seu quodammodo speculativi, non procedimus universaliter, quia scimus circumstantias valde varias componi posse cum tali dubio; iterum ergo distinguimus, ac dicimus, tunc solum dari obligationem sectandi tutiora, quando non adfunt principia, per quæ conscientia, stante illo dubio, rationabiliter formetur de honestate operationis hic & nunc ponendæ, quia tunc dubium illud remotum evadit proximum, & conscientia practicæ dubitat. At quando dubio illi superadduntur motiva rationabiliter suadentia operationem esse hic & nunc licitam, dicimus nullam esse obligationem sectandi partem tutiorem, eò quòd non sumus amplius in circumstantiis legis dubiæ, sed in aliis, pro quibus lex illa dubia nec obligat nec obligare potest. Porro Auctores deinde magis in particulari determinant casus, in quibus dantur, & in quibus non dantur istiusmodi circumstantiæ, in quo majus est periculum aberrandi à vero, & major Auctorum dissentio, quàm in tradendis regulis generalibus hætenus explicatis, in quibus omnes (si pauculos recentiores excipias) prorsus conveniunt. Cæterum in hisce omnibus nemo dicere potest, certum esse nos errare in ulla ex istis assertionibus, sive illæ collectivè, sive distributivè sumantur, & multò minùs nos ipsi putamus in ullo obligationem ponere, aut demere, sed præcisè eas solas docere, quæ verè dantur, & à Deo intentæ fuerunt. Itaque aliud periculum non subimus, quàm quod commune est omnibus, quodque ab Apostolo & S. Thoma supra exaggeratur. Cæterum remoti prorsus sumus à difficultate præsentis objectionis, quæ in eo potissimum consistit, quod ponatur obligatio universalis, cum certò scimus, pro innumeris ejusmodi casibus nullam legem existere, quæ res illas prohibeat, & sic scientes & volentes addimus ad legem Dei, & onera gravia & importabilia in humeros hominum imponimus.

Nos non ponimus universalem excusationem in dubio, sed singula distinguimus.

Obiectio 3. 34. Obiecit tertio. Datur obligatio universalis reflexa in omni dubio. Ergo qui hoc docent, non augent legem Dei, sed veram legem reflexam proponunt. Similiter qui hoc docent, non majori periculo legem augendi se exponunt, quam se exponant periculo legem minuendi qui docent nullam dari obligationem in dubio. Ita obijci potest pro Celladeo.

Responsio. Respondeo, Celladeum frequenter ita loqui, ac si omnes huiusmodi leges reflexas respiceret. Quod si aliquas admittat, libenter illum audirem hoc clarè proferentem. Interim si eas admittat, siue non admittat, negatur antecedens, quod si ne omni probatione, non solum contra communem omnium opinionem, sed etiam contra veritatem, indubitatis exemplis & efficacissimis rationibus stabilitam, assumitur. Nulla proinde est consequentia. Ceterum fateor, argumentum æquè premere liberantes, ac premit onerantes conscientiam in omni dubio; sed hoc nos non tangit, qui utramque ex illis opinionibus æquè improbamus, & cum debita rerum ac circumstantiarum distinctione, mediâ viâ incedimus. Quod si talis lex reflexa daretur, qui illam astrueret, nullam per hoc Dei legem aut augeret aut minueret. Non augeret leges reflexas ex hypothese, nec directas augeret, quia non poneret plures quàm sunt. Diceret quidem nos obligari ad tutius, quando dubitaremus an altera pars esset prohibita, quamvis verè non prohiberetur, sed obligationem non refunderet in legem dubiam, sed solum in legem reflexam, quæ verè daretur, & obligaret. Similiter non minueret leges directas, quia non doceret illas non dari, aut non obligare, sed solum diceret, eas actu non obligare dum solum dubiè proponuntur, quod est verum. Uno verbo irreprehensibilis esset, si constaret de hypothese, sed quia oppositum constat, reprehensibilis esset, quia legem sine ratione augeret.

Obiectio 4. 35. Obiecit quarto. Homines ut plurimum & ferè semper discordant à principiis naturalibus ac revelatis moralis doctrinæ, non per excessum, sed per defectum. Hoc videtur certum. Ex defectu autem in principiis nascitur necessariò defectus in conclusionibus. Ergo probabile periculum est, ne deficiamus laxando aut auferendo, non autem stringendo aut addendo: sic periculum probabile est, ne vel in iudicando, vel in gubernando, vel in contrahendo, & sic de aliis ad dilectionem proximi pertinentibus, deficiamus, non autem ne excedamus; nam ut plurimum deficitur. Ergo dicere, nos in omni dubio teneri ad tutius, non est incurrere periculum fundamentum additionis, imò ipsa additio est regula probabilis non errandi, sumpta ex iis, quæ plerumque contingunt. In contrario autem est periculum probabile auferendi ac minuendi legem divinam. Confirmatur ex Philosopho. 2. Eth. cap. 9. ubi primò ostendit medium virtutum esse inventu difficile, dicens. *Irasci quidem, & dare argentum, sumpensvè facere, cuiuslibet est, & facile; sed cui, & quantum, & quomodo, & cuius gratiâ oportet, est perarum, & laudabile, & perpulchrum.* His dictis, Philosophus ponit has regulas, quibus juvemur ad medium hoc inveniendum. Prima est, à magis contrario discedere, quia uno extremorum gravius delinquitur, quàm altero. Ergo ab illo potiùs recedendum est, quia ex duobus malis imminetibus minimum est eligendum. Secunda est. Consideranda sunt ad quæ sumus naturâ propensiores: atque nos ipsos in contrarium oportet retrahere.

Medium virtutis quomodo inveniri potest?

Tertia regula: *In Universis cavendum est maxime à voluptate.* Hæ regulæ ex mente Aristotelis valdè juvant ad medium virtutis facilius tenendum; eadem autem confirmant doctrinam allatam, quia in casu nostro à medio plerumque disceditur per ablationem. Deinde sumus naturâ propensi ad contraria iis, quæ Christus præcepit. Demum minùs tuta sunt magis secundum voluptatem. Ergo quoties dubium est de lege, debemus in partem legis declinare. Sic enim plerumque à vero non aberrabimus. In moralibus enim quando certitudo deest, regula sumenda est ex plerumque contingentibus.

36. Confirmatur 2. quia hæreses plerumque sunt laxiores quàm Religio Catholica; cum enim vita Christi sit arcta, periculum est discedendi per defectum, ideoque vel ex eo præsumendum est, hæreses à vero Christi instituto deficere, quia adimunt aut minuunt onerosa. E contra SS. PP. plerumque severi sunt & stricti, sicut fuerunt etiam Prophetæ. Ergò cum doctrina huius objectionis, seu responsionis ad argumentum ultimum, recedat à modo procedendi Hæreticorum, & modum agendi SS. PP. atque Prophetarum imitetur, tuta est, & sine periculo. Ita Celladeus 6. 3.

37. Respondeo inprimis, doctrinam hanc repugnare principali asserto Celladei; ex illa enim sequitur, quòd tutiora sint tenenda, etiam quando pars minùs tuta est probabilis, aut etiam probabilior, vel unicè probabilis, quia præsumptiones istæ locum habent æquè contra probabilitatem, ac in casu dubii, ut patet eas percurrenti. Ergo si præsumptiones istæ valerent, eo ipso vel omnis probabilitas partis minùs tutæ tolleretur, vel quamvis non tolleretur directè, reflexè tamen ex ista persuasionem, quòd ferè semper deficiamus à principiis naturalibus ac revelatis, (sunt hæc verba Celladei) deberemus tenere, quòd in ipsis maximis probabilitatibus circa partem minùs tutam à vero discederemus per defectum. Ecce iterum sibi contradicit Celladeus.

38. Respondeo 2. replicam hanc, etsi tota illius doctrina admittatur esse vera, nullatenus solvere difficultatem, quia etsi plerumque erraremus addendo, non tamen inde sequeretur, quòd in tota latitudine dubiorum non esset ingens multitudo casuum, in quibus nulla esset lex, quando dubitatur de lege. Et hoc constat. Ergo qui diceret, legem semper obligare in dubio, legem augeret, & quidem poneret legem obligare pro multis casibus, in quibus ipsemet scit nullam legem existere. At in hoc potissima argumenti vis consistit. Ergo responsio non solvit argumentum.

39. Respondeo 3. solutionem hanc nullatenus satisfacere, quia transfert difficultatem operandi ad difficultatem cognoscendi ac docendi; atque ex aperta æquivocatione utramque confundit, cum sint diversissimæ. Est quidem difficile dura præcepta sectari: at difficultas docere facillimum est; ut videre est in hoc opere Celladei, qui magna libertate ac facilitate contra communem aliorum opinionem in omnibus fermè difficiliora tradit. Hoc sanè adeò verum est, ut non solum in dubiis & incertis, sed etiam in certissimis homines in mala prorumpant, etsi certò nōrint, ea esse prohibita. Neque hoc Christianis tantum, sed ipsis etiam Ethnicis probè innotuit juxta illud Poëtæ. *Video meliora proboque, deteriora sequor.* Hæc eadem facilitas docendi difficultas, ex eo etiam evidenter constat, quòd

An Hæreses sint plerumque laxiores fide Catholica?

Responsio. Celladei contradictio.

Doctrina Celladei & missa non solvit argumentum.

Æquè facile est docere rigida ac facilia.

tot sint Auctores Catholici qui dura, quot sunt qui mollia docent. Nulla enim est celebris sententia directa mollis, quæ non habeat plurimos præclaros Auctores contradicentes, ut evidens est legenti quemvis Theologum moralia fusiùs tractantem. Sed & in omnibus opinionibus controversis, pars tutior à multis, & frequenter à pluribus defenditur, quàm pars minùs tuta. Ergo facile est docere difficilia, & quidem non minùs facile, quàm docere facilia & tuta. Ergo cessat planè præsumptio, quòd qui credit docentibus minùs tuta, ex hoc capite decipiat potius, quàm qui rigida & tutiora docentibus fidem præbet. Sed & omnes Auctores, qui de omnibus fermè moralibus fusiùs scripserunt, in rebus incertis ex æquo fermè tradunt tutiora & minùs tuta. Unde mirum est, Celladeum dixisse, certum videri, quòd ut plurimum & ferè semper deficiamus à lege minuendo potius præcepta, quàm addendo, cum oppositum inductione certa sit notissimum; & ratione efficaci stabilitum.

Ratio Celladei efficaciter probat contra illud, quòd argumentum nostrum concludat.

40. Sed quid hoc ad dubium? Certè si verum esset, Auctores ferè semper deflectere à vero per diminutionem & defectum, id esset, quia homo adeo pronus est, ad favendum sibi, & naturæ appetitui indulgendum, ut facillimè inveniat rationes ad se excusandum, & ab onere legis eripiendum. At si hoc sit verum, utique sequitur, quòd si res maneat dubia, præsumendum sit, dubium deficere per excessum, non per defectum; quia si homo tam perspicax est ad rationes in suum favorem inveniendas, ut eas plerumque inveniat, etiam quando veritas contra ipsum stat, profectò si nullas tales inveniat, signum est, eas non dari, sed veritatem contra ipsum stare. Ergò tantum abest, ut, si principia Celladei admittantur, ex dubio colligi possit aut debeat defectus legis, ut inde ejusdem excessus efficaciter colligatur. Ergo principia Celladei proprio ipsius intento repugnant, & non solum solvunt argumentum, quod fatetur esse grave, sed illud validissimè confirmarent, si admitterentur ut vera.

41. Præterea *quæst. 2. num. 101.* ostendi, eam esse miseram hominis lapsi conditionem, ut, propter ignorantiam & in pœnam peccati, propior sit ad fingendas obligationes, quàm ad eas amoliendas. Quod utique à potiori verum est de dubiis, quæ propter ignorantiam nostram sunt frequentissima, & à nobis determinari non possunt. Tantum ergò abest, ut principium Celladei sit verum, ut oppositum sit admittendum.

Celladei contradictiones.

42. Atque hinc antequam progrediar juvat aliquas Celladei contradictiones & inconsequentias circa hoc argumentum notare. Inprimis admittit argumentum nostrum ultimum (cui nil satisfactorium reponit, ut vidimus) esse grave, ut revera est, quia rem planè demonstrat. Ergo hoc motivum per ipsum est probabile. Ergo jam tenet utramque partem contradictionis gravi fundamento niti, & esse simul probabilem eidem suo intellectui. Et tamen tenet motivum hoc esse fallax & falsum. Ergo per hoc contradicit iis, quæ antea omni conatu stabiliverat, nempe *utramque partem contradictionis non posse esse simul probabilem. Opposita motiva non posse esse gravia. Nullum motivum falsum esse grave & prudens, sed vanum, sophisticum, inane, &c.* Nec dicat, se solum dicere, illud motivum esse grave quoad nos, non quoad se; nam contra est, quia æquè repugnat utramque opinionem esse simul probabilem quoad nos, ac quoad se, saltem juxta illius principia;

quia non minùs repugnat utramque partem eidem intellectui simul videri plerumque contingere, quàm utramque re ipsa contingere plerumque. Ergo hæc replica non vitat contradictionem. Præterea, quis, quæso, unquam vocavit illud argumentum grave, quod reputat inane, phantasticum, ac sophisticum? At Celladeus, nì sibi contradicat, utramque appellationem eidem motivo tribuere debet. Sed etsi utramque tribuat, contradictionem non effugiet; nam inane, phantasticum, & sophisticum fundamentum non est argumentum grave, saltem quoad eum, qui illud inane judicat, ut patet.

43. Præterea fatetur, se non habere firmum principium, quo argumentum solvat, (vidimus autem eum in hoc verum dixisse, quia responsiones ejus sunt prorsus invalidæ) ergo cum res hæc sit periculosissima, non debebat contra communem omnium opinionem (nam neminem habet, qui in universalitate, quam tenet, cum ipso sentiat,) deferere tantam auctoritatem, utpote ad minimum plerumque non errantem, & viam non tritam inire, cujus aspera fatetur se complanare non posse. Non ergo videtur implexisse onus, quod ipsemet in talibus, ut sine offensa opinemur, requirit. Ergo grandi periculo, etiam juxta propria principia, se exponit, idque absque necessitate & sufficientibus argumentis. His data occasione præmissis, pergo in replica ipsius examinanda, &

Ejusdem inconsequentia, & periculum in opinando.

44. Respondeo ad primam confirmationem. Doctrina illa Philosophi supponit veritatem, seu medium ipsum virtutis esse quidem difficulter reperibile, regulas tamen, quibus juvemur ad medium illud quàm proximè attingendum, non esse inventu difficiles, sed satis obvias, quas illè ibidem proponit, nec in illis assignandis aut laborat, aut contradicentem habet. Cæterum dicere, quòd qui regulas illas, aliasque ejusmodi, sequitur, potius erret per defectum à vero medio, quàm per excessum, dicitur sine ullo fundamento, maxime quando judicans nulla passione circa res illas afficitur. Idipsum præterea manifestæ experientie repugnat, tum quia facile est difficilia docere, tum quia videmus Auctores in ejusmodi judiciis ex æquo in utramque contradictionis partem propendere. Ergo ex æquo deficiunt, ac excedunt. Itaque tantum abest, ut regulæ istæ probent intentum Celladei, ut è contra vim argumenti nostri plurimum confirmant. Nam quamvis in executione homines plerumque deficiant à medio per defectum, maxime in bonis sensibilibus & voluptuosis, Doctores tamen in docendo non ita se habent, præsertim quando circa passionem judicant, sicut, Theologi judicare solent, quando in universali suam sententiam proferunt.

Medium virtutis est difficile scitu, sed regulæ, quibus juvemur ad illud sciendum, sunt scita faciles.

45. Quod additur de Hæreticis ex una parte, & de Prophetis ac SS. PP. ex altera, & falsum videtur, & ad rem non facit. Inprimis videtur falsum; si enim omnis doctrina, certò erronea, laxans sumatur ex una, & omnis stringens sumatur ex altera parte, haud facile apparebit magnus excessus. Certè Christus, de utroque extremo Scribas & Phariseos arguens, ita loquitur, ut unde excessus colligi possit non appareat. Contra additionem loquutus est *Math. 23.* dicens. *Super Cathedram Moysis sederunt Scribae & Pharisei. Omnia ergo quaecunque dixerint vobis, servate, & facite. Secundum opera vero eorum nolite facere: dicunt enim & non faciunt. Alligant enim onera gravia & importabilia; & imponunt in humeros hominum: digito autem suo nolunt ea movere.* Hæc locutio aperte supponit,

Sacra Scriptura docet homines frequenter errare circa legem, tam per excessum, quam per defectum.

supponit, Scribas & Phariseos ultra legem Dei mulieris hominibus plurima præcepta, eaque gravissima imposuisse. Sed & S. Marcus initio cap. 7. circa totas lotiones enarrat, plurimas fuisse Phariseorum traditiones, addens tandem hæc verba. *Alia multa sunt que tradita sunt illis servare, baptisinata Calicum & utceorum, & aramentorum, & lecterum*: sed & Christus ipse ibidem hoc ipsum illis objecit, dicens. *Relinquentes mandatum Dei tenetis traditionem hominum; baptisinata utceorum, & calicum, & alia similia hisce facitis multa.* E contra idem Salvator, *Matthæi 15.* & *filius Marci 7.* reprehendit eosdem Phariseos, quod Dei legem de honorandis parentibus laxassent, & irritam fecissent per traditionem suam. Tandem concludit, & *similia hujusmodi multa facitis.* Ex his, aliisque locis Evangelii benè collatis, inveniemus, Scribas ac Phariseos frequenter & auxisse legem ponendo præcepta quæ non erant, & eam diminuisse auferendo præcepta quæ erant; ex quò clarè sequitur primò, falsum esse, quod dicit Celladeus, errores circa legem fere semper esse circa detractionem, rarò aut nunquam circa additionem. Sequitur secundò, Scripturam ita loqui, ut in incerto relinquat ex qua parte error fuerit frequentior, cum apertè insinuet, ex utraque parte fuisse frequentem. Uno verbo ita in hac re loquitur Sacra Scriptura, ac locuta fuisset, si supposuisset homines ex utraque parte æquè deficere in tradenda strictiore ac laxiore doctrina: unde vis argumenti nostri roboratur; & Celladei responsio evertitur.

46. Rursus ab initio Ecclesiæ reperio, plus fuisse erratum in doctrina per adjectionem, quàm per subtractionem legum. Plurimi ex natione Judæorum contendebant omnes ad fidem conversos debere servare legem Moysis, & Gentiles etiam circumcidi: contra quem errorem, qui unus innumeros continebat, coactum fuit Concilium Apostolorum, & Paulus ipse contra eundem errorem fusè scripsit. Præterea S. Petrus in ipso Concilio Apostolorum, *Actuum 15. 10.* dicit, Deum per hanc ipsam doctrinam tentari, & jugum imponi in cervices discipulorum, quod nec ipsi, nec patres ipsorum portare potuerunt. E contra, ni fallor, non invenietur in exordio Ecclesiæ tanta copia doctrinam laxantium legem

Ab initio Ecclesiæ plus erratum est in doctrina per excessum rigoris, quàm per defectum

Hæretici formè ex quo legem augent, & minuunt.

Christi, quanta erat eam gravantium. Postea verò fuere innumere Hæreses legem gravantes. Quidam damnarunt nuptias, ut illicitas. Alii prohibuerunt lapsos ad pœnitentiam recipi. Hi pueros Baptismi incapaces esse tradiderunt: illi negarunt licitum esse confiteri venialia peccata: & quidem si de modernis hæreticis loquamur, quorum multi valdè laxarunt legem Dei, dubium mihi est, an in pluribus laxaverint legem, an eam strinxerint? Quidam omnem detestationem peccati ex Gehennæ metu conceptam esse hypocrisism, & magis peccatorem facere dixerunt. Alii operantes ex intuitu mercedis æternæ peccati damnarunt. Hi justos dixerunt in omnibus suis actibus peccare, saltem venialiter: illi docuerunt illos etiam mortaliter peccare; quo uno asserto plus indebitè legibus adjecerunt, quàm omnes simul de legibus indebitè abstulerunt. Itaque sicut Hæretici frequentissimè legi detrahunt, frequentissimè etiam eandem ultra debitum augent, adeo ut ex hoc capite nil in favorem Celladei concludi possit; sed omnia eò tendunt, ut vim argumenti stabiliant.

47. Idem dicendum de Prophetis, & Sanctis Patribus, qui omnes ex æquo favorabilia & rigida tradiderunt. De Prophetis res nimis clara est. Ab initio enim Prophetæ potissimè loquebantur de liberatione Hebræorum à captivitate Ægyptiaca, & de danda illis Promissionis terra, quæ lacte & melle manaret, item de adventu Messie, ejusque Regno in perpetuum duraturo. Deinde quot fuerunt, qui prospera prædixerunt; maximè quando populus, invitabatur ad reditum à captivitate Babilonica? Sed & in aliis Prophetis plurima læta prædicta sunt. Adeo ut, si omnia inspiciantur, aut nulla aut exigua inveniantur differentia. Idem prorsus apparet in SS. Patribus, qui dura mollibus temperarunt, ut apparet ex resolutionibus Quæstionum in materiis incertis, quas apud illos reperire est: & quidem existimo, Celladeum haud negaturum, quin SS. Thomas, Bonaventura, Antoninus, Bernardinus Senensis, Sanctis Patribus accensendi sint; constat autem, istos ex æquo methodum inter utrumque extremum tenuisse, & modò strictius, modò laxius, planè instar reliquorum & graviorum tum sui tum nostri sæculi Authorum, sensisse. Et sanè non possum non hæc convellere dictum quoddam Vincentii Baronii, qui in Theol. morali falsò offerit, S. Thomam non adhærere sententiis minùs tutis, nisi, allatis rationibus cogentibus, probet eas esse certas, & contrarias improbabilis. Falsitas hujus asserti inprimis ex eo probatur, quod quivis Scotista æquo jure similia dicere possit de S. Bonaventura & Scoto; & tamen certum est, vel illum, vel Baronium seu potius utrumque falli, cum Sancti illi in pluribus sibi contradicant, nec ullus assertum suum demonstret, aut probabilitatem ab opposito auferat. Secundò falsitas ejusdem asserti manifestis exemplis evincitur. Inprimis S. Thomas in 4. dist. 17. quæst. 3. art. 4. docet, Confessionem integram mortalium sine debito dolore esse validam, sed informem; ac proinde, etsi gratiam non præbeat, mortalia illa non esse necessariò reconstituenda. Contraria tamen sententia non est improbabilis, imò est, & communiter censetur probabilior opinione S. Thomæ, maximè cum Tridentinum sess. 14. cap. 3. & 4. ad valorem Confessionis dolorem exigit.

Rursus, quodlib. 10. art. 10. & in 2. dist. 44. quæst. 2. art. 3. Angelicus D. docet, eum, qui votum obedientiæ emisit, in iis, quæ ad regulam nullatenus reducuntur, non teneri obedire, eò quod obedire in hujusmodi non sit de necessitate, sed de perfectione obedientiæ. Communis tamen opinio in iis obedientiæ obligationem agnoscit. Idem dicendum de celebri S. Doctoris opinione, quod iudex licitè condemnet innocentem, scitum innocentem, modò juxta allegata legitime probetur nocens. Qui plura exempla cupit, adeat Franciscum Bordonum in *Pro-pugnacula opinionis probab. cap. 16. & seq.* legat etiam Joannem de Cardenas in *Crysi Theologica dist. 15. cap. 6. art. 4.*

48. Ecce exempla à Celladeo adducta nulla sunt, cum non illa, sed contraria subsistant. Præterea etsi exempla illa verè subsisterent, nulla ex iis ad quæstionem præsentem illatio fieri posset; Hæresiarum enim, qui legem Dei minuerunt, fuere homines improbi, qui ex libidine, non ex ratione doctrinam suam tradidère, quique obstinato animo commentis suis inhærere; de quibus proinde nemo fundatè præsumere potest, eos possent, et illis debitum examen, sicut decet viros probos, suam sententiam tulisse. A talibus autem non valet consequentia ad Catholicos peritos ac probos.

Vincentius Baronius erroris convincitur.

S. Thomas frequenter sequitur partem minùs tutam contra tioris probabilem.

Exempla Celladei non sunt vera.

Si vera essent, et illis nil ad intentum ipsius inferri posset.

Certè consequentia ista est prorsus nulla. Haro-
fiaribus sceleratis perverso animo certam fidei regulam,
& in multis certam etiam morum regulam convellen-
tibus non est credendum, quando docent ea esse vera,
quæ libertati favent. Ergo neque credendum est viru
probi ac peritis, quando talia docent. Et tamen hæc
debet esse consecutio ex illo antecedenti, ut ar-
gumentum Celladei subsistat; quæ tamen similis
est istis. Non est credendum notorio nebuloni in mul-
tis falsi convicto; ergo non est credendum viro perito
ac probo omniq; exceptione majori. At consequen-
tia ab exemplo Prophetarum rigida denuncian-
tium adhuc deterior est: sic enim arguendum
est, ut aliquid ad intentum Celladei inferri pos-
sit. Credendum est Prophetis ex certissima Dei revela-
tione loquentibus, quando rigida nunciant, quæ Deum
illis nuntianda commisit. Ergo, quando nulla ade-
st certitudo pro determinanda lre, non est credendum
peritis & probis, si post questionem examinatam li-
bertati faventia enunciarint. Aut certè sic: Pro-
pheta, qui à Deo rigida tantum audierunt, rigida
tantum docuerunt. Ergo omnes debent rigida docere,
quando non regulantur à revelatione Dei allegata ad
rigida, sed utuntur ratione, quamvis illa probabilis-
simè probet rigida illa esse falsa. Si ullæ in mundo
sint consequentiæ nullæ ac irritæ, profectò sunt
istæ; quæ tamen solæ in ordine ad præsentem
questionem inferri possunt ab exemplis à Cella-
deo inductis.

Alia absur-
da ex senten-
tia Cella-
dei.

49. Cæterum si principium Celladei subsiste-
ret, & Doctores ut plurimum & fere semper à
vero deficerent, quando docent legem non dari;
& rarò aut nunquam fallerentur, quando legem
dari asserunt; eo ipso quòd opinio aliqua enun-
tiaret legem non dari, ex hoc solo principio præ-
sumenda esset falsa, quòd opiniones libertati fa-
ventes fere semper sint falsæ. Porro cùm hoc mo-
tivum sit reflexum, & præsupponat studium ac
diligentiam præcessisse in determinatione quæstio-
nis, nulla determinatio probabilis ob stare posset,
quò minus posterior hæc præsumptio locum suum
haberet. Hinc autem sequitur, nullam dari posse
veram & practicam probabilitatem pro non lege;
quia quamdiu versamur in incertis, quicumque
talem regulam eligeret, eligeret regulam plerum-
que & fere semper errantem. Porro Celladeus
absolutè vult hoc principium reflexum subsiste-
re. Ergo tollit omne directè probabile practi-
cum. Ergo semper tutiora tenenda sunt. Simili-
ter ex eodem illo principio reflexo, sequitur,
omnes Celladei assertiones solum probabiles,
legi faventes (habet autem complures) non esse
positivè probabiles, nec sufficientem morum re-
gulam; quas tamen pro talibus proponit. Simi-
liter sequitur ex ipsius sententia, resolutiones pro-
babiles libertati faventes esse plerumque veras
ex vi movi directi, & ex vi hujus motivi reflexi
sequitur, easdem esse plerumque & fere semper
falsas; hoc est utramque partem contradictionis
esse simul probabilem, quamvis revera neutra
sit probabilis. Ecce in quot & quantis Celladeus
sibi contradicit.

Multiplex
Celladei
contradictio.

Celladei
principium
omne quæ-
stionis reso-
lutione in-
tilem red-
dit.

50. Ex eodem principio sequitur, neminem
prudenter stare posse incertæ quæstionis resolu-
tioni pro parte minus tuta, quamvis valde peritus
tam dederit; quis sequeretur regulam, quæ &
re ipsa, & in mente ipsius plerumque erraret. Hoc
ergo principio admissio, prudentum & peritiorum
resolutiones in ordine ad alios gubernandos
nil valerent. Nec quisquam nisi imprudenter ta-
lem resolutionem dare auderet. Et tamen lumine
naturæ notum est, tales resolutiones & utiliter

tradi, & innoxie in praxim reduci, cùm sine il-
lis homines humano modo gubernari non pos-
sint.

51. Ex his ergo fixum manet, legem Dei in
immensum quodammodò augeri ab ipso, qui di-
cit, præsumendum esse in omni prorsus dubio
legem dari. Idem esset periculum minuendi le-
gem, si quis diceret, præsumendum esse nullam
prorsus dari legem circa tutius, quando homo
versatur in ullo dubio. At qui mediâ viâ procedit,
vitat hæc absurda, quia dicit veritatem comper-
tam, scilicet legem aliquando dari, aliquando
non dari in dubio. Tum distinguit inter legem
obligantem, seu exercentem & exercentem vim
legis, & legem hic & nunc non obligantem nec
exercentem vires suas; quarum neutrum aut tollit
aut minuit, sed exactè docet, quænam sint quæ
obligant, quænam quæ hîc & nunc non obligant;
atque ita progreditur, ut in nulla assertione ponat
quam legem obligare vel non obligare in ordine
ad eandem circumstantias, in ordine ad quas cer-
tus est de contrario. Et sic nostra doctrina clarè
vitat hæc inconvenientia, quibus opinio Cella-
dei inevitabiliter subjacet.

Celladeus
in immen-
sum Dei le-
gem auget.

52. Objicit quindò. Argumentum procedit Objectio 5.
de subiecto non supponente; supponit enim du-
bia frequentissimè oriri circa legem. At hoc est
per accidens, vel ex defectu virtutis, quæ mul-
tum illuminat; vel ex vitiosis habitibus intelle-
ctum obfuscantibus. Remotis enim vitiis, &
virtute habita, omnis prorsus per se loquendo
cessat dubitatio tam de lego humana, quàm de na-
turali & divina. Omnis enim lex naturalis ac di-
vina est invenibilis per debitam diligentiam. Si-
militer lex etiam humana saltem plerumque, ut-
pote quæ rarò ignoratur, nisi depèdenter à nostrâ
negligentiâ; quæ omnia Celladeus in secundam
partem probanda rejicit. Dubitantes ergo dire-
ctè obligantur ad quærendam veritatem, & so-
lùm indirectè ad partem tutiorem, scilicet si quæ-
rere nolint. Porro indiligentes meritò hoc modo
obligantur, ut sic excitentur, & quodammodò
necessitentur ad inveniendam veritatem, quæ est
finis dubitationis.

Respondeo, solutionem hanc, non objectio-
nem procedere de subiecto non supponente; cer-
tissimè enim constat casus innumeros tam de lege
naturæ & divina, quàm de lege humana manere
dubios & incertos, etiam post magnam diligen-
tiam ad veritatem inveniendam adhibitam. Patet
hoc ex innumeris veritatibus practicis contradi-
ctoriis circa omne genus legum, potissimè verò
circa legem humanam, quibus scatent opera
piissimorum juxta & doctissimorum virorum, de
quibus nec probitatis defectus, nec diligentis
neglectus venire potest in suspicionem, ratione
quorum dubitatio ac incertitudo illa ulla ratione
imputabilis præsumi possit. Stat ergo certissimum
esse, quòd dubitationes ac incertitudines de legi-
bus sint prorsus necessariæ & frequentissimæ in-
ter homines. Proinde vim argumenti, quod mi-
hi videtur manifestè demonstrare intentum, non
elidi. Porro quòd Celladeus promittat, se pro-
baturum oppositum, neminem movere debet;
argumenta enim illa (si ex plerumque contin-
gentibus judicare liceat) inveniuntur prorsus in-
valida, sicut hætenus omnia inventa sunt, quæ
tamen Celladeus pro validissimis ac insolubilibus
proposuit.

Innumera
dubia circa
omne ge-
nus legum
post omnè
diligentiam
insuperabi-
liter latent.

SOLVUNTUR FUNDAMENTA

Celladei.

Obiectio 1. §3. **O**BJICIT primò. Tenemur ad tutius in omni dubio, tam ex lege naturæ, quam ex lege positiva divina, & humana. Inprimis sic naturâ comparati sumus, ut lex Dei, in se existens, ac in se sumpta, sit regula actuum nostrorum, nosque simus quid regulandum ac regulabile per illam. Regula hæc applicatur seu intimatur per rationem nostram, quæ propterea etiam ipsa regula dicitur. Hanc legem omnes aliquo demum modo scire tenemur; nec excusamur, si illam ignoremus, nisi ignorantia fuerit invincibilis. Ex hoc principio sequitur, hominem teneri non ita se gerere in operando, ut non magis habeat operari juxta, quam contra legem; quia per hoc ipsum exponit se periculo violationis, & per hoc ipsum peccat contra regulam. At ita se habet homo in omni dubio, & in omni casu æqualitatis rationum, vel opinionum, si eligat partem minùs tutam. Ergo in omni tali casu tenetur ad tutius, idque ex ipso jure naturæ. Ita Celladeus *quaest. 9. §. 1.* qui paulò post §. 3. reflectens super hanc rationem, dicit tanquam manifestè concludenti insistendum esse, non obstante ratione illa, quam ultimo loco pro nostra assertionem attulimus, quamque ipse fatetur esse gravissimam; atque eam ibidem laboriorè sed frustra conatur eludere, ut vidimus.

Peccat qui ab magis operatur juxta, quàm contra legem obligantè.

§4. Respondeo, hominem haud dubiè peccare, si ita in operando se gerat, ut non magis opereatur juxta quàm contra legem Dei certò in se existentem, & sufficienter applicatam: v. g. Lex prohibens homicidium certò existit, & est sufficienter intimata; contra hanc legem non solum peccatur, si homicidium scienter patreor, sed si dubium sit, an actio, quæ ponitur, sit homicidium. Ratio est, quia lex illa in se existens, & applicata exerit vim suam, & obligat ad abstinendum non solum ab homicidio certo, sed etiam à dubio. Hoc bene probatur argumento allato, eoque omnes utimur ad hoc probandum. Sed hæc doctrina nil facit ad præsentem quaestionem, quæ procedit de ipsa lege, quando dubium est, an datur; nec procedit solum de dubio legis, sed etiam de dubio facti, ut patet; nec hic adhuc est legitimus quaestionis status, nisi superaddatur dubium illud etiam post sufficientem diligentiam adhibitam adhuc manere, nec solvi posse. At in hoc sensu obiectio non urget, quia talis lex vel non existit, vel certè non sufficienter applicatur, ideoque nullam vim obligandi exerere potest: homo ergò in tali casu non peccat contra hanc legem, licet ponat opus, quod fortasse est, fortasse non est contra talem legem, quia per hoc nullam legem obligantem violat, ut patet. Jam homines hoc, non priori modo se habent, quando in dubio operantur, juxta doctrinam eorum, qui docent in variis casibus licitum esse sectari partem minùs tutam in dubio. Ergò si bona fide talem doctrinam probabilem sectentur, non peccant. Tantum ergò abest, ut obiectio intentum manifestè evinceat, ut è contrario procedat ex manifesta æquivocatione & confusione legis certò existentis à sufficienter applicatæ, cum lege post omnem diligentiam latente ac dubia, quæ fortè est fortè non est; & sive sit sive non sit, non est sufficienter applicata; & quod plus est, quando certum est, legem illam non extendi ad circumstantias, in quibus opus ponitur.

R. P. A. Terilli, Regula Morum. Pars. II.

lam non extendi ad circumstantias, in quibus opus ponitur,

§5. Et sanè mirum est, Celladeum hoc non advertisse; vult enim solum legem Dei verè existentem & per rationem applicatam esse regulam completam. At hinc clarè sequitur, legem dubiam, utpotè quæ sæpe non existit, & nunquam applicatur, non esse regulam, cui debeamus conformari, cum talis lex vel non habeat, vel nequeat exerere vim obligandi. Præterea est contra rationem regulæ, ut non magis sit, quàm non sit; non magis cognoscatur, quàm non cognoscatur. At talis est omnis lex, quæ post diligentem inquisitionem manet dubia. Ergo talis lex non potest esse regula humanarum actionum. Inconsistentia ergo sunt, sibi que prorsus contradictoria, quæ in hac obiectioe Celladeus conjecit, & pro solidissimo fundamento suæ doctrinæ proponit.

Eadem argumentatio involvit eam non sibi contradictoriam.

§6. Datur quidem lex reflexa certò existens, & sufficienter applicata, quæ in dubio legis obligat ad partem tutiorem, donec veritas diligenter quaesita fuerit, quia nefas est in dubio legis operari, nisi operans rationabiliter formet conscientiam suam, quæ vel explicite vel implicite dicet, legem aut non esse, aut si fortè sit, non esse sufficienter applicatam ut obliget. Atqui tale dictamen formari nequit nisi diligentia præmittatur, vi cujus intellectus alterutrum ex duobus illis concludat.

In dubio tenemur ad tutius donec diligenter præmittatur conscientia rationabiliter formata.

§7. Quod si Celladeus contendat, dari legem reflexam certam & sufficienter applicatam, quæ in omni prorsus dubio tam juris, quàm facti obliget ad partem tutiorem, debet potens aliquod argumentum ad hoc probandum asserere, aliquin nemo, opinor, illi fidem dabit. At tale argumentum nondum tulit, nec ferre intendit, quia sermonem de legibus reflexis, quas ut fuitiles rejicit, non admittit, sed omnia per solas leges veras & directas gubernari contendit, quod quàm absurdum sit, ex dictis constat; quia hoc ipso ponit non leges pro legibus, & consequenter non regulam pro regula. Sola enim lex verè existens est lex & regula. Ex legibus autem dubiis plurimæ non dantur. Ergo si omnis lex etiam dubia sit regula, inevitabiliter sequitur, aliquam non legem, & aliquam non regulam esse regulam. Quod est aperte contradictorium.

Eff. gium præcluditur.

§8. Obiectit secundò. Nullus dubitans de lege, persuasus est legem non esse, sed virtualiter saltem dicit, *Fortasse est lex prohibens hanc operationem.* Ergo si operando violet illam legem, violatio est illi imputabilis & voluntaria, quia sciens, & volens exponit se periculo talis violationis. Et sanè sicut ludentibus imputabilis est jactura, quia se periculo perdendi scientes exponunt; & totum casui committunt; ita pariter se res habet in casu nostro. Præterea ipsa temeritas operandi in tali periculo est peccatum, quia omnis ita operans, vel expresse vel æquivalenter habet hanc voluntatem: *Sive re ipsa violem, sive non violem legem, volo hoc facere.* At talis voluntas est peccaminosa. Ergo. Ita Celladeus §. 5.

Obiectio 1.

Respondeo hæc omnia jam soluta esse, quia alia est lex vetans rem in his, alia lex vetans eandem rem in aliis circumstantiis. At operans in dubio legis vetantis rem in talibus circumstantiis, si juxta præscriptum sententiæ benignæ procedat, non versatur in illis, sed in aliis; ideoque non exponit se periculo violandi illam legem. Rursus alia est lex & certa in se, & sufficienter applicata, alia nec certa in se, nec sufficienter applicata, sed

Æquivocatio argumenti multiplex detegitur.

manens dubia etiam post debitam diligentiam. Peccatum est primam violare, aut periculo eam violandi se exponere, ut dictum est. At secunda est incapax propriæ violationis, quia aut non habet vim obligandi, si fortè non existat, aut certè non potest eam vim exerere, cum sufficienter applicata non sit. Unde operans in dubio talis legis non temerè operatur, nec dicit, ut vult Celladeus; volo hoc facere sive sit, sive non sit prohibitum per legem; sed hoc modo dicit. *Volo hoc facere, quia aut nulla est lex id vetans, aut si est, non est sufficienter applicata ut obliget.* In quo nulla est temeritas, nullus contemptus ut patet. Præterea dicit etiam hoc modo. *Volo hoc facere in hisce circumstantiis, quia in istu non vetatur, quamvis dubitem an sit lex illud prohibens in aliis circumstantiis, quæ tamen lex, etsi sit, non tamen est sufficienter applicata ad ullam obligationem inducendam, etiam pro illis circumstantiis.* Hoc modo se habet operans in circumstantia legis aut facti dubii, quando juxta benignæ sententiæ præscriptum operatur, qui proinde cum debita submissione, absque temeritatis vel contemptus ullius apparentia, procedit.

Obiectio 3. 59. Obijcitur tertio. Jussi sumus legem Dei benè scire, ac custodire. Item ubi dubitamus, quærere, orare, Scripturas scrutari, &c. Hæc intelliguntur de legibus verè existentibus, quas Deus dedit, & observari vult. Ergo Deus non vult nos casualiter nos gerere in operationibus ad ista mandata spectantibus, alioquin nec scire, nec quærere teneremur, sed sufficeret fortè fortunâ operari. Atqui omnis dubitans hoc modo se habet, si selectur partem minùs tutam: ergo ex lege divina tenemur ad tutiora in dubio. Ita Celladeus §. 5.

Non tangit controversiam prædictam. Respondeo quid ad rem? Tenemur quidem legem Dei scire quantum humana modo possumus, & in dubio vi legis reflexæ tenemur veritatem quærere. At de hoc non agitur, sed de eo solùm, an si post omnem conatum lex seu factum maneat dubium, adhuc teneamur ad partem tutiorem. Hoc unicè probandum erat. Jam Deus vult nos non fortuitò nos gerere circa violationem legis certæ & cognitæ, ut dictum est. At si lex post diligentiam adhibitam lateat, non ampliùs prohibet Deus actionem talem; tum quia lex illa non obligat, tum quia operatio consequens talem diligentiam afficitur peculiaribus circumstantiis illam honestantibus, ad quas lex illa dubia non extenditur. Ergo neque ex lege naturæ, neque ex lege divina tenemur ad tutius in omni dubio; sed neque ex lege positiva, ut mox ostendam contra Celladeum, qui quæstione decima argumentum ex hoc capite petitum proponit, atque expressis terminis tradit, partem tutiorem in omni prorsus dubio, non tantùm ex consilio, sed ex stricto præcepto esse tenendam; ego verò hoc ipsum, utpote falsum, jam efficaciter rejeci. Quare solùm superest argumenta contraria solvere.

SOLVITUR OBJECTIO

Ex Jure Canonico desumpta.

Jus Canonicum an doceat partem tutiorem in omni dubio esse tenendam? 60. **O**BJICIT PRIMÒ. Jus Canonicum plurimis in locis supponit, partem tutiorem necessariò tenendam esse in omni dubio. Resolvit enim casum per hanc regulam, *quod in dubio pars tutior sit tenenda.* Itaque Jus Canonicum supponit, hanc obligationem jure naturæ ac

divino esse inductam. Supponit, inquam, eam potius, quàm inducat, quia assumitur ut regula juris, *quod tutior pars tenenda sit in dubio.* Regulæ autem sunt ex jure, non jus ex regulis, ut communiter Canonistæ ac Juristæ tenent. Porro tres sunt textus, ex quibus potissimè sumi videtur hæc regula. Omnes autem habentur in eodem titulo *de homicidio voluntario & casuali.* Primus est *caput ad audientiam*, in quo quidam Presbiter declaratur irregularis merè ob dubium homicidii casualis. Vulneraverat is casualiter famulum suum, dum eum cingulo suo, cui cultellus adhærebat, verberaret; cultellus enim vaginâ elapsus famulum in dorso aliquantulùm vulneraverat. Supervixit famulus aliquandiu, & à vulnere curatus est, mox alia graviore infirmitate superveniente extinctus est; hæc autem ita contigerunt, ut dubium relinquere, an famulus ille ex vulnere moreretur. His præmissis, Clemens III. sic de hac re decernit. *Quia verò utrum occasione vulneris decessisset, dubium habetur: tua discretionis duximus respondendum, quod cum in dubiis semitam debeamus eligere tutiorem, te convenit injungere Presbitero memorato, ut in sacris Ordinibus non ministret, &c. si verò ille ex altera infirmitate obierit, poterit divina Officia celebrare.*

Secundus textus est *cap. significasti 2.* in quo quidam Presbiter maleficum, qui Eucharistiam & ornamento altaris extra Ecclesiam asportaverat, ligone percussit. Mox parochiani videntes furem ornamento asportantem accurrunt, eumque gladiis & fustibus in eodem loco occidunt. His peractis, dubitabat Presbiter, an ipse ictum lethalem inflixisset, & ideo reputandus esset irregularis? Huic casui, post plura clarè distinctèque enuntiata, sic Respondet Innocentius III. *Quod si discerni non possit ex cujus ictu percussus interierit, in hoc dubio tanquam homicida debet haberi Sacerdos: & si fortè homicida non sit, à sacerdotali officio abstinere debet. Cum in hoc casu cessare sit tutius, quam temerè celebrare, pro eo quod in altero nullum, in reliquo verò magnum periculum timeatur.*

Tertius textus est *caput Peticio*, in quo clericus, eruptione cum aliis clericis & laicis à castro facta, contra inimicos Christiani nominis pugnans plures percussit, sed nesciebat, an suis ictibus quemquam occidisset, quamvis in conspectu plures hinc inde essent interfecti. Huic ergo metuenti, an hac de causa censendus esset irregularis, respondet Honorius III. *Mandamus, quatenus si de interfectione cujusquam in illo conspectu tua conscientia te remordet à ministerio altaris abstinere reverenter, cum sit consiliarius in hujusmodi dubio abstinere, quam temerè celebrare.* Hi textus expressè supponunt obligationem sectandi partem tutiorem in dubio. Ita Celladeus *quæst. 10. §. 1.* qui citat etiam *cap. juvenis, de sponsalibus.* Et Clementinam, *exivi, de verborum significat:* Quos textus, quamvis plures magni illos faciant, ipse tamen existimat abs re adduci, idque judicat clarè demonstratum esse à Cardinali Pallavicino *de altibus hum. disp. 9. quæst. 4. num. 10. & 11.*

Respondeo me textus istos fusè explicuisse. Respondeo *quæst. 26. de Conf. probabili*, atque ex illis ipsis aliisque sacris Canonibus benignæ sententiæ veritatem ostendisse. Textus enim isti apertè supponunt, solutionem probabilem dubii sufficere ad sectandam partem minùs tutam. Legantur ibidem dicta, quia non est cur hic repetantur. Verùm quia ibi non tam agebatur de dubio quàm de solutione probabili, ideo sistendo in terminis propriis præsentis quæstionis,

61. Respon-

Caput significasti de homicidio.

Caput peticio, de homicidio.

Lex certa
dubiam
ejusdem
transgressio-
nem prohibe-
bet, nisi
peculiaris
ratio obstat.

62. Respondeo secundò. Catus horum tex-
tum non urgere, quia omnes, aut certe duo
ultimi procedunt de dubio contra legem certò
existentem: Lata enim erat lex, ne homicida
culpabilis altari deserviret, &c. tales autem leges,
nisi peculiaris ratio obstat, non minùs prohibent
dubiam quàm certam transgressionem; sicut lex
non occidendi non solùm prohibet actum, qui
certò necem illaturus est, sed etiam actum om-
nem de quo dubitatur an sit necem allaturus.
Atque hinc est, quod Pontifices in istiusmodi
casibus declaraverint, homicidas dubios esse irre-
gulares, & non minùs ligari lege illa Ecclesiasti-
ca, quàm certos; sicut omnes dicunt nos lege
naturali obligari ad abstinendum non solùm à cer-
tò, sed etiam à dubio homicidio, quia lumine
naturæ notum est, quod lex prohibens homici-
dium, non solùm certam sed etiam dubiam occi-
sionem prohibeat. In his ergo aliisque similibus
ultrò fatemur, semitam tutiorem esse terendam,
& ex una parte nullum, ex altera magnum peri-
culum imminere, nempe periculum contrave-
niendi legi verè existenti, & sufficienter applica-
tæ, ex quo periculo ritè inferimus; actionem
illam esse malam, & in hisce circumstantiis per
illam eandem legem absolutè prohibitam. Ver-
rùm hinc non sequitur, quod par sit obligatio
in omni prorsùs dubio, ut supra ostensum est.
Distinximus enim dubium facti à dubio legis,
& dubium facti contra legem certam à dubio
facti contra legem dubiam; neque enim ulla est
paritas unius ad alterum, ut ibi quoque indica-
tum est.

Pontifices
in titulo de
homicidio
supponunt
non dari
obligationē
sectandi tu-
tiora in e-
ius dubio.

63. Et sanè si sermo sit de dubio universim
sumpto, nil manifestius vel ex hoc ipso titulo de
homicidio, quàm Pontifices supponere, nullam
dari obligationem sectandi partem tutiorem in
omni dubio. Legantur capita 9. 13. 14. 16. 21.
22. 23. & 25. hujus tituli, & in illis apertè videbis,
Pontifices, non obstante morte ex quorundam
Clericorū actionibus sequuta, declarasse eos non
fuisse irregulares. Ergo à fortiori idem decla-
rassent, si, reliquis stantibus, fuisset dubium,
an mors sequuta fuisset. Sed quid? numquid
non dubium erat, an isti etiam ab altaris ministe-
rio arceri deberent? Utique dubium fuit, quia
plurimi gravissimique viri quaestiones has Pontifici
solvenda tradidere. Cur autem non responderunt
Pontifices ad hos casus, sicut ad priores in supe-
rioris allatis exemplis contentos responderunt, in
dubio tutius tenendum est? Dicam, quia bene scie-
bant, non constare de lege ulla, quæ eos redde-
ret irregulares, qui attendentes rei licitæ casuali-
ter & sine culpa homicidium committerent. Nam
quamvis alii dubitarent, an talis lex daretur, &
quamvis fortassis ipsimet Pontifices dubitarent
an talis lex fuisset condita; quia tamen sciebant
illam non esse certam sed dubiam, responderunt
illam neminem arctare, sed omnes esse liberos,
ac si certò constaret, nullam ejusmodi legem fuisse
conditam. At in casu homicidii imputabilis,
etiam dubii, contrarium censuerunt, quia bene
sciebant, legem extare, quæ omnem culpabilem
homicidam ab altari arceret, quæque pròinde
contravenientes tali legi irregulares redderet.
Videbant autem talem legem ex æquitate extendi
ad arcendum etiam homicidam dubium ab altari,
quia eadem lex quæ vetat celebrationem fieri ab
homicida, vetat illam fieri etiam ab homicida
dubio, quamdiu contrarium non exprimitur in
Jure, aut ratio peculiaris non obstat. Tantùm
ergo abest, ut ex hoc loco probetur universalis

Videntur
fundari in eo
quod in uno
casu lex cer-
ta daretur,
in alio verò
solùm lex
dubia.

obligatio sequendi tutiora in dubio, ut potius
oppositum probetur, & tota res declaratur per
illam ipsam distinctionem, quam nos ad præsen-
tes textus attulimus, quamque antea etiam expo-
sueramus.

64. Hoc autem maximè ex eo patet, quòd
Pontifex ipse in cap. significasti 2. quod maximè
favet Celladeo, ponat calum (qui habetur post
textum, cui interjectus erat) de homine, quem
constabat ab uno tantùm ex multis fuisse interfe-
ctum: quaerit autem Pontifex, an omnes in eo
casu sint habendi irregulares, cum discerni ne-
queat, qui debeant culpabiles judicari? Huius
autem quaestioni non respondet, sicut casui in illo
cap. contento responderat, scilicet tutiorem viam
tenendam esse, & unumquemque quoad præsen-
tem quaestionem reputari debere homicidam,
quamvis fortè homicida non sit. Et tamen in eo
etiam casu dubium fuisset, an hic particularis
homo alium occidisset. Ergo Pontifex in hac
ipsa re, etiam quando homicidium peccaminoso-
sum & imputabile est dubium, non censuit uni-
versaliter partem tutiorem esse tenendam, alio-
quin eodem modo ad hunc casum respondisset,
sicut ad priorem; quia uterque casus in ordine
ad præsentem quaestionem fuisset planè idem,
cum in utroque ex æquo homicida, etiam du-
bium, ab altari arcendus fuisset. At Pontifex non
ita respondet, sed solùm dicit de hac re diligen-
ter cogitandum, & casum istum ab alio esse valde
diversum. Et ratio esse potest eadem, quam jam
insinuavi, quia scilicet in hoc casu non con-
stabat, hanc determinatam personam per-
cussisse alterum aut illi nocumentum intulisse,
cum in priori casu constaret Presbiterum ligo-
ne, & ut dicebatur, etiam in capite furem per-
cussisse, adeoque actionem in alterum exercuisse,
quæ & ob gravitatem instrumenti, & parvis per-
cussæ præstantiam & teneritudinem facilè lethali-
s existimatur. Quocirca credibile videtur, di-
versam hanc Pontificis resolutionem in alio non
fundari quàm in eo, quòd in priori casu constar-
et legem latam esse, ne quis celebraret qui alium
instructo vulnere occidisset, quam legem non con-
stat adversus eos latam, de quibus dubium erat,
non solùm an occidissent, sed etiam an ulla mo-
do alium percussissent; alioquin si ex æquo con-
stasset, legem utrumque casum involvere, Pon-
tifex pro utroque casu eandem prorsùs sine ulla
ambagibus responsionem dedisset. Quod cum
non fecerit, apertè ostendit, longè diversam ha-
bendam esse rationem de dubio circa legem, ac
de dubio facti, quod à lege certò prohibetur.
Itaque & nullitas argumenti, & tota doctrina
nostra ex hoc ipso titulo confirmatur.

65. Hæc est genuina responsio, ex ipsa rerum
gestarum legumque natura desumpta, quam Cel-
ladeus aut nullo modo aut solùm confusè vidit.
Refert quidem §. 2. plurium responsiones, eas-
que postea tanquam insufficientes, sed immeritò
& insufficenter rejicit, ut mox ostendam. Im-
primis ergo, plures, inquit respondent, has &
alias ejusmodi decisiones procedere de dubio
præctico, in quo juxta omnes tenemur ad par-
tem tutiorem. Hæc responsio veram solutio-
nem continet, quia etsi dubium de homicidio per
actionem culpabilem admisso non sit proximum,
& propriè præcticum, necessariò tamen conne-
ditur cum dubio proximo & præctico, ut osten-
sum est; ideoque eadem doctrina æqualiter pro-
cedit de utroque dubio, quia in his & similibus
casibus dubium remotum & speculativum neces-
sariò

Pontifex in
ipso capite
significasti,
supponit
omne cu-
pabilem de ho-
micidio etiā
culpabili in-
ferre obli-
gationē se-
ctandi partē
tutiorē.

Textus illi
solū loquū-
tur de dubio
præctico, vel
de dubio in-
ferente du-
bium præcti-
cum.

fariò infert dubium proximum & practicum. Huic responsioni aliud non reponit Celladeus, quàm quòd eadem sit ratio dubii speculativi & practici, & remittit se ad rationes præcedentes, quibus id convinci autumat; sed illas prorsus nullas, æquivocationibusque plenas invenimus, & ut tales rejecimus. Præterea ingens est disparitas inter talia dubia, ut clarè constat ex dictis.

Celladeus immeritò dicit, nos non clarè mentè nostram explicare.

66. Subdit tamen, vix apparere quid velimus, cùm fateamur eandem esse rationem dubii speculativi ac practici, quando non adest causa rationabilis variandi in iudicio practico. Sed assertio nostra est nimis perspicua; volumus quidem aliquando eandem esse rationem dubii speculativi & practici, scilicet quando dubium speculativum infert practicum, quia verè tunc eadem ratio procedit de utroque. At negamus hoc semper evenire, sed probamus dubium speculativum sæpe non ob stare, quòd minùs conscientia, dictans opus hìc & nunc esse licitum, rationabiliter formetur. Quid hoc assertio clariùs, & intelligibilius?

Secunda & tertia responsio aliorum ad dictos textus.

67. Respondent alii 2. has decisiones intelligendas esse de iis solùm casibus, qui in illis continentur, nec extendendas ad alios, & multò minùs ad omnes casus dubios.

Ratio hujus rei desumitur à tertia Auctorum responsione, quæ asserit, congruentiam in genere sectandæ partis tutioris non esse præceptum, sed consiliùm; ut ex innumeris exemplis patet, in quibus pars minùs tuta licitè eligitur. Itaque axioma illud universaliter sumptum non est nisi consiliùm in quadam æquitate rationis naturalis fundatum. Hac æquitate nixus Pontifex in casibus propositis gravem obligationem induxit, quæ nec ad omnes, nec ad alios casus, etiam similes, est deducenda.

S. n. h. z. bene probat, neminem in dubio juris censendum irregularem.

68. Fundamenta harum interpretationum Celladeus recitat ex Sanchez lib. 1. in Decal. cap. 10. qui ibi contendit, neminem in dubio juris reputari debere irregularem, sed neque in dubio facti extra casus in dictis capitibus expressos. Fundamenta prioris asserti sunt primò ex cap. *Is qui, de senten. excom. in 6.* ubi deciditur, irregularitatem non incurri ob casus similes, aut jus apparens, sed solùm in casibus in jure expressis. Ergo à fortiori non sufficiet, ubi totum jus est dubium.

Confirmatur: Textus inducentes irregularitatem in homicidio dubio, solùm loquuntur de dubio facti. Ergo nullus est irregularis in dubio juris cùm nullum sit jus hoc statuens. Secundò dispar est ratio in dubio juris, & in dubio facti, quia jus dubium nequit suum effectum, id est obligationem, inducere, cùm de ipso jure dubitetur. At, stante dubio facti, potest esse jus certum statuens eam irregularitatem. Tertiò, nemo in casu juris dubii condemnari potest ut irregularis, quia judex juxta jus sententiam ferre debet. Ergo nemo in tali casu censendus est irregularis, nequidem in foro conscientie, cùm forum conscientie sit mitius foro externo. Quartò, in pœnis ipso jure inflictis, qualis est irregularitas, delinquens ipse est judex, qui & contra se profert sententiam, & illam etiam in seipso exequitur. Ergo in dubio juris non tenetur exequi pœnam in seipso, sed ex eodem principio seipsum potest absolvere, quò in foro externo à judice externo absolveretur. Quintò demum, jus dubium non est sufficienter promulgatum & applicatum. Ita Sanchez num. 42.

69. Idem author num. 42. probat alteram

partem, scilicet irregularitatem non incurri in aliis casibus dubiis, sive juris sive facti, sed solùm in casu homicidii dubii, ac proinde in aliis dubiis standum esse pro possessione. Primò: omnia jura clamant in dubio delicti reum esse absolvendum. Reg. *favorabilioris* 168. ff. de reg. juris. & cap. *cum sunt, eodem titulo*, in 6. ubi expressè habetur, *cum sunt jura partium obscura, reo favendum est potius quàm actori*; ubi Glossa dicit, reum in eo ipso absolvendum, quòd actor non probet delictum, & ideo hæc regula apertè procedit de utriusque generis dubio, atque idipsum expressè traditur in cap. *unico, ut Ecclesiastica beneficia*, versu, *cum enim*, ubi hæc habentur, *cum enim juris sit explorati, quòd, actore non probante, is qui convenitur, etiam si nihil præstiterit, debet absolvi*, quod perinde est, ac si diceret, etsi reus non probaverit se innocentem, tamen sola negatio probationis in actore est sufficiens ratio absolvendi reum. At quoties factum manet dubium, delictum non est probatum. Ergo tunc reus absolvendus est, quamvis altera pars sit æquè dubia; & hæc est consuetudo tribunalium. Itaque cùm hæc sit regula juris, & quidem rationi consona, non est ab illa recedendum absque textu expresso, qui extra casum homicidii dubii non invenitur. At ille extendi non debet ad alias irregularitates contra aliam regulam juris. Adde forum internum à foro externo in nullo discrepare, nisi quando forum externum ex falsa præsumptione procedit, qualis certè nulla est in præsentī casu. Ergo, extra illos casus expressos, nemo ob dubium ullum juris vel facti habendus est irregularis, nec in foro externo, nec in foro interno. Et sanè, si omnia benè perpendantur, hoc dubium non est tam dubium facti quàm juris, quia tandem questio devolvitur ad hoc, an jus statuerit irregularitatem pro factis dubiis extra casum homicidii. At hoc jus est dubium. Et nemo in dubio juris censendus est irregularis. Ergo nec in hoc dubio. Ergo præmissæ illæ decisiones de irregularitate nequidem ad alios casus irregularitatis extendendæ sunt. Et multò minùs ad omne dubium in genere. Hæc fermè Celladeus in Thoma Sanchez, quæ sine dubio valdè fundatè dicta sunt, & validissimè confirmant nostram sententiam, quia probant quòd in materia irregularitatis sæpe non teneamur ad partem tutiorem in dubio. Sed videamus quid Celladeus opponit.

70. Opponit primò. Quod pœna irregularitatis non extendatur ad casus similes in jure non expressos, æquè facit contra nos. Deinde hoc ipsi non repugnat, quia non agit de casibus similibus, in quibus potius certum est, eam pœnam non incurri.

Replicatur: ma Celladei.

Respondeo, nos docere homines in aliquo saltem dubio non teneri ad partem tutiorem, & asserimus casum dubium tam de jure inducente irregularitatem, quàm de facto, cui irregularitas annectitur. Deinde probamus nos in hoc dubio non teneri ad partem tutiorem. Quid hoc faciat contra nos, nec Oedipus dixerit, cùm evidentissimè probet intentum nostrum. Sed quid? fortè hoc ipsum Celladeo non repugnat? Verè ipsi non repugnaret, si certò constaret, legem latam esse, quæ discretè statueret, irregularitatem non incurri in ullo casu dubio nisi in casu homicidii. At non constat de tali lege. Neque enim certum est, caput illud, *et qui*, hoc universaliter aut statuere, aut supponere. Quid ais Celladee? est ne certum, quòd dubius de mutilatione, de legitimitate, & aliis similibus non sit irregularis? minime;

Offenditur infufficiencia.

minimè; quia caput illud solum dicit, irregularitatem non incurri propter celebrationem in templo polluto, quia hoc non est expressum in jure. At, hoc non obitante, irregularitas per legem statuta est propter mutilationem, & defectum natalium, &c. Quidni ergo etiam propter dubiam mutilationem aut legitimitatem, &c. statuta sit? oppositum non certò sed solum probabiliter deducitur ex illo cap. Ergo versamur in casu questionis, quæ ex hoc ipso argumento deciditur contra Celladeum, quia, non obitante dubio aut juris aut facti alicujus, per varias rationes constringere possumus ad probabiliter concludendum, nos non teneri ad partem tutiorem in tali dubio sectandam.

Secunda
Celladei
replia.

71. Opponit 2. Regulæ & doctrinæ faventes reo, ac usus tribunalium adducuntur abs re; quia eliduntur aliis juribus. Si enim jura clamant, *Reum absolvendum in dubio*: clamant etiam, *tutiorem partem in dubio tenendam*. Jam ne priora violentur, tu interpretaris secunda esse de consilio, vel solum locum habere in casibus expressis. At ego, inquit Celladeus, eodem jure contendam, priora esse solum de consilio, vel extendi solum ad casus in jure expressos, ut sic inviolata censeantur axiomata posteriora. Ergo nil ex hoc inferitur, sed querenda est concordia, vel nescientia veri sensus est fatenda.

Insufficiencia
replie
ostenditur.

Respondeo, nullam esse allisionem horum jurium; nam quod de actore & reo dicitur, hand dubiè est de præcepto, & extenditur ad omnes casus, cum nemo inficias eat, aut ullam exceptionem ponat, nisi fortè exceptio ipsa alicubi ponatur in jure. Ergo de hujus regulæ sententia dubitandum non est, cum & ipsum lumen naturæ & omnium tribunalium praxis clarissimè ostendant, sensum illius esse perspicuum & universalem, atque obligationem judicibus inferre. E contrario non est certum, quòd tutiora aut universaliter, aut etià in omni dubio sint tenenda ex præcepto, quia certum est, quod in multis non teneamur ad tutius, quod & ipse Celladeus fatetur de suo probabili, quod excusat sequentes illud, quamvis procedat de parte minus tuta. Ergo certum est apud omnes Catholicos benè sentientes, quod tutiora non sint universaliter tenenda ex præcepto. Jam verò si agitur de casu dubii remoti & speculativi, neque certum est quod teneamur ad partem tutiorem, cum innumeri & ferè omnes id negent. Ergo regula de parte tutiori universaliter tenenda in dubio explicanda est per regulam de favendo reo in dubio, quia jura dubia per certa declaranda sunt, non ex adverso; congruum enim est ut clarum jus limitet jus dubium, ut & per se patet, & omnes fatentur. Itaque Celladeus, regulam priorem opponendo secundæ, & contendendo id ex æquo posse fieri, per manifestam violentiam sensum legis certæ regulæque clarissimè detorquet, & contra lumen naturæ, contra consensum doctorum, ac omnium tribunalium usum, sine ullo fundamento vocat in dubium, & per jura incerta exponit certa, eaque limitat. Reprehendendus itaque est ex hoc ipso titulo, ex quo nos reos, se autem immunem esse jactat & arbitrat.

Quod Reo
sit favendū
in dubio est
jus certum
ac universale,
quod
obligationē
secum affert.

Jus certum
non debet
exponi &
limitari per
Jus dubiū,
sed è cōtra.

3. Replicā.
Celladeus
mira cōbi-
nat, ut ostē-
dat nos ne-
scire, quo-
modo regu-
læ juris cō-
ciliantur.

72. Opponit 3. nos proderet nostram nescientiam de harum regularum concordia, & illas reipsa habere pro inconcordabilibus. Hoc ut probet, sic pergit. Tenetis, inquit, doctrinam de parte tutiori tenendam esse universaliter de consilio, & huic universali æquitati innixum Pontificem per novam legem induxisse gravem illam

obligationem quoad casus illos dubios. Max affectus aliam doctrinam universalem, quod in dubio reo sit favendum, quod reus absolvendus sit, actore non probante. Cur ergo Pontifex non absolvit eos in casu illo dubio? cur illos damnavit? scis quare? quia illi erant rei, etiam antequam Pontifex illos expressè damnavit ut irregulares. Præterea ex eadem vestra doctrina sequitur, Pontificem simul & semel contra ac jura rationem fecisse. Juxta quidem, quia innititur doctrinæ rationabili de tutiori parte. Contra verò, quia contra aliam universalem doctrinam, etiam rationi consonam, damnat reum in dubio. Rursus tenemini asserere, doctrinam de tutiori parte ne quidem esse de consilio, tum quia contrarietur alteri doctrinæ universali, quam præferis; tum quia forum exterius, ex quo ad interius arguitur, nec de consilio tenetur condemnare reum in dubio. Imò si arguendum sit à foro externo ad internum, quod mitius est externo, sequeretur, homines peccare tutiorem partem eligendo, quia judices peccarent damnando reum in dubio. Ergo ista jura conciliare nescitis: sed habetis illa pro inconcordabilibus. Ita ille.

Respondeo, mirum mihi videri, talia à viro prædocto combinari, ac obijci potuisse. Inprimis ergo perspicuum est, nos optimè conciliare illa jura, nam reo à Judice favendum est semper, quamdiu crimen non probatur; & hoc non consilium sed præceptum est, quamdiu dubium est, an sit reus ejus noxæ aut noxæ, de qua queritur. Jam verò quod plerumque sit solum consilium sequi partem tutiorem in dubio, aut quòd pars tutior sit etiam tenenda de præcepto tam in dubio practico, quam in omni dubio necessariò connecto cum dubio practico, nulla ratione contrariatur præcepto de favendo reo; nam qui practicè dubius est, eo ipso reus est sectandi partem tutiorem, cum de honestate partis minus tute nullum conscientie dictamen formare possit, ut patet.

Regula de
favendo reo
in dubio &
de sectanda
parte tuti-
ore in dubio
conciliatur.

73. Cur ergo Pontifex eos non absolvit in illo dubio? Respondeo inprimis, ideo eos non absolvit, quia etsi dubium esset de facto an essent homicidæ, non tamen dubium erat de lege, & an essent indirectè saltem irregulares, quia existimabat eos à divinis arceri per eam legem, quæ simpliciter prohibet homicidam altari ministrare, ea prorsus ratione, qua omnes ab actione, de qua dubitatur an sit illatura homicidium, arceantur per eam legem, quæ homicidium vetat. Ergo Pontifex habuit eos ut irregulares, & absolute reos. Idemque jam etiam dicendum esset de quibusvis aliis dubiis facti, cui irregularitas imponitur, nisi per posteriorem legem satis indicatum esset, neminem habendum irregularem, nisi ob casum clarè expressum in jure.

Pontifex
declaravit
illos irregu-
lares, quia
habebant illos
ut absolute
reos.

74. Respondeo 2. Dato, non concessio, quòd non constaret, legem illam certam fuisse extensam ad homicidam dubium ab altari arcendum, dicendum tamen est, Pontifices illos sensisse legem illam ad tales casus dubios extendi, atque idè suis illis decretis extendisse legem statuentem homicidas esse irregulares, ad certò comprehendendos homicidas etiam dubios, ut sic in posterum omnis circa hoc difficultas cessaret. Et sanè, universaliter periculosum erat talibus hominibus altari ministrare; eò quòd frequentissimè dubium practicum occurrisset, an tenerentur ab ordinis ministerio abstinere: ex aliis verò parte multa eos stimulassent ad ministrandum in ordine. Ergo versati fuissent in periculo peccati. Huic malo

Pontifices
censuerunt,
legem istā
ad casus il-
los dubios
extendi, ideo-
que eam di-
ferre ad illos
extenderūt.

malo ut præcaverent Pontifices, declararunt eos esse irregulares, eo quod universaliter loquendo tutius illis esset se pro talibus gerere, quam semper exponi periculo contraveniendi legi certæ, quæ non poterat non valde probabiliter æquè obligare in homicidio dubio, ac in certo. Et quidem credibile est, Pontifices existimasse non extensionem illius legis ad homicidas dubios non fuisse probabilem, sicut videtur non fuisse; ideoque rectè conclusisse, oppositum fuisse temerarium, eaque declaratione legem illam practicè extendisse ad homicidas dubios certò complectendos. Hæc de sensu & concordia harum constitutionum, quæ mihi videntur non tam fuisse leges propriè novæ, quàm novæ & certæ extensiones legis antiquæ; quamvis tales extensiones de novo factæ non incongruè dici possint leges novæ. Sicut enim verè sunt leges, & de novo conditæ, ita indubiè sunt aliquo modo leges novæ, quamvis agant de re, circa quam leges priores stabilitæ erant; de quibus tamen non usque adeo certò constabat, eas ad casus illos dubios fuisse extensas. Itaque Celladeus immeritò carpit eos, qui decreta ista leges novas appellat.

Sola æquitas fuisse causam sufficiens condendi novas istas leges.

75. Respondeo 3. Quamvis ante has declarationes nulla in puro dubio fuisset obligatio gerendi se pro irregulari, nihilominus ex sola æquitate regulæ illius, quod in dubio tutiora sint tenenda, meritò potuisset Pontifex novam illam legem condere. Hoc enim in omnibus fermè legibus humanis cernitur, cum pleraque non ex necessitate, sed solum ex congruitate statuuntur. Dixi in puro dubio, utpote in quo nulla fuisset probabilitas homicidii; ideoque in puro illo dubio solum consilium fuisset partem tutiorem sequi, & legi contra homicidas latæ obtemperare. Ratio est, quia Pontifex ob solam æquitatem rationabiliter poterat dictas leges statuere, obligando ad æquitatem illam. Et talis videtur lex contenta in *cap. ad Audientiam*, quod procedit de dubio causali, & in quo nulla est mentio de temeritate contrahenda ab eo, qui, non obstante dubio, celebrasset. At in reliquis duobus capitulis homicidium casuale non erat, sed percussio & vulneratio fuerat voluntaria, omnibusque inspectis, ita probabile erat homines illos fuisse homicidas, ut oppositum non fuerit probabile. De his autem non videtur dubium, quin Pontifices censuerint illos, quoad abstinendum ab exercitio Ordinum, lege homicidarum teneri; atque ideo mentionem fecerunt temeritatis in celebrando, quia tales, etiam ante has declarationes, utique temerè celebrassent. Itaque pro his constitutionibus existimo, non solum æquitatem abstinendi, sed etiam notam temeritatem exercendi Ordines, induxisse illos ad præfatas sanctiones evulgandas. Sed & Sanchez ipse sat clarè hoc expressit, ostendens quod sicut magna est diversitas inter casus *illorum cap.* ita pariter longè aliter Pontifices loquuntur de posterioribus, ac de primo. Pontifex ergo potuit legem *prioris cap.* ex mera æquitate dictare, & duas posteriores ex prævia quadam necessitate statuere, cum duæ ultimæ sicut supponunt jus antiquum ad illos casus extendi, ita expressè declarant, quod homines in casu talis dubii eidem prænz subjaceant quoad sacrorum Ordinum administrationem, cum homicidæ certi subjacent. Ex his constat, Pontificem ita in duobus posterioribus capitulis habuisse Presbyteros illos reos, ut in primo capitulo non certò videatur Presbyterum reum supponere;

fortassis ergo legem novam condidit, qua illum tali prænz ex quadam æquitate subjecit. Neque hinc sequitur, Pontificem in eadem declaratione & juxta & contra rationem fecisse. Nam in priori casu ita egit ex æquitate, ut non damnaret reum ob dubium legis prioris, sed novam condiderit, per quam illum eidem prænz subjecit. At in duobus reliquis damnavit eos ut reos, quia etsi homicidium non esset certum, irregularitas tamen videbatur certa, quia valde probabile erat, Presbyteros illos homicidium commisisse, & quia erant culpabiles ob actiones Clerico valde indignas. Certum autem videbatur, legem, vetantem homicidas voluntarios in sacris ministrare, extendi ad eos, qui talia sponte egerent, quæ non solum apta erant ad mortem causandam, sed insuper maximam probabilitatem inducerent, quod vulnus lethale inflixissent. Ubi ergo, quæso, est illa Pontificum actio, quæ simul & semel sit juxta & contra rationem? Nullibi, nisi in apprehensione Celladei, qui simul & semel complectens plures casus inter se dissimiles, eosque confundens, tribuit omnibus, quæ non omnibus sed aliquibus tantum conveniunt. Aliqua enim ex uno, alia ex altero principio sunt stabilita, non autem singula ex utroque, ut immeritò, & sine ulla probatione supponit.

76. Præterea Celladeus in hac ipsa re ingentem æquivocationem passus est, quia supponit, Pontifices declarasse, Presbyteros illos reos ejus rei, de qua dubium erat, an essent rei. Sed non est ita: non quærebatur, an illi essent declarandi absolute homicidæ, quia supponitur id aut dubium, aut saltem incertum fuisse. Quare dico, si Pontifex eos absolute reos homicidii damnavisset, egisset utique contra omnia jura, quæ clamant, reum in dubio esse absolvendum; sed quærebatur, an, stante illo dubio, essent irregulares, nec nò? Jam peto à Celladeo, an irregularitas eorum esset dubia apud Pontifices, an certa, vel saltem probabiliter existimata? Si dubia, utique Pontifices egissent contra jura omnia, si ex vi juris, antiquorum eos declarassent irregulares. Ergo non aliter dici possent rationabiliter egisse, quàm condendo novas leges, per quas eos irregulares constituebant. Quod si irregularitas eorum habita est certa, dicat velim Celladeus, quomodo Pontifices pro motivo attulerint, quod in dubio tutior pars sit tenenda, cum hic nullum prorsus fuisset dubium de re quæsitæ? Si verò irregularitas eorum erat solum probabiliter credita, peto in primis, quomodo regula de dubiis locum habeat, cum per decisionem probabilem dubitatio tollatur? Peto secundò, an illa probabilitas sufficeret necne ad condemnandum reum? Si non sufficiebat, Pontifices egerunt contra rationem & jura, si ex jure antiquo sententiam tulerunt; nec aliter ab hoc excusari possunt, quàm si dicantur leges novas condidisse. Si sufficiebat, tunc quidem ex vi legis antiquæ poterant decisionem formare, & ea occasione arrepta per legem novam declarare, omnes ejusmodi homicidas dubios esse irregulares, ut ita omnis in posterum dubitatio tollatur, quæ non potest non sæpè incurri, quando res opinioni subjacet. Itaque congruum fuit, & quodammodo pro uniformitate publica necessarium, ut istæ decisiones ita extenderent antiquas leges, ut quoad illam indubitatam ac fixam extensionem essent & haberentur leges novæ. Hæc qui considerat, videbit, nì fallor, Celladeum suam magis quàm nostram de harum legum & regularum concordia & usu nescia-

Magna Celladei æquivocatio.

Pontifices si in dubio irregularitatis eorum damnavissent, defendi non possunt, nisi dicantur novas leges condidisse.

nescientiam prodere, & sine novarum legum admissione (quod tamen audire non vult) non posse illas inter se conciliare.

Nostri ha-
rum legum
& regularū
concordia.

77. At nos omnia facile conciliamus; dicimus enim, Pontifices non processisse in casu irregularitatis propriè dubiæ, sed solum in casu homicidii dubii, quo dubio stante, ipsi probabiliter saltem judicabant eos esse reos irregularitatis, & obligatos ad abstinendum ab exercitio Ordinum ex vi legis, arcantis homicidas à suscipiendis & exercendis Ordinibus. Jam, stante hac probabilitate, quamvis non esset certum, eos peccaturos fuisse contra legem exercendo Ordines, id tamen erat valde periculosum: unde temerarium erat sic celebrare, cum ita probabile esset, talem celebrationem esse illicitam, ut oppositum non esset probabile. Quare etsi inhonestas talis operis non esset propriè dubia, quia tamen planè certa non erat, aliquo modo dubia censebatur. De hoc dubio, & de hac temeritate loquitur Pontifex, & in illo fatemur dari obligationem sectandi partem tutiorem. Et quidem *duo postrema capitula* de hoc dubio procedunt, quæ proinde ex una parte declarant, & quodammodo extendunt antiquum jus; ex altera verò, quatenus extensionem illam certam reddunt & indubitam, & sunt & dici debent leges novæ. Quod si quis contendat, ipsam irregularitatem fuisse dubiam in casu *cap. ad audientiam*, tunc dicendum est, Pontificem novum penitus jus statuisse, & non condemnasse homines, quos jam reos habebat, sed eos reos sua constitutione fecisse. Hactenus dicta eò tendunt, ut ostendam, magnam inter casus horum Capitulum esse diversitatem, quam Sanchez benè examinat; ex ea autem diversitate culpandus non esset, qui diceret, nullam in primo casu fuisse obligationem sectandi partem tutiorem, antequam Pontifex legem illam penitus novam ederet; qui proinde in illa edenda, non ex necessitate, sed ex mera congruentia processit.

Illatio Cel-
ladei peccat
contra Logi-
cam.

78. Sed quid? Fatendumne nobis est partem tutiorem ne quidem ex consilio sectandam esse? Nullo modò: non enim repugnant illa jura, neque de eodem casu pro eisdem circumstantiis loquuntur, ut ostensum est. At dices: in foro externo, à quo arguimus, non licet ne quidem de consilio damnare reum. Ergo sequi partem tutiorem in dubio non est ne quidem de consilio. Negatur consequentia, quæ similis est isti: non licet judici ne quidem de consilio cogere me ad dandum eleemosynam, quando post omnia inspecta dubium est, an obliget: Ergo non est consilium mihi dare eleemosynam in tali dubio. Duo evidentè refellunt talem illationem. Primum est, quòd in ipso antecedenti complicitur termini sibi prorsus contrarii, & *consilium* adjungitur *necessitati*, sicut si diceret, *non licet de consilio peccare*. Certè judex tenetur non damnare reum in dubio. Ergo dicere, non licet de consilio illum damnare in dubio, est dicere, non licet de consilio peccare; quæ est locutio tam impropria propter unionem terminorum, quorum alter non potest supponere pro suo significato in illa conjunctione, ut indigna sit quæ proferatur ad firmandum argumentum, cum sensum non faciat ob terminum necessariò non supponentem. Quid ergo ex tali antecedenti inferri potest? Secundum est, quòd pars tutior respectu judicis non est cogere reum ad id, quod reo est tutius, sed è contrario, pars tutior respectu judicis est reum non cogere ad tutius. An ergo ex eo, quòd

non sit consilium judici sequi partem sibi minùs tutam, inferri potest, quòd non sit consilium reo sequi partem sibi tutiorem? nullo modo. Impropportionata sunt ista, & prorsus disparata; ut ex uno alterum ulla ratione inferri possit.

79. At saltem sequitur, inquit Celladeus, quòd sit peccatum eligere partem tutiorem; si enim valet arguere à foro externo ad internum, rectè sic inferitur, *peccat judex damnando reum in dubio. Ergo peccant homines eligendo partem tutiorem in dubio*. Respondeo, me Logicam ac Theologiam huic similem apud neminem cordatum hactenus legisse; nam si argumentum resolvatur, hunc sensum habet. Peccat judex sectando partem minùs tutam, imò certò malam. Ergo peccamus nos sectando partem nobis tutiorem. Quæ autem isthæc est Logica? Quæ Theologia? At, inquires, per nos valet argumentum à foro externo ad internum. Valet utique, si termini retinent congruam ac debitam proportionem: & velis nolis Celladee, valet argumentum Sanchez à foro externo ad internum, cui hactenus non respondisti, nec debite respondebis, quia planè intentum convincit. Sic arguit Sanchez. Si judex fori externi, totà causà audità, & omnibus, quæ ego habeo in conscientia, etiam exterius probatis, non potest me condemnare reum irregularitatis: neque ego teneor me in foro interno illius pœnæ reum damnare, sed possum licitè me absolvere in illo foro, sicut judex potest in foro externo. Hoc argumentum validum est, quia utrūque forum convenit in judicio, quando externum non nititur præsumptionibus diversis ab iis, quibus nititur internum. Huic argumento respondendum erat, Celladee, in quo nulla terminorum sibi contradicentium commixtio, nulla à sensu disparato argumentatio invenitur, sed omnia ex æquo, & simillima vocum significatione ac sensu ritè inferuntur. Huic argumento tu non respondisti, nec aliud reposuisti, quàm incongruas istas ac evidentè nullas consequentias. Ceterum est & alius etiam error in hoc tuo ultimo argumento, scilicet quòd circumstantiæ antecedentis prorsus variæ sint à circumstantiis consequentis. Ideo enim judex peccat damnando reum in dubio, quia privat reum suo jure, reo invito, cum judex non sit dominus juris spectantis ad reum. Hæc sunt circumstantiæ antecedentis. At in consequente solus reus consideratur, qui dominus est rerum ac jurium suorum; qui proinde potest de illis pro suo arbitratu absque ullius injuria disponere. Ergo quamvis judex peccet reum damnando in dubio, quia sine domini consensu præjudicat juri alieno, non inde sequitur, reum ipsum non posse sequi partem sibi tutiorem, & suo juri sectando partem minùs tutam renunciare. Præterea tota arguendi ratio est prorsus dissona. Antecedens procedit de eo, quòd debet fieri ob jus contrarium & repugnans. Consequens transit ad objectum soli operanti subjectum, & in pura ejus libertate absque ulla restrictione positum, ut patet. Ceterum argumentum hoc ab apparentia veritatis minùs deviasset, si intulisset; quod sicut judex non potest in dubio reum damnare ad tutius, sic reus ipse non potest seipsum sine peccato ad illud damnare; sed nec sic valuisset, quia reus potest, si velit, seipsum suo jure privare, quò nemo alius eum privare potest, ipso nolente.

Stupenda
Celladei
Logica, &
Theologia.

Argumentū
Sanchez
clarū est &
efficax. cui
Celladeus
nō satisfecit.

Jud. x. cur
peccat dā-
nando reū
in dubio?

Quivis po-
test se ipsū
ad tutius dā-
nare.

80. Ecce argumentum hoc nos non tangit, sed tamen validè urget Celladeum; quia ille alios omnes, etiam nolentes & reclamantes, in dubio damnat.

Argumen-
to suo Cel-
ladeus pre-
mitur.

damnat ad tutius. Quod quo jure fecerit, ipse viderit. Hoc dico: si Judex externus in aliquo dubio non possit reum damnare, etiam quando nulla nititur falsa presumptione, sed omnia ipsi patent quæ sunt in conscientia ipsius rei; si, inquam judex externus in tali circumstantia non possit licite damnare reum ad partem tutiorem, ut sæpè non potest: ergo neque potest Celladeus licite damnare omnes ad partem tutiorem in omni prorsus dubio; quia per hoc plus præjudicat juri alieno, si ipsius sententia locum habeat, quam ullus judex externus per unam aliquam sententiam in universali propositione Celladei contentam. Præterea Celladeus, non minus quam judex externus, per hoc facit contra omnia jura, quæ clamant reum in dubio non esse condemnandum. Consideret hæc, & videbit, has consequentias non ex indebita & intelligibili terminorum combinatione, non ex incongrua & aliena antecedentis ad consequens translatione, sed ex propria verborum significatione, & valida rerum connexionione rectè interri; videbit etiam illud, quod objecit, non in nos, sed in se quadrare, scilicet quod suam prodat nescientiam de harum regularum concordia, quodque illas pro inconsiderabilibus reipsa habeat.

Quarta replica Celladei.

An Pontifices supposuerint gravem obligationem præcessisse constitutiones contra homicidam dubium?

81. Opponit 4. Esto casus in his textibus contenti sint de dubio facti. At doctrina eligendæ partis tutæ in dubio est universalis, & æquè procedit de omni dubio; & quidem traditur sub terminis regulariter significantibus obligationem gravem, scilicet per terminos, cum in dubio debeamus eligere partem tutiorem, item, in hoc dubio tanquam homicida haberi debet, cum in hoc casu cessare sit tutius, quam temerè celebrare, pro eo quod in altero nullum, in reliquo verò magnum periculum timeatur. Hæc duæ expressiones supponunt obligationem gravem. Et quidem de secunda non est dubium, quia temerè celebrare, & magnum incurere periculum, peccatum grave est. Sed & prima expressio, tradita per verbum debet, continet obligationem gravem, quoties exceptio non constat, ut sumitur ex Clement. Attendentes, de statu Monachorum. At hic exceptio non constat. Ergo obligatio est gravis, eaque gravis erat etiam ante dictas constitutiones, utpote quæ præsupponunt has obligationes præcessisse, & ex illis ortum habuerunt. Ergo absque fundamento dicuntur Pontifices in his textibus novas leges condidisse; quomodo enim nova lex dicenda est illa, quæ supponit obligationem, quam asserit fuisse se anteriorem? Præterea nullum in istis constitutionibus est vestigium novæ legis, immò absurdum fuisset novam legem condere contra eos, qui omni indulgentia videbantur digni; nam unus eorum pro defensione ornamentorum Ecclesiæ contra raptorem eorundem, alter contra inimicos Crucis Christi castrum invadentes pugnaverat. Indecens autem videtur novam legem contra tales inducere.

Respondeo in primis, obligationem sectandi partem tutiorem in omni omnino dubio esse prorsus fictitiam, ut constat ex dictis; nec huic asserto quidquam obstat, si concederemus, gravem obligationem in omnibus hisce casibus tutiora sectandi istas constitutiones præcessisse. Non enim inde extendi posset aut doctrina aut ratio ad casus dubios de lege ipsa, &c. cum dispar sit ratio. Narrant quidem Pontifices dubium peculiare, illoque præsupposito dixerunt, in dubio, & alicubi, in hoc dubio tutiorem partem eligendam. At qui sic loquitur, censetur doctrinam & locu-

tionem suam ad dubia similia restringere, non autem eam ad dissimilia extendere, ut patet. Ergo quamvis admitteremus, gravem fuisse obligationem sectandi partem tutiorem in omnibus istis casibus aliisque similibus, non inde inferri posset, talem obligationem ad omnem prorsus dubitationem extendi.

82. Respondeo 2. me prorsus admittere, quod ex tribus illis textibus duo ultimi præsupposuerint gravem obligationem sectandi partem tutiorem in casu, quem referunt, ideoque textus illos non esse tam propriè leges novas, quam si processissent de rebus, de quibus aliz leges priores nullam mentionem fecissent. Hoc sufficienter probatur ex eo, quod Pontifex supponat tales homines temerè fuisse celebraturos. Nihilominus cum ista irregularitas non esset certa, alioquin nullus ad Papam pro hac re recursus fuisset, istæ constitutiones quoad certitudinem hujus extensionis verissimè sunt novæ leges, ac legum novarum speciem gerunt. Cæterum ratio, qua Celladeus hoc confirmat, non placet, ait enim, viros illos fuisse omni indulgentia dignos, ideoque non debuisse nova lege declarari irregulares. At hoc aut verum non est, aut ad rem non facit. Certè non erant magis indulgentia digni jam, quam cum lex antiqua inducens irregularitatem etiam pro illis ipsis casibus (quam legem vult Celladeus præcessisse) lata est. At tunc non erant digni omni indulgentia, sed potius digni habiti sunt, qui pari pœna irregularitatis involverentur cum aliis quibuscumque homicidis. Ergo etiam nunc eadem pœna digni fuissent, etsi nulla lex antiqua eos irregularitatis damnasset. Præterea tanti est Sacerdotes habere manus à Sanguinis effusione immunes, ut, ob talem effusionem voluntariam, peccaminosam, & non necessariam, omnes merito citra ullam indulgentiam irregulares declararentur. Ergo isti, de quibus loquimur, ob eam ipsam causam digni erant, qui citra indulgentiam irregulares declararentur, maxime cum jam, Sacerdotes facti, contra dignitatem suam & ordinem voluntariè & graviter percussissent alios. Ergo quamvis ambigua lex eos non constituisset irregulares, merito potuissent tales declarari per has posteriores constitutiones. Falsum ergo est, eos omni indulgentia dignos fuisse. Cæterum, si admitterentur fuisse digni omni indulgentia, hoc nihil faceret ad rem præsentem; quia sicut, non obstante dignitate sua ad obtinendam indulgentiam, decreti fuerant irregulares per antiquam legem, sic pariter poterant jam declarari per novam. Porro contra hoc nil inferri potest ex prætenso merito indulgentiæ, quod proinde abs re allatum est.

83. Cæterum, si loquamur de casu primi textus, seu capitis ad audientiam, non adeo fidenter dico, Pontificem supposuisse hominem illum ex casuali illo homicidio fuisse irregularem vi legis antiquæ (quamvis non sum, qui de hac re velim multum contendere, cum nil referat ad præsentem questionem, sive fuerit sive non fuerit comprehensus antiqua lege) Ex dictis enim satis constat, rem hanc esse dubiam, & non inverisimile esse, quod non erat sufficienter institutus irregularis per talem legem. Itaque non constat, constitutionem illam non esse legem propriissimè novam. Neque enim constat, Pontificem supposuisse gravem obligationem sectandi partem tutiorem præcessisse, nec Celladeus id probat; nam quamvis verbum debeat, aliquando significet obligationem gravem, tamen sæpè solum indicat decentiam

Cōprehensum in dictis legibus non erant omni indulgentia digni.

Falsitas Celladei, & invalidè discutitur.

In capite ad audientiam dubium est, an obligatio declarationis præcesserit.

Verbum
dicitur quod
de signifi-
cat obligati-
onem?

I. Textus
Celladei ci-
tatur quod
probat ejus in-
tentum.

decentiam & equitatem, ut omnes latentur. Jam
notum quaestio erit, utrum in hoc casu necessita-
tem potius quam aequitatem indicet. Difficile
autem erit aliterutram partem solide subire.
Ceterum ex adjecis non apparet, cur necessita-
tem indicet, ideoque cum gravamina in dubio in
melioiorem partem sint interpretanda, videtur po-
tius dicendum, verbum illud non supponere gra-
vem obligationem praecessisse. Certè quomodo
haec obligatio probetur ex Clementina, quam Cel-
ladeus citat, nemo dixerit. Si quis legat illud ca-
put, mirabitur unde ex illo sumi possit argumen-
tum ad hoc probandum. Struuntur ibi quidem,
quod Monialium Monasteria debeant quotannis
visitari, ut graves abusus, qui irreperant, tolle-
rentur. Jam materia, de qua agebatur, necessi-
tas reformationis, & vigilantia Pontificis cum
Concilio Generali incumbens ad tales abusus
tollegendos, arguit Pontificem cum Concilio vo-
luisse obligare Visitatores ad annum visitatio-
nem, cum ideo hoc statuerint, ut in praesentem
reduceretur, sine qua mala illa evelli non poterant.
Jam verò elto, verbum *debeat* in talibus circum-
stantiis indicet obligationem gravem, annè ideo
talem indicat in casu nostro, ubi nullae ejusmodi
circumstantiae concurrunt? nullo modo. Ergo
intentum Celladei ex hoc capite non probatur.
Sed, ut dixi, parum refert ad quaestionem praesentem,
an obligatio stricta praecesserit, nec ne.
Si antiqua lex statuens homicidas esse irregulares,
certò, auct summe probabatur comprehendebat
homicidas casuales, quando praefer omnem ex-
pectationem mors contingebat ex actione per se
licita, sed ex quadam excessu illicita, tunc dicen-
dum est, obligationem gravem praecessisse hanc
constitutionem: secus autem, si lex antiqua nec
certò, nec summe probabatur comprehendere
tales, dicendum est constitutionem illam esse le-
gem novam, & non praesupposuisse, sed ex aequi-
tate quadam talem obligationem induxisse.

Quinta Cel-
ladei repli-
ca.

84. Opponit 5. Quod dicitur in dubio facti
esse causam certam, scilicet jus, non autem in du-
bio juris, nil probat, & nimium probat. Imprimis
nil probat, quia solvendum est ab omnibus
in conscientia practice dubia de jure. Deinde
nimis probat, quia sublatà causà non maneret
obligatio ne quidem consilii. Itaque dicendum
est, jus dubium se solo esse causam certam peccati.
Praeterea adeò præceptum certum universale
de parte tutiore. Ita Celladeus §. 5. qui addit,
forum internum esse quidem minus quoad pec-
nas, sed simul exactius foro externo; & hac
ratione putat se satisfecisse argumentis Thomae San-
chez supra relatis; parvi enim facit omnino il-
lius argumentum fundatum in eo, quòd jus du-
bium non sit satis promulgatum & applicatum,
tunc quia hoc antea exploderat, tum quia ratio ista
eliditur in conscientia practice dubia.

Respondeo, rationem illam à Sanchez allatam
esse prosum efficacem & ineluctabilem; quæ certè
nullo modo infringitur istis responsis. Imprimis,
qui sectatur partem minus tutam, stante con-
scientia practice dubia de jure, peccat quidem,
sed non peccat ex vi juris dubii violati, sed solum
ex violatione legis reflexe veritatis omne opus,
quod non sit ex testimonio conscientiae, existi-
mantis illud esse licitum, ut supra probatum est,
& omnes communiter supponunt ex illo dicto
Apostoli, *Quod non est ex fide peccatum est*. Sed
hoc nil facit ad quaestionem praesentem, quæ in
eo solum vertitur, utrum necessarid peccet in
dubio legis, etiam quando non dubitat de hone-

state operis, sed ex rationabilibus principii for-
mat conscientiam de honestate operationis, non
obstante illo dubio, idque nominatim ex eo,
quòd credat legem dubiam non esse sufficienter
promulgatam & applicatam. Debebat Celladeus
probare conscientiam non posse sic formari, stan-
te dubio juris, sed illam in tali casu necessariò
practice dubitare, tunc enim rectè argumen-
tus fuisset. Sed hoc probari nequit. Ceterum
qui habet conscientiam practice dubiam de lege,
non solum dubitat de lege, sed insuper ita dubi-
tat de honestate operationis hic & nunc ponde-
ratur, ut non possit habere bonam fidem seu con-
scientiam rectè facti, si partem minus tutam eli-
git. Ergo majori obligationi subjacet, quam ob
merum dubium legis. Immo non ex dubio legis,
sed præciò ex illo alio titulo obligatur ad tutum.
Abiurdum proinde est ex obligatione ob illum
titulum inferre obligationem in alio casu penitus
dissimili, qualis certè est casus dubii speculativi,
de quo nos loquimur. Haec eadem responsio pe-
nitens enervat ultimum quod dicit Celladeus,
nempe rationem legis non promulgatè elidi in
conscientia practice dubia, quia non ideo peccat
tunc, quia transgreditur legem illum dubium, sed
quia violat aliam certam, ut dictum est scilicet,
quia ipsemet omnibus inspectis dubitat an bene
operetur. Itaque replicae istae nullius proorsus sunt
roboris, cum verè non tangant difficultatem praesentem.

85. Nec minus fallitur Celladeus in altero,
quòd, sublatà causa obligante ad tutum, tollere-
tur etiam obligatio ex consilio. Sic casus iste.
Dubito an lex aliqua obliget me ad dandum elec-
mosynam. Deinde post diligentem inquisitionem
invenio legem illam esse dubiam, & sic vi-
deo causam obligantem ad tutum auferri, merque
ex vi illius non obligari. An ideo ratio consilii
aufertur ab elemosyna? Nequaquam. Quam-
vis aliquid manet in sua natura actus virtutis, &
est melius quam oppositum, non potest non per-
tinere ad consilium. At cessatio legis obligantis
ad tutum non aufert hoc à parte tutiore. Ergo
non facit illud non spectare ad consilium, nec
etiam ad obligationem consilii; sic enim loquitur
Celladeus, sed improprie, quia voces illae *obligatio*
consilii valde improprie connectuntur, cum perinde
significent, ac si diceret, *obligatio, ubi non est*
obligatio; sed ille nomine *obligationis ex consilio*
non intelligit veram obligationem, sed majorem hone-
statem & laudabilitatem. Itaque ex remotioris
causae obligantis ad tutum, non aufertur ratio con-
silio à parte tutiori.

86. Ceterum quis quod melius est in se quàm
oppositum, aliquando prohibetur in hisce cir-
cumstantiis (sic sumptio Eucharistiae prohibetur
non jejuno) ideo fieri etiam poterit aliquando,
ut causa prohibitionis sufficienter ablata à parte
minus tuta, auferatur etiam ratio consilii à se-
quenda parte tutiore, quia prohibitio sufficienter
ablata, melius est facere illud opus, etsi mi-
nus tutum, quàm illud omittere. Ergo con-
siliū erit illud facere, quamvis pars opposita sit
tutior, eò quòd nulli legi vel leviter apparenti
repugnet. Fieri ergo poterit in aliquo casu, ut,
causè illi ablata, pars tutior non sit simpliciter
de consilio, quod certè non repugnat nostrae doctrinae,
cum nullius dixerimus semper, & in omni
eventu partem tutiorem ex consilio esse tene-
ndam. Plerumque quidem verum est, partem tu-
torem spectare ad consilium, quia plerumque
pars tutior est etiam melior, honestior, & con-
gruentior.

Replica
Celladei in-
sufficiens.

gruentior. Atque hinc factum est, ut communiter dicatur, partem tutiorem vel ex præcepto, vel ex consilio sectandam esse. Sed propositio illa indefinitè sumenda est, sicut sumi solent propositiones, quæ ut plurimum veræ sunt, cum non sint propriè universales, nec absque exceptione intelligi possint de omnibus. Jam verò do Celladeo, quod in materia præsentis ratio consilii separari possit à parte tutiori. Quid inde sequitur contra doctrinam allatam, quòd jus dubium non obliget?

Replica
quædam.

87. Dices nil quidem sequitur contra eam doctrinam, sed sequitur, falsum esse quod antea dictum & suppositum est, nempe rationabile esse, quòd in dubio pars tutior teneatur, quòdque hoc sit saltem de consilio; jam enim oppositum conceditur. Unde ulterius sequitur, falsum esse, quod Pontifices ex præsentia illa æquitate dictas leges tulerint.

Solvitur re-
plica.

Respondeo, me nunquam dixisse quòd semper & in omni casu consultius sit sequi partem tutiorem, sed solum quod ex genere suo & ut plurimum hoc sit melius, & ut tale consulendum. Quando autem dixi, Pontificem ex æquitate hujus effari dictasse *caput, ad audientiam*, & prohibuisse, ne Sacerdos ille in dubio homicidii casualis celebraret, hoc expressè dictum est ex suppositione, quòd lex constituens homicidam hujusmodi irregularem esset dubia, alioquin non essemus in casu præsentis de dubio juris, sed loqueremur de dubio facti contra jus certum. Posita ergo dicta suppositione, multa erant, quæ ex dicto principio per modum consilii movere poterant Pontificem ad legem illam condendam: quamvis enim, lege obligante sufficienter remotà, non fuisset consultius in illo dubio Sacerdoti non celebrare, quàm celebrare, si res consideretur in ordine ad ipsum solum celebrantem; tamen, omnibus inspectis, melius erat illum abstinere, quia tam pro intrinseca sacrificii dignitate ac sanctitate, quàm pro majori ejusdem apud fideles exultatione, reverentia, pietate, ac affectu, expedientius est, ut omnes tales homicidæ, etiam dubii, arceantur, quàm non arceantur à celebratione divinorum. Itaque Pontifex, qui ad universale Ecclesiæ bonum potissimè reflexit, ex æquitate & consilio dictæ regulæ rationabiliter statuere poterat hanc legem in casu dicti dubii, etsi dubium illud processisset de jure, quia, omnibus inspectis, melius erat talem hominem arceri ab altaris ministerio; ideoque pars tutior ex æquitate tenenda erat. Itaque hic dicta non contrariantur iis, quæ superius tradita sunt.

88. Atqui, inquit Celladeus, jus dubium se solo est certa causa peccati. Præterea adest præceptum certum universale de parte tutiore.

Celladeus
certum putat
pro quo
nullum est
vestigium
certitudi-
nis.

Respondeo, tolerari fortè potuisse Celladeum, si dixisset, jus dubium esse causam probabilem peccati, danque præceptum probabile universale de parte tutiore. At intolerandum prorsus est, quod dicat, causas refutivas malitiæ in electionem partis minùs tutæ in omni dubio esse certas. Unde enim hæc certitudo habetur? Non ab Ecclesia, quæ hoc definivit. Non ex Sacris Litteris, cum illæ hoc nullibi tradant. Non ex Sanctis Patribus, qui quæstionem istam in ista universalitate, ac sub distinctionibus, quibus utimur, non tractarunt. Non à consensu omnium Theologorum, dicentium hoc esse certum, & oppositum indubitanter falsum; nam à contrario certissimum est, plerisque illorum expressè tradere, quòd

sæpe licitum sit operari in dubio speculativo, & nominatim quod ubi lex est dubia, nulla sit obligatio illam sectandi, &c. Non à rationibus, quia nemo hætenus tales protulit, & illæ, quas Celladeus conguessit, exigui prorsus momenti sunt, ut vidimus, nec rem certam faciunt. Quod si Celladeus adeo suis illis rationibus affectus sit, ut illæ ipsi certæ videantur, miseret me hominis nimio ad sua affectu excæcati; qui præterea utcumque ita existimaret, non tam facile debebat rem istam ut simpliciter certam pronunciare, quia alloquitur alios, quorum plurimos benè sciebat oppositum prorsus sentire, nec verba hæc sua, nisi efficacissimis argumentis, quibus carent, confirmarentur, fidem apud illos inventura.

89. Sed non admitto illi, quod causæ illæ vel probabiliter inferant obligationem universalem sectandi tutiora in omni dubio. Inprimis improbabile est, quod ipsum jus dubium se solo possit esse certa causa peccati, quia sæpe jus dubium non datur. Certum autem est, quod jus non existens non possit quemquam verè obligare. Et quia jus dubium, si fortè existat, non magis applicatur, quàm jus dubium non existens, ideo, sive existat sive non existat, se solo neminem obligare potest.

Præsum
illud certū
non est pro-
babile.

90. Quod ad præceptum universale sectandi partem tutiorem attinet, illud ab ipso Celladeo negatur extra casum dubii; sed loquendo pro casu dubii, illud nullibi expressè traditum est; imò tantum abest, ut tale jus notum sit, ut omnes fermè Theologi expressè dicant, nullum dari jus ejusmodi, & rationes allatæ prorsus evincunt, sæpe licitum esse operari, dubio non obstante. Hæc rationes & auctoritates ita prævalent omnibus in contrarium allatis, ut meritò dubitari possit, an opinio universaliter obligans ad tutiora in omni dubio sit probabilis.

SOLVITUR II. OBJECTIO,

Et mens Vasquii explicatur.

91. **O**BJICITUR secundò. Vasquez 1. 2. disputat. 65. cap. 3. hæc habet Ego verò non solum existimo absque controversia esse debere, quoties dubitatur, an sit lex aliqua, an non, & solum agitur de periculo peccandi, eligendam esse partem tutiorem, in qua peccatum esse non potest, sed etiam quando dubitatur an votum fuerit enunciatum. Et sanè in prioribus casibus nullum hætenus ex scriptoribus scholasticis inveni, qui oppositum asserat. Hæc Vasquez, ad quem Celladeus §. 3. Lectorem remittit, ut apud illum videat, dubium juris æquiparari dubio facti, simulque legat rationes validissimas, quibus id Vasquez confirmat. Hæc autem ita proposita sunt, ac si omnes scholastici in hac doctrina cum Celladeo convenirent; hoc enim ex eo sequi videtur, quòd Vasquez dicat, neminem sibi notum fuisse, qui oppositum docuerit. At talis Theologorum consensus in re ejusmodi, quæ ad jus naturæ pertinet, facit rem certam. Ergo doctrina Celladei in præsentis quæstione videtur certa.

Respondeo verba allata reperiri quidem apud Vasquium, cui tamen, si in materia dubii standum esset, Celladeus causâ caderet, quia Vasquez expressè tradit, in multis casibus licitum esse sequi partem minùs tutam in dubio. Immediatè enim post verba citata, signatè reflectens ad limitationem, quam ante proposuerat, hæc habet. Dixi, quando in illo dubio solum agitur de periculo peccandi,

Vasquez
expressè te-
net, quod
pars minùs
tuta sæpe sit
licita in du-
bio.

peccandi, nam si præterea aliant alia etiam circumstantia, ut in materia iustitia, & in alia, alia erit sententia, sicut inferius videbimus. Ergo Vasquez non tenet universaliter, quod in omni dubio pars tutoris sit tenenda, cum expresse asserat quoddam in materia iustitiæ, & in aliis, licet sequi partem minus tutam, non obstante dubio. Juvat autem casus ponere, in quibus Vasquez iudicat partem tutiorem non esse necessario tenendam in dubio. Primus casus est in materia iustitiæ, quando possessor bonæ fidei, etiam post diligentem adhibitam, dubitat an res, quam possidet, spectet ad alium, an ad se; potest enim eam retinere, illamque uti, eamque etiam alienare, modo habeat animum reddendi verum dominum indolem, casu quo inventum fuerit, rem ad illum verè pertinuisse. Atque in hoc contrariatur iis, qui volunt rem illam esse dividendam, aut in certis casibus partim pauperibus distribuendam. Imo hoc ipsum tenet, etiam si rationes alteri faventes sint validiores, quamdiu non sunt tam efficaces ut assensum generent. L. gatus 1.2. dist. 66. cap. 7. ubi fuit hæc tradit.

Primus id tenet in materia iustitiæ.

Secundus tenet id ipsum in dubio, an filius sit legitimus?

92. Rursus in dubio an filius sit legitimus vel illegitimus, tradit filium contentum esse legitimum, etiam si fratres pauperum aliquem detrimentum in suo legitima parte, quam possident. Et sic concludit. Quare quod asserit ad hoc hereditatem, non obstante tali dubio facti, potest ille filium succedere, aut tanquam legitimum, si dubitatur utrum sit legitimus, an illegitimus; aut tanquam naturalis, si dubitatur utrum sit legitimus, an naturalis. Nihilominus certum est, quod si talis hæres secutus partem minus tutam, quam tutius illi esset aut toti hereditati renunciare, aut certe parte aliqua iuxta rationem dubii contentum manere. Ceterum valde notandum est, quod Vasquez docet hoc verum esse, quamvis alii fratres legittimas suas partes jam possident, illi quæ privari debeant, ut dubio heredi hereditas, aut pars legitima tribuatur. Nec obstat, inquit, regula illa superius explicata, in dubio & pari causa melior est conditio possidentis, eo quod si in tali dubio iudicandum esset filium legitimum aut naturalem, posset sequi damnum alii filii legitimus possidentibus jam suis legitimæ portiones, dum egerentur ex alio parte extrahere. Pro illo tamen, hæc regula non obstat, est alia regula parvi majoris quidem obligatio, nempe cum sunt obscura jura partium, sciendum est potius res, quam aliteri de res, parvi in 6. Hætenus, ille, qui subdit, id verum esse non solum in jure civili, sed etiam in naturali. His dictis, proponit tres regulas, illamque inter se comparat. Prima est: In dubio tutior pars est eligenda. Hæc, inquit, in materia iustitiæ derogat secunda. In pari causa melior est conditio possidentis. Hæc autem præferenda est etiam in materia iustitiæ tertia alia regula, cum sunt obscura jura partium, sciendum est potius res, quam aliteri. Ecce Vasquez expresse sentit regulam illam, in dubio tutior pars est eligenda, non esse universaliter veram, sed habere exceptionem & limitationem per alias regulas, aut rationes.

93. Similia tradit dista distat. 66. cap. 6. de aliquibus impedimentis matrimonii. Nominatim autem vult id locum habere in impedimento frigiditatis, aut masculinæ, citatque caput, Laudabilem de frigido & masculinis, atque id ipsum ex illo cap. expressè probat. Similiter cap. 5. alios ejusmodi casus ponderat, ubi docet, conjugem dubium de servili conditione uxoris, posse reddere debitum, etsi non consentiat de novo in matrimonium cum serva, sed relinquat illud ut

prius, ne sibi præjudicet. Et tamen clarum est, quod in hoc casu non sequitur partem tutiorem, cum tutior esset de novo in matrimonium consentire, tunc enim & petere posset, & deberet reddere debitum, quia impedimentum illud amplius non oblatet. Ita ille: vult tamen Vasquez, quod in pleiisque aliis dubiis de valore matrimonii, pars dubitans non licet exigat debitum, quod tamen conjugis bona fide petenti ex eo præciue capite, per illum, reddere tenetur, quia in dubio tutior pars est eligenda. Existimat enim, partem tutiorem esse, non incurere periculum violandi iustitiam, si forte negetur debitum vero conjugi illud petenti, quatenus incurrere periculum fornicationis, si forte reddatur non conjugi. Immo hoc vult esse verum, quamvis in reddendo plura sint pericula, nempe periculum non solum fornicationis, sed etiam incestus, si dubitetur de impedimento consanguinitatis vel affinitatis, immo & injuriæ, si simul dubitetur de impedimento ob viam prioris conjugis qui credebatur mortuus. Verum difficile est probare ex hoc capite, quod majus malum sit in tali casu negare debitum marito, quam illud reddere non marito, etiam fratri, etiam contra jus mariti vivi. Incredibile enim videtur, hæc tria non prævalere illi uni, maxime quando valde probabile est, quod singula ex impedimentis existant, & consequenter exigua aut nulla probabilitas est, quod debitum negetur vero marito. Et tamen etiam in hoc casu debitum reddendum est petenti, quamvis pars tutor, ut ita dicam, sit non reddere, si solum considerentur mala, quæ timeantur ex periculo nullitatis aut valoris matrimonii.

94. Dicendum ergo est, quod obligatio reddendi debitum non proveniat ex illo principio, in dubio tutior pars tenenda, sed ex aliquo alio, nempe ex ipso itatu civiliter contracto, atque ex pacifica possessione alterius partis exigentis rem, quam bona fide putat esse suam. Præterea si in hoc casu uxore teneretur ad partem tutiorem, obligaretur ad omnes occasiones querendas, quibus licet removeri posset à mariti consortio, impetrando ab ipso occasionem invisendi suos consanguineos, suadendo marito bellum aut aliam occupationem, quæ à dubio petendo arceretur, hoc enim illi esset tutius, ut patet. At non videtur uxor obligata ad ista, nec quisquam, quod sciam, hæc illi obligationes afferunt. Ergo uxor in omni dubio non tenetur ad tutiora.

Debitum conjugale cui sit reddendum in dubio?

95. Ex his attentè consideratis evidens est, Vasquez in præsentis quæstione, prout generaliter proponitur, nobiscum sentire; expresse enim tenet, regulam illam, in dubio tutior pars tenenda est, non esse universalem, sed admittere plures exceptiones, quibus limitatur. Itaque mens Vasquii est, quod regula illa habeat locum etiam præcepti, quamdiu non addit aliunde aliqua regula, per quam conscientia de honestate actionis hic & nunc potenda debite formetur, non obstante illo dubio. Quod hæc sit mens Vasquii evidens est, tum ex toto ejus discursu in citato quæst. 65. & 66. tum ex apertis ejus verbis. Nam quæst. 66. cap. 4. agens de licita redditione debiti conjugalis in dubio de valore matrimonii, hæc habet. Inprimis certum est, ecclesia definitiorem (alludit ad caput, Inquisitioni, de sent. excom. & ad cap. Dominum de secundis nuptiis) in hac parte rectè intellegendam sufficere, ut permanente debito, saltem per extrinseca principia, si alia non suppetant, rectam conscientiam iudicium formari possit. Et paulo post.

Vasquez tenet contra Colledum, & nobiscum in principali puncto sentit.

post. Definitio Ecclesiæ talem fidem facit, ut contra dubium illud speculativum rectum conscientia iudicium formari possit. Porro ut ulterius conllet, quodd loquatur in sensu composito dubii, in sequenti numero agens contra Navarrum, qui dixit, conjugem, ut licitè reddat debitum, debere dubium de valore matrimonii deponere, hæc habet. Hac ratio mihi non probatur: primò quia ut conjux, antea dubium, sana conscientia reddat debitum, non opus est credere validum esse matrimonium, & dubium de firmitate illius deponere, sed perseverantè dubio de facto ipso rectum conscientia iudicium habere potest, ut reddat debitum, sicut expressè definitur in capitulum allegatum. Neque enim ibi præcipitur, ut credat ad reddendum debitum, sed ut reddat, etiam si dubitet. Hactenus Vasquez, qui antea in prioribus quæstionibus docuerat, non solum subditum posse obedire in dubio, quando superior jubet secundum opinionem probabilem; sed etiam Confessarium debere non solum in dubio, sed etiam contra propriam opinionem absolvere prænitentem, qui sequitur opinionem probabilem minus tutam; & quodd plus est, virum doctum operari posse contra propriam opinionem, sequendo partem minus tutam minusque probabilem, & quidem in sensu composito suæ opinionis. Nam ut ait *disput. 62. cap. 4. num. 15.* Hac sententia ita intelligenda est, retenta adhuc propria opinione ut probabili, & assensu illum per intrinseca principia; ita tamen, ut per extrinseca principia existimans vir doctus contrariam opinionem esse probabilem, in universam consideratam, formet sibi iudicium con-

scientia singulare, quo iudicet licitum sibi esse sic operari. At plus est agere contra propriam sententiam actu distantem aliquid esse malum secundum se consideratum, quam operari in dubio. Ergo Vasquez indubiè tenet, hominem toties licitè operari, etiam stante dubio actuali, sectando partem minus tutam, quoties, dubio illo speculativo & remoto non obstante, adsunt sufficientes rationes ad formandam cōscientiam quodd opus hîc & nunc sit licitum, non obstante dubio, aut etiam opinione in oppositum. Asserit autem expressè, hoc sæpe contingere tam in dubiis quam in opinionibus. At nos aliud non docemus in hac quæstione generaliter proposita. Ergo certum est, Vasquium nobiscum stare circa veritatem hujus quæstionis, prout hoc loco proponitur in universali.

96. Interim concludendum est, Celladeum dupliciter in hac citatione Vasquii errasse. Erravit primò, quia textum diminutum citavit, eo omisso, ex quo constat, Vasquium ipsi contradicere in quæstione, de qua agitur; illud autem omitti non debuit, maxime cum immediatè sequatur verba, quæ ipse allegaverat. Erravit secundò, quia ita Vasquium citavit, ac si ex ejus verbis probare vellet, suam sententiam esse non solum communem, sed ferè omnium Scholasticorum nominatorum, cum tamen certum sit, illum neminem assignare posse, qui in universalitate suæ sententiæ, de qua universalitate solum agitur in præsentia, cum ipso consentiat.

Error duplex Celladei in Vasquio citando.

QUÆSTIO QUINQUAGESIMA-QUINTA.

Quomodo regula de tutiori, de reo, & de interpretando dubia in meliorem partem, inter se concordent?

Regulæ juris videntur sibi contrariæ.

1. **C**ELLADEUS, supposita universali obligatione sectandi tutius in omni dubio, quam *lib. 4. quæst. 10.* tradiderat, pergit quæstione 11. illamque regulam: In dubio tutior via tenenda est: comparat cum dubiis aliis, nempe cum regula illa iuris in 6. cum sunt jura partium obscura, favendum est potius reo, quam actori. Et cum illa, quam ex Evangelio, ut ait, & ratione ipsa accepimus, dubia in meliorem partem sunt interpretanda. Videntur autem istæ regulæ inter se pugnare, quia si favendum est reo in dubiis, ergo in dubiis reus est absolvendus. At in omni foro una partium semper est reus, & in foro conscientie homo semper est hæc pars, quam lex vult obligare ad aliquid. Regula autem est universalis; in omni quippe dubio favendum est reo: ergo per hoc solvitur omne dubium: ergo tutior via nunquam tenenda erit ex præcepto. Ergo istæ regulæ videntur sibi contrariæ.

Rursus juxta aliam regulam, dubia in meliorem partem interpretanda sunt. Hæc regula videtur

prorsus elidere regulam de tutiori parte sectanda in dubio, quis si semel sit rationabile interpretari dubia in meliorem partem, idem erit rationabile etiam in conscientia. Ergo in omni dubio facti (regula enim procedit de dubio facti non de dubio juris) debeo res meas in meliorem partem interpretari. Ergo nunquam debeo me habere pro reo in tali dubio. Ergo nunquam teneor ad tutiorem partem in dubio ejusmodi. His præmissis, Celladeus harum regularum concordiam ostendere conatur. Ego inprimis concordiam ab illo propositam examinabo, post cujus insufficienciam declaratam, veram & sufficientem concordiam Deo favente assignabo.

ASSER-

ASSERTIO PRIMA.

Propositum sit concordiam harum regularum à Celladeo traditam proponere, ejusque insufficienciam declarare.

Regula favendi reo, utrum fundetur in regula sectandi tutiora in dubio?

Concordia regularum juris à Celladeo proposita.

2. **R**EGULA illa de favendo reis in dubio, (inquit Celladeus §. 2.) non solum non repugnat regulæ sectandi tutius in dubio, sed illi prorsus subordinatur; ideo enim reo favendum est in dubio, quia hoc est tutius, & oppositum minus tutum, seu magis periculosum. Inprimis iudex tenetur ex iustitia Reipublicæ, actori, & reo; debet enim jus suum unicuique servare. At in omni dubio est periculum negandi alterutris jus suum. Ergo tunc tenetur ad partem tutiorem. Sed favere reo est pars tutior. Ergo tenetur favere reo. Minorem sic probat. Inprimis, in civilibus pars tutior est reus, propter possessionem, præscriptionem, & alia, de quibus mox agendum erit in sequentibus; quia ista favent reo non actori. Ergo reus præferendus est, cum uterque in cæteris parem conditionem habeat. Ideo autem præferendus est, quia propter hunc excessum id tutius est.

Idipsum clariùs patet in criminalibus, multis de causis. Inprimis utrumque jus in eo convenit, quod melius sit & sanctius nocentem absolvere, quam innocentem condemnare. Damnare innocentem est intrinsecè malum; ideoque nec à Deo, nec à Principe potest fieri. At reum liberare non est intrinsecè malum sed bonum; Deus enim, & supremi principes, Deum imitati, nocentes liberare solent. Itaque in dubio reus liberandus est, quia hoc tutius; quando enim utrinque est dubium hinc de re intrinsecè mala, inde de re non intrinsecè mala, & alterutrum eligendum est, expedit minus malum eligere, quia hoc tutius est.

Deinde hoc ita fieri & toti reipublicæ, & singulis ejus membris expedit; unusquisque enim casuum suorum futurorum inscius vellet hanc legem servari cum omnibus. Quod si nocens absolvetur malum est reparabile, tum quia veritas decursu temporis sciri potest, tum quia relinquatur tandem Deo judicandus, apud quem nullum est dubium, nulla ignorantia. At è contrà damnatio innocentis est malum, saltem de lege ordinaria, irreparabile.

Tertiò, sententia condemnatoria affirmat delictum, scilicet damnari reum propter hoc & hoc. Hæc affirmatio in re divina est mendax. At sententia liberatoria non affirmat reum esse innocentem, sed solum esse liberandum, quia nil contra eum probatum est, quod est verissimum.

Quartò demum, reus per hoc ipsum patitur, quod constitutur & sistatur reus. Per hoc ergo inæqualitas aliqua posita est inter actorem & reum. Ergo in dubio reus habet hanc inæqualitatem manifestam. Cum ergo sit iustitiæ æquare, debet illa reo potius adesse. Ex hisce constat tutius esse favere reo quam actori, ideoque dicendum est, quod ideo reo favendum sit in dubiis, quia in dubio tutior pars tenenda est. Ita Celladeus loco citato.

Concordia Celladei insufficiens.

3. Verùm hæc regulas istas conciliandi ratio non satisfacit multis de causis. Inprimis supponit Celladeus, regulam sectandi tutiora in dubio nullam pati exceptionem, sed in omnibus certè.

tam obligationem habere. At ex dictis constat hoc esse falsum. Præterea ipso Celladeo fatente, extra casum dubii tutior pars non semper tenenda est; nam per illum licet sequi opinionem positivè probabilem, etiam minus tutam. At hoc admisso, non est cur in aliquo dubio pars minus tuta licet eligi non possit, quia eadem utrobique ratio militat; ideo enim licitum est sequi partem minus tutam in casu opinionis probabilis, quia ratio minus tuti non obstat, quò minus per alia principia conscientia debite formetur per iudicium rationabile, quo opus illud credatur licitum, licet simul sciatur minus tutum. At eadem ratio valet in multis dubiis, quia dubium remotum ac speculativum non obstat, quò minus distamen conscientiæ debite formetur de honestate operis hic & nunc ponendi. Ergo regula illa, in dubio tutior pars est eligenda, non est universaliter de præcepto: ergo ut habeatur tanquam præceptum, limitanda est; limitationem Celladeus non attulit; qui proinde ex eo principio generaliter sumpto non minus perperam infert obligationem favendi reo in dubio, quia hoc est tutius; quam si inferret, animatà longè visum esse hominem, quia est animal; æquè enim in utroque casu prædicatum inferius infertur ex prædicato superiori, quia sequi partem tutiorem in dubio est prædicatum commune rebus, quæ ex præcepto, quæque ex consilio tantum debentur, ut ostensum est.

Celladeus ex præcepto generico infert specificum.

4. Itaque ex illo principio, tutiora tenenda sunt in dubio, generaliter sumpto, inferri nequit obligatio favendi reo in dubio: sed neque proficue inferri potest ex eadem regula limitata; quia ante omnia ostendenda est exceptio illius regulæ, & clarè proponendum, quando præcisè obligationem annexam habet, & quando non; quod Celladeus non præstitit, quodque cum falsum illud reputer, præstari non posse existimat. Deinde hoc præstito, enucleatè ostendendam erit, easdem limitationes, per quas obligatio inducitur, reperiri in omni casu rei, quando accusatio rem dubiam relinquit, quod vix aut nunquam ostendetur; & si ostenderetur, eo ipso, pro declaratione regulæ de favendo reo in dubiis, frustra recurretur ad regulam sectandi tutiora, quia jam independentè ab illa regula sciremus obligationem favendi reo, nempe per eademmet principia, per quæ probatur obligatio sectandi tutiora in tali dubio. Ergo frustra recurremus ad regulam de sectandis tutioribus tanquam ad principium notius, ex quo inferremus obligationem favendi reo.

Regula sectandi tutiora in dubio, non probat regulam de favendo reo in dubio.

5. Secundò non solum favendum est reo in perfecto dubio, sed sæpe etiam quando accusatio est probabilis, & nulla pro defensione probabilitas existit. Regula enim non dicit, in dubiis potius favendum est reo, quam actori; sed universalius loquitur dicens: *Cum sunt partium jura obscura, reo favendum est potius quam actori*; at partium jura sunt obscura non solum in dubio propriè dicto, sed etiam quando delictum non plenè probatur, etsi actor reddat illud probabile: in quo casu adhuc reo favendum est; neque enim ob talem probationem quemquam capitis condemnare licet; sed is liber dimittendus est, nisi fortiores probationes afferantur, quia in obscuris reo favendum est. Atqui regula de sectando tutiora non habet locum nisi in dubio propriè dicto, quia ex mente etiam Celladei licet sequimur partem minus tutam, quando illa probabiliter creditur esse honesta. Ergo generalis necessitas favendi

Regula favendi reo locum habet extra casu dubii.

reo in obscuris absurdissime probatur ex obligatione sectandi tutiora in dubio, cum regula favendi reo locum habeat extra casum dubii, ad quem solum regula sectandi tutiora extenditur. Imò è contrario, si regula favendi reo subordinaretur regulæ sequendi tutiora, sequeretur, reo ex necessitate favendum non esse, quando crimen illius est probabile; quia in simili casu non tenemur ad tutiora, & sic regula de favendo reo destrueretur per regulam sectandi tutiora, à qua sola Celladeus eam confirmandam esse putat. Et quidem hæc locum habent, etiam concessio, quod favere reo semper sit tutius quam favere actori. Quod tamen falsum est, maxime si universaliter loquamur, ut nunc loquimur.

Non semper est tutius favere reo.

6. Tertio Celladeus errat in supposito, scilicet quod *semper sit tutius favere reo in obscuris*, cum id falsum sit, & rationibus ipsius non probetur, sed potius contrarium evincatur. Inprimis si Vasquio, quem *questione decima* citaverat, fidem præbeat, videbit falsum esse quod supponit. Valquez enim *l. 2. disputatione 66. cap. 8.* fuse probat, filium, in dubio an sit illegitimus, habendum esse pro legitimo ex vi illius regulæ, *in obscuris favendum est reo*; idque adeo verum esse putat, ut locum habeat, quamvis aliis filiis legitimis, suas legitimas partes possidentibus, aliquid sit detrahendum, ut pars legitima filio illi doneatur. Rursus probat hoc verum esse non solum in jure positivo, sed etiam in jure naturali; idque non solum in ordine ad partem, sed etiam in ordine ad integram portionem legitimam. Et tamen in hoc casu obstat illa alia regula, *in dubiis & pari causa melior est conditio possidentis*, quæ favet filiis legitimis actu possidentibus portiones suas. Jam in hoc casu non est tutius favere reo quam fratribus, & possessoribus & actoribus contra illegitimos ad se indemnes reddendos. In quo enim apparet tutius esse judici, condemnare filios legitimos, actu suorum bonorum possessores, ut ex damno illorum provideat filio, de quo dubitatur an sit legitimus? Certè si aliud non afferatur pro illegitimo, quam quod pars tutior in dubio tenenda sit, iudex ex illo principio moveri non potest ad favendum illegitimo; si enim alio principio non gubernaretur, rationabilissime diceret, tutius esse relinquere fratres legitimos in sua possessione, & declarare eum non probari legitimum, ideoque illum non posse justè exigere partem legitimam, donec probaverit se esse legitimum. Præterea dum in hoc casu favet reo, pluribus fratribus certò legitimis & possessoribus graviter nocet. At si illi non faveat, uni tantum nocet. Et quidem uni, qui nec possidet, nec potest probare se habere titulum ad possidendum, præter regulam illam *in obscuris favendum est reo*. Ergo si sermo sit de objecto hujus regulæ, & illud secundum se consideretur, ut considerari debet in præsentī questione, non illud sed oppositum invenietur esse tutius, si ratio tuti præcisè consideretur, nec aliunde probetur necessitas favendi reo, quam quia pars tutior tenenda est in dubio. Et tamen, hoc non obstante, locum habet illa regula, *in obscuris favendum est reo*, quæ proinde vim non habet ab illa alia *in dubiis tutior pars est tenenda*; tunc enim non reo, sed potius actoribus favendum esset.

Favor rei non est pars tutior respectu ipsius rei.

Sed quidquid sit de iudice, profectò non est tutius ipsi reo bona fratrum legitimorum possidere. Et tamen ille ea exigere & retinere potest ex hoc solum titulo (nam alium non habet) quod *in obscuris favendum sit reo potius quam actori*. Ergo

regula de favendo reo non subordinatur regulæ de sectanda parte tutiori, sed aliquando illi adversatur, & prævalet.

7. Atque hinc apparet, Celladeum in hac ipsa materia, ac in harum regularum explicatione sibi contradicere. Vult enim iudicem debere favere possessori in dubio, quia universaliter hoc tutius est, & tutiora in dubiis sunt tenenda. Rursus eadem de causa vult iudicem favere reo in obscuris, quia hoc etiam universaliter tutius est. At hæc sibi contraria sunt; quia in casu præsentī tutius esset favere filiis legitimis possessoribus, & itorum tutius esset favere dubio illegitimo, & sic esset & non esset tutius eidem favere in eadem prorsus causa. Quod si dicat, regulas has non esse universales, sed suas pati exceptiones, atque unam esse alterius exceptionem, iterum contradicit sibi, quia operosissime contendit, illas nullo modo inter se contrariari, sed sine ulla limitationis aut repugnantie umbra inter se coherere.

8. Rationes istæ sunt validæ exceptiones contra hanc interpretationem Celladei; sed & rationes, quibus utitur ad probandum debitum favendi reo in dubiis fundari in reo, quod hoc sit tutius, sunt prorsus invalidæ; imò probant oppositum, ut mox videbimus. Inprimis quod dicit, reum in civilibus esse semper partem tutiorem, est falsum, cum oppositum constet in exemplo proximè allato. Fateor quidem tutius esse judici favere reo pro omni casu pro quo scitur eum obligari ad favendum reo. Sed hoc non est ad rem, quia quaeritur, unde proveniat obligatio favendi reo? Et an illa ex eo præcisè titulo probetur, quod hoc sit & appareat tutius, adeo ut titulus sectandi tutiora præcedat ut principium, ex quo probetur necessitas favendi reo in dubio? Verum longè aliter se res habet, quia regula illa, *in obscuris favendum est reo*, debet præcedere ut probetur necessitas favendi reo, & sic demum probetur id esse tutius. Ergo regula favendi reo non subordinatur regulæ sectandi tutiora in dubio.

Celladei rationes sunt insufficientes.

9. Minus urgent quæ afferunt in casu rei de criminalibus. Præstat quidem nocentem liberare, quam innocentem damnare, quando de unius innocentia & alterius crimine constat; at si res dubia sit, nondum constat, quæ pars sit melior in se, & Reipublicæ conducibilior, maxime quando probabile est, etsi non certum, reum verè esse nocentem. Est quidem intrinsecè malum damnare innocentem legitime & certò cognitum talem; at non est certò intrinsecè malum damnare innocentem probatum nocentem. Plurimi enim gravissimi que Theologi, cum S. Thoma, putant non solum licitum, sed obligatorium esse damnare innocentem certò cognitum innocentem per privatam sententiam, modò in foro externo legitime convincatur nocens. Unde ergo scis, esse intrinsecè malum damnare innocentem, si probabiliter probetur nocens? Ego fateor id non licere; sed dico illud innoscere ex regula, quod *in obscuris reo favendum sit*, non autem ex eo, quod illud ex objecto, & per se, ac pro priori ad hanc regulam sit, & reperiat esse tutius, cum tutius esset & melius pro reipublicæ incolumitate, si omnes, qui per sua facta dederunt causam probabilem existimandi se reos, plecterentur ut rei, & deleterentur à republica. Certè rarè caderet innocens, nocentes autem ingenti numero tollerentur, omnesque timerent vel probabilis criminis signa edere. Inde magna reipublicæ quietes consequeretur. Unde ergo constat

An & quando constet melius esse nocentem liberare, quam damnare innocentem?

stat tutius esse talem reum liberare, quam condemnare?

An sit intrinsecè malum damnare innocentem, & non sit liberare nocentem?

10. Constat, inquit, ex eo, quòd innocentem condemnare sit intrinsecè malum, cum Deus ipse hoc nequeat facere; at reum liberare non est intrinsecè malum, cum Deus & supremi principes hoc soleant facere. Sed exempla ista non sunt ad rem, & præterea falsam doctrinam continent, quæ etsi vera esset, non probaret intentum. Non sunt ad rem, quia procedunt de innocente & nocente certò notis (Deo enim nil obscurum aut dubium esse potest) Quod si loquamar de hominibus quibuscunque, quibus innocens nocens apparet, probandum est, quòd sit intrinsecè malum damnare innocentem probabiliter nocentem, & non sit liberare nocentem, cujus innocentia non est probabilis.

Non punire nocentes per se est intrinsecè malum, nisi corrigatur.

11. Deinde exempla ista falsam doctrinam continent, Deus enim potest quidem non punire nocentem, si illum emendet & à peccato liberet, sed si illum à peccato non liberet, non potest eum non punire; non enim minùs repugnat iustitiæ Dei relinquere nocentem sine pœna, quàm ipsius misericordiz repugnet damnare innocentem ad pœnam. Utrumque ergo ex æquo est intrinsecè malum. Idem dicendum de iudicibus humanis, maxime de secundariis & subordinatis, illi enim peccant & rem intrinsecè malam faciunt, si liberent nocentem. Potest quidem supremus reipublicæ iudex aliquando iustis de causis nocentem liberare, maxime si probabiliter speret, illum emendandum, vel medium opponat, quo ulterius reipublicæ aut concivibus nocere non possit; at frequenter & sine urgenti causa ac cautione data nocentes liberare malum est, & quidem intrinsecè malum, quia est omittere exercitium gladii, quem Deus in manus eorum posuit ad solamen honorum, & exterminium malorum. Jam homines non possunt corrigere nocentes, nec cor eorum mutare, sed potius præsumunt hominem, semel inventum malum, semper manere malum. Unde ergò constare potest exemplo Dei aut proborum principum, quòd sit intrinsecè malum damnare innocentem, & non sit intrinsecè malum parcere nocenti? maxime verò quando res ita est dubia, ut sit probabile quòd reus sit nocens, & non sit probabile quòd sit innocens, & sermo restringitur ad iudices humanos inferiores.

Quòd est intrinsecè malum non est deterius eo, quòd non est malum intrinsecè.

12. Denum etsi exempla illa essent vera, non probarent intentum; non enim valet hæc consequentia, A est intrinsecè malum, B. non est intrinsecè malum. Ergo A est deterius B. Certè mendacium officiosum est intrinsecè malum, comedere carnes die Veneris non est intrinsecè malum; & tamen longe gravius malum est violare jejunium Ecclesiasticum, quàm leviter mentiri. Ergo quamvis sit intrinsecè malum damnare innocentem, & non sit intrinsecè malum liberare nocentem, non sequitur primum non esse deterius secundo. Ergo non sequitur primum esse tutius secundo, quando ita versamur inter utrumque, ut periculo alterutrum incurrendi exponere nos debeamus. Hoc maxime verum apparet, quando noxa est probabilis, & innocentia non est probabilis. Deus in lege Mosiæ præcepit homicidas & alios criminosos occidi. Hoc posito, peccassent gravissimè iudices si eos liberassent. Jam vero, fingamus aliquem apud iudicem illius populi ita accusatum fuisse de homicidio, ut probabile esset, sed non certum, illum fuisse homicidam; versatur iudex inter duo

Ratio Celladei est per se nulla.

pericula, aut liberandi nocentem, aut interficiendi innocentem; utrumque est contra legem Dei; utrumque noxium Reipublicæ; & quidem respectu reipublicæ magis expediens est talem hominem de medio tolli, quàm liberari. Quare ergo tutius est reum dimittere? Certè quamvis fortasse, cæteris paribus, sit majus malum occidere innocentem, quàm nocentem liberare; tamen, cæteris imparibus, hoc verum non est; nam minus malum est exponere se exiguo & improbabili periculo occidendi innocentem, quàm probabili & magno periculo non condemnandi nocentem. Ergo in tali casu tutior pars non est liberare reum, qui tamen vel tunc liberandus est, quia cum patrum iura sunt obscura favendum est reo, & ex quo principio consequenter rectè probatur id esse tutius, & non è contrà.

13. Præterea, quamvis ex tuo præcisè conceptu non sit intrinsecè malum liberare nocentem, tamen respectu iudicis humani, saltem inferioris & subordinati, est intrinsecè malum illum liberare, quando Deus absolute præcipit illius damnationem; quia sicut actus liberans talem hominem in tali casu est intrinsecè malus, non ob modum tendendi ipsius, sed præcisè ob objectum sub hisce circumstantiis constitutum, in quod actus ille tendit, ita objectum illud, prout substat talibus circumstantiis, est intrinsecè malum; ergo prout substat istis circumstantiis non est cur dicatur minùs malum quàm damnatio innocentis. Ergo liberatio innocentis non est pars tutior, saltem respectu iudicis inferioris, maxime si crimen sit probabile, & innocentia sit improbabilis. Et tamen reus etiam in hoc casu absolvendus est ob illam regulam, *favendum est reo in incertis*. Ergo regula illa non habet vim ex eo, quòd in dubio tutiora sint tenenda, sed consequenter ad malitiam objecti, per priorem regulam favendi reo in obscuris cognitam, rectè inferimus, tutius esse in tali casu liberare reum. Tantùm ergo abest, ut regula favendi reo in hoc casu fundetur in regula sequendi tutiora, ut è contrario locus esse non possit regulæ sequendi tutiora, nisi altera regula præsupponatur, per quam sciamus liberationem rei esse præceptam, & consequenter tutius esse illum liberare, quàm condemnare.

14. Secunda ratio Celladei habet duas partes; prima dicit expediens esse, quòd ita se res habeat, quòdque unusquisque, calumpniarum suorum in futuro inscius, vellet hanc legem cum omnibus servari. Hoc verum est, & constat per ipsam regulam dictantem, quòd reo favendum sit. Sed non videtur facere ad intentum, scilicet ad ostendendum, hoc ex se & pro priori esse tutius quàm oppositum, aut ad probandum, quòd ideo sit obligatorium, quàm tutius. Secunda pars in eo fundatur, quòd damnatio innocentis sit malum de lege ordinariæ irreparabile, at liberatio nocentis sit malum reparabile; tum quia decursu temporis veritas sciri poterit; tum quia relinquatur ideo iudicandus, apud quem nullum dubium, nulla ignorantia.

Verùm hæc ratio non est universalis, quia solum procedit de damnatione ad mortem, vel ad eam pœnam, quæ aufert usum membrorum: nam in reliquis, malum ex damnatione innocentis proveniens non est minùs, sed magis reparabile, quàm malum ortum ex liberatione nocentis; nam quamvis nocens decursu temporis, post veritatem detectam, plecti possit ob crimen præteritum, interim tamen novis & occultis criminibus plurimum nocere poterit reipublicæ, cui proinde

proinde tempestiva ejusdem mors, aut carcer perpetuus, multum commodi attulisset, non solum removendo mala, quæ postea fecit, sed etiam exemplo sui supplicii alios à malefactoris deterrendo. Ergo hæc ratio æquè probat oppositum, ac id, pro quo assertur; id est verè probat neutrum, quia non est universalis, sed in aliquibus certò certius non habet locum, cum fortè habeat locum in aliis.

Æquè applicatur ad probandum oppositum.

15. Quod additur, de nocente à Deo tandem judicando, non est ad rem, quia æquè valet ad contrarium; sicut enim nocens, à nobis non damnatus, puniendus est à Deo pro suo crimine, sic etiam innocens, à nobis damnatus, remunerandus erit à Deo pro sua innocentia & patientia; & sicut nostra indulgentia nil prodest reo apud Deum, ita noster rigor nil nocet innocenti apud Deum. Et sine dubio plerumque evenit, ut damnatio innocentis simpliciter plus boni illi afferat apud Deum pro correctione vitæ in præsentem, & merito apud Deum pro futuro, quam liberatio nocentis, ex qua nempe scelestus homo rarò emendatur, sed plerumque novam ad majora facinora audaciam arripit. Itaque ex hoc capite non apparet, quomodo favere reo sit tutius, quam damnare innocentem, maxime quando crimen est probabile, & innocentia non est probabilis.

Tertia ratio seipsam destruit.

16. Tertia ratio, ritè intellecta, seipsam destruit: nam sicut sententia liberatoria non est mendax, quia non affirmat reum esse innocentem, sed solum esse liberandum, eò quod nil contra eum sit sufficienter probatum; ita etiam sententia condemnatoria non erit mendax, si solum dicat reum esse damnandum, quia edidit signa suæ malitiæ, quæ etsi crimen non convincant, illud tamen reddunt probabile: jam si sententia damnans hoc modo ferretur, nullum esset in eo mendacium, sicut nullum est in sententia liberante, quando illa (sicut plerumque evenit) non declarat reum esse innocentem, sed solum non esse damnandum.

Quarta ratio, plerumque locum non habet, & probat oppositum.

17. Quarta ratio aliquid fortè valeret, si reus, in jus vocatus, semper injustè gravaretur; tunc enim aliqua induceretur inæqualitas, quæ postea per justitiam tolli deberet. At plerumque, qui sistitur reus, non injustè sed justissimè reus constituitur. Ergo vel nulla inæqualitas inducitur, vel si aliqua inducatur, illa est justa, & propterea si eo titulo favendum esset reo, justitia manifestè violaretur, quia actor, propter actionem justam, repulsam pateretur, & favor reo tribueretur quasi passus esset injustitiam, cum nullam sit passus. Tantum ergo abest, ut ex hoc capite probetur tutius esse favere reo, ut ex illo potius sequeretur violatio justitiæ, si ea de causa vel minimus favor reo præstaretur contra actorem. Ergo si res ita se haberet, ut vult Celladeus, iudex per hoc ipsum in plerisque sequeretur partem minus tutam, in quibus Celladeus vult illum sequi partem tutiorem. Ex his constat, Celladei interpretationem & reconciliationem harum regularum esse prorsus insufficientem ac falsam; rationesque illius esse invalidas, & efficaciores ad oppositum; quam ad intentum ipsius probandum.

An & cur dubia in meliorem partem sint interpretanda?

18. Quod attinet ad concordiam alterius regulæ, distantis dubia in meliorem partem interpretanda esse, cum regula de tutiori parte sectanda in dubio, Celladeus existimat illam quoque huic subordinari; ac ideo dubia in meliorem partem interpretanda esse, quia hoc est tutius quam oppositum; sic enim discurrit §. 3. Quo-

tus sumus in dubio, an proximus hoc vel illud crimen commiserit, versamur in periculo erroris vel injustitiæ; erroris, si eum liberemus; injustitiæ, si eum damnemus. Rursus versamur in periculo habendi nocentem pro innocente, vel è contra. In hoc periculo minus malum est falli, & habere nocentem pro innoxio. Ergo per regulam sequendi tutiora tenemur interpretari dubia in meliorem partem.

Concordia hujus regulæ à Celladeo allata.

Adde præceptum illud à Christo Domino inculcatum, Luca 6. 37. *Nolite judicare, & non judicabimini, nolite condemnare, & non condemnabimini.* At non judicare, item non condemnare proximum, est mala dubia in meliorem partem, saltem negativè, interpretari. Ergo ad hoc tenemur, quod certè tutius est, cum ex hoc nullum, ex altero verò magnum malum imminet. Sed hæc interpretatio negativa in meliorem partem non sufficit, tenemur enim positivè ea in meliorem partem interpretari, quia tenemur animum à dubitatione avertere, & rationes proximo faventes quærere, atque causam dubitandi, quæ est mala animi affectio, tollere, ex qua oriri solent dubitationes & suspiciones: hac ratione bene afficimur erga proximum, & facilè rationes invenimus, quibus de illo benè judicemus, & dubia in meliorem partem interpretemur. In his autem omnibus tutiorem partem sectamur, & ideo ad illam tenemur, quia tutior est.

19. Verum hæc interpretatio nullo modo satisfacit: primò quia ex principio generaliter sumpto nullam continente obligationem probat aliud, in quo est obligatio. Ergo quamvis verum esset, semper tutius esse interpretari dubia in meliorem partem; necessitas tamen ea sic interpretandi non inferitur ex eo, quod id sit tutius. Quod si regula sectandi tutiora in dubiis restringatur, ut ex illa inferatur obligatio interpretandi dubia in meliorem partem, eo ipso regula illa inutiliter adhiberetur, ut proximè ostensum est in examinatione concordiarum prioris regulæ.

Concordia hæc non subsistit.

20. Secundò rejicitur, quia universaliter loquendo hoc non est tutius. Ponamus exempli causa dubium oriri an Petrus sit Hæreticus, vel Sodomita, &c. In primis neutra pars respectu intellectus est tutior, quia æquale est periculum erroris sive eum damnet sive liberet: & fortasse minus est periculum erroris in damnando, eò quod plerumque homines rei sint criminis, quod ab iudiciis ab iis datis in dubium venit. Jam verò quamvis eum non damnare tutius sit quam è contrà, hoc tamen non sufficit per Celladeum, quia per hoc non interpretamur dubia in meliorem partem, sed relinquimus dubia ut erant. At secundum illum, debeo interpretari in meliorem partem; sed hoc non est tutius, quia pauciora mala imminet reipublicæ, si quis, salva lege charitatis, & se & suos liberos à talis viri consortio ac institutione removeat, quam se aut illos ipsi æquè ac alii permittere ac sociare. At si omnia dubia positivè interpretanda essent in meliorem partem, deberemus utique habere illum pro probò viro, atque ita nos erga eum in opere gerere, ac si nullum de illius malitia dubium ortum fuisset, & consequenter in nullo ab illo magis quam ab aliis cavere deberemus. At ex hoc agendi modo periculum ingentis mali in republica immineret, quod certè non imminet ex eo, quod dubia illa in meliorem partem non explicentur, sed relinquuntur ut dubia. Ergo non videtur tutius interpretari dubia in meliorem partem.

Universaliter non est tutius interpretari dubia in meliorem partem.

ASSERTIO II.

Propositum sit regulæ illas exponere, & eas inter se ab apparente contrarietate vindicare.

Ratio Cellædæi probat oppositum ejus ad quod assuitur.
 21. Tertiò decimus rationes illius non probant intentum. Inprimis falsum est, quod, dubio orto, versamur in periculo erroris aut injustitiæ; nam si relinquamus ea ut dubia, nec illis nos immiscemus, nec erubet intellectus, nec peccabit voluntas; & ex omnibus hoc solum est tutius. Ergo ex doctrina Cellædæi tenemur nos hoc modo gerere, quia tutiora in omni dubio sunt tenenda; ergo tenemur etiam non interpretari dubia in meliorem partem, quia per talem interpretationem sine necessitate conijcimus nos in varia pericula, ut patet. Ergo ratio, quam adhibet, probat oppositum ejus, quod intendit; quod reipsa aliud non est, quam sibi contradicere.

Alia ejusdæi cõtradiçtio.
 22. Rursus in ipsa argumenti propositione alteri suæ doctrinæ contradicit; docet enim, questionem solvi non posse in dubio per rationes dubitandi. Quod si sit verum, nullum profectò est periculum erroris in dubio, quia quoties omne judicium est impossibile, omnis error redditur pariter impossibilis. Ergo, stante dubio, nullo est periculum erroris, quia voluntas non potest flectere intellectum in assensum. Advertit quidem adhuc ipse Cellædæus paulò post, atque ea frustra mitigare conatur, quia ponit alia præcepta, quibus tenemur non male officii erga proximum sine causa, & non curiose scrutari ejus defectus, &c. quæ non faciunt ad rem præsentem; quia nullo modo probant quòd tutius sit interpretari dubia in meliorem partem, quod unice probandum erat. Itaque non debebat in ipso sui argumenti initio talia tam crudè proponere, cum sumpta ut pœcent, aliis ejus opinionibus expressè contradicant.

23. Displicet etiam indecora argumenti propositio; dicit enim sub distinctione, *quod quando sumus in dubio ex proximo sit malum, sumus in periculo vel erroris vel injustitiæ*, cum sumus in periculo utriusque collectum; nullatenus enim vitatur periculum erroris quodcumque judicetur. Ergo ita versamur in periculo injustitiæ, ut simul versemur in periculo erroris. Ergo argumentum indecorè propositum fuit. Sed hæc utpote minora, quibus omnes subjacemus, non ultra perstringo.

Aequivocatio Cellædæi.
 24. Hoc solum addo, Cellædæum in omnibus istis argumentis spernam æquivocationem passum esse; aliud enim est dubia de re non interpretari in malam, aliud verò ea in bonam partem interpretari debere. At hæc duo in unum idemque confundit; argumenta enim ipsius bene probant primum, quia in eo est periculum injustitiæ ac damni proximi; item id est expressè à Christo prohibitum. At nullo tale periculum est, si relinquamus rem dubiam, ut est, atque illam in neutram partem interpretemur. Neque enim Christus dixit: *interpretamini dubia in meliorem partem*; sed solum, *nolite judicare, nolite condemnare*, quod solum involvit præceptum non interpretandi ea in malam partem. Ex his constat, Cellædæum insufficienter interpretatum esse hæc regulas, summq; incertum non probasse.

25. **I**N PRIMIS regulæ illa, in dubio tutior sita tenenda est, propriè respicit obligationem hominis erga seipsum, quatenus servit tantum principium, ex quo vel ipse se, vel alii bene informati de statu conscientiæ ipsius debent illum regulare ac dirigere, delinendo quomodo possit aut debeat se gerere in dubio. Dico ergo inprimis, regulam illam, universaliter sumptam, non exprimere præceptum, sed ad summum consilium. Dico secundo hæc regulam restringi debere ad dubium practicum seu proximum, & non extendi ad remotum & speculativum, nisi illud ad conjunctum sit cum proximo & practico, ut circa temeritatem ab eo separari non possit. In hoc sensu regulæ hæc continet universale præceptum sectandi partem tutiorem in dubio tali, quia necesse est, omnem sic dubitantem peccare, si partem minus tuam scilicet, eò quòd operans aut nullam prorsus, aut certe non nisi temerariam habeat conscientiam de honestate suæ operationis. At neutrum exculat à peccato. In reliquis omnibus casibus regulæ illa ad summum est consilium, quia reliqua omnia dubia admittunt probabile dictamen conscientiæ de honestate operantis, non obstantibus dubiis. Hoc autem sufficit ut pars minus tuta scilicet eligibilis. Hæc omnia sunt probata sunt in quæstione præcedente.

Jam nulla est contrarietas inter alias regulas & istam. Aliæ regulæ solum dant fundamentum debite formandi conscientiam de honestate operationis, stante dubio aliquo remoto & speculativo. Hoc autem non opponitur priori regulæ, sed solum ostendit eam aliquem particularem non comprehendere sub illa. Et sine in omni casu hujus regulæ certò constat non esse reos sectandi partem tutiorem, quia versamur in aliquo dubio quòd non determinamus, & ex quo habemus fundamentum interendi hanc certam obligationem. Sed hæc concordia melius patet explicacione aliorum regularum.

26. Regulæ illa *jura in d. cum partim jura sunt* Regula facta sua natura est patris res, quam alicui, potest illi res dirigere iudicem in ordine ad actionem, inter quos sententiam ferre debet. Hæc regula respectu aliorum includit præceptum ac respectu sui universaliter saltem non includit præceptum, quia unusquisque in plerisque casibus potest proprio juri renuntiare, & illo sponte se privare, quod iudex externus pro libitu suo facere non potest.

27. Quòd si quaeratur, in quo fundetur hoc præceptum? Respondeo inprimis, illud fundari in ipso lumine naturæ expresso per hanc ipsam regulam. Respondeo secundo, fundari in omni jure scripto, quia ut supra vixit est, omnis jura clamant in dubio rem esse absolvendam. Quòd si hæc minus satisfaciunt, & velis obligationem hanc adhuc probari ex jure universaliori ac priori, Respondeo tertio, obligationem illam fundari ac probari ex universalissimo illo præcepto naturæ.

naturæ. Quod tibi non vis fieri alteri ne feceris. Unusquisque enim constitutus reus rationabiliter nollet condemnari in dubio, ideoque ex vi dicti principii tenetur in tali casu alium non condemnare. Præterea unusquisque inscius eorum, quæ sibi eventura sunt, præsumitur velle legem hanc servari cum omnibus; hæc autem præsumpta consensus omnium aperte convincit, rem illam lege naturæ debitam esse, in quam ut lege debitam omnes conspirare præsumuntur.

Favendum
est reo in
dubio tunc
in iis, quæ
dubia sunt.

28. Cæterum quando dicimus reo favendum esse in dubio, sensus est favendum esse in eo, quod dubium est, non autem in eo, quod certum aut probabilissimum est: v. g. Titius Presbiter vulneravit Caium; sed postea dubitatur, an Caius mortuus sit ex vulnere illo, an ex alia ægritudine superveniente? in hoc casu dubium est, an Titius sit homicida; sed non est dubium an sit irregularis; quia non est dubium, an lex prohibens homicidam celebrare extendatur ad casum hunc dubium, atque ideo talis homo judicandus est irregularis, sed non est condemnandus ad ullas alias pœnas subeundas, de quibus dubium est, an ad illas subeundas teneatur. Sic quamvis mors statuta sit pro homicidio, tamen qui alium vulneravit non est plectendus capite, si dubium sit, an alter mortuus sit ex vulnere illo, an ex ægritudine aliunde superveniente, quia aut certum est, quod lex statuens mortem in pœnam homicidii non extendatur ad casum dubii homicidii; aut certe dubium est, an lex illa ad talem pœnam extendatur; atque ideo talis pœna, ordinariè statuta contra homicidas, non est infligenda ob delictum, quamdiu dubium est, an mors ex illo subsecuta fuerit, quia in *obscuris reo favendum est, & quia odia sunt restringenda*. Quod si constaret, legem illam æquè extendi ad casum dubii homicidii, sicut constat legem irregularitatis ad casum homicidii dubii extendi, in utroque casu pœna illa ex æquo esset infligenda.

Opinio Vas-
qui de lege
dubia?

29. Atque hic occasio postulat, ut illis respondeam, quæ Vasquius affert ad probandum, quod in dubio juris ac voti teneamur ad partem tutiorem, quia Celladeus locum illum ita citavit, ac si Vasquius argumentis suis illud promissus evicisset. Itaque Vasquius 1. 2. *disputatione 65. cap. 3.* pro lege dubia sic arguit. In dubio facti, puta in dubio homicidii tutior pars tenenda est, ut omnes faterentur, & habetur per expressam Pontificis definitionem. Hinc sic arguit: Tota causa, ob quam in dubio facti eligi debeat pars tutior ea est, nè forte fiat illud, quod revera malum & peccatum est. Idem autem periculum est in dubio juris. Ergo in eo etiam tutior pars est eligenda. Præterea adversarii, inquit Vasquez, videntur fateri, quod aliquando teneamur ad tutiorem partem in dubio juris, non autem assignant, nec assignare possunt, quando sit, & quando non sit ea obligatio. Ergo semper est. Aliud Vasquius non affert ad hoc probandum.

In dubio ju-
ris non te-
nemur ad
tutius, licet
aliquando te-
neamur in
dubio facti.

30. Respondeo in primis, nos in dubio facti non semper teneri ad partem tutiorem, quod & ipse Vasquez fatetur; tunc scilicet quando, stante dubio, datur aliquod principium, ex quo conscientia formari possit de honestate operationis; quod quia semper non potest fieri, ideo aliquando tenemur, aliquando non tenemur ad partem tutiorem in dubio facti. Sed esto, verum sit antecedens universaliter sumptum, negatur consequentia: disparitas est evidentissima. In dubio facti datur lex certa; cujus obligatio extenditur tam ad actionem dubiam, quam ad certam vetandam;

& ideo tenemur abstinere ab eo, de quo dubitamus an sit opus, quod prohibetur per talem legem, quæ habet vim reddendi talem operationem, de qua dubitatur, malam & peccaminosam. At in dubio juris nil est quod obligationem possit inducere, unde licet sit periculum ponendi illud, quod jus dubium vetat, & in hoc æquetur dubium juris cum dubio facti; in dubio tamen juris non est dubium, an illud opus sit malum & peccatum, quia non dubitatur an sit contra legem, quæ obligare & vim legis exercere possit, quia constat, legem dubiam talem vim non habere. Et sanè eodem modo respondere debet Vasquez ipse, si assignare velit rationem, cur aliquando in dubio facti teneamur, aliquando non teneamur ad partem tutiorem. Alia enim ratio non est, nisi quia in uno casu datur certa & indubitata lex, quæ æquè vetat actionem dubiam ac certam; at in alio casu non constat, legem extendi ad casum dubium, eò quod detur motivum ad rationabiliter credendum, nos posse licitè sectari partem minùs tutam, non obstante tali dubio facti. In utroque enim casu sit illud, de quo dubitatur an sit contra legem; sed in primo casu id est contra legem certam, quam constat ad talem casum dubium extendi; in alio verò casu non constat legem ad talem casum extendi, ideoque in secundo casu nullum est periculum peccati formalis, cujus tamen periculum est in primo.

31. Alterum argumentum est ad hominem contra eos, qui aliquando admittunt, aliquando non admittunt obligationem sectandi tutius in dubio juris; sed non tangit nos, qui universaliter dicimus, nullam dari obligationem sectandi tutius in dubio juris. Cæterum si qui doceant nos aliquando obligari ad tutius in tali dubio, non puto quod re ipsa à nobis discrepent; intelligendi enim sunt in aliquo casu particulari, verbi gratia, quod ante examen veritatis teneamur ad tutius tam in dubio juris quam in dubio facti, quod nos cum omnibus admittimus. Cæterum si in alio aliquo casu idem admittant, id erit, quia in tali casu conscientia de honestate operationis rationabiliter formari non potest, in quo casu nos etiam consentientes habent; sed tunc lex, aut extensio legis non est propriè dubia, sed ita probabilis ut oppositum non sit probabile. Fieri etiam potuit, ut illud jus vocaverint dubium, eò quod omne illud dubium appellarent quod non est certum. Sed in hoc etiam nobiscum consentiunt, quamvis dissentire videantur, eò quod usurpent vocem *dubium* in latiore significatione, quam nos. Cæterum si qui illorum, quos Vasquez sub termino generali nominat, verè à nobis dissentiant (quod non existimo) viderint ipsi, quomodo argumento illi ad hominem facto satisfaciunt. Cui certè facillimè satisfiat, si doctrinæ hoc loco tactæ adhibeantur, quia per illas facillimè assignatur, quando præcisè teneamur ad tutius in dubio, ut patet.

32. Quod in dubio voti ad tutius teneamur, sic probat Vasquez loco citato: Si quis in dubio voti licitè posset non servare votum, posset similiter in dubio de valore matrimonii petere debitum. At consequens est falsum & absurdum. Ergo & antecedens. Probatur sequela. In primis utrumque dubium est dubium facti; non enim est cur dubium de voto dicatur dubium juris, cum dubium hoc primariò sit circa factum, quamvis ex ipso facto deinde dubium juris oriatur, nempe utrum teneatur ad votum in dubio? hoc enim ex æquo evenit in omni dubio facti. Deinde

Quid Vas-
quez teneat
in dubio
voti?

de uterque habet legem certam contra se. Dubius de Matrimonio, *ne accedat ad non suam*, dubius verò de voto, *ne transgrediatur votum*. Sicut enim lex non accedendi ad non suam obligat, ne petatur debitum in dubio de Matrimonio, ne forte dicta lex violetur; ita pariter lex jubens votum non violari obligat ad servandum votum in dubio, ne forte aliter ipsa etiam violetur. Ergo in utroque casu par est obligatio.

Responso 1. 33. Respondeo inprimis, me nil jam determinare circa consequens, quod Vasquez habet pro absurdo; multi enim docent, illud absurdum non esse, quando qui dubitat est possessor bonæ fidei, secus si sit possessor malæ fidei. Nec hoc obstat spei capitis: nam in capite Inquisitioni non agitur de casu dubij, & in capite Dominus, solum agitur de possessore malæ fidei. Unde ex istis capitibus nec inferitur contra possessorem bonæ fidei. Sed quidquid sit de hoc,

Ante votū nulla datur lex obligans ad servandū votum. 34. Respondeo secundò, admissio antecedente, consequentiam esse nullam. Ratio est, quia dubium de voto merito revocatur ad dubium juris; nam lex illa præsumpta non violandi votum, non est lex absolute obligans ante votum; si enim nil voveam, ad nil obligor ex vi illius. Ergo lex illa ad nil serviret, si nemo voto se obstringeret. At non est ita in aliis legibus, illæ enim habent determinatum objectum, ad quod obligant, aut à quo arcent independentem à libera voluntate ejus, qui legem servat. Hinc est, quod nemo liberetur ab onere talium legum ex eo, quod dubitet an opus faciendum sit contra legem, quia constat dubia æquè ac certa vetari per talem legem. Verum in dubio voti omnia contrario modo se habent, omnis enim vis legis obligantis ad servandum votum dependet à voto ipso, & ad ipsum consequitur. Itaque votum est lex privata, quam nobis ipsis imponimus, quamque Deus consequenter acceptat: neque est alia lex distincta à voto acceptato, qua absolute obligamur ad votum implendum. Quod si recurras ad legem priorem conditionatam, qua Deus dicit, *si quis voverit, volo ut servet votum*, inprimis ponis leges merè conditionatas in Deo, quæ non videntur Deo dignæ; non enim est cur de merè conditionatis quidquam actu absolute statuatur, nisi aliquem effectum aut obligationem absolutam simul inducat. Deinde hoc, etiam admissum, nil facit ad rem præsentem: adhuc enim nulla datur obligatio absoluta nisi dependenter à voto, & consequenter ad votum. Ergo dubitare de voto est dubitare de absoluta obligatione legis; atque ideo dubium voti reducitur ad dubium juris absolute obligantis, & cum illo necessariò connectitur. Hinc est, quod eodem modo loqui debeamus de dubio voti ac de dubio juris. At in dubio juris nulla datur obligatio sectandi tutius. Ergo nec in dubio voti.

In dubio voti nemo tenetur ad votum. 35. Præterea sunt duæ aliationes validissimæ, quibus probamus, nullam esse obligationem sectandi tutius in dubio voti. Prima est, quia eo ipso quod post diligens examen votum maneat dubium, rationabiliter præsumitur non emissum. Secunda est, quod in tali casu sumus in possessione nostræ libertatis. In dubio autem melior est conditio possidentis; non enim æquum est, ut qui hæcenus possedi meam libertatem, jam illa prius ob dubium de voto, maxime cum in tali dubio possessio legis, aut Dei me per legem arctantis, opponi non possit, eò quod omnis ejusmodi lex sit tam dubia, quam est ipsum votum. Neque verum est, quod Vasquez dicit, regulam illam,

in dubio melior est conditio possidentis, solum habere locum in materia iustitiæ, cum ad alias materias extendatur, ut latè ostendi *quaest. 23. de Consc. prob. num. 27.* & ex professo iterum probabo hic, *quaest. 57.* Porro tam hæ rationes, quam etiam prima, ita appropriantur voto dubio, ut ad alia dubia facti non extendantur. Prima locum non habet in factis dubiis, quæ non inferunt dubium legis absolute obligantis, sicut inferunt dubium voti, ut patet ex dictis. Secunda etiam ratio locum non habet in factis dubiis; non enim ex eo quod quis dubitet an uxor sit mortua, præsumere potest quod verè sit mortua. Tertia demum ratio extra dubium voti non favet libertati, sed eam gravat, quia possessio stat pro lege, seu pro Deo per legem certam gravante libertatem, ideoque omnia opposito modo se habent in dubio voti, & in plerisque meris dubiis facti. Hæc ergo non solum solvunt, quæ Vasquez toto illo capite ponderat, sed etiam probant, neminem in dubio voti ad tutius obligari.

36. Quod attinet ad illam aliam regulam, *Dubia in meliorem partem sunt interpretanda*, illa non adeo difficile explicatur. Inprimis hæc regula declaratur per illam aliam regulam juris, *Odiosa sunt restringenda, favores conveniunt ampliari*. Si enim dubium oritur, an pœna aliqua, vel lex onerosa extendenda sit ad casus similes, qui non exprimuntur in lege; dicimus illam non extendi, sed dubium hoc debere interpretari in sensum favorabiliorem; quia odiosa sunt restringenda. E contra, si dubitetur an gratia & privilegium extendatur ad casus similes; interpretamur dubium in partem favorabiliorem, & dicimus, gratiam ad talem casum extendi, quia *favores sunt ampliandi*.

Rursus si dubium sit de jure, illud in meliorem ac favorabiliorem partem semper interpretandum est, quia libertas non est gravanda, nec sua possessione privanda sine urgente necessitate; qualis nulla est in dubio juris.

37. Similiter in dubio facti, illud etiam interpretandum est in meliorem partem, quantum rationabiliter fieri potest; id est ad omnem effectum, quem non satis constat comprehendere sub aliqua lege. v. g. Dubium est, an aliquis sit homicida? Hoc dubium eousque solum interpretandum est in deteriore partem, quousque constat leges obligare reum ad se gerendum instar homicidæ. Porro quia non est dubium, sed certum, eum ad talia obligari, ideo non sumus in casu faciendi favorabilem interpretationem circa obligationem subeundi talem pœnam. At si sermo sit de aliis pœnis, ad quas non constat leges extendi, dicimus talia dubia in meliorem partem esse interpretanda; hominemque illum in ordine ad illas habendum pro non homicida, quia *odiosa sunt restringenda*, quia in obscuris favendum est potius quam auctori, & demum, quia dubia, ubi verè est dubium de obligatione, in meliorem partem sunt interpretanda.

38. Quod si velimus, regulam hanc tunc præsertim ad proximos dirigere, quando illorum probitas aut honor in dubium vocatur; dicendum est primò, quod nemo in tali dubio sit absolute condemnandus; non quod hoc sit dubia negativè interpretari in meliorem partem, quatenus non accipiuntur in partem deteriore; quia hoc non est ea in meliorem, sed solum non in deteriore partem interpretari, quæ duo toto cælo differunt, & à Celladeo incongruè confunduntur; sed quia præcipimur alios temerè non judicare aut condemnare.

Sensus regulæ. Dubia in meliorem partem sunt interpretanda.

Dubium facti an & quando in meliorem partem interpretandum?

demnare. Quod præceptum prorsus diversum est à regula interpretandi dubia in meliorem partem.

Dubia orta ob solâ difficultatem virtutis in meliorem partem interpretanda.

39. Dicendum secundò, omnia dubia de proximi probitate, orta ex solâ difficultate virtutis, aut ex majori multitudine peccantium in tali materia, vel ex speculativa probabilitate quòd hic homo sit reus talis peccati, eò quòd longè plerique in illud labantur; omnia, inquam, ista dubia quoad praxim & modum agendi cum proximo interpretanda sunt in meliorem partem, quia ob talia motiva non solùm non licet judicare hunc hominem in particulari esse malum, sed neque licitum est ob tales rationes nos ab ejus consortio, aut à fidendo ipsi, prout negotia postulant, deterreri, sed cum illo agendum est ac si judicaretur probus. Ratio est, quia nemo sine sua culpa condemnandus est, aut in suspensionem trahendus, vel communibus vitæ socialis necessitudinibus privandus. Neque tamen tenemur in tali dubio caput nobis frangere, ut absolutè judicemus talem hominem esse probum; quia tale judicium plerumque esset fallum, & consequenter speculativè loquendo semper temerarium. Solùm ergo obligamur dubia talia contemnere, & ita nos gerere erga proximum, ac si illa menti non obversarentur, & hoc modo quoad praxim & vitæ civilis usum ita cum eo agere, ac si probus haberetur. Hoc modo omnia ejusmodi dubia in meliorem partem sunt interpretanda.

Quomodo dubia interpretanda sint, quando homo producit signa nequitie?

40. At si homo prodat signa suæ nequitie, & per illa dubiam reddat suam probitatem, tenemur quidem cum non temerè judicare, nec cum ex mala affectione leviter condemnare, sed judicium absolutum suspendendum est, donec, re sufficienter considerata, constiterit, signa illa esse aut certa aut probabilia nequitie indicia; quo habito, non tenemur ea absolutè interpretari in meliorem partem, sed licitè judicamus cum esse malum, per adhesionem judicii proportionalem motivo, cui innititur. Quòd si indicia illa non reddant malitiam probabilem, sed solùm suspectam, non tenemur ita fidere tali homini, sicut aliis; sed prudentiæ est cautè cum illo agere, & cautè nos aut alios illi fidere, ne fortè malus sit, suæque malitia nobis nocumentum spirituale vel corporale afferat. Cæterum nemo conqueri potest, si alii in tali casu dicta ratione cum ipso agant, cum ipse, per opera sua minùs honesta minùsque prudentia, signa suæ malitiæ ac imprudentiæ dederit.

Opera bona & indifferentia in meliorem partem, sed opera mala in malam partem sunt interpretanda.

41. Hæc explicatio multum affinitatis habet cum doctrina Angeli, Silvestri, aliorumque veterum Summistarum docentium, omnia opera ex se bona vel indifferentia semper in meliorem partem esse interpretanda, scilicet ea esse rectè facta. E contra verò, opera ex se mala non in meliorem partem interpretanda esse, sed habenda pro malis. Ratio est, quia opera bona & indifferentia plerumque fiunt benè & ex motivo aliquo honesto. E contra opera ex se mala plerumque fiunt sine titulo sufficientis excusationis. Unde sicut esset imprudentiæ priora interpretari in deteriore partem, ita pariter esset imprudentiæ posteriora in bonam partem interpretari.

Exceptio Celladei male fundata.

42. Doctrinam hanc, optimam sanè ac planè rationabilem, Celladeus carpit, tum quia Summistæ non explicant quid faciendum, quando dubium est, an quis talem actionem fecerit? tum quia non teneor ad actionem indifferentem in meliorem partem interpretandam; nam si videam aliquem facientem actum indifferentem,

possum sanctè dicere, illum facere actum indifferentem.

Verùm Summistæ immeritò carpuntur, qui non tenentur in omni sua resolutione omnem imaginabilem difficultatem de re proposita exhaustire; sed dicunt quæ sciunt, tacent quæ nesciunt. Itaque eo loco non loquuntur de interpretatione eorum, de quibus dubitatur an sint facta, sed declarant quid judicandum sit de iis, quæ constat esse facta, quando vocatur in dubium, an benè vel malè sint facta? quam questionem adæquare & prorsus rationabiliter resolvunt. Cæterum secta impugnatio Celladei est prorsus falsa; quamvis enim videam hominem ponere operationem indifferentem in specie, tamen nec prudenter nec sanctè possum interpretari illam actionem esse indifferentem in individuo, quia tale judicium imprudens est, cum oppositum plerumque contingat. Adeo enim facile & obvium est finem bonum actioni indifferenti applicare, ut rarò contingat talem operationem non esse bonum in individuo.

43. Demum omnia prorsus dubia interpretanda sunt in meliorem partem, quando rationabiliter præsumi potest, quod aut non sint facta, aut certè quod non sint malè facta. Sic Auctores communiter docent, omnia hominis valde scrupulosi dubia in meliorem partem esse interpretanda, sive dubium sit de præteritis & factis, v. g. an dederit consensum? an conscientiam formaverit? an Psalmum talem recitaverit? &c. sive de futuris & faciendis, an hoc vel illud sit peccatum? &c. quia in his omnibus ex ipso dubio præsumere potest, se non errasse in præteritis, nec erraturum in futuris, quamdiu non scit se peccasse, aut peccaturum esse in tali opere. Ratio est, quia scrupulosi, ob morbum animi, ita affecti sunt, ut, quoties errant, certò sciant se errasse, & sæpe credant se malè fecisse, quando partes suas benè egerunt. Similiter de agendis, satis sciunt quæ sint mala. Unde ex ipso dubio probabiliter judicare possunt, illud, de quo dubitant, non esse malum. Cæterum per hanc interpretationem hujus regulæ, sicut per aliquam ex aliis quas attulimus, dubium solvitur, ideoque non manemus in casu dubii propriè sumpti. Verùm hoc ideo evenit, quia regula hæc non merè extenditur ad dubia quæ manent dubia, sed eò tendit, ut dubitationem tollat per interpretationem favorabilem in meliorem partem. Quod hic quoque factum vides. Itaque regula ista minùs opportuna est ad questionem præsentem, in qua supponimus dubium manere. Sed ad hoc etiam in aliquibus casibus deservit, ut constet ex dictis.

44. Quòd si quæras, in quo principio fundetur obligatio interpretandi dubia in meliorem partem, quando agitur de proximo? Respondeo, illam fundari in eadem illa regula juris naturalis, *Quod tibi non vis fieri, alteri ne facias*. Unusquisque enim vellet dubia de se favorabiliter interpretari. Justum ergo est, ut similia aliorum dubia & ipse in partem meliorem interpretetur.

45. Ex his inferitur, regulas istas sibi non contradicere, quia prima regula, de tutiori ista conciliantur. parte sectanda in dubio, respicit ipsum operantem; reliquæ duæ directè loquendo solùm respiciunt alios. Præterea prima regula agit de dubio practico, in quo nulla est dubitatio de obligatione sectandi tutiora, sed in utroque foro constat de obligatione taliter dubitantis. At quando

Quæ præsumuntur, non facta, aut benè facta, in meliorem partem sunt interpretanda.

Radix hujus regulæ quæ?

Regule conciliantur.

quando constat de tali obligatione, non est locus pro aliis regulis; quæ proinde huic non contradicunt, nec possunt contradicere. Jam dux posteriores regulæ nullam inter se repugnantiam habent, sed una potius juvat ad confirmandam alteram, ut satis constat ex dictis.

ASSERTIO III.

Dux posteriores regulæ saepe inserviunt ad dirigendum ipsum operantem, ut conscientiam debite formet. Propositum autem sit declarare, quando ad hoc conducant.

Regulæ favendi reo, & dubia in meliorem partem interpretandi saepe inserviunt ad conscientiam recte formandam.

46. **P**ROBATUR assertio contra Celladeum, qui tenet, istas regulas ad conscientiam applicari non posse. Probatur, inquam, quia saepe versamur in tali dubio, in quo iudex ex vi dictarum regularum nos liberare deberet, etsi omnia, quæ sunt in conscientia nostra, illi manifestarentur. At in tali casu regulæ illæ æquè serviunt nobis ac iudici ad formandam conscientiam; quod non teneamur subire talem poenam, aut privare nos tali re; &c. Ratio est, quia forum externum & internum non differunt, nisi quando externum nititur presumptione, quæ in foro interno scitur esse falsa. At extra talem casum nulla est diversitas in utroque foro, nisi quod iudex externus teneatur sententiam ferre in favorem rei; in foro autem interno reus potest cedere jure suo, qui proinde non tenetur, potest tamen in proprium favorem sententiam dicere, atque ita se ab onere liberare. Et sanè, quando perspicuum alicui est, se in tali dubio constitutum esse, ut iudex omnium, quæ sunt in conscientia ipsius, conscius, sententiam favorem pronuntiaret,

eidem pariter perspicuum est, se eodem fundamento nixum, posse simile iudicium formare. At iudex movetur dictis regulis. Ergo & privatus homo eisdem moveri potest ad conscientiam suam debite formandam. Ergo regulæ illæ utiles sunt non solum pro foro externo, sed etiam aliquando pro interno; & quidem in omni casu, in quo forum externum reum liberaret, si omnia, quæ habet in conscientia, certè constarent in foro externo. E contra verò, si iudex me damnet ad partem tutiorem, si omnia quæ habeo in conscientia essent manifesta, tunc per se loquendo teneor ad sectandam partem tutiorem, nec ab hoc onere alia ratione liberari possum, nisi quia in aliquibus casibus jus positivum aut ratio naturalis dicat, me non teneori ad me ipsum condemnandum ad talem poenam, donec damnetur ad illum per sententiam iudicis.

47. Ex his inferitur 1. difficultates, in quaestionis introductione propositas, nullius esse momenti, cum regulæ istæ versentur circa diversa objecta, diversasque circumstantias. Itaque manifestum est, difficultates illas per dicta esse solutas.

48. Inferitur 2. Celladeum non solum concordiam, sed etiam sensum harum regularum insufficienter explicuisse; ac proinde cum sine sufficiente fundamento jactasse, nos nostram de illarum concordia nescientiam prodere, nec posse eas in nostris principiis concordare, cum omnia è contrario se habeant; omnes enim facillimè conciliantur, nec ulla invenitur umbra repugnantiae inter illas. Interim iudicet Lector, an ipse reus sit censor, quàm alius inussit, cum nec sensum illarum, nedum earum concordiam sufficienter declaraverit.

Celladeus reus est censor, quàm nobis object.

QUAESTIO QUINQUAGESIMA-SEXTA.

Utrum, & cur in dubio melior sit conditio possidentis, saltem in materia iustitiae?

Quid teneat 2.
Celladeus.



QUAESTIONEM hanc ex professo tractat Celladeus lib. 4. cap. 12. in qua, communi Theologorum sententiae subscribens, lassit titulum possessionis ita prevalere in materia iustitiae, ut ratione illius possessor preferendus sit, nec ullatenus teneatur se re sua privare ob dubium ortum, utrum spectet ad alium. Verum contendit, id ideo præcisè licere, quia ipse titulus possessionis tollit dubium, & reddit probabile, quod res ad possessorem pertineat. Ego quaestionem etiam excutiam, & veritatem, ut potuero, elucidabo, atque hac occasione convellam Celladeum, ubi illum à communi veraque sententia recedentem invenero.

R. P. A. Terilli, Regula morum. PARS II.

ASSERTIO PRIMA.

Possessor bonæ fidei licetè retinet rem suam sibi integram, nec eam tenetur dividere, quamvis postea dubitet, an ad alium spectet; modo post ortum dubium sufficientem diligentiam adhibuerit ad inveniendam veritatem, & post diligentiam præmissam res adhuc maneat dubia.

2. **H**ÆC est communis Theologorum sententia, cui paucis demptis, reliqui subscribunt. Loquuntur autem expressè de possessore bonæ fidei, quia sola possessio bonæ fidei titulum trahit. Exigunt autem ut, orto dubio, sufficientem pro scienda veritate diligentiam adhibeat,

P

hibeat,

Poss. for
bonæ fidei
omnibus
præfertur in
dubio.

habeat, quia alioquin temerè faceret retinendo rem, quam fortè sciret ad alium pertinere, si veritatem investigaret. His positis, probatur multipliciter. Primò, hoc traditur in 65. *regula iurii* in 6. ubi sic habetur. *In pari delicto vel causa melior est conditio possidentis.* Causa dubii expositi est par causa respectu possidentis, & alterius de cuius dominio in rem illam dubitatur. Ergò potior erit conditio possidentis, quæ certè potior non esset, si re illa seipsum private, aut illam dividere teneretur. Ergò licet eam retinet, nec eam tenetur dividere. Secundò, talis possessor in nullo foro externo spoliaretur sua possessione ob dubiū, utrum res ad illum an ad alium pertineat. Ergò non est spoliandus eadem in foro interno, quia idem servandum est in utroque foro, quando forum externum non nititur falsa præsumptione, quali certè in hoc casu non nititur, cum supponamus eadem omnia constare in utroque foro. Adde iudicem fori externi in hoc casu rectum & iustum judicare, jus suum cuique tribuendo, hoc enim facit, quoties officio suo non deest. Ergò iustum & rectum est, ut possessor retineat rem suam in dubio. Ergò ipse ita iudicans & faciens, rectum iudicat, & iustum facit. Tertiò. Quando partium iura sunt obscura, reo potius favendum est quàm actori. At possessor est reus, & non possessor prætendens est actor, & in dubio hoc iura sunt obscura. Ergò possessori favendum est contra actorem. Et sanè in criminalibus certum est, quòd reo in tali casu favendum sit. Ergò etiam in civilibus, quia regula iuris æqualiter pronunciat de omnibus. Hæc sufficienter probant rem ita se habere; verum Celladeus illis satisfieri noluit, nisi etiam ulterius indagaret causam, ob quam res ita se habeat. Sit ergò

res afferunt. Quæ certè congruè afferuntur, & aliquid lucis afferunt, quamvis, si omnia bene inspiciantur, ratio hæc videatur fundari in priori.

5. Celladeus hiscè addit primò, quòd plus requiratur ad auferendum aliquid ab alio, quàm ut ille eam sibi retineat, & alteri non det. Ergò nil potest auferri à possidente propter dubium, ut alteri detur; alioquin non plus requireretur ad auferendum, quàm ad retinendum, seu ad alteri non dandum. Addit secundò, quòd talis mutatio non habeat causam finalem, quòdque ideo fieri non debeat.

Alis rationes.

6. Hæ rationes Celladei bene procederent, si ageretur de re, quam constaret ad aliquem pertinere ut propriam; quia in tali casu plus requiritur ad rem illam à Domino auferendam, quàm ut ipse eam retineat, & alteri non det. At si agatur de non auferenda sed retinenda, seu non danda re, de qua dubitatur, an ad hunc vel illum pertineat ut propria, oportet aliundè probare, quòd plus requiratur ad illam auferendam à possessore, quàm ad illam non dandam actori, sed sibi retinendam. Alioquin contendet quis, ipsum jus dubium postulare, ut partes inter se convenient, & rem inter se partiantur. Similiter contendet, quòd tantum sufficiat ad auferendam rem à prætenso Domino, quantum sufficit ut illam non det. Nam ratio illam non dandi fundari debet in carentia juris alieni ad illam similiter & ratio illam non auferendi fundari debet in eadem carentia, alioquin dari debet alteri, & à priori auferri. Cur autem idem non contingit in dubio? Certè nisi hoc aliundè probetur, non apparet esse verum. Ergò hæc ratio insufficiens est, nisi resolvatur in aliam. Secunda autem Celladei ratio minùs valet, quia statim apparet causa finalis talis mutationis, nempe ut vitetur periculum violandi juris alieni, quòd vitari non potest in tali dubio, nisi partes inter se convenient, & quisque partem valoris accipiat.

7. Tertia ratio elicitur ex dictis, quia jus cuiusque completur per legem absolute faventem uni, & gravantem alium, ut traditur, ubi agitur de natura juris. At jus dubium, seu lex dubia, nullam habet vim obligandi, ac proinde non obligat. Ergò in hoc casu neuter ad quidquam tenetur præcisè ex vi juris dubii alteri faventis. Ergò ex eo capite non tenetur possessor ad quidquam dandum actori. Itaque in hoc casu absolutum jus domini directè obligans neutri parti favet. Ergò recurrendum est ad jus reflexum. At hoc tamdiu solum æquè favet utrique parti, quamdiu cætera sunt paria, quo in casu res dividenda est inter eos, si neutra pars possideat, ut omnes faveant. Verum si cætera non sint paria, sed una pars sit possessor bonæ fidei, pars illa habet directum & absolutum titulum, seu jus possessionis ad rem illam, ac proinde jus reflexum debet illi favere, & gravare alterum, quia jus reflexum non potest onerare illum, qui ex vi juris directi præfertur. Ergò possessor ex nullo jure directo aut reflexo obligatur ad se privandum re possessa. E. contra, tam jus possessionis directum, quàm jus reflexum, directo illo jure subnixum, dat illi prælationem & potestatem ad rem illam retinendam, eaque utendum, atque etiam ad ipsam alienandum, eo modo, eaque restrictione, quam Auctores communiter requirunt ad usum & alienationem rei possessæ, stante dubio circa legitimum rei dominium.

Ratio 3.

ASSERTIO II.

Propositum sit exponere rationes, ob quas in pari causa melior sit conditio possidentis.

Cum editio
possidentis sit
melior in
dubio?

Ratio 1.

3. **P** R I M A & potissima ratio à priori hujus rei ex eo desumitur, quòd in casu præsentis possessor simpliciter habeat jus majus ad rem illam, quàm non possessor. Quamvis enim titulus domini ex æquo utrique faveat, cum pro utroque par sit ratio dubitandi, tamen titulus ac jus possessionis favet soli possessori. Non est autem æquum, illum privari hoc titulo ob exceptionem dubiam, quæ æquè favet ipsi, ac competitori, ut contingit in casu dubii. Hinc fit, ut in omni foro conditio possidentis, cæteris paribus, melior sit conditione non possidentis.

Ratio 2.

4. Secunda ratio, quæ Celladeo mirè arridet, desumitur à Cardinali Pallavicino *de Arb. humi. disp. 9. quest. 4. art. 3.* & à Bressero *lib. 4. cap. 3. num. 22.* & sic se habet. Expediit reipublicæ, ut possessor in dubio non privetur re possessa, quæ in casu dubii non potest transferri in non possessorem sine turbatione quietis publicæ. Hinc est, quòd, cæteris paribus, leges semper faveant possessori & consuetudini. Præterea nunquam eligitur aliquid in republica, si non existimetur esse melius eo, quòd antea erat in usu; frustra enim immò noxiè, & cum turbatione pacis, mutatio fieret, si non fieret in melius. At non est melius possessorem privari re sua ob dubium, quòd non favet magis alteri quàm ipsi. Imò melius est, ut maneat sicut est, cum possessor habeat titulum, quo alter caret. Hæc & hisce similia dicit Aucto-

SOLVUNTUR OBJECTIONES.

Objeſtio 8. **O**BJICIT primò. In dubio tutior pars eſt tenenda. At tutior pars eſt, ſi res reſtituatur, aut certè per conventionem vel ſententiam judicis dividatur; quia alioquin homo exponitur periculo habendi alienum, & prorsùs caſualiter ſe habet ad violandum & non violandum præceptum.

Tutius eſt **Judici & a-**
ſtori relin-
quere rē in
manu poſ-
ſſoris, in
caſu dubio.
Reſpondeo, argumentum procedere poſſe vel de judice, vel de aſtore, vel de reo, ſeu poſſeſſore. Si de prioribus procedat, tutius eſt, ut relinquantur res in manu poſſeſſoris, qui ſine maniſeſta juris poſſeſſorii violatione adigi nequit ad cedendum ſua poſſeſſione. Itaque tam judex quàm aſtor peccaret, ſi rem à poſſeſſore in caſu dubio exigeret. Præterea ſi judex cogeret rem dividi, haud dubiè privaret alterutrum jure ſuo, cùm res ſupponatur integrè ad alterutrum ſpectare. At hoc inconſuetum (ſi tamen ſit inconſuetum, ut præſupponit objeſtio) non incurritur, ſi res relinquantur in manu poſſeſſoris, quia fortè nemo privabitur jure ſuo; & certum eſt, quòd poſſeſſor non privetur ſua poſſeſſione, & jure ad eam, quo, & ipſe privaretur, ſi ad alienandam rem adigeretur, & alteruter etiam ſui domini jacturam certè pateretur, ſi res divideretur.

Poſſeſſori
tutius eſt rē
dividere abt
alienare.
9. Quod ſi loquamur de ipſo poſſeſſore, eſſet quidem tutius reſpectu illius aut totam rem alienare, aut cum aſtore paſciſci, remque in contrahendo dividere. Verùm ad hoc non tenetur, quia tutius ſolùm ex neceſſitate tenendum eſt in dubio practico, non autem in dubio ſpeculativo, quando ſcilicet adest rationabilis cauſa formandi conſcientiam, quòd liceat rem ſibi retinere, non obſtante dubio remoto. At in caſu noſtro adest talis ratio fundata in titulo poſſeſſionis, ut dictum eſt, & ex eo probatur, quòd judex, totius rei conſcius, nec debeat, nec poſſit poſſeſſorem privare re illa. Unde ſequitur, poſſeſſorem non obligari ad ſe illà privandum, quia ſi ille ad hoc teneretur, deberet judex ad hoc illum obligare, quia utrumque forum in tali caſu eodem modo judicat.

Cauſalitas
poſſidendi
alienum vel
ſuum non
obſtat poſ-
ſeſſori in
dubio.
10. Demum, etſi in hoc caſu caſuale ſit homini habere alienum vel ſuum, non tamen per hoc exponitur periculo violandi ullam legem abſolutè obligantem, vel habentem vim legis; cùm hic & nunc nulla detur ejusmodi lex reſpectu hominum verſantium in tali dubio, ideoque citra periculum peccati homo ſe tali caſui exponit; quia ſatis conſtat, nullam dari legem obligantem poſſeſſorem pro iſta circumſtantia dubii, in qua proinde conſtat, retentionem rei eſſe licitam.

Non obli-
gatio legis
dubio ma-
niſeſte ap-
paret in du-
bio poſſeſ-
ſoris.
11. Et ſanè vel hinc colligere poteſt Celladeus, quàm longè à vero receſſerit, quando negavit, conſcientiam formari poſſe, in caſu dubii vel probabilis paritatis, per legem non ſufficienter promulgatam vel applicatam. Profectò nil clariùs, quàm legem faventem vero Domino in hoc caſu non eſſe ſufficienter applicatam ut quemquam obliget. Lex enim illa in hoc caſu non magis favet vero Domino, quàm falſo, quia poſt omnem diligentiam adhibitam, dubium manet, an huic vel illi faveat, an hunc vel illum gravet. Ergò non poteſt magis favere vero Domino, quàm falſo. At falſo non favet, cùm ex ſua eſſentia illum gravet, nec poſſit illi favere, aut ullam obligationem in favorem illius inducere. Ergò neque poteſt vero Domino favere, aut quem-

R. P. A. Terilli, Regula Morum. PARS II.

quam obligare in favorem ipſius; non ex defectu legis (datur enim lex vero Domino favens, & omnes alios gravans) ſed defectu promulgationis & applicationis debet. Et quidem hoc quoque notandum eſt contra Celladeum, quòd doctrina iſta locum habeat in materia juris naturalis, quia præſens quaſtio ad jus naturæ pertinet, cùm jure naturæ ſuum cuique reddere teneamur.

12. Porro, ſi loquamur de lege vel jure abſolutè favente Domino, & abſolutè gravante alios, idem de illa dicendum eſt, quòd quaſt. ſuperiore in fine diximus de voto, ſcilicet, omnem abſolutam obligationem talis legis dependere à jure acquiſito, ac ad illud conſequi. ſingamus enim neminem habere jus acquiſitum ad quidquam; proſectò in tali caſu lex illa, *Alienum nec auferas, nec retineas non conſentiente Domino*, ſutilis eſſet, & de ſubjecto non ſupponente, ſi ſumeretur ut lex abſoluta, quia nil abſolutè vetaret, cùm nemo eſſet Dominus ullius rei, nec quiſquam impediretur à capienda & retinenda re quavis illi obvia. Itaque talis lex ad ſummum eſſet conditionata, ideoque nullam ex ſe obligationem abſolutam aſſerret, ſicut lex ſolvendi votum per ſe nullam aſſerret obligationem. Verùm ſi homo ſemel acquiſivit jus, quocumque tandem modo illud acquiſivit, conſequenter ad illud Deus abſolutè obligat omnes ad non utendum re ulla, invito Domino. Et hæc eſt voluntas Dei, à qua omnis abſoluta obligatio non contrahendi alienum invito Domino dependet. Verùm ſicut hæc lex ſupponit jus acquiſitum, ita ſubit omnes exceptiones & variationes, quibus jus ipſum ſubjacet. Si enim jus ſit certum, certum pariter erit, legem hanc dari & favere Domino: ſi jus ſit dubium, dubium etiam erit, an talis lex exiſtat. Itaque dubium facti in hoc caſu, non aliter quàm in caſu voti reducitur ad dubium juris. At jus dubium non obligat; nullum proinde periculum eſt peccandi ſeu violandi legem obligantem, etſi ſit periculum retinendi id, quòd verè eſt ſub dominio alterius, & ſit prorsùs caſuale, an res ex vi domini acquiſita ſpectet ad poſſeſſorem potiùs quàm aſtorem. Et ſanè hæc videtur eſſe ratio maximè fundamentalis, ob quam in iſtis omnibus aliſque ſimilibus nullum ſit periculum peccati, ſeu offenſæ divinæ, quia nullum eſt periculum transgrediendi ullam legem obligantem, ſeu exercentem vim legis.

13. Objicit ſecundò. Titulus poſſeſſionis non ſufficit conjugi ad petendum debitum in dubio matrimonii, ut conſtat ex cap. *Inquisition. de ſent. excom. & ex cap. Dominus de ſecundo nuptiis*. Ergò neque ſufficit ad retinendam rem poſſeſſam in dubio an ſpectet ad alium.

Reſpondeo, quidquid ſit de antecedente (quòd negatur à multis expreſſè docentibus, poſſeſſorem bonæ fidei poſſe licitè petere debitum in dubio de valore Matrimonii, ſi poſt debitam diligentiam dubium ſolvi non poſſit) negatur conſequentia. Diſparitas eſt, quia ante omnem noſtrum contractum datur lex abſolutè vetans omnem copulam, donec contractus matrimonialis legitime initus fuerit. Hæc lex eſt in poſſeſſione ante omnem omnino contractum, & ſemper obligat ne copula exigatur, donec ſufficienter conſtituerit, debitum peti à legitimo conjuge. Hoc autem non conſtat in dubio. Ergò in dubio obligatur conjux ad non petendum debitum. Nec mirum, quia hæc lex certò exiſtens, certoque obligans, eodem prorsùs modo extenditur ad non exigendum debitum in dubio, ac in perſuaſione quòd Matrimonium ſit nullum. At omnia

P 2 contra-

Lex abſolutè obligans ad non contrahendum alieni conſequitur ad jus acquiſitum.

Objeſtio 2.
Titulus poſſeſſionis nō tantum facit in ordine ad uſum matrimonii, ſicut in ordine ad uſum alienam retinere.

contrario se habent in casu præsentis, quia quando agitur de dominio rerum, non constat quod detur ulla lex absolute favens auctori, & gravans possessorem bonæ fidei, ne rem illam retineat, cum omnis ejusmodi lex sit æquæ dubia, ac est ipsum jus seu dominium. Ergo nulla datur obligatio in hoc casu, licet detur in alio.

Obiectio 1.

14. Obicit tertio. In casu opinionis hinc inde probabilis de dominio rei, possessio non favet possessori, quia licet uti opinione probabili contra possessorem, saltem in foro interno, & quod consequens est, etiam in foro externo, quod non discriminatur ab interno, nisi quando forum externum nititur præsumptione aliqua, quæ in foro interno scitur esse falsa. Ergo possessio non favet in dubio, quia vix ullum aut omnino nullum dubium est, in quo desint opiniones, Advocati, allegationes, & textus; sicut in foro interno non desunt confessarii, probabilitates, & opiniones.

Respondeo, regulam juris expresse tradere, quod in pari causa melior sit conditio possidentis. Par autem causa est non solum quando res dubia, sed quando rationes, auctoritates, & opiniones utrique parti faventes, sunt hinc inde æquales. Eadem enim rationes æqualiter procedunt pro hoc casu, ac pro casu dubii. Quod si opinio aliqua alicui videatur probabilior opinione opposita, causa non est omnino par; ac proinde regula juris, prout jacet in terminis, non ita servit in hoc casu, sicut in casu dubii, aut causæ paris. Ceterum cum antecedens sit falsum, consequentia est nulla. Præterea doctrina consequentis est falsa, quia etsi in omni ferme dubio inveniri possint advocati, qui textus allegent, &c. certissimum tamen est, non omnes ejusmodi advocatos cum suis allegationibus reddere partem illam probabilem cui student, sed rem, omnibus illis conatibus præmissis, adhuc apud æquum rei æstimatorem manere dubiam. Itaque certum est, regulam hanc frequentissime locum habere in utroque foro; nos autem non loquimur nisi de casibus, in quibus regula locum habet.

ASSERTIO III.

Possessio bonæ fidei non solvit dubium de dominio rei, nec reddit possessorem egrum, aut probabiliter securum, quod dominium rei sit penes ipsum.

Titulus possessionis non sufficienter probat, rem ad possessorem pertinere in casu dubii.

15. **A**SSERTIO hæc est expresse contra Celladeum, qui in hac quæst. ex proprio contendit, quod possessio idem præcisè favet possessori, quia solvit dubium; adeo ut regula de sequenda parte tutiori procedat in sensu composito dubii; regula verò de meliori conditione possessoris, intelligenda sit in sensu diviso dubii. Hoc præmissis.

Probat 1. Titulus, in cujus sensu composito dubium supervenit, non solvit dubium; quia si solus ille titulus solveret dubium, idem solus dubium arceret. Et sanè hæc propositio certa est apud Celladeum, qui supra quæst. 51. omni nisu contendit, solam rationem dubitandi non sufficere ad solvendum dubium. Atqui possessio est titulus, in cujus sensu composito supervenit dubium de dominio rei possessæ; nam loquimur solum de dubio apud possessorem bonæ fidei; nemo autem possidet bona fide, si ab initio dubitet, an res, quam possidet, sit aliena. Itaque

Ratio 2.

loquimur de eo, qui possidet rem bona fide; antequam dubium de dominio oriretur; & consequenter sermo est de dubio, quod supervenit possessioni, sine ulla dubitatione inchoatæ. Ergo possessio non est titulus, qui dubitationem illam solvat, autolvere possit, idque verum est ex mente expressa Celladei, qui proinde in his assertis inconsequenter locutus est.

Celladei contradictio.

16. Probat 2. Si possessio se sola solveret dubium, eo ipso quod quis possideret rem, probabiliter crederetur verus Dominus illius, & consequenter absque ullo examine præsumendus esset habere verum dominium in rem illam. Ergo non teneretur ulterius rem examinare, quia non est cur quisquam, qui rationabiliter præsumitur Dominus, teneatur ulterius examinare suum titulum ob merum dubium, quod nullam secum probabilitatem assert pro illa parte, nec ullam partis contrariæ probabilitatem aufert. At in omnium sententia possessor, si dubium oriatur, tenetur veritatem investigare. Unde duo inferuntur. Primum, quod titulus possessionis in tali casu nil faciat ad jus, quod quæritur. Jus enim quæritur non solum independentè à possessione, sed etiam contra ipsam possessionem, quæ supponitur, non quæritur. Alterum, quod titulus possessionis non sufficiat ad probabiliter æstimandum, verum rei dominium ad possessorem pertinere, & consequenter, quod possessio non sit argumentum sufficiens ad solvendum dubium de dominio.

Ratio 2.

17. Probat 3. Possessio est prorsus indifferens, ut conjungatur vel non conjungatur cum dominio; constat enim nos sæpe possidere quæ nostra non sunt, & multa esse nostra, quæ non possidemus. Ergo titulus possessionis nil prorsus facit ad credendum, quod dominium sit penes possessorem. Generalis enim regula est, quod prædicatum, ex se prorsus indifferens ad utramque partem contradictionis, nil conferat ad quæstionis decisionem; sicut si quæramus, utrum Petrus sit in foro, ad hoc nil confert quod sit armatus, quia esse armatum nullam habet connexionem cum esse in foro, nec esse in foro cum esse armatum. At talis est casus noster. Imò quamvis prædicatum possessionis esset genus ad jus & dominium, quod tamen verum non est, adhuc tale prædicatum nil prorsus concluderet ad inferendum dominium, sicut animal, quod est prædicatum genericum, nil prorsus conducit ad determinandum, an animal, quod à longè video, sit homo vel brutum, quia tota illa notio ob suam universalitatem est prorsus indifferens ad utramque partem contradictionis.

Ratio 3.

18. Sed ut res extra omne dubium fiat. Titius absens instituitur à Sempronio hæres. Veniat Titius, ut possessionem hæreditatis capiat; capiat autem eam legitime hac hora determinata. In hoc casu sic arguo. Evidens est, possessionem initam hac hora nil prorsus conducere, ut verum jus ac dominium rerum possessorum certiùs credatur ad illum pertinere, quam credi poterat unâ horâ antè, priusquam possessionem inierat. Ratio est, quia omnis titulus, ex quo probari ac præsumi possit verum jus, præcessit possessionem bona fide initam, ut patet. Sicut ergo possessio primùm inita nil ad hoc conducit, sic nec possessio continuata quidquam juvat ad ipsum probandum, nisi eousque continuata fuerit, ut novus titulus usucapionis vel præscriptionis post diuturnam possessionem accesserit,

Possessio ab initio non probat jus.

Merus titulus possessionis etiam continuatæ non probat jus.

cesserit. Jam regula possessionis faver huic homini statim à possessione, quæ tamen illi non favisset, si dubium ortum fuisset ante possessionem; tunc enim relatè ad talem rem non esset possessor bonæ fidei, ut patet. Rursus sic arguo. Si duo moveant simile dubium huic possessori de duabus rebus similibus, unus horâ ante initam, alter horâ post possessionem initam, non est, cur primum dubium sit potentius, quàm secundum, ad persuadendum, quòd jus ad possessorem non pertineat. Primum autem dubium, ante possessionem motum, impedit, quòd minus possessor probabiliter credatur Dominus. Ergò secundum dubium, motum post possessionem, impedit idem judicium. Ergò possessio non est medium aptum ad solvendum dubium de dominio. Ergò falsum est, quòd regula possessionis intelligatur in sensu diviso dubii; indubiè enim intelligitur in sensu composito ipsius.

Ratio 4.

Possessio non est probabile argumentum juris.

19. Demum sic arguo. Mera possessio, etiam bona fide inita, nec reddit dominium rei possessoris certum, nec probabile. Ergò possessio bonæ fidei non est fundamentum sufficiens ad solvendum dubium, quod rationabiliter solvi non potest, nisi vel per certitudinem, vel per probabilitatem. Probatur antecedens. Inprimis non reddit dominium certum, alioquin nemo unquam possideret alienum. Deinde non reddit illud probabile, quia quamvis possessio integræ hæreditatis, ab antecessoribus pacificè eam possidentibus acceptæ, probabilissimè supponat, plura ex illis bonis pertinere ad jus testatoris & possessoris; & sic in universum magnam præbeat præsumptionem legitimi juris universaliter sumpti circa bona ex hæreditate accepta; nulla tamen datur ejusmodi præsumptio circa bona, de quibus controversitur, utrùm ad possessorem pertineant, an ad alios? In istis enim frequentissimè invenitur, quòd ad alios pertineant, in aliis utraque pars relinquitur probabilis, & in aliis post omne examen res manet dubia, ut erat ab initio. Ergò titulus possessionis non reddit probabile, quòd talia spectent aut non spectent ad possessorem, sed relinquit totum in eo statu, quo fuisset, si possessio nondum fuisset inita, id est, in statu dubii; quia sicut possessio non obstat, quòd minus alii reclament, & motiva sua urgeant contra possessorem; imò sicut possessio non obstat, quòd minus argumenta habeant eandem vim, quam habuissent, si proposita fuissent unâ horâ vel die ante possessionem initam, aut si possessio inita non fuisset, nisi unâ horâ ante hoc tempus; ita pariter scitur, quòd merus titulus possessionis adjectus nil prorsus faciat ad probandum, quòd verum jus residet apud possessorem. Imò si præsumptionibus agendum sit, contrarium potius præsumendum est, quia moraliter impossibile est, quin in magna hæreditate hominis divitis & negotiosi plurima ad alios spectantia reperiantur. Ergò præsumendum est ita contingere. At ea sunt, de quibus datur ratio dubitandi, non ea, de quibus nulla talis ratio datur. Ergò possessio nil prorsus facit ad solvendum dubium, ad quem rei dominium spectat, sed id totum independentèr à titulo possessionis probandum est.

SOLVUNTUR OBJECTIONES.

Obiectio 1. 20. **O**BJICIES primò. Omnes faventur possessionem in casu dubii prævalere, præponderare, ac inæqualitatem facere. At hoc
R. P. A. Terilli, Regula Morum, Pars. II.

non facere, nisi solveret dubium, & ad conscientiam debirè formandam juvaret.

Respondeo, possessionem prævalere in dubio de dominio, quod certè arguit prævalentiam possessionis reperiri, stante non sublato dubio. Prævalet ergò non quia probat possessorem esse verum Dominum rei, sed quia ipsamet est novus titulus, qui tribuit jus possessori, ne privetur re semel bona fide possessa, (sive illa sit sive non sit sub suo vero dominio) donec plus afferatur contra se, quàm ipse habeat pro se. Itaque in isto casu duo dubia sunt solvenda; primum est dubium speculativum de dominio, ad quem spectet; secundum est dubium practicum conscientie, utrùm scilicet liceat possessori retinere rem possessam, non obstante dubio, an dominium ad se vel ad alium pertineat. Possessio nil facit ad solutionem primi dubii, juvat tamen ad solutionem secundi, & ideo titulus possessionis prævalet omni titulo, qui competit non possessori in casu dubii.

21. Obijecitur secundò. Possessio aliquid facit ad suavitatem, ac ad dominium rei, quia diuturna possessio juvat ad acquirendum dominium perfectum, titulo præscriptionis, vel usucapionis, quod totum fit, quia diuturnitas illa est continuata quædam adjectio priori dominio quali quali in ipsa possessione fundata. Ita Cellædeus §. ultimo.

Respondeo, possessionem multum facere ad acquirendum dominium in posterum per usucapionem vel præscriptionem; æquum enim fuit leges condi, per quas dominium rerum transferretur in possessorem post tantum temporis legitimum possessionis; alioquin rerum dominia fuissent nimis incerta. Jam ad dominium hac ratione acquirendum, multum conducit possessio, cum sine illa dominium tali via acquiri nequeat. Cæterum, nisi tales leges exstarent, possessio nulla ratione juvaret ad dominium, sicut ante illas non juvabat. Ex quo inferitur contra Cellædeum, possessionem ex se nil facere ad habendum rerum dominium, quia tunc non opus fuisset præscriptione, cum, independentèr ab omnibus legibus statuentibus præscriptionem, sola possessio continuata contulisset dominium. At nos non loquimur de hoc dominio; hoc enim totum simul acquiritur, expleto tempore à legibus statuto, & ante illud nil illius acquiritur; sed loquimur de jure ac dominio ab ipso possessore acquisito ante possessionem initam; constat autem possessionem ad hoc probandum nil prorsus conducere. Itaque falsum est, quòd ipsa continuatio possessionis sit quotidiana novi juris adjectio ad jus quaecumque antecedens; continuatio enim ad hoc solum juvat, ut tempus præscriptioni faciendæ statutum impleatur; sed ante illius impletionem nullum jus tribuit, vel auget. At post tempus elapsum, rerum dominium novum vi legum acquiritur, & illud tunc adjectur priori quali quali dominio; quod non erat jus ad rem ipsam, sed solum jus possessionis à vero jure ac dominio rei prorsus distinctum; cum sæpe, non obstante possessione, inveniamus jus ac dominium rei ad alium pertinere, cui proinde possessor eam restituere tenetur.

22. Obijecitur tertio. Possessio, ut ait Sanchez, affert præsumptionem juris; præsumitur enim aliquam rationem fuisse, cum quis bona fide, nemine reclamante, cepit possidere. Ita Cellædeus.

Respondeo, jus quidem præsumi antequam possessio

Possessio non probat, sed dat jus retinendi rem in dubio.

Obiectio 2.

Possessio juvat ad novum jus acquirendum, sed non juvat ad probandum jus antecedens.

Obiectio 3.

Possessio an
& quæ ratio-
ne affert
præsumptio-
nem juris?

possessio pacifica ineatur, ut acutè & verè dixit Sanchez. Verùm ipsa possessio nullo modo auget hanc præsumptionem, sed sicut eam comitem habuit ab initio, & eandem tamdiu servat, quamdiu nil affertur in contrarium. Ceterùm sicut quodvis dubium præcedens possessionem hanc præsumptionem elisset, sic etiam quodvis dubium post possessionem exortum eandem elidit; quia præsumptio illa in eo solùm fundatur, quòd cum pleraque honorum, quæ possidentur, spectent ad possessorem, præsumendum est quodvis particulare ad eum pertinere, quamdiu nil affertur in contrarium. At ubi aliquid affertur in contrarium, cessat ista præsumptio; quia optimè scimus, plurima sæpe ad alios spectare, ac proinde, orto dubio, non possumus amplius præsumere, ut ab initio præsumebamus. Sed res examinanda est; quòd si remaneat dubia, tunc possessor titulo possessionis præfertur, sive illa res spectet sive non spectet ad alium.

Obiectio 4. 23. Obijcitur quartò. Possessio aliquando conjungitur cum præscriptione; tunc autem certum facit dominium. Ita Celladeus.

Merus titulus poss. f. fionis nil juvat ad probandū jus.

Respondeo, quid hoc ad rem? Præscriptio quidem efficit, ut jus de novo acquiratur, & sic tollit omne dubium in posterum. Unde non ampliùs tenetur homo sollicitus esse, etsi dubia exoriantur de aliquo jure. Verùm præscriptio nec supponit, nec probat jus antiquum fuisse verum. Verùm quidem est, quòd si nemo longissimo tempore reclamet, eo ipso probabilis est apparentia ac præsumptio, quòd jus ad alios non pertineat; quia homines non solent tamdiu negligere sua jura: verùm hoc nulla ratione infertur titulo possessionis, quia si hæres abfuisse in India toto illo tempore, & hodiè injisset possessionem, tota illa apparentia & præsumptio refusa fuisset in longitudinem temporis, non in possessionem, ut patet. Ergò possessio ipsa nil prorsus ad hoc conducit.

SOLVITUR PRINCIPALIS OBJECTIO,

Ac Reflexio Celladei circa hanc regulam.

Obiectio 5. 24. **O**BJICITUR quintò. Regula ista nihil valeret, si usus opinionis æquè ac minùs probabilis esset licitus. Imprimis regula videtur esse de subiecto non supponente; quia in pari causa per nos liberum est opinari. Ergò liberum est æqualem causam inæqualem reddere, & solvere dubium per opiniones; dubio autem soluto, regula locum non habet.

Secundò, unusquisque in pari causa habet in manu sua bonam fidem, seu prudentem assensum, vi cujus ante omnem possessionem potest bona fide incipere possidere. Ad quid ergo juvat possessio?

Tertiò. Possessio ex alio capite nil juvat, quia etsi ponat inæqualitatem, non tamen reddit rem certam. At liberum est opinari minus. Ergò non obstante possessione faciente causam possessoris majorem, tam judex quàm privatus, potest judicare rem pertinere ad actorem. At per hoc cessat regula, quæ non procedit de prudenter opinante rem esse suam.

Quartò, demum hac ratione omnia relinquuntur arbitrio, quia sicut quando sunt quatuor doctores pro hac parte, & quatuor pro illa, utraque est probabilis, & quivis potest prudenter credere cui placuerit; ita pariter erit in causa octo

testium æqualium, quorum quatuor alii quatuor contradicunt; liberum enim erit judici prudenter credere his, rejectis illis. Ergò non est eor in paritate causæ faveatur reo vel possessori, sed omnia arbitrio erunt relinquenda. Ita Celladeus §. 3. postquam in fine §. 2. monuisset, se istam reflexionem iterum atque iterum facere, ut omni diligentia refellat opinionem benignam, docentem usum cujuslibet ex opinionibus contradictoriis æquè probabilibus esse licitum?

Respondeo, Celladeum verè iterum iterum-que fatigare Lectorem, sæpiùs eadem repetendò; timeo autem ne & ipse eundem fatigem responsiones easdem iterando; sed venia danda est respondententi, si arguens ad replicandum repetita argumenti propositione urgeat. Sed jam paulatim ad singula. Ad primum, nemo dicit, quòd usus omnis opinionis probabilis sit licitus, sed solùm quòd usus cujusvis opinionis practicè probabilis sit licitus, etsi contraria opinio sit æquè probabilis. Hoc stante, etsi sit probabile, rem à Titio possessam esse meam, idque æquè probabile ac oppositum, imò & probabilius, non ideo est probabile, quòd liceat eam privata autoritate mihi vendicare. At si æquè probabile sit, dominium rei spectare ad possessorem, poterit ille eam sibi retinere, non præcisè propter hanc speculativam probabilitatem, sed quia simul etiam est probabile, quòd hoc ipsi liceat; quòd ex titulo possessionis constat ipsi esse licitum. Hoc posito non tollitur dicta regula, sed stabilitur, cum per ipsam regulam efficacissimè probemus, quòd ubi intervenit titulus possessionis, liceat sequi opinionem minùs tutam, etsi opposita tutior sit æquè probabilis, quia hic titulus additus illi opinioni non solùm facit illam practicè probabilem, sed aut certam aut longè probabiliorem, & consequenter etiam tutam in conscientia.

25. Rursus regula non est de subiecto non supponente, neque enim semper liberum est nobis opinari in causa pari. Non est hoc liberum, quando adest causa dubitandi, sed non adest causa opinandi; quòd frequenter accidit, maxime in dubio negativo. Non est liberum in sensu composito judicii comparantis & agnoscentis utramque partem esse æquè probabilem, quòd frequenter evenit, maxime quando agimus per testes, & auctoritatem extrinsecam. Tertiò, hoc sæpe non est liberum homini ratione non passione ducto, quia sæpe non adsunt motiva sufficientia ad rationaliter solvendum dubium, etsi homo per temeritatem uni parti assentiri possit, & quæstionem solvere. At qui taliter solvit dubitationem, non est tutus in conscientia, nisi ad statum dubii redeat, & per ea, quæ talem statum comitantur, se regulet. Porro quamvis in aliis innumeris casibus, simpliciter loquendo, liberum sit quæstionem solvere, tamen liberum etiam est, & sæpe numerò longè facilius illam non solvere. Ergò, stante variabilitate libertatis humanæ, moraliter loquendo, necesse est, nos in istis etiam casibus sæpe hærrere dubios. Pro istis ergò casibus, qui profectò sunt innumeri & quotidie obvii, hæc regula deservit.

26. In secundo nulla est difficultas, nisi intelligendi, quid sibi velit Celladeus, qui ludit, seu potiùs se intricat terminis apertè repugnantibus. Quomodò enim possibile est incipere possidere ante omnem possessionem? Non dixerit hoc Oedipus, nisi cum Philosophis ad inceptionem & definitionem extrinsecam & intrinsecam recurrat. Tales autem subtilitates ad res morales non deser-

Regula favens possessori per licitū probabiliū usum non eliditur.

In multis casibus paribus non est liberum opinari.

Mira & viz intelligibilia Celladei dictio & alia.

deserviunt. Præterea si ad hanc distinctionem recurrat, sensus erit, possumus exinsecutè incipere possidere rem, antequam verè possideamus eam insecutè; cò quòd possessio nullam habeat insecutionem intrinsecutè, sed solum extrinsecutè. Similia alia ex intricatissima quaestione de naturæ consensu addi poterunt, quibus insisterè nolo; quia non sunt ad rem. Et sane nil juvaret Celladeum hæc obiectio, tamen propositio sensum haberet, & veritatem contineret; quia possessio, undecumque tandem eveniat, inchoanda est bona fide, ut regula locum habeat. Quid ergò refert, quod possit quis incipere possidere ante omnem possessionem? Incipiat vel non incipiat possidere ante possessionem, id nil refert; sed requiritur ut bona fide possidere incipiat. At qui sic incipit possidere, raro aut nunquam versatur in pari causa cum alio, quia putat rem possessionem ad se solum pertinere. Verùm sæpe post possessionem initam dubium oritur, & aliorum jus apparet tam verum quam suum. Jam possessio bona fide inita servit pro hoc casu consequente possessionem. Quæ sunt omnibus adeo obvia, ut mirandum sit, Celladeum ad ea non reflexisse. Cæterùm factum est, quod assumit, scilicet semper nobis liberum esse in pari causa solvere dubium per prudentem assensum; nam oppositum constat ex dictis ad primum. Unde iterum, labentem fundamentum, totus discursus ruinam patitur.

17. Tertium argumentum procedit de subiecto non supponente, supponitur enim, quod possessio juret ad probandum veritatem domini, de quo dubitatur, quod est falsum. Hoc posito, possessio reddit jus seu titulum possessionis certum, sed dubium relinquit dominium. Jam verò si contingat, vel iudicem vel privatam exultimare, dominium non pertinere ad possessorem, aut longè probabilius esse, quòd ad eum non pertineat, tunc quidem regula ista locum non habet; verùm si causa domini vel apud iudicem vel apud privatam sit par, quod frequentissimè contingit, tum locum habet regula; nec est in potestate ullius tollere inæqualitatem, quam possessio ponit, quia, posita æqualitate prætensionis ad dominium, excessus & præponderantia tituli pro possessore est indubia, & evidens. Ergò nemo in isto casu prudenter exultimare potest, rem pertinere ad actorem.

28. Ad quartum, Ex nostra doctrina non se-

quitur, omnia relinqui arbitrio iudicem & aliorum; quia si iudices, & alii etiam, non ex indubitata passione, sed ex ratione, ut obligantur, procedant, non possunt non sæpe dubitare de veritate domini; & tunc tenentur uti hac regula. Porro quamvis quis simpliciter possit scire dare cuius ex opinionibus probabilibus, sæpe tamen facta aliqua suppositione non potest, ut dictum est ad 2. Præterea moraliter necessarium est, tales suppositiones frequenter intervenire; ideo etiam in opinionibus probabilibus res non ita arbitrio geritur, ut casus paris causæ sæpissimè non interveniat; tunc autem regula locum habet. Cæterùm nemo prudenter operans, absque motivo rationabili, dubium deponere potest; quod tamen motum sæpe non datur, ut proxime dictum est. Quomodo ergò geruntur omnia ex arbitrio? Verum quidem est, affectum iudicis multum facere, ut pars, in quam propendet, videatur probabilior; sed huc malo obvari non potest, quamdiu iudicia hominibus diversæ naturæ, complexionis, & morum committuntur.

Interim iudices tenentur, quantum possunt, ab omni partialitate abstinere, & non ex passione, sed ex sola ratione sententiam proferre. Hoc autem est, sententiam non arbitrio, sed legibus & ratione regulandam esse.

29. Cæterùm errat Celladeus, comparando testes oppositos deponentes cum Auctoribus contraria docentibus: quia testes in tali casu nil probant, nec reddunt dictum suum probabile. At Auctores probant, & probabiliter concludunt, non obstante pari aliorum auctoritate, ut ostensum est hic *quæst.* 31. & 32. Sed quidquid sit de hoc, ultima Celladi illatio, quod non sit ratio, cur in pari causa faveatur reo vel possessori, est nulla; quia sæpe oritur dubium, & paritas causæ aut evidenter innoteat, aut certe tanta verisimilitudine apparet, ut iudex causam habeat parem; tunc autem regula locum habet. Itaque tantum abest, ut reflexio ista aliquid detrimenti afferat benignæ sententiæ, ut argumentum, ex regula favendi possessori desumptum, efficacissimè eam confirmet, & si fallat, in dubio ac paritate causæ moraliter certam reddat, idque ex paritate iudicis, ut latè probatum est *quæst.* 24. de *Conscientia probabili*.

Nil arbitrio, sed secundum rationem regulatur, iuxta bonam sententiam.

Error, & male Celladi illatio.



QUÆSTIO QUINQUAGESIMA: SEPTIMA.

Utrum in pari causa conditio possidentis melior sit in aliis materiis præter justitiam?

Status quæ-
stionis.



N hac parte schola divisa est, aliis affirmantibus, aliis negantibus, titulum possessionis, ejusque privilegium extra materiam justitiæ extendi. Celladeus lib. 4. quæst. 13. parti neganti adhæret. Ego quæst. 23. de Consc. prob. affirmativam tenui, quam hic iterum confirmandam, & à Celladei objectionibus vindicandam accipio. Sit ergò

ASSERTIO UNICA.

Privilegiū
possessionis
locū habet
extra mate-
riam justiti-
æ.

Titulus possessionis, ejusque privilegium in dicta juris regula contentum, non restringitur ad solam materiam justitiæ, sed ad materias aliarum virtutum extenditur.

2. PROBATUR. Inprimis certum est, quòd non in sola materia justitiæ, sed in aliis etiam materiis datur verissima possessio. Sic Beati possident Deum; Superior legitimus possidet jurisdictionem; & unusquisque possidet suam libertatem ad liberè operandum in quavis materia, quæ ipsi non est prohibita. Et sanè qui illegitimè alios hac possessione privaret, peccaret etiam contra justitiæ, cum talis possessio debeat titulo justitiæ, quamvis objectum, ad quod facultas possessa extenditur, spectet ad alias virtutes. Hæc suppono ex quæst. 23. de Consc. prob. tum quia illa ibi sufficienter probata sunt; tum quia Celladeus in hoc difficultatem non habet, sed solum contendit, possessionem in aliis materiis non obtinere privilegium & vim, quam habet in materia justitiæ. Hoc ergò supposito.

Ratio 1:

Possessio, ejusque privilegiū locū habent in materia obedientiæ.

3. Prima probatio sumitur ex materia obedientiæ; quia cives licitè sequuntur regem eos ad bellum vocantem, etsi dubium sit, an bellum sit justum, ut expressè traditur in cap. quid culpatur. Quod caput sumptum ex Aug. sæpe citatum est in hoc opere. Eodem modo subditus religiosus licitè obedit Prælato quando dubium est, an opus præceptum sit malum; nec alia est hujus rei ratio, quam quia nec rex nec superior privandus est possessione suæ potestatis dominatiæ ac directivæ ob incertâ & dubiam exceptionem subditi; quia titulus ac jus possessionis prævalet. Neque excogitari potest umbra disparitatis inter debitum ad obediendum, & debitum ad non auferendam rem à possessore; utrobique enim potestas jurisdictionis ejusque possessio ita se habet ad exigendam obedientiam, sicut dominium seu jus hereditatis & titulus possessionis ad conservandam rem suo possessori. Certè si hæc iudex nec actor potest licitè auferre rem à possessore

ob dubium exortum, an res ad alium spectet, eò quòd in pari causa melior sit conditio possidentis; neque poterit subditus negare obedientiam hætenus præstitam, eò quòd dubitare incipiat, an res illa sit subjecta potestati ac jurisdictioni sui superioris, quia in pari causa melior est conditio possidentis suam jurisdictionem, quam hætenus in illa ipsa materia exercuit. Idem valet in aliis materiis dubiis.

4. Rursus quidquid allegari potest pro superiore contra suum subditum, allegatur eodem modo pro possessore contra judicem & actorem. Nam si dicas, obediendum esse in dubio, quia illud est tutius; etiam res possessa conservanda est possessori in dubio, quia illud est tutius. Si dicas obediendum, quia è duobus malis minimum est eligendum, idem clarissimè locum habet in conservanda re possessori suo. Similiter quidquid dici potest contra superiorem, potest pariter dici contra possessorem; si enim superior committat se periculo excedendi suam facultatem, jubendo quòd revera est malum; ita possessor exponit se periculo excedendi suam facultatem retinendo alienum invito Domino. E contra, quidquid dici potest pro possessore vel contra possessorem in ordine ad retinendam rem possessam, & ad disponendum de illa titulo domini prætextu, & possessionis bonæ fidei, illud idem dici potest, pro superiore vel contra superiorem titulo jurisdictionis seu potestatis dominatiæ & possessionis bonæ fidei. Nominatim autem, si possessor post diligentiam adhibitam disponere potest de re possessa, quia per hoc non exponit se periculo violandæ legem habentem vim legis, quia juxta dicta nulla est lex absolute obligans, quæ saveat actori; ita pariter superior, si post diligentiam debitam inveniat honestatem rei præceptæ esse dubiam, poterit illud præcipere, quia per hoc scit se nullam legem absolute obligantem violare, cum jus dubium non obliget, ideoque scit suam facultatem ac possessionem non magis arctandam ob tale periculum, quam arctetur in possessore facultas disponendi de re possessa. Uno verbo eadem prorsus est ratio de titulo possessionis in materia obedientiæ & jurisdictionis, quæ est in materia justitiæ ac domini. Itaque negari non potest, quin privilegium possessionis extendatur ad alias materias, quam ad materiam justitiæ. Exemplum hoc est longè efficacissimum, eadem autem ratio valet in aliis casibus, maxime in materia religionis, quando votum est dubium; tunc enim titulus possessionis prævalet pro libertate, quia tota obligatio reducitur ad casum juris dubii, quod nullam obligandi vim continet, ut ostensum est. Et sanè eadem prorsus argumenta eademque reflexiones eodem

eodem prorsus modo procedunt in materia voti dubii, sicut in materia iustitiae ac obedientiae; maxime in ordine ad non arctandam libertatem humanam in dubio juris, quia titulus possessionis favens libertati praevalet, sicut idem titulus in simili favet in materia iustitiae particularis.

Ratio 1.

5. Probatur 2. Ratio ob quam possessio praevalet in materia iustitiae est, quia eo ipso, quod quis bona fide possessionem inierit, habet jus ne illa spoliatur, nisi aliquid afferatur, quod magis urgeat contra eum, quam quod ipsi favet. Alioquin homo spoliaretur jure certo ac re certo sua ob exceptionem incertam, quae non magis alteri quam ipsi faveret. Hoc autem ipso lumine naturae patet esse absurdum. At eadem prorsus ratio valet in quavis alia possessione extra materiam iustitiae; nam ipsa possessio, ac jus possessionis in quavis materia, aequè pertinet ad possessorem tanquam res propria illius, ac possessio in materia iustitiae; neque enim ex parte possessionis & juris ad eam conservandam ulla est diversitas, etsi diversitas sit ex parte rei possessae; illa enim non semper ad iustitiam, sed saepe ad alias virtutes pertinet. Ergo nemo spoliandus est ea possessione, ac jure ad illam continuandam, ob exceptiones incertas ac dubias, quae non magis favent aliis, quam ipsi possessori; proinde titulus possessionis aequè valet in aliis materiis, ac in materia iustitiae. Ergo sicut in materia iustitiae, ita & in aliis materiis, quoties causa est par, melior est conditio possidentis. Haec est fundamentalis ratio, ad quam aliae reduci posse videntur.

Possessio in omni materia aequale privilegium obtinet.

Ratio 3.

6. Probatur 3. Ideo in materia iustitiae titulus ac jus possessionis praevalet in casu dubio circa dominium rei possessae, quia nulla est lex absolute obligans, quae faveat auctori, & vim legis exercere valeat; ex hoc enim sequitur, nullum esse periculum peccati, si res possessa retineatur, ut in superioribus fuisse probatum est, quia in tali casu omnis lex ejusmodi est prorsus dubia & incerta, quae proinde vim nullam obligandi habet. Hinc autem sequitur, neminem privandum esse possessione legitime acquisita ob tale periculum, quia nemo subdi debet magno certo ac vero malo, ut vitet malum tantum nomine tenus, illudque non certum, sed dubium. At haec ratio locum habet in materia religionis, & in casu voti dubii, ut ostensum est quæst. superiore; quia qui hactenus pacifice possedit suam libertatem hoc & illud faciendi, non debet illa privari, & pati onus gravis obligationis, eo quod repente oriatur dubium, an votum emisit; quia si post omnem diligentiam adhibitam votum maneat dubium, utique omnis lex absolute obligans ad abstinendum à tali opere est dubia, & proinde non habet vim obligandi. Ergo nullum est periculum peccati veri contra talem legem, si opus omittatur; quia peccatum verum repugnat, ubi non est lex verè & absolute obligans. Itaque videndum superest, an homines teneantur agnoscere obligationem, & sequi partem tutiorem ex vi legis reflexae, sicut id ipsum quaerimus in materia iustitiae: respondetur autem nos in neutro casu teneri, si habeamus possessionem rei, de qua quaeritur an teneamur nos eam privare, quia in tali casu jus possessionis facit conditionem possidentis meliorem; non enim est aequum, ut quis subeat tantum malum, quantum est iactura libertatis, ob solum periculum faciendi id quod non prohibetur ulla lege vim legis habente, quod-

Possessio cur praevalent in materia iustitiae?

que praesumi non potest debitum ex vi legis reflexae, quamdiu est peculiaris ratio possessionis favens libertati, ut est in casu nostro; quia homo est in possessione suae libertatis, à qua proinde detrudi non debet ob titulum reflexum non magis faventem alteri, quam sibi. Et sanè privari possessione libertatis tantum malum est, quantum bonum est ipsa libertas. At libertas omnibus rebus favorabilior est, ut habetur reg. 122. ff. de regulis iuris. Porro quod dictum est in casu voti dubii, eodem modo valet in omni dubio juris, in quae proinde titulus possessionis non minus obtinet privilegium, quam in materia iustitiae.

7. Probatur 4. Titulus possessionis, & jus illum retinendi tanti est, ut conjux, probabiliter credens matrimonium esse nullum, nihilominus teneatur reddere debitum consorti petenti, merè ne violet jus possessionis; quia periculum violandi dominium in corpus, ex titulo matrimonii obtentum, est valde exiguum, cum probabile sit, tale dominium non dari; & atuncque illud periculum non est comparandum cum periculo fornicationis, incestus, & adulterii, quod probabiliter imminet. Ergo solus titulus possessionis praevalet, & favet conjugi bona fide possidenti facultatem petendi debitum. Tanti autem est ut non privetur hoc jure, seu hac possessione, ut potius quam conjux tali jure privet consortem, debeat se exponere periculo materialis fornicationis adulterae & incestuosae, si probabiliter credat matrimonium esse nullum, tam ob vitam prioris mariti, quam ob affinitatem vel consanguinitatem cum marito contractam. Similiter tanti est possessio bona fide inita ad petendum debitum in dubio de impedimento impotentiae, ut liberum sit illi exponere se probabili periculo fornicationis, potius quam agnoscere se obligatum ad abstinendum ab usu juris acquisiti per possessionem matrimonii bona fide initi; non enim tenetur quis abstinere à petendo debito donec certò constiterit illud impedimentum esse perpetuum, quod certè non constat, quamvis perpetuitas impedimenti sit probabilis.

Magnitudo tituli, seu juris possessionis, quanta sit?

8. Hinc sic arguo: Tanti est titulus possessionis, & jus ne quis ea privetur, ut probabile periculum peccati materialis gravissimi non sufficiat ad liberum ejus usum impediendum, idque non solum quando redditio debiti reducitur ad materiam iustitiae, sed etiam, quando petitio debiti procedit in dubio probabili de impedimento impotentiae; quae petitio non spectat ad iustitiam, sed refertur ad solum petentem, à quo omitti potest absque ullo periculo iniustitiae vel peccati materialis, ut patet. Ergo à fortiori idem universaliter valet in possessione libertatis (qua privari maximum malum est) quando causa est par, & dubium juris non est probabile, sed purè dubium, quod aequè favet uni parti ac alteri.

Periculum peccati materialis extra materiam iustitiae non infringit jus possessionis.

9. Probatur 5. Tanti est in exemplis allatis titulus ac jus possessionis, ut nemo iudex in foro externo rationabiliter posset quemquam damnare ad subeundam iacturam tanti boni ob exceptiones incertas, non magis auctori quam reo faventes; quia ubi partium jura sunt obscura, favendum potius est reo, quam auctori. At eadem ratio manifestè valet non solum in casibus allatis ex materia obedientiae ac religionis, sed universaliter in possessione libertatis. Ergo privilegium possessionis universaliter locum habet in foro externo pro omni materia, quae cadit sub veram possessionem. Ergo etiam in foro interno, quod, juxta

Judex in nulla materia eodem modo potest ad cedendum possessioni in causa par.

juxta communem Theologorum sententiam, quam Celladeus *lib. 4. quest. 12. §. 1.* veram appellat, semper concordat cum foro interno, nisi quando forum externum fundatur in presumptione, quæ in foro interno scitur esse falsa. At nulla est ejusmodi præsumptio in casu præsentis, quia supponimus eadem omnia constare in utroque foro. Ergo sicut privilegium possessionis in casu dubii generaliter prævalet in foro externo, ita in simili casu universaliter prævalet in foro interno.

Inæqualitas, quam possessio tribuit possessori, est par ac similis in omni materia.

10. Probatur 6. ex iis, quæ Celladeus ipse admittit. Privilegium possessionis ideo locum habet in materia iustitiæ, quia facit aliquam inæqualitatem, seu præponderantiam in favorem possessoris, ex qua inæqualitate habetur fundamentum formandi conscientiam, quod liceat possessori rem sibi retinere. Fundamentum autem hoc consistit in titulo possessionis ac in jure illud retinendi, nisi plus afferatur contra possessorem, quam pro possessore; imò nisi aliquid afferatur magis urgens contra possessorem, quam possessio ipsi fa-veat. Hæc omnia verissima sunt; sed perspicue locum habent in omni possessione, quia necesse est, titulum possessionis in omni causa cæteroquin pari præponderare in favorem possessoris, cum necessario inducat aliquam inæqualitatem manifestè faventem possessori. Hæc autem inæqualitas non minus conducit ad formandam conscientiam in aliis materiis, quam in materia iustitiæ, quia fundamentum taliter formandi conscientiam non consistit in alio, quam in ipsa hac inæqualitate ac præponderantia, ut patet. Neque verum est, possessionem, ut Celladeus contendit, conducere ad solvendum dubium de dominio; contrarium enim in multis est evidens, ut in casu dubii de matrimonio ob impotentiam, & in prima hora post possessionem hæreditatis bona fide inchoatæ, &c. tales enim possessiones nullatenus juvant ad solvendum dubium sive de matrimonio, sive de jure ac dominio possessoris, ut ostensum est. Itaque possessio aliud non probat, in materia iustitiæ, quam quòd possessor ob ipsum titulum possessionis, cæteris paribus, sit præferendus aliis in usu ac dispositione rei possessæ; quòdque per consequens possessio juvet ad rationabiliter existimandum, possessorem licetè posse retinere rem possessam non obstante dubio, an verum jus ac dominium illius ad se an ad alium spectet. At possessio in aliis materiis, quando cætera sunt paria, probat prorsus idem; idque ex iisdem penitus fundamentis. Ergo privilegium possessionis æquè locum habet in aliis materiis, ac in iustitia, ubi cætera sunt paria.

Error Celladei refutatur.

11. Atque hinc inferitur, Celladeum fuisse deceptum, distinguendo possessionem in probantem, & non probantem. Probantem vocat possessionem in materia iustitiæ; non probantem vult esse possessionem in quavis alia materia. Deceptus, inquam, fuit, quia revera omnis possessio probat, quicquid ulla determinata probat, & nulla probat solutionem dubii post illam ortam. Hæc omnia jam fusè probata sunt *quest. superiore* contra Celladeum; quare solum superest, ut argumentis ipsis satisfaciamus.

SOLVUNTUR OBJECTIONES.

Obiectio 1. 12. **O**BJICIT primò. Si quæ esset possessio in aliis materiis, cui possessionis in materia iustitiæ privilegium competeret, maximè esset possessio libertatis. Sed hæc possessio nihil

probat, nec per se ac titulo sui facit meliorem conditionem eam habentis; si enim aliquando probaret, semper probaret, & in omni causa dubia & pari redderet causam inæqualem, quia in omni dubio adest possessio libertatis. At non semper probat, ut omnes fatentur, alioquin pars tutior in nullo unquam dubio esset tenenda. Ergo possessio extra materiam iustitiæ nunquam probat per se loquendo, nec conditionem possidentis reddit meliorem. Ita Celladeus §. 3.

Respondeo 1. negando majorem, quia possessio jurisdictionis ac subditi eodem modo procedit in materia obedientiæ, sicut possessio domini & rei in materia iustitiæ. Porro in hoc casu nullus datur specialis titulus de possessione libertatis, magis quam in materia iustitiæ. Idem dico de aliis exemplis, ut in possidente conjugem, & potestatem petendi debitum in dubio de impedimento impotentis perpetuæ, &c. in casibus enim hujusmodi maximè elucet vis possessionis, ejusque comparatio cum possessione in materia iustitiæ per omnia subsistit. Falsa ergo est major, ut à Celladeo hoc loco profertur.

Responso 1]

13. Respondeo 2. possessionem libertatis, ubi datur, semper locum habere in omni causa dubia ac pari; sed in hoc errat Celladeus, quòd putet possessionem libertatis ex æquo locum habere in omni dubio, quod verum non est; nam quando practicè dubitatur, nemo possidet, aut unquam possedit libertatem faciendi quod vult, cum unusquisque indubiè gravetur lege reflexa obligante ad partem tutiorem. In tali enim casu, sicut in multis dubiis facti, possessio non stat pro libertate, sed pro lege, seu potius pro superiore nos gravante per legem, per quam pro sua potestate arctat terminos nostræ libertatis, obligatque ne operemur illud de quo dubitamus, an sit illud, quod scimus ab ipso esse prohibitum; quia lex certa & certò existens extendi potest ad prohibendum dubium, ut ostensum est. Itaque sæpe non licet sectari minùs tuta in dubio, quando scilicet possessio non favet libertati; sæpe licet, quia sæpe libertas gaudet possessione suæ libertatis.

Possessio libertatis est per se assert privilegii; quando datur, & casus sic par.

Possessio non favet libertati in omni dubio.

14. Objicit secundò. Magna & multiplex est disparitas inter possessionem in materia iustitiæ, & possessionem in aliis materiis. Inprimis in materia iustitiæ semper standum est pro possessione, quando causa est par. Hoc locum non habet in aliis materiis, ut omnes fatentur. Secundò in aliis materiis tenemur saltem de consilio ad partem tutiorem. At in materia iustitiæ possessor non tenetur ne quidem de consilio. Tertiò, possessor in materia iustitiæ non tenetur ad totam rem alienandam, alioquin daretur motus sine quiete cum processu in infinitum. Qui enim acciperet rem, iterum teneretur eam reddere, & sic sine ullo fine. At nihil simile est in aliis possessionibus. Quartò, in materia iustitiæ possessio facit ad suavitatem, & ex voluntate Reipublicæ eam inducit; quia divisio rerum subiecta est voluntati Reipublicæ. At nihil simile est, quando dubitatur an sit aliqua Dei lex obligans ad aliquid; quia homines nil disponere aut alterare possunt circa talia. Hæc disparitates ostendunt argumentum à possessione in materia iustitiæ, ad possessionem in aliis materiis non valere. Ita Celladeus §. 4.

Obiectio 2]

Respondeo, omnia hæc absque delectu, & contra veritatem obiecta esse. Primum est falsum, semper tui nam non semper in materia iustitiæ standum est pro possessore. Inprimis petere debitum conjugale est materia iustitiæ; & tamen sæpius possessor

cessor

feffor non licet peti debitum, si dubitet an matrimonium sit validum. Rursus in dubio, an filius aliquis sit legitimus, providendum illi est de portione legitima, quamvis fratres cogendi sint tribuere aliquid ex rebus, quas possident, ut fuscè probat Vasquez 1. 2. disp. 66. cap. 8. idque verum esse contendit non solum ex jure civili, sed etiam ex jure naturali. Teneatur ergo Celladeus determinare, quando possessio etiam in materia justitiæ affert, & quando non affert obligationem secutiendi partem tutiorem. Nos quæst. superiore hoc explicavimus. Itaque antecedens est falsum; sed, illo admissio, consequentia non sequitur; possessio enim æquè universaliter favet superiori in materia obedientiæ, ac in materia justitiæ, quia semper obediendum est in dubio, quando causa cæteròquin est par. Eodem modo in materia religionis semper favendum est libertati, quando votum est dubium: demum in omni dubio standum est pro possessione libertatis, quando causa est verè par, & nil affertur contra possessorem, quod ex æquo non faciat pro possessore, prorsus sicut in materia justitiæ. Hæc sola diversitas intervenit, quod in dubio practico, aliisque cum dubitatione practica connexis, causa non sit par; ideoque regula possessionis ad eam non extendatur.

Illatio Celladei non sequitur ex antecedente

In materia justitiæ sepe de consilio est, ut possessor sequatur partem tutiorem.

In aliis materiis pars tutior non semper est de consilio

15. Idem errores clarè apparent in secundo etiam argumento. Inprimis antecedens est falsum, quia subditus in materia obedientiæ non tenetur ne quidem de consilio ad partem tutiorem: v. g. subditus non tenetur se abscondere, aut statum Ecclesiasticum inire, quando vocatur à rege ad bellum, de quo dubitat an sit iustum. Et tamen tutius illi esset dicta ratione bellum illud vitare. Idem universaliter verum est de subdito Religioso; de consilio enim est, ut obediat, quamvis abstinere ab illo opere esset tutius, si superior illud non præciperet. Neque obstat, quod, stante præcepto superioris suam jurisdictionem legitime possidentis, tutius sit obedire; quia hoc etiam locum habet in materia justitiæ; stantibus enim possessione & voluntate possessoris ad retinendam rem suam, tutius est tam actori quam judici favere possessori. At quando agitur de parte tutiore in præsentis quæstione, agitur de eo quod tutius est independentè à titulo possessionis, non de eo quod tutius est considerato etiam titulo possessionis, aliisque ab illa provenientibus. Deinde quod ex opposito dicitur est falsissimum; tam certum enim est, possessorem teneri ex consilio ad partem tutiorem in materia justitiæ, quam in aliis materiis; pars enim tutior est illa, quam sequendo nullum est periculum peccati ne quidem materialis. At si possessor restituat rem in dubio nullum imminet periculum peccati; imminet verò periculum peccati, saltem materialis, seu detentionis rei alienæ invito domino, si non restituat. Imò secundum aliquos imminet periculum peccati formalis; Adrianus enim & Sotus apud Vasquium 1. 2. disp. 66. cap. 7. docent, possessorem, si dubium perseveret, debere rem restituere vel in totum, vel saltem in partem, quia hoc est tutius. Deinde quis non videt consilium esse, in dubio de impedimento impotentis abstinere à petendo debito, & habere uxorem loco sororis? Si hoc non sit consilium, quid tandem erit? Hoc tamen est in materia justitiæ. Ergo possessor in materia justitiæ tenetur, ut cum Celladeo loquar, de consilio sequi partem tutiorem.

16. Tertium argumentum similibus vitiis la-

borat. Inprimis motus ille perpetuus æquè haberetur in materia justitiæ extra casum possessionis, ac stante possessione, si unusquisque in dubio teneretur ad cedendum totum alteri. Ponamus enim duos esse, quorum neuter possidet rem, de qua dubitant, ad quem illorum pertineat. In hoc casu uterque æquè deberet cedere alteri possessionem sine fine, ac in casu possessionis, si propter merum possidendi & habendi alienum, uterque deberet se privare tota re in favorem alterius. Ergo extra casum possessionis nemo in casu pari teneri potest ad cedendum tota re. Ergo hæc instantia malè appropriatur possessori, quasi verò id ex titulo possessionis oriretur, cum certum sit, quod potestas non cedendi tota re non oriatur à possessione, sed à titulo juris independentè à possessione. Ad quid ergo applicatur possessori, quasi verò id ex possessione proveniret?

Nullitas argumenti tertii.

17. Deinde similis motus perpetuus daretur in materia fidelitatis, si quis eo ipso deberet totam rem alteri dare, quod dubitaret an illam promississet. Deberet enim alteri dare, ne forte violaret promissum, & alter deberet eam restituere, ne forte retineret alienum; quia dans non absolute transferret dominium illius rei, sed solum ex suppositione quod eam promississet. Ergo alter non esset certus, sed maneret dubius an posset rem illam sibi retinere. Ecce similis motus sequeretur non solum in materia justitiæ, sed etiam in materia fidelitatis; imò totus circulus esset in materia fidelitatis, si alter promississet, se nil retenturum alterius, quamdiu dubitaret, an illud ad ipsum pertineret. Ergo ista perperam profertur tamquam spectantia ad solam justiciam, cum eodem prorsus modo spectent ad aliam materiam.

Nullus processus sequitur ex titulo possessionis, qui ex alia titulo non sequitur.

18. Demum admissio antecedente in toto sensu, quem Celladeus intendit, simulque admissio quod nil ejusmodi contingat in aliis possessionibus, quid inde ad præsens intentum? Aliquid quidem inferretur, si vim faceremus in illo ipso, in quo non datur paritas. At nemo ex illo argumentum sumit. Nos enim in solo titulo possessionis vim facimus, & sic argumentamur. Si duo dubitent de suo jure, & neuter possideat, neuter potest totam rem vindicare, sed debebunt inter se pacisci, & ex æquo rem dividere, quia in tali casu tutior pars est tenenda; totum autem retineri non potest ab ullo illorum, sine periculo habendi rem alienam, invito domino, quod periculum tollitur, si ex conventionem rem dividant inter se. At si alteri accedat titulus possessionis, ille, tametsi semper versetur in materia justitiæ, licet retinet sibi rem totam, nec tenetur, ut antè, eam dividere, aut partem tutiorem sequi paciscendo cum actore; aut in defectu actoris pretium pauperibus erogare. Ratio horum omnium fundatur præcisè in excessu, quem titulus possessionis, reliquis similiter se habentibus, inducit, quia in pari casu melior est conditio possidentis, ut latè probatum est. Hinc arguimus ad alias materias, & dicimus, titulum possessionis semper prævalere in illis, si causa ita sit utrimque par, ut nil afferatur contra possessorem, quod ipsi ex æquo non faveat; quia eadem rationes æqualiter valent in omni materia. In hoc solo paritas, ac rationum non tam paritas quam identitas, consistit. Neque obstat, quod in aliquibus aliis huic non contrariantibus detur disparitas. Talia sunt quæ afferuntur in argumento, ut constet ex dictis.

Nullitas argumenti tertii.

19. Ad 4. Patet ex dictis, tum hæc tum superiore

Multiplex
insufficiētia
argumēti 4.

riore quæstione, ubi probatum est, quod titulus possessionis præcisè ex se nil prorsus faciat ad suitatem, seu ad verum dominium rei, sed aliundè possessori tribuat facultatem retinendi rem. Porro omnes illi tituli æquè reperiuntur in aliis materiis, ac in materia justitiæ, ut ostensum est. Quod additur, de potestate reipublicæ ad dominia rerum transferenda, non autem ad alterandas leges Dei, non est ad rem; quia non loquimur pro casu dictæ translationis, per usucapionem vel præscriptionem factæ, sed pro casu, quando aut certum est, rempublicam non fecisse ejusmodi translationem, aut certè est dubium, an illam fecerit. Præterea, quod objicitur, est insufficiens ad intentum, quia dantur innumere leges humanæ extra materiam justitiæ, in quas reipublica æquè amplum dominium habet, ac in bona ac jura subditorum. Cur ergo privilegium possessionis non æquè extenditur ad illas materias, ac ad bona temporalia? Itaque argumentum non probat privilegium possessionis extra materiam justitiæ non extendi, sed ad summum urget in legibus divinis, quæ ab hominibus alterari non possunt.

Sed neque sufficit ad hoc probandum, quia titulus & privilegium possessionis locum habet in materia justitiæ pro priore ad omnem legem humanam; regula enim illa, *in causa pari melior est conditio possidentis*, est axioma lumine naturæ notum, per quod homines diriguntur in lege naturali, antecedenter ad omnem legem positivam. Ergo veritas illius non dependet à lege aut conventionem humana, sed omnia ejusmodi statuta præcedit, quamvis fortasse fieri potuisset per conventionem subsequentem, ut possessio in omnibus materiis reipublicæ subiectis nullum privilegium haberet. Verum non obstante tali lege humana, adhuc possessio libertatis in aliis materiis humanæ legi non subiectis locum haberet, quia jure naturæ ab hominibus inalterabili meretur dictum privilegium, ut ostensum est. Demum titulus possessionis locum habet in materia justitiæ humanis legibus non subiectæ; qui enim bona fide contraxit matrimonium, licitè petit debitum in dubio impotentis, idque ex titulo possessionis bonæ fidei; si enim per longam impotentis experientiam ante contractum initum dubitasset de hoc impedimento, sicut illicitè contraxisset, ita contractus subssecutus, & sequens possessio nil privilegii attulisset; tum quia fuisset possessio malæ fidei, quæ nemini suffragatur, ne quidem in ordine ad petendum debitum conjugale, ut apparet in contrahentibus cum dubio aliorum impedimentorum; tum quia nemo debet emolumentum ex suo scelere reportare. Ergo facultas licitè petendi debitum oritur præcisè ex titulo possessionis bonæ fidei. Ergo privilegium possessionis etiam in materia justitiæ locum habet in jure naturæ, quod ab humanis legibus non dependet. Unde iterum nullitas argumenti apparet.

Objeccio 3.

20. Objicit tertio. In materia justitiæ lis est inter æquales, nisi partium aliqua ex ipso jure privilegium habeat. Deus autem æqualiter adest utrique parti, jubens ut unaquæque habeat quod suum est. At in aliis materiis lis est inter superiorem & subditum, inter Deum & hominem. Ergo in illis potius standum est pro lege & Deo; quia sicut in pari causa melior est conditio Ecclesiæ, causæ piæ, dotis, & matrimonii; sic si has regulas extra materiam justitiæ transferre liceret, ex hoc solo melior esset conditio legis

ac superioris, & præsertim Dei. Ita Celladeus §. 4.

Respondeo, quid hoc ad rem? Deus aderat æqualiter utrique litiganti in dubio juris ante possessionem. Peto, an adsit æqualiter utrique etiam post possessionem? Si affirmes: ergo res possessa debet dividi, sicut debuisset dividi, si non fuisset possessa. Si neges: ergo titulus possessionis facit, ut personæ illæ non sint amplius æquales, & ut Deus magis faveat possessori. Ergo idem erit in aliis materiis; quia titulus possessionis æquè reperitur in illis, ac in materia justitiæ, ac proinde Deus non amplius respicit illas personas ut æquales. Hoc maxime apparet in materia obedientiæ humanæ, in qua Deus respicit superiorem & subditum ut inæquales, quia respicit superiorem ut habentem jurisdictionem, & legitimam illius exercendæ possessionem; subditum verò ut alteri subiectum, nec habentem rationem excipiendi contra certam alterius possessionem, ob titulum non magis faventem ipsi quàm superiori. Ergo si argumentum valeret, sequeretur à fortiori, quod privilegium possessionis magis haberet locum in materia obedientiæ humanæ, quàm in materia justitiæ. Itaque fateamur, cæteris paribus, semper favendum esse superiori humano contra subditum in ordine ad debitum obedientiæ, idque propter titulum possessionis. At non ita dicendum de lege, si dubium sit an lex existat, quia radix obligationis est ipsa lex, quæ eo ipso quod sit dubia nequit obligare. At si constaret de lege, seu de voluntate legitimi superioris, tunc quidem lex præferenda esset, quia lex & superior non solum essent in possessione contra libertatem subditi, sed etiam causa non est par, sed magis faveret superiori ac legi, ut patet. E contra, quando lex est dubia, non est par causa legis & libertatis, quia libertas etiam ob titulum possessionis est præferenda. Nec obstat, quod in causa pari melior sit conditio Ecclesiæ causæ piæ, dotis, &c. quia hoc non est ex natura rei, sed solum ex lege positiva id ipsum volente. At nulla est lex id statuens pro jure dubio. Ergo tunc non est, quod melior sit conditio juris; imò illa semper est deterior, quia libertas est in possessione contra tale jus dubium.

21. Demum, quamvis Deus ipse sit semper melioris conditionis in seipso quàm creatura, tamen motivum suadens nos obligari Deo, non semper est melioris conditionis, quàm motivum suadens nos non obligari. In hoc Celladeus omnibus aliis consentit, quando ex judicio solum probabili sequimur partem minùs tutam; tunc enim motivum libertati favens plus valet ad obligationem auferendam, quàm motivum favens legi ad eam inducendam. In hoc ergo sensu dici potest, quod efficacior sit conditio creaturæ in ordine ad obligationem hanc & nunc arcendam, quàm Dei ad illam inducendam. Hoc posito, idem dico evenire in casu legis dubiæ, quia inter reliqua possessio libertatis inæqualitatem inducit; non enim æquum est, ut priver certa possessione meæ libertatis ob incertam ac dubiam legis propositionem, utpote quæ non magis gravat me, quàm par propositio non legis mihi favet. Ergo ipsa possessio constituit inæqualitatem, facitque conditionem possessoris meliorem in ordine ad arcendam obligationem, quàm sit conditio Dei, seu potius motivorum faventium legi, ad obligationem inducendam. Et sanè per hoc ipsum conditio Dei simpliciter melior est, quod velit motiva illa in pari causa possessioni cedere; Deus enim

Justitia ita est inter æquales, ut jus ac possessio reddat illos inæquales.

Superioritas humana est inter æquales, sed facit inæquales.

Possessio favet in materia justitiæ humanis legibus non subiectæ.

Melior Dei conditio probat libertati favendū esse in casu legis dubiæ, idque titulo possessionis, quæ libertati favet.

In hoc maximè misericordiam ac bonitatem suam erga nos commendat, quòd non tam rigidè cum hominibus agat, ut propter quodvis dubium velit eos ad onus tutiora sequendi adigere; sed ita se gerit erga nos sicut in simili causa vult homines inter se habere. At in humanis vult subditum non teneri lege dubia, quia possessio libertatis stat pro subdito in causa cæteroquin pari. Eodem modo proinde vult judicari in ordine ad obedientiam libimet à nobis ex obligatione præstandam, quia in tali casu titulus possessionis prævalet. Hoc autem est Deo magis gloriosum, illumque magis benignum ostendit, quàm si in istiusmodi casibus ageret strictissimè, ubique aggravando onera, & nil rationabili ex causa remitteret.

Possessio dat
titulum a-
gendu cõtra
legem Dei
dubiam, e-
tiam quan-
do possessio
non condu-
cit ad pro-
bendum ti-
tulum.

22. Demum, ut videas hæc omnia esse verissima, in mentem revoca conjugem, qui dubius de impedimento impotentis petit debitum. Hic homo in petendo debito contra neminem agit, nisi contra solum Deum prohibentem accedere ad non suam; nemo enim alius illum à petendo debito impedit, aut deterret. Hoc tamen non obstante, licetè petit debitum. Unde hoc? Nónne Deo & legi favendum? Nónne melior est conditio Dei & legis? Respondeat huic instantiæ Celladeus, & proprium argumentum solvet; inveniet enim, quòd in hoc casu sola possessio bonæ fidei meliorem faciat conditionem possidentis etiam contra legem & Deum in ordine ad debitum liberrimè exigendum. Ex hoc exemplo iterum efficaciter refellitur id, in quo Celladeus maximè inhaeret, nempe possessionem, quæ nil faciat ad deponendum dubium de veritate rei, nullum privilegium habere, nec meliorem facere conditionem possessoris. Certè possessio in hoc casu nil prorsus facit in ordine ad decidendum dubium de impotentia, ut patet, & tamen possessio hæc bona fide inita plurimùm conducit ad debitum licetè exigendum.

Obiectio 4.

23. Obijcit quartò. Si valeret arguere à possessione in materia justitiæ ad possessionem in aliis virtutibus, induci possent usucapiones ac præscriptiones in possessione libertatis adversus legem Dei, etiam naturalis. Ita Celladeus §. 4.

Præscriptio
cur inducta
tur contra
humana nō
contra divi-
na?

Respondeo, mirari me, tam inania objici à viro gravi ac ingenioso. Usucapiones ac præscriptiones non inducuntur titulo possessionis, nec unquam inductæ fuissent vi illius, nisi dominium post tantum tempus possessionis pacificæ per leges expressas translatum fuisset in possessorem, ne alioquin processu temporis omnia vera dominia redderentur incerta. Sequiturne hinc, nos posse præscribere contra Deum? Minimè, ne apparet quidem. Si tamen Deus legem ferret in favorem nostrum, ut, post tantum temporis pacificæ possessionis, vel ignorantiz invincibilis lex aliqua positiva cessaret, possemus tunc contra illam præscribere. At sine hujusmodi lege à Deo singulariter constituta (quam non constituit) omnis usucapio aut præscriptio est manifestè impossibilis.

Obiectio 5.

24. Obijcit quintò. Possessio in materia justitiæ privilegium habet, quando causa est par, quia certò constat, quis possideat, quis non possideat rem. At in aliis materiis hoc locum non habet, quia vel sermo est de libertate physica ejusque possessione; & hæc nec tollitur nec læditur, ne quidem per obligationem præcepti, cum homo æquè liber sit ad utrumque, posito præcepto, ac erat antè. Et tamen certum est, possessionem libertatis non habere privilegium,

R. P. A. Terilli, Regula Morum. Pars. II.

quando constat de præcepto. Vel loquimur de possessione morali, qua quis licetè potest rem facere & non facere. At hujus libertatis nulla est possessio, quin de hoc ipso lis est & dubium. Ergò dispar est ratio. Immo è contrario sic arguitur. Si non solum dominium, sed etiam possessio rei revocaretur in dubium, non esset locus regulæ, ne quidem in materia justitiæ, sed res esset dividenda. Ergò cum possessio moralis sit dubia in aliis materiis, nullum secum fert privilegium, sed tutior pars est tenenda. Ita Celladeus §. 4. ubi rationem hanc vocat ostensivam & manifestam.

Respondeo imprimis retorquendo argumentum. Possessio in materia justitiæ, de qua loquimur, vel est possessio physica, qua homo rem sub sua potestate ac libertate physica retinet; vel est moralis, qua licetè retinet & non retinet. Si primum: illa manet etiam quando certum est, quòd res ad alium pertineat; & tamen possessio tunc nullum affert privilegium. Si secundum: de illa lis est ac dubium, quia Adrianus, Sorus, Arragonius, & Barnabas de Rosalibus apud Bresserum lib. 4. cap. 3. expressè docent, rem in tali casu vel restituendam, vel dividendam esse; quorum opinionem Corduba lib. 3. quæst. 6. ad 3. docet esse probabilem. Rursus sic arguo. Etiam in materia justitiæ sola possessio bonæ fidei fert secum privilegium regulæ. At illa, orio dubio, cessat, quia qui possidet in dubio, non credit rem esse suam, ideoque non ampliùs possidet illam bona fide. Certè talis possessio ab initio non fuisset moralis & bonæ fidei. Ergò neque nunc videtur talis, quia Major, Adrianus, & Sorus apud Cardinalem de Lugo diff. 7. de just. sect. 3. docent, possessionem bona fide inchoatam, sed postea in dubio continuatam, non sufficere ad faciendam præscriptionem, ad quam tamen haud dubiè sufficeret, si indubiè esset possessio bonæ fidei. Nil ergò facit possessio in dubio, ne quidem in materia justitiæ. Ergò nulla est disparitas inter possessionem in materia justitiæ, & possessionem in aliis materiis. Respondeat Celladeus huic objectioni, & proprium argumentum solvet.

Nullitas
præscriptæ de-
monstratio;

25. Respondeo ergò secundò, quòd in ipsa materia justitiæ sermo sit de possessione physica, ipsa bona fide, à tali fide derivata, dei, est titulus præscriptæ possessionis in pari causa. cui bona fides & moralitas, à tali fide derivata, conjuncta fuit ab initio, licet illa bona fides, & moralitas ab illa derivata hæc & nunc cessent, durante dubio; neque enim de alia possessione loqui possumus, quia post ortum dubium alia non datur. Sensus ergò regulæ etiam in materia justitiæ est iste. Qui nunc physicè possidet rem, quam ab initio bona fide possedit, non debet perdere possessionem suam nec se privare bonis ab initio bona fide possessis, quando oritur causa favens alteri, si causa illa sit par, & ex æquo faveat possessori ac actori. Non enim est æquum, ut possessor bonæ fidei privetur possessione physica rei, aut ullam suæ possessionis arctationem patiat, ob titulum non magis alteri faventem quàm sibi. Ipsa enim possessio bona fide inita tribuit jus, ne quis Physica possessione ejusque emolumentis privetur, ob incertas exceptiones non uni magis quàm alteri faventes. Itaque præsens physica possessio, prout bona fide inchoata, tribuit novam moralitatem, ratione cujus, tam in dubio quàm in quavis causa pari, physicus possessor præferendus est. Verùm hæc moralitas, seu bona fides consequens est diversa à bona fide & moralitate, quam possessor habuit ab initio, quia

Q

dependet

dependet ab illa ut præterita, etsi nec illa, nec similis illi nunc existat. Itaque physicus possessor de præsentī præferendus nunc est ob bonam fidem priorem, quatenus possessio physica hæc continuata, eo ipso quod bona fide inchoata fuerit, postulet continuari donec plus afferatur contra possessorem quàm pro ipso. Ceterum possessio illa physica, prout substans huic persuasioni novæ in illa priore bona fide fundata, appellari etiam potest, & communiter ab Auctoribus appellatur possessio bonæ fidei; quia per illam persuasionem homo videt, se præferendum, & ideo bona fide possidet, sed bona fide alterius rationis à bona fide, per quam possessio inchoata fuit, quia hæc est bona fides quodammodo reflexa & consequens, cum prior bona fides esset directa & antecedens.

Non minus scitur ad quæ possessio pertineat in aliis materiis, quàm in materia iustitiæ.

26. Hæc omnia locum habent, non solum in possessione jurisdictionis & subditorum in materia obedientiæ, (in qua nulla prorsus est diversitas excogitabilis ex parte possessionis aut modi possidendi, cum tam compertum sit ad quem talium rerum possessio pertineat, ac in materia iustitiæ) sed etiam in possessione libertatis in quavis materia, quia homo non minus physicè possidet suam libertatem, quàm quamvis rem corpoream. Rursus ante dubium ortum de lege, homo non minus moraliter possidebat libertatem suam, quàm res alias. Jam hæc duo non minus fundant titulum, & tribuunt jus, ne possessio physica libertatis ullatenus minuatur ob titulum, non magis faventem legi quàm homini, quàm similia præstent in materia iustitiæ; & consequenter æquè in hoc casu ac in materia iustitiæ constituunt novum titulum possessionis moralis, expressum in regula allata, ratione cujus homo scit, se esse melioris conditionis, ac præferri debere ob titulum possessionis explicatæ.

27. Dixi, possessionem physicam, bona fide inchoatam, tribuere titulum ac jus, ne physica possessio restringatur in posterum, ob causam non magis gravantem libertatem, quàm illi faventem; gravaretur autem libertas, & physica ejus possessio arctaretur, si teneremur sequi partem tutiorem in dubio. Falsum enim est, quod dicit Celladeus, physicam possessionem libertatis non solum non tolli, sed nec lædi per præceptum etiam certum; absque dubio enim læditur & restringitur, quia nemo, stante præcepto, ponere potest rem vetitam citra reatum culpæ & pœnæ. At hoc est libertatem ejusque possessionem physicam restringi ac lædi, quia non possumus amplius, ne quidem physicè, operari tanta libertate & facilitate pro libito sicut antè, quia difficile & amarum est incurrere reatum culpæ & pœnæ. Itaque præceptum certum verè arctat libertatem, & possessionem etiam physicam illius alterat, quod ex æquitate fieri non debet ob præceptum dubium, quia in tali casu melior est conditio possidentis.

Præceptum certum verè arctat, ac restringit physicam possessionem libertatis.

28. Demum ex dictis patet responsio ad ultimam partem argumenti; non enim cessat privilegium possessionis in materia iustitiæ, quamvis prior possessio moralis ac bonæ fidei cesset, dummodò possessio physica remaneat, illique ob priorem bonam fidem nova moralitas accedat, ut dictum est. At privilegium cessaret, si physica possessio & novus ille titulus moralis deficerent, quia tunc regula locum non haberet. Verum hoc eodem modo locum habet in aliis materiis, in quibus nec physica nec moralis possessio aliam alterationem habet, quàm in materia iustitiæ. Itaque tantum abest, ut hæc obiectio ostensivè ac manifestè falsitatis convincat nostram sententiam, ac eandem efficacissimè corroboret.

Præterea Celladei demonstrationis probat nostram sententiam.



QUÆ

QUÆSTIO QUINQUAGESIMA OCTAVA.

*Virum, & quando difficultas servandi legem reddat partem minus
tutam nobis licitam in dubio?*

Confilium
de tractan-
da quæstio-
ne ista.

QUÆSTIO ista ejusque solu-
tio non est necessaria ad inten-
tum principale præsentis contro-
versæ; illa enim magis spectat ad
tractatum de legibus, quàm de
conscientia. Verùm quia Auctores sæpe recur-
runt ad difficultatem & incommodum, tamquam
ad rationes, propter quas excusamur in dubiis,
ideo, ad complementum doctrinæ de dubiis,
nonnihil ad hujus quæstionis determinationem
afferemus.

Celladeus lib. 4. quæst. 14. & 15. hanc rem fusè
tractat; sed eam ita versat, ita omnia in dubium
vocat, ut nil fermè certi statuatur, sed Lectorem
valdè perplexum relinquat, quid quæstioni sit re-
spondendum. Immo ipsemet in præcipuo pun-
cto hæret dubius, nec sufficienter explicat sen-
tentiam suam. Ego quid in hac re dicendum sit,
paulatim ac ordinatè exponere conabor.

ASSERTIO PRIMA.

*Aliqua præcepta semper tam stricte obligant,
ut nulla difficultas quemquam ab obser-
vatione rei præcepta excuset.*

TALIA sunt præcepta non blasphemandi,
non colendi plures Deos, & alia similia,
quæ prohibent res ita intrinsecè malas, ut nulla
ratione honestari possint. Tenemur enim potius
mortem & omnia tormenta subire, quàm ea vio-
lare. Idem valet in nonnullis aliis præceptis di-
vinis, quamvis non sint de objecto essentialiter
malo. Deus Judæis poligamiam olim indulxit,
eam Christianis tam absolutè prohibuit, ut nulli
liceat duas uxores simul habere, quamvis ob fu-
gam, vel raptum prioris cogatur cum summa
difficultate castitatem servare. Dantur ergò præ-
cepta, à quorum observatione nullum incom-
modum, nulla difficultas excusat.

ASSERTIO II.

Dantur
præcepta à
quorū ob-
servatione
gravis diffi-
cultas excu-
sat.

*Dantur præcepta non solum juris humani, sed
etiam juris naturalis ac divini, à quo-
rum observatione gravis difficul-
tas excusat.*

HÆC etiam assertio extra dubium est po-
sita. Inprimis excusatur à lege jejunan-
di, recitandi horas, &c. qui citra grave incom-
modum nequit ea observare. Rursus lege natu-
r. P. A. Terilli, Regula Morum. PARS II.

rali ac divina prohibetur est quidquam accipere
propter mutuum ultra sortem; & tamen licet ali-
quid accipere ob damnum emergens, ut omnes
communitè tradunt. Dantur ergò præcepta etiam
juris Divini ac naturalis, à quorum observatione
gravis difficultas & incommodum grave excusat.
Porro cum difficultates occurrentes aliquando
excusent, aliquando non excusent, superest, ut
tradatur regula aliqua, unde incommoda quæ
excusant, dignoscantur ab incommodis quæ
non excusant.

ASSERTIO III.

*Ea omnia & sola incommoda ac difficultates
excusant ab observatione legis, quæ ita
alterant rem alioquin certè præceptam, ut
prudenter credibile faciant, legem ad il-
lam pro tali circumstantia non extendi;
aut certè post omnia considerata dubium
relinquunt, utrum lex pro tali circum-
stantia extendatur ad rem illam.*

PROBATUR. Inprimis omnes istiusmodi
difficultates excusant, quippe quæ direc-
tè, vel indirectè sufficiunt ad conscientiam de-
bitè formandam de honestate operis. Directè
quidem, si reddant certum aut probabile, quòd
lex ad rem talibus circumstantiis affectam non
extendatur. Indirectè verò, si post omnia debi-
tè considerata id ipsum relinquatur dubium; quia
lex dubia non obligat, sed standum est pro pos-
sessione libertatis, maxime si lex observari non
possit citra grave detrimentum. Rursus istæ so-
læ difficultates excusant, quia nullæ aliæ vi sua
sufficiunt ad conscientiam ritè formandam de
honestate operis, cum ne quidem dubium red-
dant, an lex ad talem casum extendatur. Ergò
extenditur ad illam; cum absque dubio omnes
teneantur ad ea præstanda, quæ aut certè scimus,
aut ita probabiliter credimus esse actu præcepta,
ut post debitam diligentiam adhibitam non pos-
simus prudenter dubitare, utrum sint permissa.
Hactenus in eo solum Celladeus à nobis discre-
pat, quòd putet incommodum non excusare,
nisi reddat certum, aut directè probabile, quòd
lex non detur; in quo loquitur quidem conse-
quenter ad sua principia de jure dubio, quod
vult esse obligatorium; sed quia ostensum est,
jus dubium non obligare, ideo illud quoque in-
commodum excusat, quod sufficit ad ipsum jus
reddendum dubium.

Incommoda
& difficul-
tates quæ
reddunt le-
gem dubiā
excusant ab
obligatione
legis.

Q 2

ASSER.

ASSRTIO IV.

Difficultates, ab observatione legum excusantes, longè frequentius locum habent in humanis legibus, quàm in Divinis.

Difficultas servandi legem frequentius tollit obligationem in legibus humanis, quàm in divinis.

Solus Deus leges subditis debite aptat.

Legislator humanus in multis deficit ad leges constituendas.

5. **P**ROBATUR. Solus Deus est perfectus legislator, quippe qui solus novit omnes circumstantias, quæ possunt occurrere; solusque perfectè novit vires, quas subditis suis largitur. Ille proinde solus est, qui potest leges condere, aut nullis aut paucissimis exceptionibus obnoxias. Hinc ita leges ac onera viribus subditorum aptat, ut rarè ob difficultates intercurrentes eos excusari velit. Hoc enim ad bonitatem, prudentiam, ac majestatem Dei spectat. Atque hinc est, quòd in legibus Divinis rarè excusamur ob difficultates intercurrentes; & quidem rarissimè in jure naturali, in quo si obligatio videatur cessare, ideo est, quia materia illa ad aliam speciem quodammodò extrahitur. Unde quando aliquid ultra sortem accipitur pro mutuo, titulo damni emergentis, tunc præse loquendo lucrum non datur propter mutuum (hoc enim lege naturali prohibitum est, quia præcisè ob titulum mutui nil licet accipere) sed solùm propter damnum, quod hic & nunc accidit ratione mutui. Itaque tunc damnum imminens fundat titulum novum, & transfert actionem ad aliam speciem. Aequum autem non est, nos obligari ad damnum subeundum, quia favorem alteri præstamus, nisi is consentire velit in compensationem. Atque hinc non ob mutuum, sed solùm occasione mutui licet aliquid accipere ultra sortem ob damnum emergens.

6. At legislatores humani nec omnes difficultates intercurrentes provident, nec vires singulorum metiri possunt. Præterea aliqui aliquando deficiunt nimis dura præcipiendo, de quibus Christus ipse *Matth. 23.* conquestus est, quòd *alligent onera gravia, & importabilia, & imponent in humeros hominum.* Quamvis autem duris istis & iniquis legislatoribus obtemperandum sit, quando constat, eos velle nos ad ista obligare; nihilominus loquendo de aliis, de quibus meritò præsumimus, eos nolle suos subditos nimium gravare, sæpe magna difficultas interveniens sufficit ad exstinguendum, quòd non intenderint subditos tanto oneri subicere. Hoc autem frequentius longè intervenit in lege humana, quàm in Divina, ut rationes allatæ evincunt.

ASSERTIO V.

Quando res, quæ præcipitur, est per se valde difficilis, consuetudine difficultas, per se connexa cum observatione præcepti, non excusat.

Difficultas consuetudine, per se connexa cum re præcepta, non tollit obligationem legis.

7. **R**ATIO est, quia legislator sciens & volens obligat ad istam difficultatem subeundam. Ergò illa non excusat. Sic difficile est jejunare per totam quadragesimam. Hæc difficultas non excusat à jejunando, ut patet, quia ipsa directè præcipitur. Et sanè in tali casu, nisi aliud aliquod incommodum interveniat præter ipsam difficultatem rei præceptæ, rarè excusantur homines à præcepti illius observatione.

8. Ab his etiam Celladeus non multum vide-

tur dissentire; in eo tamen prorsus displicet, quòd humanas leges quoad rigorem quodammodò æquet Divinis; eo quòd, si Ecclesia sit mater benigna, etiam Deus sit misericors Pater. Præterea Ecclesia mater, inquit, regitur à Deo Patre. Unde videtur insinuare, ac inferre, Ecclesiam quoad rigorem ac indispensabilitatem suarum legum Deum imitari; nisi enim ad hoc insinuandum dicta illa afferrentur, ad præsens institutum non facerent. Verùm in his est ingens disparitas ob rationes allatas, ut patet. Nec desunt aliæ plures gravissimæque, petitz à justitia Dei, qua ipse ut supremus Judex opera misericordiz contemperat rigore justitiæ, & quidem in alio longè gradu, quàm ullus superior creatus.

Celladeus rigorem legum divinarum ac humanarum æquat.

9. Petes, an umquam excusamur ob propriam difficultatem rei præceptæ, si illa multum augeatur in suo genere?

Propria difficultas rei præceptæ, si non videtur augeatur, aliquando excusat ab obligatione servandi legem.

Respondet Celladeus §. 3. quod talis difficultas, utcumque aucta, numquam excuset, alioquin si excusatio induceretur per plus in eodem genere, vigor legum stacesseret, nec ullius obligatio esset fixa, & stabilis: & hoc tradit tamquam certum. Verùm fallitur, quia id nec certum, nec universaliter verum est; imò oppositum videtur certum, ut mox ostendam.

10. Respondeo ergò, difficultatem in uno genere rarè valde augeri, quin per illud augmentum difficultas alterius generis ex accidente accrescat. Sic si homo ex propria constitutione jejunare nequeat, quin ob excessum famis ingentem spirituum evacuationem ad deliquium usque patiatur, haud dubiè non tenebitur jejunare. Non tamen certum est, ex quo capite excusetur, an ob solum famis excessum? an ob deliquium animi, & alia incommoda, quæ communiter non connectuntur cum jejunio? Contendit Celladeus, nullam dari excusationem ob solam difficultatem famis utcumque auctam, quia si alia incommoda non annexerentur, utique homo teneretur ad jejunium. Verùm hoc dictum, tamen si esset verum, parum ad praxim conducere; quia quamvis difficultas jejunandi, si magnopere crescat, fere semper inducat alia incommoda; illa tamen relatè ad hunc hominem fundantur in jejunio, & sic difficultas jejunii aucta est propria illorum origo. Unde meritò dicitur, quod difficultas illa aucta excuset, quia ut aucta est radix aliorum incommodorum, ut patet. Caterùm restrictio Celladei non est admittenda; supponamus enim, hominem ex propria constitutione majorem longè ex jejunio & fame dolorem ac difficultatem pati, quàm pateretur ex gravi flagellatione, vel vehementi dolore capitis; adeo ut utrumlibet, immo illorum utrumque libenter præligeret mero tormento famis. Quis dicet, talem hominem obligari ad jejunium? Certè non est credibile, moderatos legislatores voluisse peculiarem subditum ad tantum onus obligare. Hoc inde colligitur, quòd si omnes tantam difficultatem paterentur in jejunando, haud dubiè legislatores, talem legem nunquam tulissent. Hæc ratione qui fame canina, seu morbo illo, quem lupum appellant, laborant, excusantur à lege jejunii, quia difficultas illorum tantum excrevit supra difficultatem ordinariam, ut sit moraliter alia res. Et hoc verum est, etsi nil prorsus patiantur præter plus in eadem specie physica, sive ob dolorem, sive ob defectum spirituum, & languorem ex inedia conceptum. Neque hinc magis tollitur vigor legum, quàm tollatur ex eo, quòd

quod cesset obligatio ob difficultatem alterius generis per accidens connexam; quia universaliter verum est, legem ad illos extraordinarios casus non extendi, quos legislator excepisset, si de illis expressè cogitasset. Hoc autem locum habet in ingenti augmento difficultatis accidentaliter connexæ cum opere præcepto, sive illa difficultas sit in eadem, sive in diversa specie, cum difficultate operis præcepti.

Idipsum
exemplis
confirma-
tur;

11. Nec desunt alia exempla. Multa peccata ita reservantur, ut pro obtinenda absolutione Sedes Apostolica sit adeunda. Jam communis Theologorum opinio est, plures in particulari excusari ab hoc onere. Numerant autem non solum infirmos, qui physicè non possunt, sed etiam debiles, senes, fræminas, & pauperes, quod absque valde magno incommodo & periculo nequeant legi illi obedire: & sanè incommodum istorum non consistit in nova specie incommodi, sed solum in augmento incommodi ab omnibus ferendi, qui legi obediunt. Quod ut clariùs appareat, dicamus, incommodum, expensas, & periculum hîc & nunc necessariò subeundum in itinere ex Sicilia Romam non excusare; at duplo majores, ex Syria Romam excusabunt. Si nec hoc: at certè difficultates subeundæ in itinere Romam ex Indiis, vel Japonia excusabunt. Nemo enim; ni fallor, dixerit Indos Japoniosque hac lege teneri, quamdiu sunt in Japonia; non enim est credibile, legislatorem voluisse eos comprehendere in sua lege; & tamen evidens est, difficultatem ab istis subeundam, solum excedere difficultates ab aliis subeundas in eadem specie. Verùm in rebus moralibus purus excessus physicus in eadem specie sæpe inducit quandam diversitatem specificam moralem in ordine ac obligationem & liberationem ob obligationem. Itaque certum videtur, quod propria difficultas rei præceptæ aliquando excuset, si illa valdè multum augeatur in suo genere. Ficta ergò est certitudo oppositi, à Celladeo prætenfa.

ASSERTIO VI.

Difficultas & incommodum accidentaliter adveniens rei præcepta, si sit valde magnum, sæpe tollit obligationem.

Difficultas
magna per
accidens ad-
veniens sæ-
pe excusat
ab obliga-
tione legis,

12. **P**ROBATUR assertio, quæ ex æquo procedit de omnibus rebus præceptis, sive illæ de se faciles fuerint, sive difficiles; quia utriusque æquè accidentale est, quod nova & inconlucta difficultas adveniat. Probatur, inquam, quia quando legislator, maximè humanus, simpliciter jubet aliquid, non solet attendere nisi ad rem illam secundum se spectatam, & ad difficultatem per se cum illa connexam. Ergò intentio illius non fertur in rem illam prout affectam gravissimo incommodo per accidens connexo; qualia sunt illa, quæ à legislatore humano solent non prævideri. In talibus enim Deus ipse, nisi aliud aliquo modo exprimat, solet aliud non exigere, quàm quod prudens legislator humanus eandem legem eisdem verbis condens exigeret. Humanus autem legislator, & humana prudentia non solent respicere ad ea, quæ sunt per accidens, sed solum quæ sunt per se. Ergò ea sola aliquando respiciuntur. Ratio est, quia materia tali difficultate affecta sæpe est moraliter alia ab illa, quæ præcipitur, saltem respectu intentionis.

R. P. A. Terris, Regula morum. PARS II.

in legislatore. Ergò res taliter affecta sæpe est præter intentionem legislatoris. Ergò præter legem. Sic valdè ægroti non tenentur recitare horas canonicas, aut jejunare, &c. quia, præter intrinsecam difficultatem talium operum, accedit illis nova difficultas, ratione magnæ ac valdè molestæ infirmitatis, ad quam subeundam intentio legislatoris, simpliciter præcipientis recitationem horarum aut jejunium, non extenditur. Et sanè assertio hæc adeo certa est, ut sit regula juris, *Necessitatem facere licitum, quod alias non esset*, ut bene advertit Suarez de legibus lib. 3. cap. 30. num. 12.

13. Eadem assertio locum habet etiam in jure Divino ac naturali. Integritas Confessionis, & sumptio Eucharistiæ sunt res præceptæ jure Divino; & tamen omnes admittunt, homines aliquando excusari ab utraque propter maximam aliquam difficultatem, aut ingens incommodum, sine quibus illæ leges hîc & nunc observari non possunt. Non enim est credibile, Christum voluisse ea in talibus circumstantiis à nobis sub præcepto exigere. Et sanè Christus ipse apertè insinuat, leges etiam Divinas aliquando ob difficultatem accidentaliter annexam non obligare. David 1. Reg. 21. propter necessitatem manducavit panes Propositionis, quos lex à Laicis comedere prohibebat. Factum hoc Christus Matthæi 12. defendit, ubi hoc exemplo adducto excusat suos discipulos, qui die Sabbati spicas vellebant. Hoc etiam ita exposuit S. Thomas 3. parte quæst. 40. art. 4. ad 13. & eodem modo declarat factum Machabæorum pugnantium die Sabbati, 2. 2. quæst. 100. art. 8. Itaque cum veritas asserti locum habeat in lege positiva Divina, utique à potiori admittenda est in lege humana. Idem videre est in jure naturali. Clerici beneficiati tenentur ad horas canonicas ex justitia; & tamen illi non minus quàm non beneficiati excusantur ob gravem infirmitatem. Non teneor restituere enssem Domino illum repenti, si sit furiosus, aut præ iracundia ipsius sit valde probabile, quod sit me vel alium vulneraturus. Immo videtur quod non teneam illum restituere, si sit sibi ipsi, aut aliis præ iracundia nociturus in temporalibus, animalia propria aut aliena occidendo, &c. Extrema etiam necessitas, ex debitorum restitutione inevitabiliter incurrenda, suspendit obligationem restituendi, saltem quando creditor, qui solutionem exigit, ex dilatione parvum aut nullum detrimentum patitur. Itaque indubiè conclusio locum habet in omni genere legum, quamvis exceptio ista sæpius locum habeat in legibus ac præceptis purè humanis, quàm in aliis.

Id locum
habet etiam
in legibus
Divinis.

Immo & in
lege natu-
rali.

14. Dices: Adam peccavit edendo pomum vetitum, quamvis per accidens non exigua difficultas servandi legem illam accesserit, postquam Eva pomum illi comedendum obtulit; quia jam debebat resistere Uxori, quam plurimum amabat, quod illi videtur arduum fuisse. Rursus multa incommoda videntur sequi in multis materiis, ut in delationibus in materia fidei faciendis, in casibus reservatis, &c. & tamen ob has difficultates nec Adam excusatus fuit, nec nos excusamur; non enim videtur esse realis differentia inter leges divinas & humanas. Quod si ægrotus non teneatur ad jejunandum & ad similia, id ideo est, quia constat nobis positivè de mente legislatoris, nolentis tales sub lege comprehendere. At quando de hoc non constat, tutior pars tenenda est. Ita Celladeus § 3.

Replica.

Respondeo, Celladeum supponere, Adamum valde

Q

Adam non habuit magnam difficultatem abstinendi ab esu pomi vetiti, postquam Eva illud ei edēdū obtulit.

Si habuisset magnā difficultatem nō ideo excusatus fuisset.

valde magnam difficultatem habuisse in abstinendo à pomo vetito, postquam Eva commoderat, illique pomum obtulerat, &c. verum hoc illi probandum erat, cum sciamus, passiones in statu illo integritatis rationi perfectè subjectas fuisse. Hinc autem sequi videtur, difficultatem Adam non fuisse valde magnam, cum ex una parte per rationem sciret longè deterius esse Deum offendere, quàm uxorem; & ex altera parte passiones non illum impellerent, nisi juxta motum rationis. Sed quidquid sit de hoc, argumentum nos non urget; non enim dicimus gravem difficultatem adventitiam semper, sed solum aliquando excusare; nominatim autem non excusat, quando non est probabile, legislatorem noluisse pro tali casu obligare. Atqui hoc non poterat esse probabile Adamo, quia noverat Deum utrique præceptum illud injunxisse; adeoque seipsum non solum ut personas peculiares, sed ut in vitam individuum conjunctos esse obligatos ad servandam legem. Unde sequitur, unumquemque illorum, non obstante pravo exemplo ac suasionē alterius, à pomo illo edendo abstinere debuisse. Idem ex eo etiam colligitur, quod Deus discretè postulasset hoc præceptum illibatum servari in testimonium subjectionis & obedientiæ primorum Parentum. Ergo constabat, Deum, ob nullam difficultatem in illo statu intercurrentem, voluisse primos homines ab illius obedientiæ liberare. Idem à posteriori colligitur, quia si Adam putasset se ob hanc difficultatem fuisse liberatum à lege, hanc utique excusationem attulisset. Non attulit autem, sed solum dixit mulier dedit mihi, & comedi. Ergo vel difficultas, quam patiebatur, non erat magna, vel certè satis sciebat, & credebat, Deum exegisse obedientiam, non obstante illa difficultate.

15. Ad exempla juris humani dicendum est, illa communiter & ex se juxta ordinarium rerum cursum esse observatu difficilia: hæc difficultas bene nota, & à legislatoribus considerata fuit, qui tamen, ea non obstante, voluerunt legem observari. Cæterum in his etiam materiis maxima aliqua difficultas extraordinaria excusat, ut constat ex dictis.

Difficultas rei, non declaratio legislatoris autem obligationē in legibus humanis.

16. Ad ultimum, constat quidem graviter ægrotantes excusari à lege recitandi horas, jejunii, &c. quia omnes in id consentiunt. Sed unde quæso in hanc consentionem conspirant? non ab ulla lege aut declaratione superioris, ut patet. Quamvis enim Innocentius III. in cap. *Consilium de observatione jejuniorum* expressè definiat, esum carniū infirmis, illum petentibus, indulgeri posse ac debere, tamen ita loquitur, ac si id satis constaret ante talem declarationem, & rationem dat, per quam assertionem probamus, quia scilicet *necessitas legi non subjacet*. Nihilominus in aliquibus legibus nulla ejusmodi constitutio invenitur, à quibus tamen constat magnam necessitatem sæpe obligationem auferre. Itaque Auctores ideo solum in hoc universaliter consenserunt, quia videbant, legislatorem aut expressè aut tacitè noluisse talem casum comprehendere, ob nimiam difficultatem per accidens intervenientem. At hoc æquè valet in multis aliis casibus, in quibus proinde ob solam difficultatem non minùs excusamur, quàm in casu jejunii.

ASSERTIO VII.

Difficile & periculosum est in determinatis materiis exactè definire ultimam, seu infimam mensuram difficultatis ac nocu- menti, ab observatione legum nos excusantis.

17. EST difficile, quia, quando res non consistit in indivisibili, sed ita suscipit magis & minùs, ut paulatim crescendo transeamus à quantitate certò obligante, ad quantitatem certò non obligantem. Arduum prorsus est exactè determinare maximum obligans, & minimum deobligans, ut patet in omnibus, quæ per continuum augmentum transeunt à peccato veniali ad mortale, aut à parvo ad magnum; quod locum habet tam in moralibus, quàm in physicis. Sic in moralibus difficile est determinare ultimum seu infimum furtum, quod est graviter prohibitum. Similiter in physicis difficile est determinare molem præcisam, per quam puer mutatur in adolescentem, adolescens in virum, seu qua sit transitus à non magno ad magnum. At hic est casus noster. Est etiam periculosum, quia cum veritas non possit certò sciri, timendum est ex una parte, ne legem evacuemus, & ex altera verendum, ne legem astringendo ultra debitum proximorum humeris onus imponamus. Ratio à priori hujus difficultatis oritur à defectu mensuræ certæ, per quam parvum distinguatur à magno, quia quod est magnum respectu unius, respectu alterius est parvum. Similiter quæ magna sunt respectu minorum eadem parva sunt respectu majorum. Sic magna Formica, exiguum quid est respectu equi parvi, &c. Præterea ubi est magnum & parvum, est etiam medium; quod plerumque est prorsus dubium, quia nescitur an ad magnum pertineat, an ad parvum.

18. Hoc est generale periculum, quod in omni casuum resolutione intervenit, quando quæstio non est certa, nec aliter quàm probabiliter conjectura determinari potest. Verum Celladeus lib. 4. *quæst. 15.* plura alia pericula enumerat quasi propria illorum, qui difficultates ac dubia moralia, maxime in particularibus materiis, per difficultates intervenientes resolvunt. Primum est, quod sic resolvens induat personam legislatoris, assumendo ipsius munus, mentemque illius declarando. Judicat enim, quid in hac re absolute, quid in hisce circumstantiis, quid quoad hanc personam illi visum fuerit. Probat autem hoc ei visum fuisse, quia hoc debuit illi visum esse, occurrente ista difficultate vel incommodo. Hoc autem est munus legislatoris quodammodo sibi tribuere, & sufficientiam quandam ad leges ferendas usurpare. Certè nisi hanc sufficientiam habeat, non potest tutò judicare, sic vel sic debuisset videri legislatori. At hæc sufficientia paucorum est, quia pauci sunt, quibus respublica legum ferendarum sufficientiam tribueret, si ad tale munus se offerrent.

19. Secundò in casibus particularibus locum habet amor & odium, spes & metus, quibus passionibus intellectus à munere rectè judicandi plerumque deflectitur, ut Arist. 1. *Rhet. 1.* bene observavit; ubi ostendit, munus senatoris ac judicis esse difficilius munere legislatoris. Primò, quia facilius est invenire unum vel paucos prudentes, qui leges ferant, quàm multos. Deinde leges

Exacta mensura magni & parvi difficultatis determinatur.

Resolvens casum, an inducat personam legislatoris?

Quæ reddūt casuum resolutionem difficilem?

leges post longam consultationem feruntur, judicium verò brevissimo tempore conficiuntur. Præterea, & hoc maximum est, legislator de universalibus atque de futuris disponit; senator verò & iudex de præsentibus & particularibus rebus judicant. Unde fit, ut cum ament & oderint, sua quoque utilitas connexa sit, non satis queant veritatem perspicere, sed propria vel voluptas vel dolor judicium obumbret. Unde infert Philosophus, minimum judici relinquendum esse, sed omnia quantum fieri potest, à legibus ipsis explicari ac determinari debere. Ita Aristoteles loci citato. Hæc autem omnia à fortiori dici possunt de iis, qui casus resolvunt; qui certè multi sunt; facilius autem est invenire unum vel paucos legistores prudentes, qui omnia explicant, quam plures doctores sapientes, qui dubia resolvant. Deinde casus breviori tempore quam Judicia confici solent. Tertio amor & odium, spes & metus, obsectorum ac personarum præsentia non minus doctorum, quam judicum mentem obfuscant. Accedit bonum spirituale, ad quod casuum conscientiarum resolutiones ordinantur esse difficilius cognitu, quam bonum temporale, quod à legibus humanis potissimum respicitur. Si ergo ob istas rationes periculosum sit judici ac senatori rectè judicare de rebus civilibus, multo magis periculosum erit Doctori de rebus conscientiarum judicium facere, & dicere, hoc legislator voluit, quia hoc velle debuit. Quod si non de humana, sed de divina ac naturali lege agatur, quis tunc dicere valet, hoc non illud Deus voluit, quia velle debuit; hoc vel illud illi visum est, quia videri debuit?

20. Rursus quamvis haberetur mensura certa ad dignoscendum magnum & parvum, adhuc difficile & periculosum esset hæc distinguere, quia nesciremus, an incommodum quasi absolute mensurandum esset, an comparative tum ad Personas, tum ad alia incommoda magna & parva. Rursus nesciremus, an mensurandum esset in ordine ad finem ultimum, in ordine ad quem omnia, etiam gravissima, vocantur ab Apostolo momentaneum & leve tribulationis nostræ, & Christus ipse eadem vocavit modicum. Et sanè à Prudentibus & Sanctis viris videtur doceri, quod omnia incommoda vitæ hujus mensuranda sint in ordine ad finem ultimum.

21. Demum periculum esset, ne mensura debite applicaretur. Sic accidit nonnunquam, ut quis magnum incommodum passurus sit, si solvat debita. Jam si dicas, illum non teneri ad restitutionem, quia restituere nequit sine gravi incommodo, malè applicas mensuram; quia videndum etiam est, quale sit incommodum creditoris, qui fortasse non minus incommodi patitur ob carentiam restitutionis, quam debitor pateretur, si omnia restitueret. Ita Celladeus, qui in particulari materia justitiæ benè observat, multas esse difficultates ac pericula mensurandi omnia hæc exactè, tam absolute quam relative, tam respectu restitutionis faciendæ à Principibus quam à privatis, quæ meum non est investigare. Tandem concludit pro regula generali, quod unusquisque in conscientia teneatur ad solutionem, ac ceteros actus justitiæ in omnibus casibus, in quibus in foro externo ad illos jure obligaretur à iudicibus, si omnia illis paterent, sicut patent in foro interno. In tali enim casu idem est judicium utriusque fori. At in foro externo non videtur attendi difficile, sed impossibile; quod si quis non sit solvendo, cogunt domos & alia vendere. Hæc ille.

22. Quæ ex istis spectant ad probandam difficultatem rectè judicandi in casu præsentis, verissima sunt; sed malè appropriatur huic materiæ, quasi illi soli convenirent; omnia enim æquè urgent in solutione casuum, quando titulus incommodi ac difficultatis gravis locum non habet; v. g. difficile est distinguere omnia facta magna à parvis, & exactè determinare quod hæc sit quantitas præcisè sufficiens ad peccatum mortale, adeo ut omnis quantitas infra illam solum fundet peccatum veniale. Certè spes & metus, amor & odium, & reliqua à Philosopho ponderata, non minus in hujus quam aliarum quaestionum resolutione locum habent, ut patet. Sed & in hac quoque materia, quæ utique est juris naturalis ac Divini, declarare debet Theologus mentem legislatoris, etiam Dei ipsius, & dicere, quid absolute, quid in hisce circumstantiis, ac in ordine ad illas personas voluerit Deus graviter, quid leviter prohibere. Neque tamen hoc est sufficientiam ad leges ferendas usurpare, aut munus legislatoris assumere, sed humiliter atque submissè sensum legum factorum investigare, quando legislator mentem suam sufficienter non explicuit. Cum enim constet, aliqua furta esse gravia, alia levia, nec Deus satis declaraverit, quæ præcisè quantitas sit gravis, quæ levis, sive res consideretur absolute sive relative, superest, ut cum debita submissione voluntas ejus investigetur, & declaratur. Investigatur autem à doctis & probis subditis ope rationis, quæ, ex variis circumstantiis firmata, non concludit, Deum debuisse (ut non minus immeritò quam nimis crudè enunciat Celladeus) sed voluisse hæc facere, quia iis omnibus in quibus certò scimus quid voluerit rectè inspectis, aliisque circumstantiis bene perpensis, congruum est existimare, cum de facto talem mensuram statuisse, &c. Ita tamen ut pro sua sapientia ac providentia longè aliter statuere potuisset. Idem dicendum proportionatè de aliis legibus in casu simili.

23. Cæterum non apparet, quod ad præsentem quaestionem doctrina illa Philosophi, ejusque ad Theologos applicatio conducatur. Desiderandum quidem esset, omnia à legislatoribus ita determinata fuisse, ut nihil iudicibus, nisi doctorum opinionibus determinandum relinqueretur. Verum cum hoc non sit factum, quid agendum? Nonne veritas optimo quo potest modo est investiganda? At quis modus superest, nisi ut periti & probi eam quærant, inventamque aliis proponant? Parum autem interest, an hoc munus sit facilius vel difficilius munere legislatoris, quia quaecunque est, necessarium est, & in necessariis optimum, quod haberi potest, eligendum est, etsi illud non sit perfectum, sed variis exceptionibus subjaceat. Sed & eadem comparatio ipsum Celladeum impetit, utpote qui contra communem sententiæ omnium opinionem valdè resolute docet, Deum noluisse hæc & illa, quæ tamen alii communiter putant Deum voluisse. Quis quæso horum majori periculo subjacet? Quis magis legum ferendarum sufficientiam arrogat? Quis potius legislatoris sibi munus assumit? Viderit Celladeus, & cum se propriis argumentis irritum viderit, aut nostræ solutioni acquiescat, aut meliorem tam pro se quam pro nobis afferat.

24. Præterea immeritò fugillat Theologos, quod quod minorem diligentiam quam iudices ac legislatores adhibeant. Certè si sermo sit de quaestionibus mulem agitatæ, nominatim autem de præsentibus legibus.

Objectiones: necesse est malè appropriatur præsentis materiæ.

Qui leges interpretatur, non assumit munus legislatoris.

Nec dicit quid Deus debuit, sed quid voluit præcipere.

Argumentum Celladei: nec conducit ad intentum.

Celladeus propriis argumentis urgetur.

Theologi majorem adhibent diligentiam ad solvendas & quaestiones communes, quam legislatores ad condendas leges.

presenti questione reflexa circa licitum usum opinionum, ausim affirmare, nullum humanum legislatorem aut judicem tantum studii, temporis, ac laboris assumpsisse pro ulla causa determinanda, aut lege ferenda, quantum Theologi assumpserunt ad hanc stabiliendam. Cur ergo queritur Celladeus? Sed & de aliis quæstionibus agitata eadem est ratio, quia causæ istæ semper de novo ad incudem revocantur, dum omnium priorum informationes, argumenta, & exceptiones denuo examinantur, quibus alia subinde adiunguntur, donec veritas magis ac magis stabiliatur.

Mensura certa magni & parvi multum juvaret, si haberetur.

Incommodum grave quod excuset, non dicitur tale respectu finis ultimi.

Celladeus immerito fuggillat confessarios.

Abfurdæ & æquivocationes Celladei.

25. Sed inter reliqua, illud etiam apertè falsum est, quod etsi haberemus mensuram certam ad dignoscendum magnum & parvum, adhuc nesciremus an parvum & magnum sumendum esset absolute, an comparative? an ad finem ultimum vel non ultimum? Inprimis de facto certò scimus, mensuram hanc non debere sumi in ordine ad finem ultimum, quia constat, nulum incommodum temporale aut esse, aut dici posse grave relatè ad finem ultimum. Et tamen certum est, homines sæpe excusari à lege servanda ob incommoda gravia, quæ per accedens interveniunt. Ergò scimus gravitatem incommodi non esse mensurandam in ordine ad finem ultimum. Præterea, si haberemus certam mensuram dignoscendi parvum & magnum, illa vel esset mensura magni absolute, vel magni relative; quomodocunque autem sumeretur, multum proderet ad determinationem ejus, quod quæritur, quia per illam certò sciremus, quid judicandum esset in ordine ad rem sumptam in sensu, cujus certam mensuram haberemus; inde autem procul dubio multum juvaremur ad sciendum quid esset magnum & parvum in altero genere. Immo hæc duo sunt ita connexa, ut vix sciri possit unum, quia & alterum sciatur. Si enim aliquid certò sit grave detrimentum uni, quia tantum illi nocet; rectè inferitur, ergò illud quod communiter tantundem nocet, est simpliciter grave, quia eadem est ratio utriusque; & è contrario, si aliquid sit simpliciter grave, quia communiter & universaliter tantum mali secum vehit, utique & illud erit grave respectu peculiaris Personæ, quod tantundem mali ipsi affert. Sunt enim hæc notiones ita connexæ, ut una mutuo inferat aliam.

26. Cæterum valdè cavendum est, ne mensura, qualemcunque habemus, indebitè applicetur. Casuistæ & prudentes confessarii valdè solliciti sunt, ut suum cuique restituatur, nec reflectunt solum ad damnum debitoris, sed etiam ad creditoris incommodum respiciunt; quamvis Celladeus rem ita proponat, ac si ad ista nullatenus respicerent, sed statim absolverent debitorem, si dicat, se citra grave incommodum non posse restituere. Verum fallitur, plurimi enim in istis rebus sunt exactissimi, quos ille ex generali modo loquendi depingit ut incurios, & quilibet sub prætextu probabilitatis permittentes. Sed, laus Deo, omnia aliter se habent, ut plurimi pœnitentes ære alieno gravati benè norunt.

27. Demum in regula generali, quam proponit, latet æquivocatio: admitto quidem forum internum & externum non discrepare, quando eadem prorsus constant in utroque foro; unde toties asseritur obligatio in foro interno, quoties assereretur in foro externo, si eadem in externo paterent, quæ patent in interno. Sed in eo æquivocat Celladeus, quòd ab ista hypothese statim

transeat ad id, quod fit absolute in foro externo, in quo debitores sæpe coguntur domos & alia vendere. Sic enim rem proponit, ac si statim homo in foro interno teneretur omnia vendere, & seipsum prorsus nudum in extrema necessitate constituere; quod certè verum non est, cum æquitati naturali repugnet. Neque exemplum fori externi hoc probat, quia forum externum præsumit, debitorem posse per se, aut amicos media invenire, quibus solvat. Quòd si in foro externo constaret, cum non posse omniaolvere, nisi se omnibus nudet, ac in gravissima & extrema necessitate constituat, justus iudex fortassis damnaret quidem illum ad aliqua de præsentia alienanda, sed ad omnia de præsentia vendenda, seque omnibus omnino privandum non damneret. Quod si aliquis iudex ad ista aliquem damneret, videretur summo jure, ideoque & summam injuriam agere. Est & alia æquivocatio, quia forum externum numquam agit, nisi actor exigat totum suum jus, & quidem quam citissime solvi. At in foro interno plerumque alie longe sunt circumstantiæ, quia sæpe est præsumptio, quòd creditor contentus sit dilatione aliqua, & solutionem per partes accipere, quando debitor sine ingenti incommodo non potest totum, aut quidquam de præsentiaolvere. Itaque Celladeus hæc in re aliud mihi videtur non fecisse, quam rem ita proponere, ut lector in varia dubia incidat, credatque eundem semper rigorem servandum esse in foro interno, qui de facto servatur in foro externo; quo nihil absurdius dici potest. Cæterum hæc inconvenientia facilè vitata fuissent, si rem, ut oportebat, exactè distinxisset. Vidisset enim easdem circumstantias in casu præsentia raro aut nunquam intervenire in utroque foro, ideoque rigorem, quem de facto videmus in foro externo, non esse regulam ad procedendum in foro interno.

Forum internum nō est regulandum per id, quod de facto fit in foro externo.

ASSERTIO VIII.

Optima Regula dignoscendi magnum & parvum in re præsentia est iudicium ac consensus prudentium.

28. **P**ROBATUR assertio, quam omnes ferè Celladeo fatente, amplectuntur, quamvis ille §. 2. eandem vehementer aversetur. Probatur, inquam, quia maxima pars hominum est incapax ad discernendum, quid sit parvum, quid magnum, seu ad taxandam magnitudinem incommodi quod excusat à lege. Ergò maxima hominum pars non potest aliam regulam habere, quam consilium peritorum. Eadem autem regula valet respectu omnium, quia in re incerta (qualis est illa, de qua loquimur) unusquisque in propria causa prudentius fidit alieno iudicio, quam proprio. Neque alia ulla regula melior, rationabilior, aut universalior asserri potest.

Judicium prudentum est optima regula dignoscendi magnum & parvum in re morali.

29. Confirmatur. Lex ex S. Isidoro, lib. 5. Etymol. cap. 21. quam omnes sequuntur, debet esse possibilis, id est, ut exponit S. Thomas, 1. 2. quæst. 96. art. 3. debet esse observabilis juxta possibilitatem naturæ: Non enim, inquit, eadem imponenda sunt pueris, quæ imponuntur viris perfectis. Hinc sic arguo: Pueri eximuntur ab aliquibus legibus, eò quòd observatio talium legum sit nimis difficilis pueris. Ponamus puerum, adolescere incipientem, movere quæstionem, an de facto obligetur? Aut certè, quando dictis legibus

Idem confirmatur ex p. 1. & auctoritate.

gibus obligabitur? Quid juxta leges prudentiae tacere debet adolescens iste, ut tutus sit in conscientia? Non aliud profecto, quam prudentes consulere, & eorum resolutioni se accommodare. Eadem autem est ratio de omnibus, qui per seipsos talia dubia resolvere nequeunt. Immo & quivis in propria causa, ut jam notatum est, prudentius facit, si aliorum peritorum consilio, quam propriae directioni se permittat. Ergo judicium, opinio, & consensus peritorum est optima regula dignoscendi magnum & parvum in praesenti materia.

SOLVUNTUR OBJECTIONES

Celladei.

Obiectio 1. 30. **O**BJICIT primò. Si res hæc judicio prudentum relinquatur, magna tam rerum quam opinionum confusio orietur, quia quod uni magnum, id alteri parvum videbitur. Præterea per hoc magno errandi periculo exponimur. Demum sic incidimus in æquitatem cerebrinam, quam Juristæ merito judicant esse valde periculofam.

Auctores solum discerepāt circa mensuram mediocrem inter parvū & magnum certò cognitum. Respondeo, ex usu hujus regulæ futuram quidem aliquam, sed non adeo magnam, ut Celladeus imaginatur, opinionum varietatem, ut de facto videre est inter Auctores, qui de hac re non usque adeo discrepant. Deinde tota varietas versatur circa quantitatem mediocrem, quæ mediat inter magnum & parvum certò cognitum. In hac autem discernenda necessariò exponimur periculo errandi; quia Deus non dedit media, quibus possimus veritatem ipsam certò assequi. Itaque si post diligentiam debitam erremus, error nobis tribuendus non erit. Ideoque nemini vitio verti potest, quòd talis erroris periculo se exponat; maxime cum versemur in re, quam legislator sufficienter non declaravit; in talibus enim ex ipsa legislatoris mente æquum est, totam rem hanc, & absolutam obligationem legis circa ea, quæ ipse sufficienter non expressit, in prudentem tandem resolutionem devolvi. Demum hæc non est illa æquitas cerebrina, quam Juristæ damnant; loquuntur enim de illis, qui omnia suo Judicio definire volunt, etiam quando quaestio per leges determinari potest; vel certe de illis, qui indebitè suis opinionibus addicti, eas quodammodò adorant, & alios omnes sibi comparatos contemnunt, quique propterea verè sunt homines duri capitis, & merito appellantur cerebrosi. At utrumque horum valde perniciosum est. Verum quando quaestio per leges ipsas determinari nequit, Juristæ non reprehendunt eos, qui post debitum examen ope rationis resolvunt dubia; hoc enim laude non reprehensione dignum est, & ab illis, non minùs quam à Theologis, quotidie in praxim reducitur.

Æquitas cerebrina, quid significet?

Obiectio 2. 31. **O**BJICIT secundò, tam difficile est verè prudentes à verè non prudentibus, quam magnum à parvo, vel grave à levi discernere. Ergo judicium prudentum non est medium aptum ad discernendum parvum & magnum.

Prudentes facile sciuntur. Respondeo, prudentes alios esse tales quoad se, alios quoad nos. Illi sunt prudentes quoad se, qui sunt sufficientes ad rationabiliter judicandum de re proposita, secundum rei ipsius qualitatem, relatè ad capacitatem humanam. Illi sunt prudentes quoad nos, qui merito præsumuntur habere talem sufficientiam, quamvis fortassis aliquando illà careant. Porro facile est utrosque

discernere, ut latè ostensum est, *quaest. 24. & quaest. 41.* Per hos ergò facile scire possumus magnum & parvum, grave & leve.

32. **O**BJICIT tertio. In aliquibus legibus mensura incommodi excusantis admittitur ab ipso legistatore; sic nec senes, nec pueri obligantur ad jejunium: aliquando magnitudo mali est manifesta & omnibus indubitata; sic febris à jejunio, officio, aliisque liberat. At quando non sumus in rebus ita manifestis, tutior pars tenenda est.

Obiectio 3:

Confirmatur. Superiores Societatis JESU, & aliorum Ordinum, habent privilegium commutandi officium. At privilegium probat obligationem in non privilegiatis. Et S. Thomas in 3. dist. 37. *quaest. 1. art. 4.* tradit, necessariam esse dispensationem, etiam quando cessat intentio & ratio legis. Ergò à fortiori in dubio. Hæc sunt quæ Celladeus contra positam assertionem objecit.

Respondeo inprimis, doctrinam hujus objectionis apertè contradicere toti intento, ac potissimo asserto Celladei. Contendit ille, verum ac positivum probabile sufficere ad conscientiam rectè formandam. Hoc probabile locum habet, quando deest certitudo. Ergò sufficit, absente certitudine. Ergò apertè sibi contradicit Celladeus, dum hic dicit, tutiorem partem tenendam esse, ubi deest certitudo.

Celladei contradictio.

33 Respondeo 2. Objectionem continere doctrinam undequaque insufficientem, & falsam. Peto enim, quis legislator præscribens jejunium excepit pueros & senes? Rursus si quis eos exceperit, peto, quos nomine puerorum & senum intellexerit. Profecto si hæc per ipsum legislatorem determinata fuissent, leges illæ seu exceptiones legales citatæ fuissent ab Autoribus, quas tamen, ni fallor, à nemine citatas invenies. Præterea si legislator ista determinasset, nulla esset lis inter Doctores, quinam, & in qua ætate homines sint reputandi senes? & tamen de hoc ipso disputant, aliis hanc, aliis illam ætatem pro senectate statuunt. Stat ergò, legislatorem ista non determinasse, sed communi prudentum judicio ea reliquisse. Idem dicendum de aliis etiam titulis, ob quos homines à jejunando excusantur. Insufficiens ergò est, & falsum, quod de jejunio expressit Celladeus.

Legislator præcipiens jejunium, non declarat, qui sint à lege excepti.

34. Sed magis insufficiens apertiusque falsum est, quod ait, febrem à jejunio, officio, aliisque ejusmodi, absque omni dubio excusare. Profecto hæc expressio valde periculosa est, quia communis opinio docet, quod aliquando febris tertiana, aut quartana non excuset à recitatione horarum, si officium citra magnum incommodum anticipari possit. Uno verbo non omnis febris reddit recitationem horarum adeo difficilem & noxiam, ut titulo illius detur sufficiens excusatio. At qui legit Celladeum putabit, oppositum non solum esse verum sed certum. Et tamen is est, bet.

Alius Celladei error.

qui alios periculi arguit ob laxitatem, qui tamen longè accuratius loquuntur, quam ipse, & ita mentem exponunt, ut ex verbis ipsorum nemo facile erret. At ipse sæpe ita loquitur, ut Lector facillimè erraturus sit, & conclusiones certò falsas pro certò veris illaturus.

Incuratè loquitur & aniam errandi, Lectori præbet.

35. Quod additur circa privilegium commutandi horas in leviorē orationem, nil facit ad rem; quia privilegium illud ideo datum est, ut, mediante superioris voluntate, certò excusentur subditi, non solum in dubio de sufficientia difficultatis, sed etiam quando constat, causam parte non

Aliquando, nō semper, privilegium supponit obligationē in non privilegiatis.

non esse absolutè sufficientem. Ceterùm, privilegium aliquando quidem supponit obligationem in non privilegiatis, sed non semper eam supponit; quia dari potest ad scrupulos arcendos. Sæpe enim homines scrupulosè timent, an causa sit verè sufficiens, qualis apparet; ad tales autem scrupulos sedandos congruum fuit, dari privilegium superioribus ad liberandos subditos à tali vexatione, & ad illos certificandos, quòd liberi sint, saltem ex vi privilegii ipsis concessi. Itaque hinc est, quòd Auctores communiter doceant, privilegium concessum non semper supponere obligationem; quasi verò certum sit, quòd obligatio vigeret, si privilegium abesset. Demum quod assertur ex S. Thoma non urget, quia dictum S. Thomæ intelligi debet, quando finis legis solùm cessat in aliquo particulari; hoc enim non obstante, singularis ille homo obligatur lege; nec sine dispensatione liberatur ejus onere. At quando finis & ratio legis cessat generaliter, cessat etiam lex, ut docent Auctores, qui ex professo doctrinam de legibus tradunt.

viùs juxta exigentiam materiz. Hoc ex eo patet, quòd superiores faciliùs, & ob minora incommoda dispensent in una, quàm in alia. Ergò minora incommoda sufficiunt ad dispensationem rationabilem in una, quàm in alia lege. Ergò similiter minora incommoda sufficiunt ad penitus evacuandam obligationem unius, quàm alterius; in quo Theologi etiam conveniunt. Ergò quantitas incommodi excusantis non est una eademque in omnibus legibus, sed aliquam variationem subit.

Porro ad tractatum de materiis particularibus Unde di-
pertinet determinare, quæ sit quantitas incom- versitas hæc
modi excusantis ab observatione legum, materias determina-
illas præcipientium. Illud solùm dici potest hinc ri possit
in genere, quòd quantitas illa colligenda sit ex natura rei præceptæ, ex doctorum explicatione, atque ex praxi sensuque subditorum. Ex his enim optimè colligitur intentio legislatoris, & rectè determinatur, quòd per unam legem obligare voluit ad majus incommodum subeundum, quàm per aliam.

ASSERTIO IX.

Quantitas
incommodi
excusantis
ab observa-
tione legum,
non est una
& eadem in
omnibus
legibus.

Quantitas incommodi excusantis ab observatione legum non est una eademque in omnibus legibus, sed aliquam varietatem subit, quam sub generalitate aliqua explicandam assumo.

36. **P**ROBATUR. Leges positivæ, ut bene arguit Bresserus lib. 4. cap. 17. num. 185. non obligant æqualiter, sed una graviùs, una le-

QUÆSTIO QUINQUAGESIMA- NONA.

Vtrum Epiikia locum habeat in dubiis?

Ratio quæ-
stionis in-
stituta.

QUÆSTIO hæc consecutanea est ad præcedentem, à qua magna ex parte dependet. De hac quæstione agit Cellæus lib. 4. quæst. 16. ubi contendit, Epiikiam locum non habere, nisi quando tutiùs est agere contra verba legis, quàm juxta illa operari. Inde autem infert, omnes eos errare, qui putant, Epiikiam tunc intervenire, quando vel ob difficultatem intervenientem, vel præsumptam superioris voluntatem, aut aliam interpretationem leges non servantur; plerumque enim in istis casibus constat, eum, qui legem non servat, sectari partem minùs tutam, ac proinde constat, etiam eum ex Epiikia non operari. Hæc & hujusmodi plura habet in ista quæstione, in quibus à vero non parum deflectit, ut ex sequentibus assertionibus patebit.

ASSERTIO PRIMA.

Propositum sit explicare propriam essentiam Epiikia.

2. **E**PIIKIA, seu *ἐπιείκεια*, est vox Græca; derivatur ab *ἐπὶ*, quod significat supra, *Epiikia* quid sit?
quodque in compositione augendi vim habet, & *ἔκδος*, quod significat æquum, consentaneum, ac decens; adeo ut *ἐπιείκελος* idem sit quod latine excellens quædam æquitas. Aristoteles agit de Epiikia, seu æquitate 1. *Rhet. cap. 13.* & potissimè 5. *Eth. cap. 14.* ubi dicit, Epiikiam esse meliorem quandam ac sublimiorem justitiam, utpotè quæ non ex legibus, sed ex æquo & bono regulam sumit, & quid sit agendum determinat. Rursus lib. 6. cap. 11. definit Epiikiam esse rectum judicium æqui & boni. Et sine dubio Epiikia propriissimè accipitur pro dictamine intellectus, ideoque Aristoteles eam recensuit inter partes Prudentiæ, & *Γνώμη* appellavit. Ceterùm æquum & bonum

& bonum hoc loco accipitur, prout est rectum quoddam non præscriptum à lege, sed per quod lex corrigitur, & emendatur; adeo ut Epiikia aliud non sit, quàm iudicium, per quod leges corriguntur & emendantur, ut suè tradit Arist. 5. Eth. 6. 13. & post eum S. Thomas 2. 2. quæst. 120. art. 1. in corpore, quos alii sequuntur.

Quid sententia Aristoteles de Epiikia?

3. Audiatur inprimis Aristoteles dicto cap. 14. ubi hæc habet. In quibus enim necesse est, ut in universum dicatur, rectè autem id non potest, lex id sumit quod ut plurimum sit, non ignorans sententia quod peccatur. Et nihilominus tamen rectè sese habet: quippe cum peccatum in lege minime sit, neque in legislatore, sed in rei ipsius natura consistat. Statim enim rerum agendarum materia ejusmodi est. Quando igitur lex in universum dixerit, & præter universale posita quidquam contigerit: tunc rectè se habet, si qua legislator omisit, absoluteque & simpliciter, loquendo peccavit, corrigatur defectus: id quod legislator etiam ipse, si adesset, dixisset: & si scripsisset, ita præscriberet legem instituisse. Idcirco jam quidem est, & melius quodam jure, non eo tamen quod absolute est, & simpliciter, sed eo quod absolute loquendo peccat. Estque ea æqui & boni natura, ut legi, qua parte deficit ob universale, emendatio sit. Hæc Arist.

Epiikia est correctio legis propter verba universalis exorbitantia.

4. Audiatur etiam S. Thomas 2. 2. quæst. 120. art. 1. in corpore, ubi præclare explicat, quæ ex Philosopho attulimus. Quia, inquit, humani actus, de quibus leges dantur, in singularibus contingebat consistunt, quæ infinitis modis variari possunt, non fuit possibile, aliquam regulam legis institui, qua in nullo casu deficeret. Sed legistatores attendunt ad id, quod in pluribus accidit, secundum hoc legem ferentes, quam tamen in aliquibus casibus servare est contra equalitatem justitiæ, & contra commune bonum, quod lex intendit. Sicut lex instituit, quod deposita reddantur, quia hoc, ut in pluribus, justum est; contingit tamen aliquando esse nocivum, puta si furiosus deposuit gladium, & eum reposcat, dum est in furia: vel si aliquis reposcat depositum ad patriæ impugnationem. In his ergo & similibus casibus malum est sequi legem positam. Bonum autem est, prætermisso verbis legi, sequi id, quod poscit justitiæ ratio, & communis utilitas. Et ad hoc ordinatur Epiikia, quæ apud nos dicitur Æquitas. Ex hisce habemus propriam Epiikiz naturam in eo consistere, quod sit iudicium, quo intellectus ex æquo & bono emendat defectum legis, & dicat verba legis non esse hic & nunc servanda, sed potius faciendum esse, quod legislator, si adesset, & circumstantias præsentis inspiceret, fieri vellet. Et hæc quidem est natura Epiikiz, si sumatur pro dictamine intellectus; est enim particularis prudentia, qua intellectus dicat legem, aliàs universalem, hic & nunc ob aliquam peculiarem rationem non esse servandam. Ceterum si Epiikia sumatur, sicut sumi potest, pro actu voluntatis, seu pro volitione id exequendi quod intellectus proponit, spectat ad varias virtutes juxta naturam materię quæ sit, & motivi ob quod sit.

ASSERTIO II.

Epiikia non habet locum in lege naturali aut divina, sed tantum in lege humana, si lex sumatur, prout se tenet ex parte legislatoris. At aliqua, sed non omnis lex divina, & naturalis admittit Epiikiam, si leges sumantur prout promulgata, seu prout à nobis apprehenduntur, & intelliguntur.

5. **P**ROBATUR primapars. Epiikia est emendatio, & correctio legis, quæ ob universale exorbitat, & peccat. At lex divina, prout se tenet ex parte Dei legem ferentis, nec exorbitat, nec peccat: ergo lex divina, taliter accepta, non est capax emendationis, aut correctionis. Ratio est, quia Deus perfectissimè novit omnes omnino circumstantias, in quibus actiones humanæ versaturæ sunt, aut versari possunt. Vel ergo præceptum extenditur ad omnes omnino circumstantias, in quibus actio versari potest, vel ad aliquas tantum restringitur: si ad omnes extenditur, in omnibus obediendum erit, nec locus erit correctioni: si autem restringatur ad aliquas tantum, lex illa, prout est in mente Dei, non est prorsus universalis, sed limitata & restricta. At prout restricta est ad tales circumstantias, nullam patitur exceptionem aut correctionem, ergo nulla lex divina, prout se tenet ex parte Dei, legem ferentis, capax est Epiikiz.

Lex Divina prout se tenet ex parte legislatoris non est capax Epiikiz.

6. E contra se res habet in lege humana; quia humanus legislator ob imperfectionem sui intellectus non potest in particulari prævidere, & cognoscere omnes circumstantias, in quibus actio versari potest: undè sub notione confusa & generali concipit legem, quæ revera juxta expressionem, in mente legislatoris conceptam, complectitur circumstantias, ad quas si legislator explicite attendisset, non sub hac sed sub alia expressione legem tulisset. Atque hinc est, quod leges humanæ, etiam prout sunt in mente legislatoris, aliquo modo peccant, & exorbitant; & consequenter per æquum & bonum corrigendæ sint. Dixi, aliquo modo peccant, &c. quia prout sunt in mente sapientis legislatoris simpliciter non peccant. Ratio est, quia prudens legislator in universali benè noscit defectus plures interventuros in particulari, quos ipse in particulari nunc non prævidet; ideoque non habet animum absolute obligandi in omnibus circumstantiis, quæ hic & nunc sub mentis suæ expressione comprehenduntur, sed expressionem illam per æquum corrigendam relinquit. Itaque lex, utpotè quæ actum intellectus & voluntatis indivisim involvit, simpliciter & absolute non peccat, quamdiu voluntas legislatoris non exorbitat, & peccat. At illa bona est, & nulla correctione indiget.

Lex humana ut est in mente legislatoris sæpe capax est Epiikiz.

7. Et hoc est quod Aristoteles supra dixit, legem esse rectam, quamvis peccatum illius non ignoratur; quia intentio legislatoris, quæ est anima legis, solùm fertur in id, quod plerumque accidit, quamvis, ob defectum cognitionis perfectæ, hanc suam intentionem sub notione nimis universali exprimat; & ideo dicit peccatum non esse neque in lege, neque in legislatore, sed solùm in ipsa re, quæ ex necessitate quadam sub terminis universalibus explicari debuit. Sumpta autem secundum illam universalitatem exorbitat, seu

Nec legislator, nec lex simpliciter peccat, quævis verba legis exorbitent, & peccant.

seu peccat, quia comprehendit ea, ad quæ intentio legislatoris non extenditur. Itaque lex ex una parte est & dicitur recta, ob rectam & minime corrigendam intentionem legislatoris; & ex altera parte ratione expressionis peccat, & deficit ab æquo, ob nimiam universalitatem. Peccatum ergo non est in lege formaliter sumpta, seu qua parte lex obligat; & ideo tam legislator, quam lex simpliciter dicta non peccat, quia ut peccatum tribui posset alterutri, intentio legislatoris deberet à recto deviare. Eadem tamen lex materialiter sumpta peccat, quia pro materiali dicit expressionem, quam legislator habet in mente, quæ est nimis universalis. Hæc doctrina Philosophi planè coincidit cum ratione à nobis allata, quia intentio legislatoris, seu voluntas obligans semper est recta, nec ulla indiget correctione. At actus intellectus, per quem concipit legem & fertur in materiam præcepti, exorbitat, quia est nimis universalis, & propterea subjacet correctioni, & corrigi debet, quatenus peccat, seu deficit ex illa parte, qui tamen defectus seu peccatum non est defectus, & peccatum simpliciter ex parte legis, qua lex est, seu qua obligat; sed solum secundum quid. Ecce illa ipsa ratio, quæ probat, legem humanam, prout est in mente legislatoris, esse capacem emendationis & correctionis, evincit legem divinam talis correctionis esse incapacem, quia intellectus divinus legem dictans ad nil prorsus extenditur, ad quod ejusdem voluntas strictè non obligat. Proinde nulla lex Divina ullius exceptionis, aut correctionis capax est, quia in nullo ab æquo & recto exorbitat, sive spectes actum intellectus dictantem, sive actum voluntatis obligantem. Itaque sola lex humana, prout existit in mente legislatoris, Epikiam admittit.

Lex Divina, ut à nobis intellecta, capax est Epikie.

8. Probatur secunda pars, quæ videtur esse contra Celladeum. Leges divinæ, tam naturales quam positivæ, promulgantur & explicantur nobis per terminos universales, qui aliquando extenduntur ad plures circumstantias, quam mens & voluntas Dei legislatoris. Sic conjux tenetur consorti debitum reddere. Hæc lex universali expressione nobis intimatur, & ideo universaliter intellecta exorbitat, quia in multis casibus à reddendo debito excusatur, ut constat. Idem valet in exemplis à S. Thoma supra allatis. Ergo lex etiam Divina, prout nobis explicata, & prout à nobis intellecta, non minùs deficit ob universale, quam lex humana. Ergo utraque ex æquo debet corrigi, quia quod deficit, quæ deficit, emendari debet. Nec hoc ullo modo in dedecus Dei cedit, quia defectus iste non tribuitur Deo, aut legi, prout illa in mente ac voluntate Dei existit, sed solum nobis, qui ob nostram imperfectionem non sumus dispositi ad intelligendam legem Dei, quæ secundum se ad peculiare circumstantias restringitur, nisi per conceptum nimis universalem, qui propterea ab æquo exorbitat, & per æquum corrigi debet. Nec tamen hoc locum habet in omni prorsus lege, quia sunt plures leges prorsus universales, quæ nullam omnino exceptionem patiuntur. Talis est lex non odiendi, non blasphemandi Deum, non operandi contra conscientiam; & universim omnes, quæ prohibent objecta ita intrinsecè mala, ut per nullam circumstantiam honestari possint. Quia in hæc lex existens in mente Dei complectitur omnia prorsus, ad quæ eadem in mente nostra extenditur.

2. Hinc Celladeus immeritò carpit Cordu-

bam, aliosque, quod Epikiam admittant in lege Divina; quia eodem jure reprehendere potuisset S. Thomam, qui expressè tractans hanc materiam, rationem suam quibusdam exemplis confirmat, in quibus Epikia locum indubitatum habet: illa autem exempla ex materia legis Divinæ ac naturalis desumpta sunt, quia depositum lege naturæ reddendum est; & tamen in casibus à S. Thoma allatis non est reddendum, sed expressio universalis, sub qua lex naturalis à nobis apprehenditur, corrigenda est, & per Epikiam limitanda. Est quidem nefas dicere, nos aliquam Dei legem emendare, si lex illa accipitur prout est in mente Dei, seu prout ad ea præcisè terminatur, quæ mens divina complectitur. At non nefas, sed æquum, & excellens æquum est, expressiones nostras nimis universales, quibus legem Dei intelligere ac exprimere solemus, corrigere ac emendare, quod fit per Epikiam. Porro si Celladeus ad hanc distinctionem attendisset, fortasse Cordubam non reprehendisset, sed existimasset eum loqui juxta secundam partem hujus assertionis. Cæterum per hanc assertionem facile conciliantur Authores circa præsentem materiam; nam qui negant Epikiam locum habere in lege Divina ac naturali, intelligendi sunt juxta primam partem assertionis; qui verò eam admittunt in lege Divina, in sensu secundæ partis ejusdem assertionis loqui censendi sunt.

Conciliantur Authores, qui concedunt, & negant Epikiam in lege Divina.

SOLVUNTUR OBJECTIONES.

10. **O**BJECTIONES primò. Epikia, & legis emendatio tunc propriè dicitur, cum defectus legis particularis sunt præter mentem ac voluntatem legislatoris, nec ipso legislatore authore. Unde nec in humanis est Epikia legem universalem per particularem dirigere, & emendare, quia totum hoc est opus ipsius legis & legislatoris non æqui & boni. At nulla emendatio legis Divinæ contingere potest præter mentem & voluntatem Dei, sed fit, ipso auctore, & dirigente per legem vel externam, vel internam. Itaque nulla contingit emendatio legis Divinæ naturalis, quæ fit contra vel præter totam legem naturalem; quia ipsa emendatio præscribitur à lege naturæ. Ergo Epikia propriè non habet locum in illa lege Divina. Ita Celladeus §. 2.

Respondeo in primis, quæstionem hanc, juxta rationem objectionis intellectam, evadere posse quæstionem de nomine, quia nos omnem legis correctionem, quæ fit per æquum & bonum naturaliter nobis insitum, vocamus Epikiam, quamvis illa sit à Deo tanquam ab auctore illam volente & dirigente; in quo loquimur cum D. Thoma, qui non alia Epikie exempla tulit, quam ea, in quibus lex naturæ per aliam legem naturæ corrigitur, & limitatur. Alii verò non omnem correctionem, sed illam solum, quæ fit absque legislatoris voluntate & directione, Epikiam nominant. Porro si correctio admittatur æquæ in uno casu, ac in alio, totum intentum habetur quoad rem ipsam, & parum interest, utrum illa correctio vocetur Epikia, nec ne.

11. Respondeo secundò, doctrinam objectionis evertere omnem prorsus Epikiam; quia nulla est lex humana, quæ etiam non sit à Deo approbata, non solum, quia Deus universaliter jussit nos obedire præpositis nostris, eorumque mandata servare; sed etiam, quia lex humana totam vim obligandi in conscientia habet à Divina voluntate illam approbante. Ergo in omni lege,

S. Thomas admittit Epikiam in lege Divina.

Celladeus doctrinam omnem Epikiam evertit.

lege, etiam humana, potissimum quod in illa est, est voluntas Divina illam approbans, & ad obedientiam obligans. Ergo nulla legis interpretatio est propriè Epiikia, quia omnis interpretatio est à Deo, qui est præcipuus auctor omnis legis & solus auctor omnis veræ ac strictæ obligationis in conscientia.

Correctio legis non tollit Epikiā, quāvis fiat ex lege, vel præscripto legislatoris.

12. Confirmatur. Si vera esset hæc doctrina, tolleretur Epikia etiam in lege humana; prudentes enim legislatores optime norunt, universales suas expressiones esse absurdas, nisi emendentur; & consequenter volunt suas leges corrigi, quando occasio tulerit. Itaque correctio legum non fit contra, nec præter, sed juxta eorum voluntatem atque intentionem. Et quidem quamvis in universali præscriberent correctionem esse faciendam, hoc non tolleretur Epikiā, sed eam potius imperaret, ut patet. Undè in contrarium argumenti, sic arguo. Non tollitur Epikia per hoc, quod lex particularis corrigatur per generalem legem præscribentem correctionem, ubi lex exorbitat. Ergo neque tollitur quando lex particularis corrigit universalem. Ratio est, quia leges istæ solum præcipiunt id, quod antea jure naturæ præceptum erat, & fieri debuisset, quamvis leges istæ correctrices ab homine latæ non fuissent. At quod hoc fiat dependenter à lege humana, vel solum dependenter à lege naturali, non alterat opus ipsius. Ergo illud semper erit idem eodem modo factum, dummodò semper fiat ex æquo & bono. Ergo semper erit Epikia. Ergo sicut non est absurdum, quod una lex sit alterius correctio, aut alterius correctionem præscribat; ita non est absurdum, quod una sit alterius Epikia, aut eam præscribat, quia Epikia non est nisi correctio legis ex æquo & bono. At talis correctio consistere potest in alia lege, aut per aliam præscribi ac præcipi. Ergo & Epikia. Ergo impertinens est ad Epikiā, quod fiat, vel non fiat ex præscripto legislatoris, qui legem ob universale peccantem tulit. Itaque nil obstat, quod minus lex divina ac naturalis patiatur Epikiā, quia si una corrigit aliam, aut alterius correctionem præscribat, una erit alterius Epikia, vel certè alterius Epikiā præscribet.

13. Cæterum locutio Celladei mihi valde displicet; loquitur enim ita, ac si supponeret, Deum condere leges ob universale peccantes, easque deindè per alias leges corrigere, & has per alias minus universales emendare. At hoc Deo indignum est. Immo evidenter repugnat, legem Dei ullatenus exorbitare posse, si sumatur ut lex est. Verum Celladeus ad hæc dicenda adductus est, quia non distinguit inter legem, ut est lex se tenens ex parte legislatoris, & inter legem, prout promulgatur, & applicatur nobis. Distinguat hæc, & congruè loquatur, videbiturque argumenta sua nil valere.

Obiectio 2.

14. Obicit secundò. Nulla lex naturalis, quæ versatur circa probabilia, in quibus potest intervenire defectus, est universalis; quia in talibus nulla est propositio universalis nisi ex ignorantia. Omnis enim propositio rectè universalis est falsa, & erronea. Natura autem nec ignorat nec errat, ut patet. Ergo nulla lex, naturalis peccat vel exorbitat; quia ad hoc deberet esse universalis. Ergo nulla lex naturalis patitur Epikiā, seu correctionem; quia ubi non est defectus, seu peccatum, non est locus correctioni. Ita Celladeus.

S. 2.

Respondeo 1. doctrinam hujus objectionis R. P. A. Terzili, *Regula morum. Pars II.*

contrariari doctrinæ objectionis primæ, quia ibi lex divina ponitur esse universalis & corrigenda, hic autem oppositum traditur. Ergo rationes & fundamenta Celladei sibi contradicunt. Respondeo 2. Hæc omnia confirmant primam, sed non impetunt secundam partem assertionis, cum certò constet, legem Dei à nobis sæpè apprehendi per species nimis universales. Sic uxor, audiens debitum viro reddendum, putat illud semper reddendum esse, & ex vi hujus universalis expressionis putat se obligatam ad reddendum debitum viro, etiam notoriè adultero. Sed errat, & propterea universalis illa legis naturalis expressio limitanda, ac corrigenda est. Verum quidem est, legem divinam, ne quidem, ut à nobis intellectam, quando intelligitur ut restricta cum omni limitatione quam habet in mente Dei, pati ullam correctionem, quia tunc non peccat: sed hoc æquè valet de lege humana, quæ debet restricta non peccat, & consequenter non indiget correctione. Nihilominus sicut hoc non tollit, quod minus lex humana universaliter prolata ac intellecta corrigi debeat, ita neque impedit correctionem legis Divinæ ac naturalis, quando illa per expressionem nimis universalem apprehenditur, & intelligitur.

15. Obicit tertid. Ad Epikiā requiritur, Obiectio 3? ut lex positivè peccet, & in malum ducat, nisi emendetur. At lex Dei nec peccat, nec in malum ducit. Ergo nec admittit Epikiā. Ita Celladeus.

Respondeo ut antè, hæc confirmare quidem primam, sed non impetere secundam partem assertionis; quia quamvis lex Divina, prout est in mente Dei, non peccet, nec ad malum ducat, attamen eadem ut à nobis intellecta aliquando ducit ad malum, nisi corrigatur, ut videre est in exemplis à S. Thoma allatis, & aliis non paucis. Cæterum ad Epikiā non est necesse, legem non correctam ad malum ducere, ut ex dicendis mox constabit.

ASSERTIO III.

Epikia locum habet non solum quando tenemur, sed etiam quando non tenemur contra verba legis facere.

16. **P**ROBATUR assertio, quæ est contra Celladeum. Epikia intervenit, quoties lex, ob universale peccans, ex æquo & bono corrigitur. At hoc intervenit, etiam quando non tenemur legem corrigere, & contra verba legis facere. Sic lex reddendi debitum conjugale, generaliter intellecta, ex æquo & bono corrigi potest, & declarari quod non extendatur ad reddendum debitum marito notoriè adultero, quia non est æquum, quod uxor teneatur debitum reddere consorti, qui notoriè fidem conjugalem violavit. Et tamen potest uxor debitum reddere, & pro arbitratu facere juxta vel contra verba legis de reddendo debito conjugali. Idem videre est in legibus ac mandatis humanis. Præcipiat superior suo subdito iter facturo, ne quidquam emat, nec pecuniam expendat, nisi in res itineri necessarias. Contingat autem subditum incidere in librum exiguo sibi pretio oblatum, quem novit suum superiorem diu frustra quæsisse, & magno etiam pretio emere desiderare, eò quod libro illo ad peculiaria sua studia magnoperè indigeat, omnesque etiam ejus subditi ejusdem libri

Celladei contradicatio.

Epikia locum habet, etiam quando non tenemur facere contra verba legis.

R.

desi-

desiderio teneantur, quibus etiam superior gratificari cupiat. In hoc casu, subditus ille ex æquo & bono corrigere potest defectum mandati sua universalitate exorbitantis; quia æquum & bonum est ut corrigatur: imò idipsum est juxta voluntatem superioris, qui si adesset, idipsum vellet; & si scivisset, mandatum adjecisset. Hæc autem sunt argumenta, quibus cognoscimus legem ex æquo & bono corrigendam esse. Præterea, ut clariùs appareat, mandatum hoc exorbitare ab æquo & bono, attendendum est, superiorem intuitu communis boni prohibuisse subdito, ne quidquam emeret. At hæc & nunc mandatum opponitur bono communi, ideoque exorbitat & peccat contra id, quod superior intendebat. Ergo æquum est ut corrigatur à subdito, qui certò novit hanc exorbitantiam, quique clarè videt, quod superior, si adesset, oppositum statuisset, & si scivisset præsentem circumstantiam oppositum in mandatis dedisset, idque intuitu boni communis, ad quod potissimum in suo mandato respiciebat. Ergo in hoc casu datur locus Epiikiz, seu correctioni mandati, cum æquum sit & conveniens, ut qua parte deficit contra intentionem mandantis, emendetur & corrigatur. Ergo subditus in hoc casu per Epiikiam emergere potest talem librum; sed ad hoc non tenetur, cum citra peccatum possit talem emptionem evitare. Ergo tam in lege divina quàm humana datur locus Epiikiz ad faciendum contra verba legis, etsi licitum sit verbis legis inhærere, &c. quod erat probandum.

Lex peccat non solum quando iniqua, sed etiam quando iniquè præcipit.

17. Ratio à priori est, quam affert Suarez lib. 6. de legib. cap. 7. Intentio legislatoris est non solum recta, sed etiam rectè præcipere. Ergo qui servat legem, tanquam illi obnoxius, quando verè non obligatur propter occurrentem causam excusantem, ab intentione legislatoris diserepat, etiam si actus, quem facit, non sit malus. Nec obstat, Epiikiam esse partem justitiæ; quia hæc etiam ex parte legislatoris intervenit justitia, exigens ne subditus in eo casu obligetur. Unde si ad legislatorem fieret recursus, juxta justitiam deberet interpretari suam legem & dicere, eam non obligare. Itaque Epiikia non solum locum habet, quando res iniqua præcipitur, sed quando res nimis acerba & difficilis præcipitur, quia lex in utroque casu peccat; in primo præcipiendo iniqua, in secundo iniquè, & inhumanè, seu immoderatè, aut etiam ultra potestatem legislatoris præcipiendo, quamvis res præcepta non sit mala. Ergo in utroque hoc casu prudentiæ, ac justitiæ est, ut lex exorbitans per æquum & justum corrigatur. Jam præter hos duos casus, in quibus lex universaliter accepta est injusta & correctione indiget, est alius casus, in quo datur locus Epiikiz, quando lex universaliter accepta non est injusta: tunc scilicet, quando etsi datur potestas in legislatore ad obligandum in aliquo casu, tamen ex circumstantiis ab illo non præmissis constat, hanc ejus mentem non fuisse. Hic modus videtur ab Aristotele expressus, cum dixit, Epiikiam emendare legem, quod & ipse legislator, si adesset, hoc modo dixisset, id est, hoc modo suam mentem explicasset. Sic etiam S. Thomas dixit, munus Epiikiz esse, prætermis-
sis verbis legis, intentionem legislatoris sequi. Ergo ad Epiikiam non est necesse interpretari casum non cõprehendi sub lege, quia legislator non potuit eum sua lege comprehendere; sed sufficit, si interpretemur, eum noluisse illum comprehendere, licet potuerit. Nec mirum,

quia sæpè contingit aliam esse legislatoris voluntatem ab ea, quam nuda verba præ se ferunt. Ergo ibi etiam intervenit emendatio legis, quia illa plus verbis comprehendit, quàm legislator sua voluntate complectitur. Æquum ergo est & justum, ac prorsus prudens, ut hæc etiam viâ legem interpretemur, ac corrigamus. Itaque triplex est causa seu ratio utendi Epiikia. Prima, ad cavendum malum & iniquum, sub verbis legis comprehensum. Secunda, ad virandam acerbam, inhumanam, & injustam obligationem. Tertia, propter cognitam legislatoris voluntatem, non obstante potestate illud jubendi, quod emittitur. Qui plura volet, legat Suarezium loco citato.

Epiikia triplex.

SOLVUNTUR OBJECTIONES.

18. **O**BJECTUM PRIMUM. Ad Epiikiam requiritur, ut lex positivè peccet, & consequenter ducat ad malum, nisi emendetur. Hoc colligitur ex Aristotele, qui disertis verbis dicit, Epiikiam ordinari ad corrigendam legem, qua parte peccat, & deficit. Similiter S. Thomas dicit, malum esse sequi legem in casibus à se allatis, aliisque similibus; bonum autem, prætermis-
sis verbis legis, sequi quod dicat justitiæ ratio, & communis utilitas; & ad hoc, inquit, ordinatur Epiikia, scilicet ad virandum malum, & faciendum bonum. At quando non tenemur corrigere legem, lex non peccat, nec ducit ad malum; neque malum est sequi legem, ut constat ex suppositione. Ergo quando non tenemur corrigere legem, non datur locus Epiikiz. Ita Celladeus §. 2.

Obiectio 1.

Respondet Philosophum, ut evidenter patet ex contextu, nomine peccati non intelligere peccatum morale propriè dictum, sed solum defectum & errorem, quod est universale ad peccatum morale, & quodvis aliud malum & inconveniens physicum. Porro quoties lex ob universale exorbitat ab æquo & bono, toties æquum est ut corrigatur; sive universalitas illa ducat ad malum morale, sive solum ad malum physicum, bono communi, & intentioni legislatoris contrarium. Jam in utroque casu, juxta phrasim Philosophi, datur Epiikia; sed usus illius non est necessarius nisi in primo casu. Et sanè ipse terminus Epiikia, seu æquum & bonum, non indicat necessarium, sed solum decens, conveniens, seu consentaneum. Ergo absurdum est existimare, quod semper afferat absolutam necessitatem, cum ex vi sua solum significet congruentiam, decentiam, seu convenientiam. Similiter S. Thomas, Philosophum hac in re sequutus, nomine mali solum intelligit defectum, cum formalis ratio mali generaliter sumpta in defectu consistat. Nec obstat, quod in exemplis ab illo allatis peccaret, qui verba legis servaret; quia exindè non sequitur, quod in omni alio casu peccaret; sed solum quod à decenti, & consentaneo, ac à bono communi deficeret. Ceterum dici potest, quod correctio legis semper sit necessaria in omni casu, in quo Epiikia locum habet, etiam in illis casibus, quos ego assignavi; quia stultum est, & contra æqualitatem justitiæ ac bonum commune existimare, quod uxor teneatur debitum reddere marito notoriè adultero, aut quod subditus teneatur librum non emere in illis circumstantiis; stultè ergo ageret, & peccaret, qui legem non corrigeret, sed eam in sua universalitate tanquam legem ad eas circumstantias extensam acciperet. Porro Epiikia in hac præcisè correctione consistit;

Peccatum legis exorbitantis est multiplex.

Epiikia propria semper est necessaria ad prudenter operandum, quando lex exorbitat.

sistit; illa autem necessaria est saltem quoad operationem intellectus, ne stultè & contra prudentiam agnoscamus obligationem, ubi illa cerè non est, quamvis non sit necessaria quoad usum voluntatis, eò quòd, qui per Epikiam novit se liberum à lege, seque libertatem suam possidere, possit nihilominus ea facere, quæ verba legis præscribunt, non ex vi legis, quæ scitur vim non habere, sed ex propria potestate, qua homo sæpè ea licitè facit, ad quorum contraria agenda jus habet. Non enim semper homo tenetur uti jure suo, ut patet.

Objeçtio 1. 19. Objeçit secundò. Epikia est quædam justitia, & est virtus, & laudatur, & est necessaria. Ergò strictè obligat ad faciendum contra verba legis, quæ si servari possint sine culpa, nec justum, nec virtus specialis, nec necessarium esset ea omittere. Ita Celladeus §. 2.

Respondeo Epikiam, sumptam pro objecto, esse justum quoddam, & quidem præcipuum: in hoc autem sensu non est virtus specialis, sed spectat ad varias virtutes pro qualitate materiæ, & motivorum, ut dictum est. At Epikia, prout est judicium intellectus, est virtus particularis, & spectat ad prudentiam, per quam homo disponitur ad corrigendam legem, quando lex exorbitat ob universale. Itaque totum munus Epikiæ, prout est virtus intellectus, est corrigere legem peccantem, quod abundè præstat manifestando, quòd non obliget, eò quòd indecens, iniquum, & incontinentaneum foret hominem tunc obligari ad verba legis. Qui autem contrarium crederet, aut doceret, careret virtute Epikiæ. Jam Prudentia (cujus Epikia pars est) ex propria sua ratione determinat ad istam interpretationem, seu correctionem, quam proinde per seipsam inducit, quæque abesse non potest, nisi per stultitiam, seu carentiam Epikiæ. Porro Epikia aliam necessitatem vel obligationem per se non inducit; sed si post Epikiam obligemur aliquando agere contra verba legis, ea obligatio spectat ad voluntatem, & est multiplex juxta varietatem motivi & materiæ circa quam operamur, ut dictum est. Cæterum ex nozione virtutis, justis, ac laudabilis, perperam inferitur necessitas, quia multa sunt laudabilia, ad virtutem spectantia, & legaliter justa, quæ sicut laudabiliter fieri, ita licitè omitti possunt, ut dare elemosynam, aliæque innumera; non enim virtutis est semper necessitatem inducere, ut patet. Unde Epikia in se nullam inducit necessitatem faciendi contra verba legis, sed solum necessariò ostendit, quòd lex non extendatur ad talem casum, quia non est æquum, & bonum, quod ad illum obliget. Hoc autem stante, aliquando non est necesse facere contra verba legis. Verum hoc non aliter contingit post legem correctam, quàm contigisset, si nulla lex lata fuisset. Sic lex humana præscribens redditionem depositi. Dico, me non aliter obligari ad non reddendum depositum, quando Epikia corrigit hanc legem in casu allato à S. Thoma, quàm fuisset, si lex illa humana lata non fuisset; ex æquo enim in tali casu depositum non est reddendum. Itaque obligatio oritur ex rebus ipsis, non ab Epikia; Epikia enim solum dicit, æquum non esse, quod lex obliget; & ad hoc solum est utilis, & necessaria. At hoc posito, obligatio faciendi contra verba legis, vel permissio faciendi juxta illa aliundè provenit; ad quod si Celladeus advertisset, fortasse aliter judicasset.

Objeçtio 3. 20. Objeçies tertio. Quando pars legis est turba. P. A. Terilli, Regula Morum. Pars II.

ta, id est, quando facere juxta verba legis non est peccatum, lex non peccat, quia sine peccato impleri potest. Ergò niti sit peccatum facere juxta verba legis, nullus est locus Epikiæ. Ita Celladeus §. 3.

Respondeo legem sæpè exorbitare ab æquo & peccare, etiam quando non est peccatum facere contra verba legis; scilicet tunc, quando legislator acerbè, & inhumaniter excedit suam potestatem; aut etiam quando non est æquum hominem obligari ad verba legis, eò quòd obligari ad illud sit contra bonum commune, & intentionem legislatoris, quamvis non sit absolutè malum facere juxta verba legis justas ob causas. Porro in istis casibus lex peccat, quia universalis illa obligatio, si extenderetur etiam ad istas circumstantias, peccaret; esset enim malum contra æquum & bonum, & contra voluntatem legislatoris; & ideo lex illa corrigenda est per Epikiam, quæ ex æquo, & bono pronunciat, legem ad hunc casum non extendi.

Lex peccat
et si facere
juxta verba
legis non sit
peccatum.

COROLLARIA.

21. **H**INC inferitur, Celladeum plura falsa in hac materia enuntiasse. Inprimis dicit nullum esse locum Epikiæ, quando se-
Plures Cel-
ladel erro-
res notantur.
Error 1.

qui verba legis est tutum, seu minimè peccaminosum. Hujus asserti falsitas constat ex dictis.
Error 2.

22. Secundò contendit, tunc solum Epikiam locum habere; quando leges contradicentes sibi occurrunt, quia Epikia est ad vitandum peccatum legis. Imminet ergò peccatum, si juxta legem fiat. Ergò est obligatio & lex aliqua non sectandi verba legis, quia sine lege & obligatione nullus est locus peccato.
Error 3.

23. Verum hic Celladei discursus omni ex parte mancus est. Inprimis, supponit dari leges sibi contradicentes, quod est Chymæricum, quia nec Deus, nec respublica obligat ad contradictoria: imò tam repugnat nos ad contradictoria obligari, quàm repugnat illud peccatum esse quod nulla ratione à nobis vitari potest. At contradictoria evitari nequeunt. Ergò nulla ad ea evitanda esse potest obligatio. Itaque leges verè contradictoriæ nunquam sibi occurrunt; sed ad summum aliquandò reperiantur leges, quæ apparenter & verbaliter contradicunt. Cæterum falsum est, quòd istæ debeant necessariò intervenire, quando utimur Epikia, quippe quæ per hoc solum præcisè corrigit leges, quòd ostendat obligationem ad hanc circumstantiam non extendi, eò quòd lex deficeret, seu peccaret contra æquum & bonum, si ad illam extenderetur. Itaque peccatum legis non in eo solum consistit, ut falsò sibi persuasit Celladeus, quòd præcipere videatur rem malam, sed in eo, quòd videatur obligare ad id, ad quod obligari non est æquum, quamvis illud facere sponte & non ex obligatione non sit malum. Itaque lex evidenter potest corrigi, etsi nullum imminet peccatum ex operatione à lege præscripta.

Leges sibi
contradi-
centes repu-
gnaunt.

24. Tertio tradit, quòd regula de sectanda parte tutiori & Epikia sese communiunt, eò quòd nunquam liceat quicquam ex Epikia facere, nisi quando id tutius est, & oppositum minus tutum. Hæc doctrina ritè sequitur ex prioribus ejus assertis, sed eadem rationes, quæ probant illas esse falsas, hanc etiam falsitatis convincunt.
Error 4.

25. Quarto vult, exemplum S. Thomæ de R. 2 non

non reddendo deposito non esse effectum Epiikiz, prout restitutio depositi præcipitur à lege naturali, sed solum prout jubetur à lege humana. Verùm hoc & falsum est, & dicitur inconsequenter. Est falsum, si sermo sit de lege naturali ac divina, prout illa à nobis apprehenditur; ut ostensum est. Dicitur etiam inconsequenter, quia cum utraque lex eisdem verbis explicetur, & utraque, prout à nobis apprehenditur, ad eadem prorsus extendatur, atque per similem conceptum intimetur, impossibile est, quòd una exorbitet propter universale, & altera non exorbitet. Ergò utraque ex æquo deficit. Ergò utraque ex æquo per Epiikiam corrigenda est.

Celladei inconsequen-
tia.

ASSERTIO IV.

Sæpe datur locus Epiikia ex titulo difficultatis, per accidens occurrentis in observatione legis.

Difficultas
per accidens
intercurrentis
in observa-
tione legis
sæpe fundat
Epiikiam.

26. **P**ROBATUR. Sæpe difficultas interveniens tanta est, ut certum sit, aut potentiam, aut intentionem legislatoris ad eum casum extensam non fuisse. In potentia legislatoris variis modis innotescere potest. Voluntas ejus ex eo sæpe scitur, quòd non sit æquum & bonum homines ad tam ardua ab hominibus obligari. Talis enim obligatio acerba, & inhumana est, pacique ac bono publico repugnat. Præterea ex similibus principis scitur, quòd si legislator adestet, diceret, se nolle hominem ad talia obligare, sed potius juberet oppositum, si opus esset tali præcepto. Hinc sic arguo. Hæc scientia, seu hæc doctrina est formalissima Epiikia; quia est ipsamet correctio legis deficientis ob universale. At fit præcisè titulo difficultatis per accidens intercurrentis, & eorum, quæ ex tali difficultate, ac incommodo consequuntur. Porro difficultas & incommodum sæpe eòusque excresecunt, ut correctionem hanc certam faciant. Ergò sæpe datur locus Epiikiz ex titulo difficultatis, per accidens intercurrentis in observatione legis. Et sanè nulla rationalis explicatio Epiikiz, ex Aristotele & D. Thoma accepta, fingi potest, quæ sæpe non habeat locum in terminis assertionis; quia certum est, quòd prudens lex humana ab æquo deficeret, si ad tales casus extenderetur. Similiter scitur, quòd legislator, si ad hunc casum attendisset, aliter loquutus fuisset, illumque aut explicite, aut implicite excepisset. Præterea, si adestet, oppositum diceret. Demum si interrogetur quis, unde certò sciat, legem ad hunc casum non extendi: aliud non potest respondere, quàm aliquid eorum, quæ jam indicata sunt, scilicet quòd esset lex nimis ardua, & consequenter ab æquo exorbitaret, vel quòd voluntas legislatoris, semper tendens ad bonum commune, tales casus non involveret. At certum est ex Aristotele, & S. Thoma, quòd Epiikia aliud non sit, quàm correctio & limitatio legis nimis universalis, ex istiusmodi capitibus ritè illata & declarata.

Corollarium 1.

27. Hinc inferitur primò, verissimum esse, quòd ab initio quæstionis diximus, quæstionem præsentem de Epiikia esse connexam cum præcedenti, atque ex illa magna ex parte stabili.

Corollarium 2.

28. Inferitur 2. Celladeum in hoc etiam errasse, quòd asserat, Epiikiam nunquam ex solo titulo difficultatis & incommodi intervenientis ex-

surgere. Sed contra: quia perspicuum est, neminem obligari ad Missam audiendam, quando, si hic & nunc illam audiat, perditurus est occasionem, quàm si arripuisset, infallibiliter lucratus fuisset decem millia aureorum. Porro excusatio ista non reducitur ad alium titulum quàm ad purum incommodum; non enim peccaret, si huic jacturæ sese exponeret, sed actum longè generosissimum virtutis heroicæ exerceret. Ergò Epiikia Celladei et: ista non fundatur in eo, quòd malum sit sequi verba legis; sed in eo, quòd non sit æquum homines ad tam ardua obligari, quòdque constet, voluntatem legislatoris ad istum casum non extendi.

ASSERTIO V.

Dubium de malo, ex observatione legis juxta litteram sumpta sequuturo, aliquando fundat, aliquando non fundat Epiikiam. Propositum autem sit exponere quando hoc contingat.

29. **P**ROBATUR. Aliquando observatio legis ad litteram est, aliquando non est pars minus tuta. Est pars minus tuta, quando observatio legis ad litteram est peccatum; sic esset peccatum restituere ensẽ furibundo, quem sciremus paratum ad alios ense interficiendos, &c. Non est pars minus tuta, quando sine omni peccati periculo lex ad litteram observari potest. Jam quando dubium est, an sequi legem sit peccatum, videndum est, an malum, quòd ex legis observatione imminet, excedat malum ex non observatione legis oriturum. Si excedat, ut in exemplo allato, aliisque non paucis evenit, tunc locus datur Epiikiz; quia est contra æquum, communique bono ac legislatoris intentioni repugnat, quòd homo ex duobus malis collectivè inevitabilibus teneatur ad eligendum majus. Ergò Epiikia dicitur, legem in hac parte deficere, & ob nimiam universalitatem debere corrigi. Verùm in hoc casu peccatum legis non est dubium sed certum, quamvis dubium sit, an malum illud majus sit eventurum: quòd observandum est contra Celladeum, qui licet in hac parte benè sentiat, malè tamen loquitur, quia supponit sermonem esse, quando dubitatur de peccato legis. Verùm, cum bona ejus venia, de hoc non dubitatur, cum certò sciamus, legem jubentem majus malum dubium, quàm sit non observatio talis legis, deficere à natura legis rectæ, ac justæ, quæ veram secum obligationem trahit. Quod si dubium esset, utrùm lex deficeret, id est, si nulla esset ratio magis dicendi quòd deficeret, quàm quòd non deficeret, nulla utique esse posset Epiikia, quippe quæ est correctio legis errantis, & ob nimiam universalitatem peccantis. At hic nulla esset ratio, quæ hoc diceret, ergò nulla esset Epiikia.

Dubium malum incurrendi aliquando fundat Epiikiam.

30. Atque hinc secunda pars conclusionis evincitur; quia quando observatio legis ex se est licita, si constet æquum non esse ad illam obligari, datur locus Epiikiz; quia per hoc ipsum constat legem peccare, ut ostensum est. At si dubium sit, an expediat subditos ad illam observationem obligari, nulla potest esse Epiikia, quia cum nil mali aut incontentanei sequatur ex obedientia, & certum sit legem latam esse, utique tum obediendum est, quia nulla est exceptio æquivalens auctoritati atque possessioni jubentis per

Simile dubium aliquando non fundat Epiikiam.

per legem certò latam, quam subditus exorbitantius aculare non potest. Exemplum sume à subdito, cui superior mandavit, ne quidquam pecuniae in rebus emendis consumat; hic non potest per Epikiam hoc mandatum corrigere, si dubitet, an sit juxta bonum commune & intentionem superioris, quòd librum emat: quia motum sic dubitandi non est sufficiens ad corrigendam jussionem superioris, utpote quæ in nullo probatur deficere. Stat ergò conclusio, quòd nempe dubium de malo sequuturo ex observatione legis aliquando fundet, aliquando non fundet Epikiam.

31. Porro ex dictis constat, quando uterque casus conclusionis contingit. Tum enim malum dubiè imminens fundat Epikiam, quando illius periculum ostendit æquum non esse, ut lex ad illud etiam dubiè propositum extendatur, quia Epikia in hoc ipso judicio consistit. At quando malum, de quo dubitatur, hoc non arguit, utique nullus datur locus Epikiae, ut patet.

ASSERTIO VI.

Probabilis correctio legis an & quando sit sufficiens regula conscientiae?

Correctio legis seu Epikia, quando non est certa sed solum probabilis, non est sufficiens regula conscientiae, si superior consuli possit, & res moram patitur, secus est sufficiens regula.

32. **P**ROBATUR prima pars primò ex legibus; in quibus statuitur, quòd ejusdem sit legem condere, & interpretari. *leg. inter. Cod. de leg. ubi hæc habentur. Inter æquitatem juris, interpositam interpretationem nobis solum & oportet, & licet inspicere.* Ecce Imperator sibi reservat interpretationem suæ legis, scilicet in casu conclusionis, quia cujuscvis est eam corrigere, quando defectus legis est certus, & evidens. Ad idem probandum facit etiam *lex Plaut. Cod. de iudiciis.*

Quando sit probabilis correctio legis an & quando sit sufficiens regula conscientiae?

33. Probatur 2. ratione. Omnestenemur operari ex certitudine, quando certitudo haberi potest. At quando superior consuli potest, certitudo haberi potest. Ergò ante illam non licet contra verba legis operari. Ergò quamvis tunc liceat interpretari legem speculativè, & probabiliter dicere, quòd sit corrigenda, non tamen possumus eam interpretationem pro regula conscientiae adhibere; quia hic & nunc non est practicè probabile, quòd absque recursum ad superiorem liceat contra verba legis facere. Videatur *Suarez lib. 6. de leg. cap. 8.* ubi hoc ipsum egregiè probat. Legatur etiam *Bresserus.*

34. Probatur 2. pars. Quando res non patitur moram, aut superior consuli non potest, tunc iudicium illud speculativum fundat aliud practicum, quo conscientia prudenter regulatur; quia veritas scitur optimo modo, quo sciri potest à nobis, nempe probabiliter. At in tali casu irreprehensibiliter, & rationabiliter operatur, qui sequitur veritatem, quam non potest certius, aut melius cognoscere, quàm de facto cognoscit. Ergò in tali casu Epikia probabilis est sufficiens regula conscientiae.

35. Confirmatur. In tali casu probabile est, quòd lex non detur, nec superest modus certius cognoscendi veritatem. Ergò lex illa vel non existit, vel certè non est sufficienter promulgata, & applicata. Ergò non obligat. Et sanè si lex dubia non obligat, multò minùs lex probabiliter non existens obligationem inducit.

R. P. A. Terrio, Regula Morum. PARS. II.

36. Nec dicas, legem existere, ejusque verba casum istum complecti. Nam contrà, quia verba legis non sunt nisi cadaver legis, cuius anima est sola voluntas legislatoris, sine qua verba nullam obligandi vim habent. Ergò si probabile sit, voluntatem legislatoris absesse, utique probabile est, legem obligantem non existere. Unde rectè inferitur, quòd aut non detur talis lex, aut quòd non sit sufficienter promulgata, seu applicata, ut obliget.

37. Demum, si hæc probabilitas in casu allato non sufficeret, nulla unquam sufficeret; quia non est potior ratio de ulla alia quàm de ista. Ergò hæc sufficit. Et hæc est communissima opinio. Vide *Suarium loc. cit.*

ASSERTIO VII.

Licentia merè interpretativa, qua non infrequenter sufficit ad conscientiam debite formandam, non est Epikia propriè dicta, licet aliquo modo dici etiam possit Epikia.

Licentia interpretativa non est Epikia propriè dicta.

38. **P**ROBATUR. Licentia merè interpretativa non est correctio legis, aut mandati, quippe quòd in nullo peccaret, etsi ad illum ipsum casum extenderetur; sed est interpretativa dispensatio & concessio superioris, qui tamen absque ullo defectu vel reprehensione posset talem facultatem denegare, quamvis à subdito peteretur. Ergò talis licentia non est propriè Epikia, utpote quæ aliud non est, quàm legis vel mandati peccantis emendatio, & correctio. Nilominus sæpe interpretari possumus voluntatem superioris absentis, quando non solum probabile est, quòd contentus sit, ut aliquid fiat contra regulam, vel præscriptionem ipsius, sed etiam est probabile, quòd contentus sit id fieri hic & nunc ex præsumpta dispensatione, ac voluntate ipsius. Cæterum æquitas & obedientia postulat, ut superior postea de re gesta certior fiat, & ut subditus rescindat factum, si rescindi possit, & superior illud rescindi voluerit, quòd benè notatum est à Celladeo §. 3. qui quoad priorem partem assertionis nobiscum sentit: sed quoad secundam aut dissentit, aut certè nullatenus ostendit se assentire.

39. Probatur ergò secunda pars ex S. Thoma 2. 2. *quæst. 120. art. 2.* In quo postquam objecisset sibi, quòd Epikia videretur esse idem ac modestia, eò quòd ubi Apostolus *ad Philip. 4.* dicit. *Modestia vestra nota sit omnibus hominibus,* in Græco habeatur Epikia; respondet, quòd terminus *Epikia* propriè quidem significet moderationem circa observantiam verborum legis, ob universale peccantis, ut dixerat in Corpore, possit tamen, juxta phrasim Græcam, per quandam similitudinem extendi ad significandas omnes moderationes, & consequenter etiam modestiam, quæ moderatur exteriorem hominis vitam, & cultum, puta in habitu, incessu, motu, &c. Ergò multò magis ostendi potest ad significandam moderationem legum ex interpretativa dispensatione superiorum; quia hæc longè magis accedit ad rigorosam Epikiam, quàm modestia, aut moderationes alie, quæ circa leges & mandata non versantur. Itaque licentia merè interpretativa aliquo modo, & quidem non improprie, dici potest Epikia, & satis communiter sic vocatur; quæ locutio non rigide reprehendenda est, quia reprehensionem non meretur; sed benignè

Interpretativa licentia non omnino improprie dicitur Epikia.

R. 3

inter-

interpretanda, cum non violentam, sed commodam interpretationem admittat.

Judicium
probabile,
quod lex non
extendatur
ad aliquid
est Epiikia.

40. Ceterum si probabile esset, quod lex, aut voluntas legislatoris ad talem casum non extendatur, tunc locus esset Epiikiz juxta *Assertio- nem 6.* quia tunc verba legis probabiliter exor- bitarent à voluntate legislatoris, & consequenter

corrigi ac restringi possent per judicium probabile. Sed non loquimur de hoc casu in presenti assertionem, sed solum de interpretativa dispensatione circa legem, quæ scitur comprehendere casum, quem ex interpretativa dispensatione omit- timus.

QUÆSTIO SEXAGESIMA.

*Vtrum, & quantum malum sit ignorantia,
& error?*

Aliquæ
quæstiones
secundæ
Partis Cel-
ladei sumu-
tur exami-
nandæ.

SEXAGESIMA de *recta doctrina morum* partem, quam quatuor libris comprehensam Celladeus nobis exhibuit, unâ cum aliquot quæstionibus in appendicem conjecit, hæcenus examinavi, & ni fallor, perspicuè ostendi, Auctorem illum per omnia invalidè contra benignam sententiam egisse. Ejusdem enim æquivocationes detexi, contradictiones & inconsequentias notavi, præteritarum demonstrationum sophismata aperti, nilque eorum, quæ ad plenam objectorum refutationem, atque ad efficacem benignæ sententiæ stabilimentum facere videbantur, omisi. Nec tamen hîc scribendi finem facio, nonnullæ enim quæstiones ex secunda de *recta doctrina morum* parte, quam idem Auctor in sex libros digessit, ad manus meas pervenerunt. Has autem vel ideo nûc cum prioribus examinandas judicavi, quod Celladeus plurimum roboris in illis ponat, doctrinamque de licito probabilium usu per illa funditus convelli, omniaque aut potissima *Partis 1.* asserta ex eisdem validè confirmari existimat. Verum quàm inania ejus tela, quàmque invalido brachio in nos contorta sint, paulatim ostendam, si tamen antea universim admonuero, quod in decursu disputationis singillatim ostensurus sum, argumenta omnia, quæ vim facere videntur, in apertis æquivocationibus, ac terminorum confusionibus fundari, quibus detectis, sponte labuntur universa.

ASSERTIO PRIMA.

*Propositum sit explicare, quid sit ignorantia
& error, de quorum mali magnitudine
quæstionem præsentem instituimus.*

Ignorantia
definitio.

IGNORANTIA, latissimè sumpta, idem importat ac nescientiam intellectûs, seu carentiam cognitionis rei alicujus. Hujusmodi ignorantia omnibus creaturis rationalibus inest, etiam spiritibus illis, qui beatitudinem adepti Deo fruuntur, & beatissimi sunt, ideoque & ab omni malo simpliciter dicto remotissimi. Nemo enim ex omnibus est, qui omnia etiam possibilia novit, sed plurima singulos latent; qui proinde talium rerum ignorantiam latè dictam habent. In præsentî quæstione non loquimur in hac universalitate, sed nomen ignorantiz pressius sumi-

mus pro carentia cognitionis earum rerum, quarum sciendarum quivis intellectus juxta statum suum est capax; quia sola carentia talis cognitionis est privatio respectu talis subjecti, ut patet. Reliquarum cognitionum carentia potius comparatur ut pura negatio, quàm ut privatio, quia subjectum illis carens non est aptum illas recipere, cum excedant facultatem illi concessam. Ignorantia ergo strictè sumpta est nescientia, seu privatio cognitionis earum rerum, quarum sciendarum homo est capax juxta statum, in quo constituitur; unicuique enim intellectui Deus terminos constituit, ultra quos ferri non potest. Porro ex rebus, quarum cognoscendarum capaces sumus, alias scire jubemur, alias nosse consulimur, & de aliis permixtum est ut illarum notitiam nobis comparemus, aut citra ullum detrimentum finis adipiscendi in illarum ignorance maneamus. Prima classis illa complectitur, quarum notitia necessaria est ad vitam æternam. Porro ex illis alia sunt necessaria necessitate mediæ, ut, si ignorentur, beatitudo acquiri non possit, sed æterna miseria necessariò incurrat. Alia sunt necessaria solum necessitate præcepti, quorum scilicet ignorantia, si sit invincibilis, finis ultimi adeptionem non impedit. Res secundæ classis sunt majoris perfectionis, & juvant ad beatitudinem facilius acquirendam; sed ad illam simpliciter obtinendam necessaria non sunt, quamvis necessaria sint ad altiore beatitudinis gradum consequendum. Res tertiæ classis sunt indifferentes, quarum proinde ignorantia per se loquendo nec prodest nec obest in ordine ad finem ultimum, aut amplum beatitudinis augmentum acquirendum.

3. Porro studiositatis est ad ea scienda incom- bere, quæ in prima & secunda classe continentur, sicut est negligentiz in illa addiscendis torpere. In rebus tertiæ classis cognoscendis nimium insudare, cum detrimento scientiz ad salutem necessariæ aut valde proficiæ, curiositati tribuitur, ut ex S. Thom. 2. 2. bene observat Celladeus *quæst. 1. §. 1.* ubi, ut homines ad negligentiam & curiositatem vitandam excitet, citat S. Paulum hortantem, ne plus sapiamus quàm oportet sapere, sed sapiamus ad sobrietatem. Rectè etiam ponderat illud *Eclesiastici 3.* *Altiora te ne quaesieris, & fortiora te ne scrutatus fueris; sed quæ præcepit tibi Dominus, illa cogita semper, & in pluribus operibus ejus ne fueris curiosus. non est enim tibi necessarium ea, quæ abscondita sunt, videre oculis tuis.*

Vitium cu-
riositatis in
rebus scien-
dis quando-
nam inter-
veniat?

Quæ

Quae certè sunt documenta sapientiae plena, utilissimaque hominibus, quorum plurimi negligentia, plurimi curiositate peccant, dum ea, quae obligantur scire, nosse negligunt.

Erroris definitio.

4. Error involvit ignorantiam veri, & praeterea figit intellectum in persuasionem falsi; ac proinde error deterior est ignorantia, quia ignorantia solum privativè opponitur scientiae ac veritati cuius homo est capax, cum error eidem scientiae ac veritatis adeptioni contrariè opponatur. His stabilitis, de ignorantiae strictè sumptae & erroris malo agendum superest.

ASSERTIO II.

Ignorantia & error eorum, quae ad adeptiorem finis sunt necessaria, est maximum malum hominis.

Ignorantia & error necessarium est maximum malum.

5. **P**ROBATUR. Malum privationis agnoscitur ex magnitudine boni, quod removet. Hoc posito sic. Error & ignorantia talium rerum privant hominem maximo suo bono, nempe beatitudine aeterna, mediisque ad illam obtinendam necessariis. Ergo privant hominem maximo suo bono. Ergo talis error & ignorantia est maximum hominis malum. Maximum, inquam, malum physicum, quia jam non loquimur de malo morali, seu de peccato, de quo tamen postea agendum erit. Praeterea talis ignorantia & error sunt dispositiones, quae, nisi removeantur, infallibiliter inducuntur sunt miseriam aeternam. Ergo sunt dispositivè maximum hominis malum, quia necessariò privant summo bono, eademque necessitate maximum malum inducunt. Porro quod res ignorata magis necessaria est ad beatitudinem obtinendum, damnationemque vitandam, eò deterior est illius ignorantia. Unde ignorantia eorum, quae sunt necessaria necessitate mediis, majus malum est, quam ignorantia eorum, quae solum sunt necessaria necessitate praecepti; quia illa ex absoluta necessitate privat summo bono, & inducit summum malum; haec verò non item, quia fieri poterit aliquando, ut talium rerum ignorantia sit invincibilis; in quo casu nil dictorum malorum inducit; sed si sit vincibilis, ea omnia non minori vi inducit, quam ignorantia rei necessariae necessitate mediis. In re clara ulterius immorari non libet.

ASSERTIO III.

Error & ignorantia eorum, quae ad consilia pertinent, simpliciter loquendo est maximum hominis malum.

Ignorantia consiliorum est maximum malum.

6. **P**ROBATUR. Ignorantia eorum, quae ad consilia pertinent, praecipuarum virtutum exercitio, & consequenter magno beatitudinis aeternae augmento privat. Ergo privat magno bono. Ergo est maximum hominis malum. Et sanè cum sola aeterna sint absolute magna, magnique momenti, haud dubiè quidquid privat bonis aeternis simpliciter loquendo est maximum malum, maxime si privet beatitudine quoad substantiam, cum sine illa nemo bene esse possit, sed necessariò sit miser.

ASSERTIO IV.

Ignorantia & error eorum, quae necessaria sunt ad finem vitae vel privatae, vel aeconomicae, vel civilis, simpliciter loquendo, est magnum hominis malum. Idem proportionaliter dicendum de ignorantia eorum, quae ad finem illum augendum, aut completè possidendum aut necessaria sunt aut valde utilia.

7. **P**ROBATUR. Finis vitae sive privatae sive aeconomicae, sive civilis est beatitudo tali statui competens, quae qui caret, miserrimus est in illo statu. Ergo error & ignorantia circa ea, quae ad talem finem sunt necessaria, est magnum hominis malum, cum privet beatitudine propria talis status. Nonne homini doloribus afflicto magnum malum est, ignorare ea sine quibus dolor leniri non potest, & quibus habitis dolor omnis abigeretur? Sanè talis ignorantia censetur causa talis tormenti, & propterea non solum inducit malum illud positivum, sed eo mediante privat quiete, sanitate, & honesta delectatione corporum, & bonorum corporalium. Ergo talis ignorantia est magnum malum. Sed error aggravare potest malum hoc. Talis esset error, quo homo ille crederet proficuum, quod nocivum est; quia usus talis remedii malum non leniret, sed aggravaret. Idem dicendum de ignorantia & errore eorum, quae necessaria sunt ad finem vitae aeconomicae domi, & civilis fori cum contribulibus. Miserum enim est talem vitam degere sine pace, amicitia & subordinatione inferiorum ad superiores, &c. Ergo ignorantia eorum sine quibus haec haberi non possunt magnum malum est, cum privet magno bono, magnamque miseriam inducat. Porro eadem ratio proportionaliter procedit de ignorantia & errore eorum, sine quibus perfectio & augmentum horum bonorum haberi nequit. Quae cum clara sint, non amplius in illis morandum censeo.

ASSERTIO V.

Ignorantia & error circa alia, simpliciter loquendo, non est magnum hominis viatoris malum, sed aliquando, saltem per accidens, utilis est ad felicitatem propriam talis status, ideoque rationem boni induit.

8. **P**ROBATUR primò. Quod non solum non privat hominem sine ultimo, aut sine vitae privatae, vel socialis, sed insuper nullum affert impedimentum ad incrementum felicitatis propriae talium statuum, simpliciter loquendo, non est magnum malum, cum non impediat completam beatitudinem status in quo homo versatur. Nil enim magnum meritò reputatur, sine quo beatitudo completa acquiri potest, cum omnia media sive proficua sive nociva suam magnitudinem, si sint pura media (qualia sunt de quibus nunc agimus) à conducibilitate aut contrarietate ad finem assequendum desumant. At ignorantia & error eorum, de quibus Thesis procedit, non privat hominem viatorem suo fine, nec ullum impedimentum affert ad perfectionem illius acquirendam, ut constat ex hypothesi.

Multorum ignorantia non est maximum hominis malum.

R 4

Ergo

Ergo ignorantia & error talium non est magnum hominis viatoris malum. *Viatoris*, inquam, quia status perfectæ beatitudinis in patria omnem errorem, omnemque ignorantiam propriè dictam excludit.

Probatur 2. exemplis clarissimis. Non est magnum malum rustici, qui ad privatam & economicam felicitatem tendit, quod ignoret subtilitates Algebrae, vel Geometriae, nec quisquam merito reputat talem ignorantiam esse magnum ejus malum. Similiter non est magnum Regis aut Theologi malum, quod ignoret multa, quæ rustico illi scitu sunt necessaria. Ratio est, quia per talem ignorantiam non impediuntur à completa consecutione finis, ad quem tendunt. Similia exempla clarissima quivis excogitare potest in omni statu utriusque sexus, ideoque alia addere supervacaneum censeo.

Nonnullorum ignorantia ali- quando est bona homi- ni.

9. Probatur secunda pars. Multa sunt, etiam ad privatos homines spectantia, quæ si scirentur, tranquillitatem ac imperfectam beatitudinem illorum turbarent, invincibiliter autem ignorata eandem fovent & custodiunt. Nec quidquam mali particularis affert illorum ignorantia. Talis est ignorantia mariti de pristina uxoris fornicatione. Talis est ignorantia malevolentiae ac invidiae aliorum erga nos; maxime quando invidia illa est merè interior, & nullum malum effectum nobis afferre potest. Expedi enim ista ignorari, cum illorum ignorantia nil nocementi afferat, scientia autem eorundem plurimum nobis noceret in ordine ad finem proprium statum, in quo vitam degimus. Ergo aliqua ignorantia non solum non est magnum malum hominis, sed habet speciem boni, & ab amicissimis illius potest desiderari, immo & procurari; quod certè ab amico fieri non posset, nisi aliquam boni rationem haberet. Idem prorsus dicendum est de errore; quia ad vitam socialem & civilem utile est si maritus optimam opinionem de præterita uxoris integritate habeat, maxime si iudicium illud non temerè, sed ex valdis ac rationabilibus fundamentis eliciatur. Certè error iste, omnibus inspectis, plus boni affert quàm mali in ordine ad finem vite socialis. Ergo habet speciem boni, & secundum quid bonus reputari debet. Alia ejusmodi exempla sunt obvia.

ASSERTIO VI.

In ordine ad vitam privatam & socialem, error invincibilis aliquando utilior est ac melior, quàm omnimoda nescientia seu ignorantia objecti erroneè crediti.

10. **P**ROBATUR. Sit filius, qui invincibiliter putet hunc esse suum patrem. Similiter & pater invincibiliter putet hunc esse suum filium. In hoc casu utilior est filio hic error, quàm si omnimodam ignorantiam seu nescientiam sui patris haberet. Generica enim notio quod habuerit, aut etiam quod habeat patrem vivum non suffragatur illi in ordine ad vitam privatam aut socialem, cum ad neminem habere possit refugium pro necessaria vite sustentatione, &c. At, stante errore illo habet ad quem confugiat, & à quo necessaria accipiat. Rursus error patris multis de causis potest illi esse utilior, quàm ignorantia aut dubitatio an iste sit filius. Ratio à priori sumitur à fine vite privatae ac socialis, ad quem quisque ordinatur juxta statum suum. Quia illud, si-

Error ali- quando uti- lior est quàm omnimoda nescientia.

ne quo talis finis obtineri non potest est melius illo, quod tali fini obtinendo obstaculum ponit. At finis talis obtineri non potest sine tali errore, qui supponitur esse invincibilis, & illo mediante obtinetur. Rursus omnimoda objecti illius ignorantia finis dicti acquisitionem impediret. Ergo simpliciter loquendo talis error utilior est ac melior, quàm omnimoda ignorantia objecti erroneè crediti.

ASSERTIO VII.

Ignorantia & error semper sunt mala intellectu, si ad illum præcisè respiciamus. Et quidem error in plerisque est majus malum, quàm omnimoda rei ignorantia. Sed in multis error est minus malum intellectu, quàm omnimoda ignorantia.

11. **P**ROBATUR prima pars. Finis intellectus est scire verum: ergo scientia veri est finis, ad quem intellectus directè & per se ordinatur. Porro universalis ejus finis & perfectio est nosse omne verum, cujus est capax; finis vero partialis seu particularis est scire quodlibet verum particulare, cujus cognoscendi est capax. Ergo quod privat intellectum scientia veri est malum ipsius, cum privet ejus finem, ejus bonum, imò ejus optimo. At omnis ignorantia & error privat intellectum scientia ejus veri, quod ignoratur. Ergo omnis ignorantia & error est malum potentiae intellectivæ, si ad illam solum ejusque perfectionem ac finem respiciamus, neque de hoc ullum esse potest dubium.

Error & ignorantia semper sunt mala intellectu.

12. Probatur secunda pars. Plurima objecta sunt talia, ut de illis certam scientiam habere possimus si diligentiam adhibeamus. Jam deterius est errare circa talia, quàm illa merè ignorare; intellectus enim per errorem deterius disponitur ad veritatem illam cognoscendam, quàm per simplicem ignorantiam, quia hæc est mera privatio, illa autem est forma contraria, quæ absque difficultate expelli non potest, & absque eo, quod intellectus fateatur se errasse, quod difficulter facit. Præterea omnes turpius existimant, hominem errasse in talibus, quàm ea ignorare; quia ignorantia potest esse invincibilis, propter omnimodam incogitantiam, &c. cum error de illis semper sit vincibilis, cum per debitam diligentiam superari potuisset. Hoc autem aperte indicat errorem in talibus esse majus malum intellectu, quàm meram ignorantiam.

Error plerumque deterius est ignorantia.

13. Probatur tertia pars. Multa sunt de quibus non possumus certam cognitionem habere, nec ultra probabilitatem ascendere. Interim multis de causis juvat veritatem illorum investigare, ac questionem ipsam post inquisitionem determinare. De istis ergo pronuntio, quod melius sit de illis probabilem cognitionem habere, quàm plenam talium objectorum nescientiam habere, quamvis in illorum cognitione præter spem nos falli contingat. Idque affirmo etiam relatè ad bonum intellectu præcisè consideratum, nam simpliciter loquendo talis error sæpe melior est, quàm ignorantia, ut in superiore assertionem dictum est.

Aliquando error est minus malum intellectu, quàm omnimoda ignorantia.

Probatur ergo primò, quia melius est de talibus rationabilem discursum texere, quàm instar stiptis hære, & nil prorsus de talibus affirmare posse. Hoc & per se patet, & ex communi omnium persuasionem verum reputatur; omnes enim suspi-

suspiciamus hominem de talibus apte & solide discurrentem, quamvis bene sciamus illum in suo iudicio decipi posse, & forte de facto falli. Ratio à priori est, quia ubi certitudo & infallibilitas veritatis non est possibilis, intellectus impeditur à suae suae primario, in quo absque sollicitudine quiescat. Ideoque extendi debuit ad finem secundarium, quae est veritas non temerè, sed rationabili quamvis fallibili iudicio percepta. Hic autem finis non minùs obtinetur per iudicium fallum, quàm per verum, cum intellectus nequeat discernere cognitionem veram à falsa, sed ex æquo quiescat in utraque, quando illas reflexè considerat. Præterea intellectus est posse solide ac rationabiliter respondere de quaestione proposita, etiam extra casum certitudinis ac evidentiae. Similiter illius est posse alios dubitantes dirigere, ac eorum dubia rationabiliter ac probabiliter solvere. Quique hoc præstare potest censetur perfectior in cognoscendo, quàm qui non potest. Præterea error, maximè probabilis & invincibilis, plurima prædicata scientiae participat, nempe rationem intellectus, iudicii, apparentiae rationabilis de rei veritate. Illa autem prædicata sunt proprii effectus potentiae intellectivae, atque in illa continentur, unde sunt finis secundarius ejusdem, ubi melior cognitio haberi non possit. At pura ignorantia facit hominem hærere instar stupidi, nec ullum prædicatum scientiae continet, ideoque non est finis, ne quidem secundarius potentiae intellectivae. Itaque ignorantia deterior est quàm ejusmodi cognitio per accidens falsa; quia ignorantia non solum privat scientiam secundum prædicatum certitudinis, sed etiam secundum omnia alia prædicata generica, quibus error invincibilis non privat, sed plurima eorum in se continet, quae certè, quando melior notitia haberi nequit, spectato fine & inclinatione intellectus, merito appetuntur, cum ignorantia nulla ratione ad finem intellectus deserviat, sed illi undique & adæquatè opponatur.

Ejusdè rei confirmatio va-
ria.

13. Probatur secundò. Finis saltem secundarius intellectus practici est dirigere actus humanos. Ergò cognitio apta ad actus humanos dirigendos continetur sub fine intellectus practici. At error invincibilis sufficit ad dirigendos actus humanos, cum illos & humanos, & innocuos citra controversiam efficiat. Immo bonitatem moralem eisdem confert. Ergò error ejusmodi est partialis finis intellectus. Ergò simpliciter est bonum & non malum illius.

Confirmatur: Optimum, ad quod potentia post omnem conatum pertingere potest, non potest esse simpliciter malum talis potentiae, sed debet esse bonum illius; alioquin potentia fuisset malè constituta, cum post omnem conatum non possit nisi ad suum malum pertingere, sibi quæ suo maximo conatu nocere. At resolutio probabilis, etsi erronea, saepe est optimum, ad quod intellectus omni suo conatu pervenire potest, ut certum est in casibus innumeris. Ergò talis cognitio non est malum sed bonum intellectus.

Confirmatur 2. Veritas ipsa objectiva, præcisè sumpta, non respicitur ut bonum, sed potius comparatur ut malum intellectus, quando temerè & absque rationabili fundamento contra argumenta probabilissima affirmatur; nemo enim propter tale iudicium laudatur ut sagax, aut prudens, sed contemnitur ut imprudens & stultus. Et ratio est, quia licet veritas objectiva sit potissimum objectum intellectus, illud tamen, cum sit intellectui extrinsecum, non potest esse pro-

pria illius perfectio, quæ necessariò est ipsi intrinseca. Finis ergo & perfectio intellectus consistit in ipsa vitali apprehensione veritatis objectivae. Si hæc sit certa & evidens, habetur finis ultimus seu primarius intellectus. Si verò apprehensio vitalis veri apparentis sit rationabilis & invincibilis, illa est etiam bonum intellectus, sed secundarium. Quod si apprehensio vitalis veri apparentis sit temeraria, illa non perficit intellectum, nec continetur in fine ad quem ordinatur, cum præstet carere tali iudicio quàm illud habere. Et quidem hoc verum est, quamvis tale iudicium per accidens sit logicè verum, quia veritas illa logica est denominatio extrinseca, quæ proinde nullam intellectui perfectionem tribuit. Atque hinc.

14. Probatur tertio. Cognitio probabilis vera est bonum intellectus, & spectat ad finem illius secundarium. Ergò & cognitio probabilis falsa. Tenet consequentia, quia nil perfectionis est in cognitione probabilis vera, quod non reperitur in cognitione probabilis falsa, si utraque ab æquali motivo procedat, & à simili voluntatis motu imperetur. Ratio est, quia hæc ipsa, quæ est logicè falsa, potuisset esse vera & è contra? Ergò utraque est æquè perfecta. Ergò utraque æquè perficit intellectum, qui certè à nulla re extrinseca perfici potest. Ergò utraque ex æquo est bonum intellectus. At certum est quòd iudicium probabile verum sit bonum intellectus, & contineatur in adæquato illius fine. Ergò pariter iudicium probabile falsum est bonum ejusdem, & sub adæquato illius fine comprehenditur.

15. Qui hæc ritè ponderaverit, adverteritque ad distinctiones positas, statim perspiciet, Celladeum in *introductione quaest. 1.* immeritò conqueri, quòd Recentiores in hac materia de ignorantia plurimum discrepent ab Antiquis. Certè doctrina, quam ego sex istis assertionibus explicui, aut est ipsissima Recentiorum de hac re doctrina, aut certè per omnia illi conformis. At eadem in nullo Antiquorum doctrinæ opponitur, nec Celladeus assignare potest, in quo à communi Antiquorum opinione discrepemus, ut infra apertius constabit, cum ea, quæ ipse contra nos ex illis assert, ponderabuntur. Interim Celladeus ita loquitur in hac quaestione, ut quamvis approbet doctrinam in quatuor prioribus assertionibus contentam, duas tamen posteriores prorsus rejicere videatur. Ita enim utitur universali ac indefinita loquutione, ut ingens malum in omni ignorantia ac errore latere insinuet. Quare operæ pretium erit singula examinare; quod meo iudicio rectè fiet, si doctrinæ illius per modum objectionum contra assertiones stabilitas exponantur.

Omne iudicium probabile est bonum intellectus.

Recentiores in hac materia non discrepant ab Antiquis.

SOLVUNTUR OBJECTIONES.

16. **O**BJICIT primò. Inprimis ignorantia & error sunt malum hominis secundum se considerati, quia privativè vel contrariè privant illum perfectione debita, ad quam naturali appetitu vehementer fertur, quia omnis homo naturaliter scire desiderat. Deinde sunt maximum hominis malum, & cæteris paribus majus malis aliarum potentiarum (præscindimus jam à peccato & malitia morali) quia privant sapientiam, qua homo discernit inter bonum & malum. Sapientia autem majus bonum est, quàm ea, quibus mala aliarum potentiarum privant. Sapientia 7. Optavi & datum est mihi sensus, & introcavi,

Malè ignorantia & erroris latè exponitur.

vocavi, & venit in me Spiritus Sapientia, & proposui illam regnū, & sedibū. & divitias nihil esse duxi in comparatione illius, nec comparavi illi lapidem pretiosum; quoniam omne aurum in comparatione illius arena est exigua, & tamquam lutum aestimabitur argentum in conspectu illius, super salutem & speciem dilexi illam, &c. Ergo ignorantia & error sunt majus malum, quàm aliarum potentiarum defectus, quia privant majore bono. Præterea visio beatifica est tota merces & beatitudo hominis, ut Ss. Aug. & Thomas expressè tradunt. Sed ignorantia & error circa Deum privant hac visione. Ergo sunt maximum hominis malum. Tertiò intellectus est omnium potentiarum nobilissima. Per illum supereminemus brutis, Angelis appropinquamus, Deoque ipsi similes evadimus. Ergo malum intellectus, scilicet error & ignorantia, est majus malis aliarum potentiarum, nempe malo sensuum exteriorum, virium & salutis, imò & privatione omnium bonorum exteriorum; quia corruptio optimi est pessima. Quartò qui cadit in amentiam majus bonum perdit, quàm quando postea amentis moritur, quia amentem mori magis felicitatis est, quàm miseriz. At amentia, per quam integra vita intellectualis perit, sæpe uno errore contrahitur, ut dicitur in sequenti objectione. Ergo amentia, seu totum malum intellectus est majus toto malo aliarum potentiarum. Ergo & dimidium illius dimidio horum, & sic de reliquis partibus proportionem servata. Ergo ignorantia, per quam intellectus privatur suis actibus, & error, per quem contrariè disponitur, invertiturque, sunt maximum malum hominis in se, & secundum se. Et sanè si malum hoc videri posset, magis misereremur ignorantium & errantium, quàm pauperum, cæcorum, claudorum, &c. Ita Celladeus §. 1.

Malum intellectus secundum quid est minus malum aliarum potentiarum.

Respondeo, hæc omnia sub nimia generalitate exponi, ideoque parum aut nil conducere ad intentum principale de ignorantia & errore inevitabili eorum, quæ per omnem industriam à nobis certò sciri non possunt. Itaque fateor, malum intellectus esse simpliciter deterius malo potentiarum exteriorum, quamvis secundum quid à malo illarum excedatur; quia error & ignorantia cruciatum & tristitiam non continent; tristitia autem & cruciatus peculiari ratione excedunt alia mala, quamvis simpliciter possint ab illis superari. His in genere dictis, ad argumenta respondeo. In primis sapientia vera, quæ versatur circa media necessaria aut valde utilia ad vitam æternam, est melior aliis bonis, ideoque, cæteris paribus, ejus privatio est majus malum, quàm aliorum bonorum carentia. Ex hoc autem & aliis in argumento ponderatis veritas primæ & secundæ assertionis optimè stabilitur, sed nil contra duas ultimas offertur. Certè Salomon ipse *Ecclesiastu* 1. studium scientiæ vocat occupationem pessimam, simulque agnoscit, quòd in illis sit labor & afflictio spiritus, *ed quod in multa sapientia multa sit indignatio: & qui addit scientiam addit & laborem.* Rursus ibidem *cap. 2.* eximium suum sapientiæ & scientiæ studium vanitatem reputat, & laborem inutilem; quod certè relatè ad finem ultimum verissimum est, quia scientia illa, quæ magis inflat quàm ædificat, quæque ad vitam sanctius dirigendam non deservit, & est, & meritò reputatur vanitas. Quòd si hoc verum sit de scientiis, quæ sine dubio nobilissima sunt hominis ornamenta, multò magis id verum est de notitia plurium rerum particularium, quarum ignorantia parum aut nil refert, sed aliquando multum homini pro-

dest, ut ostensum est. Jam licet non solum sapientia, moralitatis directrix, sed etiam scientiæ speculativæ, & mathematicæ v. g. meliores sint in se, quàm sanitas corporis, aut exteriora sensuum bona, nihilominus relatè ad hominem anima & corpore constantem, qui proinde multis rebus ad benè se habendum indiget, haud dubiè alia bona simpliciter præferenda sunt: melius enim est hominem corpore sanum esse, atque sensuum exteriorum usum habere sine tali scientia, quàm peritum esse in illa cum sensuum privatione atque continuis valetudinis incommodis. Unusquisque certè meo judicio primum statum secundo prouderet præferret.

17. Ratio est, quia quod in se est alio præstantius in ratione finis, sæpe multum illi cedit in ratione medii; ideoque meritò postponitur rei utiliori, sed minùs præstanti: Sic quia usus sensuum, & indolentia ac valetudo corporis multò utiliora sunt ad benè beateque vivendum, quàm scientia mathematica, ideoque illa huic meritò præferuntur, quamvis hæc illis longè perfectior sit in seipsa. Unde perspicuè sequitur, contra Celladeum, quòd qui videret malum talis ignorantiz & erroris, non magis miseretur ignorantis talia, quàm cæcorum, languentium, dolentium, &c. sed his præ illis misericordiam impenderet. Si enim in manu alicujus esset alteri solum illorum sublevare, posteriori potius subveniret quàm priori. Nec dubito, quin Celladeus ipse, si talibus corporis malis vexaretur, præoptaret illis liberari, quàm mathesim adipisci, libentiùsque totà vitā mathesi careret cum perfecto sani corporis usu, quàm mathesim callere cum sensuum privatione, & continua corporis dolentia & intemperie.

Quod præstat in ratione finis, ne finis postponi debet illi; quod est melius in ratione medii.

18. Objicit secundò. Amentia & stultitia sæpe uno errore contrahitur. Credat quis se regem, & ob hunc errorem amentis habetur ac illuditur. Ergo à fortiori amentis est & stultus, qui credit se esse Deum. Hæc stultitia & amentia augetur in eo, qui credit Deum esse saxum, quod homino deterius est. Et sanè error iste gentium idolis servientiū in Sacris Literis frequentissimè stultitia appellatur. *Dixit insipiens in corde suo non est Deus,* inquit Propheta; & Paulus expressè dicit, *obseruatum fuisse insipiens cor eorum.* Rursus frequenter sapientia hujus mundi vocatur stultitia apud Deum. Insipiens ergo est stultus & amentis, qui Deum ignorat. Immo stultior esset qui erraret circa Deum, dicendo non Deum esse Deum, quàm qui diceret seipsum esse alium à se; quia Deus plus est cuique quàm ipse sibi; sine Deo enim miser est; sed si Deum habeat, seipsum & omnia habet, & est beatus. Et sanè primus ac primarius respectus hominis non est sui ad se, aut ad sua, vel ad proximum, sed ad Deum; ideoque potissimum bonum vel malum hominis est; quòd benè vel malè ordinetur ad Deum, à quo solo omnia bona procedunt. Jam homo ordinatur ad Deum in patria per visionem, in via per veram fidem, & veram cognitionem Dei. Et in hac ordinatione totum bonum hominis consistit, saltè ut in radice, sine qua ad Deum rectè ordinari non potest. Ergo ignorantia & error circa Deum, quibus homo privatur vera fide ac cognitione Dei, est maximum malum hominis. Ita Celladeus §. 2. ubi pluribus comparationibus miseriam hominis Deum ignorantis, & circa Deum errantis declarat, & tandem acriter carpit Theologiam cujusdam (quem *opiniotissimum* vocat) eò quòd Deum ejusque visionem non inter-

Qui circa Deum errat, merita amentis reputatur.

ter bona hominis necessaria, sed delitiosa numeraret.

Respondeo, hæc omnia nil probare contra posteriores assertiones, sed validè confirmare priores, ut per se patet. Cæterum verissima sunt, quæ Sacra Scriptura contra Idololatrias enunciat; verè enim stulti sunt & insipientes, qui Deum verum non norunt, sed honorem illi debitum Idolis tribuunt; errant enim circa finem ultimum, idque culpabiliter, quo major insipientia seu stultitia esse non potest in sensu, quo sacer textus has voces usurpat. Neque tamen sequitur, eos esse amentes in sensu Celladei, qui in eo palam deceptus est, quod dixerit, amentiam sæpe contrahi per unum errorem, quia causam cum effectu confundit. Non est error, qui facit amentem, alioquin omnis errans esset amentis, sed aliquis error arguit amentiam; eò quod veritates nonnullæ adeo patentes sint, ut à nemine ratione utente negari possint. Talis est error, quo miser mendicus se regem reputaret; nemo enim nisi amentis in talem errorem cadere potest. Itaque amentia consistit in cerebri intemperie, ratione cujus homo ad ratiocinandum & debitè intelligendum ineptus redditur. In hac intemperie, major est vel minor, & ad absurdiora aut minus absurda dicenda extenditur, prout cerebri intemperies major est vel minor. Præterea error logicus in hoc casu impertinenter se habet ad amentiam indicandam; non enim minùs amentis esset ille pauper, quamvis jus regni ad illum verè pertineret, modò potiorem ad illud assumendum rationem non haberet, quàm aliter, qui omni ad illud jure & juris apparentiâ careret. Ergò & falsum dixit Celladeus, & illud ut proprium errori attribuit, quod ex æquo propositioni logicè veræ competit. Competit inquam, modò dicamus amentes revera propositiones & judicia formare; quia nisi hoc concedatur, nullus errori tali locus datur.

Ex hoc patet, Idololatrias ita esse stultos ac insipientes juxta sensum Sacre Scripturæ, ut tamen non sint amentes in sensu, quem Celladeus exprimit, quia error circa Deum non est talis, qui elici non possit, nisi post eam cerebri intemperiem, quæ hominem ad ritè discurrendum & intelligendum reddit ineptum.

19. Quantum ad Theologum illum attinet, haud credo, illum simpliciter docuisse, Deum non esse bonum absolutè homini necessarium; nimis enim patens est, hominem sine Deo creatore, conservatore, & cooperatore nec esse, nec operari, & multò minùs bene esse posse. Immodò puto eum non negasse Deum, etiam in ratione objecti cogniti, numinis culti ac amati, esse homini simpliciter necessarium, cum sine tali cognitione & amore nulla hominis beatitudo, ne quidem naturalis, possit consistere. Existimo ergò, eum aliud non dixisse, quàm claram Dei visionem, non esse bonum homini simpliciter necessarium, sed solùm delitiosum, quod sine dubio verissimum est, quia absque tali visione dari potest naturalis beatitudo ordinis longè inferioris, qua homo simpliciter felix esset & bene se haberet, sine summo illo gaudio, quod ex clara Dei intuitionem procedit.

20. Objicit tertio. Homo ex natura rei est animal sociale, cum sibi non sufficiat, sed plurimum civitatem constituentium consortio indigeat. Civitas autem est collectio hominum vita sociali conjunctorum sibi sufficiens, cum unus alterius indigentiam sublevare possit. Ex hoc respectu

hominis ad proximum & ad rempublicam colligitur, quantum malum sit ignorantia & error. Melius enim esset solitarium vivere, quàm socios habere ignorantes, qui opem ferre non possent, & multò magis quàm errantes, qui loco proficuum noxia præberent. Nónne præstaret nullum, quàm malum medicum habere? Idem dicas de aliis artificibus. Ergò ignorantia & error est maximum homini malum, cum privet bono sociali, sine quo homo nequit subsistere. Hæc & hisce similia fusè, & concionatoriè magis quàm Theologicè prosequitur Celladeus §. 3.

Respondeo, suppositionem aliquam fieri posse de ignorantia & errore, per quam omnia necessariò inverterentur, & longè præstaret hominem solitarium quàm sociatum vivere. Unde sequitur, talem ignorantiam & errorem, adæquatè sumptum, esse magnum hominis malum. Cæterum ex natura rei fieri non potest, ut detur in republica talis ignorantia & error, alioquin respublica eo ipso non esset respublica, cum non esset congregatio hominum sibi sufficiens, ut patet. Itaque tales suppositiones ad ignorantiam & erroris nobis inevitabilis malum probandum nil conducunt. Itaque si homo comparetur ad proximos, ut pars ad totam rempublicam, fateor, errores & ignorantias circa media necessaria ad finem & perfectionem talis vitæ esse malum simpliciter magnum; sed cum hoc stat, alias ignorantias & errores non esse magnum hominis malum. Itaque contenta in objectionem rectè confirmant assertionem quartam, sed non improbant, & ne quidem tangunt sequentes.

21. Cæterum quamvis errores, aliqui determinatè assignabiles huic hominis fini de facto plurimum obliunt, fingi tamen potest errorum ordo, qui nulla ratione reipublicæ statum turbaret. Quid stultius & magis improprietatum, quàm si calceos crederet esse galeam, & galeam calceos? finge tamen omnes existimare, galeam calceos esse, & calceos galeam; sed simul finge omnes pariter existimare, caput esse pedes, & pedes caput. In hoc casu errores isti, etsi maxime absoni, ad vitam civilem nil impedimenti afferrent; qui enim putaret se indigere calceis, non calceis sed galeâ indigeret, idemque petens calceos galeam acciperet, atque illo, ut verè indiget, caput defenderet. Quod ergò mala maxima in ordine ad finem istum ex ignorantia & errore proveniant, non oritur præcisè ex vi ignorantie & erroris, quia errore aucto nil tale eveniet. Ex eo ergò oriuntur, quod aliqui errent & alii non errent, ideoque fieri nequit, ut sciens errantia petitionem impleat, quin magna deordinatio & partium reipublicæ nocumentum sequatur. Et sanè ut videas errorem, qui de facto nocet, nullo modo nocere, si universalis fiat, conjice oculos in monetam falsam. Si privatus homo putet illam esse legitimam, multum sibi nocet res suas pro tali moneta commutando, quia æquivalentia recipere non poterit ab aliis, qui monetam falsam esse sciunt. Sed si omnes omnino fallerentur, nil detrimenti ex universali illo errore in vitam civilem proveniret, in quam certè nullis in casibus plurima commoda ex peculiaribus ignorantibus & erroribus proveniunt, ut ostensum est assert. 5. 6. & 7.

22. Objicit quartò. Ignorantia, *distinct. 38. cap. ignorantia*, quod ex Concil. Tollet. 4. defumptum est, cunctorum malorum mater appellatur. Nec mirum, quia ignorantia & error virtutibus privat, & cuncta vitia inducit. Privat virtutibus, quia

Complexi erroru sæpe impedit eodem modo vitam socialia.

Erroris autem non impedit eodem modo vitam civilia.

Error alius, qui, qui nocet, non nocet, si effectus universalis.

Celladeus erroris arguitur.

Excusatur Theologus, quem Celladeus carpit.

Civitas quid sit?

Ignorantia quomodo mater omnium malorum, rû dicatur, quia

quia voluntas rationi erranti concordans non est bona, ut cum S. Thoma probatum est, inquit Celladeus, in prima parte, inducit mala, quæ dum ignorantur, faciliè patrantur; & quod plus est liberrimè fiunt, quando creduntur bona. Constat autem omnia ferè mala ab hominibus, etiam qui sapientes habebantur, proposita fuisse ut licita. Quin & Deos falsos pro vero Deo colendos totus fere mundus est arbitratus. Ergò ignorantia & error est maximum hominis malum. Ita Celladeus §. 4.

Respondeo, hæc eodem vitio, quo reliqua laborare. Probant quidem priores assertiones, sed tres posteriores, de quibus solis difficultas procedit, non tangunt. Admittitur ergò, quod ex Concilio Toletano affertur, quia omnis peccans est ignorans, ideoque nil mali moralis umquam patratum fuit, quod aliquo modo ab ignorantia non processit. Quod autem additur, distinctione indiget: si ignorantia & error sit vincibilis, & virtute privat, & peccatum inducit; si verò error sit invincibilis, non solum excludit peccatum, sed etiam virtutem fundat, ut *quest. 3.* ex Sancto Thoma aliisque contra Celladeum efficacissimè probatum est.

Ignorantia rectè coheret cū maxima gravitate peccati. 23. Objicit quintò. Primum protoplastorum peccatum, quo totus mundus miseris impletus est, ex ignorantia & errore ortum traxit. *Adam non est seductus, mulier autem seducta in prævaricatione fuit*, teste Paulo, 1. ad Timoth. 2. Deinde Eva se excusavit dicens, *serpens decepit me*. Nec mendacii à Deo redarguta fuit. Auctores in 2. dist. 22. & 23. hanc seductionem non tam de culpa, quàm de errore, quo verum credidit quod dæmon suggererat, exponunt. Sed & Magister ex Augustino docet; Adamum deceptum fuisse circa culpam, *ed quod commissum veniale putaverit, quod peremptorium erat*, quamvis S. Thomas 2. 2. *quest. 164. art. 4. ad 3.* veniale de facili remissibili interpretetur: sed sic etiam magnitudinem culpæ ignoravit, credens illam minorem, quàm fuit. *Cohorui*, inquit Celladeus, *etiam ipse, harum infimæ rerum, ubi quendam textum Augustini perlegi: tantum quippe, quantum existimatur, & nil plius peccari, arbitrabar.*

Christus ex ignorantia crucifixus est. Sed & qui Christum Crucifixerunt, ingens scelus patrarunt; cum tamen ignorantes id fecerint. Christus de cruce hoc testatus est. *Pater dimitte illu: non enim sciunt quid faciunt.* Similiter S. Petrus *Act. 3. & nunc fratres, scio, quia per ignorantiam fecistis, sicut & Principes vestri.* Et Paulus 1. ad Corinth. 2. *si enim cognovissent, numquam Dominum gloriæ crucifixissent.*

Persecutio- nes Eccle- siæ ab igno- rantia sunt ortæ. Omnis ferè Ecclesiæ persecutio ex ignorantia & errore orta est. Paulus testatur, se ex ignorantia persecutorem fuisse; & Christus *Ioan. 16.* similia prædixit dicens. *Veni hora, ut omnis qui interficit vos, arbitretur obsequium se præstare Deo.* Gesta Martyrum memorant, Christianos pro Magis habitos, illorumque legem pro superstitione & stultitia deprædicatam fuisse. Ecce quantam eladem Ecclesiæ intulit ignorantia & error! Crevit tamen inter mortes Ecclesia, sed inter hæreses adeo decrevit, ut ingens pars mundi ad errores hæreticorum, & Mahumetis deflexerit quàm deplorandos erroris effectus!

An ignorantia sit bello- rum causa? Magnum dictu est, tamen verum, nullum aut vix ullum saltem inter fideles bellum futurum, si nulla foret ignorantia & error. Potest Princeps, etiam fidelis, contra exploratum jus bellum movere, sed id aut numquam aut raro contingit. Sed contingere nequiret, si subditis

belli injustitia esset perspecta. Sicut enim constat, subditos militantes non teneri belli causas ac justitiam nosse, sed Principi suo credere & parere posse ac etiam teneri; ita certum est, eos licitè bellare non posse, si de belli injustitia certò constaret. Difficile autem est & moraliter impossibile, quòd exercitus Christianorum reperiri possit, qui contra conscientiam bello notoriè injusto militaret. Eadem doctrina, proportionè servatà, extenditur ad aliorum bella, quæ rarissimè contingerent, & diù non durarent, si omnibus de aperta belli injustitia constaret. Bellum autem est malum non unius personæ, sed omnium, & totius reipublicæ eversum. Hoc ingens malum ex ignorantia & errore aut semper aut plerumque illatum est. Ita Celladeus §. 5. ubi terminat *quest. 1.* quæ certè magis Concionatorem, quàm Theologum decuisset, cum res ad pompam, sine debita distinctione, non ad exactam veritatem proponantur.

Respondeo. Seductio Evæ, error Adami, si quem ante peccatum incurrit, sicut & ignorantia crucifigentium Christum, ob singulares planè ac peculiarissimas circumstantias cuique docto obvias, singulari nomine maximè culpabilis erat, ideoque peccata verè horrenda, ab illis commissa, excusationem nullam ex hoc capite, sed potius gravamen accipiunt, cum ignorantia eorum in omnibus aut in multis non solum crassa & supina, sed quodammodò affectata fuisse videatur. Idem dicendum proportionaliter de iis, qui Ecclesiam persecuti sunt, & multò magis locum habet in Hæresiarchis, qui olim fideles, & Ecclesiæ, lucis, ac veritatis filii fuerant, sed in tenebras impetu prorsus miserando se coniecerunt. Cæterum quidquid de istis dicitur, optimè probat priores, sed posteriores assertiones non impetit, ut patet.

24. Cæterum miror ego prætensum Celladei horrorem; dicit enim se existimasse (alludit autem non ad adolescentiæ annos, sed ad tempus tur- **Celladeus impugna-** etiam maturæ ætatis, quando consummatus jam Theologus benignæ sententiæ ita inhærebat, ut, sicut expressè declarat in prima parte, nil contra eam dici pati posset) *tantum peccari, & non amplius, quantum quæ se peccare existimat*; verum tantum abest, ut tunc ita existimaret, ut probè sciret, conscientiam vincibilem non excusare, ideoque cum omnibus teneret, operationes creditas bonas, sæpe bonas non esse, sed malas. Rursus sciebat, quòd duæ essent opiniones contradictoriæ, quarum altera affirmat, altera negat malitiam peccati esse infinitam; alterutram harum opinionum veram, alterutram autem falsam esse sciebat; unde latere illum non poterat, quod magnitudo peccati suam ab opinione operantis mensuram non semper acciperet, quia alteruter taliter opinantium, & stante illa sua opinione actuali operantium, plus aut minus peccat, quàm putat se peccare. Hæc & hisce similia tunc bene sciebat Celladeus; & quidem ita de illis loquitur, atque illa in prima parte tanta vi objicit, ut nemo non iudicet illa ab ipso ut notissima haberi, sicut haud dubiè doctis omnibus sunt obvia. Aliud proinde dicere non possum, **Celladei cõ-** quàm quòd hoc loco oblitus eorum, quæ in pri- **traditio-** ma parte dixit, sibi ex oblivione contradixerit. Nec à contradictione se tutari potest, nisi dicat, se jam Theologum maturum aut doctrinas à me positas ignorasse, quod non est credibile, aut eas ut notorias contra benignam sententiam non objecisse, quod est apertè falsum.

Stet

Stet ergo cum in hac parte contradictionis reum esse.

Præterea non erat cur ad illud Augustini dictum horreret, ille enim nil ibi aut dicit aut insinuat, quod notoriis, & universaliter receptis doctrinis non sit conforme, ut patet.

Genuina
bellorum
causa nō est
error, aut
ignorantia.


25. Mala reipublicæ bello illata absurdè tribuuntur errori & ignorantiz, tamquam genuinæ illorum causæ, cum certò constet, ea non præcisè ab errore, sed opinionum ac affectionum diversitate pendere; dum enim utraque pars putat se jus habere, ac utraque omni conatu jus suum sibi vindicare studet, bellum indicitur, & cum reipublicæ nocumento geritur. Sanè si omnes circa jus præsumsum uniformiter errarent, & sicut hi falsò credunt jus ad se non ad alios pertinere, sic alii falsò judicarent non sibi sed aliis jus favere, per hoc ipsum bella non minùs cessarent, quàm si omnes in veritate scienda convenirent. Ergò non est cur bella magis tribuantur errori quàm veritati. Et sanè neutri ut causæ totali, sed utrique ut causæ partiali tribuuntur. Itaque per hujusmodi exempla Celladeus suæ causæ malè consuluit.

26. Nec tantùm malè consuluit causæ suæ, sed eam prorsùs pessumdedit, sibi quæ ac principali suo intento apertè contradixit. Ait enim, &

rectè, subditos in dubio & posse & debere suo Regi obedire, & ad bellum procedere. Unde sic infero. Ergò ignorantia plurimùm emolumentū subditis militantibus affert. Per illos enim bellum geritur, & omnia belli mala per illorum operam inducuntur. Ignorantia autem facit, ut illa quamvis mala sint & injusta, à militibus non solum sine peccato, sed etiam honestè patrentur. Ergò talis ignorantia de facto multum prodest, cum maximam reipublicæ partem in rebus materialiter malis à peccato excuset, & quod plus est honestam obedientiam fundet, quia obligationem ad eam præstandam inducit; quod autem sit ad exigentiam obligationis, sicut absque peccato omitti nequit, sic cum honestate & merito exhibetur. At hoc toti intento principali, atque etiam expressè Celladei doctrinæ in hac ipsa quæstione contradicit. Quia intendit probare nil boni sed plurimum mali per ignorantiam & errorem induci, hinc autem per unius tantùm rei ignorantiam maxima & universalissima reipublicæ mala excusat & honestat; quia omnes semè milites, in causa etiam injusta, & excusantur & bellando benè faciunt. Ergò quod tradit de militum excusatione intento principali ipsius, & doctrinæ hujus quæstionis contradicit.

QUÆSTIO SEXAGESIMA-PRIMA.

Virum necesse fuerit, ignorantias & errores à Deo prohiberi.

1.  hoc argumento tractat Celladeus parte 2. lib. 1. quæst. 2. Eum ego comitari decrevi, ut quæ vera sunt approbem, & quæ à vero defleantur rejiciam; idque scio, non quòd quæstio aut peculiarem difficultatem habeat, aut multum ad præsens institutum faciat, sed quia ipse magnum in ea, ut in principio ad suum contra nos intentum maximè conducibili, vim ponit. Sit ergò

ASSERTIO PRIMA.

Plena & absoluta ignorantia nulla lege prohiberi potest.

Plena ignorantia non potest prohiberi.

2. **P**ROBATUR. Lex, ut vim habeat, promulgari, intimari, subditisque applicari debet, alioquin neminem dirigere ac obligare potest. Ergò nulla lex plenam & absolutam ignorantiam prohibere potest. Alioquin ligaret, & dirigeret antequam promulgaretur, subditisque intimaretur ac applicaretur, quia ipsa promulgatio, intimatio ac applicatio legis, est aliqua notitia, quæ vi legis obligantis non inducitur, R. P. A. Terilli, Regula Morum. Pars. II.

sed aliundè habetur. Ergò plena ignorantia prohiberi non potest.

Præterea plena ignorantia significat carentiam omnis omnino cognitionis. At homo carens omni cognitione non est liber, & consequenter non est capax præcepti. Ergò nemo capax est præcepti prohibentis plenam ignorantiam.

ASSERTIO II.

Nulla lex potest directè prohibere plenam ignorantiam aut sui, aut objecti quod prohibet.

3. **P**ROBATUR. Plena ignorantia legis, aut objecti per legem prohibiti, evidenter tollit omnem promulgationem, intimationem, & applicationem legis; hæ enim in aliqua legis & objecti prohibiti notitia consistunt, nec inducuntur vi legis antedè obligantis, ut patet. Ergò non possunt directè præcipi per legem, quæ ad ipsam legem implendam obligantur.

Confirmatur. Nulla lex directè reflectit supra seipsam, sed solum fertur in objectum à se distinctum. Ergò nulla lex directè præcipit cognitionem sui ipsius, seu directè prohibet ignorantiam sui,

sui, quia illud solum directe prohibetur per legem, quod lex in mente legislatoris repræsentat, & ad quod voluntas ipsius extenditur.

ASSERTIO III.

Nulla lex potest directe præcipere cognitionem, aut sui, aut objecti sui, absolute necessariam ad subditum proximè obligandum.

Lex nõ potest directe præcipere cognitionem sui.

4. **P**ROBATUR eodem modo. Notitia legis, & objecti quod lex exigit, absolute necessaria ad subditum obligandum non sequitur obligationem subditi, sed vel ad illam præsupponitur, vel certè eam constituit. Ergò talis notitia non potest inferri vi legis ad illam obligantis; alioquin obligatio ad illam ex obedientia ponendam præcederet. Ergò ante talem cognitionem haberetur notitia legis & objecti præcepti sufficiens ad subditum obligandum; quod est contra suppositum.

ASSERTIO IV.

Ignorantia aliqua, & error, circa res à lege obligante distinctas, possunt directe prohiberi per legem.

Aliqua ignorantia directe prohiberi potest.

5. **P**ROBATUR. Idem est ignorantiam aliquam & errorem circa talia prohiberi, ac scientiam seu cognitionem vel fidem de illis præcipi. At cognitio seu fides mutorum præcipitur. Sic de facto obligamur credere iis, quæ Christus revelavit. Ergò ignorantia aliqua & error circa illa prohibetur. Dixi *ignorantia aliqua*, non omnis, quia plena ignorantia seu incogitantia de lege & ejus objecto præcipi nequit per illam ipsam legem, ut ostensum est. Itaque aliqua saltem apprehensio legis & rei præceptæ non est effectus obligationis. Talis autem apprehensio rei præceptæ opponitur plenæ ejusdem ignorantie, ut patet.

Errores prohiberi possunt.

6. Cæterum si de errore loquamur, res est clarius, quia Ecclesia anathema dicit contra omnes, qui erroribus ab illa damnatis assensum præbent. Ergò Ecclesia prohibet tales errores. Sed & Christus ipse iussit nos falsis Prophetis non credere. Ergò Christus manifestè prohibuit fidem falsam, seu errorem.

Exemplum S. Pauli rem totam ob oculos ponet. Christus apparens illi propè Damascum, iussit illum ingredi civitatem, prædixitque ibidem dicendum ipsi, quid illum facere oporteret. Vi hujus mandati Paulus obligabatur illis credere, quæ ipsi dicenda erant, quæque in particulari ignorabat, quamvis in generali jam sciret aliqua ipsi dicenda, & se debere illis fidem dare. Ergò vi hujus mandati tenebatur ignorantiam illam particularem depellere, & media ad illam depellendam adhibere, quia fides eorum erat res per mandatum illud directe præcepta. Cæterum generalis notitia rerum dicendarum, quæ opponebatur ignorantie talis notitie, non poterat præcipi per illud mandatum, sed antecedenter ad ejus obligationem inducebatur. Ergò mandatum illud ita directe prohibebat ignorantiam rerum ipsi dicendarum, ut tamen nullo modo prohiberet ignorantiam sui, aut plenam ignorantiam objecti præcepti, impossibilem cum instru-

ctione sufficiente ad sciendum, se obligari ad fidem rebus dicendis præbendam. Ecce uno exemplo veritas omnium harum assertionum redditur clarissima.

7. Atque hinc sequitur, legem aliquam sufficienter proponi posse per cognitionem, quæ ab illa lege præcipi non potest, vi cujus obliget ad clariorem sui cognitionem, eaque mediante ad totius operis executionem. Hoc enim manifestum est in exemplo allato; quia Deus per voluntatem suam Paulo intimatam obligabat eum, & ad audiendum dicenda, & ad illis obediendum. Ergò mandatum illud obligabat ad clariorem sui notitiam, & ad omnia clarè scita executioni mandanda. Sed prima hujus legis notitia sub obligationem cadere non poterat; constat enim ex dictis, primam legis notitiam sub talis legis obligationem cadere non posse.

Positæ notitiæ confusæ, obligari possunt ad clariorem procurandam.

ASSERTIO V.

Congruum fuit, & moraliter saltem necessarium, ut Deus homini lapsò ignorantias aliquas & errores prohiberet.

8. **P**ROBATUR. Idem est cognitiones veras præcipi, ac ignorantias aliquas & aliquos errores prohiberi. Sed congruum, immò moraliter necessarium fuit aliquas cognitiones veras homini lapsò præcipi. Ergò & ignorantias ac errores illi prohiberi. Probatur minor. Non debuit homo lapsus sine lege dimitti. Ergò obligari debuit, saltem ad Deum colendum, & ad ea scienda, quæ ipsi absolute necessaria erant ad salutem, modò absoluta eorum notitia non esset illi indita independentè à lege obligante. At certum est, quòd absoluta & clara eorum notitia illi indita non fuerit. Ergò necesse fuit, ut, mediante confusa aliqua & prævia cognitione eorum, obligaretur ad ea scienda; & consequenter ad depellendam ignorantiam & errorem tali scientie contrariam; quia sine illis, nec Deum debitè colere, nec ad finem suum pervenire poterat.

Aliæ ignorantie debuerunt prohiberi.

Hæc tamen omnia ita intelligenda sunt, ut prima legis aut objecti præcepti notitia per nullam legem præcipi potuerit; ignorantia enim aliqua auferenda est, seu aliqua, & quidem sufficiens legis notitia ponenda est prius quàm lex quemquam obligare possit.

9. Hæc videntur satis perspicua, & abundè sufficiunt ad resolutionem quæstionis generaliter propositæ, quia non est hujus loci quætere in particulari, quæ ignorantie, & qui errores aut possint aut debeant prohiberi. Cæterum Cellædeus adeo in abstracto, ac in universali hoc loco discursit, ut difficile sit discernere, quid velit. Eò tamen, quantum colligere potui, collimat, ut plenam legis ignorantiam per legem prohiberi velit; nisi enim hoc probet, quæstiones istæ ad illius intentum nil conducunt. Ut autem hoc probet, generalissima ignorantie & erroris notione usus, contendit aliquas ignorantias & errores & potuisse & debuisse prohiberi; unde infert, ignorantiam & errores circa legem esse etiam per legem prohibitos. Sed doctrinam ejus promamus.

Quid Cellædeus in hac quæstione præcendit?

SOLVUNTUR OBJECTIONES.

Quae legis ignorantia prohibetur, per legem juxta Celladeum.

10. **O**BJICIT primò. Ignorantia & errores sunt majus malum hominis tam quoad se, quam quoad Deum, & proximum, quam furta, homicidia, mendacia, ut satis constat ex quaestione superiore. Sed illa mala minora ad rectum hominum regimen prohiberi debuerunt. Ergo à fortiori necesse fuit errores & ignorantias prohiberi.

Confirmatur. Prohibitio reliquorum vim & effectum habere nequit, non prohibita ignorantia & errore; lex enim & prohibitio media sui cognitione effectum & finem suum consequitur, nempe vitiationem mali prohibiti. Ergo lex prohibens mala, jubet sane sui cognitionem, prohibetque proinde ignorantiam, qua effectus impeditur, & multò magis errorem, quo mala illa tamquam bona & praecepta perpetrantur. Nam in debito faciendi (ut rectè Suarez de Censuris disp. 4. sect. 8. num. 15.) intrinsecè includitur debitum sciendi.

Ratio est, quia sicut intentio finis est virtualis saltem amor mediorum, & odium impedimentorum; ita voluntas praeceptiva vel intentiva boni virtutis est voluntas eorum, quae sunt necessaria ad virtutem, & odium impedimentorum. Nam voluntas jubens bonum, & permittens impedimentum stulta esset, & secum pugnaret. Sic si quis obligetur ad Sacrum audiendum, non potest illi permitti, ut maneat domi, ubi Sacrum non peragitur. At ita se habet ignorantia & error ad omnia praecepta. Ergo eorum ignorantia & error licita esse nequeunt; alioquin optimum ad innocentiam compendium omnium ignorantio foret; & ad hoc nitendum esset, ut lex omnis ignoraretur, omnisque ejus memoria à corde nostro raderetur.

Fieri quidem potest, ut malum prohibitum citra legis notitiam vitetur. Sed illud casuale erit, & praepter providentiam legislativam, cujus est subditos dirigere. Ergo ut mala illa tum certius, tum sapientius, tum etiam ex legis directione vitentur, ignorantia & error prohiberi debet, sicut reliqua impedientia. Atque hinc est, quòd magna pericula violandi legem, legis ipsius extinctio, ac similia per legem ipsam prohibeantur.

Miranda proinde inscitia illius, qui fidentissimè ausus est querere, quonam Decalogi praecepto opinionum probabilium usus prohibeatur? Obvium enim est, omnes falsas opiniones in unaquaque materia esse prohibitas, praecepto circa illam materiam lato, tamquam impediennes & frustrantes finem & effectum praecepti. Dicat Theologus iste quo Decalogi praecepto prohibitum sit, ne quis ex omnibus libris radat quod scriptum est, non Machaberi? Hæc sanè lex non dicit, Ne me deleam, sed dicit, non Machaberu. Leges latae sunt, ut servantur. Hoc autem impeditur falsa opinione & errore, qui aliquando totam civitatem, aut regnum pervadit. Ita Celladeus quaest. 2. §. 1.

Nullitas argumenti ostenditur.

Respondet, consequens argumenti ex antecedente non inferri: mala enim illa, etsi minora, prohiberi debuerunt, quia aliter vitari non potuissent; at ignorantia & error de lege illa vetante independentè à lege removeri potuit, ac debuit. Ergo quamvis ignorantia & error sit majus malum, quam furta, & homicidia, non sequitur illa prohiberi debuisse sicut ista, aut etiam potuisse. Sufficit enim ad intentum legislatoris & R. P. A. Terilli, Regula Morum. Pars II.

ad finem legis, si impediatur, quamvis ex obligatione legis non arceantur. Hæc quidem verissima sunt, si sermo sit de omnimoda ignorantia legis, & rei per illam vetitæ, quibus tamen non obstantibus, verum est, multas ignorantias & errores per leges prohiberi, verum illæ ignorantia sunt materia seu objectum legis, à lege vetante distinctum, alioquin per illam directè prohiberi non possent, sicut absoluta legis ignorantia per ipsam legem prohiberi nequit.

11. Unde responderetur ad confirmationem; legem habere vim & effectum, etsi sui ignorantiam non prohibeat, quia legislatoris est providere & efficere, ut notitia legis alià vià inducatur, quam per ipsius legis obligationem, cum per hanc induci nequeat. Itaque lex prohibens mala non prohibet sui ignorantiam, sed præsупponit sui cognitionem alià vi esse inductam. Dictum illud Suarez est verissimum, sed ille ibi expressè loquitur, juxta sensum Assertionis quartæ, de homine aliquod officium aut statum suscipiente, cui multa onera sunt annexa; manifestum enim est, neminem tali statui satisfacere posse, nisi suas obligationes noscat. Cum ergo antecedenter generaliter sciat, se multa debere facere, utique in tali debito faciendi intrinsecè involvitur debitum sciendi, quia ex eadem lege, qua scit se ea debere facere, quæ nondum explicitè novit, obligatur ad ea discenda, ut sic suam obligationem impleat. Cæterum si ante statum initum de omnibus claram cognitionem haberet, debitum sciendi non involveretur in debito faciendi, sed absoluta omnium scientia præsупponeretur ad omne debitum faciendi. Cæterum nec Suarez, nec ullus loquitur in sensu priorum assertionum, ideoque nemo favet Celladeo, qui sine sufficienti fundamento illas impugnare videtur.

An & quomodo debitum sciendi involvatur in debito faciendi?

12. Eadem æquivocatio latet in ratione, quam confirmationi subjunxit; nam legislator & lex prohibens malum non permittit impedimentum finis, sed illud removet per intimationem legis. Verum illa intimatio per obligationem legis induci nequit, ut patet. Unde nulla est paritas in exemplo; nam qui præcipit auditionem Sacri, dum manifestat praeceptum, manifestat se velle impedimenta audiendi Sacri amoveri, ideoque non permittit illa, sed ea vetat. At si sermo sit de ipsa legis notione, illius ignorantia per legem prohiberi non potest, sed est impedimentum alià vi auferendum, & aliis viis semper auferitur.

Nullitas confirmationis Celladei.

13. His positis sequitur Theologum illum, quem Celladeus mirandæ inscitiae arguit, non inscitè, sed non minus sapienter quam confidenter petiisse, quo Decalogi praecepto opinionum probabilium usus prohiberetur? Noverat ille primò, benignam sententiam esse reflexam, & considerare res opinioni probabili substantes in ordine ad circumstantias diversas ab eis, quas opinio directæ contemplatur; ideoque noverat res illas non esse hic & nunc prohibitas vi ullius legis Decalogi, quamvis contingat, opinionem directam esse falsam. Unde acutè & efficaciter quaestionem illam movet, cui certè Celladeus non respondet, & ne quidem tangit id, in quo præcipua difficultas vertitur.

Defenditur Theologus, quem Celladeus inscitiae arguit.

Noverat secundò, errores invincibiles, saltem quæ tales, nullo Decalogi praecepto esse prohibitos. Et hoc ipsum Celladeus fatetur; quia cum peccata nec sint nec esse possint, nullo praecepto prohibentur. Rursus noverat omnem opinionem certò practicæ probabilem actu animam informantem, aut veram esse, aut esse invincibi-

S. 1.

liter

Celladei
traditio.

liter erroneam. Unde rectè intulit, usum illius non repugnare Decalogo, & meritò petiit, cui illius præcepto repugnaret. Atque hic inconsequentia & contradictio Celladei notanda est. Mala contra intentum legis æquè patrantur per errorem invincibilem, ac per alium quemvis. Et tamen lex, quæ prohibet illa mala non prohibet errorem invincibilem. Ergò non prohibet omne medium inferens mala, quæ vetat. Ergò inconsequenter loquitur, & propria argumenta solvere tenetur. Præterea sibi contradicit, dum multis in locis expressè asserit, errorem invincibilem non esse peccatum, nec prohiberi à lege; hic autem contendit, omnem errorem per quem rei præceptæ positio impeditur, esse prohibitum per illam ipsam legem, & esse peccatum.

Noverat 3. ille Theologus, magnam diversitatem esse inter legem certam & dubiam; illam obligare, hanc non obligare noverat. Noverat etiam, omnem legem probabiliter non existentem dubiam esse, & non sufficienter promulgatam. Unde meritò petiit, qua lege usus probabilium prohiberetur? Nec satisfacit Celladeus dicendo, unamquamque legem prohibere omnes opiniones falsas de illius materia, sive strictas sive laxas; quia etsi hoc verum esse concedatur pro casu, quando veritas certò sciri potest, eò quòd, lege semel sufficienter intimata, obligemur ad dubia de lege diligenter excutienda, ideoque teneamur veritatem invenire, quantum humano modo inveniri potest. At si veritas non possit certò inveniri, sed lex maneat incerta, nullum est jus prohibens decisionem probabilem, etsi fortasse contingat illam esse falsam; quia jus dubium nullam obligationem inducere potest, ut in superioribus fusè ostensum est. Hæc noverat Theologus ille, qui citò respondisset Celladeo, legem naturæ dictare Deum nolle, leges à se latas per nostram industriam ab hominum cordibus, aut è Sacris Libris eradi, sed velle, ut quisque juxta suum statum alios illas doceat. Nec de hac lege quisquam dubitat, sive illa sit peculiaris lex reflexa, sive ipsa directa lex à Deo lata. Jam quòd legis certæ impletio opinione & errore impediatur, magnum malum est; sed quòd legis incertæ observatio non vigeat, quando certò probabile est legem non dari, malum non est, quòd ulla lege prohibeatur, aut prohiberi mereatur, ut ostensum est *quæst. 3.* Itaque in priori casu ignorantia & error non sunt licita, nec adhiberi possunt ut media ad innocentiam, cum sint media absolutè prohibita & certò mala. At error & ignorantia in secundo casu, cum sint invincibiles, à peccato excusant, innocentiam servant, & opus bonum fundant.

Deuter. 10.
ut notitia
legum suarum
in mentibus
nostris
vigeat.

14. Obijcit secundò. Præcipuum, quod hic intenditur, est probare, quòd leges omnes sui ignorantiam, & multò magis sui errorem prohibeant. Hoc autem ex eo probatur, quòd Deus tantopere in lege veteri memoriam legis commendaverit. Deuter. 10. *Ponite hæc verba mea in cordibus & in animis vestris, & suspendite ea pro signo in manibus, & inter oculos vestros collocare. Docete filios vestros, ut illa meditentur, &c.* Et cap. 4. præceptum est, ne quid addatur aut detrahatur verbis legis. At ignorantia sit ablatio, errore autem tam additio quàm detractio fieri potest. Demum Psalmi pleni sunt laude eorum, qui memores sunt mandatorum, qui ea intelligunt, meditantur, & in corde retinent. Horum finis est, ut lex sciatur, quia nisi sciatur, nequit observari. Unde sicut scimus legem conditam nil

prodesse, nisi promulgetur, & ita in hominum notitiam veniat, ita scimus eos, qui lege promulgata ad aliquid tenentur, teneri etiam ad ejus cognitionem. Ergò ignorantia & error legis sunt prohibita. Hinc inter Christianos sanctum est, singulos, cum ad usum rationis pervenerint, teneri aliqua scire, nec licere ignorare. Inde Parentes filios, Parochi subditos instruere tenentur. Quòd si ignorantia & error licerent, omnes istæ obligationes cessarent. Præterea vix interminatum est dicentibus malum bonum, & bonum malum, hoc est errantibus in rebus præceptis; vel si activè accipiatur, dictum est contra facientes errare. Hoc idem vix Christus Doctoribus legis cæcis cæcorum ducibus denunciavit. Demum quæcumque de legum necessitate, utilitate, ac fine traduntur, vana sunt, si impunè liceat ignorare legem & errare; lex enim ignoram est sicut non lex; non regulat, non inducit bona, non impedit mala. Similiter lex ignorata in parte, vel ab aliquo, quoad hunc, & in ea parte frustratur. At legem cassare aut frustrare, & bona legis tollere non licet. Ergò neque illam ignorare. Ergò multò minùs errare, quia per errorem cuncta inversè ordinantur, & fiunt. Hinc omnes Theologi ad aliquam sciendæ legis diligentiam obligant. Ergò ignorantia & error legis prohibita sunt & prohiberi debuerunt. Ita Celladeus §. 2.

Respondeo hæc omnia validissimè confirmare *Celladeus* *assert. 4.* sed priores non attingere. Et sanè quid ex Sacra Scriptura assertur, supponit notitiam legis præcessisse, per quam homines satis sciebant, se obligari ad legem memorandam, eamque suos subditos docendam, &c. Unde non inferitur, quòd lex plenam sui ignorantiam prohibere valeat, cum tamen de hoc solo procedat quæstio. Cæterum non solum constat ex dictis, quòd nulla lex talem sui ignorantiam prohibere possit, sed idipsum ex eo, quòd Celladeus de legis promulgatione ponderat, clarissimè convincitur. Peto enim, cur lex condita, sed non promulgata, non possit obligare homines. Certè si posset præcipere sui notitiam, aut plenam sui ignorantiam prohibere, non minùs posset obligare ante promulgationem, ut sciretur, quàm potest post promulgationem obligare eos, qui nullam umquam de lege tali mentionem audierunt, aut cogitationem habuerunt. Quia notitia aliorum, & promulgatio aliis facta, non magis juvat, ut lex me dirigat, nisi aliqua illius notitia ad me derivetur independentè à directione legis, quàm lex condita poterat alios juvare & dirigere, antequam promulgaretur. Itaque dicere, legem penitus ignoratam posse obligare ad sui notitiam, & negare legem conditam sed non promulgatam posse ad sui notitiam obligare, aliud non est, quàm inconsequenter loqui, & reipsa contradictoria docere. Celladeus utrumque expressè tradit. Ergò & inconsequentia & contradictionis reus est.

Celladeus
ex iis, quæ
tradit, refel-
litur.Celladei in
consequen-
tia & contra-
dictio.

15. Est etiam aliud, in quo & nostram opinionem confirmat, & sibi etiam contradicit. Contendit hic, legem prohibentem mala, sui etiam ignorantiam prohibere, ideoque legis ignorantiam non excusare, nec impedire, quòd minùs mala per legem prohibita, si patrentur, sint mala. At contrarium prorsus docuit hic *quæst. 1. §. 5.* ubi tradit, ignorantiam de belli injustitia excusare subditos milites, etiam quando bellum est injustum; nec eos obligari ad justitiam belli inquirendam. Et tamen illi sunt qui mortem &

bono-

honorum spoliationem aliis contra legem Dei inferunt, quando bellum est injustum. Lex ergo non occidendi, non auferendi alienum, &c. non semper prohibet sui ignorantiam, saltem prout refertur ad praxim in bello, sed ita respicit maiorem hominum bellantium partem, ut ne quidem ad diligentiam sciendi veritatem obliget. Et tamen eadem in hoc casu mala eveniunt, quæ evenirent, si nulla ejusmodi lex extaret. Hoc autem contradicit doctrinæ præsentis objectionis, ut patet, & nostram sententiam confirmat, quia inde apertè sequitur, legem prohibentem mala non semper prohibere sui ignorantiam, alioquin semper malum esset, illam ignorare, & ad veritatem sciendam aut certè quærendam semper teneremur.

Celladei
traditio.

Alia Celladei
traditio.

16. Eadem doctrina Celladei ex alio capite contradicit illis, quæ tradit, in hac quest. Contendit enim, legem ideo obligare ad sui notitiam, quia si ignoretur, maxima mala proveniunt, quæ impedirentur, si esset scita, ut constat ex prima objectione. Hoc si verum esset, utique lex vetans homicidia & rapinas injustas obligaret milites ad sui notitiam, quia per illam notitiam ingentia mala, quæ in bellis contra justitiam fiunt, non evenirent, ut benè probat Celladeus. At per ipsum lex illa non obligat milites ad sui cognitionem, quamvis ex illius ignorantia & errore omnia illa mala eorum ope ac manu proveniant. Ergo doctrinæ istæ sibi contradicunt. Sed missis istis contradictionibus, ad reliqua in objectione contenta respondeamus.

Prima noti-
tia legis in
pueris non
oritur ab o-
bligatione
legis.

17. Quod omnes dicamus, pueros, cùm ad usum rationis pervenerint, obligari ad aliqua scienda, verissimum est, quia lumen rationis, educatio, ac aliorum exempla talem obligationem manifestant, quatenus illis notam faciunt legem generalem, per quam obligantur ad leges particulares sciendas, & servandas. Verùm leges illæ particulares earumque notitia sunt materia circa quam versatur lex generalis, ideoque numquam est verum, quod ulla lex plenam sui ignorantiam prohibeat, quia si nulla umquam puero cogitatio legis aut obligationis incidisset, ille utique nulla lege ad quidquam obligari potuisset. Verùm suppositio est falsa, quia ipsum naturæ lumen multa ostendit, & alia docet esse inquirenda. Deinde pro puerorum instructione satis cautum est, eò quod Parentes & Magistri eos instituere teneantur, adeo ut rarò aut numquam eveniat, quin pueri (saltem apud fideles) non exiguam instructionem habeant, per quam plura sciant, & ad alia scienda se obligatos sentiant. Verùm primæ legum notitiæ non à legum directione & obligatione, sed aliunde proveniunt.

18. In superioribus responsum est ad illud 14, quod certè supponit legem latam & applicatam fuisse, & quod plus est, procedit de lege certa & certò obligante; nam de incertis, & quæ hinc inde post omnem diligentiam manent certò probabilia intelligi non potest, nisi sibi contradicat, ut ostensum est.

Leges non
sunt frustra,
quævis ali-
quando im-
punè igno-
rentur.

19. Demum non sequitur leges frustra fore, si in aliquo casu impunè ignorari possint; frustra quidem fierent, nisi independentè ab illarum obligatione nobis innotescerent, quia alioquin nos omnino laterent. At cùm providentia Dei effecerit, ut aliunde leges scirentur, quàm per illarum obligationem, utique leges utilissimæ sunt;

sicut erant prorsus necessariæ, quamvis multæ in particulari aliquo casu ab aliquo penitus ignorentur. Itaque ita lex per accidens impunè ignorari potest, ut non liceat hoc post legem scitam procurare, cùm ad oppositum teneamur. Tota ergo ignorantia ex eo oritur, quod nemo nobis talem legem manifestarit, lex enim ipsa primam sui manifestationem vi suæ directionis inducere nequit. Ergo licet licitè non possimus conari ad cassandam legem, licitè tamen possumus legem ignorare, non illam ignorantiam intendendo & procurando, sed inculpabiliter nullam legis informationem à quoquam accipiendo. Porro obligatio ad diligentiam adhibendam non præcedit omnem legis notitiam, sed eam sequitur, ut omnes fatentur; si enim nulla legis & obligationis talis notitia animum informaret, nemo ad ullam diligentiam teneretur. Verùm fieri nequit, quin lumen naturæ talem obligationem proponat.

20. Obijcit tertio. Ex eo, quod aliquæ ignorantia & errores sint magnum malum hominis, considerati sive ad se, sive ad Deum, sive ad proximum, intulimus illa necessariò prohiberi; sicut furta & homicidia prohibentur: ex hoc autem sequitur, aliquas ignorantias & errores prohiberi in se & propter se, alias verò in alio & propter aliud. Inprimis intellectus humanus secundum se debet rectè ordinari ad Deum, ad se, & ad proximum, & maximum malum est privari hac ordinatione, idque considerando illud in se & merè propter se. Ergo ignorantia, & error contrarius huic ordini prohiberi debuit in se & propter se. At si sermo sit de ordinatione aliarum potentiarum ad Deum, ad se, & ad proximum, illa etiam debuit præcipi, & consequenter prohiberi debuit ignorantia & error circa talia, & legem ipsa præcipientem. Verùm ignorantia hæc non prohibetur in se & propter se, sed solum in alio & propter aliud, nempe in malo & propter malum ordinationis aliarum potentiarum evitandum. Exemplum sume in ignorantia legis de restituendo, illa enim solum prohibetur propter malum non restitutionis, quia si solutio aut restitutio numquam pertineret ad aliquem, ignorantia talis legis in eo esset, sicut ignorantia geometriæ, nullum malum. Fixum ergo maneat, ignorantias & errores aliquando prohiberi in se & propter se, aliquando in alio tantum & propter aliud. Ita Celladeus §. 3.

Alique ig-
norantie
prohibetur
propter se,
alias solum
propter a-
liud.

Respondeo totum hoc illatum concedi posse ac debere juxta sensum *Affert. 4.* sed nullius momenti esse, si priores assertiones impetantur; ostendi enim, illationem illam, *furta & homicidia, etsi mala minora, debuerunt prohiberi, ergo ignorantia & error, utpote mala illa majora, prohiberi debuerunt*, nullam esse. Ratio est, quia illa cavere non poterant nisi per legem; ac ignorantia & error, maxime circa Deum & generales obligationes ad nos & ad proximum, vitari potuerunt ac etiam debuerunt aliâ viâ, quàm per vim legum, cùm per illam removeri non possint. Hinc autem sequitur, plenam Dei & legum ignorantiam, quamvis sit maximum malum, nec debuisse nec potuisse prohiberi sive in se & propter se, sive in alio & propter aliud. At ignorantia & error, quæ opponuntur notitiæ clariori, aut scientiæ alterius legis, bene prohiberi possunt, idque tam propter se, quàm propter aliud.

QUÆSTIO SEXAGESIMA- SECUNDA.

*Virum ignorantia & error aliquando sint peccatum?
aliquando causa peccati?*

I aliquæ ignorantie & errores prohibeantur, & ex natura rei postulent prohiberi, ut probatum est quæstione superiori, utique consecretarium est, ignorantias aliquas & errores esse peccata; quia quod ponitur, aut non removetur contra legem prohibentem peccatum est. Notissimum enim est, unumquodque eatenus esse peccatum, quatenus est prohibitum. Ergo cum ignorantia & error aliquando sint prohibita, sunt utique aliquando peccata; tunc scilicet, quando leges illa prohibentes violantur. Hæc vera sunt, sicut etiam verissimum est, ignorantiam & errorem sæpe esse causam peccati, saltem per accidens & removendo prohibens, ut Theologi docent cum S. Thoma 1. 2. quæst. 76. art. 1. & cum eodem ibidem art. 2. expresse docent, ignorantiam etiam esse peccatum. Quæ cum à nemine sub ista notione negentur, nec in dubium revocentur, non erat, cur Celladeus tanto molimine rem istam confirmaret; nam quæst. 3. & 4. Patrum auctoritates ad hoc probandum ultra modum accumulat, cum sine ulla necessitate eas promat. Vellet quidem per illas persuadere lectori, omnimodam legis ignorantiam esse peccatum, & per ipsam legem prohiberi, sed hoc falsissimum est, nec à SS. Patribus ulla ratione aut docetur, aut insinuat, sed oppositum ex illorum dictis aperte colligitur, ut ex dicendis constabit, si tamen prius veram de quæstione propositam doctrinam per quasdam assertiones proposuero.

ASSERTIO PRIMA.

Ignorantia & error sunt peccata, quando sunt objectum legis illa prohibentis, & illa non obstante aut ponuntur, aut non remouentur.

Ignorantia 2. **P**ROBATUR. Quidquid voluntarie ac liberè ponitur contra præscriptum legis est peccatum, quia est dictum factum aut concupitum contra legem. Sed iudicium erroneum & ignorantia affectata aliquando ponuntur contra legem illa prohibentem, ut patet in hæreticis contra veritatem sufficienter propositam pertinaciter errantibus, & in omnibus, qui per crassam aut affectatam negligentiam scire negligunt, aut etiam nolunt, ea quæ scire tenentur, & ad quæ querenda & scienda se obligatos norunt. Ergo ignorantia & error sunt peccata quando sunt objectum legis illa prohibentis juxta dicta in assertione. Nec de hoc ullum esse potest dubium, nec

abnuo illud esse certissimum, in sensu, de quo nunc agimus. Hoc enim haud dubiè verum est, quamvis Auctores apud Vasq. 1. 2. quæst. 112. variè loquantur de peccato ignorantie; aliqui enim volunt, ignorantiam esse per se peccatum, sicut est furtum; alii autem, quibus Vasquez S. Thomæ in hærens subscribit, tradunt ignorantiam secundum se non esse peccatum, sed effectum peccati, quod in sola negligentia sciendi compleri volunt. Has subtilitates nunc missas facio, quia ad præsens institutum parum refert, utrum ignorantia sit ipsum peccatum formaliter & primariò, an solùm secundariò & effectus peccati, dummodo vorè imputetur ad culpam, & ut est effectus negligentie dicatur & sit malum, ac prohibendum.

3. Cæterum dum peccatum ignorantie hoc modo incurritur, totum pravum exercitium libertatis completur aut in voluntate non sciendi, aut in negligentia debiti conatus ad sciendum; adeoque tota formalis ac vitalis ratio malitiae moralis in illis consistit, à quibus proinde ignorantia volita denominatur peccatum; nec enim talem denominationem aliunde habere potest, cum ratio formalis peccati in ipsa ignorantia secundum se accepta non consistat; quod ex eo patet, tum quia ignorantia eadem, si fuisset invincibilis, peccatum non fuisset; tum quia quamvis ab initio fuerit vincibilis, adhuc, illa remanente, peccatum deleri potest, ut perspicuum est, & omnes omnino fatentur. Ergo ratio peccati non est denominatio essentialis & intrinseca ignorantie. Ergo ignorantia accipit illam denominationem à pravo libertatis exercitio, seu à negligentia culpabili, per quam homo liberè determinat se ad non sciendum id, quod scire tenebatur.

ASSERTIO II.

Plena ignorantia legis, & rei per legem vetitæ, non est peccatum contra legem taliter ignoratam.

4. **P**ROBATUR. Quod non prohibetur à lege non potest esse peccatum contra legem. Sed plena legis cujusvis ignorantia non prohibetur à tali lege, nec ab illa prohiberi potest, ut constat ex quæst. præcedente. Ergo plena ignorantia legis nec est, nec esse potest peccatum contra legem taliter ignoratam.

ASSER-

ASSERTIO III

Ignorantia & error, quem homo in rebus verè incertis & hinc inde certò probabilibus post diligentem veritatis investigationem incurrit, non est peccatum, nec prohibetur sive à lege ignorata, sive à lege generali, precipiente diligentiam ad veritatem indagandam. Seu quod in idem recidit: Opiniones Theologorum de bono & malo, quas post diligens veritatis examen de rebus incertis & hinc inde probabilibus in mente sua formant, & foris proferunt, non sunt peccata, quamvis sint erronea & falsa.

5. **H**Æc assertio continet veritatem maximè principalem in hac materia, & ex diametro toti Celladei intento opponitur; omnis enim ejus labor eò tendit, ut oppositum persuadeat. Itaque diligenter probanda est veritas tanti momenti, quā habitā, totus adversarii conatus evertitur. Cæterum sermo non est de peccato purè materiali, sed de peccato formali, ac imputabili, quod ideo incurritur, quia lex hîc & nunc obligans ad oppositum, verè violatur.

Ignorantia & error in rebus incertis & hinc inde certò probabilibus non est peccatum.

6. Probatur ergò primò à priori. Ignorantia & error non aliter possunt esse peccata imputabilia, quā vel ratione sui præcisè, vel ratione modi, quo à libertate dependent. At in casu assertionis neutro modo imputari possunt ad culpam & poenam. Ergò in casu assertionis non sunt peccata imputabilia. Major est certa, quia non est alius modus excogitabilis, per quem aliquid esse possit imputabile. Probatur minor. Ignorantia & error talium, non est objectum ejusmodi, ut in nullo eventu dependere possit à libero voluntatis exercitio absque peccato, quia talis ignorantia & error aliquando saltem esse potest invincibilis. Ergò non est peccatum præcisè ratione sui imputabile, alioquin in nullo casu liberè admitti posset absque reatu & culpa. Sed neque imputari potest ob modum, quo à libertate dependet, quia ad hoc modus procedendi potentiarum deberet esse reprehensibilis; eò quod intellectus temerè, & absque diligentia & examine, quale decet hominem præmittere, præcipitaretur in assensum erroneum. At hoc certò non evenit, quia ponimus rem fuisse diligenter examinatam, & quidem non minori cura ab eo, qui errat, quā ab eo, qui oppositum tenens non errat. Ergò sicut ille, qui post tale examen non errat, reprehendi non potest propter assensum, quem elicit, ita nec ille qui errat. Ergò error ille nec ratione sui præcisè, nec ratione modi, quo à libertate dependet, imputari potest ad culpam. Ergò non est peccatum.

Confirmatur. Ignorantia & error non potest esse culpabilis & imputabilis, quando illa defunt, in quibus solis malitia peccati ignorantiz consistit, aut à quibus præcisè omnis illius malitia imputabilis dependet. Sed omnia hæc defunt in casu nostro, quia sola negligentia est illud, in quo tota imputabilis malitia peccati ignorantiz consistit, aut à quo totaliter dependet, ut constat ex Assert. 1. In casu autem præsentis hæc negligentia abest, quia diligens ac debitum examen præcessisse supponitur. Ergò in casu assertionis ignorantia & error non potest esse culpabilis, & consequenter non est peccatum.

7. Probatur 2. Ignorantia & error, de quo loquimur, non est culpabilis transgressio legis, cui certò quæ ignoratur, aut legis generalis quæ scitur, & præcipit homines scire, quæ ab ipsis scienda sunt. Ergò non est peccatum; quia haud dubiè nulla alia lex per ignorantiam & errorem ejusmodi violatur, cum leges aliæ talem ignorantiam non prohibeant. Probatur antecedens. Inprimis lex ignorata, vel totaliter ignoratur, vel scitur quidem existere & præcipere aliquid, sed nescitur an extendatur ad aliquid, quod nondum scitur, sed dubium est, an sub lege comprehendatur. Si primum, lex illa nondum obligat, quia non sufficienter applicatur ut obliget; non enim magis applicatur, quā si non existeret, in quo casu non obligaret. Si secundum, hoc non aliter evenire potest, quā ad eum modum, quo lex generalis certò existens obligat ad scienda, quæ quis scire tenetur, quia lex illa particularis directæ, prout refertur ad objectum dubium est dubia, & consequenter non magis obligat quando verè extenditur, quā quando non extenditur ad tale objectum. Ergò obligatio fundatur in eo, quod lex hæc, cum sciatur existere & prohibere aliqua, eo ipso habeat vim quasi reflexam, qua obligat ad sciendum quod debemus scire, sicut generalis quasi reflexa, de qua loquuti sumus, obligat. Sed neutra harum legum, nec generalis reflexa, nec particularis directæ absolute obligat ad non errandum; sed solum ad adhibendam diligentiam debitam, quā posita permittit homini id judicare quod ipsi probabilis ac rationabilis apparet: si enim aliter aut ad alia obligaret, obligaret ad impossibile, & ad temerè procedendum; quia omnis alia via procedendi temeraria est, immo & impossibilis, cum nemo judicare possit illud esse verum, quod ipsi non apparet probabilis opposito. Ergò cum in casu præsentis intentum legis sit, ut ignorantia removeatur, & quæstio per absolutum judicium terminetur, non potest absolute obligare ad assensum verum, sed solum ad ponendum medium optimum quod potest ad veritatem inveniendam; eo autem posito, si error contingat, is vi talium legum imputari non potest. Ergò nullo modo est imputabilis. Ergò non est peccatum.

8. Probatur 3. ab absurdo. Si error in casibus hujusmodi esset peccatum, Ecclesia & Ecclesiarum superiores essent culpabiles & peccarent, quando, quæstione aliqua valde agitata, illisque proposita, aut aliunde nota, illam non determinarent, sed contrariis Doctorum interpretationibus, & oppositis sententiis determinandam relinquerent. Probatur sequela. Superior ille non providet subditis, qui sciens & volens permittit illos in ruinam currere, cum possit si velit, ruinam impedire. At permittendo libertatem opinandi, permetteret illos in ruinam currere, quia permetteret illis libertatem opinandi, quā permisit futurum scit, ut plurimi errent, quamvis re diligenter considerata sententiam ferant. Omnes autem errantes peccarent, si vera esset Celladei sententia, & præsens assertio non esset vera. Ergò Ecclesia, apud quam est clavis scientiæ (& ut Celladeus vult eo sine data, ut malum ignorantiz & erroris tollatur) per quam certò nos potest dirigere, esset culpabilis & peccaret, quando quæstionem propositam, aut aliunde notam, in qua Doctores dissentiant, non determinaret, sed liberæ omnium opinionationi relinqueret, quia certò sciret plurimos peccaturos etiam post diligentiam adhibitam, quorum peccatum impedivisset.

visset, si quaestionem per scientiæ clavem determinasset. At vel tunc vel numquam clavis scientiæ adhibenda est, quando per ejus usum moraliter certò constat, innumera peccata vitanda esse, quæ quaestione non determinata haud dubiè sunt committenda. Quis enim non videt, animas taliter peccantium & pereuntium è manu Ecclesiæ & supremi Pastoris esse requirendas, si perirent. At absurdissimum est, & planè intolerandum dicere, Ecclesiam & Pastores Ecclesiæ in hoc peccare. Ergò sententia Celladei absurdissima est, & prorsus intoleranda, ex qua tantum absurdum inevitabiliter sequitur. Applica doctrinam hujus argumenti ad quaestiones illas, in quibus Ecclesia prohibet censuram cujusvis partis, liberamque cuilibet opinandi licentiam permittit; & videbis, quod irrefragabiliter concludat intentum, nisi quis velit os suum in cælum mittere, Ecclesiamque & supremos Ecclesiæ Pastores sceleris damnare in eo, quòd post maturam deliberationem, ad fidelium bonum, & Ecclesiæ pacem ac concordiam utile, & quodammodò necessarium arbitrantur, quodque pro tali ab illis & habetur, & omnibus sub gravissimis pœnis in praxi habendum proponitur.

Omnes Doctores peccarent, si error probabilis esset peccatum.

9. Probatur 4. & assumo, quod Celladeus hic quaest. 4. §. 4. ad aliud intentum his verbis proponit. *In oratione habita in Concil. Basil. contra necessitatem communionis sub utraque specie; inter alia arguitur, damnatos aliquando fuisse Hieronymum, Augustinum, Hilarium, Gregorium, & omnes per multa secula Christianos, qui ea communione usi non sunt, sed in una dumtaxat specie populos communicarunt.* Ita ille: hinc sic arguo. Doctrina illa est absurdissima & falsissima, ex qua sequitur, Sanctissimos, doctissimosque Ecclesiæ Scriptores, & omnes per multa secula Ecclesiæ Doctores damnabiliter peccasse, etiam in eo, in quo omnes hæcenus censuerunt eos magnum meritum apud Deum consecutos esse, sicut apud homines magnam laudem meruerunt. At hoc sequitur ex opinione Celladei, & nisi assertio posita sit vera vitari non potest, quia SS. Thomas, Bonaventura, Antoninus, Bernardinus, & alii omnes Doctores in multis errarunt, cum contradictoria doceant. Nec ullus aut vix ullus inter omnes invenitur (excipio Summos Ecclesiæ Pastores ex cathedra definientes) de quo quis dicere possit, hic homo circa res incertas & solum probabiles ad mores & fidem spectantes multa scripsit, & in nullo erravit. Omnes enim in multis, si plurima scripserunt, à veritate deflexerunt, licet in particulari nesciamus, in quibus decepti fuerint. Nec ullos illorum aliter de se, & suis scriptis sensit. Ergò si error in talibus sit peccatum, omnes isti peccarunt, & quidem in re propter quam omnes existimant, eos multum apud Deum meruisse, & de Ecclesia optimè meritos fuisse. Immo, quod plus est, per hæc sua scripta aliis, eos & in speculatione & in praxi sequentibus, scandalum præbuerunt, atque in peccati laqueum induxerunt. Unde ut benè arguit Conradus de *Contradictibus quaest. ult.* ulterius sequitur, eos etiam in peccato sorduisse in eoque mortuos esse & damnatos, quia falsam illam ac noxiam suam doctrinam numquam retractarunt. At sequela est falsissima & absurdissima. Ergò non peccarunt, saltem qui diligentiam adhibuerunt, & post diligens examen in rebus incertis nil nisi probabile bona fide protulerunt. Ergò errores ejusmodi non sunt peccata, nec ulla lege obligante prohibentur.

10. Confirmatur. Si assertio non esset vera, nemo nisi stultè moralia scriberet, aut civilibus rebus ad justitiam spectantibus se immisceret, quia moraliter certus esset, se multoties, etiam quando minùs cogitaret, & maximam diligentiam adhiberet, graviter offensurum, eò quòd omnis error foret peccatum. Sciret autem se in pluribus ex morali necessitate lapsurum. Ergò sciens & volens se in peccandi necessitate conjiceret. Ergò munus ejusmodi à nemine nisi stultè admitteretur, cum à nemine citra plura peccata administrari posset. Idem valet de Causidico, de Judice, de Medico, Chirurgo aliisque officiis & artibus, sine quibus respublica administrari non potest; quicumque enim talia officia administraret, ex necessitate frequenter peccaret, non obstante magna diligentia adhibita. Ergò nemo, nisi temerè & stultè talibus officiis administrandis se immisceret, ideoque probi omnes ab illis abstinerent. Quid autem magis luctuosum, ac nocivum reipublicæ accidere potest, quàm si talia munera negligantur, aut non nisi ab improbis administrantur?

11. Ex his demum probatur 5. Ignorantia & error, de quibus assertio loquitur, non sunt malum, quod prohiberi mereatur. Ergò non sunt prohibita. Probatur antecedens. Si mererentur prohiberi & ideo prohiberentur, ideo esset quia sunt magna mala in se, & aliorum malorum causæ, ad quæ vitanda lex valde utilis esset, vel necessaria; quia stante lege vitarentur, & lege remota remanerent. At hoc est patenter falsum; sive enim dicamus legem illam dari, sive non dari, non ideo Doctores majorem diligentiam adhiberent, quia vix possunt majorem adhibere. Præterea, ea lege non obstante, adhuc diligentissimi sibi contradicerent, ut de facto videmus contigisse in viris Sanctissimis, qui certè in suis resolutionibus diligentissimi fuerunt. Ergò lex illa, si daretur, mala præterita non minueret, ideoque ad aliud non serviret, quàm ad multiplicanda peccata, quæ illà non posita absque dubio patrata non fuissent. Ergò talis lex esset stulta, & sine legis careret.

Nec solum sine legis careret lex illa, sed necessariò induceret augmentum mali, ad quod vitandum imponeretur. Eo ipso enim quòd lex talis daretur, nemo sapiens periculo quidquam determinandi, aut de talibus scribendi se exponeret; sed quisque conscientie timoratis in omnibus tutiora sequeretur, & aliis non timoratis talia pericula permetteret. Hinc autem rerum & præceptorum ignorantia necessariò cresceret, erroresque innumerabiles ex morali necessitate inducerentur, quæ omnia vitata fuissent, si singulis permissum fuisset in rebus incertis post diligens examen ex motivo probabili sententiam proferre. Ergò lex talia prohibens secum pugnaret, & mala necessariò inferret, ad quæ impedienda tamquam necessaria proponitur; immò mala illa in immensum auget, atque res alioquin certò sciendas ignorari faceret. Ergò sibi ipsi repugnet, atque seipsam everteret. Ergò ignorantia & error, de quibus loquimur, non sunt malum, quod prohiberi mereatur; immò, stante hac hominis conditione, postulant non prohiberi. Ergò non sunt prohibita, sed sunt, & debuerunt esse permissa.

Si error probabilis esset peccatum, respublica administrari non posset.

Error probabilis non meretur prohiberi.

SOLVUNTUR OBJECTONES.

Celladeus 12.
culpæ
Theologiæ
recentem.

OBJICIT primò. Recens Theologia de subjectis & causis peccatorum ordine non differit, sed uni libertati intenta, quidquid extra voluntatem est, vix peccatum esse intelligit. Inde homicidia, furta, aliaque scelera solum denominativè mala esse & peccata, id est non verè ac propriè talia, edocet; inde laborat, cur ea confiteri teneamur, & dicit mirabilia. Et quodd sumum est, hominem ipsum solum denominativè, hoc est impropriè non propriè & verè peccatorem esse, & homicidam, & furem arbitratur. Tanta prætermisissis principiis subnascuntur. Unde quæstiones istæ de ignorantia & errore, vix apud eos locum habent, quia ignorantia & error, cum non sint actus, neque omissiones voluntatis, peccata esse nequeunt; & ista tam explorata habent, ut ne dubitent quidem. Ita Cellad. quæst. 3. §. 3. sed quò hæc tendant, ut intentum probent, vix apparet; suspicor eum significare velle, hanc Theologiam ex eo ortam esse, quodd ignorantiam & errorem peccata esse neget, ideoque falsam reputari debere, quia constat, ignorantiam & errorem esse prohibita & peccata. Certè in tota quæst. aliud, quod obijci mereatur, non inveni.

Theologia,
quàm car-
pere vide-
tur, exponi-
tur, & ratio
nabilis ostē-
ditur.

Respondeo, Celladeum ubique accusationes in alios eorumque doctrinam aggerere, cum tamen illa rectè intellecta nulli exceptioni pateat. Illi ergò, quos arguit, optimè intelligunt, quid sit, quid non sit peccatum. Non negant, furtum esse propriè peccatum, sed solum dicunt, actionem illam externam non esse essentialiter & intrinsecè peccaminosam, sed illum denominationem ab alio accipere, nempe à libera sed prava voluntatis determinatione, quàm rectè dicunt esse intrinsecè & essentialiter malam & peccaminosam. Aliud est rem esse propriè, aliud esse essentialiter talem. Aqua calefacta est propriè calida, nec tamen naturaliter, & multò minùs essentialiter, est talis. Ad hoc moventur, quia apud omnes constat, unam eandemque esse malitiam actus interni & externi. Unde existimant, denominationem tribui ab ea parte, quæ est essentialiter talis. Nec obstat aliquos aliter opinari de peccatis externis, & docere, quodd, sæpe saltem, malitia ab actu externo in internum refundatur. Quia hæc diversitas opinionum facilè conciliari potest, ut quoad substantiam non discrepent. Ita ergò illi de peccatis externis loquuntur, ad quæ duo requiruntur; primum est operatio externa, quæ prohibetur; alterum est, libera voluntatis determinatio ad opus ponendum, non obstante prohibitione legis. Hæc voluntatis determinatio habet secum indentificatam totam malitiam mortalem, quæ in tali opere reperitur, ideoque actus ille ex sua essentia est malus, determinatumque malitiæ gradum obtinet. Hujus actus malitia non tollitur aut minuitur per hoc, quodd operatio externa consequatur aut impediatur, quia tantum peccat, qui vult ponere actionem externam, quam Deus miraculorè impediret, quantum peccasset, si Deus cursum causarum non impedivisset. Jam actio externa verè est peccatum, quia talem denominationem accipit ab actu interno, à quo procedit, & cum quo componit conflatum morale. quod verè est, & propriè dicitur peccatum. Porro quodd malitia & ratio peccati non sit intrinseca actioni externæ, ex eo patet, quodd, eadem actio liberè poni possit ex er-

rore invincibili. In tali autem casu certum est, quodd operatio externa non sit peccatum, nec imputari possit ad culpam, aut poenam. Similiter de homine loquuntur, dicunt enim eum esse propriissimè peccatorem, sed aiunt, denominationem hanc esse ipsi accidentalem, & à peccato desumi, sive peccatum sit purè internum, sive externum. Verùm in his denominationibus prima & radicalis forma denominationum in sola prava voluntatis determinatione consistit.

Hæc est Theologia non recens, sed antiqua, & probabilissima, nec quisquam in ea quoad substantiam novum inveniet. Quodd si aliqui agentes de peccato non tam exactè agant de causis & subjectis peccatorum, non ideo laudandi sunt, nec statim culpandi; quia fortasse habuerunt optimas rationes, cur ita facerent. Quod ad confessionem peccatorum attinet, illa clarè sunt apertienda; quodd si aliqui aliter sentiant, & probabiles rationes pro se afferant, fortasse errant, nec tamen error ille est peccatum, aut meretur prohiberi, ut ostensum est. Ceterùm ex hac Theologia non sequitur, ignorantiam & errorem non esse peccatum, sed contrarium infertur, quia si ignorantia prohibita sit voluta, & affectata, item si error prohibitus sit voluntarius ut sæpe sunt, tam ignorantia, quàm error ejusmodi est propriè peccatum.

13. Objicit secundò. Quamvis nemo sub istis terminis audeat dicere ignorantiam & errorem nec peccatum esse, nec causam peccati, eò quodd hæc de ignorantis doctrina sit certa, & à multis sapientibus tradatur esse de fide; doctrina tamen ista per usum & per alias opiniones inconsequentes videtur prorsus abrogata. Multi enim infideles & hæreticos de facili à peccato excusant, & salvant etiam aliqui, si leges suas custodierint. Rursus nil referre arbitrantur, si rustici à Parochis audiant, unam tantùm, aut duas, vel quatuor personas esse in Deo. Quodd si à pœnis contra hæreticos constitutis probemus, hæreticos peccare, dicunt pœnas has respectu multorum, maxime indoctorum, non habere locum in foro interno, & sic eos absolvunt à peccatis aliis, non ab excommunicatione.

Celladeus
plures do-
ctrinas sug-
gerit.

Quodd si quis se polluat, aut aliud scelus perpetret, & ignoret ea esse peccata, eum non peccasse quali indubitatum habent. Quod si nullus eum umquam pupugit scrupulus, ignorantiam ipsam invincibilem fuisse concludunt. Similiter aiunt non peccari credendo Parocho, quamvis ille in maxime essentialibus fidei decipiat. Idem ergò à fortiori erit, infert Celladeus, si in moribus decipiat, & persuadeat puella, nihil esse, si ob necessitatem gravissimam, vel ob tentationem urgentissimam, cui vix par est resistere, aliquando, & saltem si rarè labatur.

Confessarii quætere consueverunt, an pœnitens existimavit esse peccatum, quod fecit? An mortale, an veniale? Si respondeat, se non existimasse esse peccatum, aut solum veniale, per hoc judicium causa terminatur, & pœnitens aut innoxius, aut venialis tantùm peccati reus pronuntiatur. Hinc opiniones multæ docent, pœnitentes in suis ignorantis relinquendos. Si die Veneris carnes comedas immemor diei, felix etiam cenferis.

Horum origo est opinio, jam latè propagata, Peccatur in quæ docet, neminem peccare, nisi actu advertat eo quod nō se peccare. Ergò qui non advertit peccatum esse, scitur esse non peccat. At hoc est dicere, ignorantiam, peccatum oblivionem, & inconsiderationem nec peccatum deum.

esse,

esse, nec causam peccati. Similiter aiunt, errantem non solum non peccare, sed etiam bene facere, si putet bonum esse quod facit, & omnis peccati advertentia absit. Hæc Celladeus; qui mox arguit quendam, qui hujus sui operis Cenfor fuit, quod ex hoc principio fidenter pronuncia- verit, Celladeum non peccasse, quamvis minus reverentem se contra illum scribendo ostende- rat, eò quod in hoc existimaverit, se Deo obse- quium præstare. Et tamen S. Thomas pluries utitur hoc textu ad contrarium probandum.

Plurimi
Catholici
damnantur
ob peccata
ignorantie.

Quid plura? videtur, quod plurimi ex Catho- licis, qui damnantur, (damnantur autem pluri- mi, & communis SS. & præstantissimorum Theo- logorum sententia fert, plures ex adultis damna- ri, quam salvari) non aliam ob causam dam- nentur, quam ob ignorantiam affectatum vel crassam. At plerique susceptis Sacramentis ob- eunt, & licet aliqui postea peccent, hoc frequens esse nullo fundamento persuadetur. Avarus con- sistetur: si furtum commisit fatetur; de avaritia parùm curat, & obit. Sed avari regnum Dei non possidebunt. Obit similiter superbus, usurarius, simoniacus; sunt autem tales ob ignorantiam, sæpe voluntariam. Similiter amicus mundi, & ini- micus crucis Christi moritur. Quod isti cant, Scri- ptura loquitur. At plurimi sunt, saltem prope- tioris ætatis, qui in iis, quæ in confesso sunt peccata mortalia, delinquere non solent, qui in- terea totam pauperum substantiam corrodunt, non furto sub hoc nomine, sed officio. Unde ergò tot pereunt? Omnium sensus est, nos in alio mundo, non ut hic, sed strictius ac tremende judicandos. Sunt ergò multa, ob quæ homines damnantur, quæ mala esse nesciebantur. Ita Cel- ladeus *quest. 4. §. 1.*

Objectiones
facit ad 12.

14. Respondeo, multas hæc sententias promiscuè, dimidiatè, & consequenter nimis in- vidiosè proponi, quas in particulari explicare non est hujus loci, aut controversiæ. Cæterum si ali- qui in aliquibus istarum opinionum excesserint, culpandi sunt. Nos loquimur tantum de opinio- nibus certò probabilibus. Quæ tales non sunt, ad controversiæ hujus materiam non pertinent. Jam sistendo in illis, quod objicitur nil facit ad rem; jam enim non queritur, an verum dixerint vel falsum, sed supposito, quod in rebus incertis certò probabiliter concluderint, queritur, an si erraverint, eo ipso peccarint. Ergò efficaciter probavi, quod non. Celladeus oppositum pro- bandum assumpserat, loquitur enim de peccato erroris & ignorantie, prout sunt mala in se, & prohibita; verum ad id probandum, nec verbum affert; sed relicto intento, ad falsitatem talium opinionum deflectit. Dicit, aut certè supponit, illas esse falsas, & credibile est, aliquas ex multis non esse veras. Interim loquendo de singulis, alii Auctores, ipsi in doctrina ac diligentia non inferiores, non minus confidenter dicunt oppo- situm. Cui credendum? Quis errat? Solus Deus novit. Interim qui alterum peccati accusat, eo ipso seipsum accusat, & si erret, con- demnat; sed alterum, aliis principiis regulatum, reum non facit; quia verissimum est, eum non peccare, quamvis præter opinionem deceptus in sua sententia erret. Et hæc quidem ad objectionis nullitatem abundè ostendendam sufficiunt; nihilominus ad majorem lectoris satisfactionem non- nulla ex dictis in particulari examinare congruum judicavi.

15. Respondeo ergò 2. & peto à Celladeo, an nullum in materia fidei errorem à peccato im-

munem putet? Et ut restringam me ad materiam fidei jam certò determinatam, peto, an existi- met, nullum inter omnes hæreticos (etiam quos materiales vocamus) in ullo articulo sine pecca- to errare? Si dicat, omnes omnino peccare, solus est, & sicut contra omnes opinatur, sic fa- cile erroris convincitur. Sed non puto illum hoc asserere. Ergò tenet aliquos aliquando non pec- care. Cogitet hæc, & determinet, si possit, qui sint, &c. & videbit, se in illam sententiam labi, quàm hic ut absurdissimam rejicit. Quare sciendum est, aliquas esse veritates jam adeo notorias in Ecclesia, quæ à Catholicis cum ipso lacte dis- cuntur, ut fieri vix possit, quin ab ipsis pueris evidenter sciatur esse doctrina Ecclesiæ. Tales sunt articuli in Symbolo contenti, de mysterio Trinitatis & Incarnationis, de cælo & inferno, item de Ecclesia & Sacramentis. Jam ergò in hisce non est credendum Parocho, aut cuique contrarium docenti; nec potest vel puer sic in- structus opposito errori nisi vincibiliter & pec- caminosè assensum præbere, quamvis aliter di- cendum esset de parvulo, etiam baptizato, qui extra gremium Ecclesiæ educatus, inter opposi- tos errores educatus fuisset. Jam objectio de prioribus procedere debet, ut vim habeat; in il- lis autem procedit de subjecto non supponente, quia tales non excusantur, si errent. Nec tamen sequitur, errorem posterioribus non nocere; quamvis enim error ille peccato non imputetur, nocet tamen, quia tollit exercitium fidei, quæ valde meritoria est.

Celladeus
proprio ar-
gumento
premiur.

Pueri an &
quâdo pec-
cent, si à Pa-
rocho deci-
pantur?

Quod ad materiam censurarum contra hære- ticos attinet, ipse Celladeus proprio argumento urgetur in iis, quicumque tandem illi sint, qui sine peccato hæreticorum errori assentiuntur. Itaque in hac materia Auctores graves nil nisi exactè verum tradunt. Nempe excommunicatio- nem non incurri nisi per peccatum. Errorem autem in materia fidei non esse peccatum, quan- do est invincibilis; an autem invincibilis fuerit nec ne, ex variis determinandum est.

16. Sed ut Celladeus proprio argumento effi- caciùs urgeatur, sic arguo. Non solum error, sed etiam ignorantia in materia fidei est pecca- tum. Peto jam, an non sint plurima fidei dogmata, quæ absque peccato à Catholicis, non solum pueris, sed etiam adultis, maxime à fer- minis & rudibus, sine peccato ignorantur? Certè ex tota multitudine Catholicorum, paucissimi sunt, qui omnia fidei dogmata ab Ecclesia abso- lutè declarata norunt. Reliqui omnes in multo- rum dogmatum ignorantia & vivunt & morian- tur. An ideo hoc nomine omnes pereunt? Non hoc dixerit Celladeus. Unde infero. Ergò igno- rantia valde universalis innumerabilium dogma- tum non est prohibita rudibus; nec malum talis ignorantie postulat eam prohiberi. Ergò neque error de illis, saltem de magis illorū reconditis, est peccatū respectu rudium, qui talium rerū vix sunt capaces, easque, maxime quando inter hæreticos ab omni Catholicorum consortio remoti educan- tur, à viris quoad illos gravissimis ut verissimas, ac à Deo revelatas constanter proponi audiunt. Ponat Celladeus duos taliter educatos, quorum alter solum ignoret omnia illa mysteria, alter etiam erret circa illa; & non ostendet ex suis principiis, cur iste potiùs peccet, quàm ille. At ille haud dubiè non peccat, cum eadem apud Ca- tholicos ipsos impunè ignorentur. Ergò nec pri- mus. Ecce principia Celladei contraria probant ejus, quod docet. Consideret hæc, & videbit errorem

Ignorantia
multorū de
fide non est
peccatum.

errorem merè matematicum in fide esse valde frequentem apud eos, qui in media hæresi educantur; atque idipsum ex ipsius principiis ritè deduci.

Prohibita
jure naturæ
raro igno-
ratur invin-
cibiliter.

17. De excusatione eorum, qui pollutionem & alia jure naturæ prohibita licita esse existimant, longè moderatius Auctores loquuntur; raro enim admittunt tales ignorantias esse invincibiles. Cæterum si aliquando sit invincibilis, rectè dicunt, opus illud, à taliter ignorante patratum, ad culpam imputari non posse. Et sanè si nullus umquam scrupulus animum alicujus pupugit de malicia pollutionis, maxime si sit persona Deum timens, sequè à peccatis scitis diligenter custodiat, non est, cur Celladeus ægrè ferat, talem ignorantiam dici invincibilem; quia quamvis forte potuit, non tamen debuit vinci; cum persona illa obligata numquam fuerit ad illam ignorantiam removendam, eò quòd plenissimam habueret ignorantiam de omni lege ad talem ignorantiam depellendam obligante. Si enim vel suspicionem de tali lege habuisset, statim naturæ lumen aut absolute dictasset illud esse malum, aut certè illud non esse faciendum, donec sufficientem informationem de rei veritate habuerit.

Quod ad me attinet, existimo talem ignorantiam esse rarissimam, quia vix invenies, quos talium vehementer non pudeat; adeo ut summo opere verecundentur apud homines graves & probos detegere, quod talia fecerint. Hoc autem indicio est, eos mali latentis conscios fuisse, alioquin non est cur talium eos magis puderet, quàm eorum, quæ certò norunt peccata non esse.

Illatio Cel-
ladei offen-
ditur esse
nulla.

18. De decepto à Parocho in materia fidei, an & quomodo sit reprehensibilis, satis dictum est in initio responsionis hujus. Sed illatio illa propria Celladei, quòd à fortiori excusaretur puella credens Paracho dicenti, quòd propter gravem tentationem licitum sit fornicari, est prorsus nulla; quia quæ sunt obvia in materia juris naturalis, à fidelibus invincibiliter ignorari non possunt. At quæ sunt de jure solum positivo, qualia sunt articuli revelati, maxime qui magis à communi rudium cognitione remoti sunt, sæpe ignorantur invincibiliter. Saltem longè facilius est hæc ignorari quàm illa; quia illa ex ipsa natura, hæc non nisi ab aliorum instructione in mentem venire possunt. Ergò quod probat, hæc invincibiliter ignorari, non solum non probat à fortiori, sed nullo modo probat, illa posse invincibiliter ignorari.

Confessarii
est petere à
pœnitente,
an putaverit
se peccare?

19. Mirandum sanè, quid Celladeo venerit in mentem, quando culpæ Confessarios, qui quærent à pœnitentibus, an & quale peccatum existimaverint se patrasse? Quid enim? Nōne quæstio hæc in omnium etiam in Celladei sententia valde pertinet est? Profectò omnes fatentur errorem, etiam vincibilem, excusare à tanto, quamvis non excuset à toto. At spectat ad Confessarium de tantitate peccati judicium formare. Ergò talis quæstio est valde pertinet, cum sine illa judicium rectè formare nequeat. Præterea aliquando accusant se de eo, quod non est malum ex parte objecti. Annè tunc etiam talis interrogatio est impertinens? Immo verò nulla alia opportunior aut magis congrua moveri potest. Porro non est verum, quod dicit Celladeus, totam causam juxta illud pœnitentis dictamen decidi; sæpe enim, illo dictamine non obstante, judicamus pœnitentem esse reum, maxime quando satis intelligimus errorem fuisse vin-

cibilem, aliquando de hoc dubitamus. Cæterum quando homo absolute & sine formidine quamvis vincibiliter judicat rem esse bonam, solum dicunt, electionem talis objecti non continere malitiam peculiarem, sed solum communem cum culpa, à qua ignorantia culpabilis processit; quod verum est, nec Celladeus probare potest oppositum. Atque hinc aliquæ opiniones permittentes pœnitentem manere in sua ignorantia, & vera sunt, & valde rationabiles, ut in superioribus ostensum est. Quòd si invincibiliter & innoxie comedens carnes in die vetito felix ab aliquibus existimeretur, id est ab imperitis carnisque commodo addictis; nam sapientes ejus miserentur, cum melioris virtutis actum omiserit, & minus bene operatus sit, quàm si juxta legis præscriptum abstinuisset.

20. Sed quid? Annè tantorum malorum origo illi tribuenda est opinioni, quæ docet, neminem peccare, nisi, aliquo modo advertat se peccatum admittere? Inprimis mala ista & absurda præsentia nulla sunt, sed omnia, ut oportet, rectè se habent. Deinde opinio illa non rectè proponitur; illa enim solum docet, nullum actum esse peccatum imputabile ratione sui, qui non sit cum aliqua advertentia mali, quod est verum. Verum, hoc non obstante, si dictamen conscientie permittentis sit vincibile, utique qui sequitur tale dictamen, non facit opus bonum, sed peccat, & opus, quod facit, illi imputatur ut peccaminosum. Cæterum hoc ita asseritur ab illa opinione, ut tamen dicat, hanc imputabilitatem non fundari in ipso opere secundum se, prout hic & nunc egreditur à libertate, quia hac ratione præcisè nullam malitiam moralem continet. Ratio est, quia malum quod non est voluntarium non est imputabile. At malum hoc hic & nunc est penitus ignotum, cum operans illud nec directè cognoscat, nec indirectè advertat ad obligationem quærendi veritatem, &c. Ergò malum illud, prout connectitur cum actibus à quibus hic & nunc oritur, non est voluntarium, & consequenter non est peccatum ratione sui. Malè tamen operatur homo ille, & opus illi imputatur ob vincibilitatem ignorantie, seu ob peccatum, per quod ignorantiam & errorem incurrit. Opus ergò illud est imputabile non ad peculiarem culpam & pœnam, sed solum ad illam eandem, quæ debetur culpæ, à qua error iste suam originem sumit. Hæc est summa hujus sententie, quam Celladeus non impugnat, & si eam impugnare velit, deficientem se sentiet, cum perspicuum sit malum illius operis non esse voluntarium præcisè ratione istorum actuum, qui hic & nunc eliciuntur; si enim illi soli eliciti fuissent, & sine ulla culpa in animum inducti, malum illud non magis voluntarium fuisset, quàm est in eo, qui illud invincibiliter ignorat.

Celladeus
non rectè
proponit o-
pinionem,
quæ impu-
gnat.

21. Hoc posito, absque prorsus est illatio illa, quòd hoc sit dicere, ignorantiam & errorem non esse peccatum, nec causam peccati. Quid vis, Celladee? Est ne hoc idem ac dicere, nullam omnino vel solam aliquam ignorantiam & errorem nec esse peccatum, nec causam peccati? Si primum, evidenter erras, quia hinc non sequitur, ignorantiam affectatam & cognitam non esse voluntariam & peccaminosam. Præterea tu ipse fateris, aliquam ignorantiam esse invincibilem, eamque nec esse peccatum, nec causam peccati. Ergò ex hoc non sequitur, nullam, sed solum aliquam ignorantiam & errorem esse peccatum vel causam peccati. At hoc nil absurdi continet, cum

Illegitima
Celladei il-
latio.

cum & per se, & per omnes id sit verissimum. Cur ergo talia objicis? cur illationem tam aperte nullam facis?

Celladeus
cenforē suū
immeritō
impugnat.

22. Sed & redargutio illius librorum censoris, qui tuam irreverentiam erga ipsum ex hoc confidenter à peccato excusabat, quod in eo putares, te Deo obsequium præstare, erat actus charitatis, qui laudandus non reprehendendus erat. Sciebat ille bonam fidem, & Zelum boni publici sæpe multa à peccato excusare, maxime quando Zelus ille inculpabilis est, & bona fides invincibilis. Talem ille tuum Zelum, & talem tuam fidem judicavit, quia talia de proximo præsumere, & omnia dubia in favorem ejus interpretari charitatis est; similemque interpretationem de aliis vicissim fieri postulat. Quid hic reprehensione dignum invenisti, Celladeus? Laudare illum propterea debueras, ac de illo honorificentius loqui; immo & priora dicta, si in aliquo excesseris, in favorem tam favorabilis judicis mitigare.

Falsum S.
Thomæ as-
serit.

23. At, inquires, In suo principio erravit, malamque illationem intulit, proptereaque erroris hujus redarguendus erat, ut suum errorem agnosceret. Verum in quo principio erravit? an in eo, quod per bonam fidem, & Zelum honoris Dei te excusatum fuisse asseruerit? Ita videris dicere, quia aliud per umbram non objectas; recteque te hoc objicere ex eo probas, quod S. Thomas hoc ipso principio sæpius usus sit ad oppositum inferendum. Sed hac in re aperte falleris. Numquam S. Thomas adeo desipuit, ut ex eo probaret opus esse malum, quia sit ex bona fide; cum enim fides bona ad omne opus bonum requiratur, atque in illud influat, non magis ex hoc inferri potest, opus non esse bonum, quam inferri possit lignum non comburi, quia est calidum. Id quod S. Thomas docuit, & quod omnes cum illo dicimus, est, hanc bonam fidem non semper influere bonitatem in actum, quia bonitas actus aliunde impeditur; nempe à culpa, ratione cujus fides illa est culpabilis & vincibilis, ut erat in persequentibus Christum & Apostolos. Hoc non aliud docet S. Thomas. At hoc non est oppositum inferre ex illo principio, ut patet. Jam Cenfor ille, ex charitate, atque ex opinione magna de tua probitate, præsumpsit Zelum tuum fuisse inculpabilem, & fidem bonam invincibilem, in quo laudandus est, debesque ideo illi gratus existere. Hoc autem posito, S. Thomas, non minus quam ille, si in eisdem circumstantiis extitisset, ex eo te excusasset, quod bona fide te obsequium Deo præstare putares.

Major Ca-
tholicorum
damnatorū
pars non pe-
rit ob pec-
cata ignorā-
tiam.

24. Quod additur de numero prædestinatorum, est valde incertum, & quamvis admittatur, nil facit ad rem. Nemo enim negat peccata ignorantia esse etiam frequentia. Unde si homo de illis non doleat cum emendationis proposito, ab illis absolvi nequit. Esto ergo multi ex hoc capite damnentur; sed quod major Catholicorum damnatorum pars ex eo pereat, videtur incredibile; quia, ut tu fateris, maxima pars sine Sacramentis non decedit. Plerique illorum non mediocrem diligentiam in conscientia exponenda & examinanda ponunt, maxime cum à Confessariis juvantur. Hi autem in genere de occultis etiam & ignoratis peccatis se accusant, atque ex universali motivo omnia detestantur. Unde dicere, majorem illorum partem damnari propter defectum confessionis, aut propter peccata ignorantia, gratis & sine fundamento, immo contra ratio-

nem asseritur. Ergo aliunde multitudo pereuntium sumenda est. Multi in peccatis vivunt & moriuntur. Quot in mari, quot in bello, quot ex improvviso sine ullo spiritali adiutorio vitæ excedunt? Quot in continuis quodammodo peccatis & relapsibus vitam transigunt? Frequentissime verum est, eorum dolorem non esse sufficientem. Qui in morte solum poenitentiam agunt, eorum poenitentia ex mente omnium cum August. in cap. si quis dist. 7. de poenit. est valde dubia, cum peccata illos deferant, non illi peccata. Multi etiam habituati in malo post absolutionem legitimum iterum peccant, & pereunt. Ex his causis ingens multitudo perit, nec opus est ad causas illas occultas ac dubias à Celladeo propositas confugere; quia sine illis reliquæ causæ plus quam abunde sufficiunt, ad magnam illam pereuntium multitudinem inferendam.

SOLVUNTUR OBJECTIONES

reliquæ.

25. **O**BJICIT tertiò. Error erat Pelagianorum, ignorantiam semper excusare à peccato, nec sine conscientia peccati peccari posse. Errorem hunc latè obruit S. Hieronymus innumeris textibus S. Scripturæ, qui videri possunt in Dialogis ipsius contra Pelagianos. Hieronymo Celladeus adjungit SS. Bernardum, Thomam, Chrysostomum, Augustinum & alios, qui omnes ex Sacre Scripturæ textibus probant, ignorantem & nescientem peccari, & peccata ignorantia impunitari peccantibus. Hoc omne fuscè prosequitur tota quæst. 4. quibus addit primò cap. ex tuarum de fortitugiu, in quo, Gregorius IX. inquit, hæc habet. *Ex tuarum senore litterarum accepimus, quod V. Presbiter cum quodam infami ad privatum locum accessit, non ex intentione, ut vocaret demonium, sed ut inspectione astrolabii furtum cujusdam Ecclesie posset recuperari. Verum licet hoc ex bono Zelo, & simplicitate se fecisse proponat, id tamen gravissimum fuit, & non modicam inde maculam peccati contraxit, &c. Mandamus, quatenus talem ei pro expiatione illius delicti poenitentiam imponas, quod per annum & amplius, si tibi visum fuerit, eum ab altari Ministerio præcipias abstinere.* Mox de suo hæc subiungit. *Ha sunt tua ignorantia invincibiles: poenitentem aut, bono Zelo feci, nihil adverti; tu innoxium, & culpa immunem pronuncias: contra verò Romanum Pontifex; contra Sancti Patres & Scripturæ: quid ergo resistitur.*

Error & bo-
na fides non
semper ex-
cusat.

Addit secundò S. Theresiam lib. 7. Mansionum cap. 4. supponere, magnas animas, quæ in eam mansionem pervenire, advertenter & scienter nullum grave peccatum admittere, ignoranter tamen & inadvertenter incutere posse.

Addit tertiò, in oratione habita in Concilio Basil. contra necessitatem communionis sub utraque specie hæc haberi. *Nullus excusatur per ignorantiam alicujus, quod scire de necessitate tenetur, &c. ignorans ignorabitur. Et sequeretur, quod eadem de causa pagani & infideles essent salvandi. Patet quia ignorant, baptismum esse de necessitate salutis, &c. Item omnes persequentis & occidentes Christianos propter nomen Christi, putantes se obsequium præstare Deo, essent immunes à peccato; quia propter ignorantiam putant se bene agere, de quorum numero fuit Paulus, &c. quibus aliqua alia similia subduntur. Ita Celladeus quæst. 4. §. 2. 3. & 4. ex quibus videtur rectè inferri, quod §. 2. dixerat, incongruè ipsi ab aliquibus objici tamquam absurdum, quod*

quod ex ipsius sententia sequatur, Sanctorum aliquem incurrisse peccatum ignorantiae. Hoc enim absurdum non est, cum nemo Sanctorum non dicat. *Delicta qui intelligit? Ab occultis meis munda me*, & similia. Præterea multi putant, vel ex S. Aug. timent, S. Cyprianum ex ignorantia peccasse, in illa nimia sua reprehensione S. Stephani Papæ.

Multis viis ex ignorantia peccatur.

26. Respondeo omnia, quæ Patres ex Sacris litteris contra Pelagianos obijciunt, esse verissima, sed ad præsentem quaestionem nil facere. Hoc ut clariùs appareat, nolo sub una notione confusè proponere, quæ de ignorantiae peccatis dicenda sunt; sed ea, ut oportet, in varias classes reducere conabor. Inprimis qui operantur in dubio peccant ex ignorantia, maximè si ita dispositi sint, ut si veritatem scivissent, aliter operati fuissent. Sic dubius an in feram vel hominem sagittam emittat, ignoranter homicidium committere potest, quia si scivisset, se hominem occisurum, sagittam non fuisset ejaculatus. Et hic casus esse potest multiplex: primò si dubius sit de homicidio; secundò si judicet feram in vepribus latere, non hominem, ideoque arbitretur, se opus bonum facere, & animal reipublicæ valde noxium, non hominem interimere; modò ad eam certitudinem non pertingat, quæ requiritur, ut sagittam licitè emittat. In his enim casibus haud dubiè peccat, quamvis ignoranter hominem occidat. Verùm talis homo dubius non est de inhonestate suæ operationis, sed eam benè discernit. Tertiò si non sciat se malè operari in tali casu, sed de eo dubitet. Ecce quot viis homicidium ignoranter committi potest, quamvis operans non habeat ignorantiam, sed scientiam vel opinionem aut dubium de inhonestate suæ actionis, & in omnium sententia indubitanter peccet.

Secundus modus peccandi ex ignorantia.

27. Secundò multa dicuntur fieri ex ignorantia quoties clara & specialis rei malitia ignoratur, aut creditur abesse, quamvis adsit generalis notio mali latentis in opere. Sic illi, qui per pravam doctrinam & consuetudinem eò cæcitate venerunt (si tamen eò venerint) ut existimaverint, homicidium aut adulterium non esse malum & peccatum, ideoque ignoraverint & errarint circa specificam talis actionis turpitudinem, non tamen ignorabant actionem illam simpliciter esse malam, cum non possent non advertere, illam esse contrariam synderisi dicenti, *quod tibi non vis fieri, alteri ne feceris*, quod principium adeo evidens est & generale, ut à nullius mente obliterari possit.

Tertius modus peccandi ex ignorantia.

28. Tertiò apud Ethnicos, immò apud sapientiores eorum, etiam apud Philosophos nonnullos, quædam in se turpissima dicuntur permixta fuisse; ut vagus concubitus: aut, quod plus est, habebantur homine liberali digna, ut puerorum amores, qui liberis tantùm non servis permittentur per eorum leges. De his enim aliisque ejusmodi existimo, eos solùm locutos fuisse de bonitate, quæ civile reipublicæ bonum respiceret, si talia opera permitterentur; ideoque errores illos tam tetros: non de alio licito & illicito, quàm de permisso & non permisso per leges reipublicæ congruentes & proficuas, intelligendos esse; quia de hoc solo genere honesti, externi & plausibiles, & ab eorum legislatoribus præscripti, rationem habebant homines illi. Jam errores isti non auferunt à mente omnem notitiam, etiam confusam, de turpitudine talium operationum in ordine ad naturam rationalem,

M. P. A. Terilli, Regula morum. PARS II.

quæ talis est, ideoque illis non obstantibus satis advertebant, tales actiones impedire bonitatem, qua homo redditur bonus in se, & in ordine ad futuram vitam, quamvis in ordine ad rempublicam legibus determinatis stabilitam tales operationes essent permixtæ, & haberentur bonæ ac laudabiles. Ratio cur ita existimem est, quia Philosophi qui de honesto & inhonesto secundùm se, & in ordine ad naturam rationalem, quæ rationalis, est tractarunt, in nullos ejusmodi errores inciderunt, sed omnia talia, ut intoleranda rejecerunt. Jam qui ex istiusmodi errore operati sunt, redargui quidem non poterant à civili illo magistratu, sed tamen intus in corde rei erant coram Deo, quia ad turpitudinem magis latentem satis advertebant.

29. Quarid, ignorantia & error potest esse omnino absolutus, per quem omnis prorsus suspicio de malitia objecti remouetur, immò illud absolutè creditur bonum, absque eò quod malum actionis ponentis illud, ullatenus hic & nunc cognoscatur. Talis ignorantia aliquando est invincibilis, quando scilicet aut non potuit, aut non debuit vitari; & tunc nullus nec de præsentis, nec de præterito, nec proximè nec remotè apparuit timor turpitudinis in tali opere; aut si apparuit, post debitam diligentiam adhibitam opus rationabiliter & irreprehensibiliter creditur honestum. Aliquando talis error est vincibilis, eò quod potuerit ac debuerit vitari. Talis ignorantia incurritur, quando ab initio advertens ad periculum mali, illud levibus de causis & temerè ex passione aliqua contemnit, & sine debita veritatis indigatione, aut mali apparentis, tandem obliviscitur, aut absolutè credit illud esse bonum. Prior error citra cujusvis legis obligationem contrahitur, secundus non sine transgressione incurritur.

Quartus modus peccandi ex ignorantia.

30. Quintò, qui errore proximè explicato deceptus aliquid bona fide & ex bono zelo facit, dupliciter peccare potest; primò ratione operis positi; secundò ratione modi, quo opus ponitur. Peccat ratione operis, qui vincibiliter errat, quia cum positio operis oriatur ab errore, quem culpabiliter contraxit, opus ipsum illi tribuitur ad culpam, & verè denominatur peccatum à negligentia, per quam error contractus fuit. Hoc modo non peccat, qui invincibiliter errat, quia non est unde opus aut error ipsi imputetur ad culpam. Peccat ratione modi, quando tam opus creditur bonum, quàm ipsius etiam positio existimatur congrua & necessaria; homo tamen non movetur ad opus illud ponendum ex hoc præcisè motivo; sed vel ex invidia, aut ex aversione & odio, vel etiam ex nimio & indiscreto impetu. Uno verbo defectus isti possunt esse prorsus iidem in casu erroris, ac quando non erratur circa rem & meritum rei. Ergò sicut ex istis aliisque ejusmodi capitibus homines aliquando peccant, etsi ponant, & sciant se bonum opus ponere, eò quod indebitè, & modo non bene regulato illud ponant, ita pariter eadem ratione peccare possunt, qui ex errore operantur. Hic modus malè operandi ex æquo convenit illi, qui ex invincibili, & qui ex vincibili errore dirigitur. Sic tam errantes quàm non errantes aliquando peccant ob zelum nitium, aut passionem alias, quæ quandoque magis quandoque minùs se produunt; & hac ratione multi peccant, qui Christianos & Catholicos persequuntur, sicut etiam Catholici peccare possunt, dum hæreticos insectantur. Hoc posito.

Quintus modus peccandi ex ignorantia.

T

31. Ut

Quid Celladeus fecerit debuisse, ut suam sententiam rite probaret?

31. Ut argumentum, ab auctoritate PP. & S. Scripturæ desumptum, valeret ad intentum præfens, debuisse Celladeum casum ponere de ignorantia & errore vincibili, & de operatione per illum directâ, in quam nullus ex prædictis defectibus, nec alius ullus (nam ego omnes non numeravi) præter meram vincibilitatem cadit; adeo ut in hoc instanti operationis homo non solum putet se bene operari, sed non advertat aut dubitet quod teneatur abstinere donec informationem meliorem accipiat, &c. ita tamen ut propter præcedentem negligentiam culpabilem, cum advertentia contractam, præfens error sit vincibilis, & imputabilis propter culpam à qua processit. Hoc strictè declarato & stabilito, debebat, ut nos facimus, duo querere. Primum, an operatio à tali errore regulata sit peccatum, & verè imputetur homini ad culpam & pœnam. Secundum, an sit imputabile ad peculiarem culpam & pœnam, distinctam à culpa & pœna, quæ erroris vincibilitati debetur. Nos primum admittimus, & dicimus, illud efficaciter probari ex multis textibus Sacræ Scripturæ. At quod secundum ex illis textibus interatur, unde, quæso, vel per umbram probatur? Cogitet hæc Celladeus, & si velit suam sententiam ex Sacris Scripturis Sanctisque PP. probare, proponat illam exactè, prout discriminatur ab opinione contraria. & probet illam, si possit. Ostendere enim debet primò, quod textus Scripturæ, & argumentatio Patrum procedat juxta præcisum hunc sensum, & nihil involvat reprehensibile ex ullo alio capite. Deinde si constiterit, PP. in aliquo saltem casu ad hunc se sensum restrinxisse, ostendere debet, eos loquutos esse de peculiari malitia morali, & de pœna peculiari propria talis operationis secundum se, distincta penitus à malitia negligentie, per quam error contractus fuit. Sed cum hoc factu impossibile inveniatur, discat absurdum esse existimare, quod communis Theologorum sententia tam notoriis fidei principiis, tamque communibus Scripturæ ac PP. dictis contrariatur.

Presbyter ille non ex mera ignorantia, sed ex malitia peccasse videtur.

32. Caput, quod ex Decretalibus citat, non à Gregorio IX. sed ab Alexandro III. dictatum fuit; Gregorius enim fuit solum Collector Canonum, quos pro legibus fixis haberi voluit, inter quos nonnullos à se etiam conditos proposuit. Cæterum vix existimo Celladeum credere, Presbyterum illum ex rigoroſa omnis peccati ignorantia operatum fuisse; sic enim eum conscientia non momordisset, nec pro absolutione institisset. Profectò peccatum superstitionis nimis clarè se prodit in tali actu; quod proinde à viro non vulgari, sed à Presbytero ignorari non potuit. Nec obstat quod bono Zelo fecerit, quia mala non sunt facienda, ut eveniant bona. Nec refert, quod proposuerit se id fecisse ex simplicitate, quia hoc solum indicat, eum non tantum malum apprehendisse, quantum alii apprehendebant; nec probat, eum non habuisse advertentiam sufficientem ad peccatum malitiæ, & non solum ignorantie incurrendum. Non enim dubium mihi est quin peccatum malitiæ intervenierit, nec oppositum probabiliter ostendi potest, & hæc de causa Pontifex eum tam severè damnat. Sed esto, omne peccatum malitiæ abfuerit in illo casu. Adhuc dicendum est, ignorantiam fuisse vincibilem, alioquin nullo modo peccasset. At negligentia, per quam talis ignorantia incurritur, est peccatum gravissimum ut patet; ideoque factum illud Presbyteri erat peccatum gra-

vissimum, quamvis macula illius peccati præcesserat, antequam ad hunc actum contraheretur, illumque denominaret malum & peccaminosum.

33. Cæterum absque prorsus est illa Celladei illatio & redargutio. *Ha sunt tua ignorantia invincibilis.* Peto enim ut vel unum afferat, qui dicat, aut Presbyterum hunc, aut eos, quos textus Sacræ Scripturæ & Sancti Patres peccati redarguunt, invincibili ignorantia laborasse. Quod si in peculiari casu dicamus aliquem invincibiliter ignorare & excusari, casus ille longè alius est ab illis, in quibus Sacra Scriptura, Pontifices, & SS. Patres homines peccati damnant. Itaque dicere quod illis contradicamus, vel resistamus, est loqui de subjecto, ut aiunt, non supponente.

34. Quod tradit S. Theresia multis modis potest verificari; primò si nomine inadvertentiæ & ignorantie, intelligat claram & perspicuam notionem peccati latentis in opere. Talia enim homines, de quibus loquitur, non solent committere. Quo non obstante, aliquando, quamvis rarè, contingit eos in lapsum ruere, quando mali advertentia non est tam clara, sed sufficiens tamen ad malitiam æfundendam. Secundò intelligi potest de peccato ex plena deliberatione & consideratione facto. Qui enim talia non faciunt, aliquando ex subreptione labuntur. Et hi quidem aliquo modo dicuntur ex ignorantia & inadvertentiâ labi. Tertiò demum, si velis eam in omni rigore loqui de peccato perfectæ ignorantie & inadvertentiæ, in eo etiam casu quod dicit aliquando, quamvis rarè, contingit. Fieri enim poterit, ut talis homo aliquo ex modis proximè dictis, aut etiam cum clariore cognitione negligat scire quod tenebatur; postea autem obliviscatur hujus peccati advertentem commissi, neque illud sufficenter retractet, perseveret tamen in aliis suis bonis habitibus peccatumque apparens vitet. Hic homo ex ignorantia peccare poterit, quia opus ignoranter commissum potest illi imputari tamquam peccatum ob culpabilem mali latentis ignorantiam.

Quomodo homines magnæ virtutis labuntur in peccatum?

35. Quæ ex oratione habita in Concilio Basiliensi afferuntur, procedunt de ignorantia vincibili, aut certè de ignorantia eorum, quorum scientia est necessaria necessitate mediæ. Prima ignorantia non excusat à peccato; secunda, etiamsi sit invincibilis, à damno incurrendo non liberat. Itaque ex ibi dictis nil inferri potest, cui jam sufficienter responsum non sit.

Oratio in Concilio Basiliensi non favet Celladeo.

36. Nec bene avertit Celladeus ictum eorum, qui objiciunt, sequi ex illius sententia, Sanctiorum aliquem incurrisse peccatum ignorantie; imprimis exemplum S. Cypriani non est ad rem, si enim peccavit (de quo S. Augustinus nil definire audeat, sed potius ad eum excusandum inclinat) peccatum illius non videtur fuisse mere ignorantie, cum ex historia rei gestæ appareat, non exiguum rerum advertentiam intervenisse. Itaque ictum certum, per exemplum ex omni parte incertum haud declinat. Præterea non objicimus, unum aliquem sanctum, sed innumeros, immo ex doctioribus omnes fere graviter peccasse idque in eo, in quo censentur laude digni, & benè de Ecclesia meriti. Et sanè hoc admittere habetur ut notorium & non ferendum absurdum in hac ipsa oratione, quam hic contra nos citat. Demum objicimus SS. illos in malo statu diu vixisse, immo & in eodem mortuos esse; quæ sunt absurda non toleranda, sed in illius sententia prorsus inevitabilia.

Celladeus omnes Doctores, etiam Sanctissimos, peccati condemnat.

Sancti me-
ritò petunt
veniam de-
lictorum oc-
cultorum.

37. Sancti quidem omnes rectè dicunt. *Delicta quæ intelligit?* & quotidie orant, *ab oculis meis munda me*: idque multas ob causas. Inprimis post opera patrata non benè recordantur omnium, quæ in instanti operationis & antea gesta fuerunt; unde aliquando concludunt se benè vel malè fecisse, quando Deus oppositum novit. Sæpe errant in iudicio de qualitate operis; unde rectè dicunt, *Delicta quæ intelligit?* & benè respondent, solum Deum hæc perfectè nosse & intelligere. Secundò non rarò obliviscuntur actionum factarum, quarum aliquæ malè fuerunt; & quidem si loquamur de tota vita, multorum etiam gravium peccatorum oblivisci possunt. Nonne ergò rectè dicunt, *ab oculis meis munda*

me? sed & eandem orationem rectè applicant peccatis patæ ignorantie, quæ à priori negligentia orta sunt; illa enim sæpe sunt occulta, & tamen à Deo illis imputantur, de quibus proinde venia à Deo petenda est. Ceterùm respectu sanctorum, hæc peccata occulta, quæ tempore vitæ melioris contrahunt, rarò sunt mortalia; frequenter venialia.

38. Demum adverte, quod antè insinuarum fuit, omnia quæ hæc objecta sunt de peccatis ignorantie & erroris nil facere ad præsentem questionem, quæ in eo præcisè vertitur, utrum opinio certò probabilis, si sit falsa, sit peccatum erroris nec ne? Ad hoc autem probandum argumenta allata non deserviunt.

Objectiones
ad int. ntum
principale
non deserv-
vunt.

QUÆSTIO SEXAGESIMA- TERTIA.

*Virum peccare possit homo, quin se peccare
advertat?*

QUÆSTIO hæc est valdè affinis præcedenti. De ea Celladeus fusè agit lib. 1. quæst. 5. & in ea plurimum triumphat. Eandem ego disputationi subijciam, ut veritas sciatur, & Celladei triumphus inanis ostendatur.

ASSERTIO PRIMA.

Ad omne peccatum, etiam ad peccatum ignorantia & ex ignorantia, præcedere debet aliqua demum cognitio, & actualis cogitatio malitia vel in se, vel in alio; vel in particulari vel in generali.

Aliqua mali
advertentia
ad omne
peccatum
requiritur.

2. **P**ROBATUR assertio, in qua omnes omnino Theologi, Celladeo etiam id expressè fatente, conveniunt. Ratio convincens est, quia quando malitia non est voluntaria non datur peccatum. Sed malitia omnino incognita (qualis est malitia, de qua nulla umquam habita fuit cognitio, scrupulus, aut dubium nec in se nec in alio, nec in particulari nec in universali) non est voluntaria, quia omne voluntarium est præcognitum. Ergò quando malitia est omnino incognita, nullum est peccatum. Ergò aliqua demum cognitio & apprehensio malitiæ omnino prærequiritur ad peccatum.

ASSERTIO II.

Qui legem, cujus actualiter conscius est, ex vehementi passione violat, & liberè prosequitur opus inchoatum, toto tempore peccat imputabiliter, quamvis singulis instantibus libertatis actu non advertat se peccare.

3. **P**ROBATUR. Toto illo tempore homo liberè ponit actionem, quam antequam illam inciperet sciebat esse prohibitam. Ergò & actio & ejus continuatio culpabilis est, cum utraque liberè ponatur contra legem, quam operans, immediate antequam operaretur, sciebat vetare utramque. Præterea continuatio actionis malæ in hoc casu est connaturalis, & quidem implicite saltem prævisus effectus legis scienter contemnit. Ergò est culpabilis, & vitio vertitur, sicut ejusdem inchoatio; series enim malorum ex primo aliquo malo contexta, tribuitur illi, qui scienter primum posuit, ex quo novit reliqua contexta aut connaturaliter, aut etiam ex non interrupta illius libertate sequutura. Tertio subsequens incogitantia aut inconsideratio legis in hoc casu est culpabilis, quia proximè potuit ac debuit vitari; homo enim qui non solum habitualiter novit legem, sed actualiter ad eam reflectebat in initio actionis, ut illius & poterat & debebat ab omni illa sequela operationis malæ abstinere. Similiter poterat & debebat media apponere, quibus & ab actione, & ab ejus prosecutione arceretur; horum unum erat advertentia ad legem, & ad offensam Dei. Ergò aliquo modo poterat & debebat ad legem advertere, sicut etiam poterat & debebat actionem inchoatam abrumpere. At nemo excusatur per id, quod proximè poterat & debebat vitare. Ergò homo ille per dictam inconsiderationem non excusatur.

Libera pro-
secutio ope-
rismali
scienter in-
choati est
imputabilis,
et si operans
non actu re-
flectat ad le-
gem.

Probatur
multiplici-
ter.

de Verit. quæst. 15. art. 4. ad 10. Henricum quodlibet 6. quæst. 32. Gersonem 2. p. in Compend. Theol. Alph. 30. lit. D. Sylvestrum V. delectatio. quæst. 1. dist. 4. Cordubam in quæstionar. lib. 1. quæst. 23. dub. 10. quibus addit Suarium de Censur. disp. 4. sect. 3. num. 18. Valquez eandem sententiam latè probat 1. 2. disp. 107. cap. 3. ubi hæc habet. Hanc sententiam disertis verbis, quæ non est opus referre, tradiderunt Alexander 2. part. quæst. 108. Membro 7. & 11. Bonav. in 2. dist. 24. super secundam partem textus, & 2. part. distinct. art. 2. quæst. 2. Albertum eadem dist. art. 13. Henricum quodlibet 6. quæst. 32. Immo etiam Gerson (qui pro opposita sententia alio loco allegatus est) idem docuit Alph. 30. ab initio præsertim, lit. D. Anton. 2. part. tit. 5. cap. 1. §. 5. qui etiam refert Petrum de Tarantasia. Angelum V. cogitatio. num. 2. Sylvester verbo delectatio quæst. 1. part. 4. Caietanum 2. 2. quæst. 88. art. 1. & in summa, verbo Delectatio, & Armilla ibidem nu. 1. Hæcenus Valquez, qui ibidem pro eadem sententia citat Conradum in art. 4. quæst. 74. Almainum, Angelum, Nider, Petrum à Soto, & Cordubam; quibus consentire ait Paludanum in 4. dist. 12. quæst. 6. art. 2. num. 5. Gabrielem in 2. dist. 42. quæst. 1. art. 3. dub. 3. Demum eandem sententiam tribuit S. Thomæ quæst. 15. de verit. art. 4. ad 10.

Ex S. Thomæ.

7. Et quidem quod ad S. Thomam attinet, ille quæst. 15. de verit. art. 4. ad 10. hæc habet. Antequam ratio delectationem perpendat, vel nomen ipsum, non habet interpretativum consensum, etiam si non resistat: sed quando jam perpendit ratio de delectationis insurgente & de nocumento consequente, utpote cum percipit homo, se totaliter per huiusmodi delectationem in peccatum inclinari, & in præceptum tueri, nisi expressè resistat, videtur consentire. Hunc textum Sylvester ponderat, & in eodem sensu loquitur, loco à Sanchez citato. Idemque expressè traditur ab Angelo, loco quem Valquez citavit.

8. S. Antoninus parte 2. tit. 5. cap. 1. §. 5. loquens de delectatione morosa, docet qualiter sit & non sit peccatum, & in fine hæc habet. Complacentiam surgentem in sensualitate circa luxuriam, vel aliud quod est mortale ex genere suo, aut ratio superior ex consideratione divini præcepti vel offense Dei statim reprimat, & tunc non est nisi veniale. Aut non statim reprimat: & tunc aut expressè consensit, & sic est mortale, &c. Aut non expressè, sed negligit reprimere. Aut ergo manet talis complacentia post sufficientem deliberationem & animadversionem periculi, & tunc est mortale. Aut non manet, & sic est veniale.

Ex Henrico.

9. Henricus, loco quem Sanchez & Valquez citant, loquens de consensu in delectationem, ex August. docet, illum esse peccatum mortale, & hæc habet. Debet ista consensio, in qua consistit peccatum mortale, quod meretur damnationem, talis esse, quod sit deliberativa, non subreptitia. Tunc autem est deliberativa, quando postquam ratio percipit delectationem, & advertit iudicando eam esse illicitam, adhuc voluntas se tenet in ea, & non cohibet eam, &c. In tali ergo consensione deliberativa consistit primum peccatum mortale. Et quicquid præcedit in actu voluntatis, aut appetitus sensibilis, aut carnis, aut non est peccatum, aut solummodo peccatum veniale est. Ita Henricus, nec dubium quin requirat expressam advertentiam ad rationem illiciti, quamvis, ut postea se explicat, non sit necesse quod rationis iudicium præcedat, sed sufficit, si debuerit præcessisse; quia, inquit, planè consentire continget in delectationem, vel verè, vel

R. P. A. Terilli, Regula Morum, PARS. II.

interpretativè. Verè, quando verè præcessit iudicium rationis. Interpretativè, quando interpretativè præcessit iudicium rationis. Quod sit, quando ex delectatione voluntatis in tantum absorbetur ratio, ut non posset intendere iudicio, & negligit voluntas movere rationem ad iudicandum, & permittit transire tempus, quo posset deliberare, quod cum pertransierit, etsi non verè consentit ex liberi arbitrii electione, quæ non sit sine iudicii præcedentis discretione, consentit tamen interpretativè, hoc est regulativè, quia non tantum est contemptus mortalis ex electione delectatis, sed etiam propter delectationem negligere movere rationem ad iudicandum, ut possit eligere repellere delectationem, & refranare appetitum sensibilem. Hæc ille, quæ haud dubiè requirunt advertentiam, saltem dubitationem, aut scrupulum de malitia delectationis, cum sine illis voluntas nequeat movere intellectum ad iudicium rationis.

10. S. Bonaventura primo loco quem Valquez citat hæc habet. Tunc mora temporis (in delectatione) inducit consensum verum, quando ex disturnitate delectationis crescit libido, adeo ut homo velit omnino in victorum delectatione persistere, & morari. Tunc verò inducit consensum interpretativum, quando homo advertens periculum delectationis retentæ, negligit eam reprimere: hoc enim non est absque contemptu salutis propriæ, pro eo quod discrimini se exponit. Idque explicat exemplo eius qui serpentem iuxta se scienter permetteret, aut collocaret: sicut enim ille salutem corporis negligeret; sic qui in tali delectatione, advertens periculum, vel debens advertere, voluntariè versatur, exponit se discrimini, quando negligit repellere. Idipsum mox fusius explicat citato art. 2. quæst. 2. ubi hæc habet. Aut advertit periculum, aut non advertit. Si non advertit periculum delectationis, nec repellit eam, peccat, sed non mortaliter: gravium tamen peccat, quam si statim & vincibiliter repulisset. Aut advertit periculum, & delectationem illam non repellit, sed mentem in talibus cogitationibus revolvit finit: & tunc dicunt Magistri, quod peccat mortaliter, quia quamvis non sit ibi consensus verus, est tamen ibi consensus interpretativus. Hoc tamen quod nunc ultimum dictum est, non est usquequaque certum. Negant enim aliqui esse mortale in negligentia reprimendi, ubi est dissimulatio, quantumcumque quis periculum advertat: sed tamen securior via tenenda est, quicquid sit rei veritas. Et si cui hoc contingat, sanum est consilium, quod de ipso ut de mortali pœniteat, in dubiis enim securior via eligenda est.

Ex S. Bonaventura.

11. Idem quoque habet Gerson parte 2. in Compendio Theologia, ubi agit de delectatione: sed verba ejus non recenseo, quia sunt longiora, & sensus cum jam dictis coïncidit. Sed dubitatur, an liber ille sit legitimus Gersonis partus: Certe itaque dubitandum non est, quin reliquæ citationes Valquii quas non examinavi, sint veræ, cum has invenerim esse verissimas. Jam verò etsi S. Thomas, & reliqui, quos citavi, solum loquantur in particulari materia de delectatione morosa, nihilominus cum illa sit res spectans ad jus naturæ, & peculiarem præ aliis rebus turpitudinem ac notiozem malitiam præ se ferat, haud dubiè quod de illa traditur, à potiori de aliis dicendum erit. Itaque constans Antiquorum Theologorum, & quidem præcipuorum opinio est, quod absque aliqua actuali advertentia de malitia peccati nullum committatur peccatum mortale, non solum per consensum verum & absolutum, sed ne quidem per interpretativum, in quo discrepant ab aliquibus paucis, qui tenent, talem advertentiam actualem non esse necessariam ad con-

Suffragatur Gerson.

Sensus S. Thomæ & antiquorum Theologorum.

sensum interpretativum, sed sufficere advertentiam virtutalem & interpretativam, quam tunc intervenire aiunt, quando ratio actu non considerat objectum, in quod fertur voluntas, esse malum; potuit tamen morali potentia, & debuit illud considerare. Pro hac sententia Vasquez, & Sanchez locis jam indicatis, citant paucos aliquos ex antiquioribus Theologis, & nonnullos recentiores, sed non multos. Cæterum S. Thomas, & Theologi antiqui, quos citavi, longè plus requirunt, quàm assertio posita requirit: illi enim requirunt aut judicium rationis, aut perceptionem, & sufficientem deliberationem ac animadversionem periculi, &c. cum per nos solum requiratur dubitatio aliqua vel scrupulus; unde, assertio, eo modo ut jacet intellecta, videtur esse unanimis omnium opinio, quia sine tali scrupulo aut dubitatione, homo non habet hîc & nunc moralem potestatem deliberandi de malitia objecti, nec potest ad illam adhibendam teneri, ut patebit ex rationibus quas afferemus: quod & ipsi adversarii verè concedunt, quia talem inconsiderationem vitio non vertunt, sed illam innoxiam putant, alioquin in nostram sententiam inciderent. Unde solum loquuntur de potestate morali remota, non de proxima, quæ præsentem incogitantiam reddit illicitam. Quare existimo paucissimos, aut potius nullos esse, qui à thesi posita dissentiant. Quod si sermo sit de peccato ratione sui imputabili, nemo quod sciam, præter Celladeum, dissentit; quia si præsens inconsideratio sit effectus negligentie prioris, tunc quidem non negamus, tam ipsam inconsiderantiam, quàm opus ex illa causatum esse effectus peccati, & si velis, esse & denominari peccata; sed nullam propriam imputabilitatem habent, ut dictum est assert. 3. Itaque quod ad auctoritatem pertinet, assertio præsens haud dubiè præferenda est opinioni contrariæ, & simpliciter habenda verissima.

Ulterius explanatur mens S. Bonaventuræ.

12. Sed antequam ulterius progrediar: accurata reflexio facienda est ad illam S. Bonaventuræ supra citati particulam. *Hoc tamen non est usquequaque certum. Negant enim aliqui esse mortale in negligentia reprimendi, ubi est displicentia, quantumcumque quis periculum advertat: sed tamen securior via tenenda est, quidquid sit rei veritas. Et si cui hoc contingat, sanum est consilium, quod de ipso ut de mortali peniteat. In dubiis enim securior via eligenda est.* Hic S. Doctor loquitur de duabus opinionibus contradictoriis praxi poenitentiam deservientibus. Ipse tutiorem sequitur, eamque veram reputat, & ut ex modo loquendi apparet, eam ut longè probabiliorem & quodammodo certam habet. Sed quia non erat, usquequaque, ut ait, certa, cum aliqui docerent oppositum, ita pro praxi casum resolvit, ut *sanum sit consilium* in rebus ejusmodi securiorem partem tenere. Ergò S. Bonaventura existimavit nullam esse obligationem sectandi partem aut tutiorem aut probabiliorem, sed hoc ad consilium pertinere; ideoque cuique licitum esse sequi in praxi partem minus tutam, minusque probabilem; nec ipse tamquam Theologus aut Confessarius quemquā obligandum censebat ad conformandum se opinioni sui Confessarii, modò bona fide alicui opinioni probabili inhzreat. Porro, quia S. Bonaventura in tali re nil temerè contra communem Doctorum opinionem & fidelium praxim effutiit, rectè colligitur, communem tam fidelium praxim, quàm Auctorum sententiam fuisse, quod cuique liceret sequi quamcumque opinionem prædicè

probabilem, etiam minùs tutam, modò bona fide eam veram esse reputaret.

13. Hactenus citavi Auctores antiquos, de una particulari materia loquentes, ex qua tamen speret inferitur eandem fuisse eorum opinionem circa alias materias. Quare quamvis hoc abundè sufficiat intento nostro, ad plenioram tamen assertionis probationem legendus est S. Thomas 1. 2. quæst. 76. art. 3. incip. ubi hæc habet. *Potest contingere, quod aliquis ignoret quidem aliquam circumstantiam peccati, quam si sciret, retraheretur à peccando, sive illa circumstantia faciat ad rationem peccati, sive non, & tamen adhuc remanet ejus scientia per aliquid, per quod cognoscit illud esse actum peccati: puta, si aliquis percussit aliquem, sciat quidem ipsum esse hominem (quod sufficit ad rationem peccati) non tamen scit eum esse patrem, quod est circumstantia constituens novam speciem peccati: vel fortè nescit, quod ille se defendens repercutiat eum, quod si sciret, non percuteret: quod non pertinet ad rationem peccati, unde licet talis propter ignorantiam peccet, non tamen totaliter excusatur à peccato, quia adhuc remanet ei cognitio.* Hic S. Thomas expressè docet ignorantiam & omnimodam incogitantiam circumstantiæ transferentis ad aliam speciem, excusare à malitia quam circumstantia illa specificat, quamvis homo peccet in illo opere. In quo complectitur omnia, quæ alii hac de re docent, cum aliqui strictius loquantur, & dicant advertendum esse, an ignorans talem circumstantiam det operam rei licitæ, vel illicitæ. Si illicitæ, volunt ignorantiam non excusare, secus si operam det rei licitæ. At S. Thomas ex æquo omnes complectitur, etiam eos, qui dant operam rei illicitæ. Ex sanè dubium non est, quin hæc sit expressa ejus mens, quando ignorantia & inconsideratio aut non potuit, aut non debuit superari, quia totus scopus articuli ad hoc probandum collimar. Ergò cum in casu nostro inconsideratio malitiæ aut non potuerit, aut non debuerit superari, utique perspicuum est S. Thomam per omnia nobiscum sentire.

14. Hæc de auctoritate nobis favente dicta sunt, quæ certè non ideo tam expressè citavi, quia dubitabam de exacta fidelitate Sanchez, aut de exactissima Vasquii diligentia, maxime cum expressè dicat, Auctores, quos citat, tradere assertionem positam in terminis expressis, & ideo verba eorum non esse necessariò referenda. Quis enim tale tanti viri testimonium in dubium vocaret? sed necessitate compulsus hanc diligentiam adhibere debui, ut occurrerem periculo, quod Lector Celladei vix aliter evitare posset; ipse enim ita loquitur, ac si omnino supponeret Sanchez hallucinatum fuisse, omnesque Antiquos citra controversiam secum contra nos stare. Jam verò ipsa Antiquorum verba ante oculos legentium posita, ipsum, non Sanchez fuisse deceptum aperte convincunt.

Luculentus ex S. Tho. ma probatio.

Hallucinatur Celladeus, vindicatur Sanchez.

PROBATIO A RATIONE.

15. **P**ROBATUR secundò rationibus, quas Vasquez & Sanchez locis citatis afferunt. Illæ sic se habent. Ex doctrina S. Thomæ 1. 2. quæst. 14. art. 6. consultatio non procedit in infinitum versus finem in mediorum inquisitione; alioquin numquam inciperemus operari; nec versus principium, quia numquam inciperemus consultare: sed necesse est venire ad unam primam cogitationem naturalem, quæ non sit ex consultatione, sed sit consultationis initium. Hanc primam

Sine propria aliqua cogitatione malitiæ nõ datur principium sufficientis consultationis, adeoq; nec voluntarietatis.

primam cogitationem Aristoteles 7. *Eth. ad Eudemum*, fortunæ tribuit, eò quòd homini sine ejus industria & solitudine occurrat. Ut ergò aliquis circa operis bonitatem aut malitiam moralem consultare possit, primò occurrere debet aliqua cogitatio naturalis, in nostra potestate non existens, quæ talis consultationis principium esse possit. Neque enim in nostra potestate est hanc primam cogitationem excitare. At quando nulla cogitatio, dubitatio, aut scrupulus, de malitia operationis, aut de periculo mali in ea contenti menti occurrat, non datur sufficiens principium consultandi ac deliberandi de malitia morali talis operationis. Ergò non est in nostra potestate de illa consultare; ac proinde talis objecti malitia non est voluntaria; siquidem ablata eo modo potestate consultandi, eo modo malitia & peccatum non solum non est voluntarium, sed ne quidem spontaneum, quod teste Aristotele 2. *Eth. cap. 1.* est à principio intrinseco cognoscere singula, in quibus est actio.

Practice
consultatio-
ni non suffi-
cit cogita-
tio cōmo-
ditatis obje-
cti.

16. Dices occurrit saltem cogitatio aliqua de commoditate aut utilitate rei illius, alioquin illam amaro & eligere non possemus. At hæc cogitatio est sufficiens principium consultandi de malitia ejusdem. Ita obijciunt, qui oppositam sententiam sectantur. Sed Vasquez & Sanchez rectè respondent, talem cogitationem sufficere quidem ad deliberandum de commodo & incommodo, non autem de malitia morali, quia sunt res diversi generis, nec unum ex alio inferitur. Sic consultatio de re aliqua ut utili ad studium, non est sufficiens principium consultandi de illa re in ordine ad bellum aut aliud alterius ordinis, nisi circa quodlibet negotium diversum prima aliqua cogitatio naturalis se offerat. Ergò similiter consultatio de re aliqua ut utili ad finem temporalem, non est sufficiens principium ad consultandum de malitia morali; quia est res diversi generis. Ergò ut de illa consultare possimus, naturalis aliqua cogitatio aut dubitatio circa illam occurrere debet.

Sæpe deest
sufficiens
consectio
inter utili-
tatem rei
ejusque ma-
litiã.

17. Confirmatur responsio, quia non solum utilitas rei cognita non est sufficiens principium consultandi de malitia morali, sed neque consideratio malitiæ aut honestatis secundum jus naturale sæpe est sufficiens principium consultandi de præcepto positivo, eò quòd non sit sufficiens connexio inter illa; immo certa notitia de malo in una specie, ut de homicidio, non est sufficiens principium consultandi de malitia alterius speciei in eodem opere contenta, ut de parricidio, quod est exemplum S. Thomæ paulò antè allatum; quia si nulla de parricidio naturalis cogitatio oriatur, cognitio homicidii non est sufficiens principium consultandi de parricidio. Ergò à fortiori consultatio de utilitate rei, non est ne interpretativa quidem consideratio malitiæ.

18. Probatur 2. exemplis. Sciat quis præceptum Ecclesiæ de jejunando tali die. Contingat hunc hominem nil prorsus cogitare aut de præcepto, aut de die illo. Ponamus autem, quod in hac dispositione materialiter faciat contra præceptum edendo quod est vetitum. Hic homo poterit consultare de utilitate ciborum illorum, immo & secundum regulas temperantiæ naturalis modum & quantitatem eorum præscribere. Nemo tamen cum peccati mortalis aut venialis condemnabit, si nulla prorsus cogitatio præcepti ipsi occurrat. Ex priori enim illa cogitatione non poterat consultare de præcepto Ecclesiæ. Plurima istiusmodi exempla sunt obvia, maxime in

materiis jure tantum positivo prohibitis, quia cum ex natura rei nulla sit connexio inter rem & præceptum; cogitatio de re non sufficit ut cogitare possimus de præcepto, nisi naturalis aliqua cogitatio de præcepto aliunde se prodit. At in rebus per se malis, aliter se res habet; quia etiam illi, qui talibus peccatis addicti sunt, statim ac occasio operis illius se prodit, aliquam de illius malitia apprehensionem habent, quamvis eam facile contemnant, & in peccata ex habitu ruant. Ratio est, quia cum res sit mala secundum se, eo ipso, quod cognoscitur, malum ejus se prodit, & sufficit ut de illius malitia consultare possimus. Quod si in aliquo casu raro contingeret nullam talem cogitationem excitari, nec operantem habere sufficiens principium illam excitandi, idem de illo dicendum esset; ac in casu præcepti positivi; quia opus illud non esset ratione sui imputabile, quia malitia illius non esset voluntaria ratione sui.

19. Porro ut sciamus, an opus, ex dicta inconsideratione factum, sit peccatum imputabile ratione alterius, videndum est, an præsens inconsideratio fuerit culpabilis nec ne? Si fuerit culpabilis, non excusat; & opus ab illa factum imputatur, sicut causa, à qua oritur. At si non fuerit culpabilis, ut frequentissime non est, nullum prorsus erit peccatum in opere, sed censendum est illud ex naturali ac invincibili oblivione, vel inconsideratione esse factum.

Quomodo
dignoscenda
sunt in o-
pus, incon-
sideratè fa-
ctum, sit
peccatum?

20. Probatur 3. Superat humanam diligentiam expellere ignorantiam vel inadvertentiam malitiæ objecti, cujus nulla prorsus incidit cogitatio; usus enim libertatis circa rem aliquam nititur cognitione aliqua illius rei, tamquam radice, cum voluntas ferri nequeat in incognitum. Ergò si nulla prorsus sit suspicio talis malitiæ, necesse est eam esse hic & nunc incognitam, & consequenter non voluntariam, adeoque ratione sui omnino inimputabilem.

Conclusio
firmatur
multiplici
ratione.

21. Probatur 4. Suavitas divinæ legis idipsum persuadet, præsertim in peccatis mortalibus; quæ cum tanti nocimenti sint, non est credibile Deum legem statuisse, ut ille sit tanti criminis reus, qui nullum de malitia rei dubium aut scrupulum concipit, sed circa illam se habet sicut naturaliter operans. Hæc sunt rationes, quas Vasquez & Sanchez afferunt, quibus addo ego sequentes.

22. Probatur 5. Incogitantia prohibitionis de usu carnis in die Veneris in homine bonæ viæ, qui tale præceptum diligenter observare solet, & libentissime observaret etiam nunc si vel per umbram de illo cogitaret, non est peccatum, nec vitio verti potest. Non est peccatum in se hic & nunc, quia cum nullo modo sit cognita, non est voluntaria in se. Rursus homo ejusmodi non peccat per hoc, quòd talis incogitantia illi obrepat, quia nullam occasionem incurrendi illam dedit, quam vitare tenebatur, quamque ponendo peccavit. Quod adeo manifestum est, ut videatur rationabiliter in dubium venire non posse. Nónne misera foret hominis etiam justificati conditio, si tales incogitantie sine peccato mortali non incurrerentur? Omnes enim continuo cruciarentur, ne tali incogitantie causam darent. Deinde talis lex ex eo scitur non dari, quia dici nequit, quid expressè præcipiat. Neque enim ullus gradus diligentie determinari potest, ad quam obliget, quia tali diligentia non obstante, hæc oblivio & inconsideratio sæpe obrepat. Præterea, qualis demum est illa lex,

quam ne quidem diligentissimi aut observant, aut moraliter observare possunt? Ergo illa inconsideratio non est peccatum saltem in homine tali. Ergo esus carnis ex illa causatus non est peccatum, cum malitia talis comestitionis nec in se nec in sua causa sit voluntaria & imputabilis.

23. Hinc autem sequitur, quod eadem certitudine ac probabilitate concludere possimus, hominem, omni actuali consideratione malitiae carentem, non peccare ponendo opus prohibitum, qua cognoscimus illum non peccasse illam inconsiderationem incurrando. At respectu proborum, & eorum qui vitæ novæ seriò incumbunt, aut semper aut plerumque præsumendum est hanc inconsiderationem non esse voluntariam & imputabilem. Ergo per illam omnes ejusmodi præsumuntur excusari. Quod si homo sit valde incurius sui, & ex negligentia culpabili tales inconsiderationes & obliviones incurrat, tunc de illo aliter ratiocinandum est. Ille enim præsumitur peccare in tali esu, quamvis fortasse non peccet; si enim contingat illam oblivionem esse prorsus naturalem, nullius peccati reus erit, ut patet. At si ex peccatis illius non retractatis, ut ob notoriam illius negligentiam præsumitur, originem sumat, culpæ vertitur, & consequenter esus etiam ipse imputabitur ad culpam; at nullam ratione sui imputabilitatem habebit, sed eam solum quam culpabilis ignorantia ipsi tribuit. Ratio autem est, quia esus præsens, omnisque præsens dispositio intellectus & voluntatis circa esum est planè similis in eo qui culpabiliter, & in eo qui inculpabiliter ignorantiam contrahit. Ergo impossibile est, quod unus ex illis sit culpabilis præcisè propter tale opus, & alter sit innocens. Ergo neuter ratione illius turpiter agit. Ergo si unus male agat, tota malitia aliunde desumenda est, nempe à culpa, per quam tam oblivio, quam opus ipsum inductum fuit.

24. Probatur 6. In casu omnimodæ incogitantiae de lege carniū esum vetante, homo illas bona fide edens, hic & nunc nullam legem transgreditur. Ergo hic & nunc non peccat. Consequentia tenet. Probatur antecedens. Nulla lex hic & nunc illi magis applicatur, quam si nulla ejusmodi lex existeret. Ergo nulla lex hic & nunc illum obligat, cum lex non applicata obligare nequeat. Legis enim est dirigere operantem, idque per modum imperii à superiore profecti, cui obtemperandum est. At nisi voluntas & imperium superioris applicetur, & aliquo modo apprehendatur, neminem dirigere potest, cum legis directio non sit physicus influxus huc illuc impellens, sed moralis & rationalis manu ductio, quæ sine aliqua legis cognitione haberi non potest. Hinc constat legem non edendi carnes non applicari huic homini; ideoque hominem illum hic & nunc illam non violare. Sed neque ulla alia lex illi applicatur, per cuius directionem tenetur diligentiam adhibere, aut abstinere donec diligentiam adhibeat, &c. quia eo ipso essemus extra casum assertionis; operans enim aliquam mali latentis suspicionem ac dubitationem haberet. Ergo stante suppositione assertionis, nulla lex hic & nunc sufficienter applicatur, per quam homo dirigi possit ac obligari circa carniū esum. Ergo talis homo carnes edens hic & nunc nullam legem actu eum obligantem ac dirigentem transgreditur. Ergo si de peccato imputabili sit sermo, nullum ejusmodi peccatum inveniri potest in hoc opere secundum se, si sumatur præcisè prout oritur à præsentis operantis disposi-

tione; cum illa secundum se sit eadem cum dispositione ejus, qui invincibiliter legem ignorat; de quo certum est apud omnes, quod lex illi non sufficienter applicetur, ut illum hic & nunc dirigere ac obligare valeat. Ergo taliter operans non aliter peccat, quam si inadvertentia fuerit vincibilis. At vincibilis non est propter præsentem dispositionem ut patet, quia si alia dispositio numquam informasset animum operantis, haud dubiè invincibiliter ignorasset legem. Ergo quod illam vincibiliter jam ignoret, à præterita negligentia desumendum est, à qua sola omnis denominatio mali ac peccati, quæ ignorantiae aut esui ipsi tribuitur, desumenda est. At hoc est quod expressè docemus. Itaque integra totius assertionis veritas sufficienter probata est.

SOLVUNTUR OBJECTIONES

Celladei.

25. **O**BJICIT primò. Sanchez lib. 1. in Decal. cap. 16. citat plures Auctores tam pro quàm contra necessitatem cogitationis actualis de malitia operis particularis, quod ponitur, ut peccatum mortale incurratur. Refert vir, aliqui doctus; multos antiquos pro necessitate cognitionis actualis de malitia particularis illius operis: verum nisi ego prorsus deliro, nil tale Doctores illi requirunt, sed id solum, quod ex concordia omnium Theologorum sententia præsumimus. Ita Cellad. *quest. 5. §. 1.*

26. Respondeo. Non deliras Celladee, turpiter tamen deciperis, quia certum est, Auctores illos antiquos in terminis docere, quod à Sanchez illis tribuitur, idque tu ipse videre ac legere poteris, si ad loca ab illo citata respexisses; & ne copia Lectori desit, ego eorum verba superius ponderavi. Crede mihi, Celladee, aliud est ex opinione præconcepta de mente Auctorum dissecare, aliud ex rei veritate, & sincera illorum inspectione quid teneant cognoscere. Quod cum tibi satis notum erat, cur loca à Sanchez citata non inspexisti, ut sic debitam de re tanta sententiam proferres? Mirandum etiam est, quod cum Sanchez Vasquium citet, dicatque illum plurimos pro hac sententia citare, nulli illorum fidem dederis, sed ex violenta oppositi persuasione credideris, Auctores ab illis citatos longè alia tradere, quàm quæ à tantis viris illis tribuuntur.

27. Sed quid sibi vult tuum illud dictum Sanchez, *vir aliqui doctus, refert multos, &c.* Profectò verba sonant, æstimare te quod Sanchez in hac citatione à munere viri docti deflexerit, eò quod vel non intellexerit Auctores, quos citat, vel falsò illos citaverit, cum illi talem materiam non tractarint. At hoc viro tanto apertè seriàm locorum citatorum inspectionem imponere, debita moderatione caret. Præterea eodem jure idem crimen Vasquio inferre poteris, & ut consequenter procederes, debebas. Sed absit talia de tantis viris suspicari. Legerunt illi, quos citant, eos intellexerunt, ac proinde habendi sunt Auctores, non solum *aliqui docti*, sed in hoc ipso exacti, eruditi, ac docti: sciasque velim, Celladee, Mundum Literarium semper habiturum eorum citationes pro veracibus contra tuam exceptionem, nisi plus afferas in contrarium, quàm contrariam imaginationem tuam ut hic attulisti.

28. Quod si Antiquos illos legisses, non solum vidisses opinionem nostram apud antiquos fuisse

Qua certitudine constat inconsiderationem esse involuntariam, eadem eò stat actionem prædictam non esse peccatum.

Ubi nulla legis est applicatio, nulla legis datur transgressio seu peccatum.

Indicatur Sanchez à Celladei.

fuisse communem, sed insuper S. Bonaventura & alii te docuissent, plures ad peccatum mortale non solum advertentiam & quidem plenam de malitia & periculo rei postulasse, sed insuper tradidisse absolutum voluntatis consensum in delectationem ad culpam lethalem esse necessarium. Horum ego sententiam cum Vasquio 1. 2. diff. 108. prorsus rejicio; ex illa tamen infero, deceptum te fuisse circa opinionem Antiquorum, qui de peccatis ignorantie & inconsiderationis prorsus aliter opinati sunt, quam tu arbitraris, tuæque sententiae sua auctoritate obstant, & semper obstabunt.

29. Objicit secundò. Eò venerunt Auctores, ut dicerent, edentem carnes die prohibito non peccare, si nulla præcepti suspicio in mentem venerit. Et similia multa resolvunt. Unde inferunt, Confessarium, à pœnitente talia audientem, debere judicare illum nullius peccati mortalis reum. Ecce qua de causa *quæst. præced.* tam multi extitimus in probando ex ipsis Dei verbis oblivionem & ignorantiam posse esse peccata, vel causas peccati. Non ostendendæ eruditioni, sed salutis animarum id laboris datum est. Nam si in hoc erraretur periculum esset ingens.

30. Nec defunt, qui asserant cogitationem de malitia debore actu adesse, quando peccatur. Unde utuntur hac doctrina in illis etiam peccatis, quæ inter peccata ignorantie numeravit nemo; qualia sunt peccata ex iracundia, ut maledictiones, juramenta, &c. Quæritur enim à pœnitente, an adverterit se peccare? Si non advertit, eum à peccato immunem pronunciant.

31. Hanc doctrinam arripiunt illi, qui in usu probabilium fundant evidentiam conscientie distamina de honestate vel malitia operationis; formant enim hunc syllogismum. *Quæritur & de quo non habes cogitationem de peccato, non peccas. Sed hic & nunc non habes cogitationem de peccato in hoc. Ergo non peccas.* Ecce quam majorem non opinabilem modo, sed etiam evidentem statuunt! Et, ô Deus, ubi sunt peccata ignorantie? Ubi iracundie & furoris? Certe si hæc ita se haberent, in quo delinquebant Pelagiani, quando apud S. Hieronymum interrogabant? *Quæ est ista justitia, ut in peccato teneat erroris, cujus reatum non habet conscientia? Nescio me peccasse; & ejus rei, quam nescio, poenitentia luo? Et quid plus faciam, si sponte peccavero?* Quorsum Hieronymus interrogationem hanc ut stultam repellit, eam Sacre Scripturæ sententiis non minus fulminat, quam falsitatis convincit, si nemo sine actuali cogitatione malitiae peccat? Ita Celladeus loco citato.

Non minus mali ex falsitate sententia Celladei, quam nostra? 32. Respondeo, nil aut falsi in doctrina illa, aut mali in illa praxi contineri, si accipiat, & intelligatur, prout à nobis traditur, & exponitur in assertione. Non ergò necesse erat tantum laborem assumere ad probandum ignorantiam esse posse peccatum & causam peccati, si contra hanc doctrinam collimatum est, quia ex doctrina illa de peccatis ignorantie nil contra istam assertionem inferri potest. Laudo quidem Zelum Celladei, & fateor magnum esse periculum si in hoc erraret; sed periculum ex æquo utrimque imminet. Malum quidem esset, si nos erraremus, quia peccati reos à culpa liberaremus: sed non minus malum est, si adversarii errent, quia illi culpæ & sceleris damnarent innocentes. Præterea Celladeus solum supponit doctrinam illam communem esse falsam, cum illius falsitatem probare debuisset.

33. Qui dicunt neminem umquam peccare in

ullo instanti in quo non habet actualem cognitionem peccati, citandi erant, ut impugnarentur. Ego certè tales nullos novi, nec existimo ullos esse, qui ita crudè sentiant de omnibus, etiam de illis, qui scientes volentesque in scelera consentiunt. Quis enim eos à peccato immunes facit, eò quòd pro aliquo instanti actionis pravæ de malitia illius actu non cognent? Citentur, ut sciantur, & repudientur. Sed libet Celladeo sub eisdem terminis plura sine distinctione complecti, ut Lector nil illorum rectum putet, eò quòd perspiciat universa sub expressione contenta non posse esse honesta.

34. Cæterum non apparet, cur Celladeus eos reprehendat, qui ea doctrina in peccatis ex iracundia patris utuntur. Quid enim? Nuncne ad iudicium de qualitate facti ferendum utile est scire, an operans adverterit nec ne ad malitiam suæ operationis? Si advertit, gravius peccat, quam si non advertat. Si non advertat, non solum ea peccata sunt peccata inconsiderationis, sed nemo merito potest ea aliter vocare, cum verè fiant ex inconsideratione, modò operans taliter dispositus sit, ut si advertisset ea non commisisset. Cur ergò doctrina de peccatis inconsiderationis pro peccatis ejusmodi non est adhibenda? Rectè ergò interrogatur pœnitens, an adverterit nec ne? Nec tamen si non adverterit, statim pronuntiatur innocens; peccat enim si inadvertentia culpabilis fuerit & voluntaria; sed quia varii gradus sunt in negligentia, à qua talis incogitantia procedit, ideo fieri potest, ut talis inconsideratio grave sit peccatum in uno, veniale in alio. Prudentes autem confessarii ad hæc omnia aliaque similia advertere solent, quidquid Celladeus in contrarium dicat, qui certè contrarium solum imaginatur, cum illud scire non possit.

35. Ad ultimum dico Celladeum errare aut in formando, aut in applicando syllogismo, quem proponit. Errat in illo formando, si dicat illum adhiberi ad dirigendam operationem futuram, quia nemo tam stultus est, aut esse potest, ut eum ad talem finem adhibeat; minor enim majori conjungi nequit, quia minor expressam supponit cogitationem mali & peccati adesse, quam Major abesse supponit. Unde stante tali cogitatione nemo uti potest majori illa ad conscientiam dirigendam, sed ad alia principia recurrere debet, ut per se patet. Itaque Auctores benignæ sententiae solum utuntur illo syllogismo ad indagandum, an quis in aliquo opere peccarit, nec ne. Jam si Celladeus syllogismum ad hoc applicet, dupliciter errat in eo applicando. Primò errat, quia syllogismus ille non ponitur ut demonstratio, non tam ob defectum majoris ritè intellectæ, quam ob defectum minoris, quæ sæpe est incerta; nam etsi hic & nunc putemus nullam mali latentis suspicionem animum subijisse, de eo tamen raro certi sumus, cum talium sæpe obliviscamur. Ergò minor sæpe est incerta. Quod si minor sit certa, ut aliquando evenit, tunc syllogismus morale demonstrationem continet, ut secundo Celladei errore detecto mox constabit.

36. Errat ergò 2. quia majorem proponit in sensu universali, in quo illam non adhibemus. Si enim incogitanti culpabilis fuerit, major est falsa; est autem vera si fuerit inculpabilis; & quidem veritas illius tam patens est, ut neminem, etiam rudem, lateat. Omnes enim talem inadvertentiam ad se excusandos asserunt, & merito putant secum iniquè agi, si probent talem inadvertentiam fuisse naturalem & inculpabilem. Sed & in

Merito inquit Confessarius an Pœnitens adverterit ad operationis malitiam inter peccandum.

Hallucinetur adversarius.

Dantur peccata incogitantiæ ubi hæc culpabilis fuerit: secus ubi naturalis & inculpabilis.

in humanis nemo merito irascitur, vel alieniorem se exhibet, eo quod alter ex incogitantia malum aliquod ipsi intulerit, modò certò constiterit inadvertentiam omni culpâ caruisse. Unde hac certitudine stante, iudex iustus neminem pro tali opere puniendum censet. Hæc autem apertè probant veritatem majoris sic intellectæ esse certam & evidentem.

37. Ceterùm quamvis major, ut jacet, sit falsa si sumatur in sensu universali, veritatem tamen continet si hac ratione effertur. *Libère operans, qui nullam de operis malitia suspicionem habet, non peccat peccato per se imputabili ponendo illud.* Et quidem rationes allatæ in hac ipsa quæstione veritatem illius convincunt. Quod si dicas eas non esse absolutè demonstrativas, saltem meriti negare non potes, quod sint longè probabilissimæ & quodammodo moraliter certæ. Vide quæst. 17. de Consc. prob. num. 31. & seqq. ubi multa invenies, quibus veritas hujus propositionis validè stabilitur.

38. Ubi ergò sunt peccata ignorantiz? In quo ergò errarunt Pelagiani à SS. PP. reprehensit? Peccata erroris & ignorantiz nimis frequentia sunt, & ab illis comittuntur, qui vincibiliter ignorant & errant, ut dictum est quæst. præcedente. Pelagiani in eo errabant, quod docerent, nil ex ignorantia aut errore factum esse malum, aut ad culpam imputari debere. Quod falsum est, quia error & ignorantia vincibilis non excusat. Deinde negabant peccatum originale, adeoque volebant ignorantiam omnem & difficultatem quam ex nativitate contraximus, nobis in nullo nocere, nec esse mala, aut ulla ratione justificationi obfistere, aut operum ex ignorantia illa factorum bonitati morali obfistere. Quæ omnia sunt hæretica & errores enormes continent, ideoque à SS. PP. Sacrarum Scripturarum auctoritate efficacissimè rejici debuerunt, sicut ipsi fuerunt rejecta; eademque ex nostra etiam sententia, immo ex doctrina præsentis de peccatis ignorantiz clarè refelluntur ut patet.

39. Objicit tertio. Si vera esset doctrina assertionis, aut omnino, aut maxima ex parte peccata iræ & amoris tollerentur. Inprimis homines per iracundiam passim jurant, maledicunt, & sæpe blasphemant. At vix unus ex quinquaginta, aut verius nullus tunc actu advertit se peccare; eoque minùs id advertit, quod majori rabie abripitur. Ergò vix ullus eorum peccat. Idem dicendum de homicidiis in calore iracundiæ patrat; plerumque enim deest actualis advertentia peccati, maxime in non timentibus Deum. Pleraque autem homicidia hoc modò patrantur. Cur ergò homicidæ severissimè, etiam morte ipsa puniuntur? Sciant Judices semel hanc Theologiam, & mortè non puniant homicidas, qui in rixa alium interficiunt, quia præsumptio innocentiz stat pro homicida, cum præsumptio innoxie debeat ex iis quæ plerumque contingunt. Nec dicas eos peccasse ob iracundiam, & multo magis ob majorem iracundiam. Nam contra: quis tunc puniri deberent ob iracundiam non ob homicidium. At leges non ob negligentiam, aut iracundiam, sed ob homicidium mortem decernunt. Ergò homicidium, etiam cum non advertentia legis patratum, est peccatum. Ergò quamvis illa non advertentia, sicut passio, minuat, non tamen tollit peccatum, alioquin Judices non culpam pro culpa æstimantes, ac morte mulctantes, gravissimè peccarent. Quod si quis dixerit, hæc non esse peccata, numquam id credent Christiani,

sed semper ad forum poenitentiz sua maledicta & juramenta afferent, quia sua eos conscientia semper remordet. Rursus omnia istiusmodi ab omnibus vituperantur, & poenâ digna habentur. Ergò sunt peccata.

40. Sed quid dicemus de amore, quem Plato brevem amentiam appellat, quæmque alii dixerunt extasim facere, & extra se rapere amantem. Qui aliquam deperit, eam semper in corde & in consensu habet; mira facit, & promittit, ut eam obtineat. At hæc sunt peccata. An hi etiam semper cogitant legem, quando hæc faciunt? Etiam quando amicam amplexantur & fortissima voluptate fruuntur? Profectò hoc esset dicere, eos, quod Sanctissimorum est, continuum Dei legisque memoriam habere. At hoc absurdum est. Ergò tunc non cogitant de lege. At peccant. Peccatur ergò, quin tunc advertatur peccari. Alioquin quærant Confessarii, sicut in juramentis faciunt, an actualem peccati advertentiam tunc habuerint.

41. Similiter ex hac doctrina sequeretur, peccata ex consuetudine magna ex parte tolli; constat enim peccandi consuetudine legis memoriam aboleri, & excitationem induci. Rursus constat culpam non diminui nedum tolli ob habitum peccandi. Jobi 15. *Quanto magis abominabilis, & inutilis homo, qui bibit quasi aquam iniquitatem?* Et tamen hi in quandam legis oblivionem abierunt. Ergò non semper legem cogitant, nec conscientiz remorsus habent, sed oblituerunt.

42. Demum, superbia, quæ tot animas perdit, adeo ignotum malum est ipsis superbis, ut proverbium sit. Deum sæpe punire occultam superbiam, manifesta luxuria. Phariseus in Evangelio est egregius typus in se confidentium, qui superbiam suam, ejusque malitiam non agnoscit; si enim eam agnoscerent, non adeo confiderent, cum sua ipsos remorderet conscientia. Habemus apocal. 3. Episcopum Laodicæ, cæcum sanè miserandum: *Quia dicis, quod dives sum, & locupletatus, & nullum ego; & nescis, quia tu es miser, & miserabilis, & pauper & cæcus & nudus, &c. Collyris unge oculos tuos.* Adeo superbiam nostram non videmus, quin bonos nos existimamus. Concludit Joannes. *Qui habet aurem, audiat quid spiritus dicat Ecclesiis.* Ita Cellædeus §. 2.

43. Respondeo, hæc & omnia ejusmodi abs re obijci, quia proculdubio nec sunt, nec spectant ad peccata ignorantiz, & inconsiderationis perfectæ, de quibus solis nunc agitur. Præterea ex assert. 2. constat, omnia ista esse peccata imputabilia, etsi in prosecutione operis mali homo aliquando actualiter non advertat ad legem prohibentem. Porro quamvis hæc ad horum solutionem abundè sufficiant, lubet aliquid ad singula reponere, ut argumentum, in quo Cellædeus magnam vim ponit, undique infirmum esse demonstretur.

44. Et quidem inprimis ex eo colligitur, Christianos ad omnium istorum peccatorum malitiam sufficienter attendere, quod rarò aut numquam de istis se ob ignorantiam aut incogitantiam excusent; cum tamen si ex incogitantia carnes comedant die prohibito, id ad sui excusationem disertè afferant. Quid est, Cellæde, quod per incogitantiam ex æquo se non excusent, si ex æquo, ut tu arbitraris inconsideratione laborant? Reflecte ad hoc, & incogitantiam excusationi aptam in istis locum non habere perspicies; quia

Aberrat Advertentia à quæstione Scopo.

Virtualis & interpretativa advertentia ad legem sæpe sufficit ad peccatum.

Quo sensu Pelagiani negantes peccata ignorantiz à SS. Patribus damnantur.

aut actualiter, aut certe virtualiter & interpretative ad legem reflectunt, illamque contemnunt, ut dictum est in probatione assertionis secundae.

45. Sed quid? verumne est, vix unum ex quinquaginta qui in ira jurant, pejerant, & blasphemant, actu advertere ad malitiam operis, quod patrat? Celladeus hoc audacter dicit, sed nullam probationem affert, aut asserere potest. Nec mirum, quia moraliter certum videtur, plebsque Christianos tenuem saltem aliquam peccati notitiam habere; malitia enim talium operum adeo obvia est ut in talibus circumstantiis non possit se non prodere, quamvis homo in decursu actionis non semper actu explicitè ad illam reflectat, ad quam tamen virtualiter semper reflectit, legemque contemnit; ideoque non excusatur.

Rarissime committitur homicidium sine aliqua advertentia ad malitiam peccati.

46. Idem à fortiori locum habet in homicidiis, etiam in rixa factis: incredibile enim est injustos aggressores ad malitiam seu peccatum homicidii plerumque non advertere; imò non est credibile eos ad illud initio saltem operis intenti non advertere. Unde etiam ex hoc capite semper praesumuntur culpabiles. Non ergò solum peccant propter iracundiam, sed etiam propter homicidium: primò quia satis advertunt ad malitiam homicidii; secundò quia saltem satis advertunt ad ejus periculum; hoc autem sufficit, ut ipsius homicidii & sint & censeantur rei; qui proinde merito ut tales juxta leges puniuntur. Quod si aliquis in rixa, nil cogitans de homicidio, ex ira subitanea ita excandescat, ut nec ad homicidium, nec ad homicidii periculum advertat, difficile erit Celladeo probare, illum homicidii reum esse coram Deo, aut etiam ab hominibus habendum homicidam, si illis demonstraret se tali modo praeter intentionem homicidium perpetrasse. Ego dico illum in eo casu homicidii reum non esse, & cum Antiquis Theologis ac S. Thoma id probo, quia ob similem incogitantiam non est reus parricidii casu quo parentem interficeret. Ergò nec homicidii. Utrumque enim involuntarium est, cum utrumque sit incognitum. Quod si ad homicidium, aut ad parricidium advertat, incredibile est, quod ad malitiam talis actionis sufficienter non advertat, aut ad obligationem ab illa abstinendi, propter malitiam illius, &c. quia haec notiones ita sunt connexae, ut cum venitur ad primum vix aut ne vix quidem separari possint.

47. Similis responsio locum habet in iis, qui vehementi amoris stimulo agitati, qui saepe actualiter, & semper aut fere semper virtualiter de malo cogitant, quando liberè operantur. Quando inquam liberè operantur, quia aliquando videntur non frui libertate saltem pro singulis temporibus, quod etiam suo modo, etsi minus frequentar, in iracundiae peccatis evenit. Atque hinc est, quod in istiusmodi casibus Confessarii interrogare non solent, an animadvertent se peccare; quia bene norunt eos ad hoc sufficienter advertisse, & praenitentes ipsi firmam de eadem veritate persuasionem habent. At aliter se res habet, quando homo iracundiâ incitatus jurat; tunc enim nulla adest occasio cogitandi de malo juramenti, antequam illud ipsum jamjam prolaturus est; tunc autem ex subito motu fieri poterit, ut aut nullo modo, aut valde imperfectè & tenuiter de illius malitia cogitet, quia juramentum ex se malum non est. At de perjurio & blasphemis aliter dicendum est, illa enim per se propriam malitiam produunt. Unde raro aut numquam ex-

cusantur à peccato, qui talia in iracundia faciunt, quamvis defectus deliberationis, & imperfectior apprehensio mali, atque etiam passionis vehementia malitiam minuant, & fortasse aliquando veniale reddant quod alias fuisset mortale. Ceterum qui norunt se ad ista rapi in iracundia, eo ipso gravius peccant, quando ita excandescunt, quia satis advertunt ad horum omnium periculum, quorum proinde malitia illi distribuitur. Non ergò frustra interrogant Confessarii de advertentia mali quando juratur ex iracundia, quamvis in peccatis luxuriae talem interrogationem raro aut numquam adhibeant, quia sciunt ista ex sufficienti notione malitiae patari solere, quamvis illa non raro sine tali advertentia committantur.

Defectus de liberationis-
uri & apprehensionis
imperfectio
malitiam actionis im-
minuunt.

48. Circa peccata ex consuetudine & habitu patrata, dico ea frequentissime fieri sine remorsu conscientiae, id est sine timore & dolore quo voluntas timorata ex advertentia peccati concutitur; sed quòd ea fiant sine advertentia mali, quatenus illa se tenet ex parte intellectus, falsum est; quod ex duobus colligitur, scilicet ex talium testimonio & ex ratione. Ex illorum testimonio, quia illi raro aut numquam se excusant per inadvertentiam mali, quando ex mero habitu contrafacto operantur, satis enim advertunt se male agere, saltem dum opus aggrediuntur; quod non impedit quo minus per suam malitiam excrucientur; excrucatio enim non omnem legis memoriam abolet, sed solum practicam illam advertentiam, qua homo terretur, & retrahitur à malo, illudque ut valde damnosum vivaciter apprehendit. Nec mirum, quia excrucatio potissime consistit in duritia cordis, ratione cujus homo nec admonitionibus & inspirationibus movetur, non quòd non videat malum, sed quòd illud non aestimet, nec propter illius debilem propositionem moveatur, sed ita se habet ac si nil apprehenderet; adeo ut de illis dicere possimus videntes non videntes, & audientes non intelligentes. Non ergò carent omni notitia mali & legis prohibentis, sed sicut ab initio lex proponebatur, & cum aliquo remorsu & tristitia contemnebatur, ita etiam postea proponitur, sed paulatim remorsus minuitur, donec habitualiter & cum quadam voluptate contemnatur, eò quòd conscientiae morsus, timor mali imminenti, & praesentis peccati dolor non sentiantur in voluntate.

Peccata ex consuetudine orta, sunt quidè subinde sine remorsu, sed non sine advertentia.

49. Quod si malitia peccati ex habitu commissi non minuat, nos non urget, sed Celladeum. Non nos, qui dicimus notitiam legis per habitum pravam non tolli, sed legem facile & cum quadam voluptate contemni. Itaque cum ex una parte cognitio prohibens non desit, & ex alia voluntas majori vi, majoreque quadam voluntarierate sese effundat, sit ut opus, omnibus inspectis, sit tam voluntarium ac turpe, quam erat ab initio, idque verum est, quamvis clarior cognitio mali haberetur ab initio; tunc enim ex parte voluntatis aliquid involuntarii aderat, quia malitia actus aliquo modo displicebat; & quidem multo magis, quam postea, quando homo ex habituali legis contemptu illam cum voluptate & facilitate negligit. Itaque nos clare explicamus, quomodo malitia operationis ob habitum non minuat; sed Celladeum hoc explicare nequit, si omnis legis advertentia absit, quando ex habitu peccatur, quia haud dubiè minus peccat, qui legem sciens pravaricatur, quam qui nil de illa cogitans in illam impingit.

50. Confirmatur, quod de excruciatione, & habitu pravo dictum est. Contemnat aliquis legem

Execratio
non obest
malitiae o-
perationis.

geni apparentem non semel sed saepe, ita ut habitum & facilitatem contemnendi legem apparentem acquirat. Profecto is aequè excrucatur, aut magis, quàm ille qui habitum peccandi sine ulla legis advertentia contraxit; habet enim cor durius altero, cum legis vetantis & offensae divinae notitia actualis illum non stimulet, nec possit illum à malo deterrere, quæ tamen alium aut emendaret, aut terreret. Sanè de huiusmodi homine verissimè dicitur, quod videns non videat, & quod audiens non intelligat. Itaque ex titulo excruciationis non infertur, quod excrucatus, dum peccat, actualem legis notitiam non habeat, cum maximè obsecrati ac indurati contra actualem legis notitiam cum magna voluptate, & sine difficultate peccent, & iniquitatem etiam notam bibant sicut aquam.

Superbum
non latere
turpitudinē
superbiae,
suadet ipsa
experientia.

51. Superbia non ita latet superbos, ut Celladeus autumat; si enim lateret, eam sub humilitatis & moderationis pallio studiosè non tegerent. At experimus eos nolle videri superbos, sed sollicitos esse ut habeantur moderati; &c. Ergò superbiam norunt esse vituperabilem, malam, & prohibitam. Ergò quando elatis excellentiae suae cogitationibus ac affectuibus, aliorumque contemptu inflantur, satis bene norunt, & advertunt, ea esse mala, quia aut actualiter, aut virtualiter timent, ne talem suum animum prodant, & habitualiter saltem dispositi sunt ad eam omni conatu, sub demissi animi specie occultandam. Itaque superbi satis advertunt se male agere, quando amore propriae excellentiae abrepti, seipsos magni faciunt, atque in donis suis indebitè gloriantur. Nec in hoc magna apparet diversitas, inter superbum, & gulosum, vel iracundum. Non enim ostendi potest exemplum peccati mortalis in materia superbiae, in quo eandem mali magis lateat, quàm in aliis materiis.

Quo sensu
superbia di-
citur oc-
cultata.

52. Deus quidem saepe punit latentem superbiam manifestâ luxuriâ; verùm superbia illa non ideo dicitur latere, quod homo non satis adverterit ad malum superbiae, quando mortaliter peccavit; sed vel quia alios latet, vel quia ipse superbus postea parvi aestimat suum fastum, illumque pro exiguo defectu habet, quamvis Deum graviter offendant. Hæc ratione superbia occulta dicitur, quia illius magnitudo superbum latet. Est & alia ratio, ob quam superbia latet superbum. Superbia est peccatum capitale, atque saepe in tantum est mortale, in quantum alia peccata inducit. Jam saepe homo labitur in aliquod peccatum occasione superbiae, cum tamen ipse lapsum illum aliis causis tribuat, ideoque sollicitus non sit ad superbiam reprimendam, quia illam sibi parum noxiam arbitratur, ideoque nec ab aliis peccatis emendatur. Deus autem ut oculos ejus aperiat, permittit illum in ea labi, quæ nunquam cogitasset se patraturum, ut sic tandem cognoscat latentem superbiam suæ ruinae causam præbuisse. Præterea sicut ille qui peccata venialia non curat, & quasi modica spernit, facillè labitur ad mortalia, Deo tantam incuriam puniente; ita pariter ob venialia superbiae peccata, quæ homo superbus parvi facit, Deus aliquando permittit lapsum in mortale, ut homo discat se non errare, nec in se gloriari, sed omne bonum soli Deo ascribere, & in illo solo omnem spem & fiduciam collocare, &c. Hæc ratione superbia latet, & Deus latentem superbiam patientiore lapsu aliquando punit.

53. Porro sicut luxuriosi ac gulosi plurimum

gaudent, sibi que blandiuntur in bonis sensibilibus, etsi satis advertant ea esse peccata; ita pariter superbi se effertunt, ac in suis dotibus gloriantur, etsi id esse malum discernant: nec in hoc ulla est diversitas inter superbos & alios, nisi peccata.

Differentia
inter peccatum
superbiae & alia
peccata.

quod superbi ad propriam excellentiam, alii ad alia bona indebitè & contra legem afficiantur, quodque in materia superbiae difficilè sit discernere quodnam sit peccatum mortale, cum illud in aliis materiis certò innotescat. Sed ut omnes videant superbiam maximam, sui que aestimationem ac confidentiam maximam, non excludere notitiam legis illam vetantis, consideretur Lucifer superbiae pater, & dicatur, an ille dum superbi se extulit, legis divinae nullam notionem habuerit? Nemo certè hoc dixerit, qui conditionem naturæ Angelicæ novit, & ad singularem dispositionem naturæ & gratiæ Angelis antè lapsum collatam aspexerit. Ergò quod superbi in se confidant, quod se effertant, &c. non probat eos legis prohibentis aliqualem saltem advertentiam non habere, quando actu peccant peccato per se imputabili, quamvis postea illius obliviscantur, aut putent se non errasse. Quod si actu de malitia superbiae nullo modo cogitent, tunc temporis aut non peccant si invincibiliter non cogitent de rei malitia, aut solum peccant peccato imputabili non ad peculiarem poenam, sed tantum propter negligentiam, ex qua talis inconsideratio ortum traxit.

54. Episcopus Laodicæ reprehenditur à Sacra Scriptura ob tepiditatem, magis quàm ob superbiam; videtur autem divitiis abundasse, atque ob illarum copiam & commoditates in spiritualibus exercitiis, atque aliis muniis suo officio debitis valde intepuisse. Excitatur ergò, & commonetur ut fervore spiritus teporem excitet, sequè bonis operibus divitem faciat, &c. Quod si in superbiam etiam inciderit, nil inde inferri potest contra nostram assertionem, cum inde non probetur, quod sine ulla actuali advertentia ad malitiam peccaret peccato per se præcisè imputabili, de quo tamen solo præsens quaestio procedit. Quæ cum ita sint, mirandum est, quod Celladeus illo S. Scripturae dicto concludat: *Qui habet aurem, audiat quid Spiritus dicat Ecclesiis*; ita enim loquitur, ac si insinuare vellet, S. Joannem eò alluisse, ut approbaret sententiam illius, nostram verò condemnaret. Verùm quàm debiles & inanes sint istiusmodi conjecturae satis colligitur ex dictis.

Exemplum
Episcopi
Laodicæ
intestitæ.

SOLUTIO ULTIMÆ OBJECTIONIS

Celladei.

55. **O**BJICIT quartò. Peccatur per ignorantiam, & ex ignorantia: sed qui actu advertit se peccare, non peccat per ignorantiam aut ex ignorantia. Ergò peccatur, quin advertatur peccari. Major censetur certa de fide, ut ostensum est quæst. præcedente. Minor patet ex terminis; quia peccare per ignorantiam, & ex ignorantia, est ignorando peccare, sicut peccare cognoscendo est scienter & advertenter peccare. Ergò peccare per ignorantiam & ex ignorantia opponitur peccare cognoscendo & advertendo, sicut scientia & ignorantia opponuntur. Ergò peccatur quin advertatur peccari.

56. Confirmatur. Ignorantia est causa peccati solum per accidens, quatenus removet cognitionem peccati, quæ si adesset, peccatum non committit-

committeretur. Ergo quando peccatur ex ignorantia, cognitio peccati abest, alioquin non solum non peccaretur ex ignorantia, sed ipsa ignorantia non esset, cum per cognitionem peccati excluderetur. Et sanè hoc verum est, si peccatur ex ignorantia simpliciter dicta, seu ex privatione notitiae & scientiae habitualis, siue ex carentia seu absentia actualis considerationis in eo, qui scientiam habitualement obtinet, utroque enim modo peccatur. Ergo peccatur, quin hoc in particulari sciatur esse peccatum. Ergo quin ulla cogitatio de hoc malo in particulari, siue in specie, siue in singulari in mentem venerit.

57. Secundò sic arguo. Quando homo sub gravi, vel levi peccato tenetur attendere, quando orat, aut consecrat, &c. peccat quando non attendit, quia peccatum in non attentione consistit. At non advertens, & non attendens, tunc saltem actu non advertit se non advertere; alioquin adverteret & non adverteret; attenderet simul & non attenderet. Peccatur ergo saltem, quin actu advertatur peccari. Ratio à priori est, quia Deus præcipere potest attentionem actualem: in eo autem casu non attendere potest esse peccatum, sicut potest esse voluntarium, sicut est, quando poterat & debebat attendere, sed vel ex affectatione, vel negligentia non vult attendere.

58. Iterum sic tertio instatur. Tu dicis, nisi actu advertas te peccare non peccas: At Deus dicit, num. 15. *Si anima nesciens peccaverit, afferet capram annuclam pro peccato suo, & deprecabitur pro ea Sacerdos, quod inscia peccaverit coram Domino, impetrabitq. ei veniam, & demittetur ei.* Tu dicis, si dici oblitus (quomodolibet oblitus fueris) die Veneris carne vescaris, aut oblitus horas non recitas, non peccas. At Deus *Levit. 5. dicit, Anima quæ tetigerit aliquid immundum, & oblitus fueris immunditia sua, rea est, & deliquit.* At Deus non fallitur. Ergo tu falleris, & fallis. Tu dicis: non pecco, si non cognosco me peccare. Augustinus in libris Confess. dicit: *Es insanabilis peccabam, quæ me peccare nesciebam.* Cui standum? Cum Augustino. S. Thomas, in 2. dist. 22. *quest. 2. art. 2. & S. Bonaventura art. 2. quest. 3.* hoc Augustini dictum accipiunt, ut jacet. Tu negas vel alteras. Hi fuerunt amatores legis & Sancti. Ergo quando agitur de lege, ut nunc agitur, stultum est meliores testes querere.

59. Demum omnes Theologi ponunt conscientiam erroneam, nemo tamen dicit omnem conscientiam excusare. Ergo aliqua non excusat. At illa dicitur illud esse bonum quod est malum. Ergo peccatur, quando actu non advertitur peccari. Ita Celladeus §. 3.

60. Respondeo Celladeum triumphare non solum ante victoriam, sed etiam ante prælum, quia neminem contradicentem habet, cum putet se ex Sacra Scriptura & PP. fatale in nos telum torquere; sed aërem verberat, neminem ferit. Et sanè mirum est, si putet, se communem Theologorum opiniorem his argumentis impetere; eo ipso enim judicare debet, eos in rebus ad finem sat clarè pertinentibus turpissimè errasse. Nónne ad hoc argumenta hæc tua collimant, Celladee? Cur ergo hoc clarè non objicis? Si te puderet hæc clarè objicere; pudeat eadem sub tegumento nimis pellucido, ut facis, contra eos proponere. Itaque uno verbo respondeo, sæpe peccatur quando non advertitur peccari, tunc scilicet, quando ignorantia aut inadvertentia est culpabilis, seu quando & poterat & debebat

R. P. A. Terilli, Regula Morum, Pars. II,

vitari. Hoc probavimus nos, hoc omnes admittunt, nec aliud probant quæ tu attulisti. Sed in hoc versatur tua æquivocatio, tu semper vis peccatum puræ ignorantie novam distinctamque ab aliis omnibus peccatis malitiam continere. Hoc nos negamus, & dicimus, tam absolutam & integram ignorantiam & incogitantiam mali, etsi vincibilem, quàm opus à tali ignorantia directum ab una eademque negligentia sciendi verè esse & denominari peccatum, nec aliam peculiarem maculam, aut reatum peccati asserere, quàm quæ dictæ negligentie culpabili debetur. Si quid contra hoc habuisses asserere debueras, quia quæ dixisti hoc non impugnant, ut satis patet. Sicut nec probant, nos tunc peccare, quando præsens inadvertentia est inculpabilis. Ergo nil probant contra Auctores, quos impugnare prætendis, quia illi solum doceant eos actu non peccare, qui inculpabiliter actu non cogitant de peccato. Si verò quis de præsentis non cogitet, sed ex culpa priori non retractata in hanc incogitantiam devenit, peccat quidem, sed non novâ malitiâ, & imputabilitate; sed eadem malitiâ & imputabilitas culpæ prioris applicatur huic operi, illudque constituit imputabile. Atque ex his, atque doctrina in assertionibus asserta, patet responsio ad argumentum, quod per positam distinctionem sponte ruit, cum umbram difficultatis non habeat.

61. Cæterum multis modis homo dicitur peccare per ignorantiam & inadvertentiam, ut dictum est, quorum aliqui verè continent peccatum malitiæ, ideoque non spectant ad præsentem questionem, quæ procedit de integra & absoluta inconsideratione peccati. Hanc dicimus impedire omne peccatum si non sit imputabilis; si verò sit imputabilis, & actu imputetur, solum impedit omnem novam malitiam & culpam, sed non facit quo minus à priori culpa inficiatur, & communi imputabilitate constituitur peccatum. Hoc solo genere peccati peccatur, quando non cogitatur peccari. Et hoc solum probat argumentum primo loco propositum, nec aliud ex confirmatione inferri potest.

62. Ad secundum lex obligans ad attentionem solum obligat ad diligentem conatum: si hic adhibeatur lex non violatur, quamvis actus non attendatur. Cæterum lex ista violari potest, etiam ab eo, qui advertit se non attendere, sed ad alia distrahi. Profectò homines sæpe reflectunt se distractos esse, nec tamen ideo attendunt, ut lex requirit; unde si semper talem reflexionem haberent, nec aliud cogitarent, quàm tunc cogitant, legem violarent, nec attentionem debitam haberent. Unde perperam intulit Celladeus, quod non attendens non possit actu advertere ad suam non attentionem. Verum si explicasset, quæ sit attentio, quam lex præcipit, clarè vidisset eam nec poni, nec posse poni per hoc, quod advertam, me illam non ponere. Inanis ergo est illatio secundi argumenti.

63. Ad tertium, totum admittimus, quod ex Sacra Scriptura assertur, sed & locum illum Augustini, ut sonat admittimus; quia nil clarius, quàm peccatum quodvis ed esse insanabilis, quod magis est ignotum. Cæterum nos nil eorum, quæ Celladeus objectat, tam crudè accipimus, ut ille proponit; immo simpliciter loquendo falsa dicimus esse, quæ ille asserit nos pro veris docere. Quod si cum distinctione accipiantur, nil est, in quo vel apparenter nos Deo, aut sanctis contraria tradere appareat. Sed illi lubitum est ex

Utile ad
versari Hal-
lucinatione.

Quando in-
consideratio
impediat
malitiam,
quæ non?

Ad quid
obliget lex
præcipiens
attentionem,
& quomodo
violatur?

V

termi-

Adversarius affirmare, quod si oblitus fueris, quomodocumque fueris oblitus dici, non pecces, si die veneris carne vescari. At quis quæso hoc dixit? Nec unum inveniet, qui tam absurdè loquatur; quia omnes, ut benè advertit in ultimo argumento, expressè docent conscientiam vincibiliter erroneam non excusare. Ergò per omnes peccant aliqui, qui errant & non cogitant, quando poterant & debebant cogitare & non errare. Ergò non dicunt, quod quomodolibet non cogitet aut erret, non peccet, sed talem propositionem sine debita limitatione non admittunt. Quid hoc aliud est quàm absurdas opiniones gravissimis viris imponere? Cave, Celladee, à talibus, quia causæ tuæ non profunt, sed tibi maximè obfunt.

64. Demum quod attinet ad S. Thomam & S. Bonaventuram, ex dictis constat, eos interminis præsentis nostræ opinioni subscribere, ideoque nos talibus testibus libenter stare, nec meliores eo sine quærere, quasi putaremus illorum suffragium non sufficere. Hæc sunt, quæ Celladeus objecit, quæ certè, & modicam vim habent, & meo judicio difficultatem vix tangunt. Quare videndum est, quid Auctores nostræ sententiæ sibiipsis objiciant, & perpendendum, qui magis ad debitum scopum colliment, qui validiora argumenta objiciant, illi an Celladeus?

SOLVUNTUR OBJECTIONES

Communes.

65. **O**BJICIT primò. Quando homo tenetur aliquid scire, & ad illud advertere, scientia & advertentia talis rei est in ejus potestate, quia nemo tenetur ad impossibile. Ergò talis ignorantia est vincibilis, & indirectè saltem voluntaria. Ergò non excusat. Unde *cap. si culpa de injuriis*, dicitur ignorantiam non excusare, quando quis debuit scire. Et *Instit. de lege Aquilia*, §. *Præterea*, dicitur, imperitiam in re ad proprium officium pertinente non excusare. Quare jura clamant, paria esse scire & debere scire. *L. Quod se mihi, ff. de rebus cred.* Ita Sanchez sibi objicit, & in particulari casu non advertentis ad præceptum jejunii sic urget. Talis homo tenebatur scire & advertere, quia tenebatur ad jejunandum. Ergò poterat illud scire & ad illud advertere. Ergò illi imputatur si non advertat.

Quomodo
quiparen-
tur scire &
debere scire
in ordine
ad morali-
tatem.

66. Respondeo, cum Suariorum de censuris *disp. 4. sed. 8. num. 18.* & cum Sanchez loco citato, hunc hominem per se teneri ad hanc scientiam & advertentiam; ad quam sufficit, ut sit per se loquendo in homine potestas sciendi. At per accidens hic & nunc non teneri, sed suspendi illam obligationem, seu potius ab illa excusari ob impotentiam proximam ac moralem, quæ ex naturali ac necessaria ignorantia aut incogitantia oritur. Itaque argumentum solum procedit de potentia & obligatione proxima ac morali, de qua optimè concludit. At si sermo sit de potentia & obligatione remota, falsum est, quod equiparentur scire & debere scire. Itaque & jura, & Doctores de hac materia loquentes intelligendi sunt de potentia proxima, & morali, quæ certè non adest, quando datur plena inadvertentia; quia tunc non est proximè in nostra potestate talem ignorantiam aut inconsiderationem expellere. Unde sequitur, ad aliud non esse reflectendum

quàm ut videamus, an ista incogitantia & ignorantia fuerit culpabilis, & ideo culpæ vertatur, quod ex negligentia culpabili inducta fuerit. Si fuerit non excusat, sed & ipsa & opus ab illa directum imputabitur ad peccatum, eadem imputabilitate cum ipsa negligentia præcedente. Si non fuerit culpabilis, sed aliunde non à negligentia illa ortum habuerit, penitus excusabit. Itaque Argumentum hoc debite acceptum totam nostram assertionem validissimè confirmat. Porro in viris timoratz conscientiz, quique diligentiam probis consuetam adhibent, maximè autem in iis, qui firmum non peccandi propositum habent, omnis ejusmodi inadvertentia præsumitur naturalis & inculpabilis. In reliquis autem res est diligentius perferenda.

67. Objicit secundò. Si ad peccatum expressa consideratio malitiæ aut periculi esset necessaria, sequeretur primò quod omnes ferme excusarentur ab innumeris peccatis exterioribus, quæ sine tali consideratione fiunt. Verbi gratia ille excusaretur qui subito motu alium percuteret, non consideratà rei malitiâ. At hoc videtur absurdum. Ergò circa opera exteriora non requiritur illa expressa consideratio, ut sint peccata mortalia. Ergò neque requiritur circa affectiones internas, sed utrobique sufficit interpretativa consideratio vel deliberatio.

68. Sequeretur 2. neminem peccare mortaliter, nisi actu consideret illud esse mortale, & offensam Dei: nam si hæc conditio actûs, & malitia non consideretur, non potest esse libera, & voluntaria, si expressa cogitatio ad libertatem requiratur. Quod si ratio offensæ mortalis non sit voluntaria, sit, ut nullus peccet mortaliter, nisi actu consideret malitiam offensæ mortalis. Excusarentur ergò Gentiles, qui de differentia peccati mortalis & venialis nil hactenus novērunt. Similiter nemo venialiter peccaret, nisi qui actu consideraret opus quod facit, malitiam habere venialem: quæ videntur absurda.

69. Sequeretur 3. quòd nunquam peccaretur sine expressa conscientiz reprehensione; nam cum ratio actu considerat aliquid esse malum, semper reprehendit voluntatem, si illud amet. Consequens autem est contra illud Pauli 1. ad Corinth. 4. *Nihil mihi consciu sum, sed non in hoc justificatus sum.* Quem locum tractans Hieronymus *Dial. 2. contra Pelag.* docet contra eos aliqua esse peccata ex ignorantia: *Sape enim (ait) aliqua malitia nos latet, ubi bene egisse arbitramur.* Atqui credibile non est, Paulo ignorantem aliquam contigisse, sed solum inconsiderantiam. Demum SS. PP. monent, ut opera virtutum magna consideratione fiant, ne fortè sit reatus criminis, quod putatur causa virtutis. Sed & Sacra Scriptura testatur, homines aliquos sceleratos ex nimia peccandi consuetudine absque ulla conscientiz reprehensione in peccata prolabi, & quasi aquam ea bibere. Ita Vasquez 1. 2. *disp. 107. cap. 2.*

70. Respondeo cum eodem, & ex eodem Vasquio ibidem *cap. 5.* Ad primum respondet Corduba, eodem modo judicandum esse de actionibus externis, atque de internis, ut si nihil appareat mali, vel periculi, sed simpliciter fiant, excusetur homo. Hac de causa quoties aliquis non servat jejunium, nil cogitans de eo, nec in universum nec in particulari, nullus est, qui eum condemnet, nec Confessarii interrogant (communiter saltem, quia quæ in raris casibus fiunt in regulam non veniunt) an potuerit advertere ad præceptum,

praeceptum, sed statim iudicant illum contra tale praeceptum non peccasse. Idipsum frequenter accidit in iis, quae solum sunt mala, quia prohibita. In peccatis vero externis, quae ex se mala sunt, quis non videt, numquam hanc inconsiderantiam contingere? Nam quantumvis aliquis sit obfirmato animo in malo, & iis peccatis addictus, statim ac occurrit occasio operis, & exterius operatur, non potest non cogitare aliquo modo malitiam illius, nisi in iis, quae subito quodam motu fiunt, ut fatetur Corduba. Quod si ita aliquando fieret, non esset peccatum; ut si quis subito irā commotus nulla praemissa consideratione alium percuteret. In morosis autem cogitationibus, & affectibus internis, hoc passim evenit, sicut quotidie experimur.

Quo pacto peccent Gentiles, ignari differentiae inter mortale & veniale.


71. Ad secundum Vasquez juxta sua principia responderet, ut alicui imputetur peccatum mortale non esse necessarium considerare rationem mortalis offensae Dei: haec enim ratio non est de essentia peccati in genere moris, sed quid consequens illam. Quare respectu illius voluntarium non est necessarium, sed satis est, voluntarium versari circa malitiam moralem, quā suppositā, ex natura rei cetera consequuntur. Quare etsi Gentiles non cognoscerent differentiam inter mortale & veniale, nihilominus peccant mortaliter & venialiter, si sciant distinguere inter grave & leve peccatum; quia poena, & id, quod ratione peccati consequitur, non debet esse voluntarium. Atque eodem exemplo adversarios possemus urgere; nam Gentiles non possunt considerare rationem mortalis & venialis, quia nullum habent ad hoc principium. Ergo adversarii coguntur dicere Gentiles non ideo peccare mortaliter, quia potuerunt considerare rationem mortalis. Porro eos non esse reos mortalis, quia potuerunt considerare rationem mortalis, patet, quia sicut illi non sunt rei infidelitatis, sed ob alia peccata damnabuntur (ut docet S. Thom. 2. 2. quaest. 10. art. 1.) quibus mysteria fidei non sunt ullo modo proposita, nec de illis aliquid audierunt; ita etiam non est dicendum ipsis imputari mortale, quia potuerunt rationem mortalis distinctam à veniali considerare, sed quia malitiam moralem cognoverunt, cui necessario conjuncta est mors animae, & poena.

72. Ad tertium concedimus numquam fieri

peccatum, ratione sui imputabile, sine conscientiae reprehensione; ex parte cognitionis, quae consistit in cognitione mali, aut periculi: saepius tamen fieri sine illo timore, & cruciatu ex parte voluntatis, quando videlicet quis ex prava consuetudine peccans non terretur à peccato. Quod autem Paulus dicit: *Nihil mihi conscius sum*: nullus interpretum explicat dictum à Paulo propter peccata ex defectu considerationis commissa. Respondetur ergo juxta communem expositionem, ideo Paulum dixisse, *Nihil mihi conscius sum*, &c. quia licet sua eum conscientia non accusaret de aliquo peccato, poterat nihilominus revera reus esse alicujus peccati praeteriti, quod ipsum tunc lateret, non quia ex defectu considerationis commissum esset, sed quia factum cum consideratione poterat oblivioni traditum esse; cumque Deus nullius obliviscatur, rectè subjungit. *Qui autem judicat me Dominus est*. Quamvis ergo nec Paulus, nec nos, dum actu peccamus, (intellige peccato per se imputabili) dicere possimus: *Nihil mihi conscius sum*: quia tunc actu conscientia nos reprehendit ipsa saltem consideratione; post tamen peccata quisque rectè dicere potest, *Nihil mihi conscius sum*, &c. Porro Paulum in illo cap. non loqui de conscientia mortalis, sed venialis in se ipso, ostendimus infra (inquit Vasquez) diff. 206. cap. 5. Merito etiam Patres docent, ut opera virtutis magna cum cautela fiant, quia accidere potest, ut ex lubricatione, & parva attentione veniali aliquo peccato inficiantur, cumque venialia nos facile lateant propter legum considerationem, ideo admonent, ut cum cautela, & attentione opera virtutis fiant, non quia sine ulla attentione ad malum possimus contrahere peccatum. Haecenus Vasquez de verbo ferme ad verbum.

Quo sensu Paulus dixit: *Nihil mihi conscius sum*, &c.

73. Ex his constat, Celladeum nil attulisse contra nostram opinionem, quod ab ejus assertoribus objectum & solutum non fuerit. Immo illi plura & difficiliora objecerunt quàm ipse, tamen, haec omnia dissimulat, & quod absurdius est absque ulla ad eorum responsiones advertentia aut earum impugnatione, argumenta, à gravissimis viris diu antè soluta, agglomerat, atque in illis tamquam insolubilibus gloriatur. Porro eandem methodum in sequenti etiam quaestione servat, ut mox videbimus.



QUÆSTIO SEXAGESIMA- QUARTA.

*Utrum ille aliquando peccet, qui putat se obsequium
præstare Deo?*

1. **H**IC iterum conqueri cogor de Celladeo, quod, cum Zelum animarum præ se ferat, adeo confusè materiam hanc *quæst. 6.* & 7. pertractet, ut legentibus periculum afferat, non auxilium. Sub notione enim generali absque ulla distinctione rem proponit, de qua apud omnes constat, quod malum aliquando interveniat. Ex hac autem generali & indistincta locutione Lector facile accipiet ansam periculosè extendendi doctrinam illam extra terminos debitos, nisi proprius quæstionis sensus dilucidè proponatur & exactè stabiliatur. Quod si hoc præstetur; eo ipso montes, quos Celladeus insuperabiles existimat, solo æquantur, & totius quæstionis veritas legentibus plana & perspicua fiet.

ASSERTIO PRIMA.

*Error, etiam ille, quo quis putat se obsequium
præstare Deo, potest esse voluntarius &
culpabilis.*

2. **P**ROBATUR. Notorium est, lectionem librorum hæresim & errores continentium sanctissimè prohiberi, ne lectores in errores incidant, &c. Constat tamen plures, curiositate ductos, tales libros legere, & in errores prolabi. His errores illi sunt voluntarii & culpabiles, ut patet. Rursus error & ignorantia sæpe prohibentur, quia merentur prohiberi, ut dictum est. Jam qui scienter tales leges violant, culpabiliter errant. Ergo error illis est voluntarius, & culpabilis. Ex his erroribus illi potissimi censentur, quibus homines decepti dicunt bonum malum, & malum bonum; propter quod à Sacra Scriptura reprehenduntur. Jam inter errores istos, ille eminet, quo quidam errantes putant se Deo obsequium præstare in eo, quod malum est, & Deo displicet, ut etiam ex Sacra Scriptura constat. Hic enim, non minùs quàm alii, esse potest voluntarius & culpabilis, ut patet.

ASSERTIO II.

Qui vincibiliter putat se Deo obsequium præstare in eo, quod malum est & Deo displicet, multipliciter peccare potest in opere, & magis quàm peccatis incurrere errorem.

3. **P**ROBATUR. Inprimis talis homo peccat ponendo opus; error enim non excusat operantem, quando ipse error vitio vertitur, & ad peccatum imputatur, ut supponitur imputari in casu præsentis. Ergo tam error, quàm opus ab errore regulatum in casu assertionis, peccato vertitur, & ad culpam ac pœnam imputatur. Ex hac quidem ratione æquè peccatur in errore ac in opere. Secundò taliter operans peccare potest ex zelo indiscreto, ac passione non benè regulata, eò quod ex invidia, odio, aut alia perversa intentione opus illud ponat. Ex hoc contingere potest etiam in eo, qui invincibiliter, immo in eo qui verè putaret opus à se positum Deo placere, atque etiam à Deo præcipi. Ergo haud dubiè eadem ratione peccare potest, qui vincibiliter errat in tali iudicio. Ergo homo multis modis peccare potest in opere, quod credit Deo placere. Nec dubium, quin talis homo graviùs peccet, quàm si nullo alio titulo quàm opere ab errore illo regulato deliquisset.

Quomodo putat se obsequium præstare Deo, peccare potest?

ASSERTIO III.

Qui invincibiliter, aut inculpabiliter credit se Deo obsequium præstare in opere per se malo, non peccat, modo ex alio titulo indebitè non operetur.

Error invincibilis excusat putantem se obsequium præstare Deo in opere malo.

4. **A**SSERTIO est certissima, quia secundum omnes error invincibilis & inculpabilis excusat operantem ex illo errore. Vide. *quæst. 16. de Conf. prob.* ubi hoc ex professo probatur.

5. Hinc autem sequitur, errorem istum, si ex invincibili evadat vincibilis, eo ipso non amplius excusare, quia titulus excusationis aufertur. Similiter si error ille ex vincibili evadat invincibilis, eo ipso excusabit operantem; quia titulus ob quem opus imputabatur aufertur, & titulus ob quem operans excusatur inducitur.

ASSER.

ASSERTIO IV.

Qui absolute arbitraturs obsequium Deo prestare in opere malo, & undique bona fide, ac sine alia indebita dispositione operatur simpliciter peccat, si vincibiliter erret. Non tamen peccat peccato per se, ac ratione sui imputabili ad peculiarem penam & culpam.

Præcipua assertio contra Adversarium.

6. **A**SSERTIO hæc, quæ, ni fallor, directè opponitur intento Celladei, ex iis efficaciter probatur, quibus *quæst. præced.* idem probatum est de ignorantia vincibili, quæ certè repetenda non sunt, maxime cum satis pateat præsentem talis hominis dispositionem secundum se in nullo diversam esse ab ea, quam habet alius, qui eundem errorem invincibiliter incurrisset. Ergo malum ex æquo neutri est voluntarium in se, cum ex æquo ab utroque ignoretur. Ergo alia ratione imputari non potest, quam ratione vincibilitatis, per quam solam, & in qua sola est voluntarium. Vide etiam *quæst. 16. de Conscientia prob. à num. 31. usque ad finem*, quia hoc ipsum ibi fusè probatum invenies, quæ hic sine necessitate repetenda non sunt. Atque hæc sufficiunt, ut quæstio clarè proponatur, habeaturque occasio respondendi ad ea quæ Celladeus plurimi facit, & contra nobiscum sentientes objectat.

SOLVUNTUR OBJECTIONES.

7. **O**BJICIT primò. Verba Christi Joan. 16. clara sunt. *Venit hora, ut omnis, qui interficit vos, arbitretur obsequium se prestare Deo, & hac facient vobis, quia non noverunt Patrem, neque me.* Et sanè ex istis verbis unanimis Patrum & omnium sensus est, occisores Apostolorum arbitratos se Deo obsequium præstasse. At, hæc persuasione non obstante, haud dubiè peccarunt, idque S. Thomas diversis in locis expressè supponit, atque ad hoc probandum hæc ipsa Christi verba ponderat. Rursus qui zelum Dei habent, sed non secundum scientiam, arbitrantur se rectè agere. Et tamen peccant. Ita Celladeus *quæst. 6. §. 1. & 2.* ubi plures adducit, qui dicta illa Sacra Scriptura in eundem sensum exponunt. Ibidem reficit dictum Magistri cuiusdam (gravissimum appellat) qui eum in aliqua re culpæ immunem pronunciaverat, eò quòd omnino crederet ipsum existimasse, se in eo Deo obsequium præstare. Ideo autem eum citare videtur, ut ex hoc ipso dicto ipsius convineat eum prorsus incongruè loquutum fuisse, & non causam pro causa attulisse. Quid ergò, concludit, *tam ultro, quam salubè assumitur, eis, qui se bene agere putant, ita existimando, & arbitrando non peccare? Annò, qui arbitraturs obsequium se prestare Deo & Sacrificium, putat & arbitraturs se in eo peccare?* Ita Celladeus.

8. Respondeo, quid hæc ad rem? Quis negat eos, de quibus Christus loquitur, persequendo & occidendo Apostolos peccasse? Sed quid inde? Sequiturne eos nullam ob aliam causam quam ob merum illum errorem peccatum incurrisse? Nullo modo, immo non sequitur, errorem illum non fuisse affectatum: quia sicut hæretici pertinaces actu adhaerent suis erroribus ut veris, contra obligationem satis patentem, eò quòd contra legem Dei satis illis manifestatam Ecclesiae propositioni stare detrectant; ita simili-

ter ex malitia & errore credere poterant, se Deo obsequium præstare in tali opere, & quod plus est, opus illud à Deo strictè præceptum esse. Sed quidquid sit de hoc, omnes dicere debent, errorem illum fuisse vincibilem. Jam vincibilitas illius consistit in peccato aliquo non ex errore, sed ex malitia contracto. Quantum autem sci-mus, peccatum illud toties repetitum est, quoties taliter opinati sunt: in quo casu omnis ille error, & opus ab errore directum ad peccata malitiæ magis, quam ad peccata ignorantie spectarent. Porro si nullum peccatum malitiæ aderat, sed error ille solum in causa præterita imputabilitatem habebat, tunc peccabant quidem, sed non peccato imputabili ratione sui, ut ostensum est. Sed hæc & hisce similia Celladeus non distinguit, & ideo non est mirum, quòd hæc, ut valida argumenta objiciat, quæ nullam difficultatem habent.

Peccari potest in eo quod boni erroneè creditur si error fuerit vincibilis.

9. Dictum porro Magistri illius in circumstantiis expressis valdè prudens ac rationabile fuit, ut ostensum est supra, pro quo proinde gratiæ agendæ erant, ut ibidem probavi. Absurdum ergò est, talia viro benemerenti objici, & ut absurda sapiùs reficari. Errat proinde Celladeus in conclusione argumenti. & ex falsa suppositione procedit, quia nemo ex eo præcisè, quòd quis putet se bene facere, infert illum sic opinando & operando à peccato excusari, sed multa alia requiruntur, & post omnia dicitur eum peccare in tali opere, si error sit vincibilis & opus malum, quamvis non sit necesse, opus illud esse peccatum imputabile ratione sui. Adde ipsum errorem illum esse posse supinum aut affectatum, in quo casu taliter errans, non existimaret se peccare materialiter in eo quod facit, bene tamen perciperet se in errore admittendo, & juxta eum operando formaliter peccare, & Deo displicere, ut dictum est.

Halloctio Adversarii.

10. Objicit tertio. Tyranni qui persequuntur Christianos, putabant eos esse imagos, & legem stultam prædicare, ut ex gestis Martyrum constat. Judæi præsentis quid non in Christum & sacras ejus Imagines perpetrant? An in Deum notum ita furunt? Et tamen peccant, & ideo à Deo & hominibus puniuntur. Idem dicendum de Mahumetanis & hæreticis, qui Ecclesiam persequendo arbitrantur se obsequium præstare Deo, & tamen Deum offendunt. Tu eos excusas, quia zelum Dei in se habent: At Paulus aliter loquitur; dicit quidem eos zelum habere, sed non secundum scientiam, & expertus loquitur.

11. Deinde omnibus Ecclesiae Doctoribus, ac Spiritualibus animarum Doctoribus semper persuasum fuit, peccari posse per seductionem & deceptionem, nec homines per hoc excusari quòd decepti fuerint, & bonum existimaverint quod fecerunt. Quoties S. Paulus inculcat fidelibus, ut vigilent, ne doctrinis & verbis inani-bus seducantur? Quod si decipi malum non est, si opera, quæ decepti bona putamus, honesta evadant, & tam honesta, quam si non fuisset decepti, quorsum seductio, ac malæ doctrinæ tantopere cavendæ sunt? Præterea Vt scriptum est dicentibus bonum malum, & malum bonum. Item & cæcis ducibus cæcorum. At cæci suam cæcitatem non vident, nec in quo quis cæcus est, se cæcum esse cognoscit. Sed & omnes persuasum habemus, Dei judicium fore strictissimum, & aliter ab illo, quam à nobis de rebus judicandum. Viri Sancti qui nullum peccatum grave scienter admittunt, merito formidant, & dicunt

cum Apostolo. *Nihil mihi confitui sum, sed non in hoc justificatus sum: Qui autem iudicat me Dominus est.* Delicta enim quis intelligit. Ita Celladeus 5. 3.

12. Respondeo, his omnibus jam abundè satisfactum esse, quia peccata malitiæ frequentissimè adjuncta fuere peccatis ignorantia. Quod si peccatum ex sola ignorantia olim tantum vincibili, nunc autem invincibili ortum habeat, non habet propriam, sed solum communem imputabilitatem, contra quod ex omnibus hinc objectis formari nequit syllogismus, qui ullam vim præ se ferat, aut in se habeat. Sed qua quæso specie veritatis audeat Celladeus dicere, nos eos excusare, qui zelum Dei habent, quamvis mala operentur? Neminem excusamus, nisi invincibiliter erret, in quo casu ab omnibus excusatur. Alios magis aut minus reprehendendos dicimus, prout ex sola ignorantia aut etiam ex adjuncta malitia operantur malum, quod bonum creditur.

Nemo malum operas excusatur nisi invincibiliter erret.

13. Qui deceptionem cavendam docent, æquè prohibent deceptionem qua bonum creditur malum, ac qua malum dicitur bonum; unde tam hoc documentum, quam vix illud S. Scripturæ ex æquo locum habet in omnibus errantibus, sive tutiora doceant sive minus tuta. Cæterum minz istz & documenta obligationem tantum habent in rebus certis, non autem in rebus utrimque probabilibus, ut sæpe dictum est. Atque ideo magnum prorsus malum est decipi in illis, quamvis decipi in istis malum sit non adeo magnum, ut contendit Celladeus, qui hic etiam in antiquo suo errore progreditur, supponendo nos docere errorem nullius esse momenti, sed reddere opus tam bonum quam certa scientia redderet. Verum nos nil tale docemus, sed totam rem per varias distinctiones proponimus, juxta quas dicimus, quis, quando, qualiter peccet aut excusetur, magis vel minus rectè operetur. Facile autem est in communi exclamare contra tales assertiones, quasi verò nos ita sentiremus de rebus in communi sine ulla earum distinctione, sicut Celladeus eas in communi ad invidiam opinionis nostræ, nec sine periculo noxiæ deceptionis in Lectore proponit. Distinguat singula, & videbit, se nullum argumentum contra ullam ex assertionibus nostris attulisse.

14. Demum ad illud de tremendo Dei iudicio, iustoque omnium proborum metu satis responsum est ex Vasquio *quæst. præcedente*. Præterea Sancti ipsi, qui nullum peccatum, ne quidem veniale deliberatè committunt, adhuc merito formidant, ne aliquando ex subreptione, aut tentatione non statim suppressa succumbant, & fortè mortaliter peccent. Nec desunt alii iustissimi timoris tituli, ob quos se humilient sub potenti manu Dei, atque sibi diffidentes totam suam spem in mera ejus misericordia collocent.

15. Objicit tertid. Qui tenent incogitantiam & errorem excusare à peccato, & bonitatem in actum inducere, in eo fundantur potissimè, quod bonum & malum, solum ut apprehensum, constituent mensuram bonitatis & malitiæ. Unde sic discurrunt. Qui agit contra suam conscientiam actuale peccat, ut certum est ex fide. Ergo qui agit juxta suam conscientiam actuale rectè agit. Verum hæc illatio non subsistit, quia qui agit contra conscientiam voluntariè violat legem, quam dari existimat: at qui operatur juxta conscientiam erroneam non ideo involuntariè violat legem, quia error & ignorantia esse possunt vo-

luntaria, & in eo casu juxta omnes non excusant. Præterea S. Thomas 1. 2. *quæst. 19. art. 6.* proponit hanc ipsam rationem adversariorum contra suam resolutionem, dicentem, quod voluntas concordans rationi erranti non semper sit bona, & eandem solvit, dicens consequens non sequi ex antecedente, cum bonum sit ex integra causa, malum autem ex quolibet defectu. Quod cum ita sit, miranda est oscitantia Theologi cujusdam, qui ratione & auctoritate S. Thomæ probat, voluntatem discordantem à ratione errante esse malam, & mox subsumit, eadem auctoritate constare, voluntatem conformem rationi erranti esse bonam, cum tamen certum sit S. Thomam in illo loco ex professo probare voluntatem rationi erranti conformem esse posse malam.

16. Respondeo, Celladeum non posse assignare ullum Auctorem ullius nominis, qui suam assertionem probet argumento in objectionem posito, cum omnes dicant errorem vincibilem non excusare. Sed hunc Celladei defectum circa hoc ipsum argumentum latè impugnatum habes *quæst. 3.* Verum quidem est quod bonitas & malitia moralis actibus intrinseca non desumatur nisi à bonitate & malitia ut apprehensa; verum hoc non tollit, quo minus actus aliquis in specie physica virtutis constitutus careat bonitate meritoria; quia actus ille ab alio actu infici potest, ne vim habeat movendi ad præmium, quamvis intrinsecè sit actus virtutis. Sic qui ex motivo malo im-

Alius est actus virtutis physicè, alius ethicè, & in ordine ad præmiū.

peraret sibi actum virtutis, eliceret quidem actum virtutis, sed impediret quo minus ille movere posset Deum ad præmium conferendum unde actus ille esset potius physicè quam ethicè actus virtutis. Idem valet in casu conscientia errantis; elicitor enim actus contentus in specie illius virtutis, quæ menti objicitur, inde tamen non sequitur, quod actus ille sit simpliciter ethicè bonus, ad hoc enim à nullo alio infici debet. At quando conscientia vincibiliter errat, datur peccatum, à quo actus ille inficitur, & constituitur imputabilis & peccatum. At si error sit invincibilis, tunc actus est moraliter bonus, quia nil est quod impediatur, quo minus intrinseca bonitas actus totam vim suam exerat, &c. Hæc autem omnia fusè explicata sunt *quæst. 3.*

17. Quod ad Theologum illum attinet, non habeo quod dicam, quia non novi quid teneat. Suspicio autem eum, aliud noluisse, quam quod voluntas concordans rationi invincibiliter erranti sit simpliciter bona, quia hoc est quod S. Thomas expresse docet in illo articulo, ut ostensum est *quæst. 3.* Quod si loquatur etiam de errore vincibili, suspicio eum aliud significare non voluisse, quam quod voluntas à puro errore regulata, nec ullo actuali peccato malitiæ infecta, sit actus veræ virtutis, seu actus intrinsecè & essentialiter bonus, bonitate physica ejus virtutis in cujus motivum fertur. Hoc enim verum est, & efficaciter probatur ex argumento à Celladeo allato. Inde autem intulit quod actus ille non sit peccatum ratione sui imputabile, quia hoc repugnat actui habenti specificationem physicam virtutis, ut patet. Verum non docuit actum illum esse simpliciter bonum ethicè, cum si error fuerit vincibilis extrinsecè denominetur malus & sit peccatum imputabilitate non intrinseca & essentiali, sed intrinseca & accidentali. Quæ omnia confirmari possunt ex illo S. Thomæ dicto. Bonum ex integra causa, malum ex quolibet defectu. In hoc autem nil est, aut contra S. Thomam, aut cōmunem opinionem, sed omnia veritati con-

stant,

nant: quod si Theologus ille alia ab istis docuerit, non sum qui ejus patrocinium suscipere velim, quia ego communem tantum causam defendendam suscepi. Ceterum argumentum Celladei contra quaestionem juxta nostras assertiones propositam nil probat.

18. Objicit quartò. Opponent mihi, inquit Celladeus §. 5. quod mea opinio incidat in errorem Novatorum, qui tenent ignorantiam nobis in statu lapsò invincibilem, & solum vincibilem in Adamo, non excusare à peccato. Subsumunt mox de suo adversarii: sed quoties non adest actualis cogitatio peccati, est ignorantia invincibilis; multò verò magis, si existimamus nos Deo obsequium præstare. Ergò si nihilominus peccemus, ignorantia invincibilis non excusabit. Sic illi: sed contrà primo, quia hæc nova ignorantia invincibilis explicatio omnia ignorantia & ex ignorantia peccata convellit, & plura alia tollit, ut in superioribus ostensum fuit. Præterea ideo, actualis advertentia ad ignorantiam vincibilem requiritur, ut cum ex ignorantia peccamus possimus ignorantiam tollere. At hoc vanum est, nam in illo instanti, in quo urget operatio, ignorantia tolli nequit, sed antea potuit, & postea poterit.

19. Contra secundò, quia adversariorum opinio plurimum favet Novatorum errori, assumunt enim dictam ignorantia invincibilis explicationem, & sic arguunt. Quoties actu non advertitur peccari adest ignorantia invincibilis. At non quoties actu non advertitur peccari excusamur. Ergò non quoties adest ignorantia invincibilis excusamur. Et quidem Novator pro sua minori confirmanda habebit Sacram Scripturam, Sanctos Patres, & omnes antiquos Theologos. At Adversarii nihil auctoritatis hactenus attulerunt, nec asserere, credo, possunt, qua probent, non peccari nisi actu advertatur peccari. Ita Celladeus loco citato.

Affinitas inter sententiam Adversarii & Novatorum.

20. Respondeo, opinionem Celladei haud dubiè reipsa accedere ad errorem Novatorum, quia sicut illi volunt omnem ignorantiam esse vincibilem in Adamo, atque ideo non excusare quamvis in hoc statu vinci nequeat; ita ille vult incogitantiam præsentem esse vincibilem, quamvis in tota præsentis operatione humana consideratio legis non sit in nostra potestate, & quod plus est videtur hoc dicere, tam universaliter, ut innumeros casus includat, in quibus ostendere non potest, quomodo ea inconsideratio fuerit voluntaria & imputabilis, nisi ad Adamum recurrat. Rursus sicut illi dicunt opera ex ignorantia facta, non solum tribui culpæ & imputari imputabilitate peccati originalis, quamdiu non est remissum (in quo dicto nil mali est) sed volunt illa habere imputabilitatem & malitiam specialem non solum ante sed etiam post deletum originale; ita ille Celladeus videtur velle, opera ex plena inconsideratione mali facta habere imputabilitatem propriam, distinctâ ab imputabilitate causâ per quam inconsideratio & ignorantia contrahitur est, idque non solum ante, sed etiam post negligentiam retractatam. At hæc duæ opiniones reipsa non differunt, nec ovum videtur ovo similis, quam una ex istis sententiis alteri, suda-bitque Celladeus antequam dederit realem diversitatem inter utramque. Nec refert, quod verbis discrepet, dicaturque ore aperto ignorantiam invincibilem excusare, quia vix admittit ullam ignorantiam esse absolute invincibilem; illa autem, quam dicit esse invincibilem, erat vinci-

bilis in causa, & consequenter æquè imputari debet ac illæ, quas vocat vincibiles. Uno verbo quidquid Novatores vocant invincibile, apud illum est vincibile, & quidquid ille vocat invincibile, est apud Novatores simpliciter vincibile in causa, sicut reliqua, quæ ipse vincibilia appellat. Ergò in re nulla videtur diversitas inter sententiam utramque. Merito ergò objectum contra ipsum est, quod in Novatorum opinionem incideret.

21. Ceterum Celladeus errat in proponendo argumento contra se; quamvis enim dicamus absolutam & omnimodam incogitantiam mali pro toto tempore operationis humanæ durantiem, esse hic & nunc humano modo insuperabilem, non tamen universaliter negamus, eam esse simpliciter vincibilem, quia scimus, quod à priori negligentia oriri potuerit. Itaque solum dicimus opus puræ ignorantia & incogitantia, maxime si etiam credamus illud Deo placere, nullam habere propriam, nec aliam posse habere malitiam, quam quæ negligentia priori convenit; sed nec illam participabit, si culpæ illius remissionem obtinuerimus. Hæc est substantia nostræ sententia, quam Celladeus non solum non impugnavit, sed ne quidem explicavit. Præterea in eo falsus est, quod dicat nos definire ignorantiam invincibilem per actuale incogitantiam; nemo enim per eam definit talem ignorantiam, sed omnes communem ejus definitionem asserimus, quamvis verum est, omnimodam incogitantiam de præcepto toties esse invincibilem, quoties non peccamus in talem incogitantiam incidendo, ut dictum est.

22. Prima replica fundatur in falsa suppositione, quia nostra sententia non tollit peccata ignorantia, sed explicat quæ & qualia sint ejusmodi peccata, ut patet ex dictis. Similiter repugnat, ignorationem legis esse hic & nunc vincibilem in eo, qui toto tempore operationis humanæ nullam de lege apprehensionem, aut suspicionem habuit, quia de tali homine verum est, quod eam ignorationem expellere non possit. Jam hoc vanum non est, quia hoc efficaciter probat, opus illud non esse imputabile ratione sui, cum malum illius hominis hic & nunc non sit voluntarium per actum quem elicit; quamvis hoc non obstat, quominus sit voluntarium in alio, & sic imputetur ad culpam imputabilitate causâ à qua processit.

23. Secunda replica retorquet argumentum in nos, sed prorsus invalidè, quia non sincere proponit sensum nostræ sententia. Nos enim solum dicimus, quod quoties in toto operationis humanæ decursu nullam habemus apprehensionem mali, toties illam hic & nunc invincibiliter ignoremus, ac proinde quod non ponamus opus ratione sui imputabile, quidquid sit, an præsens incogitantia sit vel non sit culpabilis ob negligentiam priorem, quia aliquando est aliquando non est culpabilis. Si non sit culpabilis, nullum committitur peccatum; si sit culpabilis committitur quidem peccatum, sed quod aliam non habet imputabilitatem, quam quæ competit causâ, ob quam est & dicitur culpabilis. Jam hæc doctrina nullo modo favet Novatoribus, sed in omni apice illis diametraliter opponitur. Quando enim subsumunt: Non excusamur, quoties non advertitur peccari; distinguendum est: non excusamur à peccato per se imputabili, negatur, & in hoc ab ipsis dissentimus: non semper sed solum aliquando excusamur à peccato imputabili solum in alio, conceditur. Sed illi in hoc etiam dissentiunt, quia volunt semper peccari, & quidem per propriam

Summa sententia nostra qua Adversarius non impugnat.

Quando ignorantia legis est invincibilis quando vincibilis?

Adversarius minus sincere.

Sententia nostra a minimè favet Novatoribus.

priam imputabilitatem. Jam Auctoritates quas Novator affert pro illa minori nullo modo improbant nostram sententiam, ut patet ex dictis. Ergo verum est, quod coincidentia cum opinione Novatorum rectè obijciatur Celladeo, & quod in nostra opinione nulla sit umbra talis coincidentiae, quodque demum ex nostra sententia nullum argumentum ad suo errori suffragandum formari possit.

Hallucinatur Adversarius affectus nostram sententiam auctoritate destitutam esse.

24. Sed quid? nullamne asserimus nos, aut asserere possumus auctoritatem pro nostra sententia? sic arbitratur Celladeus, sed in utroque fallitur. Sanè *quæst. præced.* potissimos ex antiquis Auctoribus, nominatim S. Thomam, Sanctum Bonaventuram, & S. Antoninum attulimus, qui expressis terminis actualem considerationem mali ad peccatum mortale requirunt. Et quidem sermo est de peccato præcisè contento in opere malo, quod ex inconsideratione ponitur. Nec dubium, quin auctoritates illæ desertissimè hoc probent & convincant. At aliud non contendimus, in præsentī quæstione, quia alterius investigationis est, an habeat generalem aliquam imputabilitatem in alio. Quid ais, Celladee? Estne hoc omni auctoritate carere? Sed fortasse velles aliquam ex Sacra Scriptura; en dabo tibi disertissimam, quam latè prosequutus sum contra Sinnichium *quæst. 25. de Consc. prob. à num. 41. usque ad num. 45.* Textus Sacrae Scripturae habetur in Psalmo 118. *Prævaricantes reputavi omnes peccatores terra.* Unde hoc argumentum formavi. Omnis prævaricator est agnitæ legis temerator, ut constat ex S. Paulo, & propria termini illius significatione. At omnis peccator est agnitæ legis temerator. Ergo omnis peccator est agnitæ legis temerator. Ergo qui nullo modo advertit ad legem non peccat contra illam legem, quia illam non prævaricatur. Adduxi etiam Augustinum, qui in dictum Psalm. 118. *cons. 25.* ex hoc loco probat omnes peccatores, etiam parvulos, esse prævaricatores. Verùm *lib. 16. de Civit. cap. 27.* idipsum clariùs exponit his verbis. *Cum dicat Apostolus, ubi non est lex, nec prævaricatio, quo pacto quod est in Psalmo verum est, prævaricatores estimavi omnes peccatores terra, nisi quia omnes legi alicujus prævaricata sunt rei, qui aliquo peccato tenentur obstricti? Quamobrem si etiam parvuli, quod vera fides habet, nascuntur non propriè, sed originaliter peccatores, unde ipsi gratiam remissionis peccatorum necessariam consequuntur: profectò eo modo quo sunt peccatores, etiam prævaricatores legi illius, qua in paradiso data est, agnoscuntur: ut verum sit utrumque quod scriptum est, & prævaricatores estimavi omnes peccatores terra, & ubi lex non est, nec prævaricatio.*

Faret Augustinus.

25. Ex his auctoritatibus loco citato efficaciter probavi contra Sinnichium, quod peccatum puræ ignorantiae, nullam peculiarem imputabilitatem & malitiam habeat, alioquin inveniretur ratio peccati & peccatoris sine ulla ratione prævaricationis & prævaricatoris, quod ex mente Augustini Psalmo repugnat. Præterea alioquin verum non esset, quod dixit August. *Omnes legi alicujus prævaricata sunt rei, qui aliquo peccato tenentur obstricti.* Neque verum esset quod postea subjungit. *Profectò eo modo, quo sunt peccatores, etiam prævaricatores agnoscuntur.* Quod ultimum licet dicat de parvulis, illud tamen eodem modo intelligit de omnibus, ut patet ex contextu. Desinat ergo Celladeus jactare nos nec asserre, nec posse asserre auctoritatem pro nostra sententia; validissimas enim attulimus, & alias asserre

possemus, si opus esset. Qui plura velit adeat dictam *quæst. 25. de Consc. prob.* ubi argumentum hoc fusiùs tractatum reperiet. Jam si Celladeus contendat has auctoritates, ut jacent, contrariari illis, quas ipse attulit, ideoque debere per illas explicari; contra est primò, quia æquo jure nos possumus contendere oppositum, quia sine dubio auctoritates, quas allegavi, sunt clarissimæ, cum illæ de peccatis ignorantiae multis de causis non sint adeo claræ. Contra 2. quia nulla in istis auctoritatibus est contrarietas, omnes verum dicunt & rectè coherent; immo omnes ad litteram veræ sunt in nostra sententia, quæ distinguit peccatum imputabile ratione sui, à peccato solum imputabili ratione alterius. Auctoritates à me allatae probant nullum opus à pura ignorantia aut incogitantia causatum esse posse peccatum ratione sui imputabile, tum quia ratione sui non est prævaricatio, tum quia malum operis ratione talis actûs non est voluntarium, cum tamen utrumque tum ratione, tum auctoritate irrefragabili sciatur esse necessarium ad peccatum ratione sui imputabile. At opus puræ ignorantiae & incogitantiae potest esse peccatum ratione alterius, scilicet ratione illius per quod & voluntarium dici potest, & rectè appellari prævaricatio. Ecce nostra sententia adæquatè sumpta alia non est, quàm duplex veritas ex rationibus & auctoritatibus efficacissimis stabilita, ideoque nil mirum si in illa auctoritates istæ omnes admittantur ut jacent. At Celladeus, nisi mutet opinionem, & fateatur opus puræ ignorantiae (quando datur) nullam habere propriam imputabilitatem, numquam conciliare poterit has auctoritates, sed alterutras violentis falsisque interpretationibus à proprio sensu detorqueere cogetur.

Aliud est peccatum imputabile ratione sui, aliud imputabile ratione alterius.

SOLVITUR ALIA OBJECTIO,

Et quæritur, an rudes peccent contra fidem quando credunt Parocho errores docenti?

26. **O**BJICIT quintò. Consideretur syllogismus, quem hic appono, quia demonstrat homines in eo posse peccare, in quo putant se Deo obsequium præstare. Syllogismus ita se habet. *Peccatur aliquando per interiorem infidelitatem & hæresim. At quando sic peccatur, non actu advertitur, nec cognoscitur peccari, quin existimatur obsequium Deo præstari. Peccatur ergo, quin actu advertatur, & cognoscatur peccari, quin existimando obsequium præstari Deo.* Major ex omnium consensu est certissima. Præterea Sacra Scriptura hæreticos animas decipientes frequenter vocat lupos perdentes & mactantes gregem. Ergo mactant & perdunt animas non ferro, sed errore. In eandem rem ultra varios Sacrae Scripturae textus affert Celladeus plures Summos Pontifices, qui hæreticos aut lupos gregem discerpentibus comparant, aut expressè dicunt animas per errores ex simplicitate deceptas in diaboli foveam incidere. Uno verbo multis adductis testimoniis rectè probat Ecclesiam, & Summos Ecclesiae Pastores palam professos esse se ideo ad surgentium hæresum errores comprimendos omni nisu incumbere debuisse, ac incubuisse, ne grex fidelium in ruinam ac damnationem incideret. *Erubescit, inquit, de rebus tam manifestis, &c. tractare. Sed quid faciam, si tenentur, si propagatur, peccari non posse, animam mactari non posse, nisi cognoscat ipsa actu se peccare?*

fi

si lupum non lupum putas sed ovem, &c. nil inde mali, non peccas non raperis neque mactaris. Ita Celladeus lib. 1. quaest. 7. §. 1. & 2. Et paulò antè in praefatione ad quaestionem hanc habet. *Ad eo in moribus invaluit existimatio ista de necessitate aeternae cogitationis, & tot, nisi totus ineptio, inferi praedicta, ut modò omnibus eam convellere necessarium arbitratus sum; atque totius literarii laboris mei pretium futurum amplissimum, si hoc unum consequeretur.*

27. Mox §. 3. totus est in probanda minori, quam evidentem esse jactat, quia intellectus semper existimat veram esse partem cui assensum praebet. At haereticus assensum praebet errori, quem docet. Ergò haereticus veram credit haesim, cui assensum praebet. Sed nemo actu putat se peccare praestando assensum rei, quam actu credit esse veram. Ergò nullus haereticus actu putat se peccare praestando assensum haesi, quam tenet. Et sanè haereticus non se credit esse haeticum, sed verum dogma tenere, atque in eo tenendo se obsequium Deo praestare. Et sanè si opposita via adhuc teneatur, in id absurdi prolabimur, quod argumento haesis diminuat peccatum, & tunc demum tollatur prorsus, cum ad summam obstinationem & cecitatem excreverit; tunc enim omnis umbra scrupuli arcetur, & Lutherus redditus fuisset in sua haesi jam impeccabilis, ex quo, ut dixisse fertur, vermem conscientiae omnino extinxit. Quid verò absurdius, quam augmento vitii, ut est haesis, culpam diminui, ac tolli demum eo ad summam excrecente?

28. Demum §. 4. totus incumbit ad probandum, quod rusticus credens suo Parocho haesim docenti non excusetur. Sic enim arguit. Creditur, & fidenter dicitur nil esse mali, nil culpae, si fidelis sed simplex rusticus Parocho suo credat, personas Trinitatis esse duas, aut unam earum esse Virginem Sanctissimam. Ratio redditur, quòd is ignorans sit, nec plus sciat, nec aliud facere valet, quam Pastori suo credere: nec in quo peccet, ipse cognoscit. Verùm hac ratio ex eo falsitatis arguitur, quòd hac ratione omnia peccata ignorantiae & ex ignorantia tollantur. Praeterea Nestorius Constantinopoli celebris Episcopus plus erat quam Parochus, & tamen oves ipsi credentes duas personas esse in Christo peccabant, & peribant, ut expressè dicit Caesilius Pontifex in Epistola ad ipsum dicens. *Quid hic tu Pastor acturus es, qui dominicum gregem pro lupi ipse discerpis? ille promittit alias adducere, tibi pereunt quas habebas.* Nec alia de causa congregata fuit Synodus Ephesina, nisi ut lupus rapax, & magis arceretur, ejiceretur, & oves illae servarentur. Idem dicendum de Eurychianis, aliisque haeticis, à quibus plebs decepta in perniciem animarum, fuit; alioquin frustra haeticis tantum negotium facefferent Pastores Ecclesiae, & non fuisset cur Christus ipse iam seriò juberet attendere à falsis Prophetis, &c. quia maxima pars fidelium, nempe rustici, rudes, ac Feminae sine periculo ab illis seducerentur. At Ecclesia maximè sedulò invigilat contra Haeticos errores seminantes, ne populi etiam rudes inficiantur & pereant. Censet ergò illos non sine peccato ab illis seduci.

29. Jam eadem ratio valet in moribus; si enim error in fide non excusat, nec error in moribus excusare poterit. Quis dixerit eos excusari, qui fornicationem crederent licitam pro tuenda vita, eò quòd hoc à Parocho audierunt? Sanè Gentiles

ipsi in similibus fuere inexcusabiles, ut S. Paulus 1. ad Rom. docet, & S. Thomas optinè commentatur. Ergò multò minùs excusabuntur Fideles, quia veritas talium faciliùs sciri potest in Ecclesia, quam in infidelium cecitate. Et sanè quando talia in Ecclesia acciderunt, nihil dubitatum est de culpa, sed punita sunt scelera. Epicurei credebant beatitudinem sitam esse in voluptate. Anne ideo qui benè Epicurei erant, & firmiter sine scrupulo suae sectae adhaerebant, minimè peccabant? Aut Christiani similia credentes & facientes non peccant?

30. Nec sufficit, quòd Pastor aut Doctor hoc dixerit, nam Haesiarchae erant Pastores, Episcopi ac literati, & tamen erroribus suis mactabant, quos fallabant. Similiter non sufficit probabile, aut certum purè existimatum, quia nemo haesim credidit, quam veram non existimavit. Ergò quoad ipsos probabilis erat, sin minùs assentire non potuissent. Plurimi tamen haesim credendo peccarunt. Ergò non excusat probabile, aut certum existimatum. Sic nec Arriani excusabantur à peccato haesis, quamvis haberent fortissimas, ut putabant, rationes & auctoritates; nec Nicolaitae à peccato luxuriae, quamvis sectarentur dictum Nicolai, qui ab Apostolis ipsis Diaconus fuerat constitutus. Et sanè Deus apostolus 2. graviter reprehendit Episcopum Pergami, quòd toleraret tenentes doctrinam Nicolaitarum. Ergò & isti errantes peccabant. Ita Celladeus §. 4.

31. Respondeo me multas in prioribus, sed nullibi tot terminorum equivocationes, & confusiones simul observasse quot in hac septima Celladei quaestione reperi. Eas paulatim evolvam, prout singulis in objectione contentis responsionem dederò.

32. Inprimis quòd ad syllogismum attinet, ille frustra urgetur contra nos, qui consequens illius numquam negavimus; Celladeus tamen in eo urgendo plurimum gloriatur; atque illum pro irrefragabili demonstratione proponit. Sed ut omnes videant quàm inane telum torserit, concessio consequente, quòd nil à nobis expressè non assertum continet, consequentia negatur, quia mihi propositio est apertè falsa. Et sanè peto à Celladeo, an nemo ex omnibus temerè judicantibus contra conscientiam peccet? Estne credibile, neminem illorum hac in re contra conscientiam, aut certè contra aliquem saltem conscientiae scrupulum operari? Nil certius, quam plurima ejusmodi judicia esse peccata ex malitia, non ex mera ignorantia patrata. Nos autem hic loquimur de peccatis purè ignorantiae & incogitantiae, quando nulla cognitio, nullum dubium, nullus scrupulus de malo intervenit. Idem valet de plurimis haeticis, saltem de illis qui ab initio definitioni Ecclesiae, quam antea pro regula infallibili habuerunt, stare noluerunt; fieri enim nequit quin aliquo modo adverterint se male facere, proprium judicium illius auctoritati praefereundo. Nec obstat, eos putare, se verum credere, ac existimare illud ipsum à Deo revelatum esse, quia hoc non excludit scrupulum antecedentem, quo à tali judicio eliciendo terreamur, quoque satis ostenditur, eos judicio Ecclesiae, proprio contempto, stare debuisse. Ceterum ad haesim non requiritur, ut homo existimet errorem suum esse à Deo revelatum, sed sufficit si pervicaciter neget illud esse verum, quòd scit ab Ecclesia proponi tamquam à Deo revelatum. Hoc autem stante, argumentum nostrum fortius urget,

Ioannis ostenditur adversarii iactantia.

get, quia quod opponitur vim non habet. Immo argumentum nostrum locum habet in eo, qui putat se obsequium præstare Deo, quia hoc iudicium consequens non tollit scrupulum antecedentem, quo homo sufficienter advertit, imo cognoscit se Deo displicere eliciendo illud iudicium, quamvis objectum talis iudicii, prout representatur intellectui, Deo placere videatur. Sic subditus, cui superior prohibuit ne quidquam

Peccatum hæresis ita est peccatum erroris & ignorantie, ut non ex pura ignorantia, sed hic & nunc ex malitia, incuratur.

in itinere emeret, iudicare potest gratum fore superiori talem rem, si ematur, quamvis dubitet an ipsum emere sit ipsi gratum. Ideoque peccare potest etiam contra conscientiam in faciendo eo, quod gratum superiori futurum arbitratur. Itaque certum est, peccatum hæresis ita esse peccatum erroris & ignorantie, ut non ex pura ignorantia & errore, sed hic & nunc ex malitia & contra antecedentem conscientie stimulum sæpissime incuratur, quamvis aliter dicendum sit de illo, qui omnia circumspectando hic & nunc nullam mali suspensionem sive in opere, sive in operatione cerneret, sed in omnibus se Deo placitum crederet. Ille enim aut nullo modo, aut certe ex mera ignorantia, & non ex malitia peccaret.

33. Sed & Celladeus ipse hoc ipsum satis clare advertit dum opponit, sequi ex nostra sententia Lutherum impeccabilem futurum fuisse, postquam omnem scrupulum, & conscientie vermem extinxerat. Ergo credit eum, saltem ab initio suæ hæresis, non omni scrupulo caruisse. Nec dubium est, quin ab initio Lutherus frequentes habuerit, sicut ipsemet abundè testatur de seipso. Hoc ergo scit & admittit Celladeus. Ergo simul concedit, hæresim Lutheri, saltem ab initio, fuisse peccatum malitiæ, ad quod mens operantis satis advertebat, sicut in aliis peccatis ex malitia patris advertere solet. Ergo inconsequenter loquitur, sibi quæ ac aperte veritati contradicit, quando contendit, minorem illam: *Quando peccatur per hæresim, non advertitur & cognoscitur peccari*: esse evidentem.

34. Cæterum quamvis Lutherus, si tamen verum dixeris, omnem conscientie vermem extinxisset, non ideo simpliciter loquendo minus graviter peccasset, quia non ideo intellectus illius, non sufficienter advertebat ad malum, quatenus clare sciebat se contra Ecclesie definitionem suis erroribus inhxere, quamvis voluntas ipsius non cruciaretur. Verum hoc pertinaciam ipsius magis voluntariam reddebat, ideoque ex hoc capite peccatum augebatur; nec defectus advertentie pristinae eum excusabat, quia non erat causa erroris, cum mansisset in errore, quamvis eam advertentiam habuisset. Non ergo sequitur, ut arbitratur Celladeus, accessione vitii culpam minui, & multo minus tolli, cum ad summum excreverit; sed oppositum ex nostra sententia legitime deducitur.

35. Cæterum, quamvis præteritam Celladei demonstrationem explosierim, ejus tamen zelum laudo; sed vereor, ut sit secundum scientiam. Laudabile est temerarias, nimis laxas, & erroneas tam in materia fidei quam morum opiniones convellere; sed hoc scire non præstatur, nisi opiniones ritè proponantur, atque objecta opinata in suas classes distribuuntur. Hæc si præstitisset Celladeus, atque peccatum puræ ignorantie à peccato malitiæ, opusque ratione sui imputabile ab opere tantum imputabili in causa distinxisset, non habuisset causam dicendi, communem gravissimorum Auctorum opinionem de

actualis cogitationis ad peccatum ratione sui imputabile necessitate tot secum præjudicia ferre, ut aliud suorum studiorum præmium non desideret, quam eam labefactare. Erras Celladee, non illa secum ulla fert præjudicia; sed totum præjudicium in eo vertitur, quod in confuso rem proponas, quod in confuso eam intelligas, quod in confusa ac generali terminorum acceptione eam impugnes, dum omnibus tribuis, quod uni tantum parti tribuendum esse vides. Negare peccata ignorantie & erroris absurdum est, quia certè constat quod dantur peccata ejusmodi. At contendere in particulari quod omne id quod sit ex plena mali inadvertentia sit peccatum, & quidem ratione sui imputabile, est absurdissimum. Distingue res, mediâ viâ incedes, & eos tecum sentientes habebis, quos tamquam adversarios insectaris.

36. Sed quid? Nōne docemus nos, peccari non posse, animam mactari non posse, nisi cognoscatur ipsa actu se peccare? Nōne ed tendit doctrina nostra ut statuatur hæc proposito, si lupum non lupum putas sed ovem, nil inde mali, non peccas, non rapis, neque mactaris? At hæc sunt intoleranda.

37. Respondemus, nil tale à nobis doceri. Dicimus enim peccari per ignorantiam, etiam quando non advertitur peccari; sed tunc dicimus peccatum illud, si sit peccatum puræ ignorantie, & nullum malitiæ peccatum interveniat (quod tamen aut semper, aut fere semper in omnibus generalibus Celladei exemplis intervenit) non habere imputabilitatem ratione sui, sed solum imputari propter causam, à qua provenit, & à qua sola est & denominatur peccatum. Rursus dicimus, incogitantiam sæpe esse inculpabilem, & à natura non culpa provenire, ideoque asserimus nullum in tali casu peccatum intervenire. Cur hæc in propriis terminis non impugnas, Celladee? Cur semper in generali loqueris? Si adversarium quæras, ad manum habes; sed vide an illum in eo, in quo à te discrepat, impugnes. Hactenus certè hoc non præstitisti. Unde si zelum adhibuisti, non adeo scitè eo usus es, sicut Theologum oportebat.

38. Quod autem ad secundam propositionem attinet, illa undique falsa est, nec apud ullum gravem Auctorem Catholicum invenitur. Nōne stultè, temerè, ac contra scrupulum conscientie, & consequenter ex peccato malitiæ credere possum lupum non esse lupum sed pastorem? Annè nil inde mali? Non rapitur, non mactatur, qui sic sponte & temerè in errorem ruit? Sic in errore ruunt omnes, qui ab initio hæresiarum ab Ecclesia damnatis credunt, ut mox dicitur uberius. Præterea quamvis verum esset, quod homines sine peccato illis fidem præberent, sequiturne inde, nil mali ipsis evenire? Sic arbitratur Celladeus, sed duabus de causis aperte fallitur. Primò si errent circa necessaria necessitate medii, damnatio æquè sequetur, sive peccent, sive non peccent qui illis fidem præbent. Mactabuntur ergo, & peribunt, etiamsi errando non peccent. Secundò error ille impedit exercitium fidei, saltem circa talia objecta. Ergo impedit opus maximè meritorium, tum in se, tum propter effectus ab illa dependentes. At hoc magnum damnum est, ut patet. Nec dicas opinionem erroneam, & actus ab ea regulatos esse bonos, & tam bonos, quam sint ipsa fides, & actus à fide regulati. Ita sæpe objectat Celladeus, sed in utroque fallitur. Nec error, nec actus ab errore

Declaratio
nostræ as-
sertionis.

Error mul-
tiplex Cel-
ladei.

Laudandus
foret Cella-
dei zelus in
convellendis
laxitatibus,
sicum scire
tias esset co-
junctus.

errore regulatus est bonus, nisi error sit invincibilis. Quamvis autem sit invincibilis, nec error est tam bonus quam fides, nec actus ab errore regulatus tantam bonitatem habet, quantam actus, quem certissima ac supernaturalis fides dirigit. Itaque semper cavendi sunt lupi, quia semper gregi nocent, semper maculant & perdunt.

39. Atque hinc non minus perspicuum, quam efficax argumentum ducitur, ad ea infirmenda, quae Celladeus §. 4. congerit, ad ostendendum, quod etiam rudes verè peccent quando Parocho, vel cuivis alteri, etiam doctissimo ac nominatissimo Episcopo errorem contra fidem docenti fidem praebeant. Inprimis constat, omnem planè errorem contra fidem, sive vincibilis ille fuerit sive invincibilis, multum obesse, cum fidem supernaturalem, atque opera in tali fide fundata impediatur, illorumque loco, aut mala, aut non bona, aut certè longè minùs bona substituat. Constat 2. omnem errorem, etiam invincibilem circa ea, quae simpliciter necessaria sunt ad salutem, seu quae communiter appellantur necessaria necessitate medii, mortem aeternam indubitanter asserere, atque idcirco omnino cavendum esse, cum ceriò certius damnationem inducat. Constat 3. omnem errorem, qui à fidelibus, de fide & Ecclesia modicè instructis, contra expressam Ecclesiae definitionem cum pertinacia incurritur, esse verissimam haeresim, gravissimumque peccatum ratione sui imputabile. Ratio est, quia fides vera adeo nos Deo per Ecclesiam loquenti subjicit, ut sciamus nos à fide, semel acceptata, nulla de causa, ne quidem quamvis Angelus de caelo contrarium annuntiaret, recedere debere, aut citra peccatum posse. Ratio est perspicua, quia qui auctoritati vel rationi contra Ecclesiam Dei nomine loquentem aures & fidem praebet, Deum mendacem facit; cum summam auctoritatem, satis manifestè se prodentem, fallacissimae rationi ac auctoritati creatae contradicenti postponat. Haec tria in se verissima sunt, ab optimis Theologis approbata, atque ex dictis satis dilucidè inferuntur: in iis autem totum intentum efficaciter stabilitur.

40. Inprimis omnes haereses, nullà demptà, summo nisi à Pastoribus Ecclesiae insectandae, ac si fieri potest, exterminandae essent ab Ecclesia, quamvis aliud malum secum non ferrent, quam defectum boni, & meriti in ordine ad vitam aeternam: Christus enim, qui Ecclesiae suae & gloriam, & gloriae cumulum desiderat, apud Pastores Ecclesiae depositum, (nempe rectam de credendis fidem ac doctrinam) reliquit, quo omnes sine impedimento, ad magnam gloriae coronam pervenire possent. Injuxit porro Pastoribus Ecclesiae, ut hoc depositum illibatum servarent, ne per illorum negligentiam medium tanti momenti ab ipso relictum frustraretur. Itaque vel ex hoc solo capite contra fures & lupos clamare tenentur, & eos à grege arcere, ne illi suis erroribus huiusmodi nocumentum creent. Porro quamvis talis error ex se praecise gloriae tantum diminutionem, non autem jacturam inferret, haud dubiè tamen multis ruinæ causa existeret, quia multis repidis plurium bonorum & meliorum operum omittendorum ansam praebere, illaque de causâ Deus juxta providentiae suae leges abundantiora gratiae auxilia illis negaret; ex quo tandem, indirectè saltem, lapsus in peccatum, & peccantium damnatio sequeretur. Unde de talium errorum sitioribus verum est, non solum quod suis doctrinis bona impediunt, sed

etiam quod oves perdant & maculent. Haec est generalissima ratio, ob quam Pastores Ecclesiae contra haereticos, tamquam contra lupos gregem invadentes, clamare, atque insurgere obligantur, ne alioquin oves illorum doctrinis seductae, & gloriae diminutionem, atque multam etiam ejusdem jacturam patiantur.

41. Huic primò adde secundum caput nocumenti ab haereticis imminenti, statimque videbis obligationem eis resistendi in Pastoribus crescere. Potissimè enim haereses expressè in illis errant, quorum explicita fides necessaria est ad salutem necessitate medii. Quod cum certum sit, mirandum planè est Celladeum in tota isto tractatu nullam de huiusmodi differentia mentionem fecisse, sed de omnibus fidei articulis, ac de erroribus illis oppositis, eodem modo fuisse loquutum, ac si idem de singulis dicendum esset, quod ulli eorum convenit. At Theologi, quando tractant an & qualiter error in materia fidei noceat, aut ad peccatum imputetur, nil antiquius habent, quam ut ista distinguant. Sciendum ergo est, potissima Sanctissimae Trinitatis ac Incarnationis Mysteria, aliaque nonnulla ex necessitate medii ab omnibus esse credenda, adeoque homines sine illorum fide necessariò perire, sive qui illa ignorant, aut circa illa errent peccent, vel non peccent. Jam nulla est haeresis primaria, quae circa aliquem saltem ex istis articulis non errarit. Unde Christus rectè admonuit, cavendum esse ab illis, quia doctrinis suis maculant oves & animas perdunt. Sed & Pastores Ecclesiae contra eos tamquam contra lupos gregem invadentes insurgere debent, ut oves ab eorum faucibus seu falsis doctrinis tueantur: nec refert quod Pastor, aut Episcopus, aut Doctor nominatissimus talem errorem proferat, quia in ordine ad impediendum salutem perinde est à quo error inducatur, quamvis in ordine ad peccatum arcendum multum refert, quis, quomodo, & à quo errorem audit, cui fidem dedit.

42. Demum nemo Catholicorum errori ab Ecclesia damnato fidem praestat, nisi eo ipso fidem abiciat, & graviter peccet, non ex ignorantia, sed ex malitia, saltem ab initio. Itaque omnes Haesiarchae gravissimè peccarunt contra fidem: nec à peccato populus ab iis seductus immunis fuit; nemo enim fidelis sine manifesto peccato, eoque non ex ignorantia sed ex malitia profecto, ab illis articulis resilire potest, quos ab Ecclesia ut fidei dogmata teneri novit. Itaque Pontifices ex hoc etiam capite contra lupos seducunt, & oves seductas insurgere debent, ut illis clariùs ob oculos ponant errores ac peccata, eo fine, ut & ipsi resipiscant, & ne alii in eorum laqueos jam clariùs detectos peccaminosè incidant.

43. His praemissis, quae videntur esse satis certa, argumentum Celladei sponte ruit. Si enim rusticus adeo rudis sit, & incapax, ut post debitam diligentiam sufficienter capere aut scire nequeat, quid in Ecclesia & ab Ecclesia certò teneatur, aut si cupidus sciendi quae non novit, adeat eos, qui ipsi praepositi sunt, quique publicam sufficientem famam adepti sunt; talis homo si ab uno vel altero ejusmodi audiat aliquid credendum esse de fide, nec quemquam reclamantem audiat, non videretur peccaturus si illis fidem adhibeat, quia pertinet non est, sed paratus omnes illos errores respuere, cum sciverit illos ut tales ab Ecclesia respuì. Nihilominus peribit miser, & verè maculabitur, si error sit circa ea, quae necessitate medii cre-

Error, licet invincibilis, saepe multum obest.

Multis nominibus invigilandum Pastoribus Ecclesiae contra haereses.

Vix ulla haeresis primaria quin impeerit in articulo necessitate medii omnibus credendum.

Non omnis in fide error rudioribus imputabitur.

dii credenda sunt. Itaque in exemplis à Celladeo adductis aut numquam aut rarò valde contingit errantes, non peccare, quia nimis notorium & obvium est, illa ab Ecclesia ut falsa ac hæretica rejici. Nec refert quis sit, qui hæc doceat, an Pastor, an Episcopus, an Patriarcha, quia vel ipsis rudibus nimis apertè constat, Ecclesiam omnibus esse præferendam.

Præsertim si versetur circa articulum, ne quid de necessitate præcepti credendum explicite.

44. At si loquamur de rebus magis reconditis, quarum explicita fides non est omnibus necessaria, ne quidem necessitate præcepti, absque ratione dicitur, quod error circa illas sit peccatum in eis, qui orto de illis dubio Pastores sibi præpositos consulunt, quamvis ab illis decepti errori fidem præbeant. Idipsum multò magis verum est in illis, qui ab infantia inter hæreticos educati sunt; in illis enim errores etiam circa credenda ex necessitate mediæ, longè faciliùs quàm in fidelibus sunt invincibiles, & inculpabiles; quia cum illi numquam habuerint, æstimationem debitam de auctoritate Ecclesiæ Catholicæ, sed potiùs semper contra eam exclamantes audierint, ab initio illis vitio verti non potest, si viris apud eos gravissimis de illis, quæ contra lumen naturæ non sunt, fidem dederint. Idque longè frequentius ac diutius, & sæpe per totam vitam locum habet in rudibus, qui numquam cum Catholicis conversati sunt, sed semper de illis pessima audierunt. Nihilominus miseri illi peribunt, nisi Deus eos tandem illuminaverit, & ad fidem necessariam reducerit. At si solùm errent, circa ea quæ citra animæ periculum à fidelibus ignorari possunt, non ideo peribunt, si fidem de necessariis habeant, quia non est cur aut illi, aut rudes Christiani, qui talia à suis Præpositis constanter audierunt, criminis accusentur; illi enim fecerunt quantum humano modo potuerunt, ideoque si errent, invincibiliter errare censendi sunt.

Celladei inconf. quentia.

45. Sed & Celladeus ipse in hoc inconsequentia arguendus est, nisi omnes fermè Catholicos totà vitæ contra fidem peccare dicat. Ratio est, quia in materia fidei malum ignorantia & erroris per illum maxima ex parte æquiparantur, quamvis error sit deterior ignorantia. Omni enim nisi ostendere conatur malum utriusque esse magnum, & consequenter debuisse prohiberi. Et sanè ignorantia circa credenda, sive necessitate mediæ sive necessitate præcepti, non minùs infert peccatum & damnationem quàm error, ut patet. Hoc tamen non obstante ignorantia plurimorum de fide dogmatum non est tantùm malum quod universaliter prohiberi debuit, alioquin nemo absque peccato ignorare posset, quidquam quod à Deo revelatum est. At hoc est falsum, quia maxima fidelium pars plurima eorum, quæ Ecclesia tamquam dogmata revelavit, ignorat, & pauci valde sunt, qui singula norint; nec ideo peccant, modò ea credant quæ necessaria sunt tam necessitate mediæ, quàm necessitate præcepti. Jam quamvis omnes teneantur singula credere, quando sufficienter proponuntur ut asserta ab Ecclesia, licet tamen ignorantur, quando ignorantia nec affectata est nec supina, nec hæc ignorantia tantùm malum est, ut prohiberi debuerit. Ergò idem dicendum est de errore, quando error ille non est culpabilis, sed incurritur etiam ab iis, qui in rebus ad animam spectantibus diligentes sunt, maximè si ita dispositi sint, ut in omnibus Ecclesiæ obedire parati sint, ubi constiterit illam oppositum tenere. Ergò error in rebus istiusmodi absque peccato incurri potest, non solùm ab iis qui in hæresi educantur, sed

etiam ab ipsis fidelibus, quando à Pastoribus suis ita docentur, nec ulla illis apparet ratio cur illorum dictis non credant.

46. Hæc de errore citra peccatum in materia fidei, & de Celladei æquivocationibus hac in parte dicta sufficient: superest ut ejusdem æquivocationem magis adhuc palpabilem in materia morum convellamus. Inprimis quantum spectat ad ea quæ prohibita sunt quia mala, pauca tantùm invincibiliter ignorantur etiam ab infidelibus, qui non possunt non satis percipere ea esse mala, quamvis non tam clarè videant eorum malitiam, quàm qui de illis meliùs instructi sunt. Porro hoc ipsum à fortiori locum habet apud fideles, qui expressam Decalogi aliorumque prohibitorum notitiam habent. Itaque exemplum fornicationis & similia non est ad rem, quia fideles citra peccatum malitiæ ignorare nequeunt id non esse malum & vetitum. Nec refert, quod Pastor aliquis aut Episcopus vel Doctor doceat oppositum, quia cum Ecclesia doceat fornicationem esse illicitam, omnis privatorum auctoritas contemnenda est, ut Deus audiat, qui nos per Ecclesiam docet; cum qui Ecclesiæ in talibus contradicit, Deum mendacem faciat. Quare in his ultro concedimus non sufficere, quod Pastor aut Episcopus, vel etiam Angelus dixerit id esse licitum, quia nemo nisi temerè & cum hæresi illis fidem dare potest contra Ecclesiam contrarium docentem, ut patet.

Uterius detegitur Celladei æquivocatio in malitia morum.

47. Sed quod inde transeat Celladeus ad probabile, quasi verò id ad excusandum à peccato non sufficeret, atque id ex paritate fidei comprobetur, undique à veritate propter multiplicem æquivocationem deficit. Inprimis supponit hæreses fuisse verè probabiles, saltem ipsis hæreticis, qui illas approbarunt ut veras; hoc autem apertè veritati repugnat, quia de essentia probabilitatis est, ut nil certi in oppositum afferratur. At Auctoritas Ecclesiæ damnantis hæreses definitionem suam certam reddit. Nulla proinde hæresis probabilis esse potest nec quoad se, nec quoad illos, qui aut Ecclesiæ auctoritatem norunt, aut nosse possunt ac debent. Unde omnes qui ab initio contra Ecclesiæ definitionem hæresim sectantur, eo ipso sunt inexcusabiles, cum vincibiliter & ex malitia errare convincantur. At si sermo sit de seductis, ac ab infantia in hæresi educatis, qui debitam de Ecclesiæ auctoritate æstimationem nec habent nec habere potuerunt, eò quòd sinistram de illa informationem semper acceperint, illi invincibiliter errare possunt in materia fidei, in quo casu error illis hic & nunc evadit extrinsecè probabilis, quia magnam habent auctoritatem pro eo, quòd credunt, & invincibiliter ignorant omne prævalens, quod in oppositum afferri potest.

Hæresis hæreticæ ipsi rerum probabilis non est.

48. Nec obstat, Hæreticos, etiam formales, existimare sua dogmata esse vera ac etiam certa, quia inde solùm sequitur, quòd consequenter ad indebitum animi affectum, apparentem apud illos probabilitatem habeant, quod nemo negat. Verùm talis probabilitas, affectum indebitum consequens, neminem excusat, nec à nobis pro regula conscientia ponitur. Mirum proinde est talia objici potuisse.

49. Deinde paritas inter errores de fide & moribus crassam æquivocationem continet, quia multipliciter institui potest. Error enim circa mores potest simul esse error circa fidem; sic qui adulterium licitum esse crederet, & contra fidem & contra mores erraret. Et quidem in hujusmodi casu

Secus sæpe de educatis in hæresi.

Uterius adversarii æquivocatio crassa.

casu paritas rectè procedit, sed Celladeo non fa-
vet, quia in istis non dubitatur de culpa, cum fi-
deles Ecclesiæ auctoritatem scientes circa talia
sine peccato ratione sui imputabili haud errant.
Immo quod plus est, infideles circa talia vinel-
biliter errant, quia ipsum naturæ lumen nisi ma-
litosè tegatur, talia turpia esse convincit. Ergò
in talibus satis constat de peccato. Quod si nulla
sit certitudo fidei de aliquo puncto, sed post
omnem diligentiam res maneat dubia, ut tam in
fidei, quàm in morum materia sæpe evenit, tunc
etiam paritas rectè se habet. Verùm in hoc ca-
su error si probabili fundamento nitatur, in utra-
que materia à peccato excusat. Verùm excusatio
paulò immediatius apparet in materia fidei, ut
constat ex dictis *quæst. 11.* ubi ex paritate probabi-
litate excusantis in materia fidei, probabilitatem
etiam in materia morum excusare intulimus.

Aliter insti-
tui potest
paritas.

Sed Cella-
deo non fa-
vet.

50. Verùm si paritas instituitur inter errorem
de moribus verè insuperabilem, eò quòd post
omnem diligentiam adhibitam res maneat incer-
ta, & obgrave motivum vera credatur, & erro-
rem circa fidem in rebus jam clarè decis, argu-
mentum in tali paritate fundatum sponte ruit,
quia evidens disparitas se prodit, eò quòd ejus-
modi error circa fidem sit vincibilis, omni-
que probabilitate careat, cum error circa mores sit
invincibilis, ac motivo verè probabili nitatur.
Jam si Celladeus, ut oportebat, hæc distinxisset,
& plura dissimillima sub generali eorundem ter-
minorum notatione contenta æquivocè non con-
fudisset, nullum ex hoc capite pro se, sed vali-
dissimum contra suam opinionem argumentum
invenisset.

SOLVUNTUR OBJECTIONES

Quæstione 8. contentæ, & quæritur, an
absolutio Ecclesiæ probet, quod homi-
nes errore circa fidem laborantes in
ipso peccent & excommunicationem
incurrant.

Obiectio ab
auctoritate
S. Thomæ.

51. **O**BJICIT sextò. S. Thomas 2. 2. *quæ-
stion. 10. art. 12.* ut probet filios Judæo-
rum & infidelium invitis parentibus non esse ba-
ptizandos, sic arguit. *Maximam auctoritatem ha-
bet consuetudo Ecclesiæ, quæ semper est in omnibus
amulanda; quia & ipsa Doctrina Catholicorum Do-
ctorum ab Ecclesia auctoritatem habet. Unde magis
standum est auctoritati Ecclesiæ, quàm auctoritati
Augustini, vel Hieronymi, vel cujuscumque Do-
ctoris. Hoc autem Ecclesiæ usus numquam habuit,
quod Iudeorum filii, invitis parentibus baptizarentur.*
Ecce quantæ auctoritatis apud omnes esse debet
praxis Ecclesiæ, cum illi omnes rationes & au-
ctoritates S. Thomas postponat. Hinc autem ad
præsens intentum sic arguitur. Consuetudo Ec-
clesiæ est, ut populos integros, etiam rudes ipsos,
ac feminas, propter errores & hæresim à se ab-
scindat, ut redeuntes hæreticos ab excommuni-
catione absolvat, nec omnibus eos absolvendi
potestatem committit, sed personis certis refer-
vat. Ergò Ecclesiæ censet, tales propter suos
errores, esse peccati ac hæresis reos, quia ex-
communicatione in hæreticos lata non nisi per pec-
catum incurritur, ut pater. Hæretici ergò, quos
Ecclesiæ absolvit, peccatum hæresis & pœnas hæ-
reticorum incurrunt. At non solum privatæ per-
sonæ, sed integræ nationes absolvuntur. Ergò
integræ nationes sunt veri hæretici. Et tamen in
integris illis nationibus aut omnes aut plerique
R. P. A. Terrilli, Regula Morum. PARS II.

putant se rectam viam tenere, nec de hoc vel mi-
nimum formidant, immo, propter educationem
in hæresi, pessimam de Catholicis opinionem
cum lætè sugunt. Ergò sæpe peccant etiam illi,
qui putant se non peccare, sed rectè agere. Ita
fermè Celladeus *quæst. 8.* ubi vehementer invchi-
tur in aliquos, quos tamen haud nominat, qui
per doctrinam de actuali advertentia mali ad pec-
catum requisitam innumeros ab hæresi, & ex-
communicatione hæreticis inflicta liberant, quia
dicunt eos non peccare, quoties actu non adver-
tunt peccatum latere in opere. Hac ratione eos
ab excommunicatione liberos esse decernunt,
qui se excommunicationem incurrisse ignorant,
eosque privata sua auctoritate Ecclesiæ reconcil-
liant, seu à peccatis citra reconciliationem absol-
vunt. Mox addit, nonnullos à proprio hæresi
peccato, & consequenter ab omni hæreticorum
pœna liberare omnes ignorantes, nisi affectata
sit eorum ignorantia, qui in eo se fundant, quòd
excommunicatio sine contumacia & contemptu
non incurritur. Ad contumaciam autem & con-
temptum cognitio necessaria est, qui enim ex-
communicationem ignorat contumax esse nequit.
Ergò excommunicationem ignorans, eam non
incurrit. Ergò ignorantia nisi affectata sit, ex-
cusat.

Contendit
ignorantiam
invincibilem
non excu-
sare ab ex-
communi-
catione.

52. Tandem in eos invehitur, qui simplicem
hæreticorum populum propter invincibilem eo-
rum ignorantiam à culpa & pœna hæresis libe-
rant. Opponit autem praxim Ecclesiæ, quæ eos
in suum gremium non admittit, nisi ab excom-
municatione primùm absolvat.

53. Nec dicas, inquit, absolutionem illam im-
pertiri quidem in foro externo iustis de causis,
cum in foro interno non sit necessaria: contra
enim est, quia forum externum non differt ab
interno, nisi quando ignorantia, error, vel falsa
præsumptio reperitur in foro externo, quod in
interno locum non habet. At in casu præsentis
simplicitas, ignorantia, & ineptitudo rudium ho-
minum, sicut & eorundem educatio, id est omnes
tituli in quibus invincibilitas ignorantie fundari
potest, æquè innotescunt in utroque foro. Ergò
judicium utriusque fori debet esse idem. Præterea
si capita illa fundarent ignorantiam invincibilem,
utique facerent præsumptionem de ignorantia
invincibili rudium, qui ab hæreticis seducuntur,
quia præsumptio fundatur in eo quod plerum-
que contingit; nec umquam id præsumitur, quod
rardè & in gravioribus evenit, quia rardè contin-
gentia præsumenda non sunt, sed probanda. Ergò
Ecclesiæ neminem præsumere deberet esse
hæreticum, sed positiva ratione opus esset. At
hæc omnia falsa sunt & absurda, cum praxis Ec-
clesiæ ostendat hujusmodi homines esse reos,
quia illos non sine reconciliatione & absolutio-
ne ab excommunicatione in suum gremium reci-
pit. Ergò rei sunt. Ergò peccant, & hæreseos
rei sunt, quia suis dogmatibus putant se non
peccare, sed bene agere, dum eis fidem præbent,
atque fidem Catholicam averfantur. Ita Cella-
deus dicta *quæst. 8.*

Replica.

54. Respondeo inprimis me nullatenus iis
favere, qui de incurfu pœnarum nimis laxè sen-
tiunt. Scio ignorantiam non solum affectatam,
sed etiam crassam seu supinam ad peccatū, & con-
sequenter ad pœnas peccato debitas ex se ac suo
conceptu abundè sufficere: laudo proinde Cella-
deum, qui §. 2. hæc in parte communi sententiam
adhæret, eamque ex Azorio aliisque rectè probat.
Cæterum modus discurrendi, quo utitur,

Responsio;

Diversimodò
ferri solent
exco-
municatio-
nes.

non placet, quia doctrinam hanc veram ita proponit, ac si ignorantia culpabilis ad quamvis excommunicationem incurrendam sufficeret; cum tamen hoc non minus absurdum sit, quam negare quod excommunicatio per ignorantiam non affectatam umquam incurri possit. Sciendum ergo est, jura excommunicationem internuntia diversimodè loqui. Aliqua simpliciter prohibent opus, idque sub pœna excommunicationis: alia eos tantum excommunicant, qui aliquid scienter agunt. Quædam censuram iis incurrunt, qui præsumptuosè, aut temeritate præsumptuosa aliquid patrare audent, &c. Jam sicut certum est, leges istas non frustra, & sine effectu, diversis phrasibus uti; ita pariter certum est plus requiri ad posteriorum, quam priorum pœnas incurrendas. Juvat autem credere, Auctores, quos nomine suppresso Celladeus citat, juxta hanc legem & verborum diversitatem suas assertiones itabilivisse; quia graves Auctores sensu sua in confuso exponere non solent, sed cuncta rectè distinguere, atque in classes revocare. Verum si quis à recto aberrarit, citetur nominatim, & non tacito, sed expresso nomine impugnetur; hoc enim legentium utilitati conducibilis est, quam in confuso Doctores arguere, qui fortè non adeo crudè res proponunt, sicut illis obijciunt.

55. Deinde respondeo, praxim Ecclesiæ sine hzitatione in omnibus æmulandam esse, & ab omnibus plurimi faciendam; necessitatem tamen operis non semper tam efficaciter ab illius praxi probari, quam probetur inhonestas operis, quod universali praxi omittit vel prohibet. In casu S. Thomæ aliisque similibus praxis Ecclesiæ efficaciter probat opera ejusmodi esse illicita; quia si licerent, eo ipso evaderet necessaria, ideoque Ecclesia in necessariis deficeret, si talia toleraret, quia permetteret suos subditos in talibus peccare, absque eo, quod eos, ut potest, aut corrigeret aut intrueret. At Praxis Ecclesiæ non semper ex æquo probat illud esse necessarium, quod ipsa exercet; quia sæpe facit ad cautelam, quod scit non semper esse necessarium. Sic sæpe ad cautelam dispensat, aut à censuris absolvit, quamvis sciat non omnes quibuscum sic operatur, esse reos. Verum in ejusmodi casibus dispensatio & absolutio non sunt omnino absolutæ, sed ex mente concedentis, conditionatæ.

56. Quantum autem attinet ad consuetudinem Ecclesiæ in absolvendis hæreticis ad suum gremium redeuntibus, alia est praxis fori externi, alia interni. Externum forum ad hoc præcipuè respicit, an homo rediens, errore deceptus fuerit? & an se jam Ecclesiæ subijcere velit? Si errorem fateatur, & emendationem spondeat, reconciliatur, illique absolutio à censuris datur, saltem ad cautelam. Nec mirum; quia quamvis homo rediens, dicat, se hæcenus non solum bona fide processisse, sed in nullo umquam dubitasse aut scrupulum habuisse, an suis dogmatibus fidem dando peccarit, non tamen plenam probationem facit, nec ei sine dubitatione creditur, ideoque justum est, ut Ecclesia in foro externo ad cautelam saltem eum absolvat. At in foro interno sola pœnitentis assertio plenam fidem facit; ideo praxis fori interni diversa est à praxi fori externi. Cum enim ea plenè probentur in foro interno (quæ si plenè probarentur, & certò constarent in foro externo, Ecclesia absolutionem non adhiberet, nisi ad summum conditionatè) utique sequitur, peritos Confessarios aliquando videre hominem reconciliandum invincibiliter errasse,

& absque pertinacia ad hæresim & hæreticorum pœnam contrahendam requisita errasse, & in errore permanisse, ideoque nil mirum est, si aliquando hujusmodi à peccatis absolvant, etsi eum ab excommunicatione, si eam propter hæresim contraxisset, absolvere nequeant. Quæ cum ita sint, mirum est, Celladeum adeo æquivocasse circa forum externum & internum, ut putaverit eadem prorsus quoad præsentem materiam in utroque constare; cum in foro externo solum constet multos ex educatis ab infantia inter hæreticos à peccato hæresis excusari, quod tamen nunquam sufficienter constat de hoc particulari, qui absolvitur; in foro verò interno generaliter constat plures esse peccati reos, plures innocentes, de pluribus etiam dubitatur. At de hoc peculiari homine, qui reconciliatur, satis constat eum innocenter errasse. Eadem quidem argumenta, quibus generaliter scimus aliquos esse, aliquos non esse reos, æqualiter patent in utroque foro. Verum illa ad neutrum forum regulandum sufficientiunt. Pro foro enim interno opus est alia certiore regula, quæ plenam innocentiam probationem contineat. Similiter nemo in foro externo absolute damnari potest, aut hæreticus haberi, nisi crimen sufficienter probetur, quod certè ex generalibus illis titulis non sufficienter probatur. Itaque in tali casu falsum est quod absolutio in foro externo absolute detur ut necessaria, cum aliter justè dari non possit, quam conditionatè & ad cautelam.

57. Debuisset Celladeus probare forum externum dare absolutionem ut absolute necessariam omnibus, qui ad Ecclesiæ gremium redeunt, etiam iis qui aliquando reconciliantur in foro interno absque absolutione à censura hæreticis inflicta, quando eadem constant in foro externo; tunc enim ex praxi fori externi rectè intulisset privatos homines errare, qui in foro interno aliter procedunt. Verum evidens est, eum nec hoc probasse, nec quemquam probare posse; quia eo ipso probaret, externum Ecclesiæ judicium esse exorbitans ac injustum, utpote quod multos immo plurimos innocentes damnet ut nocentes, etiam si nulla sufficiens probatio criminis contra eos afferretur. Undique ergo argumentum labitur.

Absolutio
fori externi
non semper
est absolute
necessaria.

58. Alia etiam æquivocatio latet in argumento, quia arguens non distinguit inter illas nationes, quæ ab initio contra expressam Ecclesiæ definitionem hæresim sectantur, Ecclesiæque auctoritatem prius satis notam contemnunt; & illas, quæ ab infantia in hæresi educatæ fuerunt, nec ullam umquam sufficientem de Ecclesiæ auctoritate notitiam habuerunt, sed è contra mira contra eam semper declamari audierunt. Omnes in prima classe contenti peccant peccato hæresis, à quo proinde, sicut & à pœnis tali peccato inflatis, meritò absolvuntur in foro externo, nec absque tali absolutione reconciliari debent in foro interno; Et in hoc sensu admitti potest, integras nationes peccati hæresis reas esse, & ab Ecclesia absolute absolvi posse. Dubito tamen an talis absolutio umquam integræ nationi imperita fuerit, quia intercurrente tempore plures inter hæreticos ad usum rationis pervenerunt, qui debitam de Ecclesiæ auctoritate opinionem habere non potuerunt. Itaque respectu talium absolutio non erat absoluta, sed solum conditionata & ad cautelam, cum illorum contumacia & peccatum sufficienter non probetur.

Dispar ratio
de educatis
in hæresi, ac
de Catholi-
cis lapsis,
quoad abso-
lutionē ab
hæresi.

59. Ex iis verò, qui in secunda classe continentur,

Quo sensu
praxis Ec-
clesiæ sit ar-
gumentum
infallibile
moralitatis.

Ingens dif-
ferentia in-
ter fori ex-
ternum &
internum in
ordine ad
absolutio-
nem.

Refellitur
experientia
Missionis
nostrae.

nentur, magna sanè pars adolescit in erroribus, eosque invincibiliter veros habet, nec Celladeus, ni fallor, id diffiteretur, si apud nos in Anglia educatus fuisset, atque manum hominibus ad fidem reducendis adhibuisset. Invenisset enim plures, qui nullam in vita sua de veritate suæ religionis, aut de nostræ religionis falsitate dubitandi causam habuerunt, quique post conversionem post diligens examen ullum de sua in hac re negligentia scrupulum invenire possunt. Ex his multi, statim ut dubitandi causa apparuit, seriò se ad veritatem indagandam contulerunt. Nec defunt plurimi in sua secta valde religiosi, qui juxta instructionem quam habent, Deo servire satagunt. Hi certè hæretici non sunt, nec umquam fidem in baptismo acceptam perdidērunt, & tamen isti ipsi ad cautelam ab excommunicatione absolvuntur in foro interno ab iis, qui ab hæresi absolvendi facultatem habent; non est autem cur, si justa causa id exigeret, absolvi non possent in foro interno ab eo, qui talem potestatem non haberet, cum satis constet, eos nec contumaciæ, nec peccati contra fidem reos exitisse. Verùm in regionibus Catholicis pro uniformitate Ecclesiæ, & ad majorem populi fidelis satisfactionem & ædificationem admissio ad gremium Ecclesiæ, & absolutio saltem ad cautelam in foro etiam externo danda est.

Experientie
suffragatur
ratio.

60. Cæterum non solum praxis continua cum iis qui reducuntur ad fidem, sed etiam rationes efficacissimæ planè convincunt, plurimos ex rudioribus inter solos hæreticos ab infantia educatos ab hæreseos peccato esse immunes. Hi enim, sine prædicante & annunciante, audire veritatem, illique fidem dare nequeunt. At nemo illis nuntiat veritatem, sed omnes sua dogmata proponunt tamquam à Deo, & Sanctâ ejus Ecclesiâ tradita. Ergò invincibiliter ignorant & errant. Sed ponamus aliquem illis scrupulum ingerere, an ideo statim tenentur suis erroribus renuntiare, & fidem Catholicam amplecti? nullo modo. *Qui cito credit, levis est corde.* Fieri potest, ut qui scrupulum injicit exiguae auctoritatis sit; fieri potest, ut deteriora proponat, &c. At in re tanti momenti, quanta est fides & salus æterna, prudentis non est audire statim fidem dare; immo temerarium esset & stultum illi credere, de quo non constaret, quod esset fide dignus. At non statim constat, quod novam proponens fidem sit fide dignus; immo ut sit fide dignus doctrinam suam reddere debet credibilem, quod non statim, nec ab omnibus facillè fieri potest. Rursus si unus unam, & alius ei contradicens aliam fidem proponat, (quod in tali casu ferè semper evenit) infidelis ille, maxime rudis, ignorat, quis aut qualis sit, qui fidem veram proponit, & an sit dignior fide iis, quos ab infantia contrarium docuisse novit.

61. Rursus, infidelis vel hæretici ejusmodi non tenentur credere aliam falsam sectam sic propositam. Ergò neque veram, quia ex modo proponendi scire nequit, quænam sit vera. Unde Dominus ipse *Joan. 15.* tradit peccatum non habituros, *si signa non fecisset, quæ nemo alius fecit.* Similiter Catholicus etiam indoctus non tenetur credere hæretico dicenti se verum prædicare, idque non solum quando constat, quod contra Ecclesiæ sensum loquatur, sed etiam in rebus, de quibus rudis ille nil antea audivit in alterutram partem. Ergò vice versa hæreticus rudis non statim tenetur credere veritatem, eo ipso quòd ipsi proponatur.

R. P. A. Tzilli, Regula morum. Pars II.

62. Tertiò, ratio à priori sumitur à S. Thomas 2. 2. quaest. 1. art. 4. ad 2. ubi tradit, credentem debere videre mysteria fidei, non in se, sed prout sunt credibilia; *Non enim crederet, inquit, nisi videret ea esse credenda, vel propter evidentiam signorum, vel propter aliquid hujusmodi.* Hinc sic arguo. Mysteria fidei non statim ita proponuntur à quovis, ut evadant credibilia, sed ad hoc confirmari debent vel evidentia signorum, vel aliquo æquivalenti: sed ad hoc multum requiritur. Ergò hæreticus ille rudis non statim tenetur credere, immo non potest credere, donec videat rem propositam esse credibilem. Ergò debet videre illam esse credibiliorem suâ sectâ. At ad hoc non quævis propositio sufficit, sed valida propositione ac confirmatione opus est. Verùm hoc universaliter verum est, minora motiva sufficere, ut talis hæreticus possit ac debeat de sua fide vacillare ac dubitare, quàm ut fixam ac firmam & immutabilem fidem concipiat. Hæc & alia ejusmodi convincunt, plurimos ex rudibus, apud solos hæreticos educatis, in sua secta invincibiliter errare, & pœnas hæreticorum non incurrere.

63. Sed contra instat Celladeus, & § ultimo sic objicit. Ex hac doctrina sequitur nullum fuisse in mundo hæreticum, nullum infidelitatis peccatum; nemo enim credit, quod tibi credibile, & opposito credibilius non videtur. Ergò nulli hæretico in sua secta manenti umquam sufficienter proposita fuit fides. Ergò nullum fuit aut est peccatum hæresis propriæ, & interioris. Hinc constat rationes allatas in eo solo vim facere, quòd omnia regulent per actualem cujusque existimationem de bono & malo. At constat hoc esse falsum. Teneatur vera doctrina, quod peccari potest operando juxta conscientiam, si vincibiliter errat, & omnia sponte corruunt. Peccat enim hæreticus si fidem præbeat illi, qui nondum sibi fide dignus habetur, quia temerè agit contra conscientiam. Et tamen peccat etiam operando juxta conscientiam non credendo, quia tenetur eam conscientiam, utpote erroneam, deponere, quod locum non habet in casu Catholici, non credentis falsa sibi proposita, quia hic operatur juxta conscientiam rectam, non erroneam. Quod si Christus dixit Judæos peccatum non habituros, nisi ipse signa fecisset quæ nemo alius fecit, non tamen adjunxit, eos non peccaturos, nisi ipsi id ita esse cognoverint, quia multi odio obsecrati id non cognoverunt, qui tamen id negando ac nesciendo peccarunt. Similiter verum est quod S. Thomas dicit, credentem debere videre *mysteria fidei esse credenda vel propter signorum evidentiam, vel propter aliquid hujusmodi.* Sed ubi dixit S. Doctor, quod quicumque hanc evidentiam non assequitur, hoc ipso excusetur, & hæreseos peccatum non incurrat? Ita Celladeus.

64. Respondeo, Adversarium in eadem æquivocatione, ac rerum indistinctione persistere, atque ex illa ad illationes omni veritatis speciei carentes progredi. Ex hæreticis alii scientes & volentes contra Ecclesiæ auctoritatem, quam satis perspectam habent aut habere possunt & debent, pertinaciter suis erroribus inhaerent, & hi à formalis hæresis peccato non excusantur, quia testimonium Dei loquentis sufficienter propositum posthabent & contemnunt, quantumque in ipsis est Deum mendacem faciunt. Nec obstat, quod sectas suas mysteriis fidei credibiliores habeant, quia hæc apparentia credibilitatis consequitur ad affectum indebitum, & ad judicium temerè conceptum, uni parti peccaminosè alligatum,

Imò & rationis Auto-ritas.

Replicat

Responso.

tum, ideoque error ille est ipsis imputabilis, quia fundatur in ignorantia voluntaria, supina scilicet, vel fortè etiam affectata. Alii aut nullam umquam de Ecclesia Catholica mentionem fieri audierunt, aut non nisi pessima de illa perceperunt; ideoque nec habent, nec debitam de illius auctoritate opinionem habere debuerunt, aut etiam potuerunt. Jam de his tantum rationes nostræ procedunt, quia error istorum est prorsus invincibilis, cum apparentia de illius veritate antecedit omnem indebitum affectum voluntatis, siquæ talis, ut hic & nunc, aut non possit, aut non debeat deponi. Peto jam, an ex eo quod isti non peccent peccato hæresis, sequatur nullum in mundo hæreticum formalem extitisse? Ita infert Celladeus, sed qua veritatis specie judicet Lector, imò contentus sum, ut ipse hæc legens judicet.

Hallucina-
tio Celladei.

65. Falsum similiter est, quod dicit, argumenti nostri vim in eo sitam esse, quod supponat propriam cujusque existimationem de bono & malo esse sufficientem conscientie regulam; non enim hoc supponit, sed directè probat ignorantiam & errorem ejusmodi idiotarum esse invincibilem, ac ipsis inimputabilem; talis autem existimatio boni est regula sufficiens, ut ostensum est *quæst. 3.* quamvis constet errorem vincibilem ad conscientiam regulandam non sufficere. Itaque communis illa ac verissima doctrina, quod necessariò peccet, qui sequitur conscientiam vincibiliter erroneam, argumento non officit, quia solum probat hæreticos primæ classis stante sua persuasionem in eo peccare quod Ecclesiam contemnant, &c. quia illi & possunt & debent conscientiam suam erroneam deponere, cum sit vincibilis; pro priori enim adsunt motiva sufficientia ad eam deponendam, utpote quæ obligant ad eam non formandam. At rudes, in secunda classe contenti, aut non possunt aut non debent conscientiam suam deponere, cum antecederet ad omnem affectum uni parti alligatum, motiva ad talem obligationem inducendam sufficientia non habeant, sed, nisi temerè agere velint, suis erroribus fidem dare debent.

Explicantur
verba Christi,
à Celladeo
ob-
jecta.

66. Quod addit de Christo non solvit argumentum, quia quamvis Christus non dixerit, neminem ex Judæis, qui non agnoverit eum talia fecisse signa, peccasse non credendo, tamen satis luculenter asserit neminem eorum peccatum fuisse non credendo, nisi potuissent id ipsum scire, atque per ipsos, eorumque culpâ steteret, quod minus id scirent. At hoc abundè sufficit ad intentum nostrum, cum argumentum procedat de iis, qui talem de mysteriis fidei informationem habere nequeant. Idem proculdubio est sensus S. Thomæ: nulla proinde est hæc Celladei replica.

SOLVITUR ULTIMA OBJECTIO,

Quæstione nona contenta.

Objectio 7. 67. **O**BJECTIONEM septimam. Absurdissima ac perniciosissima hæresis non ita pridem pervulgata docet, unumquemque salvari in sua religione, modò credat in Christum, atque juxta suæ religionis præscriptum vitam instituat, nec quidquam contra lumen naturæ operetur. Error hujus hæresis in eo consistit, quod dicat, Deum alligasse salutem æternam omni credenti in Christum, modò juxta religionem suam vivat, & contra lumen rationis non operetur; quasi verò to-

ta substantia Religionis, quam Deus exigit ad salutem, in eo solo puncto vertatur, quod in Christum credamus, reliquæ verò de religione diffensiones sint res parvi momenti, & velut diversarum Scholarum opiniones, in quibus unicuique impunè permittitur in suo sensu abundare. At idem absurdum reipso sequeretur si verum esset, quod omnis, qui sine scrupulo operatur, juxta conscientiam suam non peccaret. Inprimis sequi videtur, hæreticos omnes juxta errores suos atque formatam ex iis conscientiam non peccare, quia sine scrupulo fidem suam veram habent, & de veritate conscientie juxta illam formatæ securi sunt. Quod si deinde dicatur, bonum esse juxta conscientiam sic formatam operari, sicut turpe est contra agere, eo ipso hæreticorum & infidelium operationes, erroribus suis consentientes, evadent honestæ. Inde autem sequitur ulterius, easdem operationes esse ordinis supernaturalis, quia ex verâ Theologiâ gratia supernaturalis & auxilium sufficiens nulli deest ad suas honestas operationes, ut ordinis supernaturalis fieri possint. Erunt ergo operationes illæ meritorie vitæ æternæ, saltem de congruo, quin etiam & de condigno in hæreticis baptizatis, qui grave aliquid contra lumen naturæ, & suam sectam committendo gratiam baptismalem non amiserunt. Habebitur ergò, unumquemque salvari in sua secta, modò juxta eam, ac naturæ lumen accuratè vixerit.

68. Idem sequitur ex eo præcisè, quod homo dicatur non peccare, si illud faciat, quod conscientia ipsius sine scrupulo & remorsu bonum esse dicat. Hinc enim sequitur, unumquemque salvari in sua secta, saltem Christiana, si juxta eam, ac lumen naturæ vivat. Inprimis hi baptizati sunt, & gratiam baptismi non perdunt nisi peccando. At non peccant, ut ponimus, si juxta suam sectam & naturæ lumen operentur. Ergò salvantur. Cæteri verò, quibus eo dilectionis Dei remedio provisum non fuerit, salvari nequebunt, sed non damnabuntur, sed ad lymbum puerorum sine baptismo decedentium mittentur, vel ad alium locum ubi leviorum poenarum culpas luant. At sequela absurda est. Ergò falsissimum est, quod conscientia scrupuli & ambiguitatis expert, siue ex veritate, siue ex errore formetur, à peccato liberet, & operationem honestam inducat. Ita Celladeus *quæst. 9.* ubi asserit se non capere, in quo hæc opinio quoad praxim, & effectum salvandi omnes in suis sectis, discrepet ab errore hæreticorum dicentium, unumquemque salvari in sua secta, & lege saltem Christiana, si juxta eam, ac naturæ lumen accuratè vixerit.

69. Respondeo hæc omnia abs re objici, cum præsentem quæstionem non tangerent, nemo enim Catholicorum asserit, omnem operationem juxta conscientiam factam esse bonam, aut certè non malam; sed omnes rem distinguunt, ut ex assertionibus positis constat, & expressè dicunt plurimos sectando conscientiam peccare, operæque ejusmodi, vel ratione sui, vel ratione alterius, ad peccatum & poenam frequenter imputari. Itaque doctrina objectionis procedit de subiecto non supponente, si sumatur ut medium ad improbandam doctrinam communem, quam initio quæstionis proposuimus. Nec hoc differtur Celladeus, qui dicit se hanc quæstionem instituisse de opinionibus, quæ sunt, aut esse possunt, nec litigare an sint. Quæstionem tamen instituere voluit, eamque instituit, ac si indicare vellet, opinionem

Confirma-
tio.

Responsio.

A quæstio-
nis scopo
aberrat Cel-
ladeus.

opinionem communem, quæ actualem mali advertentiam ad peccandum requirit, quoad absurdum salvandi omnes in sua secta, non discrepare ab errore hæreticorum dicentium, omnes in Christum credentes salvari in sua religione, si juxta illam vivant, & nil contra naturæ lumen agant. Sed si hoc intendat, injurius est gravissimis Auctoribus Vasquio & Sanchez, aliisque innumeris, cum eorum opinionem absurdissimæ hæresi comparet, pariaque absurda ex utraque inferri dicat. Hanc notam ut abstergam, opus erit doctrinam objectionis evolvere, demonstrareque communem opinionem nil commune cum dicta hæresi habere, ne quidem in absurdo illo prætenso salvandi omnes, qui juxta sectam ac conscientiam suam vivunt.

Uterior
objectionis
solutio.

70. Inprimis ergo dico, materiales hæreticos salvandos esse, etsi moriantur in suis erroribus, modò ab infantia baptizati fuerint, & postea nil unquam egerint contra lumen rationis, aut dictamen suæ conscientiæ. Ratio est perspicua, quia tales justificati sunt, & numquam graviter peccarunt. Inprimis non peccant credendo, quia hæresis illorum supponitur invincibilis; non etiam peccant in operando, quia nullum malum illis voluntarium fuit, cum supponamus eos nil unquam fecisse, in quo ulla ratio mali ipsis fuit representata. Verùm hi salvantur non titulo errorum etsi invincibilium, & quia non peccarunt, sed potissimè, quia sanctitatem veram in baptismo receperunt, & illam non perdidērunt. Hi ergo non extra Ecclesiam, sed in Ecclesia moriuntur, à qua per contumaciam numquam coram Deo separati fuerunt. At si adultus converteretur ab hæreticis, atque erraret in iis, quæ sunt necessarid credenda necessitate mediis, ille utique, stante tali errore, justificari non posset, & consequenter nec salvari, quamvis invincibiliter erraret, & post conversionem juxta sectam suam viveret, & nil contra lumen naturæ ageret. Ratio est, quia careret dispositione, quam Deus ad gratiæ infusionem absolute requirit. Ergo justificari & salvari non posset. Et hoc quidem verum est, si stemus in præcis terminis suppositionis factæ, nam qui sic ageret, salvaretur haud dubiè, quia facienti quod in se est Deus gratiam non denegat: at iste homo qui invincibiliter erraret, legemque totam naturalem, atque etiam positivam, quam invincibiliter credit à Deo latam, servat, facit quod in se est. Ergo Deus tandem illum illuminabit, ita ut crediturus sit, & mediante fide tandem justificandus, aut certè restitutus est vocationi Divinæ, & sic tandem peccaturus, & damnandus. Idem proportionaliter dicendum de hæretico materiali ab infantia baptizato, si erret circa ea, quæ ab adultis credenda sunt, necessitate mediis: Deus enim ex sua providentia illum tandem illuminabit, &c. Si illuminationi correspondeat salvabitur, secus peccabit & damnabitur. Cæterum necesse est, stante nostra hypothefi, ut ista tandem illuminatio & vocatio ad fidem talium illi detur, alioquin admitti deberent duæ in Deo voluntates absolute sibi contrariæ; altera qua non vult perire justificatum per baptismum, qui à justitia per peccatum non recedit. Ille autem non recederet, ut supponimus, & Celladeus ipse non negit, si supponamus eum in omnibus invincibiliter errare, quia tunc non peccaret sectando dictamen suæ conscientiæ. Altera, qua non vult adultos salvari, nisi per actualem talium mysteriorum fidem ad ipsum accedant. Jam alterutra harum voluntatum

frustraretur, si hæreticus materialis ab infantia baptizatus, in casu præsentis quæstionis ad fidem talium articulorum non vocaretur. Quia ex vi prioris decreti deberet salvari, cum tamen ex vi secundi salvari non posset.

71. Hinc apparet, ingentem esse diversitatem inter hæresim dicentem, unumquemque, qui in Christum credit, salvari in sua religione, si juxta eam vivat, & opinionem jam relatam, quæ dicit hæreticum materiale invincibiliter errantem, & juxta dictamen suæ conscientiæ operantem, si in nullo unquam habuerit ullam apparentiam aut scrupulum mali sibi representati, sic operando esse salvandum, maxime si non erret in articulis necessitate mediis credendis. Diversitas in eo consistit, quòd error ille sit propositio universalis complectens aliquam particularem veram, & alias multas particulares falsas. Complectitur enim omnes juxta suam sectam operantes, ex quibus multi in amplectenda sua secta vincibiliter errant, quos proinde haud dubiè damnandos scimus, nitendam respiciant. Quod si dicas, Hæreticos dictos non loqui de illis, qui vincibiliter errant, profectò eo ipso non loquuntur universaliter, sed restrictè, & sic illorum propositio non amplius esset falsa & hæretica. Verùm haud dubiè loquuntur universaliter, & dicunt nullum errorem in fide esse culpabilem, modò credant in Christum, quia reliqua omnia dogmata ut res minoris momenti respiciunt, in quibus error non magis damnabilis est, quàm sit opinio quævis Scholastica inter Catholicos diversa sentientes. Itaque sicut propositio hæc hæretica, *omni homo salvari potest in sua religione, si juxta eam vivat*, immensum differt ab illa propositione Catholica & certissima, *Aliquis homo salvari potest in sua religione*, nempe Catholicus, si juxta eam vivat: ita pariter & illa propositio hæretica, quam Celladeus urget in argumento, immensum discrepat ab ea quam nos veram esse asserimus, utraque scilicet ab hæreticis proposita est universalis affirmativa, utraque verò à Catholicis usurpata est particularis affirmativa. Uno verbo tantum discrepant illæ hæreticæ à veris, quantum hæc propositio universalis falsa, *omni fidelis est Deo gratus*, differt ab hac particulari vera; *Aliquis fidelis est Deo gratus*.

Lata dispensatio inter nostram sententiam & hæresim à Celladeo objectam.

72. Est & alius error, quem universalis illa hæretica affirmat, nempe omnes salvandos esse in sua religione, quamvis in multis peccaverint, si juxta suæ sectæ præscriptum pœnitentiam agant. At hoc est falsissimum, quia aliquæ sectæ vanam & præsumptuosam confidentiam, aliz exiguam aut nullam pœnitentiam, aliz alia pro remedio assignant, & pleræque errant in medio citra quod, Deo sic statuente, nemo justificari potest. Hi ergo etsi vivant juxta præscriptum suæ sectæ, atque ita vivendo non peccent damnabuntur, quia sic faciendo non adhibent medium absolute necessarium ad justificationem. Peribunt ergo in peccatis suis, & damnabuntur.

73. Atque hinc constat dictam propositionem hæreticam plurimum discrepare ab hac alia universaliter etiam falsa, *Nemo peccat in eo, quod facit juxta suam conscientiam*, quia quamvis hæc esset vera, non ideo sequeretur, hominem operantem juxta suam conscientiam aut salvandum esse, aut à prioribus peccatis liberandum; quia si talis homo erret circa absolute necessariis credenda, atque circa media ad justificationem absolute necessaria, circa quæ errare potest, nunquam salvabitur, quamvis operetur juxta sectam suam, &

Mira Celladei hallucinatio.

in eo non peccet, nec ulla nova peccata prioribus superaddat. Quod cum perspicuum sit, miror Celladeum in hoc adeo deceptum fuisse, ut dixerit se non videre diversitatem ullam inter illas propositiones quantum attinet ad hoc, ut taliter operantes absolute salvandi essent, si juxta illas vitam suam regularent. Prima enim, si vera esset, suos sequaces salvaret; non item secunda, utpote cujus veritas non involvit usum medii sufficientis ad salutem, quem certe prioris veritas aut includit aut supponit. Verum secunda illa propositio est absolute falsa, & à nemine ferenda, ut constat ex dictis.

Errat denique Celladeus in argumenti sui supposito.

74. Falsò ergò supponit Celladeus, hæreticos universaliter non peccare operando juxta suos errores; hoc enim duntaxat verum est de iis, qui invincibiliter errant, reliqui à peccato non excusantur. Nec dicat se in argumento supponere, neminem peccare faciendo id quod bonum judicat, & ex illa tantum suppositione arguere; nam adhuc falsum supponit, quia si ipsa conscientia dictans rem esse licitam à prava voluntate imperetur (quod certe evenit in hæreticis, qui à fide deficiunt, quos satis constat non ex ignorantia, sed ex malitia peccare, quamvis eorum peccatum elicito in ipso errore, seu ignorantia pravæ dispositionis consistat, & illi consequenter ad suum hoc peccatū se minime peccasse existiment) adhuc iterum ex hoc capite errat in supposito.

Non omnia invincibiliter in fide errant continuo salvantur.

75. Sed admittamus jam, ut locus detur argumento, eos nec in ipso errore contrahendo peccasse, sed excusari, quia juxta suam conscientiam operati sunt. Non ideo salvabuntur si circa necessaria necessitate medii errent, ut dictum est. Nec obstat, quamvis contra veritatem admitteremus talia opera esse bona, quia adhuc non essent supernaturalia, quia per fidem, utpote qua hæretici illi carerent, non regularentur. Quod autem dicitur, gratiam non deesse, qua bona opera evadant supernaturalia, admitti non debet nisi cum limitatione, scilicet quando opera illa per veram fidem supernaturalem regulantur, quia ordo gratiæ hoc postulat, ut bona opera supernaturalia per fidem supernaturalem regulentur. Deinde quamvis illa opera essent supernaturalia, non ideo taliter operans salvaretur, si stemus in terminis præcis suppositionis præsentis, quia hoc non obstante errare potest circa media, quæ Deus statuit ut absolute necessaria. Ergò si ea omitteret non salvaretur, nec ullatenus à peccatis contractis liberari posset. Non ergò ex hoc sequitur unumquemque salvari in sua secta, si juxta eam ac naturæ lumen vixerit.

76. Absurdum porro est, quod dicit Celladeus, eos, qui peccato per baptismum liberati non fuissent, non salvandos quidem, sed nec damnandos, verum ad lybium parvulorum, aut ad alium locum, ubi leviores culpas luant, detrudendos. Quid sibi vult hoc dictum? Nonne pueri sine peccati originalis remedio decedentes verè damnantur? Damnantur utique, cum Deo odibiles existant, atque ideo vitam miseram in æterno ac horrendo carcere traducunt, quamvis pena sensus torquendi non sint. Quod si huic

malo æternam sensus penam pro delictis venialibus infligam adjungas, quid ad damnationem defuit nemo dixerit. Libuit tamen Celladeo aliter loqui, & ex suo capite tertium locum æternum fabricare, de quo nec sacra eloquia nos instruunt, nec Ecclesia quidquam docet, sed ex opposito satis aperte indicant nullum ejusmodi locum à Deo institutum fuisse.

77. Deum omittere non possum patentem, Celladei in ista questione inconsequentiam, seu contradictionem. Prope finem questionis invenitur in eos, qui dicunt, Hæretichas & Idololatrias omni vitiorum genere abominabiles, non eò cæcitate devenisse, quin mente sua satis advertent, se in multis male facere, quamvis nullo doloris remorsu conscientia eorum torqueretur, & consequenter quamvis ad judicium uni parti affixum, in aliquo sensu putarent se bene facere. Qui ita sentiunt, hanc rationem afferunt, quod in rebus adeo perspicuis nemo errare possit, quin satis advertat ea esse mala, quidquid dicat aut protestetur in oppositum. Probatio (inquit) in hanc absurdam propositionem tota resolvitur, quod homo errare nequeat in rebus perspicuis. Sciatur, quid est homo, & hoc non dicitur, &c. simulacra gentium Deos non esse haud minus existit conspicuum, & tamen falsebatur non una natio, sed mundus universus, &c. Ita de hac re, ubi alios sibi contradicentes arguit, censuit Celladeus; qui tamen paulò ante prope initium secundi §. ut sensum hæreticorum, dicentium unumquemque salvari in sua secta, in proprium favorem proponeret, hæc habet. *Hæresis proposita non hoc dicit, servari quemque in sua secta, vel lege, vel religione, quam aut falsam putat, aut quam veram esse subdubitat. Nihil hujus additionis aut hæresis ipsa meminit, aut illius oppugnatores Orthodoxi de additione disputant, sed de hæresi ipsa in se. Est scilicet contra lumen ipsam conspicuum natura, servari quem in sua secta, vel lege, quam aut falsam habet, aut veram esse dubitat.* Est ita fateor, Celladee, & quidem adeo perspicuum, ut hæretici, quamvis inter omnes maxime obsecrati, hoc nec dixerint, nec credere, etiam te fatente, potuerint. Inconsequenter ergò loqueris, tibi quæ contradicis, cum paulò post tam contentiosè probare conaris, nil adeo conspicuum esse, circa quod homo errare non possit. Si hoc verum, ergò & Hæretici, qui certè homines cæci, superbi, sibi quæ præfidentes sunt, in illo, etsi maxime perspicuo, errare potuerunt. Si autem hæretici cæci in hoc tam conspicuo errare nequiverint, ideoque id non ignoraverint, profectò similes hæretici, aliique Idololatræ circa multa alia æquè conspicua errare non potuerunt, ideoque verè non ignorarunt ea, quæ faciebant, esse mala, quia eorum malitia non minus conspicua est, quam quod nemo salvari possit in secta, quam aut falsam putat, aut veram esse, dubitat. Dicendum itaque scintillam rationis semper manere in hominè, per quam semper satis discernat talia esse mala, quamvis aut per consuetudinem, aut pravam institutionem ea parvi faciat, nec remorsum conscientie sentiat, sed ea in aliquo sensu, & in ordine ad aliquem finem aut verum aut fictum dicat esse bona.

QUÆ.

QUÆSTIO SEXAGESIMA- QUINTA.

*Quid requiratur & sufficiat ut ignorantia, & opus ab ignorantia
causatum sit & dicatur voluntarium, ac liberum?*

Status quæ-
stionis præ-
sentis.



1. QUÆSTIO hæc ab omnibus ferme fusè tractatur ad 1. 2. S. Thomæ, nec in ea quidquam peciale occurrit, quod peculiarem discussionem mereatur, quia omnes quoad hanc materiam in omnibus ferme consentiunt. Quæstio tamen proponi debuit, quia Celladeus *parie 2. lib. 1. quæst. 10. & 11.* vehementer contendit, suam doctrinam ex communi de voluntario Theologia quodammodò demonstrari, communemque sententiam hæcenus explicatam falsitatis redargui. Verùm quantum fallatur, ex dicendis constabit. Interim quia duo ad peccatum requiruntur, nempe voluntarietas & libertas, quarum neutra abique representatione & cognitione rei, quæ imputatur, haberi potest, ideo difficile videtur explicare, quomodò illa, quorum malitia ignoratur, imputari possint, cum malitia illa videatur non esse voluntaria, nec sæpe liberè omitti potuisse. Ut hoc explicaret Celladeus, duas has quæstiones proposuit, etsi nil singularis difficultatis in illis eluceat. Ego quæstiones has, utpote ab omnibus ferme fusè explicatas, ad examen iterum revocandas non judico: abundè enim sufficiet doctrinam Celladei proponere; sic enim Lector faciliùs videbit in quo verum dicat, & in quo à veritate discedat, & an rectè impugnetur rectiùs judicabit. Post propositam autem & correctam doctrinam illius, facillimùm erit quæstioni satisfacere, atque quid ad voluntarietatem ac libertatem eorum, quæ ex ignorantia fiunt, requiratur determinare.

ASSERTIO PRIMA.

Propositum sit breviter exponere doctrinam de voluntarietate peccatorum ignorantia, quam Celladeus quæst. 10. lib. 1. Partis 2. complectitur, atque errores in ea consensos redarguere.

EJUS DOCTRINA PROPONITUR.

Sensus Cel-
ladei.

2. IN PRIMIS rectè contendit omnes omnino debere ostendere quomodo peccata ignorantia sint voluntaria, quamvis verum sit, quod nil sit voluntarium nisi præcognitum. Ratio id convincens est, quia omnes tenentur admittere peccata ignorantia, quæ certè scienter & advertenter non committuntur. Sunt tamen voluntaria, quia omne peccatum est voluntarium, & si ratio voluntarii auferatur, eo ipso omnis ratio peccati tollitur. Ergò omnes ostendere debent,

quomodo peccata ignorantèr commissa sint voluntaria. Hoc videre est in hæreticis. Nemo salvè fide negare potest quod detur peccatum hæresis, etiam interor. Et tamen qui sic peccat, veram putat hæresim quam credit; ac proinde in ea credenda non agnoscit peccatum. Ergò peccatum ignoratum est voluntarium. Sed quomodo hoc?

3. Rem sic declarat. S. Thomas 1. 2. quæst. 6. & cum eo Theologi omnes expressè docent, ignorantiam non semper causare involuntarium, quamvis præsens ignorantia auferat non solum considerationem, sed etiam ipsam scientiam mali. Idem docent de concupiscentia, quamvis illa rationem perturbet & considerationem peccati sæpe adimat. Idem valet de iracundia. Si enim tales passionis & inconsideratio mali ab illis industria voluntarium tollerent, omnia ferme peccata tollerentur.

4. Rursus omnes diligentiam aliquam pro veritate addiscenda postulant. Hanc diligentiam qui omittit, non excusatur, sed peccat, quando ex ignorantia munus suum indebitè implet; ut videre est in Medicis, Judicibus, Confessariis, aliisque qui debitam diligentiam omittunt, per quam apti ad suum munus implendum evasisent. Haud dubiè enim mala talium munerum administratio est illis voluntaria, quamvis versa in naturam consuetudine, nullis scrupulis vexentur. Tantum ergò abest, ut actualis consideratio mali requiratur ad peccatum, ut sapientiores Theologi actuali cogitationem peccati in ipsis etiam scienter admissis peccatis planè denegent. Sed difficultas est, quomodo talia opera mala sint illis voluntaria, cum quando ea ponunt, bona illa esse, non mala, arbitrentur?

Urgendi
difficultas
quæstionis
prædictæ.

5. Respondetur ergò cum S. Thoma, omnem ignorantiam, quæ est peccatum vel causa peccati, esse voluntariam, sicut etiam malitia peccati scienter admissi est voluntaria, eo scilicet modo, quo voluntaria esse potest. Unde sicut ut malitia sit voluntaria, non sufficit quod actus malus sub ratione actus representetur, nisi etiam ratio mali aliquo modo appareat, alioquin ipsa malitia non posset esse voluntaria, quia nullo modo esset præcognita; ita pariter nisi ignorantia ipsa, & mala per ipsam facienda, aliqua ratione præcognoscantur, non possunt esse voluntaria; repugnat enim primum peccatum ex ignorantia procedere, quia ignorantia antecedens, & ab actibus voluntatis independens est prorsus invincibilis. ideoque omne illud à toto excusat, quod à tali ignorantia procedit. Atque hinc apparet, quomodo ignorantia, & mala per illam facienda evadere possint voluntaria; primò directè, quando igno-

Celladei ré-
solutio.

rantia affectatur, ut homo sine remorsu liberiorius peccet; & hæc ignorantia non minuit sed auget voluntarium. Secundò indirectè, quando per negligentiam querendi veritatem, quam quisque ex suo officio scire poterat & debebat, ignorantia incurritur. Homo enim præsciens se debere ignorantiam expellere, ut illà expulsà quæ mala vitanda, & quæ bona sibi facienda essent sciret, voluntariè & imputabiliter ignorantiam incurrit, quando negligit veritatem querere; ideoque tam ignorantia quàm mala per illam causanda sunt indirectè voluntaria, ad quod certè in dicto casu sufficiens cognitio prævia non defuit, ut patet. Porro ignorantiam huiusmodi indirectè tantùm volitam, quatenus potuit ac debuit impediri, non tollere sed solùm minuire malitiam eorum, quæ ab ipsa causantur, est constans omnium Theologorum opinio.

6. Neque tamen opus est, ignorantias istas, aut mala per ignorantiam causanda, præcognosci in individuo aut in specie, sed sufficit si cognoscantur in genere. Sic Judex, aut Medicus prævidens solùm in genere multa à se ignorari, sine quorum notitia muneri suo satisfacere nequit, peccat haud dubiè negligendo ea scire, adeo ut ignorantia illa, & mala ab illis proveniunt sint illis voluntaria, atque imputabilia, quamvis nesciant in individuo aut in specie, quæ quot & qualia ipsi desint. Ergò non requiritur ut malitia scitis, aut ignorantia in individuo aut in specie præcognoscantur, sed sufficit, si præcognoscantur in genere. Hoc etiam ex eo convincitur, quòd ignorantia & malitia in genere, non minùs quàm in specie ac individuo cognita, affectari potest, & ex negligentia incurri. Ergò utroque modo tam ignorantia, quàm mala ignorata, solùm genericè proposita esse possunt voluntaria, & consequenter ad culpam imputari.

7. Itaque tota res ad hoc devolvitur, an quis scire potuerit ac debuerit nec ne? Si non potuerit, aut non debuerit, ignorantia est illi aut simpliciter invincibilis, aut certè inimputabilis; si potuerit ac debuerit, & tamen noluerit, aut omiserit, ignorantia & mala ab illa proveniente illi imputantur, sive in genere, sive in specie illi representata fuerint, quia fuerunt illi voluntaria saltem indirectè, & sic imputantur, quia verè sunt voluntaria moraliter & interpretativè. Porro hoc voluntarium interpretativum manet, quamdiu quod peccatum est per poenitentiam non retractatur.

Modernos
perstringit
Theologos.

8. Ex his concluditur falsam esse doctrinam, quæ ad actuale peccatum actualem mali advertentiam requirit, quia ignorantia, & mala ex ignorantia, sive affectata sive crassa ac supina, provenientes, sunt peccata. Illa autem sæpe sunt sine ulla actuali advertentia ad malum. Quinimodò id quod ex errore fit, bonum esse, Deoque placere creditur, ut constat in iis qui Apostolos persecuti sunt, & videre est in hæreticis, maxime iis, qui suis erroribus innutriti fuerunt, illi enim plerique peccant, ut ostensum est, quamvis satis constet, eos numquam scitæ suæ pravitatem ac malitiam nosse. Et sanè Hæretici qui ab initio fortè dubitabant, postea melius, ut ipsis apparet, instructi, non dubitant, & tamen iidem, quò immobilius & pertinacius hærent sectis, quas ut verissimas & ut sanctissimas religiones putant, eò scelestiores evadunt & gravius peccant. Idem dicendum de Ethnicis, qui falsos Deos venerabantur, & ipsas turpitudines tamquam res verè religiosas habebant. An isti acta advertebant se

male facere? Idem dico de Ethnicis Christianorum persecutoribus, qui religionem Christianam habebant pro stultitia, eorum assecras oderant tamquam Magos qui ex commercio cum dæmonibus mira patrabant ad plebem decipiendam. Et tamen isti peccabant. Peccatur ergò quando malitia actu non representatur. Immo peccatur sæpe, quando opus quod fit creditur esse bonum, Deoque gratum. Hactenus Celladeus, qui in fine quaestionis ex S. Thoma respondet iis, quæ in initio quaestionis contra voluntarietatem eorum quæ sunt ex ignorantia ex S. Thoma proposuerat. Verùm de his, utpote quæ omnibus notoria sunt, quæque ut principia in tota hæc materia ab omnibus admittuntur, non est quod quidquam dicatur. Solùm ergò superest, ut hæc Celladei doctrina discutatur, ut sic aurum à scoria separetur.

DOCTRINA ALLATA EXECUTITUR.

9. **I**N PRIMIS universaliter dicendum est, totam hanc doctrinam nil prorsus conducere ad intentum principale de licito probabilium usu, aut de ignorantia & errore circa res tam incertas, ut diligentissimi quique ac optimi de illis directè sumptis discrepent, atque omnes (præter pauculos) de eisdem reflexè consideratis uno ore enuncient, eorum usum esse licitum. Ratio est perspicua, quia talium ignorantia non potest non esse invincibilis, cum ea ab optimis & diligentissimis superari nequeat. Præterea error & ignorantia eorum, quæ aut non possunt aut non debent sciri, non est imputabilis, ut Celladeus ipse ex S. Thoma fatetur. At ignorantia talium objectorum, & error circa illa aut non potuit, aut non debuit vetari; omne enim ejusmodi præceptum absurdum esset & noxium, cum nemo illud servare, aut post conatum scire posset, an illud explevisset, nec ne. Ergò nullum datur tale præceptum. Ergò qui post diligentiam debitam talia ignorat, ea ignorat, quæ aut non possunt aut non debent sciri. Ergò talis ignorantia aut est simpliciter invincibilis & involuntaria; aut certè est prorsus inimputabilis, quod solùm contendimus. At totus hic discursus nil facit contra hoc ut patet. Ergò ad præsentis controversiæ scopum nil conducit. Nihilominus ad plenioram legentium satisfactionem singula inspicienda sunt.

10. In primis ergò absolutissimè amplectimur, duas illas doctrinas, quas ex S. Thoma approbat Celladeus; quarum prima dicit, ignorantiam & mala per ignorantiam causata, evadere voluntaria, modò directè, modò indirectè, prout ignorantia affectata fuerit, vel per crassam aut supinam negligentiam incurra. Totum ergò negotium de imputabilitate ignorantia ad hoc solùm devolvitur, utrùm quis potuerit, ac debuerit ea scire quæ ignorat: si enim ex peccaminosa negligentia ignoret quæ scire poterat ac debebat, ignorantia evadit imputabilis; secus non est imputabilis, nec in ordine ad peccatum contrahendum censetur voluntaria. Altera dicit, ignorantiam ac mala per illam causata aliquo modo præcognosci ac prævideri debere, ut evadant voluntaria; quia si nullo modo prævideantur, non possunt esse voluntaria, quia nil volitum nisi præcognitum; scitur enim illud solùm esse voluntarium quod fit à cognoscente singula in quibus est actio. Neque tamen semper necesse est, ut cognoscantur in individuo aut in specie, sed satis est, ut in genere cognoscantur, quia haud dubiè turpiter ageret, quia

Discussio
præcedentis
doctrinae.

Quæ usque
approbata
aut impro-
bata præ-
cedens Cel-
ladei do-
ctrina.

Ignorantia
quandoque
peccatum
minuit licet
non tollat.

quia ignorantiam taliter propositam aut affectaret, aut ejus remotionem, tunc negligeret, quando posset ac deberet ignorantiam deponere. Ceterum fieri potest, ut minus peccet, qui solum in genere videt malum aliquod ex ignorantia imminere, quam qui illud videt in specie; quia notio generica praescindit à gravitate specierum subjectarum, ideoque non ita afficit animum sicut malitia gravior in sua specie representata; unde fieri potest, ut generica ratio mali solum apprehendatur tamquam levem secum obligationem afferens, eò quod homo reflectens supra rem hic & nunc, rationabiliter concludat, nil grave timeri saltem hic & nunc ob ignorantiam, si negligat veritatem querere, &c. In quo casu ignorans ex negligentia aut solum venialiter peccabit, aut certe peccati minoris reus erit, quam si mala imminencia in specie ipsi representata fuissent.

Quodque
tamen tollit.

11. Præterea non quævis representatio mali ex ignorantia sequuturi, live in genere live in specie inducit obligationem ad scientiam acquirendam, quia sæpe tales representationes sunt male fundatæ; vel quia ex scrupulositate procedunt, vel quia mala representata rarissime, casualiter, ac præter ordinarium cursum proveniunt, ideoque non nisi imprudenter timentur futura. In talibus autem casibus sæpe tales timores merito contemnuntur, ideoque nec ignorantia ipsa, nec mala ab ignorantia causanda, censentur voluntaria, quia aut non poterant, aut non debebant ex peculiari industria præcaveri.

Theologo
accurratè
distinguen-
da singula
in re mora-
li: quo no-
mine peccat
Celladeus.

12. Hæc ergò in genere vera sunt, eademque Celladeo cōcedo. Nec tamen extoto illi subscribo, loquitur enim absque sufficienti rerum distinctione, quo nil periculosius fieri potest in moralibus; quia loquens in genere ita magnificat pericula & obligationes, ac si istæ ex quo nos arctarent, quomodoque tandem præcognoscantur. Verum Theologi cautius procedunt, singula exactè distinguunt, atque ita demum de qualitate obligationum ac peccatorum ex ignorantia procedentium pro rerum ac circumstantiarum diversitate aliter atque aliter pronunciant. Meum non est hæc singillatim explicare, sed solum insinuare talia non absque delectu in sua universalitate accipienda, ne Lector imprudens in retanti momenti à generali ac magnifica Celladei loquutione decipiat. Interim tamen omnibus istis, quæ cupit, datis, superest ostendere, argumenta illius, quæ eò collimant, ut actualem mali apparentiam ad peccatum non requiri probent, nil prorsus ad intentum conducere.

Quomodo
ignorantia
possit esse
voluntaria?

13. Fatemur ergò cum S. Thoma, ignorantiam sæpe esse voluntariam, ideoque etiam imputabilem; sed eam non aliter voluntariam esse admittimus, quam si antecedenter aliqua de illius violatione obligatio menti occurrerit, per cujus obligationis contemptum vel neglectum ignorantia culpabiliter incurritur. Jam fieri potest ut homo diu versetur in actuali hac negligentia, quia semper videt se obligari ad aliqua scienda, quæ tamen continuò negligit scire, quæque scire posset si diligentiam adhiberet. Fieri etiam potest, ut olim potueris, nunc autem non possit ignorantiam vitare. In hoc autem casu, sicut etiam in priori, si aliquid eorum fiat, quæ fieri non debebant, quæque facta non fuissent si operans debitam scientiam acquisivisset, illud erit peccatum ex ignorantia, modò operans nullam mali latentis suspicionem habeat, & absque hæsitacione absolutè credat se benè operari. Opus nihilomi-

nus juxta communem opinionem propriè est & dicitur peccatum, sed non habet ullam propriam ac particularem malitiam & imputabilitatem, sed dicitur & verè constituitur malum per negligentiam, à qua processit, & à qua informatur. Informatur autem à priori negligentia, quandiu illa retractata non fuerit. Si enim culpa illa per poenitentiam retractata & abolita fuerit, effectus sequens non ampliùs imputatur, quia operatio illa ex se nullam mali voluntarietatem aut imputabilitatem habet, ut patet. Ergò malum ignoratum non est voluntarium & imputabile nisi in causa. Ergò eo ipso quod voluntarietas causæ ablata fuerit, malum postea ignoranter patratum ampliùs imputari non potest. Et sanè Auctores gravissimi admodum asseveranter dicunt hujusmodi peccata nullum novum addere malitiæ gradum supra actum voluntatis in quo directè vel indirectè voluta sunt. Videatur Sanchez lib. 1. in decal. cap. 16. num. 45. ubi pro hac opinione citat S. Thomam, Suarium, & Valquium dicentem hoc absque controversia esse verum.

Quòd collimare de-
buisse Celladeus?

14. Jam Celladeus probare debebat, hujusmodi operationes esse peccata ratione sui imputabilia, eaque novam malitiam moralem continere, atque ad novam & peculiarem poenam imputari, sed hoc probare non potest; exempla enim quæ profert id non probant; quia procedunt de peccatis, quæ sunt vel ex continuata, ac replicata negligentia culpabili, vel certè quæ non omnem mali suspicionem, aut etiam notitiam excludunt, ideoque ex actuali malitia & pravitate eliciuntur, idque vel actualiter vel virtualiter, ut supra dictum est. Et talia sunt peccata eorum qui hæresibus pertinaciter adhærent, saltem in illis qui sufficientem de Auctoritate Ecclesiæ notitiam habent; illi enim ex actuali malitia peccant, quia antecedenter satis advertunt se non debere, Ecclesiæ auctoritate contemptâ, proprio judicio inhærere. Itaque exemplum ab hæresi desumptum Celladeo non favet, sicut nec exempla idololatrarum, ac eorum qui obvia naturæ præcepta transgrediuntur; isti enim non carent sufficienti mali advertentia, quamvis remorsum conscientiæ vexantis non sentiant; idque verum est, quamvis illi jactarent se hæc pro honestis ac sanctis habere; quia nec externa illa protestatio, nec judicium protestationi conforme excludit omnem mali latentis advertentiam, quamvis opus illud in ordine ad peculiarem aliquem finem bonum judicent.

15. Quod si supponat Celladeus, opera talia fieri hic & nunc ex plena deliberatione humana, eoque non obstante nil penitus mali apparere nullamque mali suspicionem aut dubium intervenire, sed nec ullam præsentem negligentiam culpabilem adesse; si, inquam, hæc supponat, & adhuc contendat omnia ejusmodi esse peccata, fatemur id verum esse, etiam propriè loquendo, quia sunt mala, & ad poenam imputantur, quatenus moraliter informatur à peccato malitiæ per quod ignorantia turpiter contracta fuit, & dependenter à qua ista mala fuere patrata. Sed negamus illa, in tali suppositione, (quæ proculdubio in praxi aut numquam, aut rarissime locum habet) habere malitiam ac imputabilitatem peculiarem. Idemque dicendum de iis, quæ sunt ex iracundia, ac passione omnem prorsus mali suspicionem auferente; quia talis passio sufficientem ad peccandum libertatem & deliberationem impedit. Verum hoc rarè contigit, saltem extra impetum iræ, quia in aliis materiis passio

Celladei illatio ostenditur illegitima.

passio non tam citò accenditur, nec omnem latentis mali suspicionem, aut etiam notitiam excludit. Nulla ergò est illa Celladei conclusio, quòd non semper requiratur actualis advertentia mali, aut scrupulus vel dubium peccati latentis, ut opus evadat actu peccaminosum, quia persecutores Christianorum putabant obsequium se Deo præstare & tamen peccabant. Similiter hæretici ab infanzia suis erroribus innutriti, saltem plerique, peccant peccato hæresis, qui tamen suæ sectæ pravitatem numquam norunt. Sed & hæretici qui ab initio fortè dubitabant, postea melius ut ipsis videtur instructi, non dubitant, & tamen eò sceleriores evadunt, & gravius peccant, &c. Nulla, inquam, est illatio, quia nos solum dicimus advertentiam aliquam, aut dubium requiri ut actus sit peculiariter ratione sui imputabilis, non autem ut ratione alterius imputetur. Jam argumenta contra hoc nil probant. Jam Ethnici, & alii Christianorum persecutores, sicut & hæretici ab initio non potuerunt carere notitiâ mali, ideoque haud dubiè in actibus illis peccabant. Similiter dubitandum non est, quin hæretici & alii Ecclesiæ persecutores sæpissimè advertant se meliorem rei informationem adhibere deberè; dum autem rectum hunc mentis motum, aut contemnunt aut negligunt, magis rei evadunt, quia novo contemptu, aut cerè novâ negligentia culpabiliores evadunt, & sunt obstinatior, ideoque nullam excusationem habent. Quòd si fingamus, eos nullam prorsus suspicionem mali, aut obligationis veritatem querendi, &c. habere, sed undique bona fide procedere, atque revera existimare opus suum esse bonum ac Deo placens, nec esse unde hic & nunc possint aut debeant errorem illum deponere, probandum erit Celladeo, talia opera esse in se peccaminosa, ac novam malitiam moralem continere, distinctam ab ea, per quam homo tales errores incurrit. Scio suppositionem aut numquam aut rarò esse admittendam, ideoque questionem procedere de subjecto non supponente; sed eâ in casu raro admittâ, dicimus nullum in ea peccatum intervenire quod ratione sui sit imputabile propter peculiarem malitiam moralem, nec quidquam, quo id improbetur, hætenus allatum est.

Laudandus Celladei zelus; sed erroris ipse arguendus.

16. Laudo quidem, & valdè laudo zelum Celladei contra hæreticos, quia meritò putat eos eò esse sceleratior, quòd pertinacius suis erroribus adhærent; sed meo iudicio dupliciter errat verissimam suam persuasionem illis applicando. Inprimis nimis favet Hæresiarchis, omnibusque hæreticis, qui pertinaciter & peccaminosè ab Ecclesia recedunt, illiusque auctoritatem contemnunt, quasi verò illi tandem in sua secta tenenda omni actuali remorso, omni peccato malitiæ carerent. Verum non est ita, Celladee; sunt illi homines superbi, ac scelesti, qui conscientiam parum curant, quique contra sufficientia & sæpe ac fermè semper occurrentia motiva oculos claudunt, & nolunt intelligere, ut bene agant. Nec dubitandum, quin ex putidissima hypocrisis, plerique saltem operentur. Non ergò laborandum est, ut ostendatur in quo malitia eorum obactualem mali advertentiam fundetur, aut ut illa per peccata ex pura inadvertentia & ignorantia explicetur, cum error illorum sit peccatum malitiæ, quòd per alia multa ac repetita peccata malitiæ radicatur, atque ad immobilem quodammodo pertinaciam peringat.

17. Secundò, hæreticos qui in media hæresi ab

infantia educati sunt, nimis rigidè & sine sufficienti fundamento peccati damnat; plerosque enim verò peccato hæresis infici existimat: verum argumenta, quæ ad hoc probandum attulit, questione superiori expensa & soluta sunt, ubi opus sit superius probatum est. Et sanè, quamvis in aliquibus errores essent peccata, non tamen essent per se imputabilia, si hic & nunc ex sola ignorantia, atque errore hic & nunc insuperabili, absque ulla mali umbra, sed ex plena de eorum rectitudine persuasionem provenirent, ut ostensum est. Hoc autem ad intentum nostrum sufficit.

Nimis in hæreticos materiales rigidos.

18. Ex his constat, quid ad voluntarietatem, atque ad imputabilitatem ignorantie, & malorum ab illa causatorum requiratur & sufficiat. Requiritur sufficiens talium malorum imminentium, saltem in genere propositorum, advertentia, per quam scilicet, homo potest ac debet ea vitare. Jam si, stante hac advertentia, ista non vitet, peccat per malitiam, vel affectando ignorantiam, vel negligendo scientie adeptionem. In primo casu omnia illa sunt directè, in secundo solum indirectè voluntaria. Utrumque autem sufficit ad peccatum. Quòd si postea ignorantia aut error evadat invincibilis, & homo sine omni malitiæ advertentia, &c. operetur, opus illud erit malum & peccatum, si informetur à voluntario; per quod ignorantia inducta est, non tamen habebit novam malitiam, ut ostensum est. At si ab illo moraliter non informetur non erit peccatum, nec culpæ aut pœnæ imputabitur. Porro ut sciamus quamdiu informetur ab illo voluntario, nihil peculiare dicendum occurrit circa peccata ignorantie, quod non ab omnibus admittitur in peccatis ac malis scienter admissis. Sicut enim ommissio horarum tamdiu solum imputatur Sacerdoti, qui in navigatione longa eo fine Breviarium in mare projicit, ut non possit horas recitare, quamdiu non retractat priorem voluntatem; postquam enim illam sufficienter retractavit, non-recitatio non amplius ei imputatur, nec censetur voluntaria: ita pariter dicendum est de ignorantia, malisquæ ab ea causatis; tamdiu enim sunt voluntaria, & imputantur, quamdiu prava voluntas, per quam fuerunt inducta, sufficienter retractata non fuerit, & abolita. At si illa retractetur & aboleatur, non est unde amplius denominentur mala, & evadant voluntaria & imputabilia.

Quid requiratur ad ignorantie imputabilitatem malorumque inde ortam?

ASSERTIO II.

Propositum sit breviter exponere aliam de voluntarietate peccatorum ignorantia doctrinam, quam Celladeus Parte 2. lib. I. questione. II. complectitur, atque errores in ea contentos redarguere.

DOCTRINA EJUS PROPONITUR.

19. **N**ON hic queritur, inquit Celladeus, utrum sint voluntaria illi, cui pro vitæ suæ instituto in genere saltem occurrerat, multa ad se pertinere, quæ scire aut noluit, aut neglexit. De hoc enim satis constat ex proximè dictis: sed id potissimum queritur, an ad voluntarietatem ignorantie & actum ab illa causatorum sufficiat, illam à peccato fuisse inductam, quamvis de ignorantia per peccatum inducenda nulla, cum peccaretur cogitatio præcessit? Huic questioni respondet, se audaçter affirmare, plurimas esse igno-

Status controversia.

ignorantias, à peccato & propter peccatum inductas, quæ à culpâ non excusant, quamvis nulla de talibus ignorantibus incurrendis cogitatio præcesserit. Præscindere tamen vult, an hoc locum habeat in omni casu, quando ignorantia per culpam inducitur, quia propendet ad existimandum, quod ignorantia censenda sit invincibilis, & à peccato excuset, quando merè per accidens connectitur cum peccato, à quo inducta fuit. Sic qui culpabiliter non audiret Missam in die Festo, videretur invincibiliter ignorare legem, quæ tempore Missæ illius promulgabatur, quia talis promulgatio merè accidentaliter exhibetur tempore Missæ; secus autem existimat de iis, quæ sub Missam indici solent, ut sunt festa & jejunia intercurrentia. Itaque ponit assertionem solum ad aliquas ignorantias limitatam, & quidem expressè præindit, ab ea etiam quæstione, an nulla prorsus ignorantia etiam per se à peccato inducta excuset, quia solus Deus delicta, eorumque mensuram & meritum, intelligit.

Probatio
Celladei.

20. Doctrinam hanc probat primò ex 1. ad Rom. ubi Apostolus expressè ait Gentes in suis peccatis ac sceleribus, quæ ibi numerantur, fuisse inexcusabiles; constat autem ea non solum ex ignorantia & errore processisse, sed habita fuisse bona, ac in religionem evasisse. Ratio horum omnium ad hoc à S. Paulo reducitur, quod cum cognovissent Deum, non sicut Deum glorificaverunt, neque gratias egerunt, sed evanuerunt in cogitationibus suis; & obcuratum est insipiens cor eorum: dicentes enim se esse sapientes; isti facti sunt. Mox in penam traditi sunt in reprobum sensum ac in immunditias, &c. Et non intellexerunt, quoniam qui talia agunt, digni sunt morte. Porro S. Thomas, dum locum hunc test. 7. exponit, totus est in ostendendo, quod primum peccatum Gentium non fuerit ex ignorantia, sed in eo positum, quod scientes Deum, non sicut Deum glorificaverunt neque gratias egerunt, sed evanuerunt in suis cogitationibus. Et hoc satis fuit, ut ne in reliquis illis forent excusabiles. Ignorantia aliquem excusat, inquit S. Thomas loco citato, quando sic præcedit & causat culpam, quod non causatur à culpa, &c. si verò ignorantia causetur à culpa, non potest subsequenter culpam ignorantia excusare. Hinc docet, Gentes ob peccatum malitiz, quo gratias Deo, ut debebant, non dederunt, incidisse in ignorantiam & errorem, ac lumine sapientiz privatos fuisse, atque ita demum in malis subsequenter excusationem non habuisse.

Ipsædem il-
lationes.

21. Hæc doctrina, inquit Celladeus, est clavis regia, qua aperiente intelliguntur, & qua non aperiente non intelliguntur, sed clausa manent omnia fermè, quæ hætenus ab ipso fuere tradita. Nempè. quomodo infidelitas, Judaismus, & hæresis sint peccatum, etsi scienter, & intelligendo, dubitando committi nequeant, saltem positivè. Item quomodo populi in erroribus ac hæresibus innutriti peccent, & sint infideles ac hæretici, atque in sectis suis pereant, etsi nulla dubitandi ratio eos subierit aliquando. Item quomodo persecutores Ecclesiæ peccaverint, quamvis se Magos, stultos, ac turbatores reipublicæ persequi, atque illos maculando obsequium Deo præstare crederent.

Prosecutio
superioris
discussæ.

22. Demum ex eadem doctrina cernitur, quomodo orthodoxi peccent ea ignorando, quæ de necessitate sunt credenda, aut circa fidem, aut mores errando saltem in expressis in decalogo. Unde tutus non esset, qui à dæmone se transfor-

mante in Angelum lucis deciperetur, quamvis nullum scrupulum aut dubium mali ac deceptionis experiretur. Imo si quis, sive à dæmone per illusionem, sive à discursu per sophisma, quæ videtur demonstratio, fortissimè deceptus credat fornicationem aut usuram non esse peccatum, non ideo non peccaret talia credendo & agendo; quin hæreticus fieret, ac vivus etiam combureretur, si magnitudine sui erroris pertinax redderetur. Constat ergò tales peccare, atque preces & præxis Ecclesiæ id ipsum confirmant. Sanè si non peccarent, non opus esset, ut præcones Evangelici pericula & mortem ipsam adirent, ut taliter deceptos ad Ecclesiam & fidem reducerent. Nec Sancta Ecclesia tanta contentione oraret, & ingemisceret, ut eos tandem Christo instar parturientis dolore oppressæ generaret, ac in lucem Evangelii ederet. Stat ergò ad voluntarietatem ac imputabilitatem ignorantiz sufficere, quod illa aut in genere prævila fuerit, potueritque ac debuerit impediri, aut certè quod per aliquod peccatum contrahatur aut conservetur. Unde quævis error non sit peccatum in illis qui erroribus innutriti sunt, modò de veritate suorum errorum nullam dubitandi rationem habeant, idem tamen error postea evadit peccatum & fit voluntarius, quando per aliquod aliud peccatum aut inducitur aut conservatur, quatenus non posito illo peccato error ille impeditus fuisset. Hæc ratione peccata ignorantibus, & nil tale suspicantibus, irrepunt.

23. Secundò id ipsum probat ex Sancto Thoma, qui 2. 2. quæst. 15. ex professo probat, cæcitatem mentis, ejusque hebetudinem esse peccatum. Cæcitas autem in hoc ab hebetudine discriminetur, quod hebetudo rerum spiritualium intelligentiam impediat, vigoremque mentis obtundat, ut non discernat nisi res magnas & propinquas; cæcitas autem ipso visionis intellectualis principio privat, ita ut nec magna nec propinqua discernat. Porro principium visionis intellectualis est triplex. Primum est lumen naturalis rationis; & hoc anima numquam privatur, quamvis ejus usus aliquando impediatur, ut in dormientibus, ebriis, ac furiosis. Secundum principium visionis intellectualis est lumen habituale naturali rationis lumen superadditum. Et hoc lumine aliquando privatur anima. Hæc privatio est cæcitas, in penam peccati inflicta. Unde dicitur de quibusdam Sap. 2. Excavavi eos malitia eorum. Tertium principium visionis intellectualis est aliquod intelligibile principium, per quod homo intelligit alia; cui principio homo potest intendere. Quod autem ei non intendat contingit dupliciter. Primò quia non vult illi intendere, juxta illud Psalmi. Noluit intelligere, ut bene ageret. Secundò quia occupat mentem circa alia quæ magis amat, quibus ab hujus principii inspectione mens averitur. Unde sic concludit S. Thomas, inquit Celladeus. Et utroque modo cæcitas mentis est peccatum, nec excusat à peccato. Similia habet de hebetudine, quam dicit esse peccatum, sicut est cæcitas mentis, prout scilicet est voluntaria, ut patet in eo, qui affectum circa carnalia, de spiritualibus subtiliter discurrere fastidit, vel negligit.

Confirmat
autem
S. Tho.

24. Istam mentis cæcitatem (idem de hebetudine dicendum est) propter peccata incurri, nec à peccatis consequentibus excusare, ex Sacra Scriptura compertissimum est. Matth. 23. Væ vobis duces cæci, qui dicitis; quicumque juraverit per templum nihil est; qui autem juraverit in auro templi, debet

Item auto-
ritas S.
Scripturæ.

debet. stulti & caci. Alibi etiam Christus dixit. *Sinito illor: caci sunt & duces cecorum: cecus autem, si ceco ducatur praestet, ambo in foveam cadunt.* Rectè Augustinus, non dixit unus, sed ambo. Ambo dixit & credendum est. Et sermo est de opinionibus moralibus. Ubi ergò illud. Magister aliquis dixit. Ergò tutus sum. Certè falsæ opiniones Pharisæorum de juramentis, de parentum defraudatione, & de usuris nummulariorum communes erant, nec noviter inventæ, sed per traditionem à senioribus acceptæ: in quibus proinde Doctores illi cæci non dubitabant, & tamen peccabant, eorumque peccatum Evangelium non dubitationi aut scientiæ, sed cæcitati attribuit. Porro radicem hujus cæcitatis Sacra Scriptura attribuit peccatis Doctorum & populi, sicut Christus ipse expressit dicens. *Benè propheta- vit de vobis Isaias, dicens: populus hic me labii honorat, cor autem eorum longè est à me.* At, inquires, durum hoc videtur. Sed esto, sit durum, est tamen verum, quia Magistrum habemus infallibilem. Jam quot Christiani Deum ore colunt, quorum cor longè est à Deo? Nónne ergò illis etiam videndum est, an cæcitatem, hebetudinem aut ignorantiam per hæc sua peccata contraxerint? Hoc dico, si contraxerint, (sæpe autem contrahunt) nec error, nec mala ab errore & cæcitate provenientia excusantur, sed in eis peccant & in foveam cadunt. Deus bone! Quid dicunt homines? Nihil mali tunc operanti occurrit. Ergò non peccat. Immo dictamina etiam infallibilia ac evidentia formari volunt de non peccato. At Sacra Scriptura contrarium dicit, si peccatis suis homo cæcitatem incurrat.

25. Nec hæc est tota miseria cæcitatis intellectualis: Deus enim propter peccata populi, & Magistrorum, sæpe & hunc & illos excæcat. *Isaias 56.* hæc habentur. *Speculatores ejus caci omnes: nescierunt universi, canes muti non valentes latrare: videntes vana, dormientes, & amantes somnia.* Sic & in Psalmo, *Nescierunt neque intellexerunt, in tenebris ambulant.* Caput 14. Ezechielis tremendum est. Inter cætera hæc habentur. *Qui posuerit immunditias suas in corde suo, &c. & venerit ad Prophetam interrogans per eum me: Ego Dominus respondebo ei in multitudine immunditiarum suarum.* Et inferius: *Et Prophetam cum erraveris, & locutus fueris verbum, ego Dominus decepi Prophetam illum.* Plurima præscribit S. Petrus Epist. 2. cap. 1. quæ si nobis præsto non sint, cæci sumus. *Ministrate in fide vestra virtutem; in virtute autem scientiam; in scientia autem abstinentiam, & sic deinceps pietatem, dilectionem fraternam, charitatem, &c.* Cui enim non præsto sunt hæc, cæcus est & manu tentans, oblivionem accipiens purgationis veterum suorum delictorum. Cæcus erat Episcopus Laodicæ *Apocal. 3.* qui sibi dives, & rectè in cælum ire videbatur; sed cæcus erat, & collyrio oculos ungere jubetur, ut videat, sin minus periturus. Cæcitas hæc & tenebræ Synagogam, & universum mundum reliquum idololatriæ ac immunditiis deditum, impleverant, quando Christus Sol Justitiæ in hunc mundum venit, & ortus est eis qui in tenebris & umbra mortis sedebant, & ideo venit ut has tenebras dispelleret; sed multi noluerunt lucem hanc videre, & dilexerunt magis tenebras quàm lucem, dixeruntque Christi doctrinam esse stultitiam, &c. Nihilominus isti omnes, qui in suis tenebris manserunt, perierunt & damnati sunt. Atqui nil tale, nil de peccato cogitabant. Infer tu. Ergò non peccabant. Sed textui Sacræ Scripturæ contradicis. Infer ite-

rum. Magister aut Doctor ita dixit. Ergò tutus sum. Sed recordare quod ex Sacra Scriptura habeamus, gravissima quædam peccata solere à Deo puniri, permittendo ut homo in mentis cæcitate incidat, ex qua in omne genus vitii præcipitur. Immo Magister ipse, etiam sine sua culpa, permitti potest male respondere propter peccatum & immunditiam interrogantis; qui propterea semper cæcus manet, & in tenebris ambulat, & gravissimè peccat. Neque enim, ut quidam videntur Philosophari, qui nimis oculatos constituunt omnes, quò quis est cæcior, eò minùs, aut nullum est ejus peccatum, quasi verò cæcitas mentis nos redderet impeccabiles in iis quæ per cæcitatem latent. Quod certè sub his terminis dici nequit.

26. S. Gregorius & S. Thomas, & plerique alii causam cæcitatis ex parte nostra assignant luxuriam, sicut & gulam aiunt esse causam hebetudinis. Sed non excludunt superbiam, avaritiam, & alia peccata. Credi vix potest, quantum peccata, habitus mali, & pravæ affectiones luminis adimunt etiam quoad naturalia. Philosophi ipsi pro axiomatè tradunt, *Qualis unusquisque est, talis ei finis videtur;* & talia etiam media. Verbum obscenum homini pudico monstrum videtur: jocus impudico. Ratio est, quia consuetudo est altera natura. Porro quòd bona vita & remotio peccati necessaria sit ad illuminationem, satis constat ex Sacris Litteris; nam absoluta sententia est Sap. 1. *In malevolam animam non introibit Sapientia, nec habitabit in corpore subdito peccatis.* Et Christus ipse, qui novam doctrinam mundo attulit, aliud non videtur requirere ex parte nostrâ ad eam intelligendam, atque ad sciendum an ex Deo sit, quàm vitam bonam. Ait enim Joan. 7. *Si quis voluerit voluntatem ejus facere, cognoscat doctrinam, utrùm ex Deo sit, an ego à me ipso loquar.* Possunt verò omnes Dei voluntatem facere, corde puro, & conscientiâ bonâ, & fide non ficta. Et qui hoc non faciunt, voluntariè nolunt. Ex hoc autem hebetudo & cæcitas mentis, immo errores & hæreses incurruntur. Sicut ergò, qui clausis oculis inter præcepta incedit, voluntaria est ei præcipitatio, & nolenti facere voluntatem Dei, voluntarii sunt errores inde obvenientes, qui proinde imputantur ad peccatum, & manent voluntarii, donec quis ex vero corde resipiscat.

27. Peccantes, ais, de his non cogitant. Quid inde? Potuerunt, ac debuerunt de illo cogitare: nemo enim est, qui Deo servire non potuerit ac non debuerit. Ipsa peccantis præcipitatio excusationi esse nequit. Stat ergò ad voluntarietatem peccatorum ignorantia sufficere, quod per alia peccata scienter, ac directè voluntariè admissa incurrantur, quamdiu ista per poenitentiam, ac veram conversionem non retractantur, nec delentur.

28. Hinc sequitur homines ad conscientie emendationem obligari, ut tradunt aliqui, quos Corduba lib. 2. de ignorant. quasi. 2. refert, quibus ille subscribit, pro ea saltem circumstantia, quando quis probabiliter timet, quod Deus propter peccata illum excæcari, aut depravari permissurus sit. Probat. Omnis lex, sicut obligat ad sui adimplerionem, ita etiam obligat ad sui cognitionem. Ergò & ad removenda impedimenta cognitionis. At cæcitas & hebetudo mentis sunt impedimenta sciendi legem; sicut etiam est transmutatio intellectus per habitus prævios & affectiones malas. Ergò tenemur ista re-

Ultior
prosecutio.

movere. At remouentur per emundationem animæ. Ergo tenemur ad eam.

29. Confirmatur. Lex obligat ad remouendam impotentiam, & impedimentum potentiz, quando eorum remotio est in potestate nostra, sic omnes proximam peccandi occasionem vitare tenentur, & in sacris constituti Breviarium procurare, ut in illo horas recitent, &c. Ergo lex etiam obligat ad remouendum impedimentum cognitionis, quia legis observatio utriusque impedimenti remotionem postulat.

30. Confirmatur 2. Ignorantia & error sæpe constituunt errantem in necessitate consequente peccandi, quoties scilicet conscientia erronea dicit aliquid faciendum esse, quod est contra legem, & talis conscientia vincibiliter errat. At juxta omnes tenetur quis tollere occasionem proximam peccandi, quamvis habeat potentiam physicam resistendi. Ergo à fortiori tenetur removere necessitatem consequentem peccandi, qua scilicet stante, est impossibile non peccare. At hæc necessitas tolli nequit, nisi causis ejus sublati, quæ sunt cæcitas, hebetudo & depravatio mentis ac rationis. Nec hæ causæ tolli possunt, nisi sublati etiam ipsarum causis, quæ fuerunt peccata alia. Ergo tenemur ad emundandam conscientiam, sine cujus emundatione dicta peccata non tolluntur, &c.

31. Quod si quæras, quis teneatur emundare conscientiam? Facile responderetur, omnes ad hoc teneri, qui non habent aut certam scientiam, aut positivam probabilitatem, quod nullo ignorantiz peccato laborent, nullaque ignorantia aut errore teneantur, qui in posterum futurus sit peccatum, vel causa peccati. Talem scientiam se habere quis præsumere audebit? cum Propheta dicat, *Ab oculis meis munda me?* Et Paulus clamet, *Nihil mihi conscius sum, sed non in hoc justificatus sum?* Probabilitatem positivam, ferè semper veram & rarò deficientem habent de lege communi Sancti Dei, & servi ejus diligentes; alii majorem, alii minorem. Sed quia regula aliquando deficit, Sancti ipsi peccata sua occulta timent, & sæpe clamant, *Ab oculis meis munda me*: Item, *ignorantias meas ne memineris Domine*. Ita Celladeus, qui tota *quaest. II.* hæc & hiscè similia more magis concionatorio, quam argumento strictè Theologico, multis exaggerat, quæ eò collimant, ut probet ignorantiam & errorem, ac mala ex iis patrata esse voluntaria ac imputabilia, & ad peccatum propriè imputari, quamvis nulla suspicio talium incurrendorum præcesserit, si tamen ignorantia & error à peccato ortum traxerint.

ALLATA CELLADEI DOCTRINA

Excutitur, & ubi errat refutatur.

ergo ignorantia ignorantibus imputatur, quia est illis aut directè volita, aut certè indirectè voluntaria, sicut omnes ignorantiz culpabiles esse solent.

33. Respondeo 2. Doctrinam hanc, penitus evertere regulam morum, à Celladeo assignatam. Nemo enim tutò sequitur regulam, quam assignat; statim enim multa occurrunt, quæ periculum peccati per se imputabilis secum ferunt. Primum est, ipsa rationum defectibilitas; contingit enim aliquando hominem taliter opinantem errare. At si erret, peccat; nec excusatur, nisi invincibiliter erret. At nescit operans, an error, si interveniat, sit invincibilis, quia fieri potest, ut sit effectus peccati olim commissi, & nondum retractati ac condonati. Hoc autem sufficit, ut error sit imputabilis & actio peccaminosa. Præterea fieri potest, ut Doctores, à quibus consilium petitur, etiam citra suam culpam errare permittantur in penam peccati anterioris à consulente commissi. Ergo qui non certus est se Deum non offendisse, scire nequit se invincibiliter erraturum, si erret. Immo scit errorem, ejusdemque voluntarietatem ac imputabilitatem ex multis capitibus imminere, etiam quando ipse de sufficientia suæ diligentiz, ac de veritate causæ minimè dubitat; quia omnia hæc frequenter connectuntur cum voluntarietate ac imputabilitate ignorantiz. Quid ergo fiet in rebus apud Auctores controversis, de quibus formido erroris directi superari non potest? Sanè in his, juxta Celladeum, nulla esse potest regula sufficiens; quia numquam evenit, ut qui talia sequitur, aut re ipsa, aut etiam in opinione sua prudenter concepta ferè numquam erret. Quia quæ docti post diligens rei examèn dicunt esse peccata, sæpe sunt ut dicunt. Ergo pro talibus regula Celladei locum non habet, maxime pro iis, qui de rationibus rectè judicare non possunt; illi enim eo ipso quod sciant, aut dubitent, quod graves Theologi doceant aliquid esse illicitum, non possunt habere regulam ferè numquam fallentem, quam in minùs tuto operando sequantur. Ergo directè loquendo regula Celladei illis applicari nequit. Quod si ea etiam, quæ hic ponderat adjiciantur, nemo tuta conscientia, & sine evidenti periculo peccati formalis sequi potest partem minùs tutam. Ergo qui talem regulam sequitur periculum amat, & in illo perit, ac peccat. Itaque doctrina Celladei omnes tandem ad partem tutiorem in omnibus tenendam adigit. Eè sanè nemo, principiis illius imbutus, tutà conscientia umquam sequi potest partem minùs tutam; quia doctrina illius ita undique conscientias arctat; ut homines ad partem tutiorem in omnibus tenendam, nisi ex persuasionem propriæ mentis periculo peccandi se committant, & consequenter peccent. At Celladeus esse absurdum putat, quod in omnibus teneamur ad tutiora, regulamque tradit, qua tutò dirigamur quando scètamur minùs tuta. Verùm regula illa in rebus controversis (omnia autem ferè, quæ occurrunt, sunt & sciuntur esse controversa) locum non habet. Præterea, pericula ita undique imminant ex ejus doctrina, ut nemo in ullo casu tutò sequi possit illam regulam. Ergo non regulam pro regula tradit, & omnes ad tutiora compellit. Quæ adeo vera sunt, ut qui illa maturè consideraverit, videbit Celladeum una manu destruere quod altera struxerat, totumque operis discursum ingenti ac palpabili inconsequentia, factum esse, ac in ipso primario intento contrarium.

Conclusio
discursus.

Examen- 32. PRIMIS respondeo, ut in superiori
dixi præ-
cedente. assertionem, omnia hæc nil aut valdè parum
conducere ad præsens intentum, quia præsens
controversia procedit de rebus verè incertis, quæ
post omnem diligentiam certò sciri non possunt,
certò tamen sciuntur esse probabiliter licita. Ta-
lium autem ignorantia est necessaria & invinci-
bilis, non libera & voluntaria, ut patet. Præ-
terea rationes & auctoritates à Celladeo allatæ
procedunt de ignorantia veritatum certarum,
quæ omnes possunt & debent scire, eò quod
nulli deficit principium aliquod, per quod talis po-
tentia & obligatio satis manifestetur. Meritò

R. P. A. Terzili, Regula Morum. Pars. II.

Y

dictoria

dictoria doceri. Si enim quæ potissimum in hac secunda parte addensat, locum habeant, nemo secundo partem minus tutam tutus esse potest, sed inevitabiliter casui se committit, an peccaturus sit, & Deum peccato per se imputabili offendat, etiam quando de hoc nullatenus formidat; quamvis qui juxta illius principia regulatur, non possit, etiam ex propriæ conscientie dictamine, non formidare, ac tali casui sciens & volens se committere. His indirectè dictis, antequam directè solvam rationes allatas ponam assertionem contradictoriè oppositam assertioni Celladei, & post eam stabilitam omnibus objectis directè respondebo. Sit ergo

ASSERTIO III.

Ignorantia à peccato inducta non est voluntaria, ne quidem indirectè, nisi aliqua cogitatio de ignorantia incurrenda præcesserit.

Assertio
Celladeo
contradictoria.

Quid requiratur ut ignorantia dicatur voluntaria?

Replica.

Impugnatur.

34. PROBATUR primò ratione, quia essentia voluntarii est, ut procedat à cognitione, & sit aliquo modo præcognitum. Ergò ubi nulla præcessit cognitio ignorantie ac malitie, ignorantia & malitia nequit esse voluntaria, ne quidem indirectè; nam in hoc solum voluntarium directum ab indirecto discrepat, quòd illud sit & dicatur voluntarium directum, in quod cognitum voluntas fertur directè, expressè volendo illud; illud verò sit & dicatur voluntarium indirectum, in quod cognitum voluntas fertur solum indirectè, quatenus aut vult aut negligit aliud, ex quo volito aut neglecto prius illud consequitur, absque eò quòd voluntas actu explicito aut directè feratur in illud, volendo, aut desiderando illud. Hæc traduntur à Theologis ad 1. 2. Nec de alio voluntario, aut modo voluntarii mentionem faciunt, quia nulli alteri modo definitio voluntarii applicari potest, ut patet. At in casu nostro ignorantia nullo modo repræsentatur menti, ne quidem sub ratione generica aut universalissima, quia hoc supponitur. Ergò repugnat, quòd sit voluntaria etiam indirectè.

35. PROBATUR secundò. In hoc casu non est excogitabilis alia ratio, ob quam ignorantia dicatur voluntaria, quam quia consequitur ad volitionem liberam, quamvis nullatenus cognita fuerit. Sed hoc non sufficit ad voluntarium, alioquin mors illi esset voluntaria, qui errore deceptus absque ulla suspitione veneni latentis venenum pro cibo sumeret. At dicere mortem esse vel indirectè voluntariam tali homini, adeo rationi repugnat, ut in mentem venire nequeat; mors enim non aliter est indirectè volita, quam si aliquid cum periculo apparenti mortis connexionem eligatur, ut patet. Ergò ad voluntarium, etiam indirectum, non sufficit quòd res aliqua à volitione libera dependeat. Ergò in casu nostro ignorantia non est voluntaria, cum nil sit, quòd ad talem denominationem tribuendam sufficiat.

36. Dices, disparitatem esse, quòd peccans verè debeat causam ignorantie omittere; qui verò ignoranter sumit venenum, non debeat illud non sumere.

37. Sed contra est, quia actio liberè posita perinde se habet ad voluntarietatem effectus nullo modo præcogniti, siue potuerit, siue etiam debuerit non poni; nisi prohibitio in genere saltem

repræsentata fuerit ut fortè illativa aliquorum malorum. Tunc enim mala illa aliquo modo essent voluntaria, & imputabilia; quia homo intuitu illorum & poterat & debebat omittere causam, ex qua ortum traxerunt. Præcindendo enim ab hac repræsentatione, non est unde effectus magis censcatur voluntarius, quando oritur à volitione liberà malà, quàm quando causatur à bona. Præterea qui mentitur, ut amicum celet id, à quo magnam tristitiam hauriret, male facit, nec tamen ideo vult propriam mortem indirectè, quamvis amicus ille propter illud mendacium mentientem interficiat. Ergò ad voluntarietatem etiam indirectam alicujus, non sufficit, quòd illud ab actione libera mala, quæ debuit non poni, dependeat. Similiter nil refert, quòd effectus ille per se, vel per accidens sequatur, quia in ordine ad operantem nullatenus apprehendentem ullam connexionem aut sequelam, perinde est quòd res sequatur per se vel per accidens. Ergò in ordine ad voluntarietatem, quæ est mera operantis affectio, perinde se habet necessaria ac accidentaliter connexio. Ergò neutra sufficit ad voluntarium.

38. PROBATUR tertio ex S. Thoma 1. 2. quæst. 76. art. 3. in corp. ubi expressè tradit, hominem scienter percutientem alium, & ideo peccantem, excusari tamen à parricidio, si penitus ignoret eum esse suum patrem, quòd si scivisset eum non percussisset. Hanc parricidii excusationem dicit sumi ex parte objecti, quòd omnino ignoratur; quia ignorantia in tantum excusat à peccato, in quantum ignoratur aliquid esse peccatum. Deinde dicit ignorantiam aliquando excusare aliquo modo à peccato ex parte ipsius ignorantie, quia scilicet ignorantia est voluntaria. Vel directè, sicut cum aliquis studiosè vult nescire ut liberius peccet. Vel indirectè, sicut cum aliquis propter laborem, vel propter alias occupationes negligit addiscere id, per quod à peccato retraheretur: talis enim negligentia facit ignorantiam ipsam esse voluntariam, & peccatum, dummodo sit eorum, quæ quis scire tenetur, & potest. Et ideo talis ignorantia non totaliter excusat à peccato. Si verò sit talis ignorantia, quæ omnino sit involuntaria, siue quia est invincibilis, siue quia est ejus, quòd quis scire non tenetur: talis ignorantia omnino excusat à peccato. Hinc patet, S. Thomam per omnia nobiscum sentire. Inprimis dicit peculiarem malitiam ignoratam esse involuntariam & ad peccatum non imputari, quamvis identificetur cum opere malo, quòd quis scienter patrat, & à quo tenebatur abstinere, à quo si hanc scivisset, abstinuisset, ut debebat, neque posuisset malum, quòd ignorans ponebat. Eadem autem ratio æquè valet de ignorantia mali, consequente ad opus ex malitia positum; quia si malum identificatum cum peccato non sit voluntarium, nec imputetur si ignoretur, utique nec malum consequens (quòd aliquando saltem per accidens impediri potest etiam non obstante peccato) imputari potest, nec fieri voluntarium, si ignoretur. Deinde non aliam ponit aut agnoscit rationem voluntarii indirecti, quàm quæ oritur à negligentia culpabili. Ergò per omnia nobiscum sentit contra Celladeum.

39. PROBATUR quarto ex ipso Celladeo, qui Celladei 8. quæst. 10. immediate præcedente §. 3. prope finem ex traditione concordi Theologorum sententia hoc modo concludit. *Necessaria est ergò (ad peccatum) aliqua præcognitio tum ignorantie, tum culpa propter ignorantiam sequentis. Hæc omnia, quæ Catholici omnes libenter admittunt, haud prosequor, &c.* Hæc ille, qui tamen §. 4. contendit præcognitionem hanc non

Ultior
conclusionis
probatio ab
autoritate.

non debere explicare ignorantiam aut mala ex ignorantia imminenti in individuo vel in specie, sed satis esse si in genere illa repræsentet, in quo me contradicentem non habet, ut constat ex *Affert. 1.* Ergo ex expressa ipsius mente aliqua ignorantia & malorum præcognitio est necessaria ad peccatum, & ad rationem voluntarii; immò expressè ait omnes Catholicos, & se inter eos, libenter hoc admittere. Et tamen statim post tota *quæst. 11.* ex professo intendit probare, talem præcognitionem ad rationem voluntarii ac peccati non esse necessariam, sed utrumque frequentissimè haberi absque ulla ejusmodi præcognitione. Ergo & sibi apertè contradicit, & communi omnium Catholicorum doctrinæ, etiam pro tali à se agnitæ, adversatur. Ergo audiendus non est. Itaque hac in quæstione Celladeus confundit malum, quod est merus effectus peccati & voluntarii, cum malo quod est peccatum & voluntarium. Primum quidem habetur, in casu quem expendit, sed secundum locum non habet, quia ob defectum cognitionis ratio voluntarii & peccati est penitus impossibilis.

Ultior
Celladei re-
prehensio.

40. Est & aliud, quod in hac Celladei doctrina vehementer displicet, scilicet quod nil determinatè proponat. Vult quidem aliquam ignorantiam ortam à peccato esse voluntariam, sed dubitat an omnis ejusmodi ignorantia sit voluntaria, etiam illi, quæ per se connectitur cum peccato; quamvis etiam dubitet, utrùm ignorantia etiam per accidens sequens ex actione peccaminosa, imputetur ad peccatum & sit voluntaria. Ideo autem hac ratione vacillat, quia solus Deus delicta eorumque mensuram & meritum intelligit. Hæc, inquam, mirè displicent, tum quia nil doctrinaliter determinant, per quod regulemur, cum tamen ad regulam morum determinandam omnia hæc tradantur; tum vel maxime quia inconsequenter traduntur; si enim ad rationem voluntarii sufficiat, ut aliquid aut per accidens, aut saltem per se connexum cum operatione mala, & ab illa proveniens, sit voluntarium, utique ubicumque hoc reperitur, ratio voluntarii invenitur, nec de hoc magis dubitari potest, quàm an detur res, quando constat essentiam rei dari. Inconsequenter etiam loquitur Celladeus in hac re, dum audacter affirmat unum, & mox hæret ac timet in alio, in quo & agnoscit, & supponit eadem constitutiva involuntarii intervenire. Reflexat ad hæc, & videbit quàm sine fundamento hæc proposuerit, cum non audeat assertionem ad ea extendere, quæ eadem prorsus habent constitutiva; in quo, meo iudicio, perinde agit, ac si diceret, Audacter dico Petrum esse hominem, quia est animal rationale quod continet essentiam hominis, sed ut cautè procedam, præscindo ab eo, an omne illud sit homo, quod est animal rationale.

41. Demum recursus ille ad Deum pro explicando merito ac mensura peccatorum laudandus esset, si simpliciter fieret; *delicta enim quis intelligit?* Sed prorsus displicet in sensu, quem Celladeus sibi proponit: loquitur enim ac si accidentale esset operationibus nostris eorumque effectibus, quod hi sint aut non sint voluntarii nobis, quodque omnibus immutatis ex parte nostri, fieri possit, ut quod nunc est voluntarium & peccatum, potuisset non esse voluntarium & peccatum, si Deus aliter statuisset. At hoc est prorsus absurdum, nam ratio voluntarii ab extrinseco non dependet, sed est prorsus invariabilis, quando ea in nobis existunt, quibus talis denominatio

Ratio volu-
tarii non o-
ritur ab ex-
trinseco.

R. P. A. Terilli, Regula morum. PARS II.

convenit. Similiter nobis eodem prorsus modo se habentibus repugnat eundem actum modò esse, modò non esse peccatum per hoc præciè, quod Deus aliter vel aliter de rebus statuat. Itaque licet solus Deus merita & mensuram peccatorum rectè intelligat, hoc impertinens est ad dubitandum an aliquid sit peccatum, si habeat ea omnia, per quæ sola aliud constituitur in ratione peccandi. Sed quid? Qui à communi viâ recedit, etiam cum minimè expectat, in vias dubias incidit, & sæpe in ipso plano ac recto itinere constitutus, ubi minimè formidandum erat, maxime dubitat, seseque torquet. Id planè facit Celladeus in præsentia, ut patet.

RATIONES CELLADEI

ponderantur, & directè solvuntur.

42. **I**TAQUE directè respondeo ad singulas, & ultro fateor Gentes, quorum scelera ad Rom. 1. Paulus enumerat, fuisse inexcusabiles. Directa solutio argu-
mentorum
Celladei. Nec tamen in contextu sequitur, peccata illa turpissima, etsi in religionem abijisse & ut religiosum quid habita fuisse dicantur, absque sufficienti advertentia ad eorum malitiam fuisse patrata. Legatur Cornelius à Lapide in totum illud caput, & satis constabit, Philosophos illos, quos Paulus ob Idololatriam arguit, non nescientes, sed scientes peccasse, atque in aliis tolerasse ac probasse, quod malum, & lumini rationis ac Deo ipsi, quem cognoverant, repugnare sciebant. Similiter ostendit eorum ignorantiam fuisse aut affectatam aut crassam, ideoque opera ab ignorantia illa procedentia fuisse imputabilia. Cæterum non est credibile, eos non satis advertisse turpitudines illas & innaturales luxurias fuisse malas ac detestabiles. Jam verò de hujusmodi operum pravitate ac imputabilitate in præsentia non quæritur; sed solum, utrùm ignorantia nullo modo prævisa imputetur ad peccatum, & non sit merus effectus peccati, sed verum peccatum, idque ratione sui imputabile, si oriatur à peccato; quod certè ex hoc loco non probatur. Neque commentatio S. Thomæ id probat. Ostendit ille quidem, primum Gentium illarum peccatum contra cultum Deo debitum processisse ex satis clara cognitione mali latentis ac debiti sui, cui non correspondebant; inde autem factum est, ut, Deo gratiam suam copiosam subtrahente, turpissimis vitiis se inquinaverint; nec dicit, aut insinuat eos non satis eorum turpitudinem agnovisse. De aliquibus quidem Gentium peccatis videtur supponere, ex ignorantia fuisse patrata, nec tamen ideo eos excusationem habuisse, quia ipsa eorum ignorantia erat culpabilis, quæ proinde non poterat opera ex illa provenientia excusare, sed mala & imputabilia reddere. Porro quod dicit: *Si ignorantia causetur à culpa, non potest subsequenter culpam excusare*: intelligi debet non de quavis causalitate physica, sed solum de causalitate morali, ratione cujus ignorantia aut affectatur, aut ex negligentia advertentier contracta incurritur; alia enim ratione ignorantia non est voluntaria & culpabilis, ut ex expressa ipsius doctrina satis constat. Ergo ne sibi contradicat, ita interpretandus est.

43. Porro ex dictis satis constat, quâ ratione opera ex ignorantia & errore patrata, sint aut non sint peccata, & ad pœnam imputentur. In primis aliqua dicuntur fieri ex ignorantia, non quia fiant ex absoluta mali inconsideratione, sed

Corrolariè
ex dictis.

Y a

quia

quia vel notitia mali est exigua, cum antea aut in aliis occasionibus esset longè clarior, & illa claritas vel ob pravam habitum, vel in poenam peccati ablata est. Secundò, quæ fiunt in dubio dicuntur fieri ex ignorantia, quia malum operationis à dubitante ignoratur. Et de his non est dubium, quin sint peccata ratione sui imputabilia ad peculiarem culpam & poenam, quia fiunt ex malitia, cum sufficienti advertentia ad malum, ut patet. Jam plurimi textus SS. Patrum & aliorum de ignorantia in hoc sensu intelligendi sunt.

Peccari potest in opere procedente ex ignorantia culpabili, licet nulla subest malitia in illo opere, suspicio.

44. Sed esto, loquamur de aliquo opere, quod ex ignorantia & errore culpabili procedat, absque eo quòd ulla mali suspicio appareat in opere, quod hic & nunc ponitur; immò supponamus, illud absolute bonum reputari; adhuc multipliciter peccari potest in tali opere. Primò si illud ex passione aliqua mala indebitè fiat; tunc enim ignorantia & error non excusant opus à peccato malitiæ, ut patet. Hac ratione Judæi & alii persequentes Christum & Apostolos peccare poterant, & forè peccabant, etsi putarent se Deo obsequium præstare eos persequendo. Secundò negligentia, ob quam error incurritur & continuatur, sæpe non est unum tantum numero peccatum; sed homo frequenter peccat, longo tempore debitam diligentiam omittendo; & quidem ob habitum contractum fieri poterit, ut negligentia adeo facilè incurrat & parvi fiat, ut licet intellectus ad obligationem sufficienter advertat, voluntas tamen nullo saltem notabili remorsu terreatur. Hinc autem duo sequuntur. Primum est, quod homo actu peccet in eo quod bonum putat, & de quo in particulari nullam habet suspensionem mali, sed illud Deo placere credit, idque intelligo non de imputabilitate propter negligentiam olim culpabilem, sed propter novam culpam negligentie præsentis, quam homo potest & debet amoliri. Interim tamen ex negligentia ista incidit in errorem, quo credit malum esse bonum, & Deo placere, &c. Hic error, & opus ab illo regulatum, est peccatum, habetque novam imputabilitatem à negligentia præsentis per quam error ille aut inducitur aut continuatur. Porro culpa illius negligentie procedit à cognitione genericè saltem representante ignorantiam esse removendam, quæ cognitio non contrariatur errori circa particulare objectum, ut patet. Hac etiam ratione peccare poterant, & sæpe de novo per novam imputabilitatem peccabant illi, qui persequiebantur Christum & Apostolos. Secundum, quod ex hac doctrina sequitur, est, quòd qui diu vincibiliter manent in erroribus suis, ac frequentius ex tali errore mala committunt; gravius peccent, & severius puniendi sint in futura vita, quàm qui citius moriuntur in illo errore; quamvis quoad alia in nullo sit diversitas. Ratio est, quia negligentia continuata, est peccatum continuatum, quod ratione sui imputabile est, & consequenter, quòd magis continuatur, eò gravius evadit, & ob multiplicitem ac extensionem omissionum ad novam culpam & poenam imputatur, atque ita opera etiam sequentia ad novam culpam & ampliorem damnationem imputantur, quia informantur à culpa majore & deteriore, ut patet. Hac ratione verificantur ea, quæ PP. & Theologi asserunt de iis, qui in suis erroribus perseverant; aliquando enim dicunt, eos semper ad ampliorem damnationem sua peccata ignorantia multiplicare: quod verum est non solum

ex eo, quòd talia opera ex indebita passione, & mala contra conscientiam fiant; sed ex eo etiam præcisè, quòd fiant ex ignorantia per novam & repetitam negligentiam continuatam: & sanè vix fieri potest, ut crassa ignorantia, ab initio per negligentiam introducta, diu continuetur, quin eadem negligentia semper remaneat culpabilis, & homo taliter negligens pluries Deum ex advertentia sufficienti offendat.

45. Adde tam Sacram Scripturam, quàm Sanctos PP. mala aliqua sæpe vocare peccata, quæ propriam rationem peccati non habent. Unde Tridentinum sess. 5. decreto de peccato originali sub finem hæc habet, *Concupiscentiam, quàm aliquando Apostolus peccatum appellat, Sancta Synodus declarat Ecclesiam Catholicam nunquam intellexisse peccatum appellari, quòd verè & propriè in tenatū peccatum sit, sed quia ex peccato est, & ad peccatum inclinatur.* Itaque cum effectus peccati, maximè si ad peccatum inclinent, sæpe vocentur peccata, quamvis propriè peccata non sint, fieri potest, ut aliqui ex textibus, quos Celladeus profert, non agant de peccatis propriè, sed solum impropriè dictis. Tales autem auctoritates nec Celladeo favent, nec nostræ opinioni adversantur, ut patet.

46. Demum præter peccata hætenus dicta, Quam sint admittimus peccata puræ ignorantie, quæ in eo peccata puræ ignorantie sita sunt, quòd oriantur ex ignorantia primitivè culpabili, sed quæ ob novam & continuatam negligentiam imputari nequeunt. In hoc casu, qui poneret malum, quòd absolute crederet esse bonum, peccaret quidem, quia malum illud imputaretur propter negligentiam culpabilem, per quam ignorantia contracta fuit, quia tam ignorantia, quàm mala illa sunt simpliciter voluntaria, quia in negligentia illa fuere indirectè volita, cum intellectus proponeret obligationem ad ea per diligentiam avertenda. Itaque opera talia, prout oriuntur ab ignorantia culpabili, atque ab ea informantur, verè sunt peccata, nec quisquam de hoc dubitat. Sed quæstio est, utrùm hæc opera sint peccata peculiararia, utrùm habeant propriam malitiam & imputabilitatem distinctam à tota malitia negligentie, per quam ignorantia contracta fuit, ideoque ad propriam & peculiarem poenam ac damnationem imputentur. Communis opinio negat, modò nulla sit mali latentis suspicio, nec turpitudine aliqua ac indebitus agendi modus eluceat in opere, nec præsens ignorantia novam rationem culpæ habeat, sed opus simpliciter judicetur bonum, bona fide eliciatur, nec aliud ipsi imputari possit, quàm quod ab ignorantia primitivè culpabili oriatur. Ratio efficacissima, & quoad me convincens, est, quòd volitio illius objecti non est ex se & intrinsecè mala, quia si eadem elicitæ fuisset cum omnibus circumstantiis, in quibus nunc actio versatur, non fuisset peccatum, nec ad culpam imputari potuisset, si culpabilis ignorantia non præcessisset. Malum enim non aliter voluntarium est, quàm in illa ignorantia, quam homo poterat & debebat vitare. Ergò volitio illa non est intrinsecè mala. Ergò malitia omnis est illi extrinsecæ, nec aliundè habetur, quàm à negligentia culpabili, quia eà sive in re, sive in mente ablata, omnis propria ratio culpæ & in re & in mento tollitur. Ergò talia opera non aliam malitiam moralem, non aliam imputabilitatem, seu propriam rationem peccati habent, nisi quæ communis est dictæ negligentie, cum ab illa sola totam mali imputabilis, seu peccati propriè dicti, denominationem accipiant.

Celladeus
jamentis
refragatur
torrenti
Doctorem.

47. Quod si loquamur de ignorantia nullatenus prævisa, quæ tamen incurritur per peccatum, & de malis ab illa ignorantia postea absque ulla actuali malitiæ advertentia provenientibus, eadem ratio multò magis locum habet, quia opera sequentia non solum non sunt præcisè ratione sui mala & imputabilia, ut ex proximè dictis constat, sed vel maximè, quia nec ignorantia illa, nec mala ab illa provenientia ullatenus fuerunt voluntaria, aut volita, ut efficaciter probatum est. Jam ergò absurdum est deferere communem gravissimorum Auctorum opinionem, ratione tam efficaci stabilitam, nisi convincens ratio, aut auctoritas irrefragabilis asportatur. At hæc certè nec allata est, nec umquam, ni fallor, affectur. Provoco enim Celladeum ut determinatum casum ponat, in quo constet nullum ex assignatis aut aliis assignabilibus malitiæ causis intervenire, præter hoc præcisè, quod oriatur ab ignorantia primitus culpabili nondum retractata & abolita, aut quod citra omnem mali imminenti suspicionem ignorantia à peccato aliquo procedat; & hoc posito asserat textum urgentem aut rationem validam, quæ probet talem actum habere propriam imputabilitatem ac malitiam distinctam à malitia peccati, per quam ignorantia contracta fuit, & tunc aliquid ad rem dicet; si hoc præstare nequeat, frustra laborat. Rationem nullam asserit: Auctoritates generaliter sumptæ probant quidem majorem damnationem communiter incurri ab illis, qui plura mala ex ignorantia culpabili patrant; sed non ostendunt majorem illam damnationem non provenire ab aliquo peccato malitiæ intervenientis, aut certè ex continuo peccato ignorantie, &c. Nec umquam exprimet argumentum, quo, sistendo in terminis quæstionis, peculiaris & propria malitia ac imputabilitas talibus operationibus tribuatur. Ut pateat an verum dicam, rogo Lectorem, ut ex auctoritatibus citatis conetur argumentum formare, quo hoc probet; quod cum præstare non potuerit, propriâ experientiâ convictus mecum sentiet.

Celladei argumenta à
quæstionis
scopo aberrant.

48. Cæterum quod ad præsentem controversiam de ignorantia per peccatum sine ulla suspicionem mali contracta atinet, nimis perspicuum est, ea quæ Celladeus congerit hoc non probare, cum non probent ignorantiam, de qua mentionem faciunt, non fuisse aut crassam aut affectatam, atque ex peccato malitiæ scienter ac voluntariò contractam; libenter enim viderem syllogismum formari ex iis quæ adducit, cujus conclusio sit ptopositio controversa. Verùm, cum Lector talem syllogismum, qui probabiliter urgeat, ex illis formare nequiverit, concludet, ni fallor, Celladeum intentum suum minimè probare, ac sine fundamento à communi verâque sententia recessisse.

Autoritas S.
Thom. allata adeo
non favet
Celladeo ut
maximè ad-
versetur.

49. Præclara prorsus sunt, quæ S. Thomas de cæcitate atque hebetudine mentis tradit, eaque omnia & singula admitto, sed simul audacter assero, S. Doctorem diametraliter opponi assertis Celladei. Ille probandum assumit, quod ignorantia nullatenus prævisa sit peccatum, si à peccato inducatur: ut hoc probet asserit, S. Thomam dicentem, cæcitatē mentis aliquando esse peccatum. Sed quid inde? Omnes idem dicimus. Subsumi deberet. Sed S. Thomas ait cæcitatē esse peccatum, quando inducitur per peccatum, quamvis nulla ignorantie incurrendæ suspicio peccanti occurrat. At ubi S. Thomas hoc tradidit? Nullibi. Certè loco, quem Celladeus ci-

R. P. A. Tigrilli, Regula Morum. PARS II.

tat, expressè tradit oppositum; nam postquam dixit cæcitatē consistere in privatione principii visionis intellectualis; mox dicit illud principium esse triplex. Primum, est ipsum rationis naturalis lumen; sed hoc anima numquam privatur. Ergò cæcitas consistens in carentia hujus principii, non est peccatum, cum numquam incurritur. Secundum, est lumen habituale, naturali rationis luminis superadditum; & hoc lumine, inquit, anima interdum privatur. Et talis privatio est cæcitas, quæ est pœna, secundum quod privatio luminis gratia quadam pœna ponitur, &c. Porro hæc cæcitas non est peccatum, sed pœna peccati, ut S. Thomas expressè tradit in eodem art. ad 2. Tertium, est aliquod principium intelligibile, per quod homo intelligit alia; cui quidem principio intelligibile mens hominū potest intendere, vel non intendere. Et quod ei non intendat, contingit dupliciter. Quandoque quidem ex hoc, quod habeas voluntatem spontaneè se avergentem à consideratione talis principii, secundum illud Psal. 35. Noluit intelligere, ut bene ageret. Alio modo, per occupationem mentis circa alia, quæ magis diligit, quibus ab inspectione hujus principii mens avertitur, &c. & utroque modo cæcitas est peccatum. Hæc S. Thomas, qui ex his scitur non agnovisse rationem peccati nisi in hac tertia classe cæcitatis. Porro asserit peccatum hoc dupliciter incurri, primò directè affectando ignorantiam, secundò indirectè negligendo scientiam, quatenus animus ab ea inquirenda avertitur ad considerationem eorum, quæ magis amat. At hi modi incurrendi peccatum cæcitatis supponunt advertentiam ad obligationem removendi ignorantiam, ut patet. Ergò S. Thomas aliud hîc non docet, quàm quod 1. 2. docuerat de ignorantia, scilicet ignorantiam tam affectatam, quàm crassam, esse voluntariam, & ad peccatum imputari, quod omnes admittunt. Præterea quod hîc loquatur ex suppositione ignorantie aliquo modo cognitæ, ex eo patet, quod supponat esse in potestate hominis intendere & non intendere tali principio. At hæc non sunt in potestate hominis nisi circa ea, quæ voluntati representantur per intellectum, ut patet. Uno verbo totus textus, doctrinæque progressus, hoc ipsum apertè ostendit. Similia prorsus habet de hebetudine art. 2. Hebetudo, inquit, habet rationem peccati, sicut & cæcitas mentis, in quantum scilicet est voluntaria: ut patet in eo, qui affectus circa carnalia, de spiritualibus subtiliter discutere fastidit, vel negligit. Ecce totam voluntarietatem hebetudinis reducit ad contemptum & fastidium, aut ad neglectum attendendi spiritualibus; asseritque se idem dixisse de cæcitate. At nemo fastidit aut negligit nisi illud quod ipsi aliquo modo proponitur. Ergò S. Thomas his in locis expressè requirit notitiam præviam de obligatione removendi cæcitatē & hebetudinem, ut illæ sint voluntariæ, ac rationem peccati contineant. Et tamen Celladeus citat hunc locum S. Thomæ, ut probet ignorantiam nullo modo prævisam esse peccatum, si ab alia quavis culpa originem trahat: sed nimis clarum est S. Thomam non solum id non docere, sed expressè tradere oppositum; tum quia discursus illius omnem rationem voluntarii à tali ignorantia excludit; tum quia expressè fateatur, talem ignorantiam, utpote à Deo inflatam, esse pœnam peccati, & non peccatum. Cogitet hæc Celladeus, & agnoscat tandem quàm debiliā immò quàm suo intento contraria argumenta asserat, ut proprias suas opiniones & novas cogitationes stabiliat.

50. Porro eodem modo discurrendum est de cæcitate

Y 3

Quid cæ-
citas sit pec-
catum.

cæcitate & malis à cæcitate inductis, sicut loquuti sumus de ignorantia, ejusque effectibus, utraque enim eisdem modis esse potest voluntaria, ut patet. Itaque fatemur cæcitatē & esse peccatum, & à peccato non excusare, quando & ipsa, & ejus effectus sunt voluntarii; & hoc ritè probatur ex Sacra Scriptura. Cæterum id numquam evenit, nisi aliqua eorum imminet, ac debiti illa avertendi cognitio præcesserit. Cæterum quæ & qualia sint peccata, quæ fiunt ex cæcitate mentis, & unde omnem suam malitiam habeant, non aliunde determinari potest, quàm ex causis proximè perpenſis, quando egimus de peccatis ignorantiz.

Inepia Cel-
ladei com-
paratio.

51. Cæterum cæcitas, de qua Sacra Scriptura, & SS. PP. loquuntur, non est ignorantia quorumlibet, sed solum eorum, quæ & possunt & debent ab omnibus sciri, quæque à quovis per diligentiam mediocrem cognosci possunt. Quæ cum ita sint, stupendum est, Celladeum iterum comparationem instituere inter opiniones probabiles falsas, & cæcitatē, de qua Sacra Scriptura loquitur. Cæcitas culpatur, quia poterat & debebat vitari, estque in cujusque potestate illam amoliri, quia solum privat scientia eorum, quæ certa sunt, & ab omnibus diligentiam adhibentibus certò sciri possunt. In his autem error non excusat, quia culpabilis est, ut patet. Quod si alicui per accidens error culpabilis non fuerit, ille pariter per accidens excusabitur. Hinc culpabiles erant tam Magistri cæci, quàm populi excæcati apud Hebræos, qui errabant circa illa, de quibus Celladeus mentionem facit; & in illis non sufficit dicere, Magister dicit, quia veritas ab omnibus certò sciri potest & debet; ideoque omnis error in talibus est vincibilis. At in rebus incertis, de quibus solum agimus, aliter se res habet; in his enim veritas certò sciri non potest, sed totum relinquitur probabili ac diligenti quæstionis resolutioni, quæ proinde sufficit, ut homo, etsi per accidens erret, excusetur; & in eisdem pro rudibus sufficit, si consilium à peritis petant; si enim illorum se dictis conforment, haud dubiè excusantur, quia faciunt, quod ad veritatem sciendam facere possunt & debent. Ergo si errent, invincibiliter errant & excusantur. Quis hæc cogitans non stupebit, cum legerit apud Celladeum opiniones probabiles Auctorum Catholicorum si falsæ sint, & scriptores in rebus incertis & utrimque probabilibus errantes, comparari cum cæcitate Judæorum, ac cæcis illis Magistris, qui contra legem naturæ ac Dei certò latam, ac aut notam aut facilè & certò noscibilem, ex errore vincibili operabantur. Pudet me professò hæc toties proferre; quia indignum est Theologo tales comparationes instituere, utpote quæ viris Sanctissimis gravissimisque Ecclesiæ Doctoribus injuriæ sunt, & ab omni verisimilitudine remotissimæ.

De qua cæ-
citate lo-
quitur S.
Scriptura.

52. Porro cæcitatē mentis, de qua S. Scriptura loquitur, quamque reprehendit, à peccatis induci fatemur, eamque aliquando peccatum esse agnoscimus. Similiter Christus venit, ut cæcitatē ac tenebras, quæ mundum operuerant, dissiparet. Quid inde ad præsens intentum inferet Celladeus? Peribant, inquit, anima in sua cæcitate. Ergo peccabant. Nil tamen de peccato cogitabant aut suspicabantur. Sed ubi tradit hoc S. Scriptura? Hoc Celladei commentum est, ab omni veritate alienum. Cogitabant illi, saltem ab initio, de cæcitate, alioquin non fuisset illis voluntaria. Cogitabant sæpe postea, & de novo peccabant per

negligentiam continuatam. In multis etiam benè sciebant se malè facere; nec hoc opponitur cæcitati, ut mox uberius ostendam. Atque ideo peribant in sua cæcitate. Quòd si aliquis ex mera ignorantia & cæcitate operabatur, illud opus erat quidem peccatum, sed non imputabile ratione sui, ut sæpe ostensum est. Sed quid si perierint in cæcitate illa? Quid hoc ad præsentem quæstionem de usu probabilium, quando veritas oculatissimos ac maximè diligentes latet? Viderit Celladeus, qui hæc objecit, nam alius nemo videt.

53. Dixi advertentiam mali non opponi cæcitati mentis, quia obscurissima & maximè horrenda cæcitas cum hac advertentia coheret. Quis cæcior illo, qui cum pericula imminetia videt, ab illis non terretur? Quis surdior illo, qui audiens fulmina divinæ justitiæ, illis non plus movetur, quàm si illa non audiret? Et tamen eò homines deveniunt, ut, oculis apertis, absque ullo remorsu aut conscientiz terrore plurima peccata committant, nec iis plus moveantur, quàm si malitiam non agnoscerent. Hoc est videntes non videre, & audientes non intelligere; quia est videntes & audientes perinde se habere ac gerere, ac si nec viderent quæ vident, nec audirent quæ audiunt. Nulla cæcitas aut surditas est peior illa, quæ illis tantum convenit, de quibus verissimè dicitur: *Excavavit illos malitia eorum*; per manifestam enim malitiam, & pessimam peccandi consuetudinem extinguunt lumen gratiæ, quæ à peccando homines deterrentur, nec seriò volunt considerare gravitatem & periculum peccatorum suorum, sed hæc omnia contemnunt, ut suis voluptatibus sine impedimento fruantur? Porro carentia talis luminis est propria cæcitas, quam homines in peccatorum pœnam incurrunt, ut dictum est ex S. Thoma.

Advertentia
mali non op-
ponitur cæ-
citati men-
tis.

54. Itaque Celladeus hic § 3. propè medium immeritò insurgit in eos, qui advertentiam & scientiam cum cæcitate conjungunt, eosque non solum profanatores, sed etiam carnifices esse arbitratur, qui dicunt, cæcum ducentem, & cæcum ductum ambos in foveam cadere, si ambo foveam videant. Scio necessarium non esse, ut ambo foveam videant, quia si error sit circa necessaria necessitate medii ruunt in foveam, etsi nec foveam videant, nec in eam cadendo peccent. At ut peccent cadendo in foveam, fovea aliquantulum videri debet. Nec ideo profanator aut carnifex est, qui tales & videntes & cæcos appellat. Tales S. Thomas & videntes & cæcos agnovit, quia lumen rationis ostendit malum, à quo tamen multi non moventur, quia cæci sunt, & carent lumine gratiæ, quo debite & cum salutari timore à committendo peccato retrahantur. Certè ex mente S. Thomæ cæcitas hæc naturali rationis lumini non opponitur. Ergo rectè coheret. Ergo ex mente expressa S. Thomæ cæcitas, & quidem maximè horrenda, utpote quæ à Deo in pœnam peccatorum infligitur, cum aliqui & sufficienti advertentia mali, optimè coheret. Sed & Christus ipse *Matthæi 13.* hoc ipsum satis expressisse videtur, quando loquens de Judæis cæcis, illis applicat prophetiam Isaïæ dicentis, *Auditum audietis & non intelligetis: & videntes videbitis & non videbitis.* *Incrassatum est enim cor populi hujus, & auribus graviter audierunt, & oculos suos clauferunt, &c.* Certè locutiones istæ supponunt aliqualem notitiam rerum quæ non perfectè videntur & intelliguntur, ut dici de illis possit, quod videantur & non videantur; quod audiantur

Cæcitas
immeritò
reprehendit
Celladeus.

audiantur & non percipiantur. Certum autem est sermonem ibi esse de horrenda populi Judaici cæcitate, ut exprimitur in ipso textu. Ergo cæcitas & horrenda cæcitas non excludit omnem actualem advertentiam mali. Ergo Celladeus invalidè arguit, quando ex eo quod peccantes ex cæcitate non excusentur, infert advertentiam mali non esse necessariam ad peccandum peccato per se ac ratione sui imputabile. Invalidè, inquam, arguit, tum quia terminos coherentes supponit esse oppositos, tum quia consequens ex antecedenti in sensu ipsius admissio non sequitur, quia talia peccata, quando sunt ex pura ignorantia, non sunt imputabilia ratione sui, ut ostensum est.

55. Causam cæcitatis ex parte nostra Theologi in luxuriam communiter referunt; nec abnuo quin ob alia etiam peccata incurratur: & hoc bene probat Celladeus, qui etiam ex Evangelio rectè ostendit, vitam probam ad fidei doctrinam debite percipiendam plurimum conducere, cum causam cæcitatis tollat. Inde autem perperam infert, quod omnes teneantur ignorantiam vitare, quia possunt Dei voluntatem facere, & tenentur non peccare. Ex hoc enim non sequitur, quod homo teneatur ignorantiam vitare, nisi obligatio eam vitandi aliquo modo ei representetur. Si enim absque tali cognitione peccet, & Deus ob peccatum ignorantiam infligat, illa ignorantia erit quidem poena peccati, sed peccatum non erit, cum non sit voluntaria, ut ostensum est. Itaque cavendum est ab æquivocatione, quæ facile incurritur, nisi advertamus aliud esse aliquid esse voluntarium seu volitum, aliud verò illud à voluntario & volito procedere; nisi enim aliquid modo humano & ex vi actus humani, ut humanus est, seu à cognitione ipsius procedat, non est volitum seu voluntarium, quamvis physicè & mortuo modo à volitione humana dependeat, ut constat ex dictis. Itaque ad voluntarietatem ignorantie non sufficit, si illa quomodocumque à peccato oriatur, atque in poenam peccati infligatur; sed requiritur ut intellectui aliquoliter representetur, atque voluntas saltem indirectè in eam feratur, ut explicatum est.

56. Nec conducibiliora sunt ad intentum Celladei, quæ de obligatione mundandi conscientiam ponderat. Illa quidem obligatio admittitur, juxta moderatam præscriptionem graviorum Theologorum; sed absurdum est ponere obligationem, quam Celladeus præscribit, quippe quæ nullam hominibus, quietem permitteret; cum nemo quiescere posset, donec ad probabilitatem rarè aut numquam fallentem de statu suæ gratiæ pertingeret. At quotusquisque est, qui ad hanc se pertigisse tunc ac prudenter confidere potest? Pauci admodum, & qui sanctiores sunt, de hoc magis quam alii formidant. Ergo Celladeus omnes inquietudine ac scrupulis vexat obligationibusque à se impositis non à Deo institutis inquietat.

57. Nec ea quæ assert, intentum probant. Si quidem nulla lex obligare potest ad sui cognitionem, sicut obligat ad sui impletionem, ut clare ostensum est in superioribus. Similiter lex quidem obligat ad removenda impedimenta, quæ apparent; ad ea autem quæ latent removenda, neminem dirigere, ac obligare potest; quia quæ planè nesciuntur, vi legis exigi nequeunt, cum esse voluntaria, & ab actibus humanis attingi non possint. Similiter tenemur vitare occasio-

nem proximam, quia scimus illam esse vitandam, ideoque peccat qui eam non vitat. Inde autem rectè infertur, quod teneamur quantum in nobis est vitare cæcitatem ac ignorantiam, quando lex illam prohibens apparet, idemque valeat de vitanda quavis impotentia consequente ad non peccandum, quando illa innotescit; at si ulla ejusmodi detur impotentia nobis penitus ignota, illa exercitè quidem vitari potest, & debet quoties à peccato inducitur ac dependet; at signatè ad illam evitandam ex vi legis dirigentis nos obligari, est prorsus impossibile, cum lex hominem non dirigat nec dirigere possit nisi mediante sui cognitione.

58. Ex his efficaciter constat, Celladeum nullà ratione probasse intentum suum, scilicet quod ad voluntarietatem & imputabilitatem ignorantie aut alterius mali sufficiat, si illud à peccato procedat, quamvis nulla illius cognitio aut suspicio, vel dubium præcesserit. Constat enim argumenta illius ad hoc probandum aut applicari non posse, aut si applicentur omni vi ac energia carere, cum oppositum per rationes efficacissimas atque per communem gravissimorum Auctorum opinionem sufficienter innotescat & probetur.

59. Unde demum concludo, Celladeum im- Inanis Cel-
meritò gloriari de doctrina sua, tamquam de cla- ladei iustan-
vi regia, per quam aditus ad præclarissimas, ut tia.
ipse putat, veritates aperitur. Verum veritates illæ præclaræ sunt errores satis patentes, & doctrina, qua ut clavi utitur, non solum sine fundamento sed contra efficacissimas ac insolubiles rationes traditur. Totum in eo vertitur, utrum peccatum purè ignorantie sit ratione sui imputabile, nec ne? alterit Celladeus, nos negamus. Sed inter utrosque hæc diversitas intercedit, quod ille rationibus & auctoritatibus æquivocet, aut præposterè intellectis ad hoc probandum utatur, nos autem ex communibus principiis ab omnibus admissis nostram sententiam stabilimus.

60. Præterea doctrina præsens, quàm clavem regiam appellat, talis quidem est, ut ex illa admissa plura eorum vera esse, quæ in superioribus tradidit, quæque hic summatim infert, satis efficaciter probari possint. Verum doctrina hæc falsa est, nec ad alia probanda, etsi illa admittantur esse vera, est necessaria. Peccata enim ignorantie, si sint imputabilia, ideo sunt talia, quia ignorantia ipsa fuit volita, saltem indirectè, ideoque cum homo scienter neglexerit illam remove sicut poterat & debebat, nil mirum si & illa, & mala per illam patrata imputentur ad culpam. At præsens assertio, seu prætensa clavis regia in eo consistit, quod ignorantia nullo modo representata sit voluntaria & imputetur ad peccatum. At hoc est falsum, ut dictum est. Deinde non est necessarium ad prius probandum, ut patet. Ergo malam & incongruam, non auream aut regiam clavem adhibet Celladeus ad suas sententias comprobandas.

61. Ex his, & iis, quæ in superioribus dicta sunt, habetur clarissima responsio ad omnia & singula, quæ Celladeus in hac quæst. congestit. Ego hic peculiaria ad præsentem controversiam pertinentia explōsi, sed præter hæc alia multa repetuntur, quæ in superioribus objecta fuerunt. Ad illa ergo priores responsiones applicari possunt, cum hic nil peculiare ad eorum confirmationem afferatur.

Quid ad
voluntarium
requiratur
in repræ-
senti?

Doctrina
Celladei
conscientias
torquet.

Invalidè ip-
sum probat.

QUÆSTIO SEXAGESIMA- S E X T A.

Vtrum ignorans sit necessitatus ad peccandum? aut an habeat instantaneam libertatem non peccandi?

Statu-
tionis, &
sensus Cel-
ladei.



SERMO est de vincibiliter errante: constat enim invincibiliter errantem non solum non necessitari ad peccandum, sed à toto penitus excusari, si erroneum conscientie suæ dictamen sequatur. Quæritur ergo utrum omnis peccans ex ignorantia habeat libertatem non peccandi in ipso instanti, in quo peccat. Hac de re Celladeus fuse agit lib. 1. part. 2. quæst. 12. ubi plura stabilire conatur. Inprimis rejicit eos, qui per varia signa naturæ priora & posteriora in uno eodemque temporis instanti rem hanc explicare conantur; putat enim ea signa, saltem in ordine ad libertatis exercitium, non dari. Secundò statuit, actus humanos esse posse propriè malos & bonos, quamvis necessariò fiant in instanti in quo fiunt. Tertiò demum contendit, necessitatem consequentem, seu necessitatem à voluntate ipsa inductam, non impedire propriam rationem boni & mali moralis in actibus humanis sequentibus. Ex his autem stabiliri putat primum quoddam suum dogma, in superioribus sæpe expressum, quòd scilicet opera mala ex ignorantia patrata sint peccata peculiarem malitiam continentia, atque ad pœnam peculiarem imputari mereantur, ac verè imputentur. Ego hac in quæstione statui, quid de prioribus sentiendum sit, iisque stabilitis, ostendam, primum illud Celladei dogma ex doctrinis illis nullatenus comprobari.

ASSERTIO PRIMA.

Dantur signa naturæ, priora & posteriora in uno eodemque instanti temporis, quando voluntas libertatem suam exercet.

Statuuntur
prioritas &
posterioritas naturæ
quo instan-
te libertas
voluntatis
exercetur.

PROBATUR. Causa actu operans non potest non esse naturæ prior suo effectui, ordo enim prioritatis & posterioritatis in respectu causæ ad effectum & effectus ad causam consistit. Sed voluntas actu exercens suam libertatem comparatur ad suam electionem tamquam causa actu operans ad suum effectum. Ergo voluntas liberè operans est prior naturæ exercitio propriæ libertatis. Ergo in eo ipso instanti, in quo voluntas operatur, dantur signa naturæ priora & posteriora. Nec hoc in dubium vocari potest, nisi certissima Philosophiæ asserta pro incertis habeantur.

Confirma-
tur.

3. Confirmatur. In eo instanti in quo voluntas liberè operatur, poterat non operari, alioquin liberè operata non fuisset. Porro hoc in ma-

nu voluntatis positum est. At non est in manu voluntatis ut ipsamet existat vel non existat; sicut non est in potestate ejus ut electio existat, si supponatur se ad eam determinasse. Datur ergo signum naturæ in quo voluntas est potens operari & non operari; & datur signum naturæ in quo se ipsam determinat ponendo operationem. At hæc signa in uno eodemque instanti temporis existunt, & unum ordine naturæ præcedit alterum. Ergo signa naturæ priora & posteriora vel maxime locum habent in voluntate liberè operante.

4. Dices. Figmentum ingeniorum est, quòd Replicæ. unum indivisibile instans temporis expandatur in decem aut viginti signa naturæ, priora & posteriora, præterita & futura. Sicut enim in puncto non est hic & ibi, supra & infra, non solum realiter, sed neque ordine naturæ; ita pariter dicendum, quòd in instanti non sit antè & post, nec realiter, nec ordine naturæ. Ita Celladeus in introductione ad quæst. 12.

5. Respondeo, tot esse signa naturæ priora & Solutio: posteriora in uno eodemque instanti, quot causalitates ordinatæ in illo exercentur. Si causalitates ordinatæ fuerint decem aut viginti, totidem absque dubio erunt signa naturæ: nec hoc figmentum est, sed veritas evidentissima. In puncto quidem non datur simul hic & ibi, quia istæ sunt denominationes diversis locis realiter distinctis convenientes; & sic non datur prius & posterius tempore in uno eodemque instanti, ut patet. Verum hoc non opponitur prioritati ac posterioritati naturæ in eodem instanti; quia istæ sunt denominationes, quæ necessariò non respiciunt diversum tempus, sed complentur per varias comparationes causæ ad effectum, & effectus ad causam pro instanti, quo causa actu operatur, ut dictum est.

6. Sed & Celladeus ipse in hac quæst. §. 2. admittit Christum & Angelos beatos, qui perfecta cognitione præditi sunt, in uno eodemque instanti & considerare & deliberare ac operari posse. Ergo jam diversa signa naturæ admittit in instanti, quo illi liberè operantur. Ergo ordo ille signorum ex se nullum absurdum continet. Ergo non est, cur nostræ etiam libertati aliquando non conveniat, cui certè in ipso instanti operationis liberæ non potest non convenire. Mirandum proinde est talia de puncto hic & alibi objici potuisse ab eo, qui in casu ab ipso admissio eadem solvere tenetur. Sed hoc familiare est Celladeo, qui proinde in hac ipsa re & inconsequenter loquutus est, & revera contradictoria tradidit.

Confirma-
tur solutio
ex doctrina
Celladei.

ASSER-

ASSERTIO II.

Voluntas humana non habet novam libertatem pro singulis temporis instantibus.

Non quovis
novo instanti
nova datur
libertas.

HÆC est communis Theologorum opinio, in qua Celladeo consentio. Ratio est, quia hominem esse adeo sibi præsentem ut in singulis instantibus considerare, deliberare, atque actum liberum nova libertate producere possit, est prerogativa limitatam ejus potestatem longè excedens. Ergò illi non convenit. Idipsum experientia comprobatur: qui enim aut furiam iracundiae in proximum insurgit, aut flammam concupiscentiae in coitum abripitur, adeo fixus est in passionibus illis, ut pro singulis instantibus non sit dominus sui, nec possit pro quovis instanti retractare impetum inchoatum. Et sanè experientia ipsa adeo patenter hujus rei veritatem comprobatur, ut absurdissimum videatur id indubium revocare. Stat ergò assertio, quæ ulteriori probatione non indiget, cum Celladeus ipse in illa nobis consentiat.

ASSERTIO III.

Quomodo
bonitas &
malitia.
An subin-
de concilie-
tur cum ali-
quali neces-
sitate?

Aliqui actus humani sunt propriè boni & mali, quamvis necessariò fiant in aliquo instanti assignabili, in quo fiunt. Propositum autem sit explicare, quomodo hoc non tollit, quò minus actus humani boni & mali verè sint liberi.

8. PROBATUR. Voluntas non habet novam libertatem in singulis instantibus; ut proximè dictum est. Ergò assignari potest instans aliquod post inchoatum opus, in quo voluntas jam necessariò pergit in opere. Hoc videre est in exemplo iræ & concupiscentiae. Nec tamen dubium videtur, quin ira illa, illaque fornicatio, cum certò sint prohibita, atque voluntas conscientia prohibitionis ad illas liberè se determinaverit.

Ratio à
priori.

9. Ratio à priori est, quia voluntas una eademque libertate operatur pro tota illa particula temporis, pro qua novam libertatem non habet, nec quicquam reperire est aut in voluntate interna, aut in opere externo, quòd, durante toto illo instanti libertatis, una eademque libertate non ponatur. Totum enim æquè ac singulae partes talis volitionis ac operationis, item totum tempus, singulaeque illius partes, quibus actio absque nova libertate perseverat, ex æquo voluntati tribuuntur, & sunt verè opera illius. Nec Deus est Auctor secundae partis magis quam primae, sed totum uno eodemque libertatis exercitio ex integro ponitur à voluntate, illique tribuitur. Ergò totum illud opus est peccatum, quamvis assignari possit instans, in quo opus inchoatum necessariò perseveret. Idem valet de opere bono, quod sine nova libertate, per aliquam temporis morulam necessariò perseverat, si semel liberè inchoetur.

Qualis sit
prædicta ne-
cessitas?

10. Hinc apparet, doctrinam assertionis non obstare, quò minus actus humani boni & mali, sint verè liberi, quia necessitas, de qua loquimur, est ex suppositione, quòd voluntas liberè se determinaverit ad opus, quodque pro tanta temporis morula careat libertate illud interruptum

pendi, atque animum retractandi. Jam quòd nos per mentem dividamus illud tempus, dicamusque, perseverantiam operis in secunda parte illius non esse liberam, sed necessariam, posito quòd voluntas liberè inchoaverit opus, non tollit quòd minùs tota illa operis duratio & singulae illius partes sint liberae, scilicet una illa eademque libertate qua opus est positum. Hoc enim tam verum est de ultima particula illius operis, quàm de prima, ut patet. Solum ergò negamus ultimam partem habere novam libertatem, quòd æquè negatur de prima, cum utraque unam eandemque libertatem habeat. Præterea sicut voluntas in ipso primo instanti non est libera nova libertate ad non irascendum, ex suppositione quòd irascatur, & sicut necessitas ex hac suppositione non impedit, quòd minùs voluntas liberè irascatur; ita pariter necessitas secundae partis ex suppositione primae nec tollit nec minuit libertatem partis secundae, quia in utroque casu ex æquo supponitur plena libertatis determinatio pro toto illo tempore, quia idem est voluntatem se determinare ad primam ac ad secundam illius partem, quia supponimus jam, quòd voluntas non nisi unam simplicem & irrevocabilem determinationem habeat pro tali temporis morula.

ASSERTIO IV.

Aligua necessitas consequens, ab ipsa voluntate inducta, non tollit propriam rationem boni & mali moralis in actibus ex tali necessitate provenientibus.

11. PROBATUR. Necessitas operandi, seu continuandi opus, quam 2. & 3. assert. exposui, est aliqua necessitas consequens, ab ipsa voluntate inducta. At illa non tollit rationem boni & mali in actibus ex tali necessitate provenientibus, saltem pro toto illo tempore, quo voluntas novam libertatem caret, ut ostensum est. Ergò aliqua necessitas consequens à voluntate inducta non tollit propriam rationem boni & mali in actibus ex tali necessitate provenientibus. Et hætenus quidem Celladeo assentior, sed in sequentibus illi prorsus dissentio.

Necessitas
quædam con-
sequens non
obstat mora-
litati actui.

ASSERTIO V.

Simpliciter loquendo nil est malum moraliter aut peccatum, quòd non est simpliciter liberum. Nec quidquam continet novam & peculiarem rationem mali, nisi quod à nova libertate proficiscitur.

Nil simpli-
citer malum
moraliter
nisi liberum
simpliciter.

12. PROBATUR. De fide certum est, libertatem requiri ad peccandum. Ergò quòd non est simpliciter liberum non est peccatum; cum omne opus non liberum propter necessitatem ac inevitabilitatem nemini imputari possit ad culpam & poenam. Et quidem prima pars assertionis sub terminis, ut jacet, est certa de fide. Ex illa autem stabilita probatur secunda pars. Omnis ratio mali moralis seu imputabilis essentialiter fundatur in libero voluntatis exercitio. Ergò repugnat dari novam malitiam ac imputabilitatem moralem sine novo exercitio libertatis, quia quæ necessariò consequuntur ex primo libertatis exercitio non aliam voluntarietatem ac imputabilitatem habent, quàm quæ illis à dicto

Nullibi nova imputabilitas sine nova libertatis exercitio.

à dicto libertatis exercitio tribuitur. Atque hinc est, quod actus liber, à quo plura & maiora mala necessario consequuntur, sit deterius eo, ex quo pauciora ac minora tantum mala proveniunt. Præterea nulla ratio libertatis convenit operibus necessario subsequentibus, nisi quæ actui libero, à quo proveniunt, convenit. Ergo nulla imputabilitas ac malitia moralis illis convenit, nisi quæ à dicto actu libero tribuitur; quia ratio peccati ac imputabilitatis essentialiter imbibit rationem liberi, ut certum est. Hinc autem aperte sequitur, novam malitiam moralem ac imputabilitatem nec haberi nec intelligi posse sine novo libertatis exercitio: quamdiu enim novum libertatis exercitium non intervenit, quidquid mali ex priori exercitio necessario sequitur, aliam imputabilitatem non habet, quam quæ actui libero, à quo procedit, convenit, ut ostensum est.

13. Hinc habemus dogma illud Celladei, quod opera ex ignorantia invincibili patrata, quodque opera ex necessitate à voluntate induta provenientia, peculiarem malitiam ac imputabilitatem contineant, esse falsissimum; quia ubi non est nova libertas, non est nova imputabilitas. Sed falsitas doctrinæ ipsius ex objectionum solutione patebit; ex qua etiam solutio questionis propolitæ innotescet, qualiter scilicet, & in quo sensu verum sit, quod omnis peccans ex ignorantia necessario peccet.

SOLVUNTUR OBJECTIONES.

Obiectio.

14. **O**BJICIT primò. Qui ex ignorantia peccat, non cognoscit se peccare. Ergo qui peccat ex ignorantia, tunc actu non habet libertatem moralem non peccandi, quia scilicet actum vitare possit ut malum, quidquid sit an physicè possit illum actum vitare. Præterea qui vincibiliter credit malum esse bonum obligatorium, non videtur habere potentiam physicam non peccandi. Nam vel debet agere juxta vel contra conscientiam. Neque enim medium dari potest. At si agat contra conscientiam, peccat peccato malitiæ. Si agat juxta conscientiam, peccat contra legem ex ignorantia. Ergo necessario peccat qui ex tali ignorantia peccat. Ita Celladeus §. 1.

Solutio.

15. Respondeo cum Divo Thoma *quæst. 17. de veritate art. 4.* quod, quando conscientia erronea dicitur malum esse bonum, semper aliquid sit in ratione naturali, unde possit procedi in contrarium ejus, quod erronea conscientia dicit. Certè suspendi poterat judicium illud erroneum; in quo casu processus fieri potuisset ad credendum illud esse faciendum, quod lex præscribit; & tunc nulla fuisset perplexitas aut necessitas peccandi, ut patet. Hæc doctrina coincidit cum ea, quam Auctores communiter tradunt 1. 2. scilicet sectantem conscientiam erroneam necessario peccare, quidquid fecerit. Hoc tamen in eo tantum sensu accipiunt, quod quamvis homo sit simpliciter liber ad non peccandum, posita tamen conscientia erronea non possit non peccare. Dicunt hominem esse etiam tunc simpliciter liberum, quia simpliciter loquendo potest conscientiam vincibiliter erroneam deponere, eaque deposita omne peccatum vitare. Sed ex suppositione quod conscientia erronea actu existat, tunc necessitatur quidem ad actum malum & peccatum; sed cum hæc diversitate, quod si operetur contra conscientiam obligantem, pec-

cet peccato imputabili ratione sui, utpote quod continet malitiam ab aliorum peccatorum malitia distinctam; si verò sequatur conscientiam erroneam, peccet peccato non habente malitiam peculiarem secum identificatam, opusque illius afficitur malitia negligentiz, à quâ conscientia illa erronea ortum habuit.

16. Idem à fortiori locum habet, quando conscientia erronea dicitur malum esse bonum præceptum, maxime si hic & nunc non habeat homo unde conscientiam illam deponat. Ratio est, quia tunc homo imputabiliter peccaret, quidquid faceret, & sic absque libertate peccaret peccato ratione sui imputabili, quod est absurdum, principiisque fidei repugnat. At nec absurdum est, nec contra fidem, quod facta suppositione aliquâ necessario peccet, si ex una tantum parte immineat peccatum imputabile ratione sui, quod vitari potest ac debet, etiam facta illa suppositione. Universaliter enim verum est, peccatum puræ ignorantiz nullam habere posse imputabilitatem ratione sui, quia si iidem illi actus elicit fuissent absque eo, quod negligentia culpabilis præcessisset, evidens est, quod ad culpam imputari non possent, quia malitia operis nullo modo, ne quidem indirectè, illis voluntaria fuisset. Ergo actus illi non sunt intrinsecè imputabiles. Ergo totam suam imputabilitatem ab alio participant. At non aliundè quàm à culpabili negligentia, in qua malitia operis illis voluntaria erat. Hæc & non aliâ ratione verum est, quod omnis peccans peccato puræ ignorantiz necessario peccet.

17. Obiectio secundò. Sicut de fide est, libertatem necessariam esse ad peccandum, ita de fide est dari peccata ignorantiz. At qui peccat ignoranter, utique non advertit se peccare, alioquin non ignoranter sed advertenter peccaret. Sed peccatum ignorantiz est verum peccatum, & ex necessitate fit. Ergo aliquod peccatum fit sine libertate.

18. Respondeo, peccatum ignorantiz esse propriè peccatum & abominabile Deo, hominemque propter illud esse propriè vituperabilem. Sed hoc non probat, peccatum illud habere propriam imputabilitatem, sed solum verè participare eandem cum peccato negligentiz, à quâ error processit; sicut homicidium externum non habet peculiarem imputabilitatem distinctam ab imputabilitate actus interni imperantis homicidium externum. Verum tamen est peccatum, quia à tota malitia actus interni afficitur ac inficitur. Itaque quamvis certum sit, dari peccata ignorantiz, & illa facta aliqua suppositione non esse evitabilia nisi per aliud peccatum, id non repugnat certissimo fidei dogmati, quod libertas ad peccatum requiratur; tum quia, simpliciter loquendo, omne peccatum vitari poterat, si error suspensus fuisset; tum quia licet ex suppositione erroris homo necessario peccet, liberè tamen peccat peccato imputabili ratione sui, de quo genere peccati dogma illud fidei intelligitur, saltem quando loquimur in dicta suppositione. Non enim est absurdum hominem facta aliqua suppositione, quam ipsemet induxit, necessario peccare peccato imputabili vel ratione sui, vel solum ratione alterius, ut dictum est.

19. Obiectio tertio. Necessitas consequens non impedit propriam rationem boni & mali in actibus humanis sequentibus. Nomine autem necessitatis consequentis non intelligitur ea solum, quæ actus liber ex suppositione quod est necessario est,

Obiectio.

est, quia hæc necessitas nullatenus opponitur plenissimæ libertati, cum nullam necessitatem antecedentem inducat. Intelligitur ergo omnis necessitas, quam ipsi nos inducimus, quamvis illa sit antecedens respectu actus sequentis, qui proinde absque immediatâ libertate & indifferentiâ ponitur. Nec refert, quod necessitas ponatur in uno instanti, & actus sequatur in alio. Totum hoc multipliciter probatur. Inprimis hæresis est peccatum. At hæresis necessariò consequitur ex imperio voluntatis. Ergo hæc necessitas consequens non tollit rationem peccati. Similiter furtum, adulterium, & alii ejusmodi actus externi sunt propriè peccata & mala. Nec de hoc, inquit Valentia *diff. 5. quæst. 15. puncto 1.* ullum esse potest dubium; immò refert ex Ariminensi, quod etiam S. Bernardus subinducat *Epist. 188.* inter alios errores Petri Abailardi ab Ecclesiâ damnatos unum fuisse, quod actus exterior non sit bonus, vel malus. Atqui actus isti exteriores immediatè liberi non sunt, sed necessariò consequuntur ex imperio voluntatis, per necessitatem scilicet ab ipsa voluntate inductam. Ergo necessitas ejusmodi consequens non tollit rationem peccati.

Urgetur.

20. Similiter non obstat, quod necessitas inducta sit in uno instanti, & effectus sequatur in alio; nam voluntas ex suppositione quod se determinaverit in uno instanti, non potest immediatè ab actu illo desistere, ut communis Theologorum opinio tradit. Et tamen qui fratrem odit, aut uxorem proximi vehementer concupiscit, toto tempore odii & concupiscentiæ peccat, & quidem quò majori ac diuturniori passioni indulget, eò gravius peccat, quamvis quò passio est vehementior eò libertas sit minor. Rursus multi docent voluntatem quoad actus suos liberam esse, eosque in instanti indifferentiæ elicere; secus quoad actus exteriores, sed solum in hoc instanti pro sequenti. Quare voluntas furandi est in hoc instanti, furtum autem necessariò sequitur in sequenti instanti. Et tamen factum est peccatum. Demùm peccata ignorantiae sunt vera peccata, & & tamen constat, plura eorum in alio instanti necessariò consequi, etiam absque libertate physicâ pro illo instanti. Certè hæretici, maxime obstinatiores, non possunt in instanti converti & Catholici fieri, deponendo omnes suos errores & mores; & tamen peccant in moribus illis. Quid, quod multis illorum errores nonnulli videntur evidentes; evidentia autem apparens non minùs necessitat ad assensum, quàm evidentia vera. Ergo tales hæretici falsis suis evidentiis necessitantur ad suos assensus hæreticos. Quin hisce evidentiis apparentibus nequiores & pertinaciores evadunt, quàm qui tales evidencias non habent. Ecce Hæretici ejusmodi in instanti assensus necessitantur ad errorem, & tamen peccant, immò eò gravius peccant, quò suis erroribus fortius adherent. Ita Celladeus §. 3. & 4.

Responsio.

21. Respondeo, hæc omnia, etsi admittantur ut jacent, nil facere contra benignam sententiam, aut communi optimorum Theologorum de malitiâ humanorum actuum opinioni repugnare. Minimè autem probant, quod peccata ignoran-

tiae, aut alia sine novâ libertate patrata, contineant malitiam peculiarem, distinctam à malitiâ actuum liberorum, per quos necessitas illa inducta fuit. Et tamen Celladeus omnia ista ad hoc potissimè probandum accumulavit. Sed aliquid ad singula dicamus.

Nullibi malitiâ peculiari sine nova libertate.

22. Inprimis hæresis, & alia ejusmodi, furtum, homicidium, sunt verissima peccata; constat tamen ea diversam malitiam moralem non habere, ut Celladeus ex Vasquio *1. 2. diff. 73. cap. 1.* fateatur. At hoc stante habetur quod intendimus, scilicet opera externa, & peccata puræ ignorantiae non habere peculiarem imputabilitatem & malitiam moralem, sed unam eandemque cum operatione libera à qua inducti sunt. Jam parum refert ad nostrum intentum, utrum ex malitia sit primariò in actu externo vel interno; quodcumque enim dicatur, fixum manet diversas malitias morales & imputabiles non reperiri, quod solum hîc & nunc probare intendimus. Ceterùm quamvis peccata ista necessariò consequantur, posito actu interno, à quo imperantur; illa tamen unam eandemque libertatem habent cum actu interno imperante, & sic mirum non est, quod unam etiam eandemque malitiam moralem cum illo participant. Quod si necessitas inducta, non participet eandem libertatem cum actu imperante, sed ita maneat, ut non ampliùs subsit libertati nostræ, multi negant illam aut omissiones ab illâ necessariò consequentes esse propriè peccata, quia debitâ libertate carent; unde dicenda quidem sunt effectus peccati, non autem peccatum, ut fusè tradit Vasquez *loco citato.*

Peccata externa malitiam moralem ab habent distinctam ab interna.

23. Quod si necessitas inducta sit in uno instanti, & opus in alio sequatur, videndum est, utrum secundum instans necessitatis in opere involvatur in morula illa temporis, in qua voluntas novam libertatem non habet. Si involvatur in illa morula, tunc eandem prorsus libertatem habet cum ipso actu voluntatis: si autem in illa non involvatur, sed ita maneat illa transacta, ut nec à primo nec à secundo exercitio libertatis dependeat, tale opus potiùs dicendum erit effectus peccati, quàm peccatum; sed de hoc modo loquendi non sum sollicitus, quamdiu constat, novam imputabilitatem ac malitiam moralem absque novâ libertate non intervenire.

24. Similiter admitto eum gravius peccare, qui vehementiori ac diuturniori odio aut concupiscentiâ urgetur. Ratio est, quia tempore illo durante plura libertatis exercitia interveniunt, unde haud dubiè magis peccat extensivè, quàm si non tamdiu in illo affectu mansisset. At si loquamur de una eademque morula seu instanti libertatis, non peccat gravius, qui totam morulam implet, quàm in primo ejusdem instanti peccaverat, quia in eo totam suam libertatem explevit, propter quam quidquid necessariò sequitur, illi æquè imputatur, sive juxta naturæ cursum tota morula impleatur, sive Deus efficiat, ut in medio talis morulæ moriatur, aut inchoatam passionem usque ad finem morulæ illius non extrahat.

QUAE

QUÆSTIO SEXAGESIMA. SEPTIMA.

An taxari possit quantitas diligentia necessaria ut ignorantia sit invincibilis?

Sensus Cel-
ladei.

MATERIAM hanc Celladeus fusè pertractat lib. 1. Partis 2. quest. 13. ubi ante omnia quodammodò jactat, se in hac quaestione omnibus, qui Deo sincero corde non serviunt, mirè displiciturum; eò quòd (aurèa scilicet illà suà clavi) ostensurus sit, alios omnes plurimis peccatis occultis onustos esse, qui tamen citra talium peccatorum sollicitudinem suo modo vivere vellent, simulque justitiæ præsentis gloriæque futuræ certitudinem habere. Deinde duo statuit: primum, nullam regulam tradi posse, per quam absolutè sciatur quanta diligentia requiratur, ut ignorantia sit invincibilis & excuset: secundum, plures regulas reflexas assignari posse, non certas, sed probabiles & plerumque non errantes, quibus uti possumus ad discernendum, an debitam diligentiam præmiserimus. Inter reliquas autem singulariter proponit duas: altera est sollicitudo & diligentia, quam Sancti adhibuerunt: altera est doctrina, quam de diligentia adhibenda Sancti & libri spirituales proponunt. Et hanc quidem taxam absolutè defendit esse nec nimis strictam nec laxam nimis, sed ex omnibus maximè accedentem ad ipsam veritatem. Hæc ille quidem, in quibus tradendis tam irresolutè procedit, & in re non usqueadeo difficili tanta rerum confusione & indistinctione utitur, ut mirum sit, Theologum ingeniosum post tanta molimina quaestioni propositæ tam incongruè satisfecisse. Ego ante omnia Celladei defectus detegam, tum, quid ad quaestionem respondendum sit, breviter aperiam.

ASSERTIO PRIMA.

Assertio 1.
Celladei
notatur in-
consequen-
tiæ.

Celladeus per hoc, quod hic tradit de impossibilitate taxandi quantitatem diligentia requisita ut ignorantia sit invincibilis, prorsus evertit quidquid in prima parte de regula debite formandi conscientiam in rebus probabilibus statuerat.

2. PROBATUR. Regula, quam pro formanda conscientia in incertis Celladeus in prima parte proponit est, quòd opinio positivè probabilis sufficiat, sed cum onere, ut operaturus benè videat, an opinio illa hic & nunc à veritate dificiat. Hinc sic arguo. Onus hoc est obligatio adhibendi debitam diligentiam, ne erremus. Atqui hic expressè docet, neminem posse esse certum, se debitam diligentiam adhibuisse. Ergò nemo potest certificari, se onus illud implevisse,

quod subeundum est, ut tutò sequi possit opinionem probabilem. Ergò regula, quam proposuit, neminem regulare potest, quia nemo scire potest an eam sequatur nec ne. Ergò regula illa prorsus inutilis est, si verum sit, quod hic tradit. Ergò doctrina ista penitus evertit quod in prima parte de modo debite formandi conscientiam in incertis proposuerat.

ASSERTIO II.

Regula reflexa, quam Celladeus proponit, certo falsa est, si universaliter sumatur prout ab ipso ponitur. Præterea eadem, juxta ipsius principia, inutilis est, & neminem regulare potest.

Assertio 1.
Celladei
contraria.

3. PROBATUR prima pars assertionis. Certum est plures debitam diligentiam adhibere, qui tamen tantam non adhibent, quantum Sancti adhibuerunt ad sciendam Dei legem. Ergò dicere, diligentiam à Sanctis adhibitam esse regulam infra quam debita diligentia non invenitur, est certò falsum. Probatur antecedens. Rudes, rustici, pueri, aliique incapaces adhibent diligentiam debitam; plures enim illorum à manifestis vitiis abstinere, catecheses & conciones, quibus instruuntur, frequentant, nec pigri sunt in legendis aut audiendis libris doctrinalibus eorum statui convenientibus, insuper in dubiis suis Pastores ac Confessarios consulunt. Hi profectò, aut certè complures eorum, diligentiam debitam adhibent, nec ignorantia legum talibus in peccatum imputari potest, quia plus ab illis exigere, est onus legis insupportabile reddere. Et sanè, dicere neminem ex istis debitam diligentiam adhibere, sed omnes ex defectu diligentiaè ignorantè peccare, adeo absonum est, Dei què bonitati adeo repugnans, ut citra ingentem temeritatem sustineri nequeat. At nemo istorum ad diligentiam Sanctorum, qui continuis orationibus & non interrupto studio legem Dei requirunt, pertingit. Ergò ponere diligentiam Sanctorum pro regula omnibus imposita, est mensuram certò falsam & exorbitantem proponere.

Diligentia
Sanctorum
minus rectè
assignatur
pro regula
ad ignorantiam
invincibilem
dignoscendā.

4. PROBATUR 2. à priori. Lex omnibus imposita est, ut debitam diligentiam adhibeant. At lex ista omnibus diligentiam maximæ Sanctorum diligentiaè parem non præscribit; eo ipso enim esset lex mala & inutilis, finique legis repugnet, quia esset onus intolerabile à Communitate, quæ certè moraliter impotens est ad talem legem custodiendam. Præterea repugnat legem condi à Deo pro Communitate, quæ à nemine mediocriter,

Obligatio
prædictæ
diligentiæ es-
set onus in-
tolerabile.

ter; & juxta vires ac statum suum conante observari potest. At lex ista esset talis, quia nemo eam servaret nisi ultra mediocritatem summo conatu Sanctissimorum conatibus pari eam servare satageret; si enim cum minori conatu servaretur, utique talis lex excellentem illum conatum non præscriberet. Ergo repugnat talem legem à Deo condi pro hominibus, quibus juxta figmentum & vires illorum leges suas constituit. Ergo lex universaliter obligans omnes ad debitam diligentiam non præscribit diligentiam Sanctorum diligentiam parem.

Non omnes
ad parem o-
bligantur di-
ligentiam.

5. Probatur 3. Inter homines, pro quibus lex debitam diligentiam præscribens est condita, sunt varii gradus, ac ordines. Quidam sunt hebetes & vix sui compotes; alii ad quævis percipienda capacissimi. Non omnes esse possunt Doctores, sed quidam sunt Majores qui alios instruere debent, alii Minores à Majoribus instruendi. Hi nullum officium aut obligationem habent non omnibus communem. Illi ultra communes peculiaribus obligationibus urgentur. Quæ ad unos pertinent facile sciuntur; quæ alios concernunt, non nisi magno labore comprehendere possunt. Ergo evidens est non omnes ad parem diligentiam obligari, sed minorem ab his, ab illis majorem exigi; unis mediocrem sufficere, cum aliis sedula ac valde magna vix sufficiat. Ergo certo errat Celladeus, qui omnibus parem, eamque summam diligentiam ut necessariam præscribit, nempe illam, quam sanctissimi quique suo exemplo nobis imitandam reliquere.

Futilis Cel-
ladei regula.

6. Probatur secunda pars. Regula hæc reflexa juxta Celladei principia, nil certi ac determinati continet, in quo mens figi possit. Nam inter ipsos Sanctos sicut virtutis omnis sic etiam diligentia adhibita magna fuit diversitas. Præterea ex ipsis sanctissimis ac diligentissimis non omnes, ut expressè concedit, suæ obligationi satisfecerunt; sed aliqui in multis, aliqui in paucioribus ignorantia peccarunt. Nec ipsum S. Petrum à peccato ignorantia immunem facit. Unde ergo constat nobis, quæ illorum diligentia sufficiens dicenda sit, ut illam pro regula habeamus? Jam si Apostoli ipsi, haud dubie diligentissimi, omni suo conatu non obstante, in peccata ignorantia inciderunt, quid dicendum de aliis Sanctis, qui longè minorem sollicitudinem ac scientiam habuerunt? Sufficietne nobis illos imitari, quos nisi superaverimus, in plurima ignorantia peccata labemur. Qualem regulam, quam indeterminatam, quam insufficientem nobis proponis Celladee? Nempe regulam, quam nemo discernere potest, & qui eam discerneret, eamque sectaretur, adhuc in plurimis deficeret.

Frustra la-
borat Cella-
deus.

7. Præterea est aliud, quod hujus regulæ sufficientiæ, etiam juxta Celladei principia, obstat. Vult ille, & expressè quidem docet, regulam hanc neminem dirigere posse, nisi per particularem propositionem applicetur. Regula est ista. *Diligentia quam Sancti adhibuerunt est sufficiens.* Hæc regula neminem dirigit nisi per particularem propositionem applicetur, qua regulandus dicat. *Sed ego adhibui diligentiam Sanctorum diligentiam parem, tam in veritate investiganda, quam in Deo orando, quam conscientiam emundando, & omnia impedimenta removendo.* Unde inferatur hæc conclusio, per quam proximè dirigitur & quiescit. *Ergo ego diligentiam sufficientem adhibui.* Jam regula ipsa, Celladeo fatente, sæpe deficit; nec quisquam scire potest, an hic & nunc sufficiat nec ne, sicut neque an sufficientem diligentiam ad-

R. P. A. Terilli, Regula Morum. PARS II.

hibuerit advidendum unum sufficiat. Præterea, quis in minoris applicatione potest confidenter dicere, ego diligentiam Sanctorum diligentiam parem adhibui? Nemo certe nisi superbissimus homo, qui eo ipso, quod hoc diceret, ostenderet se talem diligentiam, quæ in omnium virtutum, maxime in humilitate cordis, & submissa de se suisque operibus persuasionem consistit, non adhibuisse. Porro omnia hæc in Celladei principis vera sunt, quia omnia hæc per ipsum involvuntur in debita diligentia. Ergo reflexa regula, quam proponit, talis est, ut etiam juxta illius principia neminem regulare possit. Frustra ergo in ea assignanda laboravit.

ASSERTIO III.

Facile est proponere in genere mensuram diligentia requisita, ut ignorantia censeatur invincibilis.

Assertio 3.

8. **P**ROBATUR exponendo varias expressiones haud dubie sufficientes. Inprimis illa ignorantia est invincibilis, quæ aut non potuit, aut non debuit à nobis superari. Impotentia absolutissime reddit ignorantiam insuperabilem, ut patet. Negatio obligationis illam removendi eandem reddit inimputabilem, quam non immerito invincibilem & insuperabilem nominamus, tum quia æquè excusat ac illa, quæ est absolute insuperabilis, tum quia de illa verissime dicitur, quod debita diligentia superari non potuit, quamvis per diligentiam non debitam simpliciter fuerit superabilis. Jam prima insuperabilitas sufficit, ut ignorantia sit invincibilis. Hæc generica expressio est quidem vera, sed parum utilis in particulari ut conscientia formandæ subserviat, quia sæpe difficillimum est scire, quod talis ignorantia aut nullo modo aut debita diligentia superari non potuerit. Nihilominus pro rudibus gubernandis inservire poterit, quia de illorum ignorantia sæpe dicere possumus quod illa aut omnino aut debita diligentia superari haud potuerit. Attentis enim circumstantiis personæ, negotii & sedulitatis impensæ, sæpe non est difficile discernere, quod talis persona aut non potuerit, aut non debuerit plus facere, quam fecit. Hæc explicatio conformis est S. Thomæ 1. 2. quæst. 76. art. 2. & fusè traditur à Valentia disp. 6. quæst. 6. puncto 1.

Regula, frustra à Celladeo tentata, assignatur.

9. Vasquez disp. 124. dicit, illam ignorantiam legis esse invincibilem, cujus nulla notitia, nec ratio dubitandi aut in specie aut in genere occurrat. Similia habet Sanchez cap. 17. num. 21. tradit enim, eam ignorantiam, inadvertentiam, seu oblivionem sive juris sive facti, dicendam esse invincibilem, cujus nulla notitia nec specialis, nec confusa, nec ulla ratio dubitandi in universum aut peculiariter occurrat. Ratio est, quia ignorantia ejusmodi nec est, nec esse potuit libera & voluntaria iis, qui de illa nec directè nec indirectè umquam cogitarunt, aut ullam suspensionem habuerunt, quia liberum ac voluntarium non est, quod ex cognitione non procedit. Ergo talis ignorantia non potest esse imputabilis. Præterea deficit principium per quod talis ignorantia humano modo expelli potuit. Ergo illa verè est invincibilis & insuperabilis humano modo & per conatum humanum. Similiter satis per se constat, quod talis ignorantia aut non potuit aut non debuit superari. Ergo est invincibilis.

10. Dices, illa particula in universum, sicut Z & illa

Replica
Celladei.

Si illa *notitia confusa*, multiplicem sensum habere potest, adeo ut in praxi nescire possimus, quæ ignorantia in confuso sit, quæ non sit nota. Præterea isti modi dicendi explicant rem non per debitum & jus, sed per factum; considerant enim an notitia aliqua occurrerit, & ex hoc pronunciant, cum tamen aliqua ex culpabili negligentia, aut etiam ex pravitate provenirent ne notitia distincta aut confusa occurrat. Quo in casu ignorantia non excusat. Sic beneficiatus, qui ludo aut amoribus ita implicatur, ut obliviscatur horas recitare, non excusatur, sed peccat. Non ergo per factum, sed per debitum res est exponenda, saltem per factum solum explicari non potest; alioquin quod homines deteriores ac pigriores essent, eò redderentur magis excusabiles. Ita Celladeus *quæst. 13. §. 1.* qui nonnulla etiam alia objicit, quæ omittenda esse censeo; quia parum aut nihil urgens, si in terminis regulam exprimentibus maneamus.

Solutio.

11. Respondeo particulas illas habere sensum præcisum ac fixum, cum excludant omnem apprehensionem & suspensionem aut dubium de re tali tam in specie quam in genere, sicut & omnem cognitionem tam confusam quam distinctam. Nil autem confusionis aut indistinctionis, relinquitur in tali expressione, ut patet. Jam utrum illa notitia praxi deserviat, non quaeritur in præsentem: solum enim dicimus, hanc expressionem genericè sumptam esse veram. Sed haud dubiè eadem in multis casibus praxi deservit, maxime in rebus facti, sicut & in præceptis & iussionibus recentem editis. Neque inutilis est ad discernendum, an multæ aliæ juris ignorantia sint invincibiles. Sed de particulari applicatione hujus regulæ non est nostrum disputare in præsentem.

12. Cæterum, sicut ille, non potest esse reus parricidii, qui ponit opus verè illativum parricidii, de quo nullam habuit suspensionem, aut dubium, nullamque notitiam, ne quidem confusam, quod mors aut periculum mortis paternæ à tali actione immineret, maxime si nullam habuerit suspensionem de obligatione vitandi actionem illam, ob periculum alicujus mali per illam inferendi, ut supra dictum est ex S. Thoma; ita pariter dicendum est, ignorantiam nec voluntariam, nec homini imputabilem esse, quando nulla de illa suspicio aut ratio dubitandi nec in specie nec in genere occurrit. Certe si ea, quæ Vasquez & Sanchez requirunt, illi convenient, non est unde voluntaria, vincibilis ac imputabilis esse queat.

13. Jam quod Auctores isti rem explicent per factum & non per debitum & jus; non vitio, sed laudi verti debet; longè enim congruentius est, istiusmodi difficultates explicari per factum quod in indivisibili consistit, & ex æquo omnibus convenit, quam per debitum & jus, quod non est idem respectu omnium, sed magnam latitudinem subit. Præterea factum hoc tale est, ut ex illo rectè inferatur, debitum ac jus immò & potentiam, amovendi ignorantiam abfuisse. Tale autem factum æquivalet juri in ordine ad præsentem quaestionem, ut patet. Ergo ex hoc capite malè rejicitur hæc explicatio. Jam quod objicitur de ignorantia & incogitantia per negligentiam culpabilem aut per malitiam inducta, aut non est ad rem, aut in nullo obstat præsentem doctrinæ. Non est ad rem, si negligentia illa aut malitia orta sit à cognitione saltem confusa, aut à suspensione obligationis de ignorantia vitanda, &c. quia tunc non sumus in terminis assertionis, talis enim ignorantia aut crassa est aut affectata,

ut patet; quod si malitia aut negligentia illa ratione hujus ignorantia aut incogitantia prohibita non fuerit, utique ignorantia illa inculpabilis erit, censerique debet naturalis, non minùs quam si ab actione non mala processisset. Quia ex æquo non erat in potestate hominis illam vitare, ut videre est in exemplo parricidii ex S. Thoma sæpiùs ponderato.

14. Cæterum, exemplum de non recitante horas canonicas propter oblivionem ab amoribus impudicis inductam, nil facit ad præsentem quaestionem, quia talis homo moraliter loquendo non potest non aliquo modo reflectere ad suam obligationem. Sed si contendat, aut potiùs supponat, eum ita ad illam non reflectere, ut nec in genere, nec in specie; nec distinctè, nec confusè de illa cogitaverit, sed habuerit animum eas recitandi, nec præviderit periculum incogitantiam illam incurrendi, &c. dicendum est, eam incogitantiam hic & nunc naturalem esse ac necessariam, non liberam & humanam, ideoque verè esse invincibilem ac imputabilem, sicut est parricidium in casu à S. Thoma, & à nobis supra sæpiùs expresso. Nec refert quod occasio talis incogitantia fuerit opus malum, quia hoc non magis influit in voluntarietatem talis ignorantia, quam si illa ab opere bono inducta fuisset, ut videre est in exemplo allato. Et Suarez *disp. 4. de Censuris, sect. 8. nu. 13.* expressè dicit, nil conducere ad rem præsentem quod opera detur rei licitæ vel illicitæ, illudque ex Sacris Canonibus probat. Quod minùs placet in hac explicatione est, quod illa omnem ignorantiam invincibilem non complectatur; non enim eam comprehendit, quæ menti occurrit, sed per debitam diligentiam amoveri non potuit. Verum hoc sufficientia hujus regulæ non obstat, utpotè quæ non traditur ut universalissima, sed expressè alligatur ad eas ignorantias, de quibus nulla ne quidem confusa notitia, dubium aut suspicio menti objecta fuit.

15. Suarez *disp. 4. de Censuris sect. 8.* præclare agit de invincibilitate ignorantia tam juris quam facti, ubi *num. 16.* hæc habet. *Certa ergo, & moralis in hoc negotio sumenda est diligentia adhibita, vel omissa, ad cognoscendum præceptum, & jus ad unumquemque pertinet.* Si enim quis sufficientem diligentiam adhibeat, & tamen ignoret jus ad ipsum spectans, illa ignorantia erit invincibilis. Si autem negligens fuerit, ignorantia erit culpabilis & vincibilis. Doctrinam hanc satis expressè traditam habemus in *cap. Si culpa, de injuriis*, ubi dicitur te obligari, si quam debueras, non curasti diligentiam adhibere. Et paulò post. *Secus tamen in illo dicendum, qui ut non accideret, de contingentibus nil omisit.* Quamvis in isto textu potiùs sit sermo de ignorantia facti quam juris. Sed eadem est ratio de ignorantia juris ejusque excusabilitate, dummodo homo ex æquo proportionaliter diligens sit aut negligens ad eam amoliendam. Unde sic concludit, *num. 17.* *Regula utriusque erit diligentia sufficiens. De qua diligentia vix aliquid potest generaliter dici, sed prudenti arbitrio relinquenda est, pensatis omnibus quæ ad tale præceptum, vel ministerium pertinent.* Hæc sapientissimè Suarez. Porro ex his constat veritas assertionis positæ, scilicet, quod satis facile sit exponere in genere mentis diligentia requisita, ut ignorantia sit invincibilis. Nec desunt aliæ similes regulæ idipsum dignoscendi apud alios Auctores, sed illas omitto, cum istæ ad intentum abundè sufficiant.

16. Dices. Hæc explicatio duabus de causis Obstat. est

Quæ ignorantia invincibilis, quæ vincibilis?

A scopo
quaestionis
aberrat Celladei ob-
jectio.

ASSERTIO IV.

Assertio 4:

Difficillimum est, & quodammodo impossibile, certò determinare in particulari sufficientem & necessariam mensuram diligentiae requisitae, ut ignorantia sit invincibilis: Propositum autem sit exponere regulas aliquas, quibus ad hoc quam proximè determinandum adjuvemur.

18. **P**ROBATUR assertio. Diligentia, quam adhibere possumus, non consistit in indivisibili; aliqua enim est patenter maxima & plus quam sufficiens, alia est exigua & manifestè insufficiens. Jam ex iis, quae mediant inter ista extrema, aliquae sufficiunt, aliquae non sufficiunt; & quia paulatim & per incrementa insensibilia descenditur à sufficienti ad insufficientem, & ab insufficienti ascenditur ad sufficientem, difficillimum est, & nobis impossibile exactè determinare minimam mensuram diligentiae sufficientis, infra quam omnis diligentia est insufficientis; seu maximam mensuram diligentiae insufficientis, supra quam omnis alia est sufficiens. Hæc difficultas communis est omnibus rebus, quæ à parvo ad magnum per incrementa insensibilia ascendunt, aut eodem modo à magno ad parvum descendunt; nemo enim certò discernere potest ultimum illud, in quo fit transitus à maximo parvorum ad minimum magnorum, ut videre est in materia furti, aliisque similibus; nemo enim certò dicere potest, tot præcisè obolos esse materiam gravem, omnemque quantitatem minorem esse materiam levem. Hoc tamen non obstant, regulæ quædam probabiles traduntur, quibus parvum & magnum discernuntur in furto; idem etiam fit in calu nostro, ut ex sequentibus constabit.

Aliqualis explicatio diligentiae requisitae ad ignorantiam invincibilem.

19. Inprimis ergò ad determinandum in particulari, utrùm ignorantia sit invincibilis, seu utrùm diligentia sufficiens adhibita fuerit, utiles sunt duæ regulæ, seu duo documenta, quæ Suarez subjungit doctrinæ generali paulò antè ex ipso recensitæ. Primum est (utor ipsis Suarii verbis, quia nec efficacioribus nec brevioribus res tanta explicari potest) considerare, an aliquando venerit in mentem tale præceptum, vel dubitatio aliqua de hujusmodi obligatione, vel aliquid aliud simile, quo possit homo excitari ad inquirendam scientiam talis præcepti: nam si nil ejusmodi aliquando menti occurrit, signum sufficiens est invincibilis ignorantia. Hoc enim signo etiam intelligimus, oblivionem, seu inconsiderationem aliquam naturalem esse & inculpabilem. Ratio autem naturalis est, quia non potest homo sese applicare ad aliquid considerandum, vel addiscendum, nisi præcedat cogitatio aliqua, quæ possit voluntas moveri, quia homo non se applicat nisi per voluntatem: & voluntas non potest se movere nisi præviâ cognitione. Propter quod, ante primam voluntatem præcedere debet cogitatio, quæ propterea non potest esse voluntaria, sed naturalis, seu ab extrinseco proveniens. Ergò quando nulla talis cogitatio in mentem subit, quæ possit voluntas excitari ad appetendam vel quærendam scientiam vel considerationem, non est in potestate hominis, se ad illam movere, & consequenter non potest talis ignorantia homini imputari, sed est involuntaria, ac propterea inculpabilis & invincibilis.

Duplex documentum ex Suario. ad rem præsentem pertinet.

20. Atque ita quoad hanc partem facile solvitur

Z 2

ratio

est insufficiens: Primò, quia nil tradit per quod in particulari scire possimus, an diligentia præmissa sit sufficiens. Secundò, quia remittit ad prudentes, quæ remissio est valde incerta, cum nesciatur, quinam determinatè sint hi prudentes. Præterea per hunc recursum nil determinari potest de ullâ particulari ignorantia hujus personæ, ad hoc enim duæ præmissæ necessariae sunt, per quarum alteram universaliter statuatur quantum quisque facere teneatur: per alteram particulariter determinetur, hunc hominem tantum fecisse. Hæc particularis præmissa ex libris haberi nequit: ergò in praxi alicujus judicio relinquenda est. Præterea hæc particularis præmissa nil juvat sine alterâ universali cujus determinatio ad Doctores propriè pertinet. At illi non audent eam assignare, sed & majorem & minorem & totum negotium aliis minùs sufficientibus sæpè determinandum relinquunt. At hi quantitatem diligentiae requisitæ minùs taxare poterunt. Cur ergò ad hos remittimur? Certè nemo per talem recursum certus esse potest, se ea præstitisse, quæ Doctores in genere tradunt præmitti debere, ut ignorantia censeatur invincibilis. Ita Celladeus §. 1.

Responsio. 17. Respondeo, nos jam solùm querere in genere, quænam ignorantia censenda sit invincibilis: in sequenti autem assertionem ostendam cum Suarez, quomodò hæc regula sufficiat pro praxi ad determinandum, quæ ignorantia habenda sit invincibilis. Quod autem tandem remittat ad sapientes, prudentissimè sit, cum in multis casibus aliter determinari non possit, an hæc vel illa ignorantia particularis habenda sit invincibilis, nec ne. Nec verum est, prudentes istos discerni non posse, cum oppositum efficaciter stabilitum sit contra Celladeum *quaest. 24*. Atque hinc secunda pars argumenti solvitur. Scitur enim quinam sint prudentes, & scitur etiam quid interrogati responderint. Ergò scitur, quòd homo fecerit omnia, quæ Doctores requirunt, ut ignorantia sit invincibilis. Nec obstat, syllogismum allatum adhibendum esse, nam minor illa particularis evidenter scitur esse conformis menti Doctorum, qui dicunt, sufficere pro rudibus, si in suis dubiis Confessarios suos consulant, maxime si illi sint viri præstantis famæ tam pro doctrinâ quam pro probitate. Similiter Major certò scitur esse qualis à Doctores præscribitur. Nam sæpe omnia adsunt, per quæ explicant sufficientiam diligentiae requisitæ. Aliquando in casibus particularibus solùm dicunt, eam diligentiam censendam esse sufficientem, quam prudentes talem esse determinant. Nec obstat, hos prudentes esse aliquando imperitiores Doctoribus, qui ad illos remittunt, quia adhuc certum est, nos fundari in eorum auctoritate, quando dictis minùs doctorum stamus; ideo enim illorum dictis stamus, quia peritissimi quique id sufficere asserunt. Falsum ergò est, totum remitti minùs doctis, maxime si sermo sit de motivo in quo fundantur illi, qui regulâ Doctorum utuntur, quamvis immediatè ad eos remittamur pro casibus, in quibus aliter instrui non possumus. Sed tunc hæc remissio in eo fundatur, quòd auctoritas talium sciatur sufficere ad intentum; quamvis hæc scientia sit solùm apud Doctores, nam alii rudes, qui ad Doctorum illorum dicta attendunt, non aliter id sciunt, aut credunt, quam per illorum auctoritatem, ut patet.

ratio in contrarium, scilicet talem ignorantiam esse indirectè voluntariam; quia homo potest & tenetur illam vitare. Negamus enim posse potentiam proximam, qua requirit consensum omnium, qua ad volendum prærequiruntur. Cum verò instatur, quia, si tenetur, potest, cum obligatio supponat potentiam. Respondetur per se quidem teneri, seu obligari talem hominem ad talem scientiam; ad quod satis est, quodd, per se loquendo, sit in hominis potestate, & quodd tale munus secum afferat talem obligationem. Nihilominus tamen hic & nunc illam obligationem dicimus suspendi, vel potius hominem ab illa excusari, propter impotentiam proximam & moralem, qua ex naturali, ac necessaria oblivione, vel inconsideratione orta est.

21. Secundum documentum est, ut consideretur, an is, qui scire aliquid tenetur, habuitq, sufficiens principium cogitandi, vel dubitandi de tali obligatione, fecerit moralem diligentiam, juxta qualitatem operis, vel ministerii accommodatam, & probabili judicio sufficientem, ut talem cognitionem acquireret: Nam, si hoc fecit, ignorantia, qua postea relinquitur, inculpabilis est. Ut, v.g. si homo sit indoctus, consuluit doctos viros, vel peritos in tali arte, & carentes morali suffusione, quodd ex malitia, aut etiam ex sua negligentia possint decipere: si verò sit homo doctus, aut per se sufficiens ad talem cognitionem obtinendam: an doctores aliquos evolverit, aut leges ipsas, vel statuta mediocri diligentia vel labore inquisierit: nam, si ita se gessit, si qua manserit ignorantia, merito inculpabilis existimabitur. Qua omnia sunt nobis certa in foro conscientie. Hactenus Suarez, qui mox subjungit, forum externum aliis præsumptionibus uti, & raro admittere excusationem ob ignorantiam juris, nisi validissimis rationibus probetur ignorantiam illam fuisse invincibilem.

Obje. 2o.

22. Dices. Hic item deficitur per factum rem exponendo, quæ per debitum & jus explicari debebat. Præterea hac ratione multi hæretici & infideles in suis erroribus enutriti excusantur, quia nulla eis dubitatio in mentem venit de suis religionibus & pravis ritibus. Hi tamen non excusantur; quia certa regula, ut ipse Suarez ante dixerat, in hoc negotio sumenda est à diligentia adhibita vel omissa. At ab indiligentia rerum animæ sæpè provenit, ut nec dubitatio, nec quid simile in mentem veniat; & nequioribus minùs veniunt, & pauciora. Deinde illud additum, *dubitatio, vel aliquid aliud simile*, rem relinquit obscuram; nescitur enim quid sit hoc, *aliquid aliud simile*. Demum non est necesse aliquid, quo homo excitetur ad inquirendam directè scientiam; sed satis est ut excitetur ad quærendum indirectè, cum ignorantia etiam indirectè voluntaria sit imputabilis & vincibilis. Ita Celladeus dicto §. 1.

23. Respondeo in primis hæc solùm impetere primum documentum, non tangere secundum. Unde Celladeus præsumendus est secundum approbare, cum nil contra eam objiciat.

Duplex solutio.

24. Respondeo 2. hæc omnia optimè explicari per factum, maxime cum factum sit tale, ut ex illo jus ac diligentia sciri ac determinari possit, ut contra similem objectionem paulò antè ostensum est. Similiter alibi etiam declaratum est, quomodò & quousque hæretici ex hoc capite excusentur à novo peccato, quamvis non ideo à damnatione incurrenda excusentur. Nec sufficit dicere eos esse inexcusabiles, quia certum est rudiores frequentissimè excusari. Nominatim autem excusantur ii, qui numquam habuerunt

notitiam, dubium, aut suspensionem erroris, aut quod obligentur veritates ulteriùs quærere, unde excitari potuerunt ad veritatem indagandam, ut rationes à Suariorum allatæ convincunt. De infidelibus paulò dispar est ratio: illorum mores plerumque sunt circa mala jure naturæ vetita, unde raro aut numquam excusantur, quia de talibus vix fieri potest, quin notitia aliqua aut suspicio vel dubium mali aut obligationis rem inquirendi mentem subeat.

25. Jam certa regula sumitur quidem à diligentia sufficiente, sed inde non probatur, quodd omnis incogitantia ab indiligentia rerum animæ sit imputabilis, sed ea solùm, quæ aliquo modo prævidetur, ita ut evadat voluntaria, ut jam dictum est in responsione ad objecta contra priorem assertionem. Et sanè, stando in terminis declarationis positæ, nil ex ulla indiligentia inferri potest, nisi illa voluntaria fuerit, eodd quodd aliquantè representabatur obligatio illam removendi. At in hoc sensu, argumentum à tali negligentia desumptum probat, non improbat præsentem declarationem, ut patet. Quodd si nequioribus pauciora & minùs frequenter veniant in mentem (de quo tamen dubium est, nam nequiores homines sine difficultate advertenter bibunt iniquitatem sicut aquam, nec illis plerumque deest sufficiens & actualis advertentia malorum, quæ patrant) id non obstat eorum malitiæ, quia frequenter habuerunt & habent sufficientem notitiam, unde excitari possint non solùm ad opera mala omittenda, sed etiam ad ignorantiam removendam. Cæterum si in aliquo casu talis advertentia omnino desit, nec præsens inadvertentia fuerit illis voluntaria, hic & nunc excusantur, quia ignorantia aut inadvertentia & incogitantia illa naturalis est, involuntaria, invincibilis ac inimputabilis.

26. Porro prætere, locutionem illam, *dubitatio, vel aliquid aliud simile*, non habere sensum determinatum, est nodum in scirpo quærere: siquidem manifestum est ex contextu, aliud per illam phrasim non intelligi, quàm aliquem actum intellectus, vi cujus, sicut vi dubii, excitari possumus ad diligentiam adhibendam, & ignorantiam removendam. Tales actus sunt suspensiones, aut etiam apprehensiones, vi quarum dubitatio aut oritur aut completur.

27. Demum nos etiam admittimus, sufficere, quodd homo ita indirectè excitetur ad quærendam scientiam, ut ignorantia sit illi indirectè voluntaria. Verùm in eo discrepamus à Celladeo, quodd asseramus, nullam excitationem posse reddere ignorantiam indirectè voluntariam, nisi illa aliquo modo, saltem in confuso, repræsentet scientiam & obligationem illam inquirendi; adeo ut ex parte excitationis requisitæ ad voluntarium, nulla sit diversitas inter illam quæ voluntario directo, & illam quæ voluntario indirecto deservit. Tota autem discrepantia inter illa voluntaria desumitur non ab excitatione prævia, sed à diverso motu voluntatis: si enim voluntas ob pigritiam, vel attentionem ad alia, merè negligat quærere illud ad quodd excitatur, ignorantia erit indirectè voluntaria; sed erit directè voluntaria, si voluntas motu peculiari contemnat scientiam, & positivè nolit scientiam investigare. Et sanè S. Thomas & Theologi 2. parte ubi agitur de voluntario, non in aliud rejiciunt voluntarium directum & indirectum, nisi in quodd jam assignatum est. Errat proinde Celladeus, qui ex suo capite sufficere vult ad voluntarium indirectum, si illud

Ad malitiam contrahendam sufficit ignorantia indirectè voluntaria.

si illud quomodocumque inducatur dependenter à nostris actibus, maxime si sint mali ac peccaminosi. Verum hoc indubiè non sufficit ad voluntarium, quod ex omnium sensu, & ex ipsa ejus definitione, procedere debet à cognitione rei, quæ dicitur voluntaria. Ergò si aliqua ignorantia aliunde quàm à tali cognitione inducatur, illa naturalis erit, necessaria, ac inimputabilis; non autem humana, libera, aut ullatenus, etiam indirectè, voluntaria.

Tertia regula dignoscendi an ignorantia sit invincibilis.

28. Tertia regula dignoscendi, an ignorantia & error sit invincibilis, ac præcipuè intenti in hoc opere, est, quòd, in rebus inter Auctores Classicos controversis, verè incertis, atque hinc inde certò probabilibus, error & ignorantia censeri debeat invincibilis, si quis ex fundamento certò probabili non temerè sententiam ferat, aut conscientiam formet, quia in talibus veritas ita latet, ut certò sciri non possit. Ergò aliud ab homine exigi nequit, quàm ut non temerè, sed ex motivo certò probabili ac prudenti quæstionem determinet, quia plus facere non potest. Ergò si hoc præstando erret, error erit illi inimputabilis ac invincibilis. Præterea ex dictis constat, talia aut non prohiberi, aut non nisi lege dubiâ & non sufficienter promulgatâ vetari. Et consequenter constat, nullam dari legem obligantem ad tutiora sectanda, ideoque nos ad illa non obligari; ex quo iterum inferitur errorem circa talia esse invincibilem, si fortè irreat in hominem non temerè, sed ex motivo certò prudenti judicantem.

Quarta regula præcedenti affinis.

29. Quarta regula huic affinis est, quòd, in quibuscumque rebus certò non determinabilibus, ea diligentia sufficiat, per quam homo pervenit ad certò probabilem ac verè prudentem casus resolutionem, sive ipse per proprium studium, sive per meram peritorum responsionem judicium suum formet. Hæc regula parum differt à secunda, quam ex Suario recensuimus. Ratio est, quia ulterior obligatio esset inhumana, ac irrationalis; exigeret enim plus ad veritatem investigandam, quàm conditio humana præstare posset. Præterea, quæcumque allata sunt ad probandum, usum opinionis probabilis esse licitum, ex æquo probant, ignorantiam & errorem, si fortè in tali casu interveniat, esse inimputabilem ac invincibilem.

Quinta regula.

30. Quinta regula. Cùm constet, non omnia præcepta æqualem diligentiam postulare; quæ enim sunt juris naturalis ac divini majorem sollicitudinem exigunt, quàm quæ solùm sunt juris humani. Similiter cùm constet, non omnes posse parem diligentiam adhibere, impossibile est, ut detur determinata taxatio diligentie, quæ in omni negotio, ac pro omnibus personis, necessaria sit atque sufficiens ut ignorantia evadat invincibilis. Itaque quantitas diligentie requisitæ præscribi debet juxta qualitatem rerum, præceptorum, negotiorum, officiorum, ac personarum, quæ sub considerationem veniunt. Inde apparebit, quòd quæ diligentia sufficit uni relatè ad unum negotium, non sufficit eidem pro alio negotio, & multò minùs alteri capaciore in ordine ad ullum ex illis negotiis. Itaque nulla quantitas diligentie requisitæ, arithmetice & absolute eadem, itatui potest pro necessaria ac sufficienti, sed tota res geometricè & relatè declaranda est in ordine ad res, personas, circumstantiasque intervenientes. In hoc sensu illa quantitas diligentie dicenda est sufficiens, quæ qualitati negotii, capacitati personæ, circumstantiisque

Non eadem diligentie respectu omnium sufficit.

intercurrentibus proportionatur. Omnis alia est insufficientis.

31. Hæc regula genericè accepta haud dubiè legitima est, sed ut peculiaribus casibus deserviat, singula ponderanda sunt, ut statuatur quæ diligentia talibus personis, rebus, &c. proportionata sit. Nec aliud generaliter ac ultimè dici potest, quàm quòd illa diligentia censenda sit dicta ratione proportionata, ac sufficiens, quam periti ac prudentes talem esse determinant.

Uterius explicatur regula quinta.

Quamvis enim generaliter dici possit, diligentiam hanc, rebus ac personis proportionatam, non debere esse maximam, sed sufficere mediocrem, eò quòd satis sciamus, legem, quæ summam diligentiam, etiam rebus ac personis talibus convenientem, præscriberet, fore noxiam, & à communitate talium personarum moraliter inobservabilem, cùm à nemine per mediocrem diligentiam ac conatum servari posset. Nihilominus quia particula illa mediocris non consistit in indivisibili, ideo pro ultima ac universali resolutione necessariò recurrendum est ad judicium prudentium, ut illa demum diligentia censeatur sufficiens, quam prudentes ac periti post rem diligenter examinatam declarant esse sufficientem.

32. Nec obstat, quòd prudentes ac periti, quando venit ad ultimum quod sic, seu ad infimum sufficientie gradum determinandum, nonnihil inter se discrepent, sibi quæ aliquando contradicant, ideoque aliqui illorum in sua determinatione à vero aberrant; non, inquam, obstat, quia meliorem & prudentiorem regulam non habemus, ideoque tali resolutioni merito stamus. Et sanè quamvis ille non excusaretur coram Deo, qui exercitè posuisset eam solùm diligentiam, quam falsa Doctorum opinio tradit esse sufficientem; nihilominus ille idem postea excusaretur, si bona fide ac prudenti judicio talium virorum resolutioni staret, quia jam ex prævio prudenti ac rationabili judicio operationem suam dirigeret, quæ antea ex defectu talis judicii imputabilis fuerat.

33. Scio circa præsentem materiam plures regulas ex Auctoribus variis coacervari posse; sed quia istæ ad præsens intentum sufficiunt, solùm superest; ut quæ Celladeus in contrarium objecit, dissolvantur.

SOLVUNTUR OBJECTIONES.

34. **O**BJECT primò. Regula illa, quam de probabilibus attulimus, est prorsus insufficientis, inquit Celladeus hic §. 1. ubi præten dit, se ejusdem insufficientiam tota prima parte efficaciter ostendisse. Hoc tamen ita limitat, ut dicat, veram probabilitatem includere ignorantiam invincibilem, & excusare; apparentem autem non sufficere, alioquin hæretici vincibiliter errantes excusarentur, quia feruntur in suas sectas tamquam in res, quas ad minimum probabiles reputant, immò eas certas esse existimant.

35. Post hæc proponit doctrinam Antonii de Cordubâ lib. 2. de ignorantia quæst. 3. ubi Corduba, post omnes obligatos ad probabilius tutius, mox subdit, & in hoc Doctores omnes consentiunt. Ita scripsit Corduba an. 1604. Ergò tunc omnes, aut certè plerique ita sentiebant. At jam opinio ista vix tolerabilis est, cùm omnes fermè jam dicant, neminem ad probabilius tutius obligari, sed unumquemque licitè sequi posse minùs probabile

Confirmatio objectionis ex Corduba.

habile minusque tutum. Tum reprehendit Cordubam, quod dixerit, licitum esse sequi opinionem probabiliorē minus tutam, ignorantiamque, si quæ subsit tali opinioni, eo ipso evadere invincibilem. Putat enim ex hoc ipso exemplo opinionis mutatae oppositum recte inferri. Sic enim arguit. Tempore Cordubæ omnes in eo consentiebant, quod teneremur ad probabilius tutius. At jam vix est, qui quodammodo pro certo non teneat, quod non obligemur ad probabilius tutius. An ergo doctrina illa universalis, à quâ modus vivendi omnium ferme dependet, & veritas illa tam notoria, quam omnes tempore Cordubæ noverant & docebant, septuaginta annorum spatio reddita est invenibilis, & illius ignorantia facta est invincibilis? Minime. Illa certe est invenibilis ut antè, & consequenter ignorantia per hoc genus probabilioritatis non redditur invincibilis. Ergo multo minus id præstatur per probabilitatem minorem. Ergo tertia & quarta regula à nobis assignata non probant ignorantiam, si interveniat, esse invincibilem, sed illud aliunde probandum est, ex eo scilicet, quod diligentia sufficiens adhibita fuerit vel omissa. Si diligentia sufficiens præcessit, excusatur qui falsum opinatur; secus non excusatur, sed peccat, qui opinionem falsam sequitur, non quidem scienter & contra conscientiam, sed ignoranter operando juxta conscientiam vincibiliter constitutam.

36. Demum illud demonstrat, ignorantias vincibiles & invincibiles discerni non posse per hanc viam probabilitatis, quod nullus privatus Doctor, aut Doctorum multitudo, saltem ubi alii etiam pauciores contradicunt, sit regula certa fidei & morum, sive quoad inducendam honestatem in opus, sive quoad exclusionem peccati ex opere. Hoc enim solius Ecclesiæ, ejusque Capitis privilegium est. Maximis quidem Doctoribus dandum est, quod raro & ferè numquam errent. Cæteris ne hoc quidem. Aliis vero, qui habent alios sibi contradicentes numero & qualitate pares, nil prorsus tribuendum est, quia non magis illis convenit non errare, quam errare. Ergo nullus est privatus Doctor, cujus resolutionem sequentes peccare non possimus. Ergo per hanc viam non habetur invincibilitas ignorantie, alioquin haberetur non peccare, quod non habetur. Ita Celladeus §. 1.

Responsio. 37. Respondeo, omnia à Celladeo objecta contra licitum probabilium usum jam examinata fuisse, & inventa non solum invalida ad expugnandam benignam sententiam, sed plurima eandem validè confirmare. Cæterum approbo quod dicit, probabilitatem non merè apparentem, sed veram, si fortè erretur, includere aut supponere ignorantiam invincibilem, quia nos etiam ignorantiam invincibilem non omni probabilitati apparenti, sed solum probabilitati veræ certò cognitæ tribuimus, ut sæpe dictum est. Cæterum Celladeus in hoc ipso sibi contradicit, quia ille vult nullam esse probabilitatem veram ac realem, quæ cum veritate non connectatur. Hoc autem admissio, impossibile est, ut veritas ignoretur ab eo, qui eam probabiliter affirmat. Ergo in sententia Celladei ignorantia veritatis & realis probabilitatis de veritate conjungi non possunt. Ergo sibi contradicit, dum hic admittit ignorantiam invincibilem conjungi posse cum probabilitate vera, non cum ficta & apparente, cum in principiis illius conjunctio ignorantie cum probabilitate vera sit impossibilis, conjunctio verò

ignorantie invincibilis cum probabilitate solum apparente toties locum habeat, quoties sufficiens diligentia præmissa fuit.

38. Quod Corduba dicit, probabilius tutius esse tenendum, & in eo omnes Doctores consentire, benignæ sententiae non repugnat; nam ille loquitur de totâ apparentiâ, quam homo operaturus habet; illa autem debet esse probabilior, ut excusetur, juxta omnium sententiam. Nam si in directa tantum rei consideratione maneamus, utique nemini licet sequi nisi quod illi directe probabilius ac simpliciter verum apparet. Similiter si loquamur in sensu reflexo de objecto directe minus probabili, eodem modo discurremus; nemini enim licet illud ponere, nisi id ipsum, vi rationum reflexarum & probabilius ipsi appareat, & absolute credatur licitum. Nec Corduba quidquam contra hoc, id est, contra benignam sententiam, in tota sua latitudine sumptam, insinuat.

39. Itaque nec Corduba nobis contrariatur, nec ulla à tempore ipsius facta est variatio circa substantiam benignæ sententiae. Sicut enim tunc omnes dicebant probabilius tutius esse tenendum, sic nunc etiam omnes idem dicimus, si sermo sit de totâ & ultimâ apparentiâ, quâ homo dirigitur ad operandum. At de illâ tantum apparentiâ loquutus est Corduba, quia loqui de aliâ non erat ad rem; sicut de facto non esset ad rem si nos de aliâ loqueremur, quia hæc sola est probabilitas practica proximè deserviens ad regulandam operationem, ut patet. Ergo in doctrina illa universali, à quo modus vivendi omnium ferme dependet, nulla facta est variatio, nisi quam Celladeus, & alii pauculi introducere conantur.

40. Sed quamvis ingens illa mutatio, quam Celladeus falsò imaginatur, introducta fuisset, non inde sequeretur ignorantiam invincibilem non comitari opinionem probabilem, si fortè à vero aberret. Stante enim hypothese, nemo dicit veritatem illam esse jam invenibilem, sed solum invincibiliter ignorari ab iis, qui post diligens studium, rationibus certò probabilibus ac prævalentibus moti, arbitrantur se veritatem tenere, cum decipiantur & errent. In eo verituræ equivocatio Celladei, quod universim confundat invincibilitatem doctrinæ cum ejusdem invenibilitate, cum inter illas ingens sit disparitas. Aliquæ veritates sunt certò invenibiles per diligentiam debitam, & de talibus verum est, quod vincibilitas & invenibilitas illis ex æquo conveniat. Aliæ sunt doctrinæ, quarum veritas inveniri quidem potest, & semper invenitur ab altero eorum, qui contradictoria circa questionem illam docent. Verum neuter certus est, se veritatem invenisse; sed uterque æquè magnis fundamentis ductus arbitratur, se veritatem tenere, & adversarium errare. Hæc invenibilitas non tollit invincibilitatem ab eo, qui post diligens studium per accidens errat, & non invenit veritatem realem, quam quærebat. Ratio est, quia hic homo, quamvis erret, ita se habet circa veritatem, quantum ad omnem apparentiam & certitudinem veritatis adeptæ, sicut alter; adeo ut nemo dicere possit, hic homo certò errat, hic certò verum dicit; sed, qui reflectit super utriusque conatum & motivum, dicere debet, uterque parem habet rationem existimandi, se veritatem attingisse. Uterque ex æquo veritatem apparenter tenet. Qui realem veritatem affectus est, non est certior de tali inventionē, quam

Responsio
ad Confirmacionem.

Quo sensu
enique lo-
quendum
quod pro-
babilius.

Constans
Doctorem
sensu eiri a
usum beni-
gnæ senten-
tiæ.

Aliud est
veritatem
aliquam esse
invenibilem, aliud
invincibiliter
ignorari.

Celladeus
sibi contra-
dixit.

alter

alter qui errat, nec majori fundamento dicere potest se illam attingisse, quàm alter. Uterque enim sectatur, quòd sibi rationalius apparet. Cùm ergò uterque parem diligentiam adhibuisse supponatur, non inventio veritatis in errante est manifestè inimputabilis, & consequenter ignorantia veritatis illius est invincibilis. Nec mirum, quia nemo taliter judicat, qui debitam diligentiam non præmisit. At illa, Celladeo fatente, infallibiliter secum affert invincibilitatem.

Præsentia
Celladei demon-
strationi supra sa-
tisfactum est.

41. Demum, quòd certa probabilitas in rebus verè incertis sit sufficiens discerniculum ignorantiae invincibilis, quòdque, qui certò probabiliter judicat aliquid esse licitum, non peccet illud ponendo, quamvis præter intentionem erraret, nullatenus improbat per præsentiam Celladei demonstrationem. Ego *quest. 14.* ex professo examinavi præsentiam hanc Celladei demonstrationem, ibique ejusdem in omnibus nullitatem demonstravi; in aliis etiam quaestionibus dirui quæ hic insinuat de Doctoribus, qui non frequentius errant quàm non errant, &c. Ergò sicut ille nil hic peculiare objecit, quod antea non objecerat, sic nec ego aliâ responsione egeo, quàm quæ istiusmodi argumentis alibi data fuit.

Ignorantia
vincibilis
vel invinci-
bilis ex eo
dicenda
quod debita
diligentia
posita vel
prætermissa
fuit.

42. Objeit secundò. Ignorantiam esse vincibilem aut invincibilem ex eo dependet, quòd debita diligentia posita fuerit, vel omissa. Vincibilis enim ignorantia definitur esse *ignorantia eorum, quæ scire tenemur*, id est, eorum, quæ debitam diligentiam faciendo scire possumus; quin etiam scivissemus. Doctrina hæc conformis est Augustino dicenti, *Non tibi imputatur ad culpam, quod invitus ignoras, sed quod negligis quærere, &c.* Similiter concordat cum *cap. si culpa, de injuriis*, ubi dicitur; *Et quam debueras, non curasti diligentiam adhibere.* Eandem doctrinam Suarez vocat regulam certam. Hinc statim infertur, quantitatem diligentiae debitæ non posse directè determinari; quia nemo potest exactè scire, quæ præcisè diligentia sit sufficiens. Porro hoc locum habet non solum in discipulis, sed etiam in ipsis Doctoribus, de quibus certum non est, quòd debitos libros evolverint, quòd debitum tempus impenderint, quòd debita intentione, conscientiaque munditiæ rem examinaverint; hæc tamen omnia præstanda sunt, ut debita diligentia habeatur.

43. Hanc diligentiae debitæ incertitudinem ac indeterminabilitatem illud in primis confirmat, quòd hac ratione benè cohereant spei timorisque præcepta, cùm nemini constare possit, se debitam diligentiam adhibuisse, atque ideo nemo sciat an amore vel odio dignus sit. Praxis etiam & voces Sanctorum idiplum confirmant. Illi cum timore ac tremore suam salutem operabantur; eorum voces sunt. Ab occultis meis munda me. Ignorantias meas ne memineris. Et S. Paulus, etsi diligentissimus, de se dicebat. *Nihil mihi conscius sum, sed non in hoc justificatus sum; qui autem judicat me, Dominus est.* Licet enim Sancti nullum peccatum scienter admittere soleant, occulta tamen cordis sui semper timebunt. Sciebant se Deo diligenter inservire, sed an satis agerent, hoc ignorabant. Hæc probant quantitatem diligentiae determinari non posse. Ita Celladeus §. secundo, ubi addit, idem ex eo etiam probari, quòd *quest. 11.* tradidit, scilicet ignorantiam fieri indirectè voluntariam ac alia peccata, in quorum poenam Deus hebetudinem mentis, aut etiam cæcitatem incurri permittit,

majorem vel minorem; sed quantam pro quot & qualibus peccatis Deus permittat, nemo rationaliter determinare potest. Scimus quidem conscientiam mundandam, quia corde immundi faciliè circa mores errant; sed quantum faciendum sit, quis novit? Hanc diligentiae debitæ indeterminabilitatem plerique etiam Auctores fassi sunt, dum rem à se indeterminabilem judicio prudentium determinandam relinquunt. Hæc ille.

44. Respondeo, ignorantiam vincibilem esse quidem eorum quæ per se loquendo scire tenemur, sed hoc non obstante, multis de causis fieri posse, ut eadem invincibiliter ignorentur, eò quòd ob naturalem adventitiæ defectum, vel alias ob causas ignorantia illa hic & nunc per debitam diligentiam removeri non possit, ut paulò antè ex Suario ostensum est. Porro in istis casibus hic & nunc non tenemur illa particulariter scire, quia teneremur ad impossibile. Per se tamen, ac simpliciter, tenemur ea scire, quia per se spectant ad officium nostrum, & à multis sciri possunt & sciuntur, quamvis per accidens à me post magnam & plus quàm debitam diligentiam hic & nunc ignorentur, & consequenter invincibiliter lateant. Itaque ignorantia vincibilis non ita crudè definitur *ignorantia eorum quæ scire tenemur*, cùm certum sit nos invincibiliter ignorare multa, quæ tamen simpliciter scire tenemur. Itaque ignorantia vincibilis est, eorum quæ tenemur & possumus scire per diligentiam debitam. Jam aliquando contingit, quod per talem diligentiam non possimus ea scire, quæ tamen vi status aut officii simpliciter scire tenemur. Hoc præmissis, ne Lector ex universali illa Celladei locutione errorem incurrat,

Quo sensu
ignorantia
vincibilis sit
eorum quæ
scire tenemur?

45. Respondeo secundò, omnia ista rectè quidem probare, quantitatem diligentiae necessariæ ac requisitæ ut debitum quærendi implevisse censeamur, non posse certò determinari in particulari, quod ultro admittimus; sed quia proponuntur, a: si Auctor probare intenderet, nos numquam scire posse, etiam post diligentiam maximam, quod debitum impleverimus, ideo admitti nec possunt nec debent. Certum enim est tam idiotam, quàm Doctorem scire posse, se debitam diligentiam adhibuisse; ille quidem complures summos Doctores consulendo, iste complures libros præcipuos evolvendo, &c. Cùm enim constet, summam diligentiam non esse præceptam, sequitur utique aliam quàm mediocrem sub præcepto cadere non posse. Hanc autem se certò adhibuisse scire potest tam Doctor quàm idiota, ut patet. Nec obstat, quòd cura mundandæ conscientiae, recta intentio, ac etiam oratio ad debitam diligentiam requiri dicatur; scitur enim ista non nisi in gradu mediocri cadere sub præceptum. At tam docti quàm indocti certificari possunt, se in istis mediocrem saltem diligentiam adhibuisse. Ergò in multis casibus scire possunt, se debitam diligentiam adhibuisse, & consequenter se invincibiliter ignorare & errare, si fortè errant.

Responsio 2.

Quomodo
diagnosci
possit an
debita dili-
gentia sit
adhibita.

46. Jam voces illæ Sanctorum, eorumque incertitudo de sua justificatione, sicut præcepta spei ac timoris locum habent, quamvis pro multis casibus scire possimus, talem determinatam diligentiam esse sufficientem; immò eadem locum haberent, quamvis sciremus ultimam ac determinatam quantitatem diligentiae præcisè sufficientis ac necessariæ; adhuc enim multis de causis incerti essemus de statu nostro, ut alibi ostensum

Argumenta
Celladei à
præsenti in-
stituto alie-
na sunt.

sum est. Præterea non semper scire possemus, nos illam diligentiam mensuram exactè implevisse, ideoque ex hoc etiam capite incertitudo superesset, præceptaque spei ac timoris locum haberent, omnesque innumeris de causis teneremur cum timore ac tremore, cum spe ac metu, salutem nostram operari. Itaque non apparet, cur hæc ad præsens intentum allata fuerint, cum constet, ea vel nullam vel exiguam vim habere ad quidquam pro alterutrâ parte determinandum; siquidem veritas præsens ab illorum veritate non dependet, nec è contra, ut dictum est. Jam quòd Sancti dicantur scivisse, se Deo diligenter inservire, sed nescivisse an satis agerent, nil facit ad præsentem quæstionem de peccatis ignorantie, quia id ex æquo locum habet in patentibus, quia de illis formidabant. Cæterum sicut certò sciebant, se Deo diligenter inservire, sic etiam per hoc ipsum sciebant se vincibiliter non ignorare pleraque ad suum statum pertinentia, quia hoc secundum consuetudinem est ad primum; neque enim fieri potest, ut Sanctus homo, qui maximo nisu ad perfectionem properat, hæc vincibiliter ignoret, cum præceptum ignorantie vitandæ ne quidem tantam diligentiam postulet.

Qualis sit
formidoSan-
ctorum, de
qua supra
Celladeus
in objectio-
ne.

47. Formidabant quidem Sancti, an satis agerent ad correspondendum suæ vocationi, immò sciebant se quotidie in multis deficere, & sic timebant ne culpâ suâ in deterius abirent, ac tandem perirent; sed communiter non formidabant, se culpabiliter nescire ea, ad quæ scienda strictè tenebantur, saltem loquendo de præceptis communibus, quorum observatio ad omnes suæ professionis ex æquo pertinebant; neque enim vitæ eorum communiter expriment talem metum. Nec mirum, quia diligentia illorum erat abundè sufficiens aut ad talia scienda, aut ad vincibilitatem à suâ ignorantia, si quæ erat, repellendam. Nihilominus in aliquibus factis, ut in temptationibus repellendis, formidare poterant, an debitam diligentiam adhibuissent, sicut fortè etiam in aliquibus punctis juris privati, quo Deus singulariter ab eis aliqua exigebat, quia de talibus nulla datur regula certa pro omnibus, ideoque difficilius sciri potest, quæ diligentia requiratur, & sufficiat. Argumentum ergò æquivocum est, & confundit sollicitudinem ac timorem Sanctorum tam de præsentem, quàm de futuro statu ipsorum, aliisque annexis, quæ, si ommissa, esse poterant remota saltem occasio ruinæ, quamvis ad illa strictè non tenerentur, cum timore peccati ignorantie, quòd ab insufficienti eorum diligentia ad illud arcendum ortum habuit. Verum hæc duo plurimum distant, nam primum universaliter verum est, secundum autem in plerisque saltem est falsum, quia sicut constat nobis, eos diligentiam ad talia peccata vitanda sufficientem adhibuisse, ita non est, cur id ipsum illis sufficienter constare non potuerit. Nec dubium, quin in plurimis ac fermè in omnibus id ipsis certò constiterit.

Æquivoca-
tio Celladei
detegitur.

48. Quæ adjunguntur de hebetudine ac cæcitate mentis ob peccata inflictâ, fusè examinata & confutata sunt in superioribus, ex quibus non modò non improbantur, sed validissimè confirmantur, quæ hic statuta sunt de quantitate diligentie debitæ, ut ignorantia sit & habetur invincibilis. Doctrinæ enim ibi traditæ regulas à nobis hic propositas confirmant, ut constabit illi, qui & illa relegerit, & ad præsentem quæstionem applicuerit.

49. Ultimum, quod dicit Celladeus, scilicet

Auctores plerosque hanc indeterminabilitatem falsos esse, dum rem à se indeterminabilem prudentium judicio determinandam relinquunt, est error nimis patens. Certè Auctores illi regulas Celladeus proposuerunt, per quas scire possumus an ignorantia sit invincibilis, & Celladeus eas impugnavit. Quid dicis Celladee? Estne hoc Auctores fateri quæstionem esse à se indeterminabilem, quando ipsam datis regulis expressè determinant? Si tecum senserunt eam esse indeterminabilem, cur eos tam operose impugnasti. At, inquires, pro multis casibus remittunt ad prudentes, eoque non rarò minùs peritos quàm ipsi. Quid tum? Hoc est solvere quæstionem, non illam indecisam relinquere. Casus particulares sunt innumeris, pro quibus una eademque taxatio diligentie præscribi nequit. Illos ergò simul solvere nemo potest; sed singuli scortum sunt solvendi. Nec ullus eorum est, quem Doctores illi probabiliter solvere non potuissent, si fuisset illis propositus. Sed cum omnes in particulari proponi non possint, dant regulam generalem, & dicunt, eam diligentiam in quavis materia & casu particulari reputari debere sufficientem, quam prudentes ac periti talem esse determinant. Hac ratione regulam proponunt, & quæstionem solvunt, nec eam indecisam relinquunt, ut patet.

50. Obicit tertio. Omnes scimus, diligentiam adhibendam esse ad resistendum temptationibus ingruentibus: sed quanta sit necessaria, quis determinare potest? Omnes fermè dubii de hoc sunt, quia omnes de istis se accusant, & Confessarius ipse sæpe de eisdem etiam dubius hæret. Eadem difficultas invenitur in omnibus quæstionibus, in quibus per exigua incrementa à parvo ad magnum ascenditur, quia medium & transitus discerni ac determinari nequit. Hoc videre est in materia furti, ac jejunii, aliisque similibus, sicut etiam in exercitio fidei ac charitatis; tenemur enim virtutes illas exercere, sed quando, sed quoties, præcisè nemo determinare potest. At eadem est ratio de quantitate diligentie debitæ pro sciendâ veritate. Ergò illa sciri ac determinari non potest. Ita Celladeus §. 3.

Obiectio
petita à du-
bio de dili-
gentia in
temptationi-
bus resisten-
dis, &c.

51. Respondeo, hæc ritè probare assertiones à nobis positas, sed validè improbare intentum Celladei. Nam quamvis aliquando dubitemus an diligentiam sufficientem ad resistendum temptationi adhibuerimus, scilicet quando aurem illi quodammodo præbemus, delectationem aliquam percipimus, & motum quendam ad assentiendum sentimus, &c. Viri tamen diligentes in plerisque rectè norunt se diligentiam sufficientem adhibuisse ad vitandum peccatum mortale. Et quoties similem diligentiam adhibent certi sunt se graviter non peccasse. Ergò tales & pro se, & pro aliis magna ex parte taxare possunt diligentiam debitam, ac dicere, talem ac tantam ad peccatum mortale arcendum sufficere. Ecce argumentum ab hoc exemplo adductum nostras confirmat assertiones, totumque Celladei intentum evertit.

Viri dilige-
tes in pleris-
que norunt
se adhibuisse
diligentiâ
ad mortale
vitandum.

52. Est quidem similis difficultas taxandi minimum quod sic in casibus allatis, & ideo illa rarò aut nunquam certò determinari potest. Sed hoc non impedit, quòd minùs transitus ille probabiliter resolvi possit. Ad hoc autem talis resolutio juvat, quòd qui illam bona fide & ex motivo certò probabili sequitur, excusetur, si fortè erret, quia in tali re fecit quod potuit & debuit, ut veritatem inveniret, eamque tandem optimo quo

potuit

potuit modo invenit, & juxta illam sic inventam operationem suam instituit. In tali autem casu constat, bonam fidem, & conscientiam excusare, quia veritas ipsa, si circa illam erratur, etiam Celladeo id fatente & ex professo idipsum probante, in omni istiusmodi casu insuperabiliter ac invincibiliter latet.

53. Hinc tamen non sequitur, Sanctos ac diligentes non rectè se accusare de negligentia in repellendis tentationibus; quia quamvis in multis non habeant de quo se accusent, in magna tamen operationum multitudine difficile est peccatum veniale non intervenire. De culpis ergo venialibus, si quæ irreperant, quæque haud dubiè frequenter irreperunt, se meritò accusant.

Celladei traditio.

54. His ad objectionem dictis, solum superest, ut Celladei contradictiones hic elucetentes omnibus aperiamus. Una ex potissimis ejus doctrinis, quam ubique fermè aut obrudit aut supponit, est, nullam dari ignorantiam invincibilem juris naturalis, aut etiam divini positivi; eamque valdè rarè reperiri in jure humano. At hic non solum in jure humano, sed etiam in jure divino tam positivo quàm naturali, non solum admittit ignorantiam invincibilem; sed ex professo probat, veritatem ipsam esse absolutè à nobis invenibilem, & quidem in omni præcepto ac casu, quando versamur inter parvum & magnum, inter rarè & sæpè. At hoc frequentissimè, intervenit, idque non in uno vel altero, sed in omnibus fermè præceptis. Ergò ignorantia omnis juris est per ipsum valde frequenter invincibilis. Ergò etiam in præcipuis rebus, quas maximè ex professo tradit, apertè sibi contradicit.

Alia Celladei contra-

55. Præterea harum rerum ignorantiam ideo hic exaggerat, ut ex illa probet, nos ignoranter peccare, etiam quando nulla peccati suspicio animo obversatur. Ex una ergò parte ex professo probat, talem ignorantiam esse prorsus insuperabilem, quod idem prorsus est ac eam esse invincibilem. Et ex alia contendit, opera ex tali ignorantia profecta esse verè peccaminosa, nobisque ad peculiarem culpam ac poenam imputari. Ergò dupliciter sibi contradicit; primò, supponendo ignorantiam esse vincibilem & imputabilem, quam ex professo probat esse insuperabilem ac invincibilem. Secundò, contendendo opera ex hac ignorantia insuperabili facta esse peccata, cum tamen ubique, etiam ex professo, tradat, ignorantiam invincibilem omnem peccati malitiam prorsus excludere.

Obiectio petita à paritate inter diligentiam in humanis adhibitam, & in divinis præceptis adhibendam.

56. Obiecit quartò. Omnes magnà diligentia rebus humanis studemus. Quis ergò dicere potest Deum à nobis parem aut etiam majorem diligentiam pro lege sua scienda & implenda non exigere? Certè S. Paulus ad Rom. 6. tantam diligentiam pro spiritualibus requirere videtur, quantam homines pro temporalibus immò pro illicitis tribuere solent. Humanum dico propter infirmitatem vestram; sicut enim exhibuistis membra vestra servire immunditie, & iniquitati ad iniquitatem; ita nunc exhibete membra vestra servire justitie in Sanctificationem. Christus ipse adhuc significantius loquitur. Quid prodest homini, si universum mundum lucretur, anima vero sua detrimentum patitur? Nónne hinc apparet, tantam diligentiam requiri pro vita æterna & mediis ad illam consequendam, quantam homines rebus perituris, immò & peccaminosis procurandis, adhibent? Jam si quis ex his principis taxare velit diligentiam debitam, inveniet plerosque à mensura deficere.

R. P. A. Terilli, Regula Morum. PARS. II.

57. Assumat quis tanto studio curandam esse animam, quanto matres curant filios, quos diligunt. Quis taxationem hanc nimiam esse cum fundamento dixerit? Cardinalis Pallavicinus *de Ast. hum.* hoc pacto taxasse videtur diligentiam pro veritate scienda. Rem exponit exemplo Patris absentis, sed solliciti de valetudine filii graviter ægrotantis. Rescire potest hic pater multus viis salutem filii. Primò ex rumore incerto; secundò ex dicto extranei, quem vix novit; tertio ex relatione personæ notæ, sed cui parum fidei tribuit, vel quia novit eum solere sine fundamento sufficienti alios consolari, vel quia dubitat, an ille statum filii sufficienter nòrit, &c. De. mum accipit nuncium talem, ut prorsus quiescat cura paterna, quæ per priores relationes quiescere non poterat. Jam quando hoc postremo modo res animæ tuæ novisti, quiescere potes, & error, si irrepat, erit invincibilis. Extraneus certè, qui ægrotum non diligeret, nullo negotio primo rumori fidem daret, & sic facile falleretur, & erraret, sed error ille ex defectu amoris & curæ proveniret. At error in casu nostro ex defectu amoris & curæ causatus non excusat. Certè multis opinionibus, multisque hominibus circa res animæ fidimus, in quibus pater ille, de filii incolumitate sollicitus, non quiesceret. Ergò si in illis quiescamus, id oritur ex defectu amoris & curæ. Ergò ex defectu diligentie. Ergò si erremus, error erit imputabilis.

Urgetur à paritate diligentie Matres adhibende in filiis curandis.

Alia paritas.

58. Cæterum quamvis diligentia debita dicatur debere esse similis illi, quam matres habent erga filios dilectos, nil adhuc determinatè dicitur, in quo quiescere possimus, quia & Matres ipsæ inæqualiter filios diligunt. Aliæ segnes sunt, aliæ nimis. Aliæ mediam viam incedunt, sed inæqualiter sollicitæ sunt, quia inæqualiter diligunt; justus enim amor filiorum non consistit in indivisibili. At quis gradum infimum aut supremum absolutè determinare poterit? Nemo fundatè, ut meritò quiescat intellectus.

59. Addi possunt exempla alia, nempe avarorum, & eorum qui turpes amores sectantur. Quanta horum cura, ut ad præfixum finem pertingant? Anne minor diligentia à nobis exigitur, ut Dei legem sciamus, & impleamus?

60. Quod si hæc cura dicatur nimia & exorbitans, dicamus, tantam à nobis ad scienda Dei mandata diligentiam requiri, quantam boni Mercatores, boni judices, boni Magistri, boni discipuli ad res suas procurandas adhibent. Jam horum diligentia non est par. Quis autem statuere poterit, quænam præcisè sit necessaria? Hoc solum fundatè dici potest, nos in lege Dei scienda implendaque diligentissimos esse oportere. Certè Sacra Scriptura ad tantam nos cogit diligentiam, quantam ille adhibuit, cui dicere licuit. *Quomodo dilexi legem tuam? Tota die meditatio mea est.* Inde prudens factus est, & super docentes se, ac etiam super senes intellexit, quia mandata quæ sivit. *Eccli. 6. Fili, à juventute tua exsipe doctrinam, & usque ad canos invenies sapientiam. Quasi in qui arat, & qui seminat, accede ad eam, & sustine bonos fructus illius, &c.* Ecce magnà diligentia incumbendum est, ut Dei lex sciatur; sed quanta illa? Hoc nescitur. Labor rusticorum, mercatorum diligentia, Matrum cura ac sollicitudo speciem quandam præ se ferunt; sed, an illa sit sufficiens, aut an major diligentia pro scienda Dei lege requiratur, incertum. Ita Celladeus §. 4.

Idipsum a liis exéplis urgetur: item ex S. Scriptura.

A a

61. Respon-

**Ama diligē-
tia est con
filiis, alla de
præcepto.**

ST. Respondet, hæc omnia aptè afferri, ut stimulemur ad legem Dei diligentissimè quærendam & implendam, quia hoc omnium negotiorum maximum est, & cætera comparatione istius nullius sunt momenti. Sed hoc non quæritur in præsentia: sermo enim non est de diligentia, quæ ex consilio proponitur, sed de diligentia, quæ præcipitur, & quæ si omittatur, peculiare peccatum incurritur; quod certè non incurritur, quando diligentia ex consilio tantùm proposita omittitur, quamvis talis omissio aliquando per accidens sit occasio alicujus peccati, quoddam patratum non fuisset, si talis diligentia præmissa fuisset. Hoc totum evidenter apparet in diligentia servandi præcepta Dei jam nota. Ut quis castè vivat, aut ut alia Dei præcepta custodiat, strictè solum obligatur vitare proximam occasionem violandi legem, adeo ut, si in talem occasionem se conjiciat, per hoc ipsum peccet peccato peculiari contra diligentiam debitam, quamvis per accidens impediatur, quò minus peccatum, in cujus occasionem proximam se injecerat, non committatur. In aliis casibus, peccat quidem, si labatur, sed peccato contra illud præceptum, non peccato peculiari contra diligentiam procurandi vitam æternam.

Celladens
obtrudit
cōsilia tan-
quam prae-
cepta.

62. Jam si quis offerret istas ponderationes, ad probandum, diligentiam pro lege Dei implenda debere esse maximam; & consequenter nil omittendum, quo observatio legis certius impleatur. Is dicit, omnes debere oculos demissos tenere, nec eos in alios, maximè sexus diversi, conjicere; omnes, quantum possunt, debere se domi tenere, Dei que legem meditari, ac summum momentum illius implendæ ante oculos habere: omnes debere jugi æternitatis meditationi incumbere, continuisque precibus, jejniis, & mortificationibus se totos dedere, ut legem Dei custodiant. Addet, Sacram Scripturam, Sanctorumque exempla, ad istam diligentiam nos provocare. Is quidem boni consultoris partes ageret, quia hæc & plura ex consilio facienda sunt, ut salutem æternam in tuto ponamus. Sed si prætenderet, hæc omnia ex præcepto deberi, neminemque quidquam eorum sine peculiari negligentia peccato omittere, haud dubiè imperitum Theologum, & pessimum legis interpretem ageret. Constat siquidem communitatem fidelium talis præcepti incapacem esse, legemque, quæ omnia perfectissima præscriberet, fore pessimam, cum continui peccati causa existeret.

Lex nimia
præcipiens
diligentiam,
noxæ efficit.

63. Hinc sic arguo: sicut constat, extraordinariam istam diligentiam non requiri ex præcepto, ut lex Dei scita integrè custodiat, quamvis illa ad eam servandam maximè conducatur, imò quamvis multi ob defectum hujus diligentie eam sæpe prævaricentur; ita pariter constat, diligentiam tantam ex præcepto non requiri ad legem Dei sciendam; nec aliam quàm mediocrem universaliter cadere posse sub præcepto, quia si major ex præcepto esset necessaria, lex illam præscribens esset noxia, nec à Communitate fidelium moraliter ferri posset. Præterea, nonne absurdissimum est dicere, neminem ex iis, qui mediocrem ad legem Dei sciendam, omniaque ejus præcepta per talem diligentiam cognita integrè servanda, conatum adhibent, atque illa de facto integrè custodiunt; neminem, inquam, illorum ex defectu diligentie debere legem custodire, sed omnes tales in continuo peccati ac damnationis statu versari. At ex præscripto Celladei omnes tales in statu peccati versantur, quia

nemo illorum adhibet diligentiam, quam ille stri-
ctè præceptam ac necessariam esse præscribit. Jam
certò constat, plurimos ex omni hominum ge-
nere reperiri, qui per mediocrem illam diligen-
tiam præcepta integrè custodiunt, nec tamen
totà die meditatur legem Dei, aut instar arantis &
seminantis laborant, ut præcepta custodiant, &c.
Constat ergò Celladeum errare, dum dicit, *Sa-
cram Scripturam ad tantam nos diligentiam cogere,
quantam ille adhibuit, cui dicere licuit: Quomodo
dilexi legem tuam? totà die meditatio mea est, &c.*
Ex Sacra Scriptura constat quidem, nos diligen-
tissimos esse debere, ut salutem in tuto ponamus,
sed ex Sacra Scriptura non constat, diligentiam
ex peculiari præcepto adhibendam esse debere
summam; immò oppositum constat, cum lex Dei
sit facilis, & mandata ejus gravia non sint, sed à
mediocriter conantibus custodiri possint. Essent
autem moraliter inobservabilia, si diligentia illa
summa ex præcepto necessaria esset.

Lex Dei
favens est.

64. His in genere dictis, per quæ argumentum planè dissolvitur, aliquid ad singula capita adjungam, ut in omnibus Lectori plenè satisfaciam. Inprimis ergò, dictum illud Salvatoris, *Quid prodest homini, &c.* sicut & illud Pauli, *Humanum dico. &c.* rectè probant obligationem servandi legem Dei esse maximam, omnibus rebus præponi debere; item probant, magnam diligentiam adhibendam esse ad sciendam & servandam Dei legem; sed an ea ex consilio vel ex præcepto adhibenda sit, nullatenus determinant. Cæterùm ego existimo, omnes, qui mediocrem animæ curam gerunt, per quam à peccatis gravibus se continent, omnibus pensatis, longè majorem diligentiam adhibere pro æternis, quàm pro temporalibus. Ratio est, quia omnes isti concupiscentias suas crucifixerunt, & in continuo bello spirituali, in quo caro semper concupiscit adversus animam, superiores evaserunt. Præterea temporalia omnia præ æternis contemnunt, atque omnem temporalem sollicitudinem æternis bonis acquirendis subordinant, quatenus per rectam intentionem ad finem ultimum obtinendum illam ordinant. At nemo ex talibus tantum facit pro temporalibus. Immo mediocris hæc proborum cura matrum diligentiam non modò æmulatur, sed superat, quia spiritualium procuratio fit, renitente naturâ, & contra varias tentationes, quibus ad procuranda naturæ comoda etsi prohibita provocamur. At cura matrum est juxta naturæ impellentis stimulum, & propterea minoris laboris opus est, quàm mediocris æternorum amor & procuratio.

**Singulis
objectionis
partibus si-
gillatione
tute.**

65. Jam in taxanda magnitudine laboris ac diligentiae, non solum attendendum ad res quae fiunt, sed etiam ad modum quo fiunt: si enim res sint secundum genium ac instinctum naturae, illae absque magno labore ac difficultate, & quodammodo sponte fiunt. At si ea facienda sint, contra quae natura reluctatur, continua violentia ad ea perficienda requiritur. Unde fieri poterit, ut majori labore ac diligentia opus sit ad pauciora & minora istiusmodi praestanda, quam ad plura & maiora prioris generis perficienda. Et sane hic est casus noster, ut patet. Unde infero mediocrem aeternorum diligentiam verè esse maiorem diligentiam, quàm probi temporalibus attendunt, & quam matres ipsae erga filios exhibent, quamvis in teneritudine ac promptitudine animi, sicut & in maiori temporis continuatione & frequentiori operum repetitione cura matrum & aliorum excedat diligentiam, quam probi

Mediocriū
aeternorum
diligētia est
major dili-
gentiā ma-
trum in fi-
lios, aut
proborum
hominum
circa tem-
poralia.

probi ad æterna procuranda communiter adhibent. Verùm Celladeus hæc confundit, & quia excessum magnum ex ista parte latentem vidit, putavit curas ac diligentias istas esse incomparabiliter majores illis, quas mediocriter boni pro æternis acquirendis adhibent. Sed in omnibus fallitur.

66. Ad exemplum patris de filii sanitate solliciti, fateor nos aliquando doctoribus & opinionibus fidem dare in rebus ad animam spectantibus propter motivum minus illo, in quo sollicitudo paterna quiescit. Ratio est, quia sollicitudo paterna ob priora testimonia non quiescit, quia scit se posse habere certiorum informationem, eamque expectat, & propterea, donec ista venerit, non quiescit. Præterea finis, quem intendit, est sanitas filii, de qua certificari non potest, nisi per attestationem moraliter certam. Non ergo quiescit, donec talem informationem accipit. At nos opinioni Doctorum minus certæ oppositis de causis acquiescimus. In primis meliorem ac certorem sperare non possumus: à quo enim illam accipimus? Deinde si ne certiore illa cognitione finem nostrum adipiscimur, quia scimus talem persuasionem, utpote optimam quam habere possumus, sufficere ad peccatum arcendum, & honestè operandum, qui est finis, quem respicimus.

67. Et hoc quidem verum est, si sermo sit de opinione directâ, quam de rebus ipsis secundum se formamus; nam si loquamur de benignâ sententiâ, & de motivis, ob quæ judicamus talia, omnibus inspectis, esse licita, longè majus fundamentum habemus ad quiescendum in illa opinione, quam pater ille habet ob nuncium, in cujus verbo sollicitudo de filio quiescit. Et propterea ex concessis à Celladeo inferimus, nos in illa prudenter quiescere, & errorem, si quis irrepit, esse invincibilem. Verùm invincibilis etiam est error in primo casu, quia homo fecit optimum, quod potuit ac debuit, ut veritatem inveniret. Ergo cum ex motivo certò prudenti credit se eam invenisse, error, si fortè irrepsit, ei imputari non potest.

68. Ad ultimum, fateor diligentiam sufficientem adhibendam esse, nosque directè & absolute non posse certò determinare, quanam sit diligentia præcisè sufficiens ac necessaria, quia transitus à magno ad parvum non est certò discernibilis à nobis. Cæterum scimus, diligentiam necessariam non esse eximiam illam, quam Celladeus proponit, nec posse esse nisi mediocrem, cujus scilicet ferendæ communitas fidelium est capax. Posuimus autem regulas, ex quibus scire possumus, quæ sit quæ non sit sufficiens diligentia. Et quidem Suarez, expressè ait, regulas, quas offert, esse certas pro foro interno. Sed hoc Suarii dictum Celladeus omittit, quia contra ipsum facit: primum autem Suarii dictum, quod regula certa in materia præsentis sit sufficiens diligentia adhibita vel omissa, magnificè extollit, quia id sibi favere arbitratur. Verùm hoc est Lectori illudere; est enim solum apparenter stare auctoritati Suarii, quia est illam approbare, quando favet, & quando adversatur illam respuere. Si enim illi standum est, æquè in utroque standum est, cum in utroque casu dicat, rem esse certam. Demum diligentia, quam omnes, qui legem Dei servant, adhibent, non solum comparanda est cum illa boni Magistris, boni judicis, boni discipuli; sed absolute præferenda, quamvis in suo genere sit solum mediocris, ut satis constat ex dictis.

R. P. A. Tertio, Regula morum. Pars II.

69. Hactenus examinavi, quæ Celladeus de ignorantibus pertrahat lib. 1. part. 2. quæque ipse maxime fundamentalia habet, illisque errores, ac equivocationes in multis detexi. In reliquis, quæ veri speciem obtinent, ostendi ea benigne sententiæ non modò contraria non esse, sed in omnibus cum illa rectè coherere, eamque potius confirmare quam refellere. Spero autem fore, ut si reliqua secundæ partis hujus Auctoris ad manus alicujus Theologi cordati pervenerint, diligenter ea examinet, atque illa, si istis meliora non invenerit, solidè confutet; id enim bono publico, paciæque animarum maxime proficuum arbitror. Ego omnia quæ ad meas manus venerunt plenè examinavi, nisi fortè nonnulla, quæ ad intentum principale non faciebant, ut suis locis indicatum est. Eadem de causa omitto ea examinare, quæ habet quæst. 14. 15. & 16. hujus primi libri, quia ad quæsitum principale de licito probabilium usu non restringuntur, sed ad alias materias excurrunt.

70. Quæstione 14. proponit plura Auctorum placita circa res, quas homo invincibiliter ignorare potest; eoque collimat, ut ostendat hoc ex ipsis objectis, eorumque materia, siue facili siue difficili, determinari non posse. Qua in re ita se gerit, ut omnia incerta relinquat & dubia, inclinando semper ad rigorem, & contra communem hujus sæculi Auctorum opinionem contendendo, ignorantiam juris naturalis numquam esse invincibilem; juris autem divini positivi, aut semper aut ferè semper esse vincibilem. Inter cætera absurdum reputat, omnes ignorantias de illis objectis esse invincibiles, de quibus gravissimi Doctores discrepant. Sed aliud in contrarium non offert, quàm quòd sæpe ostenderit, talem auctoritatem ad invincibilitatem ignorantie non sufficere, alioquin quivis Doctor gravis esset certa & infallibilis regula non peccati: sed quàm inanis sit hæc ratio, quàmque ab omni veritatis specie aliena, fusè demonstratum est quæst. 14. ubi mirabile hoc ejus paradoxum funditus eversum est. Similiter ibidem ostendi, nullum privatum Auctorem esse infallibilem regulam non peccati, sed ad hoc multa præter illius auctoritatem requiri, quæ ibidem exposita sunt.

71. Cæterum nil clariùs videtur, quàm ea invincibiliter ignorari, circa quæ præstantissimi Ecclesiæ Doctores dissentiant, & post omnem diligentiam ac studium dissentire pergunt. Quomodo enim superari potest ea ignorantia, quam tanta scientia, tanta diligentia, studium tantum superare non potuit? Nec recurras ad emundandi conscientiam, Deumque orandi necessitatem, &c. ista enim haud dubiè plurimi illorum Auctorum præstiterunt in gradu longè excellentiori, quàm sub præceptum cadat. Hoc tamen non obstante, Sanctissimi quique doctissimi Auctores, Thomas, Bonaventura, Raymundus, Antoninus, aliique, de eisdem contradictoria docent. Ergo alterutri errant. Ergo vel peccant errando, vel invincibiliter errant. At dicere quòd in eo peccarint, ad quod tota Celladei disputatio collimare videtur, est adeo absurdum, ut à nemine tolerari possit. Ergo ignorantia in talibus, & universim in hinc inde certò probabilibus est invincibilis.

72. Et sanè nisi ita esset, nemo Theologiæ, nemo Jurisprudentiæ, nemo Medicinæ, aut aliis artibus ejusmodi, nisi stultè operam navare posset. Si enim post studium diuturnum ac diligens, immo post Sacramentorum frequentiam,

A 2 ac non

Disparitas prima inter casum nostrum & Celladei exemplum de patre respectu filii.

Disparitas 2.

Ultimæ instantiæ de mensura diligentie adhibendæ satisfuit.

Alius Celladei constans ostenditur inanis.

Luculærum ignorantie invincibilis indicium.

Celladei
sententia de
ignorantia
invincibili
Reipublica
perniciosa,
imo & Cel-
ladeo ipsi.

Differentia
Inter opi-
niones dire-
ctas & sen-
tentiam be-
nignam re-
flexam.

ac non exiguum Deum orandi colendique dili-
gentiam, omnis error esset vincibilis ac ad pec-
catum imputaretur, stultus esset, qui talibus
officiis ac studiis se occuparet. Nemo enim
esset, qui in multis non peccaret, cum nemo
non in multis à veritate aberraret. Nec opposi-
tum prudenter sperari posset. Quæ cum ita sint,
mirum est, quod Celladeus umquam ausus fue-
rit opus suum edere, cum in omnibus ferme
communes omnium opiniones impugnet, &
ex propriis principiis peccet si erret, quia vinci-
biliter errat. Sed viderit ipse, quomodo de hoc
Deo responsurus sit.

73. Quod si quis adhuc dubitet, an directæ
Doctorum dissentientium opiniones sint invinci-
biles, eò quod rem quasi dubiam relinquant, &c.
adhuc certè nulla esse poterit ratio existiman-
di, benignam sententiam reflexam, quæ obje-
cta illa hinc inde probabilia in ordine ad novas
circumstantias considerat, aut falsam esse, aut
errorem vincibilem continere. Inprimis veritas
ejus post omne studium, ab omnibus omnino
Ecclesiæ Doctoribus per integrum sæculum tra-
dita fuit. Nec de hoc ullum est dubium. Quin
& Celladeus hac ipsa *quest. 14. §. 2.* hæc habet.
*Professè in doctrina fidei ac morum fieri nequit, quod
Doctores omnes Ecclesiæ, etiam unius aetatis, er-
rent, & tanquam certam saltem tradant doctrinam
falsam.* Cum ergò constet, omnes Ecclesiæ
scriptores per integrum sæculum docuisse usum
etiam minùs probabilium esse licitum, & de
usu probabiliorum id à fortiori dixerint, immò
illud ut certum proposuerint (multi enim id
de æquè, ac minùs probabilibus tradiderunt,
dicentes rem esse certissimam) ex hoc ipso ve-
ritas talis sententiæ, ejusque invincibilitas tam
clare & efficaciter probatur, ut à nemine in du-

bium merito revocari possit. Jam quæcumque
Celladeus ponderat, quæcumque in toto ope-
re maximè efficacia putat, nil prorsus condu-
cunt ad ostendendum hanc sententiam falsam
esse, & multò minùs eandem, si in illa erremus,
esse vincibiliter erroneam.

Questione 15. quærit, an peccatum ignorantie
tollì possit, ipsa ignorantia non ablata. Statuit
autem cum communi opinione id posse simpli-
citer fieri, & nonnullos casus affert, in quibus
id certum esse videtur. Verùm meo judicio ni-
mis propendet ad partem arctiorem, quatenus
omnia in dubium revocare conatur; quasi verò,
nulla rationabilis regula statui posset, ad discer-
nendum, quando peccatum, manente igno-
rantia, tolli possit. Plura etiam congerit circa
obligationem Confessariorum & aliorum non
celandi veritatem, quando pœnitens versatur
in ignorantia sive vincibili sive invincibili legis.
Pauca ex omnibus, quæ affert, mihi videntur pro-
banda; ea tamen non examino, quia ad præsentem
controversiam propriè non spectant.

Demum *quest. 16.* contendit plurima dari
ignorantiæ peccata, idque non solum intra Pa-
ganos, Mahumeteranos, omnisque generis Hæ-
reticos, sed etiam inter Catholicos ipsos, de
quo dubium nullum est. Causas etiam enumerat,
propter quas ignorantia fieri voluntaria, & igno-
rantie peccatum incurri potest. Verùm in omni-
bus his multa habet, quæ limâ indigent, quam
ego tamen hîc versare nolo, ne extra controver-
siam, quam examinandam suscepi, excurram. Ita-
que nil superest, nisi ut ex ipsis Celladei principiis
ostendam, usum benignæ sententiæ esse licitum,
nosque in ea sectanda à peccato esse immunes.
Hoc autem per modum corollarii brevissimè præ-
stare conabor, & sic finem scribendi faciam.

Synopsis
sensus Cel-
ladei in
questione
15.

Synopsis
questionis
ipsius 16.

QUÆSTIO SEXAGESIMA- OCTAVA.

*Utrum ex ipsa Celladei doctrina veritas benigna sententia
efficaciter stabilietur?*

Intus Cel-
ladei cona-
tus ostendi-
tur.

1. **H**ACTENUS examinavi uni-
versa Celladei fundamenta *de re-
cta Doctrina morum*, in quibus
tam longè abest à confutatione
benignæ sententiæ, quàm propè
existimat se metam attigisse. Pluribus in locis
demonstrationes jactat; alibi argumenta sua tan-
quam insolubilia proponit; uno verbo, ubique
fermè triumphum canit. Sed ego, loco demon-
strationum, & argumentorum insolubilium, vix
aliud quàm contradictiones, aut æquivocationes,
vel argumenta de subjecto non supponente pro-
cedentia reperi, nec ullum librum Catholici scri-
ptoris unquam legi, in quo tam parum veritatis
inveni. Ex tota enim dictorum multitudine,
vix paucas propositiones fide dignas observavi.
Verùm illæ nostræ sententiæ non obsunt. In re-
liquis falsitatem detexi, & nî fallor, eam aliis

etiam conspiciendam proposui. Meum non est
hoc ex sensu meo exaggerare, sed merè propo-
nere; nam an verum dicam, impartialis Lectoris
judicio relinquo. Tantùm enim abest, ut
suis argumentis, undequaque congestis, beni-
gnam sententiam labefactaret, ut illam potius
plurimum illustraret, uti constat ex iis, quæ in
eiusdem stabilimentum partim ex eo, partim con-
tra illum protulimus. Itaque, ad complementum
operis mei, ac ad intentum meum undique ex-
plendum, aliud non superest, quàm ut veritatem
benignæ sententiæ ex ipsius etiam principiis ac
doctrinâ, directè, clarè, atque efficaciter, sed
breviter, atque per modum Corollarii convin-
cam, eò quod similia in anterioribus fusiùs dicta
sint. Hoc ubi hâc finali quæstione præstitero,
finem scribendi faciam. Sit ergò

ASSER-

ASSERTIO UNICA.

Primaria Celladei doctrina, ad quam reliqua omnia referuntur, aperte convincit, universalem omnium practicè probabilitum usum esse licitum.

2. **P**ROBATUR. Primaria Celladei doctrina, toto hoc opere tradita in eo sita est, quod opinio verè probabilis, sive sit intrinsecè probabilis sive extrinsecè, ad conscientiam ritè formandam sufficiat, saltem si accipiatur cum onere, scilicet ut quando aliquid in contrarium assertur, diligenter inspiciamus, an exceptio illa meritò locum habeat. Si habeat, pars tutior tenenda est: si non habeat, licitum est formare conscientiam secundum opinionem illam probabilem, atque secundum eam operari. In hoc enim casu vel errat, vel non errat intellectus: si erret, errat invincibiliter, & homo ab omni peccato excusatur: si non erret, non solum à peccato liberatur, sed etiam honestè operatur. Hæc est regula morum, quam proponit, immò hæc est doctrina, quam rectam doctrinam morum Celladeus nominat, & ad quam stabilendam opus totum direxit. Ex hac illius doctrina fundamentali sic discuro.

3. Qui sequitur opinionem extrinsecè probabilem, atque secundum illam format conscientiam, non peccat, secundum Celladeum, saltem si subeat onus, quod ipse requirit. Sed sententia benigna est opinio extrinsecè probabilis. Ergo qui sequitur benignam sententiam, & secundum illam conscientiam format, non peccat, saltem si onus à Celladeo propositum subeat. Major est primaria ejus doctrina. Minor est indubitata, quia omnis opinio, quæ nititur auctoritate plerumque non fallente, est probabilis extrinsecè, ut ipse, & omnes docent; hæc enim est definitio probabilitatis extrinsecæ, ut pater. Sed benigna sententia nititur auctoritate plerumque non fallente. Omnes enim omnino, solo Celladeo excepto, in eo conveniunt, quod licitum sit sequi opinionem probabiliorum, ut vidimus. Quod autem pertinet ad opinionem directè loquendo solum æquè aut minis probabilem, omnes Ecclesiæ Doctores per integrum sæculum expressè docuerunt, usum illius esse licitum, & omnes adhuc, pauculis demptis, etiam post præsentem controversiam exortam & continuatam, id ipsum tradunt. Et quidem tam doctrina & probitas, quam numerus Auctorum benignæ sententiæ longissimo intervallo superat quidquid auctoritatis hæctenus pro sententia rigida afferri potuit, ut fusè demonstratum est *quæst. 22. de Conscientia probabilis*. At clarum est auctoritatem talem plerumque non errare, quia unanimis, aut certè communissima omnium fermè ac omnium omnino præstantissimorum Auctorum auctoritas plerumque non errat. Ergo benigna sententia nititur auctoritate plerumque non errante. Ergo est probabilis extrinsecè. Ergo qui sequitur illam, atque juxta illam format conscientiam, non peccat; saltem si subeat onus, quod Celladeus requirit. Sed nos hoc onus subivimus. Omnia enim olim contra eam proposita, in tractatu *de Conscientia probabilis* examinavi, & quæ est Dei providentia atque veritatis conditio, ea non solum non expugnare, sed potius confirmare benignam sententiam reperi, ut ex toto illo tracta-

tu constat. Postea Celladeus integro volumine, rationibus undecunque magnâ ingenii vi repertis ac congestis, contra benignam sententiam insurrexit. Periculum deceptionis & erroris inculcavit; nil tutum fore, nisi rationes ipsius prius examinarentur & insufficientes invenirentur, non tam edixit, quam comminatus est. Hòc opus totum evolvimus, nil momenti aut dignæ exceptionis in eo invenimus, sed plura notavimus, ex quibus benigna sententia multò fortius stabilitur, quam impugnatur. Rationes ipsius invalidas, nostrorum argumentorum impugnationes nullas esse comperimus. Ergo onus ab ipso requisitum subivimus, & post omnia examinata veritatem benignæ sententiæ fixam & inconcussam esse perspeximus, idemque omnibus conspiciendum proposuimus. Ergo si benignam sententiam sequamur, & juxta eam conscientiam formemus, ex ipsa Celladei doctrina perspicuè tuti sumus, & ab omni imputabilis peccati periculo immunes.

4. Idipsum aliter etiam probatur de singulis particularibus hominibus, maxime de rudibus, qui eorum directionem sequuntur, quos sibi propositos habent, & contra quorum sufficientiam non habent exceptionem rationabilem. Sic enim arguo. Qui sequitur auctoritatem plerumque non fallentem non peccat: sed rusticus, sequens Parochi seu Præpositi sui resolutionem, sequitur auctoritatem plerumque non errantem; constat enim tales homines plerumque non errare. Ergo rusticus sequens resolutionem sui Parochi non peccat. Idem valet respectu omnium qui aliorum auctoritate gubernantur; illi enim sequuntur regulam plerumque non errantem, maxime si contra sufficientiam sui Præpositi rationabilem exceptionem non habeant. Ergo rustici sunt ex principiis Celladei, qui tamen toto opere ita loquuntur, ac si minimè tuti essent.

5. Jam verò quod attinet ad onus ab ipso præsentum, illud locum non habet respectu idiotarum & rudium, quia ipsorum non est discernere, utrum Parochus hic & nunc erret, vel non erret; non enim capaces sunt ad hoc præstandum, quique hoc ab illis requirit, impossibile exigit. Præterea, Celladeo satente, sufficiens diligentia adhibita ab eo, qui capax est, eum excusat. Ergo impossibilitas rem examinandi rusticum excusat, quia uterque ex æquò fecit quod potuit ac debuit. Ergo uterque ex doctrina Celladei excusatur. Itaque si Parochus teneat benignam sententiam, atque ex illa suum populum dirigat, per hoc ipsum locus datur usui benignæ sententiæ in tota sua latitudine, idque absque peccato, aut peccati imputabilis periculo.

6. Atque hinc iterum à potiori benigna sententia confirmatur; quia si auctoritas Parochi aut cujusvis Præpositi sufficiat subditis ad conscientiam ritè formandam, quando nulla rationabilis exceptio contra illorum dicta apparet; quomodo Auctoritas benignæ sententiæ, id est, Auctoritas & unanimis consensus omnium fermè Auctorum ad conscientiam debitè formandam non sufficiet? Profectò talis Auctoritas rarè aut nunquam errat, maxime in rebus ad jus naturæ pertinentibus, qualis est præfens quæstio reflexa. Ergo tutò stamus tantæ Auctoritati, maxime postquam examinavimus omnes exceptiones in contrarium, easque invenimus esse prorsus insufficientes & nullas. Ergo usus benignæ sententiæ licitus est juxta doctrinam Celladei. En

Onus quod Celladeus proponit, cum non habet in quibus.

Auctoritas favens benignæ sententiæ convincit ejus usum esse licitum.

278 *Virum doctrina Celladei probet usum probabilium esse licitum?*

dei. Ex quo iterum constat, eum in toto tractatu inconsequenter fuisse locutum, atque in ordine ad finem à se intentum frustra laborasse.

Celladeus in ordine ad finem à se intentum frustra laboravit. Sed non frustra pro benigna sententia.

7. In ordine, inquam, ad finem à se intentum, quia in illud potissime collimabat, ut usum probabilium convinceret esse licitum. At hoc non obtinuit, sed oppositum ex primaria & primo intenta ipsius doctrina efficaciter stabilitur. Ergo in ordine ad hoc frustra laboravit. Sed in ordine ad stabiliendam benignam sententiam labor ejus valde utilis extitit, quia veritatem illius, occasione impugnationis vehementissimæ, per accidens illustriorem reddidit, eò quòd autam præbuerit profundius examinandi principia quibus nititur, ex quorum inspectione & veritas ipsius, & nullitas eorum, quæ contra illam objecta sunt, clariùs quàm antè patuerunt.


Rogatur Celladeus ut impugnationem sui libri æqui consulat.

8. Itaque ex hoc capite gratias tibi agimus, Celladee, Teque hac occasione rogo, ut impugnationem hanc æqui bonique consulas, nec ægrè teras, me contra Te scripsisse: hoc enim feci, tum ut communem omnium Auctorum, quos grandis periculi reos fecisti, causam agerem, illosque ab accusationibus tuis vindicarem; tum ut materiam hanc priùs à me vulgatam hæc secundà descriptione perficerem, atque doctrinam ibi traditam ab iis, quæ Tu & quidam alius Theologus in eam objecistis, defenderem. Hoc autem me solatur, quòd sciam, me cum Theologo ingenioso ac docto congressum habuisse, qui proinde meritò præsumi potest impugnationem haud ægrè laturus, cum sit conscius, se complures, atque omnes ferme Ecclesiæ Theologos integro volumine impugnasse. Proposui, Celladee, contra te, quæ mihi in libro tuo visa sunt noià ac correctione digna; & metuo, ne plura in opus

hoc meum, à Te & fortasse ab aliis etiam haud probanda sed noranda, congefferim. De illis non solum patienter, sed, Deo dante, libenter à Te, & à quovis me admoneri patiar. Homo sum, nil humanum à me alienum puto. Si ergò quidquam consonè ad pietatem, ad fidem orthodoxam, ad bonos mores ad rationem rectam, à me dictum fuerit, id totum Deo, ejusque gratiæ ascribo. Si verò in aliquo, sive in paucis sive in multis, ab istis deflexi, si alicubi erravi, id totum mihi, ac imperfectioni meæ ascribo: nec ascribo tantum, sed totum id, & omnia opera mea tam scripta, quàm scribenda, sapientium correctioni, sed, ante omnia, Sacrosanctæ Romanæ Ecclesiæ, Summi Pastoris, eorumque, quos ipse ad talia deputavit, censuræ ex animo submitto; tibi que etiam Celladee, ex sincerissimo affectu valedico: sed hoc Te admoneo, ut seridè cogites, quàm periculosum sit in rebus moralibus à communi sapientium, imo Auctorum omnium aut fere omnium opinione recedere. Dolendum sanè est, Te; in rebus tam periculosis, eximia talenta tua, doctrinam, eruditionem, subtilitatem; vivacis ingenii eloquentiam impendisse. Cogita quantum utilitatis Ecclesiæ, quantum commodi proximo, quantum etiam gloriæ Tibi ipsi pareres, si calamum & industriam ad communes morum ac fidei opiniones elucidandas addiceres. Hoc mihi semper hæret in corde, tritam Catholicorum Doctorum viam, communesque & unanimes Doctorum, tam in materia fidei quàm morum, opiniones esse tutissimas. Ergò has sequamur ad bonum proximi, sed potissime ad laudem Summi Dei, cujus honori omnes meos labores omnemque industriam devotissimo affectu dedico.

AD MAIOREM DEI GLORIAM.

F I N I S.



INDEX

INDEX

RERUM MEMORABILIVM,

QVÆ IN VTRAQVE

HUJUS OPERIS PARTE

CONTINENTUR.

A.

ABSOLUTIO.



INGENS differentia inter forum internum & externum in ordine ad Absolutionem. Parte II. pag. [241](#). nu. [56](#).

Dispar ratio de educatis in hæresi ac de Catholicis lapsis quoad Absolutionem ab hæresi. Parte II. pag. [242](#). nu. [58](#).

ACADEMICI.

Quale sit Academicorum probabile. Parte I. pag. [224](#). nu. [5](#). & seq. per multa.

Academicorum Doctrina turpissima scelera honestat. Parte I. pag. [226](#). nu. [16](#). & seq.

Comparatio benignæ sententiæ cum Academicis est absurda. Parte I. pag. [226](#). nu. [19](#). & seq.

Celladei objectio ex S. Augustino de Probabili Academicorum solvitur. Parte I. pag. [229](#). nu. [28](#). & seq.

Academici toto coelo à nobis discrepant. Parte I. pag. [81](#). nu. [10](#). & seq.

ACTUS.

Quomodò bonitas & malitia Actuum subindè conciliantur cum aliquali necessitate. Parte II. pag. [261](#). nu. [8](#).

Necessitas quædam consequens non obest moralitati Actuum. Parte II. pag. [261](#). nu. [11](#).

ADVERTENTIA & INADVERTENTIA.

An peccare possit homo, quin se peccare advertat. Parte II. pag. [219](#). num. [1](#). & seq. per multa.

Aliqua mali Advertentia ad omne peccatum requiritur. Parte II. pag. [219](#). nu. [2](#).

Inadvertentia Legis omninò involuntaria excusat operantem contra Legem: secùs si voluntaria. Parte II. pag. [220](#). nu. [4](#).

Nullum peccatum grave sine prævia aliquali advertentia, vel periculi vel malitiæ. Parte II. pag. [220](#). nu. [6](#). & seq. per multa.

Quomodo dignoscendum an opus inadvertenter factum sit peccatum. Parte II. pag. [228](#). num. [19](#).

Qua certitudine constat inadvertentiam esse involuntariam, eadem constat actionem prædictam non esse peccatum. Parte II. pag. [224](#). num. [23](#).

Rarissimè committitur homicidium sine aliqua advertentia ad malitiam peccati. Parte II. pag. [227](#). nu. [46](#).

Peccata ex consuetudine orta sunt quidem subindè sine remorsu, sed non sine advertentiâ. Parte II. pag. [227](#). nu. [48](#).

Quando inconsideratio impedit malitiam, & quando non. Parte II. pag. [229](#). nu. [61](#).

Ad quid obliget Lex præcipiens attentionem, & quomodò violatur. Parte II. pag. [229](#). nu. [62](#).

ÆQUITAS.

Æquitas cerebrina quid significet. Parte II. pag. [189](#). num. [30](#).

ALEXANDER VII.

Quomodo injunxit Generali Prædicatorum ut laxitatem in materia morum exterminaret. Parte I. pag. [98](#). num. [22](#). & seq.

APPARENTIA.

Multa discutiuntur de apparentia veri & probabilis. Parte I. pag. [252](#). num. [1](#). & seq. per multa.

Apparentia alia fallibilis alia infallibilis. Parte I. pag. [331](#). num. [65](#).

APPETITUS.

Multa discutiuntur de appetitu recto. Parte II. pag. [30](#). nu. [35](#). & seq.

ARGUMENTUM.

Argumentum reflexum quo sæpe utimur quid sit? Parte I. pag. [48](#). nu. [179](#). & [180](#).

Argumenta negativa habent positivam vim movendi non minorem quàm argumenta positiva. Parte I. pag. [248](#). nu. [8](#). & seq.

Unde dicatur argumentum grave respectu hominis. Parte I. pag. [255](#). nu. [14](#).

ARISTOTELES.

In quo sensu Aristoteles dicit opinari non esse in potestate nostra. Parte I. pag. [277](#). nu. [19](#).

S. AUGUSTINUS.

S. Augustinus docet praxim contradictoriarum opinionum esse licitam, prout quisque suam conscientiam format. Parte II. pag. [131](#). n. [30](#). & [31](#).

AUTOR,

INDEX

AUTOR, AUTORITAS.

Multa discutuntur de auctoritate quoad probabilitatem extrinsecam. Parte **L** pag. 332. nu. 1. & seq. per multa.
Unde innotescat quod auctoritas plerumque nec fallatur nec fallat. Parte **L** pag. 333. nu. 2. & seq.
Auctoris mens in opere suscepto. Parte **L** pag. 5. nu. 19.
Ejus censura de Celladei libro. Parte **L** pag. 7. num. 19. & 30.
Auctoris methodus. Parte **L** pag. 7. num. 31. & seq.
Numerus Auctorum utrique contradictionis parti faventium probat utramque esse simul probabilem. Parte **L** pag. 357. nu. 27.

B.

BELLUM.

AN benigna sententia justum reddat omne bellum. Parte **L** pag. 192. nu. 39. & seq.
Tria ad bellum licite gerendum maxime necessaria. Parte **L** pag. 193. nu. 39. & seq.
Quid præstandum ut Princeps sit tutus in bello licite gerendo. Parte **L** pag. 194. nu. 44.
Multa discutuntur de iustitia belli rationis. Parte **L** pag. 198. nu. 7. & seq.

BONUM.

Sunt aliqua bona invariabiliter talia. Parte **II** pag. 36. nu. 61.

BULLA.

Quomodo bullæ doctrinales obligant. Parte **I** pag. 146. nu. 33.

C.

CÆCITAS.

QUANDO cæcitas sit peccatum. Parte **II** pag. 258. nu. 50. & seq.

CARAMUEL.

Caramuel defenditur. Parte **L** pag. 51. nu. 188.

CASUS *vide* SUMMISTÆ.

Summæ Casuum utiles sunt & necessariæ ad Confessarios dirigendos. Parte **L** pag. 124. nu. 10. Item. Parte **L** pag. 164. nu. 8. & seq.
Item. Parte **I** pag. 165. nu. 1. & seq.
Casuum Collectores defenduntur. Parte **II** pag. 63. nu. 1. & seq. per multa.
Qui casuum Collectores culpandi. Parte **II** pag. 66. nu. 14. & seq.
An resolvens Casum induat personam Legislatoris. Parte **II** pag. 186. nu. 18.
Quæ reddunt casuum resolutionem difficilem. Parte **II** pag. 186. nu. 19. & seq.

CELLADEUS.

Quando librum suum edidit. Parte **L** pag. 5. num. 20.
In quibus laudandus, & in quibus vituperandus. Parte **L** pag. 6. nu. 11.
Sæpius mutavit sententiam. Parte **L** pag. 6. num. 22.
Ejus singularis opinio explicatur. Parte **L** pag. 6. nu. 23. & 24.
Eiusdem Regula incongrua. Parte **L** pag. 7. nu. 25. & seq.
Eiusdem Methodus. Parte **L** pag. 7. nu. 31.
Errat in intelligendo Sancto Thoma. Parte **L** pag. 56. nu. 6. & seq.
Refutatur à SS. Patribus. Parte **L** pag. 59. nu. 20. & seq.
Omnes Theologi ei contrariantur. Parte **L** pag. 63. nu. 32.
Non imitatur S. Thomam quem sequi prætendit. Parte **L** pag. 67. nu. 50.
Minus fidelis est in referenda notione opinionis probabilis. Parte **L** pag. 79. nu. 2.
Alii ejus errores. Parte **L** pag. 80. à num. 4. ad 11.
An merito deseruerit sententiam benignam. Parte **L** pag. 82. nu. 1. & pag. 85. nu. 15.
Nec S. Script. nec S. August. ei favet. Parte **L** pag. 82. nu. 2. & seq.
Immerito queritur se aliosque fuisse rejectos. Parte **L** pag. 91. nu. 28.
Ejus doctrina non caret periculo incurrendi censuram ab Alexandro VII. interminatam. Parte **L** pag. 95. nu. 14.
Celladeus in multis reprehendendus. Parte **L** pag. 113. nu. 57.
Incredibile Celladei paradoxum refutatur. Parte **L** pag. 115. nu. 68. & seq.
Nonnulla Celladei dicta redarguuntur. Parte **L** pag. 120. nu. 93. & seq.
Rigida Celladei opinio eo nomine refellitur quòd sit nova & contra omnes. Parte **L** pag. 130. nu. 2.
Solvuntur Ob. Parte **L** pag. 130. nu. 11. & seq.
Aliæ Objectiones & Paradoxa Celladei solvuntur. Parte **L** pag. 142. nu. 36. & seq.
Celladeus reprehendendus quòd interposito jure jurando sententiam benignam rejecerit. Parte **L** pag. 228. nu. 23. & seq.
Gloriosa Celladei argumenta contententia usum opinionum probabilium non esse licitum sunt meræ æquivocationes. Parte **L** pag. 238. nu. 21.
Celladeus inconsequenter agit rejiciendo usum opinionis probabilis, eò quòd probabile dari possit contra certum. Parte **L** pag. 241. nu. 35.
Celladeus æquivocare lectorique illudere ostenditur. Parte **L** pag. 249. nu. 14.
Solvuntur objectiones quas Celladeus demonstrativas reputat. Parte **L** pag. 264. nu. 61. & seq.
Celladeus re ipsa non discrepat à benigna sententia. Parte **II** pag. 8. nu. 31. & 32.
Doctrina Celladei si esset vera mundum scrupulis impleteret, & onus hominibus intolerabile imponeret. Parte **II** pag. 18. nu. 41. & seq.
Paritas inter falsas Catholicorum opiniones & hæreses à Celladeo adducta est absurda. Parte **II** pag. 45. nu. 2.
Celladeus in regula Conscientiæ assignanda solus est contra omnes. Parte **II** pag. 111. nu. 14.
Celladei

R E R V M.

Celladei fundamenta circa obligationem sequendi semper tutius in omni dubio solvuntur. Parte II. pag. 149. nu. 53. & seq.

Celladei de voluntate peccatorum ignorantie doctrina proponitur, & ubi errat refutatur. Parte II. pag. 247. nu. 1. & seq. per multa.

Primaria Celladei doctrina, ad quam reliqua omnia referuntur, aperte convincit universalem omnium practice probabilium usum esse licitum. Parte II. pag. 277. nu. 1. & seq.

C E R T I T U D O.

An & quando carentia certitudinis reddat operationem vituperabilem. Parte II. pag. 22. n. 58.

Major certitudo reflexa unde oritur. Parte II. pag. 40. nu. 8.

Certitudo humana quid importet. Parte II. pag. 73. nu. 23.

C E R T U M.

Non omne quod apparet non posse aliter se habere apparet esse certum. Parte I. pag. 326. n. 39.

Nec vera, nec apparens certitudo sumitur ab objecto quod apparet. Parte I. pag. 326. nu. 40.

C H A R I T A S.

Charitas aliquando postulat opus malum, invincibiliter creditum bonum, à nobis poni. Parte II. pag. 31. nu. 36.

Charitas nullam habet repugnantiam cum errore invincibili. Parte II. pag. 33. nu. 45.

C O G N I T I O.

Opus à cognitione certa regulatum præstat operi à cognitione incerta regulato. Parte I. pag. 77. nu. 2.

Solvuntur Ob. Parte I. pag. 77. nu. 4. & seq.

Opus ab errore invincibili ortum est tam bonum, quam opus à cognitione probabili vera regulatum. Parte I. pag. 78. nu. 8.

Aliquando opus ex errore est æquale bonum ac opus ex cognitione vera. Parte I. pag. 142. nu. 34.

Aliquæ cognitiones falsæ sunt simpliciter meliores aliquibus veris. Parte I. pag. 233. nu. 45. & 46.

CONCILIUM BASILEENSE.

Oratio in Concilio Basileensi non faveat Celladeo. Parte II. pag. 216. nu. 25. & pag. 218. nu. 35.

C O N F E S S A R I U S.

Confessarius licet absolvit contra propriam opinionem. Parte I. pag. 30. nu. 89.

Solvuntur Objectiones contra doctrinam præcedentem. Parte I. pag. 30. n. 90. & 91.

Confessario docenti probabiliter esse honesta licet obedire. Parte I. pag. 37. nu. 122.

Confessarius aliquando non tenetur instruere privatum. Parte I. pag. 147. nu. 59.

Confessario licitum est absolvere poenitentem contra propriam opinionem. Parte II. pag. 89. nu. 1. & seq.

Solvuntur Objectiones. Parte II. pag. 91. n. 10. & seq. per multa. Item pag. 98. nu. 34. & seq.

Confessarius sapius non potest obligare poenitentem. P. A. Terilli regula morum. Pars II.

tentem ad sequendam suam opinionem. Parte II. pag. 92. nu. 12.

Confessarius non mentitur quando contra suam opinionem dicit poenitentem non obligari. Parte II. pag. 94. nu. 19.

Scire debet iudicio poenitentis circa factum non circa jus. Parte II. pag. 94. nu. 20.

Scientia est necessaria Confessario quamvis sapius debeat sequi opinionem poenitentis. Parte II. pag. 96. nu. 29.

Quid agere debeat in favorem partis quam poenitens gravat. Parte II. pag. 97. nu. 31.

In quo credere debeat poenitenti. Parte II. pag. 99. n. 36.

Quid agendum Confessario scienti poenitentem errare. Parte II. pag. 99. nu. 38.

An & quando Confessarius teneatur sequi opinionem poenitentis. Parte I. pag. 100. n. 40.

Peccaret aliquando Confessarius qui cogeret poenitentem ad sequendam suam opinionem. Parte II. pag. 103. nu. 53.

Confessarii est petere à poenitente an putaverit se peccare. Parte II. pag. 215. nu. 19. Item pag. 225. nu. 33. & 34.

C O N F E S S I O.

Periculum audiendi Confessiones Principum unde dependeat? Parte II. pag. 97. nu. 33.

C O N S C I E N T I A.

Ex conscientia invincibiliter erronea surgit conscientia recta & vera. Parte I. pag. 73. nu. 69.

Conscientia exacte dividitur. Parte I. pag. 74. nu. 77.

In quo consistat ethica Conscientiæ rectitudo. Parte I. pag. 73. nu. 71.

Sæpe Conscientia vera non est recta. Parte I. pag. 74. num. 74.

Sæpe tenemur deponere conscientiam rectam. Parte I. pag. 74. nu. 78.

Celladei error circa hoc. ibid. & nu. 75.

Ratio falsa sæpe infert Conscientiam rectam; contra Celladeum. Parte I. pag. 75. nu. 79.

Solvuntur Objectiones. Parte I. pag. 75. nu. 80. & seq.

Conformitas cum appetitu recto est potissimum prædicatum Conscientiæ rectæ. Parte I. pag. 75. nu. 82.

Unde Conscientia invincibiliter errans dicatur recta. Parte I. pag. 75. nu. 83.

Quomodo Conscientia vera & erronea differunt ex parte objecti. Parte I. pag. 75. nu. 84.

Hæc ætate plures nimis constrinxere conscientias. Parte I. pag. 100. nu. 27.

Conscientia invincibiliter erronea est regula operationis humanæ. Parte I. pag. 305. nu. 2.

Ratio & Conscientia in quo differunt juxta Celladeum. Parte I. pag. 307. nu. 13.

Doctrina Celladei de sufficienti Conscientiæ regula insufficienter ab illo traditur. Parte II. pag. 9. nu. 34.

Qui bonâ fide sequitur dictamen Conscientiæ non peccat præcisè ratione illius. Parte II. pag. 18. nu. 17.

Rationabiliter formatur conscientia ab exemplo proborum. Parte II. pag. 48. nu. 21. & seq. per multa.

Nemo formare potest conscientiam circa partem minus tutam, si reprobis rationes utriusque partis esse æquales. Parte II. pag. 125. nu. 3.

B b

INDEX

An dubia conscientiz solvantur per non-inventionem veritatis. Parte II. pag. 135. nu. 1. & seq.

An & quando probabilis correctio Legis sit sufficiens regula Conscientiz. Parte II. pag. 197. nu. 32.

CONSILIUM.

Qui sequitur consilium cui prudenter assentitur non peccat. Parte II. pag. 15. nu. 24.

CONTRADICTION.

Nulla in eo contradictio quod utraque pars contradictionis sit tuta. Parte I. pag. 172. nu. 6. & 20.

Aliquando utraque pars contradictionis est certò licita quoad usum; aliquando oppositum est certum. Parte I. pag. 202. nu. 24. & seq. per multa.

An utraque pars contradictionis esse possit probabilis. Parte I. pag. 252. nu. 1. & seq. per multa.

Quomodò utraque pars contradictionis esse possit simul probabilis. Parte I. pag. 255. nu. 16. 17. & seq. per multa. Item pag. 260. nu. 39.

Solvuntur Objectiones. Parte I. pag. 258. nu. 29. & seq. Item pag. 262. nu. 55. & seq. Item Solvuntur Objectiones, quas Celladeus demonstrativas reputat. Parte I. pag. 264. nu. 61. & seq. Item nu. 86. & seq. Item nu. 95. & seq.

CONTRORSIA.

Controversia presentis status. Parte I. pag. 1. nu. 1.

Ejusdem emolumentum & necessitas. Parte I. pag. 5. nu. 17. & 18.

CREATURA RATIONALIS.

Finis primarius creaturæ rationalis benè operantis quisnam sit. Parte I. pag. 172. nu. 4.

CURIOSITAS.

Vitium curiositatis in rebus sciendis quando nam interveniat. Parte II. pag. 199. nu. 3.

D.

DEUS.

MA 2A invincibiliter credita bona sunt à Deo auctore. Parte I. pag. 72. nu. 65.

An Deus laudabiliter colipossit aliqua religione falsa. Parte I. pag. 126. nu. 9. & seq.

DICTAMEN.

Ex quibus principiis dictamen reflexum certum ac evidens formatur. Parte II. pag. 11. nu. 7.

DISPENSATIO.

An sit beneficium. Parte I. pag. 114. n. 65. & seq.

DOCTOR.

Rectè creditur resolutioni Doctorum, quamvis illi aliquando fallantur. Parte II. pag. 3. n. 7.

DOCTRINA.

Doctrina falsa non est propriè loquendo sana. Parte I. pag. 182. nu. 20. & seq.

Multa discutiuntur de doctrina sana. Parte I. pag. 272. nu. 95. & seq.

Multa doctrina sunt inevidentes, independenter à bonis moribus utentium illis. Parte II. pag. 16. nu. 33.

DUBITARE, DUBIUM &c.

Quid sit dubitatio, & quid sit Dubium? Parte II. pag. 112. nu. 2. & seq.

Solvuntur Objectiones. Parte II. pag. 114. nu. 12. & seq.

Quid sit dubium, si sumatur pro objecto. Parte II. pag. 117. nu. 26.

Omnia incerta vocantur dubia, sed minùs propriè. Parte II. pag. 118. nu. 33.

Valdè sapientes & valdè insipientes rarò dubitant. Parte II. pag. 118. nu. 32.

An liberum sit nobis dubitare? Parte II. pag. 119. nu. 1. & seq.

Solæ rationes dubitandi sæpè sufficiunt ad dubium deponendum. Parte II. pag. 121. nu. 2. & seq.

Solvuntur Objectiones. Parte II. pag. 121. nu. 12. & seq.

Quomodò æqualitas rationum & Auctoritatum dubitationem causant. Parte II. pag. 125. nu. 1. & seq.

Solvuntur Objectiones. Parte II. pag. 126. nu. 6. & seq. per multa.

Dubium practicum quid? Parte II. pag. 138. nu. 2.

Operans in dubio non peccat ob violationem Legis dubiæ sed certæ. Parte II. pag. 139. nu. 8.

Periculum quod imminet in dubio non imminet quando quis deposito dubio sequitur sententiam benignam. Parte II. pag. 140. nu. 12.

Dubia variè sumuntur. Parte II. pag. 143. nu. 27.

Qui universaliter liberat à lege, aut universaliter onerat in casu dubii, vel certò addit legi divinæ, vel certò illam diminuit. Parte II. pag. 143. nu. 26. & 30.

Solvuntur Objectiones. Parte II. pag. 144. nu. 31. & seq.

Innumera dubia circa omne genus legum post omnem diligentiam insuperabiliter latent. Parte II. pag. 148. nu. 52.

Quod reo sit favendum in dubio est jus certum ac universale, quod obligationem secum affect. Parte II. pag. 153. nu. 71.

Universaliter non est tutius interpretari dubium in meliorem partem. Parte II. pag. 164. nu. 20.

In dubio Juris non tenemur ad tutius, licet aliquando teneamur in dubio facti. Parte II. pag. 166. nu. 30.

Sensus regulæ: *Dubia in meliorem partem sunt interpretanda.* Parte II. pag. 167. nu. 36. & seq.

Utrùm & cur in dubio sit melior conditio possidentis. Parte II. pag. 169. n. 1. & seq. per multa.

An & quomodò difficultas servandi legem reddat partem minùs tutam nobis licitam in dubio, Pars II. pag. 183. nu. 1. & seq. per multa.

R E R V M.

E.

ECCLESIA.

QUANTUM an absolutio Ecclesie probet, quod homines errore circa fidem laborantes, in ipso peccent, & excommunicationem incurrant. Parte II. pag. 241, nu. 51, & seq.

Quo sensu praxis Ecclesie sit argumentum infallibile moralitatis. Parte II. pag. 242, nu. 55.

EPIIKIA.

Epiikia quid sit. Parte II. pag. 190, nu. 2.

An & quomodo leges divinae & humanae capaces sint Epiikiz. Parte II. pag. 191, nu. 5, & 6, per multa.

Correctio legis exorbitantis semper est Epiikia. Parte II. pag. 193, nu. 12.

Epiikia propria semper est necessaria ad prudenter operandum quando lex exorbitat. Parte II. pag. 194, nu. 18.

Epiikia triplex est. Parte II. pag. 194, nu. 17.

Quando superior consuli potest non est locus Epiikiz pro Conscientie regula. Parte II. pag. 197, nu. 33.

ERROR, vide IGNORANTIA.

Error directus saepe fundat Conscientiam reflexam veram & rectam. Parte I. pag. 60, n. 21.

Error est semper malum intellectus non semper infert malum voluntatis. Parte I. pag. 71, nu. 62.

Erroris definitio. Parte II. pag. 199, nu. 4.

Omnes Doctores peccarent si error probabilis esset peccatum. Parte II. pag. 212, nu. 9.

Error probabilis non meretur prohiberi. Parte II. pag. 212, nu. 11.

Error licet invincibilis saepe multum obest, Parte II. pag. 239, nu. 39.

ESPARZA.

Esparza libri de opinione probabilis encomium. Parte I. pag. 85, nu. 16.

EXCOMMUNICATIO.

Diversimodè ferri solent excommunicationes, Parte II. pag. 242, nu. 54.

E X E M P L U M.

An & quando liceat operari propter aliorum exempla. Parte II. pag. 48, nu. 21, & seq. per multa.

F.

FIDES.

A Ne ad demonstratio sectandi probabilis in materia morum ac in materia fidei. Parte I. pag. 124, nu. 1, & seq.

Solvuntur Objectiones. Parte I. pag. 135, nu. 7, & seq.

In materia fidei licet sequi quamcumque opinionem probabilem, Ibid.

R. P. A. Terilli Regula Morum. PARS II.

Materia fidei est in triplici differentia. Parte I. pag. 127, nu. 13.

Paritas inter materiam fidei & morum declaratur. Parte I. pag. 128, nu. 15.

Quid requiritur ut quis sit fide dignus. Parte I. pag. 260, nu. 37.

Quomodò fides & opinio sunt liberae. Parte I. pag. 292, nu. 4, & seq.

Solvuntur objectiones, Parte I. pag. 295, nu. 20, & seq.

Opinio Sancti Thomae de libertate fidei. Parte I. pag. 293, nu. 12.

FILIUS.

Filius unde certò scit se non peccare obediendo patri putato & non aliis, Parte II. pag. 11, nu. 7.

G.

GENTILES.

Quo pacto peccent Gentiles ignari differentiae inter mortale & veniale, Parte II. pag. 231, nu. 71.

GUIMENEUS.

Amadzi Guimenei liber à facultate Parisiensi censuratur, & quo eventu, Parte I. pag. 96, nu. 17, & 19.

H.

HÆRESIS.

MULTIS nominibus vigilandum Pastoribus Ecclesie contra hæreses, Parte II. pag. 239, nu. 40.

Vix ulla hæresis primaria quin impeerit in articulum necessitate medii omnibus credendum, Parte II. pag. 239, nu. 41.

Hæresis Hæresiarchæ ipsi non est probabilis, Parte II. pag. 240, nu. 47.

HÆRETICUS.

Hæretici ferè ex æquo legem augent ac minuent, Parte II. pag. 147, nu. 46.

Ab illis ab initio Ecclesie plus erratum per excessum rigoris quàm per defectum, Ibid.

Multi hæretici in sua hæresi non peccant, Parte II. pag. 243, nu. 59, & seq.

L.

IDIOTA.

IDIOTA saepe excusantur etsi director munere suo non fungatur. Parte I. pag. 133, num. 8.

IGNORANTIA, vide ERROR.

Aliud operari cum, aliud ex ignorantia invincibili. Parte I. pag. 44, num. 155.

Ignorantia quid sit. Parte II. pag. 198, nu. 2.

Ignorantia & error in necessariis est maximum, in consiliis est magnum malum. Parte II. pag. 199, nu. 5, 6, & 7.

Bb 2

Multo-

INDEX

Multorum ignorantia non est magnum hominis malum, imò aliquando bona. Parte II. pag. 199, nu. 8, & 9.

Error plerumque deterior est ignorantia. Parte II. pag. 200, num. 12.

Aliquando error est minus malum intellectus, quam omnimoda ignorantia. Parte II. pag. 200, nu. 13.

An ignorantia sit bellorum causa, Parte II. pag. 204, num. 23, & 25.

An necesse fuerit ignorantias & errores à Deo prohiberi. Parte II. pag. 205, num. 1, & seq.

Plena ignorantia nulla lege potest prohiberi, Parte II. pag. 205, num. 2.

Aliqua ignorantia & error potest prohiberi, Parte II. pag. 206, num. 5, & seq.

Moraliter necessarium fuit ut Deus homini lapsio ignorantias aliquas & errores prohiberet. Parte II. pag. 206, num. 8, & seq.

Ignorantia & error sunt peccata quando prohibentur. Parte II. pag. 210, num. 2.

Ignorantia sumit suam malitiam à negligentia per quam incurritur. Parte II. pag. 210, num. 3.

Ignorantia & error post diligens examen in rebus incertis non est peccatum, Parte II. pag. 211, num. 5.

Plena legis ignorantia non est peccatum contra illam legem. Parte II. pag. 210, nu. 4.

Ignorantia multorum de fide non est peccatum, Parte II. pag. 214, num. 16.

Prohibita jure naturæ raro ignorantur invincibiliter. Parte II. pag. 215, num. 17.

Major Catholicorum damnatorum pars non perit ob peccata ignorantiz. Parte II. pag. 216, num. 24.

Varii modi peccandi ex ignorantia assignantur, Parte II. pag. 217, num. 26, & seq.

Quo sensu Pelagiani negantes peccata ignorantiz à SS. Patribus damnati sunt. Parte II. pag. 226, num. 38.

Quid requiritur ut ignorantia & opus ab ignorantia causatum & sit & dicatur voluntarium ac liberum, Parte II. pag. 247, num. 1, & seq. per multa.

Quomodo ignorantia possit esse voluntaria, Parte II. pag. 249, num. 13.

Quid requiritur ad ignorantiz impeccabilitatem, malorumque inde ortorum, Parte II. pag. 250, num. 18.

Peccari potest in opere procedente ex ignorantia culpabili, licet nulla subsit mali in illo opere suspicio. Parte II. pag. 256, num. 44.

Quznam sint peccata puræ ignorantiz, Parte II. pag. 256, num. 46.

An ignorans sit necessitatus ad peccandum, Parte II. pag. 260, num. 1, & seq.

An ignorans habeat instantaneam libertatem non peccandi. Ibidem.

Quæ diligentia requiritur, ut ignorantia sit invincibilis. Parte II. pag. 264, num. 1, & seq. per multa.

Diligentia Sanctorum minus rectè assignatur pro regula ad ignorantiam invincibilem dignoscendam. Parte II. pag. 264, nu. 3, & seq.

Quæ ignorantia invincibilis, quæ vincibilis? Parte II. pag. 266, num. 15.

Regulæ ad dignoscendam diligentiam, quæ requiritur ut ignorantia sit invincibilis. Parte II. pag. 267, num. 18, & seq.

Aliud est veritatem aliquam esse invincibilem, aliud invincibiliter ignorari. Parte II. pag. 270, num. 40.

Quomodo dignosci possit an debita diligentia requisita ad ignorantiam invincibilem sit adhibita, Parte II. pag. 271, num. 45.

Luculentissimum ignorantiz invincibilis indicium circa rem ullam est summorum Doctorum dissensio circa eandem. Parte II. pag. 275, num. 71.

INADVERTENTIA, V. ADVERTENTIA.

INFALLIBILITAS.

Infalibilitas absoluta non requiritur ad oves Christi pascendas. Parte I. pag. 138, num. 18.

Cur Summus Pontifex debuit esse infallibilis, Parte I. pag. 139, num. 23.

INTELLECTUS.

An intellectus opinari possit æquè ac minùs probabilia: & quis sit status hujus quæstionis, Parte I. pag. 274, num. 1, & seq.

Solvuntur Objectiones. Parte I. pag. 276, num. 13, & seq. per multa.

An subjectio intellectus ad voluntatem probeat assensum æquè aut minùs probabilium esse probabilem. Parte I. pag. 283, num. 1, & seq.

Solvuntur Objectiones. Parte I. pag. 283, num. 4, & seq.

Intellectus determinari potest à voluntate, sicut voluntas à seipsa. Parte I. pag. 286, nu. 17.

JUDEX.

Regula judicis non est ipsum verum de quo litigatur, quæ ergo? Parte I. pag. 187, num. 16, & seq.

Judex ritè fungitur officio, etsi frequenter erret. Parte I. pag. 187, num. 18.

Judex litem terminans non declarat auctores partis contrariæ non dixisse rectè. Parte I. pag. 101, num. 17, & 18.

Quomodo respondendum est Judici legitime interroganti. Parte I. pag. 210, nu. 24, & 25.

Judex certior est se non peccare ferendo sententiam, quam se non errare in sententia ferenda, Parte II. pag. 13, num. 14.

Judex certus est de probabilitate suæ sententiz, sed non de ejusdem veritate. Parte II. pag. 14, num. 18.

Judex prudenter judicat etiam quando à testibus deceptus errat in suo judicio, Parte II. pag. 25, num. 28.

In quo sensu Judex suam sententiam sequi tenetur. Parte II. pag. 98, num. 35.

JUDICIUM.

Judicia temerè concepta non sunt recta morum regula. Parte I. pag. 2, num. 3.

Judicia sine temeritate elicit sunt recta morum regula. Parte I. pag. 2, num. 4, & 5.

Homo scire potest se prudenter judicare in incertis. Parte I. pag. 28, num. 82.

Apparentia major consequens judicium non tollit probabilitatem judicis. Parte I. pag. 18, num. 87.

Judicium invincibiliter erroneum est ratio recta. Parte I. pag. 65, num. 40.

Judicia differri donec veritas certa innotescat, fini judiciorum repugnat. Parte I. pag. 188, num. 21.

Quod-

R E R V M.

Quodnam sit iudicium prudens? Parte **L** pag. **119**, num. **4**.

Judicium prudens est recta ratio. Parte **L** pag. **119**, num. **5**.

Omne iudicium certò probabile est actus imperatus. Parte **II**, pag. **18**, num. **14**.

Omne iudicium probabile in communi significatione terminorum strictè loquendo prudenter elicitur. Parte **II**, pag. **18**, num. **15**, & seq.

Nullum iudicium probabile est temerarium, Parte **II**, pag. **19**, num. **16**.

Actuale iudicium probabile est sufficiens regula formalis humanorum actuum. Parte **II**, pag. **107**, num. **2**.

JUS CANONICUM.

Obiectio Celladei ex jure Canonico desumpta circa obligationem sequendi semper tutiorem partem in omni dubio solvitur. Parte **II**, pag. **150**, num. **60**, & seq. per multa.

J U S T I T I A.

In materia iustitiæ non semper tenemur ad probabiliora. Parte **L** pag. **190**, num. **16**.

L

L E G I S - L A T O R.

L E G I S - L A T O R humanus potest obligare singulos per privatam notitiam legis. Parte **II**, pag. **55**, num. **53**.

L E X.

Lex probabiliter non existens non est sufficienter promulgata. Parte **L** pag. **19**, num. **45**, & seq.

Solvuntur Objectiones. Parte **L** pag. **19**, num. **46**, & seq.

Non datur certa Lex reflexa vetantis usum minus probabilium. Parte **L** pag. **21**, num. **56**.

Lex incerta nunquam obligat. Parte **L** pag. **23**, num. **66**.

Nec dubia, nec par apparentia pro utraque parte probat legem. Parte **L** pag. **24**, nu. **69**, & **70**. Sæpè est in potestate nostra impedire quò minus nos Lex obliget. Parte **L** pag. **24**, num. **7**.

Onus Legis esset intolerabile si usus probabilium non esset licitus. Parte **L** pag. **38**, nu. **128**, & seq.

Solvuntur Objectiones. Parte **L** pag. **39**, num. **131**, & seq.

Probabilitas non-legis connectitur cum invincibili Legis ignorantia. Parte **L** pag. **40**, nu. **138**, & seq.

Solvuntur Objectiones. Parte **L** pag. **41**, num. **141**, & seq.

Qui operatur contra Conscientiam sæpè non violat legem affirmatam. Parte **L** pag. **42**, num. **144**, & seq.

Quomodo est gravis peccatoribus & homini inferiori. Parte **L** pag. **102**, num. **50**, & seq.

Lex Christi per se loquendo est onus leve fidelibus piè viventibus. Parte **L** pag. **102**, num. **91**, & **11**.

Lex Christi simpliciter loquendo est levis omnibus fidelibus eam acceptantibus. Parte **L** pag. **104**, num. **14**, & **15**.

R. P. A. Terilli, Regula Morum. Pars. II.

Doctores suis interpretationibus reddere possunt Legem importabilem. Parte **L** pag. **106**, num. **12**.

Lex Christi graviòr est nunc quàm fuit in initio Ecclesiæ. Parte **L** pag. **106**, num. **24**.

Lex quævis ex defectu promulgationis non obligat, de qua probabile est quòd non existat. Parte **II**, pag. **43**, num. **1**, & seq.

Solvuntur Objectiones. Parte **II**, pag. **44**, num. **7**, & seq.

Si probabilitas sufficeret ad promulgationem legis, leges contrariæ essent simul promulgatæ. Parte **II**, pag. **43**, num. **5**.

Lex non acceptata plus valet ad obligandum quàm lex non promulgata. Parte **II**, pag. **47**, num. **16**.

Lex divina obligat ut acceptetur, & obligat quamvis non acceptetur. Ibidem.

Quomodo lex humana obligationem inducit ut acceptetur, & quomodo desinit per non acceptationem. Parte **II**, pag. **47**, num. **17**.

Potestas civilis minor est quàm Ecclesiasticam ordine ad obligandum ut lex acceptetur. Ibidem.

Promulgatio legis multatariam sumitur. Parte **II**, pag. **51**, num. **42**.

Lex non sufficienter promulgatur ei qui eam invincibiliter ignorat. Parte **II** pag. **53**, nu. **45**.

Leges probabiliter non existentes non sunt sufficienter promulgatæ. Parte **II**, pag. **54**, num. **46**.

Alia multa discutuntur de promulgatione legis. Parte **II**, pag. **53**, num. **45**, & seq.

Exacta mensura magni & parvi excusantis ab observatione legum periculosè & difficulter determinatur. Parte **II**, pag. **186**, num. **17**.

Peccatum legis exorbitantis est multiplex. Parte **II**, pag. **194**, num. **18**.

Lex aliquando peccat, etsi facere juxta verba legis non sit peccatum. Parte **II**, pag. **195**, nu. **20**.

Prima notitia legis in pueris non oritur ab obligatione legis. Parte **II**, pag. **209**, num. **17**.

Leges non sunt frustra quamvis aliquando impune ignorentur. Parte **II**, pag. **209**, num. **19**.

Quando legis ignorantia est vincibilis, quando invincibilis. Parte **II**, pag. **235**, num. **20**.

L I B E R I.

Liberi honestè obtemperant parentibus tantum existimatis. Parte **L** pag. **60**, num. **24**.

Liberi obtemperantes parentibus putativis implent legem naturæ. Parte **L** pag. **66**, à nu. **45**, usque ad **73**.

LIBERUM. LIBERTAS.

Nil simpliciter malum moraliter, nisi liberum simpliciter. Parte **II**, pag. **161**, num. **12**.

Nullibi nova imputabilitas peccati sine novo libertatis exercitio. Ibidem.

L I S.

Discutuntur multa de Lite intellectuali. Parte **L** pag. **199**, num. **13**, & seq.

Aliquando justè litiganti justè restituitur, & quando. Parte **L** pag. **199**, num. **12**.

L U T H E R U S.

Quomodo peccare potuerit Lutherus contra fidem post omnem Conscientiæ vermem extinctum uti ipsemet jactitabat. Parte **II**, pag. **238**, n. **34**.

INDEX

M.

M A L U M.

SUNT aliqua mala invariabiliter talia. Parte II. pag. 36, num. 61.

M E D I N A.

Bartholomeus Medina an primus qui inixerit, opinionem docentem usum minus probabilium contra probabiliora esse licitum. Parte I. pag. 31, num. 95. Item pag. 34, num. 108.

M O R A L E.

Singularitas in rebus moralibus vehementem falsitatis presumptionem fundat. Parte I. pag. 128, num. 2, & seq.

Quis sit finis Conscientiæ moralis? & obiectio inde petita solvitur. Parte I. pag. 140, num. 28, & seq.

Pro moralibus datur Iudex inappellabilis, & infallibilis. Parte I. pag. 200, num. 16.

Moralium dubiorum solutio est periculosa, & quare? Parte I. pag. 270, num. 88.

Judicium prudentium est optima regula dignoscendi magnum & parvum in re morali. Parte II. pag. 188, num. 28.

M O R E S.

An eadem sit ratio sectandi probabilia in materia morum ac in materia fidei. Parte I. pag. 124, num. 1, & seq.

Solvuntur Objectiones. parte I. pag. 135, num. 7, & seq.

Materia morum est in multiplici differentia. Parte I. pag. 127, num. 14.

Paritas inter materiam fidei & morum declaratur. Parte I. pag. 128, num. 15.

Morum rectitudo alia adæquata alia inadæquata. Parte I. pag. 141, numero 33.

M O T I V U M.

Motivum probabile idem est ac motivum grave sed incertum. Parte I. pag. 212, num. 2, & seq. per multa.

Solvuntur objectiones. Parte I. pag. 213, num. 9, & seq.

Motiva contraria opinioni creditæ veræ, notabiliter sollicitat ad assensum contrarium. Parte I. pag. 256, num. 20.

Natura motivi infallibilis ejusque influxus in assensum explicatur. Parte I. pag. 299, nu. 13.

An sit perinde habere duo motiva æqualia ac nullum motivum. Parte I. pag. 325, num. 34.

Motivum probabile reddit pleraque evidentia, Parte I. pag. 328, num. 57.

Ratio motivi probabilis consistit in vi stimulandi intellectum. Parte I. pag. 329, num. 56.

Quid sit motivum intellectus, & ex quibus partibus componatur. Parte I. pag. 329, num. 58, & seq.

Motivum grave, magnum, prudens &c. quid? Parte I. pag. 332, num. 71.

Exacta definitio motivi extrinsecè probabilis, Parte I. pag. 334, num. 12.

Æqualia motiva pro utraque parte contradi-

ctionis esse possunt probabilia. Parte II. pag. 137, num. 10.

Quid & quotuplex sit motivorum elisio, item quæ motiva elidunt, & quæ eliduntur. Parte II. pag. 130, num. 21.

N.

N A T U R A.

VNIVERSALIA ad jus naturæ spectantia à diligentiam adhibentibus non ignorantur. Parte I. pag. 30, num. 92.

Solvuntur objectiones, Parte I. pag. 31, n. 93, & seq.

Opiniones communes de non lege frequentius veræ sunt quàm falsæ in jure naturali. Parte I. pag. 31, num. 97, & seq.

Homo lapsus facilius invincibiliter fingit legem, quàm veram legem naturæ invincibiliter ignorat. Parte I. pag. 32, num. 101.

O.

O B E D I E N T I A.

OBEDIENDUM est etsi rei præceptæ inhonestas apparet probabilior. Parte I. pag. 38, num. 125.

Multa discutiuntur de obedientia in positiviis & negativis. Parte II. pag. 72, num. 17, & seq.

Celladei doctrina de obediendi obligatione proponitur & refutatur. Parte II. pag. 86, num. 75, & seq.

O B J E C T U M.

Objecta intrinsecè mala aliquando evadunt bona. Parte I. pag. 70, num. 60.

O B L I G A T I O.

Obligatio dubia prudenter rejicitur. Parte I. pag. 22, num. 60, & 61.

Solvuntur Objectiones. Parte I. pag. 23, nu. 62, & seq.

Obligari ad partem tutiorem in omnibus est onus importabile. Parte I. pag. 107, nu. 27, & seq. Item pag. 109, num. 33, & seq.

Solvuntur Objectiones. Parte I. pag. 108, num. 30, & seq.

An & quomodo in potestate nostra sit minuere obligationes. Parte I. pag. 113, num. 58. Item pag. 114, num. 61.

Minuere obligationes non faciliat sed diffultat onus legis Evangelicæ contra Celladeum. Parte I. pag. 115, num. 68, & seq.

O N U S.

Deus lege ordinaria non auget vires quando onera indebitè augmentur à superioribus vel doctoribus. Parte I. pag. 109, num. 32.

O P I N I O , O P I N A R I.

An opinio possit pro arbitrio & faciliè mutari, Parte I. pag. 280, num. 37, & seq.

Quid sit opinari, & quæ natura opinionis. Parte I. pag. 297, num. 1, & seq.

Aa

An possimus solum probabiliter opinari probabilia. Parte I. pag. 287, num. 1, & seq.

Solvuntur Objectiones. Parte I. pag. 288, n. 6, & seq.

An & qualiter opinari sit nobis liberum? Parte I. pag. 291, num. 1, & seq.

Omnis opinio est Judicium formidolosum. Parte I. pag. 298, num. 9, & seq.

Multa discutiuntur de formidine opinionis. Parte I. pag. 298, n. 9, & seq. Item pag. 301, n. 28, & 29.

Qui scit, dicit rem esse: qui opinatur, dicit rem videri esse. Parte I. pag. 300, num. 18.

An opinabile reducatur ad possibile an impossibile. Parte I. pag. 302, num. 32.

An ex natura opinionis sequatur usum æquæ aut minus probabilem esse licitum. Parte I. pag. 305, num. 1, & seq.

Singularis opinio an & quando præferenda sit communi. Parte I. pag. 341, num. 42.

Omnes opiniones communes, sunt certò probabiles. Parte I. pag. 342, num. 46.

OPINIO PROBABILIS. vide PROBABLE.

Quid requiratur ad constituendam opinionem practicè probabilem. Parte I. pag. 3, num. 7.

Opinio probabilis diversimodè sumitur. Parte I. pag. 3, num. 11.

Adversariorum error non rectè intelligentium quid sit opinio probabilis. Parte I. pag. 4, nu. 42.

Quid verè intelligatur per opinionem probabilem. Parte I. pag. 4, num. 13.

Ad quid tenentur oppugnantes hanc opinionem. Parte I. pag. 4, num. 14.

An sit licitum sequi opinionem probabilem. Parte I. pag. 9, num. 2, & seq.

Nemo in vero ac proprio sensu opinionem probabilem impugnavit. Parte I. pag. 11, nu. 15, & 16.

Opinio minus probabilis rectè intellecta est regula morum. Parte I. pag. 12, num. 17, 18, & seq.

Defenditur contra varias replicas cujusdam recentioris Theologi. Parte I. à pag. 13, usque ad 52.

Varie Authoris rationes pro eadem opinione impugnatz & defensæ. Ibidem.

Sequentes bonâ fide opinionem directè minus probabilem non peccant. Parte I. pag. 13, nu. 20, & seq.

Solvuntur objectiones. Parte I. pag. 13, nu. 23, & seq.

Quævis opinio probabilis in materia fidei licitè eligitur. Parte I. pag. 16, num. 35.

Solvuntur Objectiones Parte I. pag. 17, nu. 36, & seq.

An & quomodò assentiri possimus minus probabilibus. Parte I. pag. 17, num. 38, & 39.

Intellectus prudenter selecti potest ad assentiendum sententiæ minus probabili. Parte I. pag. 26, num. 75, & 79.

Solvuntur Objectiones. Parte I. pag. 26, n. 76, & seq.

Jus conforme opinioni probabili est licitum, Parte I. pag. 29, num. 84.

Solvuntur Objectiones. Parte I. pag. 29, nu. 85, & seq.

Operari secundum magis & minus probabile non differunt specie. Parte I. pag. 35, num. 113, & 115.

Solvuntur Objectiones. Parte I. pag. 35, n. 114, & seq.

Magis & minus probabile se habent ut magis & minus honestum. Parte I. pag. 36, n. 116, & seq.

Solvuntur Objectiones. Parte I. pag. 37, num. 119, & seq.

Opinio probabilis inspecta Auctoritate est moraliter certa. Parte I. pag. 49, num. 181, & 182.

Ufus ex opinione probabili vitam regulandi inter maximè peritos ac probos fuit antiquissimus. Parte I. pag. 129, num. 6, & seq.

An licitum sit oppugnare opinionem, quam quis tutam esse existimat. Parte I. pag. 178, n. 1, & seq.

Solvuntur Objectiones. Parte I. pag. 180, num. 10, & seq.

Opinio probabilis tripliciter sumitur. Parte I. pag. 221, num. 13.

Non omnis opinio communior est probabilior, Parte I. pag. 242, num. 36.

In quo sensu usus opinionis æquæ probabilis sit licitus & quomodò licet sequi opinionem quæ agnoscitur minus probabilis. Parte I. pag. 306, num. 6, & 7.

Qui opinionem probabilem impugnarunt decepti fuerunt in intelligendo sensu quæstionis. Parte I. pag. 336, num. 18.

Opinio certò practicè probabilis est regula congrua actionum humanarum. Parte II. pag. 2, n. 3, & seq.

Onus opinionis probabilis quomodò intelligatur, & quomodò urgeat. Parte II. pag. 8, num. 33.

An qui sequitur opinionem certò probabilem formare possit conscientiam certam & evidentem quod non peccet. Parte II. pag. 10, n. 1, & seq.

Solvuntur Objectiones. parte II. pag. 11, n. 2, & seq.

Maximi Doctoris opinio est probabilis, donec exceptio sufficienter feratur contra illum. Parte II. pag. 13, num. 20.

OPINIO PROPRIA.

Verùm in probabilibus agere & consulere contra propriam opinionem verificet contradictoria, Parte I. pag. 205, num. 1, & seq.

An & quomodò liceat agere & consulere contra propriam opinionem. Ibidem per multa.

Homo multipliciter operari & consulere potest contra propriam opinionem. Parte II. pag. 68, num. 2, & seq. per multa.

An & quomodò liceat obedire contra propriam opinionem distantem rem præceptam esse peccatum. Parte II. pag. 80, num. 52, & seq.

ORATIO.

Aliqua ad Orationem pertinentia discutiuntur, parte I. pag. 120, num. 93, & seq.

ORDO PRÆDICATORUM.

Quis sit sensus Ordinis Prædicatorum circa probabilem usum. parte I. pag. 99, num. 25.

P.

PAROCHUS.

PUERI an & quando peccent si à Parocho decipiantur. parte II pag. 214, num. 15.

Quæritur an rudes peccent contra fidem quando credunt parocho errores docenti. parte II. pag. 236, num. 26, & seq.

PASTOR.

Quid agendum quando rudes de sui Pastoris sufficientia dubitant. parte I. pag. 162, num. 4.

I N D E X

S. PAULUS.

Quo sensu S. Paulus dixit: *Nihil mihi conscius sum* &c. parte II. pag. 231, num. 72.

PECCATUM, PECCARE.

Multa pericula probabilia peccandi formaliter non sunt prohibita. parte I. pag. 45, n. 160, & seq.

Solvuntur Objectiones. Parte I. pag. 46, num. 165, & seq.

Operari cum potentia judicandi rem esse malam non semper est peccatum. parte I. pag. 46, n. 167.

Vitatio peccati formalis certius innotescit, quam vitatio peccati materialis. parte II. pag. 10, nu. 5.

Non est certus de gratia Dei, qui certus est se non peccare in aliquo actu. parte II. pag. 19, n. 41.

Incertitudo statûs quoad gratiam est utilis; sed incertitudo non peccandi nocet. parte II. pag. 20, num. 46.

Unde oritur, ut peccatum esse possit occultum, parte II. pag. 20, num. 47.

An & quomodo sit certus de non peccato, qui tentationem superat. parte II. pag. 23, num. 62.

Homines sæpè certiores sunt se non peccare formaliter, quam se non peccare materialiter. parte II. pag. 38, num. 2, & seq.

Solvuntur Objectiones. parte II. pag. 39, num. 7, & seq.

Multa discutiuntur de peccato materiali. parte II. pag. 51, num. 38, & seq.

Aliquando Deus habet voluntatem excusantem à peccato in rebus per se malis. parte II. pag. 85, n. 69.

Discutiuntur quædam de obligatione confitendi peccata dubia. parte II. pag. 132, num. 32, & seq.

An ille aliquando peccet qui putat se obsequium præstare Deo. parte II. pag. 232, num. 1, & seq. per multa.

Peccata externa malitiam moralem non habent distinctam ab internis. parte II. pag. 263, num. 12.

PELAGIANI.

Quo sensu Pelagiani negantes peccata ignorantiz à SS. Patribus damnati sunt. parte II. pag. 126, n. 38.

PERICULA.

Non tenemur vitare pericula remota. parte II. pag. 23, num. 69.

PŒNITENS.

Pœnitens qui sequitur benignam sententiam absolvendus est contra opinionem Confessarii. parte II. pag. 90, n. 4. Item pag. 102, n. 48, & 49.

Opinio Confessarii non obligat pœnitentem qui sequitur opinionem contrariam. parte II. pag. 93, num. 17.

Pœnitens non est Judex sui, sed merus minister Confessarii. parte II. pag. 96, num. 28.

Pœnitens moribundus absolvendus est, etiam quando dubitatur an sit benè dispositus. parte II. pag. 104, num. 54.

PŒNITENTIA.

Accedentes ad Sacramentum Pœnitentiæ certi esse possunt se non peccare accedendo. parte II. pag. 21, num. 50.

PONTIFEX ROMANUS.

Pontificum Romanorum praxis & decreta apertissime favent benignæ sententiæ. parte I. pag. 92, à num. 1, ad 14.

Solvuntur Objectiones. parte I. pag. 96, n. 15, & seq.

Celladeus non satisfacit argumento in Pontificum exemplis fundato. parte I. pag. 134, n. 2, & seq.

Pontifex aliquando resolvit casum pro utraque parte. parte I. pag. 144, num. 43.

Agitur de obligatione Summi Pontificis circa censuram opinionum nascentium. parte I. pag. 145, num. 50, & seq.

POSSESSIO, POSSESSOR.

Titulus possessionis convincit usum minùs probabilium esse licitum. parte I. pag. 34, nu. 109, & seq.

Possessor bonæ fidei omnibus præfertur in dubio. parte II. pag. 169, n. 2, & 3, per multa.

Possessio bonæ fidei non solvit dubium de dominio rei. parte II. pag. 172, num. 15, & seq.

Possessio juvat ad novum jus acquirendum, sed non ad probandum jus antecedens. parte II. pag. 173, num. 21, & 23.

In aliis materiis præter justitiam conditio possidentis locum habet. parte II. pag. 176, num. 1, & seq. per multa.

Magnitudo juris possessoris quanta sit. parte II. pag. 177, num. 7.

Possessio dat titulum agendi contra legem Dei. parte II. pag. 181, num. 22.

Judex in nulla materia condemnare potest ad cedendum possessioni in causa pari. parte II. pag. 177, num. 9.

P R Æ C E P T U M.

Præceptum humanum quomodo sit titulus certus dum versamur in incertis. Parte II. pag. 84, n. 65.

Præcepta aliqua obligant contra omnem difficultatem occurrentem. Parte II. pag. 183, num. 2.

Dantur præcepta à quorum obligatione gravis difficultas excusat. Parte II. pag. 183, num. 3, & seq. per multa.

P R Æ S U M P T I O.

Præsumptio prudens æquivallet judicio prudenti, parte I. pag. 47, num. 173.

PROBABLE, V. OPINIO PROBABILIS.

Qui sequitur minùs probabile prudenter operatur. parte I. pag. 47, n. 171. Item pag. 48, n. 176, & seq.

Solvuntur objectiones. parte I. pag. 47, num. 174, & seq.

Omne directè probabile practicè, est absolute probabilius opposito. parte I. pag. 50, nu. 183.

Solvuntur Objectiones. Parte I. pag. 51, num. 186, & seq.

Quatuor probabilium classes. Parte I. pag. 154, num. 3, & seq. & pag. 160, num. 23, & seq.

Non est communis opinio quod quodvis probabile sit regula morum. parte I. pag. 185, n. 12.

An usus probabilium contradictoriorum æquivalat sententiæ Heracliti, qui dixit utramque simul partem contradictionis esse veram. parte I. pag. 196, num. 1, & seq.

Utrum

R E R V M.

Utrum & in quo probabile benignæ sententiæ ab Academicorum probabili discrepet? parte I. pag. 223, num. 1. & seq.

Solvuntur Objectiones. parte I. pag. 224, num. 11, & seq.

Quid requiritur ut aliquid sit probabile. Parte I. pag. 223, num. 2, & seq.

Sola argumentorum solutio non reddit opinionem cui favet probabilem. parte I. pag. 250, n. 18, & seq.

Falsa sæpè sunt probabilia. parte I. pag. 252, num. 2.

Solvuntur Objectiones. parte I. pag. 252, num. 3, & seq.

Qui dicit probabiliter probabile, non dicit idem bis. parte I. pag. 290, num. 16.

Necessaria sunt tam probabilia quàm contingentia. parte I. pag. 318, num. 6, & 9.

Probabile non rectè definitur, quod ferè semper contingit. parte I. pag. 319, num. 10, & seq.

Motivum conclusionis probabilis non est necessariò universalis ipsâ conclusione. parte I. pag. 321, num. 20.

Quomodò utraque pars contradictionis sit simul probabilis eidem intellectui. parte I. pag. 323, num. 25, vide Contradictio.

Probabile non coincidit cum opinabili. parte I. pag. 324, num. 28.

Non omne quod apparet plerumque ita se habere est probabile quoad nos. parte I. pag. 326, n. 40.

Partes ex quibus probabile ab extrinseco componitur, earumque munus. parte I. pag. 335, n. 15.

PROBABLE PROBABILITAS.

Omnes rectè judicare possunt de probabilitate extrinseca. parte I. pag. 162, num. 3, & seq.

Quinam & quomodò de probabilitate judicare possint. parte I. pag. 165, num. 12.

Solvuntur Objectiones. parte I. pag. 165, num. 1, & seq.

Probabilitas opinionibus tribui solita est solida & benè fundata. parte I. pag. 241, num. 34.

Probabilitas definire potest, & modus quo definit explicatur. parte I. pag. 242, num. 1, & seq.

Mutatur regula quando probabilitas tollitur. parte I. pag. 243, num. 8.

Solvuntur Objectiones. parte I. pag. 243, num. 9, & seq.

An detur probabilitas purè negativa? & alia ejusmodi. parte I. pag. 246, num. 1, & seq.

Solvuntur Objectiones. parte I. pag. 247, num. 7, & seq.

Omne fundamentum non sufficit ad probabilitatem. parte I. pag. 251, num. 24.

Quid sit probabilitas extrinseca quoad se & quoad nos. parte I. pag. 264, num. 62.

Probabilitas probabilitatis explicatur sine processu in infinitum aut circulo vitioso. parte I. pag. 289, num. 14.

An & quomodò probabilitas connectitur cum veritate. parte I. pag. 311, n. 1, & seq. per multa.

An probabilitas Conscientiæ à nobis asserta æqualiter se habeat ad verum & ad falsum. parte I. pag. 311, num. 1, & seq. per multa.

Ad probabilitatem in particulari quid requiratur. parte I. pag. 311, num. 2.

Quenam sit exacta definitio probabilitatis. parte I. pag. 318, n. 1, & seq. Item pag. 330, n. 64.

An probabilitas rectè explicetur per motivum & judicium prudens, & per Auctores prudentes, parte I. pag. 219, num. 1, & seq.

Solvuntur Objectiones. Parte I. pag. 220, num. 9, & seq.

An vera probabilitas dari possit contra certum & evidens. Parte I. pag. 234, n. 1, & seq.

Solvuntur Objectiones. Parte I. pag. 235, num. 7, & seq.

Requisita ad probabilitatem explicantur. Parte I. pag. 235, num. 5.

Probabilitas non est impunitas seu actualis immunitas à censura. parte I. pag. 239, num. 23.

Probabilitatis definitio à Celladeo tradita falsitatis convincitur. parte I. pag. 322, num. 23.

Probabilitas consistit in representatione objecti quod est probabile. parte I. pag. 330, n. 62.

Probabilitas unde innotescat. Parte I. pag. 331, num. 67.

In quo consistat probabilitas extrinseca. Parte I. pag. 332, num. 1, & seq. per multa.

Aliqua aguntur de probabilitatis variatione; Parte I. pag. 342, num. 47, & seq.

An probabile aliàs explicatum sufficiat pro regulanda Conscientiæ. Parte II. pag. 1, num. 1, & seq.

Probabilitas sufficit in rebus humanis magni momenti. Parte II. pag. 2, num. 1.

An prudentia reperiatur in probabilibus. Parte II. pag. 24, num. 1, & seq.

In probabilibus certitudo prudentiæ sumitur à principiis reflexis. Parte II. pag. 26, num. 13.

Utrum reflexè verum sit quod omne probabile sit licitum. Parte II. pag. 57, n. 1, & seq. per multa.

Discutitur veritas hujus syllogismi: *Omne probabile est licitum, hoc est probabile, ergo hoc est licitum*, Parte II. pag. 57, num. 1, & seq. per multa.

Probabilitas reflexa sæpè major est directæ. Parte II. pag. 61, num. 19.

Quando probabilitas agnita ut minor sit & effectus possit regula actûs humani? Parte II. pag. 168, num. 6, & 8.

Qui utramque partem æquè probabilem reputat, neutri assentiri potest. Parte II. pag. 125, num. 2.

Quo sensu cuique sequendum est quod probabilis. Parte II. pag. 170, num. 38.

P R U D E N T I A.

Multa discutiuntur de prudentia. Parte II. pag. 24, num. 1, & seq. per multa.

Magnum datur discrimen inter actus quos prudentes nominamus, & quomodò dividuntur in verum & falsum. Parte II. pag. 30, num. 33, & 34.

Quando versatur circa bonum existimatum nunquam errat. Parte II. pag. 36, num. 59.

R.

R A T I O.

ÆQUALIS Rationes contrariæ non sunt si cut nullæ rationes. Parte I. pag. 278, n. 25.

R E G U L A.

Quid intelligitur per rectam morum regulam, Parte I. pag. 2, num. 2, & seq.

R E G U L A J U R I S.

Quomodò regulæ de tutiori, de reo, & de interpretando dubio in meliorem partem inter se concordent. Parte II. pag. 160, num. 1, & seq. Item pag. 165, num. 25, & seq.

R E L L.

INDEX

RELIGIOSI

Ex quo capite facilitas Religioforum provenit, parte I. pag. 118, num. 85.

Religioforum obedientia ostenditur. parte II. pag. 75, num. 30, & seq. per multa.

Circa Religioforum obedientia defenditur. parte II. pag. 76, num. 36, & seq.

Solvuntur Objectiones. Parte II. pag. 78, num. 45, & seq.

REVISOR.

Errores Celladei circa Revisorum obligationem, parte I. pag. 244, num. 12, & seq.

Ordinariz Revisorum approbationes multum conferunt ad probabilitatem opinionis quæ in libro continetur. parte I. pag. 244, num. 12.

Possunt approbare probabilia ab ipsis pro falsis habita. Parte II. pag. 244, num. 15.

S.

SACRAMENTUM.

INFRUCTUOSA dispositio ad effectum Sacramenti non infert peccatum in suscipiente. parte II. pag. 21, num. 51.

SANCTI.

Sancti merito petunt veniam delictorum occultorum. parte II. pag. 219, num. 37.

SENTENTIA BENIGNA. vide OPINIO PROBABILIS.

Quid intelligitur per benignam sententiam. parte I. pag. 5, num. 16.

Probatum ab auctoritate. parte I. pag. 49, num. 181, & 182.

Est certè probabilior opinione rigida. parte I. pag. 52, num. 190.

Consistit in tribus judiciis. parte I. pag. 53, num. 195, & seq.

A nemine fuit hæcenus oppugnata in proprio sensu. parte I. pag. 54, num. 198, & seq.

Utile est imperiioribus eam sequi, ex mente Aug. parte I. pag. 84, num. 11.

Falsa & incongrua contra illam objicit Celladeus, parte I. pag. 86, à num. 1, ad 28.

Utrum ex eo quod semper ejus usus vigerit in Ecclesia colligatur eam esse veram. parte I. pag. 128, num. 1, & seq.

An ex ea sequatur suam cuique existimationem esse sufficientem Conscientiæ regulam. parte I. pag. 131, num. 1, non sequitur. ibid. num. 2.

Solvuntur Objectiones. Parte I. pag. 132, n. 3, & seq.

An ea cuilibet auctori gravi tribuat auctoritatem æqualem auctoritati Rom. Pontificis aut Con. Gen. parte I. pag. 134, num. 1.

Absurda Celladei illatio circa hoc. parte I. pag. 135, num. 8, & seq.

Solvuntur Objectiones. parte I. pag. 136, num. 12, & seq.

An verè sit & merito inimpugnabilis. Parte I. pag. 148, à num. 1, ad 13.

Solvuntur Objectiones. parte I. pag. 151, num. 13, & seq.

An si concedatur esse vera, sit utilis ad Conscientiam in particulari licetè formandam. parte I. pag. 154, num. 1, & seq.

Solvuntur Objectiones. parte I. à pag. 155, num. 8, ad pag. 161.

Benigna sententia tradens usum opinionum probabilium nullam patitur limitationem. parte I. pag. 183, num. 1, & seq.

Exceptiones de Judice, Medico, Ministro Sacramentorum, præcedentem veritatem non tangunt, parte I. pag. 184, num. 4, & seq. & pag. 186, n. 12.

Solvuntur objectiones. parte I. pag. 186, n. 15, & seq.

Aliz Objectiones solvuntur. parte I. pag. 189, num. 23, & seq.

An reddat justum omne bellum. parte I. pag. 192, num. 35, & seq.

Regula quam proponit, est non solum quoad nos, sed etiam quoad se indefectibilis. parte I. pag. 316, num. 25.

Regula prædicta non subest periculo violandi legem ullam verè obligantem. parte I. pag. 317, num. 28.

Qui eam impugnarunt, decepti fuerunt in intelligendo sensu questionis. parte I. pag. 336, n. 18.

Post controversiam de illa ortam plures pro nobis quàm contra nos scripserunt. parte I. pag. 336, n. 20.

Stabilitur ex doctrina de testibus. parte I. pag. 337, num. 27, & seq. per multa.

Admissa Celladei doctrina, quæst. 59. offer. L. positâ, benigna Sententia est recta Conscientiæ regula. parte II. pag. 7, num. 27.

Auctores benignæ Sententiæ omnem suam obligationem haud dubiè impleverunt. parte II. pag. 27, num. 34.

Regula quam sequimur juxta præscriptum benignæ sententiæ nunquam à vero discordat. parte II. pag. 141, num. 13.

SENTENTIA RIGIDA.

Quid sit? parte I. pag. 5, num. 16.

Ex mente Alex. VII. est intolerabilis. parte I. pag. 97, num. 20, & 21.

An repugnet illis verbis S. Scrip. *Jugum meum suave est. Mat. 11.* parte I. pag. 101, num. 1, & seq. Item pag. 111, num. 43, & seq.

Nonnulla ejus onera & inconvenientia proponuntur. parte I. pag. 109, num. 33, & seq.

Repugnat his verbis Joan. 4. *mandata ejus gravia non sunt.* parte I. pag. 111, nu. 43, & seq.

Item pag. 112, num. 51, & seq.

Saluti animarum est noxia. parte I. pag. 122, num. 1, & seq.

Solvuntur Objectiones. Ibid.

SOCIETAS JESU.

Sensus Societatis, & R. P. Muri Vitel. Celladeo contrariatur. parte I. pag. 99, num. 16.

SOPHISMA.

Multa discutuntur de natura Sophismatum, parte I. pag. 230, num. 31, & seq.

In quo discrepat Sophista à Sapiente. Ibid.

Non omne falsum est sophisma. parte I. pag. 231, num. 38.

SUBDITUS.

Subditus licetè obedit superiori præcipienti minus

R E R V M.

minus probabilis. Parte I. pag. 37, n. 121.
Solvuntur Objectiones. Parte I. pag. 38, num. 123, & seq.
Subditus licet bellat si non constat bellum esse injustum. Parte I. pag. 60, num. 25.
Subditus certus est se non peccare obediendo in re probabiliter licita. Parte II. pag. 15, num. 25.
Subditus sæpius tenetur obedire contra propriam opinionem. Parte II. pag. 69, nu. 9, & seq. per multa.
Quid requiritur & sufficit ut subditi licet bel- lent. Parte II. pag. 70, num. 11.
Quomodo subditis obediendum est in negativis & positivis. Parte II. pag. 72, n. 17, & seq.

S U M M I S T Æ , vide C A S U S.

Summistæ non sunt quales Celladeus eos depingit. Parte I. pag. 169, num. 26.
Sunt Auctores graves relatè ad id quod præstant. Parte I. pag. 218, num. 25.
Studia Summistarum contra Celladeum defen- duntur. Parte II. pag. 63, num. 1, & seq. per multa.

S U P E R B I A.

Quo sensu superbia dicatur occulta. Parte II. pag. 228, num. 52.
Differentia inter peccatum superbiæ & alia pec- cata. Parte II. pag. 228, num. 53.

S Y L L O G I S M U S.

Syllogismus probabilis est impossibilis in princi- piis Celladei. Parte I. pag. 329, num. 54.

T.

T H E O L O G U S.

TH E O L O G I cujusdam recentioris variz re- plicæ contra opinionem probabilem solutz. Parte I. à pag. 13, ad pag. 52.
Theologi antiqui & recentiores diversimodè tra- ctant opin. probabilem. Parte I. pag. 13, nu. 23.
Theologi antiqui re ipsa nobiscum sentiunt. Par- te I. pag. 33, num. 107.
Theologi omnes Celladeo contrariantur. Par- te I. pag. 64, num. 32.
Theologi munus periculosum est, & cur? Par- te I. pag. 82, num. 4.
Non tenetur resolvere quæstionem in favorem partis tutoris. Parte I. pag. 110, num. 39.
An Theologus inutiliter laboreat qui doctrinam suæ contradictoriam tutam putet. Parte I. pag. 171, à num. 1. ad 9.
Solvuntur Objectiones. Parte I. pag. 173, num. 9, & seq.
Resolutio Theologi est simpliciter necessaria. Parte I. pag. 174, num. 12, & seq.
Officium Theologi solventis quæstionem, in quo consistat. Parte I. pag. 270, num. 89.
Periculum Theologi casus solventis declaratur. Parte II. pag. 64, num. 7.

S. T H O M A S.

S. Thomas tenet voluntatem conscientiz invin- cibiliter erranti concordantem esse bonam. Par- te I. pag. 55, num. 2, & seq.

Solvuntur Objectiones. Parte I. pag. 56, num. 5, & seq.
An S. Thomas docuerit æqualitatem rationum ne- cessariò inferre dubitationem. parte II. pag. 116, num. 7.

T U T U M.

Utrum & quâ ratione pars tutor in dubiis sit eli- genda. Parte II. pag. 138, n. 1, & seq. per multa.
In dubio practico tutor pars sequenda est. Par- te II. pag. 138, num. 2.
Pars tutor non est tenenda in omni dubio non deposito. Parte II. pag. 149, num. 19.
Probatur & solvuntur Objectiones. Ibidem per plurima.

V.

V A C I L L A T I O.

VA C I L L A T I O animi in quo consistat. Par- te II. pag. 115, num. 13.

V A S Q U E Z.

Error Celladei circa mentem Vasquii refutatur. Parte I. pag. 156, num. 12 & seq.
Vasquez tenet rationem probabilem etsi falsam esse rationem rectam. Parte I. pag. 220, n. 7, & 8.
Mens Vasquii circa obligationem sequendi tu- tior partem in dubiis à Celladeo objecta expli- catur. Parte II. pag. 158, num. 91, & seq.

V E N A T O R.

An & quomodo venator emittere possit sagit- tam ad interficiendam feram, quando non est cer- tus, quod animal illud non sit homo. Parte II. pag. 4, num. 14, & seq.

V E R I T A S , V E R U M.

Omnes in rebus incertis tenentur eniti ad verita- tem ipsam cognoscendam. Parte I. pag. 171, n. 2.
Verum apparens contrariatur vero apparenti, sicut bonum bono. Parte I. pag. 182, num. 36.
Alia discutuntur de veritate. Parte II. pag. 105, num. 1.
Si veritas in omnibus pateret Lex Dei esset faci- lior quàm nunc est. Parte II. pag. 105, n. 2.
Plura præcepta definerent quàm inciperent si in omnibus veritas certò constaret. Parte II. pag. 105, num. 4.
Quando probabilitas est veritas quæsitæ, proba- bilitas sufficit, & non aliter. Parte II. pag. 106, num. 6.
An non-inventio veritatis satis solvat dubia Con- scientiz. Parte II. pag. 135, num. 1, & seq.

V I R T U S.

Medium virtutis quomodo inveniri possit. Par- te II. pag. 145, num. 35, & 44.

V O L U N T A S.

Voluntas conformis Conscientiz invincibiliter erranti est bona juxta S. Thomam. Parte I. pag. 55, num. 2, & seq.
Probatur ex S. Scrip. Parte I. pag. 58, n. 15, & seq.
Idem

INDEX RERV M.


Idem probatur ex SS. PP. Parte I. pag. 39.
num. 29. & seq.
Probatur ex jure Canonico & communi Aucto-
rum consensu. Parte I. pag. 63. num. 31. & seq.
Probatur ex multiplici ratione. Parte I. pag. 63.
num. 34. & seq.
Solvuntur Objectiones. Parte I. à pag. 66.
num. 49. ad pag. 73.
An voluntas sit immobilis inter bona æqualia.
Parte I. pag. 179. num. 30. & seq.
Objectum proprium voluntatis est bonum appa-
rens. Parte I. pag. 284. num. 10.

Quantum sit voluntatis imperium in Intellectum.
Parte I. pag. 186. num. 18.
Voluntas conformis errori invincibili recta est.
Parte II. pag. 38. num. 69.

VOTUM.

Ante votum nulla datur Lex obligans ad servan-
dum votum. Parte II. pag. 167. num. 34.
In dubio voti nemo tenetur ad votum. Parte II.
pag. 167. num. 35.

F I N I S.



LEODII,
EX OFFICINA TYPOGRAPHICA
JOANNIS MATHIÆ HOVII.
Superiorum permissu.

0-4

